











# SANCTI BERNARDI

ABBATIS CLARÆ-VALLENSIS

## OPERA OMNIA.



TOM. I ET II.

*Prostat etiam venale*

**VALENTIÆ,**

**APUD JAMONET, BIBLIOPOLAM.**

---

**S. GERMANI IN LAIA**  
**EXCUDEBAT BEAU, TYPOGRAPHUS,**  
Anno 1839.

LR  
B51867

SANCTI  
BERNARDI  
ABBATIS CLARÆ-VALLENSIS  
OPERA OMNIA

POST HORSTIUM DENUO RECOGNITA, REPURGATA,  
ET IN MELIOREM DIGESTA ORDINEM,  
NECNON NOVIS PREFATIONIBUS, ADMONITIONIBUS, NOTIS ET OBSERVATIONIBUS,  
INDICIBUSQUE COPIOSISSIMIS LOCUPLETATA ET ILLUSTRATA,

CURIS D. JOANNIS MABILLON,  
PRESBYTERI ET MONACHI BENEDICTINI E CONGREGATIONE S. MAURI.

---

Editio quarta, emendata et aucta.

---

VOLUMEN PRIMUM.

*Pars prior.*

PARISIIS,  
APUD GAUME FRATRES, BIBLIOPOLAS,  
VIA DICTA POT-DE-FER, N° 5.

—  
M DCCC XXXIX.

EX

230

En

1839

t 1-2

SANCTISSIMO PATRI

ALEXANDRO VIII

PONTIFICI MAXIMO.

Ad tuæ Sanctitatis vestigia, Beatissime Pater, venerabundi, at securi accedimus, quo tua non minus dignitas, quam dignatio nos vocat. Summus es, sed omnium Pater; idem ipse qui olim fuisti, natura facilis ac benignus adversus omnes, qualem nos nuper et verbis toties, et factis coram experti sumus Majestate itaque cedente, quidni cedat pudor, ut tantæ dignationis, atque ejus, qua nostram dudum Congregationem prosecutus es, benevolentiae memores, jucunda tui Pontificatus initia obsequiorum nostrorum publica professione celebremus? Et ecce nobis id animo agitantibus, ultro sese obtulit sanctus Bernardus, magnus ille abbas Claræ-Vallensis, qui festinantibus prelis quasi exaltationi tuæ præcurrens, in novam lucem sub tuæ Sanctitatis auspiciis prodire gestiebat. Quin etiam ille quondam honorum ac dignitatum osor, nunc summæ tuæ potestatis consortium ambit, non auctoritatem ut minuat tuam, sed ut fulciat, ut pastoralis regiminis curas et sollicitudines levet, ac sacræ doctrinæ ministerium in se suscipiat.

Neque vero est, Beatissime Pater, quod tam celebri et eximio Doctori vices suas committere vereatur Sanctitas tua. Nemo quippe illo melius de sancta apostolica Sede meruit, nemo rectius de ea sentit, nemo de summo Pontifice magnificentius loquitur. Te quippe principem episcoporum, te hæredem Apostolorum, te potestate Petrum, unctione Christum agnoscit, et prædicat <sup>1</sup>. Parumne hoc? Etiam assertorem veritatis, fidei defensorem, refugium oppressorum, ultorem scelerum, regum patrem, legum moderatorem, canonum dispensatorem, et, ut cætera uno comprehendat, Vicarium Christi, et Christum Domini confitetur et asserit <sup>2</sup>. Denique in te suspicit plenitudinem potestatis, sed quæ

<sup>1</sup> De Consideratione, lib. 2, cap. 8. — <sup>2</sup> Ibid. lib. 4, cap. 7.

maximam curam et sollicitudinem exigit : adeo ut ei censeat orbe exeundum, qui forte volet explorare, quæ non ad tuam pertinent curam <sup>1</sup>.

Te vero, Sanctissime Pater, ad tantum pondus sustinendum finxit divina providentia, cum ingenium facile, sublime, amplissimum, iudicium exquisitissimum, prudentiam et sagacitatem incredibilem tibi liberaliter concessit. Innatam prudentiam confirmavit longus rerum agendarum usus, cum per singulos honorum gradus deductus, non prius ex inferioribus provectus es, quam congruis meritis aditum tibi parasses ad altiores. In actiosa vita semper compos tui, in privata nunquam remissus aut otiosus. In maximis et arduis rebus, ubi alii sub sarcina gement, tu ipse, quasi nihil agendo, omnia tranquillus exsequeris : et quæ aliis laboris impatientiam, quietis ac inertis otii amorem afferre solet provecta ætas; tuæ Sanctitati contra quietis et otii impatientiam, laboris amorem ac diligentiam inspirat, augetque. Isti sedulitati non dies toti sufficiunt. Ipsius etiam noctis inducias tuæ requieti subducis, dictitare solitus, diligentia et festinatione opus esse in ista ætate, cui multa, et quidem maxima, agenda incumbunt; ratus cum Bernardo, non esse locum otio, ubi sedula urget sollicitudo omnium Ecclesiarum <sup>2</sup>. Sic exemplo tuo jubes facessere leges, quæ majorem annis sexaginta otio reddunt <sup>3</sup>.

Cum sic a natura, a gratia, ab ipsa rerum experientia sis comparatus, Pater Sanctissime, in ista tamen suprema dignitate procuranda, non tam tuis te credis consiliis, quam alienis. Hinc ista ad Cardinales vox, maximo certe Pontifice digna, nihil e re christiana te moliturum unquam aut facturum, quod ad eorum consilium prius non relatum fuerit. Quod si quem alium insuper consiliarium maxime prudentem, expertumque in istum sacrum Senatum adhibere volet Sanctitas tua, nullum magis idoneum incorruptumque inveniet, quam Bernardum; ejus vel soli de Consideratione libri, plane cedro digni, tot oraculis referti sunt, ut ad dirigendos summos Pontifices, imo ad regendam universam Ecclesiam, quasi divinitus dictati esse videantur. Id sane pro comperto jam dudum habuere sanctissimi decessores tui, non modo Eugenius III, ad quem scripti sunt, sed præ cæteris Pius V, et Gregorius XIII, qui sacros illos libros tanti faciebant, ut eorum lectionem etiam mensæ adhiberent. In eisdem porro libris, atque in aliis ejusdem sancti Doctoris scriptis, invenient omnes quid fugiant, quid sequantur, cardinales, episcopi, aliique inferiorum ordinum ministri. Ab eisdem etiam reges et principes discent leges regnandi, ipsique plebei homi-

<sup>1</sup> De Consideratione, lib. 2, cap. 1. — <sup>2</sup> Ibid. cap. 6. — <sup>3</sup> Plinius, lib. 4, epist. 23.



nes, nedum ingenui ac nobiles, christianæ vitæ pro suo quique statu documenta haurient. Hoc auctore per te plebes clericis, clerici sacerdotibus, sacerdotes Deo in ea qua oportet humilitate subjecti erunt <sup>1</sup>. In monasteriis et locis religiosis servabitur ordo, disciplina vigilabit. Super prava opera et dogmata censura ecclesiastica vigebit, et vestra ipsorum apostolica mandata et instituta, ea qua dignum est sollicitudine observabuntur <sup>2</sup>. Hoc duce increduli convertentur ad fidem, perversi ordinabuntur ad rectitudinem; subversi ad veritatem revocabuntur, subversores invictis rationibus convincentur, ut vel emendentur ipsi, si fieri potest; sin minus, perdant auctoritatem alios subvertendi. Denique hoc doctore cessabit ambitio, dominandi libido, cupiditas; nec dignitates honoribus, sed virtutibus, sed cura et sollicitudine æstimabuntur. Atque ita demum Ecclesia in eum reflorescat statum, qui sanctissimum Pontificem, qui Alexandrum, qui Petrum, imo qui et Christum ejus sponsum deceat.

Id fere perfectum et absolutum Bernardo vivente, satagente, collaborante; nec dubium quin modo simile quid contingat, si Bernardo vocem et auctoritatem integram restituat Alexander. Hanc vocem Bernardo tribuerunt Patres synodi Stampensis, cum dubio Pontifice invicem dissidentes, voces universim suas et sua quique suffragia in ejus ore ac sententia reposuerunt. Eandem mox vocem sibi propitiam sensit Innocentius II, qui sancti Patris prædicatione et auctoritate ab omnibus tandem pro legitimo Pontifice agnitus, ejusdem lingua et calamo usus est adversus schismatis reliquias, adversus nascentes hæreses atque errores. Inde Bernardus evasit oraculum ac interpret Conciliorum, Senonensis, Remensis, et aliorum; adeo ut ex ejus ore penderent fere omnia, nihilque in Ecclesia, aut in aulis regum ac principum, imo nec in privatis fere familiis, absque ejus consilio et sententia gereretur. Vidit illum Roma non semel: quæ quantum ei tribuerit, vel ex hoc solo conjici potest, quod Anacleto exstincto, cum Victorem pseudo-pontificem, usurpatis insignibus nudatum, ad Innocentii pedes adduxisset; tanta apud Romanos in reverentia deinceps habitus est, ut ab omnibus Auctor pacis et Pater patriæ prædicaretur. Denique « exeuntem Roma prosequitur, deducit clerus, honorat populus, universa nobilitas comitatur. Neque enim poterat sine com- » muni mœrore dimitti, qui colebatur amore communi <sup>3</sup>. » O si eodem honore, eadem reverentia modo tractarentur legerenturque sanctissimi Doctoris libri! Quantus inde fructus, quanta utilitas in rempublicam christianam redundaret! Certe, quoad in nobis fuit, sacris ejus scriptis

<sup>1</sup> De Consideratione, lib. 3, cap. 5. — <sup>2</sup> Ibid. cap. 1. — <sup>3</sup> Vitæ libro 2, cap. 7.

nativæ formæ gratiam et integritatem, ut gratius, fructuosiusque lectitarentur, restituere conati sumus. Tuum est, Beatissime Pater, eidem reddere vocem virtutis, quam illi nec ipsa mors adhuc penitus eripere potuit. Viget etiam nunc apud pios quosque, imo etiam apud hæreticos ipsos, ejus auctoritas; vigebitque amplius in posterum, si tuæ vocis oraculo denuo confirmetur. Si tua Sanctitate probante, monente, jubente, omnibus legendus, terendus, sequendusque proponatur Bernardus, erit vox ejus tanquam vox Domini confringentis cedros, intercidentis flammam ignis. Nulla Bernardo vitia, nulla adversa potestas aut vis resistere, Deo suffragante, valebunt. Et confringentur sub Alexandro cedri, id est capita superborum et tyrannorum; et intercidetur flamma discordiarum atque bellorum. Et jam suscitavit Deus spiritum vicini Regis, qui repletus zelo, miserausque optimi Regis dejectionem, ferat opem, ut a suis pulsum, desertumque a cæteris Regem, regno restituat suo, quemadmodum suo tempore factum Bernardus scribit de piissimo illo Hiberniæ Rege, qui a germano exturbatus, dedit locum iræ, ut suorum sanguini parceret<sup>1</sup>. Funestissimam hanc scenam nostris oculis renovatam conspiciamus; similem ejus exitum a maximo Pontifice, a maximo Rege, suspensis interim animis, exspectamus et exoptamus. Sic fiet, ut quem Ottobono quondam cardinali et legato, qui postmodum Adrianus V fuit, honoris causa cessit Henricus III, eundem thronum alterius Ottoboni, id est Alexandri VIII, curis et subsidiis postliminio acceptum referat Jacobus II. Sed longius abripit nos impetus votorum nostrorum pro gloria tui pontificatus, Beatissime Pater, cui non alio ad res magnas aggrediendas monitore, non alio incentore opus est quam Alexandro, ubi in causa Deus est, et Ecclesia. Tantum sanctissimis consiliis tuis propitius sit ille, cujus vicem geris, tuosque de nostris, si liceat, annos augere velit ad omnia illa gerenda et efficienda, quæ in Dei gloriam, in Ecclesiæ utilitatem a tua Sanctitate agitantur, et sperantur. Nos vero prorsus felices ac fortunatos reputabimus, si hoc votorum nostrorum pignus, hoc perennis observantiæ in se monumentum, benignis, uti alias solet, oculis accipiat Sanctitas tua, nosque omnes paterna sua benevolentia et apostolica benedictione dignetur.

<sup>1</sup> Vitæ S. Malachiæ capite 4.

Offerebat supplex nomine suæ Congregationis

F. JOANNES MABILLON M. B.

## S. BERNARDI ABBATIS

OPERUM EDITIONEM

## PRÆFATIO GENERALIS.

I. Posteaquam studiorum meorum primitias in S. Bernardi opera impenderam, non ita primæ illius editionis curam abjicere visum est, ut de ea expolienda et exornanda, imo etiam, si necessarium esset, penitus reformanda nequaquam cogitarem. Cum enim eam juvenis ac pene rudis tiro aggressus essem, non sic rem a me perfectam, numerisque omnibus absolutam fuisse existimavi, quin multa in Bernardo et restituendo, et illustrando limatius et accuratius elaborari possent, ubi litterarum major usus, et experientia diuturnior accessisset. Quapropter, etsi processu temporis in aliena prorsus a tanto Doctore studia longius abductus essem, ita nihilominus sanctissimi Viri recordatio et amor pectori meo semper inhæsit, ut si qua in evolvendis, versandisque aliis auctoribus, quæ ad ipsius opera vel emendanda, vel illustranda conferre possent, mihi occurrerent; hæc omnia diligenter adnotare, et in opportunum tempus ad secundam editionem seponere non omitterem. Atque ita demum accidit, ut cum tempus pene nullum huic meditationi vacuum mihi ob alias luebrationes antea concederetur; jam tepescente et refrigerato per has bellorum tempestates aliarum litterarum cultu, unus mihi fere in manibus relictus sit Bernardus, qui ut juventutis, sic ingravescentis ætatis otium occuparet. Libenter itaque hoc otio, ex Superiorum nostrorum indulgentia, usus sum ad novam lucem dandam Auctori optime de omnibus merito; nec dissimulare possum, me non parum laboris ac diligentiae, una cum collegis ac sociis meis, in id operis posuisse, ut non tam secunda, quam nova prorsus, et, quoad in nobis erat, elaborata editio haberetur.

II. Erunt fortasse, qui tot editionum repetitiones improbaturi sunt, easque in litteratorum incommodum verti causabuntur. Nec diffiteor sane longe optabilius fore, si prima statim editione auctores quique in eam statum, qui ad perfectionem quam proxime accedat, omnino restitui possent. Verum qui in ejusmodi studiis versati sunt, næ illi optime norunt quam operosum sit, ne dicam impossibile, id assequi in tanta veterum librorum copia hinc inde dissipata, in tanta etiam eorundem discrepantia: ut multo ac longo labore, atque etiam aliquando OEdipo et interprete opus sit, tum ad faciendam

non tam voluminum, quam foliorum hæc illaque dispersorum collectionem, ac variationum lectionum delectum; tum ad sanandos locos male affectos et ad obscura penetranda; tum denique ad instruendam genuinorum operum censuram. Quæ omnia, aliaque id genus permulta, ut prima statim recognitione ad amussim comparentur, necessarius est felicior genius, quam ut eum mihi tribuere liceat, nec scio an quisquam sibi arrogare possit. Utut est, malim primæ, si qua est, temeritatis culpam deprecari, quam fortasse augere excusando, aut priorem editionem relinquere imperfectam. Aliam itaque castigatiorem, politioremque adornare visum est operæ pretium: atque adeo post novam sancti Doctoris operum recognitionem et collationem ad vetera exemplaria factam, typographici denuo pistrini importunis servitiis me cum meis sociis mancipavi, certa quadam animatus fiducia, hoc consilium novumque laborem nostrum non ingratum fore cordatis viris, cum facti nostri rationes, atque novæ hujus editionis, quas quidem speramus, utilitates penitus intellexerint.

§ I. — DE VARIIS SANCTI BERNARDI OPERUM EDITIONIBUS: UBI NOVISSIMÆ HUIUS EDITIONIS TUM CAUSÆ, ET RATIONES, TUM COMMODA, UTILITATESQUE EXPLICANTUR.

III. In primis nihil magis Bernardi meritum et pretium arguit, quam adeo frequentes et toties repetite ejus operum editiones, sive ante, seu post inventam artem typographicam. Quippe multiplex illa editio argumento est, quam comparetur Bernardus a multis, quam avide legatur, quam denique ab omnibus ametur. Neque id sane mirandum. In ejus enim scriptis elucet ingenium natura nobile, generosum, excelsum; sed humanum, civile, et honestum. Eloquentia quasi congenita, sine fuco, non sine ornamento, sed nativo. Stilus pressus, oratio vivax, dictio propria, cogitatus sublimes, affectus pii, lepores sponte nascentes, totus sermo unum Deum ac cœlestia spirans. Ardet, non urens, sed inflammans. Pungit et stimulat, non ut irritet, sed ut moveat. Corripit, inerepat, non ut detrahat, sed ut attrahat. Arguit, minatur, terret; sed amando, non indignando. Blanditur, sed non adulatur; laudat, sed non extollit. Urget blande, perstringit absque molestia; delectat, recreat, placet. Quippe oratio ejus, inquit Sixtus Senensis, ubique dulcis et ardens, ita delectat, et ardentem incendit, ut suavissima lingua ejus mel et lac verborum fluere, et ex ardentissimo ejus pectore ignitorum affectuum incendia erumpere videantur. Jam vero doctrinam habet minime vulgarem, Scripturæ sacræ verbis ac succo refertam; sic autem Patrum sententiis inhaerentem, ut tamen propria ejus esse sentiatur. Ita quippe scribit de rebus divinis, de gratia et libero arbitrio, de moribus et officio pontificum, clericorum, monachorum, laicorum, ut fontem hæc indicent, non rivum aut canalem. Et miramur si vir tantus amatur? si ejus scripta comparantur, leguntur, teruntur ab omnibus? si editiones eorum sine numero fiant? si viri docti et eruditi illis augendis, illustrandis, emendandis, et ad nativam inte-

gritatem revocandis operam adhibeant suam? si Roma ipsa, orbis domina et magistra, quæ Bernardum quondam docentem, imo et redarguentem venerata est; si Roma, inquam, ipsa libros de Consideratione, Eugenio III primum oblatos, tum Nicolai V jussu elegantissime descriptos, demum pontificiis typis sub Clemente VIII publicari passa est, totum Bernardum editura in lucem, si Gerardus Vossius operam itidem suam in totum Bernardum contulisset? Quo minus mirandum est, si in metropoli Galliarum tantum Galliae lumen regiis typis meruit honorari.

IV. Quanquam quod tot Bernardi editiones et recognitiones factæ sunt, aliæ etiam fuerunt causæ, et quidem non improbandæ, imo necessariæ. Una et quidem præcipua est, quod cum in variis plurimisque codicibus scriptis hinc inde dispersa fuerint sancti Doctoris opera, non potuerunt prima statim editione simul prodire omnia, sed per particulas, quatenus in hominum studiosorum manus et cognitionem veniebant.

Prima quippe editio videtur fuisse illa, quæ Moguntiae a Petro Schoyffero facta est anno 1475, complectens Sermones de Tempore et de Sanctis, necnon etiam de Diversis, atque librum ad Milites Templi, cum aliis nonnullis Bernardo perperam adscriptis.

Eodem tempore Rotomagi, absque anni designatione, vulgata sunt tria beati Patris opuscula, nempe libri de Consideratione, Apologia ad Guillelmum abbatem, et liber de Præcepto et Dispensatione.

Accessit anno 1481 editio Bruxellensis, quæ Sermones de Tempore et de Sanctis, atque prima vice Epistolas suppeditavit, editoris uti et typographi nomine prætermisso. Deinde Parisiensis anni 1494, Epistolas trecentas et decem exhibens cum Sermonibus in Cantica, per magistrum Rouauld, sacre theologiæ doctorem, castigatis et emendatis.

Hanc excepit editio Spirensis anno 1501, et post annos duos Veneta, sed absque Epistolis; cæterum spurii et alienis scriptis media ex parte jam infarta. Brixiensem item anni 1495 suggerit Possevinus, quæ Homilias in *Missus est*, cum aliis quibusdam opusculis continebat.

Prima, quæ Bernardi Opera fere omnia in unum corpus redegit, est editio Parisiensis anni 1508, Seraphica, uti præfertur, melliflui devotique doctoris sancti Bernardi scripta complectens, diligentissime cum archetypis bibliothecæ Clare-Vallensis tunc demum in optimam unius codicis formam redaeta, cura et industria magistri Joannis Bocardi, impensis autem Joannis Parvi bibliopole jurati Universitatis Parisiensis.

Post annos sex, et quidem anno 1515, Jodocus Clitoveus Neoportuensis eadem opera denuo recognovit, ac typis Joannis Cleyn Alemanni vulgavit Lugduni, adjectis Gilleberti de Hoylandia Sermonibus in Cantica; quæ recognitio multoties Lutetiae Parisiorum, uti et Lugduni recusa fuit.

Interim anno 1520 alia prodiit editio Lugdunensis, per duos monachos Clare-Vallenses, Lambertum Campestem et Laurentium Dantiscenum, adornata; quæ sane omnium emendatissima est.

Secundum hos recognitores (nam varias editiones mitto) Franciscus Comestor Arneduceus, socius collegii Sorbonici, aliam sancti Doctoris recognitionem adortus est,

præfixa Ludovico De Ric episcopo Genevensi nuncupatoria epistola, in qua testatur, se revolvendo vetera exemplaria, quæ refertissima collegii Sorbonici bibliotheca tum suppeditabat, incidisse in epilogum libri de Diligendo Deo, in editis prætermissum; deinde in opusculum de Amore Dei ac Dignitate amoris: quos libros viduæ Claudii Chevalloni cum aliis edendos suppeditavit anno 1547.

Non una hujusce recognitionis editio facta est: cum interim Antonius Marcellinus aliam editionem Basileæ apud Joannem Hervagium adornari curavit anno 1552, solerti, quod ipse asserit, ad vetustiorum exemplarium fidem collatione facta, cum nova censura, novoque ordine operum; ut primum locum tenerent Sermones, subsequentem Epistole, tertium Tractatus, postremum spuria et aliena.

Hanc editionem antevertit Veneta, cujus meminit Joannes Gillotius Campanus in Præfatione ad editionem Nivellianam, apud Parisios anno 1572 procuratam: ubi etiam mentionem injicit recognitionis factæ a Theologis Parisiensibus, qui postremas editiones tam suo privato conatu, quam ex collatione veterum codicum, quos in Galliarum bibliothecis corrogare licuit, restituerunt: ut qui post tot, tantosque viros, ait ille, redintegrata instaurare, et sanatis iterum mederi tentaret, labefacere, malumque inferre videretur. Quanquam idem Gillotius subdit, se adjecisse quasdam correctiones non pœnitendas, et argumenta sive distinctiones capitum in libros quinque de Consideratione ad Eugenium, et in libellum de Præcepto et Dispensatione, quos Henricus Cuycius Cutemburgensis ad septem manuscripta exemplaria correxerat. Exponit deinde operam suam, tum in discernendis Bernardi operibus nativis a spuris, tum in nativis ad rectum et commodum ordinem redigendis: tametsi inter genuina Gillotius spuria nonnulla vel jam edita reliquit, vel de novo adjecit, cum Floribus ex S. Bernardi operibus collectis.

Verum ante sex annos, videlicet anno 1566, alia editio Parisiis prodierat apud Guillelmum Merlinum et Sebastianum Nivellium, præmissa epistola Francisci Comestoris, mox laudati, ad episcopum Genevensem: cui editioni adjecta est Appendix Hervagiana, Basileæ apud hæredes Joannis Hervagii vulgata, opera ac studio Jacobi Pamellii Brugensis, qui Bernardi parvos Sermones numero sexdecim, tum Parabolam de Christo et Ecclesia, item Soliloquiorum librum, et alia nonnulla Bernardo supposita protulit in lucem. Eodem anno Ludovicus Miræus Rosetanus aliam Bernardo Appendicem, a Francisco Comestore acceptam, Lutetiæ itidem apud Carolam Guillard adjici curavit.

Mitto alias ejusdem sæculi editiones pene innumeras; ut nullus fere annus abierit, qui non aliqua Bernardi Operum editione fuerit insignis. Omnium elegantissima fuit illa quæ anno 1586 sub symbolo Nævis facta est, cum epistola nuncupatoria Joannis Gillotii ad R. P. Guidonem Cornuatium abbatem Vallis-Clare, ejusdemque Præfatione ad Lectorem.

Quin etiam eodem sæculo plerique Bernardi Sermones cum Opusculis in gallicum idioma translati sunt, nempe anno 1575, per Hubertum Lescotum canonicum regularem, sed absque Epistolis; quæ in versione item gallica anni 1622 per Philippum

Le Bel doctorem Parisiensem adjectæ sunt, uti et in novissima versione R. P. Gabrielis a S. Malachia Fuliensis.

V. Jam vero quod attinet ad varias editiones sæculo nostro factas, omnes percernere res fuerit pene infinita, nec minime necessaria. Duas tantum notare juvat: unam Edmundi Tiraquelli monachi Cisterciensis, anni 1601; alteram Joannis Picardi, anni 1609, cum Notis et aliquot Epistolarum accessione, et cum epistola nuncupatoria Tiraquelli ad R. P. Edmundum a Cruce abbatem Cisterciensem; atque etiam cum epistola et præfatione Gillotii.

Hæc Picardi editio eodem anno Antverpiæ apud Joannem Keerbergium recusa est, atque inde multoties repetita; donec tandem optima omnium et accuratissima prodit anno 1641 Jacobi Merloni Horstii, viri piissimi ac doctissimi, recensio, quæ alias omnes obscuravit, sæpissime deinceps ad prelum revocata.

VI. Quid ab erudito viro in illa editione præstitum sit, paucis observare juvat. Principio mirari se dicit, quod cum inter omnia sanctorum Patrum opera, nullus frequentius versetur in manibus, quam Bernardus, unus tamen adeo hæcenus neglectus sit, ut frequentissime quidem, semper tamen idem, imo subinde deformior, corruptiorque prodiret, tanquam vel indignus, vel non indigens curatione. Id in causa fuisse, cur ipse medicam adhibuerit manum. Et primo quidem omnia Bernardi opera in sex tomos distribuisse, ut primus Epistolas; secundus Sermones de Tempore et de Sanctis; tertius Sermones in Cantica; quartus Tractatus varios; quintus aliena; sextus denique duorum sancti Doctoris discipulorum, Gilleberti et Guerrii, opera complecterentur, adhibita pro loco trutina ac censura. Deinde se Tractatus in capita et sectiones distinxisse; tum Epistolis singulis ac Tractatibus argumenta seu summaria præfixisse. Ad hæc non peperisse diligentiam neque sumptibus, quominus ex variis variarum regionum bibliothecis Bernardinam editionem augetet; tametsi multa, quæ a nonnullis indicantur, puta a Possevino, aliisque, consequi non potuerit. Præter ea, præambula complura adjecta; Vitam S. Bernardi septem libris, cum diversis Elogiis et Chronologia præmissam. Denique adjectas Adnotationes prolixas, præter alias breviores sparsim per totum opus insertas ad marginem, cum Indicibus uberioribus locorum Scripturæ, rerum et verborum. Cæterum se conscius esse immensi laboris, quo editionem omnino correctissimam reddere conatus sit; etsi typographorum diligentia votis suis non plane responderit. Aliam quidem editionem, et auctiorem, et accuratiorem, parabat vir doctus: sed huic proposito immortuus est die aprilis vigesima, anno 1644.

VII. Primam nihilominus editionem illam, quantum homini docto, diligenti, ac Bernardi perquam studioso, sed privato, lieuit, feliciter exsecutus est Horstius: ita ut ejus editio ambabus, ut aiunt, manibus accepta fuerit ab omnibus et probata, et in variis provinciis ac locis sæpissime recusa. Verum cum Bernardi textum Horstianum ad gallicanos codices complures præfectorum nostrorum jussu exegisset noster Claudius Cantelovius; quosdam nihilominus in illo textu deprehendit nævos, qui horum codicum

ope sanari postulabant. Et Bernardi quidem Sermones de Tempore ac de Sanctis in secunda forma emendatissimos emisit in lucem. Verum cum aliis eadem diligentia evulgandis daret operam, hanc ipse mihi provinciam morte resignavit, adolescenti in re litteraria novo et inexperto, cui nunquam venisset in mentem cum doctissimo Horstio laborem et industriam conferre, nisi renitentem ac cunctabundum ad persequendum demortui Cantelovii opus praefectus noster generalis piæ memoriæ, reverendissimus Bernardus Audebertus, me compulisset. Parvi itaque vel iuvitus, et symbolam in primis ex Cisterciensis bibliothecæ exemplaribus conferente religioso viro Jacobo Lannoyo ejus praefecto, editus tandem Bernardus est in majori et in minori forma, non eo quidem modo quo decebat, sed qualem ferre potuit rudis mea ætas, aut vero qualem a librario, suæ magis, quam publicæ rei addicto, impetrare licuit.

VIII. Cum vero ejusmodi studiorum continuo usu multa in dies observassem, quæ ad limandam et illustrandam Bernardi editionem conferre poterant; hæc omnia, ut jam dixi, diligenter notare studui, ut si quando tempus et otium mihi suppetere, aliam emendatiorem, politiorem, perfectioremque adornarem. Verum cum ad id operis me accingerem, in alium scopulum me coniecit misera typographicarum legum conditio, ex qua tandem, tanquam tempestate quadam, in hunc qualemcumque portum delatus sum, ea sane fortuna, quam nihil attinet modo commemorare.

IX. Elsi vero a moribus meis et ab instituto nostro prorsus alienum esse debeat propriam venditare operam, interest tamen hoc in limine demonstrare, quibus in rebus novissima hæc editio tum ab Horstiana, tum etiam a priori nostra differat. Et primo quidem in conferendis vetustis codicibus antea mihi non visis, iis maxime, quos vel in variis provinciis a nobis subinde perlustratis consulere et revolvere licuit, vel quos in bibliothecam Colbertinam magno rei litterariæ commodo post nostram editionem congestit vir bonis litteris juvandis et illustrandis natus Stephanus Baluzius, secundas curas adhibui; tum ex variis lectionibus eas seligere, et in textum restituere curavi, quæ Bernardi sententiæ accommodatiores videbantur: quæ res usum veterum librorum pene assiduum, gustum usu acquisitum, maturiusque judicium exigit, quam litteratorum vulgus opinatur, qui aranearum telas captare nos existimant, dum has, quas putant, minutias consectamur. Verum sentiant id genus homines de nobis quidquid volent; modo nostram operam approbet non hominum plausus, sed publica Ecclesiæ, reique litterariæ utilitas.

X. Neque tantum in textu restituendo censura a me adhibita est, sed etiam in secerendis Bernardi geminis scriptis a supposititiis et falsis, quæ in editione Horstiana et nostra priori inter Bernardina adhuc delitescabant. Hinc expunctæ epistolæ duæ, ex Bernardi Brito Annalibus ab Horstio Bernardinis insertæ: rejecti sermones quatuor aut quinque ex Sermonibus de Tempore et de Sanctis; rejectus etiam liber Declamationum; et alia nonnulla, quæ Bernardi non esse ex certis argumentis et indiciis manifestum est.

XI. Ad hanc censuram faciendam adjumento fuere non modo Vitæ Bernardinæ scriptores, imprimis Gaufridus, qui præcipuorum sancti Doctoris operum indicem exhibent;



sed etiam veteres codices, veterumque auctorum citationes, præ cæteris vero antiqua Collectio ex Bernardi scriptis, quæ Liber Florum, Florilegium, et Bernardinum appellatur, primum edita Parisiis anno 1503, multo probabilior alia collectione, quæ anno 1571 ab Huberto Scuteputao canonico regulari facta est, in Bernardi editos a Joanne Picardo intrusa. Longe vero antiquior est prima illa Collectio, cujus auctorem nobis suggessit vetus codex Cisterciensis, in quo hæc habetur cum sequenti inscriptione : « Incipit prologus domni Willermi, monachi Sancti-Martini Tornacensis, in Bernardino, » quem idem excepit et compilavit de libris et dictis sancti Bernardi abbatis Claræ-Vallis. » Prologus ita incipit, « Cum non essem alicui exercitio magnopere occupatus, » etc. ut in editis, in quibus desideratur auctoris nomen, quem sæculo tertio decimo vixisse facile colligitur ex antiquitate codicum, in quibus hæc Collectio reperitur. Porro etsi quædam opuscula, quæ Bernardum auctorem non habent, laudet Collector iste, utputa Epistolam ad Fratres de Monte-Dei, Meditationes, librum Declamationum; in cæteris tamen non levis est momenti ad internoscendos maxime Bernardi Sermones : quod in causa fuit, ut sicubi de quibusdam dubitandi ratio occurrit, ut in Sermonibus de Diversis, has ex Bernardino citationes adnotare visum sit. Nec vero mirum, quod tum Epistola ad Fratres de Monte-Dei, tum Declamationes et Meditationes in illa Collectione sub Bernardi nomine adducantur : cum et sanctus Bonaventura idem peccet in laudata epistola; et libri Declamationum et Meditationum ex Bernardi centonibus consent, ut suis locis dicturi sumus.

XII. Præter censuram operum, aliquid etiam mutatum in ordine Horstiano, nempe in dispositione cum tomorum, tum opusculorum. Nam ubi Horstius Epistolis secundo loco subiecit Sermones de Tempore ac de Sanctis; tertio loco Sermones in Cantica; quarto vero Opuscula seu Tractatus : consultius visum est Epistolis subijcere Opuscula seu Tractatus, qui plerique vel epistolari modo scripti sunt, vel ex epistolarum classe in tractatum ordinem redacti. Ex hoc ordine consequitur, ut tertio loco succedant Sermones de Tempore et de Sanctis; quarto, Sermones in Cantica : quibus in quinto subsequitur eorundem Sermonum continuatio, id est Gilleberti Sermones in eadem Cantica. De ordine duorum reliquorum tomorum, quinti nimirum ac sexti, in præfatione ad tomum quintum uberius dicendum erit; uti etiam de prioribus in singulis ad eos præfationibus agendum.

XIII. Atque ut genuina omnia Bernardi opera uno volumine continerentur, libros de ejus Vita et Gestis, quos Horstius in primo volumine præmiserat, rejecimus in finem tomi sexti seu secundi voluminis; ne vel germana Bernardi opera a sese divellerentur, vel nimium inæqualis esset voluminum magnitudo. Porro in fine prioris voluminis, uti et secundi, proprios indices copiosissimos collocavimus, ut priores indices omnia genuina opera, posteriores aliena complecterentur.

XIV. Denique uberiores notæ et observationes, quæ ab Horstio vel a me quondam in epistolas et alia opuscula conditæ sunt, ad calcem cujusque tomi rejectæ sunt. Brevis interim Chronologia præmissa est tomo primo, quod ipsarum notarum veluti fax quædam, et

quasi commune quoddam sit fundamentum. Ad hæc singulis fere opusculis, in tomo secundo contentis, Admonitiones præposuimus ad argumentum ejusque libri explicandum, aliasque circumstantias ad id pertinentes. Hæc fere sunt, quæ universim in hac novissima Bernardi editione præstitimus.

XV. Verum ut ad examen tomi primi, qui Bernardinas Epistolas complectitur, descendamus, non mediocrem operam denuo adhibuimus in iis emendandis, illustrandis, ordinandis, et augendis. Ad emendationem quod attinet, varios variarum bibliothecarum codices consulimus, Vaticanos, Colbertinos, Belgicos Sancti-Petri apud Gandavum, et Auræ-Vallis, præter eos, quibus in priori editione usi fuimus. Ex uno codice Corbeiensi quasdam aliquanti momenti inscriptiones restituimus, variaque loca tum ex eodem codice, tum ex duobus Colbertinis bonæ notæ, quorum unus signatus est n. 1410; alter n. 2476, Bernardi etiam opuscula continens, cum quo eadem opuscula contulimus. Ad hæc notæ marginales singulis fere epistolis appositæ sunt ad historica maxime facta paucis explicanda.

XVI. De ordine epistolarum diu anceps fuit cogitatio, an ordinem receptum servaremus, an potius novum institueremus. Variæ in utramque partem rationes sese offerebant. Ad servandum antiquum ordinem movebat primo antiquitas illius ordinis, quem ipso Bernardo adhuc vivente institutum fuisse constat, nimirum pro trecentis illis ac decem epistolis, quarum ultima est ea, quæ ad Arnoldum Bonæ-Vallis abbatem a Bernardo extrema scripta fuit. Nam cæteræ, sparsim hinc inde dispersæ, a posteris deinde in corpus Epistolarum in editis libris redactæ sunt, non semel, sed per varia intervalla, prout sese vel collectoribus, vel editoribus obtulerunt. Deinde antiquo ordini favebat temporis ratio, in veteri illa Epistolarum collectione utcumque servata: cum alias timendum esset, ne plus incommodi ex illius recepti ordinis mutatione, quam utilitatis consequeretur, ob receptas nimirum epistolarum citationes, ne quid dicam de solempni ordine veterum exemplarium. In contrarium pugnabat epistolarum quarundam confusio intolerabilis, ubi ordine præpostero aliquando responsio ad quasdam litteras facta, longo intervallo eas præcedebat. Accedebat aliud ex eo consequens incommodum, quod ejusdem argumenti tractatio perturbate relata, a se ipsa divulsa et distracta erat. In his angustiis mediam inire viam satius visum est, vulgatum scilicet ordinem retinendo in prioribus trecentis ac decem epistolis: in aliis vero quæ subinde adjectæ sunt, eas ad rationes temporis revocando, apposito ad marginem ordine, quem unaquæque epistola antea obtinebat. Ubi vero quædam ex novo hoc ordine epistolæ præcedentibus cohærere debuerant, illarum lectionem præmittendam aut subjungendam esse monuimus. Sic antiquo ordini servatus est honos, et e novo sublata confusio. Sed ne veterem illum ordinem vivente ipso Bernardo concinnatum gratis dixisse videamur, testem appellamus Guillelmum, S. Theoderici quondam abbatem, qui ante Bernardum vivere desiit. Is enim in libro primo de Vita sancti Doctoris, ipso superstite scripto, tradit n. 50 Bernardi ad Robertum consanguineum suum epistolam, quæ in medio imbre non fuerat madefacta, « ob tam grande miraculum in codice Epistolarum ejus, » scilicet Bernardi, « a fratribus non im-

» merito primam fuisse ordinatam. » Cæterum id a se factum memorat tertiæ Vitæ scriptor a nobis editus, quem Gaufridum sancti Viri notarium esse existimamus.

XVII. In omnibus tamen antiquis libris non omnino constans est Epistolarum ordo, tametsi in plerisque cum vulgato consentit usque ad epistolam trecentésiman decimam; qui numerus in omnibus item codicibus non habetur. Ex quo intelligitur, non unam, sed plures factas fuisse Bernardinarum Epistolarum compilationes. In tribus codicibus Vaticanis habentur illæ Epistolæ, et in primo quidem elegantissimo, signato n. 662, continentur epistolæ ducentæ nonaginta sex eodem fere ordine atque in editis; quarum postrema est ad Hibernienses, de transitu beati Malachiæ. In alio codice n. 664, idem etiam ordo in epistolis ducentis quinquaginta duabus; ex quibus ultima est ad Hugonem militem Templi. Verum in tertio, qui n. 663 præditus est, exstant epistolæ ducentæ quadraginta, quarum ordo ab editis penitus diversus est: ita ut prima sit illa, quæ in antehac editis trecentésima decima tertia, ad Haimericum cardinalem; extrema ducentésima septuagesima quinta, ad Eugenium Papam de electione Autissiodorensi. In aliis codicibus idem fere ordo servatur atque in editis, nisi quod in Gandavensi monasterii Sancti-Petri hæc Epistolarum compilatio dividitur in tres partes: quarum prima continet epistolas centum; altera, epistolas sexaginta quatuor supra centum; tertia, epistolas septuaginta sex; quarum penultima est Bernardi ad Rorgonem de Abbatis-Villa; ultima, Joannis Casæ-Marii ad Bernardum. Et fortasse in nullo alio codice plures simul habentur Bernardi epistolæ, quam in isto Gandavensi; quo codice, vel certe simili, usus est Willermus Tornacensis monachus in suo Bernardino superius laudato, ubi Epistolas ex prima, secunda, et tertia parte adducit. Cæterum in codice Vallis-Clare Ordinis Cisterciensis exstant epistolæ trecentæ septem; in Aureæ-Vallensi, trecentæ sex utrobique postrema ad Arnoldum abbatem, quæ certe Bernardi extrema est. Primam illam haud dubie collectionem ad se mitti petebat Joannes Saresberiensis in epistola nonagesima sexta, ad Petrum Cellensem: cui in epistola sequenti « pro epistolis beati Bernardi » gratias agit.

XVIII. Jam vero ut de epistolarum accessione in hac editione facta (quod postremo loco tractandum erat) agamus, præmittendum est, in prima Bernardinarum Epistolarum editione Bruxellensi anni 1481, atque in Parisiensi anni 1494, exhiberi trecentas decem epistolas, quarum antepenultima est ad Arnoldum Carnutensem abbatem; penultima ad Fratres Hibernienses, in obitu sancti Malachiæ episcopi, ultima ad Guidonem abbatem Arremarensem. In editione vero anni 1520 per duos Clare-Vallenses monachos, ut diximus, adornata, exstant epistolæ omnino trecentæ quinquaginta et una, quarum extrema est ad Hugonem novitium, postea Bonæ-Vallis abbatem. At epistola ad Arnoldum trecentésima decima est; epistola vero ad Hibernienses trecentésima undecima. Hujus discriminis ratio est, quod in priori illa editione desunt epistolæ duæ, nempe epistola octogesima quarta, quæ est secunda ad Simonem abbatem Sancti-Nicolai; et epistola centesima quadragesima septima, ad Petrum abbatem Cluniacensem. Jodocus Clitoveus in sua editione anni 1515 et in consequentibus habet epistolas tantum trecentas quinquaginta-

ginta, ommissa epistola ad Hugonem novitium, quæ in editione Basileensi anni 1552 ab Antonio Marcellino restituta fuit, uti et in sequentibus usque ad Joannem Picardum. Is epistolas septemdecim jam vulgatis adjecit, sed absque ordine dispositas; quarum duas extra ordinem editis præmisit ex codice Pithæano, cæteras longo post vulgatas intervallo protulit ex bibliotheca sua Victorina. Detractis itaque quibusdam epistolis perperam repetitis, Horstius vulgatum earum numerum redegit ad trecentas sexaginta sex, quibus duas ex Bernardo Brito spurias, et ex codicibus Anglicanis septemdecim genuinas addidit, una cum epistola Fastredi abbatis coronidis loco adjecta, quæ numerum trecentarum octoginta sex absolvebat. Denique in priori nostra editione epistolæ undecim additæ sunt; et in hac novissima epistolarum numerus ad quadringentas octoginta duas crevit, tum ex viginti octo Bernardi epistolis recens in Germania repertis, et appendicis instar Horstio Coloniae adjectis; tum ex quibusdam alibi inventis, tum denique ex aliis, sive ad Bernardum, sive in Bernardi causa scriptis, quæ ad Bernardinas illustrandas necessariae visæ fuerunt. Omnes porro istas epistolas redigimus in tres classes: quarum prima, quæ priores epistolas trecentas et decem exhibet, antiquum ac vulgatum retinet ordinem; secunda, ad epistolam quadringentesimam quinquagesimam quartam reliquas Bernardi genuinas epistolas; tertia dubias, spurias, et alienas complectitur. Hæc fere sunt, quæ in primi tomi recognitione præstitimus; cætera diligens Lector facile observabit. Reliquis tomis singulis præfixa est sua Præfatio, in qua quid in unoquoque præstitum sit, abunde docetur.

XIX. Postremo quæ Bernardi Opera in variis bibliothecis delitescere causatus est Horstius, ea non esse Bernardi jam olim observavimus. Quippe liber in Hexaemeron, est Arnoldi abbatis Bonæ-Vallis in agro Carnutensi; Commentarius in Psalmos pœnitentiales, Innocentii III; Expositio in Psalmum *Afferte*, Richardi Victorini; alia in Psalmum quinquagesimum, Urbani II; Commentarius in Pauli Epistolas, Bernardi Clavonensis Augustiniani, teste Possevino. Commentarius in Apocalypsim a Caramuele falso tributus Bernardo est: qui commentarius cum quædam Bernardi opuscula in codice subsequeretur sub titulo « ejusdam, » Caramuel legit « ejusdem, » atque hunc Bernardo, uti et præcedentia, adscripsit. Sane nulla superesse Bernardi opuscula, saltem alicujus momenti, haud edita existimo, præter nonnullas epistolas, quæ hactenus desiderantur. Sunt autem sequentes, videlicet: Epistola una ad Hugonem Pontiniaci abbatem, ut patet ex epistola trigesima tertia, ad eundem, n. 1. Epistolæ duæ ad Innocentium II, adversus Petrum Bismutinum, ex epistola centesima nonagesima octava. Una item ad eundem pro Petro Pisano, ex fine epistolæ ducentesiimæ decimæ tertiæ. Plures item ad eundem pro introductione Præmonstratensium in Virdunense monasterium Sancti-Pauli, ex epistola ducentesima quinquagesima tertia, n. 1. Una ad Ansellum subdiaconum Trecentem indicatur in epistola ducentesima tertia, ad Attonem. Una excusatoria ad Sugerium, in epistola ducentesima vigesima tertia, ad Joslenum, n. 1. Duæ ad Joannem de Buzai, in epistola ducentesima trigesima tertia, ad eundem. Una ad Eugenium III, in gratiam episcopi Clari-Montis, ex fine epistolæ ducentesiimæ octogesimæ quartæ, ad ipsum Eugenium. Item altera ad eum-

dem Eugenium pro Ecclesia Tornacensi, ex Herimanno monacho Tornacensi, n. 115<sup>a</sup>. Una encyclica contra duella, ad Remensem et Senonensem archiepiscopos, ad episcopos Suessionensem et Autissiodorensem, et ad Theobaldum et Radulfum comites, ex epistola alias trecentesima quinquagesima octava, nunc trecentesima septuagesima sexta. Ad hæc Petrus Venerabilis in quadam epistola, quæ modo inter Bernardinas exstat ordine trecentesima octogesima octava, refert fragmentum ejusdam sancti Doctoris epistolæ pro Anglico quodam abbate in hæc verba, n. 4, « Quasi subversum sit judicium, » etc. quæ quidem in nullis Bernardi litteris legere memini.

XX. Meminit etiam Ordericus Vitalis unius Bernardi epistolæ ad Natalem abbatem Resbacensem pro Uticensibus monachis, qui S. Ebrulfi reliquias petebant, Guarino eorum abbate imprimis id curante, et postulante a Natali abbate. « Gaufridus Claras-Valles » se ire velle intimavit : et si secum ire vellet. Annuit. Ambo itaque cum suis famulis » Claras-Valles abierunt : benigne a fratribus illius cœnobii suscepti sunt, qui Regulam » sancti Benedicti omnino ad litteram observare satagunt. Domnum vero Bernardum, » illius monasterii patrem, quæsierunt : cum eo locuti sunt, et plurima seiscitantes, magnam in eodem sapientiam invenerunt. De sanctis enim Scripturis luculenter tractavit, » et votis eorum et interrogationibus satisfecit. Causam quoque Utensium ut audivit, » Guarinum abbatem benigne adjuvit, litterasque exhortatorias Resbacensi conventui » destinavit... Guarinus ergo abbas epistolam venerabilis Bernardi protulit, quam Resbacensis conventus libenter suscepit, et audita libentius complere decrevit. » Ita Ordericus in libro sexto.

XXI. Præterea Ademarum Ecolismensis monachus in Chronico, ubi de origine cartusiensium agit, « Hic Ordo, » inquit, « teste Bernardo, inter omnes ecclesiasticos Ordines » primatum tenet, non ratione temporis, sed vigore sanctitatis. Unde ipse vocat eum » speciosissimam columnam Ecclesiæ : » quod in editis non invenitur.

XXII. Denique Joannes Picardus, ex Joanne Mauburno in tractatu de Habitu canonicorum regularium, laudat quandam epistolam ad Fulconem, ex qua hæc verba Mauburnus delibat, « Non comperies nigras aut griseas a collo dependentes ; sed alias a mulierculis mutantur a collo dependentes, rubricatas murium pelles : » quasi hæc verba ex quadam epistola nondum edita referantur. Verum ad sensum exstant in epistola secunda ad Fulconem, n. 11. Item quæ idem Picardus ex eodem Mauburno tanquam haud vulgata refert de dotibus cardinalis, hæc habentur in libro quarto de Consideratione, n. 12. Hæc sunt quæ de hac Epistolarum editione præmittere visum est operæ pretium.

## § II. — DE BERNARDI SANCTITATE, DOCTRINA, ET AUCTORITATE IN ECCLESIA.

XXIII. Antequam ulterius procedamus, juvat expendere duos, qui Bernardo tribui solent, titulos, nempe quod sit inter Doctores mellifluus ; atque ultimus inter Patres,

<sup>a</sup> Vide Spicilegii tomum 2, pag. 483.

sed primis certe non impar. Doctoris nomen Ecclesia his tribuit, quorum doctrina publico ipsius suffragio approbata est, maxime ubi sanctitatis concentus accedit. Patres vocat eos, quos sanctitas, doctrina, et antiquitas commendat; doctrina, inquam, Scripturæ et Traditioni potius, quam rationibus philosophicis inherens. Itaque Doctores appellari possunt statim a morte viri sancti doctrina illustres: Patres vero nonnisi quos recepta jamdudum auctoritas venerabiles fecit, et modus tractandi res, a philosophica ratione alienus. Utrumque elogium merito sortitus est Bernardus. Et primum quidem in ipsa ejus canonizatione eidem tribuit Alexander III in Missa, quam de eo tunc celebravit, dicto Evangelio, quod solis Doctoribus sanctis assignatur, ex Matthæi capite quinto, *Vos estis sal terræ*. Diserte vero Innocentius III idem elogium confirmavit in Collecta a se composita, in qua « beatus Bernardus abbas et Doctor egregius » appellatur. Melliflui adjectivum, quod recentius est, sancto Doctori asseruit Theophilus Raynaudus libello singulari, qui Apis Gallicana inscribitur. Primi inter editores hoc epitheton in fronte apposuerunt, Lugdunensis quidem anno 1508, tum Jodocus Clitoveus anno 1515, atque etiam duo illi monachi Clare-Vallenses jam superius laudati; idemque ab aliis subinde postea neglectum restituit Horstius. Verum inter elogia illud referre præstat: cum nudum sancti Bernardi nomen satis ipsius Operum titulum commendet, quod auctoris implet elogium. Sane si quod aliud epitheton Bernardo convenit, maxime Θεοδιδάκτωρ, ab aliis editoribus eidem tributum: propterea quod doctrina non tam humanis viribus acquisita, quam cœlitus infusa præditus fuisse videatur.

XXIV. Quanquam ei non defuit labor et industria in legendis versandisque auctoribus, non modo sacris, sed etiam profanis, ut ex horum verbis subinde adductis manifestum est. Verum haud dubie in sæculo hæc didicerat juvenis, quæ etiam seni in memoriam aliquando recurrebant. At rebus theologicis accurate operam dederat monachus: quarum rerum cognitio quam profunda et sublimis in eo esset, docent imprimis Sermoues duo in Cantica, nempe octogesimus et octogesimus primus, ubi de imagine Dei, quæ in Verbo et in anima est, et de simplicitate Dei tam alte et apte disserit, ut nemo melius ante vel post eum. Idem etiam dicendum de Christi pro nobis patientis satisfactione, quæ miro sane modo in epistola centesima nonagesima ad Innocentium explicatur. Ad hæc quid in Canonum scientia eximiis ejus de Consideratione libris comparari potest? Hinc confirmatur istud Leonis Magni effatum: « Verus recti amor in semetipso habet et apostolicas » auctoritates, et canonicas sanctiones. » Denique Doctor sanctus quantum in Scripturæ sacræ lectione versatus fuerit, ubique clamant ejus scripta, « quæ nihil aliud quam centones divinorum voluminum, » ut Sixti Senensis verbis utar, « dici possunt; quippe undecumque Veteris ac Novi Testamenti sententiis ita distincta, ceu gemmeis emblematis, hisque adeo commode et apte insertis, ut ibi nata esse credantur. » Qui quidem scribendi modus sicut in quovis argumento promiscue usurpari non decet; ita in rebus sacris non debet improbari. Huc enim adduci potest quod Petrus apostolus ait: *Si quis loquitur, quasi sermones Dei*<sup>1</sup>. Quod vero Bernardus quosdam Scripturæ locos in sensum

<sup>1</sup> 1 Petr. IV, 2.

improprium ac minime litteralem quandoque detorquet, adeo ut ludere potius in verbis, quam verba ipsa exponere videatur; id sane ea ratione excusare licet, quod in Scriptura multiplicem sensum, qui ad mores informandos conducat, accommode erui posse crediderit Vir sanctus, præsertim ubi non de fide agitur, sed de pio quodam argumento exorlando, ad excitandam scilicet auditorum attentionem ac delectationem.

XXV. Jam vero sanctissimum Virum non tantum in Scripturæ sacræ, sed etiam in sanctorum Patrum lectione apprime, quantum ferebant variæ ipsius occupationes, versatum fuisse, nemo inficiabitur, qui ejus scripta diligenter lectitarit. Nam et Patres aliquando, eorumque sententiæ in his laudantur, et doctrina eorum per omnia ejus opera respersa est. Unde cum « quercus et fagos » se magistros habuisse dicit <sup>1</sup>, id eo modo interpretandum est, quem cardinalibus ipse suggerit in libro quarto de Consideratione, n. 12, nempe « in omni re orationi plus fidendum, quam propriæ industriæ vel labori, » quod Bernardo re quidem vera Gaufridus aptavit <sup>2</sup>. Cæterum quantum ex lectione Patrum, præsertim sancti Augustini, profecerit, probat imprimis liber de Gratia et Libero Arbitrio, quod Augustinianæ doctrinæ eruditum quoddam summarium est. Ambrosium Augustino adjungit in epistola seu Opusculo undecimo, ad Hugonem Victorinum; additque, ab his duabus Ecclesiæ columnis non facile se avelli. Athanasium item laudat in Opusculo decimo, contra Petrum Abaelardum; aliquando etiam Gregorium Magnum. Denique in clausula homiliarum de Laudibus Virginis, multa a Patribus accepisse se fatetur. Mirum vero est, hominem sanctum, tot morbis et infirmitatibus obnoxium, tot curis distractum, negotiisque non modo domesticis (quæ sane nec levia, nec pauca erant in tam numeroso monachorum cœtu), sed maxime publicis interpellatum, parem fuisse, aut tot libris legendis, aut tam disertis eruditisque scriptis elaborandis: adeo ut præter naturale ingenium, quod in eo excellentissimum et sublimissimum erat, divinam quamdam ipsi loquenti, agenti, docenti, ac scribenti sapientiam adfuisse nemo dubitare possit. Unde « confessus est aliquando, » ait Gaufridus, « sibi meditati vel oranti sacram omnem, » velut sub se positam et expositam, apparuisse Scripturam <sup>3</sup>. » Etsi vero fateri solitus erat, se melius Scripturarum sensum assequi « in primæ originis suæ fonte, quam in » decurrentibus expositionum rivis; sanctos tamen et orthodoxos earum expositores humiliter legens, nequaquam eorum sensibus suos sensus æquabat, sed subiciebat for- » mandos: et vestigiis eorum fideliter inhærens, sæpe de fonte, unde illi hauserant, et » ipse bibeat <sup>4</sup>. » Hæc sancti Doctoris erga sanctos Patres reverentia passim elucet in ejus scriptis, ut in epistola nonagesima octava, n. 1, sermone quinto in Cantica, n. 6, et alibi. Ad eos porro legendos otium ipsi concessit diutina illa infirmitas, quæ primis præfecturæ suæ annis ipsum a cœtu fratrum abesse, et quasi privatum seorsim in monasterio degere coegit, primo quidem « ex præcepto » Guillelmi « episcopi » Catalaunensis, « et abbatum » sui Ordinis, testante altero Guillelmo abbate; deinde vero ex vi ingravescentis infirmitatis <sup>5</sup>. Vidit illum Guillelmus abbas « feriatum ab omni sollicitu-

<sup>1</sup> Vitæ libro 1, n. 23. — <sup>2</sup> Ibid. libro 3, n. 1. — <sup>3</sup> Ibid. n. 7. — <sup>4</sup> Ibid. libro 1, n. 24. — <sup>5</sup> Ibid. nn. 33, 40.

» dinc domus, tam interiori, quam exteriori, vacantem Deo et sibi, et quasi in deliciis » paradisi exsultantem. » Tunc Vir sanctus disseruit illi de Cantico canticorum, uti fusius ille prosequitur. Accessit Bernardo convalescenti ad impetrandam in sacra studia feriationem procuratio Girardi germani sui, qui ejus vices in monasterio ita supplebat, ut Bernardus sermone vigesimo sexto in Cantica ei adscribat spiritualium studiorum suorum profectum. Hæc vero studia erant, orare, legere, scribere, meditari, et similia, ex sermone quinquagesimo primo in Cantica, n. 3. Sic beatus Pater vixit per annos quindecim, id est a condito monasterio Clare-Vallensi, ad schisma Petri Leonis : quo tempore magnis arduisque rebus adhibitus, talis demum evasit, qualem postea tota Europa, ne dicam orbis universus, admirata est.

XXVI. Non immerito itaque magnus ille Nicolaus Faber, Ludovici Justi præceptor, teste Francisco Balbo in ejus Vita, cum Patres omnes summopere venerari solitus erat, tum maxime divum Augustinum, cujus lectioni assidue inhærebat, et ex recentioribus divum Bernardum, quem ultimum Patrum nominabat. Et certe hoc elogium nullus veterum melius meruerit secundum Augustinum, quam Bernardus, nullus ita post eum : cum nulli aut sanctitas miraculis et factis illustrior, aut doctrina purior, traditionisve tenacior, aut dicendi, scribendive modus diviniior, aut denique major fuerit auctoritas. « Cujus enim, » ut Guillelmi verbis utar, « voluntati sic detulit, ejus consilio sic se » humiliavit omnis tam sæcularis, quam ecclesiasticæ dignitatis altitudo? Reges superbi, » principes et tyranni, milites et raptores sic eum timebant, ut videatur in eis impletum, quod in Evangelio legitur Dominus dixisse discipulis suis : *Ecce, inquit, dedi vobis potestatem calcandi super serpentes* <sup>1</sup>, etc. Porro inter spirituales.... longe ei alia auctoritas erat. Sicut enim dicitur per prophetam de sanctis animalibus, quia cum fieret vox supra firmamentum, quod imminebat capiti eorum, *stabant, et submittebant alas suas* <sup>2</sup> : sic hodie, » inquit, « ubique terrarum spirituales quique, loquente eo seu tractante, stant cedendo præcedenti, et sensibus ejus vel intelligentiis submittunt sensus vel intelligentias suas. Testantur hoc scripta ejus <sup>3</sup>, » etc. Merito proinde Cæsarius Heisterbacensis monachus ait tantam fuisse ejus auctoritatem, « ut per unius os Bernardi » purpurati patres, reges, principesque terrarum, quasi per commune mundi oraculum, » loquerentur <sup>4</sup>. » Hæc sancti Doctoris existimatio ad nostram usque ætatem propagata est, ut fidem faciunt illustrium virorum de eo testimonia : in quibus Bartholomæus a Martyribus, piissimus ille Bracarensis antistes, Bernardi cultor et admirator, non inferiorem locum obtinere debet.

XXVII. Hanc porro auctoritatem cum multa ei viventi conciliabant, tum maxime eximia ejus in honoribus ipsis humilitas, quo nihil, ipsius Bernardi judicio, sublimius <sup>5</sup>. Audi Ernaldum : « Plurima autem in eum probabilia et laude digna concurrunt. Alii » namque doctrinam, alii mores, alii mirantur miracula. Ego quidem, » ait ille, « his

<sup>1</sup> Luc. x, 19. — <sup>2</sup> Ezech. i, 25. — <sup>3</sup> Vita libro 1, n. 70. — <sup>4</sup> De Miraculis, lib. 14, cap. 17. — <sup>5</sup> Homilia 4 de Laudibus Virginis, n. 9.



» omnibus honorem defero : sed præ omnibus, quantum in me est, hoc sublimius duco,  
 » hoc propensius prædico, quod cum esset vas electionis, et nomen Christi eorum genti-  
 » bus et regibus ferret intrepidus; cum obedirent ei principes mundi, et ad nutum ejus  
 » in omni natione starent episcopi; cum ipsa Romana Ecclesia singulari privilegio ejus  
 » veneraretur consilia, et quasi generali legatione concessa, subjecisset ei gentes et regna;  
 » cum etiam, quod gloriosius judicatur, facta ejus et verba confirmarentur miraculis :  
 » nunquam excessit, nunquam supra se in mirabilibus ambulavit : sed de se semper  
 » humiliter sentiens, venerabilium operum non se auctorem credidit, sed ministrum; et  
 » cum esset omnium judicio summus, suo sibi judicio constitit infimus <sup>1</sup>. » Quippe « vin-  
 » cebat sublimitatem nominis humilitas cordis : nec tantum poterat universus eum mun-  
 » dus erigere, quantum se ipse dejicere solus <sup>2</sup>. » Neque vero tanta sui demissio et abjectio  
 profectum ejus apud alios minuebat, imo amplius augebat. « Nimirum quo humilior,  
 » eo semper utilior fuit populo Dei in omni doctrina salutari <sup>3</sup>. »

XXVIII. Patris sanctitati ex æquo respondebat sanctimonia filiorum, quæ in Patris  
 etiam gloriam redundabat. Testis ipsa Romana curia, quæ Innocentium ad Claram-Vallem  
 comitata est. « Flebant episcopi, flebat ipse summus Pontifex; et omnes mirabantur con-  
 » gregationis illius gravitatem, quod in tam solempni gaudio oculi omnium humi defixi,  
 » nusquam vagabunda curiositate circumferrentur; sed complosis palpebris, ipsi nemi-  
 » nem viderent, et ab omnibus viderentur. Nihil in ecclesia illa vidit Romanus quod  
 » cuperet. Nulla ibi supellex eorum sollicitavit aspectum; nihil in oratorio, nisi nudos  
 » viderunt parietes. Solis moribus poterat inhiare ambitio, nec damnosa poterat esse fra-  
 » tribus hujusmodi præda, cum minui non posset asportata religio <sup>4</sup>. » His columnis ac  
 prædiis fulta erat Bernardi auctoritas, adeo ut « austeritatem suavitas morum tolleret,  
 » auctoritatem sanctitas conservaret : quasi de cælo afferens inter homines miraculum  
 » quoddam conquisitæ apud Deum plusquam humanæ puritatis <sup>5</sup>. » Porro sanctitatem  
 illam ac puritatem attestabantur miracula, quæ adeo clara et illustria fuerunt, ut etiam  
 ejus adversarii ea faterentur; tam crebra et frequentia, ut Bernardus ipse obstupesceret,  
 apud Gaufridum <sup>6</sup>.

XXIX. Non mirum proinde, si tantum potuit ejus auctoritas, primum quidem « circa  
 » resuscitandum, » ut Guillelmus loquitur, « in monastico ordine antiquæ religionis  
 » fervorem <sup>7</sup>, » deinde, ex Gaufrido, « in Catholicorum moribus corrigendis, in schi-  
 » smaticorum furoribus comprimendis, in hæreticorum erroribus confutandis <sup>8</sup>. » Quod  
 tum ex ejus Vita, tum ex ejusdem scriptis, maxime ex epistolis manifestum est.

<sup>1</sup> Vitæ libro 11, n. 25. — <sup>2</sup> Ibid. libro 3, n. 22. — <sup>3</sup> Ibid. n. 8. — <sup>4</sup> Ibid. libro 2, n. <sup>1</sup>/<sub>6</sub>. — <sup>5</sup> Ibid. libro 3, n. 21, et libro 1, n. 28. — <sup>6</sup> Ibid. libro 3, n. 20. — <sup>7</sup> Guillelmus, lib. 1, n. 42. — <sup>8</sup> Gaufridus, lib. 3, n. 12.

§ III. — DE BERNARDI PROPECTU IN EMENDANDIS MORIBUS CLERICORUM,  
MONACHORUM, ET LAICORUM.

XXX. Corruptos sui sæculi mores passim luget ac deplorat Vir sanctus, maxime in Ecclesiæ ministris, quorum plerosque ad meliorem frugem adduxit : adeo ut tota Ecclesiæ ac Cleri, imprimis Gallicani, facies suis monitis ac sermonibus penitus immutata fuerit, et in antiquum decus restituta. Quippe Eugenium, virum sanctissimum, Romanæ Sedi suppeditavit, atque in eo Romanos Pontifices omnes ad rectam et legitimam suæ dignitatis administrationem erudit et accendit, libris editis de Consideratione, plane divinis. In episcopis Henricum Senonensem, Stephanum Parisiensem, aliosque permultos ab aulico vivendi genere ad mores episcopali ordine dignos revocavit : multos etiam e suis, in aliorum exemplum, episcopos protulit <sup>1</sup>. Clericis omnibus salutaria monita dedit in sermone de Conversione, ad clericos. Quæ omnia si quis accurate videre cupit, legat librum sextum de Vita sancti Bernardi gallice edita, cujus Vitæ tres libri posteriores ex ejus scriptis magna cum pietate et cum insigni delectu contexti sunt. De moribus et officio episcoporum legenda imprimis epistola quadragesima secunda ad Henricum Senonensem, quæ in Tractatum classem modo tomo secundo relata est. Merito itaque in libro de Episcopis Virdunensibus dicitur is esse Bernardus, « cujus consiliis regna et Ecclesiæ » Gallicanæ hodie, » inquit auctor, « innituntur <sup>2</sup>. »

XXXI. Erat in eo mirifica dicendi gratia, « ut non posset ne ipsius quidem stilus, licet » eximius, totam illam dulcedinem, totum retinere fervorem. » Quippe « placabilem, et » persuasibilem, et eruditam linguam dederat ei Deus, ut sciret, quem et quando deberet » proferre sermonem : quibus videlicet consolatio vel obsecratio, quibus exhortatio con- » grueret vel increpatio : ut nosse poterunt aliquatenus qui ejus legerint scripta, etsi » longe minus ab eis, qui verba ejus sæpius audierunt <sup>3</sup>. » Quod si ejus scripta legendo ita accendimur; quanto magis illi, qui loquentem audiebant? Non itaque mirum, quod Deus tot et tanta, in sui temporis hominum salutem, per eum operatus est.

XXXII. Quis vero explicet, quæ et quanta ab eodem patrata sint ad monastici instituti primigenium fervorem denuo suscitandum? Testantur hoc eximiæ ejus hac de re epistolæ ac scriptiones, liber de Præcepto et Dispensatione, Apologia ad Guillelmum abbatem, variique sermones : in quibus monachos ad retinendum revocandumque veterum Patrum primarium institutum animavit, id est, ad pœnitentiæ labores, austeritates, modestiam et humilitatem, paupertatem, mundi contemptum, amorem solitudinis ac silentii, et ad continuum profectum : in quibus totius rei monasticæ cardinem versari intelligebat. Hinc non immerito Petrus Venerabilis in epistola, quæ est inter Bernardinas ducentesima vigesima nona, vocat eum, n. 30, « lacteam fortem- » que columnam, cui innititur monastici ordinis ædificium; » ac « rutilum sidus, »

<sup>1</sup> Vitæ libro 2, n. 49. — <sup>2</sup> Spicilegii tomo 12, Pag. 311. — <sup>3</sup> Vitæ libro 3, n. 7.

quod « exemplo, verboque non solum monachis, sed et toti Latinæ Ecclesiæ suo tempore insigniter lucem donavit. »

XXXIII. Laurentius de Leodio in libro de Episcopis Viridunensibus, duos Ordines, Cisterciensem et Præmonstratensem, comparat cum duobus Cherubin propitiatorum obumbrantibus : « quorum unus Cisterciensis, duce Bernardo sanctissimi nominis abbate, monasticum ordinem, jam pene lapsum, ad primam apostolicæ vitæ normam reparavit. » Et « Cisterciensis quidem, per istud temporis, » inquit, « triennium, » jam in ducentas circiter abbatias magni nominis, meriti, et numeri accrevit; et « usque in barbaros Sarmatas et extremos Scythas jam diffundi cœpit<sup>1</sup>. » Tantum potuit Bernardi fama et opinio sanctitatis, ejusque discipulorum! Inde factum est, ut Ordinis Cisterciensis, qui Bernardum alumnum habuit, quasi fundator habitus sit ipse Bernardus, ab ejusque monasterio Claræ-Vallensi dictus Ordo Claræ-Vallensis suo tempore; imo postea et sancti Bernardi, etsi id vetuit Innocentius VIII in litteris unionis monasterii Claræ-Vallensis cum Cisterciensi. Hinc in litteris Alberonis episcopi Viridunensis apud Laurentium de Leodio mox laudatum, abbates Trium-Fontium et de Caladia dicuntur « de Ordine Claræ-Vallensi<sup>2</sup>; » et a Petro Cellensi « Cisterciensis sive Claræ-Vallis Ordo » vocatur in libro primo, epistola vigesima quarta. Sic in epistola Samsonis Remensis antistitis, quæ est ordine quadringentesima trigesima quinta inter Bernardinas, Ordinis Claræ-Vallensis mentio non semel habetur. Quanquam dici potest, ordinis Claræ-Vallensis nomine lineam tantum Claræ-Vallensem, non totum Ordinem, sæpius designari.

XXXIV. Qualis ac quanta fuerit sive Cisterciensium, sive Claræ-Vallensium sub Bernardo districtio et rigiditas, non est necesse hoc loco exponere, quando id satis superque patet tum ex Bernardi litteris ac scriptis, tum ex ipsius Vita, maxime ex libro primo, cap. 5, ubi primi Claræ-Vallis incolæ Deo servisse memorantur « in paupertate spiritus, in fame et siti, in frigore et nuditate, in vigiliis multis. Pulmentaria sæpius ex foliis fagi conficiebant. Panis ex hordeo, et vicia, et milio erat. » Ita Guillelmus testis oculatus. Bernardo in epistola prima, ad Robertum, « olus, faba, pultes, panisque cibarius cum aqua, » Cisterciensium delicie perhibentur. Nec aliæ apud Fastredum in epistola sua inter Bernardinas. « Tanta in cibo parcimonia, » inquit Stephanus Tornacensis in epistola septuagesima secunda, « ut duobus tantum pulmentis utantur, quæ aut ager ex leguminibus, aut ex oleribus hortus affert. Ipsi pisce tanto rarius utuntur, » quanto frequentius apud eos audiri solet, quam videri. » Plura videsis apud eundem auctorem, et apud Petrum Cellensem. Perseveravit hic Ordinis vigor non modo ad finem sæculi duodecimi, quod patet ex Petri Blesensis epistola octogesima secunda, sed etiam ultra medium sæculum decimum tertium testante Jacobo a Vitriaco in Historiæ orientalis et occidentalis capite decimo tertio : « Carnes, » inquit, « nisi in gravi infirmitate non manducant. Piscibus, ovis, lacte, et caseo non vescuntur communiter. »

<sup>1</sup> Spicilegii tomo 12, pag. 325. — <sup>2</sup> Ibid. pag. 322.

Eandem vitæ severitatem nos Galli etiam nunc reflorescere conspiciamus in piissimis monachis beatæ Mariæ de Trapa, aliisque nonnullis eorum imitatoribus : qui vitæ suæ puritate, austeritate, solitudinis amore, silentio, labore, aliisque religiosis virtutibus, id factu possibile astruunt, quod de Bernardo, ejusque discipulis legebamus, nec fere credebamus.

XXXV. Subjungit idem Jacobus a Vitriaco in capite sequenti, feminarum sexum fragiliorem « a principio Ordinis ad tantæ districtiōnis severitatem » aspirare ausum non fuisse; sed id demum in morem postea venisse. Verum tamen vivente ipso Bernardo non fuit omnino expers istius instituti femineus sexus. Id probat Hermannus Laudunensis monachus in libro tertio de Miraculis sanctæ Mariæ, cap. 17, ubi agit de Monasterio, Cisterciensium virginum ad Laudunum parthenone, a Bartholomæo episcopo constructo : in quo sanctimoniales sub Guiburge abbatissa, « depositis omnibus lineis indumentis atque pellicis, solis tunicis laneis utebantur; et non solum nendo vel texendo, sed etiam in agris fodiendo, et cum securi et ligone silvam succisam exstirpando, spinas et vepres evellendo, manibus propriis assidue laborantes, cum silentio victum sibi quærebant, vitamque Clare-Vallensium monachorum per omnia imitabantur. »

XXXVI. Longius progrediretur oratio, si quotquot Bernardus ad monasticam vitam pertraxit, illustriores utriusque sexus homines, quos scilicet novimus, in medium adduceremus : quales fuere Henricus, Ludovici VI Francorum regis filius, Ermen-gardis Britanniae ducissa, Adalais Lotharingie, et alii, aliaque innumeræ. Verum illud paulo minus prædicandum et mirandum, quod hominibus in sæculo remanentibus piissimam et rectissimam vivendi rationem persuasit. « Adhæsit ei præ omnibus quidem ex principibus comes Theobaldus, et se, et sua in subsidia Clare-Vallis exposuit, et in manibus Abbatis posuit animam suam, deposita altitudine principali, se inter servos Dei conservum exhibens, non dominum, ut obediret ad omnia, quæcumque domus illius infimi postulassent <sup>1</sup>. » Quid tantus princeps, monente et hortante Bernardo, præstiterit, tum in construendis, dotandis, juvandisque monasteriis, tum in egenis sublevandis, tum denique in exercendo optimi principis officio, testis est Ernaldus abbas, ex quo præmissa retulimus : testes etiam Bernardi epistolæ de eodem. Theobaldi pium studium æmulabatur nobilis et illustris femina Beatrix, ut discimus ex epistola centesima decima octava. Denique quantum Bernardi auctoritas in corrigendis hominum moribus valuerit, exemplo est conversio Guillelmi Aquitanie ducis, quem ex pertinacissimo schismatico obsequentissimum et piissimum principem effecit <sup>2</sup>. Et paucis cum Gaufrido absolvam : « Quæ scelestia non arguit? quæ odia non exstinxit? quæ scandala non compescuit? quæ schismata non resarcivit? quas hæreses non confutavit <sup>3</sup>? » Verum hæc duo postrema, nempe quæ ad schismata et hæreses pertinent, peculiarem exigunt tractationem.

<sup>1</sup> Vitæ libro 2, n. 52. — <sup>2</sup> Ibid. n. 57 seqq. — <sup>3</sup> Ibid. libro 3, n. 30.

## § IV. — DE SCHISMATE ANACLETI PER SANCTUM BERNARDUM COMPRESSO.

XXXVII. Etsi Baronius, aliique scriptores ecclesiastici, de schismate, post Honorii II obitum, anno 1130, Innocentium inter et Anacletum conflato, multa scripsere; nonnulla tamen ampliori explicatione egent, quæ ex veterum monumentorum lectione supplere conabimur, ad illustrandas Bernardi hoc de argumento epistolas. Atque ut ordine procedat oratio, primo quidem inquirendum, quales Gregorius de sancto Angelo cardinalis, et Petrus Leonis (nam hæc Innocentii et Anacleti prima nomina erant) ante schisma fuerint. Deinde propius consideranda Innocentii electio, ejusque accidentia et conditiones, atque Anacleti oppositio. Postremo quid exinde consecutum sit, investigandum.

XXXVIII. Petrus Leonis, ex gente Leonina Romanus, ex monacho Cluniacensi creatus est primum (si Onuphrio credimus) a Paschali II, diaconus cardinalis tit. sanctorum Cosmæ et Damiani: dein a Callisto II, presbyter cardinalis sanctæ Mariæ trans Tiberim, tit. Callisti, anno 1120. « Fuit hic Petrus, » uti ex Chronico Mauriniacensi discimus, « Petri filius, filii Leonis. Leo vero a Judaismo pascha, » id est transitum, « faciens ad » Christum, a Leone baptizari, et ejus nomine meruit insigniri. » Leonem IX interpretare. « Hic vir, » scilicet Leo ex Judæis, « quia scientissimus erat, in curia Romana magnificus effectus, genuit filium nomine Petrum, magnæ famæ, magnæque potentie post » futurum. Ea tempestate inter regem Teutonicorum, qui ex successione Caroli Magni » Romanorum patricius erat, et Ecclesiam Romanam illa turbulentissima de investituris oria » est seditio. In qua vir ille in tantum armis strenuus, consilio providus, et Ecclesiæ Romanæ fidelis exstitit, ut ei cum cæteris munitionibus, quæ Romæ sunt, illam quoque, quæ » illius urbis videtur obtinere similitudinem, turrim dico Crescentii, quæ a parte Galliarum in parte Tiberini pontis sita est, Papa committeret, et eum præ cæteris familiarem » haberet. Hæc occasione mirabiliter exerecens, quotidie sui melior efficiebatur, et divitiis, possessionibus, honoribus augmentabatur. » Hæc præmittenda fuerunt, quoniam ex Petri genere, Judaismo, potentia, turre Crescentii (arcem Sancti-Angeli appellant) qua Anacletus se tutabatur, pendet rei gestæ notitia. Pergit Chronographus Mauriniacensis: « Inter cæteram sobolem, ejus plurima multitudo sexus utriusque a quibusdam Antichristus gloriabatur, genuit hunc Petrum, de quo sermo nunc est: qui litteris traditus, » a quibusdam Antichristi præambulus appellabatur. » Hoc convicium ex consequentibus seu ex eventu ei impositum existimem. « Iste studii gratia Gallias atque Parisi » adiit: et cum repatriaret, apud Cluniacum, ditissimum atque sanctissimum cenobium, » monachilem habitum induit. Aliquantisper inibi regularibus institutionibus imbutus, » a Papa Paschali II patris admonitione retrahitur ad curiam; et cardinalis effectus tempore Callisti Papæ, cum eodem Gregorio, qui postea Innocentius II, missus ad Gallias, » Carnoti, Belvacique concilia celebravit. » Nulla hic mentio de titulo diaconi cardi-

nalis, quem titulum Petro Leonis a Paschale concessum fuisse Onuphrius tradit : qua in re potior est auctoritas Chronographi Mauriniacensis, ejus temporis æqualis.

XXXIX. Gregorius diaconus cardinalis tit. sancti Angeli ab Urbano II creatus dicitur ; ac deinde legatus a Callisto II in Galliam missus cum Petro Leonis, anno 1124, Sagium Neustriæ civitatem cum eo accessit, teste Orderico <sup>1</sup>. De hac legatione ita scribit Vincentius in libro secundo de Vita Stephani Grandimontensis, cap. 49 : « Excellentissimi » quoque cardinales, Gregorius et Petrus Leonis, inter quos postmodum de Papatu schisma fuit, cum in Galliam missi, in partibus Lemovicis legatione sua fungerentur, ad hunc virum Dei » Stephanum « pariter convenerunt. » Et quidem constitutioni Sugerii abbatis anno 1125 subscripserunt ambo ut legati, apud Chesnium : « Ego Petrus Sedis » apostolicæ presbyter cardinalis et legatus laudo et confirmo. Ego Gregorius sancti Angeli diaconus cardinalis et apostolicæ Sedis legatus <sup>2</sup>, etc. » Eodem tempore Bernardus quasdam epistolas scripsit Petro diacono cardinali legato, nimirum epistolam decimam septimam et sequentes : quem ipsum esse Petrum Leonis aliquando cum Manrico opinatus sum. At cum Petrum illum, cui Bernardus scribit, diaconum, non presbyterum cardinalem fuisse constet ; epistolæ illæ Petro Leonis convenire non possunt, qui tunc sine dubio presbyter cardinalis erat, ut probat non solum Onuphrius cum aliis, sed etiam præmissa ipsius Petri subscriptio, atque Sugerii testimonium, quod mox adducemus. Itaque Petrus ille diaconus cardinalis ac legatus, cui Bernardi superiores epistolæ inscriptæ sunt, fortassis is ipse fuerit, qui adversus Pontium abbatem Cluniacensem exactoratum, ejusque fautores Pontianos, in Galliam accessit ex mandato Honorii Papæ ; cujus rei auctorem habemus Petrum Venerabilem in libro secundo de Miraculis, cap. 13 : « Decesserat jam e vita supra scriptus venerandus Papa Calixtus, nec se infirriorem Papam Honorium acceperat successorem. Hic tantæ Ecclesiæ » Cluniacensis « tantos tumultus audiens, misso de latere suo legato, domino scilicet Petro cardinali, » Pontium et Pontianos, qui tunc sic vocabantur, omnes, adjuncto sibi Lugdunensi » primate Hubaldo, terribili anathemate condemnavit. » Cujus vero tituli is cardinalis fuerit, non facile est definire : nam plures tunc temporis erant, præter Petrum Leonis, eo nomine cardinales ; nimirum Petrus episcopus Portuensis, Petrus Pisanus tit. sanctæ Susanne, Petrus Burgundus tit. sancti Marcelli, Petrus tit. sancti Æquitii, qui prima Honorii creatione promotus est anno 1125, Petrus presbyter cardinalis tit. sanctæ Anastasiæ anno sequente, ac demum biennio post Petrus diaconus tit. sancti Adriani. Sed ante horum duorum creationem Bernardi epistolæ scriptæ videntur.

XL. Interea moritur Honorius Pontifex medio februario anni 1130. Præcedentem assignat Chronographus Mauriniacensis de more Gallicano, quo novi anni initium a Paschate deducebatur. Tum « cardinales, » ait idem Chronographus, « qui cum cancellario » Haimérico « inibi aderant, et Honorio infirmanti assederant, Gregorium » quemdam, » eum scilicet quem modo laudabamus, « scientia ac religione præclarum,

<sup>1</sup> Ordericus, lib. 12, pag. 877. — <sup>2</sup> Chesnius, tomo 4, pag. 547.

» sibi præficiunt, et nimis festinanter, ut a quibusdam dicitur, pontificalibus induunt  
 » insignibus. Id illius gratia dispensationis factum dicunt, ut Petrum quemdam, qui  
 » sæculariter ad Papatum videbatur aspirare, spe sua frustrarentur. Fuit hic Petrus  
 » Petri filius, filii Leonis, » et cætera, quæ superius de eo retulimus. Factum clarius ex-  
 primit Sugerius in libro de Vita Ludovici Grossi, ubi ait, « Romanæ Ecclesiæ majores et  
 » sapientiores, » extincto Honorio, « ad removendum Ecclesiæ tumultum » consensisse,  
 » apud Sanctum-Marcum, et non alibi, et nonnisi communiter Romano more celebrem  
 » fieri electionem. » At « qui assiduitate et familiaritate propinquiore Apostolici fuerant,  
 » timore tumultuantium Romanorum illuc convenire non audentes, antequam publicare-  
 » tur domini Papæ decessus, personam venerabilem, cardinalem de sancto Angelo diaco-  
 » num Gregorium, summum elegisse Pontificem : qui autem Petri Leonis parti favebant,  
 » apud Sanctum-Marcum pro pacto alios invitantes convenisse ; dominique Papæ morte  
 » comperta, ipsum eundem Petrum Leonis, cardinalem presbyterum, multorum, et  
 » episcoporum, et cardinalium, et clericorum, et Romanorum nobilium consensu votive  
 » elegisse : » sicque schisma perniciosum conflatum fuisse. Prior itaque erat Innocentii  
 electio : sed præpropæra, nec ab universo eligentium cœtu facta. « Cum autem Petri  
 » Leonis pars tum parentum suffragio, » addit Sugerius, « tum Romanæ nobilitatis præ-  
 » sidio prævaleret ; » Innocentius Urbem deserit, et ad partes Galliarum navigio descen-  
 dit, « nuntiisque ad regem Ludovicum destinatis, » ejus opem efflagitat. Quamobrem  
 Ludovicus Stampas indicit « concilium archiepiscoporum, episcoporum, abbatum et re-  
 » ligiosorum virorum ; et eorum consilio magis de persona, quam de electione investi-  
 » gans, » Innocentio dat manus, auctore Bernardo, in cujus suffragium totius concilii  
 vota convenerant, teste Ernaldo in libro secundo de ejus Vita, cap. 1. Sub hæc Sugerius,  
 uti ipse persequitur, mandato Regis obviam Innocentio missus Cluniacum usque ; ejus  
 loci abbas Petrus Venerabilis et monachi Anacleto, monacho quondam suo, Innocentium  
 prætulerant, ut postea notabimus ad epistolam centesimam vigesimam sextam. Rex ipse  
 usque ad Floriacense sancti Benedicti monasterium cum regina et filiis suis Papæ oc-  
 currit, et regium verticem, « tanquam ad sepulcrum Petri inclinans, pedibus ejus pro-  
 » cumbit. » Ejus exemplo rex Angliæ Henricus, itidem Innocentio « Carnotum occurrens,  
 » devotissime pedibus ejus prostratus, » suam suorumque obedientiam ei promittit.  
 Innocentius vero « visitando Gallicanam Ecclesiam, ad partes se transfert Lotharin-  
 » gorum. Cui cum imperator Lotharius civitate Leodii cum magno archiepiscoporum, et  
 » episcoporum, et Teutonici regni optimatum collegio celeberrime occurrisset ; in platea  
 » ante episcopalem ecclesiam humillime se ipsum stratores offerens, pedes per medium  
 » sanctæ processions ad eum festinat, alia manu virgam ad defendendum, alia frenum  
 » albi equi accipiens, tanquam dominum deducebat. Descendente vero tota statione,  
 » eum suppodando deportans, celsitudinem paternitatis ejus notis et ignotis elarifi-  
 » cavit. » Hæc anno 1130 gesta : ubi Sugerius silet de Bernardo, quem assiduam Inno-  
 centii comitem itineris per Galliam fuisse ex Ernaldo discimus.

XLI. Antequam cætera persequamur, non ab re fuerit observare, quid tunc temporis

Leodii actum sit. Id explicant Annales Magdeburgenses seu Saxonici mss. ad annum 1131 : « Dominica ante mediam Quadragesimam, undecimo kalendas aprilis, celeberrimus » conventus triginta et sex episcoporum et principum fit Leodii, domno apostolico Innocentio et rege Lothario ac regina presentibus; ubi multa tam de ecclesiasticis, quam » de regni utilitatibus provide ordinata sunt. Ibidem Halberstadensis episcopus Otto, ab » Honorio Papa jam triennio episcopatu privatus, interventu regis et principum, officii » sui restitutionem promeruit. » Ernaldus tradit, eo in conventu actum de investituris, quas tandem Lotharius, agente Bernardo, Ecclesiae remisit. Hoc concilium præcesserat synodus Wireburgensis; uti habent iidem Annales, ab auctore æquali scripti. « Concilium » sexdecim episcoporum mense octobri a rege Wireburgi congregatur, cui adfuit » archiepiscopus Ravnennæ, apostolicæ Sedis legatus : ubi Gregorius, qui et Innocentius, » qui Petro Leoni in electione prævaluit, a Lothario rege et omnibus ibi congregatis » eligitur, et confirmatur. »

XLII. Post conventum Leodiensem Innocentius, teste Sugerio, remeant in Franciam, Paschæ festum apud Sanctum-Dionysium transigit, et « transactis tribus post Pascha » diebus, » Parisios accedit. « Exinde Galliarum ecclesias visitando, et de earum copia inopiæ suæ defectum supplendo, cum per terram aliquantisper deambulasset, Compendii » demorari elegit. » Subinde concilio Remis habito, ut tradit Sugerius, et quidem decimo quarto kalendas novembris, testante Dodechino, ibidem Ludovicus Junior regia insignia ab Innocentio accepit octavo kalendas easdem, prout notavit Robertus Sigeberti continuator. Annales Saxonici manuscripti ad annum 1131 : « Innocentius Papa, iterum » collectis ecclesiasticis viris, » id est post synodum Leodiensem, « et fidelium turbis, » apud Remensem urbem in festo sancti Lucæ grandi synodo per aliquot dies præsidebat. » Addit Sugerius, Papam « soluto concilio, » Autissiodori moras egisse; ac demum cum Lothario repetiisse Italiam. Autissiodori moram Chronographus concilio Remensi postponit.

XLIII. Ernaldus in libro secundo de Vita Bernardi, capite primo, concilium Remense ante Leodiense collocat, atque Innocentium Leodio Claram-Vallem, ac deinde, post brevem in Gallia moram, cum Lothario Romam contendisse scribit. At synodum Remensem Leodiensi posteriorem esse constat, tum ex Sugerii narratione, tum ex Annalibus Saxoniceis, sed maxime ex Chronico Mauriniacensi, in quo Innocentii iter accurate describitur. Tradit quippe Chronographus, post agniti Carnoti ab Henrico Anglorum rege Innocentium, « statutum fuisse in curia ad patrieum Romanorum et Teutonicorum » regem iter dirigere, et de Carnoto statione prima apud Mauriniacum hospitari, » quod Benedictinorum monasterium est in suburbio Stampensi. In illo vero comitatu, præter episcopos et cardinales, adfuisse « Bernardum abbatem Clararum-Vallium, qui tunc temporis in Gallia divini verbi famosissimus predicator erat; » et Petrum Abaelardum monachum et abbatem, qui « vir religiosus, et excellentissimarum, » id est theologicarum, « rector scholarum » dicitur. Mauriniacensis ecclesie dedicatione facta, « luce » tertia dominus Papa cum suo comitatu discessit, et ad suum colloquium, quod apud



» Leodium fuit , profectus est... Exinde rediens Innocentius ad Galliam , diuque Autis-  
 » siodori commoratus , cum tempus convocati concilii , quod in festivitate beati Lucæ  
 » evangelistæ Remis celebraturus erat , appropinquaret ; conciliato prius apud Turonum  
 » Gaufrido Martello... rursus per Aurelianensem , Stampensemque rediens provinciam ,  
 » sua præsentia Parisius illustravit. » Interea Philippi regis designati mors accidit.  
 » Mortis hujus audito nuntio , Papa præcordialiter permotus , mittit a latere suo ad con-  
 » solandum regem venerabiles episcopos , Gaufridum Catalaunensem , et Matthæum Alba-  
 » nensem. » Tum Remos profectus , in frequenti synodo Ludovicum regem solemniter  
 inungit. Litteræ obedientiæ et fidei indices ei mittuntur a Lothario Alamannorum , et ab  
 Henrico Anglorum , itidemque ab Hildefonso seniore citerioris , et juniore interioris Hispa-  
 niæ regibus. Ad hæc ingenti gaudio Pontificem recrearunt « excellentissimorum eremi-  
 » tarum Cartusiensium litteræ , quæ per quemdam venerabilem abbatem de Ordine  
 » Cistellensi delatæ , et in concilio per Gaufridum Carnotensem episcopum recitatæ sunt. »  
 Abbas iste erat Pontiniacensis , nempe Hugo , ut testantur litteræ , quas idem Chronogra-  
 phus refert in fine libri secundi. Addit initio tertii , Innocentium paulo post concilium  
 Remense , Romam repetiisse. « Sed quia Petrus , injustus conviciarius , maximam partem sibi  
 » sociaverat civitatis , Innocentius ecclesiam beati Petri , in qua divini sacerdotii dignitas  
 » pendebat , solus per se obtinuit : Petrus vero Lateranensis palatii sedem , ad quam im-  
 » perialis celsitudo pertinet , occupavit. » Exstant hac de re litteræ Lotharii imperatoris in  
 tomo sexto Spicilegii , in quibus Norbertus archiepiscopus Magdeburgensis cancellarii titulo  
 afficitur , nempe vices agens Brunonis Coloniensis , ut legitur in Chronico Saxonico , qui  
 Bruno in Italiam cum Imperatore profectus non fuerat. Verum Innocentius civitati consu-  
 lens , Pisas se contulit , ibique ad mortem usque Petri demoratus est , id est ad annum 1137.

XLIV. Petrus interea temporis , seu Anacletus , nihil non molitur , ut quoscumque  
 insigniores viros ad partes suas adjungat. Ex episcopis ei adhæsit Girardus Engo-  
 lismensis , qui cum legati munus sub Pontificibus proximis gessisset , illud idem vel ab  
 Anacleto impetrare in votis habuit. Idem Guillelmum Pictavorum comitem ad Anacletum  
 pertraxit. Præterea Rogerium Apuliæ ducem ut sibi conciliaret Anacletus , sororem suam  
 ei tradidit uxorem , eumque Siciliæ regem coronavit , teste Orderico in libro duodecimo <sup>1</sup>.  
 In epistolis Anacleti Pontificem se ferentis , quæ omnes in codice Casinensi habentur , par-  
 tim apud Baronium editæ , una est , in qua vehementer conqueritur de abbate Farfensi ,  
 quem , quia sibi contrarius erat , « Ecclesiæ funda percussit , » id est , « excommunica-  
 » tionis sententia condemnavit. »

XLV. Tot tantæque turbæ , quas fusius fortasse quam locus pateretur , hic descripsimus ,  
 multum negotii Bernardo facesserunt , qui varias epistolas circumquaque scripsit ad con-  
 ciliandos Innocentio schismaticos , et continendos in officio fideles ; varia item itinera  
 ejusdem rei causa suscepit , ut ex sequentibus epistolis , et ex Vitæ libro secundo , capp. 6  
 et 7 , intelligitur.

<sup>1</sup> Ordericus , lib. 12 , pag. 498.

XLVI. Superest hic agendum de Girardo Engolismensi episcopo, cujus mores egregie descripsit Arnulfus, tum Sagiensis archidiaconus, dein episcopus Lexoviensis, in tractatu adversus eum edito, quem Acherius noster in tomo secundo Spicilegii typis vulgavit. Ait eum patria Nortmannum, ob paternæ domus familiarem inopiam inde profectum, et « casu » tandem electum antistitem Engolismensis Ecclesiæ, ut « exitum qualemcumque » eligentium discordia consequeretur. Tum nepotibus suis, « obscuro loco » natis, dignitates ecclesiæ suæ conferre, crimina impunita relinquere, legati munus a summo Pontifice quærere et impetrare, in singulos grassari, concilia et synodos convocare ad fastum. Addit Arnulfus, eum electo Innocentio primum fuisse : sed eum legati munus ab ipso impetrare non potuisset, ad Petri Leonis partes concessisse ; a quo ipsi nova legatio concessa est, ut quidquid ab Alpibus usque ad fines Occidentis interjacet, ejus ditioni subjectum esset ; adjectumque, ut « ubicumque calearet pes » ejus, ibi etiam « esset legatio. » Hac vero dignitate accepta satis egisse, ut Anglorum et Hispanorum reges ad Analeti partes pertraheret ; sed frustra. Pictaviensis ac Lemovicensis Ecclesiarum episcopis ejectionis alios nefarios substituisse : ipsum etiam Girardum Ecclesiæ Burdigalensi incubasse, episcopum simul et archiepiscopum ; quod etiam Ernaldus in libro secundo de Vita sancti Bernardi, cap. 5 tradit. Deinde Analeti fautores Arnulfus enumerans, ita subdit : « Infidelis universitas » illa, quam sequeris, Petri Leonis est, nondum fermento Judaicæ corruptionis penitus » expiata : et tyrannus ille, quem alitrix tyrannorum Sicilia sustinet... Huic numero solus » Pictaviensis comes adjicitur, voluptatum vir, animalis homo, arcana spiritualium non at- » tingens, ob repulsam petitionis illicitæ mancipatus errori. » Hi Analeti fautores. « Partem » vero nostram, » inquit Arnulfus, « omnis imperator, omnis rex, omnis princeps, omnis » homo denique proficitur, quicumque christiani nominis insignitur honore. » Sed « ho- » rum in hoc mihi consensus præcipuus est, horum me movet, motum trahit, tractum » tenet auctoritas, quibus datum est nosse mysterium regni Dei, quorum in cælis esse » jam ex parte conversatio perhibetur : quales revera sunt, qui Cartusiæ perpetuas nives » inhabitant ; et qui a Cisterciensi vel Cluniacensi monasterio profluentes, lucis suæ » radios undique diffuderunt. » Hæc Arnulfus in Girardum, quem tamen alii nonnulli laudant : sed Arnulfi prævalere debet auctoritas. « Nihil enim scripsi, » inquit, « quod » non vel ipse cognoverim, vel auctore probabili non haberem, vel quod saltem fama pu- » blica non affirmet. » De eo plura in Notis ad epistolam centesimam vigesimam septimam. Interea moritur Girardus anno 1136. Tunc Gaufridus Carnotensis episcopus mandato Innocentii « omnem Galliæ regionem, ipsius quoque Aquitanie, studiose circueiens, » omnia sanctorum ecclesiarum altaria, quæ vel Girardus ille seditionis auctor et obten- » tor, vel Gilo Tusculanensis episcopus, aut eorum complices, chrismalis unctionis be- » nedictione schismatis tempore consecraverant, propriis manibus dissipavit, » ut legitur in Chronici Mauriniacensis libro 3. Sed diutius his immoramur. Plura qui de Innocentii et Analeti professione, vita et moribus scire voluerit, legat Arnulfi tractatum mox laudatum. Paschalis II litteræ de legatione Girardo commissa exstant in Spicilegii tomo tertio : Synodus Lodunensis sub eo habita anno 1109, tomo quarto.

XLVII. Per funesta ac diuturna schismatis illius tempora, quantos Bernardus labores sustinuerit, quot itinera confecerit, ex ejus Vita et epistolis, ut jam diximus, intelligitur. Hujus rei causa ter in Italiam profectus est, ejusque tandem opera schisma compressum, mortuo Anaeleto anno 1138 : cui schismatici Victorem antipapam substituerunt, « non tam pertinacia schismatis, quam ut opportunius per aliquam temporis moram » Papæ Innocentio reconciliarentur. » Et re quidem ipsa Victor « ad virum sanctum, » id est Bernardum, « nocte se contulit; et ille eum, nudatum quidem usurpatis insignibus, ad domini Innocentii pedes adduxit<sup>1</sup>. » Et hic funesti ac diuturni schismatis finis.

XLVIII. Tanti beneficii, maxime per Bernardum accepti, memor Innocentius, Cisterciensibus decimas ex omnibus quas habebant possessionibus propria auctoritate relaxavit, inconsultis iis ad quos ejusmodi decimæ pertinebant. Et hæc nova discidiorum causa, quæ non parum molestiæ Bernardo accersivit. Conquesti sunt potissimum hæc de re Cluniacenses, quibus magna rei familiaris jactura ex gratuita illa Innocentii liberalitate afferebatur : eoque progressa est eorum indignatio, ut monachi Gigniacenses vicinum sibi Cisterciensium monasterium, Miratorium dictum, susquedeque verterrint. Totam hujus tragædiæ historiam explicant epistolæ potissimum duæ, una Petri Venerabilis, altera S. Bernardi, quæ sunt inter Bernardinas ducentesima vigesima octava et ducentesima octogesima secunda, et Notæ nostræ ad easdem. Neque vero statim exstincta est lis illa, sed processu temporis ad alias etiam regiones permanavit.

XLIX. Id patet ex epistola octogesima secunda, quam Richardi archiepiscopi Cantuariensis nomine, Petrus Blesensis « abbati et conventui Cisterciensi » scripsit. In ea enim epistola, præmissis Cisterciensium laudibus, subdit in uno eorum famam decolorari, quod « monachis et clericis decimas auferrent. Et quæ est, » ait, « hæc injuriosa » immunitas, ut exempti sitis a decimarum solutione, quibus obnoxie terræ erant, » antequam vestræ essent; et quæ solutæ sunt hætenus, non personarum obtentu, sed » territorii ratione? Si in vestram possessionem terræ devolutæ sunt, quare in hoc » periclitatur alienum jus? nam ad vos terræ, juxta communem æquitatem, cum suo » onere transierunt. » Et objecto sibi Papæ, id est Innocentii, privilegio, reponit, id potuisse « tolerari ad tempus, quod causa necessitatis fuerat introductum : dum Ordo » scilicet Cisterciensis « in paupertate gaudebat, dum in usus egentium suæ tenuitatis » viscera liberaliter effundebat. » Verum, multiplicatis possessionibus « etiam in immensum, privilegia hæc potius ambitionis, quam religionis instrumenta censerent. » Cæterum « quidquid indulgeant privilegia Romanæ Ecclesiæ, non expedire, contra » conscientiam quod alienum est usurpare. » Ad extremum, si pertinaces et inflexibiles hæc in re se exhibebunt, interminatur Richardus, se « vinculo anathematis innodatum universos » qui aliquid Cisterciensibus dederint, aut vendiderint, « unde jus » decimationis obveniat; » et ad thronum summi Judicis appellaturum, « ne quis » hujus vinculum excommunicationis absolvat. » Quin etiam se principum favorem

<sup>1</sup> Vitæ libro 2, n. 47.

obtenturum, « ut gladio spirituali manus civilis assistat; et quidquid contra principale « oraculum, venditum, aut donatum » ipsis Cisterciensibus fuerit, « confiscetur. » Hæc ex genio Petri Blesensis.

L. De eadem re itidem conquestus est Gaufridus Prior Vosiensis in Chronico: ubi postquam Cistercienses laudavit, quod elemosynas de labore suo multas tribuerent; quod in choro psallerent ordinate, pluraque peragerent honesta: in eis tamen id notat, quod cæteris terras et decimas auferrent: ad hæc, quod quorundam sanctorum memoriam indiscrete abraderent<sup>a</sup>. Hæc auctor ille exeunte sæculo duodecimo scribebat: quo tempore tempestas illa de decimarum relaxatione, ab Innocentio in gratiam Cisterciensibus facta, nondum sedata erat.

§ V. — DE ERRORIBUS PETRI ABAELARDI, ET GILBERTI PORRETANI  
A SANCTO BERNARDO REFUTATIS.

LI. Illud non parum confert ad Bernardi gloriam, quod non alios habuit adversarios, quam homines erroneos aut hæreticos; imo non homines ipsos, sed eorum errores. Inter errantes censendi sunt in primis Petrus Abaelardus, et Gilbertus seu Gislebertus Porretanus: inter hæreticos nequissimus Henricus, ejusque asseclæ, ab ipso dicti Henriciani. De duobus primis hoc loco, de Henrico ejusque sequacibus in proximo capite agendum.

LII. Petrus Abaelardus vivis coloribus se ipse depingit in Historia calamitatum suarum, eundemque postea Otto Frisingensis episcopus benigno penicillo expressit. Ejus vite compendium habes in nostris Notis ad Bernardi epistolam centesimam octogesimam septimam, ubi Abaelardi defensores ac patroni refutantur. Hic tantum summam eorum quæ Bernardus contra eum gessit, exhibere juvat: ac deinde ex ipsis ejus defensorum verbis ostendere, quam iniqui sint in veritatem, qui Abaelardo favent præ sancto Bernardo.

LIII. Inprimis observare licet, Abaelardum, longe antequam cum Bernardo quidquam commercii habuisset, a Conone Sedis apostolicæ legato provocatum fuisse ad concilium Suessione anno 1121 celebratum: atque in eo librum ejus de Theologia, in quo erronea capitula continebantur, flammis traditum fuisse, auctore in monasterium Sancti-Medardi recluso. Inde vero egressus, per varios hinc inde discursus, prima sua dogmata disseminare pergit. Hinc hæreticus audit apud plerosque. Quod nomen graviter ferens, Bernardum, quem hujusce convicii auctorem existimabat, ad concilium Senonense anno 1140 invitum ac renitentem pertraxit. Hic coram episcopis et aliis secundi ordinis illustribus viris iterum auditus Abaelardus ipse, atque a Bernardo confutatus; examinata, iterumque proscripta ejus doctrina, intacto auctore, qui ad Sedem apostoli-

<sup>a</sup> Vide Labbe, Bibliothecæ tomo 2, pag. 528

licam appellavit. Verum intellecto, synodi sententiam ab Innocentio II fuisse approbatam, ab appellatione destitit, atque hortante Petro Venerabili in Cluniacense monasterium se recepit, et tandem apud Cabilonem in cœnobio Sancti-Marcelli laudabili fine quievit.

LIV. Varias Bernardus contra Abaelardum epistolas scripsit, quarum præcipua est ad Innocentium epistola centesima nonagesima, quæ inter Opuscula undecimo loco relata est. In hac epistola Bernardus præcipua errorum capita, quæ in Abaelardi scriptis animadversa fuerant, summam refert, ac valide revincit. In hac editione eidem epistolæ seu opusculo ex codice Vaticano præmittimus capitula quatuordecim ex Abaelardi scriptis a Bernardo excerpta, quæ una cum dicta epistola Innocentio submissa sunt. De tota hac controversia fuse agemus in Admonitione eidem Opusculo undecimo præmissa. Hic tantum quædam de Abaelardi defensoribus delibamus.

LV. Primus adducitur Abaelardus ipse, qui in Apologia sua conqueritur, sibi quædam « per malitiam » imposita fuisse : imprimis quod « Pater sit plena potentia, Filius » quædam potentia, Spiritus sanctus nulla potentia. » Quæ verba « non tam hæretica, » quam diabolica » abhorret, nec in suis scriptis posse reperiri affirmat. Verum de hoc, aliisque capitulis agendum in Observationibus ad Bernardi Opusculum undecimum. Interim in eadem Apologia sua fatetur Abaelardus, se aliqua scripsisse « per errorem, » quæ non oportuit; » at « nil per malitiam, aut per superbiam : » additque, se, si qua per multiloquium excessit, paratum semper esse « ad satisfactionem de male dictis suis » corrigendis sive delendis; » ac demum se Ecclesiæ filium, « cuncta quæ recipit recipere, » quæ vero respuit respuere. » Bene. Nolumus Abaelardum hæreticum : sufficit pro Bernardi causa eum fuisse in quibusdam errantem ; quod Abaelardus ipse non diffitetur.

LVI. Quid vero contra sanctum Doctorem, aut pro Abaelardo Otto Frisingensis ? Nimirum Bernardum « ex christianæ religionis fervore zelotypum, et ex habituali mansuetudine credulum : » adeo « ut magistros, qui humanis rationibus et sæculari sapientiæ confiderent nimium inhærebant, abhorreret, et si quidquam ei christianæ fidei » absonum de talibus diceretur, facile aurem præberet<sup>1</sup>. » Verum hæc ipsa in sancti Doctoris gloriam cedunt : cum nihil magis ad doctorem catholicum pertineat, quam ejusmodi homines, philosophicis ratiunculis plus justo tribuentes, maxime ubi nova eundem vocabula, quæ in errorem inducere possunt incautos, quamprimum reprimere. « Porro, » ut cum Guillelmo loquar, « si nimietas in eo reprehenditur sancti fervoris, habet certe apud pias mentes excessus iste reverentiam suam... Felix cui solum reputatur » ad culpam, quod cæteri sibi solent præsumere ad gloriam<sup>2</sup>. » Verum Otto ipse, quantumvis Abaelardo favens, fatetur tamen, ipsum tres sanctæ Trinitatis personas « nimis attenuasse, non bonis usum exemplis ; » atque ob hoc apud Successionem in provinciali synodo, « Sabellianum hæreticum judicatum. » Quid ergo mirum, si eadem iterum recantans, male audit apud sanæ fidei amatores ?

<sup>1</sup> Otto, de Frid. lib. I, cap. 47. — <sup>2</sup> Vitæ libro I, n. 44.

LVII. De Berengario Pictaviensi, qui Apologiam pro Abaelardo præceptore suo contra synodum Senonensem et Bernardum scripsit, non est quod multum curemus : tum quia homo flocci fuit ac nullius auctoritatis ; tum quia idem, ad sanio rem mentem reversus, noluit amplius esse « patronus capitulorum objectorum Abaelardo, quia etsi » sanum saperent, non » tamen « sane sonabant : » librum suum suppressurus, si potuisset, ut ipse testatur in epistola ad episcopum Mimatensem. Cæterum etsi Abaelardi opera, in quibus errata sua resperserat, modo non habeamus omnia ; in iis tamen quæ restant, multa sunt « salebrosa, » ut notarunt Theologi Parisienses, qui « singulis periculosisioribus dictis amuletum » in limine ejus Operum adhibuerunt : ex quibus optandum quidem esset, ut Præfatio apologetica expungeretur. Sed de Abaelardo satis.

LVIII. Non minorem Bernardo invidiam conflavit Gilberti Porretani episcopi Pictaviensis damnatio, quam Abaelardi. Is « Pictavis oriundus, » ait Otto Frisingensis, ex discipulo magister, ex magistro tandem ejusdem civitatis episcopus evasit. « Ab adolescentia magnorum virorum disciplinæ se subiciens, magisque illorum ponderi, quam » suo credens ingenio, non levem ab eis, sed gravem doctrinam hauserat, » cum scientiæ laude morum gravitate conjuncta. Magistri illi fuerunt « primo Hilarius Pictaviensis, » post Bernardus Carnotensis, ad ultimum Anselmus et Radulfus Laudunenses, germani » fratres. » Hilarium hunc non alium esse existimo ab illo magno Hilario Pictaviensi episcopo, cujus auctoritate Gilbertus abutebatur, teste Gaufrido. Bernardus Carnotensis non aliunde, quam ex Ottonis testimonio mihi notus : Radulfus Laudunensis ex Guiberto et Hermannò Laudunensi monacho, et ex Gaufrido sancti Bernardi notario notissimus, uti et Anselmus ejus frater, Laudunensis Ecclesiæ decanus. Commentarios in Psalmos et in Pauli Epistolas, atque in Boetium dum condit Gilbertus, nonnulla secus quam licebat de divinitate, aliisque religionis capitibus philosophatur. « Erant inter » cætera, quæ illi objiciebantur, de divina majestate, » ait Otto, « quatuor capitula, » nempe, « Divinam essentiam non esse Deum : Proprietates personarum non esse ipsas » personas : Theologicas personas in nulla prædicari propositione : Divinam naturam » non esse incarnatam <sup>1</sup>. » Hæc clarius in consequentibus exponemus. « Minora » capitula item alia jactitabat, videlicet, « Nullum mereri præter Christum : Nullum baptizari » nisi salvandum, » et alia id genus, quæ Gaufridus commemorat <sup>2</sup>.

LIX. Cum vero in frequenti suorum clericorum conventu sermonem habuisset episcopus, eosdemque errores disseminasset ; duo ejus archidiaconi, Arnaldus et Calo, rem ad Eugenium III, tunc ad Gallias venientem, apud Senas in Tuscia deferunt. Pontifex causæ examen in Gallias remittit. Archidiaconi interim Bernardum in partes suas pertrahunt. Examen factum Autissiodori et Parisiis, judicium prolatum in concilio Remensi anni 1148. Quid in singulis conventibus actum sit, paucis Otto commemorat, pluribus Gaufridus Bernardi notarius, qui et opuseculum de rebus in concilio Remensi hac de re gestis, et post annos inde quadraginta epistolam scripsit ad

<sup>1</sup> Otto, de Frid. lib. 1, capp. 46, 50. — <sup>2</sup> Libello contra capitula Gilberti : infra in Appendice.

Henricum cardinalem episcopum Albanensem. Utramque scriptionem hic habes in fine tomi sexti.

LX. De conventu Autissiodorensi, qui ab uno memoratur Ottone, nihil singulare comperimus : sed contra non pauca de Parisiensi. Habitum fuisse « in solemnitate paschali » tradit Gaufridus, ac proinde anno 1147 : quandoquidem concilium Remense « mediana Quadragesima » anni sequentis fuit celebratum, ex Ottone, et quidem « undecimo kalendas aprilis, » ex Appendice ad Sigebertum. « Itaque coram Pontifice » apud Parisios coram cardinalibus, episcopis, aliisque venerabilibus et eruditis viris » sistitur Gilbertus, de his capitulis responsurus. Id actum per aliquot dies. Producuntur contra eum duo magistri, Adam de Parvo-Ponte, vir subtilis, et Parisiensis » Ecclesiæ canonicus recenter factus; et Hugo de Campo-Florido, cancellarius Regis, » sancte affirmantes, se aliqua eorum ex proprio ejus ore audisse. Interim dum hinc » inde multa sibi objicerentur, inter cætera dixisse traditur : Confiteor Patrem alio esse » Patrem, alio Deum ; nec tamen esse hoc, et hoc. Dictum indigne tulit Joslenus Suesionensis episcopus. Hæc prima die contigerunt. Alia die accusatus, quod in prosa de » Trinitate tres personas tria singularia vocasset ; Rotomagensis archiepiscopus (Hugo » tertius is erat) causam aggravavit, dicens, Deum potius debere dici unum singulare. » Ita fere Otto episcopus Frisingensis, de conventu Parisiensi <sup>1</sup>.

LXI. Paulo aliter Gaufridus de eo agit, cui synodum Viterbiensem in eadem causa habitam præmittit. Gilberti ad Pontificem delatorem unum memorat archidiaconum Arnaldum, cui cognomen tribuit Qui-non-ridet. In conventu vero Parisiensi unum Gilberto adversarium opponit Bernardum, « cui omne negotium Christi, ubicumque eum » contigisset adesse, tanquam omnino proprium, protinus incumberebat. Requisitus episcopus ut suam ipsius in Boetium expositionem, in qua suspecta continebantur capitula, proferret : ad manus se non habere respondit. Negabat autem episcopus, » docuisse vel credidisse aliquando se, vel litteris commendasse, quod divinitas non » esset Deus, etc. Huc testes producebat e discipulis suis potissimum duos, Rotoldum » scilicet Ebroicensem episcopum, postea Rotomagensem ; et magistrum Ivonem Carnotensem, alium sine dubio ab illustri illo Ivone episcopo Carnotensi. » Existimo hunc esse magistrum Ivonem, canonicum regularem abbatiæ Sancti-Victoris apud Parisios, deinde cardinalem ab Innocentio II creatum, ad quem Bernardi epistola centesima nonagesima tertia. In his altercationibus Pontifex jubet, prædictum librum afferri ad futurum concilium, « quod eodem anno in civitate Remorum celebrare proponebat : » tametsi dilatum est in medianam Quadragesimam anni insequentis, sed intra unum annum a conventu Parisiensi, quem in festo paschali præcedente habitum diximus.

LXII. « Interim missam ab auctore expositionem in Boetium Godesealcus, tunc in » Monte-Sancti-Eligii prope Atrebatas abbas, postmodum ejusdem urbis episcopus, » Eugenii mandato examinat, et ex ea capitula suspecta elicit, atque ex libris sanctorum

<sup>1</sup> Otto, de Frid. lib. 1, capp. 51, 52.

» Patrum auctoritate ipsis contrarias notat. Plura in Gilberti vitam et doctrinam attu-  
 » lisset Albericus Ostiensis episcopus et in Aquitania legatus, nisi cum paulo ante mors  
 » prematura e medio sustulisset. Demum in concilio Remensi ventum est ad discussionem  
 » capitulorum, quæ prædictus abbas Godescalcus notaverat: sed quia ipse nimis erat  
 » elinguis, liber ille cum sanctorum testimoniis ei contrariis a domino Papa traditus est  
 » sancto Bernardo. Concilium constabat ex quatuor regnorum episcopis, Galliae, Germaniae,  
 » Angliæ, et Hispaniæ. In his aderant viri magni, nec mediocriter litterati, Gaufredus  
 » de Oratorio Burdigalensis archiepiscopus, ejus suffraganeus erat Gilbertus; Milo  
 » Morinorum episcopus, Josleuus Suessionensis, et Sugerius abbas Sancti-Dionysii, cui  
 » Francorum rex Ludovicus, Jerosolymam proficiscens, totius regni commiserat admi-  
 » nistrationem, et quidem, addit Otto, juxta illius cœnobii prærogativam <sup>1</sup>. Gaufredus  
 » de Oratorio, etsi Gilberti doctrinam non probabat, sed homini favebat.

LXIII. » Prima die consistorium ingressis, Gilbertus magnorum voluminum corpora  
 » per clericos suos afferri curavit, causatus, decurtata tantum testimonia ab adversariis  
 » proferri. Et, Quid necesse est, ait Bernardus, circa hujusmodi verba diutius immorari?  
 » Non aliunde procedit scandali hujus origo, nisi quod plures credere vos credunt, et  
 » docere, quod divina essentia vel natura, divinitas ejus, sapientia, bonitas, magnitudo,  
 » non est Deus, sed est forma, qua est Deus. Hoc si creditis, palam dicite: aut negate.  
 » Ille ausus est dicere, formam hanc Deum non esse. Tum Bernardus: Ecce, ait, tenemus  
 » quod quærebamus: scribatur ista confessio. Ita præcepit summus Pontifex; et domnus  
 » Henricus Pisanus, tunc Romanæ Ecclesiæ subdiaconus, futurus postea Clara-Vallensis  
 » monachus, et ex abbate Sancti-Anastasio sanctorum Nerei et Achillei presbyter cardi-  
 » nalis, ad ejus mandatum perrexit et attulit chartam, calamum, et ineastrum. Cum au-  
 » tem scriberet istam confessionem: Et vos, inquit ad Bernardum Gilbertus, scribite,  
 » quod divinitas est Deus. Ad hoc Bernardus: Scribatur, inquit, stilo ferreo in ungue  
 » adamantino. Cum multis ultro citroque disputatum esset, dixerunt cardinales, se  
 » deinceps rem definituros. Commoti hoc dicto episcopi, quod cardinales sibi solis causæ  
 » definitionem reservarent, Bernardum interpellant, ut Gilberti capitulis alia contraria  
 » cum symbolo fidei conderentur: ne quod Gilberti plurimi ex cardinalibus fautores  
 » volebant re infecta concilium solveretur. Itaque Bernardus id præstitit: tumque epi-  
 » scopi confessionem ab se subscriptam per Hugonem Autissiodorensem, Milonem Mori-  
 » nensem episcopos, ac Sugerium abbatem Pontifici obtulerunt confirmandam; id quod  
 » facile obtinuerunt. Vocatus demum in conventum Gilbertus, in insigni palatio,  
 » cui nomen est Tau sic Remensis archiepiscopi aedes appellabantur ob formam græci  
 » elementi, capitulis singulis a se prolatis libere renuntiavit; eademque Pontifex dam-  
 » navit cum libro auctoris, districte præcipiens, ne eundem librum legere, vel transcri-  
 » bere quis auderet, nisi prius eum Romana Ecclesia correxisset. Dicente Gilberto,  
 » se ad nutum Pontificis correcturum; Pontifex negavit. Hæc carptum ex Gaufrido.

<sup>1</sup> Otto de Frid. lib. I. cap. 11.



LXIV. Quædam singularia habet Otto, quædam item a Gaufrido discrepantia. Et primo quidem tradit, Gilberti examen « finita synodo, et promulgatis decretis » initum fuisse : tum « decursa medianæ Quadragesimæ hebdomada, sacroque dominicæ Passionis tempore inchoante, » Gilbertum in medium vocatum ad iudicium. Deinde lectis ab eo orthodoxorum Patrum libris in sui defensionem, Eugenium tædio affectum intulisse, quod Gaufridus Bernardo tribuit, simpliciter diceret Gilbertus, « anne illam » summam essentiam crederet esse Deum. » Hunc vero diutina collatione fatigatum, inconsiderate respondisse, « Non. » Quod dictum, mox ab ejus ore raptum notarius exceperit. Sub hæc conventu dimisso, totum quod superfuit illius diei spatium cum nocte sequente, amicis suis cardinalibus, quos habuit non paucos, prensandis Gilbertum adhibuisse.

LXV. Die subsequente recitatum ipsius scriptum, ejusque rationem ab episcopo exactam : eum vero ita demum sententiam suam exposuisse, ut si Dei nomen pro natura ipsa sumatur, Deum quidem esse concederet ; secus si pro persona : ne, si id « indeterminate » profiteretur, eo adduceretur, ut quidquid de qualibet persona dicitur, et de essentia pariter esset asserendum : atque adeo « sicut personam Filii, ita divinam » essentiam indeterminate incarnatam, passamque » confiteri cogeretur. Hanc porro distinctionem ab eo assertam testimoniis Patrum, Theodreti et Hilarii, atque auctoritate concilii Toletani : « quam auctoritatem eum determinare vellet Clara-Vallensis Abbas, » et aliqua verba protulisset, quæ cardinalibus displicerent ; » Gilbertum petiisse, ut id scriberetur : Bernardum vero, quod Gaufridus notat, respondisse : « Scribatur stilo » ferreo, ungue adamantino. » Demum Abbatem sanctum episcopos convenisse, simulque cum eis fidem suam contra Gilberti capitula exposuisse. Quod Gallicanæ Ecclesiæ factum tam graviter sacer cardinalium senatus acceperit, ut hæc de re ad Pontificem conquesti sint, tum contra episcopos, tum contra Bernardum ipsum, quod « tanquam » finituræ sententiæ ultimam manum apponendo, » ipsis inconsultis, fidem suam scribere ausi fuissent ; quæ res ad Romanam Sedem pertineret. Tandem Bernardum jussu Pontificis, ut cardinales placaret, accersitum, humiliter et cum reverentia respondisse : « Se, vel dominos episcopos nihil de præfatis capitulis diffinisse : sed quia ab eodem » episcopo Pictavino audierat, ut fides sua scriberetur ; ideoque, quia solus nollet, illorum auctoritate ac testimonio simpliciter se quod sentiret exposuisse. » Quo humiliter ac modesto responso accepto, prædicta cardinalium indignatio conquieverit, « ita tamen » ut præfatum scriptum, tanquam inconsulta curia prolatum, velut auctoritatis pondere carens, pro symbolo in Ecclesia non haberetur. » Atque ita « de tribus capitulis » propter præmissam tumultuationem nihil definiri potuerit. » Quod mirum non esse ait Otto, qui et addit, Gilbertum in quarto ab aliis discordasse episcopis, « cum illi profiterentur naturam incarnatam, sed in Filio » : Gilbertus vero : « personam Filii incarnatam non sine sua natura. De primo tantum Romanus Pontifex definivit, ne aliqua » ratio in theologia inter naturam et personam divideret, neve Deus divina essentia diceretur ex sensu ablativi tantum, sed etiam nominativi. » Quam summi Pontificis sen-

tentiam Gilbertus reverenter exceperit, atque archidiaconis suis in gratiam receptis, « cum ordinis integritate et honoris plenitudine » ad propriam diœcesim remeaverit <sup>1</sup>.

LXVI. In his omnibus apparet, Ottonem Gilberto admodum favisse; nec proinde mirandum, quod in consequentibus addubitet, « utrum prædictus Abbas Clara-Vallensis » in hoc negotio ex humanæ infirmitatis fragilitate, tanquam homo, deceptus fuerit : » vel episcopus, tanquam vir litteratissimus, propositum astute celando, Ecclesiæ » judicium evaserit. » Verum Otto morti proximus, teste Radevico, librum suum, in quo hæc scripserat, sibi afferri præcepit, et religiosus viris tradidit : « ut si quid pro sententia magistri Gilleberti dixisse visus esset, quod quempiam posset offendere, ad » ipsorum arbitrium corrigeretur <sup>2</sup>. » De tota hac disputatione merito Gaufridus lectores ad Bernardi Sermones in Cantica remittit, nempe ad sermonem octogesimum, in quo Vir sanctus, eos, qui Gilberti sententiam propugnare pergebant, hæreticos pronuntiare non dubitat : tametsi auctoris nomini ob resipiscentiam pareat.

#### § VI. — DE HENRICIANIS, ALIISQUE HÆRETICIS A BERNARDO REPRESSIS.

LXVII. Gilbertum et Abaelardum, qui ex perverso philosophiæ usu theologiam deformabant, ratione et auctoritate revocavit Bernardus : at hæreticos factis etiam et exemplis superavit. Variæ id genus pestes varias Galliæ provincias ævo illo infestabant : Tanchelmus Antwerpiensis in Flandria, Petrus Brusius in Provincia, a quo dicti Petrobrusiani; Henricus in Aquitania, alii sine certo duce in Lotharingia et in locis Coloniae-Agrippinæ vicinis, quos ob id Colonienses appellabimus. His omnibus Arnaldistas adungere licet.

LXVIII. Tanchelmum, ejusque sequaces aggressus est beatus Norbertus, ut ex ejus Vita constat; atque eorundem « cursum et impetum retardavit » in Trajectensi diœcesi Fridericus Coloniensis antistes : qua de re exstat apud Tengenagelum epistola Trajectensis Ecclesiæ ad eundem Fridericum « de Tanchelmo seductore, » ubi istius hæresis origo et summa describitur. Quid in Petrobrusianos egerit Petrus Venerabilis, tractatus contra illos ab eo editus docet. Bernardi in rem christianam studium exercuit in primis Henriciana hæresis, quam factis et scriptis strenue exagitavit. Legenda hac de re epistola ducentesima quadragesima, et subsequens, cum capite sexto libri tertii de Vita Bernardi auctore Gaufrido, quæ omnia ex aliis monumentis illustrare juvat.

LXIX. Henricus, quem Vir sanctus « monachum apostatam, » et post eum Gaufridus appellat, « pseudo-eremita » vocatur in Actis Episcoporum Cenomannensium, tomo tertio Analectorum, ubi ejus mores et perversi actus accurate describuntur. Quo ex loco ortus sit, non satis indicant hæc verba : « Per idem fere tempus, » nempe sub Hildeberto episcopo, « in adjacentium finibus regionum surrexit quidam hypocrita, quem

<sup>1</sup> Otto, de Frid. lib. 1, capp. 56, 57. — <sup>2</sup> Radevicius, lib. 2, cap. 11.

» propria actio, mores perversi, dogma detestabile scorpionibus et parricidalibus dignum  
 » protestantur suppliciis. » Is sub e mentito « sanctitatis et scientiæ » nomine turpia  
 flagitia exercens, omnium mortalium « excessus, cæteris incognitos, » ex solo aspectu  
 se cognoscere jactitabat. Missi ad Cenomannos duo ejus discipuli, « die Cineris suburbia  
 » civitatis » attigerunt. « Gerebant ex sui Doctoris consuetudine baculos ac vexillum  
 » crucis, colore et exteriori conversatione habitum prætendentes pœnitentium. » Hæc  
 specie delusi Cenomanni, eos « tanquam angelos susceperunt. » Eisdem etiam « blande »  
 excepit Hildebertus episcopus, qui « Romanum iter » aggressurus, « inter cætera suis  
 » injunxit archidiaconis, ut illi pseudo-eremitiæ Henrico pacificum ingressum et licen-  
 » tiam sermocinandi ad populum permitterent : » ejus rei postmodum ipsum abunde  
 pœnituit. Ex his forte quis inferat, Henricum fuisse ortum ex proxima Cenomannis re-  
 gione, quibus primum suæ perversæ doctrinæ virus propinavit. Si enim jam aliundè  
 notus fuisset, eum in suam civitatem non tam facile admisisset Hildebertus antistes  
 doctus et oculatus. Verum ex longinqua regione istuc accedere potuit, et fortasse ex  
 Italia, ut postea dicturi sumus.

LXX. Henrico civitatem ingresso, « vulgus solito more applausit novitati. » Quin  
 etiam « plerique clericorum eidem alimenta ministrabant, tribunalque præparabant,  
 » unde concionator ille turbas alloqueretur, » qui « mirum ad modum facundus erat. »  
 Eo audito, « plebs in clericos versa est in furorem, » eos habens « sicut ethnicos et pu-  
 » blicos : adeo ut famulis eorum minaretur cruciatus, nec eis aliquid vendere, vel ab  
 » eis emere vellent. » Imo « non tantum eorum ædes obruere, et bona dissipare, sed  
 » illos lapidare, aut affigere patibulo decreverant, nisi princeps et optimates nefandis  
 » ausibus restitissent. »

LXXI. Hoc serius licet comperto, clerus Cenomannensis Henrico, ejusque sociis præ-  
 dicationem edito libello interdixit. Quare Henricus, Hildeberti reditu intellecto, « secessit  
 » in castrum Sancti-Carilefi, » nequaquam ab incœptis desistens, sed ad pejora pro-  
 rumpens in dies. Interim cum Hildebertus, ex Romano itinere reversus, populo bene-  
 dictionem impertiri vellet, indigne habitus est a populo, hæretici sermonibus corrupto.  
 Tum ille seductorem adiit, seiscitatus, « ejus ordinis fungeretur officio. » Hic vero se  
 diaconum esse respondit : qui ex illa provincia discedere jussus, « clam aufugit, cæteras  
 » regiones, nisi oclior esset fama, simili modo perturbaturus, » et viperino flatu suo  
 infecturus. Haetenus ex Actis Hildeberti.

LXXII. Inter hæc duo Henrici discipuli, Cyprrianus et Petrus, ab ejus præstigiis resi-  
 puerunt, ut fidem facit encyclica Hildeberti epistola septuagesima octava, in qua ita  
 eorum magister depingitur : « Henricus is erat, magnus diaboli laqueus, et celebris  
 » armiger antichristi. Huic et habitu religionem, et verbis litteraturam simulanti, tamdiu  
 » præscripti fratres adhæserunt, donec eis et turpitudine in vita, et error innotuit in  
 » doctrina. Ubi enim cognoverunt vias ejus vias esse non rectas, prius ad se reversi  
 » sunt; dehinc ad nos transierunt, ejus diœcesim sic infecerat, ut renitens ei clerus  
 » vix inter parietes ecclesiæ suam tueretur libertatem. » Ita Hildebertus serius agnovit,

quantum periculi immincat ex incauta approbatione novorum doctorum, qui sub specie pietatis animos auditorum corrumpunt.

LXXIII. Ex his patet, Henricum illum longe prius Cenomannos infecisse, quam ad partes Tolosanas, unde eum expulit Bernardus, subiret : quippe cum Romanum iter, quod Hildebertus adhuc Cenomannensis episcopus aggressus est, quo tempore infamis ille præstigiator zizania sua seminavit apud Cenomannos, contigerit ante annum 1125, quo anno Hildebertus in metropolim Turonicam migravit. At vero Bernardus nonnisi anno 1147 ad Tolosanas partes profectus est. Et certe in epistola ducentesima quadragesima prima, quam in partibus Tolosanis constitutus scripsit ad Hildefonsum comitem, id satis innuit Vir sanctus his verbis : « Inquire, si placet, quomodo de Lausana civitate » exierit, quomodo de Cenomannis, quomodo de Pictavi, quomodo de Burdegali. » Hæc quippe videtur esse series itineris illius apostatæ, qui a Lausana, deinde a Cenomannis prædicandi exordium sumpsit. Et fortasse Lausanam venerat ex Italia, ex qua ejusmodi faeces in partes Gallicanas transmigrarunt, reliquiæ Manichæorum, uti et illi Cameracenses hæretici ex Italia advecti, qui anno 1025 damnati sunt in synodo Atrebatensi, quo etiam tempore similes ejusmodi pestes apud Aurelianos igni perierunt. Et quidem Henricianos appellat Manichæos Exordium Cisterciense in libro septimo de Vita sancti Bernardi, cap. 17, ubi legatus Papæ, aliique episcopi, « pro confutanda hæresi » Manichæorum, » ad partes Tolosanas cum Viro sancto accessisse memorantur. Jam vero quo pacto ejusmodi hæreticis, eorumque sequacibus, Manichæorum nomen et errores competant, illustrissimus Meldorum episcopus in eximio opere suo, quod de Variationibus hæreticorum scripsit, luculenter ostendit libro undecimo.

LXXIV. Idem Henriciani hæretici in Petrocorios effusi, Pontio duce et antesignano, uti docet Heriberti epistola in tomo tertio nostrorum Analectorum : ubi peculiariter Pontianorum illorum commenta referuntur. Inde est, quod Bernardus ad Petrocorios seu Petragorios populos se contulit, ut patet ex tertia parte libri sexti qui est de ejus Miraculis, n. 4, ubi Arianos plurimos apud Tolosates invenisse, eosque, uti et Henricum hæreticum, fugasse memoratur. Quin etiam idem Henricus, in Pisano concilio antea damnatus, et Bernardo, ut monachus in Clara-Valle fieret, commissus dicitur. Verum ille acceptis a Bernardo ad Claræ-Vallenses litteris, in suscepto semel errore obfirmate persistere maluit, quam ad salutis viam hoc compendio redire.

LXXV. Henricum vivis coloribus depingit Bernardus in prædicta epistola ducentesima quadragesima prima, ubi eum litteratum, speciem habentem pietatis, sed aleis et meretricibus deditum scribit. Impia ejus dogmata hæc fere commemorat : Sacerdotum et clericorum respectus nullus ; Sacramentorum atque festorum abolitio ; Baptismus parvulis negatus. Alterius classis erat apud Hildebertum in epistola quinquagesima prima hæreticus ille, qui sanctorum intercessionem rejiciebat, ipsum Hildebertum in suæ sectæ patrocinium traducere perperam conatus. An vero iidem cum Henricianis fuerint hæretici illi, quos Bernardus in sermone sexagesimo quinto et subsequenti super Cantica impugnât, modo inquirendum.

LXXVI. Et quidem non alios fuisse aliquando mihi fuit persuasum : at reperta Evervini abbatis Steinfeldensis epistola, quæ prædictis sermonibus occasionem dedit, mutanda est sententia. Colonienses quippe fuerunt isti hæretici, in nonnullis quidem consentientes cum Henricianis, sed ab his in multis discrepantes. Colonienses in duas classes distinguit Evervinus. Uni dicebant, Ecclesiam apud se tantum esse, quasi ipsi soli vestigiis Christi inhærerent. In cibis vetabant lactis usum, et quidquid inde conficitur. In sacramentis suis velo se tegebant, et quotidie cibum et potum suum in Christi corpus et sanguinem se consecrare asserebant : cæteros in sacramentis procul a veritate abesse. Præter baptismum aquæ, alium admittebant in igne et spiritu per solam manuum impositionem. Baptismum vero nostrum cum nuptiis respuebant. Denique aiebant, quemlibet e suis electum seu baptizatum habere potestatem alios, qui digni fuissent, baptizandi ; et in mensa sua corpus Christi et sanguinem conficiendi.

LXXVII. Alii vero sacerdotibus Ecclesiæ, utpote sæculari more viventibus, consecrandi potestatem abjudicabant, aliaque Sacramenta conferendi, excepto Baptismo, quem solis adultis, non parvulis conferebant. Omne conjugium, præter illud, quod inter virgines masculum et feminam contrahitur, fornicationem reputabant. Postremo suffragia sanctorum, jejunia, cæterasque corporis macerationes respuebant, uti et purgatorium, et suffragia pro mortuis.

LXXVIII. Itaque Henricianis et Coloniensibus hæreticis communis fuit genius, odium in Ecclesiæ ministros, Sacramenta, Baptismum parvulorum, et nuptias : pauca peculiariora, quæ non sectæ genus, sed quamdam tantum caput diversitatem arguunt. Uno verbo, diversi fuerunt rami, sed ex eadem radice prodeuntes. Nec dubitem, Colonienses illos hæreticos ex Tanchelmi officina prodiisse. Is laicus in Flandria, teste Abaelardo, maxime apud Antwerpiam, errores suos disseminans, in tantam se erexit dementiam, ut se Dei Filium vocitari, et a seducto populo, ut dicitur, templum ædificari sibi faceret. Ob id Antwerpiæ in ecclesia sancti Michaelis ab episcopo Tornacensi, cujus ditioni tunc locus subiacebat, institutus est cætus duodecim clericorum, qui se impiis dogmatibus opponerent : quæ ecclesia postmodum sancto Norberto tradita est. Quæ fuerint Tanchelmi perversa dogmata, discimus ex epistola Trajectensis Ecclesiæ ad Fridericum antistitem Coloniensem « de Tanchelmo seductore. » Is quippe aiebat, « Ecclesias Dei lapanaria » esse reputanda ; nihil esse quod sacerdotum officio in mensa dominica conficeretur ; » pollutiones, non Sacramenta nominanda ; ex meritis et sanctitate ministrorum virtutem Sacramentis accedere : » quæ omnia belle præmissorum hæreticorum deliriis conveniunt. Presbyter quidam, Evervacherus nomine, « a sacerdotali dignitate apostatans, nefandi hominis magisterio adhæsit, et illum Romam persecutus » est, idemque postea multa damna intulit Ecclesiæ Trajectensi. Porro Friderico gratias agit clerus Trajectensis, quod Tanchelmi « cursum et impetum retardavit. » Ex quo intelligitur, ejus errores usque in Trajectensem, imo et in Coloniensem (ut ex Evervini epistola patet) diœcesim penetrasse, atque ab eodem auctore Colonienses illos hæreticos ortos fuisse.

LXXIX. Hugo Metellus, tunc apud Tullum-Leucorum canonicus regularis, testis est in epistola ad Henricum ejusdem urbis episcopum, ejusmodi pestes in solum Tullense irrepsisse. « Latent in episcopatu tuo, » inquit, « imo jam apparent pestilentes homines, qui veriori nomine bestiae appellari possunt, quia bestialiter vivunt. Conjugium enim detestantur, Baptismum abominantur, Sacramenta Ecclesiae derident, nomen christianum abhorrent. » Hæc sine dubio Coloniensium hæreticorum infesta et infausta soboles erat.

LXXX. Henricianis succedere, seu accedere ejusdem farinae homines, qui se Catharos, id est solos mundos, jaectabant : quorum errores, qui Mediolani quondam eorum magister fuerat, Bonacursus detexit, confutavitque libro edito, in Spicilegii tomo decimo tertio; ex quo eos Manichæorum erroribus, uti et superiores illos, infectos fuisse manifestum est. Catharos insectari videtur Gillebertus de Hoilandia in sermone trigesimo sexto in Cantica, n. 6 : « Erumpunt, » inquit, « his diebus ligna quædam, quæ non plantavit Pater cælestis; ligna, quæ non sunt plantata ex Libano nostro. Fortitudinem prætendunt operis, injuriarum insensibilitatem, parsimoniae tolerantiam. Cedrina videntur, sed Libani non sunt : quia immunda est eorum mens et conscientia. » Adversus Catharos item exstant Sermones Ecberti abbatis Schonauigiensis.

LXXXI. Passagios et Arnaldistas Catharis adjungit Bonacursus : quorum illi Mosaicæ legis ritus omnes observandos esse dicebant, Filii et Spiritus sancti æqualitatem negantes, et Ecclesiae universæ Doctores omnes, Romanæque imprimis auctoritatem abjicientes : hi vero, id est Arnaldistæ, « pro malitia clericorum Sacramenta Ecclesiae esse vitanda » censebant.

LXXXII. Ita dictos existimo ab Arnaldo illo factioso homine, qui specie libertatis ac reipublicæ in Urbe restituendæ, omnia Pontifici temporalia jura abrogari volebat, sola sacerorum potestate cum decimis et oblationibus ipsi relicta. Is ex Italiae civitate Brixia oriundus, ejusdemque Ecclesiae clericus, Petrum Abaelardum præceptorem habuerat, singularitatis amator, testante Ottone Frisingensi, novitatis cupidus, qui a Gallicano studio in Italiam reversus, religiosum habitum, quo melius incautos deciperet, induit, monachorum nihilominus osor, et maxime clericorum; sed laicorum adulator. « Dicebat enim, nec clericos proprietatem, nec episcopos regalia, nec monachos possessiones habentes, aliqua ratione salvari posse : cuncta hæc principis esse. Præter hæc de sacramento Altaris, de Baptismo parvulorum non sane dicitur sensisse<sup>1</sup>. » Atque adeo Petrobrusianorum et Henricianorum erroribus affrictus erat. Innocentius II hominem ex Italia fugavit, et Turegum apud Helvetos secedere compulit. Comperta morte Innocentii, circa principia pontificatus Eugenii Romam ingressus, cum eam in Pontificem commotam vidisset, seditionis ignem excitavit. Res vero eo tandem progressa est, ut cardinales male habiti, pars etiam sauciati; ipse Eugenius Urbe pulsus sit. Pontificis causam tuendam suscepit Bernardus, scripsitque egregiam hæc de re epistolam ad Romanos, quæ

<sup>1</sup> Otto, de Frid. lib. 2, cap. 20.

est ducentesima quadragesima secunda. Ei succedit alia ejusdem argumenti ad Conradum regem Romanorum, quem litteris suis, ab Ottone relatis, Romani ad suas partes pertrahere frustra moliti sunt <sup>1</sup>. Sic nulli Ecclesiae negotio, nulli necessitati deerat Vir sanctus, qui ad communem reipublicae christianae utilitatem natus erat. Ad extremum Arnaldus comprehensus, atque a praefecto Urbis, cui tantopere assentatus fuerat, ligno adactus est, cadavere in favillas redacto, « ne a stolidi plebe corpus ejus venerationi haberetur. » Plura de eo videsis apud Ottonem, et ex eo in Notis ad Bernardi epistolam centesimam nonagesimam quintam.

§ VII. — DE EXPEDITIONIS SACRAE PREDICATIONE PER SANCTUM BERNARDUM FACTA, EJUSQUE INFELICI SUCCESSU.

LXXXIII. Inter extremos Bernardi labores censenda est praedicatio sacrae expeditionis in Terram Sanctam : quae res quantum sudoris, quantum molestiae ipsi attulerit, ex ejus Vita et scriptis facile intelligere licet. Hujus expeditionis occasio, ut ex Ottone Frisingensi discimus <sup>2</sup>, nata est per Ludovicum Juniores Francorum regem ; qui ad loca sacra pergendi desiderio pressus, quod germanus suus Philippus, « eodem voto astrictus, morte intercedente exsequi non potuerat, consilium suum regni principibus aperit. Hi Bernardum consulendum decernunt. Accersitus Abbas sanctus, tanti momenti negotium « ad » Romani Pontificis examen » referendum censet. Id magnopere laudavit probavitque Eugenius, « auctoritate praedicandi, animosque eunctorum ad hoc commovendi praenominato Abbati, qui apud omnes Galliae ac Germaniae populos ut propheta vel apostolus » habebatur, concessa. » Paret tandem apostolicis litteris Bernardus, « et excitatis ad » transmarinam expeditionem multorum animis, » Ludovicum regem apud Vizeliacum cruce signat « cum Theodorico Flandrensi, et Henrico Theobaldi Blesensis filio, comitibus, » aliisque baronibus et nobilibus.

LXXXIV. Interim Radulfus quidam monachus crucem itidem dum in Germania praedicat, Christianos in Judaeorum necem accendit. Hominem litteris repressit Bernardus, atque ipsemet sacrae expeditionis praedicationem aggressus est in orientali Francorum regno, hoc est in ea Germaniae regione, quae ad Rhenum sita est. Hinc Conradus imperator generalem conventum Spirae indixit : quo Bernardus profectus, « Principi cum » Friderico fratris sui filio, aliisque principibus et viris illustribus crucem sumere per » suasit, plurima in publico vel occulto faciendo miracula. » Fridericum Sueviae ducem, qui filium suum cruce signatum indigne ferebat, Bernardus emollivit ; Radulfum monachum in claustrum suum retrudi jussit ; et loco sui Adamum Eberacensem abbatem Conrado, in Bajoariam pergenti, ad urgendum itineris negotium dedit socium. Exstat Bernardi hac de re epistola ad Francos orientales, quae modo est ordine trecentesima sexagesima tertia, quam proxime subsequitur alia ad Henricum archiepiscopum Mogun-

<sup>1</sup> Otto, de Frid. lib. 1, cap. 28. — <sup>2</sup> Ibid. cap. 34 sqq.

tinum ad reprimendum Radulfum. « Igitur non solum ex Romano imperio, » ait Otto, « sed etiam ex vicinis regnis, id est occidentali Francia, Anglia, Pannonia, innumeris » populis ac nationibus hac expeditionis fama ad sumendam crucem commotis, repente » sic totus pene Occidens siluit, ut non solum bella movere, sed et arma quempiam in » publico portare nefas haberetur. »

LXXXV. Tanta porro totius Occidentis commotio Bernardi prædicationi tributa est: verum cum hæc expeditio non bene pro votis successisset, tota etiam mali eventus invidia in eum rejecta, pro communi more mortalium, qui ex eventis res æstimare solent. Neque fere ulla alia res fuit, quæ Bernardi animum majori dolore affecerit, quam ista, non tam sui, quam Dei causa. Unde ipse initio libri secundi de Consideratione: « Si necesse sit unum » fieri e duobus, malo in nos murmur hominum, quam in Deum esse. Bonum mihi, si » dignetur me uti pro clypeo. Libens in me recipio detrahentium linguas maledicas, » etc. Adeo porro omnium fere animi hoc eventu turbati sunt, ut sanctus Doctor beatum pronuntiet eum « qui non fuisset scandalizatus in eo. » Quanta denique fuerit Bernardi super hoc tristitia, patet tum ex epistola ducentesima octogesima octava, quam in lecto, forsitan ex animi ægitudine, decumbens, hac de re scripsit: tum ex epistola Joannis abbatis Casæ-Marii ad Bernardum ipsum, quæ modo est inter Bernardinas trecentesima octogesima sexta, in qua Virum sanctum, quem ob sinistram expeditionis eventum audierat afflictum, consolatur.

LXXXVI. Non defuere tamen, qui Bernardi partes defendendas suscepierint: quos inter non ultimo loco numerandus est Otto episcopus Frisingensis, Bernardo non admodum favere solitus. Is in libro de Gestis Friderici, capite sexagesimo excursus facit ad excusandum eventum illius expeditionis, cui et ipse interfuit. In fine excursus philosophici potius quam historici, ita concludit in gratiam Bernardi: « Quamvis si dicamus, sanctum » illum Abbatem spiritu Dei ad excitandos nos afflatum fuisse, sed nos ob superbiam » lasciviamque nostram salubria mandata non observantes, merito rerum persona- » rumque dispendium reportasse, non sit ab antiquis rationibus vel exemplis dissonum. » Unum tamen addit, nempe « spiritum prophetarum non semper subesse prophetis: » ut nempe innuat incertum esse, an Bernardus ex spiritu divino de hac expeditione, ejusque eventu conjecerit.

LXXXVII. Attamen Bernardus ipse initio libri secundi de Consideratione ad Eugenium, ubi factum a calumnia tuetur, se ad id divinitus impulsus esse non diffitetur. « Diximus, Pax, » inquit, « et non est pax: promisimus bona, et ecce turbatio. » Tum hæc subdit ad sui defensionem: « Quasi vero temeritate in opere isto, aut levitate usi » simus. Cucurrimus plane in eo, non quasi in incertum, sed jubente te, imo per te Deo. » Et inferius, objectis sibi hominum impropriis: « Unde scimus quod a Domino sermo » egressus sit? quæ signa tu facis, ut credamus tibi? » ita reponit Eugenium alloquens: « Non est quod ad ista ipse respondeam: parcendum verecundiae meæ. Responde tu pro » me et pro te ipso secundum ea quæ audisti et vidisti. » Quibus verbis miracula, ab se in prædicationis confirmationem facta, sine dubio modeste insinuat.



LXXXVIII. Verum omnium optime Gaufridus sanctum parentem suum a calumnia vindicat in libro tertio de ejus Vita, cap. 4. Primo quod illius expeditionis primum propositum ab eo non sit profectum. « Cum enim multorum jam animos permovisset » audita necessitas, a rege Francorum semel et iterum propter hoc expetitus, apostoli- » eis etiam litteris monitus, nec sic acquievit super hoc loqui, vel consilium dare, » donec per ipsius tandem Pontificis generalem epistolam jussus ab eo est, tanquam » Romanæ Ecclesiæ lingua, exponere populis atque principibus. » Deinde quod prædican- » di officium, ab eo ex obedientia susceptum, divinitus confirmatum sit tot tantisque miraculis ac signis, « quanta vel numerare, nedum narrare difficile foret. » Denique quod si ex illa protectione orientalis Ecclesia liberari non meruit, certe cœlestis me- » ruit impleri et lætari, nempe ob eorum mortem, « qui in fructibus pœnitentiæ pur- » gatas variis tribulationibus Christo animas reddiderunt. » Et quidem hoc ipsum est, quod Joannes, Casæ-Marii abbas sanctus, sibi ex revelatione compertum Bernardo significavit.

LXXXIX. Sed quid moramur in vindicando Bernardo? cujus tanta auctoritas id jamdudum obtinuit apud omnes, etiam heterodoxos, ut ejus vita, eximia sanctitas, et doctrina communi omnium suffragio et existimatione sint approbatæ.

XC. Hæc sunt quæ præfari visum est de nova hac sancti Bernardi Operum editione : quæ si viris studiosis accurata videbitur, gratiam habebunt studiorum meorum sociis, Domno Michaeli Germano et D. Theoderico Ruinaro, atque etiam D. Edmundo Martenio, qui operam suam in hanc editionem strenue et peramanter impenderunt. Mihi vero hæc una sit gratia, qui unus scopus fuit, sancti Bernardi cultoribus, Ecclesiæ, et rei-publicæ christianæ vel tantillum qualicumque labore meo profuisse.

Hæc, paucis mutatis, præfatus est D. Mabillon ad secundam suam sancti Bernardi editionem, quam præ cæteris repræsentamus, utpote quæ viris studiosis pluris habeatur. Anno 1719 prodiit editio tertia cum variis additamentis, de quibus ista leguntur ad finem præfationis Mabillonianæ : « D. Massuetus operam suam in hanc editionem conferre cœperat, et porro conferre perrexisset, » ni præmatura mors studiorum ejus cursum abrupisset. Huic debentur ex volumine primo duæ » recens inventæ epistolæ, scilicet quadringentesima decima octava cum subsequenti, et tertia » ducta ex tomo quarto Miscellaneorum Baluz. ordine quadringentesima vigesima quinta, nec » non et duæ chartæ, quarum prima est pro Luxoviensi et S. Apri monasteriis; altera pro mo- » nasterio S. Amantii. In altero vero volumine hæc reperientur nova, nimirum tertius liber » Epistolæ ad fratres de Monte-Dei, et Admonitio D. Massueti, qua Epistolam integram Guillelmo » a S. Theoderico adscriptam, Guigoni V majoris Cartusiæ Priori vindicat. Item alia ejusdem » Observatio quæ tractatus de Contemplando Deo, ac de Natura et Dignitate Amoris Guillelmo » a S. Theoderico adjudicat. Denique Epistola Tromundi monachi Claræ-Vallensis de S. Bernardi » canonizatione, antehac inedita. » Quæ additamenta non solum non prætermittuntur in hac quarta editione; sed exhibemus triginta sex sancti Bernardi epistolas, quas, absolutis jam su- » pradictis editionibus, descripsit D. Martene ex manuscriptis codicibus, scilicet triginta quatuor ex Vedastino, unam ex Aquicinctensi, alteramque spuriam ex Verdinensi; primusque vulgavit in amplissima Collectione veterum Scriptorum etc. tomo I, pag. 725-744. Illarum autem prima est

inter antea vulgatas ordine 420; trigesima quinta, 454; et spuria, 455. Exhibemus etiam hymnum S. Doctoris, quem in eadem Collectione, tomo I, pag. 746, protulit D. Martene ex codice Veteris-Montis : qui cum sit in laudem S. Malachiae, post hujus episcopi Vitam, tomo II, locum obtinet. Ut haec nova editio emendatior prodiret, consulimus non tantum tres Mabillonianas, sed et antiquiores, quarum praecipuae infra designantur. Praeterea addidimus nomenclaturam geographicam cum translatione vocabulorum ex latino idiomate in gallicum.

---

## INTERPRETATIO

QUORUNDAM SIGNORUM QUAE IN HAC QUARTA EDITIONE ADHIBENTUR.

\* Asteriscus lectorem admonet quod in verba quae hoc signo afficiuntur, inveniet ad calcem tomi notam aut lectionem variantem.

† Parva crux subsequitur variantes lectiones quae nunc primum notantur.

N. E. Hae litterae indicant notas hujus novae editionis.

Rouauld. Editio Sermonum in Cantica, accurante Joanne Rouauld. 1494.

Drach. Editio variorum Opusculorum atque Sermonum, opera Petri Drach. 1501.

Tiraq. Editio Edmundi Tiraquelli. 1602.

Horst. Editio Jacobi Merloni Horstii. 1658.

Mart. Edmundus Martene, Veterum Scriptorum et Monumentorum amplissima collectio. 1724.

N. E.

---

# CHRONOLOGIA BERNARDINA.

Anno Christi 1091, Urbani papæ II 4, Henrici IV imperatoris 35, Philippi I Galliarum regis 31, natus est Bernardus in castro Fontanis appellato, prope Divionem in Burgundia, patre Tescelino Soro, domino de Fontanis, matre Aletha Bernardi domini Montis-Barrensis filia. Paternæ ejus ædes recens, beneficio Ludovici XIII Galliarum regis, RR. Patribus Congregationis Fuliensis concessæ, in monasterium conversæ sunt. De genere sancti Bernardi lege Admonitionem præmissam initio Vitæ S. Bernardi, et Joannem Eremitam in Vita quarta, ubi Viri sancti genus paternum ex veteri Burgundiæ ducum familia originem duxisse fertur.

1098. B. Robertus abbas Molismensis, assumptis secum ex eodem monasterio viginti et uno monachis, in eremum Cistercii secedit, ibique novum monasterium exstruit, in diocesi scilicet Cabilonensi, quinque circiter leucis a Divione, opitulanti- bus simul et probantibus Gualtero Cabilonensi et Hugone Lugdunensi præsulibus; prædia vero largiente Odone Burgundiæ duce, quo ibi cum sociis strictius ad amussim observaret Regulam S. P. Benedicti, ejus die sacro in Dominicam Palmarum hoc anno incidente, opus illud tum primum exordium sumpsit. Ex primis B. Roberti sociis fuere Albericus, Odo, Joannes, Stephanus, Letaldus, et Petrus.

1099. Henrici IV imperatoris 43, Philippi Galliarum regis 39, Urbano II decimo nono anno pontificatus, quarto kalendas augusti defuncto succedit Paschalis II ex monacho Cluniacensi.

Beatus Robertus Molismensium interpellationibus in concilio Romano ac Pontificis jussu Molisum redit, eique Albericus ex Priore substituitur apud Cistercium. Ecclesia in honorem beatæ Virginis hoc anno dedicatur.

1100. Hoc anno Joannes, et Ilbodus monachi Romani mittuntur ab Alberico Cistercii abbate, cum litteris commendatitiis Joannis et Benedicti cardinalium, Hugonis archiepiscopi Lugdunensis, atque Walteri præsulis Cabilonensis, quorum precibus Paschalis II institutum Cisterciense confirmat peculiari privilegio dato Troiæ decimo quarto kalendas maii, indict. 8, pontificatus anno 2. Exstat apud Baronium et Manriquez.

1101. Albericus abbas arctissimam Regulæ S. Benedicti observationem instituit in novo monasterio, abjiciens quidquid Regulæ adversaretur.

Obiit beatus Bruno institutor Ordinis Cartusien- sis (qui anno millesimo octogesimo sexto exordium sumpsit), patria Coloniensis, sanctitate ac scientia illustris.

1102. Odo Burgundiæ dux, Cistercii fundator, moritur, et sepelitur in ecclesia Cisterciensi; eodemque anno Henricus ejus filius habitum monasticum ibidem induit.

1103. Cistercienses nigrum habitum in album commutasse creduntur, et beatæ Virginis officium quotidie recitandum sibi proposuisse.

1105. Obiisse putatur Aletha S. Bernardi mater, kalendis septembris, ex Necrologio S. Benigni Divionensis, ubi sepulta est: cujus corpus post annos centum quadraginta quinque translatus est Claram-Vallem. Ejus obitum describit Guillelmus in Vita S. Bernardi, lib. 1, cap. 2.

1106. Paschalis II anno 7, Philippi I Galliarum regis 46, Henricus IV infeliciter vitam clausit anno imperii 49. Huic successit Henricus V hostili in Ecclesiam animo patri non degener filius: qui Romam pergens, Paschali Pontifici manus injecit, ab eoque per vim ecclesiarum investituras extorsit; sed et coronam imperatoriam anno 1111.

1108. Paschalis II anno 9, Henrici V 2, tertio kalendas augusti, Philippus rex Francorum obiit apud Milidunum: cui Ludovicus ejus filius, cognomento Grossus, successit.

1109. B. Albericus, secundus Cistercii abbas obiit septimo kalendas februarii, anno regiminis nono et dimidio: cui substitutus B. Stephanus Hardingus, nobili apud Anglos stemmate oriundus, Prioris antea vice functus, qui et ipse cum aliis, Molismo vitæ arctioris desiderio egressus fuerat.

1110. Hoc anno ad superos migravit tertio kalendas maii B. Robertus abbas Molismensis, Cistercii primus institutor, non anno 1098, ut vulgo creditur.

1113. Paschalis II 14, Henrici V 8, Ludovici VI 6, B. Bernardi conversione celeberrimus est. Qui annos natus circiter viginti tres, Cisterciensium familiæ sub Stephano abbate una cum triginta sociis nomen dedit. Ex quo tempore Cisterciensis Ordo mirifice propagari et florere cepit.

Eodem anno Firmitas, prima Cistercii filia, fundatur in diocesi Cabilonensi ad Cronam fluvium, a dominis Vergiacensibus, Savarico et Guillelmo ejus filio, comitibus Cabilonensibus. Primus abbas Bertrandus.

1114. S. Bernardus metendi artem et facultatem, cum per corporis imbecillitatem alias non valeret, divinitus impetravit, Vitæ libro I, cap. 4.

Fundatur Pontiniacum, secunda Cistercii filia, quatuor ab Autissiodoro leucis distans, in allodio Heriberti canonici Autissiodorensis, concurrente Herveo comite Nivernensi, sub Humbaldo episcopo: cujus cenobii basilica a Theobaldo Campaniæ comite

postmodum ædificata, fundatoris nomen ipsi obtinuit. Primus abbas Hugo Matisconensis, postea episcopus Autissiodorensis, ad quem plures Bernardi epistolæ

1115. Fundantur hoc anno Clara-Vallis et Morimundus, tertia et quarta Cistercii filie. Clara-Vallis quidem, ad fluvium Albam in comitatu Campanie et diocesi Lingonensi, septimo kalendas julii, non a Theobaldo ut quidam opinantur, cœnobii Clara-Vallensis translationem, de qua anno 1035, cum fundatione confundentes, sed ab Hugone Trecenti comite, ut probabitur in Notis ad epistolam 31. Clara-Vallensi monasterio præficitur Bernardus, et a Guillelmo de Campellis Catalaunensi episcopo, absente scilicet Josceranno episcopo Lingonensi, conecratur, quatuor et viginti agens annos, Vitæ libro 1, cap. 7. Morimundus vero, in eadem diocesi, ab Odolrico de Agri-Monte et Adelina ejus uxore, dominis de Choiseul. Primus abbas Arnoldus, ad quem epistola 4. Et hæc sunt quatuor abbatiæ, quasi totidem Cistercii filie primigeniæ, ex quibus inde cæteræ omnes sunt exortæ.

Eodem anno obiit Ivo Carnotensis episcopus, vir doctissimus, qui successorem habuit Gaufridum, legati in Gallia honore perfunctum, S. Bernardo charissimum, de quo epist. 15, 47 et 55, et De Consideratione, lib. 4, cap. 5, tum etiam Vitæ S. Bernardi libro 2, capp. 1 et 6, et libro 4, cap. 4.

1116. Primum Cistercii capitulum generale a B. Stephano convocatum, quotannis in posterum frequentandum idibus septembris, ut habet Jacobus a Vitriaco, Historiæ Occidentalis capite 14.

1117. B. Bernardus gravi infirmitate detentus, medico rusticano curandus committitur, procurante Guillelmo episcopo Catalaunensi, Vitæ libro 4, cap. 7. Quo quidem anno vel circiter accidisse fertur conversio Tescelini S. Bernardi parentis, qui non multo post sanctitatis fama celebris decessit die 11 aprilis, ut habet Necrologium S. Benigni Divionensis.

1118. Henrici V 12, Ludovici VI 10, Paschali II post annos pontificatus octodecim et menses quinque vita functo successit Gelasius itidem II ex monacho itidem Cluniacensi, cui Henricus imperator Mauricium Burdinum, archiepiscopum Bracarensem, Gregorii nomine opposuit.

Hoc item anno cœpit Ordo militum Templi, cujus primi auctores Hugo de Paganis et Gaufridus de S. Aldemaro, ut testis est Tyrinus, Belli sacri libro 12: quo etiam auctore idem Ordo confirmatur in concilio Trecenti, anno 1128, ut diserte habet Michaelensis scriba concilii, postea exstinguendus a Clemente V sub Philippo IV Galliarum rege, anno Christi 1313, in concilio Viennensi.

Fundatur monasterium Trium-Fontium, prima filia Clara-Vallis, in diocesi Catalaunensi. Primus abbas Rogerius; secundus, Guido ad quem epistola 69, 70. Item Fontanetum, secunda Clara-Vallis filia, in diocesi Eduensi. Primus abbas Godefridus, Bernardi con-sanguineus, qui fundato loco regulariterque ordinato, refert liber sepulchrorum Clara-Vallis, ad suam Claram-Vallem rediit, ubi tertius Prior fuit, demumque episcopus Lingonensis.

1119. Henrici V 13, Ludovici VI 11, Gelasio II Cluniaci e vivis sublato successit est Callistus II, Vien-

nensis antea episcopus, Guido appellatus, qui hoc anno Remis concilium celebravit duodecimo kalendas novembris, et Burdini schisma feliciter compressit.

Eodem anno conficitur Charta Charitatis vulgo appellata, triginta constans articulis seu capitulis, agente B. Stephano abbate Cisterciensi, assentientibusque ceteris coabbatibus, ad providendum paci et tranquillitati Ordinis Cisterciensis, quæ a summo Pontifici Callisto II approbata est. Exstat apud Manriquez.

1120. Sanctus Norbertus, quem Bernardus « Spiritus sancti fistulam » vocat epist. 56, Ordinem Præmonstratensem instituit in loco territorii Laudunensis, Præmonstrato vulgo nuncupato. Vide epistolam 253, et Notas ad eandem.

1121. Celebratur synodus Suessionensis adversus Petrum Abaelardum, presidente Conano episcopo Prænestino, apostolicæ Sedis legato, in quo ipse Petrus librum suum de Trinitate flammis tradere compulsus est. Guillelmus Campellensis episcopus Catalaunensis eodem anno incunte obiit: de quo vide Notas ad epistolam 3.

Fundatur Fusniacum, in diocesi Laudunensi, cujus abbati Rainaldo Bernardus scripsit epistolas 72, 73 et 74.

1122. Petrus Mauricius, natione Arvernus, dictus Venerabilis, charissimus Bernardi amicus, fit abbas Cluniacensis in Octavis Assumptionis. Notæ ad epistolam primam S. Bernardi.

1123. Hoc circiter anno eligitur episcopus Tarentasiensis, Petrus Firmitatis abbas, primus e familia Cisterciensi episcopus, substituto in ejus locum Bartholomeo Bernardi fratre.

Item Adamo S. Dionysii prope Parisios abbate defuncto, communibus eligentium votis successor renuntiatus est Sugerius. Exstant Bernardi complures ad eum epistolæ.

1124. Henrici V imperatoris anno 18, Ludovici VI Galliarum regis 16, Callistus papa obiit pontificatus anno 6; Sedemque apostolicam Honorius II antea dictus Lambertus, episcopus Ostiensis, eodem anno conscendit.

1125. Henricus V imperator moritur Trajecti ad Rhenum, cum annos undeviginti imperasset, ac nullis post se liberis relictis, funestum diuturnumque ortum est discidium, Bernardi opera aliquando componendum, inter Lotharium Saxonum ducem et Conradum Henrici decessoris sororium, qui a Friderico fratre et aliis rex proclamatus, consensu Alpibus, a Mediolanensibus suscipitur, ac ab eorum archiepiscopo Anselmo, inquit Otto Frisingensis, qui ista narrat Chronici libro 7, cap. 17, Modoyci, sede Italici regni, in regem ungitur. Pro Mediolanensium reconciliatione cum Innocentio atque Lothario hujus nominis II (in cujus gratiam electionis jure Imperii summa cessit) multum fuit Bernardo insudandum, ut postea dicitur.

Eodem anno gravis fames, in Gallia maxime et Burgundia sevens, Bernardi charitatem exercet, Vitæ libro 4, cap. 10; quo anno ipse etiam gravi morbo conflictatus incidit in vitæ discrimen, ope tandem B. Virginis et SS. Benedicti atque Laurentii sanitati restitutus, ibidem: ac postmodum singu-

laris ejus sanctitatis et doctrinæ cœlestis fama per urbem et orbem volavit.

1126. Otto, postea Frisingensis episcopus, celebris historiographus, monachum induit in cœnobio Morimundi. Is, ut scribit familiaris ejus Radevicus, imperatorum Henrici IV nepos, Henrici V sororius, Conradi frater uterinus et Friderici patruus fuit, ex patre clarissimo et pio principe Leopoldo Austriæ marchione, et matre Agnete, filia Henrici IV.

1127. Hoc circiter anno Stephanus, ex cancellario episcopatus Parisiensis, a curiæ frequentia ad meliorem frugem Bernardi monitis revocatus, graviter a Ludovico rege exagitatur, tandemque post multas infestationes, Cisterciensium, maxime vero Bernardi opera in gratiam restituitur. Quod etiam Henricus Senonensis archipræsul non multo post eademque de causa expertus, eundem habuit causæ patronum ac defensorem. Consule epistolam 45 et Notas.

Fundatur Igniacum, quarta Claræ-Vallis filia, diœcesis Remensis, a Rainaldo de Pratis Remorum archiepiscopo. Primus abbas Humbertus, ex Casæ-Dei monacho Claræ-Vallensis factus, qui non multo post amore quietis, dimissa præfectura, Claram-Vallem rediit; qua de re a Bernardo in Italia tunc propter schisma detento acriter correptus epist. 141, nihilominus hoc in sancto otio perstitit ad diem usque mortis, in quo S. Bernardus de eximîis ejus virtutibus sermonem habuit. Abbas secundus Guericus pietate juxta ac scriptis percelebris, cujus sermones hic in tomo sexto.

1128. Concilium Trecense celebratur (non vero anno 1127, teste Michaelensi scriba concilii in solemnitate S. Hilarii, præsidente Matthæo Albanensi, apostolicæ Sedis legato : eique interfuere Stephanus Cisterciensis, Bernardus Claræ-Vallensis, aliique ejusdem Ordinis abbates. In ipso Patres Templariis Regulam vestesque candidas (quibus Eugenius III postea rubeam crucem attexi curavit) præscribere.

Fundatur Regniacum, in diœcesi Autissiodorensi.

1129. Matthæus Albanensis (verba sunt Alberici in Chronico) legatus, ex Ordine Cluniacensi, concilium tenuit apud Catalaunum in Purificatione beate Mariæ Virginis : obi de consilio S. Bernardi abbatis, Henricus Virdunensis episcopus episcopatum dimisit, et factus est episcopus per biennium quidam Ursi-abbas S. Dionysii Remensis.

Fundatur Ursi-Campus, in diœcesi Noviomensi, a Simone episcopo.

1130. Lotharii II imperatoris 5, Ludovici VI Galliarum regis 22, mortuo Honorio papa decimo sexto kalendas februarii, pontificatus sui sexto, gravissimum schisma in Ecclesia Dei oritur, Innocentio II canonice electo decimo tertio kalendas martii, qui Gregorius antea vocabatur; sed Petro Petri Leonis filio, violentia amicorum suorum, qui potentissimi in Urbe erant, favente sibi Rogerio Siculo, intruso. Innocentii causam Bernardus per octo annos strenue propugnavit. Vide epistolam 124 et sequentes. Nam et inter alia hoc ipso anno a Patribus concilii, Stampis ea de re habiti, arbiter una voce constitutus, Innocentium Anacleto præferendum declaravit, et Henricum Angliæ regem ad eum suscipiendum induxit, Vitæ libro 2, cap. 1. Vide Præfationem nostram generalem, § 4.

Eodem anno ipse Bernardus summa animi demissione episcopatum Genuensem, Sigefridi anno superiori ad superos translatus morte destitutum, recusavit. Balduinus vero in concilio apud Clarum-Montem in Gallia habito, primus ex Cisterciensibus sacro cardinalium collegio adscriptus est : cui adjunctus putatur Martinus vir ille integerrimus, cujus meminit Bernardus in libro 4 de Consideratione, cap. 5. De Balduino, in epistolis 144, 244.

1131. Innocentio Leodii magnifice recepto, cum prius sub finem anni superioris in Galliam se recepisset, Bernardus repressit Lotharium imperatorem, episcopales investituras repetentem; eumque summus Pontifex ibidem in Germaniæ regem coronavit, Romæ post duos annos imperatorio diademate donandum. Peracta vero Leodii Quadragesima præsentis anni, Innocentius in Gallias redux, ad concilium contra Anacletum mense octobri Remis indictum profectus, Ludovicum Juniolem in locum Philippi fratris, ex equi lapsu infeliciter necati, regem consecravit. Quo quidem concilio soluto, inquit Sugerius in Vita Ludovici Grossi, dominus Papa Autissiodori delegit demorari, reliquo nempe tempore labentis anni, cum prius Cluniacum, cujus ecclesiam dedicavit, deinde Claram-Vallem aliasque ecclesias visitasset, comitante ipsum ubique Bernardo. Leodii conventum post concilium Remense narrat Ernaldus in libro 2 de Vita Bernardi, cap. 1, contra expressam Sugerii auctoritatem.

Hoc etiam anno Bernardus, ut habet magnum Chronicum Belgicum, episcopatum Catalaunensem electus recusavit, et per ipsum Gaufredus abbas Sancti-Medardi Suessionensis fit episcopus Catalaunensis. Idem refert Albericus, qui et addit. Innocentium Sancti-Medardi ecclesiam consecrasse, idibus nimirum octobris, ante concilium Remense, ut habet Chronicum ejusdem monasterii.

Hoc itidem anno, Thomas Prior Sancti-Victoris Parisiensis, vir integerrimus, pro justitia crudeliter perimitur a nepotibus Theobaldi Neoterii archidiaconi Parisiensis, cui ob exprobratas in ecclesiasticis exactiones invidus erat. Nec multo post Archembaldus subdiaconus Aurelianensis idem mortis genus eademque de causa subiit, Joanne auctore ecclesiæ S. Crucis itidem archidiacono. Pro Priore S. Victoris scripsit Bernardus epistolas 158, 159, 160, 162; et pro subdiacono, epistolam 61. Suscepta autem est et agitata utriusque causa in concilio Jotrensi, diœcesis Meldensis.

Fundantur Morerola, in Castella et territorio Zamorensi; monasterium S. Joannis de Tarouca in Lusitania, diœcesis Lameccensis; Longus-Pons, in diœcesi Suessionensi; Charus-Loeus, in diœcesi Bisuntinensi; Bonus-Mons, in Sabaudia, diœcesis Gebennensis; Rievallis, in Anglia, diœcesis Eboracensis.

1132. Discedentem e Galliis Innocentium Bernardus in Italiam persecutus, Pisanos et Genuenses reconciliavit, oblatumque denuo Genuensem pontificatum, Syro vel deferente, vel in sedem necdum evecto, modeste constanterque rejectit.

Exorta item est Cluniacenses inter et Cistercienses magna controversia, occasione videlicet privilegii, quo istos Innocentius a decimarum solutione exemit. Vide epistolas 228, 283.

Fundantur monasterium Valcellense, in diocesi Cameracensi; vide epistolam 186; ac monasterium Trium-Fontium, in Anglia, diocesis Eboracensis. Vide epistolas 92, 94 sqq.

1133. S. Bernardus, in Italiam anno superiori profectus, cum vires Innocentio non sufficerent ad Romanam expugnandam (Lothario quippe armorum duntaxat duo millia ministrante), Henrico Majoris Britanniae regi scripsit epistolam 138, ad ferendum suppetias. Sed tandem Innocentius urbem ingressus, in basilica Lateranensi Lotharium coronavit imperatorem; quo abeunte, Anacleto per urbem grassanti cedere coactus, Pisas se contulit. Unde Bernardus mittitur in Germaniam, Conradum cum imperatore Lothario reconciliaturus. Qua occasione captata, Rogerius Siciliæ tyrannus, ab Anacleto regis nomine donatus, Pisanos ab Innocentii obedientia retrahere conatur: quibus in fide constanter persistentibus, S. Abbas congratulatoriam hoc anno dedit epistolam 130. Porro in illo ejus itinere contigit Mascelini conversio, de qua Vitæ libro 4, cap. 3, necnon et ducissæ Lotharingiæ, ibid.

1134. Concilium Pisanum celebratur, ad quod cum Bernardus Innocentii jussu facta pace cum Lothario et Conrado accedens per Lombardiam iter ageret, Mediolanenses sacrorum communione et metropolitana dignitate privati, quod Anselmum archiepiscopum secuti, Conrado et Anacleto adhaerissent, litteris illum interpellant, de restituenda sibi Pontificis et imperatoris Lotharii gratia, quibus peracto concilio adfuturum se promisit, datis epistolis 132, 133. Nec mora, concilio ejus potissimum prudentia absoluto, cum Matthæo Albanensi et Guidone episcopo Pisano cardinalibus, necnon et Gaufrido Carnotensi, delegatur ad componendam Mediolanensium pacem: a quibus ingenti plausu et summa veneratione acceptus, archiepiscopalem honorem sibi pertinaciter delatum vix effugere potuit. Multis vero ibidem conversis, de quibus epistola 135, primam eodem loci Ordinis sui coloniam, scilicet Charam-Vallem, aliis mendose Charam-Vallem, excitavit. Inde jussu Innocentii, ut habet Sigonius, de Regno Italiæ, lib. 11, ad pacificandas ipsas inter se Lombardiæ civitates profectus. Papiam et Cremonam se contulit. Cum autem apud Cremenses nihil profecisset, eorum Innocentio pertinaciam significavit epistola 318.

Interim post concilium ad superos migrat Norbertus Ordinis Præmonstratensis fundator. Sed et Stephanus abbas Cisterciensis, quinto kalendas aprilis: cui post rejectum Widonem, qui Stephano adhuc superstitie electus, sex menses pedum gessit pastorale, substitutus est Rainaldus, filius Milonis comitis Barri-super-Sequanam, inquit lib. 8 Ordericus monachus Clara-Vallensis. Is præclara instituta capitibus octoginta septem comprehensa in capitulo generali ordinavit, quæ videre licet in Annalibus Manriquez.

Fundantur præter Charam-Vallem Mediolanensem, Hemmerodium, in diocesi Trevirensi; Vallis-Clara, in diocesi Laudunensi. Primus abbas Henricus de Murdach, ad quem epistola 321.

1135. Bernardo ex Italia reduce per urbem Mediolanensem, Vitæ libro 2, cap. 4, transfertur Clara-

Vallis in commodiorem locum, Vitæ libro 2, cap. 5, ubi cum vix tantisper consedisset, jussus est in Aquitaniam se conferre cum Gaufrido Carnotensi, ad revocandum Guillelmum comitem Pictavensem, aliosque schismaticos a Gerardo Engolismensi episcopo seductos, ibidem cap. 6. Postea aliquandiu sibi redditus, insignem illam in Cantica explanationem, hortante altero Bernardo Portarum Priore Cartusiano aggressus est. Vide epistolas 153, 154.

Fundatur Busaium, in diocesi Nannetensi, ab Ermengarde Britanniae comitissa, quam in prædicto itinere a sæculi vanitate revocavit. Vide epistolas 116, et 117. Primus abbas Joannes, ad quem epistola 232. Fundantur etiam Alta-Cumba, in diocesi Gebennensi; Gratia-Dei, in Santonensi; Eberbachum, in Moguntina.

1136. Guido, inter Bernardi fratres natu major, extra Claram-Vallem, juxta fratris vaticinium, Vitæ libro 2, cap. 12, moritur, nimirum Pontiniaci.

Fundantur Balerna, in diocesi Bisuntinensi; primus abbas Burchardus, ad quem epistola 146; Dominus-Dei, ad Charum fluvium in diocesi Bituricensi, ejus abbas fuit Robertus Bernardi consanguineus, ad quem epistola 1; Alba-Ripa, in diocesi Lingonensi. Denique adoptatur monasterium Alpense, diocesis Gebennensis, tradente Guarino abbate, postea episcopo Sedunensi. Vide epistolam 253.

1137. Innocentii II 8, Lotharii II imperatoris 12, Ludovicus VI regni sui anno 29 Parisiis mortuus est kalendas augusti; cui successit filius Ludovicus VII Junior appellatus, quod vivente patre regnare cepisset.

Hoc ipso anno Bernardus ab Innocentio accitus, tertio in Italiam progreditur, sub Anacleto laborantem vexatione Rogerii Siculi, qui a Rainulfo duce Bernardi precibus superatus, cum armis prævalere non posset, ad verba se convertit, atque Anacleti causam in ore Petri Pisani viri eloquentissimi reponere se simulans, cum ipsum a Bernardo convictum et reductum vidisset, ne sic quidem ad meliora potuit emolliri.

Fundantur monasterium Columbæ, in Italia, diocesis Placentinæ; Bochia, in Hungaria, diocesis Vespriniensis, quamvis a nonnullis ad annum 1153 referatur. Item adoptatur monasterium Belli-Fontis, nunc Vallis-Paradisi nuncupatum, in Hispania, diocesi Zamorensi.

1138. Lotharius II imperii anno decimo tertio regnare desiit tertio nonas decembris, succedente Conrado Franconiae duce, quondam ejus æmulo. Quo etiam anno misere interiit Anacletus pseudo-pontifex, cui successus ex Rogerii factione Gregorius cardinalis, Victor vocatus, qui supremæ dignitatis insignia Bernardo resignans, schismati tandem, post septem annos S. Doctoris studio ac prudentia compresso, finem optatum imposuit. Vide epistolam 317. Abbas vero sanctus Romanam curiam nulla mora interposita deserens, nihil inde in Gallias referre voluit pro xenii, præter dentem S. Casarii, aliasque sanctorum reliquias, Vitæ libro 4, cap. 1. Qui de statu electionis Lingonensis a Lugdunensi metropolita contra sponsonem Romæ initam celebratæ certior factus, varias scripsit epistolas 165 et sequentes; cui quidem dolori accessit alius longe

gravior, nempe de Gerardi fratris obitu, cujus inducias in Italia, ubi comitem cum habuerat in extrema sua peregrinatione, a Deo impetrarat, quem multis lacrymis persecutus est sermone vigesimo sexto in Cantica, a quo resumpsit aureum hoc opus a se interruptum.

Ipsò anno Rainaldus Remensis archiepiscopus obiit, ut refert Auctarium Gemblacense: post biennium vero, scilicet anno 1140, Samson Carnotensis ecclesie praepositus Remorum ordinatur archiepiscopus, cum ipse Bernardus hanc dignitatem recusasset.

Fundatur monasterium Benedictionis-Dei, in diocesi Lugdunensi, cui praefectus Albericus, ad quem epistola 173. Adoptatur etiam monasterium Dunense, diocesis Brugensis. Primus abbas Robertus, cui scribitur epistola 324, Bernardo apud Claram-Vallem aliquando successurus.

1139. Convocatum est Romae concilium Lateranense mille circiter episcoporum, in quo iterato damnati Petri Leonis fautores, infirmate ab eo factae ordinationes, torneamenta interdicta, Arnoldus Brixianus, tanquam haereticus Italia excedere iussus. A qua quidem sententia adversus Anacleti fautores severitate Bernardus vindicare laboravit Petrum Pisanum cardinalem, Innocentio prius a se reconciliatum, ut patet ex epistola 213. Nec multo post Innocentius ipse a Rogerio Siciliæ duce dolose captus est, quod pacis diu exoptatæ inter utrumque componendæ fuit occasio.

Hoc item anno Malachias archiepiscopus, Hibernie primas, Romam iter aggressus est, non vero, ut vult Baronius, anno 1137, cum constet ex Bernardo, Vitæ S. Malachiae capite 10, Malachiam ab hac peregrinatione novem duntaxat annos supervixisse, itemque ex capite ultimo, anno 1148 decessisse. Malachias vero in hoc itinere Claram-Vallem adiens, ibi sex socios reliquit, qui Cisterciense institutum docendi, illud postea in Hiberniam transtulerunt.

1140. Habetur concilium Senonense adversus Abaelardum, qui condemnatis errorum capitulis Sedem Romanam appellavit quidem, sed Petri Venerabilis persuasione cedens appellatione, Cluniaci remansit: ac ejusdem opera Ecclesiae reconciliatus, cum per biennium ibi laudabiliter vixisset, in monasterio S. Marcelli Cabilonensi, quo morbi curandi causa se contulerat, cessit e vita. Vide epistolam 197 et sequentes, et ibidem Notas.

Fundantur hoc anno Clarus-Mariscus, in diocesi Andomarensi; Blancha-Landa, in Wallia Angliae provincia, diocesi Menevensi; Ursaria, in regno Callacæ, diocesi Auriensi; Aripatorium, aliis Ripatorium, in diocesi Trecensi, cui praefectus Alanus, postea episcopus Autissiodorensis, Vitæ S. Bernardi compilator. Item Innocentius monasterium S. Anastasii ad Aquas-Salvias reparatum Claræ-Valdensibus attribuit, praefecto Bernardo Pisano, S. Bernardi discipulo, qui subinde Eugenii III nomine in Sedem Romanam assumptus est. Denique adoptantur monasterium Benchorense, a Malachia Hibernie primate Bernardo concessum; necnon et Casæ-Marium, in civitate Verulana, in Italia.

1141. Innocentius papa, ait Robertus, de Monte, interdixit terram dominicam regis Ludovici, quia

nolebat recipere archiepiscopum Bituricensem, quem tamen postea recepit, et absolvit eum de sacramento quod irrationabiliter fecerat. Vide epistolam 218 et sequentes.

Quo etiam anno idem rex Francorum Ludovicus, ut habet idem auctor, afflixit comitem Theobaldum, et vastavit terram ejus, maxime in Campania, ubi combussit castellum Vitreuvium, seu Vitriacum, ubi multitudo diversi sexus hominum et ætatis, nimirum mille trecentæ animæ, teste Roberto de Monte in Supplemento ad Sigibertum, qui hoc refert ad annum 1143, cremata est. Consule epistolam 217, 220, 222, 223.

Hoc tempore contigit obitus Humbelineæ sororis sancti Bernardi, de qua Vitæ libro 1, cap. 6.

Fundatur cœnobium Melli-Fontis, in Hibernia, diocesis Armachanæ, Malachia procurante, ascitis ex Clara-Valle Christiano ac sociis, quos praedictus episcopus instituendos ibi reliquerat. Vide epistolam 356, 357.

1142. Ivo presbyter cardinalis ex canonico regulari S. Victoris apud Parisios, mittitur in Gallias ad ferendam sententiam in Radulphum Viromanduarum comitem, qui repudiata priori uxore Petronilla, Theobaldi comitis sorore, Guillelmi Aquitanie ducis filiam, Reginae sororem, superinduxerat. Quo etiam anathemate involuti Bartholomæus Laudensis, Simon Noviomensis, Petrus Silvanectensis episcopi, divortii auctores. Vide epistolam 216, 217, 220, 221.

Item Alfonsus Lusitanie rex se suumque regnum Claræ-Valli vectigale fecit, assignatis quinquaginta marabitinis sive dipondiis auri probati.

Quo etiam anno, teste Roberto de Monte, vel proxime evoluto, ut tradit Ortelius in Anselmo Gemblacensi apud Mireum, animam caelo reddidit magnus ille Hugo Victorinus, S. Bernardi amicus et cultor præcipuus, alter sui sæculi Augustinus. Vide epistolam 70.

Fundantur monasteria Melonis, in Callæcia, diocesis Tudensis, et Superadi, circa hæc tempora in diocesi Compostellana. Item Alta-Crista, in Sabaudia, diocesis Lausanensis.

1143. Conradi III imperatoris 5, Ludovici VII Francorum regis 6, Innocentius papa moritur octavo kalendas octobris cum sedisset annos fere quatuordecim; cui succedit Guido de Castello, dictus Cælestinus II, ad quem epistolæ 234, 235.

Fundantur Alvastrum, in Suecia, diocesi Lincolpensi; Nova-Vallis (aliis post quadriennium), ibidem; Bella-Pertica, in diocesi Montis-Albani; Meyra, in Callæcia, diocesis Lucensis.

1144. Cælestinus papa, semestri necdum exacto, decessit: cui subrogatur Gerardus camerarius ex canonico regulari, presbyter cardinalis tit. S. Crucis in Jerusalem, Lucius II nuncupatus. Quo tempore Bernardus inter Ludovicum regem et Theobaldum comitem pacem composuit. Legendæ epistolæ 220 et sequentes.

Hoc item anno moritur Bartholomæus Firmitatis abbas, frater S. Bernardi. Item Stephanus Catalaunensis cardinalis episcopus Prænестinus ex Ordine Cisterciensi, vir magne sanctitatis, cui Bernardus varias inscripsit epistolam.

Fundatur Belli-Locus, in diocesi Rutenensi.

1145. Conradi III imperatoris 7, Ludovici VII Francorum regis 8, Lucio papae quinto kalendas martii defuncto substituitur Eugenius III ex abbate S. Anastasii ad Aquas-Salvias, Bernardus antea vocatus, de quo supra anno 1140. Vide epistolam 237 et sequentes. Quo tempore S. Bernardus a Ludovico rege de sacra expeditione consultus, rem ad summi Pontificis sententiam remittit, ex nostra Praefatione generali, § 7.

Fundatur Pratea, in diocesi Bituricensi.

1146. In concilio Carnotensi pro expeditione sacra indicto hoc anno, ad quod Petrus Venerabilis invitatus, epistola 364, venire non potuit, ut colligitur ex ejus responsione, epistola 18, lib. 6, S. Bernardus in primum militum ducem electus, ex mandato Eugenii, Germaniae populos, Francos Orientales, Bajoarios, Anglos, etc. ad capeendam Crucem litteris, tum viva voce cohortatus est, multis suffragantibus miraculis, epistolis 363, 365, et libro de Miraculis S. Bernardi.

Hoc itidem anno Tornacensis Ecclesia, quae per quingenos et amplius annos episcopis Noviomensis Ecclesiae commendata fuerat, proprium episcopum, Anselmum nomine, ex abbate S. Vincentii Laudunensis, ab Eugenio papa III recepit, Bernardo abbate Clarae-Vallensi inter alios procurante.

Fundantur Boxelona, in Anglia, diocesis Cantuariensis; Villarium, in Brabantia, diocesis Namurcensis. Hujus foundationem Auctarium Gemblacense apud Miraeum reponit anno sequenti, his verbis: Monachi duodecim cum Laurentio abbate, et quinque Conversi, a B. Bernardo ex Clara-Valle in Brabantiam missi, Villariense monasterium edificarunt.

1147. Eugenius anno superiori, Romanis Arnaldi factione, de qua epistola 242, infestantibus, in Galliam confugiens, hoc anno Parisiis honorifice excipitur a Ludovico rege, qui cum anno praecedenti, ut refert Robertus de Monte in Appendice ad Sigibertum, apud Vezeliacum, die dominica in Ramis palmarum crucem assumpsisset, simulque Robertus frater ejus, et Gaufridus comes Mellenti, et alii multi, hoc anno Parisiis recesserunt, nimirum die 14 junii, ut habet Chronologia Cluniacensis, in Syriam contra Saracenos profecturi.

Hoc eodem anno plures variis in locis habitae synodi. Prima Stampis, in qua de negotio Ierosolymitano et regni dispositione, Bernardo praesente, actum est, Galliae administratione Sugerio S. Dionysii abbati commissa. Vide Chronic. S. Dionysii tom. 2; Spicil. et lib. Mirac. S. Bernardi, cap. 16. Secunda Autissiodori, praesidente Eugenio. Tertia Parisiis, teste Ottone Frisingensi, in Frid. lib. 1, cap. 50. In quibus causa Gilberti Porretani proposita, ad concilium Remense anno proximo celebrandum remissa est. Vide Praefationem generalem.

Praeterea Bernardus cum Alberico cardinali Ostiensi et legato, Gaufridoque Carnotensi, pergit in Aquitaniam contra Henricum haereticum, de quo in nostra Praefatione generali, et in epistola 241. Quo etiam anno Alfonsus Lusitaniae rex, urbe Scalabi meritis S. Bernardi expugnata, datis litteris monachos petit ad instituendum Ordinis Cisterciensis in suo regno monasterium.

Fundantur Alcobatia a praedicto rege in Lusita-

nia, diocesi Ulissiponensi; Vallis-Richerii, in diocesi Bajocensi; Morganium, in Wallia; monasterium de Spina, in diocesi Palentina in Castella a Sancia Alfonsi regis sorore. Vide epistolam 301. Item adoptatur Grandis-Silva Ordinis S. Benedicti in diocesi Tolosana, Bernardo ejus abbate se et domum suam tradente. Vide epistolam 242.

1148. Initio concilio Remensi decimo quarto kalendas aprilis, Eugenio praesidente, carcere damnatur Eon fatuus haereticus: Gilbertus vero Porretanus, Pietavensis episcopus, a Bernardo convictus, suos retractat errores. Nec multo post Eugenius, agente sancto Abbate, scripta Hildegardis approbavit in concilio Trevirensi, cum prius Tullensis ecclesiae dedicationem, cui et Bernardus interfuit, peregisset. Quo eodem anno praefatus Eugenius cum capitulo Cisterciensi adfuisse, novumque coemeterium sacrasset, fratribus non sine lacrymis valedicens, in Italiam remeavit.

Post Eugenii e Gallia discessum, S. Malachias Hiberniae primas, Romam denuo ad summum Pontificem pallii causa profecturus, optato die et loco apud Claram-Vallem diem feliciter clausit ipso die solemnibus Commemorationis omnium defunctorum, ejus memoria statim ab ipsius morte celebris haberi cepit. Vide epistolam 374 consolatoriam ad Hibernienses; item Vitam ejus, tomo 2; et duos sermones in ejus depositione habitos, tomo 3. Porro cum S. Malachias in extremis jam fere ageret, consummato edificio novae Clarae-Vallis, ossa venerabilium Patrum, qui in priori coenobio obdormierant, e veteri coemeterio in novum translata sunt, in festo omnium Sanctorum, ex sermone primo de S. Malachia, n. 2. Ejus canonizatio in Chronico Clarae-Vallensi apud Franciscum Chiffletium refertur ad annum 1192.

Eodem anno obiit beatus Humbertus abbas Igniacensis, non anno 1145, ut putat Manricus. Probationes vide in Notatione ad sermonem de ejus obitu a Bernardo habitum, qui exstat in tomo 3.

Fundatur Camberona, in diocesi Cameracensi. Primus abbas Fastradus ex Clara-Valle, cui etiam post Robertum praefuit. Adoptatur etiam Alna, prius Benedictinorum, deinde canonicorum regularium in diocesi Leodiensi. Item in capitulo Cisterciensi hoc anno Serlo abbas Saviniacensis se ac triginta monasteria, quae a Saviniaco Benedictinorum monasterio diocesis Abrincensis pendebant, Clara-Valli subdidit: quatuor vero Stephanus, congregationis Obazinensis in diocesi Lemovicensi nascentis pater et institutor.

1149. Hoc anno cum infelicem exitum habuisset transmarina expeditio, Ludovicus in Galliam reversus est. Vide epistolam 386, librum 2 de Consideratione, cap. 1, et Vitam S. Bernardi, lib. 3, cap. 4. Qui quidem ad novam iterum se accingens, a Cisterciensibus retardatur, ut tradit Robertus abbas in Chronico ad annum 1150.

Eodem anno Henricus, Ludovici regis Franciae frater (verba sunt Chronici Turonensis) prius Thesaurarius Beati-Martini Turonis, post apud Claram-Vallem monachi veste indutus, provchitur ad episcopatum Belvaciae civitatis: quod quidem Chronicon Sancti-Petri-Vivi Senonensis anno sequenti reponit. Lege epistolam 307 et Notas.



Fundantur Fons-Moriniacus, in diœcesi Bituricensi; Albæ-Petræ, in Lemovicensi; Longum-Vadum, in Lingonensi; Laus-Beatæ-Virginis, in Tornacensi. Adoptatur Bullencuria, canonicorum regularium in diœcesi Trecensi.

1150. Eugenio Romæ ad S. Petrum post multos conflictus restituito, Bernardus librum secundum de Consideratione transmittens, apologiam de Jerosolymitanæ expeditionis consilio prætexit, recipitque epistolam consolatoriam a Joanne Casæ-Marii in civitate Verulana abbate, quæ est modo epistola 386 inter Bernardinas.

1151. Rainaldo abbati sub finem anni superioris defuncto, nimirum decimo septimo kalendas januarii, suffectus est Gosevinus ex abbate Bonæ-Vallis Viennensis. Vide epistolam 270.

Item moritur Hugo Autissiodorensis episcopus, vir bonæ memoriæ dictus in Chronico S. Petri-Vivi. De successoris electione vide epistolas 261, 274 et sequentes. Obiit item Sugerius abbas S. Dionysii, vir integerrimus, cui in extremis posito Bernardus scripsit epistolam 266. Hoc anno, Ludovicus et Aliénora, inquit Robertus de Monte, in Quadragesima apud Balgencium, dato sacramento coram archiepiscopis et episcopis quod consanguinei essent, separati sunt auctoritate Christianitatis.

Fundatur monasterium Esronense, in Dania, diœcesi Roskildensi.

1152. Eugenii III 8, Ludovici VII Franciæ regis 15, Conradus imperii anno 13 purpuram morte resignat Friderico cognomento Enobarbæ, Sueviæ duci, Conradi ex fratre nepoti. Sed et Theobaldus

Campaniæ comes, vir insignis pietatis, sexto idus januarii defunctus, in monasterio Latiniacensi, ad Matronam, ejus fuerat advocatus, sepelitur, ad quem non longe ante obitum Bernardus scripsit epistolam 271.

Adoptatur abbatia de Moroliis, in diœcesi Maleacensi. Fundatur abbatia Clari-Montis, in diœcesi Cenomannensi. Circa hoc tempus adoptatur Armantaria, in Callæcia, diœcesi Compostellanæ.

1153. Friderici I imperatoris 2, Ludovici VII Franciæ regis 16, Eugenius diem clausit sexto idus julii, cum sedisset annos octo menses quatuor dies tredecim; cui successit Conradus, ex canonico regulari episcopus Sabinensis, dictus Anastasius IV. Nec longe post sanctissimus doctor Bernardus, multis pro Deo et Ecclesia defunctus laboribus, cum a media hiemis tempestate gravi morbo correptus, ut scribit epistolis 288, 307, 308, pacem nihilominus inter Metenses composuisset, in pace tandem ipse quievit decimo tertio kalendas septembris, tribus ante meridiem horis, anno ætatis sexagesimo tertio, monasticæ professionis quadragesimo, præfecturæ trigesimo octavo. Qua etiam hebdomada Ascalon, munitissima civitas in Palæstina, juxta Sancti promissionem frequentius repetitam, a Christianis capta est, ut testatur Gaufridus Vitæ S. Bernardi libro 3, cap. 4. Bernardus apud Claram-Vallem successorem habuit Robertum ex abbate Dunensi.

Fundantur monasteria Petrosæ, diœcesis Petragoricensis; De Moris, diœcesis Lingonensis; et adoptatur abbatia Montis-Rami, diœcesis Auriensis in Callæcia.

# TOTIUS OPERIS

## GENERALIS DISPOSITIO.

---

VOLUMEN I continet quatuor priores tomos, seu gemina S. Bernardi Opera omnia.

Tomus I exhibet Epistolas, numero quadringenae octoginta duas, distinctas in tres classes. In prima classe exstant Epistolæ trecentæ decem sub veteri ordine. In secunda classe, Epistolæ centum quadraginta quinque, nimirum ad epistolam quadringentesimam quinquagesimam quintam, partim novæ, partim antehac editæ, sed ordine mutato pro ratione temporis quo scriptæ sunt. In tertia classe sunt Epistolæ reliquæ ab epistola quadringentesima quadragesima quinta, dubiæ, spurix, atque alienæ ad Bernardum scriptæ.

Collatæ sunt Epistolæ ad tres codices Colbertinos, Cistercienses duos, Corbeiensem unum, nunc item Compendiensem. Consulti etiam codices Vaticani, Sorbonicus, Regiæ-Navarræ, Gandavensis S. Petri, Claræ-Vallensis, Vallis-Clare, Auræ-Vallis, Vedastinus, Verdinensis, Saviniacensis, etc.

Tomus II continet Opuscula numero duodecim, initio tomi recensenda cum suis capitulationibus.

Collata sunt Opuscula ad codices Colbertinum, Dionysianum, Cistercienses, S. Germani, Majoris-Monasterii, Gemeticensem, S. Theoderici Remensis, et Compendiensem.

Tomus III Sermones de Tempore, de Sanctis, ac de Diversis complectitur, quorum elenchus suo loco exhibetur.

Collati sunt Sermones ad codices Dionysianos, Cistercienses, Majoris-Monasterii, Alborum-Mantellorum, Cælestinorum, Fulensium Parisiensium.

Tomus IV totus constat ex Sermonibus in Cantica, numero octoginta sex, quorum index ac series eidem tomo præmittitur.

Collati sunt ad codices S. Germani Parisiensis, Gemeticensem, Cistercienses, S. Victoris Parisiensis, Cælestinorum Parisiensium, S. Theoderici Remensis, S. Ebrulfi, etc.

Tomo quarto subiunguntur Flores ex S. Bernardo, cum Indicibus necessariis in volumen I, nempe locorum sacre Scripturæ, rerum et verborum.

VOLUMEN II continet duos tomos posteriores, seu Opera supposititia et aliena.

Tomus V continet Gilleberti abbatis continuationem in Cantica, et Opera Bernardo perperam adscripta.

Tomus VI seu Appendix, Guericci abbatis Sermones, tum Guigonis Cartusie Prioris quasdam epistolas; necnon varios libros de S. Bernardi Vita et Miraculis; denique Gaufridi abbatis quadam opuscula, cum tribus Indicibus, uno Scripturæ sacre locorum, altero rerum et verborum, tertio geographico qui ad totum opus refertur.

SANCTI BERNARDI

ABBATIS CLARÆ-VALLENSIS

OPERUM TOMUS PRIMUS,

EPISTOLAS

NUMERO CCCCLXXXII

COMPLECTENS.



# SANCTI BERNARDI

ABBATIS CLARÆ-VALLENSIS

## EPISTOLÆ.

### EPISTOLA I.<sup>a</sup>

AD ROBERTUM \* NEPOTEM SUUM, QUI DE ORDINE  
CISTERCIENSI TRANSIERAT AD CLUNIACENSEM<sup>b</sup>.

Robertum consanguineum, qui vel horrore strictioris regulæ, seu vitæ laxioris illecebra, vel etiam blanditiis et subdolis aliorum susurris inductus a Cisterciensibus ad Cluniacenses transierat, mira charitate et affectu plusquam paterno revocat.

1. Satis et plusquam satis sustinui, dilectissime fili Roberte<sup>c</sup>, si forte Dei pietas, et tuam per se, et meam per te animam dignaretur invisere: tibi scilicet inspirando salutarem compunctionem, mihique de tua salute lætitiā. Sed quoniam usque adhuc frustratum me cerno ab exspectatione mea, jam non valeo tegere dolorem meum, anxietatem reprimere, dissimulare tristitiā. Unde et contra juris ordinem cogor revocare læsus, eum qui me læsit; spretus, requirere contemptorem; injuriam passus, injuriatori satisfacere; rogare denique, a quo rogari debueram. Dolor quippe nimis non deliberat, non verecundatur, non consulit rationem, non metuit dignitatis damnum, legi non obtemperat, judicio non acquiescit, C modum ignorat et ordinem: id omnimodo et solummodo satagente animo, quo vel careat,

<sup>1</sup> quod se dolet habere; vel habeat, quo se dolet A carere. At, inquis, nec læsi quempiam, nec sprevi; sed spretus potius ego, ac multifarie læsus, tantum fugi malefactorem meum. Cui injuriam feci, si injurias fugi? An non expedit cedere persecutori, quam resistere? fugere ferientem, quam referire? Recte: assentio. Non ut contenderem cœpi hæc, sed ut contentionem dirimerem. Fugere persecutionem non est culpa fugientis, sed persequentis. Non contradico. Omitto quod factum est, non requiro cur, vel quomodo factum est; culpas non discutio, non retracto causas, non recordor injurias. Solent B enim hæc magis instigare, quam mitigare discordias. Solum quod mihi magis est cordi, loquor. Me miserum, quod te careo, quod te non video, quod sine te vivo, pro quo mori, mihi vivere est; sine quo vivere, mori! Non igitur quæro cur abieris, sed quod jam non redieris queror; non causas discessionis, sed moras causor regressionis. Veni tantum, et pax erit: revertere, et satisfactum est. Redi, inquam, redi, et lætus cantabo: *Mortuus fuerat, et revixit; perierat, et inventus est*<sup>1</sup>.

2. Fuerit certe meæ culpæ quod discessisti. Delicato quippe adolescentulo austerus exstiteram, et tenerum durus nimis inhumane tractavi. Hinc enim et præsens quondam adversum me, quantum memini, murmurare solebas;

<sup>1</sup> Luc. xv, 32.

<sup>a</sup> Scripta circa annum 1119.

<sup>b</sup> Ita scripti fere omnes: in uno S. Germani, *Incipit epistola B. Bernardi abbatis ad domnum Robertum monachum et cognatum suum, qui Ordinem Cisterciensem post professionem dimiserat, et ad Cluniacum se transtulerat.*

<sup>c</sup> Nulla hujus epistolæ inscriptio, præterquam in duobus S. Germani codicibus, *Bernardus abbas Roberto adolescenti*, an genuina, incertum.

hinc et nunc, sicut audiui, etiam absenti derogare non cessas. Non tibi imputetur. Possem forsitan excusare et dicere, quia sic lascivi pueritiæ motus coercendi erant; ac rudibus animis debebantur aspera illa disciplinæ districtioris initia, Scriptura attestante, quæ ait, *Percute filium tuum virga, et liberabis animam ejus a morte*<sup>1</sup>; et rursum, *Quos enim diligit Dominus, corripit; flagellat autem omnem filium quem recipit*<sup>2</sup>; et illud, *Utiliora sunt verbera amici, quam oscula inimici*<sup>3</sup>. Sed fuerit, ut dixi, meæ culpæ quod discessisti: ne dum de reatus perpetratione contenditur, emendatio retardetur. At vero hinc vel procul dubio incipiet esse et tuæ, si non pareas pœnitenti, indulgeas confitenti: quia potui quidem aliquando in aliquibus fuisse erga te indiscretus, sed certe non malevolus. Quod si et in futuro hanc ipsam indiscretionem meam suspectam habes; noveris me jam non esse qui fueram, quia nec te puto fore qui fuisti. Mutatus mutatum invenies, et quem ante metuebas magistrum, comitem amplectere securus. Itaque sive mea culpa recesseris, ut tu putas, et ego non excuso; sive tua, ut multi putant, etsi ego non accuso; sive mea simul et tua, quod ego magis puto: ex hoc jam si redire renueris, solus profecto inexcusabilis eris. Vis ab omni culpa liber esse? revertere. Si tuam agnoscis, ignosco: ignosce et tu mihi, ubi meam agnosco. Alioquin aut tibi nimis indulges, qui tuam culpam et agnoscis, et dissimulas; aut mihi nimis immisericors es, cui nec satisfaciendi ignoscendum putas.

3. Jam si redire recusas, aliam quære occasionem unde falso blandiaris conscientie tuæ: quia non erit ultra quod formidare debeas de rigore districtioris meæ. Neque enim formidandum est quod futurus sis præsentis formidolosus, cui adhuc absenti jam toto sum corde<sup>4</sup> prostratus, totis adstrictus visceribus. Humilitatem exhibeo, charitatem promitto: et tu times? Intrepidus veni quo te vocat humilitas, pertrahit charitas. Securus accede, talibus præventus obsidibus. Fugisti sævum, revertere ad mansuetum: revocet te mea lenitas, ejus severitas effugavit. Vide, fili, quam te cupiam duci, non spiritu servitutis iterum in timore, sed spiritu adoptionis filiorum, in quo clamare

et tu non confundaris, Abba, Pater<sup>5</sup>: causam autique tanti doloris mei non minis apud te, sed blandimentis; precibus, non terroribus agens. Alius forsitan aliter tentaret. Et vere quis alius non magis discuteret reatum, et incuteret metum; non opposeret votum, et proponeret judicium; non argueret inobedientiæ, non indignaretur apostasiæ; quod de tunicis ad pelliceas, de oleribus ad delicias, quod denique ad divitias de paupertate transieris? Sed ego novi animum tuum, qui facilius possit amore flecti, quam timore compelli. Denique quid necesse est bis punire non recalcitrantem, valde timidum magis exterrere, per se satis erubescentem confundere amplius: cui sua ratio magister, cui propria conscientia virga, et ingenta verecundia lex disciplinæ est? Quod si cui mirum videtur, quomodo puer verecundus, simplex, timoratus, ausus fuerit contra voluntatem fratrum, magistri imperium, regulare decretum, suum deserere et votum, et locum; miretur etiam quod et David sanctitati subreptum sit<sup>6</sup>, quod sapientiæ Salomonis illusum<sup>7</sup>, quod Samson fortitudini obviatum<sup>8</sup>. Qui Protoplastum dolo captum expulit de patria felicitatis, quid mirum si tenero subripuit adolescentulo in loco horroris et vastæ solitudinis? Huc accedit quod nec, sicut illos Babylonicos senes, species decepit eum<sup>9</sup>; nec, sicut Giezi, pecuniæ amor<sup>10</sup>; nec honoris ambitio, sicut Julianum Apostatam<sup>11</sup>: sed fefellit illum sanctitas, seduxit religio, perdidit auctoritas seniorum. Quæris quomodo?

4. Primo quidem missus est magnus quidam Prior ab ipso principe Priorum; foris quidem apprensus in vestimentis ovium, intrinsecus autem lupus rapax; deceptisque custodibus, æstimantibus quippe ovem esse, vœ! vœ! admissus est solus ad solam lupus oviculam. Nec refugit ovicula lupum, quem et ipsa putabat ovem. Quid plura? attrahit, allicit, blanditur, et novi evangelii prædicator commendat crapulam, parsimoniam damnat; voluntariam paupertatem, miseriam dicit; jejunia, vigiliis, silentium, manuumque laborem, vocat insaniam: e contrario otiositatem, contemplationem nuncupat; edacitatem, loquacitatem, curiositatem, cunctam denique intemperantiam nominat discretionem. Quando, inquit, delectatur Deus

<sup>1</sup> Prov. xxiii, 13. — <sup>2</sup> Hebr. xii, 6. — <sup>3</sup> Prov. xxvii, 6. — <sup>4</sup> Rom. viii, 15. — <sup>5</sup> II Reg. xi. — <sup>6</sup> III Reg. vi. — <sup>7</sup> Judicium xvi. — <sup>8</sup> Dan. xiii, 8. — <sup>9</sup> IV Reg. v, 20.

<sup>10</sup> Alias, corpore.

cruciatibus nostris? ubi præcipit Scriptura<sup>5</sup> quempiam sese interficere? Qualis vero religio est fodere terram, silvam excidere, stercora comportare? Numquid non sententia Veritatis est, *Misericordiam volo, et non sacrificium*<sup>1</sup>? et, *Nolo mortem peccatoris, sed magis ut convertatur et vivat*<sup>2</sup>? et, *Beati misericordes, quoniam ipsi misericordiam consequentur*<sup>3</sup>? Utquid vero Deus cibos creavit, si non liceat manducare? utquid nobis corpora dedit, si prohibeat sustentare? Denique, qui sibi nequam, cui bonus<sup>4</sup>? Quis unquam sanum sapiens, carnem suam odio habuit<sup>5</sup>?

5. Talibus tandem allegationibus male credulus puer circumventus seducitur, seductorem sequitur, Cluniacum ducitur; tondetur, raditur, lavatur; exiit rusticus, vetustis, sordidis; induitur pretiosis, novis ac nitidis; et ita in conventum suscipitur. Sed cum quali putas honore, cum quo triumpho, cum quanta reverentia? Defertur ei super omnes coætaneos suos, et tanquam victor rediens a pugna, sic laudatur peccator in desideriis animæ suæ<sup>6</sup>. Sustollitur in altum, statu non mediocri collocatur, ita ut multis senioribus prælatus sit adolescens: favet, blanditur, congratulatur ei universa fraternitas; exsultant omnes, tanquam victores capta præda, quando dividunt spolia<sup>7</sup>. O Jesu bone! quam multa facta sunt pro unius animulæ perditione! Cujus ad hæc quantumlibet robustum pectus non emollesceret? cujus interior, quantumvis spiritualis, oculus non turbaretur? cui inter talia ad suam liceat recurrere conscientiam? quis denique in tanta pompa vel veritatem valeat agnoscere, vel obtinere humilitatem?

6. Mittitur interea pro eo Roman. Apostolica compellatur auctoritas; et ut Papa non neget assensum, suggeritur ei infantem olim a parentibus oblatum fuisse monasterio. Non fuit qui refelleret (nec enim contradictor est expectatus), judicatum est de parte, abjudicatum absentibus. Justificati sunt qui injuriam fecerunt, exciderunt a causa qui passi sunt, absque satisfactione absolvitur reus. Firmatur privilegio crudeli nimium clemens sententia absolutionis; quo reportato confirmaretur fluctuanti male-suasa stabilitas, securitas dubitanti. Et hic te-

nor litterarum, hæc judicii summa, hæc totius causæ definitio, ut teneant qui tulerunt, sileant qui amiserunt: inter hæc autem pereat anima pro qua Christus mortuus est, et hoc, quia Cluniacenses volunt. Fit professio super professionem, vovetur quod non solvetur; proponitur quod non tenebitur; et cum primum pactum irritum factum sit, in secundo geminatur prævaricatio, et fit supra modum peccans peccatum<sup>8</sup>.

7. Veniet, veniet qui male judicata rejudicabit, illicite jurata confutabit; qui faciet judicium injuriam patientibus<sup>9</sup>, qui judicabit in justitia pauperes, et arguet in æquitate pro mansuetis terræ<sup>10</sup>. Veniet pro certo, qui per prophetam minatur in Psalmo dicens: *Cum accipero tempus, ego justitias judicabo*<sup>11</sup>. Quid faciet de injustis judiciis, qui ipsas quoque justitias judicabit? Veniet, inquam, veniet dies judicii: ubi plus valebunt pura corda, quam astuta verba; et conscientia bona, quam inarsupia plena: quandoquidem Judex ille nec fallitur verbis, nec flectetur donis. Tuum, Domine Jesu, tribunal appello: tuo me judicio servo, tibi committo causam meam, Domine Deus sabaoth, qui judicas juste, et probas renes et corda<sup>12</sup>; cujus oculi sicut fallere nolunt, ita falli non possunt; tu vides qui tua, vides qui quærent et sua<sup>13</sup>. Tu nosti quibus ei visceribus in cunctis tentationibus suis semper adfuerim, quantis pro eo gemitibus aures tuæ pietatis pulsaverim, qualiter ad quæque illius scandala, perturbationes, molestias ego urebar, torquebar, affligebar. Et nunc timeo ne frustra. Puto enim, quantum expertus sum, adolescentis per se satis ferventis et insolescentis nec corpori talia expedire fomenta, nec menti illa gloriæ tentamenta. Itaque, arbiter meus Domine Jesu, de vultu tuo judicium meum prodeat, oculi tui videant æquitatem<sup>14</sup>.

8. Videant et judicent, quid potius stare debuerit, an votum patris de filio, an filii de se ipso, præsertim cum filius aliquid majus devoverit. Videat et famulus tuus legislator noster Benedictus, quid regularius fuerit, utrum quod factum est de infantulo, nesciente ipso; an quod ipse per se postmodum prudens et sciens fecit, cum jam ætatem haberet ut de se loque-

<sup>1</sup> Matth. ix, 13. — <sup>2</sup> Ezech. xxxiii, 11. — <sup>3</sup> Matth. v, 7. — <sup>4</sup> Eccli. xiv, 5. — <sup>5</sup> Ephes. v, 29. — <sup>6</sup> Psal. x, 3. — <sup>7</sup> Isai. ix, 3. — <sup>8</sup> Rom. vii, 13. — <sup>9</sup> Psal. cxlv, 7. — <sup>10</sup> Isai. xi, 4. — <sup>11</sup> Psal. lxxiv, 3. — <sup>12</sup> Jerem. xi, 20. — <sup>13</sup> I Cor. xiii, 5. — <sup>14</sup> Psal. xvi, 2.

retur. Quamquam dubium non sit, promissum <sup>4</sup> illum fuisse, non donatum <sup>5</sup>. Nec enim petitio A quam Regula præcipit, pro eo facta fuit a parentibus; nec manus illius cum ipsa petitione involuta palla altaris, ut sic offerretur coram testibus. Ostenditur deinde terra, quæ cum illo, et pro illo dicitur data fuisse. Sed si cum terra cum receperunt, cur non et cum terra cum retinuerunt? An forte requirebant magis datum quam fructum, et pluris æstimata est terra quam anima? Alioquin oblatus monasterio, quid quærebat in sæculo? nutriendus Deo, cur expositus erat diabolo? Ovis Christi cur inventa est patere morsibus lupi? De sæculo quippe, non de Cluniaco, te teste, Roberte, venisti Cistercium. Quæstisti, petisti, pulsasti; sed pro tui adhuc teneritudine, te licet invito, dilatus es per biennium. Quo tempore patienter expleto, et absque calumnia, tuis demum precibus, multisque (si meministi) lacrymis, diu expectatam impetrasti misericordiam; et quem satis desideraveras ingressum, obtinuisti. Post hæc per annum juxta Regulam <sup>1</sup> in omni patientia probatus, perseveranter et sine querela conversatus, post annum sponte professus; tunc primum sæculari veste rejecta, religionis habitum suscepisti <sup>6</sup>.

9. O insensate puer! quis te fascinavit non solvere vota tua, quæ distinxerunt labia tua? Annon vel ex ore tuo justificaberis, vel ex ore tuo condemnaberis? Quid de parentis voto sollicitus es, negligens tui; cum ex ore tuo, non illius, habeas judicari; tuorum, non illius, vota labiorum exigendus sis? Et quid tibi frustra quispiam blanditur de absolutione apostolica, cujus conscientiam divina ligatam tenet sententia? *Nemo*, inquit, *mittens manum suam ad aratrum, et respiciens retro, aptus est regno Dei* <sup>7</sup>. Numquid et hoc persuadebunt non esse retro respicere, qui dicunt tibi: Euge, euge <sup>8</sup>? Filiole, si te lactaverint peccatores, ne acquiescas eis <sup>9</sup>. Noli credere omni spiritui <sup>10</sup>. Sint tibi multi necessarii, unus autem sit sibi consiliarius de mille <sup>11</sup>. Tolle occasiones, respue blandimenta, adulationibus claude aures, te interroga de te, quia tu te melius nosti quam alius. Attende cor tuum, discute intentionem, consule veritatem: tua tibi conscientia respondeat,

cur abieris, cur Ordinem tuum <sup>12</sup>, cur fratres, cur locum, cur me, qui et tibi propinquus carne, et propinquior spiritu sum, deserueris. Si ut acrius, ut rectius, ut perfectius viveres; securus esto, quia non retro aspexisti: sed et gloriare cum Apostolo dicens, *Que retro oblitus, et ad ea quæ ante sunt extentus, sequor ad palmam gloriæ* <sup>13</sup>. Sin alias, noli altum sapere, sed time <sup>14</sup>: quoniam, ut cum venia tui dixerim, quidquid tibi amplius indulges in victu, vestituque superfluo, in verbis otiosis, in vagatione licentiosa et curiosa, quam videlicet promisisti, quam apud nos tenuisti; hoc procul dubio retro aspicere est, prævaricari est, apostatare est <sup>15</sup>.

10. Et hæc dico, fili, non ut te confundam, sed ut tanquam filium charissimum moneam: quia etsi multos habeas in Christo pædagogos, sed non multos patres <sup>16</sup>. Nam si dignaris, et verbo, et exemplo meo in religionem ego te genui. Nutrivi deinde lacte, quod solum adhuc parvulus capere poteras; daturus et panem, si expectares ut grandesceres. Sed heu! quam præpropere et intempestive ablaetatus es! Et vereor ne totum quod foveram blandimentis, roboraveram adhortationibus, orationibus solidaveram; jamjamque evanescat, deficiat, pereat; et lugeam miser, non tam cassi laboris damnum, quam damnatæ sobolis miserabilem casum. Placetne tibi quod alius nunc gloriatur de te, qui nihil utique laboravit in te? Simile mihi contigit, quod et illi meretrici apud Salomonem: cui videlicet parvulus suus ab altera, quæ suum a se oppressum exstinxerat, furtim sublatus est <sup>17</sup>. Tu quoque de sinu mihi, et utero abscissus es. Ablatum gemo, repeto violenter avulsum. Non possum oblivisci viscera mea; quorum nimium parte detracta non modica, non potest nisi torqueri pars reliqua.

11. Verumtamen quo tuo commodo, qua tui necessitate hoc nobis moliti sunt amici nostri? quorum manus sanguine plenæ sunt <sup>18</sup>, quorum animam meam pertransivit gladius <sup>19</sup>, quorum dentes arma et sagittæ, et lingua eorum gladius acutus <sup>20</sup>. Nam utique mihi, si in aliquo unquam eos offenderam (quod utique mihi conscius non sum), plenam prorsus rependere vicem. Mirum vero si non plus talione

<sup>1</sup> Reg. S. Benedicti, capp. 58, 59. — <sup>2</sup> Luc. ix, 62. — <sup>3</sup> Psal. xxxix, 16. — <sup>4</sup> Prov. i, 10. — <sup>5</sup> I Joan. iv, 1. — <sup>6</sup> Eccl. vi, 6. — <sup>7</sup> Philipp. iii, 13. — <sup>8</sup> Rom. xi, 20. — <sup>9</sup> I Cor. iv, 14. — <sup>10</sup> III Reg. iii, 20. — <sup>11</sup> Isai. i, 15; lxx, 3. — <sup>12</sup> Luc. ii, 35. — <sup>13</sup> Psal. lxxv, 5.



recepisti; si videlicet tale aliquid in eos deliquisse potui, quale nunc ab eis pertuli. Nam, ut verum fatear, non os de ossibus meis, vel carnem de carne mea; sed tulerunt mihi gaudium cordis mei, fructum spiritus mei, coronam spei meæ, et (velut mihi sentire videor) animæ meæ dimidium. Utquid hoc? forte miserti sunt tui: et cæco cæcum ducenti indignantes, ne perires post me, in suum te transulere ducatum. O molesta charitas! o dura necessitudo! Tantum tuam dilexere salutem, ut in meam impingerent. Nisi me perempto, tu salvari non poteras? Et utinam ipsi te absque me salvent. Utinam et si ego moriar, vel tu vivas. Sed quid? Salus ergo magis in cultu vestium, et ciborum est opulentia, quam in sobrio victu vestituque moderato? Si pellicie lenes et calidæ, si panni subtilis et pretiosi, si longæ manicæ et amplum caputium, si operatorium silvestre et molle stamineum\*, sanctum faciunt; quid moror et ego quod te non sequor? Sed hæc infirmantium sunt fomenta, non arma pugnantium. Ecce enim qui mollibus vestiuntur, in domibus regum sunt<sup>1</sup>. Vinum et similia, mulsum et pingua corpori militant, non spiritui. Frixuris non anima saginatur, sed caro. Multi in Ægypto fratres, multo tempore Deo sine piscibus servierunt\*. Piper, gingiber, cuminum, salvia, et mille hujusmodi species salsamentorum, palatum quidem delectant, sed libidinem accendunt. Et tu mihi in his securitatem pones? tu cum hujusmodi tutam duces adolescentiam? Prudenter sobrieque conversanti satis est ad omne condimentum sal cum fame; qua sola non expectata, necesse est alias atque alias de nescio quibus succis extraneis confici permixtiones, quæ videlicet palatum reparent, gulam provocent, excitent appetitum.

12. Sed quid faciet, inquis, qui aliud non potest? Bene. Scio quia delicatus es, et quod his assuetus modo, duriora non possis. Sed quid, si potes facere ut possis? Quæris quomodo? Surge, præcingere, tolle otium, exere vires, move brachia, complosas explicamini, exercitare in aliquo; et statim senties sola te appetere quæ famem tollant, non fauces demulceant. Reddet quippe saporibus rebus exercitium, quos tulit inertia. Multa quæ respuis otiosus, post laborem sumes cum desiderio.

Siquidem otium parit fastidium, exercitium famem; fames autem miro modo dulcia reddit, quæ fastidium facit insipida. Olus, faba, pultes, panisque cibarius\* cum aqua, quiescenti quidem fastidio sunt, sed exercitato magnæ videntur deliciae. Jam forte tunicis dissuetus\* exhorres nimium eas, tam propter hiemis frigus, quam propter æstatis ardorem: sed numquid legisti, *Qui timet pruina, veniet super eum nix*<sup>2</sup>? Vigiliis times et jejunia, manuumque laborem; sed hæc levia sunt meditati flammæ perpetuas. Recordatio deinde tenebrarum exteriorum facit non horrere solitudinem. Si futuram cogitas de verbis otiosis discussionem<sup>3</sup>, non valde displicebit silentium. Fletus æternus et stridor ille dentium, ante cordis oculos reductus, pares tibi reddet mattam et culcitram. Denique si totum de nocte, quod Regula præcipit<sup>4</sup>, bene ad psalmos vigilaveris; nimis durus erit lectus, in quo quiete non dormias. Si tantum in die, quantum professus es, manibus laboraveris; durus erit cibus quem libenter non comedas.

13. Surge, miles Christi, surge, excutere de pulvere, revertere ad prælium unde fugisti, fortius post fugam præliaturus, gloriosius triumphaturus. Habet quidem Christus multos milites qui fortissime cæperunt, steterunt, vicerunt: paucos autem qui de fuga conversi, rursus se periculo ingesserint quod declinaverant; rursus fugarint hostes quos fugiebant. Et quia omne rarum pretiosum; gaudeo te de illis posse esse, qui quanto rariores, tanto apparebunt gloriosiores. Alias autem si multum timidus es, cur vel times ubi non est timor, non autem times ubi magis est timendum? An quia fugisti ex acie, putas te manus hostium evasisse? Libentius te insequitur adversarius fugientem, quam sustineat repugnantem; et audacius insistit a tergo, quam resistat in faciem. Securus nunc projectis armis capis matutinos somnos, cum illa hora Christus resurrexerit: et ignoras quod exarmatus, et tu timidior, et hostibus minus timendus sis? Armatorum multitudo circumvallaverunt domum, et tu dormis? Jam ascendunt aggerem, jam dissipant sepem, jam irruunt per posticum. Tutiusne est ergo tibi ut te inveniant solum, quam cum aliis; nudum in lectulo, quam armatum in campo? Expergiscere, sume arma, et fuge ad

<sup>1</sup> Matth. xi, 8. — <sup>2</sup> Job vi, 16. — <sup>3</sup> Matth. xii, 36. — <sup>4</sup> Reg. S. Benedicti, cap. 9 sqq.

commilitones tuos, quos fugiens deserueras; <sup>7</sup> ut qui te ab eis disjunxerat, ipse te denuo timor jungat. Quid armorum refugis pondus et asperitatem, delicate miles? Adversarius instans et circumvolantia spicula facient clypeum non esse oneri, lorica non sentiri vel galeam. Et quidem subito procedenti de umbra ad solem, de otio ad laborem, grave cernitur omne quod incipit; sed postquam ab his dissuescere, et ad illa se paulisper assuescere cœperit, usus tollit difficultatem, invenitque facile esse quod impossibile ante putavit. Solent etiam fortissimi milites audita buccina ante congressum trepidare; at ubi ad prælium ventum fuerit, spes victoriæ, et timor ne vincantur, reddit intrepidus. Quid vero tu trepidas, quem fratrum unanimitas armatorum circummuniet, cui Angeli assistent a latere, quem dux belli Christus præbuit, suos animans ad victoriam, et dicens: *Confidite, ego vici mundum*? Si Christus pro nobis, quis contra nos? Securus potes pugnare, ubi securus es de victoria. O vere tuta cum Christo, et pro Christo pugna! in qua nec vulneratus, nec prostratus, nec conculcatus, nec millies (si fieri possit) occisus, fraudaberis a victoria, tantum ne fugias. Sola causa, qua perdere possis victoriam, fuga est. Fugiendo potes illam amittere, moriendo non potes: et beatus si pugnando moriaris, quia mortuus, mox coronaberis. Væ autem tibi, si declinando pugnam, perdis et victoriam simul et coronam! Quod ipse avertat a te, fili dilectissime, qui in iudicio de his meis litteris majorem tibi habet inferre damnationem, si nullam ex eis in te repererit emendationem.

## EPISTOLA II.<sup>a</sup>

AD FULCONEM PUERUM, QUI POSTEA FUIT LINGONENSIS ARCHIDIACONUS <sup>b</sup>.

Fulconem canonicum regularem, quem avunculus blanditiis et promissis ad sæculum retraxerat, graviter et serio monet, ut potius Deo quam avunculo obediat et adhæreat.

Bonæ indolis adolescenti FULCONI, frater BER-

NARDUS peccator, inde lætari in adolescentia, unde in senectute non pœniteat.

1. Non miror si mireris, sed miror si non mireris, unde mihi ut ad te scribere vellem, civem rusticus, scholasticum<sup>c</sup> monachus, cum nulla hinc tibi occasio necessaria occurrat, nulla se ratio patens ostendat. At si attenderis quod scriptum legis, *Sapientibus et insipientibus debitor sum*<sup>3</sup>; et illud, *Charitas non querit quæ sua sunt*<sup>4</sup>: forsitan intelliges quidquid illa jusserit, non esse præsumptum. Charitas enim ad te objurgandum me compulit, quæ tibi condolet, quamvis non dolenti; quæ tibi miseretur, licet non miserabili. Et inde magis dolet, quod cum sis dolendus, non doles: et inde magis miseretur, quod cum miser sis, miserabilis non es. Nec frustra forsitan tibi compatitur, dummodo patienter tu audias unde compatiatur. Vult te tuum sentire dolorem, ut jam non habeas unde dolere: vult te tuam scire miseriam, ut incipias miser non esse. O bona mater charitas, quæ sive foveat infirmos, sive exerceat provecos, sive arguat inquietos; diversis diversa exhibens, sicut filios diligit universos! Cum te arguit, mitis est; cum blanditur, simplex est. Pie solet sævire, sine dolo mulcere: patienter novit irasci, humiliter indignari. Ipsa est quæ hominum mater et Angelorum, non solum quæ in terris, sed etiam quæ in cœlo sunt, pacificavit. Ipsa est quæ Deum homini placans, hominem Deo reconciliavit. Ipsa est, mi Fulco, quæ fratres illos, cum quibus olim dulces capiebas cibos, habitare facit unius moris in domo<sup>5</sup>. Hæc talis tamque honorabilis mater a te se queritur offensam, expostulat læsam. Læsa tamen non provocat: sed sprete te revocat, ostendens tibi in te de se veraciter scriptum esse, *Charitas* <sup>D</sup>*patiens est, benigna est*<sup>6</sup>. Licet læsa, licet offensa, si conversus fueris ad illam, obviabit tibi quasi mater honorificata. Contemptus oblita sui, ruet in amplexum tui; gaudens quem perdiderat, esse inventum; qui mortuus fuerat, vivum<sup>7</sup>.

2. Sed in quo, inquis, læsi? in quo contempsi? Audi. In eo, procul dubio, quod te quem

<sup>1</sup> Joan. xvi, 33. — <sup>2</sup> Rom. viii, 31. — <sup>3</sup> Id. i, 14. — <sup>4</sup> I Cor. xiii, 5. — <sup>5</sup> Psal. lxxvii, 7. — <sup>6</sup> I Cor. xiii, 4. — <sup>7</sup> Luc. xv, 32.

<sup>a</sup> Scripta circa annum 1120.

<sup>b</sup> Sic titulus in manuscriptis; ex quo patet Fulconem Bernardi monitis non obtinuisse, sed in sæculo remansisse.

<sup>c</sup> Scholarem puerum, infra n. 8: id est adolescentem.

sinu suo lacte nutriendum materno suscepit, <sup>8</sup> non potuit? Aut quomodo qui te vicit, ab illo ante tempus ablactasti; quod expertam lactis dulcedinem, in quo posses crescere in salutem, tam leviter, tam celeriter exsufflasti. O puer insensate! o puer magis sensu quam ætate! quis te fascinavit a bene incepto itinere tam cito discedere? Avunculus, inquires. Sic Adam quondam uxorem, uxor serpentem ad excusandas excusationes in peccatis <sup>1</sup> prætendebant; uterque tamen suæ culpæ dignam excepit sententiam <sup>2</sup>. Nolo decanum accuses, nolo te per illum excusare: inexcusabilis enim es. Illius culpa tuam non excusat. Quidnam ille fecit? Numquid te rapuit? numquid vim intulit? Rogavit, non ligavit; blandiendo attraxit, non violenter traxit. Quis te cogebat credere blandienti, assentire attrahenti? Ille sua nondum reliquerat; quid mirum si te qui suus eras, requirebat? Si agnum de grege, vitulum de armento cum perdit, requirit, et nemo causatur; te quoque, qui multis ovibus vel vitulis apud eum pluris es, ademptum si repetit, quis inde miretur? Siquidem non usurpat illam sibi perfectionem, de qua dicitur: *Si quis abstulerit tua, ne repetas* <sup>3</sup>. Repetebat ergo suum, qui sua adhuc tenebat. At tu qui jam sæculum spreveras, sæcularem sequi debebas? Fugit ovis tremebunda, veniente lupo; abscondit se columba tremens, accipitre viso; de cavernula sua mus esuriens exire non audet, ambiente cato: et tu cum videbas furem, currebas cum eo <sup>4</sup>? Nam quid aliud quam furem dixerim, qui pretiosam Christi margaritam, id est animam tuam, furari non dubitaverit?

3. Volebam, si possem, illius errorem dissimulare, ne odium et nullum fructum consequer ex veritate. Sed non potui, fateor, intactum transire, quem usque ad hanc diem comperi Spiritui sancto pro viribus restitisse. Nam qui manum non retinet a malo quo <sup>5</sup> potest, licet quandoque frustretur effectus, non minus culpatur affectus. In me certe fervorem novitium extinguere voluit; sed, Deo gratias, non valuit. Alteri quoque nepoti suo Guirrico, cognato tuo, multum restitit: sed quid nocuit? Imo plurimum præstitit. Destitit invitus tandem senex avunculus a persecutione; exstitit invictus puer nepos, gloriosior de tentatione. Sed heu! quomodo te vicit, qui illum vincere

superatus est? Numquid te fortior ille? numquid prudentior? Certe qui antea utrumque noverrant, Guirrico Fulconem præferebant. At postquam ventum est ad bellum, exitus indicavit hominum errasse iudicium. Ibi, prohi pudor! fugit qui præferebatur, ubi fortiter vicit qui inferior credebatur.

4. Sed quid de avunculi dicam malitia, qui a Christi militia retrahit nepotes suos, ut secum trahat ad inferos? Itane solet beare amicos? Quos Christus vocat secum in æternum mansuros, avunculus revocat secum in æternum arsuos. Miror si jam Christus ei non irascatur, et dicat: *Quoties volui congregare nepotes tuos, quemadmodum gallina congregat pullos suos sub alas, et noluisti? Ecce relinquetur tibi domus tua deserta* <sup>5</sup>. Christus dicit, *Sinite parvulos venire ad me; talium enim est regnum cælorum* <sup>6</sup>: avunculus ait, Sinite nepotes meos ut ardeant mecum. Christus dicit, Mei sunt, mihi debent servire: Sed oportet, inquit avunculus, eos mecum perire. Christus dicit, Mei sunt, ego illos redemi: Sed ego, inquit avunculus, eos nutriti. Tu quidem, ait Christus, illos nutriti, sed pane meo, non tuo; ego vero redemi non sanguine tuo, sed meo. Sic carnalis avunculus contra Patrem spirituum pro nepotibus certat, quos dum bonis cupit onerare terrenis, cælestibus exhereditat. Christus tamen non rapinam arbitratus, si suos quos fecit et redemit sanguine proprio, ad se venientes collegerit, iuxta quod ante promiserat, *Et cum qui venit ad me, non ejiciam foras* <sup>7</sup>; Fulconem primo pulsanti lætus aperuit, lætis amplexibus lætum excepit. Quid plura? veterem hominem exuitur, et novum induitur; quodque solo nomine existerat, moribus et vita canonicum proficitur. Fama volat, bonus odor Christo; rei novitas circumquaque diffusa pervenit ad aures avunculi.

5. Quid ergo faceret carnalis nutritius, qui carnis, quam nutrierat, quam carnaliter amabat, solatium perdebat? Etsi aliis fuit res illa odor vitæ ad vitam <sup>8</sup>, sed non illi. Quare? Quia animalis homo non percipit ea quæ sunt spiritus Dei. Stultitia enim illi videtur <sup>9</sup>. Nam si spiritum Christi haberet, non tam de carne doleret, quam gauderet de spiritu. Sed quia ter-

<sup>1</sup> Psal. CXL, 4. — <sup>2</sup> Gen. III, 16. — <sup>3</sup> Luc. VI, 30. — <sup>4</sup> Psal. XLIX, 18. — <sup>5</sup> Matth. XXIII, 37. — <sup>6</sup> Id. XIX, 14. — <sup>7</sup> Joan. VI, 37. — <sup>8</sup> II Cor. II, 16. — <sup>9</sup> I Cor. II, 14.

<sup>8</sup> Alias, quod.

rena, non quæ sursum sunt, sapiebat, turbatus<sup>1</sup> et tristis tale aliquid secum volvebat: Quid audio? vae mihi! a quanta spe cecidi! Sed quid? debetne stare quidquid absque meo consilio, absque mea licentia fecerit? Quod jus, quæ lex, quæ justitia, quæ ratio, ut quem ex utero nutriendum suscepi, alius fruatur adulto? Jam caput aspersus canis, heu! vitæ meæ reliquum expendam cum mœrore, quia me deseruit baculus senectutis meæ. Heu mihi! si hac nocte expetitur a me anima mea, quæ paravi, cujus erunt<sup>2</sup>? Promptuaria mea plena, eructantia ex hoc in illud: oves meæ fetosæ, abundantes in egressibus suis; boves meæ crassæ cui remanebunt<sup>3</sup>? Prædia, prata, domus, argentea vasa et aurea, cui congregata sunt? Ditiores quosque ac quæstuosiores ecclesiæ meæ honores acquisieram mihi; reliquos, etsi non licebat habere, spe tamen in Fulcone tenebam. Quid igitur faciam? Propter illum unum tot et tanta perdam? Nam quidquid sine illo possederim, amisisse me judico. Quin potius et ista retinebo, et illum revocabo si potero. Sed quomodo? Factum est, auditum est. Quod factum est, non potest non fieri: quod auditum est, celatum esse non poterit. Fulco canonicus est regularis; si revertitur ad sæculum, notabilis erit et infamis. Sed tolerabilius est hoc audire de illo, quam vivere sine illo. Cedat ergo nunc honestas utilitati, pudor necessitati. Malo non parcere verecundiæ pueri, quam miserabili subjacere tristitiæ.

6. Acquiescens itaque consilio carnis, rationis oblitus et legis, tanquam leo paratus ad prædam<sup>4</sup>, et sicut leana rapto catulo rapiens et rugiens, sacra non veritus, sanctorum irrupit habitaculum, in quo tirunculum suum Christus absconderat a contradictione linguarum, postmodum admixturns consortio Angelorum. Quærit ac flagitat reddi sibi nepotem suum; queritur et clamat injuste se ab illo relictum, Christo reclamante et dicente: Quid agis, miser? quid furis? quid me persequeris? Non sufficit tibi, quod tuam, tuoque exemplo multorum mihi animas tuleris, si non etiam hunc ausu sacrilego rapias de manu mea? Non times tu futurum judicium? an contemnis terrorem meum? Cui hoc facis? cui bellum indicis? Terribili utique, et ei qui aufert spiritum princi-

pum<sup>5</sup>. Insane, redi ad cor tuum; memorare novissima tua, et non peccabis<sup>6</sup>: memorare quæ tua substantia, et utiliter timebis. Et tu puer, inquit, si assenseris, si acquieveris, morte morieris<sup>7</sup>. Memento uxoris Loth de Sodomâ quidem ereptæ, quia Deo credidit; sed in via mutatæ, quia retro aspexit<sup>8</sup>. Disce in Evangelio quod non liceat retro aspicere ei, qui semel manum ad aratrum misit<sup>9</sup>. Avunculus tuus quærit animam tuam, qui jam perdidit suam. Verba oris ejus, iniquitas et dolus. Noli intelligere, fili mi, ut male agas<sup>10</sup>; noli intendere in vanitates et insanias falsas<sup>11</sup>. Ecce in via qua ambulas, abscondit laqueos, tetendit retia. Molliti sunt sermones ejus super oleum, et ipsi sunt jacula<sup>12</sup>. Vide, fili mi, ne capiaris a labiis iniquis, et a lingua dolosa. Configat carnes tuas divinus timor, ne te decipiat carnalis amor. Blanditur, sed sub lingua ejus labor et dolor; lacrymatur, sed insidiatur; insidiatur ut rapiat pauperem, rapere pauperem dum attrahiteum<sup>13</sup>. Cave, inquam, fili mi, ne acquiescas carnî et sanguini<sup>14</sup>; nam gladius meus devorabit carnes<sup>15</sup>. Sperne blandimenta, contemne promissiones. Promittit magna, sed ego majora; offert plura, sed ego plurima. Dimittes ergo pro terrenis cœlestia, pro temporalibus æterna? Alioquin oportet te solvere vota tua, quæ distinxerunt labia tua. Juste exigitur ad solvendum, qui non cogitur ad votandum: nam etsi eum pulsares, non repuli; tamen ut intrares, non compuli. Non licet ergo dimittere quod sponte promisisti: non est fas requirere quæ per te dimisisti. En utrumque vestrum præmoneo, utrique salubriter consulo. Tu, inquit ad avunculum, regularem ne reducas ad sæculum; quia si reducis, seducis quem apostatare facis. Tu, regularis, sæcularem ne sequaris; quia si illum sequeris, me persequeris, cui de te ipso injuriam facis. Tu si seduxeris animam pro qua mortuus sum, crucis meæ te constituis inimicum. Qui enim non colligit mecum, dispergit<sup>16</sup>; quanto magis qui collectos dispergit? Tu vero si ei consentis, a me dissentis; quia qui non est mecum, contra me est<sup>17</sup>. Quanto magis qui mecum fuit, si me deserit, contra me est? Tu si circumvenis parvulum qui ad me venit, seductor ac sacrilegus judicaberis: tu vero si quod ædificaveras,

<sup>1</sup> Luc. xii, 20. — <sup>2</sup> Psal. cxliii, 13. — <sup>3</sup> Psal. xvi, 12. — <sup>4</sup> Psal. lxxv, 13. — <sup>5</sup> Eccl. vii, 40. — <sup>6</sup> Gen. xix, 26. — <sup>7</sup> Luc. ix, 62. — <sup>8</sup> Psal. xxxv, 4. — <sup>9</sup> Psal. xxxix, 5. — <sup>10</sup> Psal. lvi, 22. — <sup>11</sup> Psal. x, 7, 9. — <sup>12</sup> Galat. i, 16. — <sup>13</sup> Deut. xxxii, 42. — <sup>14</sup> Matth. xii, 30. — <sup>15</sup> Ibid.

iterum destruis; prævaricatorem te constituis.<sup>10</sup> Ambos vos necesse est meo iudicio præsentari, ambos assistere meo tribunali: alter de propria prævaricatione, alter de alterius seductione iudicabitur; et unde alter in iniquitate sua morietur, inde morientis sanguis de manu alterius requiritur.<sup>1</sup> Hæc et his similia, utriusque teste conscientia, utrique, Christe, invisibiliter, sed terribiliter intonabas; his sacris monitis amborum mentes pie terrendo pulsabas. Quis ad hæc non timeret, timendo resipisceret, nisi qui more aspidis surdæ et obturantis aures suas, vocem venefici incantantis sapienter, aut non audiret<sup>2</sup>, aut se audire dissimularet?

7. Sed usquequo jam satis vel nimis longam protrahimus epistolam, dum inviti loquimur rem silentio dignam? Cur tantis circuitibus ad veritatem ambimus, dum pudenda revelare timemus? Dicam tamen, dicam cum pudore, quod multis cognitum, occultare etsi volo, non valeo. Sed quare cum pudore? Ut quid me scribere pudeat, quod illos non puduit facere? Si pudeat audire quod impudenter egerunt; non pudeat emendare quod libenter non audiunt. Proh dolor! neutrum illorum revocare potuit, aut illum a seductione timor et ratio; aut hunc a prævaricatione pudor et confessio. Quid plura? verba præcipationis concinnat lingua dolosa: concepit dolorem, et persuasit iniquitatem. Subvertit perversus conversum: revertitur canis ad vomitum<sup>3</sup>. Ecclesia vestra suum recepit alumnum, quem melius habebat amissum. Sic Lugdunum olim, studio similiter et industria sui decani, ejusdem decani nepotem, suum canonicum, quem bene perdidit, male recuperavit. Sicut ille Fulconem beato Augustino, sic Othbertum iste sancto Benedicto subripuit. O quam ordinatius ipse cum sancto sanctus efficeretur, quam cum perverso sanctus perverteretur! o quam pulchrius senem sæcularem puer religiosus ad se traheret, et sic vinceret uterque, quam religiosum sæcularis ad se retraheret, in quo victus est uterque! O senem infelicem! o avunculum crudelem! qui jam decrepitu, statim moriturus, nepotis animam prius interfecit; quem ut peccatorum suorum haberet hæredem, a Christi sorte privavit! Sed qui sibi nequam est, cui bonus<sup>4</sup> Maluit in suis facultatibus habere successorem, quam pro iniquitatibus intercessorem.

8. Sed quid ad me de decanis magistris nostris, qui principatum meruerunt in ecclesiis? Clavem scientiæ tenent, et primas cathedras in conventibus possident. Viderint ipsi qualiter subditos iudicent, fugitivos revocent, revocatos, si ita voluerint, iterum effugent, dispersos colligant, collectos dispergant: quid ad me? Fateor, aliquantum in illos propter te, mi Fulco, modum nostræ parvitatæ excessi; dum tuam de illis cupio palliare verecundiam, temperare culpam. Omitto ergo illos, ne non tam reprehensioni, quam reprehensori juste indignantur; nec tam de sua correctione cogitent, quam mihi de præsumptione calumnientur. Non Ecclesiæ principem, sed puerum scholarem objurgare suscepi, qui nesciat indignari, non norit irasci. Nisi forte et tu sensu, non malitia parvulus, idipsum mihi calumniaris, et dicas: Imo quid mihi et ipsi? quid ad illum de peccato meo? Numquid ego sum monachus? Et ad hoc, fateor, quod respondeam non habeo; nisi quod confisus sum tum de tua, quam in te credidi, ingenita mansuetudine, tum de Dei charitate, qua et in principio epistolæ excusasse me memini. Ejus zelo tantum tui erroris misertus, tantum tuæ miseriæ compassus sum, quatenus supra modum et morem meum de te non meo me intromiserim. Gravis lapsus tuus ac miserabilis casus provocavit me ut hoc præsumperim. Quem enim coætaneorum tuorum me vidisti arguere? cui vel brevissimas aliquando litteras direxisse? Non tamen quod omnes cæteros sanctos putaverim, aut nihil in eis reprehensione dignum invenerim.

9. Cur ergo, inquis, singulariter me reprehendis, cum et in aliis videas quod justius forsitan reprehendere possis? Ad quod ego: Propter singularitatem erroris tui, propter immanitatem peccati tui. Nam etsi plerique alii perditæ vivunt, etsi inordinati et indisciplinati sunt; nondum tamen ordinem aut disciplinam professi sunt. Sunt quidem peccatores, sed non prævaricatores. Tu vero quantumlibet modeste et honeste vivas; si caste, si sobrie, si omnino religiose te habeas: Deo tamen minus accepta est tua religio, quam deturpat voti prævaricatio. Idecirco, charissime, ne te tuis coætaneis compares, a quibus professio te separat; nec respectu sæcularium de tua tibi forte paulo graviori continentia blandiaris, cum tibi Dominus

<sup>1</sup> Ezech. III, 18. — <sup>2</sup> Psal. LVII, 5, 6. — <sup>3</sup> II Petr. II, 22. — <sup>4</sup> Eccli. XIV, 3.

dicat : *Utinam te calidum aut frigidum ince-*<sup>12</sup>  
*nissem*. Hic ostenditur aperte, quia minus Deo  
 tepidus places, quam si vel quales illi sunt, fri-  
 gidus esses. Illos utique Deus patienter exspe-  
 ctat de frigore quandoque ad calorem proficere;  
 te vero indignans advertit de calore jam in  
 teporem defecisse. Et quia tepidum te inveni;  
*incipiam*, inquit, *te evomere ex ore meo*<sup>1</sup>. Et  
 merito, quia tu ad tuum vomitum redisti,  
 quia tu ejus gratiam evomuisti.

10. Heu! quomodo Christum tam cito fasti-  
 dis, de quo scriptum est : *Mel et lac sub lin-*  
*gua ejus*<sup>2</sup>? Miror, quod ad gustum cibi dulci-  
 sinii nausearis; si tamen gustasti quam dulcis est  
 Dominus. Aut certe nondum gustasti, et nescis  
 quid sapit Christus; ideoque non appetis inex-  
 pertum : aut si gustasti, et dulce non sapuit,  
 sanum non habes palatum. Ipse quippe Dei est  
 sapientia, quæ ait : *Qui comedit me, adhuc*  
*esuriat*; *et qui bibit me, adhuc sitiet*<sup>3</sup>. Sed quo-  
 modo potest esurire vel sitire Christum, plenus  
 quotidie siliquis porcorum? Non potes bibere  
 simul calicem Christi, et calicem demoniorum<sup>4</sup>.  
 Calix demoniorum superbia est, calix demon-  
 iorum detractio et invidia est, calix demon-  
 iorum crapula et ebrietas est; quæ eum  
 impleverint vel mentem vel ventrem tuum,  
 Christus in te non invenit locum. Non mireris  
 quod dico. In domo avunculi tui non potes  
 inebriari ab ubertate domus Dei. Cur, inquis?  
 Quia domus deliciarum est. Quomodo ignis et  
 aqua simul esse non possunt, sic spirituales et  
 carnales deliciæ in eodem se non patiuntur. Ubi  
 crapulam ructantis inter pocula senserit Chris-  
 tus, vina sua, dulciora super mel et favum,  
 menti propinare non dignatur. Ubi curiosa ci-  
 borum diversitas, ubi divitis suppellectilis disco-  
 lor varietas oculos pariter pascit et ventrem,  
 cælestis panis jejunam deserit mentem. Eia læ-  
 tare, juvenis, in adolescentia tua, ut decedente  
 pariter cum ætate temporali lætitia, succedat  
 quæ te absorbeat æterna tristitia. Sed absit hoc  
 ab adolescentulo nostro, avertat hoc Deus a  
 puero suo. Quin potius disperdat Dominus uni-  
 versa labia dolosa eorum qui tibi tale consilium  
 donant, qui dicunt tibi quotidie, Euge, euge;  
 et quaerunt animam tuam. Hi sunt cum quibus  
 habitas, quorum prava colloquia<sup>5</sup> adolescentis  
 bonos mores corrumpunt.

11. Sed quamdiu jam non exis de medio  
 eorum? Quid facis in urbe, qui claustrum ele-  
 geras? quid tibi cum sæculo, qui sæculum  
 spreveras? Funes ceciderunt tibi in præclaris,  
 et tu opibus inhias terrenis? Si vis habere si-  
 mul et hæc et illa, breviter tibi respondebitur :  
*Memento, fili, quia recepisti bona in vita tua*<sup>6</sup>.  
*Recepisti* dixit; non, *Rapuisti* : ne etiam de  
 hoc tibi frustra blandiaris, quod tuis con-  
 tentus, aliena non rapias. Verumtamen quæ  
 sunt illa tua? Beneficia Ecclesiæ? Recte. Quia  
 surgis ad vigiliis, vadis ad missas, horis cho-  
 rum nocturnis diurnisque frequentas; bene fa-  
 cis. Sic Ecclesiæ præbendam gratis non ac-  
 cipis. Dignum est ut qui altario deservit, de  
 altario vivat. Conceditur ergo tibi, ut si bene  
 deservis, de altario vivas; non autem ut de al-  
 tario luxurieris, ut de altario superbias, ut  
 inde compares tibi frena aurea, sellas depi-  
 etas, calcaria deargentata, varia griseaque pel-  
 licea a collo et manibus ornatu purpureo diver-  
 sificata. Denique quidquid præter necessarium  
 victum ac simplicem vestitum de altario retin-  
 es, tuum non est; rapina est, sacrilegium est.  
 Orabat quidem Sapiens tantum victui suo tribui  
 necessaria, non superflua<sup>6</sup>. *Habentes*, ait Apo-  
 stolus, *victum et vestitum*<sup>7</sup>; non, *Victum et*  
*ornatum*. Et quidam alius sanctus : *Si dederit,*  
*inquit, mihi Dominus panem ad manducandum,*  
*et vestimentum quo operiar*<sup>8</sup>. Nota, *quo operiar*.  
 Sic ergo et nos contenti simus vestimentis qui-  
 bus operiamur, non quibus lasciviamus, non  
 quibus superbiamus, non quibus mulierculis  
 vel similari, vel placere studeamus. Sed hoc  
 faciunt, inquis, cum quibus habito; si non fa-  
 cio quod cæteri, de singularitate notabor. Pro-  
 pterea, inquam, exi de medio eorum, ne aut  
 in urbe notabiliter vivas, aut exemplo pereas  
 aliorum.

12. Quid agis in urbe, delicate miles? Com-  
 militones tui quos fugiens deseruisti, pugnant  
 et vincunt; pulsant et intrant; cælum rapiunt  
 et regnant : et tu sedens super ambulatorem  
 tuum, indutus purpura et bysso, circuis pla-  
 teas, vicos perambulas? Hæc sunt pacis orna-  
 menta, non belli munimenta. An dicis, *Pax*;  
*et non est pax*<sup>9</sup>? Purpura non propulsat libi-  
 dinem, non superbiā, non avaritiā repellit;  
 et si qua sunt alia ignea inimici jacula, non

<sup>1</sup> Apoc. III, 15, 16. — <sup>2</sup> Cantie. IV, 11. — <sup>3</sup> Eccl. XXIV, 29. — <sup>4</sup> I Cor. X, 20. — <sup>5</sup> Luc. XVI, 25. — <sup>6</sup> Prov. XXX, 8. — <sup>7</sup> I Tim. VI, 8. — <sup>8</sup> Gen. XXVIII, 20. — <sup>9</sup> Ezech. XIII, 10.

<sup>\*</sup> Alias, *consilia*.

extinguit. Denique, quod magis metuis, febrem <sup>15</sup> non prohibet, mortem non arcet. Ubi sunt arma bellica? ubi scutum fidei? ubi galea salutis? ubi patientiæ lorica? Quid trepidas? Plures sunt nobiscum, quam cum illis. Sume arma, resume vires, dum adhuc prælium durat. Adsunt Angeli spectatores et protectores: adest ipse Dominus adjutor et susceptor, qui doceat manus tuas ad prælium, et digitos tuos ad bellum <sup>1</sup>. Procedamus in adiutorium fratrum, ne si forte sine nobis pugnent, sine nobis vincant, sine nobis ingrediantur; novissime cum clausa fuerit janua, sero pulsantibus, nobis de iutus respondeatur: *Amen dico vobis, nescio vos* <sup>2</sup>. Fac, quæso, te prius sciri, fac te prius videri: ne tunc nesciaris ad gloriam, sciaris autem ad pœnam. Si te Christus agnoscit in bello, recognoscet in cœlo; et sicut promisit, manifestabit tibi se ipsum <sup>3</sup>; si tamen et tu pœnitendo et resipiscendo talem te exhibueris, ut cum fiducia dicere possis: *Tunc cognoscam, sicut et cognitus sum* <sup>4</sup>. His interim admonitionibus verecundum adolescentis animum pulsatum esse sufficiat. Jam enim nostris etiam precibus pro eo divina pulsanda est pietas; quæ si ad ictus nostrarum invectionum ejus mentem vel parum mollitam invenerit, confido de ipsa, quod citius nos de ipso lætificabit.

### EPISTOLA III. <sup>a</sup>

AD CANONICOS REGULARES DE AILDICURTE.

Laudibus suis se terreri magis, quam demulceri. Deinde quosdam ex canonicis S. Augustini, a se susceptos non esse impediendos.

Clericorum qui sunt in loco qui dicitur Aildicurtis, Deo servientium, sancto conventui, magistro S. et discipulis, pusillus grex Claræ-Vallensium fratrum, et eorum qualiscumque minister frater BERNARDUS, in spiritu ambulare, et spiritualiter omnia examinare <sup>b</sup>.

Exhortatio illa in litteris vestris tam salubris,

<sup>1</sup> Psal. cXLIII, 1. — <sup>2</sup> Matth. xxv, 12. — <sup>3</sup> Joan. xiv, 21. — <sup>4</sup> I Cor. xiii, 12. — <sup>5</sup> Id. iv, 4. — <sup>6</sup> Matth. xxiii, 8.

<sup>a</sup> Scripta anno Christi 1120.

<sup>b</sup> Hunc titulum sic restituimus ex codice Corbeiensi. Quinam sint isti canonici regulares, non liquet.

tam compendiosa, magna quidem scientiæ, mira charitatis vestræ indicia, mirantibus nobis et congratulantibus præfert. Sed quod de laudibus nostris pro vestra devotione, quæ tamen non probastis, tam excellentia præmisistis; etsi ad humilitatis quoque formam (quantum ex vobis est) non mediocriter instruere nos potuit, conscientias tamen nostras multo inferius jacentes, quantum in nobis est, vehementer exterruit. Quis enim nostrum suam attendens conversationem, tanta de se et tam indebita, sine magno vel metu, vel periculo possit audire? De hujusmodi quippe alieno, seu etiam proprio se iudicio committere, securum non est. Qui enim iudicat nos, Dominus est <sup>5</sup>. Cæterum de fratribus, de quorum salute vestram nimirum charitatem sollicitam esse cognovimus, ut securos vos reddamus; noveritis multorum illustrium virorum, et maxime clarissimi viri Willelmi \* Catalaunensis episcopi, hortatu et consilio ad nos declinasse, seque a nobis suscipi multis precibus ac supplicationibus impetrasse: ea videlicet intentione, ut ob tenorem arctioris vitæ, ab institutionibus beati Augustini ad observantias sancti Benedicti Dei adiutorio sic transeant, ut tamen ab ejus magisterio, qui unus est omnibus Magister in cœlo et in terra <sup>6</sup>, non discedant; illamque primam fidem, quam apud vos, imo quam primum in Baptismo promiserunt, non irritam faciant, sed salvam integramque custodiant. Talibus itaque taliter susceptis, absit ut sinceritatem vestram, aut in suscipiendo læsam, aut in retinendo lædendam esse credamus: dum tamen illos, si forte infra annum probationis, qui regulariter constitutus est, cœpta deserere, et ad vos redire velle contigerit, invitos non detineamus. Alioquin, sanctissimi fratres, vestra non refert, ut spiritum libertatis qui in eis est, anathemate inconsulto frustra impedire nitamini: nisi forte (quod Deus avertat) quæ vestra, non quæ Jesu Christi sunt, quærere studeatis.

EPISTOLA IV.<sup>a</sup>

AD ARNOLDUM \* ABBATEM MORIMUNDI.

Arnoldum abbatem, temere relicto monasterio peregrinantem, ad monasterii curam revocat, fratrum scandala et gregis pericula exponens.

Domno abbati ARNOLDO, frater BERNARDUS de Clara-Valle, spiritum compunctionis et consilii.

1. Primo scire te volo, domnum Cisterciensem, necdum quando tuus nuntius ad nos venit, de Flandria, quo paulo ante per nos transierat, remeasse; et ob hoc nec litteras accepisse, quas ei jussisti praesentari, et adhuc esse tantae a te praesumptae novitatis ignarum. Felix interim, cui tam tristes rumores, vel ad tempus liceat ignorare. Deinde quod de tui, desperando nos, revocatione interdicens, ne quod quasi inconcusse apud te fixum est, frustra tibi litteras dirigendo dissuadere conarer: in hoc tibi obedire fortasse quidem pro ratione non debui; revera autem praeter dolorem, fateor, non potui: cum etsi pro certo scirem, ubi te opportune invenissem, ipse potius venissem, quam has misissem, effecturus fortasse per me ipsum, quod nullis litteris possum. Rides forsitan meam huiusmodi tanquam cassam fiduciam, utpote propriae pertinaciae conscius: ad quam utique flectendam, nullam vim, nullam precem, nullam speras praevaleare industriam. At vero ego de illius potentia non diffidens qui dixit, *Omnia sunt possible credenti*<sup>1</sup>; fidenter usurpans et mihi illam sententiam, *Omnia possum in eo qui me confortat*<sup>2</sup>: quamvis in magna parte lapidei cordis tui obstinationem et ipse non ignorem, utinam nunc tamen, sive fructuose, sive frustra, tuo lateri adhererem. Quanta quae me movent adversum te, frustra nescio an fructuose, jacerem tibi in faciem; non solum verbis, sed et vultu et oculis. Tuis deinde provolutus vestigiis, tenerem pedes; amplecterer genua; totusque a collo pendens, illud mihi dulcissimum caput deoscularer, quod sub uno me-

<sup>1</sup> cum proposito, suavi iugo Christi jam pluribus annis attritum est. Flerem quoque, quantum valerem, rogarem et obsecrarem per Dominum Jesum; quatenus parceres, primo quidem ejus cruci, qua utique redemit quos tu, quantum in te est, perimis; collegit quos tu dispergis. Perimis, inquam, et dispergis, sive quos tecum ducis, sive quos hic deseris: quibus utique etsi diversum, non dispar tamen utrisque metui-mus periculum. Deinde etiam parceres et nobis amicis tuis: quibus licet immeritis, nonnisi fletum et lacrymas reliquisti. O si hoc mihi licuisset, flexissem forsitan affectione, quem ratione non possum: pectusque illud ferreum, quod nec Christi timore in hac re duntaxat cedere acquiescit, fraterna forte pietas emollisset. Sed heu! et hanc nobis copiam subtraxisti.

2. O magna nostri Ordinis columna! Patienter, quaeso, audi amicum vel absentem, tuae penitus discessionis impatientem, tuo medullitus et labori, et periculo compatiens. O, inquam, magna nostri Ordinis columna! non metuis te ruente magnam mox procul dubio ruinam secuturam? At ego, inquires, non ruo: scio quod facio; bonam conscientiam habeo. Esto: credimus tibi de te. Sed numquid de nobis, qui jam et gravia tuo ex discessu gementes sustinemus scandala, et graviora patientes expectamus pericula? An et tu quoque non ignoras ista, sed dissimulas? Qua ratione ergo multorum faciendo ruinam, te ruere non praesumis: qui in hoc videlicet positus eras, ut non quod tibi est utile, sed magis quod aliis; nec quae tua, sed quae Jesu Christi sunt, quaerere debeas? Quomodo, inquam, securus abis, qui gregi tibi commisso omnem de se securitatem in perpetuum aufers? Quis occurret lupis incursantibus? quis consolabitur in tribulationibus? quis providebit in tentationibus? quis denique leoni resistet rugienti, et quaerenti quem devoret? Patebunt sine dubio morsibus malignantium, qui devorant plebem Christi sicut escam panis. Heu! quid facient novellae plantationes Christi, quae per manus tuas consita fuerant diversis in locis, et locis horroris, et vastae solitudinis? Quis circumfodiet? quis impinguabit fimo? quis sepe circumdabit? quis succrescentes sollicitus erit rescindere surculos? Aut flante profecto tentationum vento, tenerrimae adhuc, heu! facile eradicabuntur:

<sup>1</sup> Marc. ix, 22. — <sup>2</sup> Philipp. iv, 13.<sup>a</sup> Scripta circa annum 1127.



aut inter fruteta certe simul exorientia, cum <sup>13</sup>stantis periculi necessitas præbet mihi fiduciam non erit qui purget, suffocata nullum afferent A fructum.

3. Quæ cum ita sint, judica tu quale hoc tuum bonum erit, aut si vel esse poterit bonum cum tantis malis. Quantumlibet dignos facturum te fructus pœnitentiæ confidas, nonne lujuscemodi spinis necesse erit suffocari? Nonne denique si recte offers, et non recte dividis, peccas <sup>1</sup>? Quid enim? Rectene forte dividere esse dices, soli animæ tuæ consulere; et filios tuos quos orphanos relinquis, consilio paterno destituere? O miseros et miserabiles, et eo miserabiliores, quo vivo se conspiciunt orbari B patre! Quanquam dubitare te quoque oportuerit, an vel tibi recte consulas, in eo videlicet, quod absque consilio fratrum et coabbatum tuorum, absque patris et magistri tui licentia, rem tam novam præsumis. Illud etiam multos permaxime movet, quod pueros imbecilles et delicatos juvenes tecum ducis. Alioquin si boni et robusti sunt, desolatæ domui fuerant necessari: si delicati (ut dixi) et imbecilles, duræ ac laboriosæ peregrinationi non erunt idonei. Sed et regendis animabus eorum nequaquam te ultra credimus velle præesse: quippe cujus cognovimus esse propositum, pastorem abjicere C sarcinam duntaxat tuorum, et soli deinceps vivere tibi. Valde enim incongruum esset, ut alibi præsumptuose non vocatus resumeres, quod alibi prohibitus inconsulte relinquis. Sed jam ne omnia scienti multa superfluo ingeram: in fine et in fide tibi polliceor, si opportunitatem loquendi tecum mihi dederis, daturum me operam, quatenus idipsum quod inordinate et periculose aggressus es, licite et ob hoc secure peragas. Vale.

## EPISTOLA V.<sup>a</sup>

AD ADAM MONACHUM.

Dehortatur, ne Arnolde abbati Morimundi adhæreat, nec se peregrinationis, aut potius vagationis ejus socium præbeat.

1. Tua mihi satis comperta humilitas, et in-

conveniendi te acrius, et arguendi liberius. O insensate! quis te fascinavit tam cito recedere ab illo saluberrimo consilio, in quo dudum tibi pariter et nili, Deo solo teste, conventum est? Cogita, insipiens, vias tuas, et converte pedes tuos in testimonia Domini. Non recordaris, quod primo in Majori-Monasterio tuæ conversionis initia dedicasti; secundo apud Fusiacum <sup>b</sup>, nostræ te qualicumque providentiæ commendasti; tertio in Morimundo stabilitatem tuam firmasti; quarto mecum rursus inito consilio, suggestæ tibi ab abbate Arnolde peregrinationi, imo vagationi, ingenue abrenuntiasti; ipsius quoque tibi consortium, si non ipse licite posset abire, illicitum judicasti? Quid enim? Licetene dices illum recedere, qui et sibi commissis lacrymabile scandalum reliquit, nec commissoris licentiam exspectavit?

2. Sed quorsum, inquires, tendunt hæc, quæ sic retractare voluisti? Ut te manifestæ levitatis arguam, ut Est et Non esse apud te evidenter ostendam: sicque errorem tuum jam tandem agnoscens et erubescens, vel sero discas ab apostolo, non omni spiritui credere? discas a Salomone multos quidem amicos, unum autem habere consiliarium de mille <sup>3</sup>; discas Præcursoris Domini exemplo, non solum mollibus non vestiri, sed nec in modum vento agitatæ arundinis <sup>4</sup> circumferri omni vento doctrinæ; discas ex Evangelio domum tuam supra petram fundare <sup>5</sup>; discas et cum discipulis serpentis non oblivisci prudentiam cum simplicitate columbæ <sup>6</sup>: et tam ex his, quam ex aliis atque aliis Scripturarum testimoniis hanc colligas summam, quantum tibi videlicet usque modo milleformis ille seductor illusit, qui cum in te boni initium non valuit præpedire, invidit perseverantiæ: hoc nimirum suæ posse sufficere malitiæ D judicans, si hanc posset auferre tibi, quam solam virtutum noverat coronari. Obsecro te per viscera misericordiæ Christi, ut nullatenus abeas, aut vel non priusquam ad nos loco quidem opportuno venias loqui, si quod forte tantis malis, quæ jam nobis ex vestra discessione, aut venisse sentimus, aut ventura metuimus, queat remedium inveniri. Vale.

<sup>1</sup> Gen. iv, 7, sec. LXX. — <sup>2</sup> I Joan. iv, 1. — <sup>3</sup> Eccli. vi, 6. — <sup>4</sup> Matth. xi, 9, 8. — <sup>5</sup> Id. vii, 24. — <sup>6</sup> Id. x, 16.

<sup>a</sup> Scripta anno Christi 1125.

<sup>b</sup> De Majori-Monasterio prope Turonos lege epistolam 397; de Fusniaco, diœcesis Laudunensis, epistolam 72.

EPISTOLA VI.<sup>a</sup>

AD BRUNONEM COLONIENSEM.

Monachos quosdam abbatis Morimundi vagabundos opera  
Brunonis reduci cupit ad monasterium.

Domino BRUNONI viro illustri<sup>b</sup>, et dilecto suo,  
frater BERNARDUS abbas dictus de Clara-Valle,  
salutem, et si quid potest peccatoris oratio.

I. Ex quo dudum Remis nostri invicem utri-  
que gratiam cepimus notitiam, non puto vos  
nostrae penitus fuisse parvitatibus oblitum. Et ob  
hoc non timide tanquam ad extraneum, sed  
fidentissime scribo ad vos quaecumque volo, ut  
ad notum et familiarem nostrum. Arnoldus ab-  
bas Morimundensis, in grave totius nostri Or-  
dinis scandalum, suum nuper monasterium satis  
inordinate deseruit: quippe qui nec coabbatum  
suorum in tam scrupuloso facto expectavit  
consilium; nec ipsius, cui praecipuum debebat  
subjectionem, abbatis scilicet Cisterciensis, li-  
centiam vel assensum: sed cum esset homo sub  
potestate, habens et ipse sub se milites, po-  
testatis impatiens superioris, alienum quidem  
jugum a propria cervice superbus abiecit,  
suum autem superbior in subjectos retinuit.  
Siquidem de magna multitudine monachorum,  
quos circueiens mare et aridam inaniter congre-  
garat, non Christo, sed sibi; paucis admodum,  
hisque simplicioribus ac remissioribus relictis  
desolatis, meliores quosque et perfectiores sui  
socios erroris assumpsit. Inter quos, tres quo-  
rum nos maxime ablatione turbavit, ausus est  
etiam seducere, et secum ducere statuit; Evrar-  
dum videlicet fratrem nostrum<sup>c</sup>, et Adam  
quem bene nostis, nobilemque illum puerum  
Conradum, quem et pridem non sine scandalo  
tulerat de Colonia. Quos tamen, si operam dare  
volueritis, vestra confidimus posse revocari in-  
dustria.

2. Nam de ipsius Arnoldi revocatione, quia

<sup>16</sup> jam in pluribus ejus inflexibilis animi obstina-  
tionem probavimus, incassum laborare vos no-  
lumus. Audivimus autem Evrardum et Adam,  
et nonnullos ejusdem consortii alios fratres, in  
vestris adhuc partibus demorari. Quod si verum  
est, oportet vos eos per vos interim, si digna-  
mini, convenire, flectere precibus, ratione  
convincere, et columbinam eorum simplicita-  
tem prudentia instruere serpentina; ne putent  
obedientiam inobedienti adherere, ne licite  
sequi se posse confidant vagantem illicite, ne  
seducantur deserere professum Ordinem propter  
inordinatum hominem; cum ipsum quoque  
angelum de caelo, si aliud eis evangelizaverit,  
dubitare non oporteat apostolica auctoritate  
anathema dicere<sup>d</sup>: et ab ipso doceantur Apo-  
stolo, se ab omni fratre inquiete ambulante  
debere subtrahere<sup>e</sup>. Qui vos quoque doceat,  
non superbe sapere, nec sperare in incerto  
divitiarum<sup>f</sup>, donec omnibus abrenuntiantem,  
probatum sibi Christus vindicet discipulum.  
Valete.

EPISTOLA VII.<sup>e</sup>AD ADAM MONACHUM<sup>f</sup>.

Adamum ut ad monasterium vel nunc tandem abbate  
mortuo redeat, hortatur: ostendit, in tali causa nullum  
fuisse obedientiae vinculum. Demum respondet, cur  
aliorum Ordinum religiosos recipiat.

1. Si maneres in charitate, quam in te olim  
aut novimus aut putavimus, charitatis profe-  
cto damna sentire, quae utique sunt scandala  
pusillorum. Nec enim charitas charitatem of-  
fenderet aut contemneret, cum sentiret offen-  
sam. Nam se ipsam non potest negare, nec enim  
in se divisa est. Novit potius in se divisa con-  
jungere: conjuncta dividere nescit. Proinde,  
ut dixi, si maneret in te, non sileret, non quie-  
sceret, non dissimularet, gemens et aëtuans,  
et intra pium pectus tuum procul dubio sub-  
murmurans illud: *Quis scandalizatur, et ego  
non uror*<sup>g</sup>? Siquidem benigna est, pacem diligit,

<sup>1</sup> Galat. 1, 8. — <sup>2</sup> II Thess. 11, 6. — <sup>3</sup> I Tim. 4, 17. — <sup>4</sup> II Cor. 11, 29.

<sup>a</sup> Scripta anno Christi 1125. — <sup>b</sup> Is postea Coloniensis archiepiscopus, ad quem epistolae 8, 9. — <sup>c</sup> Alias, *vestrum*.

<sup>d</sup> Ita in scriptis omnibus, et recte ad sensum Apostoli, *ipsum angelum dicere anathema*, id est reprobatum.

<sup>e</sup> Scripta anno Christi 1126.

<sup>f</sup> In codice regio inscribitur, *De Discretionem obedientiae*. Haec epistola scripta fuit post mortem Arnoldi abbatis, quae in Belgio contigit anno 1126.

congaudet unitati. Sola quippe est quæ illam<sup>17</sup> generat, colligat, solidat, et conservat ubi- A cumque servari cognoscitur in vinculo pacis. Infensa ergo vobis hac tam honorabili matre unitatis et pacis, quo pacto, quæso, vestrum quodcumque sacrificium Deo fore acceptum præsumitis, cum absque illa nec martyrium quidem aliquid esse putet Apostolus<sup>18</sup>? Aut qua ratione vobis forte infensam non esse confiditis<sup>19</sup>, ejus castis visceribus, ejus charis pignoribus tam inhumane agendo non pepercistis nec par- citis, scindentes unitatem, rumpentes vinculum pacis? Ponendum est ergo munus quodcumque offerre paratis; et prius habenti adversum vos, B non fratri, sed fratrum multitudini reconcilian- dum. Ecce nimirum universæ fraternitatis unitas adversum vestram paucitatem, quodam vel- uti vestri discessus gladio sauciata conqueritur, quasi quæ plangens miserabiliter dicat: *Filii matris meæ pugnaverunt contra me*<sup>20</sup>. Et merito: qui enim non est cum illa, contra illam est. Putas sine gemitu tam justum filiae gemitum pia possit mater charitas audire? Ideo et ipsa nos- tris lacrymis jungens suas, ait de vobis: *Filios enutrevi et exaltaui, ipsi autem spreverunt me*<sup>21</sup>. Charitas ipse Deus est. Pax nostra Christus, qui fecit utraque unum<sup>22</sup>. In trinitate unitas maxime C commendatur. Cui ergo charitas, pax et unitas irata cognoscitur, quid habet in regno Christi et Dei?

2. Sed forsitan dicis: Abbas noster abduxit nos, et secum ire præcepit; num inobedientes esse debuimus? Scis quidem, nisi forte oblitus sis, quid quadam die, communicato mecum jam conspirati scandali consilio, ac diligenter mutua collatione discusso, inter nos conveniret. In quo si permansisses, et de te illud non incongrue diceretur: *Beatus vir qui non abiit in concilio impiorum*<sup>23</sup>. Sed esto. Debuistis obedire filii patri, magistrum sequi discipuli. Licuerit D certe abbati monachos suos ducere quo libuerit, et docere quod voluerit: sed quamdiu vixit. Nunc vero mortuo illo, quem vel audire docto- rem, vel sequi ducem cogimini, quo adhuc tam grave scandalum emendare cunctemini? Quis jam prohibet, non dico me, sed Deum nostrum per os Jeremiæ benigne vos revocantem audire? Ait enim: *Numquid qui cecidit, non resurget?*

*aut qui aversus est, non revertetur*<sup>24</sup>? An et ille moriens interdixit, ne vel post casum tentetis resurgere, post aversionem mutire andeatis de reversione? Itane etiam defuncto necesse est vos obedire, et obedire contra charitatem, obedire in vestræ ipsorum salutis periculum? Sed arbitror quod nequaquam firmitus seu tenacius dices esse vinculum abbatum ad subditos, quam conjugum ad se ipsos, quorum quippe Deus copulam, et non homo, inviolabili ligavit sacramento, loquente Salvatore: *Quod Deus conjunxit, homo non separet*<sup>25</sup>. Apostolo autem asserente, solutam esse mulierem a lege viri mortuo illo<sup>26</sup>; tu te abbatem existimas defuncti lege teneri, et hoc contra legem quæ sanctorum est, legem videlicet charitatis?

3. Et hæc dixi, non quod putem vos vel vi- venti in hoc paruisse debere, aut vel dicendam esse obedientiam sic paruisse. Alioquin generalis de hujusmodi illa sententia est: *Declinantes autem in obligationes adducet Dominus cum operantibus iniquitatem*<sup>27</sup>. At ne forte quis abbatum etiam in malo obedientiam ab hoc maledicto liberam esse contendat, audi alibi aper- tius: *Filius non portabit iniquitatem patris, et pater non portabit iniquitatem filii*<sup>28</sup>. Ex his C ergo liquido apparet, mala imperantibus non esse parendum, præsertim dum pravis obtem- perans imperiis, in quo homini videris obediens, Deo plane, qui omne quod perperam agitur interdixit, inobedientem te exhibes. Valde au- tem perversum est profiteri te obedientem, in quo nosceris superiorem propter inferiorem, id est divinam propter humanam, solvere obe- dientiam. Quid enim? quod jubet homo, pro- hibet Deus; et ego audiam hominem surdus Deo? Non sic Apostoli. Clamant quippe dicen- tes: *Melius est obedire Deo, quam hominibus*<sup>29</sup>. Hinc Dominus in Evangelio Phariseos increpans: *Quare et vos, inquit, transgredimini mandatum Dei propter traditiones vestras*<sup>30</sup>? Et per Isaiam: *Sine causa autem, ait, colunt me, mandata et doctrinas hominum tenentes*<sup>31</sup>. Et item ad Proto- platum: *Pro eo quod obedisti voci uxoris tuæ plus quam meæ, maledicta terra in opere tuo*<sup>32</sup>. Igitur facere malum, quolibet etiam jubente, constat non esse obedientiam, sed potius ino- bedientiam.

<sup>1</sup> I Cor. XIII, 3. — <sup>2</sup> Cantic. I, 5. — <sup>3</sup> Isai. I, 2. — <sup>4</sup> Ephes. II, 14. — <sup>5</sup> Psal. I, 1. — <sup>6</sup> Jerem. VIII, 4. — <sup>7</sup> Matth. XIX, 6. — <sup>8</sup> Rom. VII, 2. — <sup>9</sup> Psal. CXXIV, 5. — <sup>10</sup> Ezech. XVIII, 20. — <sup>11</sup> Act. I, 29. — <sup>12</sup> Matth. XV, 3. — <sup>13</sup> Isai. XXIX, 13. — <sup>14</sup> Gen. III, 17.

<sup>15</sup> Alias, creditis.

4. Sane hoc advertendum, quod quædam<sup>18</sup> sunt pura bona : quædam pura mala, et in his nullam deberi hominibus obedientiam : quoniam nec illa omittenda sunt, etiam cum prohibentur; nec ista, vel cum jubentur, committenda. Porro inter hæc sunt media quædam, quæ pro modo, loco, tempore vel persona, et mala possunt esse, et bona : et in his lex posita est obedientiæ, tanquam in ligno scientiæ boni et mali, quod erat in medio paradisi. In his profecto fas non est nostrum sensum sententiæ præscribere magistrorum : in his omnino prælatorum nec jussio, nec prohibitio contemnenda. Videamus ne forte tale fuerit quod arguimus in vobis; et ob hoc forsitan argui non debuerit. Quod evidentius elucebit, si præmissæ divisionis exempla subjecero. Fides, spes, charitas, et cætera hujusmodi, pura sunt bona : quæ quia male non possunt vel juberi vel teneri, bene non possunt vel prohiberi vel non teneri. Pura mala sunt furtum, sacrilegium, adulterium, et cætera talia, quæ utique nec vel bene præcipi vel perficì possunt, nec male prohiberi vel non fieri. Adversus hujusmodi non est lex. Nullius quippe prohibitio valet obviare præceptis : nullius jussio præjudicare prohibitis. Sunt deinde media, quæ quidem per se nec bona esse noscuntur, nec mala : possunt tamen indifferenter et bene pariter et male vel prohiberi, vel juberi, sed male nullatenus in his a subditis obediri. Ex his sunt, ut exempli gratia ponam, jejunare, vigilare, legere, et quæque talia. Sciendum vero quia media quædam in purorum plerumque bonorum seu malorum transeunt rationem. Nam conjugium cum et fieri liceat, et non fieri, factum jam solvi non licet. Quod ergo ante nuptias medium esse liquebat, in jam conjugatis puri boni vim obtinet. Item propria possidere, sæculari quidem homini medium est, quoniam et non possidere licet : monacho vero quia possidere non licet, purum malum est.

5. Videsne jam, frater, vestrum factum cui potissimum membro divisionis conveniat? Si puris aptandum bonis, probabile est : si puris malis deputandum, vituperabile est : sin vero collocandum inter media; via quidem excusari forsitan potest propter obedientiam, mora vero penitus non potest, quæ non fit per obedientiam. Nam mortuo jam abbati, si quid ante jussit

quod non debuit, nequaquam esse parendum, superior patefecit disputatio. Et si res per se jam satis elucescat, tamen propter quosdam qui quærent occasionem, ubi ratio non suppetat, clarum faciam breviter, et ita clarum ut omnis dubietatis umbra dispareat; quod nec purum, nec medium bonum, sed plane purum fuerit malum sic obedisse, sic vestrum monasterium reliquisse. Et quidem taceo de mortuo, qui suum et solum jam judicem habet Deum, et vere nunc suo domino aut stat aut cadit : ne forte indignans, et merito indignans dicat Deus, Tulerunt omnes a me judicium. Tamen ad correctionem viventium, non quidem quod gessit, sed quod jussit discentio; utrum videlicet illa jussio vim habere debuerit, quatenus in scandalum multorum ei fuerit obsequendum. Et præmittendum, quod si qui simpliciter, nihilque suspicantes mali, male licet proficiscentem secuti sunt, putantes eum episcopi Liugonensis et abbatis Cisterciensis (nam utrique debitor erat) licentia proficisci (quod utique nonnullos de illo comitatu sic credidisse incredibile non est); nostra hæc illos non tangit reprehensio, dummodo ubi compererint, sine mora regrediantur.

6. Igitur adversus illos tantum, imo pro illis sermo est nobis, qui scientes et prudentes miserunt manus in ignem, qui conscii præsumptionis secuti sunt præsumptorem; non audientes Apostolum prohibentem et denuntiantem, ut se ab omni fratre ambulante inordinate subtraherent; contemnentes et ipsius Domini vocem dicentis : *Qui non colligit mecum, dispergit*<sup>2</sup>. Vos, fratres, vos, inquam, aperte et specialiter notat illud apud Jeremiam, quod cum dolore quidem reminiscor, opprobrium : *Hæc est*, inquit, *gens quæ non audit vocem Dei sui*<sup>3</sup>. Dei enim proprie vox est ista, hostem suum proprio designantis ex officio, et tanquam digito demonstrantis, ut simplices ab ejus impio deterreat consecratu : *Qui non est*, inquit, *mecum, dispergit* : ac si dicat, In hoc te jam mecum non esse intelligas, si sequeris dispersorem. Deo ergo clamante, *Qui non colligit mecum, dispergit*; sequi vos oportuit dispersorem? Deo, inquam, vos invitante ad colligendum, homini potius ad dispergendum obsequi debeatis? Magistros contemnebat, subditos exponebat, socios conturbabat; et vos vi-

<sup>1</sup> 11 Thess. iii, 6. — <sup>2</sup> Matth. xii, 30. — <sup>3</sup> Jerem. vii, 28.

dentes furem currebatis cum eo! Silere de mortuo <sup>20</sup> 8. Quomodo ergo vel abbatis jussio, vel statueram: sed compulsus sum, fateor, aliquantulum prætergredi, dum non potuit improbari obeditio, si non reproba monstraretur et jussio. Porro jussio et actio hominis cum diversa non fuerint, impossibile visum est unam sine altera vel approbari, vel respuì. Liqueat tamen hujuscemodi jussioni non fuisse obtemperandum, Deo quippe imperante contraria. Item majorum institutis, minorum non esse præponenda, aut communibus privata non præjudicare imperia quis dubitat? Nam ex Regula sancti Benedicti <sup>1</sup> hoc habemus.

7. Possem quidem abbatem Cisterciensem ad medium deducere, qui utique superior illo, B quantum pater filio, quantum magister discipulo, quantum denique abbas commisso sibi monacho, merito se a vobis propter ipsum queritur fuisse contemptum. Possem et episcopum, cujus nihilominus quia non fuit expectatus consensus, inexcusabilis est et contemptus, cum ad ipsos et de ipsis Dominus dicat: *Qui vos spernit, me spernit*<sup>2</sup>. Sed quoniam his posset ambobus opponi et anteponi Romani Pontificis tanquam gravior auctoritas; cujus quippe vos aiunt præmunitos fuisse licentia (quæ et ipsa licentia suo quidem loco erit discutienda<sup>3</sup>); talis potius proferatur, cujus omnino fas non sit auctoritati contradicere. Certe summus ille Pontifex, qui per sanguinem proprium solus et semel introivit in Sancta, æterna redemptione inventa<sup>4</sup>, terrificæ vocis denuntiat in Evangelio, ne quis unum de pusillis ejus audeat scandalizare<sup>5</sup>. Vobis autem unius donetur scandalum, si non ultra processit malum. Facilis sequatur venia culpam, ex qua grave damnum non oritur. Nunc vero quod dubium non est, pluribus scandalizatis, quis aperte non videat quam inhumane humanam jussionem divinæ prætuleritis? Quod quidem audere, quis nisi amens dicere audeat bonum esse aut bonum fieri posse, D quantælibet dignitatis homine præcipiente? Quod autem nec bonum est, nec bene fieri potest, purum procul dubio malum est. Unde consequenter advertitur, quod iter vestrum in multorum usurpatum scandalum, ac per hoc et contra Dei mandatum; non purum bonum aut medium, sed purum omnino fuerit malum: quoniam quidem et purum bonum semper bonum est, et medium bene fieri potest.

8. Quomodo ergo vel abbatis jussio, vel Papæ permissio licitum facere valuit, quod purum (sicut irrefutabiliter probatum est) malum fuit: cum superius nihilominus allegatum sit, ea quæ hujuscemodi sunt, id est pura mala, ut nunquam juste juberi, sic nec licite posse fieri? Vides quam inanis excusatio de humana obedientia, ubi in Deum convineitur facta transgressio? Nec timendum mihi arbitrator, quod ad illud Domini responsum de sibi nuntiato scandalo Phariseorum refugas, ut quomodo ille nihili pendebat dicens, *Sinite illos, cæci sunt, et duces cæcorum*<sup>6</sup>; ita et nostra vobis scandala non esse timenda existimes. Vides nempe quam nil simile habeat in hac parte proportio. Nam si compares personas, illic Pharisei superbi, hic pauperes Christi scandalizantur: si causas, hic levitas, ibi veritas in causa esse dignoscitur. Rursus, quod et superius propositum est, vos non solum divinis humana, sed et communibus privata prætulisse imperia, hoc solum ad probationem sufficiat, quod vestræ illi et novitati insolitæ, et insolenti præsumptioni, non tantum nostri Ordinis universitas, sed etiam omnium monasteriorum et consuetudo, et institutio reclamare videtur.

9. Quod et vos quoque non immerito timentes, nec satis de propria causa confidentes, remorsas ac remordentes conscientias apostolica conati estis delinire licentia. O frivolum satis remedium! quod non est aliud, nisi more Protoplastorum cauteriatis conscientias texere perizomata, videlicet ad velamentum, non ad medicamentum. Apostolicam, inquit, licentiam quæsimus, impetravimus. Utinam non licentiam quæsissetis, sed consilium; id est, non ut liceret, sed an liceret. Unde tamen quærebatis licentiam? Ut liceret quod non licebat? Facere itaque volebatis quod non licebat. Sed quod non licebat malum erat. Mala igitur erat intentio, quæ in malum tendebat. Nisi forte tale hoc fuisse dicatur, quod absque licentia quidem non liceret, liceret autem si cum licentia fieret. Verum id jam superius invincibili exclusum est ratione. Nec enim Deus ubi ait, *Nolite contemnere unum ex his pusillis qui in me credunt*; addidit etiam, *Nisi cum licentia*: aut dicens, *Qui scandalizaverit unum de pusillis meis*<sup>7</sup>, et cætera; determinavit sub-

<sup>1</sup> Cap. lxxxi. — <sup>2</sup> Luc. x, 16. — <sup>3</sup> Infra, n. 9. — <sup>4</sup> Hebr. ix, 12. — <sup>5</sup> Matth. xviii, 6. — <sup>6</sup> Id. xv, 14. — <sup>7</sup> Id. xviii, 10, 6.

jungens, Sine licentia. Constat igitur ubi ve-  
ritas, et veritas necessaria in causa non est, A  
nec licite scandalum quodlibet posse a quolibet  
committi, nec juste præcipi, nec innoxie con-  
sentiri. Hujus tamen patrandi mali quærendam  
putastis esse licentiam. Sed ad quid? An ut  
quanto licentius, tanto securius; et quo secu-  
rius, eo et periculosius peccaretis? Mira cautela,  
et stupenda providentia! Malum quod jam  
corde conceperant, opere tamen cauti fuerunt  
non implere nisi cum licentia. Conceperunt do-  
lorem, sed non pepererunt iniquitatem, donec  
iniquo Papa conceptui præbuisset assensum.  
Quo lucro? quove saltem compendio mali? B  
Numquid ideo aut malum esse desiit, aut vel  
minoratum est, quia Papa concessit? Quis vero  
malum esse neget, assensum præbere malo?  
Quod tamen summum fecisse Pontificem ne-  
quaquam crediderim, nisi aut circumventum  
mendacio, aut importunitate victum. Quando  
etenim aliter hujuscemodi vobis licentiam in-  
dulgeret, seminandi videlicet scandala, schi-  
smata suscitandi, amicos contristandi, fratrum  
conturbandi pacem, et confundendi unitatem,  
propriamque insuper contemnendi episcopum?  
Et hæc qua necessitate, necesse non habeo di-  
cere, cum rei exitus satis indicet. Profectos C  
nempe plangimus, profectum non cernimus.

10. His ergo talibus et tam gravibus malis  
dare assensum, exhibere obsequium, impen-  
dere adjutorium, tu mihi obedientiam nominas,  
modestiam nuncupas, appellas mansuetudi-  
nem? Tu, inquam, conaris pessima vitia virtut-  
um palliare nominibus? An te putas hoc sine  
injuria facere Domini virtutum, quod virtuti-  
bus facis injuriam? Vanissimam præsumptio-  
nem, turpissimam levitatem, crudelissimam  
dissensionem, obedientiæ, modestiæ, mansue-  
tudinis nominibus velas, et velatis sordibus sa-  
era illa vocabula maculas. Hanc ego nunquam  
æmuler obedientiam: talem mihi nunquam li-  
beat modestiam, vel potius molestiam imitari:  
hujuscemodi mansuetudo semper longe fiat a  
me. Talis siquidem obedientia omni est contem-  
ptu deterior: talis quoque modestia ultra om-  
nem modum extenditur. Ultra dicam, an citra?  
Sed verius forsitan et utroque competentius di-  
xerim, extra. Qualis denique illa est mansue-  
tudo, quæ ipso etiam auditu omnium aures  
exasperat? Volo tamen eam ipsam ut et mihi

modo exhibeas. Cum tam patiens sis, ut a quo-  
libet etiam quo non licet, pertrahi non contem-  
das; liceat et me, obsecro, paulo nunc confi-  
dentius agere tecum. Alioquin male multum  
merui de te, si (quod nemini soles) soli mihi  
indignandum putaveris.

11. Igitur tuam convenio conscientiam.  
Volens, an invitus profectus es? Sed si ex vo-  
luntate, jam non ex obedientia. Si autem in-  
vitus, suspectum videris habuisse imperium,  
cui obsequi gravabar. Ubi vero suspicio, ibi  
 Discussio necessaria. Verum tu ut tuæ patientiæ  
dares vel caperes experimentum; nihil discu-  
tiens, trahi te passus es, non solum præter vo-  
luntatem tuam, sed et contra conscientiam. O  
patientia omni digna impatientia! Non possum,  
fateor, non irasci huic contentiosissimæ pa-  
tientiae. Videbas dispergentem, et sequebaris:  
scandala dictantem audiebas, et obsequebaris.  
Vera patientia est, pati vel agere contra quod  
libeat: sed non præter quod liceat. Mirum  
vero quod hominem audiebas furtive susurran-  
tem, Deum non audiebas aperte reclamantem,  
tali quasi cœlitus emissio tonitru: *Væ illi per  
quem scandalum venit* <sup>1</sup>! Non tantum autem Do-  
minus, sed et sanguis ipsius clamore nihilomi-  
nus vehementi, surdis licet, terribiliter irru-  
giebat. Clamor ejus, ejus effusio. Effusus quippe  
pro dispersis filiis Dei ut eos congregaret in  
unum, juste fremebat in dispersores. Odit ni-  
mirum dispersores, qui non novit nisi colli-  
gere. Magnus ejus clamor, et vehemens, qui  
corpora de sepulcris, animas ab inferis excita-  
vit. Terram cœlosque tuba illa convocavit in  
unum, quippe quæ in terra et quæ in cœlis  
sunt, pacificans. In omnem terram exivit sonus  
ille, et vestram non valuit rumpere surditatem?  
Vox nempe illa in virtute: vox illa in magnifi-  
centia. Et quid clamat? *Exsurgat Deus, et dis-  
sipentur inimici ejus* <sup>2</sup>. Et iterum: *Disperge il-  
los in virtute tua, et depone eos, protector meus  
Domine* <sup>3</sup>. Sanguis Christi est, frater Adam,  
sanguis Christi est, qui pro piis congregatis ad-  
versus impios dispersores quasi tuba exaltat  
vocem suam. Minatur autem se dispersores di-  
spargere, qui pro dispersis colligendis effusus  
est. Et si ejus vocem tu non audis, audit eam  
de cujus latere manavit. Quomodo namque pro-  
prium non audit, qui Abel sanguinem audie-  
bat <sup>4</sup>?

<sup>1</sup> Matth. xviii, 7. — <sup>2</sup> Psal. lxxvii, 2. — <sup>3</sup> Psal. lxxviii, 12. — <sup>4</sup> Gen. iv, 10.

12. Sed quid ad me, inquis? Ille viderit cui<sup>22</sup> vixit, passus es elongari, ita ut in foveam quomihī contradicere fas non erat. Non est discipulus super magistrum. Docendus, non docturus, ejus lateri adhærebam. Sequi debui, non præire præceptorem auditor. O istorum temporum Paule simplex, si tamen et ille alterum se tibi exhibuisset Antonium, ut quidquid vel leviter de labiis ejus procederet, necesse non haberes discutere, sed sine cunctatione ad omnia nihil hæsitans obedires! O monachum obedientissimum, cui ex quibilibet seniorum verbulis ne unum quidem iota prætervolet! Non attendit quale sit quod præcipitur, hoc solo contentus quia præcipitur<sup>a</sup>. Et hæc est obedientia sine mora. Si ita oportet, sine causa legitur in Ecclesia: *Omnia probate, quod bonum est tenete*<sup>1</sup>. Si ita oportet, deleamus jam de libro Evangelii, *Estote prudentes sicut serpentes*, sufficiente quippe quod sequitur, *et simplices sicut columbæ*<sup>2</sup>. Nec dico a subditis mandata præpositorum esse dijudicanda, ubi nil juberi deprehenditur divinis contrarium institutis: sed necessariam assero et prudentiam, qua advertatur si quid adversatur; et libertatem, qua et ingenue contemnatur. Cæterum iste, Nihil, inquit, habeo interrogare: viderit ille quid juserit. Dic, quæso, si dato in manus gladio, suum te armari jussisset in jugulum, acquievises? aut si se tuo voluisset impulsu in ignem vel in aquam præcipitem dari, obtemperasses? Nonne etiam ab his non prohibere cum possis, in crimen tibi reputatur homicidii? Age ergo, vide ne forte sub prætextu obedientiæ in quidpiam ei gravius inservieris. Non ignoras certe quis dixerit (nam mihi hinc fortasse non credere) expedire scandala facientibus demergi potius in profundum maris<sup>3</sup>. Cur hoc dixit, nisi quia significare voluit tam gravia illos in posterum manere tormenta, ut eis comparata mors temporalis, nec pœnalis esse videatur, sed commoda? Quid ergo eum scandala facere juvisti? juvisti enim sequendo illum, obsequendo illi. Nonne utilius, juxta præmissam Veritatis sententiam, molam asinariam collo ejus suspenderes, et sic eum demergeres in profundum maris? Quid ergo? Tu ille obedientissimus discipulus, illum patrem et præceptorem tuum, quem ne puncto quidem temporis, vel transverso, ut dicitur, pedis, a te, quamdiu

A que post eum, non quidem cæcis, sed apertis, more Balaam, oculis cadere non cunctatus sis: tune, inquam, illum tuo ita beandum putasti obsequio, ut morte illi graviolem exhibueris obedientiam? Revera nunc experior, quam vera sit illa sententia: *Inimici hominis, domestici illius*<sup>4</sup>. Sic itaque sentiens, sic conscius ipse tibi, nonne, si sapis, gemis; et si non desipis, tremis? Quippe cujus obedientia non meo, sed Veritatis judicio, pejor inventa est homicidio.

13. Si hæc non ignoras, quomodo non trepidas? quod si trepidas, quomodo non emendare festinas? Alioquin qualem hinc ad illud tribunal terrificum conscientiam portas, ubi judex teste non indiget, ubi veritas discutit intentiones, ubi inquisitio culparum pertingit ad abdita cordis, ubi denique secretissimos recessus mentium divinus ille investigat intuitus, et ad subitum illum Solis justitiæ fulgorem, animarum expansi sinus, cuncta sive bona, sive mala evomunt quæ celabant? Ibi, frater Adam, facientes et consentientes pari pœna puniuntur. Ibi fures et socii furum similem sunt excepturi sententiam. Ibi par subibunt judicium et qui lactant, et qui lactantur peccatores. Perge igitur jam dicere, Quid ad me? ille viderit. Tange picem, et dic, Non sum inquinatus ab ea. Absconde ignem in sinu tuo, et te jactato non aduri. Pone denique portionem tuam cum adulteris, nihilque tua interesse putato. Non ita Isaias: redarguit enim se ipsum, non solum quia ipse immundus, sed et quod socius sit immundorum. *Quia*, inquit, *vir pollutus labiis ego sum, et in medio populi immunda labia habentis ego habito*. Redarguit autem se dixerim, non quia cum malis habitaret, sed quia mala non redarguerit. Sic namque ait: *Fac mihi, quia tacei*<sup>5</sup>! Quando vero ipse malum facere acquiesceret, quod se in aliis non redarguisse redarguit? Quid enim etiam David? nonne alieni contagione peccati se senserat inquinari posse, cum diceret, *Cum hominibus operantibus iniquitatem, et non communicabo cum electis eorum*<sup>6</sup>? denique et orat dicens, *Ab occultis meis munda me, Domine, et ab alienis parce servo tuo*<sup>7</sup>. Unde etiam malorum, quorum noluit participare malum, studuit declinare consortium. Ait etenim: *Non sedi cum concilio*

<sup>1</sup> I Thess. v, 21. — <sup>2</sup> Matth. x, 16. — <sup>3</sup> Id. xviii, 6. — <sup>4</sup> Michæe vii, 6. — <sup>5</sup> Isai. vi, 5. — <sup>6</sup> Psal. cxi, 4. — <sup>7</sup> Psal. xviii, 13, 14.

<sup>a</sup> Alias deest hoc membrum.

*vanitatis, et cum iniqua gerentibus non introibo.*<sup>23</sup> Hunc versiculo concinit et subsequens : *Odium*, A inquit, *ecclesiam malignantium, et cum impiis non sedebo*<sup>1</sup>. Audi denique et Sapientis consilium : *Fili mi*, ait, *si te lactaverint peccatores, ne acquiescas eis*<sup>2</sup>.

14. Tu ergo adversus hæc atque alia in hunc modum innumera veritatis testimonia, putasti cuipiam obediendum? O odiosa perversitas! Obedientiæ virtus quæ semper militat veritati, adversus veritatem accingitur Felicem ego dixerim fratris Henrici inobedientiam, cui cito resipiscenti ab errore, et revertenti ex itinere, talem contigit non experiri obediendam. Quam potiore nunc et dulciorem suæ hujusmodi inobedientiæ carpit, jamjamque degustat fructum, bonam habens conscientiam, quod cæteris collegis suis fraterna corda gravi scandalo concutientibus, ipse inter fratres in proposito et Ordine suo sine querela conversetur! Cujus ego, si optio detur, pigram potius elegerim inobedientiam cum ipsius conscientia, quam horum studiosam obediendam cum scandalo. Æstimo enim, quia melius agit iste sic inobediens abbati, sed non charitati, servando unitatem in vinculo pacis; quam illi qui ita obtemperant homini uni, ut unum præferant unitati. Fidenter et hæc addiderim, expedire magis cuilibet C sola unius hominis periclitari obediendam, quam reliquis omnibus pietatis bonis, et votis propriæ professionis.

15. Siquidem, ut cætera taceam, duo præcipua nobis in monasterio conversantibus observanda traduntur; subjectio abbati, et stabilitas in loco : et ita observanda, quod neutrum præpediat alterum, nec alterutrum sibi præjudicent. Ut, verbi gratia, sic te stabilem in loco exhibeas, ut abbati subjici non contemnas : sic obedias subjectus abbati, ut stabilitatem non amittas. Porro, si detestaris in loco licet perseverantem, qui abbati forte subdi contemnit imperiis; miraris si reprehendimus obediendam, quæ vobis vestrum deserendi locum vel causa exstitit, vel occasio? præsertim cum in professione regulari sic promittatur stabilitas, ut de subjectione abbati exhibenda nulla penitus mentio fiat.

16. Si d quæris forsitan, inquiens mihi : Quid ergo tu de stabilitate tua facis, quam apud Cistercium firmasti; et nunc alibi habitas? Ad

quod respondeo : Ego quidem Cisterciensis monachus ibidem professus, ab abbate meo ubi nunc habito missus sum, sed missus in pace, missus sine scandalo, sine discordia, missus juxta consuetudinem et communem institutionem. Quamdiu ergo in eadem qua missus sum, pace et concordia persevero, quamdiu in unitate sto; communibus privata non præfero, quietus et subditus in quo positus sum permaneo, secunda dico conscientia, quod promisi, firmiter tenco. Quomodo enim stabilitatis prævaricor votum, qui unanimatis non rumpo vinculum, pacis firmamentum non desero? Et si corpus absentavit obediendam, sed spiritum semper ibidem præsentem tenet concors devotio, et in nullo dissimilis conversatio. Qua die autem (quod quidem Deus avertat) aliis incipiam vivere legibus, aliis moribus conversari, diversis deservire observantiis, adinvenire nova, extraneas usurpare consuetudines : transgressor professionis, promissam stabilitatem jam non me tenere confido. Dico ergo abbati per omnia obtemperandum, sed salva professione. Verum tu professus secundum Regulam sancti Benedicti, ubi promisisti obediendam, promisisti et stabilitatem. Quod si obedieris quidem, stabilis autem non fueris; dum offendis in uno, factus es omnium reus : si omnium, et ipsius obediendiæ.

17. Vides itaque pondus tuæ obediendiæ? Quomodo nempe stabilitatis transgressionem sufficit excusare, quæ nec sibi quidem valet patrocinari? Idem notum est solemniter ac regulariter profiteri quemque in præsentia abbatis. In præsentia ergo tantum, non etiam ad nutum ipsius fit cujusque professio. Testis proinde adhibetur abbas, non dictator professionis; adjutor, non fraudator adimpletionis; vindex, non auctor prævaricationis. Quid igitur? Ponam in manu abbatis quod absque ulla exceptione coram Deo et sanctis ejus propria manu et ore firmavi, audiens ex Regula<sup>3</sup>, si quando aliter fecero, a Deo me esse damnandum, quem irrideo? Si abbas meus, aut etiam angelus de cælo contraria jusserit; libere recusabo hujusmodi obediendam, quæ me transgressorem voti proprii, et pejerare faciat nomen Dei mei. Scio enim me juxta Scripturæ veritatem ex ore meo vel condemnandum<sup>4</sup>, vel justificandum; et quia *os quod mentitur, occidit ani-*

<sup>1</sup> Psal. xxv, 4, 5. — <sup>2</sup> Prov. i, 10. — <sup>3</sup> Reg. S. Benedicti, cap. 58. — <sup>4</sup> Luc. xix, 22.



*mam* <sup>1</sup>; et quod Deo veraciter canitur, *Perdes* <sup>2</sup> *omnes qui loquuntur mendacium* <sup>3</sup>; et quia unusquisque *onus suum portabit* <sup>3</sup>, et unusquisque *pro se rationem reddet* <sup>4</sup>. Alioquin qua fronte psallam mentiens in conspectu Dei et Angelorum illud de Psalmo: *Reddam tibi vota mea, quæ distinxerunt labia mea* <sup>5</sup>? Viderit denique abbas meus, quid sibi faciendum putet de eo quod ex Regula ad ipsum specialiter dirigitur, « Ut præsentem regulam in omnibus conservet: » et item, quod universaliter præcipitur, et nemo exceperit, « Ut omnes » scilicet « per omnia » magistram sequantur regulam; nec ab ea temere devietur a quoquam <sup>6</sup>. » Ego sic ipsum sequi decrevi semper et ubique magistrum, ut nequaquam a Regulæ, quam teste ipso juravi et statui custodire, deviem magisterio.

18. Occurramus breviter quæstioni, quæ a latere nobis surgere posse videtur, et sic jam nimis longam finiamus epistolam. Videor nempe contraria loqui rei quam facio. Quæri etenim a me potest, si hos damno, qui abbatis sui non solum consensu, sed et jussu suum monasterium deseruerunt, quo pacto illos et recipiam, et retineam, qui de aliis monasteriis, fracto stabilitatis voto, et contempto seniorum imperio, ad nostrum Ordinem veniunt. Ad quod quidem brevis responsio, sed periculosa. Vereor namque displicere quibusdam quod dicturus sum. Cæterum mihi magis verendum puto, ne tacendo veritatem, illum versiculum non veraciter cantem: *Justitiam tuam non abscondi in corde meo; veritatem tuam et salutare tuum dixi* <sup>7</sup>. Hac ergo illos ratione suscipimus, quoniam non putamus esse malum, si vota labiorum suorum, quæ in locis suis potuerunt quidem promittere, sed nequaquam persolvere; Deo qui ubique est, ubicumque poterunt, reddant; et solius ruptæ stabilitatis damna reliquorum regularium præceptorum integra observatione compensent. Si cui displicet hoc, et murmurat adversus hominem quærentem salutem suam; respondebit pro eo salutis Auctor: *Nonne oculus tuus nequam est, quia ille bonus* <sup>8</sup>? O quisquis es qui saluti invidet alienæ, parito vel tuæ. An nescis quod *invidia diaboli intravit mors in orbem terrarum* <sup>9</sup>? Attende itaque tibi. Si enim ubi invidia, ibi mors; profecto non po-

tes simul et invidere, et vivere. Quid molestus es fratri tuo, quoniam satagit quemadmodum quæ processerunt de labiis suis, non faciat irrita? Si quærat homo, ubi et quomodo persolvat quod pollicitus est Deo; quid tu perdis? Fortassis si aliquantæ pecuniæ tu eum debitorem teneres, circuire cogeres mare et aridam, donec usque ad novissimum quadrantem debitum redderet universum. Quid igitur meruit de te Deus tuus, quoniam non vis ut et ipse a suo quod suum est, debitore recipiat? Imo uni invidens, duos tibi reddis infensos: dum et dominum servi obsequio, et domini gratia servum fraudare conaris. Tu quare illum potius non imitaris, et ipse videlicet persolvendo quod debes? Putasne et tuum non requireretur debitum? An potius propter hoc magis irritas impie Deum, quia dicis in corde tuo, Non requirit?

19. Quid, inquis? omnes ergo damnas qui similiter non faciunt? Non: sed audi quid et de ipsis sentiam; et noli frustra calumniari. Quid me vis odiosum facere multis millibus sanctorum, qui sub nostra professione non nostro conversantes more, tamen aut sancte vivunt, aut beate defuncti sunt? Non ignoro quod reliquerit sibi Deus septem millia virorum, qui non curvaverunt genua sua ante Baal <sup>10</sup>. Audi ergo <sup>a</sup>, æmule; calumniator, ausculta. Dixi cur de aliis monasteriis ad nostra venientes, recipiendos censuerim. Numquid non venientes damnavi? Excuso illos, non istos accuso. Soli sunt invidi, quos excusare nec volo, nec valeo. Quibus exceptis, si quis cæterorum ad Regulæ cupiat transire puritatem, sed propter scandalum non audeat, aut certe etiam ob certam corporis infirmitatem; puto quia non peccat, dum tamen in suo studeat loco sobrie, et juste, et pie conversari. Nam si qua ex more monasterii minus forte districte, quam Regula constituisse videtur, observare compellitur; excusabit hoc forsitan aut illa charitas, qua cunctatur migrare ad melius propter scandalum, juxta illud, *Charitas operit multitudinem peccatorum* <sup>11</sup>; aut illa humilitas, qua propriæ consensu infirmitatis se reputat imperfectum: siquidem et de ipsa scriptum est, *Deus humilibus dat gratiam* <sup>12</sup>.

20. Multa quidem tibi, charissime, locutus sum, cum multis opus non habeas; quippe cui

<sup>1</sup> Sap. 1, 11. — <sup>2</sup> Psal. v, 7. — <sup>3</sup> Galat. vi, 5. — <sup>4</sup> Rom. xiv, 12. — <sup>5</sup> Psal. lxxv, 13, 14. — <sup>6</sup> Reg. S. Benedicti, capp. 64, 3. — <sup>7</sup> Psal. xxxix, 11. — <sup>8</sup> Matth. xx, 15. — <sup>9</sup> Sap. ii, 24. — <sup>10</sup> III Reg. xix, 18. —

<sup>11</sup> I Petr. iv, 8. — <sup>12</sup> Jacobi iv, 6.

<sup>a</sup> Alias, *Ausculta ergo*.

sit et ingenium velox ad intelligendum quod dicitur, et voluntas agilis ad eligendum quod utiliter suadetur. Sed licet specialiter quidem ad te, non tamen tam multa propter te scribenda putavi. Hæc itaque, quibus Deus providit fore necessaria. Te autem, ut meum jam olim familiarissimum, paucis et cum omni fiducia moneo, ne jam diutius animas desiderantium te, in tuæ quidem animæ horrendum periculum, tui expectatione suspendas. En eorumque (ni fallor) qui tecum sunt, et mors, et vita in manu tua est. Arbitramur enim quidquid feceris tu aut volueris, illos esse facturos. Alioquin aperte denuntia illis, quia juxta omnium abbatum nostrorum non contemnendam sententiam, quæ merito processit in vos: Qui redierint, vivent; qui renuerint, morientur.

tibi, ut mihi loqui debeo quod sentio; horreo, inquam, considerans, unde, quo vocaris: præsertim cum nullum intercurrerit pœnitentiæ tempus, per quod utcumque hujuscemodi periculosissimus transitus fiat. Et quidem rectus ordo requirit ut prius propriam, deinde alienas curare studeas conscientias. Primus quippe pietatis gradus est, de quo scriptum est: *Miscere animæ tuæ placens Deo*<sup>1</sup>. Ex hoc autem ad miserandum proximum recto jam tramite charitas ordinata procedit: quippe quem ad sui quisque mensuram amare præcipitur. Quod si in hunc modum quo te hactenus ipse amasti, et tibi committendos amaturus es; malo ego quidem tibi non committi, quam sic diligi. Si autem prius te diligere didicisses, et me forsitan scires amare.

2. Sed quid, si suam Deus acceleret tibi gratiam, et multiplicet misericordiam; et sit ad restituendam innocentiam efficacior velox clementia, quam diuturna pœnitentia? Beatus siquidem, cui non imputabit Dominus peccatum<sup>2</sup>. Nam quis accusabit adversus electum Dei? Si Deus justificat, quis est qui condemnet? Hoc salutis compendium sanctus ille latro consecutus est; uno eodemque die simul et confessus latrocinia, et introductus in gloriam, brevi quodam contentus ponte crucis ad transigendum<sup>3</sup> de regione dissimilitudinis in terram viventium, et de luto facis in paradisu volu-  
ptatis<sup>4</sup>. Hoc subitum pietatis remedium percepit felix illa peccatrix, cum repente ubi superabundaverant delicta, abundare cœpit et gratia. Absque multo pœnitentiæ labore dimissa sunt ei peccata multa, quoniam dilexit multum<sup>5</sup>: et in brevi meruit charitatis accipere latitudinem, quæ, ut scriptum est, *cooperit multitudinem peccatorum*<sup>6</sup>. Hoc et ille paralyticus in Evangelio duplex atque celerrimum potentissimæ bonitatis persensit beneficium, prius mente, quam carne curatus.

3. Sed aliud est celerem adipisci veniam peccatorum; et aliud de ipsis sceleribus ad infulas mox provelhi dignitatum. Video tamen Matthæum de telonio ad apostolatus culmen assumptum<sup>7</sup>: sed hoc me rursum conturbat, quod non prius audierit cum cæteris coapostolis suis, *Ite in orbem universum, predicate Evangelium omni creature*<sup>8</sup>, quam egerit pœ-

## EPISTOLA VIII.<sup>a</sup>

AD BRUNONEM COLONIENSEM ELECTUM\*.

Bernardus a Brunone consultus de acceptando episcopatu Coloniensi, ita respondet, ut suspensum eum teneat, imo terreat mole tanti muneris, monens per orationes considerare Deum.

1. Quæris a me consilium, vir illustris Bruno, an volentibus te promovere ad episcopatum acquiescere debeas. Quis hoc mortalium definire præsumat? Deus forsitan vocat: quis audeat dissuadere? Forte non vocat: quis appropinquare consulat? Utrum vero vocatio Dei sit, an non sit; quis scire possit, excepto Spiritu qui scrutatur etiam alta Dei, vel si cui forte revelaverit ipse? Magis quoque dubium reddit consilium illa in litteris tuis humilis, sed terribilis confessio; qua vitam tuam tam graviter, et, ut credo, non nisi veraciter accusas. Nec enim negandum est, hujuscemodi vitam esse indignam tam sacri dignitate ministerii. Sed rursum non immerito e regione times (nam et nos idipsum metuimus), si ob malum conscientiae de commisso scientiæ talento non facis lucrum: nisi quod alio forte negotiandi genere, etsi minus copiose, minus tamen periculose fructificare valeres. Horreo, fateor; sic enim

confessus latrocinia, et introductus in gloriam, brevi quodam contentus ponte crucis ad transigendum<sup>b</sup> de regione dissimilitudinis in terram viventium, et de luto facis in paradisu volu-  
ptatis<sup>3</sup>. Hoc subitum pietatis remedium percepit felix illa peccatrix, cum repente ubi superabundaverant delicta, abundare cœpit et gratia. Absque multo pœnitentiæ labore dimissa sunt ei peccata multa, quoniam dilexit multum<sup>4</sup>: et in brevi meruit charitatis accipere latitudinem, quæ, ut scriptum est, *cooperit multitudinem peccatorum*<sup>5</sup>. Hoc et ille paralyticus in Evangelio duplex atque celerrimum potentissimæ bonitatis persensit beneficium, prius mente, quam carne curatus.

3. Sed aliud est celerem adipisci veniam peccatorum; et aliud de ipsis sceleribus ad infulas mox provelhi dignitatum. Video tamen Matthæum de telonio ad apostolatus culmen assumptum<sup>6</sup>: sed hoc me rursum conturbat, quod non prius audierit cum cæteris coapostolis suis, *Ite in orbem universum, predicate Evangelium omni creature*<sup>7</sup>, quam egerit pœ-

<sup>1</sup> Eccli. xxx, 24. — <sup>2</sup> Psal. xxxi, 2. — <sup>3</sup> Luc. xxiii, 40-43. — <sup>4</sup> Id. vii, 37-50. — <sup>5</sup> I Petr. iv, 8. —

<sup>6</sup> Matth. ix, 2 9. — <sup>7</sup> Marc. xvi, 15.

<sup>a</sup> Scripta anno Christi 1131. — <sup>b</sup> Alias, *transcundum*.

nitentiam, multo tempore ac labore sequendo <sup>26</sup> et ad injuncta sollicitus fui : et si profui, vos Dominum quocumque iret, permanens cum eo A in tentationibus suis. Sed etsi occurrat de Ambrosio, quod de tribunalibus ad sacerdotium raptus fuerit<sup>1</sup>; non me valde confortat, cum a puero mundam in mundo duxerit vitam, et sic etiam fuga et latebris multisque dissimulationum modis declinare conatus sit. Si de Saulo quoque factus repente Paulus, repente vas electionis, repente Doctor Gentium, in exemplum adducitur; hoc exempli evacuat similitudinem, quod ille ideo misericordiam consecutus sit, quia ignorans ipso teste peccavit, manens in incredulitate<sup>2</sup>. Quanquam si tale quidpiam B quandoque bene et utiliter factum fuisse agnoscitur, de quo dici veraciter possit, *Hæc est mutatio dexteræ Excelsi*<sup>3</sup>; non tam exemplum, quam miraculum afferri debeat.

4. Hæc interim a me ad id quod quæritis, suspensive responsa sufficiant. Neque enim possum, unde certus non sum, certam proferre sententiam. Sic contingere debet quærenti rem ubi non sit sermo a propheta. Consilium a sapiente quærendum est. Numquid enim de luto limpidum quidpiam haurire potestis? Unum tamen est quod amico absque periculo, et nequaquam sine fructu impendere possumus, nostræ videlicet pro hac re orationis ad Deum qualecumque suffragium. Deo ergo relinquentes sui, quod ignoramus, secretum consilii, ipsum supplicii devotione et devota supplicatione precamur, ut in vobis et de vobis operetur, quod et se deceat, et vobis expediat. Habetis autem dominum Norbertum<sup>a</sup>, quem melius præsentem præsens de talibus interrogare potestis. Nam tanto vir ille in divinis aperiendis mysteriis nobis promptior, quanto et Deo propior esse cognoscitur.

prohabitis. Sed de hoc satis. Porro in eadem charitate audeo quæ sequuntur. Si cunctos qui vocantur ad ministerium, constat eligi et ad regnum; profecto securus est Coloniensis archiepiscopus. Quod si etiam et Saulem in regno, et Judam in sacerdotio legitur elegisse non alius quam ipse Deus; et non potest solvi Scriptura quæ hoc asserit; timeat necesse est et Coloniensis archiepiscopus. Si vero (quod verum est) et illa sententia hodie quoque viget, quia non multos nobiles, non multos potentes, non multos sapientes elegit Deus<sup>4</sup>; numquid B non triplicem quoque habet timendi causam Coloniensis archiepiscopus? Curemus ergo in alto positi, non altum sapere, sed timere, sed humilibus consentire. *Principem*, inquit, *te constituerunt?* esto in illis tanquam unus ex illis<sup>5</sup>; et iterum, *Quanto major es, tanto humilia te in omnibus*<sup>6</sup>. Sapiens est qui hoc consulit, quippe haud secus sentiens ab ipsa Sapientia quæ ait: *Qui major est vestrum, fiat sicut minor*<sup>7</sup>. Alioquin judicium durum his qui præsumunt<sup>8</sup>: timeat potestas. Servus quoque sciens voluntatem domini sui, et non faciens digna, vapulabit multis<sup>9</sup>: timeat qui cognovit C litteraturam. Timeat nobilis, quia judex omnium non est acceptor personarum. Iste profecto necessarij timoris funiculus triplex difficile rumpitur. Durusne videor, quia non blandior, quod metum incutio, quod amico cupio initium sapientiæ? Sic mihi contingat semper beare amicos, id est, terrendo salubriter, non adulando fallaciter. Ad illud me provocat qui dicit: *Beatus homo qui semper est pavidus*<sup>10</sup>. Ab hoc revocat qui ait: *Popule meus, qui te beatificant, in errorem inducant*<sup>11</sup>.

## EPISTOLA IX.<sup>b</sup>

AD EUNDEM JAM ARCHIEPISCOPUM COLONIENSEM.

Brunonem recens creatum archiepiscopum Coloniensem ad timorem inducit.

Dignationis vestræ suscepi scripta devotus,

D

## EPISTOLA X.<sup>c</sup>

AD EUNDEM.

Brunonem ad justum corripiendi zelum excitat.

Horrendum punire nefas, etsi duplici ratione incumbat vobis, tum videlicet pro debito

<sup>1</sup> Theodoret. Hist. lib. 4, cap. 6. — <sup>2</sup> 1 Tim. 1, 13. — <sup>3</sup> Psal. lxxxvi, 11. — <sup>4</sup> 1 Cor. 1, 26. — <sup>5</sup> Eccli. xxxii, 1. —

<sup>6</sup> Id. iii, 20. — <sup>7</sup> Luc. xxii, 26. — <sup>8</sup> Sap. vi, 6. — <sup>9</sup> Luc. xii, 47. — <sup>10</sup> Prov. xxviii, 14. — <sup>11</sup> Isai. iii, 12.

<sup>a</sup> Præmonstratensis Ordinis fundatorem. Vide de eo epistolam 56. — <sup>b</sup> Scripta anno Christi 1132.

<sup>c</sup> Scripta anno Christi 1132.

officii, tum quia et apostolica injungit auctori-  
tas : puto tamen quod non supervacua in re  
tanta etiam amici communitio accedit. Hoc au-  
tem est quod amicum et patrem cupimus esse  
admonitum, ut hæc ipsa ultio quæ facienda est,  
eo quoque zelo quo facienda est, fiat : quatenus  
non solum præsens facinus muletatum esse vi-  
deatur, sed etiam a simili temeritate audiens  
omnis malignitas compescatur.

## EPISTOLA XI.<sup>a</sup>

AD GUIGONEM PRIOREM \*, ET CETEROS CARTUSIE  
MAJORIS RELIGIOSOS.

De veræ et sinceræ charitatis lege, signis, effectis, gra-  
dibus, perfectione Patriæ reservata, multa pie disserit.

Inter patres reverendissimis<sup>b</sup>, et inter amicos  
charissimis, GUIGONI Priori Cartusiensi, cæ-  
terisque sanctis qui cum eo sunt, frater  
BERNARDUS de Clara-Valle, salutem æternam.

1. Sanctitatis vestræ litteras tam lætus accepi,  
quam avidus et olim desideraveram. Legi eas,  
et quasolvebam in ore litteras, scintillas sen-  
tiebam in pectore : quibus et concaluit cor  
meum intra me, tanquam ex illo igne, quem  
Dominus misit in terram<sup>1</sup>. O quantus in illis  
meditationibus exardescit ignis, e quibus hujus-  
modi evolvant scintillæ! Vestra illa succensa et  
succendens salutatio sic mihi, ut verum fatear,  
accepta fuit, et est, quasi non ab homine, sed  
certissime ab illo qui mandat salutes Jacob,  
descendere videretur. Non me sane arbitror  
salutatum in via, non in transitu, non veluti  
ex occasione, ut assolet, consuetudinis; sed  
plane ex visceribus, ut sentio, charitatis prodiit  
hæc tam grata et inopinata benedictio. Benedi-  
cti vos a Domino, qui me in benedictionibus  
dulcedinis tantæ prævenire curastis, ut daretur  
puero vestro, vobis primum scribentibus, fi-  
ducia rescribendi; scribere quidem ad vos jam  
pridem gestienti, sed non præsumenti. Verebar  
nimium sanctam, quam in Domino habetis,  
importunis scriptitationibus infestare quietem,  
juge illud vestrum sacramque silentium a sæ-

culo, susurrium cum Deo, vel ad modicum in-  
terrompere, nostraque ingerere auribus secretis  
penitus occupatis supernisque eulogiis. Time-  
bam omnino molestus fieri vel Moysi in monte,  
vel Eliæ in deserto, aut certe excubanti in tem-  
plo Samueli, si divinis intentissimos confabula-  
tionibus aliquatēus avocare tentassem. Clamat  
Samuel, *Loquere, Domine, quia audit servus  
tuus*<sup>2</sup>; et ego me audiri præsumerem? Time-  
bam, inquam, ne si et David elonganti se et  
fugienti, manentique in solitudine, importunus  
insisterem, indignans excusaret et diceret: Sine  
me, non audio te modo; audiam potius quod  
B dulcius ausculto. *Audiam quid loquatur in me  
Dominus Deus; quoniam loquetur pacem in ple-  
bem suam, et super sanctos suos, et in eos qui  
convertuntur ad cor*<sup>3</sup>. Aut certe illud: *Declinate  
a me, maligni, et scrutabor mandata Dei mei*<sup>4</sup>.  
Quid enim? egone tam temerarius essem, ut  
inter sponsi brachia suaviter quiescentem au-  
derem suscitare dilectam, quousque vellet ipsa?  
Putarem illico auditurum me ab illa: Noli mihi  
molestus esse; *Ego dilecto meo, et dilectus  
meus mihi, qui pascitur inter lilia*<sup>5</sup>.

2. Verum quod non audeo ego, audet cha-  
ritas, et cum omni fiducia pulsat ad ostium  
C amici, nequaquam putans pati se debere re-  
pulsam, quæ amicitiarum matrem se novit:  
nec veretur vestrum, etsi gratissimum, pauli-  
sper inquietare otium, propter suum negotium.  
Ipsa profecto, ipsa cum vult, facit vos exce-  
dere Deo; ipsa et cum voluit, fecit sobrios  
nobis: adeo ut minime duceretis indignum,  
non modo sustinere loquentem, sed tacentem  
insuper benigne provocare. Amplector benigni-  
tatem, dignationem admiror, laudo et veneror  
puritatem, qua de nostris profectibus, quos pu-  
tatis, tanta in Domino exultatione gloriamini.  
Glorior et ego plurimum tanto testimonio, et  
servorum Dei tam grata, quam gratuita admo-  
dum familiaritate delector. Hæc jam gloria  
mea, hoc gaudium meum, hæc delicia cordis  
mei, quod non frustra levarim oculos meos in  
montes, unde quippe jam non medioce venit  
auxilium mihi. Hi jam nobis stillarunt montes  
dulcedinem; et adhuc spero quia stillabunt,  
quousque valles nostræ abundabunt frumento.  
Festivus enim erit mihi dies ille ducendus, et  
memoriale sempiternum, in quo virum illum

<sup>1</sup> Luc. XII, 49. — <sup>2</sup> I Reg. III, 10. — <sup>3</sup> Psal. LXXXIV, 9. — <sup>4</sup> Psal. CXVIII, 115. — <sup>5</sup> Cantic. II, 16.

<sup>a</sup> Scripta circa annum 1125. — <sup>b</sup> Alias, *reverentissimis*.

videre ac suscipere merui, per quem factum<sup>29</sup> est ut in cordibus vestris ego reciperer. Et qui- A dem jam ante receperatis, ut apparet in litteris vestris: sed nunc arctius, ut comperi, et familiarius, cum ille vobis retulit de me quædam, quæ etsi non probaverit, putavit tamen. Fidelis quippe et religiosus, absit ut aliter loqueretur, quam credidit. En revera in me experior quod ait Salvator: *Qui recipit justum in nomine justî, mercedem justî accipiet*<sup>1</sup>. Mercedem quippe justî dixerim, quod justus reputor, non ob aliud, nisi quod justum recepi. Nam si qua superaddita sunt, ea justus non tam ex veritate rei, quam ex puritate sui locutus est. A- B distis, credidistis, exsultastis, scripsistis, et me non parum lætificastis, non solum quod aliquem locum gratiæ, et locum non mediocrem apud vestram merui Sanctitatem, sed et quod nobis vestrorum non parva ex parte puritas animorum innotuit. Paucis pro certo aperuistis, cujus spiritus estis.

3. Gaudeo proinde mihi, gaudeo et vobis; meæ utilitati, et vestræ sinceritati. Illa siquidem vera et sincera est charitas, et omnino de corde puro, et conscientia bona, et fide non ficta judicanda procedere, qua proximi bonum æque ut nostrum diligimus. Nam qui magis, C aut certe solum diligit suum; convincitur non caste diligere bonum, quod utique propter se diligit, non propter ipsum. Et hic talis non potest obedire prophetæ, qui ait: *Confitemini Domino, quoniam bonus*<sup>2</sup>. Confitetur quidem quia fortasse bonus est sibi, non autem quoniam bonus est in se. Quapropter noverit in se dirigi illud ab eodem propheta opprobrium: *Confitebitur tibi cum benefeceris ei*<sup>3</sup>. Est qui confitetur Domino, quoniam potens est; et est qui confitetur, quoniam sibi bonus est: et item qui confitetur, quoniam simpliciter bonus est. Primus servus est, et timet sibi: secundus D mercenarius, et cupit sibi: tertius filius, et defert patri. Itaque et qui timet, et qui cupit, uterque pro se agunt: sola quæ in filio est charitas, non quærit quæ sua sunt. Quam ob rem puto de illa dictum, *Lex Domini immaculata, convertens animas*<sup>4</sup>; quod sola videlicet sit, quæ ab amore sui et mundi avertere possit animum, et in Deum dirigere. Nec timor quippe, nec amor privatus convertit animam. Mu-

tant interdum vultum vel actum, affectum nunquam. Facit quidem etiam servus nonnunquam opus Dei: sed quia non sponte, in sua adhuc duritia permanere convincitur. Facit et mercenarius: sed quia non gratis, propria trahi cupiditate cognoscitur. Porro ubi proprietas, ibi singularitas: ubi autem singularitas, ibi angulus: ubi vero angulus, ibi sine dubio sordes sive rubigo. Sit itaque servo sua lex timor ipse, quo constringitur: sit mercenario sua cupiditas, qua et ipse arcetatur, quando ab ipsa tentatur abstractus et illectus. Sed harum nulla aut sine macula est, aut animas convertere potest. Charitas vero convertit animas, quas facit et voluntarias.

4. Porro in eo eam dixerim immaculatam, quod nil sibi de suo retinere consuevit. Cui nempe de proprio nihil est, totum profecto quod habet, Dei est: quod autem Dei est, immundum esse non potest. Lex ergo Domini immaculata, charitas est, quæ non quod sibi utile est quærit, sed quod multis. Lex autem Domini dicitur, sive quod ipse ex ea vivat, sive quod eam nullus nisi ejus dono possideat. Nec absurdum videatur quod dixi etiam Deum vivere ex lege, cum non alia dixerim quam charitate. Quid vero in summa et beata illa Trinitate summam et ineffabilem illam conservat unitatem, nisi charitas? Lex est ergo, et lex Domini charitas, quæ Trinitatem in unitate quodammodo cohibet, et colligat in vinculo pacis. Nemo tamen me existimet charitatem hic accipere qualitatem, vel aliquod accidens; alioquin in Deo dicerem (quod absit) esse aliquid quod Deus non est; sed substantiam illam divinam: quod utique nec novum nec insolitum est, dicente Joanne, *Deus charitas est*<sup>5</sup>. Dicitur ergo recte charitas et Deus, et Dei donum. Itaque Charitas dat charitatem, substantiva<sup>a</sup> accidentalem. Ubi dantem significat, nomen est substantiæ: ubi donum, qualitatis. Hæc est lex æterna, creatrix et gubernatrix universitatis. Siquidem in pondere, et mensura, et numero per eam facta sunt universa: et nihil sine lege relinquitur, cum ipsa quoque lex omnium sine lege non sit; non tamen alia quam se ipsa, qua et se ipsam etsi non creavit, regit tamen.

5. Cæterum servus et mercenarius habent legem non a Domino, sed quam ipsi sibi fece-

<sup>1</sup> Matth. x, 41. — <sup>2</sup> Psal. cxvii, 1. — <sup>3</sup> Psal. xlviii, 19. — <sup>4</sup> Psal. xviii, 8. — <sup>5</sup> I Joan. iv, 16.

<sup>a</sup> Alias mendose, *substantia*.

runt, ille Deum non amando, iste plus aliud<sup>50</sup> mini quidquam debeatis, nisi ut invicem diligendo. Habent, inquam, legem non Domini, A sed suam: illi tamen quæ Domini est subiectam. Et quidem suam sibi quisque legem facere potuerunt: non tamen eam incommutabili æternæ legis ordini subducere potuerunt. Tunc autem dixerim quemque sibi suam fecisse legem, quando communi et æternæ legi propriam prætulit voluntatem, perverse utique volens suum imitari Creatorem: ut sicut ipse sibi lex, sui que juris est, ita is quoque se ipsum regeret, et legem sibi suam faceret voluntatem, grave utique et importabile jugum super omnes filios Adam, heu! inclinans et incurvans cervices nostras, adeo ut vita nostra inferno appropinquaverit. Infelix ego homo, quis me liberabit de corpore mortis huius? quo utique sic premor, ut nisi quia Dominus adjuvit me, paulo minus habitasset in inferno anima mea<sup>2</sup>. Sub hoc onere gravatus gemebat qui dicebat: *Quare posuisti me contrarium tibi, et factus sum mihi metipsi gravis*<sup>3</sup>? Ubi dixit, *Factus sum mihi metipsi gravis*, ostendit quod lex ipse sibi esset, nec alius hoc quam ipse sibi fecisset. Quod autem Deo loquens præmisit, *Posuisti me contrarium tibi*; Dei se tamen non effugisse legem indicavit. Hoc quippe ad æternam justamque legem Dei pertinuit, ut qui a Deo noluit suaviter regi, pœnaliter a se ipso regeretur; quique sponte jugum suave et onus leve charitatis abiecit, propriæ voluntatis onus importabile pateretur invitus.

6. Miro itaque modo æterna lex fugitivum suum, et posuit sibi contrarium, et retinuit subjectum: dum videlicet nec justitiæ pro meritis legem evasit, nec tamen cum Deo in sua luce, in sua requie, in sua gloria remansit; subjectus potestati, et submotus felicitati. Domine Deus meus, cur non tollis peccatum meum, et quare non auferis iniquitatem meam<sup>4</sup>, D ut abjecta gravi sarcina propriæ voluntatis, sub levi onere charitatis respirem, nec jam servili timore coercear, nec mercenaria cupiditate illiciar, sed agar spiritu tuo, spiritu libertatis, quo aguntur filii tui: qui testimonium reddat spiritui meo, quod et ego sim unus ex filiis, dum eadem mihi lex fuerit quæ et tibi; et sicut tu es, ita et ipse sim in hoc mundo? Hi siquidem qui hoc faciunt, quod ait Apostolus, *Ne-*

*mini quidquam debeatis, nisi ut invicem diligatis*<sup>5</sup>; procul dubio sicut Deus est, et ipsi sunt in hoc mundo: nec servi aut mercenarii sunt, sed filii. Itaque nec filii sunt sine lege, nisi forte aliquis aliter sentiat propter hoc quod scriptum est: *Justis non est lex posita*<sup>6</sup>. Sed sciendum quod alia est lex promulgata a spiritu servitutis in timore, alia a spiritu libertatis data in suavitate. Nec sub illa coguntur esse filii, nec sine ista patiuntur. Vis audire quia justis non est lex posita? *Non accepistis*, inquit, *spiritum servitutis iterum in timore*. Vis audire quod tamen sine lege charitatis non sint? *sed accepistis*, ait, *spiritum adoptionis filiorum*<sup>7</sup>. Denique audi justum utrumque de se fatentem, et quod non sit sub lege, nec tamen sit sine lege. *Factus sum*, inquit, *his qui sub lege erant, quasi sub lege essem, cum ipse non essem sub lege: his qui sine lege erant, tanquam sine lege essem, cum sine lege Dei non essem, sed in lege essem Christi*<sup>8</sup>. Unde apte non dicitur, *Justi non habent legem*; aut, *Justi sunt sine lege*: sed, *Justis non est lex posita*; hoc est, non tanquam invitis imposita, sed voluntariis eo liberaliter data, quo suaviter inspirata. Unde et pulchre Dominus: *Tollite*, ait, *jugum meum super vos*<sup>9</sup>. Ac si diceret: *Non impono invitis, sed vos tollite si vultis*. Alioquin non requiem, sed laborem invenietis animabus vestris.

7. Bona itaque lex charitas et suavis, quæ non solum leviter suaviterque portatur, sed etiam servorum et mercenariorum leges portabiles ac leves reddit, quas utique non destruit, sed facit ut impleantur, dicente Domino: *Non veni legem solvere, sed adimplere*<sup>10</sup>. Illam temperat, istam ordinat, utramque levigat. Nunquam erit charitas sine timore, sed casto; nunquam sine cupiditate, sed ordinata. Implet ergo charitas legem servi, cum infundit devotionem; implet et mercenarii, cum ordinat cupiditatem. Porro timori permixta devotio ipsum non annullat, sed castificat. Pœna tantum tollitur, sine qua esse non potuit dum fuit servilis; et timor manet in sæculum sæculi castus et filialis<sup>11</sup>. Nam quod legitur, *Perfecta charitas foras mittit timorem*<sup>12</sup>; pœna intelligenda est, quæ servili, ut diximus, nunquam deest timori, illo scilicet genere locutionis, quo sæpe causa ponitur pro effectu. Deinde cupiditas tunc recte a

<sup>1</sup> Rom. vii, 24. — <sup>2</sup> Psal. xciii, 17. — <sup>3</sup> Job vii, 20. — <sup>4</sup> Ibid. 21. — <sup>5</sup> Rom. xiii, 8. — <sup>6</sup> I Tim. i, 9. — <sup>7</sup> Rom. viii, 15. — <sup>8</sup> I Cor. ix, 21. — <sup>9</sup> Matth. xi, 29. — <sup>10</sup> Id. v, 17. — <sup>11</sup> Psal. cxviii, 10. — <sup>12</sup> I Joau. iv, 18.

superveniente charitate ordinatur, cum mala <sup>51</sup> quidem penitus respuuntur, bonis vero meliora A præferuntur, nec bona nisi propter meliora appetuntur. Quod cum plene per Dei gratiam assecutum fuerit, diligitur corpus, et universa corporis bona tantum propter animam, anima propter Deum, Deus autem propter se ipsum.

8. Verumtamen quia carnales sumus, et de carnis concupiscentia nascimur; necesse est cupiditas vel amor noster a carne incipiat: quæ si recto ordine dirigitur, quibusdam suis gradibus duce gratia proficiens, spiritu tandem consummabitur: quia non prius quod spirituale, sed quod animale, deinde quod spirituale; B et prius necesse est portemus imaginem terrestris, deinde cælestis<sup>1</sup>. In primis ergo diligit se ipsum homo propter se. Caro quippe est, et nil sapere valet præter se. Cumque se videt per se non posse subsistere, Deum sibi quasi necessarium incipit per fidem inquirere et diligere. Diligit itaque in secundo gradu Deum, sed propter se, non propter ipsum. At vero cum ipsum cœperit occasione propriæ necessitatis colere et frequentare cogitando, legendo, orando, obediendo; quadam hujuscemodi familiaritate paulatim sensimque Deus innotescit, consequenter et dulcescit: et sic gustato C quam suavis est Dominus, transit ad tertium gradum, ut diligat Deum, non jam propter se, sed propter ipsum. Sane in hoc gradu statum, et nescio si a quoquam hominum quartus in hac vita perfecte apprehenditur, ut se scilicet homo diligat tantum propter Deum. Asserant hoc si qui experti sunt: mihi, fateor, impossibile videtur. Erit autem procul dubio cum introductus fuerit servus bonus et fidelis in gaudium Domini sui, et inebriatus ab ubertate domus Dei. Quasi enim ebrius, miro quodam modo oblitus sui, et a se penitus velut deficiens, totus perget in Deum, et deinceps adhaerens ei unus spiritus erit.

9. Arbitror hoc prophetam sensisse cum diceret: *Introibo in potentias Domini; Domine, memorabor justitiæ tuæ solius*<sup>2</sup>. Sciebat profecto cum introiret in spirituales potentias Domini, exutum se iri universis infirmitatibus carnis, ut jam nil de carne haberet cogitare, sed totus in spiritu memoraretur justitiæ Dei solius. Tunc pro certo singula Christi membra dicere poterunt de se, quod Paulus aiebat de capite: *Et*

*si cognovimus secundum carnem Christum, sed nunc jam non novimus*<sup>3</sup>. Nemo ibi se cognoscit secundum carnem, quia caro et sanguis regnum Dei non possidebunt<sup>4</sup>. Non quod carnis substantia illic futura non sit; sed quod carnalis omnis necessitudo sit defutura, carnisque amor amore spiritus absorbendus, et infirmæ quæ nunc sunt humanæ affectiones in divinas quasdam potentias habeant commutari. Tunc sagena charitatis, quæ nunc tracta per hoc mare magnum et spatiosum, ex omni genere piscium congregare non desinit, cum perducta ad littus fuerit, malos foras mittens, bonos solummodo retinebit. Siquidem in hac vita ex omni genere piscium, intra sinum suæ latitudinis, charitatis rete concludit: ubi se pro tempore omnibus conformans, omniumque in se sive prospera, sive adversa trajiciens, suaque quodammodo faciens, non solum gaudere cum gaudentibus, sed etiam flere cum flentibus consuevit. Sed cum pervenerit ad littus, velut malos pisces omne quod triste patitur, foras mittens, sola quæ placere et jucunda esse poterunt, retinebit. Numquid enim tunc, verbi gratia, Paulus aut infirmabitur cum infirmis, aut uretur pro scandalizatis, ubi scandala et infirmitas procul erunt? aut certe lugebit eos qui ante non egerunt pœnitentiam, ubi certum est, sic neminem sane fore qui pœniteat, quomodo qui peccet non erit? Absit autem ut vel eos qui ignibus æternis cum diabolo et angelis ejus deputandi sunt, plangat et defleat in illa civitate, quam fluminis impetus lætificat<sup>5</sup>, cujus diligit Dominus portas super omnia tabernacula Jacob<sup>6</sup>; quod videlicet in tabernaculis etsi quandoque gaudetur de victoria, laboratur tamen in pugna, et plerumque periclitatur de vita: in illa autem patria nulla prorsus admittitur adversitas sive tristitia, quemadmodum de illa canitur, *Sicut lætantium omnium habitatio in te*<sup>7</sup>; et rursum, *Lætitia sempiterna erit eis*<sup>8</sup>. Denique quomodo misericordiæ recordabitur, ubi memorabitur justitiæ Dei solius? Proinde ubi jam non erit miseriæ locus, aut misericordiæ tempus, nullus profecto esse poterit miserationis affectus.

10. Longum quidem adhuc texere sermonem insatiabili colloquendi ad vos desiderio pulsor, fratres mei charissimi et desideratissimi: sed

<sup>1</sup> I Cor. xv, 46, 49. — <sup>2</sup> Psal. lxx, 16. — <sup>3</sup> II Cor. v, 16. — <sup>4</sup> I Cor. xv, 50. — <sup>5</sup> Psal. xlv, 5. —

<sup>6</sup> Psal. lxxxvi, 2. — <sup>7</sup> Ibid. 7. — <sup>8</sup> Isai. lxi, 7.

tria sunt quæ finem indicunt. Primum quidem, <sup>52</sup> quoniam inops et pauper sum ego. Justitia me-  
quod maxime vercor ne fiam onerosus vobis : A  
secundum, quia pudet loquacitatis : tertium,  
quod domesticis urgeor curis. In fine precor,  
miseremini mei : et si exultastis in bonis de me  
tantum auditis, certis, quæso, compatimini ma-  
lis. Vidit fortassis qui vobis ea narravit, aliqua  
parva, et de parvis grandia aestimavit : vestra  
autem sinceritas facile credidit quod libenter  
audivit. Gratulor quidem de charitate, quæ  
omnia credit <sup>1</sup> : sed confundor pro veritate, quæ  
omnia novit. Volo vos mihi credere de me ma-  
gis quam alteri, qui tantum videt in facie. Nemo  
quippe scit quæ sunt in homine, nisi spiritus  
hominis qui in eo est <sup>2</sup>. Dico vobis ego qui de  
me loquor non ex conjectura, sed ex senten-  
tia : Non sum talis qualis putor vel dicor. Quod  
quidem tam securus fateor, quam certus expe-  
rior : ita ut nil malim vestris orationibus spe-  
cialiter obtinere, quam ut talis fiam, qualem  
litteræ vestræ prædicant.

ritum quærit : misericordia miseriam intuetur.  
Vera misericordia non judicat, sed afficit : non  
nititur discussione, occasione contenta. Non  
enim expectatur ratio, ubi affectio trahit. Lu-  
gebat Samuel Saül, miserans, non deliberans <sup>3</sup>.  
Fundebat lacrymas David filio parricidæ, etsi  
non profuturas, pias tamen <sup>4</sup>. Ita et vos mise-  
remini mei, non quia merui, sed quia egeo.  
Miseremini tanquam misericordiam consecuti a  
Domino, ut sine timore a mundi tumultibus  
liberati serviatis ei. Felices, quos abscondit in  
tabernaculo suo in die malorum, in umbra  
alarum suarum sperantes, donec transeat ini-  
quitas. Cæterum ego infelix, pauper et nudus,  
homo natus ad laborem, implumis avicula pene  
omni tempore nidulo exsulans, vento exposita  
et turbini; turbatus sum et motus sum sicut  
ebrius, et omnis conscientia mea devorata est.  
Miseremini proinde, etsi nil meriti, certe sic  
affecti.

## EPISTOLA XII.

AD EOSDEM.

Orationibus eorum se commendat.

Amantissimo Domino, et reverendissimo patri  
GUIGOXI Priori Cartusienſi, et sanctis fratri-  
bus adhærentibus ei, frater BERNARDUS de  
Clara-Valle, modicum id quod est.

Primum quod accedens ad partes illas non  
adjeçi pervenire usque ad vos videre facies  
vestras, rememorari iniquitates et necessitates  
meas : etsi vobis forsitan satisfacere possum,  
mihi, fateor, non possum. Irascor occupationi-  
bus meis, quibus factum est, non ut neglexe-  
rim, sed ut nequiverim. Hoc frequenter patior,  
et ideo frequenter irascor : dignus utinam, cui  
omnis sanctus condoleat. Alioquin dupliciter  
miser sum, si nec miserabilis sum. Ego vero  
fraternæ pietati locum in me ostendo, non  
meritum. Miseremini mei, non quia dignus, sed

## EPISTOLA XIII.<sup>a</sup>

C

AD DOMINUM PAPAM HONORIUM \*.

Alberici electionem ad episcopatum Catalaunensem ratam  
haberi petit.

Summo pontifici HONORIO, frater quidam pro-  
fessione monachus, conversatione peccator,  
se ipsum quantillus est.

Alunt apud vos plus valere pauperis precem,  
quam potentis vultum. De qua vestra singulari  
dignatione tam sancta opinio facit me dignitatis  
celsitudinem non vereri, quo minus audeam  
loqui ad vos, id præsertim quod charitas sugge-  
rit. De Ecclesia dico, domine, Catalaunensi;  
cujus, quantum in me est, nec valeo, nec  
debeo dissimulare periculum. Videmus nimi-  
rum, jamjamque imminere sentimus nos qui  
vicini sumus, pacem videlicet memoratæ Eccle-  
siæ graviter mox esse turbendam; si electioni  
illustris illius viri, id est, magistri Alberici \*, in

<sup>1</sup> I Cor. xiii, 7. — <sup>2</sup> Id. ii, 11. — <sup>3</sup> I Reg. xv, 35. — <sup>4</sup> II Reg. xviii, 33.

\* Scripta anno Christi 1126.



quam utique totus tam clerus, quam populus <sup>55</sup> pari voto et voce convenerant et conveniunt, A vestræ Pietatis assensum impetrare nequiverint. De qua re si et nostra quæritur aut curatur sententia, novimus hominem sanæ fidei et doctrinæ hactenus exstitisse; in divinis pariter et humanis prudentem esse; et speramus in domo Dei (si tamen ipse elegit eum) fore vas in honorem, et utilem futurum non solum illi, sed et omni Gallicanæ Ecclesiæ. Vestræ jam discretionis est judicare, an merito flagitetur a vobis facienda dispensatio, unde talis potest sperari recompensatio.

## EPISTOLA XIV.<sup>a</sup>

AD EUMDEM HONORIUM PAPAM.

Causam Ecclesiæ Divionensis summo Pontifici commendat.

Summo pontifici HONORIO, frater BERNARDUS vocatus abbas Claræ-Vallis, salutem, et si quid potest peccatoris oratio.

Quanto ad vos timore scribam, novit ipse quem timemus in vobis. Sed ut audeam, domina charitas facit: quippe quæ imperat et vobis. Pro Ecclesia Divionensi rogatus \*, suscepi facere precem: sed quid potissimum precari debeam, pene dubito. Nam sicut tentare aliquid vel prece vel pretio adversus justitiam iniquum est; sic pro justitia multum laborare apud justitiæ amatorem superfluum. Verum etsi nos quid oremus, sicut oportet, nescimus; confidimus tamen quod vestra benignitas, præsertim in causa Religiosorum <sup>b</sup>, otiosa esse non poterit. Et quidem Sanctitatis vestræ prudentia sollicitaque discussio quid inventura sit, ego nescio: sed hoc dico quod audiui et frequenter audio, quia videlicet longo et inconcusso tenore fertur Divionensis Ecclesia possedissee ea, de quibus adversus eam causantur Luxovienses; ita ut hi qui videntur antiquiores de vicinis, mirentur et indignentur, novam abominantes calumniam <sup>c</sup>.

<sup>a</sup> Scripta circa annum 1126. — <sup>b</sup> Scripta eodem anno. — <sup>c</sup> Scripta eodem anno.

<sup>b</sup> Hoc nomine non raro Bernardus alique utuntur ad monachos designandos, ut in epistolis 45 et 202, et in sermone 26 de Diversis, n. 2; sed et longe ante eum Gregorius Magnus in libro 1, epistola 59.

<sup>c</sup> Lis ista vertebatur de duabus cellis, Clari-Montis et Vangionis-Rivi, anno tandem 1129 decisa per Stephauum archiepiscopum Viennensem et alios, apud Perardum in Burgundicis Monumentis, pagg. 221 et 228.

## EPISTOLA XV.<sup>b</sup>

AD HAIMERICUM CANCELLARIUM \*.

Unde supra.

Viro illustri domino HAIMERICO apostolicæ Sedis cancellario, BERNARDUS de Clara-Valle, quæ retro sunt oblivisci, et ad ea quæ ante sunt, Apostolum sequi.

B

Non latet amicos nostros quod me familiari affectu diligitis, et tantæ mihi felicitatis fructum invident, si solus habere voluero. Monachi Divionenses ob antiquam illius Ecclesiæ religionem mihi charissimi sunt. Sentiant, si placet, quod non sit amor otiosus, sive vester ad nos, sive noster ad illos, salva tamen in omnibus justitia, contra quam ne amicum quidem respicere fas est.

## EPISTOLA XVI.<sup>c</sup>

AD PETRUM PRESBYTERUM CARDINALEM.

Unde supra.

Charissimo domino suo PETRO presbytero cardinali, frater BERNARDUS abbas Claræ-Vallis, salutem, et non in via.

Ego causam non habeo; causam tamen Divionensium monachorum, quia viri religiosi sunt, meam facio. Manu tenete eam ut meam; D sic tamen meam, ut et justitiæ sit. Quod utique et nos confidimus, et tota fere patria testatur.

<sup>53</sup> A nostra vobis forte in aliquo esse possit officiosa rusticitas.

## EPISTOLA XVII.<sup>a</sup>

AD PETRUM DIACONUM CARDINALEM \*.

Excusat se quod vocatus non venerit : de scriptis postulat respondet.

Domino venerabili PETRO Romanæ Ecclesiæ diacono cardinali et legato, frater BERNARDUS, se ipsum quantum potest.

Quod ad vos non veni ut mandastis, non mea pigritia, sed causa fuit non contemnenda. Si quidem salva vestra-omniumque bonorum reverentia, mihi propositum est nequaquam egredi de monasterio, nisi certis ex causis, quarum utique nulla modo se obtulit, ut licite possem vestre in hoc, imo et nostræ satisfacere voluntati. Verum vos quid facitis de eo quod jamdudumstrarum priorum litterarum promissione tenemus, vestro scilicet, quem adhuc sustinemus, adventu? Quæ illa deinde scripta sint, quæ et ante vobis<sup>b</sup> fieri jussistis, et nunc requiritis, omnino nescimus : ideoque nihil paravimus. Ego enim nescio me quidpiam quandoque scriptitasse de moralibus, quod vestræ Excellentiæ\* studio dignum putem. Aliqui fratres nonnulla ex his quæ me coram audire loquentem, stilo suo exceperunt. Quorum unus vobis præsto est, præcentor videlicet Trecensis et archidiaconus Gebuinus\* : et facile potestis habere, si qua placent, quæ ab illo excepta sunt. Tamen si curæ vobis, aut curis quandoque vestris vacuum fuerit, et ita dignum judicatis, dignitatis videlicet vestræ promissam præsentiam expectantibus exhibere filiis; tunc si quid in manibus inventum, aut nostro posse adhuc elaborari studio visum fuerit quod forte delectet, vestræ omnino pro viribus non deero voluntati. Diligimus enim bonam famam vestram ; reveremur quam in vobis audivimus, circa res Dei sollicitudinem et sinceritatem : et ideo valde gratum habemus, si

## EPISTOLA XVIII.<sup>b</sup>

AD EUMDEM<sup>d</sup>.

Opinionem sanctitatis a se amoliri nititur, et promittit se quos scripserat libellos communicaturum.

B 1. Cum totum me dederò vobis, parum est, ut digne mihi videar recompensasse vel diminutum benevolentiae, quam erga nostram humilitatem habere vos aiunt. Gaudeo quidem de gratia : sed temperat, fateor, pro tanto favore lætitiā, quod eundem mihi favorem non opus, sed opinio acquisierit. Pudet nimirum granditer exsultare, cum sentio in me venerari vel diligi, non quidem quod sum, sed quod putor. Neque enim ego tunc diligor, quando sic diligor : sed nescio quid in me pro me, quod non sum ego<sup>c</sup>. Imo ut verius loquar, non nescio : nam certissime scio quod nihil. Nihil enim C procul dubio est, quidquid putatur et non est. Porro cum amatur quod non est, sed esse putatur ; non amor vel amans nihil est, sed quod amatur. Mirandum, sed magis dolendum quam mirandum, quod id quod nihil est, amari potest. Hinc plane sentimus unde, quo venimus ; quid perdidimus, quid invenimus. Adhærendo ei qui semper et beate est ; semper et nos esse, et beate esse poteramus. Adhærendo autem dixerim, non solum per cognitionem, sed per amorem. Nam quidam ex filiis Adam cum cognovissent Deum, non sicut Deum glorificaverunt, aut gratias egerunt : sed evanuerunt in cogitationibus suis. Merito proinde obscuratum est insipiens cor eorum : quia cum veritatem cognoscerent et contemnerent, jure receperunt in pœnam ut nec cognoscerent. Heu ! sic adhærendo veritati per cognitionem, sed ab illa defluendo per amorem, amando pro illa scilicet vanitatem, homo vanitati similis factus est. Et

\* Scripta circa annum 1127. — <sup>b</sup> Alias, nobis. — <sup>c</sup> Scripta circa annum 1127.

<sup>d</sup> Variant in hoc titulo manuscripti. Colbertinus n. 1410, et Compendiensis habent, *Ad eundem Aimericum* ; alii tres Colbertini, *Ad eundem*, ut id referatur ad Petrum diaconum : quod præferendum, ob libros petitos in superiori epistola, et in hac, n. 5.

<sup>e</sup> Ita fere Augustinus in epistola 143, n. 3.

quid vanius quam diligere vanitatem; et quid iniquius, quam contemnere veritatem? Quid vero justius quam contemptoribus subtrahi et ipsam cognitionem? quid, inquam, justius, quam ut jam de ejus cognitione gloriari non possit, qui cognitam non glorificavit? Itaque appetitus vanitatis est contemptus veritatis; contemptus veritatis, causa nostræ cæcitat. *Et quia non probaverunt, inquit, Deum habere in notitiam, tradidit illos in reprobum sensum*<sup>1</sup>.

2. Ex hac ergo cæcitate descendit, quod plerumque pro eo quod est, amamus vel approbamus quod non est: quoniam dum sumus in hoc corpore, peregrinamur ab eo qui summe est. Et quid est homo, o Deus, nisi quod innotuisti ei? Itaque si notitia Dei causa est ut homo aliquid sit, ignorantia facit ut nihil sit. Sed qui vocat ea quæ non sunt, tanquam ea quæ sunt, miseratus quodammodo redactos in nihil; manna illud absconditum (de quo Apostolus, *Et vita, inquit, vestra abscondita est cum Christo in Deo*<sup>2</sup>) quia necdum possumus contemplari per speciem, vel plene amplecti per amorem, dedit interim nobis et sapere per fidem, et quærere per desiderium: per quæ utique duo ad esse de non esse secundo reducti, fieri incipiamus initium aliquod creaturæ ejus, transituri quandoque in virum perfectum, in mensuram ætatis plenitudinis Christi. Quod procul dubio erit, cum justitia convertetur in judicium, hoc est, fides in intellectum, justitia videlicet quæ ex fide est, in judicium plenæ cognitionis, et item desiderium peregrinationis in plenitudinem commutabitur dilectionis. Si enim adhuc absentes initiat fides, et desiderium; præsentis profecto consummat intellectus et amor. Sicut autem fides ducit ad plenam cognitionem, sic desiderium ad perfectam dilectionem. Et sicut dicitur, *Nisi credideritis, non intelligetis*<sup>3</sup>; sic dici æque non absurde potest, Si non desideraveritis, non perfecte amabitis. Intellectus igitur est fructus fidei, perfecta charitas desiderii. Interim justus ex fide vivit<sup>4</sup>; nam beatus ex intellectu. Interim justus desiderat ad Deum sicut cervus ad fontes aquarum: nam beatus haurit jam in gaudio de fontibus Salvatoris, hoc est, delectatur in plenitudine charitatis.

3. His igitur fortassis quasi duobus animæ

<sup>56</sup> brachiis, intellectu videlicet et amore, id est cognitione et dilectione veritatis, amplectitur et comprehenditur cum omnibus sanctis longitudo, latitudo, sublimitas et profundum, hoc est æternitas, charitas, virtus et sapientia. Et hæc omnia Christus. Æternitas est, quia hæc est vita æterna, ut cognoscant te verum Deum, et quem misisti Jesum Christum<sup>5</sup>. Charitas est, quia Deus est: Deus enim charitas est<sup>6</sup>. Est et Dei virtus, et Dei sapientia<sup>7</sup>. Sed quando hæc erunt? quando videbimus eum sicuti est? Quando amabimus eum prout est? Nam expectatio creaturæ revelationem filiorum Dei expectat. Vanitati enim creatura subjecta est non volens<sup>8</sup>. De qua universali vanitate inest nobis et velle laudari, cum simus vituperabiles; et nolle laudare quos scimus esse laudabiles. Sed et hoc vanum est, quod nostra plerumque ignorantia et tacetur quod est, et prædicatur quod non est. Quid ad ista dicemus, nisi quia *vani filii hominum, mendaces filii hominum in stateris, ut decipiant ipsi de vanitate in idipsum*<sup>9</sup>? Laudamus<sup>a</sup> mendaciter, delectamur inaniter; ut et vani sint qui laudantur, et mendaces qui laudant. Alii adulantur, et ficti sunt; alii laudant quod putant, et falsi sunt; alii utrorumque præconiis gloriantur, et vani sunt. Solus sapiens qui cum Apostolo dicit: *Parco autem ne quis me existimet supra id quod videt in me, aut audit aliquid ex me*<sup>10</sup>.

4. Hæc interim vobis nimis festine, et ob hoc minus festive exaravi potius quam dictavi, ac fortassis loquacius quam debui, sed omnino veracius non potui, prout sapui. Sed ut inde summat epistola finem, unde sumpsit exordium; nolo vos de me incertæ famæ nimis credulum esse: quæ, ut optime nostis, sæpe in sua solet utrobique falli sententia; et de laude videlicet, et de vituperatione. Probate, si placet, et æstimate, quatenus amor vel favor vester et justus, et eo sit amplius amico gratus, quo pro meritis moderatus: ut cum laus de gravitate judicii, non mendacio processerit vulgi, et si minus honoris, minus quoque conferat et oneris. Est certe quod me magis, quantuluscumque sum, facit esse vestrum; quod videlicet in rebus Dei strenue sincereque, ut aiunt, pro vestra vice versamini. Hoc ut semper de vobis vere dicatur, semper in vobis vere inveniatur.

<sup>1</sup> Rom. i, 21, 28. — <sup>2</sup> Coloss. iiii, 3. — <sup>3</sup> Isai. vii, 9, sec. LXX. — <sup>4</sup> Habac. ii, 4. — <sup>5</sup> Joan. xvii, 3. — <sup>6</sup> I Joan. iv, 16. — <sup>7</sup> I Cor. i, 24. — <sup>8</sup> Rom. viii, 19, 20. — <sup>9</sup> Psal. lxi, 10. — <sup>10</sup> II Cor. xii, 6. <sup>a</sup> Alias, *Laudamus*.

5. Librum quem quæstistis ad transcribendum, habetis. Opuscula nostra quæ requiritis, et pauca sunt, et nihil est in eis omnino quod vestro studio dignum putem. Tamen quia melius iudico mihi, nostrum culpari ingeniolum, quam voluntatem; et periclitari apud vos potius imperitiam, quam obedientiam : quæ horum, et quo vobis placet ut mittam, scripto nobis per præsentem nuntium significate; ut quæ modo penes me non sunt, ab his qui habent ea requiram, et dirigam quocumque mandaveritis. Et ut sciatis quid petatis, scio me scripsisse libellum, qui inscribitur, de Humilitate; et quatuor homilias in Laudibus Virginis Matris (nam hunc B habet titulum), super illum videlicet locum Evangelii apud Lucam, ubi dicitur, *Missus est angelus Gabriel*<sup>1</sup>; necnon et Apologiam ad quemdam amicum nostrum<sup>a</sup>, ubi aliqua disserui de Cluniacensibus, et nostris, id est Cisterciensibus, observantiis. Sed et paucas ad diversos epistolas dictavi. Aliqui fratres ex his qui me coram audire loquentem, suo stilo exceperunt, et penes se retinent. Utinam, quod minime spero, nostravobis in aliquo possit esse officiosa rusticitas.

57

A

EPISTOLA XX.<sup>c</sup>

AD HAIMERICUM CANCELLARIUM.

Unde supra.

Viro illustri domino HAIMERICO sanctæ Romanæ Sedis cancellario, frater BERNARDUS de Clara-Valle, salutem et orationem.

Quia semel ceppi, loquar, et loquar ad vos : eroque importunus, sed importunus charitatis, sed veritatis, sed justitiæ. Nam etsi tanti non sum, ut Romæ habeam propria negotia; nulla tamen quæ Dei esse constiterit, a me duco aliena. Quapropter si veræ id mihi gratiæ apud vos manet quod multorum habet opinio, liceat illud obsecro legatis domini archiepiscopi Remensis in præsentī negotio experiri. Nil quippe eos, nisi quod justum est, perferre vel quærere suspicamur.

C

EPISTOLA XIX.<sup>b</sup>

AD EUNDEM.

Commendat Remenses legatos.

Tempus est ut promissum exigam; utque probe ne forte frustra de vobis semper confisus sim, ex quo vestram et notitiam merui, et amicitiam. Mihi siquidem vos præstitisse confidite, quidquid opis vestræ isti Remenses<sup>\*</sup> legati præsto sibi esse persenserint. Non quia me tanti partem, hæc audeo, sed quia vos promisistis : utrumne digne, vos videritis.

D

EPISTOLA XXI.<sup>d</sup>AD MATTHEUM LEGATUM<sup>\*</sup>.

Excusat se perbelle, quod vocatus ad negotia tractanda, non accesserit.

1. Fuit quidem parere paratum cor meum; sed non æque et corpus meum. Sævientis siquidem acutæ febris exusta ardoribus, et exhausta sudoribus, non valuit sufficere spiritui prompto caro infirma. Volui ergo, sed prævolanti voluntati obstitit ea quam dixi occasio. Quæ an justa sit, ipsi iudicent amici nostri, qui me omni exclusa excusatione, obedientiæ retibus circumclusum, quotidie de claustro ad civitates pertrahere moliuntur; simulque attendant istam me occasionem non fallaciter adinvenisse, sed graviter pertulisse : ut vel nunc experiantur, quia

<sup>1</sup> Luc. 1, 26.<sup>a</sup> Guillelmum scilicet S. Theoderici abbatem, quæ Apologia legitur hic in tomo 2.<sup>b</sup> Scripta circa annum 1127. — <sup>c</sup> Scripta circa eundem annum. — <sup>d</sup> Scripta sub finem anni 1127.

non est consilium contra consilium Domini.<sup>58</sup> Quibus si ego respondissem, *Exui tunicam A meam, quomodo induam illam? lavi pedes meos, quomodo inquinabo illos?* profecto indignarentur. Nunc autem divino aut succenseant, aut acquiescant iudicio, quo factum est ut etsi velim, non valeam proficisci.

2. Sed grandis, inquiunt, fuit causa, gravisque necessitas. Quærendus ergo fuerat qui grandibus definiendis fuisset idoneus. Si me talem putant, ego me talem non esse nequaquam puto, sed scio. Denique sive grandia sint, sive parva, ad quæ me ita perurgent; ego causam non habeo. Quæro siquidem: Facilia sunt an difficilia, quæ ad perturbandum amicum silentium tantopere imponere curatis amico? Si facilia, absque me possunt fieri; si difficilia, per me non possunt effici. Nisi forte tanti æstimor, cui grandia et impossibilia reserventur, tantquam ea ego possim, quæ nemo alius facere potest. Quod si ita est: Domine Deus meus, quomodo tuum de me solo frustratum est iudicium, ponens sub modio lucernam, quæ poterat lucere super candelabrum; et, ut apertius loquar, tentans me facere monachum, et volens abscondere in tabernaculo tuo in die malorum, hominem necessarium mundo, sine quo episcopi non possunt sua pertractare negotia? Sed et hoc mei mihi necessarii præstiterunt, ut nunc quoque videar loqui turbatus homini, cujus nunquam nisi serenus et cum omni iucunditate soleo recordari. Vos tamen (vobis dico, pater) noveritis quia paratus sum, et non sum turbatus, ut custodiam mandata vestra. Vestræ autem indulgentiæ erit parcere mihi, ubi parcendum decreveritis.

## EPISTOLA XXII.<sup>a</sup>

AD HUMBALDUM \* LUGDUNENSEM ARCHIEPISCOPUM  
ET LEGATUM.

Causam episcopi Meldensis commendat.

Reverendissimo domino et patri suo HUMBALDO  
Lugdunensi archiepiscopo, Romanæ Sedis

legato, frater BERNARDUS Claræ-Vallis abbas,  
si quid potest peccatoris oratio.

Dominus episcopus Meldensis \* cum accepit litteras vestras, forte tunc ad nos visitandi gratia veniebat. Cumque jam e domo nostra rescribere pararet, suis nostras tanquam vestri familiaris litteras jungere curavit, suo sperans negotio profuturas. Cui cum non possem negare quod vellet, id solum vestræ Reverentiæ familiariter breviterque intimandum putavi: quia si adversus episcopum quærentem quæ sunt Jesu Christi, homines se ipsos amantes, et quæ sua sunt quærentes audieritis, hoc nec vestræ congruit dignitati, nec officio.

## EPISTOLA XXIII.<sup>b</sup>

AD ATTONEM \* TRECENSEM EPISCOPUM.

Attonem episcopum, qui in morbo mortem cogitans, omnia sua distribuerat in pauperes, restitutum valetudini solatur, et laudat.

Pauperi episcopo pauper abbas, paupertatis consequi præmium, quod est regnum cælorum.

1. Laudarem vos, et jure laudarem, si non me revocaret illa sententia, *Neminem laudaveris in vita sua*<sup>2</sup>; siquidem rem laude dignam egistis: sed ei laus adscribenda est, a quo accepistis et velle, et perficere, quod merito laudaretur. Deum ergo per vos, et in vobis operantem glorificamus, qui tantum ad hoc in vobis voluit glorificari, ut et vos redderet gloriosum. Qui nimirum cum sit mirabilis in majestate sua, etiam in sanctis suis gloriosus apparere dignatur, ne solus habeat gloriam. Ipse nempe licet sit sibi sufficiens ad omnem magnificentiam, quærit tamen gloriam et in sanctis, non ut argueat sibi, sed ut suis communicet. Novit autem qui sunt ejus: sed nobis non facile innotescunt, nisi cum ipse revelare dignabitur. Scimus sane de qualibus scriptum est: *In labore hominum non sunt, et cum hominibus non flagellabuntur*<sup>3</sup>.

<sup>1</sup> Cantic. v, 3. — <sup>2</sup> Eccli. xi, 30. — <sup>3</sup> Psal. lxxii, 5.

<sup>a</sup> Scripta ante annum 1128. — <sup>b</sup> Scripta circa eundem annum.

Et quia vobis hæc ipsa sententia non congruat, <sup>59</sup> nihilominus modo cognoscimus. Scriptum quoque est : *Quem diligit Dominus corripit, flagellat autem omnem filium quem recipit*<sup>1</sup>. Flagellatum video et emendatum, et aliud suspicer quam unum esse ex filiis? Porro correctionis vestræ clarum satis insigne tenemus, ipsam nunc paupertatem vestram. Nobilis revera titulus paupertatis, quam ipse Deus ore commendans prophetico : *Ego sum*, ait, *vir videns paupertatem meam*<sup>2</sup>. Super omnes regios thesauros hic vos titulus nobilitat amplius, et reddit illustrem.

2. Scio me ex Scriptura commemorasse superius, non esse laudandum hominem in vita sua. Vnum quomodo me possum colibere a laude illius, qui post aurum abire jam desiit, et sperare contempsit in pecuniæ thesauris? De quali nimirum viro Scriptura sic loquitur : *Quis est hic, et laudabimus eum? fecit enim mirabilia in vita sua*<sup>3</sup>. An fortasse non est quidem laudandus homo in vita sua, quæ tentatio est super terram : nec ideo tamen laudandus non est, cum mortuus peccato vivit Deo? Vana quidem laus et seductoria, qua laudatur peccator in desideriis animæ suæ, in quo qui me beatificat, in errorem inducit : sed non ideo prædicanda, et multum commendanda non erit illius vita, qui dicere potest, *Vivo autem jam non ego, vivit vero in me Christus*<sup>4</sup>. Cum ergo laudatur homo in quo jam vivit non ipse, sed Christus; non in sua laudatur, sed in Christi vita : ac per hoc non laudatur contra sententiam, quæ prohibet hominem laudari in vita sua.

3. Cur denique dignus meis laudibus non erit, quem sui quoque nominis Deus laude dignatur, dicente David : *Pauper et inops laudabunt nomen tuum*<sup>5</sup>? Laudatur Job, quod sua patienter amisit : et non laudabitur episcopus qui et libenter dimisit, et liberaliter distribuit? Non expectavit mortem, quando jam nec dare, nec retinere in sua haberet potestate : quod utique multi faciunt, quorum videlicet testamentum nonnisi in mortuis confirmatur : sed adhuc inter spem vitæ metumque positus mortis, vivens libensque dispersit et dedit pauperibus, ut justitia ejus maneret in sæculum sæculi<sup>6</sup>. Numquid et pecunia mansura similiter erat in sæculum sæculi? Bona ergo recompen-

satio justitiæ pro pecunia, quando pro eo quod teneri non poterat, id restitutum est quod feliciter maneat in æternum. Melior est enim incomparabiliter justitia, quam pecunia, quod illa ditet et repleat arcam, hæc animam. Denique sacerdotes Dei induuntur justitia, et multo utique decentius et ditius, quam auro vel serico.

4. Sed gratias Deo, qui jam harum rerum in vobis gloriæ transitorie gloriosum est operatus contemptum, dum de animæ periculo saluberrimum incussit metum. O mira circa vos divina clementia! Mortem intentavit, ne inferret : formidare vos voluit, quam vos noluit experiri. Cum hoc fecit, quid effecit, nisi ne vestra vobis essent chariora quam vos? Inter medullas artuum febris acuta sæviebat, et tardante sudore, cruciatus vehemens in dies ingravescerebat. Cunque jam foris membris frigescentibus calor molestissimus introrsum se colligens, exhausta longa inedia viscera depasceret, pallidæ interim mortis ante oculos tristis versabatur imago. Et ecce tanquam de supernis vox emissa divinitus insonnerit, *Ego sum, ego sum qui deleo*, non te, sed *iniquitates tuas*<sup>7</sup>; mox ubi sacerdos Dei, ut pauper moreretur, sua omnia pauperibus erogavit, cœperunt subito de intimis desperati jam sudoris inopinati fontes erumpere; sicque animæ pariter et corporis suo ordine salutis utraque procedens, liquido monstravit in vobis adimpletum quod in Scriptura sua pollicetur Deus : *Ego occidam, et ego vivere faciam; percutiam, et ego sanabo, et non est qui de manu mea possit eruere*<sup>8</sup>. Percussit carnem, ut anima sanaretur : occidit avaritiam, ut justitiæ viveretis. Sic vivificato et sanato, quid sperandum est, nisi ut jam non sit qui vos de manu Dei possit eruere? si tamen evangelicum illud consilium observare non negligitis : *Ecce sanus factus es, jam noli peccare, ne deterius aliquid tibi contingat*<sup>9</sup>. Quod videlicet ideo præmonet pius Pater, quia non vult ut contingat : quippe qui non vult mortem peccatoris, sed magis ut convertatur et vivat. Et merito. Quæ enim utilitas in sanguine peccatoris? non enim infernus confitebitur Deo, neque mors laudabit eum : sed vos qui vivitis, benedicitis Domino, et dicitis, *Non moriar, sed vicam, et narrabo opera Domini*; et illud, *Impulsus eversus sum ut caderem, et Dominus suscepit me*<sup>10</sup>.

<sup>1</sup> Prov. III, 12, et Hebr. XII, 6. — <sup>2</sup> Thren. III, 1. — <sup>3</sup> Eccl. XXXI, 8, 9. — <sup>4</sup> Galat. II, 20. — <sup>5</sup> Psal. LXXXIII, 21. — <sup>6</sup> Psal. CXL, 9. — <sup>7</sup> Isai. XLIII, 25. — <sup>8</sup> Deut. XXXII, 39. — <sup>9</sup> Joan. V, 14. — <sup>10</sup> Psal. CXVII, 17, 13.

EPISTOLA XXIV.<sup>a</sup>

AD MAGISTRUM GILLEBERTUM UNIVERSALEM \*,  
EPISCOPUM LONDONIENSEM.

Laudat Gillebertum, quod factus episcopus paupertatem colat.

Longe satis exiit sermo quem fecisti, et magnum dedit suavitatis odorem, ad quoscunque B potuit pervenire. Exstincta est avaritia; cui non suave redoleat? charitas regnat; cui dulce non sapiat? quando hoc cognoscunt omnes, quia vere sapiens sis, qui sapientiæ hostem maximum contrivisti: hoc certe et tuo sacerdotio dignum, et nomine. Tali profecto decebat specialem<sup>b</sup> tuam philosophiam clarescere testimonio, hoc præclara illa tua studia fine compleri. Vera illa et indubitata sapientia est, quæ turpia lucra contemnit, et indignum sibi iudicat eodem cum idolorum servitute contubernio frui. Non magnum fuit magistrum Gillebertum episcopum fieri: sed episcopum Londoniensem C pauperem vivere \*, id plane magnificum. Nec enim tanto nomini quidquam augere gloriæ potuit sublimitas dignitatis: auxit autem plurimum humilitas paupertatis. Pauperiem æquo animo ferre, virtus patientiæ est: sponte appetere, sapientiæ laus est. Laudatur denique et admirabilis prædicatur, qui post aurum non abiit: qui vero et abiecit, plus nihil merebitur? Nisi quod vigil ratio mirandum minime ducit, si sapiens sapienter agit, et ille sapiens qui in cunctis hujus mundi sapientium litteris et studiis ludens, omnem quoque studuit et potuit divinam quodammodo revocare et renovare Scripturam. Quid enim? Dispersisti, dedisti pauperibus, sed pecuniā. Quid vero pecunia est ad illam quam pro ea commutasti justitiā? *Justitia*, inquit, *ejus manet in sæculum sæculi*<sup>1</sup>. Num ita et pecunia? Quæstuosum sane honestumque commercium, illam quæ præterit, pro illa dare quæ permanet. Sic semper tibi negotiari detur, bone et omni laude prosequende magister. Superest ut laudabile prin-

<sup>a</sup> cipium condignum consequatur finem, et cauda hostiæ capiti jungatur\*. Benedictionem tuam libenter accepimus, præsertim quod tanta tuæ hujus perfectionis fuerit cumulata jucunditate. Latorem epistolæ, etsi pro seipso satis commendabilem, tamen etiam pro me vestræ magnificentiæ esse cupio commendatum. Est siquidem mihi pro sua honestate et religiositate charissimus.

EPISTOLA XXV.<sup>c</sup>

AD HUGONEM ROTOMAGENSEM ARCHIEPISCOPUM \*.

Hortatur Hugonem, ut apud suos Rotomagenses patiens simul ac pacificus esse studeat: zelum quoque discretionem moderetur.

1. Si diei malitia invalescit, non prævaleat; si turbat, non perturbet. Mirabiles elationes maris, sed mirabilior in altis Dominus. Benigne, si non dissimulas, egit tecum usque adhuc superna misratio, pater illustris. Provida namque dispensatione, non prius præfectus es malis, quam sociatus bonis, quorum consortio et exemplo bonus fieres, et sic postmodum etiam inter malos vivere bonus posses. Et quidem inter bonos bonum esse, salutem habet; inter malos vero, et laudem. Illud tantæ facilitatis est, quantæ et securitatis: hoc tantæ virtutis, quantæ et difficultatis. Quale nempe est istud, tangere picem, et non inquinari ex ea; in igne sine læsione versari, et in tenebris absque caligine? Palpabant quondam tenebras Ægyptii, cum tamen de populo Dei Scriptura dicat: *Ubi-cumque Israel erat, lux erat*<sup>2</sup>. Erat David verus D Israelita, et ideo caute dicebat se habitare non in Cedar, sed *cum habitantibus Cedar*<sup>3</sup>, tanquam qui semper habitaret in lumine, licet ipsi fuerit cum habitantibus Cedar corporalis cohabitatio. Unde et arguit quosdam non veros Israelitas, quod commixti inter gentes didicerint opera eorum, et factum sit illis in scandalum<sup>4</sup>.

2. Dico ergo: sufficiebat tibi apud Cluniacenses custodire innocentiam, sicut scriptum

<sup>1</sup> Psal. cxi, 9. — <sup>2</sup> Exod. x, 23. — <sup>3</sup> Psal. cxix, 5. — <sup>4</sup> Psal. cv, 35, 36.

<sup>a</sup> Scripta circa annum 1130. — <sup>b</sup> Alias, *spiritualem*. — <sup>c</sup> Scripta anno Christi 1130.

est, *Cum viro innocente innocens eris*<sup>1</sup>. Por-<sup>12</sup> tanto cleri populi que consensu fuisse celebra-  
ro apud Rotomagenses<sup>a</sup> opus est patientia, A  
quemadmodum docet Apostolus, *Servum Dei*,  
inquiens, *non oportet litigare, sed magis pacien-*  
*tem esse ad omnes*<sup>2</sup>; nec solum patientem, qui  
nolit vinci a malo, sed et pacificum, qui vinceret  
in bono malum: alterum, ut malos portes; al-  
terum, ut et quos sustines, sanes. In patientia  
tua possides animam tuam<sup>3</sup>: sed sis etiam pa-  
cificus, ut et commissas tibi possideas. Quæ  
tanta gloria quam dicere posse: *Cum his qui*  
*oderunt pacem, eram pacificus*<sup>4</sup>? Esto ergo pa-  
tiens, quia es cum malis: esto pacificus, quia  
præes malis. Habeat charitas zelum, sed adhi- B  
beat pro tempore modum severitas. Censura  
quidem nunquam remissa, intermissa tamen  
plerumque plus proficit. Vigor justitiæ semper  
fervidus, sed nunquam præceps. Sicut non  
omne quod libet, licet; sic non omne quod li-  
cet, statim etiam expedit. Hæc melius me ipse  
nosti, ideoque supersedeo. Orari pro me instan-  
ter postulo, quia incessanter pecco.

tam accepimus. Gratulamur gratiæ ejus, ne di-  
cam meritis tuis: quoniam ne tibi plusquam  
oportet, blandiamur, non ex operibus justi-  
tiæ, quæ fecisti, sed secundum suam miseri-  
cordiam hoc fecit tibi. Si secus tu (quod absit)  
sapis; erit exaltatio in ruinam. Si autem co-  
gnoseis gratiam, vide ne in vacuum acceperis.  
Bonas fac de cætero vias tuas, et studia tua, et  
ministerium sanctum: si vitæ sanctitas non  
præcessit, sequatur saltem. Tunc vere fatebi-  
mur te præventum in benedictionibus dulcedi-  
nis, tibi de bonis meliora sperantes. Exultabi-  
mus et lætabimur, quod fidelis servus et prudens  
constitutus sit super familiam Domini: futurus  
ex hoc filius felix et potens, super omnia bona  
Patris constituendus. Alioquin si altiore quam  
meliolem esse delectat, non præmium, sed præ-  
cipitum expectamus. Optamus et oramus ne  
hoc contingat, parati, si opus est, obvias ma-  
nus apponere; et pro nostro exiguo posse, ju-  
vare ad id potius quod decet et expedit.

## EPISTOLA XXVI.<sup>b</sup>

AD GUIDONEM LAUSANNENSEM<sup>c</sup> EPISCOPUM.

Manum vestram misistis ad fortia; opus est  
fortitudine. Speculator domui Israel factus  
estis; opus est prudentia\*. Sapientibus et in-  
sipientibus debitor estis, opus est justitia. Po-  
stremo maxime temperantia opus est: ne qui  
aliis prædicat, ipse (quod absit) reprobus fiat.

## EPISTOLA XXVII.<sup>d</sup>

AD ARDUTIONEM<sup>a</sup> GEBENNENSEM ELECTUM.

Monet ut electionem suam divinæ gratiæ tribuat, eique  
sedulo deinceps cooperari studeat.

Credimus electionem tuam esse a Deo, quam

## EPISTOLA XXVIII.<sup>f</sup>

AD EUNDDEM JAM EPISCOPUM.

Interim hortatur ut dignitatem, quam sine meritis præ-  
cedentibus obtinuit, saltem subsequentibus ornet.

1. Præbet audaciam charitas, ut fiducialius  
loquar tibi. Cathedra, charissime, quam nuper  
sortitus es, hominem multorum expetit meri-  
torum: quæ in te aut nulla, aut non quantum  
satis est, præcessisse dolemus. Siquidem et facta  
D tua, et studia tua præterita in nullo prorsus visa  
sunt episcopali convenire officio. Quid tamen?  
Non potest Deus de lapide hoc suscitare filium  
Abrahæ? non potest facere Deus, ut quem  
præire debuerant bona, vel subsequantur?  
quod utique et libentius accipimus, si contin-  
gat. Nescio enim quo pacto plus placebit subita  
hæc mutatio dexteræ Excelsi, quam si vitæ  
prioris merita suffragarentur. Dicemus nempe,  
quia *a Domino factum est istud, et est mirabile*

<sup>1</sup> Psal. xvii, 26. — <sup>2</sup> II Tim. ii, 24. — <sup>3</sup> Luc. xxi, 19. — <sup>4</sup> Psal. cxix, 7.

<sup>a</sup> Alias, *Rotomagum*. — <sup>b</sup> Scripta circa annum 1130. — <sup>c</sup> Alias, *Lausannensem*. — <sup>d</sup> Scripta circa annum 1135.

<sup>e</sup> Alias, *Ardutium*. — <sup>f</sup> Scripta anno Christi 1135.



*in oculis nostris* <sup>1</sup>. Sic Paulus ex persecutore doctor Gentium factus est; sic Matthæus de telonio vocatus, sic Ambrosius de palatio assumptus est; iste ad episcopatum, ille ad apostolatam. Sic alios quam plures novimus de vita et habitu sæculari utiliter exstitisse promotos. Denique nonne multoties ubi superabundaverunt delicta, videtur superabundare et gratia?

2. Et ut igitur, charissime, his atque hujusmodi animatus exemplis, præcinge sicut vir lumbos tuos, bonas facito deinceps vias tuas, et studia tua: quatenus novissima tua antiqua sopiant, et delicta juventutis tuæ debeat vespertina correctio. Paulum imitari curato in honorificando ministerium tuum. Honorificabis autem gravitate morum, maturitate consiliorum, actuum honestate. Hæc sunt quæ officium episcopale maxime nobilitant et ornant. Omnia fac cum consilio, nec tamen omnium aut quorumcumque, sed tantum bonorum. Bonos in consilio, bonos in obsequio, bonos habeas contubernales, qui vitæ et honestatis tuæ et custodes sint, et testes. In hoc enim te bonum probabis, si testimonium a bonis habueris. Sint pietati vestræ commendati pauperes fratres nostri, qui circa vos sunt. Alpenses, illi de Bono-Monte, et illi de Altacumba. In his experiemur C quanta vobis de nobis cura sit.

ter et orantes vos prosperari in Dei opere ad quod assumptus fueratis, et gressus vestros dirigi in semitam mandatorum ipsius. Benedictus itaque Deus, qui non amovit orationem nostram, et misericordiam suam a vobis; letificans utique nos per hunc venerabilem fratrem Guillelmum: ejus profecto nos non minus verbis, quam nostris credimus oculis de vestra sospitate et prosperitate ac pace per vos Ecclesiæ reddita. Congratulamur vobis: sed damus gloriam Deo, scientes quod estis et quod potestis, ipsius, non vestrum esse. Quod et vos semper sentire in vobis amicabiliter admonemus: ne nihil et esse, et posse incipiat si quid aliter sapitis, et vestris (quod absit) meritis vel viribus quidpiam horum adscribitis. Alioquin verendum, ne convertatur pax vestra in perturbationem, et prosperitas in adversitatem; sic nimirum illo juste judicante, qui ut humilibus gratiam dare, ita et superbis resistere consuevit: qui et non solum cum sancto sanctus, sed et cum perverso perversus, in Psalmo legitur <sup>2</sup>; nec tantum faciens pacem, sed et creans malum, per prophetam describitur <sup>3</sup>.

## EPISTOLA XXX.<sup>b</sup>

AD ALBERONEM PRIMICERIUM METENSEM \*.

Negotium quoddam, quod Albero urgebat, ex Dei beneplacito perficiendum monet, non tam requirens datum, quam fructum.

Honorabili viro ALBERONI, Dei gratia Metensis Ecclesiæ primicerio, fratres qui in Clara-Valle qualicumque obsequio serviunt Deo, salutem et orationem.

Fidelem curam vestram in his quæ Dei sunt, etsi jam olim et audieramus et videramus; sed nunc in nobis ipsi experiendo persensimus. Cæterum cum in his quæ nuper a nobis missi fratres, vestro quidem consilio, suggesserunt episcopo, et vestram benevolentiam, et ipsius episcopi promptum teneamus assensum: quia tamen Dei quoque beneplacitum in omnibus,

## EPISTOLA XXIX.<sup>a</sup>

AD STEPHANUM METENSEM EPISCOPUM \*.

Congratulatur Stephano de pace Ecclesiæ reddita, idque nonnisi unius Dei beneficio tribuendum.

STEPHANO Metensis Ecclesiæ Dei gratia strenuo D ministro; ejus in Christo humiles fratres de Clara-Valle, salutem et orationem.

Ex quo dudum, si recolitis, nostræ vos fraternitati dignanter sociastis, nostris vos orationibus humiliter commendastis; semper solliciti fuimus, ut debuimus, aliquid scire de esse vestro; et eventus vestros crebro sciscitari studuimus a quibus potuimus, desiderantes judi-

<sup>1</sup> Psal. cxvii, 23. — <sup>2</sup> Psal. xvii, 26. — <sup>3</sup> Isai. xlv, 7.

<sup>a</sup> Scripta circa annum 1126. — <sup>b</sup> Scripta circa annum 1126.

et his maxime quæ ad eum pertinent, ante omnia et super omnia necesse est nos et inquirere, et custodire; ideo ad comprobandum certius quid ipse de hac re potius velit, rem sicut inter episcopum monachosque convenerat, vestra utique industria mediante et ordinante qualiter fieri deberet, et hortante ut celeriter, et juvante ut honorabiliter fieret; non quidem omittendam, sed usque post missionem, tum pro vestra, tum pro temporis opportunitate expectanda, necessario intermittendam esse putavimus. Jam vero tunc, si et episcopi voluntas in eodem perstiterit, et vobis nihilominus idipsum æque ut modo placuerit: tali conjectura Dei quoque esse consilium securius confidentes, speramus nos vestræ utriusque devotioni juxta quod diffinitum erat, satis esse facturos. Arbitramur enim acceptum esse Deo, si quantum in nobis est, nemini oneri esse studuerimus: ne non tam fructum, quam datum in hoc ejus negotio requirere (quod absit) videamur; et præcipue vestris nos majoribus atque instantioribus occupationibus sub hujus rei occasione importunius ingerere, et molestos, cum necesse non est, vobis exhibere; et hoc gratum non esse Deo, et nostris scimus moribus non congruere.

## EPISTOLA XXXI.<sup>a</sup>

AD HUGONEM COMITEM CAMPANIE\*, MILITEM  
TEMPLI FACTUM.

Hugoni gratulatur ob susceptam militiam sacram; et beneficiorum memoriam promittit.

Si causa Dei factus es ex comite miles, et pauper ex divite; in hoc profecto tibi, ut justum est, gratulamur, et in te Deum glorificamus, scientes quia hæc est mutatio dexteræ Excelsi. Cæterum quod tua jucunda presentia nobis ita nescio quo Dei est subtracta judicio, ut ne interdum quidem videre te valeamus, sine quo nunquam, si fieri posset, esse vellemus; æquanimitèr, fateor, non portamus. Quid enim?

possumusne oblivisci antiqui amoris, et beneficiorum quæ domui nostræ tam largiter contulisti\*? Utinam ipse pro ejus amore fecisti, in æternum non obliviscatur Deus. Nam nos, quantum in nobis est, minime prorsus ingrati, memoriam abundantiae suavitatis tuæ mente retinemus, et si liceret, opere monstraremus. O quam libenti animo et corpori tuo pariter et animæ providissemus, si datum fuisset, ut simul fuissemus! Quod quia non est, restat ut quem præsentem habere non possumus, pro absente semper oremus.

## EPISTOLA XXXII.<sup>b</sup>

AD ABBATEM SANCTI-NICASHI REMENSIS\*.

Abbatem ob discessum et transitum Drogonis monachi ad aliud monasterium, consolatur, et ad patientiam hortatur.

1. Quanto affectu tibi condoleam, scit ille qui nostros omnium dolores in corpore suo tulit. Quam libenter tibi, si scirem, consulere; si possem, succurrere: tam efficaciter ipse mihi qui omnia scit, et omnia potest, in cunctis meis necessitatibus consulat et succurrat. Si frater Drogo de sua discessione me consulisset, absit ut consentirem: si post discessionem ad nos divertisset, absit ut susceperem. Denique, quod solum potui, ad abbatem qui eum suscepit, nostras mox, sicut seis, pro eo litteras misi. Et nunc super hoc quid tibi ultra possum facere, pater? Jam vero quantum ad te pertinet, optime mecum novit Sanctitas tua, perfectos solere viros non solum in spe, sed et in tribulationibus gloriari, consolante eos Scriptura, et sic loquente: *Vasa figuli probat fornax, et homines justos tentatio*<sup>1</sup>. Juxta est Dominus his qui tribulato sunt corde<sup>2</sup>; et, *Per multas tribulationes oportet nos introire in regnum celorum*<sup>3</sup>; et, *Omnes qui pie volunt vivere in Christo, persecutionem patientur*<sup>4</sup>. Nec ideo tamen immerito his quos in anxietate positos videmus, amicis nostris compatimur; quibus utique dum

<sup>1</sup> Eccli. xxvii, 6. — <sup>2</sup> Psal. xxxiii, 20. — <sup>3</sup> Act. xiv, 21. — <sup>4</sup> II Tim. iii, 12.

<sup>a</sup> Scripta anno Christi 1125. — <sup>b</sup> Scripta circa annum 1120.

\* Priores istæ litteræ exciderunt, ut patet ex epistola sequente, in qua earum quedam verba referuntur.

exitum ignoramus, defectum metuimus : quoniam quidem sicut sanctis et electis tribulatio A operatur patientiam, patientia probationem probatio spem, spes autem non confundit<sup>1</sup>; sic damnandis et reprobis tribulatio parit e contrario pusillanimitatem, pusillanimitas perturbationem, perturbatio desperationem, et illa interimit.

2. Ne ergo hæc te tam horrenda ( quod Deus avertat ) demergat tempestas aquæ, ne hujus tam tremendæ abyssi absorbeat profundum, neve urgeat super te tam inexplibilis puteus os suum : sollicitè studeat humilis prudentia tua non vinci a malo, sed vincere in bono malum. B

Vinces autem, spem tuam in Deo fortiter figendo, et rei finem longanimitè expectando. Et si quidem ille resipuerit, sive ob tui timorem, sive ob suum laborem; bene : sin autem, bonum est tibi humiliari sub potenti manu Dei, et nequaquam velle resistere supernæ dispositioni; quia si ex Deo est, non poterit dissolvi. Conandum est potius tibi, tuæ licet justæ indignationis stimulos illa reprimere sententia, quam quidam sanctorum in simili fertur causa protulisse. Siquidem instigantibus eum quibusdam fratribus atque increpantibus, cur suum in sui injuriam ab alia susceptum Ecclesia fugitivum non requireret : « Nequaquam, » inquit. « Ubicumque enim est, si bonus est, meus est. »

3. Fraudulenter tibi et non fideliter consulo, si idipsum a me ipso non exigo. Nam cum unus noster non solum religione professus, sed et carne propinquus<sup>a</sup>, Cluniaci me invito et susceptus sit, et detineatur; doleo quidem, sed sileo, orans et pro illis ut velint ablatum reddere, et pro illo ut velit sponte redire : sin vero, servans ei vindictam qui facturus est judicium injuriam patientibus, et arguere habet in æquitate pro mansuetis terræ. Fratrem Hugonem de Lausanna ore tuo, et nostro spiritu commone- D mus non omni spiritui credere, et ne cito moveatur certa pro incertis deserere, sciens diabolum soli semper perseverantiæ insidiari, quam solam virtutum novit coronari : tutiusque esse in ea vocatione qua vocatus est, simpliciter perseverare, quam sub specie quasi melioris boni, id quidem quod jam cœpit, dimittere, nec ad id quod præsumit, fortassis sufficere.

## EPISTOLA XXXIII.<sup>b</sup>

AD HUGONEM PONTINIACENSEM ABBATEM.

Planius mentem suam perscribit de susceptione Drogonis, et omnem a se sinistram suspicionem depellit.

Dilectissimo suo domino HUGONI abbati, frater BERNARDUS de Clara-Valle, idem quod sibi.

1. In nostris prioribus litteris<sup>c</sup> aut ego, quantum ex vestris perpenditur, minus aperte scripsi quod volui; aut vos aliter illas intellexistis quam debuistis. Siquidem quæ vobis de monachi illius susceptione eventura denuntiavi, veraciter ita timui, et adhuc timeo, ut scripsi. Non tamen ad hoc illa vobis prædicere studui, quo vel suaderem, vel consulerem; vel certe ut scribitis, censerem illum debere reddi : quippe qui ipsius jamdudum ferventissimum desiderium novi, et ei potius, quod nunc illud adimplerit, debeo congratulari. Sed cum a familiarissimo nobis abbate ejus, et ab archiepiscopo Remensi<sup>d</sup>, nostræ litteræ ad requirendum illum vehementer exigerentur; ut a me, si fieri posset, omnem depellerem suspicionem, tales, prout scivi, dictare curavi, quibus et ipsis satisfacerem, et vos contra eorundem imminentes calumnias, vobis illas non tacendo, præmunirem. Hæc me ita in illis litteris sensisse vestram sagacitatem vel ex eo advertere posse credidi, quod in fine illarum posuisse me memini, si tamen eo a vobis oculo legeretur, quo a me scriptum fuit. Nam cum denuntiatis malis quæ non immerito vobis metuebam, tandem D inferrem, « Quod si hæc omnia pati melius » ducitis, quam illum amittere; mea nihil inter- » est, vos videritis : » aut enim ipsa mea verba sunt hæc, aut proprie ipsa : cum itaque hoc in fine dixi, quid aliud vobis quam illa superiora dispensatorie ( ut non dicam, simulatorie ) a me ita scripta fuisse latenter intimavi?

2. Quod vero scripsistis, me per nuntium eidem monacho de quærenda, si ad nos divertisset, ipsius absolute privatum insinuas-

<sup>1</sup> Rom. v, 3 5.

<sup>a</sup> Robertus, ad quem epistola 1. — <sup>b</sup> Scripta circa annum 1120. — <sup>c</sup> Exciderunt hæ litteræ. — <sup>d</sup> Radulfo Viridi.

se; veritatem testor, hoc verum non esse. Ego-<sup>46</sup> ne de notissimo mihi monasterio vel jactarem, vel sperarem monachum me posse suscipere, quem nec vos quidem puto sine grandi scandalo posse retinere? Sed esto. Invidebam illum vobis, et mihi attrahere gestiens, aliquid de ejus obtinenda absolute machinari me posse sperabam sive fingebam. Sed numquid credendum fuit, me hoc meum consilium ipsi nuntio, quod utique contra suum monasterium exco-gitaveram, voluisse patefacere? Sed jam, ne quod de nostra erga vos dilectione hucusque credidistis, falso vos credidisse inveniat; pro vestra (ut video) causa, non saltem aequè ut pro mea, imo multo amplius laborandum est mihi, et hoc non quomodo hucusque solebam, ut videlicet nostra unanimitas fortius solidetur, sed ne penitus dissolvatur. Quid dicam vobis? Ego certe nec vobis, nec de vobis tale aliquid credere possem, quale vos sola de me suspicio-  
ne divinastis. De cætero noverit vestra Benignitas, comitem Theobaldum<sup>a</sup> nostras pro Humberto litteras jam recepisce, sed necdum suo mihi rescripto quidquam respondisse. Quid super hoc vobis agendum sit, ipsa vos melius pietas docebit, si pie hominis injuste exsulantis miseriam pensare non negligitis.

## EPISTOLA XXXIV.<sup>b</sup>

AD DRAGONEM MONACHUM<sup>c</sup>.

Congratulatur Drogoni, quod ad strictiorem observantiam transierit: hortaturque ad perseverantiam.

1. Quam non immerito tui jamdudum non mediocri fueram affectus amore, nunc apparet, dilectissime Drogo. Et ante quidem totum pulchrum, totum erat amabile quod cernebaris: sed ego nescio quid aliud de te supra id quod videbam aut audiebam ex te, excellentiori dignum veneratione præsen-  
seram. Numquid forte cœlestis Sponsi, cujus nunc arctius castis te amplexibus impressisti, jam tunc vocem audieras dicentis ad pudicissimam turturem suam animam tuam: *Tota pulchra es, amica mea;*

*tota pulchra, absque eo quod intrinsecus latet?* Quid fecisti? Quis hoc crederet? Sanctum te ac religiosissimum tota civitas personabat, ita ut nihil tibi addi posse crederetur ex omnibus bonis: et tu velut e sæcularibus unus, monasterium tanquam sæculum deserens, jam attritum Christi sarcina collum novæ rursum observantiæ disciplinæ submittere non erubescis? In te nunc, frater, veram probamus illam esse sententiam, qua dicitur: *Cum consummatus fuerit homo, tunc incipit*<sup>2</sup>. Indicium ergo tuæ consummationis est quod nunc cœpisti; et in quo arbitraberis te non comprehendisse, jam comprehenderas. Nemo quippe perfectus, qui perfectior esse non appetit; et in eo quisque perfectiorem se probat, quo<sup>d</sup> ad majorem tendit perfectionem.

2. Sed ecce, charissime, is cujus invidia mors intravit in orbem terrarum, arcum suum tetendit, et paravit illum: et quia pulsus de corde tuo intus potestatem amisit, foris sæviet quantum poterit. Et ut apertius loquar, nescis quia Pharisei scandalizati sunt in hoc verbo quod fecisti? Sed memento non omnium scandalum magnopere esse curandum, juxta responsionem Domini dicentis: *Sinite illos; cæci sunt, et duces cæcorum*<sup>3</sup>. Melius est enim ut scandalum oriatur, quam veritas relinquatur<sup>4</sup>. Memento, qui natus fuerit in ruinam et resurrectionem multorum<sup>5</sup>; et non mireris, si tu quoque aliis quidem sis odor vitæ in vitam, aliis odor mortis in mortem. Si maledictiones intentaverint, si anathematum intorserint spicula, audi Isaac pro te respondentem: *Qui maledixerit tibi, sit ille maledictus; et qui benedixerit tibi, benedictionibus repleatur*<sup>6</sup>. Sed et tu muro inexpugnabili conscientiae tuæ circummunitus, de intus responde, et dic: *Si consistant adversum me castra, non timebit cor meum; si exsurgat adversum me praelium, in hoc ego sperabo*<sup>7</sup>. Non enim confunderis cum sic loqueris inimicis tuis in porta. Confido autem in Domino, quod si ad primos ictus fortiter steteris, et nec minis eorum cesseris nec blandimentis, cito conteres satanam sub pedibus tuis: et tunc videbunt recti et lætabuntur, et omnis iniquitas oppilabit os suum.

<sup>1</sup> Cantic. iv, 7. — <sup>2</sup> Eccli. xviii, 6. — <sup>3</sup> Matth. xv, 14. — <sup>4</sup> Greg. homil. 7 in Ezech. — <sup>5</sup> Luc. ii, 34. — <sup>6</sup> Gen. xxvii, 29. — <sup>7</sup> Psal. xxvi, 3.

<sup>a</sup> Theobaldus comes Campaniae. Vide infra epistolam 37 et sequentes. — <sup>b</sup> Scripta circa annum 1120.

<sup>c</sup> In Colbertino 1410 et in Compendiensi, ad *Hugo-Dragonem*, tametsi in contextu epistolæ legatur, *Drogo*. Nomen est compositum ex vocabulo Hugonis abbatis Pontiniacensis, cui acceptissimus erat Drogo. — <sup>d</sup> Alias, *quod*.

EPISTOLA XXXV.<sup>a</sup>

AD MAGISTRUM HUGONEM FARSITUM\*.

Humberti ejusdam causam ei commendat, monetque ut in sententia quadam erronea corrigi non erubescat.

Charissimo fratri et coabbati suo HUGONI, frater BERNARDUS, debitum sincerissimæ dilectionis affectum.

Humbertum istum, injuste, ut aiunt, exhæredatum, cujus nos pro Dei amore apud vestrum Comitem causam tueri suscepimus, de vestra confidentes charitate vestro patrocinio committimus, per vos, ut fideliter speramus, terræ principi, cœli Domino cooperante, reconciliandum; patriæ, uxori, filiis, rebus et amicis suis restituendum. Hoc autem satagendo, et egenum de manu peccatoris liberabitis, et oppressoris ipsius nihilominus salutem consulitis: nobis quoque vos non mediocriter officiosum exhibebitis; sed et officium implendo C pacificorum, vobis inter filios Dei sedem in excelso collocabitis. De cætero, epistolam illam, quam ad me jam olim scribere Sanctitas vestra dignata est, non me (sicut vos audisse audivi) incendio tradidisse, sed penes me adhuc servare noveritis. Quid enim hoc livoris, imo furoris fuisset, opus utile et laudabile, ubi nihil nisi quod sanæ fidei, quod doctrinæ saluberrimæ, quod ædificationis spiritualis est deprehendi, temerario damnare judicio? excepto, quia inter amicos contra veritatem nulla debet esse meticulosa, cum sit periculosa, palpatio, quod hoc me, fateor, movit et movet, quod illam D inter nos jam ante habitam de Sacramentis collationem<sup>b</sup>, in principio prædicti opusculi defendere et adstruere conati estis. In qua utique collatione, si vestræ summam sententiæ bene meministis, an sensui conveniat<sup>c</sup> ecclesiastico, vos videritis. Vestræ autem ingenuæ humilitatis est non erubescere corrigi, si quid aliquando aliter sapuistis. Valet.

EPISTOLA XXXVI.<sup>d</sup>

AD EUNDEM.

Respondet litteris Hugonis, suadetque ut ab impugnanda episcopi jam defuncti sententia desistat.

Dilectissimo suo, et olim, et modo, Dei gratia sancto abbati HUGONI, frater BERNARDUS de Clara-Valle, irreverberatum sinceræ dilectionis affectum.

Ad litteras vestræ Dignationis, licet quidem breviores quam cupierim, longiores tamen quam meruerim, rescribere largius et debui, et volui: sed festinans nuntius non permisit. Ne tamen vacuus omnino recederet, pro tantis, quarum me debitorem agnosco, has tantillas, quas et vix expectavit, velocissime reddidi. Ubi primum breviter ac veraciter insinuo, antiquum nostrum et dilectorem, et dilectum, totis me charitatis visceribus et suscipere ut catholicum, et suscipere<sup>e</sup> ut sanctum, et amplecti ut charissimum. Siquidem de integritate fidei, credo vestræ confessioni; famæ et opinioni, de sanctitate; de affectu, quem erga vos me habere protestatus sum, propriæ conscientiæ. Nam quod illius sententiæ, quæ meæ simplicitati merito, ut mihi videbatur, scrupulum movebat, oblitum vos esse fateamini, tam libenter accipio, quam lætus compendiosam purissimæ veritatis assertionem in litteris vestris novissimis lego: ita ut me potius sensa vestra non intellexisse, quam vos quidpiam mali sensisse pene crediderim. Deinde modestiæ vestræ fraterna præsumptione D consulo, quatenus episcopum sanctum et doctum\*, quem quiete vivere permisistis, mortuum inquietare desinatis: ne dum non valentem pro se respondere reprehenditis, magis hoc ex charitatis inopia, quam veritatis fiducia descendere, totam pro eo respondentem Ecclesiam audiatis. Pro Humberto, sicut rogavi vos, iterum rogo; ut vestrum ei, cum poteritis, nec consilium desit, nec patrocinium. Valet.

<sup>a</sup> Scripta anno Christi 1128.

<sup>b</sup> Conjeciebam eundem esse Hugonem Farsitum, ejus sententiam impugnat Bernardus in epistola 77, quæ inter Tractatus relata est, ad Hugonem Victorinum; quod tamen nolim asserere.

<sup>c</sup> Alias, *congruat*. — <sup>d</sup> Scripta anno Christi 1128. — <sup>e</sup> Alias, *venerari*.

EPISTOLA XXXVII.<sup>a</sup>

AD THEOBALDUM COMITEM CAMPANIE.

Miratur se in causa Humberti justa et æqua petentem pati repulsam : monetque intuitu supremi Judicis misero non neget opem et misericordiam.

Laudabili principi THEOBALDO\*, BERNARDUS eorum qui in Clara-Valle sunt, servorum Dei inutilis servus, sospitatem et pacem.

1. Quod de nostra infirmitate vos audivi fuisse sollicitum, non mediocriter gratum habeo. In hoc quippe dum vestram erga me agnosco dignationem, Deum quoque vos diligere non dubito. Quando enim tantillum tantus vel nosse dignaremini, nisi propter Deum? Cum ergo constet quod diligitis Deum, et me propter ipsum; miror quomodo ad unam Dei fiducia præsumptam petitionem, nec injustam, ut puto, nec irrationabilem, a vobis tamen repulsus sum. Si aurum, si argentum, vel quodcumque hujusmodi quæsissem; vere, prout de vobis confido, sine dubio acceperissem<sup>b</sup>. Sed quid dico, quæsissem? Nam etiam non quærens, jam plurima vestræ largitatis beneficia suscepi. Hoc autem unum, quod non mei, sed Dei causa, nec tam mihi, quam vobis a vobis postulavi<sup>c</sup>, quid causæ exstitit, quod accipere non merui? Quid enim? ergone judicatis indignum vel mihi ad petendum, vel vobis ad præbendum, ut homini christiano, quantolibet apud vos crimine accusato, postquam se purgavit, faciatis misericordiam? Aut certe, si non creditis quod plene se purgaverit, quia hoc in curia vestra non fecit; ejusdem rursus vos in vestri præsentia recipiatis satisfactionem, et sic consequatur indulgentiam.

2. An ignoratis quis minetur, *Cum accepero tempus, ego justitias judicabo*? Quod si justitias, quanto magis injurias? An non timetis

<sup>49</sup> quod rursum scriptum est, *Quia in qua mensura mensi fueritis, remetietur vobis*? An nescitis quia quam facile vos Humbertum, tam facile, imo incomparabiliter facilius Deus Theobaldum (quod absit) exheredare possit? Et quidem in talibus, ubi culpa tam aperta atque inexcusabilis esse videtur, quatenus nulla nisi cum justitiæ periculo misericordiæ occasio relinquitur; etiam tunc tremens et dolens vindicem vos exhibere debetis, magis videlicet officii compulsus necessitate, quam vindicandi libidine. Ubi autem objectum crimen, aut minus certum esse cognoscitur, aut excusandum suscipitur; hoc non solum non renuere, sed et libentissime debetis amplecti, lætus nimirum quod salva justitia, pietas vestra locum invenerit. Ecce hoc secundo vestræ supplicio Eximietati, ut sicut Deum vobis vultis misereri, ita vos Humberto misereamini : sive illa vobis promissione dominica blandiente, *Beati misericordes, quoniam ipsi misericordiam consequentur*<sup>3</sup>; sive illa vos comminatione terrente, *Judicium sine misericordia illi qui non fecerit misericordiam*<sup>4</sup>. Valet.

EPISTOLA XXXVIII.<sup>d</sup>

AD EUNDEN.

Unde supra.

Pio principi THEOBALDO, BERNARDUS abbas de Clara-Valle, salutem et orationes.

1. Valde timeo ne occupatissimis auribus vestris, crebris interpellationibus meis præsumptuosius me ingerendo molestus fiam. Sed quid faciam? Si vos offendere timeo, sæpius ad vos scriptitando; quanto magis Deum, cui ntique magis timoris debeo, timendum est mihi, ne offendam non interpellando pro misero? Alias autem indulgeat mihi Benignitas vestra,

<sup>a</sup> Psal. lxxiv, 3. — <sup>2</sup> Matth. vii, 2. — <sup>3</sup> Id. v, 7. — <sup>4</sup> Jacobi ii, 13.

<sup>a</sup> Scripta anno Christi 1128.

<sup>b</sup> Ita codex S. Germani. Alias omittitur, *vere, prout de vobis confido, sine dubio acceperissem.*

<sup>c</sup> Hinc patet non esse hanc primam pro Humberto epistolam, sed priorem esse tempore epistolam 39, ex qua discimus Humberti patriam et supplicii genus.

<sup>d</sup> Scripta ann. Christi 1128.

quia non possum non misereri illius miseri, <sup>50</sup> pro quo jam en et alia vice importunus forsitan A precatore accessi, Humberti videlicet mendici et pauperis, et hoc facti de divite, quod est infelicius. Non possum non compati viduæ et orphanis, sed vivo orbatæ patre, quod est miserabilius. Gratias ago vobis pro gratia, quam de hac re in oculis vestris invenire merui, et quod ipsius Humberti pro se dignanter acquievistis veram suscipere defensionem, et quod falsam adversus ipsum justissime repulistis accusationem. Illud autem quod ad consummandum pietatis opus, reddendam uxori et liberis ejus suam hæreditatem benignissime disposueratis; B satis mirari non possum quid impedierit, ut tam pium verbum vestrum necdum factum consecutum sit.

2. Et quidem in aliis principibus si quando verbum levitatis, aut etiam falsitatis deprehendimus, nec novum, nec mirum reputamus. At vero apud comitem Theobaldum Est et Non nequaquam omnino patienter audimus: cui, ut dicitur, simpliciter dicere, jurare est; et leve mendacium, grave perjurium imputatur. Inter plurima quippe virtutum insignia, quæ vestram plurimum nobilitant dignitatem, et vestrum per orbem clarum reddunt et celebre nomen, C præcipue laudatur in vobis veritatis constantia. Quis ergo suo vel hortatu, vel consilio tantum robur firmissimi pectoris vestri enervare tentavit? quis, inquam, veritatis in vobis tam sanctum, tam eximium, tam omnibus imitabile principibus propositum evellere sua fraude conatus est? Fallaciter, non veraciter vos diligit, fraudulenter et non fideliter vobis consulit, qui tam gloriosam de veritate famam vestram obnubilare sua cupiditate contendit: dum verbum quod os vestrum locutum est, et verbum Deo placitum, vobis dignum, pie justum, ac D juste pium, evacuare, nescio qua malitia, non-  
 2. Et quidem in aliis principibus si quando verbum levitatis, aut etiam falsitatis deprehendimus, nec novum, nec mirum reputamus. At vero apud comitem Theobaldum Est et Non nequaquam omnino patienter audimus: cui, ut dicitur, simpliciter dicere, jurare est; et leve mendacium, grave perjurium imputatur. Inter plurima quippe virtutum insignia, quæ vestram plurimum nobilitant dignitatem, et vestrum per orbem clarum reddunt et celebre nomen, præcipue laudatur in vobis veritatis constantia. Quis ergo suo vel hortatu, vel consilio tantum robur firmissimi pectoris vestri enervare tentavit? quis, inquam, veritatis in vobis tam sanctum, tam eximium, tam omnibus imitabile principibus propositum evellere sua fraude conatus est? Fallaciter, non veraciter vos diligit, fraudulenter et non fideliter vobis consulit, qui tam gloriosam de veritate famam vestram obnubilare sua cupiditate contendit: dum verbum quod os vestrum locutum est, et verbum Deo placitum, vobis dignum, pie justum, ac juste pium, evacuare, nescio qua malitia, non-

## EPISTOLA XXXIX.<sup>b</sup>

AD EUNDEN \*.

Diversorum causas Theobaldo commendat. Denique ut erga episcopos, concilii causa in ejus civitate constitutos, honorifice et reverenter se gerat, hortatur.

1. Cum multa mihi vestræ erga me dignationis indicia præbeatis, hoc me maxime toto vobis affectu dilectionis astringit; quod cum sciam me vestram jam pro multis ausum fuisse interpellare Dignitatem, in nullo tamen repulsum me memini. Hinc non immerito factus fidentior, rursus pro Canonicis de Larziurte \* non dubius precatore accedo. Non quidem pro ipsorum jure nunc precor, in tantum quippe de vestra justitia et legalitate confidens, ut nec hosti vestro in vestra curia placitanti de suo jure timendum esse existimem: sed hoc est quod pro ipsis et cum ipsis omni, qua possum, absens supplicatione depono, et quod eis C omnino esse cognovi necessarium, ut videlicet ad vestræ Serenitatis vultum, solito illis clementiorem atque promptiorem indulgeatis accessum, quatenus vicini eorum religioni debitam discant exhibere reverentiam, cum vos eis benevolum esse cognoverint: et si quis forte militum seu ministrorum vestrorum res illorum injuste contingere, aut quietem, quam in Deo habere debent, infestare in aliquo tentaverit; pro certo se sciat vestram sibi ob hanc rem gratiam gravissime redditurum infensam.

2. Item aliud est quod supplex exoro. Nuper forte per Barrum transeunti occurrit mihi mulier satis miseranda; anima quippe ejus in amaritudine erat; et mea super suis doloribus commovit viscera, satisque egit suis precibus ac lacrymis, quatenus pro ipsa apud vos intercedere deberem. Ipsa est uxor Belini illius hominis vestri, in quem dudum juxta malum quod ipse commiserat, multa et gravia reddidistis. Facite cum ea misericordiam, ut et vos apud Deum eam inveniat.

3. Et quia semel cæpi, loquar adhuc cum domino meo. In manu Barrensis Præpositi du-

<sup>a</sup> Alias, domno. Vide epistolam 56. — <sup>b</sup> Scripta anno Christi 1127.

dum facto duello, qui victus fuit, statim ex<sup>31</sup> vestra jussione oculos amisit. Insper quoque, A quasi parva hæc mala essent, quod et victus, et oculis orbatus fuerat, res ei omnes suæ a ministris vestris, sicut ipse conqueritur, ablatae sunt. Justum est, si vobis placet, ut ei vestra pietate restituatur, unde misera ejus vita possit utcumque sustentari. Sed et filiis ejus innocentibus patris iniquitas non debet imputari: quominus paterna, si qua sunt, hæreditent aedificia.

4. In fine volumus vos sanctos episcopos, qui pro his quæ ad Deum pertinent, in vestra civitate convenerunt, omni habere acceptione dignos. Sed et ipsi Legato, qui vos vestramque civitatem tanti celebratione concilii<sup>a</sup> voluit honorare, per omnia, quantum in vobis est, devotus et obediens assistatis; roborare et confirmare bona quæque ab eo jussa et instituta, curetis. Nostrum quoque ac vestrum pariter episcopum, id est Lingonensem, abundantiori, ut decet, honore suscipiatis; et de casamento<sup>b</sup> quod tenetis, hominum<sup>c</sup> quod debetis, reverenter ei et humiliter offeratis. Valete.

## EPISTOLA XL.<sup>d</sup>

AD EUMDEM.

Pauperem religiosum Theobaldo commendat.

Duo vobis commendamus in homine isto quem videtis, paupertatem et religionem, ut si uni non compatimini, alterum in eo revereamini: quo nullatenus id ei negare possitis, propter quod vos cum tanto labore de longe requirere curavit. Itaque etsi non propter ipsum, D certe propter vos ei succurrite: quia quantum vos illi sua paupertas, tantum, imo amplius, vobis illum necessarium facit sua aequè religiositas. Denique de multis quos eadem de causa jam ad vos misimus, nullum fuisse recolimus, de quo magis Deo placere sciamus, quam si huic benefeceritis. Valete.

<sup>a</sup> Trecentis incunte anno 1128 celebrati, de quo in Notis ad epistolam 21, ad Matthæum legatum, cujus hic mentio.

<sup>b</sup> Casamentum, feudum quod a casa dominica pendet. — <sup>c</sup> Alias, *homagium*.

<sup>d</sup> Scripta circa annum 1127. — <sup>e</sup> Scripta circa eundem annum. — <sup>f</sup> Scripta circa annum 1128.

## EPISTOLA XLI.<sup>e</sup>

AD EUMDEM.

Senem religiosum commendat.

Timeo vos gravari in tam crebris scriptitationibus nostris: sed in hanc importunitatem urget me Christi charitas, et amicorum necessitas. Hunc itaque et senem, ut videtis, et de domo, ut nos scimus, religiosa ad vos missum non remitti vacuum supplicamus: et insuper ut vestris litteris ad avunculum vestrum regem<sup>\*</sup> iturum munire dignemini, rogamus. Vellem omnes servos Dei, si fieri posset, vestros fieri debitores, qui pro mammona iniquitatis quandoque vos reciperent in æterna tabernacula. Valete.

## C EPISTOLA XLII.

AD HENRICUM SENONENSEM ARCHIEPISCOPUM.

Hæc epistola potius justi tractatus nomen et locum meretur: itaque e sede sua subnotam ad tomum secundum inter Tractatus remisimus, cum hoc titulo: De Moribus et Officio episcoporum epistola 42 seu tractatus, ad Henricum Senonensem archiepiscopum.

## EPISTOLA XLIII.<sup>f</sup>

AD EUMDEM HENRICUM.

Scribit pro libertate ecclesiæ Molismensis.

Prioris precis nostræ benigna susceptio præbet ampliora sperandi fiduciam. Præmissa itaque devotissimarum gratiarum actione pro ex-



perta benevolentia, iterum audeo petere quod<sup>22</sup> iterandis gratiis secundo me faciat debitorem : A quatenus videlicet Molismensi Ecclesiæ \* ipsam ecclesiam, pro qua se vestram Serenitatem quoquo modo obnubilasse dolebat, eadem libertate tenere concedatis, qua prædecessorum vestrorum temporibus eam certum est tenuisse. Valet.

## EPISTOLA XLIV.<sup>a</sup>

AD EUNDEM.

Unde supra.

Videtur certe quantum præsumam de vestra benevolentia : ut nec crebra impetratio preces finiat, et toties exauditus, rursum accedere precator importunus non verear. Magna quidem præsumptio ; sed non meretur indignationem, quoniam de charitate, non de temeritate descendit. Meminit, nisi fallor, vestra Paternitas, quod dudum Trevis querelas universas, quas pro Ecclesia Senoina adversus Molismenses monachos ante habueratis, pro amore Dei et nostro penitus omisit. Et ecce iidem monachi conqueruntur, quod nescio quas novas, et, ut ipsi aiunt, indebitas vobis consuetudines in prædicta Ecclesia vindicetis. Obsecro ergo et ipsas dimitti, confidens me, ne hac quidem vice passurum repulsam : ut qui jam de maioribus merui non repelli, in obtinendis minoribus non confundar. Valet<sup>b</sup>.

## EPISTOLA XLV.<sup>c</sup>

AD LUDOVICUM REGEM FRANCORUM<sup>d</sup>.

Cistercienses Ludovicum regem, Parisiensi episcopo infestum ac injurium, graviter ac libere redarguunt, causam illius apud Pontificem Romanum acturi, si Rex a male coeptis non destiterit.

Eximio regi Francorum LUDOVICO, Stephanus

abbas Cisterciensis, totusque conventus abbatum et fratrum Cisterciensium, salutem, ospitatem, et pacem in Christo Jesu.

1. Rex cœli et terræ regnum vobis in terra donavit, donaturus et in cœlo, si id quod accepistis, juste et sapienter administrare studueritis. Hoc est quod vobis optamus, et pro vobis oramus ; ut et hic fideliter, et illic feliciter regnetis. Cæterum vos quoniam consilio eisdem nostris pro vobis orationibus (quas, si recolitis, olim tam humiliter requisistis) modo tam acriter repugnatis ? Quia enim jam fiducia manus pro vobis levare præsumimus ad Sponsum Ecclesiæ, quam ita, et sine causa (ut putamus), ausu inconsulto contristatis ? Gravem siquidem adversum vos apud eundem Sponsum et Dominum suum querimoniam deponit, dum quem acceperat defensorem, sustinet oppugnatorem. Attenditis jam cui ex hoc infensum vos redditis ? Non utique episcopo Parisiensi \*, sed Domino paradisi ; et quidem terribili, et ei qui aufert spiritum principum<sup>1</sup>. Ipse quippe est qui ad episcopos dicit : *Qui vos spernit, me spernit*<sup>2</sup>.

2. Hæc ita vobis et pro vobis audacter quidem, sed amanter intimare curavimus : monentes et rogantes per illam invicem amicitiam nostram et fraternitatem, cui vos satis dignanter sociastis, sed nunc ipsam graviter læsistis, quatenus a tanto malo citius desistatis. Alioquin si non meremur exaudiri, sed contemniri, et nos fratres, et amici vestri, et qui quotidie oramus pro vobis et filiis vestris et regno ; ex hoc jam noveritis parvitatem nostram, in quibus valuerit, non posse deesse Ecclesiæ Dei, et ministro ejus, venerabili videlicet patri et amico nostro episcopo Parisiensi : qui nostram adversus vos humilitatem interpellans, nostras pro se ad dominum Papam jure fraternitatis \* litteras requisivit. Verum nos justum ducentes his prius litteris vestram Excellentiam convenire, præsertim quia idem episcopus per manum omnium Religiosorum se ad justitiam offert, si tamen prius (quod quidem eadem ipsa justitia videtur exigere) res ei suæ injuste ablatæ restituantur \* : ejus interim petitioni differendo supersedimus. Et siquidem Deo inspirante placuerit vobis nostris precibus aurem inclinare,

<sup>1</sup> Psal. lxxv, 12, 13. — <sup>2</sup> Luc. x, 16.

<sup>a</sup> Scripta circa annum 1128.

<sup>b</sup> Hic manuscripti codices repetunt epistolam 15. — <sup>c</sup> Scripta anno Christi 1127. — <sup>d</sup> Cognomento Crassum.

nostro consilio studioque pacem cum episcopo, <sup>55</sup> tius, dulcissime Pater, viscera consulite. Vaino cum Deo reformare; parati sumus hujus A lete.  
rei gratia fatigari usque ad vos, quocumque  
vobis placuerit: sin autem, nos amicum audire,  
et Dei sacerdoti obedire necesse est. Valet.

## EPISTOLA XLVI.<sup>a</sup>

AD DOMINUM PAPAM HONORIUM II.

Unde supra.

Conqueruntur apud Pontificem, quod relaxatione interdicti subreptitè obtenta, Rex Gallie jam pridem pronus ad pacem, factus sit obstinator.

Summo Pontifici HONORIO, pauperum Christi abbates, Hugo de Pontiniaco, et BERNARDUS de Clara-Valle, quidquid potest peccatorum oratio.

Lacrymabilem episcoporum, imo totius Ecclesie querimoniam, nos quoque ejus filii, si tamen digni, dissimulare non possumus. Quae vidimus loquimur. Magna siquidem nos necessitas de claustris ad publicum traxit: ubi et quod loquimur vidimus. Tristes vidimus, tristes et loquimur: honorem Ecclesie, Honorii tempore non minime læsum. Jam Regis flexerat iram humilitas, vel potius constantia episcoporum: cum ecce a summo Pontifice summa superveniens auctoritas, heu! dejecit constantiam, superbiam statuit <sup>b</sup>. Scimus quidem id a vobis per mendacium fuisse subreptum (quod ex vestris litteris palam datur adverti), ut everti tam justum tamque necessarium interdictum juberetis. Sed numquid non vel tandem deprehensio mendacio, mentitam se sentiet iniquitas sibi, et non tantæ utique majestati? Est autem D quod miramur, quam ratione judicatum sit de parte, adjudicatum absenti. Quod quidem non temeraria præsumptione reprehendimus, sed filiali amore paterno cordi suggerimus, quantum ex hoc et superbit impius, et incenditur pauper. Caterum quamdiu illum pati, quantumve huic compati debeatis; non est nostrum præscribere vobis: vos vestra hinc po-

## EPISTOLA XLVII.<sup>c</sup>

AD EUNDEM EX PERSONA GAUFRIDI CARNOTENSIS  
EPISCOPI.

Exponit Pontifici causam episcopi Parisiensis a rege Ludovico inique oppressi, qui interdicto ab episcopis Gallicanis compulsus restitutionem promiserat, sed absolutione ab Honorio obtenta contumacior factus non præstitit.

Tristissimæ historiæ seriem vobis et causam replicare superfluum est; qua jam quippe Paternitatis vestræ viscera, scribente religioso Parisiensi episcopo, commota esse non ambigo. Ne tamen fratri et coepiscopo etiam nostrum deesset testimonium; quæ vidi ego et audiui, necessarium duxi breviter intimare. Accepta siquidem tam modesta prædicti episcopi querimonia, Senonensis diœcesis universi episcopi una cum venerabili metropolitano nostro; adscitis etiam nobiscum quibusdam aliis religiosi personis, Regem super gravi injuria per nos ipsos humiliter, ut debuimus, convenimus: ut episcopo, nil quidem tale merito, sua quæ tulerat, restitueret, rogavimus; nec impetravimus. Sentiens tandem nos ad arma Ecclesie pro Ecclesia velle confugere, timuit, annuitque sese omnia redditurum. Sed in eadem forte hora supervenientibus litteris vestris, quibus ejus terram ab interdicto absolvi præcepistis, male in malo confortatus, quod bene promiserat, minime exsecutus est. Die tamen nominata, qua id se rursus promisit exsecuturum, ejus nos conspectui præsentantes, sustinimus pacem, et non venit: quæsivimus bona, et ecce turbatio. Hoc denique litteris vestris factum est, ut male ablata pejus teneantur, et reliqua passim in dies rapiantur, eo utique secure, quo impune illa retinentur. Soluta nempe ad vestrum imperium episcopi justo (ut putamus) interdicto, nostroque quod paraba-

<sup>a</sup> Scripta anno Christi 1127.

<sup>b</sup> Relaxando scilicet interdictum, quod a comprovincialibus episcopis in terram Regis illatum fuerat ob infestationem episcopi Parisiensis, ex epistola sequente. — <sup>c</sup> Scripta anno Christi 1127.

mus et quo sperabamus pacem consequi, vestro æque timore suspenso, facti interim sumus A opprobrium vicinis nostris : quousque? vestræ viderit Pietatis compassio.

## EPISTOLA XLVIII.<sup>a</sup>

AD HAIMERICUM CANCELLARIUM, UNDE SUPRA, ET  
CONTRA OBTRACTATORES.

Bernardus querelas in se factas diluit, et solitudinis silentiique facultatem precatur.

Viro illustri HAIMERICO, sanctæ Romanæ Sedis cancellario, frater Bernardus abbas dictus Claræ-Vallis, salutem, et non in via.

1. Etiamne pauperi et inopi veritas odium parit, et ne ipsa quidem miseria declinare invidiam potest? Querar, an gloriæ, quod factus sum et ipse inimicus vera dicens? Vera dicens, an recta agens? Sed hoc viderint fratres vestri, qui contra legem maledicunt surdo<sup>1</sup>, et maledictum propheticum non verentes, dicunt *bonum malum, et malum bonum*<sup>2</sup>. Quid in me, o boni viri, displicuit Fraternitati vestræ<sup>3</sup>? Utrumne quod apud Catalaunum amotus est a villicatione sibi credita homo usquequaque diffamatus, quia in ecclesia Viridunensi, cui præfuerat, dissipasset bona domini sui? An quod in urbe Cameracensi monasterii sui manifestus destructor Fulbertus cedere compulsus est Parvino, qui omnium testimonio fidelis est servus et prudens? An certe quod Lauduni de prostibulo Veneris suum Deo sanctuarium restitutum est<sup>4</sup>? Propter quod horum me, non dico, lapidatis, sed laceratis, ut minus aliquid recipiam a Domino meo<sup>5</sup>? Et hoc merito atque cum omni gloria responderem, si quid in eis meum cognoscerem. Nunc autem utquid iudicor ego de factis alienis? aut si meis, cur tanquam de malis? cum cuncta hæc juste atque præclare gesta fuisse nulla imprudentia dubitare, nulla negare impudentia possit. Eligite nunc utrumlibet : aut negate certe, aut fate-

mini me horum auctorem. Si feci; laude dignum est laudabilia peregissem, et inique redarguor, unde laudari merueram. Si non feci; ut laudem non merui, sic profecto nec vituperationem. Novum genus detractationis, et revera simile aliquid habens operi Balaam, qui ductus et conductus ad maledicendum populo, magis benedictionibus cumulabat<sup>4</sup>. Quid justius, quid jucundius, quam ut quem reprehendere intendis, plus commendes; ut præconiis pro conviciis utaris nescius; et volens detrachere, laudes invitus? Quasi vero nulla mea mala inveniant ut pro malis mihi bona objiciant, vel potius B adjiciant aliena.

2. At ego nec indignis vituperationibus moveor, nec indebitas recipio laudes : nil mea refert de his, quorum auctor non exstiti. Laudent si volunt, vel vituperent, si audent; de primo quidem dominum Albanensem, de secundo vero dominum Remensem; porro de tertio eundem æque archiepiscopum simul et episcopum Laudunensem, eum Rege pariter et multis aliis reverendis personis, qui se utique auctores in his et principes exstitisse minime diffitentur. Si bene egerunt, quid ad me? si C aliter, quid æque ad me<sup>5</sup>? An tota et sola culpa mea est quod adfui, homo solis latebris dignus; soli mihi iudex, soli accusator et arbiter constitutus, quatenus monstret actio quod habet professio, et nomen monachi solitaria mihi conversatio interpretetur? Adfui enim, negare non possum : sed vocatus, sed tractus. Si hoc amicis displicuit; fateor, et mihi. Utinam non issem ad illa, utinam non irem ad similia. Utinam et nuper non issem, ubi vidissem adversum Ecclesiam apostolica<sup>6</sup> (proh dolor!) auctoritate violentam armari tyrannidem, quasi non satis per se insanisset. Tum demum sensi juxta prophetam adhærescere linguam meam palato meo<sup>5</sup> : cum subito pondus superjectum est nostris cervicibus, atque irrefragabilis auctoritas litterarum. Heu! obmutui, et humiliatus sum, et silui a bonis, et dolor meus renovatus est<sup>6</sup>, quando vidi repente ad illas litteras impleri facies innocentium ignominia, et lætari amplius impios quod malefecerint, et exsultare in rebus pessimis. Misertum est impio, ut juxta dictum propheticum, non disceret facere justitiam : et qui in terra sanctorum iniqua

<sup>1</sup> Levit. xix, 14. — <sup>2</sup> Isai. v, 20. — <sup>3</sup> Joan. x, 32. — <sup>4</sup> Num. xxii-xxiv. — <sup>5</sup> Psal. cxxxvi, 6. — <sup>6</sup> Psal. xxxviii, 3.

<sup>a</sup> Scripta circa annum 1130.

gessit<sup>1</sup>, ipsius terra justissimo quo tenebatur,<sup>26</sup> absoluta est interdicto<sup>27</sup>.

3. Propter huiusmodi, etsi aliud non sit, gravior interesse causis : quarum praesertim mea non interesse cognosco. Gravior, sed traher. At vero ab hac necessitate per quem melius retrahi posse speraverim, quam per vos, vir optime? cui in hac re, nec potestas deest, nec voluntas, ut comperi. Gaudeo nempe, quod et vestrae prudentiae nostram in talibus occupationem displicere cognovi. Et quidem iustissime, et amicissime. Age ergo si ita vultis, imo quia sic cernitis ac decernitis, et amico expedire, et monacho convenire : date, quaeso, operam, quatenus una utriusque voluntas citius impleatur, quo et vobis videlicet satisfiat ad iustitiam, et mihi ad salutem animae consulatur. Indicatur, si placet, clamoris et importunitatis de cavernis non egredi, sed suis contentas esse paludibus. Non audiantur in conciliis, in palatiis non inveniantur : ad causas, ad negotia nulla necessitas, nulla trahere possit auctoritas. Sic forsitan vester posset amicus declinare praesumptionis notam. Nam noxam unde contrahere potuerim, ignoro : cum sciam mihi consilium esse et propositum, nunquam (si causa duntaxat nostri Ordinis non fuerit<sup>28</sup> exire de monasterio, nisi aut apostolicae Sedis legato, aut certe proprio vocante episcopo : quibus nostrae humilitati, sicut optime nostis, contradicere omnino fas non est, nisi ex quocumque superioris auctoritatis privilegio. Quod utique si unquam per manum vestram, ut spero, mihi in manus venerit, tunc procul dubio et pax mihi, et pax erit de me. Non tamen ideo etiam me latente et tacente cessare puto murmur ecclesiarum, si non cesset Romana curia pro voluntate assistentium facere praedictum in absentes. Valete.

## EPISTOLA XLIX.<sup>b</sup>

AD DOMINUM PAPAM HONORIUM, PRO HENRICO  
SENONENSI ARCHIEPISCOPO.

Summo Pontifici Honorio, servi, et (si digni  
judicamur) filii, STEPHANUS Cisterciensis,

<sup>1</sup> Isai. xxvi, 10.

<sup>26</sup> Vide supra epistolas 46, 47. - <sup>b</sup> Scripta anno Christi 1128.

HERGO Pontiniacensis, BERNARDUS de Clara-  
Valle, quod reverendissimo domino, quod  
benignissimo patri.

Degentes in monasteriis, ad quae nos nostra peccata compulerunt, non cessamus orare pro vobis, et pro commissa vobis Dei Ecclesia : congaudentes et sponsae Domini super tam fido custode, et sponsi amico super labore tam fructuoso. Fidenter proinde atque fideliter vestrae Paternitati suggerimus, quae in regno nostro eidem matri nostrae dolentes cernimus adversari. Quantum quidem nos sentimus qui vicini sumus, rex Ludovicus non tam episcopos, quam in episcopis iustitiae persequitur zelum, pietatis cultum, habitumque ipsum religionis. Quod vestrae quoque prudentia Sanctitatis vel ex eo facile advertere potest, quod qui ante in habitu actuque saeculari honorati sunt sublimes, iudicati fideles, habiti familiares; modo inimici facti sunt, digne suo sacerdotio conversantes, et per omnia honorificantes ministerium suum. Hinc gravibus contumeliis et injuriis episcopi Parisiensis innocentia pulsata est, sed non quassata; quia Dominus supposuit manum suam, cum vestram opposuit. Hinc et nunc domini huius Senonensis constantiam concutere et labefactare conatur : ut metropolitano (quod absit) dejecto, facile, prout voluerit, grassetur in suffraganeos. Postremo quis ambigit non aliud eum quam oppugnare religionem, quam nimirum aperte sui regni destructionem, suae coronae pronuntiat inimicam? Et alter Herodes Christum non jam in cunabulis habet suspectum, sed in ecclesiis invidet exaltatum. Nec aliud sane credimus eum habere adversus archiepiscopum, nisi quod spiritum in ipso, sicut in ceteris, laborat extinguere\*. Denique si fallere de his quae attestamus, fallive putamur; D vestrae citius inveniet examinationis discussio : si tamen (quod et vehementer optamus, et suppliciter oramus) de vultu tuo, Pater sanctissime, iudicium prodeat, de quo profecto confidimus, quod custodias innocentiam, et videas aequitatem. Alioquin reduci causam in Regis praesentia atque potentia, non plane est aliud quam tradi, heu! hominem in animam inimicorum ejus.

EPISTOLA L.<sup>3</sup>

AD EUMDEM

Unde supra.

Postulat ut archiepiscopo liceat ad Sēlen apostolicam appellare.

Oportebat quidem, si ita vestræ visum fuisset Auctoritati, ut in vestri præsentia causa domini Senonensis discuteretur; ne infensus videret Regi, in Regis præsentia et potentia suis pro se adversariis responsurus, traditus homo videretur in animam inimicorum ejus. Sed quoniam, ut tenendum irrefragabiliter quidquid præcipitis, sic sperandum indubitanter bonum de omni re quam decernitis: id solum a vestra, Pater, pietate deprecatur omnium, qui apud nos esse videntur, Religiosorum humilitas, ut si se ad vultum forte potentis (ut assolet) senserit prægravari, confugere sibi liceat ad viscera Patris, quod utique hactenus oppresso nemini negatum audivimus. Alioquin videat Joseph vir C justus, quid sibi etiam nunc faciendum sit de puero et matre ejus, quia ecce etiam nunc in Senonensi provincia Christus quæritur ad perdendum. Nam, ut quod verum est, manifestius proferamus, Rex in archiepiscopo ex eo aperte novam persequi religionem dignoscitur, quod eum in antiqua sæculari conversatione et habitu, sicut promoveri omnimode<sup>b</sup> voluit, sic ab omni penitus securum infestatione dimisit.

EPISTOLA LI.<sup>c</sup>

AD HAIMERICUM CANCELLARIUM

Unde supra.

Viro illustri HAIMERICO, sanctæ Romanæ Sedis cancellario, BERNARDUS abbas dictus de Clara-Valle, salutem, et si quid valet peccatoris oratio.

Quousque durat illa sententia: *Omnes qui*

<sup>27</sup> *pie volunt vivere in Christo, persecutionem patiantur*? Quousque relinquitur virga peccatorum super sortem justorum? Quis det ut stare incipiant just<sup>d</sup> adversus eos qui se angustaverunt? Quis jam ferat tantam inter cælum terramque discordiam, ut exsultantibus Angelis super emendatione malorum, filii Adam fremant et tabescant? Quasi non sit passus Jesus pacificans in sanguine suo quæ in terra sunt, et quæ in cælo; aut in ipso Deus non fuerit mundum reconcilians sibi. Laudabatur quondam archiepiscopus in desideriis animæ suæ, et in sæculari vita et habitu benedicebatur. At nunc sub pannis infantie Jesu quæritur simonia, et inter nascentes virtutes mortuorum vel cadavera vitiorum scrutatur curiosa malitia. Videtis et nunc stare Jesum in signum cui contradicetur. Per ipsum vos obsecro, pro ipso supplico vobis. Habet siquidem et unde illum revereamini, et unde illi misereamini. State pro ipso nunc in defensione Archiepiscopi, cui quandoque et vos adstare habetis in examinatione vestri. Valet.

EPISTOLA LII.<sup>e</sup>

AD EUMDEM.

Episcopum Carnotensem non affectasse protectionem Hierosolymitanam. Causis et negotiis publicis absolvi se rogat.

Amicus vester et noster dominus Carnotensis episcopus<sup>f</sup> voluit vobis etiam per me certum fieri, quia id quod de ipso a quibusdam domino Papæ persuasum fuisse cognovimus, ut eum D videlicet Hierosolymam permitteret proficisci, nec sui fuerit studii, nec voluntatis. Quod etsi multum voluisset, proficisci tamen non poterat nisi cum gravi scandalo omnium qui apud nos sunt bonorum, metuentium quippe ne plus mali ejus absentia faceret suis, quam boni alienis præsentia. Hæc pro episcopo. Cæterum ut et pro me aliquid loquar secundum quod Scriptura admonet, *Miserere*, inquit, *animæ tuæ placens Deo*<sup>g</sup>; placetne vobis ut causis

<sup>1</sup> II Tim. iii, 12. — <sup>2</sup> Eccli. xxx, 24.

<sup>c</sup> Scripta anno Christi 1128. — <sup>d</sup> Additur alias, *in magna constantia*; sed deest in manuscriptis.

<sup>e</sup> Scripta circa annum 1128. — <sup>f</sup> Gaufridus: infra epistola 55. — <sup>g</sup> Scripta circa annum 1128.

<sup>a</sup> Scripta anno Christi 1128. — <sup>b</sup> Alias, *commode*.

onerer, occuperque negotiis, nihilque prosit<sup>88</sup> exoccupari propriis, cum totus implicer alienis? Si inveni gratiam in oculis vestris, date operam ut prorsus amovear ab huiusmodi, quatenus liceat mihi pro meis atque vestris orare delictis. Et quidem nihil mihi securius judico, quam obedire domini Papæ voluntati; sed si dignetur attendere ipse quid possim. Utinam nempe noverit quam ista non possim, aut quam difficile possim. Et de hoc satis dictum sit sapienti. Quæsi-  
sivit a me præfatus episcopus aliqua ex nostris opusculis, quæ vobis mitteret; sed non fuit ad manum, quod vestro dignum crederem studio. Libellum tamen de Gratia et Libero Arbitrio B nuper edidi: illum vobis libenter mittam, cum vos velle cognovero. Valete.

## EPISTOLA LIII.<sup>a</sup>

AD EUMDEM.

Duos religiosos, et in his se ipsum Haimérico representat.

Pro multis et per multos memini me scripsisse ad vos; sed nunc ipse qui loquebar, ecce adsum. Tres in duobus conspiciatis, quoniam absque me esse non possunt, in quorum jugiter pectoribus requiesco, et quidem securius atque suavius quam in proprio. Mentiri videor, sed ei qui amicitie vim nunquam sensit, qui virtutem charitatis ignorat, qui non credit multitudinis credentium fuisse cor unum, et animam unam<sup>1</sup>. Qui ergo videt eos, videt et me, etsi non in meo corpore: et quod loquuntur ipsi, ego pariter loquor, sed eorum linguis. Corpore, fateor, absom: sed hæc est exigua portio mei. Porro qui vidit faciem meam tantum, sine culpa D et sine nota mendacii asserit se vidisse non partem mei, sed me: cum tamen nonnisi partem, et partem modicam viderit. Quanto itaque verius esse me dixerim, etiam sine præsentia corporis, ubi meam sentio voluntatem, meum spiritum et amorem, quæ utique est pars potior digniorque mei? Tribus ergo in corporibus unum nos esse noveritis, non pari sanctitate, qua ambobus ego inferior sum, sed eadem vo-

luntate, et summa concordia animorum. Cur enim unitatem hanc inter diversos non faciat compago charitatis in uno spiritu, si carnalis copula efficit ut sint duo in carne una? Quantum vos addi velim, si dignum judicatis et in eadem concurrere unitatem dilectionis. Quod facile, si non contemnitis, obtinebitis: tantum id vos nequaquam contemnere eis cognitum faciat. Valete.

## EPISTOLA LIV.<sup>b</sup>

AD EUMDEM.

Vivianum abbatem commendat, monetque de cura animæ serio gerenda.

Volo et precor ut harum lator venerabilis Altæcumbæ abbas Vivianus, mihi ob suam religiositatem admodum familiaris amicus, amicum vos pro Dei amore et nostro, in suo negotio experiatur. Et hæc pro illo, reliqua autem vobis. *Quid prodest homini si universum mundum lucretur, animæ autem suæ detrimentum patiat<sup>2</sup>?* aut quam dabit homo commutationem pro anima sua<sup>2</sup>? Nec totus mundus sufficeret. Magna res anima, quæ Christi sanguine redempta est. Gravis animæ casus, quæ non nisi Christi cruce potuit reparari. Si rursum corruerit peccato duntaxat ad mortem, unde jam reparabitur? Numquid aut alter Christus, aut idem iterum crucifigi habet pro illa? Super hoc vellem vos nunquam oblivisci illud Sapientis consilium: *Fili, memorare novissima tua, et in æternum non peccabis<sup>3</sup>.*

## EPISTOLA LV.<sup>c</sup>

AD GAUFRIIDUM CARNOTENSEM EPISCOPUM.

Monachum quemdam reclusum desertorem instituti, sed jam resipiscentem, a Gaufrido suscipi et juvari postulat.

Fidelissimo ac prudentissimo servo Dei Gau-

<sup>1</sup> Act. iv, 32. — <sup>2</sup> Matth. xvi, 26. — <sup>3</sup> Eccli. vii, 40.

<sup>a</sup> Scripta circa annum 1128. — <sup>b</sup> Scripta circa annum 1136. — <sup>c</sup> Scripta circa annum 1128.

FRIDO Carnotensi episcopo \*, BERNARDUS pauperum Christi de Clara-Valle servus, claritate perfundi montium æternorum.

Quantum vobis honoris vestra laudabilis vita, tantum affert et oneris laudans fama. Ecce enim is per quem et pro quo præsentis litteras accipitis, exemplo cæterorum, quos sæpe tales non paucos experimini, motus et ipse bono odore vestri, quem de longe sensit, tam communem cum fiducia pietatem requirit, spe utique ductus inveniendi non solum consilium quid agere debeat, sed et auxilium quo perficere valeat. Est autem hæc causa ejus. Quadam se cella pro amore Dei ex proposito incluserat. Egressionis atque transgressionis suæ vobis ipse causas exponet <sup>a</sup>. Et quidem ad propositum redire cupit : sed per vos implere proposuit, si tamen nostris hoc precibus, quibus se præmunire curavit, obtinere potuerit. Facite ergo morem vestrum : ferte opem misero; imo quia vos sapientibus et insipientibus debitorem agnoscitis, erroneam Christi oviculam de faucibus lupi festinate eripere; et ad pastum reducendo priorem, juxta aliquod ovilium vestrorum quacumque in cellula jubete recludi : nisi forte aliud quid ei magis expedire perspexeritis, et licere C judicaveritis, et persuadere potueritis.

## EPISTOLA LVI.<sup>b</sup>

AD EUMDEM.

De peregrinatione Jerosolymitana Norberti se incertum esse. Sententie ejusdem de Antichristo se non assentiri. Causam quoque Humberti commendat.

Quod a me de domino Norberto sciscitamine, si videlicet iturus sit Jerosolymam, ego nescio. Nam cum ante hos paucos dies ejus faciem videre, et de cœlesti fistula, ore videlicet ipsius, plurima haurire meruerim \*; hoc tamen ab ipso non audiui. Verum de Antichristo cum inquirerem quid sentiret, durante adhuc ea, quæ nunc est, generatione revelandum illum esse

se certissime seire protestatus est\*. At cum eandem certitudinem unde haberet, sciscitanti mihi exponere vellet; audito quod respondit, non me illud pro certo credere debere putavi. Ad summam tamen hoc asseruit, non visurum se mortem, nisi prius videat generalem in Ecclesia persecutionem. De cætero memorari vestram Pietatem volo illius pauperis et exulis Humberti nomine : qui dudum, cum Trevis essetis, vobis supplicabat, quatenus ad comitem Theobaldum, qui eum exheredaverat, intercederetis. Quod et ego nunc pro ipso, et cum ipso itidem a vestra flagito Pietate. Nam nostras litteras de hac re precatórias jam ad prædictum principem misi <sup>c</sup> : sed gratiam non inveniens nihil effeci. Jam quod libenter auditis, libenter debeo dicere vobis. Stephanus vester sic currit, non quasi in incertum : sic pugnat, non quasi aerem verberans. Orate, quatenus sic currat ut comprehendat; sic pugnet ut vincat.

## EPISTOLA LVII.<sup>d</sup>

AD EUMDEM.

Per minora vota non debere impediri majora bona. Videtur hoc, nisi fallor, scribere in causa monachi, de quo supra epistola 55.

Sicut is a vestra mihi parte reportavit, idcirco ipsius desiderio et petitioni usque adhuc satisfacere distulistis; quia primum votum, pergendi videlicet Jerosolymam, irritum vobis fecisse videtur. Super quo si nostram requiritis sententiam, ego non arbitror minora vota impedire debere majora : nec Deum exigere quoddumque sibi promissum bonum, si pro eo melius aliquid fuerit persolutum. Enimvero alicui forte debenti vobis duodecim nummos, numquid si pro eis die constituto marcā solveret argenti, juste irascere mini? Jam si et ab hujus episcopo aliquid timetis, securum vos reddo, quia non solum ei, si quod huic auxilium impenderitis, non displicebit, sed etiam valde gratum habebit. Valete.

<sup>a</sup> Inclusis quippe solemnī more non licebat egredi e cella, teste Grimlaico in Regula solitariorum.

<sup>b</sup> Scripta circa annum 1128.

<sup>c</sup> Epist. 37-39. — <sup>d</sup> Scripta circa annum 1128.

EPISTOLA LVIII.<sup>a</sup>AD EBALUM CATALAUNENSEM EPISCOPUM<sup>a</sup>.

Hortatur Ebalum, ut monasterio seu ecclesie Omnium Sanctorum virum idoneum præfici curet.

Domino EBALO venerabili sanctæ Catalaunensis Ecclesiæ Dei gratia episcopo, frater BERNARDUS abbas de Clara-Valle, si quid potest peccatoris oratio.

1. Naviculæ illius de ecclesia loquor Omnium Sanctorum<sup>a</sup>, quæ sub oculis vestris gubernatore destituta fluctuat non est bonum vobis negligere vel dissimulare periculum. Res quippe vestræ curæ est. Unde miror, qua ratione, quæve securitate a clerico illo, qui a religiosis personis vir, ut aiunt, religiosus eidem ecclesiæ electus est, requirendo desistitis, etiamsi hoc quorundam, qui in ipsa ecclesia sunt, incuria vel desidia non mereatur: qui, ut audivimus, illum qui electus est nolentes, nec aliud nisi quod religiosus est, afferentes<sup>b</sup>, de eligendo alio vestram quoque ausi sunt compellere Gravitatem: quasi qui videatur esse communior et affabilior, qui non sit extraneus: sed civibus tam gratus quam cognitus, morum patriæ gnarus, rebus ecclesiæ tractandis idoneus: revera ut ad istos cautissimos consultores me vertam qui vitia vestra non redarguat, qui miseræ conversationi vestræ, aut consentiat, aut contradicere non audeat. Non sunt audiendi: sed potius, velint nolint, omnimodo satagendum est vobis, ut is qui boni testimonii est, ecclesiæ desolatæ quanto citius perquiratur: quoniam si talis est qualis predicatur, Deus procul dubio cum ipso erit, qui suam ei gratiam ministrabit, placentem omnibus, efficacem in omnibus.

2. Quod si hunc, istis fortasse non merentibus, nullo modo haberi posse contigerit; alius de alia qualicumque domo religiosa qui videatur idoneus, provideatur: non qualem isti volunt: sed qui sic sciat negotia disponere

<sup>a</sup> rerum exteriorum, ut norit per omnia præponere curam animarum. Certe duobus monasteriis, sancti videlicet Petri, et sancti Urbani<sup>a</sup>, pastoralis aliquando solatio similiter destitutis, bonæ memoriæ prædecessor vester domnus Guillelmus non longi itineris laborem, non hiemis reputans asperitatem, bis (visi fallor) Cluniacum, semel Divionem per se ipsum adiit: hincque virum bonum domnum Hugonem, qui post defunctus est; illinc virum venerabilem, qui adhuc superest, domnum Radulfum vix multis precibus impetratos abducens, singulum singulo præposuit monasterio, tutum videlicet non arbitrans cuiquam monachorum domesticorum illam committere curam. Quod ideo vobis in exemplum adduxi, ut vestram charitatem commonefaciam, qualiter et in hoc quod nunc in manibus est, oporteat eam esse non minus cautam, quam sollicitam.

EPISTOLA LIX.<sup>c</sup>

AD GUILIENCO LINGONENSEM EPISCOPUM.

Hortatur ut res quasdam ecclesiæ S. Stephani Divionensis, per obitum Garnerii vacantes, ad tollendam scandalum et calumniarum ansam, eidem ecclesiæ cedat.

Domino suo et patri GUILIENCO<sup>d</sup>, Dei gratia Lingonensi episcopo, frater BERNARDUS Claræ-Vallis abbas, se ipsum.

Audito obitu domini Garnerii archidiaconi<sup>a</sup>, necessarium duximus vestram Paternitatem precibus prævenire, imo præmunire consilio, si tamen dignum putatis monitis nostræ acquiescere parvitatis: quatenus videlicet de rebus sancti Stephani Divionensis, quas tenebat, placeat liberalitati vestræ misericordiam superexaltare iudicio. Siquidem non ignoramus, quod in manum vestram debeant redire, iuxta quod in Capitulo Lingonensi dispositum, et scripto firmatum fuisse etiam nos meminimus, quando filius vester Harbertus in ecclesia illa primus abbas regularis constitutus est. Sed quia canonicis gravis scandalum, et abbati magni improprietii

<sup>a</sup> Scripta circa annum 1126. — <sup>b</sup> Alias, *asserentes*. — <sup>c</sup> Scripta anno Christi 1129.

Wilencus, alius et Guillelmus, ex archidiacono Lingonensi, apud Perardum in Burgundicis Monumentis, pag. 87.



occasionem fore cognovimus, si ad ea quæ<sup>62</sup> diu tenuit illa ecclesia, quacumque occasione A manum vestram extenderitis; conquerentibus quippe illis de illo, quasi qui malum principium dederit adveniens, cum ejus causa et ad ejus introitum tam grande ecclesia damnum incurrerit: pietati vestræ supplicamus, et supplicando consulimus, ut et tot pusillis Christi a tanto scandalo parcatis, et hunc vicarium Christi a tanto improprio simul liberare curetis, concedendo ecclesiæ utique, quod hactenus juris ecclesiæ fuisse cognoscitur\*.

## EPISTOLA LX.<sup>a</sup>

AD EUMDEM.

Supplicat pro ecclesia Molismensi.

Pro ecclesia Molismensi supplex, non, ut arbitror, importunus interventor, accedo. Multa quippe sunt quæ me confortant, ut repulsam non metuat hæc nostra petitio. Primum quia non pro qualibet extranea, sed pro vestra vobis ecclesia supplicamus. Deinde quod eandem ecclesiam non alienum usurpare, sed suum jus tantum a vestra æquitate requirere credimus. Tertio quod idipsum talis nobiscum postulat, qui solus ad impetrandum etiam majus aliquid a vobis sufficere possit; videlicet comes Theobaldus. Quartum quoque si addidero, non temere id me præsumere putaverim. Neque enim vel ipsi de nostra adeo humilitate diffidimus, quin audacter, si opus sit, per nosmetipsos ad vestræ Celsitudinis nobis jam satis expertam benevolentiam, petitori quod rationabile visum fuerit, accedamus. Valete.

## EPISTOLA LXI.<sup>b</sup>

AD RICCIUM TULLENSEM EPISCOPUM.

Hominem qui pœnitentiam subiturus, jussu episcopi Tullensis venerat, ad eundem remittit curandum.

Reverendo patri, domino RICCIUS\*, gratia Dei Tullensi episcopo, frater BERNARDUS dictus abbas de Clara-Valle, salutem et orationes.

B

Peccatori huic, quem ad nos peccatores ob animæ suæ consilium vestra, ut ipse perhibuit, dirigere curavit dignatio; nihil ad præsens sanius consulere in promptu habuimus, quam ut ad sinum paternæ pietatis rediret, et ex ore sacerdotis legem requireret. Nos enim nostræ parvitas et officii mensuram attendentes, nec nos ultra nos extendentes, dare pœnitentiam, maxime in criminalibus, nulli hominum præsumere omnino solemus, nisi solis, quos in nostram curam suscepimus. Qua namque temeritate tractanda episcoporum negotia, et hujusmodi negotia, peccatores et imperiti suscipiemus, qui ipsi quoque, sicut et cæteri hominum, quoties gravior aliqua causa inter nos oboritur, quam per nos definire aut nescimus, aut nequimus, aut non audemus; episcopali, ut dignum est, sententiæ reservamus: et nisi summi prius Sacerdotis vel judicio vel consilio confirmati, securi non sumus? Provideatur igitur morbidæ ovi a proprio pastore, et tali pastore, qui canones non ignorat, congrua pœnitentiæ medicina: ne si in peccato, quod absit, anima pro qua Christus mortuus est, meriatur; sanguinem ejus de manu vestra summus Pastor requirat. Verum nos Deo illi inspirante mundum relinquere persuasimus: si tamen homo senex et pauper in aliquo se recipi intra diocesim vestram sanctorum conventu, vestro obtinere potuerit interventu. Plenum vos dierum suscipiat dies una illa melior in atriis Domini super millia, sancte ac venerabilis pater.

<sup>a</sup> Scripta circa annum 1128. — <sup>b</sup> Scripta circa annum 1125.

EPISTOLA LXII.<sup>a</sup>AD HENRICUM VIRDUNENSEM EPISCOPUM<sup>b</sup>.

Feminam multis obstrictam peccatis, sed jam pœnitentem commendat episcopo.

Domino HENRICO, Dei gratia Virdunensi episcopo, frater BERNARDUS dictus abbas de Clara-Valle, salutem et orationem.

Hæc muliercula, quam ecce jam multis annis, multis et perplexis peccatorum nodis satanas alligavit, super statu salutis suæ, nostræ parvitatæ consilium expetiit : et tale accepit, ut post multum videlicet ac diuturnum erratum, ad proprii pastoris sinum profuga ovicula fidenter recurreret : qui utique eo citius ac sollicitius inopi ferret opem, quo se certius scit atque districtius de sibi commissis, Agno qui pro ipsa mortuus est, redditurum rationem. Nostrum fuit deviantem corrigere ; vestrum sit peccatricem non despiciere, imo pœnitentem suscipere : et si vera est suæ, quam nobis exposuit, infelicitatis historia ; aut viro suo priori, si adhuc vivit, reconciliare ; aut, si ille noluerit, sicut hanc innuptam, sic illum cogere absque uxore manere. Valete.

EPISTOLA LXIII.<sup>c</sup>

AD EUMDEM.

Purgat se de facto temerario, cujus insimulatus fuerat : ejus notitiam cupit : Guidonem eidem commendat.

Super his quæ a nobis vestræ Excellentie placuit sciscitari, aut nos fallimur, aut ille qui ea vobis retulit, fallit. Si quid tamen fuit (spectam quippe habeo meam, quam novi, labilem memoriam), ne tantam in fratre qui

<sup>65</sup> hæc loquitur, suspicer falsitatem ; hoc me certissime scire confido, et vos indubitanter credere volo, nemini me super nomine vestro reprehensionis aliquando vel accusationis verba fecisse, vel injunxisse. Absit hæc a nostra pusillitate temeritas, ut contra episcopos, et absentes, loqui quæ ad nos non attinent, audeamus, præsertim quæ non probavimus. Deinde quod nostri notitiam dignanter expectitis, gratanter accipimus, abundantius nos et innotescere vobis, et vos noscere cupientes. Qua jam sane fiducia Præstantiæ vestræ supplicamus, imo vestram fidenter commonemus benevolentiam, de loco illo\* quem sub tutela vestra, vestro, ut aiunt, hortatu, frater reverendus et coabbas noster domnus Guido de Tribus-Fontibus construere suscepit. In illo nobis quantum nos curatis, ostendite ; et quidquid ei feceritis, nobis factum reputate. Valete.

EPISTOLA LXIV.<sup>d</sup>AD ALEXANDRUM LINCOLNIENSEM EPISCOPUM<sup>e</sup>.

Philippus volens proficisci Jerosolymam, ad Claram-Vallē forte divertens, illic manere decrevit. Alexandri ad hoc consensum requirit. Negotium cum creditoribus Philippi illi commendat. Denique hortatur eundem, ne gloriæ mundanæ nimium fidat.

Viro honorabili domino ALEXANDRO, Dei gratia Lincolniensi episcopo, BERNARDUS abbas Claræ-Vallis, velle honorari magis in Christo, quam in sæculo.

1. Philippus vester volens proficisci Jerosolymam, compendium viæ invenit, et cito pervenit quo volebat. Transfretavit in brevi hoc mare magnum et spatiosum, et prospere navigans attigit jam littus optatum, atque ad portum tandem salutis applicuit. Stantes sunt jam pedes ejus in atriis Jerusalem ; et quem audierat in Ephrata, inventum in campis silvæ libenter adorat in loco ubi steterunt pedes ejus. Ingressus est sanctam civitatem, sortitus est cum

<sup>a</sup> Scripta ante annum 1129.

<sup>b</sup> De eo vide epistolam 48, ubi eum suadente Bernardo episcopatu cessisse notavimus, et quidem anno 1129.

<sup>c</sup> Scripta circa annum 1128. — <sup>d</sup> Scripta circa annum 1129.

<sup>e</sup> Alexander Lincolniensi seu Lincolniensi apud Anglos Ecclesiæ præfuit ab anno 1123 ad annum 1147.

illis hæreditatem, quibus merito dicitur : *Jam* <sup>64</sup> quem operit : ne mors longe esse putetur, et *non estis hospites et advenæ, sed estis cives* A præoccupet improvidum; et vita dum longa sanctorum et domestici Dei<sup>1</sup>. Cum quibus intrans et exiens, tanquam unus e sanctis, gloriatur et ipse cum cæteris dicens : *Conversatio nostra in cælis est*<sup>2</sup>. Factus est ergo non curiosus tantum spectator, sed et devotus habitator, et civis conscriptus Jerusalem, non autem terrenæ hujus, cui Arabiæ mons Sina conjunctus est, quæ servit cum filiis suis; sed liberæ illius, quæ est sursum mater nostra<sup>3</sup>.

2. Et, si vultis scire, Clara-Vallis est. Ipsa est Jerusalem, ei quæ in cælis est, tota mentis devotione, et conversationis imitatione, et con- B gnatione quadam spiritus sociata. Hæc requies ejus, sicut ipse promittit, in sæculum sæculi : elegit eam in habitationem sibi; quod apud eam sit, etsi nondum visio, certe expectatio veræ pacis, illius utique de qua dicitur, *Pax Dei, quæ exsuperat omnem sensum*<sup>4</sup>. Verum hoc suum bonum, etsi desuper accepit, in vestro tamen beneplacito hoc facere cupit, imo se fecisse confidit, sciens vos Sapientis non ignorare sententiam : quod filius utique sapiens sit gloria patris<sup>5</sup> a. Rogat autem Paternitatem vestram, rogamus et nos cum illo et pro illo, quatenus de præbenda sua quod ipse suis cre- C ditoribus constituit\*, immobiliter stare faciatis : ne in aliquo fraudator (quod absit) debiti, et prævaricator pacti inveniatur; et ita munus contriti cordis quod offert quotidie, non recipiatur, dum frater quispiam habet aliquid adversus eum. Precatur deinde, ut domus quam ipse matri suæ in terra Ecclesiæ construxit, cum terra quam ibi delegavit, eidem matri, quamdiu vixerit, concedatur. Hæc pro Philippo.

3. Reliqua hæc pauca pro vobis, ipso quidem intimante, imo vero inspirante Deo, adjicienda putavimus, hortari vos in charitate præsumen- D tes, ne casuri gloriam mundi quasi stantem aspiciatis, et vere stantem amittatis : ne plus vobis aut pro vobis vestra diligatis, et sic vos et vestra perdatis : ne blandiens præsens prosperitas sui vobis finem abscondat, et adversitas sine fine succedat; ne lætitia temporalis luctum vobis æternum et operiat quem parit, et pariat

## EPISTOLA LXV.<sup>b</sup>

AD ALVISM ABBATEM AQUISCINCTI.

Laudat in Alviso paternam erga Goduinum mansuetudinem. De admissione se excusat, et veniam precatur.

ALVISO abbati Aquiscincti monasterii\*, BERNARDUS, salutem ex corde.

1. Retribuat vobis Deus misericordiam, quam fecistis sancto filio vestro Goduino. Audivimus enim quod audito ejus obitu, mox velut immemor pristinæ calumniæ, sed non amicitiae, consolatorem potius, quam ultorem vos exhibuistis. Patrem quippe vos cognovistis, ut res exigebat, non judicem. Ideoque quod pietatis, quod charitatis est, ut vere filio pater impendere studuistis. Quid melius, quid laudabilius, quid vobis dignius agere poteratis? Sed quis hoc crederet? Vere nemo scit quæ sunt in homine, nisi spiritus hominis qui in eo est<sup>7</sup>. Ubi est nunc illa austeritas, illa severitas, illa indignatio, quæ olim in illum lingua, vultus, oculi, terribiliter ostentare et intentare solebant? Ad unum nempe nuntium de morte filii, paterna viscera commota sunt; subitoque hæc omnia, quæ simulatoria, sed dispensatoria, ac per hoc transitoria erant, disparuerunt : illa vero quæ vera erant, sed latebant, charitas, pietas, benignitas apparuerunt. Siquidem in religioso animo vestro misericordia et veritas obviaverunt sibi : et quia nimirum misericordia superabundavit iudicio, justitia et pax osculatae sunt. Nam quantum mihi videor conjiciendo videre, quid animi tunc habueritis, cum

<sup>1</sup> Ephes. ii, 19. — <sup>2</sup> Philipp. iii, 20. — <sup>3</sup> Galat. iv, 25, 26. — <sup>4</sup> Philipp. iv, 7. — <sup>5</sup> Prov. x, 1. — <sup>6</sup> I Thess. v, 3. — <sup>7</sup> I Cor. ii, 11.

<sup>a</sup> Ita Bernardus passim hunc locum citat : Vulgata, *Filius sapiens letificat patrem*.

<sup>b</sup> Scripta circa annum 1129.

ad ulciscendam illam, quæ vobis videbatur facta, injuriam, justitiæ zelo accensa veritas se accingeret; illa quæ exemplo Joseph prudenter antea dissimulabatur misericordia, ultra jam latere non ferens, ne in hoc quidem dissimiliter ab Joseph<sup>1</sup>, ex abdito celatæ pietatis erupit, seque veritati adjungens repressit motum, temperavit zelum, pacem cum justitia fecit.

2. Tunc de purissimo placidi pectoris fontalium credo limpidissimi cogitationum rivuli ebullierunt: Quid opus est indignari? misereri potius oportet, et non oblivisci quod scriptum est, *Misericordiam volo, et non sacrificium*<sup>2</sup>; et implere quod jussum est, *Solliciti servare unitatem spiritus in vinculo pacis*<sup>3</sup>; et expectare quod promissum est, *Beati misericordes, quoniam ipsi misericordiam consequentur*<sup>4</sup>. Alioquin num filius meus erat iste? quis vero irasci filio potest? Nisi forte tunc tantum filius fuit, dum mecum fuit, et non etiam cum me deseruit. Sed numquid quia corpore ad tempus recessit, etiam animo recedere potuit? aut forte vel ipsa mors cum mihi poterit auferre? Itane localis corporalisve necessitas animorum sese amantium libertatem angustat? Certus sum quia nec locorum distantia, nec corporum vel mors, vel absentia disjungere poterit, quos unus spiritus vegetat, una charitas ligat. Denique, si justorum animæ in manu Dei sunt<sup>5</sup>; profecto et qui jam in ipso deposita carne quiescunt, et qui ipsi adhuc in carne non secundum carnem militamus, simul procul dubio sumus. Meus ergo erat vivus, meus erit defunctus, meum in patria recognoscam. Si quis est qui de manu Dei possit eruere; et a me illum separare valebit.

3. Itaque pro filio quidem vestra vobis affectio satisfecit: sed de nobis, pater, quid erit? quæ, inquam, de nobis digna vobis satisfactio placebit, quibus utique pro grandi injuria imponitis, quod a vobis recedens, a nobis receptus sit? Quid dicam? si dixerò, Non recepinus (quod utinam sine peccato dicere possem), mentior plane: si dixerò, Recepinus quidem, sed juste; excusare me velle videor. Sed tutius respondebo, Peccavimus. Verumtamen quantum? Non ad defensionem dico: a quo enim ille non reciperetur? quis, inquam, sanctum illum, aut pulsantem repelleret, aut susceptum

expelleret? Quis vero scit, si de vestra abundantia nostram Deus voluerit supplere inopiam, ut scilicet unum de multis, qui forte apud vos religiosi tunc erant, ad nos dirigeret, nobis quidem ad solatium, sed nihilominus vobis ad gloriam? Filius quippe sapiens gloria est patris<sup>6</sup>. Denique non eum prævenimus sollicitando; non circumvenimus attrahendo, quo vos desereret, vel ad nos veniret: quin potius rogantem, pulsantem, supplicantem non prius, Deus scit, consensimus recipere, quam remittere ad vos tentavimus. Non autem eo acquiescente, ejus nos importunitati vix tandem acquievimus. Hominem ergo religiosum, peregrinum, solum, si culpa est quod suscepimus, et ita suscepimus, non erit vobis indignum semel tantum commissam culpam, talemque culpam dimittere: cui etiam fas non est, ne usque quidem septuagies septies peccantibus in vos veniam negare<sup>7</sup>.

4. Ut tamen noveritis quam non leviter seu negligenter, imo quam non impune feramus quod unquam Reverentiam vestram quoquo modo offendimus: sæpe Deum testor, quod corpore non possum, mente ad vos supplicii transeo, sæpe genibus flexis humiliter satisfaciens, vobis adstare me video. Utinam ipse qui id mihi fortasse inspirat, vobis quoque Spiritus sentire faciat, quam flebilis, quam miserabilis, tanquam præsens, ad genua usque vestra descendendo! quam frequenter nudus humeros virgasque in manibus gestans, et quasi ad vestram jussionem vapulare paratus, peto veniam, gratiam tremebundus exspecto! Hæc qualiter vobis, pater, accepta sint, vestro, si vos non gravat, citius scire flagitamus rescripto: ut si satis, jam securi de indulgentia consolemur; si quo minus, magis (ut dignum est) humiliemur, et amplius aliquid a nobis si possumus, exigamus, quo dignius satisfacere debeamus. Valete.

<sup>1</sup> Gen. xlv, 1. — <sup>2</sup> Osee vi, 6. — <sup>3</sup> Ephes. iv, 3. — <sup>4</sup> Matth. v, 7. — <sup>5</sup> Sap. iii, 1. — <sup>6</sup> Prov. x, 1. — <sup>7</sup> Matth. xviii, 22.

EPISTOLA LXVI.<sup>a</sup>AD GAUFRIDUM ABBATEM SANCTI-MEDARDI<sup>b</sup>.

Operam ejus requirit in reconciliando sibi abbate Alviso :  
solatur eundem in tribulationibus.

DOMINO GAUFRIDO abbati Sancti-Medardi\*, frater  
BERNARDUS ecclesiæ Claræ-Vallis ordinator  
incompositus, salutem, et non in via.

Primo precor ut præsentēs litteras domno abbati Aquiseincti monasterii dirigere non graveris. Deinde, ut ad id quod portant, pro absente amico præsens satagas cum venerit locus. Neque enim cujuslibet, nedum tanti patris, justum injustumve adversum me debeo scandalum dissimulare : quod quam non faciam, loquens potius quam scribens, ei aperire forsitan potuissem. Nam solet in talibus acceptior esse sermo vivus quam scriptus, et efficacior lingua quam littera. Oculi quippe loquentis fidem faciunt dictis; nec ita potest affectum exprimere digitus, quomodo vultus. Nunc autem quia absens per me non possum, per te satisfacio quantum possum. Rogo ergo te, et iterum rogo, ut de regno Dei, quod est videlicet intra nos, scandalum auferas, dum salubriter potes : ne si (quod absit) usque ad Angelos, qui utique in fine sæculi in id ministerii deputandi sunt<sup>1</sup>, perduraverit rancor, necesse sit irrevocabiliter aut ambos, aut alterum a nobis de medio tolli. Unde autem ad me tu jamdudum scripsisti, conquerendo super tribulationibus vestris; scitis quia juxta est Dominus his qui tribulato sunt corde. De ipso confidite, quia ipse vicit mundum. Ipse scit inter quos habitatis, et in conspectu ejus sunt omnes qui tribulant vos. Ipse exaudiet vos in abscondito tempestatis, qui nunc probat ad aquas contradictionis. Valet.

B

1. Lectis litteris vestris, vestram Reverentiam propter quemdam monachum qui apud nos est, contristatam cognovimus. De qua vestra tristitia nos quoque contristati sumus, timentes ne non sit illa tristitia, de qua quibusdam dicebat Apostolus : *Contristati enim estis secundum Deum*<sup>2</sup>. Nam si secundum Deum esset, non usque adeo vos commovisset, ut nos, etsi vobis ignotos, fratres tamen vestros, et si placet amicos, quos necdum vel præsentēs verbo conveneratis, vel absentes scripto præmonueratis, hac prima vice tam subito, tam acriter argueretis. Miramini, ut scribitis, quod fratrem Benedictum<sup>d</sup> suscepimus; minamini nisi eum vobis cito restituerimus. Proponitis nobis de Regula, de noto monasterio monachum non suscipiendum<sup>3</sup>, pro constanti scilicet habentes vestrum non esse ignotum. Sed quid si aliis notum, dummodo nobis ignotum sit? Etsi enim, ut verba ipsa vestra ponam, religionis vestræ se adeo fama effuderit, ut etiam Romæ ecclesiæ vestræ habeatur notitia : nos tamen, qui utique multum citra Romam positi sumus, nescio quo pacto ita præteriit, ut ne unius quidem vestrum, abbatis scilicet vel monachorum, non ipsius vestræ habitationis, non religionis ac conversationis, usque ad hoc tempus vel tenuem notitiam habuerimus; sed nec aliquam aliquando mentionem nobis de vobis

AD MONACHOS FLAVIACENSES<sup>\*</sup>.

Susceptionem B. monachi tuetur, tanquam de ignoto sibi  
hactenus monasterio, et justas ob causas discedentis.

DOMINO H. Patri Flaviacensis\* ecclesiæ, et  
fratribus qui cum eo sunt, fratres qui in  
Clara-Valle sunt, salutem.

<sup>1</sup> Marc. xiii, 27. — <sup>2</sup> II Cor. vii, 9. — <sup>3</sup> Reg. S. Benedicti, cap. 61.

<sup>a</sup> Scripta circa annum 1129.

<sup>b</sup> Editi ac scripti præter unum (quos quidem viderimus) omnes habent, *S. Theoderici* : at legendum, *S. Medardi*, ut in codice Corbeiensi, ex quo sequentem inscriptionem (quæ aliis deest, præterquam in Spicilegii tomo 3), restitui-  
mus : *Domno etc.* Et quidem licet utrique conobio, nempe S. Medardi apud Suessionas, et S. Theoderici prope  
Remos, successive præfuerit Gaufridus; abbas tamen S. Medardi erat tum, cum hæc epistola scripta est. Scripta est  
autem (ut ex epistolarum serie intelligitur) ante annum 1131 quo exectus est Gaufridus in episcopatum Catalaunen-  
sem ex abbacia S. Medardi, cui ab anno 1119 præfuerat post annos octo regiminis apud S. Theodericum.

<sup>c</sup> Scripta circa annum 1125. — <sup>d</sup> In editis, *G*; at in scriptis non paucis, *B*. Nomen integrum, *Benedictum*, exhibet codex Corbeiensis optimæ notæ, ex quo etiam sequentis epistolæ inscriptionem præter alias restituiamus.

factam fuisse meminimus. Nec tamen mirum, <sup>68</sup> quia et multis terrarum spatiis, et diversis provinciis, et dissimilibus linguis ab invicem distamus : nec solum episcopatibus propriis absummus, sed etiam in eodem archiepiscopatu non degimus. Putamus autem quod non de cuicumque notis, sed tantum de nobis notis monasteriis monachos suscipere prohibemur : alioquin cum nullum monasterium sit quod alicui notum non sit, nullum nobis relinquitur de quo quis regulariter suscipiatur. Quomodo ergo illud implebitur, quod a beato Benedicto vel præcipitur, vel permittitur, peregrinum videlicet monachum non solum debere suscipi ad habitandum pro hospite, quanto cupit tempore, sed etiam inventum utilem suaderi ad manendum omni tempore ?

2. Quanquam tamen nos aliter erga prædictum fratrem egerimus. Nam cum veniens se suscipi a nobis humiliter postularet, primo quidem repulsus, deinde admonitus est ut ad monasterium suum rediret. Sed ille non acquiescens, <sup>1</sup> in vicinam nobis eremum se contulit, ibique septem ferme menses, nullam interim calumniam passus, quiete habitavit. Sed cum sibi tutum non crederet quod solus degeret; post primam repulsam idipsum, quod prius, a nobis requirere non erubuit. Rursus nos admonentes eum de reditu, cum causam suæ ab eo discessionis inquireremus : « Abbas, » inquit, « meus habebat me non monachum, sed medicum \*. Cogebat servire, imo ipse serviebat per me, non Deo, sed sæculo, quando ne sæcularium malevolentiam incurreret principum, mederi me compellebat etiam tyrannis, raptoribus, excommunicatis. Quod animæ meæ periculum cum ei, nunc privatim, nunc palam suggessissem, nec profecissem; quorundam tandem sapientium virorum consilio fretus, fugio meam damnationem, non congregationem; perditionem, non religionem. Consulite salutem quaerenti, aperite pulsanti. » Cujus nos videntes constantiam, audientes causam, et nullam contra eum calumniam; annuimus introitum, probavimus susceptum, adstrinximus probatum, tenemus professum. Nec intrare compulimus, nec exire cogemus. Quamvis si eum ejiceremus, ad vos ( ut ipse asserit ) non rediret, sed magis se adhuc a vobis elongaret. Desinite ergo, fratres, desinite tam inde-

bitis innoxios lacessere jurgiis, et cassis scriptitationibus inquietare : quia nec cumulatim etiam contumeliis provocari poterimus, ut vobis, nisi quod reverentiæ est, respondeamus; nec minis exterreri, quominus monachum teneamus, quem regulariter suscepisse nos credimus.

## EPISTOLA LXVIII.

AD EOSDEM.

Unde supra.

Reverendis fratribus Flaviacensibus, abbati H. cæterisque omnibus fratribus, frater BERNARDUS, salutem.

1. Modestiae quidem vestrae erat, o boni fratres, super querimonia vestra priori nostra satisfactione contentos esse debere, et jam ab immeritorum infestatione quiescere. Sed quia prioribus malis pejora junxistis, et rursus nobis jurgiorum seminaria transmisistis (quæ absit ut germinet, sicut nec priora germinarunt in nobis); ne tamen non respondendo, culpam quæ non est, agnoscere videamur, hoc etiam secundo ad ea quæ procaciter objicitis, veraciter respondemus. Hæc tota nostra culpa est, quantum æstimamus; hæc grandis illa injuria quam vobis fecimus, quod monachum, solum, peregrinum, pauperem, miserabilem, animæ suæ periculum fugitantem, salutem suam sollicitè quaerentem, pulsantem, supplicentem suscepimus : seu quod talem, taliter a nobis susceptum, denuo sine causa non ejicimus, ut quod ædificavimus iterum destruentes, prævaricatores nos constituamus. Hinc Regulæ, hinc canonum, hinc ipsius naturalis legis transgressores judicamur. Opponitis enim indignantes, cur vestrum et a vobis excommunicatum nobis sociare præsumpsimus, quod utique ab alio pati nolumus. Sed de excommunicatione quid respondebimus; quando vos inde vobis satisfacitis pro nobis, scientes procul dubio prius a nobis fuisse receptum, quam a vobis excommunicatum ? Cum autem prius susceptus, dum tamen regulariter, fuerit; profecto non jam in

\* Reg. S. Benedicti, cap. 61.

vestrum, sed in nostrum vestræ maledictionis <sup>69</sup> licet jussu vel assensu fratrem B. quamdiu fuit sententiam intorsistis : quod si recte factum sit, A apud vos, in medicinali arte sæcularibus deservisse; ipsumque qui hoc dixit, falsitatis arguitis. Si mentitus sit, nescimus; ipse viderit : sed hoc scimus, quia sive per se ipsum, ut vos fatemini; sive per vos, ut ipse testatur, hæc fecerit, in magno interim periculo fuit. Quis vero tam inhumanus, qui sic periclitanti non succurreret si posset, non consuleret si nosset?

2. Restat igitur sciendum, et hoc tantum quæritur inter nos, an rationabiliter susceptus fuerit. Et vos quidem, quoniam de ignoto monasterio monachum regulariter posse suscipi negare non potestis, vestrum nobis notum esse contenditis. Negamus, et non creditis. Verum si non creditis simpliciter negantibus, credite vel jurantibus. In veritate quæ Deus est, vobis dicimus, nec novimus vos, nec noscimus : ignotorum scripta suscepimus, ad ignotos rescripsimus. Sensimus quidem stimulationes et inquietationes vestras, sed necdum stimulatores B et inquietatores ipsos agnovimus. Vos tamen ad convincendum nos de simulata ignorantia invictissimum argumentum inducitis, non posse videlicet ignotos esse nobis, quorum et abbatis scilicet, et ipsius monasterii nomen in nostris posuimus litteris : quasi mox ut rerum vocabula scimus, etiam res ipsas noverimus. Multum ergo valet mihi Michaelis, Gabrielis, Raphaelis nomina nosse; quando ex solo auditu vocabulorum, etiam de ipsorum beatorum spirituum cognitione jam beatus sum. Non mediocriter, inquam, profeci, quia didici ab Apostolo paradisum et tertium cælum nominare, si etiam non C raptus cum Apostolo, solis ex nominibus secreta cælestia jam novi, et audiavi ineffabilia verba, quæ non licet homini loqui. Stultus ego, qui jam sciens nomen Dei mei, nescio quid adhuc superflue quotidie gemo, frustra suspirans et dicens cum propheta, *Fultum tuum, Domine, requiram*<sup>1</sup>; et illud, *Quando veniam et apparebo ante faciem Dei*<sup>2</sup>? et, *Ostende nobis faciem tuam, et salvi erimus*<sup>3</sup>.

3. Sed quid est quod vobis facimus, quod nobis fieri nolumus? Hoc nos utique nolle putatis, ut quis a nostro monasterio discedens monachus, in alio suscipiatur. Utinam omnes D nobis commissos, sine nobis salvare possetis. Si quis de nostris ad vos majoris perfectionis gratia, et arctioris vitæ desiderio convolaverit, non solum non causamur, si ei in tali studio consulitis; sed et multum precamur ut hoc faciatis : nec offensos nos conqueremur, sed valde in hoc adjutos esse fatebimur. Negatis deinde quod de vobis audieramus, vestro sci-

4. Desinite itaque, fratres, desinite fratrem sollicitare, de quo non valde necesse est vos sollicitos esse : nisi forte, quod absit, quæ vestra, non quæ Jesu Christi sunt, quæretis; et magis vestrum de illo solatium, quam ejus salutem diligatis. Nam cum semper apud vos gyrovagus fuisset, et, ut scribitis, contra suum propositum, et abbatis imperium, in proprios usus quod de arte sua conquirebat, expenderet; gaudeat qui eum diligit, quod apud nos Deo miserante sanatus sit. Testimonium enim ei perhibemus, quod nusquam modo aliqua occasione vagatur : sed quiete perseverans in monasterio, pauper inter pauperes sine querela conversatur, primam fidem quam quidem apud vos promisit, sed non tenuit; non irritam, ut dicitis, faciens, sed ratam, integramque custodiens, morum utique conversione, et obedientissima conversatione, sine qua sese fallit qui de loci stabilitate confidit. Rogamus vos, fratres, ut quiescat jam indignatio vestra, et desinat inquietatio nostra. Sin autem, facite quod vultis, scribite ut vultis, persequimini quantum vultis : charitas omnia suffert, omnia sustinet. Nobis autem decretum est ex hoc jam vos pure diligere, reverenter suspicere, familiariter colere.

<sup>1</sup> Psal. xxvi, 8. — <sup>2</sup> Psal. xli, 3. — <sup>3</sup> Psal. lxxix, 4.

## EPISTOLA LXIX.

AD GUIDONEM<sup>a</sup> ABBATEM DE TRIEUS-FONTIBUS<sup>\*</sup>.

Guidonem, qui incuria ministrantium in consecratione calicis erraverat ob defectum vini, instruit.

1. Unde te contristatum cognovimus, contristatum quidem te esse laudamus, sed si non nimis. Contristatus enim, nisi fallor, quomodo ait Apostolus, *secundum Deum*<sup>1</sup>; nec dubium est huiusmodi tristitiam tuam converti quandoque in gaudium. Itaque, dilectissime, irascere, et noli peccare. Peccabis autem non minus nimis irascendo, quam omnino non irascendo. Siquidem non irasci ubi irascendum sit, nolle emendare peccatum est: plus vero irasci quam irascendum sit, peccatum peccato addere est. Quod si malum est peccatum non emendare, quomodo malum non erit augmentare? Si ex rerum eventibus reatum penderet iudicium, non foret culpanda tua etiam ingens tristitia, ubi nimirum constitisset quod ingens fuisset et culpa. Tanto quippe culpa gravior, quanto res sacrior appareret. Nunc vero quia rerum causa, non materia; nec exitus actuum, sed intentionis propositum culpas discernit et merita, dicente Domino, *Si oculus tuus simplex fuerit, totum corpus tuum lucidum erit; si nequam, totum corpus tuum tenebrosus erit*<sup>2</sup>: in tui quoque examinatione commissi, non tam, ut arbitror, sacrorum est attendenda majestas, quam propria intentio discutienda. Porro ego et Prior noster multum rem ipsam et intra nos pensantes, et inter nos conferentes, tuam quidem ibi deprehendimus ignorantiam, ministrantium quoque negligentiam; sed plane nullius malitiam. Et certe optime nosti, nullum esse bonum, nisi fuerit spontaneum. Malum ergo poterit esse magnum, quod constat voluntarium non fuisse? Alioquin si quod fit, a non volente;

<sup>70</sup> bonum quidem nullam gratiam, malum autem multam consequitur penam: hoc est si circa unam eandemque causam, et malum imputatur, et bonum non suscipitur: quisquis ita sentit, asserat si vult, quod non sapientia malitiam, sed malitia vincit sapientiam.

2. Ut tamen faciamus satis inquietiori conscientiae tuae, et ne forte malum hoc mali cuiuspiam gravioris latentis adhuc in monasterio fuerit commonitio: pro poenitentia tibi injungimus septem Psalmos poenitentiales quotidie usque ad Pascha, septies prosternendo te, decantare<sup>3</sup>, septem disciplinas accipere. In hunc modum satisfaciat et ille qui tibi ad illam Missam ministravit. De illo autem qui sibi ante apparuerat<sup>b</sup>, et oblitus est mittere vinum in calicem, ejus et majorem in hoc aestimamus culpam, si tamen et tu ita putas, tuo arbitrio derelinquimus. Sane si sermo exiit inter fratres, et ipsi omnes singuli singulas accipiant disciplinas, ut fiat quod legitur, *Alter alterius onera portate*<sup>3</sup>. Deinde quod comperta, sero licet, negligentia, vinum fudisti in calicem super hostiae sacratae particulam; laudamus, nec sub tanto articulo melius fieri potuisse putamus: arbitantes liquorem, etsi non ex consecratione propria atque solenni in Sanguinem Christi mutatum, sacrum tamen fuisse ex contactu Corporis sacri<sup>\*</sup>. Aiunt tamen nescio quem alium aliud sensisse scriptorem, non posse videlicet absque tribus, id est pane, vino, et aqua, hoc sacrificium esse, ita ut si quodlibet horum deesse contingerit, reliqua non sanctificentur. Sed de huiusmodi unusquisque in suo sensu abundat.

3. Ego autem pro meo fatuo sensu, si mihi idem contigisset quod tibi, vellem ad remedium mali unum e duobus egisse: aut ipsum quod fecisti, aut certe ab illo loco ubi dicitur, « Simili » modo postquam cenatum est, » verba sancta iterasse; et sic complere quod restabat de sacrificio<sup>c</sup>. Neque enim dubitaverim de Corpore jam consecrato, qui utique juxta ritum Ecclesiae didici ab ipsa quod et ipsa accepit a Domino, panem scilicet ac vinum, et simul apponere, non simul tamen ex his sacra confi-

<sup>1</sup> II Cor. vii, 9. — <sup>2</sup> Matth. vi, 22, 23. — <sup>3</sup> Galat. vi, 2.

<sup>a</sup> Fuit is secundus abbas Trium-Fontium, jam laudatus in epistola 63: anno 1129 successerat Rogerio primo abbati, de cuius obitu in epistola 71.

<sup>b</sup> Quidam codices, *apparuerat*. At preferendum puto cum plerisque, *apparuerat*; id est qui adverterat: gallice, *qui s'en était aperçu*.

<sup>c</sup> Vide Rubricas generales Missalis, cap. de Defectibus materiae, artic. de Defectu vini.



cere. Cum ergo prius de pane Corpus, quam de vino Sanguis more ecclesiastico conficiatur : si per oblivionem tardius quod posterius sacrandum est, apponatur; non video quid sacris præcedentibus tarditas possit præripere consequentium. Puto enim quod si Domino post factum de pane suum Corpus, vini consecrationem placuisset aliquandiu intermittere, aut certe penitus omittere; nihilominus Corpus mansisset quod fecerat<sup>a</sup>, nec factis facienda præscriberent. Nec nego panem et vinum, aqua quidem mixtum, simul debere apponi : quin potius assero laud aliter debere fieri : sed aliud est culpæ negligentiam, aliud negare efficaciam. Aliud, inquam, est quod causamur non bene quidpiam fieri, et aliud quod mentimur nec fieri. Hæc interim de hac re dixerim et senserim, absque præiudicio vel tuæ sententiæ, si quid melius sapis, vel cuiuslibet sanius sapientis.

## EPISTOLA LXX.

AD EUMDEM.

Docet qualis misericordia in pastore esse debeat, monetque ut sententiam in monachum transgressorem latam retractet.

Domno abbati GUIDONI, frater BERNARDUS,  
spiritum scientiæ et pietatis<sup>b</sup>.

Considerans miseri hujus miserabilem conditionem, misereor quidem, sed vereor ne frustra. Neque enim non ideo mihi videor frustra misereri, quod ipso licet remanente in sua miseria, mea tamen vel mihi non sit infructuosa misericordia. In quam utique misericordiam, non propria utilitas inclinavit, sed intimis eam visceribus proximi miseria et fraternus dolor infixit. Misericordia quippe affectio est, quæ nec voluntate coercetur, nec rationi subieitur : quando non eam in se quisque pertrahit voluntario motu<sup>c</sup>, sed ipsa piæ mentes ad compassionem dolentium necessario cogit affectu : ita

ut etiam si peccatum esset misereri, etsi multum vellem, non possem non misereri. Potest quidem ratio vel voluntas affectui effectum subtrahere : sed nunquid ipsum affectum evellere? Discedant a me qui me consolantur, et dicunt quia oratio mea in sinu meo revertetur, dum is pro quo emissæ est, nondum convertitur. Nec audio illos qui mihi blandientes afferunt, *Justitia justis super eum erit*<sup>1</sup>, dum impius in sua adhuc impietate remoratur. Non, inquam, recipio consolationem, ubi fratris video desolationem. Si ergo, dulcissime lili, tua quoque pia mens similiter affecta est, imo quia aliter affecta non est : quanquam tibi infelix iste cunctas suæ egressionis de monasterio, et denuo regressionis regulares vices infeliciter perecurrisse videtur; quia tamen ipse aliter putat, non solum patienter, sed etiam libenter audiendum est quod humiliter calumniatur, si forte tam desperatæ salutis reparandæ rationabilis ulla occasio inveniatur, quam (ut bene mecum tua intelligit experientia) difficile quidem in congregatione, sed multo difficilior foris poterit obtinere. Into itaque omnium fratrum consilio, omnia quæ in eum fecisti judicia diligenter retractare non dedigneris : quatenus tua humilitate ejus contumacia sanetur, si vel sic videlicet adinveniri poterit, quomodo adhuc semel regulariter suscipiatur. Nec timendum est in hac retractatione quod displiceat justo ac misericordi Deo, si misericordia superexaltetur iudicio<sup>\*</sup>. Valet.

## EPISTOLA LXXI.<sup>d</sup>

AD MONACHOS EJUSDEM LOCI.

Se distulisse hætenus visitationem, non incuria, sed expectatione opportunitatis : de Rogerii abbatis obitu eos consolatur.

Quod nondum veni ad vos, non putetur incuria. Curamus siquidem vos tanquam viscera nostra. Si mater potest filii uteri sui negligere curam, possum et ego forsitan in suspicionem duci et argui negligentiae. Itaque opportunita-

<sup>1</sup> Ezech. xviii, 20.

<sup>b</sup> Et hæc inscriptio restituta ex codice Corbeiensi, n. 553.

<sup>c</sup> Alias, *nutu*. — <sup>d</sup> Scripta anno Christi 1127.

<sup>a</sup> Alias, *fuert*.

tem expectavimus et expectamus, ut cum venerimus, visitatio nostra non sit sine fructu. Interim de abscessu patris vestri non turbetur cor vestrum. Deus vobis providebit alium, sicut speramus, pro eo idoneum: sed nec istum perdetis. Nam etsi translatus est, non tamen ablatus. Tantum qui vobis fuerat specialis, erit communis et nobis. Donec ergo venio, viriliter agite, et confortetur cor vestrum, et omnia vestra in charitate fiant. Valet.

## EPISTOLA LXXII.

AD RAINALDUM FUSNIACENSEM ABBATEM <sup>3</sup>.

Ostendit quam sit alienus a laudibus. Jugum Christi leve esse. Patris nomen detrectat, Frater vocari contentus.

Dilectissimo suo RAINALDO, BERNARDUS ejus, non pater aut dominus, sed frater et conservus, quod fratri charissimo, et fideli conservo.

1. Primo ne mireris si terrear dignitatis nominibus\*, cum me ipsis rebus sentiam indignum. Et te quidem deest ut facis, sed mihi assentire non expedit. Nam si tibi observandum putas illud, *Honore invicem prævenientes*<sup>1</sup>; et, *Subjecti invicem in timore Christi*<sup>2</sup>: si non frustra utrobique positum est *invicem*, intelligis et mihi aequè utrumque congruere. Quod si cogitas tibi illam Regulæ sententiam observandam, « Juniores priores suos honorent<sup>3</sup>: » mihi e regione in mentem venit ex regula Veritatis: *Erant primi novissimi, et novissimi primi*<sup>4</sup>; et, *Qui major est vestrum, fiat sicut junior*<sup>5</sup>; et, *Quanto major es, tanto humilia te in omnibus*<sup>6</sup>; et, *Principem te constituerunt? esto inter illos quasi unus ex illis*<sup>7</sup>; et, *Non quia dominamur fidei vestræ, sed adjutores sumus gaudii vestri*<sup>8</sup>; et, *Nolite vocari ab hominibus rabbi*<sup>9</sup>; et, *Patrem nolite vocare vobis super terram*<sup>9</sup>.

Quantum itaque tuis attollor favoribus, tantum his molibus premor. Unde merito in Psalmo non canto, sed plango, *Exaltatus autem humiliatus sum et conturbatus*<sup>10</sup>; et, *Quia elevans allisisti me*<sup>11</sup>. Sed verins fortasse proferrem quod sentio; quia videlicet qui me exaltat, humiliat; et qui me humiliat, exaltat. Tu me ergo potius exaltando dejicis, et extollendo premissis. Sed ne ita premas ut opprimas, consolantur me hæc et his similia Veritatis testimonia, quæ miro modo, dum reprimunt, erigunt; dum deiciunt, erudiunt: ita ut unde projectus, inde et proventus, tota cum hilaritate decantem, *Borum mihi, Domine, quia humiliasti me, ut discam justificationes tuas. Bonum mihi lex oris tui, super millia auri et argenti*<sup>12</sup>. Et hoc miraculum agit sermo Dei vivus et efficax; hoc illud Verbum per quod facta sunt omnia, benignissime et potentissime operatur; hoc denique facit jugum Christi suave, et onus leve<sup>13</sup>.

2. Libet admirari quam leve sit onus Veritatis. Num vere leve est, quod portantem non gravat, sed levat? Quid eo levius onere, quod non solum non onerat, sed et portat omnem, cui portandum imponitur? Hoc onus potuit utrum gravidare virgineum, gravare non potuit. Hoc onus ipsa, quibus se præbuit sustentandum, senis Simeonis brachia sustentabat. Hoc etiam Paulum, in gravi licet et corruptibili corpore positum, rapiebat usque ad tertium cælum. Quæro in rebus si quid forte huic exoneranti oneri simile inveniam, et occurrit mihi de pennis avium, quod ei utcumque coaptum: quæ quodam videlicet singulari modo, et copulentiorum reddunt substantiam, et agiliorem. Mirum opus naturæ! Unde grossescit materia, inde sarcina levigatur; et quantum crescit in massa, tantum decrescit in pondere. Hoc plane in pennis, Christi oneris exprimit similitudinem, quod et ipsæ ferunt a quibus feruntur. Quid et de quadriga dicam? Hæc nimirum admota jumento, sarcinam quæ ab ipso moveri non poterat, auget quidem, sed portabiliorem facit. Onus oneri additur, et minus onerat. Sic

<sup>1</sup> Rom. xii, 10. — <sup>2</sup> Ephes. v, 21. — <sup>3</sup> Reg. S. Benedicti, cap. 63. — <sup>4</sup> Matth. xx, 16. — <sup>5</sup> Luc. xxii, 26. — <sup>6</sup> Eccli. iii, 20. — <sup>7</sup> Id. xxxii, 1. — <sup>8</sup> II Cor. i, 23. — <sup>9</sup> Matth. xxiii, 8, 9. — <sup>10</sup> Psal. lxxxvii, 16. — <sup>11</sup> Psal. ci, 11. — <sup>12</sup> Psal. cxviii, 71, 72. — <sup>13</sup> Matth. xi, 30.

<sup>3</sup> Fusniacum, diocesis Laudunensis, filia Clare-Vallis a Bartholomæo episcopo anno 1121 fundari ceptum, ex Charta in Notis ad Guibertum relata, pag. 659, ubi Elbertus seu Eilbertus, Sancti-Michaelis in Terascia abbas e nostris, locum monasterio condendo cessisse perhibetur. Primus Fusniaci abbas Rainaldus, cui hæc epistola inscripta est. De Fusniaco vide epistolam 5 et librum 1 de Vita S. Bernardi, n. 25.

et oneri gravissimo Legis accedens quadriga<sup>1</sup> Apostoli tuæ religiositati non dominari, sed Evangelii, et auxit perfectionem, et difficultatem minuit. *Velociter*, ait, *currit sermo ejus*<sup>2</sup>. Sermo utique ante notus in Judæa tantum, nec se præ sui quidem gravidine valens ultra extendere; quippe qui et ipsius Moysi manus suopondere prægravatas demitteret: levigatus per gratiam, et rotis evangelicis superpositus, velociter in omnem terram exivit, et in fines orbis terræ celerrime pervolavit. Sed longe nimis digredior.

3. Tu itaque, dilectissime, cessa jam indebitis me honoribus magis obnuere, quam attollere: alioquin cœtui te inimicantium mihi, B amica licet voluntate, commiscet. Ipsi sunt, de quibus soleo soli Deo ita conqueri in orationibus: *Et qui laudabant me, adversum me jurabant*<sup>3</sup>. Ad quam meam querimoniam Deum audio respondentem mox, et attestantem quod verax sit: *Fere*, inquit, *qui te beatificant, in errorem te mittunt*<sup>4</sup>. Et ego: *Avertantur ergo, inquam, statim erubescences, qui dicunt mihi, Euge, euge*<sup>5</sup>. Quod tamen ne putetur in quoscumque adversarios a me quandoque intorta maledictio vel imprecatio, exponere debeo qualiter intelligam. Precor nimirum, ut quicumque existimant de me supra id quod vident C in me, aut audiunt aliquid ex me; avertantur, id est a laudibus meis in quas ignari nimie feruntur, resiliant, et pedem retrahant. Quomodo? Quandoque videlicet cognoscentes plenius quem immoderatus laudant, et consequenter erubescences vel errorem suum, vel amici deprehensam inutilitatem. Et hoc modo utrumque nocentium genus, et illi scilicet qui volunt mihi mala, et me adulatorie commendant; et hi qui licet innocenter, tamen nocent, dum benevole quidem, sed nimie laudant; avertantur retrorsum, et erubescant: hoc est, tam vilis et abjectus eis appaream, quatenus pudeat eos D talem ita laudasse, et sic desinant jam indiscrete laudare. Igitur adversus utrosque laudatores illis me duobus munire consuevi versiculis: contra malevolos quidem priorem, *Avertantur retrorsum et erubescant qui volunt mihi mala*; contra benevolos autem proferens sequentem, *Avertantur statim erubescences qui dicunt mihi, Euge, euge*.

4. Cum ergo, ut ad te revertar, exemplo

congratulari tantum debeam; et juxta verbum Domini unus sit pater noster in cœlis, nos autem omnes fratres simus: non immerito domini patrisque celsa nomina, quibus me honorandum, sed non onerandum putasti; scuto a me veritatis repuli, congruentius pro his me fratrem nominans et conservum, tum propter eandem hæreditatem, tum propter æquam conditionem; et ne, si forte quod Dei est, usurpavero mihi, audiam ab ipso: *Si ego Dominus, ubi est timor meus? si pater, ubi est honor meus*<sup>5</sup>? Et patris quidem habere me erga te affectum non nego, sed auctoritatem renuo. Nec enim te minore, ut existimo, quam paterno complector affectu. Hæc ergo pro tituli causa.

5. Jam vero ut ad reliqua epistolæ tuæ respondeam, eandem, quam tu de mei, possem et ego vicissim de tui absentia non immerito facere querimoniam: nisi quia nostris (quod ipse non negas) et affectibus et profectibus Dei est præponenda voluntas. Alioquin quando ego te comitem mihi charissimum valdeque necessarium, quippe obedientissimum in agendis, studiosissimum in inquirendis, in conferendis utilissimum, promptissimum in memorandis, C paterer longe fieri a me, si non esset Christus in causa? Beati si sic permanserimus usque in finem, semper et ubique quærentes non quæ nostra sunt, sed quæ Jesu Christi.

## EPISTOLA LXXIII.

AD EUMDEM.

Rainaldum de commisso sibi prælationis numere nimis anxium et querulum instruit; monetque opem et solatium suis impendendum, quam ab eis requirendum.

Dilectissimo filio suo Fusniacensi abbati, spiritum fortitudinis<sup>a</sup>.

1. Plangis, dilectissime fili Rainalde, super multis tribulationibus tuis, piisque querimoniis me quoque excitas ad plangendum. Nec enim te

<sup>1</sup> Psal. cxlvii, 15. — <sup>2</sup> Psal. ci, 9. — <sup>3</sup> Isai. lxxv, 12. — <sup>4</sup> Psal. lxxix, 4. — <sup>5</sup> Malach. i, 6.

<sup>a</sup> Sic ex codice Corbeiensi. Alias omittitur inscriptio.

dolente possum non dolere, nec nisi molestus<sup>73</sup> et anxius tuas molestias et anxietates audire. Verum quia hæc ipsa mala quæ te invenisse causaris, et ego prævideram, et tibi, si recorderis, prædixeram; puto te levius præscita portare debere, et mihi unde parcere potes, molestum non esse. Satis namque et plusquam satis crucior te carendo, te non videndo, te dulcissimo mihi solatio non fruendo: ita ut pene pæniteat me, quod te elongaverim a me. Et licet charitas hoc cogeret, quacumque tamen necessitate, quo te non videam, missum, plango te tanquam amissum. Cum ergo super hoc etiam velut quodam tuæ pusillanimitatis baculo me percellis, qui mihi debueras esse baculus sustentationis; tristitiam super tristitiam ingeris, et cruciatum cruciatibus addis: et si mihi pium est nullas tuas angustias dissimulare, tibi tamen durum est sic affecto cunctas indicare. Quid enim necesse est satis sollicitum amplius sollicitare, et absentia filii saucia patris viscera gravioribus torquere doloribus? Onus meum tibi partitum sum ut filio, ut necessario, ut fideli coadjutori meo. Vide quomodo te oporteat paternam portare sarcinam. Si enim sic portas, ut me non alleves, sed magis premas; tu quidem es oneratus, sed ego non sum exoneratus.

2. Hoc autem onus animarum est, et infirmarum. Nam quæ sanæ sunt, portari non indigent; ac per hoc, nec onus sunt. Quoscumque igitur de tuis inveneris tristes, pusillanimes, murmuratos; ipsorum te patrem, ipsorum te noveris esse abbatem. Consolando, exhortando, increpando agis opus tuum, portas onus tuum, et portando sanas, quos sanando portas. Si quis vero ita sanus est, ut magis juvet te, quam juvetur a te: hujus te non patrem, sed parem; comitem, non abbatem agnoscas. Quid igitur causaris, te aliquorum qui tecum sunt, magis gravari consortio, quam frui solatio; cum solus omnium omnibus datus sis solatium, tanquam omnibus sanior, omnibus fortior, qui omnibus sufficias per Dei gratiam solari, et a nemine omnium indigeas confortari? Denique in quantum gravaris, in tantum lucraris; et in quantum juvaris, in tantum tua tibi præmia minuis. Elige ergo quos eligas, an qui gravando juvant, an qui juvando gravant. Illi tibi promeritores, illi fraudatores merito-

rum existunt. Nam qui socii laboris, procul dubio et mercedis participes erunt. Sciens ergo te missum juvare, non juvari; illius te agnosce vicarium qui venit ministrare, non ministrari. Plura tibi ad tui consolationem scribere volebam: sed non fuit necessarium. Nam quid opus est verbis superfluis mortuam chartam implere, ubi viva præsens loquitur? Viso siquidem Priore, puto quod ista tibi sufficiant, et ad ejus præsentiam spiritus tuus revixerit, ita ut jam consolationem scriptorum non requiras, cui interim licet verborum illius solatio relevari: in quo et per quem meum quoque spiritum, quem tibi in tuis litteris mitti postulasti, si quo modo tamen mittere potui, missum esse non dubites; cui quippe, ut bene nosti, idem mecum consilium, eadem solet esse voluntas.

## EPISTOLA LXXIV.

AD EUNDDEM.

Optaverat Bernardus Rainaldum molestis abstinere querimoniis: nunc jubet de rebus ejus se reddi certiores.

Sperabam, charissime, aliquod me percepturum meæ pro te sollicitudinis remedium, si tua te non indicante nescirem incommoda. Unde et in alia epistola memini me ad te sic inter cætera scripsisse: « Et si, » inquam, « mihi » pium est nullas tuas angustias dissimulare; » tibi tamen durum est sic affecto cunctas indicare<sup>1</sup>. » Sed ecce unde meas mihi curas credidi levigari, inde fateor amplius gravari me sentio. Nam ante quidem sola, quæ te innotescente pereceperam, aut dolebam, aut metuebam: nunc autem quid unquam mali evenire potest, quod ego non metuam? Imo juxta tuum Ovidium,

Quando ego non timui graviora pericula veris<sup>2</sup>?

eo quippe suspectus omnia, quo incertus de omnibus, veram sæpe de falsis tristitiam contrahere cogor. Mens siquidem quam semel affecerit charitas, sui juris esse non sinitur. Metuit quod nescit; dolet quod non oportet;

<sup>1</sup> Epist. 73, n. 1. — <sup>2</sup> Ovidius, Heroid. epist. 1, vers. 11.

sollicitatur plus quam voluerit, et unde nolue-  
rit, compatitur nolens, miseretur invita. Et A  
quia vides, fili, nec meam meticulosam indu-  
striam, nec tuam piam prudentiam in hac parte  
prodesse mihi; jam, quæso, noli celare quæ  
circa te aguntur: ne unde te mihi parcere pu-  
tas, magis affligas. Opuscula mea quæ habes,  
da operam, cum opportune potueris, ut ha-  
beam.

<sup>76</sup> Apostolus dicit, *Nemo adolescentiam tuam con-*  
*temnat*<sup>1</sup>; citius, quia juvenes sumus, de levitate  
notemur. Sed confido quia tu consultius ages,  
et locum qui vicinior et jam constructus est,  
eliges: quem amico quidem tenenti nosti oneri  
esse, tibi autem necessarium fore. Vale.

.....

EPISTOLA LXXVI.

EPISTOLA LXXV.<sup>a</sup>

AD ARTALDUM PRULLIACENSEM \* ABBATEM.

Dissuadet monasterii conditionem in Hispania.

Dulcissimo amico et confratri suo ARTALDO  
abbati, frater BERNARDUS, salutem \*.

Quidquid gratiæ et dilectionis impendere sibi  
possunt absentes amici, puto et me debere  
tibi, et mihi deberi a te, non solum ob consor-  
tium propositi et professionis, sed etiam ex  
debito nostræ invicem pristinæ societatis: quæ C  
tam grata utrique, tamque debita devotio,  
quantum in unoquoque nostrum ferveat, in  
nullo evidentius agnoscere seu innotescere pos-  
sumus, quam si alterutrum non celemus, si  
quid forte de alterutro quod non deceat, au-  
dimus. Audivi autem ego de te, quod de sancto  
conventu tuo abbatiam in Hispania construere  
velis. Quod mihi nimirum in magnam admira-  
tionem venit, quid causæ videlicet sit, quid  
consilii, quidve utilitatis, quod filios tuos ex-  
sulare cupis, in locum utique tam longinquum,  
tanto sumptu et labore et quærendum, et ædi-  
ficandum: cum prope te habere possis, ubi eos D  
colloques, jam ædificatum et bene præparatum.  
Nec enim, ut reor, hinc te excusare potes,  
quod locus ille tuus non sit; cum certissime  
sciam quod facillime, si vis, tuus esse possit.  
Numquidnam domnus abbas Pontiniacensis \*,  
qui illum tenet, tibi requirenti negaret? Imo si  
velles accipere, gratissimum haberet: non quia  
bonus non est, sed quia sibi, ut scis, opus non  
est. Timendum valde tibi pariter et mihi, ne si  
sollicite in operibus nostris non servamus quod

AD ABBATEM CANONICORUM S. PETRI-DE-MONTE \*.

B

Quid agendum cum viro, qui post diuturnam in domo  
et habitu religioso conversationem, ad sæculum et  
secundas nuptias transierat.

Reverendissimo patri canonicorum Sancti-Petri-  
de-Monte, frater BERNARDUS, debitæ dile-  
ctionis officium.

Unde placuit tuæ dignationi fratrem hunc  
nostram parvitatem consulere; sic nos quod  
nobis visum fuit, noveris consilium dedisse, ut  
saniori non præjudicaverimus. Ne ergo rerum  
quas scis, superflua narratione te gravemus,  
hæc est summa consilii. Periculosum quidem  
est, et fortassis illicitum, hominem post diu-  
tinam in domo et habitu religionis conversa-  
tionem ad sæculum redisse: quique prius, et  
adhuc priore uxore sua vivente ac consentiente,  
fortissime ac diutissime continentiam tenuit,  
secundis rursus amplexibus se ineptissime atque  
inhonestissime implicuisse. Quia tamen publice  
ac solemniter juxta morem cæterorum homi-  
num, et sine querela vel calumnia ipsum quale-  
cumque conjugium celebratum fuit; non nobis  
videtur tutum, illum illam non consentientem  
D dimittere, nisi prius episcopalis auctoritatis vel  
consilio fretum, vel imperio, aut certe eccle-  
siastico canonicoque judicio \*. Quoniam vero  
hoc tam grande hominis periculum ad te nimi-  
rum non minima ex parte respicere credimus  
(ex eo quippe quod volentem ac flagitantem  
suum confirmare propositum, nimis suscipere  
distulisti, occasione sumpta, diabolus in hæc  
eum mala præcipitavit); omnino ex charitate  
suademus et consulimus, ut quacumque indu-  
stria, quocumque sumptu vel labore potes, mi-

<sup>1</sup> I Tim. iv, 11.

<sup>a</sup> Scripta anno Christi 1127

serum omni modo satagas liberare : conve-  
niendo scilicet aut mulierem, ut illum sponte  
dimittat, et continentiam promittat; aut epi-  
scopum ut ambos vocari jubeat, et, quod recto  
posse fieri credimus iudicio, separet.

## EPISTOLA LXXVII.

AD MAGISTRUM HUGONEM DE S. VICTORE.

Hæc quoque Epistola hoc loco sublata, inter Tracta-  
tus tomo secundo locum meruit.

## EPISTOLA LXXVIII.<sup>a</sup>

AD SUGERIUM ABBATEM SANCTI-DIONYSII \*.

Laudat Sugerium, misso fastu et externo splendore, ad  
modestiae et religiosae disciplinae curam inopinato con-  
versum. Clericum aule potius, quam Dei ministerio  
deditum acriter perstringit.

1. Exiit sermo bonus\* in terram nostram,  
in hominum sine dubio bonis cooperaturus, ad  
quoscumque pervenerit. Enimvero audientes  
omnes qui timent Deum, quanta fecit animæ  
tuæ, gaudent et stupent super tanta et tam su-  
bita mutatione dexteræ Excelsi. Ubique in Do-  
mino laudatur anima tua, audiunt mansueti et  
letantur; et mirantur etiam qui te non nove-  
runt<sup>b</sup>, sed tantum audiunt, qualis de quali  
factus es; atque in te Deum glorificant. Auget  
vero gaudium et miraculum pariter, quod sa-  
lutis consilium, cœlitus infusum tibi, protinus  
tuis refundere, atque ita implere satagisti quod  
legitur, *Qui audit, dicat : Veni*<sup>1</sup>; et illud,  
*Quod dico vobis in tenebris, dicite in lumine;  
et quod in aure auditis, predicate super tecta*<sup>2</sup>.  
Sic strenuus in bello miles, imo sic pius ac  
fortis militum dux, ubi suos forte conspexerit  
in fugam versos, jamque hostili passim gladio  
trucidari; etsi se vel solum videat evadere  
posse, libet tamen mori magis cum illis, sine  
quibus vivere pudet. Proinde stat in prælio, for-

77 titer dimicat, et inter cruentos gladios per me-  
dias acies hæc illacque discurrens, voce et ense  
terret quantum valet adversarios, animat suos.  
Ubi acrius insistere hostem, sociisque gravius  
comperit imminere periculum, ibi adest. Oc-  
currit ferienti, pereunti succurrit: eo quippe  
mori paratus pro singulis, quo desperatus de  
universis. At vero dum paulisper retentare et  
retardare nititur insequentes; suos vero quos  
valet, erigit corruentes, revocat fugientes: fit  
plerumque ut in manu forti tam gratam, quam  
inopinatam obtineat salutem suis, hostibus con-  
fusionem. Fugant tandem quos fugiebant, su-  
perant quos pene sustinebant victores: et qui  
prius periclitabantur de vita, postmodum exsul-  
tant de victoria.

2. Sed quid nos tam religiosum, tam forte  
factum secularibus comparamus, quasi exem-  
pla nobis de ipsa desint religione? An non li-  
quido certus erat Deo pollicente Moyses, si  
quidem perisset populus cui præerat, se non  
solum pariter periturum non esse, sed insuper  
et missum iri in gentem magnam? Et tamen  
quo affectu, quo studio, quibus pietatis visceri-  
bus irritantibus subvenit, obviat irascenti?  
Denique et se objiciens pro delinquentibus ait:  
C *Si dimittis, dimitte; sin autem, dele me de li-  
bro tuo quem scripsisti*<sup>3</sup>. Fidelis advocatus, qui  
quoniam non querit quæ sua sunt, facile obti-  
net omne quod querit. Plane benignus, qui  
tanquam caput unitum membris, genti suæ fir-  
ma charitate coherens, aut illam salvabit se-  
cum, aut non potest nisi idem cum illis subire  
periculum. Jeremias quoque vinctus<sup>c</sup> et ipse  
inseparabiliter suis, sed affectu compassionis,  
non contentionis assensu, præ communi exsi-  
lio et servitute contempsit natale solum ac pro-  
priam libertatem<sup>d</sup>. Quippe cui cæteris migran-  
tibus libere manere in patria liberum fuit: sed  
D maluit captivus abduci cum populo, cui se  
fore<sup>e</sup> et in ipsa captivitate noverat necessarium.  
Paulus eodem procul dubio spiritu optans ana-  
thema esse ab ipso etiam Christo pro fratribus<sup>4</sup>,  
proprio experitur affectu, quam vera sit illa  
sententia: *Fortis est ut mors dilectio, dura sicut  
infernus æmulationis*<sup>5</sup>. Videtis quorum vos imita-  
torem probaveritis? Sed addo adhuc (quem  
pene prætermiseram) et sanctum David, qui  
cernens dolensque populi stragem, angelo per-

<sup>1</sup> Apoc. xxii, 17. — <sup>2</sup> Matth. x, 27. — <sup>3</sup> Exod. xxxii, 31, 32. — <sup>4</sup> Rom. ix, 3. — <sup>5</sup> Cantic. viii, 6.

<sup>a</sup> Scripta anno Christi 1127. — <sup>b</sup> Alias, *viderunt*. — <sup>c</sup> Alias, *vinctus*. — <sup>d</sup> Alias, *voluntatem*. — <sup>e</sup> Alias, *forte*.

cutienti festinus occurrit, et in se potius do-<sup>78</sup> mumque patris sui divinam transferri flagitat A ultionem<sup>1</sup>.

3. Quis hanc tibi perfectionem proponebat? Ego tanta fateor audire de te, etsi desiderabam, non tamen sperabam. Quis nempe te crederet saltu, ut ita dicam, repentino summa occupare virtutum, sublimia meritorum attingere? Sed absit ut pro nostræ fidei speive angustiis immensa Dei pietas æstimetur, qui quod vult, in quo vult operatur, accelerans opus, et allevans onus. Quid enim? tua certe, non et tuorum errata, sanctorum carpebat zelus: tuis, non ipsorum excessibus succensebant: solamque in personam tuam, non etiam in abbatiam fratrum susurrium immurmurabat. Solum denique te in causam vocaverant. Tu te corrigeres, et nil residuum quod pateret calumniæ. Te, inquam, mutato, mox omnis tumultus concideret, quiesceret strepitus. Solumque ac totum erat quod nos movebat, tuus ille scilicet habitus et apparatus cum procederes, quod paulo insolentior appareret\*. Denique deponeres fastum, habitumque mutares, et facile omnium quiescere poterat indignatio. Cæterum tu et fecisti satis causantibus, et adjecisti quod merito collaudemus. Quid enim jam in humanis operibus jure laudabitur, si hoc summa admiratione et laude dignissimum non habetur? Quanquam non humanum, sed divinum profecto sit opus, tantorum simul et tam repentina immutatio. In cœlestibus magnum suscitatur gaudium unius peccatoris conversio: quid totius congregationis? quid et istius?

4. Locus quippe ab antiquo nobilis, et regiæ dignitatis exstiterat; palatii causis regumque exercitiis deservire solebat. Sine cunctatione et fraude, sua Cæsari reddebantur: sed non etiam Deo quæ Dei sunt, persolvebantur æque fideliter\*. Quod audivimus, non quod vidimus, D loquimur: claustrum ipsum monasterii frequenter, ut aiunt, stipari militibus, urgeri negotiis, jurgiis personare, patere interdum et feminis. Quid inter hæc cœleste, quid divinum, quid spirituale poterat cogitari? Nunc vero vacatur inibi Deo, studetur continentiae, disciplinæ invigilatur, lectionibus sanctis intenditur. Juge quippe silentium, et ab omni strepitu sæcularium perpetua quies cogit cœlestia meditari. Porro continentiae labor, et rigor disciplinæ,

psalmodum hymnorumque dulcedine relevan-  
tur. Pudor de præteritis novæ conversationis  
temperat austeritatem. Is autem qui in præ-  
senti per patientiam capitur bonæ conscientiae  
fructus, futurorum quoque bonorum operatur  
desiderium, quod non frustrabitur; et spem,  
quæ non confundit. Venturi timor judicii pio  
cedit fraternæ charitatis exercitio: charitas  
quippe foras mittit timorem<sup>2</sup>. Tædium et ac-  
diam procul pellit sanctarum varietas observa-  
tionum. Et hæc reteximus ad laudem et gloriam  
Dei, tanquam omnium auctoris; non tamen sine  
vestra, tanquam ipsius coadjutoris in omnibus.  
B Potuit quidem ea ipse agere sine vobis; sed  
maluit vos operum habere consortem, ut ha-  
beret et gloriæ. Incepbat Salvator quosdam,  
quod orationis domum speluncam latronum  
facerent<sup>3</sup>. Habebit ergo sine dubio commenda-  
tum, qui e regione operam dedit vindicare  
sanctum a canibus, a porcis margaritam; cujus  
studio et industria Vulcani officina studiis vide-  
tur mancipata cœlestibus, imo sua Deo habi-  
tatio reddita; et in id potius quod ante fuit, ex  
synagoga satanæ restituta.

5. Sane non ad confusionem cujuspiam sive  
improperium præterita mala reteximus; sed ut  
ex comparatione veterum, novitatis decus gra-  
vius venustiusque appareat: quia tunc recentia  
jucundius bona clarescent, cum fuerint malis  
comparata prioribus. Similia ex similibus inno-  
tescunt: sed ex contrariis contraria aut placent  
amplius, aut displicent. Junge nigra candidis;  
et mutua collatione in proprio quaque colore  
distinctius enitescunt. Sic fœda admota pul-  
chris, pulchriora reddunt, magis fœda reddun-  
tur. Ne qua tamen offensionis vel confusionis  
subrepat occasio, replicamus et nos vobis illud  
Apostoli: *Et hoc quidem fuistis, sed abluti  
estis, sed sanctificati estis*<sup>4</sup>. Jam nullus sæcula-  
ribus in domum Dei patet aditus, nullus ad  
sancta curiosus accessus. Nulla jam cum otiosis  
confabulatio permiscetur, solitus puerorum aut  
puellarum strepitus non auditur. Solis pueris  
Christi, de quibus dicitur, *Ecce ego et pueri  
mei mecum*<sup>5</sup>, locus sanctus pervius et exposi-  
tus, divinis tantum laudibus ac sacris solvendis  
votis, debita sollicitudine et reverentia custo-  
ditur. Quam læta martyres aure, quorum per-  
maxima locum ipsum turba nobilitat, horum  
clamores puerorum strepitusque percipiunt!

<sup>1</sup> II Reg. xxv, 17. — <sup>2</sup> I Joan. iv, 18. — <sup>3</sup> Matth. xxv, 13. — <sup>4</sup> I Cor. vi, 11. — <sup>5</sup> Isai. viii, 18.

quibus et vicissim non minori utique suæ affectionis clamore respondent : *Laudate, pueri, Dominum ; laudate nomen Domini*<sup>1</sup> ; et rursum, *Psallite Deo nostro, psallite ; psallite regi nostro, psallite*<sup>2</sup>.

6. Dum manibus pectora, genibus pavimenta tunduntur, votis et devotis precibus altaria cumulantur, sordent genæ lacrymis, gemitibus atque suspiriis mugiunt diversoria ; et pro forensibus causis, canticis spiritualibus sacra tecta resultant : nil supernis civibus magis spectare libet, nil Regi summo jucundius exhibetur. Quid enim aliud est quod ait, *Sacrificium laudis honorificabit me*<sup>3</sup> ? O si quis haberet oculos apertos, quos orando propheta puero revelavit ! videret procul dubio, quemadmodum præveniunt *principes conjuncti psallentibus, in medio juvenecularum tympanistiarum*<sup>4</sup>. Videret, inquam, qua cura, quove tripudio intersunt cantantibus, adsunt orantibus, insunt meditantibus, supersunt quiescentibus, ordinantibus et procurantibus præsent. Agnoscunt nimirum supernæ potestates concives suos ; et pro his qui hæreditatem capiunt salutis, sollicitè congauudent, confortant, instruunt, protegent, providentque omnibus omnes in omnibus. Felicem ego me dixerim qui adhuc vivam, ista etsi non videre, quoniam absens sum, certe vel audire. Cæterum vos, fratres, longe feliciores, quibus ea datum est et acitare. Porro super omnes benedictus, quem tanti primatu boni, totius auctor boni dignatus est : de qua merito prærogativa tibi præcipue, charissime, congratulamur, per quem utique totum est quod miramur.

7. Gravaris forsitan laudibus nostris : sed non oportet. Nil quippe simile habet quod loquimur, illorum blanditiis, qui dicunt *bonum malum, et malum bonum*<sup>5</sup> : atque ita quemcumque beatificant, in errorem inducunt. Blanda, sed periculosa laus, cum *laudatur peccator in desideriis animæ suæ, et iniquus benedicitur*<sup>6</sup>. Noster qualiscumque favor de charitate procedit, et veritatis limitem, prout sapimus, non excedit. Securus gloriatur, qui in Domino gloriatur, hoc est in veritate. Nos non malum

bonum, sed malum diximus quod malum erat. Verum si malis audacter cum vidimus, oblatravimus<sup>7</sup> ; nunc cum ad bona ventum est, silere debemus, et non magis testimonium perhibere bono ? Alioquin corrosores fuisse convincimur, non correctores ; et mordere, quam emendare maluimus, si bonis obmutescimus, qui in tantum reclamavimus malis. Justus corripit in misericordia, peccator adulatur in impietate : ille, ut curet ; iste, ut occultet quod erat curandum. Nihil tibi apud eos qui timentes Dominum glorificant, suspicandum est de oleo peccatoris, quo tuum quondam caput impinguare solebant. Laudamus te, quoniam tu facis unde. Non nos sane adulamur, sed in te Dei munere adimpletur quod psallis, *Qui timent te, videbunt me, et lætabuntur, quia in verbo tuo supersperavi*<sup>8</sup> ; et item, *Collaudabunt multi sapientiam ejus*<sup>9</sup>. En tuam quam plures prædicant sapientiam, sed qui priorem detestati sunt insipientiam.

8. Volo te talium præconiis delectari, qui tam timentæ palpare vitia, quam detrectare virtutibus. Veri isti sunt laudatores, qui ita bona laudare soleant, ut lactare in malis non noverint. Sunt enim ficti laudatores, veri autem detractores, quos Scriptura commemorat, dicens : *Vani filii hominum, mendaces filii hominum in stateris, ut decipiant ipsi de vanitate in idipsum*<sup>10</sup>. Hi plane sunt devitandi, juxta consilium Sapientis dicentis : *Fili, si te lactaverint peccatores, ne acquiescas eis*<sup>11</sup>. Habent ergo et lac et oleum peccatores, suave quidem, sed venenosum, sed mortiferum. *Molliti sunt*, inquit, *sermones ejus, hoc est adulatoris, super oleum, et ipsi sunt jacula*<sup>12</sup>. Habet oleum et justus : sed misericordiæ, sed sanctificationis, sed lætitiæ spiritualis. Habet etiam et vinum, quod animæ insolentis infundat vulneribus. Siquidem dolentis, et quem<sup>b</sup> corde viderit esse contrito, oleo misericordiæ consuevit delinire tristitiam. Ubi corripit, vinum infundit ; oleum, cum blanditur : et quidem vinum absque odio, oleum sine dolo. Proinde non omnis laus, adulatio ; sicut nec omnis reprehensio de animi rancore descendit. Beatus qui dicere potest, *Corripiet me justus in*

<sup>1</sup> Psal. cxii, 1. — <sup>2</sup> Psal. xlvii, 7. — <sup>3</sup> Psal. xlix, 23. — <sup>4</sup> IV Reg. vi, 17. — <sup>5</sup> Psal. lxxvii, 26. — <sup>6</sup> Isai. v, 20. — <sup>7</sup> Psal. ix, 3. — <sup>8</sup> Psal. cxviii, 74. — <sup>9</sup> Eccli. xxxix, 12. — <sup>10</sup> Psal. lxi, 10. — <sup>11</sup> Prov. i, 10. — <sup>12</sup> Psal. lrv, 22.

<sup>a</sup> Hinc apparet, Bernardum in laxiores ejus conobii monachorum mores antea scripsisse, forsitan in Apologia, ut mox notatum.

<sup>b</sup> Alias, quam.



*misericordia, et increpabit me; oleum autem*<sup>81</sup> *peccatoris non impinguet caput meum*<sup>1</sup>: quod ubi longe fecisti a te, dignum te probasti oleo et lacte sanctorum.

9. Quærant sibi jam in parvulis Babylonis dulces, sed truces matres, quibus lac mortis emulgeant, quos blandis mulcant favoribus, ac flammis nutrant sempiternis. Nam Ecclesiæ alumnus ex uberibus sapientiæ, lactis melioris expertus dulcedinem, jam in eo cœpit crescere in salutem; jam et ex eo satiatus eructat dicens, *Meliora sunt ubera tua vino, fragrantia unguentis optimis*<sup>2</sup>. Et hoc ad matrem. Verum item gustato, ac probato quam suavis est Dominus, ut vere patrem dulcissimum, ait ad ipsum: *Quam magna multitudo dulcedinis tuæ, Domine, quam abscondisti timentibus te*<sup>3</sup>! Impletum est profecto desiderium nostrum. Olim enim cum dolens cernebam tanta te aviditate de labiis adulantium, mortis escam, peccati sugere fomitem<sup>4</sup>; optans tibi et gemens, intra me aiebam: *Quis mihi det te fratrem meum sugentem ubera matris meæ*<sup>4</sup>? Sint procul a te jam blandi ac fraudulentæ lactatores, qui cum in faciem te benedicerent, probri omnium atque ludibriis exponebant; et eorum præsens *Euge*<sup>5</sup>, orbis tibi fabulam pariebat, imo te fabulam orbi. Si mussitant etiam nunc, dicito illis: *Si adhuc vobis placere, Christi servus non essem*<sup>6</sup>. Quibus in malis placuimus, æque et in bonis placere non possumus: nisi forte mutati, prius incipiant et ipsi odisse quod fuimus, et sic demum quod sumus diligere.

10. Duæ nostris temporibus ortæ sunt in Ecclesia novæ et execrandæ præsumptiones, quarum una (ut pace tua commemorem) tua est illa pristinæ conversationis insolentia. Sed hæc auctore Deo emendata est, ipsi ad gloriam, tibi ad coronam, ad gaudium nobis, omnibus ad exemplum. Potest etiam facere Deus, ut citius et super altera consolemur. Quam sane odiosam admodum novitatem et vereor proferre in medium, et prætermittere gravor. Urget quippe linguam in verba dolor, sed timor ligat. Timor duntaxat, ne quem offendam, si palam fecero, quod me movet, quoniam veritas nunquam odium parit. Veruntamen de hujus-

modi odio, ipsam quæ parit illud, ita me audio consolantem: *Necesse est, ait, ut veniant scandala*. Nec me, ut aestimo, tangit omnino quod sequitur: *Væ autem homini illi per quem scandalum venit*<sup>7</sup>. Cum enim carpuntur vitia, et inde scandalum oritur; ipse sibi scandali causa est, qui fecit quod argui debeat, non ille qui arguit. Denique nec cautior sum in verbo, nec circumspectior in sensu, illo qui ait: « Melius » est ut scandalum oriatur, quam veritas relin- » quatur<sup>8</sup>. » Quanquam nescio quid prosit, si quod mundus clamat, ego tacuero; omniumque passim naribus injecto fetore solus dissimulo pestem, nec audeo nasum contra pessimum putorem propria munire manu.

11. Cujus enim cor non indignatur, ejus vel clam lingua non submurmurat, diaconum contra Evangelium Deo et manimonæ pariter ministrantem, sic quippe sublimatum honoribus ecclesiasticis, ut nec episcopis inferior videatur; sic implicatum militaribus officiis, ut præferatur et ducibus? Rogo quid hoc est monstri, ut cum et clericus, et miles simul videri velit, neutrum sit? Par satis utrobique abusus, sive quod diaconus mensæ regię deputetur ministerio, sive quod Regis dapifer mysteriis altaris inserviat. Quis sane non miretur, imo et detestetur, unius esse personæ, et armatum armatam ducere militiam, et alba stolaque indutum, in medio ecclesiæ pronuntiare Evangelium; tuba indicere bellum militibus, et jussa episcopi populis intimare? Nisi forte (quod intolerabilius est) erubescit Evangelium, de quo Vas electionis admodum gloriatur<sup>9</sup>; et confunditur videri clericus, magisque honorabile dicitur putari se militem: curiam Ecclesiæ præfert, Regis mensam altari Christi, et calici Domini calicem dæmoniorum. Quod plane credibilius ex eo videtur, quia cum honores non paucos, sed quantos nec canones nisi inviti patiuntur, teneat in Ecclesia; unius tamen, quem et in palatio assecutus est, magis, ut aiunt, gloriatur ex nomine, quam cæterorum quolibet appellari. Cumque sit archidiaconus, decanus, præpositusque in diversis Ecclesiis; nihil horum tamen tam eum, quam Regis delectat vocitari dapiferum. O nova et exosa perversitas! itane plus

<sup>1</sup> Psal. cxi, 5. — <sup>2</sup> Cantic. i, 1, 2. — <sup>3</sup> Psal. xxx, 20. — <sup>4</sup> Cantic. viii, 1. — <sup>5</sup> Psal. xxxiv, 21. — <sup>6</sup> Galat. i, 10. — <sup>7</sup> Matth. xviii, 7. — <sup>8</sup> S. Greg. Magn. Hom. 7 in Ezech. paulo post init. et S. Aug. de Lib. Arbitr. et de Prædest. sanctorum. — <sup>9</sup> Rom. i, 16; II Tim. i, 8, etc.

<sup>a</sup> Alludit Bernardus hoc loco ad Sugerii nomen.

debet hominis, quam Dei famulum nominari? <sup>82</sup> ris brevis supersedendum indiceret: maxime ac terreni, quam celestis Regis dici officialem, A que quia te offendere veritus sum, peperi homini, quippe quem tibi aiunt familiaribus jam olim amicitis esse devinctum. Sed nollem te habere contra veritatem amicum. Si tamen persistis, verum te amicum proba: et da operam, quomodo et ipse amicus sit veritatis. Tunc demum veræ erunt amicitiae, si veritatis fuerint fœderatæ consortio. Quod si ille non acquieverit tibi; tene quod tenes, hostiæque caudam junge capiti \*, ac tunicam, Dei gratia jam polymitam, cura facere et talarem: quoniam cœpisse nil proderit, si (quod absit) non perseverare contigerit. Et hic sit epistolæ finis, ubi tu de fine boni commonitus es.

12. Mira, sed cæca ambitio, magis imis quam summis delectari; et cui funes ceciderant in præclaris, insatiabili desiderio amplexari stercora, et pro nihilo habere terram desiderabilem. Confundit penitus ordines, et utroque officio delicate satis abutitur: dum et hinc eum B delectat pompa, non militia secularis; et illinc quæstus, non cultus religionis. In quo quis facile non advertat quantum sit dedecoris, non minus utique regno, quam sacerdotio? Ut enim clericalis constat non esse dignitatis, regum stipendiis militare: sic nec regiæ majestatis, rem fortium administrare per clericos \*. Denique quisnam regum suæ unquam militiæ clericum præfecit imbellem, et non magis quempiam fortissimum ex militibus? Quis item clericorum aliquando æque sibi non judicavit indignum, laicæ cujuscunque personæ mancipari obsequiis? Ipsum certe quod gestat in capite signum, C plus regius decet fastus, quam famulatus; itemque regale fastigium magis armis, quam psalmis innitur. Sane si alteri forte (ut assolet) accessisset, quod detrahitur alteri, quo vel regis videlicet humiliatio clericum amplius sublimasset, aut clerici certe dejectio regio contulisset honori: ut verbi gratia, si nobilis aliqua mulier viro nubat plebeio, illa quidem minuitur ex illo, sed ex illa crescit ille: si ita, inquam, vel rex ex clerico, vel clericus ex rege proficeret; malum quod ex parte fuisset, utcumque forsitan tolerari debuerat. Nunc autem cum utriuslibet diminutio neutrum provebat, sed suæ potius D alterutrum plurimum detrahebant dignitatis, quando nec clericum decet regis, ut dictum est, esse vocarive dapiferum, et nihilominus regem, nisi in manu utique fortium, regni gubernacula possidere: mirum valde quomodo utraque potestas hoc patitur, quod vel Ecclesia non abiecit diaconum militarem<sup>a</sup>, vel curia clericum principem non contemnit.

13. Et acris ista et multiplicius inculcare volueram, ac fortassis debueram, nisi epistola-

## EPISTOLA LXXIX.<sup>b</sup>

AD ABBATEM LUCAM \*.

Feminarum contubernium fugiendum monet. Et quid de fratre in crimen lapsos faciendum.

1. Bonum nobis de te, charissime, et bonum valde rarum ostendisti, dum minoris te, non solum non contempseris monita, sed gratias insuper retuleris monitori: prudenter utique non a quo, sed quid moneretur attendens. Gratias ago et ipse Deo, quod mea præsumptio gratiam egit magis, quam indignationem meruerit. Tenentes itaque tuæ tantæ humilitatis insigne, ampliori jam fiducia monemus quod et prius monuimus. Obsecramus per sanguinem illum qui pro animabus fusus est, ne tanti emptarum parvipendatur periculum, quod maxime ex virorum et feminarum cohabitatione non immerito timetur ab his, qui in schola Dei diu jam contra diaboli tentamenta luctati, propria experientia edocti dicere possunt cum Apostolo: *Non enim ignoramus astutias ejus*<sup>1</sup>. Denique quam non negligenter te oporteat audire non meum, sed ipsius Apostoli de hac re consilium, imo præceptum aperte clamantis, *Fugite fornicationem*<sup>2</sup>; ipsius nunc tam turpiter lapsi fratris (super quo et nostram dignatus es consulere parvitatem) te doceat experimentum. De quo quidem miror, quid tibi visum fuerit, me tam

<sup>1</sup> II Cor. II, 11. — <sup>2</sup> I Cor. VI, 18.

<sup>a</sup> Alias, *militem*. — <sup>b</sup> Scripta circa annum 1130.

remotum expetere consultorem, cum prope<sup>85</sup> habeas virum sapientem nostri Ordinis, et tuæ A præcipue domus amatorem, Guillelmum scilicet abbatem Sancti-Theoderici. Sed et apud Præmonstratum non ambigo viros esse consilii, qui in rebus dubiis enodandis et prudentes sint et fideles.

2. Verumtamen quia sic tibi placuit, videris tu cur ita placuerit, ego labia mea non prohibebo. Si frater casum suum, quantumlibet gravem, quantumlibet turpem, prior ipse confessus fuisset; et curandus foret, et non effugandus. Nunc autem quoniam tanti mali aliunde fetor emersit; nihilominus quidem ejus, si fieri potest, curationi operam dare necesse est, sed aliter. Fortassis enim non expedit, ut ulterius apud vos remorari sinatur: ne forte, quod te non immerito quidem timere scripsisti, pusillus et novellus grex hujusmodi tæbe contaminetur. Nec tamen filio, quantumlibet peccatori, paternæ omnino claudenda sunt viscera. Arbitror autem et patri pium, et filio tutum esse consilium, si quæras ei quomodo in aliqua e remotioribus domini Norberti domibus recipiatur, ubi sub districtiori disciplina, mutato loco, non proposito, penitentiam agat, donec quandoque, cum tibi visum fuerit, ad locum proprium C revocetur. Nam ad nostrum Ordinem ut trans-eat, vestro fortassis non expedit. Et quidem quod scripsisti, illum sæpe dixisse, nostra se promissione tenere, quia eum, si cum licentia veniret, susceperemus; hoc in nostra præsentia etiam ipse negavit. Sane si tibi non placet usquam eum illorum quæ dixi locorum mittere ad habitandum, aut te volente iste forsitan non consentit, aut eum utrique complacere, forte non inveniatur qui eum recipere velit: tunc oportet ut aut urgente necessitatis causa, quocumque ad salvandam animam suam ire voluerit, cum litteris dimittatur; aut dispensante pietatis gra- D tia, in suo loco retineatur: si tamen persentiri potuerit, quomodo ibidem omnis ei occasio iterandi aut seminandi hanc turpitudinem penitus subtrahatur. Et de isto ista sufficiant.

3. Est aliud apud vos de quo ea præsumptione, qua soleo, non cunctabor dicere quod sentio. De molendino illo dico, quod Conversi<sup>a</sup>

custodientes, feminarum pati coguntur frequentiam. Si mihi creditur, unum e tribus liet: aut videlicet feminarum accessus omnimodis a molendino prohibebitur; aut molendinum cuicumque extraneo, et non Conversis custodiendum committetur; aut idem omnino molendinum relinquetur.

## EPISTOLA LXXX.<sup>b</sup>

AD GUIDONEM ABBATEM MOLISMENSEM<sup>c</sup>.

Consolatur afflictum ex gravi injuria: vindictam vero misericordia temperandam.

Quanto tibi in hac, quam audiui, tua adversitate affectu condoleam, novit affectuum Deus omnium cognitor, bonorum inmissor. Sed rursum cum considero, non per quem, sed a quo inmissa sit hæc tribulatio; quantum tibi de præsentī molestia compatio, tantum de prosperitate mox futura spero congratulari: si tamen et tu consilium in perturbatione non amittendo, idipsum mecum sapias, et de manu Domini mala, sicut et bona, cum sancto Job æquanimiter suscipias<sup>1</sup>; imo exemplo sancti David, non tam his, etsi servis tuis, pro tantis malis indignari, quam sub potenti manu Dei (qui procul dubio illos misit ad malefaciendum tibi) humiliari te oportere scias<sup>2</sup>. Verum quia et ad te constat pertinere correctionem illorum, utpote servorum ecclesiæ tibi commissæ, dignum est ut pro tam nefaria præsumptione servi nequam corripiantur, ac de rebus eorum damnum monasterii aliqua ex parte recompensetur. Sed ne tuam magis in hoc ulcisci injuriam, quam illorum ferire culpam videaris; rogo, rogansque consulo, ne tam quod illi digni sunt, penses, ut quod tibi dignum est non consideres: ut videlicet misericordia judicio superexaltetur, et in tua modestia Deus glorificetur. Porro illum filium tuum, mihi quoque propter te et propter se ipsum satis charum, ore tuo et nostro spiritu commonemus, ut non eatenus sua, etsi

<sup>1</sup> Job 11, 10. — <sup>2</sup> II Reg. xvi, 10.

<sup>a</sup> De Conversis infra, ad epistolam 143. Similis epistola 404 de fugiendo consortio mulierum.

<sup>b</sup> Scripta circa annum 1130.

<sup>c</sup> Guido secundus post S. Robertum abbas cœnobii Molismensis, de quo in epi tolis 13, 41, 60.

justa, indignatione debrietur, quatenus domi-  
nici illius præcepti obliviscatur; quo pernitenti A  
unam maxillam, præbere jubemur et alteram <sup>1</sup>.

## EPISTOLA LXXXI.<sup>a</sup>

AD GERARDUM ABBATEM PULTARIENSEM <sup>\*</sup>.

Purgat se adversus iniquam criminationem.

Scripsisse me aliquid ad comitem Nivernensem in tuæ personæ accusationem, nec recor-  
dor, nec verum est. Cæterum si pro ecclesia  
tua ad eundem principem litteras misi; hoc  
non adversum te, sed pro te egisse me arbitror.  
Siquidem audieram ipsum tuo et assensu, et  
consilio proposuisse venire ad visitandum vos;  
ad probandum de tantis malis quæ de domo  
vestra divulgabantur, an vera essent, aut cujus  
culpa essent: ut quod forte sinistrum reperiret,  
ibidem ejus et studio et sollicitudine corrigeretur<sup>b</sup>. Cujus tam justum et tam pium propositum  
si hortatu nostro roborare curavi; cur te inde  
kesum jure conqueraris, non video. Puto enim  
me recte fecisse, si de domo Dei zelum Dei habens, ejus providentiam qui emendaturus erat,  
commonui. Quod autem ex auctoritate Scripturæ  
arguis me peccasse, quasi qui prius te non cor-  
ripuerim: scito me nullam de persona tua  
querelam habere; sed solum ut pax fiat in eccle-  
sia tua, ex charitate procurare. Denique ipsius  
rei veritatem plenius cognosces, si ad nos cau-  
sam ipsam, ut dicis, attuleris. Poteris autem  
hic me invenire, quacumque instantis hebdo-  
madæ die libererit.

## EPISTOLA LXXXII.<sup>c</sup>

AD ABBATEM SANCTI-JOANNIS CARNOTENSIS <sup>\*</sup>.

Abdicationem curæ pastoralis, et peregrinationem Jero-  
solymitanam dissuadet.

1. Ad ea de quibus nostram curasti consulere

parvitatem, primum quidem non respondere  
statueram: non quod dubitaverim quid respon-  
dere deberem, sed quia viro consilii consilium  
dare aut presumptuosum judicabam, aut su-  
perfluum. Cæterum cogitans quod plerisque,  
imo cunctis pene contingere sapientibus solet,  
in rebus videlicet dubiis plus alieno se, quam  
proprio credere judicio; et qui aliorum facile  
ambigua quæque elucidant, in suis consueve-  
runt scrupulosius hæsitare: statutum non, ut  
arbitror, irrationabiliter frango, sed simpliciter  
pauco quod visum est mihi, non præjudicans  
sanius sapienti. Significasti mihi, nisi fallor, per  
virum religiosum Ursum abbatem Sancti-Dio-  
nysii <sup>\*</sup>, suggeri tibi a cogitationibus tuis, de-  
serere patriam, domumque, cui Deo auctore  
præes; et pergere Jerosolymam, vacare dein-  
ceps Deo, vivere tibi. Et quidem tendenti ad  
perfectionem, patriam relinquere fortassis ex-  
pediat, dicente Deo, *Exi de terra tua et de  
cogitatione tua* <sup>2</sup>: sed qua ratione curam tibi  
creditam animarum exponere debeas, omnino  
non video. Quid enim? blanditur depositæ sar-  
cinæ libertas? Sed charitas non quærit quæ sua  
sunt. Forte quietis provocat et otii gustus sua-  
vior? Sed evacuatur dispendio pacis. Libenter  
carebo quantolibet etiam spirituali quæstu, qui  
non possit acquiri nisi cum scandalo. Ubi enim  
scandalum, ibi procul dubio charitatis est detri-  
mentum: ubi autem diminutio charitatis, miror  
quod vel quale possit spiritualis exercitii spe-  
rari lucrum. Denique si propriam quisque  
quietem communi prætulerit utilitati, quis jam  
veraciter dicere poterit, *Mihi vivere Christus  
est, et mori lucrum* <sup>3</sup>? ubi erit quod item dicit  
Apostolus, *Nemo sibi vivit, et nemo sibi mori-  
tur* <sup>4</sup>? et, *Non quod mihi utile est, sed quod  
multis* <sup>5</sup>? et, *Ut qui vivit non jam sibi vivat, sed  
ei qui pro omnibus mortuus est* <sup>6</sup>?

D 2. Sed dicis: Unde ergo mihi tantum deside-  
rium, si ex Deo non est? Pace tua dixerim  
quod sentio. *Aquæ furtivæ dulciores sunt* <sup>7</sup>, et  
hujuscemodi omni, ut ita loquar, absinthio  
amariorem dulcedinem ab angelo satanæ sub  
prætextu angeli lucis, sitienti cordi tuo infundi  
non dubitat, quisquis ejus astutias non ignorat.  
Et revera quis alius possit scandalorum esse  
suggestor, discidii auctor, turbator unitatis et

<sup>1</sup> Matth. v, 39. — <sup>2</sup> Gen. xii, 1. — <sup>3</sup> Philipp. i, 21. — <sup>4</sup> Rom. xiv, 7. — <sup>5</sup> I Cor. x, 33. — <sup>6</sup> II Cor. v, 15. —  
<sup>7</sup> Prov. ix, 17.

<sup>a</sup> Scripta circa annum 1130.

<sup>b</sup> Nempe is in jus successerat Gerardi comitis, Pultariensis monasterii fundatoris. — <sup>c</sup> Scripta circa annum 1128.

pacis; nisi veritatis adversarius, charitatis æmulus, hostis antiquus generis nostri, et inimicus crucis Christi diabolus? Siquidem is cujus invidia mors intravit in orbem terrarum, etiam nunc bonis quæ te facere videt, invidet: et cum sit mendax ab initio, mentitur et nunc, meliora pollicens quæ non videt. Quando namque veritas fidelissimæ illi sententiæ obviaret, *Alligatus es uxori? noli quærerere solutionem* <sup>1</sup>? aut quando charitas scandalum suaderet, quæ ad omnium scandala uri se perhibet <sup>2</sup>? Ille ergo, ille, inquam, nequissimus, et charitati per livorem, et per mendacium veritati contrarius, falsum mel cum vero felle permiscens, dum promittit dubia pro certis, immittit etiam vera pro falsis: non ut conferat quod frustra speras, sed ut auferat quod fructuose tenes. Circuit et quærit, qualiter ovibus curam pastoris subripiat, procul dubio perituris, dum non erit qui eripiat; et nihilominus pastorem horrendo illi maledicto subijciat: *Væ illi per quem scandalum venit* <sup>3</sup>. Sed confido de sapientia tibi a Deo data, quod nullis maligni versutiis abduci vel seduci poteris, spe incerti boni certum inire malum, et æque certum deserere bonum.

## EPISTOLA LXXXIII. <sup>a</sup>

AD SIMONEM ABBATEM SANCTI-NICOLAI \*.

Eum in persecutione solatur. Pios conatus non semper optatos habere successus. Prælati arctioris disciplinae studioso quid agendum cum subditis.

1. Persecutionem \* quam propter justitiam pateris, per litteras tuas non sine compassione cognoscentes, licet Christi consolatio de promissione regni tibi sufficiat; tamen nos quod nostrum est, et consolationem quam possumus, et consilium quod intelligimus sanum, fideliter exhibemus. Quis enim sine anxietate videat Petrum de mediis fluctibus brachia tendentem? sine dolore audiat columbam Christi non cantantem, sed gementem, tanquam quæ dicat, *Quomodo cantabimus canticum Domini in terra aliena* <sup>4</sup>? Quis, inquam, sine lacrymis lacrymas

ipsius Christi, de lino profundi etiam nunc levantis oculos suos in montes, unde veniat auxilium sibi, respiciat? Veruntamen nos, ad quos pro humilitate tua respicere te dicis, montes non sumus; sed et ipsi de convalle lacrymarum laboriosis conatibus enitentes adversus renitentis inimici insidias, ac mundialis malitiæ violentiam, tecum clamamus: *Auxilium nostrum a Domino, qui fecit cælum et terram* <sup>5</sup>.

2. Omnes quippe, qui pie volunt vivere in Christo, persecutionem patiuntur <sup>6</sup>: ita ut cum eis nunquam desit pie velle <sup>b</sup>, non semper tamen adsit et perficere pro bona voluntate. Sicut enim impiorum est piis bonorum propositis assidue reluctari: sic contra pietatem non est, propter multitudinem adversantium, quamvis justa et sancta desideria paucorum plerumque non perfici. Sic Aaron sceleratis tumultuantis populi contra voluntatem suam clamoribus cessit <sup>7</sup>. Sic Samuel eidem populo, inordinate regem petenti, invitus Saûlem inunxit <sup>8</sup>. Sic David cum vellet construere templum; propter infestantium tamen bella inimicorum, quia vir bellicosus erat, prohibitus est facere quod sancte proposuit <sup>9</sup>. Simili forma tibi, pater venerande, consulimus, ut tamen sapientiorum consilio non præjudicemus, quatenus ad tempus propositi tui tibi que consentientium rigorem sic temperes, ut infirmorum salutem non negligas. Invitandi quippe sunt ad arctiorem vitam, non cogendi, quibus utique semel in Ordine illo Cluniacensi præesse consensisti. Illis autem qui arctius vivere desiderant, aut condescendere imbecillioribus ex charitate, quantum sine peccato possunt, suadendum est, aut ibidem tenere quod cupiunt permittendum, si absque utrarumque partium scandalo fieri potest; aut certe de congregatione liberos dimitti, fratribusque aliis secundum eorum propositum viventibus sociari oportet.

<sup>1</sup> I Cor. vii, 27. — <sup>2</sup> II Cor. xi, 29. — <sup>3</sup> Matth. xviii, 7. — <sup>4</sup> Psal. cxxxvi, 4. — <sup>5</sup> Psal. cxx, 2. — <sup>6</sup> II Tim. iii, 12. — <sup>7</sup> Exod. xxxii. — <sup>8</sup> I Reg. x. — <sup>9</sup> II Reg. vii.

<sup>a</sup> Scripta circa annum 1129. — <sup>b</sup> Alias, *vivere*.

## EPISTOLA LXXXIV.

AD EUNDEM.

Monachum erroneum remittit, sed reducee lenius et mitius tractari suadet.

Provide, ut videtis, et non frustra erronea ovicula vestra<sup>a</sup> contra morem nostrum a nobis, non nobis, sed sibi et vobis detenta est, cum tali circumventionem, imo utili subventionem, ut fratri pro aetioris vitae desiderio, et pro fratris reditu vestrae tandem nihilominus voluntati satisfactum sit. Hæc autem dico, non ut nostram erga vos in hoc velim commendare benevolentiam, quam per quidquid facere possum, vix sufficerem, sicut est, demonstrare: sed ut certum nunc habeatis, quod et ante vobis dixisse me memini, quia sæpe inquietos animos, quibus sua, in qua sunt, vita non sufficit, districtior experta compescit. Consilium nostrum super ipso fratre reconciliato velle vos scripsistis audire: sed non putavi necesse fore, cum paratus veniat non suam, ut solet, a vobis extorquere, sed vestrae, ut decet, in omnibus voluntati acquiescere. Difficultatem ingressus, quam valde timet, pro ipso et cum ipso supplicamus pie temperari, et aliquanto mitius cum eo agi, quam cum cæteris solet fugitivis. In similibus enim factis<sup>\*</sup> causa dissimilis simile recusat iudicium. Multum quippe differunt a se, qui timore aut odio religionis de monasterio fugit, et qui ejusdem amore et desiderio transit ad aliud.

AD GUILLELMUM ABBATEM S. THEODERICI.

Hic inseritur ab aliis Epistola ad Guillelmum Sancti-Theoderici abbatem, quam vice Præfationis Apologiæ ad eundem scriptæ præfixam vide tomo secundo.

EPISTOLA LXXXV.<sup>b</sup>

AD EUNDEM GUILLELMUM \*.

Suaviter perstringit Guillelmum, conquerentem sibi a Bernardo paribus amoris officiis non responderi.

Domno abbati GUILLELMO frater BERNARDUS, charitatem de corde puro, et conscientia bona, et fide non ficta<sup>c</sup>.

1. Si nemo scit quæ sunt in homine, nisi spiritus hominis qui in ipso est<sup>1</sup>; si sola in facie videt homo, quia solus Deus intuetur cor<sup>2</sup>: miror, nec satis mirari possum, quomodo, quave ratione sic tuam atque meam ad invicem dilectionem pensare et distinguere potuisti, quatenus non solum de proprio, sed et de alieno sententiam corde proferres. Error siquidem est humanæ mentis, non modo bonum putare malum, et malum bonum, aut verum falsum, et e converso: sed etiam certa recipere pro dubiis, dubia pro certis. Forte verum est quod dicis, minus scilicet a me amari te, quam me diligis: sed certe certus sum, certum non esse tibi. Quomodo ergo pro certo affirmas, de quo certum est quia certus minime sis? Mirum! Paulus se suo iudicio non credit, *sed neque*, inquit, *me ipsum iudico*<sup>3</sup>. Petrus luget suam qua se sefellerat præsumptionem, cum de suo loqueretur, dicens: *Et si oportuerit me mori tecum, non te negabo*. Discipuli de proditiione Domini, nec in suis fidentes conscientis, singuli respondebant: *Numquid ego sum, Domine*<sup>4</sup>? David suam de se ignorantiam fatetur Dorans et clamans: *Et ignorantias meas ne meminervis*<sup>5</sup>. Tu vero nescio qua fiducia, non solum de tuo, sed et de meo corde tam aperte declamas: « Ut plus amans, » inquit, « minus diligar. »

2. Hæc quippe sunt verba tua, quæ nollem fuisse tua, quia nescio si sunt vera. Sed et tu, si scis, unde scis? unde, inquam, probasti magis nos a te diligere, quam te a nobis? An ex hoc

<sup>1</sup> I Cor. ii, 11. — <sup>2</sup> I Reg. xvi, 7. — <sup>3</sup> I Cor. iv, 3. — <sup>4</sup> Matth. xxvi, 35, 22. — <sup>5</sup> Psal. xxiv, 7.

<sup>a</sup> Nicolaum vocat Bernardus ipse in Apologia ad Guillelmum, n. 4. — <sup>b</sup> Scripta circa annum 1123.

<sup>c</sup> Inscriptio ex codice item Corbeicensi.

quod in tuis litteris subjunxisti, quia videlicet<sup>88</sup> dignus sit, diligatur. Verumtamen si meliores qui vadunt et veniunt per te de nostris, nullum tibi a nobis deferunt monumentum gratiæ vel amoris? Quod vero monumentum, quod amoris experimentum a nobis requiris? Numquid forte scrupulum movet tibi, quod ad plura jam tua ad nos scripta, necdum vel semel rescripsi<sup>89</sup>?

Sed quando ego maturitatem sapientiæ tuæ delectari posse putarem scriptitationibus imperitiæ meæ? Sciebam enim qui dixit : *Filioli, non diligamus verbo neque lingua, sed opere et veritate*<sup>1</sup>. Quando vero unquam opere meo opus tibi fuit, et defuit? O scrutans renes et corda Deus! qui unus sol justitiæ diversa servorum tuorum corda diversis gratiis, velut radiis, illustras; quod diligam illum ex dono tuo, et suo merito, tu scis, et ego sentio : quatenus autem diligam, tu scis, ego nescio. Tu, inquam, Domine, qui dedisti, scis quantum dedisti vel illi me, vel mihi illum amare. Et quomodo aliquis nostrum, cui tu non dixisti, audet dicere, « Plus amans, minus diligor : » nisi forte qui jam in lumine tuo videat lumen suum, id est, in lumine tuæ veritatis agnoscat, quanto ardeat igne charitatis?

3. Ego autem, Domine, interim contentus videre in lumine tuo tenebras meas, quoadusque visites sedentem in tenebris et umbra mortis, et per te revelentur cogitationes cordium, et manifesta fiant abscondita tenebrarum, fugatissimeque tenebris jam non videatur in lumine tuo nisi lumen : sentio quidem de munere tuo quod eum diligam; sed necdum video in lumine tuo, si vel satis diligam. Neque enim scio si jam pervenerim ad illam, qua nemo majorem habet, dilectionem, ut animam suam ponat quis pro amicis suis. Nam quis gloriabitur castum se habere cor, nedum perfectum? O Domine, qui illuminas lucernam meam, qua jam video et horreo tenebras meas; Deus meus, illumina D ipsas quoque tenebras meas, ut videam et gaudeam ordinatam in me charitatem, sciens et diligens quæ diligenda sunt; et quantum, et ad quid diligenda sunt; me quoque nolens diligere nisi in te, et quantum diligendus sum. Væ etenim mihi, si (quod valde vereor) aut ego plus ab illo quam merui, aut ille a me minus quam

A magis diligendi sunt (sunt autem meliores, qui magis diligunt) : quid aliud dixerim, quam illum plus me diligere, quem meliorem esse non dubito; me vero minus illum quam debeo, quia minus valeo?

4. Sed quanto in te (tibi, pater, dico) major est charitas, tanto minus contemnenda est a te nostra possibilitas : quia etsi plus diligis, quoniam plus vales; non tamen plus diligis quam vales. Nos autem, etsi minus diligimus quam debemus, diligimus tamen quantum valemus : tantum autem valemus, quantum accepimus.

B Trahe nos post te, ut te apprehendamus, et tecum amplius accipiamus, unde largius diligamus. Quid ergo tu niteris nos apprehendere, et quereris non posse? quos apprehendisti, si attendisti; et adhuc facere poteris, cum volueris, quales quidem sumus, non quales sperabas. Nescio quippe quid aliud intueris in nobis, quod non habemus; et sequeris pro nobis, quod non sumus. Ideoque non consequeris, quia non sufficimus : et ut denique in epistola tua juste causaris, Deus tibi in nobis, non nos deficimus. Nunc vero si talia placent, qualia modo mugatus sum, mandato, et adjiciam : ut cum obediero, C præsumptionis non timeam notam. Præfationiculam<sup>b</sup> quam tibi mitti jussisti, non habui modo ad manum : neque enim adhuc dictaveram, quia nec necessariam esse putabam. Quidquid vel tibi, vel amicis tuis recte vis; qui dedit velle, det et perficere pro bona voluntate, omni mihi amicitiae jure colende, pie ac reverendissime pater.

<sup>1</sup> I Joan. III, 18.

<sup>a</sup> Hæc ergo prima est Bernardi ad Guillelmum epistola, quæ proinde sub annum 1125 scripta est.

<sup>b</sup> Epistola scilicet quæ præfigitur Apologiæ ad eundem Guillelmum, quæ huic epistolæ in plerisque præmittitur manuscriptis. Confer epistolam 88, n. 3, et alias ad Guillelmum.

EPISTOLA LXXXVI.<sup>a</sup>

AD EUMDEM.

Monachum fugitivum dure increpitum et increpandum remittit. Ipsi vero Guillelmo, mutationem aut vitam privatam meditantī, perseverare suadet.

Frater BERNARDUS de Clara-Valle, suo illi quod suo.

1. Hanc mihi tu salutationis formulam tradidisti, scribendo, « Suus ille quod suus. » Accipe quod tuum est, et agnosce usurpationem unanimi-  
tatis esse indicium; et cum quo est mihi commune verbum, animum non distare. Jam ad tuas litteras breviter pro tempore respondendum est: quæ cum mihi in manus venerunt, Natalis Domini nostræ \* dies festus illuxerat, ejus me totum jure sibi devotio vindicans, nihil aliud cogitare sinebat. Sed et nuntius repedare festinans, vix usque in crastinum, ut hæc jam festo exoccupatus qualiacumque rescriberem, expectavit. Fugitivum itaque fratrem dure a me, utpote durum corde, increpatum, nihil melius interim potui, quam ad locum remittere unde fugerat <sup>b</sup>: quippe quem juxta nostras consuetudines domi absque consensu abbatis sui retinere non debui. Oportet autem et a te eum similiter asperere increpari, et ad humilem provocari satisfactionem; deinde tuis confortari litteris, ad abbatem pro eo directis.

2. De infirmitate nostra nihil certius modo sciscitanti tibi indicare possum, nisi quod infirmus et fui, et sum; nec minus solito, nec multum plus. Quod vero non mihi quem missurus eram, causa est, plus me animarum scandalum, quam unius corporis periculum timuisse. Jam ne quid horum, de quibus mandasti, omnino prætermittam, venio etiam ad te. Velle te audire scripsisti, quid te ego (tanquam qui omnia tua norim) facere velim. Sed hoc, nisi fallor, si modo dicerem, nec tu posses, nec ego consulerem. Volo enim et ipse quod te velle de te jam olim non latet me \*. Ceterum mea atque tua æque, ut æquum est, voluntate postposita, magis quod velle Deum de te puto, et mihi ut

<sup>a</sup> tibi snadeam, tutum duco; et tibi si persuadeam, A non incommodum. Tene itaque meo consilio quod tenes, mane in quo es, et stude prodesse quibus præes; nec præesse refuge, dum prod-  
esse potes: quia vae quidem tibi si præes, et non prodes; sed vae gravius, si quia præesse metuis, prodesse refugis.

EPISTOLA LXXXVII.<sup>c</sup>

B AD OGERIUM CANONICUM REGULAREM \*.

Improbat abdicationem curæ pastoralis, etsi piæ quietis amore factam. Instruit nihilominus, quomodo deinceps privatus in cenobio vivere debeat.

Totius visceribus charitatis amplectendo fratri OGERIO canonico, frater BERNARDUS monachus, sed peccator, digne Deo conversari usque in finem.

1. Si tibi ad tuas litteras tardius videor re-  
scripsisse, noveris potius opportunitatem nuntii C defuisse. Quas enim nunc primum legis, jamdudum crede dietatas: sed, ut dixi, propter latoris inopiam tardavi mittere, quod scribere non tardavi. Legi itaque in tuis litteris, te illam, quam graviter forebas, curæ pastoralis sarcinam deposuisse, licentia siquidem ab episcopo vix impetrata, imo extorta tua importunitate: et hoc non aliter, nisi ut in ejus episcopatu, quocumque alibi manens, ab ejus subjectione non recederes. Tu vero cum tibi hoc non placeret, archiepiscopum adiens, et ab ipso tanquam superiori auctoritate securitatem accipiens, ad priorem locum, et ad tuum D abbatem reversus es. Ubi qualiter post hæc vivere debeas, a me doceri flagitas, egregio utique doctore et magistro incomparabili, qui cum coepero docere quod nescio, vel tunc incipiet sciri quam nihil scio. Itane lanam quærit ovis a capra, aquam molendinum a furno, verbum sapiens a stulto? Præterea per totam seriem litterarum attollens me supra me, multum de me laudabilia intermises: quorum quia ipse mihi conscius non sum; et tuæ hæc benevolentiae adscribo, et ignosco ignorantiae. Tu

\* Scripta circa annum 1130. — <sup>b</sup> Alias, *exierat*. — <sup>c</sup> Scripta circa annum 1126.



enim vides in facie, Deus autem in corde : sub<sup>90</sup> cuius tremendo aspectu si sollicite me circumspicio, certum est quod eo ipse mihi notior sum quam tibi, quo propinquior. Ideoque magis credo mihi de me videnti me, quam tibi opinanti de me quod non vides in me. Quod si quid forte a me audisti quod posset prodesse tibi, gratias Deo age, in cuius manu sumus nos et sermones nostri.

2. Satisfacis etiam mihi pro eo, quod consilium meum non tenueris, confortantis te et monentis animo non frangi, pusillanimitate non vinci, sed portare patienter onus impositum, quod semel susceptum deponere non licebat : de qua re ipse mihi, sicut postulas, satisfacio pro te. Agnoscens siquidem sapientiæ meæ siccitatem, imo insipientiæ meæ semper suspectam habens temeritatem; cum non fit quod fieri laudo, nec audeo, nec debeo indignari, desiderans quemque consultius agere, quam a me acceperit. Quoties vero mea sententia eligitur ac tenetur, gravi, fateor, onere me premi sentio, rei finem semper pavidus et nunquam securus expectans. Videris tu tamen, si consulte meum de hac re consilium mutaveris \*. Viderint hi quorum saniori, si quorum tamen, super hoc fretus es consilio, an rationabiliter egeris. Viderint, inquam, si liceat christiano injunctam sibi dimittere obedientiam ante mortem, cum Christus factus sit obediens Patri usque ad mortem. Etiam, inquis, per licentiam : nam quæsi eam ab episcopo, et accepi. Bene, licentiam quidem quæsi, sed quomodo non licebat; ac per hoc non acceperisti, sed extorsisti. Extorta autem seu coacta licentia, licentia non est, sed violentia. Quod ergo tua importunitate victus episcopus fecit invitus, non fuit absolvere, sed abrumper.

3. Congratulor quidem tibi, quod sis exoneratus : sed vereor ne Deus a te, quantum in te est, exhonoratus sit; cuius procul dubio ordinationi resistis, dum promotus ab illo tu te dejicias. Quod si excusans paupertatis præteritis necessitatem; necessitas parit coronam : si difficultatem, si impossibilitatem; omnia possibilia sunt credenti. Sed responde quod verius est, quia scilicet placuit tibi magis quies tua, quam utilitas aliena. Nec mirum : placet fateor et mihi, quod hæc quies placeat tibi, si tamen non nimis. Quodcumque autem bonum ita placet, ut

si recte fieri non possit, placeat tamen fieri eo etiam modo quo fas non est, nimis est : ac per hoc jam quia bene non fit, non est bonum. Scriptum est enim : *Si recte offers, et non recte dividis, peccasti*<sup>1</sup>. Aut ergo oportuit te gregem dominicum minime servandum suscipere, aut susceptum nequaquam relinquere, juxta illud : *Alligatus es uxori? noli quærere solutionem*<sup>2</sup>.

4. Sed ad quid nitor his ratiocinationibus? Numquid suadeo tibi redire ad onus regiminis, cum jam non pateat locus recuperationis? aut desperare te intendo, quasi qui te tali ligaveris culpa, quam jam solvere non possis? Absit : sed tantum nolo te illud, tanquam nullum vel parvum malum, negligere; imo semper timere, semper pœnitere, semper securum non esse, sicut scriptum est : *Beatus homo qui semper est pavidus*<sup>3</sup>. Vides certe quem timorem tibi incutere nitor, non qui tibi sit laqueus desperationis, sed qui spem acquirat beatitudinis. Est siquidem timor inutilis, tristis, crudelis, qui veniam, quia non quærit, non consequitur. Est et timor pius, humilis, fructuosus, qui cuilibet, quantumlibet peccatori, facile misericordiam promeretur. Talis timor generat, nutrit, et servat humilitatem, sed mansuetudinem, sed patientiam, sed longanimitatem. Quem non delectet tam inclyta proles? Alterius vero misera soboles est pertinacia, immoderata tristitia, rancor, horror, contemptus et desperatio. Non hoc ergo qui desperationem, sed illo qui generat spem, timens ne non timeres, vel parum timeres; tuam tibi culpam sic rememorandam esse putavi.

5. Est etiam adhuc, quod magis timeo tibi, ne forte, sicut de quibusdam scriptum est, quod *lætantur cum malefecerint, et exsultant in rebus pessimis*<sup>4</sup>; tu quoque deceptus, non solum hoc putes culpam non esse, sed insuper (quod absit) in corde tuo glorieris, te magnum aliquid, et quod a paucis solet fieri, fecisse : dum qui emancipatus etiam aliis præeras, contemnens prælationem rursus subdi prælato maueris. Falsa humilitas, veram inducens superbiam in cor talia cogitantis. Quid namque superbius, quam spontaneæ et tanquam liberæ adscribere voluntati, quod vel cogit necessitatis vis, vel pusillanimitatis infirmitas? Quod si nec labore victus, nec necessitate compulsus, sed volens hoc fecisti; nihil hoc quoque superbius. Dei

<sup>1</sup> Gen. iv, 7, sec. LXX. — <sup>2</sup> I Cor. vii, 27. — <sup>3</sup> Prov. xxviii, 14. — <sup>4</sup> Id. ii, 14.

quippe consilio tuum prætulisti, magis eligens<sup>91</sup> magistro fieri denuo discipulus non erubuisti. tibi quiescere, quam ejus operi deservire, ad A Nam cum pastoralis vinculo solutus posses tui quod te ipse assumpserat. Si ergo unde Deum contempsisti, inde ad majorem ejus gloriaris contemptum, non est bona gloriatio tua. Sed cave gloriationem, tolle et securitatem: quatenus utiliter semper sollicitus sis, semper humiliter pavidus, non illo scilicet timore, qui, sicut jam dixi, provocat iram, sed illo qui mitigat.

6. Qui horribilis timor si quando terrendo tuum pulsaverit animum, tacite suggerens tuum obsequium Deo esse non posse acceptum, et quod tua sit infructuosa pœnitentia, quia videlicet unde Deus a te offensus est, per te emendari non potest: ne ad momentum quidem recipias, sed fidenter responde et dic, Male quidem egi, sed factum est, et jam non potest non fieri. Quis scit si hoc mihi Deus expedire providerit, et de malo meo ipse qui bonus est, bonum mihi operari voluerit? Malum ergo puniat quod ego feci, bonum autem maneat quod ipse providit. Nostis quippe inordinatis seu voluntatibus, seu actionibus novit bonitas Dei uti, semper quidem recte in sui ordinis pulchritudinem; sæpe etiam pie in nostram utilitatem. O clementissima circa filios Adam divinæ pietatis recordatio! quæ sua non desinit largiri beneficia, non solum ubi nullum invenit meritum, sed plerumque etiam ubi totum videt contrarium. Sed ad te redeamus. Secundum ergo duos timores qui supra distincti sunt, volo te timere, et non timere; præsumere, et non præsumere. Timere, ut pœniteas; non timere, ut præsumas: porro præsumere, ne diffidas; non præsumere, ne torpescas.

7. Agnosce, frater, quantum de te confisus sum, qui te tam acriter increpare; tum factum, nec mihi satis probatum, tam audacter dijudicare non dubitaverim, cum id forsitan rationabilius a te actum fuerit, quam mihi hucusque notum sit. Neque enim tu in tuis litteris fortasse rationes omnes illas, quibus excusari posset hoc factum, ponere voluisti, vel propter tuam humilitatem, vel propter litterarum brevitatem. De re ergo quam plene non novi, suspensam relinquens sententiam, unum quod fecisti irretractabiliter laudo, quod videlicet deposito jugo regiminis, sine jugo tamen esse noluisti: sed amicam repetens disciplinam, de B Prudens ergo humilitas humilisque prudentia fuit, quod nequaquam credens ad salutem te posse sufficere tibi, alieno potius arbitrio deinceps vivere proposuisti.

8. Laudo etiam, quod non novum vel magistrum, vel locum requisisti, sed ad claustrum de quo exieras, et ad patrem sub quo profeceras, familiariter redisti. Rectius quippe fuit ut domus quæ te nutrierat, sed pro fraterna charitate dimiserat, exoccupatum reciperet, quam de ejus desolatione aliena gauderet. Quod tamen in hoc episcopi licentiam non habueris, C nolo ut negligenter ducas: sed aut per te, aut per mediam personam, quantum in te est, satisfacere non differas. Post hæc conversare simpliciter inter fratres, devotus Deo, magistro subditus, senioribus obediens, junioribus temperans<sup>c</sup>, Angelis placens, verbo utilis, humilis corde, mansuetus ad omnes. Cave autem, ne, quia olim in honore positus fuisti, etiam nunc te putes præ cæteris honorandum: sed magis humilem omnibus exhibeas, tanquam de cæteris unum. Nec enim dignum est ut inde exigas honorem, unde refugis laborem.

9. Potest hinc etiam nasci aliud periculum, ad quod te præmonitum et præmunitum esse volo. Nam sicut omnes ita mutabiles sumus, ut plerumque quod heri volebamus, hodie recusamus; et quod hodie nolumus, cras desideremus: sic quandoque diabolo suggerente poterit contingere, ut ex memoria relictis honoris tui animum pulset cupiditas; ita ut omnia quæ viriliter contempsisti, pueriliter desiderare incipias. Dulcescent animo quæ prius amara fuerunt, sublimitas loci, domus cura, rerum

<sup>a</sup> Nimbrum qui ex monacho fit abbas, eximitur a jure et subjectione sui abbatis.

<sup>b</sup> Alias, *sensio*. — <sup>c</sup> Alias, *obtemperans*

dispensatio, obsequia famulorum, libertas tui, <sup>92</sup> lectio ad scientiam. Si virtutem appetis humilitatis, viam non refugas humiliationis. Nam si non pateris humiliari, non poteris ad humilitatem provehi. Prodest itaque mihi meam insipientiam sciri, et a scientibus<sup>a</sup> jure confundi, cui sæpe contigit a nescientibus injuste laudari. Terret me Apostolus, qui et ipse teritus dicit : *Parco autem, ne quis me existimet supra id quod videt in me, aut audit aliquid ex me*<sup>4</sup>. Quam pulchre dixit, *parco*. Non parcit sibi arrogans, non parcit sibi superbus, non cupidus vanæ gloriæ, et jactator actuum suorum, qui vel sibi arrogat quod est, vel mentitur de se quod non est. Solus qui vere humilis est, parcit animæ suæ : qui ne putetur, quod non est, semper quantum in se est, vult nesciri quod est.

10. En tota illius elegantissimi et eloquentissimi doctoris sapientia, a quo doceri de tam longinquo postulasti : en illud expectatum ac desideratum eulogium, quod audire tantopere studuisti : hæc summa nostræ eruditionis. An adhuc aliquid magnum expectas? totum audisti. Quid amplius requiris? exhaustus est fons, et tu quæris aquam in secco? Exemplo illius evangelicæ viduæ, de paupertate mea totum quod habui, misi<sup>1</sup>. Quid verecundaris? quid vultum dimittis? Tu me coegisti. Sermonem quæsisisti; sermonem habes. Sermonem, inquam, habes jam satis longum, sed mutum; verbis plenum, sensibus vacuum : non quo, ut petieras, in corde tua charitas ordinetur, sed quo mea inscitia publicetur. Nam unde jam poterit excusari? Possem forsitan dicere, quod febre tertiana laborans, quod pro officio meo curis occupatus hæc dictaverim, cum scriptum sit : *Sapientiam scribe in otio*<sup>2</sup>. Sed hæc recte prætenderem, si grande aliquod atque operosum opus aggressus fuisset. Nunc autem in tantillo opusculo, ut occasionibus me non excusum, nihil horum certius prætereundum possum, quam, ut sæpe jam dixi, scientiæ paupertatem.

11. Sed habeo nonnullam meæ confusionis consolationem. Nam etsi non feci ut petieras, si non misi quod speraveras; agnoscis certe quia volui. Sufficiet autem voluntas, ubi deesse vides facultatem explendi. Denique etsi tibi nullam conferat utilitatem, vel mihi proficiet ad humilitatem. Stultus quippe dum non loquitur, sapiens putatur<sup>3</sup> : nam quod non loquitur, non sensus inopia, sed humilitatis esse custodia creditur. Ego itaque si adhuc siluisset, sapiens dicerer, sed non essem. Nunc autem alii insipientem me ridebunt, alii subsannabunt idiotam, alii præsumptori indignabuntur. Putasne parum hoc mihi conferat religionis emolumentum, cum humilitas, ad quam utique ducit humiliatio, totius sit spiritualis fabricæ fundamentum? Siquidem humiliatio via est ad humilitatem, sicut patientia ad pacem, sicut

12. Grande revera periculum, audire quemquam de se supra quam sentit in se. Quis dabit mihi apud homines tantum de veris digne humiliari, quantum vel de falsis datum est indigne exaltari? Illam mihi vocem propheticam jure assumerem : *Exaltatus autem, humiliatus sum et conturbatus*<sup>5</sup>; et illud, *Ludam, et vilior fam*<sup>6</sup>. Ludam scilicet ut illudar. Bonus ludus, quo Michol irascitur, et Deus delectatur. Bonus ludus, qui hominibus quidem ridiculum, sed Angelis pulcherrimum spectaculum præbet. Bonus, inquam, ludus, quo effimur opprobrium abundantibus, et despectio superbis. Nam revera quid aliud sæcularibus quam ludere videmur, cum, quod ipsi appetunt in hoc sæculo, nos per contrarium fugimus; et quod ipsi fugiunt, nos appetimus? More scilicet jocularum et saltatorum, qui capite misso decorsum, pedibusque sursum erectis, præter humanum usum stant manibus vel incedunt, et sic in se omnium oculos defigunt. Non est hic ludus puerilis, non est de theatro, qui femineis D foedisque anfractibus provocat libidinem, actus sordidos repræsentet : sed est ludus jucundus, honestus, gravis, spectabilis, qui celestium spectatorum delectare possit aspectus. Hoc casto et religioso ludo ludebat qui dicebat : *Spectaculum facti sumus Angelis et hominibus*<sup>7</sup>. Hoc ludo et nos interim ludamus, ut illudamur, confundamur, humiliemur, donec veniat qui potentes deponit, et exaltat humiles; qui nos lætificet, glorificet, in æternum exaltet.

<sup>1</sup> Luc. xxi, 2-4. — <sup>2</sup> Eccl. xxxviii, 25. — <sup>3</sup> Prov. xvii, 28. — <sup>4</sup> II Cor. xii, 6. — <sup>5</sup> Psal. lxxvii, 16. — <sup>6</sup> II Reg. vi, 22. — <sup>7</sup> I Cor. iv, 9.

<sup>a</sup> Alias, sapientibus.

EPISTOLA LXXXVIII.<sup>a</sup>

AD EUNDEM.

Se multis occupationibus impeditum, hactenus non potuisse votis ejus satisfacere; cogique etiam modo parcius scribere. Opusculum quoddam suum edi in publicum vetat, nisi recognitum.

1. Omitto nunc imperitiam meam, taceo professionis humilitatem, seu humilitatis professionem; nec jam obtendo vel loci, vel nominis mei non dico abjectionem, sed medioeritatem: quia quidquid tale dixerō, tu hoc non necessariam excusationem, sed dilatoriam occasionem nominabis, qui meam, ut mihi videbatur, justam verecundiam, pro tuo libitu nunc indiscretionem, nunc falsam humilitatem, nunc etiam veram superbiam interpretaris. Horum itaque, quia tibi in dubium venire possunt, nihil assero. Illud autem simpliciter tuæ dilectioni intimo, quod indubitanter te credere volo: toto scilicet hoc tempore, ex quo tuus nuntius, non is, sed alius recessit a me, nullum mihi omnino fuisse otium ad id quod poscis idoneum, tum propter dierum malitiam, tum propter noctium brevitem. Sed et nunc quoque ita me novissimæ tuæ litteræ occupatissimum invenerunt, ut ipsas etiam occupationum causas pro mei excusatione longum fuerit mihi scribere tibi. Vix quippe illas tuas inter prandendum (nam illa hora mihi primum redditæ sunt) perlegere potui. Vix has meas quantulascumque furtim, raptim, anticipatis horis, breviter succinecteque rescripsi. Quarum quidem brevitem an æquo animo feras, tu videris.

2. Ego enim, ut verum fatear, propter te, mi Ogeri, ipsis curis meis compellor irasci, quamquam in his teste conscientia, soli charitati cupiam deservire: cujus profecto imperio, quia sapientibus et insipientibus debitor sum, ipsa sola facere potuit, ut necdum tibi potuerim satisfacere. Quid ergo? charitas tibi denegat quod tu petis ex charitate? Petisti, quæstisti, pulsasti; et charitas te frustrata est. Quid mihi

<sup>91</sup> indignaris? Si vis, si audes, irascere charitati.

A De qua namque præsumis impetrare quod postulas, ipsa prohibente fit ne impetres. Et ecce jam longum causatur sermonem, et tibi indignatur qui cogis. Non quod sibi displiceat zelus quo id facis; quippe quem et ipsa donavit tibi: sed vult te illum habere secundum scientiam, ut cautus sis majora minoribus non impedire. Vides quam invitus avellor a longiori epistola, dum ductus delectatione tibi colloquendi, et desiderio satisfaciendi, dominæ charitati molestus fio, qua jamdudum imperante finem fieri, necdum taceo. O quam lata in tuis litteris patet materia respondendi. Quod si digne licuisset ut libuisset; et tibi forsitan satis esset et mihi. Sed quæ aliud præcipit, domina est, imo dominus est. Deus enim charitas est<sup>1</sup>: et satis agit pro imperio, quatenus debeam potius obtemperare sibi, quam vel mihi, vel tibi. Et quoniam oportet charitati Deo magis obedire quam hominibus; nolens dolensque, non quidem nego quod postulas, sed interim differo: ne dum tuæ cupio humiliter satisfacere voluntati, sub prætextu falsæ humilitatis per veram superbiam, arcem tantæ potestatis, quæ, te veraciter attestante, etiam Angelis imperat in cælis, terrenus C vermiculus in terris videar impugnare.

3. Libellum quem quæris, ipse quoque antequam tuus nuntius ad nos veniret, ab eo cui commendaveram, requisivi: sed necdum recepi. Dabo autem operam ut vel cum veneris, si tamen unquam aliquando veneris, illum invenias, videas, et legas; non autem transcribas. Nam illum alium quem te significas transcripsisse, ego quidem legendum tibi miseram, non transcribendum: videris tu, qua vel quorum utilitate transcripseris. Quod autem te mittente eum nunc habet abbas de Sancto-Theoderico, ego quidem non jusseram\*, nec tamen displicet mihi. Utquid enim libellus meus oculos ejus formidaret, cui se videndum animus quoque meus totum, si posset, expanderet? Sed heu! in quanta sermonis angustia mentio se ingressit de tali viro, ne liceat, ut dignum erat, in tam dulcissima nobis memoria aliquandiu immorari, quando jamjamque desiderat epistola finem? Obsecro te ne graveris opportunitatem quærere quomodo ad eum pergas, prædictumque opusculum non prius eniquam scribendum vel legendum exponas, quam cum eo totum

<sup>1</sup> I Joan. iv, 16.

\* Scripta circa annum 1127.

pervideas; pariterque conferatis, et corrigatis<sup>23</sup> est nobis invicem diligenter dictare, quæ vel quæ corrigenda sunt, ut in ore duorum testium A stet omne verbum. Et tunc demum an passim cuilibet, an paucis tantum, an vel cuiquam, an forte etiam nulli expediat demonstrari: et si illa quoque præfatiuncula\*, quam de nostris aliis litteris eidem coaptasti, apte sedeat, an vero aptior quæri debeat, vestro utriusque iudicio derelinquo.

4. Sed jam pene mihi exciderat quod in principio epistolæ tuæ questus es, quod te arguerim mendacii. Hoc aliquando me locutum fuisse, non satis recolo. Si quid tamen fuerit (nam magis me oblitum, quam tuum nuntium mentitum crediderim), jocando potius quam serio dictum fuisse non dubites. Egone levitate te usum putaverim, aut apud te esse Est et Non? Absit a me hæc suspicio de te, qui iugo veritatis beatus quod portas ab adolescentia, lascivos annos morum superas gravitate. Nec tam simplex sum, ut simplicem oris prolationem sine cordis duplicitate mendacium putem: nec tam incuriosus tui, ut oblitus sim, vel quod jamdudum conceperis in affectu, vel quid ab effectu impederit.

## EPISTOLA LXXXIX.<sup>a</sup>

AD EUMDEM.

Scriptiois brevitate excusat prætextu sacri temporis, cui potius silentium competat: item professionis, et ruditatis, ut docendi munus usurpare non audeat.

1. Indignaris forsitan, vel, ut temperantius dicam, miraris, quod pro longiori epistola, quam a nobis speraveras, tam brevem chartulam receperis. Sed memento juxta virum Sapientem, omnia sub cælo tempus habere: et tempus quidem loquendi, et tempus esse tacendi<sup>1</sup>. Quando autem suum tempus silentium habebit, si hos etiam sacros dies Quadragesimæ nostra sibi vindicat confabulatio? Eaque ipsa tanto occupatior, quanto laboriosior; dum non quidem præsentibus alterutrum dicere leviter valemus quæ volumus, sed absentibus necesse

est nobis invicem diligenter dictare, quæ vel petimus ab invicem, vel petimur. Dum vero absens cogito, dictito, scriptito, mittoque quod præsens legas; rogo ubi otium, ubi silentii quies\*? Sed hæc, inquires, omnia facere potes in silentio. Mirum si ex sententia hoc respondeas. Quantus enim tumultus est in mente dictantium, ubi multitudo perstrepit dictionum, ubi orationum varietas, et diversitas sensuum concurrit; ubi sæpe respicitur quod occurrit, et requiritur quod excidit: ubi quid pulchrius secundum litteram, quid consequentius juxta sententiam, quid planius propter intelligentiam, quid utilius ad conscientiam, quid denique, cui, vel post, vel ante ponatur, intentissime attenditur; multa que alia quæ a doctis in hujusmodi curiosius observantur? Et tu in hoc mihi dices esse quietem? tu hoc, etiamsi lingua sileat, silentium nominabis?

2. Quanquam non solum temporis, sed nec meæ professionis est, huic rei operam dare quam postulas, nec possibilitatis adimplere quod optas. Siquidem vel monachi quod esse videor, vel peccatoris quod sum, officium non est docere, sed lugere\*. Indoctus quoque (quod et vere me fateor esse) si præsumat docere C quod nescit, nihil indoctius agit. Docere itaque nec indocto est in promptu, nec monacho in ausu, nec penitenti in affectu. Sed et propter hoc elongavi fugiens, et maneo in solitudine, et cum propheta proposui custodire vias meas, ut non delinquam in lingua mea<sup>2</sup>: quoniam juxta eundem prophetam, *Vir linguosus non dirigitur super terram*<sup>3</sup>; et secundum aliam scripturam, *Mors et vita in manibus lingue*<sup>4</sup>. Silentium autem, dicente Isaia, *cultus justitiæ est*<sup>5</sup>; et, *Bonum est, ut docet Jeremias, expectare salutare Dei cum silentio*<sup>6</sup>. Ad hunc ergo justitiæ cultum, hanc omnium virtutum matrem, nutricem, custodem, ne penitus videar negare quod petisti; et te, et quicumque tui similes proficere cupiunt in virtutibus, invito et provoco, etsi non verbo doctrinæ, certe mei silentii exemplo, ut vel silentio doceam te silere, qui loquendo compellis me docere quod nescio.

3. Sed quid ego facio? Mirum si non rides, quod ego qui multiloquium tantopere damnare videor, in tam multa verba tam loquaciter jam

<sup>1</sup> Eccle. III, 1, 7. — <sup>2</sup> Psal. XXXVIII, 2. — <sup>3</sup> Psal. CXXXIX, 12. — <sup>4</sup> Prov. XVIII, 21. — <sup>5</sup> Isaï, XXXII, 17. — <sup>6</sup> Thren. III, 26.

\* Scripta circa annum 1127.

progredior; et dum cupio tibi commendare<sup>96</sup> dictando ingenia, labia a confabulando, a scri-  
 silentium, contra silentium per multiloquium pugno. Guerrium nostrum\*, de cuius conver-  
 satione et pœnitentia consolari desideras, quan-  
 tum ex fructibus ejus perpendimus, noveris  
 Deo digne conversari, dignosque pœnitentiæ  
 facere fructus. Libellum autem, quem a me  
 exigis, penes me modo non habeo. Quidam  
 enim amicus noster eodem zelo, quo tu flagitas,  
 diu est quod apud se illum detinet. Sed ne tuæ  
 pietatis<sup>a</sup> petitionem abire patiar omnino fru-  
 stratam, alium nuper a me editum, in Laudibus  
 Virginis matris<sup>b</sup>, tibi transmitto : quem,  
 quia ejus exemplar non teneo, rogo ut quanto-  
 cius ad me remittas; vel, si maturius adveneris,  
 ipse deferat tecum.

## EPISTOLA XC.<sup>c</sup>

AD EUNDEM.

Amori sincero non opus esse prolixis litteris, aut multis  
 verbis : seque e valetudine propemodum desperata  
 convalescere.

1. Breves brevibus reddidi litteras, occasio-  
 nem utique breviter rescribendi de tuarum  
 brevitate libenter accipiens. Et vere quid juvat  
 veras, et, ut veraciter loqueris, æternas ami-  
 citias vanis atque transitoriis jactitare verbulis?  
 Quantalibet versuum diversitate, verborum  
 multiplicitate, scriptorum varietate tuam mihi  
 charitatem ostentare seu commendare coneris,  
 minus certe sentio te exprimere quam diligis :  
 idemque tu de me sentiendo non falleris. Cum  
 tuæ litteræ in manus nostras venerunt, te in  
 corde nostro qui eas miserat, invenerunt. Has  
 quoque nostras nec me sine te scribere certus  
 sum, nec te sine me confido lecturum. Labo-  
 ramus quidem uterque ad alterutrum scripti-  
 tando, fatigantur et nuntii alterius ad alterum  
 scripta portando : sed numquid spiritus gra-  
 vantur amando? Cessent igitur quæ absque  
 labore non possunt actitari; et illud frequen-  
 tetur, quod quanto attentius satagitur, tanto  
 minus constat laborari. Quiescant, inquam, a

bendo digiti, a discurrendo nuntii\* : non autem  
 quiescant corda die ac nocte meditari in lege  
 Domini, quæ est charitas. A quo negotio quanto  
 quietiores sumus, tanto minus quiescimus :  
 quantoque occupatiores sumus in illo, tanto  
 nos quietiores sentimus ex illo. Amemus, et  
 amemur; in altero nobis, in altero nostris con-  
 sulescentes. Nam quos amamus, in ipsis profecto  
 requiescimus : a quibus autem amamur, ipsis  
 nos in nobis requiem paramus. Porro amare in  
 Deo, charitatem habere est : studere vero pro-  
 pter Deum amari, charitati servire est.

2. Sed quid ego facio? Ego promissor brevi-  
 tatis, jam tenebor prolixitatis exhibitor. Si de  
 fratre Guerriico desideras, imo quia desideras  
 scire, sic currit non quasi in incertum, sic pu-  
 gnat non quasi aerem verberans. Sed quoniam  
 scit neque pugnantis esse, neque currentis,  
 sed miserentis Dei; ipsum rogat a te orari pro  
 se, quatenus qui jam donavit ei et pugnare et  
 currere, det et vincere et pervenire. Abbatem  
 vestrum mihi, non tantum propter te, sed et  
 propter suam bonam famam charissimum, cor-  
 de meo et ore tuo saluto, gratantissime eum  
 visurus illo et tempore et loco quo promisisti.  
 C Notifico etiam tibi, quod et nunc paulisper ag-  
 gravata manu Domini super me, impulsus ever-  
 sus sum ut caderem, ita ut securi ad radicem  
 infructuosæ arboris corporis mei apposita, jam-  
 jamque succidi metuerem : cum ecce tuis cæ-  
 terorumque amicorum nostrorum orationibus  
 et hac vice pius Dominus pepercit mihi, sub  
 spe tamen promissi fructus in futuro.

## EPISTOLA XCI.<sup>d</sup>

AD ABBATES SUSSIONE CONGREGATOS\*.

Abbates excitat ad strenue curandum negotium, cuius  
 causa convenerunt. Studium profectus serio com-  
 mendat : nil morandum, si tepidi quidam et dissoluti  
 forsitan detrectent et obmurmurent.

Reverendis Abbatibus apud Suessionem in no-  
 mine Domini congregatis, servus sanctitatis

<sup>a</sup> Alias, *benignitatis*. — <sup>b</sup> Sic inseribit Homiliæ super *Missus est*. — <sup>c</sup> Scripta circa annum 1127.

<sup>d</sup> Scripta circa annum 1130.

eorum frater BERNARDUS abbas dictus de <sup>97</sup> Clara-Valle, quæ recta sunt videre, consti- A  
tuere, et tenere.

1. Irascor occupationibus meis, quibus impedi-  
or interesse conventui vestro, corpore  
tamen duntaxat. Nam spiritum nec spatia ter-  
rarum, nec turba curarum absentare queunt :  
quippe orantem pro vobis, congratulantem  
vobis, atque in vobis quiescentem. Non me,  
inquam, sanctorum potest carere conventus,  
nec loci corporisve distantia privat prorsus a  
consilio justorum, et congregatione : illo præ-  
sertim consilio, in quo non hominum traditio-  
nes \* obstinatius defensantur, aut superstitiosius  
observantur; sed diligenter humiliterque in-  
quiritur, quæ sit voluntas Dei bona, et beneplacens,  
et perfecta. Illuc toto desiderio feror,  
devotione immoror, condelector amore, inhæ-  
reo consensu, æmulatione persisto.

2. Ne ergo in vacuum vos (quod absit) con-  
venisse subsannent qui dicunt vobis, Euge!  
euge! contendite, obsecro, bonas facere vias  
vestras et studia vestra, quæ profecto nimis bona  
esse non possunt. Esto quod possis nimium  
fortassis esse justus, possis et nimium sapiens :  
sed plane bonus ultra modum esse non potes. C  
Et quidem lego, *Noli esse nimium justus* <sup>1</sup>; lego,  
*Non plus sapere quam oportet sapere* <sup>2</sup> : num-  
quid autem, aut, Ne sis nimium bonus; aut,  
Non plus bonus quam oportet? Nemo esse bo-  
nus plus quam oportet potest. Bonus erat jam  
Paulus; et tamen nequaquam contentus, liben-  
ter se ad ea quæ ante sunt, extendebat, poste-  
riora obliviscens <sup>3</sup>, et se ipso semper melior  
effici studens. Solus Deus melior se ipso esse  
ideirco non vult, quia non valet.

3. Recedant a me et a vobis qui dicunt : No-  
lumus esse meliores quam patres nostri, tepi-  
dorum et dissolutorum se filios protestantes. D  
Quorum memoria in maledictione est, quia  
manducaverunt uvas acerbas, quibus dentes  
filiorum obstupuerunt. Aut si sanctis et bonæ  
memoriæ patribus gloriantur; imitentur certe  
sanctitatem, quorum indulgentias dispensatio-  
nesque pro lege defendunt. Quanquam sanctus  
Elias, *Non sum, inquit, melior quam patres  
mei* <sup>4</sup> : et non dixit se nolle patribus esse me-  
liorem. Vidit Jacob in scala Angelos ascendentes

et descendentes <sup>5</sup> : numquid stantem quempiam,  
sive sedentem? Non est stare omnino in pen-  
dulo fragilis scalæ; neque in incerto hujus  
mortalis vitæ quidquam in eodem statu perma-  
net. Non habemus hic manentem civitatem, nec  
futuram adhuc possidemus, sed inquirimus. Aut  
ascendas necesse est, aut descendas : si attentas  
stare, ruas necesse est. Minime pro certo est  
bonus, qui melior esse non vult : et ubi incipis  
nolle fieri melior, ibi etiam desinis esse bonus.

4. Recedant etiam a me et a vobis qui dicunt  
bonum malum, et malum bonum. Qui dicunt  
cultum justitiæ malum, quodnam bonum jam  
bonum reputaturi sunt? Unum verbum olim  
locutus est Dominus, et Pharisæi scandalizati  
sunt <sup>6</sup>. At novos nunc Pharisæos non verbum,  
sed silentium scandalizat. In hoc uno certe  
advertitis, quod occasionem quærunt adversum  
vos. Sed sinite illos; cæci sunt, duces cæcorum.  
Intendite saluti parvulorum, non murmuri  
malevolorum. Non valde illorum vobis curan-  
dum est scandalum, qui non sanantur, nisi vos  
infirmemini. Sed nec ut vestris ipsis omnia in  
omnibus placeant quæ statuitis, expectandum.  
Alioquin aut nullum, aut rarum bonum consti-  
tuitis. Satius vero ipsorum profectibus, quam  
voluntatibus providetis; fideliusque invitos tra-  
hitis ad Deum, quam desiderii cordis eorum  
relinquitis. Commendo me sanctis orationibus  
vestris.

## EPISTOLA XCII.<sup>a</sup>

AD HENRICUM REGEM ANGLORUM.

Monachis a se missis ad construendum monasterium,  
Regis favorem postulat.

HENRICO illustri Anglorum regi, BERNARDUS  
abbas dictus de Clara-Valle, cælorum Regi  
de terreno regno servire fideliter, et humiliter  
obedire.

In terra vestra tenetur præda Domini mei  
atque vestri \*, et illa præda, pro qua maluit  
mori, quam carere illa. Ego eam sequi disposui,

<sup>1</sup> Eccl. vii, 7. — <sup>2</sup> Rom. xii, 3. — <sup>3</sup> Philipp. iii, 13. — <sup>4</sup> III Reg. xix, 4. — <sup>5</sup> Gen. xxviii, 12. — <sup>6</sup> Matth.  
xv, 12.

<sup>a</sup> Scripta anno Christi 1132.

et mittere de nostra militia, qui in manu valida,<sup>98</sup> si vobis non displicet, requirant, recuperent et reducant. Et nunc huius rei gratia præmisi hos quos præsentem cernitis exploratores, qui esse rei indagent sagaciter, remittentique fideliter. Assistite eis tanquam nuntiis Domini vestri, et in ipsis feudum vestrum deservite<sup>b</sup>. Ipse vero ad honorem suum, ad salutem vestram, ad patriæ sospitatem et pacem, latum vos et inclytum perducat in bonum ac placidum finem.

## EPISTOLA XCIII.<sup>c</sup>

AD HENRICUM WINTONENSEM EPISCOPUM<sup>d</sup>.

Officiose enim salutat.

Viro illustri domino HENRICO<sup>e</sup>, Dei gratia Wintonensi episcopo, BERNARDI S. abbas dictus de Clara-Valle, in Domino salutem.

Multorum jam relatione lætabundus accepi, locum gratiæ non infimum humilitatem nostram apud vestram Celsitudinem obtinere. Non sum meritis, sed eo non ingratus. Itaque refero gratiam pro gratia, etsi non condignam, certe quam possum. Nec vereor, quantula sit, oblatam, vel potius relatum a vobis sperni, quam et amanter promereri, et dignanter prævenire curastis. Verum modo plura scribere supersedi, donec vestro, si dignum iudicatis, agnoscam rescripto, hæc pauca qualiter accipiat. Quæ autem rescribere vel injungere verbo placuerit, abbati Ogerio<sup>f</sup> committere bene potestis, per quem et hæc nostra recepistis. Pro quo etiam vestram Excellentiam compellamus, quatenus enim et notum ex hoc habeatis, et commendatum, utpote hominem honestate, scientia, D

## EPISTOLA XCIV.<sup>f</sup>

AD ABBATEM CUIUSDAM MONASTERII EBORACENSIS<sup>g</sup>,  
UNDE EXIERAT PRIOR CUM ALIQUANTIS FRATRIBUS<sup>h</sup>.

I. Consilium expetitis a me litteris transmarinis, quod utinam ab alio potius quæsissetis. Coaretor siquidem e duobus. Si enim non respondero, taciturnitas contemptum quodammodo sonare videbitur. Respondere autem sine B periculo me posse non video, cum quidquid respondero, necesse sit aut scandalum cuiquam generare, aut reddere securum quemquam plus quam oportet, aut certe in quo non oportet. Quod a vobis recesserunt fratres vestri, nec nostro, nec nostrorum factum est, me sciente, consilio vel hortatu. Credimus autem ex Deo fuisse, quod nec tantis potuit dissolvi conatibus. Credimus hoc idem et ipsos sentire fratres, qui nostrum tantopere de se ipsis consilium flagitant, credo remordente eos conscientia quod retro abierint. Alioquin beati sunt secundum Apostolum, si se non iudicant in eo quod probant<sup>i</sup>. Cæterum quid faciam, ut interrogatus nec silendo, nec respondendo molestus sim cuiquam? Ita fortassis expediar, si misero eos qui me interrogant, ad doctiorem, et cuius reverentior sanctorum auctoritas sit. Sanctus papa Gregorius in libro Pastoralis: « Quisquis bonum majus subire, » inquit, « proposuit, » bonum minus quod potuit, sibi illicitum fe- » cit. » Ad quod probandum subjicit testimonium de Evangelio, dicens, *Nemo mittens manum suam ad aratrum, et respiciens retro, aptus est regno calorum*<sup>j</sup>, et infert: « Qui igitur » fortiori studio intenderat, retro respicere » convincitur, si relictis bonis amplioribus ad

<sup>1</sup> Rom. xiv, 22. — <sup>2</sup> Luc. ix, 62.

<sup>a</sup> Familiaris Bernardo hæc vox *esse* ad significandum rei aut hominis statum, in epistolis 118, 304.

<sup>b</sup> Quippe reges et principes sunt tanquam Dei vassalli. — <sup>c</sup> Scripta circa annum 1132.

<sup>d</sup> Henricus episcopus Wintoniensis, in Anglia, ex abbate Glastoniensi, Guillelmo Giffardo suffectus Wintonie anno 1128, laudatur ab Anglicis historicis, præterquam ab Henrico Huntingdoniensi in Spicilegii tomo 8, pag. 190, ubi Henrici regis nepos dicitur, « novum quoddam monstrum, scilicet monachus et miles. »

<sup>e</sup> Ad quem epistola 87 et sequentes. — <sup>f</sup> Scripta anno Christi 1132.

<sup>g</sup> Gaudridum scilicet, abbatem monasterii Sanctæ-Mariæ in diocesi Eboracensi, Ordinis S. Benedicti, quo ex loco monachi duodecim cum Priore egressi, cum ad Cistercienses convolare eis non liceret, confugium fecerunt ad Thurstinum archiepiscopum Eboracensem, quem ob præsidium eis impensum laudat Bernardus epistola sequente. Confer epistolam 313 ad eundem Gaudridum.



» minima retorquetur<sup>1</sup>. » Item ipse in Homilia<sup>99</sup> comperi, in gloria vestra convenerunt. Opinio-  
 tertia super Ezechielem : « Sunt nonnulli, qui A  
 » bona quidem quæ noverunt, operantur, atque  
 » hæc operantes meliora deliberant; sed retra-  
 » ctantes, meliora quæ deliberaverant, immu-  
 » tant. Et quidem bona agunt quæ cøperant;  
 » sed a melioribus quæ deliberaverant, suc-  
 » cumbunt. Hi nimirum ante humana judicia  
 » stare videntur in opere; sed ante omnipo-  
 » tentis Dei oculos ceciderunt in deliberatione. »

2. En speculum. In hoc non vultum nativi-  
 tatis, sed factum reversionis suæ considerent :  
 hic se discutiant, hic se dijudicent, cogitatio-  
 nibus suis accusantibus sive defendentibus, et B  
 quidem apud spiritualem qui omnia dijudicat,  
 et ipse a nemine judicatur. Quidnam vero majus  
 aut minus, superius aut inferius, arctius sive  
 remissius sit, quod videlicet reliquerunt, an ad  
 quod redierunt; ego quidem haud temere defi-  
 nierim, ipsi viderint. Et hoc illis Gregorius. Tibi  
 vero, pater reverende, tam tuta certitudine,  
 quam nuda veritate ego dixerim, omnino non  
 expedire spiritum velle extinguere. *Noli, in-  
 quit, prohibere eum qui potest bene facere; sed,  
 si vales, et ipse bene fac*<sup>2</sup>. Gloriarī autem  
 magis oportet in profectibus filiorum, quoniam  
 filius sapiens gloria est patris<sup>3</sup>. De cætero nemo C  
 mihi molestus sit, quod justitiam Dei non abs-  
 condi in corde meo : nisi quod minus fortasse,  
 ob vitandum scandalum, quam debui, dixi.

## EPISTOLA XCIV.<sup>a</sup>

AD TURSTINUM ARCHIEPISCOPUM EBORACENSEM.

Charitatem et beneficentiam ejus erga Religiosos laudat.

D

Patri charissimo et domino reverendo TURSTINO,  
 Dei gratia Eboracensi archiepiscopo, BER-  
 NARDES abbas Claræ-Vallis, salutem plurimam  
 dicit.

Splendor operis, et opinionis odor bene, ut

nem opus probat nec falsam fuisse, nec vacuum,  
 cum quod ante sparserat ubique fama volans,  
 res ipsa faciat manifestum. Quomodo nunc vel  
 maxime claruit zelus justitiæ, eminebat et inva-  
 luit sacerdotalis vigor, in defensione videlicet  
 pauperum, et pauperum quibus non erat adju-  
 tor<sup>b</sup>! Olim quidem opera misericordiæ et elee-  
 mosynas vestras enarrabat omnis Ecclesia san-  
 ctorum : sed hoc vobis commune cum pluribus,  
 quippe quod et a cunctis substantiam hujus  
 mundi habentibus exigitur. Verum hoc opus  
 episcopale, hoc paternæ pietatis tam egregium  
 B specimen, hic vere divinus fervor, quo pro  
 tuendis suis pauperibus ille procul dubio zelum  
 vestrum accendit et accinxit, qui facit Angelos  
 suos spiritus, et ministros suos ignem urentem;  
 hoc totum, inquam, speciale accessit, vestræ  
 dignitatis decus, insigne officii, ornamentum  
 coronæ. Aliud est relucere ventrem esurientis,  
 et aliud sanctam zelare paupertatem. Ibi enim  
 servitur naturæ, hic gratiæ. *Visitabis, inquit,  
 speciem tuam, et non peccabis*<sup>4</sup>. Ergo qui alien-  
 nam carnem fovet, facit ne peccet : qui autem  
 alienam sanctitatem honorat, fructificat sibi.  
 Ideo ait : Desudet eleemosyna in manu tua, do-  
 nec invenias<sup>c</sup> justum cui des. Quo fructu? Quo-  
 niam *qui recipit justum in nomine justī, mercedem justī accipiet*<sup>5</sup>. Solvamus proinde naturæ  
 debitum, ne peccemus : simus gratiæ coadjuto-  
 res, ut et participes fieri mereamur. Sane  
 utrumque ita in vobis admiramur, ut utrumque  
 datum vobis desuper fateamur : quatenus divi-  
 nis laudibus æternaliter misceatur, quidquid ex  
 vobis temporaliter necessitatibus nostris impen-  
 ditur, merito reverende et omni amoris sincer-  
 itate colende atque amplectende pater.

<sup>1</sup> Parte 3, cap. 28. — <sup>2</sup> Prov. III, 27. — <sup>3</sup> Id. X, 1. — <sup>4</sup> Job V, 24. — <sup>5</sup> Matth. X, 41.

<sup>a</sup> Scripta anno Christi 1132.

<sup>b</sup> Quid Turstinus præstiterit in defensionem predictorum monachorum, qui studio majoris perfectionis ad eum confugerant, docet ipsius epistola ex Monastico Anglicano referenda post Bernardinas.

<sup>c</sup> Alias, *videas*.

EPISTOLA XCVI.<sup>a</sup>

AD RICHARDUM FONTANENSEM ABBATEM \*, ET SOCIOS  
EJUS, QUI DE ALIO ORDINE AD CISTERCIENSEM  
TRANSIFRANT.

Laudat eos ob renovationem religiosae disciplinae.

Quanta audivimus et cognovimus ea, et fratres nostri uterque Gaufridus annuntiaverunt nobis, quemadmodum noviter recaluistis igne Dei, convaluistis de infirmitate, refluistis in novitate sancta. Digitus Dei est iste, subtiliter operans, suaviter renovans, salubriter mutans, non quidem de malis bonos, sed de bonis faciens meliores. Quis dabit mihi ut transeam, et videam visionem hanc magnam? Nec enim minus mira minusve jucunda ista promotio est, quam illa mutatio: nisi quod multo facilius reperias multos saeculares converti ad bonum, quam unum quempiam de religiosis transire ad melius. Rarissima avis in terris est, qui de gradu, quem forte in religione semel attigerit, vel parum ascendat. Vestrum proinde, dilectissimi, tam insigne, quam salubre factum non solum nos, qui servi vestrae sanctitatis esse percipimus, sed et universam merito laetificat civitatem Dei: quippe quo rarius, eo et clarius. Erat autem et necessarium ad cautelam, proximam defectui mediocritatem transcendere, et declinare teporem, qui Deo vomitum provocat; sed et sic oportebat propter conscientiam. Professis siquidem sanctam Regulam, an citra ejus puritatem sistere gradum tutum sit, ipsi sensistis. Dolens doleo, quod urgente diei malitia, et nuntio festinante, plenum affectum exili cogor designare stilo, et brevi chartula D latam comprehendere charitatem. Si quid deest, frater Gaufridus viva voce supplebit \*.

EPISTOLA XCVII.<sup>b</sup>

AD DUCEM CONRADUM \*.

Dehortatur eum a bello comiti Gebennensi inferendo, ne contra se ultorem Deum provocet.

1. Omnis potestas ab ipso est, cui dicit propheta: *Tua est potentia, tuum regnum, Domine; tu es super omnes gentes*<sup>1</sup>. Hinc ergo dignum duxi tuam, o illustris princeps, commonere Excellentiam, quantum te oporteat deferre terribili, et ei qui aufert spiritum principum. Comes Gebennensis, ut accepimus per os ejus, ad justitiam se obtulit, et offert de omnibus quae te dicis habere adversus eum. Si super hoc alienam pergis invadere terram, ecclesias destruere, incendere domos, exulare pauperes, homicidia perpetrare, et humanum fundere sanguinem; non est dubium quin graviter irrites adversum te Patrem orphanorum et Judicem viduarum. Eo certe irato, non expedit tibi dimicare in quantalibet multitudine vel fortitudine. Nihil enim intererit apud omnipotentem Dominum sabaoth, in multis an in paucis, cui volet dare victoriam. Ipse nimirum cum voluit fecit, ut unus mille, et duo fugarent decem millia<sup>2</sup>.

2. Hæc pauper ego, pauperum permotus clamoribus, tuæ Magnificentiae scribere volui, sciens tibi honorificentius humilibus consentire, quam hostibus cedere: non quod putem hostem te fortiorem, sed quod noverim Deum omnipotentem potentiorum, qui superbis resistit, humilibus autem dat gratiam. Hujus rei gratia tuam, vir nobilis, praesentiam adissem, si licuisset. Nunc autem pro me hos de fratribus nostris destinare curavi, si forte suis et nostris precibus a tua Dignitate obtineant vel perfectam concordiam, si fieri potest, aut certe inducias, usquedum liceat nobis firmam quaerere pacem, ad Dei voluntatem, et honorem tuum, et patriae salutem. Alioquin si nec oblatam justitiam recipis, nec nos precantes respicis, imo Deum in nobis de tua te salute commonentem

<sup>1</sup> 1 Paral. xxix, 11. — <sup>2</sup> Deut. xxxii, 30.

<sup>a</sup> Scripta anno Christi 1132. — <sup>b</sup> Scripta circa eundem annum

non attendis, videat ipse et iudicet. Scimus autem, quod merito formidamus, difficile posse A congrredi tantos exercitus absque utriusque partis gravissima strage.

## EPISTOLA XCVIII.

DE MACHABÆIS, SED AD QUEM SCRIPTA SIT  
IGNORATUR \*.

Respondet ad questionem, cur ex justis antiquæ legis, B  
solis Machabæis Ecclesia diem festum decreverit.

1. Quod per fratrem Hescelinum<sup>a</sup> tua Charitas a mea parvitate quæsit, inde jam ad me scriperat Fulco Sparnacensis abbas \*. Cui ego nil rescripsi; volens si quam forte super hoc reperissem Patrum sententiam, ipsam potius ei transmittere, quam novum vel nostrum quidpiam respondere: qua non facile occurrente, jam quod sentio ego, sic interim utrique respondeo, ut quodcumque forte rationabilis quilibet vestrum super eadem quæstiuncula quandoque vel legerit, vel audierit, vel certe ipse senserit, mihi vicissim impartiri non negligat. Quæris itaque, quidnam visum Patribus fuerit, ut solis ex omnibus antiquis justis singulari quodam privilegio Machabæis annuam celebritatem pari cum nostris martyribus veneratione decernerent in Ecclesia solemniter exhibendam? Si dixero dignos merito martyrum gloria judicatos, quibus non impar fuit in martyrio virtus; erit forsitan solutum, cur ipsos, sed necdum plane cur solos: eum et alios nonnullos ex veteribus pari constet zelo pietatis occubuisse, non tamen pari et tripudio recoluisse. Quod si illis non immerito hujusmodi legatur sollemnis celebritas, quia nimirum quod præbuit virtus, præripuit tempus: cur non et eadem fuit in Machabæis consideratio? siquidem et ipsi pro tempore, non ad cæli mox gaudia, sed ad inferni tenebras descendunt: ne tunc quippe apparente Primogenito ex mortuis, qui aperiret credentibus regna cælorum; Agno videlicet de tribu Juda, qui ape-

rit, et nemo claudit, ad cujus introitum cum omni auctoritate supernis potestatibus dicetur, *Tollite portas, principes, vestras; et elevamini, portæ æternales, et introibit Rex gloriæ* \*. Proinde si incongruum videtur cum gaudio recolere transitum qui gaudii non fuit, caveatur et in istis: aut si istos ob suæ virtutis meritum festivo prosequi favore placet, cur non itidem deferetur et illis?

2. An dicendum est, utrosque quidem in morte communem habuisse cum martyribus pietatis causam, sed non etiam utrosque pariter eandem cum illis adeptos fuisse martyrii formam? Universis nempe tam veteris, quam novi Testamenti martyribus æque convenit pro justitia occubuisse: sed interest quod isti passi sunt, quia illam tenebant; illi, quia non tenentes reprehendebant: isti, quod eam non desererent; illi, quod deserentes perituros esse assererent. Et ut breviter totum in quo differunt, proferamus: hos cultus, illos zelus justitiæ martyres fecit. Soli ex veteribus Machabæi, quia non solum causam, sed et formam, ut dixi, novi martyrii tenuerunt; jure fortasse in Ecclesia cum novis Ecclesiæ martyribus eandem consuetæ celebritatis gloriam assecuti sunt. Instar quippe martyrum nostrorum libere et ipsi diis alienis, patriamque deserere legem, imo mandata Dei transgredi cogebantur; renuebant, et moriebantur.

3. Non sic Isaïas, non sic Zacharias, non denique vel magnus ille Joannes Baptista ita mortuus est: quorum primus serra fertur scissus fuisse; secundus inter templum et altare legitur occisus<sup>2</sup>; tertius in carcere decollatus. Si quæritur, a quibus? ab injustis et impiis. Si qua causa? pro justitia et pietate. Si quomodo? non tam eas confitendo, quam proponendo. Proponabant veritatem odientibus<sup>a</sup> eam: veritas pariebat eis odium, et odium mortem. Licet injusti et impii, non tam tamen in illis pietatem persequerentur, quam a se repellebant: nec tam in illorum justitiam ferebantur, quam propriam tuebantur injustitiam. Aliud est aliena invadere, aliud defendere sua. Non est idipsum nolle sequi veritatem, et persequi; invidere credentibus, et increpantibus indignari: obturare os confitentium, et redarguentium stimu-

\* Psal. xxiii, 7. — <sup>2</sup> Matth. xxiii, 35.

<sup>a</sup> Hescelinus, cujus hic mentio, videtur esse canonicus Insulanus. de quo in tomo primo Analectorum, pag. 289.

<sup>b</sup> Alias, *audientibus*.

los non ferre patienter. Denique *misit Herodes*,<sup>105</sup> *Agite pœnitentiam, appropinquavit regnum cœ-*  
*et tenuit Joannem.* Quam ob rem? quia Chri- A *lorum*<sup>3</sup>; simulque videns Vitam se protinus se-  
 stum prædicabat? quia vir bonus erat et justus? cuturam, mortem lætus excepit. Quod utique  
 imo propter hoc magis reverebatur illum, *et* ab ipso Domino moriturus sciscitari sollicitus  
*audito eo multa faciebat.* Sed quoniam arguebat fuit, ac certificari meruit. Nam cum per disci-  
 Herodem Joannes *propter Herodiam uxorem* pulos cum interrogasset, *Tu es*, inquiens, *qui*  
*Philippi fratris sui*: ideo vinctus, ideo et de- *venturus es, an alium expectamus?* post enar-  
 collatus est<sup>1</sup>, passus quidem et ipse pro veri- *rata plura miracula audivit; Et beatus qui non*  
 tate, sed quam zelare videretur, non negare *fuerit scandalizatus in me*<sup>4</sup>. In quo nimirum  
 cogeretur. Hinc est quod hæc ipsa tanti mar- verbo significavit se Dominus moriturum, et  
 tyris passio, multorum, etiam longe minorum, tali morte, quæ posset Judæis esse scandalum,  
 festivitatis minus festive recolitur.

4. Profecto si tali ratione et ordine passi fuis- B  
 sent Machabæi, ne ulla quidem fieret de eis mentio. Nunc autem quoniam similes illos fecit  
 martyribus christianis non dissimilis veritatis confessio<sup>5</sup>; merito eos similis prosequitur et  
 veneratio. Nec moveat sane, quod, quemad-  
 modum martyres, nominatim et ipsi pro Chri-  
 sto minime passi sunt: quia non interest, sive  
 sub Lege pro legalibus observantiis, sive sub  
 Gratia pro mandatis evangelicis quis patiat.  
 Uterque enim æque pro veritate, ac per hoc  
 pro Christo, qui dixit, *Ego sum veritas*<sup>2</sup>, pati  
 cognoscitur. Itaque plus contulit Machabæis in  
 hac parte martyrii genus, quam virtus: quando  
 ne hos quidem ex Patribus, quos pari constat C  
 virtute illo in tempore pro justitia decertasse,  
 pari etiam honore concelebrat præsens dun-  
 taxat Ecclesia. Puto quod arbitretur indignum,  
 quantumlibet laudabili morti, quæ Christi mor-  
 tem præcederet, diem festum impendere: præ-  
 sertim cum ante illam salutaris passionem,  
 non festiva gaudia, sed claustra tenebrosa  
 quosque morientes exciperent. Sane Macha-  
 bæos ideo, ut dictum est, excipiendos judi-  
 cavit Ecclesia, quoniam quod eis negabat tem-  
 pus, contulit martyrii genus.

5. Nec solum ipsos, sed et qui forte Vitæ jam D  
 in carne manifestatæ mortem sua morte præve-  
 nerunt, sive morientes in ipsa, sicut Simeon et  
 Joannes Baptista; sive etiam pro ipsa, sicut In-  
 nocentes, quos alia ratione, licet ad inferos  
 et ipsi descenderint, ritu nihilominus solemniter  
 veneramur. Et Innocentes quidem: quoniam  
 injustum profecto fuit innocentiam pro justitia  
 morientem ulla vel præsentis gloria defraudari.  
 Joannes quoque, sciens quod a diebus suis re-  
 gnum cœlorum vim patitur, unde et clamat,  
 6. Cæterum illa qua ratione mors festiva re-  
 putabitur, quam nulla gaudiorum festivitas comi-  
 tatur? aut unde gaudium sumeret moriturus,  
 qui se et ad infernales descendere tenebras  
 certus erat, nec certi quidpiam secum ferebat,  
 unde in proximo de sui liberatore consolaretur?  
 Inde est, quod unus sanctorum cum audiret,  
*Dispone domui tuæ, quia morieris tu, et*  
*non vives*; convertit se ad parietem, et flevit  
 fletu magno, atque ita impetravit exosæ mortis  
 aliquam dilationem. Hoc denique et miserabiliter  
 plangebat, dicens, *In dimidio dicrum meo-*  
*rum vadam ad portas inferi*; et paulo post,  
 D *Non videbo*, inquit, *Dominum Deum in terra*  
*viventium, non aspiciam hominem ultra, et*  
*habitorem quietis*<sup>6</sup>. Hinc et alius quidam:  
*Quis mihi hoc tribuat, ait, ut in inferno prote-*  
*gas me, et abscondas me, donec pertranseat*  
*furor tuus; et constituas mihi tempus, in quo*  
*reorderis mei*<sup>7</sup>? Israel quoque ad filios aiebat:  
*Deducetis canos meos cum dolore ad inferos*<sup>8</sup>.  
 Quid in his solemnibus lætitiæ, quid festivæ cele-  
 britatis apparet?

<sup>1</sup> Marc. vi, 17-28. — <sup>2</sup> Joan. xiv, 6. — <sup>3</sup> Matth. iii, 2. — <sup>4</sup> Id. xi, 3-6. — <sup>5</sup> Luc. ii, 29, 30. — <sup>6</sup> Isai. xxxviii, 1-11. — <sup>7</sup> Tob. xiv, 13. — <sup>8</sup> Gen. xliii, 38.

7. Nostri autem martyres cupiunt dissolvi,<sup>101</sup> et esse cum Christo; certi, ubicumque est corpus, illo sine mora congregatum iri et aquilas. Mox, inquam, ibi exsultant justī in conspectu Dei, et delectantur in letitia. Ibi, ibi, benignissime Jesu, ibi statim, ut de hoc sæculo nequam sanctus quisque eripitur, adimpletur lætitia cum vultu tuo. Una ibi vox jubilo resonat sempiterno, vox una exultationis et salutis in tabernaculis justorum: *Anima nostra sicut passer crepta est de laqueo venantium; laqueus contritus est, et nos liberati sumus*<sup>1</sup>. Numquid hoc decantare libebat apud inferos sedentibus in tenebris et umbra mortis, dum non erat qui redimeret, neque qui salvum faceret: quando needum visitaverat nos oriens ex alto, primitiæ scilicet dormientium Christus? Merito igitur Ecclesia, quæ gaudere cum gaudentibus, flere cum flentibus novit; quos pater judicat in virtute, discernit tamen ex tempore: nec pari putat prosequendum obsequio, et transitum ad vitam, et descensum ad inferos.

8. Itaque martyrium facit causa, tempus genusque discernunt. Tempus quippe Machabæos a novis martyribus disjungit, conjungit antiquis. Genus vero novis aggregat, segregat a veteribus. Et hæ quidem in Ecclesia præmissis ex causis differentiæ observantur. Cæterum apud Deum universo cœtui sanctorum commune est quod sanctus ait propheta: *Pretiosa in conspectu Domini mors sanctorum ejus*<sup>2</sup>. Unde autem pretiosam dixerit, exponat nobis. *Cum dederit, inquit, dilectis suis somnum, ecce hæreditas Domini filii, merces fructus ventris*<sup>3</sup>. Nec putemus solos martyres esse dilectos, cum recolamus dictum de Lazaro, *Lazarus amicus noster dormit*<sup>4</sup>; denique, *Beati mortui qui in Domino moriuntur*<sup>5</sup>. Non soli qui pro Domino, sicut martyres; sed et qui in Domino moriuntur, sicut confessores, profecto beati sunt. Duæ proinde res mihi videntur mortem facere pretiosam, vita et causa; sed amplius causa, quam vita. Porro illa erit pretiosissima, quam et causa commendat et vita.

## EPISTOLA XCIX.

AD MONACHUM QUEMDAM<sup>a</sup>.

Ob Monachi ejusdam a suo cœnobio discessum anxius, ejusdem litteris sinistra se suspitione liberatum scribit.

Nuntium quo te dicis fuisse turbatum, frater Willelmus non sua, sed tua necessitate putavit ad te dirigendum. Siquidem ipse suo more Dei gratia fortiter agit, alienam a se interim adhuc faciens illam sententiam: *Fir duplex animo inconstans est in omnibus viis suis*<sup>6</sup>. Vias quippe Domini simpliciter, ac per hoc confidenter ambulans, non sentit illud Væ, de quo dicitur: *Væ terram ingredienti duabus viis*<sup>7</sup>. Te autem audieramus in discordia versari, domum vestram non sine gravi scandalo abbatis et fratrum deseruisse, solumque habitare in nescio quo satis inconvenienti loco. Quo rumore nobis permotis, anxieque quærentibus, si quo modo tibi a nobis posset consultum iri; nihil paratius occurrere potuit, quam ut te vocato ad nos, per te de te certiores prius effici curarem: sicque quod in promptu esset, præsentibus præsentibus consuleremus. Sed jam tuo scripto, nostroque rescripto, utrorumque ab alterutro falsæ suspicionis timore depulso, pariter quiescamus. Verum hæc falsitate quam vera sit ad nos invicem dilectio, comprobatur: quam quidem dilectionem per hanc mutuam nostri sollicitudinem, non infructuose nunc renovatam esse putaverim; ejus fructum tunc nos quidem copiosum speraremus accipere, si tui nobis copia cum opportunitate daretur. Alioquin opportunius ducimus nos nostra contentos esse inopia, quam importuna copia abundare.

<sup>1</sup> Psal. cxxii, 7. — <sup>2</sup> Psal. cxv, 15. — <sup>3</sup> Psal. cxxvi, 2, 3. — <sup>4</sup> Joan. xi, 11. — <sup>5</sup> Apoc. xiv, 13. — <sup>6</sup> Jacobi i, 8. — <sup>7</sup> Eccli. ii, 14.

<sup>a</sup> In scriptis non paucis sequentes quatuor epistolæ nullum habent titulum præter istum, *De iisdem*, id est Machabæis, quod falsum. Willelmus, ejus mentio initio epistolæ, erat monachus ille Clare-Vallensis, de quo in sequente epistola 103.

## EPISTOLA C.

AD EPISCOPUM QUEMDAM.

Ejus erga Religiosos pauperes favorem, et beneficentiam laudat.

Si minus vos pro tanti operis susceptione fervere comperissemus, hortandus nobis super hoc et obsecrandus essetis. Nunc vero cum prima invitaverit nos vestra præcurrens devotio, restat ut ei a quo bona cuncta procedunt, et referamus grates pro bono quod dedit velle; et fundamus preces, ut adjiciat et perficere pro bona voluntate. Tamen gaudium meum non tacebo vobis. Quas nempe putatis delicias cordi meo afferat vestra hujuscemodi intentio? Delectabitur in crassitudine anima mea, si infatigabilem cognovero vos in studiis salutaribus et honestis. Gaudeo enim, non quia quaero donum, sed requiro fructum. Libenter accipio beneficium quod prosit danti; alioquin non ambulo in charitate illa quæ non quærit quæ sua sunt<sup>1</sup>. Et quidem nobis in hoc bene facitis, sed vobis melius: nisi forte excidit vobis illa sententia, *Beatius est dare quam accipere*<sup>2</sup>. Hoc plane decet episcopum, hoc sacerdotium vestrum commendat, ornat coronam, nobilitat dignitatem, si quem ministerium prohibet esse pauperem, administratio probet pauperum amatorem. Non enim paupertas virtus reputatur, sed paupertatis amor. Denique *beati pauperes*, non rebus, sed *spiritu*<sup>3</sup>.

## EPISTOLA CI.

AD RELIGIOSOS.

Monachum qui sine licentia discesserat, redeuntem benigne suscipi postulat.

Fratrem Lambertum, quem in aliquibus forte fluctuantem suscepimus, orantibus quidem

<sup>104</sup> vobis pro ipso constantem remisimus, et nulla jam, ut opinamur, scrupulositate pristina laborantem. Causam quippe adventus ejus, necnon et discessionis modum et intentionem sollicite nobis perscrutantibus, intentionem quidem visus est habere inculpabilem, sed causam plane non sufficientem, ut tali modo, id est sine licentia, discedere debuisset. Unde et sumpta justæ in eum invectionis occasione, increpato ut oportebat, et confirmato in quibus nutabat, redditum ei persuasimus. Et pro redeunte rogavimus, dilectissimi fratres, esse vos videlicet præstabiles super fratris præsumptione, sed præsumptione, ut videtis, satis simplici, et non malitiosa: quandoquidem neque ad dexteram, neque ad sinistram declinavit; sed directo ad nos tramite venit, quos utique pro certo sciebat vestræ esse sanctitatis servos, vestræ religionis amatores sincerissimos, et æmulatores fidelissimos. Suscipite ergo eum vos, qui spirituales estis, in spiritu lenitatis; confirmeturque in eo charitas, et excuset malum factum intentio bona. Imo recuperate cum gaudio, quem dolebatis amissum; contractamque de fratris egressione ac transgressione tristitiam effugiet citissima de regressione lætitia. Confido autem de Omnipotentis misericordia, quia quidquid exasperavit inordinata discessio, postmodum deliniet emendata conversatio.

## EPISTOLA CII.

AD QUEMDAM ABBATEM.

Monachi ejusdam dyscoli emendationem omni modo tentandam: sed incorrigibilem ejiciendum, ne plures ejus consortio depraventur.

D

1. Super fratre turbato, et turbante fratres, et contemnente magistrum, breve tibi, sed fidele damus consilium. Diaboli studium est circuire in domo Dei, et quærere quem devoret: tuæ e contra vigilantia, in quantum potes, nunquam locum dare diabolo. Quanto igitur ille acrius insistit, quomodo a grege infirmam separet oviculam, quatenus eo licentius rapiat, quo jam non fuerit qui eripiat; tanto enixius tibi, quan-

<sup>1</sup> 1 Cor. xiii, 5. — <sup>2</sup> Act. xx, 35. — <sup>3</sup> Matth. v, 3.

tum in te est, resistendum est, ne de manu tua<sup>106</sup> possit eam eruere, ne quando dicat inimicus, A Prævalui adversus eum. Itaque aggredere fratrem omni officio charitatis; videlicet beneficiis, salutaribus monitis, secretis increpationibus, publicis inhortationibus, duris etiam et verborum et verberum correptionibus; quodque efficacius esse solet, tuis ad Deum pro eo fratrumque piis orationibus.

2. Quod si jam hæc omnia fecisti, nec profecisti; ad Apostoli consilium confugiendum est, dicentis : *Auferte malum ex vobis*<sup>1</sup>. Auferatur ergo malus, ne malos generet. Neque enim potest arbor mala fructus, nisi malos facere. Auferatur autem dico, sed non quomodo ipse vult; ut videlicet tanquam ex tua licentia, cum male secuta conscientia extra congregationem, contra professionem, devitans subjectionem, sui juris esse, sua permittatur vivere lege<sup>a</sup> : sed abscindatur, ut ovis morbida a grege, ut putridum membrum a corpore; qui jam exinde se pro certo noverit a te haberi tanquam ethnicum et publicanum. Et ne timeas esse contra charitatem, si unius<sup>b</sup> scandalum multorum recompensaveris pace : quippe qui sua forte malitia, fratrum cohabitantium turbare facile poterat unanimitem. Consoletur te illa Salomonis sententia, *Quem Deus negligit, nemo potest corrigere*<sup>2</sup> : et illa Salvatoris, *Omnis plantatio, quam non plantavit Pater meus, eradicabitur*<sup>3</sup> : et illa beati Joannis evangelistæ de schismaticis, *A nobis exierunt, sed non erant ex nobis*<sup>4</sup> : et rursus apud Apostolum, *Infidelis si discedit, discedat*<sup>5</sup>. Alioquin non est relinquenda virga peccatorum super sortem justorum, ut non extendant justi ad iniquitatem manus suas. Melius est enim ut pereat unus, quam unitas<sup>\*</sup>.

## EPISTOLA CIII.

AD FRATREM WILLELMI MONACHI CLARE-  
VALENSIS C.

Insigni paupertatis religiosæ commendatione prævia, perstringit in eo nimium in res terrenas affectum, cum damno pauperum, imo suo ipsius conjunctum, ut qui mallet sua morti, quam amoris Christi cedere.

1. Etsi facie ignotus nobis, etsi corpore remotus a nobis, amicus tamen es; et amicitia notum jam nobis, et præsentem te facit. Hanc tibi, te nesciente, comparavit non caro et sanguis, sed spiritus Dei, qui Willelmum fratrem tuum æterna nobis societate et spiritali charitate devinxit, ac per eum te quoque, si dignum judicas. At si sapis, non contemnes eorum amicitiam, quos Veritas beatos clamat, et reges pronuntiat cælorum<sup>6</sup>. Quam quidem beatitudinem non invidemus tibi : nec enim communicata tibi, nobis minuitur; nec nostri proinde termini restringuntur, si et tu regnaveris. Quænam vero invidiæ causa potest esse, ubi sortium magnitudini consortium multitudo nil detrahit? Volo te esse amicum pauperum, magis autem imitatore. Ille gradus proficientium est, hic perfectorum. Amicitia pauperum, regum amicos constituit; amor paupertatis, reges. Regnum denique cælorum pauperum est; et est regiæ potestatis beare pro voluntate amicos. *Facite, inquit, vobis amicos de mammona iniquitatis; ut, cum defeceritis, recipiant vos in æterna tabernacula*<sup>7</sup>. Vides quia magna dignitas, sancta paupertas sit : ut non modo patrocinium ipsa sibi non quærat, sed et ferat indigentibus. Quale est hoc, absque interventu cujuspiam Angelorum vel hominum, sola divinæ gratiæ confidentia, accedere per temet-

<sup>1</sup> I Cor. v, 13. — <sup>2</sup> Eccle. vii, 14. — <sup>3</sup> Matth. xv, 13. — <sup>4</sup> I Joan. ii, 19. — <sup>5</sup> I Cor. vii, 15. — <sup>6</sup> Matth. v, 3. — <sup>7</sup> Luc. xvi, 9.

<sup>a</sup> Varia fuit pro temporibus et locis circa monachos incorrigibiles disciplina. Ejiciendos præcipit Regula sancti Benedicti, in capp. 28 et 29. Concilium Cloveshoviense anni 747 nonnisi ex synodi decreto fieri cavet can. 24. Alia ratio est de Sanctimonialibus, quarum una cum ex monasterio Mettensi S. Petri detracto velo ejecta fuisset, recipi iussa est, et « intra monasterium in ergastulo poni » decreto synodi Mettensis anno 888, can. 9. Canonici regulares sæculo duodecimo projiciebantur, ex epistola 38 Stephani Tornacensis.

<sup>b</sup> Addunt editi, *ejectione*; sed deest in manuscriptis.

<sup>c</sup> Sic titulus in duobus Vaticanis et in quibusdam nostris. In manuscriptis Cisterciensibus inscribitur, *Ad Amicum exhortatoria*. Ex fine vero epistolæ 106 conjicimus esse Ivonem, qui simul cum Willelmo subscribit.

ipsum ad vultum gloriæ, capessere summa re-<sup>107</sup>rum, attingere totius magnificentiæ culmen?

2. Verum qualibus ista tu tibi impediās rebus, utinam sine dissimulatione attendas. Væ! væ! vapor est ad modicum parens, quod æternæ felicitatis aditum intercludit, quod perennis luminis incircumscriptam claritatem abscondit, quod universitatis scientia fraudat, quod summæ privat dignitatis honore. Quousque tu tantæ gloriæ præfers fenum, quod hodie est, et cras in clibanum mittitur; carnem dico et ejus gloriā? Siquidem omnis caro fenum, et omnis gloria ejus tanquam flos feni<sup>1</sup>. Si sapis, si habes cor, si tecum est lumen oculorum tuorum, desine jam ea sequi, quæ et assequi miserum est. Beatus qui post illa non abiit, quæ possessa onerant, amata inquinant, amissa cruciant. An non ea satius cum honore spernis, quam cum dolore perdis? an non ea prudentius Christi cedis amori, quam morti? Est in insidiis prædo, ejus manibus nec te, nec tua potes subducere. Non poterit prævideri, quia tanquam fur in nocte ita veniet. Nihil intulisti in hunc mundum, hand dubium quia nec quidquam auferes<sup>2</sup>. Dormies somnum tuum, et nihil invenies in manibus tuis. Sed nosti hæc: non est in docendo te superflue laborandum. C Orandum potius, ut quod tibi jam nosse datum est, detur et implere prout oportet.

## EPISTOLA CIV.<sup>a</sup>

AD MAGISTRUM<sup>a</sup> GUALTERUM DE CALVO-MONTE.

Hortatur eum ad fugam sæculi; monens potius esse causam Christi, et animæ, quam parentum.

1. Sæpe meum animum dulcissima tui subeunte memoria, doleo super te, Gualtere charissime, cogitans nimirum illud tuæ juventutis decus, et ingenii acumen, scientiæ et eruditionis ornatum, quodque his omnibus excellentius est in christiano, tuos illos mores

ingenuos quam inanibus studiis atteras, dum de tantis muneribus, non auctori Christo, sed rebus deservias transitoriis. O si (quod avertat Deus) mors inopinata subripiens ista concusserit! heu! subito cuncta velut ad impulsum urentis et furentis venti, tanquam fenum velociter arescent, et quemadmodum olera herbarum cito decident. Quid ergo tecum tolles de omni labore tuo, quem operatus fueris super terram? quid retribues Domino pro omnibus quæ tribuit tibi? quid, inquam, lucri pro tot tibi creditis talentis referes creditori? O si vacuam manum invenerit ille, ille donorum B promptus quidem auctor, sed importunus exactor! Veniet enim, veniet, et non tardabit, ad requirendum utique quod suum est cum usura. Suum nempe asserit omne, quod te in tua patria pomposis, sed periculosis favoribus nobilitare videtur. Genus clarum, corpus aptum, forma elegans, ingenium velox, eruditionis utilitas, et honestas morum, gloriosa quidem sunt, sed ei a quo sunt. Si tibi usurpas, est qui quærat et judicet.

2. Esto tamen: liceat tibi hæc interim adscribere nomini tuo, et gloriari in laude tua, et vocari ab hominibus rabbi, et facere tibi nomen grande duntaxat super terram: quid tibi post mortem de his omnibus, nisi sola fortasse memoria relinquatur? et hoc quoque solummodo super terram. Scriptum quippe est: *Dormierunt somnum suum, et nihil invenerunt omnes viri divitiarum in manibus suis*<sup>3</sup>. Quod si hic est finis omnium laborum tuorum, ut pace tua dixerim, quid habes amplius jumento? Siquidem et de tuo palefrido<sup>b</sup>, cum mortuus fuerit, perhibebitur quia bonus fuit. Simul vide quid tibi ante tribunal illud terrificum respondendum sit de eo, quod acceperis in vano animam tuam, et animam talem: si tamen in D veniaris nihil egisse amplius de immortalis et rationali spiritu tuo, quam quodvis pecus de suo; cum brutus utique spiritus non vivat, nisi quamdiu vivificat, et uno eodemque momento et vivificare pariter desinat, et vivere. Quid, quæso, dignum te judicabis, qui factus ad imaginem factoris, tantæ in te majestatis non de-

<sup>1</sup> Isai. xl, 6. — <sup>2</sup> I Tim. vi, 7. — <sup>3</sup> Psal. lxxv, 6.

<sup>a</sup> Hoc nomine Doctores et litterarum præceptores appellare solet, ut in epistola 77 et 106 etc. Ita Thomas Stampensis aliquando se Magistrum, aliquando Doctorem Cadumensem dicit in Spicilegii tomo 3, pagg. 137, 140. In uno codice Vaticano legitur, *ad M. Walcherum*.

<sup>b</sup> Palefridus, equus magnus et insignis, qui per frenum ducitur.



fendis dignitatem; et tu homo cum<sup>a</sup> esses,<sup>108</sup> honorem tuum non intelligens, comparatus a jumentis insipientibus, et similis factus sis illis? dum nil spirituale videlicet aut æternum elaboraveris, sed instar belluini spiritus, qui ut a corpore, ita cum corpore dissolvitur, solis fueris contentus corporalibus ac temporalibus bonis, evangelici illius surdus auditor consilii: *Operamini non cibum qui perit, sed qui permanet in vitam æternam*<sup>1</sup>. Scriptum est autem, quod non ascendit in montem Domini, nisi qui non accepit in vano animam suam. Sed ne is quidem, nisi etiam fuerit *innocens manibus, et mundo corde*<sup>2</sup>. Videris tu, an de tuis hoc

operibus simul et cogitationibus præsumere audeas: sin autem, attende quid mereatur iniquitas, si sola sufficit inutilitas ad damnationem. Et revera secuta non erit spina vel tribulus, ubi securis infructuosæ arbori poni videbitur: nec parceret pungenti, qui minatur et sterili. Væ igitur, et væ iterum de quo dicitur: *Expectavi ut faceret meas, et fecit labruscas*<sup>3</sup>!

3. Sed novi ego quam liquido et copiose hæc me quoque tacente cogitare sufficias; materno vero devinctus amore, necdum possis abjicere quod jam contemnere noris. Et quid ego ad hæc respondebo tibi? Ut matrem deseras? sed inhumanum videtur. Ut cum ipsa maneas? sed nec ipsi expedit, ut sit filio causa perditionis. Forte ut et mundo simul milites, et Christo? sed nemo potest duobus dominis servire. Mater tua vult contraria tuæ, ac per hoc et suæ ipsius saluti. Elige ergo tu e duobus quod vis, aut unius videlicet satisfacere voluntati, aut utriusque saluti. Verum si multum eam diligis, desere potius ipsam propter ipsam: ne, si Christum deseras ut maneas cum ipsa, propter te pereat et ipsa. Alioquin male meruit de te quæ te peperit, si propter te perit. Quomodo enim non perit, quæ ipsum quem peperit, perimit? Et d hæc dixerim, ut tuo aliquo modo carnali condescendam consulamque affectui. Cæterum fidelis sermo, et omni acceptione dignus: etsi impium est contemnere matrem, contemnere tamen propter Christum, piissimum est. Nam qui dixit, *Honora patrem et matrem*<sup>4</sup>; ipse etiam dixit, *Qui amat patrem aut matrem plus quam me, non est me dignus*<sup>5</sup>.

## EPISTOLA CV.

AD ROMANUM ROMANÆ CURIE SUBDIACONUM.

Vitæ religiosæ propositum urget, mortis memoriam inculcans.

BERNARDUS abbas Claræ-Vallis ROMANO suo, quod suo.

B Bene fecisti, charissime, tui nobis per litteras et renovans dulcem memoriam, et excusans molestissimam moram. Minime quidem desiderantium te cordibus ulla potuit subrepere quandoque oblivio tuæ dilectionis: sed te tui, fateor, pene oblitum esse putavimus, priusquam illas litteras videremus. Nunc itaque rumpe moras, fac cito quod scripsisti: et si veraciter stilus expressit affectum, efficaciter opus stilum testificetur. Quid tardas ipsum, quem jamdudum concepisti, spiritum parturire salutis? Nil mortalibus vel morte certius, vel incertius hora mortis: siquidem tanquam fur in nocte, ita C veniet. Væ prægnantibus in illa die. Si supervenerit et prævenerit hunc tam salutiferum partum, heu! perfodiet domum, sanctum germen exstinguet. *Cum enim dixerint, Pax et securitas; tunc repentinus superveniet eis interitus, sicut dolor in utero habentis, et non effugiet*<sup>6</sup>. Volo te mortem, etsi non effugere, certe vel non timere. Justus quippe mortem, etsi non cavet, tamen non pavet. Denique si morte præoccupatus fuerit, in refrigerio erit<sup>7</sup>. Moritur quidem et justus, sed secure: quippe cujus mors ut præsentis est exitus vitæ, ita introitus melioris. Bona mors si peccato moriaris, ut justitiæ vivas. Hæc mors necesse est ut præcurrat, ut sequatur illa secuta. In hac vita, quamdiu durat, compara tibi illam quæ semper durat. Dum vivis in carne, morere mundo, ut post mortem carnis Deo vivere incipias. Quid enim si conciderit mors saccum corporis tui, dum te subinde circumdet lætitia? O quam *beati mortui qui in Domino moriuntur*, audientes a Spiritu, *ut requiescant jam a laboribus suis*<sup>8</sup>! Non solum

<sup>1</sup> Joann. vi, 27. — <sup>2</sup> Psal. xxxiii, 4. — <sup>3</sup> Isai. v, 4. — <sup>4</sup> Matth. xv, 4. — <sup>5</sup> Id. x, 37. — <sup>6</sup> I Thess. v, 3. — <sup>7</sup> Sap. iv, 7. — <sup>8</sup> Apoc. xiv, 13.

<sup>a</sup> Editi addunt, *in honore*, ex Psalmo xlviii; sed deest in manuscriptis, et certe redundat hoc loco.

autem, sed et succedit jucunditas de novitate,<sup>109</sup> bibat<sup>4</sup>; et, *Venite ad me, omnes qui laboratis* A *et onerati estis, et ego reficiam vos*<sup>5</sup>. Tu ergo times deficere, ubi se Veritas reficere te promittit? Certe si tantum te delectat tenebrosa aqua de nubibus aeris, quanto jucundius haurias de serenissimis fontibus Salvatoris?

2. O si semel paululum quid de adipe frumenti, unde satiatur Jerusalem, degustares! quam libenter suas crustas rodendas litteratoribus Judæis relinqueres! O si te unquam in schola pietatis sub magistro Jesu merear habere sodalem! O si mihi liceat purificatum prius tui pectoris vasculum supponere unctioni quæ docet de omnibus! O quam libens adhuc fumigantes, et quasi modo de furno, ut aiunt, recens tractos, de cœlesti largitate crebro Christus suis pauperibus frangit! Utinam si quam mihi guttam quandoque de pluvia voluntaria, quam segregavit hæreditati suæ, stillare dignetur in dulcedine sua pauperi Deus, mox eam tibi possem refundere, et rursus a te vicissim recipere quod senseris! Experto crede: aliquid amplius invenies in silvis, quam in libris. Ligna et lapides docebunt te, quod a magistris audire non possis. An non putas posse te sugere mel de C petra, oleumque de saxo durissimo? An non montes stillant dulcedinem, et colles fluunt lac et mel, et valles abundant frumento? Multis occurrentibus mihi dicendis tibi, vix me teneo. Sed quia non lectionem, sed orationem petis; adaperiat Dominus cor tuum in lege sua et in præceptis suis. Vale.

## EPISTOLA CVI.

AD MAGISTRUM HENRICUM MURDACH\*.

Ad capessendum religiosæ vitæ statum excitat, ejus delicias breviter insinuans.

Dilecto suo HENRICO MURDACH, BERNARDUS abbas dictus de Clara-Valle, salutem, et non in via.

1. Quid mirum si inter prospera fluctuas et adversa, qui necdum statuisti supra petram pedes tuos? At si jures et statuas custodire judicium justitiæ Domini, quid horum te poterit separare a charitate Christi? O si scires et quid dicam! *Oculus, Deus, non vidit absque te, quæ præparasti diligentibus te*<sup>3</sup>. Sed tu, frater, qui, ut audiui, Prophetas legis, putas intelligis quæ legis? Nam si intelligis, sentis utique sensum prophetiæ lectionis esse Christum. Quem videlicet si apprehendere cupis, citius illum sequendo, quam legendo consequi potes. Quid quæris verbum in Verbo, quod jam caro factum præsto est oculis? Jam enim de latibulo Prophetarum egressus est ad oculos Piscatorum: jam de monte umbroso et condenso, tanquam sponsus de thalamo suo, prosilivit in campum Evangelii. Jam qui habet aures audiendi, audiat illum clamantem in templo, *Qui sitit, veniat ad me, et*

3. Idipsum ipsi Willelmus et Ivo. Quid super hoc vobis dicemus? Quod vos videre, et ad quid desideremus, scitis: quantum vero, nec nos dicere, nec vos scire potestis. Oramus ergo Deum, ut vobis quo nos præsisse debueratis, tribuat vel sequi: quatenus et in hoc tantæ vos D humilitatis magistrum teneamus, cum videlicet non despexeritis magister sequi discipulos.

<sup>1</sup> Psal. xxxiii, 22. — <sup>2</sup> Psal. cxv, 15. — <sup>3</sup> Isai. lxi, 4. — <sup>4</sup> Joan. vii, 37. — <sup>5</sup> Matth. xi, 28.

\* Modus loquendi Bernardo familiaris, ut in epistola 107, n. 13, et in epistola 124, n. 2 etc.

## EPISTOLA CVII.

AD THOMAM PRÆPOSITUM DE BEVERIA<sup>a</sup>.

Thomas iste Ordini Cisterciensi in Clara-Valle sese devoverat: procrastinantem Bernardus hortatur ad vota persolvenda. At surdo cantatum sequens docebit epistola, ubi infelicem Thomæ exitum commemorat. In hac vero tota salutis œconomia profundissime describitur.

THOMÆ dilecto filio, BERNARDUS, quod filio.

1. Quid opus est verbis? Fervens spiritus et vehemens desiderium aperiri sola lingua non sufficit. Loquantur nobis affectum tuum et reliqua membra. Præsens melius et innōtesces nobis, et nos cognosces. Jamdudum ab invicem tenemur alterutrum debitores; ego fidelis curæ, tu humilis obedientiæ. Probet utrumque, si placet, opus, non calamus. Volo te et tibi usurpare, et in me probare illam Unigeniti vocem: *Opera quæ dedit mihi Pater ut faciam, ipsa testimonium perhibent de me*<sup>1</sup>. Sic revera, sic unici Filii spiritus testimonium perhibet spiritui nostro, quod filii Dei sumus et nos, cum suscitans ex operibus mortuis largitur opera vitæ. Non ex foliis, non ex floribus, sed ex fructu arbor bona, malave dignoscitur. Denique *a fructibus*, ait, *cognoscetis eos*<sup>2</sup>. Opera ergo, et non verba discernunt inter filios Dei et filios diffidentie. Operibus proinde desiderium et aperi tuum, et experire nostrum.

2. Desideramus præsentiam tuam, quærimus optatam, imo promissam exigimus. Cur tanto? Nil in ea sane expetimus de carne et sanguine. Aut proficere ex-te cupimus, aut prodesse tibi. Generositas sanguinis, proceritas corporis, forma elegans, juvenilis decor, prædia, palatia, immensa supellex, infusæque dignitatum; adde et mundi sapientiam: de mundo sunt hæc; et mundus quod suum est, diligit. Sed quousque? Non solum enim non semper, utpote qui non semper erit, verum nec diu quidem. Diu siquidem ista in te mundus habere non poterit; et te quippe ipsum in brevi non habiturus: nam breves dies hominis sunt. Mundus quidem cum

<sup>11</sup> suis concupiscentiis transit; sed te prius emittit, quam ipse pertransit. Quid te sine fine delectat amor mox finiendus? Nos vero te, non tua diligimus: tua sint, a quo sunt. Tu tuæ promissionis memor, tui nobis copiam diutius non negaris, amantibus te sinceriter, et amaturis perenniter. Pure siquidem nos amantes in vita nostra, in morte quoque non erimus separati. Nam ea quæ in te, vel potius tibi appetimus, non hujus corporis sunt, nec hujus temporis tantum: ideoque nec cum corpore deliciunt, nec cum tempore prætereunt; quinimo posito corpore plus delectant, post tempora durant. Nil simile habent cum supra enumeratis eorumve similibus, quæ utique insunt tibi, non ex Patre, sed ex mundo. Quid horum enim vel non prævenit mortem, vel non invenit?

3. At vero ista optima pars est, quæ non auferetur in æternum. Quid istud? Nec oculus vidit, nec auris audivit, nec in cor hominis ascendit. Qui homo est, et secundum hominem ambulat, qui videlicet, ut manifestius dicam, carni adhuc acquiescit et sanguini, quid illud sit, penitus nescit: quia caro et sanguis non revelabunt, quæ solus revelat Deus per Spiritum suum. Animalis ergo homo ad hoc secretum nequaquam admittitur: siquidem non percipit ea quæ sunt spiritus Dei<sup>3</sup>. Beati qui audiunt: *Vos autem dixi amicos, quia omnia quæcumque audivi a Patre meo, nota feci vobis*<sup>4</sup>. O sæculum nequam, quod solos tuos sic soles beare amicos, ut Dei facias inimicos, consequenter et indignos consilio beatorum! Plane enim qui amicus vult esse tuus, inimicus Dei constituitur. Quod si servus nescit quid faciat Dominus ejus, quanto minus inimicus? Porro autem amicus sponsi stat, et gaudio gaudet propter vocem sponsi: unde et loquitur, *Anima mea liquefacta est, ut dilectus locutus est*<sup>5</sup>. Amicus itaque mundi excluditur a consilio amicorum Dei, qui non spiritum hujus mundi acceperunt, sed spiritum qui ex Deo est, ut sciant quæ a Deo donata sunt sibi. Confiteor tibi, Pater, quia abscondisti hæc a sapientibus et prudentibus, et revelasti ea parvulis. Ita, Pater, quia sic fuit placitum coram te<sup>6</sup>, non quia sic meritum vel ab ipsis. Omnes enim peccaverunt, et egent gloria tua: ut gratis mittas Spiritum Filii tui clamantem in cordibus filiorum adoptionis, Abba, Pater. Hoc

<sup>1</sup> Joan. xv, 36. — <sup>2</sup> Matth. vii, 16. — <sup>3</sup> I Cor. ii, 14. — <sup>4</sup> Joan. xv, 15. — <sup>5</sup> Cantic. v, 6. — <sup>6</sup> Matth. xi, 25, 26.

<sup>a</sup> Alias, de Beverlaco. Vide epistolam 511.

quippe spiritu qui aguntur, hi filii sunt, nec<sup>112</sup> videat illuminatus quod diligit. Quidnam est paterno prorsus arcendi consilio. Habent nempe A illud? *Misericordia Domini ab æterno, et usque in æternum, super timentes eum*<sup>8</sup>. Ab æterno propter prædestinationem, in æternum propter beatificationem. Altera carens principio, altera nesciens finem. Siquidem quos ab æterno prædestinat, in æternum beatificat, intercedente sane media vocatione una cum justificatione, duntaxat in adultis. Sic ad ortum Solis justitiæ sacramentum absconditum a sæculis de prædestinatis et beatificandis, emergere quodammodo incipit ex abyssu æternitatis, dum quisque vocatus per timorem, justificatus per amorem, præsumit se quoque esse de numero beatorum, sciens nimirum quia quos justificavit, illos et magnificavit<sup>9</sup>. Quid enim? audit se vocari, cum timore concutitur; sentit et justificari, cum amore perfunditur: et de magnificatione diffidet? Initiatur, provehitur; et de sola consummatione desperabit? Nempe si initium sapientiæ timor Domini, in quo dicta est esse nostra vocatio; quid nisi provectus in sapientia est amor Dei, is duntaxat qui interim ex fide est, ex quo et nostra sit justificatio? Quid item nisi consummatio in sapientia est ipsa, quam in fine speramus, de divina illa et deifica visione glorificatione? Sic abyssus abyssum invocat in voce cataractarum suarum, cum in terrore iudiciorum suorum immensa illa æternitas, et æterna immensitas, cujus sapientiæ non est numerus, cor hominis pravum et inscrutabile mira sua bonitate et potentia educit in admirabile lumen suum.

4. Væ vobis, filii hujus sæculi, a vestra insipiente prudentia, ignorantes spiritum salutarem, nec participantes consilio, quod solus soli Pater eructat Filio, excepto cui voluerit Filius revelare. Quis cognovit sensum Domini? aut quis consiliarius ejus fuit<sup>1</sup>? Non equidem nullus, sed rarus: soli sane qui veraciter dicere possunt, *Unigenitus qui est in sinu Patris, ipse enarravit nobis*<sup>2</sup>. Væ mundo a strepitu. Clamat in populis idem Unigenitus, tanquam magni consilii angelus: *Qui habet aures audiendi, audiat*. Et quoniam dignos non invenit sensus, quibus Patris committat arcanum, textit parabolas turbis, ut audientes non audiant, et videntes non intelligant. Cæterum amici seorsum audiunt, *Vobis datum est nosse mysterium regni Dei*<sup>3</sup>; quibus et loquitur, *Nolite timere, pusillus grex, quia complacuit Patri vestro dare vobis regnum*<sup>4</sup>. Qui sunt hi? Utique quos præscivit et prædestinavit conformes fieri imaginis Filii sui, ut sit ipse primogenitus in multis fratribus. Magnum secretumque innotuit consilium. Novit Dominus C qui sunt ejus: sed quod notum erat Dei, manifestatum est hominibus. Nec alios sane dignatur tanti participatione mysterii, nisi eos ipsos, quos suos præscivit et prædestinavit. Nam quos prædestinavit, hos et vocavit. Quis enim sane, nisi vocatus, ad Dei accedat consilium? Quos autem vocavit, hos et justificavit. Oritur quippe Sol, non is qui quotidie oriri cernitur super bonos et malos, siquidem solis ad consilium vocatis\* prophetica pronuntiatione promittitur: *Vobis, inquit, qui timetis Deum, orietur Sol justitiæ*<sup>5</sup>. Manentibus igitur in tenebris filiis diffidentiae, evadit in novam hanc lucem lucis D filius de potestate tenebrarum, si tamen jam fidenter Deo dicere potest: *Particeps ego sum omnium timentium te*<sup>6</sup>. Vides quia præcedit timor, ut sequatur justificatio? Forsitan ergo timore vocamur, amore justificamur. Denique justus ex fide vivit<sup>7</sup>, illa procul dubio quæ operatur ex dilectione.

5. Audiat itaque in sui vocatione peccator quod timeat: et sic accedens ad Solem justitiæ, ex qua deinde superni luminis gratuita visita-

<sup>1</sup> Rom. xi, 34. — <sup>2</sup> Joan. i, 18. — <sup>3</sup> Luc. vii, 8, 10. — <sup>4</sup> Id. xii, 32. — <sup>5</sup> Malach. iv, 2. — <sup>6</sup> Psal. cxviii, 63. — <sup>7</sup> Rom. i, 17. — <sup>8</sup> Psal. cii, 17. — <sup>9</sup> Rom. viii, 29, 30.

tionē, et subita mutatione dexteræ Excelsi,<sup>115</sup> agnoscat se merito quidem non jam iræ, sed gratiæ filium; quippe qui paternum erga se divinæ bonitatis experitur affectum: quod se utique hactenus in tantum latuerat, ut non solum nesciret, utrumnam dignus foret amore an odio, verum etiam odium magis, et non amorem propria conversatio testaretur: erant enim tenebræ adhuc super faciem abyssi: nonne is tibi videtur quasi de abyssu profundissima et tenebrosissima horrendæ ignorantæ, in aliam quamdam quoque trahi abyssum e regione amœnam et lucidam claritatis æternæ?

7. Et tunc demum quasi dividit Deus lucem a tenebris, cum peccator, Sole illucescente justitiæ, abjectis operibus tenebrarum, induitur arma lucis; et is quem prior vita ac propria conscientia, tanquam revera filium gehennæ, deputaverat ardoribus sempiternis; ad tantam visitantis se Orientis ex alto dignationem respirans, gloriari etiam incipit præter spem in spe gloriæ filiorum Dei, quam jam, nimirum e vicino revelata facie exsultans, novo in lumine speculatur, et dicit: *Signatum est super nos lumen vultus tui, Domine; dedisti letitiam in corde meo*<sup>1</sup>. O Domine, quid est homo, quia innotuisti ei? aut filius hominis, quia reputas eum<sup>2</sup>? Jam se, o bone Pater, vermis vilissimus et odio dignissimus sempiterno, tamen confidit amari, quoniam se sentit amare: imo quia se amari præsentit, non redamare confunditur. Jam apparet in lumine tuo, o inaccessibilis Lux, quid boni penes te, etiam cum malus esset, miserum maneret homunculum. Amat proinde non immerito, quia amatus est sine merito: amat sine fine, quia sine principio se cognoscit amatum. Prodit in lucem ad miseri consolationem magnam consilium, quod ab æterno latuerat in sinu æternitatis: quod nolit videlicet Deus mortem peccatoris, sed magis ut convertatur et vivat. Habes, homo, hujus arcani indicem spiritum justificantem, eoque ipso testificantem spiritui tuo, quod filius Dei et ipse sis. Agnosce consilium Dei in justificatione tui: confitere et dic, *Consilium meum justificationes tuæ*<sup>3</sup>. Præsens namque justificatio tui, et divini est consilii revelatio, et quædam ad futuram gloriam præparatio. Aut certe prædestinatio ipsa potius præparatio est, justificatio autem magis jam ap-

propinquo. Denique ait: *Agite pœnitentiam, quia appropinquavit regnum cælorum*<sup>4</sup>. Audi et de prædestinatione, quod ipsa sit præparatio. *Percipite, inquit, regnum quod vobis paratum est ab origine mundi*<sup>5</sup>.

8. Nemo itaque se amari diffidat, qui jam amat. Libenter Dei amor nostrum, quem prævenit, subsequitur. Nam quomodo redamare pigebit, quos amavit et necdum amantes? Amavit, inquam, amavit. Habes enim dilectionis pignus Spiritum, habes et testem fidelem Jesum, et hunc crucifixum. O geminum, ipsiunque firmis-  
missum Dei erga nos amoris argumentum! Christus moritur, et meretur amari. Spiritus afficit, et facit amari. Ille facit cur ametur; iste, ut ametur. Ille suam multam dilectionem in nobis commendat, iste et dat. In illo cernimus quod amemus; ab isto sumimus unde amemus. Charitatis igitur ab illo occasio, ex isto affectio. Quanta confusio, Dei Filium ingratis oculis cernere morientem! quod quidem facile contingit, si desit Spiritus. Nunc autem quia charitas Dei diffusa est in cordibus nostris per Spiritum sanctum, qui datus est nobis<sup>6</sup>; amati amamus, amantes amplius meremur amari. Si enim cum adhuc inimici essemus, reconciliati sumus Deo per mortem Filii ejus; multo magis reconciliati salvi erimus in vita ipsius. Quid enim? qui proprio Filio suo non pepercit, sed pro nobis omnibus tradidit illum, non etiam omnia cum ipso daturus est nobis?

9. Cum ergo geminum teneamus nostræ salutis indicium, geminam Sanguinis et Spiritus effusionem; neutra sine altera prodest. Nam nec Spiritus datur nisi credentibus in Crucifixum: nec fides valet, si non operatur ex dilectione. Dilectio autem donum Spiritus est. Quod si secundus homo (Christum loquor) factus est non solum in animam viventem, sed etiam in spiritum vivificantem, ex uno videlicet moriens, ex altero mortuos suscitans; quid mihi prodesse potest quod in ipso moritur, absque eo quod vivificat? Denique ipse ait: *Curo non prodest quidquam, Spiritus est qui vivificat*<sup>8</sup>. Quid est autem, *vivificat*; nisi, justificat? Cum enim mors animæ peccatum sit, (anima quippe quæ peccaverit ipsa morietur<sup>9</sup>); vita ejus sine dubio justitia est, quoniam justus ex fide vivit. Justus autem quis est, nisi qui

<sup>1</sup> Psal. iv, 7. — <sup>2</sup> Psal. cxliii, 3. — <sup>3</sup> Psal. cxviii, 24. — <sup>4</sup> Matth. iii, 2. — <sup>5</sup> Id. xxv, 34. — <sup>6</sup> Icor. v, 5. — <sup>7</sup> Id. viii, 32. — <sup>8</sup> Joan. vi, 64. — <sup>9</sup> Ezech. xviii, 4.

amanti se Deo vicem rependit amoris? quod<sup>11</sup> non fit nisi revelante Spiritu per fidem homini æternum Dei propositum super sua salute futura. Quæ sane revelatio non est aliud, quam infusio gratiæ spiritualis, per quam dum facta carnis mortificantur, homo ad regnum præparatur, quod caro et sanguis non possident; simul accipiens in uno Spiritu, et unde se præsumat amatum, et unde redamet, ne gratis amatus sit.

10. Hoc itaque est illud sacrum secretumque consilium, quod a Patre Filius in Spiritu sancto accipiens, suis quos novit, per eundem Spiritum, justificando eos, communicat, et communicando justificat: quando id quisque accipit in sui justificatione, ut incipiat et ipse cognoscere, sicut et cognitus est; cum videlicet datur et ipsi præsentire aliquid de sua ipsius futura beatitudine, quemadmodum ab æterno latuit in prædestinante, plenius appariturum in beatificante. De qua tamen jam percepta suinet ex parte notitia, interim quidem gloriatur in spe, nondum tamen in securitate. Quam miserandi, qui ad tam jucundum justorum consilium, nullum adhuc tenent suæ vocationis testimonium! Domine, quis credidit auditui nostro? O utinam saperent et intelligerent! Verum nisi crediderint, non intelligent.

11. Sed habetis et vos, o infelices sæculi male securi amatores, vestrum seorsum a justis consilium. Squama squamæ conjungitur, et non est spiraculum in vobis. Habetis, inquam, et vos, o impii, communicatum ad invicem consilium, sed plane adversus Dominum, et adversus Christum ejus. Etenim si, dicente Scriptura, *Pietas est cultus Dei*<sup>a</sup>; profecto quisquis plus amat mundum quam Deum, impius atque idololatra esse convincitur, colens et serviens creaturæ potius quam Creatori. Habentibus autem, ut dictum est, sanctis atque impiis suum ad se quibusque consilium, magnum procul dubio inter utrosque chaos firmatum est. Nam quomodo justus longe se facit a consilio et concilio malignantium: ita nec resurgunt omnino impii in judicio, neque peccatores in consilio<sup>b</sup> ju-

storum. Est quippe justorum consilium, pluvia voluntaria, quam segregavit Deus hæreditati suæ: est consilium vere secretum, descendens nimirum sicut pluvia in vellus: est fons signatus, cui alienus non communicat: est sol justitiæ, qui timentibus Deum tantum oritur.

12. Porro cæteros advertens propheta in sui siccitate et cæcitate remanentes, justorum siquidem imbris et lucis expertes; infecundos ac tenebrosos, confusos et aversos, subsannat et notat: *Hæc est, inquiens, gens quæ non audit vocem Dei sui*<sup>1</sup>. Non vultis, o miseri, dicere cum David, *Audiam quid loquatur in me Dominus Deus*<sup>2</sup>: utique foris fusi in vanitates et insanias falsas, intimum optimumque non requiritis veritatis auditum. *Filii hominum, usquequo gravi corde? utquid diligitis vanitatem, et queritis mendacium*<sup>3</sup>? Surdi ad vocem veritatis, ignorantes consilium cogitantis cogitationes pacis, sed et loquentis pacem in plebem suam, et super sanctos suos, et in eos qui convertuntur ad cor. *Jam vos, inquit, mundi estis, propter sermonem quem locutus sum vobis*<sup>4</sup>. Ergo qui hunc sermonem non audiunt, imundi sunt.

13. Cæterum tu, o charissime, huic voci Dei tui, dulciori super mel et favum, si præparas aurem interioriorem, fuge curam exterioriorem, ut expedito et vacante interno sensu, dicas et tu cum Samuele: *Loquere, Domine, quia audit secretus tuus*<sup>5</sup>. Vox hæc non sonat in foro, sed nec auditur in publico. Secretum consilium, secretum quærit et auditum. Auditui tuo gaudium pro certo dabit et lætitiā, si sobria aure perceperis. Abrahæ præcipitur exire de terra et de cognatione sua, ut videre et possidere mereretur terram viventium<sup>6</sup>. Jacob relicto fratre et patria Jordanem transit in baculo<sup>7</sup>, et excipitur Rachelis amplexibus<sup>8</sup>. Joseph dominatur Ægypto<sup>9</sup>, mercatione furtiva patri sublatum et patriæ<sup>10</sup>. Ecclesia jubetur, ut concupiscat Rex decorem ejus, oblivisci populum suum, et domum patris sui<sup>11</sup>. Puer Jesus inter cognatos et notos a parentibus quæritur, nec tamen invenitur<sup>12</sup>. Fuge fratres tuos et tu, si

<sup>1</sup> Jerem. vii, 28. — <sup>2</sup> Psal. lxxxiv, 9. — <sup>3</sup> Psal. iv, 3. — <sup>4</sup> Joan. xv, 3. — <sup>5</sup> I Reg. iii, 10. — <sup>6</sup> Gen. xii, 1. — <sup>7</sup> Id. xxxii, 10. — <sup>8</sup> Id. xxix, 11. — <sup>9</sup> Id. xli. — <sup>10</sup> Id. xxxvii. — <sup>11</sup> Psal. xlii, 11, 12. — <sup>12</sup> Luc. ii, 44, 45.

<sup>a</sup> Locus est Job, xxviii, 28. Septuaginta interpretes, ἡδὺς θεοσεβεία ἐστὶ σοφία, *Ecce cultus Dei est sapientia*. Vulgata, *Ecce timor Domini ipsa est sapientia*.

<sup>b</sup> Ita scribendum; non, *concilio*, ut in Psalmo ii. Sensus enim exigit, *consilio*, et sic habent manuscripti.

tuam vis invenire salutem. Fuge, inquam, de medio Babylonis, fuge a facie gladii aquilonis. Parati sumus cum panibus occurrere fugienti. Abbatem tuum me nominas : non renuo intērim propter obsequium. Obsequium dico, non quod exigam, sed quod exhibeam : sicut *Filius hominis non venit ministrari, sed ministrare, et animam suam dare in redemptionem pro multis*. Veruntamen si dignum judicas, accipe condiscipulum, quem magistrum eligis. Unus sit ambobus magister Christus : et ipse sit epistolæ finis, qui finis est ad justitiam omni credenti<sup>1</sup>.

## EPISTOLA CVIII.

AD THOMAM DE SANCTO-AUDOMARO<sup>a</sup>, POST TRANSGRESSIONEM PROMISSIONIS SUE VENIENDI AD CONVERSIONEM.

Hunc relictis studiis religionem ingredi hortatur, proposito Thomæ de Beverla exitu infelici.

Charissimo filio suo THOME, frater BERNARDUS Claræ-Vallis vocatus abbas, in spiritu timoris ambulare.

1. Bene facis agnoscens debitum tuæ promissionis, et dilata reatum solutionis non diffitens : sed volo te non solum quid, sed et cui promiseris, cogitare : nam ego mihi nihil usurpo ex eo quod me coram, et non mihi promissum ipse mecum recolis. Frustra proinde times exprobratum tibi iri a me super frustratoria dilatione, qui testis accitus sum, et non dominus voti<sup>\*</sup>. Vidi, et gavisus sum; et hoc oro, ut gaudium meum plenum sit : quod non erit, nisi cum fuerit impleta promissio. Terminum posuisti, quem non oportuit transgredi. Transgressus es; quid ad me? tuo domino stas, aut cadis. Mihi sane decretum est pro imminente periculo non probris, non minis agere tecum, sed monitis; idque quatenus æquo admiseris animo. Si me audieris, bene; si non, ego non judico quemquam : est qui quærat et judicet; qui enim judicat nos, Dominus est<sup>2</sup>. Et hinc tibi plus timendum arbitror ac dolendum, quia non

homini, sed Deo mentitus es. Etsi ego tuæ, ut vis, verecundiæ parco coram hominibus; num illa, quæ coram Deo est, impudentia impunita relinquitur? Quid, quæso, rationis habet verecundari ad diem hominis, et vultum Dei non vereri? Nam vultus Domini super facientes mala<sup>3</sup>. Tu ergo plus times opprobria, quam tormenta; et qui trepidas ad linguam carnis, contemnis gladium qui devorat carnes? Hæccine est illa morum pulcherrima compositio, qua informari te scribis scientiæ hujus apprehensione, cujus studio et amore sic ferves, ut non verearis sancto proposito præjudicium facere?

B 2. Sed quæso te, quod memoriale virtutis, quæ laus disciplinæ, quis scientiæ profectus, vel artis fructus, trepidare timore ubi non est timor, et timorem Domini relinquere? Quam salubrius disceres Jesum, et hunc crucifixum! quam utique scientiam haud facile, nisi qui mundo crucifixus est, apprehendit. Falleris, fili, falleris, si te putas invenire apud mundi magistros, quam soli Christi discipuli, id est mundi contempores, Dei munere assequuntur. Nec enim hanc lectio docet, sed unctio; non littera, sed spiritus; non eruditio, sed exercitatio in mandatis Domini. *Seminate*, inquit, *vobis justitiam, metite spem vitæ, illuminate vobis lumen scientiæ*<sup>4</sup>. Vides quia non recte proditur ad lumen scientiæ, nisi justitiæ germen procedat<sup>b</sup> ad animam, ex quo formetur granum vitæ, et non palca gloriæ. Quid ergo? nondum tibi ad justitiam seminasti, nondum spei manipulos messuisti; et veram te præsumis sectari scientiam? nisi forte pro vera supponitur illa quæ inflat. Et stultius erras appendens argentum tuum non in panibus, et labores tuos non in saturitate. Obsecro, redi ad cor, et adverte hunc annum<sup>c</sup>, terminum quem tu tibi indulsisti in injuriam Dei, non esse annum placabilem Domino, sed discordiæ seminarium, iræ fomitem, nutrimentum apostasiæ, qui spiritum exstinguat, gratiam intercludat, teporem afferat illum, qui Deo solet vomitum provocare.

3. Heu! heu! videris mihi uno spiritu ambulare, sicut et uno censi nomine, cum altero illo Thoma, olim scilicet præposito de Beverla, qui cum se similiter nostro Ordini et nostræ domui toto desiderio devovisset, cœpit induciari, et ita paulatim refrigescere, donec su-

<sup>1</sup> Rom. x, 4. — <sup>2</sup> I Cor. iv, 4. — <sup>3</sup> Psal. xxxiii, 17. — <sup>4</sup> Osee x, 12.

<sup>a</sup> Vide epistolam 382. — <sup>b</sup> Alias, *præcedat*. — <sup>c</sup> Editi, *annuum*.

bita et horrenda morte præreptus, factus de<sup>116</sup>  
 medio est sæcularis et prævaricator, et duplo A  
 filius gehennæ: quod ab eo, si fieri potest,  
 avertat misericors et miserator Dominus. Ex-  
 stat epistola, quam ad eum frustra scripsi<sup>1</sup>:  
 nisi quod meam ipsius animam liberavi, denun-  
 tians, quod in me fuit, quæ oportuit fieri  
 cito. Beatus foret, si me audisset. Dissimulavit:  
 mundus ego sum a sanguine ejus. Verum id  
 non sufficit mihi: quia etsi sim in facto isto se-  
 curus de me, illa tamen quæ non quærit quæ  
 sua sunt, charitas urget me lugere illum, qui  
 securus non exiit, quoniam male securus vixit.  
 O judiciorum Dei abyssus multa! o terribilis in  
 consiliis Deus super filios hominum! Spiritum  
 donavit, quem erat denuo ablaturus, ut esset  
 supra modum peccans peccatum; et gratia sub-  
 intravit, ut abundaret delictum: quod tamen  
 non fuit culpa dantis, sed addentis prævarica-  
 tionem. Sui nimirum arbitrii erat, quo male  
 liber liberum habuit contristare spiritum, con-  
 temnere gratiam, nec mancipare effectui sug-  
 gestum Dei, ut posset dicere: *Gratia Dei in*  
*me vacua non fuit*<sup>2</sup>.

4. Tu si sapis, illius insipientia proderit tibi,  
 et lavabis manus tuas in sanguine peccatoris,  
 et curabis cito absolvere te a laqueo perditionis,  
 me a timore horribili. Ego enim haud secus  
 fero, fateor, aversionem tuam, quam eviscera-  
 tionem meam: quoniam charissimus factus es  
 mihi, et paterno te amplector affectu. Ea pro-  
 pter ad omnem recordationem tui, animam  
 meam transverberat gladius iste timoris, tanto  
 acerbius, quanto te minus timentem considero.  
 Scio nempe, ubi de talibus legerim: *Cum di-*  
*scerint, Pax et securitas, tunc subitanus eis*  
*superveniet interitus, tanquam in utero habenti,*  
*et non effugient*<sup>3</sup>. Multa autem præsentio im-  
 minere tibi pavenda tardanti respiscere, tan-  
 quam multa expertus, quæ o si cognovisses et D  
 tu! Crede ergo experto, crede amanti: cui ex  
 altero non falli, ex altero non fallere inesse  
 cognoscis.

## EPISTOLA CIX.

AD ILLUSTRUM JUVENEM GAUFRIDUM DE PERRONA\*,  
 ET SOCIOS EJUS.

Nobiles juvenes ob religioe vitæ propositum prædicat,  
 et ad perseverantiam hortatur.

Dilectis filiis GAUFRIDO et sociis ejus, BERNARDUS  
 abbas dictus Claræ-Vallis, spiritum consilii  
 et fortitudinis.

1. Sermo qui insonuit, ædificat multos, imo  
 universam lætificat civitatem Dei, ita ut læten-  
 tur cæli, et exsultet terra, et omnis lingua glo-  
 rificet Deum de vestra conversione. Terra mota  
 est, quia cæli distillaverunt a facie Dei Sinai,  
 pluentes istis diebus solito abundantius pluviam  
 voluntariam, quam segregavit Deus hæreditati  
 suæ. Non apparebit ultra vacua in vobis crux  
 Christi, quemadmodum in multis filiis diffiden-  
 tiæ, qui tardantes converti ad Dominum de  
 die in diem, improvisa morte subtrahuntur, in  
 puncto descendunt ad inferos. Omnino reflo-  
 ruit et nunc quasi de novo lignum, in quo pe-  
 pendit Dominus gloriæ, qui mortuus est, non  
 tantum pro gente, sed ut filios Dei, qui erant  
 dispersi, congregaret in unum. Ipse, ipse col-  
 ligit vos, qui diligit vos tanquam viscera sua,  
 tanquam fructum pretiosissimum crucis suæ,  
 tanquam dignissimam recompensationem effusi  
 sanguinis sui. Si ergo gaudent Angeli super uno  
 peccatore penitentiam agente<sup>4</sup>; quid in tam  
 multis, et illis peccatoribus? qui quanto illu-  
 striores videbantur in sæculo, scientia, genere,  
 juventute; tanto pluribus erant perditionis  
 exemplum. Legeram, *Non multos nobiles, non*  
*multos sapientes, non multos potentes elegit*  
*Deus*<sup>5</sup>: at nunc præter regulam mira Dei po-  
 tentia talium convertitur multitudo. Vilescit glo-  
 ria præsens, juventutis flos conculcatur, non  
 reputatur generositas; sapientia mundi stultitia  
 judicatur; non acquiescitur carni et sanguini;  
 parentum et charorum renuntiatur affectibus;  
 favores, et honores, et dignitates reputantur ut  
 stercora, ut Christus lucrifiat. Laudarem vos,

\* Epist. præcedens. — <sup>1</sup> 1 Cor. xv, 10. — <sup>2</sup> 1 Thess. v, 3. — <sup>3</sup> Luc. xv, 10. — <sup>4</sup> 1 Cor. i, 26, 27.



si vobis hæc accidisse ex vobis cognoscerem:<sup>117</sup> vos perditis, aut ipse quid perdit? Fit de divite cæterum digitus Dei est iste, mutatio plane A dexterae Excelsi. Datum optimum est, et donum perfectum, nec dubium quin descendens a Patre luminum. Idcirco in ipsum omne præconium jure referimus, qui facit mirabilia solus, qui fecit ne in vobis otiosa jam esset ea, quæ apud se est, copiosa redemptio.

2. Quid igitur opus est facto, dilectissimi, nisi ut satagatur, quomodo laudabile propositum dignum consequatur effectum? Studete proinde perseverantiæ, quæ sola virtutum coronatur. Non invenitur apud vos, Est et Non, ut sitis filii Patris vestri qui est in cælis, apud B quem nimirum non est transmutatio, nec vicissitudinis obumbratio. Vos quoque, fratres, in eandem imaginem transformamini a claritate in claritatem, tanquam a Domini Spiritu, curantes omni vigilantia et ipsi non inveniri leves, instabiles, fluctuantes. Scriptum est enim, *Vir duplex animo, inconstans est in omnibus viis suis*<sup>1</sup>; et rursum, *Vae ingredienti terram duabus viis*<sup>2</sup>! Et ego, charissimi, quantum congratulor vobis, tantum gratulor et mihi, qui, ut accepi, dignus habitus sum minister eligi consilii hujus. Et consilium do, et auxilium spondeo. Si videor necessarius, aut certe si dignus judicor; non recuso laborem, non deero pro viribus. Devotus suppono humeros, etsi jam fessos<sup>3</sup>, sarcinæ huic, si mihi cœlitus imponatur. Lætus et obviis, ut dicitur, manibus excipio cives sanctorum, et domesticos Dei. Quam libens, juxta mandatum propheticum, occurro cum panibus fugientibus a facie gladii, aquam fero sitientibus<sup>3</sup>. Reliqua posui in ore nostri, imo et vestri Gaufridi. Quidquid vobis vice nostra dixerit ille, nostrum non dubitetis esse consilium.

et, quod his omnibus majus est, sanctus de peccatore. Oportet autem eum præparari regno, quod sibi paratum est ab origine mundi; atque hujus rei gratia modicum tempus, quod vivere habet, manere nobiscum: donec abrasa spurcicia vitæ sæcularis, ac terreno detergo pulvere, cœlesti mansioni fiat idoneus. Si diligitis eum, gaudebitis utique, quia vadit ad Patrem, et talem Patrem. Ipse quidem vadit ad Deum; sed vos non perditis eum, quin potius multos per eum acquiritis vobis filios. Quotquot sumus in Clara-Valle vel de Clara-Valle, ipsum in fratrem, vos in parentes suscipimus.

2. At fortassis metuitis corpori ejus vitæ asperitatem, quod nimirum tenerum nostis esse ac delicatum. Cæterum de hujusmodi timore dicitur: *Ibi trepidaverunt timore, ubi non fuit timor*<sup>4</sup>. Confidite, consolamini: ego ero illi in patrem, et ipse erit mihi in filium, quousque de meis manibus excipiat eum Pater misericordiarum et Deus totius consolationis. Nolite ergo lugere, et nolite flere; quia Gaufridus vester festinat ad gaudium, non ad luctum. Ego ero illi pater, ego mater, ego frater et soror. Ego C faciam ei prava in directa, et aspera in vias planas: ego ei omnia sic temperabo, et sic dispensabo, ut et spiritus proficiat, et corpus non deficiat. Denique serviet Domino in lætitia et exultatione, et cantabit in viis Domini, quoniam magna est gloria Domini.

## EPISTOLA CXI.

EX PERSONA ELIE MONACHI AD PARENTES SUOS.

## EPISTOLA CX.

AD PARENTES EJUSDEM GAUFRIDI CONSOLATORIA.

Non esse cur filium religiosum tanquam perditum lugeant, vel etiam cur delicatulo metuant.

1. Si filium vestrum Deus facit et suum, quid

Hortatur eos, ne se Deo servire volentem impedire aut retrahere conentur: indignum id fore et frustraneum.

Charis parentibus suis, INGORRANNO et IVETE HELIAS monachus, sed peccator, quotidianas orationes\*.

1. Sola causa, qua non liceat obedire paren-

<sup>1</sup> Jacobi i, 8. — <sup>2</sup> Eccli. ii, 14. — <sup>3</sup> Isai. xxi, 14. — <sup>4</sup> Psal. xlii, 5.

<sup>a</sup> Hinc patet Bernardum jam senectæ proximum tunc fuisse.

tibus, Deus est. Ipse enim dicit: *Qui amat pa-*<sup>119</sup>  
*trēm aut matrem plus quam me, non est me* A  
*dignus.* Si me vere ut boni, ut pii parentes  
diligitis; si veram, si fidelem erga filium piete-  
tem habetis: quid me Patri omnium Deo placere  
satagentem inquietatis, et ab ejus servitio,  
cui servire regnare est, retrahere attentatis?  
Vere nunc cognosco, quia inimici hominis do-  
mestici ejus<sup>1</sup>. In hoc vobis obedire non debeo,  
in hoc vos non agnosco parentes, sed hostes. Si  
diligereis me, gauderetis utique, quia vado ad  
meum atque vestrum, imo universorum Pa-  
trem. Alioquin quid mihi et vobis? quid a vo-  
bis habeo, nisi peccatum et miseriam? Hoc B  
solum, quod gesto, corruptibile corpus de ves-  
tro me habere fateor et agnosco. Non sufficit  
vobis quod me in hanc sæculi miseriam miseri  
miserum induxistis; quod in peccato vestro  
peccatores peccatorem genuistis; quod et in  
peccato natum, de peccato nutritis: nisi etiam  
invidendo mihi misericordiam, quam consecutus  
sum ab eo qui non vult mortem peccatoris,  
filium insuper gehennæ faciatis?

2. O durum patrem! o sævam matrem! o  
parentes crudeles et impios; imo non parentes,  
sed peremptores: quorum dolor, salus pigno-  
ris; quorum consolatio, mors filii est! qui me  
malunt perire cum eis, quam regnare sine eis!  
qui me rursus ad naufragium, unde tandem  
mundus evasi; rursus ad ignem, unde vix se-  
miustus exivi; rursus ad latrones, a quibus  
semivivus relictus sum, sed miserante Samari-  
tano jam aliquantulum convalui, revocare co-  
nantur: et militem Christi prope jam rapto cælo  
triumphantem (quod non in me glorior, sed in  
eo qui vicit mundum), ab ipso jam introitu  
gloriæ, tanquam canem ad vomitum, tanquam  
suum ad lutum, ad sæculum reducere moluntur!  
Mira abusio! domus ardet, ignis instat  
a tergo; et fugienti prohibetur egredi, eva-  
denti suadetur regredi! et hoc ab his qui in  
incendio positi sunt, et obstinatissima dementia  
ac dementissima obstinatione fugere periculum  
nolunt. Proh furor! si vos contemnitis mortem  
vestram, cur etiam appetitis meam? Si, in-  
quam, negligitis salutem vestram, quid juvat  
etiam persequi meam? Quare vos non potius  
sequimini me fugientem, ut non ardeatis? An  
hoc est vestri cruciatus levamen, si me etiam

perimatis: et hoc solum timetis, ne soli perea-  
tis? Ardens ardentibus quod solatium præstare  
poterit? quæ, inquam, consolatio damnatis,  
socios habere suæ damnationis? quodve reme-  
dium morientibus, alios videre morientes? Non  
hoc mihi persuadet dives ille, qui in tormentis  
desperatus de sui liberatione, rogabat nuntiare  
fratribus suis, ne et ipsi venirent in locum eum-  
dem tormentorum<sup>2</sup>, timens procul dubio ex  
suorum cruciatu augeri suum.

3. Quid ergo? ibo et consolabor lugentem  
matrem meam mei ad tempus visitatione, ut  
in æternum lugeam, et me, et ipsam sine con-  
solatione? Ibo, inquam, et satisfaciam patri  
meo irascenti pro mei ad tempus absentia, con-  
solandus et ipse ad tempus de ejus præsentia,  
ut postmodum et quisque pro se, et uterque  
pro alterutro inconsolabili desoletur tristitia?  
An potius exemplo Apostoli non acquiescens  
carni et sanguini<sup>3</sup>, vocem audiam Domini ju-  
bentis, *Dimitte mortuos sepelire mortuos suos*<sup>4</sup>;  
et cantabo cum David, *Renuit consolari anima*  
*mea*<sup>5</sup>; et cum Jeremia, *Diem hominis non con-*  
*cupisci, Domine, tu scis*<sup>6</sup>? Quid enim? funes  
ceciderrunt mihi in præclaris, et cælestis hære-  
ditas præclara est mihi<sup>7</sup>; et terrena adulatur  
C promissio, blanditur consolatio carnis? Gustato  
spiritu, necesse est desipere carnem; affectanti  
cælestia, terrena non sapiunt; æternis inhianti,  
fastidio sunt transitoria. Desinite igitur, paren-  
tes mei, desinite et vos frustra plorando affli-  
gere, et me gratis revocando inquietare: ne,  
si adjeceritis nuntios ultra mittere pro me, plus  
me elongare cogatis. Si autem dimittitis, Cla-  
ram-Vallem in perpetuum non dimittam. Hæc  
requies mea in sæculum sæculi, hic habitabo,  
quoniam elegi eam. Ibi pro meis atque vestris  
peccatis jugiter orabo; ibi precibus assiduus  
(quod et vos cupitis) impetrabo, si potero, ut  
qui ejus amore hoc modico tempore ab invicem  
separamur, in alio sæculo simul felici et inse-  
parabili societate, in ejus amore vivamus per  
omnia sæcula sæculorum. Amen.

<sup>1</sup> Michææ vii, 6. — <sup>2</sup> Luc. xvi, 28. — <sup>3</sup> Galat. i, 16. — <sup>4</sup> Matth. viii, 22. — <sup>5</sup> Psal. lxxvi, 3. —  
<sup>6</sup> Jerem. xvii, 16. — <sup>7</sup> Psal. xv, 6.

## EPISTOLA CXII.

AD GAUFRIDUM LENOVIENSEM \*.

Dolet cum deserto religionis proposito redisse ad sæculum; et ad resipiscentiam hortatur.

1. Doleo super te, fili mi Gaufride, doleo super te. Et merito. Quis enim non doleat florem juventutis tuæ, quem lætantibus Angelis Deo illibatum obtuleras in odorem suavitatis, nunc a dæmonibus conculcari, vitiorum spurcitiis, et sæculi sordibus inquinari? Quomodo qui vocatus eras a Deo, revocantem diabolum sequeris; et quem Christus trahere cœperat post se, repente pedem ab ipso introitu gloriæ retraxisti? In te experior nunc veritatem sermonis Domini, quem dixit: *Inimici hominis, domestici ejus*<sup>1</sup>. Amici tui et proximi tui adversum te appropinquaverunt, et steterunt. Revocaverunt te in fauces leonis, et in portis mortis iterum collocaverunt te. Collocaverunt te in obscuris, sicut mortuos sæculi: et jam parum est ut descendas in ventrem inferi; jam te deglutire festinat, ac rugientibus præparatis ad escam tradere devorandum.

2. Revertere, quæso, revertere, priusquam te absorbeat profundum, et urgeat super te puteus os suum; priusquam demergaris, unde ulterius non emergas; priusquam ligatis manibus et pedibus projiciaris in tenebras exteriores, ubi est fletus et stridor dentium; priusquam detrudaris in locum tenebrosum, et opertum mortis caligine. Erubescis forte redire, quia ad horam cessisti. Erubescere fugam, et non post fugam reverti in prælium, et rursum pugnare. Necdum finis pugnæ, necdum ab invicta dimicantes acies discesserunt: adhuc victoria præ manibus est. Si vis, nolumus vincere sine te, nec tuam tibi invidemus gloriæ portionem. Læti occurremus tibi, lætis te recipimus amplexibus, dicemusque: *Epulari et gaudere oportet, quia hic filius noster mortuus fuerat, et revixit; perierat, et inventus est*<sup>2</sup>.

## EPISTOLA CXIII.

AD SOPHIAM VIRGINEM.

Eam prædicat ob spretam mundi gloriam: et expositis religiosarum virginum elogiis, privilegiis, præmiis ac ornamentis, ad perseverantiam hortatur.

BERNARDUS abbas de Clara-Valle, SOPHIE virgini, virginitatis servare titulum, apprehendere fructum.

1. Fallax gratia, et vana est pulchritudo: mulier timens Deum, ipsa laudabitur<sup>3</sup>. Condelector, filia, gloriæ virtutis tuæ, qua fallacem mundi gloriam respuisse narraris. Ipsa quippe digne respuitur: sed quia multi aliter sapientes in ejus æstimatione desipiunt, tu jure laudaris, quia non falleris. Flos feni est, vapor est ad modicum parens. Ipse ejus qualiscunque status, nonne plus anxietatis, quam jucunditatis habet? Dum vindicas, dum defendis, dum invides, dum suspicaris, dum semper ambis quæ non habes; et nonnullis adeptis, acquirendi non tepescit ardor: quæ requies in gloria tua? Si qua tamen est, præterit jucunditas non reditura, et manet anxietas non relictura. Cæterum videas eam quamplurimos non apprehendere, contemnere perpauca. Cur hoc? Profecto quia necessitas multorum est, virtus paucorum. Paucorum, inquam, paucorum, præsertim nobilium. Denique non multos nobiles, sed ignobilia mundi elegit Deus<sup>4</sup>. Proinde benedicta tu in nobilibus, quæ, pro gloria certantibus cæteris, de contemptu gloriæ gloriosius sublimaris, et sublimius gloriaris. Insignior plane atque illustrior; quod de paucis facta es, quam quod orta de magnis. Illud namque Dei munere tuum est, hoc tuorum. Porro quod tuum est, tanto charius est, quanto rarius. Nam si in viris virtus, rara est avis in terris; quanto magis in femina fragili et nobili? Denique mulierem fortem quis inveniet<sup>5</sup>? Multo magis quis fortem et nobilem? Minime quidem Deus est acceptor personarum: nescio tamen quo pacto virtus in nobili plus placet. An forte quia

<sup>1</sup> Matth. x, 36. — <sup>2</sup> Luc. xv, 32. — <sup>3</sup> Prov. xxxi, 30. — <sup>4</sup> 1 Cor. i, 26-28. — <sup>5</sup> Prov. xxxi, 10.

plus claret? siquidem ignobilis, cum caret glo-<sup>121</sup> decore spectabilis, ipsis quoque Angelis admira-  
ria, non facile liquet, utrum quia nolit, an A randus ornatus : et proferant si quid simile ha-  
quia non possit habere. Laudo factam de neces-  
sitate virtutem : sed plus illam quam eligit li-  
bertas, non indicit necessitas.

2. Certent ergo cæteræ, quæ spem non ha-  
bent, pro rerum fugacium atque fallacium vili  
brevique gloriola : tu spei, quæ non confundit,  
imitere. Tu te, inquam, ei quod breve hoc ac  
momentaneum tribulationis tuæ supra modum  
in sublime operatur, ponderi gloriæ reservato.  
Quod si tibi exprobraverint filiae Belial, illæ  
quæ extento collo, fractis incedunt gressibus,  
compositæ et circumornatæ ut similitudo tem-  
pli; responde, Regnum meum non est de hoc  
mundo : responde, Tempus meum nondum  
advenit, tempus autem vestrum semper est pa-  
ratum : responde, Gloria mea abscondita est  
cum Christo in Deo; cum autem Christus ap-  
paruerit vita mea, tunc et ego apparebo cum  
ipso in gloria<sup>1</sup>. Quanquam et si gloriari oportet,  
potes tu quoque ingenue, potes secure, tantum  
in Domino. Omitto sane coronam, quam tibi  
Dominus præparavit in æternum. Sileo repro-  
missiones, quæ te in posterum manent : quod  
felix sponsa admittenda es revelata facie specu-  
lari gloriam Sponsi tui; quod te sibi exhibitu-  
rus est gloriosam, non habentem maculam aut  
rugam, aut aliquid hujusmodi; quod æternis  
excepturus amplexibus, ponet lævam sub ca-  
pite tuo, et dextera illius amplexabitur te. Præ-  
tereo locum nominatum, quem virginitatis præ-  
rogativa singularem a filiis et filiabus in regno  
es procul dubio sortitura. Sileo et canticum il-  
lud novum, quod virgo cum virginibus singu-  
lari nihilominus, dulcique modulamine cani-  
tura<sup>2</sup>, letaberis in ipso, et lætificabis civitatem  
Dei, cantans, et cursitans, et sequens Agnum  
quocumque ierit. Illud siquidem nec oculus vi-  
dit, nec auris audivit, nec in cor hominis ascen-  
dit, quod tibi præparatum est, et cui te præ-  
parari oportet.

3. Hæc ergo prætermitto, quæ in futuro  
reposita sunt tibi : præsentia tantum loquor,  
ea loquor quæ de primitiis spiritus jam tenes,  
sponsi xenia, arktas sponsalitas, benedictiones  
dulcedinis, in quibus te prævenit, quem et  
subsecuturum, atque quod deest completurum  
expectas. Ille, ille in medium veniat summo

subinde conscientia pannosa jacet : fulgent mo-  
nilibus, moribus sordent. E contra tu foris pan-  
nosa, intus speciosa resplendes, sed divinis  
adspectibus, non humanis. Intus est quod de-  
lectat, quia intus est quem delectat : nisi forte  
tu dubitas habitare Christum per fidem in corde  
tuo. Denique omnis gloria ejus filiae regis ab  
intus<sup>3</sup>. Jucundare, filia Sion; et exsulta satis,  
filia Jerusalem, quia concupivit Rex speciem  
tuam : si tamen confessionem et decorem in-  
duis, amicta lumine sicut vestimento. Nempe  
confessio et pulchritudo in conspectu ejus. Cu-  
jus? Speciosi forma præ filiis hominum; ipsius  
in quem desiderant Angeli prospicere.

4. Audis cui places : ama unde places, ama  
confessionem, ob quam amaris : ama confes-  
sionem, si affectas decorem. Confessioni jungi-  
tur decor, jungitur pulchritudo. Habes utrum-  
que, *Confessionem et decorem induisti*<sup>3</sup>; et,  
*Confessio et pulchritudo in conspectu ejus*<sup>4</sup>. Re-  
vera ubi confessio, ibi pulchritudo, ibi decor.  
Si peccata sunt, in confessione lavantur : si  
bona opera, confessione commendantur. Cum  
mala tua confiteris, sacrificium est Deo spiri-  
tus contribulatus : cum Dei beneficia, immolas  
Deo sacrificium laudis. Bonum animæ ornamen-  
tum confessio, quæ et peccatorem purgat, et  
justum reddit purgatorem. Absque confessione  
justus judicatur ingratus, et peccator mortuus  
reputatur. A mortuo quippe, tanquam qui  
non sit, perit confessio<sup>5</sup>. Confessio igitur, pec-  
catoris est vita, justi gloria : et necessaria est  
peccatori, et justum nihilominus decet. Deni-  
que rectos decet laudatio<sup>6</sup>. Serica, et purpura,  
et tincturarum fucus decorem habent, sed non  
præbent. Quidquid tale applices corpori, ex-  
ponit speciem suam, non deponit. Secum de-  
nique tollit, cum tollitur ipsum. Porro decor  
qui cum veste induitur, et cum veste deponi-  
tur, vestis procul dubio est, non vestiti.

5. Tu ergo noli æmulari in malignantibus, et  
mendicantibus pulchritudinem alienam, ubi  
perdiderint suam. Nativo quippe et interno se  
produnt decore nudas, quæ tanto studio et  
pretio de diversis et variis speciebus ejus quæ

<sup>1</sup> Coloss. III, 4. — <sup>2</sup> Psal. XLIV, 11. — <sup>3</sup> Psal. CIII, 1. — <sup>4</sup> Psal. XCV, 6. — <sup>5</sup> Eccli. XVII, 26. — <sup>6</sup> Psal. XXXII, 1.

<sup>a</sup> Ita manuscripti et antiquiores editiones. Alias, *cantatura*.

præterit figuræ mundi, foris sibi conficere sat-<sup>122</sup> agunt, unde oculis insipientium appareant A speciosæ. Indignum tibi judica, formam a pel- libus murium, et operibus vermium mutuari : tua tibi sufficiat. Ille est verus propriusque cu- jusque rei decor, qui nulla interjacente materia per se inest. O quam decenti rubore genas suf- fundit virgineas ingenti gemma pudoris! quæ inares reginarum huic comparabuntur? Nec inferioris insigne decoris disciplina præfert. O quam compositum reddit omnem puellaris cor- poris statum, nedum<sup>a</sup> et mentis habitum, di- sciplina! Cervicem submittit, ponit supercilia, B componit vultum, ligat oculos, cachinnos co- libet, moderatur linguam, gulam frenat, iram sedat, format incessum. Talibus decet pudicitiae vestem distingui margaritis. Istiusmodi circum- data varietate virginitas, cui gloriæ merito non præfertur? Angelicæ? Angelus habet virginita- tem, sed non carnem : sane felicior, quam for- tior in hac parte. Optimus et optabilis valde ornatus iste, qui et Angelis possit esse invidio- sus.

6. Sed adverte et aliud de eodem. Profecto tanto tibi manet tutus, quanto et proprius. Vi- des nempe auro, argento, lapidibus pretiosis, C et omni denique cultu regio non tam ornatas quam oneratas. Vides longas post se trahentes fimbrias, ipsasque pretiosissimas, et densas pulveris nubes excitantes in aera. Non te mo- veant hæc. Illæ illa vel in morte deponent : te tua sanctitas non relinquet. Non sunt sua quæ portant. Cum interierint, non sument omnia, neque descendet cum eis gloria hæc. Mundus, cujus sunt, nudis illis exeuntibus retinebit, eisdem vanis vanas similiter alias seducturus. At vero tuus ille ornatus non sic. Firmissime tibi, ut dixi, manet, propterea tutus, quia tuus. Nullius facile aut cedit injuriis, aut patet D insidiis. Adversus hujusmodi nil furis calliditas, nil furentis crudelitas potest. Nec a tinea roditur, nec vetustate corrumpitur, nec consumi- tur usu. In morte vivit. Nimirum animæ res est, non corporis : et ob hoc simul cum anima de corpore abit, non obit cum corpore. Porro animæ non habent quid faciant, etiam qui cor- pus occidunt.

## EPISTOLA CXIV.

AD ALTERAM SANCTIMONIALEM.

Quæ sub habitu religioso animum gesserat mundo dedi- tum, eam jam resipiscentem prædicat, et ne gratiam negligat, hortatur.

1. Magnum est mihi gaudium, quod te ad verum et perfectum gaudium velle tendere com- peri, quod non est de terra, sed de cælo; id est, non de hac convalle plorationis, sed de illa quam fluminis impetus lætificat civitate Dei. Et revera illud verum et solum est gaudium, quod non de creatura, sed de Creatore concipi- tur; et quod cum possederis, nemo tollet a te : cui comparata omnis aliunde jucunditas, mæror est; omnis suavitas, dolor est; omne dulce, amarum; omne decorum, fœdum; omne postremo quodcumque aliud delectare possit, molestum. Denique tu mihi testis es in hac re : te ipsam interroga, quia tu tibi familiarius cre- des. Numquid non hoc ipsum clamat in corde tuo Spiritus sanctus? An non tibi jam ab ipso, priusquam a me, hujus rei veritas persuasa est? Quando enim tu femina et juvencula, formosa et ingenua, sic fragilem et sexum vinceret, et ætatem; sic spectabilem et formam, et genero- sitatem contemneres, nisi cuncta quæ corporis sensibus subjacent, in illorum jam tibi compa- ratione vilescerent, quæ te interius et confor- tant ut vincas, et delectant ut præferas?

2. Nec immerito. Modica, transitoria, terrena sunt quæ despicias : maxima, æterna, celestia sunt quæ appetis. Plus dicam, et ve- rum dicam : tenebras deseris, et lucem ingre- deris. De profundo fluctuum emergis ad por- tum; de misera servitute in felicem libertatem respiras; de morte denique transis ad vitam : siquidem usquemodo tua non Dei voluntate, tua vivens non Dei lege, vivens mortua eras : vivens mundo, mortua Deo; sive, ut verius lo- quar, nec mundo vivens, nec Deo. Volens quippe sub habitu et nomine religionis instar unius de sæculo conversari, sola Deum a te voluntate repuleras : non autem valens quod stulte volebas, non tu quidem mundum, sed te

<sup>a</sup> Alias, necnon.

mundus repulerat. Deum ergo repellens, et a<sup>125</sup> sæculo repulsa, inter duas, ut dicitur, sellas, A corrueras \*. Nec Deo itaque vivebas, quia nolebas; nec sæculo, quia non poteras: alteri quidem volens, alteri invita; sed tamen utrique mortua. Sic debet contingere his qui vovent, et non solvunt<sup>a</sup>; qui aliud foris ostentant, et intus aliud appetunt. At vero nunc per Dei misericordiam incipis reviviscere, non peccato, sed justitiæ; non sæculo, sed Christo: sciens quia et sæculo vivere, mors est; et in Christo etiam mori, vita. Beati nempe mortui, qui in Domino moriuntur.

3. Ex hoc jam nec votum tuum irritum, nec B cassam professionem causabimur: ex hoc jam nec corporis integritas animi corruptione infirmabitur, nec morum pravitate virginitatis titulus obscurabitur: ex hoc jam nec falsum nomen, nec vacuum velamen portabis. Ut quid enim haecenus nonna<sup>b</sup> et sanctimonialis vocitata es, quæ sub sanctitatis nomine, non tamen sancte conversata es? Cur velum in capite mentiebatur reverentiam, et sub velo petulans oculus exhibebat impudentiam? Caput siquidem gerebas velatum, sed elatum: sub signo verecundiæ sermo resonabat inverecundus. Risus immoderator, incessus lascivior, vestitus ornatio<sup>c</sup>, wimplata\* magis quam velatæ congruerent. Sed ecce jam vetera Christo auctore transierunt, et nova fieri incipiunt omnia: dum cultum exteriorem interiore commutas; et magis vitam, quam vestem appetis habere ornatam. Facis quod debes, imo quod jam olim fecisse debueras: nam olim jam voveras. Sed Spiritus, qui, sicut ubi vult, ita et quando vult, spirat, necdum spiraverat. Et idcirco forsitan quod hucusque egisti, excusationem habet. Cæterum si flammantem spiritum, quo nunc recaluit sine dubio cor tuum intra te, et in meditationibus tuis exardescentem ignem D divinum jam exstinguere permiseris; quid restat, nisi ut te illi servandam noveris igni, qui non possit exstingui? Sed exstinguat potius idem Spiritus in te concupiscentias carnales, ne forte ab his præfocato (quod absit) nuper concepto sancto desiderio, in flammis contingat incidere gehennales.

## EPISTOLA CXV.

AD ALIAM SANCTIMONIALEM DE MONASTERIO  
SANCTE-MARIE TRECENSIS<sup>c</sup>.

Dissuadet ei eremum, quam temere et imprudenter appetebat.

1. Relatum est mihi, te quasi asperioris vitæ desiderio tuum monasterium velle deserere. Quam rem dissuadentibus tibi atque omnimodis prohibentibus spirituali matri tuæ, sive sororibus, cum acquiescere nolles, placuisse tandem nostrum super hoc consilium eligere: ut quidquid ego laudaverim, id tibi credas expedire. Debueras quidem doctiorem ad hoc consilium eligere: quia tamen sic tibi visum est; quod hinc mihi rectius videtur, non celo. Hoc itaque tuum desiderium ex quo cognitum habui, cogitans atque recogitans quo quidem spiritu conceperis, facile judicare non audeo. Potes namque in hac re zelum Dei habere, ut excusabilis sit tua intentio: sed quomodo secundum scientiam tua talis voluntas impleatur, omnino non video. Cur, inquis? non est sapere, ut opulentiam, ut urbis frequentiam, ut pingua fugiam et delicias? an non mea mihi pudicitia tutior erit in eremo, ubi in pace cum paucis, aut sola conversans, soli placeam cui me probavi? Nequaquam. Nam volenti peperam agere, et desertum abundantiam habet, et nemus umbram, et silentium solitudo. Malum quippe quod nemo videt, nemo arguit. Ubi autem non timetur reprehensor, securius accedit tentator, licentius perpetratur iniquitas. In conventu vero bona si qua facis, nemo prohibet: malum autem facere si vis, non licet. Mox etenim a pluribus comperitur, arguitur, emendatur: sicut e contrario bonum cum vident, omnes mirantur, venerantur, imitantur. Vides ergo, filia, quod et tua merita immanior in conventu gloria sequitur, et citior culparum correctio: quando ibi sunt, et quibus de bonis

<sup>a</sup> Alias, et non reddunt.

<sup>b</sup> Vox ex Regula S. Benedicti efficta, in qua juniores Priores suos, *Nonnos*, appellare jubentur in capite 63.

<sup>c</sup> Haecenus superstat apud Trekas istud monasterium sub Regula S. Benedicti: ubi religio tum innovata erat, teste Bernardo.

exemplum præbeas, et quas de malis offendas.<sup>121</sup>

2. Denique ut ex illa evangelica partitione omnem tibi auferam tui excusationem erroris; aut de fatuis virginibus una es (si tamen virgo es), aut de prudentibus<sup>1</sup>. Si de fatuis, congregatio tibi necessaria est: si de prudentibus, tu congregationi. Nam si sapiens et probata es; religio certe quæ illo in loco noviter innovata nunc ubique laudatur, multum tua discessione infamabitur, et infirmabitur, ut timemus. Dicitur quippe, quod bona cum sis, bonum ordinem<sup>a</sup> nequaquam desereres. Quod si fatua cognita es, et recedis; dicemus quod quia cum bonis male vivere non licet; bonas mala non ferens, quæris ubi vivere liceat ut libet. Et merito. Nam ante Ordinis emendationem nunquam, ut aiunt, inde locuta es: at ubi religio crevit, sanctior subito facta, fervore repentino cogitare ceepisti de eremo. Agnosco, filia, agnosco, utinam et tu mecum agnoscas, serpentinum virus, fraudulentum dolum, versipellis astutiam. In nemore lupus habitat. Si sola ovicula umbras nemoris penetras, præda vis esse lupo. Sed audi me, filia, fidele audi consilium. Sive peccatrix, sive sancta sis, noli te separare a grege; nequando rapiat, et non sit qui eripiat. Sancta es? stude tuo exemplo tuæ socias C acquirere sanctitatis. Peccatrix es? noli addere peccata peccatis, sed age penitentiam ubi es: ne discedens cum tui quidem periculo, ut ostensum est, et sororibus scandalum relinquis, et multorum in te provocos detrahentium linguas.

## EPISTOLA CXVI.

AD ERMENGARDEM QUONDAM COMITISSAM BERTANNIE\*.

Affectum sui cordis, et vim religiosæ dilectionis suaviter et familiariter insinuat.

Dilectæ in Christo filiæ suæ ERMENGARDI, quondam eximiæ comitissæ, nunc humili Christi ancillæ, BERNARDUS abbas Claræ-Vallis, pium sanctæ dilectionis affectum.

Utinam sicut chartam nunc præsentem, ita

et meam tibi mentem expandere possem! O si legere posses in corde meo, quod ibi de amore tuo, suo digito Deus scribere dignatus est! certe agnosceres quam nulla lingua vel penna sufficiat exprimere, quod in intimis mihi medullis Dei spiritus imprimere potuit. Et nunc quidem præsens sum spiritu, licet corpore absens: sed nec mihi, nec tibi est unde appaream. Est tamen penes te, unde possis de me utcumque conjicere, etsi nondum cognoscere, quod dico. Intra ergo cor tuum, et inspicere meum; et vel tantum mihi tribue amoris erga te, quantum tibi erga me inesse sentis: ne si nos quidem minus, te vero amplius amare præsumpseris, eo te nobis præferre puteris, quo et vincere nos charitate putaveris. Cæterum tuæ modestiæ est, id potius sentire de nobis, ut qui te affectu ita me diligere et eligere ad consilium tuæ salutis, æque affecerit et me in obsequium tuæ dilectionis. Tu ergo videris quomodo me tecum retinneris: ego, ut verum fatear, nusquam abs te absque te recedo. Hæc tibi interim de via breviter in transitu scribere volui; sperans me majori otio majora missurum, si Deus annuerit.

## EPISTOLA CXVII.

AD EANDEM.

Laudat ejus in divino servitio alacritatem, suumque illius videndæ desiderium indicat.

Recepi<sup>b</sup> delicias cordis mei, pacem tui. Lætus sum, quia tu læta nuntiaris; meque admodum animo reddit incolumem tua innotescens alacritas. Hæc nimirum lætitia nil habet de carne et sanguine, cum humilis ex sublimi, ex ingenua ignobilis, pauper ex divite vivas: fratris, filii, patriæque destituta solatio. Sine dubio ergo quod in te alacritatis natum est, de Spiritu sancto est. Quippe jamdudum a timore Dei concipiens, parturisti tandem spiritum salutis, foras utique mittente charitate timorem. O quam libentius ista præsens colloquerer, quam scribo absens! Crede mihi, irascor occupationibus, quibus frequenter impediri videor ne te videam:

<sup>1</sup> Matth. xxv, 1-12.

<sup>a</sup> Vulgo, *le bon ordre*; id est, accuratam vitæ monasticæ disciplinam. — <sup>b</sup> Alias, *Accepi*.

et delector occasionibus, quibus vel interdum<sup>123</sup> expediri videor, ut te videam. Rara quidem datur hujusmodi opportunitas : sed chara, fateor, est mihi vel ipsa raritas. Est enim sane melius videre te vel nonnunquam, quam nunquam omnino. Spero me in proximo venturum ad te, jam nunc prælans gaudium proxime pleneque futurum.

## EPISTOLA CXVIII.

AD BEATRICEM NOBILEM ET RELIGIOSAM MATRONAM.

Officiosam ejus charitatem et sollicitudinem com mendat.

Miror tuæ devotionis studium, tuæ erga nos dilectionis affectum. O bona domina, quid tibi et nobis? unde tanta tibi sollicitudo de nobis? Si filii, si nepotes, si vel aliqua extrema propinquitatis linea tibi juncti essemus; tua crebra beneficia, frequentes salutationes, innumera denique tui amoris insignia, quæ quotidie experimur, non tam nobis miranda viderentur, quam ex debito suscipienda. Nunc autem cum genere tantum dominam, non matrem te cognoscamus; non mirum si miramur, sed mirum si satis mirari possumus. Quis enim notorum vel cognatorum nostrorum curam habet de nobis? quis unquam de nostra salute interrogat? quis, inquam, non dico sollicitus, sed vel memor nostri est in sæculo? Amicis, propinquis, vicinis nostris facti sumus tanquam vas perditum : sola nos oblivisci non potes. Inquis de esse et statu sanitatis nostræ, de via quam nuper egimus, de monachis, quos ad alium locum transtulimus. De quibus breviter respondeo, quod de terra deserta, et de loco horroris et vastæ solitudinis introducti sunt in abundantiam rerum, ædium, et amicorum; in terram denique fertilem, et locum amœnæ habitationis. Lætos itaque et in pace reliquimus, læti nos et in pace reversi sumus : præter quod ego paucis diebus, sed non parum, febre redeunte, ita ut mori timerem, aggravatus fui. Sed rursus, Deo miserante, cito convalui, ita ut nunc fortio rem sanio remque me sentiam post viam peractam, quam ante inchoatam.

## EPISTOLA CXIX.

AD DUCEM ET DUCISSAM LOTHARINGIÆ \*.

Gratias agit pro condonatis haecenus vectigalibus, sed caveri cupit, ne gratia principum opera ministrorum intervortatur.

B DUCI et DUCISSÆ Lotharingiæ, BERNARDUS abbas de Clara-Valle, sic suis ad invicem charis et castis delectari amplexibus, ut solus amor Christi superet in ambobus.

Ex quo cœpinus mittere pro nostra necessitate in terram vestram, multam semper invenimus in oculis vestræ Dignitatis familiaritatem et gratiam. Benedictionem largitatis vestræ nostris hominibus, cum necesse fuit, liberaliter exhibuistis. Passagium<sup>a</sup> transeuntibus, et si quod est aliud juris vestri debitum, mercantibus libenter dimisistis. De quibus omnibus sine dubio merces vestra multa est in cœlis, si tamen verum esse credimus quod Dominus in Evangelio promittit : *Quamdiu fecistis uni ex minimis meis, hoc mihi fecistis*<sup>1</sup>. Sed quid est quod ministros vestros, quæ vos donastis, exigere rursus permittitis? Dignum est vobis et honorificum, ut quod vobis pro salute animarum vestrarum placuit donare, nemo vestrorum repetere audeat. Si ergo vos (quod absit) beneficiorum vestrorum non pœnitet, donumque quod in beneplacito vestro a vobis sæpe recepimus, æque adhuc ut habeamus, utrique vestrum complacet; jubete ita firmiter et inconcussè teneri, quatenus ultra fratres nostri a nullo ministrorum vestrorum timeant propter hoc disturbari. Alioquin non renuimus Domini nostri sequi exemplum, qui pro se non dignatus est solvere censum<sup>2</sup>, parati et nos libenter quæ sunt Caesaris Cesari reddere, et vectigal cui vectigal, et tributum cui tributum<sup>3</sup> : præsertim quia juxta Apostolum non tam debemus requirere datum nostrum, quam vestrum<sup>4</sup>.

<sup>1</sup> Matth. xxv, 40. — <sup>2</sup> Id. xvii, 26. — <sup>3</sup> Rom. xiii, 7. — <sup>4</sup> Philipp. iv, 17.

<sup>a</sup> Census a transeuntibus persolvi solitus; vulgo, *droit de passage*.



## EPISTOLA CXX.

AD DUCISSAM LOTHARINGIÆ.

Pro beneficiis oblatis gratias agit, et ab iniquo bello eam deterret.

Gratias agimus Deo pro tam devota voluntate, quam erga ipsum et servos ejus vos habere cognovimus. Quoties enim in corde carnali, B terrenis dignitatibus alto, ulla vel minima scintillula cœlestis amoris accensa videtur, divinum sine dubio est munus, non hominis virtus. Et nos quidem largitatis vestræ vestris in litteris nobis oblata beneficia gratanter amplectimur : sed cognita illa subita et grandi satis occupatione, qua vos nunc detineri necesse est; conveniens ducimus vestram, quantum vobis placuerit, expectare opportunitatem. Nemini etenim, quantum in nobis est, vellemus esse oneri, præsertim in iis quæ ad Deum pertinent : ubi non dati lucrum, sed dantis fructum magis requirere debemus. Diem itaque nobis, si placet, atque locum rescribendo per hunc nuntium nominare : quo, juvante Deo, præsentī expedita instantia, nostris partibus appropinquare debeatis, et fratre Widone<sup>a</sup> vobis obviam facto, si quid in terra vestra invenerit quod aptum sit Ordini nostro, promissa vestra expeditius atque alacrius compleatis. Hilarem enim datorem diligit Deus<sup>1</sup>. Aut si forte non placet vobis dilatio, et hoc notificate : quia parati sumus in hac re, quantum ratio patitur, vestræ obtemperare voluntati. Ore vestro Ducem salutamus : et tam ipsum quam vos admonemus, ut si castrum, pro quo guerram facturi estis, vestri D juris non esse noveritis, pro Dei amore relinquatis. Scriptum quippe est : *Quid prodest homini si mundum universum lucretur, se autem perdat, et detrimentum sui faciat* ?

<sup>1</sup> II Cor. ix, 7. — <sup>2</sup> Matth. xvi, 26.

<sup>a</sup> Existimamus hunc esse Widonem Trium-Fontium abbatem, qui in Lotharingiam profectus non semel, de quo ad epistolas 63, 69.

<sup>b</sup> Mathildem, Hugonis I Burgundiæ ducis uxorem, iras coquentem in Hugonem de Besua, qui locus situs est quatuor leucis a Divione, monasterio Besuensi Ordinis S. Benedicti insignis. De Hugone isto vide Perardum, pagg. 221, 222. — <sup>c</sup> Alias, *dignamini*. — <sup>d</sup> Legalitati, id est bonæ fidei, quæ consistit in exsequendis promissis.

## EPISTOLA CXXI.

AD DUCISSAM BURGUNDIÆ<sup>b</sup>.

Offensam Hugoni placare nititur, et assensum in conjugium quoddam ab ea exposcit.

Vestræ dignationis specialis familiaritas, quam erga nos pauperes homines habere videmini<sup>c</sup>, eo usque progressa est, ut quisquis Dignitatem vestram se habere sentit infensam, per nullum facilius quam per nos confidat redire in gratiam. Hinc est quod dudum Divione cum essem, Hugo de Besua multis me precibus ad placandam sibi vestram, quam meruerat, indignationem applicavit; et ut conjugio de filio suo, quod vobis quidem non placitum, sed sibi, ut putat, commodum irretractabiliter facere statuerat, amore Dei et nostro assensum præberetis : cujus rei causa ecce nunc rursus tam suis, quam suorum precibus aures nostras pulsare curavit. Et nos quidem utilitates illius terrenas non valde curamus : verumtamen, quia res, ut ipse dicit, ita in arcto posita esse videtur, quatenus nisi cum ipsius perjurio nequaquam possit obviari conjugio : hoc vobis intimare conveniens duximus, quia grandis debet esse utilitas, quam christiani et vestri hominis legalitati<sup>d</sup> præponere debeatis. Neque enim et perjurus esse, et legalis simul manere poterit. Quanquam etiam vobis non solum nullum lucrum, sed et multum videamus ingruere periculum, si quos fortassis Deus conjungere disposuit, per vos disturbari contigerit. Suam gratiam adjiciat Dominus super vos et super filios vestros, nobilissima, mihiq; in Christo dilectissima domina. Ecce nunc tempus acceptabile, ecce nunc dies salutis : erogate vestrum frumentum pauperibus Christi, ut in æternum cum usura recipiatis.

EPISTOLA CXXII.<sup>a</sup>

HILDEBERTI TURONENSIS ARCHIEPISCOPI AD BERNARDUM ABBATEM \*.

Bernardi fama nominis et sanctitatis permotus,  
familiaritatem ejus expetit.

1. Balsamum ex odore suo, et arborem ex fructu cognosci, paucos credimus ignorare. Sic et nobis ex opinione tua, charissime frater, B innotuit, quam sis et ad sanctimoniam compositus, et integer ad doctrinam. Cum enim locorum interstitio longius a te separemur; ad nos tamen usque pervenit, quam jucundas noctes cum tua Rachele ducas, quæ progenies ex Lia tibi exuberet, quam totum te exhibeas et cultorem virtutis, et hostem carnis. Non alium loquuntur te, quicumque loquuntur nobis de te. Talis est odor olei effusi nominis tui, talia jam tuorum præmia meritorum. Has ex agro tuo spicas ante supremam colligis messionem. In hac enim vita quædam merces virtutis est conspicuum et immortale testimonium. C Hoc ipsa sibi comparat, hoc sibi ipsa custodit. Hujus splendor non minuitur invidia, non exterioribus studiis adjuvatur. Quippe honorum existimatio, sicut falsis delationibus auferri non potest, ita nec adulatoriis favoribus acquiri. Penes ipsos est, eam vel ubertate virtutum proficere, vel defectu minorari. Sane de celeberrima opinione tua spes in sinu Ecclesiæ reposita est, eam minime casuram, quoniam fundata creditur supra firmam petram.

2. Ex ea nos tuam edocti devotionem, desiderio desideravimus in sacrarium familiaritatis tuæ recipi; ibique recordatione tecum esse, ubi te D ipsum furatus colloquiis mortalium, pro mortalibus loqueris cum Rege Angelorum. Porro huic desiderio nostro N. <sup>b</sup> Trecentis archidiaconus plurimum adjecit, vir moribus et litteratura conspicuus. Eum tibi censeremus commendandum, nisi constaret illos, quos tua dignaris gratia, commendatione alia non egere. Si nescis, illius etiam attestatione didicimus te in Ecclesia

<sup>129</sup> esse, qui ad eruditionem virtutis et exemplo A sufficiat, et verbo. Ceterum ne litteris prolixioribus oneretur, scripto ponimus finem, supradictæ petitioni, donec exaudiri mereamur, finem minime positori. Quid autem ex hoc animi geras, doceri deprecamur tuarum recursu litterarum.

EPISTOLA CXXIII.<sup>c</sup>RESCRIPTUM ABBATIS BERNARDI AD HILDEBERTUM  
TURONENSEM ARCHIEPISCOPUM.

Laudes laudibus rependit.

Bonus homo de bono thesauro cordis sui profert bonum. Scripta gloriæ tuæ, imo et meæ, satis libenter accepi, vir totius reverentiæ, tenens in illis unde te non immerito glorificem, et ipse non immerito glorier. Siquidem gloria nostra hæc est, tuæ Sublimitatis dignatio, tua nostræ reputatio parvitat. Nempe in alto non altum sapere, sed humilibus consentire, nil Deo charius, nil rarius apud homines. Quis sapiens, nisi qui Sapientiæ consiliis acquiescit? ait autem: *Quanto major es, tanto humilia te in omnibus*<sup>1</sup>. Hoc tu mihi exhibuisti, minori major, senior juniore. Possem proinde et ego tuam probatam sapientiam non indebitis efferre laudibus, et forte justioribus his, quibus me dignata est ipsa. Quippe interest ad dandam rerum certitudinem, quid incerta jactet opinio, quidque opus evidens reddat indubitatum. Quod autem certius probamus, hoc et prædicamus securius. Quæ ergo ad me de me tibi scribere placuit, videris tu unde probaveris: ego laudum tuarum argumentum teneo minime dubium ipsas mei laudatrices litteras tuas; in quibus alium fortasse delectet eruditionis insigne, sermo suavis et purus, oratio luculenta, gratum laudabileque compendium: mihi vero præ his illa ducitur miranda humilitas, quantillum tantus prævenire curasti, et obsequio salutandi, et præconio prædicandi, et precandi reverentia. Sane quod ad me attinet, lego de me in litteris tuis, non quod sum, sed quod

<sup>a</sup> Eccli. III, 20.<sup>b</sup> Scripta circa annum 1130. — <sup>c</sup> Gebuinus. Vide Notas ad epistolam 17. — <sup>e</sup> Scripta circa annum 1130.

esse vellem, et quod non esse pudet. Verum-<sup>129</sup> tamen quod sum, tuum est : et si quid melius A Dei unquam munere fuero, tuum fore confidito, reverendissime atque amantissime pater.

## EPISTOLA CXXIV.<sup>a</sup>

AD EUMDEM HILDEBERTUM, QUI NONDUM RE-  
PERAT DOMINUM INNOCENTIIUM PAPAM.

Hortatur ut Innocentium, in Gallia ob schisma Petri Leonis exsulem, uti legitimum Pontificem agnoscat.

Magno sacerdoti, et excelso in verbo gloriæ HILDEBERTO, Dei gratia Turonensium archiepiscopo, BERNARDUS Clare-Vallis abbas dictus, in spiritu ambulare, et spiritualiter omnia examinare.

1. Ut verbis vos prophetis alloquar, *Consolatio abscondita est in oculis, quia mors dividit inter fratres*<sup>1</sup>. Quidam enim juxta Isaiam videntur fœdus percussisse cum morte, et cum inferno fecisse pactum<sup>2</sup>. Ecce namque christus Domini iste Innocentius positus est in ruinam C et in resurrectionem multorum. Nam qui Dei sunt, libenter junguntur ei : qui autem ex adverso stat, aut Antichristi est, aut Antichristus. Cernitur abominatio stare in loco sancto, quem ut obtineret, incendit ignis sanctuarium Dei. Persequitur Innocentium, et cum eo omnem innocentiam. Fugit ille nimirum a facie Leonis, sicut dicit propheta : *Leo rugiet, quis non timebit*<sup>3</sup>? Fugit secundum præceptum Domini dicentis : *Si vos persecuti fuerint in una civitate, fugite in aliam*<sup>4</sup>. Fugit, et in hoc vere virum se apostolicum probans, quod apostolica sese forma insignierit. Nec enim Paulus erubuit D in porta demitti per murum, et sic effugere manus quærentium animam suam<sup>5</sup>. Suffugit autem non parcens vitæ suæ, sed dans locum iræ : non ut mortem evaderet, sed ut vitam acquireret. Merito Ecclesia Innocentio concedit ipsius vicem, quem per eadem vestigia gradientem cernit.

2. Nec sane otiosa fuga Innocentii. Laborat quidem, sed honestatur in laboribus suis. Pulsus Urbe, ab orbe suscipitur. A finibus terræ occurrunt cum panibus fugienti, etsi furor Semei, Gerardi Engolismensis, nondum ex toto quiescat maledicere David. Velit, nolit peccator qui videt et irascitur; magnificatur in conspectu regum, portans coronam gloriæ. Numquid non omnes principes cognoverunt quia ipse est vere Dei electus? Francorum, Anglorum, Hispanorum, et postremo Romanorum rex, Innocentium in Papam suscipiunt, et recognoscunt singularem episcopum animarum suarum. Solus adhuc ignorat Achitopel suum jam patfactum ac dissipatum consilium<sup>6</sup>. Frustra molitur miser super populum Dei malignare consilium, et cogitare adversus sanctos sancto firmissime adhaerentes, et contententes curvae genua ante Baal. Nulla fraude prævalebit parricidæ suo obtinere regnum super Israel et super civitatem sanctam, quæ est Ecclesia Dei viventis, columna fidei, et firmamentum veritatis. Funiculus triplex difficile rumpitur<sup>7</sup>. Electio meliorum, approbatio plurium, et, quod his efficacius est, morum attestatio, Innocentium apud omnes commendant, summum confirmant Pontificem.

3. Ad quod sane et vestra, pater, expectatur, sicut pluvia in vellus, vel sera sententia. Non improbamus tarditatem, quæ gravitatem redolet, levitatis abolet notam. Nam et Maria non statim respondit angelo salutanti, prius cogitans qualis esset illa salutatio<sup>8</sup> : et Timotheo præcipitur nemini cito manum imponere<sup>9</sup>. Dico tamen ego notus Pontifici, Ne quid nimis : dico ut familiaris et notus, *Non plus sapere quam oportet sapere*<sup>10</sup>. Pudet, fateor, quod serpens vetustissimus nova audacia, relictis insipientibus mulieribus, etiam robur pectoris vestri visus est attentare, et tantam Ecclesiæ columnam ausus concutere. Confidimus autem quia etsi concutit, non dejicit : quoniam amicus sponsi stat, et gaudet ad vocem sponsi<sup>11</sup>, vocem exultationis et salutis, vocem unitatis et pacis.

<sup>1</sup> Osee XIII, 14. — <sup>2</sup> Isai. XXVIII, 15. — <sup>3</sup> Amos III, 8. — <sup>4</sup> Matth. X, 23. — <sup>5</sup> Act. IX, 25. — <sup>6</sup> II Reg. XVII. — <sup>7</sup> Ecce. IV, 12. — <sup>8</sup> Luc. I, 29. — <sup>9</sup> I Tim. V, 22. — <sup>10</sup> Rom. XI, 3. — <sup>11</sup> Joan. III, 29.

<sup>a</sup> Scripta circa annum 1131.

EPISTOLA CXXV.<sup>a</sup>

AD MAGISTRUM GAUFREDUM DE LORATORIO \*.

Operam ejus requirit in asserendo pontificatu Innocentii  
adversus schisma Petri Leonis.

1. Odor in flore, in fructu sapor requiritur. Odore provocati, charissime frater, olei effusi noninis tui, cupimus et ex fructu operis cognoscere te. Non enim nos tantum, sed ipse quoque qui nullius eget Deus, opus tamen habet hoc in tempore opere tuo, si non dissimulas. Gloriosum tibi est Dei esse posse coadjutorem : posse, et non esse, damnosum. Porro autem gratias habes apud Deum et homines, habes scientiam, habes spiritum libertatis, habes verbum vivum et efficax, et sale conditum : nec oportet te pro tantis viribus sponsæ Christi deesse in tanto discrimine, cum sis amicus sponsi. Amicus siquidem in necessitate probatur. Quid enim? tu tibi quiescis, et mater tua Ecclesia graviter conturbatur? Habuit sua tempora quies, et sanctum otium hactenus sua negotia licenter, libenterque exercevit. Tempus faciendi nunc, quia dissipaverunt legem. Bestia illa de Apocalypsi, cui datum est os loquens blasphemias, et bellum gerere cum sanctis<sup>1</sup>, Petri cathedram occupat, tanquam leo paratus ad prædā. Altera quoque bestia juxta vos subsibilat, sicut catulus habitans in abditis. Illa ferocior, ista callidior, pariter convenerunt in unum adversus Dominum, et adversus christum ejus. Demus operam cito dirumpere vincula eorum, et projicere a nobis jugum ipsorum.

2. Nos in nostris partibus, una cum aliis Dei servis divino igne accensis, Deo cooperante laboravimus in conveniendo populos in unum, et reges ad diripiendum<sup>b</sup> pravorum consensum, ad destruendam omnem altitudinem extolentem se adversus scientiam Dei. Nec infructuose. Alemanniæ, Franciæ, Angliæ, Scotiæ, Hispaniarum et Jerosolymorum reges,

<sup>150</sup> cum universo clero et populis, favent et adherent domino Innocentio, tanquam filii patri, tanquam capiti membra, solliciti servare unitatem spiritus in vinculo pacis. Merito autem illum recipit Ecclesia, ejus et opinio clarior, et electio sanior inventa est, nimirum diligentium et numero vincens, et merito. At tu, frater, quid adhuc negligis? quousque vicino serpente tua male secura dormitat industria? Scimus quidem te filium pacis nulla posse ratione induci deserere unitatem : sed profecto non sufficit, nisi et defensare, atque ipsius quoque turbatores totis viribus debellare studueris. Nec quætis timeas detrimentum, quod non parvo tuæ gloriæ incremento recompensabitur, si fera illa vicina vobis tuo studio mansuescat, vel obmutescat, et tantam Ecclesiæ prædā, comitem dico Pictavensem<sup>c</sup>, in manu tua Dei pietas de ore Leonis cripiat.

EPISTOLA CXXVI.<sup>d</sup>AD EPISCOPOS AQUITANIÆ CONTRA GERARDUM  
ENGOLISMENSEM \*.

Causam Innocentii, ut legitimi Pontificis, egregie tuetur  
adversus Gerardum Engolismensem, Schismatici partes  
agentem, ejus mores depingit, et subterfugia eludit.

Dominis et patribus honorandis, Lemovicensi,  
Pictavensi, Petragoricensi, et Santonensi,  
Dei gratia episcopis sanctis, frater BERNARDUS  
abbas dictus de Clara-Valle, constantiam  
in adversis.

1. Virtus in pace acquiritur, in pressura probatur, approbatur in victoria. Tempus est quo vestra, si qua est, nec latere jam, nec torpere sinatur, reverendi et merito suspiciendi patres. Hostilis siquidem gladius, qui universo Christi corpori mortem denno nunc temporis intentare videtur, vestris potissimum cervicibus imminet, et in vos eo acrius, quo cominus debacchatur : ita ut quotidianis assultibus, aut resistere fortiter, aut turpiter (quod absit) ce-

<sup>1</sup> Apoc. xiii, 5-7.

<sup>2</sup> Scripta anno Christi 1131. — <sup>b</sup> Alias, diripiendum. — <sup>c</sup> Guillelmum. — <sup>d</sup> Scripta circa annum 1132. —

<sup>e</sup> Alias, Engolismensem.

dere compellamini. Nam is qui amat primatum<sup>131</sup> verecundia, qua terram et cinerem pudet, non gerere inter vos, Diotrephes, non recipit vos<sup>2</sup>; A dico subijci, sed non dominari?

3. Propter hoc ergo reliquit homo suum illum patrem sanctum Innocentium (sic enim nominabat<sup>3</sup>), et matrem suam sanctam Ecclesiam catholicam; et adhæret schismaticiarchæ suæ, et sunt duo in vanitate una. Percusserunt fœdus ad invicem, et super populum Dei malignaverunt consilium. Squama squamæ conjungitur, et spiraculum non est in eis<sup>2</sup>. Iste illum papam, ille hunc vicissim legatum scriptitat, ut decipiant ipsi de vanitate in idipsum. Invicem se consolantur, tuentur, commendant; quisque tamen pro se, non pro invicem. Nimirum homines sunt se ipsos amantes. Pari quidem studio convenerunt adversus Dominum, et adversus christum ejus; sed plane intentionibus non cohererent. Quærit magis ex alterutro uterque profecto quæ sua sunt, idque, quod audere nefarium est, in hæreditate Christi. Quid nisi ante oculos vestros conantur, si patimini, proscribere Christum? Jam novos apud vos suo papæ cudit legatus episcopos<sup>4</sup>, ne soli sit sibi papa. Nec mortuis successores, sed vivis invasores tyrannica fretus potentia superintrudit, nactus scilicet de malitia principum occasionem, qui suarum civitatum episcopos odio persequuntur iniquo. Sic sedet in insidiis cum divitibus in occultis, ut interficiat innocentes. Per tale ostium intrat in ovile ovium.

4. Nunquid autem gratis talia legatus actitat pro papa suo? En ille totam, ut is gloriatur, Franciam atque Burgundiam legationi ejus antiquæ superaddidit. Potest et adjungere, si vult, Medos et Persas, et medios fines Decapoleos. Quare non et ultra Sauromatas, et quemcumque denique locum calcaverit pes suus, suus sit, quo vel vacuis nominibus glorietur? O homo non minus sine fronte, quam sine mente; nec Dei memor timoris, nec suæ honestatis! Putat se non videri, cum sit subsannatio et illusio omnibus qui in circuitu ejus sunt. Merito quidem. Certe enim pro foro, sacrario utitur: et instar hominis negotiatoris quærantis lucra sua, et modo hunc, modo illum explorantis venditorem, ut ab illo demum emat quod amat, a quo vilius impetrare valuerit; ita iste solli-

<sup>1</sup> Eccli. iv, 25. — <sup>2</sup> Job xli, 7.

<sup>3</sup> Gerardus, qui primatum, id est legati munus, affectabat. Allusio ad locum Joannis in Epistola iii, vers. 9.

<sup>4</sup> Editi habent, *et onere gravari, et nomine honorari*: sed, *gravari*, deest in manuscriptis.

<sup>5</sup> Sic Ramnulfum Doratensem abbatem in sedem Lemovicensem intrusit, ex Vitæ Bernardi libro 3, n. 33.

cite sibi ecclesiasticam dignitatem hinc inde<sup>1,2</sup> apparet ad confusionem procacior, quam promperqurens, eum tandem pro suo arbitrio de- A ptior ad gloriam? Sic revera, sic probatur legit habere papam, qui se legatum esse consenserit. Ergo nisi legatus tu fueris, Roma Papam habere non poterit? Unde hoc tibi privilegium in Ecclesia Dei? Quisnam tibi hanc concessit in Christi hereditate praerogativam? Numquid tu hereditate possides sanctuarium Dei? Donec enim in obtinenda pudenda et impudenti petitione spes tibi ulla promerendi domini Innocentii gratiam esse potuit, sanctus ille, te scribente, et papa fuit. Quomodo ergo nunc schismaticum criminaris? Numquid cum eadem vana spe tua, illius simul et sanctitas B jorque decet sanctitudo: et si in facie benedicitur ab adulante, sed a tergo subsannatur ab omnibus. Est sobria quaedam, et quodammodo oculata<sup>b</sup> ambitio, moliens saltem caute, etsi non caste. Si valet proficere, clam negotia sua curat. Sin vero, manet in se, et pudoris umbram non deserit. Equidem talis, etsi Deum nondum metuit ad salutem, pro ingenita tamen verecundia honestatem interim retinet, quod homines reveretur, et publicum erubescit.

5. Et certe ambitio, cum prorumpit in impudentiam, efficaciam perdit: et cum improbus affectus se aperit, perit effectus. Ambitio, mater hypocrisis, latebras amat et tenebras; lucis impatiens est. Ambitio, spurcum vitium, in imo jacet: videt tamen omne sublime, sed videri ipsa refrigit. Nec mirum. Optato namque necesse est careat, nisi caveat arbitros. Quo enim gloria plus affectatur, eo minus apprehenditur, ubi deprehenditur affectari. Quid denique tam inglorium, quam gloriae cupidum deprehendi, praesertim inter episcopos? Nec simplicem sane christianum gloriari oportet, nisi in cruce Domini nostri Jesu Christi. Ineluctus erit ambitiosus, quamdiu in nocte versabitur; et donec turpis lucri negotium perambulabit in tenebris, poterit hypocrita justus sanctusque videri, sed oculo qui videt in facie. At ubi forte foras mittit impudentia vel imprudentia<sup>a</sup>, quod latet in conscientia; nonne intemperans appetitus

6. Caeterum quænam ista præceps est, et frontosa libido dominandi, ut pro obtentu vix annuæ (quod certe palam est) legationis, C primo quidem suo nec pareat senio, nec deferat sacerdotio: deinde nec lateri Salvatoris, quod in aqua et sanguine colligendi in fidei unitate populi protulit redemptionem, ut quisquis tentaret dividere quos ille colligeret, et inde redimeret; probaret sese non christianum, sed antichristum, reus mortis et crucis Christi? O impatiens, et effrenis turpis quæstus cupiditas! o ardor intemperans! o cæca et pudenda ambitio! Aperte prius frontoseque, ut jam dixi, et ipse, prohi pudor! non diffutetur, addit indigna satis petitione tentare Catholicum: dolensque repulsam, incunctanter ad Schismaticum refugit; et accepta de manu sacrilega male cupita potestate, latus denuo Domini gloriae crudeliter confodere non veretur. Dividit nempe Ecclesiam, pro qua illud est in cruce divisum, visurus procul dubio et ipse in quem transfixerit. Cognoscetur profecto Dominus judicia faciens, qui nunc injuriam patiens ignoratur. Cum enim ceperit facere judicium omnibus injuriam patientibus, et arguere in æquitate pro mansuetis terræ; putas avertere poterit

<sup>1</sup> II Cor. viii, 21. — <sup>2</sup> Luc. xviii, 2. — <sup>3</sup> Philipp. iii, 19. — <sup>4</sup> Joan. viii, 54. — <sup>5</sup> Psal. cxxviii, 5.

<sup>a</sup> Alias male, *impudenti vel imprudenti*. — <sup>b</sup> Alias, *occulta*.

aurem a charissima sponsa sua, cum clamaverit <sup>153</sup> genere bene agitur, si datur frui pace Dei, pace stans adversus eos qui se angustiauerunt? Non : A cum Deo, et quidem feliciter et misericorditer. omnino non poterit non audire plangentem, Quonam ergo modo stabit pax hominum coram Amici mei et proximi mei adversum me appropinquaverunt et steterunt; et qui juxta me erant, Deo, vel cum Deo, si Deo non potest apud homines esse tuta sua gloria? O stulti filii Adam, de longe steterunt, et vim faciebant qui querebant animam meam <sup>1</sup>. Quomodo namque non qui contemnentes pacem, et gloriam appetentes, et pacem perdunt, et gloriam! Ob hoc denique et nunc Deus ultionum commovit terram, et conturbavit eam : ostendit populo suo dura, potavit nos vino compunctionis.

recognoscet os de ossibus suis, et carnem de carne sua, imo vero jam quodammodo spiritum de spiritu suo? Quasi non ipsa sit dilecta illa, cuius concupivit decorem, cuius formam induit, cui se mirabili dignatione castis atque individuis devinxit amplexibus, ita ut essent duo in carne una; unum in uno spiritu quandoque futuri? Nam etsi cognoverat secundum carnem Christum, sed tunc jam non recognoscet : quia spiritus ante faciem ejus Christus Dominus, cui adhærens unus spiritus erit, cum absorpta morte in victoria, quod infirmum de carne est, in virtute spiritus convalescit; cum exhibuerit eam sibi Sponsus gloriæ gloriosam columbam suam, perfectam suam, formosam suam, non habentem maculam peccati, neque rugam corruptionis, aut aliquid hujusmodi.

7. Dum libenter in his immoror, pene cæpti immemor factus sum, ita cupiens redimere tempus, quoniam dies mali sunt. Excedentem devotio levat, sed revocat zelus : et ubi rapior, ibi et cogor recidere, et plangere dolorem meum. Audet (quod et flens dico) inimicus crucis Christi suis sedibus pellere sanctos, qui nolunt bestiam adorare, quæ aperuit os suum in blasphemias, blasphemare nomen Dei, et tabernaculum ejus <sup>2</sup>. Altare contra altare erigere tentat, confundere fasque nefasque non confunditur. Abbates abbatibus, episcopos episcopis superintrudere nititur\*; amovere catholicos, schismaticos promovere. Miseri et miserandi, qui ita promoveri, et ab isto, consentiunt. Siquidem circuit mare et aridam, ut faciat unum episcopum : et cum fecerit, facit eum filium gehennæ duplo quam se. Quænam vero putas est tanti causa furoris? Non alia sane, nisi quod displicet mortalibus angelica illa partitio, qua gloria Deo, pax hominibus nuntiatur; et dum gloriam usurpant, turbant pacem. Solus gloriam meretur, qui facit mirabilia solus, sicut dicit Apostolus : *Soli Deo honor et gloria* <sup>3</sup>. Porro autem cum nostro

8. Velimus, nolimus, impleri quandoque necesse est veritatem Spiritus sancti, fierique illam quæ prophetico spiritu prænuntiata legitur in Scripturis discessio <sup>4</sup> : sed vae homini per quem venit. Melius erat ei, si natus non fuisset homo ille. Quis vero ille, nisi homo peccati qui super electum a catholicis catholicum, et canonice, locum sanctum invasit, quem tamen, non quia sanctus, sed quia summus est, affectavit? Invasit, inquam, invasit armis, igne, pecunia, non vitæ merito vel virtutum : pervenit in quo stat, et stat in quo pervenit. Nam illa quam jactat juratorum suorum, non electio, sed factio, umbra tantum fuit, et occasio, et velamentum malitiæ. Dici potest electio, sed impudenter, sed mendaciter. Stat quippe sententia ecclesiastica et authentica, post primam electionem non esse secundam. Celebrata proinde prima, quæ secundo præsumpta est, non est secunda, sed nulla. Nam etsi quid minus forte solemniter, minusve ordinabiliter processit in ea quæ præcessit, ut hostes unitatis contendunt; nunquid tamen præsumi altera debuit, nisi sane priore prius discussa ratione, cassata judicio? Eapropter qui se super ingerere festinant, quique temerario temere manus imponere nihilominus acceleraverunt, Apostolo prohibente, *Nemini cito manum imponas* <sup>5</sup>; ipsi procul dubio majus peccatum habent, ipsi auctores schismatis, ipsi grandis malitiæ hujus principes exstiterunt.

9. Cæterum nunc judicium expetunt, quod ante exspectasse debuerant : et quam suo loco oblatam tenuerant, tandem justitiam offerunt, ut videlicet si recusetur, justi \* vos videamini : si recipiatur, litigantibus inter se partibus, dilatio redimat tempus, et interim fiat aliquid. An de vestra justitia desperatis, et damnum jam crescere non timetis, quemcumque causa

<sup>1</sup> Psal. xxxvii, 12, 13. — <sup>2</sup> Apoc. xiii, 6. — <sup>3</sup> I Tim. i, 17. — <sup>4</sup> II Thess. ii, 3. — <sup>5</sup> I Tim. v, 22.

\* Alias, *expetitis*.

exitum sortiatur? Quidquid, inquit, haec-<sup>152</sup> nus factum sit, modo quærimus audientiam : A quod iudicium sumus subire parati. Tergiversatio est. Quid in omni impio conatu vestro vobis relinquitur aliud, quod afferre queatis ad seducendum simplices, ad armandum malevolos, ad vestram ipsorum palliandam malitiam? Si hoc non diceretis, quid diceretis? Cæterum jam Deus iudicavit quod sero repetit homo : iudicavit autem operis evidentia, non decreti sententia. Numquid Dei iudicium audeat humana temeritas retractare? Quid si causetur et clamet per prophetam Deus, Tulerunt homines a me iudicium<sup>a</sup>? Non est consilium contra consilium Domini : velociter currit sermo ejus, in conveniendo populos in unum et reges, ut domino papæ Innocentio serviant et obediant. Quis revocabit? Dei esse iudicium senserunt et consenserunt Galterius Ravennas, Hildegarius Terraconensis<sup>b</sup>, Norbertus Magdeburgensis, Conradus Salsburgensis, archiepiscopi. Dei cæss iudicium cognoverunt et acquieverunt episcopi, Equipertus Monasteriensis, Hildebrannus Pistoriensis, Bernardus Papiensis, Landulfus Astensis, Hugo Gratianopolitanus, Bernardus Parmensis\*. Horum gloria specialis et præcipua sanctitas, et auctoritas etiam hostilibus reverenda, facile nobis, qui minorem et meriti et officii tenemus locum, aut errare secum, aut sapere persuasit. Taceo multitudinem cæterorum, Tusciæ, Campaniæ, Longobardiæ, Germaniæ, et Aquitaniæ, Galliarum denique et Hispaniarum omnium, necnon et universæ Orientalis Ecclesiæ, tam archiepiscoporum, quam episcoporum, quorum nomina sunt in libro vitæ, sed epistolæ brevitatis non admittit<sup>c</sup>.

10. Hi omnes unanimes, non conducti pecunia, non seducti fallacia, non illecti privato carnis vel cognationis amore, non timore compulsi potentiæ sæcularis, sed Dei procul dubio voluntatem, sicut non ignorantes, ita nec dissimulantes, Petrum Leonis ingenue refutaverunt, ac secure Gregorium in papam Innocentium susceperunt. Nostratum sane nemo ex nomine in his expressus est litteris : quia et omnes compendium non fert, et aliquorum invidiosa designatio adulationis notam non ef-

fugit. Non autem debeo prætermittere sanctos, qui mundo mortui, Deo melius vivunt : quorum vita abscondita est cum Christo in gloria, ubi certe studiose inquirunt, et non dubie inveniunt beneplacitum Dei, qui solliciti sunt quomodo placeant ei. Itaque Canaudulienses\*, Vallambrosani, Cartusienses, Cluniacenses\*, et qui de Majori-Monasterio sunt\*, mei quoque Cistercienses\*, Cadumenses\*, Tironenses\*, et Saviniacenses\*; universitas denique et unanimitas fratrum, tam clericorum, quam monachorum regularis vitæ probatæque conversationis, sequentes episcopos, tanquam greges pastores suos, Innocentio firmiter adhærent, sincere favent, humiliter parent, verum Apostolorum successorem fideliter recognoscunt.

11. Quid reges et principes terræ? Nonne in eodem spiritu, una cum subjectis sibi plebibus, Innocentium pariter amplectuntur, confitentes et ipsi Papam et episcopum animarum suarum? Quis postremo in quocumque ordine vitæ illustris et boni nominis homo idipsum non sapit? Et tamen adhuc isti, nescio qua contentiosa importunitate et importuna contentione, reclamant. Vocant in causam orbem, et cum sua paucitate universitatem flagitant iudicari : et qui præiudicaverant in electione, de confirmatione rejudicare contendunt ; tunc præpropere agentes, modo præpostere retractantes. Quis tantos, queso, in unum cogere queat exercitus utriusque ordinis principum, ne dicam plebium, et adducere in examinationem? Quis tot sanctorum millibus persuadere sufficiat, quod prius ædificaverunt, iterum destruere, et abducere semetipsos in prævaricationem? Quis deinde locus omnibus tantus, omnibus tutus? Universæ quippe Ecclesiæ negotium est, non unius causa personæ. Videtis quod de impossibili calumniam struitis matri vestræ : imo vobis D foveam foditis, in quam præcipitemini ; et laqueum nectitis, quo teneamini, ne ad gremium revertamini matris vestræ. Occasio nunquam deerit ei qui vult recedere ab amico.

12. Sed esto. Mutet consilium suum Deus (secundum hominem dico), revocet sententiam, convocet a finibus terræ concilium ; iudicari bis in idipsum, quod ipse non facit, patiatur : quosnam, queso, dabunt iudices sibi? Omnes

<sup>a</sup> Itoc apud nullum reperitur prophetam ; sed habetur in Doctrina SS. Patrum, libro Contra iudicia temeraria, n. 7.

<sup>b</sup> Is successerat Odelrico, quem eruditissimum senem vocat Ordericus in libro 13, pagg. 891, 892.

<sup>c</sup> Hæc verba, sed epistolæ brevitatis non admittit, desunt in duobus Colbertianis ; in tertio leguntur.



mana Ecclesia valde clemens est : sed nihilomi-<sup>14</sup> placere studeas de reliquo , quatenus placeat ei nus potens. Fidele consilium , et omni acceptio- A non solum servare tibi quæ reddidit , sed etiam ne dignum : Noli abuti clementia , ne potentia adicere quæ nondum dedit.

opprimaris.

2. Sed dicit aliquis : Debitam ei reverentiam exhibebo , et nihil amplius. Esto , fac quod dicis : quia si exhibeas debitam , et omnimodam. Plenitudo siquidem potestatis super universas orbis Ecclesias , singulari prærogativa apostolicæ Sedi donata est. Qui igitur huic potestati<sup>en</sup> resistit , Dei ordinationi resistit. Potest , si utile

judicaverit , novos ordinare episcopatus , ubi hactenus non fuerunt. Potest eos qui sunt , alios deprimere , alios sublimare , prout ratio sibi B dictaverit , ita ut de episcopis creare archiepiscopos liceat , et e converso , si necesse visum fuerit. Potest a finibus terræ sublimes quas-

cumque personas ecclesiasticas evocare , et cogere ad suam præsentiam , non semel aut bis , sed quoties expedire videbit. Porro in promptu est ei omnem ulcisci inobedientiam , si quis forte reluctari conatus fuerit. Denique probasti et tu. Quid enim contulit tibi vetus tua rebellio et recalcitratio male suasa a pseudoprophetis tuis\*? quem fructum habuisti , in quibus nunc

erubescis? Agnosce potius in qua potestate , gloria et honore suffraganeorum tuorum tam C diu privata exstitisti\*. Quis pro te valuit obviare apostolicæ auctoritatis justissimæ severitati , cum provocata tuis excessibus , decrevit te tuis illis antiquis ac præclaris ornamentis nudare , mutilare membris? Et hodie confusa et truncata jaceres , si non benignius quam potentius tecum actum fuisset. Quis eam prohibere valebit etiam a gravioribus , si rursum (quod absit) adjeceris provocare? Vide ne patiaris recidivum : quia pro certo , nisi fallor , non tam facile denuo poterit inveniri remedium. Si quis itaque dixerit tibi , Partim oportet obedire , partim non oportet : cum tu in te D experta sis plenitudinem apostolicæ potestatis , auctoritatis integritatem ; nonne hujusmodi aut seductus est , aut seducere vult? Sed fac quod dico : nam ego te non seduco. Convertere magis ad humilitatem , ad mansuetudinem : siquidem et humilibus dat Deus gratiam , et mansueti hæreditabunt terram. Esto cauta dominæ et matris tuæ recuperatam servare gratiam : et sic ei

## EPISTOLA CXXXII.<sup>a</sup>

AD CLERUM MEDIOLANENSEM.

Gratulatur clero Mediolanensi , cujus opera civitas , relicto schismate Anacleti , ad unitatem Ecclesiæ redierat.

Benedicti vos a Domino , quorum studio et industria civitas vestra liberata est ab errore , et relicto schismate ad catholicam rediit unitatem. Exiit sermo iste inter Catholicos : audivit et lætata est Sion , et est vobis gloria coram Deo et omni populo. Quam lætis æmplexibus mater Ecclesia colligit tot et tantorum multitudinem filiorum , quos se amisisse dolebat! quam læto et sereno vultu Deus pater recipit hoc sacrificium de manibus vestris! Quod autem et paci terræ intenditis , facitis quod filii pacis. Et ego , fratres , particeps et socius gaudii vestri fieri cupiens , juxta petitionem vestram ad vos cum dilectis fratribus nostris , nuntiis vestris , veniebam : de quibus mihi scripsistis , plenius secundum rationem in beneplacito Dei satisfacturus. Sed quia tempus breve est quo ad concilium festinamus<sup>b</sup> ; non gravet vos usque ad reditum nostrum sustinere.

## EPISTOLA CXXXIII.<sup>c</sup>

AD UNIVERSOS CIVES MEDIOLANENSIMUM.

Invitatus ad componendam pacem , lætatur ad hoc opus suam operam requiri.

Ut ex scriptis vestris percipio , nonnullus mihi locus gratiæ apud vos est. Et quoniam meum non invenio meritum , divinitus credo datum. Non recuso favorem ingentis insignisque populi. Amplector oblatam gratiam , et obviis

<sup>a</sup> Scripta anno Christi 1134.

<sup>b</sup> Concilium de quo hic et in subsequentibus epistolis agitur , est concilium Pisanum anni 1134. Vide Bernardi Vitam , lib. 2. n. 8. — <sup>c</sup> Scripta anno Christi 1134.

manibus gloriosæ civitatis devotionem devotus<sup>142</sup> ad hoc ipsum direxistis, decreveram simul cum excipio : præsertim hoc tempore, quo abjecto A ip[s]is venire ad vos. Cæterum melius existimans, errore schismaticorum, ad sinum matris Ecclesiæ cum gaudio totius orbis reversa est. Arbitror tamen non solum mihi gloriandum, quod invitor ad pacem quærendam; et a famosissima urbe, cum sim pauper ignobilisque persona, tanti boni mediator atque minister assumor : sed vobis quoque per talem nihilominus honor est flecti ad pacem et concordiam vicinorum vestrorum, quos nec multarum civitatum hostilis impetus, ut bene notum est mundo, cedere aliquando compulit. Itaque festinans ad concilium, spero me rediturum per vos, et B probaturum de gratia quam promittitis. Qui autem gratiam dedit, faciat ne in me vacua sit.

## EPISTOLA CXXXIV.<sup>a</sup>

AD NOVITIOS APUD MEDIOLANUM CONVERSOS \*.

Novitiis Mediolanensibus gratulatur de conversione, sequē peracto concilio illos in visurum spondet.

Charissimis fratribus de Mediolano, nuper conversis ad Deum, BERNARDUS abbas dictus de Clara-Valle, in spiritu consilii et fortitudinis, quod bene cœptum est, digno exitu consummare.

Benedictus Deus, qui fecit vobis vilescere mundi gloriam, largiturus suam. O quam vani filii hominum, quam mendaces filii hominum in stateris, qui secundum illud Evangelii, gloriam ab invicem quærunt, et gloriam quæ a solo Deo est, nolunt<sup>1</sup>; plane in hoc ipsi decipientes de vanitate in idipsam! Vos autem non sic. Ab hoc vos opprobrio liberavit nunc divina misericordia, ut essetis Christi bonus odor Deo in omni loco; ipsi ad gloriam, Angelis ad lætitiā, hominibus ad exemplum : si quidem gaudium est in cælo super uno peccatore pœnitentiam agente; quanto magis super tot et talibus viris, et de tali urbe conversis? Et ego, fratres, tanta lætitiā provocatus, sed et vocatus a vobis, per charissimos fratres Ottonem et Ambrosium, quos

## EPISTOLA CXXXV.<sup>b</sup>

AD PETRUM PAPIENSEM EPISCOPUM \*.

Delatas sibi laudes in Deum refundit. Episcopum ab operibus misericordiæ laudat.

Si semen bonum, jactum in terram bonam, fructum attulisse videtur, ipsius est gloria qui dedit semen serenti, fecunditatem terræ, semini incrementum. Quid in his nos capimus? Ego sane gloriam Christi alteri non dabo, multo vero scrupulosius usnrpabo mihi. Profecto lex Domini convertit animas, et non ego : testimonium Domini fidele sapientiam præstat parvulis<sup>2</sup>, et non ego. Laudatur de bona litteræ tornatura manus, non calamus. Fateor, ut multum tribnam mihi, lingua mea calamus scribæ velociter scribentis<sup>3</sup>. Sibi ergo, inquis, quid afferunt boni speciosi pedes evangelizantium bona? Multum per omnem modum. Primum quidem, quia filii sunt Patris sui qui in cœlis est; et gloriam, quam deferunt Patri, nequaquam a se ducunt alienam. Nam si filii, et hæredes. Deinde vero quod proximorum salutem, suam nihilominus arbitrantur, quippe quos tantam se ipsos diligunt. Tertio quoque, quod labor laborum ipsorum sibi penitus perire non poterit. Unusquisque enim mercedem accipiet secundum proprium laborem<sup>4</sup>. Ego labia mea non prohibui : tu aperuisti et viscera, ideo procul dubio plus recepturus, quoniam plus laborasti. Certus sum enim quia non vacat tibi, quod sitienti tulisti aquam, et cum panibus occurristi fugientibus. Non, inquam, vacant officia humanitatis, non hortamenta salutis, quibus Christi vere viscera in illis pauperibus re-

<sup>1</sup> Joan. v, 44. — <sup>2</sup> Psal. xviii, 8. — <sup>3</sup> Psal. xlii, 2. — <sup>4</sup> 1 Cor. iii, 8.

<sup>a</sup> Scripta anno 1134. — <sup>b</sup> Scripta circa annum 1135.

fovisi. Ambo tamen collaboratores, ambo<sup>145</sup>  
coadjutores Dei sumus : ambo pariter spere- A  
mus fructum in respectu animarum sancta-  
rum. Quis mihi det memoriam tui nunquam  
deserere, nunquam ab ipsa deseri?

## EPISTOLA CXXXVII.<sup>d</sup>

AD IMPERATRICEM ROMANORUM <sup>e</sup>.

## EPISTOLA CXXXVI.<sup>a</sup>

AD INNOCENTIUM PAPAM <sup>b</sup>.

Dallinum, de illatis injuriis satisfacere paratum, natus B  
tractari cupit.

Si tristia semper acciderent, quis sustineret? Sed  
si semper prospera, quis non contemneret? Sed  
rerum cauta gubernatrix Sapientia, horum per-  
necessaria vicissitudine eo moderamine electis  
suis cursum vitæ temporalis alternat, ut nec ad-  
versa frangant, nec læta dissolvant : cum potius  
et ista ex illis gratiora, et illa ex his tolerabi-  
liora reddantur. Benedictus per omnia Deus :  
tristitia nostra versa est in gaudium, acceperunt  
oleum post vinum vulnera nostra. Raptores et  
prædones compuncti humiliantur : sacerdotem C  
Domini, in quem ausi sunt mittere manus, cum  
honore remittunt; spolia quæ diripuerant, et  
sine desidia recolligunt, et sine fraude resti-  
tuunt. Si quid horum est quod inveniri non  
possit, Dallinus pro eo satisfaciens ad beneplacitum  
vestrum : hoc quippe manu sua in nostra  
affirmavit. Pro qua sua promissione adimplenda  
si venerit ad pedes vestræ Majestatis \*, quod et  
proposuit; mitius quam meruit, supplicamus  
agere cum juvene : non quod velimus impunitum  
esse tam grande facinus, sed ut Ecclesia, si  
fieri potest, debita satisfactione honoretur; ut  
is qui satisfacit, supra vires patientiæ suæ non D  
exasperetur, et pœniteat <sup>c</sup> hominem nostris  
acquiescere consiliis.

Mediolanenses non ante receptos in gratiam a Pontifice,  
quam ipsi Lotharium imperatorem recipere. Hinc eos  
clementiæ Imperatricis commendat.

In reconciliatione Mediolanensium \* non  
obliti sumus unde a vestra Excellentia præ-  
moniti fuimus. Quod etsi non monuissetis,  
nihilominus honori vestro et regni utilitatibus  
intenderemus, sicut ubique et semper fideliter,  
quantum possumus, facimus. Non ante sane  
Mediolanenses in gratiam domini Papæ et Ec-  
clesiæ unitatem recepti sunt, quousque palam  
Conrado refutato et abnegato, dominum no-  
strum Lotharium in suum regem et dominum  
receperunt, et Romanorum imperatorem au-  
gustum una cum toto orbe confessi sunt : et de  
injuria transacta, juxta consilium et manda-  
tum domini Papæ, digne vobis sese satisfactu-  
ros esse tacto sacrosancto Evangelio sponde-  
derunt. Un le magnas agentes gratias divinae  
bonitati, quæ absque bellorum periculis, abs-  
que humani sanguinis effusione, inimicos ve-  
stros sic humiliavit; rogamus vestram satis vo-  
bis expertam clementiam, ut tempore suo, cum  
requisierint prædicti Mediolanenses, per do-  
minum Papam, utique mediatorem suæ recon-  
ciliationis, gratiam vestram, benignos vos at-  
que placabiles inveniamus : quatenus nec eos  
pœniteat sanis paruisse consiliis, et vos de eis  
debitum habeatis servitium et honorem. Non  
enim decet ut fideles vestri, qui pro honore  
vestro laborant, apud vos confundantur. Con-  
fundentur autem, si qui de benignitate vestra  
spem indulgentiæ promiserunt; cum pro ipsis  
intervenerint, invenerint vos (quod absit) in-  
exorabiles.

<sup>a</sup> Scripta anno Christi 1134.

<sup>b</sup> In prioribus editis legebatur, *Ad eundem*, quod ad Pertum episcopum Papiensem, cui præcedens epistola  
inscripta erat, referebant. At in duobus Cisterciensibus manuscriptis et in totidem Colbertinis interponitur epistola  
centesima septuagesima octava, ad Innocentium papam. Scripta est autem hæc epistola occasione prædonna, qui  
episcopos ex Pisano concilio anni 1134 revertentes spoliavit. Vide Notas ad epistolam vigesimam tertiam.

<sup>c</sup> Supple, *non*, ex superiori membro, *non exasperetur, et non pœniteat*; ut in fine epistolæ sequentis.

<sup>d</sup> Scripta anno Christi 1131. — <sup>e</sup> Richeram. Alias, *Imperatorem*; mendose.

EPISTOLA CXXXVIII.<sup>a</sup>

AD HENRICUM REGEM ANGLORUM.

A Rege suppetias petit pro Innocentio papa.

HENRICO illustrissimo Anglorum regi, BERNARDUS abbas dictus de Clara-Valle, honorem, sospitatem et pacem.

Velle vos instruere, de his præsertim quæ spectant ad honestatem, aut insipientis est, aut vos penitus ignorantis. Eapropter rem simpliciter intimare sufficit, et hoc paucis: quoniam facile omnia tenenti, multa superflue ingeruntur. In ingressu urbis sumus, salus est in januis, justitia nobiscum est: sed Romanis militibus eibus iste non sapit. Itaque justitia placamus Deum, militia terremus hostes: solis necessariis necessaria non habemus. Quid opus sit facto, ut opus vestrum compleatur, quod de domini papæ Innocentii magnifica et honorifica illa susceptione fecistis, vos melius nostis \*.

EPISTOLA CXXXIX.<sup>b</sup>

AD LOTHARIUM IMPERATOREM.

Excitat Imperatorem ad reprimendos schismaticos. Causam cujusdam ecclesiæ apud Tullum sitæ commendat.

LOTHARIO Dei gratia Romano imperatori Augusto, BERNARDUS abbas dictus de Clara-Valle, si quid potest peccatoris oratio.

1. Benedictus Deus, qui vos elegit \*, et erexit cornu salutis nobis, ad laudem et gloriam nominis sui, et reparandum Imperii decus, ad subveniendum Ecclesiæ suæ in tempore malo, postremo ad operandum etiam nunc salutem in medio terræ. Ipsius est enim opus, quod co-

<sup>144</sup> rona gloriæ vestræ ita in dies ampliatur et sublimatur, mirabiliter crescens ac proficiens in omni decore et magnificentia apud Deum et homines. Ipsius profecto nuper opus et virtus fuit, quod iter satis laboriosum et meticulosum, pro pace regni et Ecclesiæ liberatione susceptum, in tanta prosperitate peregristis \*. Romæ siquidem imperialis culminis plenitudinem gloriosissime assecutus, idque, quod majus fuit, in manu non magna, ut animi fideique magnitudo clarius emineret. Quod si ante tantillum exercitum terra tremuit et quievit: quantus putamus horror hostium corda invadere habeat, cum cœperit rex procedere in magnitudine brachii sui? Animabit insuper honestas causæ; imo duplex provocabit necessitas. Non est meum hortari ad pugnam: est tamen (securus dico) advocati Ecclesiæ arcere ab Ecclesiæ infestatione schismaticorum rabiem: est Caesaris propriam vindicare coronam ab usurpatore Siculo \*. Ut enim constat Judaicam sobolem sedem Petri in Christi occupasse injuriam<sup>c</sup>; sic procul dubio omnis qui in Sicilia regem se facit, contradicit Cæsari.

2. Si autem utrumque incumbit Cæsari, restituere scilicet quæ sunt Cæsaris, Cæsari; et C quæ sunt Dei Deo<sup>d</sup>: cur apud Tullum res Dei minuitur, cum Cæsar nihil ibi lucretur? Verendum est ne minimorum neglectus, impedimentum sit maximorum. Hoc est quod dico. Ecclesia sancti Gengulfi \* graviter injusteque, ut dicitur, in illa civitate opprimitur: et aiunt vestræ prudentiæ nescio qua fraude subreptum, ut domino Papæ, per justitiam subvenire paranti, vestræ intervntu precis obviaretis. Obsecro et consulo consultius agi, noxiam revocari precem, dari locum justitiæ, antequam ecclesia illa funditus destruat. Panper sum ego: fidelis tamen vester, et si videor importunus, fortassis inde est. Dominam Imperatricem in Christi charitate oppido salutamus.

<sup>a</sup> Scripta anno Christi 1133. — <sup>b</sup> Scripta circa annum 1135.

<sup>c</sup> Hoc ipsum est quod ex Actis Cenomannensium Episcoporum notavimus in Præfatione ad hunc tomum, nempe Anacletum, seu Petrum Leonis ex Judaismo duxisse originem.

EPISTOLA CXL.<sup>a</sup>

AD EUMDEM.

Pisanos Pontificis studiosos apud Lotharium commendat.

Miror cujus instinctu vel consilio vigilantie vestre subripi potuerit, ut homines, digni certe duplici honore et gratia, contraria a vobis audirent. Pisanos dico, qui primi et soli interim adhuc erexere vexillum adversus invasorem Imperii<sup>b</sup>. Quam justius in eos regia incanduisset indignatio, qui populum strenuum et devotum quacumque occasione offendere ausi sunt, eo præcipue tempore, quo accincti in multis millibus suis exierant oppugnare tyrannum, ulcisci injuriam domini sui, et imperialem defensare coronam? Ut enim congruentissime assignem huic genti quod olim de sancto David dicebatur; quænam, quæso, in omnibus civitatibus, sicut Pisa, fidelis, egrediens, et regrediens, et pergens ad imperium regis<sup>1</sup>? Nonne hi sunt, qui nuper regni illum unicum ac potentissimum hostem ab obsidione Neapolis fugaverunt? Nonne hi sunt, qui etiam, quod pene incredibile dictu est, in uno impetu suo expugnaverunt Amaliam, et Rebelle<sup>c</sup>, et Scalam, atque Atturiam, civitates utique opulentissimas et munitissimas; omnibusque qui antehac tentaverunt, usque ad hoc tempus, ut aiunt, inexpugnabiles? Quam dignum, quam æquum, quam plenum ratione et justitia fuerat, ut fidelium terra, interim saltem dum hæc actitarent, ab omni hoste secunda consisteret: tum pro præsentia summi Pontificis, quem jamdudum exsulem Pisani apud se cum summo honore servabant et servant; tum pro servitio Imperatoris, pro quo et ipsi tunc temporis exsulabant? Factum est autem per contrarium, ut gratiam, qui offenderunt; et qui servierunt, iram mererentur. Sed vos fortassis adhuc ista nesciebatis. Oportet ergo nunc, quando res est nota vobis, imo et decet et expedit, mutare vos et verbum et animum: ut viri regis magis

<sup>143</sup> favoribus et muneribus honorandi, a vestra A parte de cætero audiant et recipiant prout meriti sunt. O quantum meruere Pisani, quantum adhuc mereri possunt! Sat est dictum sapienti.

EPISTOLA CXLI.<sup>d</sup>

AD HUMBERTUM ABBATEM IGNIACENSEM \*.

B Graviter eum perstringit, ob munus prælationis inconsulto ac tenere dimissum.

1. Parcat tibi omnipotens Deus: quid voluisti facere? Quis te crederet ad tantum prorumpere malum, hominem tantis præditum bonis? Quomodo potuit arbor bona pessimum hunc ex se producere fructum? O quam terribilis Deus in judiciis super filios hominum! Non miror quod diabolus istud potuit, sed quod Deus permisit, quippe cui jam tot annis pure, sicut credimus, et devote serviisti. Quid faciet de me, utique pigro et negligenti servo, qui fidelem famulum suum sic vel ad tempus tradidit in animam inimicorum ejus? Quid, quæso, rationis, imo quid non impietatis habet hæc fuga tua, de qua filii lugent, adversarii rident? Miror quod te non terruit Arnoldi abbatis<sup>e</sup> exemplum: cujus similis præsumptio digno, sed pavendo fine, ut bene meministi, in brevi est vindicata. Et quidem ille qualemcumque, ut bene novi ego, habuit causam, tu nullam. Numquid enim aut monachi tuis erant inobedientes imperiis, aut conversi segnes in operibus, aut vicini forte tibi tuisve rebus infesti, aut certe modica et non sufficiens substantia D mundi, quatenus relinquere cogereris, quos vel regere, vel pascere non sufficeres?

2. Vide ne et te tangat vox illa Dei: *Quia odio habuerunt me gratis*<sup>2</sup>. Quid enim debuit tibi facere, et non fecit? Vineam tibi plantavit electam et speciosissimam. Sepem ei circumdedit votivæ continentiae, torcular districtissimæ disciplinæ fodit in ea, et ædificavit sanctæ paupertatis turrim, ad cælos usque pertingentem. Te

<sup>1</sup> I Reg. xxii, 14. — <sup>2</sup> Joan. xv, 25.

<sup>a</sup> Scripta circa annum 1135. — <sup>b</sup> Scilicet, Rogerium. — <sup>c</sup> Alias, *Rivellum*.

<sup>d</sup> Scripta anno Christi 1138. — <sup>e</sup> Scilicet, Morimundi, ad quem epistola 1.

cultorem atque custodem constituit : honesta-<sup>17</sup> vit te in laboribus tuis, et complebit illos, si A permittis. Sed tu, prohi nefas! destruis mace-  
riam ejus, et racemis optimis plenam exponis omnibus qui prætergrediuntur viam. Heu! quis prohibebit aprum de silva, ut non exterminet; et singularem ferum, ne depascat eam? Mirum vero si in hoc morti te bene præparare putas, quod quidem ad me scripsisti, ut in tanto scandalo, et in anathemate domini Papæ mori velle non timeas. Deinde, si ita necessarium erat, non potuit aliud tempus considerari, nisi cum necessitatibus universalis Ecclesiæ detineor, ut illi miseræ, quam exponis, non liceat subve-  
nire? Obsecro te per eum qui pro te crucifixus est, ut satis afflictos amplius cruciari parcas, et tristitiam super tristitiam addere desistas : quia, ut verum fatear, sic pro hac Ecclesiæ generali gravique scissura affectus sum, ut tædeat ani-  
mam meam vitæ meæ, etiam te et tuis in pace degentibus.

## EPISTOLA CXLII.<sup>a</sup>

AD MONACHOS ALPENSES \*.

Monachos Alpenses, qui se sub Ordine Cisterciensi Clara-  
Vallensibus aggregaverant, commendat et consolatur de absentia patris ad altiorem gradum assumpti. Itine de novo abbate eligendo eos monet.

1. Bonus pater vester atque noster, auctore Deo, ad altiorem gradum assumptus est. Faciamus ergo, clarissimi, quod dicit propheta : *Elevatus est sol, et luna stetit in ordine suo*<sup>1</sup>. Sol est ille, per quem Alpensis congregatio illustris ubique redditur, tanquam luna per solem. Elevato itaque illo, stemus nos in ordine nostro, D quicumque elegimus abjecti esse in domo Dei nostri, magis quam habitare in tabernaculis peccatorum<sup>2</sup>. Ordo noster abjectio est, humilitas est, voluntaria paupertas est, obedientia, pax, gaudium in Spiritu sancto. Ordo noster est esse sub magistro, sub abbate, sub regula, sub disciplina. Ordo noster est studere silentio, exerceri jejuniis, vigiliis, ora-

tionibus, opere manuum; et super omnia, excellentiorem viam tenere, quæ est charitas : porro in his omnibus proficere de die in diem, et in ipsis perseverare usque ad ultimum diem. Et hæc quidem assidue vos confidimus actitare.

2. Cæterum unum opus fecistis, et omnes mirantur : quod cum sancti essetis, non reputantes vestram sanctitatem, alienam participare curastis, ut essetis sanctiores. Impletum est quod legitur in Evangelio : *Cum feceritis omnia quæ mandata vobis fuerint, dicite, Servi inutiles sumus*<sup>3</sup>. Inutiles vos reputatis, et humiles inventi estis. Recta facere, et inutilem se reputare, apud paucos invenitur, et ideo multi admirantur. Hoc, inquam, hoc prorsus vos de illustribus reddit illustriores, sanctiores de sanctis. Et ubicumque divulgatus est sermo iste, replevit omnia odore suavitatis. Hæc virtus, me iudice, præfertur item protractis jejuniis et anticipatis vigiliis, omni denique corporali exercitio; tanquam vere pietas quæ ad omnia valet<sup>4</sup>. Quam læto sinu collegit vos multitudo Cisterciensis! quam alacri vultu spectavit hoc angelica celsitudo! Noverunt siquidem illi spiritus omnipotenti Deo placere super omnia C fratrem societatem et confederationem, cum dicat per prophetam, *Glutino bonum est*<sup>5</sup>; et per alium, *Ecce quam bonum et quam jucundum, habitare fratres in unum*<sup>6</sup>: item, *Frater fratrem adjuvans, ambo consolabuntur*<sup>7</sup>.

3. Advertitur etiam hoc factum humilitatem redolere : quæ quam accepta sit divinæ majestati, docet ille qui dicit, *Superbis Deus resistit, humilibus autem dat gratiam*<sup>8</sup>: ostendit et ipse humilitatis Magister per semetipsum dicens, *Discite a me quia mitis sum et humilis corde*<sup>9</sup>. Quid dicam de nostro pusillo grege Clarae-Vallis, cui specialius adhæsis, quanto vos et quam speciali complectatur affectu? Non potest dici verbo, quod de mutua charitate inter nos et vos spiritualis infusio mirabiliter operatur. Superest, fratres, ut invocato Spiritu sancto, maturetis vobis eligere patrem. Nam si me expectaretis, vereor ne adventus noster differatur in longum, et illa dilatio esset periculosa. Sed vocate ad vos fratrem nostrum charissimum Godefridum Priorem Clarae-Val-

<sup>1</sup> Habacuc III, 11. — <sup>2</sup> Psal. CXXXIII, 11. — <sup>3</sup> Luc. XVII, 10. — <sup>4</sup> I Tim. IV, 8. — <sup>5</sup> Isai. XLII, 7. — <sup>6</sup> Psal. CXXXII, 1. — <sup>7</sup> Prov. XVIII, 19. — <sup>8</sup> Jacobi IV, 6. — <sup>9</sup> Matth. XI, 29.

<sup>a</sup> Scripta anno Christi 1138.

lis, qui et in hoc, sicut in aliis, impleat vicem<sup>118</sup> nostram : ut consilio ejus, vel forte illorum, A quos ipse pro se miserit, si venire non poterit, necnon et patris vestri Guarini, talem personam eligatis, de qua et Deus honorem habeat, et vos salutem. Memores mei estote, fratres.

## EPISTOLA CXLIII.<sup>a</sup>

AD SUOS CLARE-VALLENSES.

Diuurnam sui absentiam excusat, sibi non minus, imo magis gravem, quam suis. Interim breviter eos officii admonet.

Charissimis fratribus CLARE-VALLIS monachis, conversis \*, novitiis, frater BERNARDUS, gaudere in Domino semper.

1. Ex vobis perpendite quid patiar ego. Si vobis molesta est absentia mea, nemo dubitet mihi esse molestiorem. Non enim parvis jacturæ, nec ejusdem gravaminis est, me uno carere vos, meque vestra universitate destitui. Tot me necesse est affici curis, quot vos estis; et ad singulos quosque vestrum dolere absentiam, timere pericula. Duplex contritio ista non me deseret, quousque meis visceribus ego reddar : quod quidem et vos sentire pro me non ambigo; sed ego unus sum. Vobis ergo una, mihi multiplex incumbit tristandi ratio, utpote pro omnibus vobis. Nec solum cruciat, quod absque vobis vel ad tempus vivere cogor, sine quibus et regnare miseram mihi reputo servitutum : sed etiam quod versari compellor in his, quæ amicam quietem omnino perturbant, et meo proposito minus fortasse conveniunt.

2. Hæc scientes, moræ meæ, quæ meæ non est voluntatis, sed ecclesiasticæ necessitatis, non oportet vos indignari, sed compati. Spero autem quod non erit longa : vos orate ut non sit infructuosa. Detrimenda quæ interim forte contingunt, emolumenta reputentur, quoniam Deus in causa est : qui cum sit benignus, et

omnia possit, facile damna resarciet, non solum integre, sed etiam cumulate. Propterea bono animo simus, Deum habentes nobiscum, in quo et vobis præsentem sumus, quantislibet terrarum spatiis divisi a vobis videamur<sup>b</sup>. Quicumque in vobis bene officiosum se ipsum exhibet, humilem, timoratum, studiosum lectionis, orationibus vigilem, fraternæ charitatis sollicitum; non me putet absentem sibi. Nam quomodo ei præsens spiritu non sum, cum quo est mihi cor unum, et anima una? Si quis autem susurro (quod absit) existit inter vos, aut bilinguis, aut murmurans, aut contumax, aut B impatiens disciplinæ, aut inquietus et vagus, et qui panem otiosus comedere non erubescat; huic etiam si corpore præsens essem, longe esset ab eo anima mea, eo quod ipse longe fecerit a se Deum, morum, non locorum distantia.

3. Interim, fratres, dum venio, servite Domino in timore, ut sine timore quandoque de manu inimicorum vestrorum liberati serviatis illi. Servite in spe, quoniam fidelis est in promissis : servite ex merito, quia multus in meritis est. Nam etsi cætera taceam, hoc solo certe non immerito vitam sibi vindicat nostram, C quod pro ea præbuit suam. Nemo igitur sibi vivat, sed ei qui pro se mortuus est<sup>1</sup>. Cui enim justius vivam, quam ei, qui si non moreretur, ego non viverem? cui commodius, quam promittenti vitam æternam? cui magis ex necessitate, quam flammæ perpetuas minitanti? Sed servio voluntarie, quia charitas libertatem donat. Huc provoco viscera mea. Servite in charitate illa, quæ timorem expellit, labores non sentit, meritum non intuetur, præmium non requirit; et tamen plus omnibus urget. Nullus terror sic sollicitat, nulla præmia sic invitant, nulla justitia sic exigit. Ipsa vos mihi inseparabiliter jungat, ipsa me vobis jugiter repræsentet, horis maxime quibus oratis, charissimi et desideratissimi fratres.

<sup>1</sup> II Cor. v, 15.

<sup>a</sup> Scripta circa annum 1135.

<sup>b</sup> Sic Tiraq. Apud Horst. et Mabill. *quantislibet terrarum spatiis divisi a nobis videamur.*

(N. E.)

EPISTOLA CXLIV.<sup>a</sup>

AD EOSDEM.

Molestiam longioris absentiae suae a dilecta Clara-Valle, et tenerrimum erga filios suos affectum ac desiderium exprimit. Solatium nihilominus suum in tantis pro Ecclesia laboribus indicat.

1. Tristis est anima mea usque dum redeam, B et non vult consolari usque ad vos. Quae enim est mihi consolatio in tempore malo, et in loco peregrinationis meae? Nonne vos in Domino? Minime quidem deserit me, quocumque iero, dulcis memoria vestri: sed quanto memoria dulcior, tanto absentia molestior. Heu mihi, quia incolatus meus non solum prolongatus est, sed et cumlatus! et revera, juxta prophetam, *super dolorem vulnerum meorum addiderunt*<sup>1</sup>, qui me a vobis aliquando vel corpore separant. Est commune exilium ipsumque molestum satis, quod quamdiu sumus in hoc corpore, peregrinamur a Domino. Huic accessit et speciale, C quod pene impatientem me reddit, ut cogar vivere sine vobis. Longa molestia, et tædiosa expectatio, vanitati huic occupanti omnia tamdiu manere subiectum, faeculenti corporis horrido circumdari carcere, et mortis vinculis, funibusque peccatorum necdum absolvi, et tanto tempore non esse cum Christo. Caeterum adversus haec omnia unum mihi remedium qualecumque erat, et vere datum desuper, pro vultu videlicet gloriae, qui absconditus est usque adhuc, videre interim templum Dei sanctum, quod estis vos. Ex hoc templo facilis mihi videbatur transitus ad illud gloriosum, ad quod propheta suspirat, dicens: *Unam petii a Domino, hanc requiram, ut inhabitem in domo Domini omnibus diebus vitae meae: ut videam voluntatem Domini, et visitem templum ejus*<sup>2</sup>.

2. Quid dicam? quoties id solatium interpositum est mihi? Ecce hoc tertio, nisi fallor, avulsa sunt a me viscera mea<sup>b</sup>. Parvuli ablactati sunt ante tempus: ipsos quos per Evangelium genui, non licet educare. Propria denique

<sup>149</sup>deserere, et aliena curare cogor: et dubito pene A quid magis ægre feram, an subtrahi illis, aut intricari istis. Itaque, bone Jesu, tota deficiet in dolore vita mea, et anni mei in gemitibus! Bonum mihi, Domine, magis mori quam vivere est, non tamen nisi inter fratres, inter domesticos, inter charissimos. Id siquidem dulcius, humanius, tutiusque esse constat. Imo vero pium est ut in hoc remittas mihi, ut refrigerer priusquam abeam, et amplius non ero. Si placet Domino meo, ut oculi patris qualiscumque, qui non sum dignus vocari pater, claudantur manibus filiorum, ut extrema videant, exitum consolentur, spiritum suis desideriis levent ad consortium, si dignum judicas, beatorum, cum pauperum corporibus pauperis corpus sepehant: hoc prorsus, si inveni gratiam in oculis tuis, precibus et meritis eorundem fratrum meorum obtinere toto affectu desidero. Verumtamen non mea voluntas, sed tua fiat. Nec mihi vivere volo, nec mori.

3. Sed dignum est ut qui dolorem meum audistis, etiam consolationem non ignoretis, si qua est. Primum quidem omni labore et calamitate, quam patior, solum arbitror esse in causa eum cui omnia vivunt. Velim, nolim, necesse est me vivere illi, qui meam sibi propriae vitae positione acquisivit; qui et potens est, si quid patimur pro ipso, recompensare nobis in illa die misericors et justus iudex. Quod si invitus militavero ei, dispensatio mihi tantum credita est, et ero servus nequam: si autem volens, gloria est mihi. In hac ergo aliquantulum consideratione respiro. Deinde quod sæpe non meis meritis superna gratia honestavit me in laboribus meis, et gratia illa in me vacua non fuit, sicut in multis expertus sum, et vos ex parte non latuit. Sed et hac vice quam necessaria Ecclesiae Dei sit vel fuerit praesentia parvitatibus nostrae, dicerem ad consolationem vestram, si non gloriam redoleret. Nunc autem melius est ut hoc per alios cognoscatis.

4. Instantissima postulatione Imperatoris, apostolicoque mandato, necnon Ecclesiae ac principum precibus flexi, dolentes et nolentes, debiles atque infirmi, et, ut verum fatear, pavidae mortis pallidam circumferentes imaginem, trahimur in Apuliam. Rogate quae ad pacem sunt Ecclesiae, rogate quae ad salutem sunt

<sup>1</sup> Psal. lxxviii, 27. — <sup>2</sup> Psal. xxvi, 4.<sup>a</sup> Scripta anno Christi 1137.<sup>b</sup> Hinc patet, Bernardum ter in Italiam profectum esse. Vide Chronologiam nostram.



nobis, ut iterum vos videamus, vobiscum et vivamus, et moriamur: et sic vivite, ut ob-  
 tineatis. Infirmus in arcto temporis, certe cum  
 lacrymis et singultibus ista dictavi, teste cha-  
 rissimo fratre nostro Balduino\*, qui stilo ea  
 excepit: quem Ecclesia vocavit ad aliud offi-  
 cium et ad aliam dignitatem. Orate et pro ipso,  
 tanquam unico solatio meo, et in quo spiritus  
 meus plurimum requiescit. Orate pro domino  
 Papa, qui me pariter atque universitatem  
 vestram paterno fovet affectu. Orate et pro  
 domino Cancellario<sup>a</sup>, qui mihi pro matre est;  
 et pro ipsis qui cum eo sunt domino Luca, et  
 domino Chrysogono, magistro Yvone\*, qui se  
 nobis exhibent fratres uterinos. Qui mecum  
 sunt frater Bruno, et frater Girardus\*, salu-  
 tant vos, supplicantes et ipsi pro se orari.

## EPISTOLA CXLV.<sup>b</sup>

AD ABBATES CISTERCII CONGREGATOS.

Hos laborum et dolorum suorum conscios esse desiderat,  
 excusans forte hoc pacto absentiam suam. Optat sane  
 non peregre, sed inter suos mori.

In multa infirmitate corporis et cordis anxie-  
 tate, Deus scit, dictavi ista ad vos, homo miser,  
 homo natus ad laborem, frater tamen vester.  
 Utinam nunc ipsum Spiritum, in quo congregati  
 estis, merear habere interpellatorem ad ve-  
 stram unanimitatem, qui imprimat pectoribus  
 vestris calamitatem quam patior; qui imaginem  
 mei tristem ac supplicem, sicut est, fraternis  
 affectibus repræsentet. Non hoc oro, ut creet  
 in vobis novam misericordiam, quia novi ego  
 quam familiaris universitati vestræ sit illa vir-  
 tus: sed hoc oro, ut in intimo sentiatis, quo  
 et quanto affectu oporteat misereri. Certus sum  
 enim quia si id datum fuerit, continuo lacry-  
 mæ de thesauro pietatis erumpent, singultus et  
 gemitus et suspiria hinc inde pulsabunt cœlos,  
 et audiet Deus, et placabitur mihi, et dicet:  
 Reddidi te fratribus tuis, non morieris inter  
 extraneos, sed inter tuos. Tantis siquidem la-  
 boribus et doloribus affectus sum, ut sæpe

tædeat me etiam vivere. Humanum autem dico  
 propter infirmitatem nostram: desidero differri  
 usquedum revertar ad vos, ut non moriar nisi  
 inter vos. De cætero, fratres, bonas facite vias  
 vestras et studia vestra, quæ recta. quæ hone-  
 sta, quæ salubria sunt constituentes et tenentes:  
 ante omnia solliciti servare unitatem spiritus in  
 vinculo pacis; et Deus pacis erit vobiscum.

## EPISTOLA CXLVI.

AD BURCHARDUM BALERNENSEM ABBATEM\*.

Gaudet suos in eo formando labores non esse irritos: fe-  
 licem tamen successum uni Deotribuendum.

1. Ignitum eloquium tuum vehementer, et  
 ignitum illo igne, quem Dominus misit in ter-  
 ram. Legi illud, et concealuit cor meum intra  
 me: benedixi illi fornaci, de qua huiusmodi  
 scintillæ evolassent. Nonne cor tuum ardens  
 erat in te, cum ista dictabas? Bonus homo de  
 bono thesauro suo profert bona. Si laboravi in  
 te, uti tu humiliter memoras, non me piget.  
 Aravi in spem profecto percipiendi fructus, et  
 spes non confundit. En de fructu operum meo-  
 rum satiantur viscera mea in terra aliena: et  
 sentio ipso meo experimento semen meum,  
 non secus viam, non super lapides, non inter  
 spinas, sed in terram bonam et optimam ceci-  
 disse. Et si, cum parerem, tristitiam habui;  
 jam non memini pressuræ præ gaudio, quia  
 natus est infans in mundo. Infans dixerim ma-  
 litia, non sensu: quem posset Salvator præ-  
 ponere senibus imitandum, dicens, *Nisi con-*  
*versi fueritis, et efficiamini sicut parvuli, non*  
*intrabitis in regnum cœlorum*<sup>1</sup>. Infans qui di-  
 cat, *Super senes intellexi, quia mandata tua*  
*quæsi*: qui dicat, *Adolescentulus sum ego et*  
*contemptus, justificationes tuas non sum obli-*  
*tus*<sup>2</sup>.

2. Confiteor tibi, Pater, Domine cœli et ter-  
 ræ, quia abscondisti hæc a sapientibus et pru-  
 dentibus, et revelasti ea parvulis. Ita, Pater,  
 quia sic placitum est ante te<sup>3</sup>. Tuo placito sunt  
 id quod sunt, non suo merito. Nec enim in-

<sup>1</sup> Matth. xviii, 3. — <sup>2</sup> Psal. cxviii, 100, 141. — <sup>3</sup> Matth. xi, 25, 26.

<sup>a</sup> Scilicet, Haimérico. — <sup>b</sup> Scripta circa annum 1137.

venis merita, sed praevenis. Omnes peccavimus,<sup>131</sup> A  
et egemus praeveniri. Tu ergo, frater, agnosce A  
te praevenit, et praevenit in benedictionibus  
dulcedinis, non a me qui nihil sum, sed ab  
illo qui me, ut de tua te salute monerem, aspi-  
rando praevenit. Nam ut multum mihi tribuas,  
plantator sum, rigator sum: absque illo tamen  
qui incrementum dat, quid sum? ipsi te in  
omni humilitate subicias, ipsi tota devotione  
inhaereas. Me vero utere ejus servo, conservo  
tuo, comite in via, cohaerere futuro in patria:  
si tamen studiosissime implevero ministerium  
ad quod tibi missus sum; idque quantum in me  
est effecero, ut haereditatem capias salutis. Ad B  
ea de quibus questus es, ita respondeo. Nec-  
cessitates tuas ut meas portabo, cum venero.

## EPISTOLA CXLVII.<sup>a</sup>

AD PETRUM ABBATEM CLUNIACENSEM \*.

Petrus Bernardum, peregre inter varios et difficiles pro  
Ecclesia labores agentem, misso Gebuino archidiacono  
Trecensi consolatus fuerat. Ejus itaque benevolam ani-  
mum suavissime recolit, et feliciter exstincto jam  
schismate Ecclesiae statum praedicat.

Domino et patri reverendissimo PETRO Clunia-  
censi abbati, suus BERNARDUS, quod suus.

1. Visitet te Oriens ex alto, o bone vir, quia  
visitasti me in terra aliena, et in loco peregrina-  
tionis meae consolatus es me. Bene fecisti, in-  
telligens super egenum et pauperem. Absens  
eram, et absens etiam longo tempore; et re-  
cordatus es nominis mei, homo magnus, occu-  
patus in magnis. Benedictus sanctus angelus D  
tuus, qui pio pectori tuo id suggessit: benedi-  
ctus Deus noster, qui persuasit. En teneo, unde  
glorior apud extraneos, litteras tuas, et illas  
litteras in quibus tuam mihi animam effudisti.  
Glorior quod habeas me non modo in memoria,  
sed et in gratia. Glorior privilegio amoris tui,  
refectus sum de abundantia suavitatis pectoris  
tui. Non solum autem, sed et glorior in tribu-  
lationibus, si quas dignus habitus sum pro Ec-

clesia pati. Haec plane gloria mea et exaltans  
caput meum, Ecclesiae triumphus. Nam si socii  
fuimus laboris, erimus et consolationis. Colla-  
borandum fuit et compatiendum matri, ne et  
de nobis quereretur, dicens: *Qui juxta me  
erant, de longe steterunt, et vin faciebant qui  
querebant animam meam*<sup>1</sup>.

2. Deo autem gratias, qui dedit ei victoriam,  
honestavit eam in laboribus, et complevit la-  
bores illius. Tristitia nostra in gaudium, et lu-  
ctus noster in citharam versus est. Hiems transiit,  
inber abiit et recessit, flores apparuerunt  
in terra nostra, tempus putationis advenit,  
amputatum est sarmentum inutile, putre mem-  
brum. Ille, ille iniquus qui peccare fecit Israel,  
morte absorptus est\*, et traductus in ventrem  
inferi. Fecerat quippe secundum prophetam  
pactum cum morte, et cum inferno foedus  
inierat<sup>2</sup>: ideoque, juxta Ezechielem, factus est  
perditio, et non subsistit in aeternum. Alius  
quoque omnium sicut maximus, ita et pessimus  
inimicus, abscissus nihilominus est\*. Et is erat  
unus ex amicis Ecclesiae, sed illis, de quibus  
solet queri, et dicere: *Amici mei et proximi  
mei adversum me appropinquaverunt et stete-  
runt*<sup>3</sup>. Si qui restant, cito speramus de similibus  
idem judicium. Prope est ut revertar ad fratres  
meos, si vita comes fuerit, per vos, sicut in-  
tendo, transiturus. Interim commendo me san-  
ctis orationibus vestris. Salutamus fratrem Hu-  
gonem Camerarium, et omnes qui circa vos  
sunt, cum reliqua sancta multitudo.

## EPISTOLA CXLVIII.<sup>b</sup>

AD EUNDEN.

Paucis Petro respondet, plura in aliam occasionem  
reservans.

Domino PETRO abbati Cluniacensi, BERNARDUS,  
humile dilectionis obsequium.

Lectis litteris vestris laetatus sum in eis, quod  
tantillum videlicet tantus in benedictionibus  
dulcedinis praevenire curastis. Caeterum videndi

<sup>1</sup> Psal. xxxvii, 12, 13. — <sup>2</sup> Isai. xxviii, 15. — <sup>3</sup> Psal. xxxvii, 12.

<sup>a</sup> Scripta anno Christi 1138. — <sup>b</sup> Scripta circa eundem annum.

nos invicem, et colloquendi pariter, quoniam<sup>1,2</sup> Si percusso pastore diffugerant oves; valente dignum judicatis, quando se offeret illa oppor- A tunitas, quando conveniens locus, quando justa occasio? Hæc interim paucis vestris pauca reddidimus, ampliora libenter donaturi, cum ea vobis onerosa non fore cognoverimus. Alioquin quando hoc ipsum auderet nostra pusillitas, nisi daret ad dignitatem accessum vestræ dignationis humilitas?

## EPISTOLA CXLIX.<sup>a</sup>

AD EUMDEM.

Monet ut a monasterio Sancti-Bertini tam operose sibi vindicando desistat.

Quam nolim fieri quod vestræ putem obviare Reverentiæ, credo sinceritatem vestram non latere. Ea fiducia suggerere vobis non dubito, quod suggerendum videtur. De monasterio Sancti-Bertini\* vellem vos moderatius agere, quam cœpistis. Nam etsi hoc vobis in pace subjicere, et absque omni contradictione possetis; ne C tunc quid vestra referre quidem video. Neque enim crediderim vos delectari honore, cum tanto onere. Nunc vero cum nec absque magno labore vindicare vobis præfatum monasterium, nec in pace, ut aiunt, queatis possidere; honesta vobis, ut mihi videtur, præbetur quiescendi occasio, timor inquietandi.

## EPISTOLA CL.<sup>b</sup>

AD DOMINUM PAPAM INNOCENTIUM.

Laudat Pontificem ex variis recte factis, ejusque zelum excitat adversus ambitionem Philippi, qui modis illegitimis sedem Turonensem invadere tentabat.

1. Sanitas capitis redundet in membra. Unguentum quod descendit in barbam de capite, extrema quoque fimbria vestimenti participet.

et incolumi secure revertantur ad pastum. Quod dicimus, hoc est. De gloriæ vestræ crebris successibus creber nuntius lætificat civitatem Dei. Justum proinde est ut vestra prosperatio, Ecclesiæ roboratio sit; et cum exaltat Deus electum de plebe sua, ipsa quoque se sentiat exaltari, ac de roboris incremento fortiorem agnoscat. Nam si compassa est, et conregnare debet. Sic dignum vobis, sic nobis necessarium. Quid enim? si in timore et angustia æquitatis vigor non languit, non tepuit fervor; modo cedimus cum appropinquamus ad palmam? quæ B emineat in infirmitate, in sublimitate virtus succumbet?

2. Quam nempe in manu valida ordinatum est nobile illud monasterium Virziliacense\*? Nec insanis profecto tumultibus armatæ plebis, nec effreni furentium atque obstrepentium vesaniæ monachorum, nec, quod his fortius fuit, copiis mammonæ cedendum putavit vel ad modicum apostolica celsitudo. Quid apud Sanctum-Benedictum\*? numquid regia indignatio prohibere potuit spiritum libertatis, accensum atque accinctum adversus carnem et sanguinem? Sic Sancti-Memmii\*, sic Sancti-Satvri\*, miro modo ecclesiæ immutatae sunt, et de synagoga satanæ restitutæ sunt in sanctuarium Dei, vellent, nollent omnes iniqua agentes supervacue. Sed nec Leodii cervicibus imminens mucro barbaricus compulit acquiescere importunis improbisque postulationibus iracundi atque irascentis regis\*. Quis vero dignis efferat laudibus, quod novissime diebus istis de manu potentis, eminus licet, emissum est in turbatores Ecclesiæ Aurelianensis\*? Revera nunc sagitta Jonathæ non abiit retrorsum<sup>1</sup>, et hasta ejus non est aversa. In quo tamen verbo rex quidem turbatus est: sed non omnis Jerosolyma cum illo. Magis autem mitigavit omnem iram suam et ipse tandem. Erubuit siquidem, et timuit armari frustra adversus Dominum, et adversus christum ejus. Hinc prorsus elevata est magnificentia tua super cælos: tantum ut laudabile principium condigno exitu perorne- tur<sup>c</sup>. Quod quidem universi qui vos amant, vehementer expectant: idque flagitant maturari.

<sup>1</sup> II Reg. I, 22.

<sup>a</sup> Scripta anno Christi 1138. — <sup>b</sup> Scripta anno Christi 1133.

<sup>c</sup> Hic quidam editi interponunt duos versus contra fidem manscriptorum.

3. Sane simili zelo, et in manu æque potenti,<sup>134</sup> Ecclesiæ Turonensi jamjamque subvenire necesse est. Alioquin prope interitum est et ipsa, nisi cito feratis auxilium. Revixit, ut aiunt, Gisleberti spiritus<sup>\*</sup> in Philippo, ipsius plane et nepote carnis, et hærede ambitionis. Quanta nempe dominandi cupiditate et iste juvenis inardescat, indicat matris suæ Ecclesiæ diuturnus et miserabilis cruciatus, quo pene eam eviscerat miser, ut se parturiat in honorem. Est tamen auctore Deo ejus tergiversationibus finis tandem impositus : si tamen, quod dictante justitia, et compellente malitia, et pace provocante in eum actum est, apostolicæ auctoritati ratum habere placuerit. Absit autem ut confundat fideles suos benigna majestas, quibus idem negotium dignum duxit committere terminandum. Absit, absit ut sæva ambitio refugium habeat apud innocentiae defensorem. Hoc ipsum quantæ audaciæ est quod tentat, quantæ dementiæ quod sperat? Semel et secundo jam apostolici contemptor mandati, justitiam subterfugit : et nunc impudentiori temeritate audet denuo nihilominus tantæ æquitatis vultibus præsentari? Cui obscurum est quam impie cogitet in mammonæ viribus turrim fortitudinis oppugnare, homo qui de justitia penitus non præsumit? Sed securi sumus : siquidem qui tentatur, Innocentius est, et filius iniquitatis non apponet nocere ei.

4. De cætero memoriam abundantiae suavitatis tuæ, dulcissime Pater, dum suspiramus præsentiam, dulciter invicem eructamus : quia caremus illa, in ista consolamur. Hæc sedula cordibus, hæc oribus frequens, sal est in omni sermone, aures mulcet, dulcorat ora, corda recreat et inflamat : celeberrima est in conventibus sanctorum, colloquia condit, impinguat preces, ad orandum sollicitat. Oramus et nunc solliciti pro vobis et vestris, ut æterna memoria dignos vos ipsa æternitas habeat, cui et pro qua temporaliter laboratis. Amen.

## EPISTOLA CLI.<sup>3</sup>

AD PHILIPPUM TURONENSIS ECCLESIE INVASOREM<sup>\*b</sup>.

Gravem animi sui dolorem exprimit super Philippo, Turonensis Ecclesiæ præsulatum indebitis modis amante.

Doleo super te, Philippe charissime : sed quæso te ne rideas dolorem meum; nam si tibi minime videris forsitan esse dolendus, ideo magis dolendus. Tu videris quid de te sentias : ego te arbitror omni lacrymarum fonte plangendum. Dolor meus non est dignus subsannatione, sed compassione : quia dolor meus non est de carne et sanguine; non de amissione rerum periturarum, sed de te, o Philippe. Non potui expressius demonstrare magnitudinem causæ doloris : Philippus est in causa. Cum hoc dico, gravem Ecclesiæ pronuntio luctum, quæ te aliquando suo gremio confovebat, germinantem sicut lilium, florentem donis cælestibus<sup>c</sup>. Quis tunc temporis non clamabat, bonæ spei juvenem, bonæ indolis adolescentem? Sed heu! mutatus est color optimus<sup>1</sup>. A quanta spe decidit Francia, quæ te genuit et nutrit! O si cognovisses et tu<sup>2</sup>! Tu, inquam, si apponeres scientiam, apponeres et dolorem<sup>3</sup>, et dolor tuus faceret ne noster omnium esset infructuosus. Procederem si sequeretur spiritum meum : sed nolo proferre plurima in incertum, et esse quasi aerem verberans<sup>4</sup>. Sed hæc scripsi, ut nostrum utcumque erga te affectum cognosceres, et ut nos scires esse in proximo, si forte Deus inspiraret tibi nostrum curare colloquium, et optatam nobis tui velles exhibere præsentiam. Sumus enim Viterbii<sup>5</sup>, et te morari in Urbe audivimus. Dignare rescribere nobis quidquid illud sit quod de his litteris nostris corde conceperis, ut sciamus quid faciendum sit nobis, plus videlicet minusve dolendum. Quod si omnia contemnis, et in nullo nos audis : ego quidem fructum non perdam litterarum, quæ ex charitate procedunt; sed tu de contemptu ante tribunal terrificum respondebis.

<sup>1</sup> Thren. iv, 1. — <sup>2</sup> Luc. xiv, 42. — <sup>3</sup> Eccl. i, 18. — <sup>4</sup> I Cor. ix, 26.

<sup>a</sup> Scripta anno Christi 1133.

<sup>b</sup> Alias, *Ad Philippum Turonensis Ecclesiæ electum*. — <sup>c</sup> Alias, *florantem donis innumeris*.

EPISTOLA CLII.<sup>a</sup>AD DOMINUM PAPAM INNOCENTIUM, PRO TRECENSI  
EPISCOPO.

Insolentiam clericorum nutrire ignavia episcoporum : Tre-  
censem vero ob clericos correptos gravari.

Insolentia clericorum, cujus mater est negli-  
gentia episcoporum, ubique terrarum turbat et B  
molestat Ecclesiam. Dant episcopi sanctum ca-  
nibus, et margaritam porcis : et illi conversi  
conculcant eos. Merito quales fovent, tales et  
sustinent. Quos ditant Ecclesiæ bonis, non cor-  
rigunt eorum mala, malosque gravati portant.  
Alienis nimirum laboribus locupletantur clerici,  
comedunt fructum terræ absque pecunia : et  
prodit quasi ex adipe iniquitas eorum. Quos  
proprie hodieque respicit vetus illa scriptura :  
*Sedit populus manducare et bibere, et surrexe-  
runt ludere*<sup>1</sup>. Mens quippe assueta deliciis, nec  
exulta disciplinæ sarculo, multas contrahit  
sordes. Porro inveteratam rubiginem si tentes  
abradere, nec summis saltem digitis contingi  
patientur; sed, sicut scriptum est, *Incrassatus  
est dilectus, et recalcitavit*<sup>2</sup>. Insurrexerunt tes-  
tes iniqui, homines quos delectat vitam semper  
alienam rodere, negligere suam. Supplicat puer  
vester pro eo, cujus in hac discordia, si non  
fallor, tota culpa est quod culpas redarguerit  
clericorum. Hæc pro episcopo<sup>3</sup>. In reliquo pro  
me satisfacio. Scripta Dignationis vestræ, qui-  
bus me venire ad vos, cum jubere possetis,  
rogare dignantissime maluistis, norit Paternitas  
vestra ad me ante Nativitatem beatæ Mariæ  
minime pervenisse. Itaque non dico, *Juga boum* D  
*emi quinque*; aut, *Villam emi*; aut, *Uxorem  
dixi*<sup>3</sup> : sed plane (quod et vos non ignoratis)  
parvulos lactare me fateor; et ideo quomodo  
sine gravi scandalo ac periculo ipsorum ve-  
nire possim, non video.

EPISTOLA CLIII.<sup>c</sup>AD BERNARDUM DE PORTIS \*, DE ORDINE  
CARTUSIENSI.

Petenti Expositionem in Cantica Salomonis, prætendit  
tenuitatem suam, tanto scilicet operi, et aliorum ex-  
spectationi impari.

1. Petis instanter, et ego constanter abnuo,  
sed parens mihi, non te spernens. O utinam  
tuo studio ingenioque dignum aliquid elaborare  
possem! Lumen oculorum meorum, et ipsam  
quoque animam, si fieri posset, partirer tibi,  
amice charissime, et in Christi visceribus mihi  
potissimum in omni plenitudine dilectionis  
spiritualiter<sup>d</sup> amplectende frater. Cæterum ubi  
ingenium, aut quando otium mihi sufficiens ad  
id quod petis? Neque enim leve quid aut vile,  
et quod nos possumus, postulare videris. Mini-  
me quippe pro minimis sic instares. Nam volum-  
tatem tuam et curam in hoc satis produnt cre-  
bræ epistolæ tuæ, et vehementior spiritus eas  
animans. Nimirum proinde quanto id curiosius  
velle te sentio, tanto, crede mihi, scrupulosius  
acquiesco. Cur hoc? Ne magna videlicet exspe-  
ctanti, ridiculum producam murem. Hoc ve-  
reor, et hæc causa cunctationis meæ. Et quid  
mirum si vereor dare, quod edere verecundor?  
Invitus, fateor, præbeo, quod me existimem  
non tam edere profuturum, quam prodere con-  
temnendum. Quis sane dare velit, quod dedisse  
dedecet, accepisse non prosit? Libens do,  
invitus perdo. Scimus quoniam speranti gran-  
dia, modica minus grata venire solent. Quod  
autem non venit gratum, perditum est, non  
datum.

2. Tibi studii est, utpote otioso et vacanti,  
undecumque perquirere incentiva igni quo ar-  
des, ut ardeas magis, et impleas voluntatem  
Domini tui dicentis : *Et quid volo nisi ut ar-  
deat*<sup>4</sup>? Lando; sed si illic ea quæras, ubi te fru-  
stratum postmodum non queraris. Erras si  
apud nos quæris. Ego potius illa abs te mendi-

<sup>1</sup> Exod. xxxii, 6. — <sup>2</sup> Dent. xxxii, 15. — <sup>3</sup> Luc. xiv, 18-20. — <sup>4</sup> Id. xii, 49.

<sup>a</sup> Scripta circa annum 1135. — <sup>b</sup> Nimirum Trecensi, nomine Attone.

<sup>c</sup> Scripta anno Christi 1135. — <sup>d</sup> Alias, *specialiter*.

care debuerim. Scio quidem dare quam accipere<sup>136</sup> beatius esse<sup>1</sup>; sed si detur quod danti honestum, accipienti utile sit : quale utique penes me quidquam esse penitus nescio. Quod autem habeo, vereor si in medium venerit, ne te quoque optasse illud pudeat, pœniteat postulasse. Sed quid? non melius nos apud te tu ipse excusabis? Tui tibi certe fidem oculi faciant. Cedo importunitati tuæ, ut vel exhibitio tollat suspicionem. Res est cum amico. Non parco jam verecundiæ : prorsus dum fiat quod tu vis, insipientiæ meæ non memorabor. Sermones paucos in principio Canticorum Salomonis, recens dictatos, en facio transcribi : et tibi, cum necdum ediderim, quam citius mitto. In quo opere cum acciperem tempus, Christo imperante curis, tentabo procedere : si tamen me inde confortes. Dominum et patrem nostrum Priorem vestrum, cum cæteris fratribus, per te devote saluto, et propitios habere apud Deum corde humili supplico.

## EPISTOLA CLIV.<sup>a</sup>

AD EUNDEM.

Non liceisse per negotia stare promissioni de invisendis Cartusiensibus. Mittit petitos sermones in Cantica.

Dissimulare non valeo tristitiam cordis mei, nec patior ultra latere te cruciatum quem patior, Bernarde charissime. Memor antiquæ meæ promissionis, propositum habui et desiderium magnum transire per vos, revisere quos diligit anima mea, itineri meo solatium, laboribus levamen, peccatis remedium postulare : et culpis meis exigentibus factum est, non ut nollem, sed ut non possem. Pœnam siquidem hoc agnosco culpæ, non culpam. Certus sis, homo Dei, minime prorsus amici fuisse incuriam, non pigritiam, non negligentiam : sed causam obstitisse plane non negligendam, et causam Dei. Nihilominus tamen vermis iste continue rodit me, et dolor meus in conspectu meo semper. Et quidem alias satis tribulor : sed, ut verum fatear, in nullo æque. Vincit labores itineris, caloris incommodum, curarum anxietates. Ecce

aperui vulnus amico : tua, frater, interest compati mihi, hoc est, portare mecum quod patior, ut relever ego. Tuas et per te sanctorum, cum quibus es, orationes supplex flagito. Sermones super principia Canticorum, quos tu petisti, et ego promiseram, transmitto tibi : quibus lectis peto, ut quam citius opportune poteris, tuo rescripto moneamur vel ad procedendum, vel ad supersedendum.

## EPISTOLA CLV.<sup>b</sup>

AD DOMINUM PAPAM INNOCENTIUM, PRO EODEM QUANDO ELECTUS EST\*.

Bernardum de Portis, in Lombardia destinatum episcopum, dignum quidem eo honore, sed tali loco minus idoneum ; ideoque alteri convenientius reservandum.

Dilectum Deo et hominibus Bernardum de Portis, Pater venerande, vocatione vestra cogi ad opus et onus episcopale audivimus. Probabilis res, ac digna plane vestro apostolatu, ponere in lumine lumen absconditum ; ne sibi soli vivat, qui et alios ad vitam trahere possit. Usquequo namque latet et ardet tantummodo, qui et lucere valet? Levetur, si placet, super candelabrum, ut sit lucerna ardens et lucens : sed sane ubi non prævaleat vis ventorum, ne forte (quod absit) exstinguatur. Siquidem insolentia Lombardorum et inquietudo eorum cui non est nota? aut cui magis quam vobis? Nobis melius nostis, quam sit ille episcopatus dissipatus, quamque domus exasperans. Quid putamus esse facturum juvenem, viribus corporis fractum, et quieti eremi assuetum, in populo barbaro, tumultuoso, procelloso? Quando poterit convenire tantæ sanctitati, et tantæ perversitati; tantæ simplicitati, et tantæ dolositati? Reservetur, si placet, congruentiori loco, atque alteri populo : cui sic præsit, ut prosit; et festinatione non pereat fructus, quem poterit dare in tempore suo.

<sup>1</sup> Act. xxii, 39.

<sup>a</sup> Scripta circa annum 1136.

<sup>b</sup> Scripta circa annum 1135.

EPISTOLA CLVI.<sup>a</sup>

AD EUMDEM, PRO CLERICIS AURELIANENSIBUS.

Usquequo misera illa Aurelianensis Ecclesia incassum viscera pulsat patris orphanorum, et iudicis viduarum? Quippe jacet jam olim in pulvere virgo nobilis Israel, non solum viduata viro \*, sed et charis orbata pignoribus. Proh dolor! non est qui sublevet eam. Quousque et filios non dimittitis cum matre misera clamantes B post vos? illos dico, qui amissis rebus et domibus, capitibus suis refugium solum invenere diffugium. Quid tardat intrepida manus, nullis hactenus vel negata oppressis, vel remissa præsumptoribus? Quid tardat, inquam, afflictos eripere de manu fortium, et reddere retributionem superbis? Et si tardat, non derelinquat usquequaque. Oportet magis dilatum auxilium tandem venire validius, et subvenire perfectius. Illa sit, si placet, molestæ tarditatis recompensatio, ut et qui apostolica patientia superbe ab usisunt, nihil inde in fine lucentur : et qui in verbo vestro patienter passi sunt, minime C eos suæ quandoque pigeat patientiæ.

EPISTOLA CLVII.<sup>b</sup>

AD HAIMERICUM, PRO EISDEM.

Speciali amico suo HAIMERICO, Dei gratia diacono cardinali, et apostolicæ Sedis cancellario, frater BERNARDUS de Clara-Valle, luce sapientiæ et virtutis clarescere.

Nisi quia vestram novi et circa afflictos compassionem, et contra protervos indignationem; opportune, importune instarem vobis pro magistro Willelmo Maudunensi \* et sociis ejus : compellarem vos adversus oppressores et calumniatores eorum. Nunc autem sufficiat memorasse : vestrum est opere probare cito quod revera sufficiat.

EPISTOLA CLVIII.<sup>c</sup>

AD DOMINUM PAPAM INNOCENTIUM, SUPER INTERFECTIONE MAGISTRI THOME PRIORIS S. VICTORIS PARISIENSIS \*.

Amantissimo patri et domino INNOCENTIO summo Pontifici, BERNARDUS Clara-Vallis abbas indignus, minimum id quod est, et quod potest in Domino.

1. Fera pessima quæ devoravit Joseph, eam nostrorum importunitatem non ferens, ad vestræ dicitur defensionis auxilium confugisse. In quantam misera devenit amentiam, ut vaga et profuga et tremens super terram, illuc potissimum fugam inierit, ubi plus timere oportuit? Sceleratissime, tu summæ æquitatis sedem putas esse speluncam latronum, aut cubile leonum? tu filii recentem adhuc cruorem ore rabido ac ferali spumans et masticans, fugis ad sinum matris, patris audes apparere conspectibus? Tamen si pœnitentiam petit, neganda ei non est : quod si audientiam; accipiat illam si placet, quam vel Moyses indulsit populo ante conflatile curvanti genu<sup>1</sup>; vel Phinices fornicanti Israelitæ<sup>2</sup>; vel Mathathias dæmonibus immolanti<sup>3</sup>; vel certe, ut vobis de vestris aliquem proponamus, quam a beato Petro Ananias et Sapphira meruerunt<sup>4</sup> : quam denique audientiam dedit negotiantibus in templo Salvator<sup>5</sup>. An ignoramus quorundam peccata præcedere ad iudicium<sup>6</sup>? nonne vox sanguinis fratris tui clamat adversum te de terra? Credimus et nostri Martyris spiritum, quem novissime diebus istis tua crudelitas morti dedit, cum D cæteris animabus interfectorum, voce valida sub altari clamare, et flagitare vindictam, eoque instantius, quo recentius ipsius sanguis effusus est super terram.

2. Sed numquid ego, inquit, occidi eum? Non utique tu, sed tui, et propter te. An et per te, videat Deus et iudicet. Si excusabilis tu es, cujus dentes, arma et sagittæ, cujus lingua gladius acutus; proinde nec Judæi Christi de morte culpandi sunt : quippe et ipsi manus

<sup>1</sup> Exod. xxxii, 25. — <sup>2</sup> Num. xxv, 8. — <sup>3</sup> I Machab. ii, 24. — <sup>4</sup> Act. v, 1-10. — <sup>5</sup> Mat. xxi, 12. — <sup>6</sup> I Tim. v, 24.

<sup>a</sup> Scripta anno Christi 1135 vel sequente. — <sup>b</sup> Scripta anno Christi 1135. — <sup>c</sup> Scripta anno Christi 1133.

continuere cauti. Ob illicitas exactiones, quas<sup>138</sup> sibi occasione archidiaconatus in presbyteros A minime jam, ut consueverat, usurpare liceret; beati utique Thomæ obviante zelo atque industria, utpote justitiæ amatoris et defensoris, oderat illum, et mortem ei jam ipso odio homicida minitari solebat. Multi se audivisse nunc perhibent, quibus discredendum non est. Postremo nepotes ejus, ut impias manus in sanctum Domini mitterent, quid aliud inquam adversus eum habuerint, ipse certe dicat, si potest. Si ergo iste qui causa, qui incentor, qui etiam, ut omnium pene suspicio est, exstitit et dictator facinoris: si is, inquam, impune ferat B quod utique mira impudentia de vestra apostolica auctoritate præsumit); quanta putamus impunitas ista in Ecclesia parturiet punienda? Unum e duobus fore necesse est: aut nullos ex nobilibus sive potentibus secundum hoc sæculum admitti deinceps ad honores ecclesiasticos: aut passim ad omne illicitum permitti libere clericos sacris abuti officiis; ne forte, si quispiam zelo Dei accensus prohibere tentaverit, ferro illico militari reus justitiæ trucidetur. Atque ita quid spirituali gladio, quid censuræ ecclesiasticæ, quid christianæ legi et disciplinæ, quid reverentiæ sacerdotali, quid denique C divino timori relinquitur, si metu potentiæ secularis, nullus mutire jam audeat contra insolentiam clericorum? Quid enim insolentius, quidve indignius in Ecclesia esse potest, quam ut sibi quisque ecclesiasticas vindicet dignitates feritate armorum, non morum probitate? Quamobrem, domine Pater, aliquid, ut videtis, prorsus decernendum est in hominem, quod Ecclesiæ prosit, ut salus facta hoc tempore per vos transfundatur in posteros; et cognoscat generatio altera, non solum quod fuit præsumptum, sed et qualiter ultum. Alioquin si serpat venenum, nec sequatur pariter et antidotum; D multos (quod absit) habet perimere.

## EPISTOLA CLIX.<sup>a</sup>

AD EUNDEM, IN PERSONA STEPHANI PARISIENSIS  
EPISCOPI.

Unde supra.

Piissimo patri INNOCENTIO summo Pontifici,  
Stephanus miserandus episcopus Ecclesiæ  
Parisiensis, misericordiam et judicium.

1. Vir religiosus, Prior Sancti-Victoris, magister Thomas in obsequio charitatis, in itinere quod indixerat pietas, in opere sancto, in sanctorum comitatu, in dominico die, certe in sinu meo et inter manus meas crudeliter ab impiis pro justitia excerebratus est, factus obediens usque ad mortem. Non opus est prece, ubi pietatem melius in silentio lacrymæ provocant, et singultus qui interrumpit precem, exprimit affectionem. Hæc plane compassionem veram, etsi non postulant, merentur tamen: utpote quæ verum indicant produntque dolore, et simulationis fugant ambiguum. Puto proinde sufficere mihi ad incutiendam paternis visceribus calamitatem quam patior, rem, ut est, simpliciter intimasse. Tristis flebilisque historia satis pro se agit, præsertim apud vos, et suasoriis fucari non indiget. Exitus aquarum deducite, oculi mei, quoniam dereliquit me virtus mea, et lumen oculorum meorum, et ipsum non est mecum. Nec enim illum lugeo, sed me. Nam ille quo pacto lugeatur, qui mortis pretiosæ compendio transivit ad vitam?

2. Quis illum non magis laudibus, quam flelibus prosequatur, cui vivere Christus fuit, et mori est huiusmodi? Episcopi nomen ego gerebam, ille exercebat opus. Honore spreto, onus totis viribus supportabat. Idcirco ille revera mortuus ad vitam, ego vivus in morte. Ille mortis vincula non incidit, sed evasis: et ecce circumdant me dolores mortis, et torrentes iniquitatis conturbant me. Ego igitur, ego miser, ego miserandus in morte tua, mi frater dulcissime Thoma, blando heu! ablactatus solatio, cauto privatus consilio, et certe tuto patrocinio destitutus. Expediebat me magis mori pro te, quam post

<sup>a</sup> Scripta anno Christi 1133.



te vivere. Propter hoc defecit in dolore vita mea, et anni mei in gemitibus. Condolet mihi Ecclesia, sed dolet et pro se. Commune damnum, communis desolatio est: necum omnis religio plorat, paternam pariter implorat consolationem. Si Theobaldus Noterius \* adierit vos, sentiat in se, quoniam exaudivit Dominus vocem fletus mei. Nepotes ipsius auctores <sup>a</sup> exstitere sceleris, ipse causa: utrum et dictator, in quæstione est. Non attendatis ad verba ejus, donec veniat qui mittendus est; qui vobis plenius insinuans veritatem, cantum faciat a labiis iniquis et a lingua dolosa.

## EPISTOLA CLX.<sup>b</sup>

AD HAIMERICUM CANCELLARIUM, IN PERSONA EJUSDEM EPISCOPI.

Unde supra.

Domino HAIMERICO charissimo, venerabili sanctæ Romanæ Ecclesiæ diacono cardinali et cancellario, suus Stephanus Parisiensis, quod domino et amico.

Amicus in necessitate probatur. Quod dico, non quia de sanctitate dilectionis vestræ dubitem, sed ne contingat ut dubitem. Continget autem procul dubio, si zelum illum vestrum modo (quod absit) dissimulare comperero. Porro dissimulationis id mihi argumentum inexcusabile fore noveritis, si Theobaldum Noterium non recipere pro meritis quacumque occasione contigerit, qui dimidium animæ meæ nepotum suorum manibus crudeli ambitione præcidit, soli cruciatui parte reliqua reservata.

## EPISTOLA CLXI.<sup>c</sup>

AD DOMINUM PAPAM INNOCENTIUM.

Adversus auctores cædis Archembaldi subdecani Aurelianensis.

Vox sanguinis Archembaldi \* subdecani Au-

relianensis invaluit. Nam ecce, prohi dolor! <sup>A</sup> juxta prophetam, *Sanguis sanguinem tangit* <sup>1</sup>, et simul juncti fortius clamant ad vos de Francia. Clamat, inquam, et vociferatur uterque sanguis clamore tam valido, ut valeat ipsum quoque palatium cœleste conentere; tam pio, ut et saxeæ pectora debeat emollire. Quid facis, amice sponsi, custos sponsæ Christi, pastor ovium Christi? Putasne sufficies excogitare remedium, quod huic obviet pesti tam nefandæ, tam inauditæ? Id sane necesse est inveniri, quod et recenti Ecclesiæ vulneri inpræsentiarum medelam afferat, et posteris valeat ad cautelam.

<sup>B</sup> Ergo accingere gladio tuo super femur tuum, potentissime. Si non steterit et nunc Phinees et placaverit, non cessabit quassatio. Si, inquam, vigor ecclesiasticus pepercerit istis, Joanni dico, et Theobaldo Noterio, quorum etsi non manu, assensu certe, forte et instinctu sanguis innoxius effusus est super terram; quis non videat quid sequatur? Quantos in clero horum impunitas contra jus et fas faciet promoveri, metu utique suorum, non suæ merito sanctitatis? Novis morbis novis obviandum est medicamentis. Utilissime, ut multis videtur, justissimeque eos apostolica falce ab omni succideres <sup>C</sup> ecclesiastica dignitate, ita ut et habitus careant, et de cætero ad alias non assurgant.

## EPISTOLA CLXII.<sup>d</sup>

AD HAIMERICUM \* CANCELLARIUM, DE EODEM.

Frequentem et amicabilem recordationem, qua dominum episcopum Parisiensem commendare soletis, ego postmodum ipsi frequenter testatus sum. En a vobis exigitur non verbo <sup>D</sup> aut lingua, sed opere et veritate probare, nec me fuisse fallacem, nec vos mendacem. Sic vestra interest, non solum propter episcopum, sed et propter alios amicos vestros, qui pro vobis certe graviter, si quo modo præter spem procedere causam contingeret, turbarentur.

<sup>1</sup> Osee iv, 2.

<sup>c</sup> Scripta anno Christi 1133. — <sup>d</sup> Scripta eodem anno.

<sup>a</sup> Alias, *actores*. — <sup>b</sup> Scripta anno Christi 1133.

EPISTOLA CLXIII.<sup>a</sup>

AD JOANNEM CREMENSEM CARDINALEM PRESBYTERUM<sup>b</sup> DE EODEM.

Dilectionem et dignationem, qua me amplecti a vobis nullius dignitatis homuncio sensi, in æternum non obliviscar. Pœnitentiam et conversionem vestram, de qua jam Angelis collatus sum, et condelectatus, dignos facere fructus opto jugiter, et oro frequenter. Et nunc maxime ipsos nostra ista Gallicana Ecclesia mecum exspectat, credo non intempestivos. Inter est vestræ pariter et meæ famæ, ut non confundar in vobis. Sic ergo clareat omnibus, zelum apud vos veritatis justitiæque fervere contra interfectores clericorum, et instigatores eorum, ut non me pigeat gloriatum fuisse de vobis.

EPISTOLA CLXIV.<sup>c</sup>

ACTIO CAUSE LINGONENSIS ECCLESIE AD DOMINUM INNOCENTIIUM PAPAM\*.

Conqueritur Bernardus, quod subdole et contra datam fidem tentata sit electio episcopi Ecclesiæ Lingonensis.

1. Dum adhuc Romæ essemus, contigit illo venire dominum archiepiscopum Lugdunensem. Venerunt et cum eo Robertus decanus Ecclesiæ Lingonensis et Olricus canonicus, D querentes licere sibi et capitulo Lingonensi eligere sibi episcopum. Mandatum siquidem a domino Papa acceperant, nequaquam præsumere hoc, nisi ad consilium religiosorum virorum. Quod dum per me euperent et peterent obtinere: Absit, inquam, nisi sciam et certus sim quod bonam idoneamque personam intendatis eligere. Responderunt, propositum suum

<sup>161</sup> atque intentionem de nostro pendere arbitrio, A nec aliud se facturos, nisi quod ego consulere. Et spoponderunt. Verum me non satis fidem accommodante, accessit ad persuadendum archiepiscopus, pollicens firmiter idipsum. Et addidit, quod si secus clerici agere molirentur, quidquid aliud facerent, minime se confirmaturum, nec ratum habiturum. Adductus est et dominus cancellarius in testimonium. Nec contenti, adivimus etiam præsentiam domini Papæ, ut ejus favore et auctoritate quod inter nos convenerat, confirmaretur: prius tamen habita inter nos collatione mutua ac diuturna super B facienda electione, et de multis personis, quarum ibi mentio facta est, duabus tandem nominatis, a quibus nullus nostrum penitus dissentiret, quamlibet illarum eligi placuisset. Itaque quod nobis complacuit, dominus Papa immutabiliter observari præcepit: et tam archiepiscopus, quam clerici firmiter promiserunt. Illis abeuntibus, ego post discessum eorum dies paucos in Urbe faciens, ubi a domino meo impetrare potui facultatem redeundi, ad fratres iter arripuimus.

2. Et transalpinantes comperimus instare diem, qua foret sacrandus homo in episcopum C Lingonensem: de quo utinam meliora atque honestiora audivissemus. Nolo autem dicere quæ invitus audiui. Quid plura? A religiosis viris non paucis, qui nobis salutandi gratia occurrerant, persuasi sumus divertere per Lugdunum, quatenus, si fieri posset, rem nefariam, ne fieret, prohiberemus. Nam ego aliunde ob via compendium ire statueram, consulens valetudini et lassitudini corporis, præsertim quod non liquido, fateor, credebam rumoribus. Quis enim crederet tantum virum tanta uti levitate, ut postposita tam recente promissione sua, insuper domini sui mandato, personæ notabili manum imponere non timeret? Itaque consilio religiosorum acquiescentes, Lugdunum iter direximus, et pervenientes, omnino sicut audivimus, sic vidimus. Parabantur illa, non festa, sed infausta solemnia. Decanus tamen, et maxima, ni fallor, pars Lugdunensium canonicorum constanter aperteque contradicebant. Sed et rumor pudendus dolendusque passim crebrescens et invalescens civitatem repleverat.

<sup>a</sup> Scripta anno Christi 1137. <sup>b</sup> Tituli S. Chrysogoni, qui Joannes Henricum Virdunensem, ad quem epistola 62, ab excommunicatione absolvit, teste Laurentio Leodensi, in Spicilegii tomo 12, pag. 307.

<sup>c</sup> Scripta anno Christi 1138.

3. Quid facerem? Conveni archiepiscopum,<sup>162</sup> fonte dulces et amarum illud manare cunctis reverenter quidem, super pacto quod fecerat, et super mandato quod acceperat : et nihil horum negavit. Causam vero prævaricationis referens in filium Ducis<sup>a</sup>, qui a constituto resiliat; ne ille turbaretur, in id se mutabilitatis incidisse dicebat, pacis videlicet intuitu. Et intulit, quia quidquid hactenus egerit, jam pro nostro deinceps arbitrio se facturum. Tum ego gratias agens : Absit, inquam; tamen non nostra, sed Dei potius voluntas fiat : quæ ita forsitan cognoscetur, si res ponatur in consilio episcoporum, aliarumque religiosarum personarum, quæ hic ad vestram ipsius vocationem conveniunt, vel adhuc venturæ sunt. Quod si invocato sancto Spiritu consensus omnium vos ad procedendum in cæpto opere animaverit, procedite ut cæpisti : sin autem, acquiescendum Apostolo dicenti, *Nemini cito manum imponas*<sup>1</sup>. Visum est consilium placuisse. Interim homo ille venisse nuntiatur, sed in hospitium, non in palatium. Vespere sextæ feriæ venit; sabbato mane recessit. Non est meum dicere, cur nec in curia apparere voluerit, ad quam ei curæ fuit longo itinere pervenire : nisi quod verecundia monachalis, honorisque contemptus forsan putari posset, si non aliud alia, quæ secuta sunt, indicarent. Et revera quid aliud tunc suspicari debuimus; quando archiepiscopus rediens ab illo testatus est coram omnibus, nullo modo eum voluisse acquiescere, sed quidquid de eo factum fuerat, penitus refutare?

4. Denique et mandavit mox electionem fieri. Hoc per quosdam Lingonenses canonicos tunc præsentibus, hoc et per litteras, quæ adhuc exstant. Quibus in capitulo Lingonensi oblati et lecti, pro pudor! incontinenti leguntur aliæ per omnia contrariæ illis, asserentes utique consecrationem dilatatam, non dimissam; assignantes diem et locum ad causam decidendam, quam litteræ priores nuntiabant decisam. Putares in litteris non modo diversas, sed et adversas sibi loquentes personas, adversum se invicem contententes : nisi quod una eademque imago impressa ceris<sup>b</sup>, unum idemque nomen præsignatum in schedulis, manifeste de uno

A qui aderant mirantibus declarabant. Tenentur in manibus contradictoriæ litteræ : utrislibet obedire decreveris, inobediens necesse est teneris. Aut enim priorem te recipientem epistolam posteriori condemnabit : aut si posteriorem sequi eligas, prior murmurabit. Et utinam secunda epistola, sicut potuit evertere primam, ita posset sese vel ipsa tueri adversus tertiam. Sed ecce litteræ contra litteras, mandatum adversus mandatum : ita ut non jam, quemadmodum in propheta, *Manda, remanda*<sup>2</sup>, sed, *Manda, demanda*, potius inculcetur.

B 5. Interim nempe homo qui et consecrationem fugerat, et electionem refutarat, festinavit ad Regem. Regalium investituram obtinuit\*; quibus meritis, ipse viderit. Mox directis epistolis, et locus qui assignatus fuerat, est mutatus, et dies anticipatus : ut loci temporisque opportunitate subtracta, et copia agendi pariter subtrahatur contradicturis, et consecrationis dies subripiatur appellaturis. Cæterum non est consilium contra consilium Domini, cuius providentia factum est ut nec contradictores defuerint, nec appellatores. Appellatum est a Falcone decano Lugdunensis Ecclesiæ; appellatum et a Pontio archidiacono Lingonensi; appellatum a Bono-Amico sacerdote et canonico æque Lingonensi; appellatum et a fratribus nostris Brunone atque Gaufrido<sup>c</sup>, ignorantibus quidem omnibus his præparationem cordis eorum, sed casu supervenientibus, haud dubium quin Dei provida voluntate. Tanta siquidem fuit brevis terminus, ut vix, ex quo rescivimus diem, spatio quatuor dierum nuntius noster cum litteris accurrere potuerit, quatenus præveniret quod parabatur, non sacramentum, sed sacrilegium. Et is quoque nihilominus contradixit, et tam consecrandum quam consecratos ad Sedem apostolicam appellavit. Et ipse erat Lingonensis canonicus. Veritatem dico, non mentior : nihil a me hic dictum personæ odio, sed solo veritatis amore veraciter omnia posita, teste ipsa Veritate.

<sup>1</sup> I Tim. v, 22. — <sup>2</sup> Isai. xxviii, 10, 13.

<sup>a</sup> Hugonem scilicet, filium Odonis Burgundiæ ducis ex Maria filia Theobaldi Campaniæ comitis.

<sup>b</sup> Nempe Petri archiepiscopi imago impressa sigillo cereo, de more illorum temporum. De Petri huius obitu. infra in epistola 172. Ad eum epistola 394.

<sup>c</sup> De Brunone actum supra ad epistolam 144. Gaufridus videtur esse is qui postea Bernardi notarius.

EPISTOLA CLXV.<sup>a</sup>AD FALCONEM DECANUM<sup>b</sup>, ET GUIDONEM THE-  
SAURARIUM LUGDUNENSIS ECCLESIE.

Unde supra.

Plaga, ut videtis, charissimi, Ecclesie nostrae magna est, et multa eget cura; nec modo multa, sed cita, ita ut assidue cum lacrymis Medico cœlesti instemus dicentes: *Domine, descende priusquam moriatur*<sup>1</sup>. Unum est quod magis exacerbat dolorem, et pene desperat curationem: quia nimirum inde est orta tribulatio, unde consolatio sperari debuerat. Quisnam enim, o misera, malum hoc quod plangis, induxit super te? Profecto non inimicus, non is qui oderat te: sed homo unanimis, dux tuus et metropolitanus tuus. Quomodo ab austro, et non jam ab aquilone panditur omne malum? Merito proinde non est dolor sicut dolor meus, quoniam de quibus potissimum præsumebamus, ab ipsis passi sumus, et non ab aliis. O Lugdunensis pia mater Ecclesia! ejusmodi non sponsum, sed monstrum tuæ filiae procurasti nunc! non plane matrem te in hoc, sed novercam sensimus. Gener hic tuus quam longe a nobili illa tua antiqua honestate, gravitate, probitate, degenerat! Quid enim? egone id dixerim honorabile connubium, et thorum immaculatum, quod de tali et taliter factum est? Sine lege, sine ordine, sine ratione sic confusa sunt omnia; imo ita cuncta in fraude et temeritate præcepta et præsumpta fuisse constat, ut non dico episcopum, sed ne villicum quidem, aut teloniarium quempiam in hunc modum decuerit ordinari. Quibus vos laudibus efferam, dilectissimi, qui soli condoluistis afflictæ, et tam in prima, quam in secunda sua defensione oppressæ adstististis, ascendentes ex adverso, et opposcentes vos murum pro domo Israel? Non est inventus similis vobis in illo conventu, qui conservaret

<sup>165</sup> legem Exeelsi, qui sacris obtemperaret canonibus: qui denique se indueret zelum Phinees, et linguae mucrone confoderet fornicantes<sup>2</sup>. Quæ cum ita de vobis ad Dei et vestram ipsorum gloriam ubique clarescant, restat ut principio tam laudabili condignum exitum dare, et hostiæ capiti caudam jungere satagatis.

EPISTOLA CLXVI.<sup>c</sup>

AD DOMINUM PAPAM INNOCENTIUM.

Unde supra.

1. Iterum clamo, iterum pulso, etsi non clamoris vocibus, certe lacrymosis gemitibus. Cogit iterare clamores iterata in nos injuria perditorum, et prolongantium iniquitatem suam. Confortati sunt addentes prævaricationem. Apponunt iniquitatem super iniquitatem, et superbia eorum ascendit semper. Invaluit furor, pudor evanuit, et timor Dei. Quem contra tuam, Pater, cautam<sup>d</sup> justamque dispositionem non timerunt eligere, etiam post appellationem tui nominis ausi sunt exsecrare. Et hoc præsumpserunt Lugdunensis, Æduensis, Matiscenensis, amici Cluniacenses. In fraude et temeritate istorum, heu! quam ingens multitudo sanctorum turbabitur, si angariati fuerint tale portare jugum, taliterque impositum? Proh nefas! hoc ita accepturi sunt, ac si cogantur genua curvare ante Baal, aut certe juxta prophetam pactum facere cum morte, et cum inferno foedus inire<sup>3</sup>. Rogo, ubi jus, ubi lex, ubi sacrorum auctoritas canonum, ubi denique reverentia majestatis? Illa, illa quæ nulli negatur oppresso, soli mihi non profuit appellatio. Ubi nimirum imperabat aurum, judicabat argentum; leges canonesque silebant, locum ratio et æquitas non habebant. Eisdem telis, quod intolerabilius est, arcem quoque apostolici culminis oppugnare minantur. Id vero ridicule; fundata est enim supra firmam petram.

<sup>1</sup> Joan. iv, 49. — <sup>2</sup> Num. xxv, 8. — <sup>3</sup> Isai. xxviii, 15.<sup>a</sup> Scripta anno Christi 1138.<sup>b</sup> Falco deum electus est archiepiscopus Lugdunensis, de cujus electione epistole 171, 172, ad dominum papam Innocentium. Ad ipsum Falconem epistola 173.<sup>c</sup> Scripta anno Christi 1138. — <sup>d</sup> Alias, *castam*; sed male.

2. Sed quid ago? excessi, fateor: non est<sup>164</sup> meum accusare quemquam aut reprehendere; A vestræ ipsius Majestatis contemptum, et in nostræ pusillanimitatis scandalum? Quomodo non erubuit bonus ille vir apud se Est et Non inveniri, tentans imponere tam indignum jugum cervicibus tam numerosæ multitudinis religiosorum virorum servorum tuorum, adversus statutum tuum, et promissum suum? Inquire, Pater, inquire diligenter, quale homo ille, cui festinat manum imponere, testimonium habeat, et ab his qui prope sunt, et ab his qui longe. Mihi enim interdicit dicere pudor quod publica fama de eo dicit, imo infamatio celeberrima divulgavit. Et quid dicam? Tristis est anima mea usque ad fugam. Et jam forsitan fugissem, nisi me retinisset consolationis spes, quam de visceribus vestris exspecto. Volebam scribere per ordinem per lacrymabilem miseriæ nostræ historiam: sed præ tristitia languet manus, sensus hebescit, horret lingua eloqui malignam fraudem, sed subreptionem, sed circumventionem, sed temeritatem, sed perfidiam. Quid ergo? Filius tuus Pontius archidiaconus, qui et in hac causa constanter fideliterque se habuit, cuncta tibi, Pater, narrabit, et quid factum doleamus, et quid faciendum flagitemus. Ipsi crede tanquam mihi. Ego autem hoc unum ut parturiens loquor: nisi isti a tam scelerato tanque temerario ausu deficiant; ut me ipsum nunc sentio, deficiet in dolore vita mea, et anni mei in gemitibus.

EPISTOLA CLXVII.<sup>a</sup>

AD EUNDEM, PRO EODEM NEGOTIO.

Clementissime Pater, nonne præcipiendo præcepisti in Lingonensi Ecclesia personam eligi religiosam atque idoneam, et ad consilium pueri tui? Nonne dominus Lugdunensis hoc ipsum mandatum ex apostolico ore tuo præsens excepit tam fideliter exsecuturum, quam firmiter injectum, ac frequenter inculcatum? nonne denique et spondidit? Quid ergo visum est ei, mutare voluisse quod utilissime et consultissime statutum fuerat, aliudque sua præ-

EPISTOLA CLXVIII.<sup>b</sup>

AD EPISCOPOS ET CARDINALES ROMANE CURIE.

D

Unde supra.

1. Vos scitis. si dignum ducitis recordari, qualiter vobiscum in tempore malo conversatus sim, egrediens, et regrediens, et pergens ad imperium regis, persistens ac permanens vobiscum in tentationibus vestris, ita ut consumptis pene viribus corporis, vix post redditam cœlitus pacem Ecclesiæ repatriare potuerim. Et recolo hoc, non glorians aut

<sup>a</sup> Scripta anno Christi 1138. — <sup>b</sup> Scripta eodem anno.

improperans, sed provocans et efflagitans,<sup>161</sup> monens et reposcens debitum vestrae miserationis affectum. Urget necessitas modo omnes repetere debitores. Ego vero si feci quod facere debui, haud aliud me ex eo quam servum inutilem reputo, juxta sermonem Domini<sup>1</sup>. Verumtamen si feci quod oportuit, aut quod faciendum fuit, numquid merui vapulare? Et ecce rediens a vobis, tribulationem et dolorem inveni, et nomen Domini invocavi, sed non profuit; invocavi et vestrum, et non valuit: siquidem dii fortes terrae vehementer elevati sunt, Lugdunensis scilicet archiepiscopus, et Cluniacensis abbas. Hi confidentes in virtute sua, et in multitudine divitiarum suarum gloriantes, adversum me appropinquaverunt et steterunt. Et non adversum me tantum, sed adversum magnam multitudinem servorum Dei, adversum vos quoque, adversum se ipsos, contra Deum, contra omnem aequitatem et honestatem.

2. Denique imposuerunt hominem super capita nostra, quem, prohi pudor! et boni horrent, et mali rident. Quo ordine, imo quam extraordinarie, videat Deus et judicet; videat et Romana curia: videat et debeat, misereatur et accingatur ad vindictam malefactorum, laudem vero bonorum. Quid enim? placet tibi, domina mundi, universitati constituta vindex in iram, iudex in misericordiam; placet, inquam, tibi, quod dum superbit impius, incenditur pauper, et ille pauper, qui pro tuo servitio, cum non haberet censum quem effunderet, sanguini non peperit? Dignumne tibi videtur tua perfrui pace, et nostram non curare, nec recipere in sortem consolationis, quos habuisti consortes laboris? Si inveni gratiam in oculis vestris, eripite inopem de manu fortiorum ejus, egenum et pauperem a diripientibus eum. Alioquin ego quidem, ut potero, laborabo in gemitu meo, et erunt mihi lacrymae meae panes die ac nocte: vobis autem legam illum versiculum, *Qui tollit ab amico misericordiam, timorem Domini derelinquit*; et illud, *Omnes necessarii mei recesserunt a me*<sup>2</sup>; illud quoque, *Qui juxta me erant, de longe steterunt, et vim faciebant qui querebant animam meam*<sup>3</sup>.

## EPISTOLA CLXIX.<sup>a</sup>

AD DOMINUM PAPAM INNOCENTIUM.

Unde supra.

Cur clericos Ecclesiae Lingonensis vocatos detinuerit; et quibus munus eligendi committendum.

Dignatio vestra fecit me familiarem, familiaritas praesumptorem. Adsit solita cordi vestro benignitas, ne forte praesumptio pariat indignationem. Audite tamen patienter, non solum quid egerim, sed et cur egerim: si forte causa factum possit vel aliquatenus excusare. Ausus sum retinere clericos Lingonenses qui vocati erant, composita tamen pace inter eos: ipsisque persuasis stare deinceps de facienda electione in beneplacito vestro et consilio bonorum, sicut in litteris eorum continetur. Erat autem pernecessarium eos hac vice remanere, propter terras et possessiones Ecclesiae, quae datae sunt praedae et direptioni, dum non est qui custodiat aut defendat. Itaque personis quae non sint suspectae, quae non quaerant quae sua sunt, sed quae Jesu Christi, injungatur, si placeat, cura eligendi qui Deo placeat, et finem tandem accipiat Ecclesiae tam diuturna et miseranda vexatio. Reliqua vero dicenda commissimus domino Herberto abbati Sancti-Stephani Divionensis<sup>b</sup>, et archidiacono Lingonensi, sociisque eorum. Adjicimus etiam, ut archidiaconum Lingonensem, et Bonum-Amicum ejusdem ecclesiae presbyterum, quoniam fideles in causa Dei exstiterunt, eos et res eorum in defensione vestra recipiatis. Dignus est enim operarius mercede sua<sup>i</sup>.

<sup>1</sup> Luc. XVII, 10. — <sup>2</sup> Job VI, 14, 13. — <sup>3</sup> Psal. XXXVII, 12, 13. — <sup>4</sup> Luc. X, 7.

<sup>a</sup> Scripta anno Christi 1138. — <sup>b</sup> De quo ad epistolam 59.

EPISTOLA CLXX.<sup>a</sup>

AD LUDOVICUM JUNIOREM \* REGEM FRANCORUM.

Electionem Godefridi Prioris sui in episcopum Lingonensem, cui Rex adversari visus est, vindicare nititur.

1. Si totus orbis adversum me conjuraret, ut quidpiam molirer adversus regiam majestatem; ego tamen Deum timerem, et ordinatum ab eo regem offendere temere non auderem. Nec enim ignoro ubi legerim: *Qui potestati resistit, Dei ordinationi resistit*<sup>1</sup>. Sed nec me latet, quam omni christiano, quam meæ præcipue professioni mentiri contrarium sit. Veritatem dico, non mentior: quod Lingonis de Priore nostro factum est\*, præter spem, præter intentionem episcoporum et meam factum est. Sed est qui nolentium quodam modo extorquet assensum, et suo arbitrio etiam adversas hominum voluntates, prout vult, subseruire compellit. Quando enim ego periculum, quod mihi timui, illi æque non metuerem, quem diligo tanquam me ipsum? Quando ego illorum consortium non horrerem, qui alligant onera gravia et importabilia, et imponunt humeris hominum, digito autem suo nolunt ea movere? Factum est tamen quod factum est: contra vos nihil, contra me plurimum. Mihi baculus imbecillitatis meæ sublatus est, mihi lumen oculorum meorum ereptum est, mihi abscissum dextrum brachium meum. Omnia excelsa ista et fluctus isti super me transierunt. In me transierunt iræ: mihi evadendi nulla ex parte patet via. Unde onera fugio, inde et subeo invitus et ingratus. Durum mihi sentio contra stimulum calcitrare. Tolerabilius fortasse spontaneo, quam nolenti et renuenti fuisset. Nam si quid virium in me est, nonne id facilius meis, quam alienis humeris exercerem?

2. Sed acquiesco aliter disponenti, cum quo utique aut judicio, aut viribus contendere, nec cautum mihi omnino, nec possibile est, sed nec Regi. Siquidem terribilis est etiam apud reges terræ<sup>2</sup>. Horrendum est incidere in manus Dei viventis<sup>3</sup>, etiam tibi, o Rex. O quam molestis auribus audimus contraria tam bonis principiis

<sup>166</sup> vestris! o quam amarior Ecclesiæ mæror post tanta prælibata gaudia, si frustrari (quod absit) contigerit tam jucunda spe singularis elypei sui vestræ indolis, sicut hætenus est experta! Heu corruit virgo Remensis Ecclesia\*; non est qui sublevet eam: corruit et Lingonensis; non est qui porrigat manum. Avertat divina clementia a corde et consilio vestro super dolorem nostrum adjicere, cumulare tristitiam super tristitiam. Quis mihi tribuat mori, ne videam Regem bonæ opinionis, sed spei melioris, conari Dei consilio obviare, irritare adversus semetipsum suam Judicis iram, pedes Patris orphanorum madefacere lacrymis afflictorum, pulsare cœlos clamoribus pauperum, sanctorum precibus, justisque querimoniis charissimæ sponsæ Christi, quæ est Ecclesia Dei viventis? Absit, absit: meliora speramus, exspectamus jucundiora. Non obliviscetur misereri Deus, nec continebit in ira sua misericordias suas. Non contristabit per illum et de illo Ecclesiam suam, per quem et de quo in tantis jam lætificavit. Quem suo munere contulit, sua longanimitate servabit: et si quid aliter sapitis, et hoc ipsum vobis revelabit, et erudiet corde in sapientia. Hoc optamus, hoc oramus die ac nocte. Hoc sentite de nobis, hoc sentite de nostris. Non infringetur veritas hæc in nobis, non imminuetur honor Regis, regni utilitas per nos.

3. Gratias autem agimus vestræ Clementiæ pro benigno responso, quod a vestra dignatione meruimus. Veruntamen dilatio terret nos, qui videmus terram datam prædæ et direptioni. Terra vestra est: et in hoc plane cognoscimus et dolemus dedecus regni vestri, quod vos jure abhorrere mandastis, si non fuerit qui defendat. Nam in quo alio regia majestas recte in eo quod factum est, imminuta dicatur? Electio rite celebrata est, electus fidelis est. Non autem esset fidelis, si vestra, et non per vos habere vellet. Necdum ad vestra manum extendit, necdum civitatem vestram ingressus est: necdum prorsus se intromisit de aliquo, quanquam invitatio cleri et populi, et oppressorum afflictio, et vota honorum id ab eo vehementissime flagitarint. Quæ cum ita sint, opus est, ut videtis, maturatione consilii, non minus vestro honori, quam nostræ necessitati. Et nisi per præsentis nuntios exspectanti populo, qui vester est, Serenitas vestra pro voto responderit: multorum

<sup>1</sup> Rom. XIII, 2. — <sup>2</sup> Psal. LXXV, 13. — <sup>3</sup> Hebr. X, 31.<sup>a</sup> Scripta anno Christi 1138.

religiosorum adversum vos (quod non expedit)<sup>168</sup> devota vobis nunc corda turbabitis, et regalibus vestris ipsis, quæ ad Ecclesiam pertinent, non parvum, ut veremur, incommodum acquiratis.

## EPISTOLA CLXXI.<sup>a</sup>

AD DOMINUM PAPAM INNOCENTIUM.

Pro Falcone Lugdunensi archiepiscopo electo.

Qui in aliorum negotiis toties exauditus sum, puto in proprio non confundar. Ego, domine mi, causam archiepiscopi mei meam duco, utpote membrum, quod nil a se ducat alienum quod capitis sit: quod tamen non dicerem, si homo ipse sibi assumpsisset honorem, et non magis a Deo vocatus tanquam Aaron. Nec enim ab alio aestimaverim factum, quod vota tot hominum tam facile convenerunt in eum; ut non dico contradictio, sed nec cunctatio ulla fuerit. Et merito. Est quippe illustris, non minus mentis generositate, quam sanguinis; est scientia, est vitæ honestate. Denique famæ ejus integritas nec inimici quidem dentem veretur. Quod ergo de tali et tali modo factum est, dignum profecto est ut favor apostolicæ gratiæ prosequatur; et honoris plenitudine, quæ sola deest, gaudia plebis suæ consueta benignitate, imo debita liberalitate accumularet. Hoc universa Ecclesia instantissima supplicatione deprecatur: hoc puer vester solita præsumptione efflagitat.

## EPISTOLA CLXXII.<sup>b</sup>

AD EUNDem IN PERSONA GODEFRIDI LINGONENSI  
EPISCOPI.

Ejusdem cum superiore argumenti.

Inter crebra mala quæ his diebus in Ecclesiis videntur accidere occasione electionum, Domi-

nus de cælo prospexit super matrem nostram Lugdunensem Ecclesiam, qui decedenti piæ memoriæ Petro archiepiscopo, virum optimum, Falconem decanum, in omni pace substituit. Peto, domine, ut qui a suis concorditer est electus, utiliter promotus, rite consecratus; a vobis honoris sui officique plenitudinem consequatur. Quod utique audere me facit non meriti conscientia, sed debiti. Debiti dico, non solum quo id a me illa Ecclesia jure metropolitico exigit, sed quia in hoc positus sum, ut testimonium perhibeam veritati.

## EPISTOLA CLXXIII.<sup>c</sup>

AD IPSUM FALCONEM.

Religiosorum quorundam causam commendat.

Scripsimus ad dominum Papam dominus episcopus<sup>d</sup> et ego pro vobis, prout oportere putavimus: et habetis exemplar litterarum. Habemus autem in voluntate in æternum non deficere vobis pro viribus, propter bonum quod de vobis confidimus. Vestra autem interest facere, ut non confundamur sic confidentes. De cætero si inveni gratiam in oculis vestris, intelligite super egenos et pauperes illos, qui sunt apud Benedictionem-Dei\*. Quod enim uni ex illis feceritis, mihi, imo Christo, facietis. Nam et pauperes sunt, et habitant inter pauperes. Hoc præcipue obsecramus, ut Saviniacenses monachos prohibeatis ab infestatione eorum: quoniam calumniantur eos injuste, ut putamus. Aut si se confidunt habere justitiam, judicate inter illos. Filius noster abbas Albericus, etsi suis meritis commendabilior, nostris tamen precibus vobis ut commendatior sit, obsecramus. Tenere quippe diligo eum, tanquam mater unicuique filium: et diliget eum qui diligit me. Denique in eo experiar si me curatis. Quo enim longe a me positus est, eo magis necessariam habet paternam vestram consolationem.

<sup>a</sup> Scripta anno Christi 1139. Vide epistolam 165. — <sup>b</sup> Scripta eodem anno. — <sup>c</sup> Scripta eodem anno.

<sup>d</sup> Nimirum Godefridus Lingonensis.



EPISTOLA CLXXIV.<sup>a</sup>AD CANONICOS LUGDUNENSES, DE CONCEPTIONE  
S. MARIE.

Conceptionis festum novum esse; nullo niti legitimo fundamento: cæterum non fuisse instituendum inconsulta Sede apostolica, cui sententiam suam subijcit.

1. Inter Ecclesias Galliæ constat profecto Lugdunensem hactenus præeminuisse, sicut dignitate sedis, sic honestis studiis, et laudabilibus institutis. Ubi etenim æque viguit disciplinæ censura, morum gravitas, maturitas consiliorum, auctoritatis pondus, antiquitatis insigne? Præsertim in officiis ecclesiasticis haud facile unquam repentinis visa est novitatibus acquiescere, nec se aliquando juvenili passa est decolorari levitate Ecclesia plena iudicii. Unde miramur satis, quid visum fuerit hoc tempore quibusdam vestrum voluisse mutare colorem optimum, novam inducendo celebritatem, quam ritus Ecclesiæ nescit, non probat ratio, non commendat antiqua traditio. Numquid Patribus doctiores, aut devotiores sumus? Periculose præsumimus, quidquid ipsorum in talibus prudentia præterivit. Nec vero id tale est, quod nisi prætereundum fuerit, Patrum quiverit omnino diligentiam præterisse.

2. At valde honoranda est, inquis, Mater Domini. Bene admones: sed honor Reginae iudicium diligit. Virgo regia falso non eget honore, veris cumulata honorum titulis, infulis dignitatum. Honora sane integritatem carnis, vitæ sanctitatem: mirare fecunditatem in Virgine, Prolem venerare divinam. Extolle nescientem vel in concipiendo concupiscen-  
tiam, vel in pariendo dolorem. Prædica reverendam Angelis, desideratam gentibus, Patriarchis, Prophetisque præcognitam, electam ex omnibus, prælatam omnibus. Magnifica gratiæ inventricem, mediatricem salutis, restauratricem sæculorum: exalta denique exaltatam super choros Angelorum ad cœlestia regna. Hæc mihi de illa cantat Ecclesia, et me eadem

<sup>169</sup> docuit decantare. Ego vero quod ab illa accepi, A securus et teneo, et trado: quod non, scrupulosius, fateor, admiserim.

3. Accepi sane ab Ecclesia illum diem cum summa veneratione recolendum, quo assumpta de sæculo nequam, cœlis quoque intulit celebratissimorum festa gaudiorum. Sed et ortum Virginis didici nihilominus in Ecclesia, et ab Ecclesia indubitanter habere festum atque sanctum; firmissime cum Ecclesia sentiens, in utero eam accepiisse ut sancta prodiret. Et de Jeremia siquidem lego, quod, priusquam de ventre<sup>b</sup> exiret<sup>\*</sup>, sanctificatus sit: et de Joanne Baptista non secus sentio, qui ex utero Dominum in utero sensit<sup>1</sup>. Videris etiam tu, an de sancto David idipsum liceat opinari, pro eo quod dicebat Deo: *In te*, ait, *confirmatus sum ex utero; de ventre matris meæ tu es protector meus*<sup>2</sup>: item, *De ventre matris meæ Deus meus es tu, ne discesseris a me*<sup>3</sup>. Et Jeremiæ quidem sic dictum est: *Priusquam te formarem in utero, novi te; et antequam exires de vulva, sanctificavi te*<sup>4</sup>. Quam pulchre interfigurationem in utero, et parturitionem ex utero divinum distinxit oraculum! ut illam tantum præcognitam, istam et sanctitatis munere præornatam ostenderet: ne quis Prophetæ prærogativam de sola præscientia seu prædestinatione putaverit æstimandam.

4. Esto tamen ut hoc de Jeremia concedamus. Quid respondebitur de Joanne Baptista, quem angelus prænuntiavit Spiritu sancto repletum iri adhuc in utero matris suæ? Prorsus hoc ad prædestinationem præscientiamve referri posse non arbitror. Verba nempe angeli, sicut ipse prædixit, completa absque dubio sunt in tempore suo: et quem prælocutus est Spiritu sancto replendum, non est fas credere non repletum; idque loco et tempore quo prædixit. Certissime autem sanctus Spiritus quem replevit, sanctificavit. Cæterum quatenus adversus originale peccatum hæc ipsa sanctificatio valuerit, sive pro isto, sive pro illo propheta, vel si quis alius simili præventus gratia fuerit; non temere dixerim. Sanctificatos tamen non dubitaverim dicere, quos Deus sanctificavit, et cum eadem sanctificatione prodire ex utero, quam acceperunt in utero: nec reatum, quem in conceptione traxerunt, valuisse ullatenus

<sup>1</sup> Luc. 1, 41. — <sup>2</sup> Psal. lxx, 6. — <sup>3</sup> Psal. xxi, 11. — <sup>4</sup> Jerem. i, 5.

<sup>a</sup> Scripta circa annum Christi 1140. — <sup>b</sup> Alias, *de vulva*.

horum natali jam donatam præpedire seu præ-  
ripere benedictionem. Attamen quis dicat Spi-  
ritu sancto repletum, manere adhuc filium  
nihilominus iræ; et, si mori in utero contigis-  
set cum hac plenitudine spiritus, poenas luitu-  
rum damnationis? Durum est. Minime tamen  
ansim hinc quidpiam mea sententia definire.  
Sed quidquid de hoc sit, merito Ecclesia, quæ  
cæterorum non nativitatem, sed mortem san-  
ctorum judicat et prædicat pretiosam; singulari  
quadam exceptione festis præfert gaudiis, vene-  
raturque illius natalem, de quo nuntiante an-  
gelo singulariter legit: *Et multi in natiuitate  
ejus gaudebunt*<sup>1</sup>. Cur enim non sit illius exitus  
sanctus, ac proinde festivus et lætus, qui po-  
tuit exsultare et in utero?

5. Quod itaque vel paucis mortalium constat  
fuisse collatum, fas certe non est suspicari  
tantæ Virgini esse negatum, per quam omnis  
mortalitas emersit ad vitam. Fuit procul dubio  
et Mater Domini ante sancta, quam nata: nec  
fallitur omnino sancta Ecclesia, sanctum repu-  
tans ipsum Nativitatis ejus diem, et omni anno  
cum exultatione universæ terræ votiva cele-  
britate suscipiens. Ego puto, quod et copiosior  
sanctificationis benedictio in eam descenderit,  
quæ ipsius non solum sanctificaret ortum, sed  
et vitam ab omni deinceps peccato custodiret  
immunem: quod nemini alteri in natis quidem  
mulierum creditur esse donatum. Decuit nimi-  
rum Reginam virginum singularis privilegio  
sanctitatis, absque omni peccato ducere vitam:  
quæ dum peccati mortisque pareret perempto-  
rem, munus vitæ et justitiæ omnibus obtineret.  
Sanctus igitur ortus, quoniam immensa prodians  
ex utero sanctitas sanctum fecit illum.

6. Quid adhuc addendum his putamus hono-  
ribus? Ut honoretur, inquirunt, et conceptus,  
qui honorandum prævit partum: quoniam si  
ille non præcessisset, nec iste esset qui hono-  
ratur. Quid si alius, propter eandem causam,  
etiam utrique parenti ejus festos honores asse-  
rat deferendos? Sed de avis et proavis idipsum  
posset pro simili causa quilibet flagitare: et sic  
tenderetur in infinitum, et festorum non esset  
numerus. Patriæ est, non exsili frequentia hæc  
gaudiorum: et numerositas festivitatum cives  
deceet, non exsules. Sed profertur scriptum sn-  
perne, ut aiunt, revelationis<sup>2</sup>: quasi et quivis

non queat scriptum æque producere, in quo  
A Virgo videatur idipsum mandare et de parenti-  
bus suis, juxta Domini mandatum, dicentis,  
*Honora patrem tuum et matrem tuam*<sup>3</sup>. Ipse  
mihî facile persuadeo scriptis talibus non mo-  
veri, quibus nec ratio suppeditare, nec certa  
invenitur favere auctoritas. Nam quid conse-  
quentiæ habet, ut quoniam sanctum præcessit  
natalem conceptus, propterea reputetur et ipse  
sanctus? Numquid quoniam præcessit eum,  
fecit et sanctum? Etsi præcessit ut esset, non  
tamen ut sanctus esset. Unde etenim illa ipsi  
sanctitas, quam secuturo transmitteret? An non  
B potius quia præcessit absque sanctitate concep-  
tus, oportuit nimirum sanctificari concep-  
tam, ut sanctus sequeretur jam partus? an  
forte mutuatus est sanctitatem a posteriori  
prior? Potuit sane illa, quæ in jam concepta  
facta est sanctificatio, ad ipsum qui sequebatur  
transire natalem: redire vero retrorsum ad  
conceptum qui præcesserat, jam omnino non  
potuit.

7. Unde ergo conceptionis sanctitas? An di-  
citur sanctificatione præventa, quatenus jam  
sancta conciperetur, ac per hoc sanctus fuerit  
et conceptus; quemadmodum sanctificata jam  
C in utero dicitur, ut sanctus consequeretur et  
ortus? Sed non valuit ante sancta esse, quam  
esse: siquidem non erat antequam conciperetur.  
An forte inter amplexus maritales sanctitas  
se ipsi conceptioni immiscuit, ut simul et san-  
ctificata fuerit, et concepta? Nec hoc quidem  
admittit ratio. Quomodo namque aut sanctitas  
absque Spiritu sanctificante, aut sancto Spiritui  
societas cum peccato fuit? aut certe peccatum  
quomodo non fuit, ubi libido non defuit? Nisi  
forte quis dicat de Spiritu sancto eam, et non  
de viro conceptam fuisse: sed id hactenus  
inauditum. Lego denique Spiritum sanctum in  
D eam, non cum ea venisse, dicente angelo: *Spi-  
ritus sanctus superveniet in te*<sup>3</sup>. Et si licet loqui  
quod Ecclesia sentit, et verum ipsa sentit:  
dico gloriosam de Spiritu sancto concepisse,  
non autem et conceptam fuisse; dico peperisse  
virginem, non tamen et partam a virgine. Alio-  
quin ubi erit prærogativa Matris Domini, qua  
singulariter creditur exsultare et munere pro-  
lis, et integritate carnis, si tantundem dederis  
et matri ipsius? Non est hoc Virginem honorare,

<sup>1</sup> Luc. 1, 14, 15. — <sup>2</sup> Exod. xx, 12. — <sup>3</sup> Luc. 1, 35.

<sup>4</sup> Hujusmodi scriptum Elsinio abbati Anglo tribuitur apud Anselmum pagg. 505, 507 novæ editionis.

sed honori detrudere. Si igitur ante conceptum<sup>171</sup> sui sanctificari minime potuit, quoniam non A erat; sed nec in ipso quidem conceptu, propter peccatum quod inerat: restat ut post conceptum in utero jam existens, sanctificationem accepisse credatur, quæ excluso peccato sanctam fecerit nativitatem, non tamen et conceptionem.

8. Quamobrem etsi quibus vel paucis filiorum hominum datum est cum sanctitate nasci; non tamen et concipi: ut uni sane servaretur sancti prærogativa conceptus, qui omnes sanctificaret, solusque absque peccato veniens, purgationem faceret peccatorum. Solus itaque Dominus Jesus de Spiritu sancto conceptus, quia solus et ante conceptum sanctus. Quo excepto, de cætero universos respicit ex Adam natos, quod unus humiliter de semetipso ac veraciter confitetur: *In iniquitatibus*, inquit, *conceptus sum, et in peccatis concepit me mater mea*<sup>1</sup>.

9. Cum hæc ita se habeant, quænam jam erit festivæ ratio Conceptionis? Quo pacto, inquam, aut sanctus asseretur conceptus, qui de Spiritu sancto non est, ne dicam de peccato est: aut festus habebitur, qui minime sanctus est? Libenter gloriosa hoc honore carebit, quo vel C peccatum honorari, vel falsa induci videtur sanctitas. Alioquin nulla ei ratione placbit contra Ecclesiæ ritum præsumpta novitas, mater temeritatis, soror superstitionis, filia levitatis. Nam si sic videbatur, consulenda erat prius apostolicæ Sedis auctoritas, et non ita præcipitanter atque inconsulte paucorum sequenda simplicitas imperitorum. Et ante quidem apud aliquos errorem compereram: sed dissimulabam, parcens devotioni, quæ de simplici corde et amore Virginis veniebat. Verum apud sapientes, atque in famosa nobilique Ecclesia, et cujus specialiter filius sum\*, superstitione deprehensa; nescio an sine gravi offensa etiam vestri omnium dissimulare potuerim. Quæ autem dixi, absque præiudicio sane dicta sint sanius sapientis. Romanæ præsertim Ecclesiæ auctoritati atque examini totum hoc, sicut et cætera quæ ejusmodi sunt, universa reservo: ipsius, si quid aliter sapio, paratus iudicio emendare.

## EPISTOLA CLXXV.<sup>a</sup>

AD PATRIARCHAM JEROSOLYMODUM\*.

Præventus ejus litteris familiariter respondet, et milites Templi commendat.

Patriarchalibus scriptis sæpius visitatus, ingratus jam videbor, si non rescripsero. At si saluto eum qui me salutavit, quid amplius B feci? Tu enim me prævenisti in benedictionibus dulcedinis; tu me prior dignatus es tuis transmarinis epistolis visitare; tu mihi primas humilitatis charitatisque præripuisti partes. Quid condignum jam referam? Nihil mihi denique reliquisti, quod pari queam rependere vice: qui etiam de thesauro sæculorum mihi impertire curasti, id est, de ligno Domini. Quid tamen? debeone omittere quod possum, quoniam quod debeo minime possum? Affectum saltem voluntatemque aperio, rescribendo duntaxat atque resalutando, quod solum interim per tot utique spatia terræ et maris licet. Ostendam autem, si unquam accepero tempus, me nequaquam diligere verbo sive lingua, sed opere et veritate. Super milites Templi ponite, quæso, oculos vestros, et tantæ pietatis viscera tam strenuis Ecclesiæ propugnatoribus aperite. Hoc siquidem acceptum erit Deo et gratum hominibus, si fovetis eos, qui suas animas pro fratribus posuerunt. De loco autem ad quem nos invitatis, frater Andreas\* dicet vobis voluntatem nostram.

## EPISTOLA CLXXVI.<sup>b</sup>

AD DOMINUM PAPAM INNOCENTIUM, EX PERSONA ALBERONIS TREVERENSIS ARCHIEPISCOPI\*.

Suum erga Innocentium, citramontanæque Ecclesiæ studium et obedientiam declarat.

1. Voluntas cordis mei et desiderium satis inquietum adeundi et videndi desideratam Bea-

<sup>1</sup> Psal. L, 7.

<sup>a</sup> Scripta circa annum 1135. — <sup>b</sup> Scripta eodem anno. Vide ad epistolam 30.

titudinis vestrae praesentiam; sed et cogno-<sup>172</sup> eos<sup>3</sup>: didicit et stultum firma radice cum vide-  
scendi certius quae circa vos sunt, rursumque A  
qualiter se habeant nostra vobis vicissim dili-  
gentius intimandi; jamdudum itineris me admo-  
net, atque indesinenter sollicitat. Caeterum  
terrae ac dici malitia, et praeter instantiam  
meam quotidianam etiam nonnulla vestrae ne-  
cessitatis causa impeditus, voto facere satis non  
potui usque adhuc, sed necdum possum. Sed  
quid? sanum justumque propositum numquid  
omittendum ex toto fuit, quia ex toto adimpleri  
non potuit? Fuit ergo consilii, per hunc vene-  
rabilem Hugonem, Tullensis Ecclesiae archidia-  
conum<sup>2</sup>, interim saltem aliquatenus consolari B  
conceptum jam olim desiderium, curamque  
relevare quam patior. Nec enim fidelior,  
studiosior, cautiorve illo ad manum esse potuit,  
sive in perferendo ad vos quae nos illi injungimus;  
sive in referendo ad nos, si qua vestrae  
dignationi placuerit remandare. Itaque de bene-  
placito vestro, de statu curiae, ac vestrae  
sospitate personae, et si quid blandius aura  
secundior a divina clementia recens forte spi-  
raverit Ecclesiae, adversus schismaticorum pro-  
cacem, sed inefficacem rabiem desudanti; de  
his omnibus plenius instrui cupimus, et suppli-  
camus.

2. Porro nostram citramontanam Ecclesiam  
tam in nostro, quam in Francorum regno no-  
veritis fortem in fide, pacificam in unitate, de-  
votam in vestra obedientia, promptam ad servi-  
tium. Nequaquam nos Beneventi, non Capuae<sup>b</sup>,  
non ipsius Romae terret, Deo sic judicante,  
amissio; scientes Ecclesiae statum non armis  
aestimari, sed meritis. Ipsius quippe, non alte-  
rius agnoscimus voces illas in Psalmo: *Si con-*  
*sistant adversum me castra, non timebit cor*  
*meum: si exsurgat adversum me praelium, in*  
*hoc ego sperabo*<sup>1</sup>. Propterea et nos quia de Ec-  
clesia sumus, non timebimus dum turbabitur D  
terra, et transferentur montes in cor maris.  
Glorietur tyrannus Siculus quantum vult, glo-  
rietur in malitia quod potens est in iniquitate:  
nostra autem virtus in infirmitate perficitur.  
Ecclesia quando infirmatur, Pauli magisterio  
didicit esse potentior<sup>2</sup>. Didicit e regione et a  
Salomone, quod prosperitas stultorum occidit

rit, statim maledicere pulchritudini ejus<sup>4</sup>. Ideo  
cum sancto David sese in utroque consolatur,  
et hostium videlicet casu, et liberatione sui:  
ait siquidem, *Illi in curribus et hi in equis: nos*  
*autem in nomine Domini Dei nostri invocabi-*  
*mus. Ipsi obligati sunt, et ceciderunt: nos au-*  
*tem surreximus, et erecti sumus*<sup>5</sup>. Haec pauca  
vobis consolandi gratia, de quibus certus fui,  
fidei attestatione intimanda esse putavi, ad re-  
levandam vel ex aliqua parte eam, quae vestra  
viscera incessanter affligit, sollicitudo omnium  
Ecclesiarum. Hoc quoque addo, dominum Re-  
gem<sup>c</sup>, Deo eum confortante, fervere et accingi  
ad liberationem Ecclesiae, et parare sibi exerci-  
tum multum nimis: nos quoque fideliter ad hoc  
ipsum pro viribus laborare, exhortari, et sol-  
licitare quos possumus: et cum tempus adve-  
nerit, non expensis, non personae propriae par-  
citurum.

## EPISTOLA CLXXVII.<sup>d</sup>

AD EUMDEM IN PERSONA EJUSDEM.

Queritur impositum sibi pastorale munus; sed in exse-  
quendis quae sui sunt muneris, impediri emulatione  
aliorum, non sine ipsius culpa Pontificis.

1. Numquid petivi episcopatum a Domino  
meo? Et si forte cathedram affectavi, sed non  
Treverensem. Sciebam quippe domum exasper-  
rantem, populumque durae cervicis. Oderam  
illos, quod semper in faece discordiae jacuissent,  
Ecclesiae resistentes. Pro qua si quos labores  
quandoque sustinui, non me piget: sed hunc  
inde fructum nec speravi, nec volui. Laboravi  
sustinens, libens quidem, sed non hac spe  
praemii. Duram provinciam nactus sum, pec-  
catis meis exigentibus. Inter caetera quibus an-  
gor, suffraganeos accepi juvenes et nobiles<sup>2</sup>.  
Adjutores esse deberent, et utinam non ad-  
versarentur. Sed supersedeo: per alium malo,  
ut innotescant vobis mores eorum et studia, si

<sup>1</sup> Psal. xxvi, 3. — <sup>2</sup> II Cor. xii, 10. — <sup>3</sup> Prov. i, 32. — <sup>4</sup> Job v, 3. — <sup>5</sup> Psal. xix, 8, 9.

<sup>a</sup> De eo vide librum 4 Vite S. Bernardi, cap. 5, n. 31.

<sup>b</sup> Haec de Apulia capta a Rogerio, quem hic et alias vocat tyrannum Siculum. — <sup>c</sup> Lotharium imperatorem.

<sup>d</sup> Scripta anno Christi 1139.

nescitis. Dico tamen : Jus, fas, honestas, religio<sup>175</sup> in nostris episcopatibus perierunt. Malum quod A pro debito officii dissimulare non audeo, breviter simpliciterque intimavi : ut quod non placet providentiæ vestræ per me corrigi, per me saltem vobis, qui corrigere potestis, innotescat, ne omnino vacuum videar portare nomen archiepiscopi. Et mihi melius quidem esset non ascendisse, quam sic descendere cum rubore.

2. Sed de me quæ cura? Bene quod dignus sum, patiar, tanquam male operans. Sim certe opprobrio etiam meis, sua spe nimirum frustratis, quam de me, ut sibi me præesse vellent, conceperant : dum comperiant Ecclesiæ suæ per me magis imminui dignitatem, cuius per me etiam antiqua damna restitui posse putaverant. Hæc omnia sustineo, etsi non libenter, certe patienter, ne unquam videar recalcitrare obedientiæ, pro qua etiam dare animam, si necesse sit, debere me fateor. Verum hoc sollicitudinem vestram attendere velim, creationis injuriam respicere ad creantem ; et vires quas mihi subtrahitis, vobis minuitis ; et contemptus meus, et dejectio mea redundat in vos. Multa habeo conqueri vobis de vobis : sed reservo ea pandenda nuntio, quem novi ad hoc satis industrium et fidelem. Significo etiam vobis sustinere nos periculum in falsis fratribus. Legati quippe schismaticorum intrant et exeunt ad quosdam de nostris liberius quam solebant, et verba tyranni Siculi familiariter admittuntur.

## EPISTOLA CLXXVIII.<sup>a</sup>

AD DOMINUM PAPAM INNOCENTIUM PRO ALBERONE  
TREVERENSI ARCHIEPISCOPO.

Queritur perversos quosdam et Ecclesiæ perniciosos homines in exsequendis pravis consiliis pontificia auctoritate muniri : alios interim præsules, zelum Dei habentes, destitui, et contemni.

Amantissimo Patri et domino INNOCENTIO

summo Pontifici, suis BERNARDUS, quod suus.

1. Fidenter loquor, quia fideliter amo. Nec enim sincerus est amor, ubi dubietatis scrupulus suspicionis fæcem retinet. Querimonia domini Treverensis non est ejus solius, sed communis multorum, eorumque præcipue, qui sinceriori affectu vos diligunt. Vox una omnium, qui fideli apud nos cura populis præsumt, justitiam in Ecclesia deperire, annullari Ecclesiæ claves, episcopalem omnino vilesce auctoritatem, dum nemo episcoporum in promptu habeat ulcisci injurias Dei, nulli liceat illicita quævis, ne in propria quidem parochia<sup>b</sup>, castigare. Causam referunt in vos, curiamque Romanam<sup>c</sup>. Recte gesta ab ipsis, ut aiunt, destruitis, juste destructa statuistis. Quique flagitiosi et contentiosi de populo, sive de clero, aut etiam ex monasteriis pulsati, currunt ad vos : redeuntes jactant et gestiunt se obtinuisse tutores, quos magis ultores sensisse debuerant. An non gladius Phinees promptissime atque justissime eductus fuerat ad condemnandum incestuosum concubitum Drogonis et Milis? Sed confusus atque retusus abiit retrorsum, scuto nimirum apostolicæ defensionis opposito. Proh pudor! quos cachinnos res ista movit et movet Ecclesiæ inimicis, eisque etiam ipsis, quorum fortasse metu aut favore a recto tramite abducti sumus! Amici confunduntur, fidelibus insultatur, episcopi ubique in opprobrium veniunt et contemptum : quorum dum recta judicia contemnuntur, vestræ quoque plurimum derogatur auctoritati.

2. Ipsi sunt enim qui honorem vestrum zelant, qui vestra pro pace et exaltatione laborant fideliter quidem, sed vereor ne inefficaciter. Quid vobis vires minuitis? quid robur D vestrum deprimitis? quousque retunditis arma fidelia militantiæ vobis, humilitatis cornua erecta vestræ virtutis et salutis? Plorans plorat desolationem suam apud Tullum Ecclesia sancti Gengulfi<sup>d</sup>; nec est qui consoletur eam. Quis enim se opponat brachio excelso, torrentis impetui, summæ arbitrio potestatis? Eandem

<sup>a</sup> Scripta anno Christi 1139 ex Brovvero.

<sup>b</sup> Parochiæ nomine (quod omnibus notum) intelligebant veteres diocesium episcopi.

<sup>c</sup> In frequentem etiam usum seu abusum appellationum Hildebertus Cenomannensis antistes epistolam 82 scripsit ad Honorium II. Vide librum 3 de Consideratione, cap. 2.

<sup>d</sup> Vide epistolam 139.

se sustinere Beatus-Paulus violentiam apud<sup>173</sup> Vir-  
dunum conqueritur \*, archiepiscopo jam A  
non valente eum defendere ab insania mona-  
chorum, quippe apostolicis sustentationibus  
amplius confortata, quasi non satis per se iu-  
sanirent. Quid, quæso, novæ rationis tandem  
inventum est, ut quod semel bonæ famæ et  
vitæ canonicis vestra fuerat provida et necessa-  
ria dispensatione concessum, secundo confir-  
matum, tertio, ut aiunt, roboratum, rursus  
veniat in jus, revocetur in discussionem?  
siquidem et duo illa supra memorata, per vos  
nihilominus sancita, per vos et convulsa di-  
cuntur. Talibus hostiis non promeretur Deus; B  
heu! non placatur ira, non conciliatur gratia,  
non provocatur misericordia. Pro his atque  
similibus necdum avertitur furor Domini; sed  
adhuc brachium ejus extentum, et virga illa  
apud Jeremiam vigilans super peccata nostra.

3. Et quidem iratus est Deus schismaticis:  
sed catholicis nequaquam propitius. Ecclesia  
quoque Metensis gravi (quod vobis<sup>a</sup> bene  
compertum est) episcopi et clericorum con-  
tentione periclitatur. Super quo quid decernere  
vobis placuerit, vos scitis: sed pax nondum  
est, nec proxime futura speratur. Ego (ut quod  
super his meæ visum est parvitati, non taceam) C  
et hoc, et duo illa alia, Tullense dico ac Vir-  
dunense, terminanda negotia securius metro-  
politano, atque convenientius posse committi  
putaverim, qui et omnia novit, et in multis  
probatum, Ecclesiæ testimonio fidelis inventus  
est. Alioquin videte quid illis episcopatibus faciatis \*,  
Metensi scilicet atque Tullensi; quia, ut  
verum fatear, videntur esse absque episcopis:  
et utinam absque tyrannis. Tales cum defensan-  
tur, sustentantur, honorantur, foventur; miran-  
tur nimirum et scandalizantur multi, qui illa in  
moribus et vita eorum certissime sciunt, quæ  
magis essent, non dico in episcopis, sed etiam D  
in quibuslibet sæcularibus damanda penitus et  
exsecranda: quæ quidem et me scribere puduit,  
nec vos decessisset audire. Esto quod nemine  
accusante non possint deponi: numquid tamen  
quos passim accusat fama, apostolicæ Sedis es-  
sent familiaritate speciali donandi, vel amplius  
exaltandi?

4. Quonam enim merito suæ vel sacerdotalis  
sanctitatis, vel episcopalis honestatis, obtinuit  
Metensis, ut et electio facta a canonicis, ad

et primicerius ad consilium ejus contra illius  
Ecclesiæ privilegia eligatur \*? Quam justius  
honestiusque, si vestræ placuisset discretioni,  
homo majori dignus honore, debito proprioque  
non privaretur? Treverensem dico, quem et  
ab hoc, et a cæteris diocesis suæ terminandis  
negotiis, quasi suspectum aut minus expertum,  
non sine murmure multorum Deum timentium  
exclusistis. Credite fideli vestro, quia provin-  
ciæ illi, quantum comperi, omnino non expedit.

5. Hæc scribens, præsumptionis metuerem  
notam, si nescirem cui, et nescirer qui scri-  
bam. Sed novi ingenitam mansuetudinem ves-  
tram: novi et me notum vobis, et affectum  
quo hæc audeam apud vos, dulcissime atque  
amantissime Pater. Iterum de Treverensi, ut  
sciatis, qualiter nuntium ejus suscipi oporteat,  
et verba quæ portat: dico vobis quod magnum  
locum tenet in regno illo, vobis et Ecclesiæ  
Dei homo fidelis, et constans, et nullatenus  
malevolis et subversoribus assensum præbens,  
a quibus non deest ei frequens et satis impor-  
tuna tentatio; nec deerit insultatio, si quo mi-  
nus a vobis eum exaudiri contigerit. Nuntium  
in fine commendare volui: sed satis eum suæ  
honestatis commendant merita, præcipueque  
amor specialis et fidelis devotio, qua ipsum  
vobis firmiter inhærere, si non crederem, ne-  
quaquam per eum tam familiaria scriberem.

## EPISTOLA CLXXIX.<sup>b</sup>

AD EUNDEM PRO EODEM.

Causam Alberonis archiepiscopi Treverensis agit adversus  
abbatem Sancti-Maximini et monachos rebelles et  
contumaces.

Quomodo malitia vincit sapientiam? Nosti,  
pie domine, nosti Treverensem archiepiscopum?  
scio quia nosti. Nosti et illum Sancti-Maximini  
non sanctum abbatem? Puto quia non nosti.  
Quis dignior honore illo priori? sic nemo con-  
fusionem dignior isto sequenti: et tamen iste  
honoratus est, ille opprobrio datus. Quid pec-  
cavit archiepiscopus? Prædam Ecclesiæ suæ

<sup>a</sup> Alias, *nobis*. — <sup>b</sup> Scripta anno Christi 1139.

recuperavit, captivam Ecclesiam de manu laica<sup>176</sup> recuperavit sedi episcopali monasterium, tan-  
liberavit\*. Numquid pro bono redditur malum, A quam clavam de manu Herculis extorquens in  
et odium pro dilectione? Hic, quæso, hic evi- manu fortiori. Ob pravitatem intentionis? sed  
gilet oculus pietatis, et semotis paulisper occu- pium est reformare religionem in monasterio :  
pationibus consideret, quantum subreptum sit quod ille intendit. Adsit Dominus cordi domini  
ei, ut talis, qualem pudet dicere, talem qua- mei, ne iterum possit ei subripi a monachis,  
lem tu ipse nosti, faciat opprobrium vicinis non tam (ut simulant) appetentibus libertatem,  
suis, inimicis tuis. Piissime Pater, affectus filia- quam fugitantibus disciplinam.

lilis loquitur. Hucusque condoluimus misero et  
miserabili archiepiscopo. Verum ex hoc jam si  
non fuerit emendatum, dolor cordis nostri et  
compassio ex intimis medullis, tota transibit  
ad illum, per quem potuit emendari. Sunt et  
aliæ læsiones præfati viri, quas cum ei allevia- B  
veritis, vobis procul dubio laborabitis. Quid-  
quid dulcissimi domini mei nomen decolorat,  
cor meum excoiat.

## EPISTOLA CLXXX.<sup>a</sup>

AD EUMDEM PRO EODEM.

Iterum commendat Pontifici negotium archiepiscopi Tre-  
verensis, ut sententiam, subreptitiæ obtentam, prævia  
meliore causæ cognitione, revocet.

Iterum supplicatio, iterum preces, et decies  
repetitæ non desinent. Non desistimus, quia  
non diffidimus. Bonam causam habemus, et  
æquum iudicem, qui non cunctabitur evacuare  
quod subreptum est, cum apparebit quod ve-  
rum est; nec poterit inde ridere, qui voluit  
irridere: sed, ut scriptum est, *mentita est ini-*  
*quitas sibi*<sup>1</sup>. Hoc solet habere præcipuum apo-  
stolica Sedes, ut non pigeat revocare quod a se  
forte deprehenderit fraude elicitum, non veri-  
tate promeritum. Res plena æquitate, et laude  
digna, ut de mendacio nemo lucretur, præser- D  
tim apud sanctam et summam Sedem. Hæc  
sciens puer vester secure supplicat pro Treve-  
rensi, et sic instat non quasi in incertum. Ego  
quippe, ego hominis illius novi merita, causam,  
intentionem. Propter quod horum enim volunt  
monachi lapidare? Quia male meruit? sed fide-  
liter adstitit, et multum servivit. Ob causæ  
injustitiam? sed injustum nemo, nisi injustus,  
causabitur. Quod de manu laica vindicavit? imo

## EPISTOLA CLXXXI.<sup>b</sup>

AD HAIMERICUM CANCELLARIUM.

Profitetur se beneficiis imparem, nonnisi voluntatis af-  
fectu gratum esse posse.

Si verbis contendere velim ad beneficia qui-  
bus me obruitis, idem erit ac si impetitus sa-  
gittis, festucis dimicem: nisi quod hoc jocus  
videbitur, illud dolus. Facta factis compensari  
oportet. Verum id quidem multum est ad me.  
Nam unde sufficerem pauper et modicus? sed  
rebus pauper et viribus, non voluntate. Æqua-  
bo ergo beneficia votis, quæ factis non pos-  
sum. Desideriis dives sum, affectibus abundo.  
Et certe verus beneficus amplius non requirit.  
Nam quomodo beneficus, qui non et benevolus  
sit? Porro benevolus nil sibi clarius ipsa æstimat  
benevolentia, qua et benevolus nominatur, et  
beneficus est. Denique benevolentia fructus est  
beneficii: nisi quis forte beneficium putet quod  
in spe severit, aut timore dimiserit. Sed quis  
non videat hoc relictum, illud venditum, neu-  
trum datum? Oportet autem beneficium, ut  
vere sit, esse gratuitum. Danti itaque rependi  
quidquam gratius ab accipiente non potest,  
quam si gratum habuerit, quod gratis accepit.  
Et hæc benevolentia creatur de benevolentia  
dantis in animo accipientis, beneficio quidem  
interveniente. Hac me fateor locupletem: hanc  
de corde pleno dignam profecto offero remu-  
nerationem meo benefactori; hanc devotus im-  
molo sacrificium laudis factori omnium pro  
salute mei benefactoris.

<sup>1</sup> Psal. xxvi, 12.

<sup>a</sup> Scripta anno Christi 1136. — <sup>b</sup> Scripta circa eundem annum.

EPISTOLA CLXXXII.<sup>a</sup>

AD HENRICUM SENONENSEM ARCHIEPISCOPUM \*.

Hunc acriter perstringit, utpote durum, ut qui archidiaconum non recte deposuisset; et ad æqua postulata ac pacis consilia difficilem.

Pro multis visus sum multoties scribere, fateor, propter vos, et statueram non facere ob vestram odibilem duritiam: sed charitas prævalebit. Volo vobis amicos vestros retinere, et non dignamini: volo reconciliare inimicos, et non patimini. Non vultis habere pacem: manibus ac pedibus accersitis vestram conturbationem, sed confusionem, sed depositionem\*. Multiplicatis vobis accusatores: defensores subtrahitis. Excitatis iterum in vos olim sopita discrimina, provocatis adversarios, patronos offenditis. Ubique apud vos pro ratione voluntas; totum pro imperio, nihil ex timore Dei. Qui de vobis non rident inimici, non conquerruntur amici? Quomodo devestistis hominem, non dico iudicio non convictum, sed nec verbo conventum? Quantos hoc verbum scandalizabit? quot ora ad subsannandum, quot corda ad succendendum movebit? Itane putatis perisse iustitiam de toto orbe, sicut de vestro corde, ut homo sic ablatum perdat archidiaconatum? Sed vos forsitan plus amatis reddere, et perdere, quam gratiam de beneficio retinere. Nolite, quæso, nolite facere hanc rem: quam qui audierint, omnes mirabuntur, nemo laudabit. Hæc vobis mordacius audaciusque quam velletis audire, scripsi: sed non ad insipientiam vobis, si velletis corrigere.

EPISTOLA CLXXXIII.<sup>b</sup>

AD CONRADUM REGEM ROMANORUM.

Reverentiam Sedis apostolicæ eidem commendat.

Scripta vestra et salutationes tam devotus suscipio, quam modicus sum ad illa. Modicus dixerim dignitate, sed non devotione. Querimonie Regis nostræ sunt<sup>c</sup>, et maxime illa, quam dignanter exprimitis de invasione Imperii. Regis dedecus, regni diminutionem nunquam volui: volentes odit anima mea. Legi quippe, *Omnis anima potestatibus sublimioribus subdita sit*: et, *Qui potestati resistit, Dei ordinationi resistit*<sup>d</sup>. Quam tamen sententiam cupio vos, et omnimodis moneo custodire, in exhibenda reverentia summæ et apostolicæ Sedi, et beati Petri Vicario\*, sicut ipsam vobis vultis ab universo servari imperio. Sunt quæ non putavi scribenda: præsens ea fortassis opportunius intimarem.

EPISTOLA CLXXXIV.<sup>d</sup>

AD DOMINUM PAPAM INNOCENTIUM.

Non posse mitti quos Pontifex petierat monachos.

Fratrem Andream\* lætum incolumemque suscepimus<sup>e</sup>, et læta nuntiantem de vestra incolumitate et gloria, de pace et prosperitate Ecclesiæ, de curiæ statu florente et valente, D postremo de gratia et benevolentia, quæ nobis apud vos perseverat. Bene sua misericordia Deus dignatus est facere nobiscum; facti sumus lætantes. Verum quod vobis de mittendis ad vos fratribus placet, difficile adimplebitur, præsertim cum non sit copia personarum quæ esse solebat. Siquidem præter illos qui bini, aut terni<sup>f</sup> ad diversa destinati sunt loca; tria ex

\* ROM. XIII, 1, 2.

<sup>a</sup> Scripta circa annum 1136. — <sup>b</sup> Scripta anno Christi 1139.

<sup>c</sup> Scilicet querebatur Conradus, quod Bernardus Lothario favisset contra ipsum.

<sup>d</sup> Scripta anno Christi 1140. — <sup>e</sup> Alias, *recepimus*. — <sup>f</sup> Alias, *trini*.



eis nova monasteria, ex quo a vobis discessi-<sup>178</sup> cor impœnitens, thesaurizas tibi iram in die mus, integre ordinata sunt<sup>a</sup>; et adhuc re- A iræ<sup>3</sup>?  
stant alia proxime ordinanda. Curamus tamen undecumque evocare, quos vobis mittamus; cupientes per omnia vestris obedire mandatis<sup>4</sup>.

## EPISTOLA CLXXXV.<sup>b</sup>

AD EUSTACHIUM OCCUPATOREM VALENTINÆ SEDIS<sup>c</sup>.

Hortatur, ut memor ætatis suæ, et mortis imminuentis, B  
divinique iudicii, respiscat, nec pravis adulatorum consiliis pareat.

Viro illustri EUSTACHIO, frater BERNARDUS.

1. Salutem tibi, vir illustrissime, etsi non scribo, opto tamen. Optare quis prohibet? Affectui nec leges imperant, nec principes dominantur. Liber est, et maxime si spiritu ducitur: quia ubi spiritus Domini, ibi libertas<sup>1</sup>. Inde est sane ausus iste meus de præsentī, quo ad tuam Magnitudinem præsumo scribere, tanquam aliquis magnus fateor, nec jussus a te, nec C rogatus, nec invitatus. Sed quid si charitas jubet? Alius aliter fortassis accipiat: ego virum nobilem, quod in me est, in vera charitate decrevi his litteris suæ ipsius commonere salutis, excitare a somno, revocare ad cor, provocare ad gratiam. Quis scit si convertatur et ignoscat Deus, et relinquat post se benedictionem? Imo quis nescit, quas et quantas jam divitias suæ bonitatis et longanimitatis thesaurizavit super eum misericors et miserator Dominus? Denique miseretur, pareit, exspectat, dissimulatque usque adhuc, factus sicut homo non audiens, et non habens in ore suo redargutiones, tardans ferire, paratus ignoscere. Sed tu, domine, usque-quo? Tu, inquam, o bone vir, quousque dissimulas? quousque contemnis? Durum tibi est contra stimulum calcitrare<sup>2</sup>. An ignoras quia benignitas Dei ad pœnitentiam te adducit? Quando autem tu secundum duritiam tuam et

2. An non secundum duritiam quidem, sed secundum verecundiam? Quid refert secundum quid pereas? O verecundia expertis rationis, inimica salutis, totius ignara honoris et honestatis! Hæc plane illa, quam Sapiens loquitur, *confusio adducens peccatum*<sup>4</sup>. Itane verecundum est homini vinci a Deo, et probro ducitur humiliari sub potenti manu Altissimi? Non ita rex ille gloriosus David: *Tibi soli*, inquit, *peccavi, et malum coram te feci, ut justificeris in sermonibus tuis et vincas cum judicaris*<sup>5</sup>. Summum victoriæ genus, divinæ cedere majestati: et auctoritati matris Ecclesiæ non reluctari, summus honor et gloria. O perversitas! Non pudet inquinari, et ablui pudet! *Est pudor*, juxta Sapientem, *adducens gloriam*<sup>6</sup>; si videlicet peccare pudeat, si non pudeat vel peccasse: et ita vel sera gloria non carebis, reducente nimirum pudore quam culpa fugaverat. Secundum tenent beatitudinis locum, quorum remissæ sunt iniquitates, et quorum tecta sunt peccata<sup>7</sup>. Honorabile tegumentum, de quo legitur: *Confessio et pulchritudo in conspectu ejus*<sup>8</sup>. Quis mihi tribuat videre te in vestitu deaurato, ut dicamus et tibi: *Confessionem et decorem induisti, amictus lumine sicut vestimento*<sup>9</sup>? Revertere, Sunamitis, revertere, ut intueamur te<sup>10</sup>? Consurge, consurge, induere fortitudine, induere vestimento salutis<sup>11</sup>. Surge, qui dormis, et exsurge a mortuis, et illuminabit te Christus<sup>12</sup>. A mortuo tanquam qui non est, perit confessio<sup>13</sup>.

3. Usquequo oblivisceris te in finem? usquequo dormis in morte, decus nobilium, fidelium fletus? Quando contra morem tuum pertinax, contra honorem tuum sequestris, contra salutem tuam rebellis? quid illos egregios mores, actusque tuos tam dissimili pergis exitu consummare? Quomodo ætas ista, quam in misericordia uberī requiescere oportebat, omnium præteritorum dierum tuorum pœnas luit, nec diluit culpas? Cur, proh dolor! sola veneranda canities solita veneratione fraudatur, sola sine honore marcescit, quam vel maxime decuit ho-

<sup>1</sup> II Cor. III, 17. — <sup>2</sup> Act. IX, 5. — <sup>3</sup> Rom. II, 4, 5. — <sup>4</sup> Eccli. IV, 25. — <sup>5</sup> Psal. I, 6. — <sup>6</sup> Eccli. IV, 25. — <sup>7</sup> Psal. XXXI, 1. — <sup>8</sup> Psal. XCV, 6. — <sup>9</sup> Psal. CIII, 1, 2. — <sup>10</sup> Cantic. VI, 12. — <sup>11</sup> Isai. LII, 1. — <sup>12</sup> Ephes. V, 14. — <sup>13</sup> Eccli. XVII, 26.

<sup>a</sup> Videlicet Benedictio-Dei in diœcesi Lugdunensi, de quo supra in epistola 173; Dunense, et Claro-Mariscense in Belgio.

<sup>b</sup> Scripta anno Christi 1138. — <sup>c</sup> Gallie scilicet Narbonensis; alia nempe est in Hispania.

norari? Miserere animæ tuæ placens Deo<sup>1</sup>. Et-<sup>179</sup> sunt amara, non sapiunt. Ponam itaque digi-  
enim qui hominibus placent, confusi sunt, quo- A tum super os meum, donec sciam ista qualiter  
niam Deus sprexit eos<sup>2</sup>. Breves dies hominis acceptentur. Placebo autem si potero, non stilo,  
sunt<sup>3</sup>: seni mors in januis est. Modicum habes, prorsus modicum tempus cum his qui dicunt tibi, Enge, euge. Sit etiam pro modico tibi judicari ab ipsis, aut ab humano die, qui angelico examini jamjamque es præsentandus, qui ad tribunal terrificum Christi ipso jam defecet naturæ miserandus urgeris. Illi te oportet preparare iudicio, illi sæculo conformare, illius curiæ affectare favorem, formidare repulsam. Quid illorum sententia conturbaris, quorum nec laude probatus, nec vituperatione B reprobis inveniris? Denique vani filii hominum, mendaces filii hominum in stateris, ut decipiant ipsi de vanitate in idipsum<sup>4</sup>.

4. Propterea qui te beatificant, in errorem te inducunt, dantes verba, munera reportantes. Vana hæc, atque illa: sed verba amplius. Et decipitis de vanitate in idipsum: sed tu magis deciperis, illi minus. Das quippe quod utcumque pluris est: et das ingratum, das immeritis; siquidem tua, non te diligunt. Imo nec te, nec tua: sed quæ sua sunt, quærunt. Tua, quoad poterunt, venabuntur adulationibus vanis et falsis. Molliti sunt sermones eorum super oleum, et ipsi sunt jacula<sup>5</sup>. Et ideo dicebat David: *Oleum autem peccatoris non impinguet caput meum*<sup>6</sup>. Ab his laudatur peccator in desideriis animæ suæ, et iniquus benedicatur<sup>7</sup>. Ab his ergo cavere non ego, sed Sapiens doceat. *Fili, ait, si te lactaverint peccatores, ne acquiescas eis*<sup>8</sup>. Attende potius illi qui iudicat in æquitate pro mansuetis terræ, quos tua non pastoralis diligentia pascit, sed sæcularis premit potentia: quam non haberes super eos ullam, nisi data esset tibi desuper. Sed hæc est hora vestra, et potestas tenebrarum. Attende autem: *Judicium grave his qui præsumunt, et potentes potenter tormenta patientur*<sup>9</sup>. Hoc si paves, caves; si negligis, incidis. Et, *Horrendum est incidere in manus Dei viventis*<sup>10</sup>. Avertat hoc unus et verus Deus, qui non vult mortem peccatoris, sed ut magis convertatur et vivat<sup>11</sup>. Plura adhuc loqui fert animus, sed non fert forte auditus. Nec placent aspera, quamvis recta; et salubria, quia

## EPISTOLA CLXXXVI.<sup>a</sup>

AD SIMONEM FILIUM CASTELLANI CAMERACENSIS<sup>\*</sup>.

Ejus tutelæ Valcellenses monachos commendat, patris donationem ab eo ratam haberi rogans.

Cognoscens, dilectissime, nuntiante abbate Radulfo<sup>b</sup>, de Valcellis, desiderare te nostri præsentiam atque colloquium, delectatus sum admodum tanta tui erga me devotione; nec certe ingratus benevolentiae. Noveris et me esse voluntatis, tuo satisfacere desiderio: sed corporali molestia impediri tam ab hujus voluntatis effectum, quam et ab aliis plurimis, plurimumque necessariis negotiis. Sed licet absens corpore, sum tamen præsens spiritu, donec quandoque fiam, Deo volente, et corpore, et spiritu: si tamen non ore tantum et lingua, sed opere diligamus et veritate. Igitur in exhibitione operis liquebit veritas dilectionis. Hoc est itaque quod rogo, ut quod de meo apud te est, fratres dico Valcellenses, et eorum ecclesiam mei gratia diligas, foveas, et manu teneas ubi necesse fuerit: ut in hoc et tuæ liberalitatis insigne præbeas documentum, et ejus quam mihi promittis, charitatis clarescat indicium. Quam nunc charitatem in eo vel primum cupio experiri, si Ligecurtem, quam mihi pater tuus præsentem contulit ad opus illius monasterii, tu quoque concesseris, et donum patris tui non feceris irritum. Nos quoque quod nostrum est, de præteritis gratias agentes, et in reliquum similia sperantes, pro te tuisque illi preces fundimus, qui voluntatem timentium se facit, et deprecationem eorum exaudit<sup>12</sup>. Oramus te et uxorem tuam, et omnes qui ad vos pertinent, bene valere.

<sup>1</sup> Eccli. xxx, 24. — <sup>2</sup> Psal. lxxi, 6. — <sup>3</sup> Job. xiv, 5. — <sup>4</sup> Psal. lxi, 10. — <sup>5</sup> Psal. liv, 22. — <sup>6</sup> Psal. cxl, 5. — <sup>7</sup> Psal. lx, 24. — <sup>8</sup> Prov. i, 10. — <sup>9</sup> Sap. vi, 6, 7. — <sup>10</sup> Hebr. x, 31. — <sup>11</sup> Ezech. xviii, 23, 32. — <sup>12</sup> Psal. cxlv, 19.

<sup>a</sup> Scripta circa annum 1140. — <sup>b</sup> In vetustis libris abbreviatum est R. nomen.

EPISTOLA CLXXXVII.<sup>a</sup>AD EPISCOPOS SENONAS CONVOCANDOS, CONTRA  
PETRUM ABÆLARDUM \*.Excitat episcopus ad causam religionis contra Abaelardum  
strenue agendam.

Exiit sermo inter multos, et credimus ad vos pervenisse : quomodo videlicet apud Senonas in octavis Pentecostes vocamur, et provocamur ad litem pro defensione fidei : cum servum Dei non oporteat litigare, sed magis patientem esse ad omnes <sup>1</sup>. Si mea propria causa esset, posset non immerito fortassis puer sanctitatis vestræ in vestro patrocinio gloriari. Nunc autem quia et vestra est, imo plus vestra; fidentius moneo, et obnixius rogo, ut amicos vos in necessitate probetis. Amicos dixerim, non nostros, sed Christi, cujus sponsa clamat ad vos in silva hæresum, et in segete errorum, quibus sub tutela et custodia vestra pullulantibus, pene jam suffocatur. Amicus sponsi non deseret eam in opportunitatibus in tribulatione. Nec miremini, quod ita de subito, et in arcto temporis vos invitamus : quoniam hoc quoque adversa pars in sua versutia et calliditate providit, ut improvidos invaderet, et congregari cohereret immunitos.

EPISTOLA CLXXXVIII.<sup>b</sup>

AD EPISCOPOS ET CARDINALES CURIE, DE EODEM.

Monet ad vigilandum adversus Petri Abaelardi errores.

Dominis et patribus reverendis episcopis et cardinalibus qui sunt de curia, puer sanctitatis eorum.

1. Nulli dubium, quin ad vos specialiter spectet tollere scandala de regno Dei, surgentes

<sup>180</sup> succidere spinas, sedare querelas. Sic enim A præcepit Moyses cum montem subiit : *Habetis*, inquit, *Aaron et Hur vobiscum : si quid natum fuerit questionis, referetis ad ipsos* <sup>2</sup>. Illum loquor Moysen, qui venit per aquam, et non in aqua solum, sed in aqua et sanguine. Et ideo plus quam Moyses, quia et in sanguine venit. Et quoniam pro Hur et Aaron stat zelus et auctoritas Romanæ Ecclesiæ super populum Dei, ad ipsam merito referimus, non quæstiones, sed læsiones fidei, et injurias Christi; patrum probra atque contemptus; præsentium scandala, pericula posterorum. Irridetur simplicium fides, eviscerantur arcana Dei, quæstiones de altissimis rebus temerarie ventilantur, insultatur patribus, quod eas magis sopiendas, quam solvendas censuerint. Inde fit, quod Agnus paschalis, contra Dei statutum <sup>3</sup>, aut aqua coquitur, aut crudus discerpitur, more et ore bestiali. Quod residuum est, non igne comburitur, sed conculeatur. Ita omnia usurpat sibi humanum ingenium, fidei nil reservans. Tentat altiora se, fortiora scrutatur, irruit in divina, sancta temerat magis quam reserat; clausa et signata non aperit, sed diripit : et quidquid sibi non invenit pervium, id putat nihilum, C credere dedignatur.

2. Legite, si placet, librum Petri Abaelardi, quem dicit Theologiæ : ad manum est enim; cum, sicut gloriatur, a pluribus lectitur in curia : et videte qualia ibi de sancta Trinitate dicantur, de genitura Filii, et de processione Spiritus sancti, et alia innumera, catholicis prorsus auribus et mentibus dissueta. Legite et alium, quem dicunt Sententiarum ejus <sup>4</sup>; necnon et illum qui inscribitur, *Scito te ipsum*; et animadvertite quanta et ipsi silvescant segete <sup>c</sup> sacrilegiorum atque errorum : quid sentiat de anima Christi, de persona Christi, de descensu Christi ad inferos, de Sacramento altaris; de potestate ligandi atque solvendi, de originali peccato, de concupiscentia, de peccato delectationis, de peccato infirmitatis, de peccato ignorantiae, de opere peccati, de voluntate peccandi. Et siquidem judicatis me juste moveri, movemini et vos : ac ne frustra moveamini, agite pro loco quem tenetis, pro dignitate qua polletis, pro potestate quam accepistis; quomodo qui ascendit usque ad cælos, descendat

<sup>1</sup> II Tim. II, 24. — <sup>2</sup> Exod. XXIV, 14. — <sup>3</sup> Id. XII, 9.<sup>b</sup> Scripta eodem anno. — <sup>c</sup> Ita manuscripti emendatiores : id editis, *quantæ et ibi silvescant segetes*.<sup>a</sup> Scripta anno Christi 1140.

usque ad inferos : et opera tenebrarum , ausa<sup>1st</sup> prodire in lucem , arguantur a luce in lucem : ut dum qui publice peccat , publice arguetur ; comprimant sese etiam alii , ponentes tenebras lucem , disputantes in triviis de divinis ; qui loquuntur mala in cordibus suis , et in codicibus suis scribunt : et sic obstruatur os loquentium iniqua.

## EPISTOLA CLXXXIX.<sup>a</sup>

AD DOMINUM PAPAM INNOCENTIUM , DE EODEM.

Animi dolorem indicat ob errores Abaelardi post schisma statim exsurgentes , quibus Pontificem occurrere monet.

Amantissimo Patri et domino INNOCENTIO , Dei gratia summo Pontifici , frater BERNARDUS Claræ-Vallis vocatus abbas , modicum id quod est.

1. Necesse est ut veniant scandala : necesse est , sed non suave. Et ideo dicit propheta : *Quis dabit mihi pennas sicut columbæ , et volabo , et requiescam* <sup>1</sup> ? et Apostolus cupit dissolvi , et cum Christo quiescere. Et alius quidam sanctorum , *Sufficit mihi , Domine* , ait , *tolle animam meam ; neque enim melior sum quam patres mei* <sup>2</sup>. Est et mihi nunc aliquid commune cum sanctis , in voluntate duntaxat , non in merito. Nam vellem et ipse modo de medio fieri , victus , fateor , a pusillanimitate spiritus et tempestate : vereor autem , ne non sicut pariter affectus , ita pariter et paratus inveniar. Tædet vivere , et an mori expediat , nescio ; et ideo forte etiam in votis distem a sanctis , quod ipsi provocentur desiderio meliorum , cum ego scandalis et ærumnis compellar exire. Denique ait , *Dissolvi et cum Christo esse , multo melius* <sup>3</sup>. Ergo et in sancto appetitus , et in me prævalet sensus : sed in hac miserrima vita nec ille habere quod appetit bonum ; nec ego quod molestum patior , non habere valemus. Et ob hoc exire quidem ambo pari cupimus voluntate , sed non pari intentione.

2. Stulte mihi dudum requiem promittebam ,

siquidem Leonina rabies quievisset <sup>b</sup> , et pax Ecclesiæ redderetur. Nam ecce illa quievit , sed non ego. Nesciebam me esse in valle lacrymarum , aut oblitus fueram habitare me in terra oblivionis. Non attendebam terram , in qua habito , spinas et tribulos germinare mihi ; succisis succedere novas , et rursum illis alias sine fine , sine intermissione succrescere. Audieram hoc : sed melius , ut nunc experior , ipsa vexatio dat intellectum auditui. Innovatus est dolor , non exterminatus ; lacrymæ inundaverunt , quia invaluerunt mala ; et expertis pruinam , irruit super eos nix. Ante faciem frigoris huius quis sustinebit ? Hoc frigore refrigescit charitas , ut abundet iniquitas. Leonem evasimus , sed incidimus in draconem <sup>c</sup> , qui non minus forsitan noceat sedens in insidiis , quam ille rugiens de excelso. Quanquam non jam in insidiis ; cuius virulenta folia utinam adhuc laterent in scriniis , et non in triviis legerentur. Volant libri : et qui oderant lucem , quoniam mali sunt , impegerunt in lucem , putantes lucem tenebras. Urbibus et castellis ingeruntur pro luce tenebræ ; pro melle , vel potius in melle venenum passim omnibus propinatur. Transierunt de gente in gentem , et de regno ad populum alterum. Novum cuditur populis et gentibus Evangelium , nova proponitur fides , fundamentum aliud ponitur præter id quod positum est. De virtutibus et vitiis non moraliter , de Sacramentis Ecclesiæ non fideliter , de arcano sanctæ Trinitatis non simpliciter nec sobrie disputatur : sed cuncta nobis in perversum , cuncta præter solitum , et præterquam accepimus , ministrantur.

3. Procedit Goliath procero corpore , nobili illo suo bellico apparatu circummunitus , antecedente quoque ipsum ejus armigero Arnaldo de Brixia. Squama squamæ conjungitur , et nec spiraculum incedit per eas. Siquidem sibilavit apes quæ erat in Francia , apes de Italia\* : et venerunt in unum adversus Dominum , et adversus Christum ejus. Intenderunt arcum , paraverunt sagittas suas in pharetra , ut sagittent in obsenro rectos corde. In victu autem et habitu habentes formam pietatis , sed virtutem ejus abnegantes , eo decipiunt plures , quo transfigurant se in angelos lucis , cum sint satanæ. Stans ergo Goliath una cum armigero suo inter utrasque acies , clamat adversus pha-

<sup>1</sup> Psal. lxxvii , 7. — <sup>2</sup> III Reg. xix , 4. — <sup>3</sup> Philip. i , 23.

<sup>a</sup> Scripta anno Christi 1140. — <sup>b</sup> Id est schisma Petri Leonis. — <sup>c</sup> Petrum Abaelardum.

langas Israel, exprobratque agminibus sancto-<sup>135</sup> veritati. Hæc pro me, ne levitate, aut certe rum, eo nimirum audacius, quo sentit David A temeritate usus in tanto negotio putarer.

4. Denique in suggillationem docto-  
rum Ecclesiæ, magnis effert laudibus philoso-  
phos; adinventiones illorum et suas novitates  
catholicorum Patrum doctrinæ et fidei præfert :  
et cum omnes fugiant a facie ejus, me omnium  
minimum expetit ad singulare certamen.

4. Denique scripsit mihi, sollicitante quidem  
ipso, archiepiscopus Senonensis, diem statuens  
congressionis, quo ille in præsentia ejus et  
coepiscoporum suorum deberet, si posset, sta-  
tuere prava dogmata sua, contra quæ ego ausus  
mutire fuisssem. Abnui, tum quia puer sum, et B  
ille vir bellator ab adolescentia : tum quia ju-  
dicarem indignum, rationem fidei humanis  
committi ratiunculis agitandam, quam tam  
certa ac stabili veritate constat esse subnixam.  
Dicebam sufficere scripta ejus ad accusandum  
eum; nec mea referre, sed episcoporum, quo-  
rum esset ministerii de dogmatibus judicare.  
Ille nihilo minus, imo eo amplius levavit vocem,  
vocavit multos, congregavit complices.  
Quæ de me ad discipulos suos scripserit, dicere  
non curo. Disseminavit ubique, se mihi die  
statuto apud Senonas responsurum. Exiit sermo  
ad omnes, et non potuit me latere. Dissimulavi C  
primum : nec enim satis rumore populari movebar.  
Cedens tamen (licet vix, ita ut flerem) consilio  
amicorum, qui videntes quomodo se quasi ad  
spectaculum omnes pararent, timebant ne de nostra  
absentia et scandalum populo, et cornua crescerent  
adversario; et quia error magis confirmaretur,  
cum non esset qui responderet aut contradiceret;  
occurri ad locum et diem, imparatus quidem et  
immunitus, nisi quod illud menteolvebam, *Nolite præmeditari,  
qualiter respondeatis : dabitur enim vobis in illa hora  
quid loquamini*<sup>1</sup> : et illud, *Dominus mihi adjutor, non timebo quid faciat mihi homo*<sup>2</sup>.  
Convenerunt autem præter episcopos et abbates  
plurimi viri religiosi, et de civitatibus magistri  
scholarum, et clerici litterati multi; et Rex  
præsens erat. Itaque in præsentia omnium,  
adversario stante ex adverso, producta sunt  
quædam capitula de libris ejus excerpta. Quæ  
cum cœpissent legi, nolens audire exivit, ap-  
pellans ab electis iudicibus, quod non putamus  
licere. Porro capitula iudicio omnium exami-  
nata, inventa sunt fidei adversantia, contraria

5. Verum tu, o successor Petri, judicabis,  
an debeat habere refugium sedem Petri, qui  
Petri fidem impugnat. Tu, inquam, amice  
sponsi, providebis, quomodo liberes sponsam  
a labiis iniquis, et a lingua dolosa. Sed ut paulo  
audacius loquar cum domino meo, attende  
etiam tibi ipsi, amantissime Pater, et gratiæ Dei  
quæ in te est. Nonne cum esses parvulus in  
oculis tuis, ipse te constituit super gentes et  
regna? Ad quid, nisi ut evellas, et destruas, et  
ædifices et plantes? Qui ergo tulit te de domo  
patris tui, et unxit te unctione misericordiæ  
suæ, attende, quæso, ex tunc et deinceps,  
quanta fecit animæ tuæ; quanta per te Ecclesiæ  
suæ, quanta in agro dominico, cœlo et terra  
testibus, tam potenter quam salubriter evulsa  
sunt et destructa; quanta rursum bene ædifica-  
ta, plantata, propagata. Suscitavit Deus furo-  
rem schismaticorum in tuo tempore, ut tuo  
opere contererentur. Vidi stultum firma radice,  
et statim maledictum est pulchritudini ejus.  
Vidi, inquam, vidi impium superexaltatum, et  
elevatum sicut cedros Libani; et transivi, et  
ecce non erat. *Oportet autem*, ait, *hæreses et*  
schismata esse, *ut qui probati sunt, manifesti*  
*fiant*<sup>3</sup>. Et in schismate quidem jam, ut dictum  
est, Dominus probavit te, et cognovit te. Sed  
ne quid desit coronæ tuæ, en hæreses surrexe-  
runt. Itaque ad consummationem virtutum, et  
ne quid minus fecisse inveniamini a magnis  
episcopis antecessoribus vestris; capite nobis,  
Pater amantissime, vulpes quæ demoluntur  
vineam Domini, donec parvulæ sunt : ne, si  
crescant et multiplicentur, quidquid talium per  
vos non fuerit exterminatum, a posteris despe-  
retur. Quanquam non jam parvulæ nec paucule,  
sed certe grandiusculæ et multæ sint, nec  
nisi in manu forti vel a vobis exterminabuntur.  
Jacinctus multa mala ostendit nobis : nec enim  
quæ voluit, fecit, vel potuit. Sed visus est mihi  
patienter ferendus de me, qui nec personæ  
vestræ, nec curiæ in curia illa pepercit : quod  
melius Nicolaus iste meus, imo et vester, viva  
referet voce<sup>4</sup>.

<sup>1</sup> Matth. x, 19. — <sup>2</sup> Psal. cxvii, 6. — <sup>3</sup> I Cor. xi, 19.

## EPISTOLA CXC.<sup>a</sup>

AD INNOCENTIIUM PONTIFICEM, DE ERRORIBUS  
QUIBUSDAM PETRI ABAELARDI.

Hanc epistolam ob prolixitatem inter Tractatus relati-  
tam habes tomo secundo.

## EPISTOLA CXCI.<sup>b</sup>

AD INNOCENTIIUM EX PERSONA DOMINI ARCHIEPI-  
SCOPI REMENSIS, etc.

Abaelardum, vana scientiæ opinione tumidum, et de fa-  
vore curiæ Romanæ gloriantem, auctoritate Pontificia  
mature reprimendum.

Reverendissimo domino et charissimo Patri,  
Dei gratia summo Pontifici INNOCENTIO,  
SAMSON Remorum archiepiscopus, JOSLENTUS C  
Suessionensis, GAUFRIIDUS Catalaunensis,  
ALVISUS Atrebatensis, voluntarium debitæ  
subjectionis obsequium.

1. Auribus occupatis ad plurima, sermonem  
facimus abbreviatum de prolixo negotio, pro  
eo maxime, quia idipsum diffusius ac plenius  
continetur in litteris domini Senonensis. Petrus  
Abaelardus christianæ fidei meritum evacuare  
nititur, dum totum quod Deus est, humana  
ratione arbitratur se posse comprehendere.  
Ascendit usque ad cælos, et descendit usque ad  
abyssos. Nihil est quod lateat eum, sive in D  
profundum inferni, sive in excelsum supra.  
Homo est magnus in oculis suis, de fide contra  
fidem disputans, ambulans in magnis et in  
mirabilibus super se, scrutator majestatis, hæ-  
resum fabricator. Jamdudum fecerat librum de  
sua Trinitate, sed sub Legato Romanæ Eccle-  
siæ<sup>c</sup> igne examinatus est, quia inventa est in  
eo iniquitas. Maledictus qui reedificavit ruinas

<sup>161</sup> Jericho. Surrexit a mortuis liber ille, et cum eo  
A multorum hæreses quæ dormierant, surrexe-  
runt, et apparuerunt multis. Jamjam extendit  
palmites suos usque ad mare, et usque ad Ro-  
mam propagines ejus. Hæc gloriatio hominis  
illius, quod liber suus in curia Romana habet,  
ubi caput suum reclinet. Hinc confirmatus et  
confortatus est furor ejus.

2. Propterea cum in conspectu episcoporum  
super his argueret eum abbas Claræ-Vallis, zelo  
fidei et justitiæ armatus; nec confessus est, nec  
negavit: sed a loco et iudice quem sibi ipse  
elegerat, sine læsione, sine gravamine, ut suam  
B prolongaret iniquitatem, Sedem apostolicam  
appellavit. Episcopi autem, qui propter hoc in  
unum convenerant, vestræ Reverentiæ defe-  
rentes, nihil in personam ejus egerunt: sed  
tantummodo capitula librorum ejus, a sanctis  
Patribus condemnata, ne morbus serperet,  
medicinali necessitate abjudicaverunt. Quia ergo  
homo ille multitudinem trahit post se, et popu-  
lum qui sibi credat, habet; necesse est ut huic  
contagio celeri remedio occurratis.

Sero (enim) medicina paratur  
Cum mala per longas invaluerint<sup>c</sup> moras<sup>d</sup>.

Processimus in hoc negotio quousque ausi su-  
mus: tuum est de cætero, beatissime Pater,  
providere, ne in diebus tuis aliqua hæreticæ  
pravitatis macula decor Ecclesiæ maculetur.  
Tibi commissa est sponsa Christi, amice sponsi:  
tuum est tandem uni viro virginem castam  
exhibere Christo.

## EPISTOLA CXCH.<sup>d</sup>

AD MAGISTRUM GUIDONEM DE CASTELLO<sup>\*</sup>.

Monet eum ita diligere et fovere Abaelardum, ut tamen  
errores ejus non foveat.

Venerabili domino, et charissimo Patri, ma-  
gistro GUIDONI, sanctæ Romanæ Ecclesiæ De  
gratiæ presbytero cardinali, BERNARDUS Claræ

<sup>a</sup> Ovidius, de Remedio amoris, vers. 91, 92.

<sup>a</sup> Scripta anno Christi 1140. — <sup>b</sup> Scripta eodem anno.

<sup>c</sup> Editiones Ovidii quas inspicimus, *convaluerunt*; ut et ipse Bernardus infra, epist. 342, n. 3.

<sup>d</sup> Scripta anno Christi 1140.

Vallis vocatus abbas, non declinare ad dexteram, nec ad sinistram.

Abbas Claræ-Vallis vocatus abbas, diligere justitiam, et odire iniquitatem.

Injuriam facio vobis, si aliquem a vobis ita diligere credam, ut cum eo pariter ejus errores diligatis. Quisquis enim sic aliquem diligit, nondum novit quemadmodum oporteat eum diligere. Talis namque dilectio terrena est, animalis, diabolica, nocens æque diligenti atque dilecto. Existiment alii de aliis prout volunt : ego adhuc de vobis æstimare non possum, nisi quod vicinum est rationi, quod ad lineam pertinet æquitatis. Quidam prius judicant, et postea probant : ego de potione, utrum dulcis sit an amara, ante gustum non judicabo. Magister Petrus in libris suis profanas vocum novitates inducit et sensuum : disputans de fide contra fidem, verbis legis legem impugnat. Nihil videt per speculum et in ænigmate; sed facie ad faciem omnia intuetur, ambulans in magnis et in mirabilibus super se. Melius illi erat, si juxta titulum libri sui<sup>a</sup>, se ipsum cognosceret, nec egrederetur mensuram suam, sed saperet ad sobrietatem. Ego non eum accuso apud Patrem : est qui eum accuset liber suus, in quo sibi male complacuit. Cum de Trinitate loquitur, sapit Arium : cum de gratia, sapit Pelagium : cum de persona Christi, sapit Nestorium. Minus de vestra æquitate præsumo, si diu vos rogavero, ut in causa Christi nullum Christo præponatis. Illud autem scitote, quia expedit vobis, quibus potestas data est a Domino; expedit Ecclesiæ Christi, expedit illi etiam homini, ut ei silentium imponatur, cujus maledictione os plenum est, et amaritudine, et dolo.

## EPISTOLA CXCIH.<sup>b</sup>

AD MAGISTRUM IVONEM CARDINALEM \*, DE  
EODEM.

Indignum esse ut Abaelardus in Romana curia fautores inveniat.

Dilectissimo suo IVONI, sanctæ Romanæ Ecclesiæ Dei gratia presbytero cardinali, BERNAR-

Magister Petrus Abaelardus, sine regula monachus, sine sollicitudine prælatus, nec ordinem tenet, nec tenetur ab ordine. Homo sibi dissimilis est, intus Herodes, foris Joannes; totus ambiguus, nihil habens de monacho, præter nomen et habitum. Sed quid ad me? Unusquisque onus suum portabit. Aliud est quod dissimulare non possum, quod pertinet ad omnes qui diligunt nomen Christi. Iniquitatem in excelso loquitur : integritatem fidei, castitatem Ecclesiæ corrumpit. Transgreditur terminos quos posuerunt patres nostri : de fide, de Sacramentis, de sancta Trinitate disputans et scribens, singula pro sua voluntate mutat, auget, et minuit. In libris et in operibus suis ostendit se fabricatorem mendacii et cultorem perversorum dogmatum; hæreticum se probans, non tam in errore, quam in pertinacia et defensione erroris. Homo est egrediens mensuram suam, in sapientia verbi evacuans virtutem crucis Christi. Nihil nescit omnium quæ in cælo et quæ in terra sunt, præter se ipsum. Damnatu est Suessione cum opere suo coram legato Romanæ Ecclesiæ<sup>c</sup>. Sed quasi non sufficeret ei illa damnatio; iterum facit, unde iterum damnetur : et jam novissimus error pejor est priore. Securus est tamen, quoniam cardinales et clericos curiæ se discipulos habuisse gloriatur, et eos in defensione præteriti et præsentis erroris assumit, a quibus judicari timere debuit et daminari. Si quis spiritum Dei habet, illius versiculi recordetur : *Nonne qui oderunt te, Domine, oderam, et super inimicos tuos tabescebam* ? Liberet Deus per vos, et per cæteros filios suos, Ecclesiam suam a labiis iniquis et a lingua dolosa.

## EPISTOLA CXCIIV.<sup>d</sup>

RESCRIPTUM DOMINI INNOCENTII PAPE CONTRA  
HERESSES PETRI ABÆLARDI.

INNOCENTIUS Episcopus Servus servorum Dei,

<sup>a</sup> Psal. cxxxviii, 21.

<sup>a</sup> Quem inscripsit, Scito te ipsum. — <sup>b</sup> Scripta anno Christi 1140

<sup>c</sup> Nimirum sub annum 1121 — <sup>d</sup> Scripta anno Christi 1140.

venerabilibus fratribus, HENRICO Senonensi,<sup>186</sup> tendunt, inter cætera sic loquitur, dicens :  
 SAVSONI Remensi, archiepiscopis, eorumque A « Nemo clericus, vel militaris, vel alterius cu-  
 suffraganeis, et charissimo in Christo filio » juslibet conditionis, de fide christiana publice  
 BERNARDO Clare-Vallis abbati, salutem et » tractare conetur in posterum. Nam injuriam  
 apostolicam benedictionem. » facit judicio reverendissimæ synodi, si quis  
 » semel judicata et recte disposita revolvere, et  
 » iterum disputare contendit : et in contem-  
 » ptos hujus legis, tanquam in sacrilegos,  
 » pœna non deerit. Igitur si clericus erit, qui  
 » publice tractare de religione ausus fuerit,  
 » consortio clericorum removebitur\*.

1. Testante Apostolo, sicut unus Dominus, ita una fides esse dignoscitur<sup>1</sup>; in qua tanquam in immobili fundamento, præter quod nemo potest aliud ponere, firmitas catholicæ Ecclesiæ inviolata consistit. Inde est quod beatus Petrus Apostolorum princeps, pro eximia hujus fidei confessione, a Domino ac Salvatore nostro audire meruit : *Tu es, inquit, Petrus, et super hanc* B *petram ædificabo Ecclesiam meam*<sup>2</sup> : petram utique firmitatem fidei, et catholicæ unitatis soliditatem manifeste designans. Hæc siquidem est inconsutilis tunica Redemptoris nostri, super qua milites sortiti sunt, sed eam dividere minime potuerunt<sup>3</sup> : contra quam in initio fremuerunt gentes, et populi meditati sunt inania; adstiterunt reges terræ, et principes conveni-  
 runt in unum<sup>4</sup>. Verum Apostoli, duces domini gregis, et eorum successores apostolici viri, ardore charitatis et zelo rectitudinis succensi, fidem defendere, et eam in cordibus aliorum proprii sanguinis effusione plantare non dubitarunt. Demum cessante persecutorum rabie, imperavit Dominus ventis, et facta est in Ecclesia tranquillitas magna.

2. Sed quia hostis humani generis semper circuit quærens quem devoret, ad impugnandam sinceritatem fidei, fraudulentam hæreticorum fallaciam subinduxit. Contra quos viri Ecclesiarum pastores viriliter insurgentes, eorum prava dogmata cum ipsorum auctoribus condemnarunt. In magna namque Nicæna synodo Arius hæreticus est damnatus. Constantinopolitana synodus Manichæum hæreticum debita sententia condemnavit. In Ephesina D synodo Nestorius condignam sui erroris damnationem excepit. Chalcedonensis quoque synodus Nestorianam hæresim, et Eutychianam cum Dioscoro et ejus complicitibus justissima sententia confutavit. Marcianus præterea, licet laicus, christianissimus tamen Imperator, catholicæ fidei amore succensus, prædecessori nostro sanctissimo papæ Joanni scribens adversus eos qui sacra mysteria profanare con-

3. Dolemus autem, quoniam, sicut litterarum vestrarum inspectione, et missis a vestra Fraternitate nobis errorum capitulis<sup>a</sup> cognovimus, in novissimis diebus, quando instant periculosa tempora, in Petri Abaelardi pernicioosa doctrina et prædictorum hæreses, et alia perversa dogmata catholicæ fidei obviantia pullulare cœperunt. Verum in hoc maxime consolamur, et omnipotenti Deo gratias agimus, qui in partibus vestris pro patribus tales filios suscitavit, et tempore apostolatus nostri in Ecclesia sua tam præclaros voluit esse pastores, qui novi hæretici calumniis studeant obviare, et immaculatam sponsam uni viro virginem castam exhibere Christo. Nos itaque qui in beati C Petri cathedra, cui a Domino est dictum, *Et tu aliquando conversus confirma fratres tuos*<sup>5</sup>, licet indigni residere conspiciamur : communicato fratrum nostrorum episcoporum et cardinalium consilio, destinata nobis a vestra discretionem capitula, et universa ipsius Petri perversa dogmata sanctorum canonum auctoritate cum suo auctore damnavimus, eique tanquam hæretico perpetuum silentium imposuimus. Universos quoque erroris sui sectatores et defensores, a fidelium consortio sequestrandos, excommunicationisque vinculo innodandos esse censemus. Datum Laterani decimo septimo D calendas augusti.

<sup>1</sup> Ephes. iv, 5. — <sup>2</sup> Matth. xvi, 18. — <sup>3</sup> Joan. xix, 23, 24. — <sup>4</sup> Psal. ii, 1, 2. — <sup>5</sup> Luc. xxii, 32.

<sup>a</sup> Hæc habes tomo 2, ad Opusculum 11.



EPISTOLA CXCIV.<sup>a</sup>

AD EPISCOPUM CONSTANTIENSEM\*.

Monet ut Arnaldum de Brixia, Italia et Gallia pulsum, et jam apud ipsum delitescens expellat, aut potius ad cavenda majora damna vinctum teneat.

1. Si sciret paterfamilias qua hora fur veniret, vigilaret utique, et non sineret perfodi domum suam<sup>1</sup>. Scitis quia fur de nocte irrupit domum, non vestram, sed Domini; vobis tamen commissam? Sed dubium esse non potest, scire vos, quod apud vos fit, quando id usque ad nos utique tam remotos potuit pervenire. Nec mirum, si non horam prævidere, aut nocturnum furis ingressum observare quivistis. Mirum autem, si deprehensum jam non agnoscitis, non tenetis, non prohibetis exportare spolia vestra, inio pretiosissimas Christi exuvias, animas videlicet, quas sua imagine præsignavit, suo cruore redemit. Adhuc forsitan hæretis, et miramini, quemnam dicere velim. Arnaldum loquor de Brixia\*, qui utinam tam sanæ esset doctrinæ, quam districtæ est vitæ. Et si vultis scire, homo est neque manducans, neque bibens, solo cum diabolo esuriens et sitiens sanguinem animarum. Unus de numeris illorum, quos apostolica vigilantia uocat, *habentes formam pietatis, virtutem illius penitus abnegantes*<sup>2</sup>: et ipse Dominus, *Venient, inquit, ad vos in vestimentis ovium, intrinsecus autem sunt lupi rapaces*<sup>3</sup>. Is ergo usque ad hanc ætatem, ubicumque conversatus est, tam fœda post se, et tam sæva reliquit vestigia, ut ubi semel fixerit pedem, illuc ultra redire omnino non audeat. Denique ipsam, in qua natus est, valde atrociter commovit terram, et conturbavit eam. Unde et accusatus apud dominum Papam schismate pessimo, natali solo pulsus est: etiam et abjurare compulsus reversionem, nisi ad ipsius Apostolici permissionem. Pro simili deinde causa et a regno Francorum exturbatus est schismaticus insignis. Exsecratus quippe a Petro apostolo, adhæserat Petro: Abac-

<sup>107</sup> lardo: ejus omnes errores, ab Ecclesia jam deprehensos atque damnatos, cum illo etiam et præ illo defendere acriter et pertinaciter conabatur.

2. Et in his omnibus non est aversus furor ejus, sed adhuc manus ejus extenta. Nam etiam ita vagus et profugus super terram, quod jam non licet inter suos, non cessat apud alienos, tanquam leo rugiens, circueiens et quærens quem devoret. Et nunc apud vos, sicut accepimus, operatur iniquitatem, et devorat plebem vestram, sicut escam panis. Cujus maledictione et amaritudine os plenum est, veloces pedes ejus ad effundendum sanguinem: contritio et infelicitas in viis ejus, et viam pacis non cognovit. Inimicus crucis Christi, seminator discordiæ, fabricator schismatum, turbator pacis, unitatis divisor: ejus dentes arma et sagittæ, et lingua ejus gladius acutus. Molliti sunt sermones ejus super oleum, et ipsi sunt jacula. Unde et solet sibi allicere blandis sermonibus et simulatione virtutum divites et potentes, juxta illud: *Sedet in insidiis cum divitibus in occultis, ut interficiat innocentem*<sup>4</sup>. Demum cum fuerit de illorum captata benevolentia et familiaritate securus, videbitis hominem aperte insurgere in clerum, fretum tyrannide militari, insurgere in ipsos episcopos, et in omnem passim ecclesiasticum ordinem desævire. Hoc scientes, nescio an melius salubriusve in tanto discrimine rerum agere valeatis, quam juxta Apostoli monitum, auferre malum ex vobis<sup>5</sup>. Quanquam amicus sponsi ligare potius, quam fugare curabit; ne jam discurrere, et eo nocere plus possit. Hoc enim et dominus Papa, dum adhuc esset apud nos, ob mala quæ de illo audiebat, fieri scribendo mandavit: sed non fuit qui faceret bonum. Denique si capi vulpes pusillas demolientes vineam Scriptura salubriter monet<sup>6</sup>; num multo magis lupus magnus et ferox religandus est, ne Christi irrumpat ovilia, oves mactet et perdat?

<sup>1</sup> Matth. xxiv, 43. — <sup>2</sup> II Tim. iii, 5. — <sup>3</sup> Matth. vii, 15. — <sup>4</sup> Psal. ix, 29. — <sup>5</sup> I Cor. v, 13. — <sup>6</sup> Cantic. ii, 15.

\* Scripta anno Christi 1140.

EPISTOLA CXCVI.<sup>a</sup>

AD GUIDONEM LEGATUM, DE IODEM.

Cavendam ei familiaritatem Arnaldi de Brixia, ne sub ejus auctoritate securius errores suos disseminet.

1. Arnaldus de Brixia, ejus conversatio mel, et doctrina venenum : cui caput columbæ, cauda scorpionis est; quem Brixia evomit, Roma exhorruit, Francia repulit, Germania abominatur, Italia non vult recipere; fertur esse vobiscum. Videte, quæso, ne vestra auctoritate plus noceat. Nam cum et artem habeat, et voluntatem nocendi; si accesserit favor vester, erit funiculus triplex, qui difficile rumpitur, supra modum, ut vereor, nociturus. Et unum existimo de duobus, si tamen verum est quod vobiscum hominem habeatis : aut minus scilicet notum vobis esse illum; aut vos, quod est credibilius, de ejus correctione confidere. Et utinam id non frustra. Quis det de lapide hoc suscitare filium Abrahæ? Quam gratum munus susciperet mater Ecclesia de manibus vestris vas in honorem, quod tandiu passa est in contumeliam? Licet tentare : sed vir prudens cautus erit non transgredi præfinitum numerum ab Apostolo, qui ait, *Hæreticum hominem post unam et secundam correptionem devita; sciens quia subversus est qui ejusmodi est, et delinquit proprio judicio condemnatus*<sup>1</sup>. Alioquin familiarem habere, et frequenter admittere ad colloquendum, ne dicam ad convivandum, suspicio avoris est, et inimici hominis fortis armatura. Secure annuntiabit et facile persuadebit quæ volet domesticus et conturbernalis legatus apostolicæ Sedis. Quis enim a latere domini Papæ mali quidpiam suspicetur? Sed et si in manifesto perversa loquitur, quis se facile opponere andeat vestro collateralis?

2. Deinde videtis qualia post se, ubienuque habitavit, reliquit vestigia. Non sine causa vigor apostolicus hominem Italia ortum transalpinare cogit, repatriare non patitur. Quis vero extraneorum, ad quos ejectus est, non

<sup>180</sup> cum omnimodis caperet suis reddidisse? Et A certe sic se habere ad omnes, ut omnibus odio habeatur, approbatio judicii est quod portat : ne quis dicat subreptum fuisse domino Papæ. Quale est ergo summi Pontificis suggillare sententiam, et illam sententiam, ejus rectitudinem ejus ipsius, in quem data est, etsi lingua dissimulat, vita clamat? Itaque favere huic, domino Papæ contradicere est, etiam et Domino Deo. Per quemcumque enim justa sententia juste datur, ab illo certum est processisse, qui loquitur in propheta : *Ego qui loquor justitiam*<sup>2</sup>. Confido autem de vestra prudentia et honestate, quia B visis his litteris de veritate certus, non abducimini amodo quidpiam assentire in hac re, nisi quod vos deceat, et Ecclesiæ Dei expediat, pro qua legatione fungimini. Diligimus vos, et ad vestrum obsequium parati sumus.

EPISTOLA CXCVII.<sup>b</sup>

AD PETRUM BISUNTINUM DECANUM \*.

Increpat cum ob injurias abbati Chari-Loei illatas.

Peregrinationem abbatis Chari-Loei\* sic accipimus, quasi jam mortuum eum videamus. Vobis maxime (quod vehementer dolco) imputatur quidquid illi periculi imminet, quidquid laboris incumbit. Non hoc a vobis expectavimus, quia nec meruimus. Alium vos putavimus, et alium experimur. Testimonium perhibent vobis qui interfuerunt actioni, quod nec sincere, nec secundum justitiam in ea vos habuistis. Et credo ex parte. Nam et venerabilis abbas Bellæ-Vallis\* non multum sibi complacet in vobis. Nolite, quæso, nolite persequi servos Dei, quibus ab ipso dictum legis : *Qui vos tangit, tangit pupillam oculi mei*<sup>3</sup>. Nolite radicitus evellere de cordibus nostris, si quid aliquando bene sensimus de vobis. Et hæc ita dicimus vobis, non quia vos non diligimus, sed ut de medio fiat, quo potest contingere, ut non diligamus. Dico autem tanquam amicus : non expedit vobis, neque Ecclesiæ vestræ, ut domino Papæ quod actum est, sicut actum est, innotescat.

<sup>1</sup> Tit. III, 10, 11. — <sup>2</sup> Isai. LXIII, 1. — <sup>3</sup> Zachar. II, 8.

<sup>a</sup> Scripta anno Christi 1140. — <sup>b</sup> Scripta anno Christi 1141.

EPISTOLA CXCVIII.<sup>a</sup>

AD DOMINUM PAPAM INNOCENTIUM.

Guidonem a vi et injuriis oppressoris vindicari rogat. Nihil æque decere summum Ecclesiæ Præsulem ac zelum justitiæ.

1. In causæ actione, quæ per charissimum fratrem nostrum Guidonem Chari-Loci abbatem vestro conspectui præsentatur, puto satis apparet et lacescentis injuria, et innocentia patientis, et incuria judicis. Denique violentia calumniantis, et inopia justitiæ compulsus est pauper confugere ad vestram præsentiam, non reputans laborem viæ, non expensas, non periculum temporis. Dedit manus morti, ne vivat in perturbatione, quietis amator. Clementer, quæso, respicite super egenum et pauperem: ne frustra vestris paternis auribus intimatus sit tantillarum virium tantus labor et dolor. Olim per epistolas semel et secundo testificatus sum vobis de homine illo, qui huic modo calumniatur, quod sui esset et prævaricator propositi, et monasterii dissipator\*. Nunc autem et flens dico inimicum crucis Christi, sanctorum qui in circuitu ejus sunt, violentissimum oppressorem, et calumniatorem pauperum: qui propria jam pene non habens quæ devoret, in proxima passim more tyrannico debacchatur. Monachum habitu mentiens, re exhibet unum de prædonibus, omnino immemor regularium observationum, legum canonumque contemptor. Frontosus ad verecundiam, insensatus ad metum, inflexibilis ad pietatem, ad iram præceps, audax ad facinus, pronus ad injurias. Et miror quomodo vir religiosus abbas Casæ-Dei in monacho suo tot et tanta vitia aut ignorare possit, aut dissimulare.

2. Sed de hoc quid ad nos? ipse viderit: ipse suo domino stat aut cadit. Nobis sufficit liberari de manibus ejus. A vobis id omnimodis flagitamus, quod aliunde frustra tentatum est. Circumspectimus, et non erat auxiliator. Ventum est ad commune refugium: illo confugimus, ibi

<sup>189</sup>confidimus liberari. Tantum adsit pietas; nam A facultas non deest. Et quidem ex privilegio Sedis apostolicæ constat, summam rerum ad vestram potissimum respicere summam auctoritatem et plenariam potestatem. Verum hoc inter cætera vestri singularis primatus insignia, specialius nobilissime nobilitat vestrum, et inclytum reddit apostolatam, si eripitis pauperem de manu fortiorum ejus. Nulla meo judicio in corona vestra pretiosior gemma zelo illo vestro, quo æmulari consuevistis oppressos, nec relinquitis virgam peccatorum super sortem justorum: nimirum propter illud quod sequitur, *Ut non extendant justi ad iniquitatem manus suas*<sup>1</sup>; vel B propter illud quod alibi dicitur, *Quia dum superbit impius, incenditur pauper*<sup>2</sup>: et unde alter torquetur in corpore, inde alter gravius in anima perit.

3. Est item monasterium de nostro Ordine vicinum huic, quod malorum similiter hominum gravi infestatione vexatur, et non est qui redimat, neque qui salvum faciat. Et pro hoc quoque puer vester paterna vestra viscera lacrymosis precibus concutere non veretur. Qui illi sint homines, quæve occasio calumniandi, præsentium lator abbas veraci et viva voce referet vobis. Deus omnipotens vos nobis conservet longis temporibus, ad nostram omnium C protectionem, qui in habitu et proposito penitentiae pauperem vitam ducimus: ut sine timore de manu inimicorum nostrorum liberati, serviamus illi<sup>3</sup>.

EPISTOLA CXCIX.<sup>b</sup>

AD EUMDEM.

Unde supra.

D Rogat sententiam pro Religiosis inique oppressis latam confirmari, nec ulterius aures præberi calumniis.

Usquequo et superbit impius, et incenditur pauper? usquequo a tanta impudentia innocentia tanta vexatur, et hoc vivo Innocentio? Peccata sine dubio nostra hoc faciunt, quod dominus meus tam sero advertit mentientes

<sup>1</sup> Psal. cxxiv, 3. — <sup>2</sup> Psal. ix, 23. — <sup>3</sup> Luc. i, 74.

<sup>a</sup> Scripta anno Christi 1141. — <sup>b</sup> Scripta eodem anno.

sibi, tam lente exaudit clamantes ad se in hac<sup>190</sup> causa duntaxat : nam alias quidem scimus familiare esse domino meo, et cito intelligere, et facile misereri. Propter eum qui elegit vos, et posuit vos refugium oppressorum, ponite jam tandem finem et malitiæ oppressoris, et laboribus afflictorum : quia satis utraque res venit in lucem et manifestationem. Denique ad mandatum beneplaciti domini mei causa discussa, et terminata est : superest ut ipsius auctoritate data sententia confirmetur. Ergone si venerit homo mendax adversus tantorum virorum testimonium (Valentinum loquor, et Gratianopolitanum<sup>a</sup>), audietur? Iterum supplico, et ad pedes domini mei ea qua possum mente anxiosa descendo, ne ab homine iniquo et doloso religiosum monasterium destrui patiatur. Et enim non parcat nostro, qui suum pene destruxit. Unde addo solita præsumptione : Si puero vestro crederetis, hominem hunc, qui beneficio pietatis vestræ abutitur, in claustrum suum remitteretis, et domino abbati Casæ-Dei manderetis, ut in monasterio, quod ille inutiliter occupat, virum religiosum promoveret, et regularem ordinaret conventum. Hoc plane dignum apostolatu vestro, hoc beneplacitum Deo, hoc honor domino abbati Casæ-Dei, suoque monasterio. Sic etiam liberaretis animam prædicti hominis, et ipsum, cui incubat, monasterium.

## EPISTOLA CC.<sup>b</sup>

AD MAGISTRUM ULGERIUM ANDEGAVENSEM EPISCOPUM, PRO GRAVI QUERELA, QUÆ ERAT INTER IPSUM ET ABBATISSAM FONTIS-EBRALDI \*.

I. Lacrymas magis quam litteras dare libet. Sed quoniam ad neutrum inops est charitas; et has oportet dare, et illas non omittere : has vobis, illas mihi, et pusillis multis mei similibus, qui scandalizantur. Dicitis forsitan scandalum non esse per vos. Numquid propter vos esse negabitis? Facile cætera portarem, tantum vos non essetis in causa. Nam in culpa dicere non audeo. Non est meum discutere hoc : est qui quærat et iudicet. Vae homini illi per quem scandalum venit; iudicium profecto portabit

A nunc sermo : sustinete modicum quid insipientiæ meæ. Quia semel cæpi, loquar ad dominum meum : faciam satis vel ex parte zelo et affectui qui loquitur. Non verebor ætatem, dignitate non terrebor, non cunctabor ad nomen grande magistri Ulgerii. Nam quo grandius nomen, eo grandius scandalum. Propterea me ipsum transgrediar, et ero insipiens. Seniores increpabo, episcopum arguam, magistrum conabor docere, consilium dare sapienti. Nullum præsumptionis genus prætereat charitas et æmulatio, quam olim pro sanctitate et gloria nominis vestri conceperam. Cujus gloriæ diffusum circumquaque spiritualem odorem, invidia diaboli interpolatum esse vel modice, mihi pro modico non est, sed neque Ecclesiæ Dei, quæ ubique tam celebri gaudio in hoc meridiano lumine exsultare solebat.

2. Verum vos quantum propriam gloriam condemnatis, satis apparet. Laudo, sed si non usque ad injuriam Dei. Laudo et constantiam, qua nec summis potestatibus ceditis de jure vestro, quod putatis : sed si non pertinacius, quam constantius id agi a vobis videretur. Quam gloriosius, et certe sanctius vobis, illatam injuriam fortiter sustineretis, et famam vestram ad gloriam Dei custodiretis? quamquam nescio quomodo vel conscientiam vestram esse in tuto confiditis sub hoc scandalo. Nee enim excusat vos, etiamsi in quempiam alterum jure culpam refunditis. Esto quod alius moverit scandalum : profecto compescere vos potestis. Nolle compescere, sine culpa erit? aut vero compescere, sine gloria erit? Malum si comprimam tuum, reputabitur tibi ad justitiam; si alienum, ad gloriam. Quicumque auctor sit scandali, a vobis omnimodis exigitur tolli : et in eo loco excusatum dicimus, si non potestis. An non denique ministerium est Angelorum, D tollere scandala de regno Dei<sup>1</sup>? Si dixeritis, Quid ad nos? arguet vos illa sententia : *Labia sacerdotis custodiunt scientiam, et legem requirunt de ore ejus; angelus enim Domini est*<sup>2</sup>. Si ergo hoc scandalum, cum possitis, non tollitis; plane non impletis ministerium vestrum : quod quidem an nulla sit culpa, vos judicabitis. Ego vero nec hoc sufficere dixerim, si non et honorificatis.

<sup>1</sup> Matth. xiii, 44. — <sup>2</sup> Malach. ii, 7.

<sup>a</sup> Vide Notas ad Epistolam 197. — <sup>b</sup> Scripta circa annum 1140.

3. Est quoque quod adhuc addam, nisi quia<sup>192</sup> A  
timidior sum, fateor, quam promisi. Sed tutius  
adduco magistrum, qui non vereatur episcopus  
episcopo nudam dicere veritatem. *Hoc ipsum*,  
inquit, *delictum est in vobis, quod causas ha-*  
*betis inter vos. Quare non magis fraudem pati-*  
*mini*? Opposuit speculum, refulsit justitiæ  
sol, emicuit veritas, nævus apparuit. Quanti  
est igitur nescio quæ illa possessiuncula maledi-  
cta, ut ulterius jam possit aut obumbrare tam  
manifestam veritatem, aut impedire tam opta-  
tam correptionem? Inspiret Deus vobis acquie-  
scere consilio, ut non dicam nostro, sed omnium  
qui æmulantur vos Dei æmulatione, reverende  
et omni gloria prosequende pater.

## EPISTOLA CCI.

AD BALDUINUM ABBATEM REATINI MONASTERII\*.

Hortatur ut strenue incumbat officio suo : huc vero requi-  
rit verbum prædicationis, exemplum operis, et præci-  
pue studium orationis.

1. Epistola quam misisti, affectum tuum red-  
olet, movet meum. Et doleo quod prout mo-  
veor, non possum rescribere. Nec immoror  
in excusandis excusationibus, sciens quod scien-  
ti me loquor. Nosti, inquam, sub qua sarcina  
gemo : et gemitus meus a te non est abscon-  
ditus. Tu vero pro schedulæ brevitate affe-  
ctum non æstimes, quem nulla sui prolixitate  
explicare posset oratio. Et malitia quidem oc-  
cupationum potest facere ut paucis scribam,  
sed non ut parum diligam. Actum sane exclu-  
dat, vel impediatur actus : sed numquid affe-  
ctum? Sicut mater unicum amat filium, ita te  
diligebam, hærentem lateri meo, placentem  
cordi meo. Diligam et absentem, ne solatium  
meum ex te, et non te videar dilexisse. Eras  
pernecessarius mihi. Atque hinc vel maxime  
claret, quam sincere te diligam. Hodie nempe  
non te caruissem, si quæsissem quæ mea sunt.  
Nunc autem vides, quod spretis utilitatibus  
meis, tuis compendiis non invidi, ponens te  
utique ibi, unde aliquando transponaris super  
omnia bona Domini tui.

2. Tu autem cura inveniri fidelis servus et  
prudens, conservis tuis cæleste triticum com-  
municare absque invidia, et absque desidia ero-  
gare; et noli frustra assumere excusationem,  
quasi de tui novitate aut de imperitia, quod putas  
forte, vel simulas. Nam nec sterilis verecundia  
grata est, nec humilitas præter veritatem lauda-  
bilis. Officium ergo tuum attende. Pelle pudor-  
em consideratione officii, age ut magister.  
Novus es, sed debitor : et ex tunc te noveris de-  
bitorem, ex quo te alligasti. Numquid novitas  
excusabit apud creditorem<sup>a</sup> damna lucrorum?  
Numquid prima tempora vacua præterire patitur  
fenerator? Sed non sum, inquires, ad ista suffi-  
B ciens. Quasi vero devotio tua accepta non sit ex  
eo quod habes, non ex eo quod non habes. De  
solo tibi credito talento respondere tibi para,  
securus de reliquo. Si multum accepisti, da  
multum. Quod si modicum est, et id tribue.  
Etenim qui in modico fidelis non est, nec in  
maximo. Totum da, quia totum repetendus es  
usque ad novissimum quadrantem : sed sane  
quod habes, non quod non habes.

3. Memento etiam voci tuæ dare vocem  
virtutis. Quid illud, inquis? Ut opera tua  
verbis concinant, imo verba operibus, ut  
cures videlicet prius facere quam docere. Pal-  
cherrimus ordo est et saluberrimus, ut onus  
quod portandum imponis, tu portes prior; et  
ex te discas, qualiter oporteat aliis moderari.  
Alioquin subsannabit te sapiens, utpote pigrum  
illum, cui labor sit manum porrigere ad os<sup>2</sup> :  
arguet te et Apostolus dicens, *Tu qui alios do-*  
*ces, te ipsum non doces*<sup>3</sup>. Sed et notaberis vitio  
Pharisæorum, qui alligant onera gravia et im-  
portabilia, et imponunt ea in humeros homi-  
num, digito autem suo nolunt ea movere<sup>4</sup>.  
Sermo quidem vivus et efficax, exemplum est  
operis, facile faciens suadibile quod dicitur,  
dum monstrat factibile quod suadetur. Ergo in  
D his duobus mandatis, verbi scilicet, atque  
exempli, summam tui officii ad conscientie  
securitatem pendere intellige. Tu tamen, si  
sapis, junges et tertium, studium videlicet  
orationis, ad complementum utique trinæ il-  
lius repetitionis in Evangelio de pascendis ovi-  
bus<sup>5</sup>. In hoc noveris illius trinitatis sacramen-  
tum in nullo frustratum a te, si pascas verbo,  
pascas exemplo, pascas et sanctarum fructu

<sup>1</sup> 1 Cor. vi, 7. — <sup>2</sup> Prov. xvi, 15. — <sup>3</sup> Rom. ii, 21. — <sup>4</sup> Matth. xxiii, 4. — <sup>5</sup> Joan. xxi, 15-17.

<sup>a</sup> Alias, conditorem.

orationum. Manent itaque tria hæc; verbum,<sup>195</sup> solemnitate fraudetur tanti sacerdotis rite exemplum, oratio : major autem his est oratio. A celebranda electio. Aderit, ut confidimus, Nam etsi, ut dictum est, vocis virtus sit opus; Spiritus sanctus votis vestris, et honor erit et operi tamen, et voci gratiam efficaciamque vobis honorificantibus ministerium vestrum, promeretur oratio. Heu avellor, abripior! non dum pari voto et consilio studueritis quod gloria sit Dei, et salus populi.

## EPISTOLA CCIII.<sup>d</sup>

AD ATTONEM EPISCOPUM ET CLERUM TRECENSEM.

B Monet ut Ansellum clericum Trecensem ab armis et conjugio revocent.

## EPISTOLA CCII.<sup>a</sup>

AD CLERUM SENONENSEM.

Electionem novi Præsulis non inconsulte et præcipitanter instituendam.

Destituti benedicto pastore vestro<sup>b</sup>, opus est, charissimi, ut de substituendo alio sollicitè satagatis. Sed sane id non præcipitanter agendum, non tumultuose, aut inconsulte : ne forte vacuetur, quod præter rationem et ordinem præsumetur; et vos intrare incipiatis circuitum quorundam, qui in circuitu vestro sunt. De vicinis, si placet, Ecclesiis sumite experimentum<sup>c</sup>; et illarum vexatio det intellectum auditui in causa præsentī. Grandis quippe res est in manibus, nobili Senonensi Ecclesiæ instaurare pastorem. Grandis prorsus, nec sine grandi adorienda consilio. Expectandum proinde suffraganeorum consilium episcoporum, expectandus assensus Religiosorum qui sunt in episcopatu, atque in commune tractandum commune negotium. Alioquin, dilectissimi, moleste, credite, intuebimur tribulationem Ecclesiæ vestræ, moleste vestram ipsorum confusionem. Quod utrumque continget facile, si illud contingat effici, quod oporteat revocari. Ergo indicatur jejunium, convocentur episcopi, Religiosi adseiscantur : nec sua (quod absit)

Legimus, *Si erraverit quis ex vobis a veritate, et converterit quis eum, scire debet quoniam qui converti fecerit peccatorem ab errore viæ suæ, salvabit animam ejus a morte, et operit multitudinem peccatorum*<sup>1</sup>. Errat Ansellus noster, errat : cui dubium? Si dimittimus eum sic, non solus errabit. Quantos trahet post se suo exemplo illustrissimus juvenis? Nec modo sequaces, sed et omnes qui poterunt eum revocare, nec revocabunt, eodem errore judicamus involvi. Mundus ego sum a sanguine ejus. Et ei prædixi per epistolam, et vobis nunc dico, quia rem illicitam præsumit. Nec clerici est pugnare armis militaribus, nec subdiaconi uxorem ducere<sup>2</sup>. Annuntiate peccatori opus ejus, ne ille in peccato suo moriatur, sanguinem vero ejus de manu vestra requirat, qui suo eum redemit sanguine pretioso. En de cælo clamat : *Virgo Israel corruit, et non est qui sublevet eam*<sup>3</sup>. Quousque in luto aurum jacet? Tollite margaritam, tollite, levate splendidissimam atque pretiosissimam gemmam de sterquilinio : levate eam, antequam porcorum, id est spurcorum spirituum, pedibus conculcetur, et jam non sit vas in honorem, sed in contumeliam.

<sup>1</sup> Jacobi v, 19, 20. — <sup>2</sup> Amos v, 2.

<sup>a</sup> Scripta anno Christi 1144. — <sup>b</sup> Henrico scilicet, cui successit anno 1144 Hugo ex abbate Pontiniacensi, testante Chronico Hugonis monachi Sancti-Mariani, et alio S. Petri Vivi, Confer epist. 182.

<sup>c</sup> Intelligit Ecclesiā Aunclianensem, de qua epist. 156; Catalaunensem, ex epist. 224; et Lingonensem, de qua supra epist. 164 sqq.

<sup>d</sup> Scripta circa annum 1140. — <sup>e</sup> De cohabitu subdiaconorum lege Gregorii Magni epistolam 42, lib. 1 etc.

EPISTOLA CCIV.<sup>a</sup>

AD ABBATEM SANCTI-ALBINI \*.

Suum erga eum affectum aperit : mutuum vero conspectum, si præsens vita non permittat, futuræ reservari.

Etsi facie ignotus es mihi, sed non fama : nec parum aut vile quid tui gratulor me tenere munere illius. Nam talis fateor per eam insinuat<sup>B</sup>us es meo pectori, ut licet in multis occupatum, ipsa tamen serenissima recordatio tui, mi dilectissime frater<sup>b</sup>, facile me plerumque ex omnibus vindicet sibi, ita ut in ea libenter immorer, et suaviter requiescam. Cæterum quo memoriam plus accepto, eo avidius suspiro præsentiam. Sed quando istud, aut si quando istud? Utique etsi non ante, profecto in civitate Dei nostri : si tamen non habemus hic manentem civitatem, sed illam inquirimus. Ibi, ibi videbimus nos, et gaudebit cor nostrum. Interim vero delectabor et lætabor nihilominus in his quæ dicta sunt mihi, sperans et expectans<sup>C</sup> quod reliquum est de visione corporali in die Domini; ut gaudium meum plenum sit. Adde, obsecro, ad ea bona quæ abs te et de te nobis assidue veniunt, tuas tuorumque pro nobis orationes, pater charissime et desideratissime.

EPISTOLA CCV.<sup>c</sup>

AD EPISCOPUM ROFFENSEM \*.

Durius se litteris ejus, sed citra culpam, perstringi.

Dure scribitis non merenti. Quid peccavi? Si monui magistrum Robertum Pullum\* aliquantum tempus facere Parisiis, ob sanam doctrinam quæ apud illum esse dignoscitur; id putavi

<sup>194</sup> necessarium, et adhuc puto. Si rogavi Sublimitatem vestram ut permetteretis, etiam nunc idipsum rogarem, nisi eam de priori prece indignatam sensissem. Si dixi hominem fultum gratia amicorum, quorum in curia<sup>d</sup> non minima auctoritas est; id dixi, quod vobis formidavi, et adhuc formido. Nam quod post appellationem factam extendistis manum (ut accepimus) ad res appellantis; nec laudavi, nec laudo. Veruntamen voluntati vestræ in aliquo contradicere nec consului ei, nec consulo. De cætero vestri sumus, coronam vestram<sup>e</sup> suscipere, et colere semper digna et debita veneratione parati. Hujus testimonio conscientiæ audemus adhuc ad vos, prece duntaxat atque consilio, ut magister Robertus cum integritate gratiæ vestræ per aliquantum tempus possit Parisius demorari. Retribuat vobis Dominus in vita æterna, quod viscera nostra refovistis : filios nostros loquor, quos misimus in Hiberniam.

## EPISTOLA CCVI.

AD REGINAM JEROSOLYMORUM<sup>f</sup>.

Commendat quemdam consanguineum suum, et paucis monet Reginam ita vivere, ut regnet perpetuo.

Audierunt homines, quod locum gratiæ habeam apud vos : et multi profecturi Jerosolymam petunt se vestræ Excellentiæ per me commendari. Ex quibus est iste juvenis consanguineus meus, juvenis, ut aiunt, strenuus in armis, suavis in moribus. Et gaudeo quod ad tempus elegit militare Deo magis quam sæculo. D Itaque facite morem vestrum, et bene sit huic propter me; sicut cæteris omnibus propinquis meis fuit, qui per me vobis innotescere potuerunt. De cætero cavete, ne voluptas carnis et gloria temporalis impediatur vobis iter regni cœlestis. Nam quid prodest paucis diebus regnare super terram, et regno cœlorum æterno privari? Sed confido in Domino, quod

<sup>a</sup> Scripta circa annum 1140. — <sup>b</sup> Alias, *mi dulcissime frater* — <sup>c</sup> Scripta circa annum 1140.

<sup>d</sup> Curia nomine Bernardus solet intelligere Romanam, ut in titulo epistolæ 219, et alibi passim.

<sup>e</sup> Coronæ elogio Vir sanctus, more veterum, non raro compellat episcopos, uti et reges, infra epistolâ 224, no. 2, 3. — <sup>f</sup> Hæc vocabatur Melisendis, ad quam epistolæ 289, 354, 355.

melius facietis : et si verum est testimonium<sup>195</sup> quod de vobis perhibet charissimus avunculus meus Andreas<sup>a</sup>, cui multum credimus ; et hic , et in aeternum Deo miserante regnabit. Peregrinis , egenis , et maxime inclusis curam impendite : quia talibus hostiis promeretur Deus. Scribite nobis frequentius : quia et vobis non oberit , et nobis proderit , si esse<sup>b</sup> vestrum , et bona studia plenius certiusque noverimus.

regnum cœlorum , qui contempserunt vitam mundi. Facite vobis illos amicos de mammona iniquitatis : ut cum defeceritis a terreno regno vestro , recipiant vos in suum regnum æternum<sup>3</sup>.

## EPISTOLA CCVIII.<sup>d</sup>

AD EUMDEM.

## EPISTOLA CCVII.<sup>c</sup>

AD ROGERIUM REGEM SICILIE.

Hortatur ut se pauperibus Religiosis benignum et beneficium exhibeat.

Longe lateque satis dilatata est magnificentia vestra super terram \*. Etenim gloria nominis vestri quos fines non attingit ? Sed audite consilium diligentis vos. Studete, quod in vobis est, hanc ipsam gloriam referre ad illum a quo est, si non vultis eam perdere, aut certe perdi ab ea. Hoc autem sic fiet, si inter eos, quos regie magnificentie celebris opinio evocat de longinquo, discretionis oculum aperitis, manumque extenditis non tam cupidis, quam egenis. Et vere *beatus qui intelligit*, non super cupidum, sed *super egenum et pauperem*<sup>1</sup>. Illum, inquam, pauperem qui invitus petit, et verecunde accipit, et accipiens glorificat Patrem suum qui in cœlis est. Cum autem Deo sua gloria de vestro munere ex ore egentium ita fideliter resignabitur ; uberiori procul dubio rivo fluat vobis necesse est ille fons glorie, qui diligentes se diligit, et glorificat glorificantes se : ut qui seminat in benedictionibus, de benedictionibus et metat<sup>2</sup>. Pro huiusmodi obsecro vos ponere oculos vestros super latorem presentium, quem pro certo ad vestram regiam presentiam non cupiditas traxit, sed coegit necessitas. Necessitas dico non sua, sed suorum, multorum videlicet, a quibus missus est, servorum Dei fidelium. Audite patienter quid patiantur, audite, et compatimini ; quia si compatimini, et coregnabitis. Nec contemnendum regi regnare cum talibus : ipsorum est enim

B Desideratus a Rege mittit ex suis, quos ut viscera sua benigne suscipi et foveri rogat.

Si me quæritis, ecce ego, et pueri mei, quos dedit mihi Deus. Fertur namque mea humilitas invenisse gratiam apud regiam majestatem, ita ut quærat videre me. Et quis ego sum, ut dissimulem beneplacitum Regis ? Accurro, et qui quærebar, ecce adsum : non in presentia corporis infirma, in qua despexit Dominum Herodes<sup>4</sup> ; attamen in visceribus meis. Nam quis me separabit ab his ? Sequar eos quocumque ierint : et si habitaverint in extremis maris, non erunt absque me. Habes, Rex, lumen oculorum meorum, habes cor meum, et animam meam. Quid si modicum nostri abest ? Corpusculum loquor, vile istud mancipium, quod etsi voluntas exponeret, sed retineret necessitas. Non valet sequi volantem animam, quoniam infirmum est, et solum pene illi superest sepulcrum. Sed quæ cura ? Anima mea in bonis demorabitur, cum semen meum hæreditabit terram. Semen meum, semen bonum. Germinabit, si tamen in terram bonam ceciderit. Lætabitur et delectabitur in crassitudine anima mea ; quippe, ut confido, dabitur illi de fructu manuum suarum. Reposita est hæc spes mea in sinu meo, ut patienter feram ab his vel corpore separari. Non mireris, Rex. Ante elegissem a corpore peregrinari, quam istos emittere, si solus causæ decesset Deus. Suscipe illos tanquam advenas et peregrinos, veruntamen cives sanctorum, et domesticos Dei. Parum dixi cives ; reges sunt. Ipsorum est enim regnum cœlorum, jure et merito paupertatis. Non decet frustra e longinquo esse vocatos, et suis sedibus exsules inutili

<sup>1</sup> Psal. xli, 1. — <sup>2</sup> II Cor. ix, 6. — <sup>3</sup> Luc. xvi, 9. — <sup>4</sup> Id. xxiii, 11.

<sup>a</sup> Ad quem epistola 288. — <sup>b</sup> Id est, statum. — <sup>c</sup> Scripta anno Christi 1139. — <sup>d</sup> Scripta eodem anno.



peregrinatione vagari. Putas poterunt cantare<sup>196</sup> canticum Domini in terra aliena? Sed non recte A forte dixerim alienam, quæ semini bono spontaneum expandit sinum, et pretiosum depositum jam læto in gremio pie fovere suscepit. Cecidit, ut video, cecidit granum bonum in terram bonam et optimam : spero in Domino quod radicabit, germinabit, multiplicabitur, et referet fructum in patientia<sup>1</sup>. Porro hunc cum Rege partibor, et unusquisque secundum suum laborem accipiet<sup>2</sup>.

## EPISTOLA CCIX.

AD EUMDEM.

Prædicat regiam ejus munificentiam in suscipiendis et fovendis Religiosis a se missis.

Habetis quod petiistis, fecistis quod promissistis. Quos in verbo vestro exposuimus, et misimus, peregrinari, regia sunt liberalitate suscepti. Occurristis eis cum panibus, eduxistis eos in refrigerium, constituistis eos super excelsam terram, ut comedant fructus agrorum, ut sugant mel de petra, oleumque de saxo durissimo; butyrum de armento, et lac de ovibus, et ficus cum medulla tritici, et sanguinem uvæ bibant meracissimum. Et hæc quidem terrena sunt, sed cœlestia mercantur. Sic itur ad astra : talibus hostiis promeretur Deus. Istorum est enim regnum cœlorum, qui regi terræ in terra viventium reddere poterunt pro his terrenis vitam et gloriam sempiternam. Misimus vobis magistrum Brunonem, olim mihi per dies multos individuum comitem, nunc autem patrem multarum quidem animarum lætantium in Christo, sed egentium in sæculo. Experiatur et ipse munificam manum regis, ut augeatur D numerus amicorum, qui ipsum recipiant in æterna tabernacula. Quod illi facitis, mihi facitis : quia quod illi deest, a me exigitur. At quia marsupium nostrum minus sufficiens est ; ad vestrum sane, quod aliquanto grossius esse liquet, pauperem Christi merito destinare curavi.

## EPISTOLA CCX.<sup>a</sup>

AD DOMINUM PAPAM INNOCENTIUM.

Remensem præsulem Pontifici commendat.

Dominum Remensem<sup>b</sup> gloriæ vestræ commendamus, non tanquam de cæteris, sed vere præ cæteris unum : idque tam secure, quam securi sumus de sua erga vos fidei devotione, sincera dilectione, voluntate subdita atque obedientissima. Honoretur, quoniam vas est in honorem. Sentiat, quod in vobis est, non frustra se honorificare ministerium suum : non frustra pollere his moribus, quibus honoretur Deus, ornatur Ecclesia, qui denique deceant Domini sacerdotem.

## EPISTOLA CCXI.<sup>c</sup>

AD EUMDEM.

C Causam Cantuariensis archiepiscopi, necnon Londinensis episcopi commendat.

Dominus Cantuariensis<sup>d</sup>, vir bonus, et testimonium habens a bonis, injuste in causam trahitur, et ab agendo violenter retrahitur. Parabat iter : nam in vestra præsentia fuerat terminanda : et ecce intercipitur a turbine et tempestate bellorum. Sit excusatus apud vos, cui molesta est excusandi necessitas : tum quia præsumit de justitia, tum quia desiderio desiderabat videre faciem vestram. Addit et hoc puer vester, ut si qua alia petitio est venerabilis sacerdotis \*, tanto citius admittatur, quanto dignior est qui petit. Audeo adhuc, et quia semel cœpi, loquar ad dominum meum. Ille, ille antiquus amicus, fidelis servus, devotus filius (Robertum loquor Londinensem episcopum) clamat ad vos, quod occupator ille, qui eum prævenit in sedem, quam Deo auctore ipse sortitus est, ipsius Ecclesiæ vadia<sup>e</sup> terrasque distraxerit, et

<sup>1</sup> Luc. viii, 15. — <sup>2</sup> I Cor. iii, 8.

<sup>a</sup> Scripta circa annum 1139. — <sup>b</sup> Nimirum Samsonem. — <sup>c</sup> Scripta circa annum 1139.

<sup>d</sup> Theobaldus, antea Beccensis abbas. — <sup>e</sup> Id est pignora seu hypothecas.

distracta restituere nolit. Quod quam sit inju-<sup>197</sup> ad vestros Cluniacenses, et inclinavit se humiliosum, et qualiter corrigendum, meae humilium genibus, humilium precibus communi- A tatis non est tantæ sapientiæ prædictare.

## EPISTOLA CCXII.<sup>a</sup>

AD EUMDEM.

Causam Salamanticensis episcopi pathetice agit apud Pontificem, insignem ejus humilitatem commendans.

Vir illustris, Salamanticensis quondam episcopus, rediens ab Urbe, non pigritavit divertere ad puerum vestrum, et auxilium ab homunculo flagitare non despexit \*. Quo audito, recordatus sum prophetiæ dicentis : *Montes et colles coram Deo humiliabuntur, et erunt prava in directa, et aspera in vias planas*<sup>1</sup>. Sic vos ludere nostis, alta comprimere, sedare tumentia, et enormia redigere in mensuram. Veruntamen cum tragoediæ suæ historiam in auribus meis homo seri- riatim exposuisset, laudavi judicem, judicium approbavi; sed, dico vobis, compassus sum judicato. Sic quippe totam suam lacrymosam illam orationem conclusit, tanquam in calce ipsius diceret cum propheta : *Exaltatus autem humiliatus sum et conturbatus*<sup>2</sup>; et, *Quia elevans allisisti me*<sup>3</sup>. Cumque memorarer justitiæ vestræ, et virilis animi quem sciebam; cepti tamen simul cogitare divitias miserationum vestrarum, quas in plurimis expertus sum, et dixi : Quis scit si convertatur et ignoscat dominus, et relinquat post se benedictionem? Certe, inquam, in omnibus et per omnia instructus est et æmulari, et ignoscere, et debellare superbos, et parcere nihilominus subjectis: nisi quod magistrum sequens, etiam consuevit D misericordiam superexaltare judicio. Et acceperim solita illa mea præsumptione loqui ad dominum meum, cum sim pulvis et cinis. Et ministrabat materiam spei, precii fiduciam, pietati rationem, quod adverterem hominem, non, ut assolet, versum in furorem cum indignatione recedere, et repetere natale solum, moliri scandala, tentare seditiones : sed dedit locum iræ, et induit spiritum mansuetudinis, et declinavit

ad vestros Cluniacenses, et inclinavit se humilium genibus, humilium precibus communi- vit, armis potentibus a Deo. His telis statuit adversum vos dimicare, et rigoris murum oppositum sibi talibus, ut jactat, pietatis machinis labefactare conabitur. Confidit autem quod respicietis in orationem humilium, nec spernetis precem eorum; et vincet pietas, quem tremunt potestates. Ego quoque securus cum talibus tendo manus, flecto genua, supplico pro supplici : audacter pronuntians, debere misero suam prodesse humilitatem, cui adeo insolentia sua nocuit; nec decere virtutem vinci a vi- B tio in retributione.

## EPISTOLA CCXIII.<sup>b</sup>

AD EUMDEM.

Expostulat cum Pontifice, quod reconciliatio Petri Pisani opera sua, et auctoritate ipsius Papæ facta irritetur.

Quis mihi faciet justitiam de vobis? Si habere m rem judicem ad quem vos trahere possem, jam nunc ostenderem vobis (ut parturiens loquor) quid meremini. Exstat quidem tribunal Christi: sed absit ut ad illud appellem vos, qui illic (si vobis necessarium, et mihi possibile esset) vellem magis totis viribus stare, et respondere pro vobis. Itaque recurro ad eum cui in præsentī datum est judicare de universis, hoc est, ad vos. Vos appello ad vos : vos judicate inter me et vos. In quo, quæso, puer vester tam male meruit de vestra Paternitate, ut eum inurere et insignire placeret nota et nomine proditoris? Numquid non me vestrum vicarium dignatio vestra constituit in reconciliatione Petri Pisani<sup>c</sup>, si forte illum Deus per me revocare a facie schismatis dignaretur? Si negatis, probabo tot testibus, quot in curia tunc temporis fuerunt. Numquid non denique post hæc, juxta verbum domini mei, homo in suo ordine et honore receptus est? Quisnam ergo constantiæ vestræ suo consilio, vel magis suo dolo subripuit indulta repetere, et quæ processere de labiis vestris, facere irrita? Et hoc ego dixerim, non

<sup>1</sup> Isai. xl, 4. — <sup>2</sup> Psal. lxxxvii, 16. — <sup>3</sup> Psal. ci, 11.

<sup>a</sup> Scripta anno Christi 1139. — <sup>b</sup> Scripta eodem anno. — <sup>c</sup> Vide vitam S. Bernardi lib. 2, cap. 7.

ut apostolicum reprehendam rigorem, et zelum<sup>19a</sup> igne Dei succensum contra schismaticos, qui in spiritu vehementi conterat naves Tharsis, et instar Phinees confodiat fornicantes, juxta illud, *Nonne qui oderunt te, Domine, oderam, et super inimicos tuos tabescebam*? sed ubi non est par culpa, par plane non debet procedere pœna : nec convenit eadem involvi sententia eum qui peccatum, cum his quos magis peccatum deseruit. Propter eum qui ut peccatoribus parceret, sibi ipsi non pepercit, auferte opprobrium meum, et restituendo quem statuistis, vestræ etiam tam sanæ et integræ opinioni consulite. Super hoc jam alia vice scripseram vobis : sed quia non est responsum mihi, puto non pervenit ad vos hoc ipsum, quod scripseram.

## EPISTOLA CCXIV.<sup>a</sup>

AD EUNDEM.

Episcopum Cameracensem et abbatem Godescalcum commendat.

Si cura, si memoria quantulacumque mei exstat adhuc in corde domini mei, et si qua portiuncula antiquæ gratiæ invenitur etiam nunc in oculis ejus a puero ejus; liceat hanc experiri viro nobili et humili Nicolao \* Cameracensi episcopo. Fateor me obnoxium illi, et omnium quæ pro eo facere valeo debitorem : non solum quia ubicumque potest, honorat nos et nostros, sed et propter veritatem, et mansuetudinem, et justitiam, quæ eum etiam apud vos commendabilem reddere possunt. Et, nisi fallor, qui eum tribulant, falsi sunt, et non est in ore eorum veritas. Denique vos probabit, et non est mihi verbis laborandum super hoc. Est præterea cum eo vir religiosus et sanctus Godescalcus abbas \*, pro quo similiter si quid ad merita ejus nostra interventio addere potest, obnixè oro, ut in suis petitionibus exaudiatur. Arbitror enim nullam illum facere, quæ non digna sit exaudiri.

<sup>19</sup> Psal. cxxxviii, 21. — <sup>2</sup> Sap. i, 11. — <sup>3</sup> Psal. cxliv, 19. — <sup>4</sup> Matth. xix, 6.

<sup>a</sup> Scripta circa annum 1140. — <sup>b</sup> Scripta circa eundem annum. — <sup>c</sup> Scilicet Hugo.

<sup>d</sup> Scripta anno Christi 1142.

## EPISTOLA CCXV.<sup>b</sup>

AD EUNDEM.

Pro episcopo et decano Autissiodorensi.

Scribo vobis frequentissime vilis vermiculus, et in hanc impellor audaciam precibus amicorum. Fateor, audax sum, sed non mendax. Non suspicetur dominus meus in ore pueri sui inventum iri mendacium in omnibus quæ ad ipsum scripserit. Volo amicis gerere morem, non tamen in meam mortem. Nec enim ignoro ubi legerim : *Os quod mentitur, occidit animam*<sup>2</sup>. Falsitatem proinde nego, importunitatem non excuso : ipsa inveniat veniam, cætera non timemus. Amicus est dominus Autissiodorensis episcopus<sup>c</sup>, et præcipuus; quis nesciat? Habet quam communicet amico anxietatem, non falsitatem. Fidelem pro decano ipsius afferimus excusationem, absolutionem exigimus. Filii sumus unius patris (quod solita præsumptione loquor) qui estis vos. Confidimus, quia non repellet filios pater, sed voluntatem timentium se faciet, et deprecationem eorum exaudiet, et lætos faciet illos<sup>3</sup>.

## EPISTOLA CCXVI.<sup>d</sup>

AD EUNDEM.

Comitem Radulfum, qui repudiata uxore sua aliam duxerat, patronos in curia reperire queritur.

Scriptum est, *Quod Deus conjunxit, homo non separet*<sup>4</sup>. Surrexerunt viri audaces, qui non timuerunt conjunctos a Deo contra Deum disjungere\*. Neque id solum, insuper et adjecerunt conjungere non conjungendos, addentes prævaricationem. Lacerantur sacra Ecclesiæ, scinduntur, proh dolor! vestes Christi; idque, ad

cumulum doloris, ab his a quibus resarciri de-<sup>200</sup> nos saltem mentionem facere pacis. Nusquam buerant. Amici tui, Deus, et proximi tui adversum te appropinquaverunt, et steterunt<sup>1</sup>. Nam qui mandatum tuum transgrediuntur, non sunt alieni, non sunt extranei a sanctuario tuo, sed eorum hodie locum tenent, quibus dixisti: *Si diligitis me, mandata mea servate*<sup>2</sup>. Comitem Radulfum et uxorem ejus Deus conjunxerat per ministros Ecclesiæ, et Ecclesia per Deum, qui dedit potestatem talem hominibus. Quomodo quos Ecclesia conjunxit, disjuncta camera? In quo facto illud solum convenienter provisum est, quod in tenebris facta sunt opera tenebrarum. Qui enim male agit, odit lucem, et non venit ad lucem, ut non arguantur opera ejus a luce. Quid meruit comes Theobaldus? quid peccavit homo ille? Si peccatum est quod diligit justitiam, et odit iniquitatem; non potest excusari. Si peccatum est, quod reddidit Regi quæ regis sunt, et quæ sunt Dei Deo; non potest excusari. Si archiepiscopum Bituricensem suscepit ad imperium vestrum; hoc est maximum et primum peccatum<sup>3</sup>. En sanguis iste de manu ejus exquiritur. Qui retribuunt mala pro bonis, detrahunt ei, quoniam sequitur bonitatem. Multi clamant ad vos in toto corde suo, ut injuria filii vestri et oppressionem Ecclesiæ digna animadversione vindicetis, et artifices hujus sceleris cum ipso eorum capite, cui quidquid libuit, licuit, apostolico vigore coerceatis, ut in verticem ipsius iniquitas ejus descendat.

## EPISTOLA CCXVII.<sup>a</sup>

AD EUMDEM.

Theobaldum causa justitiæ, et fidelitatis erga Sedem apostolicam, premi queritur: sed ad iniqua promissa compulsus ope Pontificis expediri rogat.

Tribulatio et angustia invenerunt nos. Com-mota est et contremuit terra in mortibus hominum, in exiliis pauperum, divitum quoque vinculis et carceribus. Ipsa religio venit in opprobrium et contemptum. Probro ducitur apud

A fides, nusquam innocentia tuta. Amator innocentiae et pietatis cultor comes Theobaldus pene traditus est in animam inimicorum ejus. Impulsus est ut caderet, sed Dominus suscepit eum; et gaudet quod justitia, et vestra obedientia in causa sit, apostolo acquiescente, qui ait, *Si quid patimini propter justitiam, beati*<sup>3</sup>: et in Evangelio, *Beati qui persecutionem patiuntur propter justitiam*<sup>4</sup>. Væ nobis! hæc omnia præsentire, sed minime præcavere potuimus. Quid plura? Ut non penitus desolaretur terra, et omne regnum in se ipsum divisum concideret, compulsus est ille devotissimus filius vester, et ecclesiasticæ libertatis amator et defensor, sub jurejurando promittere, quatenus sententiam excommunicationis a legato vestro bonæ memoriæ magistro Ivone datam in terram et personam adulteri tyranni<sup>b</sup>, qui caput et auctor exstitit horum omnium malorum et dolorum, atque in ipsam adulteram, faceret amoveri: quod sane tamen præfatus princeps fecit prece et consilio nonnullorum fidelium sapientiumque virorum. Dicebant namque id a vobis facile, et absque læsione Ecclesiæ impetrari, dum in manu vestra sit, eandem denuo sententiam, quæ juste data fuit, incontinenti statuere, et irretractabiliter confirmare: quatenus et ars arte deludatur, et pax proinde obtineatur; et qui gloriatur in malitia, et potens est in iniquitate, nihil inde lucretur. Multa habeo dicere vobis, sed non est opus de omnibus scribere, cum præsens sit qui omnia scit, et viva voce planius potest et plenius aperire.

## EPISTOLA CCXVIII.<sup>c</sup>

AD EUMDEM EXCUSATORIA, ET NOVISSIMA.

Solita se apud Innocentium gratia excidisse animadvertens, causas offensæ occasione testamenti Ivonis cardinalis natas modeste diluit.

Domino et Patri reverendissimo INNOCENTIO, BERNARDUS, nihilum id quod est.

1. Putabam me aliquando aliquid vel modi-

<sup>1</sup> Psal. xxxvii, 12. — <sup>2</sup> Joan. xiv, 15. — <sup>3</sup> I Petr. iii, 14. — <sup>4</sup> Matth. v, 10.

<sup>a</sup> Scripta anno Christi 1142. — <sup>b</sup> Radulfi de quo præcedens epistola. — <sup>c</sup> Scripta anno Christi 1143.

cum esse : sed nunc, ut sentio, prorsus ad ni-<sup>201</sup>hilum redactus sum, dum nescivi. Nec enim A me dixerim omnino nihilum tunc fuisse, cum oculi domini mei super puerum suum essent, et aures ejus ad preces meas : cum omne quod scriberem, obviis manibus accepisset, et vultu hilari perlegisset, benignissime atque plenissime ad omnia postulata respondens. Modo autem me merito non modicum dico, sed nihilum : quoniam ab heri et nudius tertius avertit faciem suam a me. Cur hoc? quid peccavi? Multum fateor, si pecunia cardinalis Ivonis bonæ memoriæ<sup>a</sup> meo arbitrio distributa fuit, et non ad nutum ipsius : quod utique ad aures domini B mei fuisse perlatum, mihi relatam est. Sed confido quia nunc hujus rei veritatem cognoscetis, et veritas liberabit me. Non sum tam hebes, ut ignorem Ecclesiæ esse, quidquid illerum suarum non dederit.

2. Sed jam audite simpliciter veritatem. Si inventum fuerit in ore meo mendacium, ipsum os meum condemnabit me. Quando homo exiit hominem, absens eram, imo et valde remotus. Audiavi autem ab his qui affuerunt, quod ipse fecerit suum testamentum; et quod fecit, fecit et scribi : et de rebus suis quæ voluit, quibus C voluit, ipse divisit : quod residuum fuit, duobus abbatibus assistentibus tunc sibi, et mihi pariter qui absens eram, dividendum commisit; eo quod nobis nota essent loca pauperiora sanctorum. Porro abbates illi domum venientes, et non invenientes me (detinebar enim tunc temporis ex vestro mandato pacis quærendæ negotiis), nihilominus pecuniam, sicut eis visum est, diviserunt, me non solum non connivente, sed et nesciente quid fecerint. Cedat jam, si placet, manifestæ indignatio veritati, nec mihi deinceps frons rugetur, aut supercilium depnatur : sed solita redeat serenitas blando et benigno vultui, ac suo denuo sole læta facies D induatur.

3. Nam quod item comperi displicuisse me in multis scriptitationibus meis, hoc me jam metuere non oportebit : quoniam facile emendabo. Scio, scio, præsumpsi plus quam oportuit, parum attendens quis cui scriptitare præsumerem : et ad id quidem audendum vestra me armarat benignitas, non negabit. Urgebat deinde charitas amicorum : etenim perpauca

pro me scripsi, si bene memini. Sed ne quid nimis. Dabo, si potero, zelo meo de cætero temperamentum, scientiam; et ponam digitum meum super os meum. Tolerabilius enim offendam aliquos amicorum, quam multis precibus defatigem christum Domini. Et nunc quoque non sum ausus scribere vobis de imminentiis Ecclesiæ periculis, et gravi schismate quod timemus, ac plurimis quæ sustinemus incommodis. Scripsi autem sanctis episcopis vestro lateri adhærentibus : ab ipsis audire poteritis, si scire placuerit, quæ scripserim ego.

## EPISTOLA CCXIX.<sup>b</sup>

AD TRES\* EPISCOPOS CURIE, ALBERICUM OSTIENSEM, STEPHANUM PRENESTINUM\*, IGNARUM TUSCULANUM\*, ET GERARDUM CANCELLARIUM.

Pro interdicto quod erat in terra Regis propter archiepiscopum Bituricensem.

1. Quantum malum schisma in Ecclesia sit, et quam sit detestandum, et omnimodis devitandum, evidenter quondam ostendit famosa et horrenda mors virorum illorum, quos ob istiusmodi pestem terra deglutiens, vivos transmisit ad inferos. Ostendit et illa persecutio Guibertina\*, sive Burdini temeritas, quos nostra jam tempora experta sunt, inter regnum et sacerdotium dividentes plaga pene incurabili, et castigatione crudeli. Ostendit et illa quæ nuper adhuc post multam et multifariam Ecclesiæ vexationem et vastationem, tandem Deo miserante finem accepit rabies Leonina<sup>c</sup>. Merito proinde Salvator in Evangelio : *Væ, inquit, homini illi per quem scandalum venit*! Væ nobis qui vivimus, plangere quæ pertulimus, dolere quæ sentimus, tremere quæ expectamus! Et, quod pejus est, ad tam malum habitum humanæ res devenerunt, ut nec rei humiliari velint, nec iudices misereri. Dicimus iniquis, *Nolite inique agere; et delinquentibus, Nolite exaltare cornu*?; et non audiunt nos, quia domus exasperans est<sup>3</sup>. Supplicamus his, quorum est peccata arguere, peccantes servare,

<sup>1</sup> Matth. xviii, 7. — <sup>2</sup> Psal. lxxiv, 5. — <sup>3</sup> Ezech. ii, 5.

<sup>a</sup> Vide epistolas 144, 193. — <sup>b</sup> Scripta anno Christi 1143. — <sup>c</sup> Schisma Petri Leonis.

ne calamum quassatum conterant, et linum<sup>262</sup> verso orbi. Siquidem deprecatio mea super hoc fumigans non exstinguant: et magis in spiritu A ab anno priore; et peccatis meis exigentibus vehementi conterunt naves Tharsis. deprecationem meam non exauditio, sed indignatio; indignationem autem desolatio pene universæ terræ secuta est. Si quid zelo urgente erupit quod non fuit, aut secus quam fuit dicendum; sit, quæso, apud vos quasi non dictum: ubi vero dixi quod oportuit, et ubi oportuit dici; sit non frustra dictum.

2. Si denuntiamus filiis cum Apostolo, ut obediant patribus per omnia; quasi aerem verberamus. Si patribus loquimur, ne ad indignationem provocent filios<sup>1</sup>; in nos potius eorum indignationem provocamus. Nec delinquentes satisfacere nec rectores seu correctores condescendere ullatenus acquiescunt. Omnes suum stomachum sequuntur; et totis viribus funem in diversa trahentes, rumpunt. Heu necdum recenti Ecclesiæ plagæ<sup>a</sup> cicatrix occalluit<sup>\*</sup>, et rursus scindere parant, rursus corpus Christi B affligere cruci, rursus fodere latus innoxium, rursus vestimenta dividere, atque ipsam, quod in ipsis est, tunicam inconsutilem, quamvis frustra, dirumpere satagunt. Si qua in vobis sunt viscera pietatis, tantis vos opponite malis: ne in illa præcipue terra scissura fiat, in qua solent, sicut optime nostis, scissuræ aliæ resarciri. Nam si auctor scandali, ore singulariter Judicis, tremendo addicitur maledicto; quibus putamus benedictionibus dignos hujus nequitiae fugatores et propugnatores<sup>b</sup>?

3. De duobus non excusamus Regem. Nam et juravit illicite, et perseverat injuste<sup>\*</sup>. Verum C id non voluntate, sed verecundia. Nam probro ducitur, sicut optime nostis, apud Francigenas juramentum solvere, quamlibet male publice juratum sit, quamvis nemo sapiens dubitet illicita juramenta non esse tenenda. Verumtamen ne in hoc quidem excusari posse fatemur. Neque enim excusare nos, sed veniam postulare suscepimus. Vos videte, an excusare aliquatenus cum possit ira, ætas, majestas. Poterit sine dubio, si misericordiam judicio superexaltandam decernatis: quatenus videlicet talis aliqua consideratio in rege et puero habeatur, ut hac ei vice tali quidem tenore parcatur, quo tale D aliquid de cætero non præsumat. Parcatur sane dixerim, si fieri possit, salva in omnibus Ecclesiæ libertate, simul et archiepiscopo debita veneratione servata, quem manus apostolica consecravit. Hoc ipse Rex humiliter petit, hoc nostra universa citramontana nimium jam afflicta Ecclesia suppliciter deprecatur. Alioquin damus manus morti, tabescentes et arescentes præ timore et expectatione, quæ supervenerunt uni-

## EPISTOLA CCXX.

AD LUDOVICUM REGEM FRANCORUM.

Iniquam regis postulationem in causa Radulfi rejicit, monens eundem non premere innocentes, et irritare contra se Regem supremum.

1. Libenter quidem, sicut ipse fateri dignamini, etiam propria attestante conscientia, quæ ad honorem vestrum et regni vestri utilitatem spectant, pro nostro exiguo posse, et quærimus, et quæremus. Cæterum quod nostræ humilitati querimini super anathemate mox innovando in comitem Radulfum<sup>\*</sup>, et vultis me dare operam omnimodis ut non fiat, ob multa mala quæ secutura inde putatis; prorsus non video quomodo implere possim, et mandato obviare apostolico: quod etsi possem, non video quod rationabiliter possem. Doleo quidem de malis, si inde proveniant: sed non ideo tamen debemus facere mala, ut veniant bona. Satis tutiusque hoc totum profecto omnipotentis Dei judicio et dispositioni relinquimus, qui potest facere ut et bona quæ ipse vult fieri, fiant et maneant; et mala quæ mali moliuntur, non veniant; aut certe in eos ipsos potius, qui ea volunt et quærunt, veniant.

2. Valde autem contristat me unum quod in litteris vestræ Celsitudinis continetur, quod videlicet debeat obviare res ista paci factæ inter vos et comitem Theobaldum. An nescitis vos graviter offendisse in eo quod comes Theobaldus violentia guerræ vestræ contra Deum et justitiam jurare compulsus est, non solum quia quæreret, sed etiam quia efficeret, ut prædictus

<sup>1</sup> Ephes. vi. 1, 4

<sup>b</sup> In uno Colbertino, *pugnatores*, bene ad sensum; melius, *expugnatores*. — <sup>c</sup> Scripta anno Christi 1142.

<sup>a</sup> Schismati nimirum Analecti.

comes Radulfus et terra ejus tam indebite, imo<sup>195</sup> tam illicite absolveretur? Quid iterum vultis A peccatum peccato addere, et iram Dei super vos (quod absit) accumulare? Quid peccavit comes Theobaldus, ut iram vestram rursus incurrare mereatur, qui et absolutionem comitis Radulfi, licet injustam, sicut scitis, tanto labore et difficultate obtinuit; et redivivam excommunicationem, quamvis justissime redeuntem, nec quæsivit, nec quærit, utpote quod timore vestro etiam abjuravit? Nolite, quæso, nolite, domine mi Rex, Regi vestro, imo omnium Conditori, tam evidenter in suo regno et in sua possessione audere resistere, et manum B extendere tam frequenti et temerario ausu adversum terribilem, et eum qui aufert spiritum principum, terribilem apud reges terræ. Acriter loquor, quia aciora vobis formido: quod non ita vehementer timerem, nisi vos vehementer diligerem.

## EPISTOLA CCXXI.<sup>a</sup>

AD EUNDEM.

Unde supra.

Graviter Ludovicum regem arguit, quod pravis consiliis adhærescens, pacis consilia respuat. Se quidem hactenus regii nominis studiosum, deinceps solius veritatis patronum, necnon malefactorum ejus testem fore.

1. Scit Deus quantum vos ex quo novi, dilexi, et vestrum honorem volui: scitis vos quanto labore, quantaque sollicitudine toto anno præterito quærendæ paci vestræ intendi, una cum aliis fidelibus vestris. Timeo autem ne sine causa laboraverimus in vobis. Vos namque, ut manifestum est, a bono et sano consilio quod acceperatis, nimium cito nimiumque D leviter resilitis: et ad mala priora, quæ dudum non immerito perpetrassetis vos plangebatis, adhuc recentibus illis plagis, rursus, ut audio, nescio quo diabolico consilio, festinatis. A quo enim nisi a diabolo procedere hoc consilium dixerim, per quod fit ut incendiis incendia, homicidiis homicidia addantur\*: clamor denuo pauperum, et gemitus compeditorum, et sanguis interfectorum auribus

personent Patris orphanorum, et Judicis viduarum<sup>1</sup>? Plane his hostiis hostis ille antiquus nostri generis oblectatur: quoniam ipse homicida est ab initio<sup>2</sup>. Et nolite frustra occasionem sumere de comite Theobaldo ad excusandas excusationes in peccatis<sup>3</sup>: cum vir ille paratum se dicat, et hoc omnimodis deprecetur, venire ad conventiones quæ inter vos ecurrerunt, quando facta est pax, et secundum judicium diligentium nomen vestrum, eorum scilicet qui mediatores inter vos exstiterunt, per omnia satisfacere velit, ut si prævaricationis forte ab ipsis argui poterit (quod non existimat) continuo ad honorem vestrum corrigere non cunctetur.

2. Verum vos nec verba pacis recipitis, nec pacta vestra tenetis, nec sanis consiliis acquiescitis: sed nescio quo Dei judicio, omnia vobis ita vertitis in perversum, ut probra honorem, honorem probra ducatis; tuta timeatis, timenda contemnatis: et quod olim sancto et glorioso regi David Joab legitur exprobrasse, diligitis eos qui vos oderunt, et odio habetis eos qui vos diligere volunt<sup>4</sup>. Neque enim qui vos instigant priorem iterare malitiam adversus non merentem, quærunt in hoc honorem vestrum, sed C suum commodum; imo nec suum commodum, sed diaboli voluntatem: ut Regis (quod absit) potentiam concepti furoris habeant effectricem, quem suis se posse adimplere viribus non confidunt, inimici coronæ vestræ, regni manifestissimi turbatores.

3. At quidquid vobis de regno vestro, de anima et corona vestra facere placeat; nos Ecclesiæ filii, matris injurias, contemptum, et conculcationem omnino dissimulare non possumus, quæ illi præter illa quæ in eam jam præcessisse miserabiliter plangimus, iterum de novo partim inferri, partim imminere sentimus. Profecto stabimus et pugnabimus usque ad mortem, si ita oportuerit, pro matre nostra, armis quibus licet, non scutis et gladiis, sed precibus fletibusque ad Deum. Et ego quidem, qui me memini præter quotidianas preces, quas pro pace et salute vestra atque regno coram Domino supplex ipso teste fundebam, etiam apud Sedem apostolicam litteris et nuntiis causam vestram egisse, fateor, usque pene ad propriæ conscientiæ lesionem, et ipsius summi Ponti-

<sup>1</sup> Psal. LXXVII, 6. — <sup>2</sup> Joan. VIII, 44. — <sup>3</sup> Psal. CXI, 4. — <sup>4</sup> II Reg. XIX, 6.

<sup>a</sup> Scripta anno Christi 1142.

ficis justam (quod diffiteri non debeo) contra me indignationem; ego, inquam, assiduus vestris, quos innovare quotidie non cessatis, excessibus provocatus, dico vobis, incipio poenitere super insipientia mea priori: qua plus justo vestrae adolescentiae lucusque favi, et de cætero pro mea exiguitate non decro veritati.

4. Non tacebo quod cum excommunicatis iterato fœdus et societatem inire satagitis: quod in necem hominum, combustionem domorum, destructionem ecclesiarum, dispersionem pauperum, raptoribus et prædonibus, sicut dicitur, adheretis, juxta illud Prophetæ, *Si videbas furem, currebas cum eo, et cum adulteris portionem tuam ponebas*<sup>1</sup>; quasi non satis pervos mala facere valeatis. Non silebo, quod illicitum illud maledictumque juramentum inconsultissime usurpatum a vobis contra Bituricensem Ecclesiam (pro quo, heu, tot et tanta mala jam nunc merito provenerunt) non ita tandem corrigitis, ut Christi ovibus apud Catalaunum pastorem præfici non sinatis: insuper et fratri vestro\*, ejusque militibus, sagittariis, ballistariisque domos episcopales contra jus et fas habitandas, et res Ecclesiæ in hujusmodi nefarios usus profligandas audacter nimium exponatis. Dico vobis, non erit diu inultum, si hæc ita facere pergitis. Et ideo, domine mi rex, amicabiliter moneo vos, et fideliter consulo vobis, ut citius ab hac malitia desistatis: si forte jam ferire parantis manum, Ninivite regis exemplo, poenitentia et humilitate prævenire possitis. Dure loquor, quia duriora vobis formido: sed mementote a Sapiente dictum, *Meliora esse verbera amici, quam fraudulenta oscula inimici*<sup>2</sup>.

## EPISTOLA CCXXII.<sup>a</sup>

AD JOSILENUM<sup>b</sup> SUSSIONENSEM EPISCOPUM, ET  
SUGERIUM ABBATEM SANCTI-DIONYSII.

Queritur apud eos, uti Regis consiliarios, de iniquis ejus contra Theobaldum molitionibus, contra pactum et pacem initam.

1. Scripseram Regi, arguens eum super ma-

lis quæ fiunt in regno ejus, ipsius, sicut dicimur, assensu: et quod rescripsit, dignum duxi vobis, qui de consilio ejus estis, insinuandum. Miror enim si ita credit, ut loquitur: et si non credit, quomodo conscio mihi utique omnium (sicut scitis) quæ ad pacem reformandam facta fuerunt, ista persuadere conatur. Ait enim, sicut potestis videre in litteris ejus, cum male servata in parte Comitis pacta conaretur ostendere: « Adhuc suspensi manent episcopi nostri: adhuc terra nostra interdicta est. » Quasi vero cujusquam ecclesiastici absolutio interdicti ad comitem Theobaldum pertineat, aut hoc ipse aliquo modo pepigerit se facturum. « Illusus est, » ait, « comes Radulfus, et iterum re- » legatus est. » Et hoc quid ad comitem Theobaldum? Nonne quidquid de hac re promisit, fideliter elaboravit, et efficaciter adimplevit? Ille vero deprehensus est in astutia sua, et cecidit in foveam quam fecit. En est hoc totum cur irrita faceret Rex pacta sua, quæ distinxerunt labia vestra? An propter hoc decuit incandescere iram Regis contra Deum et Ecclesiam ejus, contra se ipsum et regnum suum? Itane propter hoc debuit oblivisci honoris sui, ut ad debellandum hominem suum, quem non dico diffidaverat, sed nec submonuerat, vel posuerat ad rationem; mitteret fratrem suum, idque per Catalaunum, de qua potissimum civitate scitis quid Rex cum comite Theobaldo pepigerit?

2. Sed Rex adhuc aliud addit, quod matrimonii sibi molitur conjungere, contra ejus fidelitatem, comitem Flandrensem et Suessionensem\*. Et de fidelitate quidem suspicio est, non certitudo. Porro inanes suspiciones certis pactionibus præjudicare, quale sit, vos videritis. Quamquam id omnino credendum non fuerit de tali viro. Numquid enim hostes sunt Regis, quibus alligatur Comes, et non magis homines ejus et ejus amici? Nonne consanguineus Regis, et, sicut fatetur, baculus regni comes Flandrensis est? Quid ergo contra Regis fidelitatem facit ejus homo, et fidelis ipsius, si aliis ejus amicis, suorum matrimoniis copulatur? Nonne si quis simplici oculo rem, ut est, consideraret; magna potius pax regni, magnumque robur, et magna posset putari securitas?

<sup>1</sup> Psal. XLIX, 18. — <sup>2</sup> Prov. XXVII, 6.

<sup>a</sup> Scripta anno Christi 1142.

<sup>b</sup> Rufum cognominat Ordericus pag. 889. Ad eum epistola 342, præter tres sequentes.



3. Illud autem miror, quomodo Rex dicere<sup>206</sup> non timuerit, cognoscere se quia noverim ego, A comitem Theobaldum in partem suam, contra Regem, comitem Radulfum trahere attentasse. Nam et viva voce nuntio nostro plus dixit quam scripserit, quod mandaverim sæpius dicto Radulfo maximam partem peccatorum ejus me suscipere, si vellet comiti Theobaldo adherere. Si natus est homo ille per quem ista mandaverim, veniat et arguat me palam: si scripsi litteras, proferantur in medium. Viderit ipse cui crediderit: certus ego sum quia nunquam noverim quod imponit. Idem arbitror et de comite Theobaldo, quia et ipse omnimodis diffi-

4. Ait quoque Rex: « Pene habuimus duos » gravissimos oppugnatores. » Et propheta sub-

sannans respondet: *Ibi trepidaverunt timore, ubi non erat timor*<sup>1</sup>. « Ecce, » inquit, « oppu- » gnatur, qui non oppugnavimus: persecutio- » nem patimur, qui non persecuti fuimus. » Quis oppugnat, obsecro? quis oppugnat, quisve per- sequitur? Nonne comes obsecrat et humiliatur, honorare paratus ut regem, servire et obsequi tanquam domino suo, obnix pro pace supplicans, et bonam Regis (quod in se est) sibi conciliare satagens voluntatem? Esto quod non sit ita, sed magis Comes Regi mala omnia molliatur: nonne ad id quod statutum fuisse scitis, fuerat recurrendum? Sic enim inter se pepigerunt, ut si qua de conventionibus illis controversia aut dissensio nasceretur, nihil mali sibi invicem facerent aut quærerent, donec coram nobis tribus pariter, et domino Autisiodorensi<sup>2</sup>, ventilata res esset atque discussa, qui et tunc mediatores fuimus: et si quid emergeret controversiæ, debuimus esse reconciliatores. At id modo omnimodis Comes flagitat: sed Rex abnuat.

5. Denique esto quod omnino male meruit Comes: sed Ecclesia Dei quid meruit? Quid, inquam, meruit, non jam sola Bituricensis Ecclesia, sed et Catalaunensis, etiam et Remensis,

etiam et Parisiensis<sup>3</sup>? Habeat Rex adversus Comitem jus: sed de quo jure, obsecro, de quo jure præsumit, ut Ecclesiarum possessiones et terras devastet, ut Christi ovibus pastores præfici non permittat: ut his quidem electorum promotionem prohibeat; aliis vero, quod hactenus inauditum est, dilationem electionis indicat, donec universa consumpserit, donec diriperit pauperum facultates, donec penitus desoletur terra? An vos ei consulitis talia? Mirum valde, si contra vestrum consilium fiunt hæc: mirum magis et malum, si vestro consilio fiunt. Etenim consulere talia, manifeste schisma fabricare est, Deo resistere, Ecclesiam ancillare, et novam in servitutem ecclesiasticam redigere libertatem. Si quis Dei fidelis, si quis Ecclesiæ filius est, profecto stabit et opponet se, quoad poterit, murum pro domo Dei. Nam et vos ipsi, si pacem desideratis Ecclesiæ, sicut oportet filios pacis, quomodo non dicam tractatis ea, sed vel interestis consiliis tam malignis? Quidquid enim mali fecerit, merito non Regi juveni, sed consiliariis senibus imputatur.

## EPISTOLA CCXXIII.<sup>c</sup>

AD JOSLENUM EPISCOPUM SUESSIONENSEM.

Satisfacit episcopo, cujus litteris præfixa talis erat salu-  
tatio, « Salutem in Domino, et non spiritum blasphemæ. » Requirit nihilominus in eo majorem zelum ad vindicandas Christi et Ecclesiæ injurias.

1. Minime quidem ego spiritum blasphemæ habere me arbitror, sed nec cuiquam maledixisse, aut maledicere velle me scio, principi præsertim populi mei. Cæterum quidquid illud sit, quo se læsam vestra Dignitas judicat, peto veniam. Scio enim qui dixit: *Blasphemamur, et obsecramus*<sup>2</sup>. Dico ergo cum beato Job: *Quæ locutus sum, utinam non dixissem: et ultra non addam*<sup>3</sup>. Jam domino abbati Sancti-Dionysii pro communi querimonia scribens, utrique vestrum responderam, et putaveram me fecisse satis. Et quoniam, ut video, nondum

<sup>1</sup> Psal. xlii, 5. — <sup>2</sup> I Cor. iv, 13. — <sup>3</sup> Job xxxix, 35.

<sup>b</sup> De Bituricensi id patet ex notatione ad epistolam 216; de aliis, intelligitur ex epistola 224.

<sup>c</sup> Scripta anno Christi 1143.

<sup>a</sup> Hugone, cujus epistola 226.

quievit indignatio vestra, quæ forsitan adversus Ecclesiæ conculcatores justius incanduisset; A etiam vobis dico, schismaticos vos, aut fomitem esse scandali, nec dixi, nec scripsi, nec credidi, et dico securus: nec vereor quod me mea pagina arguat mendacii. Scrutamini eam, si placet: et si ita inveneritis, reum me fatebor grandis sacrilegii, et revera, sicut notatis, spiritum blasphemie agitatum illa scripsisse.

2. Ne tamen humilis satisfactio spiritum videatur excludere libertatis; dolui fateor, et doleo, quod nondum ea vos libertate, qua deceret, comperimus Christi ulcisci injurias, Ecclesiæ defendere libertatem. Dolor iste compulit me scribere dura, non tamen illa quæ impingitis. Putaveram siquidem (et adhuc putarem, nisi timerem vobis in hoc esse molestus), nequaquam sufficere quod schismatis non estis auctores, nisi et eos qui sunt, cujuscumque dignitatis sint, tota libertate pro viribus coerceratis, et eorum consilium atque consortium exsecreritis. Putarem, inquam, gloriam vobis esse, si dicere possetis et vos: *Odivi ecclesiam malignantium, et cum impiis non sedebo*<sup>1</sup>. Numquid solum decebat zelus ille prophetam, et non hodie quoque a Domini sacerdote requiritur, de quo dicebat: *Nonne qui oderunt te, Domine, oderam, et super inimicos tuos tabescebam*<sup>2</sup>? Optarem sane (ut salva vestra Serenitate \* id quoque eloquar) hunc zelum vos exercuisse in puerum \* Regem, qui non tam pueriliter, quam crudeliter, sine causa irrita fecit et vestra sane consilia, et sua pacta. Sine causa regnum suum conturbat: bella ubique cælis terrisque suscitatur: ecclesias vastat, sacra temerat, exaltat iniquos, bonos persequitur, perimit innocentes. Hæc, inquam, vellem vos dolere, his contradicere et resistere, quod in vobis est. Sed meum non est magistrum docere Josleum, minus autem reprehendere episcopum, qui magis me et alios peccantes redarguere, et errantes corrigere debet. En quantum vos timeo. Clausam habetis epistolam, qui de priore aperta male suspicatus estis. Nam ego quidem nihil in hoc aliud cogitavi, nisi quod ad diversos scribentem necesse est, juxta consuetudinem, epistolam cera non claudere \*. Jam et pro hoc quoque veniam peto.

## EPISTOLA CCXXIV.<sup>a</sup>

AD STEPHANUM PRÆNESTINUM EPISCOPUM \*.

Malefacta Ludovici regis et injurias in Ecclesiam, episcopos, aliosque exponit.

1. Loquitur Jeremias ad Deum pro adversariis suis, ita dicens, *Recordare, Domine, quod steterim in conspectu tuo, ut loquerer pro eis bonum, et averterem indignationem tuam ab eis*: et infert, *Propterea, inquit, da filios eorum in famem, et deduc eos in manus gladii*<sup>3</sup>. Et adhuc alia in hunc modum æque gravia imprecatur illis. Quod propterea nunc apud vestram Reverentiam memorandum putavi, quoniam simile mihi aliquid cum Propheta video accidisse. Vos enim scitis, quomodo ego quoque pro Rege steterim in conspectu domini mei, corpore quidem absens, sed præsens spiritu, ut loquerer pro eo bonum. Bona siquidem pollicebatur. Nunc autem ipso reddente pro bono malum, cogor contraria scribere. Pudet erroris, et falsæ spei quam de eo conceperam: et gratias ago, quod pro eo simpliciter supplicans non fuero exauditus. Putabam me deferre regi pacifico: et ecce invenior gravissimo hosti Ecclesiæ assentasse \*. Conculcantur apud nos sancta, Ecclesia turpiter ancillatur. Nam et electiones episcoporum prohibentur fieri: et sicubi id præsumptum a clericis fuerit, electus episcopari non sinitur. Denique sedet in tristitia Ecclesia Parisiensis, proprio destituta pastore: et nemo est, qui de substituendo alio mutire audeat.

2. Non sufficit spoliari bonis præsentibus domos episcopales: etiam in terras, et in homines manus sacrilega circumquaque desævit, totius insuper anni ex eis sibi reditus vindicando. Vestra Catalaunensis fecit quidem electionem; sed qui electus est \*, ecce jam diebus multis debito honore frustratur, et scitis quam non absque gravi gregis dominici detrimento. Commisit Rex germano suo Roberto vices episcopi<sup>b</sup>: et ille in cunctis terris rebusque Eccle-

<sup>1</sup> Psal. xxv, 5. — <sup>2</sup> Psal. cxxxviii, 21. — <sup>3</sup> Jerem. xviii, 20, 21.

<sup>a</sup> Scripta anno Christi 1143. — <sup>b</sup> Vide epistolam 222, n. 1.

siæ potestative versans, et pro vice sua ubique  
haud segniter agens, infert cœlis quotidianas  
hostias, non plane pacificas, clamores paupe-  
rum, lacrymas viduarum, planctus orphano-  
rum, gemitus compeditorum, sanguinem in-  
terfectorum. Verum angustus est malitiæ ejus  
ille episcopatus. Remensem invadit, atque in  
terra sanctorum iniqua gerit, non clericis, non  
monachis, non sanctimonialibus parcens. De-  
nique sanctæ Mariæ, sancti Remigii, sancti  
Nicasii, sancti Theoderici terras fructiferas, et  
villas populosas, ita in ore gladii devastavit, ut  
pene in solitudinem redegerit universas. Fre-  
quens in omnium auribus vox : *Hæreditate pos-*  
*sideamus sanctuarium Dei*<sup>1</sup>. Sic Rex emendat  
quod in Ecclesiam Bituricensem Herodiano ju-  
ramento commisit.

3. Præterea Rex, nobis quidem non parum  
laborantibus, pacem cum comite Theobaldo  
fecerat; firmæ, ut putavimus, amicitiae fœdus  
inierat : et ecce occasiones quærit, quomodo  
recedat ab amico. Atque hoc grande crimen  
quod impingitur Comiti, quia cum baronibus  
Regis de liberis suis contrahit matrimonia<sup>2</sup>.  
Suspecta est illi dilatio charitatis, nec se pu-  
tat regem, si se amaverint principes. Conjiciat  
prudencia vestra, quid animi erga subditos ge-  
rat, qui de odio atque discordia, si fuerit inter  
suos, se æstimat fortiorem. Videat et perpen-  
dat, si est hic homo a Deo, qui in suorum ma-  
gis mutua similitudine quam charitate confidit,  
cum charitas sit Deus<sup>3</sup> : quod minime faceret,  
si sapientiam illius haberet qui ait, *Fortis est*  
*ut mors dilectio, dura sicut infernus amulatio*<sup>3</sup>.  
Propterea ergo pacis conventiones et constitu-  
tiones manifeste transgreditur : nec tenet pacta  
sua, quæ distinxerunt labia sua. Denique revo-  
cavit in domum suam, et ad consilium suum  
virum adulterum et excommunicatum<sup>b</sup>, quem  
ex constituto ejecerat; et pro exercenda ma-  
jori malitia, aliis multis nequam æque excom-  
municatis, perjuris, incendiariis, homicidis,  
Rex et advocatus Ecclesiæ adversus Ecclesiæ  
(quod non est dubium) amatorem et defensor-  
rem denuo sociatur, juxta illud prophetæ : *Si*  
*videbas furem, currebas cum eo, et cum adulte-*  
*ris portionem tuam ponebas*<sup>4</sup>.

4. Ad hæc cogit suo more episcopos ad ma-

ledicendum benedicendis, et iterum benedicen-  
dum maledicendis : et quoniam non obtempe-  
ratur pro suo libitu sibi, circuit mare et aridam,  
ut inveniat juratores, quorum perjuriis, quos for-  
tassis Deus conjungit, per homines separentur.  
Qua fronte, obsecro, tantopere aliis præscri-  
bere de consanguinitate laborat, homo cum sua  
(quod palam est) tertio ferme consanguinitatis  
gradu permanens consobrina<sup>5</sup>? Et quidem inter  
filium comitis Theobaldi, et comitis Flandren-  
sis filiam; et item inter comitem Suessionen-  
sem, et filiam comitis Theobaldi, si consanguini-  
tas sit, nescio : scienter enim illicita matri-  
monia, nec laudavi unquam, nec laudo : sed  
sciatis vos, et sciat dominus meus, prohibere  
horum nuptias, si quo modo conjungi fas fuerit,  
exarmare Ecclesiam est, et multam illi subtra-  
here fortitudinem. Nec aliam puto adversan-  
tium ipsis nuptiis intentionem, nisi ut in terris  
præfatorum principum non possint habere re-  
fugium, quicumque audebunt contradicere schi-  
smati quod minantur. Hucusque zelus meus.  
Non possum enim ego emendare quod potui  
redarguere : potui et commonere eum qui pos-  
sit. Zelus domini mei faciet hoc. Ipsum duxi  
necessarium in magno Ecclesiæ labore atque  
periculo compellendum; et per nullum dignius  
quam per vos, qui ejus lateri et spiritui adhæ-  
retis. Apud quem, quæso, habete me excusa-  
tum, quod Rege mutato mutaverim stilum, qui  
ad ipsum Deum Dei prophetam dixisse scitis :  
*Cum viro innocente innocens eris, et cum per-*  
*verso perverteris*<sup>5</sup>.

## EPISTOLA CCXXV.<sup>c</sup>

AD DOMINUM EPISCOPUM SUESSIONENSEM<sup>d</sup>.

Hortatur ad studium pacis.

Laboravimus : sed de profectu adhuc quæstio  
est. Seminavimus multum, sed intulimus pa-  
rum. Fatemur nos eguisse vestra opera et præ-  
sentia. Verum quod eam non requisivimus in  
tanta necessitate, per anicum communem Sau-

<sup>1</sup> Psal. LXXXII. 13. — <sup>2</sup> I Joan. IV. 8. — <sup>3</sup> Cantic. VIII. 6. — <sup>4</sup> Psal. LXIX. 18. — <sup>5</sup> Psal. XVII. 26.

<sup>a</sup> Vide epistolam 222.

<sup>b</sup> Scilicet Radulfum. Vide epistolam 216 et sequentes. — <sup>c</sup> Scripta anno Christi 1143. — <sup>d</sup> Joslenum.

cti-Dionysii abbatem docebimini. Nunc itaque<sup>299</sup> omnino consiliis sanioribus a laqueo isto retrahere pedem. A  
 ne de cætero dissimuletis, sed secundum sapientiam vobis a Deo datam studeatis quæ ad pacem sunt, monemus sanctam sollicitudinem vestram. Nam rogandus non estis pro tali re, qua utique constat non modo valde honorificari ministerium vestrum, sed et turpari admodum si negligitis. In indicta celebritate apud Sanctum-Dionysium speramus videre vos\*.

## EPISTOLA CCXXVI.<sup>a</sup>

AD LUDOVICUM REGEM FRANCORUM.

Bernardus et Hugo queruntur de pertinacia Regis in male ceptis: irritos esse suos in concilianda pace labores non sine regni ejus exitio dolent.

Ludovico Dei gratia illustri regi Francorum, et duci Aquitanorum, Hugo Autissiodorensis qualiscumque minister, BERNARDUS Clare-Vallis vocatus abbas, diligere justitiam, et judicare terram sapienter.

1. Diu est quod egressi de domibus nostris, expositis propriis utilitatibus pro pace vestra et regni, fideliter, sicut nobis Deus est testis, laboramus. Tristamur autem, quod aut nullum, aut exiguum nostri laboris fructum adhuc tenemus. Adhuc pauperes clamant post nos, adhuc terra vadit quotidie in desolationem. Queritis quæ terra? Vestra, non alia. Intra regnum enim, et contra regnum vestrum ista omnia mala perpetrantur. Nam sive amici, sive inimici vestri sint qui de guerra ista pauperantur, captivantur, conteruntur; non aliunde quam de regno vestro sunt. In quo manifeste innuere jamjamque videtur sermo Salvatoris dicentis: *Omne regnum in se ipsum divisum desolabitur*<sup>1</sup>. Huc accedit, quod ipsi divisores et desolatores vos constituerunt sibi hujus nequitie caput et principem, quem præcipue debuerant metuere defensorem, et sentire ultorem. Nos autem credebamus vos tactum a Deo et illuminatum tantam illorum nequitiam advertisse, et errorem vestrum agnovisse; et cupere

2. Cæterum ab hac spe pene dejecit nos colloquium illud habitum nuper inter nos apud Corbolum. Scitis enim quomodo, et quam irrationabiliter (ut pace vestra dixerimus) a nobis tunc recessistis. Unde factum est, quod sermonis illius, qui vobis in dicto nostro displicuit, reddere ad liquidum rationem pro vestra nobis turbatione non licuit: quam si exspectare placito corde dignaremini, forsitan cognovissetis et vos, quod nil vobis indecens aut importabile dictum fuisset, secundum quod jam res vestra processit. Nunc autem sine causa turbatus, turbatos nos et confusos, et quid faciamus dubios anxiosque tenetis, homines qui vobis bona cupiunt et quærunt. Quod non est aliud, nisi quia fraus iniquorum, et rumusculi parum scientium hominum, dicentium malum bonum, et bonum malum, conturbant vos. Verum nos, etsi conturbati, non tamen omnino desperati de auxilio Spiritus, quem vestrum animum salubriter super malis præteritis concussisse persensimus, adhuc stamus et exspectamus ut redeatis ad cor, et quod prudenter ceptistis, efficaciter compleatis. Hujus rei gratia misimus fratrem charissimum nobis Andream de Balde-mento\*, qui vobis ista plenius viva voce insinuet, et quidquid ad hæc respondere placuerit, fideliter renuntiet nobis. Si autem persistitis (quod absit) non acquiescere sanis consiliis, mundi nos sumus a sanguine vestro: Deus non permittet Ecclesiam suam, sive a vobis, sive a vestris diutius conculcari.

## EPISTOLA CCXXVII.<sup>b</sup>

AD EPISCOPUM SLESSIONENSEM<sup>c</sup>.

Opem episcopi perquam sollicite et ardentem implorat.

Semper quidem egui officiis amicorum, homo nimirum mente semper et corpore miserandus: sed nunc maxime opus et tempus miserendi, cum urgente conscientia et aggravata manu Domini super me, duro me carceri mancipavi<sup>d</sup>.

<sup>1</sup> Luc. XI, 17.

<sup>a</sup> Scripta anno Christi 1143. — <sup>b</sup> Scripta eodem anno. — <sup>c</sup> Joslenum, de quo supra.

<sup>d</sup> Id est monastica reclusioni et solitudini, de qua in epistola sequenti, n. 2.

durus iudex in memetipsum. Si adhuc pater<sup>21</sup> de Hispania, nugas meas denuo ingerere non estis (nam fuisse vos fateor), sentiat filius, et A ille filius, in quo usque ad hanc diem filialis erga vos affectus non tepuit. Scio, scio difficile posse extorqueri clavam de manu Herculis: et ideo multum insto, quia rem peto difficilem. At quanto difficilius, tanto violentius ad promerendam redhibitionem. Grandis me fatebor beneficii debitorem, grandis prorsus, si obtinuerim. Nec ignoro dare quam accipere beatius esse<sup>1</sup>: sed cedo necessitati, occurro periculis, angustiis consulo, honesti plane nunc aut dissimulator, aut immemor. Cedens itaque honorabiliorem vobis, ut dignum est, partem, B mihi verecundiorem assumo, non modo ad accipiendum inverecondius, sed et importunius ad petendum. Peto ergo suppliciter, peto instanter, peto opportune, importune. Nec enim illud peto, quod vos non deceat dare, aut me postmodum peniteat accepisse: etsi ita petere modo minus me deceat. Nam si liberatis pauperem a potente, in hoc nobis multum præstabit, vobis plurimum. Eia monstravimus affectum, rem vos scitis, fructum præstolantur afflicti.

## EPISTOLA CCXXVIII.<sup>a</sup>

AD PETRUM CLUNIACENSEM ABBATEM, CONQUERENTEM QUOD EI NON RESCRIBERET<sup>\*</sup>.

Reverendo patri et domino PETRO, Dei gratia Cluniacensium abbati, frater BERNARDUS Claræ-Vallis vocatus abbas, se ipsum quantulus est.

1. Itane joculari libet? Dignanter sane atque D amicaliter: sed si ita luditis, ut non illudatis. Nolite mirari hoc. Nam suspectum id mihi facit vestra ipsa tam subita et inopinata dignatio. Non enim multum temporis est, quod scribens ad vos debita reverentia vestram Magnitudinem salutavi, et non respondistis mihi verbum. Nec multo ante rursum scripseram ad vos ex urbe Roma, et nec tunc quidem vel unum iota recepi. Modo miramini, quod revertenti nuper

præsumpsi? Quod si culpa est quacumque ex causa non scripsisse; sine culpa profecto non erit noluisse, ne dicam contempsisse rescribere. En in quo pro me faceret justitia (quia id a me flagitatis), nisi malletm occurrere gratiæ redeunti, quam retardare eam mihi, dum vel me inutiliter excusare volo, vel alium accusare. Sed hoc dixi, ne quid clausum in mente retinerem, quod ore non promerem, quod id vera recuset amicitia. De cætero quia charitas omnia credit<sup>2</sup>, jam omnis suspicio de medio fiat. Gaudio quod recaluistis prisæ amicitiae recordari, et vel læsum revocare amicum. Libenter redeo revocatus. Felix qui revocor. Nullarum jam memor sum injuriarum<sup>3</sup>. En ego, qui fueram vestræ profecto Sanctitatis servus, et nunc, et ante. Gratias ago, optime locatus sum, intimus vobis denuo factus, sicut dignamini scribere. Si forte intepueram, ut arguitis, hand dubium quin velociter recalescam, fatus vestræ visceribus charitatis.

2. Et nunc quod placuit scribere, obviis manibus suscepî. Legi avidè, libenter relego, et placet sæpius repetitum. Placet, fateor, jocus. Est enim et juvenilitate gratus, et serius gravitate. Nescio siquidem quo modo inter jocandum ita disponitis sermones vestros in iudicio, ut et joens levitatem non redolet, et auctoritas conservata hilaritatis non minuat gratiam. Porro auctoritas ita servatur, ut illud sancti viri merito vobis possit aptari: *Si quando ridebam, non credebant mihi*<sup>3</sup>. Eia rescripsimus vobis, et puto jam jure exigimus ampliora quam promisistis. Dignum est ut sciatis quæ penes nos sunt. Decretum est mihi ultra non egredi monasterio, nisi ad conventum abbatum Cistercium semel in anno. Hic fultus orationibus vestris, et benedictionibus consolatus, paucis diebus, quibus nunc milito, exspecto donec veniat immutatio mea. Propitius sit mihi Deus, ut non amoveat orationem vestram et misericordiam suam a me. Fractus sum viribus, et legitimam habeo excusationem, ut jam non possim discurrere ut solebam. Sedebo et silebo, si forte experiar quod de plenitudine intimæ suavitatis sanctus propheta eruetat: *Bonum est, inquit, expectare Dominum in silentio*<sup>4</sup>. Et ne solus videamini mihi lusisse, puto jam non audebitis me

<sup>1</sup> Act. xx, 35. — <sup>2</sup> I Cor. xiii, 7. — <sup>3</sup> Job xxix, 24. — <sup>4</sup> Thren. iii, 26.

<sup>a</sup> Scripta anno Christi 1143.

de hoc silentio meo reprehendere, et more ve-  
stro appellare soporem : quod, ut puto, con-  
gruentius ac magis proprie sanctus Isaias cul-  
tum iustitiæ nominat <sup>1</sup>, et de quo legitis in hoc  
ipso propheta, dicente Domino, *In silentio et*  
*spe erit fortitudo vestra* <sup>2</sup>. Commendate me ora-  
tionibus sancti conventus Cluniacensis, salutato  
prius ex me servo omnium, si dignum judi-  
catis.

## EPISTOLA CCXXIX.

PETRI VENERABILIS AD BERNARDUM ABBATEM <sup>3</sup>.

Bernardi litteris humanissime respondet, simulque causas  
dissensionum inter Cluniacenses et Cistercienses expo-  
nit.

Singulari veneratione colendo, totis charitatis  
brachiis amplectendo, individuo cordis mei  
hospiti, domno BERNARDO Claræ-Vallis ab-  
bati, frater PETRUS humilis Cluniacensium ab-  
bas, salutem, ad quam suspirat, æternam.

1. Quoniam tam dulcibus et jucundis amici  
litteris, quibus et ipse jucundus et citus oc-  
currere debuissim, tradus rescriptor occurro :  
mirabitur fortassis solers Sanctitas vestra, et  
segnitiei vel contemptui, ut timeo, deputabit.  
Sed absit utrumque; nec absit tantum, sed  
prorsus utrumque abest : cum fere nihil un-  
quam, quantum ad litteras pertinet, vel liben-  
tius susceperim, vel studiosius legerim. Tardi-  
tatis causa ex parte existit lator earum, qui  
Cluniacum veniens, nec me ibi inveniens, cum  
ipse non valde remotus, hoc est Marciniaci <sup>b</sup>  
essem, litteras quas ferebat mihi nec detulit,  
nec misit, sed Cluniaci dimisit. Et ne velut ac-  
cusare bonum virum videar; credo eum aut  
quibnslibet negotiis retractum, aut acerrimæ,  
quæ tunc incumbibat, hiemis austeritate, ne  
me conaretur adire, deterritum. Moratus sum  
et ego ibidem, tam nivibus, quam negotiis de-

tentus per mensem : et vix in initio Quadrage-  
simæ domum redii. Suscepi tandem a Subpriori,  
cui traditæ fuerant, litteras illas vestras. Tra-  
ctus est statim animus; et cum in affectum ve-  
stri multum ante caleret, longe amplius per  
eandem litteras flatu pectoris vestri succensus,  
nihil ultra frigidum tepidumve sibi inesse per-  
misit. Tractus, inquam, sique tractus est, ut  
quod nunquam, nisi sacrorum reverentia Li-  
brorum me fecisse memini, perlectam epistolam  
mox exosculatus sim. Et ut eos quos poteram,  
quia tunc non omnes poteram, in vestræ cha-  
ritatis affectum, more mihi solito, excitarem;  
B circumpositis quibusque quod mihi soli legeram,  
relegi, eosque erga vos in maiorem dile-  
ctionis affectum pro viribus commovi. Recondi  
statim eas, et argenteis sive aureis, quos pro  
more mihi a patribus relicto, ad opus cleemo-  
synæ mecum ferre soleo, adjunxi. Nec incon-  
grue. Nam super omne aurum et argentum  
vestra mihi gratia, bona vestra charitas est  
pretiosa.

2. Rescribere quod animo insederat, sequenti  
die statim volui : sed a quotidiano, imo pene  
continuo exactore alia reposcente prohibitus,  
conticui. Imperavit mihi plane silentium, cui  
C resistere non poteram, durissimus imperator,  
et cura multiplex infinitarum causarum, non  
uno tantum, sed multis me diebus silere coegit.  
Transibant quandoque quindecim dies, quan-  
doque integer mensis, quandoque continui  
menses, quibus scribere semper nitebar; nec  
imperatore jam dicto permittebar. Rupi tandem  
importunum vinculum : et licet ægre, jugum  
oneris et sceptrum exactoris furtim scriptitando  
superavi. Ac ne superfluum videar, tantopere  
excusans tarditatem rescribendi, ipse excusare  
coegistis, dum dixistis : « Non multum tempo-  
» ris est, ex quo scribens ad vos, Coronam ve-  
» stram <sup>c</sup> debita veneratione salutavi, et non  
» respondistis mihi verbum : nec multo ante  
» rursum ex urbe Roma vobis scripseram, et  
» nec tunc quidem vel unum iota recepi. Modo  
» miramini, quod revertenti nuper de Hispaniis  
» nugas meas denuo vobis ingerere non præ-  
» sumpsi? Quod si culpa est quacumque ex causa

<sup>1</sup> Isai. XXXII, 17. — <sup>2</sup> Id. XXX, 15.

<sup>3</sup> Hæc epistola, scripta anno Christi 1143, est 17 libri quarti. Exstat alia ejusdem argumenti in libro primo, nempe epistola 28.

<sup>b</sup> Marciniacum, virginum conobium ad Ligerim, a sancto Hugone abbate Cluniacensi fundatum.

<sup>c</sup> In superiori epistola legitur, *vestram Magnitudinem*.

» non scripsisse; sine culpa profecto non erit<sup>213</sup> tum possum, de illorum fratrum numero esse, » noluisse, ne dicam contempsisse rescribere. » A qui oderant Joseph in corde suo, nec poterant ei quidquam pacifice loqui<sup>1</sup>. Utinam et sic (quod non glorians dico) omnes nostri vestrique fratres facerent, et a linea charitatis, qua sola post fidem, et Baptismatis sacramentum fratres dicuntur, et qua speciali consanguinitate sibi junguntur, non degenerarent, metuerentque quod ait Apostolus : *Periculum in falsis fratribus*<sup>2</sup>. Utinam plane hoc omnes facerent, et cor a cogitatu doloso; linguam, juxta Psalmum quem frequentant, a verbo aspero custodirent. Videntur ista, quæ præmissi, magna promittere, et velut ad peragenda maxima se præparare. Sed ne de his illud usitatum dicatur,

3. Sed quid ego? Istud plane. Negare, inquam, culpam, quam imponitis, nullo modo possem, si tanto amico primo scribenti rescribere contempsissem. Fateor enim, quod primum scribenti vere rescribere debuissim : sed, prout recolere possum, dum in Urbe moraremini, scripsi ego prior, rescripsistis posterior vos. Non ergo ad me pertinuit rescribere, qui prior scriperam : sed vestrum fuit rescribere, quia prior scriperam. Et potuissem quidem scribere etiam rescribenti : sed plena, scriptoque meo ad unguem satisfaciens responsio vestra silentium mihi imposuit respondendi. Quod si ita est, culpa mihi imposita me deserens, vos incipit intueri : quia inculpabilem culpæ, et sarcina aliena, ne dicam vestra, aggravare humeros fratris innocentis voluistis. Quod vero vice alia idem a me factum dicitis; quia rei memoria menti non inest, responsio deest. Quæ si forte adesse potuerit, aut probabilis excusatio, aut humilis satisfactio deesse non poterit. Sed addidistis : « En in quo pro me faceret justitia. » Et ego : Interim juxta causas præmissas pro me facit justitia, quia apud me non invenitur culpa. Jam, si non parcerem, et læsum, quod de vobis dixistis, amicum me vocare potuissem; et læsionis vel injuriarum pœnam merito exigerem. Sed parco more meo, sed cuncta etiam non rogatus remitto. « Nullarum, » ut dixistis, « memor sum injuriarum. » Nam et hoc ad sequentem materiam pertinet, ut qui notas simultates de multorum cordibus, non ludo, sed serio excludere satago, et ad excludendum vos incitare intendo; prior ipse omnibus indulgeam, et quod ut alii faciant, laboro, ante ipse faciam.

4. Sed rursum forte dicetis : Itane joculari libet? Libet equidem, sed vobiscum. Vobiscum certe, sed non ita cum aliis. Nam cum quibusdam aliis gravitatem excedere, vanitatem incurere formidarem : at vobiscum vanitatem non vereor; charitatem, ne labatur, persequor. Unde dulce mihi est semper vobiscum loqui, et melleam inter nos charitatis dulcedinem jucundis sermonibus conservare. Caveo enim, quan-

Quid tanto dignum feret hic promissor hiatus<sup>3</sup>?

fateor me non tantum maximam, sed nec magnam, nec modicam habere causam vobis scribendi : earum tamen rerum, quas magnas vel maximas sæculares æstimant, et de quibus se magnos vel maximos fieri posse filii sæculi sperant. Est tamen magna, et in tantum causas omnes præcellens, ut excellentior omnibus ab Apostolo dicatur : et si ejus nomen quæritur, ab eo charitas nominatur<sup>4</sup>.

5. Hæc mihi tota, et sola causa scribendi fuit; quam me personæ vestræ integram servare confido : quamque nostros vestrosque sibi ad invicem melius solito servaturos, vestro maxime studio, non despero. Nam quantum ad eam charitatem spectat, quam vobis in abdito cordis mei jam ab antiquo reservo; videtur mihi quod aquæ multæ, ut scriptum est, non poterunt eam extinguere, nec flumina obruere. Hoc in quibusdam casibus mihi sæpe expertus videor, quod aquæ multæ non poterunt eam extinguere, nec flumina obruere<sup>5</sup>. Quando enim extingui vel obrui poterit sincerus erga vos, et ignitus mei pectoris affectus quibuslibet sinistri rumoris rivulis : cum nec aquæ multæ decimarum potuerint eum extinguere, nec impetus Lingonensium fluminum obruere<sup>6</sup>? Nostis quod dico, nec ob aliud dico, nisi ut constantis in amoris proposito erga vos animi mei insignia recolens, stabilem de cætero me esse posse, prudentia vestra præsumat. Præsumo et

<sup>1</sup> Gen. xxxvii, 4. — <sup>2</sup> II Cor. xi, 26. — <sup>3</sup> Horatius, De Arte poetica, vers. 138. — <sup>4</sup> I Cor. xii, 31-xiii. — <sup>5</sup> Cantic. viii, 7.

<sup>6</sup> Hæc illa injuriarum capita, de quibus Bernardus in epistola superiori.

ego hoc idem de vobis, nec a cordis vestri pe-<sup>214</sup> ille qui sic a Salvatore enervatus dicitur, ut neutralibus me cuiuslibet impulsu posse excludi A ipsius etiam ancillis ligetur, ut ipsi a servis ejus confido. Sed cum uterque nostrum pastor dicatur; cum ovilia nostra non parva Christi multitudine sint referta; cum utrique præcipiatur, *Diligenter agnosce vultum pecoris tui*<sup>1</sup>: videndum est, si pecus nostrum nobis notum est, si valet, si languet, si debile, si robustum, si mortuum certe vel vivum. Nam cum dilectus ille Discipulus dicat, *Qui non diligit, manet in morte*<sup>2</sup>: quid ego de languore pecudis meæ sollicitor, cum eam jam mortuam esse cognoscam? Si enim in morte manet qui non diligit, in qua morte manet qui odit? si in morte manet B frater Cluniacensis, a fratre Cisterciensi, vel e converso? Si urbes sunt, si castra, si villæ, si fundus, si possessio aliqua terrena vel parva, vel magna; si denique aurum, si argentum, si quælibet quantitas vel qualitas pecuniæ; dic, age, propone. Adsunt iudices, non iniquitatis, sed æquitatis, omnes hujusmodi lites statim dirimere præparati. Facile pax reformabitur, læsa charitas curabitur; postquam pro talibus vel similibus ortum fuisse tantum cordium disceidium cognoscetur. Sed video utrumque vestrum omnia ista abjecisse, nihil vobis in terris residui fecisse; pauperem Christum beata paupertate ditatos vos sequi proposuisse. Non est C ergo hic materies quam quærebam. Sed non desistam, non fatigabor, non quiescam; donec ad fundum inquisitæ veritatis perveniam.

6. Cerno aliquos, tam de nostris ovilibus, quam de vestris, adversum se invicem jurata bella suscepisse: et eos, qui in domo Domini habitare unanimes debuerant, a charitate mutua descivisse. Video eos de ejusdem domini esse familia, de ejusdem regis esse militia: eodem nomine christianos, eodem et monachos nuncupari. Intueor non solum communis fidei vinculo, sed insuper ejusdem monasticæ regulæ jugo submissos dominicum agrum multis, sed diversis sudoribus excolere: et cum eos, ut dixi, christianum nomen conjungat, cum monastica professio uniat; sola eos mentium nescio quæ occulta et nefanda varietas separat, et ab illa sincera cordium unitate, in quam videntur congregati, disgregat. Et, o res plena lamentis, nec ullis lacrymarum fontibus digne defendenda! superbum archangelum de cœlis projectum rursum cœlestia occupasse, et qui in aquilone sedem suam stabilire non potuit, in meridiana, hoc est in splendidiore cœli parte, eam firmasse. Vere ita plane, ita se fecisse gloriatur, quando expulso eo qui habitat in cœlis, et cujus locus non in mutuo rancore, sed in fraterna D pace factus est; mentibus hominum professione cœlestium, exemplo splendentium, jure tyrannico principatur. Cumque, fortem illum, atrium suum diuturna pace custodientem, fortior superveniens vicerit; eum mundi principem foras eiecerit; eum solum ejus, qui rex est filiorum superbiæ, etiam in laicis christianis everterit: quibus putas planctibus erit dolendum, si eversum in aliis nequitiae suæ thronum satan in monachorum cordibus crexerit? Absit, absit, ut

7. Sed cur sibi adversantur? cur sibi detrahunt? cur ab invicem consumuntur? Veniat, rogo, veniat materies litis in medium: et si quid justæ querelæ adversum se invicem afferre potuerint, æquis decernentibus arbitris terminetur. Quid exigis, quæso, frater a fratre? et ut in duobus nominatis omnium dissidentium varietas comprehendatur, quid exigis, inquam, B frater Cluniacensis, a fratre Cisterciensi, vel e converso? Si urbes sunt, si castra, si villæ, si fundus, si possessio aliqua terrena vel parva, vel magna; si denique aurum, si argentum, si quælibet quantitas vel qualitas pecuniæ; dic, age, propone. Adsunt iudices, non iniquitatis, sed æquitatis, omnes hujusmodi lites statim dirimere præparati. Facile pax reformabitur, læsa charitas curabitur; postquam pro talibus vel similibus ortum fuisse tantum cordium disceidium cognoscetur. Sed video utrumque vestrum omnia ista abjecisse, nihil vobis in terris residui fecisse; pauperem Christum beata paupertate ditatos vos sequi proposuisse. Non est C ergo hic materies quam quærebam. Sed non desistam, non fatigabor, non quiescam; donec ad fundum inquisitæ veritatis perveniam.

8. Est fortasse inter vos litis hujus causa, diversa consuetudo, varia monastici ordinis observatio. Sed si hæc, charissimi, tanti mali causa est; valde irrationabilis, et, quod salva utriusque vestrum gratia loquor, valde puerilis et stulta est. An non videtur vobis irrationabilis, puerilis, et stulta, quam omnis ratio destituit, et cui omnis sanum sapiens contradicit? Nam si varia consuetudo, si multiplex rerum D infinitarum varietas, Christi servos a mutua charitate divellere debet; quid jam pacis, quid concordiae, quid unitatis, quid tandem de lege Christi non solum monachis, sed et omnibus Christianis residuum erit, de qua a magno Apostolo dictum est: *Alter alterius onera portate, et sic adimplebitis legem Christi*<sup>3</sup>? Si, inquam, lex Christi, id est charitas, ab omnibus diversos usus sequentibus relinquenda est; nusquam plane ultra quaerenda est. Nusquam enim inveniri poterit, postquam ab omnibus morem di-

<sup>1</sup> Prov. xxvii, 23. — <sup>2</sup> I. Joan. iii, 14. — <sup>3</sup> Galat. vi, 2.



versum sequentibus exclusa fuerit. Nonne, charissimi, totus orbis terrarum Christi Ecclesiis jam ab antiquo refertus est? Cumque omnem pene numerum excedat multiplicitas Ecclesiarum, sub una fide et eadem charitate Deo famulantium; tanta pene apud eas invenitur varietas usuum, quanta infinitas est locorum. Hoc in cantibus, hoc in lectionibus, hoc in omnibus ecclesiasticis officiis, hoc in vestitu vario; hoc, præter authentica quæ mutari non possunt jejunia, in jejuniiis diversis; hoc in universis similibus, quæ pro temporum, locorum, gentium, regionum varietatibus, a prælatiis Ecclesiarum, quibus, secundum Apostolum, quantum ad talia pertinet, in suo sensu licet abundare<sup>1</sup>, instituta sunt. Relinquent ergo omnes istæ Ecclesiæ charitatem, quia mutaverunt consuetudinem? cessabunt esse christiani, quia videntur in diversis usibus vari? peribit ab his omnibus summum pacis bonum, quia unusquisque modo vario operatur bonum? Non ita sensit vita et verbo doctor Ecclesiæ Ambrosius, qui de jejunio sabbati loquens, quod Romæ servari viderat, et Mediolani episcopus factus servari non invenerat, ait: « Quando Romæ sum, jejunium » a Romana Ecclesia servatum custodio: quando Mediolani, morem ejusdem Ecclesiæ se- » quens non jejunio<sup>2</sup>. » Hinc et pater Augustinus bonæ matris suæ devotionem describens, narrat eam juxta morem, quem apud Africanas Ecclesias teneri viderat, oblationes suas contra Ecclesiarum Italiæ observantiam Mediolani voluisse offerre, sed ab Ambrosio prohibitam fuisse<sup>3</sup>.

9. Sed quid in istis laboro? Frustra rem patientem multiplicibus testimoniis vel exemplis cingerem: maxime cum nec apud antiquos ipsius paschalis temporis dissonantia, nec apud modernos ipsius sacrificii christiani inter Græcos et Latinos nota varietas, charitatem lædere, vel schisma aliquod unitatis gignere potuerit. Testes sunt præcedentis rei Patres sancti, et eorum, quos Ecclesiæ reliquerunt, approbati libri, quod alio tempore Oriens, alio Occidens, alio in eadem Britanniae insula Angli, alio Scoti christiani, scilicet antiquiores, Pascha Domini celebrabant. Testes sumus et nos temporis nostri, qui Romanam Ecclesiam, et totam latinam Linguam offerre Deo salutare sacrificium azymi panis videmus; cum græca Ecclesia, et

maxima Orientis pars, ac barbaræ, sed christianæ gentes, sacrificare de fermentato dicantur. Cum hoc ita sit, nec antiqui, nec moderni propter tam celebres et famosas usuum dissonantias a charitate mutua desciverunt: quia nihil quod fidem vel charitatem læderet, in his omnibus invenerunt. Ad quid istud? Ut si propter varios usus vestri, o fratres, animi variati sunt, si propter diversitatem consuetudinum diversificati sunt; si propter alium et alium morem ab Ecclesiarum institutoribus vobis traditum, a pacis vel unitatis charitate languerunt: tantorum Patrum tam venerandis exemplis in unum redeant, et more sanctorum, qui convalescerunt de infirmitate, fortes facti sunt in bello, a charitatis super omnem morbum formidando languore convalescant.

10. Sed dicetis: « Aliter usum varietas accipienda est in diversis Ecclesiis, aliter in » ejusdem Ordinis viris. Si Ecclesiarum multarum usus salva fide et charitate variantur, » mirum non est: sed si ejusdem propositi et » professionis homines non eundem institutionum morem servaverint, mirum est. » Estne, inquam, hoc totum, quod vos, charissimi, ab invicem dividit? est hoc totum, quod charitatem in vobis lædit? est hoc totum, quod filios pacis inter se pacificos esse non sinit? Si laicus homo cum his qui oderant pacem, pacificus erat<sup>4</sup>; monachus homo cum monacho homine, nefando duello certabit? Filius lucis filios tenebrarum, ne pacis bonum turbetur, diligit: filius lucis filium lucis, quod ad propositum, non ad monachum refero, impugnet? Si hæc certe tota est animorum vestrorum indignatio, si hæc tota charitatis læsio; facile curabitur, sed si abfuerit obstinatio. Attendite ergo, ne lucem sensuum vestrorum propriæ sententiæ amor obnubilet: quia unitatem assequi non meretur, quisquis non ipsam, sed quod vult ipse, tuetur. Unde rogo ut absque studio partium et propriæ sententiæ defensandæ, utrum hæc justa discidii causa sit, discutitis; et cum injustam esse cognoveritis, discissos animos uniatis. Nam ecce sub eadem Regula uterque vestrum militat, qua speciali militia salutem æternam se quisque vestrum posse consequi sperat. Quod si neuter vestrum spe sua frustratur, nescio quis locus discordiæ, quis discidio, quis oblocutioni superesse jam possit.

<sup>1</sup> Rom. xiv, 5. — <sup>2</sup> Apud Augustinum, epist. 31. — <sup>3</sup> Confessionum libro 6, cap. 2. — <sup>4</sup> Psal. cxxx, 7.

11. Dixistis enim mirum esse, si ejusdem A  
propositi et professionis homines non eundem  
institutionum servaverint morem. Ad quod ego :  
si ejusdem propositi et professionis homines,  
non eundem institutionum morem servaverint,  
et tamen observationibus diversis ad eandem  
salutem et aeternam vitam pervenerint, quid  
refert? Quid plane refert, quid obest, si vario  
tramite ad eandem regionem, si multiplici via  
ad eandem vitam, si multiplici itinere ad eam-  
dem, quæ sursum est, Jerusalem pervenitur,  
quæ est mater nostra? Si enim tu, o Cluniacen-  
sis, Cisterciensem, aut tu, Cisterciensis, Clunia-  
censem in assumpto proposito errare cognosce-  
res, et juxta Scripturam per viam, quæ videtur  
hominibus recta, ad iteritum tendere prævi-  
deres; justa, fateor, tibi esset causa fratrem  
corrigen- di, revocandi; aut, si audire te nollet,  
objurgandi et detestandi. Tunc certe si oblo-  
quereris, si contradiceres, si et odires; te juste  
judicare, te recte agere confiterer, maxime cum  
de talibus audiam magnum prophetam Deo di-  
centem : *Nonne qui oderunt te, Domine, ode-  
ram, et super inimicos tuos tabescebam? Per-  
fecto odio oderam illos, et inimici facti sunt  
mihi*<sup>1</sup>. Gratularer insuper, te non surdum esse  
auditorum Scripturæ dicentis, *Discurre, festina,  
suscita amicum tuum; ne des somnum oculis  
tuis, nec dormitent palpebræ tuæ*<sup>2</sup>; et illius,  
*Maledictus qui prohibet gladium suum a san-  
guine*<sup>3</sup>. Tunc justas plane odiorum tibi causas  
esse faterer, et ad debellandos hostes Dei, et  
eos qui secundum Apostolum in hypocrisi faci-  
unt mendacium<sup>4</sup>, gressus tuos et ego accin-  
ctus zeli gladio comes individuus comitarer. At  
nunc cum sub eadem<sup>5</sup> variis, sed sacris insti-  
tutis utrumque vestrum de terris ad cælos ten-  
dere videam, et per diversas semitas ad idem  
bravium tendentes sic currere, ut comprehen-  
datis : non superest tibi, ut mihi videtur, causa D  
aliqua indignandi, non odiendi, non oblo-  
quendi.

12. Sed exis- git adhuc, ut quod dixi probem,  
et quomodo sub eadem Regula vel ejusdem  
Regule professione, per diversos trames tuto  
monachus incedere possit, ostendam. Ad quod  
mihi perfacilis patet responsio, et auctoritas  
juncta rationi non deest : posse et te Cluniacen-  
sem tuo usu, et te Cisterciensem tuo more, et

felicius per viam mandatorum Dei currere, et  
feliciter ad finem cursui debitum pervenire. Et  
quia cam, quæ semper in talibus præmittenda  
est, auctoritatem præmisi; præmittatur et in  
hac serie ipsa, nec ratio modico saltem intervallo  
disjungatur ab ipsa.

13. Sed quid objeicis, frater? « Dico ejusdem  
» Regule professos ejusdem Regule mandata  
» non similiter observare. » Verum est, inquam,  
quod dicis, ejusdem Regule mandata in qui-  
busdam capitulis ab ejusdem Regule professis  
dissimiliter observari. Sed ne hujusmodi mona-  
chos propter ista reos existimes, ne hac de causa  
B prævaricationis arguere audeas; audi cœlestem,  
imo Regis cœlorum auctoritatem : *Si oculus tuus  
fuerit simplex, totum corpus tuum lucidum erit*<sup>6</sup>.  
Audi et Apostolum : *Omnia vestra in charitate  
fiant*<sup>7</sup>. Audi et patrem Augustinum : « Habe cha-  
» ritatem, et fac quidquid vis. » Audi et ipsum Re-  
gule scriptorem, imo ipsius Regule dictatorem  
Spiritus sanctum : « Sic, » inquit, « abbas omnia  
» temperet atque disponat, ut animæ salventur;  
» et quod faciunt fratres, absque murmuratione  
» faciant<sup>8</sup>. » Et quid clarius? quid apertius? quid  
lucidius? Nonne ipsa verborum serenitas absque  
omni prorsus nubilo se esse ostendit, et clari-  
simam prorsus lucem, remoto omnium nubium  
velamine, mortalibus manifestat? Ecce Magister  
cœlestis totum corpus tuum, o frater, simplici-  
tate oculi, hoc est universa opera tua, puritatis  
intentione, lucida esse docet : ecce post ipsum  
summus Ecclesiæ doctor omnia tua in charitate  
fieri præcipit : ecce maximus post Apostolos  
Ecclesiarum instructor, omnem tibi quæ volue-  
ris faciendi potestatem, charitate manente, con-  
cedit : ecce ipse, cui inniteris, Benedictus pater,  
abbatem sic omnia temperare jubet, ut animæ  
salventur, et murmur absit : et saluti sub eadem  
Regula diversa sequentium metuis? Nonne cer-  
nis tutissimos ab omni periculo, quorum (et  
quod majus est) præcepta a qualibet varietatis  
mobilitate vel culpa, intentio salvandi animas  
juxta ipsam Regulam excusat?

14. Sed jam, ut et ipsa ratio auctoritatibus  
præmissis in omnibus famulari intelligatur, eique  
indivisibiliter coherere; subjungantur aliqua de  
instanti questione capitula, in quibus simplici  
oculo, sincera charitate, salvandarum animarum  
intentione, quedam mutata monstrentur. Nam

<sup>1</sup> Psal. CXXXVIII, 21, 22. — <sup>2</sup> Prov. VI, 3, 4. — <sup>3</sup> Jerem. XLVIII, 10. — <sup>4</sup> 1 Tim. IV, 2. — <sup>5</sup> Luc. XI, 34. —  
<sup>6</sup> 1 Cor. XVI, 14. — <sup>7</sup> Reg. S. Benedicti, cap. 11.

<sup>8</sup> Supple Regule.

his demonstratis, nihil, ut arbitror, quantum ad <sup>217</sup> imitari proponis. Simplici oculo tu uteris, qui præsens negotium pertinet, tibi quærendum A relinquam. Simplici namque oculo tu uteris, qui non ipsi post annum novitio aditum claustrum aperis: quia juxta apostolum <sup>1</sup> et Regulæ verba <sup>2</sup>, spiritum noviter venientis, utrum ex Deo sit, per totius anni spatium perscrutaris. Simplici oculo et tu uteris, qui advenientem infra ejusdem anni metam suscipis: quia eum per tantum temporis dilatum, ad pristinas fæces, et ad prioris vitæ detestanda mala redire formidas. Simplici oculo tu uteris, qui duabus tunicis, et duabus cucullis, vel ejusdem generis paucis additis vestibus contentus es: quia etsi non præceptum <sup>3</sup>, consilium tamen vel existimationem scriptoris Regulæ sequi, quam alterius generis vestes addere vel assumere maluisti. Simplici oculo et tu uteris, qui usum mediocrium pelluciarum admisisti: quia debilibus, quia infirmis, quia delicatis, quia omnibus, quantum ad frigidiores terrarum partes pertinet, ne murmurarent, ne languerent, ne rationabili necessitate subtracta et aliqui a proposito recederent, providisti. Simplici oculo tu uteris, qui nonnisi tertio fugitivos revertentes recipis: quia et ipsa Regulæ verba conservare <sup>4</sup>, et a frequenti fuga stultos vel instabiles monachos studes, negato C demum reversionis aditu detertere. Simplici oculo et tu uteris, qui plus quam tertio monachum redeuntem recipis: quia times, ne venia denegata, expositus hostibus pereat, et ovem vagabundam lupus, qui et clausas rapere ac dispergere solet, interimat.

15. Simplici oculo tu uteris, qui absque exceptione aliqua regularia jejunia, tam æstatibus, quam hiemis, observas: quia et prout ea tradita sunt, vis conservare, et prolixioris abstinentiæ cumulationem fructum recipere. Sed, quod puro charitatis animo loquor, octo diebus Natalis Domini, Epiphania, Purificatione, qui D vere per omnia dies dominici sunt, jejunia a quibuslibet observari non satis approbo. Simplici oculo et tu uteris, qui et hos dies, quos prædixi, et omnem authenticam duodecim lectionum solemnitatem ab hac regularium jejuniorum consuetudine excipis: quia ipsum Dominum, quia Apostolos, quia quosdam alios sanctorum, et sic honorare conaris, et omnium pene Religiosorum sic jejunantium morem

opis manuum secundum Regulæ præceptum observas: quia et Regulæ obedire <sup>5</sup>, et otiositatem inimicam animæ, secundum ejusdem Regulæ dicta, talibus exercitiis, tam sacris non solum monachicis, sed et apostolicis institutionibus vis cavere, et, in quantum facultas datur, juxta patres antiquos, et vitæ necessaria providere. Simplici oculo et tu uteris, qui hoc opus manuum ex parte postposuisti: quia non in silvis, nec in desertis, sed in medio urbium et castrorum constitutus et undique populis circumseptus, nec toties et toties ire ac redire B horum causa operum, per promiscuam utriusque sexus multitudinem, absque aliquo vel plurimo periculo potes; nec insuper opportuna loca, ubi talibus exerceri operibus possis, plerumque possides. Sed ne inimica religiosæ otiositas te vacante locum tibi nocendi inveniat; aut ubi, et quando potes manibus operaris; aut ubi non potes, opus hoc manuum operibus divinis per vices variando compensas: sicque ne domum pectoris tui vacantem nequam spiritus sibi vindicet, quibus potes sacris studiis totum vitæ tuæ tempus occupas.

16. Simplici oculo tu uteris, qui in omnibus C advenientibus vel discedentibus hospitibus, inclinato capite, vel prostrato omni corpore in terram, Christum adoras, eisque universis pedes abluis: quia præcipuum hospitalitatis bonum, secundum Evangelii et Regulæ <sup>6</sup> decreta, summo excolere studio, ut decet, satagis, et tam sanctæ humanitatis exhibitione condignam mercedem tibi vindicare contendis. Simplici oculo et tu uteris, qui non ante omnes hospites prosterneris, qui non omnibus pedes abluis: quia impossibile omnino tibi esset ante tantam hospitum multitudinem assidue advenientem semper in terram prosterni, omnibus pedes D abluere; in tantum ut si ad ista continue vacare velles, cunctis aliis Ordinis tui exercitiis omissis, nec istud solum explere valeres. Et quia quod impossibile tibi esse perspicis, omittis; quod hospitum susceptioni necessarium est, pro viribus exhibes, eosque quo potes honore prosequeris: a jam dictis, quæ explere non vales, simplicitate oculi excusaris. Simplici oculo tu uteris, qui mensam abbatis cum hospitibus et peregrinis semper esse vis: quia et Regulæ obe-

<sup>1</sup> I Joan. iv, 1. — <sup>2</sup> Reg. S. Benedicti, cap. 58. — <sup>3</sup> Ibid. cap. 55. — <sup>4</sup> Ibid. cap. 29. — <sup>5</sup> Ibid. cap. 48. —

<sup>6</sup> Ibid. cap. 53.

dire<sup>1</sup>, et hospitibus tibi humanius deservire<sup>218</sup> videris. Simplici oculo et tu uteris, qui mensam abbatis non semper cum hospitibus, sed semper cum fratribus esse decernis : quia multorum abbatum ( ut mitius loquar ) profusioni, qui hospitum occasione sibi propitii, suis impii esse solebant, eum ad mensam communem revocando mederis.

17. Simplici oculo tu uteris, qui velut Esdras legem, qui velut Machabæi ruinas templi Dei, sic tu monastici Ordinis plurima detrimenta, multasque in multis multorum monasteriorum morumque ruinas reparare laboras : et delicatis magis, quam necessariis condescensionibus expolis, ad antiqui et primi fervoris morem, nostrorum temporum teporem revocare contendis. Simplici oculo et tu uteris, qui ita et Regulæ et Ordinis mandata moderaris, ut, secundum ejusdem Regulæ verba<sup>2</sup>, sit et quod fortes cupiant, et infirmi non refugiant : ut qui pane non potest, lacte saltem, ne vitam perdat, alatur : et qui anhelis cursibus propositum bravium comprehendere non valet, lento saltem pede ad illud pertingere doceatur ; quia non minus patriæ inhabitator dicitur, qui ad eam post annum, quam qui post mensem revertitur. Quod tamen salvo itinerantium diverso labore dico : quia juxta apostolicam vocem, *Unusquisque propriam mercedem accipiet secundum suum laborem*<sup>3</sup>. Habes tu hujus propositi tui Benedictum auctorem, ejus licet scripta, ubi charitas jubet, ipso teste minime sequi cogaris : sequi tamen, quia tanto viro congrua visa sunt, devotione laudabili delectaris. Habes et tu institutionum tuarum eundem Benedictum auctorem, qui ad finem charitatis universa scripta sua redigi præcipit, et animarum salutem quoquo modo, isto vel illo ordine inservire. Habes et Maurum præceptum inter ejus discipulos discipulum, qui ab eo missus ad Gallias, aliqua vel multa de ejus Regula, eo quem supra scripsi oculo legitur immutasse. Habes et plurimos post ipsum monasteriorum patres, quos Spiritu Dei pro temporibus, pro locis, pro personis, ad moderanda sæpe diætæ Regulæ scripta actos esse, et vita præcellens, et innumera tam in vita, quam post mortem a Deo per ipsos facta miracula, luce clarius manifestant.

18. Et quid ultra dicam ? Simili ratione per reliqua omnia quæ videntur diversa capitula

A tatem, alius salvandarum animarum intentionem nuncupat, ubique reperies ; et hoc modo nihil diversum, nihil dissonum : quia per charitatem fiunt omnia unum, in his quæ varie servari videntur, invenies. Istis adjicio, quod tamen omnibus patet, nihil pene talium in Regula præceptum, sed cum conditionis additamento, et abbatis temperamento prolatum. Quod etiam si imperative dictum fuisset, nequaquam simplici oculo, id est charitati evangelicæ, præjudicare potuisset. Talia enim, ut nosti, de numero præceptorum mobilium sunt : et quando charitas imperat, absque aliquo transgressionis timore movenda sunt. Nec suspecta esse debet hoc respectu Regulam professis Regulæ prævaricatio : quia Regula illa illius sancti patris ex illa sublimi et generali charitatis regula pendet, ex qua et in qua, juxta Veritatis verba, *universa lex pendet, et Prophetæ*<sup>4</sup>. Quod si universa lex, tunc et illius Regulæ lex. Monachus ergo Regulam patris Benedicti profitens, tunc eam vere servat, quando in servatis vel mutatis quibuslibet ejus capitulis, charitatis legem ubique conservat.

19. Quid igitur ? Si hæc certe, o fratres, tota mutui erat causa discidi, nonne jam vobis prorsus exclusa videtur ? nonne jam fraterna pace uniri debent corda monachorum, cum varia illa, propter quæ discissa fuerant, simplex fecerit charitas unum ? Nonne multa unum facit, quæ sub uno monastici Ordinis, vel unius Regulæ proposito diversa, sed bona sequentes, ad unum summi boni vel sempiternæ vitæ debitum finem perducit ? Fiat ergo pax, o Jerusalem, in virtute tua, ut sequatur et abundantia in turribus tuis. Sed ne forte inveniamur de illis esse, qui dicunt, *Pax, pax, et non est pax*<sup>5</sup> ; scrutemur si qua adhuc divortii causa supersit, ne forte nobis dormientibus ac securis, repentinus de caverna sua anguis exsiliat, et aliquem ex nostris vel vestris incautius quiescentem mordeat.

20. Fortassis enim vestes istæ coloris diversi incentivum discordiæ præstant, et multiformis varietas vestium varietatem quoque parit et mentium. Nam, ut pene assidue cerno, et omnibus ipsis quoque negligenter intuitibus advertere perfacile est, niger ( ut sic dicam ) monachus album fortuito occurrentem obliquo sidere

<sup>1</sup> Reg. S. Benedicti, cap. 56.

<sup>2</sup> Ibid. cap. 64.

<sup>3</sup> 1 Cor. III, 8. — <sup>4</sup> Matth. XXII, 40. — <sup>5</sup> Jerem. VI, 14.

respicit : albus nigrum vix media oculi parte<sup>220</sup> monache, nigredo fratris tui, non mentis, sed et quando se ingerit, contuetur. Vidi plurimos, A vestis, exsecranda videtur? Cur tibi, o niger non recorder quoties, de nigrorum numero, monache, albedo fratris tui, non mentis, sed occurrentem quempiam album, quasi monstrum vestis, admiranda creditur? Nonne uterque ridentes, et velut si chimæra vel centaurus, vel vestrum de ovibus Pastoris illius est, qui dicit : portentum aliquod peregrinum oculis ingere- *Oves meæ vocem meam audiunt, et ego Domi-* retur, voce vel gestu corporis se stupere signi- *nus agnosco eas, et sequuntur me; et ego vitam* ficantes. Vidi e converso loquaces prius, et æternam do eis, et non peribunt in æternum, *neque rapiet eas quisquam de manu mea*<sup>221</sup>? Et multa passim occurrentia ad invicem conferen- Et quis unquam pastor, non dicam Deus, sed vel tes albos, nigro quolibet adveniente subito ob- homo, de velleribus ovium suarum discolori- mutuisse, et velut ab hostibus hostium secreta bus disputavit? quis unquam causatus est? quis rimantibus, silentii sibi remedio præcavisse. In- quam magis albas, quam nigras; nigras, tuitus sum utriusque generis hominum linguas B quam albas, suas esse oves judicavit? quis un- tacentes; oculos, manus, pedesque loquentes : quam non utrum nigræ vel albæ, sed utrum nigræ vel albæ de eodem suo grege essent, et quod voce, ne proderentur, indicare nole- attendit? Et, o malitia hominum! et, o inno- bant, gestuum suffragio clarius inclamasse. Vo- centia pecudum! o constans in sua origine creata cem mutam, membra loquacia; et perverso in brutis animalibus substantia! o perversa in naturæ ordine, lapidibus clamosos, homines rationali animante natura! quis unquam albus hominibus taciturnos. Recordatus sum sæpe, aries nigrum dedignatus est? quæ unquam ovis talia videns, illius Salomonici verbi, quo de simili hominum genere fatetur : *Annuat oculis, terit pede, digito loquitur, pravo corde machina-* nigra albam detestata est? Nonne communiter, tar malum, et in omni tempore jurgia concitat<sup>1</sup>. nonne pacifice, nonne omnino tranquille, sine Et, o pessimi angeli et a Deo projecti pravum omni multiplex coloris quæstione, absque et pertinax consilium! qui nolens se solum omni inquietudine, caulas pastorales replent? æternæ paci periisse, socios sibi suæ perditionis Et quidem aliquando aries arietem cornibus undecumque acquirit : et ut gloriosiore palma C impetit, ovis ovem crebris pulsibus tundit : sed hos vel has non varietas coloris ad pugnam ex- lætetur, cedros vel abietes paradisi Dei, cujus citat, sed innata cunctis animalibus ac modo ipse olim colonus exstitit, violento nequitiae suæ impulsu subruere conatur. Dolet sibi periisse quolibet ira excita provocat. At nunc, ut video, hæresum palmam, qua priscis temporibus Ec- stolidior pœude homo, in honore positus non clesiam Dei scindere consueverat : et videns se intelligit : et, quod magis deplendum est, mo- fidem nullo jam pacto lædere posse, Spiritu Dei naclus homo a charitatis unitate vario variatus eadem fide replente orbem terrarum; ad cha- colore sese disjungit. Noli, noli, oro te, frater, ritatis mutæ læsionem totum conatum conver- si ovis Christi esse cupis, vario de vellere tit. Nam quia, ut infideles sint, hominibus causari : quia nullum de ovili suo Pastor ille christianis jam persuadere non potest; toto co- projicit, nisi quem non coloris varietas, sed namine, ne se invicem diligant, elaborat. Jam fidei vel charitatis læsio ab ovium suarum grege Arii, jam Sabellii, jam Novati, jam Donati, secernit. Non, inquam, secernit quempiam ab jam Pelagii, jam antiquioris horum exsecrandi D ovili suo propter colorem, qui de tam semotis Manichæi secta periit; jam innumerabilium hæ- regionibus, de tam diversis religionibus, in uno reticorum nebulae lucem fidei obumbrantes, Dei christianæ fidei ovili Judæum congregavit pari- flante spiritu, evanuerunt, et meram nobis ter et Gentilem.

21. Sed ut deploratione ommissa, ad ea quæ cœperam, stilum reducam : cur tibi, o albe

22. Hoc fortassis docuit et patientia illius sancti patriarchæ Jacob, qui decies a Laban immutatam mercedem æquo animo tulit : et nihil differre inter album et nigrum, vel varium pecus, eodem boni pastoris animo et cura multicolorem gregem pascendo monstravit<sup>3</sup>. Et cum dicat Apostolus, *In Christo Jesu neque cir-*

<sup>1</sup> Prov. vi, 13, 14. — <sup>2</sup> Joan. x, 27, 28. — <sup>3</sup> Gen. 30.

*cumcisio aliquid valet, neque præputium, sed nova creatura*<sup>1</sup>; et alio loco, *Ubi non est Gen-tilis et Judæus, circumcisio et præputium, Barbarus et Scythæ, servus et liber, sed omnia et in omnibus Christus*<sup>2</sup>: quis puerilis animus in tantum desipere potuit, ut vel variarum vestium colorem, vel diversum consuetudinum morem, servata nova creatura in Christo aliquid, quantum ad salutem, differre putaret? Quod si quantum ad salutem nil refert, cur varius vestium color monachos separat? cur schisma generat? cur animos dividit? cur charitatem lædit? Non est, non est causa aliqua, non ratio ulla, non dico audiendi, non dico dividendi, sed nec grunniendi in istis. Habes tu idoneum defensorem albedinis tuæ, simplicem, ut supra dixi, oculum conscientiae tuæ: quo, ne longo temporis usu niger inductus, putaret nonnisi sub atro colore suo monachum esse posse, albam cucullam et tunicam induisti; et quia sub nigrorum habitu innumerabiles hujus Ordinis tepefactos a proposito cernebas, ad majorem et novum monasticæ religionis fervorem hoc hactenus inusitato vestium candore excitare arte laudabili voluisti. Habes et tu non dissimiliter probabilem auctorem nigredinis tuæ, longissimum a patribus traditum consuetudinis morem: quo tutior tibi videris sequendo vetera, quam adveniando nova. Habes uterque utriusque coloris tui inexpugnabilem propugnatricem ipsius communis Regulæ vocem<sup>3</sup>; quæ præcipit ut de vestium colore aut grossitudine non causentur monachi, sed illius coloris aut qualitatis vestibus utantur, quæ in provincia, qua habitant, vel facilius inveniri, vel levius comparari potuerint. Tutatur ergo albedinem tuam ratio supradicta, vel fortasse major, quam nondum novi, aliqua: tuetur et nigredinem tuam paterna auctoritas, quæ omni rationi æquipollet, et quam inferiorem judicari ab aliquo sanum sapiente non decet.

23. Et cujus patris exemplum ad hoc asserendum afferre potero? Et quem majorem magno Martino reperire valebo? Ille, inquam, ille magnus Martinus monachus et episcopus, nigrarum colorem vestium suis vestibus dedicavit, de qua re sic in ejus Vita legitur: « Quem cum nigro ac pendulo pallio circumtectum contigua de latere jumenta vidissent, paulum in partem alteram pavefacta cesserunt. »

Quod vero monachus fuerit, monasterium quod non longe ab oppido Pictaviensi, monasterium quod Mediolani, monasterium quod sibi Turo-nis construxit, testantur. Ecce monachus Martinus, ecce nigris vestibus contextus Martinus. Sed quid et de his Hieronymus in epistola ad Nepotianum missa scribit? « Vestes, » ait, « pul-las æque ut candidas devita. » Monens eum scilicet ut fastum vel jactantiam caveret, non solum in candidis vestibus, quibus tunc magis sæculares utebantur, sed etiam in pullis, quibus illius temporis religionis professores uti consueverant. De his admirandus ille Nolanus episcopus Paulinus, jam dicti Martini, Ambrosii, Augustini, Hieronymi contemporaneus ac familiaris, multisque sæpe ab ipsis, sed et a magno papa Gregorio laudibus prædicatus, iter ejusdam nobilissimæ, sed ad religionis monasticæ propositum nuper conversæ feminæ describens, sic in epistola Sulpicio Severo directa loquitur: « Vidimus gloriam Domini in illo maris et filiorum itinere, uno quidem, sed longe dispari cultu. Macro illam et viliori asellis hurico sedentem, tota hujus sæculi pompa, qua honorati et opulenti poterant, circumflui senatores prosequerantur: carrucis tantibus, phaleratis equis, auratis pilentis, et carpentis pluribus gemente Appia atque fulgente. Sed splendoribus vanitatis prælucebat christianæ humilitatis gratia. Admirabantur divites pauperiem sanctam, at illos nostra pauperies ridebat. Vidimus dignam Deo hujus mundi confusionem, purpuream, sericam, auratamque supellectilem, pannis veteribus et nigris servientem. Benediximus Dominum, qui humiles excelsos facit, esurientes implet bonis, et divites dimittit inanes. » Ecce non solum viri antiquæ religionis, sed etiam mulieres, sanctitatis propositum assumentes, vestibus nigris usæ scribuntur.

24. Nam ut quod sentio fatear, visum est, ut mihi videtur, magnis patribus illis nigrum hunc, de quo agitur, colorem magis humilitati, magis poenitentiae, magis luctui convenire: quibus studiis, quia totam monachi vitam maxime invigilare oportet, decreverunt, ut color moribus, vestes virtutibus, qua possent cognitione jungerentur. Vestes enim candidas magis gloriam quam abjectionem, magis gaudium quam mœrorem antiquitus designasse; magis

<sup>1</sup> Gal. vi, 15.<sup>2</sup> Coloss. iii, 11.<sup>3</sup> Reg. S. Benedicti, cap. 55.

etiam Ecclesiæ, ut omnibus notum est, sic interpretantibus, et angelus resurgens, et angeli ascendentes Domini præcones indicarunt, ipseque Salvator in illa transformationis suæ gloria vestibus niveis præclarus apparens, ostendit. Inde bonus et doctus vir Sidonius Arvernus episcopus, quorundam vitia mordaci reprehensione irridens, inter alia quibus in eos invehitur, « Procedunt, » inquit, « albat ad exsequias, pullati ad nuptias: » ostendens eos in tantum moribus et actu confusos, ut apparatum funereum nuptiali, nuptialem funereo, perverso ordine permittarent. Nam qui morem communem temporis illius servabant, non albat ad exsequias, pullati ad nuptias; sed albat ad nuptias, pullati ad exsequias procedebant: ut albat nuptiali gaudio, pullati luctui funereo concordarent. Vidi nuper ipse in Hispaniis constitutus, et admiratus sum, antiquum hunc morem ab Hispaniis adhuc omnibus observari. Mortua quippe uxore maritus, mortuo marito conjux, mortuis filiis patres, mortuis patribus filii, defunctis quibuscumque cognatis cognati, extinctis quolibet casu amicis amici, statim arma deponunt, sericas vestes, peregrinarum pellium tegmina abjiciunt, totumque penitus multicolorem ac pretiosum habitum abdicantes, nigris tantum vilibusque indumentis se contegunt. Sic crinibus propriis, sic jumentorum suorum caudis decurtatis, seque et ipsa atro prorsus colore denigrant. Talibus luctus dolorisve insignibus subtractos charissimos deflent: et integri ad minus spatium anni, in tali mærore publica lege consummant.

25. Hac tanta auctoritate vel ratione tibi colorique tuo, niger monache, satisfacio; nec tamen ideo albi albedinem condemno. Laudaris tu, quia patrum tuorum sanctum non vis excedere morem: laudatur et ille, quia vestium insolito candore, sui magis ac magis animi in sancto proposito excitat etiam hoc modo fervorem. Distinguit se quodammodo tali colore, non a communi (quod nefas esset) charitate; sed a multorum hujus ordinis nota omnibus tepiditate. Cum sis igitur sub uno pastore Jesu Christo, cum habites in uno ovili Ecclesiæ, cum ex una vivas æternorum fide et spe, tam tu albe, quam tu niger monache, quid de variis velleribus, ut parum austerius loquar, stultissimæ oves causamini? Quid tam nulla, imo tam

stulta de causa, contra vos ad invicem moveamini? cur tam puerili occasione primam illam stolam charitatis scinditis? cur ipsa habitacula separatis? cur vos ipsos non jam ovino, sed lupino dente mordetis? cur detrahitis? cur laceratis? Videte, cavete, ne hoc nomen innocentiae, quo oves nuncupamini, non de illis vos faciat, quas positurus est summus Pastor a dextris, et de quibus ipse ait, *Oves meæ vocem meam audiunt, et ego Dominus agnosco eas, et sequuntur me; et ego vitam æternam do eis, et non peribunt in æternum*<sup>1</sup>; sed, quod absit, inter illas vos constituat, de quibus legitur et cantatur, *Sicut oves inferno positi sunt; mors depascet eos*<sup>2</sup>. Cernitis adhuc stultam esse causam, de colore disputare? damnablem, fratrem pro colore odire? pessimam, fratri pro colore detrudere? Si tota hæc mutui causa erat discidium, si sola tanti materia divoritii: si, inquam, schismatis monastici hæc sola et tota erat occasio: nonne hac tam multis rationibus explosa, cordium vestrorum jam vetus seissura unietur? nonne læsa charitas curabitur? nonne ad pacis filios evangelica pax reverteretur? Satisfacite igitur paci, filii pacis, et cum ea perpetuum foras inite: ne forte, si aliter fiat, proferatur quandoque etiam contra vos dirissima illa prophetae sententia: *Non est pax, dicit Deus meus, impiis*<sup>3</sup>. Et jam, Deo gratias, aestimo me quorundam nostri Ordinis virorum antiquas odiorum causas et latebras penetrasse, nec jam ad quaerendum etiam sollicito cogitavi aliquid superesse. Quod si res ita se habet, neque tu, albe, nigrum, neque tu, niger monache, album, si præscripta servare volueritis, infestabis: neque adversus fratrem pro diverso consuetudinum more, vel pro vario tam sæpe nominato colore, a statu altissimæ charitatis moveberis.

26. Sed quid dixi? quomodo mente excessi? ubi intellectus animi? unde acies obscurata videndi? Putabam me omnem scandalorum materiam invenisse, arbitrabar me omnes odiorum latebras detexisse. Suspicebam, ut dixi, solam diversitatem consuetudinum, solam varietatem colorum, qualitatem aut quantitatem vestium, aut escarum, charitatem inter monachos vulnerasse, et tanti mali istam tantummodo causam existere. Cernebam festucam in oculo fratris: sed trabem permaximam, et quercum

<sup>1</sup> Joan. x, 27, 28. — <sup>2</sup> Psal. xlviii, 15. — <sup>3</sup> Isai. xlviii, 22.

prævalidam in meo vel ipsius oculo videre non<sup>225</sup> deffenda jactura ! si longissimi ævi tui mundis-  
poteram. At nunc clarificato oculo, serenata A  
die, et sole meridiano jam nil latere permit-  
tente, video, video, inquam, quod liceat mihi  
dicere pace omnium, unde tamen certus sum,  
quod licebit mihi omnium pace bonorum. Nam  
qui indignabitur, de se, ut ait Hieronymus,  
dictum fatebitur. Non refugit manum medentis  
pars sospes corporis : sed quæ se palantis di-  
gitis tremens subducit, pestem sine dubio in-  
trinsecus latere ostendit. Quid est ergo quod  
exceiderat?

27. Dic, dic, inquam, tu, ut mei propositi  
prius hominem alloquar, dic, o niger monache, B  
da gloriam Deo; et quod in imis cordis tui  
contra fratrem adhuc latet, denuda. Quis, in-  
quis, pati potest novos homines veteribus an-  
teferri; eorum studia nostrorum actibus præ-  
poni; nostros viliores, illos chariores videri?  
Quis aequo oculo aspicere potest, mundum ex  
plurima sui parte a nostro veteri Ordine averti,  
ad ipsorum novum propositum converti? re-  
linqui tritas a sæculis vias, concursus fieri ad  
ignotas hactenus semitas? Quis patiaturo nos  
veteribus, juniores senioribus, albos nigris mo-  
nachis anteferri? Hoc tu, inquam, niger, dicis.  
Sed tu, albe, quid proponis? Felices nos, in-  
quis, quos longe probabilior institutio com-  
mendat, quos beatiores aliis monachis mundus  
prædicat, quorum opinio, aliorum existimatio-  
nem; quorum dies, aliorum lucernam; quorum  
sol, aliorum sidus obscurat. Nos religionis per-  
dite restauratores, nos emortui Ordinis resusci-  
tatores; nos languentium, tepentium, sorden-  
tium monachorum justissimi condemnatores :  
nos moribus, nos actibus, nos usibus, nos  
vestibus a cæteris divisi, et veterum teporem  
ostentui fecimus, et novum nostrorum fervo-  
rem præcellere approbamus. Ecce, ecce, vera  
illa occultior, sed longe aliis charitati infe-  
stior causa, quæ mentiumstrarum unitatem  
scindebat, quæ ipsas domos ab invicem secer-  
nebat, quæ ad verba detractoria vel maledica  
linguas vestras persæpe, juxta prophetam, ut  
gladium acuebat<sup>1</sup>.

28. Sed retundatur lethalis gladius gladio ver-  
bi divini, et ne levi inanis gloriæ vento tantis  
sudoribus fruges collectæ dispergantur, si sa-  
pientes estis, satagite. Et, o infelix nimiumque

nam quasi fulgur de cælo cadentem<sup>2</sup>? Ubi  
est, quod facta huic simili contentione inter  
eos, quis eorum videretur esse major, alibi di-  
cit: Vos autem non sic: sed qui major est in  
vobis, fiat sicut junior; et qui præcessor est,  
sicut ministrator<sup>3</sup>? Ubi latet absconditum ab  
oculis memoriæ, quod excelsus ille et magnus,  
cujus, juxta Psalmum, magnitudinis non est  
finis<sup>4</sup>; et qui, juxta Apostolum, est super om-  
nia Deus benedictus in sæcula<sup>5</sup>, servis suis non  
se præferens vel conferens, sed submittens, se-  
quitur et dicit: Ego autem in medio vestrum  
sum, sicut qui ministrat<sup>6</sup>? Corripitur aposto-  
lus, ne se præferat apostolo: et non corripitur  
monachus, ne se præferat monacho? Supponi-  
tur a Christo magistro minori discipulo major,  
inferiori superiori: et super Cisterciensem ego  
Cluniacensis elevari conabor? Submittit se suis  
discipulis ipse Christus: et super fratrem,  
longe forsitan meliorem, tumentem superbia  
levabit cervicem christianus, et monachus? De-  
jicit se majestas, et jactat se infirmitas? Hu-  
miliat se celsitudo, extollitur putredo? Servit  
Dens, et imperare nititur limus? Et quomodo  
cecidisti, frater, de gradu Regulæ tuæ, quo te  
conscendisse gloriabaris, « ut monachus om-  
nibus se inferiorem et viliorē non solum sua  
» lingua pronuntiet, sed et intimo cordis credat  
» affectu? » Et quid ultra laboro? Non est ne-  
cesse religiosi, sapientibus, litteratis, acrius  
instare, nec, ut vulgo dicitur, Minervam docere,  
vel ligna ad silvam, vel aquam ad flumina sive  
mare deferre. Intelligit, agnoscit utriusque ve-  
strum sapientia, sicut sine fide, sic et sine cha-  
ritate impossibile Deo placere: nec aliquem  
humilitate abjecta, posse eandem charitatem

<sup>1</sup> Psal. cxxxix, 4. — <sup>2</sup> Luc. x, 18. — <sup>3</sup> Id. xlii, 26. — <sup>4</sup> Psal. cxliv, 3. — <sup>5</sup> Rom. ix, 5. — <sup>6</sup> Luc. xii, 27. — 7 Reg. S. Benedicti, cap. 7.



nisu quolibet retinere. Unde enim humilitas recedit, ibi necessario superbia succedit : ubi superbia succedit, ibi statim et invidia accedit : ubi invidia oritur, confestim charitas moritur. Nam neque eum, cui invidet invidus, potest diligere, nec in non diligente charitas aliquo modo permanere.

29. Propter ista, unde abest charitas, abest humilitas : et unde abest humilitas, abest et charitas. Hoc docet clare et Apostolus, cum dicit : *Charitas non æmulatur, non agit perperam, non est ambitiosa*. Et quia nec etiam alienarum rerum cupida, subdit : *Non quærit quæ sua sunt*<sup>1</sup>. Inflationem ergo omnem, ambitionem omnem, cupiditatem omnem, avaritiam omnem excludit charitas : imo per charitatem, juxta sequentia Apostoli, expellitur tota simul iniquitas. Jam si hanc charitatem, quam legem Christi idem apostolus vocat<sup>2</sup>, vis, frater Cluniacensis, frater Cisterciensis, integram conservare; si per ipsam maximos tibi thesauros in cælo recondere, si reconditos conservare; da totam quam potueris operam, et causas, non dico eam fugantes, non dico eam perimentes, sed vel parum eam lædentes, a te abige : si expulsa redire voluerint, firmi pectoris redeuntibus ostium claude, et cohabitricem semperpiternam totis sanctæ animæ tuæ amplexibus retine. Sublevabit te charitas ipsa firmiter retenta ad regna cælorum, quæ nimia ac dulci vi sua inclinavit usque ad terras Regem cælorum. Fidelis inde testis est Apostolus, dicens quod propter nimiam charitatem Filium suum miserit Deus in similitudinem carnis peccati<sup>3</sup>. Gaudebis perenniter coram Deo charitate, et gaudium tuum, sicut ipse promisit, nemo tollet a te<sup>4</sup>, quando erit Deus omnia in omnibus, quando satiaberis a longinqua esurie tua, cum manifesta fuerit gloria ejus; quando, cum apparuerit, similis ei eris; et per hanc charitatem Dei ei sempiternæ unitus, videbis eum sicuti est.

30. Jam tandem ad vos, mi charissime, cui præsens epistola mittitur, stilus recurat : ut a quo sumpsit initium, in ipso suam fortassis importunam prolixitatem finiat. Causa mihi scribendi, ut superius professus sum, teste conscientia, sola vere charitas fuit : ut, quantum ad utrumque nostrum attinet, flatu colloquutionis eam recalescere, et in mutui affectus solitas vel majores flammæ erumpere cogerem.

Restat ut vos, quem lacteam fortemque collumnam, cui innititur monastici Ordinis ædificium, summa providentia præparavit, et velut rutilum sidus exemplo verboque non solum monachis, sed et toti latinæ Ecclesiæ nostro tempore insigniter lucem donavit : restat, inquam, ut totam, quam potueritis, huic divino operi detis operam, et unius nominis et Ordinis maximas congregationes nequaquam ultra dissidere patiamini. Studui ego semper, ut sanctos illos congregationis vestræ monachos nostris fratribus commendarem, et ipsos illis perfectæ unionis charitatis, si fieri posset, etiam inviscerarem. Hoc publice, hoc privatim, hoc in magnis nostrorum conventibus facere non neglexi; et ut rubiginem illam livoris et zeli contrarii, quæ interiora viscerum latenter rodere solet, eraderem, modis quibus potui, laboravi.

31. Instate et vos, pro magna illa gratia a Deo vobis collata, agro communi : ut sicut nullus post vos nostris diebus plura utilia in illo plantasse probatur, ita laudabili studio et industria, omne satis utilibus contrarium avelatur. Expellite sublimi illo et ex Spiritu Dei flammante eloquio ab eorum aëdibus, ut mitius loquar, puerilem illam æmulationem, a lingua susurrationem : et loco istorum, velint, nolint, fraternam ingerite dilectionem. Non segreget ultra greges vestros a nostris gregibus usum diversitas, colorum varietas : sed a summa unitate derivata, corrupta reparans, discissa redintegrans, divisa vivificans, universa uniat charitas. Sic plane, sic decet, ut quibus est unus Dominus, una fides, unum Baptisma; quos continet una Ecclesia, quos manet una perennis et beata vita; eis quoque, juxta Scripturam, sit cor unum, et anima una<sup>5</sup>. Misi gemmeo amico salis gemmam, cujus corporalem usum vobis utilem olim audiui, et ejus specialem intellectum suprascriptis necessarium esse putavi. Nam quamlibet multos et pretiosos apparatus virtutum suarum æterni Regis mense si sine fraterni amoris sale intulerint, ut insulsi rejiciuntur : si hoc sale eos condierint, opulæ jam placentes cum offerentibus admittuntur. Nam qui in lege sua nullum sacrificium sine sale suscipit, nullius munus virtutis sine tali condimento sibi placere ostendit, etc.

<sup>1</sup> I Cor. xiii, 4, 5. — <sup>2</sup> Galat. vi, 2. — <sup>3</sup> Rom. viii, 3. — <sup>4</sup> Jean. xvi, 22. — <sup>5</sup> Act. iv, 32.

## EPISTOLA CCXXX.

AD TRES EPISCOPOS, OSTIENSEM, TUSCULANUM,  
PRENESTINUM \*.

Monet illos officii, ut a Christi grege in episcopatu Metensi  
lupos arceant.

Ad hoc vos Deus in sublimitate posuit, ut tanto majori Ecclesiae suae utilitati vivatis, quanto in ea eminentiori auctoritate praestis. Alioquin deponet ille Paterfamilias potentes de sede, qui pro accepta potestate inventi fuerint suis utilitatibus defuisse. Quanta sustineat sponsa Christi damna in episcopatu Metensi<sup>a</sup>, etsi nos amplius horremus, quia viciniore sumus, tamen et vos arbitror non latere. En quantus lupo illud ovile Christi tum insidiis, tum manifestis assultibus quotidie molitur irrumpere, et disperdere oves Christi sanguine congregatas. Idque non ab heri et nudiustertius, sed ex quo adhuc fuerat lupicellus, non cessat illum dominicum gregem quibus potest viribus infestare, et vastare rapinis, incendiiis, homicidiis. Ego itaque, quod in me est, demonstro lupo, instigo canes: jam quid intersit vestra, vos videritis; meum non est docere doctores.

## EPISTOLA CCXXXI.

AD EOSDEM PRO ABBATE LATINIACENSI \*.

Innocentiam abbatis asserit ac tuetur, et capita accusationum in eum producta diluit. Denique zelum disciplinae religiose in ipsis requirit.

1. Vobis audeo loqui quidquid in buccam venerit. Nam etsi oportuerit sustineri modicum quid insipientiae meae, geret mihi procul dubio morem benevolentiae vestra, quae sapientibus et insipientibus debitor est. Et hoc dico, non quia cogitem praecipitare verbum quod ad rem non pertinet, aut levitate uti intendam, aut nugari

<sup>22</sup> delectet, praesertim apud vos, qui videmini co-  
A luminae Ecclesiae: sed ex abundantia cordis os loquitur, et veritas, dolore urgente intrinseco, taciturnitatis impatiens, prorumpit in medium. Mei enim, dico vobis, pene moti sunt pedes, pene effusi sunt gressus mei, quod execranda, ut videtur, conversione tam frequenter sapientiam vincit malitia. Adduntur ubique cornua impiis, et exarmatur iustitiae zelus: et non est qui facere bonum, non dico velit, sed possit. Superbi inique agunt usquequaque, et nemo audet mutire contra. Et utinam vel innocentia tuta esset, et iustitia ipsa suimet sufficeret defensionem. Quid peccavit abbas Latiniacensis \*? An quod bonus monachus, et melior abbas? quod bonae opinionis, et melioris est vitae? An quia monasterium, cui praest, et decoravit religione, et bonis temporalibus ampliavit, et bonorum fratrum numero cumulavit? En sanguis iste de manu ejus exquiritur. Si crimen est, acceptum esse Deo et hominibus; tollatur, et crucifigatur. Negari enim non potest hoc illum esse, caelo et terra testibus. Si crimen est, esse hospitalem, benignum, sobrium, castum, humilem; decidat merito ab inimicis suis inanis. Revera namque et in his excusari non potest, convincentibus se propriae vitae sanctitate, et famae gloria.

2. At imponitur ei, noluisse suscipere nuntium domini mei. Prorsus gravis offensa, si ita est. Non negat abbas, hominem qui mittebatur in Angliam, cum esset honorifice susceptus hospitio, quaerere loqui cum eo; sed paranti exire intervenit Humbertus praepositus, dicens se potius exiturum, et homini vice ipsius satisfacturum. Si quo minus quod oportuit, actum fuit cum viro; cuius culpa fuerit, vobis relinquitur judicandum. Accusatur item, quod litteras domini Papae praedicto Humberto violenter abstulerit, et diruperit. Sed exstant litterae integrae et bullatae: nec vi eas, sicut mentitur, amisit, sed sponte dimisit, consilio utique comitis Theobaldi \*, et nostro. Dicitur quoque quod quosdam monachos in captionem posuerit. Atque id quidem falsum. Sed si quosdam turbatores et conspiratores in diversa claustra divisit, ne simul positi plus nocerent, quis hoc recte iudicans reprehendat? Jam de terris et bonis ecclesiae quasi distractis et alienatis, et datis ab eo cognatis suis, coram venerabilibus

\* Vide epistolam 178.

episcopis Suessionensi et Autissiodorensi, comiteque Theobaldo, advocato utique monasterii, A .....  
satis responsum est, et adhuc respondetur, sic illum dedisse suis, quomodo alienis, id est ad eundem censum vel consuetudinem.

3. Porro autem a sæculo non est auditum, quod monachus rebellis, superbus, ambitiosus, privilegium propriæ libertatis ex apostolica auctoritate meruerit. A tempore Judæ Iscariotis non est inventus similis illi, qui sic insurgeret in magistrum, et traderet sanguinem justum. Felix magister, cui cum Magistro omnium communis prophetica illa vox est : *Homo pacis meæ in quo sperabam, qui debebat panes meos,* B *magnificavit super me supplantationem*<sup>1</sup>. Et olim quidem eratis, contra apostolum Petrum, dominantes in clerum<sup>2</sup>; imo et, contra coepostolum ejus Paulum, dominabamini fidei totius orbis<sup>3</sup>: at nunc novum aliquid addidistis, usurpantes amplius et in ipsam religionem. Quid restat, nisi ut adjiciatis et ipsis Angelis sanctis dominari? Nisi quod in hoc posterior Judas priorem vicisse versutia et fraude videtur: quod cum illius facinus condiscipuli horruerint universi; iste callidior potuit ad connivendum, imo ad favendum suæ malitiæ, non quoslibet, sed ipsos Apostolorum principes circumvenire. C Non imputo domino meo<sup>a</sup>, cui, tanquam homini, subripi potuit; et hoc oro, ne Deus imputet. Absit autem, ubi veritatem agnoverit, ut prævaleat tam execrabilis maligni hujus sacrilegusque conatus. Et ego de hac re ad ipsum quoque solito ausu scripsissem, si non sensissem ipsum, quidquid scribimus, minus solito acceptare<sup>b</sup>. Quæso, dolete vos, qui monachi estis<sup>c</sup>, vicem magistri vestri beati Benedicti: cui jam, ut videtis, prope est, ut ubique contradicatur, et pereat omnis vigor monasticæ disciplinæ, monachis adversus abbates suos cernua summentibus de manu forti.

## EPISTOLA CCXXXII.

AD EOSDEM.

Contra Abbatem Sancti-Theofredi.

Si vera sunt quæ audistis de abbate Sancti-Theofredi<sup>d</sup>, non potestis ea dissimulare sine periculo vestro, et propter officium, et propter conscientiam. Conscientiam dico non tantum vestram, sed etiam aliorum. Sunt autem verisimilia, credo quod et vera. Verax est enim, qui testimonium perhibet de his, præsentium lator. Unde hoc quoque sciam quæritis? Fascem teneo litterarum missarum a viris sanctis, quos ego novi quia sancti et veridici sunt: et omnes illæ pariter continent tam laudes et præconia hujus, quam illius horrendas blasphemias, quem accusat.

## EPISTOLA CCXXXIII.

AD ABBATEM JOANNEM DE BUSAIO, QUI ABBATIAM SUAM<sup>e</sup> RELIQUERAT, ET ABIERAT IN SOLITUDINEM.

Blande eum revocat a solitudine, ad quam, dimisso monasterii regimine, se contulerat.

Filio charissimo JOANNI, frater BERNARDUS, in spiritu ambulare, et timorem Domini non derelinquere.

1. Dicere non possum, in quanta amaritudine animæ meæ et tristitia cordis scribam ad te, Joannes charissime, pro eo quod me video in tot scriptitationibus meis proficere nihil, quia

<sup>1</sup> Psal. xl, 10. — <sup>2</sup> I Petr. v, 3. — <sup>3</sup> II Cor. i, 23.

<sup>a</sup> Innocentio Pontifici. — <sup>b</sup> Vide epistolam 218.

<sup>c</sup> Quippe Albericus Ostiensis, et Ymarus Tusculanus Cluniacenses erant; Stephanus Prænестinus, Claræ-Vallensis.

<sup>d</sup> Ordinis S. Bened. in diocesi Podiensi.

<sup>e</sup> Ordinis Cisterciensis in Britannia Minori. diocesis Nannetensis, filia Claræ-Vallis, fundata anno 1135. Vide epistolam 116.

non capit in te sermo meus. Scripsi semel et <sup>228</sup> denuo, nisi fallor<sup>a</sup>: et exigentibus peccatis meis in nullo adhuc respondet mihi labor meus. Ecce tertio jacto semen, Deum omnipotentem deprecans, ut non revertatur ad me vacuum, sed prosperetur, et faciat ad quod illud mitto, lætificans nos tandem aliquando de fructu tuæ obedientiæ et salutis. Si audieris me, imo si exaudierit me Deus, lucratus sum filium meum: si non, convertam me denuo ad arma consueta, orationes videlicet et lacrymas, non quidem contra te, sed pro te. Luxi, et lugebo, et anxia traham suspiria ex inuis visceribus pro meis visceribus. Quis det te mihi fratrem meum sugentem ubera matris meæ? quis revocet te mihi in illam quietem animi, concordiam morum, societatem spiritus, serenitatem conscientiae, in qua te aliquando tenui et possedi?

2. Et ne quod ex me detrimentum in aliquo patiaris seu impedimentum, illud falsum esse non dubites, quod tibi a nescio quo vel quibus falsiloquis persuasum audivimus, quia ego videlicet cogitarem sine ratione et judicio te a regimine fraternarum animarum, quod tibi credideram, submovere. Non est hoc verum: sed audi potius de hac re paucis quod verum est. Hoc et si voluissim, non licuisset: et si <sup>C</sup> licuisset (ut de propria conscientia loquar), ego nullatenus voluissim. Hæc veritas. Si ergo hoc totum fuit quod avertit cor tuum; veritate comperta quid restat, nisi ut respicias, redeas ad te, redeas ad nos, arguas insuper te ipsum levitatis et credulitatis incautæ? Si enim tantum potuit una maledicta suspicio ad te alienandum et præcipitandum; quanto magis nunc absoluta certitudo valere debet ad erigendum et revocandum te? Turpe est tibi, falsitate posse seduci, et veritate reduci non posse. Habeat sane veniam acquievisse ad tempus palliatæ falsitati: at vero deprehensæ jam et nudatæ acquiescere adhuc, imo etiam non multum irasci, quantum confusionis habet? Quamobrem irascere, et noli peccare, si vis nos, vel Deum potius non irasci. Nam quod subreptum est tibi, miserationem magis quam indignationem meretur. Nimirum homo es, navigans, sicut et omne humanum genus, in hoc mari magno et spatioso manibus, ubi reptilia, quorum non est numerus. Quis se jactet in eo assiduus non impelli ventis, non jactari fluctibus? Noveris te naufraga-

<sup>a</sup> Non exstant hæc litteræ.

gasse in eis, periculum in falsis fratribus incidisse. Iterum dico: hæc veritas. Deceptus fuisti, et spiritus mendax in ore pseudoprophetarum supplantavit te.

3. Sed ecce evanuit falsitas, luce veritatis oborta. Si adhuc (quod absit) pergis in tua obstinatione persistere; ego te interim non judicabo, est qui quærat et judicet. Ego autem parco tibi, dissimulans et differens interim in virga venire ad te. Porro in misericordia et spiritu mansuetudinis allicere te nobis curabo, si potero: nam id mihi sentio familiarius esse, et tibi persuasibilis fore non dubito. Illum sane evaginare super te gladium non cunctabor, qui in materno meo pectore jacet reconditus, continuus utique dolor cordi meo, et creberrimi ad Deum gemitus pro te, donec venias. Quod si omnes hujus tam pie ferientis ensis, secundum duritiam tuam et cor impœnitens, frustra veris ictus, nec possit quandoque dicere anima tua, Quia vulnerata charitate ego sum; tu de te videris: nam non solum jam veritas, sed et charitas liberabit nos. Sed quid dixi? Quomodo, miser, quomodo liberabor, effusis visceribus, filio pereunte? Non quiescet affectus, etsi non sequatur effectus: non sedabitur dolor, non cessabunt lacrymæ. Exhibebo tibi, quamdiu vixero, alterum Samuelem: tu utinam non alterum Saûlem mihi. Rogabo te, rogabo pro te, ut venias. Veni, veni, priusquam moriamur: ut qui dileximus nos in vita, in morte non separemur.

## EPISTOLA CCXXXIV.

AD HERBERTUM ABBATEM SANCTI-STEPHANI  
DIVIONENSIS.

Temerariæ scriptionis culpam Joanni condonari rogat.

Si frater Joannes dixit in nos, vel scripsit quod non decuit, vel quomodo non decuit\*; non tam nos læsit, quam se ipsum. Magis namque ita scribendo suam prodidit levitatem, quam nostrum deprehendit errorem. Quamquam etsi læsisset in aliquo, nostrum tamen non erat reponere malum. Attendens proinde

non quod ille meretur, sed quod me decet; <sup>229</sup> Sed utinam vel ipsa stet. Quid enim si non suffodari juveni etiam a vobis hanc culpam rogo A et supplico, quæ magis gloriolam, quam malitiam redolere videtur: ita tamen, ut manum deinceps inhibeat a scribendis tractandisve, quæ supra ipsum esse constiterit. Nam ut liquido satis apparet, in hoc exiguo quod præsumpsit, opus erat stilo et animo maturiori. Certum enim sit vobis, hominem, licet in brevi pagina, aut non scripsisse ut sensit, aut non sensisse ut debuit.

## EPISTOLA CCXXXV.<sup>a</sup>

AD DOMINUM PAPAM COELESTINUM, PRO INTRUSO  
EBORACENSIS\*.

Auctoritatem Sedis apostolicæ adversus infamem et simoniacum Eboracensis Ecclesiæ invasorem implorat.

1. Oportet vos secundum iustitiam, quæ ex lege est, suscitare semen fratris vestri defuncti. Quod digne implebitur, si papæ Innocentio, cui in hæreditate Domini successistis, et defenditis bene gesta, et minus adimpleta perficitis. Præ manibus est in quo id liceat experiri. Causam Eboracensis Ecclesiæ per eum fuisse decisam quis nesciat? At quomodo executioni mandatum sit quod egressum est de labiis tanti viri, utinam nesciretur. Quis det ut non annuntietur in Geth, neque in compitis Ascalonis? Sed ut verbum abbreviatum faciam auribus occupatis, audiat paucis dominus meus, quid dictum fuerit, et quid factum teneamus. Cum in multis accusaretur is, qui sibi vindicare electionem in præfata Ecclesia impie cupiebat; tandem omnis controversia ad testimonium viri illustris Willelmi<sup>b</sup>, ipsius Ecclesiæ tunc decani, conquiescere iussa est: ut nisi capitulum intrusionis, quod huic inter cætera impingebatur, ille propriæ manus iuramento amoveret, suis omnino conatibus tanta frustraretur ambitio. Hoc autem non ex iudicio, sed ex misericordia: sic enim rogaverat ipse. Mitissima plane sententia: quippe cum de plurimis et pessimis pulsaretur, quæ nullatenus propulsare valebat.

ficit iuri, dummodo sufficiat Ecclesiæ liberationi? Non causamur sententiæ remissionem, quæ nil nocuit. Neque enim profuit adversario etsi largior indulgentia, qui ne ipsum quod ultro sponponderat, implere prævaluit. Nam de quo præsumere visus est, defecit ei, ne sibi ipsi deficeret pejerans. Quando enim vir bonus attestaretur homini, quem rumor publicæ opinionis et operis veritas detestatur? Quid ergo? Ille non iuravit, et iste episcopus est.

2. O rem ignorantia omnium dignam, et perpetuo, si fieri posset, silentio comprimentam! Verum id sero. Heu! notus est orbi triumphus B diaboli. Ubique peronat planus incircumcisorum et planetus bonorum, pro eo quod videatur sapientiam vicisse malitia. Monstratur digito matris Ecclesiæ turpitudine: patris Innocentii verenda iridentur, denudata a servo nequam, quoniam mortuum putat: sed vivit in vobis. Si is exitus imminebat, cur e longinquo Romani est pertracta causa spurcissima, umbra magis et angulo digna? cur tanta mari terraque a multis assumpta fatigatio? cur a finibus terræ evocati viri religiosi, qui eum accusarent, et pauperum Christi marsupia longi itineris expensis exhausta sunt? Non poterat episcopari C turpis infamisque persona (quod invitatus dolensque loquor), nisi quæ in illo horrebat Anglia, Francia abominabatur, etiam Roma cognosceret? Quam melius in Romana curia causa ejus minime ventilata fuisset, et non tangeret vel sacra limina generalis atque horribilis fetor! Quam tolerabilis ignorasset apostolica Sedes tam intolerabile malum, quam tolerat manifestum! Quid istud temeritatis fuit? Publice infamatus, ante iudicem accusatus, nec purgatus, imo et convictus, et sic consecratus est. Viderit qui huic manum post ista imposuit, an magis execratus\* dicere debuerim. Non enim negabit sic se ista habere, non negabit sic se ex litteris apostolicis ad se pro hoc ipso directis eadem comperisse. Dicat forte aliquis, quia non est datum iudicium, non fuisse convictum. Ego dico et confessum. Nam qui ut iudicium evaderet, ultro elegit ad testimonium Willelmi decani confugere: illo sibi deficiente, quid nisi iudicio suo a causa decedit, ore proprio condemnatus?

<sup>a</sup> II Reg. I, 20.

<sup>a</sup> Scripta anno Christi 1143.

<sup>b</sup> Vocabatur is Willelmus a Sancta-Barbara, decanus ecclesiæ Eboracensis, postea episcopus Dunelmensis.

3. Quæ cum ita sint, videte, domine Pater, quoniam, secundum prophetam, *declinantes in obligationem adducet Dominus cum operantibus iniquitatem*<sup>1</sup>. Alioquin quod consilium datis miseris abbatibus illis, quos ad accusandum eum vocatio apostolica Romam traxit; sed et aliis quam pluribus ex illo episcopatu viris religiosis? sicutne obedituri huic, et sacramenta accepturi ab homine bis intruso, primo quidem per Regem, deinde per Legatum? Quippe qui illum in sanctuarium Dei, contra jus et fas, contra mandatum summi Pontificis, in injuriam summæ Sedis et totius Romanæ curiæ, cum non potuit per ostium, fodit argento, ut aiunt, sarculo, unde impudenter intrusit. Ante, nisi fallor, suis sedibus exsulabunt, quam dare acquiescant manus idolo huic, nisi vestra violenta auctoritas obviarit. Cæterum quam sanctiori vestroque apostolatu digniori zelo gladium Phinees in confusionem duorum tam turpiter fornicantium stringeretis, quam tot sanctos aut de suis fugere locis permittitis, aut contra conscientias suas cogitis remanere?

## EPISTOLA CCXXXVI.<sup>4</sup>

AD TOTAM CURIAM ROMANAM.

Unde supra.

Dominis et patribus reverendis, episcopis et cardinalibus curiæ, frater BERNARDUS Claræ-Vallis vocatus abbas, salutem et nostras qualescunque orationes.

1. Omnibus scribendum fuit de eo quod spectat ad omnes. Nec vereor, ne forte presumptionis arguar: quippe qui licet omnium minimus, tamen Romanæ curiæ injuriam a me non judico alienam. Urinur assidue, dico vobis, urinur graviter nimis, ita ut nos tædedit etiam vivere. In domo Dei videmus horrenda. Et quia corrigere nos non possumus, saltem suggerimus his ad quos spectat. Si quidem emendaverint, bene; sin autem, nos animas nostras liberavimus: vos excusationem non habebitis de peccato. Non ignoratis prolatam esse sententiam a domino papa bone memoriæ

Innocentio, cum vestro et Romanæ curiæ generali assensu, irritam esse Willelmi Eboracensis electionem, imo intrusionem, nisi Willelmus alter, tunc decanus, quod objectum ei fuerat, propriæ manus juramento repelleret. Nec vos latuit quam plena esset sententia, non iudicii, sed misericordiæ: nimirum cum hoc Willelmus ipse quæsisset. Sed utinam vel ipsa stet, et quod adversus eam factum est, stare non possit. Quid enim? Non juravit ille, et iste in cathedra pestilentie sedet. Quis tribuat ut adversus fornicationem hanc Phinees cum pugione procedat, aut vivat in sede sua Petrus, qui spiritu labiorum suorum interficiat impios? Multi clamant ad vos in toto corde suo, ut sacrilegium hoc digna animadversione vindicare studeatis. Alioquin, dico vobis, scandalum magnum nimis erit in Ecclesia Dei: et timeo ne Romanæ Sedis auctoritas gravem admodum jacturam et detrimentum grande suscipiat, nisi in eum, qui pervertit generalem ejus sententiam, vindicta processerit, et taliter, ut cæteri metum habeant.

2. Quid enim de eo dicam, quod occultas et vere tenebrosas litteras habuisse se gloriatur Willelmus ille? utinam a principibus tenebrarum, non a principibus Apostolorum. Et ecce audierunt filii incircumcisorum: subsannant Romanam curiam, a qua post datam tam manifestam sententiam, furtim datas esse aiunt contrarias litteras. Quid dicam vobis? Si non vos urit scandalum grave, quo scandalizantur non pusilli, sed magni et perfecti viri; si non compatimini pauperibus abbatibus, quos a finibus terræ vocatio apostolica Romam traxit; si non misereamini magnis et religiosis monasteriis, quibus omnino sub incubatore illo destructio imminet; si (quod primum dicere debui) zelus domus Dei non comedit vos: numquid usque adeo inimici hominis versutia prævalebit, ut proprium quoque contemptum, et infamiam hanc pessimam Ecclesiæ principes æquanimitè ferant? Quid enim si sacrilegam homo ille consecrationem recepit? Profecto longe gloriosius erit jam elevatum dejicere Simonem, quam prohibere conantem. Alioquin quid facietis religiosi viris, qui omnino non inveniunt, salva conscientia, vel ipsa communia Sacramenta de leprosa manu suscipere? Ante, ni fallor, eligent fugere, quam dare manus morti; et exulare prius, quam vesci idolothytis. Quod si

<sup>1</sup> Psal. CXXIV, 3.

<sup>4</sup> Scripta anno Christi 1143.

contra conscientias suas coegerit eos Romana<sup>251</sup> curia curvare genua ante Baal, videat Deus et A  
judicet: videat curia illa ecclestis, in qua nulla poterit ambitione subverti judicium. In fine omnium obsecrat vos puer vester per viscera misericordiae Dei nostri, si quis in vobis est zelus Dei, miseremini Ecclesiae sancte, saltem vos amici ejus; et quantum potestis, date operam, ne tam detestabili facto detur assensus.

## EPISTOLA CCXXXVII.<sup>a</sup>

AD TOTAM CURIAM ROMANAM, QUANDO ELEGERUNT ABBATEM SANCTI-ANASTASII IN PAPAM EUGENIUM\*.

Miratur Bernardum abbatem S. Anastasii, abstractum ab otio et solitudine, ad totius Ecclesiae curam rapi: timetque hominem, quieti assuetum, et rebus gerendis minus exercitatum, tanto oneri hand parem fore: unde fidei cardinalium ope eum sublevari rogat.

Dominis et patribus reverendis, cardinalibus et episcopis omnibus qui sunt de curia, puer C  
Sanctitatis eorum.

1. Parcat vobis Deus; quid fecistis? Sepultum hominem revocastis ad homines; fugitantem curas et turbas curis denuo implicuistis, et immiscuistis turbis. Fecistis novissimum primum, et ecce novissima illius periculosiora prioribus. Crucifixus mundo per vos revixit mundo: et qui elegerat abjectus esse in domo Dei sui, ipsum vos in dominum omnium elegistis. Cur consilium inopis confudistis? cur pauperis hominis, et mendici, et compuncti corde judicium perturbastis? Currebat bene: quid vobis visum est sapire vias ejus, avertere semitas, gressus involvere? Quasi descenderet de Jerusalem, et non magis ascenderet de Jericho, sic incidit in latrones: et qui se tanquam violentis quibusdam diaboli manibus, carnis illecebris, et gloria sæculi potenter excusserat; non tamen valuit effugere manus vestras. Num idcirco Pisam deseruit, ut reciperet Romam\*? Num qui in una Ecclesia non sustinuit vicedomina-

tum, dominatum in omni Ecclesia requirebat? 2. Quid igitur rationis seu consilii habuit, defuncto summo Pontifice repente irruere in hominem rusticianum, latenti injicere manus, et excussa e manibus securi et ascia vel ligone, in palatium trahere, levare in cathedram, induere purpura et bysso<sup>b</sup>, accingere gladio ad faciendam vindictam in nationibus, increpationes in populis, ad alligandos reges eorum in compedibus, et nobiles eorum in manicis ferreis? Sic non erat inter vos sapiens et exercitatus, cui potius ista convenirent? Ridiculum profecto videtur, pannosum homuncionem assumi ad praesidendum principibus, ad imperandum episcopis, ad regna et imperia disponenda. Ridiculum, an miraculum? Plane unum horum. Non nego, non diffido posse fuisse hoc etiam opus Dei, qui facit mirabilia magna solus: praesertim cum audiam usquequaque ex ore multorum, quoniam a Domino factum est istud. Sed nec ego oblitus sum judiciorum Dei antiquorum, et Scripturae plurimos recensentis ex privata seu etiam rusticana vita olim assumptos in voluntate Domini ad regendum populum ejus. Denique nonne (ut unum e pluribus memorem) tali quodam modo elegit David servum suum, et suscepit eum de gregibus ovium, de post fetantes accepit eum? Ita, inquam, ita et de nostro Eugenio in beneplacito Domini potuit contigisse.

3. Non sum securus tamen, quoniam filius delicatus est, et tenera verecundia ejus, assueta potius otio et quieti, quam tractandis quæ foris sunt: timendumque ne non ea auctoritate, qua oportuerit, sui apostolatus officia exsequatur. Quid putatis gerere animi nunc hominem illum, qui de secreto internæ contemplationis et amica solitudine cordis, tanquam infans e gremio et sinu matris subito perturbatus, tractum se ad medium videt, et quasi ovem ad victimam ductum ad tam insueta et insuavia? Nisi Dominus supponat manum suam, heu! necesse est obruatur et opprimatur onere insueto et nimio, quod et gigantinis, ut aiunt, vel ipsis quoque angelicis humeris formidabile videatur. Verumtamen quia sic factum est, et, sicut multi dicunt, a Domino factum est; vestra interest, charissimi, vestris ferventibus studiis fidelibusque obsequiis sollicitè confoveri, quod vestris manibus constat elaboratum. Si qua ergo con-

\* Psal. LXXVII, 70, 71.

<sup>a</sup> Scripta anno Christi 1145.

<sup>b</sup> Jam tunc Pontifices induti erant cappa rubea, de qua Petrus Damiani in libro 1, epist. 20.

solatio in vobis, si qua virtus charitatis in Do-  
mino, si qua miseratio pietatis, si qua compas-  
sionis viscera; assistite et collaborate illi in  
opere, ad quod assumptus est per vos a Domi-  
no. Quaecumque sunt vera, quaecumque pudica,  
quaecumque iusta, quaecumque sancta, quae-  
cumque amabilia, quaecumque bonae famae;  
haec ei suggerite, haec suadete, haec agite; et  
Deus pacis erit vobiscum.

## EPISTOLA CCXXXVIII.<sup>a</sup>

AD DOMINUM PAPAM EUGENIUM PRIMA.

Bernardus Eugenio, recens in Pontificem assumpto, gra-  
tulatur ac condolet: ipsum ad munus apostolicum for-  
titer obeundum animat, ut conceptae de se multorum  
expectationi respondeat.

Amantissimo Patri et domino, Dei gratia sum-  
mo Pontifici EUGENIO, BERNARDUS Claræ-  
Vallis vocatus abbas, modicum id quod est.

1. Auditum est in terra nostra, et celebri  
sermone vulgatum verbum hoc, quod factum  
est de vobis a Domino. Presseram stilum hac-  
tenus, rem tacitus considerabam. Expecta-  
bam enim litteras vestras, et praeveniri a vobis  
in benedictionibus delectedinis. Expectabam vi-  
rum fidelem, qui veniret a latere tuo, qui di-  
ceret cuncta per ordinem: quid, quomodo, vel  
qualiter actum esset. Expectabam si quis forte  
de filiis meis reverteretur, qui leniret dolorem  
patris, qui diceret: *Joseph filius tuus vivit; et  
ipse dominatur in tota terra Aegypti*<sup>1</sup>. Hinc est  
quod litterae istae non sunt voluntatis, sed ne-  
cessitatis, et amicorum extortae precibus, qui-  
bus negare non possum modicum illud quidquid  
residuum est vitae meae. Jam enim de reliquo  
breves erunt dies mei, et solum mihi superest  
sepulcrum<sup>b</sup>. Quia tamen semel ceppi, loquar

non audeo, quia filius in patrem, pater muta-  
tus est in filium<sup>c</sup>. Qui post me venit, ante me  
factus est: sed non invideo, quia quod mihi  
deerat, in eo me habere confido, qui non so-  
lum post me, sed etiam per me venit. Nam si  
dignaris, quodammodo per Evangelium ego te  
genui. Quae est ergo spes nostra, et gaudium  
nostrum, et corona gloriae? Nonne vos ante  
Deum? Denique filius sapiens gloria est patris<sup>2</sup>.  
Amodo tamen non vocaberis filius, sed voca-  
bitur tibi nomen novum, quod os Domini no-  
minavit<sup>3</sup>. Haec est mutatio dexteræ Excelsi, et  
multi in mutatione ista gaudebunt. Nam quem-  
admodum olim Abram in Abraham<sup>4</sup>, Jacob in  
Israel<sup>5</sup>; et ut de tuis magis praedecessoribus  
tibi proponam, sicut Simon in Cepham<sup>6</sup>, Sau-  
lus in Paulum<sup>7</sup>: sic filius meus Bernardus in  
patrem meum Eugenium, læta prorsus et utili,  
ut speramus, translatione promotus est. Digi-  
tus Dei est iste, suscitans de pulvere egenum,  
et de stercore erigens pauperem, ut sedeat cum  
principibus, et solium gloriae teneat.

2. Superest ut facta hac mutatione tui, ipsa  
quoque quae tibi commissa est, Domini tui spon-  
sa mutetur in melius, et jam nequaquam Sarai,  
sed Sarra de cætero nominetur<sup>8</sup>. Intellige quae  
dico: dabit enim tibi Dominus intellectum. Si  
amicus sponsi es, ne dixeris dilectam ejus,  
Principem meam; sed, Principem: nil tuum  
in ea vindicans, nisi quod pro ea, si oportuerit,  
etiam animam dare debes. Si Christus te misit,  
æstimabis te non ministrari, sed ministrare  
venisse: et ministrare non solum substantiam,  
sed ipsam quoque animam, sicut praefatus sum.  
Vernus successor Pauli dicet cum Paulo: *Non  
quia dominamur fidei vestrae, sed adjuutores su-  
mus gaudii vestri*<sup>9</sup>. Petri hæres audiet Petrum  
dicentem: *Neque ut dominantes in clerum, sed  
forma facti gregis*<sup>10</sup>. Sic enim jam non ancilla,  
sed libera etiam et formosa speciosissimi sponsi  
per te in desideratos adsciscetur amplexus.  
Alioquin per quem alium hæc tam debita li-  
bertas sperabitur, si et tu (quod absit) in Chri-

<sup>1</sup> Gen. XLV, 26. — <sup>2</sup> Prov. X, 1. — <sup>3</sup> Isai. LXII, 2. — <sup>4</sup> Gen. XVII, 5. — <sup>5</sup> Id. XXXII, 28. — <sup>6</sup> Joan. I, 42. — <sup>7</sup> Act. XIII, 9. — <sup>8</sup> Gen. XVII, 15. — <sup>9</sup> II Cor. I, 23. — <sup>10</sup> I Petr. V, 3.

<sup>a</sup> Scripta anno Christi 1145.

<sup>b</sup> Hanc sententiam, *Jam enim de reliquo breves erunt dies mei, et solum mihi superest sepulcrum*, in duobus tantum reperimus codicibus, Compendiensi et Sancti-Theoderici.

<sup>c</sup> Infra, n. 3. *Ego enim etsi nomen patris deposui, sed non timorem, etc.* Eadem in Prologo ad libros de Consideratione.



sti hæreditate quæras quæ tua sunt, qui jam et <sup>25</sup> munere, qui dicebat de corde puro et con- ante didiceras, non dico tua non retinere, sed A scientia bona : *Argentum et aurum non est mihi* <sup>4</sup>. Hæc hæcenus.

3. Ergo fiduciam talem habens in te, qualem in nullo prædecessorum tuorum a multis retro temporibus visa est habuisse, exsultat merito ubique et gloriatur in Domino omnis Ecclesia sanctorum : sed specialiter illa, cujus uterus te portavit, et cujus ubera tu suxisti <sup>a</sup>. Quid ergo? Nonne et mihi licet gaudere cum gaudentibus? numquid non ero unus de numero lætantium? Exsultavi, fateor, sed cum tremore : exsultavi, sed in ipso exsultationis meæ articulo timor et tremor venerunt super me. Ego enim etsi B nomen patris deposui, sed non timorem, sed non anxietatem, postremo nec affectum, nec viscera patris. Considero gradum, et casum vereor : considero fastigium dignitatis, et intueor faciem abyssi jacentis deorsum. Attendo celsitudinem honoris, et e vicino periculum reformido, pro eo quod scriptum est : *Homo cum in honore esset, non intellexit* <sup>1</sup>. Quod quidem ad causam magis, quam ad tempus arbitrator esse referendum : ut sic intelligatur dictum, *cum in honore esset, non intellexit*, ac si diceretur, Honor absorbit intellectum.

4. Et quidem elegeras abjectus esse in domo C Dei tui, et recumbere in novissimo loco in convivio ejus; sed placuit dicere ei qui te invitavit : *Amice, ascende superius* <sup>2</sup>. Itaque ascendisti in altum; noli altum sapere, sed time, ne forte contingat sero miserabilem illam emittere vocem : *A facie iræ et indignationis tuæ, elevans allisisti me* <sup>3</sup>. Altiolem quippe locum sortitus es, sed non tutiorem; sublimiorem, non securiorem. Terribilis prorsus, terribilis est locus iste. Locus, inquam, in quo stas, terra sancta est; locus Petri est, locus Principis Apostolorum, ubi steterunt pedes ejus. Locus illius est, quem constituit Dominus dominum D domus suæ, et principem omnis possessionis suæ. Si forte declinaveris a via Domini; sepultus est in eodem loco, ut sit tibi contra te in testimonium. Merito tali pastori, tali nutritio commissa est Ecclesia, cum adhuc tenera, cum adhuc in cunabulis esset; cujus edocta magisterio, et exemplo educata, omnia terrena calcaret : utpote qui excusserat manus suas ab omni

5. Cæterum causa, quare ante tempus scripserim vobis, hæc est. Wintoniensis episcopus, et Eboracensis archiepiscopus, non gradiuntur uno spiritu cum Cantuariensi archiepiscopo <sup>\*</sup> : sed incedunt sibi ex adverso, et hæc vetus est de legatione querela. Verumtamen quis est ille, et qui sunt illi? Nonne Eboracensis <sup>\*</sup> ipse est, cui te præsentem, cum adhuc esses quasi unus ex nobis, fratres tui restiterunt in faciem, eo quod reprehensibilis erat? Sed speravit in multitudine divitiarum suarum, et prævaluit in vanitate sua. Certum est tamen quod non intravit per ostium in ovile ovium, sed ascendit aliunde. Si pastor fuisset, diligendus erat; si mercenarius, tolerandus : nunc autem cavendus et repellendus, utpote fur et latro. Quid dicam de domino Wintoniensi? Opera quæ ipse facit, testimonium perhibent de eo. Porro archiepiscopus Cantuariensis, cui adversantur, vir religiosus est, et suaveolentis opinionis. Pro ipso petimus, ut respondeat ei justitia sua. Verum illorum iniquitas super eos, ut sit sicut scriptum est : *Justitia justi super eum erit, et impietas impii erit super eum* <sup>5</sup>. Cum acceperis tempus, secundum opera manuum illorum retribues illis, ut sciant prophetam esse in Israel.

6. Quis mihi det, antequam moriar, videre Ecclesiam Dei, sicut in diebus antiquis; quando Apostoli laxabant retia in capturam, non in capturam argenti vel auri, sed in capturam animarum? Quam cupio illius te hæreditare vocem, cujus adeptus es sedem! *Pecunia*, inquit, *tua tecum sit in perditionem* <sup>6</sup>. O vox tonitruum! o vox magnificentiæ et virtutis! ad cujus terrorem confundantur et convertantur retrorsum omnes qui oderunt Sion. Hoc vehementer exspectat et omnino expetit a te mater tua; hoc filii matris tuæ, pusilli cum majoribus desiderant, hoc suspirant : ut omnis plantatio, quam non plantavit Pater cœlestis, tuis manibus eradicetur. Ad hoc enim constitutus es super gentes et regna, ut evellas, et destruas; et ædifices, et plantes. Multi audito hoc verbo dixerunt apud se : Jam securis ad radicem arborum posita est. Multi dicunt in corde suo : Flores ap-

<sup>1</sup> Psal. XLVIII, 13, 21. — <sup>2</sup> Luc. XIV, 10. — <sup>3</sup> Psal. CI, 11. — <sup>4</sup> Act. III, 6. — <sup>5</sup> Ezech. XVIII, 20. — <sup>6</sup> Act. VIII, 20.

<sup>a</sup> Nempe Claræ-Vallensis seu Cisterciensis, sed potius Claræ-Vallensis, quæ iterum mater dicitur n. 6.

paruerunt in terra nostra, tempus putationis<sup>25</sup> advenit, in quo sarmenta sterilia recidentur, ut ea quæ prævalent, uberius fructum afferant.

7. Confortare igitur, et esto robustus: manus tuæ in cervicibus inimicorum tuorum. Vindica tibi animi constantia et vigore spiritus partem, quam dedit extra fratres tuos tibi omnipotens Pater, quam et tulit de manu Amorriæ in gladio et arcu suo. In omnibus tamen operibus tuis memento te esse hominem, et timor ejus qui aufert spiritum principum, semper sit ante oculos tuos. Quantum in brevi Romanorum Pontificum mortes tuis oculis aspexisti\*! Ipsi te prædecessores tui tuæ certissimæ et citissimæ decessionis admoncant; et modicum tempus dominationis eorum paucitatem dierum tuorum nuntiet tibi. Jugi proinde meditatione inter hujus transeuntis gloriæ blandimenta, memorare novissima tua: quia quibus successisti in sedem, ipsos sine dubio sequeris ad mortem.

manu forti sagittas mittere potest, nisi filius excussorum? Qui locum Petri tenet, potest uno ictu extinguere Ananiam, uno Simonem Magum: et, ut planius quod loquimur fiat, peremptoriam dare sententiam ad depositionem episcoporum, solius Romani Pontificis noscitur esse, pro eo nimirum, quod etsi alii vocati sunt in partem sollicitudinis, solus ipse plenitudinem habeat potestatis. Solus proinde, si dicere audeam, in culpa est, si culpa non feritur, quæ ferienda est: et eo impetu, quo fuerit ferienda. Quo autem impetu, non dico ferienda, sed fulminanda fuerit prædicti Eboracensis culpa, vestræ conscientiæ derelinquo. Cæterum quod factum non est, vobis credimus reservatum, ut in eo experiatur Ecclesia Dei, cui ipso auctore præestis, fervorem zeli vestri, potentiam brachii vestri, et animi sapientiam: et timeat omnis populus sacerdotem Domini, audiens sapientiam Dei esse in illo ad faciendum judicium.

## EPISTOLA CCXXXIX.<sup>a</sup>

AD EUNDEM.

Depositionem Guillelmi Eboracensis urget apud Pontificem, cui soli ea potestas competat.

Importunus sum, sed habeo excusationem: Eugenii apostolatus excusat me. Aiunt non vos esse Papam, sed me: et undique ad me conflunt, qui habent negotia. Nec desunt in tanta multitudine amicorum, quibus officium negare non possum, non solum absque scandalo, sed etiam absque peccato. Et nunc est etiam alia excusatio non minus idonea, quia causa<sup>b</sup> honestissima est. Contra idolum illud Eboracense iterato stilus dirigitur: ea scilicet necessitate, quod sæpenumero hoc telo impetitur a nobis, needum confossum est. Cur hoc? Quia nil forte a nobis tale directum est, qualis fuit gladius Jonathæ, qui nunquam rediit retrorsum. Nec sane fuit culpa jaculi, sed dirigentis jaculum. Patet enim quod non in ea, qua oportuit, fortitudine missum est. Nec mirum. Quis enim in

## EPISTOLA CCXL.<sup>c</sup>

C

AD EUNDEM, DE EBORACENSI INTRUSO.

Laudat zelum Eugenii. Porro eum nunc ostendi vult in deponendo Eboracensi, illam sedem fraudulenter occupante.

1. Quam cupio semper illa de vobis audire, in quibus glorificetur Deus, honoretur ministerium vestrum, et anima mea lætificetur! Inde est quod audita responsione vestra de quibusdam, qui ad officium legationis nimium videbantur et ambitiose aspirare, et impudenter sperare, supra quam dicere possumus, facti sumus lætantes. Non autem nos tantum, sed et omnes qui diligunt nomen vestrum, gavisissimi sunt gaudio magno. Porro visis litteris vestris, quas pro causa Rutinensis ecclesiæ destinastis<sup>d</sup>, tunc prorsus, tunc repletum est gaudio os nostrum, et lingua nostra exultatione. Hæc atque hujusmodi digna sunt vestro apostolatu, summam Sedem nobilitant, decent plane orbis Episcopum. Unde et flecto genua mea ad ipsum

\* Scripta anno Christi 1145. — <sup>b</sup> Alias, cura. — <sup>c</sup> Scripta anno Christi 1146.

<sup>d</sup> Abjiciendo scilicet hunc nimium indiguum, ad illam sedem electam vel promotam, de quo vide epistolas 328, 329.

unici hujus vestri primatus auctorem, ut det<sup>250</sup> vobis sic sapere, et sic agere semper, in evellendo, et plantando; in destruendo, et ædificando: siquidem in ruinam et resurrectionem multorum ascendistis hanc cathedram. Ruant, ruant qui noxie stant; erigantur digni. Ponatur securis ad radicem sterilium plantationum, purgentur fructifera, ut fructum plus afferant. Præsidente, inquam, humili Eugenio, deponantur superbi de sede, et exaltentur humiles: esurientes impleantur bonis, et divites dimittantur inanes. Nuper nempe exultatione universæ terræ ita factum est in causa cujusdam pauperis episcopi\*.

2. Age ergo, transeat jam sanctus hic pietatis zelus et ad miseram illam Ecclesiam transmari-nam, quia tempus miserendi ejus. Vineæ Domini Sabaoth est, vinea electa, vinea speciosissima: sed, heu! in desertum pene redacta, quia singularis ferus depascitur eam. Cur dicunt inter gentes, Ubi est Deus ejus? ubi quem posuerunt custodem in vineis? ubi manus putans? ubi sarculus excolentis? Quousque sarmento inutili occupatur tellus, suffocatur fructus? Et certe tempus putationis advenit. Siquidem homo pacis ejus<sup>a</sup>, in quo speravit, quod se purgare deberet; non purgatione, sed amputatione opus esse testatur. Exstant denique litteræ ipsius de eo ad apostolicæ Sedis legatum, in quibus manifeste manifestam asserit intrusionem, electionem negat. Ita ergo quem sibi paraverat defensorem, accusatorem sustinet. Ad hæc quæ ubique de eo publica fama concelebrat, etiam virum militarem possent omni jure spoliare cingulo militari.

3. Quomodo jam poterit stare, ubi multiplex vobis subest ratio dejiciendi? Et voluntas non deest. Legi siquidem zelum vestrum pro Ecclesia illa in litteris vestris, et jam exigo de manibus vestris. Quanam via procedendum sit ad ejus dejectionem (neque enim una mihi esse videtur) non est meum dictare sapienti. Nec multum nostra interest, qua parte arbor infructuosa cadat, dummodo cadat. Dico tamen, qui sibi possessionem vindicat furtivarum commercio litterarum, nonne fur est et latro? Denique ubi asserit habuisse se clandestinas

litteras execrationis suæ, aut verum est, aut falsum quod loquitur. Si verum; reus est furti, et summi Pontificis criminator: si falsum; debet audire, Occidisti, et possedisti. Os enim quod mentitur, occidit animam<sup>1</sup>. Sed absit ut tanta de tali viro credatur duplicitas, quanta ab isto ei imponitur. Nempe Innocentius hic erat: cui si pro se respondere liceret, procul dubio diceret huic, quia Ego palam in te dedi sententiam, et in occulto locutus sum nihil.

B

EPISTOLA CCXLI.<sup>b</sup>

AD HILDETONSUM COMITEM SANCTI-EGIDII\*, DE  
HENRICO HERETICO.

Henricum, Petri Brusli hæretici successorem, ejusque impia dogmata, et impura facinora describit, pungens Comitem, quod talem in sua ditione sineret impune grassari.

1. Quanta audivimus et cognovimus mala, quæ in Ecclesiis Dei fecit, et facit quotidie Henricus hæreticus? Versatur in terra vestra sub vestimentis ovium lupus rapax: sed ad Domini designationem, a fructibus ejus cognoscimus illum<sup>2</sup>. Basilicæ sine plebibus, plebes sine sacerdotibus, sacerdotes sine debita reverentia sunt, et sine Christo denique Christiani. Ecclesiæ synagogæ reputantur: sanctuarium Dei sanctum esse negatur: Sacramenta non sacra censentur: dies festivi frustrantur solemnibus. Moriuntur homines in peccatis suis: rapiuntur animæ passim ad tribunal terrificum, heu! nec pœnitentia reconciliati, nec sancta<sup>d</sup> communione muniti. Parvulis Christianorum Christi intercluditur vita, dum Baptismi negatur gratia: nec saluti propinquare sinuntur, Salvatore licet pie clamante pro eis: *Sinite*, inquit, *parvulos venire ad me*<sup>3</sup>. Ergone qui homines et jumenta salvavit, quemadmodum multiplicavit misericordiam suam Deus, ad solos tamen innocentes non patitur eandem tam multam misericordiam pervenire? Quid, quæso, quid invidet parvulis Salvatorem parvulum,

\* Sap. 1, 11. — <sup>2</sup> Matth. vii, 15, 16. — <sup>3</sup> Id. x, 14.

<sup>a</sup> Nempe Willelmus decanus Eboracensis, cujus sacramento se purgare voluerat Willelmus intrusus, supra in epistolis 235, 236. — <sup>b</sup> Scripta anno Christi 1147.

<sup>c</sup> De Henrico, Henricianisque hæreticis fuse egimus in Præfatione hujus toni, § 6. — <sup>d</sup> Alias, *sacra*.

qui natus est eis? Invidia hæc diabolica est :<sup>257</sup> invidia hac mors intravit in orbem terrarum. An putat parvulos Salvatore non egere, quia parvuli sunt? Si ita est, ergo gratis magnus Dominus factus est parvus : ut omittam, quod flagellatus est, quod sputis illitus, quod cruci affixus, quod denique mortuus est.

2. Non est hic homo a Deo, qui sic contraria Deo et facit, et loquitur. Proh dolor! auditur tamen a pluribus; et populum qui sibi credat, habet. O infelicissimum populum! Ad vocem unius hæretici siluerunt in eo omnes prophetice et apostolicæ voces, quæ de convocanda in una Christi fide e cunctis nationibus Ecclesia, uno veritatis spiritu cecinerunt. Ergo fefellerunt divina oracula, falluntur omnium oculi et animi; qui quod legunt prædictum, intuentur impletum. Quam certe manifestam omnibus veritatem solus iste stupenda, et prorsus Judaica cecitate, aut non videns, aut invidens adimpletam, simul nescio qua arte diabolica persuasit populo stulto et insipienti, de re manifesta nec suis credere oculis : fefellisse priores, errare posteros : totum mundum etiam post effusum Christi sanguinem perditum iri : et ad solos, quos decipit, totas miserationum Dei divitias, et universitatis gratiam pervenisse. Et nunc hujus rei gratia, licet in multa corporis infirmitate, iter arripui ad has partes<sup>a</sup>, quas potissimum singularis ferus depascitur, dum non est qui resistat, neque qui salvum faciat. Quippe de tota Francia pro simili effugatus malitia, has solas sibi invenit expositas; in quibus fiducialiter sub tuo dominatu in gregem Christi toto furore bacebatur, quod tuone honori congruat, princeps illustris, ipse judicato. Nec mirum tamen, si serpens ille callidus decipit te, quippe speciem pietatis habens, cujus virtutem penitus abnegavit.

3. Sed nunc audi quis ille sit. Homo apostata est : qui relicto religionis habitu (nam monachus exstitit\*), ad spurcicias carnis et sæculi, tanquam canis ad suum vomitum, est reversus. Præ confusione autem habitare inter cognatos et notos non sustinens, vel potius non permixtus ob magnitudinem criminis; succinxit lumbos suos, et iter qua nesciebat, arripuit, factus gyrovagus et profugus super terram. Cumque mendicare cepisset, posuit in sumptu Evangelium (nam litteratus erat), et venale distra-

hens verbum Dei, evangelizabat ut manducaret. Si quid supra victum elicere poterat a simplicioribus populi, vel ab aliqua matronarum; id ludendo aleis, aut certe in usus turpiores turpiter effundebat. Frequenter siquidem post diurnum populi plausum, nocte insecuta cum meretricibus inventus est prædicator insignis, et interdum etiam cum conjugatis. Inquire, si placet, vir nobilis, quomodo de Lausana civitate exierit; quomodo de Cenomannis, quomodo de Pictavi; quomodo de Burdegali : nec patet ei uspiam reversionis aditus, utpote qui fæda post se ubique reliquerit vestigia. Tu de tali arbore tandem bonos sperabas fructus? Terræ profecto in qua est, fecit fetere odorem in universa terra : quia *non potest*, juxta sermonem Domini, *arbor mala fructus bonos facere*<sup>1</sup>.

4. Hæc ergo, ut dixi, causa adventus mei. Nec a me ipso nunc venio, sed vocatione pariter et miseratione Ecclesiæ trahor : si forte spina illa, et prava ipsius, dum adhuc parva sunt, germina de agro dominico extirpari queant, non mea, qui nullus sum, sed sanctorum, cum quibus sum, episcoporum manu, tua quoque potenti dextera cooperante. In quibus præcipuus est venerabilis Ostiensis episcopus\*, ab apostolica Sede ad hoc ipsum directus; homo qui magna fecit in Israel, et victoriam dedit Ecclesiæ suæ in multis per illum Dominus omnipotens. Tua interest, vir inelyte, honorifice suscipere illum, et eos qui cum ipso sunt; ac ne tantus labor tantorum virorum, pro tua potissimum tuorumque salute susceptus, inefficax sit, secundum potestatem desuper datam tibi operam dare.

## EPISTOLA CCXLII.<sup>b</sup>

AD TOLOSANOS, POST REDITUM SUUM.

Sollicite fugiendos, ino et fugandos hæreticos. Exercendam hospitalitatem. Nec quosvis prædicatores admittendos.

1. In adventu charissimi fratris et coabbatis nostri Bernardi de Grandi-Silva, exultavimus,

<sup>1</sup> Matth. vii, 18.

<sup>a</sup> Vide librum 3 Vitæ, cap. 6. — <sup>b</sup> Scripta anno Christi 1147.

et delectati sumus in his quæ dicta sunt nobis<sup>25a</sup> ab illo de constantia et sinceritate fidei vestræ in Deum, de perseverantia dilectionis et devotionis in nos, de zelo et odio adversus hæreticos, ita ut quisque vestrum merito dicere possit: *Nonne qui oderunt te, Domine, oderam, et super inimicos tuos tabescebam? Perfecto odio oderam illos, et inimici facti sunt mihi*<sup>1</sup>. Gratias agimus Deo, quia non fuit otiosus adventus noster ad vos. Et mora quidem brevis apud vos, sed non infructuosa. Veritate nimirum per nos manifestata, manifestata autem non solum in sermone, sed etiam in virtute\*, deprehensi sunt lupi, qui venientes ad vos in vestimentis ovium, devorabant plebem vestram sicut escam panis, sicut oves occisionis: deprehensæ vulpes, quæ demoliebantur pretiosissimam vineam Domini, civitatem vestram; deprehensæ, sed non comprehensæ. Propterea, dilectissimi, persequimini et comprehendite eos, et nolite desistere, donec penitus depereant, et diffugiant de cunctis finibus vestris, quia non est tutum dormire vicinis serpentibus. Sedent in insidiis cum divitibus in occultis, ut interficiant innocentes. *Fures sunt et latrones*, quales in Evangelio Dominus notat<sup>2</sup>. Subversi sunt, et parati ad subvertendum, plane maculatores famæ vestræ, corruptores fidei vestræ. *Corrumpunt bonos mores colloquia multa*<sup>3</sup>: præsertim talium sermo, sicut dicit beatus Apostolus, *serpit ut cancer*<sup>4</sup>.

2. Quis dabit mihi, ut habeam opportunitatem semel adhuc veniendi ad vos? Nam voluntatem habeo, si quo modo possim in voluntate Domini secundo videre vos, laborem non reputaturus, quamvis corpore infirmus et debilis, pro vestra exhortatione et salute. Interim autem sic state in Domino, charissimi, sicut cœpistis et accepistis a nobis. Obedite episcopo, cæterisque præpositis vestris, magistris Ecclesiæ. Habete diligentiam hospitalitati, quia per hanc multi placuerunt Deo. Abraham pater vester pro studio sancto, quod in suscipiendis peregrinis habere solitus erat, angelos hospites suscipere meruit<sup>5</sup>. Similiter et Loth nepos ejus pro simili devotione et pia consuetudine de eorum susceptione exsultavit<sup>6</sup>. Et vos itaque

simili forma non Angelos, sed Dominum Angelorum suscipite in peregrinis, pascite in egenis, operite in nudis, visitate in languentibus, redimite in captivis. Talibus hostiis promeretur Deus, qui in iudicio dicturus est: *Quod uni ex his minimis meis fecistis, mihi fecistis*<sup>7</sup>.

3. Hoc etiam moneo vos, charissimi, quod et dicebam vobis cum præsens essem, ut nulum extraneum sive ignotum prædicatorem recipiatis, nisi qui missus a summo, seu a vestro permissus pontifice prædicaverit. *Quomodo*, inquit, *prædicabunt, nisi mittantur*<sup>8</sup>? Ipsi sunt, qui induentes sibi formam pietatis, et virtutem ejus penitus abnegantes, profanas novitates vocum et sensuum, tanquam melli venenum, verbis cœlestibus intermiserunt. Cavete proinde eos, tanquam veneficos; et cognoscite in vestimentis ovium lupos rapaces. Sit vobis commendatus lator epistolæ venerabilis abbas Grandis-Silvæ<sup>a</sup>, et domus ejus, quæ et nostra est, nuper nobis, et nostro Ordini ab ipso tradita, et ecclesiæ Claræ-Vallis specialiter associata. Ostendite nobis in ipso, et in sanctis qui cum eo sunt, quantum profeceritis ex nostra admonitione in operibus misericordiæ; et date in eis experimentum vestræ charitatis et devotionis, quam habetis erga nos. Quidquid illis feceritis, mihi factum reputate. Gratia Dei et pax sit vobiscum, amen.

## EPISTOLA CCXLIII.<sup>b</sup>

AD ROMANOS, QUANDO RECESSERUNT A DOMINO  
PAPA EUGENIO\*.

Romani, Arnaldo hæretico factionem inflammante, anti-que Reipublicæ ac libertatis formam restituere nitebantur, sola sacrorum cura Pontifici relicta. Itaque vectigalia Pontificum sibi vindicant, jubentes Pontificem decimis, et oblationibus tantum more prisco contentum vivere. Hinc nata rebellio, et in Eugenium acrius concitata. Cujus occasione Bernardus asperere, sed juste increpat Romanos tam iniquos in Pontificem, cujus injuria in sanctos et omnes Catholicos redundet, non evasura Dei vindictam, nisi mox resipiscam.

Nobilibus, et optimatibus, atque universo po-

<sup>1</sup> Psal. cxxxviii, 21, 22. — <sup>2</sup> Joan. x, 8. — <sup>3</sup> I Cor. xv, 33. — <sup>4</sup> II Tim. ii, 17. — <sup>5</sup> Gen. xviii. — <sup>6</sup> Id. xix. — <sup>7</sup> Matth. xxv, 40. — <sup>8</sup> Rom. x, 15.

<sup>a</sup> Bernardus supra, sola littera initiali B signatus in manuscriptis qui abbatiam Grandis-Silvæ Ordinis S. Benedicti in pago Tolosano Cisterciensibus adjecit. — <sup>b</sup> Scripta anno Christi 1146.

pulo Romano, frater BERNARDUS Clare-Vallis<sup>249</sup> vocatus abbas, declinare a malo, et facere A quod bonum est.

1. Sermo mihi est ad te, popule sublimis et illustis, cum sim vilis exiguaeque persona, ac nullius pene momenti homuncio. Id quidem verecundum atque onerosum mihi, consideranti, quis, quibus scribam, simulque quam aliter hoc alius judicare possit. Sed levius reor verecundia apud homines periclitari, quam condemnari apud Deum silentio, veri taciturnitate, et absconsione justitiae. Ipse enim dicit: *Annuntia populo meo scelera eorum*<sup>1</sup>. Erit mihi etiam in testimonium ante faciem Domini, si dicere potero: *Iustitiam tuam non abscondi in corde meo, veritatem tuam non vereor, quamvis verecundia reluctante, pro mea ignobilitate scribere de longinquo ad populum gloriosum, atque his litteris transmontanis sui ipsorum periculi atque peccati commonere Romanos, si forte audiant, et quiescant. Quis scit si convertantur ad preceam pauperis, qui non cedunt potentium minis, non omni armaturae fortium? Nonne quondam in Babylone, ad vocem pueri junioris unius, omnis ille populus, qui a senibus iniquis iudiciis seductus fuerat, reversus est ad iudicium, et sic servatus est sanguis innocuus in die illa*<sup>2</sup>? Ita nunc quoque, etsi adolescentulus sum ego et contemptus (adolescentulus dico, non annorum paucitate, sed meritum), potens est tamen Deus dare etiam voci meae vocem virtutis, per quam fiat ut et is populus, quem nihilominus constat esse seductum, ad iudicium revertatur. Mea ergo defensio ad eos qui mihi hinc forte succensendum indignandumve putaverint, haec sit.

2. Si neque hoc satis est, etiam istud adjicio. Communis est causa, et non est distinctio pusilli et magni. Dolor nempe in capite est, ac per hoc minime alienus ne a minimis quidem vel extremis quibusque corporis partibus. Nec a me ergo. Pervenit profecto usque ad me, quamvis omnium minimum, dolor maximus iste, quia maximus est; et quia cum sit capitis, non potest non esse et corporis, cuius membrum sum ego. Numquid non dolente capite clamat lingua pro omnibus corporis membris, in capite se dolere, et omnia per ipsam suum caput, sumumque

capitis fatentur incommodum? Dimittite proinde, queso, dimittite, ut plangam paululum apud vos dolorem meum; nec meum tantum, sed et totius Ecclesiae. Nonne ipsius vox est hodie per universum mundum: Caput meum dolco, caput meum dolco? Quis namque vel novissimus Christianorum in toto sit orbe, qui non gloriatur hoc capite, quod ambo illi gloriosi principes terrae, alter amisso, alter submisso in cruce capite, suo triumpho exstulerunt, suo sanguine ornaverunt? Ad omnem itaque spectat Christianum injuria Apostolorum, et sicut in omnem terram exivit sonus eorum<sup>3</sup>, sic lesio eorundem ab omnibus usqueaque sentitur, usqueaque plangitur et doletur.

3. Quid vobis visum est, o Romani, offendere principes mundi, vestros autem speciales patronos? Cur Regem terrae, cur Dominum caeli, furore tam intolerabili, quam irrationabili in vos pariter provocatis, dum sacram et apostolicam Sedem, divinis regalibusque privilegiis singulariter sublimatam, ausu sacrilego incensere, suoque minuire honore contenditis, quam vel soli contra omnes, si oportuisset, defendere debuistis? Sic fatui Romani; non judicantes, neque quod honestum est discernentes, caput vestrum atque omnium, quod in vobis est, deturpatis? pro quo magis nec vestris ipsis cervicibus parcendum a vobis foret, si necessitas exegisset. Patres vestri Urbi orbem subjugaverunt: vos Urbem properatis orbi facere fabulam. En Petri haeres Petri sede et urbe a vobis expulsus est: en rebus et domibus suis, vestris manibus spoliati sunt cardinales, atque episcopi ministri Domini. O popule stulte et insipiens, o columba seducta non habens cor! Nonne ille caput, et illi oculi tui erant? Quid ergo nunc Roma, nisi sine capite truncum D corpus, sine oculis frons effossa, facies tenebrosa? Aperi, gens misera, aperi oculos tuos, et vide desolationem tuam jamjamque imminentem. Quomodo in brevi mutatus est color optimus<sup>4</sup>, facta est quasi vidua domina gentium, princeps provinciarum<sup>5</sup>?

4. Verum initia malorum sunt haec: graviora timemus. Numquid non prope interitum es, si persistis? Revertere, revertere, Sumeritis, revertere ad cor tuum: agnosce jam vel sero, quae, quanta, a quibus patiaris, vel passa

<sup>1</sup> Isai. LVIII, 1. — <sup>2</sup> Psal. XXXIV, 11. — <sup>3</sup> Dan. XIII. — <sup>4</sup> Psal. LVIII, 5. — <sup>5</sup> Thren. IV, 1. — 7 Id. I, 1.

sis. Recordare qua causa, quo fine, per quos,<sup>241</sup> Paulum, quos utique in vicario et successore et in quos usus, non longe ante hos dies cunctarum, quæ in te sunt, ecclesiarum omnis ornatus et census profligatus est <sup>a</sup>. Quidquid in altaribus et in altarium vasis, quidquid in ipsis sacris imaginibus auri et argenti reperiri tunc potuit, manibus impiorum directum et asportatum est. Quid ex his omnibus tu in tuis nunc marsupiiis invenis? Porro decor domus Domini irrecuperabiliter periit. Et nunc quid tibi visum est iterare malitiam, innovare denuo super te dies malos? Quid modo vel lueri amplioris, vel certioris spei arridet tibi? nisi quod in eo novissima tua cernuntur incautiora prioribus, B quod tunc quidem non solum multi de plebe, sed etiam de clero, et de principibus nonnulli per orbem in schismate illo faverunt tibi: nunc vero sicut manus tuæ contra omnes, sic manus omnium contra te. Mundus est a sanguine tuo mundus omnis, præter te solam, et filios tuos qui in te sunt. Væ ergo nunc tibi, popule miserande, et væ duplo quam ante, non ab exteris nationibus, non a feritate barbarorum, non a millibus armatorum. Væ tantum a facie tuorum tibi; væ a domesticis et amicis, a clade intestina, a cruciatu præcordiorum, a tortionibus viscerum.

5. Agnoscisne jam quia non omnes pacifici qui domestici, nec omnes amici qui videntur? Et si alias noveramus, sed nunc per te manifestius edocemur omnem veritatem illius sermonis Domini, quem dixit: *Quoniam inimici hominis domestici ejus* <sup>1</sup>. Væ fratri a fratre in medio tui, et filiis a parentibus! væ non a gladiis, sed a labiis iniquis et a lingua dolosa! Usquequo male in malo vos alterutrum confortatis, et gladiis labiorum invicem sternitis, invicem perditis, ut ab invicem consumamini? Congregamini, oves dispersæ, redite ad pascua, redite ad Pastorem et Episcopum animarum vestrarum. Redite, prævaricatores, ad cor. Quod loquor, non quasi hostis convicians, sed quasi amicus objurgans. Habet vera amicitia nonnunquam objurgationem, adulationem nunquam.

6. Sed jungimus et obsecrationem. Obsecramus pro Christo, reconciliamini Deo, reconciliamini principibus vestris, Petrum loquor et

A suo Eugenio suis sedibus et ædibus effugastis. Reconciliamini, inquam, orbis principibus, ne forte incipiat pro eis pugnare orbis terræ contra insensatos. An nescitis quia his offensis nihil omnino valetis, his propitiis nihil omnino timetis? Non, inquam, non timebis sub horum tutela millia populi circumdantis te, urbs inclita, civitas fortium. Reconciliare proinde illis, simul et millibus martyrum, qui quidem apud te, sed contra te sunt propter grande peccatum quod peccasti, in quo et persistis. Reconciliare etiam omni Ecclesiæ sanctorum, qui ubique terrarum audito hoc verbo scandalizati sunt. Alioquin pagina ista contra te in testimonium erit: sed et ipsi Apostoli et martyres tui stabunt in magna constantia adversus eos qui se angustiaverunt, et qui abstulerunt labores eorum. Sed jam finem loquendi omnes pariter audiamus. Annuntiavi justitiam, prænuntiavi periculum, veritatem non tacei, hortatus sum ad meliora: superest ut aut de vestra citius correctione lætemur; aut de justa imminenti damnatione certi, inconsolabiliter lugeamus, arescentes et tabescentes præ timore et expectatione, quæ supervenient universæ urbi.

## EPISTOLA CCXLIV.<sup>b</sup>

AD CONRADUM REGEM ROMANORUM.

Hortatur Regem ad defensionem auctoritatis pontificiæ adversus rebelles Romanos.

1. Nec dulcius, nec amabilius, sed nec arctius omnino regnum sacerdotumque conjungi seu complantari in invicem potuerunt, quam ut in persona Domini ambo hæc pariter convenirent; utpote qui factus est nobis ex utraque tribu secundum carnem summus et Sacerdos, et Rex. Non solum autem, sed et commiscuit ea nihilominus ac confederavit in suo corpore <sup>\*</sup>, quod est populus christianus, ipse caput illius: ita ut hoc genus hominum apostolica voce *genus electum, regale sacer-*

<sup>1</sup> Michææ vii, 6, et Matth. x, 36.

<sup>a</sup> Per Anacletum antipapam, quæ res describitur ab Ernaldo abbate in libro secundo de Vita Bernardi. n. 1, et apud Baronium anno 1130. — <sup>b</sup> Scripta anno Christi 1146.

*dotium* appelletur <sup>1</sup>. In alia quoque scriptura <sup>2</sup> Alterum regi, alterum convenit Ecclesiae advo-  
quotquot sunt praedestinati ad vitam, nonne A cato. Victoria, sicut in Domino confidimus, praemanibus est. Superbia et arrogantia Romanorum plus quam fortitudo eorum. Quid enim? Numquid quispiam magnus vel potens, verbi gratia, imperator, aut rex, saedam rem istam in imperium pariter sacerdotiumque praesumit? Sed populus hic maledictus et tumultuosus, qui suas nescit metiri vires, cogitare finem, considerare proventum; in insipientia sua et in furore suo ausus est hoc grande sacrilegium attentare. Absit ut vel ad momentum stare possit ante faciem Regis popularis manus, vulgi temeritas. Factus sum insipiens, qui cum sim vilis, ignobilisque persona, tanquam aliquis magnus, consiliis tantae magnitudinis tantaeque sapientiae me ingessi, et de re magna. At quo ignobilior atque abjectior, tanto liberior sum ad loquendum quod charitas suggerit. Unde et adhuc addo in eadem insipientia mea: Si quis aliud, quam locutus sum vobis (quod non credimus) suadere conabitur, is profecto aut non diligit Regem, aut parum intelligit, quid regiam deceat majestatem: aut certe quae sua sunt quaerit, et non valde quae vel Dei, vel Regis sunt, curare convincitur.

2. Si hoc scitis, quousque vos communem contumeliam, communem dissimulatis injuriam? Nonne ut apostolica Sedes, ita et caput imperii Roma est? Ut ergo de Ecclesia taceam, num honor Regi est truncum in manibus tenere imperium? Et quidem ignoro quid vobis super hoc consulant sapientes vestri et principes regni: sed ego, in insipientia mea loquens, quod sentio non tacebo. Ecclesia Dei ab exortu sui usque ad haec tempora pluries tribulata est, et pluries liberata est. Denique audite quid ipsa de se loquatur in Psalmo. Ipsius enim vox est: *Sape expugnaverunt me a juventute mea; etenim non potuerunt mihi. Supra dorsum meum fabricaverunt peccatores, prolongaverunt iniquitatem suam* <sup>4</sup>. Certus esto, o Rex, quoniam nec nunc quoque relinquet Dominus virgam peccatorum super sortem justorum. Non est abbreviata manus Domini, nec facta impotens ad salvandum. Liberabit et hoc tempore absque dubio sponsam suam, qui suo sanguine redemit eam, suo spiritu dotavit, donis celestibus exornavit, ditavit nihilominus et terrenis. Liberabit, inquam, liberabit: sed si in manu alterius; viderint regni principes, idne honor Regis, regnive utilitas sit. Non est utique.

3. Quamobrem accingere gladio tuo super femur tuum, potentissime, et restituat sibi Caesar quae Caesaris sunt, et quae sunt Dei Deo. Utrumque interesse Caesaris constat, et propriam tueri coronam, et Ecclesiam defensare.

.....

## EPISTOLA CCXLV.<sup>3</sup>

AD DOMINUM PAPAM EUGENIUM, PRO AURELIANENSI  
EPISCOPO \*.

Gaudet ob zelum Pontificis in causa Aurelianensis episcopi, etc.

Ita, quaeso, ita facite. Semper consideretur non a quo, sed quid petatur. Pro Aurelianensi episcopo non est exauditus Rex, minime tamen offensus, quia cor ejus in manu Dei est. Quod etsi contigisset, sustinendum fuerat, ne Deus offenderetur: qui utique ex hoc magis propitiabitur, et citius respirare faciet a tribulatione malorum et dolore, si justitia teneatur, si non relinquatur veritas. Haec et his similia, quae de vobis per orbem celebri in dies jucunditate crebrescunt, quanta cor meum suavitate re-

<sup>1</sup> I Petr. II, 9. — <sup>2</sup> Apoc. I, 6, et V, 10. — <sup>3</sup> Prov. XVIII, 19. — <sup>4</sup> Psal. CXXVIII, 2, 3.

<sup>5</sup> Scripta anno Christi 1116.



pleant, non est facile dictu. Hæc pro his. De<sup>215</sup> mini adhuc; nam sperandi ratio suberat talis. cætero si suggestum vobis a quopiam fuerit de A me amplius onerando, scitote mihi vires non suppetere ad ea quæ porto. Quantum mihi, tantum parcetis et vobis. Propositum meum monasterium non egrediendi<sup>a</sup> credo non latere vos. De fratre Baldicio, quamvis dilecto, quamvis necessario, obeditum est sine mora. De abbate mittendo ad Sanctum-Anastasium<sup>b</sup>, si factum non est, fiet statim ut factum non esse sciemus. Porro de alia mittenda persona, quia in ultimis litteris vestris nihil scripsistis, nihil præsumpsimus. Cæterum et hoc tam celeriter fiet, quam vobis accelerare placuerit. Plenius B vobis et manifestius de his omnibus respondebunt dominus Autissiodorensis<sup>c</sup>, et frater Baldicius. Quod sanctæ memoriæ Balduinus<sup>d</sup> Pisanus archiepiscopus fecit in Sardinia de excommunicatione Arvorensis iudicis; quia non nisi juste hoc virum bonum fecisse credimus, vestra auctoritate ratum et inconcussum manere rogamus. Porro Turritanus iudex<sup>e</sup>, quia bonus dicitur esse princeps, sit vobis commendatus, et a vobis manuteneatur.

## EPISTOLA CCXLVI.<sup>e</sup>

AD EUMDEM PRO EODEM, QUANDO PREDICTUS  
AURELIANENSIS DEPOSITUS EST.

Aurelianensem, sponte se episcopatu abdicantem, Pontifici commendat, ut honori ejus cautum esse velit: id humilitatem ejus, et Pontificis clementiam decere.

1. Tempus est ut et ego scribam, non jam pro episcopo, sed pro paupere et humili monacho<sup>f</sup>; idque, quod miserabilis est, facto de divite et sublimi. Hic jam non habet adulatio locum, habet miseratio. Multi pro eo scripserunt, ut remaneret episcopus: sed multum hoc erat; non potui adduci ego, ut id auderem. Nunc vero, si res humanius æstinetur, ipsa nunc exigit quod ante vitabam. Spes erat ho-

A Dicebat: Valde immutatus est rerum status, ex quo mihi sententia purgationis imposita fuit. Et quidem gravem illam satis accepi, et quæ vel ab innocentissimo difficile impleri posset. Quid nunc, cum cuncta pene in impossibile versa sunt? Nivernis non est episcopus<sup>g</sup>, sed ne Trecis quidem: Autissiodorensis transalpinavit. Comprovincialium sane episcoporum, per quos me purgari oportuit, pars multa hæc est. Non certe purgatores deficiunt mihi, sed episcopi vel desunt, vel absunt. Quid ergo? rectene a me exigi potest quod inveniri non potest? Si res ita iudici comperta fuerit, mirum si de impossibili sententiam ferat: aut si non ex toto impossibile, nimium<sup>h</sup> quod forte minus est, leviter effugiet ultro negligentius perscrutantem: nempe misericordiam vult, non sacrificium. Quæ enim utilitas in sanguine meo, ut quærat iniquitatem meam, et peccatum meum scrutetur? Magis autem, quia benignus et misericors est, aliquid obliviscetur, aliquid dissimulabit, aliquid et de suo addet. Dominus est. An non licet ei quod vult facere? Etiamsi non, quantum sat est, rationem mihi suppeditare adverterit; quidni tota tamen libertate utetur, C prompteque misericordiam superexaltabit iudicio, vir apostolicæ mansuetudinis et auctoritatis?

2. Ergo cum sic liceret sperare timenti, nec frustra, ut sibi suisque videbatur; cessit tamen, et nostro se totum commisit arbitrio. Ac ne occasione ipsius diutius ecclesia fatigaretur, consulente me anticipans terminum, et securis ictum, ultro episcopum exiit. Unum est, elementissime Pater, unde homini generoso ac verecundo in tam miseranda fortuna posset non parum consolationis afferri. Quæritis quid? Profecto non ambulat in magnis, nec in mirabilibus super se. Sufficit, si vestra indulgentia possit retinere sacerdotem, qui episcopus fuit: tantum a nota infamiæ et perpetuæ inustionis cauterio, scuto bonæ voluntatis vestræ obumbratur sibi. O dignam omni exauditu precem! Non rogat ut gloriosus, sed ne inglorius sit, qui exstitit gloriosus. Quidquid illud sit quod

<sup>a</sup> Vide epistolam 227, et epistolam 228, n. 2.

<sup>b</sup> Missus est Rualenus, de quo epistola 258, et duæ sequentes. — <sup>c</sup> Scilicet Hugo.

<sup>d</sup> Vide epistolas 144, 201. — <sup>e</sup> Scripta anno Christi 1146.

<sup>f</sup> Ex abbate Sancti-Sulpicii apud Biturigas episcopus, ex episcopo denuo monachus.

<sup>g</sup> Vide epistolam 275. — <sup>h</sup> Alias, *minimum*.

medium est, eo contentus est. Liceat cadenti a<sup>244</sup> criminis luit pœnas, nullius convictus, nullius gloria, honesto quo poterit mediocritatis sese excipere gradu, solamque non devenire in extremitatem opprobrii. Juvenis est, nobilis genere est, in sublimitate positus fuit: nec tamen humilem refugit locum, sed probum. Nihilne merebitur vel ista humilitas? Humiliatus est impius Achab, profuit ei<sup>1</sup>: et in viro fidei ac nobili humilitas pretium non habebit? Absit a summa Sede, absit a saneta mente vestra, cor contritum et humiliatum despiciere.

3. Si diceremus, Humiliavit se, exaltetur; nihil in hoc temere a nobis præsumptum. Possemus forsitan excusare, nimirum ex regula quam optime nostis<sup>2</sup>. Nunc autem non dicimus, Exaltetur; sed, Ne conculcetur, et confundamur ab expectatione nostra. Imo vero si mala suscepimus de manu domini, bona quare non suscipiamus? Numquid enim potestatem habetis deponere potentes de sede, et exaltare humiles non habetis? Porro potestate accepta malle in malo, quam in bono uti, abuti est. Præterea angitur debitis multis, cum sit pauper et inops: jubeat auctoritas vestra de rebus episcopalibus ea solvi. Durum est enim simul et honore privari, et onere premi debitorum.

## EPISTOLA CCXLVII.<sup>a</sup>

AD EUNDEM PRO REMENSI ARCHIEPISCOPO.

Displicet ei præceps et severior in Samsonem archiepiscopum Remensem sententia, de Pallii usu sublato.

Amantissimo patri et domino EUGENIO, Dei gratia summo Pontifici, BERNARDUS Claræ-Vallensis vocatus abbas, modicum id quod est.

1. Pareat vobis Deus: quid fecistis? Faciem hominis verecundissimi confudistis; et ejus laus est in Ecclesia, ipsum in facie Ecclesiæ humiliastis. Lætificastis omnes inimicos ejus: sed quantos vos contristasse putatis? Non est modus condolendi, quia amicorum non est numerus. Dilectus a Deo et hominibus, grandis

A confessus. Tenemus Phinees, sentimus zelum; Israelites perfoditur, sed non cum Madianitide. Imponitur ei quod Regem coronavit\*: sed in hoc non existimat excessisse se tenorem privilegiorum suorum. Objicitur quod scienter divina præsumpserit celebrare in ecclesia interdicta: negat. Suo tempore probabitur illud, purgabitur istud. Esto tamen: putemus omnia constare, quæcumque in absentem adversariis ejus licuit, aut libuit loqui. Debuitne hoc solo excessu, ejus cætera laudabilia exstiterunt, tam dure feriri, tam severe animadverti? Semel excessisse, etiam virtus poterat reputari, si de vestro, non de vultu inimicorum ejus judicium prodiisset. Deinde quid in arcto illo fieri oportebat? Dies celebris, sollemnis curia, juvenis rex; et, quod his majus est, Dei negotium, de Jerosolymitana scilicet expeditione, propter quod omnes convenerant. Prorsus hæc omnia Missarum, et coronæ regiæ sollemnis debique honoris frustrationem nullatenus admittebant. Sed nec ipsi Bituricensi archiepiscopo omnino expediebat, ut honor Regis per eum impediretur.

2. Quæ cum ita se habuerint, æstimamus C locum misericordiæ non deesse, ubi tanta necessitas typhum<sup>b</sup> excusat contumaciæ. Numquid potestatem habetis tantum percutere, et nequaquam sanare? Nostis qui dixerit: *Percutiam, et ego sanabo*<sup>3</sup>. Absit ut ejus tenetis vicem, non usurpetis et vocem, vocem præcipue pietatis. Ergo sola hac vice redeat sagitta Jonathæ retrorsum, et, si necesse fuerit, in me magis mittatur. Tolerabilius, fateor, habuisssem, interdici mihi Missarum celebrationem, quam archiepiscopo Pallii usum. Est etiam quod non mediocriter vestro pio rigori obviat in hac parte, quod filio vestro regi Ludovico possit hinc non parvæ offensionis et irritationis occasio dari, cum ipse sibi tota mali hujus videatur esse occasio. Quod plane tempore isto non expedit: ne bonum, quod vestro hortatu bono et magno animo cœpit, dignum (quod absit) non habeat exitum, si in scandalo et animi perturbatione hoc egerit. De cætero mandastis, et obedivi, et fecundavit obedientiam præcipientis auctoritas. Siquidem annuntiavi et locutus sum, multiplicati sunt super numerum. Va-

<sup>1</sup> III Reg. xxi, 27-29. — <sup>2</sup> Matth. xxiii, 12. — <sup>3</sup> Dent. xxxii, 39.

<sup>b</sup> In scriptis, *typhum*. Et prorsus ita scribebant veteres illi pro, *typho*, id est superbia.

<sup>a</sup> Scripta anno Christi 1146.

quantur urbes et castella, et pene jam non in-<sup>216</sup>gem maximam ovium, dum non se abscondunt, veniunt quem apprehendant septem mulieres A virum unum, adeo ubique viduæ vivis remanent viris.

## EPISTOLA CCXLVIII.<sup>a</sup>

AD EUMDEM.

Præmonet Pontificem, ne Sagiensi, quantumvis supplici, B reditum in episcopatum molienti, faciles aures præbeat.

1. Non est mihi, more multorum, procœniis uti ad vos, ambituve verborum: a re ipsa incipio. Homo fallax venit ad vos, credo ut fallat; sed absit ut vos. Hoc enim non nisi in multorum discrimen, idque maximum, posset accidere. Semper quidem, sicut fallere malum, ita falli a malo est plerumque et malum. Sed interest quis, et in quo fallatur. Quanto vestra potestas et dignitas major, tanto ea quæ vobis forte subreptio fit, non modo periculosior, sed et turpior est, præsertim in ecclesiasticis causis. Si, verbi gratia, Sagiensis hæc vulpecula fraudulenta, concinnans dolos vobis, sicut calide cogitat illudere, poterit et ad vineam Domini sabaoth, quam brevi tempore parte non modica demolita est, vestra auctoritate redire; quanta putatis malignitate de cætero sævituram? Heu! quod reliquum est, devorabit. Nempe qui venit vulpecula, redibit læna: et in quosque, tam cleri, quam populi, non jam calliditate utetur, sed crudelitate. Vigilandum itaque adversus astutiam, ne ad tantam sævitiam denuo prorumpere possit.

2. Non ergo vos moveat hominis facies miseranda, vilis habitus, vultus supplex, demissa supercilia, verborum humilitas: sed nec ipsæ quidem lacrymulæ, currentes, ut aiunt, ad nutum ejus, doctæ mentiri. Hæc omnia in facie sunt: et scitis qui dixerit, *Nolite secundum faciem judicare*<sup>1</sup>. In his atque similibus forma pietatis existit, sed non semper et virtus. Vestimenta ovium sunt hæc, frequenter, sicut designavit Dominus, usurpata a lupis in stru-

gem maximam ovium, dum non se abscondunt, quoniam illi abscondite veniunt<sup>2</sup>. Inde est quod aliqui etiam ex nostris pro eo scripserunt, talibus circumventi mendaciis, parum advertentes quod a Sapiente sapienter ac veraciter dicitur: *Est qui se humiliat nequiter, et interiora ejus plena sunt dolo*<sup>3</sup>. Vos ergo non attendatis ad verba ejus, neque ad corporis gestus: opera interrogate. A fructibus ejus cognoscetis eum. Multa et gravia dicuntur de eo: dicuntur et in eum, si est qui quærat et judicet. Nolo dicere omnia quæ audivi. Nec enim omnibus credendum est, sed nec omnibus decredendum. Unam pono breviter meam conjecturam: certine aliquid habeat, vos judicabitis. Cur datos sibi iudices declinavit? Si personas causatur, non erant suspecti. Si loci importunitatem; erat hoc in terra sua, et in cognatione sua, ubi et expensis paucis, et itinere non longo, facile et absque labore totum negotium poterat explicari. Restat proinde nihil aliud suspicandum, quam fugisse hominem subdolum accusantium multitudinem, qui extra patriam eum minime præ inopia sequi possent. Gratias agimus domino Lexoviensi, qui zelo domus Domini tactus, nec marsupio pepercit, nec corpori. Bonus C frater, cui studium est semen defuncti fratris suscitare\*. Gratias et vos agite illi, quia vestro quoque nomini hæc ejus eura non parum conferre videtur: qua fit ut convincatur malignus, et sic deiciatur; quæ est gloria vestra.

## EPISTOLA CCXLIX.<sup>b</sup>

AD EUMDEM.

D Priorem Casæ-Dei, electum in episcopum Valentiniensem, uti dignum commendat.

Si rebus raritas pretium facit, nil in Ecclesia pretiosius, nil optabilius bono utilique pastore. Nempe rara avis est ista. Proinde sieubi talis interdum reperiatur, et occasio detur; confestim injiciendæ sunt manus, et totis nisibus satagendum, ne qua vi, ne qua arte malitiæ fructuosa promotio valeat præpediri. Audivimus

<sup>1</sup> Joau. vii, 24. — <sup>2</sup> Matth. vii, 15. — <sup>3</sup> Eccli. xix, 23.

<sup>a</sup> Scripta circa annum 1146. — <sup>b</sup> Scripta anno Christi 1145.

in ecclesia Valentina pari voto cleri et populi<sup>247</sup> electum esse Priorem Casæ-Dei\*. Mirum si bonus non fuerit ad opus ad quod assumitur. Scire vultis unde id sperem? Boni hoc volunt, nec potest bonus non esse qui bonis placet. Nec minus validum argumentum mihi videtur quod bonus sit, si malis e regione displiceat. Decet Sanctitatem vestram votis assentire honorum: ne si ab isto forte resilire contingat, alium quem nolletis, studio et consensu pravorum contingat recipere.

## EPISTOLA CCL.

AD BERNARDUM \* PRIOREM PORTARUM.

Repulsam fratris Natalis in episcopum electi non debuisset tam moleste ferri a Religiosis. Id sua opera factum non esse. Veritum forte Papani, ne juvenilis ætatis vitia nunc demum calumnias paterent.

Reverendissimis patribus et dominis amantissimis, BERNARDO priori Portarum, et sanctis qui cum eo sunt, BERNARDUS Claræ-Vallis C vocatus abbas, salutem in Domino.

1. Ex quodam Beatitudinis vestræ rescripto comperi, scripsisse me aliquid, quod me indicaret commotum, vosque istud non parum metuere. Verum id frustra. Non est quod a puero vestro timendum sit vobis, reverendissimi patres, qui vos in veritate diligo ut amicos, et suspicio ut sanctos. Nisi forte non me, sed mihi paterno timuistis affectu, quod motus vobis viderer non ex ratione; aut si ex ratione, forte plus quam oporteret. Motus, fateor, fui, sed pro vobis, non contra vos; atque id tenuiter satis. Si et hoc temere; sed non temere confiteor adversum me injustitiam meam, et vos remittetis temeritatem peccati mei. Ignoscite mihi: sic sum, zelus domus vestræ comedit me. Non patior plane, quod in me est, decolorari tantæ specimen sanctitatis: nam corrumpi posse, absit ut verear. Prorsus autem displicet in pulcherrimo corpore, non solum morbus, sed et nævus. Non plane bonus color, si sanctorum quispiam anxie ferre abjectionem

<sup>a</sup> Alias, *judicavit*.

suam videatur, de qua etiam et non gaudere, et non gloriari, minus est a perfecto. Porro in proposito perfectionis apparere imperfectum, nævus est. Ergo hic color mihi in fratre Natali displicuit. Quid enim, etsi castum id fuerit coram Deo? Nempe oportet providere bona etiam coram hominibus.

2. Sed dicitis: Non ipse graviter tulit, sed nos. Ad idem revertitur. Iterum dico quod sentio. Cur vobis grave fuerit, non video, nisi quia ipsi grave esse sensistis. Vos judicate, an hoc eum decuerit, præsertim in novitate vitæ. Nam ante hanc (ut salva ejus pace dixerim) non caruit hac nota: an vero nec culpa, suæ ipsius conscientiae relinquendum est. Et quid si forte hoc cogitavit<sup>a</sup> dominus Papa: cum, sicut dicitis, electioni ejus assentire renuerit? Veritus quippe, ut æstimo, linguas obtrectatorum, vetuit festinatam novi eremitæ promotionem: ne, ut dixi, lingua maliloqua dicere posset, hunc esse, quem semper optaverat, eremi fructum. Verumtamen quidquid dominus Papa intenderit, sive hoc, sive aliud; me ignorasse sciatis illud ejus consilium: ne quis dicat quod meo instinctu id fecerit. Nam quod ad me pertinet, mihi decretum est, ubi opportune possem, non solum non impedire, sed etiam totis viribus, et ambabus, ut dicitur, trahere manibus, ubi de gratia, quæ in eo est, Deo fructificare valeat. Quis dabit mihi homines litteratos, et sanctos, in Ecclesiis Dei præesse pastores, si non in omnibus, certe in pluribus, certe in aliquibus saltem? Quid enim si juvenis aliqua olim juveniliter egisse memoratur? Vetera transierunt, nova facta sunt omnia. Consepultus est iterum Christo per eremi baptismum\*: ego olim sepulta vitia retractabo?

3. Jam quod abbas Caziacensis\* sive Trecentis dure dicuntur scripsisse vobis; omnino, cum D audiavi, dure accepi, et cum accepero tempus, non dissimulabo, quantum quidem charitas postulabit, et familiaritas, quæ mihi pro eorum religiositate ad ipsos est. Deo autem gratias, qui dedit vobis non vinci a malo, sed vincere in bono malum, quia non respondistis eis malum pro malo, aut maledictum pro maledicto. Porro illas, quas ad me adversus præfatos abbates ante scripseratis litteras, nec studio, nec voluntate mea ad ipsorum notitiam pervenisse sciatis. Et de his satis.

4. Tempus est ut non obliviscar mei. Clamat<sup>248</sup> ad vos mea monstruosa vita, mea ærumnosa conscientia. Ego enim quædam chimæra mei sæculi, nec clericum gero, nec laicum. Nam monachi jamdudum exui conversationem, non habitum. Nolo scribere de me quod vos per alios audisse existimo, quid actitem, quid studeam, per quæ discrimina verser in mundo, imo per quæ jacter præcipitia. Si quominus audistis, precor ut inquiratis, et secundum quod audieritis, et consilium impendatis, et orationum suffragia.

lum loquor, qui aiebat : *Auferte malum ex vobis*<sup>3</sup>. Itaque miseremini illis, et non præjudicet iniquitas sceleratorum justitiæ innocentium. Hæc dico, quia causa est eis cum Æduensibus in præsentia vestræ Majestatis, et timent ne noceat sibi iniquitas aliorum. Sane id præcipue obsecramus, ut concordiæ et paci ipsorum operam detis. Utrisque siquidem bene volumus, atque ita utrisque credimus expedire.

B

EPISTOLA CCLII.<sup>b</sup>

AD EUMDEM, PRO EBORACENS.

EPISTOLA CCLI.<sup>a</sup>

AD DOMINUM EUGENIUM PAPAM.

Balmenses monachos pro merito punitos in gratiam recipi cupit, et cum Æduensibus conciliari.

Amantissimo patri et domino EUGENIO, Dei gratia summo Pontifici, frater BERNARDUS Claræ-Vallis dictus abbas, modicum id quod est.

Balmenses monachi graviter deliquerunt, sed non impune\*. Vobis pro hoc ipso laus et gratiarum actio ab universa debetur Ecclesia, quia non siluistis, non dissimulastis, non quievistis. Efferbuistis ut debuistis : percussistis, sed ut sanaretis. Quod si obliviscatur misereri dominus, et contineat in ira sua misericordias suas, unde sanitas? Fiducialiter proinde post judicium misericordiam præstolamur, ut misericordiam et judicium cantemus Domino. Scimus, scimus, non deviabitis Vicarius\* a vestigiis ejus cujus vicarius est; nimirum cum ille dicat : *Qui mihi ministrat, me sequatur*<sup>1</sup>. Dicit autem de illo propheta : *Quis scit si convertatur et ignoscat Deus, et relinquat post se benedictionem*<sup>2</sup>? Hanc de vestris quoque posterioribus audacter exigimus. Alioquin non decet ut perdatis innocentem cum impio. Etenim qui malum fecerunt, facti de medio sunt. Quid restat, nisi ut reliquiæ salvæ fiant? Quidni salventur qui obedierunt vobis, qui obedierunt prædecessori vestro? Pau-

Sententiam, contra Eboracensem jam olim ab Innocentio latam, tandem executioni mandari postulat, ne mala ejus opera dissimulanti Pontifici imputentur.

Sævitur frustrata ambitio, imo desperata furit. Currit ad laqueum homo perditionis, et debitam jam olim in se sententiam damnationis accelerat. Vel nunc manifesta sunt peccata ejus, præcedentia ad judicium. Anticipat manum succisoris arbor maledicta et spinosa, et cunctantem securim in semet provocat. Hen! quam justius illa jamdudum cecidisset<sup>c</sup>, quam sancti illi, quos contra jus et fas male stando dejecit? Etenim si non staret, stantes minime dejecisset. Et illi quidem in innocentia sua, et pro innocentia corruerunt\*, multo melius stantes : sed sanguis innoxius de manu illorum procul dubio requiretur, qui vires furtivas tam noxiæ arbori, ne statim corrueret, ministraverunt. Clamat contra eorum capita sanguis sanctorum de terra, quorum animæ in manu Dei sunt, et non tanget eos tormentum malitiæ. Verumtamen viscera mea erant : effusa sunt; non recipio de verbis consolationem. Etsi possent esse qualicumque solatio sive remedio, deficiunt tamen præ dolore, mœnore præcluduntur, interrumpuntur singultibus. Unum tamen, ipsumque extremum, quod utique magis scribere, quam proloqui possum, adhuc audite, vel potius legite. Si adhuc steterit; prohi dolor! verendum, ne ipsius status sit vester casus : dum quidquid adjecerit, utpote mala arbor, quæ non potest nisi malos

<sup>1</sup> Joan. xii, 26. — <sup>2</sup> Joel ii, 14. — <sup>3</sup> I Cor. v, 13.

<sup>a</sup> Scripta anno Christi 1147. — <sup>b</sup> Scripta eodem anno. — <sup>c</sup> Alias, *excidisset*.

fructus facere<sup>a</sup>, non illi jam, sed vobis merito<sup>250</sup> habitaverunt (*Francevals* nomen ei) nos con-  
imputetur. A tulimus.

## EPISTOLA CCLIII.<sup>a</sup>

AD ABBATEM DE PRÆMONSTRATO \*.

Asperioribus Præmonstratensium litteris placide respon-  
det, recensens sua in eos beneficia. Refellit quoque  
singula querelarum capita, constantem se ipsis amicum  
fore professus.

1. Andivi auditionem vestram, et timui. Scri-  
bitis enim contra me amaritudines: absit autem  
ut tam rationaliter, quam terribiliter. Quid  
peccavi? an quod vestram personam semper  
amavi, vestrum Ordinem fovi, et promovi sem-  
per, quod in me fuit? Eidem, si verbis non  
habetur, opera faciunt. Ut quidem mea mihi  
conscientia respondet, ego a vobis debui com-  
mendari. Sed quia contraria potius loqui et scri-  
bere libet; dabo ego voci meæ vocem virtutis  
ex factorum testimonio. Id quidem grave. Videar  
improperare beneficia, quod utique non decue-  
rat. Ut minus sapiens faciam: vos me cogitis.  
Cui unquam vestrum, sive vestrorum nostra  
opera opus fuit, et defuit? Primo quidem locus  
ipse Præmonstrati, in quo degitis, noster fuit,  
et nostro munere habuistis\*. Nam nobis frater  
Wido\* (hoc nomen primi incolæ loci per ma-  
num episcopi ante donaverat. Deinde quod hi  
de Bello-Loco<sup>b</sup> vobis se associaverunt, nostri  
potissimum studii fuit. Apud Jerosolimam rex  
Balduinus, dum adhuc viveret, locum Sancti-  
Samuelis donavit nobis\*, et mille aureos simul,  
de quibus ædificaretur: vos dono nostro et  
locom habetis, et aureos habuistis. Apud Vir-  
dunum pro ecclesia beati Pauli, ut eam vos  
haberetis, quantum laboraverim, multi norunt:  
et quantum profecerim, ipsi sentitis. Si quo-  
minus recognoscitis vos, exstant epistolæ no-  
stræ ad beatæ memoriæ papam Innocentium,  
huius rei veri iudices, et quasi vivi testes. Illis  
de Septem-Fontibus<sup>c</sup> locum quem primum in-

2. Propter quod horum vultis recedere ab  
amicis? Numquid redditur pro bono malum,  
quia minamini violare pactum\*, valedicere paci,  
societatem deserere, scindere unitatem? Sed  
esto. De bono opere non me lapidatis, sed de  
injuria, quod fratrem Robertum, cum esset de  
vestra professione, susceperim, habitum ei mo-  
nachicum tradens. Non inficior, apud nos est.  
Putaveram autem me super hoc satisfacisse vo-  
bis, cum susceptionis illius rationem, ordinem,  
necessitatem, viva et veridica voce exposui, id  
B que non semel. Quia vero necdum quiescitis,  
non erit mihi pigrum rescribere quod respon-  
deram, quando vobis durum non est repetere  
quod excusaveram.

3. Minime ergo prædictum fratrem Robertum  
aliquando, ut a vobis exiret, sollicitavi: magis  
autem a multis annis id cupientem, non semel,  
sed sæpe compressi. Quonam denique modo  
suspectus haberi possum, quod fratrem Rober-  
tum subdlexerim vobis, cujus consilio et horta-  
tu magistrum Othonem habetis? Si nescitis,  
ipsum interrogate: si bene novi hominem, non  
negabit. Possem et alios forsitan non paucos  
C nominare, sive conversos ad vos, sive reversos:  
quos hodie non haberetis, nisi a nobis suasi  
fuissent, vel coacti. Parco autem, non inops  
materiæ, sed verecundiæ satisfaciens dives. In-  
veni ego in claustris vestris, qui ad verbum  
prædicationis nostræ compuncti et conversi ad  
nos venire disposerant: cum ecce sollicitanti-  
bus vestris retrahentes pedem, recepti et re-  
tentii sunt in Ordine et habitu vestro. Postmo-  
dum vero, remordente eos conscientia, exire  
voluerunt: et, ni fallor, exissent, nisi nostro  
firmarentur non assensu tantum, sed et hortatu.

4. Sed jam audite (quia iterum vultis audire)  
D quomodo tandem fratrem Robertum receperim.  
Dominus Papa præcepit; nempe rogatus ab illo,  
et ejus amicis. Dicebat vestrum sese et abbatis  
ejus assensum prece sua obtinuisse, ne quis  
dicat quod præcepto extorsit. Negatis: quid ad  
nos? ipse viderit. Si vobis summum et sanctum  
Pontificem falsitatis arguere libet, ignoscite no-  
bis: quia nos tantæ sanctitati non credere, et

<sup>a</sup> Matth. vii, 18.

<sup>a</sup> Scripta anno Christi 1150.

<sup>b</sup> Bellus-Locus Ordinis Præmonstratensis, diocesis Trecentis, ubi canonice regularibus successere Præmonstra-  
tes anno 1110. Ad Odonem huius Belli-Loci abbatem epistola 107.

<sup>c</sup> Septem-Fontes diocesis Liugonensis ad Montem-Claram.

tantæ majestati non obedire nefas ducimus.<sup>231</sup> Quamquam etsi pro sola charitate nostra id Quamquam et venerabilis abbas Godescalcus<sup>a</sup>, A qui de vestris est (nam is a domino Papa ad vos hujus rei gratia fuerat destinatus), non plane negaverit reportasse se a vobis, et liberam fratris emancipationem, et vestram ipsius spontaneam concessionem<sup>b</sup>.

5. Jam de fratre Fromundo non est quod nos lacessatis, cum nequaquam eum sine voluntaria abbatis sui concessione receperim: quod quidem nec vos latuisse amara illa epistola demonstrat, in qua nobis de sola capituli non expectata conniventia calumniam struitis. Quasi vero vel in mutua nostra conventionem id prohibitum fuerit: vel emancipatio filii ad capitulum, et non potius ad solum spectet abbatem.

6. Adjicitis et de domo quadam fratrum vestrorum de Basso-Fonte, quod eam nos de medio tulimus, licet extra statutos terminos constitutam. Atque utinam priusquam nos argueretis, eosdem interrogassetis fratres, non solum quis eam de medio tulerit, sed etiam qua de causa. Neque enim celassent vobis, ut confidimus, hujus rei veritatem. Cæterum audite eam nunc vel a nobis, ac deinde, si ita placet, eos interrogate. Cœperant ædificare locum, ubi aliquas e sororibus suis constituerent, longe quidem ab abbatis sua, in confinio autem duarum grangiarum domus nostræ, et prope paucula ovium nostrarum. Rogavimus eos tanquam amicos, et quibus forte non inutiles fuisset, ne seminarium scandali, et dissensionum fomitibus suis pariter et nostris pararent, posteris relinquendum. At illi nihilominus ædificabant. Hæc fuit tota violentia nostra: sic nos de medio tulimus domum illam. Inexcusabiles sumus, si rogare, vim irrogare est.

7. Revera episcopus (quod negandum non est) indignatus, non modo quod oratorium in suo episcopatu, sed et quod domum in fundo ecclesiæ et terra feudi sui ædificare se inconsulto præsumpsissent, cœpto intervenit operi, quamvis frustra: nam nec vetiti ab eo destiterunt. Exinde transeunti mihi per terram illam, is qui tunc erat abbas Bassi-Fontis occurrens, indicavit quod ab ædificatione cessassent. Verumtamen non tam propter nos, sicut ex ejus relatione cognovi, quam propter militem illum, qui terram eis visus dedisse, gravabat eos in multis, ita ut de eo plurimum quererentur.

8. Præterea causamini, quod domunculam fratrum vestrorum de Brenam<sup>\*</sup> conversus Igniacensis combussit. O domunculam! nempe umbraculum quoddam ramorum erat, ubi sederet frater, qui stantes adhuc in agro segetes custodiret. Neque hoc combustum malitia, sicut fideli relatione cognovimus: sed quod positum in agro quodam fratrum Igniacensium, terram occuparet, quam excoli oportebat. Denique vix uno taxata est nummulo domuncula hæc: et abbati de Brenam ita jam, nisi fallimur, super hoc satisfactum, ut omnino nec queratur, nec habeat unde queratur. Si quominus, ubi id nos rescire feceritis, parati sumus ad omnem satisfactionem. Sic et de abbate Longi-Pontis<sup>\*</sup>, ubi primo querelam vestram accepimus, quod inter terminos vestros domum vellet ædificare, prohibuimus eum: et jam credimus destitisse. Sin autem; et id fiet, ubi factum non esse novimus.

9. Super omnia plangitis, quod ecclesiam Sancti-Foillani<sup>\*</sup>, quæ de Ordine vestro est, abbas noster de Villari fecerit imbanniri<sup>c</sup>. At forte justius vobis fratris et coabbatis vestri de prædicta domo Sancti-Foillani incredibilis obstinatio, quam summi Pontificis justissima<sup>d</sup> animadversio displiceret. Novi siquidem, quod multis vestrorum ipsius abbatis animositas displiceat graviter: mirum valde, si non etiam vobis. Ita ergo dico vobis, huic indignamini: siquidem ipse est, cujus aut cupiditas, aut con-

<sup>a</sup> De eo vide epistolam 14. — <sup>b</sup> Alias male, *consessionem*. — <sup>c</sup> Id est, interdicti. — <sup>d</sup> Alias, *reprehensibilis*.

tumacia fratribus vestris divina fecerit officia<sup>242</sup> interdici. Et quidem prolixum est hoc negotium, et difficile esset universa ejus subterfugia epistolari brevitate concludi: causam tamen interdicti quam breviter intimabo. Post duas aut plures conventiones pacis, post definitivam sententiam judicii, juxta mandatum capituli vestri per vestros et nostros abbates promulgatam, accitus demum episcopus Cameracensis, ad cujus parochiam locus Sancti-Foillani pertinere cognoscitur, cum videret abbatem obstinato animo omnia violare, etiam sententia eum ecclesiastica cogere voluit, ut dicebat. Ille vero, ut redimeret tempus, summi Pontificis audientiam appellavit. Ventum est ante eum: qui postquam testimonio tam vestrorum abbatum, quam aliorum Religiosorum indubitanter agnovit, abbatem Sancti-Foillani non solum resilire a compositionibus, sed et iudicio contraire; ecclesiam ejus imbanniri jussit, donec satisfecisset. Demum rogastis tam vos, quam ipse domnum Cisterciensem, et nos; multisque tam vestris, quam vestrorum precibus extorsistis, præsente etiam ipso episcopo, qui promulgandæ sententiæ interdicti mandatum acceperat, ut provideretur adhuc forma aliqua pacis. Absente abbate de Villari, tractata compositio, dictumque episcopo est, ut si vel ipsam observaret abbas Sancti-Foillani, abstineret ab interdicto. Discedens autem nec illam tenuit, sed domum, quam et iudicii sententia, et compositiones omnes diruendam esse definierant, ita ut semel etiam diruta jam fuisset, atque interim contra conventionem et iudicium reædificata; hanc, inquam, et tenuit, et tenet, et alteram quoque superædificavit. Quidni exsequeretur episcopus mandatum apostolicum, quod acceperat de promulganda sententia interdicti, præsertim addita prævaricatione? Ego tamen sperans tandem aliquando vincere in bono malum, eandem D

sententiam differri feci usque ad octavas Epiphaniæ, si forte interim vir ille recogitaret, ut vel formam iudicii exsequeretur, vel compositionem aliquam observaret. Atque utinam sic contingat, et faciat Deus pacis, ut requiescat super illum pax nostra.

10. Cum hæc ita se habeant, non est quod de nobis queri debeatis: cum justius nos de vobis, ut apparet, queri possimus. Reliquum est

<sup>a</sup> Isai. XLII, 7.

<sup>b</sup> Hæc epistola scripta est anno 1136, quo initum est Cistercio Alpense monasterium, de quo epistola 142.

ut diligentes vos diligatis, præsertim solliciti servare unitatem spiritus in vinculo pacis: illo, inquam, vinculo, quod inter nos et vos causa pacis charitatisque firmatum est, utiliter quidem, et non minus forsitan vobis quam nobis. Si rumpendum decernitis, non expedit quidem: sed nec licere ullatenus puto. Nempe ubi communis est causa, personæ reatus præjudicare non deberet, etsi vera essent quæ in nos dicitis. Ego autem, fratres, quidquid faciat, decrevi semper diligere vos, etiam non dilectus. Occasiones quærat, qui vult recedere ab amico: mihi studii est, et erit, nec cuiquam amicorum B justam in me discessionis causam dare, nec scrutari in alio: quod hoc quidem fictæ, illud vero neglectæ amicitiae sit. Et quia secundum prophetam *glutino bonum est*<sup>a</sup>; solvere, vel potius abrumpere vos poteritis, sed non me. Adhærebo vobis, etsi nolitis: adhærebo, etsi nolim ipse. Olim me alligavi forti vinculo, charitate non ficta, illa quæ nunquam excedit. Cum turbatis ero pacificus, conturbantibus quoque dabo locum iræ, ne diabolo dem. Vincar jurgiis, vincam obsequiis. Invisis præstabo, ingratiss adjiciam, honorabo et contemnentes me. Et nunc tristis est anima mea, quod quacumque C occasione offenderim vos; eritque tristis, usquedum vestra indulgentia relevetur. Si tardaveritis, ibo, et excubabo pro foribus; perseverabo pulsans, instabo opportune, importune, donec vel merear, vel extorqueam benedictionem. Plus quam medium hiemis transiit jam, et tunicam nostram<sup>a</sup> usque adhuc frustratus exspecto.

## EPISTOLA CCLIV.<sup>b</sup>

AD ABBATEM GUARINUM ALPENSEM.

Laudat in sene abbate studium reformandi Ordinis. Temporis brevitate non obsistere studio perfectionis. In vita spirituali semper proficiendum, nunquam standum.

Reverendo patri, et omni veneratione digno, domno abbati Alpensi GUARINO, et universis

<sup>a</sup> Id est, charitatem.



eiusdem loci fratribus, frater BERNARDUS,<sup>2,3</sup> *nia tempora, qui transit ad æternitatem?* vestræ sanctitatis servus, de bono in melius A Quanta sane tempora non longævitate, sed longanimitate; hoc est, non annorum serie, vel dierum numero, sed mentis devotione, et inextinguibili semper proficiendi desiderio percurrere potuit, tanta sibi in meritis non immerito vindicavit. Retinet quippe virtute, quod amisit in tempore. Porro vera virtus finem nescit, tempore non clauditur. Unde est illud, *Charitas nunquam excidit*<sup>5</sup>; et item, *Patientia pauperum non peribit in finem*<sup>6</sup>; et, *Timor Domini sanctus permanet in sæculum sæculi*<sup>7</sup>. Nunquam justus arbitratur se comprehendisse<sup>8</sup>; nunquam dicit, Satis est; sed semper esurit sitique justitiam: ita ut si semper viveret, semper, quantum in se est, justior esse contenderet, semper de bono in melius proficere totis viribus conaretur. Non enim ad annum vel ad tempus, instar mercenarii, sed in æternum divino se mancipat famulatui. Audi denique vocem justī, *In æternum non obliviscar justificationes tuas, quia in ipsis vivificasti me*: et rursus, *Inclinaui cor meum ad faciendas justificationes tuas in æternum*<sup>9</sup>. Non igitur ad tempus. Proinde *justitia ejus manet*, non aliquanto tempore, sed in *sæculum sæculi*<sup>10</sup>. Sempiterna itaque justi

1. Revera nunc in te, pater, experior quod in sacris Litteris legisse me memini: *Cum consummatus fuerit homo, tunc incipit*<sup>1</sup>. Jam seni requies, jam corona debebatur emerito: et ecce tanquam novus in Christo miles, nova iterum tibi excitas bella, provocas adversarium; et rem fortium præsumis fessus senex, dum ad iterandum certamen, antiquum hostem, etiam quodammodo invitum compellis. Enimvero dum præter morem tuum, tuorumque prædecessorum traditiones<sup>2</sup>, divinitus inspiratus ecclesias et ecclesiastica beneficia relinquis; synagogas satanæ, id est cellulas extra cœnobium<sup>3</sup>, in quibus tres, vel quatuor fratres sine ordine, sine disciplina habitare solent, destruis; feminas a monasterio arces<sup>4</sup>, cæterisque pietatis ac disciplinæ bonis studiosius invigilas solito: quid aliud primus et maximus ille peccator, nisi videbit et irascetur, dentibus suis fremet et tabescet? Sed quæ cura? E contra tu in ejus confusione et tua consolatione cantabis Deo tuo: *Qui timent te, videbunt me, et lætabuntur, quia in verba tua super speravi*<sup>2</sup>. Nec timendum quod succumbat hosti, qui nec cedit ætati. Vincit annos animus, et frigente jam corpore fervet sanctum in corde desiderium; artubusque fatiscen-  
tibus, durat tamen incolumis propositi vigor, nec sentit rugosæ carnis infirma spiritus promptus. Nec mirum. Utquid enim metuat veterani domicilii ruinas, qui fabricam spiritualem videt in dies in sublime consurgere, proficere in æternitatem? Certus namque est, si terrestris domus ista dissolvitur, quod ædificationem habet ex Deo, domum non manu factam, æternam in cœlis<sup>3</sup>.

2. Sed dicet aliquis: Quid si morte præven- D tus fuerit homo, necdum videlicet spirituali ædificio consummato? Perfectus quippe non habet quo proficiat: et qui proficit, eo ipso quo proficit, perfectus non esse convincitur. Est quod securi de illo plena fide respondeamus. Dicemus nempe: *Consummatus in brevi, explevit tempora multa*<sup>4</sup>. Bene multa, qui universa complectitur. Quomodo enim non explevit om-

B C esuries sempiternam meretur refectionem: et licet in brevi consummetur pro tempore, judicatur tamen explesse tempora multa pro virtutis perpetuitate.

3. Quomodo denique temporis brevitatis bonorum præjudicet perpetuæ devotioni, quæ pertinacem reproborum malitiam excusare non sufficit? Ob hoc enim procul dubio inflexibilis et obstinatæ mentis punitur æternaliter malum, licet temporaliter perpetratum, quia quod breve fuit tempore vel opere, longum esse constat in pertinaci voluntate: ita ut, si nunquam moreretur, nunquam velle peccare desineret; imo semper vivere vellet, ut semper peccare posset. Proinde potest et de isto per contrarium itidem dici, *Consummatus in brevi, explevit tempora multa*: quod merito multorum, imo omnium temporum receperit vicem, qui nullo tempore malam voluerit mutare intentionem<sup>5</sup>. Itaque indefessum proficiendi studium, et jugis conatus ad perfectionem, perfectio reputatur.

4. Quod si studere perfectioni, esse perfe-

<sup>1</sup> Eccli. xviii, 6. — <sup>2</sup> Psal. cxviii, 74. — <sup>3</sup> II Cor. v, 1. — <sup>4</sup> Sap. iv, 13. — <sup>5</sup> I Cor. xiii, 8. — <sup>6</sup> Psal. ix, 19. — <sup>7</sup> Psal. cxviii, 10. — <sup>8</sup> Philipp. iii, 13. — <sup>9</sup> Psal. cxviii, 93, 112. — <sup>10</sup> Psal. cxi, 3.

<sup>a</sup> Id est remissiones disciplinæ regularis, a majoribus inductas, ut in epistola 91. — <sup>b</sup> Alias, *voluntatem*.

etum est; profecto nolle proficere, deficere est.<sup>233</sup> Ubi ergo sunt qui dicere solent: Sufficit nobis, A nolumus esse meliores quam patres nostri? O monache, non vis proficere? Non. Vis ergo deficere? Nequaquam. Quid ergo? Sic mihi, inquis, vivere volo, et manere in quo perveni; nec peior fieri patior, nec melior cupio. Hoc ergo vis, quod esse non potest. Quid enim stat in hoc sæculo? Et certe de homine specialiter dictum est: *Fugit velut umbra, et nunquam in eodem statu permanet*<sup>1</sup>. Ipse denique hominis sæculique auctor, quamdiu in terris visus est, et cum hominibus conversatus est, nunquam<sup>2</sup> stetit. Et quidem, teste Scriptura, *pertransiit benefacendo et sanando omnes*<sup>3</sup>. Pertransiit autem, sicut non infructuose, ita non remisse, non pigre, non lento gressu; sed, quemadmodum item de ipso scriptum est, *Exsultavit ut gigas ad currentem viam*<sup>4</sup>. Porro currentem non apprehendit, qui et ipse pariter non currit. Et quid prodest Christum sequi, si non contingat consequi? Ideo Paulus aiebat: *Sic currite ut comprehendatis*<sup>5</sup>. Ibi tu, christiane, lige tui cursus profectusque metam, ubi Christus posnit suam. *Factus est, inquit, obediens usque ad mortem*<sup>6</sup>. Quantumlibet ergo cucurreris, si usque ad mortem non perveneris, bravium non apprehendis. C Bravium Christus est. Quod si illo currente tu gradum sis; non Christo appropias, sed te magis elongas: timendumque tibi est, quod ait David, *Ecce qui elongant se a te, Domine, peribunt*<sup>7</sup>. Itaque si proficere currere est: ubi proficere, ibi et currere desinis; ubi vero<sup>b</sup> non currere, ibi et deficere incipis. Hinc plane colligitur quia nolle proficere, nonnisi deficere est.

5. Vidit scalam Jacob, et in scala angelos, ubi nullus residens, nullus subsistens apparuit; sed vel ascendere, vel descendere videbantur universi<sup>8</sup>: quatenus palam daretur intelligi, inter profectum et defectum in hoc statu mortalitatis vitæ nihil medium inveniri: sed quomodo ipsum corpus nostrum continue aut crescere constat, aut decrescere; sic necesse sit et spiritum aut proficere semper, aut deficere. Interest tamen, quod nequaquam juxta ordinem corporalium vicissitudinum etiam spiritus sua vel incrementa capit, vel patitur detrimenta. Nam

semper in robusto et vegeto corpore animus mollior atque tepidior jacet; et rursum in corpore debili et infirmo fortior viget promptiorque spiritus. Quod se utique in se expertum contestans Apostolus, *Quando infirmor, inquit, tunc fortior sum*. Sed et libenter gloriatur in infirmitatibus suis, *Ut inhabitet in me, ait, virtus Christi*<sup>9</sup>.

6. Quod quidem sic astruimus exemplis, ut probemus et oculis, dum in te, pater, manifestum sit nobis quod dicitur: *cujus quippe etsi homo exterior corrumpitur, sed interior renovatur de die in diem*<sup>10</sup>. Unde etenim tantus ardor innovandi Ordinis, nisi ex renovatione mentis? Sic bonus homo de bono thesauro suo profert bona<sup>11</sup>; sic arbor bona fructus bonos facit<sup>12</sup>. Primi et purissimi fructus tui. Sed quænam arbor hos protulit, nisi puritas cordis? Alioquin quando impurus animus tanto studio, Regulæ inquireret eligeretque puritatem? Nec de turbido fonte limpidus emanat rivus, nec de sordida mente munda cogitatio. Intus est procul dubio, intus est quod delectat: et ex illa plenitudine intrinseca erumpit totum, quod foris exuberat; atque in mente fulget, quod sic placet in opere.

7. Sequimini, filii, patrem: imitatores ejus estote, sicut et ipse Christi. Dicite, *In odore \* unguentorum tuorum curremus*<sup>13</sup>: siquidem bonus odor Christi est in omni loco<sup>14</sup>. Nam ut taceam de vobis, qui præsentibus cominus percipitis fragrantiam; tanta ad nos usque, qui longe absumus, ex studiis ejus bonis pervenit hujus suavissimæ respersionis ubertas, ut nobis certissime fiat odor vitæ ad vitam. Puto quod et in cælestibus jam persenserint odorem suavitatis, et quadam solito festiviori exultatione decantent, *Quæ est ista quæ ascendit per desertum, sicut virgula fumi, ex aromatibus myrrhæ et D thuris, et universi pulveris pigmentarii*<sup>15</sup>? et illud, *Emissiones tuæ paradisus malorum puni- corum cum pomorum fructibus*<sup>16</sup>. Quicumque inter vos hunc in cælis jubilum non audit, invidet: quisquis hunc non sentit odorem, ut omnium pace dixerim, putet.

<sup>1</sup> Job xiv, 2. — <sup>2</sup> Act. x, 38. — <sup>3</sup> Psal. xlviii, 6. — <sup>4</sup> I Cor. ix, 24. — <sup>5</sup> Philipp. ii, 8. — <sup>6</sup> Psal. lxxii, 27. — <sup>7</sup> Gen. xxviii, 12. — <sup>8</sup> II Cor. xii, 10, 9. — <sup>9</sup> Id. iv, 16. — <sup>10</sup> Matth. xi, 35. — <sup>11</sup> Id. vii, 17. — <sup>12</sup> Cantic. i, 3. — <sup>13</sup> II Cor. ii, 14. — <sup>14</sup> Cantic. iii, 6. — <sup>15</sup> Id. iv, 13.

<sup>a</sup> Alias, *numquid*. — <sup>b</sup> Alias, *ubi ergo*.

EPISTOLA CCLV.<sup>a</sup>AD LUDOVICUM REGEM FRANCORUM<sup>b</sup>.

Monet Regem, ne concilium hoc tempore Ecclesie et regno tam necessarium, ipsiusque regis honori cessurum, impediat.

LUDOVICO, Dei gratia excellentissimo regi Francorum, BERNARDUS Claræ-Vallis vocatus abbas, fidelis suus, salutem a Rege regum, et Domino dominantium, ipsi, et dilectæ ejus, et filiis ejus.

1. Regna terræ et jura regnorum tunc sane sana suis dominis atque illæsa persistunt, si divinis ordinationibus ac dispositionibus non resistunt. Cur, domine, irascitur furor tuus contra Dei electum, quem tua quoque sublimitas suscepit, et prælegit, tibi quidem in patrem, filio autem tuo etiam in Samuelem? Armatur regia indignatio, non plane in extraneos, sed in semetipsam et suos. Non mirum si, juxta Scripturam, *Ira viri justitiam Dei non operatur*<sup>c</sup>; quæ propriæ quoque utilitatis, sed dignitatis, sed salutis facit sæpe ut nec manifestum omnibus advertas periculum, sentias damnum. Colligitur concilium<sup>e</sup>. Quid in hoc detrahitur regiae gloriæ, regni utilitatibus? Ibi universæ Ecclesiæ commendabitur ac rememorabitur excellentiæ vestræ prompta et specialis devotio, quod regum primus, aut certe inter primos, rabiei persequentium eandem matrem vestram strenuissime et christianissime defendendo obviastis. Ibi gloriose ab ingenti illa multitudine debitorum gratiæ referentur vobis: ibi a millibus sanctorum orabitur pro vobis et vestris.

2. Alias autem quam sit hoc tempore necessarius conventus episcoporum, nullus ignorat, nisi qui durus corde matris Ecclesiæ angustias non attendit. At calor, iniquiunt, nimius est.

<sup>256</sup> Quasi nos glacialia corpora habeamus. An corda A nobis magis congelata sunt, et nemo est qui, juxta prophetam, compatiatur super contritione Joseph<sup>2</sup>? Sed hæc alias. Nunc autem ego minimus in regno vestro, sed dignitate, non fidelitate, dico vobis, non expedit velle impedire tantum et tam necessarium bonum. Nec desunt evidentes causæ, quibus id manifestum facere possem, quas et nunc proferre in medium ad manum mihi est, nisi quod sat arbitror dictum sapienti. Tamen si quid ex apostolicæ auctoritatis rigore processit, unde se merito esse turbatam Celsitudinis vestræ serenitas arbitretur; qualiter hoc ipsum revocetur, aut temperetur, prout oportet ad honorem vestrum, fideles vestri qui aderunt<sup>d</sup>, totis viribus enitentur. Inter quos nos quoque, si quid possumus, non dissimulabimus.

EPISTOLA CCLVI.<sup>e</sup>

AD DOMINUM PAPAM EUGENIUM.

C Excitat Eugenium ad suppetias orientali Ecclesiæ ferendas; nec abjiciendum animum ob acceptam cladem in amissione civitatis Edessæ. Miratur vero se Carnoti in ducem belli electum.

1. Non est leve verbum quod sonuit: triste satis et grave est. Et cui triste? Imo cui non triste? Soli filii iræ iram non sentiunt, nec tristantur tristibus, sed lætantur et exsultant in rebus pessimis. De cætero communis tristitia est, quia communis est causa. Bene fecistis justissimum zelum nostræ gallicanæ Ecclesiæ collaudando, et corroborando auctoritate litterarumstrarum. Non est, dico vobis, in causa tam generali et tam gravi tepide agendum, sed ne timide quidem. Legi apud quemdam sapientem: « Non est vir fortis, cui non crescit animus in ipsa rerum difficultate<sup>3</sup>. » Ego autem dico, fideli homini magis et inter flagella fiden-

<sup>1</sup> Jacobi 1, 20. — <sup>2</sup> Amos VI, 6. — <sup>3</sup> Seneca, in epist. 22, ad Lucillum.

<sup>a</sup> Scripta anno Christi 1134.

<sup>b</sup> Id est Grossum, quod intelligitur tum ex codicibus manuscriptis in quibus hæc epistola collocatur post epistolam 126 ad Episcopos Aquitanie; tum ex ipso contextu, cum dicitur filio suo elegisse Papam in Samuelem, quod de Innocentio II intelligendum, qui Ludovicum Juniorem Remis inunxit anno 1134.

<sup>c</sup> Pisanum intellige anno 1134 celebratum, ad quod Rex præsules Gallicanos accedere prohibebat obtenta caloris immodici. — <sup>d</sup> Alias, *adhærent*: inale. — <sup>e</sup> Scripta anno Christi 1146.

dum. Intraverunt aquæ usque ad animam Christi<sup>2,7</sup> quid potestatis, impendes. Singulare periculum sti, tacta est pupilla oculi ejus. Exserendus est A singularem exigit operam. Fundamentum con- nunc uterque gladius<sup>a</sup> in passione Domini, cutitur, et tanquam imminenti ruinæ totis est Christo denuo patiente, ubi et altera vice passus est. Per quem autem nisi per vos? Petri uterque est, alter suo nutu, alter sua manu, quoties necesse est, evaginandus. Et quidem de quo minus videbatur, de ipso ad Petrum dictum est: *Converte gladium tuum in vaginam*<sup>1</sup>. Ergo suus erat et ille, sed non sua manu utique educendus.

2. Tempus et opus esse existimo ambos educi in defensionem orientalis Ecclesiæ. Cujus locum tenetis, zelum negligere non debetis. Quale est B hoc, principatum tenere, et ministerium declinare? Vox clamantis: « Venio Jerosolymam » iterum crucifigi<sup>2</sup>. » Ad quam vocem etsi alii tepidi, alii et surdi sint; successori Petri dissimulare non licet. Loquetur et ipse, *Etsi omnes scandalizati fuerint, sed non ego*<sup>3</sup>; nec terrebatur damnis prioris exercitus, quibus magis resarciendis operam dabit. Numquid ideo non debet facere homo quod debet, quia Deus facit quod vult? Ego vero pro tantis malis, tanquam christianus et fidelis, meliora sperabo, et omne gaudium æstimabo, quod in varias tentationes incidimus<sup>4</sup>. Revera panem doloris comedimus, C et potati sumus vino compunctionis. Quid diffidis, amice sponsi, quasi non more suo vinum bonum servaverit usque adhuc benignus et sapiens sponsus? Quis scit si convertatur et ignoret Deus, et relinquat post se benedictionem<sup>5</sup>? Et certe sic operari, sic judicare superna divinitas solet: scienti loquor. Quando magna bona mortalibus provenerunt, quæ non magna prævenerint mala? Nam, ut cætera taceam, nonne illud unicum et singulare beneficium nostræ salutis præcessit mors Salvatoris?

3. Tu ergo, amice sponsi, amicum te in necessitate probato. Si triplici illo amore, de quo tuus interrogatus est prædecessor<sup>6</sup>, tu quoque toto corde, tota anima, tota virtute Christum diligis, ut oportet; nihil reservabis, nihil dissimulabis in tanto periculo sponsæ ejus: sed quidquid habes virium, quidquid zeli, quidquid sollicitudinis, quidquid auctoritatis, quid-

quid potestatis, impendes. Singulare periculum sti, tacta est pupilla oculi ejus. Exserendus est A singularem exigit operam. Fundamentum con- cutitur, et tanquam imminenti ruinæ totis est nisibus occurrendum. Et hæc propter vos, fidenter quidem, sed fideliter dicta.

4. De cætero verbum illud quod jam, ni fallor, audistis: quomodo videlicet in Carnutensi conventu<sup>b</sup> (quoniam judicio satis miror) me quasi in ducem et principem militiæ elegerunt: certum sit vobis nec consilii mei, nec voluntatis meæ fuisse vel esse; sed nec possibilitatis meæ (quantum metior vires meas) pervenire usque illuc. Quis sum ego, ut disponam castrorum acies, ut egrediar ante facies armatorum? aut quid tam remotum a professione mea, etiamsi vires suppetere, etiamsi peritia non deesset? Sed neque hoc meum est vestram docere sapientiam: nostis hæc omnia. Tantum obsecro per illam charitatem, qua mihi specialiter debitorum estis, ne me humanis voluntatibus exponatis; sed, sicut singulariter vobis incumbit, divinum consilium perquiratis; et operam detis, ut sicut fuerit voluntas in cælo, sic fiat.

## EPISTOLA CCLVII.<sup>c</sup>

AD EUNDEN, PRO FRATRE PHILIPPO.

1. Est negotium quod cæteris non miscemus\*, quoniam cæteris amplius tangit et angit nos, et eget singulari propriæ precis instantia. Philippus noster cum se exaltavit, humiliatus est: sed cum se humiliavit, non est exaltatus, quasi utrumque pariter Dominus non dixisset<sup>7</sup>. Rigor est, sed sine dispensatione; judicium, sed sine misericordia. Multi (quod negandum non est) D sic mensuraverunt: sed nullus ita sibi voluit mensurari. Si autem in qua mensura mensi fuerimus, remetietur nobis<sup>8</sup>; erit profecto judicium sine misericordia ei, qui non fecerit misericordiam. Capax est vester apostolatus rei utriusque, et zeli scilicet, et miserationis. Et honor quidem majestatis judicium diligit: sed

<sup>1</sup> Joan. xviii, 11. — <sup>2</sup> Egesippus, de Excid. lib. 3, cap. 2. — <sup>3</sup> Matth. xxvi, 33. — <sup>4</sup> Jacobi i, 2. — <sup>5</sup> Joel ii, 14. — <sup>6</sup> Joan. xxi, 15-17. — <sup>7</sup> Matth. xxiii, 12. — <sup>8</sup> Id. vii, 2.

<sup>a</sup> De duplici hoc gladio legis librum quantum de Consideratione, cap. 3, et Ad Milites Templi, cap. 2.

<sup>b</sup> De hoc conventu, qui anno 1146 coactus est, legendæ Petri Venerabilis et Sugerii epistolæ.

<sup>c</sup> Scripta anno Christi 1146.

absit, ut ad præjudicium mansuetudinis. Quam-<sup>258</sup>quam dispensator ille, cujus laus est in Evangelio, elegit potius fraudem facere suo domino, quam proximo non misereri. Denique pro centum nunc quidem octoginta, nunc vero quinquaginta redhibuit. Juste laudatus est, qui domino suo rerum maluit, quam personarum jacturam facere. Et quia dignus est qui sic operatur, mercede sua; uno tali opere quos ille retinuit servos, iste sibi fecit amicos<sup>1</sup>.

2. Quid facimus? Videtur intrasse causam, non porrigere precem. Non expedit ita. Si per-  
gimus ista dicere, judicium provocamus, non misericordiam. Nulla mihi fiducia in argumen-  
tationibus istis, non plus quam in telis aranea-  
rum. Frustra jacitur rete ante oculos pen-  
natorum<sup>2</sup>. Novi quam validiora valeant mihi  
responderi, præsertim a tali ingenio. Quam-  
obrem arma mea preces pauperum sunt, et  
abundamus in genere isto. His cedat necesse  
est machinis turris fortitudinis, etsi alias inex-  
pugnabilis. Non repellat pauperum preces pau-  
perum pater, paupertatis amator. Quinam isti?  
Non sum solus: et si solus, fortasse præsumere  
possem. Omnes filii vestri qui mecum sunt; et  
qui mecum non sunt, mecum tamen sunt in  
hac supplicatione. Quis numeret eos? Solus sane  
frater Philippus excipitur, qui nec postulat,  
nec petit postulari, et an velit, ignoro: magis,  
quod in se est, elegit abjectus esse in domo Dei  
sui. Sed nec nos quidem pro homine, sed pro  
Ordine postulamus, cui dispensationem in eo  
factam non parum profuturam confidimus.

## EPISTOLA CCLVIII.<sup>a</sup>

AD EUMDEM, PRO FRATRE RUALENO\*.

Rualenum, jussu Pontificis abbatem Sancti-Anastasio con-  
stitutum, sed invitum admodum ac renitentem, remitti  
ad se rogat.

In veritate comperimus, Rualenum nostrum  
nedum requiescere in quo positus est, sed nec  
aliquando requieturum confidimus. Quamobrem  
opus est maturato remedio, non solum illi, sed  
et mihi. Uror, dico vobis, quamdiu ille in scan-

dalo est. Nolite mirari hoc; una anima sumus,  
nisi quod ego mater, ille filius: nam patris in  
eo cessi vobis et nomen, et auctoritatem. Solus  
qui transfundi non potuit, mihi remansit affe-  
ctus, qui me excruciat. Mater autem non potest  
oblivisci filii uteri sui<sup>3</sup>. Id me fuisse quis dixe-  
rit? ego adhuc esse sentio. Clamat matrem pe-  
ctus triste, et continuus dolor cordis mei pro  
eo. Quæritis de quo querar? De me. De vobis  
nihil queror, sed vobis. Ego, ego sæva et pia  
mater propriis visceribus non peperci, ut casti-  
ficarem cor meum in obedientia charitatis. Im-  
molavi de sinu meo chari pignoris hostiam: et  
non in angaria, fateor, sed in voluntate mea  
parvi voluntati, quæ quos vult, angariat. At  
ille non ita. Renitebatur, quamvis frustra, plane  
angariatus tam a me, quam a vobis. Numquid  
ego timere potui tanta obstinatione semper re-  
nisurum? Pii cordis est cedere importunitati,  
quæ ad id quod oportet, adduci non patitur.  
Alioquin invitum tenere ad quod invitatus tractus  
est, durum pro illo, fructuosum nemini est.  
Porro occupare locum, et non facere fructum,  
nec loco expedit, nec vos decet, nec nos.  
« Nemo, » ut ait beatus Ambrosius, « invitatus  
» bene facit, etiam si bonum est quod facit:  
» quia nihil prodest spiritus timoris, ubi non  
» est spiritus charitatis<sup>4</sup>. » Obsecramus itaque  
per viscera misericordiæ Dei nostri, exhibete  
viscera patris; et infantem, dum adhuc vivit,  
remittite ad ubera matris, cujus fortassis hic  
totus languor est, quod sit præpropere abla-  
ctatus. Melius enim vivere sinitur, quam divi-  
ditur. Quæ utilitas in sanguine ejus? Unum  
scio: non patris, non matris illa vox erit, *Nec  
mihi, nec tibi sit, sed dividatur*<sup>5</sup>. Hoc vos forte  
non timetis, quia non creditis proventurum.  
Sed scriptitationes et mussitationes frequentis-  
sime venientes in manus nostras, plenæ sunt  
D timore isto, minitantes hominis fugam et divi-  
sionem, vel potius diruptionem, non modo a  
vobis, sed et a nobis.

<sup>1</sup> Luc. xvi, 1-8. — <sup>2</sup> Prov. i, 17. — <sup>3</sup> Isai. xlii, 15. — <sup>4</sup> Ambr. in Psal. i. — <sup>5</sup> III Reg. iii, 26.

<sup>a</sup> Scripta anno Christi 1145.

EPISTOLA CCLIX.<sup>a</sup>

AD EUNDEM.

Unde supra.

Se eadem velle, et eadem nolle cum Pontifice; adeoque Rualenum suum libenter sistere iubenti Pontifici ad abbatiam Sancti-Anastasio.

Etsi quid aliquando volui, quod velle me noluistis; mansuetudinis vestrae dignatio eo me provocat, ut quod vultis, non modo velim, sed et avidè velim. Placet vobis ut frater Rualenus abbas sit apud Sanctum-Anastasium? et mihi placuerat et ante: sed quia nimis ille nolebat, placitum in non placitum venit. Porro vestro beneplacito non connivente, rursum, ut justum est, non placitum in placitum redit. Experiri licet. Factum est quod praecepistis, non quia praecepistis, sed quia voluistis. Ex voluntate ergo, et non quasi ex tristitia, vel ex necessitate. Executio maturata mandati obedientiam probat: de voluntate stilus interrogetur. Si contentus forem mandatum facere, nonne juxta verbum Domini servus inutilis essem, solvens debitum? Nunc autem quia adjeci velle; jam non servus, sed filius.

EPISTOLA CCLX.<sup>b</sup>

AD RUALENUM ABBATEM.

Compatitur Rualeuo in demandata sibi praefectura, cui tandem acquiescendum monet.

Satis superque afflixit nos absentia tua, Rualene charissime: sed longe magis comperta tua tristitia turbati sumus. Etenim justius te, quam nostram de te desolationem seu destitutionem plangere nobis videtur. Et desolatio quidem non parum damnosa, et non parum molesta, nempe tam dulci filio, tam utili fratre, tam necessario adjutore. Verum quo verius ista de tua

<sup>a</sup>anabilitate memoramus, affectuosius compatimur merori tuo, pluris multo habentes tuum incommodum, et longe acrius ferentes, quam nostrum damnum. Denique non dissimulavimus, non quievimus, non siluimus, tentantes super hoc Deum pene usque ad irritandum summum et sanctum Pontificem, ut quomodocumque, vel cum nostro periculo te revocarem. Sed quia adhuc frustrati sumus in cunctis molitionibus et conatibus nostris; supernis tandem judiciis vel fatigati cedentes, et dantes potentiae manus, quoniam quod volumus non valeamus, id velle cogimur, quod possumus. Tu igitur, B frater charissime et desideratissime, confortare in Domino, et noli jam contra stimulum calcitrare: ne dum pungeris tu, plurimi qui te in Domino plurimum amant, pariter compungantur. Parce tibi et nobis, qui tui amore nec ipsi nobis pepercimus: magis autem induere fortitudine, confidens et sciens quia gaudium Domini fortitudo tua. Induere laetitia salutari, ut et nos de tua jucunditate laetantes, bilarem datorem diligenti Deo, tum pro tua pace, tum pro nostra consolatione laudes et gratias referamus.

## EPISTOLA CCLXI.

AD DOMINUM PAPAM EUGENIUM.

Abbatem Sancti-Urbani, ob susceptum militem Templi censuris subiectum, absolvi petit.

Unus de militibus Templi voluit monachari in Ordine nostro: nec defuerunt de nostris, qui ei in tali voluntate assentirent. Sed cum non auderent eum in suis claustris recipere, quoniam non licebat; occulte eum duxerunt ad quandam abbatiam, quae dicitur Vallis\*, mandantes et suggerentes abbati, ut nigrum habitum de alio Ordine monachorum faceret ei tradi; et sic eum reciperent, nostrumque illi darent. Et factum est ita. Res nobis innotuit, et per nos delata ad capitulum est. Capituli decreto frater ille foras missus est. At fratres de Templo minime hoc contenti, litteras nihilominus a vestra Majestate episcopo Catalaunensi

<sup>a</sup> Luc. xvii, 10.<sup>a</sup> Scripta anno Christi 1145. — <sup>b</sup> Scripta eodem anno.

attulerunt, quibus abbatem Sancti-Urbani (nam<sup>260</sup> debitorem vos fecit. Facite, inquam, etsi non is est qui militi habitum tradiderat) ab introitu A ecclesiæ suspenderet, donec se vestro conspectui præsentaret. Inde est quod abbas de Vallibus, quo rogante ille hoc fecit, nil mali suspicatus, compulsus est in magna anxietate animi fratrem latorem præsentium mittere ad pedes misericordiæ vestræ, ut qui per eum intricatus est, per eum expediatur: si tamen hoc tam ipse, quam etiam nos alii filii vestri, a vestra sancta Paternitate potuerimus promereri.

quia rogamini, certe quia jubemini. Itaque revertimini ad iudicium. Nec enim iustitiæ videtur esse, ut vir religiosus, et amicus noster et filius vester, abbas Caziacensis, quod juris est monasterii sui perdat propter verbum incaute a se inconsulteque prolatum, et absque ecclesiæ suæ assensu. Quanquam etsi illi verbo omnino pertinaciter adhæreat adversarius, utpote iustitiæ non confidens; justo, ut putamus, iudicio prædicto abbati non debet obesse: cum viri illi, in quorum conniventia<sup>b</sup> res posita est, non concordasse, sed potius dissensisse sciantur.

B Ex hoc credimus, quia non contristabitis nos, neque conturbabitis. Sic Deus lætificet animam vestram, sic vos ab omni perturbatione conservet, pater amande et honorande, et si omnibus servis Christi, sed nobis specialiter.

## EPISTOLA CCLXII.

AD EUNDEM PRO MONACHIS MOSOMENSIBUS\*.

Non possum deesse<sup>a</sup> domino Remensi in petitione sua, præsertim cum digna sit exauditu. Rogamus proinde, et omni instantia supplicamus pro pauperibus monachis Mosomensibus, ut ab oppressione quam sustinent, sicut per latorem præsentium nosse poteritis, citius liberentur, et ab eis injuriæ sive calumniæ malignantium in manu vestra valida propulsentur. Hoc enim est pro quo pauperes de longe miserunt clamantes ad vos. Jam quale responsum a vobis oporteat reportari, doceat vos amantium tam iustitia, quam paupertas; et præfati viri, qui pro eis intervenit, et vos non parum diligit, reverentia.

## EPISTOLA CCLXIV.\*

PETRI CLUNIACENSIS ABBATIS AD BERNARDUM ABBATEM.

Suum erga Bernardum desiderium indicat, et in solatium absentiae dilectum sibi Nicolaum mitti obnixè postulat.

Forti ac splendidæ monastici Ordinis, imo totius Ecclesiæ Dei columnæ, domino BERNARDO Claræ-Vallis abbati, PETRUS humilis Cluniacensis abbas, salutem quam repromisit Deus diligentibus se.

## EPISTOLA CCLXIII.

EPISCOPO SUESSIONENSI PRO ABBATE CAZIACENSI\*.

Porrexeram preces, cum possem forte jubere, et me putaveram exauditu. Sed quia comperi non ita esse, mihi videor non jam simpliciter fore communiterque petendum, sed clamandum in vociferatione: neque enim tenuiter seu æquanimiter fero repulsam, quam hactenus expertus non sum. Facite itaque quod debetis, facite quod soletis: nam consuetudo

Si liceret, si Dei dispositio non obstaret, si in hominis potestate esset via ejus; maluissem D charissimæ Beatitudini tuæ nexu indissolubili adhærere, quam principari inter mortales alicubi, vel regnare. Quid enim? nonne regnis omnibus terrenis præferri a me deberet grata non solum hominibus, sed et Angelis ipsis cohabitatio tua? Concivem te illorum si dixerò, licet nondum spes in rem transierit, per misericordis Dei gratiam mendax non ero. Si plane mihi datum fuisset usque ad ultimum spiritum tecum hic esse, daretur fortassis posthac et ubi esses etiam perpetuo esse. Quo enim currem

<sup>a</sup> Alias additur, *denuo*. — <sup>b</sup> Id est, arbitrio. — <sup>c</sup> Scripta anno Christi 1149.

nisi post te, tractus odore unguentorum tuo-  
rum a te? Quod quia semper non datur, uti-  
nam vel sæpe daretur! Et quia nec illud est,  
utinam saltem frequenter videam missos a te!  
Et hoc quoque quia raro contingit, volo ut vel  
in proximo Sanctitas tua amantem se per suum  
Nicolaum<sup>a</sup> usque ad Octavas Domini mecum  
mansurum visitet, in quo tuus, ut mihi vide-  
tur, ex parte et meus ex toto spiritus requiescit.  
Videbo te, sancte frater, in illo: audiam te per  
illum, et quædam, quæ secreto nota fieri volo  
sapientiæ tuæ, mandabo per ipsum. Sanctæ  
animæ tuæ, sanctisque sub regimine tuo omni-  
potenti Domino servientibus, me nostrosque,  
quantis possum precibus, quanta possum de-  
votione commendo.

## EPISTOLA CCLXV.<sup>b</sup>

RESRIPTUM BERNARDI ABBATIS AD EUNDEM.

Laudari detrectat, velut indignus: vicissim tamen laudes  
præconi suo rependit.

Quid facis, o bone vir? Laudas peccatorem,  
miserum beatificas! Restat ut ores, ne inducar  
in errorem. Inducor autem, si tantis delectatus  
præconiis, ignorare me cæpero. Propemodam  
id mihi contigerat visis litteris Beatitudinis tuæ,  
et beatificationis meæ. Quam beatus nunc es-  
sem, si verbis beari possem! Beatum tamen me  
dixerim, sed favore tuo, non meis laudibus.  
Beatum, quod diligo a te, quod diligo te.  
Quanquam et hæc mihi, dulcem licet, buccel-  
lam liquandam arbitror, nec omnino plenis,  
ut aiunt, buccis admittendam. Miraris cur hoc?  
Nempe non video in me, unde tantum dili-  
gi mererim, præsertim a tanto. Scio autem quia  
plus justo velle diligi, minus est a justo. Quis  
mihi det tantæ humilitatis insigne tam imitari  
posse, quam admirari? Quis mihi tribuat sancta  
et desiderata præsentia tua, non dico semper,  
non dico sæpe, sed vel semel in anno frui?  
Puto quia nulla vice reverterer vacuus. Non,  
inquam, frustra conspicerem virtutis exemplar,

disciplinæ summam, speculum sanctitatis:  
A quodque minus usque adhuc a Christo didicisse  
me fateor, non incassum fide oculata perciperem,  
quam sis et tu mitis, et humilis corde.  
Verum si tibi pergo facere, quod a te mihi fa-  
ctum queror; etsi veritatem dicam, veritatis  
tamen legi non concordabo, in qua legitur:  
*Quod tibi non vis fieri, alii ne feceris*<sup>c</sup>. Itaque  
jam respondeamus petitiuncule vestræ, qua  
epistolam conclusistis. Is quem mitti vobis ju-  
betis, modo mecum non est, sed cum domino  
Autissiodorensi; et ita infirmus, ut sine nimio  
incommodo nec ad nos usque posse adhuc ve-  
B nire dicatur.

## EPISTOLA CCLXVI.<sup>c</sup>

AD SUGERIUM ABBATEM SANCTI-DIONYSII\*.

Animat eum, ut mortem intrepidus excipiat. Desiderium  
suum ejus ante mortem visendi significat.

Charissimo et intimo amico suo SUGERIO, Dei  
C gratia abbati Sancti-Dionysii, frater BERNAR-  
DUS, gloriam quæ ab intus est, et gratiam quæ  
desuper venit.

1. Homo Dei, ne trepides exuere hominem  
illum qui de terra est, illum qui te deprimit  
usque ad terram, et conatur deprimere usque  
ad inferos. Iste est qui vexat, qui onerat, qui  
oppugnat. Quid tibi et terrenis exuviis, qui ad  
cælum iturus, stola gloriæ mox indui habes?  
Præsto est, sed vestito non dabitur: vestire  
novit illa, non supervestire. Sustine ergo pa-  
tienter, imo libenter accipe nudus et non vesti-  
tus inveniri. Denique et Deus ipse vult vestiri:  
sed cum nudus, non cum vestitus est. Homo  
Dei non revertetur ad Deum, nisi is qui de  
terra est et terra est, in terram ierit. Hi enim  
duo homines sibi invicem adversantur, nec erit  
pax, donec ab invicem separentur: et si pax  
fuerit, non erit pax Domini, non erit pax cum  
Domino. Non es tu de illis qui dicunt: *Pax, et  
non est pax*<sup>2</sup>. Te exspectat pax illa, quæ exsu-

<sup>a</sup> Tob. iv, 16. — <sup>2</sup> Ezech. xlii, 10.

<sup>b</sup> Vide epistolam 298, et Petri Venerabilis librum 3, epist. 33-35.

<sup>c</sup> Scripta anno Christi 1149. — <sup>e</sup> Scripta anno Christi 1151.



perat omnem sensum; te expectant justī do-<sup>265</sup> nec retribuat tibi; te expectat gaudium Do-  
mini tui.

2. Et ego quidem, charissime, vehementer afficior ante videre te, ut benedictio morituri veniat super me. Et quoniam non est in homine via ejus, non audeo, unde certus non sum, pro certo polliceri: sed quod nondum video, quomodo possim, satis ago ut possim. Forte veniam, forte non veniam. Sed quodlibet horum sit; dilexi a principio, diligam sine fine. Fidenter dico, non possum perdere sic dilectum usque in finem. Non mihi perit, sed præit, ejus animæ mea adhæsit glutino quod non dissipabitur, et vinculo quod non dirumpetur. Tantum memento nostri cum perveneris, quo nos prævenis: ut et nobis cito detur venire post te, et ad te pervenire. Interim tamen nullatenus putes quod tua dulcis memoria recedat a nostra, etsi præsentia dolentibus subtrahatur. Quamquam potens est Deus te adhuc nobis donare rogantibus, servare indigentibus: quod utique non est diffidendum.

## EPISTOLA CCLXVII.

ABBATI CLUNIACENSI.

Filius vester frater Galchernus, factus est et noster, secundum regulam illam: *Omnia mea tua sunt, et tua mea*<sup>1</sup>. Non sit minus familiaris, quia communis: sed si est quod possit alia gratia, sit familiarior atque acceptior, ut mihi, quia vester est; sic vobis, quia noster est.

## EPISTOLA CCLXVIII.

AD DOMINUM PAPAM EUGENIUM.

Monet promotionem ejusdam indigni subreptitæ factam, adeoque revocandam sententiam.

Alii vereantur majestatem in vobis, et tremulis labiis ac digitis quod ad rem pertinet, vix

ad id unquam longis ambagibus anfractibusque perveniant. Ego certe utilitatem vestram et honorem vestrum tantummodo attendens, rem, ut est, nude et aperte illico aperio; et sine cunctatione et obvolutione, tanquam uni nostrum, Apostolico, quod opus est, intimare non vereor. Subreptum est vobis, et graviter: quod non dubius affirmaverim. Quis vobis suggestit hominem de ambitione notatum, convictum, condemnatum, ad ecclesiasticam cogere dignitatem? Quasi non satis per se ipse se ingerere voluisset. Nonne is est, quem sanctæ memoriæ Lambertus episcopus \* deprehensum in maleficiis detestandis, quæ ipse stimulante ambitione perpetrarat, non solum a gradu, in quo erat, sed a spe totius promotionis solemniter, ut debuit, degradavit? Non est nisi revocare sententiam, et propter anxietatem sanctorum fratrum de Corona, qui pro hoc clamant ad vos, et ob reverentiam episcopi sancti et docti, qui in hac re auctor exstitit: sed et propter conscientiam, conscientiam dico vestram, non alterius. Unum restat, ut hoc et pro mea conscientia inferam: *Irascimini, et nolite peccare*<sup>2</sup>. Peccatis enim, si non irascimini tanti suggestori mendacii, tam indignæ sententiæ subreptori.

## EPISTOLA CCLXIX.

AD EUNDEM.

Litteris a se per dolum extortis robur et auctoritatem derogat.

Serpens decepit me. Homo versipellis et versutus, justitiæ inops, audientiæ fugitans, propriæ conscientiæ inimicus, fraternæ incubans injuriæ, nescienti mihi litteras pro se per dominum Belvacensem<sup>a</sup> elicit. Quid enim ille a me non obtineret? Si non vultis ultra modum onerare conscientiam meam, nil lucretur subreptione dolosus, nec de litteris nostris opprimat innocentes. Quamquam ne hoc quidem mihi satis fuerit, nisi et pœnam portet quam meruit subreptor malignissimus, et avarissimus exactor.

<sup>1</sup> Joan. xvii, 10. — <sup>2</sup> Psal. iv, 5.

<sup>a</sup> Arnulfus de Maiole, ut puto, de quo in epistola 278.

EPISTOLA CCLXX.<sup>a</sup>

AD EUMDEM.

Scribit in causa Prioris Cartusiani contra transgressores quosdam. Mortem abbatis Cisterciensis nuntiat, et successorem commendat.

1. Qui tentant nos, non dormitant, neque dormiunt. Quomodo nunc de novo persecuti sunt in montibus, insidiati sunt in deserto? Cartusienses turbati sunt\*: turbati sunt et moti sunt sicut ebrius, et propemodum omnis sapientia eorum devorata est. Scias, domine mi: inimicus homo hoc fecit. Quid dico, fecit? et adhuc facit. Adhuc fiduciam habet, ut et illa sanctitas influat in os ejus. Esca ejus electa: nosti optime. Quosdam jam prævaricatores constituit: alios, quos per se expugnare non poterat, per illos impugnat bello domestico et intestino. Ab ipsa fundatione loci et Ordinis non est auditum, ut quis exiens, sine satisfactione reciperetur. Qui male exierant, pejus reintraverunt, addentes prævaricationem. Quid putas, Pater sancte, illi facturi sunt, quorum egressio in transgressione, regressio in superbia est? Et nunc superbia eorum ascendit semper<sup>1</sup>. Exsultant in re pessima quam egerunt, insultant injuriam patientibus. Vicere, triumphant: Prior jam non est Prior. Dum superbit impius, incenditur pauper. Exire etiam vult: non potest videre destructionem Ordinis sui. Et jam exisset, si solus exire potuisset. Qui Prior necesse est ut bonus sit: nam quorum innititur consilio, audivimus a bonis bonos esse.

2. Videsne, clementissime Pater, quantum D subreptum sit tibi? Nihilne dignum recipiet subreptionis auctor? Si bene te novi, portabit judicium quicumque est ille. Venerunt ad te in vestimentis ovium, in habitu sancto; species decepit te. Quid mirum? et tu homo es. Sed jam prodita in lucem fraude, exsurgat zelus, et partes suas viriliter exsequatur adversus malignantes. Non veniat anima tua in consilium

<sup>264</sup> eorum: dissipetur consilium Achitophel. Te ipsum custodi. Non est parvis periculi scientiæ subripi, et zelum dormire. Illud excusat ignorantia, hoc negligentia inexcusabile facit. Forte ascendat ex adverso, et aliud persuadere conetur. Mentiatur iniquitas sibi, et non domino meo. Nam hæc veritas; et res sic se habet. Nil vero jucundius, nil justius in judiciis vestris, quam cum se istiusmodi occasio præbet, si qui nocere voluit, cadat ipse in foveam quam fecit, et convertatur dolor ejus in caput ejus, et in verticem ipsius iniquitas ejus descendat<sup>2</sup>. Zelus Domini mei faciet hoc. Et priorabitur iterum, ut confido, qui Prior fuit: ut non gloriatur omnis iniquitas. Alioquin (quod non frustra timemus) nisi Prior restituatur in gradu suo, Ordo non diu erit in statu suo. Inspiret Deus vobis paterne accipere ista, et respondere bona ad nostram omnium consolationem, qui valde desolati sumus, et afflicti super vires.

3. Dominus Cisterciensis<sup>b</sup> deseruit nos: plaga magna in Ordine. Mihi vero duplex incumbit mœroris ratio, qui in uno homine et patrem amisi, et filium. Et nunc habemus pro eo dominum Gozvinum Bonæ-Vallis abbatem. Sit beneplaciti vestri confortare eum litteris apostolicis, et quod de eo factum est, vestro roborare favore. Nostis eum, et non est ei apud vos opus commendatore, quem satis commendat vita sua, et sapientia sibi data a Deo. Dominus Valentinus<sup>c</sup> convalet: et nbi valet, operatur bona. Propterea amatores boni diligunt eum, et ipse diligit bonos. In hoc apparet quia bonus est. Vestrum est tales diligere et fovere. Puer vester plus solito infirmatur: guttatim defluit, forte minime dignus qui occidatur semel, et cito ingrediatur ad vitam.

<sup>1</sup> Psal. LXXIII, 23. — <sup>2</sup> Psal. VII, 16, 17.

<sup>a</sup> Scripta anno Christi 1151.

<sup>b</sup> Rainaldus, ejus obitus contigit anno 1151. Gozvinum ex abbate Bonæ-Vallis successorem habuit.

<sup>c</sup> Oribertus ex Priore Casæ-Dei, de ejus electione epist. 249.

EPISTOLA CCLXXI.<sup>a</sup>AD COMITEM CAMPANIE THEOBALDUM <sup>b</sup>.

Monet filium ob minusculam ætatem ad dignitates ecclesiasticas non esse promovendum.

Scitis quia diligo vos : sed quantum, novit Deus melius quam vos. Me quoque diligi a vobis non dubito, sed propter Deum : quem si offendero, non erit quod me diligere debeatis, cum jam non fuerit in causa Deus. Quis enim ego sum, ut de me tantillo tantus princeps curetis, nisi quamdiu Deum in me esse creditis? Ergo ut offendam eum, fortassis nec vobis expedit. Offendo autem procul dubio, si facio quod requiritis. Nam honores et dignitates ecclesiasticas non ignoro deberi his, qui eas digne secundum Deum administrare et velint, et possint. Porro eas acquiri parvulo filio vestro precibus meis, vel vestris, nec vobis justum, nec mihi tutum esse noveritis\*. Nam nec cuiquam, vel adulto, plures in pluribus ecclesiis habere licet, nisi dispensatorie quidem, ob magnam vel Ecclesiæ necessitatem, vel personarum utilitatem. Quamobrem si vobis videtur hic durus sermo, et placet quod cogitastis implere; parcite mihi in hoc : nam vos satis, ni fallor, per vos et per alios amicos vestros istud obtinere potestis. Ita nec vos minus quod vultis, efficiatis; nec ego peccavi. Sane Willelmulo nostro\* cupio bene per omnia : sed ante omnia Deum. Hinc est quod contra Deum nolo aliquid habeat, ne non habeat Deum. Quod si alius secus voluerit, nolo per me habeat, ne perdam et ego Deum. Ubi vero emergerit quod secundum Deum habere possit, probabo me amicum; et operam meam, si opus fuerit, non negabo. Apud amatorem justitiæ in excusando eo quod pro justitia est, non multum mihi laborandum. Vos autem apud Comitissam\* per ea quæ vobis rescripsi, habete me excusatum. Valet.

<sup>a</sup> Scripta anno Christi 1151. — <sup>b</sup> Vide epistolam 37 et sequentem.

<sup>c</sup> Scripta anno Christi 1152. — <sup>d</sup> Antehac epistola 384. Scripta anno Christi 1150. — <sup>e</sup> Scilicet Gosvino abbati quinto Cistercii.

EPISTOLA CCLXXII.<sup>c</sup>

EPISCOPO LAUDUNENSI\*.

Commonet eum piæ liberalitatis.

Vestri sumus. Si hoc scitis, imo quia non ignoratis; lator præsentium per nos vobis, et per vos aliis omnibus, quos offendisse videtur, efficaciter firmiterque reconcilietur. Alioquin offenditis, quem vestrum non negatis : quod omnino facere non audentis. Ex quo episcopari cepistis, nullam a vobis adhuc benedictionem accepimus; neque sacculum, neque peram, neque calceamenta in pedibus.

## EUGENII PAPÆ EPISTOLA

AD CAPITULUM CISTERCIENSE,

epistolæ CCLXXXIII præmissa <sup>d</sup>.

Capitulo Cistercii habendo se cupere interesse, si per occupationes pontificias liceret. Hortatur ad studium et zelum disciplinæ et perfectionis religiosæ in Capitulo promovendum.

EUGENIUS episcopus, servus servorum Dei, dilectis filiis G<sup>e</sup>. Cisterciensi, et universis abbatibus apud Cistercium in nomine Domini congregatis, salutem et apostolicam benedictionem.

1. Optaremus, filii dilectissimi, corporali præsentia sacro vestro interesse collegio, unde sicut vobiscum in unitate sancti Spiritus ambulamus, ita de vivificatione sancti Spiritus et progressionibus animæ præsentia et communiter tractaremus. Quia vero ex divinæ dispositionis arbitrio in medio pelagi ad regendam navim Ecclesiæ constituti, circum sævientium

procellarum inundatione contundimur, ut non<sup>266</sup> quod volumus, sed quod nolumus, faciamus; A et susceptæ administrationis officio alligamur, unde ad optatum locum gressum flectere non possumus: per spiritum et litteras nostras vobis præsentiam exhibemus, et, quatenus permittitur, charitate ac desiderio vestro nos conventui præsentamus; cupientes quidem, et quanto possumus affectu rogantes, ut et vos conjunctum nobis vestrum spiritum habeatis, et in communi super nos omnipotentis Dei gratiam propensius imploretis. In montis siquidem vertice constituti, ubi undique ventorum flatibus propulsamur, speramus nos ex Dei B dono aliquatenus in tanto turbine posse subsistere, si orationum vestrarum interventum apud Deum meruerimus obtinere. Ut autem apud eum de orationibus vestris promptam semper valeamus invenire fiduciam, et quod nostris meritis non valemus, vestris intercessionibus assequamur: optamus charitatem vestram de his quæ ad Deum sunt, de observantia Ordinis, de custodia disciplinæ, ita semper fore sollicitam, et contemptis quæ retro sunt, ita se in anteriora unumquemque vestrum extendere, ut nulla nubes in operibus vestris appareat, quæ orationes vestras, quominus C ad Deum penetrent, valeat aliquando præpedire.

2. Quoties itaque, filii dilectissimi, convenitis in unum, de corrigendis quæ in aliquibus vestram corrigenda sunt, et statuendis quæ ad animarum salutem et profectum Ordinis fuerint statuenda, communem curam habete, quoniam qui modica spernit, paulatim decedit<sup>1</sup>; nec ea quæ minora videntur in vobis, incorrecta relinquit. Inutiliter enim portas civitatis observat<sup>2</sup>, qui vel unum foramen, unde ingrediantur, hostibus relinquit apertum, dicente scriptura, « Idem facit sentina neglecta, quod ventus D » irruens: » et, « Vitasti grandia; vide ne » obruaris arena. » Respicite, quæso, ad veteres patres, qui nostrum sacrum Ordinem statuerunt; et considerate, qualiter relicto mundo, et contemptis omnibus, mortuis mortuos suos sepelire dimissis, ad solitudinem volaverunt, unde aliis circa frequens ministerium satagentibus, ipsi ad pedes Jesu cum Maria sederunt<sup>3</sup>, ut tanto uberius cæleste manna perciperent,

quanto longius ab Ægypto discessissent. Ipsi quidem egressi sunt de terra et de cognatione sua; obliti sunt populum suum, et domum patris sui: et quoniam Rex eorum speciem concupivit, crescere fecit eos in gentem magnam, et usque ad extremum terræ propagines eorum extendit, ita quod splendor claritatis eorum universum corpus Ecclesiæ illustravit; et Sareptana mulier ad eorum vocem innumera vasa de modico oleo, quod habuerat in lecytho, replevit<sup>3</sup>. Sane illi primitias Spiritus acceperunt, et olcum suavitatis eorum ad nos usque defluxit.

3. Unde cogitandum vobis est attentius et agendum, ut non degeneretis de eorum virtutibus, sed quales fuistis in germine, sitis etiam in virgulto: et qui ex eis vitæ semina suscepistis, idem cum eis germen afferatis, et fructum. Intuemini, qualiter illi, quorum lampades extinguuntur, de oleo vestro exoptant accipere; et multi, qui computruerunt sicut jumenta in stercore suo, ad respectum supernæ gratiæ regimini vestro committi, et orationibus desiderant commendari. Et quoniam filii sæculi hujus vos renitentes etiam ad regimen sui trahere moliantur, et de quiete contemplationis et deserti silentio volunt vos aliquoties ad occupationes et negotia revocare; ad mentis oculum patrum vestrorum instituta reducite, et propheticum habentes exemplum, eligite magis abjecti esse in domo Dei, quam habitare in tentoriis peccatorum<sup>4</sup>. Et quia nihil habetis quod non accepistis; de Domino in bonitate, de vobis autem in humilitate sentite, unde illius videamini vestigia sequi, qui ait: *Cum omnia bene feceritis, dicite, quia Servi inutiles sumus*<sup>5</sup>. Si enim genera linguarum, si gratiam sanitatum, si prophetandi scientiam accepistis; si verba vestra meliora sunt, imo fragrantiora unguentis optimis; si mundus reveretur vos, et in odore unguentorum vestrorum currere delectatur; ejus opus certum est esse, qui ait: *Pater meus usque modo operatur*<sup>6</sup>.

<sup>1</sup> Eccli. xix, 4. — <sup>2</sup> Luc. x, 39, 40. — <sup>3</sup> III Reg. xvii, 10-16. — <sup>4</sup> Psal. lxxxii, 11. — <sup>5</sup> Luc. xvii, 10. — <sup>6</sup> Joan. v, 17.

<sup>2</sup> Alias, observat.

EPISTOLA CCLXXIII.<sup>a</sup>

AD DOMINUM PAPAM EUGENIUM.

Laetatur ob litteras, zelo et affectu plenas, a Pontifice ad capitulum scriptas. Hortatur, ut ea sollicitudine pergat fovere omnes, sed præcipue sui Ordinis Religiosos. Abbatem Trium-Fontium a præfectura sua abstractum queritur.

Amantissimo patri et domino EUGENIO, Dei gratia summo Pontifici, frater BERNARDUS Claræ-Vallis vocatus abbas, modicum id quod est.

1. Vox turturis audita est in capitulo nostro: exsultavimus, et delectati sumus. Plane eloquium castum, fervidum zelo, cautum scientia. Spiritus vitæ spirabat in litteris, spiritus vehemens, intonans et increpan, et æmulans nos Dei æmulatione. Fateor, non facile dixerim quid me amplius delectarit in illis, vestra benignitas, an nostra utilitas; inclinata majestas, an erecta humilitas; mordens severitas, an mulcens paternitas. Qui in nobis quantulumcumque esuriebant justitiam, refectionem sunt; qui minus, compuncti sunt; qui minime\*, confusi sunt. Ita, quæso, ita jugiter faciatis. Sollicitudo quæ omnibus debetur, nullo modo his, quibus specialius debetur, subtrahenda est, sed propensius exhibenda. Charitas benigna est: dilatare se, non minorare novit. Colligat sane et alios, sed nobiscum: nec alienum a vestro apostolatu fovere ejusmodi, qui cum Apostolis loqui possunt: *Ecce nos reliquimus omnia, et secuti sumus te*<sup>1</sup>. Non sunt relinquendi, qui ipsi se reliquerunt. Pusilli Domini sunt, in ipsum credentes: non deseret eos fidelis servus et prudens, is præsertim cui credita universitas est. Nempe universitatis portio hi: et quidem pusillus grex, sed qui, ni fallor, meruerunt patrem habere Deum, accepturi coronam gloriæ de manu Domini, et diadema regni de manu Dei sui. Nec enim rapinam arbitrantur esse se

<sup>267</sup> hæredes Dei, cohæredes autem Christi. Denique audierunt: *Nolite timere, pusillus grex, quia complacuit Patri vestro dare vobis regnum*<sup>2</sup>. De his interim satis.

2. Abbas Trium-Fontium\* bene plantatus erat, utpote secus decursus aquarum. Vereor ego, ne arbor bona faciens fructum bonum, explantata faciat nullum. Vidimus interdum vitem in prima plantatione fecundam, in secunda sterilem. Vidimus lignum bene plantatum virescere, transplantatum arcescere. Graviter proinde vulnerastis cor meum, si non remittitis eum: quia sumus cor unum et anima una. Quamdiu divisum erit, necesse erit ut utraque pars suo sanguine cruentetur. Hen! omnis quod ambo vix portabamus, quomodo portabo solus, subducto baculo senectutis meæ? Si de me parum est, moveat vos totius Ordinis plaga non parva: et ne spe incerti boni, tam certa interim mala fieri velitis. Quod si omnino vobis in eo complacuit, ut retineatis eum; placeat, obsecro, commendatum habere ipsum, ac deinceps ad Deum levare manus, ut dignetur idoneum pro eo virum providere domui illi. De cætero super his quæ pro communi utilitate totius Ordinis, et pro aliis quoque negotiis eidem abbati dignum, imo et necessarium judicavimus ad vos perferenda committere, festinatum exposcimus. Benignitatis vestræ responsum; sed responsum facti, non verbi.

EPISTOLA CCLXXIV.<sup>b</sup>

AD HUGONEM ABBATEM TRIUM-FONTIUM, QUANDO ERAT ROMÆ.

D Pœnitet commendasse nepotem episcopi Autissiodorensis, improbens collatam illi præposituram.

Pœnitet me scripsisse pro juvene illo; et velim, si fieri possit, revocari precem, per quam videor approbasse judicium amici<sup>d</sup> super collata et male collocata ab eo præpositura, quod utique non facio, nec feci unquam. Sed vicit me, fateor, ut sic scriberem, dilectio

<sup>1</sup> Matth. XIX, 27. — <sup>2</sup> Luc. XII, 32.

<sup>a</sup> Scripta anno Christi 1150. — <sup>b</sup> Scripta anno Christi 1151.

<sup>c</sup> Alias, *Contra nepotem episcopi Autissiodorensis*. Alias, *Pro nepote episcopi Autissiodorensis*. Vide epistolam 276.

<sup>d</sup> Hugonis episcopi Autissiodorensis.

qua tenebar, vehementer astrictus avunculo<sup>268</sup> adolescentis, affectu grandi nimis, sed minus spirituali in hac parte. Urgebat maxime plaga recens de morte illius. Videar levitate usus : sed malo periclitari apud dominum meum præcipatione scribendi, quam apud Deum suspitione mendacii. Quamquam caute ac provide de prepositura scripsi, nihil ad ipsum; quod indubitanter scirem duos ut memini, prædecessores ejus ipsam aliter ordinasse, atque alias suo confirmasse privilegio. Tu autem si efficere potueris apud ipsum, ut Ecclesiæ privilegium, et privilegio efficaciam reddat, bonum opus operatus es. Utinam a nævo sanguinis hujus sanctum purgaret episcopum, et adolescenti in aliis provideret.

exstiterant, personis ecclesiæ, cantore, archidiacono, et, ut dicebatur, thesaurario : neque enim ipse præsens tunc adfuit. Porro in parte altera, præter alios inferioris ordinis, diaconos novem, et presbyteros undecim consentire. Duodecim, qui et archipresbyter est, pro neutra parte velle se subscribere, pro neutra scripsisse testabatur : quanquam priorem plus vellet. Sigillum Ecclesiæ præfatus Hugo tenebat<sup>b</sup>, homo non pacis, sed partis alienæ : nec consideravit in tradendo quod debuit, sed quod voluit. Sic se res habet. Et ego solita præsumptione unum infero : nec malitiam gloriari oportet, nec sapientiam decipi decet, nec Ecclesiam suspendi diutius expedit.

## EPISTOLA CCLXXV.<sup>a</sup>

AD DOMINUM PAPAM EUGENIUM, PRO AUTISSIODORENSI ELECTIONE.

De statu electionis Autissiodorensis, et fraude in ea commissæ Pontificem certiores facit.

Cum primum vobis pro Autissiodorensi Ecclesia scripsi, de prima audieram electione, de secunda nihil. Et ecce me veluti prophetante, opprobrium quod suspicatus sum, secutum est : et timor quem timebam, evenit. Mementote quomodo actum sit Nivernis\*, et videte si non simili arte, imo fraude non dissimili, eodemque auctore, ut aiunt, et nunc secunda electio præsumpta est : ut scilicet uno nominato duos ejiciant, et sic demum tertium, quem volunt, subinducant. Miserunt et isti ad me, ut pro sua parte scriberem, et visum est mihi mittere fratrem a latere meo, qui de utraque certius actione cognosceret, nosque certificaret. Qui intrans ecclesiam, et de omnibus diligenter explorans, testimonio omnium qui convenerant, invenit nullum presbyterorum, præter unum, fratrem scilicet ipsius fratris Gaufridi\*, Hugonem; nullum de diaconibus præter Stephanum solum, ex parte illa esse : exceptis his, qui auctores

## EPISTOLA CCLXXVI.<sup>c</sup>

AD EUNDEN, POST OBITUM EPISCOPI AUTISSIODORENSIS.

De irreligioso episcopi Autissiodorensis testamento, non sine fraude Stephani diaconi facto, monet Pontificem : illudque scandali causa irritari debere.

1. Adhuc suggero aliquid, quod ante non tacuissem, si ante mihi compertum fuisset, sicut nunc est. Adest homo qui peccare fecit Israel, sanctum loquor episcopum\* : qui cum in morte aliquantum stupidus esset et turbatus, iste eum fecit mori pene intestatum. Cum enim pauperibus et ecclesiis aut nihil, aut parum daret; nepoti suo carnali adolescentulo, sæculari inutili, totum pene quod acquisierat mense episcopali, Stephano suggerente et sollicitante, dimisit. Aiunt septem ecclesias, et decimas, et prata in propria silva episcopi; insuper, quod pudor est omni religioni, de mobilibus aureos suos, et proprias equitaturas; et, cum minus illæ sufficerent ad conficiendum iter, ut pro his firmandis ad vos veniret, jussisse tradi etiam monasterii equitaturas. Quanquam quidam existimant, episcopum donationes istas nescisse, sed Stephanum fecisse, et sigillasse quæ voluit : et credendum. Nemp

<sup>a</sup> Scripta anno Christi 1151.

<sup>b</sup> Hinc intelligitur, Ecclesiam Autissiodorensensem proprium sigillum ex tunc habuisse præter episcopale.

<sup>c</sup> Scripta anno Christi 1151.

et anno præterito in articulo, ut putabatur,<sup>269</sup> mortis positum, ecclesiam quamdam eidem nepoti donare fecerunt : quod donum postea convalescens, sicut certissime comperimus, fecisse se minime recognovit. Quis denique credat, virum sanctum, spirituales, si sapuit, si compos sui fuit, testamentum tale fecisse? Quis vel sæcularissimus hoc dixerit testamentum sacerdotis? Hæccine dispositio hominis sobrii et spiritualis, illius qui omnia dijudicat, et ipse a nemine iudicatur? A quo enim, si ita remanserit, sive in cœlo, sive in terra, iste non iudicabitur?

2. Tu ergo, serve Dei, qui tenes gladium B Petri, amputa confusionem opprobrii a religione, scandalum ab Ecclesia, crimen a persona, a spiritualium omnium, qui cum in spiritu et non carnaliter diligebant, et tuo ipsius corde amaritudinem et dolorem. Exsurge Phinees : sta et placa, ut sanetur quassatio. Sta, inquam, inflexibilis adversus carnem et sanguinem, quo ariete murum tuæ constantiæ filii hujus sæculi procul dubio concutere conabuntur. Vera pietas est in avunculum, si super hujusmodi exstiteris impius in nepotem.

3. Et hoc scitote, quod viros religiosos, decanum Sancti-Petri Autissiodorensis, et Priorem Sancti-Eusebii, tam pro se, quam pro abbate Sancti-Laurentii, ob primam Autissiodorensis Ecclesiæ electionem paratos venire ad vos, pars adversa per comitem Nivernensem\* detinuit, et deterruit ne venirent. Siquidem Comes ipse vocatis ad se denunciavit, ne se intromitterent, et minis gravissimis ac manifestis prohibuit eos : sicut Prior ipse a prædicto abbate suo et fratre suo carnali, et a decano missus ad nos propter hoc ipsum, confessus et conquestus est nobis, rogans etiam per nos hoc ipsum innotescere vobis. Dixi, et iterum dico : mementote quod factum est Nivernis. Ordinatissimum est, minus interdum ordinate aliquid fieri. Claves vestras, qui sanum sapiunt, alteram in discretionem, alteram in potestate constituunt.

## EPISTOLA CCLXXVII.<sup>a</sup>

AD EUMDEM, PRO ABBATE CLUNIACENSI\*.

Abbatem Cluniacensem benevole excipi, et honorifice tractari petit.

Stultum videtur scribere ad vos pro domino Cluniacensi, et ei quasi velle patrocinium ferre, quem omnes sibi patronum habere desiderant. Sed scribo, etsi non necessarie illi, satisfaciens tamen affectui : affectui dico meo, non alterius. Ipso enim, quia corpore non possum, prosequor amicum peregrinantem. Quis nos separabit? Nec altitudo Alpium, nec nivium frigora, nec longitudo itineris. Et nunc præsens sum, in litteris his assistens illi. Sine me poterit esse nusquam. Debitor sum dignationi ejus, per quam dignus habitus sum assumi in id gratiæ. Sed debito ipsa absolvit gratia, quia necessitas in voluntatem transiit. Honorate virum, ut vere honorabile membrum in Christi corpore. Vas est in honorem, ni fallor, plenum gratiæ et veritatis, refertum plurimis bonis. Remittite eum cum lætitia, quamplurimos sub reditu lætificaturum. Dignemini eum ampliori, ut dignum est, gratia, et ita ut de plenitudine ejus omnes, cum redierit, accipiamus. Sane si quid petierit in nomine Domini Jesu, non debet apud vos pati difficultatem. Nam si nescitis, iste est qui manus suas extendit ad pauperes Ordinis nostri : iste est, qui de possessionibus ecclesiæ suæ, quantum cum pace potest suorum, libenter frequenterque largitur ad victum. In nomine Jesu cur dixerim, audite. Si enim petierit (quod suspicor vereorque<sup>b</sup> dimitti a regimine monasterii<sup>b</sup>, quis illum noscens, in nomine Jesu petere putet? Fallor, si non solito timorator, si non se ipso melior factus sit, ex quo vidistis eum. Quanquam pene ab introitu suo in multis Ordinem illum meliorasse cognoscitur : verbi gratia, in observantia jejuniorum, silentii, indumentorum pretiosorum et curiosorum<sup>c</sup>.

<sup>a</sup> Scripta anno Christi 1146. — <sup>b</sup> Forsan cogitabat Petrus dimisso regimine ad S. Bernardum se recipere, ut quidem ipse profitetur supra in epistola 264.

<sup>c</sup> Hæc omnia testantur præclara ejus Statuta in Bibliotheca Cluniacensi. Confer Orderici librum decimum tertium ad annum 1132.

<sup>270</sup> Si non, timendum est tibi, ne hoc ipsum quod  
A videris habere honoris et potestatis, auferatur  
(quod absit) a te.

## EPISTOLA CCLXXVIII.<sup>a</sup>

AD EUNDEN, PRO EPISCOPO BELVACENSI \*.

Petitiones filii vestri episcopi Belvacensis quam dignæ sint exauditu, non est quod vos doceamus : ipsæ satis per se paternis visceribus vestris quod dignum et justum est, facile persuadebunt. Agimus tamen. Fovendus est devotus juvenis favore paterno : et zelus bonus, B quem pro sua Ecclesia gerit, non modo approbandus, sed et juvandus. Sic se ipso in dies devotior, ferventior, fortior fiet, cum vexationes et tribulationes, quæ nunquam desunt illi Ecclesiæ \* a malis hominibus, manu indeficientis auxilii vestri sibi senserit e regione levare. Petitionem fratris Arnulfi de Maiole petimus exaudiri. Magister G. (hoc nomen nuntio) dicet eam vobis. Sed et quod petit abbatissa de Paraclito\*, per ipsum, si dignamini, scire potestis; et facere, si dignum judicatis.

## EPISTOLA CCLXXIX.<sup>b</sup>

AD HENRICUM COMITEM<sup>c</sup>.

Comitem ob injuriam, a subditis ejus illatam, de restitutione in integrum compellat.

Abbas de Castellione\*, vir religiosus, Romanam proficiscens, in Dei et nostri custodia sua omnia dereliquit : et ecce ministeriales Simonis, homines de Belfort, abstulerunt porcos D eorum. Maluisse, dico vobis, ut nostros proprios rapuissent. A vobis requirimus illos. Ad hoc te constituit principem super terram Princeps regum terræ, ut sub eo et pro eo bonos foveas, malos coerceas, pauperes defendas, facias judicium injuriam patientibus. Si hæc facis, opus principis facis : et spes est ut tuum Deus dilatare et roborare debeat principatum.

## EPISTOLA CCLXXX.<sup>d</sup>

AD DOMINUM PAPAM EUGENIUM, PRO AUTISSIODO-  
RENSI NEGOTIO.

Queritur sententiam apostolicam in causa electionis Autissiodorensis, a se jussu Pontificis denuntiatam, contineri.

1. Bene facitis, frequenti et benigno exauditu tempus breve, quo hic sum, solando tædemptem, pusillanimum erigendo. Facitis, etsi non quod mereor ipse, certe quod vos decet. Non quod ad usum propriæ voluntatis tanta abuti benignitate delecter; paratus, teste conscientia, tam æquo accipere animo quod negare, quam quod præstare placuerit. Volo mihi geri morem, sicut et omnis homo; sed non quod justitiæ obviet, quod veritati præjudicet, quod vestræ denique displiceat voluntati. Hoc pro eo, ne me suspicemini aut non advertere beneficium, aut ingratum esse. Nunc quod res postulat, audiat Sanctitas vestra. Cum in me itur, levis jactura est, et quæ levare facili queat resarcitu. Ego plagis conscientiæ meæ nullum judico accommodatius medicamentum probis et contumeliis. Non est proinde quod pro me movear, homuncio omni opprobrio dignus et despectione. At si usque in christum Domini malignatio forte pervenerit, nutat, fateor, patientia, et omnis pene cedit mansuetudo. Numquid petivi a domino meo ordinari per me Ecclesias, disponi episcopatus, creari episcopos? Aptum videlicet instrumentum, formica plastrum trahens. Voluistis hominem promoveri; digne sane, ni fallor : in quem nimirum quid dicant, non inveniunt, ne hi quidem qui contra volunt.

2. Innotuit quibus oportuit mysterium bonæ voluntatis. Et mysterium quidem publicatum est, fructu vero usque adhuc et utilitate frau-

<sup>a</sup> Scripta anno Christi 1150. --- <sup>b</sup> Scripta anno Christi 1152.

<sup>c</sup> Is filius Theobaldi Magni Campaniæ comitis, ejus in dignitates successit anno 1151.

<sup>d</sup> Scripta circa annum 1152. Vide epistolas 270, 282.



damur. Quæritis qui fecit hoc? Homo pacis ve-  
stræ, in quo sperabatis. Homo, cui odio reli-  
gio, cui oneri sapientia, cui terrori iustitia est:  
qui domini sui non est veritus secretum pro-  
dere, evacuare decretum. Nec mirum qui se ta-  
lem aperire non est confusus: qui dum proprio  
concedit livori, etiam vestræ reverentiae non  
pepercit. Confusus sum ego: sed quæ cura?  
Non recuso confusionem, quam mihi obedi-  
entiæ zelus iniecit. A me quidem non transit cal-  
ix iste: sed per me plane usque ad vos per-  
transiit. In suggillatione, ne dicam depravatione  
datæ sententiæ, cui clarum non sit auctorem  
tangi potius, quam denunciatiorem? Cujus non  
potuit infamari persona, debuitne infirmari  
promotio\*? Unum est e duobus: aut stabit  
sermo, quem a vobis egressum testati sumus;  
aut nos mendaces reputabimur, sicut jam repu-  
tamur. Sed melius vestroque dignius apostola-  
tu, non gloriabitur in malitia qui potens fuit  
in iniquitate.

3. Obeditum tamen mandato ex parte est,  
et parte majori. Tribus commissum erat; uno  
contemne, duobus consentientibus, quid  
restat, nisi ut vox vestra suppleat quod minus  
est? Et quidem tute hoc. Non est quod timeatis  
a scandalo illorum de quibus Dominus dicit: C  
*Sinite illos; cæci sunt, et duces cæcorum*<sup>1</sup>. Quod  
reliquum est, lætabitur populus, lætabitur sa-  
nior pars cleri, etiam ipse lætabitur rex; læta-  
bitur denique omnis ecclesia sanctorum. Multa  
bona opera ostendistis sæculo nostro ex gratia  
quæ data est vobis: at nullum, ut arbitror,  
quod magis pro gloria vestra faciat, quam si  
sic feceritis. Testimonium perlubeo eis, quod  
multos de religione nominaverint, non reli-  
gione delectati, sed impotentia, qui non pos-  
sint malignitatem eorum coercere, qui vi vim  
repellere non sufficiant: ut quorum sanctita-  
tem non amant, non sit quod timeant potesta-  
tem. Comes Nivernensis vias patris non ambu-  
lat\*: adversatur tum huic, tum omni bono.  
Incubat terris bonisque Ecclesiarum, sicut leo  
paratus ad prædā. Paratus est recipere etiam  
Saracenum, aut quempiam ex Judæis, ut isto  
careat, quod solus sibi videatur, qui malitiæ et  
calliditati ejus resistere et norit, et possit. Inde  
est quod nonnullis clericorum minis et manife-  
stis gravaminibus, ut nobis ipsi confessi sunt,

<sup>1</sup> Matth. xv, 14. — <sup>2</sup> Prov. xxvii, 6.

<sup>a</sup> Eskili. Vide epistolam 390. — <sup>b</sup> Forte post mortem Guidonis cancellarii, ad quem epistola 367.

silentium impostuit, ne pars adversa de multi-  
tudine gloriatur.

4. Et, ut breviter quod sentio exprimam, si  
judicatur operæ pretium in illo episcopatu mo-  
nasteria pauperari, ecclesias conculari, reli-  
gioni illudi, ipsam episcopalem sedem, ejus  
præcipue facultatibus et possessionibus inhiat,  
in servitutem redigi; Regniacensis regnare nul-  
latenus permittatur\*. Ubi est etiam nunc spiri-  
tus ille, quem habuistis in negotio Eboracensi?  
Non sentiet illum, qui simile opus tentaverit?  
Ecce is, sicut accepimus, in spiritu illius venit,  
qui curiam adversum vos concitavit; si licue-  
rit, moliturus idipsum. De negotio domini Lun-  
densis<sup>a</sup> reducimus vobis ad memoriam. Causa  
dilationis sublata de medio, non est nisi ut fiat  
quod faciendum erat. Et hoc addiderim: habere  
bonum, justum, et bonæ famæ cancellarium<sup>b</sup>,  
apostolicæ dignitatis non modica pars est, apo-  
stolicæ administrationis non parvum adminicu-  
lum est, apostolicæ conscientiae non mediocris  
custodia est. Semper quidem notabilis constitu-  
tio pernicio: at post longam deliberationem,  
etiam turpis.

## EPISTOLA CCLXXXI.

ABBATI BRUNONI DE CHARA-VALLE\*.

Brunonem perturbate et imprudenter scribentem redar-  
guit.

Rectene irascere tu modo? Non, ut opinor.  
Convincunt te sermones tui, non dispositi in  
judicio, sed præcipitati in perturbatione. Nam  
judicium quidem tale est: Meliora sunt verbera  
amici, quam oscula inimici<sup>1</sup>. At ego sine causa  
vapulo, inquis. Esto: nihilominus tamen ver-  
bera verborum nostrorum amicabilem curam  
sonant. Parum dixi: paternam loquuntur sol-  
licitudinem. Itaque si culpam non habes, nihil  
te læsimus, propria excusatum conscientia: si  
habes, tibi potius irascendum, quam mihi fue-  
rat. Quereris quod tibi non credidi: quasi tu  
mibi inde aliquid locutus fueris. Esto: credidi  
querenti de te. Tibi quomodo aut credere potui,

aut decredere, qui dixeras nihil? Fac quod locutus es. Solve quod debes, quam ante poteris <sup>a</sup>, ne forte non modo inter nos, sed et de nobis scandalum oriatur. De nobis autem bene senti, bene de te sentientibus, et non decredentibus tibi, sicut perturbate loqueris, nesciens quid loquaris. Mea sunt verba, meum loquuntur affectum.

## EPISTOLA CCLXXXII.<sup>b</sup>

AD LUDOVICUM REGEM FRANCORUM JUNIOREM,  
PRO ELECTIONE AUTISSIORENSI.

Hortatur Regem, ne electo Autissiodorensi episcopo obsistat.

1. Volui ego unquam in aliquo imminui honorem Regis, dignitatem regni? Deus scit, nec vestra, ut confido, conscientia id vobis respondet. Videte ne illi magis contra vos faciant, qui electiones disturbant, ne sint in Ecclesiis qui serviant Regi, sed ipsis de Ecclesiarum redditibus serviatur. Ego, ego electioni Autissiodorensi interfui. Concors fuit, quia clerici qui antehac in partes dissilierant, sine contradictione nunc tandem Deo miserante conveniunt. Electum bene novimus : testimonium ei perhibemus, quoniam bonus est. Neminem prorsus arbitror affuisse illi celebritati, qui de assensu vestro dubitaret, cum jam idem assensus vestris litteris teneretur. Quis enim hoc vel cogitare posset repetendum alterum assensum, nec sufficere unum, praesertim ubi nulla ex tunc intervenit altera electio? Numquid quoties dissenserint clerici, toties erit requirendus favor Regis? Nec ratio, nec consuetudo hoc habet. Denique nuper, si recordamini, in Suessionensi Ecclesia quoties ad eligendum clerici convenerunt, quoties dissenserunt, et infecto negotio discesserunt? nec tamen existimo toties repetisse assensum vestrum, quem semel promeruerant.

2. Ita est, domine mi Rex : non est quod debeatis reprobare factas electiones, quibus ut fierent, semel vos assensisse constiterit. Sed sunt aliqui qui vos conturbant, et conturbare

<sup>272</sup> nituntur Ecclesias, sua lucra sectantes : quodque gravius est, summi Pontificis, et serenissimi Regis mutuum gratiam et amorem diabolico studio dirumpere molientes. Absit hoc; iudicium portabunt quicumque sunt illi, et Rex semper faciet quod bonus rex, sicut hactenus fecit. Itaque cito mandentur jucundiora, ne diutius sedeat in tristitia Ecclesia, tamdiu jam vexata et afflicta. De persona nulla subeat suspicio : aut ego nimium fallor, aut fidelis erit, et Regi beneplacitum super ea. Confido in Domino quia non contristabitis multitudinem sanctorum, qui sunt in illo episcopatu, nec me servum vestrum : qui, ut verum fatear, nihil aequè unquam a vobis molestum pertuli, quam si in hoc consilio (quod non eveniat) perstiteritis.

## EPISTOLA CCLXXXIII.<sup>c</sup>

AD DOMINUM PAPAM EUGENIUM, PRO FRATRIBUS  
DE MIRATORIO.

C In compositione quadam litis frustra laboratum : ideoque auctoritate apostolica opus esse.

Apud Cluniacum occurrimus Gigniacensibus\* spe pacis : pro qua laboratum multum, elaboratum nihil. Nam totum quatrduanum laborem nostrum sola demum secuta est ruina spei. Repetita est, juxta tenorem litterarumstrarum, damnorum resarcitio, restitutio ablatorum : sed incassum. Multum visum est ad eos, quia nocuerant multum : quippe ultra triginta millia solidorum computatio facta est amissorum : siquidem abbatia una ( ne per singula evagemur ) tota destructa est. Caeterum de tantis amissis multa dimittere parati fuimus, cum illi tam minimum obtulerint, ut venerabilis abbas Cluniacensis, qui affectuosius quam efficacius pro reformanda pace laborabat, nec dignum relatu iudicaret. Itaque non provenit compositio, quia reparatio tam ridicula offerebatur. Dicebant autem : Quidam maligni de nostris totum malum fecerunt. Quid ad nos? ipsi viderint. Atque id quoque ridiculum. Clarum erat in tota regione, per homi-

<sup>a</sup> Alias, quam cito poteris. — <sup>b</sup> Scripta anno Christi 1152. — <sup>c</sup> Scripta anno Christi 1150.

nes Ecclesiæ hoc grande facinus perpetratum; <sup>274</sup> runt: et, quod magis vereor, etiam usque ad monachos quoque adfuisse quosdam, consensisse A vos dicitur falsitas pervolasse \*. Hæc necessitate omnes. Nam qui contradiceret malefactoribus, abjecto illo, novello quod cernitis de novo utimur, continente et imaginem nostram, et nomen \*. Figuram aliam tanquam ex nostra parte jam non recipiatis, nisi forte pro episcopo Clari-Montis, cui sub altero sigillo litteras dedi, cum necdum istud haberem.

## EPISTOLA CCLXXXV. <sup>d</sup>

B

## EPISTOLA CCLXXXIV. <sup>a</sup>

AD DOMINUM PAPAM EUGENIUM, PRO REMENSI  
ARCHIEPISCOPO, ET ALIIS PERSONIS.

Dominus Remensis archiepiscopus <sup>b</sup> versatur in domo magni Patrisfamilias, tanquam vas in honorem. Si hoc scitis, servate honorem ejus, honorem Ecclesiæ ejus. Si bene novi virum, quo magis honorabitis eum, eo plus honorabitur Deus per illum, et in illo. Dominus Atrebatensis \*, homo simplex et rectus, et adhuc per- C manens in humilitate sua, non est opus ut per alium plus humilietur, ne perdat auctoritatem, ac per hoc et utilitatem. Hanc, si dignum ducitis, date ei vos, quia suo studio nunquam habebit: utpote sui magis, quod in se est, mediocritate contentus. Est qui adversatur et extollitur: is plane ut humilietur episcopo opus est, et eidem ipsi non minus. Superbis resistere, et humilibus dare gratiam, familiare est Domino vestro, et audistis eum dicentem: *Qui mihi ministrat, me sequatur* <sup>1</sup>. Abbas de Auvecurt \* bonus homo est; secundum bonitatem suam respondeatur ei. Exaudiatur pro necessitatibus D suis, et contra eum non audiatur apostata. Betuniensis decanus voluntate episcopi, et assensu advocati, bonam rem pro ecclesia sua in ecclesia eadem constituit: bonum est ut vestra auctoritate firmetur. Similiter et pro decanis Suessionensi et Cameracensi rogamus, ut dignæ preces eorum exaudiantur. Periclitati sumus in falsis fratribus, et multæ litteræ falsatæ sub falsato sigillo nostro in manus multorum exie-

AD EUNDDEM, PRO Odone ABBATE SANCTI-  
DIONYSII \*.

Abbatem Sancti-Dionysii Odonem commendat, et adversus suspectas aliorum criminationes, ex invidia et ambitione natas, tuetur.

1. Pro ecclesia Sancti-Dionysii, et pro persona Odonis abbatis, etsi nemo alius scriberet, ego scribere non dubitarem. Causa bona est, et neutra ex parte nutans: ecclesia nobilis, et abbas boni testimonii est. Illud orbi; hoc nobis, qui vicini sumus, notissimum est. Ad hæc et is, et illa specialis res vestra est. Pro his omnibus vel solus, ut dixi, si opus sit, scribere non confundor. Nunc vero tales mecum scribunt, quibus minime decredetur, etiam me non scribente. Ipsi sunt, quorum manus satis superque tractaverunt de verbo hoc. Ecce hi sciunt quid fecerit abbas; et quod sciunt, loquuntur. Secure prodeunt porrectæ a nobis preces pro eo, tam indubitatis fultæ testimoniis. Securus vestram sollicitudinem pro vestra ipsius proprietate sollicito et compello, nempe invasa nequiter, vexata atrociter. Rogo, obsecro, levate manum, extendite brachium, opponite scutum. Gladius Petri defendat patrimonium Petri.

2. Frustra quidam insurrexerunt in hominem, quem fama publica satis excusat, imo celebris commendat opinio. Boni videlicet filii, qui patris verecunda tam curiose scrutati sunt, nescio quæ incomperta omnibus crimina somniantes <sup>e</sup>. Stupent qui audiunt ad subitam et inopinatam criminationem. Erubescunt, quia nunquam dictus fuerat sermo hujusmodi de Odone. Sancti-

<sup>1</sup> Joan. XII, 26.

<sup>a</sup> Scripta circa annum 1151. — <sup>b</sup> Scilicet Samson.

<sup>c</sup> Vide epistolam 298. — <sup>d</sup> Scripta circa annum 1153. — <sup>e</sup> Vide epistolas sequentes.

Dionysii abbas nequaquam sub medio latet.<sup>272</sup> zelum abbatis in liberatione illorum, qui prius Super candelabrum stat : ut, etsi velit, non A possit dissimulare quod est. Et lumen ejus, ut fumus ejus, ab omnibus videatur necesse est. Numquid isti lynceos in eum oculos intenderunt, videntes quæ nemo adhuc videre alius potuit? Suspecta, fateor, mihi horum delatio est. Magis autem incredibilem reddit unus illorum, nomine Raymundus, qui, ut aiunt, caput est hujus attentatæ malitiæ; homo, ut comperi, palam loquax, clam susurro; anxie ambitiosus, adulatorie blandus; totus compositus ad fallendum, ad perturbandum non minus. Notavi sub pelle ovina lupum, ac certis designavi indiciis, B quo jam aut mordere non audeat, aut nocere non valeat.

## EPISTOLA CCLXXXVI.<sup>a</sup>

AD EUNDEM, PRO EODEM.

Si susurrations et subreptiones prævaluerint adversus abbatem Sancti-Dionysii, mundus ego sum a sanguine ejus, qui scripsi en alia vice C adversus malignantes. Veruntamen quam accusationem afferunt adversus hominem illum? An quod non inveniunt quod accusent? Et quomodo si recte isti eum accusant, excusatur a vicinis omnibus qui recto sunt corde? Accusatur quod debita multa fecerit, impignoraverit terras, dilapidaverit bona. Quasi hæc vel necessariis, vel justis ex causis non potuerint contigisse. Mandavit nobis de his universis conventus illius ecclesiæ, et per fidelem personam testatus est aliter, quam vobis dicta sunt, se habere. Veruntamen inquiratur; nam certius de his oculis, quam juramentum fidem faciet : et si D inventa fuerint quemadmodum isti malitiose componunt; quoquo modo acciderint, abbas non excusetur. Si non fuerint; delatores nihil de falsitate lucentur. Insimulant eum de morte hominis : si se purgare non potest, moriatur. Quanquam quis non videat, nec verisimile esse, ut quem paulo ante de morte eripuerat, in mortem tradiderit? Qua fronte hæc audent; insurrare vobis, qui viderunt et cognoverunt

zelum abbatis in liberatione illorum, qui prius homicidium perpetraverant, et in ultione eorum, qui sanguinem proximi uli erant? Postremo si bene nossetis istos, posset profecto sufficere ad decredendum quidquid non accipitis nisi per eos. Adsit Deus sanctæ menti vestræ, ne quid illi lingua dolosa adversus innocentiam subripere possit.

## EPISTOLA CCLXXXVII.<sup>b</sup>

DOMINO OSTIENSI <sup>c</sup>, PRO EODEM ABBATE.

Dominus abbas Sancti-Dionysii accusatur ab iniquis hominibus : sed a bonis omnibus, qui in ecclesia et in circuitu ejus sunt, excusatur. Pro quo tanto affectuosius rogamus Charitatem vestram, quanto meliorem de eo et habuimus, et habemus æstimationem. Stet pro eo vestra benignitas, et si non quia amicus noster est, certe quia nec vera sunt, nec verisimilia, quæ imponuntur ei. Si gravatus est debitis, causa evidens fuit temporis ipsius : quanquam fere nulla sint debita. Ad id quod impositum est de terrarum distractione, evidens falsitas comprobatur. Nam de morte G. ne ipsos quoque adversarios reor eum potuisse habere suspectum, quippe qui eundem G. et suos omnes conclusos ab hostibus, ab ipso mortis articulo, multo quidem labore eripuit. Pro his omnibus, maximeque pro Raymundi non incognita nobis versutia, attentius rogamus, ut abbatis innocentiam vestra sollicitudo tueatur.

## EPISTOLA CCLXXXVIII.<sup>d</sup>

AD ANDREAM AVUNCULUM SUUM, MILITEM TEMPLI.

Infelicem exitum sacræ expeditionis dolet; avunculi adventum optat.

1. Litteræ tuæ, quas novissime transmisisti, invenerunt me in lectulo decumbentem. Accepi

<sup>a</sup> Scripta anno Christi 1153. — <sup>b</sup> Scripta eodem anno. — <sup>c</sup> Scilicet Hugoni. Vide epist. 273, 274, 290, 296, 306.

<sup>d</sup> Scripta anno Christi 1153.

eas obviis manibus; libenter legi, libenter re-<sup>277</sup>set inutilis. Forte favente Deo non deessent qui legi, sed libentius te vidissem. Legi in illis desiderium tuum videndi me, legi et metum tuum pro periculo terræ, quam Dominus sua præsentia honoravit; periculo civitatis, quam suo sanguine dedicavit. Væ principibus nostris\*. In terra Domini nihil boni fecerunt: in suis, ad quas velociter redierunt, incredibilem exercent malitiam, et non compatiuntur super contritione Joseph. Potentes sunt ut faciant mala, bonum autem facere nequeunt<sup>a</sup>. Confidimus autem quia non repellet Dominus plebem suam, et hæreditatem suam non derelinquet. Porro dextera Domini faciet virtutem, et brachium<sup>B</sup> suum auxiliabitur ei: ut cognoscant omnes quia bonum est sperare in Domino, quam sperare in principibus. Bene facis formicæ te comparans. Quid enim aliud quam formicæ quique terrigenæ et filii hominum sumus, rebus inutilibus atque inanibus insudantes? Quæ autem abundantia homini de universo labore suo, quo ipse laborat sub sole? Ergo ascendamus super solem, et conversatio nostra in cælis sit, jam mente præcedentes, quo sumus et corpore secuturi. Ibi, mi Andrea, ibi fructus laboris tui; ibi retributio tua. Sub sole militas, sed sedenti super solem. Hic militantes, inde donativa exspectemus. Merces militiæ nostræ non de terra, non de deorsum est: procul et ab ultimis finibus pretium ejus. Sub sole penuria est: super solem abundantia est. Mensuram bonam, et confertam, et coagitatam, et supereffluentem dabunt in sinus nostros<sup>1</sup>.

2. Desideras me videre; et de meo, ut scribis, arbitrio desiderii tui pendet effectus. Nam mandatum super hoc meum te indicas expectare. Et quid dicam tibi? Et cupio ut venias, et timeo ne venias. Ita inter velle et nolle positus, coarctor e duobus; et quid eligam, ignoro. Unum, ne videlicet tuo satisfaciam desiderio, et meo pariter: an credam magis celebri de te opinioni, qua terræ ita pernecessarius prædicaris, ut de tua absentia non medioeris illi desolatio imminere credatur. Itaque quod mandare non audeo, opto tamen ut te videam antequam moriar. Tu melius id videre et cognoscere potes, si quo modo sine damno, et sine scandalo illius gentis venire possis. Et fieri posset quod adventus tuus omnino non es-

te sequerentur revertentem ad subveniendum Ecclesiæ Dei, quoniam omnibus notus es et dilectus. Potest facere Deus ut et tu cum sancto patriarcha Jacob loquaris: *In baculo meo transivi Jordanem istum, et ecce cum tribus tarmis regredior*<sup>2</sup>. Unum dico: si venturus es, ne tardaveris, ne forte venias, et non me invenias. Ego enim jam delibor, nec puto me longum facere super terram. Quis mihi tribuat tua, in voluntate Domini, amabili et dulci præsentia vel paululum refrigerari, priusquam abeam? Reginæ scripsi<sup>b</sup>, sicut voluisti, et gaudeo de bono testimonio quod ei perhibes. Magistrum et fratres vestros omnes de Templo, nec non et eos de Hospitali, per te in Domino salutamus. Inclusos quoque et sanctos omnes, ad quos opportune loqui poteris, per te in Domino salutantes, eorum nos orationibus commendamus. Esto pro me ad eos. Girardum nostrum<sup>c</sup>, qui in domo nostra aliquando conversatus est, et nunc, ut audivimus, episcopus factus est, et ipsum affectu magno devotissime salutamus.

## EPISTOLA CCLXXXIX.<sup>c</sup>

AD REGINAM JEROSOLYMORUM.

Instruit eam, quomodo se gerat, ut probæ viduæ coram Deo, et reginæ coram hominibus partes impleat.

Dilecte in Christo filie M<sup>r</sup>, reginæ Jerosolymorum, BERNARDUS Clare-Vallis vocatus abbas, misericordiam a Deo salutari suo.

1. Miror quod a multo jam tempore non vidimus litteras tuas, non solitas salutationes habuimus: quasi nos obliti simus antiquæ tuæ erga nos devotionis, quam in multis probavimus. Audivimus, fateor, nescio quæ sinistra: quæ etsi non pro certo credidimus, dolumus tamen sive veritate, sive mendacio tuam aliquatenus decolorari opinionem. Sane intervenit Andreas clarissimus avunculus meus, cui in nullo decredere possumus, scripto suo nobis significans

<sup>1</sup> Luc. vi, 38. — <sup>2</sup> Gen. xxxii, 10.

<sup>a</sup> Alias, nesciunt. — <sup>b</sup> Vide epistolam sequentem. — <sup>c</sup> Scripta anno Christi 1153.

meliora : quod scilicet pacifice et mansuete te<sup>278</sup> *subministravit, si omne opus bonum subsecuta* A *est*<sup>6</sup>. Si hæc facis, beata es, et bene tibi erit. Benedicat te Dominus ex Sion, eximia in Domino filia, et omni veneratione digna. Admonitio præmissa est; prosecutio jam a vestra dignatione expectatur. Occasio data est: excusatio jam non admittitur, si non renovata a nostra parte familiaritas, familiaribus deinceps a vobis verbis et litteris frequentetur.

Pnto quod et gloria tibi est, præcipue inter Christianos, non minus vivere viduam, quam reginam. Illud successionis est, hoc virtutis: illud tibi ex genere, istud ex munere Dei: illud B feliciter nata es, hoc viriliter nacta. Duplex honor; alter secundum sæculum, alter secundum Deum: uterque a Deo. Nec parvus tibi videatur honor viduitatis, de quo Apostolus: *Honora, inquit, viduas, quæ vere viduæ sunt*<sup>1</sup>.

2. Habes certe penes te ipsam familiare commonitorium apostolicæ iterum salutaris sententiæ, qua doceris ab eo providere bona, *non tantum coram Deo, sed etiam coram hominibus*<sup>2</sup>: coram Deo, ut vidua; coram hominibus, ut regina. Attende reginam, cujus digna, indignave non possunt latere sub modio: super candelabrum sunt, ut appareant omnibus. Memento viduam, cui jam non est quod velit placere viro, ut soli possit placere Deo. Beata es, si Salvatorem ponas tibi murum ad protectionem conscientiæ; et antemurale ad repulsionem infamiæ. Beata, inquam, si veluti desolatam et viduam totam te Deo regendam commiseris. Alioquin bene non regis, si bene non regeris. Regina Austri venit audire sapientiam Salomonis, ut regi disceret, et sic regeret. Et ecce plus quam Salomon hic<sup>3</sup>: Jesum loquor et hunc crucifixum. Huic te committe regendam, huic docendam, quomodo regere debeas. Disce tanquam vidua, quod sit mitis et humilis corde<sup>4</sup>: disce tanquam regina, quod judicet in justitia pauperes, et arguat in æquitate pro mansuetis terræ<sup>5</sup>. Ergo cum cogitas dignitatem, attende et viduitatem: quia ut pure apud te quod sentio proferam, non potes esse regina bona, si bona non fueris vidua. Queris unde bona vidua æstimetur? Ex his profecto quæ Apostolus dicit: *Si filios educavit, si hospitio recepit, si sanctorum pedes lavit, si tribulationem patientibus*

## EPISTOLA CCXC.<sup>b</sup>

DOMINO OSTIENSI, DE JORDANO CARDINALE \*.

Legatum apostolicum describit, quam fœda ubique vestigia reliquerit.

Pertransiit legatus vester de gente in gentem, et de regno ad populum alterum, fœda et horrenda vestigia apud nos ubique relinquens. A radice Alpium et regno Teutonicorum, per omnes pene Ecclesias Franciæ, et Normanniæ, et circumquaque circumiens usque Rothomac- gum, vir apostolicus replevit, non Evangelio, sed sacrilegio. Turpia fertur ubique commisisse; spolia ecclesiarum asportasse: formosulos pueros in ecclesiasticis honoribus, ubi potuit, promovisse; ubi non potuit, voluisse. Multi se redemerunt, ne veniret ad eos: ad quos pervenire non potuit, exegit et extorsit per nuntios. In scholis, in curiis, in triviis, fabulam se ipsum fecit. Sæculares, religiosi, omnes male loquuntur de eo: pauperes, et monachi, et clerici conqueruntur de eo. Homines quoque suæ professionis, ipsi sunt qui magis exhorrent et famam ejus, et vitam. Hoc testimonium habet et ab his qui intus, et ab his qui foris sunt. Non sic dominus Joannes Paperons \*, non sic: ejus laus est in Ecclesia, quippe honorificantis ubique ministerium suum. Legite litteras has domino meo. Ipse viderit, quid de tali homine faciendum sit: ego liberavi animam meam. Dico tamen præcipatione qua soleo: Bonum est ei si purget ipse curiam suam, et sic liberet conscientiam suam. Decreveram ista tacere: sed venerabilis Prior Montis-Dei\* ad hoc me

<sup>1</sup> I Tim. v, 3. — <sup>2</sup> II Cor. viii, 21. — <sup>3</sup> Matth. xii, 42. — <sup>4</sup> Id. xi, 29. — <sup>5</sup> Isai. xi, 4. — <sup>6</sup> I Tim. v, 10.

<sup>a</sup> Alias, *vigilanter*. — <sup>b</sup> Scripta anno Christi 1152.

impulit, et animavit ut scriberem. Et scitote<sup>279</sup> ras illi, et utinam ut te decuisset, et illi expeminus me dixisse, quam publice prædicatur. A

diret. Non sic fecisti. Novum Christi militem ausus es dehortari a servitio Domini sui. Dico tibi, est qui quærat et judicet. Non sufficebant tibi peccata tua, nisi te et alienis involveres; et rursum ad peccata, quod in te fuit, pœnitentem juvenem revocares: et sic secundum duritiam tuam et cor impœnitens thesaurizares tibi iram in die iræ? Quasi non satis eum per se tentet diabolus, nisi tu juveris illum, homo christianus, dux ejus, et notus ejus. Tu quidem illi serpentem alterum, sed non tibi ille alteram Evam exhibuit. Tuis impulsus est manibus, sed non eversus: fundatus est enim supra firmam petram.

2. Verumtamen non reddimus tibi vicem, sed vincimus in bono malum, orantes pro te, optantes tibi meliora, et meliora scribentes. Primo quidem quia sapiens diceris, ut quod diceris, verius sis, mitto te ad virum sapientem, qui ait: *Noli prohibere eum qui potest bene facere; si vales et ipse, bene fac*<sup>1</sup>. Habes tempus faciendi. Sed quamdiu habiturus? Quantulum superest vitæ tibi, præsertim jam senescenti? Vapor est ad modicum parens, et deinceps exterminabitur. Si sapis, non veniet super te illa maledictio: *Vidi stultum firma radice, et statim maledixi pulchritudini ejus*<sup>2</sup>. Pulchre stultum pseudo sapientem verus Sapiens appellavit, sciens sapientiam hujus mundi stultitiam esse apud Deum<sup>3</sup>. O utinam saperes, et intelligeres, ac novissima provideres<sup>4</sup>! saperes quæ Dei sunt, intelligeres quæ mundi sunt, provideres quæ inferni sunt! Profecto inferna horreres, superna appeteres, quæ sunt ad malum<sup>b</sup> contemneres. Multa suggerit animus, imo spiritus, loqui tibi de salute animæ tuæ: sed donec rescripto noverim tuo qualiter ista acceperis, non adjiciam ultra, ne fiam onerosus, cui de cætero volo esse amicus, et adjutor, si volueris, ad salutem. Dilectam nobis in Christo uxorem tuam per te, licet immeritam, salutamus.

## EPISTOLA CCXCI.

AD DOMINUM PAPAM EUGENIUM, PRO ECCLESIA  
SANCTI-EUGENDI JURENSIS\*.

Sancti-Eugendi nobile monasterium, olim divitiis et religione famosum, si vera sunt quæ dicuntur, prope interitum est. Nec decedenda B omnia. Domos vicinas nobis, vobis notas, pertinentes ad ipsum, partim jam destructas, partim in dies destrui cernimus, et dolemus. Quæ in membris videmus, hæc et his graviora de capite fama nuntiante percepinus. Sed numquid debeo ego nunc malorum vobis, quorum non est numerus, retexere narrationem? Lator præsentium monachus præfati monasterii, et Archegaudus Prior, homo nobis ab antiquo pro sua honestate et religione dilectus, poterunt vobis intimare quæ plenius norunt, etsi non omnia: quis enim hoc posset? Tot et tanta pro certo, quæ apostolicam securim, etsi dissimulantem, etsi dormitantem, mirum si non surgere et ferire compellant. Ego liberavi animam meam: sed non sufficit, nisi et monasterium liberetur. In manibus vestris mors et vita illius.

## EPISTOLA CCXCII.

AD QUEMDAM SÆCULAREM<sup>a</sup>.

Perstringit eum, quod Petrum, cognatum suum, a proposito vitæ religiosæ abstrahere conatus sit. D

1. Etsi ignotus nobis facie, sed non fama. Ipsa referente didicimus quod sis homo sapiens, et secundum sæculum honoratus. Voluit autem dilectus filius meus Petrus, cui et notior, et familiarior sanguinis affinitate videris, ut tibi scriberem, imo rescriberem. Tu enim scripse-

<sup>1</sup> Prov. III, 27. — <sup>2</sup> Job V, 3. — <sup>3</sup> I Cor. III, 19. — <sup>4</sup> Deut. XXXII, 29.

<sup>a</sup> Et quidem uxoratum, ex fine epistolæ. Fallit codex Vaticanus n. 663, in quo inscribitur, *Petro abbati de Cella, ad quem epistola sequens.* — <sup>b</sup> Alias, *quæ sunt ad malum.*

## EPISTOLA CCXIII.<sup>a</sup>

PETRO ABBATI DE CELIA\*, PRO MONACHO CAZIAN-  
CENSI, QUI AD CLARAM-VALLEM TRANSIERAT.

Unde mihi scripsistis, ita respondeo vobis. Molestiam domini Caziacensis nulli arbitror molestiorem esse quam mihi. Sed puto vos non latere, voluntate et præcepto ipsius jam ex longo illum monachum factum nostrum; et mihi ipsum obedientiam promississe, et me curam illius suscepisse. Quoties ex tunc volentem venire repuli, venientem remisi, recordari facile non est. Tandem modo veniens, me nolente remansit, et nullo modo ei persuadere reditum potui. Dicebat autem, quia si nos eum projiceremus, iturum se longius, et nullatenus rediturum. Sed nec sic assensum meum habens, imo et contra consilium meum intravit. A quo utique introitu salva conscientia eum prohibere non potui, nec projicere possum, utpote, ut dixi, jam olim in meam receptum curam, et de quo redditurus sum rationem. Diu, fateor, periculum hoc conscientiae meae dissimulaveram propter molestiam boni illius hominis: et adhuc dissimulassem, si meo iste consilio quoquo modo acquiescere voluisset. Quæ cum ita sint, vestrum est consolari hominem, delinire tristitiam ejus, excusatum me habere de tam rationabili causa. Postremo ipse quoque, ut scitis, in pendulo est, et sæpe cogitavit relinquere domum suam\*. Quod si vellet nunc effectui mancipare, ego non prohiberem, pro eo quod in ea non sine magna anxietate versetur.

## EPISTOLA CCXCIV.<sup>b</sup>

AD DOMINUM PAPAM EUGENIUM, PRO EPISCOPO  
CENOMANNENSI.

Episcopum Cenomannensem, et alio Pontifici com-  
mendat.

Adest episcopus Cenomannensis\*. Ipse est,

<sup>280</sup> si nescitis, de ejus veritate et honestate nullus dubitat, nisi qui bene non novit hominem. Mihi quidem ab ineunte juventute sua notus et dilectus est, tam pro memoratis virtutibus, quam pro aliis bonis moribus suis. Si quid aliud Paternitati vestræ de eo insusurratum est, aut ego fallor, aut ille mentitus est in caput suum. Audite eum, et cum plenitudine gratiæ vestræ remittite. Deceptus sum enim, si bene non fuerit collocata. Abbas Vindocinensis, qui specialiter vester est\*, rogamus ut et ipse specialem inveniat gratiam, et rationabilis ejus petitio haud difficiliter assequi mereatur effectum. Dominus B Andegavensis mittit nuntium suum, et per se et per nos aliquid petens. Exaudiat et ipse pro justitia sua, et non exaudiat contra eum susurro mendax. Dignum est enim ut qui omnibus vivitis, omnibus pro meritis valeatis.

## EPISTOLA CCXCV.<sup>c</sup>

DOMINO HENRICO CARDINALI\*, PRO EODEM  
EPISCOPO.

Sic tibi, quasi mihi scribo, et hoc quoties tibi scribo. Ubi enim tu es, me esse confido, quippe quem tanquam me ipsum diligo. Si me tu æque diligis, imo quia diligis, vide ne dominus Cenomannensis ex te (quod in te est) in aliquo redeat contristatus. Alioquin ego contristarer in homine quem satis pro sua honestate diligo, et a te diligi volo.

## EPISTOLA CCXCVI.

DOMINO OSTIENSI<sup>d</sup>, PRO EODEM.

Quidam clericus dicitur aures domini mei circumvenisse, aliquid contra episcopum suum, et nostrum amicum pro sua cupiditate molitus. Si mei cura est vobis, imo justitiæ Dei; date operam, ut nihil lucretur de suo mendacio susurro malignus, nec lædatur in aliquo innocens episcopus, et fidelis amicus\*.

<sup>a</sup> Scripta circa annum 1150. — <sup>b</sup> Scripta circa eundem annum.

<sup>c</sup> Scripta circa annum 1150. — <sup>d</sup> Scilicet Hugoni. Vide epistolas 287. 290.



## EPISTOLA CCXCVII.

ABBATI ARREMARENSI<sup>a</sup>.

Monachum apostatam pœnitentem recipi petit.

Lator præsentium, ad petitionem nostram dudum susceptus in consortium vestrum, stultitia et levitate sua rejecto habitu sancto a vobis exiit. Sed quia ductus pœnitentia, ut videtur, redire cupit, et se iterum recipi humiliter petit; petimus et nos ut iterum recipiatur, pœnitentique, amore Dei et nostro, introitus et habitus non negetur.

EPISTOLA CCXCVIII.<sup>b</sup>

AD DOMINUM PAPAM EUGENIUM.

Nicolai notarii fraudes et imposturas detegit.

Nicolaus ille\* exiit a nobis, quia non erat ex nobis: exiit autem fœda post se relinquens vestigia. Et ego longe ante hominem noveram; sed exspectabam ut aut Deus eum converteret, aut instar Judæ ipse se proderet: quod et factum est. Præter libros, denarios, et aureos multos, in ipso exitu ejus inventa sunt super eum sigilla tria, unum ejus proprium, alterum Prioris, tertium nostrum, ipsumque non antiquum, sed novellum: quod et ob ipsius dolos et furtivas subreptiones mutare nuper coactus fueram. Hoc enim est quod vobis tacito nomine scripsisse D me memini<sup>c</sup>: quia videlicet periclitati sumus in falsis fratribus. Quis possit dicere, ad quam multas personas sub nomine meo, me ignorante, quæ voluit, scripsit? Quis mihi det ut ipsa curia vestra ad purum purgetur fœce mendaciorum ejus? Quis mihi det ut vel eorum innocentia, qui mecum sunt, satis valeat excusari apud circumventos et præventos impudentissimis ejus mendaciis? Vobis quoque aliquoties

<sup>a</sup> in eadem falsitate scripsisse, et non semel, partim convictus, partim et confessus est. De turpitudinibus ejus, quibus terra sordet, et factæ sunt omnibus in parabolam, supersedeo poluere labia mea, et vestras aures. Si ad vos venerit nam hoc gloriatur, et amicos se habere confidit in curia, mementote Arnaldi de Brixia, quia ecce plus quam Arnaldus hic. Nullus perpetua dignior inclusione, nihil ei perpetuo silentio justius.

EPISTOLA CCXCIX.<sup>d</sup>

COMITI ENGOLISMENSI, PRO FRATRIBUS DE BUXIA\*.

Queritur de gravi exactione suis a Comite imposita.

Nolite mirari, si gravis nobis videtur tam grandis reditus, qui de terra illa Buxiæ a fratribus nostris exigitur, quia tale aliquid non consuevimus. Nam multas fecimus abbatias, et nulla illarum tali subjacet exactioni. Sed quia C vosita vultis, et Deus plus acceptat voluntarium bonum, quam coactum; sustinemus juxta conventionem, quam fratres nostri vobiscum fecerunt, donec Deus meliorem vobis inspiret voluntatem: quod non diffidimus. De cætero diligite eos, foveate, defendite, manutenete: quia tunc securius stabitis ante tribunal Christi, si pauperes ejus habueritis vestri dilectores, et pro vobis intercessores.

EPISTOLA CCC.<sup>e</sup>

BLESENSI COMITISSE\*.

Solatur Comitissam. filii delicta per ætatem excusans, et melioris frugis spem faciens; unde blande potius et leniter quam aspere tractandum monet.

Si quando in vos filius vester visus est excessisse, doluimus; et dolemus non minus exces-

<sup>a</sup> Guidoni, ad quem epistola 398. — <sup>b</sup> Scripta anno Christi 1151. — <sup>c</sup> Epistola 281.<sup>d</sup> Scripta circa annum 1150. — <sup>e</sup> Scripta circa annum 1152.

sum filii, quam matris injuriam : quod tamen<sup>263</sup> et ipsum excusabile est in adolescente filio. A Nempe delicta juventutis, ipsa, quæ commisit, excusat ætas proclivior. An nescitis quia proni sunt sensus hominis, et cogitationes in malum ab adolescentia<sup>1</sup>? Confidendum mutatum iri in melius, patris meritis et eleemosynis<sup>2</sup>. Propterea insistendum magis, magisque votis et precibus ad Deum pro eo : quia etsi ille minus interdum, quam debuit, se filialem exhibuit; mater tamen pro suis visceribus maternum deserere non debet, sed nec valet affectum. *Numquid potest mater oblivisci filii uteri sui?* Et si illa, inquit, *oblita fuerit, ego tamen non obliviscar* B *tui*<sup>3</sup>. Oremus et ploremus coram Domino, ut Deus tantæ indolis juvenem, probitatis paternæ imitorem (quod non diffidimus) sua faciat pietate. Agendum cum eo in spiritu lenitatis, blandisque obsequiis : quia sic melius ad bona opera provocabitur, quam si irritationibus et increpationibus exasperetur. Ita sane de ejus cita lætaque mutatione posse lætificari confidimus cor vestrum et nostrum pariter<sup>4</sup>. Quidni ego totis cupiam visceribus quotidie se ipso fieri meliorem? Utinam qualem inveni in me, talem semper in omnes inveniam. Quid enim, quantum ad nos, unquam volui, et non fecit? Re- C tribuat illi Dominus. Cæterum pro vobis, sicut sæpe petistis, sæpe, prout oportuit, et monui, et moncho.

## EPISTOLA CCCL.<sup>b</sup>

SANCLE SORORI IMPERATORIS HISPANIE\*.

Controversiam, ex receptione cujusdam monasterii inter suos et alios quosdam Religiosos natam, ejus opera D sopiri cupit.

1. Quod factum est de receptione Tholdanos monasterii, sciatis per me non esse factum, utpote absentem et ignorantem quid fieret. Fa-

ctum autem per nostros non nego, consilio tamen multorum Religiosorum, episcopi con- niventia et assensu, nobilis quoque domina, quæ locum illum in propria possessione funda- vit, petitione et voluntate, publice, ut accepi- mus, et nihil in abscondito factum. Existimabant autem se libere posse suscipere locum, quem in Dei libertate, et sine alterius ecclesiæ subjectione fundatum, ipsa quæ fundaverat asserebat; et privilegia, ut aiunt, præ manibus erant. Cæterum quia Carracetenses<sup>c</sup> fratres factam sibi in hoc injuriam, ut scribitis, conqueruntur, nec audientes Salomonem, qui ait, *Noli prohibere eum qui bene vult facere; si potes, et ipse bene fac*<sup>3</sup>; nobis in tam sancto opere contradicunt : et quoniam servos Dei non oportet litigare<sup>4</sup>; consilii nobis fuit ad vestrum potissimum consilium causam remittere, ut vestra auctoritate et opera omnis inepta et injusta, ut aiunt, calumnia conquiescat; et Ordo in domo Dei receptus, ad ejus gloriam, et vestram ipsius salutem deinceps in pace permaneat.

2. Nam et frater Nivardus\*, qui multum gratulatur de vobis, satis in hoc de vobis confidere monuit, tum propter vestram erga nos specialem devotionem, tum etiam propter bonam, quam audivit a vobis, de hoc ipso promissionem. Si autem vestris (quod non credimus) salutaribus monitis aut consiliis contradictores illi acquiescere nolunt; tunc duorum judicio episcoporum, ad quos duo illa loca jure parochiali pertinere noscuntur, omnis inter eos controversia terminetur : quodque ab eis judicatum sive constitutum concorditer fuerit, vestrum erit ratum habere, et de cætero firmiter manutenere. Si timetis Deum, non patiemini impediri tantum bonum, nec bonam illam mulierem frustrari a desiderio suo, nec fratres illos suæ devotionis privari fructu, nec Deum denique tam accepto sibi reformati Ordinis sacrificio defraudari<sup>d</sup>. Obsecramus vos et pro novella vestra plantatione, illos loquor de Spina, ut eis viscera misericordiæ exhibeatis : quatenus vestro beneficio sustentati, in servitio Dei et suo Ordine perseverent.

<sup>1</sup> Gen. viii, 21. — <sup>2</sup> Isai. xlix, 15. — <sup>3</sup> Prov. iii, 27. — <sup>4</sup> II Tim. ii, 24.

<sup>a</sup> Nempe Theobaldi Magni, de quo supra in Notis ad epistolam 37 : ejus eleemosynas et benefacta prædicat Vita non solum Bernardi, sed etiam Norberti et aliorum; item nova hic epistola 416.

<sup>b</sup> Scripta circa annum 1149. — <sup>c</sup> Alias, *Carracetenses*.

<sup>d</sup> Lambertus Campester, editionis anni 1520 auctor, hic ad marginem notat, mentionem reformationis fuisse tempore Bernardi.

EPISTOLA CCCII.<sup>a</sup>LEGATIS APOSTOLICIS, PRO ARCHIEPISCOPO  
MOGUNTINO\*.Causam Archiepiscopi ab adversariis gravati commen-  
dat.

Dominis et patribus reverendis, apostolicæ  
Sedis LEGATIS, puer Sanctitatis eorum BER-  
NARDUS Claræ-Vallis vocatus abbas, per om-  
nia Deo placere, et gratos fructuosæ suæ  
legationis manipulos reportare.

Etsi corpore remoti, sed affectu et bona  
voluntate vobis appropriavimus, optantes et  
orantes dirigi actus et studia vestra ad omne  
quod decet et expedit. Inde est quod audientes  
miserandum illum archiepiscopum Mogunti-  
nensem, vocatum ad vestram præsentiam,  
ibique responsurum adversariis suis; ausi su-  
mus vestram pro eo interpellare bonitatem. In  
hoc enim credimus honorificari ministerium  
vestrum, si, quatenus salva justitia licet, pa-  
rieti inclinato et maceriæ depulsæ humeros  
vestræ auctoritatis supponitis; nec calamum  
quassatum conteri, nec linum fumigans (quod  
in vobis est) extinguere permittitis. Sentiat,  
obsecramus, sibi profuisse et precem nostram,  
et suam simplicitatem, ob quam fertur a falsis  
fratribus circumventus potius, quam inventus  
in aliquo dignus depositionis.

## EPISTOLA CCCIII.

LUDOVICO JUNIORI REGI FRANCORUM.

Quid agendum Regi causa cujusdam de Britannia adul-  
teri et excommunicati.

Si homo ille de Britannia dimittere vellet  
adulteram, ut posset solvi anathematis vinculo

<sup>a</sup>quo tenetur, et illa paternam hæreditatem suam  
A secundum divisionem suam, quam fecit cum  
fratre suo, a vobis requireret; etsi hoc ipso  
indigna, non esset forsitan recusandum, ut  
proinde potentis viri servitium et auxilium  
haberetis. Alioquin non est consilium humilis  
fidelis vestri concedi ullatenus aut terram ex-  
traneo, aut vestri favorem dominii excommu-  
nicato et incestuoso: ne quod Deus avertat;  
quandoque et vos audiatis, *Si videbas furem,  
currebas cum eo, et cum adulteris portionem  
tuam ponebas*<sup>1</sup>. Nec tamen verbum præcipi-  
tanter, et quasi ex abrupto rumpere consuluc-  
rim. Agendum autem per fidelem et prudentem  
nuntium, quatenus, si fieri potest, inducitur,  
et tempus redimatur. Quod si et hoc ille renue-  
rit, et malignari maluerit; fidendum in Domino  
quia non prævalebit: quoniam quidem justitia,  
quæ cum Rege est, erit pro Rege. Nescio autem  
an episcopus\* ad hoc conveniens, satisque  
idoneus sit: non quia fidelis non sit, et quidem  
fidelissimus; sed quia odit illum, nec suum, ut  
vereor, consilium credet ei. Ipse tamen paratus  
est pro vestra voluntate ad omne, quod cum  
Dei voluntate facere poterit. Si quid est quod  
quasi ex parte mea vobis secreti suggerat, a me  
hoc illud accepisse sciatis, et tanquam ex ore  
meo id accipiatis. Homo est enim quem multum  
diligio, et satis credo ei: vosque illi, ni fallor,  
credere quod volueritis, secure potestis.

EPISTOLA CCCIV.<sup>b</sup>

EIDEM.

D Gaudet valetudinem suam Regi esse curæ: Robertum  
Regis germanum commendat.

In litteris, quas misit Dignatio vestra, lætifi-  
castis animam meam: lætificet vos ipse, qui in  
causa est, Deus. Quis sum ego, aut quæ domus  
patris mei, ut de morte, vel vita mea Majestas  
regia cogitet? Et nunc quia tanti habitus sum,  
ut de meo esse scire curetis; sciatis me aliquan-  
tulum convaluisse<sup>c</sup>, et, ut me sentio, mortis  
interim ereptum periculo, debilem tamen, et

<sup>1</sup> Psal. XLIX, 18.<sup>a</sup> Scripta anno Christi 1153. — <sup>b</sup> Scripta eodem anno. — <sup>c</sup> Vide epistolam 307, n. 2.

debilem valde. De cætero scire vos volo, domi-<sup>253</sup> num Robertum <sup>a</sup>, germanum vestrum, dignan- A ter nos et devote satis visitasse in infirmitate nostra. Sed et sic locutum in auribus nostris, ut gaudium nobis et spem de se meliorem reliquerit. Diligite eum; quia si dictis facta compenset, complacebit vobis in illo: et, si dignum iudicatis, sciat vobis placere quod nostro et bonorum consiliis de cætero se acquieturum promissit. Sigillum non erat ad manum: sed qui legit, agnoscat stilum, quia ipse dictavi <sup>b</sup>.

dirigeret. Scire placet quid injunctum sit ei? Nihil ex injuncto agere, sed totum committere vestro consilio, de quo totus pendet ipse. Nempe fiduciam habet, non modo iudicari causam suam a vobis, sed juvari, sed foveri, sed manuteneri. Si placet eam committere domino Remensi archiepiscopo, maturum posse sortiri finem Domino auxiliante confidimus, si tamen appellandi suffugium parti utrique subtrahatur.

## EPISTOLA CCCV.<sup>c</sup>

AD DOMINUM PAPAM EUGENIUM.

Episcopum Belvacensem a Romano itinere justis ex causis detentum. Itaque causam ejus Pontificis consilio totam committit.

Filius vester ille Belvacensis \* quem dicerem et nostrum, nisi insolentiam redoleret appellatus ad vestram præsentiam veniebat, et libens, utpote de sua justitia securus, et de vestro paterno favore non dubius. Sed obstiti ego, et vix eum potui retinere, quippe cupidum videndi faciem vestram. Quod autem retinere volui, cum multæ occurrerent causæ, illud præcipuum fuit, quod de vestra dubitavimus voluntate. Deinde præter alias incommoditates non paucas, quæ obviare viderentur, ipse et frater suus Rex non ambulant in uno spiritu, et non erat satis tutum diu absentari a suis. Nolo a me queratis cujus sit culpa: non est meum inculpare quemquam. Sufficit mihi excusare episcopum. Quidquid humilitatis, quidquid obsequii pro sua persona potuit, vidimus exhibentem, et nihil proficientem. Scitote tamen, quidquid timeat, quidquid accidere debeat; sine mora venturum, ubi vobis placitum cognoverit. Persona ejus, et causa ejus in manu vestra. Nec enim in sibi credito ita agit, vel ita conversatur, ut se tali indignum putet prærogativa. Itaque pro se direxit istum, sciens quod ad patrem

## EPISTOLA CCCVI.<sup>d</sup>

DOMINO OSTIENSI \* PRO ELECTIONE ABBATIS  
TUROLDI DE TRIBUS-FONTIBUS.

Purgat se adversus calumniam Hugonis episcopi Ostiensis, qui promotionem Turoldi in abbatem Trium-Fontium indigne ferebat: nam alium ipse, Nicolaum scilicet, designaverat. Roberti electionem in novi monasterii abbatem excusat.

1. Væ mundo a scandalis <sup>1</sup>. Ego vos scandalizo? ego vobis scandalo sum? Quis hoc crederet posse contingere, nisi cui nota non esset nostra unanimitas, nostra mutua charitas, et quomodo in domo Dei ambulavimus cum consensu? Subita et dolenda mihi mutatio! Qui me portabat, nunc parat opprimere; qui me defensabat, nunc terret minis, blasphemias impetit, arguit prævaricationis! Protoplasti super gravi et singulari peccato confessionem requisiti sunt <sup>2</sup>: Ninivite ad pœnitentiam expectati sunt <sup>3</sup>: Sodomitæ non de auditu, sed magis de visu puniti sunt <sup>4</sup>. Mecum eo differentius, quo contemptibilius actum est. Non sum reputatus qui ponerer ad rationem, qui invitarer ad satisfactionem, qui causam requirerer, qui pro me respondendi facultatem acciperem. Non conventus iudicatus sum; non convictus condemnatus sum.

2. Et nunc audite, si dignamini, excusationem nostram; et si forte minime sufficientem vobis, veram tamen. Voluistis loco vestri substitui fratrem Nicolaum; et ego memini, non

<sup>1</sup> Matth. XVIII, 7. — <sup>2</sup> Gen. III. — <sup>3</sup> Jonæ III. — <sup>4</sup> Gen. XIX.

<sup>a</sup> Vide epistolas 222, 224, 376.

<sup>b</sup> Id est, scripsi; ut ex ipsis verbis intelligitur: quo sensu etiam aliis in epistolis hoc verbum sumitur, in epistola 85, n. 4, et in epistolis 307, 310. Differt tamen *dicto a scribo* in epistolis 89, et 90, n. 1.

<sup>c</sup> Scripta anno Christi 1153. — <sup>d</sup> Scripta anno Christi 1151.

diffiteor. Ita convenit vobis pariter et mihi :<sup>286</sup> ego vel tenuiter suspiceo illud de tali viro, et fore credidi, propter quod locutus sum. Quod A  
ita non est factum, necessitas fecit, non duplicitas. Res in discordiam versa est. Quid dico, in discordiam? Concordia magis fuit. Tam concorditer discordes ab hac nostra conniventia omnes inventi sunt, ut nec unus quidem monachus, sive conversus, præter duos aut tres, qui vestrates erant, acquieverit assentire. Tentavimus nihilominus tamen in multis argumentis, nunc blandiendo, nunc terrendo, quomodo res effectum sortiretur; sed ut unanimiter, ita et pertinaciter obstiterunt. Possemus vim facere : sed sic mihi parcat Deus, quomodo par- B  
cendo illi omisimus, ne homo verecundus et pusillus corde (ut nostis) et fugitans onus, in hoc tanto turbine remaneret. Nam præter ea quæ extrinsecus sunt, quæ probastis et vos, supra vires ejus esse omnia videbantur. Itaque tollentes enim cum suis, imposuimus onus, quod eo levius ferret, quo a nostris pariter portaretur. Est enim locus noviter ordinatus de fratribus nostris, et vicinior nobis, ut possit a nobis facilius frequentari. De abbatibus ad locum pertinentibus, quia assensum vestrum non tenebamus, nihil ausi, fratrem Robertum, quo nemo magis idoneus ad manum esse tunc visus C  
est, dare volumus : cum responsum est nobis, a vestra discretionem fuisse prohibitum. Quid plura? Acceperunt hominem, qui vestræ, sicut accepimus, displicet Sanctitati.

3. Nec latet causa. Inhonestum, ut aiunt, publice prædicatis, et ob turpitudinis notam e priori monasterio trusum \*, cui ante præfuerat. Potest ita exstitisse : me, quantum recordari valeo, usque ad hoc tempus non audisse hujusmodi verbum de illo, Deum testor et Angelos ejus. Sed neque ipse archiepiscopus \*, cum eum amovere omnimodis niteretur, tale aliquid vel scripto, vel nuntio nobis aliquando significavit. Egone turpitudinis assentator<sup>a</sup> forem, aut inhonesti? Si ita de me sentitis, videte ne vestram quoque Excellentiam pariter involvat hoc nubilum : quippe qui cum ejusmodi tam notam omnibus familiaritatem atque amicitiam semel initam, tanto studio hucusque fovistis. Et de archiepiscopo quid dicitis? quid sentitis? an et ipse quem talem sciret (nec enim poterat nescire, cum notus esset ex longo) prior promoveret, et in loco cui ipse præfuerat? Minime

4. Unum dico : ex quo ad nos intravit \* sicut testimonium habet ab omnibus, nihil in eo quod promotioni huic obviaret, compertum est. Sine querela conversatus est. Adhuc non deest homini litteratura congruens, non doctrina, non affabilitas, non gratia in vultu et sermone. Sed suspecta est vobis brevis temporis, quod nobiscum fuit : fateor et mihi. Fortassis bene faciet : fortassis male. Vereor omnia opera mea, et quod operor non intelligo. Unde certus non sum, certum vos facere minime possum. Factum est; et quod factum est, non potest non fieri. Si propheta fuissim, non profecto fecissem unde amicum offenderem, sanctum turbarem, episcopum scandalizarem. Quid vultis ut faciam? sic factum est tali necessitate, talique ordine.

5. Hæc excusatio mea. Si sufficit, tollatur de medio scandalum : si minus, ego iudicium portem, quod et quale decreveritis. Nam si quod ædificavi, tam cito iterum destruam, grave : nisi forte causa conveniens supervenerit : quod fortasse processu temporis accidere potest. Si vultis vos amovere eum, potestatem habetis. Non obsisto, non me oppono torrenti. Inique non egi. Si insipienter vidcor, in promptu est vobis insipientiam meam corrigere; aut, si hoc dignius judicatis, etiam et punire. Dico tamen, si pie, si christiane mecum agitur; corripiet me justus in misericordia, et increpabit me, non D in ira apud alios diffamabit. Habetis formam meam hic, nisi et hoc indignamini præsentibus litteris. Nempe comperta per alios, et non per vos vestra indignatione, tantum habui non respondere vicem : sed mox vobis de vobis per præsentia scripta conqueri. De cætero benedictus Deus, qui et hoc quod dederat, et de quo mihi forte immoderatus blandibar, solatium ante exitum tulit : vestram scilicet et domini mei gratiam \*, ut vel proprio experimento discam, non ponere spem meam in homine.

<sup>a</sup> Alias, *futor*.

EPISTOLA CCCVII.<sup>a</sup>

AD EUNDEM.

Belvacensem episcopum contra sinistros rumores tuetur.  
Valetudinem suam extreme afflictam indicat : et quid  
archiepiscopo Lugdunensi acciderit.

1. Festine ista dicto, et ob hoc minus festive :  
siquidem viator transire festinans urget. Res  
mira, sed magis leta. Frater G. Fulcherius cum  
litteris domini mei pariter et vestris, simulque  
præsentium lator peregrinus, uno pene mo-  
mento adfuerunt, Deo ita sine dubio providen-  
te, ut haberem per quem festinanter rescriberem :  
quod utique cupienti mihi non poterat  
satis esse festinum. Inde est quod hæc in infirmitate  
mea ipse dictavi, quod non esset tunc  
alter ad manum. De domino Belvacensi \* quod  
primum posuistis, primum ita respondeo. Sui  
juris est : jam non est in mea potestate, sed in  
civitate vita ejus et conversatio. Si secus quam  
debet, vel decet, interdum agit, dolere possum ;  
sed emendare, prout volo, non valeo. Verum-  
tamen quod vobis suggestum est de vagatione  
ejus, nimium exstitisse in ea ; usque adhuc nos  
non comperimus, nec inde notatum apud nos  
quandoque audivimus. Ex quo ad eum venit frater  
Robertus, qui cum eo est ; turpe et grave  
aliquid perpetrasse, aut episcopo persuasisse,  
ad aures nostras nondum omnino pervenit : et  
mirum si ad vos potuit pervenire, quod latere  
nos potuit. Dabo tamen operam facere quod  
vultis de revocatione ejus, si quando honeste  
et opportune potuero. Jamque fecissem, si cum  
pace episcopi potuissem, et non timuissem inu-  
tiliorem huius subrogandum. In Quadragesima  
venit ad nos ipse episcopus, paratus ire ad cu-  
riam causa cujusdam appellationis : et venisset,  
nisi nos dissuasissemus. Porro dissuasionis in-  
tentio fuit, quod non ita videretur esse paratus,

<sup>268</sup> sive in consilio, sive in comitatu, ut juvenis  
A episcopi personam decuisset. Propositum tamen  
ejus est proficisci tempore opportuno. Frater  
vester est ; facite cum illo misericordiam, ut  
adversarii ejus non prævaleant adversus eum.  
Vellem vos ad ipsum potius, quam ad nos scri-  
psisse, et fraterne monuisse super his quæ de  
eo audistis.

2. Deinde super statu corporis mei cognovi  
vos esse sollicitum. Verum est quod audistis ;  
infirmatus sum usque ad mortem, sed interim  
revocatus ad mortem : atque hoc, ut me sentio,  
non diu. Longe enim sum debilior quam credi  
possit. Quod tamen dixerim absque præjudicio  
divinæ providentiæ, quæ et mortuos suscitare  
potest. Et in hoc sit responsum non modo vo-  
bis, sed et domino meo : cui volo et oro, ut in  
quantacumque devotione poteritis, accito vobis  
pariter domino Tusculano<sup>b</sup>, plenissimas grates  
referatis pro tanta dignatione, et sollicitudine  
tam pia.

3. Jam de domino Lugdunensi<sup>c</sup> audite quod  
verum est, et quod certum sit vobis. Vir ille  
aggressus est iter cum multa pecunia et hono-  
rabili comitatu, prout decebat tantum archi-  
episcopum : et ecce undique in ipso pene pro-  
cinctu insidiæ inimicorum. Quid faceret vir  
desiderii ? Progredi non licebat, et desistere a  
proposito sibi gravius omni captivitate judica-  
bat. Comites suos partim remisit, partim disper-  
sit. Massa pecuniæ se exoneravit, modicum re-  
tinens, unde cum paucis posset perficere viam.  
Quid plura ? venit cum tribus aut quatuor mi-  
nistris, ipse nihilominus in habitu ministrantis ;  
sicque strata publica cum turba promiscua  
peregrinorum, tanquam unus ex illis, pervenit  
ad Sanctum-Ægidium<sup>d</sup>. Cumque infirmaretur,  
pertransiit usque ad Montem-Pessulanum. Ibi  
aliquandiu commoratus, cum medicis expendit  
D et quod habebat, et quod non habebat<sup>e</sup>.

<sup>a</sup> Scripta anno Christi 1153.

<sup>b</sup> Ymaro seu Igmaro episcopo Tusculano ex monacho Cluniacensi, ad quem epistola 219. Litteris Gilleberti Parisiensis episcopi pro concordia inter Drogonem de Claciaco et monachos Sancti-Martini de Campis subscripsit Ymarus tum monachus, neque anno 1122.

<sup>c</sup> Scilicet, Heraclio. — <sup>d</sup> Vide Notas ad epistolam 241.

<sup>e</sup> In antiquis editionibus hic perperam repetuntur epistolæ 147 et 230.

EPISTOLA CCCVIII.<sup>a</sup>

AD ALFONSUM PORTUGALLIE REGEM.

Petitioni Regis se adlaborasse respondet, et fratrem ejus brevi a terrena militia ad celestem transiturum prædicit.

ALFONSO illustri regi Portugalorum, BERNARDUS Claræ-Vallis vocatus abbas, si quid potest B peccatoris oratio.

Litteras et salutes Celsitudinis vestræ suscepimus gaudentes in eo qui mandat salutes Jacob. Quid in hoc egimus, et exitus pro nobis, et vos per exitum comprobabitis: animi promptitudinem ex injuncta sollicitudine, vel saltem ex memorata necessitudine colligetis. Petrus, Celsitudinis vestræ frater \*, et omni gloria dignus, a vobis injuncta retulit; et Gallia armis pervagata, in Lotharingia militat, proxime militaturus Domino exercituum. Frater Rolandus, filius noster, apostolicæ largitatis litteras defert. Ipsum, fratres nostros vobiscum degentes, et me ipsum commendatos habete.

EPISTOLA CCCIX.<sup>c</sup>

AD EUGENIUM PONTIFICEM.

Laudat Sugerium abbatem, ejusque legatos Pontifici commendat.

Amantissimo patri et domino EUGENIO, Dei gratia summo Pontifici, frater BERNARDUS Claræ-Vallensis vocatus abbas, modicum id quod est.

Si quod magnæ domus magni Regis vas in

<sup>289</sup> honore habetur apud nostram Ecclesiam gallicanam; si quis ut David fidelis ad imperium Domini ingrediens et egrediens<sup>1</sup>; meo judicio ipse est venerabilis abbas Sancti-Dionysii. Novi siquidem virum, quod et in temporalibus fidelis et prudens, et in spiritualibus fervens et humilis; et in utrisque [quod est difficillimum] sine reprehensione versetur. Apud Cæsarem est tanquam unus de curia Romana, apud Deum tanquam unus de curia cæli. Petimus et obsecramus, benigne a vobis suscipi nuntios tanti viri; et, sicut vos decet et ipse omnino dignus est, rescribi ei verba bona et amabilia, plena familiaritatis et dilectionis, plena favoris et gratiæ: siquidem specialius diligere et honorare personam ejus, est honorificare ministerium vestrum.

EPISTOLA CCCX.<sup>d</sup>

AD ARNOLDUM CARNOTENSEM ABBATEM BONE-VALLIS \*.

C Bernardus in extremis positus, hanc amico epistolam ultimam scripsit.

Suscepimus charitatem vestram in charitate, et non in voluptate. Quæ enim voluptas, ubi totum sibi vindicat amaritudo? nisi quod solum nihil comedere utcumque delectabile est. Somnus recessit a me, ne vel beneficio sopiti sensus dolor unquam recedat. Defectus stomachi fere totum quod patior est. Frequenter et in die, et in nocte exigit confortari modico admodum qualicumque liquore: nam ad solidum omne inexorabiliter indignatur. Hoc parum quod dignatur admittere, non sine gravi molestia sumit: sed timet graviores, si se vacuum omnino dimiserit. Quod si plusculum quid interdum admittere acquiescat, id gravissimum. Pedes et crura intumuerunt, quemadmodum hydropicis contingere solet. Et in his omnibus, ne quid lateat amicum de statu amici sollicitum, secun-

<sup>1</sup> I Reg. xxxi, 14.

<sup>a</sup> Scripta anno Christi 1153. Vide epistolam 419.

<sup>b</sup> Hæc epistola, quæ in regia editione ordine 361 exstat, inter Sugerianas prima refertur apud Chesnium, ubi Eugenii responsum subjicitur. Confer epistolam ibidem septimam.

<sup>c</sup> Scripta anno Christi 1153.

dum interiorem hominem (ut minus sapiens<sup>290</sup> dico) spiritus promptus est in carne infirma. Orate Salvatorem, qui non vult mortem peccatoris, ut tempestivum jam exitum non differat, sed custodiat. Curate munire votis calcaneum nudum meritis: ut is qui insidiatur, invenire non possit unde figat dentem et vulnus infligat. Hæc ipse dictavi, sic me habens, ut per notam vobis manum agnoscatis affectum. Verumtamen rescripsisse, quam scripsisse maluerim.

## EPISTOLA CCCXI.<sup>a</sup>

AD HAIMERICUM CANCELLARIUM.

Annos quosdam piis aliorum conatibus adversantes acriter perstringit: Haimericum vero ad sedulam boni publici curam, oblata occasione, exstimulat.

Viro illustri domino HAIMERICO, sanctæ Romanæ Sedis cancellario, HUGO Pontiniacensis abbas, et BERNARDUS de Clara-Valle, in domo Dei quemadmodum oportet conversari.

1. Quod episcopi quærunt, Christus, quantum credimus, acquirit; et ipsorum negotium, Dei est causa. Qui ergo Dei est, jungatur eis: si quis renuit, audiat a Domino, *Qui non est mecum, contra me est*<sup>1</sup>. Imo vero aut acquiescat Apostolo dicenti, *Spiritum nolite extinguere*<sup>2</sup>: aut certe audiat eum Judæis, *Vos semper Spiritui sancto resistitis*<sup>3</sup>; et a propheta, *Vae qui dicitis bonum malum, et malum bonum*<sup>4</sup>: qui *letantur cum male fecerint, et exsultant in rebus pessimis*<sup>5</sup>. Non poterunt simul et in optimis exsultare, nec ex uno pariter simul ore laudabitur, et justus de justitia sua, et peccator in desideriis animæ suæ. Attamen quid mirum, si bonum quod bonis est odor vitæ, contrarium contrariis operetur; quando ipse fons et origo boni natus est in ruinam et resurrectionem multorum, et in signum cui hodieque contradicitur<sup>6</sup>? Etiam nunc quampluribus invenitur Salvator lapis esse offensionis, et petra scan-

dalit<sup>7</sup>: cum tamen non desint, qui corde alacri dicant, *Ipse est pax nostra, qui fecit utraque unum*<sup>8</sup>. Porro cui pax generat scandalum, in quo pacabitur? cui ipsa salus damnatio est, in quo salvabitur? Scriptum est, *Gloria et divitiæ in domo ejus*; haud dubium quin hominis justii. Quam autem gloriam, quasve dicat divitiis; subinde ostendit: *Justitia*, inquit, *ejus manet in sæculum sæculi*<sup>9</sup>. Et revera nulla talis gloria, nullæ tantæ divitiæ, quanta justitia in domo conscientiæ justii. Sed quid perdit injustus? Si Paulus gloriatur de sui cordis divitiis, *Gloria*, inquit, *nostra hæc est, testimonium conscien-*

*tiae nostræ*<sup>10</sup>: quisnam inde gravatur? Tamen Propheta subjungit: *Peccator videbit, et irascetur*<sup>11</sup>. Quanta malitia! Numquid hæc divitiæ terrenis facultatibus similes sunt, ut instar illarum, etiam istis, in quo alter abundat, alter minuatur? Quid igitur irascere, ubi nil perdis? imo quid invides bonis bona, et illa bona, quæ non curas tibi vindicare? Sic canis, ut vulgo aiunt, defendit fenum quod non comedit. Sed fremas dentibus licet et tabescas, non tamen poterit quod ex Deo est, omnino dissolvi. Et velis, nolis, videbunt justii et lætabuntur, et omnis iniquitas oppilabit os suum.

C 2. Verum hæc illis qui possunt esse suspecti. Cæterum vobis hoc dicimus: en lucrum præstato est, parate talentum. Quid enim facit in sdnario, quod quandoque cum usura exigendum est? dum tempus habemus, cur operari negligimus? Sane etsi vestro ex officio semper in promptu sit pietatis incumbere lucris, sed maxime in presentiarum maximus sanctæ avaritiæ patet quæstus: tantum vos non pigeat ipsam, quam ad hoc ipsum accepistis, dominicam in medium proferre pecuniam. Alioquin sapientia abscondita et thesaurus invisus, quæ utilitas intrinseque<sup>12</sup>? Denique si vere vobis non solum officii, verum, ut aiunt, et studii est operari bonum ad omnes; maxime hoc debetis ad domesticos fidei. Quod quidem licet omnibus ab Apostolo promulgatum sit generale mandatum<sup>13</sup>, id tamen specialiter a vobis loci ipsius vestri atque ministerii privilegio audacter exposcimus. Nisi forte (quod minime sentimus) magis occupatis locum, quam honorificatis ministerium.

<sup>1</sup> Matth. xii, 30. — <sup>2</sup> 1 Thess. v, 19. — <sup>3</sup> Act. vii, 51. — <sup>4</sup> Isai. x, 20. — <sup>5</sup> Prov. ii, 11. — <sup>6</sup> Luc. ii, 34. — <sup>7</sup> Isai. xlii, 14. — <sup>8</sup> Ephes. ii, 14. — <sup>9</sup> Psal. cxi, 3. — <sup>10</sup> 1 Cor. i, 12. — <sup>11</sup> Psal. cxi, 10. — <sup>12</sup> Eccli. xx, 32. — <sup>13</sup> Galat. vi, 10.

<sup>a</sup> Alias epistola 313: quæ vero antea 311 erat, nunc 371. Scripta circa annum 1125.



Siquidem cum nullum ferme fiat in orbe bo-<sup>291</sup> num, quod per manus quodammodo Romani A cancellarii transire non habeat, ut vel vix bonum judicetur, quod ejus prius non fuerit examinatum iudicio, moderatum consilio, studio roboratum, et confirmatum adjutorio: cui justius erit quam ipsi deputandum, quidquid justis in negotiis vel infectum, vel minus perfectum fuerit deprehensum, sicut et æque omne quod inveniatur utiliter atque laudabiliter consummatum? Proinde aut felicissimum merito dixerimus hominem, qui illum locum tenet; aut certe miserimum, quippe qui universi semper boni aut participem se sine dubio probabit, aut B hostem: jureque in eum tota, sive laus, sive vituperatio, versabitur pro rerum exitibus, et suorum meritis studiorum. Beatus autem qui dicere poterit Domino: *Particeps ego sum omnium timentium te, et custodientium mandata tua*<sup>1</sup>.

3. Sed quid agimus? dum rem necessariam vobis intimare satagimus, pene obliti sumus, quam occupatis auribus ista ingerimus. Quamquam si opus sit et fiducia, nequaquam fortassis importuni videbimur: si tamen recordamini non nostra merita, sed vestra munera, quibus apud nostram humilitatem dignanter satis am- C citiarum fores anticipare curastis\*. Hoc nimirum, hoc vestræ dignationis ac devotionis clarum admodum insigne tenemus, quod tantillo tantus, tantisque intentus non dicimus munerandos, sed vel esse salutandos a vestra Excellentia judicastis. Ipse itaque vobis pro materiali spirituale, quod est sapientia, retribuatur aurum, qui nobis jam tribuit, non tam dato vestro, quam vestro delectari lucro. Valet.

Remensium archiepiscopo, frater BERNARDUS de Clara-Valle, salutem, et si quid potest peccatoris oratio.

Benedictus Deus, qui nos litterarum vestrarum dignatus est visitatione consolari. Et quidem potuimus litteris litteras utenique reddere: sed quando huic gratiæ sufficimus rependere vicem, qua nos a vobis benedictionibus dulcedinis tantæ præventos esse merito gloriamur, excitamur exhortationibus, salutationibus honoramur? Homines utique tam iis nominibus indigni, quam vobis incogniti: sed certe eo magis non ingrati, quo minus digni. Verumtamen, dum hæc facitis, facitis quod debetis, quia sapientibus et insipientibus debitorem vos esse cognoscitis. Sane illa opinio, ejus odore bono vestræ dignitatis excellentiam in id dignationis erga pusillitatem nostram dicitis fuisse permotam, periculosa quidem, sed in hac parte non mediocriter officiosa: quoniam ex hoc præcurrente vento fructus ille peroptimus nobis et gratissimus, et qui nil vento simile habet, provenit, quod in tanto Dei altissimi sacerdote prius suscipi in gratiam, quam in notitiam meruerimus. De adventu nostro, cur modo non venerimus, sive quando venire disposuerimus, vel si quæ sunt alia, quæ de nobis interim Sanctitati vestræ sit sciscitari, harum lator monachus, quem ad hoc ipsum præmittere curavimus, vobis fideliter de omnibus satisfacere poterit.

## EPISTOLA CCCXIII.<sup>b</sup>

AD GAUFRIDUM ABBATEM SANCTÆ-MARIÆ EBORACENSIS.

## EPISTOLA CCCXII.<sup>a</sup>

AD RAYNALDUM ARCHIEPISCOPUM REMENSEM\*.

De remissis ad se litteris gratias agit.

Reverendissimo patri ac domino R. Dei gratia

Religiosos, a laxiore ad strictiorem vivendi modum transire volentes, non impediendos, et apostatas censendos, qui post transitum resiliunt ad vitam priorem.

Viro venerabili domino GAUFRIDO, abbati ecclesiæ Sanctæ-Mariæ Eboracensis, frater BER-

<sup>1</sup> Psal. cxviii, 63.

<sup>a</sup> Epistola nova: quæ vero antea 312 erat, nunc 398. Scripta circa annum 1130.

<sup>b</sup> Alias epistola 371: quæ vero antea 313 erat, nunc 311. Scripta anno Christi 1132. Hujus epistolæ argumentum pendet ex epistola 94.

NARDUS abbas dictus Clarae-Vallis, in Domino<sup>292</sup> in corde suo disponunt, qui de virtute in vir- salutem.

1. Placuit Reverentiæ tuæ litteras parvitati meæ dirigere, in quibus me de rebus dubiis consulere voluisti. Verum de his et similibus tanto quid certum respondere pertimescimus, quanto minus divinæ voluntatis beneplacitum, sicut homines, ad purum intuentes, proximorum animos, si quidquam aliud quam volunt edicimus, offendere dubitamus. Quod sane illis potissimum accidit, quorum conscientia, quia fastidiosæ mentis angore confunditur, difficiles et angulosas impuritatis suæ ratiocinationes affectare conatur. Sed ipsa tamen cæcitas suæ vindex est: quia dum quasi sibi adulari nititur eo quod egit, illico recurrente veritatis aculeo repungitur ac remordetur in eo quod meminit. Cujus nimirum difficultatis ærumnam Psalmista deplorans orat, et dicit: *Educ, Domine, de carcere animam meam ad confitendum nomini tuo*<sup>1</sup>. Ne me ergo, vir bone, quasi simulatæ calliditatis arguas, si minus quam velis, inquisitionibus tuis respondere sufficiam; vel, si quid valeo, totum tamen explicare non audeam. Litterarum siquidem tuarum prima species a querimoniis sumpsit exordium: quia videlicet senectuti tuæ grave infortunium sit, quod monachorum tuorum aliqua pars ad ætiores ac securiorem conversationis modum transire præsumpsit. Qua in re potius reformidare habes, quod tristitia hujus sæculi mortem operatur.

2. Nempe si in humanis opinionibus ratio vigeat, dolendum non est, si homo quandoque Creatoris sui legibus rectius inhærere præsumat. Et nos quidem non sancte, non satis pie paternis sollicitudinibus invigilamus, si filiorum propectibus invidemus. Quocirca si consiliarium unum de mille habere vis, imo, ni fallor, maxime vis; consulto opus est, quatenus filiis tuis, in mediocritatem tecum remanentibus, ne deficiant attendas: cæteris vero citra professionis suæ puritatem propter conscientiam remanere metuentibus, ac de bono quod semel aggressi sunt, religionis proposito ad altiorem gradum transire nitentibus, juxta prophetam, cum panibus occurras<sup>2</sup>. Illis enim curam maximam impendas, ne insolecant ad ruinam; cæteris autem benevolentiam offeras, ut proficiant ad coronam. Nempe qui ascensiones

A tutem eunt; Deum deorum in Sion eo felicius videre merentur in retributione, quo summo bono familiarius adhærere studuerunt puriore conversationis ordine.

3. Denique de duobus monachis, Gervasio videlicet atque Radulfo\*, qui simul cum aliis, domino Turstino archiepiscopo paterne et episcopopali ter satagente, sunt egressi, et, sicut ipse testaris, te absolvente quandoque dimissi; certus sum quia si intra puritatis gradum, quem ascenderant, permansissent, non perperam, sed laudabiliter peregrissent. Certus quoque sum nihilominus, quia si velint resumere puritatis gradum a quo temere corruerunt, ea virtutis gratia laudabiliores erunt, qua solent milites fieri post fugam ignaviæ de victoria tanto gloriosiores, quanto post ignominiam de spe victoriæ ad pugnam redeunt alacriores. Et credo, ni fallor, quod absolutio quæ facta est, potest interim impediri; sed apud omnipotentis Dei judicium nequit evacuari. Postremo vitam istam confiteris quidem esse sanctiorem: illos tamen propter carnis fragilitatem vel propinquitatis affectionem non posse diu sustinere hujus angustiae difficultatem. Ad hæc vero superaddis, eorum præsentiam tibi fore necessariam; et idcirco vehementer inquiris, utrumne sine culpa remanere queant in loco, unde non sine scandalo sunt egressi.

4. De qualitate, inquam, scandalorum discernenda, de carnis affectione propter Christum penitus amputanda, de commodis vero temporalibus propter animæ salutem fugiendis magnopere tonat Evangelium, tota clamat ubique series Scripturarum: quod ignorare non tam malum, quam pene hæreticum est. At vero certus non sum, an eorum talis reditus absque pœnali culpa debeat aestimari. Periculosum quippe valde est, et gravi ruinæ proximum, de Dei misericordia præsumere contra Dei justitiam; et ipsam velle defendere contra ipsam. Denique Scriptura ait: *Ne adjicias peccatum, et dicas, Misericordia Dei magna est*<sup>3</sup>. Nam et malus discretionis modus est, cum præponderant minora majoribus, sive deteriora melioribus comparantur.

5. Ac deinde post hæc vehementer expostulas, cur merito apostatæ debent appellari, si ad cœnobium suum revertentes, cum bonis con-

<sup>1</sup> Psal. cxli, 8. — <sup>2</sup> Isai. xxi, 14. — <sup>3</sup> Eccli. v, 5, 6.

suetudinibus professionem suam studeant adimplere. Ego, inquam, eos damnare non debeo. A Novit Dominus qui sunt ejus<sup>1</sup>: et unusquisque onus suum portabit<sup>2</sup>. Quem enim tenebræ non comprehendunt, cognoscetur Dominus judicium faciens, et in operibus manuum suarum comprehendetur omnis peccator<sup>3</sup>. De se quippe quod sibi bonum est, quisque sentiat; ego de me dicam quod sentio. Ego Bernardus, si de bonis ad meliora, vel de periculosus ad securiora voto et opere libere pertransissem, et illicita voluntate ad ea quæ mutavi, denuo recurrere præsumpsissem; non solum apostata, verum etiam regno Dei non idoneus fieri B pertimescerem. Hoc et beatus Gregorius ait: « Quisquis, » inquit, « majus bonum subire » proposuit, minus bonum, quod licuit, illicitum fecit. Scriptum quippe est: *Nemo mit-* « *tens manum suam ad aratrum, et retro respi-* » *ciens, aptus est regno Dei*<sup>4</sup>. Qui ergo fortiori » studio intenderat, retro respicere convinci- » tur, si relictis amplioribus bonis ad minora » retorquetur<sup>5</sup>. » Quod autem de excommunicatione quadam interserere voluisti; ut mihi videtur, nec tua interfuit investigare, nec mea quidquam interest judicare. Neque enim lex judicat quemquam, nisi prius audiat; et in C absentem judicium temere promulgatur.

## EPISTOLA CCCXIV.<sup>a</sup>

AD DOMINUM PAPAM INNOCENTIUM.

Bernardus post reconciliatos Ecclesiæ Mediolanenses, jussu Innocentii ad pacificandas ipsas inter se Lombardiæ civitates profectus, Papiam et Cremonam se contulit. Sed apud Cremonenses nihil proficiens, eorum pertinaciam Pontifici significat, et ut severiorem, D quam in archiepiscopum Mediolanensem parabat sententiam, paulisper suspendat, hortatur.

Amantissimo patri et domino INNOCENTIO sum-

mo Pontifici, frater BERNARDUS, modicum id quod est.

Cremonenses induruerunt, et prosperitas eorum perdit eos: Mediolanenses contemnunt, et confidentia ipsorum seducit eos. Hi in curribus et in equis spem suam ponentes, meam frustraverunt, et laborem meum exinanierunt. Abibam tristis, cum ecce non mediocris a vestra parte consolatio: ut etsi abundant tribulationes pro Christo, abundant et consolationes per ipsum. Acepi optatas litteras, ferentes delicias cordis mei, certitudinem de vestra incolumitate, hostium infortuniis, successibus amicorum. Cæterum perlegenti rursus tristior finis lætitiæ temperavit. Quem enim vestra non terreat indignatio? Fateor justam, et eo plus terreor. Dico tamen, quod factum nondum est, faciendum est, sed tempore quo præviderit Deus. Si quo minus, erit vobis æque in promptu quidquid intentatis inferre, et non æque forsitan periculosum. Alioquin quod tantis Dei miserationibus, tantis vestris, vestrorumque laboribus<sup>b</sup> in populo isto noviter ædificatum est, heu! quam leviter destrui potest. Mirum si ei qui misericordiam legitur superexaltare iudicio<sup>6</sup>, placere potest. Sed o infelicem illum episcopum<sup>c</sup>, qui in Hur Chaldæorum, de quodam quasi paradiso translatus, frater factus est draconum, et socius struthionum. Quid faciet? Obedire vult, et ecce bestiæ Ephesi frendent in eum dentibus. Dissimulare vult prudenter pro tempore, et omni feritate formidolosior vestram indignationem incurrit. Angustiæ sunt ei undique, nisi quod tolerabilius judicat sibi esse sine populo, quam sine domino: pluris habens, ut dignum est, apostolicam gratiam, quam Mediolanensem cathedram. An vos de ejus fidelitate dubitatis? Si quis vobis aliud de eo maligna persuadere suggestionem tentavit, se magis prodidit infidelem, qui virum tam boni testimonii lingua perfida in suo livore persequitur. Parce, Pater benigne, parce fideli tuo, parce adhuc recenti structuræ, parce novellæ

<sup>1</sup> II Tim. II, 19. — <sup>2</sup> Galat. VI, 5. — <sup>3</sup> Psal. IX, 17. — <sup>4</sup> Luc. IX, 62. — <sup>5</sup> Pastor. parte 3, cap. 28. — <sup>6</sup> Jacobi II, 13.

<sup>a</sup> Alias epistola 318: quæ vero antea 314 erat, nunc 390. Scripta anno Christi 1134. Cohæret hæc epistola cum epistolis 131, 132, et 133.

<sup>b</sup> Guidonis Pisani scilicet, ac Matthæi Albanensis, qui ad Mediolanenses ab Innocentio legati cum Bernardo, ex epistola 131.

<sup>c</sup> Ribaldum opinor, qui electus, et ab Innocentio confirmatus in locum Anselmi rejecti, ut in eadem epistola 131.

plantationi, parce denique populo acquisitio-<sup>291</sup>  
nis tuæ, hisque ipsis beneficiis tuis, quæ te A  
eidem veracissime contulisse commemoras. Me-  
mento, pie domine, sermonis Domini tui, quem  
dixit : *Ecce anni tres sunt*, inquit, *ex quo venio*  
*querens fructum in ficulna hac, et non inve-*  
*nio*<sup>1</sup>. Tu vero vix tres expectasti menses, et  
jam securim paras. Si tres annos sustinuisses,  
quantum adhuc a fidei servo dominici jure exi-  
geremus exempli. Dicimus ergo et nos : Dimitte  
et hoc anno, si quo modo forte circumfossa  
humo ligone penitentiae, adhibitoque limo la-  
crymarum suarum, sterilitati Mediolanensium  
is, cui eam credidisti, consulere, et fructum B  
elicere queat.

## EPISTOLA CCCXV.<sup>a</sup>

AD MATHILDEN REGINAM ANGLORUM \*.

Rogat ut annuat petitioni alias insinuatæ pro monachis  
de Capella.

Illustrissimæ dominæ, et dilectissimæ in Chri- C  
sto filiæ (quod non ex præsumptione lo-  
quor, sed ex affectu) MATHILDI, Dei gratia  
Anglorum reginæ, BERNARDUS.

Si de vestra sublimitate præsumo, non est  
mirum. Jam enim non ego solus sentio, sed  
omnes pene noverunt, quomodo nos accepte-  
tis, et quanto nos diligatis affectu. Propter  
quod rogatus sum a quodam amico vestro,  
venerabili abbate de Capella, ut pro decima  
quadam vos rogemus : unde, si bene memini-  
stis, Bononiæ vos rogavi, vos quoque more ve-  
stro benigne audistis me \*. Sed quia nondum D  
factum est quod rogamus, tempus est ut jam  
petitio illa mancipetur effectui. De cætero bene  
servate mihi filium, quem nunc peperistis :  
quia et ego quoque, si Regi non displicet, in  
eo mihi vindico portionem. Vale.

## EPISTOLA CCCXVI.<sup>b</sup>

AD HENRICUM SENONENSEM ARCHIEPISCOPUM, ET  
AD HAIMERICUM CANCELLARIUM.

Mortatur, ut nobili cuidam, bona ecclesiastica possidenti,  
sed nunc ea Religiosis quibusdam cedere volenti, non  
adversentur.

Cum laici ecclesias sive ecclesiastica bene-  
ficia, quæ illicite tenent, relinquere volunt,  
unum bonum est : cum vero transire ea in usus  
servorum Dei volunt, duplicatur bonum. Sed  
hoc cum fieri non potest, nisi per manus epi-  
scopi ; gemini se episcopus aut mali reum, aut  
boni probabit auctorem, juxta quod suum aut  
negabit, aut dabit assensum. Quod miles quidam  
vos rogat, hoc a vobis ipse rogari debuerat.  
Quid enim ? meliusne esse judicatis ab homine  
militari hæreditate possideri sanctuarium Dei,  
quam a sanctis Dei ? Mirum, si non mirantur  
omnes qui audiunt. Nolite, quæso, nolite, ne  
forte audiant filii incircumcisorum, et læten-  
tur. Esto, potestis captivam ecclesiam eripere  
de manu potentis, et juri proprio vindicare,  
quod minime arbitramur : quemnam, quæso,  
de illa libentius elegistis vobis hæredem et suc-  
cessorem ? qui inde deserviat exercitibus Regis,  
an intercessorem pro peccatis vestris ? Facite  
ergo quod justum, quod vobis dignum, quod  
Deo et omnibus bonis jucundum est : quod de-  
nique, etsi aliud non esset, amore nostri confi-  
denter fieri postularem.

## EPISTOLA CCCXVII.<sup>c</sup>

AD PRIOREM SUUM CODEFRIDUM \*.

Schismate extincto, et pace composita, jam se quam-  
primum ad suos reditum pollicetur.

Fratri CODEFRIDO, frater BERNARDUS, salutem.

In Octavis Pentecostes ipsa die complevit

<sup>1</sup> Luc. XIII, 7.

<sup>2</sup> Alias epistola 344 : quæ vero antea 315 erat, nunc 341. Scripta circa annum 1134.

<sup>3</sup> Alias epistola 375 : quæ vero antea 316 erat, nunc 356. Scripta circa annum 1135.

<sup>c</sup> Alias epistola 320 : quæ vero antea 317 erat, nunc 357. Scripta anno Christi 1138.

Deus desiderium nostrum, Ecclesiæ unitatem,<sup>204</sup> et Urbi dando pacem. Nam illa die filii Petri A Leonis omnes simul humiliaverunt se ad pedes domini Papæ, et facti homines ejus ligi<sup>a</sup>, juraverunt ei ligiam fidelitatem. Clerici quoque qui in schismate erant, simul cum idolo quod erexerant<sup>b</sup>, humiliantes se ad pedes domini Papæ, obedientiam ei juxta morem promiserunt, et facta est letitia magna in populo. Hanc pacem nisi cum quadam securitate, occultata tamen diu a nobis, expectavissemus, jamdudum venissemus. De cætero jam nihil est quod nos hic detineat. Facio quod imperastis: Veniam vertimus in Venio. Ecce enim venio cito, B etiam et merces mea mecum est, victoria Christi, et pax Ecclesiæ. Sexta feria post diem illum egressus est noster de civitate. Itaque venientes veniemus cum exultatione, portantes manipulos pacis. Et hæc quidem verba pulchra sunt, sed pulchriora sunt facta. Etenim tam pulchra sunt, ut quisquis non lætatur in eis, aut stultus sit, aut nequam. Vale.

quequo, domine, clypeus protectionis vestræ non opponitur? usquequo conculcabitur, nec inveniet sublevantem? Ecce Rex humiliavit se, et jam quævit indignatio ejus. Quid ergo superest, nisi ut manus apostolica supponatur afflictæ, et plagis ejus curam adhibens, et fomenta? Primum itaque esse credimus, ut maturetur electio, ne insolentia Remensis populi disperdat si quid residuum est, nisi in brachio excelso furori ejus resistatur. Si hæc rite celebrata fuerit, confidimus quod in reliquis quoque daturus sit Dominus gratiam et effectum.

## EPISTOLA CCCXIX.<sup>d</sup>

AD TURSTINUM EBORACI ARCHIEPISCOPUM.

Hortatur curam pastorem ne dimittat: si tamen justa causa, aut Pontificis consensus adsit, locum petat religiosæ disciplinæ magis observantem.

## EPISTOLA CCCXVIII.<sup>c</sup>

AD PAPAM INNOCENTIUM.

Remensis Ecclesiæ pericula insinuat, et maturam opem a Pontifice desiderat.

Amantissimo patri et domino INNOCENTIO summo Pontifici, frater BERNARDUS Claræ-Vallis vocatus abbas, modicum id quod est.

Cadit in interitum Remensis Ecclesia, data est in opprobrium civitas gloriosa: clamat D transeuntibus per viam, quod non sit dolor similis dolori ejus. Foris enim pugnx, intus timores. Sed et intus pugnx, quoniam filii ejus pugnant contra eam, nec habet generatorem qui liberet eam: unica spes ejus Innocentius, qui abstergat lacrymas a maxillis ejus. Sed us-

Reverendo patri et domino TURSTINO, Dei gratia Eboracensi archiepiscopo, BERNARDUS Claræ-Vallis vocatus abbas, salutem, non tam in via, quam in patria.

1. Laudamus quod optatis quietem, et desiderium habetis cum pace obdormire in Domino. Veruntamen istæ quas prætenditis causæ, curæ pastorali non videntur posse præscribere: nisi forte (quod absit, et nos non credimus) mortale aliquid commissum sit, aut summi Pontificis auctoritate emerito fuerit indulta licentia\*. Nam neque vos ignorare credimus illud Apostoli: *Alligatus es uxori? noli quærerere solutionem*<sup>1</sup>. Verbo siquidem promissionis, qualem vos fecisse dicitis, non tenetur episcopus, quominus in eo quo vocatus est ministerio perseveret.

2. Videtur ergo nobis, sanius sapienti non præscribentibus, ut quod tenetis teneatis, et humilitatis habitu, vitæque sanctitate monachum exhibeatis in episcopo\*. Quod si aut causa latens

<sup>1</sup> I Cor. VII, 27.

<sup>a</sup> Ligius, qui domino suo ratione feudi vel subjectionis fidem omnem contra quemvis præstare debet.

<sup>b</sup> Victore antipapa, qui extincto Anacleto a schismaticis electus.

<sup>c</sup> Alias epistola 329: quæ vero antea 318 erat, nunc 314. Scripta circa annum 1138.

<sup>d</sup> Alias epistola 372: quæ vero antea 319 erat, nunc 399. Scripta circa annum 1138.

cedere compellat, aut dominus Papa quietem<sup>297</sup> et amore suscipite, quo dignus est; et sic indulgeat; pro nostro exiguo sapere consilium A damus, ut nulla victus aut vestitus asperitas, nulla omnino paupertas vos deterreat, quominus transeatis, ubi majorem invenire speratis puritatem. Quanquam in hujusmodi domibus, animabus sic consulitur, ut pro ætate et imbecillitate, congrua cura corporibus non negetur. Vestri sumus, pro vobis Deum rogamus attentius, quatenus adspiret vobis quod melius est: concedatque pondus dici et æstus sic portare, ut ad vesperam regia signatum imagine recipiatis denarium.

## EPISTOLA CCCXX.<sup>a</sup>

ALEXANDRO PRIORI DE FONTIBUS\*, ET EJUSDEM  
LOCI FRATRIBUS.

Hortatur ad electionem novi abbatis unanimiter  
faciendam.

Dilectissimis in Christo fratribus ALEXANDRO  
Priori, et universo conventui de Fontibus, C  
frater BERNARDUS Clare-Vallensis vocatus  
abbas, salutem, et nostras qualescumque  
orationes.

1. Venerabilis pater vester<sup>b</sup> beato fine cursum consummavit, et obdormivit in Domino. Ego vero licet omni tempore, paterna pro vobis, tanquam pro visceribus nostris, charitate sollicitus, nunc tanto majorem pro vobis sollicitudinem gero, quanto major incumbit necessitas. Unde et dudum misissem ad vos, nisi quod exspectabam, donec opportunius atque utilius id agere possem, eo quod venerabilis D abbas Henricus\* citius advenire non posset, negotiis aliquibus occupatus: quem præcipue destinare proposueram ab initio, eo quod ipse utilior, et huic negotio magis idoneus videretur. Hunc ergo, fratres dilectissimi, cum eo honore

Luc. XI, 23.

<sup>a</sup> Alias epistola 381: quæ vero antea 320 erat, nunc 317. Scripta anno Christi 1138.

<sup>b</sup> Richardus scilicet secundus (non primus, ad quem epistola 96), mortuus in Clara-Valle anno 1138, maii die 15.

<sup>c</sup> Nempe in Fontanensi, et in tribus aliis ex eo productis, videlicet Novo-Monasterio diocesis Carleolensis, Kirkenstadio et Lude-Parco Lincolnensis.

<sup>d</sup> Alias epistola 382: quæ vero antea 321 erat, nunc 345. Scripta anno Christi 1138.

et tanto amplius, quanto ille et prudentia, et meritis antecessit. Ei siquidem et in facienda electione, et in omnibus, quæcumque vel in hoc monasterio, vel in cæteris quæ ab eo exierunt<sup>c</sup>, ordinanda, vel emendanda fuerint, omnino vicem nostram commisi. Misi autem cum eo fratrem Willelmum, qui est filius noster dilectissimus.

2. Et nunc obsecro vos, tanquam filios charissimos, ut in electione vestra idipsum sapiatis omnes, et non sint in vobis schismata, sed B unanimes uno ore glorificetis Deum; quoniam non est Deus dissensionis, sed pacis: unde et factus est in pace locus ejus, et dicit, *Qui non colligit mecum, dispergit*<sup>1</sup>. Absit enim ab his qui in schola Christi degunt, sub magisterio Spiritus sancti, ut gaudeat de eis inimicus, et in eorum dissensione gloriatur, quod et ipsorum animæ periclitentur, et frustra depercat totus pœnitentiæ labor; et fetere faciant odorem bonum Ordinis nostri, et per eos nomen Christi blasphemetur, per quos maxime fuerat glorificandum. Imo vero, sicut bene de vobis confidimus, sicut decet sanctos, sicut oportet servos Christi, unanimiter, obsecro, eligite vobis idoneum pastorem animarum vestrarum, una cum venerabilibus abbatibus de Rievall et Valle-Clara: quorum consilio volo vos in omnibus acquiescere, tanquam nostro.

## EPISTOLA CCCXXI.<sup>d</sup>

AD HENRICUM DE MURDACH\*, PRIMUM ABBATEM DE  
VALLE-CLARA, POSTEA DE FONTIBUS, TANDEM  
ARCHIEPISCOPUM EBORACENSEM.

Jubet, ne electionem sui in abbatem de Fontibus  
refutet.

Dilectissimo fratri et coabbati suo HENRICO,

frater BERNARDUS Claræ-Vallis vocatus abbas, <sup>296</sup> posuit, propinquorum renuntiavit affectibus, salutem et orationes.

Præcipio tibi, frater Henrice, ut si in te con-  
generit electio fratrum nostrorum de Fontibus,  
cum consilio venerabilis abbatis Rievallis, non  
refutes, sed obedias in charitate. Quod quidem  
nvitus facio, sciens magnum mihi ex tua ab-  
sentia solatium deperire : sed convenientibus  
eis contradicere timeo, credens a Domino  
xiisse sermonem istum, in quo tot Religioso-  
rum vota concordant, cum legerim in Evan-  
gelio, *Ubi cumque duo vel tres congregati fuerint  
in nomine meo, in medio eorum ego sum* <sup>1</sup>. Age  
ergo, charissime, et suscipe professiones eorum,  
et de cætero curam eorum habe, tanquam  
pastor animarum eorum. Nec timeas pro ea  
lomo, quam regendam suscepas. Ego enim,  
Deo volente, utilem ei providebo dispen-  
santorem; illa namque mihi vicinior est. Sed  
neque pro episcopo <sup>a</sup> dubites obedire : super  
me illud dimitte.

A paratos divitiarum laqueos transilivit, quia  
pennatum animal erat. Unde tibi hæc sapientia,  
fili? Neque enim tantam invenimus in senibus  
Babylonis. Ipsi sunt qui juxta Apostolum, imo  
contra, divites fieri volunt in hoc sæculo, ut  
incidant in tentationem, et laqueum diaboli <sup>2</sup>.  
Hugonis nostri sapientia non de terra est, sed  
de cælo. Confiteor tibi, Pater, quia abscondisti  
hæc a sapientibus, et parvulo revelasti. Tu  
quoque, fili, ne sis ingratus beneficio Redem-  
ptoris, sed pone animum puerilem, magis autem  
parvulus esto malitia, sed non sensu <sup>3</sup>. Non  
ætatem teneram Ordinis asperitas terreat. Me-  
mento quod asperior carduus <sup>d</sup> pannum faciat  
leniorem, conversatio conscientiam. Aderit  
Christi suavitas, et prophætæ farinula pulmen-  
tum incombustibile conditur <sup>4</sup>. Si tentationum  
sentis aculeos, exaltatum in ligno serpentem  
æneum intueri; et suge non tam vulnera, quam  
ubera Crucifixi. Ipse erit tibi in matrem, et tu  
eris ei in filium; nec pariter Crucifixum lædere  
aliquatenus poterunt clavi, quin per manus ejus  
et pedes ad tuos usque perveniant.

2. Sed inimici hominis domestici ejus <sup>5</sup>. Ipsi sunt  
qui non te diligunt, sed gaudium suum ex te.  
C Alioquin audiant a puero nostro : *Si diligeretis  
me, gauderetis utique, quia vado ad Patrem* <sup>6</sup>.  
« Si prostratus, » ait beatus Hieronymus, « ja-  
ceat in limine pater, si nudato sinu, quibus  
» te lactavit, ubera mater ostendat, si parvulus  
» a collo pendeat nepos; per calcatum transi pa-  
» trem, per calcatam perge matrem, et siccis  
» oculis ad vexillum crucis evola. Summum pie-  
» tatis est genus, in hac parte pro Christo esse  
» crudelem <sup>7</sup>. » Phreneticorum lacrymis ne mo-  
vearis, qui te plangunt de gehennæ filio factum  
filium Dei. Heu! quenam miseris tam dira cu-  
pido? quis tam crudelis amor, quæ tam iniqua

D dilectio? Corruptunt bonos mores colloquia  
mala <sup>8</sup>. Propterea, quantum poteris, fili, con-  
fabulationes hospitum declinato, quæ dum  
aurem implent, evacuant mentem. Disce orare  
Deum, disce levare cor cum manibus : disce  
oculos supplices in cælum erigere, et Patri mi-

## EPISTOLA CCCXXII. <sup>b</sup>

AD HUGONEM NOVITIUM, POSTEA BONÆ-VALLIS  
ABBATEM <sup>c</sup>.

Laudat vitæ religiosæ propositum, præmunitque eum ad-  
versus tentationes, et ad constantiam ac perseveran-  
tiam excitat.

Charissimo in Christo filio HUGONI, novæ crea-  
turæ in Christo, frater BERNARDUS Claræ-  
Vallis vocatus abbas, confortari in Domino.

1. Audita conversione tua, exultavimus et  
delectati sumus. Quidni gaudeant homines,  
unde lætantur et Angeli? jam celebris agitur  
dies, jam resonat in excelsis gratiarum actio,  
et vox laudis. Adolescens nobilis, deditus,  
vicit malignum, sprexit mundum, corpus ex-

<sup>1</sup> Matth. XVIII, 20. — <sup>2</sup> I Tim. VI, 9. — <sup>3</sup> I Cor. XIV, 20. — <sup>4</sup> IV Reg. IV, 39-41. — <sup>5</sup> Michææ VII, 6. —

<sup>6</sup> Joan. XIV, 28. — <sup>7</sup> Hieron. Epist. I, ad Heliodorum. — <sup>8</sup> I Cor. XV, 33.

<sup>a</sup> Bartholomæo nimirum Laudunensi episcopo, in cujus diocesi sita Vallis-Clara.

<sup>b</sup> Alias epistola 351 : quæ vero antea 322 erat, nunc 363. Scripta circa annum 1138.

<sup>c</sup> Bonæ-Vallis scilicet in diocesi Vesontionensi, cujus postea abbas iste Hugo piissimus, sancti Hugonis episcopi  
Gratianopolitani nepos, de quo in Vitæ libro 4, n. 40. — <sup>d</sup> Alias, *cardo* : male.

sericordiarum miserabilem faciem representare<sup>299</sup> in omni necessitate tua. Impium est sentire de A Deo, quod continere possit super te viscera sua, et avertere aurem a singultu tuo vel clamore. De cætero spiritualium patrum consiliis, hand secus quam majestatis divinæ præceptis, acquiescendum in omnibus esse memento. Hoc fac, et vives : hoc fac, et veniet super te benedictio, ut pro singulis quæ reliquisti, centuplum recipias, etiam in præsentī vita. Nec vero credas spiritui suadenti nimis id festinatum, et in maturiorem ætatem differendum fuisse : ei potius crede qui dixit, *Bonum est homini, cum portaverit jugum ab adolescentia sua. Sedebit solitari- B us, levavit enim se supra se*<sup>1</sup>. Bene vale, et studeto perseverantiæ, quæ sola coronatur.

## EPISTOLA CCCXXIII.<sup>a</sup>

AD INNOCENTIUM PAPAM.

Pro archiepiscopo Treverensi contra abbatem Sancti-Maximini<sup>b</sup>.

1. Quam magna multitudo dulcedinis tuæ, domine, ac dilectionis circa nos, sicut frequenter experti sumus ! et nunc superest ut experiamur adhuc in tempore opportuno. Absit autem ut aliquid petere audeamus, quod voluntati Dei, et honori tuo sentiamus esse contrarium. Quia ergo cor nostrum non reprehendit nos de minus rationabili vel honesta petitione, fiduciam habemus quod non revertentur ad nos vacuæ preces nostræ, præsertim quia patrem pro filio, et Innocentium pro innocente postulamus. Quam fideliter Treverensis archiepiscopus apostolicæ Sedis honorem, et quietem Romanæ Ecclesiæ D ab adolescentia sua dilexerit, quam immobiliter et sollicite in tempore tribulationis ei adhæserit, et aliis in umbra sedentibus pondus dici et æstus cum ea portaverit ; quam constanter et intrepide verbum veritatis pro testimoniis ejus in conspectu regum locutus sit pro consortibus suis, non necesse habetis scribi a nobis ; ipse enim certissime scitis. De cætero autem quod scimus loquimur, et quod vidimus testa-

mur, si tamen testimonium nostrum accipitis, A quam prudenter et provide res et possessiones Ecclesiæ eripuerit de manu filiorum alienorum, quam liberaliter et benigne bona sua semper in commune deduxerit, maxime autem circa domesticos fidei ; quam diligenter et circumspecte integritatem famæ suæ custodierit a labiis iniquis, et a lingua dolosa.

2. Quid ergo displicuit in eo Paternitati vestræ ? Numquid quod ecclesiam illam beati Maximini de regia potestate extraxit, ut sacerdotali subjecerit ? numquid quod hominem illum, qui, ut aiunt, prius dux quam miles, B prius abbas quam monachus esse voluit, non suscepit ? Si ergo hoc, vel aliquid aliud in eo displicuit, dignum tamen erat, ut apud pium Patrem inveterata dilectio facile non periret, sed operiret gratia culpam, et hominem in paucis reprehensibilem, laudabilem in pluribus, multorum beneficiorum recordatio excusaret. Nunc autem, domine, exaltasti dexteram deprimentium eum, lætificasti omnes inimicos ejus. Mirabile siquidem est in oculis multorum, quo vitæ merito, qua opinione boni positus sit in regimine animarum homo, qui accepit in vano animam suam. Quomodo namque poterit regere, qui regi non potuit ? quomodo audebit præesse, qui subesse non didicit ? vel obedientiam imperare subjectis, quam prælati exhibere non novit ? Si quis domui suæ præesse nescit, C dicit Magister Gentium, *quomodo Ecclesiæ Dei diligentiam habebit ?* Denique, qualis pater, tales filii ; qui matrem suam crudeliter eviscerant, ut haberent unde foverent schismata, et dissensiones : de quorum tamen moribus et conversatione honestius est silere, quam aliquid loqui. Sed neque hoc ipsum diximus, ut judicemus de alienis servis, qui suo domino stant, aut cadunt : sed scimus, si istorum misera voluntas prevaluerit, quod dissoluti juvenes excutient jugum disciplinæ a cervicibus suis, ut ad similitudinem istorum possint circumire terram, et perambulare eam : quibus etiam, si affectus ad effectum non pertingat, hoc ipsum erit ad gloriam, quod repugnare poterint prælati suis. Ille ! quantorum et qualium, qui de suis meritis apud vestram misericordiam confidunt, spes et fiducia movebitur de loco suo, si filium olim tam dilectum, a gremio vestro, et ab

<sup>1</sup> Thren. III, 27, 28. — <sup>2</sup> I Tim. III, 5.

<sup>a</sup> Epistola nova : quæ vero antea 323 erat, nunc 365. Scripta anno Christi 1139. — <sup>b</sup> Vide epistolas 179, 180.



uberibus consolationis vestræ turbo repentinus<sup>300</sup> excusserit!

3. Si quis ergo precibus nostris locus est apud Excellentiam tuam, beate Pater, suppliciter petimus, nos qui te potius, quam tua diligimus, ut in die bonorum non repellas hominem, qui permansit tecum in tentationibus tuis, ut aliquid apud te de jure illius depereat, qui a te crescere potius, quam minui expectabat. Alioquin, si præter spem omnium, et præter meritum hominis contigerit ut diripiant alieni labores ejus, ut ponantur adversus eum mala pro bonis, odium pro dilectione; ipse quidem, a quo non timebit, vulnus excipiet solus, sed multi in B persecutione ejus dolebunt. Spiritus veritatis, qui a Patre procedit, doceat te dividere lucem a tenebris in omni opere tuo, ut scias reprobare malum et eligere bonum.

## EPISTOLA CCCXXIV.<sup>a</sup>

AD ROBERTUM ABBATEM DE DUNIS\*.

Absentiæ mutuæ solamen suggerit, nempe animorum C conjunctionem, imo et corporum, quandoque futuram.

Fratri et amico charissimo ROBERTO abbati, frater BERNARDUS de Clara-Valle, quod amico charissimo.

Et tarde notus, et cito es mihi sublatus, Roberte charissime. Sed consolor, quod solo de corpore patiar hoc: nam spiritu semper es mecum. Quod tamen vel ipsum quando ego æquanimiter tolerarem, si solus non esset in causa Deus? Erit, erit, quando reddemur nobis, quando et quisque de se, et uterque de D invicem plene gaudebimus, præsentibus nobis in utraque portione nostri, in neutra deinceps ab alterutro dividendi. Glutinum erit tantæ conjunctionis, qui causa nunc est tantillæ separationis, præsens perpetuo futurus nobis, præsentibus nos nobis perpetuo servaturus. Salutamus omnes filios vestros et nostros, et rogamus ut orent pro nobis.

<sup>a</sup> Alias epistola 336: quæ vero antea 324 erat, nunc 382. Scripta anno Christi 1139.

<sup>b</sup> Alias epistola 337: quæ vero antea 325 erat, nunc 395. Scripta circa annum 1139.

<sup>c</sup> Alias epistola 391: quæ vero antea 326 erat, nunc 400. Scripta circa annum 1139.

## EPISTOLA CCCXXV.<sup>b</sup>

AD EUMDEM, DE IDERIO NOVITIO.

Quid de novitio dyscolo faciendum rogatus consulit.

Amantissimo fratri et coabbati suo ROBERTO de Dunis, frater BERNARDUS Claræ-Vallis dictus abbas, salutem.

Super hoc fratre, quem adeo non solum inutilem, sed etiam onerosum esse nuntiastis, absque eo quod intrinsecus latet; quale nobis ipsis, tale et vestræ Dilectioni damus consilium. Nobis siquidem videtur pro his quæ de ipso retulistis, quod in probatione sua se nec probabilem exhibuit, nec receptibilem: et ideo meruit ut rationabiliter, et sana conscientia valeatis malum auferre ex vobis. Verumtamen si pietati vestræ placet superexaltare misericordiam judicio, adhuc ipsum potestis retinere sine professione, quanto vobis tempore videbitur. Hoc autem omnino dissuademus, ne eum in hoc statu recipiatis ad professionem: sed iterum probetur, si forte se talem exhibere valeat, qualem debet. Sin autem, ferro abscissionis utendum est, ne una ovis morbida totum gregem contaminet.

## EPISTOLA CCCXXVI.<sup>c</sup>

D GUILLELMI ABBATIS, AD GAUFRIDUM CARNOTENSEM EPISCOPUM, ET BERNARDUM ABBATEM CLARÆ-VALLENSIS\*.

Ut Dei et Ecclesiæ causam adversus Petri Abaelardi errores, quorum aliquot capitula producit, tueantur.

Reverendis in Christo dominis et patribus, GAUFRIDO Carnotensium episcopo, et BER-

NARDO Claræ-Vallis abbati, vitam et dies<sup>501</sup> bonos.

1. Confundor, Deus scit, apud vos, cum de re communis et gravis necessitatis, silentibus vobis, et aliis, quorum erat loqui, cogor vos alloqui, nullus in hominibus, domini et patres. Cum enim fidem communis spei graviter nimis et periculose corrumpi video, nullo resistente, nullo obloquente; quam Christus suo nobis sanguine sacravit, pro qua Apostoli et martyres usque ad mortem pugnaverunt, quam sancti doctores duris laboribus suis, et magnis sudoribus defensam, integram et incorruptam usque ad fæces temporum nostrorum transmiserunt: contabesco in memetipso, et a frixura cordis et dolore spiritus cogor pro ea loqui, pro qua, si necesse esset et opportunum, vellem etiam mori. Nec de minimis agitur, sed de fide sanctæ Trinitatis, de persona Mediatoris, de Spiritu sancto, de gratia Dei, de sacramento communis redemptionis. Petrus enim Abaelardus iterum nova docet, nova scribit; et libri ejus transeunt maria, transiliunt Alpes; et novæ ejus sententiæ de fide, et nova dogmata per provincias et regna deferuntur, celebriter prædicantur, et libere defenduntur: in tantum ut in curia Romana dicantur habere auctoritatem. Dico vobis, periculose siletis, tam vobis, quam Ecclesiæ Dei. Pro nihilo ducimus corrumpi fidem, pro qua nosmetipsos nobis abnegavimus: non timemus Deum offendere, ne offendamus. Dico vobis, adhuc parturiens parturit malum hoc: sed nisi præventum fuerit, crumpet in regulum, cui vix inveniatur incantator. Quod cur dicam advertite.

2. Casu nuper incidi in lectionem cujusdam libelli hominis illius, cui titulus erat, Theologia Petri Abaelardi. Fateor, curiosum me fecit titulus ad legendum. Duo autem erant libelli idem pene continentes: nisi quod in altero plus, in altero minus aliquanto inveniretur. Ubi cum aliqua invenirem, quæ multum moverent me: notavi, et cur moverent subnotavi: et cum ipsis libellis misi vobis: utrum recte me moverint, judicii vestri sit. Cum enim graviter turbarer ad insolitas in fide vocum novitates, et novas inauditorum sensuum adinventiones, cum non haberem in quem refunderem; vos in omnibus elegi, ad quos me converterem, et quos in causam Dei, et totius latinæ Ecclesiæ citarem. Vos etiam timet homo ille, et refor-

midat. Claudite oculos: quem timebit? et qui jam dicit quod dicit, quid non dicet, cum nulum timebit? Emortuis quippe ex Ecclesia omnibus pene doctrinæ ecclesiasticæ magistris\*, quasi in vacuum rempublicam Ecclesiæ domesticus irruens inimicus, singulare sibi in ea magisterium arripuit: agens in Scriptura divina, quod agere solebat in dialectica, proprias adinventiones, annuas novitates; censor fidei, non discipulus; emendator, non imitator.

3. Hæc sunt ergo capitula ex opusculis ejus collecta, quæ vobis offerenda putavi: 1. Quod fidem definit æstimationem rerum quæ non videntur. 2. Quod impropria dicit esse in Deo nomina Patris, et Filii, et Spiritus sancti, sed descriptionem hanc esse plenitudinis summi boni. 3. Quod Pater sit plena potentia, Filius quædam potentia, Spiritus sanctus nulla potentia. 4. De Spiritu sancto, quod non sit ex substantia Patris et Filii, sicut Filius est ex substantia Patris. 5. Quod Spiritus sanctus sit anima mundi. 6. Quod libero arbitrio, sine adjuvante gratia, bene possumus et velle et agere. 7. Quod Christus non ideo assumpsit carnem et passus est, ut nos a iugo diaboli liberaret. 8. Quod Christus Deus et homo non est tertia persona in Trinitate. 9. Quod in Sacramento altaris in aere remaneat forma prioris substantiæ. 10. Quod suggestiones diabolicas per physicam dicit fieri in hominibus. 11. Quod ab Adam non trahimus originalis peccati culpam, sed pœnam. 12. Quod nullum sit peccatum, nisi in consensu peccati et contemptu Dei. 13. Quod dicit concupiscentia, et delectatione, et ignorantia nullum peccatum committi; et hujusmodi non esse peccatum, sed naturam.

4. Hæc pauca interim capitula, ex opusculi ejus congesta in unum, primo vobis arbitratus sum offerenda, ad excitandos vos, et excusandos nos, ne frustra commoti videamur. Quæ tamen cum aliis incidentibus, auxiliante eo in cuius manu sumus et nos, et sermones nostri, ex hoc latius digerere aggrediar; parvipendens, si vobis displicuero in sermone, dum non displiceam in fide: ut si quocumque modo suggerere potuero vobis me juste commotum, commoveamini et vos; et in causa capitis, sive pes ille sit, sive manus, sive etiam oculus, non paveatis. Dilexi et ego eum, et diligere vellem; Deus testis est: sed in causa hac nemo unquam proximus mihi erit, vel amicus. Nec secreta

commonitione seu correptione malum hoc at-<sup>303</sup>  
tentandum est, quod ipso se prodente, tam A  
publicum factum est. Sunt autem, ut audio,  
adhuc alia ejus opuscula, quorum nomina sunt,  
Sic et non; Scito te ipsum; et alia quædam, de  
quibus timeo, ne sicut monstruosi sunt nomi-  
nis, sic etiam sint monstruosi dogmatis: sed,  
sicut dicunt, oderunt lucem, nec etiam quæsitæ  
inveniuntur. Sed jam veniamus ad rem, etc.

## EPISTOLA CCCXXVIII.<sup>c</sup>

AD ROMANUM PONTIFICEM<sup>d</sup>.

Contra electum Rutenensem.

## EPISTOLA CCCXXVII.<sup>a</sup>

RESRIPTUM BERNARDI AD GUILLELMUM ABBATEM.

Libellum contra Petrum Abaelardum conscriptum lau-  
dat, mutuumque colloquium post Pascha promittit.

GUILLELMO charissimo suo, frater BERNARDUS.

Motum vestrum et justum judico, et neces-  
sarium. Sed et otiosum non esse, monstrat  
libellus tundens et obstruens os loquentium  
iniqua. Non quod illum adhuc attentius, ut  
jubetis, percurrerim; sed quia ex eo quod C  
cursim potui pervidere, placet fateor, et po-  
tentem existimo iniquum dogma obruere. Verum  
quoniam meo judicio non satis, ut optime no-  
stis, fidere consuevi, præsertim in tam magnis  
rebus; operæ pretium puto, præsertim consi-  
derata opportunitate, me atque vos pariter  
alicubi convenire et conferre de omnibus. Id-  
ipsum tamen ante Pascha fieri posse non arbi-  
tror, ne, quod præsens tempus indicit, studium  
orationis impediatur. Porro silentii ac patientiæ  
super his meæ patientiam habete: cum horum  
plurima, et pene omnia lucusque nescierim<sup>b</sup>.  
Jam vero ad quod hortamini potens est et Deus D  
dare mihi spiritum bonum vestris orationibus.  
Valete.

Hactenus amicorum precibus morem geren-  
tes, scripsimus opportune, importune: nunc  
autem, etiamsi velimus, tacere tamen christiana  
B religione prohibemur. *Maledictus*, inquit pro-  
pheta, *qui prohibet gladium suum a sanguine*<sup>1</sup>.  
Quotidie nequitia proficit, malorum desideria  
prosperantur; et non est qui ascendat ex adver-  
so, vel qui opponat se murum pro domo Israel.  
Ecce adhuc in diebus tuis, et manibus et pedi-  
bus nituntur ingredi ad sancta sanctorum ho-  
mines corruptissimi, qui pepigerunt pactum  
cum morte, et fœdus cum inferno. Utquid  
patientia hæc? Rutilenses\* clerici elegerunt  
vitiis suis consentientem personam, nec puduit  
eos, etiam in oculis tuis, veritatem operire  
mendacio, ut dicitur, et circa electam perso-  
nam, et circa negotium electionis. Homo ille,  
non a Deo, sed ab hominibus electus, multos  
habet testes infamiæ suæ, nullum purgationis;  
et, ut vobiscum involute loquar, honestius est  
de illo silere, quam loqui. Absit ut in diebus  
tuis talia monstra promoveantur, ut ille ponatur  
custos animarum, qui pro nihilo ducit ef-  
fusionem sanguinis Christi, et pretium redem-  
ptionis animæ suæ. Quid autem illi aliquantulum  
astute verbum de injuria et oppressione appel-  
lationis, ut ad se per hæc ad curiam inclinarent,  
causæ interseruerunt suæ? Nolite accipere ver-  
bum mendacii: quia, sicut virorum veracium  
D relatione discitur, nulla secuta est appellationis  
oppressio, ubi nulla præcessit appellatio. Pro-  
inde oportet ut quod religiosorum consilio per

<sup>1</sup> Jerem. XLVIII, 10.

<sup>a</sup> Alias epistola 392: quæ vero antea 327 erat, nunc 339. Scripta circa annum 1139.

<sup>b</sup> Hinc patet, Guillelmum unum ex primis incentorem fuisse adversum Abaelardum, quod etiam Guillelmus ipse  
in superiori epistola diserte affirmat, conquereudo de Gaufridi et Bernardi silentio.

<sup>c</sup> Epistola nova: quæ vero antea 328 erat, nunc 414. Scripta circa annum 1140.

<sup>d</sup> Hæc epistola subsequēbatur aliam cujusdam A. *ad abbatem Reatinensis monasterii*; atque inscripta erat, *Ad eundem*. At Innocentio vel Eugenio, et quidem a Bernardo, directam fuisse, patet ex epistola sequente, quæ est ejusdem argumenti, id est contra Rutenensem electum, Ademari successorem, cujus nomen ignoratur. Bernardus in epistola 240, n. 1, Eugenio gratulatur, ob finitam causam Rutenensis Ecclesiæ, nempe ob depositum, ut videtur, Rutenensem episcopum indignum, de quo hac in epistola et in sequente.

episcopum factum est, per te robur accipiat in<sup>501</sup> dictum est, *Infirmatæ sunt contra eos lingue manu potenti et brachio excelso*. Sed et ipsum A *eorum*<sup>2</sup>. Ecce in manu tua est. Verumtamen archiepiscopum<sup>a</sup> magis ac magis tibi volumus animam tuam custodi, neque communicaveris commendari, pro quo nec rogare, nec exaudiri vellemus, si non honorificaret ministerium suum. peccatis alienis. Per te stabit, aut per te corruet: sed si per te corruerit, manus tuas consecrabis Domino.

EPISTOLA CCCXXIX.<sup>b</sup>

AD EPISCOPUM LEMOVICENSEM.

Contra eundem electum Rutenensem.

Verba quæ ego loquor vobis, non pro me ipso loquor, nec in eis quæro quæ mea sunt. Vobis loquor pro vobis. Breves dies hominis sunt. Quamdiu estis episcopus Lemovicensis, ministerium vestrum honorificate, ut videamus opera vestra bona. Causam Catinensis<sup>c</sup> electi, a domino Papa vobis commissam, et remota omni appellatione canonico fine terminandam a vobis audientes, facti sumus sicut consolati. Ecce enim præ manibus est tempus, et negotium, in quibus Ecclesia Dei perspiciet, utrum sit rationale in pectore Pontificis. Jam non erit otiosus, si tamen in vobis est, timor Dei, vigor canonum, amor justitiæ. In Ecclesia Rutinensi agitur de pastore, et episcopo animarum, et successore Christi, de illo, inquam, qui suscitaret semen fratris defuncti. Et ad hæc quis tam idoneus? Numquid ille, quem vita inquinavit, quem conscientia accusavit, quem fama publicavit? numquid ille, qui de abbatia in abbatiam, vel potius de abyso in abyssum descendit, ut idem sit violator virginum, et consecrator? Et ubi erit jam illud, quod dictum est ab Apostolo: *Oportet episcopum sine crimine esse, tanquam dispensatorem Dei*<sup>1</sup>? Noli ergo stare contra te ipsum, aliud dicens, et aliud agens: sed opera tua verbis tuis respondeant idem de eodem; ne illud tibi aptari possit, quod de quibusdam

EPISTOLA CCCXXX.<sup>d</sup>

B

AD INNOCENTIIUM PAPAM.

Contra Petrum Abaelardum.

Amantissimo patri ac domino INNOCENTIO, BERNARDUS Claræ-Vallis vocatus abbas, modicum id quod est.

Plorans ploravit in nocte Sponsa Christi, et lacrymæ ejus in maxillis ejus: non est qui consoletur eam ex omnibus charis ejus. Moram faciente Sponso, tibi, domine, commissa est Sinamitis in loco peregrinationis suæ. Nulli familiarius confitetur injurias, nulli secretius exponit æstus et gemitus suos, quam amico Sponsi. Nam quia Sponsum diligis, sponsam ad te clamantem non despicias in opportunitatibus, in tribulatione. Inter hæc omnia genera hostium, quibus circumvallatur Ecclesia Dei, sicut lilium inter spinas, nihil periculosius, nihil molestius est, quam cum ab eis, quos continet in gremio suo, et quos suis fovet uberibus, laceratur interius. Pro talibus, et de talibus est illa vox dolentis et gementis: *Amici mei et proximi mei adversum me appropinquaverunt, et steterunt*<sup>3</sup>. Nulla quidem pestis efficacior ad nocendum, quam familiaris inimicus. Argumento nobis sunt et Absalon familiaritas, et osculum Judæ. Fundamentum aliud ponitur nobis, præter id quod positum est. Nova fides in Francia euditor, de virtutibus et vitiis non

<sup>1</sup> Tit. 1, 7. — <sup>2</sup> Psal. LXIII, 9. — <sup>3</sup> Psal. XXXVII, 12.

<sup>a</sup> Bituricensis scilicet, cujus suffraganeus est episcopus Rutenensis.

<sup>b</sup> Epistola nova: quæ vero antea 329 erat, nunc 318. Scripta circa annum 1140.

<sup>c</sup> Fortasse legendum, *Catarcensis*; nam vix ad aliam civitatem hæc epistola referri potest. Quod si ita videbitur, hoc loco agi videtur de electione Raimundi, quem proinde Guillelmus a Cruce ex albo Cadurcensium episcoporum immerito expungat.

<sup>d</sup> Epistola nova: quæ vero antea 330 erat, nunc 349. Scripta anno Christi 1140.

moraliter, de Sacramentis non fideliter, de<sup>503</sup> mysterio sanctæ Trinitatis non simpliciter ac A sobrie, sed præter ut accepimus, disputatur. Magister Petrus et Ernaldus, a cujus peste Italiam purgastis, adstiterunt et convenerunt in unum adversus Dominum, et adversus Christum ejus. Squama squamæ conjungitur, et ne spiraculum quidem incedit per eas. Corrupti sunt, et abominabiles facti sunt in studiis suis, et de fermento suæ corruptionis corrumpunt fidem simplicium, morum ordinem conturbant, Ecclesiæ maculant castitatem : ad imaginem et similitudinem illius qui transfigurat se in angelum lucis, habentes formam pietatis, sed virtutem ejus abnegantes, circumornati sunt ut similitudo templi, ut sagittent in obscuro rectos corde. Evasimus rugitum Petri Leonis, sedem Simonis Petri occupantem : sed Petrum Draconis incurrimus, fidem Simonis Petri impugnantem. Ille persecutus est Ecclesiam Dei manifeste, sicut leo rapiens : iste vero, tanquam draco, sedet in insidiis in occultis, ut interficiat innocentem. Sed tu, Domine Deus, oculos superbiorum humiliabis, tu conculcabis Leonem et Draconem. Nocuit ille, quoad vixit ; et idem fuit ei vitæ terminus atque malitiæ : iste vero nova dogmata scribens, jam providit, quomodo virus suum transfundat in posteros, quomodo noceat generationi omni, quæ ventura est. Denique, ut pauca de multis dicam, theologus noster cum Ario gradus et scalas in Trinitate disponit ; cum Pelagio liberum arbitrium gratiæ præponit, cum Nestorio Christum dividens, hominem assumptum a consortio Trinitatis excludit. Sed in his omnibus gloriatur, quod cardinalibus et clericis curiæ, scientiæ fontes aperuerit ; quod manibus et sinibus Romanorum libros et sententias incluserit, et in tutelam erroris sui assumit eos, a quibus judicari debet et damnari. Qua mente, qua conscientia recurris ad fidei defensorem, fidei persecutor ? quibus oculis, qua fronte intueberis amicum Sponsi, Sponsæ violator ? O nisi detineret me cura fratrum ! o nisi me corporalis infirmitas impediret ! quantum desiderarem videre amicum Sponsi pro Sponsa zelantem in absentia Sponsi ! Ego, qui silere non potui injurias domini mei, læsiones Ecclesiæ patientis feram ? Tu autem, dilectissime Pater, ne elongaveris auxilium tuum ab ea : ad defensionem

ejus conspice, accingere gladio tuo. Jam enim ex abundantia iniquitatis refrigescit charitas multorum : jamjam Sponsa Christi, nisi manum adhibeas, egreditur et abit post vestigia gregum, et pascit greges juxta tabernacula pastorum.

## EPISTOLA CCCXXXI.<sup>a</sup>

AD STEPHANUM CARDINALEM ET EPISCOPUM PRÆNESTINUM.

Ejusdem argumenti.

Venerabili domino et charissimo patri S. Dei gratia Prænestino episcopo, frater BERNARDUS Claræ-Vallis abbas, viriliter agere et confortari in Domino.

Angustias et gemitus Sponsæ Christi eo vobis familiariter enuntio, quo amicum Sponsi vos esse cognovi, et gaudio gaudere propter vocem Sponsi. Confido enim de vobis in Domino, si bene novi interiorem hominem vestrum, quia non quæritis quæ vestra sunt, sed quæ Jesu Christi. Petrum Abaelardum, catholicæ fidei persecutorem, inimicum crucis Christi, vita probat, et conversatio, et libri jam de tenebris in lucem procedentes. Monachum se exterius, hæreticum interius ostendit, nihil habens de monacho, præter nomen et habitum. Aperit cisternas veteres, et lacus contritos hæreticorum, ut bos et asinus cadat. Siluerat jam per multos dies : sed quando siluit in Britannia, concepit dolorem, et nunc in Francia concepit iniquitatem. Egressus est de caverna sua coluber tortuosus, et in similitudinem hydræ, uno prius capite succiso, septem pro uno capita produxit. Succiso uno, succisa fuit una illius hæresis Suessione : sed jam loco illius septem et eo amplius hæreses emeruerunt, quarum exemplar habuimus, et misimus vobis. Rudes et novellos auditores ab uberibus dialecticæ separatos, et eos, qui, ut ita dicam, prima fidei elementa vix sustinere possunt, ad mysterium sanctæ Trinitatis, ad sancta sanctorum, ad cubiculum Regis introducit, et ad eum, qui posuit tenebras latibulum suum. De-

<sup>a</sup> Epistola nova : quæ vero antea 331 erat, nunc 350. Scripta anno Christi 1140.

nique theologus noster cum Ario gradus et<sup>306</sup> cramento altaris, de incomprehensibili sanctæ scalas in Trinitate disponit, cum Pelagio libe-  
rum arbitrium gratiæ præponit, cum Nestorio Christum dividens, hominem assumptum a consortio Trinitatis excludit. Sic, sic per omnia fere Sacramenta discurrens, attingit a fine usque ad finem fortiter, et disponit omnia damnabiliter. Ad hæc gloriatur, se infecisse curiam Romanam novitatis suæ veneno; manibus et sinibus Romanorum libros et sententias suas inclusisse, et in tutelam sui erroris assumit eos, a quibus judicari debet et damnari. Provideat Deus Ecclesiæ suæ, pro qua mortuus est, ut eam exhiberet sibi non habentem maculam, aut rugam, quatenus perpetuum silentium imponatur homini, cujus maledictione os plenum est, et amaritudine, et dolo.

## EPISTOLA CCCXXXII.<sup>a</sup>

AD G. CARDINALEM.

Item contra Petrum Abaelardum.

Domino venerabili et patri dilectissimo, sanctæ Romanæ Ecclesiæ cardinali G. BERNARDUS Claræ-Vallensis abbas, spiritum consilii et fortitudinis.

Silere non possum injurias Christi, angustias et dolores Ecclesiæ, et miseriam inopum, et gemitum pauperum. Incidimus in tempora periculosa. Magistros habemus prurientes auribus: discipuli a veritate auditum avertunt, ad fabulas convertuntur. Habemus in Francia monachum sine regula, sine sollicitudine prælatum, sine disciplina abbatem Petrum Abaelardum, disputantem cum pueris, conversantem cum mulieribus. Aquas furtivas et panes absconditos domesticis suis apponit in libris, et in sermonibus suis profanas vocum novitates inducit et sensum. Accedit non solus, sicut Moyses, ad caliginem in qua erat Deus, sed cum turba multa et discipulis suis. Per vicos et plateas de fide catholica disputatur, de partu Virginis, de Sa-

Trinitatis mysterio. Evasimus rugitum Petri Leonis: sibilos Petri Draconis incurrimus. Sed tu, Domine Jesu, oculos superborum humiliabis, tu conculcabis Leonem et Draconem. Nocuit ille quoad vixit, et idem fuit ei vitæ terminus, atque malitiæ: iste vero jam providit, quomodo virus suum transfundat in posteros, quomodo noceat generationi omni, quæ ventura est. Lepram adinventionum suarum atramento signavit et calamo. Libros ejus habuimus, et misimus vobis. Cognoscite auctorem operis in opere. Videte quod theologus noster cum Ario gradus et scalas in Trinitate disponit, cum Pelagio liberum arbitrium gratiæ præponit; cum Nestorio Christum dividens, hominem assumptum a consortio Trinitatis excludit. Et hæc pauca sunt de multis. Non erit in vobis qui vicem Christi doleat, qui diligat justitiam, qui oderit iniquitatem? Si os loquentis iniqua obstructum non fuerit, videat ille et judicet, qui solus laborem et dolorem considerat.

C

## EPISTOLA CCCXXXIII.<sup>b</sup>

AD G. CARDINALEM<sup>c</sup>.

Ejusdem item argumenti.

Viro venerabili et amico suo G. diacono cardinali sub titulo sanctorum Sergii et Bacchi, BERNARDUS Claræ-Vallensis abbas, salutem et dilectionem.

Secundum tuam consuetudinem, quotiescumque curiam intro, semper mihi debes assurgere. Verba videntur quasi ludentis; sed seria res agitur. Ecce ego curiam intro, secundum causam dico, non secundum personam. Qui personæ meæ assurgere solebas, assurge nunc causæ meæ, imo causæ Christi: quia Christus est in causa, et veritas periclitatur. Assurge, imo exsurge adversus eum, qui disputat de fide contra fidem, qui verbis legis legem impugnat, cujus

<sup>a</sup> Epistola nova: quæ vero antea 332 erat, nunc 367. Scripta anno Christi 1140.

<sup>b</sup> Epistola nova: quæ vero antea 333 erat, nunc 386. Scripta anno Christi 1140.

<sup>c</sup> Is est Gregorius Tarquinius, sanctorum Sergii et Bacchi diaconus cardinalis, a Callisto II creatus.

manus contra omnes, et manus omnium contra<sup>507</sup> eum. Hic est Petrus Abaelardus, qui de moribus, de Sacramentis, de Patre et Filio et Spiritu sancto scribit, docet, et disputat, dividens prout vult. Nunc autem intrat curiam, postquam commovit Ecclesiam, et turbavit eam, non ut sanet contritiones ejus, sed ad excusationes excusandas in peccatis. Si filius ejus es, defende utrum quī te portavit, et ubera quæ suxisti.

EPISTOLA CCCXXXV.

AD QUEMDAM PRESBYTERUM CARDINALEM \*.

Item contra Petrum Abaelardum.

Cardinali presbytero, BERNARDUS Claræ-Vallis abbas, salutem et dilectionem in Domino.

EPISTOLA CCCXXXIV.<sup>a</sup>

AD GUIDONEM PISANUM<sup>b</sup>.

Contra eundem Abaelardum.

GUIDONI Pisano, BERNARDUS Claræ-Vallis abbas, mentem sanam in corpore sano.

Causam meam propriam secure vobis committerem propter officium mutue dilectionis nostre : nunc autem tanto confidentius istam committo, quanto amplius ille diligendus est, ejus est causa. Causa est Christi, imo Christus est in causa, et veritas in periculo. Dividuntur vestimenta Christi, Sacramenta Ecclesiæ scinduntur : sed integra manet tunica inconsutilis, desuper contexta per totum. Tunica hæc unitas est Ecclesiæ, quæ scissuram ignorat, divisionem non recipit. Quod enim desuper contextum est, quod a Spiritu sancto compactum est, non dissolvetur ab hominibus. Cum hæretici exaceruerunt linguam suam sicut serpentes, cum omnes aculeos ingenii sui excusserunt, ut pacem Ecclesiæ conturbent; tamen quoniam portæ inferi sunt, non prævalebunt adversus eam. Si filius hujus es, si materna ubera recognoscis, non deseras matrem in periculo, non subtrahas humeros tuos in tempore tribulationis. Magister Petrus ingreditur curiam, ut apostolicæ Sedis auctoritas ponatur ei murus et antemurale ad confirmandos suos errores, quos scripsit, quos docuit, quibus fidem catholicam impugnavit.

Nemo adolescentiam tuam contemnat. Canities quippe non capitis, sed mentis requiritur a Domino, et ætas senectutis vita immaculata. Non expavit Jeremias, non formidavit Daniel, licet ambo pueri essent, senes impudicos, inveteratos dierum malorum. Impudicum et ego merito appellaverim illum, qui decorem Ecclesiæ, qui fidei maculat castitatem. Hic est Petrus Abaelardus, qui de fide, de Sacramentis, de mysterio sanctæ Trinitatis, præterquam accepit, disputat, dividens singulis prout vult. Nunc autem ingreditur curiam, postquam Ecclesiam commovit, et conturbavit eam, non ut sanet contritiones ejus, sed quia declinavit in verba malitiæ, ad excusandas excusationes in peccatis. Confidenter pro Ecclesia stabunt qui se filios esse Ecclesiæ cognoscunt.

EPISTOLA CCCXXXVI.<sup>d</sup>

AD QUEMDAM ABBATEM<sup>e</sup>.

Ejusdem argumenti.

Dilectissimo fratri et coabbati, frater BERNARDUS Claræ-Vallensis abbas, zelum Dei habere secundum scientiam.

Oportet hæresces esse, ut qui probati sunt,

<sup>a</sup> Epistola nova : quæ vero antea 334 erat, nunc 362. Scripta anno Christi 1140.  
<sup>b</sup> Guido Moricetus de Vico, Pisanus, cardinalis tituli sanctorum Cosmæ et Damiani, ab Innocentio creatus.  
<sup>c</sup> Epistola nova : quæ vero antea 335 erat, nunc 368. Scripta anno Christi 1140.  
<sup>d</sup> Epistola nova : quæ vero antea 336 erat, nunc 324. Scripta anno Christi 1140.  
<sup>e</sup> Forte ad Bernardum abbatem Italum, qui Romam a Bernardo tunc missus fuerat, infra in epistolis 313 et 344.

manifesti fiant. Si quis est Domini, jungatur<sup>508</sup> ei. Deus enim est in causa. Veritas periclitatur : dividuntur vestimenta Christi, Sacramenta scinduntur Ecclesiae. A planta pedis usque ad verticem faciei corrumpitur sanitas, simplicitas fidelium deridetur : prope est, ut ascendat leo de cubili suo, ut contra Ecclesiam se erigat prædo gentium. Præcedit jam Petrus Abaelardus ante faciem Antichristi parare vias ejus, de fide, de Sacramentis, de Patre et Filio et Spiritu sancto, præterquam accepimus, enuntians. Scribit, docet, et contendit verbis ad subversionem audientium. Ponit in Trinitate gradus et scalas cum Ario; præponit gratiæ liberum arbitrium cum Pelagio; hominem assumptum a consortio Trinitatis excludit; Christum dividit cum Nestorio. Sed in omnibus his gloriatur, quod Ecclesiam Romanam sibi reconciliavit; quod libros et sententias suas manibus et sinibus Romanorum incluserit : et in defensionem sui erroris assumit eos, a quibus judicari debet et damnari. Videat Deus, et judicet, si velociter obstructum non fuerit os loquentis iniqua. Cætera præsentium lator latius explicabit.

## EPISTOLA CCCXXXVII.<sup>a</sup>

AD INNOCENTIUM PONTIFICEM, IN PERSONA FRANCIE EPISCOPORUM\*.

Episcopi Gallie exponunt Pontifici, quid actum sit in causa Petri Abaelardi, Bernardum ad disceptationem in synodo provocantis, sed ad objectos sibi hæresum articulos respondere nolentis, et ad Sedem apostolicam appellantis.

Reverendissimo patri et domino INNOCENTIO, Dei gratia summo Pontifici, HENRICUS Senonensium archiepiscopus, GAUFRIDUS Carnotensis episcopus, sanctæ Sedis apostolicæ famulus\*, HELIAS Aurelianensis, HUGO Autisiodorensis, HATTO Trecentis, MANASSES Meldensis episcopi, devotas orationes et debitam obedientiam.

1. Nulli dubium est quod ea quæ apostolica firmantur auctoritate, rata semper existunt,

nec alicujus possunt deinceps mutilari cavillatione, vel invidia depravari. Ea propter ad vestram apostolicam Sedem, beatissime Pater, referre dignum censuimus quædam, quæ nuper in nostra contigit tractari præsentia : quæ quoniam et nobis, et multis religiosis ac sapientibus viris rationabiliter acta visa sunt, vestræ Serenitatis exspectant comprobari judicio, simul et auctoritate perpetuo roborari. Itaque cum per totam fere Galliam in civitatibus, vicis, et castellis, a scholaribus, non solum intra scholas, sed etiam triviatis; nec a literatis, aut provectis tantum, sed a pueris et simplicibus, aut certe stultis, de sancta Trinitate, quæ Deus est, disputaretur; insuper alia multa ab eisdem, absona prorsus et absurda, et plane fidei catholicæ, sanctorumque Patrum auctoritatibus obviantia proferrentur: cumque ab his qui sane sentiebant, et eas ineptias rejiciendas esse censebant\*, sæpius admoniti corriperebatur; vehementius convalescebant, et auctoritate magistri sui Petri Abaelardi, et ejusdem ipsius libri, cui Theologiæ indiderat nomen, necnon et aliorum ejusdem opusculorum freti, ad astruendas profanas ad inventiones illas, non sine multarum animarum dispendio, sese magis ac magis armabant. Quæ enim et nos, et alios plures non parum moverant ac læserant, inde tamen quæstionem facere verebantur.

2. Verum dominus abbas Claræ-Vallis, his a diversis et sæpius auditis, imo certe in prætaxato magistri Petri Theologiæ libro, necnon et aliis ejusdem libris, in quorum forte lectionem inciderat, diligenter inspectis, secreto prius, ac deinde secum duobus aut tribus adhibitis testibus, juxta evangelicum præceptum, hominem convenit : et ut auditores suos a talibus compesceret, librosque suos corrigeret, amabiliter satis ac familiariter illum admonuit. Plures etiam scholarium adhortatus est, ut et libros venenis plenos repudiarent et rejicerent, et a doctrina quæ fidem lædebat catholicam, caveant et abstinerent. Quod magister Petrus minus patienter et nimium ægre ferens, crebro nos pulsare cœpit, nec ante voluit desistere, quoad ad dominum Claræ-Vallensem abbatem super hoc scribentes, assignato die, scilicet octavo Pentecostes, Senonis ante nostram submonuimus venire præsentiam, quo se vocabat et offe-

<sup>a</sup> Alias epistola 370 : quæ vero antea 337 erat, nunc 325. Scripta anno Christi 1140.



rebat paratum magister Petrus ad probandas<sup>509</sup> rentes, in personam hominis nullam volumus et defendendas, de quibus illum dominus abbas A proferre sententiam. Cæterum sententias pravi dogmatis ipsius, quia multos infecerant, et sui contagione adusque cordium intima penetraverant; sæpe in audientia publica lectas et relectas, et tam verissimis rationibus, quam beati Augustini, aliorumque sanctorum Patrum inductis a domino Claræ-Vallensi auctoritatibus, non solum falsas, sed et hæreticas esse evidentissime comprobatas, pridie ante factam ad vos appellationem damnavimus. Et quia multos in errorem perniciosissimum et plane damnabilem pertrahunt; eas auctoritate vestra, dilectissime B domine, perpetua damnatione notari, et omnes qui pervicaciter et contentiose illas defenderint, a vobis, æquissime Pater, justa pœna mulctari unanimiter et multa precum instantia postulamus. Sæpedito vero Petro, si Reverentia vestra silentium imponeret, et tam legendi, quam scribendi prorsus interrumperet facultatem, et libros ejus, perverso sine dubio dogmate respersos, condemnaret; avulsis spinis et tribulis ab Ecclesia Dei, prævaleret adhuc læta Christi segēs succrescere, florere, fructificare. Quædam autem de condemnatis a nobis capitulis vobis, reverende Pater, conscripta transmisimus, ut C per hæc audita reliqui corpus operis facilius æstimetis.

3. Itaque præsentē glorioso rege Francorum Ludovico cum Willelmo religioso Nivernis comite, domino quoque Remensi archiepiscopo, cum quibusdam suis suffraganeis episcopis, nobis etiam et suffraganeis nostris, exceptis Parisiis et Nivernis, episcopis præsentibus, cum multis religiosis abbatibus et sapientibus, valdeque litteratis clericis, adfuit dominus abbas Claræ-Vallensis, adfuit magister Petrus cum fautoribus suis\*. Quid multa? Dominus abbas cum librum Theologiæ magistri Petri proferret in medium, et quæ adnotaverat absurda, imo hæretica plane capitula de libro eodem proponeret, ut ea magister Petrus vel a se scripta negaret; vel, si sua fateretur, aut probaret, aut corrigeret; visus diffidere magister Petrus Abaelardus, et subterfugere, respondere noluit: sed quamvis libera sibi daretur audientia, tutumque locum et æquos haberet iudices, ad vestram tamen, sanctissime Pater, appellans præsentiam, cum suis a conventu discessit.

4. Nos autem, licet appellatio ista minus canonica videretur, Sedi tamen apostolicæ defe-

## EPISTOLA CCCXXXVIII.<sup>a</sup>

AD HAIMERICUM CARDINALEM ET CANCELLARIUM.

Petro Abaelardo hæreseos convicto, non debere apud cardinales et curiam Romanam patere refugium.

D Illustri viro et amico præcordiali HAIMERICO, sanctæ Romanæ Ecclesiæ diacono cardinali et cancellario, BERNARDUS Claræ-Vallensis abbas, providere bona coram Deo et hominibus.

1. Sicut audivimus, sic vidimus libros et sententias magistri Petri Abaelardi: notavimus verba, signavimus mysteria, et mysteria iniquitatis inventa sunt. Theologus noster verbis legis

<sup>a</sup> Alias epistola 369: quæ vero antea 338 erat, nunc 401. Scripta anno Christi 1140. Vide epistolam 187 sqq. et Notas.

legem impugnât. Sanctum projicit canibus, et<sup>3 10</sup> domini Papæ, nec curiæ in curia illa pepercit. margaritas porcis : fidem corrumpit simplicium, A Cætera autem quæ vidit et audivit Nicolaus iste Ecclesiæ maculat castitatem. meus, imo et vester, viva melius referet voce.

Quo semel est imbuta recens servabit odorem  
Testa diu<sup>1</sup>.

Transierat per ignem liber ejus, et inductus est in refrigerium. Jamque in Ecclesia hostis Ecclesiæ, fidei persecutor, in gremio fidei requiescit. Effusus est sicut aqua. Non crescat qui ascendit cubile patris sui, et maculavit stratum ejus. Maculavit Ecclesiam homo ille, rubiginem suam simplicium mentibus affricuit. Cum ea ratione nititur explorare, quæ pia mens fidei vivacitate apprehendit. Fides piorum credit, non discutit. Sed iste Deum habens suspectum, credere non vult, nisi quod prius ratione discussisset. Cumque propheta dicat, *Nisi credideritis, non intel- ligetis*<sup>2</sup> : iste fidem voluntariam nomine redarguit levitatis, abutens illo Salomonis testimonio, *Qui credit cito, levis est corde*<sup>3</sup>. Reprehendat ergo beatam virginem Mariam, quoniam cito credidit angelo nuntianti, et dicenti : *Ecce concipies et paries filium*<sup>4</sup>. Redarguat et illum in extrema linea vitæ credentem verbo morientis et dicentis : *Hodie mecum eris in paradiso*<sup>5</sup> ! C Laudet e regione duritiam cordis illorum, quibus dictum est : *O stulti et tardi corde ad credendum in omnibus quæ locuti sunt Prophetæ*<sup>6</sup> ! Commendat etiam illius tarditatem, cui dictum est : *Pro eo quod non credidisti verbis meis, eris tacens, et non poteris loqui*<sup>7</sup>.

2. Denique ut pro brevitate epistolæ de multis pauca dicam : doctor egregius cum Ario gradus et scalas in Trinitate disponit; cum Pelagio liberum arbitrium gratiæ præponit; cum Nestorio Christum dividens, hominem assumptum a consortio Trinitatis excludit. Sed in his omnibus gloriatur, quod cardinalibus et clericis D curiæ scientiæ fontes aperuerit, quod manibus et sinibus Romanorum libros et sententias suas incluserit; et in tutelam sui erroris assumit eos, a quibus judicari debuit et damnari. Jacinctus multa mala ostendit nobis<sup>a</sup> : non fecit tamen, non quia non voluit, sed quia non potuit. Verum æquanimiter ferimus, cum nec personæ

## EPISTOLA CCCXXXIX.<sup>b</sup>

AD PAPAM INNOCENTIUM.

Alvisi Atrebatensis episcopi innocentiam adversus calumniatores ejus asserit.

Amantissimo patri et domino, Dei gratia summo Pontifici INNOCENTIO, BERNARDUS Clarae Vallis abbas vocatus, modicum id quod est.

Nec novum, nec mirum est humanum animum posse falli, vel fallere. Cavendum et hoc, et illud, quia utrobique periculum. Ad utrumque cautelam vobis apposuit magni consilii Angelus, quando dixit, *Estote prudentes sicut serpentes, et simplices sicut columbæ*<sup>8</sup> : ut nec prudentia decipi, nec simplicitas decipere posset. Marcianenses monachi\* venerunt ad vos in spiritu mendacii et spiritu erroris, adversus Dominum, et adversus christum ejus. Verbum iniquum constituerunt adversus Atrebatensem episcopum, cujus conversationis et vitæ bonus odor fuit hactenus in omni loco. Qui sunt isti, qui ut canes mordent, qui dicunt bonum malum, qui ponunt lucem tenebras? qui sunt isti, qui contra legem maledicunt surdo, et coram cæco ponunt offendiculum<sup>9</sup>? Quare, domine, irasceris in filium tuum? quare lætificasti inimicos ejus? Ubi est illud apostoli, *Nolite omni spiritui credere, sed probate spiritus si ex Deo sunt*<sup>10</sup>? In Domino confido, quia dissipabitur consilium eorum : et cum apparuerit quod verum est, evacuabitur quod ex falso est, ut mentita sit iniquitas sibi. Auribus nostris audivimus, quam fideliter, quam constanter locutus sit in conspectu Regis et principum pro fidelitate Romanæ Ecclesiæ. Veniet ad vos in innocentia sua in die vocationis suæ : præmisit ante filium suum archidiaconum præsentium

<sup>1</sup> Horat. Epistolarum libro 1, epist. 2, vers. 69, 70. — <sup>2</sup> Isai. vii, 9, sec. LXX. — <sup>3</sup> Eccli. xix, 4. — <sup>4</sup> Luc. i, 31. — <sup>5</sup> Id. xxiii, 43. — <sup>6</sup> Id. xxiv, 25. — <sup>7</sup> Id. i, 20. — <sup>8</sup> Matth. x, 16. — <sup>9</sup> Levit. xix, 14. — <sup>10</sup> I Joan. iv, 1.

<sup>a</sup> Vide epistolam 189.

<sup>b</sup> Alias epistola 327 : quæ vero antea 339 erat, nunc 402. Scripta circa annum 1140.

latorem, ejus personam et mores vestræ man-<sup>511</sup>  
suetudini commendamus. De cætero venit ad A  
vos abbas Sancti-Vedasti \*, homo plane inimicus  
sibi, suis, et ecclesiæ suæ, homo qui accepit  
in vanum nomen abbatis : quærit enim quæ sua  
sunt, non quæ Jesu Christi. Sed et qualis pater,  
talis et filius qui cum eo est : qui nec conscient-  
iæ, nec suæ famæ pepercit. Subsannatio et  
illusio his qui in circuitu ejus sunt : G. loquor  
monachum ejus. Spiritus veritatis det vobis di-  
videre lucem a tenebris, det vobis reprobare  
malum et eligere bonum.

## EPISTOLA CCCXL.<sup>a</sup>

AD EUNDEM INNOCENTIUM PAPAM.

Pro episcopo Andegavensi.

Amantissimo domino et patri, Dei gratia sum-  
mo Pontifici INNOCENTIO, BERNARDUS Claræ-  
Vallensis abbas, modicum id quod est.

Fractus jam ætate, laboribus, periculis,  
Andegavensis episcopus <sup>b</sup>, ejus pectus non  
moveat, nisi ejus qui viscera misericordiæ, qui C  
omnem humanitatis exuit affectum? Hæc me  
movent pro homine illo, ejus senectutem, si  
unum excipitur factum, venerabilem facit et  
vita, et scientia. De quo quoniam quid per-  
actum sit inter ipsum et abbatiam, nondum co-  
gnovimus, nihil scribere præsumimus de re  
incognita. Sed si constiterit eum fecisse quod  
promisit, nihil jam superesse credimus, nisi ut  
plenitudini gratiæ et officii sui restituatur.

## EPISTOLA CCCXLI.<sup>c</sup>

AD MALACHIAM HIBERNIÆ ARCHIEPISCOPUM.

Fratres, litteras, et baculum, ab eo missa grato animo  
suscepit. Locum Religiosis idoneum præparari jubet :  
seque ejus orationibus commendat.

Venerabili domino et beatissimo patri MALACHIÆ,

Dei gratia Hiberniensium archiepiscopo \*,  
apostolicæ Sedis legato, frater BERNARDUS  
Claræ-Vallis vocatus abbas, invenire gratiam  
apud Dominum.

1. Inter multiplices æstus et curas pectoris  
mei, præ multitudinem quarum anima mea tur-  
bata est valde, fratres de terra longinqua ve-  
nientes, ut serviant Domino, epistola tua, et  
baculus tuus ipsa me consolata sunt : epistola  
in ostensione bonæ voluntatis, baculus ad sus-  
tentandum corpus infirmitatis, fratres qui Deo  
serviunt in spiritu humilitatis. Omnia suscepi-  
mus, omnia placent, omnia pariter cooperantur  
in bonum. Quod autem voluistis duos de fratri-  
bus mitti vobis ad prævidendum locum \*; com-  
municato cum fratribus consilio, dignum duxi-  
mus non eos separandos ab invicem, donec  
plenius in eis formetur Christus, donec ad in-  
tegrum doceantur prælia Domini. Cum igitur  
fuerint in schola sancti Spiritus eruditi, cum  
induti virtute ex alto; tunc demum ad patrem  
filii revertentur, ut cantent canticum Domini,  
non jam in terra aliena, sed in sua.

2. Vos autem interim juxta sapientiam vobis  
datam a Domino, secundum habitudinem loco-  
rum quæ vidistis apud nos, prævidete et præ-  
parate eis locum a tumultibus sæculi separatum.  
Tempus enim prope est, in quo vobis, operante  
Dei gratia, novos de veteribus homines produ-  
cemus. Sit nomen Domini benedictum in sæcu-  
la, de cujus munere venit, ut communes ha-  
beam filios vobiscum, quos vestra prædicatio  
plantavit, nostra exhortatio rigavit, Deus autem  
incrementum dedit. Sanctitatem vestram roga-  
mus, ut verbum Domini prædicetis, ad dandam  
scientiam salutis plebi ejus. Duplex enim vobis  
incumbit necessitas, et ex officio legationis,  
et episcopali negotio. De cætero quoniam in  
multis offendimus omnes <sup>d</sup>, et inter homines  
sæculi frequenter positi multum de pulvere  
mundi contrahimus; vestris et vestrorum ora-  
tionibus me commendo, ut in fonte misericor-  
diæ suæ nos lavare et emaculare dignetur ipse  
fons pietatis Jesus Christus, qui dixit Petro :  
*Nisi laveris te, non habebis partem mecum* <sup>2</sup>. Sed  
et hoc ipsum, non solum precibus, verum etiam  
quasi ex debito requiro, cum ego clamem ad

<sup>a</sup> Jacobi III, 2. — <sup>2</sup> Joan. XIII, 8.

Scripta circa annum 1140. — <sup>b</sup> Ulgerius, ad quem epistola 200.

<sup>c</sup> Alias epistola 315 : quæ vero antea 341 erat, nunc 385. Scripta circa annum 1140.

<sup>d</sup> Epistola nova : quæ vero antea 340 erat, nunc 403.

Dominum pro vobis, si quid possit peccatoris<sup>513</sup> oratio. In Domino valete.

causam, sine causa? Vestrone id agitur consilio? Absit a vobis istud consilium, absit a me ista suspicio. Quid tandem mali fecit homo ille? Quod electam pari Pictaviensium pace, et voto, et voce, personam<sup>c</sup> canonica libertate consecravit? quod pecuniam Pictaviensium, quam moriens dispersit, dedit pauperibus et ecclesiis, de faucibus esurientium, de sinu Ecclesiae non extraxit? En sanguis iste de manu ejus exquiritur. Si culpa est, quod ovibus errantibus assignavit pastorem, quod pupillum et viduam non spoliavit, quod privilegia apostolicæ Sedis illibata conservavit, non potest excusari. O consilium sine consilio, in quo justitia pro scelere, et innocentia pro crimine reputatur! Attendite vobis, episcopi: vestra enim res agitur, paries cum proximus ardet<sup>1</sup>.

## EPISTOLA CCCXLII.<sup>a</sup>

AD JOSLENUM EPISCOPUM SUESSIONENSEM.

Archiepiscopum Burdegalensem apud Regem purgari postulat.

Venerabili domino et dilectissimo patri JOSLENO, Dei gratia SueSSIONensi episcopo, BERNARDUS Clare-Vallensis abbas, invenire gratiam apud Dominum.

1. Injuria regni est et principum ejus, si negotia Regis de sinu ipsius cum impetu procedant ad publicum, et non tam circumspetto, quam præcipiti explicentur consilio. Placet mihi, et multum placet, quoniam Rex credit vobis, et confidit in vobis. Scio enim, quia Regem et honorem regni bona æmulatione æmulamini, et scio nihilominus spiritum consilii esse vobiscum. Ita oportet: hic ordo, hæc ratio, hic modus videndus est in viro consilii, ut diligit, et sapiens sit. In ore duorum istorum, id est dilectionis et sapientiæ, stabit omne verbum consilii. Hæc duo si in unum convenient, poterit eructare verbum bonum, et dicere opera facienda regi. Cæterum, si vel dilectio prudentiam, vel prudentia dilectionem solam in administratione consilii deseruerit, vae terræ, cujus rex puer erit. In consilium eorum non veniat anima mea, qui vel diligentes me, prudentes non sunt; vel prudentes, me non diligunt. Sic enim cecidit miser ille Adam de gradibus æternitatis, quando abiit in consilio Dimpiorum, Evæ diligentis, sed non prudentis; serpentis prudentis, sed minime diligentis.

2. Quid est quod dominus meus Rex archiepiscopum Burdegalensem<sup>b</sup> attrahere nititur in

3. Vobis tamen, domine, quoniam et lateri Regis arctius adhæretis, et ex nutu vestro ipsius pendunt negotia; vobis incumbit pro consortibus vestris id agere cum Rege, ut non accendat omnem iram suam. Dico vobis, homo ille imperterritus est, homo potens in opere et sermone: vix poterit avelli a suo jure. Magnum enim locum obtinet in terra illa. Si res turbata fuerit, multi permanebunt cum eo in tentationibus ejus. Videte ergo, ne quis oleum flammæ adjiciat. Exstinguatur ignis, antequam convalescat incendium:

Sero (enim) medicina paratur,  
Cum mala per longas convaluere moras<sup>2</sup>.

## EPISTOLA CCCXLIII.<sup>d</sup>

BERNARDI ABRATIS ITALI AD INNOCENTIUM.

Conqueritur, quod in monasterio Salvatoris omnia secundum Pontificis promissa non contigerint.

Desiderabili domino et dilectissimo patri, Dei

<sup>1</sup> Horatius, Epistolarum libro 1, epist. 18, vers. 84. — <sup>2</sup> Ovidius, de Remedio amoris, vers. 91, 92.

<sup>a</sup> Epistola nova: quæ vero antea 342 erat, nunc 383. Scripta anno Christi 1140. Vide epistolam 223.

<sup>b</sup> Is tum erat Gaufridus de Loratorio, cui nondum archiepiscopo scripta est epistola 125. In editis hæc male directa scribitur ad Joannem.

<sup>c</sup> Grimoardum, ex abbate B. Mariæ de Allodiis: ejus electio anno 1140, facta, aliquandiu suspensa fuit per Ludovicum VII.

<sup>d</sup> Epistola nova: quæ vero antea 343 erat, nunc 384. Scripta anno Christi 1140.

gratia summo Pontifici INNOCENTIO, servus<sup>514</sup> dare a desiderio suo, qui nos prius cepit amare  
ejus BERNARDUS, preces pauperum. A re quam nosse, qui nos patris affectu in filios  
adoptavit, adeo ut, si fieri potuisset, oculos  
suos eruisset, et dedisset nobis. Non habuit ubi  
caput suum reclinaret Rex meus et Deus meus,  
cujus regnum non erat de hoc mundo: utinam  
et mundus nos abjiciat et repellat in solitudini-  
bus errantes, in montibus, et speluncis, et ca-  
vernīs terræ!

Coarctor e duobus, quoniam et pudor silen-  
tium imperat, et necessitas jubet loqui. Loquar  
ergo ad dominum, cum sim pulvis et cinis: loquar  
autem in amaritudine animæ meæ. Con-  
querimur, domine, de te, sed apud te: et que-  
rela quidem in umbra est, sed causa querelæ jam  
in sole posuit tabernaculum suum. Factum ut  
imperasti: venimus ad monasterium Sancti-Sal-  
vatoris<sup>a</sup> sicut mandaveras in litteris tuis servo  
tuo, Patri nostro. Ubi est ergo nunc expectatio  
mea, et tua promissio? Transivimus per ignem B  
et aquam: et nisi quia Dominus erat in nobis,  
forsitan aqua absorbuisset nos. Periculis latro-  
num et fluminum, periculis in civitatibus et so-  
litudine, periculis in terra et in mari fatigati  
sumus, et non fuit qui adjuvaret. Hæc omnia  
venerunt super nos: sed nondum statim finis.  
Litteris tuis, domine, extracti sumus de sinu  
patris nostri, et ad unius jussionis vocem, re-  
lictis fratribus et patre, in odore præcepto-  
rum tuorum cucurrimus. Litteris tuis excussi  
sumus a gremio matris nostræ, et ab uberibus  
consolationis ejus: ejeti sumus de loco volu-  
ptatis, et opposuisti, domine, flammeum gla- C  
dium, ne revertamur, et utinam versatilem.  
Cecidit corona capitis nostri, versus est in lu-  
ctum elorus noster. Quomodo cantabimus, do-  
mine, canticum Domini in terra aliena? O quan-  
to dulcius et securius fuerat nobis exsultare  
animas nostras in sinu matris nostræ, et in cu-  
biculo genitricis nostræ! Sic cucurrimus, quasi  
in incertum; sic pugnavimus, quasi aerem ver-  
berantes: sed tua, domine, promissio fuit in  
causa, quam credidimus gratia plenam et veri-  
tate. Nunc autem (jam enim hiems abiit et re-  
cessit) si ita placet domino meo, egrediamur  
ad videndum, ubi inveniamus requiem pedibus D  
nostris: quoniam usque adhuc prohibuit nos  
grando, nix, glacies, et spiritus procellarum.  
Crudelissimum quippe videtur, et ab omni hu-  
manitatis officio longe remotum, illum<sup>b</sup> frau-

## EPISTOLA CCCXLIV.<sup>c</sup>

EJUSDEM BERNARDI AD SANCTUM BERNARDUM.

Praefecturam sibi impositam conqueritur.

Venerabili domino et dilectissimo P.<sup>d</sup> abbati  
Claræ-Vallis, filius ejus B. unctionem illam,  
quæ docet de omnibus.

Quotiescumque memoriæ occurrit dies illa  
miseriæ et calamitatis, in qua avulsus sum ab  
uberibus consolationis vestræ, flere magis li-  
bet, quam aliquid scribere. Si tanta esset uber-  
tas orationis, quanta lacrymarum, facile vobis  
esset intelligere super egenum et pauperem.  
Accessit ad meditationem animus, manus ad  
calamum, et dolor meus renovatus est. Obvia-  
vit mihi scribenti illa amaritudo mea amarissi-  
ma, et illa tristes imago diei illius, in qua stul-  
titia elevata est super candelabrum, et factus  
sum conturbatus. Non ego reprehendo, domi-  
ne, vel opus, vel intentionem vestri operis,  
quod in digito Dei esse creditur: sed plango  
paululum dolorem meum. Ecce enim postquam  
projectus sum a facie oculorum tuorum, defe-  
cit in dolore vita mea, et dies mei in gemitibus.  
Heu mihi! quia perdidici formam, cui imprime-  
bar, speculum compositionis meæ, lumen ocu-  
lorum meorum! Jam non sonat vox illa dulcis  
in auribus meis, nec facies illa decora meis

<sup>a</sup> Hoc monasterium hactenus existit, octo millibus a Farfensi dissitum, eidemque subjectum: in quod monachi Farfenses æstate commigrant. Confer epistolam 184, et ibi Notas.

<sup>b</sup> Nempe Atenulfum abbatem Farfensem, de quo infra.

<sup>c</sup> Epistola nova: quæ vero antea 344 erat, nunc 315. Scripta anno Christi 1140.

<sup>d</sup> Id est, Patri, scilicet Bernardo: nam hanc epistolam ad S. Bernardum scriptam fuisse constat, et quidem a Bernardo illo qui postea abbas fuit Sancti-Anastasi ad Aquas-Salvias prope Romam, ac demum pontifex sub nomine Eugenii III. Ejusdem est præcedens uti et epistola 428. Hæc omnes sub Bernardi nomine primum vulgatæ sunt.

aspectibus apparet, quam mei errores erubescere solebant. Quare, domine, frustratus sum a spe mea? quare fraudatus a desiderio meo? Præcisa est velut a texente vita mea, dum adhuc ordire succisus sum. Completa est in me miserabilis illa sententia, et sicut in Canticis canticorum, domine, dixisti, hodie lego in libro experientiæ illud: *Homo, cum in honore esset, non intellexit*<sup>1</sup>. Non enim satis intelligebam, cum essem in Clara-Valle, me esse in loco voluptatis, inter ligna paradisi; et ideo pro nihilo habui terram desiderabilem. Quid, domine, quid in me placuit considerationi tuæ, quod me posuisti ducem ac præceptorem gentibus, quod me constituisti principem populi tui? Numquid conversatio mea in sæculo? Sed illa fetida fuit. Numquid illa in monasterio? Sed illa tarda et tepida fuit. Quare cum essem parvus in oculis meis, caput factus sum in tribu Israel? quare cum non essem mundus ab occultis meis, ab alienis non pepercisti servo tuo? Quid faciet homo, quem de præteritis urget dolor, de præsentibus labor, et timor de futuris? Ad summam doloris, et cumulum miseriæ meæ, hoc solum tibi dicere præsumo, domine desiderabilis; quia non expectato vulnus ab hoste tuli. Cæterum, domine, ut de loco loquar ad quem me misisti, sic cucurri quasi in incertum, sic pugnavi, quasi aerem verberans. Nam dominus Papa, cujus litteris evocati sumus, promissionem, quam de ejusdem loci confirmatione fecerat, opere non complevit, sicut et præsens tempus probat. Dominus Fars<sup>2</sup>, ad introitum nostrum gavisus est gaudio magno, et in toto corde suo pueros vestros recepit; ita ut, si fieri posset, oculos suos eruisset, et dedisset nobis. In hoc solum reprehensibilis est, et corrigendus est a vobis, quod omnia faciat vehementer, et ultra promissionem suam, et nostram voluntatem. Quoniam sermo jam in longum processit, de interiori meo homine nihil brevius, nihil verius dicere possum, nisi quia laterem lavo.

## EPISTOLA CCCXLV.<sup>b</sup>

AD FRATRES DE SANCTO-ANASTASIO<sup>c</sup>.

Commendat eorum in religiosa disciplina zelum, et observantiam. Attamen nimium valetudinis per medicinas tuendæ studium improbat.

Dilectissimis in Christo filiis nostris de Sancto-Anastasio, frater BERNARDUS Claræ-Vallis vocatus abbas, salutem et devotas orationes.

1. Testem habeo in cœlis, quam multum omnes vos cupiam in visceribus Jesu Christi, quanto, si fieri posset, desiderio desiderarem videre vos, non propter vos tantum, sed propter me, cui magnum certe solatium et prægrandis esset lætitia amplecti viscera mea, gaudium meum, et coronam meam, quod estis vos. At quoniam id nondum conceditur (concedetur enim, sicut bene confido de misericordia Dei, et erit quando videbimus vos, et gaudebit cor nostrum, et gaudium nostrum nemo tollet a nobis); interim certe magna mihi est consolatio et lætitia multa in his, quæ de vobis audiui per dilectissimum fratrem et coabbatem nostrum venerabilem Bernardum vestrum. Multam enim vobis habeo gratiam, quod tam bene sibi complacet in vobis pro disciplina vestra et Ordinis zelo, pro obedientia et voluntaria paupertate, pro quibus sine dubio merces vestra multa est in cœlis. Unde rogo vos, fratres, et multum obsecro, sic agite, et sic state in Domino, dilectissimi, solliciti semper circa custodiam Ordinis, ut Ordo custodiat vos: solliciti servare unitatem spiritus in vinculo pacis<sup>2</sup>; mutuum in vobismetipsis, maximeque ad prælatos, charitatem humilem habentes, quæ est vinculum perfectionis<sup>3</sup>. Humilitatem ante omnia, super omnia pacem sectamini, propter inhabitantem Spiritum Dei in vobis, qui non nisi super quietum et humilem requiescit<sup>4</sup>.

<sup>1</sup> Psal. XLVIII, 13. — <sup>2</sup> Ephes. IV, 3. — <sup>3</sup> Coloss. III, 14. — <sup>4</sup> Isai. LXVI, 2.

<sup>a</sup> Legendum, *Farfensis*; cujus loci abbas Atenulfus monachos a Bernardo petierat. Vide librum tertium Vitæ S. Bernardi, cap. 7, n. 23.

<sup>b</sup> Alias epistola 321: quæ vero antea 345 erat, nunc 321. Scripta anno Christi 1140.

<sup>c</sup> Nempe Romæ ad Tres-Fontes, unde assumptus Eugenius III, antea Bernardus dictus, supra.

2. Cæterum unum quidem a me petit vene-<sup>516</sup> non est magnum argumentum ad faciendam  
 rabilis abbas vester, quod mihi minime bonum A rei dubiæ fidem, id esse laudabile quod a mul-  
 videtur. Credo autem quod et ego spiritum Dei tis laudatur. Archiepiscopus Eboracensis venit  
 habeam, et consilium Dei in hoc. Scio equidem ad vos<sup>b</sup>, ille, de quo jam sæpenumero scripsi-  
 quod in regione habitatis infirma, et multis ali- mus Sanctitati vestræ, homo qui non posnit  
 qui ex vobis laborant infirmitatibus : sed me- Deum adiutorem suum, sed speravit in multi-  
 mentote ejus qui dixerit, *Libenter glorior in tudine divitiarum suarum. Causa ejus infirma*  
*infirmitatibus meis, ut inhabitet in me virtus est, et languida : et sicut virorum veracium at-*  
*Christi*; et, *Cum infirmor*, inquit, *tum fortior testatione deprehendimus, a planta pedis usque*  
*sunt*<sup>1</sup>. Compatior utique, et multum ego com- ad verticem non est sanitas in ea. Quid ergo?  
 patior infirmitati corporum : sed timenda multo quid quærit homo sine justitia apud examina-  
 magis, ampliusque cavenda infirmitas anima- torem justitiæ, apud custodem æquitatis? Itane  
 rum. Propterea minime competit religioni ve- arbitratu se posse absorbere justitiam in curia,  
 stræ, medicinas quærere corporales, sed nec B sicut eam absorbit in Anglia? Absorbuit flu-  
 expedit salutem<sup>2</sup>. Nam de vilibus quidem herbis, vium, et non miratur, et habet fiduciam quod  
 et quæ pauperes deceant, interdum aliquid su- influat Jordanis in os ejus. Ecce ille venit cum  
 mere, tolerabile est, et hoc aliquando solet multis, quos adstipulavit sibi, et precibus, et  
 fieri. At vero species emere, quærere medicos, pretio. Solus iste evasit, ut nuntiaret tibi : solus  
 accipere potiones, religioni indecens est, et iste in periculum capitis sui opposuit se murum  
 contrarium puritati, maximeque Ordinis nostri pro domo Israel, qui cum aliis non adoravit  
 nec honestati congruit, nec puritati. Hæc enim statum ad imperium regis. Solus est, nisi quia  
 omnia gentes inquirunt. Scimus autem quia qui justitia non reliquit eum solum. Illa obviavit  
 in carne vivunt, Deo placere non possunt<sup>3</sup>. filio suo, quasi mater honorificata<sup>6</sup>. Quid ergo  
 Spiritualia proinde spiritualibus comparanda<sup>3</sup>, faciet Vicarius Petri in negotio isto, nisi quod  
 et quærenda potio humilitatis, et clamandum fecit Petrus cum illo, qui donum Dei æstimavit  
 in toto corde : *Sana animam meam, Domine, pecunia possideri?? Si supra petram fundata*  
*quia peccavi tibi*<sup>4</sup>. Huic sanitati, fratres dile- C est Ecclesia, portæ inferi non prævalebunt ad-  
 ctissimi, operam date; hanc sectamini, hanc versus eam<sup>8</sup>. Non loquor hoc a me ipso, sed  
 servate, quia vana salus hominum. ad testimonium illorum qui spiritu Dei aguntur.

EPISTOLA CCCXLVI.<sup>a</sup>

AD DOMINUM INNOCENTIUM PAPAM.

Hortatur Pontificem, ne causæ archiepiscopi Eboracen-  
 sis, utpote iniquæ, faveat.

Amantissimo patri et domino, Dei gratia sum-  
 mo Pontifici INNOCENTIO, BERNARDUS Claræ-  
 Vallensis vocatus abbas, modicum id quod  
 est.

Cum multi sint vocati, pauci vero electi<sup>5</sup>;

EPISTOLA CCCXLVII.<sup>c</sup>

AD EUNDEM DOMINUM INNOCENTIUM PAPAM.

Commendat nuntios, causa archiepiscopatus Eboracensis  
 Romam petentes.

D

Amantissimo patri et domino INNOCENTIO sum-  
 mo Pontifici, frater BERNARDUS, Claræ-Val-  
 lensis vocatus abbas, modicum id quod est.

Hi quos videtis, viri sunt simplices et recti  
 ac timentes Deum. Et nunc in spiritu ascende-

<sup>1</sup> II Cor. xii, 9, 10. — <sup>2</sup> Rom. viii, 8. — <sup>3</sup> I Cor. ii, 13. — <sup>4</sup> Psal. xl, 5. — <sup>5</sup> Matth. xx, 16, et xxii, 14. — <sup>6</sup> Eccli. xv, 2. — <sup>7</sup> Act. viii, 20. — <sup>8</sup> Matth. xvi, 18.

<sup>a</sup> Alias epistola 377 : quæ vero antea 346 erat, nunc 405. Scripta circa annum 1141. Vide epistolam 235.

<sup>b</sup> Alias, *venit ad nos*.

<sup>c</sup> Alias epistola 378 : quæ vero antea 347 erat, nunc 391. Scripta circa annum 1141.

runt ad conspectum gloriæ vestræ, justitiæ<sup>317</sup> missus est, de quo non acceperit victoriam  
 utique solius intuitu et obtentu. Ponite, quæ- A per vos Ecclesia Dei, in manu potenti et in  
 so, oculos vestros super fatigatos pauperes<sup>a</sup>, brachio excelso.  
 quia non sine causa de longe ad vos veniunt,  
 nec longa terrarum spatia, nec maris pericu-  
 lum, nec Alpium nives, nec sumptus grandis  
 viæ, cum pauperes sint, reputantes. Provideat  
 ergo dominus meus, ne ejus fraus vel ambi-  
 tio tantos labores evacuare prævaleat: præser-  
 tim cum non quæ sua sunt quærant, sed quæ  
 Jesu Christi. Neque enim vel inimicum arbi-  
 tror suspicari eos privato amore, vel odio in  
 id negotii excitatos, sed solo timore Dei. Ita-  
 que si quis Dei est, jungatur eis. Si deinceps B  
 terram occupaverit arbor infructuosa, ejus  
 culpam dixerim, nisi tenentis securim?

## EPISTOLA CCCXLVIII.<sup>b</sup>

AD EUNDEN INNOCENTIUM.

Pro Arnulfo Lexoviensi episcopo electo \*.

Amantissimo patri et domino, Dei gratia sum-  
 mo Pontifici INNOCENTIO, BERNARDUS Claræ-  
 Vallensis vocatus abbas, modicum id quod  
 est.

1. Benedictus Deus et Pater Domini nostri  
 Jesu Christi, qui Ecclesiam suam, immaculatam  
 sponsam dilecti Filii sui, in diebus nostris  
 liberam et absolutam a tribulationibus ma-  
 lorum custodivit et dolore. Schismata cor-  
 ruerunt, hæreses siluerunt<sup>c</sup>, superborum  
 et sublimium colla calcantur. Et quidem in  
 schismate vidi impium superexaltatum, et  
 elevatum sicut cedros Libani; et transivi, et  
 ecce non erat. In hæresi multorum redivi-  
 vi pullulabant errores, sed obstructum est os  
 loquentium iniqua. Tyrannus Siciliæ<sup>d</sup> extu-  
 lerat in altum cor suum, sed jam humiliatur  
 sub potenti manu Dei. Nullus gradus præter-

2. Superest tamen in tertio gradu comes  
 Andegavensis<sup>e</sup>, malleus bonorum, oppressor  
 pacis et libertatis Ecclesiæ. Persequitur eccle-  
 siam Lexoviensem, ut non introitum habeat  
 pastor ecclesiæ illius in ovile ovium, nisi aliun-  
 de. Sed quod factum est, non potest non fieri.  
 Denique si res ipsa habeat diligentem inspec-  
 torem, et prudenter examinetur; ad commo-  
 dum causæ, et ad rei gestæ confirmationem,  
 omnia cooperantur in bonum, persona, nego-  
 tium, auctor operis, impugnator. Si enim ad  
 personam respicias, hic est filius tuus dilectus,  
 in quo tibi complacuit. Si ad negotium, ordine  
 integro et canonica libertate consummatum est.  
 Si ad auctorem operis, vir religiosus est, et  
 timens Deum. Si ad operis impugnatores,  
 ecce homo qui non posuit Deum adiutorem  
 suum, hostis Ecclesiæ, inimicus crucis Christi.  
 In omni siquidem negotio validissimum argu-  
 mentum est ad faciendam rei dubiæ fidem, id  
 semper esse melius, quod placeat bonis, malis  
 autem displiceat. Sed appellavit Sedem aposto-  
 licam comes Andegavensis. Quare obsecro?  
 C qua læsione? quo gravamine urgente? Non  
 quia opprimeretur, sed quia opprimeret; non  
 ut injuriam suam relevaret appellationis re-  
 medio, sed ut benedictionem istius obstaculo  
 appellationis impediret.

3. Cum itaque et religio promoventis, et  
 promoti dilectio, et causæ justitia confluant  
 in unum; superfluum videtur et vanum rogare  
 pro eo, ubi ejus humilitas postularit. Loquar  
 ergo ad dominum meum, cum sim pulvis et  
 cinis. Loquar servus sponsæ ad amicum Spon-  
 si: jucundum sit eloquium meum. Tibi, do-  
 mine, commissa est Ecclesia a solis ortu usque  
 D ad occasum. Tu ei debes esse murus et an-  
 temurale a facie inimici et persequentis; tu  
 debes fovere filios ejus sub umbra alarum tua-  
 rum. Suscipe Lexoviensem episcopum, ute-  
 rinum filium Romanæ Ecclesiæ, et remitte  
 eum in benedictionibus dulcedinis, nequan-  
 do dicat inimicus ejus: Prævalui adversus

<sup>a</sup> Indubie hi sunt abbas et monachi Fontanenses, qui maxime intruso adversi erant, uti et monachi Rievallenses, de quibus in binis epistolis sequentibus, nempe in epistolis 353 et 360.

<sup>b</sup> Alias epistola 388: quæ vero antea 348 erat, nunc 407. Scripta anno Christi 1141.

<sup>c</sup> Anacleti et Victoris schismata intelligit, hæreses Petri Abaelardi. — <sup>d</sup> Scilicet Rogerius.

<sup>e</sup> Gauthidus, cognomento Plantagenestus, Fulconis Hierosolymorum regis filius, Henrici II Anglorum regis pater.



eum. Accingere gladio tuo, Pater, ad exalta-<sup>510</sup> militiam, proficiscitur Jerusalem. Rogat puer-  
tionem filii, ad depressionem inimici, ad con- A vester rogatus ab ipso, ut in bono opere quod  
servandam Ecclesiæ libertatem. Non enim su- cœpit, vestram mereatur percipere consolatio-  
mus ancillæ filii, sed liberæ, qua libertate nem, sed favorem, sed orationem, sed bene-  
liberavit nos Christus.

meam, juxta prophetam, non debui despe-  
xisse<sup>1</sup>.

## EPISTOLA CCCXLIX.<sup>a</sup>

AD EUMDEM.

Amicum Pontifici commendat.

B

Amantissimo Patri et domino, Dei gratia sum-  
mo Pontifici INNOCENTIO, frater BERNARDUS  
Claræ-Vallis vocatus abbas, modicum id quod  
est.

Gratiam quam inveni in oculis vestris, nolo  
habere solus: cum amicis eam volo dividere.  
Non enim timeo, ne forte non sufficiat mihi  
et illis. Magna enim est. Multos possum facere  
participes ejus: verumtamen ego exinanitus  
non ero. Quod igitur gratis accepi, gratis da-  
bo: et liberalem me facit vestra liberalitas, C  
sed de vestro. Præsentium latorem, virum  
commendabilem, vobis commendamus. Amic-  
us est, domine, pauperum Christi, et servus  
servorum tuorum. Peto, domine, si quid ha-  
buerit apud tuam Excellentiam, ut eum solita  
pietate pro nobis exaudias, imo pro ipso,  
qui talis est, ut per se tantum merito debeat  
exaudiri.

## EPISTOLA CCCL.<sup>b</sup>

AD EUMDEM.

Propinquum suum benedictione Pontificis muniri rogat.

Juvenis iste magnanimus (ut aiunt) et stre-  
nuus in opere militari, ut meliorem militet

## EPISTOLA CCCLI.<sup>c</sup>

AD EUMDEM INNOCENTIUM.

Pauperes quosdam commendat.

Frequenter scribo vobis. Preces et litteras  
meas habetis per singulos dies. Coarctor e duo-  
bus, ne aut amicis ingratus sim, aut vobis im-  
portunus. Dilectio me provocat, sed revocat  
confusio, et pene pudor excludit officium cha-  
ritatis. Non habet sponsa Christi, ubi caput  
reclinet, ubi confugiat, nisi ad amicum Sponsi  
in tempore tribulationis. Isti, quos videtis pau-  
peres, a pauperibus missi per multa pericula  
terræ et maris, confugiunt sub umbra alarum  
vestrarum, ad petram fidei catholicæ, et ad  
gremium apostolicæ pietatis recurrunt: quia  
in multis vexati, in paucis bene disponuntur a  
tribulatione malorum et dolore. Si vestri apo-  
stolatus officium, si veterem consuetudinem  
tenetis; nec pauperis causas potestis abjicere,  
nec vultum honorare potentis. Precamur vos  
pro eis, quoniam fratres nostri sunt, et de Or-  
dine nostro, a quibus missi sunt, ut precibus  
eorum pro ratione aurem pietatis inclinetis,  
pro amore illius qui non spernit preces pau-  
perum.

D

<sup>1</sup> Isai. LVIII, 7.

<sup>a</sup> Alias epistola 330: quæ vero antea 349 erat, nunc 408. Scripta circa annum 1141.

<sup>b</sup> Alias epistola 331: quæ vero antea 350 erat, nunc 409. Scripta circa annum 1141.

<sup>c</sup> Epistola nova: quæ vero antea 351 erat, nunc 322.

EPISTOLA CCCLII.<sup>a</sup>

SEU INNOCENTII II PAPE PRIVILEGIUM SANCTO  
BERNARDO CONCESSUM<sup>b</sup>.

Innocentius Bernardo atque Ordini Cisterciensi amplissima privilegia concedit ob præclara ejus in Sedem apostolicam merita.

INNOCENTIUS episcopus servus servorum Dei, dilecto filio BERNARDO Claræ-Vallensi abbati, ejusque successoribus regulariter substitutendis in perpetuum etc.

Cæterum quam firma perseverantique constantia, causam beati Petri et sanctæ matris tuæ Romanæ Ecclesiæ, dilecte fili in Domino Bernarde abbas, incandescente Petri Leonis schismate fervor tuæ religionis et discretionis suscepit defensandam, et se murum inexpugnabilem pro domo Dei opponens, animos regum ac principum, et aliarum tam ecclesiasticarum, quam sæcularium personarum, ad catholicæ Ecclesiæ unitatem, et beati Petri ac nostram obedientiam, frequentibus argumentis et ratione munitis inducere laboraverit; magna quæ Ecclesiæ Dei et nobis provenit utilitas manifestat. Quamobrem tuis justis desideriis accommodantes assensum, beatæ Mariæ Dei genitricis monasterium, cui Deo auctore præsides, cum omnibus ad ipsum pertinentibus, apostolicæ Sedis patrocínio communivimus. Statuentes, ut quascumque possessiones aut bona, quæ ad eundem locum in præsentiarum juste et canonice pertinere noscuntur, aut in futurum concessione pontificum, liberalitate regum vel principum, oblatione fidelium sen aliis justis modis, auxiliante Domino, ei conferri contigerit, firma tibi tuisque successoribus, et illibata permaneant. Prohibemus ne aliquis archiepiscopus aut episcopus te vel successores tuos, seu aliquem abbatem Cisterciensis Ordinis, nisi pro fide ad concilium

<sup>319</sup> vel synodum venire compellat. Quia vero Cisterciense monasterium hujus religionis origo est atque principium, nostra concessione hac prærogativa non immerito gaudeat; ut si quando fuerit pastore proprio viduatum, quemlibet abbatem de omnibus abbatibus vestri Ordinis, vel monachum sibi libere præficiendum eligat, et absque aliqua contradictione obtineat; cæteris vero vestri Ordinis abbatibus, quæ unam vel plures abbatias habent sibi subditas, et de sui corporis fructifera copia derivatas, abbate suo rebus humanis exempto, eligendi quemcumque maluerint de sibi subjectis abbatibus, vel quemlibet monachum de omnibus congregationibus Cisterciensibus, liberam concedimus facultatem. Illa autem abbatia, quæ nullam habet subditam, quemlibet monachum de omnibus præfate religionis congregationibus, libere sibi in abbatem eligat et habeat. Porro conversos vestros, qui monachi non sunt, post factam in vestris cœnobiis professionem, nullus archiepiscoporum, episcoporum vel abbatum, sine vestra grata licentia suscipere, aut susceptum retinere præsumat. Statuimus ut de laboribus, quos vos et totius vestræ congregationis fratres propriis manibus et sumptibus colitis, et de animalibus vestris, a vobis decimas expetere vel recipere nemo præsumat. Nulli ergo, etc. Conservantibus vero eidem loco quæ sua sunt, sit pax Domini nostri Jesu Christi: quatenus et hic fructum bonæ actionis percipiant, et apud districtum Judicem præmia æternæ pacis inveniant. Amen.

Ego Innocentius catholicæ Ecclesiæ Episcopus.

Ego Matthæus Albanensis episcopus.

Ego Romanus diaconus cardinalis S. Mariæ in Porticu.

Ego Joannes tit. S. Chrysogoni presbyter cardinalis.

Ego Gregorius diaconus cardinalis SS. Sergii et Bacchi.

Datum Lugduni, per manum Haimerici sanctæ Romanæ Ecclesiæ diaconi cardinalis et cancellarii, xiii kal. martii, indiet. x, Incarnationis dominicæ anno mxxxii, pontificatus domini Innocentii II papæ anno tertio.

<sup>a</sup> Epistola nova: quæ vero antea 352 erat, nunc 389. Scripta anno Christi 1131.

<sup>b</sup> Hoc privilegium post Bernardi ad Innocentium epistolam visum est referre ex Spicilegii tomo 10, pag. 383, ubi Historia Fontanensis monasterii diocesis Turonensis habetur.

<sup>c</sup> Hæc verba laudantur a Gaufrido in Vita S. Bernardi, lib. 3, n. 13.

EPISTOLA CCCLIII.<sup>a</sup>AD WILLELMUM ABBATEM DE RIEVALLE<sup>b</sup>.

Monet æquanimitè ferre illegitimam archiepiscopi Eboracensis ordinationem.

Dilecto fratri et coabbati suo WILLELMO de Rievalle, frater BERNARDUS de Clara-Valle, B spiritum consilii et fortitudinis.

Audivi quod factum est de archiepiscopo illo, et plurimum doleo. Propterea sciens zelum vestrum, ne forte plus justo ferveat, temperamentum scientiæ non admittens, quod nec Ordini nostro convenit, nec domui vestræ necessarium est; dignum duxi consolatoria scribere vobis: quoniam satis æquanimitè portanda sunt cætera, quandoquidem non nos arguit propria conscientia. Securus dico, neque iniquitas vestra, neque peccatum vestrum. Restitistis quoad potuistis: jam secundum Augustini sententiam, non vos inquinat alienum malum, quandoquidem non consensistis corde, et ore redarguistis. Ait enim: « Duobus modis » non te inquinat alienum malum<sup>c</sup>, si non con- » sentis, et si redarguis<sup>1</sup>. » De cætero jam bono animo estote, et nolite turbari. De Ordinibus vero et Sacramentis cæteris scitote, quoniam qui baptizat, ipse et sacrat, Christus Dominus, Pontifex animarum nostrarum. Quod si quis contentiosus est super ordinatione, nemo vos cogit ordinari. Omnino tamen secure dico, si cum Ecclesia suscipitur, non est periculum. Alioquin de hoc mundo exiremus, si vellemus D omnes malos fugere, quos Ecclesia tolerat. Ad summam, non diu tardabit quin innotescat res summo Pontifici: et quod ordinaverit aut præceperit ipse, bona omnino conscientia sequimini et tenete. Interim vos æquanimitè expectate.

EPISTOLA CCCLIV.<sup>d</sup>

AD REGINAM JEROSOLYMOREM MILISENDEM, FILIAM BALDUINI REGIS, ET FULCONIS UXOREM.

Mortuo Fulcone viro suo, ut se gerere debeat.

Illustrissimæ Jerosolymorum reginæ M. BERNARDUS Clare-Vallensis abbas, invenire gratiam apud Dominum.

Inter multiplices curas et negotia regalis aulae satis incongruum mihi scribere videtur, si in te tantum gloriam regni tui, potentiam tuam, et lineam nobilitatis respexissem. Hæc omnia videntur in oculis hominum; et qui non habent, invident habentibus ea, et beatum dicunt hominem, cujus hæc sunt. Sed quæ est ista beatitudo in possidentis illis, quæ omnia tanquam fenum velociter arescunt, et quemadmodum olera herbarum cito decidunt! Bona sunt hæc; sed mobilia, sed mutabilia, sed præteritura, et peritura, quia bona carnis. Porro de carne, et de bonis ejus dictum est, *Omnis caro fenum, et omnis gloria ejus tanquam flos feni*<sup>2</sup>. Scribentem ergo ad te non multum ista revereri oportuit, in quibus fallax gratia, et vana est pulchritudo. Accipe paucis quæ dico: nam etsi multa habeam tibi dicere, verbum tamen faciam abbreviatum propter multas curas tuas, et meas. Accipe breve consilium, sed utile, de terra longinqua, de quo tanquam de parvo semine multa seges surgat in posterum; accipe, inquam, consilium de manu amici, non commodum suum quærentis, sed honorem tuum. Nullus siquidem tibi fidelior ad consilium esse potest, quam qui non tua, sed qui te diligit. Mortuo rege viro tuo, et parvulo rege adhuc minus idoneo ad portanda negotia regni et ad prosequendum regis officium, oculi omnium in te respiciunt, et in te solam universa regni moles inclinata recumbit. Opus est ut manum tuam

<sup>1</sup> Serm. 88, cap. 18, n. 19. — <sup>2</sup> Isai XL, 6.

<sup>a</sup> Alias epistola 379: quæ vero antea 353 erat, nunc 387. Scripta circa annum 1141.

<sup>b</sup> Is est Willelmus, Rievallis in diocesi Eboracensi Ordinis Cisterciensis abbas, quo ministro usus est Bernardus in scribenda epistola 1 ad Robertum. De Rievalle Monasticon Anglie. pag. 727. — <sup>c</sup> Alias, non te inquinat malus.

<sup>d</sup> Epistola nova: quæ vero antea 354 erat, nunc 388. Scripta anno Christi 1142.

mittas ad fortia, et in muliere exhibeas virum, agens ea quæ agenda sunt in spiritu consilii et A fortitudinis. Ita prudenter et moderate oportet te cuncta disponere, ut omnes, qui te viderint, ex operibus regem te potius, quam reginam existiment, ne forte dicant in gentibus, Ubi est rex Jerosolymorum? Sed non sum, inquires, ad ista sufficiens. Magna enim hæc sunt; supra vires meas, et supra scientiam meam. Opera hæc opera sunt viri: ego autem mulier sum, corpore debilis, mobilis corde, nec provida consilio, nec assueta negotiis. Scio, filia, scio, quia magna sunt hæc: sed et hoc scio, quia etsi mirabiles elationes maris, mirabilis in altis Dominus. Magna sunt hæc, sed magnus Dominus noster, et magna virtus ejus.

## EPISTOLA CCCLV.<sup>a</sup>

AD EAMDEM REGINAM JEROSOLYMORUM.

Præmonstratenses Jerosolymam peregrinantes commendat.

Videtur quantum præsumam de vobis, cui C audio et alios commendare. Quanquam Præmonstratenses fratres istos magis fortassis superflue commendarem, quam temerarie. Sunt merito ita commendabiles suo, ut non egeant alieno. Invenientur, nisi fallor, viri consilii, spiritu ferventes, in tribulatione patientes, potentes in opere et sermone. Induerunt se armatura Dei; et gladio spiritus, quod est verbum Dei, sese accinxerunt, non adversus carnem et sanguinem, sed contra spiritualia nequitiae in cælestibus. Suscipite illos, tanquam bellatores pacificos, mansuetos ad homines, violentos ad demones. Imo Christum in eis suscipite, qui est causa peregrinationis eorum.

<sup>1</sup> Gen. xxiv. — <sup>2</sup> Isai. 1, 9.

<sup>a</sup> Alias epistola 376: quæ vero antea 355 erat, nunc 364. Scripta circa annum 1142.

<sup>b</sup> Alias epistola 316: quæ vero antea 356 erat, nunc 369. Scripta anno Christi 1141.

<sup>c</sup> Et hanc epistolam inter Hibernicas ordine 43 Usserius refert, ubi multa de Melli-Fonte, aliasque ejusdem provincie Cisterciensibus monasteriis notat.

<sup>d</sup> Alias, *Misimus tamen*.

## EPISTOLA CCCLVI.<sup>b</sup>

AD MALACHIAM HIBERNIÆ ARCHIEPISCOPUM<sup>c</sup>.

Remittit Religiosos, sed (quod negotiis imputat) non satis adhuc exultos, et instructos.

MALACHIE Dei gratia episcopo, Sedis apostolicæ legato, frater BERNARDUS Claræ-Vallis vocatus abbas, si quid potest peccatoris oratio, et si quid pauperis devotio prodest.

Fecimus quod præcepit Sanctitas vestra, et si non ut dignum, profecto ut possibile pro tempore fuit. Tanta apud nos ubique malitia grassatur, ut vix id tantillum, quod factum est, fieri licuerit. Misimus tam<sup>d</sup> exiguum seminis quod videtis, ad seminandam vel modicam partem agri illius, in quem verus Isaac quondam exierat ad meditandum, cum primum adducta est ei Rebecca per puerum Abraham, perenni conjugio feliciter copulanda<sup>1</sup>. Nec contemnendum semen, de quo illud in patribus vestris experimur impletum hoc tempore: *Nisi Dominus sabaoth reliquisset nobis semen, quasi Sodomam fuissetis, et sicut Gomorra similes essemus*<sup>2</sup>. Itaque ego seminavi, rigate vos, et Deus incrementum dabit. Sanctos omnes qui apud vos sunt, per vos salutamus, humiliter ipsorum nos et vestris sanctis orationibus commendantes. Valet.

EPISTOLA CCCLVII.<sup>a</sup>

AD EUNDEM.

Perseverantem, imo et proficientem ab eo dilectionem requirit, eamque in fratribus a se missis, curandis et fovendis ostendi cupit.

Amantissimo patri et domino reverendissimo MALACHIE, Dei gratia episcopo, sanctæ et apostolicæ Sedis legato, suæ sanctitatis puer, frater BERNARDUS Claræ-Vallis vocatus abbas, salutem et qualescumque nostras orationes.

1. Quam dulcia faucibus meis eloquia tua, domine pater! quam jucunda tuæ memoria Sanctitatis! Si quid affectionis, si quid devotionis, si quid animi in nobis est, totum sine dubio sibi vindicat tuæ Dilectionis charitas. Nec opus est verborum multitudine, ubi multum viget affectus. Confido enim quod testimonium perhibeat spiritui tuo spiritus quem habes a Deo, tuum esse modicum id quod sumus. Tu quoque, pater amantissime et desideratissime, ne tradas oblivioni animam pauperis, charitatis nexibus adhærentem tibi, et animam pauperis tui ne obliviscaris in finem. Neque enim quasi de novo commendamus nos tibi, cum in multo jam tempore gloriemur in Domino, quod invenire meruit parvitas nostra gratiam in oculis Sanctitatis tuæ: sed oramus, ut dilectio, jam non nova, novis quotidie proficiat incrementis. Filios nostros, imo et vestros, tanto obnixius commendamus vobis, quanto amplius remoti sunt a nobis. Vos scitis quoniam tota post Deum fiducia nostra fuit, ut mitteremus eos, quoniam Sanctitatis vestræ precibus non acquiescere illicitum videbatur. Facite quod vos decet, ut totis visceribus charitatis amplectamini eos, et foveatis. Nequaquam occasione aliqua circa eos sollicitudo et diligentia tepe-scat, et pereat quod plantavit dextera tua.

2. Jam quidem quia bene proficit domus, et ex vestris litteris, et ex fratrum nostrorum re-

<sup>322</sup> latione didicimus: multiplicatur tam in temporalibus, quam in spiritualibus. Unde et congratulamur plurimum, et toto animo gratias agimus Deo et paternæ sollicitudini vestræ. Et quoniam multa adhuc opus est vigilantia, tanquam in loco novo, et in terra tam insueta, imo et in experta monasticæ religionis; obsecramus in Domino, ne retrahatis manum vestram, sed quod bene incœpistis, optime perficiatis. De fratribus nostris, qui redierunt a loco illo, nobis bene placuisset, si remansissent. Et fortasse nonnullam occasionem præbuerunt eis fratrum, qui de terra sunt, minus disciplinati mores, in eo maxime, quod minus facile eorum consilii acquiescere videntur in his rebus, quarum prius fuerant in experti.

3. Charissimum filium nostrum Christianum et vestrum remisimus ad vos, quantum potuimus instructum plenius in his quæ ad Ordinem pertinent, et de cætero circa observantias ejus sollicitiorem futurum, ut speramus. Nec miremini quod non plures cum eo misimus fratres; quoniam nec idoneos invenimus fratres, qui facile acquiescerent, nec invitos cogere consilium fuit. Dilectissimus frater noster Robertus\* precibus nostris acquievit etiam hac vice, tanquam filius obedientiæ. Vestrum erit juvare eum, ut possit jam et in ædificiis, et in cæteris necessariis promoveri domus vestra. Illud quoque Paternitati vestræ suggerimus, ut viris religiosis, et quos speratis utiles fore monasterio, persuadeatis, quatenus ad eorum Ordinem veniant: quoniam hæc erit summa utilitas domus, et vobis facilius acquiescent. Valeat Sanctitas vestra, nostri semper memor in Christo.

EPISTOLA CCCLVIII.<sup>b</sup>

AD DOMINUM PAPAM, NEMPE COELESTINUM.

Opem et auctoritatem Pontificis in pace Theobaldo Campaniæ comiti procuranda postulat.

Quod comes Theobaldus rogat, et ego: filius siquidem pacis est. Et zelum pacis habet, sed a

<sup>a</sup> Alias epistola 317: quæ vero antea 357 erat, nunc 370. Scripta anno Christi 1142.

<sup>b</sup> Alias epistola 374: quæ vero antea 358 erat, nunc 376. Scripta anno Christi 1142.

vobis flagitamus effectum. Pacis vester apostolatus, pacis locus, quem tenetis, debitor est. Pacem omnes diligunt, pauci merentur. Porro de amatoribus puer vester se esse fatetur : an et de meritoribus sit, vos judicabitis. Unum est, quod etsi nos non meremur, sponsæ Christi, quæ est Ecclesia, necessitas exigit : amicus Sponsi non contristabit eam \*. Ad hoc illi uni Sedi apostolicæ incumbit sollicitudo omnium Ecclesiarum, ut omnes sub illa, et in illa uniantur; et ipsa pro omnibus sollicita sit, servare unitatem Spiritus in vinculo pacis. Pacem ergo date nobis, pacem mittite nobis : etsi non quia debetis, certe quia obedire debetis. Satis pro imperio.

## EPISTOLA CCCLIX. <sup>a</sup>

CLARE-VALENSIUM AD FUNDUM COELESTINUM.

Abbatem Morimundi Jerosolymam peregrinaturum cupiunt retineri.

Summo Pontifici C. pusillus grex de Clara-Valle, devotissimam debitæ subjectionis obedientiam, et si quid potest peccatorum oratio.

Quoniam illius vos gerere vicem gratulamur, qui suam dicebat instantiam quotidianam sollicitudinem omnium Ecclesiarum <sup>1</sup>; apud aures Pietatis vestræ, licet majoribus occupatas negotiis, repulsam tamen non metuit nostra pusillitas, verum magna compellit necessitas : neque enim pro minimo audire potestis, de quibus auditurus estis, *Quod uni ex minimis meis fecistis, mihi fecistis* <sup>2</sup>. Causa autem hæc non nostra tantum, sed totius Ordinis nostri, ob quam etiam filius vester, noster omnium videlicet pater, si, cum hæc datæ sunt, domi fuisset <sup>b</sup>, aut vestræ per se ipsum Majestatis præsentiam adiisset, aut certe ex suo nomine scriptam hanc miserabilem lacrymabilemque delegasset queri-

moniam. Sed ne diu sollicitam charitatem vestram suspendamus, unus ex fratribus nostris abbatibus, <sup>c</sup> qui dicebatur de Morimundo, ipsum cui præerat monasterium inconsulte satis deserens, spiritu levitatis impulsus statuit petere Jerosolymam, prius quidem, ut aiunt, circumspectionis vestræ prudentiam tentaturus, si quo modo a vobis suo posset errori extorquere licentiam. Qua in re si quem ei (quod absit) assensum præbueritis, ipse perpendite, quanta possit nostro Ordini esse destructionis occasio : cum exemplo hujus, quicumque abbas pastoralis se sentiet sarcina aggravatum, mox illam abjiciet, utpote quam se licite posse abjicere arbitretur, præsertim apud nos, ubi nec grandis honor, et grande videtur onus. Deinde ad majorem domus sibi commissæ desolationem, meliores quosque ac perfectiores, qui sub ipso debebant, suæ socios vagationis assumpsit : inter quos etiam nobilem illum puerum, quem et antea de Colonia (quod nec vos latuisse credimus) non sine scandalo tulerat, ad majus scandalum nunc abducere secum præsumpsit. Quod si, ut vobis relatum est, dicit se in illa terra nostri Ordinis velle servare observantias, et ideo fratrum se dicit secum ducere multitudinem; quis non videat, plus illic milites pugnantes, quam monachos cantantes aut plorantes necessarios esse? Sed et nostra religio plurimum ex hoc capiet detrimentum : cum facile sit cuique vagari gestienti, illo, tanquam absque ullo discrimine, præsumere peregrinari, ubi scilicet idem, quod professus est, inventurus est propositum observari. Jam vero quid super hoc vobis placeat, quidve vestram decernere debeat auctoritatem, non est nostræ præsumptionis indicare, sed vestræ discretionis examinare.

<sup>1</sup> II Cor. xi, 28. — <sup>2</sup> Matth. xxv, 40.

<sup>a</sup> Epistola nova : quæ vero antea 359 erat, nunc 377. Scripta anno Christi 1143.

<sup>b</sup> Glossema huc irreperat, *Forte cum tunc contigerat abesse, et hujus rei adhuc ignarum esse.*

<sup>c</sup> Raynaldus scilicet, abbas Morimundi quartus ab Arnolde abbate primo, qui item abbatiam deseruit, ex epistola quarta. Raynaldus etiam cessit præfectura post quindecim annos regiminis.

EPISTOLA CCCLX.<sup>a</sup>

AD WILLELMUM ABBATEM DE RIEVALLE.

Denuo hortatur Willelmum ad patientiam et æquanimitatem.

Charissimo fratri et coabbati WILLELMO de Rievalle, frater BERNARDUS Claræ-Vallensis vocatus abbas, salutem et spiritum consilii.

Laboravimus, quantum potuimus, adversus pestem communem; et si quo minus impetravimus quod optavimus, manet tamen nobis fructus laboris nostri apud eum, apud quem nulum bonum irremuneratum est. Hæc est ergo nostra et omnium qui pro veritate decertant, consolatio vera, quoniam reposita est nobis corona justitiæ, quam reddet nobis in illum diem justus Judex. De cætero jam meminisse vos volumus, quoniam si quid patimur propter justitiam, beati; et quod nos non inquinat alienum malum, cui non consensimus, imo et redarguimus. Est ergo et hæc consolatio nostra, ut jam in patientia nostra possideamus animas nostras; et quod apud homines obtinere nequimus, a Domino speremus auxilium, qui non despiciet sperantes in se. Confido enim de misericordia Patris nostri qui est in cælis, quoniam evelletur omnis plantatio quam non plantavit ille: et arescet ad maledictum ejus ficulnea sterilis, nec terram diutius occupabit. Propter quod rogo et obsecro Fraternitatem vestram, ut non conturbemini, nec turbetis gregem Dei, qui commissus est vobis: magis autem consolamini vos, et viriliter agite, ut in sanctitate serviamus Domino, et liberabit nos ab inimicis nostris. Nos tamen, quod potuimus, suggestimus domino Tusculano episcopo<sup>b</sup>, cui injunctum est, ut legatione fungatur in partibus illis: et omnino

<sup>521</sup> promisit nobis, se, nisi aliquid melius fecerit nobis, id saltem omnimodis observaturum, ne tradat ei pallium quod portat, si non juraverit decanus ille, nunc vero episcopus<sup>c</sup>, in cuius juramento causa pendebat: sed causam referat ad dominum Papam.

EPISTOLA CCCLXI.<sup>d</sup>AD THEOBALDUM ARCHIEPISCOPUM<sup>e</sup>, PRO JOANNE SALESBERIENSI.

Confusus de amicitia Theobaldi, Joannem ei commendat.

Augetis mihi gratiam, et multiplicatis gloriam, si gratia mei, amici mei gratiam inveniant in oculis vestris. Ego tamen ab homine gloriam non quæro, sed regnum Dei et justitiam ejus. Unde factum est, ut præsentium latorem Joannem<sup>\*</sup>, amicum meum et amicum meorum, mittam ad Sublimitatem vestram, ad familiaritatem vestram, quam in vobis et de vobis habere præsumo. Testimonium enim bonum habet a bonis, quod non minus vita, quam literatura promeruit. Nec hoc didici ab illis qui verba sicut verba jactare noverunt; sed a filiis meis, qui mecum sunt, quorum verbis credo, sicut crederem oculis meis. Præsens vobis commendaveram eum: sed nunc absens multo magis commendo, utique tanto securius, quanto sincerius et vitam et mores hominis fidissimis relatoribus didici. Si quid ergo ego possum, imo quia possum plurimum ante faciem vestram, providete ei, unde honeste, imo honorabiliter vivere possit: sed et hoc velociter, quia non habet quo se vertat. Interim providete ei in necessitatibus suis, et liceat mihi experiri totum illud familiaritatis arcanum, quod mihi conservatis in visceribus vestris, amantissime pater.

<sup>a</sup> Alias epistola 380: quæ vero antea 360 erat, nunc 378. Scripta anno Christi 1143.

<sup>b</sup> Ymaro, qui legatus in Angliam anno 1143, quo anno hæc epistola scripta est. Ad eundem Ymarum exstant epistolæ 219 et 230.

<sup>c</sup> Willelmus a Sancta-Barbara, ex decano Eboracensi episcopus Dunelmensis, de quo in epistola 225.

<sup>d</sup> Alias epistola 383: quæ vero antea 361 erat, nunc 379. Scripta circa annum 1144.

<sup>e</sup> De Theobaldo, qui ex monacho Becensi creatus est archiepiscopus Cantuariensis, jam superius facta mentio est in epistola 238. Ordericus ejus promotionem consignat anno 1138, pag. 919.

## EPISTOLA CCCLXII.<sup>a</sup>

AD ROBERTUM PULLUM \* CARDINALEM ET CANCEL-  
LARIUM.

Hortatur ut Eugenio, recens electo Pontifici, strenuum  
pro officio suo se adiutorem praebeat in negotiis Ec-  
clesiae.

Domino et amico charissimo ROBERTO, Dei gra-  
tia sanctae Romanae Ecclesiae presbytero car-  
dinali et cancellario, frater BERNARDUS Claræ-  
Vallis vocatus abbas, salutem et devotas  
orationes.

1. Scripta Dilectionis vestrae eo affectu susce-  
pimus, quo semper apud nos est in benedi-  
ctione memoria vestra. Nec sane egere vos  
credimus humanae gratiae verbis, aut commen-  
datiis epistolis ad nos : quoniam quidem utri-  
que nostrum indubitabile, nisi fallor, testimo-  
nium perhibet Spiritus veritatis, quam sincere C  
et diligamus vos, et diligamur a vobis; ille, in-  
quam, Spiritus, per quem et diffunditur cha-  
ritas ista in cordibus nostris. Benedictus Deus,  
qui secundum suam misericordiam Eugenium  
nostrum, imo suum, praevenit in benedictioni-  
bus dulcedinis, parare scilicet lucernam Christo  
suo; et premittere virum fidelem ad adiutorium  
ejus, et nostram quoque plurimam consolatio-  
nem. Nam cum molesta esset amico amici vo-  
catio et absentatio, ejus nimirum praesentia  
frui delectatur in Domino; jam tunc, ut mani-  
feste video, cogitabat ipse cogitationes pacis,  
et non afflictionis, et dicebat : *Quod ego fa-*  
*cio, tu nescis modo, scies autem postea*<sup>1</sup>. Quam-  
obrem sollicitus sis, charissime, pro eo cui  
te consolatorem et consiliarium ordinavit Deus,  
et observa cante secundum datam tibi sapien-  
tiam, ne forte inter tam multiplicium negotio-  
rum tumultus malignorum fraude circumve-  
niri possit, ut subripiatur ei verbum, quod  
indignum sit Eugenio apostolatu.

<sup>1</sup> Joan. xiii, 7. — <sup>2</sup> I Cor. xv, 10.

<sup>2</sup> Alias epistola 334 : quae vero antea 362 erat, nunc 380. Scripta anno Christi 1145.

<sup>b</sup> Alias epistola 322 : quae vero antea 363 erat, nunc 371. Scripta anno Christi 1146.

<sup>523</sup> 2. Age, inquam, dilectissime, pro loco quem  
A tenes, pro ea quam adeptus es dignitate : viri-  
liter et prudenter exerce qui in te est zelum  
Dei, ad gloriam ejus, et salutem tuam, et Ec-  
clesiae sanctae plurimam utilitatem, ut dicere  
possis et tu, quia *gratia Dei in me vacua non*  
*fuit*<sup>2</sup>. Hactenus quippe eruditioni multorum fi-  
deliter et utiliter instabas, caelo et terra testi-  
bus : sed jam tempus facienda Domino, ne pa-  
tiaris, quod in te est, dissipari ab impiis legem  
ejus. Cura proinde, dilectissime et desideratis-  
sime pater, etiam in hac dispensatione inveniri  
fidelis Domini servus et prudens : quatenus et  
B pro te faciat columbina simplicitas, et pro ea,  
quae tuae quam maximae fidei et sollicitudini  
credita est, Domini tui sponsa, adversus vene-  
natas maligni et antiqui serpentis astutias militet  
prudencia serpentina, et in utraque glorificetur  
Deus. Multa quidem habeo vobis dicere : sed  
non est opus longa epistola, ubi praesens est  
vox viva. Quamobrem vestris pariter et nostris  
occupationibus parcens, posui verba mea in ore  
praesentium fratrum : tanquam me, ipsos au-  
dite. Valet.

## EPISTOLA CCCLXIII.<sup>b</sup>

AD ORIENTALIS FRANCIE CLERUM ET POPULUM.

Ad arma contra infideles pro defensione Orientalis Ec-  
clesiae suscipienda hortatur. Praeterea contra turbulen-  
tum quemdam praedcatorem docet, Judaeos non esse  
persequendos, nedum occidendos.

Dominis et patribus charissimis, archiepiscopis,  
episcopis, et universo clero, et populo orien-  
talis Franciae et Bajoariae, BERNARDUS Claræ-  
Vallensis vocatus abbas, in spiritu fortitudi-  
nis abundare \*.

1. Sermo mihi ad vos de negotio Christi, in  
quo est nique salus nostra. Haec dico, ut excu-  
set indignitatem personae loquentis auctoritas  
Domini; excuset et consideratio propriae utili-  
tatis. Modicus quidem sum, sed non modicum



cupio vos omnes in visceribus Jesu Christi. Ea<sup>326</sup> nunc mihi ratio scribendi ad vos, ea causa, ut universitatem vestram litteris audeam convenire. Agerem id libentius viva voce, si, ut voluntas non deest, suppeteret et facultas. Ecce nunc, fratres, acceptabile tempus, ecce nunc dies copiosæ salutis. Commota est siquidem et contremuit terra, quia cœpit Deus cœli perdere terram suam. Suam, inquam, in qua est, Verbum Patris sui, docere visus<sup>a</sup>, et annis plusquam triginta homo cum hominibus conversatus: suam utique, quam illustravit miraculis, quam dedicavit sanguine proprio, in qua primi resurrectionis flores apparuerunt. Et nunc peccatis nostris exigentibus, crucis adversarii caput extulerunt sacrilegum, depopulantes in ore gladii terram promissionis. Prope enim est, si non fuerit qui resistat, ut in ipsam Dei viventis irruant civitatem, ut officinas nostræ redemptionis evertant, ut polluant loca sancta, Agni immaculati purpurata cruore. Ad ipsum, proh dolor! religionis christianæ sacrarium inhiant ore sacrilego, lectumque ipsum invadere et conculcare conantur, in quo propter nos Vita nostra obdormivit in morte.

2. Quid facitis, viri fortes? quid facitis, servi crucis? Itane dabitis sanctum canibus, et margaritas porcis? Quam multi illic peccatores, confidentes peccata sua cum lacrymis, veniam obtinuerunt, postquam patrum gladiis eliminata est spurcitia Paganorum! Videt homo malignus, et invidet; frendet dentibus, et tabescit. Excitat vasa iniquitatis suæ, nec ulla quidem tantæ pietatis signa aut vestigia relicturus, si quando forte (quod Deus avertat) obtinere valuerit illa sancta sanctorum. Verum id quidem omnibus deinceps sæculis inconsolabilis dolor, quia irreparabile damnum, specialiter autem generationi huic impiissimæ infinita confusio, et opprobrium sempiternum.

3. Quid tamen arbitramur, fratres? Numquid abbreviata manus Domini, aut impotens facta est ad salvandum, quod ad tuendum et restituendum sibi hæreditatem suam exiguos vermiculos vocat? Numquid non potest mittere Angelorum plusquam duodecim legiones, aut certe dicere verbo, et liberabitur terra? Omnino subest ei, cum voluerit, posse: sed, dico vobis, tentat vos Dominus Deus vester. Respicit filios

hominum, si forte sit qui intelligat, et requirat, et doleat vicem ejus. Miseratur enim Dominus populum suum, et lapsis graviter providet remedium salutare.

4. Considerate quanto ad salvandos vos artificio utitur, et obstupescite; intuemini pietatis ejus abyssum, et confidite, peccatores. Non vult mortem vestram, sed ut convertamini, et vivatis: quia sic quærit occasionem, non adversum vos, sed pro vobis. Quid est enim nisi exquisita prorsus et inventibilis soli Deo occasio salvationis, quod homicidas, raptores, adulteros, perjuros, cæterisque obligatos criminibus, quasi gentem quæ justitiam fecerit, de servitio suo submonere dignatur Omnipotens? Nolite diffidere, peccatores: benignus est Dominus. Si vellet punire vos, servitium vestrum non modo non expeteret, sed nec susciperet quidem oblatum. Iterum dico, pensate divitias bonitatis Dei altissimi, consilium miserationis attendite. Necessitatem se habere aut facit, aut simulat, dum vestris cupit necessitatibus subvenire. Teneri vult debitor, ut militantibus sibi stipendia reddat, indulgentiam delictorum, et gloriam sempiternam. Beatam ergo dixerim generationem, quam apprehendit tam uber indulgentiæ tempus, quam invenit superstitem annus iste placabilis Domino, et vere jubilæus. Diffunditur enim hæc benedictio in universum mundum, et ad signum vitæ<sup>b</sup> certatim convolant universi.

5. Quia ergo fecunda est virorum fortium terra vestra, et robusta noseitur juventute referta, sicut laus est vestra in universo mundo, et virtutis vestræ fama replevit universum orbem; accingimini et vos viriliter, et felicia arma accipite christiani nominis zelo. Cesset pristina illa non militia, sed plane malitia, qua soletis invicem sternere, invicem perdere, ut ab invicem consumamini. Quæ miseros tam dira libido excitat, quod proximi corpus gladio, ejus fortassis et anima perit, transverberent? Sed nec effugit qui gloriatur: et ipsius animam pertransibit gladius, cum solum hostem gaudeat cecidisse. Illi se dare discrimini insanæ est, non virtutis: nec audaciæ, sed amentię potius est adscribendum. Habes nunc, fortis miles, habes, vir bellicose, ubi dimices absque periculo; ubi et vincere gloria, et mori lucrum. Si prudens

<sup>a</sup> Apud Horst. *Suam, in qua est visus.* — <sup>b</sup> Crucis signum, numero sequenti, ubi etiam de indulgentia crucis signalis concessa omnium, de quibus corde contrito confessio facta fuerit. Confer epistolam 423.

mercator es, si conquisitor hujus sæculi, magnas quasdam tibi nundinas indico; vide ne pereant. Suscipe crucis signum, et omnium pariter, de quibus corde contrito confessionem feceris, indulgentiam obtinebis. Materia ipsa si emitur, parvi constat: si devoto assumitur humero, valet sine dubio regnum Dei. Bene ergo fecerunt, qui cœleste jam signaculum susceperunt: bene cæteri faciunt, sed nec ad insipientiam eis, si festinent et ipsi apprehendere quod et eis in salutem existat.

6. De cætero, fratres, moneo vos, non autem ego, sed apostolus Dei mecum, non esse credendum omni spiritui<sup>1</sup>. Audivimus et gaudemus, ut in vobis ferveat zelus Dei: sed oportet omnino temperamentum scientiæ non desesse. Non sunt persequendi Judæi, non sunt trucidandi, sed nec effugandi quidem\*. Interrogate eos divinas paginas. Novi quid in Psalmo legitur prophetatum de Judæis: *Deus ostendit mihi, inquit Ecclesia, super inimicos meos, ne occidas eos, nequando obliviscantur populi mei*. Vivi quidam apices nobis sunt, representantes Dominicam passionem. Propter hoc dispersi sunt in omnes regiones, ut dum justas tanti facinoris pœnas luunt, testes sint nostræ redemptionis. Unde et addit in eodem psalmo loquens Ecclesia: *Disperge illos in virtute tua, et depone eos, protector meus Domine*<sup>2</sup>. Ita factum est: dispersi sunt, depositi sunt; duram sustinent captivitatem sub principibus christianis. Convertentur tamen ad vesperam, et in tempore erit respectus eorum. Denique cum introierit gentium multitudo, *tunc omnis Israel salvus erit*, ait Apostolus<sup>3</sup>. Interim sane qui moritur, manet in morte.

7. Taceo quod sicubi desunt, pejus Judaizare dolemus Christianos feneratores<sup>a</sup>, si tamen Christianos, et non magis baptizatos Judæos convenit appellari. Si Judæi penitus conterantur, unde jam prosperabitur eorum in fine promissa salus sive conversio? Plane et Gentiles si essent similiter expectandi, sustinendi forent potius quam gladiis expetendi. Nunc autem cum in nos cœperint esse violenti, oportet vim repellere eos, qui non sine causa gladios portant. Est autem christianæ pietatis, ut debellare superbos, sic et parcere subjectis; his præser-

tim, quorum est legislatio repromissa, quorum patres, et ex quibus Christus secundum carnem, qui est benedictus in sæcula. Attamen exigendum ab eis juxta tenorem apostolici mandati\*, ut omnes qui crucis signum susceperint, ab usurarum exactione liberos omnino dimittant.

8. Illud quoque admonitos vos esse est necesse, fratres dilectissimi, ut si quis forte amans primatum gerere inter vos, expeditione sua regni voluerit exercitum prævenire, nullatenus audeat: et si a nobis missum se simulet, non est verum: aut si ostendat litteras, tanquam a nobis datas; sed omnino falsas, ne dicam furtivas. Esse dicatis. Viros bellicosos, et gnaros talium duces eligere est: et simul proficisci exercitum Domini, ut ubique habeat robur, et non possit a quibuscumque violentiam sustinere. Fuit enim in priori expeditione, antequam Jerosolyma caperetur, vir quidam, Petrus nomine\*, ejus et vos, nisi fallor, sæpe mentionem audistis. Is populum qui sibi crediderat, solum cum suis incedens tantis periculis dedit, ut aut nulli, aut paucissimi eorum evaserint, qui non corruerint, aut fame, aut gladio. Propterea omnino timendum est, si similiter et vos feceritis, ne contingat et vobis similiter. Quod avertat a vobis Deus, qui est benedictus in sæcula. Amen.

## EPISTOLA CCCLXIV.<sup>b</sup>

AD PETRUM ABBATEM CLUNIACENSEM.

Invitat Petrum ad conventum Carnotensem, ubi de auxilio Orientali Ecclesiæ ferendo consultandum.

D Amantissimo patri PETRO, Dei gratia venerabili Cluniacensi abbati, frater BERNARDUS de Clara-Valle, salutem, et quas potest orationes.

1. Gravem nimis ac miserabilem Orientalis Ecclesiæ gemitum\* ad aures vestras, imo etiam ad ipsa etiam penetralia cordis arbitror pervenisse. Dignum quippe est, ut secundum magnitudinem vestram, magnum exhibeatis eidem

<sup>1</sup> I Joan. iv, 1. — <sup>2</sup> Psal. lxxviii, 12. — <sup>3</sup> Rom. xi, 25, 26.

<sup>a</sup> Hic usuras universim in Christianis damnat Bernardus, necum in clericis.

<sup>b</sup> Alias epistola 355: quæ vero antea 364 erat, nunc 381. Scripta anno Christi 1116.

vestræ et omnium fidelium matri compassionis<sup>529</sup> affectum, præsertim tam vehementer afflictæ, A ..... tam graviter periclitanti. Dignum, inquam, ut tanto amplius comedat vos zelus domus Dei, quanto ampliore in ea locum, ipso auctore, tenetis. Alioquin si duramus viscera, si obduramus corda, si plagam hanc parvi pendimus, nec dolemus super contritione; ubi nostra in Deum charitas, ubi dilectio proximorum? Imo vero, si non satagimus quanta possumus sollicitudine, consilium aliquod et remedium tantis malis, tantisque periculis adhibere; quomodo non ingrati convincimur esse ei qui abscondit nos in die malorum, in tabernaculo suo; justius B perinde et vehementius puniendi, utpote tam divinæ gloriæ, quam fraternæ salutis negligentes? Hæc vobis tam fiducialiter, quam familiariter duximus suggerenda, ob gratiam utique, qua nostram indignitatem excellentia vestra dignatur.

2. Nam et patres nostri, episcopi Franciæ, una cum domino Rege et principibus, tertia diedominica post Pascha apud Carnotum urbem venturi sunt, et de verbo hoc tractaturi<sup>a</sup>: ubi utinam mereamur habere præsentiam vestram. Quia enim magnis omnino magnorum viro-  
rum consiliis hoc verbum constat egere; gratum C profecto obsequium præstabis Deo, si negotium ejus non duxeritis alienum, sed charitatis vestræ probaveritis zelum in opportunitatibus, in tribulatione. Nostis enim, pater amantissime, nostis quoniam amicus in necessitate probatur. Confidimus autem quod magnum huic verbo proventum præsentia vestra præstabit, tum pro auctoritate sanctæ Cluniacensis ecclesiæ, cui Deo auctore præstis, tum maxime pro sapientia et gratia, quam vobis ipse donavit ad utilitatem utique proximorum, et sui ipsius honorem. Qui vobis etiam nunc inspirare dignetur, ut non gravemini venire, et servis suis in nomine ejus, D et pro zelo ipsius nominis congregandis vestram admodum desiderabilem conferre præsentiam.

## EPISTOLA CCCLXV.<sup>b</sup>

AD HENRICUM MOGUNTINUM ARCHIEPISCOPUM<sup>c</sup>.

Radulfum monachum, qui fideles in Judæorum necem armabat, arguit.

Venerabili domino et charissimo patri HENRICO Moguntino archiepiscopo, BERNARDUS Claræ-Vallis abbas, invenire gratiam apud Deum.

1. Litteras Dilectionis vestræ debita veneratione suscepi: sed præ multitudinem negotiorum brevis est responsio. Depositum querelæ vestræ apud nos signum est et pignus dilectionis, et præcipuæ humilitatis indicium. Quis enim ego sum, aut quæ domus patris mei, ut ad me referatur archiepiscopi contemptus, et metropolitane sedis injuria? Nonne ego sum puer parvulus, ignorans introitum et egressum meum? Verumtamen non ignoro verbum veritatis usquequaque, quod ex ore Alüssimi procedit: C *Necesse est ut veniat scandalum, vix autem illi per quem venit*<sup>1</sup>. Homo ille de quo agitur in litteris vestris<sup>2</sup>, neque ab homine, neque per hominem, sed nequea Deo missus venit. Quod si se monachum aut eremitam jactat, et ex eo sibi assumit libertatem, vel officium prædicationis; potest scire, et debet, quod monachus non habet docentis, sed plangentis officium<sup>d</sup>: quippe cui oppidum carcer esse debet, et solitudo paradisi. Hic vero a contrariis, et solitudinem pro carcere, et oppidum habet pro paradiso. O hominem sine pectore! o hominem sine fronte! cujus stultitia elevata est super candelabrum, D ut appareat omnibus qui sunt in domo.

2. Tria sane sunt in eo reprehensione dignissima: usurpatio prædicationis, contemptus episcoporum, homicidii approbati libertas. No-

<sup>1</sup> Matth. xviii, 7.

<sup>a</sup> In hoc conventu, Bernardus militiæ dux electus, id officii suscipere detrectavit, tanquam suis moribus et monastico instituto repugnans, ut in epistola 256 ad Eugenium, n. 4. Confer epistolam nunc 363, et epistolas Sugerianas, quarum centesima trigesima tertia est Petri Venerabilis ab hoc conventu se excusantis ob capitulum generale Cluniaci eodem die indictum.

<sup>b</sup> Alias epistola 323: quæ vero antea 365 erat, nunc 396. Scripta anno Christi 1146.

<sup>c</sup> De quo supra, epistola 302.

<sup>d</sup> Vide Hieronymum adversus Vigilantium, cap. 6, et notas ad epistolam 89.

vum genus potentiae. Numquid tu major es<sup>350</sup> patre nostro Abraham, qui eodem prohibente A gladium deposuit, quo iubente levaverat<sup>1</sup>? Numquid tu major es principe Apostolorum, qui quaesivit a Domino, *Domine, si percutimus in gladio*<sup>2</sup>? Sed instructus es omni sapientia Aegyptiorum, id est sapientia hujus mundi, quae stultitia est apud Deum<sup>3</sup>. Aliter solvis questionem Petri, quam ille qui dicit: *Mitte gladium in locum suum. Omnis enim qui acceperit gladium, gladio peribit*<sup>4</sup>. Nonne copiosius triumphat Ecclesia de Judaeis, per singulos dies vel convincens, vel convertens eos, quam si semel et simul consumeret eos in ore gladii? B Numquid incassum constituta est illa universalis oratio Ecclesiae, quae offertur pro perfidis Judaeis a solis ortu usque ad occasum, ut Deus et Dominus auferat velamen de cordibus eorum, ut ad lumen veritatis a suis tenebris eruantur<sup>5</sup>? Nisi enim eos, qui increduli sunt, credituros speraret, superfluum videretur et vanum orare pro eis. Sed considerat oculo pietatis, quod Dominus habet respectum gratiae apud eum qui reddit bona pro malis, et dilectionem pro odio. Ubi est ergo illud quod dictum est, *Videas ne occidas eos*<sup>6</sup>? ubi est, *Cum plenitudo gentium intraverit, tunc omnis Israel salvus fiet*<sup>7</sup>? ubi est, *Aedificans Jerusalem Dominus, dispersiones Israelis congregabit*<sup>8</sup>? Tunc es ille qui mendaces facies Prophetas, et evacuabis omnes thesauros pietatis et misericordiae Jesu Christi? Tua doctrina non est tua, sed ejus qui misit te patris. Sed credo sufficit tibi, si sis sicut magister tuus. Ille enim erat homicida ab initio: ille mendax, et pater mendacii<sup>9</sup>. O monstruosa scientia! o sapientia infernalis, contraria Prophetis, et Apostolis inimica, subversio pietatis et gratiae! o immundissima haeresis! o meretrix sacrilega, quae impraegnata de spiritu falsitatis concepit dolorem, et peperit iniquitatem<sup>10</sup>! D Libet, sed non licet ultra progredi. Ad ultimum, ut omnia quae sentio super his, breviter comprehendam; homo est magnus in oculis suis, plenus spiritu arrogantiae. Verba et opera ejus pretendunt, quod conatur sibi facere nomen juxta nomen magnorum qui sunt in terris: sed non habet sumptus ad perficiendum. Vale.

EPISTOLA CCCLXVI.<sup>b</sup>

AD HILDEGARDIEM ABBATISSAM \*.

Laudibus suis modeste rejectis, ut ipsa Dei gratiam in se agnoscat monet, et orationes pro se suisque postulat.

Dilectae in Christo filiae HILDEGARDI, frater BERNARDUS Clarae-Vallensis vocatus abbas, si quid potest oratio peccatoris.

Quod de nostra exiguitate longe aliter quam nostra sese conscientia habeat, quidam sentire videntur; non nostris meritis, sed stultitiae hominum deputandum est. Ad dulcedinem autem pie charitatis tuae scribere properavi; quamvis id brevius omnino quam vellem, negotiorum multitudo compellat. Congratulamur gratiae Dei quae in te est, et ut eam tanquam gratiam habeas, et toto ei humilitatis et devotionis affectu studeas respondere, admonemus: sciens quod Deus superbis resistit, humilibus autem dat gratiam<sup>10</sup>. Quod in nobis est, hortamur et obsecramus. Caeterum ubi interior eruditio est, et unctio docens de omnibus, quid nos aut docere possumus, aut monere? Diceris enim caelestia secreta rimari, et ea quae supra homines sunt, Spiritu sancto illustrante dignoscere. Unde rogamus magis et suppliciter postulamus, ut nostri memoriam habeas apud Deum, et eorum pariter qui nobis in spiritali societate juncti sunt. Nam cum spiritus Deo conjungitur, confidimus quod nobis multum prodesse valeas et subvenire. Multum enim valet deprecatio justi assidua<sup>11</sup>. Nos pro te assidue oramus, ut conforteris ad bona, instruaris ad interiora, dirigaris ad permansura: ita ut nec hi qui spem suam in Deo posuerunt, desperando pro te claudicent; sed ut in profectu benedictionis, quam a Deo accepisse cognosceris, bene confortati, in melius et melius proficiant.

<sup>1</sup> Gen. xxii. — <sup>2</sup> Luc. xxii, 49. — <sup>3</sup> I Cor. iii, 19. — <sup>4</sup> Matth. xxvi, 52. — <sup>5</sup> Psal. lvi, 12. — <sup>6</sup> Rom. xi, 25, 26. — <sup>7</sup> Psal. cxlvi, 2. — <sup>8</sup> Joan. viii, 44. — <sup>9</sup> Psal. vii, 15. — <sup>10</sup> Jacobi iv, 6. — <sup>11</sup> Id. v, 16.

<sup>a</sup> Haec oratio quotannis funditur feria sexta Hebdomadae sanctae, totidem verbis quae hic adhibet Bernardus.

<sup>b</sup> Alias epistola 386: quae vero antea 366 erat, nunc 410. Scripta anno Christi 1116

EPISTOLA CCCLXVII.<sup>a</sup>G<sup>b</sup>. CANCELLARIO.

Episcopum Metensem commendat.

Prædecessor vester bonæ memoriæ Hainericus cancellarius dominum Metensem episcopum<sup>c</sup> speciali amplectebatur dilectione; et nuntios ejus, quoties Romam venirent, plurimum acceptabat, et juvabat studiosius. Unde rogo vos quoque per eadem gradi vestigia, et nobili episcopo, in magna necessitate posito, armis Ecclesiæ subvenire.

EPISTOLA CCCLXVIII.<sup>d</sup>

AD G. DIACONUM CARDINALEM.

Affectum ejus, litteris et donis expressum, gratus amplectitur, et ab amore terrenorum opumque avocat.

Domino et amico charissimo G. Dei gratia sanctæ Romanæ Ecclesiæ diacono cardinali, frater BERNARDUS Claræ-Vallis vocatus abbas, salutem et devotas orationes.

1. Benedictus tu a Domino, qui tam copiose prævenisti nos in benedictionibus dulcedinis: ut si qua misericordiæ viscera, si quid affectionis, si quid charitatis invenitur in nobis, totum sibi merito vindicet illustris animi tui tam devota humilitas, humilisque devotio. Nam et antea exultabam omnino, et gratulabar zelo bono, quem in te esse fratrum nostrorum relatione didiceram: sed jam eo amplius, si quid

<sup>551</sup> possum in Domino, tuæ dilectioni me sentio debitorem, quo devotius et humiliter parvitatî nostræ commendatum te reddere studuisti. Unde et sollicitus fui fratribus nostris indices tui pectoris legere litteras, plenas devotæ affectionis, plenas pietatis et gratiæ; benedictionem<sup>e</sup> quoque, quam destinaveras, exhibere; et præcipere, sicut rogasti, in memoriam tui et tuorum, ipsis in vasis Missarum solemnia celebrari. Faciat te Deus in magna domo sua vas in honorem, ut de te quoque nos charissimi tui operum testimonio, quod plurimum desideramus, mercamur audire, *Quoniam vas electionis mihi est iste*<sup>1</sup>. Testis enim nobis est Spiritus veritatis, per quem et diffunditur charitas ista in cordibus nostris<sup>2</sup>, quomodo te cupiamus in visceribus Jesu Christi.

2. Quia ergo æmulamur te Dei æmulatione, non modo est ad eum pro te deprecatio nostra, sed etiam ad te ipsum, ut sollicite provideas, quomodo te oporteat conversari in domo Dei, et in sorte ministerii hujus. Dico enim non de præsumptione, Deus scit, sed de charitate, quoniam judicium grave his qui præsumunt<sup>3</sup>, si non etiam prodesse laborant: et e contra, qui bene ministraverit, gradum bonum acquirit<sup>4</sup>. Tu ergo, dilectissime et desideratissime domine, declina, obsecro, magis ac magis a malo, et fac bonum: nec inveniaris in Christi hereditate quærens quæ tua sunt, sed memor esto semper apostolici illius, *Nihil intulimus in hunc mundum, haud dubium quia nec quidquam aufere-mus*<sup>5</sup>. Quamobrem eam, quæ immortalis est, animam tuam serva, charissime; ne qua occasione avelli aut eradicari queat ab affectu cordis tui quod Dominus loquitur in Evangelio: *Quid prodest, inquit, homini si universum mundum lucretur, se autem ipsum perdat, et detrimentum sui faciat*<sup>6</sup>? Miseri prorsus, miseri, qui in bonis ducunt dies suos, ut in puncto ad inferna descendant<sup>7</sup>. Cum enim interierint, non sument omnia, nec descendet cum eis gloria eorum<sup>8</sup>, quoniam vapor est ad modicum pa-

<sup>1</sup> Act. ix, 15. — <sup>2</sup> Rom. v, 5. — <sup>3</sup> Sap. vi, 6. — <sup>4</sup> I Tim. iii, 13. — <sup>5</sup> Id. vi, 7. — <sup>6</sup> Math. xvi, 26. — <sup>7</sup> Job xxi, 13. — <sup>8</sup> Psal. xlviii, 18.

<sup>a</sup> Alias epistola 332: quæ vero antea 367 erat, nunc 419. Scripta circa annum 1147.

<sup>b</sup> Guidoni Moricato de Vico, Pisano, qui post Robertum Pullum cancellarius fuit ab anno 1146: ex notis ad epistolam 334. — <sup>c</sup> Scilicet Stephanum.

<sup>d</sup> Alias epistola 335: quæ vero antea 368 erat, nunc 420. Scripta circa annum 1147.

<sup>e</sup> Id est donum seu vasa sacra, quæ Guido in ministerium altaris Claræ-Vallensibus destinaverat, intra, indubie aurea aut argentea.

rens<sup>1</sup>. Hæc cogita, dilectissime, et hæc meditare<sup>552</sup> jugiter, et in corde tuo describe ea, nec a memoria tua ullatenus recedant. Vale.

nysii abbati, frater BERNARDUS Claræ-Vallensis vocatus abbas, salutem et dilectionem.

## EPISTOLA CCCLXIX.<sup>a</sup>

AD SUGERIUM ABBATEM.

Gratulatur Sugerio de reformatione ecclesiæ S. Genovefæ feliciter instituta, et ut bene coeptis insistat, hortatur.

Amantissimo patri et domino SUGERIO, Dei gratia venerabili abbati Beati-Dionysii, frater BERNARDUS de Clara-Valle, salutem et orationes<sup>b</sup>.

Benedictus Deus, qui in manu vestra operatus est salutem in ecclesia Sanctæ-Genovefæ<sup>\*</sup>: ut domus Dei restitueretur ordini et disciplinæ. Agit vobis gratias apostolica ipsa auctoritas, quod fideliter et efficaciter opus magnificum incepistis: agimus et nos quas possumus gratias, et quicumque Deum diligunt in veritate. Rogamus itaque obnixius et postulamus, ut secundum apostolicarum tenorem litterarum, C operi manuumstrarum dexteram porrigatis: ut quod magnifice ceptum est, vestræ Magnitudinis opera proficere possit in dies, et feliciter consummari. Jam pro ecclesia Sancti-Victoris<sup>c</sup> charitatem vestram sollicitare superfluum judicamus: quia omnium ecclesiarum custodia vobis commissa esse dignoscitur. Sed his debetur amplius, quarum religio amplius noseitur indigere.

## EPISTOLA CCCLXX.<sup>d</sup>

AD EUMDEM.

Ecclesiam de Monte ei commendat.

Charissimo patri et domino SUGERIO, Beati-Dio-

Opertet vos operari opera ejus qui reliquit vos in loco suo<sup>\*</sup>, imo opera Domini Dei vestri, qui ad tale ministerium vos elegit. De operibus ejus est, quod ecclesia de Monte religionem induit et decorem: ubi vos noveila illa plantatio consiliatorem et auxiliatorem magnum invenit. Supplicamus, ut quod bene cœpistis, melius consummetis, et opponatis vos murum pro domo Israel, ut non prævaleat homo. Dignemini etiam consolari abbatem loci illius<sup>e</sup> quia pusillanimis est: quia sic convenit honori personæ vestræ, et saluti animæ vestræ, et specialiter in tempore isto.

## EPISTOLA CCCLXXI.<sup>f</sup>

AD EUMDEM.

Dissuadet matrimonium inter filium comitis Andegavensis et filiam regis Francorum, ob impedimentum consanguinitatis.

Domino abbati Beati-Dionysii, frater BERNARDUS de Clara-Valle, salutem et orationes.

Sic scripsi ad dominum Regem: « Opus grande » et onus inæstimabile suscepistis, quod a nemine, nisi divina virtute, possit portari. Supra vires est hominis negotium vestrum<sup>\*</sup>: sed Deo facile est, quod hominibus est impossibile<sup>2</sup>. Si hæc scitis, cavendum vobis summopere est, ne qua occasione tam necessarium repellatis auxilium, ne qua suggestionem Deum offendatis, et gratiam ejus vobis reddatis infensam. Cavendum, inquam, nunc maxime, ne quando provocatus a vobis irascatur Deus, et avertat faciem suam a vobis, ac manum retrahat adjutorii. Siquidem periculum hoc non ad solum Regem spectat, sed ad universam Ecclesiam Dei: quia ex hoc jam vestra et to-

<sup>1</sup> Jacobi iv, 15. — <sup>2</sup> Luc. xviii, 27.

<sup>a</sup> Alias epistola 356: quæ vero antea 369 erat, nunc 338. Scripta circa annum 1147.

<sup>b</sup> Hæc precandi formula uti solet Bernardus scribendo ad Sugerium. — <sup>c</sup> Vide epistolam 410.

<sup>d</sup> Alias epistola 357: quæ vero antea 370 erat, nunc 337. Scripta circa annum 1147. — <sup>e</sup> Scilicet Odonem.

<sup>f</sup> Alias epistola 363: quæ vero antea 371 erat, nunc 323. Scripta circa annum 1147.

ius mundi una est causa. Quorsum hæc ten-  
 dant, audite. Festino quidem ad vos, sicut hæc  
 litteræ, vigiliam beatæ Mariæ Magdalene Lau-  
 duni facturæ : sed aliis jam litteris præmo-  
 nere vos et præmunire curavi. Audivi enim  
 quod festinet Comes Andegavensis alligare  
 vos fide et sacramento, super matrimonio  
 contrahendo inter filium suum, et filiam ve-  
 stram. At hoc quidem non tantum non expe-  
 dit, sed non licet; non modo alias ob causas,  
 sed quia titulus consanguinitatis id prohibet,  
 sicut veridica attestazione cognovimus, matrem  
 reginæ et puerum istum, filium Comitæ Ande-  
 gavensis, in tertio consanguinitatis gradu in-  
 veniri. Propter quod omnimodo monemus, ne  
 faciatis hanc rem : sed timeatis Deum, et de-  
 clinetis a malo. Promisistis vos nulla ratione  
 sine consilio nostro id facturum : et si dissi-  
 mulavero, ipse peccavi. Hoc ergo consilium  
 nostrum, in nullo modo id faciatis. Si fecerit-  
 is, sciatis vos et contra consilium nostrum, et  
 contra consilium multorum diligentium no-  
 men vestrum, et etiam contra Deum fecisse:  
 et nolite putare quod acceptum sit Deo sacri-  
 ficium vestrum, cum sit ex parte : ut pro  
 alieno sollicitus, regno proprio non parcatis,  
 disponendo illud contra Deum, contra jus et  
 fas, et contra utile atque honestum. Liberavi  
 animam meam : liberet et vestram Deus a  
 labiis iniquis et a lingua dolosa. »

## EPISTOLA CCCLXXII.<sup>a</sup>

AD P.<sup>b</sup> EPISCOPUM PALENTINUM IN HISPANIA.

Laudat enim ab humilitate, sed maxime a studio le-  
 ctionis.

Venerabili domino, et charissimo patri P. Dei  
 gratia Palentiensi episcopo, BERNARDUS Cla-  
 ræ-Vallensis abbas, præveniri a Domino in  
 benedictionibus dulcedinis.

Quis dabit mihi pennas sicut columbæ, et  
 volabo, et requiescam in odore unguentorum

tuorum? Venerabilis tua conversatio, et inter-  
 A gritas morum replevit nares meas in odorem  
 suavitatis : et ecce odor iste factus est mihi,  
 sicut odor agri pleni, quem benedixit Dominus.  
 Vere sicut adipe et pinguedine repleta est anima  
 mea in odore isto, et in talibus vita spiritus  
 mei. Quomodo enim potest audire, et non de-  
 lectari in crassitudine anima mea, cum audierit  
 virum sublimem et humilem, negotiosum et  
 quietum, et tremementem verba Domini? O rara  
 avis in terris, humilitas cum sublimitate, et  
 tranquilla mens in medio negotiorum! Lætifi-  
 casti, Domine, animam servi tui; lætificet et  
 B tuam misericors Dominus in lætitia gentis suæ.  
 Gavisus sum gaudio magno, quod talia de vo-  
 bis, et a talibus nuntiata sunt, quibus non forte  
 putare potui. Latores enim præsentium fratres  
 nostri nuntiaverunt nobis de castigatione car-  
 nis, quam redigis in servitutem, de erectione  
 spiritus, de amore lectionis, de mansuetudine  
 morum, de operatione boni ad omnes, maxime  
 autem ad domesticos fidei. Tu ergo, charissime,  
 non me intendas intentum circa laudes tuas in  
 verbis istis. Nondum enim menti excidit illa  
 prophetica reprehensio : *Populus meus, qui te*  
*beatificant, ipsi te decipiunt*<sup>1</sup>. Nolo enim oleo  
 peccatoris impinguari caput tuum, quia pecca-  
 tor sum; sed potius oleo lætitiæ, quæ procedit  
 de corde puro, et conscientia bona, et fide non  
 ficta. Non sum ego venditor olei; non enim ha-  
 beo nisi parum olei, quo ungar in palaestra hu-  
 jus sæculi : verumtamen laudes Christi silere non  
 possum. Laudetur ergo non creatura, sed Crea-  
 tor : laudetur non ille qui accepit, sed ille a quo  
 accepit : laudetur non ille qui plantat, non ille  
 qui rigat, quia nihil sunt; sed qui incrementum  
 dat Deus. Ego ergo non accipientis, sed porri-  
 gentis manum laudabo : non laudationem servi,  
 sed laudationem Domini loquetur os meum. Tu  
 D ergo, dilectissime, si sapis, imo quia sapis, in  
 te quidem, sed non ex te cognosce gratiam :  
 quia omne datum optimum, et omne donum  
 perfectum desursum est, descendens a Patre  
 luminum. Scio quosdam esse, qui quasi scienter  
 nescire volunt quæ acceperunt a Domino, ne  
 in superbiam elati, in viscerum incidant diaboli.  
 Mihi autem videtur debere scire quid accepe-  
 rim, ut sciam quid desit mihi : mihi videtur

<sup>1</sup> Isai. ix, 16.

<sup>a</sup> Epistola nova : quæ vero antea 372 erat, nunc 319. Scripta circa annum 1117.

<sup>b</sup> Petrum scilicet, ejus nomen diplomati Saneie, Spinam abbatiam S. Bernardo concedentis, subscriptum invenitur apud Manriquez, ad annum 1147, cap. 18, n. 3.

juxta Apostolum, ut sciamus quæ a Deo donata<sup>354</sup> sunt nobis, ne nesciamus, ad quæ postulanda suspirandum sit nobis. Qui enim accepit, et nescit quæ accepit, duplici periculo vicinum se constituit: quia ingratus est circa acceptum, et incantus circa custodiendum beneficium. Quomodo enim refert gratiam ei, a quo accepit, si nescit se accepisse quod accepit? vel quomodo sollicitus erit custodire, qui non meminit se aliquid accepisse? Aufer a me, Domine, opprobrium ingrati illius populi, de quo dictum est: *Obliti sunt benefactorum ejus, et mirabilem ejus, quæ ostendit eis*<sup>1</sup>. Acceptum itaque beneficium, etiam secundum sapientes hujus sæculi, B æternæ memoriæ infigendum est. Oportet ergo ut accepta sciamus custodire, et gratia Dei vacua non sit in nobis: sed ut semper in nobis maneat, semper gratias agamus Domino Deo nostro. Illud quoque non otiose puto adjiciendum, ut in acquisitionem salutis et gratiæ tribus gradibus ascendas: humilitate, fide, timore. Humilitas enim est, cui gratia datur; fides, in qua suscipitur; timor, a quo custoditur. Nam sine tribus his si ascendamus ad gratiam, timeo, ne dicatur nobis: *Domine, neque in quo haurias habes, et puteus altus est*<sup>2</sup>. Sit ergo ad hauriendam aquam sapientiæ funiculus hæreditatis; et hæc humilitas sit in ore, sit in corde, sit in actu: quia funiculus triplex difficile rumpitur. Fides sit hydria, et hæc magna sit, ut ab ea multum gratiæ capiatur. Sit timor operculum, ne sordibus vanæ gloriæ aqua sapientiæ inquinetur: scriptum est enim, *Vas quod non habuerit cooperculum, immundum erit*<sup>3</sup>. Manum meam provocavit ad scribendum illa tua devotio legendi, qua non solum magnorum hominum, sed etiam nugæ nostras amplecteris: ut per quos nuntiata est bonitas tua, per eosdem tibi nuntiaretur, quantam cordi meo dedisti lætitiā.

## EPISTOLA CCCLXXIII.<sup>a</sup>

ABBATIS SP.<sup>b</sup> AD SANCTUM BERNARDUM.

De præfectura sibi imposita luget.

Desiderabili domino et charissimo patri BERNARDO Claræ-Vallensi abbati, filius ejus SP. fratrum ecclesiæ servus inutilis, benedictionem omnium gentium.

Desiderio desideravi, si fieri posset, ut litteræ istæ invenirent vos liberum ab aliis negotiis et absolutum. Timeo enim, et timui, cum eas scriberem, et recordabar illius, qui quærebat videre Jesum, sed non poterat præ turba, quia statura pusillus erat<sup>4</sup>. Sed quid, si otium invenero, et non invenero gratiam in oculis vestris? Numquid solum otium erit mihi solatium? Parcat vobis Deus. Quid fecistis? ubi me posuistis, et qualem? Utinam appenderentur vires meæ, et sarcina, quam porto, in statera! quasi arena maris hæc gravior appareret. Quis enim ego sum, aut quæ domus patris mei? Nonne ego sum puer parvulus, ignorans introitum et egressum meum? Quis ego, aut quid ego, ut possim solus occurrere, imo succurrere ecclesiæ, in qua positus sum, tanquam parieti inclinato et maceriæ depulsæ? Supra vires meas est negotium istud; stulto labore consumo. Laboravi in gemitu meo: sed quæ utilitas in laboribus et gemitibus meis? Inveterati sunt morbi, plaga crudelis, et insanabilis dolor, nisi in manu forti. Vitia quippe versa sunt in mores, mores in consuetudinem, consuetudo in naturam, natura in necessitatem. O quam necesse esset hanc necessitatem evelli! Sed, quod cum lacrymis dicendum esset, confortata est, et non potero ad eam. Ecce enim non est auxilium mihi in me. Sed et frater iste lator præsentium, qui valde nobis necessarius erat, recedit a nobis. Docebat enim novitios; proficiebant illi,

<sup>1</sup> Psal. LXXVII, 11. — <sup>2</sup> Joan. IV, 11. — <sup>3</sup> Num. XIX, 15. — <sup>4</sup> Luc. XIX, 3.

<sup>a</sup> Epistola nova: quæ vero antea 373 erat, nunc 411. Scripta circa annum 1147.

<sup>b</sup> Haud dubie abbas de Spina, Palentinæ diocesis, cujus fundatrix Sancia, Alfonsi imperatoris soror, ad quam epistola 301, locum S. Bernardo dedit. Nivardus Bernardi frater cum sociis eo missus. Abbas primi nomen ignorat Manriquez, ad annum 1147, cap. 18, n. 3.



ego autem gaudebam, et sperabam de misericordia Dei, quod quandoque absorberetur mortale a vita. Testimonium illi perhibeo, quantum licet estimare hominem ab homine, quia conversatio ejus apud nos, et Deo grata fuit, et dulcis hominibus. Unde et discessio ejus sine dolore esse non potuit. Potens es, Domine, convertere placentum meum in gaudium mihi, si inveni gratiam in oculis tuis. Hæc hæcenus. Cætera præsentium lator latius explicabit.

## EPISTOLA CCCLXXIV.<sup>a</sup>

AD FRATRES DE HIBERNIA, IN TRANSITU BEATI  
MALACHIE EPISCOPI<sup>b</sup>.

Sanctorum obitum gaudio potius quam luctu prosequendum. Singulari quoque Dei beneficio, Claram-Vallem tanti viri morte et sepultura honoratam.

Religiosis fratribus qui in Hibernia sunt, et his maxime congregationibus, quas beatæ memoriæ Malachias episcopus fundavit, frater BERNARDUS Claræ-Vallis vocatus abbas, Paracleti consolationem.

1. Si haberemus hic manentem civitatem, copiosissimis jure lacrymis plangeremus, talem nos amisisse concivem. Cæterum si futuram magis inquirimus ut oportet, est quidem non modica doloris occasio tam necessario duce destitui: debet tamen zelum temperare scientia, et dolorem spei fiducia delinire. Nec mirari quempiam decet, si gemitum extorquet affectus, si desolatio lacrymas exprimit: modum tamen adhibere necesse est, imo non modice etiam consolari, intuentes non quæ videntur, sed quæ non videntur. Quæ enim videntur, temporalia sunt; quæ autem non videntur, æterna. Primum quidem congratulandum est animæ sanctæ, ne nos arguat de inopia charitatis, dicens et ipse quod Dominus ad Apostolos ait: *Si diligeretis me, gauderetis utique, quia vado ad Patrem*<sup>1</sup>. Prævenit nos ad Patrem spirituum spiritus patris

nostri: nec modo charitatis inopes, sed ingratitude etiam rei esse convincimur super omnibus quæ per eum nobis beneficia provenire, si non congratulamur ei, qui de labore ad requiem, de periculo ad securitatem, de mundo transit ad Patrem. Itaque et pium est Malachiam flere defunctum, et pium magis Malachiæ congaudere viventi. Numquid non vivit? Utique, et beate. Visus est oculis insipientium mori, ille autem est in pace.

2. Dehinc etiam utilitatis propriæ consideratio exultandum nobis suggerit et lætandum, quod tam potens suos patronus ad cœlestem euriam, tam fidelis præcesserit advocatus: cuius et ferventissima charitas oblivisci nequeat filiorum, et probata sanctitas obtineat gratiam apud Deum. Quis enim nunc Malachiam sanctum aut minus posse prodesse, aut minus suos diligere audeat suspicari? Profecto cum diligeretur prius, certiora nunc suæ dilectionis a Deo capit experimenta: et cum dilexisset suos, in finem dilexit eos. Absit autem ut tua nunc, o anima sancta, minus efficax æstimetur oratio, quando præsentī vividius supplicare est majestati, nec jam in fide ambulas, sed in specie regnas. Absit ut imminuta, nedum exinanita tua illa tam operosa charitas reputetur, cum ad fontem ipsum charitatis æternæ procumbis, pleno hauriens ore, cuius et ipsa prius stillicidia sitiebas. Non potuit morti cedere charitas fortis ut mors, imo et morte fortior ipsa. Nam et decedens non erat immemor vestri, affectuosius vos commendans Deo, et nostram quoque exiguitatem solita illa sua mansuetudine et humilitate exorans, ut vestri non oblivisceremur in finem. Unde et dignum duximus scribere vobis, ut sciatis nos et in spiritualibus, si quid nostra in his exiguitas per beati hujus Patris nostri merita unquam potuerit; et in corporalibus, si quando forte opportunitas præberetur, omnem vobis consolationem impendere tota devotione paratos.

3. Et nunc quoque, dilectissimi, Hibernensis Ecclesiæ gravem hanc destitutionem toto miseramur affectu: et eo amplius vobis compatimur, quo nos amplius ex hoc novimus debitores. Magnificavit enim Dominus facere no-

<sup>1</sup> Joan. xiv, 28.

<sup>a</sup> Alias epistola 311: quæ vero antea 374 erat, nunc 358. Scripta anno Christi 1148.

<sup>b</sup> Anno 1148, die secunda novembris contigit sancti Malachiæ obitus, de quo in ejus Vita a Bernardo scripta, in tomo 2. Adde sermones duos de eodem, in tomo 3.

biscum, cum locum nostrum dignatus est beatæ<sup>556</sup> mortis ejus honorare præsentia, et pretiosissimo corporis ejus locupletare thesauro. Nec molestum sit vobis, quod apud nos habeat sepulturam : quando sic ordinavit Deus secundum multitudinem misericordiæ suæ, ut vos eum vivum haberetis, nobis habere liceret vel defunctum. Et nobis siquidem communis vobiscum pater ille erat, et est : nam et in morte ipsius hoc nobis confirmatum est testamentum. Quamobrem sicut nos hujus tanti patris gratia, universos vos, tanquam germanos fratres, totis amplectimur visceribus charitatis : sic et de vobis idem sentire spiritualis ipsa cognatio persuadet.

4. Hortamur autem vos, fratres, ut beati hujus patris nostri semper curetis sectari vestigia, eo studiosius, quo vobis certius sancta ejus conversatio diuturnis experimentis innuit. In hoc enim veros vos ejus filios esse probabit, si paterna viriliter instituta servetis : et ut in eo vidistis et audistis ab eo, quemadmodum vos oporteat ambulare ; sic ambuletis, ut abundetis magis : siquidem gloria patris, sapientia filiorum<sup>1</sup>. Nam et nostram non mediocriter excutere desidiā, et reverentiam incutere cepit præsens nobis tantæ perfectionis exemplar. Atque nūtinam sic nos post se trahat, ut pertrahat in tam recenti virtutum ejus odore avidius alacriusque currentes. Orantem pro nobis universitatem vestram Christus custodiat.

## EPISTOLA CCCLXXV.<sup>a</sup>

AD IDAM COMITISSAM NIVERNENSEM.

Monachos Vizeliacenses a Comitissæ clientibus infestari queritur.

Dilectæ in Christo filiæ Nivernensi comitissæ, frater BERNARDUS Claræ-Vallensis vocatus abbas, salutem et orationes.

Conqueritur venerabilis abbas Vizeliacensis<sup>b</sup>,

quod vos, et clientes vestri, mercatores et cæteros Vizeliacum volentes ire prohibetis : quod quia Guillelmus comes<sup>c</sup> bonæ memoriæ, et filius ejus in præsentia domini Autissiodorensis et nostra penitus refutavit, tanquam impium et iniquum ; monemus et rogamus, ne id deinceps ullo modo faciatis. Timemus enim, si talia facere cœperitis, ne forte et vobis hic, et viro vestro, ubi ipse est, plurimum possint obesse, quod omnino nolumus. Credite ergo nobis, et omnino desistite a malitia hac.

## EPISTOLA CCCLXXVI.<sup>d</sup>

AD SUGERIUM ABBATEM.

Hortatur et rogat, ut duellis quorundam principum se opponat.

Venerabili patri et domino SUGERIO, Dei gratia abbati Sancti-Dionysii, frater BERNARDUS Claræ-Vallis vocatus abbas, salutem et orationes.

Nunc tempus et opus est, ut apprehendatis gladium spiritus, quod est verbum Dei, contra diabolica figmenta, quæ regerminare moluntur iterum. Homines namque illi qui reversi sunt, maledictas illas nundinas\* post festa paschalia præfixerunt, et statuerunt laxatis habenis dominus Henricus filius Comitis, et dominus Robertus frater Regis, ut irruant et interficiant semetipsos. Animadvertite quali voluntate viam Jerosolymitanam aggressi sunt, qui cum voluntate hujusmodi regressi sunt. Quam recte dici potest de istis : *Curavimus Babylonem, et non est sanata*<sup>2</sup>; *percussi sunt, et non doluerunt; attriti sunt, et renuerunt suscipere disciplinam*<sup>3</sup>! Post tot labores, post tot pericula, quibus vexati sunt a tribulatione malorum et dolore, regnum in pace est, et dominus Rex abest : et per hos duos potest terra singulariter commoveri, sed et perturbari. Supplico et consulo

<sup>1</sup> Prov. x, 1. — <sup>2</sup> Jerem. li, 9. — <sup>3</sup> Id. v, 3.

<sup>a</sup> Alias epistola 390 : quæ vero antea 375 erat, nunc 346. Scripta anno Christi 1148. — <sup>b</sup> Scilicet Pontius.

<sup>c</sup> Guillelmus iste in Cartusiam (ut jam notatum) secedens, alterum Guillelmum filium suum successorem habuit ab anno 1147.

<sup>d</sup> Alias epistola 358 : quæ vero antea 376 erat, nunc 355. Scripta anno Christi 1149.

sublimitati vestræ, quia maximus princeps<sup>359</sup> juvenis ætate; elegit exulare a propriis, ut estis in regno; ut vel dissuasione, vel vi, totis viribus vos opponatis, ne fiat hoc: quia sic convenit honori personæ vestræ, et terræ vestræ, et utilitati Ecclesiæ Dei. Vim autem appello, quod ad ecclesiasticam pertinet disciplinam. Nos autem idem scribimus domino Remensi, domino Senonensi, domino Suessionensi, domino Autissiodorensi, comiti Theobaldo, comiti Rodulfo. Opponite vos tantis malis, et propter dominum Regem, et propter dominum Papam, ad quem pertinet custodia regni.

## EPISTOLA CCCLXXVII.<sup>a</sup>

AD EUMDEM.

Prædicat ejus zelum et studium boni commuuis, quod indixerit comitia regni pro ejus salute, hortaturque ad causam reipublicæ fortiter agendam.

Charissimo patri et domino SUGERIO, Dei gratia Beati-Dionysii abbati, frater BERNARDUS Clare-Vallensis vocatus abbas, spiritum consilii et consolationis.

1. Visis quibusdam litteris vestris, quas ad dominum Turonensem direxerat Sublimitas vestra, exultavimus, et delectati sumus, non qualicumque gaudio, sed gaudio magno valde. Visitet vos Oriens ex alto, qui visitare disponitis regnum gloriosissimi regis nostri, ut sic respirare possit a tribulatione malorum et dolore, qui jam in januis est, si non fuerit totis viribus contradic-  
tum. Profecto consilium Dei fuit, ut ad consilium tam curiæ, quam Ecclesiæ principes D  
vocaretis: ut sciant omnes qui habitant terram, quia remansit et regno, et regi amicus dulcis, consiliarius prudens, adjutor fortis. Illi, inquam, regi, qui servit Regi cujus regnum est omnium sæculorum; qui commovit gentes et regna, ne Rex cæli perderet terram suam; terram, ubi steterunt pedes ejus. Illi, inquam, regi, qui cum esset gloria singularis, rebus affluens, pace securus, victoriosus in præliis,

serviret in alienis, illi tamen, cui servire, regnare est. Et quis audeat turbare regnum ejus? quis tantam impietatem committat adversus Dominum, et adversus christum ejus? Domine mi rex, utinam absceindantur, qui te conturbant! qui quærunt mala et tibi, et tuis, cum tu inter alienas gentes solus remanseris, ne remaneret in solitudine ille locus, quem elegit Dominus ex omnibus locis terrarum, ut esset nomen suum ibi.

2. Propterea viriliter agite, et confortetur cor vestrum, quia vobiscum est Dominus Deus B  
vester in protectione Regis et exulis sui. Qui imperavit ventis et mari, tumentes fluctus facile complanabit. Erit vobiscum universitas Ecclesiæ Dei, ne insurgat aliquis et peccare faciat Israel, et totis humeris totum onus, si quid tamen oneris fuerit, supportabit. Nunc enim tempus et opus est, ut agatis pro loco quem tenetis, pro dignitate qua polletis, pro potestate quam accepistis: ut memoria vestra non solum in benedictione, sed et in admiratione sit generationi huic omni quæ ventura est. Providendum est, et multum providendum, ne tanta portio Ecclesiæ Dei sine fructu maximo fatigetur, et hic statuendum, quod omnes insurgentium malignitates vel reddere, vel elidere possit. In voluntate nostra est, ut vobis in nomine Domini congregatis, parvitatibus nostræ litteras transmittamus, quæ etsi non adjuvent, saltem affectum nostrum ostendant. Ille autem qui vobis dedit hanc voluntatem, donet et facultatem, et conterat satanam sub pedibus vestris: ut in opere isto glorificetur Dominus, honoretur Ecclesia, regnum stabiliatur, et obstruatur os loquentium et facientium iniqua.

## EPISTOLA CCCLXXVIII.<sup>b</sup>

AD EUMDEM.

Petit subsidium annonæ pro Religiosis Bituricensibus.

Domino dilectissimo SUGERIO, Dei gratia venerabili abbati Sancti-Dionysii, frater BERNAR-

<sup>a</sup> Alias epistola 359: quæ vero antea 377 erat, nunc 346. Scripta anno Christi 1149.

<sup>b</sup> Alias epistola 360: quæ vero antea 378 erat, nunc 347. Scripta anno Christi 1149.

us Claræ-Vallis abbas, salutem et orationes.<sup>559</sup>

A

Fratres nostri de Bituricensi archiepiscopatu, de Domo-Dei, egent pane: et andivimus quod abundat ibi annona domini Regis, et parum venalis inibi videtur. Itaque rogamus vos, ut præcipiatis eis dari de annona illa, quantum visum fuerit prudentiæ vestræ. Nam et dominus Rex, dum in hac terra esset, eis benefacere solebat.

## EPISTOLA CCCLXXIX.<sup>a</sup>

AD EUMDEM.

Abbati cuidam inopi subveniri rogat.

Domino et patri dilectissimo SUGERIO, Dei gratia reverendo abbati Sancti-Dionysii, frater BERNARDUS Claræ-Vallis vocatus abbas, salutem et devotas orationes in Christo.

Abbatem pauperem abbati diviti mittimus, ut de alterius abundantia, alterius inopia aliquatenus relevetur. Vobis sane honestiorem cedimus partem juxta sententiam Veritatis, quæ beatius esse definit dare, quam accipere<sup>1</sup>. Nec dubito, quin libentius et liberalius manum vestram extenderetis ad hunc pauperem Christi, si vobis æque, ut nobis, innotuisset ejus religiositas et honestas, sed et necessitas ipsa quam patitur. Nam et debitis premitur, et panis inopia laborat, quod agri ejus pro tritico herbas ei perniciosas reddiderint. Quia ergo sterilitas ista vestros non attigit oculos, rogamus et petimus per vestram misericordiam ei subveniri: nec ullatenus dubitetis, quin utiliter positum sit et repositum, quicquid ei præstare placuerit.

<sup>1</sup> Act. xx, 35.

<sup>a</sup> Alias epistola 361: quæ vero antea 379 erat, nunc 353. Est 93 inter Sugerianas. Scripta anno Christi 1149.

<sup>b</sup> Alias epistola 362: quæ vero antea 380 erat, nunc 360. Scripta anno Christi 1149.

<sup>c</sup> Alias epistola 364: quæ vero antea 381 erat, nunc 320. Scripta circa annum 1150.

## EPISTOLA CCCLXXX.<sup>b</sup>

AD EUMDEM.

De periculoso statu Ecclesiæ Orientalis.

Amantissimo patri et domino SUGERIO, Dei gratia Beati-Dionysii abbati, BERNARDUS Claræ-Vallis vocatus abbas, salutem, et quas potest orationes in Domino.

B

Verbum quod attulerunt magister Templi, et frater Joannes, tam lætus accepi, quam id quod a Deo crederem processisse. Ipsa enim jam Orientalis Ecclesia tam miserabiliter clamat, ut quisquis non toto compatitur affectu, Ecclesiæ filius esse non probetur. Verum quam lætus de nuntio, tam tristis de angusto termino, ad quem vestræ Dilectioni occurrere non potui. Siquidem promiseram Lingonensi episcopo ipsa die occurrere ad colloquium, quod de magnis et gravibus negotiis fiducia nostri acceperat. Indicavi autem ipsum tempus, quando, si placet, lætus occurram cum eodem episcopo, qui multum poterit utilis esse colloquio.

## EPISTOLA CCCLXXXI.<sup>c</sup>

AD EUMDEM.

Monet se de ipso recte sentientem, dolere tamen quod mala regni palam ipsi imputentur. Hortatur ut caveat, ne eorum, per quos ista fiunt, consortio infametur.

D Reverendo patri et amico nostro charissimo SUGERIO, Dei gratia abbati Sancti-Dionysii, frater BERNARDUS Claræ-Vallensis vocatus abbas, salutem et qualescumque nostras orationes.

Ad litteras Paternitatis vestræ respondere

brevius, temporis angustiae coegerunt. Jam<sup>340</sup> fratres, suscepimus, indicium voluntatis et enim advesperascebat ea die, qua litteras illas A petitionis vestrae. Beneficiorum, quae nobis et accepi: et necesse erat sequenti die ad Cisterciense capitulum proficisci. Proinde respondeo vobis, et volo ut omnino longe fiat a vobis, ne aliquando veniat in cor vestrum, quod de vobis illo modo crediderim, vestro consilio et voluntate fieri mala quae plangimus. Verum unum fuit, quia zelo urgente ductus, ipsum vobis zelum exprimere, imo et imprimere atque ingerere laborabam, ut vestram quoque Sanctitatem inflammaret affectus. Alterum fuit, quod licet bene sentirem de conscientia vestra, plurimum tamen contristabar de fama et scandalo, quod est in Ecclesia Dei. Quod si acquiescere nolunt maxime in huiusmodi rebus, quid facietis inter eos? Quare de vobis illi se palliant? nonne oportet vos omnino alienare a sacrilegis illis, et longe fieri ab eis; ut securi de conscientia, decantetis, *Odivi ecclesiam malignantium, et cum impiis non sedebo*<sup>1</sup>: ut noverit omnis ecclesia sanctorum, alienam ab eorum numero et consortio vestram innocentiam esse? Proinde memoramini principium loquendi Domino in propheta; et invenietis beatum virum esse qui non abiit in consilio impiorum<sup>2</sup>. Illud autem credatis, nunquam male me sensisse de vobis. Novi enim vos, et puritatem vestram. Valete, et orate pro nobis.

2. Veruntamen ut rationabile sit obsequium nostrum et honor irreprehensibilis, quem vobis exhibere debemus; prudenter et caute id fieri oportet, quia honor regis iudicium diligit<sup>3</sup>. Super his igitur quae mihi rescribitis, respondeo Charitati vestrae, quia nec ego audeo, nec vos debetis prohibere eum qui bene facere potest. Quid enim respondere habemus Apostolo dicenti, *Spiritum nolite extinguere*<sup>4</sup>? Neque enim securum est extinguere, quod extinctum accendere non sit tuae potestatis. Et ubi est illud, *Unusquisque in ea vocatione qua vocatus est, in ea permaneat*<sup>5</sup>? Vocatus est, inquam, Thomas<sup>6</sup>, non a me, sed ab eo qui vocat ea quae non sunt, tanquam ea quae sunt<sup>6</sup>. Quid ad nos respicitis? quid nos intuemini in hoc facto, tanquam opus hominis sit, et non Dei? Non ab homine, neque per hominem, sed a Domino factum est istud. Non enim homo, sed Deus

## EPISTOLA CCCLXXXII.<sup>2</sup>

AD LEONIUM ABBATEM SANCTI-BERTINI \*.

Ejus in se suosque beneficia gratus agnoscit. Thomam de Sancto-Audomaro ad Claræ-Vallenses transire volentem D non prohibendum.

Dilecto et venerabili domino LEONIO abbati, et universo conventui ecclesiae Sancti-Bertini, frater BERNARDUS Claræ-Vallis vocatus abbas, spiritum veritatis, quem mundus non potest accipere.

1. Litteras Dilectionis vestrae, dilectissimi

<sup>1</sup> Psal. xxv, 5. — <sup>2</sup> Psal. i, 1. — <sup>3</sup> Psal. xcvi, 4. — <sup>4</sup> I Thess. v, 19. — <sup>5</sup> I Cor. vii, 20. — <sup>6</sup> Rom. iv, 17.

<sup>a</sup> Alias epistola 324: quae vero antea 382 erat, nunc 321. Scripta circa annum 1150.

<sup>b</sup> Exstat ad eum epistola 108.

est, qui operatur in cordibus hominum ad inclinandas eorum voluntates quocumque voluerit. A Domino, inquam, factum est istud : et ideo non solum mirabile, sed immutabile esse debet in oculis nostris. Quis enim, vel quid est homo, ut adjuvet sensum Domini, vel spiritum ejus? Novit ille qui quærit ovem perditam, et quid quærat, et ubi quærat : et quomodo, et unde revocet, et ubi collocet, sic ut eam ulterius non perdat. Quem ergo Dominus vocavit, vide ne revoces ; quem Deus erexit, tu inclinare noli ; nec ponas ei offendiculum, cui Deus manum porrigit ascendenti.

3. Sed jam videndum est quid ponderis habeat illud quod dicitis, eum oblatum a parentibus. Videat prudentia vestra quid habeat plus vigoris et rationis, utrum illud quod factum est de ipso per alium ipso nesciente, an illud quod sciens et prudens de se ipso fecit : non autem ipse, sed gratia Dei, quæ nolentem prævenit ut velit, quæ volentem subsequitur ne frustra velit. Ego autem dico, quod votum parentum integrum manet, et oblatio eorum non est exinanita, sed cumulata. Nam et idem offertur quod prius oblatum est ; et eidem offertur cui prius oblatum est ; et quod prius a solis parentibus oblatum fuerat, nunc offertur a filio. Præterea super hoc verbo præcipere vobis nihil habeo : consilium autem do. A Domino egressus est sermo ; nolite impedire cursum gratiæ Dei, nolite reprimere primitias bonæ voluntatis : quod enim in eo ceptum est, de Spiritu sancto est. Vos autem nolite dissimulare injuriam quam nobis infertis, cum nunquam vos læserimus in hac parte, ut fratres quos Deus misit ad vos, vellemus subtrahere vobis. Noverit autem ipse Thomas, si irritum fecerit votum suum, cujus me testem adhibuit : noverit alius, quicumque sit ille, qui eum ad hoc impulerit, quod ascendam ex adverso, et stabo contra eos in die Domini. Sed interim melius est ei, vobis, et nobis, servare unitatem spiritus in vinculo pacis. Vale.

## EPISTOLA CCCLXXXIII.<sup>a</sup>

AD EUNDEM ABBATEM SANCTI-BERTINI.

Rogat ut officia humanitatis, hæcenus fratribus suis exhibita, continuet.

Amico suo charissimo LEONIO, Sancti-Bertini venerabili abbati, frater BERNARDUS Claræ-Vallis vocatus abbas, salutem in eo qui mandat salutes Jacob.

Quod merito confidam de vobis, charitas vestra palam fecit, quæ inventa occasione se ipsam innotescendi, non potuit latere sub modo. Gratissima habeo illa officia humanitatis, quæ fratribus nostris<sup>b</sup> impenditis, qui habitant juxta vos. Quod illis facitis, mihi facitis : imo sic magis mihi facitis, quam si mihi faceretis. Obsecro ergo, ut perseveret hæc sollicitudo vestra pro eis, quoniam longe facti sunt a nobis, ut non possimus eis, prout oportet, assistere. Sit ergo vestræ benignitatis vicem nostram supplere, ut vos ipsis in patrem, et ipsi sint vobis in filios. Si forte venerit tempus, quo tantæ charitati respondere possimus ; quod non simus ingrati, fides oculata monstrabit. Vale.

## EPISTOLA CCCLXXXIV.<sup>c</sup>

AD MONACHOS ECCLESIE SANCTI-BERTINI.

Gratias agit beneficentiæ hæcenus suis præstitæ, largam a Deo retributionem promittens.

Universis qui sunt in ecclesia Beati-Bertini amandis in Christo, frater BERNARDUS Claræ-Vallis vocatus abbas, servire Domino in lætitia.

Ad gratiarum actionem, ad reddendum di-

<sup>a</sup> Alias epistola 342 : quæ vero antea 383 erat, nunc 361. Scripta circa annum 1150.

<sup>b</sup> Monachis de Claro-Marisco, prope Audomaropolim, cujus cenobii primordia Manricus refert ad annum 1138.

<sup>c</sup> Alias epistola 343 : quæ vero antea 384 erat, nunc præmissa epistola 273. Scripta circa annum 1150.

lectionis officium, meritis vestris provocamur.<sup>5 12</sup> Quia enim acceptum beneficium aeternæ memorie indigendum est, beneficiis quæ fratribus nostris, imo quæ mihi contulistis, nec immemor esse debeo, nec ingratus. Meum est, quidquid meis impenditur : mihi datur, quidquid infunditur in visceribus meis. Scio cui credidi, et certus sum : scio quia diligitis nos, non verbo et lingua, sed opere et veritate. In argumentum quippe dilectionis et gratiæ, quam fratres nostri invenerunt in oculis vestris, non verba procedunt, sed opera : eo utique puriora apud Deum, et gratiora apud homines, quo de sola gratia dantis proveniunt, præter meritum accipientis. Pro his igitur gratias agimus universitati vestræ : pro his omnibus debitores sumus vobis, si quid sumus, si quid possumus, et nos, et fratres nostri. Sed ne parum vobis sit acceptos esse hominibus, accepti estis et Deo meo. Nam quod uni ex minimis ejus fecistis, ipsi fecistis<sup>1</sup>. Quid quod non uni tantum, sed pluribus ex minimis ejus fecistis? In omnibus his penes me non retributio multa, quoniam inops et pauper sum ego : sed Dominus retribuet pro me. Ipse qui retributor est omnium bonorum, retribuat vobis, quod pauperes ejus prævenistis in benedictionibus dulcedinis, et in exemplo charitatis. De præteritis gratias agimus : de futuro precamur, ut bonum facientes non deficiatis. Tempore enim suo metetis de semine boni operis manipulos pacis et gloriæ : quod nobis præstet Deus. Amen.

## EPISTOLA CCCLXXXV.<sup>a</sup>

AD EOSDEM.

Eis de meliori observantia gratulatur, eosdemque ad studium religiosæ perfectionis et assidui profectus excitat.

Dilectissimo sibi in Christo universo conventui monasterii Sancti-Bertini, frater BERNARDUS Claræ-Vallis vocatus abbas, salutem et orationes.

1. Ita, quæso, ita facite, dilectissimi. Disci-

pulus quippe proficiens, gloria est magistri. Quisquis in schola Christi non proficit, ejus indignus est magisterio, præsertim tamen ubi sumus, ubi nihil in eodem statu permanet : et non proficere, sine dubio deficere est. Nemo proinde dicat : Satis est, sic volo manere, sufficit mihi esse sicut heri et nudius tertius. In via residet qui ejusmodi est : in scala subsistit, ubi neminem patriarcha vidit non ascendentem, aut descendentem<sup>2</sup>. Dico ergo : *Qui se existimat stare, videat ne cadat*<sup>3</sup>. Ardua et angusta est via, et non hic, sed in domo Patris mansiones sunt multæ<sup>4</sup>. Itaque, qui se dicit in Christo manere, debet sicut ille ambulavit, et ipse ambulare<sup>5</sup>. Jesus enim, ut ait evangelista, *cre-scebat et proficiebat sapientia, et ætate, et gratia apud Deum et homines*<sup>6</sup>. Ille non restitit ergo, sed exsultavit ut gigas ad currendam viam<sup>7</sup> : et nos quoque, si non desipimus, curremus post eum, trahemur in odore unguentorum ipsius. Alioqui si elongari contigerit, erit pigritanti animæ et laboriosior, et periculosior via, dum nec odore recreari, nec certa possit agnoscere vestigia longius abeuntis.

2. Sic ergo currite, fratres, ut comprehendatis<sup>8</sup>. Quod sane ita fiet, si nequaquam arbitramini vos comprehendisse, sed obliti quæ retro sunt, extenditis vos in anteriora<sup>9</sup> : si apprehendatis disciplinam, nequando irascatur Dominus, et pereatis de via justa<sup>10</sup>. *Qui edit me*, ait Sapientia, *adhuc esuriat*; et *qui bibit me*, *adhuc sitiet*<sup>11</sup> : ut noverit piger, qui digne prorsus lapidamur stercoribus hominum<sup>12</sup>, fastidium sibi non de satietate, sed de inedia generari.

3. Denique quia omnia cooperantur in bonum his, qui secundum propositum vocati sunt sancti<sup>13</sup>, moveat nos ipsum quoque sæcularis cupiditatis exemplum. Quem enim ambiciosum vidimus aliquando, contentum adeptis dignitatibus, ad alias non anhelare? Sic et curiosi cujusque non satiatur oculus visu, nec auris impletur auditu. Quid? eorum qui avaritiæ serviunt, aut amatores sunt voluptatum, seu vanas sectantur hominum laudes, nonne et ipsorum insatiabilia desideria arguunt nos negligentiae et tepiditatis? Pudeat certe spirituum nos bonorum minus cupidos inveniri.

<sup>1</sup> Matth. xxv, 40. — <sup>2</sup> Gen. xxviii, 12. — <sup>3</sup> I Cor. x, 12. — <sup>4</sup> Joan. xiv, 2. — <sup>5</sup> I Joan. ii, 6. — <sup>6</sup> Luc. ii, 52. — <sup>7</sup> Psal. xviii, 6. — <sup>8</sup> I Cor. ix, 24. — <sup>9</sup> Philipp. iii, 13. — <sup>10</sup> Psal. ii, 12. — <sup>11</sup> Eccl. xxiv, 29. — <sup>12</sup> Id. xxi, 2. — <sup>13</sup> Rom. viii, 28.

<sup>a</sup> Alias epistola 341 : quæ vero antea 385 erat, nunc 418.

Erubescat anima conversa ad Dominum, minori<sup>345</sup> cipavimus nosmetipsos; si denique non ve- affectu sectari justitiam, quam iniquitatem an- A nimus facere voluntatem nostram, sed impo- tea sectaretur. Est enim causa quoque valde dis- suimus homines super capita nostra: quid non similis. Stipendium quippe peccati mors; fructus autem spiritus, vita æterna<sup>1</sup>. Pudeat proinde negligentius nunc in vitam, quam prius in mortem ire, et minori studio salutis acquirere, quam perditionis augmentum. Nam ut omnino simus inexcusabiles, in via vitæ quocitius, eo facilius curritur: et leve Salvatoris onus, quo crescit amplius, eo portabilius est. Nonne et aviculas levat, non onerat pennarum sive plumarum numerositas ipsa? Tolle eas, et reliquum corpus pondere suo fertur ad ima. Sic B disciplinam Christi, sic suave jugum, sic onus leve, quo deponimus, eo deprimimur ipsi: quia portat potius quam portatur. Onerosa alicui videtur silentii disciplina: sed propheta magis robor quam onus esse considerans, ait, *In silentio et in spe erit fortitudo vestra*<sup>2</sup>. *In silentio*, inquit, *et spe*, quia bonum est præstolari Dominum in silentio<sup>3</sup>. Enervat quippe animam præsentium consolatio, roborat expectatio futurorum.

4. Bene ergo fecistis, dilectissimi, addere aliquid ad priorem silentii regulam\*: quod nimirum, prædicto attestante propheta, *cultus C justitiæ est*<sup>4</sup>. Bene fecistis alienando vos magis ac magis ab actibus sæculi hujus, quæ est munda et immaculata religio. Modicum quippe fermentum, fratres, totam massam corrumpit<sup>5</sup>; et muscæ morientes exterminant oleum suavitatis<sup>6</sup>. Quid prodest tanti corporalis pariter et spiritualis laboris atque exercitii fructum vilissima aliqua consolatione, imo desolatione minus acceptabilem fieri, aut certe et periclitari? Quantam internæ consolationis dulcedinem, et gratiam visitationis divinæ præpedit hujusmodi nugarum vapor ad modicum parens? Præsertim nos monachi, quorum eer- D te, velimus, nolimus, in labore vita est; plane miserabiliores sumus omnibus hominibus, si pro tam exiguis tanta patimur detrimenta. Quid enim insipientiæ, imo quid insanix est, ut qui majora reliquimus, minora cum tanto discrimine teneamus? Si mundum contempsimus universum, si abrenuntiavimus affectibus propinquorum, si monasteriorum carceri man-

5. Agite ergo, dilectissimi, et in his quæ cœpistis, solliciti estote perseverare et abundare magis, ut augeantur in dies incrementa frugum justitiæ vestræ. Etenim qui parce seminat, parce et metet; et qui seminat in benedictionibus, de benedictionibus et metet<sup>7</sup>. Et certe modicum seminis incrementum, non modica messis multiplicatio est. Hæc nos, fratres, quia audito profectu vestro exsultavimus et delectati sumus, dignum duximus scribere Charitati vestræ, cupientes admonitos vos esse, ut observationes sanctas, quæ salvare possunt animas vestras, digna devotione suscipiatis et amplectamini. Seitis enim quia hilarem datorem diligit Deus<sup>8</sup>. Orantem pro nobis universitatem vestram Christus custodiat.

## C EPISTOLA CCCLXXXVI.<sup>a</sup>

JOANNIS CASÆ-MARII AD BERNARDUM ABBATEM.

Solatur Bernardum de infelici expeditionis in Terram Sanctam successu.

Dilecto patri ac venerabili domino suo BERNARDO, Dei voluntate ac gratia Claræ-Vallis abbati reverendissimo, frater JOANNES minister suus, qualiscumque Casæ-Marii\* abbas, feliciter currere, ac felicius Christi pietate consummare.

1. Memor dulcedinis ac familiaritatis, quam mihi indigno pietas vestra quondam exhibuit, aperire cogitationes mei cordis Paternitati vestræ, quasi coram positus, præsumo, vestra magis de mansuetudine confusus, quam de offensa suspectus. Spero namque affectionem ac dilectionem, quam erga vos habeo, pietatem vestram non latere; et si aliquid etiam stultum

<sup>1</sup> Rom. vi, 23. — <sup>2</sup> Isai. xxx, 15. — <sup>3</sup> Thren. iii, 26. — <sup>4</sup> Isai. xxxii, 17. — <sup>5</sup> I Cor. v, 6. — <sup>6</sup> Eccl. x, 1. — <sup>7</sup> II Cor. ix, 6. — <sup>8</sup> Ibid. 7.

<sup>a</sup> Alias epistola 333: quæ vero antea 386 erat, nunc 366. Scripta anno Christi 1150.



dicerem, confido vos benigne ac mansuete quasi<sup>311</sup> feliciter compleat, nosque vobiscum in sua glori-  
 patrem filio ignoscere. Dictum est mihi, pater A ria constituat.  
 charissime, quod de hac re, quæ non ita pro-  
 sperare, ut forsitan volebatis, contigit (de via  
 vero Jerosolymæ loquor), multum tristamini :  
 eo quod Ecclesia Dei vel gloria, non sicut de-  
 siderabatis accrevit. Quapropter quod mihi  
 pro hoc diu cogitanti Deus (ut credo) in corde  
 misit, vobis humiliter suggero, nimirum per-  
 pendens quod sæpe parvo cuilibet Dominus ali-  
 quid ostendit, quod alicui magno et multis do-  
 minus repleto videre nequaquam concedit : sicut  
 Moysi sancto, facie ad faciem cum Deo loquen-  
 ti<sup>1</sup>, Jethro alienigena consilium dedit<sup>2</sup>.

2. Videtur itaque mihi, quod omnipotens Deus  
 de hac via multum fructum fecit, non tamen eo  
 ordine, quo ipsi viatores arbitrabantur. Siqui-  
 dem si hoc quod ceperant, sicut decet Christia-  
 nos, juste ac religiose prosequi vellent; Dominus  
 cum eis esset, ac magnum fructum per eos per-  
 fecisset. Sed quoniam ipsi ad mala sunt devo-  
 luti, et hoc nequaquam Dominum, qui auctor  
 viæ fuerat, a principio latere potuit; ut sua  
 providentia in sui dispositione non falleretur,  
 malitiam eorum in suam convertit clementiam,  
 et immisit eis persecutiones et afflictiones, qui-  
 bus purgati ad regnum pervenire possent. De-  
 nique confessi sunt nobis qui redibant, quod  
 vidissent multos ibi morientes, qui libenter se  
 mori dicebant, neque velle reverti, ne amplius  
 in peccatis reciderent.

3. Sed ne in dubium veniat quod dico, quasi  
 patri meo spirituali in confessione aperio, quod  
 patroni loci nostri, beatus Joannes et Paulus,  
 sæpius nos visitare dignati sunt : quos ego  
 super hac re interrogari feci, et hujusmodi  
 sententiam responderunt, dicebantque, multi-  
 tudinem angelorum qui ceciderant, de illis qui  
 ibi mortui sunt, esse restauratam. Hoc autem  
 scitote, quod magnam vestri memoriam ha-  
 buerunt, finemque vestrum cito venturum præ-  
 dixerunt. Quia igitur bene res, etsi non secun-  
 dum hominum desiderium, tamen secundum  
 Dei propositum evenit; vestræ erit prudentiæ  
 in ipso de hac re consolari, cujus solius glo-  
 riam quæritis et desideratis. Ideo namque  
 vobis et exhortandi, et operandi gratiam in hoc  
 negotio dedit, quia bonum, quod inde factur-  
 us erat, prævidit. Ipse igitur cursum vestrum

## EPISTOLA CCCLXXXVII.<sup>a</sup>

AD PETRUM ABBATEM CLUNIACENSEM.

Prævia sinceri in Petrum affectus et amoris protestatione,  
 si quid acerbius litteris quibusdam scripserit, excusari  
 rogat.

B

Reverendissimo patri et amico clarissimo  
 PETRO, Dei gratia Cluniacensi abbati, frater  
 BERNARDUS Claræ-Vallis vocatus abbas, in  
 vero Salutari salutem.

Utinam sicut præsentem epistolam, ita vobis  
 mentem meam mittere possem ! Sine dubio  
 tunc clarissime legeretis, quid in corde meo de  
 amore vestro digitus Dei scripserit, quid meis  
 impresserit medullis. Quid ergo ? incipio me  
 iterum apud vos commendare ? Absit. Jam pri-  
 dem conglutinata est anima mea animæ vestræ :  
 C et de personis imparibus pares animos fecit  
 parilitas charitatis. Quid enim meæ humilitati  
 cum vestra sublimitate, si non inclinasset di-  
 gnatio dignitatem ? Ex tunc factum est, ut  
 utrimque permiscerentur et mea humilitas et  
 sublimitas vestra ; ut nec ego sine vobis humi-  
 lis, nec vos sine me sublimis esse possetis. Hæc  
 dico, quia Nicolaus meus, imo et vester, in  
 spiritu vehementi commotus, commovit me,  
 asserens se vidisse epistolam nostram directam  
 ad vos, in qua voces amaritudinis claudaban-  
 tur\*. Credite amanti, quia nec in corde meo  
 ortum est, nec ab ore meo extortum est, quod  
 D aures vestræ Beatitudinis exasperaret. Multitudo  
 negotiorum in culpa est, quia dum scriptores  
 nostri non bene retinent sensum nostrum, ultra  
 modum acuunt stilum suum, nec videre pos-  
 sum quæ scribi præcepi\*. Parcite hac vice :  
 quia, quidquid de aliis sit, vestras videbo, et  
 non credam nisi oculis et auribus meis. Cætera  
 vobis communis iste filius planius et plenius  
 viva referet voce. Ipsum tanquam me audietis,  
 qui vos diligit, non verbo, neque lingua, sed

<sup>1</sup> Exod. xxxiii, 11. — <sup>2</sup> Id. xviii.

<sup>a</sup> Alias epistola 352 : quæ vero antea 387 erat, nunc 397. Scripta anno Christi 1150.

opere et veritate. Salutate nobis sanctam illam<sup>342</sup> interim nomine hoc tibi, reverende frater, multitudinem vestram; et orate, ut orent pro A puero suo.

## EPISTOLA CCCLXXXVIII.<sup>a</sup>

PETRI VENERABILIS AD BERNARDUM ABBATEM  
CLARE-VALLENSEM.

Titulos et elogia respuit, et quanti Bernardum, ejusque amicitiam faciat, luculenter ostendit. Ejusdem quoque satisfactionem de injuria litterarum libens admittit.

Venerabili et præclaro in membris Christi viro, domino BERNARDO Claræ-Vallensi abbati, frater PETRUS humilis Cluniacensium abbas, post Deum et in Deo quod est.

1. Quid dicam? Loqui soleo: sed nunc mutus factus sum. Unde hoc? Quia litteræ vestræ, quæ me eloquentem facere debuerant, mutum fecerunt. Quare? Tanta in illis, licet brevibus, legi, ut si ad respondendum me effundere conarer, magis taciturnus quam loquax viderer. Sed gravi homini, sed religioso loquor. Agendum est ergo, prout gravitas postulat; prout religio, etsi non mea, tamen vestra efflagitat. Quid enim? nonne verum est quod dico? Brevis est epistola, sed multa respondendi materia. Fer, rogo, insulsum, si quid secus dixerò quam oporteat. Veræ enim amicitiae est, non solum salsa amici suscipere, sed et insulsa aut condire, aut tolerare. Accepi, ut dixi, ex parte tua litteras, litteras singulares, litteras amorem dulcissimum, et honorem plus quam mihi debitum prætendentes. Reverendissimum me dicis, patrem nominas, amicum charissimum appellas. Gaudeo ad ista: sed salva veritate, quæ ex Christo in te defluxit, duo præcedentia nescio, tertium agnosco. Nam reverendissimum me esse ignoro; patrem, quantum ad te, me esse nego: amicum et charissimum tuum me non solum ore profiteor, sed et corde agnosco.

2. Ut enim de reverendissimi et amici charissimi nominibus taceam, quorum, ut dixi, alterum nescio, alterum agnosco: de patris

scribo, quod singularis suo tempore, et præclarissimus religionis flos, dominus Guigo Prior Cartusiensis, mihi quondam scripsit. Scribebam ei frequenter, et sæpe cum eo, vel verbis ad invicem collatis, vel litteris familiaribus delectabar, et eum in epistolis meis patrem nominabam. Toleravit hoc primum, putans me finem facturum scribendi. At postquam me persistere vidit, et frequentibus litteris patris nomen iterare, in hæc verba sanctus ille tandem prorupit. Scripsit namque mihi epistolam, in quam inter cætera hoc inseruit: «Unde petimus per eam, quæ in nos indignos vestra fervent viscera, dilectionem, ut quando nostræ exiguitati vestra scribere dignatur Serenitas, ita de propria cogitetur ædificatione, ut infirmitatem nostram periculo sa non infletis elatione.» Ac statim: «Et illud,» inquit, «præ omnibus ac super omnia quæsumus, et defixis in terram genibus obsecramus, ne vilitatem nostram patris nomine dignam ulterius æstimetis. Satis et super satis est, si frater, si amicus, si filius appelletur, qui nec servi nomine dignus habetur.» Scripsit hoc ille mihi: scribo et ego hoc idem tibi. Sufficit, et multum sufficit, si fratris, si amici, si chari, vel charissimi nomine de te, vel apud te glorier: vel si quid tale aut te decet mittere, aut me decet suscipere. Hoc de præmissa salutatione.

3. Sed quid de sequentibus? «Utinam,» inquis, «sicut præsentem epistolam, ita vobis mentem meam mittere possem!» Et statim: «Sine dubio tunc clarissime legeretis, quid in corde meo de amore vestro digitus Dei scripserit, quid meis impresserit medullis.» Vere hæc verba, salvo majoris mysterii sacramento, sicut unguentum in capite, quod descendit de barba Aaron in oram vestimenti ejus: vere ista sicut ros Hermon, qui descendit in montem Sion: vere etiam sic stillant montes dulcedinem, et colles fluunt lac et mel. Nec mireris, quia tam sollicitè attendo, et teneo verba tua. Non enim a qualicumque ore prolata scio: sed ab illius qui loqui non novit nisi de corde puro, et conscientia bona, et amore non ficto. Novi hoc, inquam, ego, novit et mecum orbis, non esse te de illorum numero, qui, juxta Psalmum, *Vana locuti sunt ad proximum suum; non esse te de illis, quorum labia dolosa in corde, et corde locuti sunt*<sup>1</sup>. Idcirco quotiescumque pla-

<sup>1</sup> Psal. xl. 3.

<sup>a</sup> Alias epistola 353: quæ vero antea 388 erat, nunc 348. Scripta circa annum 1150.

cet Sanctitati vestræ scribere mihi, non negligenter, non transitorie; sed studiose, affectuose scripta tua suscipio, lego, amplector. Quis enim non sollicite legeret, non multo cum affectu amplecteretur et ea quæ præmissi, et illa quæ sequuntur? « Jam pridem, » ais, « conglutinata est anima mea animæ vestræ; » et de personis imparibus pares animos fecit « parilitas charitatis. Quid enim meæ humilitati, cum vestra sublimitate, si non inclinasset dignatio dignitatem? Ex tunc factum est, ut utrimque permiscerentur et mea humilitas et sublimitas vestra; ut nec ego sine vobis humilis, nec vos sine me sublimis esse possitis. » Hujusmodi ergo verba negligenter legenda sunt? Numquid non debent oculos legentis fixos tenere, cor rapere, animos unire? Videris, mi charissime, qui scripsisti, quid de his sentias: ego de his aliud sentire non possum, quam quod littera sonat, quam quod a tanto, a tam veraci, a tam sancto homine dictum teneo. Nec, ut ipse dixisti, incipio me iterum apud te commendare. Adhuc juvenes amare in Christo nos cœpimus: et jam senes ut fere de amore tam sacro, tam diuturno dubitabimus? Absit, credite amanti, ut verbis vestris utar, quia nec in corde meo ortum est, nec ab ore meo exortum est, ut de verbis vestris quolibet modo, si tamen serio expromptis, aliquando dubitaverim. Unde quod in his, de quibus agitur, litteris scripsisti, amplector, servo, custodio. Facilius mihi possent auri mille talenta subripi, quam hæc quolibet casu corde avelli. Sed de his satis.

4. De reliquo unde me motum prudentia vestra putavit, hoc fuit. Pro negotio, quod vobis bene notum est, cujusdam Anglici abbatis, continebant litteræ vestræ<sup>a</sup>: « Quasi, » inquiunt, « subversum sit judicium, et de orbe perierit justitia, et non sit qui eripiat inopem de manu fortiorum ejus, egenum et pauperem a diripientibus eum. » Sed si mihi creditis, ciatis prorsus inde me ita motum esse, sicut ille se dicit propheta, licet ego propheta non sim: *Ego autem tanquam surdus non audiebam, et sicut mutus non aperiens os suum*; et rursum, *factus sum sicut homo non audiens, et non habens in ore suo redargutiones*<sup>1</sup>. Ego quidem in istis offensus non sum. Sed et si offensus essem, multum satisfactum est, quando dixisti: « Mul-

titudo negotiorum in culpa est, quia dum scriptores nostri non bene retinent sensum nostrum, ultra modum acumin stilum suum, nec videre possum quæ scribere præcepi. Parcite hæc vice: quia, quidquid de aliis sit, vestras videbo, et non credam nisi oculis et auribus meis. » Parco igitur, et de facili veniam tribuo. Non est apud me (quod humiliter dico) etiam in offensis gravibus, labor gravis, ut ignoscam oranti, dem veniam postulanti. Quod si in gravibus ignoscere labor non est, quanto minor in levibus, aut nullus est?

5. De testamento domini Baronis Romani subdiaconi<sup>b</sup>, quod vestræ Claræ-Vallensi et Cisterciensi ecclesiæ, ex his quæ apud nos deposuerat, moriens fecisse dicitur; factum est quod a quibusdam personis, qui sibi hoc ab eo injunctum esse dicebant, mihi scriptum est. Volo tamen vos scire, quia, sicut quidam, ut puto, testes veridici astruunt, plus vobis in his contulit gratia Cluniacensis abbatis, quam testamentum Baronis. Scio quidem, nec adeo expertus sum divinarum vel humanarum legum, ut nesciam, quod per posterius testamentum et legatum, et fideicommissum causa mortis rata sunt. Sed lego tamen alibi: « Nihil tam juri naturali conveniens est, quam voluntatem domini, volentis rem suam in alium transferre, ratam haberi. » Hoc ideo dico, quia, sicut testes præmissi fatentur, quidquid Cluniaci deposuerat, totum Cluniaco dederat, nisi forte eum recipere contingeret, antequam præsentem vitam finiret. Nolui tamen hoc uti privilegio: sed quod, juxta illorum testimonium, meum esse credebam, vobis vestrisque concessi. De electione Gratianopolitana<sup>c</sup>, contra quam nostri Cartusienses agunt, quid sentiam, in ore charissimi mei, vestrique fidelis Nicolai vobis retegendum diligenter reposui. Ipsum audite, et quod ab ore meo vobis retulerit, absque hæsitazione vel minima verum esse credite. Si quæ mandanda mente exciderunt, cum memor fuero, charissimo mihi in Christo mandabo. In fine rogo quantum possum, et supplico, quod jam per quasdam vestri Ordinis personas mandavi: ut in hoc tanto sanctorum virorum, qui Cistercii conveniunt, conventu, mei, utique vestri, memoriam faciatis, meque, totumque Cluniacensis congregationis corpus eorum intente orationibus commendetis.

<sup>1</sup> Psal. xxxvii, 14, 15.

<sup>a</sup> Non exstant. — <sup>b</sup> Vide notas ad epist. 283. — <sup>c</sup> Vide notas ad epist. 270.

EPISTOLA CCCLXXXIX.<sup>a</sup>

AD PETRUM ABBATEM CLUNIACENSEM.

Perjunctas sibi fuisse Petri litteras, sed occupationum mole præpedito non licuisse prolixius respondere.

Charissimo patri et domino PETRO, Dei gratia Cluniacensium abbati, frater BERNARDUS Claræ-Vallis vocatus abbas, salutem et orationes.

Vidi litteras vestras parvo momento, sed non parvo affectu. Occupatus eram tanta occupatione, quantam vel vos scitis, vel scire potestis, amantissime pater. Abripui tamen me, et eripui votis et responsionibus omnium: et inclusi me cum Nicolao illo, quem diligit anima vestra. Legi et relegi dulcedinem, et magnam dulcedinem, quæ de vestris litteris emanabat. Redolebant illæ litteræ affectum vestrum, movebant meum. Dolebam, quia sicut afficiebar, non valebam rescribere. Nempe multa diei malitia evocabat. Convenerat enim multitudo magna fere ex omni natione, quæ sub cælo est. Me oportebat omnibus respondere: quia, peccatis meis exigentibus, in hoc natus sum in mundum, ut multis et multiplicibus sollicitudinibus confunder, et urar. Hoc tantillum interim scribo animæ meæ: sed cum accepero tempus, ego accuratius dictabo epistolam, quæ lucidius aperiat diligenter affectum. De testamento Baronis, quod nobis misistis, in veritate vobis mandamus, quia non sicut debitum, sed sicut datum accepimus. Gaudeo, quia de Gratianopolitano negotio veritatem cognovi<sup>b</sup>. Illud autem scitote, quia multum incaluit cor meum ad verba communis filii, quæ ex parte vestra retulit mihi. Paratus sum et non sum turbatus ad faciendam vestram, ubicumque potuero, voluntatem. In conventu Cisterciensi, vestri,

<sup>548</sup> tanquam specialis domini, et patris, et amici charissimi, et vestrorum, tam vivorum, quam mortuorum, memoria facta est<sup>c</sup>. Salutat vos Belyacensis electus, ut vester<sup>d</sup>: vester est enim.

Ego Nicolaus vester saluto vos in æternum, et ultra, et domesticam illam familiam, quæ lateri et spiritui vestro adhæret<sup>e</sup>.

EPISTOLA CCCXC.<sup>f</sup>AD ESKILUM LUNDENSEM ARCHIEPISCOPUM, SEDIS APOSTOLICE IN DACIA ET SUECIA LEGATUM<sup>g</sup>.

Amorem ejus gratus et humilis agnoscit, suumque vicissim ostendit.

Amantissimo patri et domino ESKILO, Dei gratia Lundensi archiepiscopo, frater BERNARDUS Claræ-Vallis vocatus abbas, in vero Salutari salutem.

1. Scripta et salutationes vestras, imo affectiones cordis vestri, tam libenter suscepi, quam specialiter et diligo vos, et diligor a vobis. Inde est quod auditis tribulationibus vestris, eas non solum meas feci, sed et inveni: quia non possum te dolente non dolere, dulcissime pater, nec nisi molestus et anxius tuas molestias et anxietates audire. Tangit et angit cor meum quidquid tuum exasperat: et quidquid illud sit quod te persequitur, non solum te persequitur, sed me tecum. Quidquid enim gratiæ et dilectionis impendere sibi possunt absentes amici, puto et me debere tibi, et mihi deberi a te. Audax sum, sed non mendax, et in hanc audaciam me compulit tuæ Sublimitatis dignatio. Quando enim id præsumerem ego? quando tantam tantillus, et a tanto gratiam sperare auderem? Et si ego retribuere non potero, non est mortuus retributor meus, quia Dominus retribuet pro me<sup>h</sup>. Dominus, inquam, in quo et pro quo tanta nos devotione comple-

<sup>a</sup> Psal. cxxxvii, 8.

<sup>b</sup> Alias epistola 354: quæ vero antea 389 erat, nunc 413. Scripta anno Christi 1150.

<sup>c</sup> Vide epistolam præcedentem, n. 5.

<sup>d</sup> Sic ferebat usus inter monachorum congregationes, quæ mutua suffragiorum societate attinebantur.

<sup>e</sup> Henricus. Vide epistolam 307, et notas. — <sup>f</sup> Hoc de suo addidit Nicolaus notarius Bernardi.

<sup>g</sup> Alias epistola 314: quæ vero antea 390 erat, nunc 375. Scripta anno Christi 1152.

cteris, tanta stringis affectione. Benedictus<sup>540</sup> sanctus angelus tuus, qui pio pectori tuo id A batissæ Faberniacensi, pudicitiae et gratia-  
suggessit: benedictus Deus noster, qui persuasit. titulum.

Glorior privilegio amoris tui, reffectus sum per charissimum fratrem nostrum filium tuum Guil-  
helmum de abundantia suavitatis pectoris tui. Refectus sum per nuntium tuum, reffectus sum  
per litteras tuas, reffectus sum per omnes qui a  
te usque ad nos, vel per nos evadere possunt.

2. Utinam mihi datum esset desuper, hæc  
dicere, non dictare, ut me potius loquens,  
quam scribens aperire valerem. Pro certo acce-  
ptior esset sermo vivus quam scriptus, effica-  
cior lingua quam littera. Oculi quippe loquen- B  
tis fidem facerent dictis, et melius affectum  
vultus exprimeret, quam digitus. Sed quia  
illud absens per me non possum; per litte-  
ras, quæ secundum in huiusmodi locum obti-  
nent, satisfacio quantum possum. Nuntium  
tuum cum magna exultatione vidimus, et nego-  
tium tuum, quantumcumque potuimus, muni-  
vimus ad dominum Papam<sup>a</sup>. De secreto autem  
verbo illo<sup>\*</sup>, quod tam ardentem ascendit in cor  
tuum, respondebit tibi ex parte nostra Guil-  
helmus tuus: tuus, inquam, et specialiter tuus  
in visceribus Jesu Christi. Posui enim verba  
mea in ore ejus, et ipsum audies tanquam me C  
in negotio isto. Heu avellor, abripior! non  
licet ultra. Avocat dici malitia, revocat turba  
supervenientium, et epistolam potius rumpunt,  
quam finiunt. Sed numquid quia faciunt ut  
paucis scribam, facere poterunt ut parum dili-  
gam? Actum excludunt a me, non affectum.  
Ille semper tecum est, qui sui juris est; et te-  
cum erit quamdiu fuerit, omni mihi amicitiae  
jure colende, pie, ac reverendissime pater.

## EPISTOLA CCCXCI.<sup>b</sup>

AD ABBATISSAM FABERNIACENSEM<sup>\*</sup>.

Monet de reficiendis non tantum domibus, sed et mori-  
bus, et de diligenti hospitalis cura.

BERNARDUS vocatus abbas de Clara-Valle A. ab-

Fratres isti pro consilio animarum suarum  
paternitatem nostram aduntes, de vestro bono  
studio, quod in emendando loco, cui gratia Dei  
præstis, habere vos perhibent, non parum  
nos letificaverunt. Monemus autem et obsecra-  
mus devotionem vestram, quod sicut reficien-  
dis domibus, ita renovandis moribus operam  
detis. Non solum autem de monasterio, sed  
etiam de hospitali domo Dei, cui sub manu  
vestra prædicti fratres deserviunt, intentissime  
B necesse est curam geratis: quatenus videlicet  
ab omni exactione et infestatione ministrorum  
seu clientum vestrorum securam ac liberam  
custodiatis; quodque illorum pravo, ut audi-  
vimus, consilio eidem domui ab aliis ante vos  
abbatissis collatum abstulistis, precamur ut re-  
stituatis. Sicut enim ad vestram sollicitudinem  
pertinet aliarum malefacta destruere aut cor-  
rigere; sic illarum, si qua bona egerunt, non  
solum firma et inconcussa tenere, sed etiam  
augmentare et multiplicare debetis. Presbyte-  
rum quoque, qui in ipsa domo habitans, suam  
adhuc foris rem habere videtur, aut proprium C  
deserere, aut de domo exire cogatis. Valet, et  
propter bonum quod de vobis audivimus, de  
nobis, si quid valemus, familiariter confidite.

## EPISTOLA CCCXCII.<sup>c</sup>

AD RADULFUM PATRIARCHAM ANTIOCHENUM.

Humilitatem præcipue ei inculcat.

D Domino et patri reverendissimo R. Dei gratia  
patriarchæ sedis Antiochenæ, frater BERNAR-  
dus Claræ-Vallensis abbas, si quid prodest  
pauperis devotio, et si quid potest peccato-  
ris oratio.

Ut ad vestram Celsitudinem scribere aude-  
rem, nimirum vilis homuncio, non fuit præ-  
sumptio, sed fiducia: nam et fr. Hatto id  
suggessit, et charitas persuasit. Itaque exhibitio

<sup>a</sup> Vide epistolam 280, n. 4. — <sup>b</sup> Alias epistola 347: quæ vero antea 391 erat, nunc 326.

<sup>c</sup> Epistola nova: quæ vero antea 392 erat, nunc 327.

brevi quidem, sed fideli debitæ venerationis salutationisque obsequio, oro Deum omnipotentem, ut quem Petri dignatus est cathedra, dignum iudicet et corona. Cæterum, ut optime novit prudentia vestra, non coronabitur, nisi qui legitime certaverit. Hinc est, quod ipse, cuius hæc verba sunt, beatus Apostolus, cum sibi repositam coronam iustitiæ dicere vellet, præmisit, quia *bonum certamen certavi*<sup>1</sup>, Quod si milita est vita hominis super terram<sup>2</sup>, quid pontificis vita, cui duplex profecto causa existit pugnandi, et pro se videlicet, et sibi commissis? Pugnandum vero est adversus carnis lasciviam, adversus nequitiam sæculi, contra spiritualia nequitiae in cælestibus. Et quis ad hæc idoneus? funiculus hic triplex difficile rumpitur. Has tres turmas fecere Chaldæi ad depredandos greges Job; carnem videlicet, cum vitiis, et concupiscentiis suis. Exsurgat Deus, et dissipentur inimici ejus<sup>3</sup>. Exsurgat, inquam, necesse est, qui dixit: *Sine me nihil potestis facere*<sup>4</sup>. Cum eo autem quid? *Omnia in eo*, inquit, *possum, qui me confortat*<sup>5</sup>. In eo confortare et tu, pater, confortare, et esto robustus; accingere, sta in prælio, pugna fortiter pro gregibus tibi commissis, quos te necesse est Commissori ex integro reassignare: pugna et pro te ipso, quia et pro te habes exigere rationem. Caveto tibi in loco excelso, quo stas: ne forte, quod absit, corruas, et tanto gravius conquassaris, quanto ex altiori corrueris. Sic locum aptum teneas, ut tamen altum non sapias, sicut dicit Apostolus: *Noli altum sapere, sed time*<sup>6</sup>. Locus altus sensato homini non tam occasio est elationis, quam causa timoris. Habet quidem honorem Ecclesia, sed habet et pavorem ruinæ: nec altus locus, sed altum supercilium reprehenditur. Et quisnam sedens in alto demissum potest habere supercilium, nisi qui semper suspectum habet præcipitium? Timor præcipitii tumorem dominii reprimit. Quæcumque volumus ut faciant nobis homines, eadem et nos faciamus eis. Quis sibi non velit deferri a subditis? utinam æque libenter et nos nostris præpositis deferamus. Alioquin pondus et pondus, mensura et mensura, utrumque abominabile est apud Deum<sup>7</sup>. Abominabiles ergo apud Deum sumus, si non eodem pondere vel men-

500  
sura superioribus exhibemus, quo a subjectis exigimus. Non possum satis mirari tantam humilemque Centurionis fidem et responsionem, qua legitur ad Salvatorem ita dixisse: *Nam et ego homo sum sub potestate constitutus, habens sub me milites*<sup>8</sup>. O prudens et vere cordè humilis anima! dicturus quod prælatus esset militibus, repressit extollentiam confessione subjectionis; imo præmisit subjectionem, ut pluris sibi esset quod suberat, quam quod præerat: quod ipso verborum ordine ostenderet, et bonam mentis compositionem bene ordinatæ orationis series indicaret. Volebam plenius ista proseguere, luculentiusque distinguere: sed verecundia intervenit. Erit, cum potero scribere plura securus: si tamen hæc pauca vobis placere cognovero. In fine obsecro, ut si vere mihi locus ille gratiæ apud vos manet qui dicitur; milites Dei, qui templum Jerosolymitanum inhabitant, in se experiantur, ut amore nostri sint vobis deinceps de commendatis commendatores. Ex hoc siquidem magis et Deo placitus, et hominibus acceptus eritis.

## EPISTOLA CCCXCIII.<sup>c</sup>

AD W. PATRIARCHAM JEROSOLYMORUM<sup>b</sup>.

Ad humilitatem eum hortatur.

Venerabili domino et dilectissimo patri, Dei gratia Jerosolymorum patriarchæ W. BERNARDUS Claræ-Vallensis abbas, Spiritum veritatis qui a Patre procedit.

1. Occasione accepta per virum fidelem et amicum nostrum, latorem præsentium, pauca verba, in multis occupatus, scribo vobis, in multis occupato. Quod si presumptuosum culibet videatur, et in hac parte iudicet; venialis tamen est præsumptio, quæ descendit ex amore. Sed ne multa scribam, cum pauca promiserim, ad rem ipsam veniamus. Cum placuit universorum creatori Deo aperire altitudinem consilii sui super salutem generis hu-

<sup>1</sup> II Tim. iv, 7. — <sup>2</sup> Job vii, 1. — <sup>3</sup> Psal. lxxvii, 2. — <sup>4</sup> Joan. xv, 5. — <sup>5</sup> Philipp. iv, 13. — <sup>6</sup> Rom. xi, 29. — <sup>7</sup> Prov. xx, 10. — <sup>8</sup> Luc. vii, 8.

<sup>a</sup> Epistola nova. — <sup>b</sup> Wilhelmum, ad quem epistola 175: ubi consule notas.

mani, sic dilexit mundum, ut Filium suum<sup>34</sup> induit eum! O quam metuendus est locus ille, unigenitum daret, qui factus homo propter ho- A mines, de filiis hominum vocavit ad se quos voluit; et electos de cæteris, et dilectos præ cæteris. Item et unum ex illis, quasi de electis electum, et dilectum præ dilectis, in specialem sui amoris gratiam separavit: cui vices suas committens, eum jam exaltatus a terra elevatis manibus sacrificium offerret vespertinum, antequam in manus Patris sui spiritum commendaret, tanquam frater fratri, Matrem virginis, virgo virginem commendavit. Quid sibi vult tale principium? diligenter attende.

2. Multos elegit Dominus, et principes fecit B in populo suo, ut sit illis sacerdotii dignitas: sed te quadam familiari gratia collocavit in domo David pueri sui. Tibi soli de omnibus episcopis universi orbis commissa est terra illa, quæ germinavit herbam virentem, et facientem fructum secundum speciem suam, de cujus radice ortus est flos campi, et lilium convallium.

Te solum, inquam, elegit Dominus præ consortibus tuis, ut sis ei in episcopum familiarem, qui per singulos dies introcas in tabernaculum ejus, et adores in loco, ubi steterunt pedes ejus. Legimus olim dictum ad sanctum Moysen, quoniam mandatum accepit a Domi- C no, quod traderet filiis Israel: *Solve calceamentum pedum tuorum; locus enim in quo stas, terra sancta est*<sup>1</sup>. Sanctus quoque locus, sed in illo figura; in isto autem veritas expressa signo sanctitatis. Sanctus ille, sed iste sanctior. Quid enim simile eum veritate? quid simile habet illud, quod per speculum et in ænigmate, cum gloria illa, quæ jam seisso velo revelata facie videtur? Et tamen, cum hæc omnia in figura contingerent et in forma futurorum, dictum est Moysi: *Solve calceamentum pedum tuorum; locus enim in quo stas, terra sancta est*. Et ego dico tibi, *Solve calceamen- D tum pedum tuorum; locus enim in quo stas, terra sancta est*. Si adhuc affectus tui ex aliqua parte involuti sunt operibus mortuis, solve velociter: locus enim in quo stas, terra sancta est. O quam metuendus est locus ille, in quo primum per viscera misericordiæ Dei nostri visitavit nos Oriens ex alto! O quam metuendus est locus ille, in quo primum occurrit pater filio revertenti de regione dissimilitudinis, et accumbens super collum ejus stola gloriæ

in quo dulcis et rectus Dominus vulneribus nostris vinum pariter infudit et oleum, in quo constituit nobiscum pactum federis pater misericordiarum, et Deus totius consolationis! Gratias tibi, Domine, gratias tibi, quia bonum opus operatus es in medio terræ, in medio annorum legis et gratiæ notum faciens illud. Cum enim iratus fueris, misericordiæ recordaberis. Ecce locus longe sacratiores illo, in quo stetit Moyses, et longe nobilior: quia locus Domini, locus, inquam, illius est, qui venit per aquam et sanguinem; non in aqua tantum, sicut Moyses, sed in aqua et in sanguine. Ecce locus, ubi posuerunt eum. Quis ascendet in montem Domini? aut quis stabit in loco sancto ejus? Solus iste ascendere debet, qui didicit a Domino Jesu Christo, esse mitis et humilis corde.

3. Humilis solus secure potest ascendere: quia humilitas non habet unde cadat. Superbus, etsi ascendat, stare tamen diu non potest, tanquam qui non supra pedes suos stare voluit, sed alienum sibi assumpsit pedem, illum scilicet, quem propheta abhorrens, dicit: *Non veniat mihi pes superbiæ*<sup>2</sup>. Superbia enim non nisi unum pedem habet, propriæ amorem excellentiæ: et ideo superbus diu stare non potest, tanquam qui non nisi uni pedi innititur. Quis enim staret in illo pede, in quo ceciderunt qui operati sunt iniquitatem, angelus in cælo, homo in paradiso? Si Deus naturalibus ramis non pepercit, homini, dico, quem gloria et honore coronavit, et constituit eum super omnia opera manuum suarum; et angelo, qui fuit initium viarum Dei, plenus sapientia, et perfectus decore: multo magis timendum est, ne forte nec mihi parcat superbienti, non jam in loco voluptatis, non in cæli palatio, sed in valle lacrymarum. Ut ergo secure stare valeas, sta in humilitate; sta, non in uno pede superbiæ, sed in pedibus humilitatis, ut non moveantur vestigia tua. Humilitas enim duos habet pedes; considerationem divinæ potentiae, et propriæ infirmitatis. O speciosi pedes, et firmi, nec tenebris ignorantiae involuti, nec lubrico luxuriæ inquinati! Tu ergo in alto positus, noli altum sapere, sed time, et humiliare sub potenti manu ejus qui superborum et sublimium colla propria solet virtute calcare. Noveris Ec-

<sup>1</sup> Exod. xxx, 5. — <sup>2</sup> Psal. xxxv. 12.

clesiam commissam tibi, non sicut ancillam<sup>542</sup> domino, sed, ut ad principium epistolæ revertar, tanquam filio matrem, tanquam Mariam Joanni, ut et de te ad eam dici possit, *Mulier, ecce filius tuus*; et de ipsa ad te, *Ecce mater tua*<sup>1</sup>. Ita enim securus esse poteris ingrediens et egrediens, et pergens ad imperium ejus, qui etsi altus est, et in altis habitat, humilia tamen respicit in cælo et in terra.

## EPISTOLA CCCXCIV.<sup>a</sup>

AD ARCHIEPISCOPUM LUGDUNENSEM.

Pro abbate Athanacensi apud Lugdunum.

Lugdunensi archiepiscopo<sup>b</sup>, apostolicæ Sedis legato, BERNARDUS Claræ-Vallensis abbas, providere bona coram Deo et hominibus.

Si suavis opinio et odor bonus, quem de vobis habuit hactenus mater Ecclesia, in cujus horto germinastis sicut lilium, fuerit immutatus, non potero non dolere. Sicut cedrus in Libano exaltata est, sic estis hodie in Ecclesia Dei, amabilis, laudabilis, et charus omnibus. Magna sunt quæ jam de vobis habemus: sed adhuc expectamus majora. Tene interim quod accepisti: non dabis famam tuam videre corruptionem. Melius est enim nomen bonum, quam divitiæ multæ. Quid fecisti de abbate Athanacensi<sup>c</sup>? Jam judicatus est, jam damnatus est, jam depositus, et locum perdidit abbat, et officium. Quod factum est de eo, factum est citius, tanquam in momento et in ictu oculi, sicut erit in resurrectione mortuorum. Confidenter loquor vobis, quia plenitudo amoris excludit timorem. Tamen quid peccavit homo? quid tandem mali fecit homo, cui laus est in Ecclesia Dei? Quod scimus, loquimur, quia testimonium bonum habet, et ab his qui foris, et ab his qui intus sunt. Cæterum, cum adhuc ignoretur utrum penes eum culpa sit, nec ca-

nonicum subterfugit examen; sicut nobis videtur, vel stare debuit adhuc, vel cecidisse canonico judicio de cætero. Quid igitur? nec sponte confessum, nec aliis manifestum, vel ab his convictum damnastis? Sed dicitis mihi: Cum in causa esset, decidit a causa. Non enim potuit producere testes illos, quos ei scripseram. Bene; quia non steterunt pro eo qui stabant contra eum: tanquam eis diceretur, Aut contra vos stabitis, aut iste deponetur. Illos, inquam, habere non potuit; sed potuit habere alios, quorum testimonia non minus essent credibilia testimoniis illorum, quos habere non potuit.

B Sed jam ex alio latere causam inspiciamus. Esto, reus est; in media causa defecit, et innocentia, et causa. Et ubi est illud, « Vitiatam causam » licet relevare appellationis remedio? » Quod si appellatam noluit audire, attamen appellato deferri oportuit. Neque enim decet ut procedant de labiis vestris inconsiderata verba, vel præcipitata judicia. Non, inquam, principem Ecclesiæ decent verba præcipationis, præsertim illa, quæ non in tenebris, sed in lumine proferuntur. Dico vobis, multos cum illo læsistis, et multi in persecutione ejus dolebunt. Non faciam vobis verbum absconditum. C Multorum precibus rogabar scribere pro eo ad apostolicam Sedem, quorum non est tutum preces contemnere. Sed quomodo fieri poterat, donec prius convenirem dominum meum, et charissimum meum patrem? Convenimus igitur vos verbis pacificis, tanquam illum cujus honor semper fuit mihi curæ, ut sententiam illam intempestivam in locum suum revocetis, et homo ille restituatur in gradum pristinum, donec causa ejus cum majori cautela examinetur. Hæc scribo vobis servus vester, præcipue pro vobis. Non enim contra vos, sed vobiscum stare volo, et pro vobis, apud Deum, et apud

D homines.

<sup>1</sup> Joan. XIX, 26, 27.

<sup>a</sup> Epistola nova.

<sup>b</sup> Petro, qui Accone in Palestina obiit, teste Willelmo Tyrio in libro 15, cap. 15, et quidem anno 1139. De hoc Bernardus in epistolis 171 et 172.

<sup>c</sup> Athanacense monasterium Ordinis sancti Benedicti antiquum et illustre, Lugduni ad confluentes Rhodani et Araris.



EPISTOLA CCCXCV.<sup>a</sup>

AD ALVISEM ATREBATENSEM EPISCOPUM \*.

Non satis æquam ejus petitionem esse, ut Thomas de Sancto-Audomaro, qui se Clare-Vallensibus devoverat, dimittatur Bertinensibus, qui eum sibi ex voto parentum vindicare volebant.

Venerabili patri et amico nostro ALVISO, Dei gratia Atrebatensi episcopo, frater BERNARDUS vocatus abbas, salutem et nostras qualescunque orationes.

1. Rogastis nos pro ecclesia Sancti-Bertini, quam et vos diligitis, et nos ipsi diligimus, et dileximus ab initio. Veruntamen quod nunc rogat venerabilis abbas ejusdem monasterii, utinam diligentius considerasset prudentia vestra, quale sit istud, non dicam facere, sed vel rogare. Neque enim dubito, quin redarguissetis eum, tanquam qui delinqueret graver, et adversum nos amicos suos, et adversum ipsum, cujus animam querit; imo et adversum Deum, cujus conatur immutare consilium. Quid enim, domine pater? id vobis persuaderi potuit, ut ab amico vestro tale aliquid peteretis? Vocat Deus Thomas de cælo, vocat ut exeat de terra sua, et de cognatione sua, et de domo patris sui, et veniat in locum quem ipse ei ostendit: ego quis sum qui prohibeam spiritum Dei, qui debeam impedire eum, qui proprias oves vocat nomine proprio; et ipse ante eas vadit, ut alium non sequantur, sed ipsum? Thomas paupertatem elegerat, ego eum ad divitias deliciasque remittam?

2. Nec ignoro, quin possint apud Sanctum-Bertinum fratres suam ipsorum operari salutem: sed quos illuc vocaverit Deus \*, ut unusquisque in qua vocatione vocatus est, in ea permaneat. Scio, scio ubi legerim: *Nemo mittens manum suam ad aratrum, et respiciens retro, aptus est regno cælorum* <sup>1</sup>. Quo nequaquam ego fraudare velim charissimum filium nostrum Thomam, et animam quæ mihi a Deo

<sup>545</sup> commissa est. Unde satis admiror, quoniam A modo subripi potuerit tantæ discretioni, rem hujuscemodi postulare. Ego enim, quoniam de vestra, sicut scitis, dilectione præsumo, paulominus respondeam, quod ait Dominus ad filios Zebedæi: *Nescitis quid petatis* <sup>2</sup>. Nisi quod cogitavi, non sic de charitate præsumendum, ut non etiam sacerdotali cathedræ deferretur.

3. Facite ergo morem vestrum: honorificate etiam in hac parte ministerium vestrum, et viriliter juvate etiam has Christi sponsas, ut eum ad quem vocantur sponsi thalamum, sine offensione, sine dilatione mereantur intrare. Agite, inquam, ut amicus sponsi, qui stat et gaudio gaudet propter vocem sponsi: et sicut bene soletis juvare cæteros, sic juvate et istos, ut non solum non exstinguatis (quod absit) spiritum Dei, sed et coadjutorem ejus fidelem vos esse probetis. Hoc enim omnino certum sit Paternitati vestræ, quoniam meo consilio sive permissione mea nusquam declinabunt. Scio enim quoniam ipse peccarem, et eos peccare facerem, si quid eis aliud consulerem, aut concederem. Reddant ergo vota sua quæ distinxerunt labia sua. Alioquin viderint ipsi, quibus credant dicentibus: Ecce hic est Christus, ecce illic est. Quoniam oportebit eos mihi ante tribunal Christi super voto suo, cujus ego testis sum, respondere.

EPISTOLA CCCXCVI.<sup>b</sup>

AD RICUINUM EPISCOPUM TULLENSEM \*.

Excusat se apud eum, quod ejus professum Willelmum ignorans susceperat.

Venerabili RICUINO, Dei gratia Tullensi episcopo, frater BERNARDUS dictus de Clara-Valle, cum pusillo sibi grege commisso, sospitatem et pacem.

Gratias agimus salutis Auctori, quod digni habiti sumus a vobis salutari. Veruntamen quantum nos salutatio lætificat, tantum illa, quam subjunxistis, obedientia gravat: licet

<sup>1</sup> Luc. ix, 62. — <sup>2</sup> Matth. xx, 22.

\* Antea epistola 325. — <sup>b</sup> Antea epistola 365.

tamen gravati, fecimus quod jussistis. Simul<sup>541</sup> Reverentiam de celeri correptione super malo, coram Deo, et vestra Sanctitate, teste etiam A ipso venerabili fratre Willelmo, nos excusamus, quod ignorantes vestrum esse professum recepinus. Si culpa est, quod ita a nobis receptus est; ipsius, non nostra est. Post hanc nostram veram ac puram satisfactionem, mereamur vestram gratiam et benedictionem. Valete. Optamus vos tam plenum dierum, quam virtutum tranquillo transitu mortem finire, sancte, et reverendissime pater.

## EPISTOLA CCCXCVII.<sup>a</sup>

AD ODOMEM ABBATEM MAJORIS-MONASTERII PROPE  
TURONES\*.

Monachos, de quibusdam redivitibus cum clericis contententes, arbitrorum sententiae acquiescere debere.

Reverendissimo patri et domino ODOMI, Dei gratia abbati Majoris-Monasterii, sanctoque et in Christi charitate juncto conventui, HUGO Pontiniacensis et BERNARDUS Claræ-Vallensis, spiritu ambulare, et quærere semper non pigre faciem Dei Jacob.

1. Charitas, fratres, nos admonet scribere ad vos et pro vobis, et quod longe a vobis absumus, sed locis, non animis. Porro animos facile in eandem vestræ fraternitatis unanimitem conflavit fragrans ubique odor suavissimus famosissimæ sanctitatis. Cæterum ab heri et nudius tertius modice intra nos turbatum dolemus tantæ serenitatis participium. Subito nempe oborto nubilo famæ subtristioris, haud dubium quin a facie aquilonis, operuit confusio facies nostras, quod de vobis tam insolitum, tam vestro nomini dissonum audiremus. Formidantes igitur jamjamque graviter periclitari et famam vestram, et nostram pro vobis gloriam, si non sermo, qui exiit velocius, evanuerit flatu secundior; fraterna curamus sollicitudine his litteris vestram commonere

quod in dies divulgare non parit fama volans. Miramur sane aliquos vestrum (absit enim ut omnes suspicemur) tanta vel simplicitate deceptos, vel cupiditate cæcos, ut celeberrimo nomini non parentes, unius altaris pauculos redivitus<sup>b</sup> orbis gloriæ præferant. Non oportet, fratres, non oportet ullis æstimare temporalibus lucris testimonium, quod vobis ab antiquo, imo ab initio, ab his quoque qui foris sunt, conversationis merito conquisistis. Sed forsitan dicitis: Nos nemini injuriam facimus. Tenemus nostra, parati, si quis ex adverso est, subire judicium. Recte. Sed quid, si alius responderit et dixerit, *Hoc ipsum delictum est in vobis, quod causas habetis. Quare non magis fraudem patimini?*<sup>1</sup> quid, si legerit et alius, *Si quis abstulerit tua, ne repetas*: quinimo, *percutienti in dextram maxillam, præbe et alteram; auferenti tunicam, præbe et pallium?*<sup>2</sup>

2. Et hæc vobis, hisque similia objicemus, nisi quod corrigere vos, quam confundere malumus. Hoc autem dicimus, tutius esse omni christiano, et maxime monacho, possidere quidpiam minus in pace, quam cum lite amplius. Sic quippe canitis: *Melius est modicum iusto, super divitias peccatorum multas*<sup>3</sup>. Quid, quod de altari contenditur, et hoc adversus filios Levi, id est adversus clericos? Clericorum est altari deservire, et de altario vivere. Nobis nostra professio et antiquorum monachorum exempla victum ex propriis præscribunt laboribus, et non ex sanctuario Dei. Huc accedit, quod eidem ecclesiæ, de qua præsens disceptatio est, clerici soli deserviunt, vosque cum illis partimini beneficium, cum quibus non exhibetis obsequium. Paulus clamat pro clericis, imo ante ipsum Moyses, *Non alligabis os bovi trituranti*<sup>4</sup>; item, *Quis plantat vineam, et de fructu ejus non edit?* aut, *Quis pascit gregem, et de lacte gregis non manducat?*<sup>5</sup> Vos autem per contrarium convenimus: Qua audacia, o monachi, præsumitis, seu vinum de vinea quam non plantastis, seu lac de grege quem non pascitis? Quo pacto ibi exigitis, ubi nihil exhibetis? Certe si ita vultis, baptizate nascentes, sepelite morientes, visitate jacen-

<sup>1</sup> I Cor. vi, 7. — <sup>2</sup> Luc. vi, 29, 30. — <sup>3</sup> Psal. xxxvi, 16. — <sup>4</sup> Deut. xxv, 4. — <sup>5</sup> I Cor. ix, 9, 7.

<sup>a</sup> Antea epistola 387.

<sup>b</sup> Altaria vocabant ecclesias parochiales cum decimis, qualia tunc temporis monasteriis conferri, etiam a sæcularibus, mos erat. Confer epistolam 375.

es, copulate nubentes, instruite rudes, cor-  
ip te delinquentes, excommunicate contem-  
nentes, absoluite resipiscentes, reconciliate  
œnites : et in medio denique ecclesiæ ape-  
riat os suum monachus, cujus officium est se-  
lere et tacere. Sic fortasse dignum se probat  
mercenarius mercede sua. Alioquin invidiosum  
modum est, velle metere ubi non semina-  
veris; sed et colligere quod alius sparserit,  
etiam injuriosum.

3. Esto tamen : liceat et hoc ex dono epi-  
scopi, nec ulla jam reputetur injuria, cum ca-  
nonica excusat investitura. Cæterum de pacto  
vestro quid facitis? Siquidem Canonicis recla-  
mantibus et causantibus de injuria, placuisse  
tandem vobis, nisi fallimur, non negabitis cau-  
sam vestram poni in manu Carnotensis epi-  
scopi, simul et Comitum T<sup>a</sup>. ut quidquid pari  
utriusque consensu pro lite dirimenda defini-  
retur, utraque pars irrefragabiliter teneretis.  
Optime plane, et consultissime. Tales quippe  
electi sunt mediatores, de quorum satis non  
solum probata æquitate, sed et privata, ut  
bene novimus, familiaritate confiditis. Quod  
igitur viri boni, et ipsi amici vestri super re-  
formanda pace concorditer, nec dubium quin  
et fideliter definierint, quare vos juxta condi-  
ctum quod præcesserat non tenetis? An ideo  
non fideliter egisse putantur, quia videtur nec  
æqua commutatio, quæstus utique majoris ad  
minorem? Sic prorsus videtur : sed quærenti  
quæ sua sunt, sed ei qui pluris æstimat num-  
mos quam amicos, pecuniam quam justitiam,  
ac terrenam possessionem super fraternam di-  
lectionem. Si de mundo fuissetis, et mundus  
quod suum erat diligeret; tam non mirum,  
quam nec insolitum videretur : nunc vero filii  
lucis et pacis, luci tenebras, paci res præfe-  
runt temporales. Tales profecto deplorat pro-  
phetica lamentatio : *Et qui, inquit, nutrie-  
bantur in croceis, amplerati sunt stercora*<sup>1</sup>.

4. Merito, aiunt, nolumus tenere concor-  
diam, in qua pars nostra gravari cognoscitur.  
Quid, si pars altera gravari videretur? Tunc  
prorsus, tunc æqua et justa concordia judica-  
retur. Verumtamen hoc ante pactum cautum  
esse debuit. Ubi enim non est lex, nec præ-  
varicatio. Nunc autem lex pacti jam commo-  
dum non considerat, sed condictum. Quid ad  
hæc dicitis, qui contradicitis? qui dum vos

figitis consultores, proditis turbatores, ter-  
giversatores, prævaricatores. Aut negate pa-  
ctum, aut implete. Quid enim? an non negatis  
quidem conventionem, sed causamini circum-  
ventionem, culpamque refertis in episcopum,  
quasi non egerit simpliciter vobiscum; sed  
cum astu et dolo vos ceperit, et induxerit in  
eamdem, cujus vos modo poenitet, pactionem?  
Dicere potestis : sed mirum cui persuadere,  
mirum si vos vel ita suspicari. Nequaquam,  
inquiunt; sed non debet stare quod absque  
nostro consilio factum est, hoc est sine assensu  
totius capituli. Quid? quod abbas statuerit cum  
consilio seniorum, stare non debet, si non  
omnes consenseritis? Itane in Regula vestra  
manifestam super hoc sententiam aut non at-  
tenditis, aut contemnitis? Mandat siquidem  
« ut fratres ad consilium vocati, singuli sic re-  
» spondeant quod senserint, quatenus defen-  
» dere non præsumant quod responderint : sed  
» abbas, auditis singulorum sententiis, quam  
» potissimum ipse elegerit, ei omnes sine con-  
» traditione acquiescant<sup>2</sup>. » Si ergo in qui-  
buscumque disponendis præminet auctoritas  
abbatis, Regula item præscribente, quia in  
abbatis arbitrio pendet omnis ordinatio mona-  
sterii; patet quod inobedientes vos ac rebelles  
esse probatis, qui pactum quod abbas forma-  
vit, contra ejus voluntatem labefactare cona-  
mini. Nisi forte et ipse in corde et corde locu-  
tus est, ut quod palam per se ædificavit, clam  
per suos destruat; et sic prævaricatorem se  
quoque constituat. Quod quidem absit ut cre-  
damus : nam de optimo viro id tantum suspi-  
cari, pessimum est. Non nos sane latet scrup-  
ulus nonnullorum, qui plusquam oportet  
justi, nodum in scirpo quærebant, dum abs-  
que simonia istiusmodi commutationes inter  
ecclesias posse fieri non putarent. Sed de hoc,  
ut arbitramur, vobis utique curiosius scisci-  
tantibus, catholicorum et eruditorum virorum  
responsionibus satisfactum est : aut si quo mi-  
nus; in promptu est etiam nunc ex auctori-  
tate canonum affirmare, quod fas sit de rebus  
ecclesiasticis fieri permutationes, prout ecele-  
siis videbitur expedire. Hæc adversus illos,  
qui se de his quorum sua nihil interest præ-  
sumptuosius intromittentes, semper parati sunt  
concitare injuriam aliis, invidiam suis. Vobis  
autem, pater, consulimus uti consilio melio-

<sup>1</sup> Thren. iv. 5. — <sup>2</sup> Reg. S. Benedicti. cap. 7.

<sup>2</sup> Theobaldi.

rum, nec abduci scandalo priscorum ad præ-<sup>547</sup>celebri<sup>c</sup>, non novella audiri decet vel levia, varicandum pactum labiorum vestrorum; ne A sed certe authentica et antiqua, quæ et Ecclesiam ædificent, et ecclesiasticam redoleant gravitatem. Quod si nova audire libet, et causa requirit; ea, ut dixi, recipienda censuerim, quæ cordibus audientium, quo gratiora, eo utiliora reddat et eloquii dignitas, et auctoris. Porro sensa indubitata resplendeant veritate, sonent iustitiam, humilitatem suadeant, doceant æquitatem: quæ etiam lumen veritatis mentibus pariant, formam moribus, crucem vitiis, affectibus devotionem, sensibus disciplinam. Cantus ipse, si fuerit, plenus sit gravitate\*; nec lasciviam resonet, nec rusticitatem. Sic suavis, ut non sit levis: sic mulceat aures, ut moveat corda. Tristitiam levet, iram mitiget; sensum litteræ non evacuet, sed fecundet. Non est levis jactura gratiæ spiritualis, levitate cantus abduci a sensuum utilitate; et plus sinuandis intendere vocibus, quam insinuandis rebus.

## EPISTOLA CCCXCVIII.<sup>a</sup>

AD GUIDONEM ABBATEM ET FRATRES ARREMARENSIS.

Rogatus ab Arremarensibus, ut Officium de sancto Victore ipsorum patrono componat, tenuitatem suam et B operis difficultatem prædixit, exponens qualia esse oporteat quæ publice adhibentur divino cultui: cantus quoque ecclesiastici leges describit.

Venerabili GUIDONI abbati Arremarensi\*, et sanctis qui cum eo sunt fratribus, BERNARDUS servus Sanctitatis eorum, servire Domino in sanetitate.

1. Petis, charissime mihi Guido abbas, et tecum pariter qui tecum sunt fratres, dictare me aliqua vobis legenda solemniter, vel canenda in festivitate sancti Victoris, cujus apud C vos corpus sacratissimum requiescit. Cunctanti instas, dissimulantem urges; meam, etsi justam, verecundiam dissimulans. Ipse adhibes mihi et alios precatore, quasi sit aliquid, ad inclinandum me tuæ voluntati, tua ipsa voluntate cogentis<sup>b</sup>. Verum tu, vel proprio judicio consulens, cogitare debueras, non affectum erga me tuum, sed meum in Ecclesia locum. Sane altitudo negotii non amicum desiderat, sed eruditum, sed dignum: cujus auctoritas potior, vita sanctior, stilus maturior et opus illustret, et consonet sanctitati.

2. Quantulus ego in populo christiano, cujus D litteræ in ecclesiis lectitentur? aut quantula mihi ingenii eloquiive facultas, ut a me potissimum festiva et plausibilia requirantur? Quid? quem cœli habent laudabilem et laudatum, ego de novo laudare incipio super terram? Superius velle addere laudibus, detrabere est. Non quod glorificatos ab Angelis, homines jam laudare non audeant: sed quia in solemnitate

3. En qualia oportet esse quæ in audientiam Ecclesiæ veniunt, qualemve horum auctorem. Numquid talis ego, aut talia quæ paravi? Et tamen de paupertate mea, te pulsante, te inquietante, et si non quia amicus es, certe ob tuam importunitatem surgens, juxta verbum Domini, præstiti quod petisti. Præstiti dico, non quod tibi ad votum, sed quod mihi ad manum venire potuit, pro posse utique meo, non pro velle tuo. Servata tamen antiquorum veritate scriptorum, quæ tu mihi transmiseras, de vita Sancti duos Sermones dictavi<sup>d</sup> qualicumque sermone meo: illud quantum potui cavens, ut nec brevitatis obscuros, nec prolixitas redderet onerosos. Deinde, quod ad cantum spectat, hymnum composui, metri negligens, ut sensui non deessem. Responsoria duodecim, cum antiphonis viginti septem suis in locis disposui, addito responsorio uno, quod prioribus Vesperis assignavi; itemque duobus aliis brevibus ipso die festo pro vestra regulari consuetudine, uno ad Laudes, altero ad Vesperas decantandis. Et pro his omnibus mercedem flagito, sequor retributionem. Quidni sequar? Sive placeant, sive non; mea non refert, qui quod habui, dedi. Ergo merces mea, oratio vestra.

<sup>a</sup> Luc. xi, 8.

<sup>b</sup> Antea epistola 312. — <sup>c</sup> Alias, *convenientius*. — <sup>d</sup> Alias, *in celebritate solenni*.

<sup>e</sup> Habentur tomo 3 cum Officio Sancti.

333

A

filii ejus, frater BERNARDUS, servorum Dei, qui in Clara-Valle sunt, inutilis servus, servire Domino in timore, et exultare ei cum tremore.

## EPISTOLA CCCXCIX.<sup>a</sup>

AD LELBERTUM ABBATEM SANCTI-MICHAELIS\*.

Monachum quemdam a perverso peregrinationis proposito dehortatus, remittit ad suum monasterium.

Patri et amico suo LELBERTO, Sancti-Michaelis abbati, frater BERNARDUS, eorum, qui in Clara-Valle sunt, servorum Dei inutilis servus, debitum dilectionis affectum.

Hic filius vester peregrinationem, quam etsi vestra licentia susceperat, nostro consilio deserens, ad vos reversus est. Cum enim cognovissemus, viam illam et cum requisisse per levitatem, et vos ob illius improbitatem annuisse; dure, ut dignus erat, increpatum reverti persuasimus, suæ siquidem, quantum conjicere potuimus, levitatis et improbitatis poenitentem, ac de cætero emendationem pollicentem: rectius judicantes, quantumlibet reum in suo monasterio monachum poenitentiam agere, quam C foris vagando provincias circumire. Neque enim terrenam, sed cœlestem requirere Jerusalem, monachorum propositum est; et hoc non pedibus proficiscendo, sed affectibus proficiendo. Vos autem, pater, non molestam habeatis ejus reversionem, etsi suspectam habeatis ejus conversationem: quin potius gaudete, quia hic filius vester mortuus fuerat, et revixit; perierat, et inventus est \*<sup>1</sup>.

## EPISTOLA CD.<sup>b</sup>

AD ABBATEM LETIENSEM.

Frater Robertum recipi, et benignius tractari, ac statuum abbatis sibi renuntiari cupit.

Venerabili patri Lætiensi\* monasterii, ac

Remisimus vobis fratrem Robertum, primum pro eo et cum eo precantes, ut clementius cum ipso agatur in recipiendo, quam cum cæteris solet fugitivis revertentibus. Non enim par esse debet poena, ubi dispar est causa. Deinde ut ab Obedientia\*, in qua cum periculo (ut ipse dicit) animæ suæ diu invitatus detentus est, amoveatur; et ad aliam, in qua securius et salubrius vivat, transferatur. Alioquin, quantum intentionem hominis attendo, timeo ne illum irrevocabiliter amittatis. Cæterum autem audivimus dominum abbatem graviter infirmari: cujus nobis vel vitam, vel mortem flagitamus citius renuntiari, ut aut de vita, licet mortali, recipiamus gaudium; aut de morte, licet vitali, luctum; sive, ut verius fatear, de qualibet et gaudium simul et luctum. De vita quidem ipsi condolentes\*, quod sit retardatus; sed nobis gaudentes, quibus est reservatus: de morte vero ipsi nimirum congratulantes pro adepto præmio, nobis autem gementes pro adempto necessario.

## EPISTOLA CDI.<sup>d</sup>

AD ABBATEM BALDUINUM DE CASTELLIONE.

Timorem ei eximit, ex imprudenti cujusdam verbo natum.

Et in hoc cognovi quod diligis nos, quoniam D timuisti nos. Verumtamen gaude, quia timor, quem timebas, non accidit nobis. Diligenter est res inquisita, quemadmodum monuisti, et inventus est dolus in ore ejus qui ista dixit tibi. Unum e duobus nullatenus dubites, hominem videlicet aut ex malignitate, aut ex suspitione locutum. Procul dubio convertetur dolor ejus in caput ejus, et in verticem ipsius iniquitas ejus descendet. Reus est enim illius rei, quam alteri conatur impingere.

\* Luc. xv. 32.

<sup>a</sup> Antea epistola 319. — <sup>b</sup> Antea epistola 326. — <sup>c</sup> Alias, *De vita utique ipsi condolentes.* — <sup>d</sup> Antea epistola 338.

EPISTOLA CDII.<sup>a</sup>

AD BALDUINUM NOVIOMENSEM EPISCOPUM \*.

Puerum ei facete commendat.

DOMINO BALDUINO Noviomensis episcopo, frater  
BERNARDUS Claræ-Vallis vocatus abbas, me-  
lius quam meruit.

Mitto vobis puerum istum præsentium lato-  
rem, comedere panem vestrum, ut probem de  
avaritia vestra, utrum cum tristitia id feceritis.  
Nolite lugere, nolite flere: parvum ventrem  
habet, paucis contentus erit. Gratiam tamen  
vobis habemus, si doctior a vobis, quam pin-  
guior recesserit. Maneries<sup>b</sup> locutionis pro si-  
gillo sit, quia ad manum non erat, nam neque  
Gaufridus vester.

EPISTOLA CDIII.<sup>c</sup>

AD HENRICUM ARCHIDIACONUM \*.

An valeat Baptismus hac verborum forma collatus, « Ba-  
ptizo te in nomine Dei, et sanctæ et veræ Crucis. »

Dilecto suo HENRICO archidiacono, frater BER-  
NARDUS Claræ-Vallis vocatus abbas, salutem  
et orationes.

1. Breviter vobis de proposita quæstione re-  
spondemus, sine præiudicio tamen sanius sa-  
pientis. Raptum ex utero puerum ob periculum  
mortis laicus quidam, ut dicitis, baptizavit,  
communem verborum formam non tenens, sed  
dicens: « Baptizo te in nomine Dei, et sanctæ  
» et veræ Crucis. » Quæritis, utrumnam bap-  
tizatus sit puer; an magis, si vivit, baptizandus\*.  
Ego vere hunc baptizatum puto: nec sonum  
vocis, veritati fidei et pietati intentionis præ-  
iudicare potuisse. Ut enim taceam, quod in no-

<sup>339</sup> mine Dei unam expressit substantiam Trinita-  
tis; in eo ipso quod addidit, « sanctæ et veræ  
» Crucis, » manifeste commendavit Dominicam  
passionem. Nisi forte putamus Apostolum con-  
tra id quod quidem alio loco dixerat, *qui glo-  
riatur, in Domino gloriatur*<sup>1</sup>; in ipsa ligni  
substantia, et non magis in Crucifixi gratia  
gloriarī, cum diceret: *Mihi autem absit glo-  
riari, nisi in cruce Domini nostri Jesu Christi*<sup>2</sup>.  
Neque enim, cum juxta communem Ecclesiæ  
constitutionem baptizantes dicimus, « In no-  
» mine Patris et Filii et Spiritus sancti, » aliud  
intelligendum est, quam in confessione Trini-  
tatis. Porro autem confessio sanctæ Crucis, non  
nisi Crucifixi confessio est. Legimus sane in  
Actibus Apostolorum, non modo, « In nomine  
» Patris et Filii et Spiritus sancti, » verum et  
in nomine Domini Jesu Christi aliquos bap-  
tizatos<sup>3</sup>.

2. Pergitis autem quærere de ipso baptiza-  
tore, utrumnam peccaverit, an vero et aliis  
formam hanc liceat imitari. Quasi vero conse-  
quens sit, ut, si in facto hominis ipsa eum  
videtur excusare simplicitas, ut aut nullum,  
aut non magnum peccatum fuerit; continuo  
etiam inveniantur excusabiles, qui sua teme-  
ritate, contra formam Ecclesiæ, novum bap-  
tizandi vellent inducere morem. Quod si quis  
cum peccasse contendit, ego tantum non credi-  
derim fuisse peccatum, ut vel baptizatoris, vel  
ipsius qui baptizatus est, potuerit præiudicare  
saluti. Neque enim ecclesiasticam contempsisse  
formam, sed ex devotione quadam festinantis  
fidei in hanc vocem erupisse videtur.

EPISTOLA CDIV.<sup>d</sup>

AD ALBERTUM INCLUSUM.

Consulit ei semel in die refecti, et mulierculas prorsus  
non admittere.

FRATER BERNARDUS de Clara-Valle, fratri ALBER-  
TO incluso, bonum certamen certare.

Petis a me, ut nescio quam jejunii obser-

<sup>1</sup> I Cor. I, 31, et II Cor. x, 17. — <sup>2</sup> Galat. vi, 14. — <sup>3</sup> Act. x, 48.

<sup>a</sup> Antea epistola 339. — <sup>b</sup> Id est modus, gallice *manière*. — <sup>c</sup> Antea epistola 340. — <sup>d</sup> Antea epistola 345.

vantium, quam a me intra tuam cellam requi-<sup>389</sup> sieras, ac muliercularum colloquia, quæ et tibi A videlicet a me recordaris fuisse prohibita, mea licentia possis admittere : quæ utique propter inopiam, ut scribis, non potes evitare. Ego jam nullam super te usurpo mihi potestatem. Consilium tibi dedi, non præceptum, semper vel semel in die comedere ; feminarum visitationes vel colloquia omnino non admittere ; tuarum te opere manuum sustentare, multaque alia, quæ longum est modo commemorare. Quod si huiusmodi sumptus nequaquam tibi ad opus tam sumptuosum suppetere cerneres ; non deberes incipere quod consummare non posses. Hoc tibi B tutum credidi consilium : hoc nec meo cogeris tenere præcepto, nec tamen meo mutabis consilio. Vale.

## EPISTOLA CDV.<sup>3</sup>

AD G. ABBATEM.

Fratri cuidam ad vivendum more communitatis sat virium esse.

Domino G. abbati, frater BERNARDUS, quidquid sibi.

Scito fratrem G. ex quo venit de Crista, ubi medicamina sumpsit, Conventum per omnia, tanquam unum de validioribus, firmissime tenuisse, nec ei quidquam in alimentis præter quod commune fuit, indultum fuisse ; ad vigiliis jugiter cum aliis exstitisse. Ex hoc jam si aliter apud vos egerit, non ei consentiatur. Certum enim sit vobis, non esse corporis ægri- tudinem, sed animæ passionem. Vale.

## EPISTOLA CDVI.<sup>b</sup>

AD ABBATEM SANCTI-NICOLAI.

Dulcissimo amico et coabbati suo de Sancto-

Nicolao<sup>c</sup>, frater BERNARDUS de Clara-Valle, spiritum pietatis.

Hostis Christi diabolus fecit morem suum, seducendo christianum : nos quoque, ad quos forte devenit, nihilominus, prout potuimus, fecimus nostrum, corrigendo seductum. Restat itaque, ut et vos, quod vestrum est, faciatis, suscipiendo correctum ; et sic omnes in com- muni speremus, Deum etiam quandoque quod suum est facturum, redditurum scilicet unicui- que secundum opera sua.

## EPISTOLA CDVII.<sup>d</sup>

AD ODONEM ABBATEM BELLI-LOCI.

Monet depositum pauperi sine dilatione reddendum.

Fratri et amico suo Odoni, abbati regularium clericorum Belli-Loci, frater BERNARDUS, monasterii Claræ-Vallis dispensator indignus, salutem.

C

Depositum hujus hominis, quod, ut ipse ait, apud vos servandum commisit ; nec bonum est vobis, nec honorificum quod detinetis, si ta- men detinetis \*. Hinc enim deplanctum<sup>e</sup> ad me facere venit, utique propter familiarem specia- lemque amicitiam, quam inter me et vos esse audivit. De qua etiam ipse præsumens, ad re- verentiam vobis dico, quare non potius cali- cem de altari vendidistis, quo tam importu- num clamorem reprimeretis, si hos vel equus non erat vobis qui venundari posset, ut is D quod suum erat, reciperet? Pareite, quæso, personæ vestræ, parcite bono nomini domus vestræ, parcite sacræ, quæ nunc est, Quadra- gesimæ ; et pauperi, quod sine excusatione de- betur, sine dilatione reddatur, antequam res amplius divulgetur, et jam non sine majori dedecore persolvatur.

<sup>a</sup> Antea epistola 346. — <sup>b</sup> Epistola nova.

<sup>c</sup> Haud dubie Simoni abbati monasterii Sancti-Nicolai in silva Vedogii, ad quem epistolæ 83 et 84.

<sup>d</sup> Antea epistola 348. — <sup>e</sup> Deplangere, multum plangere ; deplanctus, querela multa.

341 Vallis vocatus abbas, salutem et nostras orationes.

## EPISTOLA CDVIII.<sup>a</sup>

AD W. ABBATEM TRECENSEM<sup>b</sup>.

Clericum delicatum sæculo valedicentem, abbati Tre-  
censi commendat, veritus rigori Claræ-Vallensium  
imparem fore.

Amico et conservo suo domino W. abbati ca-  
nonicorum<sup>c</sup> clericorum Trecensium, frater B  
BERNARDUS ecclesiæ Claræ-Vallis servus inu-  
tilis, salutem in Domino.

Clericum istum relinquentem sæculum, no-  
biscum manere cupientem, ad vestrum potius  
Ordinem, timens ne nostri difficultate frange-  
retur, confugere persuasi. Commendamus ergo  
vobis eum, utpote nobis bene cognitum, et  
honeste morigeratum, et in litteris eruditum;  
postremo tanquam Dei servum, quem per Dei  
gratiam credo vobis futurum fidum solatium.  
Neque enim ipsum tam propter se, quam pro-  
pter vos, quem diligimus sicut nos, ad vos ire  
volumus: quem propter vitæ suæ meritum li-  
benter retineremus, nisi esset illa causa, quod  
clericum delicatum, laboris inexpertem, susci-  
pere formidamus. Vale.

## EPISTOLA CDIX.<sup>d</sup>

AD RORGONEM DE ABBATIS-VILLA<sup>e</sup>.

Monet corpoream præsentiam non magni pendendam:  
rogat terram quandam incultam Religiosis attribui.

Viro illustri, etiam nobis quoque dilecto, ROR-  
GONI de Abbatis-Villa, BERNARDUS Claræ-

Perlatum est ad nos, quod gratum tibi esset,  
si præsentiae et colloquii nostri copiam habere  
valeres; et hoc ideo, quia unum de servis Al-  
tissimi me esse credit tua benignitas. Et ego  
dico tibi, quod pro hac tua humilitate, et pro  
bona tuæ nobilitatis fama, quam audivimus,  
mihi quoque jucunda foret tua præsentia. Sed  
licet hoc in nos humanæ pietatis bonum lauda-  
bile sit, non tamen perfectum. Nam hæc cor-  
poralis quidem est visio, et brevis, et nobis  
cum cæteris animantibus communis. Magis  
ergo ad illam æternæ societatis jucundissimam  
visionem suspirare debemus, et bonis operibus  
insistere, ut ad illam perveniamus. Rogamus  
tuam Dilectionem, ut terram illam, quæ tui  
juris est in parœcia de Currenni, de qua dilec-  
tus et familiaris noster abbas de Alchi<sup>e</sup> tecum  
locutus est, et quæ deserta et inculta tibi, tuis-  
que antecessoribus usque nunc inutilis fuit, ec-  
clesiæ de Alchi in elemosynam concedere di-  
gneris: quatenus et animæ tuæ, et animabus  
antecessorum et successorum tuorum, apud  
Deum hoc tuum proficiat beneficium.

## EPISTOLA CDX.<sup>f</sup>

AD GILDUINUM ABBATEM SANCTI-VICTORIS<sup>g</sup>.

P. Lombardum commendat.

Reverendis patribus et dominis, et amicis cha-  
rissimis, G. Dei gratia venerabili abbati San-  
cti-Victoris Parisiensis, et universo conventui  
sancto, frater BERNARDUS Claræ-Vallis voca-  
tus abbas, salutem et nostras qualescumque  
orationes.

Necesse habemus multa requirere, quia multa  
requiruntur a nobis: nec amicis possumus par-

<sup>a</sup> Antea epistola 349. — <sup>b</sup> Guillelmum abbatem sancti Martini Trecensis Ordinis sancti Augustini.

<sup>c</sup> Hic adjective « canonici » appellantur clerici, eodem sensu quo in superiori epistola Præmonstratenses dicuntur  
« regulares clerici. » — <sup>d</sup> Antea epistola 350.

<sup>e</sup> Alciacum, monasterium Ordinis sancti Benedicti, diœcesis tunc Tervanensis, nunc Audomarensis, fundatum in  
Morinis ad Quantiam fluvium sub annum 700. primo pro sanctimonialibus, quibus successerunt monachi ab instau-  
ratione post Nortmannos. — <sup>f</sup> Antea epistola 366.



cere, quia ab aliis amicis non parçitur. Dominus Lucensis episcopus, pater et amicus noster, commendavit mihi virum venerabilem P. Lombardum<sup>a</sup>, rogans ut ei parvo tempore, quo moraretur in Francia causa studii, per amicos nostros victui necessaria providerem: quod effeci, quamdiu Remis moratus est. Nunc commorantem Parisius vestræ dilectioni commendo, quia de vobis amplius præsumo: rogans, ut placeat vobis providere ei in cibo per breve tempus, quod facturus est hic usque ad Nativitatem beatæ virginis Mariæ. Vale.

## EPISTOLA CDXI.<sup>a</sup>

AD THOMAM BEVERLACENSEM PRÆPOSITUM<sup>b</sup>.

Suavissima sane et melliflua epistola, qua Thomam invitabat ad vitam religiosam, peccatis etiam quibuscumque non obstantibus. Bonæ conscientie nihil præferri posse in hoc mundo.

Bonæ spei juveni THOMÆ, venerabili Beverlaciensi præposito, frater BERNARDUS, pauperum Christi de Clara-Valle servus, secundum nomen, apostolicæ hæreditatis omen.

1. Ut ad te ignotus scriberem, is qui te noverat Ivo suggessit, charitas persuasit. Ille sibi liquido comperta de te nobis retulit quæ voluit: illa quæ omnia credit<sup>c</sup>, audire non potuit otiose. Non, inquam, otiose, quantum quidem ad nos, quos profecto audito illo mox compulsit ad scribendum tibi, ad te exhortandum, ad orandum pro te. An vero tibi non infructuose, tu videris. Placent, fateor, quæ audivimus de te ab his qui te noverunt; non quidem generositas sanguinis, non corporis elegantia, non formæ decus, non rerum copia, vel fastigia dignitatum: hæc siquidem et his similia gloria carnis sunt, et flos feni: sed vivacitas ingenii, et morum ingenuitas, maximeque is, quem nuper te aiunt inter divitias concepisse, sanctæ paupertatis amor. Unde et nos gratulantes admodum, bonam de te spem concepimus, quæ utinam non confundat. Utinam nostrum hoc

gaudium cito perveniat usque ad Angelos, qui de tua pœnitentia et conversione, sicut et de cæteris peccatoribus, jucundum expectant festivumque convivium. Florem tuæ juventutis, et tantæ indolis specimen, o si mihi in manibus venire contingat! si liceat Deo servare immodicum<sup>e</sup>, illibatum offerre in odorem suavitatis!

2. Sed forte me sero locutum tua responderit conscientia, quod jam non valeat illibata servari, quam multis te fortasse sentis maculasse criminibus. Non me sane terret hoc, et peccator non horreo peccatorem: nec ægrum B sperno, cum ipse me sentiam ægrotare. Sed etsi me sanum putas, non recuso infirmus infirmo fieri, ut infirmum lucrifaciam; libenter audiens et in hoc Pauli consilium, qui ait: *vos qui spirituales estis, hujusmodi instruite in spiritu lenitatis; considerans te ipsum, ne et tu tentes*<sup>2</sup>. Nec reputo immani tatem morbi, cogitans peritiam Medici, simul et pietatem sæpe mihi expertam in propriis magnisque languoribus. Quantislibet sordeas vitiis, quantumvis fœdam geras conscientiam, horrendisque licet scelerebus tuam adolescentiam sentias inquinatam; etsi inveteratus dierum malorum computrueris tanquam jumentum in stercore suo: munda-beris sine dubio, et super nivem dealbaberis, renovabiturque ut aquilæ juvenus tua. Scio denique qui ait: *Ubi abundavit delictum, superabundavit et gratia*<sup>3</sup>. Bonus Medicus, qui sanat omnes infirmitates animæ, replens in bonis desideria ejus<sup>4</sup>.

3. Magnæ divitiæ bona conscientia. Et revera quid ditius in rebus, vel dulcius? quid in terra quietius atque securius? Bona conscientia damna rerum non metuit, non verborum contumelias, non corporis cruciatus: quippe quæ et morte ipsa magis erigitur, quam deicitur. Quid, quæso, in bonis terræ tante compares felicitati? quid tale mundus blandiens suis offerat amatoribus? quid simile vel mentiens polliceatur insipientibus? Si infinita prædia, si ampla palatia, si infulas pontificales, et sceptræ regnorum; nonne, ut cætera taceam discrimina, sine quibus talia nec acquiruntur, nec retinentur, una superveniente morte simul omnia dimittuntur? Scriptum namque est, *Dormierunt somnum suum, et nihil invenerunt omnes viri divitiarum in*

<sup>1</sup> I Cor. xiii, 7. — <sup>2</sup> Galat. vi, 1. — <sup>3</sup> Rom. v, 20. — <sup>4</sup> Psal. cii, 3, 5.

<sup>a</sup> Antea epistola 373. — <sup>b</sup> Vide epistolam 107, ad eundem. — <sup>c</sup> Fortasse, *immutatam*.

*manibus suis* <sup>1</sup>. At vero bona bonæ conscientiae <sup>265</sup> Ægyptiæ dominæ, id est gloriæ sæculari, pal-  
revirescunt, in laboribus non arescunt, nec in A  
morte evanescent, sed reflorescunt : lætificant  
viventem, morientem consolantur, reficiunt  
mortuum, nec deficiunt in æternum. Sed quid  
moror in verbis, cum modo sim verba factis  
implere paratus? In promptu certe tibi est, aut  
me probare mendacem, aut te divitem. Tantum  
veni, et experire. Quam latis gressibus occurre-  
mus cum panibus fugienti, quam latis ample-  
xibus excipiemus filium adolescentiorem? Cito  
proferetur stola prima, et dabitur annulus in di-  
gito, diceturque : *Hic filius meus mortuus fuit,*  
*et resurrexit ; periiit, et inventus est* <sup>2</sup>.

## EPISTOLA CDXII.<sup>a</sup>

AD T. ADOLESCENTEM, QUI VITAM MONASTICAM  
VOVERAT.

Dilectissimo filio suo T. BERNARDUS Claræ-  
Vallensis abbas, exire obviam sponso et  
sponsæ.

1. Ut verbis tibi familiaribus loquar; homo  
est animal rationale, mortale. Aliud nobis gra-  
tia Creatoris, aliud nobis intulit meritum pec-  
catoris. In uno sumus consortes angelicæ nobi-  
litalis, in altero bestialis infirmitatis. Utrumque  
tamen debet excitare nos, et elevare ad quæ-  
rendum Dominum, et timor mortis, et dignitas  
rationis. Memor esto verbi tui, in quo mihi  
spem dedisti. Fructum promissionis requiro,  
tempus requisitionis advenit : noli ibi trepidare  
timore, ubi non est timor. Non onus est, sed  
honor, servire Domino in lætitia. Inducias tibi  
dare non possum : nihil enim certius morte,  
nihil hora mortis incertius. Sed quid dicemus de  
tenera ætate tua? Poma sæpe ante maturitatem  
avelluntur de arboribus, vel manu, vel turbine.  
Quid de specie et pulchritudine tua?

O formose puer, nimium ne crede colori :  
Alba ligustra cadunt, vacciui nigra leguntur <sup>3</sup>.

Exi, exi cum Joseph de domo Pharaonis; et

Ægyptiæ dominæ, id est gloriæ sæculari, pal-  
lium relinque. Exi de terra, et de cognatione  
tua; obliviscere populum tuum, et domum  
patris tui; et concupiscet Rex decorem tuum.  
Puer Jesus non invenitur inter affines et notos.  
Egredere de domo patris tui in occursum ejus :  
quia ipse egressus est propter te de domo Patris  
sui. A summo cœlo egressio ejus. Merito invenit  
illum mulier, quæ a finibus suis egressa clama-  
bat, dicens : *Miserere mei, Fili David*. Ille au-  
tem, quoniam diffusa est gratia in labiis suis,  
cito respondit ei : *O mulier, magna est fides*  
*tua! fiat tibi, sicut petisti* <sup>4</sup>.

2. Satanas satanam potest ejicere : sed Spiri-  
tus veritatis numquid erit sibi contrarius? Ipsum  
credo fuisse, qui de conversione tua mecum  
per os tuum loquebatur. Vide ergo ut non de-  
clines ad dexteram, vel ad sinistram : sed ven-  
ias in Claram-Vallem secundum verbum tuum.  
Hoc tibi breviter et secreto scripsi, mandans  
per dilectum filium nostrum Girardum, ami-  
cum tuum. Nihil excusationis præendas. Si  
studium est in causa, si adhuc doceri vis, et  
esse sub magistro; Magister adest, et vocat te,  
ille scilicet, in quo sunt omnes thesauri sapientie  
absconditi. Ipse est, qui docet hominem scientiam,  
qui linguas infantium facit disertas, qui  
aperit, et nemo claudit; claudit, et nemo aperit.

## EPISTOLA CDXIII.<sup>b</sup>

AD RAINALDUM ABBATEM <sup>c</sup>.

Novitium in proposito confirmatum benigne recipi  
postulat.

Domino abbati RAINALDO, frater BERNARDUS,  
quidquid sibi cupit gratiæ spiritualis.

Laudo prudentiam, qua monachum pro-  
pter novitium tristare timuistis : sed magis ap-  
probo humilitatem, qua factam vobis inju-  
riam, et tam grandem injuriam, tam patienter  
tulistis : incomparabiliter autem præfero chari-  
tatem, qua calamus quassatus non patiendo  
conteri, nostrum expetere consilium ei suadere  
curastis. O prudens humilitas, humilisque cha-

<sup>1</sup> Psal. lxxv, 6. — <sup>2</sup> Luc. xv, 24, 32. — <sup>3</sup> Virgilius, Bucolicon Egl. 2, vers. 17, 18. — <sup>4</sup> Matth. xv, 22, 28.

<sup>a</sup> Epistola nova. — <sup>b</sup> Antea epistola 389. — <sup>c</sup> Fusniacensem, ut puto, ad quem epistola 72 et sequentes.

ritas, sic parens monacho injurianti, ut non<sup>561</sup> tua perdurante duritia, non sinitur emendare, deesset novitio fluctuanti! Quantum ergo potui confirmatum, et omnia, quantum reor, de quibus notatus est, emendare paratum, ad vos eum remitto, tam probatæ vestræ benignitati consulens, et, si necesse est, supplicans, ut recipiatur, ut tamen prædictum fratrem, cui et litteras proinde precatórias misi, a sua priori, si fieri potest, sententia flectat. Valete.

## EPISTOLA CDXIV.<sup>a</sup>

AD ALARDUM MONACHUM.

Unde supra.

Perstringit cum, quod prædicto novitio expulso, ac jam reditum atque emendationem molienti, pertinacius obsistat.

Dilecto filio suo ALARDO, frater BERNARDUS, paternæ dilectionis affectum.

1. Conqueritur frater Adamarus<sup>b</sup>, quod ei nimis amarus exstiteris: non solum quia te agente domo expulsus sit, sed quia te quoque prohibente reconciliari non possit. Et ego quidem non nisi bono zelo te id facere crediderim: sed cum recorder tuæ illius obstinationis, quam tibi amicissima, ut scis, fiducia soleo sæpe impropere; vereor, ne idem zelus tuus non sit secundum scientiam. Nam ut ipsa Regulæ verba ponam, quantæ audaciæ est quemquam cedere, aut excommunicare, nedum eliminare, abbate scilicet absente et nesciente<sup>1</sup>? An non magis tuæ humilitatis erat, alii non facere quod tibi nolles fieri? Imo tuæ perfectionis esse debuerat Apostolum potius imitari dicentem, *Factus sum infirmis infirmus, ut infirmos lucrificerem*<sup>2</sup>: et rursum, *Vos qui spirituales estis, instruite huiusmodi in spiritu lenitatis; considerans te ipsum, ne et tu tenteris*<sup>3</sup>? At Prior, inquires, illum eiecit, non ego. Et hoc quidem ipse novi: sed te suadente, te omnimodis compellente. Unde et nunc cum eum, sicut audiui, ipse quoque Prior miseratus cupiat revocare; te in

A quod compulsus est indiscretus egisse. Rogo, quæ est hæc securitas, ut cæteris omnibus miserantibus, ipso quoque domino abbate propitio, tu solus implacabilis flecti non queas ut recipiatur? An non legisti, *Judicium sine misericordia ei qui non fecit misericordiam*<sup>4</sup>? An oblitus es quod rursum scriptum est, *In qua mensura mensi fueritis, reuertetur vobis*<sup>5</sup>? An vero contemnis quod misericordiis promissum est, *Quoniam ipsi misericordiam consequentur*<sup>6</sup>?

2. Sed nescis, inquis, quam juste expulsus sit. B Sed juste, an injuste expulsus sit, non quero, nec curo modo: sed hoc tantum queror, hoc causor, hoc vehementer admiror, quod humiliter satisfaciens, instanter petens, patienter sustinens, emendationem promittens, nec sic quidem exaudiri meretur, ut juxta Apostolum confirmetur in eo caritas<sup>7</sup>, et secundum magistrum nostrum probetur iterum in omni patientia<sup>8</sup>. Certe si injuste expulsus fuit, justum est ut revocetur: si juste, pius est ut recipiatur. Unde et hoc nostrum consilium, licet indiscussa causa, arbitratus sum esse securum, quo fit, ut sive per justitiam, sive per misericordiam a justo et misericorde Deo non recedatur. Rogo ergo te, dilectissime fili, ut quod ille suis apud te precibus non meruit, vel nostris, quas tam longe quæsit, valeat adipisci.

## EPISTOLA CDXV.<sup>c</sup>

AD QUENDAM PACTI SUI PRÆVARICATOREM.

Hortatur, ut excusso voluptatis carnalis jugo, promissum religionis votum exsequatur.

Etsi tu oblitus tui, sed non ego: siquidem diligo te, et quantum diligo, tantum doleo. Porro dilectio facit ut doleam; dolor autem, ut non obliviscar. Sed heu! miseram tristemque memoriam! Mirabar quid te impediret, ut, quemadmodum promiseras, non venires. Nec enim credere poteram, te tuum pactum, et il-

<sup>1</sup> Reg. S. Benedicti, cap. 70. — <sup>2</sup> I Cor. ix, 22. — <sup>3</sup> Galat. vi, 1. — <sup>4</sup> Jacobi ii, 13. — <sup>5</sup> Matth. vii, 2. —

<sup>6</sup> Id. v, 7. — <sup>7</sup> II Cor. ii, 8. — <sup>8</sup> Reg. S. Benedicti, cap. 58.

<sup>a</sup> Antea epistola 328. — <sup>b</sup> Alias, *Adamarus*. — <sup>c</sup> Antea epistola 593.

lud pactum, leviter prævaricari, nisi grandi ex<sup>563</sup> causa: quippe quem et in ætate minori fidelem A satis veracemque compereram. Nec me fefellit opinio. Revera enim grandis gravisque causa est quæ te detinet. Ea siquidem ipsa vicit fortissimum David, decepit sapientissimum Salomonnem. Quid dicam? Numquid qui cadit, non adjiciet ut resurgat? O quam multa et quam necessaria habeo tibi dicere! sed ea scribere longum est. Hoc ergo breviter intimo. Si qua nostri antiqui amoris adhuc in te scintilla vivit; si tibi quandoque evadendi a miserrima illa captivitate tua spes ulla remansit; si denique cassam falsamve non vis esse fiduciam, quam te in tali B quoque conversatione tua multam habere aiunt in orationibus et amicitia nostræ congregationis; revisere Claram-Vallem ne differas: si tamen tam liber et compos tui es, ut te a cruenta illa bestia, quæ tua quotidie omnia simul cum sanguine animæ tuæ effundere satagit, vel ad tempus audeas absentare. Alioquin ex hoc jam noveris te a nostræ fraternitatis familiaritate prorsus sepositum, nec poteris ultra, nisi frustra, blandiri de societate bonorum: quoniam indignum profecto te iudicas eorum consortio, quorum acquiescere recusas consilio. Cæterum si venire non pigritaris, confido te per Dei C misericordiam, priusquam discedas a nobis, solvendum a mortis compede quo teneris.

mur dubitare, male vos revera suspicari de nobis, quasi qui in distributione eleemosynarum comitis Campaniæ<sup>b</sup>, amicis nostris absentibus amici non existeremus. Et hoc vos patimini, quia rem in manu nostra positam fuisse creditis. Verum qui prædictum comitem vel se, vel sua putat moderari nostro consilio; certus sum quia aut me, aut illum non satis novit. Denique et probatum est. Nonnullis namque monasteriis, sed et ipsi specialiter episcopo, de quo me, ne de vobis aperte loqueremur, tam aspere tetigistis; importune satis et impudenter rogatans, ut aliquid daret, impetrare non merui. Distribuit itaque homo de rebus ipse suis, quantum voluit, et quibus voluit; partim quidem me vidente, sed non dividente; plurimum vero nec vidente, non tamen invidente. Nam et nobis forsitan aliqua extorquere potuissemus, si voluissemus. Deo autem gratias, quo inspirante nec oblata contingere acquievimus. Jam si dignum ducitis, mihi potius de me, quam famæ esse credendum; nulla vobis, ut arbitror occasio remanet, cur vestris illis solitis beneficiis, quæ nobis impropere esse putastis, solito indigniores vel nos, vel episcopum iudicetis. Scitote tamen paratos nos æquanimiter carere, quidquid habere non meruimus.

## EPISTOLA CDXVI.<sup>a</sup>

AD INCOGNITUM.

Eleemosynas comitis Theobaldi a se non fuisse distributas asserit.

Mordaces litteræ, quas more vestro dudum nobis misistis, morsum vos cordis pati significant. Nam primo quidem, cum vos putarem in eis non serio loqui, sed nobis, ut soletis, voluisse jocari; forte a partibus vestris adveniens monachus aliquis, inanis nostræ illius opinionis nebulam solvit. Siquidem cum de litteris illis nihil ante cognosceret, præter ea, quæ de ore nostro audierat; ipsas aliter, sed veraciter, licet nesciens, exposuit, ita ut jam minime sina-

## EPISTOLA CDXVII.<sup>c</sup>

AD ABBATEM DE TRUNCO-BERENGARIUM.

Fratrem Dodonem ab eo humane recipi postulat.

Dilectissimo fratri et coabbati suo G. de Trunco-Berengarii, frater BERNARDUS de Clara-Valle, salutem in Domino.

Unde frater Dodo nostram simplicitatem consultum venit, tale a nobis consilium, imo iudicium reportavit. Cum nullam idoneam causam attulerit, cur locum suum et Ordinem deserere velit; nulla nobis visa est ratio permittere, quod ad alium transire debeat. Nam votum illud, quod se prius fecisse dicit, de quo et maxime sui scrupuli occasionem sumpsit; cum sola cogitatione, aut plus etiam verbo, sed hoc

<sup>a</sup> Epistola nova. — <sup>b</sup> Scilicet Theobaldi. — <sup>c</sup> Epistola nova.

solo facto fuisse constet; nequaquam huic præponendum, cui utique, posterius licet, tamen et verbo, et deliberatione, et habitu, et professione sese astrinxisse videtur: præsertim cum illud, quod voverat, nec districtius esse videatur isto, nec rectius. Quapropter nec vobis, qui pro ejus anima Christo reddere rationem habetis, tutum esse credimus, in hoc ei vestram indulgere licentiam, cum scriptum sit: *Declinantes autem in obligationes adducet Dominus cum operantibus iniquitatem*<sup>a</sup>. Suscipite ergo eum dulciter ut filium, custodite sollicitè ut vobis commissum, vestris, ni fallor, ex hoc jam obsecuturum præceptis, et consilii obtemperaturum.

B

tempore aliquam eis de cultura ista seu movere calumniam, seu violentiam inferre voluerit; sit vestræ charitatis opponere vos murum pro domo quæ vestra est, et vindicare ei jus suum, ut sine inquietatione illud possideat: siquidem hæc est veritas et certa veritas quam vobis scribimus.

EPISTOLA CDXIX.<sup>b</sup>

AD PETRUM ABBATEM CELLENSEM.

Furnum Cellensibus dimittit.

PETRO, Dei gratia venerabili abbati Sancti-Petri de Cella, frater BERNARDUS Claræ-Vallis vocatus abbas, salutem et quas potest orationes in Domino.

Concedimus et confirmamus vobis et domui vestræ furnum apud Trecas positum, qui erat domus nostræ de Mores. Quia enim fratres nostri ejusmodi redditus tenere non possunt; per manum nostram qui eundem furnum ædificant, acceptis quadraginta quatuor libris quas in ædificationem ipsius expenderant, vobis et domui vestræ libere obtinendum tradiderunt: quod nos ratum haberi volumus, et sigilli nostri impressione firmamus. Testes sunt fratres domus vestræ, Petrus prior, Jocelinus subprior, Stephanus præpositus; Waleherus quoque et Rainaudus cellerarii nostri, et Fromundus qui locum ædificabat. Actum anno ab incarnatione Domini 1152.

EPISTOLA CDXX.<sup>c</sup>

AD MAR. ET UXOREM EJUS.

Hortatur eos ad eleemosynam et pia opera.

BERNARDUS abbas Claræ-Vallis, dilectis suis MAR.

EPISTOLA CDXVIII.<sup>a</sup>

AD HUCONEM ARCHIEPISCOPUM ROTOMAGENSEM.

Donationem Saviniaco factam confirmari ab archiepiscopo rogat.

Domino et patri dilectissimo HUCONI, Dei gratia Rotomagensi archiepiscopo, et universe Ecclesiæ Rotomagensi, frater BERNARDUS, Claræ-Vallis vocatus abbas, salutem et quas potest orationes in Domino.

Scire volumus Benignitatem vestram et certum perhibemus testimonium veritati, quod dominus Philippus Bajocensis episcopus\* culturam, ante grangiam de Escuris sitam, et quatuor acras terræ continentem, filiis vestris fratribus nostris Saviniacensibus concessit nostra prece, et in præsentia nostra, simul et reverendi patris domini Henrici, modo Eboracensis archiepiscopi, et domini Guidonis abbatis Chari-Loci, et aliorum fratrum nostrorum. Quocirca petimus et obnixè deprecamur charissimam in Domino pietatem vestram, quatenus præfatis filiis vestris, ne forte super eadem terra deinceps inquietentur, paterna sollicitudine et paterno provideatis affectu. Si quis autem vel nunc vel alio

C

D

<sup>a</sup> Psal. cxxiv, 3. <sup>b</sup> Epistola nova, ex Archiva Saviniacensi. Scripta circa annum 1152. <sup>c</sup> Epistola nova, ex Chartario Cellensi. Scripta anno Christi 1152. <sup>d</sup> In triginta sex sequentes epistolas hæc movet Edmundus Martene in Opere cui titulus est, Veterum Scriptorum Monumentorum historicorum, dogmaticorum, moralium Amplissima Collectio, tomo 1, pag. 725 : « Sequentes

et uxori ejus, sic se invicem diligere, ut A  
mutuo norint Christi amorem præponere.

Quidquid super terram possidetis, certum  
est vos quandoque amittere, nisi quod in cœ-  
lum et per manus pauperum curaveritis præ-  
mittere. Eia, charissimi, thesaurizate vobis  
thesauros in cœlo, ubi tinea non demoliatur,  
ubi fures non effodiant, nec furentur; ubi de-  
nique dux ipse nobis nihil vobis possit auferre.  
S. de nuntio solliciti estis, habetis quotidie ad  
ostium vestrum non unum, sed plures, qui  
fideliter deportabunt quæcumque illo transmit-  
tere volueritis. Ad hoc enim tempore præsentem B  
Deus illorum ærumnas multiplicavit, ut occa-  
sionem habeatis thesaurizandi in loco tantæ  
felicitatis et securitatis. Idipsum de vestra parte  
intimare curetis T. fratri nostro et bono nepoti  
vestro, et W. qui habet neptem vestram, et si  
quos alios scitis qui nostrum de hac re tam sa-  
lubre consilium non contemnant, et eos maxi-  
me qui in domo Dei sunt sentire volo vestræ  
in proximo visitationis benedictionem.

## EPISTOLA CDXXI.

AD QUEMDAM ABBATEM.

Excusat se de epistolæ brevitate, remittitque illi quem-  
dam adolescentem, quem admittere cum suis minime  
poterat.

Quidquid sibi.

Non ignoro quidem quod in nostris litteris  
ad vos missis et brevitatis et siccitatis soleat esse  
molesta. Sed brevem me facit multa occupatio, D  
et modica devotio siccum. Indulgete mihi; et  
nunc urgente diei malitia, probare compellor<sup>a</sup>.

<sup>a</sup> sancti Bernardi abbatis Claræ-Vallensis epistolas hactenus ineditas descripsimus fere omnes ex optimæ notæ codice  
» insignis monasterii Sancti-Vedasti Atrebatensis; quas licet diversis temporibus scriptas, uno tenore referimus, ami-  
» corum secuti consilium. » Triginta quatuor priores, nempe a quadringentesima vigesima ad quadringentesiman-  
quingagesimam tertiam, erutæ sunt ex codice Vedastino; trigesima quinta, quæ nunc est quadringentesima quin-  
quagesima quarta, prodit ex manuscripto Aquicinetensi; trigesima sexta, quæ nunc est quadringentesima quinqu-  
gesima quinta, ex Verduensi manuscripto. Has omnes epistolas eodem tenore quo ipse Martene representamus  
licet vir ille alias eruditissimus, de quinque ex illis imprudenter asseruerit quod fuerint antehac ineditæ. Etenim quæ  
hic sunt epistolæ 427, 429, 443, 451, 452, jam exstant superius, paucis mutatis, epistolæ 391, 316, 417, 86, 413

<sup>a</sup> Fortasse, *Indulgete mihi; et nunc urgente diei malitia properare compellor.*

(N. E.)

Ad id quod necesse est, huic adolescenti de  
vestris partibus illis causa suæ salutis ad nos  
venienti, vobis nescio qua causa prætermis-  
sis, quia nos, sicut scitis, eum recipere non pos-  
sumus, ad vos reverti persuasimus, vobis,  
nisi fallor, non inutile futurum, si recipere  
volueritis, quod et multum precor ut faciatis.

## EPISTOLA CDXXII.

AD QUEMDAM EPISCOPUM.

Commeadat ei causam monasterii Sancti-Martini.

Semper facere quod Deus vult.

Placet vobis quod pauper ecclesia S. Martini  
collatum sibi a Deo paupertatis levamen magis  
fortassis amicorum quam justitiæ inopia perdit?  
Alioquin si justam creditur non habere causam,  
et hoc ei expedit, ut cito ab injusta quiescat  
querimonia. Volumus itaque vos non gravari  
C diligenter inquirere causam, et operam dare  
qualiter aut juste terminent aut pacifice, id est  
aut judicio aut concordia. Valete mei memor,  
dulcissime pater.

## EPISTOLA CDXXIII.

AD QUEMDAM AMICUM.

Excusat se quod cum eo ad legatum ire non queat.

Quod ad vos, ut mandastis, ipse non veni-  
causa est et tam gravis, cujus vos, etsi interim

non conscium, necesse sit misereri. Supplicare A  
vos pro illa omnipotenti Deo simplex rogo<sup>a</sup>.  
Quod ergo cum legato utrique pariter acturi  
neramus, solus ut potestis implete.

EPISTOLA CDXXIV.

AD QUEMDAM JUDICEM.

Commendat ei causam abbatiæ Fontaneti<sup>b</sup>.

Si de vobis usque modo confisus sum, ut B  
irea ea quæ ad nos pertinent, ubicumque vos  
cirem, me non necesse esse putaverim. Miror  
ergo quomodo erga abbatiam Fontaneti, quam  
n vestra post Deum custodia reliquimus, pro  
qua et sæpe vos præsentem præsentem rogavi-  
mus, ita intepuistis. Audivimus quod in placitis  
juæ pro eadem ecclesia super vos accepistis,  
icut definistis, necdum finem posuistis. Sciat  
utem quamdiu hæc facere tardabit, quamdiu  
liter fratres ipsos quam soletis consolari et  
isitare non curabit; semper nostras pro ipsis  
nerimonias audietis.

EPISTOLA CDXXV.

AD QUEMDAM AMICUM.

Commendat ei latorem præsentium.

Ubicumque et per omnia placere Deo.

Commendo vestræ Charitati satis mihi pro  
ia religiositate charum hominem, harum vide- D  
cet latorem, vestro apud Comitem indigentem  
atrocinio. Sentiat, quæso, pro sua causa,  
uam ipse vobis referet, quantum apud vos  
umilitas nostra, quantum vestra apud Comi-  
um Reverentia possit.

EPISTOLA CDXXVI.

AD EPISCOPUM TRICENSEM.

Improbat quod archidiaconatum puerulo dederit.

Venerabili domino H. <sup>c</sup> patri, Dei gratia Tricas-  
sino episcopo, frater BERNARDUS se ipsum  
quantum potest.

Benigna vestra Dignatio fecit ut de vobis,  
cum necesse est, indubitanter præsumamus.  
Pro venerabili filio vestro G. precem apud vos  
facere, imo consilium vobis propter vos ipsum  
dare suscepimus. Miramur vos, qui bonam  
famam vestram diligimus, qua ratione, ejusve  
consilio, quod bene feceratis, de archidiacona-  
tu videlicet, quem prædicto filio vestro G. qui  
illum optime administrare potest, quam puerulo  
qui se ipsum regere non potest\*, committere  
maluistis, tam male, ut nobis videtur, in irri-  
tum ducere cogitastis. Nam si quid ædificave-  
ratis, iterum (quod absit) destruitis. Sed sat  
C dictum est capienti. Si homines timetis, Evan-  
gelium docet quem magis timere debetis. Si  
hominibus placere vultis, melius tamen est obe-  
dire Deo: si quid Cæsari debetis, et Deo.

EPISTOLA CDXXVII.

AD QUEMDAM ABBATEM.

Laudat eum et hortatur ad emendationem sui monasterii  
et præcipue hospitalis.

Pudicitiae et gratiae titulum.

Fratres isti pro consilio animarum suarum  
parvitatem nostram adeuntes, de vestro bono  
studio, quod in emendando loco, cui Dei gratia

<sup>a</sup> Fortasse, *Supplicare vos pro illa omnipotenti Deo simplex rogo.*  
<sup>b</sup> Fontanetum insigne monasterium Ordinis Cisterciensis in diocesi Eduensi, haud procul a Monte-Barri, a sancti  
Bernardi consanguineis fundatum circa annum 1118, filia secunda Clarae-Vallis, ejus primus abbas Godelfridus.  
<sup>c</sup> Hattoni, ad quem exstant ejusdem sancti Bernardi epistolæ 23 et 203, plures vero Petri Cluniacensis.

præstis, habere vos perhibent, non parum nos A lætificaverunt. Monemus autem et obsecramus devotionem vestram, quod sicut in reficiendis domibus, ita renovandis moribus operam detis. Non solum autem de monasterio, sed etiam de hospitali domo Dei, cui sub manu vestra prædicti fratres deserviunt, intentissime necesse est curam geratis: quatenus videlicet ex omni exactione et infestatione ministrorum seu clientum vestrorum securam ac liberam custodiat; quodque illorum pravo, ut audivimus, consilio eidem domui ab aliis ante vos abbatibus collatum abstulistis, precamur ut restituatis. Sicut enim ad vestram sollicitudinem pertinet aliorum B malefacta destrnere aut corrigere; sic illorum, si qua bona egerunt, non solum firma et incon- vulsa tenere, sed etiam augmentare et multiplicare debetis. Presbyterum quoque, qui in ipsa domo habitans, suam adhuc foris rem habere videtur, aut proprium deserere, aut de domo exire cogatis. Valet, et propter bonum quod de vobis audivimus, de nobis si quid valemus familiariter confidite.

quæ illicite tenent, relinquere volunt, unum bonum est. Cum vero ea in usus servorum Dei transire volunt, duplicatur bonum: sed cum hoc fieri non potest nisi per manum episcopi, gemini se episcopus aut mali reum, aut boni probabit auctorem, juxta quod suum negabit aut dabit assensum. Quod autem miles vos rogat, hoc a vobis rogari ipse debuerat. Quid enim? meliusne esse judicatis ab homine militari hæreditate possideri sanctuarium Dei, quam a sanctis Dei? Mirum, si non mirantur omnes, qui audiunt. Nolite, quæso, nolite; ne forte audiant filii incircumcisorum et lætentur. Esto, potestis captivam Ecclesiam eripere de manu potentis, et juri proprio vindicare; quod minime arbitramur: quemnam, quæso, de illa libentius eligitis vobis hæredem successorem? Qui inde deserviat exercitibus regis, an intercessorem pro peccatis vestris? Facite ergo quod justum, quod vobis dignum est, quod Deo et hominibus bonis jucundum; quod denique, et si aliquid non esset, amore nostri confidenter fieri postularem.

## EPISTOLA CDXXVIII.

AD QUEMDAM AMICUM.

Gratias agit Deo de rebus prospere gestis.

Velle scire vos scio, quod scire vos facio. Gratias illi, qui omnia opera nostra operatus est nobis. Grande opus, et iter grave læte prospereque peregrimus, fratres lætos et in pace dimisimus, rebus et amicis abundantes, Deo et hominibus satis, ut aestimo, placentes. Fratrem G. vix sine tam episcopi, quam fratrum offensione reducere potuimus. Post messium tempus, D quod nunc in manibus est, si opus illo habueritis, imo quia habebitis, habere poteritis.

## EPISTOLA CDXXIX.

AD QUEMDAM AMICUM.

Quod beneficia ecclesiastica non de laicali manu, sed de episcopi accipienda sunt.

Cum laici ecclesias sive ecclesiastica beneficia

## EPISTOLA CDXXX.

AD INNOCENTIUM II PAPAM.

Delegatus a summo Pontifice iudex ad dirimendam litem inter duos contententes de archiepiscopatu Turonensi declarat Philippi electionem esse nullam.

Ad decidendum Turonensis litem, Pater venerande, convenimus, et convenimus Blesis quod is locus acturis foret et vicinitate congruus et securitate. Ibi ergo Philippi electionem \* quæ ex adverso erant cum in multis accusassent quæ brevitatis studio præterimus; duo hæc de mum præcipua capitula ei opposuerunt, quod infra annos videlicet esset, et quod nequaquam electus a quibus oportuit, sed neque a quanti. Aberant siquidem eo temporis majores personæ ecclesiæ nimirum, et ab ecclesia pulsæ et propriis domibus, archidiaconi scilicet omnes, decanus et cantor, cum universis illius ecclesiæ presbyteris, ac multitudine aliorum diversi ordinis clericorum: unde et suam quam fecerat de Hugone electionem sanam atque canonicam esse dicebant, quod ii in ea consentirent, quorum prævaleret in eligendo auctoritas; no-



utem obesse quod extra ecclesiam vel civitatem præter morem celebrata fuisset, cum ad hoc persecutionis urgeret necessitas; sed neque impedire, quod pars altera non interfuit, cum præmonita a fratribus, et vocata adesse venerit. Nam dicit eis assignasse locum, et illum eum quem pari consensu utraque pars ad legendum elegerant; porro autem illos anticipasse diem, præripuisse electionem. Philippum artiva temeritate, se omnino ignorantibus, legisse. Nam nec de suffraganeis episcopis uempiam expectatum: suæ vero eos magis reverere electioni et assensum præbuisse. Ad hæc Philippi pars: « Possumus, » inquit, « ad obiecta facile et sufficienter respondere, si modo dies alius nobis conveniens nominetur, non quod hodiernum negemus fuisse datum, sed electus noster non fuit submonitus. Debuisset enim vocari et nomine, ad quem proprie causa spectare cognoscitur. » Tunc qui ex aderso erant: « Absit, » inquit, « non inter electos de cathedra, sed inter electores de electionibus contentio est. Litigantium igitur est causa, ipsi ad causam vocari debuerunt, quod si et electum de litigantibus esse contenditis, id quidem grave et indecens. Sufficit autem generaliter vocatum fuisse eum cæteris. Nemo quippe a litteris submonitoriis exclusus est qui in parte fuisset, quanquam negare non potestis, quin vobis manifeste denuntiatum fuerit eum querere. Abierat, et non inveniebatur, ne forte inhærentem die statuto non adesse contingeret. Nihil igitur lucraturum de absentia, quam quidem etsi non veniret, nihilominus eo absente causa terminaretur. Si ejus, ut dicitis, causa est, et opus erat hominem pro se loqui, certe quod submonitionem non habuit, culpa est, aut ejus qui disparuit, aut vestra, qui ei insinuare neglexistis. Quid eorum interest qui in civitatem vestram et in ecclesiam communia vocationis scripta miserunt, si ad eum qui se absentavit, qui se non solum ab urbe, sed et a patria, et a regno, et qua intentione, ipse viderit? Aduhuc quid sibi deest ex omnibus quod suum requirit negotium, si de justitia non diffidit? Cernimus hominem vallatum multitudine sapientum et peritorum in causis, stipatum etiam numero armatorum, si opus est et ipsis. Habet secum et episcopos, habet optimum proculctorem. Itane venerat imparatus? aut quid sibi vult tantus iste comitatus necessario-

rum suorum, si acturus non erat? quid si sui sibi necdum sufficiunt? Judex offert quotquot habet necessarios. Et hæc diceremus, si vere constaret Philippum nescisse diem constitutum negotio; nunc autem quando queat negare de die et loco sibi significatum fuisse, ab abbate utique Claræ-Vallensi, qui ante decem ferme et octo dies in episcopatu Cameracensi forte transiens latitantem offendit; patet vos manifeste non pacem querere, sed dilationem? » Ille itaque a partibus allegatis, justum nobis et his qui nobiscum erant, religiosi et sapientibus personis, episcopis et abbatibus et clericis, visum est diuturnæ jam fatigationi ecclesiæ ponere finem, et nequaquam ultra sustinere moras et dilationes querentium quæ sua sunt, et sub hac occasione pessumdantium Ecclesiam Dei. Data ergo sententiâ a nobis, quod justitia exigeret ingredi causam, nec esset canonica excusatio quam afferrent, ipsi more suo tergiversantes tanquam qui causæ suæ parum fiderent, appellaverunt. Tunc vero prolatis scriptis apostolicis, in quibus et nobis causam inexensabiliter terminare, et ipsis sententiæ nostræ irrefragabiliter obedire præcipitur, illi audire contemnentes abierunt: vocati sunt nec venerunt; vocati secundo, et iterum renuerunt: nos autem conversi ad partem alteram ordine nihilominus judiciario juxta mandatum vestrum processimus, et suscepta probatione canonica super duobus memoratis capitulis, post examinatos testes, post peracta sacrificia, Philippi electionem apostolica freti auctoritate quassavimus. Porro de Hugone quia infra sacros ordines eum constat fuisse electum, vestræ, ut dignum est, misericordiæ reservavimus.

## EPISTOLA CDXXXI.

AD DOMINUM PAPAM.

In gratiam episcopi Trecensis.

Petimus dominum Trecensem exaudiri de justitia sua: vellemus autem ut inter ipsum et clericos suos talis concordia studio vestræ Benignitatis reformaretur, ut ultra clerici non apponerent injuste vexare hominem senem, qui nec juste de pontifice in aliquo conqueri

possunt. Est quidam inter eos contemptibilis adolescentiæ, contemptricis insolentiæ, cujus satius judicamus castigatum iri præsumptionem, quam ab ipso conculcari pontificem : quis ille sit, lator præsentium vobis dicet. Sic igitur et de isto et de aliis vestra discretio providere dignetur, ut et episcopus qui vestrum honorem diligit, honoretur, et nunquam de sua justitia gravetur. Videndum autem ne odium cujusquam personæ ei noceat, quem sua defendit innocentia.

## EPISTOLA CDXXXII.

AD EUMDEM.

In gratiam episcopi Trecensis.

In causa domini Trecensis et clericorum illa, quæsumus, cautela servetur, ut episcopus, sicut dignum est, honoretur, et clerici sua justitia non priventur. Reformetur pax inter eos, et frenum imponatur malevolis, ut de cætero in jam senem pastorem insurgere unquam non possint.

## EPISTOLA CDXXXIII.

AD EUMDEM.

Ejusdem argumenti.

Oportet vos esse amicum amicorum nostrorum, et fratri N. assistere in causa quam portat, cum ea tamen discretione, ut clerici proprio pastori, si fieri potest, subdantur, et quod ipsi in sua justitia non graventur, et de cætero inter eos pax sit.

## EPISTOLA CDXXXIV.

AD EUMDEM.

Commendat ei litterarum latorem.

Frigescente charitate, pauci hodie inveniun-

tur fideles, et quia omne charum pretiosum fidelitas et amor domini N. qui fidelissime vestra negotia apud nos gessit, arctioribus vinculis gratiæ et benevolentiae debet astringi. Prosit autem ei, quoniam nos ipsum tanquam promptum litterarum et fidelem virum spirituali charitate diligimus.

## EPISTOLA CDXXXV.

AD EUMDEM.

Commendat ei quemdam amicum.

N. flamma negotiorum quæ assidue Romæ geruntur, fere adustus, ex desiderabili et jucunda inspectione scriptorum vestrorum, utinam refrigerari merear. Sed, proh dolor! ad opus servi vestri in tota Clara-Valle scriptores non possunt reperiri : satis dictum est a filio patri. Amicum nostrum et personæ nostræ et Ordinis glorificum amatorem dominum N. qui etiam fideliter negotia gerit suorum, dulcedo vestræ Benevolentiae pro se et nobis habeat charum.

## EPISTOLA CDXXXVI.

AD EUMDEM.

In gratiam Trecensis episcopi.

Ad notum misericordiae fontem, de quo mihi et amicis meis toties hausi, domini Trecensis episcopi reverendi senis et amici nostri necessitas compellit recurrere. Hoc est ergo quod haurire desidero, quatenus apostolica pietas hominem, cujus jam cani merentur quietem, non sinat injuste vexari, et petitiones ejus, quæ per nuntium suum facit, dignetur effectu mancipare.

## EPISTOLA CDXXXVII.

AD EUMDEM.

In gratiam Trecensis episcopi.

Augetis mihi gratiam, et gloriam multiplicatis, cum gratia mei, amici mei gratiam inveniunt in oculis vestris, quam multis jam de iaro fecistis chariorem. Ego tamen gloriam ab omine non quæro, sed regnum Dei et justitiam ejus, quam puto esse cum domino Trecensi. curare vobis utrumque cupio esse commendatum, et justum scilicet et amicum; non solum item, sed et missum ab eo bonæ indolis juvenem, charum nobis latorem præsentium, æque stræ commendo Charitati.

## EPISTOLA CDXXXVIII.

AD EUMDEM.

In gratiam Trecensis episcopi.

Causa domini Trecensis, cum nuntio dilecto astro, qui eam portat, sit vobis commendata; anutenete eam, quoniam, mi fallor, justa est. nemo ipse amici vestri amicus est. Vide ne remquam audias adversus dominum Trecensem; sed potius juva causam et nuntium ejus quantum potes.

## EPISTOLA CDXXXIX.

AD ANONYMUM.

ortatur ut animæ curam præferens corporis sollicitudini, sæculo renuntiet.

Magnum, fateor, bonum fecit nobis dominus

A Avialicensis<sup>a</sup>, qui post indultam sui satis optatam gratamque notitiam, etiam tuæ Dilectioni subintulit mentionem, de tua nos certificans ac letificans incolumitate. Verumtamen id ego de anima tua libentius accepißem, nam de corpore episcopus aiebat: « Amo quidem et corpus tuum, sed animam amplius: nam et meum corpus ego non diligo, nisi propter animam, ut noveris juxta illam a me diligere regulam, *Diliges proximum tuum sicut te ipsum*<sup>1</sup>; et sicut meam meo, sic tuo tuam corpori præfero animam. Tolle quippe animam, quid erit corpus, nisi quod ad omnium humanorum corporum partem dictum est, *Terra es, et in terram ibis*<sup>2</sup>? » Cæterum animæ præstatum cum corpore solvitur, si non tamen tantis fuerit aggravata peccatis, ut revertens in terram, quod de terra sumptum est, non prævaleat, sicut scriptum est, redire spiritus ad Dominum qui fecit illum<sup>3</sup>. Non est æquum profecto æque diligere quod movetur, et quod movet; quod regitur, et quod regit; quod vivificatur, et quod vivificat; quod denique de terra et terra est, et quod desursum venit naturæ superioris insignitum imagine. Quanto tamen, prohi dolor! hoc fenum, et hujus feni male olentem florem, hoc est carnem, et bona carnis non æque saltem, et insuper plurius habent, quam æternæ beatitudinis et beatæ æternitatis capacem rationem quidem prædictam creaturam? Verum tu qui aliter sapis, novi enim, sed doleo nondum te vivere ut sapis, tu ergo miserere animæ tuæ placens Deo<sup>4</sup>. Quid adhuc jungis vitam cum quibus sententiam non concordas? Aut muta vitam, aut dissimula sententiam. Cæterum hoc melius est, ut quod jam ratione cœpisti, et corde concepisti, opere non dissimules. Sapiens sapientiæ consilium non contemnit: *Quid prodest homini, si universum mundum lucretur, animæ vero suæ detrimentum patiatur*<sup>5</sup>? Quid te juvat mente tenere veritatem, cum adhuc vanitatem teneas in conversione? Abi, quæso, recede de medio filiorum alienorum, quorum os loquitur vanitatem, et dextera eorum dextera iniquitatis. Beatum hi dicant populum cui hæc sunt; tu cum propheta non tam verbo clama, quam experimento proba, quia *beatus populus cujus Dominus Deus*

<sup>1</sup> Matth. xxii, 39. — <sup>2</sup> Gen. iii, 19. — <sup>3</sup> Eccl. xii, 7. — <sup>4</sup> Eccl. xxx, 24. — <sup>5</sup> Matth. xvi, 26.

<sup>a</sup> Avia Orthelio est duplex: una scilicet ex Ptolemæo Vacecorum urbs in Hispania Tarraconensi: altera Vestruom urbs in Italia, modo excisa, cujus episcopatus Aquilam translatus est.

*ejus* <sup>1</sup>. Delectet eos in mundo, cum sint ruituri A cum mundo; tu delectare in Domino, et dabit tibi petitiones cordis tui; tibi adhaerere bonum sit, ut et tu cum Jeremia dicas, *Bonus est Dominus querenti illum* <sup>2</sup> : quod si querenti, quanto magis inveniendi?

voluntatem habentes, sed viribus corporis ad nostrum Ordinem nequaquam sufficientes, ideo vobis transmittere curavimus : quia si tales perseverant, quales eos probavimus, non inutiles vobis confidimus. Denique suscipite eos et probate vos ipsi, an verum sit quod testamur; nec eorum acceleretur suscipienda professio, ut prius ipsorum utilitas dignoscatur.

## EPISTOLA CDXL.

AD PRIOREM QUEMDAM <sup>3</sup>.

Mittit ei adolescentem, qui se in Ordine recipi postulabat. B

Devotas orationes.

Hunc adolescentem qui vobis has litteras portavit, expectantem me Catalaunis inveni : qui, ut me vidit, simpliciter satis et verecunde rogavit se in nostro Ordine recipi, et monachum fieri; narrans mihi, quia cum Thomas de Marla, cuius armiger fuit, vellet eum militem facere militiae saeculi, militiam Christi praeposuit, et ob hanc causam ad nos confugit. Super his aliquos de fratribus consulite, et si laudaverint, vobisque ita visum fuerit, recipite eum et probate. C Notum facio vobis extorsisse me, non meis, sed dominae Beatrix precibus <sup>b</sup>, ab episcopo licentiam hiemandi juxta vos, non tamen in Clara-Valle, sed in Dementini prato. Interim vigilate, pigros excitate, nimios reprimate, pusillanimes consolamini; omnibus omnia facti, omnium virtutes vestras facite.

## EPISTOLA CDXLI.

AD QUEMDAM ORDINIS S. BENEDICTI ABBATEM.

Mittit ei duos adolescentes ad Ordinem Cisterciensem viribus impares, sed sibi non forte inutiles.

Pacem et charitatem diligere.

Istos duos adolescentes, bonam quidem

## EPISTOLA CDXLII.

AD QUEMDAM AMICUM.

De quodam adolescente, cujus pravos mores narrat, qui nobilium matrimonium ambiebat.

Feci quod voluistis, quod ad me omnino non pertinebat, nisi quia voluistis. Quid enim ad nos pertinet de vestris terris, de vestris placitis, de vestris conjugiiis? Deinde etiam hominem illum, pro quo me precantes Ducissam precari compulstis, ita semper cognovimus a juventute sua malis fuisse intentum, et ab omni bono elongatum, quatenus haec ei mala non tam illa vel cupiditate Ducissae, quam justo Dei judicio credamus contingere; nunquam ejus ad aliquem sanctorum peregrinationem, cum peccator sit, vidimus; nunquam ejus eleemosynas, cum dives sit, audivimus; nunquam ejus patrocinium quod pupillo vel viduae ferret, cum diu praepositus exstiterit, agnovimus. Et nunc insuper non cessat se supra se extendere ultra etiam mensuram suam. Scitote, vos qui amici ejus estis, quia aut vix aut nunquam poterit ei ad aliquod proficuum societas nobilium venire, quibus in matrimonium, suam non attendens mediocritatem, D tanto appetit studio filios et filias suas conjungere : volo tamen et multum desidero, ut illud quod propter vos faciliter rogare suscepi, in bonum ei proveniat.

<sup>1</sup> Psal. CXLIII, 11, 15. — <sup>2</sup> Thren. III, 25.

<sup>a</sup> Fortasse, ut credit Martene, ad Priorem Clarae-Vallis. — <sup>b</sup> Exstat ejusdem S. Bernardi epistola 118 ad Beatrixem, nobilem et religiosam matronam, in qua officiosam ejus charitatem et sollicitudinem commendat.

## EPISTOLA CDXLIII.

AD QUEMDAM ABBATEM.

De quodam monacho, qui ad alium Ordinem transire volebat, quod fieri improbat.

Unus frater dum nostram simplicitatem consulere venit, tale a nobis consilium, imo iudicium reportavit. Cum nullam idoneam causam attulerit, cur locum et Ordinem suum deserere velit; nulla visa est ratio permittere, quod ad alium transire debeat. Nam votum illud quod se prius fecisse dicit, de quo et maxime sibi scrupuli occasionem sumpsit; cum sola cogitatione aut ut plus etiam verbo, sed soli factum fuisse constet, nequaquam huic præponendum putamus, cui utique posterius licet tamen et verbo et deliberatione, et habitu et professione sese astrinxisse videtur; præsertim cum illud quod voverat, nec districtius esse videatur isto, nec rectius. Quapropter nec vobis, qui pro ejus anima Christo reddere rationem habetis, tutum esse credimus in hoc ei credere, in hoc ei vestram indulgere licentiam, cum scriptum sit : *Declinantes autem in obligationes adducet Dominus cum operantibus iniquitatem*<sup>1</sup>. Suscipite ergo eum dulciter, ut filium; sollicite custodite, ut vobis commissum, vestris, nisi fallor, ex hoc jam obsecuturum præceptis, et consilii obtemperaturum.

## EPISTOLA CDXLIV.

AD QUEMDAM ABBATEM.

Commendat ei L. fugitivum revertentem, quem benigne suscipi rogat.

Obsecro vos per misericordiam Dei et per nostram invicem dilectionem, quatenus fratrem L. erroris sui pœnitentem, cum desiderio revertentem, emendationem promittentem be-

Anigne suscipiatis; sed et in ipsa susceptione atque reconciliatione clementius mitiusque cum eo agatur, quam cum cæteris solet fugitivis, sentiatque sibi valere, quod per nos se apud vos commendare nostrisque precibus munire curaverit.

## EPISTOLA CDXLV.

AD ANONYMUM.

B  
Scribit se ex morbo gravi convalescere, et mortis januas evasisse.

Quidquid sibi.

Super ipsa vestra sollicitudine, qua vos anxii per litteras vestras insinuastis, diu exstiti et ego sollicitus. Neque enim ignorare poteram quod pateremini, cum cogitarem, qualem me relinqueretis; sed nuntii usque modo defuit opportunitas, per quem, cum corpore cœpi, Deo miserante, meliorari, vos quoque esse facerem animo meliori. Jam ergo bono animo estote, quia castigans castigavit me Dominus, et morti non tradidit me. Prima Dominica Adventus Domini, primum ad altare per memetipsum, et sine adminiculo alterius accessi ad accipiendam sacram Communionem; istas litteras ipse dictavi: quibus duobus signis perpendere potestis, quantum divina benignitate et corpore et animo convalescerim. Libenter vos viderem, si opportune et sine disturbance fieri posset.

## EPISTOLA CDXLVI.

AD AMEDEUM ALTE-CUMBE ABBATEM.

Rogat ut nuntios mittat Montem-Pessulanum, quo ascendere debebant regis Siciliæ naves, ut apud regem eum excusent, quod fratres in Siciliam non miserit.

Dilecto fratri in Domino abbati Alte-Cumbæ

<sup>1</sup> Psal. cxxiv, 5.

AMEDEO, frater BERNARDUS Claræ-Vallis vo-  
catus abbas, salutem et dilectionem.

A hoc petentis excludit pudorem, et si factus sum  
insipiens, ipsa me coegit.

Rogamus ut patrem vestrum vel aliquem  
alium nuntium rationabilem et discretum mit-  
tatis pro nobis apud Montem-Pessulanum, ita  
ut ibi sit in Octavis Assumptionis beatæ Mariæ :  
in ipsa enim die et in ipso loco debent esse nun-  
tii regis Siciliæ<sup>a</sup>, qui descendunt mare in na-  
vibus, ut portent filiam comitis Theobaldi filio  
domini sui. Si forte ad opus fratrum nostrorum  
naves adduxerint, et requisierint abbatiam quam  
missuri eramus, nuntius vester habeat nos ex-  
cusatos \* in hæc verba : « Fratres quidem parati B  
» erant, et abbatia ordinata; sed dominus Al-  
» fanus nuntius domini regis Siciliæ dixit, quia  
» rex non requirebat nisi duos fratres, qui præ-  
» cederent alios ad videndum locum; cum au-  
» tem placuerit domino regi, significabit nobis  
» voluntatem suam de tota abbatia simul mit-  
» tenda : nam periculum est religionis et or-  
» dinis, sicut vestra providentia novit, fra-  
» tres sine disciplina, sine custodia vel abbatis  
» vel aliorum fratrum suorum versari in terra  
» aliena. »

## EPISTOLA CDXLVII.

AD ANONYMUM.

Commendat et abbatem Farfensem sanctæ Ecclesiæ  
Romane cardinalem.

Virum nobilem et genere et moribus, abba-  
tem Farfensem, apostolicæ Sedis cardinalem \*  
vobis commendamus, ut eum honorifice et  
amicabiliter suscipiatis. Descendit a latere do-  
mini Papæ ad curiam Regis ab ipso vocatus,  
habens ad ipsum verba secreta de communi  
negotio regni et Ecclesiæ. Suscipite honeste  
hominem, et hominem bonæ voluntatis; et in  
eo excellentiores principes mundi, eum videli-  
cet a quo venit, et eum ad quem venit, Papam  
et Imperatorem pariter honorate. Temeritatis  
quidem est, quod ego tantillus talem virum  
vobis audeo commendare; sed humilitas ipsius

## EPISTOLA CDXLVIII.

AD REGEM FRANCORUM.

Excusat se a suscipienda dignitate ad quam electus erat.

Regi Francorum, frater BERNARDUS.

Placet, fateor, quod in his quæ Dei sunt,  
tanta sinceritate versamini. Nam ut alia ta-  
ceam, nequaquam promotionem miseri homi-  
nis tantopere curaretis\*, si non esset in causa  
Deus : quo enim alio emolumento id ita place-  
ret, cum sim pauper et inops? Nec sufficit as-  
sentire, insuper et rogatis. Exhibetis favorem,  
largum gratiæ sinum expanditis, et ne onera  
pusillanims reformidem, auxilium de regia  
protectione promittitis. Quænam hæc in rege  
dignatio, in adolescente maturitas? Verum ego,  
optime Rex, nullatenus acquiesco mittere ma-  
num ad fortia, corde pusillus, fractus corpore,  
et cui solum pene superest sepulcrum; non au-  
deor prorsus ad sancta indignus et insufficiens.  
Hoc considerare debuerant auctores electionis :  
si dissimularunt, ego non queo, quod lego,  
*Miserere anime tuæ placens Deo*<sup>1</sup>. Aut si ido-  
neum crediderunt ob habitum religionis quo  
induo, in habitu species est sanctitatis, non  
sanctitas. Nemo mihi me notior, nemini ego  
quam mihi : non plane me credo contra testi-  
monium conscientiæ meæ videntibus tantum  
in facie et secundum faciem judicantibus. Ecce  
ego et pueri mei, quos dedit mihi Deus, orantes  
D hic sumus, quamvis peccatores, pro regno ve-  
stro et vestra persona : si separatis ab invicem,  
id quidem difficile et crudele; non ad orandum,  
sed plorandum provocatis. Hactenus pro me :  
jam pro Ecclesia quid parturiat animus, dignæ-  
mini, obsecro, paucis attendere. Sedet in tri-  
stitia domina Ecclesiarum, et lacrymæ ejus in  
maxillis ejus : mutatus est color optimus, de-  
floruit antiqua venustas, pretiosissimus ille or-  
natus datus est in conculcationem, nobilitas in

<sup>1</sup> Eccli. xxx, 24.

Rogarii primi Siciliæ regis. ad quem exstant sancti Bernardi epistola 207, 208, 209.

contemptum, et in servitutem libertas. Crucior in hac flamma, nec consilium refrigerii, donec veniat qui consoletur eam. Tangat proinde cor vestrum reverentia Sponsi ejus, cujus sanguine redempta, cujus similitudine adornata, cujus hæreditate dotata est, et perseveret propositum vestrum, ne tam dilecta unici Domini nostri sponsa tali vel nunc ad cumulum malorum committatur, qui displiceat oculis ejus. Dico vobis, et dico ut vere fidelis, quia omnino non expedit vobis. Sic vobis regnum contingat administrare Francorum, ut inde acquiratis regna cælorum, optime et illustrissime Rex.

## EPISTOLA CDXLIX.

AD AMICUM.

Scribit se tandem convalescere et a mortis faucibus ereptum.

Idem quod sibi.

Opus utile, et quantum mihi videtur, catholicum elaborastis : habeo tamen semel adhuc, si vita duraverit, vobis illud præsentare perlegere et vobiscum singula proferre; et tunc si quid forte repertum fuerit quod merito moveat, aut omnino amovebitur, aut ita emendabitur, ut ultra jam non movere valeat, nec moveri debeat. De cætero congratulamini mihi, quia castigans castigavit me Dominus et morti non tradidit me <sup>1</sup>. Cum enim, securi ad radicem infructuosæ arboris posita, jamjam succidi metuerem; precibus amicorum redditus sum, qui videlicet fimo charissimo lacrymarum suarum sterilitatem meam se fecundaturos pollicentes, inducias aliquanti temporis a pio Patrefamilias impetrarunt <sup>2</sup>.

## EPISTOLA CDL.

AD FRATRES \*\*\*.

Hortatur ad eleemosynas famis tempore faciendas.

Non ignoratis, fratres, qui dixerit, *Beati*

*misericordes, quoniam misericordiam consequentur* <sup>3</sup>; et illud, *Beatus qui intelligit super egenum et pauperem* <sup>4</sup>; et rursum, *Si videris nudum, operi eum, et carnem tuam ne despexeris* <sup>5</sup>; et apud sanctum Job, *Visitabis speciem tuam, et non peccabis* <sup>6</sup>. Ut hæc vobis pauca de multis in hunc modum ex Scripturis retexerem, illud est occasio, quod egenos vagosque sub hoc famis tempore \* plus solito constat egere. Unde si qua in vobis pietatis viscera, si qua in vobis miserationis compassio, dignum est ut in se ipsos experiantur : quantumlibet enim miseri et despicabiles, os vestrum et caro vestra sunt, quod vos non aliter de illis sentire, justum est ut sentiant : sentiant dico, et, si non rerumstrarum, saltem verborum beneficio; ut videlicet capellano præcipiatis, quatenus omni studio curet excitare et exhortari populum quam publice quam privatim, ad benefaciendum eis.

## EPISTOLA CDLI.

AD QUEMDAM ABBATEM.

Hortatur ut benigne fugitivum recipiat, nec prælati dignitatem abjiciat.

Suo illi quod suo.

Nemo cum has legerit, si norit unde salutationis formulam sumpserim, succensere, ut arbitror, debet mihi, quod me in capite meliori præferre præsumpserim, et quod tanquam aliquid inferius meum esse dixerim, cujus ego merito totus sum et quo ex toto inferior : quanquam non solum inferiora nostra, sed etiam plerumque quibus inferiores nos esse scimus, nostra non improprie appellare soleamus, ut est illud, *Portio mea, Domine, in terra viventium* <sup>7</sup>. Et hæc quidem de vobis, sed non vobis. Jam ad vestras litteras breviter pro tempore respondendum est, quæ cum mihi in manus venerunt, natalis animæ Domine nostræ dies festus illuxerat, cujus me totum jure sibi vindicans devotio, nihil aliud cogitare sinebat; sed

<sup>1</sup> Psal. CXVII, 18. — <sup>2</sup> Luc. XIII, 6-9. — <sup>3</sup> Matth. v, 7. — <sup>4</sup> Psal. XL, 2. — <sup>5</sup> Isai. LVIII, 7. — <sup>6</sup> Job v, 24  
<sup>7</sup> Psal. CXLI, 6.

et nuntius repedare festinans, vix usque in crastinum, ut hæc jam festo exoccupatus utcumque rescriberem, exspectavit. Fugitivum itaque fratrem dure a me, utpote durum corde increpatum, nihil melius interim potui quam ad locum remittere unde fugerat: quippe quem juxta nostras consuetudines domi absque abbatis sui consensu retinere non debui. Oportet autem a vobis eum similiter asperere increpari, et ad humilem provocari satisfactionem, deinde nostris confortari litteris pro eo directis ad abbatem. De infirmitate nostra nihil certius modo sollicito indicare potui, nisi quod infirmus et fui et sum, nec minus solito, nec magis multum. Quod vero non nisi quam missurus eram, causa est plus me animarum timuisse scandalum, quam unius corporis periculum. Jam ne quid horum quæ mandatis omnino prætermittam, quin et aliquatenus ad singula respondeam, venio etiam ad vos. Velle vos audire scripsistis, quid ego vos, qui utique omnia vestra norim, facere velim. Sed hæc, nisi fallor, si modo dicerem nec vos possetis, nec ego consulerem. Volo enim et ipse quod vos velle de vobis jam olim non latet me. Cæterum mea atque vestra æque, ut æquum est, voluntate postposita, magis quod velle Deum de vobis puto et mihi ut vobis suadeam tutum duco; et vobis si persuadeam, non incommodum. Tenete itaque meo consilio quod tenetis, manete in quo estis, et studete prodesse quibus præestis; nec præesse refugite, dum prodesse potestis: quia vae siquidem, si præestis et non prodestis; sed vae gravius, quia præesse metuitis et prodesse refugitis.

## EPISTOLA CDLII.

AD ANONYMUM.

Laudat ejus prudentiam et humilitatem.

Quidquid sibi cupit gratiæ spiritualis.

Laudo prudentiam, qua monachum propter novitium contristari timuistis; sed magis approbo humilitatem, qua factam vobis injuriam

\* Isai. XLII, 3.

et tam grandem injuriam, pertulistis. Incomparabiliter autem præfero charitatem, qua calumniam quassatum non patiendo conteri<sup>1</sup>, nostrum expetere consilium ei suadere eurastis. O prudens humilitas, humilisque charitas, sic parcens monacho injuriam, ut non deesset novitio fluctuanti! Quantum ergo potui confirmatum, et omnia, quantum reor, de quibus notatus est, emendare paratum, ad vos eum remitto; tam probatæ vestræ Benignitati consulens, et si necesse est, supplicans, ut recipiatur, ut tamen prædictus frater, cui et litteras proinde precatorias misi, a sua prius, si fieri posset, sententia flectatur.

## EPISTOLA CDLIII.

AD ANONYMUM.

Stephano, si perseveraverit, promittit dignos pœnitentiæ fructus.

Quis satis mirari possit vestræ charitatis ardorem? Sed quoniam dignum non est, ipsam unde sollicitam esse cognovimus, diutius manere sollicitam, Stephanus vester qui et noster, si digno suæ conversationis initia fine compleverit, si æqua cum capite devotione etiam caudam hostiæ offerre sategerit, testimonium ei perhibemus quia dignos faciet pœnitentiæ fructus.

## EPISTOLA CDLIV.

D AD MATERTERAM IMPERATORIS HISPANIARUM \*.

Fratrum ei suffragia concedit, oratque ut controversia, quæ inter suos et fratres de Careda erat, per episcopos terminetur.

Illustri dominæ G. reginæ et materteræ imperatoris Hispaniarum, BERNARDUS Claræ-Vallis vocatus abbas, salutem et orationes.

Devotionem vestram ex relatione fratris nostri



Nivardi<sup>a</sup> audientes, gratias agimus Deo, et oramus ut secundum fidem et fiduciam quam habetis in nobis, vobis retribuire pro sua pietate dignetur. Fraternitatem domus nostræ et orationum nostrarum, sicut desiderastis, grataiter vobis annuimus, et ut tantundem pro vobis fiat, quantum pro uno quolibet nostrum tam in vita quam in morte. De cætero necesse habuimus suggerere Præstantiæ vestræ de fratribus de Careda<sup>b</sup>, quia per neptem vestram et per se ipsos calumniam nobis struunt. De monasterio. . . . .

Oportet ergo nos providere bona non tantum coram Deo, sed etiam coram hominibus, omnimodisque cupimus sic procedere in hoc negotio, ut non vituperetur bonum nostrum, nec homines illi occasionem habeant detrahendi. Proinde remisimus ad vos negotium, ut scandalum istud compescere studeatis: et si aliter noluerint illi desistere, iudicio, ut dignum est, domini Zemorenensis<sup>c</sup> episcopi et domini Asturicensis velitis et faciatis hanc controversiam terminari. Ubi enim vel eorum confessione, vel episcoporum iudicio innouerit non habere eos unde adversum nos super hoc possint vel debeant reclamare, parati sumus, iuvante Deo, sic ordinare locum, ut et vestra Devotio gratuletur, et Deus glorificetur in opere vestro.

At tum, non quod dubietatem tollat, sed quod certitudinem faciat. Certus sum enim quod me diligitis; sed sicut ipsa dilectio vestra nobis apud nos innouit f....

## BERNARDI CHARTA

PRO ABBATIA DE TRUNCO-BERENGARII.

BERNARDUS abbas Claræ-Vallis, omnibus præsentem paginam inspecturis.

B Contigit abbatem Trunchiniensem<sup>g</sup>, et Balduinum de Wasia pro determinanda controversia eorum Romam ituros, per nos transitum facere. Quorum causam cum audivimus, eorum labori et sumptui compatientes, Deo auxiliante eos in pace et dilectione composuimus in hunc modum. Ecclesia Trunchiniensis, secundum privilegia sua, Werrebroech et Saleghem cum integro jure parochiali possidebit in perpetuum. Statuimus quoque, ut ecclesia Trunchiniensis Balduino annuatim viginti solidos daret in festo sancti Remigii. Balduinus etiam oblationes, quas in ecclesia Trunchiniensi habebat, rogatu nostro eidem ecclesiæ concessit. Idem sic sensit Simon episcopus Tornacensis.

## EJUSDEM CHARTA<sup>h</sup>

PRO LUXOVIENSI ET SANCTI-APRI MONASTERIIS.

Hæc est compositio inter Luxoviensem et Sancti-Apri abbates, de ecclesia Galdonis-Curtis.

Ego Bernardus Claræ-Vallis vocatus abbas, cui dominus Papa<sup>i</sup> causam Luxoviensis et Sancti-Apri abbatum commisit decidendam<sup>k</sup>, eidem

D causæ per concordiam hoc modo finem imposui. Statutum est ut illi de Sancto-Apro universam

## FRAGMENTUM EPISTOLÆ<sup>d</sup>

AD NICOLAUM CAMERACENSEM EPISCOPUM.

Venerabili domino et charissimo patri N.º Cameracensi episcopo, BERNARDUS Claræ-Vallis vocatus abbas, providere bona coram Deo et hominibus.

In amicitia veteri novum quærimus argumen-

<sup>a</sup> Fratris S. Bernardi natu minimi, qui Spinensis monasterii in diocesi Palentina, quo missus erat cum quibusdam sociis, abbas fuisse perhibetur. De Nivardo in epistolis 301. 373; de illo etiam non semel in Vita S. Bernardi.

<sup>b</sup> Seu de Carraceda Ordinis S. Benedicti in diocesi Asturicensi, quod monasterium, circa annum 990 a Beruando rege fundatum, Cisterciensibus donavit Alfonsus VII rex Hispaniarum.

<sup>c</sup> Fortasse *Zamorensis*.

<sup>d</sup> Epistola nova, ex manuscripto codice abbatie Sancti-Sepulcri Cameracensis.

<sup>e</sup> Nicolao de Chievres, de quo epistola 211.

<sup>f</sup> Cætera desunt, nec alibi usquam occurrunt.

<sup>g</sup> Erat tum Gosvinus abbas Trunchiniensis juxta Gandavum monasterium, ex cujus autographo hæc schedula eruta est.

<sup>h</sup> Ex authent. Sancti-Apri. Scripta anno Christi 1110. — <sup>i</sup> Scilicet Innocentius II.

<sup>k</sup> Luxovio tunc præfuisse videtur Joceannus; monasterio autem Sancti-Apri Petrus, an Durandus.

decimam Galdonis-Curtis habeant; ipsam vero A ecclesiam et omnia, præter decimas, ad eam pertinentia Luxovienses possideant, remittentes si quid juris habuerunt in ecclesia Bolo- nis-Villæ, quam tenebant illi de Sancto-Apro. Omnes autem annuales census, quos ecclesia Gal- donis-Curtis debet tam episcopo quam ministris ejus, illi de Sancto-Apro singulis annis ex inte- gro persolvant. Hoc autem factum est consilio venerabilium Godefridi Lingonensis et Hattonis Trecensis episcoporum, et aliorum religiosorum virorum, qui ad hoc ipsum acciti sunt a nobis, quorum nomina sunt hæc : Guillelmus abbas Sancti-Martini Trecensis, Balduinus abbas Ca- B stellionis, Stephanus abbas Trium-Fontium, Balduinus abbas Cristæ, Guido abbas Chari- Locii<sup>a</sup>.

EJUSDEM CHARTA<sup>b</sup>

## PRO MONASTERIO SANCTI-AMANTII.

In nomine Domini, ego Bernardus, Claræ- Vallis vocatus abbas, notum volo esse, quod locum de Buxia<sup>c</sup> et quidquid in eo habebamus ex dono Comitis Engolismæ, et ecclesiæ Engo- lismensis, et Petri Austensii, ecclesiæ Sancti- Amantii concessimus. Testes fuerunt Ugo En- golismensis episcopus, dominus Junius abbas de Corona, frater quoque Philippus Prior no- ster, et frater Girardus et frater Gaufridus mo- nachi domus nostræ. Actum apud Claram-Val- lem anno ab incarnatione Domini 1153.

## APPENDIX

EPISTOLARUM SANCTI BERNARDI<sup>d</sup>.

## EPISTOLA CDLV.

Super Evangelio Lucæ, cap. XVI, 1-9 : *Homo quidam erat dives, qui habebat villicum.*

Reverendissimo domino suo MATTHEO, venera- bili Dei gratia Albanensi episcopo, frater BERNARDUS, utique suus, quidquid servus domino et filius patri\*.

Quod a Roma per dominum Servulum cha-

C rissimum nostrum Velvacensem abbatem super- eminentia Magnitudinis vestræ parvitati meæ mandaverat, videlicet ut ea quæ super Evan- gelium de villico iniquitatis Deus mihi dixisse donaverat, vobis transcriberem, etsi sero, nunc tandem, non minimum pavidus ne quid ibi insulsum vos offendat, transmitto. Super hoc igitur quæso vos in me pietatis et charitatis abundare visceribus, quatenus et ignoscatis mihi quod distuli, et emendetis vobis incorre- ctum quod obtuli. Auctoritati namque pruden- tiæ vestræ reservavi id ad corrigendum, et sup- pliciter offero, et cultellum qui vulgo Quinvers

<sup>a</sup> Huic chartæ appensum erat sigillum, sed contritum est. — <sup>b</sup> Ex Chartario Buxiensi. Scripta anno Christi 1153.

<sup>c</sup> Vide notas ad epistolam 299.

<sup>d</sup> Hæc Appendix continet S. Bernardi dubias, spuriasve epistolas nonnullas; quasdam item a Nicolao Claræ- Vallensi ejus nomine scriptas; ad hæc chartas seu litteras ab ipso Bernardo de rebus civilibus confectas; tum epistolas ad eundem a diversis hominibus scriptas, cum quibusdam aliis monumentis, quæ ad illustrandas Bernardinas epistolas conducere visa sunt. Omnia partim ex libris editis, partim ex manuscriptis.

nuncupatur, habens de ebone manubrium, cum chartula mitto, quatenus imposturam quam avulsione dignam adjudicaveritis, meo gladio succidatis. De cætero autem precor vestræ pietatis abundantiam, ne in orationibus vestris obliviscamini mei, quia sine oblivione quotidie vestri memor, ubi propensius postulo misericordiam Dei. Valet.

Explicit epistola.

LECTIO SANCTI EVANGELII :

*In illo tempore dixit Jesus discipulis suis parabolam hanc, etc.*

## EPISTOLA CDLVI.<sup>a</sup>

AD QUOSDAM NOVITER CONVERSOS\*.

Hortatur ad constantiam propositi vitæ religiosæ, et ne anteactæ vitæ peccatis se deterri sinant.

1. Super bono nuntio, quod de vobis auribus nostris insonuit, vehementer gavisus est anima mea, et exsultavit cor meum in Domino, qui vos præscivit et prædestinavit conformes fieri imaginis Filii sui, et vocare dignatur, ut in præsentibus justificet, et glorificet in futuro. Benedictus Deus et Pater Domini nostri Jesu Christi, qui jussit lumen suum splendescere in cordibus vestris : quatenus contemnentes hujus sæculi vanitates et insanias falsas, ad glorificandum in spe gloriæ filiorum Dei, de intimis animæ medullis trahatis suspiria; eligentes et proponentes abjecti esse in domo Dei nostri, magis quam habitare in tentoriis peccatorum. Confirmet autem Deus in vobis bonum quod inspiravit propositum, ne antiquus et inimicus hostis humani generis vos vel a proposito avertere, vel subvertere possit in proposito : ne videlicet blandiente vobis vana et insana hujus sæculi delectatione, ad perficiendam carnis curam in desideriis animam denuo revocetis, quod est averti a proposito : aut in ipso religionis introitu, lenocinantibus imperfectioni vestræ extrinsecis consolationibus, carni potius quam

spiritui consulatis, quod est in proposito subverti. Quidam enim sæculo abrenuntiaturi (ut salva pace omnium dixerim) illorum maxime conversationem æmulantur, quibus majorem sollicitudinem incutit carnis suæ fragilitas, quam spiritus infirmitas. Unde gravioribus relictis turpitudinibus, crapulæ tamen applaudunt, et tam ciborum quam potuum exigunt superfluitatem : non satis diligenter animadvertentes, multa licere quæ non expediunt, quia profectum penitentis graviter impediunt.

2. Super hac re, charissimi, consulatis eum, qui, quod impossibile est cujuscumque legis observantiæ, in quo infirmatur per carnem, de peccato damnavit peccatum in carne, ut justificatio legis in his impleretur, qui non secundum carnem ambulant. *Quicumque enim in carne sunt*, sive in habitu, sive extra habitum religionis, si verax est, imo quia verax est Apostolus, *Deo placere non possunt*<sup>1</sup>. Multum enim citra profectum proficit, imo infra imperfectum vehementer deficit, cujus gula deus est. Consulatis, inquam, Dominum nostrum Jesum Christum, qui non solum languoribus, sed et nostris erroribus volens mederi, de secreto suo ad publicum nostrum prodiit; et inter hæc et illa asserens remedium, sicut languores evacuavit moriens in cruce, ita et errores destruxit, et mores instruxit, dum vixit in carne. Ipse nimirum, utpote qui peccare non poterat, et universorum Dominus erat, cum mundi hujus deliciis libere et juste uti potuisset, voluntariam paupertatem tamen tam diligenter amplexus est, ut nec etiam haberet ubi caput suum reclinaret. In cujus paupertatis executione tantam exhibuit Patri obedientiam, ut non solum delicias, sed et se ipsum sibi abnegaverit, petens in omnibus non suam, sed Patris fieri voluntatem. Qui ergo hominem errantem in solitudine et in iniquo venerat reducere in viam rectam, ut iret in civitatem habitationis; salubriorem et securiorem redeundi viam exemplo suæ conversationis nobis ostendit, nihil proprium in mundo possidens, Patri obediens usque ad mortem. Ejus ergo exemplo deliciae nobis fugiendæ sunt, et bonam obedientiæ toto mentis ac corporis conatu amplectendum : ut qui inobediendo recessimus a Deo, per obedientiæ legem redire mereamur. Sed sunt qui dicunt : Ut quid in miseria tor-

<sup>1</sup> Rom. vii, 8.

<sup>2</sup> Antea epistola 385.

mentorū affligemus animas nostras, cum Deus<sup>368</sup> nībus confitentur eum. *Qui autem confitetur non delectetur in cruciatibus, et licite mundo A utentes salutem invenire possimus? Filii hominum, ut ad vos verbis utar Apostoli, hoc sentite in vobis, quod et in Christo Jesu: qui cum in forma Dei esset, non rapinam arbitratus est, esse se æqualem Deo; sed semetipsum exinanivit, formam servi accipiens*<sup>1</sup>. Si ergo hoc sentitis de ipso, quod licet justa et æquali prerogativa majestatis, formam Dei habere posset et exhibere, ipsam tamen exiit, et induit servilem; non ut aliquid in se evacuaret usurpatum, sed ut nostrum reprimeret supercilium: si hoc, inquam, sentitis de ipso; propter hoc ipsum et vos vestram exinaniat transitoriam felicitatem, ei qui se pro nobis miserum fecit, cum miser non esset, vicem rependentes, non de vobis faciendo quod non estis, sed in vobis ostendendo quod estis: ut quos facit miseros necessitatis conditio, miseros fateatur voluntatis devotio.

4. Itaque, dilectissimi, ut ad vos redeam, in hac valle lacrymarum et miseriarum, si christiani estis, ea via qua Christus ambulavit, et ipsi ambuletis. Vae homini duabus viis ingredienti<sup>2</sup>. Si enim caro et sanguis regnum Dei possidere non possunt<sup>3</sup>; carnalibus profecto consolationibus spirituales sociari impossibile est. Qui ergo debitorem et procuratorem carnis se constituit, ut magis sterilem pascere, quam viduæ studeat benefacere; nullum religionis jugum, quamlibet leve, quamlibet suave videatur, ei tolerabile est. Unde contingit ut neque hic, ubi sine murmure esse non potest; neque in futuro, ubi penam murmurationis tolerari necesse est, pacem inveniat. Ubi autem non est pax, nec Deus, quia in pace factus est locus ejus<sup>4</sup>. Jugum tamen Dei suave est, et onus leve<sup>5</sup>. Sed quibus? Spiritui ejus, et qui eo aguntur<sup>6</sup>. Qui sunt illi? Non servi carnis, sed filii Dei. Vultis cognoscere filios Dei? Qui spiritu facta carnis mortificant, quorum membra templum sunt Spiritus sancti, quem a Deo acceperunt: ut jam non sint sui, nec sibi vivant, sed ei qui pro ipsis mortuus est, et resurrexit, empti videlicet pretio magno pretiosi sanguinis Christi. Unde et portantes eum et glorificantes in corpore suo, utique honorificant eum: quia non solum coram Deo, sed etiam coram homi-

nibus confitentur eum. *Qui autem confitetur eum coram hominibus, confitebor, inquit, et ego eum coram Patre meo*<sup>7</sup>.

5. Bonum est ergo confiteri Domino in gratiarum actione, bonum est quoque confiteri Dominum in operum exhibitione: ut Christus nos confiteatur in districta singulorum examinatione, quando nos oportuerit manifestari ante tribunal ejus, ut unusquisque referat propria corporis, sive bonum, sive malum, prout gessit in corpore<sup>8</sup>. Harum utrarumque confessionum, et ejus qua homo confitetur Deum, et ejus qua Deus confitetur hominem, si vultis esse participes, nolite ulterius evagari in exterioribus, diffusi in vanitates et insanias sæculi: sed reversi ad vos, intrate ad cor vestrum, ubi sine dubio regnum Dei est. Regnum enim ejus intra vos est<sup>9</sup>. Quid est hoc regnum? Sana et libera voluntas hominis, ita se conformans voluntati Dei, ut nihil velit quod sciat ei displicere; nihil nolit quod sciat ei non placere. Primum ergo quærite regnum Dei, ut liberetur et sanctetur voluntas vestra, veneno sæculi graviter imbuta vel corrupta; et omnia corpori necessaria adjiciantur vobis. Nolite solliciti esse de corpore, quod est hæreditas verminum: sed solliciti estote de anima, quæ ad imaginem Dei facta est, quomodo revelata facie gloriam Dei speculetur, et in eandem imaginem reformatur, et transformetur a claritate in claritatem, tanquam a Domini spiritu.

6. Quid dulcius, fratres mei, quid jucundius, quid sanctius inter corporea corpore Christi? Et tamen dictum est Apostolis: *Nisi ego abiero; Paracletus non veniet*. Dum enim corporali Christi præsentia videndo et audiendo delectati sunt, nunquam eis perfecte datur, sed semper promittitur Spiritus sanctus. Etenim inquit, *cum assumptus fuero, mittam eum ad vos*<sup>10</sup>. Christo enim adhuc vivente in carne, nonne Petrus negavit ad vocem ancillæ? Christo autem assumpto, et misso Spiritu sancto, nonne ibant gaudentes Apostoli a conspectu concilii, quoniam digni habiti sunt propter nomen Jesu contumeliam pati<sup>11</sup>? Longe ergo eminentior et dulcior virtus Spiritus sancti, quam delectatio corporis Christi. Quod si tam excellentis et beati corporis carnalis delectatio potuit ab Apostolis avertere Spiritum sanctum, sine cujus affectio-

<sup>1</sup> Philipp. II, 5-7. — <sup>2</sup> Eccli. II, 14. — <sup>3</sup> I Cor. XV, 50. — <sup>4</sup> Psal. LXXV, 3. — <sup>5</sup> Matth. XI, 30. — <sup>6</sup> Rom. VIII, 14. — <sup>7</sup> Matth. V, 32. — <sup>8</sup> II Cor. V, 10. — <sup>9</sup> Luc. XVII, 21. — <sup>10</sup> Joan. XVI, 7. — <sup>11</sup> Act. V, 41.

ne nihil quod bonum est, potest amari; sine<sup>270</sup> demnet? Jesus Christus? pius, inquam, et dulcis virtute nihil salutiferi oneris potest tolerari: vos ipsi judicate, an non miseri sunt et insani, qui ad religionem venturi, delicias corporis quærunt. Venientibus quippe ad religionem non est consideranda carnis fragilitas, ut ei delicate subserviat: sed impedimenta fervoris spiritus, ut sollicite fugiantur.

7. Festinate ergo fieri pauperes spiritu, et inopes rebus, ut Dominus sit sollicitus vestri. Hujusmodi enim paupertatis, voluntariæ videlicet, et ex voluntate necessariae, via secunda et recta est: alioquin Christus eam non fuisset ingressus. Cæteræ viæ, etsi bonæ sint, plenæ tamen sunt latronibus. Semita hujus paupertatis, quia ardua est, et pauci per eam ascendunt, insidias latronum ignorat. Non enim frequenter ponunt latrones insidias, ubi frequens non est transitus viatorum. Dico vobis in veritate, quæ Deus est, et experto credite: quia hæc via quanto arctior, quanto molestior videtur in ingressu; tanto lætior, tanto jucundior invenitur in progressu. In ingressu exigit meritum, in progressu rependit præmium. Etenim non solum in futuro vitam æternam possidebitis, sed et in præsentem centuplum accipietis, non solum in bonis spiritualibus, sed et in temporalibus, si cor non apposueritis. Ipsa siquidem bona temporalia, sunt, si non amantur, licita; si amantur, illicita. Sive autem amantur, sive non amantur, non multum expediunt, quia quadam sui dulcedine cor possidentis cito subvertunt. Quæ vobis dubitandi occasio? Pauca relinquetis cum sollicitudine, totum mundum assumetis in possessionem sine sollicitudine. *Omnia enim vestra sunt, sive mundus, sive vita, sive mors, sive præsentia, sive futura: omnia, inquam, vestra sunt.* Tamen vere subjungi potest, *Vos autem Christi, sicut Christus Dei*<sup>1</sup>: id est, si, sicut Christus in omnibus operibus suis Patrem suum glorificavit, ita et vos in omni actu vestro ejus gloriam quæsieritis.

8. Si enim Christus in operibus vestris apparuerit gloriosus, a quo vobis trepidandum est? Ipse utique solus est, in cujus manu sit salus, et condemnatio nostra. Si condemnat, benedictum sit nomen ejus, quia sic meruimus<sup>\*</sup>: si salvat, gloriosum sit nomen ejus, quia superabundavit misericordia judicio. Pater enim omne judicium dedit Filio. Quis tamen est qui con-

demnet? Jesus Christus? pius, inquam, et dulcis virtute nihil salutiferi oneris potest tolerari: vos ipsi judicate, an non miseri sunt et insani, qui ad religionem venturi, delicias corporis quærunt. Venientibus quippe ad religionem non est consideranda carnis fragilitas, ut ei delicate subserviat: sed impedimenta fervoris spiritus, ut sollicite fugiantur.

7. Festinate ergo fieri pauperes spiritu, et inopes rebus, ut Dominus sit sollicitus vestri. Hujusmodi enim paupertatis, voluntariæ videlicet, et ex voluntate necessariae, via secunda et recta est: alioquin Christus eam non fuisset ingressus. Cæteræ viæ, etsi bonæ sint, plenæ tamen sunt latronibus. Semita hujus paupertatis, quia ardua est, et pauci per eam ascendunt, insidias latronum ignorat. Non enim frequenter ponunt latrones insidias, ubi frequens non est transitus viatorum. Dico vobis in veritate, quæ Deus est, et experto credite: quia hæc via quanto arctior, quanto molestior videtur in ingressu; tanto lætior, tanto jucundior invenitur in progressu. In ingressu exigit meritum, in progressu rependit præmium. Etenim non solum in futuro vitam æternam possidebitis, sed et in præsentem centuplum accipietis, non solum in bonis spiritualibus, sed et in temporalibus, si cor non apposueritis. Ipsa siquidem bona temporalia, sunt, si non amantur, licita; si amantur, illicita. Sive autem amantur, sive non amantur, non multum expediunt, quia quadam sui dulcedine cor possidentis cito subvertunt. Quæ vobis dubitandi occasio? Pauca relinquetis cum sollicitudine, totum mundum assumetis in possessionem sine sollicitudine. *Omnia enim vestra sunt, sive mundus, sive vita, sive mors, sive præsentia, sive futura: omnia, inquam, vestra sunt.* Tamen vere subjungi potest, *Vos autem Christi, sicut Christus Dei*<sup>1</sup>: id est, si, sicut Christus in omnibus operibus suis Patrem suum glorificavit, ita et vos in omni actu vestro ejus gloriam quæsieritis.

8. Si enim Christus in operibus vestris apparuerit gloriosus, a quo vobis trepidandum est? Ipse utique solus est, in cujus manu sit salus, et condemnatio nostra. Si condemnat, benedictum sit nomen ejus, quia sic meruimus<sup>\*</sup>: si salvat, gloriosum sit nomen ejus, quia superabundavit misericordia judicio. Pater enim omne judicium dedit Filio. Quis tamen est qui con-

9. Non hæc scribo vobis, ut in peccatis securius delectemini: quia Altissimus, qui et ipse Jesus Christus, odio habet peccatores, et misertus est pœnitentibus. Si pœnitentia, imo quia pœnitentia est vobis necessaria, locus et tempus pœnitentiæ vobis non deest. Ecce enim tempus acceptabile, in quo etsi non eruo mar-

<sup>1</sup> I Cor. iiii, 22, 23. — <sup>2</sup> Thren. i, 12. — <sup>3</sup> II Cor. iv, 17, 18.

tyrum, labor tamen in Christo antiqui serpentis<sup>571</sup> astutiam triumphat, et dejecit fortitudinem. Locus autem apud nos idoneus et delectabilis, non ad gaudendum, sicut in sæculo, sed ad lugendum quod commissum est in sæculo: ubi quidem multum subtiliter et utiliter prædicatione seniorum, sed multo subtilius et utilius examinatione conversationis eorum, et in malo destruimur, et instruimur ad bonum. Deus autem totius misericordiae et consolationis faciat vos socios nostrae congregationis: ut sitis participes illius internae consolationis, quam in vobis quandoque sentire, sed a nobis nunquam potestis audire. Valete.

stis. Quapropter mittimus hos filios, quos lacte doctrinae ab incunabulis Religionis Christo nutritivimus: quatenus nos ipsos Celsitudini vestrae commendantes, piam voti intentionem ad debitam executionem perducant, illud condentes monasterium, in cujus duratione et integritate indelebile habebitis elogium regni vestri, et in divisione reddituum dividetur a vobis corona vestra\*. Servet vos, et illustrem Reginam consortem Servator cunctorum, et benedicat prolem vestram, ut videatis filios filiorum vestrorum, gaudentes in possessionibus vestris.

B .....

## EPISTOLA CDLVII.<sup>a</sup>

AD ALFONSUM REGEM PORTUGALLIE\*.

Rex, obtenta de Saracenis victoria, reus voti de condendo Cisterciensibus monasterio tenebatur. Itaque postulates e Clara-Valle monachos Bernardus mittit in Lusitaniam.

Christianissimo et pio ALFONSO regi Portugallo-  
rum, BERNARDUS, Clarae-Vallis vocatus abbas,  
modicum id quod est.

Benedictus Deus, et Pater Domini nostri Jesus Christi, Pater misericordiarum, et Deus totius consolationis, qui consolatus est vos in tribulatione vestra, dum abstulit opprobrium Saracenorum a cervicibus vestris. Ceciderunt muri Jericho, cecidit Babylon magna, destruxit Dominus munitiones inimicorum suorum, et extulit cornu populi sui: quod etiam antequam fieret, rescivimus revelante Spiritu, qui ubi vult spirat absque auditione vocis. Propter quod animas nostras affliximus, et tam parvitas mea, quam reliqui fratres mei coram Domino provoluti, decertantibus manibus vestris, robur et fortitudinem postulabamus\*, et ex eo quod iniquitates nostrae vestram non impediverunt felicitatem, summe letati sumus. Rescivimus etiam ingentem pietatem, qua commotus votum de aedificando cœnobio Altissimo devovi-

## EPISTOLA CDLVIII.<sup>b</sup>

AD JOANNEM CIRITAM<sup>c</sup>.

Cognito divinitus ejus zelo ac desiderio, mittit e Clara-Valle monachos ad fundandum in Lusitania monasterium.

Venerabili fratri, Deo dilecto, et in via sæculi hujus socio nostro, JOANNI CIRITE, BERNARDUS Clarae-Vallis vocatus abbas, salutem in salutis auctore.

Permittente Patre misericordiarum, et Deo totius consolationis\*, qui non sinit animas peccatorum peccatis damnari, scivimus de Fraternitate tua, quo pacto assiduis orationibus pro peccatorum venia pectus divinum pulsare non desinis: et quia vir desideriorum es, adimplevit Dominus desiderium tuum, dum nobis aperuit exaudiri deprecationes tuas\*. Et qui in eadem societate nos tibi sociavit, qui duobus discipulis euntibus Emmaus se socium præbuit; mittimus hos filiolos, quos lacte evangelicae doctrinae Domino nutritivimus, ut quocumque miseratio divina disposuerit, et cœleste aliquod micaverit signum, monasterium condatis: in quibus te ipsum signiferum et ducem cæterorum elegit, ut et principia agas, et actum ad exitum ducas, ductumque Deo, et ejus Præcursori offeras.

<sup>a</sup> Antea epistola 367.

<sup>b</sup> Antea epistola 368. — <sup>c</sup> Alias, *Zivitam*. Fuit is abbas et fundator monasteriorum Sancti-Joannis de Tarouca, Sancti-Christophori, et Sancti-Petri de Aquilis.

EPISTOLA CDLIX.<sup>a</sup>

BERNARDI AD ABBATEM SANCTI-BENEDICTI.

Domino abbati Sancti-Benedicti, frater BERNARDUS de Clara-Valle, sanctam accipere benedictionem.

Oportet ut ex instanti festinetis ad dominum Regem, et totam confusionem nostram, et quomodo proditi sumus, ei tanquam benigno domino nostro plenissime indicetis. Et quia gaudemus ex parte, quod negotium ejus in causa nobis fuit hujus anxietatis, pro eo siquidem quod domino Senonensi consulimus; de die statuenda, quod nobis bene ante promiserat, ita confudit, sic in nos vindicans Regis amorem. Petite et ab eo litteras efficacissimas super hoc negotio, ut dominus Papa omnimodis confirmet, quod fecerunt filii obedientes, duo scilicet episcopi: quia et sibi gratissimum, et Ecclesiae necessarium est. Nec noceat quod ita tertius se subtraxit, inobediens mandato apostolico, et regalium contemptor monitorum: qui si ad eum venerit, sentiat nostram injuriam, et injuriam singularem, Regi non placere. Salutate charissimum nostrum cancellarium, et rogate, ut tales super hoc litteras scribat, quæ et suum probent, et regium erga nos redolere inveniantur affectum, sicut præsumimus de utroque.

## EPISTOLA CDLX,

BERNARDI AD LUDOVICUM REGEM.

LUDOVICO excellentissimo regi Francorum, domino suo, BERNARDUS abbas Clare-Vallis, salutem.

Scitis, mi domine, qualiter et ego, et res meæ sub tutela vestra positæ sint. Unde de amicitia

<sup>372</sup> vestra confidens, hunc clericum J. latorem præsentium precario commendo: quatenus vestra Sublimitas, si opus sit, ipsum domino Papæ commendet, et querimoniam ipsius super pecunia episcopo nostro credita veram et justam esse me attestante credatis. Valete.

EPISTOLA CDLXI,<sup>b</sup>NICOLAI CLARE-VALLENSIS AD COMITEM ET BARONES BRITANNIE, IN PERSONA DOMINI CLARE-VALLENSIS, PRO NEGOTIO CRUCIS.<sup>c</sup>

1. Commota est et contremuit terra, quia Rex cæli perdidit terram suam, terram ubi steterunt pedes ejus: inimici crucis ejus unanimiter simul adversus eum testamentum disposuerunt, et qui oderunt eum extulerunt caput. Dixerunt in corde suo cognatio eorum simul: Hæreditate possideamus sanctuarium ejus. Officinas redemptionis nostræ evertere moluntur, et loca Christi sanguine dedicata profanare contendunt. Præcipue autem illud christianæ religionis insigne; sepulcrum, inquam, in quo sepultus est Dominus majestatis, ubi facies ejus sudario ligata est, omnibus nituntur evellere. Agitant manus suas super montem filiæ Sion: et nisi Dominus custodierit, prope est ut irruant in civitatem sanctam Jerusalem, in civitatem Dei viventis, super quam invocatum est nomen ejus. Populi christiani partim conjiciuntur in vincula, partim trucidantur sicut oves occisionis. Videt et dissimulat ille magnus providentiæ oculus, ut videat si est intelligens aut requirens Deum; si sit qui doleat vicem ejus, qui restituat hæreditatem suam sibi. Et cum omnia possit, cui subest omnia posse cum voluerit, vult tamen nomini christiano victoriam adscribere, et super tribulantes eos mittere manum suam.

2. Propterea instantissima postulatione domini Regis, apostolicoque præcepto in paschali solemnitate ad Verseliacum celeberrimum locum advenimus, ubi dominus Rex cum Principibus regni et populo multo ad diem festum convenerat. Expositus est autem lacrymabilis iste dolor in conspectu omnium, et recitatæ

<sup>a</sup> Hæc epistola cum sequente edita est apud Chesnium, tomo 4; sed neutra stilum Bernardi sapit.

<sup>b</sup> Scripta anno Christi 1146. — <sup>c</sup> Confer epistolam 363, ad ejus imitationem hæc scripta est.

sunt litteræ istæ domini Papæ, quarum exemplar universitati vestræ transmittimus. Emolli-  
vit autem corda eorum Spiritus sanctus : et statim Rex cum multa multitudine principum, et innumerabili populo, signo crucis Christi armatus est. Diffunditur autem benedictio ista per universam terram, et certatim evolant omnes ad suscipiendum signum salutis in frontibus et in humeris suis. Et quia terra vestra secunda est virorum fortium, et militari juventute referta; decet vos inter primos, et cum primis ad tam sanctum opus accedere, et armatos ascendere ad serviendum Deo viventi. Eia igitur, fortissimi milites, accingimini; et qui non habet gladium, emat eum. Nolite deserere solum Regem vestrum, Regem Francorum, imo Regem cælorum, pro quo ipse tantum viæ et laboris suscipit. Venit ad vos homo Dei dominus Carnotensis, qui plenius vos doceat quæ dicta et facta sunt, et ostendat largissimam veniam, quæ in litteris domini Papæ, super eos qui cruces susceperunt, continetur. Pro illo, qui pro vobis mori dignatus est, defendite loca mortis ejus et redemptionis nostræ, nequando dicant gentes, Ubi est Deus eorum? ut vos faciat victoriosos in terris, in cælis gloriosos, sponsus Ecclesiæ, filius Mariæ, Dominus Deus C noster.

## EPISTOLA CDLXII,<sup>a</sup>

EJUSDEM AD MANUELEM COMNENUM CONSTANTINOPOLITANUM IMPERATOREM, IN PERSONA DOMINI CLARÆ-VALLENSIS.

Ut filium comitis Theobaldi faciat novum militem<sup>b</sup>.

Sublimi et glorioso MANUELI, Constantinopolitano imperatori, frater BERNARDUS Claræ-Vallensis vocatus abbas, salutem et orationes.

1. Quod tantæ audeo scribere majestati, non insolentia temeritatis est, sed confidentia charitatis. Quis enim ego sum, aut quæ est domus patris mei in Israel, ut tanti nominis Imperatorem nostris litteris audeam prævenire? Pauper

enim sum ignobilisque persona, longo terrarum spatio et vastissimi maris interjectu remotus a præsentia vestræ Sublimitatis. Quid ergo tantæ sublimitati cum tanta humilitate, si non daret mihi fiduciam humilitas Christi, in qua, et de qua reges terræ et omnes populi, principes et judices gloriantur? Ad nos enim usque pervenit magnificentia et gloria nominis vestri, quæ longe lateque dilatata est super terram. Hujus rei gratia flecto genua mea ad Patrem spirituum, ex quo omnis paternitas in cælo et in terra nominatur, ut de regno illo ad regnum illius transferamini, cujus regnum, regnum est omnium sæculorum.

2. Nullis igitur meis meritis præcedentibus audeo mittere ad thronum gloriæ vestræ præsentium latorem\*, juvenem magnæ nobilitatis, ut eum sacramentis militaribus applicetis, et accingat ei ensem contra inimicos crucis Christi, qui adversus eum extulerunt caput. Et juveni quidem sublimium patebat aditus curiarum: sed altiori consilio mittimus ad illius imperii vestri gloriam singularem, ut memor sit omnibus diebus vitæ suæ, a quo militaris disciplinæ dignitatem susceperit. Nequaquam autem has ivissem in preces, nisi Christus esset in causa, pro quo tantum viæ pariter et laboris assumpsit. Quidquid illi, vel pro illo feceritis, mihi factum est.

3. De cætero, gloriosissime Imperator, nunc opus est ostendendi et extendendi abundantiam suavitatis vestræ. Commota est et contremuit terra, quia Rex cæli perdidit terram suam, terram ubi steterunt pedes ejus. Prope est enim ut irruant inimici Domini in civitatem suam, etiam in illud gloriosum sepulcrum, ubi virgineus flos Mariæ linteis et aromatibus conditus est, unde et resurrexit ille primus et maximus flos qui apparuit in terra nostra. Propterea ad præceptum domini Papæ, et ad qualemcumque exhortationem nostram Francorum Rex et innumerabilis multitudo principum, militum, populorum, transitura est per fines vestros ad civitatem Dei viventis. Vestrum erit eos honorifice suscipere, et agendum nunc pro loco quem tenetis, pro potestate quam accepistis, pro dignitate qua polletis, pro divitiis quibus abundatis; quod conveniat imperiali excellentiæ, honori personæ vestræ, et salutis animæ vestræ in æternum, et in sæculum sæculi. Inter quos et

<sup>a</sup> Scripta anno Christi 1146. — <sup>b</sup> Agitur de Henrico ad quem epist. 179. Quoad cætera, vide epist. 363.



ante quos filium comitis Theobaldi illustrissimi principis vobis sollicitius commendamus, non anquam unum de cæteris, sed præ cæteris num. Juvenis est, nobilis est, bonæ indolis est, et primitias suæ militiæ, non malitiæ sed justitiæ consecravit : filius etiam est hominis illius, qui propter veritatem et mansuetudinem et justitiam diligitur et honoratur inter principes terræ. Pro his omnibus vos participem facimus omnium beneficiorum quæ in domo vestra fiunt et fient, ut vos faciat victoriosum in terris, in cælis gloriosum, sponsus Ecclesiæ, filius Mariæ, Dominus Deus noster.

EPISTOLA CDLXIII,

IUSEDEM AD LUCANUM EPISCOPUM\*, IN PERSONA DOMINI CLARE-VALENSIS.

Incitativa ad fortitudinem.

Venerabili domino LUCANO episcopo, BERNARDUS, in luce vivere et in luce mori.

1. Positus estis in sublimi loco, et opus est sublimi animo, qui vos doceat : quia cathedra, quam accepistis, oneris est, non honoris; operis, non nominis; virtutum denique, non divitiarum. Sic enim ait illa cælestis fistula, de cuius et in cuius pectore verbum Domini personabat : *Si quis, inquit, episcopatum desiderat, primum opus desiderat*<sup>1</sup>. Opus, non dignitatem. Quia ergo manum vestram misistis ad foris, opus est vobis fortitudine : quia speculator domui Israel factus estis, opus est prudentia : opus est aurea temperantiæ mediocritate, quia apientibus et insipientibus debitor estis. Porro Dominum consummationem virtutum, justitia vestri os oportet, qua unicuique reddetur quod suum est, dicente Scriptura : *Sacerdotes tui induantur justitiam*<sup>2</sup>. Felix hæc quadriga, et auriga iustus beatus : qui in humilitatis temone præsiliens, virtutum rotas ad ductum et conductum proprius inclinat.

2. Humilitas virtutum magistra, singularis filia summi Regis, a summo cælo cum cælorum Domino descendens, in cælestibus animis æter-

nam posuit mansionem. « Sine humilitate per prudentiam eligere quod diligendum est, sicut sapiens ait, » erronea discretio est : adversa per fortitudinem superare, tacens victoria : illecebris per temperantiam resistere, temulenta sobrietas : operibus justitiæ insistere, palliata superbia. » Sola est humilitas quæ virtutes beatificat, et perennat : quæ vim facit regno cælorum, quæ Dominum majestatis humiliavit usque ad mortem, mortem autem crucis. Verbum enim Dei in sublimi constitutum, ut ad nos descenderet, prior humilitas invitavit; veritas, qua se promiserat venturum, compulit; puritas uterî virginalis suscepit : salva Virginis integritate, potentia eduxit, obedientia in omnibus deduxit, patientia animavit, charitas verbis et miraculis manifestavit. Hæc in corde pontificis alta radice radicari debet, atque fundari : qua cedente, omnis conventus virtutum vel opprimitur, vel succumbit. Factus sum insipiens, vos me coegistis. Non erat quidem meum docere episcopum : sed amicum admonere, et meum est, et omnium qui noverunt veritatem charitatis. Reliqua vobis communis filius illic plenius et planius viva voce referet. Neque enim litteris committendum, quod etsi quosdam docere, quibusdam tamen nocere potuisset.

EPISTOLA CDLXIV<sup>a</sup>

SEU S. BERNARDI CHARTA.

Compositio facta inter Hugonem episcopum, et Willelmum comitem Autissiodorensium.

1. In nomine sanctæ et individue Trinitatis. Ego Bernardus Clare-Vallis vocatus abbas. Cognita, quæ inter Hugonem episcopum Autissiodorensium et Willelmum comitem Nivernensem emergerat discordia pro quibusdam querelis, quæ inter eos agebantur, Autissiodorum veni, et pari amborum consensu et voluntate querelas illas ad concordiam redactas feci terminari hoc modo. In bosco, qui dicitur Brueria Episcopi, facient communiter Episcopus et Comes haïam, factamque communiter custodient : ita quod

<sup>1</sup> I Tim. III, 1. — <sup>2</sup> Psal. cxxxv. 9. <sup>a</sup> Scripta anno Christi 1145.

singuli singulos ministros ejus custodia depu-  
tabunt, et uterque ab ambobus fidelitatem ex-  
cipiet; critique in sacramento eorum, quod nul-  
lus homo sive animal in haia per occasionem  
capiatur. Forifacta haiae communiter percipien-  
tur: quae etiam forifacta hae ratione determi-  
nantur. Porcus, ovis, vaccae, cum lascivientes  
fugiant tauros, si in ea deprehensae fuerint, ni-  
hil emendabunt. Boves, vaccae, equi, asini, ca-  
prae et similia animalia, si sine custode in ea  
inventae fuerint, pro singulis singuli denarii per-  
solvantur. Si custos adfuerit, tres solidos pro se  
emendabit. Pro pecundibus nihil exigetur. Si  
homo ligna cadens in ea inventus fuerit, quin-  
decim solidis emendabit; incendium faciens,  
sexaginta. Itaque praedicta forifacta haiae nun-  
quam excedent praenominatas summas. Haia  
non extendetur in latum ultra quadraginta per-  
ticas arpennales. Si autem eandem haiam con-  
tingerit aliquando, seu vetustate, seu aliqua oc-  
casione, ad id devenire ut non sit; si eam simul  
ibidem reparare voluerint, licebit: quod si no-  
luerint, terra remanens, sive culta sit, sive in-  
cultae, ad dominium Episcopi revertetur. Omnia  
alia forifacta, quae extra haiam fient sine parte  
Comitis, Episcopi sunt.

2. Statutum est de clericis, ut omnino a po-  
testate Comitis liberi et immunes existant: ita  
quod nec aliquid juris vel dominationis in eos  
ex aliqua occasione Comes exercebit, nec rebus  
eorum, ubicunque sint, manum aliquo modo  
mittere sibi, vel alieni ministrorum suorum li-  
cebit. Quod si in aperto latrocinii forifacto cle-  
ricus fuerit deprehensus, absque omni clericalis  
Ordinis injuria seu indignitate, Episcopo vel  
ejus ministris reddetur: ac deinceps, siquidem  
contra ipsum a Comite vel ejus ministris aut ho-  
minibus expostulabitur; Episcopus eis, quan-  
tum jus et ratio dictaverit, de eodem faciet  
satis.

3. Teloneum civitatis et suburbiorum ejus,  
quia Episcopo et Comiti commune esse constat,  
si aliquod forifactum inde commissum fuerit,  
Episcopus capitale suum per se recipiet, cum  
eius lege qua quisque vivit: et Comes pro fori-  
facto, sexaginta solidos. Si telonearius Comi-  
tis, seu aliquis clientum, primus ceperit eum,  
aut capitale Episcopi abstulit, capitale suum  
cum ea lege Episcopo reddere faciet: et si per  
eum incuriam cum eodem capitali evaserit, ipse  
pro illo Episcopo, de capitali et lege responde-  
bit.

4. Servientes Episcopi, et quotquot erunt de  
familia ejus, nunquam justitiabunt se per Co-  
mitem. Omnia forifacta claustrorum, videlicet  
claustrum Sancti-Stephani, et claustrum Sanctae-  
Mariae, et claustrum Sancti-Eusebii, et Sancti-Pe-  
tri, et Sancti-Amatoris, et ea quae claustris con-  
tinentur, juris episcopalis sunt, nec aliquam in  
eis exercere poterit Comes potestatem, nec pro  
aliquo forifacto cujuslibet hominis res, quae in  
claustris sunt, in suam transferet potestatem. Si  
aliquis laicus deprehensus fuerit in claustris in  
latrocinio, cum una quaecumque veste sua pro  
justitia facienda Comiti reddetur. Extra clau-  
stra autem quicumque laici latrones deprehensi  
fuerint, et ipsi et res eorum Comitis sunt, ex-  
ceptis illis rebus, quae in claustris nominatis  
continentur, quae proprie ad episcopum perti-  
nent.

5. De terris censualibus manifestum est,  
quod nunquam licet Comiti vel homini suo  
eas, quae de fundo sunt Episcopi, acquirere,  
nisi per Episcopum, nec etiam aliquam deci-  
mam. Bannum Comitis observabunt tribus die-  
bus omnes, tam clerici, quam laici, qui in  
claustris morantur: quibus transactis, libere  
vendent. Si Episcopus vinum aut annonam  
comparaverit, nihil gellagii, vel alterius consue-  
tudinis ab eo exigetur. Episcopus servientes  
et homines Comitis, tam per se, quam ecclesia-  
sticos ministros, pro christianitate submonebit,  
et justificabunt se per eum.

6. Domus Comitis et munitiones castrorum,  
quae ipse dignoscitur tenere ab Episcopo, scilicet  
Castri-Novae, Sancti-Salvatoris, Conadae,  
Maillici, tradentur Episcopo ad ejus benepla-  
citurum: ita tamen quod eo discedente, Comiti  
vel ministerialibus ejus cum integritate resti-  
tuantur. In bosco Comitis Episcopus accipiet  
necessaria sibi et ecclesiae Sancti-Stephani.

7. Dictum est et concessum de canonicis San-  
cti-Stephani, quod in bosco de Thul usuarium  
suum plenarie habebunt. Cognitum est et a Co-  
mite concessum, quod non licet ei Autissiodori  
aliquam mutationem vel innovationem facere  
absque licentia Episcopi, de cujus feodo reco-  
gnoscit se tenere quidquid habet Autissiodori et  
in circuitu ejus, praeter hoc quod continetur in-  
fra muros urbis extra claustrum, quod tenet  
de domino Rege; et praeter feudum Ducis ultra  
pontem.

8. Comes res Episcopi custodire debet ut  
suas proprias. Si aliquis de potestate ejus ali-

quid de rebus Episcopi aut hominum suorum ceperit, Comes reddi faciet, aut de suo recompensabit. Ad molendinos Episcopi de Regio-Anne tale debet esse bochellum, quod quidem navibus ascendentibus et descendentibus pervium sit. De illis qui pisces vendunt, Comes habet quatuor creditorios, in quibus Episcopus nihil accipit. Si ad alios telonearius Episcopi primus advenit et primus bargainaverit, tantum accipiet, quantum curia Episcopi necesse habebit. Et idem telonearius Comitibus faciet: si pariter venerint, pariter accipient quod invenerint. Similiter in aliis victualibus facient. Creditariam habet Episcopus in omnibus victualibus quadraginta diebus exinde: donec reddiderit, ab eis, quibus debetur, nihil ei credendum.

9. Statutum est de mercatoribus qui vendunt in domibus suis, quod a quindecim in quindecim dies, vel a mense in mensem, teloneario Episcopi ventas reddent, si quæsitæ ab eis fuerint. In nundinis libertatis kalendarum maiarum, telonei et ventarum duæ sunt partes Episcopi, tertia Comitibus. Illique qui hos redditus recipiunt, fidelitatem Episcopo et Comiti facient.

10. Episcopus in vineis suis propriis, et in censualibus, si illi voluerint quorum sunt vineæ, custodiam ponet: si noluerint, non cogentur. Comes faciet similiter in Brucia tota, cujuscumque fundus sit aut possessio, Episcopi et Comitibus venatio communis est, et forifacta ad venationem pertinentia. Actum Autissiodori anno ab incarnatione Domini MCLV, episcopatus Eugenii papæ III primo. Huic rei interfuerunt abbates, Stephanus Regniacensis, Guido de Charo-Locho, Balduinus de Castellione, Gaufridus de Rupibus: Raynaudus archidiaconus, Gaufridus cantor, Hugo decanus Meldensis: Andreas de Baldement, Landricus, Bernardus, Hugo de Castro-Censurii, Hugo de Tociaco, presbyteri: Gaufridus cellarius, magister Anselmus, Guido de Bichiaco, Stephanus de Sancto-Germano, canonici: Milites, Guillelmus filius supra scripti Comitibus, Hugo de Tilio, Humbertus de Sancto-Germano, Signinus de Tornella, Odo de Tociaco, Humbaudus Tortus: Servientes, Robertus prepositus Comitibus, Humbaudus pistor, Erucius prepositus Episcopi, Olannus cellarius, et alii quamplures, hinc et inde\*.

## EPISTOLA CDLXV,<sup>a</sup>

GAUFRIDI EPISCOPI CARNOTENSIS AD STEPHANUM  
EPISCOPUM PARISIENSEM.

De pace inter ipsum et Stephanum de Garlanda.

De reformanda pace inter vos et Stephanum de Garlanda, dudum vobis, ipso petente, locuti fuimus. Nunc autem, quoniam audivimus, quod omissis quibusdam quæ adversum vos videbatur habere, pacem vestram desideramus. Sanctitatis vestræ discretionem consulimus: quæ ex cordis affectu diligimus, et cui consulerem nisi quod honori vestro serviet non possumus. consulimus, inquam, et petimus, ut diem competentem et terminum constituatis, in quo juxta considerationem rationis, pacem cum reformatis, quam offert vobis ad cognitionem et examinationem amicorum vestrorum, videlicet abbatis de Clara-Valle. Non enim deus Paternitatem vestram oblatam pacem respiciet, quam etiam non oblatam modis omnibus provocare debetis. Nam juxta Domini Salvatoris exemplum, ovem errantem debetis requirere, et ad pacis ovile vestris etiam humeris reportare. Si cum omnibus hominibus, sicut dicit Apostolus, pacem debemus habere; quanto magis cum hiis, de quibus nos oportet Dominum respondere? Unde, quod absit, si prædicti vobis satisfactionem ex amicorum sententia non recipitis, certum est quod et apud Deum offensam incurritis, et amicis vestris ruborem incutitis. Valete.

## EPISTOLA CDLXVI,<sup>b</sup>

B. AD S. BERNARDUM<sup>c</sup>.

De indisciplinato monacho agit.

Dilectissimo Patri BERNARDO, Dei gratia Clare

<sup>a</sup> Scripta circa annum 1126. — <sup>b</sup> Epistola nova. — <sup>c</sup> Haud dubie Bernardi, qui abbas fuit ad Sanctum-Anastasium prope Romam, de qua in fine epistolæ. Eiusdem sunt epistolæ 343 et 344.

Vallensis abbati, frater B. sicut ablactatus<sup>577</sup> mihi in altera parte capituli facie ad faciem super matrem suam, terram fluentem lac et A plurima intorsisset verba præcipationis; respondi breviter: Si quis vult contentiosus esse, nos talem consuetudinem non habemus, nec Ecclesia Dei. Et sic evasi manus ejus. Indignatus graviter (quoniam et me novitum, et se inveteratum in Ordine prædicabat) de claustrum exsilivit; et egressus portam monasterii, recessit solus: quippe quem non amor propagandi Ordinis, sed, sicut ipse impudenter abbati confessus est, ad contemplationem sui Roma pertraxerat. Videat Deus, et judicet: quoniam, quantum in ipso fuit, fetere fecit Ordinem nostrum, coram abbate, et coram servis ejus.

1. Injurias meas deereveram operire silentio, nisi quia dignum duxi, veritate mendacium prævenire. Quoties, et quam proterve frater R. intus et extra monasterium mecum contenderit, quot et quanta scandala sciens et prudens coram pusillo grege posuerit, quam erecta cervice, et extento collo regulari disciplinæ et consuetudinibus se opposuerit; testis est ille qui laborem et dolorem considerat; testis est tota congregatio fratrum, in quorum auribus et oculis effusa est contentio ejus; testis est et sua ipsius conscientia, etiamsi aliud lingua loquatur. Gratias ago Deo meo, quoniam, quantum ad injuriam meam pertinet, si aliqua fuit, ab ipso fuit patientia mea. Audivi multa verba, quæ non licet monacho loqui; et factus sum sicut homo non audiens, et non habens in ore suo redargutiones. Rogabam hominem multis precibus et secreto, et publice, et solus, et cum aliis; ut parceret et sibi, et nobis: ut conscientie suæ miseretur, pariter et famæ nostræ in terra aliena, ne tam nova plantatio aliquo turbine commoveretur. Arguebam, obsecra- C bam, increpabam, miscens terroribus blandimenta, ne poneret nos subsannationem, et derisum his qui in circuitu nostro sunt. Vulneribus semivivi nostri vinum pariter infudi et oleum; sed insanabilis fuit dolor.

2. Cum jam pene omnia correptionis argumenta consumpta essent, nec vulnus veniret ad cicatricem; timui ne scabies et putredo unius membri reliquas partes corporis occuparet. Sed quia verebar opera mea, diu superse- di, metuens ne ille, qui in angelum lucis transfiguraverat se, ad injuriarum ultionem mearum, sub zelo justitiæ et amore Ordinis me provocaret. Invocato ergo in auxilium Domino, ne me pateretur declinare ad dexteram vel ad sinistram; homini superbo et contumaci indixi, ne psalmum vel antiphonam impo- neret, donec emendasset illud, quod adversus filios matris suæ ponebat scandalum. In omnibus his non est aversus furor ejus, sed manus ejus extenta. Nam qui prius nolebat cantare rogatus, prohibitus cantabat: antiphonas imposuit, et locutus est mutus, et admiratæ sunt turbæ. In crastino suspendi hominem a mensa. Cumque ascendisset ex adverso, et oppositus

## EPISTOLA CDLXVII,

HUGONIS METELLI AD S. BERNARDUM.

In qua ejus laudes fuse prosequitur.

Reverendo et in Christo benedicto patri BERNARDO abbati Claræ-Vallis, clarissimæ lampadi, HUGO METELLUS, quondam nugigerulus, nunc crucis Christi bajulus, introire in sanctuarium sacræ Scripturæ, et fragmenta illius ne pereant colligere, et a frigido lapide interiorem excutere.

1. Oleum effusum nomen tuum, fragrans more contritorum aromatatum. Fama nominis clarissimi tui, longe lateque diffusa, usque ad fines terræ pertransiit, suavissimoque suo odore mare et aridam recreavit, plurimosque ad locum unde spirat pertraxit, quia tracti per odorem, ex ipso aromate gustaverunt salutiferum saporem; et quos sapor stygius infecerat, imo fetor Acherontis defecerat et delominaverat, gustu nectareo reformati sunt. Oleum effusum vita tua. Vita tua clarissima lampas est, quæ lucendo ardet, et ardendo lucet. Ardet sibi, lucet alteri. Vita tua lampas est, quæ non tantum vicinat, sed etiam illuminat remota. Conversatio enim tua sparso lumine rutilans, non inclusa, sed exclusa; non confusa, sed modeste effusa, exemplo bono tenebras illuminat, lucem ministrat, montes humiliat, irradiat, valles implet et illustrat. Tu es etiam carbo ardens, qui carbones extinctos accendis

de vicino bonæ conversationis tuæ sufflatorio.<sup>379</sup> Totus enim vitæ tuæ cursus exemplo bene vendi plurimos informat, deformia reformat, ex-integrata redintegrat, excrustata consolidat, et non in tenebris, sed in conspectu solis, odorem suavitatis dans, aromatizat.

2. Oleum effusum verbum tuum. Talentum tibi creditum, talentum, inquam, loquendi et persuadendi, non includis, sed mensura excludis. Verba tua igne charitatis vaporantur, et nectare mansuetudinis dulcorantur. Lingua tua calamus est scribæ velociter scribentis. Lingua tua, lingua venefici sapienter incantantis. Lingua nova, nova, inquam, lingua loqueris, dum mysteria sacra insonas, dum laudes Conditoris personas. Sub lingua tua nova et vetera, corpus et umbra. Sub lingua tua gratia et lex, non legis examinata fæx. Sub lingua tua lac et mel, non dolus, non fel. Lingua favus est distillans mel. Non aerem incassum verberas, non inutilia tractas. Non digito loqueris, non pede strepis: omnia cum mansuetudine componis. In peculio enim tuo lupo accubat cum agno, pardus cum hædo, et puer parvulus minat eos. Oleum effusum verbum tuum. Lex clementiæ in verbo tuo est. Dum prædicas misericordiam, lapsis indulgentiam, desolatis solatium, desperatis spem et consilium, effundis oleum. Dum agonistas in palæstra Dei desudantes, nimioque labori succumbentes, eloquio mellito recreas, fonte lacteo potas, sermone dulci ungis, oleum fundis. Verbum tuum stillicidium est, in quo lætatur germinans. Torrens inebrians est, germina multiplicans. Dum examine discretionis honestum ab inhonesto, utile ab inutili segregas, oleum in torculari ab amurca cliquas, paleam in ventilabro a grano separas. Dum spiritualem sensum in littera scrutaris, oleum prelo rationis a theca, qua latebat, elicis. Oleum aqua mixtum supereminet: et spiritualis sensus, quem inquiris, litterali supereminet. Oleum vino mixtum superiorem petit locum; et misericordia, quam prædicas, superexaltat iudicium, etc.

3. Dum lego scripta tua, ipsa voce sua mihi loquuntur, ipsa salutaria monita prosequuntur: sed non mihi obsecundant, non me satiant. Ipse loquaris, ipse osculooris tui me osculeris. Revelata facie te volo videre, non per speculum in ænigmate. Ipse me osculeris, non ore tuo, jungendo labia labiis, quia indignus sum, sed osculo; non osculo scriptorum tuorum, non

prædicantium de te bonum: sed osculo oris tui, id est mellito eloquio procedente ex ore tuo jucundo. Loquendo enim et exhortando trahes me post te: trahes, inquam, non invitum, sed spontaneum. Spontaneum, quia etsi difficile sit ire post te; si Caucasus et Parnassus Alpesque sint inter me et te: tamen odor boni trahit me post te. Tractus curram in odore unguentorum tuorum, ut per odorem perveniam ad saporrem. Introduces enim me in cellaria tua, ubi sunt diversi generis fercula, et diversis speciebus condita pocula: quibus saginatus, quibus debriatus, introducar in æterni Regis cubiculum, ubi gaudeam in sempiternum. Dixi, curram post te, sed non ad te: quia nondum deliberavi apud me, angelicum habitum candidorum Nazareorum pro alio habitu mutare. Bonum est mihi sic esse, etc. Quæ superius dixi, pater venerande, ad te, et de te, et propter te, dixi specialiter: jam calamus laxo, et alios tecum ad audiendum ea quæ dicam invito: in quibus errata mea reprehendo, et miseriam mundi deploro, precumque tuarum levamen appello, etc.

## EPISTOLA CDLXVIII,

EJUSDEM HUGONIS METELLI AD S. BERNARDUM.

Se suosque ab accusatione purgare conatur.

BERNARDO Claræ-Vallis abbati serenissimo, et in Christo benedicto, HUGO METELLUS, quondam domesticus Aristotelis, nunc servus Christi, ascendere de Jericho in Jerusalem.

1. Pinguescunt speciosa deserti, et Clara-Vallis abundat frumento, quo pascitur pardus cum agno, leo cum vitulo: a quibus regnum cælorum vim patitur, a quibus Domino Deo abominationes Ægyptiorum immolantur: ubi bestię fiunt homines, et in hominis natura fiunt conversationes angelicæ. Adjiciat Claræ-Valli larga Dei dextera pluribus pluriora, et de clara faciat clariorem, de clariori clarissimam. Felix conventus, felix concentus, ubi non flat aquilo ventus terras exurens, sed pluvius auster areolas aromatum nutriens.

2. Mittimus vobis, pater venerande, abbatem

nostrum ad videndum, ad colloquendum, ad ædificandum. Videre enim faciem vestram angelicam jucundum est, colloqui jucundius est, ædificari jucundissimum est. Mittimus vobis hominem innocentem, plenum melle, sine felle; plus enim habet mellis quam fells, plus amoris quam horroris; simpliciter prudentem et prudenter simplicem; turturem cum castitate, et columbam cum simplicitate.

3. Relatum est nobis, pater reverende, relatum esse vobis, quod claustrum quod claudit nos, paucos vel nullos clauderet religiosos. Si relator vester retulit, nullos, falsi prolocutor fuit: si paucos retulit, verum dicit, et mecum sentit. Nos enim pauci sumus. Si vero non ita intellexit, sed de numero paucorum paucos separat, et ad sinistram collocat, non est mirabile, etsi sit miserabile. Ut enim quæ fiunt in præsentiarum taceamus, et priora tempora ad memoriam reducamus, arca beati Noe munda et immunda animalia in sinu suo collocavit. Domus patriarchæ bonum unum, et alterum reprobum habuit. Ad ultimum, schola Christi undecim sanæ mentis collegit, unumque phreneticum inter alios sustinuit; aliosque discipulos habuit, quorum nomina secundum præsentem iustitiam in libro vitæ dixit esse scripta, quæ ab eodem libro secundum Dei præscientiam erant abrasa. Claustrum etiam cœli superbia ascendit, de quo cum dedecore corruit. Si, inquam, relator vester improbus paucos reprobos de numero proborum segregat, videat ille, provideat ille, quo oculo dicat. Quod si caligat, lippientem oculum tergat, et collyrio inungat, ut clarius videat, nec in malis alterius ita acuta perspiciat, ut aquila vel epidaurius serpens; sua vero lippis et inunctis oculis intuens. Non est tutum in ambiguis offendere Deum aut proximum, et judicare alterius servum. Scio enim qui dicit: *Tu quis es, qui judicas alienum servum? suo domino stat, aut cadit*<sup>1</sup>. Noli itaque, pater, noli omni spiritui credere, nec claudat oculum tuum lingua adulantium et lippientium, nec impinguet caput tuum peccatoris oleum. Quærent namque gratiam tuam et gloriam suam super aliorum excogitatum offensam. Credo ego te, pater, habere gratiam spirituum, et effundere in terram venditoris oleum. Hi tales cursores, alienarum

cogitationum sunt dispunctores, verborum et syllabarum venatores. Hi tales figuram oculorum tenent, qui alios vident, se non vident. Quia vero in humana natura una perfectio est, cognoscere se imperfectum (si enim dixerimus quod peccatum non habemus, nos ipsos seducimus, et veritas non est in nobis<sup>2</sup>); optimus ille est, qui urgetur minimis<sup>3</sup>. Memini quemdam prudentem dixisse, et dictum memorabile scripturæ mandasse: « Non ego, » inquit, « offendar paucis maculis, ubi plura » nitent in egregio corpore<sup>4</sup>. »

4. Scio, pater, scio, charitate movente, Apostolo præeunte<sup>5</sup>, velle te omnes homines similes tui esse. Sed labor difficilis est te assequi, difficilior te consequi. Quemadmodum enim acies exterioris hominis reverberatur intuendo sphæram solis, sic ad intuitum tuarum virtutum obstupescit acies interioris hominis. Condescendat itaque satur famelicus, sanus infirmo, perfectus imperfecto; et oret ut famelicus satiatur, et infirmus firmetur, imperfectusque perficiatur. Omnipotens autem Deus, qui te fecit cum non esses, et perfecit cum imperfectus esses; omnipotens, inquam, non est factus impotens, nec brachium ejus abbreviatum est, nec misericordia ejus attenuata est.

## EPISTOLA CDLXIX,

EJUSDEM HUGONIS METELLI, IN PERSONA ABBATIS  
SUI AD GUILIELMUM ABBATEM.

Excusat, quod ad Herberti sui calumnias aliquanto durius respondeat.

GUILIELMO venerabili et in Christo dilecto abbati, SIEBAUDUS humilis abbas Sancti-Leonis, de leone rugiente, et ovile Christi circumeunte feliciter triumphare.

1. Epistolam nostram devota et dextera manu suscipite, et quidquid in ea exaratum est perlegite. Nihil salis est ibi, amaritudinis nihil; quod contristet spiritum vestrum nihil. Pacificus est ad vos ingressus noster: ramum olivæ, non arma fert sermo noster. Irritati re-

<sup>1</sup> Rom. xiv, 4.    <sup>2</sup> 1 Joan. 1, 8. — <sup>3</sup> Horat. Satirarum libro 1, sat. 3, vers. 68, 69. — <sup>4</sup> Id. de Arte poetica, vers. 351, 352.    <sup>5</sup> 1 Cor. vii, 7.

lationibus quorundam asperis, adversum fratrem nostrum Herbertum commoti sumus, quod A aspera et irrita promulgasset de nobis; et commoti scripsimus in eum aspera pro asperioribus. Homines siquidem sumus. Nulli etenim injuriæ suæ videntur parvæ: multi etiam eas gravius æquo acceperunt. Præter ea longe plus irritavit nos Dei nostri injuria quam nostra, ejus pactum irritum fecit: quamvis et Dei sit nostra, et nostra Dei. Quia vero irritati, et zelo Dei intrinsecus tacti, aspera verba in fratrem nostrum respersimus; non sine ratione, nec sine auctoritate divinæ paginæ hoc fecimus. Paulus Corinthios, nuper a se conversos, duris B et ignominiosis verbis contristavit, contristatos emendavit<sup>1</sup>. Galatas fascinosos pleno ore pronuntiavit<sup>2</sup>: quos si mitius appellasset, non emendasset, etc.

2. Frater autem Herbertus, si tamen frater; non, ut eum decuit, in litteris suis me post se fluxum misisse, qui eum absorberet, descripsit: ut taceam quod me despectivè, suppresso nomine abbatis, hominem vocavit. Sagittarium etiam me in eodem scripto appellavit, et arcu extento manum meam armavit: quod æquidem juxta metaphoram tolerabile esset, si sagittas toxicatas me mittere non adjunxisset. C Par pari retulit, injuriam suam injuria nostra vindicavit. Certum autem sit Charitati vestræ, pater bone, me paterno affectu defectum fratris nostri plangere, resurrectionemque ejus expanso sinu, manibus expansis expectare. Exspecto enim si quo modo respiciat, si quo modo id cor redeat. Sicut in initio chartulæ meæ prædictavi, ita dictante in fratrem Herbertum aspera verba effudi, et tam fratrem, quam vos in fratre exasperavi. Sed quia ira viri justitiam Dei non operatur, non accendi omnem iram meam, sed temperavi, imo exstinxî eam, etc.

Catalaunensis Ecclesiæ humilis archidiaconus, ante Deum et homines incedere sine querela.

Domine, ecce quem amas, graviter infirmatur. Quartanarius enim est. Rogo ergo te, pater, ut quia magnis æstuo febribus, magnis me sanctorum, qui tecum sunt, juvare digneris orationibus. Scio enim, scienter scio, quia si pronus adoraveris in terram, et tetigeris Dominum Jesum eo quo soles valido orationis tactu, exhibet virtus de eo ad sanandum, et flabit spiritus ejus, et liquefaciet omnem ægritudinem meam. Bene valeat Sanctitas vestra in Domino, domine mi, et amantissime pater. Utinam merear consolationem et rescriptum de manibus vestris, et de pane refectionis vestræ cum benedictione Dei et vestra accipere.

## EPISTOLA CDLXXI,

EJUSDEM AD EUMDEM.

Domino patri ac digne venerando B. Dei gratia Claræ-Vallensi abbati, H. eadem gratia id quod est, optimam partem in sorte sanctorum.

Accepta occasione de postulandis Sermonibus vestris in Cantico canticorum, scribere ad vos, reverende pater, compulsus sum: quod quidem sine causa facere non præsumpsissem. Quæ enim licentia juveni et indocto mihi, ut aures doctissimi senis sollicitem, quem erudit Dominus Jesus in doctrina sua, sicut erudit homo filium suum? Et quis sum ego, ut videntem interrogem, cujus oculi in capite ejus? maxime cum puer sim, et nesciam loqui, pusillus inter fratres meos, et novella plantatio in juventute mea. Absit, domine mi, absit a moribus et disciplina adolescentiæ meæ, ut audeam vobis sine causa loqui, nedum quod habeam ad vos litterata colloquia. Verum, ut prædixi, postulandi Sermones vestros nunc se ingressit occasio, quos sæpe per nuntios requirens, opportune institui et importune; nunc quoque litteris improbiorebus insto. Certe si essem aliquis, nonne merito indigne tulissem,

## EPISTOLA CDLXX,

HAIMONIS ARCHIDIACONI CATALAUNENSIS AD BERNARDUM \*.

Reverendo patri ac Domino B. venerabili Dei gratia Claræ-Vallensi abbati, H. eadem gratia

<sup>1</sup> I et II Cor. — <sup>2</sup> Galat. III, 1.

quod liber iste vester voluitur per ora sinus<sup>582</sup> que omnium; me vero solum elabatur? Quare A hoc, domine mi? Forsitan indignum me iudicastis. Ad quod ego: Si indignum me esse sciebatis et insufficientem ad intelligendum, quare promittebatis? si autem probum ac studiosum, quare differtis? Obsecro, domine, ne differatis ultra promissum. Nuntiate et mihi rumores optimos, quos aliis sparsistis de eis spiritualibus nuptiis, quibus sæpe vos paranympheus interfuistis. Frangite panem verbi, apponite favum mellis, quem distillaverunt manus vestrae: ut habeam in his diebus jejunii, unde reficiar. Bene valeat Sanctitas vestra, domine mi pater, B divinarum et humanarum rerum maxime arbiter, magister chisticolarum, curus Ecclesiae et auriga ejus.

## EPISTOLA CDLXXII,<sup>a</sup>

G. AD S. BERNARDUM.

Ad excusandum Ambianensem episcopum ab expeditione transmarina.

Dulcissimo patri et domino B. Dei gratia Clarae-Vallensium abbati, frater G. quod patri filius.

Quaedam perlata sunt ad aures domini nostri Ambianensis episcopi \*, quae admodum teruerunt eum. Homo humilis est, et de se minima sentit: sed quod non credit humilitas, crebri rumores adduxerunt in dubium. Rex, ut dictum est ei, vult eum habere socium peregrinationis suae, et super hoc habere dicitur assensum domini Papae. Magna dignitas satisque jucunda, si non impossibilitas reclamaret. D Pauper et infirmus est, ita ut nec corpus labori, nec pecunia sufficiat necessitati. Quantum etiam necessarius sit ad reprimendos raptos et protegendos pauperes Christi, qui in diocesi sua sunt, norunt ipsi, novimus ipsi, qui rem didicimus. Cogimur itaque charitatis affectu vestram humiliter interpellare pietatem, ut eum, si fieri potest, super hoc faciatis excusatum, consulens communi ecclesiarum utilitati, gravi-que compatiens qua vexatur infirmitati. Valete.

<sup>a</sup> Scripta anno Christi 1148. — <sup>b</sup> Scripta circa annum 1152. — <sup>c</sup> Scripta anno Christi 1152.

## EPISTOLA CDLXXIII,<sup>b</sup>

SAMSONIS ARCHIEPISCOPI REMENSIS AD SANCTUM BERNARDUM.

De conditione monasterii Morensis, diocesis Lingonensis.

SAMSON Dei gratia Remorum archiepiscopus, charissimo ac praecordiali amico suo BERNARDO, Clarae-Vallensium monasterii venerabili abbati, salutem, et in sanctae religionis proposito beatam perseverantiam.

Sanctitatis vestrae petitionibus debita sollicitudine annuentes, apud abbatem et canonicos Beati Dionysii multum diuque laboravimus, ut ecclesiam, quae est apud Moras, nobis donarent cum omnibus appendiciis suis, ad faciendam ibidem abbatiam Ordinis Clarae-Vallensium: quod quidem vix impetrare potuimus. Ceterum Domino propitiante tandem ipsam ecclesiam cum omnibus appendiciis suis nobis donaverunt, ea conditione videlicet, ut ibidem abbatia Clarae-Vallensium Ordinis fieret. Nos itaque ecclesiam illam cum omnibus appendiciis, vobis, et sanctae congregationi Clarae-Vallensi concedimus et donamus, ita videlicet, ut ibidem abbatiam Clarae-Vallensium Ordinis absque longioris morae obstaculo faciatis. Valeat Sanctitas vestra in Domino, et pro nobis, et pro ecclesiis nobis commissis jugiter Dominum oret.

## EPISTOLA CDLXXIV,<sup>c</sup>

HENRICI EPISCOPI TRECENSIS AD S. BERNARDUM DE BULENCURIE ABBATIA.

Venerabili et reverendissimo patri BERNARDO Clarae-Vallensi abbati, ejusque successoribus regulariter substituendis, ego HENRICUS Trecentis episcopus, in perpetuum salutem.

1. Si monasteriis et ecclesiis in episcopatu



nostro constitutis curam et vigilantiam ut in melius proliciant adhibemus: ab illo cui cura est de omnibus, speramus auxilium, et præmii expectamus. In episcopatu nostro quædam ecclesia canonicorum erat, Bulencuria nomine, abbatem habens, canonicos, et conversos, et mulieres; qui omnes voverant propositum sanctitatis: ubi cum penitus disciplina defecisset, regnaret insolentia, honestas deperisset; vocatus ab illius loci habitatoribus, qui jam se ipsos per semetipsos sustinere non poterant, adveni. Ibi ab illius loci abbate, et ab omnibus tam canonicis, quam conversis et mulieribus, cum multis precibus rogatus sum, ut ecclesiam ipsam et omnes possessiones ejus, quæ jam per se stare non poterant, Deo et Ordini Cisterciensi, specialiter autem venerabili patri et domui Claræ-Vallis emendam et possidendam juxta consuetudinem Cisterciensis Ordinis in sempiternum concederem. Abbas autem prædicti loci in manu nostra abbatiam dimisit, et ad opus Claræ-Vallense redidit.

2. Videns ergo quia omnipotens Deus tua sollicitudine, sapientia, et religione pene totum illuminaverat et correxerat mundum, ipsam ecclesiam Cisterciensi Ordini, tuæ Paternitati, et Claræ-Vallensi domui cum omnibus possessionibus suis in perpetuum dono: in quibus hæc sunt quæ nominibus propriis duximus adnotanda: Terram abbatiae adjacentem, grangiam de Frigido-Fonte, Pertam in Rosteria, Pertam-Haymonis, Pertam-Siccam, Domni-Peruchum, Bruliam cum omnibus appendiciis et pertinentiis ipsarum grangiarum, et omnia quæ prædicta ecclesia in dominio possidebat. Ne autem hoc aliqua temporum vetustate, vel alicujus hominis perversitate aut mutaretur, aut penitus deperiret; sigilli nostri munimine confirmavimus. Actum est hoc anno ab incarnatione Domini MCLII, regnante Ludovico Juniore rege Francorum.

## EPISTOLA CDLXXV,<sup>a</sup>

HUGONIS EPISCOPI OSTIENSIS<sup>b</sup> AD CAPITULUM CISTERCIENSE.

De morte Eugenii III papæ.

Amantissimis in Christo patribus, GOSVINO Cisterciensi, BERNARDO Claræ-Vallis abbatibus, totique capitulo Cisterciensi ad honorem Dei congregato, HUGO Dei gratia Ostiensis episcopus, unitatem spiritus in vinculo pacis.

Sicut sacra docet auctoritas, omnis caro fenam, et omnis gloria ejus quasi flos feni<sup>1</sup>. Breves dies hominis sunt: transit homo velut umbra, nunquam permanet in eodem statu. Deficit ut fumus, cadit ut folium quod a vento rapitur<sup>2</sup>. Decus Ecclesiæ, pater justitiæ, amator religionis et patronus, qui superbiorum et sublimium colla propria virtute calcaverat, qui super solium David et super regnum ejus sedebat, ut Ecclesiam sibi commissam, quam ad sublimem statum reducerat, confirmaret et corroboraret; pater, inquam, noster ac defensor, felicitis memoriæ papa Eugenius, trabea carnis exutus, octavo idus julii carne immaculatus migravit ad Christum. Exivit Christo obviam in aera, et sic semper cum Domino crit; Agnum secuturus quocumque ierit. Cujus exsequiæ præter spem omnium, jam fere enim senatum adnihilaverat, præter morem consuetum, ita per biduum sunt a clero et populo celebratæ, ut jam crederetis regnantem in cælis, qui mortuus ita colebatur in terris. O quantus erat luctus omnium! quanta præcipue lamenta pupillorum et viduarum! jam diceretis esse cum Deo, qui ita lamentabatur a populo. Procul dubio ereptus est de laqueo venantium: contritus est laqueus, et ipse liberatus est: raptus, ut credimus nos qui ejus conscientiam novimus, usque ad tertium cælum, non relinquens nos orphanos, ut quidam autumant. Rogabit enim Deum Patrem et

<sup>1</sup> Isai. xl, 6. — <sup>2</sup> Job xiv, 5. 2: xiii, 9: xiii, 20.

<sup>a</sup> Scripta anno Christi 1153. — <sup>b</sup> Is olim monachus Claræ-Vallensis, ad quem Bernardi epistolæ 287, 290, etc.

Unigenitum cum Spiritu sancto qui est Deus<sup>564</sup> benedictus in sæcula, cum quo est, pro nobis. Vos autem, de quorum collegio ipse est electus, ut sederet super principes, et solium gloriæ teneret; orate pro eo, constituite perpetua beneficia, ut Deus sibi indulgeat, et corona gloriæ sibi augeat. Pro bonæ memoriæ fratre nostro similiter orate: pro nobis vero qui in hac valle miseriæ, in hac regione dissimilitudinis, et in medio pravæ nationis remansimus, et pro Ecclesia Romana, quæ ex tam alto gradu tam brevi spatio usque in profundum abyssi inferni cecidit, nihilominus rogamus oretis, ne demergatur in profundum hujus magni maris, in quo sunt reptilia, quorum non est numerus. Præterea rogamus obnixè, quatenus, si parvitas nostra quidquam in oculis vestris potest, petitiones quas latores præsentium pro domo Sancti-Anastasi, et pro domo Fossæ-Novæ, et pro domo de Casa-Marri vobis facient, benigne et efficaciter exaudiat. Alioquin sciatis quod inde magnum sentitur scandalum.

## EPISTOLA CDLXXVI.<sup>a</sup>

BARTHOLOMEI, EX EPISCOPO MONACHI, AD SAMSONEM ARCHIEPISCOPUM RENENSEM.

Reddit rationem suæ administrationis.

Venerabili, semperque amabili domino SAMSONI Remorum archiepiscopo, et sub ejus præsentia congregato sancto conventui, frater BARTHOLOMEUS in Fusciniaco pauper monachus, misericordiam et veritatem diligentibus.

1. Verecundiæ meæ silentium imperat hujus sancti conventus solemnitatis: sed frontem aperit, et stimulat ad loquendum in palam imminens famæ meæ periculum. Neque enim dissimulare possum quod multorum vulgavit opinio, quod etiam ad aures domini Papæ volavit. Episcopales redditus me detraxisse rumor est, cui rumori plus justo credit Laudunensis episcopus. Meum ergo est super eis fateri quod verum est: intueri autem quod justum est, et tueri, vestrum erit.

2. Laudunensis sedes tristis et morrens erat, cum illuc primum ingressus sum, utpote attrita seditionibus, et ignibus concremata. Ipsæ quoque res majoris ecclesiæ afflictæ erant, et tenues redditus. Si illi porrexì manum ut resurgeret; novit Deus, noverunt et Ecclesiæ filii. Veruntamen nihil eis contuli, quod ad redditus pertinet episcopi, præter porcos, quos vulgo nostrates verres vocant, quos mensæ episcopali personæ solvebant ecclesiæ. Hos, inquam, ad præbendam canonicorum concessi, quoniam illos nec sine pudore exigere, nec habere sine molestia poteram. Præterea quinque duntaxat abbatias in nostra diocesi reperi\*, rebus pariter ac religione dilapsas. In his, Domino Deo multiplicante misericordiam suam, et numero, et merito crevit sanctorum numerus, et possessio est dilatata. Novem insuper novæ religionis monasteria passim in eadem diocesi sunt fundata\*. Horum in personis numerus numerum pene excedit; horum religio religionis est specimen: horum tam multa possessio est, tam multis abunde sufficiens.

3. Si manum beneficii me porrexisset negavero, antiquis ecclesiis ut resurgerent, novellis ut consurgerent; mentiar. Profui sane fere ecclesiis omnibus: sed nec quantum volui, nec quantum debui. Sane Calixtus papa dominum Norbertum, cujus memoria in benedictione est, fidei nostræ commisit, ut ei locum traderem, ejusque votis assisterem. Terram igitur ad episcopum pertinentem illi contuli, quæ vix tamen sufficeret duobus aratris. Hujus pars Versiniaco est posita; pars apud Cuisy, quæ tamen multis jam ab annis inculta et sterilis jacebat. De his itaque quæ ad episcopales pertinebant redditus, nihil amplius me recolo detraxisse. Vestro tamen favore ac consensu quidam ecclesiis contulerunt terras, quas a nobis habebant in beneficio: censum tamen terrarum et vinagia nulli penitus condonavi.

4. De cætero quid illi sedi accessit commodi aut honoris, nolo humanum procedat judicium. Si quid vero ut homo deliqui, in conspectu hominum confundi non refugio. Causam itaque nostram vobis, tanquam iudicibus allegare, tanquam testibus intinmare volui: in quibus calumniatorem non timeo verum dicens. Liceat tamen mihi aliud audere apud vos, liceat aliud quid humanum loqui. Nihilne sedi nostræ tituli

\* Scripta circa annum 1154.

lorum accessit et gloriæ, cum tot et tantas parturivit ecclesias, cum tot multiplicaverit regulares personas? Cur ergo, ut audio, dominus Laudunensis sine testibus bellum parat? cur tentat quod forte ei promovere non liceat? Si filios Dei congregavi, si suscepi justum in nomine justum; nemo mihi succenseat: videat alius ne congregata disperdat. Conservet vos omnipotens Pater ad honorem sui nominis, et per vos Ecclesiæ suæ religionem et sanctitatem corroboret.

## EPISTOLA CDLXXVII,<sup>a</sup>

TURSTINI ARCHIEPISCOPI EBORACENSIS AD WILLELMUM CANTUARIENSEM PONTIFICEM \*.

Reverendissimo, et in christiana charitate domino WILLELMO, Dei gratia Cantuariensi archiepiscopo, apostolicæ Sedis legato, TURSTINUS eadem gratia archiepiscopus Eboracensis, in Christo proficere, et nunquam deficere exoptat.

1. Ecclesiasticæ dignitatis summus honor est cum filiis et optimatibus Ecclesiarum inter difficillimos eventus summa communicare consilia. Unde Paternitati vestræ rem insolitam, quæ inter nos Eboraci nuper contigit, indicare decrevimus, domine venerabilis et egregie pater. Siquidem notum satis ac certum est multis, quanta bonitate ac fama enituit virtutis in auribus omnium insigne cœnobium Sanctæ-Mariæ Eboracensis. Infra paucos namque annos et rebus plurimum excrevit, et numero et religione fratrum laudabiliter abundavit. Verum quia cum opibus virtutes minus vigere, minus consistere haud dubium est; aliqui ex fratribus ejusdem cœnobii ante dimidium ferme annum, divino, ni fallor, instinctu permoti, cœperunt de modo ac statu conversationis suæ vehementer agitari, et remordente conscientia, sicut ipsi testantur, multis angoribus æstuarè. Nempe illi se pene metuebant, si tantum votum exsecutio digna minime sequeretur. Unde inæstinabili horrore dicti fratres Eboracenses percussi sunt, eo quod professionis suæ votum in nullis,

vel saltem minimis in rebus, adimplere viderentur; metuentes sane ne in vacuum currebant aut cucurrissent, si voti reos tantæ inobedientiæ penalis ultio non reprobareret. Facinus namque, vel potius insaniam videri credebant, se portare Regulam beati Benedicti, non ad profectum salutis, sed ad judicium mortis. His igitur permoti prædicti fratres, Priori suo, Richardo nomine, mentis suæ difficiles æstus innotescere studuerunt, prætendentesque de transgressione formidinem, ex voti correctione patrocinium supplicabant: ac ne prosperitatis alienius respectu vel adversitatis timeret auxi-

liari, per Spiritum Dei, et Christi nomen adjurabant. Expavit ipse de novitate rei: ac licet inter suos dulcis fortunæ summa facultate vigeret; audito tamen rumore melioris vitæ, perpendit velut intentione censoria dubios casus labentis fortunæ. Interimque brevi, ut res erat, internæ virtutis usus consilio, inter hoc et illud illico discrevit decrevitque. Pollicetur non modo auxilium, verum etiam ejusdem voti fore se socium. Quid multa? paulo post numerus eorum ad tredecim pene convaluit, qui de corrigendo statu vitæ suæ juxta Regulam beati Benedicti, imo veritatem Evangelii, contendere proponebant.

2. In vigiliis igitur apostolorum Petri et Pauli dilectus frater noster Richardus Prior, in quo tota pene monasterii cura pendebat, sumpto secum Subpriori suo Gervasio, inter suos concenobitales nominato ac religioso, rem, uti agitabatur, domino abbati suo familiariter exponere curavit. Itaque dominus abbas, vir utique pro sensu et ingenio suo honestus ac bonus, nimis autem simplex et illitteratus, novi rumoris miraculum exhorruit: antiquos ritus et solitas consuetudines, quas pene toto orbe generalis multitudo obtinuit, posse se in locello suo mutare negavit. At vero dominus Prior, utpote bene litteratus: « Nil rude, » inquit, « o pater, aut novum inducere contendimus. » Veram et antiquam religionem beati patris nostri Benedicti, imo etiam antiquissimum Evangelium Christi, quod omnes religiones et regulas antecedit, assumere et totis viribus cum gratia observare debemus. Cæterorum monachorum nullos detrahimus, institutionibus eorum non invidemus. Scimus quod in omni loco uni Domino servitur, uni Regi mi-

\* Scripta anno Christi 1132.

» litatur<sup>1</sup>; et in foro, et in claustrum gratia Dei<sup>2</sup>  
 » eadem valet. Job etiam fortior exstitit in ster-  
 » quilinio, quam Adam in paradiso. Denique  
 » quidquid beatus Benedictus instituit, ita to-  
 » tum Spiritus sancti providentia destinatum  
 » est, ut nihil utilius, nihil sanctius, nihil feli-  
 » cius excogitari posset. Cumque sciret ac præ-  
 » dicaret, quod socordia inimica sit animæ,  
 » certa quidem tempora ordinavit lectionis et  
 » orationis instantiæ, certa quoque tempora  
 » labori et industriæ: quatenus in altero salu-  
 » briter exerceret animam, in altero carnem,  
 » in utroque vero tolleretur fastidium. Hæc quo-  
 » que superadducit: Scurilitates, aut verba  
 » otiosa, et risum moventia, æterna clausura  
 » in omnibus locis damnamus, et ad tale elo-  
 » quium discipulam aperire os non permitti-  
 » mus<sup>3</sup>. Et alibi quoque ait: Omni tempore  
 » silentio debent studere monachi, maxime ta-  
 » men nocturnis horis<sup>4</sup>. Hoc decretum quam  
 » diligenter observatum, neminem latet qui  
 » nostras consuetudines nosse potuit. Euntibus  
 » namque aliis ad ecclesiam post collationem,  
 » alii recedunt vicissim ad nugas et inutiles  
 » garrulasque confabulationes. Quasi non suffi-  
 » ciat dici malitia sua, nisi et superaddatur no-  
 » cti et sua.»

3. Multa addidit præterea de ciborum inso-  
 lentia, de dulci et solenni vicissitudine pota-  
 tionum, de pretiosa subtilitate pannorum. «Non  
 » ita sapuit, non ita docuit beatus pater noster  
 » Benedictus. Ab eo quippe non color vestium,  
 » sed calor attenditur: non sapor pulmentario-  
 » rum exquiritur, sed parcitate ciborum neces-  
 » sitas fallitur. Non agnoscit suos beatus Bene-  
 » dictus, nisi sub Regula et abbate in cœnobiis  
 » degentes. Porro si libet, o pater venerabilis,  
 » recurramus ad evangelicam puritatem, ad  
 » evangelicam perfectionem et pacem: et in-  
 » tueamur, quam nihilum vel parum reluceat  
 » in moribus vel actibus nostris quod docuit  
 » Christus. Concupiscimus omnia, irascimur,  
 » rixamur: rapimus aliena, repetimus nostra  
 » cum lite, fraudes et mendacia defensamus,  
 » carnem et affectum ejus sequimur. Nobis vivi-  
 » mus, nobis placemus; vicini formidamus,  
 » vixisse gloriamur; cæteros opprimimus, op-  
 » primi devitamur; cæteris invidemus, de no-  
 » stris profectibus gloriamur, et jocamur, et ex  
 » alienis sudoribus impinguamur, et totus mun-

» dus non sufficit malitiæ nostræ. Etsi videatur  
 » Evangelium emortuum et impossibile in nobis,  
 » intueamur monachos Saviniacenses et Claræ-  
 » Vallenses, qui nuper venerunt ad nos, quam  
 » clare reluxit Evangelium in illis, ut, si dici  
 » fas est, utilius sit eos imitari, quam Evange-  
 » lium recitare: cum vero videtur sancta con-  
 » versatio eorum, quasi reviviscere judicatur  
 » Evangelium in illis. Soli sua non repetunt;  
 » soli nihil possident, unde se proximis ante-  
 » ferre contendunt. Soli sunt qui proximorum  
 » damnum non appetunt. Modica cultura terræ  
 » et usu pecorum contenti sunt: ea vero non  
 » habere appetunt, nisi quamdiu Deus vult;  
 » quia cum vult Deus ea auferri, non licita  
 » appeterent. Eis, ni fallor, competit dicere:  
 » Nobis mundus crucifixus est, et nos mundo<sup>4</sup>.  
 » Eis competit dicere, *Dimitte nobis debita no-*  
 » *stra, sicut et nos dimittimus debitoribus no-*  
 » *stris*<sup>5</sup>: qui debitorem neminem habent, in  
 » quo quidquam exigere velint. Felix hominum  
 » genus, quorum habitus, victus, totusque mo-  
 » dus conversationis eorundem sapit Evange-  
 » lium. Illorum portio solus est Deus. Illi plene,  
 » quantum humanæ facultatis est, charitatem  
 » Dei et proximi implere dignoscuntur: quia  
 » soli Deo cœherentes, temporalia cuncta præ-  
 » ter modicum et contemptibilem habitum ita  
 » plene deseruerunt, ut nihil concupiscant,  
 » unde proximus sibi dignetur irasci. Non igi-  
 » tur, o pater, unquam impossibile videatur te-  
 » nere Regulam beati Benedicti: quandoqui-  
 » dem talia Deus nobis ministravit exemplaria,  
 » qui sanctis virtutibus præcesserunt nos, ut  
 » sequamur illos. Si vero propter viciniam et  
 » strepitum populorum non omnino valeamus  
 » sequi eorum puritatem; saltem modum vitæ  
 » et professionis juxta regulam nostram adver-  
 » tamus, propterea quod non monachi, sed  
 » mortui sumus.»

4. In hunc modum locutus est dominus Prior  
 Richardus cum domino Galfrido abbate suo de  
 correctione monasterii sui: quæ verba domi-  
 nus abbas non satis jucunde accepit; quia diffi-  
 cile est diuturnos usus amovere. Verumtamen  
 cum se fateretur minus perspicacem et illittera-  
 tum, rogavit uti scripto plenius innotesceret,  
 qualiter in loco suo talia actitari potuissent:  
 quod libenter amplectens, non segniori studio  
 susceptum implevit imperium. Scripsit igitur,

<sup>1</sup> Reg. S. Benedicti, cap. 61. — <sup>2</sup> Ibid. cap. 6. — <sup>3</sup> Ibid. cap. 42. — <sup>4</sup> Galat. vi, 14. — <sup>5</sup> Matth. vi, 12.

ut non aliis colloctionibus, nec pannis, nec cibariis uterentur, quam Regula permittere videretur: situmque et ordinem monasterii tam diligenter expressit, ut vix melius in eremo, quam in urbe Regula teneri putaretur. Possessiones vero, sicut in rebus sæcularibus edoctus, ita fideliter ordinavit, quatenus ut in illis evangelicam justitiam vix in illo excessisse crederetur. De redditibus siquidem ecclesiarum vel decimarum, de quarum investitura monachi magis reprehensibiles haberi solent, omnia suscipi et fieri legitima et canonica consideratione episcoporum, et non nisi in usus pauperum, peregrinorum, hospitumque debere expendi: at vero ex legitima cultura terræ et usu pecorum monachos victitare decrevit. Quæ cum omnia cepissent inter alios rumore notari, furor subitus multitudinis cæterorum in tantam prorupit invidiam, ut tali homini familiaribusque suis nil præter exsilium deputarent, vel districtam custodiam.

5. Tamen post multas et amicas altercationes hinc inde habitas, dominus abbas difficiliter se posse mutare referebat, quod antecessores sui tenuisse videbantur: et volens super hac re bonis uti consiliis, plenam responsionem usque post Nativitatem beatæ Mariæ protelavit.

6. Interea cæteri fratres frustra metuentes se plus solito regulari districtione coarctari, cæperunt in invidiam Prioris cæterorumque Pharisæico pene more grassari: et, nisi quorundam benignitate intercessisset dilatio, intestinæ persecutionis modum impetus excessisset. Interea rumor seditionis internæ inter exteriores turbas volitabat. Audiebamus sane strepitum vulgi; rei tamen ipsa veritas latebat: cum ecce Richardus Prior, conjunctis secum Subpriori et secretario monasterii sui, totam rem, uti erat, nobis indicare curavit. Postulabant quidem clementiam beati Petri à nostram, quatenus ad observandum quod voverant, benignam opem non negare deferre: jamjamque necessitatem imminere proclamabant, præsertim quia jam conspiraverant fratres, ut si quis eorum de professione sua quidquam mussitaret, extra communionem fieret. De sociis etiam Prioris, vel timore, vel amore, vel vanitate conterritis, jam ibant retro, non aliter pace restituta, nisi culpam fatendo, quod de servanda professione sua quidquam murrurassent.

7. Ego igitur Turstinus, Dei gratia Eboracensis archiepiscopus, audiens Christi servos juxta

præceptum beati Benedicti nil amoris Christi velle præponere; verebar in iis Christi gratiam offendere, si justæ petitioni eorum non curarem episcopali pietate subvenire: quippe cujus officii summa est, et de monachorum religiosa quiete providere, et oppressis in necessitate condolare. Ac proinde religiosarum personarum usus consilio, dominum Galfridum abbatem et Richardum Priorem cum Subpriori suo ad opportuniorem locum evocavi: quatenus religiosi personis et fratrum petitionem, et abbatis responsionem in bona pace consummarem. Ipsi nihil aliud, quam, ut prius, cum multis lacrymis expetebant, uti pauperem Christum in voluntaria paupertate sequerentur, et Christi crucem in corpore suo portarent; itemque evangelicam pacem Regulamque beati patris Benedicti plene observare non impedirentur. Ad hæc sane domini abbatis licentiam opemque paternam flagitabant. At vero dominus abbas eorum operam longe fore necessariam sibi lacrymose fatebatur, promittens, quod eorum votum, quia sanctum erat, non impediret; opem vero quam expetebant, nesciente capitulo suo promittere nullam auderet.

8. Itaque dominus abbas cum monachis suis revertitur domum, data interim pace ac die constituta, qua in capitulum eorum advenirem, ac religiosis adventantibus personis rem cum abbate pertractarem. Interea reliqui fratres in eorum invidiam insurgere tanto crudelius enitebantur, quanto ipsi votum suum explere manifestius appetebant. Advocantur interim fratres Majoris-Monasterii, et Cluniacenses monachi, qui in vicinia nostra demorantur: quatenus eis præsentibus et acclamantibus, eos, velut communis Ordinis desertores et violatores, ab omni dignitate et cura monasterii sui reprobarent. Post abbatem namque in eorum manus summa monasterii cura fuerat delegata. Sed hæc interim. Ego autem die statuta summo mane ad capitulum monachorum venire paravi: et jam ostii limen pene calcaveram, venientibus una viris sapientibus ac religiosis, quorum nomina sunt hæc: Hugo decanus, Willelmus Prior clericorum regularium de Cisbarne, Willelmus thesaurarius, Hugo archidiaconus, Serlo canonicus, Aufredus capellanus meus et canonicus, Robertus sacerdos de hospitali. Foris intra portam remanserunt equi nostri cum paucis hominibus.

9. Denique introcuntibus nobis, ut dictum

est, ostium capituli, occurrit nobis dominus<sup>589</sup> abbas in ipso ostio cum monachis, quibus A capitulum plenissimum erat : et nisi partem clericorum, qui mecum veniebant, amoverem, intrare prohibuit. Vix ergo respondere potui, quod cum clericis meis, qui viri boni et sapientes, et eorum amici erant, ad tantum negotium intrare non deberem, cum ecce totum capitulum tanto strepitu, tanto horrore personuit, ut magis seditiosus ebriorum et debacchantium hominum fremitus, quam monachorum humilitas, quæ ibi nulla erat, videretur. Insurgunt plurimi, et exsertis brachiis velut ad luctandum advolabant : clamabant se exituros, si ego intrarem. Tum ego : « Testis, » inquam, « mihi sit Deus, quod sicut pater ad- » veniebam, nec quidquam mali vobis inferre » putaram; pacem tantum inter vos cupiens et » christianam fraternitatem. Jam vero quia mihi » quod episcopalis auctoritatis et officii est au- » ferre conamini, et ego quod vestræ necessita- » tis est itidem vobis tollo. Cesset igitur ecclesia » vestra. » Tum unus eorum, nomine Simeon : « Malumus, » inquit, « centum annis ecclesiam » nostram cessare. » Cui omnes assentientes, voce phrenetica : « Capite! » inquirunt, « ca- » pite! » Apprehendentesque Priorem sociosque ejus, jam trahere incipiebant, volentes eos, sicut inter se consilium fuerat, aut in carcerem impingere, aut in exilium agere. Ipsi vero, aliam, qua manus eorum evaderent, spem non habentes, me totis ulnis complectuntur, pacem beati Petri et nostram expetentes. Et ita vix in ecclesiam reversi sumus, illis usque in ecclesiam frementibus, et proclamantibus : « Capite rebelles! apprehendite proditores! » Assedimus itaque in ecclesia, et abbas cum reliquis monachis suis revertitur in capitulum suum.

10. Interea homines abbatiae, foribus clausis D et ostiis aditus, adstare, velut in insidiis excubare. Tum nos (ut vera fatear) monachorum impetus metuentes, ostium ecclesiae, per quod itur in claustrum, intus obserandum curavimus. Interea rumor evolat, occurrit populus. Nil tamen foris aut dictum, aut actum est mali. Cum ergo inter monachos nulla concordia fieri potuisset, domum revertimus, adducentes nobiscum prædictos numero duodecim presbyteros, et subdiaconum unum: e quibus plures bene lit-

terati, omnes plenam observationem Regulæ, ac professionis suæ, et Evangelii pariter expetentes. Itaque in domo beati Petri et nostra hospitantur, nulla violentiæ adversitate a proposito deterrendi. Fratres autem abbatiae nihilominus in eorum ordine debacchantur : abbas nescio quid acturus iter arripuit.

11. Quocirca Paternitatem vestram per Christum obsecramus, eorum partem, qui ad severiora et aretiora transire cupiunt, auctoritate vestra defensare velitis. Si vero abbas eorum ad vos venerit, pro vestra a Deo data auctoritate et sapientia, in pacem illum reducat, et ne filiorum sanctum propositum impediat, admoneatis. Quod si prævenit, et recessit; rogamus, ut per præsentem nuntium litteras illi exhortatorias dirigatis, ne pertinaciter adversetur illis, imo potius opem conferat et opportunitatem, qui Christi Evangelio et Regulæ beati Benedicti in veritate cupiunt obedire. Debet saltem abbas et monachi sui in hac re Ægyptios et Babylonios imitari, qui filios Israel in terram promissionis permiserunt utiliter repedare. Laban quoque Jacob, ob ejus obstinationem clanculum fugientem, post crudelem persecutionem ad patrem redire permisit. Neque vero desertores, sed provisos censendi sunt, qui locum, ubi peccandi libertas major est, relinquentes, tutius Deo famulari desiderant. Nempe Christus ipse detertere eos debet, qui Phariseos redarguit, eo quod nec ipsi intrent, nec alios intrare sinant. Notum siquidem omnibus est, quod Regula beati Benedicti, toto pene et communi, ut ita dicam, orbe monachorum, modum suum in omnibus prorsus amisit et statum. Adeo ut nemo satis mirari potest, quod quis audeat coram Deo et Sanctis ejus promittere cum tanta solemnitate, quod ipse vel quotidie negligit, sive, ut verius dicam, compellitur non observare. Cadit profecto in eos quod ait propheta, *Populus hic labiis me honorat, cor autem eorum longe est a me*<sup>1</sup> : ut Apostolus ait, *Voce confitentur se noscere Deum, factis autem negant*<sup>2</sup>.

12. Verum fortassis quia multi ita faciunt, frequens usus confert audaciam. Verum, quod dolens enuntio, fallitur, plane fallitur audacia monachorum : quia multitudo peccantium non facit impunitatem scelerum. Unde non impedendi, sed protegendi sunt qui regulam professionis suæ cupiunt observare; neque repre-

<sup>1</sup> Isai. xxiv, 13. — <sup>2</sup> Tit. i, 16.

tendendi qui idcirco festinant locum mutare.<sup>590</sup> perse-  
 ceque enim Deus ex loco, sed locus eligitur ex A lestiam aliquam pateretur. Luce vero clarius  
 Deo. Beatus quoque Benedictus liquido conte- est, quantum in eorum excellentissima conver-  
 statur, quod in omni loco uni Domino Deo ser- satione totius Evangelii veritas elucescit. Prolixo  
 titur, uni Regi militatur<sup>1</sup>. In Collationibus Pa- et pene fastidioso sermone usi sumus : quia sta-  
 rum Joseph eremita sufficienter edisserit, quod tus monachorum cæterorum, qui fortassis hand  
 ille fidem suæ professionis rectius servat, qui se placebit, iudicio sane designandus esse videba-  
 id eum locum contulerit, quo dominica fidei tur, ne, secus quam contigit, æmulorum di-  
 præcepta plenius adimplere potuerit<sup>2</sup>. Et qui- vulgaretur iudicio. Valeat in Christo Sanctitas  
 lam : « Juvat nos sanctam opportunitatem ap- vestra.

petere, qui adiutor est in importunitatibus, in  
 tribulatione. » Illi vero, ni fallor, Pharisei  
 vel hæretici iudicandi sunt, qui nec timent,  
 nec alios timere sinunt quod Veritas ait : *Nisi B*  
*abundaverit iustitia vestra plus quam Scribarum*  
*aut Phariseorum, non intrabitis in regnum cæ-*  
*lorum*. Si enim angelus de celo evangelizaverit  
 diter quam evangelizatum est, anathema sit.  
 Aliter enim evangelizat quam Christus evange-  
 izavit, qui angelicam pacem et regulam suæ  
 professionis observare cupientes impedire fe-  
 stinat. Quicumque vero ille sit, refellendus sum-  
 nopere est, cum Veritas dicat : *Si oculus tuus*  
*læter scandalizat te, erue eum, et projice abs*  
*te*<sup>3</sup>. Nil quippe molestius læditur, vel cautius  
 observatur in corpore, quam oculus : attamen  
 eum impedit, spiritualiter est erucendus. Hoc C  
 est enim prudentem esse sicut serpentem, cap-  
 ut totum, id est mentem, subducere ab omni  
 fallacia, quæ lædit animam.

13. Verumtamen propter scandalum infir-  
 morum, qui minus sapiunt veritatem, rogamus  
 Sanctitatem vestram, et omnes qui audire volue-  
 rint hanc petitionem nostram, quatenus inter  
 abbatem Eboracensem et sæpe dictos fratres stu-  
 deatis restituere pacem. Postremo meminisse  
 debemus, quod Molismensium monachorum si-  
 milis egressus Cisterciensis vitæ perfectissimam  
 normam, quam tota pene miratur Ecclesia, in  
 primis instituit ac fundavit, quorum puritatis D  
 ingenium venerabilis memoriæ dominus Hugo  
 Lugdunensis archiepiscopus christiana pietate  
 laudavit, sanctæ Regulæ renovationem et pro-  
 batissimam integritatem fideliter adoptavit. At-  
 que demum cum ad apostolicam notitiam æmu-  
 lorum querimonia perveniret, domino Urbano  
 papa secundo præsidente, mandatum decretale  
 porrigitur, quatenus solo abbate reportato ad  
 regimen abbatiae suæ qui pariter exierat, nemo  
 cæterorum, qui in plena observatione Regulæ

## EPISTOLA CDLXXVIII,

FASTREDI ABBATIS CLARÆ-VALLENSIS TERTIO AD  
 QUEMDAM ORDINIS SUI ABBATEM.

FASTREDUS indignus servus et abbas monacho-  
 rum Claræ-Vallensium, N. abbati salutem in  
 Jesu Christo, et spiritum majoris evangelicæ  
 paupertatis.

1. Relatu ejus, qui tam animæ vestræ com-  
 patitur, quam vos corporis appetitibus, notum  
 nobis est, quod vos tam Regulæ vestræ, quam  
 exempli in monachorum vestrorum oculis ex-  
 hibendi obliti, in hospitum domo mensam in-  
 struitis, desideriis vestris indulgentes, hospiti-  
 bus deficientibus : et in vestitu et lectis magis  
 divitem epulonem, quam pauperem Lazarum  
 imitamini, non recordantes pœnam, quam Deus  
 hujus vitæ felicitatibus innixis minatur. Profe-  
 cto, fili et frater, parum refert hoc habitu ve-  
 stiri, ut inferno quis demergatur. Alio enim  
 quocumque liberior patet via, et latior, qua  
 ambulare potes. Quandoquidem vero Deus ad  
 hunc te vocavit, in hoc incumbere, ne meritum  
 perdas. Nunquam enim intra claustrum aut mo-  
 nasterium decuit is habitus; quosque soles eo  
 vestire, ea non sunt qualitate, quam nobis sta-  
 tuta nostra præscribunt. Cum enim monachi  
 etymon sit solitudo et tristitia, quomodo solita-  
 rio convenire possunt vestimenta sumptuosa,  
 et mundi pompam redolentia? Et quomodo  
 tristi quadrant lætitiæ et exultationis vestigia?  
 Sufficit, fili mi, monacho, quod sancto apo-  
 stolo Paulo supererat, scilicet comedere quod  
 naturam et vitam sustentare poterat, et vesti-

<sup>1</sup> Reg. cap. 61. — <sup>2</sup> Cassianus, collat. 17. — <sup>3</sup> Matth. v. 20, 29.

mentum, quod corpus tegeret. Qui enim plus<sup>291</sup> A  
petit, potius Pharisæus hypocrita nobis dicitur, qui vestitu honorem venatur, quam paupertatis evangelicæ discipulus et imitator.

2. Non hæc vita est, quam me et te docuit pater et prædecessor noster Bernardus felix recordationis; nec modus, quem nostri sacri Ordinis abbates et monachi sequuntur, qui nos pane ex avena confecto, et herbis sine oleo et abdomine coctis enutrierunt, et fabis pisisque, ipso etiam Paschatis festo die: quæ austeritas, vel similis in omnibus Ordinis domibus observatur. Et tu, quasi hujus Ordinis non fores, cibos tibi procurras delicatos et lautos, ut gulæ facias B  
satis? Si abbas, et tuorum regula et exemplum es, qui audes carnes lautas, pisces recentes, diversimode paratos, et panem extra monasterium a mulieribus coctum comedere? Non sine pudore dico, quod tamen dicendum, quod multi sunt in via Dei, subditi suo abbate, navigantes nauclero, milites duce perfectiones: quodque tuo in monasterio multi reperiantur, qui eo tempore, quo tu horas noctis cœnis opiparis et superfluis transigis, ipsi orationi vacant, et ad expiandas culpas et earum remissionem disciplinas sumunt. Quam procul abes, pater et frater mi, a socii nostri perfectione, qui ipso novitiatus anno obiit, quemque abstinentiæ rigor ad finem usque comitatus est! Magna enim nausea captus, et ovi cocti desiderio affectus, indicare noluit (ne voluntatis et appetitus negati merito excideret) nisi ultimo vitæ puncto, dumque jam animam ageret, abbate prius promittente, illum ad hoc desiderium explendum non adactum iri.

3. Abbas ergo in religione, homo ad ejus exemplum statuite, ubi est tuum meritum tali novitio comparandum? Si Christus prædicaturus jejunat; si Elias, ut curru igneo levaretur, jejunat; si Ninivæ excidium suum jejunio D  
redimunt; si Esther jejunio populum servat, et Assueri indignationem sedat; si sanctus Joannes Baptista totam vitam jejunio transigit ad viam Evangelio sternendam, et si hæc via sancti incesserunt: quam tu tibi viam ad cœlum sternis, tam diversam viam ingrediens? Gula primorum parentum nostrorum periit innocentia. Ebrius Noe pudenda detexit, et Loth incestum commisit. Postquam comedit, surrexit populus, et adoravit vitulum. Amon in convi-

vio occisus est, ibique Holofernes se neglexit. A  
Comedens Balthasar mortis suæ prænuntiam vidit scripturam. Et in convivio denique, præternaturalis illius Miraculi, quo majus inter mulierum natos non surrexit, caput ostentatum est.

4. Quandoquidem ergo tot male perierunt, quomodo bene tibi potest succedere? In tui excusationem affers stomachi et capitis dolores, quodque communes cibi tibi officiant. Tota erras via, si credas monachum sæcularium medicinas sequi posse<sup>a</sup>. Ad monasterium enim venimus, ut corpori incommoditates, et non commoda et voluptates quæramus. Si sancto Paulo fortitudinem addebat infirmitas, quare domo medium tantorum bonorum et causam exturbare niteris? Crede mihi, pater mi, sæpius sanctum Bernardum pultes ex farina confectas, addito oleo et melle, cum scrupulo edentem vidi ad stomachum calefaciendum. Dumque eum de hac austeritate accusarem, mihi respondit: « Fili mi, si monachi obligacionem nosses, omnis buccella, quam edis, » lacrymis irriganda foret. In hoc enim monasterium intramus, ut peccata nostra et populi » deploremus; et panem, quem suis laboribus C  
» pararunt, comedentes, horum peccata comedimus, ut ea tanquam propria lugeamus. » Addebatque præterea: « Nec sufficit monacho » infirmitatem allegare. Sancti enim patres, » majores nostri, valles humidas et declives » monasteriis exstruendis indagabant, ut sæpe » infirmi monachi, et mortem ante oculos habentes, securi non viverent. » Si ergo sancti ægritudinis media inquirunt, quare tu illa indagas, ut laute habearis? et si ipsi medium hoc tantorum bonorum causa nobis accersunt, qua dispensatione tu monasterii bona, infirmitatis excusatione in corporis tui commoditates insumis et prodigis? Major est, frater mi, animæ, quam corporis tui infirmitas. Si enim illa esset in Dei gratia, non tam debile esset corpus, nec adeo terrenis deliciis amicum. Emenda ergo et curiosos habitus, et exquisitas epulas devita. Quamvis enim venam non explorem, novi quo remedio tibi medendum sit: sique hæc fraterna et a socio profecta admonitio non suffecerit, necesse erit, ut tanquam prælatus medicinam adhibeam.

<sup>a</sup> Vide epistolam 3.5 et tibi notas.



## EPISTOLA CDLXXIX,

PETRI DE ROYA NOVITII CLARÆ-VALLENSIS AD  
C. PREPOSITUM NOVIOMENSEM.

Transactæ vitæ errores enumerat, et Claræ-Vallis  
optimam laudat institutionem.

Dilecto suo C. sanctæ matris ecclesiæ Novio-  
mensis preposito, forsitan annuali, si velit B  
autem cœlorum regi futuro in perpetuum,  
frater PETRUS, per misericordiam Dei Claræ-  
Vallis novitius, salutem in idipsum.

1. Moris est amicorum, quos jungit amor  
Christi, sed locorum separant intervalla, ut  
cum se videre non habeant, nec loqui sibi facie  
ad faciem, frequenter tamen pia in Christo  
memoria se respiciant, sibi que mutuis loquantur  
affectibus; secreta et amica voce cordis super  
alterutro inquirentes, et profundis apud Deum  
gemitibus orantes pro invicem. Secundum hanc  
amoris legem, ni fallor, inquis et tu aliquando C  
intra temetipsum in secreto cordis, quid agatur  
apud me dilectum tuum; quæ mihi sit volun-  
tas, quis status et habitus, quod desiderium. Et  
forsitan times amica pietate humeris meis, quos  
exiguos agnovisti, et debiles arbitraris ad hujus  
vitæ, quam elegi, portandum onus, et jugum  
sustinendum. Dilecte mi, trepidaverunt multi  
timore, ubi non erat timor. Quia igitur in hono-  
Jesu me diligis, non te oportet in hujuscemodi  
timere. Hæc enim Domini sunt, ejus jugum  
suave et onus leve. Ego autem cum sufficiens non  
sim ad expendendam multitudinem bonorum, D  
quæ nuntiant animæ meæ per singulos dies  
corporis mei aures et oculi; tamen ad certi-  
ficandum cor tuum de statu et desiderio meo,  
quæ satagam signare Dilectioni pauca de Clara-  
Valle, de pauperibus Christi habitantibus in  
ea, de ordine et modo vitæ ipsorum, ad quos  
mitandos fidelibus anhelat suspiriis anima  
mea.

2. Primo siquidem omnium, describam tibi  
partem aliquam et modum veteris vitæ meæ :  
modum dico, si, ubi raro aut nunquam modus  
fuit, modum possim appellare. Volo autem ut  
ad profectum tuum in hac descriptione di-

<sup>395</sup>ligenter attendas, de quot et quantis mortibus  
A me jam eripuit Salvatoris benignitas, ipsumque  
glorifices, qui vere quemcumque peccatorem  
venientem ad se non eiecit foras. Si quid vero  
in me legeris, quod et in te fortuito deprehen-  
das notabile; tuæ fideliter consulto fraternitati  
et salutem, ut id sine mora corrigere festines,  
dum licet, et nescis quid superventura pariat  
dies. Ego igitur, dilecte mi, dum essem No-  
vioni, et in fenestris domus episcopalis solus  
mihi sederem, frequenter etiam tecum, et cum  
aliis; considerata sæpius domus illius ordi-  
natione, et notata, quæ se oculis ingerebat,  
ejusdem pulchritudine, heri nova, hodie ve-  
terascere : memoriam mentis et intuitum  
secreto deferrebam ad ordinatissimam illam do-  
mum supercœlestem, ejus gloriosa, indetermi-  
nabilis, et semper nova pulchritudo omnem  
transcendit hominis cogitationem. Ab hujus  
autem senita longe positus miser ego miser-  
imum me videbam, qui scienter in latitudinem  
viæ pessimæ ambulabam. Per quam, nisi cura  
vigili fugiatur, cito et irregressibiliter curritur  
ad domum longe aliam, domum scilicet doloris,  
domum extremæ et infinitæ turpitudinis, ubi  
nullus ordo, sed sempiternus horror inhabitat,  
et cum verme qui non moritur, sempiternus  
ignis. O quam jure igitur sollicitus cogitabam,  
ne, sicut incœperat, me huc pertraheret amor  
mundi, per ejus ampla et stulta desideria lu-  
bricus et insatiabilis evagabar, adeo ebrui, ut  
pro viribus et licentia, in nullo meæ carnis re-  
luctarer voluptati : hoc excepto, quod me sæpe  
recordabar et moriturum, et ex hujus sæculi  
labilibus gaudiis obstupescens pensabam æter-  
norum mirabilia sæculorum.

3. Dum enim ad mensam domini nostri  
episcopi, civem nostrum, imo et hostem meum,  
in argenteis vasis, de more, suaviter nutrirer,  
nec insalubriter quidem, quantum in vasis  
erat; dumque mihi manu corporis delectabiles  
legerem delicias: sæpe in eisdem vasis silenter  
legebam, manu scilicet cordis, longe alium ci-  
bum. Sed tu, dilecte mi, licet tibi satis afflitter  
recumberem, hunc me legere nesciebas. Quid  
igitur? numquid dapes quotidie festivas, aut  
inculpabiles scutellas redarguo? Numquid li-  
quorem illum, ejus et color blande arridebat  
oculis, et sapor dulce in palato respondebat,  
aut scyphos accuso argenteos? Absit. Non enim  
cibus erat in vitio, neque potus, neque etiam  
argentea vasa: sed in meo vase fictili læbant

semina, unde spinarum surgentium graves in-<sup>594</sup>proferre et enarrare præsumebam per os pol-  
trorum sentiebam aculeos, ad auram quidem A  
rerum exterius auditarum vel visarum excita-  
tos. Sæpe itaque et in mensa, et extra mensam,  
silenter legebam in auro et argento, in tam  
pretiosa quam speciosa domus episcopalis sup-  
pellectile.

4. Legebam etiam in plerisque aliis rebus  
mundi, quas ad concupiscendum intuebantur  
prædones oculi mei, mandatorum Dei trans-  
gressores. Legebam autem sic : Petre, quæ in-  
tueris, in quibus gandes, vel gaudere appeti-  
tis, de mundo sunt. Erit igitur quando non  
erunt : tu autem eris. Ubi eris, Petre? siquidem B  
tu injurius crucis Christi, in qua sola glori-  
andum non ambigis, in mundanis gloriari con-  
cupiscis, certus tamen quod cum sua concu-  
piscencia quotidie pereundo transit mundus;  
et homo, cum interierit, non sumet omnia,  
neque cum eo descendet gloria ejus. Petre,  
illam carnis tunicam vilissimam, quam tanti  
facis, ut pro ejus cura et desideriis, non solum  
tui, sed quod majus et execrabilius est  
obliviscaris etiam Dei; multo adhuc vilior in  
brevis relinques vermibus, et putredini. In hoc  
ergo tui exitu, ejus horam nescis, nudatus  
carnis tunica, quo migrabis? cui occurreris? quid C  
respondebis? ubi etiam reponeris, donec red-  
eas ad tunicam? redibis enim, et ipsam eam-  
dem vere iterum indueris : et resurges quidem,  
aut in vitam et gaudium, aut in mortem et  
luctum; et horum non erit finis.

5. O dilecte mi, hæc erat lectio, quam si-  
lenter et frequenter relegebam in cordis cubi-  
culo : et præfatæ inquisitiones multoties spiri-  
tum meum pene ab omni disjungebant lætitia.  
Nec mirum. Me etenim arguebat conscientia,  
quod in omnibus viis meis de nostro Salvatore  
meum fieri damnatorem promererer, cum etiam  
in his, quæ ad cultum ejus pertinerent, ipsum D  
offendere non vererer. O quam mira, o quam  
audax et insana præsumptio! Certus eram Do-  
minum justum esse, et potentem in inferno me  
perdere : et hoc timens, non cessabam tamen  
ipsum offendere. Ego quidem, ut pars mea esset  
Dominus, clericatus receperam sacramentum :  
sed enormitas vitæ meæ ab ipsa re sacramenti  
me fecerat alienum. O quam mira ergo, o quam  
stulta et impudens elatio! Eloquia Domini,  
eloquia casta : et ego hæc de pectore incesto

lutum et dolosum, sciens Dominum dixisse  
peccatori : *Quare tu enarras justitias meas, et  
assumis testamentum meum per os tuum* <sup>1</sup>? Hæc  
eadem eloquia divina, si quandoque quacum-  
que alia de causa, præter solum Dei amorem et  
honorem, legendo vel cantando, pronuntiarem  
in ecclesia; me sciebam certissime sacrilegio  
alligari, qui cultum Deo debitum offerebam  
vanitati. Non eram igitur servus Christi, cum  
hinc dicat Apostolus, *Si hominibus placerem,  
Christi servus non essem* <sup>2</sup>: hinc propheta, *Deus  
ossa eorum dissipabit, qui hominibus placent* <sup>3</sup>.  
Sæpe vero ut placerem hominibus, sive mihi,  
non Deo, mea erat præcordialis, et, ut verius  
dicam, vecordialis intentio.

6. Ego itaque servus nequam, utquid, vel  
qua fronte in agro Dei terram occupabam, qui  
revera radix amara, utilis nulli, quam pluribus  
inutilis, sed inutilior mihi, nullum nisi ama-  
ritudinis fructum germinabam? Quod enim  
viventibus exemplum, vel quod pro defun-  
ctis solvebam sacrificium, de quorum victimis  
comedebam adipem, et bibebam vinum libami-  
num? Rerum siquidem ecclesiæ, quocumque  
me velamine palliarem, detractor et prædator  
eram, et expensor earum in rebus pravis. O  
quam prava Deoque odibilis hæc mea perversi-  
tas! Audieram enim beatum scripsisse Hiero-  
nymum : « Quicumque rebus Ecclesiæ abu-  
» tuntur in aliis rebus, peccatum incurrunt  
» redimentium mendacium, et reorum sangui-  
» nis Salvatoris. » Quia igitur tam in his, quam  
in aliis multis, reus eram abusionis et rapinæ;  
sæpe cum ad aures meas insonaret Apostoli  
illa vera et timenda propositio, *Raptores re-  
gnum Dei non possidebunt* <sup>4</sup>; in corde meo quas  
respondendo, murmurabat illa plena timoris  
plena doloris, et pudoris festinata conclusio.  
Ergo ipsi rapti et conclusi cum immundis spi-  
ritibus, sine fine gehennali cremabuntur in-  
cendio! Festinatam dixi conclusionem, tum pro  
lege argumenti, et illationis cito factæ, tum  
maxime quia dies Domini, in qua hoc futurum  
est, velociter appropinquat : unde scriptum est  
*Adhuc modicum, et movebo cælum et terram* <sup>5</sup>  
et alibi, *Dies magna et amara valde, et velo-  
nimis : tribulabitur ibi fortis* <sup>6</sup>. Quocirca mirum  
non erat, si hoc et alia multa similia me redde-  
bant sollicitum et pensantem; qui etiam recor-

<sup>1</sup> Psal. xlix, 16. — <sup>2</sup> Galat. i, 10. — <sup>3</sup> Psal. lxi, 6. — <sup>4</sup> I Cor. vi, 9, 10. — <sup>5</sup> Agg. ii, 22. — <sup>6</sup> Sophon. i, 11

dari non poteram ab infantia me vixisse vel per momentum temporis, in quo non essem A operatus vel rapinam, vel aliud opus mortis. Valde etenim diligebam congressus et conventus vanitatis, spectacula, jocos, otia, verba apta risui, non fructui: raro verum dicere, plurimum mentiri; jurare, perjurare, favere, adulari, et similia: quæ cuncta ex quodam communi et assiduo usu, facie tenus non peccata reputabam, sed quasi quasdam societatis afflictatæ et mundanæ probitatis facetias. Sciebam tamen hæc eadem, cum inter Deum separent et hominem, vanitates esse et insanias falsas. Majora taceo, cordis videlicet elationes, æmulationes, odia, dissensiones, detractiones, turpilogia. Taceo pessima cogitationum et operum luti et lateris, in quibus occulte et pessime occupabar, totus lutum, qui per singula momenta, quantum in me erat, ex operibus meis ad æternæ mortis properabam supplicium. Sed misertus mei Pater misericordiarum, me tandem visitavit, et traxit ad Filium.

7. Vides ergo, quanta jam fecerit animæ Pater bonus, qui misericorditer ereptum de fluminibus Babylonis, misericordius locavit in Clara-Valle apud fontes Salvatoris. Clara-Vallis enim, etsi secundum speciem loci sita sit in valle, tamen fundamenta ejus in montibus sanctis, cujus portas diligit Dominus super multa tabernacula Jacob. Gloriosa dicta sunt de ea: quia in ea gloriosus et mirabilis Deus gloriosa operatur mirabilia. Ibi enim veteres insani redeunt ad cor; et licet homo eorum exterior corrumpatur, interior tamen renascitur, et, ut verbis utar Apostoli, *renovatur de die in diem*<sup>1</sup>, in eum qui secundum Deum creatus est hominem<sup>2</sup>. Ibi superbi humiliantur, ibi paupertantur divites, ibi pauperes evangelizantur, et peccatorum tenebræ transmutantur in lucem. Ad hanc igitur domum a finibus terræ ingens licet beatorum pauperum convenerit multitudo, de regionibus congregata et nationibus; horum tamen cor unum et anima una est, ut de hac domo specialiter dici possit: *Ecce alienigenæ et Tyrus, et populus Æthiopum, hi faciunt illi*<sup>3</sup>. Jure igitur habitatio est in ea letantium omnium, non inani letitia. Perennis enim letitiæ, et suæ ad cælos ascensionis jam cæptæ certam spem habent, quam in Clara-Valle invenerunt. Scalam Jacob, et angelos in ea, alios quidem

descendentes, qui sic provident illorum corporibus, ut non deficient in via: alios vero ascendentes, qui sic regunt eorundem animos, ut postmodum cum ipsis glorientur et corpora.

8. Ego autem, quanto diligentius de die in diem intueor tam beate vitæ pauperes, tanto credo eos perfectius per omnia Christum sequi et sapere, et certis conjicio indicis, in omnibus quæ agunt, veros ministros Dei apparere. Nam dum vacant orationi, in spiritu et veritate Deo loqui, et tum ex secreta et amica apud eum locutione, tum ex humili modo se habendi, plane apparent Dei esse familiares et amici. Dum vero manifestius laudantes Deum psalmodiæ sunt intenti; quam purus sit, et quam fervens in idipsum affectus mentis, ostendit eorum omnis corporis status, in omni timore et reverentia sanctitatis: ostendit et ipsorum distinctio morosa, et in psalmis modulatio, quam dulcia faucibus suis eloquia Dei, super mel ori suo. Dum eos itaque attendo, diurnis horis nocturnisque vigiliis ab ante medium noctis, usque ad primam diei, facto breviter intervallo, tam sancte, tam infatigabiliter psallentes: mihi quidem paulo minus ab angelis, sed plus multo videntur quam homines. Quod autem sunt hujus tam continuæ, tam alacris, et tam semper recentis tolerantia, quod tanti sunt fervoris et meriti; non humanæ potentia, sed muneris est divini. Dum vero sunt in lectione, leniter haurire videntur et affluenter quidem aquas Siloe cum silentio fluentes, et in vitam salientes aternam. Illorum vero dispositio et habitus demonstrant, omnes eos esse unius magistri discipulos, docentis in eorum cordibus, et dicentis: *Audi, Israel, et tace*<sup>4</sup>. Tacent enim et audiunt, et sapientiores fiunt: quoniam audiens sapiens sapientior erit.

9. Dilecte mi, quid hos tam beatæ vitæ pauperes credis videri vel dici posse, quando manuum suarum inhaerent laboribus, quando eunt ad opera, vel redeunt? in quibus omnibus constat, eos non suo duci spiritu, sed divino. Certe tam patienti animo, tam placido et immobili vultu, tam sancto et suavi ordine cuncta peragunt, ut etsi sese plurimum exerceant ad opera, vix tamen vel moveri perpendiculari, vel gravari in aliquo, quantumque sint labores. Unde manifestum est, in ipsis illum sanctum operari Spiritum, qui disponit omnia suaviter:

<sup>1</sup> II Cor. iv, 16. — <sup>2</sup> Ephes. iv, 24. — <sup>3</sup> Psal. lxxxvi, 4. — <sup>4</sup> Prov. i, 5.

in quo et ipsi recreantur, et quiescunt etiam labores. Horum siquidem pauperum alios episcopales, alios consulares, aliarumque dignitatum et multae scientiae viros illustres, et juvenes egregios audio exstitisse : sed nunc, per Dei gratiam, omni apud eos acceptione personarum emortua, quanto quisque se putavit in saeculo altiore, tanto se in hoc grege minorem minoribus, et abjectiorem reputat per omnia. Eos itaque dum intueor in hortis cum sarculo, in pratis cum furca vel rastro, in agris cum falcicula, in silva cum securi, in aliis laborum locis cum aliis operum instrumentis; dum et ego respiciens quid fuerint, considero praesentem eorum statum, opera, instrumenta, personas abjectas, vestimenta incompressa et vilia : iudicio quidem exterioris oculi videntur mihi non homines, sed gens stulta, muta siquidem et clinguis, opprobrium hominum, et abjectio plebis : sanus autem et fidelis intellectus in corde asserit mihi, horum vitam in Christo esse absconditam in caelis. Inter quos gaudeo equidem me videre Gaufridum Peronensem, Raynaldum Morinensem, G. de Sancto-Audomaro, Walterum de Insula, quos ego cunctis veterior in veteri agnovi homine : sed nunc in ipsis, Dei gratia, illius vetustatis nec vestigium perpendo remansisse. In veteri homine novi eos exaltato corde, elatis oculis ambulare in magnis et mirabilibus super se : nunc autem video ipsos sub misericordiae manu Dei humiliatos incedere in parvis et in mirabilibus infra se. In veteri homine novi eos sua secum sepulcra deferentes exterius dealbata, sed intus plena ossibus mortuorum : nunc autem credo eos ferre vasa Domini, quae etsi exterius appareant despicabilia, intus tamen plena sunt speciebus caelestium odoramentorum. Quando igitur haec omnis societas ad solitum laborem et progreditur, et redit, gradatim quidem et simpliciter, unus post alium, quasi acie directa, et armis pacis humiliter armata; nonne Angeli Dei hanc videntes taliter incedentem, et ad Christum noviter conversam de tenebris, praee admiratione et gaudio jure concinunt : *Quae est ista quae ascendit sicut aurora consurgens, pulchra ut luna* <sup>1</sup>? etc. Terretur autem exclusus diabolus, et supra modum dolet, videns (quod utinam semper videat et doleat) horum resurrectionem, regni sui ruinam esse non modicam. Ergo armatur et ipse quanto

potest acutiori malitia; ut quos ultra tenere non potuit mundi hujus blandimentis, eos acrius persequendo, subtilioribus impugnet et implicet argumentis. Non tamen praevalebit inimicus. Ipsi enim altissimum posuerunt refugium suum, crucem Christi, dilectam suam, quam fidei desiderio amplexantur et bajulant, salvandorum spem unicam.

10. Item, dilecte mi, quid credendum putas super eisdem pauperibus in tempore mensae, in continentia et habitu? Tunc temporis nec Deum videre credo quod displiceat, nec hominem quod debeat accusare. Ibi siquidem adeo modeste, adeo sancte se habent, ut, quod sunt, appareant homines justi et timentes Deum. Hinc attente suscipientes spirituale et praecipuum fenum, verbum vitae, quod semper esuriunt: hinc reverenter edentes et bibentes alia dona Dei, quae sibi sunt apposita; non exquisitas delicias, sed labores manuum suarum, legumina scilicet et pulmenta. Potus est eis cerevisia : si hanc non habent, gaudent aqua simplici. Raro autem utuntur vino, et hoc mixto cum aqua plurima. Reddentes itaque debitum corpori, non gulae, non ventri; comedunt et bibunt; sed tantum indigentiae naturali, et Deo, scientes scriptum, *Esca ventri, et venter escis. Deus autem hunc et has destruet* <sup>2</sup> : quoniam regnum Dei non est esca et potus, sed justitia et pax et gaudium <sup>3</sup>, in quibus versatur tota eorum voluntas et studium. Magistram enim et totius vitae suae dictatricem habent obedientiam : quam adeo fideliter sequuntur ad omnia, ut nec unam quidem diei sive noctis praetermittant particulam, quae non sit apud eos obedientiae et divino cultui mancipata. Unde et ego fideliter credo, eos (ut taceam quae majoris sunt meriti et mercedis) non solum in singulis passibus quos faciunt, sed etiam in singulis manuum suarum motibus circa injuncta opera peccati remissionem consequi, vel augmentum coronae in vita aeterna. Qui si forte cadant aliquando, quod omnino vitare non possunt, dum portant carnem fragilem : non tamen colliduntur, quia Dominus supponit manum suam.

11. Ecce habes pauca illa, dilecte mi, quae de pauperibus Clarae-Vallis in hujus epistolae proemii tuae promissa sunt dilectioni. Plura restant meliora et optima, ad quae describenda cum sufficere non valeam, quae dicta sunt in

<sup>1</sup> Cantic. vi, 9. — <sup>2</sup> I Cor. vi, 13. — <sup>3</sup> Rom. xiv, 17.

præsentiarum sufficiant. Meum vero desiderium<sup>397</sup> est, quatenus præfatis pauperibus in Christo A merear adjuungi corpore et spiritu, ut adjutus eorum suffragio, et fructuosius pœnitentiam agere, et fiducialius habeam clamare ad Dominum : *Domine, ad te confugi, doce me facere voluntatem tuam. Eripe me de iniuriis meis, Deus meus*<sup>1</sup>. *Ad te, Domine, levavi animam meam; Deus meus, in te confido, non erubescam*<sup>2</sup>; et his similia. Ego autem probor adhuc, et per gratiam Dei ad horum pauperum regulam institutor et vitam : ut dum eis adjunctus fuero, una cum ipsis noverim vigilare, et solummodo somnare in spiritu. Vigilanti enim promittitur regnum, et qui seminat in spiritu, de spiritu metet vitam æternam. In qua ego particeps ipsius, et te, et totam Noviomentensem ecclesiam, dominam scilicet et matrem meam, per misericordiam Dei feliciter æternare videam cum Christo, et regnare. Amen. Valet. Domino volente, proxima Dominica post Ascensionem Domini, suscepturi sumus nostræ professionis immaturam, per gratiam et benedictionem Jesu Christi, quam meritis Matris suæ, vestrisque precibus nobis dignetur concedere idem ipse Iesus Christus. Amen. Iterum valet, et memento novissima tua, et miserere animæ tuæ.

tia collatis, quæ liganda sunt ligare, et quæ solvenda solvere debeatis : deliberationes nostras, secundum quod zelus domus Dei urget nos, ante Sedem justitiæ humiliter effundimus, et lamentabiles ærumnas sive ruinam Latiniacensis monasterii vestro moderamini notificamus. Homo ille qui sub nomine pastoris præfato monasterio præesse videtur, non solum non prodesse, imo plurimum obesse probatur : quoniam subditos ad normam religionis minime dirigit, et ignominiose vivens, plures ex illis exemplo prævæ vitæ commaculat et inficit. Quod satis constat non solum ex eo quod per urbes Franciæ infamis habetur, sed etiam ex eo quod quidam ex fratribus consortium ejus tanquam lethale contagium perhorrescunt, et in aliis monasteriis sub legibus monasticis professionis religiosæ conversantur. Proinde illa Latiniacensis ecclesia, quondam celebris et famosa, eas videtur derelinquere, sicut umbraculum in vinea, et sicut tugurium in cucumerario. Quoniam igitur super his non possumus non dolere, et tamen non est nobis licitum in alienam messem falcem immittere; vestrum est autem infructuosam arborem, ne terram occupet, succidere, et eam, quæ fructum ferat, inserere : precamur exhortantes vigilantiam vestram, quatenus auctoritate qua præeminetis, et sapientia qua polletis, adversus pestem, quæ ut cancer serpit, talem sententiam proferatis, cui nequaquam resistere prævaleant portæ inferi, et per quam ora blasphemantium obstruantur, et in portis filiæ Sion laudationes Domini annuntientur. Valet, et collectionem nostram, quam beatæ memoriæ Innocentius papa privilegio apostolicæ auctoritatis confirmavit\*, et vos per apostolicam benedictionem corroborate.

## EPISTOLA CDLXXX,<sup>a</sup>

CAPITULI GENERALIS NIGRORUM MONACHORUM  
AD ADRIANUM IV.

De amovendo abbate Latiniacensi.

Amantissimo patri et domino Adriano sanctæ Romanæ Sedis summo pontifici, humilis D conventus abbatum sub Remensi archiepiscopatu, in uno spiritu ad Dei honorem coadunatus, sinceræ charitatis obsequia, et pia orationum suffragia.

Quoniam vestra Sanctitas adest in ecclesia debis, et in cathedra seniorum sublimari meruit, ut clavibus beati Petri vobis speciali gra-

## EPISTOLA CDLXXXI,

FORUMDEM AD ALEXANDRUM III.

Amantissimo patri et domino ALEXANDRO, sanctæ Romanæ Sedis summo pontifici, humilis conventus abbatum sub Remensi archiep-

<sup>1</sup> Psal. CXLII, 9, 10. — <sup>2</sup> Psal. XXIV, 1, 2.

<sup>3</sup> Hæc epistola scripta est circa annum 1155 adversus Godefridum seu Galfridum abbatem, de quo in notis ad epistolam 231.

scopatu in uno spiritu ad honorem Dei con-<sup>598</sup>gregatus, sinceræ charitatis obsequium, et A debitam cum omni subiectione reverentiam.

1. Confiteantur Domino misericordiae ejus, quoniam cum in initio vestrae electionis sive consecrationis, navis sanctæ Ecclesiæ universalis, quæ soli beato Petro specialiter commissa est, certam non habens stationem, hinc inde adversis fluctibus concuteretur, et adeo periclitaretur, ut præ magnitudine periculi Salvatorem quasi dormientem suscitarem, clamantes cum beatis discipulis, *Domine, salva nos, perimus*<sup>1</sup>; clamor noster introivit in aures ejus, qui salvat a pusillanimitate spiritus et tempestate, et statuit procellam in auram, et deduxit nos in portum quem volebamus. Volebamus autem, et ad hoc anxii suspirabamus, ut jam non esset disidium: sed extincto errore perniciosissimo, ad serviendum Domino, et ad solam vestram beatitudinem honorandam, cedentem utique in cathedra Principis Apostolorum, reges et populi congregarentur, et convenirent in unum. Quoniam igitur jam nequaquam omni vento doctriinæ circumferimur, nec audimus seductores dicentes, Ecce hic, aut ecce illic; sed illi firmissimæ Petræ, super quam Pontifex pontificum suam fundavit ecclesiam, immobiliter adheremus: in nostris necessitatibus, sub tutela vestri apostolatus confidenter confugimus, postulantes humiliter, ut si qua sunt in domo Dei salubria, clavibus beati Petri confirmetis; si qua noxia, repellatis.

2. Et, ut de multis taceamus, unum est quod nos præcipue discipulos beati Benedicti in illa quiete, quam sub vestra Sublimitate habemus, non parum perturbat, videlicet quod Latinianensem ecclesiam, olim in sanctitate et religione florentem et copia rerum affluentem, modo non sine lacrymabili mœrore aspicimus ab illo statu dejecti et in pomorum custodiam redigi. Homo enim qui sub nomine pastoris ecclesiæ prænominatæ præesse videtur, non solum non prodesset, imo plurimum obesse probatur: quoniam subditos ad normam religionis non informat, verum etiam ignominiosam et infamem gerens vitam, miserabiliter scandalizat, et secum in perditionem præcipitat. Et quia non est qui reclamet, in tantam impudentiam jam erupit, ut quemdam ex fratribus, sui sceleris complicem

et conscium, aliis præferat, et Priorem domus constituerit. Exinde quam immanis lues gregem Domini corrumpat et interimat, nos scribere supersedimus. Id enim vestra prudentia melius novit. Denique super his malis dudum scribentes apud prædecessorem vestrum, felicitis memoriæ papam Adrianum, lacrymabilem querimoniam exposuimus: et ut lamentabili ruinæ prædicti monasterii finem imponeret, devote suggessimus. Qui prudenter intelligens quia ita oportet fieri, missis litteris ad venerabiles episcopos, Alanum Autissiodorensem, et Theobaldum Parisiensem, præceptum fecit, ut in præsentia religiosorum abbatum rem diligenter discuterent, et secundum quod dignum esset, apostolica auctoritate determinarent. Cumque die præfixo Latiniaci jussioni domini Papæ parati essent obtemperare; ille non abbas dicendus, non satis conscientiae fidens et judicium subterfugiens, protulit in medium litteras, nescimus qua calliditate aut subreptione emendicatas, in quibus auctoritate domini papæ prædicti Adriani videbatur interminari, ne ipse abbas, utpote filius Ecclesiæ Romanæ, a prædictis episcopis aliqua ratione sive judicio fatigaretur, sive gravaretur. Ita negotium ex tunc C indiscussum remansit.

3. Propterea, venerabilis Pater, adhuc vipece pestis, adhuc ut cancer serpit; et fama mali, veloci mobilitate vigens, per urbes Franciæ crebrescit. Quoniam igitur videntes legum Ordinis prævaricantes mœrore tabescimus, et tamen in alienam messem falcem mittere prohibemur; vestrum est autem arborem infructuosam, imo malos fructus facientem succidere, et eam quæ fructum bonum ferat inserere: precamur exhortantes, quatenus secundum potentiam qua præeminetis, et secundum sapientiam qua polletis, adversus imminentem perniciem sententiam proferatis, adversus quam non prævaleant portæ inferi, et per quam repressis blasphemantium linguis, ora laudantium nomen Domini in hoc opere vestro aperiantur. Valet, et in benedictionibus dulcedinis dexteram apostolicæ majestatis super nos extendite.

<sup>1</sup> Matth. viii, 25.

## EPISTOLA CDLXXXII.

AD ABBATEM REATINENSIS MONASTERII SS.

Dilectissimo ac venerabili domino, Dei gratia  
SS. Reatinensis monasterii abbati, A. <sup>a</sup> suis,  
consolationem Spiritus paraleti.

Litteras Dilectionis tuæ, nimium breves et  
succinctas, debita veneratione suscepi, et a  
verbis tuis formidavit cor meum. Cum enim le-  
gerem in capite, « Patri domino venerabili  
« abbati, » quia nihil mihi conscius sum, fate-  
or, aliquantulum erubui, et cogitabam, qua-  
lis esset illa salutatio. Quis enim ego sum, aut  
quæ domus patris mei? Ego sum puer parvu-

<sup>400</sup>lus, ignorans introitum et egressum meum. In-  
A felix ego sum, qui cum nihil sim in conspectu  
Dei, magnus tamen sum in oculis vestris, cui  
de opinione aliquantulum, de veritate nihil  
constat. Utinam litteræ vestre tantum habuis-  
sent veritatis, quantum habuerunt falsitatis.  
Quamvis nemo mentiens judicandus est, qui  
dicit falsum quod putat verum: quoniam quan-  
tum in ipso est, non fallit ipse, sed fallitur. De  
cætero, si quid valent apud fontem misericor-  
diæ preces pauperum, confidimus in Domino,  
quod prosperum iter faciet nobis Deus saluta-  
rium nostrorum. Precamur et nos ardorem fidei  
B vestre, ut in sinu memoriæ vestræ nos habeatis,  
quando in tabernaculum ejus introibitis,  
quando adorabitis in loco ubi steterunt pedes  
ejus. Angelus Domini custodiat introitum tuum,  
et exitum tuum, domine venerabilis ac charis-  
sime pater.

\* Incertum quis ille A. scriptor hujus epistolæ, quæ inter Bernardinas Coloniae nuper edita est ante eam, quæ in  
hac editione est epistola 328. De Reatinensi monasterio supra ad epistolam 201.





## OPERUM S. BERNARDI

## LECTIONES VARIANTES ET NOTÆ FUSIORES.

Pag. 101 A. AD ROBERTUM. — Hæc epistola sub dio a Bernardo dictata, « in medio imbre sine imbre, » ut loquitur Guillelmus Sancti-Theoderici abbas, libro primo Vitæ S. Bernardi, cap. 2, ob id miraculi cæteris epistolis præposita est. Locus ubi id contigit, prope Claram-Vallem, oratoriolo spectabilis est ob facti memoriam. Exarata est a Guillelmo, primo postea Rievallis in Anglia abbate, cui non recte quidam tribuunt elogia illa, quæ Gilbertus de Hoilandia sermone 41 in Cantica commemorat de quodam abbate Rievallensi, procul dubio de Guillelmi successore, nomine Aelredo, qui teste Pitsæo obiit anno 1166. Non enim fieri potest, ut Guillelmus ille Rievallensis, anno 1143 ad superos translatus, a Gilberto in eo sermone celebretur laudatione funebri ut recens mortuus, cum ipse Gilbertus solum a morte S. Bernardi, nimirum post annum 1153, explanationem in Cantica proseguendam suscepit, ac sermone 30 mentionem faciat schismatis a Friderico imperatore adversus Alexandrum III anno 1159 excitati. Robertus, ad quem hæc epistola directa est, Bernardi carne propinquus vocatur in ipsa epistola, n. 9, et in epistola 32, n. 3. De eo Joannes Eremita, illius temporis auctor, in Vita S. Bernardi, libro 1, cap. 2, n. 5, ita scribit : « Nepos » siquidem ejusdem matronæ, » nempe Alaydis S. Bernardi matris, » de qua volumus pertractare; filius autem » sororis suæ, ad quem etiam beatus Bernardus primam » epistolarum suarum dirigit. » Ibidem Robertus ad Claræ-Vallenses reversus, sexaginta septem annis sub jugo disciplinæ regularis vixisse dicitur, Petrus Franciscus Chiffletius Societatis Jesu, in Appendice ad Diatribam de illustri genere S. Bernardi suspicatur, Roberti matrem fuisse Dianam, uxorem Othonis de Castellione e familia Montis-Barri; ac vulgo Bernardi nepotem vocitatum, vel collectoris epistolarum allucinatione, vel eo loquendi genere olim usitato, quo nepos dici solebat etiam patruelis, aut consobrinus, aut amittinus, si modo patrueli suo, consobрино, aut amittino esset inferior ætate, qualem fuisse Robertum respectu sancti Bernardi, tum ex hac epistola, tum ex libro primo Vitæ, cap. 2, satis intelligitur. Quod attinet ad rationem temporis, hæc epistola scripta videtur circa annum 1119. Etenim Robertus solemnem apud Cistercienses emisisse videtur professionem anno 1116, ut inferius demonstrabitur : qua audita statim Cluniacenses eum subdole ad se revocare tentaverunt. Sic enim refert Exordium Cistere. dist. 3, cap. 9 :

« Interea Cluniacenses fratres audientes quod idem adolescentens Ordini Cisterciensi se reddidisset, indignati » sunt vehementer.... Cumque auctoritate beati Bernardi » premerentur ne eum publice repetere præsumerent, ad » callidiora sese argumenta vertere. Missus est namque » Prior quidam, » etc. Interim diu dissimulavit S. Bernardus, ut ex hujus epistolæ exordio constat : sed tandem concepti doloris impatiens, hanc epistolam scripsit, qua nec quidem revocari potuit Robertus, ut ille epistola 32 conqueritur, donec a Petro Venerabili restitutus est. Quod autem Robertus anno 1116 professionem emisisset, sic demonstrari posse videtur. Robertum fuisse unum ex triginta sociis, quos Bernardus mundo subtractos Cistercium secum adduxit, sentiunt scriptores pene omnes, tam domestici, quam externi. Quod quidem indicare videtur Bernardus ipse in hac epistola his verbis : « Nam si di- » gnaris, et verbo, et exemplo meo in religionem ego te » genui. » Sed cum pro ætatis statu teneriori ad biennium remissus fuisset, ut etiam ibi asserit Bernardus, n. 8, eo tandem elapso ad conversionem admissus est. Atqui Bernardus anno 1113 ingressus est Cistercium : cui numero si tres annos adjeceris, duos scilicet dilationis, probationis alterum; Robertum anno 1116 professum habebis. Hoc argumentum non parum roboratur Exordii jam citati auctoritate, ubi Robertus prius dicitur admissus Cistercii ad probationem, quam Bernardus Claræ-Valli præficere- » tur; proindeque ante annum 1115, quo Claram-Vallem fundatam legimus. Sic enim habet Exordium Cisterciense : « Dominus Robertus, quondam Dominus-Dei abbas, et » beati Bernardi secundum carnem propinquus, in adole- » scentia sua jugum Domini suave et onus ejus leve apud » Cistercium susceperat. Postmodum vero reverendissimo » viro Dei Bernardo Claræ-Vallis abbati constituto, sub » ipso in eodem conobio cælestibus disciplinis iustitueba- » tur. » Ex quibus manifestum apparet, Roberti e Clara-Valle discessum sive potius seductionem contigisse Pontii abbatis Cluniacensis consilio ac impulsu, qui ab anno 1109 ad annum 1122 Cluniaco præfuit; non vero sub Petri Venerabilis præfectura, qui Pontio post Hugonem II tribus mensibus elapsis successit, ut constat ex Chronico Cluniacensi. Et certe quis a Petro Venerabili, pacis ac sinceritatis amantissimo, non existimet alienum, ut Priorem miserit Claram-Vallem ad decipiendum adolescentem? vel etiamsi id fecisse concedatur, ut inter beneficia et charitatis officia sancto Bernardo exhibita computaverit

Roberti restitutionem? quasi de injuria beneficium promereri potuisset. Ita enim in quadam epistola ad Bernardum: « Cur ergo, » inquit, « mi charissime, unus saltem » mihi per mensem non conceditur, cum Robertum tibi » sanguine proximum, cum Garnerium, cum quosdam » alios, tractus amore tui, non mense uno, sed perpetuo » concesserim (libri 6 epistola 35)? » Ex quibus obiter observetur velim, Robertum tandem aliquando Claram-Vallam rediisse, restitutum scilicet a Petro Cluniacensi statim ab initio praelecturae, ac Donus-Dei in diocesi Bisuntinensi abbatem a Bernardo postea institutum. Vide Manrique in Annalibus, anno 1113 et anno 1117, ex quo nonnulla huc adduximus.

104 C. Julianum Apostatam. — Theodoretus, Historiae ecclesiasticae libro 3, cap. 3, testatur Julianum imperii cupiditate incensum, perlustrasse Graeciam, conquisisse vates et ariolos, sciscitatum ab illis, votine compos futurus esset. Atque incidit forte in hominem, qui hoc ei praedicere pollicitus sit. Qui quidem deducto eo in fanum simulacrorum, et intra ejus adyta collocato, fraudulentos daemones invocat. Quibus specie qua solent apparentibus, metus coegit Julianum signo crucis frontem suam signare. Daemones igitur, Dominici tropaei conspicati figuram, et suae ipsorum cladis recordati, confestim evanuerunt. Tum prestigiator, causa cur fagerent intellecta, Julianum objurgat: qui tum timorem, quo correptus erat, declaravit, et se virtutem crucis vehementer admirari dixit. Nam daemones, quoniam ejus figuram ferre non poterant, aufugisse. Cui prestigiator: « Ne, » inquit, « amabo te, » sic existimes. Siquidem non eam ob causam formidabant; sed tum fastum detestati, se ab oculis nostris » removerunt. » Ita miser ab eo in fraudem impulsus, tum impiis initiatur mysteriis, tum pectus ejus scelere completur, et infelix propter Imperii cupiditatem pietate omnino spoliatur. Ita Theodoretus, cujus verba, etsi proluxiora, recenseo, quia ad ea Bernardus plane mihi allusisse videtur.

107 A. non donatum. — Promissio votum parentum spectat; donatio, pueri oblationem per eosdem factam, cujus forma praecipitur a sancto Benedicto in Regulae capite 59; quae oblatio pueros olim ligabat.

B. religionis habitum suscepisti. — Nimirum pueri Deo oblati statim monasticis vestibus induebantur: adulti vero nonnisi post annum probationem, ex Regulae capitibus 58, 59; qui ritus initio servatus apud Cistercienses ex hac epistola, postea mutatus est exemplo Cluniacensium, apud quos Novitiorum habitus Professorum vesti » omnino similis » erat, uti modo apud omnes, » praeterquam quod, quandam erant absque benedictione, » sic professionem vocabant, » sola cuculla carebant, » ex Udalrico, in libro 2, cap. 1. Quo tempore Cistercienses hunc morem admiserint, vide librum 7 de Vita S. Bernardi, cap. 15.

108 A. Ordinem tuum. — Sic Bernardus in libro de Vita sancti Malachiae, n. 36, Mailros « Ordinis nostri » monasterium vocat: et in epistola 2, n. 9, Ordinem aut disciplinam, quasi synonyma videtur usurpare. Confer epistolam 4, n. 2, et epistolam 198, n. 2. Petrus Venerabilis nihilominus Cluniacenses et Cistercienses « ejus-

» dem Ordinis viros » appellat in sequente epistola 229, n. 10; et n. 30, « unius nominis Ordinis maximas congregationes. » Denique Bernardus ipse Guillelmum abbatem Sancti-Theoderici « Ordinis nostri » virum appellat in epistola 79; et in epistola 42, « Ordinis nostri » abbates vocat etiam nigrorum (quos vocant) monachorum, n. 33. Divocant Ordinem dicit Nicolaus Clarae-Vallensis in sua epistola 22.

108 A. apostatare est. — Formidolosa sententia in monachos, qui laxiora quarentes, regulares institutiones pro minimo habent: quibus « si pudor negat apostasiam » corporis, timendum est ne tepor ipse paulatim ingerat » apostasiam cordis, » ut loquitur Bernardus sermone 3 in Psalmum xc. Confer epistolam 382, maxime epistolam 313.

109 B. molle stamineum. — Hic notat Bernardus vestium genera, quae Cistercienses abjecerant, tanquam Regulae contraria, cum in usu essent apud Cluniacenses. Quippe illi rejecerant « froccos, pelliceas, staminea, » caputia quoque et femoralia, pectinia et coopertoria » lectorum, » ut legitur in parvo Exordio Cisterciensi. Hinc in libro Institutum « cucullae deforis floccatae » rejiciuntur, cap. 15. Cluniacensibus apud Bernardum Cluniacensem, in codice manuscripto Consuetudinum Cluniacensium, cap. 30, inter alia conceduntur ad amictum » duo frocci et duae cucullae, stamineae duae, tria pelli- » cia; » et ad lectum « capitale, coopertorium, super- » coopertorium, lodex, et stragula. » Frocci a cucullis differebant materia et forma: quod cucullae absque ullis, aut certe cum strictis manicis et angusto caputio; frocci amplis et manicis et caputiis, et quidem ex pretioso panno, quem froccum seu floccum (unde inditum froccis nomen) appellabant. Cucullis haesit vetus flocci nomen vulgare apud nostros; Cisterciensibus cucullae vocabulum, vulgo *coulle*, ob innatum odium froccorum. Coopertorium silvestre sancto Bernardo est primum stragulum ex pellibus animalium ferarumve silvestrium. Cattinum redarguit Apologia ad Guillelmum, n. 24, Bernardus Cluniacensis jam dicto loco: « Coopertoria, quae non licet » esse discooperta, aut agnini sive putini, seu leporini » generis, et nunquam de ullo genere majoris pretii. » Confer Vitae librum 4, n. 36.

109 C. sine piscibus servierunt. — Hinc patet, Cisterciensibus pisces in usu tunc non fuisse (nisi rarius, et in itinere, ut ex Vitae libro 7, cap. 20); imo neque ova, neque vinum, ex numero sequenti. De ovis id colligitur ex epistola Fastredi abbatis, edita hic post Bernardinas, ubi Novitius inter extremi morbi nauseam, « ovi cocti » desiderio affectus, » abstinentiam ad finem usque servavit. Ibidem « herbae sine oleo et abdomine coctae » dicuntur: et Bernardus ipse « pultes ex farina » confectas, » addito oleo et melle, » non butyro, » cum scrupulo » comedit ad stomachum calefaciendum. Hanc epistolam perlege cum sequente epistola Petri de Roya, in qua Clarae-Vallenses cerevisia, ejusque loco aqua simplici usos legimus, « raro vino, » et quidem « mixto aqua plurima, » quali ob infirmitates vix ex obedientia utebatur Humbertus, de quo Bernardus in Sermonibus de Sanctis, n. 4; item Bernardus ipse ex libro primo de ejus Vita, n. 46:

vide sermonem 30 in Cantica. De vinea Clara-Vallensi maledicta, vide Joannem Eremitam in libro secundo de Vita Bernardi, n. 10.

110 A. panisque cibarius. — Quali pane uterentur eo tempore Clara-Vallenses, docet liber secundus de Vita S. Bernardi, n. 6; et Fastredi epistola mox laudata panem « ex avena » confectum habet.

110 A. tunicis dissuetus. — Nempe tunicas corpori adherentes gerebant Cistercienses absque intermedia intertula, lancea seu staminea ex dictis : non tamen cilicium, ex libro primo de Vita Bernardi, n. 39. Vide Præfationem in tomum 2.

116 A. morte morieris. — Solet Bernardus de salute eorum dubitare, qui ad religionem vocati, Deo vocanti non acquieverint; nedum qui ingressi, sed non professi, in sæculum redierint. Confer epistolas 107 et 108. At Fulco religionem professus erat.

122 B. Willelmi. — Hic dictus de Campellis, mortuus anno 1121, Bernardi in primis amicus, in ejus Vita laudatus non semel. Ante episcopatum, abdicato docendi munere, secesserat ad monasterium Sancti-Victoris Parisiense. Hildebertus, Cenomannensis tunc episcopus, ei de hoc facto gratulatur epistola prima, quæ sine titulo in editis, in codice Sancti-Faurini Ebroicensis inscripta est « ad Willelmum de Campellis. » Conon cardinalis et legatus in Mauriniacense prope Stampas comobium accessit anno 1120, « habens secum velut auxiliatorem magnum » Willelmum Catalaunensem episcopum, qui sublimes « scholas, » id est theologicas, « rexerat; et tunc zelum » Dei habens, super omnes episcopos totius Gallie divinarum Scripturarum scientia fulgebat : « ex Chronico Mauriniacensi. Unde redarguas eos qui ejus obitum reponunt anno 1119. Hugo Metellus in epistola 4, ad Innocentium, occasione Abaelardi, qui Guillelmi discipulus et adversarius fuerat : « Mortuo, » inquit, « Anselmo Laudunensi et Guillelmo Catalaunensi, ignis » verbi Dei in terra deficit. » De hoc Guillelmo ita anonymus auctor apud Chesnium, in notis ad Abaelardum : « Eodem tempore, » inquit, « magister Willelmus de » Campellis, qui fuerat archidiaconus Parisiensis, vir » admodum litteratus et religiosus, assumens habitum » canonici regularis, cum aliquibus discipulis extra urbem » Parisius, in loco ubi erat capella quædam S. Victoris » martyris, cepit ædificare monasterium clericorum, » quod postea Ludovicus Grossus rex magnifice consummavit. » Assumpto autem illo ad episcopatum Catalaunensem, » anno scilicet 1111, ut habet Albericus in Chronico, » venerabilis Gilduinus ejus discipulus primus » abbas ibi factus est. » Is ipse est Guillelmus, qui sanctum Bernardum abbatem consecravit, libro primo Vite, cap. 7; eumque tam impense coluit, ut cum Sanctus in gravem infirmitatem incidisset, ejus curam suscepit : ibid. ubi plura de eo. Diem feliciter clausit, non quidem anno 1119, ut multi volunt, ejus ordinationem ad annum 1112 referentes; sed anno 1121, ut scribit idem qui supra Albericus, cui suffragantur vetera monumenta Ecclesie Catalaunensis et Acta episcoporum ejusdem Ecclesie apud Carolum Rapineum. De eo Robertus de Hoveden, Annalium parte prima, ad annum 1121, ita scribit :

« Willelmus de Campellis, Catalaunensis episcopus, octo » diebus ante obitum suum, suscepto habitu monachico » (nempe cum in lecto mortis proximus decumberet, pro more illorum temporum) « vita decessit decimo quinto » kalendas februarii. » Qua in re variat Necrologium Corbolicense, in quo teste Joanne Picardo sic legitur : « Octavo kalendas februarias anniversarium Willelmi » Catalaunensis episcopi et nostri canonici. » Sepultus est apud Claram-Vallem, teste Rapineo, in sacello a se extructo. Caterum cum hæc epistola eo adhuc vivente scripta sit, sub annum 1121 reponenda est. Varia Guillelmi de Campellis theologia scripta laudantur in Panchrysis codice manuscripto Cheminienensi; Moralium epitome in Clara-Vallensi.

123 A. AD ARNOLDUM. — Hic patria Coloniensis, genere nobilis, Friderici tunc præsulis Coloniensis germanus, magnæ spei juvenis, a Stephano Cistercii abbate prius præfector Morimundo (hæc est quarta Cistercii filia), fundato anno 1115 in diocesi Lingonensi. Cui cum decennio præfuisset, tribus monasteriis excitatis, nempe Bella-Valle Eistuntinensi, Crista-Alba Lingonensi, et Veteri-Campo Coloniensi, denum secularium vicinorum infestatione turbatus, et quorundam e suis inobedientia, ut testatur Bernardus, epistola 141, ad Humbertum, monasterium deseruit, nonnullis monachis secum abductis, inter quos quatuor præcipui, Adamus, Everardus, Henricus, Conradusque, cum interim Stephanus Cisterciensis in Flandria pro negotiis Ordinis sui detineretur, quod quidem contigisse affirmat Manriquez ad annum 1125. Interim Bernardus fugitivos revocare nititur litteris ad Arnoldum Adamumque seorsim datis (scilicet epistolis 4, 5), quibus alias addit (epistolam 6), ad Brunonem nobilem Coloniensem, qui postea Friderico successit, ut eos curaret revocari. Sed frustra : nam Arnoldus diem clausit extremum in Belgio, anno 1126, tertio nonas januarii. Quo audito, Bernardus ex capitulo generalis indicto errantes alios denno persecutus est, scripta Adamo epistola (nempe epistola 7), excommunicationem intentans nisi resipiscerent. Quod quidem feliciter obtinuit, eumque Adamum scriptores Cistercienses esse vulgo suspicantur, qui primus monasterio Eberbacensi diocesis Herbipolensis in Franconia prælatus sit anno 1127, quique expeditionem sacram prædicaverit apud principes Germanos, ut refert Otto Frisingensis, de Gestis Friderici imperatoris, libro 1, cap. 40, denique in sanctitatis existimatione diem ultimum clausurit. Plura de istis vide apud Manriquez, Annalium tomis 1 et 2, præcipue ad annos 1115, 1125, 1127.

143 B. AD BRUNONEM COLONIENSEM ELECTUM. — Bruno II, filius Engelberti Altenæ comitis, consecratus anno 1132 a Guillelmo cardinali episcopo Prænestino, Friderico sub finem anni 1131 mortuo successit in sedem Coloniensem. Anno 1136 cum Lothario imperatore in Italiam profectus, in pervigilio Pentecostes anni insequentis ex minutione sanguinis exstinctus, Barri in Apulia sepultus est, in ecclesia B. Nicolai; Hugone decano ipsi suffecto, qui et ipse anno proximo itidem ex minutione decessit. Hæc ex Chronographo Saxonico inedito. Porro Brunonis sepulcrum uti et Ranulfi ducis Rogerius Sicilia princeps paulo

post effregit, et cadavera eorum educta per forum traxit, ac demum plus quam barbara crudelitate dilaceravit. Vide Baronium ad hunc annum; Ottonem Frisingensem, Chronici libro 17, capp. 21, 23; Sigonium, de Regno Ital. libro 2, et Chronographum Saxonicum ineditum.

147 B. AD GUIGONEM PRIOREM. — Is cognomento de Castro, natione Gallus, patria Delphinus, nativitate Valentiniensis, Cartusiae majoris a B. Brunone quintus Prior generalis, Statutorum primus scriptor, Bernardo charissimus, ut constat tum ex hac epistola, tum ex libro tertio Vitae S. Bernardi, cap. 1. Petro Venerabili infra, in epistola 388, dicitur « singularis suo tempore et » praeclarissimus religionis flos. » Idem in libri 6 epist. 40, ad Basilium, Guigonis in Cartusiae majoris regimine successorem: « Deceveram renovare tecum, » inquit, « antiquas illas et sanctas felices memoriae domui Guigonis » praedecessoris tui mecum saepe habitas collationes, qui- » bus velut scintillis ab ejus ore prodeuntibus accendebar, » et omnium pene humanarum rerum oblivisci cogebat. » Vir erat insignis modestiae, uti suis se ipse coloribus depinxit in quadam epistola ad Petrum Cluniacensem. « Pe- » timus, » inquit, « per eam qua in nos indignos vestra » fervent viscera dilectionem; ut quando nostrae exigui- » tati vestra scribere dignatur Serenitas, ita de propria » cogitetis aedificatione, ut infirmitatem nostram pericu- » losa non infletis elatione. Et illud praee omnibus et su- » per omnia quaesumus, et defixis in terram genibus » obsecramus, ne vilitatem nostram Patris nomine dignam » ulterius aestimetis. Satis et super satis est, si frater, si » amicus, si filius appelletur, qui nec servi nomine dignus » habetur » (inter Epistolas Petri Venerabilis, libri 1 epist. 25). Quo quidem exemplo ipse Venerabilis Petrus ad Bernardum scribens postmodum usus est, ut videre licet hic epistola 388: uterque forsitan emulatus Bernardum, epistola 72. Scripsit vero et ipse plura, quibus, inquit Trithemius, nomen suum immortalitate donatum est: nempe Vitam S. Hugonis Gratianopolitani episcopi, quae Innocentio II dicata reperitur apud Surium tomo 2, die prima aprilis; Meditationes, quae exstant in Bibliotheca Patrum; tractatum de Veritate et Pace, manuscriptum in Bibliotheca Cartusiae Coloniensi; Institutorum Cartusiensium librum unum; item librum de Contemplatione; Epistolas denique varias, ex quibus quatuor hic habes tomo 6, aliis a me post Horstium inutili diligentia perquisitis. Cum enim ea de re scripsissem ad reverendissimum Patrem D. Joannem Pegon, Priorem Cartusiae majoris atque Ordinis Generalem, hoc ab eo responsum habere merui, nimirum, post sex incendia, quae sacra illa domus ab incunabulis passa est, vix quidquam superesse instructissimae illius manuscriptorum suppellectilis, quam majores sui summa cura et diligentia adornaverant. Tribuitur etiam eidem Guigoni liber de Scala Claustrali, relatus tomo 5. Nec omittendum quod de illo refert Trithemius, scilicet quod Epistolas S. Hieronymi nimio scriptorum vitio depravatas, diligenti studio ad veritatis linam emendaverit, et in unum comportaverit. Guigonis hae de re epistolam habes hic ex Analectorum tomo 1. Porro quinquagesimum aetatis agens annum, inquit Sutor, de Vita Cartusiana, libro 2, cap. 5, conversionis vero

trigesimo, Prioratus sui vigesimo septimo vel circiter, non sine sanctitatis opinione spiritum Domino reddidit anno 1137, ab inchoatione vero Ordinis quinquagesimo tertio.

156 C. PAPAM HONORIUM. — Illustris cardinalis Baronius hanc epistolam refert ad annum 1129, sicut et tres sequentes. Verum, ut optime advertit Mauriquez in Annalibus, ad annum 1126 pertinere debet. Nam ex suppresso Bernardi nomine, imo ex ipso contextu, prima ad Honorium scripta intelligitur, cui se tunc incognitum Bernardus existimabat. At certe exstant aliae ad ipsum Honorium datae, scilicet epistolae 47 et 49, quas ipse Baronius reponit ad annos 1127 et 1128: proinde hae anno superiori, nimirum 1126, collocanda est, quo Ebali Catalaunensis obitum, in ejus locum electus est Albericus, Acta ejusdem Ecclesiae contigisse probant.

156 D. magistri Alberici. — Illustris certe fuit Albericus, Remensis nuncupatus, si non genere, saltem doctrina et virtute, Abaelardi quondam sub Anselmo Laudunensi condiscipulus, demum antagonista, quo potissimum agente in synodo Suessionensi, is suum librum de Trinitate flammis tradere compulsus est. Ipse vero Albericus ex Remensi scholiarcha episcopus Catalaunensis est electus post obitum Ebali, non vero Guillelmi de Campellis, ut voluit Picardus, Horstius, Chesnius et alii. Sive enim Guillelmus decesserit anno 1119, ut ipsi numerant; sive anno 1121, quod supra probatum est in notis ad epistolam 3; verisimile non est sedem Catalaunensem vacasse ad promotionem Honorii papae (ad quem Bernardus pro Alberico scribit), factam anno 1124. An autem electio et Bernardi commendatio effectum sortita sit, affirmat alter Albericus in Chronico ad annum 1126; negant alii fere omnes, quod quidem certissimum videtur. Nam in nomenclatura Patrum qui concilio Trecensi anno 1127 seu 1128 interfuere, recensitis Patribus ipsoque Catalaunensi episcopo, suppresso licet nomine; magister Albericus Remensis inter alios inferioris ordinis exprimitur. Denique constat ipsum in sede Bituricensi defuncto Ulgrino successisse, ut recte probat Chesnius in notis ad Abaelardum. Albericus, Ecclesiae Remensis scholarum magister, « scientia litterarum atque consilii prudentia clarissimus, » teste Roberto de Monte, « Remensis » origine dicitur a Petro Abaelardo in Historia Calamitatum suarum, cap. 5, et discipulus Guillelmi de Campellis; « condiscipulus » Abaelardi, ab Heloissa in epistola 2. Ad eum de Christi timore Gualterus episcopus Laudunensis scribit epist. 4 quae exstat in Spicilegio tomo 2, pag. 469. Fallor si non ipse est « magister in Francia, » quem tacito nomine suggillat Abaelardus in Theologiae introductione, pag. 106c. Obiit anno 1141. Confer epistolam 58, quae ante hanc scripta est ad Ebalum, et legis Marlotum in Metropolis Remensis tomo 2, pag. 285. Fuit alter Albericus Remensis, dictus de Porta-Veneris, de quo Joannes Saresberiensis, epistola 182. Quod spectat ad periculum, quod Bernardus in hac epistola dicit imminere Ecclesiae Catalaunensi, nisi confirmetur Alberici electio; non videtur interpretandum de ambitu Henrici Viridunensis, quem Baronius, Mauriquez ad annum 1129, et auctor Galliae purpuratae in Matthaeo, asserunt voluisse invadere sedem

Catalaunensem : sed potius de perturbatione consequenda, si vota et unanimis tam cleri quam populi postulatio frustrarentur, ut in consequentibus Bernardus satis insinuat. Quod autem asserunt præfati auctores pro fundamento suæ sententiæ, fragmentum videlicet epistolæ 48 ejusdem sancti ad Haimericum, ubi sic ait, « Quid in me, o boni viri, displicuit Paternitati vestræ? utrumque, quod apud Catalaunum amotus est a villicatione sibi credita homo usquequaque diffamatus, qui in Ecclesia Viridunensi, cui præfuerat, dissipasset bona Domini sui? » hoc tantum indicat Henrici depositionem apud Catalaunum a Matthæo legato factam esse, ut refert Albericus ad annum 1129, dicens concilium a Matthæo legato « Catalauni celebratum in Purificatione beate Virginis, ubi de consilio sancti Bernardi Henricus Viridunensis episcopatum dimiserit. » Exstant apud Wassebourg, Antiquitatum Belgicarum Galliarum libro 4, hujus rei testes Honorii ad Matthæum litteræ, in quibus inter alia sic habetur : « Tu vero tam prædictum episcopum » nempe de honorum ecclesiasticorum dilapidatione accusatum » quam partem adversariam » (Viridunenses canonicos, prout ibi utrumque exprimitur) « ad tuam præsentiam evocans, Catalaunum adeas, ibique adscitis tibi Treverensi archiepiscopo et aliis episcopis, sapientibus etiam et religiosis viris, negotium studiose audias, et diligenti indagatione perquiras. Quod si accusatores et testes idonei apparuerint, communicato fratrum consilio canonice causam definias, » etc. Sed de his titis.

157 C. pro ecclesia Divionensi rogatus. — Id est pro monasterio Divionensium S. Benigni monachorum, quos antiquam religionem sibi charissimos in epistola sequente dicit Bernardus, cujus pater et mater in eorum ecclesia sepulti sunt, inde postea translati Claram-Vallem. Bernardo, aliisque ejusdem ævi scriptoribus familiare ecclesiæ nomine significare monasteria, infra in epistolis 9, 60, 339, 382, 384, 395, etc. cum alias ecclesiæ ævis non raro monasteria dicta sint. Nota hic S. Benigni ecclesiam simpliciter vocari Divionensem, quod priora sit urbis ecclesia.

158 A. AD HAIMERICUM CANCELLARIUM. — Is natione argundus, ex Castra Bituricensium oppido, quod Carææ familiæ nomen dedit, oriundus, Petri de Castraturigum archipræsulis consobrinus, ex canonico Latensis a Callisto II creatus est cardinalis diaconus tituli Mariæ novæ, anno 1120, et cancellarius sanctæ Romanæ Ecclesiæ institutus ante obitum Chrysogoni Pisani, in hoc munere antecessoris : quo per aliquot annos æclare functus, decessit anno 1141, quinto kalendas junii, ut fidem facit Kalendarium Sancti-Victoris rasiensis. Bernardus frequentes et familiares ad eum ipsi epistolas, necnon tractatum de Diligendo Deo.

159 A. AD PETRUM DIACONUM CARDINALEM. — Petrus et alius sine dubio est a Petro Leonis itidem legato, sed esbytero cardinale, ut probavimus in Prefatione ad hoc tomum. Videtur esse Petrus, quem legatum de ere suo Honorius II initio sui pontificatus in Galliam sit contra Pontium et Pontianos, teste Petro Venerabili, in libro secundo de Miraculis, cap. 13. An Petrus

de Fontanis, Bernardi contreraneus, cardinalis tituli S. Marcelli a Callisto creatus anno 1120.

159 C. Excellentie. — Excellentie nomine S. Bernardus cardinales compellere solet, ut in epistolis 306 et 311; aliquando Sanctitatis, epistola 306. Excellentie titulum tribuit etiam regibus, epistola 45, n. 2; item Papæ, epistola 349; imo episcopis, epistola 63.

159 C. Gebuinus. — Gebuinum « moribus et litteratura » conspicuum » vocat Hildebertus in epistola 53. Ejusdem eloquentiam et sapientiam prædicat Nicolaus Clare-Valensis in epistola 5, ubi ejus sermonem memorat in illud Evangelii, *Si Filius vos liberaverit*, etc. Sermonem ipsius volumen exstat in Bibliotheca Victorina. Hic est ille cantor Trecentis, cujus flores petit Joannes Saresberiensis in epistola 96. Confer Petrum Venerabilem in libro 2, epistolis 34 et 35.

163 D. Remenses legati. — De hac legatione nihil lego apud Marlotum. Forte directa est Honorio ad obtinendum pallium pro Rainaldo de Martiniaco, qui ad sedem Remensem ex Andegavensi translatus est anno 1124. Sed aliud negotium innuit epistola sequens.

164 C. AD MATTHÆUM LEGATUM. — Nobilibus fuit parentibus in Remensi provincia ortus, deinde canonicus Remensis, sed mox omnibus repudiatis, Ordinem Cluniacensem Parisiis in monasterio Sancti-Martini a Campis professus, demum episcopus Albanensis et cardinalis creatur ab Honorio II, anno 1125, et in Franciam legatus concilio Trecenti præfuit anno 1128, ejus auctoritate convocato, cui Bernardus repugnans licet interesse compulsus est. De hac concilii Trecentis celebratione sic loquitur Joannes Michaelensis scriba Concilii : « In sollemnitate S. Hilarii, anno 1128 ab incarnato Dei Filio, ad » Trecentis, Deo duce in unum convenientes, » etc. De Matthæi vita et virtutibus fusc agit Petrus Venerabilis in libro tertio de Miraculis, cap. 3 sqq.

165 D. AD HUMBALDUM. — Quem et Humbertum vocat Ordericus, et alias dicitur Humbaudus. Is ex archidiacono Æduensi primas Lugdunensis creatus, in legationis munere adjunctus est Petro Fontanensi cardinali, initio pontificatus Honorii II, non vero sub Callisto, ut habet Severtus in Historia Episcoporum Lugdunensium, ad coercendam in primis Pontii Cluniacensis nuper canonicarum insolentiam : quod et præstitum est ab ipsis, Pontio anathemate percusso, prout hæc omnia diligenter scribit Petrus Venerabilis in libro secundo de Miraculis, cap. 13. Unde hæc epistola scripta videtur non longe ab anno 1125, certe ante annum 1129, quo obitus Rainaldi, Humbaldi successoris (qui paucis diebus sedem Lugdunensem occupavit), constanter a Severtio reponitur.

166 A. episcopus Meldensis. — Nimirum Burchardus, non Manasses II ejus successor. Hoc enim exigit concursus temporis cum Humbaldo, defuncto (ut vidimus) ante annum 1129; cum Burchardus ad annum 1133 supervixerit, utique post cruentam eadem Thomæ Sancti-Victoris Prioris, juxta quem sepultus commune habere meruit epitaphium, ut videre licet in Gallia Christiana et Severtio. Unde mendum irrepisse liquet in Tabularium Sancti-Martini de Campis relatum a Chesnio in notis ad Abaelardum, ubi Manasses II Sancto-Martino ecclesiam

de Choisiaco legitur concessisse anno 1125, quem pro anno 1135 mendose inductum testatur Historia ejusdem cœnobii a P. Marrier evulgata. Quæ quidem observatio etiam facile persuadet, episcopum Meldensem, ejus mentionem Bernardus facit statim ab initio epistolæ 42, ad Henricum Senonensem, non esse Manassen II, ut multi haecenus opinati sunt; sed ipsammet Burchardum. Hæc enim epistola scripta est ad Henricum recens ab aulico vivendi genere conversum, ut clare insinuat Bernardus tum his, tum aliis verbis: « Nuper autem, » inquit, « nobis a vestris partibus flare copit aura secum- » dior. Rumoribus siquidem recentioribus nuntiata sunt » de vobis solito letiora, » quod scilicet Carnotensis episcopi consiliis vitam in melius instituisset, ut infra declarat. Atqui hanc præsulis Senonensis mutationem Honorii II tempore contigisse constat tum ex epist. 49, ad ipsum Honorium, cui Henricum maxime commendat adversus Ludovici Grossi infestationes; tum ex ipsarum causa infestationum, quam non aliam fuisse præter Henrici conversionem, disertis verbis ibidem asserit. « Qui » ante, » inquit, « in habitu actuque sæculari honorati » sunt sublimes, judicati fideles, habiti familiares; modo » inimici facti sunt digne suo sacerdotio conversantes, et » per omnia honorificantis ministerium suum.... Hinc et » nunc domini Senonensis constantiam concutere et labe- » factare conatur, » etc.

166 P. AD ATTONEM. — Attonem (alias, *Itatonem*) monachum fuisse Cluniacensem affirmant omnes: sed qui ante adeptum pontificatum, facile revincuntur ex Petri Venerabilis epistola 50, lib. 2: « Ubi est, » inquit, « devo- » tio illa, ubi est affectus ille cœlo appropriatus, imo ipsum » cœlum, ut jam videbatur, exsuperans, quo te mihi non » dico in fratrem, sed, ut verbis tuis te familiariter » arguam, in filium ac monachum devovisti? Ubi fides » data, ubi tempus constitutum, ubi denominata dies, » quando te mundum deserere, humilem et pauperem » Jesum sequi sublimis adhuc et dives episcopus devo- » visti? » Idem habet libri quarti epistola 27: « Quod » non dedit, » inquit, « amicitiae juvenis, conferet saltem » senectus. » Sed omnem omnino difficultatis umbram abigit epistola Petri Prioris... Joannis Evang. Senonensis ad eundem Attonem congratulatoria, quam publici juris fecit Severinus in Catalogo Episcoporum Matisconensium, in Joceranno, § 4, cujus hic aliquot apices repræsentare lubet:

« Dilectissimo D. et patri suo venerando pontifici ATTONI,  
» caputio B. Benedicti feliciter laureato, P. pusillus  
» servus Christi, oblivisci populum suum et domum  
» patris sui.

» Sacramentum unctionis tuæ transmigratio tua, ve-  
» nerande pater, non dissolvit: sed quo magis accedis  
» ad Dominum, eo gemma tui meriti pulchrius elucescit.  
» Lucerna quippe ne a ventis exsuffletur, a publico  
» sublata melius in domo lucet; et navis quam tempe-  
» stas in fluctibus agitabat, latibula cryptarum ingressa  
» tuta manet; et persona quæ mundi turbines evadens  
» domum pacis ingreditur, jacturam aliorum respiciens

» de tranquillitate sua gratulatur. Recessus a mundo,  
» sicut Paternitas tua novit, accessus est ad cœlestem  
» thronum, et cathedra sponte derelicta majoris est digni-  
» tatis signum. Ea propter domos suas plures exierunt, et  
» majori satis felici commercio lucrati sunt. Gregorius  
» Nazianzenus sedi suæ renuntians, ruri vitam monachi  
» egit. Justus Lugdonensis ad eremum Ægyptium declina-  
» vit. Wilfrannus Senonensis, Frisonum apostolus, mo-  
» nasterio Fontanellæ ad extremum se tradidit. Quia hi  
» quidem meritis exigentibus sacris pulvinaribus corpo-  
» raliter exhibentur: pontificale vero nomen sepultis  
» etiam conservatur. Possem et alios hujusmodi adducere  
» plures in medium: sed in omni verbo sufficere potest  
» trium testimonium. Cæterum ad te, charissime pater,  
» stilum verto, tuæque felicitati totus congaudeo, quem  
» Senonensis Ecclesia decanum et archidiaconum habuit,  
» Trecassina sedes pontificem gloriosum obtinuit, Clu-  
» niacus civem sanctorum et domesticum Dei facit. »

Idem episcopus interfuit concilio Trecensi anno 1128, tum etiam Pisano anno 1134, in reditu capite sauciatus prope Tremulum-Pontem Italiæ oppidum, captivusque abductus cum plerisque Galliarum præsulibus: de qua quidem injuria Petrus Cluniacensis missis litteris, nempe epistola 27 lib. 3, apud Innocentium expostulavit. Diu tamen supervixit, demum Cluniaci mortuus anno 1145, quarto kalendas septembris, ut notatur in Calendario cœnobii Arremarensis. Vide Camusatium in Promptuario sacrarum antiquitatum Trecassinæ diœcesis, et Severinum in Catalogo Episcoporum Trecensium et Episcoporum Matisconensium.

169 A. GILBERTUM UNIVERSALEM. — Sic dictus, quod « in cunctis hujus mundi sapientium litteris lude- » ret, » seu excelleret, ut hoc loco scribit Bernardus. Fuit ante pontificiam dignitatem canonicus Autissiodorensis, de quo Necrologium ejus Ecclesiæ: « Secundo idus » augusti obiit venerabilis memorie magister Gislebertus, » Veteris et Novi Testamenti glossator eximius, hujus » Ecclesiæ canonicus, postmodum vero Londoniensis » episcopus factus: qui præter cætera quæ ecclesiæ » nostræ ex Anglia transmiserat ornamenta, octoginta » duas libras eidem ecclesiæ contulit, » etc. Londoniensi Ecclesiæ præfuit ab anno 1128 ad annum 1133.

169 C. pauperem vivere. — Avaritiæ (sic sunt hominum judicia) id in Gisleberto imputavit Henricus Huntingdoniensis in epistola de Contemptu mundi, edita in Spicilegii tomo 8.

170 A. cauda hostiæ capiti jungatur. — Parœmia Bernardo familiaris ad significandam perseverantiam, ex Levitico, III, 7. Vide notas ad epistolam 78. Petrus Cellensis in libri quinti epistola 8: « Cave caudam; cum » tam omnis laus, quam omne vituperium in cauda, id » est in fine terminetur. »

170 B. ROTOMAGENSEM ARCHIEPISCOPUM. — De ejus electione, quæ anno 1130 facta est, exstat cleri Rotomagensis epistola ad Honorium II papam in Spicilegii tomo 3, pag. 151, ubi hæc verba: « Elegimus electione com- » muni filium nostrum Hugonem, abbatem Radingensem, » nobis in pontificem. » Fuerat is monachus primum Clu-

niaci, dein abbas primus Radingæ in Anglia, diocesis Salesberiensis. Unde in iisdem litteris subditur : « Super » hoc quesivimus assensum domini nostri Henrici regis » Anglorum, et obtinuimus: ab episcopo quidem Sales- » berienſi, sub cuius manu abbatis officio fungebatur, » nobis eum reddi liberum et absolutum quesivimus, et » cum libertate suscepimus, » etc. Ejus electionem ad annum 1130 refert Ordericus, in fine libri 12, his verbis : « Eodem anno Hugo Ambianensis, monachus Clu- » niacensis, abbas Radingensis, factus est archiepiscopus » Rotomagensis. » Quantum sedulitatis Innocentio II exhibuerit, docet idem auctor in libro 13, pag. 900.

171 C. opus est prudentia. — Eadem verba leguntur in epistola tertiâ Nicolai Claræ-Vallensis in persona Bernardi ad episcopum Lucanum : infra, epist. infra, epist. 463.

173 C. STEPHANUM METENSEM EPISCOPUM. — Hic anno 1120 ejecto Adalberoni, ejus nominis quarto Metensium episcopo, subrogatus est, ut lego in brevibus Annalibus comobii Sancti-Vincentii Metensis ad cyclos Paschales adjunctis, in quibus Stephanus anno 1163 obiisse memoratur, tertio kalendas januarii. De eo graves Bernardi querelæ in epistolis 177 et 178. De pace, cuius hic mentio, lege Historiam Laurentii de Leodio, Spicilegii tomo 12, pagg. 318, 319.

174 C. ALBERONEM PRIMICERIUM METENSEM. — Tres adverto hujus nominis in primicerii dignitate sibi succedentes : primum ex stirpe ducis Lovaniensis, postea episcopum Leodiensem, de quo Ægidius Auræ-Vallis Ordiniſ Cisterciensis monachus, de Gestis Pontificum Leodiensium, cap. 23 : « Successit domino Friderico, » anno scilicet 1122, « dominus Albero primicerius ex » clero Sancti-Stephani Metensis, frater ducis Lovaniensis » Godefridi, vir summæ auctoritatis et innocentie, etc. » Obiit in Circumcisione, anno Domini 1128. » Alterum lego Alberonem ex primicerio Metensi factum archiepiscopum Treverensem, qui cum Gerardo Sedis apostolicæ legato sanctum Norbertum ad sedem Magdelburgensem promovendum curavit. Sic enim habet Robertus in Supplemento ad Sigibertum, ad annum 1127 : « Partheno- » politanæ civitatis archiepiscopo defuncto, cum clerici et » cives ejusdem urbis coram imperatore Liuthero ad » eligendum archiepiscopum apud Spiram convenissent, » nutu domini Gerardi Romanæ Sedis legati, qui postea » factus est papa Lucius, et Alberonis Metensis primice- » rii, qui postea factus est Treverorum archiepiscopus, » nimirum anno 1132, « Norbertum Præmonstratæ ecclesiæ » patrem... in pastorem eligunt. » Idem legitur in Vita sancti Norberti apud Surium, cap. 40. Ejus nomine Bernardus scripsit epistolam 176 ad Innocentium II. Is in antiquis membranis frequenter subscripsisse reperitur, promiscue vocatus Albero, Adelbero, cum altero Alberone archidiacono. Sic enim in quadam charta Sancti-Arnulfi Metensis : « Ego Adelbero primicerius subscripsi et » collaudavi, Richerus decanus subscripsi, Adelbero » archidiaconus, etc. anno Dom. Incarn. 1126. » In alia vero Sancti-Petri de Monte, scripta anno 1127 : « Hujus » vero donationis testes sunt, Albero primicerius, Ri- » cherus decanus, » etc. quas videsis apud Meuricium, in Historia Episcoporum Metensium, qui hunc Alberonem

eundem facit non recte cum altero Alberone idem primicerio, Conradi comitis Luxemburgensis filio, qui hac dignitate potiebatur ad annum 1086, ut apparet ex Conradi patris epitaphio ab ipso auctore prolato, pag. 386, cum iste, de quo agimus, ab anno duntaxat 1122, quo Alberoni Lovaniensi successit, ut plurimum hanc dignitatem obtinuerit. Præter Luxemburgensem itaque tertium habemus Alberonem, qui ex primicerio factus est Leodiensis episcopus hujus nominis secundus, anno 1135, de quo ita Ægidius superius laudatus : « His diebus, » inquit, « cum in derisum et subsannationem venisset » civitas Leodiensis his qui erant in circuitu suo per tur- » pem Alexandri depositionem, communibus votis, pari » assensu clerus et populus subrogavit sedi Leodiensi » Alberonem, hujus nominis secundum, primicerium » Metensis Ecclesiæ, juvenem quidem ætate, etc. Elego- » runt eum sane columine Ecclesiæ, hac spe maxime, » quod esset de prosapia Namurensi, » etc. Tres igitur, præter Luxemburgensem, habemus primicerios Metenses ejusdem nominis sibi continue succedentes. Ad quem vero ex his Bernardus hanc epistolam scripserit, non ita in promptu est definire. Veruntamen, quantum ex serie litterarum colligere licet, ad secundum referenda videtur, eum scilicet qui postea ad archiepiscopatum Treverensem assumptus, sanctum Virum maxime familiarem habuit, ut constat ex pluribus epistolis, quas in ejus gratiam ad Innocentium Romanamque curiam direxit. Quin et argumentum epistolæ hujus, quæ agit de fundatione cujusdam monasterii, procurante Alberone, a Stephano Metensi episcopo concepta, suffragari videtur. Quod quidem non est intelligendum de ullo comobio ab ipso Stephano constructo; sed vel de illa Capetarum domo, quam ipso conferente monialibus sui Ordiniſ Bernardus attribuit, imposito nomine Claræ-Vallis, circa annum 1130, vel de fundatione Belli-Prati prope Lunæ-Villam, a Folmaro comite Metensi constructi, quam quidem ipse Stephanus ratam habuit et confirmavit, ut constat ex diplomate, cujus hoc initium : « Ego Stephanus manifesto generationi » quæ nunc est et futuræ, quod Folmarus comes Metensis » construxit abbatiam monachorum Cisterciensis ordinis » in banno Morasme, quæ vocatur Bellum-Pratum, etc. » Datum anno 1130, » quamvis in alia charta Henrici episcopi Tullensis, ad annum 1135 hæc fundatio referatur, quod fortasse de ædificiorum integra perfectione accipiendum est. Quod spectat ad Primicerii nomen apud antiquos usitatissimum, non uni officio vel dignitati proprium fuit, sed iis tribui solitum, qui in quocumque ordine primum locum obtinerent. Hinc in Novella Constit. 8, sapius repetitur, « Notariorum primicerius; » et, « Primicerius fabricæ, » l. 2, C. de Fabricens. l. 11. « Primicerius domesticorum protectorum equitum, » l. 2, et l. ult. C. de Domesticis et prot. « Primicerius » mensurum, » C. 1 de Mensor. l. 12. « Primicerius » in officio protectorum. » Præterea apud Vegetium, lib. 2, cap. 21, « Primicerius protector; » apud Ammianum Marcellinum, lib. 18, « Primicerius Præceptorum, Sin- » gulariorum, Augustalium, Scriniorum, Deputatorum, » Sacri cubiculi, » l. 1, qui a præbit. tiro in Codice Theodos. et apud Cassiod. lib. 11, variat. Sic « Primi-

» certius legionis » apud Guillelmum Tyrium, de Bello sacro, lib. 2, cap. 19. Sic « Primicerius defensorum et » cardinalis primicerius, » apud Luitprandum, lib. 6, de Rebus per Europ. Sic sanctus Augustinus vocat sanctum Stephanum « primicerium martyrum, » sermone 21, de Tempore. Hic vero apud Bernardum, Primicerii Metensis nomine intelligitur prima canonicorum ecclesiae Sancti-Stephani Metensis dignitas, cui quidem inter alias prerogativas crucem ad pectus gestare concessum erat, uti veste purpurea, primumque locum in choro et capitulo tenere.

175 C. HUGONEM COMITEM CAMPANIE. — Is Theobaldi III, Campanie comitis filius, erga ecclesias, maxime Arremarensem et Molisensem, munificentissimus, primo quidem Barrensis ad Albam comes, deinde vero Trecensis post decessum Odonis fratris. Ipse auctore factum est, ut extincto post illam unionem Trecensis et Barrensis comitatum nomine, successores Campanie comites nuncuparentur, cum antea hoc nomen Barrensis aequae ac Trecensis singulatim usurparent, ut notavit Franciscus Chiffletius in sua Diatriba de illustri genere sancti Bernardi. Ad eundem spectat Ivonis Carnotensis epistola 245, cujus argumentum ex ipso limine accipimus his verbis : « Audivimus et cognovimus, quod Jerosolymam profecturus militiae Christi te ipsum devovisti, » illam evangelicam arripiturus militiam, qua cum decem » millibus secure pugnatur adversus eum, qui cum viginti » millibus adversum nos pugnaturus occurrit. » Et infra : « Duxisti uxorem, » etc. Denumque ita concludit : « Oportet ergo ut in hoc proposito sic tibi provideas, » quatenus ita novissima vota impleas, ut statuta naturalia et legitima non frangas. » Horstius suspicatur, Ivonem eo loci revocare Hugonem a militia Templi proposita lege vinculi conjugalis. At cum teste Guillelmo Tyrio de Bello sacro, lib. 11, cap. 13, cui astipulantur universi, Ordo Templariorum anno duntaxat 1118 sumpserit exordium; Ivo autem anno 1115 certo calculo desiderit : consequens est eum intelligendum esse vel de militia Hospitalium, quam Hugo Jerosolymis profiteri statuisset; vel de spirituali et evangelica seu temporaria quadam continentia, quam in secundae peregrinationis ad loca sacra intervallo servare deberet. Ter siquidem ipsum Jerosolymam iter aggressum esse constat, ut recte probat idem qui supra Chiffletius. Primo quidem anno 1113, iterum circa annum 1121, postmodum vero quando Templariorum militiae sese addixit, quod anno 1125 diserte collocat Albericus in Chronico. « Eo postremum discessurus, » (si sides habenda Petro Pithoeo, inquit Chiffletius) « comitatum suum Theobaldo fratris sui Stephani filio » vendidit, Odonem filium exheredavit, et quam secundam uxorem duxerat (Constantii Philippi I Galliarum » regis filia ob consanguinitatem dimissa, anno scilicet » 1104), gravidam reliquit, obiitque in partibus transmarinis die mensis junii decima quarta, quamvis in » Necrologio Sancti-Claudii obiisse dicatur undecimo kalendas julias. » Ita fere ille. Porro Hugonem istum alium esse ab Hugone militiae Templi Magistro, cui Bernardus direxit Exhortationem ad Milites Templi, colligitur ex Guillelmo Tyrio, de Bello sacro, lib. 12, cap. 7, apud quem hic « de Paganis » cognominatur, et successorem

videtur habuisse Robertum, quantum ex eodem auctore, lib. 17, cap. 1, conjicere licet.

176 A. largiter contolisti. — Nimirum ipse Hugo Bernardo fratribusque concesserat locum ipsum Clarae-Vallis cum suis appendicibus, ut merito Fundatoris nomine censi debeat. Quod cum hactenus paucis innoverit, lubet hic ipsam describere chartam donationis, quam saepe laudato Chiffletio, qui eam primus in sua Diatriba divulgavit, ex autographo Clarae-Vallensi acceptam referre debemus :

« In nomine sanctae et individuae Trinitatis incipit » charta comitis Hugonis. Notum sit omnibus presentibus » et futuris, quod ego comes Trecensis do Deo et beatae » Mariae et fratribus Clarae-Vallis, locum ipsum qui vocatur Clara-Vallis, cum pertinentiis, agris, pratis, » vineis, silvis et aquis, nihil omnino mihi aut heredibus » meis retinens. Unde testes Acardus Remensis, et Petrus, et Robertus Aurelianensis, milites mei. Et sciendum quod Gaufridus Felonia dat pasturas suas in finagio de Juvencourt, tam in bosco quam in plano, omni » tempore : et si aliquod damnum intulerint animalia » dictorum fratrum, solum capitale restituetur sine emenda. Haec autem omnia dedi in praesentia supradictorum » testium. Sciendum quoque est, quod dominus Josbertus » de Firmitate, cognomine Rufus, et dominus Rainaudus » de Perceis dederunt eisdem fratribus pasturam et usarium per totam terram suam, et praecipue in aquis, » silvis, pratis, in finagio de Perrecin. Hujus rei testes » sunt Acardus Remensis, et Robertus, milites mei. Item » sciendum quoque est, quod ego Hugo comes Trecensis » laudo et concedo eisdem fratribus libere et quiete possidere terram et silvam de Aretela. Has donationes confirmamus ego Joscerannus Lingonensis episcopus, et » ego Hugo comes Trecensis de sigillo et annulo meo. »

Quod spectat ad annum foundationis, qui non exprimitur in his tabulis; idem auctor Sancti-Mariani Autissiodorensis Chronographum secutus, refert ad annum Christi 1114, mense junio. Et quidem de mense conveniunt omnes : quoad annum vero, cum tam externa, quam domestica instrumenta refragari videantur, inter alia vero Exordium Cisterciense, dist. 2, cap. 1, tabella sancti Bernardi tumulo appensa, quae disertis verbis annum 1115 exprimunt; receptae jamdudum sententiae adherere satius videtur, cum alioqui vix Bernardus professionem emisisset mense junio anni 1114, et Hugo ipse, qui locum concessit, adhuc in Oriente versaretur. Clara-Vallis itaque primo quidem ab Hugone Campaniae comite fundata, postea vero anno 1135 in ampliorem locum translata, opitulante Theobaldo ipsius successore, nova fabrica donata est; unde primi fundatoris nomen obtinuit apud aliquos, translationem cum fundacione confundentes, ut bene monet Marcius in Annalibus, ad annum 1115, cap. 1.

176 B. abbatem Sancti-Nicasii Remensis. — Drogo (cujus occasione scripta est tum haec, tum epistola 33 et epistola 34), videtur non perseverasse in Ordine Cisterciensi, sed abbatis sui Joranni (ad quem haec epistola)



importunis tandem querelis autē professionem fuisse revocatus; isque idem ipse videtur, qui expulsus sanctimonialibus et monasterio Sancti-Joannis Laudunensis, monachorum eorum illuc adfluxit, quibus ex Priore Sancti-Nicasii Remensis in primum abbatem praefectus est anno 1128, ut dicitur infra ad epistolam 48. Postmodum vero cardinalis et episcopus Ostiensis creatus est ab Innocentio II, anno 1136 (ut probat noster Acherius in suis ad Guibertum notis), non vero 1133, ut habet Ciaconius; vel 1131, ut censet Ughellus in Italia sacra. Gesta Drogonis percurrit Hermannus, de Miraculis, lib. 3, cap. 22; et auctor Appendicis ad Sigibertum, ad annum 1128, qui eum e vita migrasse asserit anno 1138, his verbis: « Obiit Drogo bonae memoriae Ostiensis episcopus, » vir religione ac sapientia clarus. » Et Necrologium Sancti-Joannis Laudunensis: « Decimo quarto kalendas » januarii obiit Drogo Ostiensis episcopus et cardinalis, » primus abbas nostrae congregationis, et Mathildis soror » ejus. » Scripsit sermonem de Passione Domini, qui exstat in Bibliotheca Patrum. Soliloquia quoque edidisse notatur in Bibliotheca Belgica manuscripta. Porro quod spectat ad Jorannum abbatem, quantum eo regente austerium Nicasianum floruerit, probant viri insignes, qui ex eo ad regularem disciplinam longe lateque propagandam prodire. Nam praeter Drogonem istum, Gaufridus apud Sanctum-Theodericum prope Remos, ac post eum Guillelmus in abbatem assumptus est; Simon apud Sanctum Nicolaum de Bosco in diocesi Laudunensi, ad quem epistolae 83 et 84; Arnulfus apud Gemblacum, ut testatur Auctarium Gemblacense. Ipse vero Jorannus solitudinis studio accensus, Ordinem Cartusianum in conobio Montis-Dei amplexus est anno 1138, ubi se tam praeparare gessit, ut in cardinalium numerum ab Innocentio II sit cooptatus. Ceterum cum haec epistola scripta sit Roberto sancti Bernardi consanguineo nondum sibi restituto, ut sanctus Doctor hic asserit, ad annum circiter 1120 referenda est.

181 A. HUGONEM FARSITUM. — Plures invenio per id tempus Hugones Farsitos. Duos monachos; alterum Latiniacensem, laudatum in libro sexto de Re diplomatica, pag. 585; alterum Sancti-Luceiani apud Bellocacos, de quo Necrologium sexto kalendas Aprilis, « Obiit Hugo Farsitus monachus professor. » An qui in Historia Lovetii, pag. 555? Tertium lego Hugonem Farsitum, canonicum regularem Sancti-Joannis-de-Vineis, laudatum in Necrologio Ecclesiae Suessionensis. Quartum suggerit Farsitum Abaelardus in sermone de S. Joanne Baptista, pag. 967, ubi Norbertum et coepostolum ejus Farsitum memorat, forsan Hugonem Praemonstrati abbatem, Ordinisque praepositum post Norbertum, ejus primus ac praecipuus discipulus fuit, ad quem epistola 253. Qualis fuerit Hugo Farsitus, insigni discimus harum epistolarum testimonio, in quibus eum Bernardus « charissimum fratrem et coabbatem, antiquum dilectorem et dilectum » appellat, imo et « sanctum » fama et opinione contestante: sed quis tandem fuerit, non ita liquet. Apud doctos familiare nomen, caetera fere ignota. Possevinus in Apparatu affirmat eum fuisse monachum Sancti-Medardi Suessionensis, sed mera, ut puto, conjectura. Ex litteris nostri Hilde-

fonsi Vrayet olim accepimus, Hugonem Farsitum fuisse canonicum regularem Sancti-Joannis-de-Vineis apud Suessiones, ut manifeste probant ejusdem abbatiae Necrologia, publicaeque instrumenta, quibus ipse frequens subscripsisse reperitur. In Calendario cathedralis ecclesiae sancto Gervasio sacrae hae de eo habetur memoria: « Prædixit » nonas augusti obiit Hugo Farsitus, canonicus regularis, » qui dedit nobis libros suos tam divine paginae, quam » secularis. » Cujus loci abbas fuerit, incertum. Alii apud Castrum-Theodorici praefuisse suspiciantur, alii apud Valencenas; forte potius abbatiae Sancti-Joannis Carnotensis, cui anno 1131 abbatem nomine Hugonem praepositum lego. Locum utcumque innuit epistola 35, abbatiam nempe ditioni subjectam Theobaldi comitis, quem ipsius Hugonis « Comitem » appellat. Existimo enim, cui directæ est praesens epistola, esse illum ad quem Hugo Metellus per id tempus canonicus regularis apud Tullum-Leucorum, epistolam 34 manuscriptam inscripsit « Hugoni » Carnotensi magistro venerabili. » An Hugo iste in regimen abbatiae Sancti-Joannis apud Carnutes successit Stephano, qui anno 1128, electus patriarcha Hierosolymorum, ad quam epistola 82? Ceterum quam non medioeris litteratura fuerit, probat in primis illa librorum supellex ecclesiae cathedrali concessa; insuper liber Sacramentorum, ejus meminit Bernardus in epistola 35; in quo libro eum aliquid ad fidei apices non satis accuratum admisisse reprehendatur, facile inducor de eo esse intelligendum Hugonem Victorinum Bernardum consulentem de sententia cujusdam auctoris, aliter quam par esset, de Baptismo sentientis, quem ideo suppresso nomine designavit, quia suum. Denique præ manibus est liber manuscriptus de Miraculis beate Marie Suessionensis ab eodem in triginta et unum capita distinctus, in cujus titulo scribitur, « Hugo Farsitus venerabilis memoriae. » Hic liber totus editus est in Historia gallica parthenonis Suessionensis, auctore nostro Michaele Germano.

182 D. episcopum sanctum et doctum. — Fallor si non is est Guillelmus de Campellis, episcopus Catalaunensis, Barnardo charissimus, ex dictis ad epistolam 3: ejus Guillelmi varia Theologiae opuscula in codice Cheminio-nensi diocesis Catalaunensis memorantur in libro dicto Panchrysis, in quo multa eorum fragmenta referuntur.

183 A. Laudabili principi THEOBALDO. — Mira et magna ejus encomia passim leguntur apud scriptores ejus ætatis. Anselmus Gemblacensis ad annum 1131: « Theobaldus comes, » inquit, « Elesensis sive Carnotensis, » præ cunctis principibus Galliae, magno pondere justitiae » eminet in Francia, religiosus monachis et clericis pius » ac familiaris, Ecclesiae defensor, pauperum adjutor, » morientium consolator, in commerciis negotiatorum cautus et discretus, in reis et a recto deviantibus ultor et » vindex. » Iisdem omnino elogiis celebratur ab Hugone monacho Autissiodorensi, ad annum 1136. Quod spectat ad justitiae zelum, ob quem praecipue commendatur ab hoc Anselmo, illustre habes argumentum ex epistola 39 et aliis, ex quibus discimus quam rigide in monachos a principibus fere ubivis toleratos, primus, aut certe inter primos, animadverterit, id quod clericis longe antea

interdixerant canones, ut docet Ivo Carnotensis episcopus in epistola 247. Idem Theobaldus ab officiis charitatis et misericordiae ab Ernaldo Bonae-Vallis abbate mirifice praedicatur in Vita sancti Bernardi, lib. 2, cap. 8; item a Gaufrido, lib. 4, cap. 3, quibus adde novam epistolam 416. Unde apparet quantum ex sancti Doctoris familiaritate et documentis profecerit. Obiit sexto idus januarii, anno 1152, sepultusque est, non in monasterio Pontiniacensi, ut vult Jongelinus, et post eum Manricus, ad annum 1114, cap. 2, n. 6, Vincentium Bellocensem secuti; neque in Clara-Vallensi, ut Brito Lusitanus; sed in monasterio Latiniacensi Ordinis sancti Benedicti ad Matronam fluvium, cuius fuit advocatus, teste Bernardo epistola 230 : quod nimirum haec abbatia ab Heriberto Campaniae comite circa annum 990 instaurata fuisset, ubi tumulus ipsius Theobaldi porphyreticus etiamnum visitur. Sepulturae locum sicut et diem obitus Elinaudus monachus in Chronico aperte indicat : « Anno 1152, » inquit, « moritur comes Campaniae Theobaldus, sexto » idus januarii, et apud Latiniacum sepelitur. Habuit » autem filias sex. Prima fuit Maria Burgundiae ducissa; » secunda, Agnes Barri-Ducis comitissa; tertia quaedam » ducissa in partibus remotis. Hanc postea duxit Guillel- » mus Goez in diocesi Carnotensi. Quarta, comitissa Ma- » thildis Pertici; quinta, monialis Fontis-Ebraldi; sexta » fuit Adela Francorum regina. » His omnibus astipulatur Albericus in Chronico, ad annum 1152, qui et addit Theobaldum quatuor habuisse filios hoc ordine : « Hen- » ricum, comitem Trecessem Palatinum, largitate et libe- » ralitate famosum; Theobaldum, comitem Flesensem et » Carnoti; Stephanum, comitem de Sancerre; et Guillel- » mum, archiepiscopum Senonensem, et postea Remen- » sem. » Theobaldi epitaphium, quod Henrici comitis precibus composuit magister Simon, cognomento Capra-Aurea, Sancti-Victoris Parisiensis canonicus, edidit in Diatriba Franciscus Chiffletius, ex manuscripto codice monasterii Charitatis Ordinis Cisterciensis, dignum certe quod in honorem tanti principis hic transcribatur :

Transiit ille comes Theobaldus, clarus ubique,  
Ecclesie matris filius, immo pater.  
Magnus honore, potens armis, spectabilis ortu,  
Mente sagax, verbis lucidus, ore decens.  
Exiguus parvus, tumidis ferus, asper iniquis,  
Simplicitus simplex, omnibus omnis erat.  
Lætus pauperibus, monachis, agrisque parabat  
Incessanter opem, munera, templa, domos.  
Hujus erat servare bonos, punire nocentes;  
Hujus erat juste vivere, iusta loqui.  
Omnes virtutes in eo lucere videres,  
Certabantque simul mirificare virum.  
Gallia nostra gemens tanto viduata patrono,  
Sicut eo stabat stante, jacendo jacet.  
Ergo dies decimus janui fuit ultimus illi,  
Cui Deus est melior millibus una dies.

186 A. AD EUNDEM. — Inter cætera de quibus Theobaldum sollicitat hac epistola sanctus Bernardus, intercedit pro misero quodam, nomine Humberto, pro quo prima hæc epistola scripta est ante epistolam 37; qui duello victus, jussu principis et loculis et oculis mulctatus est, ut nec superesset unde miseram utumque vitam sustentaret. Gravis quidem pœna, et quæ Bernardi ani-

mum charitatis spiritu delinitum justissime movit : sed tanto et tam pertinaci morbo talis medicina debebatur. De monomachiae usu et ritu tetricum vide si lubet Sirmundum, in notis ad Gaufridum Vindociensem, lib. 3, epist. 38; Chesnium, ad Bibliothecam Cluniacensem et alios. Confer Bernardi epistolam modo 376.

186 B. pro canonicis de Larzieurte. — Canonici de Larzieurte regulares Ordinis S. Augustini, diocesis Catalaunensis in decanatu Partensi, ubi quondam Prioratus possidebatur a Patribus Societatis Jesu.

188 B. avunculum vestrum regem. — Henricum I scilicet Anglorum regem, qui Theobaldi avunculus erat, teste Ernaldo in libro secundo de Vita Bernardi, sub finem, et Roberto de Monte ad annum 1151, nimirum quod Theobaldus matrem habuerit Adelam, Guillelmi Conquæstoris filiam, Henrici sororem.

189 A. Molismensi ecclesiae. — Monasterium Ordinis S. Benedicti, diocesis Lingonensis, auctorem habuit Robertum abbatem, qui primus itidem Cistercii abbas. Unde Molismensium causam sæpe agit Bernardus in epistolis 44 et 60. Vide epistolam 80. Petrus Cellensis in libri 7 epistola 14, ad Molismenses : « Gallina illa Mo- » lismensis, plena plumis, et bene pennata, quot et qua- » les de utero suo fetus produxit, dum ex se collegium » Cisterciense originario germine pullulavit? » Hic agitur de ecclesia Senoina, ut in epistola sequenti, quæ olim Prioratus diocesis Senonensis in decanatu Curtiniacensi.

190 B. episcopo Parisiensi. — Stephano, qui ab anno 1124 ad annum 1144 Parisiensem Ecclesiam rexit, alius a Stephano de Garlanda dapifero. Causa hujus infestationis secessus Stephani a curia, Ecclesiae libertas. Eadem fortuna, eadem fere ob causas, contigit Henrico Senonensi, ex epistola 49. His litteris non flexus est Regis animus, cujus filium Philippum, jam regem designatum, ob id morte a Deo mulctatum ferunt. Mirum est eo mortuo proceres et episcopos de impedienda Ludovici Junioris successione cogitasse, teste Orderico, in libro 13, pag. 895 sqq. Mira in sanctis viris dicendi libertas, intrepidus justitiae zelus, quo pro episcopi defensione adversus regem humiles monachi insurgere non verentur. Sed qualis fuerit Ludovico Stephani Parisiensis episcopi insectandi ratio, ex antiquis monumentis non ita facile est divinare. Rem utumque Bernardus insinuat in simili causa Henrici archiepiscopi Senonensis, epist. 49, ad Honorium papam : « Rex, » inquit, « non tam episcopos, quam » in episcopis justitiae persequitur zelum. » Quod amplius declarans ait : « Qui ante in habitu actuque sæculari » honorati sunt sublimes, judicati fideles, habiti fami- » liares; modo inimici facti sunt digne suo sacerdotio » conversantes, et per omnia honorificantes ministerium » suum. » Hinc Baronius ad annum 1127 totum latius explicat his verbis : « Profecerant siquidem episcopi pro- » vinciae Senonensis Cisterciensium monachorum exemplo, » atque verbis litterisque sancti Bernardi, præcipue vero » quem diximus Parisiensis episcopus, atque Parisiensis » abbas Sancti-Dionysii Sugerius, qui monasterium illud » monastica penitus disciplina solutum, fibula regularis » observantiae arete constrinxerat : quo nomine ipsi sanctus » Bernardus congaudens, gratulatoriam ad eum dedit epi-

» stolam » (nimirum epist. 78). « Quod vero etiam et ipse » metropolitanus Senonensis archiepiscopus Henricus æque » admonitus litteris sancti Bernardi » (ep. 42), « et quidem » proximioribus, ad meliorem frugem conversus, ea quæ » essent optimi pastoris munera diligenter expleret, eadem » ex causa ejusdem principis indignationem incurrat, etc. » Sed quæ ista reformatio, » inquit, « fuit, quæ adeo dis- » plicere potuerit Regi christianissimo? Illa scilicet, quod » episcopi assueti prius, relicta ecclesia, curiæ Regis » assistere, militiam sectari, jam sese ad ecclesiam e curia » atque militiâ avocassent, atque etiam subditos sibi cle- » ricos pariter revocassent. Erat horum haud exiguus nu- » merus in palatio Regis militantium, nec in ipsa palatina » tantum, sed et in castrensi militia merentium. Quod » deplorat idem sanctus Bernardus cum in pluribus locis, » tum præsertim, quod ad rem spectat, in epistola ad » Sugerium abbatem Parisiensem, » etc. Huc usque Baro- » nius. Sed ut historiæ apud auctores illius ætatis a'to silen- » tio sepultæ ex veteribus etiam instrumentis nonnihil lucis » afferamus, lubet ejusdam familiaris ad ipsum Stephanum » Parisiensem epistolam, quam noster Acherius Spicilegii » tomo tertio divulgavit, proferre in medium, cujus hæc » verba sunt :

« Quamvis Paternitati vestræ constantiam nihil adhuc » mutari nec debilitari persenserim, tamen pro vobis » more amici sollicitus vos moneo et remoneo, ne a pro- » positio vestro et justitiæ rigore declinetis, nec Ecclesiæ » vestræ libertatem, quæ temporibus antecessorum ve- » strorum floruit, annihilari permittatis, illamque Domi- » nicam sententiam memoriter retineatis : *Beati qui per- » secutionem patiuntur propter justitiam*. Scitis autem » me in omnibus et per omnia vobiscum perseverare, nec » pro damnis, quæ mihi et hospitibus meis pro vobis con- » tigerunt, a proposito meo pedem retrahere. Rex enim et » regina meis hospitibus duodecim libras dederunt, et hoc » totum pro redemptione suarum rerum abstulerunt : et » mei parentes et amici regi et reginæ vineas meas extir- » pari jubentibus, decem libras dederunt, et hoc totum » decani et archidiaconorum instigatione, imo G. succen- » toris nocturna susurrante peractum est. Deo vero vo- » bis et mihi subveniente, me omnia, quæcumque ami- » serim, recuperaturum non vereor, nec vos sine me » rerumque mearum recuperatione pacem recepturum » arbitror. Præterea nisi vos consilio satis abundare sen- » tirem, parvitas mea Paternitati vestræ consuleret, ut » dominum Senonensem archiepiscopum et coepiscopos » vestros precibus vestris et amicorum vestrorum vobis » alliciatis, et ad justitiæ vestræ aggravationem, ut in » episcopatibus suis a divinis cessent, modis omnibus » impetrare non differatis, ut ejusdem justitiæ participes » vobis contra omnes subveniant, et, si necesse fuerit, » Romam nobiscum veniant. »

Ex hac epistola tria colligimus notatu digna : primo, non solum episcopum, sed et familiares iisque conjun- ctos, bonis omnibus a rege spoliatos ; secundo, hanc persecutionis procellam instigantibus quibusdam clericis excitatam ; tertio, libertatem ecclesiasticam a rege vio-

latam. Quæ quidem omnia mihi facile persuadent, totam hujus mali lernam a quibusdam clericis repetendam, qui cum pro regis arbitrio ecclesiasticis personis ex- actiones imponerent, experirenturque Stephanum ad- versantem ; regis animum adversus illum pessime irri- tantes, in bonorum omnium discrimen adduxerint, imo etiam in ipsius necem conspirarint, ut patet ex alia epi- stola (Spicilegii tomo 3. pag. 162. epist. 37) ad Step- hanum scripta. Unde factum est, ut etiam ipso in regis gratiam bonaque omnia restituto, Thomas Sancti-Victoris Parisiensis Prior pro istius causæ defensione postmodum occubuerit, ut videre est epist. 158 sqq. At quodcumque tandem hujus tragodiæ seminarium fuerit, Stephanus armis spiritualibus utens, Regis terram interdicto suppo- suit ; ejusque indignationem declinans, ad Henricum Senonensem, tum ambo ad capitulum Cisterciense con- fugientes, fraternitatis jure, qua tum ipsi, tum etiam rex Cistercio se sociaverant, litteras ad flectendum regis ani- mum a Patribus impetrarunt ; quas Bernardus cum Hu- gone Pontiniacensi, multisque aliis prælatis, Ludovico supplex offerens, repulsam indigne passus est. « Episco- » pos, » inquit Emilius in Ludov. « deprecantes a genibus » suis repulit Ludovicus : cui impenitentia Bernardus » abbas iram cælestem vindicem instare, denuntiasset » fertur. » Addidisse vero Bernardum Gaufridum, Vitæ S. Bernardi libro 4, cap. 2, et ex eo Gaguinus Historiæ Franc. libro 6 memorat : « Hæc, inquit, tua, Rex, per- » tinacia filii interitu multabitur. » Cujus vaticinii veritas in Philippi nece infelici probata est. Tanta dicendi liber- tate a proposito princeps aliquantulum dimotus, ad Honorii papæ litteras, quibus interdictum selvebatur, animum refricans, male cœpta ardentius prosecutus est. Quod Bernardus impatienter ferens, tam suo, quam Gaufridi Carnotensis nomine litteras ad Honorium justæ querimo- niæ pleas dedit (epist. 46, 47). Tandem vero tam per- tinax, tanque concitata dissensio finem accepisse videtur in concilio Trecenti, anno 1128, vel certe non multo post, ipsius Honorii auctoritate : qua de re Bernardus gratias retulit, ad eum denuo scribens, epist. 49 : « Hinc » enim, » inquit, « gravibus contumeliis et injuriis epi- » scopi Parisiensis constantia pulsata est, sed non quas » sata : quia Dominus supposuit manum suam, eum » vestram opposuit. » Porro hunc Stephanum Parisiensem, antea cancellarium, distinctum esse a Stephano de Gar- landa dapifero, de quo in Annalibus Teulii, diserte probat Chesnius in notis ad Abaelardum, nec obscure intelligitur ex epistola quadam Gaufridi Carnotensis, quæ exstat Spicilegii tomo 3, pag. 260, in qua scribit sanctum Bernardum fuisse electum ad pacem eum Stephano Parisiensi et Stephano de Garlanda componendam. Quod ulterius ad Ludovicum spectat, quem sanctus Bernardus ad Honorium scribens epist. 49, alterum He- rodem appellat ; memoria certe dignum est, quanta religione et penitentia diem clausit extremum, anno scilicet 1137. « Qui ut erat in consilio providus, » inquit Sugerius in ejus Vita, « sibi ipsi consulens, et miseratus animæ » suæ Deo placens, frequenti confessionis et orationis sibi » devotione providebat, hoc unum toto animi affectu » peroptans, apud sanctos martyres protectores suos,

» Dionysium sociosque ejus, se quomodocumque deferri,  
 » et ante sacratissima eorum corpora, regni et coronæ  
 » depositione, coronam pro corona, pro regalibus insi-  
 » gnibus et imperialibus ornamentis humilem beati Bene-  
 » dicti habitum commutando, monasticum ordinem profi-  
 » teri. » « Videant, » inquit optime cardinalis Baronius ad  
 annum 1136, « qui monasticæ paupertati derogant; quo-  
 » modo non solum archiepiscopi, sed et ipsi reges transi-  
 » toriæ vitæ æternam præferentes, ad securissimam  
 » monastici ordinis tutelam confugiunt. » Addit vero Su-  
 » ggerius, regem facta peccatorum confessione, « inopinate se  
 » levasse, obviamque corpori Domini exisse, ac devotis-  
 » sine adstitisse. Ubi, » inquit, « videntibus cunctis, tam  
 » clericis quam laicis, regem, exiens regnum deponit,  
 » peccando regnum administrasse confitetur, filium suum  
 » annulo investit, Ecclesiam Dei, pauperes et orphanos  
 » tueri... fide obligat. Ubi etiam aurum et argentum et  
 » ecclesiis, et pauperibus et egenis pro amore Dei distri-  
 » buens, nec chlamydis, nec regii indumentis usque  
 » ad eamiam pepercit. » Mirandum sane in tanto rege  
 exemplum! Caterum de donis pretiosissimis Ecclesiæ  
 Sancti-Dionysii ab ipso attributis videsis apud eundem  
 auctorem.

190 C. jure fraternitatis. — Fratres quippe ceusebantur  
 qui in societatem suffragiorum admissi erant. Ita Casæ-  
 Dei monachi Ludovici Juniores fratrem vocant in epi-  
 stola 308, inter Chesnianas tomo 4.

190 D. res ei sue injuste ablatæ restituantur. — Nimi-  
 rum exspoliati prius sunt restituendi, quam ad causam  
 vocandi. Vide Canones a Gratiano collectos, Causa 3, q. 1,  
 ubi ait Caius papa: « Episcopis suis rebus exspoliatis, vel  
 » a propriis sedibus ejectis, omnia quæ eis ablata sunt,  
 » legibus sunt redintegranda; quia priusquam hoc fuerit  
 » factum, nullum crimen eis objici potest. » Ibidem Joannes  
 papa: « Redintegranda sunt omnia exspoliatis... et  
 » in eo loco, unde abscesserant, funditus revocanda...  
 » ante accusationem, aut regularem ad synodum vocatio-  
 » nem eorum, » etc. Vide ibidem plura: item Capitula  
 in Decretal. Gregor. tit. de Restit. spol. Unde et Goffridus  
 Vindocin. epistola ad Ivonem ita scribit: « Cum de re  
 » nostra a nobis diu et juste possessa, et injuste ablata,  
 » secundum sacros canones investiti fuimus; si postea  
 » de nobis conqueruntur, quod justus iudex, quod divina  
 » lex faciendum judicaverit, non recusamus. » Vide eun-  
 dem, epistola ad Ranulfum Sanctonensem episcopum,  
 ubi etiam, cum Bernardo, testatur legibus apostolicæ  
 Ecclesiæ prohibitum, « ne quilibet exspoliatus vocetur ad  
 » judicium. »

193 C. Fraternitati vestræ. — Ita constanter omnes  
 scripti, aut fere omnes, et recte: nam cardinales olim  
 absolute dicebantur Fratres, in libro secundo de Vita  
 S. Bernardi, n. 42; et in Chronico Andrensi, Spicilegii  
 tomo 9, pag. 481, Petrus abbas tam dominum Papam,  
 quam Fratres ex more visitasse perhibetur; et initio hujus  
 epistolæ *Fratres vestri*, mendose quibusdam *nostris*; et  
 apud Willelmum Tyrensem in libro 13, cap. 15, « Fra-  
 » tres vero tam episcopi, quam presbyteri et diaconi  
 » cardinales » etc. Confer librum de Conversione ad Cle-  
 ricos, infra tomo 4.

193 D. restitutum est. — Tribus de rebus apud Haimer-  
 cum hæc in epistola purgat sese Bernardus. Primo quidem,  
 de Henrici Viridunensis episcopi depositione: de qua agitur  
 apud Laurentium de Leodio, in Historia Viridunensi, Spi-  
 cilegii tomo 12, pag. 311, ubi ejus causa ab Honorio  
 commissa dicitur Matthæo Albanensi episcopo et in Galliis  
 legato, qui Catalaunum hæc de re synodum indixit. « Hen-  
 » ricus primo capit consilium a Bernardo sanctæ memo-  
 » riæ, abbate Claræ-Vallensi, cujus consilii regna et  
 » ecclesiæ Galliarum hodieque, » ait Laurentius, « inni-  
 » tuntur. Ille consulit gravissimum esse invitit violenter  
 » præesse. Ideoque priusquam ignominiosa in eum accu-  
 » satio ad publicam tantorum virorum audientiam veniat,  
 » solus omnibus cedat, episcopatum abrenuntiet. Credidit  
 » se consilio ejus ille; baculum reddidit, et abrenuntiavit  
 » episcopatum, ac recedit anno decimo tertio ex quo susce-  
 » perat cum de manu Cesaris, » nempe anno 1129, ex  
 notis ad epistolam 13. Ad eundem epistolæ 62 et 63.  
 Secundo purgat se Bernardus de ordinatione Parvini in  
 abbate Sancti-Sepulcri Cameracensis, ex monacho  
 Sancti-Vincentii Laudunensis, teste Hermanno monacho,  
 de Miraculis, lib. 3, cap. 20, in locum Fulberti expulsi  
 a Rainaldo de Pratis, Remorum archiepiscopo, ob malam  
 administrationem, ut Bernardus hic tradit. Porro cœno-  
 bium Sancti-Sepulcri Ordinis S. Benedicti olim extra mu-  
 ros Cameraci, fundatum est anno 1064, a Lietberto epi-  
 scopo, cujus Vita exstat in Spicilegii tomo nono. Vide  
 Meyerum et Miræum. Tertio denique purgat se Bernar-  
 dus de reformatione monasterii Sancti-Joannis Laudu-  
 nensis, ubi puellis ob vitæ licentiam ejectis, substituti sunt  
 monachi: cujus rei historiam ita describit præfatus Her-  
 mannus, de Miraculis B. Mariæ, libro tertio, cap. 22:  
 « In diebus vero præfati domini Bartholomæi episcopi,  
 » Laudunensis scilicet, antiqua religio non parum in eo-  
 » dem monasterio refriguerat, exteriores quoque posses-  
 » siones paulatim diminutæ erant, sed et nonnulla sinistra  
 » famæ de eisdem virginibus dicebantur. Unde multum  
 » contristatus idem pontifex (videbat enim eas frequenter  
 » a se commonitas emendationem quidem verbo promit-  
 » tere, sed facto non implere) consilio et auctoritate  
 » domini papæ Innocentii, dominique Rainaldi Remorum  
 » archiepiscopi, Ludovici quoque regis Francorum, ad  
 » quem eadem ecclesiæ propriæ pertinere dicebatur, omnes  
 » pariter illas sanctimoniales ex illa ejecit. Assumens  
 » quoque virum religiosum domuum Drogonem cœnobii  
 » Sancti-Nicasii Remensis Priorem, eum ibidem primum  
 » abbate ordinavit, et monachos illic sufficienter ex  
 » diversis monasteriis posuit. » Ita ille. Quod autem In-  
 nocentii auctoritate hoc factum asserit, intelligendum est  
 de confirmatione, non vero de ipsa reformatione, quæ  
 biennio ante Innocentii creationem agitata est, et definita  
 in comitiis episcoporum, presente Ludovico rege Atre-  
 bati habitis sexto idus maii, anno 1128, quibus interfuere  
 Rainaldus Remensis, Joslenus Suessionensis, Bartholo-  
 mæus Laudunensis, Simon Noviomensis, Joannes Mori-  
 nensis, Garinus Ambianensis, Robertus Atrebatensis,  
 Clarenbaldus Silvanectensis, et Petrus Belvacensis, prout  
 hæc omnia constant, tum ex diplomate regio, tum ex  
 decreto Matthæi Albanensis, aliisque hujus historiæ mo-

numentis, quae una cum Innocentii litteris in lucem edidit nobis Acherius in suis ad Guibertum notis, pag. 828 sq.

196 C. laborat extinguere. — Haec non absolute dicta in Regem, quem alioqui minime malum fuisse constat; sed quod in eis iustitiae zelum persequi videretur, primigenios conversionis motus in Senonensi et Parisiensi antistitibus, quasi in ipsis novae vitae cunabulis, extinguere volendo. Ceterum quam pie vitae supremos dies exegerit Ludovicus, docent notae in epistolam 45: quidquid pinguedinem ipsi objiciat Henricus Huntindoniensis, Spicilegii tomo 8.

201 A. GAUFRIDO Carnotensi episcopo. — Virtutum hujus magni praesulis, magnus admirator et praeceptor, uti et testis oculatus, Bernardus fuit, utpote qui cum eo ad varia Ecclesiae negotia conficienda sapius auctoritate Pontificis adhibitus fuit. Vide Vitam sancti Bernardi, libro 2, capp. 1, 2, 6, et alibi. Sed fuisse virum vere apostolicum, et Bernardi moribus, affectui et ingenio per omnia parem, vel ex eo patet, quod dulcissimam illius sibi fateatur esse memoriam. En quibus idipsum verbis ostendat: « Sed, o mihi locum suavem, » inquit, « ubi incidit occasio memorandi, et nominandi suavissimi » odoris virum, episcopum loquor Gaufridum Carnotensem, qui legationem in partibus Aquitaniae propriis sumptibus administravit; idque annos plures. Rem loquor, quam vidi ipse, » etc. de Consideratione, lib. 4, cap. 5, ubi legere est, quam constanter et generose oblata sibi munera refutaverit, et quibus exinde praconii a Bernardo celebretur. Vide etiam Petrum abbatem Cluniacensem, lib. 4, epist. 43, ubi videre est, quanti eum faciat; Sarisberiensem, Polycratici libro 5, cap. 15; Henrici in Menolog. 1 febr. Idem in Fascic. lib. 2, dist. 10, cap. 12, e coetu Cisterciensium assumptum ad cathedram Carnotensem testatur. Vide etiam Baronium, tomo 12, anno 1135 et aliis, ubi complura de ipso refert prorsus illustra. Certe in Vita Guillelmi ducis Aquitaniae dicitur « vir plenus spiritu consilii et fortitudinis. » Sed unius Bernardi elogium nobis est instar omnium. Vide loca supra citata. Obiit Gaufridus anno 1138, octavo kalendas februarias.

202 D. meruerim. — Illustre Norberti elogium a tanto viro: sed non minus insignis rerum divinarum discretio in Bernardo, qui non facile quibusvis piis illustrationibus fidem accommodabat, ex epistola 174, n. 6. Norbertus jam supra laudatus in epistola 38 auctor Praemonstratensis Ordinis, per viginti annos in abbatias pene septuaginta adolevit, teste Laurentio Leodiensi, in Spicilegii tomo 12, pag. 325. Vide epistolam 253.

202 A. protestatus est. — Non Norberto solum, sed multis antiquiorum Patrum (ut de recentioribus taceam) persuasum subinde fuit, praeforibus Antichristum, et extremum mundi diem adesse: uti videre est apud Hieronymum, Leonem papam, Gregorium Magnum, et ipsum S. Augustinum. Nempe ex temporum iniquitate, et signis mundi finem praecessuris, a Christo predictis, quorum pleraque jam tum apparebant, id sibi haud vane colligere visi sunt. Et ut rem paulo altius repetamus, jam inde ab Apostolorum temporibus varia saepe fuerunt multorum de Antichristo et fine mundi iudicia, conjecturae, opi-

niones, vaticinia. Philosophi plerique et astronomi, ecclesiae plures etiam impostores, Iudaei et magivendubii, haeretici item et fanatici quidam hic vates esse, et ultra ceteros mortalium sapere videri voluerunt, sed quorum vaticinia pleraque jam elusit eventus, et vates istos vanitatis et falsitatis convicti. Reliqua laud dubie, quae futurum tempus etiamnum respiciunt, similiter sequens eludet aetas, ut pateat quam vere dictum sit Act. 1, 7, *Non est vestrum nosse tempora vel momenta*; item apud Matth. xxiv, 36, *De die autem illa et hora nemo scit*. Non erit injucundum Lectori, si ex plurimis paucorum exempla referamus. In primis ipsi Thessalonicenses male intellectis Apostoli verbis, 1 Thessal. iv, 16, *Deinde nos qui vivimus, qui relinquamur, simul rapiemur cum illis in nubibus obviam Christo in aera, et sic semper cum Deo erimus*; mox diem mundi supremum adfore rati sunt. His ergo ab hac opinione revocandis alteram ad Thessalonicenses Epistolam scribere necesse habuit, teste Hieronymo, epist. ad Mineriam et Alex. Lactantius arbitratus est anno 500 a Christo exterminium mundi futurum, Div. Inst. libro 1, cap. 25. Alii durationi mundi post Christum mille annos praefixerunt, Chiliastae dicti: idque ex verbis S. Joannis, Apoc. xx, 7, *Et cum consummati fuerint mille anni, solvetur satanas de carcere suo*. Episcopus quidam Florentinus asserbat, Antichristum natum anno 1105. Vide Plat. in Paschale II. Petrus Joan. Beguinarum et Begardorum princeps affirmabat, anno 1335 Antichristi regnum finiendum. Jos. a Costa de Temp. noviss. Hispanus quidam, nomine Arnoldus, teste Florimondo, in annum 1345 Antichristi tempus retulit, cujus scilicet anni ipso die Pentecostes Antichristi discipuli essent prodituri. Abbas Joachim existimabat Antichristum intra sexaginta annos a suo tempore adfuturum; vixit autem circa annum 1290. Petrus de Alliaco cardinalis et episcopus Cameracensis, ex astronomicis indicis et observationibus praedixit, Antichristum anno Domini 1789 exoriturum. Nicolaus Cusanus non dubitavit asserere, Antichristi adventum futurum anno Christi 1700 vel 1734. Joannes Picus Mirandulae princeps, in Assertionibus, concl. 9, adfuturum conjicit Antichristum anno redempti orbis 1994. Hieronymus Cardan, de Variet. libro 2, cap. 2, et Jacob. Naclant, in Praelud. Medullae, cap. 4, existimabant venturum Antichristum anno 1800. Superiori saeculo, nescio qua vaticinandi pruigine, plures tum astrologi, tum heterodoxi, tempus interituri mundi praedicentes, fabulam et risum mundo etiamnum stanti praebuerunt. Joannes Regiomontanus, magnus alias mathematicus, anno a partu Virginis Prognosticon de anno 1588 tanquam mundo fatali edidit. Similia Joannes Stofferus, et ipse insignis astrologus. Item Henricus Ranzovius nobilis Danus, in suo de Annis climacter. et imperiorum periodis libro. Sic plures astronomi, dum voluerunt ex siderum motu, conjunctionibus, et variis aspectibus futura praenuntiare, quae vero Dei subsunt arbitrio et gubernationi, toti se mundo ridiculos praebuerunt. Eventusque illis, quod S. Thomas in 4, distinct. 44, scribit: « Omnes, » ait, « qui tempus praedictum numerando » voluerunt praenuntiare, falso loqui inventi sunt, quorum » falsitas jam patet, et similiter patet falsitas illorum,

» qui adhuc computare non cessant. » Si quem forte magis lepida et ridicula fanaticorum hominum de fine mundi præsagia, aut potius somnia et deliramenta legere delectat, adeat Tilmanni Bredenbachii, viri piissimi, et illustris Ecclesie Sancti-Gereonis hic quondam canonici, Collationes sacras, lib. 7, capp. 32, 33 : adeat Codilaum in Actis Lutheri, anno 1533; Fridericum Nauseam episcopum Viennensem, libro de Consummatione sæculi; vel præ cæteris Florimundum, de Progress. hæres. lib. 2, cap. 4, et lib. de Antichristo, cap. 7; denique Harpocratem divinum Remachi de Vault. Hæc occasione memorati de Antichristo vaticinii commemorare visum est, non tamen in suggillationem Norberti, viri sanctissimi, quem supra « fistulam celestem » Bernardus appellat. Nec enim solus ipse, sed et plures sanctorum Patrum finem mundi suo tempore haud procul abesse opinati, aut ominati sunt : uti inter cæteros, Tertullianus, libro de Fuga in persec. cap. 12; Cyprianus, epist. 56, 58, 63; Hieronymus, epist. ad Ageruch. vel Geront; Leo, serm. 8, de Jejun. decimi mensis; Basilus, epist. 71; Chrysostomus, homilia 33 in Joannem; Ambrosius, oratione in Satyrum frat. Gregorius, lib. 4, epist. 72, et homilia 1 et 15 in Evangelium; Bernardus, serm. 6, in Psal. xc; Vincencius Ferrerius, Ordinis Prædic. epist. ad Benedictum papam, et plures alii. Sed adverte longe diversa ratione viros sanctos de fine mundi locutos, quam quos supra meminimus. Illi enim vel ex observatione siderum et planetarum (quæ fere in aliis prædictionibus, sed in hac maxime, nimis fallax est), vel ex quibusdam Scripturæ sententiis in falsum sensum detortis, vel sola mentiendi et fallendi libidine, vel studio popularis auræ et venerationis, huiusmodi commenta sparserunt. At sancti viri, horrore scelerum et malorum, quæ passim toto orbe inundabant, vix ultra posse mundum consistere putabant, nec aliud superesse, quam ut propediem, mole criminum et iniquitatum impellente, fatisceret, ira scilicet Dei terminum orbi constitutum prævertente. Et hinc pie ac prudenter monet auctor quidam recentior, ita inquit : « Si plures Patres, quos propter proximæ sanctitatis et doctrinæ præstantiam admiramur, animadvertentes suorum temporum, vel improbitatem ac malitiam, vel magnitudinem atrocitatemque persecutionum, Christianos urgentium, vel horrendas hæreticorum grassationes, aut denique incendia urbium, bellorum procellas, ingentes terre motus, colli, aerisque atque elementorum tetras ac funestas inmutationes, imperiorum occasus, humani sanguinis inhumanas effusiones, in eam cogitationem metu et trepidatione tot tantorumque malorum adducebantur, ut jam prope adfuturum Antichristum et finem sæculi, vel pertimescerent, vel forte crederent; non sunt aut levitatis aut falsitatis traducendi, vel quoquo modo linguae virulentia contaminandi. Nam sic opinati aut locuti sunt, quod præsentia mala semper videantur atrociora : quorum intuitu, timore prope consternerentur, ac aliis timorem, ut nimirum emergerent, et se ad frugem bonam, ut dicitur, reciperent, et incurrere, et animo conuiterentur, et prædicatione contendebant; arbitrabantur etiam totum hoc tempus quod decurrit, vel brevissimam moram esse æternitati com-

» paratum. Denique Dei iudicium in dies singulos magis atque magis appropinquare, citra veritatis dispendium, » et dicere poterant, et proclamare. Quod quidem Scripturis familiare esse ac proprium, nemini eorum qui illas legerit, potest esse impervium. » Ita auctor Harpocratis divini. Nec absinilia fuerunt varia Prophetarum oracula, quibus finem mundi ob impendentia mala, quasi jam futurum præcinnuerunt. Cujusmodi est illud apud Ezech. iv, 2 : *Finis venit, venit finis super quatuor plagas terræ*, et huic similia. Huic referri potest visio illa Redempti, Florentiæ civitatis episcopi, de qua B. Gregorius, lib. 3 Dial. cap. 38. Mira sunt, quæ narrantur apud Baronium, nempe circa annum Domini 419, tot visa signa, et tam horribilia portenta super montem Oliveti; ut multe vicinarum gentium, tam visi, quam auditu perterritæ, ad Christianorum sacra convolaverint, omniumque baptizatorum in tunicis crux Christi Salvatoris, divinitatis nutu expressa fuerit. Hujus rei admirabilis occasione de tempore adventus Domini, ex divinis prædictionibus cepti sunt ubique misceri sermones. Et hinc videtur Hesychius scripsisse ad sanctum Augustinum de supremo mundi die inquirendo, cui respondet Augustinus epistolis 78 et 88, quam posteriorem in hac materia omnino expedit legere, quippe quæ plurima Scripturæ loca varie de fine sæculi loquentia, docte et proluxe explicat. Sed nunc ad alia transeamus.

203 A. EBALUM CATALAUNENSEM EPISCOPUM. — Fuit is nepos Hilduini comitis Rociensis, filius Andreæ comitis de Rameruco, teste Hermanno monacho Laudunensi, in libro primo de Miraculis B. Mariæ, cap. 2, anno 1122 creatus episcopus Catalaunensis post Guillelmum Campellensem, de quo in epistola 3 successorem sortitus Elbertum seu Robertum anno 1126, et post eum Gaufridum ex Sancti-Medardi abbate, ad quem epistola 66. Itaque hæc epistola scripta est sub annum 1126, et quidem ante epistolam 13 scriptam in gratiam Alberici, qui post Ebalum electus, sedem tamen ejus non obtinuit.

203 B. ecclesia Omnium-Sanctorum. — Abbatia canonicorum regularium Ordinis S. Augustini apud Catalaunum, ejus abbati Petro, forsitan a reformatione primo, epistolam scripsit ineditam Hugo Metellus, canonicus itidem regularis Sancti-Leonis apud Tullum Leucorum.

204 A. Sancti-Urbani. — Monasteria hæc Ordinis S. Benedicti, deinde sub congregatione S. Vitoni, primum in ipsa urbe, alterum in diocesi Catalaunensi : quæ Guillelmus de Campellis ad meliorem frugem revocaverat.

204 C. Garnerii archidiaconi. — Is etiam abbas fuerat ecclesie Sancti-Stephani Divionensis, antequam eo inducerentur canonici regulares, quod fieri ceptum anno 1113, quo anno quatuor canonici ex ea ecclesia in villam Quintiniacum secesserunt, ut ibi vitam regularem profiterentur. Anno 1116, duodecim jam numero existentes, ad suam ecclesiam reversi sunt. Interim a Prioribus Arnulfo et postea Galone ecclesia ista gubernata fuit usque ad annum 1125, quo domnus Erbertus seu Harbertus abbas institutus est, præsentibus Hubaudo Lugdunensi archiepiscopo, Stephano episcopo Æduensi, Goceranno seu Joceranno Lingonensi, aliisque personis. Hæc fusiis apud Perardum. pagg. 86, 87, ubi Vita Garnerii legitur.

205 A. cognoscitur. — Id a Guilelmo præstitum docet ejus charta apud Perardum, pag. 97 edita, cui subscribunt inter alios abbates Cisterciensis et Claræ-Vallensis apud Lingonas, anno 1129. Eodem anno controversia quæ erat inter eandem ecclesiam et Sancti-Sequani monachos, composita est ab eodem Joceranno, judicio et consilio Galterii Cabilonensis, abbatumque Cisterciensis, Besuensis, Claræ-Vallis, ibid. pag. 102. Res ad Innocentium postea delata, Stephano Cistellensi et Bernardo Claræ-Vallensi a Pontifice commissa est, pag. 103. Sic unus omnia præstabat Bernardus, unus omnes lites et controversias finiebat.

206 A. RICUINO. — Ricuinus anno 1126 obiit, uti ex Alberico probant Sancta-Marthani. Unde hæc epistola post hunc annum differri non potest: certe autem annum 1124 scribi vix potuit, cum scilicet Bernardi fama et doctrina jam celebris erat. Ad eundem Ricuinum epistola 396.

208 A. de loco illo. — Caladia scilicet, diocesis Viridunensis, anno 1128 fundari cœpta sub Henrico, ab Adalberone ejus successore consecrata, « ubi nunc, » inquit Laurentius de Leodio, « sub abbate sanctæ memorie Guntero, militans regno celorum fere trecenti servorum Dei. » Cœpit autem sub Henrico præsule, « quando ibi Robertus, venerabilis nostri cœnobii, » id est, Sancti-Vitoni Viridunensis monachus, « cum duobus sociis primum eremitavit, ecclesiam et quibusdam mansuiculis fabricatis. Sed eo ad ecclesiam Belli-Loci assumpto, cum locus vacuus remansisset, a viro nobili Waltero nepote, cujus erat, data est venerabili Guidoni abbati de Tribus-Fontibus, Henrico pontifice annuente » et monente, et maxime Herveo viro nobili, hoc totum » innitente et hortante: qui Herveus se cœtibz eorum » associavit exemplo mirabili, » nempe uxore dimissa, et laqueo circum gulam alligato, ex Spicilegii tomo duodecimo, pag. 327.

209 C. constituit. — Ejusdem argumenti est Philippi abbatis epistola 18, ad Alexandrum III, rogantis, ut bona archidiaconi Aurelianensis, qui religionem ingressus fuerat, creditoribus concedantur, in tomo primo Bibliothecæ Cisterciensis, pag. 246.

210 B. ALVISO abbati Aquiscincti monasterii. — Monasterium Ordinis sancti Benedicti ad Scarpum fluvium, secundo milliari a Duaco. Anno 1029 incœptum est hoc cœnobium, Sancti-Salvatoris dictum, in insula quæ dicitur Aquiscinctus, a viris illustribus Sichero ac Waltero, sub Gerardo II Cameracensi præsule, ad cujus diocesium tunc locus ille pertinebat. Vide Aub. Miræum in Chronico Ordinis sancti Benedicti, cap. 68. Porro congregationi Cluniacensi Aquiscinctini monachi se aggregarunt, ejusque reformationem susceperunt anno 1110, uti refert Iperius in Chronico suo Bertinensi. « Anno Domini millesimo centesimo decimo, monasterium Aquiscincti ad religionem reparatum est et reductum per dominum Lambertum abbatem nostrum, cum ex monachorum dissensionibus nactus esset opportunitatem, » monachis Aquiscincti inter se tumultuantibus, in tantum, ut suum abbatem expellentes deponerent. Hoc » itaque dominus Lambertus considerans, per secretos

» intermittentos illos induxit, ut virum venerabilem, moribus egregium, et prudentia facundiaque decoratum, » sibi sumant in abbatem, quo collapsa eorum ecclesia » releveretur. Et eis nominari fecit Jemnum Alvisum, monachum nostrum reformatum, ecclesie Sancti-Vedasti » tunc intendentem. Igitor Aquiscinctenses monachi Alvisum instinctu Lamberti abbatis nostri in suum abbatem elegerunt, qui consilio et auxilio ejusdem Lamberti, eandem ecclesiam reformavit, et in spiritualibus » ac temporalibus sic exaltavit, ut ejus nomen celebre » fieret ubique, et idem Alvisus tandem eligeretur in » episcopum Atrebatensem. » Hactenus Iperius. Porro hujus monasterii fama ac gloria plurimum toto orbe crevit a Gymnasio Aquiscinctino, quod in Duacena academia excitavit Joannes Lentaillerus, hujus loci abbas dignissimus, et Patribus Societatis Jesu, raro sed præclaro exemplo, tradidit. Vide Jacobum Bouffier, Societatis Jesu theologum et insignem Scripturæ interpretem, Dedicat. in Pentateuchum. Alvisus, de quo item mentio infra in epistola 66, Atrebatensi Ecclesiam, cui paret Aquiscinctum, episcopus rexit. Ad eum hoc nomine scripta est epistola 395.

213 A. DOMINO GAUFRIDO abbati Sancti-Medardi. — Ut jam dictum est in nota <sup>b</sup>, hæc epistola inscribitur, *Ad Gaufridum abbatem Sancti-Theoderici*, apud editos et omnes codices manuscriptos, præter Corbeicensem, in quo legitur, *Ad Gaufridum abbatem Sancti-Medardi Suessionensis*: hæc epigraphæ præfixa, *Domno Gaufrido abbati Sancti-Medardi, Bernardus ecclesie Claræ-Vallis ordinator incompositus, salutem, et non in via*. Sed parum refert utrum legatur, cum utrique cœnobio successive præfuerit, quamvis ex temporis serie posterior lectio retinenda sit. Nimirum ipse Gaufridus ex priore Sancti-Nicasii Remensis, abbas Sancti-Theoderici prope eandem urbem ordinatus est anno 1111, ibique regularem observantiam per octo annos studiose excoluit, » postea vero, » ut habet Nomenclatura abbatum dicti monasterii, » factus » est abbas de Sancto-Medardo Suessionensi, jussu domini apostolici Widonis, cognomento Calixti, et prece » Ludovici regis, » succedente interim venerabili Guillelmo, Bernardi amicissimo. Denique idem Gaufridus, procurante sancto Bernardo, qui electus acquiescere noluit, in sedem Catalaunensem suffectus est anno 1131 in locum Herberti, non post dedicationem ecclesie Sancti-Medardi, ut tradit Albericus in Chronico, idibus octobris ejus anni ab Innocentio factam; sed ante illam, ex Chronico Sancti-Medardi, ubi » prædictus Papa ante dedicationem ecclesie » prædictæ, Odonem abbatem ecclesie Beati-Medardi, » nolente sed contradicente episcopo Suessionensi, Aurelianis benedixisse perhibetur pridie kalendas octobris. » Obiit, teste Alberico, anno 1143, et quidem sexto kalendas junii, ut Sancti-Theoderici Necrologium testatur his verbis: » Sexto kalendas junii obiit Gaufridus noster abbas, Catalaunensis episcopus. » In serie vero anniversariorum notatur, » ipsum tres præbendas in » Refectorio legasse in elemosynam pro se et pro Adalberone Remensi archiepiscopo, qui ibidem monachos » restituit. » Exstat epistola Gaufridi ad Petrum Venerabilem in Bibliotheca Cluniacensi, ipsiusque Petri ad eum-

dem rescriptum, in quo eum vocat « Cluniacensis, ino-  
 » divini Ordinis per totam Franciam primum dissemina-  
 » torem, auctorem, provectorem, inveterati draconis de-  
 » tot monasteriorum cubilibus expulsorem, diuturni  
 » sonni et monastici torporis excitatorem de duobus alte-  
 » rum » ( Bernardus alter, ino primus erat ), « quos  
 » non fictæ charitatis vertice totius Gallie Belgicæ  
 » amicis præponendos non tantum crederet, sed et  
 » publice prædicaret. » Praelara certe elogia, quæ tan-  
 dem his verbis ita concludit : « In ultimo fratrem domni  
 » Garnerii subprioris nostri, charissimi mei, ita vobis  
 » commendo, ut eum labore vestro probus, sapiens,  
 » litteratus factus fuerit, nobis eum, sicut de altero  
 » fecistis, reassignetis. » Ex quibus colligere est, Gau-  
 fridum doctrinæ et sapientiæ laude conspicuum, insti-  
 tuendæ juventutis cum ipso episcopali munere operam  
 suscepisse. Sub eo apud Suessionas habitum est generale  
 monachorum Ordinis nostri capitulum de quo in epistola  
 91. Interfuit concilio Senonensi anno 1140 : et in epistola  
 synodali ad Innocentium directa, quæ est inter Bernar-  
 dinas 191, tertius nominatur.

214 A. AD MONACHOS FLAVIACENSES. — Ita legendum  
 cum purioribus manuscriptis; non vero *Flaviniaenses*,  
 ut perperam volunt Horstius et alii nonnulli, quod ex  
 ipsius contextu epistolæ tribus argumentis manifeste re-  
 fellitur. Primo namque sanctus Bernardus asserit, quod  
 eorum ad quos scribit, « non habitationis, non religionis  
 » ac conversationis usque ad hoc tempus vel tenuem no-  
 » titiam habuerit, sed nec aliquam aliquando mentionem  
 » sibi de ipsis factam » fuisse meminerit. Deinde, « Multis, »  
 inquit, « terrarum spatiis, et diversis provinciis, et dis-  
 » similibus linguis ab invicem distamus. » Postremo deni-  
 que, « Nec solum, » ait, « episcopatus propriis absu-  
 » mus, sed etiam in eodem archiepiscopatu non degimus. »  
 Quæ omnia Flaviniaco non posse competere clarius est,  
 quam ut probatione indigeat. Est enim Flaviniacum  
 oppidum in Burgundiæ ducatu, Fontanis, unde Bernardus  
 originem traxit, vicinum, nec multum distans a  
 Clara-Valle, habens olim monasterium Ordinis sancti  
 Benedicti, diocesis Æduensis sub metropoli Lugdunensi,  
 sicut et Clara-Vallis, pretiosis sanctæ Reginæ reliquiis  
 illustratum. Restituendum itaque, *Flaviacenses*; sumpta  
 denominatione a Flaviaco, qui vicus est diocesis Bello-  
 vacensis ad Eptam fluvium, in quo a beato Gerema-  
 ro conditum est nobile Benedictinorum cenobium sub  
 annum 650, unde nonnunquam Flaviacum, passim vero  
 Sancti-Geremari de Flaviaco, appellabatur. Quod spectat  
 ad nomen abbas Flaviacensis hoc grammate decur-  
 ratum, *Domno H. Patri Flaviacensis ecclesiæ*, etc. ex-  
 primendum esse puto Hildegarium I, qui ab anno 1106  
 usque ad annum 1123 Flaviaco præfuisse memoratur in  
 vulgato indice Acheriano ad Guibertum. Verum eum ad  
 annum saltem 1126 pervenisse colligo ex serie harum  
 epistolarum. Sunt qui Hugonem hoc loco notent, sed  
 perperam. Duo quidem leguntur, ejus loci abbates, Hu-  
 gonis nomine : sed primus desit anno 1100, secundus  
 Hildegario II successit anno duntaxat 1172, uterque  
 proinde longe extra sancti Bernardi calculum. Porro ex  
 eodem cenobio viri doctrina et pietate insignes prodie-

runt, ex quibus Radulfus, Levitici interpret, circa annum  
 912, multique alii deinceps, maxime præfati Hildegarii  
 tempore floruerunt, quos inter Guibertus, exinde in abba-  
 tem Novigenti prope Codiciacum assumptus, velut sidus  
 eminebat : ut non immerito Flaviacenses in sua ad Bernar-  
 dum epistola, ut hic ipse testatur, monasterii sui famam  
 Romam usque diffusam gloriarentur.

214 A. FLAVIACENSIS. — Ita legendum, non, *Flavinia-  
 censis*; ut constat ex momentis in nota modo præcedenti  
 expositis.

215 C. sed medicum. — Medicos olim agebant et  
 clerici, et monachi. De clericis id probat Christianus  
 Lupus in notis ad varias epistolas concilii tum Ephesini,  
 tum Chalconensis, pag. 100 sq. Monachorum item  
 varia exempla suppetunt, quorum unum insigne est apud  
 Lupum Ferrariensem in epistola 72, de Didone abbate  
 Senonensi. Utrisque medicina recentiori jure interdicta.

219 A. ABBATEM DE TRIBUS-FONTIBUS. — Nempe se-  
 cundum; nam primum fuisse Rogerium legimus, in Vita  
 sancti Bernardi, lib. 1, cap. 13, cui anno 1127 desinenti,  
 manum dedit Guido, qui anno sequenti cum Bernardo et  
 Hugone Pontiniacensi, concilio Trecenti interfuit, postea  
 vero Ordinem suum quatuor monasteriorum fundatione,  
 nimirum Caladiæ, Castellionis in diocesi Alardunensi,  
 Aurea-Vallis in Treverensi, Alti-Fontis in Catalaunensi,  
 non parum promovit et ampliavit. Porro Trium-Fontium  
 cenobium, prima filia Clare-Vallis, agente Guillelmo de  
 Campellis episcopo Catalaunensi, ut testatur Guillelmus  
 abbas Sancti-Theoderici, Vitæ sancti Bernardi libro 1,  
 cap. 13, in sua diocesi constructum est anno 1118, cujus  
 quidem primordia nonnihil adhuc obscura lubet paulisper  
 illustrare. In Actis Episcoporum Catalaunensium recitatur  
 Charta Bozonis episcopi septimi a Guillelmo, quæ partem  
 silvæ Luis ab Alardo alisque, Sancti-Salvatoris canonicis  
 regularibus contraditam, condendo monasterio impensis-  
 se testatur. Sic enim habet : « Nihil æque securitatem parit  
 » in longinquum, quam cum ea quæ piis et fidelibus  
 » donantur ecclesiis cura diligenter traduntur litteris. Ideo  
 » que ego Bozo, Dei gratia Catalaunensis episcopus, no-  
 » tum facio omnibus tam presentibus quam futuris, quod  
 » Hugo comes Trecentis illam divisionem silvæ, quæ  
 » dicitur Luis, quam jussit fieri per Petrum Vitriaci præ-  
 » positum, et per majores ejusdem silvæ, id est Milonem  
 » de Sera, Walterum, Vierdum et alios, Alardo sacer-  
 » dotis, cæterisque confratribus in Oratorio Sancti-Salva-  
 » toris, quod in eadem parte situm est, canonice et  
 » regulariter vivere volentibus, in manibus Willelmi  
 » Catalaunensis Ecclesiæ episcopi dereliquit : Alardo  
 » præcipiens, ut quod ab eo postulabat, a confratribus  
 » Compendiensi ecclesiæ exciperet; et quod ipsi conce-  
 » derent, episcopus sibi confirmaret. Hæc autem omnia  
 » habitatores loci illius per manus Willelmi episcopi  
 » Catalaunensis dederunt Bernardo abbati Clare-Vallis,  
 » concedente Hugone comite, ad abbatiam construendam,  
 » quod et factum est. » Ex quo vides non tam Guillel-  
 mum, quam Hugonem comitem, de quo supra actum est  
 in notis ad epistolam 31, censeri debere Trium-Fontium  
 fundatorem. Quod vero additur de concessione confratrum  
 Compendiensium, quid inde actum sit, discimus ex



litteris sequentibus, ex Archivio monasterii Compendiensi primum erutis :

« In nomine sanctæ et individue Trinitatis, Gaufridus  
» sanctæ Compendiensi ecclesiæ decanus, Joannes can-  
» tor, nosque simul ejusdem loci fraternitas universa,  
» tam futuris quam præsentibus cunctis volumus inno-  
» tescat, quia domini regis Ludovici, ejusque conjugis  
» reginæ Adelaidis, atque comitis Theobaldi, necnon  
» virorum venerabilium Goisleni Suessionensis, Gaufridi  
» Carnotensis, Guarini Ambianensis episcoporum, do-  
» minique Clare-Vallensis abbatis petitionibus, locum  
» quemdam, qui Tres-Fontes vocatur, in silva Luis,  
» quæ tota de jure nostræ est ecclesiæ, fratri Guidoni  
» abbati et monachis cum eo ibidem Deo servientibus  
» inhabitandum concessimus. Quod ne longæva temporum  
» vetustate a memoria tolleretur, litteris fecimus assi-  
» gnari. Placuit itaque nobis, ut terram illam, et nemus,  
» et quidquid de terra ecclesiæ nostræ, ubicunque jaceat  
» in eadem silva, salvis aliorum terminis, ulterius eis  
» accesserit, dicti monachi possiderent.... et quidquid in  
» ea nostri juris erat, libere et quiete perpetualiter obti-  
» nerent. Firmatum est igitur hoc præsentis chirographo,  
» firmatum est et sigillo, signisque personarum quæ ad-  
» fuerunt ad posterorum notitiam roboratum, scilicet  
» Goisleni Suessionensis, scilicet Gaufridi Carnotensis,  
» scilicet Guarini Ambianensis episcoporum, scilicet Ber-  
» nardi Clare-Vallis abbatis, scilicet Gaufridi decani,  
» scilicet Joannis cantoris, scilicet Odonis et Haimonis  
» præpositorum, scilicet Rainardi abbatis Sancti-Bartho-  
» lomæi, scilicet Theoderici abbatis Sancti-Eligii Novio-  
» mensium. Aetum Compendi in publico capitulo, anno  
» ab incarnatione Domini millesimo centesimo trice-  
» simo. »

Ex quibus cernitur illorum temporum fides, ut concessio  
ab Hugone facta, sine litteris in annum 1154, quo Bozo  
episcopus regere cepit Catalaunensem Ecclesiam, vigue-  
rit, simulque donatio Compendiensium annos a monaste-  
rii fundatione duodecim. Ex abbacia Trium-Fontium pro-  
cessisse perhibetur, ut jam diximus, abbacia Alti-Fontis,  
in eadem diocesi Catalaunensi sita, de cujus incremento  
has ab illustrissimo hujus loci abbate de Noaliis accepi-  
mus :

« In nomine sanctæ et individue Trinitatis, B. (Bozo)  
» Catalaunensis episcopus. Præsentibus et futuris notum  
» fieri volumus, quod Theobaldus digne reverendus ab-  
» bas Dervensis, communi totius capituli sui assensu,  
» interventu summæ religionis viri abbatis Bernardi Clare-  
» Vallensis, pro amore Dei concessit ecclesiæ de Alto-  
» Fonte, existente ibidem Guarino abbate, omnem par-  
» tem, quæ ad ecclesiam Dervensem pertinet, de decimis  
» eorum, quæ propriis aratris operabuntur in parochia  
» de Alta-Villa. Aetum est hoc in præsentia abbatis  
» Clare-Vallensis, abbatis Theobaldi Dervensis, Araldi  
» abbatis Sancti-Urbani, Guarini abbatis de Alto-Fonte,  
» Amalucii monachi, Joannis conversi ejusdem loci. Ut  
» autem hoc donum ratum et inviolatum permaneat,

» præsentem paginam sigilli nostri impressione per ma-  
» num Manni cancellarii nostri firmari præcepimus. »

Alia est abbacia Trium-Fontium, seu sanctorum Vincen-  
tii et Anastasii ad Tres-Fontes prope Romanam, ad quam  
abbatiam spectat electio Turoldi abbatis, de qua in epi-  
stola 306.

220 A. decantare. — Id est recitare, quo sensu *de-  
cantare* passim usurpatur apud veteres. « Sanctus anti-  
» stes Ambrosius, » inquit Beda in epistola ad Egbertum  
apud Waræum, « hoc de Fide loquens admonet, ut  
» verba Symboli matutinis semper horis Fideles quique  
» decantent. »

220 C. Corporis sacri. — Idem censet præter schola-  
sticos Jacobus a Vitriaco, in Historia occidentali, pag.  
427; qui auctor præsentem casum proponit pag. 441.  
Vide Commentarium nostrum in Ordinem Romanum;  
vide etiam nostrum Edmundum Martene, de Ritibus  
monasticis, libro 2, cap. 7.

222 C. superexaltetur judicio. — Ex octo quos vidi-  
mus hujus epistolæ codicibus scriptis, quinque sunt, in  
quibus sequens legitur additamentum, nempe duo Cister-  
cienses, unus Vallis-Lucentis, Corbeiensis item unus,  
et quintus Fulcardi-Montensis; at in tribus Colbertinis  
desideratur. Post extrema verba, *superexaltetur judicio*,  
additamentum est hujusmodi : *Rem similem, quam mihi  
contigisse meminî, exempli causa refero vobis. Olim frater  
quidam (alius, Bartholomæus) dum adhuc viveret,  
quadam die, quia me contristaverat, furore commotus  
vultu et voce minaci præcepi ut de claustris exiret; qui  
statim egressus est, et ad unam de nostris grangiis per-  
gens, ibi demoratus est. Quo cognito, cum eum vocare  
vellemus, respondit se non aliter rediturum, nisi  
in suo et non in ultimo ordine, nec ut fugitivum, sed ut  
inconsulte et sine judicio expulsum reciperemus. Dicebat  
quippe non debere se subire regulare judicium in reveren-  
tendo, quod expectatum non fuit in expellendo. De hoc  
ejus responso et meo facto, quia propter carnalem effec-  
tum, proprium judicium habui suspectum, fratribus  
omnibus commisi judicandum. Itaque me absente judica-  
tum est, ejus receptionem regulari sententia non esse  
obnoxiam, cujus expulsionem constabat non fuisse regu-  
lariter factam. Si ergo in illo tantum semel egresso tanta  
habita est consideratio pietatis: quanto putamus debet  
esse in isto in tantæ articulo necessitatis? Hoc totum  
additamentum a Bernardi genio, moribus, cæterisque  
factis prorsus alienum videtur. Impetus ille furoris, præ-  
ceps monachi ejectio e monasterio nunquam cecidissent  
in tantum virum, in quo quidem zelus erat, sed man-  
suetudine et clementia conditus, ut vel ex ipsa epistola  
patet, ubi tantum lenitatis in transfugam exhiberi suadet.  
Imo etsi in hanc culpam lapsus fuisset Vir sanctus, eam  
potius poenitentia diluere, et silentio tegere studuisset:  
neque eo imprudentiæ devenisset, ut id Guidoni abbati  
attulisset pro exemplo, quod et ipsius Bernardi scopo  
contrarium, et scandali occasio Guidoni futurum fuisset.  
Omnino id ad marginem ejusdem codicis, forsan Cister-  
ciensis, primo id scriptum fuisse videtur a quodam  
abbate, ac deinde e margine translatum in textum, quo*

ex codice quidam alii id acceperint, neutiquam vero Clare-Vallenses, qui in hac causa majoris momenti sunt.

223 C. si terrear dignitatis nominibus. — Nempé *Domni* (nam ita legendum) et *Patris*. Mirum certe modestiæ in Bernardo exemplum, terreri videlicet ad dignitatum nomina, quibus alii, imo ipsis amplius dignitatibus lascivunt. Simile habes (præter ea quæ supra retulimus, in notis ad epistolam 11) in Vita beati Mechthildis exemplum, cap. 10. « Soror Mechthildis, » inquit auctor, « contendit appellari sine Domnæ adjunctione, altum omne contempsit in nomine; sed usus » exegit domus et monasterii Regula, ut Domna vocaretur et Abbatissa. » Et certe quantum ad primum, Augustus, teste Suetonio, in Augusti Vita, cap. 53, Domini appellationem ut maledictum et opprobrium semper exhorruit, et Tiberius Dominus aliquando appellatus, contumeliæ loco reposuit. Unde postea a scriptoribus, ut vocabulo humiliori uterentur, littera per syncopen detracta, sanctos viros, episcopos, aliasque personas ad ipsa usque Bernardi tempora dominos vocitatos legimus. Sic Severus Sulpicius epistola 2, « Dominum Martinum, » inquit, « obisse nuntiant. » Sic Gregorius Magnus, lib. 1, epist. 6, et lib. 7, epist. 127; sic passim in epistolis Desiderii Cadurensis, et apud Gregorium Turonensem Historiæ libro 9, cap. 42, ex quibus mos ad Hispanos et Italos derivatus invaluit; imo apud ipsos Græcos recentiores pro τὸς κύριος in simili casu κυριος usurpant solet, ut doctissime observavit e nostris Hugo Menardus in notis ad Concord. Regul. cap. 70. Hujus autem vocabuli *Domnus* mentio facta est a sancto Patre Benedicto, in Regula, cap. 63, ubi sic habet: « Abbas autem, » quia vices Christi agere videtur, Domnus et Abbas vocetur, non sua assumptione sed honore et amore Christi. » Quod quidem nomen etsi ex Regulæ auctoritate soli abbati concedatur, decurrentium tamen temporum lege ad ipsos etiam monachos Sacerdotio initiatos, sicut et Patris nomen tractum est. Qua de re vide Menardum loco citato; Hæften. lib. 3, Disq. tract. 4, Disq. 4 et 5; Julium Nigron. in Regul. comm. Societatis Jesu, reg. 22.

229 B. AD ARTALDUM PRULLIACENSEM. — Artaldus iste seu Artaudus abbas fuit Prulliacensis. Ita legendum, non, *Pultariensis*, de quo vide notas ad epistolam 80. Erat autem Prulliacum, conobium Ordinis Cisterciensis in diocesi Senonensi, fundatum anno 1118 a Theobaldo Campaniæ comite et Adela ejus matre, ut refert Guillelmus Nangius in Chronico, relatus a Manrico in Annalibus ad hunc annum, quo quidem anno nihilominus Theobaldus Campaniæ comitatum necdum habebat, ut colliges ex notis ad epistolam 31. Hanc epistolam dirigi ad Prulliacensem seu Cisterciensem, non autem ad Pultariensem, manifeste colligitur ex ipso contextu: nam Bernardus Artaldum sibi charissimum esse dicit, non solum ob consortium propositi et professionis, sed etiam ex debito suæ invicem pristinæ societatis.

229 B. salutem. — Hanc inscriptionem, uti et plures alias, restituit codex Corbeiensis.

229 D. abbas Pontiniacensis. — Sic codex Corbeiensis. In aliis, *abbas P.* Locus de quo hic agitur, est Val-

lis-Lucensis, in quo Artaldus consilio Bernardi monasterium construxit anno 1127 (quæ hujus epistolæ epocha), duodecim monachis eo missis sub Norpaldo abbate.

230 A. S. PETRI-DE-MONTE. — In editis hæc epistola hactenus inscribitur, *Ad eundem*. Sed veram inscriptionem, ac proinde titulum, restituumus ex sæpe laudato Corbeicensi manuscripto. Erat autem abbatia S. Petri-de-Monte, diocesis Tullensis, Ordinis S. Augustini, non procul a Mortana fluvio, qui in Murtam influit.

230 D. ecclesiastico canonicoque judicio. — Quidam post diutinam in domo et habitu religionis conversationem ad sæculum reversus uxorem duxerat. Inde consultus Bernardus, non satis aperit mentem suam, quid de hujusmodi conjugio sentiat. « Periculosum » id ait fuisse, et « fortasse illicitum: » et quia illud « qualecumque conjugium solemniter celebratum sit, » sibi non videri tutum, uxorem invitam dimitti. Præterea non satis patet, quali voto obstrictus ille fuerit. Confer ejus opusculum de Præcepto et Dispensatione, cap. 17, et notas ad eundem locum.

231 B. AD SUGERIUM ABBATEM S. DIONYSII. — Abbatia Sancti-Dionysii Arcopagite, Franciæ apostoli, secundo a Lutetia Parisiorum urbe lapide, in vico Catuliaco, Ordinis S. Benedicti inter abbatias Galliæ celebratissima, fundata a Dagoberto rege Francorum, ejus nominis primo. Porro Sugerius successit Adamo; quem falso ut vitii infamem Abaelardus accusat in Historia Calam. pag. 19. Vide Duchenum ibid. in notis. Successit, inquam, anno 1123 electus absens. Agebat enim apud Calixtum II papam, missus a rege Ludovico Crasso, pro quibusdam regni Galliarum negotiis. Obiit anno 1152, ætatis septuagesimo, sepultus in ecclesia, quam ipse instauravit eo schemate, quo etiamnum visitur perquam magnifica in formam crucis, longa pedes trecentos et nonaginta, lata centum, alta a pavimento ad fornitem octoginta, columnis seu pilis sexaginta suffulta. Vitreis fenestris incomparabilibus, choro vario marmore strato, et sexaginta sedibus superioribus ornato, pluribus regum procerumque aliorum sepulchris decorata. Hic ergo, attestantibus Amalibus dicti monasterii, « Per industriam » suam, Ordinem sanctæ Religionis instauravit. Antea » namque per abbatum negligentiam, qui ante ipsum » fuerant, et quorundam illius monasterii monachorum, » regularis institutio ita ab eodem loco abjecta fuerat, ut » vix speciem religionis monachi prætenderent, » uti etiam hic Bernardus dicit. Vide notas in epistolam 266.

231 C. Exit sermo bonus. — Nempé de ejus conversione, haud dubie Bernardi monitis concepta sub annum 1127, tametsi monasterii Sancti-Dionysii reformatio per Sugerium anno 1123 forsitan anticipato, refertur in Chronico Nangiano: in quo Sugerii electio ita describitur: « Sugerius Sancti-Dionysii in Francia monachus, Scripturarum scientia clarus, cum solummodo esset ad diaconatus ordinem promotus, a Roma regrediens, quo fuerat » a rege Franciæ Ludovico missus, abbate suo Adam defuncto eligitur in abbatem: qui reversus primo presbyter ordinatur, et post, præsentem Regem, a Bituricensi archiepiscopo in sua Sancti-Dionysii ecclesia in abbatem » benedicitur. »

233 B. insolentior appareret. — Forte de ipso intelligendum quod Bernardus ait in Apologia capite 10 : « Mentior, si non vidi abbatem, sexaginta equos, et eo » amplius, in suo ducere comitatu, » etc.

233 D. æque fideliter. — Id confirmat Guillelmus Nan- gius ad annum 1123, ut jam supra fusius relatam est : « Nam per abbatem negligentiam, qui ante ipsam fue- » rant, et quorundam illius monasterii monachorum, re- » gulariam stituta ita ab eodem loco abjecta fuerant, » quod vix speciem religionis monachi prætendebant. »

238 B. neutrum sit. — Diaconus ille fuit Stephanus de Garlanda seneschallus, sive dapifer Regis Galliarum, quem alii male confundunt cum Stephano cancellario, qui postea factus est episcopus Parisiensis, ut recte probat Duchenus in notis ad Abaelardum. De quo Teulfus in Annalibus Moriniacensis cenobii, ita scribit, libro 2 : « Defuncto Vuillelmo, Anselmi dapiferi germano, Ste- » phanus frater amborum Major regie domus effectus est. » Hoc retroactis generationibus fuerat inauditum, ut » homo, qui diaconatus fungebatur officio, militie simul » post Regem duceret principatum. Hic vir industrius, et » sæculari præditus sapientia, cum multis ecclesiastico- » rum bonorum redditibus, tum familiaritate Regis, quam » sic habebat, ut ei potius diceretur a quibusdam impe- » rare, quam servire; temporalis felicitate supra ceteros » mortales nostris temporibus efflorebat. Tradita vero » nepte sua in conjugium Almarico de Monte-Forti, cum » honore de Rupe-Forti, qui puellæ de matrimonio obve- » nerat, tumefactus oblitusque sui, Adelam reginam fre- » quentissimis molestiis sibi reddidit infestam; odiisque » crescentibus, Rege turbato, depositus ab honore pul- » satûr a curia. Ipse vero, veluti quadam correptus insa- » nia, regnum turbare totis viribus enititur: et viri in » armis strenui, Almarici dico, fretus auxiliis, patriam » hanc bellis accendit, » etc. Idem, nisi fallor, Stephanus (nam et de Garlanda cognominatur) male audit apud Ivonem episcopum Carnotensem, epistola 87, ubi apud cardinales arguit Belvacenses eum sibi in episcopum assumptentes. « Nempe quod postposita omni canonica obe- » dientia clericum quemdam illitteratum, aleatorem, et » cæteris hujusmodi lenociniis vacantem, procul etiam a » sacris Ordinibus inventum, quondam quoque propter » publicum adulterium a legato Romanæ Ecclesiæ Lugdu- » nensi archiepiscopo de Ecclesia ejectum pro voluntate » Regis, et illius contubernalis suæ in episcopum as- » sumperunt. Prædictus autem intrusus, Stephanus vo- » catur de Garlanda: cui si ad episcopalem ministrati- » onem, aliquando apostolica auctoritate patuerit adi- » tus, manifestum est temporibus nostris exitiale silen- » tium impositum esse canonicis legibus. Quomodo enim » ad fontem scientiæ pertingemus, si ab ipsis, qui clavem » tenent, intrare non permittitur? » Ita Ivo. Hunc etiam Stephanum Deo lucratus est Bernardus.

239 B. administrare per clericos. — Hic Bernardus pariter et clericum regi militantem reprehendit, et regem clericæ militaria munia demandantem perstringit. Et vero uterque reprehensibilis: ille, quod dignitatem sui status non agnosceret; hic, quod aulæ militiæque functiones sine personarum defectu ac discrimine conferret, clericos

adhibens, ubi laicos oportebat. Occurrit simile quid in alio quoque Galliarum rege Ludovico XI. Nam cum ab eo cardinalis Balua episcopus Ebroicensis, Prædictam Parisiorum missus ad recensendos milites, veste lineæ orna- tus, mula vectus, munus illud indignum pontificis exsecutus esset; id equitum magister Chabanius agerrime tulit, et regem adit, et provinciam visitandi Ebroicense canonicorum collegium, seu de initiandis ibi clericis scrutinium sibi demandari cupit. « Mirum, » inquit rex, « quæ » id fronte petere audeas. An nescis illud muneris a per- » sona et conditione tua nimis alienum esse? » Tum Chabanius: « Cur minus, » inquit, « mihi conveniat clericos » in ordinem cogere, quam episcopo milites recensere? » Quæ verba regi stuporem, cæteris risum moverunt. Cuiusmodi, Historiæ libro 10: Claudius Espenceus, vir eruditione ac sanctitate in Gallia celebris, lib. 2, cap. 6, Digress. in Epistola prima ad Timotheum; Bosquier, in Plutarcho christ. Corozetus, in Apophleg. Gall.

240 A. hostiaque caudam junge capiti. — Id est, finem junge principio. Hortatur ad perseverantiam, alludens ad ritum legis, jubentis caudam hostiæ simul offerri. Exod. xxix, Levit. iii. Rationem tropologicam dat Radulfus. « Cauda, » ait, « quæ finis est corporis, sym- » bolum est consummationis et perseverantiæ in sanctis » operibus. » Unde et S. Gregorius, I Moral. cap. 40, « Cauda, » ait, « jubetur adoleri Deo, ut omne bonum » quod incipimus, etiam perseverantiæ fine impleamus. » Idem, Homil. 25 in Evang. « Præcepto legis, » inquit, « cauda hostiæ in sacrificio jubetur offerri. In cauda » quippe finis est corporis, et ille bene immolat, qui sa- » crificium boni operis usque ad finem debitæ perducit » actionis. »

240 B. AD ABBATEM LUCAM. — Handquaquam Montis-Cornelii apud Leodinum (qui nunc Belli-Reditus appellatur) quod falso putaverunt Picardus et Horstius; sed monasterii Cuiis-iacensis, Ordinis Præmonstratensis, in diocesi Laudunensi, ut habet Bibliotheca Præmonstrat. et satis ipse Bernardus indicat, dum mirari se proficitur, cur Guillelmum Sancti-Theoderici abbatem, utpote viciniorem, vel aliquem ex Præmonstrato sibi proximo, non potius consuluerit. De Luca ac de monasterio Cuissiacensi sic habes apud Hermannum monachum: « Sed et » aliud construxit » ( Bartholomæus episcopus Laudunensis ) « monasterium clericorum in loco qui vocatur Cuis- » siacus, abbatemque ibi ordinavit dominum Lucam, » virum religiosum. » Ita ille, de Miraculis B. Mariæ Laudunensis, libro 3, cap. 16.

243 A. AD GERARDUM ABBATEM PULTARIENSEM. — Horstius legendum putat, *Prulliacensem*; sed perperam, reclamantibus nimirum manuscriptis, imo ipsis epistolæ verbis, ex quibus satis intelligitur, Bernardum non loqui ad ullum abbatem Ordinis Cisterciensis, qualis est Prulliacensis; alias comitem Nivernensem ad reformanda istius monasterii vitia neutiquam interpellasset. Ex qua observatione addendus videtur Gerardus ad seriem abbatum Pultariensium, hactenus omissus. Erat autem Pultariense monasterium, Ordinis S. Benedicti, diocesis Lingonensis, fundatum a Gerardo comite, non longe a suo castro, ubi et postea cum uxore sua Berta sepultus est.

Vide Acherii nostri notas ad Opera Guiberti de Novigento, pag. 653 sqq.

243 D. AD ABBATEM S. JOANNIS CARNOTENSIS. — Indubie Stephanum, qui ex abbate Sancti-Joannis apud Carnutenses Ordinis S. Augustini, factus est patriarcha Jerosolymorum incunte anno 1128, post Gerundum, teste Orderico Vitali sub finem libri 12. Idem epistolas Fulconi Andegavorum comiti per Willelmum de Buris misisse perhibetur in tomo tertio Analectorum, pag. 335. Confer epistolas 35 et 82, atque Papebrochii Praefationem de Patriarchis Jerosolymitanis ad Maii tomum 3.

244 B. URSUM ABBATEM SANCTI-DIONYSII. — Ursus seu Ursio, abbas quintus Sancti-Dionysii apud Remos canonicorum regularium Ordinis S. Augustini, episcopus postea Virdunensis, de quo in Spicilegii tomo 12, pag. 312. Hic ad Virdunensem cathedram proventus, anno 1129, successorem apud Sanctum-Dionysium habuit Gillebertum; sed abjecta dignitate ad suos tandem reversus, abbatiae regimen denuo resumpsit: apud Marlotum in Metropolis Remensis tomo 2, pag. 152. In Necrologio abbatiae suae « Ursio pie memoriae abbas » laudatur quarto kalendas martii.

245 C. AD SIMONEM ABBATEM S. NICOLAI. — Is ex monacho Sancti-Nicasii apud Remos, factus est abbas Sancti-Nicolai in silva Vedogii, diocesis Laudunensis, de quo Hermannus monachus Laudunensis in libro tertio de Miraculis B. Mariae, cap. 18. Frater erat Guillelmi abbatis Sancti-Theoderici, de quo supra in epistolis 85 et 86. Vide infra, tomo quinto, Admonitionem in epistolam seu librum ad Fratres de Monte-Dei.

245 C. Persecutionem. — Huc etiam spectat illa persecutio, quam passus est Simon a monachis suis propterea quod altaria quaedam (sie parochiarum curas appellabant) episcopo Atrebatensi ob simoniae notam resignasset. Legimus hac de re litteras Samsonis Remensis et Josleni Suessionensis pontificum, ad Innocentium II, qui eos istius causae arbitros designaverat: legimus et alias Eugenii III ad Bartholomaeum Laudunensem, quibus significat se causam litem inter Alvisum episcopum Atrebatensem et G. abbatem Sancti-Nicolai motae velle cognoscere. In litteris Samsonis ad Innocentium dicitur abbas Simon, « quia monachi sui cum eo non consentirebant ut altaria illa redderet, aliquanto tempore abbatiam dimisisse, et in longinquam regionem abiisse; » sed tandem a suis revocatum, « magis eligentibus, aliorumque illis quam abbate suo velle carere. » Unde colligitur tum integritas et probitas Simonis, sub quo monasterium « religione et multimoda possessione » floruisse dicitur ab Hermanno: tum tempus scriptae epistolae, haud dubie ante Innocentii pontificatum, id est ante annum 1130. De Gilleberto Simonis successore vide ad epistolam nunc 399.

247 C. In similibus enim factis. — At similia non sunt; nam secundum philosophos, causae finales et impulsivae faciunt actionum discrimina. Itaque similia tantum sunt in genere entis, ut cum iisdem loquamur, non in genere moris. Sed hoc axioma eleganter enarrantem Augustinum audiamus. « Cum boni, » inquit, « et mali » eadem faciunt, eademque patiuntur; non factis et pe-

» nis, sed causis utique discernendi sunt. Pharaon populum Dei duris laboribus atterebat; Moyses eundem » populum impie agentem duris coercionibus affligebat. » Similia fecerunt, sed non similiter prodesse voluerunt: » ille dominatione inflatus, iste dilectione inflammatus » est. Jezabel occidit Prophetas; Elias occidit pseudoprophetas. Puto quod diversa sint merita facientium, diversa passorum. Aspice etiam tempora novi Testamenti, quando jam ipsa mansuetudo charitatis non » solum in corde erat servanda, verum etiam in luce » monstranda; quando Petri gladius in vaginam revocatur a Christo, et ostenditur non debuisse de vagina » exiri nec pro Christo. Legimus tamen non solum, » quod ceciderunt Judaei Paulum apostolum, verum » etiam quod ceciderunt et Graeci pro Paulo apostolo » Sosthenem Judaeum: nonne similitudo facti quasi utrosque conjungit, et tamen eos causae dissimilitudo discernit? Nempe Deus proprio Filio non pepercit, sed » pro nobis omnibus tradidit illum: nempe de Filio ipso » dicitur, *Qui me dilexit, et tradidit semetipsum pro me:* » nempe et de Juda dicitur, quod introierit in eum satanas, ut traderet Christum. Cum ergo et Pater tradiderit Filium suum, et ipse Christus corpus suum, et » Judas Dominum suum; cur in hac traditione Deus est » pius, et homo reus, nisi quia in re una quam fecerunt, » causa non una est ob quam fecerunt? » Et post inducta plura exempla, tandem subjungit: « Discamus in similitudine operum, discernere animos operantium. » Ita S. Augustinus, epist. 93, un. 6, 7.

248 A. AD EUNDEN GUILLELMUM. — Venerabilis Guillelmus, sancti Bernardi quondam deliciae, ex urbe Leodiensi nobili genere ortus, Remos studiorum causa missus cum alio nobili adolescente, nomine Simone, (quem Majoris-Monasterii codex manuscriptus plures Bernardi complectens epistolas, ipsius Guillelmi fratrem fuisse testatur) spretis mundi deliciis in Sancti-Nicasii Remensis asceterium, regularis observantiae tunc temporis fama celebre, cum illo se recepit: ubi peracto felicibus auspiciis tirocinio, cum uterque virtutum laude excelleret, ille abbatiae Sancti-Nicolai de Salu diocesis Laudunensis, Guillelmus vero in locum Gaufridi, ad Sanctum-Medardum Suessionensem translatus, monasterio Sancti-Theoderici prope Remos praefectus est anno 1120. Cum autem Bernardi fama sanctitatis sese undique diffunderet, plurimosque ad sui contemplationem et admirationem alliceret; Guillelmus noster, tum privatus apud Sanctum-Nicasium, audita aegritudine, qua Vir sanctus non multo post a sua ordinatione correptus est, cum quodam abbate eum invisit: quocum aliquandiu conversatus, fibulam constrinxit artissimae illius necessitudinis, qua sese postea mutuo complexi sunt. « Tanta » enim Guillelmus affectus est suavitate circa Bernardum, » tantoque desiderio in paupertate illa et simplicitate cohabitandi ei, ut si optio illa die sibi data fuisset, nihil » tam optasset, quam ibi semper cum eo manere ad servandum ei. » S. Bernardi Vitae libro 1, cap. 7. Hinc proficiscebatur sensus ille doloris, quo calumnias Bernardo impactas iniquius ferens, eum ipsum ad sese purgandum adversus Cluniacensium querelas induxit, ele-

ganti Apologia ad se scripta, quam vide tomo 2 et ibid. notas. Verum nec has etiam Guillelmi in Bernardum amor passus est angustias : imo pastoralis sarcinæ pertæsus, et Bernardi consuetudinis cupidissimus, cum sapius a Clare-Vallis ingressu repulsus fuisset, ut etiam patet ex hac epistola, tandem abdicata prefectura in cenobium Signiacense Ordinis Cisterciensis diocesis Remensis se contulit sub annum 1135, siquidem annos quatuordecim et menses quinque abbatem apud Sanctum-Theodericum egisse testatur ejusdem monasterii Abbatum Catalogus manuscriptus, cui suffragatur charta quadam crenobii Sancti-Nicasii Remensis, in qua Rainaldus Remorum archiepiscopus res a Joranno abbate acquisitas confirmat anno 1135, teste Helino Sancti-Theoderici abbate, qui ex Priore Sancti-Amandi Guillelmo suffectus est. Guillelmus vero, Signiaci stabilitatem professus anno circiter 1135, cum aliquot annos in summa animi demissione ac modestia, jugique rerum celestium contemplatione (quam « quotidianum ejus exercitium » vocat Chronicon manuscriptum Signiacense) exegisset, ad superos translatus est circa annum 1150, certe post annum 1144, cum epistola ad Fratres de Monte-Dei, cuius est auctor, nuncupata sit Haimoni priori, qui isto anno Gaufrido primo Priori successit : at vero ante S. Bernardi obitum, a quo statim Ernaldus librum ejus Vite secundum, mortuo Guillelmo, aggressus est, ut ex notis ad epistolam 310 intelliges. De Guillelmi obitu ita scribit Chronicon Signiacense : « Cursum vite sue sancto » fine complens obdormivit in Domino. Corpus ejus in » claustro juxta introitum capituli traditum est sepul- » turæ : » postmodum vero, nempe octogesimo post mortem anno, Ægidius Signiaci abbas nonus « ossa D. » Guillelmi, » pergit idem Chronicon, « abbatis Sancti- » Theoderici, Arnulfi abbatis Sancti-Nicasii » (in Catalogo Abbatum Sancti-Nicasii dicitur simpliciter monachus), « et Gerardi abbatis Floriniensis » (quos Signiaci Guillelmus conversionis socios habuerat) « de tumulis, » in quibus usque ad illud tempus jacuerant, levavit, et » eadem intra murum oratorii, et juxta introitum ecclesie » a parte claustrum in quadam theca cum honore debito » collocavit. » Hæc quidem de Guillelmo fuisse, sed non otiose fortassis. Quem quanti Bernardus fecerit, quamque non impari sit prosecutus affectu, ex ipsius epistolis innotescit : maxime ex epistola 85, in qua Guillelmo amice expostulanti, quod multum diligens, minus a Bernardo amaretur, eleganti et christiana omnino responsione facit satis : sed et ex epistola 88 ad Ogerium scripta, ubi arrepta ex improviso Guillelmi mentione, in hæc verba prorumpit : « Sed heu ! in quanta sermonis angustia mentio se ingressus est tali viro : ne liceat, ut diguum erat, in tam dulcissima nobis memoria aliquandiu » immorari, quoniam jamjamque desiderat epistola finem ? » Porro tantum ejus etiam probavit eruditionem et doctrinam, ut librum de Gratia et Libero Arbitrio, Guillelmo nuncupatum, ipsius censure subjecerit : et Lucae Cuissiacensi, de quibusdam difficultatibus se consulenti responderit (epist. 79), mirari se, cur Guillelmo prætermissis, suum expetiisset suffragium. Certe viri doctrinam et pietatem spirant et loquuntur egregia

illius monumenta, in primis vero disceptata et plane aurea ad Fratres de Monte-Dei epistola, ultimus (si forte librum primum Vite S. Bernardi excipias) Guillelmi fetus : ubi cum suarum lucubrationum catalogum in præfatione, quam tomo quinto hic integram exhibemus, instruat, nihil est quod tibi amplius innotescat. Plura de eo in Admonitione ad epistolam ad Fratres de Monte-Dei, tomo quinto, et in tomo tertio Bibliothecæ Patrum Cisterciensium.

251 B. Natalis Domine nostræ. — Cisterciensium, ut puto, exemplo, quorum omnia monasteria beatissime Virgini dedicata sunt, Domina nostra vocari cepit. Hinc Petrus Cellensis de Bernardo, in libro 6, epistola 23 : « Alumnus enim familiarissimus fuit Domine nostræ, » cui non unam tantum basilicam, sed totius Ordinis » Cisterciensis basilicas dedicavit. »

251 D. non latet me. — Cupiebat nimirum Guillelmus abdica abbatibus dignitate se recipere ad Claram-Vallē : sed, Bernardo non sinente, Signiacum secessit, ut dictum est supra, in nota ad epistolam 85.

252 A. AD OGERIUM CANONICUM REGULARIUM. — Hujusmodi titulum plerique calumniantur aut rident, quod verba synonyma seu idem significantia, etsi diverso idiomate, frustra congeminet : quasi canonici alii sint quam regulares ; sive quasi regulares alii sint, et alii irregulares. Sed vide Joannem Baptistam Signium, libro de Ord. Canon. cap. 2 ; et Navarr. Com. I de Regul. ad cap. 12 *Cui portio Deus*, q. 1, ubi docet, non omnem verborum geminationem censendam esse battologiam. Nam et apud jurisperitos ejusdem clausulæ vel dictionis geminatio plurimum operatur. V. l. *Baptista*, § ad Senatuscons. Trebell. Adde quod et geminatio ejusdem verbi apud Hebræos singularem habet vim, et enphasim intendendi vel augendi id quod dicitur : Psal. lxxxvi, 5, *Homo et homo natus est in ea*, id est, multi homines ; Psal. lxxvii, 13, *Rex virtutum dilecti, dilecti*, id est, dilectissimi, et alibi sæpe. Vide Genebr. locis citatis. Porro cujus loci abbas fuerit Ogerius, discimus ex Historia Restaurationis monasterii Sancti-Martini Tornacensis, auctore Hermanno monacho Tornacensi, ubi Ogerus religiosus canonicus de Monte-Sancti-Eligii prope Atrebatum, a Simone episcopo Tornacum evocatus memoratur, ut ecclesie Sancti-Medardi præset ; ibique « super planitiebus » Scaldi fluminis ecclesiam lapideam in honorem S. Niconi » laici cum officinis congruentibus construxisse, plures » que tam clericos, quam laicos, necnon et mulieres ibidem congregasse, ipsamque abbatiam appellari fecisse » Sancti-Nicolai de Prato. » Hæc in Spicilegio tomo 12, pag. 469. Novæ ecclesie dedicatio facta est anno 1125. Similiter Ogerium primum præsidem fuisse Sancti-Nicolai Pratensis ad Tornacum Nerviorum, testatur Picardus ex schedis Dionysii Villerii, canonici et cancellarii Tornacensis.

253 B. consilium mutaveris. — Suaserat Bernardus ne renuntiaret curæ pastoralis, etiam amore quietis propriæ. Hinc jam improbat factum Ogerii, huic consilio non parentis : et quamvis licentiam ab episcopo acceperit, eum tamen non esse securum, ut quæ extorta sit, et violentia potius dicenda sit : additque divine cum or-

dinationi resistere, ut qui promotus a Deo, sese dejiciat, aliaque plura in eandem sententiam. Hinc ergo oritur gravis quaestio: An non liceat renuntiare curae pastoralis, et sese subducere turbis et negotiis, ad quietius vacandum Deo et salutis propriae? Augent quaestionis difficultatem tam multa sanctorum virorum exempla, quos id fecisse novimus. Inter minores quidem praelatos plurimi fuerunt, sed nec pauci episcoporum, cardinalium, imo et pontificum nonnulli. Bruno III comes de Altena, Coloniensis praesul, abdicato pontificatu, ad monasterium Veteris-Montis Ordinis Cisterciensis secessit anno 1119. Eskilus Lundensis in Dania archiepiscopus, in Clara-Valle vitae se private dedit. Petrus Damiani ex monacho Benedictino cardinalis et episcopus Ostiensis, postquam pro ratione officii et dignitatis causam Ecclesiae annis aliquot strenue et mira constantia gessisset, amore solitudinis et quietis in cellam reversus, vitam cum fratribus in tranquillitate deinceps exegit: sed redargutus a summo Pontifice, cur publicam curam salutis privatae, vir utilis et idoneus posthaberet. De quo illud memorabile, quod inunctam ob repudiatum episcopatum a Pontifice centum annorum penitentiam (qua nempe jubebatur in dies ad Psalmi I recitationem disciplinam facere, idque centum annis, si tot viveret) unius anni spatio, integram compleverit. Ita alias legisse memini. Vide Operum ejus tomum I, epist. 10; seu, juxta novam editionem, tomum 3, Opusc. 20, ad Alexandrum pontificem et Hildebrandum cardinalem qui postea factus pontifex nomine Gregor. VII, ubi se purgat ob dimissum episcopatum, et factum suum, improbatum a Pontifice et cardinali, plurimis adductis exemplis tuetur. Sed si legibus potius quam exemplis judicandum est, uti jurisconsultus ait, vide Augustinum, epist. 84, ad Eudoxium; Liberium papam, epist. ad omnes episcopos; Leonem I, epist. 32, ad Rusticum Narbonensem; Innocentium III, ad episcopum Arelatensem, et de Regular. cap. *Licet*; Bellarminum, ad Henricum a Lotharingia episcopum Virdunensem; S. Gregorium, de Cura Past. lib. 1, cap. 5 sqq. Petrum Bleisensem, epist. 44 et 101; S. Thomam, 2, 2, q. 85; Gillebertum de Hoylandia, elegantissima epistola ad Ogerium (an forte eundem, ad quem est praesens Bernardi epistola? certe utriusque epistolae et inscriptione et argumento conveniunt) quam habes hic tomo 5. Item vide Tubas nostras disciplinae eccles. pag. 521; Claudium Espenceum, lib. 3 Digress. in Epistola prima ad Timotheum.

256 A. qui se sibi magistrum constituit, stulto se discipulum subdit. — Argutum et sapiens sancti Bernardi dictum. Nam *ἐμψυχία* seu amor sui ipsius, magnus errorum artifex, in causis propriis fere mentem et oculos homini surripit: facitque adeo illum stultescere, et verum de rebus judicium amittere, ita ut qui aliis non raro recte norunt consulere, in propriis fode cecutiant, imo desipiant, seseque misere decipiant. Porro in via vitae spiritualis seu religiosae sine duce velle procedere, res plena discriminis est, ut passim sancti Patres et ascetici scriptores ostendunt. Adi August. Prol. lib. de Doctrina Christ. Basil. Constit. Mon. cap. 23, et Quaest. Brev. n. 301; Gregor. Nyssen. lib. de Virg. Hieron. epist. 4,

ad Rusticum; Greg. Magn. lib. 1 Dial. cap. 1, et lib. 2, in librum I Reg. Cassianum, Collat. 2, capp. 11, 15; S. Doroth. Serm. 5; Vincent. Ferrer. tract. de Vita spir. cap. 4; Turrecrem. tract. 9 in Reg. S. Benedicti; S. Bonav. lib. de Sex Alis; Alphons. Rodrig. 3 p. Exercit. tract. 7, cap. 2-4; Ludov. de Ponte, p. 2. Duc. spir. tract. 1, cap. 2, et p. 1, de Perf. chr. tract. 2, cap. 9; Rossignol, de Discipl. Perf. lib. 1, cap. 1; Hier. Plat. de Bon. Stat. rel. lib. 1, cap. 24; Jacob. Alv. de Paz. de Vita spir. tomo 1, lib. 5, capp. 12, 13; denique Julium Nigron. in Tract. ascet. tract. 1.

260 C. ego quidem non jusseram. — Opusculum istud procul dubio non aliud est, quam Apologia ad Guillelmum abbatem, quam Ogerius expectabat urgebatque apud Clarani-Vallem, dum eam Bernardus perficiebat, ut patet ex ultimis ejusdem Apologiae verbis. Sed cum eam neeum accurate descriptam ante discessum obtinere potuisset Ogerius, eam postea a Bernardo missam accepit examinandam, atque eo inconsulto communicavit Guillelmo abbati, cui inscripta est, quam Bernardus emendatam ipse transmissurus erat.

261 A. illa quoque praefatiuncula. — Praefatiuncula haec epistola est ad eundem Guillelmum, quae inter Bernardinas censeri solet, ordine octogesima quinta, in capite Apologiae relata.

262 A. silentii quies. — Hac epistola gravibus verbis significat Vir sanctus, quam sit alienus a litteris ad amicos minus utilis et necessariis scribendi, quod id fiat cum jactura temporis et otii, gravioribus magisque sanctis negotiis tribuendi; item silentii, quod Religiosis incumbit; denique quietis et tranquillitatis internae, cujus dispendium adfert illa scribendi cura et occupatio. Loquitur Bernardus de officio et vocatione monachi secundum se. Nam monachus, quatenus talis, non vocatur ad praedicandum et docendum; sed ad vacandum in solitudine Deo et salutis propriae, per meditationes et virtutum exercitia. Unde epistola 42 (habetur tomo 2 inter Tractatus) ait S. Bernardus « Labor et latebra et » voluntaria paupertas, haec sunt monachorum insignia; » haec vitam solent nobilitare monasticam. » Quapropter ne fortassis temere et imprudenter inertes, si qui tales alicubi latitant monachi, auctoritate sancti Patris abutantur ad fomentum ignaviae suae, quasi studia litterarum et scientiam improbet in monachis, audiant hi ipsum alibi tales manifeste redarguentem. « Videar forsitan, » inquit, « nimis in suggillatione scientiae, et quasi re- » prehendere doctos, ac prohibere studia litterarum. » Absit. Non ignoro quantum Ecclesiae profuerint et » prosint litterati sui, sive ad refellendos eos qui ex » adverso sunt, sive ad simplices instruendos, » etc. ejusdem sermonis, quae legisse juvabit serm. 36 in Cantica, n. 2.

263 A. Guericum nostrum. — Guericus iste anno 1138 factus est abbas Ignaensis, cujus Sermones in tomo sexto. De eodem rursus in epistola sequente.

264 A. a discurrendo nuntii. — Hujusmodi scriptationes devotioni et orationi impedimento esse dicit in epistola praefixa Apologiae ad Guillelmum abbatem, et supra in epistola 89.

264 D. AD ABBATES SUESSIONE CONGRIGATOS. — Hoc unum est ex primis capitulis generalibus uirorum, ut vocant, monachorum ex provincia Remensi. Causa ejus et occasio videtur Apologia Bernardi ad Wilhelmum, qui auctor fuerit, Cluniacensium et Cisterciensium exemplo, convocandi hunc cœtum, ut regulari observantiae labenti succurreretur. Habitum est indubie apud Sanctum-Medardum sub abbate Gaufrido, ad quem epistola 66. Hunc jam episcopum Catalaunensem Petrus Venerabilis in libri 2 epistola 43 laudat, veluti « Cluniacensis, » divini Ordinis per totam Franciam primum disseminatorem, auctorem, prorectorem, » immo « inveterati doctoris de tot monasteriorum cubilibus expulsorem, et » monastici torporis excitatorem : » quæ verba huc forsitan referenda. Innocentius II ejusmodi capitula generalia per nigros monachos quotannis in posterum fieri voluit, ut constat ex Actis in Appendice hujus tomi supra relatis, pag. 814 C.

265 B. hominum traditiones. — Hoc loco hominum traditiones appelluntur indulgentiæ et relaxationes vitæ regularis, de quibus infra, et in epistola 154, n. 1.

266 D. præda Domini mei atque vestri. — Quid Bernardus hoc loquendi genere innuit, prodit historia originis Fontanensis monasterii his verbis : « Bernardus abbas Clariæ-Vallensis missis expeditionis suæ militibus, » jam finitimas occupaverat regiones, claros agens de » hoste antiquo triumphos, eripiens prædam, et restituens Regi suo. Hic instinctu divino de nobili sua Clariæ-Vallensi vinea quamdam bonæ spei plantationem » ad Anglicanas partes direxerat, fructum in illa gente » quarens, sicut ubique terrarum. Exstat adhuc eadem » epistola, quam pro eis ad regem scripserat, asserens » teneri prædam Domini sui in terra illius, misisse de » militia sua viros strenuos, qui eam requirant, recuperent, et reducant. Suadet regi ut nuntiis assistat, et » in hoc ne deserat feudum suum; quod et factum est. » Suscepti cum honore a rege et regno, in provincia » Eboracensi jaciunt nova fundamenta, constituentes » abbatiam quæ Rievallis nominatur. Et hæc prima plantatio Ordinis Cisterciensis in territorio Eboracensi. » Ex Monastici Anglicani tomo 1, pag. 733. Plura de Henrico hujus nominis primo vide si lubet in notis ad epistolam 138.

267 B. Viro illustri domino HENRICO. — Fuit is Henrici I Anglorum regis ex sorore nepos, Stephani Angliæ itidem regis frater, atque Stephani comitis Ble-sensis filius : « quem mater » (Adela) inquit Guillelmus Neubrigensis, in Historia Angl. libro 1, cap. 4, « ne soli » sæculo liberos genuisse videretur, apud Cluniacum » tonsoravit, » nempe anno 1126, uti diserte refert Historia Glastoniensis (Monastici Anglicani tomo 2, pag. 18), cum inter suos abbates connumerans, in qua dicitur « vir, quem abundans litteraturæ peritia illustravit, » morumque honestas apprime decoravit, ejus industria » tanta Glastoniensi ecclesiæ præstitit beneficia, quod » ejus ibidem memoria æterna vigeat per sæcula, » etc. De Henrico ad sedem Wintoniensem postea electo sanctus Bernardus conquestus est epistola 237 ad Eugenium scribens : « Quid dicam de domino Wintoniensi »

» Opera quæ ipse facit, testimonium perhibent de eo, » nimirum quod præter arces a principibus ( ut auctor est Harpsfeldius, Sæculo 12, in Henrico ) ad convivium invitatis extortas, Guillelmum Eboracensem intrinsecus consecrasset, teste Rogerio, in Annalibus ad annum 1140, ubi eum Romana sedis legatum vocat. Male itaque a Brito et Henriquez inter Cistercienses recensetur, nec rectius ab isto fortasse inter viros sanctitate insignes (Menolog. Cisterc. ad diem 11 octobris), occasione sumpta ex testimonio Wionis in Ligno vitæ, qui virum prophetiæ spiritu clarum prædicat, quod Henrico nepoti ipsum visitanti moriturus prædixit castigandum a Deo ob necem sancti Thomæ Cantuariensis, quem ipse consecraverat : quasi ea vox non potuerit esse timentis potius, quam prophetantis, inquit recte Mauricius in Annalibus. Plures ad eum exstant Petri Venerabilis epistolæ, inter alias vero epistolæ 24 et 25 libri 4 ipsum interpellat, ut ad suum Cluniacense monasterium corpus depositurus revertatur, quibus necnon Adriani IV litteris, Ludovici Francorum regis et Burgundiæ principum precibus invitatus ( ut refert Chesnius in notis ad Bibliothecam Cluniacensem ) premissis per Petrum Venerabilem thesaurario suo, absque permissu regis ab Anglia Cluniacum clam appulit anno 1155. Monasterium gravi aeris alieni pondere oppressum exoneravit, factis ad septem millia marcarum argenti seu ad quadraginta millia librarum expensis, monachos quadringenos et amplius Cluniaci degentes pavit; calices quadraginta pro Missis celebrandis, pannumque sericum magni pretii dedit ecclesiæ, manibusque propriis Petrum Venerabilem kalendis januarii anni 1157 defunctum sepelivit. Tandem reversus in sedem suam, non sine magno Cluniacensium luctu diem clausit, quinto idus augusti anni 1171.

268 A. PRIOR CUM ALIQUANTIS FRATRIBUS. — Ex quo monasterio transierint ad Cistercienses, distincte indicat epistola modo 313, nempe Sanctæ-Mariæ Eboracensis Ordinis S. Benedicti, confirmatque Monasticum Anglicanum, tum in ipsius monasterii Eboracensis, tum præcipue Fontanensis Historia, ex qua hujus, duarumque præcedentium epistolarum argumentum compendiose hic describimus. Abbatia Sanctæ-Mariæ Eboracensis anno 1088 fundata est ab Alano comite, Guidonis comitis Britannici filio, in ecclesia sancto Olavo dedicata, Eboraco proxima, cui rex Guillelmus, cognomento Rufus, Sanctæ-Mariæ nomen postea dedit. Huc acciti e cœnobio Wittebiensi abbas Stephanus et monachi Benedictini, sub quibus regularis disciplina non sine fenore propagata, circa annum 1132 Galfrido tertio abbate tantisper languescere cepit. Spargebat ubique famam tunc temporis Cisterciensis religio, anno 1128 (Waverleicensi monasterio in agro Surregiensi primitias obtinente) in Angliam primo invecita : ejus pia æmulatione adducti quidam illius cœnobii monachi numero duodecim, cum per abbatem suum ad Cistercienses convolare sibi non liceret, Turstinum Eboracensem archiepiscopum in sui propositi patronum implorant. Eo itaque duce, anno ab incarnatione Domini 1132, pridie nonas octobris, reclamante abbate egressi sunt ex ipso monasterio sacerdotes

duodecim cum uno levita, Richardus scilicet Prior; alter Richardus sacrista, alique in prædicta Historia recensiti, de rebus monasterii præter habitum nihil asportantes. Qua desertione turbatus abbas Gaufridus apud regem, vicinosque episcopos et abbates, præcipue vero apud sanctum Bernardum, de communi violatæ religionis injuria litteris expostulat: Turstinus vero pontifex apologeticam ad Willelmum metropolitam Cantuariensem epistolam scribit (exstat hic supra, pag. 793), imo ipse Bernardus ad prædictum Turstinum, tum ad tredecim illos monachos congratulatoriam, ad Gaufridum autem abbatem excusatoriam transmittit (Epist. 94-96 et 313). Interea prædicti monachi in episcopali Turstini domo conclusi, cum abbatibus suis censuris revocari non potuissent, locum ad habitandum ab ipso episcopo accipiunt ad Ripponam, a cunctis retro sæculis incultum, spinis consitum, et inter convexa montium et scopulos hinc inde prominentes, Richardo Priori ipso die Natalis Domini a Turstino in abbatem ordinato, qui hieme sub ulmo incredibili vitæ austeritate transacta, se suumque locum, ab ipsis Fontes appellatum, sancto Bernardo tradidit: quibus ipse virum religiosum direxit, Gaufridum scilicet de Amayo (de eo vide librum quartum Vitæ S. Bernardi, cap. 2), a quo Cisterciense institutum incredibili devotione et alacritate susceperunt.

271 A. AD RICHARDUM FONTANENSEM ABBATEM. — Richardus Prior fuerat in monasterio Eboracensi Sanctæ Mariæ, inde egressus cum duodecim, ut dictum est, monachis, Romæ mortuus, ex tomo primo Monastici Anglicani, pag. 744. Huic successit Richardus alter, sacrificus quondam in prædicto cœnobio Eboracensi, mortuus apud Claram-Vallem, ut legitur in ejusdem tomi pag. 745, de quo in epistola 320. Monasterium Fontanense diocesis Eboracensis ad Cisterciense institutum commigravit anno 1132. Mira sunt quæ de horum monachorum fervore leguntur in tomo primo Monastici Anglicani, pag. 733 sqq. Confer epistolam nunc 313 et epistolam 320, ubi de morte Richardi abbatis, nomine et ordine secundi.

271 D. frater Gaufridus viva voce supplebit. — Hic est Gaufridus, dictus de Amayo, « vir sanctus et » religiosus, multorum monasteriorum ordinator et » institutor, » quem sanctus Bernardus ad Fontanenses monachos misit, ut eos formam Ordinis Cisterciensis doceret: ex tomo primo Monastici Anglicani, pag. 741. De eodem Gaufrido in Vita S. Bernardi, libro quarto, cap. 2, n. 10.

272 A. AD DUCEM CONRADUM. — Zeringensem scilicet, quem contra Aniedum I, comitem Gebennensem, his diebus arma cogitasse, Samuel Guichenon auctor est, in Historia Gallica Ducum Sabaudie. Fuit autem Zeringen (inquit Munsterus, Cosmographie libro 3) castrum quoddam nunc dirutum, a quo duces Zeringenses suum titulum habuerunt, semi-milliaro infra Friburgum in Brisgoia. Hi duces a comitibus Habsburgensibus progeniti, et circa tempus Henrici III imperatoris exorti Gebizone auctore, in sexto demum hærede, Egone nuncupato, ad annum 1357 desiere.

273 A. IGNORATUR. — Hunc titulum habent scripti fere omnes. In uno tamen Cisterciensi, epistola inscribitur, *Ad Brunonem Coloniensem, ut putatur, de martyrio Machabæorum*. In veteri editione, *Putatur scripta ad Hugonem de Sancto-Victore*. Conjectura pro Brunone Coloniensi antistite inde nata videtur, quod in ea urbe asserventur sanctorum Machabæorum reliquæ: at istuc post Bernardi obitum Mediolano allatæ a Rainoldo antistite, qui eas a Friderico I imperatore obtinuit. In quibusdam manuscriptis hanc epistolam proxime antecedit epistola 77 ad Hugonem de Sancto-Victore.

273 B. Fulco Sparnacensis abbas. — Fulco abbas Sancti-Martini Sparnacensis, ad Matronam, diocesis Remensis, is est cui inscribitur epistola 13 Hugonis Metelli, « Fulconi reverendo et in Christo benedicto abbati » Sparnacensi, » de repetitione cujusdam canonici Sparnacensis ab abbate Willelmo. Abbas primus ejus loci fuit Fulco post inductum consilio Bernardi et Guidonis ejus fratris Ordinem canonicorum regularium, anno 1128, eo adductus ex Tullensi Sancti-Leonis abbacia. Litteras ejus rei habes in Spicilegii tomo 13, pag. 305 sqq. Basilicæ Sancti-Martini fundatio per Odonem comitem, pag. 281.

281 C. Melius est ut pereat unus, quam unitas. — De hac quæstione, An monasteria habeant jus abjiciendi Religiosum incorrigibilem, consulendi Hæftenus in Disquisitionibus monasticis, ac nostri Menardus et Edmundus Martene in suis super Regulam Commentariis.

287 B. AD MAGISTRUM HENRICUM MURDACH. — Scholis apud Anglos præfector erat Henricus iste, natione Anglus, cujus discipulos fuisse Willelmum et Ivonem patet ex fine epistolæ. Bernardi monitis tandem acquievit Henricus, factus monachus Clare-Vallensis, dein abbas Vallis-Clare; tum tertius abbas Fontanensis in Anglia, ex epistolis nunc ordine 320 et 321, ac demum, deposito per Eugenium III Guillelmo thesaurario, archiepiscopus Eboracensis: qua de re varis epistolæ infra. Lege Guillelmum Neubrigensem, in libro 1, cap. 7; Rogerium Hovedenum, ad annum 1140; et Roberti de Monte Appendicem ad Sigebertum.

291 C. solis ad consilium vocatis. — Ita scripti omnes, nisi quod in nonnullis legitur, *Siquidem is Sol ad consilium vocatis* etc. In primis editis et posterioribus plerisque, *Oritur quippe Sol, non is qui quotidie oriri cernitur super bonos et malos, sed qui timentibus Deum prophetica pronuntiatione promittitur solis ad consilium vocatis: Vobis, inquit, qui timetis Dominum, orietur Sol justitiæ*.

297 C. et non dominus voti. — Votum appellat Bernardus ejusmodi promissum, quo quis se in religionem ingredi coram eo statuerat. Confer epistolam 395, et sermonem 63 in Cantica, n. 6, ubi Novitiorum lapsus et casum luget.

300 A. GAUFRIDUM DE PERRONA. — In vetustiori editione, *de Parrona*, quæ urbs est munitissima ad Somenam. Inde ergo nomen traxit Gaufridus et originem. Ex iis erant, quos S. Bernardus in Belgio ad religionem convertisse memoratur in libro quarto de ipsius Vita, cap. 3. Socius conversionis fuit Gaufridus alter, postea Prior Clare-Vallensis. De his intelligendus est Hermannus



monachus Tornacensis, in Spicilegii tomo 12, pag. 179, ubi de S. Bernardo, quem « tam ex ecclesia Sanctæ-Mariæ » Tornacensis, quam ex ipsa diocesi, clerici videlicet » multi famosi domini Bernardum abbatem Clara-Vallensem conversionis gratia secuti sunt. » Hoc factum refert Hermannus pag. 476, post annum vigesimum quartum pontificatus Simonis Noviomensis, qui sedere cepit anno 1122. Non ergo hæc epistola, ut Manriquez censet, ad annum 1131 referri potest. Gaufridum Perrenensem laudat Petrus de Roya Novitius Clara-Vallensis supra, in epistola 479, n. 9. — Huc usque Mabillonius, cui in eo non consentit Horstius, quod hunc eundem Gaufridum velit fuisse Priorem Clara-Vallis, de quo sic habet : Hunc sanctus Bernardus cum aliis viginti novem nobilibus ac litteratis juvenibus in Flandria ad religionem convertit; mutantem vero aut procrastinantem hinc litteris excitavit. Is postea factus Prior in Clara-Valle, quintus in ordine; demum electus in episcopum Tornacensem (alii legunt Nannetensem), consentire noluit. Quod ita Petrus Blesensis narrat : « Legimus, quod Gaufridus » Perronensis, Clara-Vallis Prior, electus in episcopum » Tornacensem, electioni nullatenus acquievit. Qui postea » defunctus et apparens cuidam fratri, inquirenti qualiter » ei esset, respondit : Revelavit mihi Trinitas sancta, » quod si suscepissem episcopatum, faissem de numero » reproborum. Ubi et ejus exemplo percellit animos alio- » rum quorundam præsulum, ita dicens : Quid ergo » facient infelices, qui temporalium sollicitudinum flucti- » bus se sponte et gratanter immergunt? qui splendide » epulando, dormiendo, bibendo, sedendo ad telonium, » fiscalem calculum dispensando, querendo quæ sua » sunt, aut potius quæ sunt Cesaris, et non Dei, vitam » suam in vanitatibus transigunt? » Ita Petrus Blesensis, epist. 102. Idem refert Caesarius, lib. 2, cap. 29. Vide de eo Henriquez in Menolog. ad diem 15 februarii.

302 D. quotidianas orationes. — Hæc inscriptio nunc primum restituta est ex codice Corbeiensi sæpe laudato. An epistola hæc una est ex illis, quas scriptoribus componendas præscribat aliquando Vir sanctus, ex epistola nunc 389? Cæterum de his litteris ita Horstius : Hanc epistolam Bernardus nomine Eliæ Novitii sui ad parentes ejus scripsit, ut eos filium a proposito revocare conantes reprimeret. « Acriora quidem, » inquit Lessius, « ista » videri possent, nisi a tanta sapientia et sanctitate essent » profecta. Quis enim electum illud Spiritus sancti orga- » num audeat reprehendere? Noverat ille, quanti hæc » res sit momenti. Neque tamen mens ipsius est, ut » passim tam acriter illis scribatur, nisi quis videat, se » in gravia salutis pericula illorum importunitate conji- » ciendum, aut illi finem sollicitandi non faciant. » Ita ille tractatu utilissimo de Statu vitæ deligendo, quæst. 4, 36. Confer notas ad epistolam 104. »

305 A. AD GAUFRIDUM LEXOVIENSEM. — Alii habent, *Luxoviensem*. Quo vocabulo etiam Ordericus uti solet ad designandos Lexovienses, in Neustria : ut nulla sit passim nominis distinctio inter Luxovienses in Burgundie comitatu, apud illius temporis scriptores.

311 A. inter duas, ut dicitur, sellas corrueras. — Aptè hoc loco liber primus de Imitatione Christi, cap.

25 : « Religiosus negligens et tepidus habet tribulationem » super tribulationem, et ex omni parte patitur angus- » tiam ; quia interiori consolatione caret, et exteriori » quærere prohibetur. » Lege sermones 3 et 5 in Ascen- sione.

311 C. *wimplatae*. — Ita omnes quotquot vidi codices manuscriptos nempe regie Bibliothecæ, Colbertinæ, Sorbonæ, Collegii regii Navarræ, S. Victoris Parisiensis, Compendiensis, aliique aliarum bibliothecarum, qui habent, *wimplatae*; cum tamen omnes editiones præter duas ( Parisiensem videlicet anni 1594, et Lugdunensem anni 1530 ), habeant, *uni inflatae*. Quid enim, inquirunt, *wimplata*? Certe vox efficta a *wimpla* seu *guimpla*, prochy litteræ *g* in *i* demutatione; gallice *guimpe*, vel *guimpe*, mulieris capitis ornamentum, nobilibus feminis olim solenne (uti discimus ex antiquis nobilium matronarum simulacris) a simplicioribus modestie causa rejectum. Unde illud portæ Galli apud Borellum in Gallico Glos- sario :

Moult fut humiliant et simple,  
Elle eut un voile en lieu de guimpe.

Quod sic reddi potest :

Velum pro *wimpla* simplex humilisque gerebat.

Nunc vero *Guimpe* nomen extra monialium claustra fere ignotum.

313 C. AD ERMENGARDIEM QUONDAM COMITISSAM BRI- TANNIÆ. — Fuit hæc Alani comitis conjux, in Clara-Vallenses maxime benefica, quibus monasterium juxta urbem Nannetum construxit, teste Ernaldo in libro 2 de Vita sancti Bernardi, n. 34; et quidem anno 1135, ex Chronologia nostra. Monasterio vocabulum est Buzeium, cui modo præest illustrissimus abbas Caumartinus, a quo primarias conditi cœnobii litteras accepimus. His in litte- ris testatur dux Conanus, Alani ex Ermengarde filius, se una cum matre sua abbatiam Buzeium edificare stau- tuisse, sed quorundam sinistro deceptos consilio ab in- cepto destitisse : dum veniens in illas partes Bernardus abbas Clara-Vallis, ad ejus abbatiam Buzense cœnobiū spectabat, et locum pene desolatū videns, vehementer doluit : « et me, » inquit Conanus, « quasi perfidum ac » mendacem austerissimis increpationibus redarguens, » abbati ac fratribus, qui ibidem morabantur, ut locum » relinquerent, et ad Claram-Vallem redirent, imperavit. » Intercessit Conanus, et restituit quas abstulerat monaste- rii rebus, ædificia perfici curavit. Litteris subscribunt epi- scopi Rotundus Venetensis, Alanus Rhedonensis, Joannes Macloviensis, et Iterius Nannetensis, et cum eis Petrus abbas ejusdem cœnobii, atque Andreas monachus. Ad Ermengardem ut revertamur, Goffridus abbas Vindoci- nensis in libri 5 epist. 23 eam hortatur ad resumendum vitæ religiosæ propositum, a quo dellexisse visa erat. Idem Goffridus eam in epistola sequente regiam prolem appellat.

316 A. AD DUCEM ET DUCISSAM LOTHARINGIÆ. — Si- moni videlicet et Adelaidi, non Gertrudi, ut plerique scribunt. De hujus ducisse conversione per Bernardum

facta, lege librum primum Vitae, cap. 14. Quippe sanctimonialis velum in parthenone Tartensi, qui Divioni olim proximus erat, suscepit, ut patet ex autographis litteris Matthaei ducis ejus filii, qui matrem suam Atheleidem vocat. Has litteras refert Petrus Franciscus Chiffletius post Opuscula quatuor Parisiis edita anno 1679. Facessant igitur Gertrudis ad Bernardum, et Bernardi ad Gertrudem epistolae, a Bernardo Britone ex gallico idiomate in Lusitanum, ac deinde in latinum versae.

319 A. AD BERNARDUM ABBATEM. — In scriptis non paucis haec epistola cum sequenti rescripto refertur post epistolam 127, in quibusdam vero post epistolam 252. Hildebertus, hujus epistolae auctor, Cenomannensem Ecclesiam rexit ab anno 1098 ad annum 1125, quo in metropolim Turonensem mortuo Gisleberto successit est. Id constat tum ex Orderico Vitali in libro 10, ad annum 1098; tum ex Actis Episcoporum Cenomannensium, in tomo tertio Analectorum editis, ubi Guido, ejus in sede Cenomannica successor, post longas altercationes, anno 1126 consecratus memoratur. Turones rexit annos tantum sex cum totidem mensibus. Sic enim habent Acta praedicta, quibus apographum Chesnianum consentit, atque Joannes Maanus in Metropoli Turonensi, in eo etiam Ordericus ad annum 1125, pag. 882, ubi Hildeberto fere septem annos archiepiscopatus tribuit. Non ergo pervenit Hildebertus ad annum 1136, ut in Gallia Christiana legitur; sed mortuus est anno 1132, quo anno utique Joannes Maanus ejus obitum reponit. Horstius in notis ad hanc epistolam retulit aliam Hildeberti, ordine vigesimam quartam, quam Bernardo itidem scriptam existimavit. At epistola haec, quae in editis sine nomine ejus ad quem directa est, reperitur, in duobus manuscriptis inscripta est *H. abbati Cluniacensi*, cui eam restitimus; quae ex epistola intelligimus, Hildeberto consilium fuisse secedendi Cluniacum, si per summum Pontificem ei licuisset. Petrus Blesensis ejus epistolas laudat in epistola 101.

323 A. AD MAGISTRUM GAUFRIDUM DE LORATORIO. — Gaufridus de Loratorio, doctor nominatissimus, postea archiepiscopus Burdegalensis, sic dictus a Loratorio, qui locus est in diocesi Turonensi, Pictonibus adjacens, Prioratu quondam insignis, Majori Monasterio subjectus. Hinc Gerardus Engolismensis « fera vicina » Gaufrido dicitur haec in epistola. Aliud est Oratorium, cenobium Cisterciensium in diocesi Andegavensi.

324 B. AD EPISCOPOS AQUITANIE, CONTRA GERARDUM ENGOLISMENSEM. — Gerardus hujus nominis secundus, genere Normannus, diocesis Bajocensis, quem « virum » eruditissimum, et magni nominis et potestatis in Romano senatu, « Ordericus vocat, lib. 13, anno 1136. Cujus rei argumentum est, quod pene continuas in Aquitania sedis Apostolicae vires egit sub Paschali II et aliis ad Innocentium usque legitimis pontificibus. Nec defuit in eo zelus, cum alias fortiter et generose Guillelmum Aquitaniae principem, conjugii jura temerantem, velut alterum Herodem, arguerit, si Willelmo Malmesburiensi, de Regibus Angl. lib. 5, fidem adhibeamus: hoc enim adversus Guillelmum comitem calumniose dictum contendit Joannes Beshius, Historia Comitum Pictavi, cap. 32. Postquam vero ab Innocentio, qui legationem ei dene-

gavit, feda praevaricatione defecit Gerardus, Anacleto sub istius nominis mercede adhesurus, dispersoris non legati officium agens, quos poterat ad schismatici partes trahere. Unde Bernardus vicinis Aquitaniae episcopos monet, ut seductoris voce contempta, legitimum sequantur pastorem Innocentium, eisque juris ipsius prerogativas proponit, « Electi videlicet integritatem, electionis » prioritatem, et consecrationis solemnitatem. » Non defuere tamen qui jus tuerentur Anacleti, iisque argumentis adversa reponerent, ut constat ex epistola Petri Portuensis episcopi, ordinationis istius auctoris et fautoris, ad Willelmum Praenestinum, Matthaeum Albanensem, Conradum Sabinensem, et Joannem Ostiensem Innocentio adherentes transmissa, quam refert Willelmus Malmesburiensis, Historiae Novellae libro 1. Pars tamen Innocentii prevaluit, principibus omnibus tum ecclesiasticis praeter Gerardum Engolismensem paucosque alios, tum saecularibus (si Guillelmum comitem Pictaviensem et Rogerium Siciliae ducem excipias) ipsi faventibus. Gerardus vero in schismatis defensione obfirmatus, anno 1136, ut notat Ordericus, ex hac vita migravit, eo quidem infelici mortis genere quod describit Ernaldus Vita S. Bernardi libro 2, cap. 7. Opinantur tamen nonnulli, hunc auctorem contra Gerardum Engolismensem, ex nimio religionis ardore multa finxisse, veluti quod impenitens et subito mortuus sit sine confessione et Viatico, quod corpus ejus inventum in lectulo exanimis et enormiter tumidum, et alia hujusmodi, inquit, viro prudenti indigna: proferuntque ex Gestis Episcoporum Engolismensium auctoritatem his verbis: « Die proxima mortis suae accepimus, quod in » confessione sui sacerdotibus dixerit, se partem Petri Leonis contra voluntatem Dei ignorantem manutenuisse; » se confiteri et penitere: omnia autem illa quae habebat » fere in vita sua, vel ecclesiae dedit, vel pauperibus » erogavit. Sabbato autem Missam celebrans maxima » devotione et effusione lacrymarum, sequenti die Domini » mica migravit a saeculo, millesimo centesimo trigesimo » sexto anno ab incarnatione Domini. Sedit in episcopatu » annis triginta tribus, mensibus... diebus... et cum » aliquem capellanum gestis vel hospitibus vexasset, unicuique » que capellanorum sui episcopatus in fine suo unam » nam, obolum dedit; et illud magnificum sidus, quod » claritate sui partes occiduas illustraverat, prohi dolor! » extra ecclesiam quam edificavit, sub vili latet lapide. » Joannes Beshius, in Historia Comitum Pictavorum. At certe cum praemissa narratio incerta dumtaxat relatione fulciatur, non est quod fidem Ernaldo abjudicemus, maxime cum Alanus Autissiodorensis, qui libris de sancti Bernardi Vita conscriptis censuram adhibuit, ne latum quidem unguem haec in parte ab Ernaldo discedat. Quod spectat ad Anacletum, et ipse misere interit anno 1138, septimo die januarii, teste Falcone Beneventano, « cum sedisset, » inquit, « annis septem, mensibus undecim et diebus viginti duobus. » Quod etiam confirmat Guillelmus Malmesburiensis, Historiae Nov. libro 1: « Anacleto » inquit, « octavo praesumpti » (ut dicebatur), » sui episcopatus anno defuncto, dominus Innocentius incoensura ad hoc tempus pace, apostolica fruitur dignitate. » Qua de re S. Bernardus epistolis 144, 146,

147, et sermone 24, in Cantica, initio. Vide, si lubet, notas ad epistolam 147. Ex quibus colligas errasse Beslium, cum dixit, Gerardum anno 1131, schisma vero ante ipsum annum fuisse extinctum.

329 C. episcopus episcopis superintrudere nititur. — Ordericus in libro 13, pag. 895 : « In plerisque conobis » duo abbates surrexerunt, et in episcopis duo presules » de pontificatu certaverunt : quorum unus adhaerebat » Petro Anacleto, alter vero favebat Gregorio Innocen- » tio. » Ita etiam in Actis Episcoporum Genomannensium, Analectorum tomo 3, pag. 338, ubi de Philippo in Turonensem Ecclesiam intruso, de quo epistole 150 et 151.

330 D. justi. — Ita veteres libri et editi plerique pro, *injusti*; per antiphrasin aut ironiam. In uno tamen codice Colbertino notato 1410 legitur utrumque, *injusti justi vos videamini* : optimo sensu; nempe, *ut vos, qui justi estis, injusti videamini*. In uno Bellovacensi simpliciter, *injusti*.

331 B. Bernardus Parmensis. — Bernardus Parmensis in quibusdam codicibus locum habet post Bernardum Papiensem, idemque nonnullis deest, ut in duobus Colbertinis. Ughellus eum sub finem pontificatus Paschalis II obiisse dicit.

332 A. Camaudulienses. — Ita fere codices veteres : quidam, *Camaudillenses*. Notiores sunt Camaldulenses et Vallumbrosanæ Ordinis S. Benedicti Congregationes in Italia duæ, quam ut illustrari hoc loco debeant.

332 A. Cluniacenses. — Non est silentio præmittendum quod de eis hac occasione refert Ordericus libro 13, anno 1134. « Cluniacenses, » inquit, « ut Innocentii » adventum cognoverunt, sexaginta equos seu mulos cum » omni apparatu congruo Papæ et cardinalibus clericis » destinaverunt, et usque ad suam basilicam favorabiliter » deduxerunt. Tunc ibidem undecim diebus Papam cum » suis detinuerunt, ecclesiamque novam in honore sancti » Petri Apostolorum principis ab eodem cum ingenti tri- » pudio populique frequentia dedicari fecerunt. Inde » magnam auctoritatem apud Occiduos promeruit, quod » a Cluniacensibus Petro præpositus fuerit. Ab eisdem » quippe Petrus Leonis in pueritia nutritus coaluit, et » eorum habitu ac professione monachus exstitit. » Ita ille. Ad idem pertinet quod Petrus Venerabilis, qui hujus exceptionis auctor exstitit, in laudem Cluniaci pronuntiat. « Factum est, » inquit, « a sui principio, non solum » externorum hospitium, non tantum confugientium asy- » lum; sed, ut sic loquar, publicum reipublicæ christianæ » ærarium, » libri 4 epistola 27.

332 A. et qui de Majori-Monasterio sunt. — Insigne monasterium prope urbem Turonum a sancto Martino conditum, cui tunc præerat Odo abbas, ad quem epistola 397. Ab hoc monasterio pendebant plurimi prioratus, qui quamdam veluti congregationem constituebant. Nam Bernardus insigniora tantum monasteria hic commemorat.

332 A. Cistercienses. — In duobus Colbertinis et uno Sorbonico legitur, *Cistellenses*; unde effectum in editis fere omnibus, *Cistembleses*, qui et altero errore additi sunt post, *Cistercienses* : quasi diversi essent, qui in quibusdam codicibus *Cistercienses*, in aliis *Cistellenses*

dicebantur, vulgari tunc vocabulo. Cistercienses quippe dicti sunt *Cistellenses* ab Hermannio monacho, in libro tertio de Miraculis B. Marie Laudumensis, cap. 7; apud Perardum, pag. 103, apud Robertum de Monte ad annum 1140, *Monachi de Cistellh* : dicti sunt etiam *Cistell* in Monastici Anglicani tomo primo, pag. 703, col. 1.

332 A. Cadumenses. — Cadomus, civitas est ad fluvium Olenam in Neustria, haud procul ab Oceano, celebri academia ab anno 1133 insignita : in cujus suburbio exstat insignis Ordinis sancti Benedicti abbatia, a Guillelmo Conquatore, provincie istius duce atque Anglorum rege, sub titulo Sancti-Stephani constructa : cujus primus abbas Lanfrancus, ex Priore Becensi, postmodum archipresul Cantuariensis. Plura de eo, deque Cadomensi seu Cadumensi Sancti-Stephani abbatia videsis in notis ad Opera ipsius Lanfranci, et in Neustria pia. Cadumensium in Abrincensi diocesi Saviniacense insigne tunc monasterium, « de quo jam plurima, » inquit Peregrinus in Historia Fontanensi, tomo 10, Spiellegii pag. 372, « processere monasteria, ex quibus » abbates conveniunt ad capitulum, et floret ibi Ordo, » et eorum ubique dulcis redolet opinio. » Hoc cenobium cum triginta aliis sibi subjectis Serlo abbas Cisterciensibus adjunxit anno 1148, ibidem pag. 374.

332 A. Tironenses. — Ex eo monasteriorum insigniorum numero etiam tunc erat Tironense monasterium diocesis Carnotensis, sic dictum ab amne præterfluente, in pago Perticensi, conditum a piissimo abbate primo Bernardo, cujus Vita exstat cum notis Soucheti, effectumque quasi ejusdam congregationis caput, de quo Ivo Carnotensis antistes in epistola 229. Tironensium monachorum religionem laudat Jacobus a Vitriaco in capite 20 Historiæ Occidentalis. Hoc cenobium, uti et Majus-Monasterium, florebat sub Benedictina congregatione Sancti Mauri, adolescentium scholarium seminario insignitum.

332 A. Saviniacenses. — Duplex hoc nomine monasterium est in Gallia, alterum in diocesi Lugdunensi, in Abrincensi alterum, de quo hic intelligendus Bernardus, situm in confinio Normanniæ, Armoricæ, et Genomannorum. Conditum fuit anno 1112 a piissimo abbate Vitali : cujus successor Gaufridus, se suaque monasteria, numero novemdecim tot enim ipse construxisse perhibetur) Cisterciensibus subjecit. Hujus monasterii historiam videsis apud Arthurum du Monstier in Neustria pia. De altero Saviniaco in epistola 173. In Monastici Anglicani tomo 1, pag. 704, Saviniacenses ante suam cum Cisterciensibus unionem dicuntur fuisse de Ordine Tironensi, quo ex monasterio plures tum abbatie pendebant. His omnibus Religiosis, qui Innocentium agnoverunt, Grandi Montenses addit Ernaldus, in libro secundo de Vita S. Bernardi, n. 45.

334 C. AD GUILLELMUM COMITEM PICTAVORUM. — Hujus nominis nonum (alii decimum esse volunt, qui suadente Gerardo Engolismensi episcopo partes Anacleti tuebatur, et Innocentio adherentes graviter infestabat. Lege Vitam S. Bernardi, lib. 2, cap. 6. Quod vero Malmesburiensis, de Regibus Angl. libro 5, refert

de incesto, aliisque criminibus Guillelmi Pictavorum comitis, id de Guillelmo VIII istius patre intelligendum esse, recte notavit Joannes Beslius. Nam Petrus Pictavorum episcopus, qui a Comite in exilium missus ibi memoratur, in ipso exilio diem clausit anno 1117. At vero Guillelmus IX anno duntaxat 1126 patri successit, ut probat idem auctor in Historia Gallica Comitum Pictavorum, quem consule, si caetera Guillelmi gesta, ac praecipue mortem diligentius lubet investigare, necnon Baronium ad annum 1135. De eo fuse in libro secundo de Vita Bernardi, cap. 6, ubi ejus conversio per Bernardum facta memoratur. Multa de eo fabulantur. Certum est, testante Orderico ejus equali, cui alii auctores compares suffragantur, Guillelmum poenitentia motum ad S. Jacobum peregre profectum esse, « et » feria sexta Parasceves, quinto idus aprilis sacra communionem munione munitum, ante aram beati Apostoli defunctum esse » sub annum 1137, quo haec ab Orderico memorantur.

335 B. Habent tamen ducem Apuliae. — Anacletus pseudopapa, ut Rogerium ducem Apuliae precipuum factionis suae fautorem fortius sibi devinciret, regis eum Siciliae titulo donavit, uti videre licet apud Baronium anno 1130, n. 6. Quem tamen ei postea Innocentius, infeliciter contra eum in praelium progressus, adeoque captivus, confirmavit, cum aliter eluctari e manibus ejus non posset. Quanto melius jus suum aliena manu persecutus fuisset Pontifex, si omnino armis opus erat, quam ut ipse ad bellum procedens, et hosti cedens, ad iniquas condiciones adigeretur! Vide Baronium, tomo 12, anno 1139.

337 A. In aeternum non obliviscar tui, plebs devota, honorabilis gens, civitas illustris! — Non est hic praetereundum quod refert Mauricus in Annalibus ad annum 1132, cap. 6. Hanc nimirum Bernardi promissionem adeo ratam firmamque semper stetisse, ut post quingentos fere annos, Christi scilicet anno 1625, cum excellentissimum principem Carolum Emmanuelem Sabaudiae ducem, quem Jannenses patiebantur hostem sibi infensissimum, ditionis suae oppida vastare, et sibi jam imminere vix quinto ab urbe lapide conspicerent, humano penitus destituti auxilio, fidem S. Bernardi interpellaverint concepto voto, quod ad litteram exscribere non gravabor. « Post haec inter divos nostrae » reipublicae tutelares divum Bernardum, qui dum in » humanis agebat, nostri in aeternum non obliviscen- » dum suis litteris spocondit, adscribere et connume- » rare promittimus, et vovemus diem ejus festum ce- » lebrare, et a populis nostris et a clero, accedente » illustrissimi archiepiscopi et reverendissimorum epis- » coporum consensu, celebrari curare. In hac ecclesia » majori vel in alia arbitrio nostro capellam eidem di- » catam construere. Eadem die divi Bernardi quotannis » in perpetuum solemnem processionem fieri, et sacrum » solemne ad ejus altare, nobis pie assistantibus, cele- » brari facere. Et demum manu Ducis, indieti sacri so- » lemnia singulis annis in perpetuum, et pro hoc anno » duodecim puellis, ut vocant, dotes, scilicet libras » centum, unicuique persolvere. In cujus rei testimo-

nium etc. Datas in ecclesia cathedrali, die Dominica, » 25 aprilis anni 1625. » Haec Jannenses instante rei- » publicae suae ruina. Quam autem ad votum eis succes- » serit, probavit eventus. Nam Bernardus in ipsa suae » sollemnitis vigilia, Hispana classe advecta, hostiles » copias ocius fugavit. Ita fere Mauricus.

340 A. marchionem Engelbertum. — Quis iste Engelbertus marchio? Existimamus hunc esse, qui in libro de Vita S. Norberti, cap. 32, dicitur frater episcopi Ratisponensis: cujus Engelberti una filia Theobaldo comiti desponsa est. En locus: « Assumptis itaque lega- » tis comitis Theobaldi, Ratisponam usque eos adduxit » Norbertus. Erat enim episcopus ejus civitatis nobilis- » simi stemmatis, et habebat fratrem Engelbertum po- » tentissimum marchionem, cui erant nubilis aetatis fi- » liae: e quibus una expedita comiti Theobaldo desponsa » est. Reversi sunt legati istuc nuntiantes, » etc. Mathil- » dis vocabatur, teste Orderico Vitali sub finem libri 13: » Mathildem vero Engelberti ducis filiam uxorem du- » xit. » Engelbertus porro seu Ingelbertus dux erat Carinthiae, marchio Foro-Julienensis. Confer notationem ad epistolam 299.

340 C. factum est. — Missi sunt cum Bernardo Guido Pisanus, Matthaeus Albanensis, Gaufridus Carnotensis episcopi, ex Vitae libro 2, n. 9, nempe ad reconciliandos Ecclesiae Romanae Mediolanenses, qui schisma conflaverant ob depositum Anselmum archiepiscopum ab ipsis electum.

341 B. a pseudopropheta tuis. — Loquitur de rebellionem qua secuti Anselmum de Pusterla archiepiscopum suum, partes Conradi contra Lotharium legitimum imperatorem Mediolanenses tuebantur. Rem enarrat Sigonius libro undecimo de Regno Ital. ad annum 1128. « Conradus, » inquit, « principibus aliquot suffraganti- » bus contra Lotharium sese regem asseruit; insolenti » inde aridentis fortunae elatus obsequio, in Italiam cum » exercitu maturavit, atque Anselmum archiepiscopum » et populum Mediolanensem amicos nactus, Modoetiae » regni coronam accepit, atque inde perustrata Lom- » bardia, civitates ad se plerasque omnes traduxit. Ea » de causa archiepiscopi Moguntinus, Magdeburgensis, » et Treverensis, jussu Lotharii ipsum communionem » piorum exterminarunt. Honorius autem non eum so- » lum, sed etiam Anselmum qui coronam imposuerat, » et populum qui receperat, perculit. Idem refert Otto Frisingensis, Chronici libro 7, cap. 17.

341 C. privata exstitisti. — Nimirum quod Mediolanenses Anselmum archiepiscopum secuti, Anacleto et Conrado adhaesissent, ut superius dictum, et amplius infra declarabitur. At iis respicientibus ea dignitas ab Innocentio restituta. Et de hac quidem restitutione in superioribus est intelligendus Bernardus, cum ait, in gratiam Mediolanensium translationem episcopii in archiepiscopatum esse factam. Nam alioqui sedes metropolitana dignitate ab initio praecelluit. Non tamen omitendum quod Sigonius refert libro undecimo de Regno Ital. ad annum 1133. « Innocentius, » inquit, « a Gennensibus » comiter atque honorifice jam bis acceptus, hanc eis » gratiam retulit, quod episcopum eorum ab obedientia

» archiepiscopi Mediolanensis exemptum archiepiscopum fecit, atque ei dimidiam episcoporum Corsicæ » partem subiecit. »

343 B. AD NOVITIOS APUD MEDIOLANUM CONVERSOS. — Ex hoc titulo Baronius inferi, jam ante Bernardi adventum Mediolanum, id est ante annum 1134, Cisterciensium familiam eo fuisse transmissam, conditumque aliquod monasterium, cui se novitii isti mancipassent. At Ughellus in tomo quarto Italiæ sacræ existimat, primum Cisterciensium in illa urbe cenobium esse Chara-Vallem, quem secundo ab urbe lapide non ante annum 1135 conditam probat: proindeque hæc in epistola novitiorum nomine intelligendos esse eos, qui Bernardi opera ad Pisanum concilium pergents recens conversi, ejus se magisterio ex animo jam devovissent. Ughelli epocha de conditu monasterii constat ex veteri inscriptione et ex primis loci instrumentis, in quibus constanter *Chara-Vallis*, non *Clara-Vallis* appellatur. Vide epistolam 281. — De nomine hujus monasterii Charæ-Vallis, hæc scripsit ipse Mabillon, in opere cui titulus est *Museum Italicum*, parte prima, id est in Itinere Italico, pag. 18, § 8: « Legendum esse *Chara-Vallis*, » argumento sunt primaria quæque loci instrumenta, » itemque inscriptio vetus claustrii parieti insculpta in » hunc modum: Anno gratiæ MCXXXV, xi kal. febr. » constructum est hoc monasterium a beato Bernardo » Claræ-Vallensi. MCCXXI consecrata est ecclesia ista, » a domino Henrico Mediolanensi archiepiscopo, vi non. » maii, in honore sanctæ Mariæ Charæ-Vallis. » †

344 A. AD PETRUM PAPIENSEM EPISCOPUM. — Duos hujus nominis Papienses episcopos habet Ughellus: unum electum anno 1130 vel 1131; alterum, Alfonso et Conrado intermediis, anno 1148, cui has litteras aptat: quæ melius priori conveniunt, siquidem hæc proximæ sequebantur epistolam 134, quæ scripta est anno 1134.

345 C. ad pedes vestræ Majestatis. — Inde colligitur, hanc epistolam summo Pontifici directam esse, qui Majestatis vocabulo non raro compellatur ab aliis, uti a Bernardo in epistolis 46, 150, n. 3, 166, etc. item ab Odone de Diogilo, et aliis. Quanquam hic titulus inferioribus etiam quandoque prælatis tribuitur ex notis ad epistolam 370.

346 A. In reconciliatione Mediolanensium. — Ea de re ita Sigonius de Regno Ital. libro secundo ad annum 1134: « Mediolanenses, » inquit, « cum se sacrorum communione spoliati, et metropolitana dignitate nudatos cernerent, eo quod Anselmum secuti Conrado et Anacleto hæsisent, actorum poenitentia ducti auctore Ribaldo episcopo, quem Anselmo repudiato sublegerant, Innocentii et Lotharii recuperare gratiam studuerunt: atque ea de re litteras item ad Bernardum, cujus maximam norant esse auctoritatem, scriperunt. Bernardus vero ad concilium Pisanum ab Innocentio accersitus, cum per Lombardiam eo festinans transiret, litteris scriptis gratulatus quod errorem deposuissent, et se votis eorum obsecraturum atque in reditu ad eos accessurum, promisit. Eo Pisas profecto, concilium est institutum, atque ejus potissimum sa-

» pientia consilioque perfectum. Eius concilii actiones » fuere multe. Summa tamen in Anacleto cum factionibus execrando versata est. Mediolanensibus, qui ad auctoritatem Innocentii Ribaldo auctore redierant, » honoris causa multa tributa, ut Ribaldus, quem ipsi » delegerant, dignitatem teneret, ut ea sedes metropolitana, sicut ante esset, ac pallio dignaretur, ut legatio ad eos expiandos honestissima mitteretur. Missi » vero sunt Guido Pisanus, et Matthæus Albanus episcopus, legati a latere: atque eis socius est adjunctus » ipse, quem in primis requirebant, Bernardus, ut » discidium ab Anselmo archiepiscopo excitatum extinguerent, ac populum religione contactum scelere liberarent. Mediolanenses, ubi Bernardum cum legatis » adventare sensere, extemplo ingenti lætitiâ urbe effusi, » obviam ad septem millia passuum prodire, tanta orationum, ætatum, sexuumque universorum frequentia, » ut urbem deserere, atque alio commigrare ipsos putares velle: interstinctis vero agminibus cum partibus » que recipientes, certatim et intueri, et alloqui, et » pedes etiam deosculari gestiebant: quin et pilos de vestibus ejus detractos ad opportuna incidentium morborum remedia reservabant, omnia sancta judicantes, » quæ ille contigisset, et se sanctos fieri eorum contactu » putantes; atque ita lætis clamoribus in urbem et hospitium deduxerunt. Die inde constituto concilium est » habitum. Ibi primum Anacleto rejecto, Innocentium, » ut verum et catholicum pontificem approbarunt. Deinde Conrado repudiato, palam Lotharium regem et dominum acceperunt, et Romanorum imperatorem » augustum una cum toto terrarum orbe confessi sunt, et » de contumacia adhibita se ex concilio et mandato Innocentii satisfacturos esse tacto sacrosancto Evangelio » sponponderunt, ac mox Bernardi judicio subiectes, » piaculum quod ille imposuit, receperunt. Dum vero » Bernardus Mediolani fuit, quam plurimos, qui offerebantur, homines male affectos, divina virtute cum » omnium admiratione sanavit, claudis gressus, cæcis » aspectus, debilibus pristinos artuum motus est restitutus, præcipue vero multi, quos per schisma demon » invaserat, liberati. Inde jussu Innocentii ad pacificandas ipsas inter se Lombardiæ civitates profectus, » Papiam et Cremonam se contulit. Cum vero apud Cremonenses nihil profecisset, eorum Innocentio pertinantiam significavit his verbis: Cremonenses induruerunt, et prosperitas eorum perdit eos. Mediolanenses » contemnunt, et confidentia eorum seducit eos. Isti in curribus et equis spem suam ponentes, meam frustraverunt, et laborem meum exinanierunt. » Ita ille.

347 C. vos melius nostis. — Quid fecerit rex Anglorum Henricus, hujus nominis primus, vide Vitam S. Bernardi, libro 2., cap. 1, n. 4. Quod et Willelmus Malmesburiensis illius sæculi scriptor, æque Anglus, descripsit Historiæ Novellæ libro 1, his omnino verbis: « Innocentius Roma exclusus, transcensit Alpibus Galiam contendit. Ibi ab omni citramontana Ecclesia susceptus est. Quin etiam rex Henricus (qui non leviter » a sententia, quam semel posuisset, dejici nosset) illi » apud Carnotum ultro manus dedit, et apud Rotoma-

gum non modo suis, sed et optimatum, et etiam Ju-  
» dæorum numeribus dignatus est. » Rogerus Hovedenus  
et ipse in Annalibus eandem commemorat receptionem  
anno 1131. Porro anno 1132, ut habet Fulco, Bene-  
ventani Chronici scriptor, cum Lotharius imperator  
Innocentii restituendi gratia Romam obsedisset, nec  
satis haberet virum ad eam expugnandam, utpote duo-  
rum millium duntaxat præsidio instructus; Bernardus  
qui et ipse aderat, a rege Anglorum suppetias hisce  
litteris expetiit; quod tamen ipse præstare non potuit.  
Denique quam religiose et christiane ultimum diem  
clausit anno 1135, discimus ex Hugonis archiepiscopi  
Rotomagensis epistola ad Innocentium papam scripta,  
dignissima certe quæ legatur apud Guillelmum Malmes-  
buriensem, Historiæ Novellæ libro 1, et apud Baronium  
ad annum 1135.

347 D. Benedictus Deus qui vos elegit. — Lotharium  
scilicet Saxonie ducem, virum per omnia commenda-  
bilem, teste Guillelmo Tyrio, lib. 12, cap. 16; Ottone  
Frisingensi, libro 7, cap. 17; Sigonio, qui non minus  
pietatis, quam virtutis laude hominum memorie com-  
mendatum ait; abbate Ursperg. qui strenuum belli du-  
ctorem, providum in consilio, terribilem inimicis Dei et  
sanctæ Ecclesiæ, etc. celebrat; Petro Diacono, qui miris  
ac magnificis eundem elogiis deprædicat. « Quis tanti, »  
inquit, « imperatoris animum non admiretur? Sederat  
» ad sedandas fratrum dissensiones in capitulo a prima  
» diei hora usque ad Vesperas, absque cibo potique  
» perdurans, dum paci unitatque consuleret. Nempe  
» sub imperii clamyde cœlesti militabat Regi. Nam,  
» ut ipse testis sum, in expeditione constitutus, summo  
» diluculo Missam pro defunctis, dehinc pro exercitu,  
» tertiam postremo (forte pro semet) diei Missam audie-  
» bat. » Vide cætera omnino digna legi, bonis principibus  
exempla futura : ut non immerito Bernardus laudet  
Deum, qui talem imperio principem providerit.

348 A. in tanta prosperitate peregristis. — Nempe  
cum hortatu Bernardi ex Germania in Italiam, et Romam  
usque, licet exiguis stipendii copiis, contendit, ut Inno-  
centium in sedem restitueret, et ab eo vicissim solemnem  
imperii coronam reciperet. Quod et factum in ipsa Urbe,  
in Laterano; cum interim antipapa Anacletus basilicam  
Vaticanam, et munitissima quæque Urbis loca, cum  
suis, tum operibus, tum præsidio firmata teneret. Vide  
Baronium, anno 1132; Sigonium, lib. 11, eodem anno;  
Vitam S. Bernardi, lib. 2, cap. 2. Et tamen Ordericus,  
libro 13, pag. 896, ubi Lotharii Romanum iter anno  
1133 susceptum describit, ait mandasse Petro, « ut alii  
» cederet, aut iudicium de ordinatione sua subiret : »  
idemque Innocentium mandasse. Et Petrum quidem acquie-  
visse, non vero Innocentium. Unde Lotharium contra  
eum indignatum, Petro quæ possidebat dimisisse, et  
negotio imperfecto recessisse.

349 B. ab usurpatore Siculo. — De Jure regni Siculi  
magna alias fuit disceptatio. De hac nihil modo ad nos.  
Videat ea de re, qui volet, scriptum Baronii, si tamen  
exstet hodie, et qui contra eum scripsere. Non immerito  
usurpatorem Siculum vocat Bernardus, qui Apuliæ Cala-  
bræque ducatus jure clientelari commissos Guillelmo suo

consohrino usurpavit, et tenuit a Calixti pontificatu usque  
ad annum 1136, quo Lotharius secundo Italiam ingressus,  
(secundum Ursperg.) Apuliam invasit, Rogeriumque vi-  
cit, hoc in primis sermone suos ad pugnam milites accen-  
dens, quod contra perduellem Ecclesiæ, ejusque sacris  
emotum, arma sumerent. Vide Ottone Frisingensem,  
lib. 7, capp. 16 et 20; Fazell. lib. 7, poster. decad. Idem  
tamen postea resipuit, agentibus Bernardo et Petro Clu-  
niacensi, qui litteris eum reconciliationis admonuit.

348 C. Ecclesia Sancti-Gengulfi. — De S. Gengulfo,  
alii *Gangulfo*, seu *Jangulfo*, ita Siebertus ad annum  
759 : « S. Gengulfus claret in Burgundia, qui etiam  
» martyrii claruit gloria. » In ejus honorem Tulli in  
Lotharingia constructa est, sub annum 1065, insignis  
basilica a S. Gerardo ejusdem civitatis episcopo, ut litteris  
mihi significatum est ab illustrissimo et reverendissimo  
D. Andrea Saussayo episcopo ac comite Tullensi, non  
minus scientia et scriptis, quam dignitate conspicuo. Sic  
enim in veteri codice quem penes se habet : « Sancti  
» quoque Gengulfi abbatiam ad meridianum introitum  
» ejusdem civitatis primus construxit S. Gerardus, et  
» brachium præfati sancti in hac urbe asportavit. » Udo  
vero, Tullensis itidem episcopus, eandem ecclesiam  
restituit. Ubi vides S. Gengulfi ecclesiam abbatie nomine  
insignitam, quod vocabulum nonnullis etiam ecclesiis  
collegiatis olim tribuebatur, ut etiam nunc advertere est  
in Sancto-Exsuperio Corboliensi, ubi præpositus seu  
prima dignitas capituli Abbas appellatur. Vide epistolam  
178.

350 A. AD HUMBERTUM ABBATEM IGNIACENSEM. —  
Humbertus, ex Casæ-Dei monacho factus Clare-Vallen-  
sis; dein a Bernardo primus abbas anno 1127, præficitur  
monasterio Igniacensi, diocesis Remensis. Vitæ  
privatæ studio regimen abdicavit anno 1138, quo anno  
scripta hæc epistola ex Italia. Perstitit nihilominus in  
sua abdicatione Humbertus, suffecto in ejus locum  
Guerrico : mortuus apud Clare-Vallum anno 1148,  
ut in tomo secundo dicemus, referendo egregium sermo-  
nem, quem Bernardus in ejus obitu habuit.

351 C. AD MONACHOS ALPENSES. — Alpense cœno-  
bium, diocesis Genevensis in Sabaudia, hodie Annicien-  
sis. Fundatum ab Humberto II Sabaudie comite, sub  
primo abbate Guarino, qui deinde Sedunensium factus  
episcopus, occasionem huic epistolæ præbuit, qua Ber-  
nardus monachos Alpenses suo abbate destitutos conso-  
latur. Gaspar Jongelinus in Notitia Abbat. Cistere. hujus  
monasterii fundationem refert ad annum 1136. Sed ante  
eum annum fundatum esse, nec monachos ab initio ha-  
bitum et instituta Cisterciensium fuisse amplexos, sed iis  
se tandem submisisse, facile est colligere ex præsentī  
epistola, præsertim verbis illis, « Quam læto sinu colle-  
» git vos multitudo Cisterciensis! » Et quidem Clare-  
Valli se peculiariter aggregasse, constat ex sequentibus  
Bernardi verbis. Vide etiam epistolam 253, ad dictum  
Guarinum, et Mauricium in Annalibus ad annum 1136,  
quo factam asserit aggregationem. De hoc monasterio  
lege insuper Vitam S. Bernardi, lib. 1, n. 67.

353 B. conversis. — Conversi olim dicebantur, qui ex  
adultis conversi ad religionem, quo nomine distingue-

bantur a pueris oblati. Hic conversi dicuntur fratres laici seu barbati, de quibus supra in epistola 151, n. 1. In abbatum electione adierunt ex epistola 36, n. 2, nimirum ut olim populus cum clero in electione episcoporum. Hic ante novitios nominati, contra in sermone 22, de Diversis, n. 2, in chorum non admissi. Bernardus eos distinguit a monachis. Tunc enim apud Cistercienses monachi proprie non censebantur, ut probat Exordii Cisterciensis caput 15, tametsi quamdam faciebant professionem. Unde Innocentius II in quodam privilegio seu in epistola hic 352, « Conversos vestros, qui monachi » non sunt, post factam in vestris cœnobii professionem, » nullus archiepiscoporum, episcoporum vel abbatum » sine grata vestra licentia suscipere, aut susceptum » retinere præsumat. » Et in consilio Remensi sub Eugenio III, conversi professi dicuntur can. 7, et siquidem ad sæculi vota redierint, matrimonio inhabiles declarantur, uti et monachi, a quibus tamen distinguuntur. De Clare-Vallis primordiis lege notas in epist. 31.

357 A. fratre nostro Balduino. — Balduinus, primus ex Cisterciensi familia cardinalis, creatus ab Innocentio anno 1130 in concilio Claromontano, postea archiepiscopus Pisanus, de quo in libro secundo Vitæ S. Bernardi, n. 49 : « In Tuscia Pisis natalis gloria soli, et magnum » Ecclesiæ lumen Balduinus effulsit. » Vir tantus scribæ officium Bernardo impendere non duxit indignum, laudatus in epistola 245. Confer epistolam 201.

357 B. magistro Yvone. — Hi omnes cardinales : Lucas tituli sanctorum Joannis et Pauli creatus anno 1132; Chrysogonus anno 1134 tituli S. Mariæ de Porticu; Yvo ex canonico regulari Sancti-Victoris Parisiensis anno 1130, tituli sancti Laurentii in Damaso, ad quem epistola 193.

357 B. frater Bruno et frater Girardus. — Bruno multorum discipulorum in Sicilia pater dicitur in epistola 209. Girardus videtur esse Bernardi frater. De Brunone iterum epistola 165, n. 4.

358 B. AD BURCHARDUM BALERNENSEM ABBATEM. — Balerna Ordinis Cisterciensis in diocesi Vesontionensi condita anno 1136. Abbas primus Burchardus, ejus censuram habes in fine libri primi Vitæ S. Bernardi.

359 B. AD PETRUM ABBATEM CLUNIACENSEM. — Istud Bernardi responsum deest in manuscriptis non paucis, in primis editis locatum post epistolam 307. Caterum hæc epistola 147 duabus Petri epistolis respondet, quarum una est in libro secundo epistola 29, altera 37 quam hic exhibemus, ut videas, quanto amicitie fodere sibi invicem cœbaserint sanctæ illæ animæ : de qua re vide notas ad epistolam 228. Epistola sic habet :

« Venerabili et dilectissimo mihi domino BERNARDO  
» Clare-Vallis abbati, frater PETRUS humilis Clunia-  
» censis abbas, valere semper in Domino.

« Quantum reverentiæ, quantum amoris tibi anima  
» mea in penetralibus suis conservet, novit ille, quem  
» in te veneror et amplector. Feci hoc, etiam dum a thæ-  
» absentia tua, vultum corporis tui mihi invidens, abs-  
» condebatur : quia jam fama velocior corpore, beate

» anime faciem oculis mentis meæ, modo quo poterat,  
» inferebat. At ubi, quod diu negatum fuerat, tandem  
» sum assecutus, et phantasmata somniorum veritate  
» succedente exanuerunt : adhesit anima mea tuæ, nec  
» ab amore tuo ultra divelli potuit. Ita charitas tua to-  
» tum me sibi deinceps vindicavit, ita virtutes tuæ et  
» cogniti mores rapuerunt, ut nihil mihi de me, quod  
» tuum non esset, relinquere; nihil tibi de te non  
» meum esse permitterent. Mansit in me constanter ex  
» illo tempore, et utinam sic in te maneat Christi causa  
» corpora, mutua charitas, quæ sola, quia nunquam ex-  
» cidere novit, morem suum, quantum ad me pertinet,  
» in me optime conservavit. Tuncque hinc omni auro  
» chariorem, omni gemma clariorem, in sinu meo repo-  
» suerim, in thesauris absconderim : miror quod tanto  
» tempore, non qualia vellem indicia, hujus a te mihi  
» custodite charitatis acceperim. Ago quidem gratias,  
» quod sepe per quoslibet salutationibus missis, non  
» penitus te amici oblitum signasti. Sed queror, quod  
» certiora per litteras indicia hæcenus non dedisti. Cer-  
» tiora dixi, quia nescit charta impressum mutare ser-  
» monem : cum loquentium lingua, addendo, vel de-  
» mendo, injunctam mutet sapientiam veritatem. Unde,  
» quia ut electus præliator, paratus in diem belli, pro  
» Ecclesiæ Dei periculis, dextra et leva uteris, et per  
» arma justitiæ a dextris et a sinistris contendis : mun-  
» tios meos, quos domino Papæ dirigo, ex parte amici-  
» tiæ tuæ secure committo : quoniam qui alienorum  
» causis assistis, tuorum negotiis deesse non poteris.  
» Per quos, ut querela mea sopiatur, esse tuum, ac red-  
» itum, et statum domni Papæ non solum legatis meis,  
» sed et litteris tuis committe. Utinam et te a curia la-  
» boriosa, et me a cura periculosa expeditum, ut sem-  
» per optavi, nunquam mutandum unum locum retineret.  
» una charitas uniret, unus Christus susciperet! »

360 B. morte absorptus est. — Antipapa Anacletus, mortuus anno 1138. Mortis genus describit Ernaldus, in libro secundo de Vita S. Bernardi, cap. 7; Oriericus, pag. 915, Anacletum subita morte decessisse tradit. Victor ab æmulis Innocentii subrogatus, ex Vita Bernardi.

360 B. abscissus nihilominus est. — Videtur is esse Gerardus episcopus Engolismensis, mortuus anno 1136, ex notis ad epistolam 126. De ejus morte Oriericus, pag. 908, ubi eum eruditissimum vocat, et virum « ma-  
» gni nominis et potestatis in Romano senatu tempore  
» Paschalis papæ et Gelasii, Calixti et Honorii. »

361 B. Sancti-Bertini. — Monasterium Sancti-Bertini apud Audomaropolim, aliis Sithiense, cum ad extre-  
mam inopiam devenisset, a Lamberto abbate Hugoni ab-  
bati Cluniacensi commissum, anno 1101, ita demum  
refloruit tum facultatibus, tum religione, tum etiam nu-  
mero monachorum, ut cum ibi vix duodecim antea  
monachi vivere possent, ibidem acceverit numerus ad  
centum et quinquaginta, ex quibus multa Belgii et Fran-  
ciæ monasteria regularem disciplinam receperunt, teste  
Hermanno monacho in Spicilegii tomo 12, pag. 443,  
cui Iperius consentit. Hugone Cluniacensi abbate mor-  
tuo, jugum excusere Sithienses, qui abbatem suum,  
inconsultis Cluniacensibus, in litum vocarunt. Lis eo-

usque perducta est, ut duos jam abbates, Joannem videlicet ac Simonem, decessisset Innocentius II agente Petro Venerabili, qui tandem urgente Bernardo jure suo cessit, et Bertinenses sui juris esse permisit. Vide notas ad Apologiam, tomo 2.

362 B. monasterium Virziliacense. — Alias, *Vezeliacense*, diocesis Aëduensis, a Gerardo comite Nivernensi et Bertha ejus uxore constructum circa annum 821, in gratiam monialium, quibus monachi substituti, iisque demum canonici seculares anno 1537. Hujus monasterii reformationem, agente Henrico Burgundiæ duce, Guillelmus Sancti-Mayoli abbas Cluniacensis discipulus, primo quidem instituit; deinde vero S. Hugo itidem Cluniacensis abbas jam collabentem disciplinam iterum restauravit. Ex qua Paschalis II auctoritate factum est, ut Cluniacensi abbati anno 1103 omnino subiceretur. Vide Duchenum in notis ad Bibliothecam Cluniacensem. At monachi Vezeliacenses Cluniacensium jugum paulatim detrectantes, rursus ab Innocentio II eisdem subesse compelluntur. Qua de re Vezeliacensis historicus, ita loquitur: « Hanc siquidem libertatem cum per trecentos » fere annos ab ipso sue foundationis principio Vizeliacensis ecclesia quiete et absque calumnia obtinisset, » tamque de suis, quam de aliorum fratribus monasteriorum sibi Patres indifferenter præfecisset; Cluniacensis longe post exorti per surreptionem sibi vindicare » nisi sunt, assensum quidem primum, deinde vero jus » electionis sibi arrogantes, mentientes utique a Paschali » traditam sibi curam Ordinis ecclesiæ Vizeliacensis. Ob » quam prorsus causam eadem ecclesia sub Innocentio » II papa grave scandalum pertulit, reclamando libertatem ingentiam, dum per violentiam ejusdem Innocentii et comitis Nivernensis, intruso a Cluniacensibus » quodam Alberico, fere omnes sæpe fati monasterii fratres » tres vinculis colligati » etc. Spicilegii Acheriani tomo 3.

362 B. quid apud Sanctum-Benedictum. — Intellige Sanctum Benedictum super Padum, Padolironense appellatum, de quo idem constitutum a Gregorio VII et Calisto II ac de Vizeliacensi, nempe ut in illo sine Cluniacensis abbatis consilio, provisione et præcepto, abbas nullatenus eligeretur, aut electus sine commendatitiis ejus litteris a quocumque episcopo benediceretur. Cum autem secus actitari coeptum esset, Innocentius petente Petro Venerabili litteris suis mandavit (quemadmodum ex Bulla Clementis III data anno 1187 colligere est, Biblioth. Cluniae. col. 2452) ut Guillelmus abbas Cluniacensibus inconsultis electus et ordinatus, eisdem sese repræsentaret, et obedientiam reverentiamque exhiberet.

362 B. Sic Sancti-Memmii. — S. Memmius ex celebri olim apud Romanos Memmiorum familia oriundus, in Galliam a B. Petro Apostolo directus est, et Catalaunorum primus episcopus exstitit. In ejus honorem apud eandem urbem condita est insignis canonicorum ecclesia, quæ institutum canonicorum regularium Ordinis S. Augustini suscepit auctoritate Innocentii II.

362 B. sic Sancti-Satyri. — Mathildis uxor Gofredi Bulloniensium (aut Boloniensium, civitate Boloniensi, quæ est secus mare Anglicum sita, inquit Guillelmus Tyrensis, libro 9, cap. 5), primique recuperate Jeroso-

lymæ regis, impetravit a Paschali summo Pontifice corpus B. Satyri martyris, cujus agitur sollemnitas nonis martii, eique posuit in diocesi Bituricensi secularium canonicorum collegium: qui intra paucos annos (tam faciles et proclives ad deteriora sumus!) ad vitam adeo secularem et immoderatam degenerarunt, ut Innocentius jussit eos exponi, reponique B. Augustini canonicos, quod Memoriale historiarum sic insinuat: « Anno » MCXXXVIII, clarebat Ordo canonicus Sancti-Victoris Parisiensis, celebrisque per orbem fama habebatur » propter insignes personas, moribus et scientiis ornatas: » quas in diversis mundi ecclesiis sparsit, velut vitis fere » cunda palmis proferens transplantandos. Hoc enim » tempore fuerant ibidem accepti canonici professi prælati in Ecclesia Romana duo cardinales, dominus Hugo » episcopus Tusculanensis, et magister Ivo; abbates quoque novem. In ecclesia Sancti-Satyri Bituricensis abbas » Radulfus, » et cetera. His subscribit Necrologium Sancti-Victoris Parisiensis, in quo ad quintum idus februarii legitur: « Obiit dominus Andreas abbas Sancti-Satyri, » et noster canonicus. » Stephanus ex abbate Sanctæ-Genovefæ Parisiensis episcopus Tornacensis in epistola ad Lucium III papam (quæ incipit, Movetur usque, etc.), commendat ejusdem conobii gravem constantemque disciplinam. Adde quod in libello taxationis episcopatum et beneficiorum Franciæ isthæc abbatia sub Ordine S. Augustini recensita sit.

362 C. iracundi atque irascentis regis. — Id potissime videtur intelligendum de investituræ ecclesiarum ab imperatore Lothario repetitis, et ab Innocentio denegatis. « Eo quoque tempore, » inquit abbas Ursperg. « ipse Papa adiit imperatorem Lotharium, petens ab eo » favorem contra Petrum Leonis, et suos fautores. » Sane Imperator usus consilio super hujusmodi responso, coepit a Papa repetere investituras episcopatum, quas multo tempore imperatores ante se habuerant. Ideoque Apostolicis non modicum est turbatus, et de adventu suo contristatus; de reductu quoque anxius effectus. Nam petitionem Principis exaudire non poterat super tali articulo, pro quo Ecclesia tot mala sustinuerat. Interveniente tamen consilio et orationibus S. Bernardi, securus recessit ab Imperatore. Otto Frisingensis quidem libro 7, cap. 18, idem, sed mitius denarrat.

362 C. in turbatores Ecclesiæ Aurelianensis. — Quinam isti fuerint discimus ex nonnullis epistolis, quas noster Acherius Spicilegii tomo 3, pag. 153 sqq. inseruit. Et primo quidem ex epistola Archembaldi Ecclesiæ Aurelianensis subdecani ad Henricum Senonensem archiepiscopum, advertimus hujus perturbationis incensorem fuisse Joannem quemdam Aurelianensem (is postea eundem Archembaldum necari præcepit: vide epistolam 161), in archidiaconi dignitatem intrusum, cui cum Archembaldus aliique clerici sese opponerent, graves injurias, bonorumque fere omnium detrimenta tum ab ipso Joanne, tum ab ejus fautoribus Bartholomæo Capicerio, Zacharia Pagano archidiacono, Jacobo Sancti-Aniani subdiacono, etc. passi sunt. Unde in fine sic rogat, « quatenus de malefactoribus suis plenariam » sibi justitiam faciat » Henricus archiepiscopus (ad



quem vacante sede Aurelianensi confugerant), » et  
 » Ecclesiam quæ sanguinis effusione et sacrilegiis ma-  
 » lis polluta erat, cessare seu interdici juberet, et  
 » hanc injuriam, quæ in dominum Papam redundabat,  
 » u'eisci non differret. » Exstat ibidem alia ejusdem  
 argumenti epistola a Gaufrido episcopo Carnotensi ad  
 prædictum Henricum transmissa. Et fortasse Joannes  
 ille intrusus suam dignitatem Regis auctoritate vindica-  
 bat. Sed tandem Innocentius papa arrepta oppressorum  
 tutela, nunc dicto Gaufrido Carnotensi apostolicæ sedis  
 legato istius causæ curam et patrocinium demandavit,  
 et reos ad satisfaciendum coegit.

363 A. Revixit, ut aiunt, Gisleberti spiritus. —  
 Gislebertus seu Gilbertus decessor Hildeberti, qui anno  
 1125 ex cathedra Cenomannensi in Turonicam transla-  
 tus est, eamque tenuit annis sex cum totidem men-  
 sibus, ut ad epistolam 122 notavimus. Eo mortuo  
 Philippus Gisleberti nepos malis artibus sedem invadens  
 favente Anacleto, huic epistolæ occasionem dedit, et  
 sequenti, quæ prior scripta est. Philippo cedere coacto,  
 Hugo canonice suffectus. Lege Analectorum tomum 3,  
 pag. 338.

364 A. AD PHILIPPUM TURONENSIS ECCLESIE INVASO-  
 REM. — « Anno 1137, Hildeberto Ecclesiæ Turonensis  
 » pontifice mortuo, canonici ejusdem Ecclesiæ violentia  
 » Goffridi comitis propriis sedibus sunt expulsi. Cum  
 » vero pontificem canonice deberent eligere, in partes  
 » divisi sunt. Quidam enim illorum, contra sanctorum  
 » scita canonum, quemdam Philippum, Gilberti ante  
 » Hildebertum in eadem sede ambitiosi episcopi nepo-  
 » tem, aliis reclamantibus elegerunt. Philippus con-  
 » festim Anacletum pseudopontificem adiit, ut ab eo  
 » confirmaretur et ordinaretur; moxque Turonos re-  
 » versus est. Interim Hugo, vir prudens et nobilis, a  
 » saniori parte eorundem clericorum canonice eligitur,  
 » et in Cenomannensi Ecclesia a Guidone et comprovin-  
 » cialibus episcopis consecratur: quo Philippus cognito,  
 » secum ornamenta Ecclesiæ deferens, furtim aufugit. »  
 Hæc ex Actis Episcoporum Cenomannensium editis in  
 tomo tertio Analectorum. Cum hæc agerentur, Bernar-  
 dus, qui tunc Viterbii morabatur, has litteras scripsit  
 ad Philippum; qui aliquanto remissior factus, Anacleto  
 mortuo deinceps Turonensem Ecclesiam ambitu suo  
 exagitat: contra quem Vir sanctus anno sequente  
 1138, ad Innocentium scripsit epistolam præcedentem.  
 Cæterum sub Hugone archiepiscopo, qui tandem Phi-  
 lippum eiecit, id contigit quod Innocentius III com-  
 memorat in libri 3 epistola 79: « Adjecit etiam pars  
 » Dolensis, quod processu temporis bonæ memoriæ  
 » Eugenius papa, prædecessor noster, felicis recordatio-  
 » nis Bernardum Claræ-Vallensem abbatem ad sapien-  
 » dam inter easdem Ecclesias controversiam destinavit,  
 » cujus statutum servare noluit Ecclesia Turonensis. »  
 Hæc longe post initium epistolæ ab Innocentio III  
 scriptæ in causa Turonensis Ecclesiæ adversus metropo-  
 litim Dolensem.

364 D. Sumus enim Viterbii. — Ergo tum Bernardus  
 Viterbii in Etruria versabatur, et quidem anno 1137,  
 quo in Germaniam ad Lotharium ab Innocentio missus

est: quo ex loco præcedens ad Innocentium epistola scrip-  
 ta videtur. De alia apud Viterbium ejus mora vide ser-  
 monem 2 in Cantica, n. 14.

366 A. AD BERNARDUM DE PORTIS. — In codice Ca-  
 sterciensis hæc observatio legatur: « Sciendum est duos  
 » exstitisse Bernardos in domo Portarum, unum Priorem,  
 » alterum sub Priore, qui et postea cardinalis fuit. »  
 Prior ex monacho Androniacensi, Cartusie Portarum  
 originem dedit anno 1115, de quo in Necrologio: « Pri-  
 » die idus februarii obiit Bernardus primus Prior Porta-  
 » rum, MCIII. » Longe ante id tempus regem abdicave-  
 rat, successorem sortitus alterum Bernardum itidem  
 Portarum Priorem, post abdicatum Bellicensem episco-  
 patum, ut censet Petrus Franciscus Chiffletius in Præfa-  
 tione ad Manuale solitariorum, qui huic Bernardo secundo  
 hanc et sequentem epistolam directam putat: additque  
 tertium per id tempus Bernardum post beatum Nanthel-  
 mum ejusdem loci Priorem, postea episcopum Diensem.  
 Certe Bernardum, cui hæc epistola cum sequente inscrip-  
 ta est, Priorem non fuisse anno 1135, quo hæc epistola  
 exarata est, constat ex n. 2, ubi Bernardus domum  
 Priorem salutatur, hoc est Bernardum primum incolam ac  
 Priorem Portarum, qui locus est in Baugesio diocesis  
 Lugdunensis, prope Rhodanum, tribus leucis a Bellicio  
 urbe episcopali. Confer epistolam 250.

368 B. PRO EODEM QUANDO ELECTUS EST. — Forte in  
 Ecclesia Papiensi, quæ per id tempus mortuo Petro va-  
 cabat. Non obtinuit hæc electio, sed prævaluit S. Bernar-  
 di consilium, electo Bernardo Portarum in episcopum  
 Bellicensem, ex dictis, cui dignitati jam cesserat anno  
 1147, tum Portarum Prior, ex charta authentica apud  
 Chiffletium.

369 A. non solum viduata viro. — Scilicet post Joan-  
 nis episcopi obitum, qui contigit anno 1133, vacavit  
 sedes quatuor annis, ex Carolo Saussayo in Annalibus Au-  
 relianensibus: cum Hugo decanus, qui electus fuerat,  
 ex curia Regis rediens, a temerariis hominibus in via  
 percussus est, teste Orderico Vitali ad annum 1134.  
 Hæc vero epistola scripta est a Bernardo, uti et sequens,  
 ante Romanam ejus tertiam professionem anni 1137.

369 D. Willelmo Maudumensi. — Maudunum seu  
 Magdunum, oppidum est infra Aurelianos ad Ligerim,  
 ubi ecclesia Sancti-Lifardi collegiata, et sedes episcopi  
 Aurelianensis.

370 A. SUPER INTERFECTIONE MAGISTRI THOME PRIO-  
 RIS SANCTI-VICTORIS PARISIENSIS. — Ob nefarium eadem  
 Thomæ Prioris Sancti-Victoris Parisiensis Pontificem se-  
 rio hæc epistola interpellat, ut in sacrilegos debitam justi-  
 tiæ censuram et ultionem exserat. Occasionem cadis  
 Bernardus hic insinuat. Nempe, quod Thomas zelo disci-  
 plinæ ecclesiasticæ cupiditati ejus et iniquis exactionibus,  
 quibus archidiaconus Parisiensis clericos premebat, ob-  
 sisteret. Hinc odio inflammatus archidiaconus vindictam  
 animo coquebat, donec tandem nepotes ejus, seu iræ et  
 odii participes, quod causam cognati suam putarent,  
 seu ab eo ad facinus conducti et inducti, Thomam in-  
 ridere, et quidem in comitatu episcopi aggressi sunt.  
 Stephanus episcopus Parisiensis auctorem cadis et com-  
 plices seu fautores mox anathemate percussit. Et tanti sec-

leris immanitate gravissime commotus, velut ad levamen doloris, secessum paulisper in Clara-Valle petit, indeque Gaufrido sacre Romanæ Ecclesiæ legato et Carnotensium episcopo has litteras transmisit.

« GAUFRIDO Dei gratia venerabili Carnotensium episcopo  
» et apostolicæ Sedis legato, STEPHANUS eadem gratia  
» Parisiensis Ecclesiæ minister indignus, nunc autem  
» miserie et afflictionis præco infelix, valere in Do-  
» mino.

1. « Calamitatis novæ pondus, quam vestris auribus,  
» imo cordi vestro illaturus sum, nescio si verbis aliqui-  
» bus digne valeat explicari. Nuntium durum et grave  
» auditu, omnibus, quibus Christi Jesu et sanctæ matris  
» Ecclesiæ opprobria dura et graviora sunt, præcipue  
» nobis sub habitu et signo religionis constitutis, quibus  
» hæc tanto plus omnibus graviora futura sunt, quanto  
» specialius ad nostrum gravamen, imo oppressionem et  
» ruinam omnium spectat nostrum unius occasus. Magi-  
» strum Thomam Priorem co-nobii Sancti-Victoris, virum  
» approbatum, omnibusque bonis amicam et dilectum, ac  
» in sanctæ Ecclesiæ defensione illum coadjutorem et pro-  
» pugnatorem devotissimum et strenuissimum, in ipsorum  
» manibus extinctum sciatis, carne quidem mortuum,  
» sed, ut indubitanter credimus, viventem cum Christo.  
» Cui enim Christus vere causa moriendi fuit, in gloria  
» omnino deesse non poterit: quoniam et ipse cum ulti-  
» mum in nostris manibus exhalaret spiritum, libera  
» voce se pro justitia mori protestatus est, certissimum  
» præteritæ præsentisque justitiæ suæ, qua in Ecclesia  
» Christi contra impios pugnaverat, testimonium relin-  
» quens, quoniam in ipsa consummaretur. Hæc enim  
» prima, hæc et ultima causa fuit laboris illius. Nam pro  
» ipsa justitia tunc mecum aderat. Ego enim ipsius præ-  
» cipue admonitione (sicut ei semper de his cura esse  
» solebat) rogatu et assensu Regis, per eum quoque ad  
» ipsum persuasi, ad abbatiam monialium, quæ est Che-  
» lis, emendandam et ordinandam perrexeram, assum-  
» ptis mecum viris religiosis, abbate scilicet Sancti-Victo-  
» ris et Sancti-Maglorii, et subpriori Sancti-Martini,  
» aliisque compluribus monachis, canonicis ac clericis:  
» cumque pro viribus negotio peracto reverterem, juxta  
» domini Stephani castrum, quod Gorniacum dicitur, su-  
» bito ab ejus hominibus, scilicet nepotibus Theobaldi  
» archidiaconi, insidias mihi in via præstaurantibus, as-  
» sultum passus sum. Cumque nos inermes, utpote die  
» Dominico, et pacem ferentes incederemus; subito eva-  
» gniatis gladiis irrumpunt super nos, et nec Deo, nec dei  
» sacre, nec mihi, nec his qui mecum erant religiosi vi-  
» ris honorem dantes, inter manus nostras innocentem  
» trucidaverunt, mihique mortem comminanti sunt, nisi  
» abscederem a conspectu eorum celeriter. Nos autem  
» fiducialius agentes, in medios gladios nos conjecimus;  
» et jam semivivum, direque laniatum a manibus eorum  
» abstraximus, atque undique circumdantes eum de sua  
» confessione, et de ejus quam passus fuerat, inimico-  
» rum impietate lamentanda allocuti sumus. Tunc ille li-  
» benti animo omnibus, qui in se peccaverant, dimit-

» tens, et suorum peccatorum intime remissionem petens,  
» precepta tandem communionis corporis et sanguinis  
» Christi, libera voce se coram omnibus pro justitia mori  
» contestatus est, et sic reddidit spiritum.

2. « Hinc ergo, licet nostræ spei fiducia certa, quan-  
» tum ad ejus spectabat salutem et gloriam, exsultandum  
» omnino non dubitet, pretiosamque in conspectu Do-  
» mini mortem sanctorum ejus sciamus; moror tamen et  
» luctus gravis, qui de amici oratione et communi om-  
» nium nostrum confusione oboritur, nulla prorsus conso-  
» latione in nostro animo temperatur. Me enim in ipso  
» occisum video et multo magis me occisum quam ipsum;  
» quia me in ejus morte periculis expositum cerno, ipsum  
» autem a periculis liberatum. Superest igitur, ut quia  
» me nunc tam graviter desolatum et contristatum cerni-  
» tis, ad me consolandum simul et consiliandum venire  
» non differatis. Ego enim, quasi qui ipsam detestandam  
» loci faciem sustinere non valeam, Claræ-Vallem fu-  
» giens secessi, illic vos expectaturus, ut consilium pa-  
» riter capiamus, quid nobis pro sanctæ Ecclesiæ tam  
» intolerabili injuria faciendum sit. In omnes enim nos  
» impetus iste casum minatur, et venit, nisi præveniat  
» Dominus. Mando ergo vobis, et summo opere deprecor,  
» ut omni dilatione postposita Claræ-Vallim properetis:  
» quia pericula undique mihi imminet, pro quibus con-  
» silium differri non potest. »

His Gaufridus acceptis, Claræ-Vallem advolvit, man-  
datoque apostolico præcepit episcopis dioceseon Remen-  
sis, Rotonagensis, Turonensis, Senonensisque ad syn-  
odum Jotri indictam frequentes convenire. Illis autem  
coactis, Hugo Gratianopolitanus episcopus, Cartusien-  
siumque familia rescipere, « rogantes et obsecrantes ut  
» in sacrilegos homicidas, ecclesiastici rigoris gladius pro-  
» duceretur. » Sed et Innocentius S. Bernardi scriptis  
monitus, Patribus super eorum decreto rescipit, illud  
confirmans, et sententiam severiorem superaddens. Quod  
attinet ad rationem temporis quo hæc cædes perpetrata  
est, a J. Picardo in notis ad epistolam Innocentii, aliis-  
que sequacibus, communiter revocatur ad annum 1130,  
quamvis a Baronio ad annum 1135 rejiciatur. At senten-  
tia quidem illa probari non potest. Constat enim ex epi-  
stola 159 Thomam fuisse peremptum die Dominica, et  
quidem decimo tertio kalendas septembris, ut legitur in  
Necrologio Victorino his verbis: « Anniversarium ma-  
» gistri Thomæ Prioris hujus ecclesiæ, qui pro defensione  
» justitiæ ab inimicis justitiæ crudeliter interfectus, vi-  
»vens et moriens honestatis et patientiæ dignam atque  
» imitabilem sequacibus suis vitæ formulam dereliquit. »  
Concordat etiam Sancti-Guinaili Corboliensis Kalenda-  
rium, teste Picardo. Proindeque dies iste Thomæ san-  
guine consecratus litteram dominicalem anni 1130 præ-  
ferre debet, quod contra accidit: nam littera dominicalis  
istius anni est E, littera vero decimo tertio kalendas sep-  
tembris respondens est A. Addit Picardus duo argu-  
menta in suæ sententiæ confirmationem. Alterum, quod  
Thomæ Prioris interitus S. Hugonis Gratianopolitani obi-  
tum anteverat, cum hic pro Thomæ vindicatione ad Pa-  
tres in Jotrensi concilio coactos una cum Cartusiensibus

scripserit. At vero, inquit, cum Guigo primarie Cartusie præsides adveniret in Vita S. Hugonis, ipsum obisse anno 1132, mors Thomæ referenda est, non quidem ad annum 1131, quo Innocentius in Galliis præsens, comitante ubique Bernardo, tot litteris non fuisset interpellandus; sed ad annum 1130, quo Innocentius creatus est Pontifex. Alterum, quod Innocentius sub initium anni 1131 Lutetiam ingressus, et Sancti-Victoris ecclesiam lustrans, beati Thomæ corpus e claustro in templum efferi præcepit septimo idus martii. Mense igitur augusto præcedentis anni e medio fuerat sublatus. At neutrum certe argumentum rem conficit. Non quidem primum. Quid enim obstat, quominus præmissam Hugonis Gratianopolitani epistolam, non a S. Hugone, sed a successore ejus cognomine scriptam esse dicamus? Nec etiam posterius magis urget. Esto enim Innocentius beati viri corpus in decentiorem locum transferri jussit: non tamen id præsens asserendus est præstitisse, imo mandato ex Italia transmissio, ut manifestum est ex epistola tomo quinto Spicilegii Acheriani, pag. 567, inserta, in qua archiepiscopos Remensem et Senonensem arguit dilata excommunicationis sententie in eos ferenda, qui Thomam interfecissent. Sic enim concludit: « Ad hæc mandavimus, ut » corpus præfati boni viri, qui coram Judice superno » modo de sua justitia et innocentia testimonium perhibet, et sub obedientia vivens, in obsequio proprii interfectus est episcopi, in sua ecclesia honorifice tumuletur. Data Pisis, 21 decembris. » Dicendum itaque est, hanc Thomæ necem incidisse, non in annum 1130, sed in annum 1133, quo littera dominicalis E litteræ dici prædicti, nempe decimo tertio ante kalendas septembris respondebat; quo alter Hugo post S. Hugonem sedem Gratianopolitanam occupabat; quo Innocentius Pisis concilii indicti tempus præstolabatur; quo denique Bernardus ex Italia in Germaniam missus ad pacem Lotharium inter et Conradum componendam, in Galliam reversus illie tantisper subsistebat, præsens adfuturus capitulo Cisterciensi, hoc anno idibus septembris de more celebrando, ut patet ex inscriptione ejusdem epistolæ, a Petro Cluniacensi hoc anno ad prædictum capitulum directæ (Petri Venerabilis epistola 36, lib. 1), in qua Bernardus præsens recensetur. Denique huic nostræ sententie favet Ordericus, libro 13, ad annum 1134, in quo, nonnullis rebus, quæ ad annos superiores pertinebant, summam conglobatis, postquam recitavit mortem Joannis Aurelianensis episcopi, et Hugonis decani post eum designati, quæ anno 1133 ex Annalibus Aurelianensibus in Joanne contigere: « Tunc etiam, » inquit, « Thomas Sancti-Victoris canonicus, vir magnæ auctoritatis, interemptus est, » etc. De his ista sint dicta.

373 A. Si Theobaldus Noterius. — Hic codices variant. Quidam habent solum, *Noterius*; alii, *Theobaldus Noterius*, qui archidiaconus fuit Parisiensis, teste epistola Stephani episcopi Parisiensis, in notis relata, quæ nescio an ab ipso Bernardo, nomine Stephani, scripta est ad Gaufridum Carnotensem, tunc legatum.

373 D. Vox sanguinis Archembaldi. — De istius interfecto libere lege notas ad epistolam 150. De nece Archembaldi item conqueritur Petrus Venerabilis in libri

primi epistola 17, insinuans enim de medio sublatus ante Thomam Victorinum, his verbis: « Quorum impudens » sceleris arma ministrat furoris: ut sicut post Aurchianensem subdecanum ad dominum Thomam Parisiensem, quia prior inultus remanserat, persecutorum » gladius se convertit. » Contrarium tamen ex hac Bernardi epistola non obscure colligitur. Ceterum Joannes, qui Archembaldi necis auctor, forsitan ipse fuerit Joannes decanus Aurchianensis, qui similem sortitus finem, de ejus interfectione legitur Planctus ejusdem Ecclesiæ apud Stephanum Tornacensem.

374 C. AD HAIMERICUM. — In Colbertino codice notato 1038, et in editione antiquiori hæc epistola tribuitur *Joanni Crementsi*; sequens, *Haimérico*. At quæ in posteriori leguntur de ejus, cui directæ est, conversione, potius Joanni conveniunt.

375 C. ACTIO CAUSÆ LINGONENSIS ECCLESIE AD DOMINUM INNOCENTIIUM PAPAM. — Sic titulus hujus epistolæ in manuscriptis. Actio hæc contigit non post mortem Guilelmi seu Wilenci episcopi Lingonensis, ad quem epistolæ 59 et 60, sed post mortem Willelmi de Sabrano ejus successoris. Guilelmi obitus contigit anno 1135, kalendis augusti; Guillelmi, anno 1138. Hinc lites de futuro successore. Petrus archiepiscopus Lugdunensis, Hugo Burgundiae princeps, postea dux, electionem cuidam monacho Cluniacensi deferebant: repugnabant Robertus decanus Lingonensis, Pontius archidiaconus, Odolricus, aliique canonici. Arbitr litis delectus Bernardus: ac tandem excluso monacho Cluniacensi, electus Godefridus Prior Claræ-Vallensis, Bernardi consanguineus. De hac Ecclesiæ Lingonensis in eligendo episcopo controversia tres lego Petri abbatis Cluniacensis epistolæ: unam, quæ est libri primi epistola 29, ad Bernardum scripta, in qua monachum quendam ex suis in episcopum Lingonensem electum ab iniusta infamia purgare nititur; alteram, quæ est libri secundi epistola 28, ad Innocentium papam, in qua confirmationem abbatis Vizeliacensis electionis in ejusdem Ecclesiæ episcopum factæ denegari postulat: postremam, quæ est ejusdem libri epistola 36, ad eundem Innocentium, qua Ecclesiæ Lingonensi circa futuri episcopi electionem jus integrum juxta canones dimitti efflagitat. Primam ac tertiam epistolæ pertinere ad eam, de qua hic agit Bernardus, electionem, ex utroque collatione manifestum est. An autem secunda itidem ad eandem pertineat, difficilius dixerim. Persuasum mihi est de diversa intelligendam esse personam. In prima enim Petrus Venerabilis electum nominat simpliciter « monachum Cluniacensem ac filium suum; » in secunda « abbatem Vizeliacensem. » In illa dicit, Lingonenses canonicos, sibi ex agro Pictaviensi revertenti occurrentes, monachi sui electionem significasse: in hac inquit, « rumorem ad se pervenisse, » abbatem Vizeliacensem importunis quorundam apud Innocentium precibus in episcopum Lingonensem deposci. In illa denique monachi sui confirmationem promovere satagit: in hac abbatis Vizeliacensis confirmationem impedire nititur. Quocirca non contemnendam puto eorum sententiam, qui juxta Catalogum Stephaniensem et Thuracum, Wilenco Lingonensi episcopo subjungunt Wilchaum de Sa-

brano, forte ex abbate Vizeliacensi ad sedem Lingonensem assumptum; huiusque Godefridum, ut mox dicitur; qui tandem, rejecto monacho Cluniacensi, de quo hic agitur, electus est ac confirmatus anno 1138, cum nempe Bernardus extincto schismate in Galliam redisset. Ceterum hac in historia observare queso, Lector, quod ante adnotavit Baronius ad annum 1138, Petrus Cluniacensem sic filii partes pro virili egisse, ut neque victus poterit a S. Bernardo, ejusque monachis animo divelli, quod testatum ipse reliquit in quadam epistola his verbis : « Quando enim exstingui vel obui poterit sincerus erga » vos et igitur mei pectoris affectus quibuslibet sinistri » rumoris rivulis, cum nec aquæ multæ decimarum poterint eum exstinguere, nec impetus Lingonensium » fluminum obruere? »

378 B. Regalium investituram obtinuit. — Regalium investitura est temporalis domipii ac prædiorum Ecclesiæ traditio per Regem facta novo episcopo post sacramentum fidelitatis ab eo præstitum. De Regalibus vide item epistolam 170, Sugerii epistolâs maxime 19 et 20, atque Glossarium Cangianum.

385 A. AD LUDOVICUM JUNIOREM. — Florum absolute vocat Ordericus in libro 11, pag. 813. Ludovicum Florum non semel, nempe in libro 13, pagg. 901, 911. In priori hoc loco Ludovicus Grossus Tedbaldum Blesensem atque Radulfum Parronensem, « quia discordes erant, pacificasse, et filio suo Ludovico Floro, quem ante triennium » regem Remis constituerat, regnum Gallie commisisse » memoratur, et quidem anno 1135. In posteriori loco ad annum 1137, idem Ludovicus, morti proximus, « Ludovicum Florum, filium suum, Tedbaldi palatini comitis, et Radulfi de Parrona consobrini sui tutelæ » commisisse. »

385 B. de Priore nostro factum est. — Intellige de Godefrido Bernardi consanguineo, qui post multas altercationes unanimi tandem consensu ex tertio Clare-Vallis Priore episcopus Lingonensis creatus est anno 1138, nimirum schismate compresso. Nam Godefrido adhuc Priori ex Italia Bernardus scripsit epistolam 317, in Octavis Pentecostes eodem anno : quo cum ex Italia redisset, contigit hæc Lingonensis electionis historia, nimirum reddita Ecclesiæ pace, ut diserte habet epistola 166. Quanti vero Godefridum fecerit Bernardus, ex hac epistola innotescit, in qua eum vocat « baculum senectutis suæ, lumen oculorum, dextrum brachium. » Vide de eo librum secundum Vitæ S. Bernardi, cap. 5, et alibi sæpius, necnon Præfationem ad librum tertium Vitæ ejusdem. Godefridi electio tandem rata fuit anno 1139, ut colligitur ex quodam instrumento apud Perardum, pag. 134, ubi ecclesia Sancti-Stephani Divionensis ab eo consecrata dicitur anno Christi 1141, « episcopatus » ejus anno secundo. »

386 A. Heu! corrui virgo Remensis Ecclesia. — Quippe post mortem Reginaldi archiepiscopi, quæ contigit anno 1139, idibus januarii, Remensis Ecclesia fere per biennium pastore viduata mansit, non tam clericorum eligentium discidio, quam civium tumultu pro communie (quam vocant) institutione, et innato Ludovici VII odio in Theobaldum Campanie comitem, quod pari-

ter in comites vicinasque Ecclesias se effudit, ex Marlotto in tomo secundo Metropolis Remensis, pag. 328. Hæc de re rursus conqueritur Bernardus in epistola 318. Tandem Bernardo diguitate recusante, electus est anno 1140 Samson, ejus electio aliquandiu turbata fuit, ex epistola 222. Confer epistolâs 210 et 224.

388 C. qui sunt apud Benedictionem-Dei. — Benedictio Dei, Ordinis Cisterciensis, filia Clare-Vallis in diocesi Lugdunensi, fundata est anno 1138. Abbas primus Albericus. Ab ea non longe distabat Saviniacense monasterium, Ordinis S. Benedicti, ejusdem diocesis : ejus Lei tum abbas Iterius, de quo Bernardus alibi queritur.

393 D. et ejus specialiter filius sum. — Lugdunensis nempe Ecclesia Bernardi mater « metropolitico jure, » ut ipse loquitur in epistola 172, quippe Fontanæ, natalis ejus locus prope Divionem, et monasterii sedes Clare-Vallis, erant sub metropoli Lugdunensi, diocesis Lingonensis.

394 A. ad patriarcham Jerosolymorum. — Is est Willelmus Gallo-Belga, ex eremita Turonensi patriarcha Jerosolymitanus, ab anno 1130 ad annum 1145. De eo in Historia beate Mariæ de Fontanis, Spicilegii tomo 10, pag. 369, ubi mentio de reliquiis ab eo missis Fontanas per Lambertum ejus loci eremitam. Ordericus etiam sub finem libri decimi tertii de eo ita habet : « Anno ab » Incarnatione Domini 1128, indictione sexta, Germanus patriarcha Jerusalem obiit. Stephanus autem Carotenensis post illum sanctam Sion duobus annis rexit ; » quo migrante, Guillelmus Flandrensis successit. » Idem auctor ad annum 1137, pag. 912, memorat Radulfum Jerosolymorum præsulē, qui a Papebrochio in Tractatu præliminari tomi 3 maii omisus est. Et sane teste Guillelmo Tyrensi, Willelmus anno 1142 Balduinum regem tuulavit, idemque anno 1145 Fulcherium habuit successorem. An binominis Willelmus? an hic Orderici lapsus? Ad Willelmum item exstat inferius epistola 393.

394 C. frater Andreas. — Num Andreas Bernardi avunculus, miles Templi, ad quem epistola 288? an potius Andreas Bernardi frater, monachus Clare-Vallis, idemque qui in epistola 184? aut Andreas de Baldevento, in epistola 226, n. 2? Locus hic indicatus nescio an is sit, quem Bernardus Præmonstratensibus concessit; ex epistola 252.

394 D. ALBERONIS TREVERENSIS ARCHIEPISCOPI. — Is ex primicerio Metensi, ad quem epistola 30, archiepiscopus Treverensis, cui Hugo Metellus inscribit epistolam 6 : « Alberoni venerabili Treverorum episcopo. » Legatio beati Petri tibi commissa est, quæ aliquid » dignitatis et potestatis addit tibi. » Eundem in epistola 30, Treverorum archangelum vocat.

396 D. suffraganeos accepi juvenes et nobiles. — Stephanum scilicet Metensem, Calixti II papæ ex sorore nepotem, ab anno 1120; Alberonem Virdunensem, filium Arnulfi comitis Chisneiensis, ab anno 1126; et Henricum Tullensem, Theoderici Lotharingæ ducis filium, ab anno 1124, de quibus tamen multa laudabilia prædicantur. De Stephano vide Chronicon Metensium Episcoporum in Spicilegii tomo sexto; de Alberone, tomi duodecimum, ubi uterque tamen bellis gerendis

nimis deditus perhibetur. Alberonis querelæ explicantur in epistola sequente.

399 A. apud Viridunum conqueritur. — Monasterium Sancti-Pauli apud Viridunum Ordinis S. Benedicti laxatis disciplinæ regularis habentis, in aliquam morum licentiam defluerat. Qua occasione Albero II Viridunensis episcopus, qui Ursioni anno 1131 successerat, illud ad Præmonstratenses transferendum curavit, Innocentio papa approbante, et tertium usque confirmante. Diu reclamare et obstiteri domestici illius loci conobita, imo ipse Petrus Venerabilis, vir alias modestissimus, ea de re apud Matthæum Albanensem graviter expostulavit. His querelis Innocentius nonnulli motus, causam istam in jus et discussionem revocare parabat. Sed tandem Bernardi commendatione superatus, rem totam confecit, suis litteris iterum confirmans quod fuerat ab Alberone factum.

399 C. videte quid illis episcopatibus faciatis. — Quæ hic contra episcopos Metensem et Tullensem a Bernardo intorquentur, intelligenda sunt de Stephano Metensi et Henrico Tullensi, siquidem sæviente adhuc Anacleti schismate hæc epistola scripta est, ut supra dictum est, et quidem fere anno 1135, ut infra dicendum erit. De Stephano sic prior Appendix Historiæ Episcoporum Metensium: « Domino Popponi tunc Burgundionum, quam » Lotharingorum, excellenti genere clarus, sed virtute et » animi nobilitate clarior dominus Stephanus anno Do- » mini 1120, videlicet anno secundo Calixti II papæ suc- » cessit. Hic Calixti ex sorore nepos, cum regalia nondum » ab Henrico V qui tunc temporis arcem tenebat imperii, » recepisset, schismate inter regnum et sacerdotium adhuc » durante, in urbe Romana ab eodem pontifice summo » consecratus est, et tam pallii dignitate, quam cardinalis » titulo honoratus » (Spicilegii tomo 6, pag. 661). Cur autem Bernardus de eo tam acerbè conqueratur, non facile est conjicere. Nam præter supradicta, de eo ita legitur in prædicta Historia: « Cujus gesta inelyta et » annalibus digna enumerare et litteris explicare si vel- » lem, ante quidem membrana deficeret quam materia. » Imo Bernardus ipse epistola 29, ipsi congratulatur ob pacem Ecclesiæ Metensi restitutam, et epistola 367, Guidoni cancellario eum commendat. Crediderim certe Bernardo Stephanum displicuisse ob varios armorum conflictus ab ipso excitatos, ut Ecclesiæ suæ prædia a nobilibus intercepta repeteret, obsidiones factas, castella diruta, aliaque id genus non pauca, ut in eadem Historia describuntur, quæ magis « leuenculum aliquem, » ut Bernardi verbis utar, epist. 230, quam ovium pastorem exprimerent. Cæterum Alberone principio in episcopum Leodiensem assumpto anno 1135 (ut quidem ex temporis rata serie conjicere est, vide notas ad epistolam 30), cum canonici electionis suffragiis alterum primicerium suffecissent, alterum Stephanus propria auctoritate obtrudere voluisset; magna exinde nata est contentio, quam Innocentius dirimendam aggressus est, prætermisso metropolitani, archiepiscopi scilicet Treverensis, judicio: qua de re hic Bernardus apud ipsum conqueritur. Quod attinet ad Henricum Tullensem episcopum, eadem fortasse de causa apud S. Virum male audiit, nempe ob belli negotia cum Friderico comite Tullensi diutius agitata, anno tan-

dem 1136 composita, ut ex Innocentii litteris, quas Chesnius ex Tullensis Ecclesiæ Chartophylacio exulgarit, intelligitur.

401 A. Prædam Ecclesiæ suæ recuperavit, captivam Ecclesiæ de manu laica liberavit. — Archiepiscopus nimirum Treverensis Albero monasterium Sancti Maximi juxta Treveros, repugnantibus abbate et monachis, sibi asseruit. E contra Henricus comes Luxemburgensis, jure advocatiæ sibi temporalem ejus subjectionem vindicare conatus est. Hæc res utrosque animis disjunctis, et armis commisit, non sine magna utrorumque clade. Hoc est, quod Bernardus ait, Archiepiscopum prædam Ecclesiæ suæ recuperasse, et de manu laica captivam liberasse Ecclesiæ.

403 A. HENRICUM SIMONENSEM ARCHIEPISCOPUM. — Acris est hæc epistola in episcopum, cui tam salutaria monita de moribus et officio episcoporum dedit in epistola 42. Hæc scripta est sub annum 1140, certe ante annum 1144, quo anno mortuus Henricus Hugonem habuit successorem ex Chronico Sancti-Petri Vivi, in Spicilegii tomo 2. De ejus obitu epistola 102.

403 B. sed depositionem. — Suspensum fuisse anno 1136 patet ex eo, quod Hugo ex Pontificiensi abbate Autissiodorensis episcopus apud Ferrarias a Gaufrido Carnotensi episcopo consecratus est « propter suspen- » sionem domini Henrici metropolitani, » ex Historia Episcoporum Autissiodorensium, cap. 35, apud Labbeum.

404 B. et beati Petri Vicario. — Sic Vicarius Petri dicitur summus Pontifex in epistola modo 346. Vicarius Petri et Pauli in epistola 243. Confer epistolam Guigonis hic in tomo sexto, et notas hæc de re nostras in Sæculi secundi parte prima, pag. 362. Bernardus tamen Papam vocat Vicarium Christi in epistola 42, n. 31, in epistola 251, n. 1, et in fine libri quarti de Consideratione. Confer librum secundum de Consideratione, n. 16. Jesu Christi Vicarius a Jacobo cardinale in epistola 246, ad Ludovicum Juniores inter Chesnianas, appellatur.

404 C. Fratrem Andreæ. — An Andreas frater Bernardi, monachus Cisterciensis, ex libro primo de hujus Vita, n. 10? an idem, de quo in epistola 176? aut Andreas de Baldemento, in epistola 226?

405 A. vestris obedire mandatis. — Volebat siquidem Pontifex Cistercienses Romæ collocare in ecclesia Sancti-Anastasi ad Aquas Salvias: qui coloniam alteram altero Bernardo duce, qui postea Eugenius III, ad Farfensem abbatem directam occupavit, et ad Aquas-Salias posuit anno 1140, ex libro tertio Vitæ, n. 23. Vide hic epistolas 343 et 345.

408 A. AD SIMONEM FILIUM CASTELLANI CAMERACENSIS. — In omnibus scriptis deest, *Cameracensis*: quidam habent, *de Oisy*. Utrumque recte; nam in hac epistola mentio est de monachis Valcellarum, Ordinis Cisterciensis, quod cenobium anno 1132 conditum est prope Cameracum. Simonem de Oisiaco laudat auctor Vitæ S. Gosvini abbatis Aquicinctensis in libro 2, cap. 19. Simonis pater Hugo de Mercurio, de quo in contextu epistolæ.

409 A. AD EPISCOPOS SEXONAS CONVOCANDOS, CONTRA PETRUM ABAELARDUM. — Is in diocesi Nannetensi, patre Berengario, matre Lucia ortus, primum Parisiis philosophiam Guillelmo de Campellis, deinde vero Rosselino præceptore matheses, demum Anselmo Laudunensi magistro theologiam non sine invidia et admiratione didicit. Postea sacrorum Librorum interpretationem Parisiis adorsus, multos ad se discipulos traxit, inter illos vero Heloissam quamdam, Fulberti canonici Parisiensis neptem, cujus animum informando, corpus violavit. Quam quidem injuriam impatienter ferens Fulbertus, Abaelardum, qui eam conjugii honore resarcire voluerat, in hospitio pernoctantem fede circumcidit. Hinc vero ambo amasii dedecoris impotentia latebras quaerunt, illa Argentolii prope Parisios monialis, hic apud Sanctum-Dionysium monachus effectus. Sed ubique infestus vel infelix, in quamdam cellam monasterio vicinam, nempe Diogilum, secedit, ibique theologiam publice profitetur. At nimis ingenio suo et rationi indulgens, cum multa fidei non satis consona ventilaret, sistitur ad concilium Suessionense, Conone legato circa annum 1121 celebratum, ut infra dicitur: ibique librum suum de Trinitate seu Introductionem ad Theologiam, in qua suspecta continebantur capitula, flammis tradere compulsus, ipse in Sancti-Medardi Suessionense monasterium detrusus est, quod Vita S. Gosvini abbatis libro 1, cap. 18, male Innocentio II papa, auctore factum refert, cum tum sederet Callistus II. Tandem cum Abaelardo eremum petere concessum esset, in solitudinem quamdam Trecentis diocesis se recepit, ibique oratorium construxit, primo quidem sanctæ Trinitati consecratum, deinde vero Paracliti nomine insignitum. Sed neque hic quieto esse levit. Unde postulatus abbas a monachis Sancti-Gildasii in Britannia-Minore, diocesis Venetensis, « invenit, » ut ipse refert in Historia Calamitatum suarum, « christianos atque monachos gentilibus longe sæviores atque pejores. » Inde ergo ad suum Paraclitense oratorium se iterum recipiens, ibi collocavit Heloissam cum sororibus pulsam e monasterio Argentoliensi, quod Sugerius abbas Sancti-Dionysii postliminio vindicavit anno 1127. Ibi itaque degens, ac perversa scribens docensque, iterum hæreticus audit. Interim plures ejus scripta disentiunt, in primisque Guillelmus Sancti-Theoderici abbas, qui collecta errorum capitula refutavit, refutataque ad Gaufridum Carnotensem episcopum, et Bernardum Clare-Vallensem abbatem direxit, ut ad ulciscendam fidei injuriam eos commoveret. Vide epistolas modo 326 et 327. Abaelardus vero hæretici nomen non ferens, S. Bernardum, quasi tantæ calumniæ auctorem, provocat ad concilium Senonense anno 1140 convocatum. Bernardus itaque vel invitatus ad synodum accedit. Proferuntur ex Abaelardi scriptis impia dogmata, quæ vel abneget si non sua; si sua, abjuret. At ille turbatus et loqui impotens, ut tradit Gaufridus Autissiodorensis in Apocalypsin; sive populi seditionem timens, ut habet Otto Frisingensis loco infra citando; sive securius esse existimans Romæ causam agere, ut ait S. Bernardus in epistola 193, quod ibi discipulos haberet cardinales et

clericos, Romanam curiam appellavit. Nihilominus concilii Patres damnant errores, quorum indicem ad Innocentium summum pontificem transmittunt, variasque epistolas, quas Bernardus tam suo, quam Patrum nomine, ad ipsum Innocentium atque cardinales scripsit, quas inter videnda maxime epistola 190, in qua præcipua errorum capitula valide revincit. Exstant inter Opera ipsius Abaelardi septem et decem errorum articuli, quos a synodo ad Innocentium missos testatur codex manuscriptus Paraclitensis illic citatus: sed cum eos in ipsa Bernardi epistola 190 et in epistola Guillelmi hic 390 habeamus fere omnes; haud necesse visum est hoc in loco illos atterere. Præferenda sunt capitula, quæ ex codice Vaticano infra referimus, nempe tomo secundo, ante tractatum de Erroribus Abaelardi. Innocentius acceptis litteris synodalibus, statim rescripsit epistolam hic ordine 194, ad Patres concilii, errores condemnantem; aliamque addidit in ipsum Abaelardum sententiam proferentem, his verbis:

« INNOCENTIUS episcopus, servus servorum Dei, Venerabilibus fratribus SAMSONI Remensi, HENRICO Senonensi archiepiscopis, et charissimo in Christo filio BERNARDO Clare-Vallis abbati, salutem et apostolicam benedictionem.

« Per præsentia scripta Fraternitati vestræ mandamus, quatenus Petrum Abaelardum et Arnoldum de Erixia, perversi dogmatis fabricatores et catholicæ fidei impugnatores, in religiosis locis, ubi vobis melius visum fuerit, separatim faciatis includi, et libros erroris eorum, ubicumque reperti fuerint, igne comburi. Data Laterani, decimo octavo kal. augusti. »

His autem litteris inscriptum erat: « Transcripta ista nolite ostendere cuiquam, donec istæ litteræ in Parisiensi colloquio, quod prope est, præsentatæ fuerint ipsis archiepiscopis. » Abaelardus itaque se Romæ condemnatum intelligens, ab appellatione destitit persuasione Petri Cluniacensis abbatis: a quo benigne exceptus, ejusdem opera cum S. Bernardo, deinde vero cum Innocentio simul et Ecclesia in gratiam rediit, et biennio Cluniaci magna cum animi demissione exacto, in monasterio Sancti-Marcelli Cabilonensis, quo morbi curandi causa a Petro abbate missus fuerat, excessit e vita anno Christi 1142, ætatis suæ sexagesimo tertio, cujus eximias virtutes in extremo illo vitæ suæ cursu exhibitas exaggeravit idem Petrus Venerabilis in libri quarti epistola 21, ad Heloissam. Sunt qui Abaelardo plus æquo faventes eousque delapsi sunt, ut ipsum ab omni errore immunem profitentes, primo quidem Bernardum contra larvas et umbras pugnasse affirmant; deinde vero synodi Senonensis auctoritatem convellant; demumque ipsius curiæ Romanæ judicium in Abaelardum prolatum elevent: de quibus breviter aliquid dicendum.

I. Adversus Bernardum opponitur primo Ottonis Frisingensis auctoritas, qui « quamvis abbatem suum, » ut aium (scilicet Ordinis sui) « in magna habuerit venera-

» tione, tamen scribit eum ex christianæ religionis fer-  
 » vore zelotypum, et ex habituali mansuetudine credu-  
 » lum, ut magistros, qui humanis rationibus et sæculari  
 » sapientiæ confidenter nimium inhaerebant, abhorreret,  
 » et de talibus sinistrum quid recitanti facile aurem præ-  
 » beret. » Hæc quidem Otto in libro primo de Gestis  
 » Friderici, cap. 47; sed occasione Gilberti Porretani,  
 » quæ tamen etiam in Abaelardi gratiam inflectit. At cum  
 » testante Radevico in libro secundo de Gestis Friderici,  
 » cap. 11, Otto nimium Gilberto addictus, appetente  
 » morte petierit, ut si quid pro ipsius sententia dixisset  
 » quod quempiam posset offendere, illud corrigeretur; hoc  
 » retractatorum loco habendum est. Imo ipse Otto satis  
 » expressit in consequentibus, quid de Abaelardo sentiret.  
 » Ita enim de illo scribit: « Is litterarum studiis aliisque  
 » faciliis ab ineunte ætate deditus fuit; sed tam arro-  
 » gans, suoque tantum ingenio confidens, ut vix ad au-  
 » diendos magistros ab altitudine mentis suæ humili-  
 » tus descenderet. » Et infra: « Sententiam ergo vocum  
 » seu nominum in naturali tenens facultate, non caute  
 » theologiæ admiscuit. Quare de sancta Trinitate docens  
 » et scribens, tres personas..... nimis attenuans, non  
 » bonis usus exemplis, » etc. Adde quod Abaelardus in  
 » synodo Snessionensi, Ottone ipso fatente, Sabellianus  
 » hæreticus est judicatus. Hæc pro Ottonis adversus Ber-  
 » nardum auctoritate. Jam secundo loco profertur Petri  
 » Venerabilis pro Abaelardo testimonium qui jam citatam  
 » scribens epistolam ad Heloissam, de illo affirmat,  
 » quod « nec Germanus eo abjectior, nec ipse Martinus  
 » pauperior appareret. » Ita vere Petrus Cluniacensis  
 » extremam vitæ periodum, quam Abaelardus Cluniaci  
 » exegit, describens. At numquid de futuris ejus meritis  
 » Bernardus digladiabatur, ut contra larvas dimicasse di-  
 » cendus sit? Optime Chronicon Cluniacense, in Petro  
 » Venerabili: « Abaelardus, » inquit, « Petrus nomine,  
 » ab erroribus fidei per Petrum Venerabilem abbatem  
 » nostrum et S. Bernardum abbatem Claræ-Vallensem  
 » revocatus, quæ antea de fide dogmatizaverat perfide »  
 » (supple, abjurans,) « monachus Cluniacensis factus est.  
 » Et deinde mens ejus, lingua ejus, opus ejus semper  
 » divina fuere... Et sicut de Magno Gregorio legitur,  
 » momentum aliquod præterire solebat minime, quin  
 » semper aut oraret, aut legeret, aut scriberet, aut  
 » dietaret.... Quare ipsum Petrus Venerabilis sollicite  
 » commendans, » etc. Congeruntur denique plura id  
 » genus argumenta, vel ingenium viri, vel doctrinam,  
 » vel optimum mortis genus extollentia, quasi horum ali-  
 » quid Bernardus sit inficiatus.

II. Contra synodum Senonensem defectus potestatis,  
 seu jurisdictionis adducitur, quod neque Senonensis,  
 neque Remensis archiepiscopi, qui concilio intererant,  
 jus haberent in Abaelardum abbatem Sancti-Gildasii  
 diocesis Venetensis; sed Turonensis metropolita qui  
 aberat. Verum jam ante duodecim annos in cratorium  
 Paracletense diocesis Treceus reversus, archiepiscopo  
 Senonensi suberat. Deinde eos habuit iudices quos ex-  
 petiit, ut testatur Bernardus in epistola 194, nomine  
 concilii ad Innocentium scripta. « A loco, » inquit, « et  
 » iudice, quem sibi elegerat, Sedem apostolicam appel-

» lavit. » Non enim sanctus abbas Bernardus, ut quidam  
 falluntur, hanc in Abaelardum synodum excitavit; quin  
 ipse S. Bernardum reluctantem et invitum eo accedere co-  
 egit, quod manifeste asserit S. Doctor in epistolis 187 et  
 189; necnon Gaufridus Autissiodorensis, Abaelardi  
 quondam discipulus, qui sic Commentario in Apoca-  
 lypsin loquitur: « Expetens denique Senonensem metro-  
 » politanum (Abaelardus) quod in ejus ecclesia cele-  
 » brandum foret in proximo grande concilium, Claræ-  
 » Vallensem causatur abbatem suis in occulto detrudere  
 » libris. Addit quoque paratum se esse in publico sua  
 » defendere scripta, rogans ut prædictus abbas, dicturus  
 » si quid haberet, ad concilium vocaretur. » Recte igitur  
 damnatus est, eum cujusvis in consentientes sit juris-  
 dictio, inquit Juriscons. l. 2, de Jud. Secunda quæ  
 adhibetur machina ad labefactandam synodi auctori-  
 tatem, testimonium est Petri Berengarii Pictaviensis,  
 qui in Apologia pro Abaelardo suo præceptore adversus  
 Patres concilii, ipsumque Bernardum a se conscripta,  
 tam putida mendacia evomit, tamque indigna calum-  
 niarum monstra, ut mirum sit a viro cordato sustineri,  
 vel adduci in medium adeo perditæ frontis et fidei homi-  
 nem, qui venerabiles episcopos, « ebrios, canes, por-  
 » eos, » aliisque probis laceratis ridet, se ipsum non  
 tantum ludibrio, sed justæ lectorum indignationi expo-  
 nens. Sed videamus quid tandem sanior factus de S. Ber-  
 nardo scripserit ad episcopum Mimatensem: « Sed cur,  
 » inquit, expleto primo volumine, secundum, ut spo-  
 » ponderas, non texis? Quia processu temporis meum  
 » sapere crevit, et in sententiam Abbatis » (Bernardi)  
 » pedibus, ut dicitur, ivi. Noli esse patronus capitulo-  
 » rum objectorum Abaelardo, quia etsi sanum sape-  
 » rent, non sane sonabant. Postquam igitur, inquit,  
 » a secundo libro manus torpuit, quare primum non  
 » rasisti? Fecissem hoc, inquam, nisi cassa esset in-  
 » dustria; remanerent enim exemplaria, » etc.

III. Jam vero tertio loco adversus Romanum Pontificis  
 judicium immatura sententiæ celeritas presumitur, quod  
 causa non discussa Abaelardum inauditum damnaverit.  
 Verum nonne sufficiebat Acta concilii Senonensis ad in-  
 struendam causam, cui Abaelardus præsens adfuit? Quis  
 cardinalium vel clericorum in Romana curia ipsius do-  
 gmata nesciebat, vel, si fas fuisset, a censura vindicare  
 non tentasset auctorem, quem plurimi ex illis magistrum  
 habuerant? Maneat itaque Innocentii sententia, maneat  
 illibata concilii Senonensis et S. Bernardi auctoritas, ma-  
 neat Abaelardo non alia tuendi erroris ratio, quam vitæ  
 errorisque correctio. Quam sanius certe Heloissa illa post  
 Abaelardi sui mortem a Petro Venerabili exposcivit ejus  
 absolutionem ipsius Abaelardi tumulo appendendam exstat  
 in Bibliotheca Cluniacensi et inter Opera Abaelardi;  
 quam nonnulli texendis Apologiis incumbunt, ad errorum  
 excusationem, quos ipse lacrymis et penitentia diluere  
 ad ultimum non cessavit. Sed de his satis.

410 C. quem dicunt Sententiarum ejus. — Negat  
 Abaelardus in Apologia sua, ullum librum hoc nomine  
 a se conscriptum, ideoque « hoc contra se per malitiam  
 » vel ignorantiam prolatum » criminatur: quod etiam  
 Chénus in notis asserit. S. Bernardus, » inquit,

« ignoranter Abaelardo ipsi librum Sententiarum attribuit in epistola 188, » quasi libros Sententiarum a Petro Magistro scriptos Abaelardo tribuerit. Sed non ita ignotus erat Bernardo Petrus, quem laudat in epistola modo 410, ut in hoc erratum laberetur. Iuno nec eo tempore, quo hæc epistola scripta est, Petrus Magister Sententiarum suarum libros ediderat. Est penes nos liber ab ipso Abaelardo siue dubio contextus, qui vulgo « Sic et non » appellatur, cuius inscriptionem sic effert vetus codex manuscriptus : « Incipiunt Sententiæ ex divinis Scripturis collectæ, quæ contrariæ videntur : pro qua quidem contrarietate hæc compilatio Sententiarum, Sic et non appellatur. » Ad quem librum an respexerit S. Bernardus cum hoc scriberet, mihi est incompertum. Porro præter illa Abaelardi opera, quæ prædictus Chesnius recensuit, habemus insuper librum ipsius in Hexameron, Helioidis sue nuncupatum.

412 D. *api de Italia.* — Ita genuina lectio, quæ alludit ad verbum decimum octavum capitis septimi Isaie, *Sibilabit Dominus musæ, quæ est in extremo fluminis Ægypti, et apis, quæ est in terra Assur.* Apis de Francia Abaelardus; apis de Italia Arnaldus de Brixia, urbe Italiae, de quo vide notas in epistolam 195.

414 D. *viva referet voce.* — Eadem verba leguntur in fine epistolæ nunc 338, ad Haimerium. Quis sit iste Jacinctus seu Hyacinthus, incertum. An is qui postea creatus cardinalis a Lucio II, cognomento Bobo, tituli Sanctæ Mariæ in Cosmedin. De eo mentio facta videtur in epistola 508, apud Chesnium tomo 4. Nicolaus erat Claræ-Vallensis monachus, postea S. Bernardi notarius, de quo ad epistolam 298.

415 D. *sed sub legato Romanæ Ecclesiæ.* — Nempe Conone, et quidem in synodo Suessioneusi anni 1121, ex notis ad epistolam 187, et ex Prefatione in tomum primum, ubi de schismate Anacleti.

416 D. *AD MAGISTRUM GUIDONEM DE CASTELLO.* — In tribus manuscriptis Colbertinis : *Ad Magistrum Guidonem de Castello, qui Petri discipulus fuerat, et de quo potissimum presumebat, qui postea papa Calixtus fuit,* nempe eo nomine secundus anno 1143. Ad eundem epistola 169, post quam hæc ponitur in quibusdam manuscriptis uti et sequens.

417 D. *AD MAGISTRUM IVONEM CARDINALEM.* — Is ex canonico Sancti-Victoris Parisiensis cardinalis Sancti-Laurentii in Damaso creatus anno 1130, de quo in epistola 144. In Galliam legatus Radulfum Viromanduum comitem excommunicavit, infra ad epistolam 216. De ejus testamento lege epistolam 218.

420 A. *removelitur.* — Duplex in hunc locum irrepisse mendum videtur, nempe quoad inscriptionem, ac nomen Papæ tum existentis. Exstat quidem hæc Marcianni imperatoris epistola siue decretum inter acta concilii Chalcedonensis, Leone papa Magno celebrati anno 451, sed ad cives Constantinopolitanos directa, non vero ad Leonem summum pontificem, multo minus ad Joannem, qui annis amplius octogiuta post Marcianni Augusti obitum Romanam sedem obtinuit. Potest itaque locus iste restitui exprimendo nomen Papæ in casu absoluto, hoc modo : *Sanctissimo papa Leone prædecessore nostro scribens,* etc.

421 A. *AD EPISCOPUM CONSTANTIANSEM.* — An de Constantiensi Gallie, an vero de Constantiensi ad Rhenum intelligenda sit hæc epistola, incertum. Ad posteriorem potius inclinat animus, quod Arnaldus a regno Francorum exturbatus apud hunc, cui directa est epistola, delitescere referatur. Huic sedi tum præerat Hermannus de Arbona, qui Bernardum Francofurti adiit, ex libro sexto de Miraculis Bernardi, cap. 1, ipsumque Bernardum Constantiam adduxit. Eidem Gaufridus dicat Miracula ejusdem sancti, a libro 6, cap. 10.

421 C. *Arnaldum loquor de Brixia.* — Hominem ita depingit Otto Frisingensis, de Gestis Friderici, libro 2, cap. 20 : « Arnaldus iste ex Italia civitate Brixia oriundus, ejusdemque ecclesiæ clericus, ac tantum lector ordinatus, Petrum Abaelardum olim præceptorem habuerat : vir quidem naturæ non hebetis, plus tamen verborum profluvio, quam sententiarum pondere compositus, singularitatis amator, novitatis cupidus, cujus modi hominum ingenia ad fabricandas hæreses, schismatumque perturbaciones sunt prona. Is a studio a Galliis in Italiam revertens, religiosum habitum, quo amplius decipere posset, induit, omnia lacerans, omnia rodens, nemini parvus, clericorum ac episcoporum derogator, monachorum persecutor, laicis tantum adversarius. Dicebat enim nec clericos proprietatem, nec episcopos regalia, nec monachos possessiones habentes, aliqua ratione salvari posse; cuncta hæc principis esse, ab ejusque beneficentia in usum tantum laicorum cedere oportere. Præter hæc de Sacramento altaris, Baptismo parvulorum non sane dicitur sensisse. » Idem auctor addit, « ipsum in concilio Romano, nimirum anno 1138 silentio mulctatum, Italia pulsum, in oppidum Alemaniæ Turegum secessisse, ac prava dogmata effundisse : tandemque comperta Innocentii morte, circa principia pontificatus Eugenii urbem ingressum, amplius eam in seditionem excitasse; proponendo antiquorum Romanorum exempla, qui ex senatus maturitatis consilio... totum orbem summi fecerint. Quare reaedificandum Capitolium, renovandam dignitatem senatoriam, reformandum equestrem ordinem docuit. Nihil in dispositione urbis ad Romanum spectare Pontificem, sufficere sibi ecclesiasticum judicium debere. In tantum vero hujus venenosæ doctrinæ cepit invalescere malum, ut non solum nobilium Romanorum seu Cardinalium diruerentur domus et splendida palatia, verum etiam Cardinalibus reverendæ personæ, inhoneste sauciatis quibusdam, a furenti plebe tractarentur. » Jordanem, Petri Leonis filium, in Patricium fuisse electum idem auctor testatur, Chronici libro 7, cap. 20.) « Tandem, » inquit, « in manus quorundam incidens, in Tusciæ finibus captus, Principis examini reservatus est, et ad ultimum a Præfecto urbis ligno adactus, ac rogo in pulverem redacto funere, ne a stolidâ plebe corpus ejus venerationi haberetur, in Tiberim sparsus. » Hæc quidem late, sed pro loco.

424 B. *AD PETRUM BISUNTINUM DECANUM.* — In duobus Colbertinis hæc epistola inscribitur *ad Petrum Bisuntinum*, nullo addito titulo; in tertio, *Bisuntinum*; in quarto, *Bisupinum*. In primis editis, *ad Petrum Bi-*



*sanctum*; posteriores addiderunt, *decanum*; quidam, *archidiaconum*. Monachum Casae-Dei (quod est insigne Ordinis S. Benedicti cœnobium apud Arvernos) fuisse conjiciebamus aliquando ex duabus sequentibus epistolis, quæ de eodem scriptæ videbantur. At diversos fuisse colligimus ex charta Anserici archiepiscopi Bisuntiniensis de Faverniac, cui chartæ anno 1132 Petrus de Treva decanus Sancti-Stephani subscribit cum Hugone archidiacono Faverniacensi. Erat autem ecclesia S. Stephani cathedralis apud Vesontionem, uti et alia S. Joannis Evangelistæ, quæ sola modo superest, alia nuper excisa.

424 C. Peregrinationem abbatis Chari-Loci. — Charus-Locus, diocesis Bisuntinensis, filia Clara-Vallis, fundatur anno 1131. Primus loci abbas Guido, de quo hæc in epistola et sequenti. Is a quodam Petro monacho infestatus, ac injuste oppressus, summum pontificem Innocentium appellavit cum litteris Bernardi commendatitiis (epist. 198). At cum veterator ille causas suam remitti ad Gallicanos judices impetrasset, commissum est iudicium Joanni ex abbate Bonæ-Vallis Cisterciensis episcopo Valentino, qui simul cum Gratianopolitano litem dirimeret. Et tunc primum quidem factum est, ut Cisterciensibus quæstiones eorum, quæ ad summi Ordinem pertinerent, demandarentur judicande, ob probatam fidei integritatem. Quod postea usu receptum induxit celebrem illam et honorificam in jure exceptionem: « Quod licet non » possit quis esse iudex, non modo in sua, sed neque in » suorum causa » l. Qui de jurisdictioni. ff. de Jurisd. omn. Judicium; » tamen si persona judicis est ejusmodi, » quod omnis suspicio verisimiliter cesset, ut si sit monachus Cisterciensis, hoc non procederet, neque talis » posset recusari, » ut habet Tiraquellus de Pœnis temp. aut. remitt. 15, n. 60, et alii plures. Pronuntiata in gratiam Chari-Locensis abbatis sententia, rursum prædictus ille Petrus interpellat Innocentium, ad quem Bernardus scripsit epistolam 199, ut justa episcoporum sententia confirmaretur.

424 C. abbas Bella-Vallis. — Bella-Vallis, de linea Morimundi, sita est in diocesi Bisuntina prope urbem. De Charo-Loco, in libro quarto Vitæ S. Bernardi, n. 40; de Bella-Valle, in eodem libro, n. 7.

425 C. et monasterii dissipator. — Non aliud videtur istud monasterium, quam abbatia B. Mariæ de Faverniac, quam Ansericus Bisuntinensis archiepiscopus Stephano de Mercurio, Casæ-Dei tunc abbati, regendam concessit anno 1133. Hunc Stephanum merito virum religiosum vocat Bernardus, cum is miraculis fulsisse dicatur, mortuus quarto kalendas apriles anno 1146. De abbatia Faberniacensi infra in epistola modo 391.

427 C. ABBATISSAM FONTIS-EBRALDI. — Petronillam scilicet abbatissam primam, cui anno 1150 successit Mathildis. Petronillæ obitus in Necrologio ponitur octavo kalendas maii, ubi constituta dicitur abbatissa a magistro Roberto Ordinis Fontis-Ebraldi auctore, quod insigne virginum cœnobium est in diocesi Pictavensi, haud procul a finibus Turonum et Andegavorum. Gravis fuit controversia ejus loci sanctimonialibus intentata ab Ulgerio episcopo Andegavensi, cujus religionem et scientiam prædicat Ordericus in libro 12, pag. 882, ad annum

1121, quo anno is Rainaldo ad Remorum sedem translato suffectus est, sapientia, moribus, sanctitate cæteris episcopis sui temporis præcellens, ex Actis Episcoporum Cenomanensium, Analectorum tomo 3, pag. 335. Is hujusce litis gratia Romam non semel se contulit ad Innocentium et Lucium, qui sanctimonialium patrocinium susceperunt, ut patet ex eorum bullis editis, tum in Historia Fontis-Ebraldi, tum in dissertatione secunda pro B. Roberto de Arbrisellis. Vide epistolam 340.

429 B. AD BALDUINUM ABBATEM REATINI MONASTERII. — Alius hic fuit a Balduino cardinale, Bernardi tamen discipulo, de quo ad epistolas 144 et 245. Hic enim cardinalis tum erat, cum Balduinus alter regobat Reatinum monasterium Cisterciense, quod duplex est, alterum Sancti-Matthæi, alterum Sancti-Pastoris, cui præfectus Balduinus. Lege Ughelli additiones ad Ciacconium sub Innocentio II et aliam epistolam ad Reatinum abbatem post Bernardinas.

433 A. AD ABBATEM SANCTI-ALBINI. — Aliis *Sancti-Albani*, quod nobile monasterium erat apud Anglos Metecos, ab Offa rege constructum. Sed præferenda lectio nostra de monasterio Sancti-Albini apud Andegavos, ex quo Guillelmus transiens, » susceptus est a Bernardo abbate, tanta gratia virtutum radiavit, ut in omni sanctitate mirabilis appareret etiam quibuscunque perfectis, » Exordii Cisterciensis libro 3, cap. 14.

433 D. AD EPISCOPUM ROFFENSEM. — Aliis, *Rovenensem*; seu, *Rovensem*; sed rectius, *Roffensem*, cui sedi in Anglia tunc præsidebat Ascelinus seu Anselmus, qui anno 1137 Joanni successit in annos decem.

433 D. magistrum Robertum Pullum. — Is natione Anglus, Parisiis primum litteras professus, inde in patriam remeans, Oxoniensem academiam pene collapsam restituit. Tum ob singulares animi dotes et eximiam doctrinam ab Innocentio II Romam vocatus, cardinalis tituli S. Eusebii creatus est, et quidem primus ex sua gente, nisi forte Urinum quemdam ei præposuerit. Sed quoniam anno? nempe 1134, si Onuphrio et Ciacconio credimus. Certe liquet omnino hac dignitate necdum fuisse potitum, cum scriberetur hæc epistola, quæ ex ipsa Bernardi litterarum serie circa annum 1140 exarata videtur. Deinde hanc eandem epistolam ad Anselmum (aliis, Anselmum) qui anno 1137 cathedram Roffensem iniit, missam affirmat Goduvinus, de Præsulibus Angliæ. Ad hæc in fine epistolæ gratias agit Bernardus Roffensi episcopo, quod » viscera sua, » nimirum filios a se in Hiberniam transmissos, » refovisset. » Atqui nullos Cisterciensis Ordinis monachos Hiberniam incoluisse ante annum 1139, quo S. Malachias primum Claram-Vallem adiit, constat ex eo quod Bernardus in Vita ipsius cap. 16 scribit, aliquot ex sociis a S. Episcopo apud Claram-Vallem dimissos, qui institutum Cisterciense edocti, illud in Hiberniam anno 1141 transtulere, constructo Nelli-Fontis cœnobio, quod primum Cisterciensium fuit in illa provincia, si forte monasterium B. Mariæ Dubliniensis excipias, quod circa annum 1139 Cisterciense jugum subisse quidam auctores tradunt. Præterenda itaque videtur illius Anglo-Benedictini Scriptoris sententia (refertur inter Elogia Pulli Operibus præmissa), qui censet,

Robertum Pullum ab Innocentio Romam accersitum, a Lucio ejus successore renuntiatum esse cardinalem, postea vero cancellarii dignitate, vitaeque perfunctum Eugenio III pontifice. Eum Theologorum antiquissimum vocant, doctissimum probant tot clara, quorum Pitsaeus indicem texuit, ingenii monumenta, quae quidem omnia in tenebris etiam nunc delitescerent, nisi R. P. dominus Hugo Mathoud, e nostra Congregatione Sanctae-Columbae Senonensi conobio praefectus, octo sententiarum libros, notis et observationibus doctissimis illustratos in lucem emisisset. Plura de eo vide si lubet in notis ad epistolam 334.

435 B. magnificentia vestra super terram. — Longe nunc aliter Bernardus compellat Rogerium, quam supra eum appellaverit: nempe uti non parcebat peccantibus, sic benignus et suavis erat respicientibus; et mutatis moribus noverat stilum mutare, uti indicat in fine epistolae 224. Apparet ergo hunc, resipuisse tandem Rogerium, gravem scilicet quondam Ecclesiae hostem, perturbatorem pacis, fautorem schismatis, Innocentii pontificis persecutorem, imperatoris anulum. Cujus tanta ferocitas fuit, ut nec rebus, nec personis sacris, nec hostibus parceret defunctis; ut videre est apud Ottonem Frisingensem libro 7, cap. 23, et apud Baronium, tomo 12, ad annum 1136. Unde illa ejus apud Bernardum elogia, « Tyrannus Siculus, » epist. 130, 136; « Invasor regie coronae, » usurpator Siculus, » epist. 139; « Dux Apuliae, » quem sibi Anacletus papa usurpata coronae ridicula » mercede comparavit, » epist. 127. Mire eum commendat Petrus abbas Cluniacensis, libri quarti epistola 37. Sane postquam Innocentio pontifici, etsi eum haberet captivum, supplex factus, regie coronae confirmationem obtinuit (vide Baronium, ad annum 1139), religiosos viros, Cluniacenses et Cistercienses, in ditiones suas evocavit. Et ipsius quidem Bernardi videndi desiderio tenebatur, uti patet ex epistola sequenti.

438 C. venerabilis sacerdotis. — Retinet Bernardus antiqua passim vocabula, antiquitatis sciens et studiosus, ut hic Sacerdotis, quo nomine sacerdotes etiam primi Ordinis antiquitus appellari solebant, supra in epistolis 64, 202, etc.

439 B. flagitare non desepit. — Petrus is erat, qui, cum Salamanticensis Ecclesia diuturno schismate sub triplici capite laboraret, ipse possessionis jure gaudens Romam vocatus est ab Innocentio, qui Petrum aliosque contententes a dignitate amovit. Petrus vero ad Cluniacenses se conferens, tum ad Bernardum, restitutionem forsitan obtinisset, nisi Toletanus, Zamorensis, et Segoviensis praesules, ab Alfonso rege missi, intercessissent, et electionem Berengarii ipsius Alfonsi cancellarii promovissent. Haec ex Mañriquez, ad annum 1139.

441 C. viro nobili et humili Nicolao. — In plerisque manuscriptis deest Nicolai nomen, nequidem prima littera de more designatum. Ex quatuor Colbertinis unus tantum codex in margine habet, *Nicolaus*, cui sane haec recte conveniunt, sed interest in his monere lectorem. Cameracensi ecclesiae praefuit Nicolaus ab anno 1140 ad annum 1167.

441 D. sanctus Godescalcus abbas. — Vulgati addunt,

*Montis Sancti-Martini*, sed haec verba in scriptis omnibus desiderantur, imo etiam in nonnullis *Godescalcus*, alius *G.* littera expressus. Et hic tamen abbas fuit Montis Sancti-Martini apud Atrebatens, Ordinis Præmonstratensis, laudatus in epistola 253, n. 4; postea episcopus Atrebatensis, in epistola 284.

442 D. contra Deum disjungere. — Hic notati episcopi, qui Radulphi Veromanduorum comitis divortium probarunt, nempe Simon Tornacensis ejus frater, Bartholomaeus Laudunensis, et Petrus Silvanectensis. Factum accurate narrat Herimannus monachus Tornacensis aut ejus continuator in Spicilegii tomo 12, pag. 480, ex quo id paucis accipe. Radulfus comes volens in matrimonium sibi copulari germanam Alienorae reginae Francorum, nomine Petronillam, uxorem suam legitimam, quae Theobaldi Campaniae comitis neptis erat, consanguinitatis specie repudiavit, probantibus tribus episcopis supra dictis. Delata hac de re querimonia est per comitem Theobaldum Burgundiorum principem ad aures Papae, qui comitem vinculo anathematis ligavit, et episcopos ab officio per aliquod tempus suspendit. Confer Appendicem Sigeberti et epistolas sequentes.

443 B. hoc est maximum et primum peccatum. — Et haec magna in Theobaldum invidiae causa, de qua ita Herimannus mox laudatus: « Papa clericum quemdam, » cognatum cancellarii sui, « nomine Petrum, » in Biturum censum archiepiscopum consecravit: quod quia rex concedere noluit, christianitate privatus est. » Id contigit anno 1144, post mortem Alberici archiepiscopi. Caetera accipies ex notis ad epistolam 219, ubi Theobaldum, quod Petrum archiepiscopum admisisset, male a rege habitum leges. Confer epistolam 219 et librum quartum de Vita Bernardi, n. 12.

446 B. tres. — In scriptis nonnullis, *quatuor*; at lectio vulgata melior. Siquidem episcopus non erat Gerardus cancellarius, qui hic quarto loco memoratur, postea Pontifex creatus, dictusque Lucius II.

446 B. ALBERICUM TUSCULANUM, STEPHANUM PRÆNESTINUM. — Albericus Virduni in Francia mortuus est, ad ejus tumultum Bernardus Sacrificium laudis obtulisse perhibetur in libro quarto Vitae, n. 21. Ejusdem mentio in epistola 241. De Stephano in epistola 224.

446 B. IGMARUM TUSCULANUM. — Igmarius seu Ymarus, ex monacho Cluniacensi Sancti-Martini a Campis Prior Charitatis ad Ligerim, dein abbas Monasterii-Novi apud Pictavos (quo nomine interest pactioni inter Ludovicum Juniorem et Argrinum archidiaconum Aurelianensem initae, apud Chesnium tomo 4, pag. 764), demum cardinalis ab Innocentio creatus, vir magnae integritatis, ex Chronico Cluniacensi, sub Pontio abbate. Ad hos cardinales item epistola 230 et duae sequentes.

446 C. persecutio Guibertina. — Sic dicta a Guiberto Ravennate episcopo, quem Henricus IV imperator antipapam Gregorio VII et tribus sequentibus legitimis Pontificibus objecit. Mauricius Burdinus item Bracaraensis archiepiscopus ab Henrico V intrusus in Sedem Romanam, a Calisto II, tandem in Cavense monasterium reclusus: ejus vitam eleganter scripsit Stephanus Baluzius in Miscellaneorum tomo 3.

447 C. Nam et juravit illicite, et perseverat injuste. — Rem ita narrat Willelmus Nangius in Chronico : « Anno 1142 orta dissensio inter papam Innocentium » et regem Francorum Ludovicum, Ecclesia Gallicana » turbatur. Nam defuncto Bituricensi archiepiscopo Alberico, missus est Petrus, a Papa ejusdem ecclesie » pastor consecratus. Sed a rege Ludovico repudiatus, » nec in urbe recipitur, eo quod sine ejus assensu fuerat » ordinatus. Ipse vero rex Ludovicus concesserat Ecclesie Bituricensi libertatem eligendi episcopum quem » vellent, excepto dicto Petro; publiceque juraverat, » quod se vivente non erat futurus archiepiscopus. Qui » tamen electus Romam profectus est et consecratus » fuit a papa Innocentio, dicente, Regem puerum instruendum et cohibendum, ne talibus assuescat, et ad » jecit, Veram non esse libertatem, ubi quis excipitur a » Principe, nisi forte docuerit coram ecclesiastico iudice, » illum non esse eligendum. Tunc enim auditur ut » alius, Rex vero, sicut superius dictum est, archiepiscopum exclusit redeuntem. Eum enim comes Theobaldus Campanie recepit in terra sua, et ei omnes ecclesie obediunt. Indignatus ob hoc rex, convocavit » omnes fere proceres suos, ut una cum eo guerram inferrent comiti Theobaldo. » Sic Willelmus, ex quo Matthaeus Parisiensis, qui hoc refert ad annum 1146, corrigendus videtur. Hae autem dissensio eo usque progressa est, ut non solum rex Ludovicus terras comitis Theobaldi hostiliter vastaverit, sed etiam Vitriacum castrum cum magna promiscui sexus multitudine igne cremaverit, imo et in ecclesiis ditionis ipsius fieri prohibuerit electiones episcoporum, vel ordinationes, eas Roberto fratri suo tradens occupandas, ut de Remensi, Parisiensi, et Catalaunensi S. Bernardus graviter conquestus est tum in epistola 222, ad Josleum Suessionensem; tum maxime in epistola 224, ad Stephanum Praenestinum. Tandem vero calamitosum hoc divortium Eugenius III Sedem Romanam incuntes S. Doctoris opera extinctum est.

448 C. in comitem Radulfum. — Duabus ex causis indignatus est rex ob anathema Radulfo inflictum, nimirum et quod Radulfus ejus cognatus erat, teste Herimanno monacho Tornacensi; et quod sororem reginae superduxerat, ex dietis.

449 D. homicidiis homicidia addantur. — Huc spectant quae de castro Vitriaco, una cum promiscua multitudine incenso, dicuntur in notis ad epistolam 224, unde Vitriaco-Incensio nomen, ad Matronam, in pago Partensi.

451 B. insuper et fratri vestro. — Roberto scilicet de quo in epist. seqq. in 224 n. 2 et in 304. In epist. 293 inter Chesniauas, quae est Cisterciensis Capituli ad Ludovicum Juniorem, conqueruntur Patres, quod Robertus comes, ejus germanus, *comederet carnes in suis ipsorum grangiis* contra Ordinis interdictum. De Catalaunensi ecclesia vide infra ad epistolam 224.

452 C. comitem Flandrensem et Suessionensem. — Barones Regis vocat Bernardus in epistola 224, n. 3. Hinc locum explicat Herimannus Tornacensis, pag. 394, ubi de Theoderico Flandrensi comite, qui « filiam

« suam promiserat Henrico, comitis de Balhilio, 1. » et rex Francorum conjugium latetur dissolvere, » tertio gradu consanguinitatis dicens eos invicem pro » pinquos esse. » Aliud item matrimonium Theobaldus cogitabat, nempe filiae suae cum comite Suessionensi, infra in epistola 224, n. 4.

455 C. salva vestra Serenitate. — Serenitatis titulum quem superius regi Francorum tribuit in epistola 170, n. 3, hic tribuit episcopo, sed in aula regis consilio; quo nomine etiam Innocentium salutavit in epistola nunc 337, n. 1.

455 C. in puerum Remem. — Scriptura more puerum vocat Ludovicum Juniorem, qui tum conjugatus erat, et quidem duos supra viginti annos natus. Eadem vox eodem sensu in epistola 170 et alibi passim.

455 D. epistolam ceram non claudere. — Hinc in epistola 304 : « Sigillum non erat ad manum. » Idem in epistola 402. Bernardi nomen et effigies sigillo impressa erant, ex epistola 284. Vide infra notam ad paginam 570 A.

456 A. AD STEPHANUM PRAENESTINUM EPISCOPUM. — Stephanus Praenestinus, ad quem etiam epistola 249, ex Ordine Cisterciensi cardinalis ab anno 1140, mortuus anno 1144. Ernardus « Stephanum, totius modestiae virum » appellat in libro secundo de Vita Bernardi, n. 49. Eundem laudat praeter alios Joannes Sarisburiensis in Polycratice libro 6, cap. 24. Catalaunensem fuisse conjicimus ex hujus epistolae numero 2.

456 C. Putabam me deferre regi pacifico; et ecce invenior gravissimo hosti Ecclesiae assentasse. — Quis fuerit rerum tum Ecclesiae, tum politicae status in Gallia sub hoc rege Ludovico Juniore, superioribus quidem epistolis 216-222 satis ostendit : praesenti vero in primis hispida et luctuosam Ecclesiae Gallicanae faciem depingit. Idem testatur Otto Frisingensis Chronici libro 7, cap. 21, ubi ait : « Francia occidentalis rege suo amisso, sub illius » filio Ludovico, qui adhuc superstes est, ob ipsius ac » Theobaldi Blesensis comitis guerram tot praediis ac incendiis perpressa est discrimina, quod nisi Religiosorum, » qui ibidem morabantur, meritis, orationibus et consilio nuper pacata fuisset, usque ad interuersionem deleta » putaretur. » Ita Otto. Ecce Religiosorum orationibus et consilio salus Galliae adscribitur. Quis enim dubitet, mundum meritis, ut aiebat ille, stare Sanctorum? et cui dubium, inter hos agmen duxisse Bernardum, communem quasi non Galliae solius, sed et Europae totius, ne dicam orbis consiliarium et caduceatorem? ut ex Epistolis ejus quaquaversum scriptis colligere licet. Ceterum, ut id obiter moneam, mirum videri possit, unde Ludovicus ille Junior tam sit laudatus Historicis, quod affirmat Gordonus ad annum 1180. Certe si Bernardum, incorruptum atque iudicem consulas epistolis citatis, et praesenti potissimum, dixeris non admodum fuisse laudabilem. Sed ita sumi mores hominum : pro affectu suo laudant et vituperant. Exempla non est cur longe petamus. Nam et hodie regum, principumque quorundam consilia, expeditiones, federa, aliaque facinora, quam disparos habent aestimatores ac iudices! Alii quippe in laudis gloriaeque argumentum trahunt, quae alii gravissime insectantur et

damnant. Alii censent huiusmodi bella in Religionis et Ecclesiae damnum geri, foveci haereses, loca Deo dicata profanari, conculari sacra, miseros opprimi, Reipublicae statum pessundari, Ecclesiae vigorem dignitatemque labefactari. Alios tamen invenies, qui haec mala dissimulant, aut palliare norunt, eosque, quorum opera et auspiciis haec geruntur, summis in caelum laudibus vehant. Per haec tamen debitam Ludovico, si quam deinceps adultiori aetate laudem meruit, detractum non imus. Forte enim annis maturior, rebus praecclare gestis prioris aetatis maculas eluit. Nam pluribus annis Bernardo superstitis fuit: mortuus nimirum anno 1180. Quamvis respicientiae indicia ipsi quoque Bernardo dedisse legam. Nam ita de eo Æmilii in Ludovico VII: « Rex » (Ludovicus) « magna et ira, et manu illatus » (nempe in Theobaldum comitem Blesensem) « Victoriacum, quod oppidum sub potestate Blesensis erat, captum diripuit. » Profana sacraque loca sine discrimine incendit, in aede » principe ad mille quingentos puberes impuberesque » promiscue combusti, qui sanctitate templi salutem tecturi, ad ararum tutelam supplices confugerant. Mox » se colligens Rex, ingenti dolore atque inde morore correptus, se afflictabat, neque solatiis ullis sublevari » poterat: cum divus Bernardus ad illum venit evocatus, » quod in eo multum divinitatis cluceret: ac jac antea » rege Crasso, querecum ( ut praedicabatur ) secessuum- » que discipulus, et nullo praeterea praepatore doctissimus, e solitudine in celebritatem, ex umbra in solem, » sanctitatem eruditionemque importarat. Is tunc intro- » missus, ac reverendissime a Rege exceptus, cum ejus » fletum conspiceret, causamque didicisset: Hae, inquit, » lacrymae, nisi cito exarescant, extinguere possunt Victoriacensis incendii memoriam. Tantum adde illis constantiam roburque, et ne sit velut muliebris ploratus, » viriles ac vere regios animos gere. » Caterum quae de frustrata a Ludovico episcoporum electione hic dicuntur, manifesta sunt ex notis ad epistolam 219.

456 D. sed qui electus est. — Gaufridus Catalaunensis episcopus, de quo in epistola 66, mortuus anno 1142; in cuius locum electus Guido, de quo hic. Samsonem Remensem archiepiscopum, quod Theobaldo faveret, expulerant regii ministri, qui urbis ecclesias Sanctae-Mariae, Sancti-Remigii, Sancti-Nicasii depradabantur, et suburbanum Sancti-Theoderici monasterium. Nulla hic mentio (ut in epistola 222, n. 4) de Parisiensi episcopatu, in quo jam Stephano mortuo subrogatus erat Theobaldus.

458 A. tertio ferme consanguinitatis gradu permanens consobrina. — Joannes Besly in Historia gallica Comitum Pietaviensium, pag. 145, sic explicat hunc gradum consanguinitatis inter Ludovicum VII et Eleonoram ejus conjugem, Guillelmi comitis Aquitaniae filiam, ut Aldeardis Eleonora proavia soror fuerit uxoris Humberti et comitis Maurianaensis, proindeque matertera Adele, quae fuit Ludovici regis mater.

459 A. In indicta celebritate apud Sanctum-Dionysium speramus videre vos. — An indictus regni optumatum conventus? an Indicti celebritas, quae mense februario in festo dedicationis apud Sanctum-Dionysium colitur, ipso die sancti Mathiae?

460 C. Andream de Baldemento. — Andreas iste celebris fuit, variisque negotiis adhibitus. Subscribit primariis litteris abbatie Caricampi in Spicilegii tomo 2, pag. 329; et cum Bernardo testis habetur concordiae inter Ludovicum Juniorem et Algrimum Aurelianensem archidiaconum inter Chesnii tomo 4, pag. 764. In traditione ecclesiae de Veteri-Creceio, per Burchardum Meldensem episcopum anno 1122 facta monasterio Sancti-Martini de Campis, fit aliarum etiam rerum donatio per Stephanum Rorici filium, « Theobaldo comite praesente, domno » Andrea de Baldemento laudante ea quae ad eum pertinebant. » Idem Andreas interfuit concilio Trecenti anno 1128, ex prologo Regulæ Templariorum. Confer epistolam 284.

461 C. AD PETRUM CLUNIACENSEM ABBATEM, CONQUERENTEM QUOD EI NON SCRIBERET. — Madricus in Animalibus ad annum 1135, cap. 3, existimat, hanc epistolam scriptam esse anno 1135; sed ordo epistolarum qualiscumque repugnare videtur. Et certe si conferatur cum epistola sequenti a Petro Venerabili istius occasione rescripta, manifestum fiet hanc fuisse scriptam post Lingonensis electionis turbas, quae anno 1138 contigere, ut supra ad epistolam 164 dictum est. Sic enim respondet Venerabilis Petrus: « Quando extingui vel obrui poterit » sincerus erga vos et ignitus mei pectoris affectus quibuslibet sinistri rumoris rivulis, cum nec aquae multae » decimarum potuerint eum extinguere, nec impetus » Lingouensium fluminum obruere? » Imo in extrema, quam omnisimam, praedictae epistolae parte idem Petrus meminit translationis Alcorani, postea S. Bernardo a se nuncupatae, quae testante Bibliotheca Cluniacensi facta est anno 1113, ad quem hanc epistolam referre visum est.

462 B. Nullarum jam memor sum injuriarum. — Non est magnopere laborandum in detegendis injuriis, de quibus hic mentio. Nam istud ex sale et lepore quodam urbano ac familiari dici contextus utriusque epistolae, hujus nimirum et sequentis, satis superque declarat. Scio quidem nonnullas controversiarum causas inter utrumque sanctum emersisse, Lingouensem videlicet electionem, de qua ad epistolam 164, exemptionemque decimarum: sed usque ad injuriae nomen devenisse nunquam consenserim. Quod spectat ad decimas, Innocentius in Galliis moram faciens anno 1132, cognita Cisterciensium inopia, ipsis ab omnibus decimas relaxari praecipit. Hoc privilegium Cluniacenses inter alios agre admodum tulere. Hinc locus datus querelis, quas Petrus abbas apud Innocentium primo, deinde apud Haimericum modeste exposuit. imo et apud Patres Cistercienses in capitulo generali congregatos: quos cum nonnihil exinde turbatos comperisset, idem anno sequenti ad eosdem litteras dedit excusatorias, quibus charitas sarta tecta custodiretur. Quid tamen in consequentibus adversus Cistercienses a Gigniacensibus monachis patratum sit, dicitur in notis ad epistolam 283. Porro cum desiderari videatur illa Petri Cluniacensis epistola, quae huic scribendae occasionem dedit; non ab re fuerit aliam ab ipso subinde rescriptam in litterarum S. Bernardi serie subijcere, quo omnibus verae et christianae amicitiae cultoribus, maxime religiosis, absolutiss

num exemplar proponatur, nobile scilicet istud par amicorum, S. Bernardum dico et Venerabilem Petrum, cardinali Baronio adeo commendatum, ut « sanctitate, » quæ per dilectionem operatur, Bernardo non impari esse » pronuntiaverit. Alias ejusdem argumenti vide si lubet apud ipsum Petrum, libri primæ epistolam 28, et libri quarti epistolam 46.

487 A. AD TRES EPISCOPOS, OSTIENSEM, TUSCULANUM, FRÆNESTINUM. — Nomina habet titulus epistolæ 219 Albericum, Stephanum, et Igarum. In paucis manuscriptis hæc epistola reperitur, ut in Compendiensi.

487 C. — AD EOSDEM PRO ABBATE LATINIACENSIS. — Latiniacum, diœcesis Parisiensis ad Matronam, ubi monasterium a sancto Furseo abbate, juvante Erchinoaldo, conditum, instauratumque ab Heriberto II Campanie comite, qua de re diploma Roberti regis exstat in libro sexto de Re diplomatica, n. 151. Ecclesia Latiniacensis « celebris et famosa, olim sanctitate et religione florens » dicitur in litteris capituli generalis nostrorum monachorum, de quibus mox agemus.

488 B. Quid peccavit abbas Latiniacensis? — In Chartario Sancti-Martini de Campis invenimus Gaufridum abbatem Latiniacensem anno 1122, Arnulfi abbatis, qui anno 1106 obiit, successorem. Anno 1124, ut in Romano codice Vallicellane bibliothecæ legimus, Radulfus abbas Latiniaci factus est: de quo Hermannus monachus Landunensis in libro tertio de Miraculis B. Mariæ, cap. 18, ubi « comes Campaniæ Theobaldus, consilio domni » Norberti, quemdam cœnobii Sancti-Nicolai in silva « Vosago » (forte Voago, rectius Vedogio, diœcesis Laudunensis) monachum, nomine Radulfum, Latiniacensi ditissimò monasterio præfecisse abbatem: » cui hæc convenire non dubitamus. Obiit anno 1148, ex codice Vallicellano, eique Godefridus successit, Galfridus dictus in Chartario Sancti-Martini de Campis, mortuus anno 1162. Contra hunc duas habes litteras capituli generalis nigrorum monachorum: unas ad Adrianum III, alteras ad Alexandrum itidem III, in hujusce tomii Appendicæ relatas.

488 D. consilio utique comitis Theobaldi. — Theobaldus Magnus, Campaniæ comes, Latiniaci advocatus, ibidem sepultus, ad cuius tumulum Henricus comes ejus filius lampadem instituit, ex libro sexto de Re diplomatica, n. 206. Henricus ibi versabatur aliquando, ut patet ex Sugerii epistola 120. De Theobaldo in notis ad epistolam 37, et apud Balduinum de Avesniis, in Spicilegii tomo 7, pag. 584, ubi Latiniaci jacere dicitur.

492 D. Si frater Joannes dixit in nos, vel scripsit quod non decuit, vel quomodo non decuit. — Joannes iste canonicus erat regularis in ecclesia Sancti-Stephani Divionensi, ubi Herbertus abbas, de quo in epistola 59. Quid sit illud de quo scripserit contra Bernardum, non liquet. Neque enim putamus eum esse Joannem Cornubiensem, Abaelardi discipulum, de quo Chesnius in notis ad Abaelardum, pag. 1159. An hic de Conceptione scripsit?

493 C. Causam Eboracensis Ecclesiæ per eum fuisse decisam quis nesciat? — Status causæ narratur a Willelmo Neubrigensi, de Rebus Angl. libro 1, cap. 17; a Francisco Goduvino, libro de Episcopis Angliæ, seu inter Eboracens. n. 29; a Rog. Hoved. posteriori parte Annalium. Rem pau-

cis accipe. Anno 1140 obiit Thurstanus, sive Thurstanum vocant; Willelmus Neubrigensis, Tristinum: vide Ivonem Carnotensem, epistola 274, et ibidem Jureti notas, archiepiscopus Eboracensis. Electio successoris discordibus votis agitata est, aliis Willelmum Stephani regis nepotem, Eboracensis Ecclesiæ thesaurarium; aliis Henricum Murdach, abbatem Fontanensem, B. Bernardi quondam in Clara-Valle discipulum, eligentibus. Willelmum Henricus Wintoniensis episcopus consecravit, sed petentem Roma pallium Papa rejectit. Qua repulsa rex offensus, Henricum a Pontifice confirmatum, et pallio donatum recipere renuit. Quin regis ad exemplum compositi cives et subditi, pastorem non admiserunt. Tandem placato rege Henricus a suis susceptus præfuit decem annis, mortuus anno 1153 Sherboniæ. Interea Willelmus apud Henricum Wintoniensem degebat. Sed cognita Eugenio pontificis et Bernardi, necnon Henrici archiepiscopi morte, Romam mox contendit, et ab Anastasio Eugenio successore, ope Gregorii cardinalis, voti tum demum facile factus compos, confirmationem et pallium obtinuit. Sed paucò tempore superstes, anno 1154 defunctus est, non sine suspitione veneni propinati. Hunc in sanctorum numerum relatum meminit Goduvinus, et ad sepulcrum ejus erebra patrata miracula. Sed addit idem, « quod » credere cui cordi est, meminerit hunc qualemcumque » divum, a divo certe Bernardum, aut ejus saltem opera » exauctoratum, et præsulatū expulsum. » De negotiis Ecclesiæ Eboracensis confer epistolas 238-240, 252, 346 sqq.

494 C. an magis exsecratus. — Eodem sensu verbum *exsecrare*, prout legitimæ consecrationi opponitur, occurrit in epistola 166, n. 1, in epistola 223, n. 2, et in epistola 300 inter Chesnianas, tomo 4, quæ epistola est Drogonis Lugdunensis electi ad Ludovicum Juniorem.

497 B. AD TOTAM CURIAM ROMANAM, QUANDO ELEGERUNT ABBATEM SANCTI-ANASTASII IN PAPAM EUGENIUM. — Anno 1145, defuncto Lucio II pontifice, Coelestini successore, electus est Bernardus abbas Romæ ad Sanctum-Anastasium, S. Bernardi discipulus, dictus Eugenius III; ad quem libri de Consideratione. Ejusdem tum abbatis epistolam ad Bernardum habes hic ordine 344; item ipsius jam papæ aliam epistolæ 273 præmissam; denique epistolam de ejus obitu in Appendicæ, id est 475.

497 D. Num ideoque Pisam deseruit, ut reciperet Romam? — Eugenius quondam vice-dominus Pisanæ ecclesiæ (codex manuscriptus Dunensis citatus ab Henriquez vocat Suffraganeum), deinde Bernardi in Clara-Valle discipulus, mox abbas monasterii Sancti-Anastasi, seu Trium-Fontium ad Aquas-Salvias prope Romam, præter morem, non ex cardinale, sed ex abbate electus est a cardinalibus in summum Ecclesiæ Pontificem anno 1145 in locum Lucii, ut jam dictum est, qui eodem anno quinto kalendas martii ex hac vita migravit. Hunc ergo miratur Bernardus, qui vice-dominatum unius particularis ecclesiæ non sustinebat, ad dominatum totius universalis Ecclesiæ vocatum. Porro quid officii vel dignitatis hoc nomine, *vice-dominus*, intelligendum veniat, paucis monstremus. Sunt enim etiamnum ecclesiæ, seu episcopio, quæ titulum istum retineant. Olim quidem

tenebatur quilibet episcopus vice-dominum et æconomum habere, distinct. 89, cap. « Volumus. » Qua de re S. Gregorius Magnus sic scribit ad Anthelmum subdiaconum, libro 9, epist. 66 : « Volumus ut frater » noster Paschasius et vice-dominum sibi et majorem » ordinet domus, quatenus possit vel hospitibus super- » venientibus, vel causis que eveniunt, idoneus et » paratus existere, » etc. Ubi Glossa in allegat. cap. « Volumus, et vice-dominum, » id est æconomum rerum episcopatum, qui rebus episcopalibus, et hospitibus supervenientibus provideat. « Quia Episcopus, » inquit, « non potest talia negotia in propria persona » tractare. » Vide quest. 3, « Quia Episcopus, » et referas quod dicitur de hospitibus, ad vice-dominum. Ita Gloss. Verum Filesacus Theol. Paris. ad tit. de Offic. Jud. Ordin. lib. 1 Decret. seu de sacra Episcoporum auctoritate, ita potius hæc duo censet distinguenda, ut æconomus munus sit, hospites curare; at *vice-domini*, causis et litibus disceptandis nomine episcopi præesse. Vide Filesacum, libro citato cap. 4, § 5.

502 A. Wintoniensis episcopus et Eboracensis archiepiscopus non gradiuntur uno spiritu cum Cantuariensi archiepiscopo. — Wintoniensis episcopus erat Henricus Blesensis qui prius abbas Glasconiensis, nepos Henrici regis; atque adeo fautor Willelmi ejus consanguinei. Theobaldus ex abbate Beccensi erat antistes Cantuariensis, ad quem epistola 361.

502 A. Nonne Eboracensis ipse est. — Causa Eboracensis Willelmi, de qua in epistola 235, needum composita erat hoc anno: nam teste Serlone in Monastici Anglicani tomo 1, pag. 747, « ipse cathedræ præsidebat, » usus regia potestate in eos qui resistebant. » Henricus abbas Fontanensis cum aliis eum pertraxit ad Eugenium, a quo amotus est Willelmus. Ejus fautores Fontanense monasterium driperunt. De Henrici electione infra ad epistolam 252.

503 B. Quantum in brevi Romanorum Pontificum mortes tuis oculis aspexisti! — Mirum non immerito videri possit, quid sit, cur tam brevis ævi sint Romani Pontifices, ut solus Petrus putetur annum vigesimum quantum attigisse; plurimos paucis annis aut paucis mensibus, imo non multis diebus superstites, mors præmatura rapuerit, cum videamus imperatorum et regum plurimos multo longioris ævi fuisse. Res omnino digna disquisitione. Sed quis novit sensum Domini? Video tamen eandem questionem B. Petro Damiani propositam ab Alexandro pontifice, quam ille diligenter tractat, et edisserit, ut legi omnino digna sint quæ scribit. Vide inter epistolas libri primi epistolam 17, alias, Opusculum 23. « Aliquando, » inquit, « a me sollicite requisistis, » quæ mihi causa videretur, cur apostolicæ Sedis antistes » nonquam diutius vivat; sed intra breve temporis spatium diem claudat extremum: adeo ut post divum Petrum apostolum, qui per viginti quinque circiter annorum lustra præsedit, nemo postmodum Romanorum » Pontificum hoc spatium præsulatus æquaverit. Modernis » imo temporibus vix quisquam in prædictæ Sedis culmen » evehitur, qui metam quatuor, vel, ut multum, quinque » transcendat annorum. Quod considerantibus nobis,

» prodigialis, ut ita loquar, stupor oboritur: quoniam » hæc breviter vivendi necessitas in nulla alia totius orbis » ecclesia reperitur. Sed in quantum mortalibus divinæ » dispensationis revelatur arcanum; videtur nobis, quia » ideo hoc iudicii celestis ordo disponit, ut humano » generi metum mortis inculciat; et quam despicenda sit » temporalis vitæ gloria, in ipso gloriæ principatu evidenter ostendat: quatenus dum præcipuus hominum » tam angusti temporis compendio moritur, tremefactus » quisque ad præstolandi sui obitus custodiam provocetur; et arbor humani generis, dum cacumen æ verticem summi tam facile corruisse considerat, flatu concussa » fornadinis, in suis undique ramusculis contremiscat. » Angustis quidem limitibus Pontificum vitas inclusit Damianus, fateor, dum ultra quatuor aut quinque annos non extendit: in breviores tamen mihi videntur coarctatæ, si Pontificum historie consulantur. Rectissime igitur S. Bernardus hac epistola hortatur Eugenium, ut ex brevissimo suorum prædecessorum dominatu, suum quoque suspectum habere discat.

503 B. causa cujusdam pauperis episcopi. — De hoc episcopo, suppresso nomine, agitur in libro tertio de Consideratione, cap. 3, ubi Eugenius laudatur pauperi episcopo dedisse, quod daret, ne immunitus notaretur. Ibidem notatur episcopus de transmarinis partibus, qui episcopatum emisse Romæ voluerit. Quod forsitan de Willelmo intelligendum.

506 B. AD HILDEFONSUM COMITEM SANCTI-ÆGIDII. — Adde etiam Tolosæ. Is ex patre Raymundo Tolosæ comite, et matre Eluira in Oriente natus (ut refert Guillelmus Tyrinus, Belli sacri libro 10, cap. 27, qui eum Anfossum appellat), in Jordane ipso lustralibus undis intinctus est. Idem auctor sic de eo scribit, libro 16, cap. 28, ejus protectionem in Orientem commemorans. « Applicuit etiam iisdem diebus in portu Aconensi, vir » magnificus et illustris, comes Tolosanum, Anfossum nomine, domini Raymundi comitis senioris filius, qui » tantus princeps tanti fuit meriti in prima expeditione, » vir suis egregius titulis, sed patris pia clarior memoria, » dum inde Jerosolymam, ut Domino pro peracta feliciter » peregrinatione gratias acturus, apud Cæsaream urbem » maritimam, paucis postquam appulit diebus, porrecto » illi (ut dicitur) veneno; sed auctore tanti sceleris incerto, » vitam finivit, » etc. Porro comitatus Sancti-Ægidii, Gallie Narbonensis pars est, a sancto Ægidio ejus quondam incola sic nuncupata, cum alias Septimania contineretur. Comes Sancti-Ægidii Hildefonsus se dicit in quodam pacto anno 1125 inter ipsum et Raymundum comitem Barcinonensem inito, ubi ejus uxor Fardida vocatur.

507 D. nam monachus exstitit. — Henricum itidem monachum vocat Gaufridus in libro tertio de Vita Bernardi, n. 16, et Exordium Cisterciense relatam libro tertio ejusdem Vitæ, cap. 17. Illum eremitam vocant Acta Hildeberti episcopi Cenomannensis in Analectorum tomo 3, pag. 314, ubi plura de Henrico.

508 C. venerabilis Ostiensis episcopus. — Albericus, de quo in libro tertio Vitæ Bernardi, n. 17, Bellovaci natus, Cluniaci monachus, cardinalis ab Innocentio creatus

anno 1138, legatus in Angliam, tum in Syriam, demum in Galliam, ad quem epistola 219.

509 A. sed etiam in virtute. — Miraculis scilicet illustribus ab ipso factis, de quibus in libro tertio Vita, cap. 6. Ipsa agnoscit etiam Perengarius in apologia pro Abaelardo: « Jaududum sanctitudinis tue odorem ales » per orbem fama dispersit, preconizavit merita, miracula declamavit » etc.

510 C. AD ROMANOS QUANDO RECESSERUNT A DOMINO PAPAE EUGENIO. — Confer librum quartum de Consideratione, cap. 2; Ottonis Frisingensis Chronicon, lib. 7, cap. 31, et librum secundum de Gestis Friderici, cap. 20. Arnaldistae dicuntur haeretici a Bonaccorso, jungunturque Catharis et Passagiis, accusati, quod per malos ministros sacramenta irrita esse dicerent, in Spicilegii tomo 13, pag. 85.

514 D. confederavit in suo corpore. — Recte ad hunc locum Sugerius in epistola 74: « Cum gloria corporis » Christi, videlicet Ecclesiae Dei, regni et sacerdotii in » dissolubili unitate consistat, constat profecto, quia qui » alteri providet, alteri suffragatur: quoniam et tempore » regnum per Ecclesiam Dei stare, et Ecclesiam Dei » per temporale regnum proficere, omnibus discretis evidenter agnoscitur. » Vide Joannis Sarisburiensis epistolam 44.

516 C. AD DOMINUM PAPAM EUGENIUM, PRO AURELIANENSI EPISCOPO. — Nimirum Helias. Post mortem Joannis episcopi Aurelianensis anno 1133, Hugonem decanum in demortui locum fuisse electum (quod tamen ab historicis ecclesiae Aurelianensis video praetermissum) auctor est Ordericus, libro 13, ad annum 1134; sic enim scribit: « Postquam Joannes senex Aurelianensis episcopus » episcopatum deseruit, Hugo decanus, qui ad pontificatum electus fuerat, de curia Regis rediit, et a temerariis hominibus in via percussus obiit, et episcopatus » sine praesule, sicut navis sine gubernatore in mari, diutius fluctavit, » scilicet ad annum usque 1136, quo Helias noster post diuturnam cleri populi discordiam unanimi omnium consensu ex monacho et abbate Sancti-Sulpicii Bituricensis electus est. Hunc » virum religiosum prudentem et litteratum » vocat Petrus Cluniacensis libri primi epistola 11, scribens pro ipsius confirmatione ad Innocentium papam, a quo mense aprili anni 1137 consecratus est. Post aliquot annos, nempe anno 1144, gravium criminum reus a clericis Aurelianensibus apud Lucium II accusatus, cum sese purgare non valuisset, nec Petrus Venerabilis (libri quinti epistolae 19, 21, 27), imo neque ipse rex Ludovicus summum Pontificem flectere in ejus gratiam potuisset, ipse S. Bernardi consilio sponte episcopatu cessit anno 1146, Eugenio III sedente. Unde mirum est, Albericum dicere in Chronico, ad annum 1149, « Attonem episcopum Trecentem, et episcopum » Aurelianensem in concilio Remensi fuisse depositos; » cum ambo nutu proprio dignitatem abdicaverint, ut de Aurelianensi constat ex hac epistola: quod de Attone etiam in notis ad epistolam 23 probatum est.

517 B. Porro Turritanus judex. — Is videtur esse Gunnarius, quondam Judex et dominus Sardiniae tetrarchalis, qui ad S. Martini tumultum accedens, rediit per

Claram-Vallem: ubi a Bernardo susceptus postmodum ibidem monachus factus est, teste Heriberto in libro secundo de Miraculis S. Bernardi, cap. 13.

520 A. Imponitur ei quod Regem coronavit. — Non semel Ludovicum Juniorem coronatum lego. Primo quidem vivente patre Remis inauguratus coronam accepit ab Innocentio papa anno 1131. Deinde Ordericus Vitalis libro 13, ad annum 1138, Biturigis coronatum tradit his verbis: « Anno 1138, indict. 1, Ludovicus rex Francorum apud Bituricam in Natale Domini coronatus est, » ibique ingens curia nobilium et medicorum virorum de » omni Gallia et Aquitania, aliisque circumstitis nationibus » aggregata est. Illuc metropolitani praesules, eorumque » suffraganei convenerunt, illuc consules, aliaque dignitates confluerunt, suumque famulatum novo regi exhibuerunt. » Ita Ordericus, qui novum regem appellat, quod rex Aquitaniae tunc, mortuo patre, sit coronatus. Hic iterum coronatum videmus a Samson Remorum archiepiscopo ante expeditionem Jerosolymitanam, forte ut in conventu solenni fidelitatis sacramentum discessurus a subditis exciperet. Hujus postremae celebritatis locum Horstius suspicatur fuisse urbem Carnotensem, ubi de expeditione Jerosolymitana actum est. At hanc coronationem apud Biturigas factam fuisse patet ex epistolae contextu, et ex litteris Eugenii III in Patriarchio Bituricensi relatis: ex quibus intelligimus, Eugenium sensitse, Bituricensem ecclesiam, in qua Samson sacra fecerat, interdicto suppositam fuisse. Patriarchium Bituricense editum reperies apud Labbeum in tomo secundo Bibliothecae novae. Ex hac porro epistola, et ex alia Ivonis mox citanda apparet, archiepiscopum Remensem contendisse, jus coronandi Reges, ubicumque demum ea coronatio fieret, sibi competere. Quod Petrus Bituricensis, et ante eum Ivo Carnotensis negabant. In hac vero epistola S. Bernardus hanc Remensis archiepiscopi prerogativam non omnino inficiatur, imo admittere videtur. Hujusque meminit Silvester II papa in quadam bulla ad Arnulfum Remorum praesulem, quem ob perfidia notam suspensum, anno 999 in pristinam dignitatem et jura omnia restituit. « Concedimus » tibi, » inquit, » per hujus Privilegii statuta, baculo » annuloque redditis, archiepiscopali officio fungi, et omnibus insignibus, quaecumque ad sanctae metropolim » Ecclesiae Remensis pertinent, solito more perfrui, pallio » solemnitatibus assuetis utaris, benedictione Regum, et » subditorum episcoporum. » Et certe convenientissimum erat, ut cum a B. Remigio Remorum archiepiscopo suscepissent Reges christianissimi regalis sacerdotii dignitatem, celestisque coronae pignus per Baptismum et christianae religionis professionem: ad ejusdem etiam successores consecrandorum coronandorumque regum prerogativam refunderent: ut simili de causa Imperatores tribuerunt Moguntinensi archiepiscopo ob S. Bonifacium, reges Hispaniarum Toletano propter S. Eleutherium, reges Anglorum Cantuariensi ob S. Augustinum: quamvis pro locorum temporumque necessitatibus haec Remensis archiepiscopi privilegium legitime dispensationi fuerit obnoxium. Nec aliud existimo intendisse Ivonem Carnotensem in sua illa celebri epistola 189, qua Ludovicum VI solennem inaugurationem a Daimberto Senonensium

archiepiscopo Aureliæ peractam propugnat. Alibi enim, Epist. 48, hanc Remensis ecclesiæ prærogativam agnoscit, ad Urbanum papam scribens, eadem sedem « diadema » regni habere. » Imo in alia illa epistola « non invidere se » Remensi ecclesiæ, non repugnare, non dolere » protestatur, « si Reges Francorum erga eam habuerint » tantam devotionem, ut malint a metropolitano ejus » consecrari, quam ab alio: » sed tamen legitimam dispensationem in Daimberti facto tuetur. « Quod ergo fecimus, » inquit, epist. 189, « salubri deliberatione et » provida dispensatione fecimus. Nimirum quia erant » quidam regni perturbatores, qui ad hæc omni studio » vigilabant, ut aut regnum in aliam personam transferretur, aut non mediocriter minueretur. » Quod ergo privilegium istud nec ratione, nec consuetudine, nec lege fultum esse affirmat; non est absolute explicandum, sed eo duntaxat tendit nervus inductionis, quam consuetudini opponit, ut ostendat, quod « Francorum Reges non » omnes in Remensi ecclesia, vel a Remensibus archiepiscopis sint consecrati, » quod ultro fatemur. In id vero totus incumbere videtur, ut neget, sublata qualibet dispensatione, Regum consecrationem semper in ecclesia et ab archiepiscopo Remensi faciendam sub pena anathematis ab eo, qui secus quomodocumque tentaret, incurrendi, quod ipsi Remenses legati in ista causa urgere videbantur, teste Aimoini continuatore in lib. 5 de Gestis Francorum, cap. 50. Confer Hugonem in Chronico Autissiodorensi ad annum 1154. Tandem vero ne qua lis hac de re in posterum suboriretur, Ludovicus VII anno 1179 solenni sententia hanc Remensis archiepiscopi prærogativam confirmavit, Alexandri et Innocentii itidem III litteris postea comprobata. Plura qui volet, legat librum Guillelmi Marloti, Sancti-Nicasii Remensis archiepiscopalis, de Inauguratione Regum Francorum gallice editum anno 1654, in quo doctissime ac copiose hanc materiam pertractavit. Quod pertinet ad pallii usum, quem Pontifex Samseni interdixerat, mirum est quo in pretio fuerit copiosissimum saculo, ut S. Bernardus tolerabilis duxit interdicti sibi Missarum celebrationem, quam archiepiscopo Remensi pallii usum, pro quo etiam S. Malachias ex Hibernia bis Romam proficisci non dubitaverit.

522 C. semen defuncti fratris suscitare. — Argute sciteque antiquum, jamque antiquatum Dei præceptum (quo præceperat, ut fratri absque liberis defuncto, frater superstes suscicaret semen) Arnulfo Lexoviorum pontifici accommodat: qui S. Augustini disciplinam a Joanne germano suo Sagiorum antistite traditam secularibus canonicis suis, et a successore graviter labefactatam, sic sustentavit, tum scriptis ad summos Pontifices datis, tum peculiari studio, ut præclare dicat hic S. Bernardus, eum fratris suscitasse semen, quod aliena temeritas licentiaque ferme suffocarant. Hocque in negotio eum laborasse annos plus minus viginti, est suspicari ex ejusdem ad Alexandrum III papam epistola que incipit, « Est quidam, in » quo, » etc. Vide tomum duodecimum Bibliothecæ Patrum. Mortuus est enim Joannes Arnulfi frater anno 1143, cui successit Girardus hujus nominis II, antea canonicus sæcularis, quem, ut dicit Arnulfus citata epistola, Romana Ecclesia episcopari non permisit, donec eundem

Ordinem in propria persona professus est. Verum, ut ibidem subditur, episcopus iste detestabilem concepissem prædicatorum affectum, scilicet plantationem hanc penitus evellendi, nempe canonicos regulares. Qua de causa hic a Bernardo suggillatur.

523 A. electum esse Priorem Casæ-Dei. — Mortuo sancto Joanne episcopo Valentini in Delphinatu, anno 1145, electus est Prior Casæ-Dei, nomine Orilbertus, in ejus gratiam hæc epistola scripta est cum epistola 270.

523 B. AD BERNARDUM. — Ejus nominis secundum, qui sede Bellicensi anno 1142 relicta, rediit in Cartusiam Portarum, ibidem ante annum 1147 Bernardo Priori primo se abdicanti suffectus, ex notatione ad epistolam 153. Natalem, de quo hic quæstio, in regimen ecclesiæ Bellicensis post eum postulatum non ausim affirmare. Bernardo sane successit Guillelmus, Guillelmo post Pontium Antelmus seu Nantelmus, ex Priore itidem Portarum, cujus esse videtur epistola ad Ludovicum Juniorem de sua promotione, quæ est epistola 234 inter Cheshianas.

524 C. per eremi baptismum. — Existimabat quippe cum aliis Patribus Bernardus, vitæ religiosæ professionem esse alterum veluti baptismum, ut diserte in libro de Præcepto et Dispensatione, cap. 17.

524 C. abbas Caziacensis. — In tribus Colbertinis, Caziacensis. An is Caziacensis abbas Simon, cui scripta est epistola 263? Ejus successor Tes. (sic breviter legimus), de quo in libri secundi epistola 14 Petrus Cellensis abbas apud Trecas, hoc loco designatus; tametsi nullæ ejus contra Cartusianos epistolæ, multæ pro eis reperiantur.

525 C. Balmenses monachi graviter deliquerunt, sed non impune. — Crimen hoc Balmensium in diocesi Bisuntina monachorum intelligimus tum ex duobus rescriptis Eugenii papæ, uno ad Humbertum archiepiscopum Bisuntinum, altero ad Willelmum seu Guidonem comitem Matiseonensem, quibus rescriptis Balmensem abbatiam in Prioratum redigit « ob execrabile et horrendum facinus, et inauditum sanctæ Romanæ Ecclesiæ » contemptum, commissum in dilectum sibi magistrum » Osbertum: » tum ex litteris Willelmi comitis Matiseonensis id annuentis. Eugenii litteræ datæ sunt quarto kalendas junii Parisius, id est anno 1147. Exstant in archivo Cluniacensi. Postea tamen abbatiae titulus Balmæ restitutus est.

525 C. non deviat Vicarius. — Hic non obscure Papa Christi Vicarius dicitur, cum alias S. Petri Vicarius apud veteres illos appellari solet, uti alias ostendimus.

526 C. Et illi quidem in innocentia sua, et pro innocentia corruerunt. — Hic intelligit Bernardus stragem in Fontanense Ordinis sui in Anglia monasterium, factam a fautoribus Willelmi intrusi. Eam diserte narrat Serlo monachus in Historia ejus monasterii, Monastici Anglicani tomo 1, pag. 747, ubi amoto per Eugenium Willelmum, ejus fautores dicuntur concurrisse in canobium, cujus abbas Henricus ipsis adversus erat; tum omnia diripuisse, incendisse, profligasse, salvis nihilominus mona-



chis cum abbate : ex quibus tamen aliquos fuisse necatos hic innuit Bernardus. Serlo addit, Henricum abbatem in archiepiscopatum electum, statim Claram-Vallem adiisse ad S. Bernardum; et inde Treverim convenisse Eugenium papam, a quo consecratus ac pallio donatus, non sine multa contradictione a suis tandem admissus sit.

527 A. AD ABBATEM DE PRÆMONSTRATO. — Hugonem scilicet, Norberti primum discipulum ex capellano episcopi Cameracensis, ac successorem in regimine Præmonstrati. Hugo iste mirifice laudatur, non solum in libro de Vita S. Norberti, sed etiam apud cognominem suum Hugonem chronographum Autissiodorensi Sancti-Mariani, et apud Hermannum monachum Laudunensem in libro tertio de Miraculis S. Mariæ, capp. 6, 8 et 10. Norbertus etiam passim apud eundem prædicatur auctorem, maxime cap. 7, ubi ipsi Bernardo præponitur, tum quia primus Ordinis sui fundator, tum quia Sanctimonialium ejusdem Ordinis institutor, quæ jam tum numerum decem millium excedebant. De eodem Norberto plura ad epistolas 35 et 56. In scriptis non paucis (nam et id notare convenit) hujus epistolæ loco ponitur epistola 123, cum rescripto Bernardi : hæc autem locatur post epistolam 296. Ita duæ sequentes etiam loco non constant in manuscriptis.

527 C. Primo quidem locus ipse Præmonstrati, in quo degitis, noster fuit, et nostro munere habuistis. — De origine Præmonstrati variant auctores. Fabulosum videtur quod apud Franciscum Alutem Historiæ Cuciacensis familiæ libro 2, cap. 19, legitur. Gordonius Societatis Jesu, in Chronologia ad annum 1116, dicit hunc Ordinem nomen accepisse a ratione instituti collitus præmonstrata. Sed locum ita vocatum fuisse ante S. Norbertum, patet tum ex ejus Vita, cap. 17, ubi dicitur elegisse « locum valde desertum et solitarium, qui ab antiquis » Præmonstratum dicebatur : » tum ex Hermanno monacho locis infra citandis. Quod vero hic dicit Bernardus de loco Præmonstrati a se concesso, repugnare videtur litteris foundationis Præmonstrati, Bartholomæi Laudunensis episcopi nomine confectis (exstant in Bibliotheca Præmonstratensi et in notis ad Guibertum), in quibus locus prædictus ad Sancti-Vincentii monachos pertinuisse dicitur, et ab ipso Bartholomæo (cui primum ab Adalberone, Sancti-Vincentii abbate, Seifrido ejus successore postea confirmante, concessus fuerat) S. Norberto traditus. Quod etiam notavit Hermannus monachus libro tertio de Miraculis beate Mariæ Laudunensis, cap. 4. « Venientes itaque, » inquit, « ad prælatum locum Præmonstratum, ingrediuntur orandi gratia quamdam ecclesiam in honore S. Joannis Baptistæ ibidem constructam. Hæc erat de jure cœnobii Sancti-Vincentii Laudunensis, » etc. Ex quibus quidam nuperus scriptor in notationibus ad Vitam S. Norberti, cap. 19, hæc se testatur in explicanda Bernardi concessione, quam a monachis Vincentianis per manum Bartholomæi episcopi factam legit. At quamvis sexcenta id generis in contrarium argumenta starent, Bernardi verbum ineluctabilem obtinere debet auctoritatem : et siquidem rem paulo diligentius consideraveris, pugnantia facile conciliabis.

Certum enim est Præmonstrati cœnobium, in prima sui conditione, non eo in loco situm fuisse, quo primum a S. Norberto fuerat institutum; sed in altera montis parte, ad quam Hugo Norberti successor, cui hæc epistola dirigitur, illud transtulerat. Cujus rei meminit idem Hermannus tum loco citato, ubi prævisionem S. Norberti de cœnobii translatione refert, tum ibidem, cap. 10, ubi Præmonstrati mutationem sic describit : « Videns » autem Hugo ecclesiam illam parvam » (nimirum S. Joannis Baptistæ, quam monachi Vincentiani concesserant, uti præmiserat cap. 4 « jam non posse sufficere » tantæ multitudinæ quæ convenerat, et per Dei gratiam » quotidie augmentabatur; sciens etiam dominum Norbertum, ut superius dictum est, in spiritu prævidisse, » quod ex altera montis parte major ecclesia foret adificanda, inito cum fratribus suis consilio, D. Bartholomæum episcopum, utpote loci fundatorem et patrem, » advenire rogavit, quatenus dispositis omnibus officiis, ipse primum lapidem in ecclesiæ fundamento poneret. » Fuerit ergo prima illa sedes seu ecclesia a nostris Vincentianis concessa : sed quid prohibet secundam hanc a S. Bernardo, qui eam a Widone eremita prius acceperat, Præmonstratensibus concessam? Leguntur epistolæ duæ Philippi abbatis Bonæ-Spei, quibus hæc respondere videtur.

527 C. frater Wido. — Widonem legimus in Historia cœnobii Viconiensis prope Valentianas, quæ exstat in Spicilegii tomo 12, pag. 534, ubi Wido seu Guido, « Britonum gente progenitus, sacerdos officio, » eo tempore quo Norbertus Præmonstratum accessit, ibi degisse dicitur, et locum majori cessisse, secedendo Viconium, ubi fundamenta jecit cœnobii, quod Walterio Sancti-Martini apud Laudunum abbati subjecit.

527 C. locum Sancti-Samuelis donavit nobis. — De hoc loco Gauridus in libro tertio vite Bernardi, n. 29. « Postremo quasi vitis abundantissima suos undique palmites propagavit, excepto quod in terram Jerosolymitanam, quamvis locus esset a rege paratus, ob incursum paganorum et aeris intemperiem non acquievit mittere » fratres suos. » Confer epistolam 175, ad Patriarcham Jerosolymorum qui locum offerebat; epistolam 355, qua reginæ Jerosolymorum Præmonstratenses commendat. De monasterio Sancti-Pauli vide notas ad epistolam 178.

528 A. quia minamini violare pactum. — Pactum hoc describit Manriquez, initum anno 1142, inter Cistercienses et Præmonstratenses concordie causa, ut inter utrorumque monasteria leucæ duæ; inter graugias seu villas una intercederet. Hinc Bernardus domum Bassi-Fontis ait fuisse extra statutos terminos constitutam. Erat autem sita in diocesi Trecenti, fundata anno 1143.

530 B. domunculam fratrum vestrorum de Brena. — Brena seu Brana, quod oppidum est ad Axonam, quatuor leucis supra Suessionis, insignis exstabat abbatia Præmonstratensium, S. Evodio sacra : a qua non longe distat Igniacum, Ordiis Cisterciensis in diocesi Remensi. Abbas Ignaci Humbertus, ad quem epistola 141.

530 C. Sic et de abbate Longi-Pontis. — Abbatia Longi-Pontis, duabus leucis prope Suessionis, Ordinis item Cisterciensis, uti et Villaris, in Erabautia diocesis

Namurensis, ubi tunc abbas Fastredus, cujus est epistola in Appendice relata.

530 D. ecclesiam Sancti-Foillani. — Abbatia Sancti-Foillani Hiberni, prope Rodium Hannoniae oppidum in ejus martyrii loco sita, erat Ordinis Praemonstratensis. His omnibus Bernardi in Praemonstratenses beneficiis adde donationem loci in silva de Orta, a Ludovico Juniori factam « interveniente domino Bernardo pie memorie Clara-Vallensi abbate, » ut Sancti-Mariani abbas Autissiodorensis agnoscit in epistola, inter Chesnianas numero 282.

533 B. id est cellulas extra cenobium. — Nempe ejusmodi cellulae passim exitiales sunt observantiae regulari, quae in tam exiguo numero servari vix potest. Obedientias vocat epistola 400. Eisdem verbis usus est supra in epistola 10, n. 2.

533 B. feminas a monasterio arces. — Id est ab ecclesia: nam et id in Ordine nostro olim receptum, ut apud Cistercienses, qui nequidem monachos alienos in ecclesias suas admittebant, teste Orderico Vitali in libro 8, pag. 714. Cartusianenses « hospites tantum religiosos in chorum, » apud Guigonem in Statutorum capite 10. De interdicto quondam mulieribus in nostras ecclesias ingressu lege Praefationem ad Saeculum primum, n. 112, et ad Saeculum secundum, n. 53.

536. C. In odore. — Sic cum Bernardo veteres passim, non, *In odorem*. Neque enim Sponsa in odorem currit, sed in odore currit ad Sponsum. Petrus Venerabilis infra in epistola 264, « tractus odore unguentorum tuorum. »

540 C. Est negotium quod ceteris non miscemus. — Hinc colligitur, hanc epistolam eodem tempore missam cum superiori in gratiam Philippi, de quo haec leguntur in Catalogo Priorum Clarae-Vallensium: « Philippus, qui fuerat episcopus Tarentinus, et tempore schismatis de gradatus, » nempe quod Analecto adhesisset, « venit ad Claram-Vallem: cui de misericordia concessum est esse in officio diaconi. » Haec istius epistolae causa. « Prior erat quando obiit beatus Bernardus. »

541 C. AD EUMDEM, PRO FRATRE RUALENO. — Is ex Priore Clarae Vallis post electionem Eugenii Pontificis creatus abbas Romae apud Sanctum Anastasium, ut in epistola 245, cujus absentiam luget in epistola sua 43. Nicolaus Clarae-Vallensis, ejus praecipue suffragio in Claram-Vallem admissus, qui postea ejusdem nomine varias epistolas scripsit, in his 23 et 25, quae perperam Rivallis titulum loco Rualeni praefertur.

544 D. ad quandam abbatiam quae dicitur Vallis. — Incertum quae ista abbatia, quae erat Ordinis Cisterciensis, sita vel in ipsa, vel non longe a diocesi Catalaunensi, ubi monasterium Sancti-Urbani, cujus mentio infra, quod Herchemirus Catalaunorum episcopus anno 865 construxit, teste Herico monacho in libro de Miraculis S. Germani Autissiodorensis, cap. 14.

545 B. AD EUMDEM, PRO MONACHIS MOSOMENSIBUS. — In codice Cisterciensi, *Pro Samone Remensi archiepiscopo*. Sed periurde est, cum epistola scripta sit rogatu Samsonis in gratiam monachorum Mosomensium, quod monasterium est insigne beate Mariae ad Mosam, diocesis

Remensis, sub Benedictina Congregatione Sancti-Vitoni. Ceterum nihil de hoc negotio legitur in Chronico Mosomensi, Spicilegii tomo 7.

545 D. PRO ABBATE CAZIACENSIS. — Simone scilicet, de quo epistola 293. Inscripta est haec epistola in antehac editis et quibusdam manuscriptis, *Ad eundem*, id est ad Eugenium. At lectionem nostram praefertur codices Cistercienses et Vallis-Clarae praeter alios, et quidem meo judicio rectius inscripta est *Episcopo Suessionensi Josleno*, in cujus diocesi Caziacum, Ordinis S. Benedicti ad Matronam. Forsan de Simonis hujus dejectione intelligenda est Petri Cellensis lib. 2 epistola 14.

548 B. AD SUGERIUM ABBATEM SANCTI-DIONYSII. — Quem Bernardus hortatur ad mortem alieni animo excipiendam, quae accidit anno 1152, ut testatur Chronicon Dionysianum his verbis: « Hic est annus ultimus felicitatis recordationis Sugerii abbatis. Verum quia a conditione moriendi nemo excipitur, cum valetudine qua mortuus est, vexari coepisset, fratrum manibus sustentatus est, » et in capitulum se duci poposcit: ubi post verba aedificationis, cum lacrymis et gemitu omnium pedibus pro voluntis fratrum se judicio exposuit, lacrymabiliter postulans, ut quod in eos deliquerat, vel negligentius egerat, respectu pietatis ei relaxarent. Quod fratres omnes cum maxima devotione et copiosa lacrymarum effusione gratantissime fecerunt. Transiit autem idem venerabilis pater inter verba dominice Orationis et Symboli, die idum Januarii, septuagesimo aetatis suae anno, a susceptione monastici habitus fere sexagesimo, praefationis vero suae vigesimo nono: cujus sepulturae et exsequiis interfuerunt sex episcopi cum multis abbatibus, christianissimoque rege Francorum Ludovico, ubi et pietatis memor, et immemor regiae celsitudinis, dum sepeliretur, amarissime flevit. » Huc usque Chronicon. Inscriptum est hoc ejus sepulcro epitaphium, Hic JACET SUGERIUS ABBAS: breve quidem, sed solo Sugerii nomine totum exprimens Sugerium. Eum egregie laudat Robertus Herefordensis in epistola 216 inter Sugerianas. Elegantissimum evulgavit Franciscus Chiffletius, a Simone Capra-Aurea Sancti-Victoris Parisiensis canonico compositum.

Decidit Ecclesiae flos, gemma, corona, columna,  
Vexillum, clypeus, galea, lumen, apex,  
Abbas Sugerius, specimen virtutis et aequi,  
Cum pietate gravis, cum gravitate pius.  
Magnanimus, sapiens, facundus, largus, honestus,  
Judiciis praesens corpore, mente sibi.  
Rex per eum caute rexit moderamina regni:  
Ille regens regem, rex quasi regis erat.  
Dumque moras ageret rex trans mare pluribus annis,  
Praefuit hic regno, regis agendo vires.  
Quae duo vix alius potuit sibi jungere, junxit,  
Et probus ille viris, et bonus ille Deo.  
Nobilis ecclesiae decoravit, reppulit, auxit,  
Sedem, damna, chorum, laude, vigore, viris.  
Cui rapuit lucem lux septima Theiophaniae,  
Veram vera viro Theiophania dedit.

Prolixum et elegans ejus elogium a Patribus Congregationis S. Mauri litteris aureis laminae aerea inscriptum est. Plura de eo in notis ad epistolas 78 et 369. — Porro acceptis S. Bernardi litteris, ultimum scribens Sugerius, sequentem ad illum misit epistolam, in qua gratias agit

de consolatione sibi in extremis agenti data, sequē ejus commendat orationibus.

» Amantissimo domino et patri venerabili Dei gratia  
» Clara-Vallis abbati BERNARDO, SUGERUS adhuc  
» Beati-Dionysii humilis minister, salutem et sinceram  
» dilectionis affectum.

» Visitastis nos litteris vestris, visitet vos Oriens ex  
» alto. Munuscula vestra, imo munera maxima, mappu-  
» lam pretiosam, panem benedictionis vestre, litteras  
» consolationis, in quibus continentur verba bona, verba  
» sancta, melle et lacte redundantia, mihi misero pecca-  
» tori delegastis, et in extremis posito consolationem  
» maximam præbuitis. Si enim angelicam faciem vestram  
» vel semel ante decessum meum videre potuissem, ab  
» hoc miserrimo sæculo securius exirem. Scitis autem  
» pro certo quia si mille annis aut ultra vivere meruissem,  
» nisi in beneplacito Dei remanere non curarem. Nec  
» enim ex operibus justitiæ, sed in sola Dei misericordia  
» confidens, quam semper in se sperantibus exhibet, ad  
» eum redire tota cordis intentione desidero. Unde et  
» animam meam in sanctas manus vestras devote com-  
» mendo, et ut vestris et sanctorum congregationum ve-  
» strarum orationibus divinam propitiationem animæ meæ  
» concilietis, genibus vestre Sanctitatis provolutus effla-  
» gito. » (Ex tomo primo Anecd. R. P. Edmundi Martene.)

550 A. sanctæ memoriæ Lambertus episcopus. — Engolismensis erat episcopus post Gerardum, quā in diocesi situm est monasterium de Corona Ordinis S. Benedicti. Lambertus laudatur in libro quarto de Vita Bernardi, n. 29.

551 B. Cartusienses turbati sunt. — Causam aperuit auctor Vitæ gallicæ S. Bernardi, libro 6, cap. 10, ex Vita S. Anthelmi seu Nanthelmi, primo quidem majoris Cartusiæ Prioris, demum episcopi Bellicensis, repetitam. « Cum enim, » ut ibi dicitur, « daret operam novus Prior Anthelmus, ut si quid sancti Ordinis pristina religio et observantia accepisset detrimenti, id ad priorem conscriptas Constitutiones reformaretur; negligentem si quidem cerneret aut contumacem, admonitionibus blandis, verbis et minis, præceptis quoque et objurgationibus ad meliorem frugem revocare nitebatur. Quod si quis nollet respicere, planeque obstinatus esset, e fratrum sodalitate illum extrudere non dubitabat. Erant enim nonnulli, qui sanas institutiones ejus non ferentes, cum essent grandes in oculis suis, homines maligna mente et in contentiones proclives, illi sese opponere non vererentur. At ille non ferens eorum arrogantiam, ne aliorum pacem et quietem inturbarent, e monasterio eos eiecit. » Quidam vero ex illis, ut credere par est, ad Eugenium confugientes, absoluti et nulli pœnitentiæ obnoxii remissi sunt: quā de re hic Bernardus conqueritur, quod « ab ipsa fundatione loci » esset inauditum, ut quis exiens sine satisfactione reciperetur. » Aliam causam assignat Mauricius in Annalibus ad annum 1151, cap. 2, ex Petri Venerabilis epistolis (libri 6 epistola 12), nimirum contentionem, quæ, Hu-

gone Gratianopolitano episcopo in archiepiscopum Vienneensem assumpto, novæ electionis occasione nata est anno 1151 inter varia Cartusianorum cenobia, Cartusiam, Exeubias, Barbonum, Portas, Majorevum, Sylvam, et Alverium; aliis dicentibus, « electum non debere episcopo pari, » et causam illam ad iudicia protrahentibus; aliis contra asserentibus, « suum non esse litigare, sed simpliciter quod sentirent dicere, non autem palatia ad causandum intrare. » Verum cum in hac posteriori causa agatur de monasteriorum alteratione, non vero de monachorum rebellionē, quam Bernardus hac in epistola insinuat; ad priorem potius causam hæc referenda sunt. Quæ ad annum 1151 ideo referimus, quod contingerint paulo post mortem Rainaldi Cisterciensis (ut patet ex hac epistola) abbatis, qui obiit decimo septimo kalendas januarii anno 1150, ut ex Cisterciensi Martyrologio probat Mauricius ad annum 1151, cap. 1.

553 B. Porro eas (dignitates ecclesiasticas) acquiri parvulo filio vestro precibus meis, vel vestris, nec vobis iustum nec mihi tutum esse noveritis. — In hac epistola attende, Lector, et admirare insignem sancti Viri virtutem, zelum et constantiam, qui in re quam sensu Ecclesiæ Dei et suæ conscientie contrariam, magni principis Theobaldi, cui, utpote magno Claræ-Vallensium benefactori, plurimum debebat, votis et desiderio noluit obsequi. Pueros ob natalium splendorem ad dignitates ecclesiasticas promoveri, et plures uni dari graviter conqueritur Bernardus in epistola 12, n. 25. Exstat inter tractatus, ordine secundus, tomo 2.

553 C. Sane Willelmulo nostro. — Quartus hic Theobaldi filius, ad Albas-Manus appellatus, qui primo ad sedem Carnotensem evehctus, deinde ad Senonensem, postea ad Remensem, demum sanctæ Romanæ Ecclesiæ cardinalis et legatus in Gallia creatus est. Is sacravit Philippum Augustum nepotem suum, ac in ejus gratiam Alexander III Francorum Reges inaugurandi jus Remensi archiepiscopo confirmavit. De eo scribunt Petrus Cellensis, epist. 5, lib. 1; Petrus Blesensis, epist. 28, 122, aliique plures.

553 D. Vos autem apud Comitissam. — Mathildem, filiam Engelberti marchionis, fratris episcopi Ratisponensis, ut videtur ex Vita S. Norberti, cap. 32. En locus: « Assumptis itaque legatis Comitissæ Theobaldi, Ratisponensis nam usque eos adduxit Norbertus. Erat enim episcopus » ejus civitatis, nobilissimi stemmatis, et habebat fratrem » Engelbertum potentissimum marchionem, cui erant nobiles ætatis filiae: e quibus una » (Mathildis nomine, teste Orderico sub finem libri 13) comiti Theobaldo » desponsata est. » De Engelberto, ad epistolam 130.

554 A. EPISCOPO LAUDUNENSIS. — Is erat Galterus de Sancto-Mauricio, prius abbas Sancti-Martini apud Laudunum, anno 1151, successit Bartholomæo piissimo episcopo, qui post regiminis annos triginta octo in Fusniacensi Ordinis Cisterciensis, quod ipse fundaverat, monasterium se recepit. Exstat egregia ejus epistola ad Samsonem archiepiscopum Remensem, quā falsam dilapidationis bonorum ecclesiæ Laudunensis accusationem diluit tum Fusniaci monachus, hic in Appendice hujus tomi.

557 C. Qui in nobis quantulumcumque esuriebant iustitiam, refecti sunt; qui minus, compuncti sunt; qui minime, confusi sunt. — Ita in quovis Ordine, quantumvis sancto, reperiuntur hi tres hominum ordines; nec unquam in area Dominica palea deerit. Vide sermonem 3 in Ascensione, n. 6; item sermonem in Dedicatione ecclesie, n. 3, et sermonem 30 de Diversis, n. 1: ad hæc sermonem 46 in Cantica, n. 6.

558 A. Abbas Trium-Fontium. — Hugo scilicet, ad quem epistola sequens, abbas Trium-Fontium in Campania, non vero Sancti-Anastasio ad Tres-Fontes prope Romam, quidquid Wion, Ciaconius, alique in contrarium sentiant. Primo quippe Trium-Fontium appellatio, per ea maxime tempora, absolute soli Campanie monasterio tribuitur, ex Vita S. Bernardi, et ex titulo epistolæ 69, *Ad Abbatem de Tribus-Fontibus*: cum Romanum illud Sancti-Anastasio nuncupari soleat, ut probat in primis inscriptio epistolæ nunc 345, *Fratribus de Sancto-Anastasio directæ*. Deinde Rualeus ex Priore Clare-Vallensi abbas tunc erat ad Sanctum-Anastadium, ex epistolis 245, 258, et duabus sequentibus: quibus accedit Nicolai Clare-Vallensis epistola 43, *Ad Rualeum abbatem Sancti-Anastasio*. Ad hæc sequens Bernardina epistola 274 in manuscriptis hunc titulum præfert, *Ad Hugonem abbatem Trium-Fontium, quando erat Romæ*, quæ verba satis innuunt, hoc monasterium ab urbe Roma longius dissitum fuisse. Præterea Bernardus in hac epistola 273 Eugenio significat, se agre ferre, quod Hugo Romam evocatus sit, nempe ut crearetur cardinalis; additque se graviter ex hoc vulneratum iri, nisi ad se remittatur. Atque adeo Hugo in Galliis abbas erat. Denique faciendæ electioni ad successorem Hugoni subrogandum Bernardus ipse, qui tunc in Gallia versabatur, præsens interfuit, ut patet ex epistola 274. Porro Hugo anno 1150 cardinalis episcopus Ostiensis in tertia creatione ab Eugenio facta, simulque cum eo creati sunt cardinales alii duo monachi Clare-Vallenses, Henricus et Rolandus, testante Ciaconio: tuncque accidit, ut ecclesie Ostiensis ob incolarum inopiam conjungeretur Veliterna. De Hugone iterum in epistolis 274, 287, 290, 296, 306 et 307.

558 C. AD HUGONEM ABBATEM TRIUM-FONTIUM, QUANDO ERAT ROMÆ. — Præter lectiones variantes hujus inscriptionis quas retulimus, sequentem reperimus annotationem apud Edmundum Martene, in *Amplissima Collectione veterum scriptorum et monumentorum*, pag. 745: « Epistola 274 quæ in editis hunc præfert titulum, » *Ad Guidonem abbatem Trium-Fontium, quando erat Romæ*; in Leodiensi codice et in altero Aureæ-Vallis ita » inscribitur: *Ad Hugonem episcopum, de preposito » Autissiodorensi.* »

559. C. Mementote quomodo actum sit Nivernis. — Id ipsum repetit in fine epistolæ sequentis. Turbas intelligit, quæ acceiderunt in electione Raymundi episcopi Nivernensis. Confer epistolam 246.

559. D. ipsius fratris Gaufridi. — Hic videtur a tumultuantibus electus: sed tandem prævaluit electio Alani ex abbate Ripatorii Ordinis Cisterciensis, diocesis Trecentis, qui vitam S. Bernardi in compendium redegit. In

Actis Episcoporum Autissiodorensium episcopatus per annum vacasse dicitur. Vide epistolæ 280 et 282 etc. atque librum tertium de Consideratione, n. 11.

560 C. sanctum loquor episcopum. — Id est Hugonem, ex primo abbate Pontificensi episcopum Autissiodorensis. Obiit anno 1151, die decima octobris: de cuius viri miraculosa conversione, virtutibus ac sanctimonia lege Henriquez in Fasc. lib. 2, dist. 10, cap. 28, et in Menologio ad diem vigesimam primam jannarii. Lege etiam Vitæ S. Bernardi librum I, cap. 3.

561 C. pars adversa per comitem Nivernensem. — Guillelmum IV, qui patri Guillelmo III in Cartusiam secedenti successit ab anno 1147. Confer paulo infra epistolam 280 et ibi notam.

562 A. PRO ABBATE CLUNIACENSI. — Petrum Venerabilem, ad Engenium honoris causa procedentem, his literis Bernardus commendavit. Ille sui itineris meminit tum libro secundo de Miraculis, cap. 25, « In primo, » inquit, « pontificatus domini papæ Eugenii anno ad visitandum tam ipsum, quam communem matrem Romanam » Ecclesiam Romam adi; » tum etiam ad Bernardum scribens libri sexti epistola 46, « Videram enim, » inquit, (scilicet Engenium) « primo anno pontificatus sui Romæ. » Quo quidem in itinere illud ipsi accidit, quod postea Eugenio scripsit, libri sexti epistola 44, ut a marchione Opizone per Italiam grassante spoliatus, Placentinorum auxilio omnia recuperaverit. Iterum vero Engenium invisit circa annum 1151, a quo quam fuerit benigne exceptus, testatur in quadam epistola ad S. Bernardum, cuius amicitie officium hac in parte agnoscit.

563 A. PRO EPISCOPO BELVACENSI. — Henrico, qui germanus erat Ludovici Junioris, post archiepiscopo Remensi. Confer epistolæ 269, 395 et 307. Eum a Ludovico patre divinis servitiis mancipatum Honorius II in suam tutelam suscepit, teste ejus epistola in Spicilegii tomo 3, pag. 150, ubi alia succedit Ludovici regis ad legatum apostolicum, de concedenda eidem Henrico præbenda in Ecclesia Pontisarenensi. Abbas fuit Sanctæ-Mariæ Stampensis, necnon archidiaconus Aurelianensis, ex Chartario Sancti-Martini de Campis.

563 B. vexationes et tribulationes, quæ nunquam desunt illi Ecclesie. — Id patet ex duabus Anselmi epistolis ad Urbanum II, quæ sunt libri secundi epistolæ 33 et 34. Simile quid de Belvacensis Ecclesie statu scribit Ivo episcopus Carnotensis epistola 87. « Prædicta, » inquit, « Ecclesia (Belvacensis) tamdiu jam bonos desuevit habere » pastores, ut malos habere, videatur ei quasi legitimum, » bonos autem eligere, quasi nefarium, » etc.

563. B. abbatissa de Paraclito. — Heloissa, Petri Abaelardi quondam conjux, deinde sanctimonialis, denique abbatissa parthenonis Argentoliensis, ad Sequanam præterfluentem in diocesi Parisiensi. In quem locum anno 1127 cœnobitæ Dionysiani, cum ex antiquissimis diplomatis probassent, suum esse dono Hermenrici, Nummaque uxoris, regressi sunt longo postliminio. Theodrada enim, Caroli Magni filia, congregaverat ibidem velatas, quæ ejecta disciplina monastica ejectæ sunt. Paulo ante, ut superius diximus, Petrus Abaelardus, cum facultate abbatis Sancti-Dionysii abscesserat in soli-

tudinem agri Trecentis, ubi oratorium calamorum palustrium, stipularum, junceorumque centonibus confectum, dicebat primo sanctissimæ Trinitati: deinde Paracliti nomen indidit, quod ibi post varias calamitates tandem nonnullo solatio respirasse sibi visus est. Quem locum postea Heloissæ cessit. Heloissam alii Helwidem vocant, quo nomine duas ipsi epistolas scripsit Hugo Metellus, « Helwidi venerabili abbatisse Paracliti. Feminæcum » sexum vos excessisse fama nobis notificavit. Quomodo » dictando, versificando, et (quod excellentius omnibus » est his) muliebrem molliem exsuperasti » etc. Eam aliquando invisit, et exhortatione sua dignatus est Bernardus, teste Abaelardo in epistola 5.

563. C. Abbas de Castellione. — Balduinus, ad quem epistola 401, episcopus dein Noviomensis, ex epistola 402. Castellionensis abbatia, de qua hic sermo, illa est indubie canonicorum regularium Ordinis S. Augustini ad Sequanam, diocesis Lingonesis, ubi litterarum prima elementa didicit Bernardus, et quam ex sæculari regulam fecit, ex Vitæ libro I, cap. 1, n. 3; non vero Castellio Neustrie, ut quidam perperam volunt. Castellio quippe, cujus abbas iste Balduinus erat, parum distabat a Clara-Valle, siquidem abbas, Romani profecturus, res suas Bernardo commendavit. Ad hæc locus Bellus-Fortis qui non longe a Castellione aberat ex contextu epistolæ, situs est ad amnem Vigoram, qui in Albam influit infra Claram-Vallem et Barrum oppidum. Denique in vetustis Castellionis Lingonensis chartis, uti et in vulgato abbatis indice, Balduinus abbas secundus post Aldonem abbatem primum recensetur.

565. B. Cujus non potuit famari persona, debuit infirmari promotio? — Defuncto Hugone episcopo Autissiodorensi anno 1151, « volentibus clericis alium episcopum, ut moris est, eligere, » inquit Bernardus, libro tertio de Consideratione, cap. 2, « quidam adolescentulus intervenit appellans, et vetans ne fieret, quoadus » que isset, et redisset ab Urbe: cui tamen appellationi » nec ipse detulit. Nam cum videret se contentum, tantum » quam qui irrationabiliter appellasset, accitis quos potuit » sibi, tertia die post factam ab aliis electionem, fecit » suam. (Vide epist. 275.) Quibus acceptis Eugenius, tribus (ut hic dicitur) quorum unus erat Bernardus, commisit electionem. Bernardi et alterius in unum convenere suffragia, altero reclamante: unde hic postulat ab Eugenio suppleri quod minus est. Electus hic videtur fuisse Alanus, qui tandem Hugoni successit. De quo sic loquitur liber Sepulcrorum Clara-Vallensium: « Ad dexteram domini Godofridi quondam Lingonensis episcopi, » versus chorum, jacet dominus Alanus episcopus Autissiodorensis, qui in quadam ecclesia oppidi famosi in » Flandria, quæ Insula nuncupatur, a puero educatus, » sub B. Bernardo in hac Clara-Valle habitum religionis » suscepit. Postea primus abbas factus est monasterii, » quod Ripatorium nominatur. Cui per annos duodecim » prædens, Domino cooperante satagit, ut personis utilibus et possessionibus necessariis. . . . ditaretur. Anno » vero novissimo vitæ B. Bernardi, ab Ecclesia Autissiodorensi in episcopum concorditer electus. Hic multam hospitalitatem omnibus religiosis domos suas fre-

» quantantibus exhibuit. . . . Peractis demum in episcopatu tredecim annis, de licentia Sedis apostolicæ cessit » episcopatu, et ad suam rediit Claram-Vallem. Obiit » autem pridie idus octobris circa annum Domini 1181. » Ubi dum concorditer electus dicitur, intelligendum est in eum tandem eligentium suffragia convenisse, ut etiam Bernardus epistola 282 ad Ludovicum regem discrete testatur.

565 C. Comes Nivernensis vias patris non ambulat. — Comes Nivernensis Guillelmus IV, de quo epistola 276, quem tamen multa multis ecclesiis beneficia contulisse legimus: nam Vezeliacensi monasterio bona, quæ pater suus abstulerat, restituit; Pontiniacensi latifundia dono dedit, et, ut alia missa faciamus, etiam gratificatus est abbatiæ Sancti-Germani apud Autissiodorum, ubi tumulum habet in capitulo, tametsi in cimiterio sepulturam elegisset. Illius pater, cujus dicitur vias non ambulare, erat Guillelmus III, vir utique pius admodum et religiosus, de quo ita Hugo monachus Autissiodorensis: « Anno 1147, Guillelmus Nivernensis comes, relicto sæculi » principatu et omni honore caeleo, Cartusiam petit, ibique » que Deo in humillima paupertate conversans, infra » annum conversionis suæ felicem terminat cursum vitæ. » — Mentio hæc Comitum Nivernensis fortasse locum dedit lectioni eundam varianti, de qua sic habet Edmundus Martene in Amplissima Collectione veterum scriptorum et monumentorum, pag. 745: « Epistola 280 in vetusto » codice monasterii Camberonensis hac inscriptione insinuitur, *Ad dominum papam Eugenium, pro electione » Nivernensi*. E contrario in editis, *pro Autissiodorensi » negotio*. »

566. A. Regniacensis regnare nullatenus permittatur. — Hoc ironice dictum, siquidem de Alano (ut videtur) intelligamus, quem hoc nomine S. Bernardus idcirco indigitaverit, fortasse quod ex pago Regniaco, apud Belgas, non longe ab Ipra esset oriundus. Nam quod passim dicitur Insulensis, de loco educationis interpretandum insinuat liber Sepulcrorum Clara-Vallis loco supra citato, ubi « In quadam ecclesia oppidi famosi in » Flandria, quæ Insula nuncupatur, a puero educatus » legitur, » non natus. Regniacensis enim dici non potest a monasterio Regniacensi, de quo anno 1128. in nostra Chronologia: cum ex Clara-Valle in Ripatorii abbatem, exinde vero in episcopum Autissiodorensensem fuerit assumptus. Nisi forte quis dicat in secunda electione Autissiodorensi monachum Regniacensem fuisse electum, pro quo hic S. Bernardus scriperit; sed multis dissentientibus, tertia tandem electum fuisse Alanum.

266. C. ABBATI BRUNONI DE CHARA-VALLE. — Priores editi, *Clara-Valle*: at *Chara-Valle* præferunt melioris notæ codices, quibus domestica Charæ-Vallis instrumenta suffragantur. Est autem Chara-Vallis insignis abbatia Cisterciensium prope Mediolanum, de qua fuse superius ad epistolam 134.

568 C. Gigniænsibus. — In quibusdam scriptis hæc epistola inscribitur absolute, *Pro Fratribus*; in editis. *Pro Gigniænsibus*, id est contra monachos Gigniænses. Manuscripti Cistercienses habent, *Pro fratribus de Miratorio* Sed perinde est. Hæc enim epistola scripta est

contra Gigniacenses in causa fratrum de Miratorio. Cum enim decimarum exemptio ab Innocentio Cisterciensibus concessa, Cluniacensium animos multum exasperasset, ut dictum est in notis ad epistolam 228, in primis vero Gigniacenses Ordinis Cluniacensis in comitatu Burgundiae, adversus vicinos sibi Cistercienses de Miratorio, utrosque provinciae Lugdunensis; eo usque illorum efferbuit commotio, ut quidam ex Gigniacensibus Miraterii conobium susque deque vertere non dubitaverint. Quod ut rescivit Eugenius, acres admodum litteras dedit ad Petrum Venerabilem, quo, facta quamprimum damnorum compensatione Cisterciensibus fieret satis, alias rigide in reos animadvertendum denuntians, commissa Lugdunensi archiepiscopo facultate ecclesiasticas adhibendi censuras, nisi intra viginti dies de damnis illatis paciscerentur. Has litteras vulgavit Mauricus ex monasterio Vallis-Lucentis, ut videre est in Appendice tomi secundi Annalium. Convenire apud Cluniacum viri sanctissimi Bernardus et Petrus Venerabilis ejus rei gratia : quadriduo res agitata, damnumque aestimatum ultra triginta solidorum millia. At Gigniacensibus sententiae parere cunctantibus, Bernardus dilationem Eugenio hac epistola significavit. Bernardo mortuo, inter utriusque loci monachos de decimis facta compositio est anno 1155, qualis refertur apud Guichenonem in Historia Sabusiana, pag. 113. Quamvis autem nos lateat compensatio per Gigniacenses facta, non latet tamen, ut Mauricus notavit, facta per Petrum Venerabilem in Cistercienses munificentia ex deposito Baronis Romani subdiaconi, quod Cluniaci relictum, mortuo Barone Petrus Cisterciensibus liberaliter resignavit, ut constat ex epistolis modo 388 et 389.

569 C. Dominus Atrebatensis. — Godescaleus, de quo in epistolis 214 et 253, Abiso cujus mentio in epistolis 65 et 395 successit anno 1150. Causa de qua hic agitur, videtur esse cum Guericco abbate Sancti-Vedasti, cui scripsit Eugenius, ut Godescaleo « obedientiam manu » promitteret de his, quae ab ecclesia Atrebatensi possi-  
« debat, » ut legimus in litteris manuscriptis.

569 C. Abbas de Anverurt. — Indubie *Ancourt*, quae abbatia est canonicorum regularium Sancti-Augustini prope Bapalmes, *Avulfiurtis* et *Aulfiurtis* dicta in veteribus monumentis, modo *Aqua-Curtum*.

570 A. Hac necessitate abjecto illo (sigillo), novello quod cernitis de novo utimur, continente et imaginem nostram et nomen. — Hinc patet non usquequaque verum esse quod ait Guillelmus ejus nominis tertius abbas Cisterciensis, in epistola hic edita ad Theobaldum Campaniae comitem, nempe falsum esse sigillum abbatis de Buzeio, recens tunc repertum, in quo nomen abbatis impressum erat : asserens in nullo sigillo Ordinis proprium nomen abbatis unquam impressum fuisse. Certe in charta Bernardi ipsius pro compositione litis inter monasteria Sancta-Genovefae et Sancti-Victoris, appensum est Bernardi sigillum cum ejus nomine et effigie, librum dextra, pedum sinistra tenente.

Nous devons à l'obligeance de M. Deville, Directeur du Musée d'Antiquités de Rouen, de pouvoir reproduire la Note suivante, avec le dessin exact du sceau de saint Bernard, dont il est parlé dans cette note.

## NOTICE

SUR LE

## SCEAU DE SAINT BERNARD.

COPIE D'UNE LETTRE ADRESSÉE

A M. LE SECRÉTAIRE PERPÉTUEL DE L'ACADÉMIE  
DES INSCRIPTIONS.

Rouen, le 16 août 1837.

MONSIEUR,

« Une heureuse circonstance vient de mettre entre mes  
« mains le sceau en nature de saint Bernard. L'Acadé-  
« mie n'apprendra pas, sans doute, sans intérêt, que le  
« cachet de cet homme célèbre, qui joua un si grand  
« rôle dans les événements politiques et religieux de son  
« temps, subsiste encore ; et elle me permettra de lui  
« transmettre quelques détails sur ce petit monument, un  
« des plus précieux, sans contredit, de ceux que nous a  
« légués le xii<sup>e</sup> siècle.

« Ce sceau est en cuivre jaune, et de forme ovale ; il a  
« 40 millimètres de long (17 lignes) sur 30 dans sa plus  
« grande largeur (13 lignes). Son épaisseur est de 5  
« millimètres ; il pèse 30 décagrammes (1 once environ).

« On y voit représenté, gravé en creux, saint Ber-  
« nard, en costume monacal, la tête tonsurée et nue<sup>1</sup>,  
« le menton ras, et assis sur un pliant dont les bras se  
« terminent en tête de serpent. Le saint tient de la main  
« droite, qui devient la gauche à l'impression, une crosse  
« fort simple, à enroulement, dans le genre du lituus  
« antique, et, de la main gauche, qui est étendue ainsi  
« que la droite, un objet, que la grossièreté et la petitesse  
« du travail ne permettent d'apprécier que difficilement :  
« je crois y reconnaître une porte d'église, divisée en deux  
« vantaux par une colonette qui est surmontée de son  
« chapiteau<sup>2</sup>.

« L'inscription suivante est tracée sur la frange du  
« sceau, autour de la figure (une petite croix, placée  
« au-dessus de la tête du saint, indique son point de  
« départ) ; la voici :

† SIGILLUM : BERNARDI : ABBATIS CLAREVALL.

« A l'exception du G du mot *sigillum*, du D de Ber-

<sup>1</sup> Saint Bernard, par humilité, ne voulut jamais se servir de la mitre, que les abbés commençaient à ambitionner de son temps : il s'éleva avec force contre cette innovation. Voir son *Tractatus de moribus et officio episcoporum*, cap. 9.

<sup>2</sup> Mahillon a pris cet objet pour un livre : je pense que c'est à tort. La personne de qui je tiens le sceau, le prenait pour un sablier.

» *nardi*, et de l'E de *Clara-Fallis*, qui sont dans la  
» forme gothique, les caractères de l'inscription rappel-  
» lent l'onciale romaine, et ne s'écartent en rien, du  
» reste, des caractères en usage au XII<sup>e</sup> siècle.

» L'absence du mot *sancti* avant celui de *Bernardi*  
» acheverait de prouver, s'il était nécessaire, que ce sceau  
» est contemporain du personnage dont il porte le nom et  
» lui a bien appartenu, puisqu'on sait que saint Bernard,  
» qui décéda en 1153, a été canonisé un assez petit  
» nombre d'années après sa mort (en 1174), par le pape  
» Alexandre III. Si ce sceau (dont on ne s'expliquerait  
» pas trop l'usage dans ce cas) était postérieur à la cano-  
» nisation, on n'eût pas manqué d'ajouter le mot sacra-  
» mental de *sanctus* à côté de celui de *Bernardus*; il  
» n'eût guère, même, été possible de s'affranchir de cette  
» addition.

» La seule objection peut-être, pour un œil exercé,  
» qu'il eût été possible d'élever contre l'authenticité de  
» ce sceau, c'est que le caractère du dessin, le costume  
» et les accessoires, ainsi que la forme elle-même du  
» sceau, semblent le reporter à la seconde moitié ou  
» tout au plus au milieu du XII<sup>e</sup> siècle. Or, saint Bernard  
» ayant pris la crosse en 1115, pourquoi son sceau  
» abbatial, qu'il dut faire exécuter à cette époque n'a-t-il  
» pas les caractères du temps; car la différence, d'après  
» la longue étude que j'ai faite de nos monuments, était  
» tranchée à mes yeux? Telle était la question que je  
» m'adressais.

» En relisant les lettres de saint Bernard, j'en trouvai  
» la solution. Saint Bernard écrivant au pape Eugène III,  
» en l'année 1151, lui apprend qu'il s'est vu forcé de  
» changer son sceau, par suite d'un abus de confiance,  
» et qu'il s'en est fait graver un second, sur lequel sont  
» tracés son image et son nom : « *Periclitati sumus in*  
» *falsis fratribus, et multæ litteræ falsatæ sub falsato*  
» *sigillo nostro in manus multorum exierunt : et, quod*  
» *magis vereor, etiam usque ad vos dicitur falsitas pervo-*  
» *lasse. Hac necessitate abjecto illo, novello quod cernitis*  
» *de novo utimur, continente et imaginem nostram et*  
» *nomen* <sup>1</sup>. »

» Ce second sceau est celui que je possède. L'image  
» et le nom de saint Bernard y sont retracés; sa forme,  
» son exécution correspondent parfaitement au style de  
» l'époque où saint Bernard nous apprend qu'il l'a fait  
» faire; il a, sous tous ces rapports, tous les caractères  
» d'authenticité désirables.

» Il me reste à faire connaître à l'Académie comment  
» je suis devenu possesseur de cet inappréciable objet  
» d'antiquité. Je le dois à la générosité d'un officier en  
» retraite, M. Pays, d'Issoudun, qui m'écrivait, il y a  
» peu de jours, en me l'envoyant : « Ce cachet a été  
» acheté chez un revendeur, qui s'était rendu acquéreur,

» en 1790, des vieux cuivres de la Collégiale de Saint-Cyr  
» d'Issoudun, affiliée à Clairvaux. » Comment et pour  
» quoi ce sceau se trouvant-il déposé à la collégiale de  
» Saint-Cyr d'Issoudun? C'est ce que j'ignore <sup>2</sup>.

» Je joins à cette lettre une empreinte du sceau <sup>3</sup>, que  
» je vous prie de vouloir bien mettre sous les yeux de  
» l'Académie.



» J'oubliais de vous dire que le revers est plat et uni,  
» et sans aucune apparence de manche ou d'appendice.  
» Il est évident qu'on s'en servait en pressant le sceau  
» contre la cire avec le doigt. »

Agréez, etc.

DEVILLE.

Directeur du Musée d'Antiquités de Rouen.

570 B. PRO Odone ABBATE SANCTI-DIONYSII. --- Odo  
ex monacho Sancti-Dionysii prope Parisios abbas Sancti-  
Cornelii apud Compendium, dein Sugerio abbati Diony-  
siano suffectus anno 1151. De ejus ordinatione et laudibus  
vide Sugerianas epistolas 156 et sequentes, maxime epi-  
stolam 162, quæ est Balduini episcopi Noviomensis, qui  
Odonem « *virum religiosum et strenuum*, » catholice ele-  
ctum, et a se benedictum dicit Eugenio scribens.

573 A. Væ principibus nostris. — De infelici expedi-  
tione in Orientem hoc intellige. Nam ambitio, simultas,  
emulatio inter christianos Principes sacre illius expedi-  
tionis vires et conatus infregit. Ita indicat Bernardus libro  
secundo de Consideratione, cap. 1. Ita etiam indicat Otto  
Frisingensis, testis oculatus, de Gestis Friderici, libro 1,  
cap. 78, ubi, post commemoratas ingentes exercitus  
christiani clades, subiungit : « *Nondum tamen ex tot et*  
» *tantis attritionibus fastus inter eos regalis decoctus con-*  
» *quieverat.* » Vide *Emilium in Ludovicum VII*, ubi agit  
de obsidione urbis Damascenæ, jam pene expugnatae,  
nisi ambitione principum spes omnis elusa esset. Vide  
etiam Sigonium, de Regno Italiæ, libro 11. Plura de

<sup>1</sup> Lettre 284, édition de Mabillon. La description que saint Bernard fait de son second sceau donnerait à croire que le premier ne portait point son effigie.

<sup>2</sup> Il ne doit pas paraître étonnant que les moines de Clairvaux aient laissé sortir de leurs mains le sceau de leur illustre abbé, quand on voit ces mêmes moines mettre en vente la chasme qui renfermait son corps, pour payer quelques misérables vacances de leur couvent. « Dieu set combien il y en a d'autres ou royaume de France, et de l'abbaye de Clerevaux, où estait une noble chasme, là où estait le corps de saint Bernard, qu'il fallu vendre pour vii vacquans. » (*Thesaurus novus anecd.*, tome 2, col. 140.)

<sup>3</sup> Nous le remplaçons ici par un dessin au trait, exécuté de grandeur naturelle.

causis rei infelicit in expeditione transmarina gestæ, vide in notis, ad librum secundum de Consideratione cap. 1.

574 B. Girardum nostrum. — An Girardus Bethlehemitanus episcopus, de quo Guillelmus Tyrius initio libri decimi septimi, ad annum 1146, et sub finem ad annum 1152? an Sidoniensis, ibidem?

574 C. Dilectæ in Christo filiæ M. — Milisendi, aliis Melusinae, filiae Balduini Jerosolymorum Regis ex Latinis secundi: cui successit Fulco gener ejus, hujus Milisendis maritus, qui leporem equo insectando præcepit actus, post triduum expiravit anno 1142. Ad eandem epistolæ 206, 354 et 355. Ivera, ejus soror, sanctimonialis, ex Guillelmo Tyrio sub finem libri 15.

576 B. DOMINO OSTIENSI, DE JORDANO CARDINALE. — In quibusdam manuscriptis hæc epistola ad dominum Ostiensem, nempe Hugonem, locatur post epistolam ad Præmonstratenses, quæ habetur in iisdem manuscriptis post epistolam 296. Legatus iste, de quo hic agitur, fuit Jordanus de Ursinis, in Germaniam ad Conradum imperatorem legatus anno 1151.

576 D. Non sic dominus Joannes Paperons. — Joannes Paparonus seu Papyrio, anno 1152, teste Joanne Hagustaldensi, « profectus in Hiberniam, quatuor pallia » certis sedibus distribuit, gentemque in ea legi nuptiarum non assuetam plurimum correxuit. » Ad id usque temporis episcopi sese mutuo consecrabant, ex Giraldo in topographia Hiberniæ, cap. 17.

576 D. venerabilis Prior Montis-Dei. — Gervasius tunc Prior erat Montis-Dei, quæ Cartusia est diocesis Remensis, ab Odone Sancti-Remigii abbate fundata anno 1136. Apparet autem ex hoc loco, Gervasium Bernardo, uti et locum acceptum fuisse. Nec tamen putes eum esse auctorem epistolæ ad Fratres de Monte-Dei, de qua in tomo 5.

577 A. SANCTI-EUGENDI JURENSIS. — Augendum veteres appellabant, qui sanctus abbas fuit insignis monasterii Condatisensis, a S. Romano in Jurensibus jugis constructi, eique nomen S. Eugendi dedit, postea in S. Claudii mutatum, diocesis Lugdunensis.

579 A. PETRO ABBATI DE CELLA. — Notior Petrus Cellensis a Cella monasterio suburbii Tricassini, quam a Sancti-Remigii abbatia aut ecclesia Carnutensi, quibus etiam præfuit. Binas scripsit litteras ad Caziacenses, quæ sunt libri secundi epistolæ 14 et 15; nullas de hoc monacho, cui nomen Adamo fuisse intelligitur ex duabus litteris, a Nicolao Clare-Vallensi ejus nomine ad Petrum nostrum, id est Cellensem, scriptis, qui Petrum de reformato monasterio laudat epistola 25. Hic est Petrus, qui Bernardi memoriam, et sententiam de B. Mariæ Conceptione vindicavit adversus alterius Nicolai insultus, ex notis ad epistolam 174. Bernardi alumnum se dicit in libri noni epistola 8 ad capitulum Cisterciense. De Caziaco supra ad epistolam 263.

579 C. relinquere domum suam. — Huc spectat libri 2 epistola 15 Petri Cellensis ad Caziacenses: « Quamdiu » patrem vestrum, imo nostrum, vobiscum retinere poteritis, alium ne cogitetis. » Id intelligendum de Simone, qui tandem mortuo Bernardo in Claram-Vallem se recepit, supra ad epistolam 263.

579 D. episcopus Cenomannensis. — Guillelmus de Passavant, ex archidiacono Remensi episcopus Cenomannensis, quam religiose vitæ fuerit, docent ejus acta in tomo tertio veterum Analectorum a pag. 357.

580 A. qui specialiter vester est. — Ita supra de Odone abbate Saucti-Dionysii: « Ad hæc et is, et illa » ecclesia specialis vestra est, » nimirum quod abbatia et Dionysiana, et Vindocinensis, cui tunc præerat Robertus, sint proxime sub potestate et jure Pontificis Romani.

580 B. DOMINO HENRICO CARDINALI. — Alias, *Domino Helie cardinali*. De eo Ernaldus in libro primo de Vita Bernardi, cujus apud Claram-Vallem monachus fuerat Henricus, tunc cardinalis tituli Sanctorum Nerei et Achillei. Epistola ejus exstat in tomo tertio Bibliothecæ Cisterciensis, pag. 239, de legitima electione Alexandri III.

580 D. et fidelis amicus. — Post hanc epistolam in manuscriptis haud paucis locantur epistolæ 259 ad Præmonstratenses, 290 ad episcopum Ostiensem, et 311 (quæ modo 374) ad monachos Hilbernienses, in qua Bernardi epistolæ olim desinebant.

581 C. Nicolaus ille. — Hic ille Nicolaus, quem tanti fecit Petrus abbas Cluniacensis, ut videre est in epistolis ejus, ex monacho Arremarensi factus Cisterciensis, et Bernardi Notarius. Valebat enim stilo, et ipsum tantum non Bernardum exprimebat. Epistolæ ejus exstant in editione Coloniensi Bibliothecæ Patrum, edente Joanne Picardo Victorino Parisiensi. Sed homo versipellis, et pelle sub ovina aliquandiu mentem tegens lupinam, tandem prodidit hypocrisin suam. Nam sigillo Bernardi non semel abusus, et deprehensus falsarius, fugam arripuit: ut non sine causa alias ad Eugenium scripserit Bernardus, periclitatum se in falsis fratribus, epist. 284. Profugisse in Angliam communiter tradunt ex occasione cujusdam Nicolai S. Albani in Anglia monachi, qui S. Bernardi jam e vivis erepti sententiam de Conceptione B. Virginis impugnavit. At cum Petrus Cellensis, qui S. Doctoris causam tuendam suscepit, epistola 23 libri 6, et epistola 9 libri 9, istum Anglum vocet, eumque sibi ex istis duntaxat Scriptorum velitationibus notum et amicum indicet; illum autem Gallum, et Petro Cellensi familiariter notum et charissimum esse constet ex epistolis ultro citroque ad invicem missis; alium ab illo esse fatendum est; ut interim taceam quod stilus ejus non sit tam mordax, sed urbanior, quam ut in Petrum Cellensem tam petulanter se gesserit, ut ipse Petrus conqueritur passim de Nicolao Anglo epistola 9 libri 9, et ex ipsius Angli epistola, quæ ipsam præcedit, legenti innotescit. Cæterum Nicolaus ex monasterio Arremarensi ad Clare-Vallenses transit absente Bernardo, anno circiter 1146, certe Eugenio in Pontificem assumpto, ut patet ex epistola 7 quam ad Clare-Vallenses nondum admissus scripsit. Fugit vero anno circiter 1151, nimirum post electionem Gratianopolitanam, de qua supra in notis ad epistolam 270, siquidem epistolæ 389 S. Bernardi ubi de illa agitur, subscriptissimè reperitur. Plura de eo in Præfatione ad tommum 3.

582 B. COMITI ENGOLISMENSI, PRO FRATRIBUS DE



**BRUXIA.** — In editione prima Lugdunensi anni 1494 legitur, *Comiti Angelberto* (an is de quo epistola 123?) *pro fratribus de Bruxia*. In alia anni 1530, *Comiti Engelberto pro fratribus de Bruxia*. In editione item Lugdunensi anni 1520, et sequentibus præter unam, *Comiti Engolismensi pro fratribus de Buxia*. Hanc lectionem præferunt sæculi nostri auctores, asserentes, Guillelmum, cognomento Sectorem-ferri, comitem Engolismensem, Cisterciensibus locum concessisse anno 1143 in villa Buxia, ubi situm Benedictinorum cœnobium S. Amantii, ab Arnaldo comite sæculo decimo constructum. Sed cum de concessione loci Cisterciensibus facta isti reclamarent, Bernardum pacis studio locum cecidisse anno 1153: tali quidem conditione, ait Picardus, quod sexaginta marcas argenti monachis Claræ-Vallensibus propter ædificia et cætera ab eisdem loco acquisita monachui S. Amantii redderent. Scripsit itaque Bernardus hoc modo. « In nomine Domini. Ego Bernardus Claræ-Vallensis vocatus abbas, notum volo esse, quod locum de Buxia, et quidquid in eo habemus, ex dono comitis Engolismensis, et Petri Austentii, ecclesie Sancti-Amantii concessimus. Testes fuerunt dominus Hugo Engolismensis episcopus, dominus Codefridus Lingonensis episcopus, Junius abbas de Corona, frater quoque Philippus Prior noster, et frater Gerardus, et frater Gaufridus, monachi domus nostræ. Actum apud Claram-Vallem anno ab Incarnatione Domini M C LIII. » Ita Picardus, ex schedis ipsius monasterii Sancti Amantii.

582 D. BLESSENSI COMITISSÆ. — Non vana spe, aut potius vaticinio Bernardus videtur Comitissam solatus. Nam quatuor eam filios Theobaldo Magno comiti Campanie genuisse reperio, Henricum comitem Blesensem, qui patri successit anno 1151; Theobaldum dapiferum Ludovici Junioris, ac postea Philippi Augusti regum, quo in munere successit Radulfo comiti Viromanduorum; Stephanum Sacrum-Cæsarem, postea Cartusianum; itemque Guillelmum, de quo supra epistola 274, cui jam tum puero ad dignitates Ecclesiæ promovendo Bernardus operam suam recusabat. Bernardus hac in epistola agere videtur de Henrico primogenito ad quem epistola 279, qui ex Syria redux, et paternæ potentiæ successionem intumescens, in quosdam excessus ætatis fervore abripiebat. Inter quos a Sancto memoratur, epistola 376, quod « maledictas nundinas cum Roberto Regis fratre post festâ paschalia statuisset, » ut monomachia invicem congrederentur. Is tamen Bernardi monitis et piæ matris lacrymis brevi ita resipuit, ut ab illius ævi scriptoribus inter illustres viros referri meruerit.

583 C. SANCIE SORORI IMPERATORIS HISPANIÆ. — Alfonsi scilicet, cognomento Boni, Castellæ et Leonensis regis seu imperatoris: nam hoc titulo donari amabant tunc temporis illi reges. Sancia hæc in S. Bernardum mire propensa, asceterium Cisterciensis Ordinis in diocesi Palentina, Sancti-Petri de Spina appellatum, condidit anno 1147, colonia a Bernardo transmissa, duce ejus fratre Nivardo. Nec multo post monachi nigri cœnobii de Toldanos in regno Legionensi, ab Elvira infantissa recens fundati, Carracetensium, quibus suberant, jugum deponentes, Cisterciensibus se subdiderunt. Statim Carra-

cetenses reclamavere, implorata Sancia apud Bernardum auctoritate. Quid vero inde secutum sit, discimus ex veteri instrumento, quod profert Mauricius in Annalibus ad annum 1148, cap. 8, in quo inter cætera sic legitur. « Post decessum D. Florentii abbatis, iste Ferdinandus abbas de Toldanos Carracetensem ecclesiam gratis odio habuit, et ei rebellis, et contumacia ductus ad Claræ-Vallensem ecclesiam se contulit. Quod regina domina Sancia, quæ Carracetense monasterium affectuose dilexit, moleste ferens, Claræ-Vallensi abbati et conventui litteras direxit, ne prædictum abbatem illi center recipiant. Claræ-Vallensis abbas Reginæ preces exaudivit, abbatem Ferdinandum recipere noluit, nisi a Carracetensi ecclesia, ut reciperetur, licentiam impetraret. Quam cum impetrare non posset, nec Claræ-Vallensi, nec Carracetensi ecclesie aliquandiu obediit. » Hæc ibi. Istud tamen cœnobium post plures annos jugum Cisterciensium subiit.

584 B. NAM ET FRATER NIVARDUS. — Ex hoc loco scriptores Cistercienses recte colligunt, Nivardum, Bernardi germanum natu minimum, a sancto fratre suo in Hispaniam missum ad deducendam coloniam in prædictum Spinensem monasterium. Vide epistolas 372 et 373. Idem etiam ab eodem antea missus fuerat in Neutrian ad ordinandum in diocesi Bajocensi novum cœnobium in loco Solopera seu Soleuvria dicto, qui locus situs est haud procul ab oppido Virio. Robertus, Heirnesii filius, Bernardo abbati Claræ-Vallensi, et ecclesiæ beatæ Mariæ de Soleuvria, « tradit habitationem suam Fagopendenti vicinam, circiter annum 1146. Algarus vero Constantiensis episcopus confirmat donationem, a quodam Willelmo Silvano, « Deo, et beatæ Mariæ de Soleuvria, et fratribus ibidem Deo servientibus factam in manu Nivardi, fratris domni Bernardi Claræ-Vallensis abbatis. » Quo ex loco inferunt, Nivardum tunc istius cœnobii fuisse abbatem. Paulo post, id est anno 1150, idem monasterium ob loci exiguitatem et incommoda translatum est in Vallē-Richerii, quæ de feodo ecclesiæ Bajocensis et parochia erat, Solopera in dominium Bajocensis episcopi, sicut antea fuerat, resignata, cum consensu Bernardi abbatis. Exstant in Neustria pia Philippi episcopi Bajocensis litteræ de conventionē, quæ inter eum, « et abbatem Thomam de Valle-Richerii facta est » de loco, qui Solopera vocatur, in quo prius ejus abbatia erat, « commutato cum Valle-Richerii, quem locum Philippus episcopus ei concessit, sicut abbas de Mortuo-Mari antea ab ipso acceperat. Hugo Rotomagensis antistes hanc commutationem confirmavit Bajocis anno 1150. Thomæ abbati Vallis-Richerii successit Rogerius, qui loci istius secundus abbas in epitaphio suo dicitur.

585 A. LEGATIS APOSTOLICIS, PRO ARCHIEPISCOPO MOGUNTINO. — De ista legatione ita Baronius ad annum 1153: « Eodem anno, » inquit, « decernitur ab Eugenio papa legatio in Germaniam ad judicandum episcopum Moguntinum. Fuerunt delecti ad hoc munus obeundum Bernardus presbyter et Gregorius diaconus, » etc. Bernardus quidem ex Priore monasterii Lateranensis Canonici regularis ab Eugenio presbyter cardinalis tituli S.

Clementis creatus anno 1145. Gregorius vero is esse creditur, qui anno 1137 ab Innocentio factus est cardinalis tituli S. Angeli. Conradus episcopus, qui centum annis postea scripsit *Chronicon Moguntiacum*, Henricum depositum tradit, omnemque culpam rejicit in Arnoldum quemdam episcopi proditorem; Dodechinus in *Appendice ad Marianum*, in *Canonicos*; uterque in *Legatos pecunia corruptos*, suffecto Arnaldo Cancellario. Otto nihilominus *Frisingensis*, de *Vita Friderici*, lib. 2, cap. 9, qui praesens aderat, juste depositum asserit. « Rex, » inquit, « proximam Pentecosten Wormatiæ ferialis, Henricum Moguntiae sedis archiepiscopum, » vi-  
« ruta pro defensione Ecclesiae frequenter correptum, »  
« nec correctum, per eosdem cardinales deposuit, » etc. Videat Lector utri assentiendum sit, scriptori suppari, an oculato, docto, et sincero. Certe quod addit Conradus, brevi post tempore ambo cardinales morte pudenda interiisse; erroris arguitur, cum Otto ibidem asserat eos diu supervixisse et Bernardum alia legatione itidem in Germania perfunctum esse sub Adriano IV in comperto sit. Ut sit, Henricus depositus in Saxoniam secedens, non multo post in cœnobio Cisterciensi diem extremum pie et feliciter clausit. Vide *Serarium de Rebus Moguntinis* lib. 5, et *Baronium* ad annum 1153. Ad eundem Henricum est epistola 365.

586 B. Nescio autem an episcopus. — Forsan Joannes, Aletensis seu Sancti-Maclovii episcopus ex monacho Ordinis Cisterciensis, ad quem plures epistolae Petri Cellensis, lib. 1 epistolae 15 et sequentes.

587 B. Filius ille vester Belvacensis. — Henricus, Ludovici Junioris germanus, de quo epistola 278. Confer epistolam 307. « Nostrum » dicit Bernardus, itemque in epistola sequente, « frater vester; » nam Henricus monachus Clarae-Vallensis fuerat, ut in *Vitæ* libro 4, n. 15. Vide notas ad epistolam 307.

588 B. DOMINO OSTIENSI. — Scilicet Hugoni, antea Trium-Fontium in Campania Galliae provincia abbati, ex epistolis 273 et 274. Unde etiam cardinalis praecipuam ejus loci curam gerebat.

589 C. e priori monasterio trasum. — Id est ex Fontanensi in Anglia, cui post Mauricium Toroldus seu Turolodus « duobus annis praefuit, multa pro potestate » agens, quaedam etiam contra consilium et voluntatem « archiepiscopi venerabilis praesumens. Unde etiam orta » inter eos similitudo, de mandato sancti patris Bernardi « resignato officio Rievallum reversus, ex quo assumptus » fuerat, « teste Serlone in *Historia Fontanensi*, *Monastici Anglicani* tomo 1, pag. 748.

589 C. sed neque ipse archiepiscopus. — Eboracensis, nomine Henricus de Mordach, et ipse Anglus, et monachus antea Clarae-Vallensis; ad quem epistola 106; qui et ipse fuerat abbas Fontanensis, tum ex hac epistola, tum ex notis ad epistolam quae nunc est 321.

590 A. ex quo ad nos intravit. — Ergo relicta Rievallè accesserat ad Claram-Vallem. Quod subditur de ejus litteratura, probat Serlo his verbis: « Homo in Scripturis sacris non mediocriter eruditus, et in liberalibus » artibus sufficienter edoctus. »

590 D. et domini mei gratiam. — Nempe Eugenii.

Ita Innocentii II offensam incurrerat Bernardus vera dicens, ex epistola 218; adeo summorum hominum gratiam retinere difficile est, quantumvis bene meritis, citra dispendium veritatis!

591 B. de domino Belvacensi. — Henricus, Ludovici Crassi filius, et Ludovici Junioris regis Galliarum frater, episcopus Belvacensis, male, uti hinc apparet, apud Pontificem audiit. Unde respondet Bernardus, se de ejus erratis, si quae sint, dolere posse; emendare, prout velit, non valere: malletque Bernardus ipsum potius Pontificem has ejus corrigendi partes sibi sumpsisse, et fraterne eum monere super his, quae de eo audiverat. Porro de repentina, sed a Bernardo praevisa, ejus ad religiosum statum conversione, lege *Vitam S. Bernardi*, lib. 4, cap. 3, quam nos, secuti *Baronium*, in *Chronologia* ad annum 1149 retulimus, cum eo anno factum episcopum Belvacensem videatur certior temporis nota convincere, uti Jacobus Sirmundus ad *Epistolas Petri Cellensis* ex *Supplemento* Sigeberti notat, lib. 1, epist. 24. Sed longius a vero recedit notatio initi episcopatus Belvacensis ab Henriquez in *Menologio* ex Joanne Chenu relata ad annum 1161. Denique ad Remensem cathedram evectus est anno 1163. Ceterum quam invitus primo episcopatum susceperit, ostendit scriptis ad diversos epistolis: imò et ipsi Bernardo praematura promotio non est visa carere scrupulo, ut proinde Petrum abbatem Cluniacensem consulendum putaverit, uti videre est apud eundem, libri 5 epistola 8, quam vide. Ipsius Henrici epistolam, Sugerio abbati Sancti-Dionysii scriptam, vide in *Gallia Christiana* in *Episcopis Belvacensibus*. Alteram ad dictum abbatem Cluniacensem hic tibi exhibendam duximus, vel quod suspicemur ab ipso Bernardo dictatam, vel certe ad imitationem Bernardi compositam. Prius enim non improbabile, cum non fuerit Bernardo insolens, aliorum, etiam episcoporum, nomine dare litteras: quarum plures habemus inter editas. Si id minus, alterum res ipsa convincet. Confer initium cum epistola 236 ad cardinales de electione Eugenii pontificis. Confer sequentia cum epistola 16, ubi eadem verbo tenus.

« Inter patres reverendissimo, et inter amicos charissimo  
« domino PETRO abbati Cluniacensium, frater HENRICUS,  
« CCS, sive jubente, sive permittente Deo, Belvacensis  
« electus, se ipsum, et si quid amplius potest.

« Pareat vobis omnipotens Deus, quid est quod fecistis?  
« sepultum hominem revocastis ad homines, et consilio  
« vestro, cui nimium creditum est, expositus sum, et re-  
« positus in terribile curarum pelagus: ut me iterum ho-  
« noris altitudo resorbeat, Nescivi, anima mea conturba-  
« vit me, propter quadrigas Aminadab, quas suscepi  
« regendas: regi, non regere opus habens. Manus meas  
« miserunt ad fortia, opus esset fortitudine. Speculator  
« domui Israel factus sum, opus esset prudentia. Sapientibus  
« et insipientibus debitor factus sum, opus esset  
« justitia. Praedicator populo Dei datus sum, opus esset  
« temperantia: ne forte cum aliis praedicavero, reprobus  
« (quod absit) inveniar. Sed quae sunt ista, et quis ego  
« sum? vel ubi ista, et ubi ego? Domine Pater, et Deus

» vitæ meæ, imperfectum meum viderunt oculi tui : Do-  
 » mine, vim passus sum, responde pro me : quia sola  
 » obedientia coegit me, sine qua, juxta virum sanctum,  
 » infidelis quisquis esse convincitur, etiamsi fidelis esse  
 » videatur. Et quia nemo majori fiducia utitur, quam  
 » qui ex affectu diligit : nunc vos quasi portionem ani-  
 » mæ meæ convenio, deponens apud vos familiarem et  
 » dolentem querelam. Quid vobis visum est, ut litteris  
 » vestris, ad dominum abbatem missis, faceretis stultitiam  
 » meam elevari super candelabrum? Credidisti quidem,  
 » domine, propter quod locutus es : nec fallere, nec falli  
 » voluisti; sed non evasisti secundum. Verumtamen quo-  
 » quo modo factum sit, et quaquaversum verat exitum  
 » rei Dominus Deus noster : ego vester sum, et ad vestrum  
 » servitium, si dignamini, præparatus. Me accipite in  
 » servum, in amicum, in filium; et illi sanctæ multitu-  
 » dini, cui Deo auctore præestis, specialem et uterinum  
 » monachum, ne dicam episcopum, sempiterno fodere  
 » sociate. »

Existimo superiorem epistolam non a Bernardo scriptam fuisse, sed potius a Nicolao Clare-Vallensi ejus notario, qui alias Henrici nomine scripsit, nempe tertiam decimam ad ipsum Petrum Venerabilem, vigesimam sextam ad Hugonem de Compendio. Exstat et alia ejusdem Nicolai ad eundem Henricum, nempe trigesima nona, ex qua apparet, quanto eum amore sit prosecutus.

593 B. Petrus Celsitudinis vestræ frater. — Hic Petrus, Alfonsi Portugallie regis frater, unus fuit ex illis juvenibus, quos torneamentis addictos haustu cervisie benedictæ S. Bernardus ad conversionem provocavit, qua de re in libro primo Vitæ S. Bernardi cap. 11, n. 55. Porro quid iste a fratre Alfonso ad Bernardum in mandatis habuerit, constat ex ipsius Regis ad Sanctum epistola, quam refert Henriquez in Menologio ad diem nonam maii : nempe debellatis Mauris regium nomen sibi a subditis delatum assumpserat, sed rege Castellæ contradicente, nisi certum illi tributum penderet. Itaque Bernardi opera Regis sibi a Pontifice titulum confirmari rogat, malens tributum persolvendi reus esse B. Petro seu Sedi apostolicæ, quam vicino et æmulo regi. Vide epistolam 419.

594 B. AD ARNOLDUM CARNOTENSEM ABBATEM BONÆ-VALLIS — Scriptores recentiores, nimirum Horstius, Carolus de Visch, atque auctor Vitæ gallicæ S. Bernardi, contra Trithemii, Bellarmini, aliorumque sententiam, Arnoldum hunc distinctum volunt ab auctore libri secundi Vitæ S. Bernardi, quem autorem vocant Bernardum, eumque abbatem Bonæ-Vallis, non Fictaviensis aut Rutinensis, sed Viennensis Ordinis Cisterciensis. Alterum vero Arnoldum appellant, Bonæ-Vallis Carnotensis (quæ est monachorum Benedictinorum) abbatem, ad quem hæc epistola scripta fuerit. Sed tantorum virorum pace dixerim, unum et eundem esse. Nam quod pertinet ad nominis diversitatem, auctor libri secundi Vitæ S. Bernardi in pervetusto codice manuscripto Corbeiensi scribitur Ernaldus, quo nomine noster Arnoldus abbas Carnotensis ab Arnulfo episcopo Lexoviensi in iis, quas ad eum scripsit, epistolis indigitatur. Sed missa nominis controversia, certum est librum secundum Vitæ S. Ber-

nardi scriptum esse Godefrido adhuc Lingonensi episcopo. Ita enim legitur cap. 5, n. 29 : « Godefridus Prior ejusdem loci, propinquus ejus in carne et spiritu... qui » postea in ecclesia Lingonensi factus episcopus... usque » hodie ingrediens et egrediens laudabiliter perseverat. » Scriptus est igitur ante annum 1161, quo Godefridus dimisso episcopatu « Clarum-Vallem reversus est ad ample- » xum suæ Rachelis, » ut refert Chronicon Clare-Vallense, ubi mortuus perhibetur anno 1164, sexto idus novembris. Atqui a fundatione Bonæ-Vallis Viennensis anno 1117, usque ad annum 1180, nullus abbas in ea Bernardi nomen sortitus est. Primus enim præfuit S. Joannes ab anno 1118 ad annum 1138, qui in episcopum Valentinum assumptus, locum cessit Gozevino secundo abbati. Hic Ramaldo Cistercii abbati successit anno 1151 Petrum habuit in Bonæ-Valle successorem : Petrus vero anno 1171 beatum Hugonem, antea Lunelli abbatem, qui ad annum 1180, quo decessisse traditur in Menologio Cisterciensi, Bonæ-Valli Viennensi præfuit. Ubi ergo Bernardus Bonæ-Vallis Viennensis abbas, qui ante annum 1164 quo denatus est Godefridus Lingonensis, librum secundum vitæ S. Bernardi scripserit? Hæc autem omnia ex Annalibus Maurici inductione constant. Accedit, quod Vitæ Bernardinæ liber secundus ab homine alterius congregationis, quam Cisterciensis, conditus est, ut ejus Præfationem accurate expendenti perspicuum fiet. Unus igitur atque idem est auctor prædicti libri, et S. Bernardi amicus ille, ad quem morti proximus hæc epistolam scripsit, nimirum noster Arnoldus seu Ernaldus Bonæ-Vallis Carnotensis abbas, de quo hæc monuit vir doctissimus R. P. Bertrandus Tissier, qui ea qua pollet sinceritate et judicio, cum nostri Arnaldi opera penes se haberet, seiretque non posse ea Bibliothecæ Patrum Cisterciensium accenseri, ad nostrum Acherium transmisit quam humanissime : hæc, inquam, de nostro Arnaldo monuit : « Scripsit hic auctor librum secundum Vitæ S. » Bernardi, item Hexameron seu tractatum de Opere » sex dierum, librum de Cardinalibus Christi Operibus, » tractatum de Verbis Domini in cruce. Hæc tria opu- » scula Clare-Vallensis nobis Bibliotheca suppeditavit. » Postea autem tertium in Bibliotheca Patrum reperi cum » alio brevi de B. Virgine eidem subjuncto. Porro liber » de Cardinalibus Christi Operibus hinc in prædicta Bi- » bliotheca Clare-Vallensi adscribitur in duobus manu- » scriptis exemplaribus cum hoc titulo, Prologus domini » Ernaldi abbatis Bonæ-Vallis in librum de Cardinalibus » Christi Operibus, quem scripsit ad Adrianum papam, » scilicet III. » Ita ille. Eidem in Cisterciensi Bibliotheca duo alii tractatus tribuuntur : primus, de Septem Donis Spiritus sancti, cujus hoc exordium, « Nemo cum hæc » capitula viderit, » etc. secundus, de Corpore et sanguine Domini, ut litteris mihi significavit R. P. domnus Jacobus Lannoyus, qui priorem manu propria transcriptum ad nos direxit. Quanquam an vere ejus sit prior iste liber, non facile dixerim : de posteriori quid statuendum sit, cum illum non viderim, haud liquet. Hæc interim de nostro Arnaldo, qui obiisse videtur circa annum 1154, quo Gaufridus post eum Vitam S. Bernardi prosequendam suscepit. Nam ipse Gaufridus libro quarto Vitæ S.

Bernardi seu secundo a se conscripto, cap. 4, n. 25, dicit annum tertium elapsum esse a prima Eskili Danorum archiepiscopi protectione in Claram-Vallem visitandi Bernardi gratia, quam paulo ante S. Bernardi obitum contigisse, nempe anno 1152 colligitur ex his verbis Exordii Cisterciensis, dist. 3, cap. 25: « Haud vero multo post » hoc elapso tempore, « (scilicet post Eskili in Daniam reditum) » tristissimus rumor aures ejus percudit de demeritione beati Viri specialis amici sui, » nempe Bernardi. Arnulfus episcopus Lexoviensis laudat epistolas Ernaldi, quas omnes excidisse summopere dolemus.

597 C. fores anticipare curastis. — Inde patet, hanc epistolam, vel primam, vel unam ex primis ad Haime-ricum a Bernardo scriptam esse, et quidem ante epistolam 15, quam anno 1126 dictatam fuisse notavimus supra. Cancellarius erat Haimericus jam inde ab anno 1125, ut probat Honorii secundi bulla in Bibliotheca Clunia-censi, col. 1379.

597 D. AD RAYNALDUM ARCHIEPISCOPUM REMEN-SEM. — Raynaldus seu Reginaldus, eo nomine secundus, Remensi Ecclesiae praefuit ab anno 1124, ad initium anni 1139, secundum nostrum calculum, mortuus idibus januarii, ut notavimus ad epistolam 170.

600 A. Gervasio videlicet atque Radulfo. — De eorum defectione lege tomum primum Monastici Anglicani, pag. 738, col. 2, et sequenti, ubi Gervasius resumptis viri-bus rediisse ad castra, et apostasiae maculam morum conversione deterissee memoratur: Radulfus vero in remi-ssiorem se vitam penitus recepit.

603 B. AD MATHILDEM REGINAM ANGLORUM. — Ma-thildis filia Malcolm III Scotiae regis, Henrici V impe-ratoris, dein Henrici I Anglorum regis uxor, ex eo genuit Henricum II, de quo Bernardus in fine epistolae, quae ante annum 1135 Henrici I mortalem, scripta est. Alia fuit Mathildis, Fulconis V comitis Andegavensis filia, Guillelmo ejusdem Henrici I filio desponsata, sed eo Oceani aquis absorpto Fontis-Ebraaldi religiosa et ab-batissa, ad quam Petrus Cellensis libri primi epistola 10.

603 D. benigne audistis me. — Quippe Mathildis tan-tum Bernardo studium et affectum exhibuit, ut Boloniam ve-nientem pedes ei extra urbem occurreret, ex Vitae libro quarto, n. 6.

604 D. AD PRIOREM SCUM GODEFRIDUM. — Charissimum dicit eum Bernardus in epistola 142. Episcopus postea fuit Lingouensis, ex dictis ad epistolam 164. Ejus litte-ras habes apud Perardum, pag. 122. Anno 1141 com-ponitur pontificatus ejus annus secundus, pag. 134.

606 C. indulta licentia. — Hic duas causas secedendi in episcopo probat Bernardus, nimirum poenitentiam ob crimen, et facultatem summi Pontificis. Episcopi olim ob capitalia crimina in ordinem redigebantur, ut ob carnis lapsum, furtum, perjurium, et homicidium. Aliud quod-vis mortale peccatum hic intelligendum videtur, cui ex-piando monastica reclusio sit necessaria. Haec epistola scripta videtur paulo ante Turstini obitum, quem anno 1139 accidisse tradit Ordericus in libro 13, pag. 919, ubi Andini Eborencis episcopi frater dicitur. Ad eum-dem Turstinum scriptae sunt epistolae 195 et 235.

606 D. monachum exhibeatis in episcopo. — Mona-

chis episcopis factis non licebat habitum et priorem vi-vendi modum abjicere. Lege Praefationem 2 Saculi 4, n. 178. sqq. et 189. Sed hodie quam mutatus est color optimus! Lege Abaelardum in sermone de sancto Joanne Baptista, fol. 966. Cum vero persuasum haberent non-nulli, vitam episcopalem, prout tunc agitur, cum insti-tutis monasticis coharere non posse; electi ad episcopa-tum, prorsus acquiescere detractarunt: quale est insigne exemplum Guidonis abbatis Clarae-Vallensis, qui mortuo Willelmo archiepiscopo in sedem Remensem cooptatus, electionem constanter refutavit ob ipsam rationem, apud Baluzium in tomo secundo Miscellaneorum, pag. 247.

607 B. ALEXANDRO PRIORI DE FONTIBUS. — Hic fuit frater uterinus Richardi abbatis Fontanensis in Anglia, eo nomine secundi, qui apud Claram-Vallem quievit in pace, teste Serlone in Monastici Anglicani tomo primo, pag. 851, ubi de monasterio Kirkstallensi seu Montis Sanctae-Mariae in agro Elboracensi: cujus loci primus ab-bas institutus est Alexander anno 1147, Henrico de Murdach tum archiepiscopo, ad quem epistola sequens. Alius fuit Alexander, itidem Anglus, et quidem abbas Fontanensis, sed in diocesi Turonensi, de quo in Spici-legii tomo 10, pagg. 374 et 377. De monasterio Fonta-nensi in Anglia confer epistolas 235 et 252.

607 D. venerabilis abbas Henricus. — Henricus de Murdach, tunc abbas Vallis-Clarae, ad quem epistola sequens, tum occupatus controversia, quae inter Vallis-Clarae et Cuissiaci monasteria fervebat, apud Herman-num monachum Laudunensem in libro 3, cap. 16. In Henricum concertabat Lucas abbas Cuissiacensis, ad quem epistola 79.

608 C. AD HENRICUM DE MURDACH. — Henricus iste Anglus, ad quem epistola 106, monachus primum in Clara-Valle, inde sub finem anni 1135 missus est cum sociis duodecim ad constituendum monasterium Vallis-Clarae in diocesi Laudunensi, illudque rexit ad finem anni 1138, quo tempore translatus est in regimen abbatiae Fontanensis, jubente et institute, ut ex his litteris patet, Bernardo: archiepiscopus Elboracensis creatus anno 1147, vivere desiit anno 1153, ex Necrologio Val-lis-Clarae, pridie idus octobres.

613 B. AD ROBERTUM ABBATEM DE DUNIS. — Hic est ille Robertus, qui B. Bernardo in Clara-Valle successit: imo, quem ipse Bernardus jam moribundus sibi succes-sorem nominavit. Vide librum de Viris Illustribus Ordinis Cisterciensis dist. 2, cap. 23; Meyer. libro Anna-lium Flandr. et Manriquez in Annalibus. Dunas vocant Belgae maritimi aggeres collesve sabuli candidi, vel a natura, vel ab aestuante pelago congesti. In his olim fuit conobium Dunense florentissimum, verum nunc arenis excrecentibus sepultum, ob neglectam per belli calamitates obicem lignorum instaurationem.

614 D. ABBATEM CLARAE-VALLENSIS. — Haec epistola praefationis vice praefixa est Disputationi ejusdem Guil-lelmi abbatis Sancti-Theoderici prope Remos contra Abaelardum, editae in tomo quarto Bibliothecae Cister-ciensis. Scripta vero est ante omnes Bernardi in Abaelar-dum epistolas, ut ex initio epistolae intelligitur, adeoque ante annum 1140.

616 A. doctrinæ ecclesiasticæ magistris. — Ita fere Hugo Metellus in epistola quarta ad Innocentium contra eundem Abaelardum. « Mortuo Anselmo Laudunensi et » Guillelmo Catalaunensi, ignis verbi Dei in terra defecit, » etc.

618 B. Rutinenses. — Legendum, *Rutinenses*; ut colligitur ex epistola sequente. Rutila monasterium diocesis Treverensis, de quo in libro quarto Vitæ S. Bernardi, n. 47; nihil juvat ad hunc locum.

619 B. Catinensis. — Forte legendum, *Caturcensis*; nam vix ad aliam civitatem hæc epistola ferri potest. Quod si ita videbitur, hoc loco agi videtur de electione Raimundi, quem proinde Guillelmus a Cruce ex albo Cadurcensium episcoporum immerito expungat.

626 A. AD QUENDAM PRESBYTERUM CARDINALEM. — De inscriptione hujus epistolæ hæc adnotat Edmundus Martene, in *Amplissima Collectione veterum scriptorum et monumentorum*, p. 745: « Epistola 335 quæ in editis » ad quendam presbyterum cardinalem inscribitur, in » codice Vedastino nominatim ad Petrum cardinalem » dirigitur. » †

627 C. in persona Franciæ episcoporum. — In codice Vaticano notato 662, habetur ordine suo post epistolam 189, cum hoc titulo, *Episcopi Franciæ domino Innocentio papæ*; ubi Franciæ nomine metropolis Senonensis intelligitur. Hinc in epistola 161, vox sanguinis Archembaldi, subdecani Aureliensis, ad Innocentium clamare de Francia dicitur: et epistola 126, n. 4, Franciam a Burgundia distinguit. Franciæ tamen nomine etiam tunc secundæ Belgiæ magna pars comprehendebatur.

627 D. Sanctæ Sedis apostolicæ famulus. — Id est legatus. Hoc nomine præmodestia uti solebat Gaufridus, ut legitur in chartario ecclesiæ Sancti-Stephani apud Drocas Vicarii sanctæ Sedis alii passim dicebantur.

628 B. et eas ineptias rejiciendas esse censebant. — Ineptias vocabant veteres etiam gravissimas hereses, ut observatum alias in Præfatione 2 Sæculi 4, Benedictini, n. 133. Hieronymus in epistola ad Alypium et Augustinum, agens de hæresi Cælestiana, « Nec grande est ineptissimis naniis respondere; » et Bernardus ipse rursus in sermone 65 in Cantica, n. 8.

629 C. adfuit magister Petrus cum fautoribus suis. — Id anno 1140 accidisse refert præter alios Hugo Sancti-Mariani Chronographus, nulla tamen mentione facta de relevatione reliquiarum, neque in Chronico S. Petri Vivi. De hac synodo agens Otto Frisingensis episcopus, Theobaldum palatinum comitem cum aliis nobilibus ei interfuisse scribit in libro primo de Gestis Friderici, cap. 48.

632 B. Marcianenses monachi. — Marcianense Ordinis S. Bened. nobile monasterium ad Scarpam, diocesis Tornacensis, a sancta Rictrude conditum sæculo septimo.

633 A. abbas Sancti-Vedasti. — Gualtero nomen erat, cujus successor ab anno 1147 Guerrieus, de quo in epistola 284. Purgatur in Gallia Christiana, quod nihil in eum ab Innocentio decretum sit.

634 A. Hiberniensium archiepiscopo. — Usserius hæc epistolam inter Hibernicas refert, ubi contra Joannem Pi-

cardum observat. Armaehanios antistites ante palli usum, qui nominis anno 1150 ipsis concessus est, dictos fuisse archiepiscopos, atque metropolitani potestate usos. Usserium in primis movet archiepiscopi nomen in Malachia, qui ante aliquot annos relicto archiepiscopatu, Duncensis episcopatus administrationem suscepit, Vita capite 41. Sed archiepiscopi nomen ob pristinam dignitatem ei tribuere potuit Bernardus: qui tamen in sequentibus episcopum tantum vocat.

634 B. ad prævideandum locum. — Id est situm Mellicham monasterii, anno 1141 conditi in diocesi Armaehana, præfecto Mellicham abbate Christiano, de quo in epistola nunc 357, n. 3. De hoc monasterio in Actis S. Malachie et S. Bernardi, et in epistola 254, apud Chesnium tomo 1.

641 B. Propterea minime competit religioni vestræ, medicinas quærere corporales, sed nec expedit salutem. — Mirum nostris temporibus paradoxum: sed saltem hic locus, cum alio ex sermone 30 in Cantica comparatus, monachos, qui odium carnis suæ prohibentur, ab immodica valetudinis cura revocare deberet exemplo veterum monachorum, qui quidem aliquando medicos ad temperandam victus rationem (ut in Vita Pachonii de Palamone, cap. 1) remedia arte quasita, sed rarius, admitterebant. Quin etiam Cistercienses medicamina suis indigebant, ut constat ex epistola nunc 405, et ex Herberto, libro 3, cap. 15; nec Bernardus in hac epistola denegat, sed quas hortus et nativæ herbarum species suppeditent, non quas medicorum apothecæ. Interim sequentes, si lubet, auctores, super hoc problemate non inutiliter leges: S. Basilium, in Reg. fus. disp. cap. 55; Cassiodorum, libro Instit. divin. cap. 31; Estium, Cornel. et Oliv. Bonart. in cap. 38 Eccli. Rosignol. de Vita relig. libro 2, cap. 12; Nigronium in Reg. comm. 17; Franciscum Arias, de Mortif. Blossum, ultim. edit. p. 654; Molanum, libro de Sanctis Medicis; Rodriguez, 3 p. tract. 5, cap. 17; Platum de Bono Statu libro 3, cap. 28; Barradum in Evang. tomo 2, libro 5, cap. 20.

643 B. Pro Arnulfo Lexoviensi episcopo electo. — Arnulfus ex archidiacono Sagiensi electus anno 1141 in sedem Lexoviensem, Orderico passim Luxoviensem, in Neustria, vir doctus, scriptis epistolis clarus, de cujus electione etiam Petrus Venerabilis ad Innocentium scripsit, quæ est libri quarti epistola 7. Hæc Bernardi epistola primum a Joanne Picardo edita est ultima, n. 367, ab Horstio dein onissa, et recusa in Spicilegii tomo tertio. De eodem Arnulfo agit epistola 248.

654 B. Dilectissimus frater noster Robertus. — Quis iste Robertus? an Robertus ille vir sanctus, a Serlone laudatus in Historia Fontanensi, Monastici Anglieani tomo 1, pagg. 743 et 749. monachus quondam Witehiensis, sociatus monachis de eamobio Eboracensi egressus, de quibus supra ad epistolam 95 et sequentes? an Robertus, Bernardi consanguineus, ad quem epistola 1?

655 A. amicus Sponsi non contristabit eum. — Post hæc verba, *amicus Sponsi non contristabit eum*, in codice Vedastino additur: *Fraterem N. vestræ majestati et commendavimus et commendamus, quia commendandus est*. Quæ vero sequuntur ejusdem epistolæ in prædicto

Vedastino codice, novam incipiunt lineam cum hoc titulo, *Ad eundem*, quasi altera esset epistola. Ita Edmundus Martene in Amplissima Collectione veterum scriptorum et monumentorum, pag. 745. †

658 B. ut presentium latorem Joannem. — Is est Joannes Saresberienſis, a cognomine Angliæ civitate sic dictus, sancti Thomæ archiepiscopi Cantuariensis amicus præcipuus : cujus meritis episcopatum Carnuteſem sibi obtigisse profiteri solebat, litteras suas sic exordiri solitus : « Joannes Dei gratia, et meritis beati Thomæ martyris, Carnotensis ecclesiæ minister humilis, » ut in Spicilegii tomo 10, pag. 391, ubi vox « meritis » omiſſa.

659 A. AD ROBERTUM PULLUM. — Alias, *Ad Rolandum cancellarium*. At codex manuſcriptus Cisterciensis habet, *Ad Robertum Pullum*, et quidem rectius, quantum conjectura assequi possum. Primo enim Robertum S. Bernardo fuisse charissimum et maxime familiarem constat ex epistola 205, ad episcopum Roffensem, quod etiam de eo, ad quem hic scribit, aperte insinuat. Deinde virum istum eruditioni multorum fideliter et utiliter instituisse, colo et terra testibus hic asserit, quod quidem de nullo alio melius intelligas, quam de Roberto Pullo, qui litteras Parisiis professus, Oxoniensem academiam in Angliam instauravit. Demum cancellarius iste, de quo hic questio, præmissus a Deo dicitur autem Eugenii pontificatum ad adiutorium ejus. At Robertus Pullus, ex Onuphrio, cancellarium egit Lucio II pontifice usque ad annum Eugenii tertium, imo, si Ciaconio credimus, ad quintum : Rolandus vero, cognomento Blandinellus seu Paparo, patria Senensis, postea Alexander III, cardinalis diaconus tituli sanctorum Cosmæ et Damiani ab Eugenio creatus, cancellarii dignitatem obtinuit pontificatus Eugenii anno duntaxat octavo. Plura de Roberto Pullo vide si lubet in notis ad epistolam 205. Interim tamen noto de tempore, quo Robertus cancellariam administravit, præferendam esse Onuphrii sententiam : nam Guidonem cancellarii nomine litteris apostolicis subſcripſiſſe anno 1146, lego tomo primo Monastici Anglicani, pag. 108, anno 1147, in notis ad Guibertum de Novigento, pag. 620.

660 D. in spiritu fortitudinis abundare. — Inscriptio hujus epistolæ in hætenus editis angustior mihi visa est (soliſ enim Spirensis episcopi ejusque cleri et populi nemiſſerat), quam pateretur scopus epistolæ. Itaque aliam et ampliorem præfiximus, quam Otto Frisingensis de Gestis Friderici libro 1, cap. 41, exhibuit. Verum postea comperi, eandem epistolam non eodem tantum argumento, sed et totidem pene verbis, mutata tantum epigraphæ, ad diversas nationes, provincias, et urbes datam. Nam in manuſcripto ex Anglia mihi misso, item in alio Confluentino inveni, *Populo Anglorum* inſcriptam (exstat in manuſcripto Sancti-Victoris Parisiensis sub eadem epigraphæ.) — Præterea, hæc habet Edmundus Martene in Amplissima Collectione veterum scriptorum et monumentorum, pag. 745 : « Epistolæ 363 in Leodiensi » Sancti-Jacobi codice hic præfigitur titulus : *Hanc epistolam B. Bernardus abbas Clara-Vallensis jam in extremis positus dictavit ad gentem Anglorum.* » † — Imo Baronius eandem epistolam exhibet, pauculis tantum

verbis mutatis, cum hæc epigraphæ. *Mainfredo Brixiensis ecclesiæ episcopo, nec non consulibus, militibus, et universis populis sub eo constitutis, frater Bernardus Clara-Vallis vocatus abbas, spiritu fortitudinis abundare.* Vide Baronium, ad annum 1146, n. 15. Nempe hoc veluti classicum est ad expeditionem sacram. De ea loquens Guillelmus Tyrenſis : « Vir immortalis memoriæ et » honestæ conversationis speculum dominus Bernardus » Clara-Vallensis abbas, piæ in Domino et per omnia » amplectendæ recordationis, ad prædicti Deo muneris » executionem præcipuus eligitur : qui injunctæ sibi » dispensationis sedulus exsecutor, ejusdem operis secum » Deo amabiles trahens comministros, impiger, indefessus, licet corporis esset invalidi, tum propter jejunia et » subtilem nimis dietam, regna circum, regiones obambulat, evangelizans ubique regnum Dei, » etc. Adde quæ hæc de re leguntur in ejus Vita et miraculis, et confer epistolam 355. Habitus est autem Spiræ frequens principum conventus sacræ expeditionis causa, ubi publice recitatas hæc Bernardi litteras quis dubitet? Hinc illa ad Spirensis inſcriptio : *Domino et patri charissimo episcopo Spirensi, et universo clero et populo, Bernardus Clara-Vallis vocatus abbas, in spiritu fortitudinis abundare.* Uti et paulo post in Bavaria in conventu procerum per abbatem Eberacensem, una cum litteris Eugenii pontificis lectas testatur Sigonius, de Regno Ital. anno 1147, et Otto, de Gestis Friderici, libro 1, cap. 41. Cæterum exstat Bernardi nomine inter epistolas Nicolai Clara-Vallis, Bibliothecæ Patrum tomo 12, edit. Colon. alia ejusdem argumenti ad comitem et proceres Britannię : quam hic habes in fine epistolarum S. Bernardi.

663 B. sed nec effugandi quidem. — Recte ac religiose Bernardus, et id quidem longe potiori ratione quam de Gentilibus : quod Judæi vivi apices sunt representantes Dominicam passionem, et testes divinarum paginarum : Gentiles non ita. Confer epistolam sequentem, et sermonem 64 in Cantica, et librum ad Milites Templi, cap. 10.

664 A. juxta tenorem apostolici mandati. — Litteræ Eugenii III pro expeditione in terram sanctam recitantur apud Ottonem Frisingensem, de Gestis Friderici libro 1, cap. 38. Ubi pontifex sacram militiam professos, non tantum ab animæ debitis, sed et ab usuris præstandis absolvit. « Quicumque vero, » inquit, « ære premuntur » alieno, et tam sanctum iter puro corde inceperint, de » præterito usuras non solvant, et si ipsi, vel alii pro eis » occasione usurarum adstricti sunt, sacramento vel fide, » apostolica eos auctoritate absolvimus. »

664 B. Petrus nomine. — Celebris iste Petrus, cognomento Eremita, de quo Guillelmus Tyrius in libro primo de bello sacro passim, et Jacobus a Vitriaco in Historiæ occidentalis capite 17. Hujus nominis Petrum Eremitam, Montis Sancti-Quintini prope Peronam Priorem, invenimus in Necrologio Corbeiensi. An idem sit cum isto, qui etiam de Acheriis dictus, nondum pro comperto habemus.

664 D. miserabilem Orientalis Ecclesiæ gemitum. — Nimirum cum anno 1144 nobilis civitas Mesopotamiæ, trans flumen Euphratem, Edissa, a tempore Constantini Magni christiænæ religionis cultui dedita, et beati Tho-

mæ apostoli allatis ex India reliquiis inelyta, tum denum in potestatem Infidelium redacta est, maxima christiani populi clade. « Nam cum a multis retro annis, » ut habet Willelmus Neubrigensis de Rebus Angl. « Saraceni, oc-  
« culto Dei iudicio supra modum in Christianos grâsari  
« permisi, captis civitatibus clarissimis, scilicet Alexan-  
« dria, Antiochia, Jerusalem, Damasco, Egyptum, Sy-  
« riam, aliasque Orientis provincias, in quibus Christus  
« colebatur, occupassent; sola hæc civitas propugnatrix  
« non tantum murorum, sed etiam finium suorum, in  
« medio hostium innumerabilium et feroceissimorum invi-  
« cta perseveravit, usque ad tempus expeditionis Jeroso-  
« lymitanæ prioris: qua Jerusalem et Antiochiam Chri-  
« stiani expugnatis obtinuerunt Saracenis. » Pergit deinde narrare, qua occasione Edissa cesserit infidelibus. « Nem-  
« pe Armenius quidam, civis Edissenus, habitans in turri  
« muro contigua, ob filiam suam a principe civitatis eor-  
« ruptam coquens animo vindictam, invitatos pactis clan-  
« destinis Turcas ipsa nocte Nativitatis Dominicæ intro-  
« misit in urbem: qui irruentes in populum secure in  
« ecclesia exultantem, et archiepiscopum quidem altari  
« assistentem mactarunt; populum vero non resistentem,  
« sed subiti casus stupore rigentem gladiis trucidarunt. Sic  
« capta et in potestatem spurcissimæ gentis redacta est  
« Edissa, tantis retro temporibus semper invicta, et an-  
« tiqua fidei christianæ alumna. Latissimis quoque fini-  
« bus ejus pertinaci hostium furore pervasis, et in eorum  
« possessionem cedentibus, christianæ religionis cultus  
« trans Euphratem funditus deletus est. Tanti mali fama  
« exciti Christiani, » etc. Ita Willelmus Neubrigensis, de Rebus Angl. libro 1, cap. 18. Ecce hic est ille gravis et miserabilis Orientalis Ecclesiæ gemitus, de quo Bernardus.

666 A. AD HENRICUM MOGUNTIONUM ARCHIEPISCOPUM. — In codice Aquicinctensi epistola 365 huic præfert titulum: *Ad Henricum Moguntinum archiepiscopum, contra fratrem Rodulfum, qui neci Judæorum consenserat.* Ita Edmundus Martene in Amplissima Collectione veterum scriptorum et monumentorum, pag. 745. †

666 C. Homo ille de quo agitur in litteris vestris. — Radulfus seu Rodulfus nomine, describitur apud Ottonem Frisingensem, de Gestis Friderici, libro 1, cap. 37, cruentæ in Judæos persecutionis auctor, cujus seditiosæ doctrinæ restitit Bernardus, ipsumque Radulfum, Moguntie in maximo populi favore repertum, monuit, ne contra monachorum regulam per orbem vagando, propria auctoritate verbum prædicationis assumeret. Tandem ad hoc eum, ut sub promissa obedientia in cœnobium suum transiret, induxit, populo graviter indignante, et, oisi ipsius sanctitatis consideratione revocaretur, etiam seditionem movere volente. Ita Otto, de Gestis Friderici, libro 1, cap. 39.

668 A. ad Hildegardem abbatissam. — Celebris revelationibus abbatissa nempe cœnobii S. Ruperti confessoris in opposito Bingensis oppidi, Moguntinæ diœcesis, Ordinis S. Benedicti, inquit Trithemius, libro de Scripturis ecclesiasticis. De Hildegarde intelligendus videtur Monachus Autissiodorensis ad annum 1146, his verbis: « Per idem tempus in Alemanniæ partibus habebatur ad-

« mirabilis virgo quadam provectæ ætatis, cui tantam  
« gratiam virtus divina contulerat, ut, cum ipsa læta et  
« illitterata esset, mirabiliter tamen ab hoc mundo rap-  
« retur frequentius, et in summis disceret, non solum  
« quod postea in iis dicebat, sed potius quod satis  
« mirabile est et inauditum etiam scribendo latine di-  
« ceteret, et dictando libros catholice doctrinæ confice-  
« ret. » Vide Chronologiam nostram ad annum 1148. Hildegardis epistolæ habentur in Bibliotheca Patrum, quas inter una exstat ad Bernardum in qua ejus studium in prædicanda sacra expeditione laudat, cumque « ante bien-  
« nium sicut hominem in sole » se vidisse dicit. Joannes Saresburiensis ejus visiones petit a magistro Gerardo, eamque dicit Eugenio papæ acceptissimam fuisse.

671 B. qui in manu vestra operatus est salutem in ecclesia Sanctæ-Genovefæ. — Quæ sit salus ista, collige ex Stephano Tornacensi episcopo, quondam abbate Sanctæ-Genovefæ, in sermone de reformatione discipline ibidem facta. « Anno, » inquit, « ab Incarnatione Do-  
« mini factum est verbum in palatio Regis, et tractatum  
« solemniter, et protractum fideliter, et feliciter consum-  
« matum. Venerunt nuntii qui dicerent, ecclesiæ san-  
« ctorum apostolorum Petri et Pauli, in monte Locutio  
« sitam, in qua gloriosa virgo Genovefa requiescit in  
« corpore, multis exponi periculis, et informi statu suo-  
« rum morum potius, quam murorum minari ruinam:  
« filios ejus singulariter et seculariter viventes quætere  
« que sua sunt, vagari post greges sodalium suorum: ec-  
« clesiasticæ stipendia, quæ sunt tributa egentium anima-  
« rum, pro voluntate sua consumere: porciones de com-  
« muni facere, et non vivere in communis: divina officia  
« minus devote, minus religiose celebrare. Propter hæc et  
« alia quæ dici non opus est, personarum statum mutari  
« debere, mundari sancta, et in melius ordinari. Placuit  
« sermo in oculis Domini sabaoth, et principum ejus, nec  
« sine lætitia mirati sunt universi. » In ea porro ecclesia canonicos regulares S. Augustini instituerat Sugerius pro monachis, quos Eugenius eo induci præceperat in locum canonicorum secularium: qua de re item in epistola sequente, ubi ecclesia de Monte appellatur, scilicet Locutio, ut olim dicebatur. Vide Sugerii epistolas, ubi hæc et sequentes insertæ sunt.

672 A. Oportet vos operari opera ejus qui reliquit vos in loco suo. — Id de Ludovico Juniore intelligendum, qui in Orientem profectus, Sugerio Vices suas commiserat: unde Bernardus in superiori epistola ait, omnium ecclesiarum curam ei esse commissam; et in epistola nunc 376 ad eundem « Maximus, » inquit, « Princeps estis in  
« regno. » Unde « Majestatis » nomine compellatur ab Ulgerio Andegavensi episcopo in epistola 3 inter Sugerianas.

672 C. Supra vires est hominis negotium vestrum. — Id est expeditio sacra: unde hæc epistola sine dubio referenda est ad Ludovicum Juniorem, qui Mariam suam primogenitam filio Fulconis Andegavorum comitis, qui in Orientem etiam profectus est, conjungere volebat: quæ res effectu caruit, Maria Henrico Campaniæ comiti tradita.

680 C. maledictas illas mundinas. — Quæ iste nunti-

na? Id dicere licet ex Willelmo abbate Sancti-Theoderici, Vitæ S. Bernardi libro 1, cap. 11, ubi ita habet: « Divertit aliquando nobilium cohors militum ad Claram Vallem... Prope autem erat sacrum Quadragesimæ tempus, et illi omnes fere juvenes, dediti militiæ sæculari, circumstant, quærentes execrabiles illas nundinas, quas vulgo Tornetas vocant. » Alii « Torneamentum » appellant, Mattheus Parisiensis, Historiæ Angl. pag. 258. Non in hastiludio illo, quod vulgariter « Torneamentum » dicitur, sed potius in illo ludo militari, qui « Mensa rotunda » dicitur. « Res quidem ludica, et speciem præ se ferens tirocinii seu potius exercitii militaris, et ad agilitatem seu dexteritatem in armis tractandis acquirendam institui solita. Ideo Richardus rex Angliæ ad imitationem Gallorum suos voluit torneamentis exerceri, ut ex bellorum solemnium præludio verorum addiscerent artem, ait Willelmus Neubrigensis, libro 5, cap. 4. Sed frequenter joca fiebant seria, et ludi in cædes abibant. Unde tribus diversis conciliis generalibus, teste eodem Neubrigensi, sub tribus Romanis Pontificibus hujusmodi armorum exercitia prohibita sunt. In concilio Lateranensi Alexander papa sic ait: « Felicis memoriæ papæ Innocentii et Eugenii prædecessorum nostrorum vestigiis inhaerentes, detestabiles nundinas, quas vulgo « Torneamenta » vocant, in quibus milites ex conducto venire solent, et audacia temeraria congregiuntur, unde mortes hominum et pericula animarum sæpe proveniunt, fieri prohibemus. Quod si quis etiam ibidem mortuus fuerit, quamvis ei poscenti penitentia non denegetur; christiana tamen careat sepultura. » Hæc ex Willelmo Neubrigensi. Sed nihil minus profecisse, et fervorem juvenum, armorum gloriam vanissime affectantium, frenum non admisisse, testatur idem loco citato. Hinc ergo patet, quales nundinas instituerint Henricus comes, filius Theobaldi Magni comitis Campaniæ, et Robertus Regis frater, qui ex itinere Hierosolymitano redierant. Vide epistolas 179, 288 et 363.

685 C. AD LEONIUM ABBATEM SANCTI-BERTINI. — De Sancti-Bertini monasterio actum supra in epistola 149. De Thoma confer epistolam 108 ad ipsum. Leonius abbas laudatur ab Hermanno monacho Laudunensi in libro tertio de Miraculis B. Mariæ, cap. 4, ubi « vir religiosissimus, et tam gentiliū, quam divinarum litterarum peritissimus » dicitur. Præfuit ab anno 1148, ad annum 1163.

691. B. Bene ergo fecistis, dilectissimi, addere aliquid ad priorem silentii regulam. — Mirum quantum ad perfectionis studium silentio tribuerit Bernardus, ut in epistola 91 ad abbates Suessione congregatos, et alibi passim. Imo mirum sit videri cuiquam, religionem stare posse absque accurata silentii observatione, quod a Bernardo « Custos religionis » vocatur sermone 2 post Octavam Epiphaniæ, n. 7.

692 C. Casa-Marii. — Casa-Marii abbatia insignis in agro Verulano, in Italia, condita anno 1005, sub Ordine S. Benedicti, et Benedicto abbate primo. Bernardus istuc non semel adiisse memoratur; unde amicitiam iniit cum Joanne abbate piissimo, hujus epistolæ auctore, qui monasterium suum anno 1140 Cisterciensibus

adunavit sub linea Claræ-Vallis. Ughellus in Italiæ sacræ tomo 1, col. 289.

694 C. asserens se vidisse epistolam nostram directam ad vos, in qua voces amaritudinis claudebantur. — Nulla ex editis epistola est, cui hæc conveniant. Argumentum memorat Petrus in epistola sequente, n. 4. Similes motus experti sunt Cartusienses, ut patet ex epistola 270.

694 D. nec videre possim quæ scribi præcepi. — Hinc apparet, multas, si non ex his, saltem ex aliis, epistolas a Bernardi notariis compositas fuisse; quales sunt Nicolai infra in Appendice.

700 B. AD ESKILUM LUNDENSEM ARCHIEPISCOPUM, SEDIS APOSTOLICÆ IN DACIA ET SUECIA LEGATUM. — Lundensis civitas, Daniæ Metropolis, cui tunc præerat Eskilus, ad quem plures epistolas scripsit Petrus Cellensis, qui ejus rogatu Cartusienses in Daniam direxit, ex libri primi epistola 23, ubi Eskilum laudat, quod « non solum » in herbam, sed in spicas Cisterciensis sive Claræ-Vallis « Ordo ibi multiplicatione fratrum excrevit, nihilominus » et religio Præmonstratensis. « Eskilum non modo archiepiscopum Lundensem in Dania, sed et primatem Sueciæ ex decreto Adriani IV papæ fuisse lego. Venit is ex Dania visitatum S. Bernardum in Clara-Valle. Vide historiam lectu dignissimam, Vitæ S. Bernardi libro 4, c. 4.

701 B. De secreto autem verbo illo. — Quidnam hoc secreti? Id plane mihi secretum, nisi quod Saxo grammaticus idipsum, nisi fallor, aperiat. Is ergo de Eskilo nostro sic habet, Historiæ Dan. libro 14: « Eodem » tempore Eskilus, domesticis supra vires negotiis fatigatus, dum quieti intentius consulit, proficiscendi licentia a Rege difficulter extorta, nobile Galliarum « conobium, quod Clara-Vallis nuncupatur, petivit. » Et rursus eodem libro: « Valdemarus regem Eskilus se creta allocutione petiit enixe deposcit, arcani, quod » ei committere vellet, intempestivam confessionem non arguat. A quo postulata sperare jussus, jampridem deponendi pontificatus allatam sibi cupidinem dicit, » quem tanto oneri imparem ætas viribus defuncta constituat. Neque enim in fastigio, sed privatum, ac » procuracione liberum decedere velle; præteritæ conversationis habitum monastica mutaturum. » Mox subdit, eum ab Absalone, quem in pontificatu successorem habuit, rogatum, « Quid ita plebem mœstitia afficeret? » respondisse: « Tum senium suum, tum exilium nepotum, dignitatis sibi, patriæque fastidium afferre. Huic » accedere voti religionem, qua se dudum Bernardo Claræ-Vallensi, pontificatu ultro cessurum, privatamque » vitam, et honoribus defunctam acturum spondederat. » En secretum. Porro anno 1178 venit Eskilus in Claram Vallem, ubi quadriennio pie religioseque transacto obiit, anno nimirum 1182. Vide Saxonem grammaticum, Historiæ Dan. libro 14; vide etiam librum de Viris Illustribus Ordinis Cisterciensis, dist. 3, cap. 25; Vitam S. Bernardi, libro 4, cap. 4; Crantzium, libro 6; Dan. capp. 41, 42; Henriquez in Menologio, die decima aprilis. De secessu Eskili in Claram-Vallem legendæ præ aliis epistolæ duæ Petri Cellensis, nempe libri septimi epistola 17, et libri octavi epistola 1. Idem auctor in



libri primi epistola 23 eundem laudat, quod « nova » seminaria de omni genere sacrorum Ordinum » provinciam sibi commissam seminare statuisset, idque jam magna ex parte perfecisset, adductis fratribus ex Ordine non modo Cisterciensi, sed etiam Præmonstratensi; et Cartusiensibus quam primum ibidem instituendis.

701 D. AD ABBATISSAM FABERNIACENSEM. — Faberniacum seu Favernicium, cœnobium diocesis Bisuntinensis, in comitatu Burgundiae situm, primum quidem in gratiam sanctimonialium Ordinis S. Benedicti conditum est, postea vero, cum dissensionibus et liberiori monialium vitæ pateret locus, in jus et potestatem monachorum Casæ-Dei transit anno 1132, ut constat ex sequenti diplomate, quod ex Chartophylacio Casæ-Dei proferimus.

« ANSERICUS Dei gratia Bisuntinensis archiepiscopus, » venerabili STEPHANO Casæ-Dei abbati, fratribusque » ibidem Deo famulantibus, suisque successoribus in » perpetuum.

» Ex commissa nobis pastorali sollicitudine oportet nos » ad ecclesiarum pacem et ad religionis incrementum » pervigili cura providere. Quapropter illam nobilem » Faverniacensem ecclesiam, quæ antiquis temporibus » religione sanctimonialium floruerat, visitavimus, ut » ejus desolationi aliquod suffragium præberemus. Con- » vocatis itaque ibidem ejusdem loci advocatis, videlicet » Rainaldo consule, Widone de Junci-Villa, et Hen- » rico fratre ejus, Tebaldo de Rubro-Monte, Humberto » de Jusliaco et Ludovico fratre ejus, ab omni religionis » cultu alienam, et ab incolis suis pro multimoda per- » turbatione desertam reperimus. Nostra igitur sollici- » tudine et illustrium virorum admonitione dissensio, » quæ præfatum locum exterminaverat, Deo auctore, » pacificata est: pro religione vero præfati loci refor- » manda, prædicti advocati consuetudines, quas in » villa Faverniacensi et infra terminos parochiæ ejus, » sive justas, sive injustas habebant, in manu Rainaldi » comitis omnino deposuerunt, vuerpiverunt, et se » nunquam ulterius repetituros abjuraverunt. Illas vero » consuetudines, quas in villis Faverniaci appendenti- » bus habere videbantur, similiter in manu ejusdem » consulis vuerpiverunt, et præter debitas abjuraverunt. » Illas vero easdem Richardus de Monte-Falcherni præ- » ter debitas in villis Faverniacensi ecclesiæ appenden- » tibus, in manu nostra deposuit et vuerpivit: comes » autem Rainaldus consuetudines a prædictis advocatis » in sua manu depositas in nostra manu donavit, et » nos Deo et beatæ Mariæ super altare obtulimus. Hoc » itaque per Dei misericordiam expleto, sanctimoniales, » clerus et populus, casati, advocati pari voce et con- » sensu acclamaverunt, ut ecclesiæ Casæ-Dei Favernia- » censis ita nuietur ecclesia, ut de capitulo Casæ-Dei » perpetuis temporibus abbas assumatur, a quo secun- » dum Ordinem et consuetudinem ecclesiæ Casæ-Dei » Faverniacensis regatur ecclesia. Nos igitur præfatæ » plebis voluntatibus inclinati, ecclesiæ Casæ-Dei Fav-

» macensem ecclesiam cum suis appendiciis, salvo pon- » tificali jure et ministrorum ejus, regendam conce- » dimus, et abbati correctionem abbati Casæ-Dei, » suisque successoribus, si in Ordine suo peccaverit, » fore stabilimus. Si vero culpa tam gravis exstiterit, ut » abbas dignus sit depositione, nobis prius ostensa culpa » vel archiepiscopis nobis succedentibus, si rebellis » exstiterit et emendare noluerit, potestatem deponendi » cum prædicto abbati concedimus. Ut autem præsens » pagina immobilis perseveret, sigilli nostri impressione » insignimus, et ne quis eam ulterius infringere attemptet, » sub anathematis vinculo interdiciamus.

» Hujus rei testes sunt Willelmus de Arguel, Wido de » Martiniaco archidiaconus, Petrus de Treva decanus » Sancti-Stephani, Hugo Faverniacensis archidiaconus, » Wolbertus archidiaconus, Hugo de Dola, Hugo Luxo- » viensis abbas, Wido abbas de Charo-Loco, Lambertus » abbas de Clara-Fontana, abbas de Morimonte, Warrinus » Capellanus, Rainaldus comes, Fridericus comes de » Fontiniaco, Wido de Junci-Villa et Henricus frater » ejus, Tebaldo de Rubro-Monte, Humbertus de Vis- » siaco et Ludovicus frater ejus.

» Data Bisuntii in aede capituli Sancti-Joannis, anno » ab Incarnatione Domini Jesu Christi 1132, Indictione » duodecima, decimo quinto kalendas octobris. » — » Vide epist. 199.

709 A. AD ALAISUM ATREBATENSEM EPISCOPUM. — Eidem tum abbati scripta est epistola 65. Episcopus fuit ab anno 1131 ad annum 1148, quo anno apud Philippopolim decessit octavo idus octobris, ex Necrologio Sancti-Dionysii apud Remos. Ejus obitum memorat Ludovici Junioris epistola 22 inter Sugerianas. Confer epistolam 339.

709 D. sed quos illuc vocaverit Deus. — Quantum reatus contrahitur ex ipsa professione, si tantum ex sola vocatione, ut alibi etiam censet Bernardus in epistolis 107 et 108, qui item Novitios ab Ordine deficientes inter apostatas censet sermone 63 in Cantica, n. 6. Si ad laxiorem statum citra apostasiæ crimen reflectere non licet, teste etiam Bernardo in Apologia ad Guillelmum, n. 30, licebitne in ipsa stricte viventium societate mollia et laxiora impune sectari, in scandalum fratrum, et recti ordinis detrimentum? Et tamen hæc est quorundam religio, qui in tuto omnia esse arbitrantur, si cæteris iussuper habitis, substantialia servant: quasi sanctæ institutionis et recti ordinis violatio, non sit violatio professionis; et substantialia inviolata esse possint, accidentariis cum animo corruptis.

710 C. AD RICINUM EPISCOPUM TULLENSEM. — Inscriptionem hanc restituit codex Corbeiensis, Bernardi ætate scriptus: in antehac editis legebatur, *Ad abbatem quemdam*. Nec conjectura tituli levis erat, cum in contextu epistolæ agatur de professo ejus, ad quem Bernardus scribit, scilicet Willelmo, qui monachus erat forsani Sancti-Apri aut Sancti-Mansueti. Sanctitatis compellatio, et sancti et reverendissimi Patris tituli episcopo rectius conveniunt, quam abbati. Ad Ricinum item epistola 61.

711 B. AD ODonem ABBATEM MAJORIS-MONASTERII PROPE TURONES. — Quem a secunda professione ad loca sancta debortatur Goffridus Viandocinensis epistola 21 libri quarti ad eum scripta, cujus etiam meminit epistola 26 libri secundi in qua de rapinis et sæculari violentia suo monasterio, injuriisque archiepiscopo Turonensi illatis apud Gaufridum Carnotensem adversus Majoris-Monasterii monachos graviter expostulat. Et tamen horum pietatem et religionem eo ipso tempore maxime commendat Algerius Andegavensis episcopus in quadam charta anni 1131 his verbis : « Ego Algerius » episcopus Andegavensis, ecclesie Majoris-Monasterii, » et fratribus meis Odoni venerabili abbati et monachis » illius, quibus ferventiores in divino servitio alios me » novisse non memini, dedi anno Incarnationis 1131 » ecclesiam de Bessiac et capellam de Belli-Fortis, » etc. Et in alio instrumento : « Ego Algerius Andega- » vensis episcopus cum cognovissem, sanctissimam ec- » clesiam Majoris-Monasterii nullum receptaculum sue » proprietatis in Andegavensi civitate habere, dedi vi- » ridarium juris episcopalis, quod habebam proprium in » parochia Sancti-Stephani, non longe ab ecclesia ipsius, » concedente Andegavensi capitulo. Non enim decebat, » ut tam sanctum ac religiosum monasterium, quod ho- » spitalitate insignissimum ubique plantationem habet, » et præ cæteris prædicatur, in tam populosa urbe et » tam vicina sibi hospitio carere.... Regnante Ludovico » rege Francorum, Gaufrido filio Fulconis regis Jeroso- » lymitani, et Hugone archiepiscopo Turonensi. » Quin et Normannus Ulgerii successor in charta donationis ecclesie de Ver, anno Incarnationis 1152, Indict. 15, confecta, non inferius reddit amoris et honoris testimonium de monachis Majoris-Monasterii. « Quos, » inquit, » ob religionis sanctæ privilegium, quo specialiter pol- » lent, et quia boni aedificatores et propagatores sui » Ordinis existunt, singulari amplector charitate. » Imo causam abbatis Majoris-Monasterii (Guillelmi videlicet non Odonis ejus successoris, qui hanc dignitatem inii anno 1124 ad annum 1135) egregie tuetur Ivo Carnotensis epistola 108, ad Paschalem scripta adversus Rodulphi archiepiscopi Turonensis accusationes, quamvis postea epistola 234 ad promittendam metropolitano suo obedientiam Guillelmu cohortetur. Porro de simili decimarum litigatione, de qua hac in epistola agitur, vide inter alios Petri Venerabilis epistolam 28 libri tertii ubi hoc argumentum solide pertractat.

715 A. scandalo sitis. — In editione Mabillonii sic epistola concluditur : *Hæc adversus illos, qui se de his quorum sua nihil interest præsumptuosius introumitentes, semper parati sunt injurias concitare.* Quæ autem addidimus, ex codice Vedastino dedit Edmundus Martene, in Amplissima Collectione veterum scriptorum et monumentorum, pag. 746. †

715 B. abbati Arremarensi. — Arremarense monasterium, diocesis Trecensis, Ordinis sancti Benedicti, patronum habet sanctum Victorem confessorem, cujus Acta ex Bernardo habes in tomo 3. Ejus loci monachus fuit Nicolaus Bernardi notarius, de quo supra in epistola 298.

716 B. Cantus ipse, si fuerit, plenus sit gravitate. —

Perquam eleganter ista Bernardus, ideoque debite ponderanda. Si locus et propositum pateretur, verba Bernardi illustranda essent, et aliorum sanctorum Patrum sententiis munienda, aut certe ostendendum, quæ illorum de cantu Ecclesie et divinis officiis idoneo mens fuisset. Sed quia severior et rigidior forte disciplina fuit, quam præsentis sæculi mores et ingenia ferant; libet audire virum prorsus pium et religiosum, ac de rebus ad pietatis ac virtutis cultum spectantibus pridem eleganter florideque disserentem. « Hic pace, » inquit, « vestra dixerim, o » musici; nunc templis cantandi genus dominatur no- » vum, sed exorbitans, concisum, saltatorium, et parum » profecto religiosum, theatro aut choreis convenientius, » quam templo. Artificium quærimus, et perditum pri- » scum precandi ac cantandi studium : curiositati con- » sulimus, sed revera negligimus pietatem. Quid enim » novitia hæc et tripudians cantandi ratio, nisi comædia » est, in qua cantores velut actores sunt, quorum modo » unus prodit, modo duo, modo simul prodeunt omnes, » et modulatis vocibus colloquuntur : mox iterum vivus » triumphat solus, cæteris brevi secuturis? » Et infra : « Fuerunt ævo superiore præstantissimi musici, sed re- » vera, vel vobis testibus, ita aliter et (liceat dicere) re- » ligiosius cecinerunt. Sed eorum libros musicos vestrum » jam fastidium pridem sepelivit. Reviviscat, obsecro, » saltem aliquid prisce religiositatis in sacra musica, » quod si cordi est et curæ divinus honor, hoc agite viri, » hoc laborate, ut quæ cantantur verba, simul etiam in- » telligantur. Quid mihi varius in templo sonus, quid » multiplex concentus, si desit ei nucleus, si sensum et » verba, quæ concento sunt instillanda, percipere ne- » queam? » Ita Hieronymus Drexelius in Rhetoricæ cœlestis libro 1, cap. 5. Sed age, liberemus religiosum recentis memorie virum ab invidia, quam illi forte apud musicos nostros hujusmodi censura creat : aut saltem consortes illi demus, quibuscum uti grandioribus, facilius sustineat odium, infaustum veritatis partum. Et ecce occurrit et Bernardi nostri schola, qui pari cum magistro suo sensu spiritusque musices abusum acriter perstringit, Aelredus, inquam, abbas Rievallis in Anglia, cujus pleaque tomo quinto Operum Bernardi habes. Ille ergo Speculi Charitatis libro 2, cap. 2, ita loquitur. « Ad quid » illa vocis contractio et infractio? Hic succinit, ille » discinit : alter supercinit, alter medias quasdam notas » dividit et incidit. Nunc vox stringitur, nunc frangitur, » nunc impingitur, nunc diffusiori sonitu dilatatur. Ali- » quando, quod pudet dicere, in equinos hinnitus co- » gitur, aliquando virili vigore deposito, in femineæ » vocis fragilitate acuitur, nonnunquam artificiosa qua- » dam circumvolutione torquetur et retorquetur. Videas » aliquando hominem aperto ore, quasi intercluso haliu » expirare, non cantare, ac ridiculosa quadam vocis » interceptione, quasi imitari silentium, nunc agones » morientium, vel ecstasiu patientium imitari. Interim » histrionicis quibusdam gestibus totum corpus agitur, » torquentur labia, rotant oculi, ludunt humeri, et ad » singulas quasque notas digitorum flexus respondet. Et » hæc ridiculosa dissolutio vocatur religio, et ubi hæc » frequentius agitantur, ibi Deo honorabilius servi clau-

» matur! Stans interea vulgus sonitum folium, stre-  
 » pitum cymbalorum, harmoniam fistularum tremens  
 » attonitusque miratur, sed lascivas cantantium gesticula-  
 » tiones, meretricias vocum alternationes et infractiones,  
 » non sine cæliiuno risuque intuetur: ut eos non ad  
 » oratorium, sed ad theatrum, nec ad orandum, sed ad  
 » spectandum aestimes convenisse. Nec timetur illa tre-  
 » menda majestas, cui assistitur; nec defertur mystico  
 » illi præsepio, cui ministratur: ubi Christus mystice  
 » pannis involvitur, ubi sacratissimus ejus sanguis calice  
 » libatur, ubi aperiuntur cæli, assistunt Angeli, ubi  
 » terrena cælestibus junguntur, ac Angelis homines so-  
 » ciantur. Sic quod sancti Patres instituerunt, ut infirmi  
 » excitarentur ad affectum pietatis, in usum assumitur  
 » illicitæ voluptatis. Non enim sensui præferendus est  
 » sonus, sed sonus cum sensu, ad incitamentum majoris  
 » affectus, plerumque admittendus. Ideoque talis debet  
 » esse sonus, tam moderatus, tam gravis, ut non totum  
 » animum ad sui rapiat oblectationem, sed sensui majo-  
 » rem relinquat portionem. Ait nempe B. Augustinus,  
 » Confession. lib. 10, cap. 33: Movetur animus ad af-  
 » fectum pietatis, cantico audito: sed si magis sonum,  
 » quam sensum, libido audiendi desideret, improba-  
 » tur. Et alias: Cum me, inquit, magis cantus, quam  
 » verba delectant, penaler me peccasse confiteor, et  
 » mallem non audire cantantem. » Ita Aelredus. Verum  
 » colophonem imponat summus Ecclesiæ Præsul, Joannes  
 » XXII, et quid de hujusmodi musica sentiat, imo quid  
 » sanciat, audiamus: « Dulcis omnino sonus in ore psal-  
 » lentium resonat, cum Deum corde suscipiunt, dum  
 » loquuntur verbis: in ipsum quoque cantibus devotionem  
 » accendunt. Inde etenim in ecclesiis Dei psalmodia can-  
 » tanda præcipitur, ut fidelium devotio excitetur: in hoc  
 » nocturnum diurnumque officium, et Missarum celebri-  
 » tates assidue clero ac populo sub maturo tenore, di-  
 » stinctæque gradatione cantantur: ut eadem distinctione  
 » collibeant, et maturitate delectent. Sed nonnulli novellæ  
 » scholæ discipuli, dum temporibus mensurandis invigi-  
 » lant, novis notis intendunt: fingere suas, quam antiquas  
 » cantare malunt: in semibreves et minimas ecclesiastica  
 » cantantur, notulis pereutiuntur. Nam melodias hoquetis  
 » intersecant, discantibus lubricant, triplis et motetis  
 » vulgaribus nonnunquam insculcant, adeo ut interdum  
 » antiphonarii et gradualis fundamenta despiciant; igno-  
 » rent super quo ædificant; tonos nesciant, quos non  
 » discernunt, imo confundunt: cum ex earum multitudine  
 » notarum ascensiones pudicæ, descensionesque tempe-  
 » ratæ, plani cantus, quibus toni ipsi discernuntur, ad  
 » invicem obfuscentur. Currunt enim, et non quiescunt,  
 » aures inebriant, et non medentur: gestibus simulant,  
 » quod depromunt, quibus devotio querenda contemni-  
 » tur, vitanda lascivia propalatur. Non enim, » inquit,  
 » frustra ipse Boetius, lascivus animus, vel lascivioribus  
 » delectatur modis, vel eosdem sæpe audiens, emollitur  
 » et frangitur. Hæc ideo dudum nos et fratres nostri  
 » correctione indigere percipimus; hoc relegare, imo  
 » prorsus abjicere, et ab eadem Ecclesia Dei profligare  
 » efficacius properamus, » etc. Ita Joan. XXII, Extrav.  
 » com. lib. 3, tit. de Vita et hon. Cleric. cap. iii. ubi etiam

subjungit qualem velit esse musicam et cantum, qui  
 Ecclesiam Dei debeat.

717 A. AD ELBERTUM ABBATEM SANCTI-MICHAELIS.

Multa sunt in Galliis conobia Sancti-Michaelis: nempe  
 in Monte-Tumba seu in Periculo maris, ad Mosam,  
 Tornodori in Burgundia, in Eremito apud Pictones, et in  
 Terascia. Hujus abbas videtur fuisse Elbertus: sive is  
 sit Elbertus, qui Fusmari locum Bartholomæo Laudun-  
 nensi episcopo concessit ad construendum Cisterciensium  
 conobium anno 1120: sive Gislebertus ejus successor,  
 in chartario notatus anno 1130, alter sui sæculi Plato di-  
 ctus apud Hermannum Laudunensem monachum in libro  
 tertio de Miraculis S. Mariæ, cap. 19. Summe Sancti-  
 Nicolai abbate (de quo supra in epistola 83) defuncto,  
 ad Sanctum-Nicolaum, unde assumptus fuerat, revoca-  
 tus, Leoni abbati ejus successor Innocentius II diploma  
 largitur anno 1138.

717 C. perierat et inventus est. — Isdem omnino  
 verbis utitur Hildebertus in epistola 23, quæ est ejusdem  
 cum ista argumenti. Confer sententiam Theodemuri abba-  
 tis in Opusculo Jonæ Aurelianensis episcopi contra Clau-  
 dium Taurinensem de peregrinationibus monachorum.

717 D. Letiensis. — Codices nonnulli habent *Les-  
 ciensis*, quod conobium est Ordinis S. Benedicti in finibus  
 Hannoniæ et Terasciæ, sacrarum litterarum studiis  
 tunc non incelebre, teste Philippo de Elemsyna in epi-  
 stola 24, Bibliothecæ Cisterciensis tomo 3, religione et  
 institutis Ludovici Blosii, piissimi abbatis illustre: quod  
 Theodericus de Avesniis a fundamentis instauravit sub  
 annum 1080, ut scribit Herimannus in Spicilegii tomo  
 12, pag. 413. Guntero primo abbati post annos regimi-  
 nis duodecim successit Reinerus, mortuus anno 1124.  
 Ilunc excepit Wedricus religiosissimus abbas, qui biblio-  
 thecam et viros ex Hannonia pios et doctos conquisivit.  
 Anno 1147 successorem habuit Tescelinum: cui suffec-  
 tus anno 1153 Helgotus ex monacho Latiniacensi. An  
 ad Wedricum spectet hæc epistola, aliorum esto judi-  
 cium. — Mabillonii conjecturam confirmat observatio  
 sequens Edmundi Martene in Amplissima Collectione  
 veterum scriptorum et monumentorum, pag. 746:  
 « Epistola 400 in vetusto codice Sancti-Martini Torna-  
 » censis hanc præfert inscriptionem, *Epistola Bernardi*  
 » *ad Werricum* » (pro quo nomine facile legitur *Wedri-*  
 » *cum*) « *Letiensem abbatem*, cujus hactenus nomen igno-  
 » tum fuit. » †

718 A. Obedientia. — Obedientia, Cella, Prioratus,  
 seu villa, cui procurandæ vini aut terni, pluresve mo-  
 nachii destinari solebant. Cellule vocantur in epistola  
 254, n. 1.

719 A. AD BALDUINUM NOVIOMENSEM EPISCOPUM. —  
 Epistola capituli Noviomensis de ejus electione habe-  
 tur ordine 44 inter Sugerianas: ubi plures Balduini jam  
 episcopi litteræ de Compensiensi ecclesia referuntur,  
 nempe 157, 158, et 162. Ex priori Sugeriana epistola  
 44 constat, Balduinum hunc ipsum esse abbatem de Cas-  
 tellione, ad quem Bernardi epistola 279, et quæ nunc  
 est 401. Idem subscribit epistolæ 426, hic in Appendice.

719 C. AD HENRICUM ARCHIDIACONUM. — Henricus  
 Ludovici Junioris frater, per id tempus erat archidia-

conus Aurelianensis, ex Chartario Sancti-Martini de Campis.

719 D. Queritis, utrumnam baptizatus sit poer; an magis, si vixit, baptizandus. — Interrogatus Bernardus (si tamen ejus est hæc epistola, nam plerique negant, quod tamen non facile dixerim. *Hæc Horstius. Mabillonius autem sic*: Epistola hæc dubia nonnullis videtur. Reperitur tamen in vetustis editionibus, Lugdunensi anni 1520 aliisque subsequentibus, et in manuscripto codice Sorbonico: nec stili differt a Bernardino), interrogatus, inquam, an Baptismus sub hac verborum forma collatus valeret, « Baptizo te in nomine » Dei, et sanctæ Crucis; » respondit affirmative, non omnino spernenda ductus ratione. Sed hæc sententia hodie non recipitur a theologis, et traditione apostolica, et aliorum Patrum, ipsiusque S. Augustini auctoritate refellitur; ac docent passim omnes, expressam invocationem sanctissimæ Trinitatis, sive distinctam trium personarum expressionem, esse de essentia formæ; adeoque Baptismus sine hac collatum esse invalidum. Ita habet Canon 49 Apostol. qui locum Matth. xxvii. velut interpretans de forma verborum, rejicit Baptismum in morte Domini collatum, ita subjiciens: « Non » enim dixit nobis Dominus, In morte mea baptizate; » sed, *Euntes docete omnes gentes, baptizantes eos in nomine Patris et Filii et Spiritus sancti.* » S. Augustini sententia clarissima est libro sexto contra Donatistas, cap. 25, certa esse verba evangelica, sine quibus non potest consecrari Baptismus. Idem habet epistola 23 ad Bonifacium. Estque similis locus libri decimi noni contra Faustum, cap. 16. Quæ sint autem illa verba evangelica, exponit contra Donatistas, libro 3, cap. 15 « Si, » inquit, « evangelicis verbis, *In nomine Patris et Filii et Spiritus sancti*, Marcioni Baptismum consecrabat, integrum erat Sacramentum. » Vide eundem libro tertio contra Maximinum, cap. 17; epistola 20; et Enarratione in Psalmum lxxxvi. Hinc et Cajetani sententia, sufficere Baptismum in nomine Christi collatum exploditur.

722 C. si tamen detinetis. — De restituendo deposito exstat in Bibliothecæ Cisterciensis tomo 1, pag. 241, egregia epistola Philippi abbatis ab Eleemosyna, ordine tertia, ad Henricum comitem palatinum.

723 C. AD RORGONEM DE ABBATIS-VILLA. — Roigo de Abbatis-Villa, quæ urbs est ad Somenam fluvium, in veteri Breviario Corbeiensis Bibliothecæ, ante annos quingentos scripto, laudatur cum uxore sua Elizabeth pridie idus augusti, ut fundator loci, ad quem primo pertinuit Breviarium, nempe Prioratus Sancti-Petri apud Abbatis-Villam.

724 C. AD GILDICINUM ABBATEM SANCTI VICTORIS. — Is a Ludovico Grosso abbatiæ Sancti-Victoris fundatore abbas constitutus est anno 1113, Guillelmo Campellensi, qui locum ordinare cœperat, ad sedem Catalanensem evectus, ut dictum est ad epistolam 3. De Sancto-Victore, præter ea quæ Chesnius refert in notis ad Abaelardum, sic loquitur Albericus in Chronico ad annum 1129: « Domus Sancti-Victoris Parisiensis, » quæ erat Prioria nigrorum monachorum de Massilia,

» ejectis prædictis monachis, adductus est conventus » Regularium de Sancto-Rufo de Valentia per magistrum Hugonem, qui dictus est de Sancto-Victore, et » de Regis auctoritate: et ita multiplicata religione habet Ordo iste bene triginta abbatias, et plus quam » octoginta priorias. » Eximia sunt quæ de isto Sancti-Victoris Ordine narrat Jacobus a Vitriaco, Historiæ Occidentalis capite 24, de quo inter alia: « Hæc siquidem, » inquit, « sancta et omni acceptione digna militantium in castris Domini congregatio, refugium est » pauperum, consolatio lugentium, fulcimentum et » quasi basis debilium, recreatio lassorum, relevatio » lapsorum, portus tranquillissimus scholarum.... Multis a principio Parisiensibus magistris, viris litteratis » et honestis, velut stellis fulgentibus illustrata, et » quasi margaritis pretiosis decorata. Inter quos nominatissimus et præcipuus exstitit citharista Domini, organum Spiritus sancti, magister Hugo de Sancto-Victore dictus. » Ea propter S. Bernardus speciali semper amore domum istam complexus est, cujus rei evidens nobis suppeditat argumentum concessio sequens, ipso agente facta, ut testatur autographum in Sancti-Victoris Chartophylacio etiamnum asservatum, cujus exemplum eruditus et amicissimus D. Tonnelerius Bibliothecæ præfectus mihi communicavit.

« Ego Bernardus, Clare-Vallis vocatus abbas, omnibus » Dei fidelibus, tam posteris, quam presentibus, notum fieri volo, me quadam vice, cum Parisius venissem, rogasse dominum Odonem abbatem Sanctæ-Genovefæ, omnesque fratres in communi capitulo, ut » fraternæ dilectionis intuitu Gelduino abbati fratribusque » ecclesiæ Sancti-Victoris concederent aquam *Benevini*, » de submolendino quod *Cupels* appellatur, acceptam » usque ad suam ecclesiam deducere, et inde versus Parisius in Sequanam, dato idoneo pretio hominibus » posteris Sanctæ-Genovefæ.... aquam ducerent. Et ut » præfatæ ecclesiæ Beati-Victoris liceret in eadem aqua » infra muros suos molendinum facere ductu illo infra eosdem muros et extra propriis expensis exstruere valeant. Quæ Odo abbas omnia communi fratrum suorum assensu nostro interventu benigne concessit, ita » tamen ut molendinum Sanctæ-Genovefæ, quod superius est nominatum, nulla operis Sancti-Victoris machinatione aut aquæ elevatione impediatur. Quæ concessio ut ecclesiæ Beati Victoris rata firmaque in » perpetuum perseveret, sigillo eam commendamus, » et sigilli nostri impressione testificandam duximus. » Placuit et eorum nomina subungere, qui precibus » nostris tum interfuere. Dominus Godefridus Lingonensis episcopus, D. Joannes Sancti-Maclovii episcopus, magister Bernardus Parisiensis archidiaconus, » monachi quoque nostri Gerardus et Gaudridus. »

Hæc concessio facta est circa annum 1150: usque ad annum 1153 præfuit Gilduinus abbatiæ Sancti-Victoris. De sigillo autem hujus chartæ vide notas ad epistolam 284.

725 A. P. Lombardum. — Petrus, a theologicis libris sententiarum Magister dictus, a patria hic Lombardus, ex Bononiensi academia in Galliam accedens, commendatus Bernardo est ab episcopo Lucensi, Uberto an Gregorio (ad quem epistola tertia Nicolai Clare-Vallensis, in persona Bernardi), et per Bernardum Gilduino et canonicis Sancti-Victoris.

733 C. Philippus Bajocensis episcopus. — Is erat Philippus Harecurius, qui cum de terra de Esecuris Saviniaco, data anno 1124 a Roberto de Tostis, et a Richardo I et Richardo II Bajocensibus episcopis, a quibus beneficiario jure pendebat, confirmata aliquandiu cum monachis disceptasset; eandem demum et ipse confirmavit litteris suis anno 1151, mense novembris, additis quatuor acris terre.

738 B. puerulo qui se ipsum regere non potest. — Ecclesiasticas dignitates pueris tribui semper aegre tulit sanctus Doctor. Id patet tum ex epistola 271, in qua redarguit Theobaldum comitem, quod Willelmo filio suo impuberi eas procurare vellet; tum ex tractatu de Officio episcoporum cap. 17, ubi hæc habet: « Scholares pueri » et impuberes adolescentuli ob sanguinis dignitatem » promoventur ad ecclesiasticas dignitates, et de sub fella rula transferuntur ad principandum presbyteris; latiores interim quod virgas evaserint, quam quod meruerint principatum. » Vide ejusdem librum tertium de Consideratione, cap. 5.

740 C. Philippi electionem. — Hic Philippus fuit Gisleberti ante Hildebertum archiepiscopi nepos, et, ut ait S. Bernardus epistola 150, ipsius ambitionis hæres, » ad quem tanquam invasorem sedis Turonensis exstat ejusdem S. Bernardi epistola 151. De eo liber de Gestis episcoporum Cenomannensium sic habet: « Hildeberto » defuncto, canonici ejusdem Ecclesiæ diu violentia Gofridi comitis propriis sedibus sunt expulsi. Cum vero » pontificem canonice deberent eligere, in partes divisi » sunt. Quidam enim illorum contra sanctorum scita canonem quemdam Philippum, aliis reclamantibus, elegerunt. Philippus quidem non intrans pro ostium ovile » ovium, sed ascendens alimunde, Petrum suum, Petrum » Leonis primogenitum satanæ adiit, et ab eo pro honore » opprobrium, pro benedictione maledictionem, pro sacramento suscepit sacrilegium, unde festinanter rediens, » sedem Turonensem occupavit. Interim Hugo, vir prudens et nobilis a saniori parte eorumdem clericorum » canonice eligitur. Hic vero in Cenomannensi ecclesia » a Guidone et comprovincialibus episcopis consecratur. Quo Philippus cognito, secum ornamenta ecclesiæ » deferens, furtim aufugit. » Porro cum Hildebertus die decembris decima octava anni 1136 obierit, hæc non nisi anno sequenti contingere potuerunt. Hinc corriges Horstii Chronologiam quæ Philippi intrusionem consignat ad annum 1133.

751 B. Si forte ad opus fratrum nostrorum naves adduxerint, et requisierint abbatiam quam missuri eramus, nuntius vester habeat nos excusatos. — Misit postea S. Bernardus fratres ad fundandum in Sicilia abbatiam, quibus præfexit » magistrum Brunonem, olim sibi per dies multos individuum comitem, tunc autem patrem

» multarum animarum latantium in Christo, » ex epistola 209, quæ scripta dicitur anno 1139, ac proinde hæc aut eodem aut precedenti anno scripta videtur.

751 C. abbatem Farfensem, apostolicæ Sedis cardinalem. — Hunc statim suspicatus fui esse Gerardum cardinalem diaconum ab Innocentio II creatum, factum postea monachum Clara-Vallensem et in claustrum Clara-Vallis sepultum. Verum cum in eo desideretur abbatialis dignitas, satius est ut credamus esse Adinolfum abbatem Sanctæ-Mariæ Farfensis, Ordinis S. Benedicti, ab Innocentio II anno 1130 sanctæ Romanæ Ecclesiæ presbyterum cardinalem creatum.

752 B. nequaquam promotionem miseri hominis tantopere curaretis. — Hæc epistola scripta fuisse videtur occasione electionis factæ de S. Bernardo in archiepiscopum Remensem, cum post defunctum Rainaldum archipresbiterum, omnium electorum vota in Clara-Vallensem abbatem se contulerunt: quam ille dignitatem ut et multas alias recusavit. Tunc post duorum annorum sedis pontificalis vacationem, Sanson electus est, anno 1140.

754 A. sub hoc famis tempore. — Anno 1146, ex brevi Chronico Catalaunensi apud Labbeum, » famis valida ubique terrarum, qualis unquam ante non fuit. » Hæc famis, si Chronico Lobienso a nobis tomo tertio anecdotorum edito credimus, incipit anno 1143 ac fuit valida septem annis. Ejusdem meminere Chronica monasteriense, Mortui-Maris et Senonense anecdotorum, tomo tertio, Remense apud Labbeum, et Britannicum apud domnum Lobinotium Historiæ Britannicæ tomo 2, pag. 3.

756 C. AD MATERTERAM IMPERATORIS HISPANIARUM. — Hæc epistola scripta fuisse videtur occasione foundationis monasterii de Spina in diocesi Palentina, quod condidit Sancia Alfonsi regis soror, cujus se foundationi opponebant monachi de Careda, seu ut legitur in epistola 301 S. Bernardi Carracetenses, sive Carraccenses, quæ scripta dicitur circa annum 1149.

759 C. quidquid servus domino et filius patri. — Epistolam hanc descripsimus ex manuscripto codice Verdunensi, ubi exstat post Vitam et Miracula S. Bernardi abbatis Clara-Vallensis. Matthæus Albanensis episcopus, cui inscribitur, ex monacho Cluniacensi factus Prior Sancti-Martini a Campis, inde creatus est cardinalis et episcopus Albanensis, apostolicæ Sedis in Gallia legatus, ad quem exstat sancti Bernardi epistola 21. Servulus sen Serlo, de quo epistolæ initio, Belyacensis Sancti-Luciani monasterii abbas erat, quæ omnia ætati S. Bernardi conveniunt. Hanc tamen epistolam suspectam et pro adulterina habemus, verum non fuit ideo prætermittenda. Referenda videtur ad annum 1133.

761 B. AD QUOSDAM NOVITER CONVERSOSES. — Etsi hæc epistola pia est, nescio quid tamen contortum ac elaboratum habet, quod Bernardi genium et dicendi facilitatem non sapit. Et in ipso epistolæ contextu quiddam habetur Bernardi sententiæ non satis conveniens. Hanc invenimus in uno codice Vaticano, notato 663, et quidem extra ordinem aliarum epistolarum, post » homiliam B. Bernardi » de Contemptu mundi, » sub hoc titulo, » Epistola ejusdem » consolatoria; » quo ex codice quadam loca hic emeu-

davimus. Fortasse ex illarum est numero epistolarum, quas Bernardi jussu ejus notarii quandoque suo Marte scribebant.

765 D. Si condemnat, benedictum sit nomen ejus, quia sic meruimus. — Non putamus id dicturum fuisse Bernardum: nec damnationem aeternam, in qua nulla erit humanae voluntatis cum divina consensio, imo obstinata ac detestanda ab ea defectio, in sententia Bernardi fuisse de genere rerum illarum, quas divinae voluntati committere debeamus volentes. Id patet ex sermone 25 de Diversis, ubi distinguens ea quae a Deo sub conditione, et quae absolute petere debeamus; in hoc genere gratiam Deo gratum facientem, et gloriam in futuro reponit, n. 5. In epistola 42 ad Henricum Senonensem, n. 13, Mosis quidem excessum amoris volentis fratrum causa deleri de libro vite, et Pauli anathema esse cupientis, ad gehennam ipsam extendit, sed cum bona conscientia, quae non competit damnatis, quorum mentio est hac in epistola.

767 B. AD ALFONSUM REGEM PORTUGALLIE. — Duas sequentes epistolas Horstius huc retulit et tomo primo Annalium Bernardi Brito Lusitani, qui alias sub nomine ducisse Lotharingiae ad Bernardum, et Bernardi ad eum litteras ex Gallico (si ei credimus) idiomate translatae vulgavit. Sed alium ejusmodi epistolarum fidejussorem optamus. Certe Bernardi genius, stilus, modestia in eis desiderari videntur. Genuina est Bernardi epistola 308 ad Alfonsum Regem; itemque Petri abbatis Clarae-Valensis octavi epistola ad Regem Portugalliae, cui gratias agit ob relevatam suorum fratrum inopiam et oblationem monasterii de Castineria, apud Chesnium tomo 4, pag. 480. Quae sequuntur notae Horstii sunt.

767 D. coram Domino provoluti, decertantibus manibus vestris, robur et fortitudinem postulabamus. — Rem gestam vide prolixè narratam apud Henriquez in Fasc. lib. 1, dist. 4, cap. 27; et in Menologio ad diem vigesimam augusti, pag. 273, ubi videbis Bernardum, etsi in Galliis agentem, velut alterum Moysen, extentis in eorum manibus, Alfonso in Lusitania Scalabini munitissimam Saraceno-urbum oppugnantem, tanquam alteri Josue, suppetias et victoriam contulisse: idque quia sola nominis ejus fama permotus Alfonsus opem illius, licet tanto intervallo distantis, imploraverat.

768 A. et in divisione reddituum, dividetur a vobis corona vestra. — Memorabile Bernardi vaticinium, quod nostris annis complexit eventus. Sed id te malo ex ipsis ejus gentis auctoribus plenius cognoscere. Audi ergo Angelum Manriquez Lusitanum Ordinis Cisterciensis theologum: « Quod autem ibi dicit, in *divisione reddituum, dividetur a vobis corona vestra*, nostris temporibus evenit. » Sebastiano enim in Africa misere exstincto, Henricus cardinalis regnum obtinuit, qui partem reddituum monasterii Aleobaciensis aulico euidam assignavit, et rex brevi fato cessit, nullum haereditatem intravit, Hispaniarum Philippus II in haereditatem intravit, exstincta antiqua Lusitanorum regum progenie. In dicto autem monasterio mille monachi simul habitabant, qui die ac nocte incessanter divinis laudibus insistebant. Qui divisi erant per decanos tali ordine, ut in choro

laus perennis haberetur. Primis enim post absolutas laudes matutinas et choro egredientibus, alii succedebant; quibus etiam abeuntibus, alii intrantes easdem decantabant, ita ut nunquam chorus sine monachis videretur. » Sic prophetiam hanc explicat R. P. Angelus Manriquez in Laurea evangelica, et in Annalibus, et ex eo Henriquez in Fasc. c. lib. 1, dist. 4, cap. 27, et rursus in Menologio ad diem vigesimam augusti.

768 C. permittente Patre misericordiarum et Deo totius consolationis. — Eadem verba initio superioris epistolae; et infra, « lacte evangelicae doctrinae. » Sane quod ait de condendo monasterio, « ubi coeleste aliquid micaverit signum » a Bernardi moribus et genio alienum videtur.

768 C. dum nobis aperuit exaudiri deprecationes tuas. — Henriquez, ait Horstius, In Vita Joannis Ciriae modum exauditionis explicat. Nimirum B. Bernardo anno 1119, vigesima quarta junii, post Vigiliarum laudes orationi in choro insistenti S. Joannem Baptistam apparuisse, jubentem, ut in remotiores Hispaniae oras coloniam monachorum dirigeret, locum a Deo monstrandum monasterio congruum. Hinc Bernardum octo ex suis delegisse, nempe Boemundum, Aldebertum, Joannem, Bernardum, Cisinandum, Rolandum, et Alanum, eosque de divina voluntate commonitos in Hispaniam misisse; qui Joannem Ciriam, dato per S. Bernardum indicio, invenientes, ejus ductu et auspiciis principis, monasterium Sancti-Joannis de Tarouca construxerint. Vide Henriquez in Fasc. lib. 1, dist. 19, et Manriquez in Annalibus, anno 1119, cap. 3.

773 B. AD LUCANUM EPISCOPUM. — Existimamus hunc esse Lucanum seu Lucensem in Italia episcopum, qui Petrum Lombardum Bernardo commendavit, supra in epistola 410. Ubertum an Gregorium, quorum ille anno 1140, hic anno 1146 electus est, testante Ughello in Italiae sacrae tomo 1.

777 D. hinc et inde. — Eandem controversiam inter Alanum episcopum et Willelmum comitem denuo recrudescentem composuit Godefridus, episcopus quondam Lingonensis, tum privatus degens apud Claram-Vallem, id est anno 1161, statuitque, ut quidquid inter Hugonem episcopum et Guillelmum de Cartusia comitem, « sanctae memoriae Bernardus Clarae-Vallis abbas composuit, » inviolabiliter observaretur.

785 D. HAIMONIS ARCHIDIACONI CATALAUNENSIS. — Guido, ex decano Laudunensi electus anno 1142 Catalaunensis episcopus, sed anno tantum 1144 consecratus (de ejus electione vide Bernardi epistolas 221 et 224), ad « sedem suam veniens, quendam Laudunensis Ecclesiae juvenem clericum, nomine Haimonem, qui secum abiit » erat, mox in ipso primo consecrationis suae anno, sedis ejusdem archidiaconum fecit. Quae verba Hermannii Laudunensis in libro tertio de Miraculis B. Mariae, cap. 25, intelligenda sunt de isto Haimone, cujus epistolas duas hic editas a venerabili viro N. a Sancto-Remigio, itemdem Catalaunensi archidiacono, accepimus. Porro idem Haimo post Bartholomaeum Guidonis successorem creatus est et ipse episcopus Catalaunensis anno 1152.

787 C. Aubianensis episcopi. — Theodorici scilicet,

qui primo fuit monachus cenobii Sancti-Nicolai, in diocesi Laudunensi, postea vero abbas Sancti-Eligii Noviomensis, ac demum pontifex Ambianensis a Samsone Remorum archiepiscopo consecratus uno anno post consecrationem Guidonis Catalaunensis, id est anno 1145, ex libro tertio Hermannii de Miraculis S. Mariæ Laudunensis, cap. 26. Huic epistolæ respondet ejusdem Theodorici epistola, inter Sugerianas 24 ad Sugerium: in qua contestatur, se ad expeditionem regiam nullatenus sufficere. Ejusdem est etiam epistola ibidem 34.

792 B. Præterea quinque duntaxat abbatias in nostra diocesi reperi. — Nempe Sancti-Vincentii ad urbem; Sancti-Michaelis in Terascia, Sancti-Nicolai in Bosco, Sanctæ-Mariæ de Novigento, Sancti-Nicolai in Prato, virorum; præter parthenones Sancti-Joannis in ipsa urbe, et Auriniacensem in eadem diocesi.

792 B. Novem insuper novæ religionis monasteria passim in eadem diocesi sunt fundata. — Hæc enumerat Hermannus Laudunensis in libro tertio de Miraculis: scilicet Præmonstratense, Sancti-Martini in urbe, Tenoliense, Clara-Fontanense, et Cuissiacense Ordinis Præmonstratensis, Fusciniacense, Spinetense, et Valclarensis, Ord. Cisterciensis, virorum: quibus nonum ad radices montis Laudunensis adjecit Monasteriolum pro sanctimonialibus ejusdem instituti: quo uno monasterio censet Hermannus Laudunensem ecclesiam cæteris debere præferri, quod ante illud nulla hujuscemodi religionis abbatia feminarum existerit. « Hæ depositis omnibus lineis indumentis, » inquit idem auctor, « atque

« pellicis, solis tunicis laneis utebantur, et non solum » nendo vel texendo, sed etiam in agris fodiendis, silvis » extirpandis, evellendisque spinis et vepribus, manibus assidue laborantes cum silentio, sibi victum quærebant exemplo Claræ-Vallensium monachorum. »

793 A. Cur ergo, ut audio, dominus Laudunensis sine testibus bellum parat. — Bartholomæo post annos regiminis triginta octo successit anno 1151 Gualterus, ex primo abbate Sancti-Martini in urbe: Gualtero post annos tres Gualterus alter, de Mauritania dictus, ex decano ecclesiæ Laudunensis, qui hanc litem Bartholomæo tum monacho facessivit. Quousque vero lis et controversia hæc, præsertim adversus Præmonstratenses, qui Bartholomæi beneficia in primis experti fuerant, perducta sit, intelligitur ex Adriani IV papæ, litteris ad Ludovicum Juniorem scriptis, quæ in Bibliotheca Præmonstratensi referuntur.

793 B. TURSTINI ARCHIEPISCOPI EBORACENSIS AD WILHELMUM CANTUARIENSEM PONTIFICEM. — De hujus epistolæ argumento vide Bernardi epistolas 94 et 313. Ad Turstinum scriptæ sunt epistolæ 95 et 319, in quarum priore Bernardus eidem ob hoc factum gratulatur.

814 C. collectionem nostram, quam beatæ memoriæ Innocentius papa privilegio apostolicæ auctoritatis confirmavit. — Hinc patet, Capitulum generalium Ordinis S. Benedicti originem ad Innocentium referendam: quorum primum fuisse videtur Suessionense, ad cujus abbates Bernardus scripsit epistolam 91. Magnos Conventus vocat Petrus Venerabilis, supra in epistola 229, n. 30.

# SANCTI BERNARDI ABBATIS

## EPISTOLARUM ORDO ET SERIES.<sup>a</sup>

Epist.		Pag.	Epist.		Pag.
	Ad Robertum nepotem suum, qui de Ordine Cisterciensi transierat ad Cluniacensem.	101	XXX	Ad Alberonem primicerium Meten- sem.	174
II	Ad Fulconem puerum, qui postea fuit Lingonensis archidiaconus.	111	XXXI	Ad Hugonem comitem Campaniæ, militem Templi factum.	175
III	Ad Canonicos regulares de Aildi- curte.	121	XXXII	Ad abbatem S. Nicasii Remensis.	176
IV	Ad Arnoldum abbatem Morimundi.	123	XXXIII	Ad Hugonem Pontiniacensem ab- batem.	178
V	Ad Adam monachum.	125	XXXIV	Ad Drogonem monachum.	179
VI	Ad Brunonem Coloniensem.	127	XXXV	Ad magistrum Hugonem Farsitum.	181
VII	Ad Adam monachum.	128	XXXVI	Ad eundem.	182
VIII	Ad Brunonem Coloniensem ele- ctum.	143	XXXVII	Ad Theobaldum comitem Campaniæ.	183
IX	Ad eundem jam archiepiscopum Coloniensem.	145	XXXVIII	Ad eundem.	184
X	Ad eundem.	146	XXXIX	Ad eundem.	186
XI	Ad Guigonem Priorem, et cæteros Cartusie majoris Religiosos.	147	XL	Ad eundem.	187
XII	Ad eundem.	155	XLI	Ad eundem.	188
XIII	Ad dominum papam Honorium.	156	XLII	Ad Henricum Senonensem archi- episcopum.	188
XIV	Ad eundem Honorium papam.	157	XLIII	Ad eundem Henricum.	188
XV	Ad Haimericum cancellarium.	158	XLIV	Ad eundem, unde supra.	189
XVI	Ad Petrum presbyterum cardina- lem.	158	XLV	Ad Ludovicum regem Francorum.	189
XVII	Ad Petrum diaconum cardinalem.	159	XLVI	Ad dominum papam Honorium II.	191
XVIII	Ad eundem.	160	XLVII	Ad eundem, ex persona Gaufridi Carnotensis episcopi.	192
XIX	Ad eundem.	163	XLVIII	Ad Haimericum cancellarium, con- tra obrectatores.	193
XX	Ad Haimericum cancellarium.	164	XLIX	Ad dominum papam Honorium, pro Henrico Senonensi archi- episcopo.	195
XXI	Ad Matthæum legatum.	164	L	Ad eundem.	197
XXII	Ad Humbaldum Lugdunensem ar- chiepiscopum et legatum.	165	LI	Ad Haimericum cancellarium.	197
XXIII	Ad Attonem Trecentensem episcopum.	166	LII	Ad eundem.	198
XXIV	Ad magistrum Gillebertum Univer- salem, episcopum Londoniensem.	169	LIII	Ad eundem.	199
XXV	Ad Hugonem Rotomagensem archi- episcopum.	170	LIV	Ad eundem.	200
XXVI	Ad Guidonem Lausannensem epi- scopum.	171	LV	Ad Gaufridum Carnotensem epi- scopum.	200
XXVII	Ad Ardutionem Gebennensem ele- ctum.	171	LVI	Ad eundem.	201
XXVIII	Ad eundem jam episcopum.	172	LVII	Ad eundem.	202
XXIX	Ad Stephanum Metensem episco- pum.	173	LVIII	Ad Ebalum Catalannensem epi- scopum.	203
			LIX	Ad Guilencum Lingonensem epi- scopum.	204
			LX	Ad eundem.	205
			LXI	Ad Ricuinum Tullensem episco-	

<sup>a</sup> Usque ad epistolam 310 eadem est tum in nostra, tum in antiquioribus editionibus Epistolarum series. Dehinc nec omnes nec eodem ordine reperiuntur in antea editis, quod in ipso opere suoque loco diligenter notavimus.



Epist.		Pag.	Epist.		Pag.
	pum.	206		Eboracensem.	269
LXII	Ad Henricum Viridunensem episcopum.	207	xcvi	Ad Richardum Fontanensem abbatem, et socios ejus, qui de alio Ordine ad Cisterciensem transierant.	271
LXIII	Ad eundem.	207		Ad Duceum Conradum.	272
LXIV	Ad Alexandrum Lincolnensem episcopum.	208	xcvii	De Machabæis, sed ad quem scripta sit ignoratur.	273
LXV	Ad Alvisum abbat. Aquiscineti.	210	xcviii	Ad monachum quemdam.	278
LXVI	Ad Gaufridum abbatem Sancti-Medardi.	213	xcix	Ad episcopum quemdam.	279
LXVII	Ad Monachos Flaviacenses.	214	c	Ad Religiosos.	279
LXVIII	Ad eosdem.	216	ci	Ad quemdam abbatem.	280
LXIX	Ad Guidonem abbatem de Tribus-Fontibus.	219	cii	Ad fratrem Willelmi monachi Claræ-Vallensis.	282
LXX	Ad eundem.	221	ciii	Ad magistrum Gualterum de Calvo-Monte.	283
LXXI	Ad Monachos ejusdem loci.	222	civ	Ad Romanum Romanæ curiæ subdiaconum.	286
LXXII	Ad Rainaldum Fusniacensem abbatem.	223	cv	Ad magistrum Henricum Murchdach.	287
LXXIII	Ad eundem.	226	cvi	Ad Thomam præpositum de Beverla.	289
LXXIV	Ad eundem.	228	cvi	Ad Thomam de Sancto-Audo-mar, post transgressionem promissionis suæ veniendi ad conversionem.	297
LXXV	Ad Artaldum Prulliacensem abbatem.	229	cvi	Ad illustrem juvenem Gaufridum de Perrona, et socios ejus.	300
LXXVI	Ad Abbatem canonicorum Sancti-Petri de Monte.	230	cvi	Ad parentes ejusdem Gaufridi consolatoria.	301
LXXVII	Ad magistrum Hugonem de Sancto-Victore.	231	cix	Ex persona Eliæ monachi ad parentes suos.	302
LXXVIII	Ad Sugerium abbatem Sancti-Dionysii.	231	cix	Ad Gaufridum Lexoviensem.	303
LXXIX	Ad abbatem Lucam.	240	cix	Ad Sophiam virginem.	306
LXXX	Ad Guidonem abbatem Moli-smensem.	242	cx	Ad alteram sanctimoniam.	310
LXXXI	Ad Gerardum abbatem Pultariensem.	243	cx	Ad aliam sanctimoniam de monasterio Sanctæ-Mariæ Trecensis.	312
LXXXII	Ad abbatem Sancti-Joannis Carnotensis.	243	cxii	Ad Ermengardem quondam comitissam Britanniae.	313
LXXXIII	Ad Simonem abbatem Sancti-Nicolai.	245	cxiii	Ad eandem.	314
LXXXIV	Ad eundem.	247	cxiv	Ad Beatricem nobilem et religiosam matronam.	315
	Ad Guillelmum abbatem Sancti-Theoderici.	247	cxv	Ad Duceum et Ducissam Lotharingiae.	316
LXXXV	Ad eundem Guillelmum.	248	cxvi	Ad Ducissam Lotharingiae.	317
LXXXVI	Ad eundem.	251	cxvi	Ad Ducissam Burundiae.	318
LXXXVII	Ad Ogerium canonicum regularem.	252	cxvii	Hildeberti Turonensis archiepiscopi ad Bernardum abbatem.	319
LXXXVIII	Ad eundem.	259	cxviii	Rescriptum abbatis Bernardi ad Hildebertum Turonensem archiepiscopum.	320
LXXXIX	Ad eundem.	261	cxix	Ad eundem Hildebertum, qui nondum receperat dominum Innocentium papam.	321
xc	Ad eundem.	263			
xc	Ad Abbates Suesione congregatos.	264	cxix		
xcii	Ad Henricum regem Anglorum.	266	cxix		
xciii	Ad Henricum Wintonensem episcopum.	267	cxix		
xciv	Ad Abbatem ejusdam monasterii Eboracensis, unde exierat Prior cum aliquantulis fratribus.	268	cxix		
xcv	Ad Turstinum archiepiscopum				

Epist.		Pag.	Epist.		Pag.
CXXV	Ad magistrum Gaufridum de Loratorio.	323		ni Parisiensis episcopi, unde supra.	372
CXXVI	Ad Episcopos Aquitanie contra Gerardum Engolismensem.	324	CLX	Ad Haimericum cancellarium, in persona ejusdem episcopi, unde supra.	373
CXXVII	Ad Guillelmum comitem Pictavorum, ducem Aquitanie, ex persona Hugonis ducis Burgundie.	334	CLXI	Ad dominum papam Innocentium, adversus auctores cædis Archembaldi subdecani Aurelianensis.	373
CXXVIII	Ad eundem.	335			
CXXIX	Ad Januenses.	336	CLXII	Ad Haimericum cancellarium, de eodem.	374
CXXX	Ad Pisanos.	339			
CXXXI	Ad Mediolanenses.	340	CLXIII	Ad Joannem Cremensem cardinalem presbyterum, de eodem.	375
CXXXII	Ad Clerum Mediolanensem.	342			
CXXXIII	Ad universos cives Mediolanensium.	342	CLXIV	Actio causæ Lingonensis ecclesiæ ad dominum Innocentium papam.	375
CXXXIV	Ad Novitios apud Mediolanum conversos.	343			
CXXXV	Ad Petrum Papiensem episcopum.	344	CLXV	Ad Falconem decanum, et Guidonem thesaurarium Lugdunensis Ecclesiæ, unde supra.	379
CXXXVI	Ad Innocentium papam.	345			
CXXXVII	Ad Imperatricem Romanorum.	346	CLXVI	Ad dominum papam Innocentium, unde supra.	380
CXXXVIII	Ad Henricum regem Anglorum.	347			
CXXXIX	Ad Lotharium imperatorem.	347	CLXVII	Ad eundem, pro eodem negotio.	381
CXL	Ad eundem.	349	CLXVIII	Ad episcopos et cardinales Romanæ curiæ, unde supra.	382
CXLI	Ad Humbertum abbatem Igniacensem.	350	CLXIX	Ad dominum papam Innocentium, unde supra.	384
CXLII	Ad Monachos Alpenses.	351			
CXLIII	Ad suos Claræ-Vallenses.	353	CLXX	Ad Ludovicum Juniorem regem Francorum.	385
CXLIV	Ad eosdem.	355			
CXLV	Ad Abbates Cistercii congregatos.	357	CLXXI	Ad dominum papam Innocentium.	387
CXLVI	Ad Burchardum Balernensem abbatem.	358	CLXXII	Ad eundem, in persona Godefridi Lingonensi episcopi.	387
CXLVII	Ad Petrum abbatem Cluniacensem.	359	CLXXIII	Ad ipsum Falconem.	388
CXLVIII	Ad eundem.	360	CLXXIV	Ad Canonicos Lugdunenses, de Conceptione S. Mariæ.	389
CXLIX	Ad eundem.	361			
CL	Ad dominum papam Innocentium.	361	CLXXV	Ad Patriarcham Jerosolymorum.	394
CLI	Ad Philippum Turonensis Ecclesiæ invasorem.	364	CLXXVI	Ad dominum papam Innocentium, ex persona Alberonis Treverensis archiepiscopi.	394
CLII	Ad dominum papam Innocentium, pro Trecensi episcopo.	365	CLXXVII	Ad eundem, in persona ejusdem.	396
CLIII	Ad Bernardum de Portis, de Ordine Cartusiensi.	366	CLXXVIII	Ad dominum papam Innocentium, pro Alberone Treverensi archiepiscopo.	397
CLIV	Ad eundem.	367			
CLV	Ad dominum papam Innocentium, pro eodem quando electus est.	368	CLXXIX	Ad eundem, pro eodem.	400
CLVI	Ad eundem, pro clericis Aurelianensibus.	369	CLXXX	Ad eundem, pro eodem.	401
CLVII	Ad Haimericum, pro eisdem.	369	CLXXXI	Ad Haimericum cancellarium.	402
CLVIII	Ad dominum papam Innocentium, super interfectione magistri Thomæ Prioris Sancti Victoris Parisiensis.	370	CLXXXII	Ad Henricum Senonensem archiepiscopum.	403
CLIX	Ad eundem, in persona Stephani		CLXXXIII	Ad Conradum regem Romanorum.	404
			CLXXXIV	Ad dominum papam Innocentium.	404
			CLXXXV	Ad Eustachium occupatorem	

Epist.	Pag.	Epist.	Pag.
	405		444
CLXXXVI	Ad Simonem filium Castellani Cameracensis.	408	novissima.
CLXXXVII	Ad Episcopos Senonas convocandos, contra Petrum Abaelardum.	409	Ad tres episcopos curiæ, Alberticum Ostiensem, Stephanum Prænestinum, Igmariu Tusculanum, et ad Gerardum cancellarium.
CLXXXVIII	Ad Episcopos et Cardinales curiæ, de eodem.	409	Ad Ludovicum regem Francorum.
CLXXXIX	Ad dominum papam Innocentium, de eodem.	411	Ad eundem.
CXC	Ad Innocentium Pontificem, de erroribus quibusdam Petri Abaelardi.	415	Ad Joslenum Suessionensem episcopum, et Sugerium abbatem Sancti-Dionysii.
CXCI	Ad Innocentium, ex persona Samsonis domini archiepiscopi Remensis, etc.	415	Ad Joslenum episcopum Suessionensem.
CXCII	Ad magistrum Guidonem de Castello, de Abaelardo.	416	Ad Stephanum Prænestinum episcopum.
CXCIII	Ad magistrum Ivonem cardinalem, de eodem.	417	Ad dominum episcopum Suessionensem.
CXCIV	Rescriptum domini Innocentii papæ contra hæreses Petri Abaelardi.	418	Ad Ludovicum regem Francorum.
CXCV	Ad Episcopum Constantiensem.	421	Ad Episcopum Suessionensem.
CXCVI	Ad Guidonem legatum, de eodem.	423	Ad Petrum Cluniacensem abbatem, conquerentem quod ei non rescriberet.
CXCVII	Ad Petrum Bisuntinum decanum.	424	Petri Venerabilis ad Bernardum abbatem.
CXCVIII	Ad dominum papam Innocentium.	425	Ad tres episcopos, Ostiensem, Tusculanum, Prænestinum.
CXCIX	Ad eundem.	426	Ad eosdem, pro abbate Latinianensi.
CC	Ad magistrum Ulgerium Andegavensem episcopum, pro gravi querela quæ erat inter ipsum et abbatissam Fontis-Ebraldi.	427	Ad eosdem.
CCI	Ad Balduinum abbatem Reatini monasterii.	429	Ad abbatem Joannem de Busaio, qui abbatiam suam reliquerat, et abierat in solitudinem.
CCII	Ad Clerum Senonensem.	431	Ad Herbertum abbatem Sancti-Stephani Divionensis.
CCIII	Ad Attonem episcopum et eorum Trecentensem.	432	Ad dominum papam Cælestinum, pro intruso Eboracensi.
CCIV	Ad Abbatem Sancti-Albini.	433	Ad totam curiam Romanam, unde supra.
CCV	Ad Episcopum Roffensem.	433	Ad totam curiam Romanam, quando elegerunt abbatem Sancti-Anastasio in papam Eugenium.
CCVI	Ad Reginam Jerosolymorum.	434	Ad dominum papam Eugenium primam.
CCVII	Ad Rogerium regem Siciliæ.	435	Ad eundem.
CCVIII	Ad eundem.	436	Ad eundem, de Eboracensi intruso.
CCIX	Ad eundem.	437	Ad Hildefontum comitem Sancti-Egidii, de Henrico hæretico.
CCX	Ad dominum papam Innocentium.	438	Ad Tolosanum, post reditum suum.
CCXI	Ad eundem.	438	Ad Romanos, quando recesserunt a domino papa Eugenio.
CCXII	Ad eundem.	439	Ad Conradum regem Romano-
CCXIII	Ad eundem.	440	
CCXIV	Ad eundem.	441	
CCXV	Ad eundem.	442	
CCXVI	Ad eundem.	442	
CCXVII	Ad eundem.	443	
CCXVIII	Ad eundem excusatoria, et		

Epist.		Pag.	Epist.		Pag.
	rum.	514	CCLXXVI	Ad eundem, post obitum Episcopi Autissiodorensis.	560
CCLXV	Ad dominum papam Eugenium, pro Aurelianensi episcopo.	516	CCLXXVII	Ad eundem, pro abbate Cluniacensi.	562
CCLXVI	Ad eundem pro eodem, quando prædictus Aurelianensis depositus est.	517	CCLXXVIII	Ad eundem, pro episcopo Belvacensi.	563
CCLXVII	Ad eundem, pro Remensi archiepiscopo.	519	CCLXXIX	Ad Henricum comitem.	563
CCLXVIII	Ad eundem.	521	CCLXXX	Ad dominum papam Eugenium, pro Autissiodorensi negotio.	564
CCLXIX	Ad eundem.	522	CCLXXXI	Abbati Brunoni de Chara-Valle.	566
CCL	Ad Bernardum Priorem Portarum.	523	CCLXXXII	Ad Ludovicum regem Francorum Juniores, pro electione Autissiodorensi.	567
CCLI	Ad dominum Eugenium papam.	525	CCLXXXIII	Ad dominum papam Eugenium, pro fratribus de Miratorio.	568
CCLII	Ad eundem, pro Eboracensi.	526			
CCLIII	Ad abbatem de Præmonstrato.	527			
CCLIV	Ad abbatem Guarinum Alpengensem.	532	CCLXXXIV	Ad dominum papam Eugenium, pro Remensi archiepiscopo, et aliis personis.	569
CCLV	Ad Ludovicum regem Francorum.	537	CCLXXXV	Ad eundem, pro Odone abbate Sancti-Dionysii.	570
CCLVI	Ad dominum papam Eugenium.	538	CCLXXXVI	Ad eundem, pro eodem.	571
CCLVII	Ad eundem, pro fratre Philippo.	540	CCLXXXVII	Domino Ostiensi, pro eodem abbate.	572
CCLVIII	Ad eundem, pro fratre Rualeño.	541	CCLXXXVIII	Ad Andream avunculum suum, militem Templi.	572
CCLIX	Ad eundem, unde supra.	543	CCLXXXIX	Ad Reginam Jerosolymorum.	574
CCLX	Ad Rualeñum abbatem.	543	CCXC	Domino Ostiensi, de Jordano cardinale.	576
CCLXI	Ad dominum papam Eugenium.	544	CCXCI	Ad dominum papam Eugenium, pro ecclesia Sancti-Eugendi Jurensis.	577
CCLXII	Ad eundem pro monachis Mosmensibus.	545	CCXCII	Ad quemdam sæcularem.	577
CCLXIII	Episcopo Suessionensi pro abbate Caziaacensi.	545	CCXCIII	Petro abbati de Cella, pro monacho Caziaacensi, qui ad Claram-Vallem transierat.	579
CCLXIV	Petri Cluniacensis abbatis ad Bernardum abbatem.	546			
CCLXV	Rescriptum Bernardi abbatis ad eundem.	547	CCXCIV	Ad dominum papam Eugenium, pro episcopo Cenomannensi.	579
CCLXVI	Ad Sugerium abbatem Sancti-Dionysii.	548	CCXCV	Domino Henrico cardinali, pro eodem episcopo.	580
CCLXVII	Abbati Cluniacensi.	549	CCXCVI	Domino Ostiensi, pro eodem.	580
CCLXVIII	Ad dominum papam Eugenium.	549	CCXCVII	Abbati Arremarensi.	581
CCLXIX	Ad eundem.	550	CCXCVIII	Ad dominum papam Eugenium.	581
CCLXX	Ad eundem.	551	CCXCIX	Comiti Engolismensi, pro fratribus de Buxia.	582
CCLXXI	Ad comitem Campaniæ Theobaldum.	553	CCC	Blesensi comitissæ.	582
CCLXXII	Episcopo Laudunensi.	554	CCCI	Sanciae sorori imperatoris Hispaniæ.	583
	Eugenii papæ ad Capitulum Cisterciense.		CCCI	Legatis apostolicis, pro archiepiscopo Monguntino.	585
CCLXXIII	Ad D. papam Eugenium.	557	CCCI	Ludovico Juniori regi Francorum.	585
CCLXXIV	Ad Hugonem abbatem Trimum-Fontium, quando erat Romæ.	558	CCCI	Eidem.	586
CCLXXV	Ad dominum papam Eugenium, pro Autissiodorensi electione.	559	CCCI		

Epist.	Pag.	Epist.	Pag.
CCCIV	Ad dominum papam Eugenium.	CCCXXXVII	Ad Innocentium pontificem, in persona Franciæ episcoporum.
CCCVI	Domino Ostiensi. pro electione abbatis Turolidi de Tribus-Fontibus.	CCCXXXVIII	Ad Haimericum cardinalem et cancellarium.
CCCVII	Ad eundem.	CCCXXXIX	Ad papam Innocentium.
CCCVIII	Ad Alfonsum Portugalliæ regem.	CCCL	Ad eundem Innocentium papam.
CCCXIX	Ad Eugenium Pontificem.	CCCLII	Ad Malachiam Hiberniæ archiepiscopum.
CCCLX	Ad Arnoldum Carnotensem abbatem Bonæ-Vallis.	CCCLIII	Ad Josleum episcopum Suesionensem.
CCCLXI	Ad Haimericum cancellarium.	CCCLIII	Bernardi abbatis Itali ad Innocentium.
CCCLXII	Ad Raynaldum archiepiscopum Remensem.	CCCLIV	Ejusdem Bernardi ad sanctum Bernardum.
CCCLXIII	Ad Gaufridum abbatem Sanctæ-Mariæ Eboracensis.	CCCLV	Ad fratres de Sancto-Anastasio.
CCCLXIV	Ad dominum papam Innocentium.	CCCLVI	Ad dominum Innocentium papam.
CCCLXV	Ad Mathildem reginam Anglorum.	CCCLVII	Ad eundem dominum Innocentium papam.
CCCLXVI	Ad Henricum Senonensem archiepiscopum, et ad Haimericum cancellarium.	CCCLVIII	Ad eundem Innocentium.
CCCLXVII	Ad Priorem suum Godefridum.	CCCLIX	Ad eundem.
CCCLXVIII	Ad papam Innocentium.	CCCL	Ad eundem.
CCCLXIX	Ad Turstinum Eboraci archiepiscopum.	CCCLI	Ad eundem Innocentium.
CCCLXX	Alexandro Priori de Fontibus, et ejusdem loci fratribus.	CCCLII	Innocentii II papæ Privilegium S. Bernardo concessum.
CCCLXXI	Ad Henricum de Mordach, primum abbatem de Valle-Clara, postea de Fontibus, tandem archiepiscopum Eboracensem.	CCCLIII	Ad Willelmum abbatem de Rievale.
CCCLXXII	Ad Hugonem novitium, postea Bonæ-Vallis abbatem.	CCCLIV	Ad Reginam Jerosolymorum Milisendem, filiam Balduini regis, et Fulconis uxorem.
CCCLXXIII	Ad Innocentium papam.	CCCLV	Ad eandem Reginam Jerosolymorum.
CCCLXXIV	Ad Robertum abbatem de Dunis.	CCCLVI	Ad Malachiam Hiberniæ archiepiscopum.
CCCLXXV	Ad eundem, de Iderio novitio.	CCCLVII	Ad eundem.
CCCLXXVI	Guillelmi abbatis, ad Gaufridum Carnotensem episcopum, et Bernardum abbatem Claræ-Vallensem.	CCCLVIII	Ad dominum Papam, nempe Cælestinum.
CCCLXXVII	Rescriptum Bernardi ad Willelmum abbatem.	CCCLIX	Claræ-Vallensium ad eundem Cælestinum.
CCCLXXVIII	Ad Romanum Pontificem.	CCCLX	Ad Willelmum abbatem de Rievale.
CCCLXXIX	Ad episcopum Lemovicensem.	CCCLXI	Ad Theobaldum archiepiscopum pro, Joanne Salesberiensi.
CCCLXXX	Ad Innocentium papam.	CCCLXII	Ad Robertum Pullum cardinalem et cancellarium.
CCCLXXXI	Ad Stephanum cardinalem et episcopum Prænestinum.	CCCLXIII	Ad Orientalis Franciæ clerum et populum.
CCCLXXXII	Ad G. cardinalem.	CCCLXIV	Ad Petrum abbatem Cluniacensem.
CCCLXXXIII	Ad G. cardinalem.	CCCLXV	Ad Henricum Moguntinum archiepiscopum.
CCCLXXXIV	Ad Guidonem Pisannum.	CCCLXVI	Ad Hildegardem abbatissam.
CCCLXXXV	Ad quemdam presbyterum cardinalem.	CCCLXVII	G. cancellario.
CCCLXXXVI	Ad quemdam abbatem.		

Epist.		Pag.	Epist.		Pag.
CCCLXVIII	Ad G. diaconum cardinalem.	669	CDII	Ad Balduinum Noviomensem episcopum.	719
CCCLXIX	Ad Sugerium abbatem.	671	CDIII	Ad Henricum archidiaconum.	719
CCCLXX	Ad eundem.	671	CDIV	Ad Albertum inclusum.	720
CCCLXXI	Ad eundem.	672	CDV	Ad G. abbatem.	721
CCCLXXII	Ad P. episcopum Palentinum in Hispania.	673	CDVI	Ad Abbatem Sancti-Nicolai.	721
CCCLXXIII	Abbatis Sp. ad S. Bernardum.	676	CDVII	Ad Odonem abbatem Belli-Loci.	722
CCCLXXIV	Ad fratres de Hibernia, in transitu beati Malachiae episcopi.	677	CDVIII	Ad W. abbatem Trecensem.	723
CCCLXXV	Ad Idam comitissam Nivernensem.	679	CDIX	Ad Rorgonem de Abbatis-Villa.	723
CCCLXXVI	Ad Sugerium abbatem.	680	CDX	Ad Gilduinum abbatem Sancti-Victoris.	724
CCCLXXVII	Ad eundem.	681	CDXI	Ad Thomam Beverlacensem praepositum.	725
CCCLXXVIII	Ad eundem.	682	CDXII	Ad T. adolescentem, qui vitam monasticam voverat.	727
CCCLXXIX	Ad eundem.	683	CDXIII	Ad Rainaldum abbatem.	728
CCCLXXX	Ad eundem.	684	CDXIV	Ad Alardum monachum.	729
CCCLXXXI	Ad eundem.	684	CDXV	Ad quemdam pacti sui praevariatorem.	730
CCCLXXXII	Ad Leonium abbatem Sancti-Bertini.	685	CDXVI	Ad incognitum.	731
CCCLXXXIII	Ad eundem abbatem Sancti-Bertini.	688	CDXVII	Ad Abbatem de Trunco-Berengarii.	732
CCCLXXXIV	Ad monachos ecclesiae Sancti-Bertini.	688	CDXVIII	Ad Hugonem archiepiscopum Rotomagensis.	733
CCCLXXXV	Ad eosdem.	689	CDXIX	Ad Petrum abbatem Cellensem.	734
CCCLXXXVI	Joannis Casae-Marii ad Bernardum abbatem.	692	CDXX	Ad Mar. et uxorem ejus.	734
CCCLXXXVII	Ad Petrum abbatem Cluniacensem.	694	CDXXI	Ad quemdam abbatem.	735
CCCLXXXVIII	Petri Venerabilis ad Bernardum abbatem Clarae-Valensem.	695	CDXXII	Ad quemdam episcopum.	736
CCCLXXXIX	Ad Petrum abbatem Cluniacensem.	699	CDXXIII	Ad quemdam amicum.	736
CCXC	Ad Eskilum Lundensem archiepiscopum, sedis apostolicae in Dacia et Suecia legatum.	700	CDXXIV	Ad quemdam judicem.	737
CCXCII	Ad Abbatissam Faberniacensem.	701	CDXXV	Ad quemdam amicum.	737
CCXCIII	Ad Radulfum patriarcham Antiochenum.	702	CDXXVI	Ad episcopum Trecensem.	738
CCXCIV	Ad W. patriarcham Jerosolymorum.	704	CDXXVII	Ad quemdam abbatem.	738
CCXCV	Ad archiepiscopum Lugdunensem.	707	CDXXVIII	Ad quemdam amicum.	739
CCXCVI	Ad Alvisum Atrebatensem episcopum.	709	CDXXIX	Ad quemdam amicum.	739
CCXCVI	Ad Ricuinum episcopum Tulensem.	710	CDXXX	Ad Innocentium II papam.	740
CCXCVII	Ad Odonem abbatem Majoris-Monasterii prope Turones.	711	CDXXXI	Ad dominum Papam.	274
CCXCVIII	Ad Guidonem abbatem et fratres Arremarenses.	715	CDXXXII	Ad eundem.	743
CCXCIX	Ad Leibertum abbatem Sancti-Michaelis.	717	CDXXXIII	Ad eundem.	743
CD	Ad abbatem Laetiensem.	717	CDXXXIV	Ad eundem.	743
CDI	Ad abbatem Balduinum de Castellione.	718	CDXXXV	Ad eundem.	744
			CDXXXVI	Ad eundem.	744
			CDXXXVII	Ad eundem.	745
			CDXXXVIII	Ad eundem.	745
			CDXXXIX	Ad eundem.	745
			CDXL	Ad anonymum.	745
			CDXLI	Ad Priorem quemdam.	747
			CDXLII	Ad quemdam Ordinis Sancti-Benedicti abbatem.	747
			CDXLIII	Ad quemdam amicum.	748
			CDXLIV	Ad quemdam abbatem.	749
			CDXLV	Ad quemdam abbatem.	749
			CDXLVI	Ad anonymum.	750
			CDXLVII	Ad Amedeum Altae-Cumbae abbatem.	750
			CDXLVIII	Ad anonymum.	751
				Ad Regem Francorum.	752

Epist.		Pag.	Epist.	Pag.
CDXLIX	Ad amicum.	753		
CDE	Ad fratres ***.	753	CDLXV	tem Autissiodorensis.
CDLI	Ad quemdam abbatem.	754		Gaufridi episcopi Carnotensis ad
CDLII	Ad anonymum.	755		Stephanum episcopum Pari-
CDLIII	Ad anonymum.	756	CDLXVI	siensem.
CDLIV	Ad matertēram Imperatoris Ili-			
	spaniarum.	756	CDLXVII	B. ad S. Bernardum.
				778
	Fragmentum epistolæ ad Nicolaum Camera-	757	CDLXVIII	Hugonis Metelli ad S. Bernardum.
	censem episcopum.			780
	Bernardi charta pro abbacia de Trunco-Be-	758	CDLXIX	Ejusdem ad eundem.
	rengarii.			782
	Ejusdem Charta pro Luxoviensi et Sancti-		CDLXX	Ejusdem in persona abbatis sui
	Apri monasteriis.	758		ad Guillelmum abbatem.
				784
	Ejusdem charta pro monasterio Sancti-		CDLXXI	Haimonis archidiaconi Catalau-
	Amantii.	760		nensis ad S. Bernardum.
			CDLXXII	Ejusdem ad eundem.
				786
			CDLXXIII	G. ad S. Bernardum pro episco-
				po Ambianensi.
				787
			CDLXXIV	Samsonis archiepiscopi Remen-
				sis ad S. Bernardum.
				788
				Henrici episcopi Trecentis ad
				S. Bernardum, de Bullencuria
				abbatia.
				788
			CDLXXV	Hugonis episcopi Ostiensis ad ca-
				pitulum Cisterciense, de morte
				Eugenii III papæ.
				790
			CDLXXVI	Bartholomæi, ex episcopo mona-
				chi, ad Samsonem archiepi-
				scopum Remensem.
				791
			CDLXXVII	Turstini archiepiscopi Eboracen-
				sis ad Willelmum Cantuarien-
				sem pontificem.
				793
			CDLXXVIII	Fastredi abbatis Claræ-Vallensis
				tertii ad quemdam Ordinis
				sui abbatem.
				802
			CDLXXIX	Petri de Roya novitii Claræ-Val-
				lensis ad C. præpositum No-
				viomensem.
				803
			CDLXXX	Capituli generalis nigrorum mo-
				nachorum ad Adrianum IV.
				813
			CDLXXXI	Eorumdem ad Alexandrum III.
				814
			CDLXXXII	Ad abbatem Reatinensem.
				817

APPENDIX.

CDLV	Ad Mattheum Albanensem epi-	759		
	scopum.		CDLXXV	Hugonis episcopi Ostiensis ad ca-
CDLVI	Ad quosdam noviter conversos.	761		pitulum Cisterciense, de morte
CDLVII	Ad Alfonsum regem Portugalliæ.	767		Eugenii III papæ.
CDLVIII	Ad Joannem Ciritam.	768	CDLXXVI	
CDLIX	Ad Abbatem Sancti-Benedicti.	769		Bartholomæi, ex episcopo mona-
CDLX	Ad Ludovicum regem.	769		chi, ad Samsonem archiepi-
CDLXI	Nicolai Claræ-Vallensis ad comi-			scopum Remensem.
	tem et barones Britannæ, in		CDLXXVII	
	persona domini Claræ-Vallen-			Turstini archiepiscopi Eboracen-
	sis, pro negotio Crucis.	770		sis ad Willelmum Cantuarien-
				sem pontificem.
				793
CDLXII	Ejusdem ad Manuelem Comne-		CDLXXVIII	Fastredi abbatis Claræ-Vallensis
	num Constantinopolitanum			tertii ad quemdam Ordinis
	imperatorem, in persona ejus-			sui abbatem.
	dem.	771	CDLXXIX	
				Petri de Roya novitii Claræ-Val-
				lensis ad C. præpositum No-
CDLXIII	Ejusdem ad Lucanum episco-			viomensem.
	pum, in persona ejusdem.	773	CDLXXX	
CDLXIV	S. Bernardi charta seu composi-			Capituli generalis nigrorum mo-
	tio facta iuter Hugonem epi-			nachorum ad Adrianum IV.
	scopum et Willelmum comi-		CDLXXXI	
				Eorumdem ad Alexandrum III.
			CDLXXXII	
				Ad abbatem Reatinensem.
				817

SANCTI BERNARDI ABBATIS

EPISTOLARUM INDEX ALPHABETICUS.

A

Abbati Sancti-Albini Andegavensis, epistola 204.  
Abbati Sancti-Benedicti, 421.

Abbati canonicorum regularium Sancti-Petri de Monte, 76.  
Abbati cuidam, forte Bernardo Italo, 336.  
Abbati Eboracensi, 94, 313.

<sup>a</sup> Numericæ notæ Epistolam designant.

Abbati Sancti-Nicasii Remensis, 32.  
 Abbati Trium-Fontium, 274.  
 Abbati de Trunco-Berengarii, 417.  
 Abbati cuidam Ordinis Sancti-Benedicti, 441.  
 Abbatibus Cistercii congregatis, 145.  
 Abbatibus Suessione congregatis, 91.  
 Abbatibus quibusdam, 402, 421, 427, 443, 444, 451.  
 Abbatissæ Faberniacensi, 391.  
 Adamo monacho Morimundi, 5, 7.  
 Adelaidi ducissæ Lotharingiæ, 419, 420.  
 Aildicurtis canonicis regularibus, 3.  
 Alardo monacho Cisterciensi, 414.  
 Alberico cardinali episc. Ostiensi, 219, 230-232.  
 Alberoni primicerio Metensi, 30.  
 Alberto incluso, 404.  
 Alexandro episcopo Lincolnensi, 64.  
 Alexandro Priori de Fontibus, 320.  
 Alfonso regi Portugalliæ, 308, 457.  
 Alpensis monachis, 142.  
 Alviso abbati Aquis cincti, 65.  
 Alviso episcopo Atrebatensi, 395.  
 Amedeo Altæ-Cumbæ abbati, 446.  
 Amicis quibusdam, 423, 425, 428, 429, 442, 449.  
 Anastasii (Sancti-) monachis, 345.  
 Andreæ avunculo suo, militi Templi, 288.  
 Angelberto comiti Engolismensi, 299.  
 Anonymis quibusdam, 439, 445, 447, 452, 453.  
 Aquitaniæ episcopis, 126.  
 Ardutoni Gebnensi electo, 27.  
 Ardutoni jam episcopo, 28.  
 Arnolfo abbati Bonæ-Vallis, 310.  
 Arnolfo abbati Morimundi, 4.  
 Artaldo abbati Prulliacensi, 75.  
 Ascelino seu Anselmo episcopo Roffensi, 205.  
 Attoni episcopo Trecensi, 23.  
 Attoni et clero Trecensi, 203.

## B

Balduino abbati de Castellione, 401.  
 Balduino jam episcopo Noviomensi, 402.  
 Balduino abbati Reatino, 201.  
 Beatrici nobili et religiosæ matronæ, 118.  
 Benedicti (Sancti-) abbati, 459.  
 Bernardo legato apostolico, 302.  
 Bernardo Priori Portarum, 250.  
 Bernardo de Portis Cartusiensi, 453, 454.  
 Bertini (Sancti-) monachis, 384, 385.  
 Blesensi comitissæ, 300.  
 Brunoni abbati de Chara-Valle, 281.  
 Brunoni Coloniensi, 6.  
 Brunoni Coloniensi electo, 8.  
 Brunoni jam archiepiscopo Coloniensi, 9, 10.  
 Burchardo abbati Balernensi, 146.  
 Burgundiæ ducissæ, 121.

## C

Capitulo Cisterciensi, 445.  
 Capitulo nigrorum monachorum, 91.  
 Cælestino II papæ, 235, 358, 359.  
 Canonicis regularibus de Aildicurte, 3.  
 Cardinali presbytero, 335.  
 Cardinalibus Romanæ curiæ, 468, 488, 230-232, 236, 237.  
 Claræ-Vallensibus monachis, 143, 444.  
 Cisterciensi capitulo, 145, et ante 273.  
 Clero Mediolanensi, 432.  
 Clero et populo Franciæ orientalis, 363.  
 Conrado duci Zeringensi, 97.  
 Conrado regi Romanorum, 483, 244.  
 Constantiensi episcopo, 195.  
 Conversis quibusdam, 456.

## D

Drogoni monacho Sancti-Nicasii Remensis, 34.  
 Duci et ducissæ Lotharingiæ, 119.  
 Ducissæ Burgundiæ, 121.  
 Ducissæ Lotharingiæ, 119, 120.

## E

Ebalo episcopo Catalaunensi, 58.  
 Eboracensi archiepiscopo, 95.  
 Eliæ cardinali, 295.  
 Eliæ monachi parentibus, 144.  
 Engolismensi comiti, 299.  
 Episcopis Aquitaniæ, 126.  
 Episcopis et cardinalibus Romanæ curiæ, 468, 488.  
 Episcopis Senonas convocandis, 487.  
 Episcopo cuidam, 100.  
 Episcopo cuidam, 422.  
 Episcopo Trecensi, 426.  
 Ermengardi quondam comit. Britanniæ, 116, 117.  
 Eskilo archiepiscopo Lundensi, 390.  
 Eugenio III papæ, 238-240, 245-249, 251, 252, 256-259, 261, 262, 268-270, 273, 275-278, 280, 283-286, 291, 294, 298, 305, 309.  
 Eustachio occupatori Valentiniæ sedis, 185.

## F

Faberniacensi abbatissæ, 391.  
 Falconi decano Ecclesiæ Lugdunensis, 165.  
 Falconi electo archiepiscopo, 173.  
 Flaviacensibus monachis, 67, 68.  
 Franciæ orientalis clero et populo, 363.  
 Francorum regi, 448.  
 Fratribus \*\*\*, 450.  
 Fulconi adolescenti, 2.



## G

G. abbati, 405.  
 G. cardinali, 332, 333.  
 G. cardinali diacono, 368.  
 Galtero episcopo Laudunensi, 272.  
 Gaufrido abbati Sanctæ-Mariæ Eboracensis, 94, 313.  
 Gaufrido abbati Sancti-Medardi, 66.  
 Gaufrido episcopo Carnotensi, 35, 56, 57.  
 Gaufrido Lexoviensi, 112.  
 Gaufrido de Loratorio, 125.  
 Gaufrido de Perrona et sociis ejus, 109.  
 Gaufridi parentibus, 011.  
 Gerardo abbati Pultariensi, 81.  
 Gerardo cancellario sanctæ Romanæ Ecclesiæ, 219.  
 Gilduino abbati Sancti-Victoris Parisiensis, 410.  
 Gilleberto Universali episcopo Londoniensi, 24.  
 Godefrido Priori Claræ-Vallensi, 317.  
 Gregorio Tarquinio cardinali 333.  
 Gualtero de Calvo-Monte, 104.  
 Guarino abbati Alpensi, 254.  
 Guidoni abbati Arremarensi, 297, 398.  
 Guidoni abbati Molismensi, 80.  
 Guidoni abbati Trium-Fontium, 69, 70.  
 Guidoni cardinali et cancellario, 367.  
 Guidoni cardinali Pisano, 334.  
 Guidoni de Castello, 192.  
 Guidoni episcopo Lausannensi, 26.  
 Guidoni legato sanctæ Romanæ Ecclesiæ, 196.  
 Guidoni thesaurario Ecclesiæ Lugdunensis, 163.  
 Guigoni Priori, et cæteris Cartusiæ majoris Religiosis, 11, 12.  
 Guilenco episcopo Lingonensi, 59, 60.  
 Guillelmo abbati Sancti-Theoderici, 85, 86, 327.  
 Guillelmo comiti Pictavorum et duci Aquitaniæ, 427, 428.

## H

Haimérico cancellario sanctæ Romanæ Ecclesiæ, 15, 20, 48, 51-54, 157, 160, 162, 181, 311, 316, 338.  
 Helix cardinali, 295.  
 Helix monachi parentibus, 111.  
 Henrico archidiacono, 403.  
 Henrico archiepiscopo Moguntino, 363.  
 Henrico archiepisc. Senonensi, 42, 43, 182, 316.  
 Henrico cardinali, 295.  
 Henrico de Murdach, abbati de Valle-Clara, 106, 321.  
 Henrico comiti Campaniæ, 279.  
 Henrico episcopo Virdunensi, 62, 63.  
 Henrico episcopo Wintonensi, 93.  
 Henrico regi Anglorum, 92, 138.

Herberto abbati Sancti-Stephani Divionensis, 234.  
 Hiberniæ fratribus, 374.  
 Hildeberto archiepiscopo Turonensi, 123, 124.  
 Hildefonso comiti Sancti-Egidii, 241.  
 Hildegardi abbatissæ, 366.  
 Hildegario abbati Flaviacensi, 67, 68.  
 Honorio II papæ, 13, 14, 46, 47, 49, 50.  
 Hugoni abbati Pontiniacensi, 33.  
 Hugoni abbati Præmonstratensi, 253.  
 Hugoni abati Trium-Fontium, 274.  
 Hugoni archiepiscopo Rotomagensi, 25, 418.  
 Hugoni cardinali episcopo Ostiensi, 287, 290, 296, 306, 307.  
 Hugoni comiti Campaniæ, Templi militi facto, 31.  
 Hugoni episcopo Autissiodorensi, 464.  
 Hugoni Farsito, 35, 36.  
 Hugoni novitio, postea Bonæ-Vallis abbati, 322.  
 Hugoni de Sancto-Victore, 77.  
 Hugoni episcopo Rotomagensi, 418.  
 Humbaldo archiepiscopo Lugdunensi, 22.  
 Humberto abbati Igriacensi, 141.

## I

Idæ comitissæ Nivernensi, 375.  
 Igmaro seu Ymaro cardinali episcopo Tusculano, 219, 230-232.  
 Ignotis quibusdam, 98, 416.  
 Imperatrici Romanorum, 137.  
 Innocentio II papæ, 136, 150, 152, 155, 156, 158, 159, 161, 164, 166, 167, 169, 171, 172, 176-180, 184, 189, 190, 191, 198, 199, 210-218, 314, 318, 323, 330, 337, 339, 340, 343, 346-351, 430.  
 Ivoni seu Yvoni cardinali, 193.

## J

Januensibus civibus, 129.  
 Jerosolymorum patriarchæ, 175, 193.  
 Jerosolymorum reginæ, 206, 289, 354, 355.  
 Joanni abbati de Buzaio, 233.  
 Joanni Ciritæ abbati, 458.  
 Joanni Cremensi cardinali presbytero, 163.  
 Joannis (Sancti-) Carnotensis abbati, 82.  
 Joranno abbati Sancti-Nicasi Remensis, 32.  
 Josleno episcopo Suessionensi, 222, 223, 225, 227, 263, 342.  
 Judici cuidam, 424.

## L

Lætiensi abbati, 400.  
 Laudunensi episcopo, 272.  
 Legatis apostolicis, 302.  
 Leiberto abbati Sancti-Michaelis, 599.  
 Lemovicensi episcopo, 329.

Leonio abbati Sancti-Bertini, 382, 383.  
 Lotharingæ duci et ducissæ, 119.  
 Lotharingæ ducissæ, 120.  
 Lothario imperatori, 139, 140.  
 Lucæ abbati Cuissiacensi, 79.  
 Ludovico Grosso regi Francorum, 45, 255.  
 Ludovico Juniori regi Francorum, 170, 220, 221,  
 226, 282, 303, 304.  
 Ludovico regi Francorum, 460.  
 Lugdunensi archiepiscopo, 394.  
 Lugdunensibus canonicis, 174.

## M

Malachia archiepiscopo Hiberniæ, 341, 356, 357.  
 Mar. et uxori ejus, 420.  
 Mariæ (Sanctæ) Trecentis sanctimoniali cuidam,  
 115.  
 Materteræ imperatoris Hispaniarum, 454.  
 Mathildi comitissæ Blesensi, 300.  
 Mathildi ducissæ Burgundiæ, 121.  
 Mathildi reginæ Anglorum, 315.  
 Matthæo legato, 21.  
 Mattheo Albanensi episcopo, 455.  
 Mediolanensibus civibus, 131, 133.  
 Mediolanensi clero, 132.  
 Mediolanensibus novitiis, 134.  
 Milisendi Jerosolym. reginæ, 206, 289, 354, 355.  
 Monacho cuidam, 99.  
 Monachis de Sancto-Anastasio, 345.  
 Monachis Trium-Fontium, 71.

## N

Nicasii (Sancti-) Remensis abbati, 32.  
 Nicolai (Sancti-) de Saltu abbati, 83, 84, 406.  
 Novitiis Mediolanensibus, 134.  
 Novitiis quibusdam, 456.

## O

Odoni abbati Belli-Loci, 407.  
 Odoni abbati Majoris-Monasterii, 397.  
 Ogerio canonico regulari, 87, 88, 89, 90.  
 Ostiensi episcopo, 287, 290, 296, 306, 307.

## P

Papæ in gratiam Trecentis episcopi, 481-488.  
 Patriarchæ Jerosolymitano, 175, 393.  
 Petro abbati Cellensi, 293, 419.  
 Petro abbati Cluniacensi, 147-149, 228, 265, 267,  
 364, 387, 389.  
 Petri (Sancti) de Monte abbati, 76.  
 Petro decano Bisuntino, 197.  
 Petro diacono cardinali, 17, 18, 19.  
 Petro episcopo Palentino, 372.

Petro episcopo Papiensi, 135.  
 Petro presbytero cardinali, 16.  
 Philippo Turonensi Ecclesiæ invasori, 151.  
 Pisanis civibus, 130.  
 Præmonstratensi abbati, 253.  
 Prævaricatori cuidam pacti sui, 415.  
 Priori cuidam Vallis, 440.

## R

Radulfo patriarchæ Antiocheno, 392.  
 Rainaldo abbati Fusniacensi, 72-74, 413.  
 Rainaldo archiepiscopo Remensi, 312.  
 Regi Francorum, 448.  
 Reginæ Jerosolymorum, 206, 289, 354, 355.  
 Religiosis quibusdam, 101.  
 Richardo abbati Fontanensi in Anglia, 96.  
 Richeræ imperatrici Romanorum, 137.  
 Ricuino episcopo Tullensi, 61, 396.  
 Roberto abbati de Dunis, 324, 325.  
 Roberto nepoti suo, 1.  
 Roberto Pullo cardinali cancellario, 362.  
 Roffensi episcopo, 205.  
 Rogerio regi Siciliæ, 207, 208, 209.  
 Romanæ curiæ cardinalibus et episc. 236, 237.  
 Romanæ curiæ tribus episc. 219, 230, 231, 232.  
 Romano pontifici, 328.  
 Romano subdiac. sanctæ Romanæ Ecclesiæ, 105.  
 Romanis, sive senatui populoque Romano, 243.  
 Rorgoni de Abbatis-Villa, 409.  
 Rualeno abbati Sancti-Anastasio, 260.

## S

Sæculari cuidam, 292.  
 Sancia sorori imperatoris Hispaniæ, 301.  
 Sanctimoniali cuidam, 114.  
 Sanctimoniali de monasterio Sanctæ-Mariæ Trecentis, 11 5.  
 Senonensi clero, 202.  
 Simoni abbati S. Nicolai de Saltu, 83, 84, 406.  
 Simoni duci Lotharingæ, 119.  
 Simoni filio Castellani Cameracensis, 186.  
 Sophiæ virginis, 113.  
 Spirensi populo, 363.  
 Stephano abbati Sancti-Joannis Carnotensis, 82.  
 Stephano cardinali episcopo Prænestino, 219,  
 224, 230-232, 331.  
 Stephano episcopo Metensi, 29.  
 Sugerio abbati, 78, 222, 266, 369-371, 376-381.

## T

T. adolescenti, qui vitam monasticam voverat, 412.  
 Theobaldo archiepiscopo Cantuariensi, 361.  
 Theobaldo comiti Campaniæ, 37-41, 271.  
 Thomæ de Sancto-Audomaro, 108.

Thomæ præposito de Beverla, 107, 411.  
 Tolosanis civibus, 242.  
 Trecensi clero, 203.  
 Trecensi episcopo, 426.  
 Trium-Fontium monachis, 71.  
 Trunci-Berengarii abbati, 417.  
 Turstino archiepiscopo Eboracensi, 95, 319.

## U

Ulgério episcopo Andegavensi, 200.

## V

Vallis cuidam Priori, 440.  
 Wilenco episcopo Lingonensi, 59, 60.  
 Willemo abbati de Rievalle, 353, 360.  
 Willemo abbati Trecensi, 408.  
 Wuillelmo comiti Autissiodorensi, 464.  
 Willelmi monachi Claræ-Vallensis fratri, 403.  
 Willelmo patriarchæ Jerosolymorum, 475, 393.

## Y

Ymaro seu Igmario cardinali episcopo Tusculano,  
 249, 230-232.  
 Yvoni seu Ivoni cardinali, 193.

## ALIORUM EPISTOLÆ.

A. ejusdam abbati Reatinensi, epist. 482.  
 Abbatis Spinæ ad S. Bernardum, epist. 373.  
 Adriano IV papæ capituli generalis nigrorum monachorum, epist. 480.  
 Alexandro III papæ capituli generalis nigrorum monachorum, epist. 481.  
 Bartholomæi episcopi Laudunensis, ad Samsonem Remensem, epist. 476.  
 Bernardo abbati Claræ-Vallensi, epistt. 122, 229, 264, 324, 352, 373, 386, 388, 466-474.  
 Bernardi abbatis Itali ad Innocentium, epist. 343.  
 Bernardi ejusdem ad S. Bernardum, epistt. 344, 466.  
 Britannæ comiti et baronibus, Nicolai Claræ-Vallensis, in persona Bernardi, epist. 461.  
 Cælestino II Claræ-Vallensium, epist. 359.  
 Capituli generalis nigrorum monachorum ad Adrianum IV epist. 480.  
 Capituli ejusdem ad Alexandrum III, epist. 481.  
 Capitulo Cisterciensi Eugenii epistola, præmissa epist. 273.  
 Capitulo eidem Hugonis episc. Ostiensis, epist. 475.  
 Claræ-Vallensium ad Cælestinum II, epist. 359.

Episcopis apud Senones congregatis Innocentii II papæ rescriptum, epist. 194.  
 Eugenii III papæ ad capitulum Cisterciense epistola, præmissa epist. 273.  
 Fastredi abbatis Claræ-Vallensis ad quemdam Ordinis sui abbatem, epist. 478.  
 G. ad S. Bernardum, epist. 472.  
 Gaufridi episcopi Carnotensis ad Stephanum episcopum Parisiensem, epist. 427.  
 Guillelmi abbatis Sancti-Theoderici ad Gaufridum Carnotensem et Bernardum, epist. 326.  
 Henrici episcopi Trecensis ad S. Bernardum, epist. 474.  
 Hildeberti archiepiscopi Turonensis ad S. Bernardum, epist. 122.  
 Haimonis archidiaconi Catalaunensis ad S. Bernardum, epistt. 470, 471.  
 Hugonis episcopi Ostiensis ad capitulum Cisterciense, epist. 437.  
 Hugonis Metelli ad S. Bernardum, epist. 467-469.  
 Hugonis Metelli in persona abbatis sui ad Guillelmum abbatem, epist. 469.  
 Innocentii II papæ rescriptum ad Episcopos Senonis congregatos, epist. 194.  
 Innocentii II papæ Privilegium S. Bernardo concessum, epist. 332.  
 Innocentio II papæ Bernardi abbatis Itali, epist. 343.  
 Joannis abbatis Casæ-Matii ad S. Bernardum, epist. 386.  
 Lucano episcopo Nicolai Claræ-Vallensis, epist. 463.  
 Manueli Comneno imperatori Constantinopolitano Nicolai Claræ-Vallensis, epist. 462.  
 Nicolai Claræ-Vallensis ad comitem et barones Britannia, in persona Bernardi, epist. 461.  
 Nicolai Claræ-Vallensis ad Manuelem Comnenum imperatorem Constantinopolitanum epist. 462.  
 Nicolai Claræ-Vallensis ad Lucanum episcopum epist. 463.  
 Noviomensi præposito C. Petri de Roya, epist. 479.  
 Petri Venerabilis, abbatis Cluniacensis, ad S. Bernardum, epistt. 229, 264, 388.  
 Petri de Roya novitii Claræ-Vallensis ad C. præpositum Noviomensem, epist. 479.  
 Reatinensi abbati ejusdam A. epist. 482.  
 Samsonis archiepiscopi Remensis ad S. Bernardum, epist. 473.  
 Stephano episcopo Parisiensi Gaufridi episcopi Carnotensis, epist. 465.  
 Turstini archiepiscopi Eboracensis ad Willelmum Cantuariensem pontificem, epist. 477.  
 Willelmo Cantuariensi pontifici Turstini archiepiscopi Eboracensis, epist. 477.

# SANCTI BERNARDI ABBATIS

## EPISTOLARUM INDEX

### PRO ARGUMENTI QUALITATE DISPOSITUS.\*

#### EPISTOLÆ ECCLESIASTICÆ.

##### *De Rebus theologicis, et de Disciplina ecclesiastica.*

- De tempore quo cœpit obligare Baptismus, 77,  
modo Tractatus 11 in tomo 2.  
Super Evangelio Lucæ, 435.  
De forma Baptismi, 403.  
Contra errores Petri Abaelardi, 487-495, 326,  
327, 330-338.  
Contra errores Arnaldi Brixiensis, 195, 196.  
Contra Henricum hæreticum, 241, 242.  
Contra schisma, 219.  
Judaos non esse persequendos, 365.  
De bello contra hostes Ecclesiæ, 256, 363.  
De ejus successu, 288, 386.  
De pœnitentia ob defectum in Missa commissum,  
69.  
De pœnitentiis ob crimina imponendis, 61, 62.  
De impedimento matrimonii ob consanguinitatem,  
371.  
Contra divortium et nuptias post ipsum, 216, 220,  
221.  
De qualitate divinatorum officiorum, 398.  
De conceptione beatæ Mariæ, 174.  
De festo Machabæorum, 98.  
Adversus clericum conjugatum et militem, 203.  
Adversus eos qui beneficia pueris conferunt,  
271, 426.  
Contra turbas ecclesiarum, 456, 457, 230, 318,  
454.  
Contra occisores clericorum, 458-463.  
Pro diversis causis ecclesiasticis, 19, 20, 22, 30,  
59, 251, 261, 262, 270, 283, 285, 314.  
Pro juribus ecclesiarum seu monasteriorum, 44,  
45, 46, 43, 44, 60, 263, 291, 352.  
De exemptionibus monasteriorum, 179, 188, 323.

##### *De summo Pontifice et curia Romana.*

- Hortatoriæ ad suscipiendum Innocentium, 124-  
134, 138-140.  
Congratulatoriæ de Eugenii electione, 237, 238.  
Pro reconciliatione Romanorum cum Eugenio,  
243, 244.  
De morte ejusdem Eugenii, 437.  
Pro reverentia erga Pontificem, 476, 483.  
Paræneticæ ad Pontificem pro defensione oppres-  
sorum, 198, 199, 217,  
Pro pace procuranda, 358.  
Pro monasteriis, 273.  
Admonitoriæ ad cancellarium sanctæ Romanæ Ec-  
clesiæ, 311, 362.  
Contra quemdam legatum, 290.

##### *De Episcopis.*

- Pro electione episcopi, 202.  
Pro confirmatione episcoporum, 43, 170-172, 249  
348.  
Deliberativa, an acceptandus episcopatus, 8.  
Contra quasdam electiones, 155, 164-170, 250,  
275, 280, 328-430.  
De recta episcopalis dignitatis administratione, 9  
10, 25-28, 42.  
Exhortatoriæ ad humilitatem, 392, 393.  
Congratulatoriæ ob pacem procuratam, 29.  
Congratulatoriæ ob amorem pauperum et pauper-  
tatis, 23, 24.  
Commendatoriæ pro Remensi archiepiscopo, 247,  
284, 431-433, 436-438.  
Commendatoriæ pro aliis episcopis, 294-296, 302,  
305, 307, 339, 340, 342, 428.  
Pro episcopis depositis, 212, 246, 257.  
Apologeticæ episcoporum apud reges, 45, 46, 47.

\* Numericæ notæ epistolam designant.

Apologeticæ episcoporum apud Papam, 49, 50, 51, 152, 213.

Pro iuribus episcoporum, 177-180, 429.

Contra quosdam episcopos, 182, 248, 252, 268.

Contra intrusos, 150, 151, 185, 235, 236, 239, 240, 346, 347.

Quomodo se gerendum erga episcopum intrusum, 353, 360.

Contra testamentum episcopi, 276.

Deliberativa, an abdicandus episcopatus, 319.

Reddita ratio administrationis, 438.

## EPISTOLÆ MORALES.

### *De Virtutibus et Vitiis.*

De charitate et compassione, 11, 12.

De eleemosynis, 23, 24, 95, 100, 207, 416, 420, 450.

De eleemosynis in monasteria, 316.

De restitutione, 279, 283.

De reddendo deposito, 407.

De vera amicitia, 271, 324, 409.

De perseverantia, 453.

Contra avaritiam, 103.

Contra duella, 376.

### *Ad Reges et Principes.*

De reverentia Papæ et episcopis ab eis exhibenda, 45, 183.

Pro pace cum Ecclesia, 220-226.

Pro concilio celebrando, 255.

Pro confirmatione episcoporum, 282.

Pro vitando excommunicato, 303.

De charitate et eleemosyna, 207, 208, 269.

Contra Ecclesiæ vexationes, 224.

Contra exactiones, 299.

Dehortatoria a bello, 97.

### *Ad Ministros regios.*

Pro pace, 222-227.

Hortatoria ad zelum, 377.

Ad studium bonæ famæ, 381.

### *Ad Viduas nobiles.*

De modo vivendi in viduitate, 289.

Quomodo se gerat regina vidua, 354.

Consolatoria de filii vita degeneri, 300.

## EPISTOLÆ ASCETICÆ.

### *De Vocatione, Statu, et Virtutibus religiosis.*

Hortatoria, ut animæ cura præferatur corporis sollicitudini, et ut sæculo renuntiatur, 439.

Paraneticæ ad ingressum in religionem, 104, 108, 411, 412.

Ad profectum, 254, 345, 385.

Ad studium disciplinæ regularis, nunc præmissa epistolæ 273.

De capitulis generalibus nigrorum monachorum, 91, 480, 481.

De moribus primorum Cisterciensium, 478, 479.

Congratulatoriæ de electione vitæ religiosæ 31, 34, 109, 134, 322.

De reformatione tonasmerii, 477.

Ad revocandos eos, qui in laxiora desciverant, 1.

Ad revocandos apostatas, 2, 412, 415.

Ad revocandos errantes, 4-7.

Contra eos qui alios a vitâ religiosa avocant, 292.

Excusatoriæ ad parentes eorum qui ad vitam monasticam confugerant, 64, 111.

De amore solitudinis et silentii, 21, 48, 52, 69.

De vitanda monachis peregrinatione, 57, 399.

De usu pharmacorum, 345.

De consortio mulierum monachis vitando, 79, 405.

Pro pace inter Cluniacenses et Cistercienses, 229.

De brevitate et paritate litterarum, 88, 90.

De Religioso qui nupserat, 76.

De transitu ad aliam religionem, 94, 313, 443.

Apologeticæ de admissione alienorum Religiosorum, 3, 32, 33, 65-68, 253, 293, 382, 395, 396.

### *Ad Sanctimonialia.*

De virginitatis prærogativa, 113.

An eremi propositum sanctimoniali conveniat, 115.

Congratulatio ad sanctimonialiam, quæ ad meliorem frugem se receperat, 114.

### *Pro Abbatibus et Superioribus.*

De abbatis electione, 320, 321.

Pastoralis officii munia describuntur, 201.

Hortatoria ad curam animarum, 54.

Ad onera prælaturæ patienter toleranda, 73, 260.

Querela de imposita præfectura, 344, 373.

Ad leniter recipiendos errantes, 55, 70, 80, 84, 101, 297, 400, 414, 417, 421, 444, 452.

De ejectione incorrigibilium, 102.

De monacho indiscipulato, 466.

De novitio dyscolo, 325.

De fundatione monasteriorum, 75, 342.

Pro reformatione monasteriorum, 58, 91, 96, 391, 427.

Congratulatoriæ de ipsa reformatione, 78, 142, 254, 369.

Consolatoria de conatu reformationis frustrato, 83.

Responsoriæ de abdicando onere pastoralis, 82, 86, 87, 451.

De amovendo abbate indisciplinato, 480.

Contra eos qui curam pastorem temere abjece-  
rant, 441, 233.

Commendatoriæ pro abbatibus, 394, 147.

### EPISTOLÆ VARIÆ.

#### *Pro Se ipso.*

Apologeticæ pro se ipso, 48, 81, 205, 218, 223,  
250, 306, 397, 423.

Retractoriæ, 269, 274.

Excusatoriæ, 446, 448.

Urbanæ seu familiares, 74, 85, 116, 118, 143,  
144, 145, 147, 148, 204, 228, 442, 445,  
449.

Ad agendas gratiarum actiones, 120, 147, 181,  
304, 312, 341, 368, 384, 390, 428.

Modestæ, 18, 72, 123, 135, 146, 153, 218, 223,  
265.

#### *Pro Aliis.*

Pacificæ, 36, 97, 121, 136, 137, 148, 200, 253,  
301, 397.

Commendatoriæ pro afflictis et pauperibus, 35,  
37-40, 56, 227, 351, 422, 424, 425.

Pro amicis, 53, 258, 277, 278, 309, 434, 435.

Pro consanguineo, 206.

Pro abbate vexato, 231.

Pro alio abbate inope, 379.

Pro Religiosis, 41, 53, 173, 175, 186, 198, 208,  
355, 357, 383, 418, 419, 441.

De adolescente qui se in Ordine recipi postulabat,  
440.

Consolatoria de morte amici, 374.

Increpatoria, 281.

**SANCTI BERNARDI**

**ABBATIS CLARÆ-VALLENSIS**

**OPERUM TOMUS SECUNDUS,**

**TRACTATUS**

**MORALES, DOCTRINALES**

**ET POLEMICOS**

**COMPLECTENS.**

## OPUSCULA IN HOC TOMO CONTENTA.

- |   |  |
|---|--|
| I. DE CONSIDERATIONE LIBRI QUATUOR, AD EUGENIUM PAPAM.                    | VIII. LIBER DE DILIGENDO DEO, AD WILLELMUM ABBATEM.        |
| II. TRACTATUS SEU EPISTOLA DE MORIBUS PRELATORUM, AD HENRICUM SENONENSEM. | XI. TRACTATUS DE GRATIA ET LIBERO ARBITRIO.                |
| III. SERMO DE CONVERSIONE AD CLERICOS.                                    | X. EPISTOLA DE BAPTISMO, AD HUGONEM VICTORINUM.            |
| IV. TRACTATUS DE PRÆCEPTO ET DISPENSATIONE.                               | XI. EPISTOLA DE ERRORIBUS ABAELARDI, AD INNOCENTIUM PAPAM. |
| V. APOLOGIA AD WILLELMUM ABBATEM.   | XII. LIBER DE VITA SANCTI MALACHIÆ EPISCOPI.               |
| VI. TRACTATUS DE LAUDE NOVÆ MILITIÆ, AD MILITES TEMPLI.                   | XIII. EPISTOLA CUM TRACTATU DE RATIONE CANTUS.             |
| VII. TRACTATUS DE HUMILITATE.   |  |



## IN TOMUM II PRÆFATIO.

I. In superioribus editionibus Horstianis ac nostra, post sancti Bernardi epistolas collocati erant in tomo secundo Sermones de Tempore ac de Sanctis, tum Sermones de Diversis : in tertio Sermones in Cantica : quibus varii Tractatus Bernardini quarto loco succedebant. Verum re attentius considerata, hos Tractatus Epistolis proxime subijcere visum est : idque nobis naturalis ordo facile persuasit. Cum enim ejusmodi Tractatus epistolari modo scripti sint, imo nonnulli ex epistolis in tractatus relati; consequens erat ut non longo post epistolas intervallo collocarentur. Accedit ex hoc ordine illud commodi, quod cum Sermones de Tempore, de Sanctis, ac de Diversis in tertium tomum, Sermones vero super Cantica in quartum rejiciantur; his quasi continenter adjungatur tomi quinti initio Expositio a Gilleberto continuata in Cantica : quæ Bernardi Sermones in eadem Cantica, quasi ejus consecutaria appendix, quam proxime subsequi debebat. Ob has itaque similesque rationes non ineongruum duximus, vulgatum Horstii ordinem tantisper immutare, ut Lectorum commodo et naturali rerum ordini consuleremus. Hæc de ordine rerum, quæ subsequentes tomos constituunt, hoc loco repetenda et præmittenda fuere : nunc de ordine Tractatuum, quos tomus secundus continet, pauca dicenda sunt.

II. In disponendis subjectis Opusculis Horstius dignitatis potius, quam temporis rationem habuit. Nam si ordinem temporum sequimur, primus est tractatus de Humilitate; deinde, tractatus de Diligendo Deo; tum, Apologia ad Guillelmum : quo ordine enumerantur a Gaufrido in libri tertii de Bernardi Vita, capite octavo; Bernardo ipso primum et tertium pariter suggerente in epistola decima octava, ad Petrum cardinalem, quæ sub annum 1127 scripta fuit : ubi et « paucas ad diversos epistolas » memorat; quo nomine haud scio an tractatum de Diligendo Deo comprehendit. Postea recensenda est epistola quadragesima secunda, ad Henricum Senonensem archiepiscopum, eodem circiter anno 1127 dictata : mox tractatus de Libero Arbitrio circa annum 1128, ut colligitur ex epistola quinquagesima secunda, ad Haimericum. Nec longo post intervallo habitus est Sermo de Conversione, ad Clericos. Successit ante annum 1136 liber ad Milites Templi : quo tempore exarata est epistola septuagesima septima, ad Hugonem de Sancto-Victore. Anno 1140 epistolam centesimam nonagesimam de Erroribus Abaelardi Innocentio directam fuisse constat. Eodem fere anno prodiit tractatus de Præcepto et Dispensatione, quem Petrus Venerabilis, anno 1143 ex Hispania reversus, postulavit libri quarti epistola vigesima septima. Ineunte anno 1149 absolutus est liber de Vita sancti Malachiæ : eodemque anno inchoati sunt libri de Consideratione, ut mox dicturi sumus. Hæc sunt Opuscula, quibus constat tomus quartus : exceptis Declamationibus, quas in spuriorum classem rejecimus, utpote a Bernardo alienas; et libro de Cantu, quem præmissis subjungemus.

III. Hic, inquam, est ordo temporis, quo singuli tractatus conscripti sunt. Verum ordinem et dignitatem argumenti servare præstat, prima loca tribuendo, primo libris de Consideratione; secundo, Epistolæ de Moribus Prælatorum, ad Henricum Senonensem, tertio, Sermoni de Conversione, ad Clericos; quarto, tractatui de Præcepto et Dispensatione; quinto, Apologiæ ad Guillelmum, qui duo tractatus monachos spectant; sexto, libro de Laude novæ Militiæ, ad Milites Templi. Et hæc prima classis pro dignitate personarum. Altera classis de virtutibus; nempe, septimo, libellus de Humilitate; octavo, de Diligendo Deo. Tertia classis erit de dogmatibus, scilicet, nono, opusculum de Gratia et Libero Arbitrio; decimo, epistola de Baptismo, ad Hugonem de Sancto-Victore; undecimo, epistola de Erroribus Abaelardi, ad Innocentium. Postremo duodecimo, historicus liber de Vita sancti Malachie. His omnibus tertio decimo loco succedet liber de Cantu. Opusculorum ordinem supra, pag. 995-996 repræsentavimus pro commodiori usu hominum studiosorum.

IV. In his omnibus nullum Bernardo dignius videtur, quam libri quinque de Consideratione, ad Eugenium papam. Si enim argumenti et personæ dignitatem spectes, nihil generosius; si modum tractandi, nihil sublimius; si stili majestatem, et sententiarum gravitatem, nihil eloquentius ac fortius; si denique dictorum puritatem, et inhærentem sacris canonibus disciplinam, nihil catholico Doctore et sanctissimo Patri convenientius. Quid vero magis arduum erat homini in solitudine educato, a mundi rebus et negotiis alieno, quam vivendi leges summo Pontifici, nedum toti Ecclesiæ tradere, et quasi præscribere? Quid homini privato difficilius, quam de totius Ecclesiæ statu, de moribus sacerorum ministrorum, de omnium officiis, virtutibus, ac vitiis apte et accurate breviterque disserere, imo et justam ferre sententiam? Quid sapientius, quam ita sublimium quorumcumque hominum vitia, errata, abusus notare, persequi, castigare; ut non modo invidiam et criminandi suspicionem evites, sed etiam amorem reportes et admirationem? Et hæc sane fuit Bernardi seu dexteritas, seu felicitas, seu divinitus concessa auctoritas, ut quam primum ejus libri de Consideratione in publicum prodire, eos certatim exquisierint, lectitarint, amaverint universi, etiam summi, quos maxime tangebant, Pontifices.

V. Merito itaque Ernardus Bonæ-Vallis abbas in libri secundi de Bernardi Vita, capite octavo, hoc opus vocat « Librum multæ utilitatis : in quo Vir sanctus acutissima indagine, tam ea quæ circa Pontificem, quam quæ infra sunt prosequens, etiam ad ea quæ supra ipsam sunt ascendens, tanta de natura divina disseruit, ut videatur in tertium cælum assumptus, audisse quædam verba quæ non licet homini loqui, et Regem in decore suo vidisse. In his quæ infra, et quæ circa ipsum sunt, morum societas, naturæ æqualitas, officiorum distantia, consideratio meritorum, dijudicatio propectuum subtilissime distinguitur, et singulis in suo genere sui cognitio innatur. In his quæ supra hominem sunt, speculatur cælestia; non eo modo quo Angeli, qui semper adherent Deo, considerant, sed eo modo quo potest homo puri animi et mentis sinceræ divina contingere, » etc. Et hæc est divisio quinque librorum de Consideratione : quorum in primo demonstratur Considerationis necessitas et utilitas : in secundo considerantur quæ in Pontifice, id est Pontifex ipse quis, qualisve sit : in tertio, quæ sub ipso, id est orbis universus : in quarto quæ circa ipsum, domestici, cardinales, episcopi : in quinto quæ supra ipsum, Deus et Angeli. In his « quam

» liber in voce, quam disertus, et in rerum superiorum inferiorumque scientia locuples, » diligens considerator agnoscat, » inquit Gaufridus in libro tertio de ejus Vita, capite octavo.

VI. Restat observare tempus, quo libri isti scripti sunt. Hos anno 1149 parturire cœpit sanctus Pater, nec uno tenore (ut Baronio visum est) absolvit, sed diversis intervallis scriptos ad Eugenium transmisit. Et primum quidem ipso anno 1149, de quo Nicolaus, ejusdem Bernardi notarius, ante suam discessionem scribens Petro Venerabili : « Mitto vobis, » ait, « librum domni Abbatis Claræ-Vallis ad dominum Papam. » Exstat hæc epistola apud ipsum Petrum in libri sexti epistola septima. Neque hoc loco libri nomine integrum opus (ut auctores isti loquuntur passim, teste Ernaldo, qui « librum multæ utilitatis » hos quinque libros vocat) intelligi potest. Nam secundum Bernardus Eugenio direxit anno 1150, post infelicem expeditionis Jerosolymitanæ exitum, de quo ab ipso libri exordio apologiam præmittit. Tertium, anno 1152, post obitum scilicet Hugonis Autissiodorensis, ut constat ex capite secundo, numero undecimo; et quarto quidem anno post concilium Remense, ex numero vigesimo, anno 1148 celebratum. Quartum denique et quintum paulo post, si non cum tertio, absolvit.

VII. Cæterum prædicti libri Rotomagi primum, cum Apologia ad Guillelmum, atque tractatu de Præcepto et Dispensatione, absque anni indicio; tum Spiræ anno 1550 typis vulgati sunt sine ulla capitulorum, ut fit in vetustis codicibus, divisione. Idem anno 1520 ac deinceps, cum cæteris Bernardi operibus recusi : postea per Antonium Carafam, magni nominis cardinalem, Pio V pontifice recogniti, atque Antwerpiae formis Plantiniani seorsim impressi fuerunt. Eisdem demum Gerardus Vossius, præpositus Tungrensis, rogatu Joannis Vendevillii, episcopi Tornacensis piissimi, denuo recensere aggressus, eos cum octo manuscriptis codicibus contulit; ac Romæ anno 1594 seorsim editos Clementi VIII nuncupavit, adhibita capitum divisione, qualis in exemplari Nicolai papæ V, anno 1450 exarato, apposita erat. De hac editione Nicolaus Faber in epistola ad eundem Vossium, ubi laudatis cæteris ejus operibus : « Omitto, » inquit, « libros de Consideratione beati Bernardi, in quibus licet fortasse minus olei, quam in cæteris impenderis : » non tamen minus zeli domus Dei, nutantisque disciplinæ in ea reparandæ ostendisti. » Ibi enim libros huic rei aptissimos, quosque non malus auctor, et beato Bernardo fere æqualis, non ἀπρὸς διόγυσιν Deuteronomium summorum Pontificum appellat, edendos » curasti, quo primum ab auctore religiosissimo destinati sunt, ubi tamen forsitan » minus terebantur. »

VIII. Secundum tot tantosque viros denuo ad censuram prædictos libros revocavimus, eosque in priori nostra recensione ad quatuor exemplaria contulimus; in hac vero ad alios duos ex bibliotheca Colbertina per virum clarissimum Stephanum Baluzium nobis commodatos : quorum unus notatus 3541, capitulorum distinctionem habet, sed à Vossiana plane diversam. Cum autem sectiones istæ non sint ex auctoris instituto, vulgatas retinere visum est ad cavendam citationum confusionem.

IX. Porro hujus operis inscriptio variat in vetustis libris. Probabilior est Colbertini codicis, notati 3964 : « Beati Bernardi abbatis Claræ-Vallis in libro de Consideratione » ad dominum Eugenium papam prologus incipit feliciter. » Sed non tanti sunt momenti ejusmodi inscriptiones, quæ plerumque ex notariorum arbitrio profectæ sunt. His subjicere juvat, quod Horstius præfationis instar huic tomo præmisit.

## J. MERLONIS HORSTII MONITUM AD LECTOREM.

Sancti Bernardi tractatus varios quatuor hic tomus exhibet, genuinos, inquam, et indubios, nam aliis alibi locus erit. Hos inter primas ordine et excellentia tenet de Consideratione ad Eugenium III pontificem liber, si quisquam alius, Ecclesiae praesulibus et praelatis utilis prorsus ac necessarius. In Vita sancti Bernardi, lib. 2, c. 8, item libro 3, cap. 8, habes, quae lectioni horum librorum omnino praemitti suadeo. His adde sequentia. Gerardus Vossius praepositus Tungrensis libros hosce e bibliotheca Vaticana separatim edidit Romae anno 1594, et summo pontifici Clementi VIII dicavit. In eorum vero commendationem inter caetera haec praefatur. « Quantum inter alios » pontifices Nicolaus V hisce libris tribuerit, re ipsa ostendit, dum libros eosdem, » ante usum typographiae inventum, adeo magnifico et insigni caractere separatim » pro suo aliorumque usu describendos curavit. Quorum etiam amore ac studio fla- » grans Pius V, re et nomine pius, eorundem lectionem mensae suae lubens adhi- » bebat, ponderabat, et magnificiebat : sicut et ab ejus in pontificatu successore » Gregorio XIII factum intelligo. Quos et Urbanus VII in episcopatu, ac post in » cardinalatu multum sibi familiares habuisse dicitur, secumque ad conclave tulisse, » in quo et summus pontifex renuntiatus est. Quem brevi in pontificatu secutus Gre- » gorius XIV, plurimum quoque iisdem Bernardi libris tribuere, cosque frequenter » in ore habere solebat : et seorsim (ut ab omnibus ecclesiasticis, maxime autem » praelatis, commodius circumferri legique possent) exstare peroptabat : sicut a fide » dignissimis de eo adhuc cardinale accepi; ipseque ex ejusmet ore non semel audi- » vi. » Haec Vossius in Dedicatione ad Clementem VIII.

Porro inter Tractatus invenies duos ex epistolis huc translatos, idque non sine causa, ut arbitror. Prolixitas quippe, et ipsa argumenti ratio, necnon tractandi modus nomen Tractatus exposcere videbantur. Frequens autem esse, ut pii Patrum labores ac tractatus nomen Epistolae sortiantur, observat Ephraemius apud Photium, codice 229, et variis exemplis ostendit Baronius ad annum Christi 584, agens de epistola a S. Gregorio nomine Pelagii II scripta adversus tria Capitula. Inter Epistolas sancti Hieronymi et sancti Augustini complures occurrent, quos ipsimet autores Libri nomine donant. Qui deinde edendorum Patrum curam susceperunt, multorum judicio hujusmodi lucubrationes aptius in tractatum sive librorum, quam epistolarum censum syllabumque retulissent. Quamvis et hi auctoritate non omnino videantur destitui : praesertim cum hoc exemplum ab Apostolis venerit, ut argumenta, quamvis seria, committerentur epistolis. Sed tales epistolae vere tractatus sunt de rebus haudquaquam familiaribus. Unde et nobis visum, duas illas epistolas, quadragesimam secundam et centesimam nonagesimam, utpote prolixas admodum, e numero caeterarum eximere, et in gratiam lectoris distinctas in capita, tractatibus adjungere. Nec obstat, quod ad unam singularem personam directae, eam peculiariter subinde compellent. Saue si justi de argumento aliquo tractatus, idcirco quod ad unum aliquem dirigantur, Epistolae nomine praenotandi veniunt, nullus prope liber erit, cui non debeatur nomen Epistolae, cum fere hoc omnibus solemne sit, lucubrationes suas alicui inscribere. Adeoque ipsa etiam Bernardi Apologia ad Guillelmum abbatem, aliaeque plura ejus opuscula inter epistolas referantur. Retinuimus tamen receptum Epistolarum numerum et ordinem, ne cui forte industria nostra fraudi esset, si priorum editionum citationes a nostra discreparent. Si quae praeterea de quibus forte monendus sit lector, suis locis inveniet, et prolixè quidem in Praefatione totius operis.

# SANCTI BERNARDI

ABBATIS CLARÆ-VALLENSIS

## DE CONSIDERATIONE

AD EUGENIUM TERTIUM

LIBRI QUINQUE.

---

### PROLOGUS.

Subit animum dictare aliquid, quod te, papa<sup>107</sup> mala autem in cordibus eorum; blandiuntur beatissime Eugeni, vel ædificet, vel delectet, A coram, in necessitate deficiunt. At charitas nunquam excidit<sup>1</sup>. Ego, ut verum fatear, matris sum liberatus officio, sed non deprædatus affectu. Olim mihi<sup>2</sup> invisceratus es, non tam facile erueris<sup>3</sup>. Ascende in cælos, descende in abyssos: non recedes a me, sequar te quocumque ieris<sup>2</sup>. Amavi pauperem, amabo pauperum et divitum patrem<sup>4</sup>. Non enim, si bene te novi, quia pater pauperum factus, ideo non pauper spiritu es. In te hanc mutationem factam esse confido, non de te; nec priori statui tuo successisse promotionem, sed accessisse. Monebo te proinde, non ut magister, sed ut mater: plane ut amans. Amens magis videar, sed ei qui non amat, ei qui vim non sentit amoris.

Subit animum dictare aliquid, quod te, papa<sup>107</sup> mala autem in cordibus eorum; blandiuntur beatissime Eugeni, vel ædificet, vel delectet, A coram, in necessitate deficiunt. At charitas nunquam excidit<sup>1</sup>. Ego, ut verum fatear, matris sum liberatus officio, sed non deprædatus affectu. Olim mihi<sup>2</sup> invisceratus es, non tam facile erueris<sup>3</sup>. Ascende in cælos, descende in abyssos: non recedes a me, sequar te quocumque ieris<sup>2</sup>. Amavi pauperem, amabo pauperum et divitum patrem<sup>4</sup>. Non enim, si bene te novi, quia pater pauperum factus, ideo non pauper spiritu es. In te hanc mutationem factam esse confido, non de te; nec priori statui tuo successisse promotionem, sed accessisse. Monebo te proinde, non ut magister, sed ut mater: plane ut amans. Amens magis videar, sed ei qui non amat, ei qui vim non sentit amoris.

<sup>1</sup> I Cor. xiii, 8. — <sup>2</sup> Luc. ix, 57.

<sup>2</sup> Alias, *Sed intervenit tua dignatio, qua hoc ipsum non saltem præcipis, sed petis.*

<sup>3</sup> Infularum nomine non tantum mitram, sed universim pontificalia insignia intelligit. De his inferius ad librum quartum, cap. 3, n. 6.

<sup>4</sup> Alüs, *Olim mihi invisceratus es, non mihi ex medullis tam facile abstraheris.*

<sup>4</sup> Editi præbent, *Amavi pauperem spiritu, amabo pauperum et divitum patrem.* At deest *spiritu* in plerisque manuscriptis. Et vero sententia concinnior est absque hoc vocabulo, tametsi additur infra.

# LIBER PRIMUS.

## CAPUT I.

Pontifici, tam variis occupationibus presso, condolet.

1. Unde ergo jam incipiam? Libet ab occupationibus tuis, quia in his maxime condoleo tibi. Condoleo dixerim, si tamen doles et tu: alioquin Doleo magis dixisse debueram; quia non est condolere, ubi nemo qui doleat. Itaque si doles, condoleo: si non, doleo tamen, et maxime, sciens longius a salute absistere membrum quod obstupuit; et ægrum sese non sentientem periculosius laborare. Absit autem ut de te id suspicer. Novi quibus deliciis dulcis quietis tuæ non longe antehac fruebare. Non potes his dissuevisse tam cito, ita subito non dolere nuper subtractas. Plaga recens dolore non caret. Neque enim jam occalluit vulnus, nec in tam brevi versum in insensibile est. Quanquam si non dissimules, non deest tibi jugis materia justis doloris a quotidianis jacturis<sup>a</sup>. Invitus, ni fallor, avelleris a tuæ Rachelis amplexibus<sup>\*</sup>; et quoties id pati contigerit, toties dolor tuus renovetur necesse est. At quando non contingit? Quoties vis, et incassum? quoties moves, nec promoves? quoties conaris, et non datur ultra; eniteris, et non paritas<sup>\*</sup>; tentas, et abriperis; et ubi incipis, ibi deficiis; et dum adhuc ordiris, succidunt te? *Venerunt filii usque ad partum*, ait propheta, *et vires non habet parturiens*<sup>1</sup>. Nosti hoc? nemo te melius. Attritæ frontis es, et instar vitulæ Ephraim doctus diligere trituram<sup>2</sup>, si, pace tua<sup>b</sup>, sic se habent res tuæ. Absit: hæc est pars illius, qui datus est in reprobum sensum. Ab his sane cupio tibi pacem, non cum his. Nihil plus metuo tibi pace

<sup>407</sup> ista. Miraris si unquam possit accidere? Etiam, A dico tibi, si res, ut assolet, per consuetudinem in incuriam venerit.

## CAPUT II.

Vis consuetudinis ad inducendos pravos mores, et duritiam cordis.

2. Noli nimis credere affectui tuo qui nunc est. Nil tam fixum animo, quod neglectu et tempore non obsolescat. Vulneri vetusto et neglecto callus obducitur, et eo insanabile, quo insensibile fit. Denique dolor continuus, et acerbus, diuturnus esse non patitur. Nam si non aliunde extunditur, necesse est cedit vel sibi. Enimvero cito aut de remedio consolationem recipiet, aut de assiduitate stuporem. Quid non invertat consuetudo? quid non assiduitate duretur? quid non usui cedat? quantis quod præ amaritudine prius exhorrebant, usu ipso male in dulce conversum est? Audi justum quid lamentetur super hujusmodi. *Quæ prius tangere nolebat anima mea, nunc præ angustia cibi mei sunt*<sup>3</sup>. Primum tibi importabile videbitur aliquid: processu temporis, si assuescas, judicabis non adeo grave; paulo post et leve senties, paulo post nec senties; paulo post etiam delectabit. Ita paulatim in cordis duritiam itur, et ex illa in aversionem. Sic gravis et continuus dolor citum, ut dixi, habiturus est exitum, aut sanitatem profecto, aut insensibilitatem.

3. Hinc prorsus, hinc tibi timui semper, et timeo, ne dilato remedio, dolorem non sustinens<sup>c</sup>, periculo te irrevocabiliter desperatus

<sup>1</sup> IV Reg. XIX, 3. — <sup>2</sup> Osee X, 11. — <sup>3</sup> Job VI, 7.

<sup>a</sup> Alias, a quotidianis damnis et jacturis. — <sup>b</sup> Alias, quod pace tua loquar. — <sup>c</sup> Ita scripti cum vetustis editis: Horstio, dolorem vel non sentiens, vel non sustinens.

immergas. Vereor, inquam, ne in mediis occu-<sup>409</sup> rationibus, quoniam multæ sunt, dum diffidis A finem, frontem dures, et ita sensim te ipsum quodammodo sensu prives justis utilisque doloris. Multo prudentius te illis subtrahas vel ad tempus, quam patiari trahi ab ipsis, et duci certe paulatim quo tu non vis. Quæris quo? Ad cor durum. Nec pergas quærere, quid illud sit: si non expavisti, tuum hoc est. Solum est cor durum, quod semetipsum non exhorret, quia nec sentit. Quid me interrogas? Interroga Pharaonem. Nemo duri cordis salutem unquam adeptus est, nisi quem forte miserans Deus, abstulit ab eo, juxta prophetam, cor lapideum, et dedit cor carneum<sup>1</sup>. Quid ergo cor durum? B Ipsum est quod nec compunctione scinditur, nec pietate mollitur, nec movetur precibus: minis non cedit, flagellis duratur. Ingratum ad beneficia est, ad consilia infidum, ad judicia sævum<sup>2</sup>, inverecondum ad turpia, impavidum ad pericula, inhumanum ad humana, temerarium in divina<sup>b</sup>, præteritorum obliviscens, præsentia negligens, futura non providens. Ipsum est, cui præteritorum, præter solas injurias, nihil omnino non præterit; præsentium nihil non perit; futurorum nulla, nisi forte ad ulciscendum, prospectio seu præparatio est. Et ut brevi cuncta horribilis mali mala complectar, C ipsum est quod nec Deum timet, nec hominem reveretur. En quo trahere te habent hæ occupationes maledictæ: si tamen pergis, ut cœpisti, ita dare te totum illis, nil tui tibi relinquens. Perdis tempus: si licet nunc alterum me tibi exhibere Jethro, tu quoque in his stulto labore consumeris<sup>3</sup>, quæ non sunt nisi afflictio spiritus, evisceratio mentis, evacuatio gratiæ. Nam fructus horum quid, nisi aranearum telæ?

### CAPUT III.

Indignum proceribus Ecclesiæ, continue causis litigantium audiendis et decidendis incumbere.

4. Quæso te, quale est istud, de mane usque ad vesperam litigare, aut litigantes audire? Et utinam sufficeret dici malitia sua! non sunt liberæ noctes. Vix relinquitur necessitati natu-

rursum ad jurgia surgitur. Dies diei cruciat lites, et nox nocti indicat malitiam: usque adeo non est respirare in bonis, non est alternam capessere requiem, non vel rara interseriotia. Non ambigo te quoque ista deplorare: at frustra istud, si non et emendare studueris. Interim tamen sic semper facias hortor, nec te unquam ad ista duraveris quolibet usu vel assiduitate. *Percussi eos, et non doluerunt*, ait Deus<sup>3c</sup>. Nihil tibi, et illis. Justi potius tibi aptare curato et affectionem, et vocem, qui ait: *Quæ est enim fortitudo mea ut sustineam? aut quis finis<sup>d</sup> meus; ut patienter agam? Nec fortitudo lapidum<sup>e</sup> fortitudo mea, nec caro mea anea est<sup>4</sup>*. Magna virtus patientiæ: sed non hanc tibi ad ista optaverim. Interdum impatientem esse, probabilius. Tunc approbes illorum patientiam, quibus Paulus dicebat: *Libenter suffertis insipientes, cum sitis ipsi sapientes?* Si fallor, ironia erat, et non laus, sed suggestio quorundam mansuetudinis, qui quasi datis manibus pseudoapostolis, a quibus et seducti erant, ad quæque ipsorum peregrina et prava dogmata trahi se patientissime ferrent. Unde et subdens, *Sustinetis enim*, inquit, *si quis vos in servitatem redigit<sup>5</sup>*. Non bona patientia, cum possis esse liber, servum te permittere fieri. Nolo dissimules servitutem, in quam certe in dies, dum nescis, redigeris. Hebetati cordis indicium est, propriam non sentire continuam vexationem. *Veratio dat intellectum auditui*, ait quidam<sup>6</sup>. Verum est; sed si nimia non fuerit. Nam si sit, non plane intellectum dat, sed contemptum. Denique impius cum in profundum malorum venerit, contemnit<sup>7</sup>. Expergiscere ergo, et pessimæ servitutis jugum jam jamque imminens, imo jam non modice premens, non tantum cave, sed horre. An ideo non servus, quia non uni servis, sed omnibus? Nulla turpior servitus graviore, quam servitus Judæorum, quam quocumque ierint post se trahunt, et ubique dominos offendunt<sup>f</sup> suos. Tu quoque dic, quæso, ubi unquam sis liber, ubi tutus, ubi tuus? Ubique strepitus, ubique tumultus, ubique jugum tuæ servitutis te premit.

<sup>2</sup> Ezech. xxxvi, 26. — <sup>3</sup> Exod. xviii, 19. — <sup>3</sup> Jerem. v, 3. — <sup>4</sup> Job vi, 11, 12. — <sup>5</sup> II Cor. xi, 19, 20. —

<sup>6</sup> Isai. xxviii, 19. — <sup>7</sup> Prov. xviii, 3.

<sup>a</sup> Alias, *sardum*. — <sup>b</sup> Alias, *ad divina*. — <sup>c</sup> Alias, *propheta*. — <sup>d</sup> Alias, *aut quæ fiducia*. — <sup>e</sup> Alias, *laterum*.

<sup>f</sup> Id est, inveniunt. Glossæ hæc in quibusdam scriptis in textum.

## CAPUT IV.

Quæ servitus digna, quæ indigna servo servorum Dei.

5. Nec mihi reponas <sup>a</sup> nunc Apostoli vocem, qua ait : *Cum essem liber ex omnibus, omnium servum me feci*. Longe est istud a te. Numquid hæc ille servitute hominibus inserviebat in acquisitione turpis quæstus? Numquid ad eum de toto orbe confluebant ambitiosi, avari, simoniaci, sacrilegi, concubinarij, incestuosi, et quæque istiusmodi monstra hominum, ut ipsius apostolica auctoritate vel obtinerent honores ecclesiasticos, vel retinerent? Ergo servum se fecit <sup>b</sup> homo, cui vivere Christus erat, et mori lucrum, ut plures lucrificeret Christo, non ut luera augeret avaritiæ. Non est igitur quod de solertissima Pauli industria, et charitate tam libera quam liberali, servili conversationi <sup>c</sup> tuæ patrocinium sumas. Quam tuo dignius apostolatu, quam salubrius tuæ conscientiæ, quam fructuosius Ecclesiæ Dei audias potius ipsum alibi dicentem : *Pretio empti estis, nolite effici servi hominum* <sup>1</sup> ! Quid servilius indigniusque, præsertim summo Pontifici, quam, non dico omni die, sed pene omni hora, insudare talibus rebus, et pro talibus? Denique quando oramus? quando docemus populos? quando ædificamus Ecclesiam? quando meditamur in lege? Et quidem quotidie perstrepunt in palatio leges, sed Justiniani, non Domini <sup>2</sup>. Justene etiam istud? Tu videris. Nam certe lex Domini immaculata, convertens animas <sup>3</sup>. Hæc autem non tam leges, quam lites sunt et cavillationes, subvertentes judicium. Tu ergo pastor et episcopus animarum, qua mente, obsecro, sustines coram te semper silere illam, garrire istas? Fallor, si non movet tibi scrupulum perversitas hæc. Puto quod et interdum compellat clamare ad Dominum cum propheta : *Narraverunt mihi iniqui fabulationes, sed non ut lex tua* <sup>4</sup>. I ergo, et te aude liberum profiteri sub tam gravi mole inconvenientiæ hujus, et cui fas non sit cervicem subducere. Nam si potes et non vis, multo magis servus es hujus ipsius tam perversæ voluntatis tuæ. An non servus, cui dominatur iniquitas? Et maxime. Nisi tu forte indignius

<sup>410</sup>judices hominem tibi, quam vitium dominari. A Quid interest, volens servias, an invitus? Nam etsi coacta servitus miserabilior, sed affectata miserior est. Et quid vis me facere, inquis? Ut tibi ab his occupationibus parcas. Impossibile fortasse respondebis, facilius cathedræ valedicere posse. Recte hoc, si rumpere, et non magis interrompere ista hortarer.

## CAPUT V.

Non gerendam aliorum curam cum sui ipsius incuria et neglectu.

6. Audi ergo quid redarguam, quid suadeam. Si quod vivis et sapis, totum das actioni, considerationi nihil; laudo te? In hoc non laudo. Puto quod et nemo, qui a Salomone audierit : *Qui minoratur actu, percipiet sapientiam* <sup>5</sup>. Certe nec ipsi actioni expedit consideratione non præveniri. Si item totus vis esse omnium, instar illius qui omnibus omnia factus est <sup>6</sup>; laudo humilitatem, sed si plena sit. Quomodo autem plena, te excluso? Et tu homo es. Ergo ut integra sit et plena humanitas, colligat et te intra se sinus qui omnes recipit. C Alioquin quid tibi prodest, juxta verbum Domini, si universos lucreris, te unum perdens <sup>7</sup>? Quam ob rem cum omnes te habeant, esto etiam tu ex habentibus unus. Quid solus fraudaris munere tui? Usquequo spiritus vadens, et non rediens? Usquequo non recipis te et ipse inter alios vice tua? Sapientibus et insipientibus debitor es; et soli negas te tibi? Stultus et sapiens, servus et liber, dives et pauper, vir et femina, senex et juvenis, clericus et laicus, justus et impius, omnes pariter participant te, omnes de fonte publico bibunt pectore tuo; et tu seorsum sitiens stabis? Si D maledictus qui partem suam facit deteriorem, quid ille qui se penitus reddit expertem? Sane deriventur aquæ tuæ in plateas; homines et jumenta et pecora bibant ex eis, quin et camelis pueri Abrahæ potum tribuas : sed inter cæteros bibe et tu de fonte putei tui. *Alienus*, inquit, *non bibat ex eo* <sup>8</sup>. Numquid tu alienus? Cui non alienus, si tibi es? Denique qui sibi nequam, cui bonus <sup>9</sup>? Memento proinde, non

<sup>1</sup> I Cor. vii, 23. — <sup>2</sup> Psal. lxxviii, 8. — <sup>3</sup> Psal. cxviii, 85. — <sup>4</sup> Eccli. xxxviii, 25. — <sup>5</sup> I Cor. ix, 22. — <sup>6</sup> Matth. xvi, 26. — <sup>7</sup> Psal. lxxvii, 39. — <sup>8</sup> Prov. v, 17. — <sup>9</sup> Eccli. xiv, 5.

<sup>a</sup> Alias, *opponas*. — <sup>b</sup> Alias, *te fecit*. — <sup>c</sup> Alias, *conditioni*.



dico semper, non dico sæpe, sed vel interdum<sup>1</sup> fuit. Itane imminutor est dignitatis servus, si reddere te ipsum tibi. Utere tu quoque te inter A multos, aut certe post multos. Quid indulgentius? Hoc enim dico secundum indulgentiam, non secundum iudicium<sup>2</sup>. Puto et ipso Apostolo indulgentiorem me in hac parte. Ergo plus quam oportet, inquis. Non inticior. Quid, si ita oportet? Nam tu, ut confido, nostra non eris meticolosa informatione contentus, sed abundabis magis. Sane sic decet, te scilicet abundantior, quam me audaciorem esse. Ego quoque mihi tutius iudico apud majestatem timiditate, quam temeritate periclitari. Et fortassis non secus moneri sapientem oportuit, ut sit quod B scriptum est: *Da occasionem sapienti, et sapientior erit*<sup>3</sup>.

## CAPUT VI.

Non tam episcopis, quam principibus judiciariam potestatem competere.

7. Audi tamen Apostolum, quid de hujusmodi sentiat. *Sic non est inter vos sapiens*, ait ille, *qui iudicet inter fratrem et fratrem*? Et infert: *Ad ignominiam vobis dico: contemptibiliores qui sunt in Ecclesia, illos constituite ad C iudicandum*<sup>4</sup>. Itaque secundum Apostolum, indigne tibi usurpas tu apostolicus officium<sup>5</sup> vile, gradum contemptibilem. Unde et dicebat episcopus, episcopum instruens: *Nemo militans Deo implicat se negotiis secularibus*<sup>6</sup>. Ego autem parco tibi. Non enim fortia loquor, sedabilia. Putasne hæc tempora sustinerent, si hominibus litigantibus pro terrena hereditate, et flagitantibus abs te iudicium, voce Domini tui responderes: *O homines, quis me constituit iudicem super vos*<sup>7</sup>? In quale tu iudicium mox venires? Quid dicit homo rusticanus et imperitus, ignorans primatum<sup>\*</sup> suum, inhonorans D summam et præcelsam sedem, derogans apostolicæ dignitati? Et tamen non monstrabunt, puto, qui hoc dicerent, ubi aliquando quispiam Apostolorum iudex sederit hominum, aut divisor terminorum, aut distributor terrarum. Stetisse denique lego Apostolos iudicandos<sup>8</sup>, sedisse iudicantes non lego. Erit illud<sup>c</sup>, non

non vult esse major domino suo: aut discipulus, si non vult esse major eo qui se misit: aut filius, si non transgreditur terminos, quos posuerunt patres sui? *Quis me constituit iudicem*? ait ille Dominus et magister: et erit injuria servo discipuloque, nisi iudicet universos? Mihi tamen non videtur bonus æstimator rerum, qui indignum putat Apostolis seu apostolicis viris non iudicare de talibus, quibus datum est iudicium in majora. Quidni contemnunt iudicare de terrenis possessionibus hominum, qui in cælestibus et angelos iudicabunt? Ergo in criminibus, non in possessionibus potestas vestra: quoniam propter illa, et non propter has, accepistis claves regni cælorum, prævaricatores utique exclusuri, non possessores. *Ut sciatis*, ait, *quia Filius hominis habet potestatem in terra dimittendi peccata*<sup>9</sup>, etc. Quænam tibi major videtur et dignitas, et potestas, dimittendi peccata, an prædia dividendi? Sed non est comparatio. Habent hæc infima et terrena iudices suos, reges et principes terræ. Quid fines alienos invaditis? Quid falcem vestram in alienam messem extenditis? Non quia indigni vos, sed quia indignum vobis talibus insistere, quippe potioribus occupatis. Denique ubi necessitas exigit, audi quid censeat Apostolus: *Si enim in vobis iudicabitur hic mundus, indigni estis qui de minimis iudicetis*<sup>7</sup>.

## CAPUT VII.

Pietati et rerum æternarum considerationi in primis vacandum esse.

8. Sed aliud est incidenter excurrere in ista, causa quidem urgente: aliud ultro incumbere istis, tanquam magnis dignisque tali et talium intentione rebus. Itaque hæc et innumera talia dicerem, si fortia dicerem, si recta, si sincera. Nunc autem quoniam dies mali sunt<sup>8</sup>, sufficit interim admonitum esse, non totum te, nec semper dare actioni: sed considerationi aliquid tui et cordis, et temporis sequestrare. Hoc autem dico necessitatem intuens, non æquitatem: quanquam non sit præter æquum, necessitati

<sup>1</sup> Prov. ix, 9. — <sup>2</sup> I Cor. vi, 5, 4. — <sup>3</sup> II Tim. ii, 4. — <sup>4</sup> Luc. xii, 14. — <sup>5</sup> Act. v, 27. — <sup>6</sup> Matth. ix, 6. — <sup>7</sup> I Cor. vi, 2. — <sup>8</sup> Ephes. v, 16.

<sup>a</sup> Alias, imperium. — <sup>b</sup> Alias, iudicium.

<sup>c</sup> Nempe ut deant iudicantes, juxta illud Matthæi xix, 28, *Sedebitis et vos*, etc.

cedere. Nam si liceret quod deceret, absolute<sup>112</sup> per omnia et in omnibus præferendam, et vel solam, vel maxime colendam eam, quæ ad omnia valet, id est pietatem, prorsus irrefragabilis ratio monstrat. Quid sit pietas quæris? Vacare considerationi. Dicas forsitan in hoc dissentire me ab illo, qui pietatem definit cultum Dei<sup>1</sup>. Non est ita. Si bene consideras, illius sensum meis expressi verbis, etsi tamen ex parte<sup>a</sup>. Quid tam pertinens ad cultum Dei, quam quod ipse hortatur in Psalmo : *Vacate, et videte quoniam ego sum Deus*<sup>2</sup>? quod sane in partibus considerationis præcipuum est. Quid denique<sup>b</sup> tam valens ad omnia, quam quæ ipsius quoque actionis partes benigna quadam præsumptione suas facit, præagendo quodammodo, et præordinando quæ agenda sunt? Necessario sane; ne forte quæ et prævisa et præmeditata poterant esse proficuo, præcipitata magis periculo fiant : quod tibi met, si recordaris in ipsis actionibus causarum, et in magnis quibusque negotiis, magnarumve consiliis rerum frequenter accidisse non ambigo. Et primum quidem ipsum fontem suum, id est mentem, de qua oritur, purificat consideratio. Deinde regit affectus, dirigit actus, corrigit excessus, componit mores, vitam honestat et C ordinat, postremo divinarum pariter et humanarum rerum scientiam confert. Hæc est quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, ficta et fucata explorat. Hæc est quæ agenda præordinat, acta recogitat, ut nihil in mente resideat aut incorrectum, aut correctione egens<sup>c</sup>. Hæc est quæ in prosperis adversa præsentit, in adversis quasi non sentit : quorum alterum fortitudinis; alterum prudentiæ est.

### CAPUT VIII.

Ex pietate et contemplatione pulcherrimam quatuor primarum virtutum harmoniam et connexionem oriri.

9. Ibi etiam advertere tibi est suavissimum quemdam concentum complexumque virtutum, atque alteram pendere ex altera; sicut hoc loco vides, fortitudinis matrem esse prudentiam : nec fortitudinem, sed temeritatem esse quemli-

bet ausum, quem non parturivit prudentia. Hæc item est, quæ inter voluptates et necessitates media, quasi quædam arbitra sedens, utrimque certis limitibus disternit fines, istis assignans et præbens quod sat est; illis quod nimis est demens; et sic ex alterutro tertiam formans virtutem, quam dicunt temperantiam. Nempe intemperantem ipsa consideratio censet, tam eum qui necessariis pertinaciter demit, quam qui indulget superfluis. Non est ergo temperantia in solis resecandis superfluis : est et in admittendis necessariis. Hujus sententiæ Apostolus non fautor tantum, sed auctor esse videtur, qui curam carnis nostræ docet non perfici in desiderio. Dicens siquidem *curam carnis non perfici*, superflua cohibet : addens, *in desiderio*<sup>3</sup>, necessaria non excludit. Unde mihi videtur non omnino absurde definire temperantiam, qui hanc nec præcidere necessitatem, nec excedere dicat, juxta illud philosophi, « Ne quid nimis. »

10. Jam de justitia, quæ una ex quatuor est, nonne constat consideratione mentem præveniri, ut se formet in ea? Se enim necesse est prius cogitet, ut ex se normam ducat justitiæ, nec factura utique alteri, quod sibi fieri nolit; nec quod sibi velit fieri negatura. In his nempe duobus liquet integrum esse justitiæ statum. Sed nec ipsa solitaria est. Intuere etenim nunc mecum etiam hujus pulchram connexionem et coherentiam cum temperantia, et item ambarum cum duabus superioribus, id est prudentia et fortitudine. Nam cum justitiæ dicatur portio, quod sibi non vult fieri quis, alii non facere; porro perfectio, quod ait Dominus, *Quæcumque vultis ut faciant vobis homines, et vos facite illis*<sup>4</sup> : neutrum horum erit, nisi ipsa voluntas, de qua tota ducitur forma, sic ordinata fuerit, ut nec velit aliquid D superfluum, nec necessarium quid superstitiose nolit, quod quidem temperantiæ est. Denique et ipsi justitiæ, ut justa sit, temperantia modum imponit. *Noli nimium esse justus*, ait Sapiens<sup>5</sup>, ostendens per hoc minime approbandam justitiam, quæ temperantiæ moderamine non frenetur. Quid quod et ipsa sapientia hoc temperantiæ frenum non respuit; dicente Paulo secundum sapientiam a Deo sibi datam, *non plus sapere, quam oportet sapere, sed sapere*

<sup>1</sup> Job xxviii, 28, juxta lxx. — <sup>2</sup> Psal. xlv, 11. — <sup>3</sup> Rom. xiii, 14. — <sup>4</sup> Matth. vii, 12. — <sup>5</sup> Eccle. vii, 17.

<sup>a</sup> Alias, etsi licet ex parte. — <sup>b</sup> Alias, Quid deinde. — <sup>c</sup> Alias, aut incorruptum aut correctione egens.

*ad sobrietatem* <sup>1</sup>? Sed et e converso, quod tem-<sup>415</sup> perantiæ necessaria justitia sit, ostendit Domi-  
nus, arguens in Evangelio illorum temperan-  
tiam, qui abstinebant ut viderentur hominibus  
jejunantes <sup>2</sup>. Erat in cibo temperantia, sed non  
justitia in animo : quia non Deo placere, sed ho-  
minibus intendebant. Quomodo rursus vel ista,  
vel illa sine fortitudine? cum constet fortitudinis  
esse, et non mediocris, cohibere velle et nolle  
suum inter angustias, parum et nimis; ut sit  
contenta voluntas modo illo medio, nudo, pu-  
ro, solo, constante sibi, æquali undique sui,  
utpote ex omni parte pariter circumciso, quem  
solum constat esse virtutis.

11. Dico mihi, quæso, si potes, cuinam  
potissimum trium harum virtutum medullium  
hoc dandum censeas, quod ita cunctis conter-  
minum est, ut videatur esse proprium singu-  
larum? An ipsum virtus est, et nihil aliud? Sed  
sic virtus non esset multiplex, sed essent omnes  
una. An potius, quia sine eo virtus non est,  
omnium quodammodo intima vis una est et  
medulla virtutum, in qua sic uniuntur, ut pro-  
inde <sup>a</sup> una videantur omnes? præsertim quod  
non illud participando communicant, sed totum  
a singulis atque integrum possidetur. Verbi cau-  
sa, quid tam justitiæ, quam modus? Alioquin si  
quid extra modum relinquit, non plane cuique  
tribuit quod suum est : quod tamen suum ipsius  
est facere. Quid tam rursus temperantiæ, quæ  
non aliunde profecto temperantia est, nisi quod  
nil immoderatum admittit? Sed, puto, fate-  
bere etiam non minus esse fortitudinis, cum  
vel maxime ipsa sit, quæ ab irrudentibus vitiis,  
et quasi hinc inde suffocare conantibus, purum  
illud potenter eruit et vindicat in quoddam  
stabile fundamentum boni, sedemque virtutis.  
Ergo modum tenere justitia est, temperantia  
est, fortitudo est. Sed vide ne in hoc differ-  
rant, ut justitiæ quidem in affectu res sit; a D  
fortitudine autem efficacia ejus; porro posses-  
sio atque usus apud temperantiam. Restat ut  
doceamus ab hac communione prudentiam non  
excludi. Nonne ipsa est, quæ modum, diu  
animi neglectu posthabitu, et vitiorum invi-  
dia quasi in abditis reclusum, et coopertum  
quadam vetustatis caligine, prior reperit et ad-  
vertit? Propterea dico tibi : a paucis advertitur,  
quia paucorum prudentia est. Itaque justitia

temperantia possidet. Non mihi hoc loco pro-  
positum est de virtutibus disputare : sed hæc  
dixerim hortans ad vacandum considerationi,  
cujus beneficio hæc et similia advertuntur. Cui  
tam pio, tamque utili otio nullam in vita ope-  
ram dare, nonne vitam perdere est?

CAPUT IX.

Recentia Pontificum exempla paulatim corrigenda, vetera  
imitanda.

B 12. Quid tamen, si te philosophiæ huic to-  
tum repente devoveris? Prædecessores tui non  
ita consueverunt\* : eris molestus quam pluri-  
bus, quasi qui a patrum vestigiis subito devia-  
ris : nempe id videberis agere in suggillationem  
illorum. Sed et notabere vulgari proverbio :  
Qui hoc facit quod nullus, mirantur omnes :  
veluti qui cupias admirationi fore. Nec potes  
eorum omnia simul et subito vel errata corri-  
gere, vel excessus redigere in modum. Erit  
cum acceperis tempus, ut secundum sapien-  
tiam tibi a Deo datam paulatim et opportune  
id studeas. Interim sane malo alterius utere in  
bonum quod potes. Quanquam si de bonis,  
et non de novis sumamus exempla, non de-  
fuere Romani pontifices, qui sibi otia inter  
maxima negotia invenirent. Obsidio urbi, et  
barbaricus ensis civium cervicibus immincebat :  
numquid tamen istud terruit beatum papam  
Gregorium\*, quominus sapientiam scriberet in  
otio? Eo nempe temporis (quod ex ejus præfa-  
tione <sup>b</sup> liquet) obscurissimam et extremam par-  
tem Ezechielis tam diligenter, quam eleganter  
exposuit.

CAPUT X.

Abusus advocatorum, judicum, procuratorum, eorum-  
que fraudes graviter perstringit.

13. Sed esto : alius inolevit mos, dies alii  
sunt, et alii hominum mores et tempora peri-  
culosa non instant jam, sed exstant. Fraus, et  
circumventio, et violentia invaluere super ter-  
ram. Calumniatores multi, defensor rarus, ubi-  
que potentiores pauperiores opprimunt : non

<sup>1</sup> Rom. xii, 3. — <sup>2</sup> Matth. vi, 16.  
<sup>a</sup> Alias, ut *perinde*. — <sup>b</sup> Alias, ex *verbis*.

possumus deesse oppressis, non negare injuriam patientibus judicium. Nisi agitentur causæ, A audiantur partes, inter partes judicari quid potest<sup>a</sup>? Agitentur causæ, sed sicut oportet. Nam is modus, qui frequentatur, execrabilis plane; et qui, non dico Ecclesiam, sed nec forum deceat<sup>b</sup>. Miror namque quemadmodum religiosæ aures tuæ audire sustinent hujusmodi disputationes advocatorum, et pugnas verborum, quæ magis ad subversionem, quam ad inventionem proficiunt veritatis. Corrige prævum morem, et præcide linguas vaniloquas<sup>c</sup>, et labia dolosa claude. Hi sunt qui docuerunt linguas suas loqui mendacium, disertis adversus justitiam, eruditi pro falsitate. Sapientes sunt ut faciant malum, eloquentes ut impugnent verum. Hi sunt qui instruunt a quibus fuerant instruendi; adstruunt non comperta, sed sua; struunt de proprio calumnias innocentie; destruunt simplicitatem veritatis, obstruunt judicii vias. Nihil ita absque labore manifestam facit veritatem, ut brevis et pura narratio. Ergo illas quas ad te necesse erit intrare causas (neque enim omnes necesse erit), diligenter velim, sed breviter decidere assuescas, frustratoriasque et venatorias præcidere C dilationes. Causa viduæ intret ad te, causa pauperis, et ejus qui non habet quod det. Aliis alias multas poteris committere terminandas, quam plures nec dignas audientia judicare. Quid enim opus est admittere illos, quorum peccata manifesta sunt præcedentia ad judicium? Tanta est impudentia nonnullorum, ut cum manifestæ ambitionis prurigne scateat tota facies causæ eorum, non erubescant audientiam flagitare, publicantes semetipsos ad multorum conscientias, in quo vel suæ solius satis poterant confundi judicio. Non fuit qui retunderet attritas frontes; et ideo plures facti sunt, et magis D induruerunt. Sed et nescio quomodo vitiosus conscientias vitiosorum non refugit: et ubi omnes sordent, unius fetor minime sentitur. Quis enim unquam, verbi causa, avarum avarus, immundum immundus, luxuriosum luxuriosus erubuit? Plena est ambitiosis Ecclesia: non est jam quod horreat in studiis et molitionibus ambitionis, non plus quam spelunca latronis in spoliis viatorum.

## CAPUT XI.

In advocatos et procuratores, qui ex iniquitate quæstum faciunt, severe animadvertendum.

14. Si Christi discipulus es, ignescat zelus tuus, exsurgat auctoritas adversus impudentiam hanc et generalem pestem. Intuere Magistrum sic facientem, et audi dicentem: *Qui mihi ministrat, me sequatur*<sup>1</sup>. Non parat aures ut audiat, sed flagellum quo feriat. Verba nec facit, nec recipit. Nec enim sedet judicans, sed B insequitur puniens. Causam tamen non tacet, quod videlicet domum orationis, negotiationis fecissent. Ergo et tu fac similiter. Erubescant vultum tuum istiusmodi negotiatores, si fieri potest: si non, timeant. Et tu flagellum tenes. Timeant nummularii, nec fidant in nummis, sed diffidant; abscondant æs suum a te, scientes effundere, quam accipere paratiorem. Hoc C studiose et constanter agendo, multos lucrificies, turpium sectatores lucrorum honestioribus officiis vindicando: multos, ne vel audeant hujusmodi attentare, servabis. Adjice illud, quod non parum proficiet et ad ferias quas tibi suadeo. Ita nempe non pauca tibi momenta temporum redimes ad vacandum considerationi, quædam, ut dixi, negotia nec audiendo, quædam aliis committendo: quæ tua digna putaveris audientia, fideli quodam et accommodo ipsi causæ compendio terminando. De qua consideratione his addere aliqua cogito, sed sub alterius sane principio libri: atque hic sit finis istius, ne duplo te oneret minus suavis oratio, si D longa fuerit.

<sup>1</sup> Joan. xii, 26.

<sup>a</sup> Alias, inter partes judicare quis potest. — <sup>b</sup> Alias, deceat. — <sup>c</sup> Alias, maliloquas.

## LIBER SECUNDUS.

### CAPUT I.

Apologiam instituit, ob infelicem successum expeditionis in Terram-Sanctam susceptæ.

1. Memor promissi mei, quo ecce jam aliquamdiu teneor apud te, vir optime, papa Eugeni, volo ipso absolvere me vel sero. Puderet dilationis, si mihi conscius forem incuriæ, aut contemptus. Non ita est: sed incidimus, ut ipse nosti, in tempus grave\*, quod et ipsi pene vivendi usui videbatur indicare cessationem, nedum studiis; cum scilicet Dominus provocatus peccatis nostris, ante tempus quodammodo, visus sit iudicasse orbem terræ, in æquitate quidem, sed misericordiæ suæ oblitus. Non pepercit populo suo, non suo nomini. Nonne dicunt in gentibus, *Ubi est Deus eorum*<sup>1</sup>? Nec mirum. Ecclesiæ filii, et qui christiano censentur nomine, prostrati sunt in deserto, aut interfecti gladio, aut fame consumpti. Effusa est contentio\* super principes, et Dominus errare fecit eos in invio, et non in via<sup>2</sup>. Contritio et infelicitas in viis eorum<sup>3</sup>; pavor, et mœror, et confusio in penetralibus regum ipsorum. Quam confusi pedes annuntiantium pacem, annuntiantium bona<sup>4</sup>! Diximus, Pax, et non est pax: promisimus bona, et ecce turbatio. Quasi vero temeritate in opere isto, aut levitate usi simus. Cucurrimus plane in eo, non quasi in incertum, sed jubente te, imo per te Deo. Quare ergo jejnavimus, et non aspexit? humiliavimus animas nostras, et nescivit? Nam in his omnibus non est aversus furor ejus, sed adhuc manus ejus extenta. Quam patienter interim adhuc audit voces sacrilegas, et Ægyptios blasphemantes, quia callide eduxit eos, ut occideret in deserto<sup>5</sup>? Et quidem judicia Domini

<sup>4,5</sup> vera<sup>6</sup>: quis nesciat? At iudicium hoc abyssus A tanta, ut videar mihi non immerito pronuntiare beatum, qui non fuerit scandalizatus in eo.

2. Et quomodo tamen humana temeritas audet reprehendere, quod minime comprehendere valet? Recordemur supernorum iudiciorum, quæ a sæculo sunt, si forte sit consolatio. Nam quidam ita dixit: *Memor fui iudiciorum tuorum a sæculo, Domine, et consolatus sum*<sup>7</sup>. Rem dico ignotam nemini, et nunc nemini notam. Nempe sic se habent mortalium corda: quod scimus cum necesse non est, in necessitate nescimus. B Moyses educturus populum de terra Ægypti, meliorem illis pollicitus est terram<sup>8</sup>. Nam quando ipsum aliter sequeretur populus, solam sapiens terram? Eduxit; eductos tamen in terram, quam promiserat, non introduxit. Nec est quod ducis temeritati imputari queat tristis et inopinatus eventus. Omnia faciebat Domino imperante, Domino cooperante, et opus confirmante sequentibus signis. Sed populus ille, inquis, duræ cervicis fuit, semper contentiose agens contra Dominum, et Moysen servum ejus. Bene, illi increduli et rebelles; hi autem quid? Ipsos interroga. Quid me dicere opus est, quod fatentur ipsi? Dico ego nnum. Quid poterant proficere, qui semper revertebantur, cum ambularent? Quando et isti per totam viam non redierunt corde in Ægyptum? Quod si illi ceciderunt et perierunt propter iniquitatem suam; miramur istos eadem facientes, eadem passos? Sed numquid illorum casus adversus promissa Dei? Ergo nec istorum. Neque enim aliquando promissiones Dei justitiæ Dei præjudicant. Et audi aliud.

3. Peccavit Benjamin: accinguntur reliquæ tribus ad ultionem, nec sine nutu Dei. Designavit denique ipse ducem præliaturis. Itaque

<sup>1</sup> Psal. cxiir, 2. — <sup>2</sup> Psal. cvi, 40. — <sup>3</sup> Psal. xlii, 3. — <sup>4</sup> Isai. lii, 7. — <sup>5</sup> Exod. xxxii, 12. — <sup>6</sup> Psal. xlviii, 10. — <sup>7</sup> Psal. cxviii, 52. — <sup>8</sup> Exod. iii, 17.

præliantur, freti et manu validiori, et causa potiori, et, quod his majus est, favore divino. At quam terribilis Deus in consiliis super filios hominum <sup>1</sup>! Terga dedere sceleratis ultores sceleris, et paucioribus plures. Sed recurrunt ad Dominum. Et Dominus ad eos: *Ascendite*, inquit. Ascendunt denuo, denuoque fusi et confusi sunt. Ita Deo primum quidem favente, secundo et jubente, justi justum certamen ineunt, et succumbunt. Sed quo inferiores certamine, eo fide superiores inventi sunt. Quid putas de me facerent isti, si meo hortatu<sup>\*</sup> iterato ascenderent, iterato succumberent? quando me audirent monentem tertio repetere iter, repetere opus, in quo semel jam, et secundo frustrati forent? Et tamen Israelitæ unam et alteram non reputantes frustrationem, tertio parent, et superant<sup>2</sup>. Sed dicunt forsitan isti: Unde scimus quod a Domino sermo egressus sit? Quæ signa tu facis, ut credamus tibi? Non est quod ad ista ipse respondeam: parcendum verecundiæ meæ<sup>\*</sup>. Responde tu pro me et pro te ipso, secundum ea quæ audisti, et vidisti; aut certe secundum quod tibi inspiraverit Deus.

4. Sed forte miraris me prosequi ista, qui aliud proposueram. Facio non oblitus propositi, sed quod a proposito non judicem aliena. Nempe de consideratione, ut memini, sermo mihi ad tuam Dignationem. Et sane magna ista res, et egens consideratione non minima. Quod si res magnas a magnis considerari oportet, cui æque, ut tibi, id studii competit, qui parem super terram non habes? Sed tu secundum sapientiam et potestatem datam tibi desuper, facies de hoc. Non est meæ humilitatis dictare tibi sic vel sic fieri quidquam. Sufficit intimasse oportere aliquid fieri, unde et Ecclesia consoletur, et obstruatur os loquentium iniqua. Hæc pauca vice apologiæ dicta sint, ut ipsa qualiacumque habeat conscientia tua ex me, unde habeat me excusatum, et te pariter, etsi non apud eos qui facta ex eventibus æstimant, certe apud te ipsum. Perfecta et absoluta cuique excusatio, testimonium conscientiæ suæ. Mihi pro minimo est ut ab illis judicer, qui dicunt bonum malum, et malum bonum, ponentes lucem tenebras, et tenebras lucem<sup>3</sup>. Etsi necesse sit unum fieri e duobus, malo in nos murmur hominum, quam in Deum esse. Bonum mihi, si dignetur me uti pro clypeo. Libens excipio in

me detrahentium linguas maledicas, et venenata spicula blasphemorum, ut non ad ipsum perveniant. Non recuso inglorius fieri, ut non irruiatur in Dei gloriam. Quis mihi det gloriari in voce illa: *Quoniam propter te sustinui opprobrium, operuit confusio faciem meam*? Gloria mihi est, consortem fieri Christi, cujus illa vox est: *Opprobria exprobrantium tibi ceciderunt super me*<sup>4</sup>. Nunc jam recurat stilus ad suam materiam, et in ea quæ proposueramus, suo tramite gradiatur oratio.

## CAPUT II.

Considerationis a contemplatione distinctio.

5. Et primo quidem ipsam considerationem quid dicam, considera. Non enim idem per omnia quod contemplationem intelligi volo; quod hæc ad rerum certitudinem, illa ad inquisitionem magis se habeat. Juxta quem sensum potest contemplatio quidem definiri, verus certusque intuitus animi de quacumque re, sive apprehensio veri non dubia. Consideratio autem, intensa ad investigandum cogitatio, vel intentio animi vestigantis verum. Quoniam solebant ambæ pro invicem indifferenter usurpari.

## CAPUT III.

Considerationis quatuor puncta designat.

6. Jam quod ad considerationis attinet fructum, quatuor, ut occurrunt, tibi considerata reor: te, quæ sub te, quæ circa te, quæ supra te sunt. A te tua consideratio inchoet, ne frustra extendaris in alia, te neglecto. Quid tibi prodest si universum mundum lucreris, te unum perdens<sup>5</sup>? Etsi sapiens sis, deest tibi ad sapientiam, si tibi non fueris. Quantum vero? Ut quidem senserim ego, totum. Noveris licet omnia mysteria, noveris lata terræ, alta cæli, profunda maris; si te nescieris, eris similis ædificanti sine fundamento, ruinam, non structuram faciens. Quidquid extruxeris extra te, erit instar congesti pulveris, ventis obnoxium. Non ergo sapiens, qui sibi non est. Sapiens sibi sapiens erit: et bibet de fonte putei sui primus ipse. A te proinde incipiat tua conside-

<sup>1</sup> Psal. lxxv, 5. — <sup>2</sup> Judic. xx. — <sup>3</sup> Isai. v, 20. — <sup>4</sup> Psal. lxxviii, 8, 10. — <sup>5</sup> Matth. xvi, 26.

ratio; non solum autem, sed et in te finiatur.<sup>416</sup> Quocumque evagetur, ad te revocaveris eam A cum salutis fructu. Tu primus tibi, tu ultimus. Sume exemplum de summo omnium Patre, Verbum suum et emittente<sup>a</sup>, et retinente. Verbum tuum, consideratio tua: quæ si procedit, non recedat. Sic progrediatur, ut non egrediatur; sic exeat, ut non deserat. In acquisitione salutis nemo tibi germanior unico matris tuæ. Contra salutem propriam cogites nihil. Minus dixi, Contra: Præter, dixisse debueram. Quidquid se considerationi offerat, quod non quoquo modo ad tuam ipsius salutem pertineat, respuendum.

#### CAPUT IV.

Notitiam sui ipsius triplici consideratione sui complectitur; et primum quidem considerationis membrum hic exsequitur.

7. Et hæc tui consideratio in tria quædam dividitur, si consideres quid, quis, et qualis sis. Quid in natura, quis in persona, qualis in moribus. Quid, verbi gratia, homo. Quis, Papa vel summus Pontifex. Qualis, benignus, mansuetus, vel quidquid tale. Quanquam primum C illud, philosophicum sit magis, quam apostolicum vestigare; attamen est in definitione hominis, quem dicunt animal rationale, mortale: quod diligentius intueri si libet, licet. Non est quod tuæ in eo aut professioni obviet, aut dignitati: est vero quod salutem afferre queat. Nam consideranti duo hæc simul, rationale, mortaleque; is tibi exinde occurrit fructus, ut et mortale, quod in te est rationale humiliet; et rursum rationale, mortale confortet: quod neutrum neglectui erit homini circumspecto. Si qua adhuc præsens consideranda requirit locus, tractabuntur infra, et forte utilius ex D partium collatione.

#### CAPUT V.

Alterum membrum considerationis sui proponit: nempe, Quis sit, et unde.

8. Nunc quis sis, et de quo sis factus, advertendum. Quanquam quod dixi, de quo, id

michi prætereundum putem, tuæ potius relinquendum agnitioni. Illud dico indignum tibi, citra perfectum agere de tanta assumpto perfectione. Quidni erubescas minimus inveniri in magnis, qui te recordaris magnum in minimis existisse? Non es oblitus primæ professionis<sup>b</sup>: non excidit menti quæ subducta est manui, sed ne affectui quidem. Ipsam ad singula tua imperia, judicia, instituta, habere præ oculis non erit inutile. Hæc te consideratio facit honoris contemptorem in honore ipso. Atque id magnum. Non recedat a pectore: clypeus est tibi vel a sagitta illa, *Homo cum in honore esset, B non intellexit*<sup>1</sup>. Loquere ergo tibi: Abiectus eram in domo Dei mei. Quale est hoc, de paupere et abjecto levati super gentes et regna\*? Quis ego, aut quæ domus patris mei, ut sedeam excelsis sublimior? Sane qui dixit mihi, *Amice, ascende superius*<sup>2</sup>; amicum fore fudit. Si minus inveniar, non expedit quidem. Qui elevavit, et dejicere potest. Sera querela: *Quoniam elevans allisisti me*<sup>3</sup>. Non est quod blandiatur celsitudo, ubi sollicitudo major. Illa discrimen intendit, hæc amicum probat. Huic accingamur, si nolumus tandem cum rubore novissimum locum tenere.

#### CAPUT VI.

Quale debeat esse procerum Ecclesiæ studium.

9. Factum superiorem dissimulare nequimus; sed enim ad quid, omnimodis attendendum. Non enim ad dominandum opinor. Nam et propheta, cum similiter levaretur, audivit: *Ut evellas et destruas, et disperdas et dissipes, et ædifices et plantes*<sup>4</sup>. Quid horum fastum sonat? Rusticani magis sudoris schemate quodam labor spiritualis expressus est. Et nos igitur, ut multum<sup>c</sup> sentiamus de nobis, impositum senserimus ministerium, non dominium datum. Non sum ego major propheta; et si forte par potestate, sed meritorum non est comparatio. Hæc loquere tibi, et doce te ipsum, qui alios doces. Puta te velut unum aliquem ex prophetis. An non satis ad te? Et nimium. Sed gratia Dei es id quod es. Quid? Esto quod propheta: numquid plus quam propheta? Si sapis, eris contentus mensura, quam tibi mensus est Deus.

<sup>1</sup> Psal. XLVIII, 13. — <sup>2</sup> Luc. XIV, 10. — <sup>3</sup> Psal. CI, 11. — <sup>4</sup> Jerem. I, 10.

<sup>a</sup> Alias, *ex se emittente*. — <sup>b</sup> Alias, *primæ tuæ professionis*. — <sup>c</sup> Alias, *ut non multum*.

Nam quod amplius est, a malo est. Disce exem-<sup>119</sup> habuit, hoc dedit, sollicitudinem, ut dixi, sup-  
plo prophetico præsiderere non tam ad imperi-  
tandum, quam ad factitandum quod tempus  
requirit. Disce sarculo tibi opus esse, non sce-  
ptro, ut opus facias prophetae. Et quidem ille  
non regnaturus ascendit, sed exstirpaturus.  
Putasne et tu invenias<sup>a</sup> aliquid elaborandum in  
agro Domini tui? Et plurimum. Non plane  
totum quivere emundare<sup>b</sup> Prophetæ: aliquid  
filiis suis Apostolis quod agerent reliquerunt;  
aliquid ipsi parentes tui tibi. Sed nec tu ad  
omne sufficies. Aliquid profecto tuo relicturus  
es successori, et ille aliis, et alii aliis usque in  
finem. Circa undecimam denique horam ope-  
rarii otii arguuntur, et mittuntur in vineam.  
Antecessores tui Apostoli audierunt, quia  
*mensis quidem multa, operarii vero pauci*<sup>1</sup>.  
Paternam tibi vindicato hæreditatem. Nam si  
filius, et hæres<sup>2</sup>. Ut probes hæredem, evigila  
ad curam; et non otio torpeas, ne et tibi dica-  
tur: Quid hic stas tota die otiosus<sup>3</sup>?

10. Multo minus inveniri oportet aut deliciis  
resolutum, aut resupinum pompis. Nihil horum  
tibi tabulæ testatoris assignant. Sed quid? Si il-  
larum tenore contentus sis, curam potius hæ-  
reditatis et operam, quam gloriam et divitias.  
Blanditur cathedra? Specula est. Inde denique  
superintendis, sonans tibi episcopi nomine non  
dominium, sed officium. Quidni loceris in emi-  
nenti, unde prospectes omnia, qui speculator  
super omnia constitueris? Enimvero prospec-  
tus iste procinetum parit, non otium. Quomo-  
do<sup>c</sup> libet gloriari, tibi otari non licet? Nec  
locus est otio, ubi sedula urget sollicitudo  
omnium Ecclesiarum. Nam quid tibi aliud di-  
misit sanctus Apostolus? *Quod habeo*, inquit,  
*hoc tibi do*. Quid illud? Unum scio: non est  
aurum neque argentum, cum ipse dicat: *Ar-  
gentum et aurum non est mihi*<sup>4</sup>. Si habere con-  
tingat, utere non pro libitu, sed pro tempore.  
Sic eris utens illis, quasi non utens. Ipsa qui-  
dem, quod ad animi bonum spectat, nec bona  
sunt, nec mala: usus tamen horum bonus,  
abusio mala, sollicitudo pejor, quæstus tur-  
pior. Esto, ut alia quacumque ratione hæc tibi  
vindices: sed non apostolico jure. Nec enim  
tibi ille dare quod non habuit potuit. Quod

per Ecclesias. Numquid dominationem? Audi  
ipsum. *Non dominantes*, ait, *in clero, sed for-  
ma facti gregis*<sup>5</sup>. Et ne dictum sola humilitate  
putes, non etiam veritate, vox Domini est in  
Evangelio, *Reges gentium dominantur eorum,  
et qui potestatem habent super eos, benefici vo-  
cantur*: et infert, *Vos autem non sic*<sup>6</sup>. Planum  
est: Apostolis interdicetur dominatus.

11. I ergo tu, et tibi usurpare aude aut do-  
minans apostolatam, aut apostolicus domina-  
tum. Plane ab alterutro prohiberis. Si utrum-  
que simul habere voles, perdes utrumque.  
B Alioquin non te exceptum<sup>d</sup> illorum numero  
putes, de quibus queritur Deus sic: *Ipsi regna-  
verunt, et non ex me; principes exstiterunt,  
et ego non cognovi*<sup>7</sup>. Jam si regnare sine Deo ju-  
vat, habes gloriam, sed non apud Deum. At si  
interdictum tenemus, audiamus edictum. *Qui  
major est vestrum, fiat sicut junior; et qui præ-  
cessor est, sicut qui ministrat*. Forma apostolica  
hæc est: dominatio interdicetur, indicitur mi-  
nistratio, quæ et commendatur ipsius exemplo  
Legislatoris, qui secutus adjungit: *Ego autem  
in medio vestrum sum, tanquam qui ministrat*<sup>8</sup>.  
Quis se jam titulo hoc inglorium putet, quo se  
prior Dominus gloriæ præsignivit? Merito Pau-  
lus gloriatur in eo, dicens: *Ministri Christi  
sunt, et ego*. Et addit: *Ut minus sapiens dico,  
plus ego. In laboribus plurimis, in carceribus  
abundantius, in plagis supra modum, in mor-  
tibus frequenter*<sup>9</sup>. O præclarum ministerium!  
Quo non id gloriosius principatu? Si gloriari  
oportet, forma tibi sanctorum præfigitur, Apo-  
stolorum proponitur gloria. Parvane tibi illa  
videtur? Quis mihi tribuat similem fieri in glo-  
ria sanctorum? Clamat propheta: *Mihi autem  
nimis honorificati sunt amici tui, Deus; nimis  
confortatus est principatus eorum*<sup>10</sup>. Clamat Apo-  
stolus: *Mihi autem absit gloriari nisi in cruce  
Domini nostri Jesu Christi*<sup>11</sup>.

12. Hoc glories opto semper optimo ge-  
nere gloriæ, quod Apostoli, quod Prophetæ  
delegere sibi, transmisere<sup>e</sup> tibi. Agnosce hæ-  
reditatem tuam in Christi cruce, in laboribus  
plurimis. Felix qui dicere potuit: *Plus omnibus  
laboravi*<sup>12</sup>. Gloria est, sed nil in ea inane, nil

<sup>1</sup> Matth. ix, 37. — <sup>2</sup> Galat. iv, 7. — <sup>3</sup> Matth. xx, 6. — <sup>4</sup> Act. iiii, 6. — <sup>5</sup> I Petr. v, 3. — <sup>6</sup> Luc. xxii, 25. —  
7 Osee viii, 4. — <sup>8</sup> Luc. xxi, 26, 27. — <sup>9</sup> II Cor. xi, 23. — <sup>10</sup> Psal. cxxxviii, 17. — <sup>11</sup> Galat. vi, 14. —  
<sup>12</sup> I Cor. xv, 10.

<sup>a</sup> Alias, et tu non invenias. — <sup>b</sup> Alias, emendare. — <sup>c</sup> Alias, quando.

<sup>d</sup> Alias, exemptum. — <sup>e</sup> Alias, reliquere.



molle, nil resupinum. Si labor terret, merces<sup>120</sup> principatus. Exturbare est hoc malas bestias a invitet. Unusquisque enim secundum suum laborem mercedem accipiet. Et si ille plus omnibus laboravit, non tamen totum elaboravit: et adhuc locus est. Exi in agrum Domini tui, et considera diligenter, quantis hodieque de veteri maledicto silvescat spinis ac tribulis. Exi, inquam, in mundum: ager est enim mundus,isque creditus tibi. Exi in illum, non tanquam dominus, sed tanquam villicus, videre et procurare unde exigendus es rationem. Exi, dixerim<sup>a</sup>, quibusdam tuæ passibus intentæ sollicitudinis, et sollicitæ intentionis. Neque enim ipsi qui jussi sunt ire in orbem universum, orbem circumierunt præsentia corporis, sed mentis providentia. Et tu leva oculos quosdam considerationis tuæ, et vide regiones, si non sunt magis siccae ad ignem, quam albæ ad messem. Quam multæ, quas putaveras fruges, diligenter inspectæ, vepres potius apparebunt? Imo ne vepres quidem: annosæ et veterinosæ arbores sunt, sed non profecto fructiferae; nisi forte glandium aut siliquarum, quas porci manducant. Quousque occupant terram? Nonne, si exis et cernis ista, pudebit otiosam jacere securim; pudebit sine causa falcem apostolicam accepisse?

13. In hunc quondam agrum Isaac patriarcha exierat, cum primo Rebecca occurrit ei: et, ut Scriptura habet, *Exierat ad meditando*<sup>1</sup>. Ille ad meditandum, tu ad extirpandum egrediaris necesse est. Tibi jam præcessisse meditatio debet: tempus faciendi præ manibus. Si nunc hæsitare<sup>b</sup> incipias, id quidem sero. Ante, juxta consilium Salvatoris, sedisse debneras, ante æstimasse opus, metiri vires, ponderasse sapientiam, merita comparasse, sumptus computasse virtutum. Age ergo, puta tempus putationis adesse, si tamen meditationis prævit. Si cor movisti, movenda D jam lingua, movenda est et manus. Accingere gladio tuo, gladio spiritus, quod est verbum Dei<sup>2</sup>. Glorifica manum et brachium dextrum in faciendo vindictam in nationibus, increpationes in populis, in alligando reges eorum in compedibus, et nobiles eorum in manicis ferreis. Si hæc facis, honorificas ministerium tuum, et ministerium te. Non mediocris iste

terminis tuis, quo greges tui securi in pascua educantur. Domabis lupos, sed ovibus non dominaberis. Pascendas utique, non premendas suscepisti. Si bene considerasti quis sis, hæc te oportere facere non ignoras. Porro scienti et non facienti, peccatum est tibi<sup>3</sup>. Non es oblitus ubi legeris: *Servus sciens voluntatem domini sui, et non faciens*<sup>c</sup>, *plagis vapulabit multis*<sup>4</sup>. Sic Prophetæ, sic Apostoli factitabant. Fortes fuere in bello, non molles in sericis. Si filius es Apostolorum et Prophetarum, et tu fac similiter. Vindica tibi nobile genus similibus moribus; quod non aliunde nobile, quam morum ingenuitate, et fidei fortitudine fit. Per hanc vicerunt regna, operati sunt justitiam, adepti sunt repromissiones<sup>5</sup>. Hoc chirographum paternæ tuæ hæreditatis, quod tibi evolvimus, ubi inspicias portionem<sup>d</sup> quæ te contingit. Induere fortitudinem, et hæreditasti. Posside fidem, posside pietatem, posside sapientiam, sed sapientiam sanctorum (ipsa est timor Domini), et habes quod tuum est. Habes sine defraudatione integrum paternum fundum. Pretiosissimus fundus virtus est. Bonus fundus humilitas, in quo omne ædificium spirituale constructum crescit in templum sanctum in Domino. Per hanc nonnulli possidere etiam portas inimicorum. Quæ enim virtutum æque potest dæmonum omnem debellare superbiam, tyrannidem hominum? Cæterum cum omni indifferenter personæ hæc sit quædam turris fortitudinis a facie inimici; nescio quo pacto tamen vis ejus major in majoribus, et in clarioribus clarior comprobatur. Nulla splendidior gemma, in omni præcipue ornatu summi Pontificis. Quo enim celsior cæteris, eo humilitate apparet illustrior et se ipso.

## CAPUT VII.

Resumens priorem quæstionem, quis sit, diligentius expendit.

14. Arguar forsitan, quod non satis primis explicitis partibus, in secundas nescio quomodo stilus excurrerit, describere inchoans qualem te oporteat esse, cum necdum, quis sis,

<sup>1</sup> Gen. xxi, 62. — <sup>2</sup> Ephes. vi, 17. — <sup>3</sup> Jacobi iv, 17. — <sup>4</sup> Luc. xxi, 47. — <sup>5</sup> Hebr. xi, 33.

<sup>a</sup> Alias, *Exi autem quibusdam etc.* — <sup>b</sup> Alias, *cogitare incipias.*

<sup>c</sup> Alias, *et non faciens digna.* — <sup>d</sup> Alias, *portionem substantiæ.*

plenus expressisset. Credo erubescens in sum-  
mo positum apice videri hominem nudum, fe-  
stinavit induere insignibus suis. Absque his  
nempe eo deformior, quo illustrior pares.  
Numquid potest abscondi civitatis supra mon-  
tem positæ desolatio; aut latere fumus lucernæ  
extinctæ super candelabrum? Simia in tecto,  
rex fatuus in solio sedens. Et nunc audi can-  
ticum meum, et quidem minus suave, sed sa-  
lutare. Monstruosa res gradus summus, et ani-  
mus infimus: sedes prima, et vita ima; lingua  
magniloqua, et manus otiosa; sermo multus,  
et fructus nullus; vultus gravis, et actus levis;  
ingens auctoritas, et nutans stabilitas. Admovi  
speculum: fœdus se in eo vultus agnoscat: tu  
tuum gaude dissimilem inveniri. Inspice tamen  
et tu, ne forte, etsi sit unde merito placeas  
tibi, etiam in quo debeas displicere, non desit.  
Volo gloriæ testimonio conscientie tuæ, sed  
non minus ut eodem ipso humiliæ. Rara vox,  
*Nihil mihi conscius sum*<sup>1</sup>. Cantior in bonis am-  
bulas, si et mala non lateant. Quamobrem, ut  
dixi, noveris te, ut inter angustias quæ non  
desunt, fruaris conscientie bono; magis au-  
tem ut scias quid desit tibi. Nam cui non de-  
sit? Omnia illi desunt, qui nil sibi desse putat.  
Quid si summus Pontifex sis? Numquid quia  
summus Pontifex, ideo summus? Infimum no-  
ris esse, si summum putas. Quis summus? Cui  
addi non possit. Graviter erras, si te illum exi-  
stimes. Absit. Non tu de illis es, qui dignitates  
virtutes putant. Tibi ante experta virtus, quam  
dignitas fuit. Augustis relinquo illam senten-  
tiam, aliisque, qui divinis<sup>a</sup> coli honoribus  
non timuerunt: verbi gratia, Nabuchodonosor,  
Alexandro, Antiocho, Herodi. Tu vero consi-  
dera non consummatione summum te dici, sed  
comparatione. Nec me putes comparisonem  
dicere meritorum, sed ministeriorum. Sic te  
existimet homo, ut ministrum Christi, et (quod  
absque præiudicio sanctitatis ejuspiam dixe-  
rim summum plane inter ministros. Alias niti  
te ad summum velim, non putare summum,  
aut velle putari antequam sis. Nam quomodo  
proficis, si jam sufficis tibi? Non sit proinde  
tibi aut pigrum vestigare quid desit, aut fateri  
quod desit verecundum. Loquere et tu voce  
antecessoris tui, *Non quod jam acceperim, aut  
jam perfectus sim*: et rursus, *Ego me non ar-*

*bitror comprehendisse*<sup>2</sup>. Hæc scientia sancto-  
rum: hæc longe ab illa quæ inflat. Hanc qui  
apponit, apponit et dolorem<sup>3</sup>: sed dolorem  
hunc nemo unquam sapiens subterfugit. Est  
quippe medicinalis dolor, per quem stupor ille  
letalis animi duri et impœnitentis extunditur.  
Et ideo sapiens, qui dicere potuit: *Et dolor  
meus in conspectu meo semper*<sup>4</sup>. Nunc jam re-  
petendæ reliquæ, si quæ sunt, loci illius, a  
quo paulo ante divertimus.

## CAPUT VIII.

B De pontificiæ dignitatis et potestatis excellentia disserit.

15. Age, indagemus adhuc diligentius qui  
sis<sup>b</sup>, quam geras videlicet pro tempore perso-  
nam in Ecclesia Dei. Quis es? Sacerdos ma-  
gnus, summus Pontifex. Tu princeps episco-  
porum, tu hæres Apostolorum, tu primatu  
Abel, gubernatu Noe, patriarchatu Abraham,  
ordine Melchisedech, dignitate Aaron, aucto-  
ritate Moyses, iudicatu Samuel, potestate Pe-  
trus, unctione Christus. Tu es cui claves tra-  
ditæ, cui oves creditæ sunt. Sunt quidem et  
alii cœli janitores, et gregum pastores: sed tu  
tanto gloriosius, quanto et differentius utrum-  
que præ cæteris nomen hæreditasti. Habent  
illi sibi assignatos greges, singuli singulos: tibi  
universi crediti, uni unus<sup>\*</sup>. Nec modo ovium,  
sed et pastorum tu unus omnium pastor. Un-  
de id probem quæris? Ex verbo Domini. Cui  
enim, non dico episcoporum, sed etiam Apo-  
stolorum sic absolute et indiscrete totæ com-  
missæ sunt oves? *Si me amas, Petre, pascere  
oves meas*<sup>5</sup>. Quas? illius vel illius populos ci-  
vitatibus, aut regionibus, aut certi<sup>c</sup> regni? *Oves meas*,  
inquit. Cui non planum, non designasse aliquas,  
sed assignasse omnes? Nihil excipitur, ubi di-  
stinguitur nihil. Et forte præsentibus cæteri con-  
discipuli erant, cum committens uni, unitatem  
omnibus commendaret in uno grege et uno  
pastore, secundum illud: *Una est columba  
mea, formosa mea, perfecta mea*<sup>6</sup>. Ubi uni-  
tas, ibi perfectio. Reliqui numeri perfectionem  
non habent, sed divisionem, recedentes ab  
unitate. Inde est quod alii singuli singulas sor-  
titi sunt plebes, scientes sacramentum. Denique  
Jacobus, qui videbatur columna Ecclesiæ, una

<sup>1</sup> I Cor. iv, 4. — <sup>2</sup> Philip. iii, 12, 13. — <sup>3</sup> Eccl. i, 18. — <sup>4</sup> Psal. xxvii, 18. — <sup>5</sup> Joan. xxi, 15. — <sup>6</sup> Cantic. vi, 8.

<sup>a</sup> Alias, *divis*. — <sup>b</sup> Alias, *quis sis*. — <sup>c</sup> Alias *certe*.

contentus est Hierosolyma, Petro universitatem<sup>122</sup> illud natus es, mutuatus hoc, non in hoc mucedens. Pulchre vero ibi positus est suscitare A semen defuncti fratris, ubi occisus est ille : nam dictus est frater Domini<sup>1</sup>. Porro cedente Domini fratre, quis se alter ingerat Petri prærogativæ ?

16. Ergo, juxta canones tuos, alii in partem sollicitudinis \*, tu in plenitudinem potestatis vocatus es. Aliorum potestas certis aretatur limitibus : tua extenditur et in ipsos, qui potestatem super alios acceperunt. Nonne, si causa exstiterit, tu episcopo cælum claudere, tu ipsum ab episcopatu deponere, etiam et tradere satanæ potes ? Stat ergo inconcussum privilegium tuum tibi tam in datis clavibus, quam in ovibus commendatis. Accipe aliud, quod nihilominus prærogativam<sup>a</sup> confirmat tibi. Discipuli navigabant, et Dominus apparebat in littore ; quodque jucundius erat, in corpore redivivo. Sciens Petrus quia Dominus est, in mare se misit, et sic venit ad ipsum, aliis navigio pervenientibus<sup>2</sup>. Quid istud ? Nempè signum singularis pontificii Petri, per quod non navem unam, ut cæteri quique suam, sed sæculum ipsum suscepit gubernandum. Mare enim sæculum est ; naves, Ecclesiæ. Inde est quod altera vice instar Domini gradiens super aquas, C unicum se Christi vicarium designavit \*, qui non uni populo, sed cunctis præesse deberet : siquidem *aquæ multæ, populi multi*<sup>3</sup>. Ita cum quisque cæterorum habeat suam, tibi una commissa est grandissima navis ; facta ex omnibus ipsa universalis Ecclesia, toto orbe diffusa.

## CAPUT IX.

Propriæ naturæ considerationem commendat.

17. En quis es. Sed noli oblivisci etiam quid ? Nam et ego non sum oblitus, id me promississe D repetiturum in opportunitate. Quam opportune cum eo qui es, etiam quod ante eras, consideras ! Quid dico, eras ? Et nunc es. Quid desinas intueri, quod non desisti esse ? Una sane consideratio est, quid fueris, et quid sis : nam quis sis factus, altera. Non oportet ut ista extundat illam in scrutinio tui. Es enim, ut dixi, adhuc quod eras : et non minus hoc es, quam quod factus es post, forte et magis. Denique

tatus. Non rejectum illud, sed istud adjectum. Tractemus utrumque simul : nam, ut præfatum me memini, collatæ ex invicem ambæ res utiliores fient. Dixi supra consideranti quid sis, naturam occurrere, qua es homo : nam homo natus es. Porro percunctanti quis, personæ respondebitur nomen, quod est episcopus : quod quidem factus, non natus es. Quid tibi horum videtur ad purum esse tui, et ad te principalius pertinere ? quod factus, an quod natus ? Nonne quod natus ? Hoc ergo consulo consideres<sup>b</sup> maxime, quod maxime es, hominem videlicet, quod et natus es.

18. Nec modo quid natus, sed et qualis natus, oportet attendas, si non vis tuæ considerationis fructu et utilitate fraudari. Tolle proinde nunc hæreditaria hæc perizomata ab initio maledicta. Dirumpe velamen foliorum celantium ignominiam, non plagam curantium. Dele fucum fugacis honoris hujus, et male coloratæ nitorem gloriæ, ut nude nudum consideres, quia nudus egressus es de utero matris tuæ<sup>4</sup>. Numquid infulatus ? numquid micans gemmis, aut floridus sericis, aut coronatus pennis, aut suffarcinatus metallis ? Si cuncta hæc, veluti nubes quasdam matutinas, velociter transeuntes et cito pertransituras, dissipes et exsuffles a facie considerationis tuæ : occurret tibi homo nudus, et pauper, et miser, et miserabilis : homo dolens quod homo sit, erubescens quod nudus sit, plorans quod natus sit, murmurans quod sit : homo natus ad laborem<sup>5</sup>, non ad honorem ; homo natus de muliere, et ob hoc cum reatu ; brevi vivens tempore, ideoque cum metu ; repletus multis miseriis<sup>6</sup>, et propterea cum fletu. Et vere multis, quia corporis et animæ simul. Quid enim calamitate vacat nascenti in peccato, fragili corpore, et mente sterili ? Vere ergo repletus, cui infirmitas corporis, et fatuitas cordis cumulatur traduce sordis, mortis adictione. Salubris copula, ut cogitans te summum Pontificem, attendas pariter vilissimum cinerem non fuisse, sed esse. Imitetur cogitatio naturam ; imitetur et, quod dignius est, Auctorem naturæ, summa imaque consocians. Nonne natura in persona hominis vili limo vite spiraculum colligavit ? Nonne Auctor naturæ in sui persona Verbum limumque contemperavit ?

<sup>1</sup> Galat. 1, 19. — <sup>2</sup> Joan. xxi. — <sup>3</sup> Apoc. xvii, 15. — <sup>4</sup> Job 1, 21. — <sup>5</sup> Id. v, 7. — <sup>6</sup> Id. xiv, 1.

<sup>a</sup> Alias, *ipsam*. — <sup>b</sup> Alias, *considera*.

Ita tibi sume formam tam de nostræ concretio-<sup>423</sup> dens longioris vitæ non abducetur incerto. Mo-  
ne originis, quam de sacramento redemptionis : A destus moderabitur curas, temperabit a super-  
ut altus sedens, non alta sapiens sis : sed humi-  
fluis, non deerit necessariis. Porro justus altiora  
lia de te sentiens, humilibusque consentiens. se non præsumet, sed loquetur cum justo : *Si  
justus fuero, non levabo caput*<sup>4</sup>.

## CAPUT X.

Tertium membrum considerationis sui, nempe Qualis  
sit, exponit.

19. Proinde si consideras quantus es, cogita  
etiam qualis, et maxime. Hæc te sane conside-  
ratio tenet in te; nec a te avolare sinit, non  
ambulare in magnis, neque in mirabilibus su-  
per te. In te consistito. Non infra dejici, non  
attolli supra, non evadere in longius, non ex-  
tendi in latius. Tene medium, si non vis per-  
dere modum. Locus medius tutus est. Medium  
sedes modi, et modus virtus. Omnem extra  
modum mansionem<sup>a</sup>, sapiens exilium reputat.  
Propterea non est illi habitare in longo, quod  
ultra modum sit : sed ne in lato quidem, quod  
extra sit : porro nec in alto vel imo, quod alte-  
rum supra, alterum infra sit. Denique et longi-  
tudo exterminium habere solet, et dilatatio  
scissuram, et altitudo ruinam, et profundum  
absorptionem. Dico hæc planius, ne me putes  
ea loqui quæ Apostolus comprehendere hortat-  
ur cum omnibus sanctis, longitudinem, latitu-  
dinem, sublimitatem, et profundum<sup>1</sup> : quod  
alterius erit et disputationis, et temporis<sup>2</sup>. Nunc  
autem longum dico, cum sibi homo longiorem  
promittit vitam; latum, cum in superfluas ani-  
mus distenditur curas; altum, cum de se plus  
præsumit; profundum, cum se plus dejicit. Qui  
ergo longa sibi metitur tempora, nonne vere  
ingreditur iter exterminii, transiens vitæ ter-  
minos productioni sollicitudine? Inde est, quod  
homines in præsentia a sese exsules per oblivio-  
nem, in alia per inanem sollicitudinem migrant  
secula, non profutura, imo nec futura. Simili-  
ter animus distentus in multa, multis laceretur  
curis necesse est. Nempe immoderata extensio  
extenuationem, et extenuatio nimia scissionem  
facit. Jam vero alta præsumptio, quid nisi rui-  
nosa præcipitatio est? Legisti namque, *Ante  
ruinam exaltatur cor*<sup>3</sup>. Quid e regione nimiae  
pusillanimitatis dejectio, nisi desperata quædam  
absorptio est? In hanc fortis non dejiçietur. Pru-

## CAPUT XI.

Serium examen sui Pontifici serio commendat.

20. Tu ergo in hac consideratione tui caute  
ambules, et tota æquitate verseris, ut nec plus  
vero tibi tribuas, nec plus justo parcas. Porro  
plus vero tribuis, non modo arrogando tibi  
quod non habes bonum, sed et quod habes  
adscribendo. Vigilanter discerne, qualis ex te,  
et qualis sis dono Dei, et non sit in spiritu tuo  
dolos. Erit autem, nisi fideliter partiens, tua  
tibi, et quæ sunt Dei, Deo sine fraude resignes.  
Ex te mala, bona a Domino esse, persuasum  
tibi non ambigo. Sane inter considerandum  
qualis sis; etiam qualis fueris, ad memoriam  
revocandum. Conferenda posteriora prioribus.  
Profecerisne in virtute, in sapientia, in intelle-  
ctu, in suavitate morum; an ab his forte (quod  
absit) defeceris. Patientior sis, an impatientior  
solito, iracundior leniorne, insolentior an hu-  
miliior, affabiliior an austerior, exorabiliior an  
difficiliior, pusillior animo an magnanimior, se-  
rius magis an plusculum dissolutus, timorator  
an forte fidentior quam oportet. Quam latus  
tibi patet campus in hoc genere considerandi!  
Memoro ego pauca, veluti quædam seminaria  
proferens; non tamen ipse serens, sed dans se-  
men serenti. Oportet innotescat tibi zelus tuus,  
clementia tua, discretio quoque moderatrix  
earundem virtutum; qualis videlicet in donan-  
dis injuriis, qualis sis in ulciscendis, quam in  
utroque providus modi, loci, temporis obser-  
vator. Prorsus considerata tria hæc in usu  
virtutum harum; ne non sint virtutes, si  
præter hæc reperiuntur : nempe ejusmodi,  
non natura virtutes, sed usus facit. Nam ex se  
indifferentes esse noscuntur. Tuum est, aut  
abutendo et confundendo facere vitia; aut  
bene ordinateque utendo, virtutes. Solent dis-  
cretionis oculo caligante alterutrum sibi præ-  
ripere loca, terminos occupare. Porro caligi-  
nis duæ sunt causæ, ira, et molliior affectus.

<sup>1</sup> Ephes. iii, 18. — <sup>2</sup> Infra lib. v, capp. 13, 14. — <sup>3</sup> Prov. xviii, 12. — <sup>4</sup> Job x, 15.

<sup>a</sup> Alias, *habitationem*.

Is iudicii censuram enervat, illa præcipitat.<sup>424</sup> Quomodo ab altero non periclitetur, aut pietas clementiæ, aut zeli rectitudo? Turbatus præ ira oculus clementer nil intuetur; suffusus fluxa quadam et muliebri mollitie animi rectum non videt. Non eris innocens, si aut punias eum cui forte parcendum esset, aut parcas ei qui fuerat puniendus.

## CAPUT XII.

Neque in prosperis animum nimis laxandum, neque in adversis deficiendum.

21. In tribulationibus quoque qualem te inveneris, nolo dissimules. Si constantem in tuis, condolentem in alienis, gaude. Recti cordis hoc; e regione perversissimi, si cum in propriis deprehendaris fortasse impatiens, minime tamen in alienis compatiens sentiaris. Quid in prosperis? nihilne est quod considerationem sollicitet? Est utique, si diligenter attendas, quam rarus semper exstiterit, qui non vel modice in prosperitate animum relaxaverit a sui custodia et disciplina. Quando hæc incautis non fuit ad disciplinam, quod ignis ad ceram, quod solis radius ad nivem vel glaciem? Sapiens David, sapientior Salomon fuit: sed blandientibus nimis secundis rebus alter ex parte, alter ex toto desipuit. Magnus, qui incidens in adversa, non excidit vel parum a sapientia: nec minor, cui præsens felicitas si arrisit, non irrisit. Quanquam facilius inveneris, qui sapientiam retinuerunt, contraria sibi fortuna, quam qui propitia non perdiderunt. Præferendus ille, et magnus est<sup>a</sup>, cui inter prospera saltem risus indecentior, aut sermo insolentior, aut immoderatio cura vestis vel corporis non irrepsit.

## CAPUT XIII.

Ab otio et nugis, vanisque sermonibus Pontificem dehortatur.

22. Etsi recte Sapiens hortatur sapientiam scribi in otio<sup>1</sup>, cavendum et in otio otium est. Fugienda proinde otiositas, mater nugarum, noverca virtutum. Inter sæculares nugæ, nugæ sunt; in ore sacerdotis, blasphemiae. Interdum

tamen si incidant, ferendæ fortassis; referendæ nunquam. Magis interveniendum caute et prudenter nugacitati. Prorumpendum sane in serium quid, quod non modo utiliter, sed libenter audiant, et supersedeant otiosis. Consecrasti os tuum Evangelio: talibus jam aperire illicitum, assuescere sacrilegium est. *Labia sacerdotis*, ait, *custodiant scientiam, et legem requirunt de ore ejus*<sup>2</sup>: non nugas profecto vel fabulas. Verbum scurrile, quod faceti urbanive nomine colorant, non sufficit peregrinari ab ore: procul et ab aure relegandum. Fæde ad cachinnos moveris, fœdius moves. Porro detrahere, aut detrahentem audire, quid horum damnabilius sit, non facile dixerim.

## CAPUT XIV.

Personarum acceptionem in iudiciis summopere vitandam.

23. De avaritia non est quod tuum fatigem intuitum\*, cum pecuniam tanquam paleam dicaris habere. Non prorsus, non est quod pro illa timeatur a iudiciis tuis. Sed est quod non minus sæpe, nec noxie minus insidiari iudicantibus solet: de quo maxime, quid in tua lateat conscientia, latere te nolim. Quid illud sit quæris? Acceptio personarum. Non parvi te reum peccati existimes, si facies peccatorum sumis, et non potius causas dijudicas meritorum. Est item vitium, cujus si te immunem sentis, inter omnes quos novi ex his qui cathedras ascenderunt, sedebis me iudice solitarius: quia veraciter singulariterque levasti te supra te, juxta prophetam<sup>3</sup>. Facilitas credulitatis hæc est, cujus callidissimæ vulpeculæ magnorum neminem comperi satis cavisse versutias. Inde cis ipsis pro nihilo iræ multæ, inde innocentium frequens addictio, inde præjudicia in absentes. D Gratulor autem tibi: nec enim assentationis apud te vereor incurrere notam: gratulor, inquam, præsidere te usque adhuc absque horum omnium querela multa: an et sine culpa, tu videris. Nunc ad ea quæ sub te sunt, consideratio intendenda. At alterius principii hoc: siquidem tuis occupationibus sermo brevior competentior est.

<sup>1</sup> Eccli. xxxviii, 25. — <sup>2</sup> Malach. ii, 7. — <sup>3</sup> Thren. iii, 28.

<sup>a</sup> Alias, et magnis est.

## LIBER TERTIUS.

### CAPUT I.

Pontificis esse, non tam ut omnes suo dominio subiciat, sed ut omnes, quantum fieri potest, ad Ecclesiæ gremium perducat.

1. Finis superioris libri huic principium ponit. Itaque juxta promissum illius considerata quæ sub te sunt. Quænam sint illa, non est quod a me quærendum putes, sacerdotum optime Eugeni; rectius fortasse quæ non sint quæras. Orbe exeundum ei qui forte volet explorare quæ non ad tuam pertinent curam. Parentes tui destinati sunt non aliquas regiones, sed ipsum debellaturi orbem: *Ite in orbem universum*<sup>1</sup>, dictum est illis. Ipsi vero vendentes tunicas, emere gladios, ignitum eloquium, et spiritum vehementem, arma potentia Deo. Quo non pervenerunt victores inelyti, filii excussorum? Quo non sagittæ potentium acutæ cum carbonibus desolatoriis<sup>2</sup>? Et quidem in omnem terram exivit somnus eorum, et in fines orbis terræ verba eorum<sup>3</sup>. Penetrabant et incendebant verba illa incensa igni, quem Dominus misit in terram<sup>4</sup>. Occumbabant strenuissimi bellatores, sed non succumbebant: triumphabant et mortui. Nimis confortatus est principatus eorum<sup>5</sup>: constituti sunt principes super omnem terram<sup>6</sup>. Eis tu successisti in hæreditatem. Ita tu hæres, et orbis hæreditas. At quatenus hæc portio te contingit, aut contigerit illos, id sobria consideratione pensandum. Non enim per omnem reor modum, sed sane quodam tenus (ut mihi videtur) dispensatio tibi super illum credita est, non data possessio.

<sup>425</sup> Si pergis usurpare et hanc, contradicit tibi qui A dicit: *Meus est orbis terræ, et plenitudo ejus*<sup>7</sup>. Non tu ille, de quo propheta: *Et erit omnis terra possessio ejus*<sup>8</sup>. Christus hic est, qui possessionem sibi vindicat, et jure creationis, et merito redemptionis, et dono Patris. Cui enim alteri dictum est, *Postula a me, et dabo tibi gentes hæreditatem tuam, et possessionem tuam terminos terræ*<sup>9</sup>? Possessionem et dominium cede huic: tu curam illius habe. Pars tua hæc: ultra ne extendas manum.

2. Quid, inquis? non negas præesse, et dominari vetas? Plane sic. Quasi non bene præsit, qui præest in sollicitudine. Numquid non et villa villico, et parvus dominus subjectus est pædagogo? Nec tamen villæ ille, nec is sui domini dominus est. Ita et tu præsis ut provideas, ut consulas, ut procures, ut serves. Præsis ut prosis; præsis ut fidelis servus et prudens, quem constituit Dominus super familiam suam. Ad quid? Ut des illis escam in tempore<sup>10</sup>; hoc est, ut dispenses, non imperes. Hoc fac, et dominari ne affectes hominum homo, ut non dominetur tui omnis injustitia. At satis superque id intimatum supra, cum, quis sis, disputaretur. Addo tamen et hoc: nam nullum tibi venenum, nullum gladium plus formido, quam libidinem dominandi. Certe ut multum tibi tribuas, si multum deceptus non es, nil te existimas plus accepisse a magnis Apostolis. Recordare nunc vocis illius: *Sapientibus et insipientibus debitor sum*<sup>11</sup>. Et si non indebitam tibi ipsam censes, hoc quoque simul memento, debitoris molestum nomen servienti potius, quam dominanti congruere. Servus in Evangelio audit: *Quan-*

<sup>1</sup> Marc. xvi, 15. — <sup>2</sup> Psal. cxi, 4. — <sup>3</sup> Psal. xviii, 5. — <sup>4</sup> Luc. xii, 49. — <sup>5</sup> Psal. cxxxviii, 17. — <sup>6</sup> Psal. xlv, 17. — <sup>7</sup> Psal. xlv, 12. — <sup>8</sup> Psal. ciii, 24. — <sup>9</sup> Psal. ii, 8. — <sup>10</sup> Matth. xxiv, 45. — <sup>11</sup> Rom. i, 14.

<sup>a</sup> Non tam præsentia corporis, quam mentis providentia, supra in lib. 2, n. 12.

tum debes domino meo<sup>1</sup>? Ergo si te agnoscis<sup>2</sup> in fide ipsa claudicaverint a semitis rectis. Et sapientibus et insipientibus, non dominato- A rem, sed debitorem: curandum summopere tibi, et tota vigilantia considerandum, quomodo et qui non sapiunt sapiant, et qui desipere resipiscant. At nullum genus insipientiae infidelitate (ut sic loquar) insipientius. Ergo et infidelibus debitor es, Judæis, Græcis, et Gentibus<sup>3</sup>.

3. Interest proinde tua, dare operam quam possis, ut increduli convertantur ad fidem, conversi non avertantur, aversi revertantur: porro perversi ordinentur ad rectitudinem, subversi ad veritatem revocentur: subversores invictis B rationibus convincantur, ut vel emendentur ipsi, si fieri potest; vel si non, perdant auctoritatem facultatemque alios subvertendi. Non omnino et ab hoc insipientium genere pessimo tibi dissimulandum. Dico autem hæreticos schismaticosque: nam hi sunt subversi, et subversores; canes ad scissionem, vulpes ad fraudem. Erunt, inquam, hujusmodi maxime tuo studio aut corrigendi, ne pereant; aut ne perimant, coercendi. Esto, de Judæis excusat te tempus: habent terminum suum qui præveniri<sup>b</sup> non poterit. Plenitudinem gentium præire oportet. Sed de ipsis gentibus quid respondes? Imo quid tua C consideratio respondet tibi percunctanti sic? Quid visum est patribus ponere metam Evangelio, verbum suspendere fidei, donec infidelitas durat? Qua ratione, putamus, substitit velociter currens sermo<sup>2</sup>? quis primus inhibuit hunc salutarem cursum? Et illis causa forte quam nescimus, aut necessitas potuit obstitisse.

4. Nobis quæ dissimulandi ratio est? Qua fiducia, qua conscientia Christum non vel offerimus eis qui non habent? An veritatem Dei in injustitia detinemus? Et quidem quandoque perveniat gentium plenitudo necesse est. Ex D spectamus ut in eas incidat fides? Cui credere casu contigit? Quomodo credent sine prædicante<sup>3</sup>? Petrus ad Cornelium, Philippus ad Eunuchum missi sunt<sup>4</sup>: et, si exemplum recentius quærimus, Augustinus a beato Gregorio destinatus, formam fidei tradidit Anglis. Et de his tu ita tecum. Ego addo et de pertinacia Græcorum, qui nobiscum sunt, et nobiscum non sunt, juncti fide, pace divisi. Quanquam et

item de hæresi, quæ clam pene ubique scripit; apud aliquos sævit palam. Nam parvulus Ecclesiæ passim et publice deglutire festinat\*. Quæris ubi sit hoc? Vestri<sup>c</sup>, qui terram Austri tam sæpe visitant, ecce hi sciunt, et possunt dicere tibi. Eunt et redeunt per medium illorum, aut transeunt secus: sed quid boni adhuc cum illis egerint, necdum audivimus. Et forsitan audissemus, nisi præ auro Hispaniæ salus populi viluisset. Tuum est et plagæ huic remedium providere.

5. Sed est insipientia, quæ ipsam quoque jam propemodum stultam fecit sapientiam fidei. Quomodo et ipsam Catholicam pene totam hoc virus infecit? Nam dum et in ipsa quique quæ nostra sunt quærimus, fit ut invicem invidentes, invicem provocantes, exerceamur ad odia, animemur ad injurias, armemur ad lites, cavillemur ad dolos, feramur ad detractones, prorumpamus ad maledicta, opprimamur a fortioribus, opprimamus infirmiores. Quam digne et laudabiliter occupatur meditatio cordis tui adversus tam pestilens insipientiæ genus, quod corpus ipsum Christi, quæ est multitudo credentium, occupasse consideras! O ambitio, ambientium crux! quomodo omnes torquens, omnibus places? Nil acerbius cruciat, nil molestius inquietat; nil tamen apud miseros mortales celebrius negotiis ejus. An non limina Apostolorum plus jam ambitio, quam devotio terit? An non vocibus ejus vestrum tota die resultat palatium? An non quæstibus ejus tota legum canonumque disciplina insudat? An non spoliis ejus omnis Italica inhiat inexplebili aviditate rapacitas? Quid ita, imo quid aliud tua ipsius spiritualia studia non saltem intercidit, sed absceidit? Quoties sancta ac fecunda tua abortiri otia fecit inquietum et inquietans malum? Aliud est quod ab oppressis appellatur ad te, aliud autem quod ambitio in Ecclesia per te regnare molitur. Nec deesse illis, nec huic aliquatenus assentire oportet. Quam vero inique fovetur illa, spernuntur illi! utrisque tamen debitor es, illis ut erigas, istis ut reprimas.

<sup>1</sup> Luc. XVI, 5. — <sup>2</sup> Psal. CXLVII, 15. — <sup>3</sup> Rom. X, 14. — <sup>4</sup> Act. X, 20, et VIII, 26.

\* Alias, *Judæis et Gentibus*. — <sup>b</sup> Alias, *præveniri*. — <sup>c</sup> Alias, *Viri*.

## CAPUT II.

Quis modus in appellationibus ad Sedem apostolicam adhibendus sit.

6. Et quoniam incidit de appellationibus, prosequi aliquatenus non erit ab re. Magno in his et pio opus intuitu est; ne quod magna fuit necessitate<sup>a</sup> provisum, male utendo reddatur inutile. Mihi videtur et in multam posse eas devenire perniciem, si non summo moderamine actitentur<sup>b</sup>. Appellatur de toto mundo ad te. Id quidem in testimonium singularis primatus tui. At tu, si sapis, non primatu gaudebis, sed fructu. Apostolis dictum est: *In hoc nolite gaudere, quod spiritus subjiciuntur vobis*<sup>c</sup>. Appellatur ad te, ut dixi: et utinam tam fructuose, quam necessarie. Utinam cum oppressus clamat, sentiat oppressor, et non superbiat impius unde incenditur pauper. Quid tam decorum, ut ad invocationem tui nominis oppressi effugiant, versuti non refugiant<sup>e</sup>? Quid e regione tam perversum, tam recti alienum, ut lætetur qui malum fecit; et qui tulit, inaniter fatigetur? Inhumanissime non moveris erga hominem, cui illatæ injuriæ cumulavere dolorem et labor C itineris, et damna expensarum: sed nihilominus ignavissime in illum non moveris, qui huic tot calamitatum partim auctor, partim exstitit causa. Evigila, homo Dei, cum hæc contingunt: moveatur miseratio, moveatur et indignatio tua. Alteram læso, alteram lædenti debes. Consoletur ille damnorum resarcitu suorum, satisfactione injuriarum, sine calumniarum: cum isto ita agatur, ut pœniteat fecisse quod non timuit facere, et non de pœnis innocentis rideat.

7. Arbitror idem debere pati illum, qui sine causa forte appellavit. Formulam hanc justitiæ præfigit tibi et divinæ incommutabilis ratio D æquitatis, et, ni fallor, ipsa appellationum lex, ut illicite usurpata appellatio nec prosit appellanti, nec appellato obsit. Utquid enim frustra fatigatus sit homo? Quam plenum justitiæ, ut sese potius læserit, qui voluit proximum\*? Appellasse inique, iniquum est: inique et impune, iniquarum appellationum

<sup>428</sup> fomes. Iniqua autem omnis appellatio, ad A quam justitiæ inopia non coegit. Appellare, non ut graves, sed si graveris, licet. Appellandum a sententia. Ante sententiam improbe omnino, nisi ob manifestum gravamen, præsumitur appellatio. Qui igitur non gravatus appellat, liquet quia aut gravare intendit, aut tempus redimere. Non est autem suffugium appellatio, sed refugium. Quantos novimus appellasse pulsatos, quo interim liceret, quod nunquam licet? Nonnullis etiam, quoad vixerunt, licuisse appellationis suffragio nefaria scimus, verbi gratia, incestum, adulterium. Quale est hoc, turpitudini patrocinari, quod vel maxime formidari a turpibus oportebat? Quousque murmur universæ terræ aut dissimulas, aut non advertis? Quousque dormitas? quousque non evigilat consideratio tua ad tantam appellationum confusionem atque abusionem? Præter jus et fas, præter morem et ordinem fiunt. Non locus, non modus, non tempus, non causa discernitur, aut persona. Præsumuntur leviter passim, plerumque et nequiter. Volentes malignari, nonne his potissimum terreri solebant? Nunc terrori ipsi ex his magis fiunt, atque id bonis. Antidotum versum in venenum. Non mutatio dexteræ Excelsi hæc.

8. Appellantur boni a malis, ut non faciant bona: et supersedent a voce tonitruï tui formidantes. Denique appellantur episcopi, ne illi cito audeant matrimonia solvere vel prohibere. Appellantur ne rapinas, ne furta, ne sacrilegia, et quæ ejusmodi sunt, punire ulla-tenus vel cohibere præsumant. Appellantur, ne indignas et infames personas a sacris officiis beneficiisve repellere seu amovere queant. Quod tu invenis remedium morbo huic, ne quod repertum ad remedium fuit, reperiatur ad mortem? Zelatus est Dominus domum orationis factam speluncam latronum<sup>2</sup>: tu ejus minister dissimulas miserorum refugium datum arma iniquitati? Videas præripi passim partes oppressorum, et prorumpere ad appellandum non tam gravatos, quam gravare volentes. Quid hoc mysterii? Tuum est considerare, non meum commentari istud. Et cur, inquis, male appellati non veniunt, ostensuri

<sup>a</sup> Luc. x, 20. — <sup>2</sup> Matth. xxii, 13.

<sup>a</sup> Alias, utilitate. — <sup>b</sup> De appellationum usu conferenda epistola 178 et notæ ad eam, item Hildeberti epistola 82.

<sup>c</sup> Id est non fugiant, ut tomo 5, in sermone t Guericci de Assumptione, n. 1, et alibi apud probos auctores. Inde refugium.



suam innocentiam, malitiam convicturi? Dico<sup>129</sup> quod dicere ad hæc solent: Nolumus vexari frustra. In curia esse, qui proclivius faveant appellanti, foveant appellationes. Cessuris Romæ, domi cedere satius.

9. Fateor me non omnino decredere \* his. Quem das mihi in tam crebris appellationibus quæ hodie fiunt, qui pro expensis itineris vel nummum restituerit illi, quem forte appellavit? Mirum vero si ita omnes et appellantes justitiam, et appellati rei vestro examine inventi sint. *Diligite*, inquit, *justitiam, qui judicatis terram*<sup>1</sup>. Parum est justitiam tenere, nisi et diligas. Qui tenent, tenent; qui diligunt, zelantur. Amator justitiæ inquit justitiam, et prosequitur eam: porro omnem injustitiam persequitur. Nil tibi et illis, qui appellationes venationes putant. Pudet elogii, quod apud Ethnicos jam vertitur in parabolam: Duos movimus<sup>a</sup> cervos pingues. Ut mitius loquar, plus facitiæ quam justitiæ hic. Tu si amas justitiam, appellationes non affectas, sed sustines. Veruntamen quid emolumentum affert ecclesiis Dei tua unius hominis justitia, ubi sententia prævalet aliter affectorum? At istud loci illius erit, cum cœperint versari quæ circa te sunt<sup>2</sup>.

10. Nunc vero non te existimes otiose vacare considerationi huic, qua appellationes ad legitimum, si fieri potest, revoces usum. Et si hinc mea quærat vel potius curetur sententia, dico appellationes ut non contemnendas, sic nec usurpandas omnino. Porro horum quid insolentius censeam, haud facile dixerim: nisi quod usurpatio quamdam videtur inducere contemptus necessitatem, ac per hoc forte acrius insectanda, quæ amplius nocet. Aut non vere nocentior est, mala in se, in partu pejor? Nonne ipsa est quæ ipsum jus quoque nature aut extenuat, aut exterminat? Nam sæpe rebus etiam pretiosissimis pretii gratiam non modo demit, sed adimit. Quid Sacramentis acceptius? Usurpata tamen ab indignis, indigne tractata, minime acceptantur. Magis habent damnationem, quia debitam venerationem non habent. Fateor grande et generale mundo bonum esse appellationes: idque tam necessarium, quam solem ipsum mortalibus. Revera quidam sol justitiæ est, prodens ac redarguens opera tenebrarum.

Prorsus fovendæ et manu tenendæ sunt: sed quas extorsit necessitas, non calliditas advenit. Usurpatoriæ sunt hujusmodi omnes, non subvenientes in necessitate, sed opitulantes iniquitati. Quidni veniant in contemptum? Quanti ut talibus quoque deferrent, etiam de proprio cessere jure, ne longo et casso itinere fatigaretur \*? Plures tamen sua amittere non ferentes, appellationes minus opportunas, et celsa nomina importunius contempserunt.

11. Dico aliquid, quod ad rem pertinet, exempli causa. Quidam sibi publice desponsaverat uxorem. Adest dies celebris nuptiarum. Parata omnia, invitati multi. Et ecce homo concupiscens uxorem proximi sui, in vocem appellationis inopinatæ prorumpit, affirmans sibi traditam prius, suam potius esse debere<sup>b</sup>. Stupet sponsus, hærent omnes, sacerdos non audet progredi, frustratur omnis ille apparatus; descendit quisque in domum suam, suam cœnam manducaturus: sponsa a mensa et thalamo sponsi suspenditur, quousque Roma reditum est. Parisius contigit hoc, nobili Galliarum civitate, sede regia. Rursum in civitate eadem quidam sibi desponsata uxore diem constituit nuptiarum. Interim emergit calumnia, dicentibus quibusdam non debere conjungi. Ad iudicium Ecclesiæ causa delata est: sed non expectata sententia, appellatum est sine causa, sine gravamine, solo frustratoriæ dilationis intuitu. At ille, sive perdere quæ pararat, sive dilectæ tamdiu frustrari consortio nolens, nihilominus quod proposuerat, contempta sive dissimulata appellatione peregit. Quid illud quod in Autisiodorensi ecclesia nuper a quodam adolescente præsumptum est? Nempe defuncto sancto episcopo, volentibus clericis alium, ut moris est, eligere sibi, intervenit ille appellans, et vetans ne fieret, quousque isset et redisset ab urbe: cui tamen appellationi nec ipse detulit. Nam cum videret se contemni, tanquam qui irrationabiliter appellasset; accitis quos potuit sibi, tertia die post factam ab aliis electionem, fecit suam<sup>c</sup>.

12. Cum itaque ex his et innumeris talibus liqueat, non ex contemptu gigni usurpationem, sed ex usurpatione contemptum: videris tu, quid tibi velit, quod zelus vester assidue pene vindicat illum, istam dissimulat. Vis perfectius

<sup>1</sup> Sap. 1, 1. — <sup>2</sup> Infra, lib. 4, cap. 5.

<sup>a</sup> Alias, *novimus*. — <sup>b</sup> Alias additur, *Quid plura?*

<sup>c</sup> De toto hoc negotio fuse agit Bernardus in epistolis 275, 276 et 280.

coercere contemptum? Cura in ipso utero pes-<sup>450</sup> ista, non propter te. Nempe quod tibi scribi-  
simæ matris præfocari germen nequam. Quod A  
ita fiet, si usurpatio digna animadversione mul-  
tetur. Tolle usurpationem, et contemptus ex-  
cusationem non habet. Porro inexcusabilitas  
ausum explodet. Non sit proinde usurpator, et  
contemptor nullus erit, aut admodum rarus.  
Bene facis tu, quod appellationum negato suf-  
fragio, imo suffugio, multa remittis negotia ad  
cognoscentes, vel qui noscere citius possunt.  
Ubi enim certior ac facilius notio, ibi decisio  
tutior expeditiorque esse potest. Quam plenum  
gratiæ, quam multorum perinde per hoc et labori-  
bus pareis, et sumptibus! At quibus sic cre-  
das, id tibi omnimodis attendendum. Poteram B  
multa de eodem utiliter addere his: sed me-  
mor propositi mei, contentus interim occasio-  
nem dedisse, ad alia transeo.

### CAPUT III.

Præsules Ecclesiæ non tam ut præsent, ac semetipsos  
pascant, quam ut aliis prosint, constitutos esse.

13. Et primum quod occurrit, minime trans-  
eundum reor. Præses, et singulariter. Ad quid?  
eget, tibi dico, consideratione. Numquid ut de  
subditis crescas? Nequaquam, sed ut ipsi de te. C  
Principem te constituerunt, sed sibi, non tibi.  
Alioquin quo pacto te reputas superiorem his, a  
quibus beneficium mendicas? Audi Dominum :  
*Qui potestatem habent super eos, benefici vocan-  
tur*<sup>1</sup>. At istud de his qui foris sunt. Quid ad  
nos? Tu id mendaciter diceris, si non tam be-  
neficus esse, quam beneficiis præesse intendas.  
Parvi dejectique animi est, de subditis non  
profectum quærere subditorum, sed quæstum  
proprium. In summo præsertim omnium nihil  
turpius. Quam pulchre Magister Gentium pa-  
rentes filiis, non filios debere censuit thesauri-  
zare parentibus? Non mediocris gloriæ vox illa  
identidem ipsius : *Non requiro datum, sed fru-* D  
*ctum*<sup>3</sup>. At jam transeamus et hinc, ne quis mor-  
ram in his meam, avaritiæ in te notam interpre-  
tetur : quæ quam longe a te sit, libro superiori  
testatus sum<sup>4</sup>, sciens quanta, et in quanta tua  
necessitate respueris. Ad te proinde scripserim

tur, soli prodesse non decet. Hic locus avari-  
tiam carpit, a quo vitio immunis satis tua  
opinio est; an et opus, tu videris. Vidimus ta-  
men (ut oblata a pauperibus<sup>a</sup> taceam, quæ  
tangere non acquiescis) Germanicos detumuisse<sup>b</sup>  
saccos, sed pretio, non massa. Argentum repu-  
tatum est fenum : summarii<sup>c</sup> non levatis sarcinis,  
onusti nihilominus repatriant vel inviti. Nova  
res. Quando haecenus aurum Roma refudit<sup>d</sup>?  
Et nunc Romanorum consilio id usurpatum  
non credimus. Duo venerunt, ambo locupletes,  
et ambo rei. Siquidem unus Moguntinus, Co-  
loniensis alter<sup>\*</sup> : alteri gratia gratis reddita est;  
alter, indignus credo cui gratia redderetur,  
audivit : Cum quali veste intrasti, cum tali  
egredieris. O vocem magnificam! vocem prorsus  
apostolicæ libertatis! Quid minus ab illa  
hæc habuit, *Pecunia tua tecum sit in perditionem*<sup>e</sup>? Nisi quod in illa plus zeli, in ista plus  
modestiae sonuit. Quid ille de transmarinis  
partibus pene a finibus terræ, terra et mari  
currens pro episcopatu, suis et alienis facul-  
tatibus rursus emendo<sup>\*</sup>? Jam enim emerat  
prius. Tulit multa, sed retulit, non omnia  
tamen. Incidit miser in manus alias, accipere  
quam dare potentiores<sup>e</sup>. Bene fecisti, tuas in  
utroque servans innoxias, nec imponere scilicet  
ambitioso, nec supponere iniquo mammo-  
næ acquiescens. Non sic a paupere episcopo  
continuisti, dans quod daret, ne immuniticus  
notaretur : accepit clam, quod palam dedit. Sic  
de tuo sacculo consultum est verecundiæ viri,  
sic quoque curiæ morem gerens, tuo beneficio  
invidiam declinavit eorum qui diligunt munera.  
Non potes abscondere : et factum novimus, et  
personam. Audire gravat? Et ego eo libentius  
prædico, quo tu id molestius audis : si tibi sic  
expedit, et mihi sic. Tam non oportet Christi  
gloriam me silere, quam nec te quærere tuam.  
D Et si pergis murmurare adhuc, respondebitur  
tibi ex Evangelio : *Quanto eis præcipiebat,  
tanto magis plus prædicabant, dicentes : Bene  
omnia fecit*<sup>6</sup>.

<sup>1</sup> Luc. xii, 25. — <sup>2</sup> II Cor. xii, 14. — <sup>3</sup> Philip. iv, 17. — <sup>4</sup> Cap. 4. — <sup>5</sup> Act. viii, 20. — <sup>6</sup> Marc. vii, 36, 37.

<sup>a</sup> Alias, pauperioribus. — <sup>b</sup> Alias, detinuisse.

<sup>c</sup> Summarii, equi oneriferi, vulgo *Sommiers*, a summa, seu *σύνταξις* ovus.

<sup>d</sup> Alias, refugit. — <sup>e</sup> Alias, promptiores.

## CAPUT IV.

Gradus ordinum ac dignitatum, quæ in Ecclesia sunt, non tenere confundendos ac perturbandos. Hinc ab-usum quaerendi privilegia ac exemptiones perstringit.

14. Audi aliud, si tamen aliud. Ad idem enim fortassis pertinere quis dicat. Tua consideratio viderit hoc. Mihi videtur non longe a vero dissentire, qui id forte inter avaritiæ species locandum putaverit. Ego vero illius aut speciem esse, aut speciem habere non negaverim. Sane interest tuæ perfectionis, et malas res, et malas B pariter species devitare. In altero conscientiae, in altero famæ consulis. Puta tibi non licere (etsi alias fortasse liceat) quidquid male fuerit coloratum. Denique interroga majores tuos, et dicent tibi : *Ab omni specie mala abstinete vos*<sup>1</sup>. Sane minister Domini Dominum imitetur, quia ipse ait : *Qui mihi ministrat, me sequatur*<sup>2</sup>. Et habes de illo : *Dominus regnavit, decorem induit, induit Dominus fortitudinem*<sup>3</sup>. Tu quoque esto fortis in fide, decorus in gloria; et probasti te imitorem Dei. Fortitudo tua, fiducia fidelis conscientiae : decor tuus, splendor bonæ opinionis. Ita, quæso, induere fortitudinem; C etenim gaudium Domini fortitudo tua. Porro, specie tua et pulchritudine tua nihilominus tanquam propria similitudine delectatur. Induere vestimentis gloriæ tuæ, vestire duplicibus, quibus domesticos suos fortis illa mulier induere consuevit<sup>4</sup>. Non sit in conscientia nutans infirmitas modicæ fidei, non sit in fama nævus malæ speciei; et vestieris duplicibus, et gaudebit sponsus super sponsam animam tuam, et gaudebit super te Deus tuus. Miraris quorsum hæc, ignarus usque adhuc quid dicere velim. Non te tollo diutius. Murmur loquor et querimoniam ecclesiarum. Truncari se clamitant ac demembrari\*. Vel nullæ, vel paucae admodum sunt, quæ plagam istam aut non doleant, aut non timeant. Quæris quam? Subtrahuntur abbates episcopis, episcopi archiepiscopis, archiepiscopi patriarchis sive primatibus. Bonane species hæc? Mirum si excusari queat vel opus. Sic facitando probatis vos habere plenitudinem potestatis, sed justitiæ forte non ita. Facitis hoc, quia potestis : sed utrum et

<sup>15</sup> debeatis, quæstio est. Honorum ac dignitatum A gradus et ordines quibusque suos servare positi estis, non invidere, ut quidam vestrorum ait : *Cui honorem, honorem*<sup>5</sup>.

15. Spiritualis homo ille qui omne dijudicat, ut ipse a nemine iudicetur<sup>6</sup>, omne opus suum trina quadam consideratione præveniet. Primum quidem, an liceat; deinde, an deceat; postremo, an et expediat. Nam etsi constet in christiana utique philosophia non decere nisi quod licet, non expedire nisi quod decet et licet : non continuo tamen omne quod licet, decere aut expedire consequens erit. Age, aptemur, si possumus, tria ipsa operi huic. At quomodo non indecens tibi voluntate pro lege uti; et quia non est ad quem appelleris, potestatem exercere, negligere rationem? Tunc major Domino tuo, qui ait : *Non veni facere voluntatem meam*<sup>7</sup>! Quanquam non minus dejecti, quam elati animi est, veluti rationis expertem, non pro ratione, sed pro libitu agere; nec iudicio agi, sed appetitu. Quid tam bestiale? Et si indignum cuivis utenti ratione vivere ut pecus, quis in te rectore omnium tantam contumeliam naturæ, honoris injuriam ferat? Sic degenerando (quod absit) generale opprobrium fecisti proprium tibi : *Homo cum in honore esset, non intellexit; comparatus est jumentis insipientibus, similis factus est illis*<sup>8</sup>. Quid item tam indignum tibi, quam ut totum tenens, non sis contentus toto, nisi minutias quasdam, atque exiguas portiones ipsius tibi creditæ universitatis, tanquam non sint tuæ, satagas nescio quomodo adhuc facere tuas? Ubi etiam meminisse te volo parabolæ Nathan de homine, qui multas oves habens\*, unam quæ erat pauperis concupivit<sup>9</sup>. Huc quoque veniat factum, imo facinus regis Achab, qui rerum summam tenebat, et unam vineam affectavit. D Avertat Deus a te quod ille audivit : *Occidisti, et possedisti*<sup>10</sup>.

16. Nolo autem prætendas mihi fructum emancipationis ipsius. Nullus est enim, nisi quod inde episcopi insolentiores, monachi etiam dissolutiores fiunt. Quid quod et pauperiores? Inspice diligentius talium ubique libertorum et facultates, et vitas, si non pudenda admodum et tenuitas in his, et in illis sæcularitas invenitur. Matris noxiæ libertatis gemina

<sup>1</sup> I Thess. v, 22. — <sup>2</sup> Joan. xii, 26. — <sup>3</sup> Psal. xcxi, 1. — <sup>4</sup> Prov. xxxi, 21. — <sup>5</sup> Rom. xiii, 7. — <sup>6</sup> I Cor. ii, 15. — <sup>7</sup> Joan. vi, 38. — <sup>8</sup> Psal. xlviii, 13. — <sup>9</sup> II Reg. xii. — <sup>10</sup> III Reg. xxi.

soboles hæc. Quidni peccet licentius vagum et <sup>452</sup> junxit, non sunt separandi <sup>4</sup>: sic nec quos male liberum vulgus, cum non sit qui arguat? A subjunxit, comparandi. Monstrum facis, si Quidni licentius quoque spoliatur ac deprædetur inermis religio, cum non sit qui defendat? Quo enim refugium illis? Numquid ad episcopos dolentes injuriam? Ridentibus profecto aspi-ciunt oculis, sive quæ faciunt mala, sive quæ patiuntur. Quæ demum utilitas in sanguine isto? Vercor ne illa, quam in propheta comminatus est Deus: *Ille, inquit, in iniquitate sua morietur, sanguinem autem ejus de manu tua requiram* <sup>1</sup>. Si enim et extollitur qui subtrahitur, et qui subtrahitur uritur <sup>a</sup>; qui subtrahit, quomodo innocens? Parum est: involvimus ignem: B audi apertius. Si is qui murmurat, secundum animam mortuus est; qui instigat, quomodo vivit? Quomodo vero non reus mortis ambo-rum, et suæ pariter, qui gladium dedit, unde ambo morerentur? Hoc est quod dixeram: *Occidisti, et possedisti*. Adde quod qui audiunt, scandalizantur, indignantur, detrahunt, et blas-phemant; hoc est, vulnerantur ad mortem. Non est bona arbor faciens fructus tales, insolentias, dissolutiones, dilapidationes, simulta-tes, scandala, odia: quodque magis dolendum, inter ecclesias inimicitias graves, perpetesque discordias. Vides quam verus sit sermo ille: C *Omnia mihi licent, sed non omnia expediunt* <sup>2</sup>. Quid si forte nec licet? Ignosce mihi: non facile adducor licitum consentire quod tot illicita parurit.

17. Tune denique tibi licitum censeas, suis ecclesias mutilare membris, confundere ordi-nem, perturbare terminos, quos posuerunt patres tui? Si justitiæ est jus cuique servare suum; auferre cuiquam sua, justo quomodo poterit convenire? Erras, si ut summam, ita et solam institutam a Deo vestram apostolicam potestatem existimas. Si hoc sentis, dissentis ab eo qui ait: *Non est potestas nisi a Deo*. Proinde quod sequitur, *Qui potestati resistit, Dei ordi-nationi resistit*; etsi principaliter pro te facit, non tamen singulariter. Denique idem ait: *Omnis anima potestatibus sublimioribus subdita sit* <sup>3</sup>. Non ait, Sublimiori, tanquam in uno; sed *sublimioribus*, tanquam in multis. Non ergo tua sola potestas a Domino; sunt et mediocres, sunt et inferiores. Et quomodo quos Deus con-

subjunxit, comparandi. Monstrum facis, si manui submovens, digitum facis pendere de capite, superiorem manui, brachio collatera-lem. Tale est si in Christi corpore membra aliter locas quam disposuit ipse. Nisi tu putas alium esse, qui posuit in Ecclesia *quosdam qui-dem apostolos, quosdam autem prophetas, alios vero evangelistas, alios doctores et pastores, ad consummationem sanctorum, in opus ministerii, in ædificationem corporis Christi*. Atque hoc corpus, quod tibi ipse Paulus suo vere apostolico figurans eloquio, et capiti convenientissime aptans, *totum ex eo compactum* perhibet, et *connextum per omnem juncturam subministra-tionis, secundum operationem in mensuram uniuscujusque membri, augmentum corporis faciens in ædificationem sui, in charitate* <sup>5</sup>. Nec vilem reputes formam hanc, quia in terris est: exemplar habet e cælo. Neque enim Filius potest facere quidquam, nisi quæ viderit Pa-trem facientem <sup>6</sup>, præsertim cum ei sub Moysi nomine dictum sit: *Vide omnia facias secundum exemplar quod tibi in monte monstratum est* <sup>7</sup>.

18. Viderat hoc qui dicebat: *Vidi civitatem sanctam, Jerusalem novam, descendentem de cælo, a Deo paratam* <sup>8</sup>. Ego enim propter similitudinem dictum reor, quod sicut illic Sera-phim et Cherubim, ac cæteri quique usque ad Angelos et Archangelos, ordinantur sub uno capite Deo; ita hic quoque sub uno summo Pontifice primates vel patriarchæ, archiepi-scopi, episcopi, presbyteri, vel abbates, et reliqui in hunc modum. Non est parvi penden-dum quod et Deum habet auctorem, et de cælo ducit originem. Quod si dicat episcopus, Nolo esse sub archiepiscopo; aut abbas, Nolo obe-dire episcopo: hoc de cælo non est. Nisi tu forte Angelorum quempiam dicentem audisti, D Nolo sub Archangelis esse: aut ex alio quolibet inferiorum ordinum aliquem non ferentem subesse cuiquam, nisi Deo. Quid, inquis? pro-hibes dispensare? Non, sed dissipare. Non sum tam rudis, ut ignorem positos vos dispensato-res, sed in ædificationem, non in destructio-nem <sup>9</sup>. Denique quæritur inter dispensatores, ut fidelis quis inveniatur <sup>10</sup>. Ubi necessitas urget, excusabilis dispensatio est: ubi utilitas provo-

<sup>1</sup> Ezech. iiii, 18. — <sup>2</sup> I Cor. x, 22. — <sup>3</sup> Rom. xiii, 1, 2. — <sup>4</sup> Math. xix, 6. — <sup>5</sup> Ephes. iv, 11, 12, 16. — <sup>6</sup> Joan. v, 19. — <sup>7</sup> Exod. xxv, 40. — <sup>8</sup> Apoc. xxi, 2. — <sup>9</sup> II Cor. xiii, 10. — <sup>10</sup> I Cor. iv, 2.

<sup>a</sup> Alias, *murmurat*.



si summe sapiens Deus veraciter creditur, a<sup>453</sup> proprio retinere quæstui non verentur. Non summo usque deorsum nihil inordinatum re- A amici profecto sponsi, sed æmuli sunt. Et de linquere; vereor istos non alibi ordinandos, his satis quæ sub te sunt, etsi non ad materiæ quam ubi nullus ordo, sed sempiternus horror copiam, quæ est multa nimis; certe ad id quod inhabitat. O miserandam sponsam, talibus credidam paranympis! qui assignata cultui ejus, sed ad ea ostium nobis quartus liber aperiet.

## LIBER QUARTUS.

### CAPUT I.

Tractat de iis quæ circa ipsum sunt.

1. Si mihi plenius innotuisset, amantissime Eugeni, priora qualiter acceptaris; secundum hoc vel fidentius in reliquum processissem, vel cautius, aut certe substitissem omnino. Nunc vero quia ob locorum distantiam id minime datur, non mireris si prodit exilior sermo anceps, verecunde, fateor, ad medium veniens. Primis itaque considerationis partibus libris prioribus pertractatis, in manibus est de his addere, quæ circa te sunt. Et ipsa quidem sub te, sed quo propiora, eo importuniora tibi. Nempe coram posita ineuriam non admittunt, non dissimulationem, non oblivionem. Vehementius urgent, turbulentius irruunt: verendum ne obruant. Circa ejusmodi quam sobria et intenta consideratione opus sit, proprio te experimento edoctum satis non ambigo. Alioquin si non cauta opportunaque interveniat consideratio, occupatio continuabitur, et vexationis non erit modus, et sollicitudinis non erit finis. Non tempus vacuum, non liberum cor: plus laboris, et minus utilitatis. Dico autem, instantia illa tua quotidiana, ab urbe, a curia, a domestica ecclesia tua. Hæc, inquam, D circa te sunt, clerus et populus tuus, cui specialiter episcoparis, ac per hoc specialis curæ teneris debitor. Hi quoque qui tibi quotidie assistunt seniores populi, orbis iudices; et qui

B item de domo et mensa tua sunt, capellani, cubicularii, ministri quique diversis deputati officii in obsequium tui. Hi te familiariter visitant, frequentius pulsant, molestiusque sollicitant. Hi sunt qui non verentur suscitare dilectam, et antequam ipsa velit.

### CAPUT II.

De cleri et populi Romani moribus agit, et de veterum Pastorum cura ac vigilantia.

2. Et primo quidem clerum illum ordinatissimum esse decet, ex quo præcipue in omnem Ecclesiam cleri forma processit. Deinde omne quod perperam agitur te præsentem, id tibi turpius. Interest gloriæ Sanctitatis tuæ, ut quos præ oculis habes, ita ordinati, ita sint informati, quatenus totius honestatis et ordinis ipsi speculum, ipsi sint forma. Inveniantur præ cæteris oportet expediti ad officia, idonei ad Sacramenta, ad plebes erudiendas solliciti, circumspecti ad sese custodiendos in omni castitate. Quid de populo loquar? Populus Romanus est. Nec brevius potui, nec expressius tamen aperire de tuis parochianis quod sentio. Quid tam notum sæculis, quam protervia et fastus<sup>a</sup> Romanorum? Gens insueta paci, tumultui assueta; gens immitis et intractabilis usque adhuc, subditi nescia, nisi cum non valet resistere. En plaga: tibi incumbit cura hæc, dissimulare non

<sup>a</sup> Alias, *cervicositas*.

licet. Rides me forsitan, fore incurabilem per-<sup>135</sup> suasus. Noli diffidere; curam exigeris, non curationem. Denique audisti: *Curam illius habe*<sup>1</sup>; et non, Cura, vel, Sana illud. Verum dixit quidam:

Non est in medico semper relevetur ut æger<sup>2</sup>.

At melius propono de tuis tibi. Paulus loquitur; *Plus omnibus laboravi*<sup>3</sup>. Non ait, Plus omnibus profui, aut, Plus omnibus fructificavi, verbum insolens religiosissime vitans. Alias autem noverat homo quem docuit Deus, quia unusquisque secundum suum laborem accipiet<sup>4</sup>, non secundum proventum. Et ob hoc in laboribus potius quam in profectibus gloriantur dum putavit, sicut alibi quoque habes ipsum dicentem: *In laboribus plurimis*<sup>5</sup>. Ita, quaeso, fac tu quod tuum est: nam Deus quod suum est satis absque tua sollicitudine et anxietate curabit. Planta, riga, fer curam; et tuas explicuisti<sup>a</sup> partes. Sane incrementum, ubi voluerit, dabit Deus, non tu. Ubi forte noluerit, tibi deperit nihil, dicente Scriptura: *Reddet Deus mercedem laborum sanctorum suorum*<sup>6</sup>. Securus labor, quem nullus valet evacuare defectus. Et hoc dixerim absque præiudicio divinæ potentiae et bonitatis. Scio induratum cor populi huius: sed potens est Deus de lapidibus istis suscitare filios Abrahæ. Quis scit si revertatur et ignoret, convertat et sanet eos? Sed non est propositi mei dictare Deo quid facere debeat: tibi utinam possim, quæ oportet et prout oportet, suadere.

3. At locus dubius, et scrupulosa incidit disputatio. Nam ubi adoriar dicere quod sentio? Video satis quid imminet. Clamabitur insuetum; nam justum negari non poterit. Ego vero ne insuetum quidem assenserim. Nempe assuetum fuisse scio, ac per hoc in dissuetum potuisse venire: sed non redire in insuetum. An vero assuetum quis neget, quod constat non modo aliquando factum, sed aliquamdiu factitatum? Quid illud sit dicam, et non proderit. Cur? Quia non placebit satrapis, plus majestati quam veritati faventibus. Fuerunt ante te qui se totos ovibus pascendis exponerent, pastoris opere et

nomine gloriantes, nihil sibi reputantes indignum, nisi quod salutis ovium obviare putarent, non quærentes quæ sua sunt, sed impendentes. Impendere curam, impendere substantiam, impendere et se ipsos. Unde unus illorum: *Et ego*, ait, *superimpendar pro animabus vestris*<sup>7</sup>. Et tanquam dicerent, Non venimus ministrari, sed ministrare; ponebant, quoties opportunisset, sine sumptu Evangelium. Unus erat de subditis quæstus, una pompa, unaque voluptas, si quo modo eos possent parare Domino plebem perfectam. Id omnimodis satagebant, etiam in multa contritione cordis et corporis, in labore et ærumna, in fame et siti, in frigore et nuditate.

4. Ubi nunc, quaeso, consuetudo hæc? Subiit dissimilis valde; longe in aliud mutata sunt studia, et utinam non in pejus. Cura tamen et anxietas, et æmulatio, et sollicitudo, fateor, perseverant. Translata hæc, non imminuta. Testimonium vobis perhibeo, quod nec substantiæ parcit, non magis quam ante. Diversa autem locatio dissimilitudinem facit. Magna abusio! pauci ad os legislatoris, ad manus omnes respiciunt. Non immerito tamen. Omne papale negotium illæ<sup>b</sup> agunt. Quem dabis mihi de tota maxima urbe, qui te in Papam receperit, pretio seu spe pretii non interveniente? Et tunc potissimum volunt dominari, cum professi fuerint servitatem. Fideles se spondent, ut opportunius fidentibus noceant. Ex hoc non erit consilium tibi a quo se arcendos putent, non secretum quo se non ingerant. Si stante proforibus quoquam illorum, moram vel modicam fecerit ostiarius; ego tunc pro illo esse nolo<sup>c</sup>. Et nunc experire paucis, noverimne et ego vel aliquatenus mores gentis. Ante omnia sapientes sunt ut faciant mala, bonum autem facere nesciunt. Hi invisi terræ et cælo: utrique<sup>\*</sup> injecere manus, impii in Deum, temerarii in sancta, seditiosi in invicem, æmuli in vicinos, inhumani in extraneos: quos neminem amantes amat nemo; et cum timeri affectant ab omnibus, omnes timeant necesse est. Hi sunt qui subesse non sustinent, præesse non norunt; superioribus infideles, inferioribus importabiles. Hi invereccundi ad petendum, ad negandum frontosi<sup>d</sup>. Hi importuni ut accipiant, inquieti donec

<sup>1</sup> Luc. x, 35. — <sup>2</sup> Ovid. 1 de Ponto, eleg. 10. — <sup>3</sup> I Cor. xv, 10. — <sup>4</sup> Id. iii, 8. — <sup>5</sup> II Cor. xi, 23. —

<sup>6</sup> Sap. x, 17. — <sup>7</sup> II Cor. xii, 15.

<sup>a</sup> Alias, *explevisti*. — <sup>b</sup> Alias, *illi*. — <sup>c</sup> Sic manuscripti. Alias, *noluerim*.

<sup>d</sup> Sic in epistola 198, *frontosus ad verecundiam*, n. 1.

accipiant, ingrati ubi acceperint. Docuerunt <sup>157</sup> increduli et subversores sunt tecum. Lupi, non linguam suam grandia loqui, cum operentur A  
exigua. Largissimi promissores, et parcissimi exhibitores: blandissimi adulescentes, et mordacissimi detractores: simplicissimi dissimulatores, et malignissimi proditores. Excurrimus asque huc, plenius te atque expressius admonendum putantes horum quæ circa te sunt in hac parte.

5. Jam ad ordinem recurramus. Quale est, quod de spoliis ecclesiarum emuntur <sup>a</sup>, qui dicunt tibi, Euge, euge? Pauperum vita in plateis divitum seminatur. Argentum micat in luto: accurritur undique, tollit illud non pauperior, sed fortior, aut qui forte citius præcurrit. A te tamen mos iste, vel potius mors ista non cœpit; in te utinam desinat. Sed reliqua prosequamur. Inter hæc tu pastor procedis deauratus, tam multa circumdatus varietate. Oves quid capiunt? Si auderem dicere; demonum magis, quam ovium pascua hæc. Scilicet sic facitabat Petrus, sic Paulus ludebat? Vides omnem ecclesiasticum zelum fervere sola pro dignitate tuenda. Honori totum datur, sanctitati nihil, aut parum. Si causa requirente paulo submissius agere, ac socialius te habere tentaveris; Absit, inquiunt, non decet, tempori non congruit, majestati non convenit; quam geras personam attendito. De placito Dei ultima mentio est; pro jactura salutis nulla cunctatio: nisi quod sublime est, hoc salutare ducamus; et quod gloriam redolet, id justum. Ita omne humile probro ducitur inter palatinos, ut facilius qui esse, quam qui apparere humilis velit, invenias. Timor Domini simplicitas reputatur, ne dicam fatuitas. Virum circumspexit et amicum propriæ conscientiæ calumniantur hypocritam. Porro amatorem quietis, et sibi interdum vacantem, inutilem dicunt.

### CAPUT III.

De vestium pompa resecanda, et zelo Pontifici necessario.

6. Quid ergo tu? evigilasne adhuc ad istos, qui circumdederunt te laqueis mortis? Quæso, sustine paulisper, et supporta me. Imo da veniam, non tam temere, quam timide hæc loquenti. Æmulor te æmulatione bona, et utinam quam vehementi, tam utili. Scio ubi habitas;

oves sunt: talium tamen tu pastor. Utilis consideratio, qua forte inveneris, quomodo, si fieri possit, convertas eos, ne ipsi subvertant te. Quid diffidimus posse reverti in oves, e quibus verti in lupos potuerunt? Hic, hic, non parco tibi, ut parcat Deus. Pastorem te populo huic certe aut nega, aut exhibe. Non negabis: ne ejus sedem tenes, te neget hæredem. Petrus hic est, qui nescitur processisse aliquando vel gemmis ornatus, vel sericis; non tectus auro, non vectus equo albo <sup>\*</sup>, nec stipatus milite, nec circumstrepentibus septus ministris. Absque his tamen credidit satis posse impleri salutare mandatum: *Si amas me, pascere oves meas* <sup>1</sup>. In his successisti, non Petro, sed Constantino. Consulo toleranda pro tempore, non affectanda pro debito. Ad ea te potius incito, quorum te scio debitorem. Etsi purpuratus <sup>\*</sup>, etsi deauratus incedens, non est tamen quod horreas operam curamve pastorem, Pastoris hæres: non est quod erubescas Evangelium. Quanquam si volens evangelizes, inter Apostolos quidem etiam gloria est tibi. Evangelizare, pascere est. Fac opus evangelistæ, et pastoris opus implesti.

7. Dracones, inquis, me mones pascere, et scorpiones, non oves. Propter hoc, inquam; magis aggredere eos, sed verbo, non ferro. Quid tu denuo usurpare gladium tentes, quem semel jussus es reponere in vaginam? Quem tamen qui tuum negat, non satis mihi videtur attendere verbum Domini dicentis sic: *Converte gladium tuum in vaginam* <sup>2</sup>. Tuus ergo et ipse, tu forsitan nutu, etsi non tua manu evaginandus. Alioquin si nullo modo ad te pertineret et is, dicentibus Apostolis, *Ecce gladii duo hic; non respondisset Dominus, Satis est* <sup>3</sup>; sed, Nimis est. Uterque ergo Ecclesiæ, et spiritualis scilicet gladius, et materialis; sed is quidem pro Ecclesia, ille vero et ab Ecclesia exserendus: ille sacerdotis, is militis manu, sed sane ad nutum sacerdotis, et jussum imperatoris <sup>\*</sup>. Et de hoc alias. Nunc vero arripe, qui tibi ad feriendum creditus est; et vulnera ad salutem, si non omnes, si non vel multos, certe quos possis.

8. Non sum, inquis, melior quam patres mei. Quem illorum domus exasperans, non dico, audit, sed non irrisit? Ideo tu insiste magis, si forte audiant, et quiescant: insiste et resistentibus. Dicendo hæc, forte nimis dicar,

<sup>1</sup> Joan. xxi, 15. — <sup>2</sup> Id. xviii, 11. — <sup>3</sup> Luc. xxii, 38.

<sup>a</sup> Alias, *emunt*.



Num nostra illa vox : *Insta opportune, importune* <sup>1</sup>? Hunc, si audes, nimium appellato. Prophetae praecipitur : *Clama, ne cesses*. Ad quos, nisi ad sceleratos et peccatores? *Annuntia*, inquit, *populo meo scelera eorum, et domui Jacob peccata eorum* <sup>2</sup>. Prudenter adverte et sceleratos perhiberi, et populum Domini. Puta de his idem. Etsi scelerati, etsi iniqui, vide ne audias : *Quod uni ex minimis meis non fecisti, nec mihi fecisti* <sup>3</sup>. Fateor populum istum existisse usque adhuc dura fronte, et indomito corde; sed utrumne etiam indomabili, nescio unde liquido scire possis. Potest fore, quod necdum fuit. Si diffidis tu; sed apud Deum non erit impossibile omne verbum <sup>4</sup>. Si dura fronte sunt, durato et tu e contra tuam. Nil tam durum, quod duriori non cedat. Dominus ad prophetam : *Dedi frontem tuam duriorum frontibus eorum* <sup>5</sup>. Unum est quod te absolvit, si egisti cum populo illo, ut possis dicere : Popule meus, quid tibi debui facere, et non feci? Si sic fecisti, nec profecisti; est demum quod facias, et quod dicas : exi de Hur Chaldaeorum, et dicit, Quia oportet me et aliis civitatibus evangelizare <sup>6</sup>. Puto nec poenitebit exilii, orbe pro urbe commutato.

## CAPUT IV.

Quales collaterales et coadjutores a Pontifice adhibendi : ubi de virtutibus praetorum.

9. Veniamus ad collaterales \* et coadjutores tuos. Hi seduli tibi, hi intimi sunt. Quamobrem si boni sunt, tibi potissimum sunt : si mali, æque plus tibi. Ne te dixeris sanum, dolentem latera : hoc est, ne te dixeris bonum, malis innitentem. Aut si bonus sis, bonitas tua solius quem fructum afferre potest? sicut in superiore libro dixisse me memini <sup>7</sup>. Quid, inquam, emolumenti affert Ecclesiis Dei tua unius hominis justitia, ubi sententia praevalet aliter affectorum? Sed nec tuta tibi tua obsessa malis, non magis quam sanitas vicino serpente. Non est quo te subducas malo intestino. Et e regione, bonum domesticum eo amplius, quo saepius juvat. Sed sive levent, sive gravent, cui rectius imputandum quam tibi, qui tales aut elegisti, aut admisisti? Non de omnibus dico : nam sunt

quos non elegisti, sed ipsi te. At potestatem non habent, nisi quam tu eis aut tribueris, aut permiseris. Ad idem ergo revertimur. Tibi imputa quidquid patieris ab eo qui sine te potest facere nihil. His exceptis, de cætero non inconsiderate, ut vides, eligendi quique seu colligendi sunt in opus ministerii hujus. Tuum est undecumque evocare et adseiscere tibi, exemplo Moysi, senes <sup>8</sup>, non juvenes; sed senes non tam ætate quam moribus, quos tu nosti, quia senes populi sunt. An non eligendi de toto orbe, orbem judicaturi? Sane huic negotio non se ingerat rogans. Consilio, non prece agendum est. Sunt quæ necessario a nobis rogantium aut extorquet importunitas, aut necessitas meretur. At istud in his quæ nostra sunt. Ubi autem non licet quod volo facere, quis locus roganti? Nisi forte qui me rogat, hoc rogat, ut quod vult, velle liceat mihi, et non magis ut velim \*. Alius pro alio, alius forte et pro se rogat. Pro quo rogaris, sit suspectus; qui ipse rogat pro se, jam judicatus est. Nec interest, per se, an per alium quis roget. Clericum curiam frequentantem, qui non sit de curia, ad idem noris pertinere ambientium genus. Adulantem, et ad placitum ejusque loquentem, unum de rogantibus puta, etiamsi nihil roga-verit. Scorpioni non est in facie quod formides : sed pungit a cauda \*.

10. Si ad talium blanditias cor tuum, ut asolet, molliri senseris, memineris scriptum : *Omnis homo primum bonum vinum ponit; cum autem inebriati fuerint, tunc id quod deterius est* <sup>9</sup>. Pari pondere aestimaveris ejus humilitatem qui timet, et ejus qui sperat. Viri callidi et dolosi proprium esse solet tunc prætereundum humilitatem, cum aliquid obtinere voluerit : de qualibus dicit Scriptura, *Est qui se humiliat nequiter, et interiora ejus plena sunt dolo* <sup>10</sup>. De vobis ipsis sume sententiæ hujus evidens ac familiare exemplum. Quantos quos supplices admisisti, postmodum sustinuisti graves, insolentes, contumaces, rebelles? Quod quidem interius malum tegunt principia, posteriora produnt. Verbosulum adolescentem, et studentem eloquentiæ, cum sapientiæ sit inanis, non aliud quam justitiæ hostem reputes. Pro hujusmodi falsis fratribus dicit tibi Magister : *Manus cito nemini imposueris* <sup>11</sup>.

<sup>1</sup> II Tim. iv, 2. — <sup>2</sup> Isai. lvi, 1. — <sup>3</sup> Matth. xxv, 45. — <sup>4</sup> Luc. i, 37. — <sup>5</sup> Ezech. iii, 8. — <sup>6</sup> Luc. ix, 43. — <sup>7</sup> Lib. 3, n. 9. — <sup>8</sup> Num. xi, 16. — <sup>9</sup> Joan. ii, 10. — <sup>10</sup> Eccli. xix, 23. — <sup>11</sup> I Tim. v, 22

11. Excluso itaque universo hoc pestilenti<sup>459</sup> genere hominum, curā tibi maxime sit intro- A  
ducere tales, quos postmodum introduxisse non  
pœniteat. Turpe est tibi sæpius retractare quod  
feceris, et iudicium tuum frequenter periclitari  
non deest. Diligenter proinde omne quod faci-  
endum erit, tracta apud te, et cum his qui te  
diligunt. Tracta ante factum, quia post factum  
sera retractatio est. Sapientis consilium est :  
*Omnia fac cum consilio, et post factum non*  
*pœnitebis*<sup>1</sup>. Et hoc tibi persuade, qui admit-  
tendi sunt, difficile in curia posse probari : et  
ideo, si fieri potest, viros probatos oportere  
deligi, non probandos. Nos in monasteriis om- B  
nes recipimus spe meliorandi : at curia bonos  
facilius recipere, quam facere consuevit. Quod  
si plures in ea defecisse bonos, quam malos  
profecisse probavimus ; querendi sane quibus  
nec defectus timeatur, nec profectus optetur,  
utpote jam perfectis.

12. Itaque non volentes, neque currentes as-  
sumito, sed cunctantes, sed renuentes : etiam  
coge illos, et compelle intrare. In talibus, ut  
opinor, requiescet spiritus tuus, qui non sint  
attritæ frontis, sed verecundi, sed timorati : qui  
præter Deum tantum timeant nihil, nihil spe-  
rent nisi a Deo. Qui adventantium non manus C  
attendant, sed necessitates. Qui stent viriliter  
pro afflictis, et iudicent in æquitate pro man-  
suetis terræ. Qui sint compositi ad mores, pro-  
bati ad sanctimoniam, parati ad obedientiam,  
mansueti ad patientiam, subjecti ad discipli-  
nam, rigidi ad censuram, catholici ad fidem,  
fideles ad dispensationem, concordēs ad pacem,  
conformes ad unitatem. Qui sint in iudicio re-  
cti, in consilio providi, in iubendo discreti, in  
disponendo industrii, in agendo strenui, in  
loquendo modesti, in adversitate securi, in pro-  
speritate devoti, in zelo sobrii, in misericordia  
non remissi, in otio non otiosi, in hospitio D  
non dissoluti, in convivio non effusi, in cura  
rei familiaris non auxii, alienæ non cupidi,  
sue non prodigi, ubique et in omnibus cir-  
cumspecti. Qui legatione pro Christo fungi,  
quoties opus erit, nec iussi renuant, nec non  
iussi affectent. Qui quod verecunde excusant,  
obstinatius non recusent. Qui missi, post au-  
rum non cant, sed Christum sequantur : qui  
quæstum legationem non æstiment, nec requi-  
rant datum, sed fructum. Qui regibus Joan-

nem exhibeant, Ægyptiis Moysen, fornicanti-  
bus Phinees, Eliam idololatræ, Elisæum avaris,  
Petrum mentientibus, Paulum blasphemanti-  
bus, negotiantibus Christum. Qui vulgus non  
spernant, sed doceant : divites non palpent,  
sed terreant : pauperes non gravent, sed fo-  
veant : minas principum non paveant, sed  
contemnant. Qui non cum turba intrent, nec  
cum ira exeant : qui ecclesias non spolient, sed  
emendent. Qui marsupia non exhauriant, sed  
corda reficiant, et crimina corrigant ; famæ  
provideant suæ, nec invideant alienæ. Qui  
orandi studium gerant, et usum habeant, ac  
de omni re orationi plus fidant, quam suæ in-  
dustriæ vel labori. Quorum ingressus pacificus,  
molestus \* exitus sit : quorum sermo ædifica-  
tio, quorum vita iustitia, quorum præsentia  
grata, quorum memoria in benedictione. Qui  
se amabiles præbeant, non verbo, sed opere :  
reverendos exhibeant, sed actu, non fastu. Qui  
humiles cum humilibus, et cum innocentibus  
innocentes ; duros dure redarguant, malignan-  
tes coerceant, reddant retributionem superbis.  
Qui non de dote viduæ, et patrimonio Cruci-  
fixi se vel suos ditare festinent, gratis dantes  
quod gratis acceperunt, gratis facientes judi-  
cium injuriis patientibus, vindictam in natio-  
nibus, increpationes in populis. Qui de tuo de-  
nique spiritu, illorum instar septuaginta Moysi,  
acceperunt cernantur<sup>2</sup>, per quem sive absentes,  
sive præsentēs contendant placere tibi, placere  
Deo. Qui ad te redeant fatigati quidem, sed  
non suffarcinati : simul et gloriantes, non quod  
curiosa seu pretiosa quæque terrarum attule-  
rint, sed quod reliquerint pacem regnis, legem  
barbaris, quietem monasteriis, ecclesiis ordi-  
nem, clericis disciplinam, Deo populum ac-  
ceptabilem, sectatorem bonorum operum.

## CAPUT V.

Exemplis commendatur abstinentia munerum ; et arrogan-  
tia ministrorum Papæ perstringitur.

13. Dignum reor ad medium venire factum  
dulcis memoriæ Martini nostri \*. Nosti hoc ; sed  
an memineras, ignoro. Is cardinalis presbyter,  
functus aliquando legatione in Dacia \*, tam  
pauper remeavit, ut pene expensis et equis  
deficientibus, vix perveniret Florentiam. Ibi

<sup>1</sup> Eccli. xxxii, 24. — <sup>2</sup> Num. xi, 16, 17.

episcopus loci donavit ei equum, quo Pisas<sup>111</sup> usque, ubi eramus tunc, pervectus est. Postridie, credo, secutus episcopus (erat enim illi causa cum adversario, et agendi aderat dies) cœpit requirere suffragia amicorum. Cumque per singulos sollicitarentur, ventum est ad Martinum. Fiducia erat major in illo, qui non posset immemor esse recentis beneficii. Tum Martinus: « Decepisti me, » inquit: « nesciebam » tibi imminere negotium. Tolle equum tuum, » ecce in stabulo est. « Et hora eadem resignavit illi. Quid dicis, mi Eugeni? Nonne alterius sæculi res est, redisse legatum de terra auri sine auro? transisse per terram argenti, et argentum nescisse? donum insuper, quod poterat esse suspectum, illico rejecisse?

14. Sed o mihi locum suavem, ubi incidit occasio memorandi et nominandi suavissimi odoris virum, episcopum loquor Carnotensem Gaufridum, qui legationem in partibus Aquitanie\* propriis sumptibus strenue administravit, idque annos plures. Rem loquor quam vidi ipse. Eram cum eo in terra illa, cum a quodam presbytero præsentatus illi est piscis, quem vulgo vocant sturcionem. Percunctatus legatus quanti venierit, « Non accipio, » inquit, « nisi » receperis pretium. » Et resignavit solidos quinque invito et verecundo. Item cum essemus in quodam oppido, domina illius oppidi obtulit ei pro devotione cum manutergio duas vel tres paropsides pulchras, ligneas tamen: quas aliquandiu intuens homo scrupulosæ conscientiæ, laudavit eas, sed non acquievit accipere. Quando<sup>a</sup> argenteas recepisset, qui ligneas refutavit? Non fuerunt qui possent legato dicere: *Ditavimus Abraham*<sup>1</sup>. Ipse vero cum Samuele libere concionabatur ad omnes: *Loquimini de me coram Domino, et coram Christo ejus, utrum bovem cujuspiam tulerim aut asinum; si quempiam calumniatus sum, si oppressi aliquem, si de manu cujusquam munus accepi; et contemnam illud hodie, vobisque restituiam*<sup>2</sup>. O si talium daretur virorum copia, quales perstrinximus nunc! Quid te felicius, quid illo jucundius sæculo? Nonne secunda ab æternitate illorum tibi temporum beatitudo videretur, cum te quaquaversum procedens, stipatum videres tam inclyto agmine beatorum?

15. Si te novi, hæres, et altum trahens su-

aspirum<sup>b</sup>, tecum loqueris: Putas fore posse quod dicitur? Putas hic sumus, quousque hæc fiant? Quis det vivere, ut videre contingat? O si viderem in vita mea Ecclesiam Dei talibus innixam columnis! O si Domini mei sponsam cernerem tantæ commissam fidei, tantæ creditam puritati! Quid me beatius, quidve securius, cum ejusmodi circa me vitæ meæ et custodes spectarem simul et testes? Quibus omnia mea secreta secure committerem, communicarem consilia; quibus me totum refunderem, tanquam alteri mihi. Qui, si vellem aliquatenus deviare, non sinerent, frenarent præcipientem, dormitantem excitarent. Quorum me reverentia et libertas extollentem reprimeret, excedentem corrigeret: quorum me constantia et fortitudo nutantem firmaret, erigeret diffidentem: quorum me fides et sanctitas ad quæque sancta, ad quæque honesta, ad quæque pudica, ad quæque amabilia et bonæ famæ provocaret. Et nunc reduc oculos, mi Eugeni, ad eum qui nunc est curiæ sivæ Ecclesiæ statum, et studia prælatorum, eorum præsertim, qui sunt in circuitu tuo.

16. Sed de his hactenus. Ego palpavi, non fodi parietem\*. Tibi licet fodere et videre, utpote prophetæ filio. Mihi progredi non est fas. Unum dico quod in facie est. Ridicule ministri vestri vestris se compresbyteris anteferre conantur. Non hoc ratio habet, non antiquitas habuit, non consentit auctoritas. Et si de sua consuetudine calumnia struitur, melius profecto illa, quam summus Ordo contemnitur. Frivolum tamen satis, unde maxime obtinere id volunt. Nos sumus, inquit, qui in omni celebritate domino Papæ conjunctiores assistimus, sedenti propiores assidemus, procedentem posteriores præcedimus\*. Hoc totum non dignitatis privilegium, sed sedulitatis debitum est, diaconi nomen solenni ipsa administratione interpretans. Denique presbyteris ordinata consensione ambientibus majestatem, vos ad pedes sedetis. Propiores assistitis, ut habeat paratiores. In evangiliis legimus, quia *facta est contentio inter discipulos, quis eorum videretur esse major*<sup>3</sup>. Beatus esses, si sic circa te cætera tenerentur.

<sup>1</sup> Gen. xiv, 23. — <sup>2</sup> I Reg. xii, 3. — <sup>3</sup> Luc. xxi, 21.

<sup>a</sup> Alias, *quomodo*. — <sup>b</sup> Alias, *spiritum*.

## CAPUT VI.

Pontifici non convenire, utpote gravioribus intento, rei domesticæ curam; proindeque alteri potius œconomio committendam.

17. Tædet jam curiæ : exeundum palatio; domi expectant nos. Hi non modo circa, sed quodammodo intra te sunt. Non est supervacua consideratio, qua intendis disponere domni tuæ, providere his qui in sinu tuo et in gremio tuo sunt. Ego dico et necessariam. Paulum audi : *Si quis domui suæ præesse nescit, quomodo Ecclesiæ Dei diligentiam habebit* <sup>1</sup> ? item, *Si quis suorum, et maxime domesticorum, curam non habet, fidem negavit, et est infideli deterior* <sup>2</sup>. Et hæc dicens, non te moneo summis occupatum intendere infimis, et quasi minutum fieri; minimis impendere quod maximis debes. Quid te intrices, unde te eripuit Deus? *Hæc, inquit, omnia adjiciuntur vobis* <sup>3</sup>. Verumtamen et hæc oportet facere, et illa non omittere. At illa per te agens, per te etiam oportet provideas, qui pro te de his provideant. Nam si unus e servis per se non sufficit simul et custodiæ jumentorum, et curæ mensarum : tu per te quomodo intendere valeas et tuæ domui, et Domini pariter? de qua scriptum est : *O Israel, quam magna est domus Domini* <sup>4</sup> ! Vacuum prorsus a sollicitudine rerum minorum et vilium oportet esse animum, tam magnis et tam multis intentum rebus. Oportet liberum, quem nulla sibi vindicet violenta occupatio. Oportet ingenuum, quem nulla deorsum trahat indigna affectio. Oportet rectum, quem nulla seorsum avertat sinistra intentio. Oportet cautum, quem nulla subeat furtiva suspicio. Oportet vigilem, quem nulla ab sese abducat peregrina et curiosa cogitatio. Oportet firmum, quem nulla concutiat repentina turbatio. Oportet invictum, quem nulla fatiget vel continua tribulatio. Oportet amplum, quem nulla coarctet rei temporalis amissio.

18. His te non dubites et bonis privandum, et feriendum malis, si animum dividens, et Dei rebus, et tuis pariter reculis vulneris impertiri. Procurandus quem implices, qui pro te molat. Pro te dico, non tecum. Quædam per tenet facies; quædam per te et alios simul;

<sup>442</sup> quædam per alios ad absque te. Quis sapiens, A et intelliget hæc? Non est quod inter ista dormitet consideratio tua. Ego vero agenda domus tuæ sub eo genere, quod novissimum posui, locanda censuerim. Per alium, ut dixi, illa facies. At is, si fidelis non fuerit, fraudabit : si non fuerit prudens, fraudabitur. Quærendus proinde fidelis et prudens, quem constituas super familiam tuam. Adhuc inutilis est, si tertium desit. Quæris quid hoc? Auctoritas. Quid enim prodest ei velle, et scire quæque disponere, prout necesse est, si quod scit et vult, non potest? Danda ergo facultas agendi pro B libitu. Si in præjudicium rationis putas hoc fieri, memento fidelem, qui agere nihilominus pro ratione volet : attende prudentem, qui agere nihilominus pro ratione sciet. Sed fidelis solersque voluntas tunc proderit, cum ei affatim suppetet, unde tota facilitate mancipetur effectui, cunctis sine cunctatione parentibus. Subdendi igitur omnes. Nullum patiatur contradictorem. Nemo qui dicat, Cur fecisti sic? Potestatem habeat excludere et admittere quos voluerit, mutare ministros, transferre ministeria ad quos, et quando voluerit. Ita timori sit omnibus, ut sit et utilitati. Præsit omnibus, ut C omnibus prosit, et de omnibus. Clandestinas et susurratas delationes non recipias adversus eum : magis detractiones censueris. Et hanc velim generalem tibi constituas regulam, ut omnem, qui palam veretur dicere quod in aure locutus est, suspectum habeas. Quod si te judicante dicendum coram ille renuerit, delatorem judices, non accusatorem.

19. Itaque unus omnibus facienda injungat, et uni omnes respondeant. Tu illi habeas fidem, vacans tibi et Ecclesiæ Dei. Si quominus aut fidelis inveniatur, aut prudens, fideli potius committendum. Sane e duobus tutius hoc. Quan- D quam si idoneus non reperitur, etsi minus fidelem sustinere potius consulo, quam te immergere labyrintho huic. Memento Salvatorem Judam œconomum habuisse <sup>5</sup>. Quid episcopo turpius, quam incumbere suppellectili, et substantiæ suæ : scrutari omnia, sciscitari de singulis, morderi suspicionibus, moveri ad quæque perdita vel neglecta? Ad verecundiam dico quorundam ejusmodi, scrutantium quotidie omnem substantiam suam, numerantium singula, de minutis et quadrantibus exigentium

<sup>1</sup> I Tim. III, 5. — <sup>2</sup> Id. v, 8. — <sup>3</sup> Matth. vi, 33. — <sup>4</sup> Baruch. III, 24. — <sup>5</sup> Joan. XII, 6.

rationem. Non ita ille Ægyptius, qui Joseph<sup>415</sup> omnibus traditis, ignorabat quid haberet in domo sua<sup>1</sup>. Erubescat christianus, christiano sua non credens. Homo sine fide, fidem tamen habuit servo, super omnia bona sua constituens eum : et hic erat alienigena.

20. Mira res! Satis superque episcopi ad manum habent, quibus animas credant : et cui suas committant facultatulas, non inveniunt. Optimi videlicet aestimatores rerum, qui magnam de minimis, parvam aut nullam de maximis curam gerant. Sed, ut liquido datur intelligi, patientius ferimus Christi jacturam, quam nostram. Quotidianas expensas quotidiano reciprocamus scrutinio, et continua dominici gregis detrimenta nescimus. De pretio escarum et numero panum cum ministris quotidiana discussio est : rara admodum cum presbyteris celebratur collatio de peccatis populorum. Cadit asina, et est qui sublevet eam : perit anima, et nemo est qui reputet. Nec mirum, cum nec nostros quidem assiduos sentiamus defectus. Nonne ad singulas supputationes istas irascimur, urimur, anxiamur? Quam tolerabilius rerum, quam mentium sustineremus jacturam! *Quare*, inquit, *non magis fraudem patimini*? Quæso, tu qui alios doces, doce te ipsum : si tamen jam non docuisti, pluris te habere, quam tua. Transitoria ista, quæ stare tibi nullo pacto queunt, fac ut a te transeant, non per te. Rivus qua fluit, cavat terram : sic discursus temporalium conscientiam rodit. Si potest torrens in agros excurrere sine læsione satorum; et tu te ista sine vulnere mentis posse tractare confidito. Omnimodis consulo studeas avertere a te concursus horum. Multa nescias, plurima dissimules, nonnulla obliviscaris.

21. Sunt tamen quæ ignorare te nolim, mores quorumque et studia. Non oportet ut vitia domus tuæ ultimus scias : quod quamplurimis novimus contigisse. Quapropter, ut dixi, alius alia dispenset; de disciplina tu provide, illud nemini credas. Si insolentior coram te vel sermo sonuerit, vel habitus apparuerit : manus tua super ejusmodi; tu ulciscere injuriam tuam. Impunitas ausum parit, ausus excessum. Domum episcopi decet sanctitudo, decet modestia, decet honestas : horum disciplina custos. Sacerdotes domestici, aut cæteris honestiores, aut fabula omnibus sunt. In vultu, in habitu, in in-

cessu illorum qui circa te sunt, nihil residere impudicum, nihil indecens patiaris. Discant a te coepiscopi tui comatos pueros et comptos adolescentes secum non habere. Certe inter mitratos discurrere calamistratos non decet. Et memento quod Sapiens admonet : *Filiæ tibi sunt? noli faciem tuam hilarem ad eas ostendere*<sup>3</sup>.

22. Nec austeritatem tamen suadeo tibi, sed gravitatem. Illa infirmiores fugat, hæc reprimit leviores. Illa, si adsit, odibilem; hæc, si desit, contemptibilem reddit : in omnibus tamen modus melior. Ego nec severius velim, nec dissolutius. Quid hac mediocritate gratius, ut nec de severitate sis oneri, nec de familiaritate contemptui? In palatio papam, domi te patremfamilias exhibe. Ament te domestici tui : si non, facito ut timeant. Utilis semper custodia oris, quæ tamen affabilitatis gratiam non excludat. Ergo ubique frenanda lingua præceps, maxime autem in convivio. Ille convenientior habitus, si tu actu quidem severus sis, vultu serenus, verbo serius. Capellani, et qui tecum jugiter divinis intersunt officiis, non sint sine honore. Tuum est tales tibi providere, qui digni sint. Serviatur eis ab omnibus tanquam tibi. Necessaria de manu tua accipiant. His contenti sint quæ tu provideris illis : tu vide ne egeant. Super hoc quem forte ab adventantibus petere deprehendes, iudica Giezitam<sup>4</sup> : id de ostiariis, id de cæteris officialibus decernendum. Verum hoc ex abundanti : nam formam istam jam olim a te positam recordamur. Quid tuo dignius apostolatu? quid salubrius ad conscientiam, honestius ad famam, utilius ad exemplum? Optimus canon, qui projicit avaritiam ex calumnia, et non a conscientia tantum.

## CAPUT VII.

Epilogus seu summa eorum quæ in Pontifice requiruntur.

23. Libet jam et hunc claudere librum : sed in calce aliqua velim vel ante dicta quasi epilogoando repetere, vel addere prætermissa. Consideres ante omnia sanctam Romanam Ecclesiam, cui Deo auctore præes, Ecclesiarum matrem esse, non dominam : te vero non dominum episcoporum, sed unum ex ipsis; porro fratrem diligentium Deum, et participem timen-

<sup>1</sup> Gen. xxxix, 1, 6. — <sup>2</sup> 1 Cor. vi, 7. — <sup>3</sup> Eccli. vii, 26. — <sup>4</sup> IV Reg. v, 20-27.

tium eum. De cætero oportere te esse considera<sup>411</sup> christum Domini : postremo deum Pharaonis. A Intellige quæ dico : dabit tibi Dominus intellectum. Ubi malitiæ juncta potentia est, aliquid tibi supra hominem præsumendum. Vultus tuus super facientes mala. Timeat spiritum iræ tuæ, qui hominem non veretur, gladium non formidat. Timeat orationem, qui admonitionem contempsit. Cui irasceris tu, Deum sibi iratum, non hominem putet. Qui te non audierit, auditurum Deum, et contra se paveat. Quod reliquum est, de his quæ supra te sunt, incumbit jam disputatio : quam uno libro, Deo adjuvante, solvere spero, et me pariter absolvere promissione mea. B

## LIBER QUINTUS.

### CAPUT I.

De his quæ supra nos sunt, id est de Deo rebusque divinis, considerationem instituit, ad quas modo per creaturas erigimur.

1. Libri superiores, etsi de Consideratione inscribantur, plurimum tamen habent actionis admixtum, dum res aliquas non considerandas tantum, sed agendas docent vel monent. At qui in manibus modo est, sola in consideratione versabitur. Quæ enim supra sunt (id quidem instat \*) actu non indigent, sed inspectu. Non est quod in eis actites, quæ uno modo semper sunt, D et in æternum; porro aliqua et ab æterno. Et hoc velim solerter advertas, vir sagacissime Eugeni, quia toties peregrinatur consideratio tua, quoties ab illis rebus ad ista deflectitur inferiora etabilia, sive intuenda ad notitiam, sive appetenda ad usum, sive pro officio disponenda vel actitanda. Si tamen ita versatur in his, ut per hæc illa requirat, haud procul exulat. Sic considerare, repatriare est \*. Subli-

C mior iste præsentium ac dignior usus rerum, cum juxta sapientiam Pauli, *invisibilia Dei, per ea quæ facta sunt, intellecta conspiciuntur*. Sane hac scala cives non egent, sed exsules. Quod vidit ipse hujus sententiæ auctor, qui cum diceret invisibilia perabilia conspici, signanter posuit, *a creatura mundi* <sup>1</sup>. Et vere quid opus scalis tenenti jam solium? Creatura cæli illa est, præsto habens per quod potius ista intueatur. Videt Verbum, et in Verbo facta per Verbum. Nec opus habet ex his quæ facta sunt, Factoris notitiam mendicare. Neque enim ut vel ipsa noverit, ad ipsa descendit, quæ ibi illa videt, ubi longe melius sunt quam in se ipsis. Unde nec medium requirit ad ea corporis sensum : sensus ipsa sibi, se ipsa sentiens. Optimum videndi genus, si nullius egueris, ad omne quod libuerit <sup>2</sup>, te contentus. Alioquin juvari aliunde, obnoxium fieri est, minusque a perfecto istud, et minus liberum.

2. Quid, quod et inferioribus eges? nonne præposterum hoc et indignum? Plane superiorum quædam injuria est, inferiorum operam

<sup>1</sup> Rom. I, 20.

<sup>2</sup> Alias additur *noscere*.

desiderare : a qua injuria nemo hominum perfecte vindicabitur, nisi cum quisque evaserit in libertatem filiorum Dei. Nempe erunt hi omnes docibiles Dei<sup>1</sup>, et nulla interveniente creatura, solo beati Deo. Repatriasse erit hoc, exisse de patria corporum in regionem spirituum. Ipsa est Deus noster, maximus spiritus, maxima mansio spirituum beatorum : et ne quid hic sibi usurpet sensus<sup>a</sup> seu imaginatio, veritas est, sapientia est, virtus, æternitas, summum bonum. Unde interim absumus<sup>b</sup> : et ubi sumus, vallis est lacrymarum, in qua sensualitas regnat, et consideratio exultat : in qua libere quidem et potestative se exserit sensus corporeus, sed intricatus caligat oculus spiritualis. Quid igitur mirum, si ope indigenæ advena indiget? Et felix secundum tempus viator, qui civium beneficium, sine quo transire non potest, in obsequium convertere potuit, utens, non fruens; urgens, non petens; exactor, non supplex.

## CAPUT II.

Assignat varios considerationis gradus.

3. Magnus ille, qui usum sensuum, quasdam veluti civium opes, expendere satagit, dispensando in suam et multorum salutem. Nec ille minor, qui hunc sibi gradum ad illa invisibilia philosophando constituit : nisi quod hoc dulcius, illud utilius; hoc felicius, illud fortius esse constat. At omnium maximus, qui spreto ipso usu rerum et sensuum, quantum quidem humanæ fragilitati fas est, non ascensoriis gradibus, sed inopinatis excessibus, avolare interdum contemplando ad illa sublimia consuevit. Ad hoc ultimum genus illos pertinere reor excessus Pauli. Excessus, non ascensus : nam raptum potius fuisse, quam ascendisse ipse se prohibet<sup>2</sup>. Inde est quod dicebat : *Sive mente excedimus, Deo*<sup>3</sup>. Porro hæc tria ita contingunt, cum consideratio, etsi in loco peregrinationis suæ, virtutis studio, et adjutorio gratiæ facta superior, sensualitatem aut premit ne insolescat, aut cogit ne evagetur, aut fugit ne inquinet. In primo potentior, in secundo liberior, in tertio purior. Puritatis siquidem et alacritatis pariter alis fit ille volatus.

4. Vis tibi has considerationis species propriis

distingui nominibus? Dicamus, si placet, primam dispensativam, secundam æstimativam, tertiam speculativam. Horum nominum rationes definitiones declarabunt. Dispensativa est consideratio sensibus sensibilibusque rebus ordinate et socialiter utens ad promerendum Deum. Æstimativa est consideratio prudenter ac diligenter quæque scrutans et ponderans ad vestigandum Deum. Speculativa est consideratio se in se colligens, et, quantum divinitus adjuvatur, rebus humanis eximens ad contemplandum Deum. Puto vigilanter advertis aliarum hanc esse fructum : cæteras, si non referantur ad istam, quod dicuntur videri posse, sed non esse. Et prior quidem absque intuitu hujus multa serit, et nihil metit : sequens vero nisi ad istam se dirigat, vadit, sed non evadit. Ergo quod prima aptat, secunda odorat, tertia gustat. Ad quem tamen gustum perducunt et cæteræ, etsi tardius : nisi quod prima laboriosius, secunda quietius pervenitur.

## CAPUT III.

Ea quæ supra nos sunt, Deum scilicet et Angelos, investigari opinione, fide, et intellectu.

5. Dixisti, inquis, satis qua ascendatur : etiam quo ascendendum, dicere habes. Falleris, si id speras : ineffabile est. Tu me existimas loqui quod oculus non vidit, nec auris audivit, et in cor hominis non ascendit? *Nobis*, inquit, *revelavit Deus per Spiritum suum*<sup>4</sup>. Ergo quæ supra sunt, non verbo docentur, sed spiritu revelantur. Verum quod sermo non explicat, consideratio quærat, oratio expetat, mereatur vita, puritas assequatur. Sane eorum admonitus quæ supra sunt, non te existimes mitti a me suspicere solem, lunam, stellas, non ipsum firmamentum, non aquas quæ super cælos sunt. Ista siquidem omnia, etsi supra loco, pretio infra sunt, et dignitate naturæ : sunt enim corpora. Tui portio spiritus est, quo superius quidpiam frustra quæris, quod non sit spiritus. Porro spiritus est Deus, sunt et Angeli sancti, et hi supra te. Sed Deus natura, Angeli gratia superiores sunt. Unum siquidem tui et Angeli optimum, ratio est : Deus vero non sui aliquid optimum habet, unum optimum totus. Is, et

<sup>1</sup> Joan. vi, 45. — <sup>2</sup> II Cor. xii, 1-4. — <sup>3</sup> Id. v, 13. — <sup>4</sup> I Cor. ii, 9, 10.

<sup>a</sup> Alias, *carnis sensus*. — <sup>b</sup> Alias, *a quo interim absumus*.

qui cum eo sunt beati spiritus, tribus modis,<sup>446</sup> veluti viis totidem, nostra sunt consideratione vestigandi, opinione, fide, intellectu. Quorum intellectus rationi innitur, fides auctoritati, opinio sola veri similitudine se tuctur. Habent illa duo certam veritatem : sed fides clausam et involutam, intelligentia nudam et manifestam : cæterum opinio certi nihil habens, verum per verisimilia quærit potius, quam apprehendit.

6. Omnino in his cavenda confusio, ne aut incertum opinionis fides figat, aut quod firmum fixumque est fidei, opinio revocet in quæstionem. Et hoc sciendum, quia opinio, si habet assertionem, temeraria est : fides, si habet hæsitacionem, infirma est : item intellectus, si signata fidei tentet irrumpere, reputatur effractor, scrutator majestatis. Multi suam opinionem intellectum putaverunt, et erraverunt. Et quidem opinio potest putari intellectus ; intellectus opinio non potest. Unde hoc accidit ? Profecto quia hæc falli potest, ille non potest : aut si falli potuit, intellectus non fuit, sed opinio. Verus nempe intellectus certam habet non modo veritatem, sed notitiam veritatis. Possumus singula hæc ita definire. Fides est voluntaria quædam et certa prælibatio necdum propalata veritatis. Intellectus est rei cujuscumque invisibilis certa et manifesta notitia. Opinio est quasi pro vero habere aliquid, quod falsum esse nescias. Ergo, ut dixi, fides ambiguum non habet ; aut si habet, fides non est, sed opinio. Quid igitur distat ab intellectu ? Nempe quod etsi non habet incertum non magis quam intellectus, habet tamen involucrum, quod non intellectus. Denique quod intellexisti, non est de eo quod ultra quæras : aut si est, non intellexisti. Nil autem malumus scire, quam quæ fide jam scimus. Nil supererit ad beatitudinem, cum quæ jam certa sunt nobis fide, erunt æque et nuda.

#### CAPUT IV.

Angeli quomodo considerandi.

7. His ita expeditis, age jam dirigatur consideratio in eam quæ sursum est Jerusalem mater nostra, ac totis tribus memoratis viis caute et vigilanter vestigemus investigabilia : quate-

nus tamen licet, vel magis quatenus nobis donabitur. Et primo quidem cives spiritus esse illic potentes, gloriosos, beatos, distinctos in personas, dispositos in dignitates, ab initio stantes in ordine suo, perfectos in genere suo, corpore æthereos<sup>a</sup>, immortalitate perpetuos, impassibiles non creatos, sed factos, id est gratia, non natura ; mente puros, affectu benignos, religione pios, castimonia integros, unanimitate individuos, pace securos, a Deo conditos, divinis laudibus et obsequiis deditos. Hæc omnia legendo comperimus, fide tenemus. Quanquam de corporibus horum non modo unde sint, sed an aliquatenus sint, hæret sententia aliquorum. Unde si quis inter opinabilia magis id ponendum censuerit, non contendo. Porro intellectu præditos, non fide, non opinione, sed intellectu capimus : quia non possunt hujus expertes, et Dei simul participes esse. Sunt et nomina quædam nota nobis similiter ex auditu, per quæ harum beatitudinum, etiam quæ non liquido mortalium percepit auditus, officia, merita, gradus, ordines, utcumque a nobis conjici et discerni queunt. Sed enim quod ex auditu non est, jam non ex fide ; nam fides ex auditu<sup>1</sup>. Itaque opinando ista dixerimus. Ad quid enim cœlestium nomina innotuerunt, si ne opinari quidem salva fide aliquid licet de rebus, quarum nomina sunt ? Angeli, Archangeli, Virtutes, Potestates, Principatus, Dominationes, Throni, Cherubim, et Seraphim, hæc nomina. Quæ significata eorum ? Nullane inter illos spiritus qui simpliciter Angeli, et eos qui Archangeli nuncupantur, distantia ?

8. Quid ergo sibi vult gradualis distinctio hæc ? Putemus Angelos dici (nisi ut convenientius aliquid considerasti) qui singuli singulis hominibus dati creduntur ; *missi in ministerium*, secundum Pauli doctrinam, *propter eos qui hæreditatem capiunt salutis*<sup>2</sup> : de quibus Salvator, *Angeli eorum semper vident faciem Patris*<sup>3</sup>. Putemus his præesse Archangelos, qui conscii mysteriorum divinorum, nonnisi ob præcipuas et maximas causas mittuntur. E quibus magnus ille archangelus Gabriel missus<sup>4</sup> legitur ad Mariam<sup>5</sup>, ob causam utique, qua major esse non potuit. Putemus super istos Virtutes esse, quorum nutu vel opere signa et prodigia in elementis, sive ex elementis facta

<sup>1</sup> Rom. x, 17. — <sup>2</sup> Hebr. i, 14. — <sup>3</sup> Matth. xviii, 10. — <sup>4</sup> Luc. i, 26.

<sup>5</sup> Confer sermonem 3 in Cantica, ubi de corporibus Angelorum, et ibi notas.



apparent ad commonitionem mortalium. Inde<sup>1</sup> *locum habitationis gloriæ tuæ*. Quid si totam est fortassis, quod cum in Evangeliiis legas, *A se colligat anima, et reductis affectibus e cunctis locis, quibus captivi tenentur, timendo quæ non oportet, amando quæ non decet, dolendo vane, gaudendo vanius, cum his ineat tota libertate volatum, pulset impetu spiritus, et in pinguedine gratiæ illabatur?* Nonne cum cœperit circuire lucidas mansiones, et sinum illum etiam Abrahæ curiosius perscrutari, et sub altari, quodcumque illud est \*, martyrum revisere animas, in prima stola secundam patientissime expectantes, multo magis tunc instabit loquens cum propheta : *Unam petii a Domino : B hanc requiram, ut inhabitem in domo Domini omnibus diebus vitæ meæ, ut videam voluntatem Domini, ac visitem templum ejus* <sup>2</sup>? Quidni ibi videatur cor Dei? quidni ibi probetur quæ sit voluntas Dei bona, et beneplacens, et perfecta? Bona in se, placens in effectibus, beneplacens fruentibus, perfecta perfectis, et nihil ultra quærentibus. Patent viscera misericordiæ, patent cogitationes pacis, divitiæ salutis, mysteria bonæ voluntatis; benignitatis arcana, quæ clausa mortalibus, etiam ipsis electis suspecta sunt. Id quidem salubriter, ne desinant timere, dum necdum digne amare idonei inveniuntur.

9. O Eugeni, quam bonum est nos hic esse! quam fore melius, si quando tamen toti sequamur quo ex parte præcessimus! Præcedimus animo, et ne ipso quidem toto, sed parte modica nimis. Affectus jacent mole corporea prægravati, et luto hærentibus desideriis, sola interim arida et tenuis consideratio prævolat. Et tamen ex tantillo quod jam datur, libet exclamare : *Domine, dilexi decorem domus tuæ, et*

10. Cernere est in his qui Seraphin appellantur, quomodo amet qui unde amet non habet, sed est et qui nihil horum quæ fecerit odit: quos salvandos fecit, quomodo foveat, quomodo provehat, quomodo amplexetur, quomodo delicta electæ juventutis \*, et paleas ignorantiarum ejus ignis ille consumens, ipsam purgatissimam et suo amore dignissimam reddat. Cernere est in Cherubin, qui plenitudo scientiæ dicuntur, Deum scientiarum dominum esse, qui solus solam nesciat ignorantiam, qui totus sit lux, et tenebræ in eo non sint ullæ; D totus sit oculus, et qui minime aliquando fallitur, quia minime clauditur; qui extra se non quærat lumen, cui admoveatur ut videat, ipse qui videt, ipse unde videt. Cernere est in Thronis, quam non suspectus omni innocentiae iudex sedeat in his, qui circumvenire nolit, circumveniri non possit, quippe sic amans, et sic videns. Nec vacat sessio : tranquillitatis insigne est. De vultu tali iudicium meum prodeat opto, cui insit amor, error absit, absit et perturbatio.

<sup>1</sup> Luc. XXI, 25, 26. — <sup>2</sup> Psal. XLV, 5. — <sup>3</sup> Psal. XXV, 8.

<sup>4</sup> Psal. XXVI, 4.

\* Alias, *quam*.

Cernere est in Dominationibus, quantæ sit Dominus majestatis, cujus nutu imperium constat, et imperio universitas atque æternitas termini sunt. Cernere est in Principatibus principium ex quo omnia; et quomodo a cardine ostium, sic ab ipso regi universitatem. Cernere est in Potestatibus, quam potestative idem princeps quos regit, protegit, contrarias potestates arcens et propulsans. Cernere est in Virtutibus unam ibique æqualiter præsto esse virtutem, per quam omnia, vivificam, efficacem, invisibilem, immobilemque, omnia tamen moventem utiliter, tenentem fortiter: quæ cum in minus usitata effecta apud mortales eruperit, miracula sive prodigia vocant. Cernere postremo et mirari est in Angelis et Archangelis veritatem atque experientiam vocis illius, *Quoniam ipsi cura est de nobis*<sup>1</sup>; qui talium nos et tantorum non desinit jucundare visitationibus, instruere revelationibus, suggestionibus commonere, sedulitate solatiari.

## CAPUT V.

Gratias ac dotes Angelorum a Deo in ipsos derivari.

11. Hæc omnia contulit illis spiritibus ipse qui condidit illos, unus atque idem summus Spiritus, dividens singulis prout voluit. Hæc operatur in illis, hæc dedit operari et illis, sed aliter. Ardent Seraphin, sed igne Dei, vel potius igne Deo. Quod præcipuum est in eis, amant, sed non quantum Deus, nec quomodo. Lucent Cherubin, et scientia eminent, sed participio veritatis; ac per hoc non ut Veritas, nec quantum. Sedent Throni, sed insidentis beneficio. Judicant et ipsi cum tranquillitate, sed non ad mensuram modumve pacis pacantis, pacis quæ exsuperat omnem sensum. Dominantur Dominationes, sed sub Domino dominantur, serviunt pariter. Quid hoc ad summum, sempiternum, singulareque dominium? Præsent Principatus et regunt: sed reguntur et ipsi, ita ut regere jam non norint, si regi desierint. Præcellit in Potestatibus fortitudo: sed qui debent quod fortes sunt, et aliter est fortis, et plus; nec tam fortis quam ipsa fortitudo est. Virtutes pro suo ministerio et potentatu sata-

gunt excitare corda torpentia hominum innovatione signorum: virtus vero in eis manens, ipsa facit opera. Faciunt et illæ, sed in compactione ejus non faciunt. Denique tantum interest, ut quasi singulariter propheta dicat ad eum, *Tu es Deus qui facis mirabilia*<sup>2</sup>: et idem de eo, *Qui facit mirabilia magna solus*<sup>3</sup>. Ad sunt Angeli et Archangeli: sed ille germanior nobis, qui non modo adest, sed inest.

12. Quod si dicas posse inesse et angelum, non inficior. Memini scriptum: *Et angelus qui loquebatur in me*<sup>4</sup>. Atqui differentia et in hoc. Inest angelus suggerens bona, non ingerens: inest hortans ad bonum, non bonum creans. Deus sic inest ut afficiat, ut infundat, vel potius ut infundatur et participetur, ita ut unum perinde cum nostro spiritum esse dicere quis non timeat, etsi non unam personam, unamve substantiam<sup>5</sup>. Habes enim: *Qui adhæret Deo, unus spiritus est*<sup>6</sup>. Angelus ergo cum anima, Deus in anima. Ille ut contubernalis animæ inest, Deus ut vita. Itaque sicut anima videt in oculis, audit in auribus, odorat in naribus, in faucibus gustat, tangit in toto reliquo corpore: sic Deus diversa in diversis spiritibus operatur; verbi gratia, in aliis amantem se exhibens, in aliis agnoscentem, in aliis alia facientem, sicut unicuique datur manifestatio spiritus ad utilitatem<sup>6</sup>. Quis est iste tam communis in vocibus, tam longe in rebus? quomodo quem nostris loquimur verbis, in sua reconditus majestate, nostros penitus et aspectus effugit, et affectus? Audi ipsum quid loquatur hominibus. *Sicut exaltantur cæli a terra, sic exaltatæ sunt viæ meæ a viis vestris, et cogitationes meæ a cogitationibus vestris*<sup>7</sup>. Dicimur amare, et Deus: dicimur nosse, et Deus: et multa in hunc modum. Sed Deus amat ut charitas, novit ut veritas, sedet ut æquitas, dominatur ut majestas, regit ut principium, tuetur ut salus, operatur ut virtus, revelat ut lux, assistit ut pietas. Quæ omnia faciunt et Angeli, facimus et nos: sed longe inferiori modo, non utique bono quod sumus, sed quod participamus.

<sup>1</sup> I Petr. 5, 7. — <sup>2</sup> Psal. LXXV, 15. — <sup>3</sup> Psal. CXXXVI, 4. — <sup>4</sup> Zach. 1, 14. — <sup>5</sup> I Cor. VI, 17. — <sup>6</sup> Id. XII, 7. — <sup>7</sup> Isai. LV, 9.

<sup>8</sup> Vide Sermonem 5 in cantica, n. 8 et ibi notam.

## CAPUT VI.

Principiū et essentiae rationem proprie soli Deo convenire.

13. Nunc jam transi spiritus istos, si forte cum sponsa dicere possis et tu : *Paululum cum pertransissem eos, inveni quem diligit anima mea*<sup>1</sup>. Quis est? Non sane occurrit melius, quam *Qui est*. Hoc ipse de se voluit responderi, hoc docuit, dicente Moyse ad populum, ipso quidem injungente : *Qui est, misit me ad vos*<sup>2</sup>. Merito quidem. Nil competentius aeternitati, quæ Deus est. Si bonum, si magnum, si beatum, si sapientem, vel quidquid tale de Deo dixeris; in hoc verbo iustauratur, quod est, *Est*. Nempe hoc est ei esse, quod hæc omnia esse. Si et centum talia addas, non recessisti ab esse. Si ea dixeris, nihil addidisti : si non dixeris, nihil minuisti. Jam si vidisti hoc tam singulare, tam summum esse; nonne in comparatione hujus quidquid hoc non est, judicas potius non esse, quam esse? Quid item Deus? Sine quo nihil est. Tam nihil esse sine ipso, quam nec ipse sine se potest. Ipse sibi, ipse omnibus est. Ac per hoc quodammodo ipse solus est, qui suum ipsius est, et omnium esse. Quid est Deus? Principium : et hoc ipse de se responsum dedit<sup>3</sup>. Multa in rebus dicuntur principia, sed respectu posteriorum. Alioquin si ad aliquid præcedens respicias, ipsum potius principium dabis. Quamobrem si quæras verum simplexque principium, invenias oportet quod principium non habuerit. Ex quo universum cæpit, ipsum profecto minime cæpit. Nam si cæpit, aliunde cæperit necesse est. A se enim cæpit nihil. Nisi forte quis putaverit, quod non erat, dare sibi potuisse, ut esse inciperet; aut fuisse aliquid, antequam esset. Quod utrumque quia ratio non consentit, constat nihil sibimet D extitisse principium. Quod vero aliud principium habuit, primum<sup>a</sup> non fuit. Verum ergo principium nequaquam cæpit, sed totum ab ipso cæpit.

14. Quid est Deus? Cui sæcula nec accesserunt, nec decesserunt; nec coæterna tamen. Quid est Deus? Ex quo omnia, per quem omnia, in quo omnia<sup>4</sup>. Ex quo omnia, creabiliter, non seminabiliter. Per quem omnia, ne alium

<sup>450</sup> auctorem atque alium opificem arbitreris. In A quo omnia, non quasi in loco, sed quasi in virtute. Ex quo omnia, tanquam uno principio, auctore omnium. Per quem omnia, ne alterum inducatur principium artifex. In quo omnia, ne tertium inducatur, locus. Ex quo omnia, non de quo, quia non est materia Deus : efficiens causa est, non materialis. Frustra philosophi materiam quærent : non eguit materia Deus. Non enim officinam quæsit, non artificem. Ipse per se, in se omnia fecit. Unde? De nihilo : nam si ex aliquo fecit, illud non fecit, ac per hoc nec omnia. Absit ut de sua incorrupta incorruptibilique substantia tam multa fecerit, etsi bona, corruptibilia tamen. Quæris si in ipso omnia, ipse ubi? Nihil minus invenio. Quis capiat locus? Quæris ubi non sit? Nec hoc quidem dixerim. Quis sine Deo locus? Incomprehensibilis est Deus : sed non parum apprehendisti, si hoc tibi de eo compertum est, quod nusquam sit, qui non clauditur loco; et nusquam non sit, qui non excluditur loco. Suo autem illo sublimi atque incomprehensibili modo, sicut omnia in ipso, sic ipse in omnibus est. Denique sicut ait evangelista, *in mundo erat*<sup>5</sup>. Alias vero, ubi erat antequam mundus fieret, C ibi est. Non est quod quæras ultra ubi erat; præter ipsum nihil erat. Ergo in se ipso erat.

## CAPUT VII.

Deum et simplicem et trinum esse.

15. Quid est Deus? Quo nihil melius cogitari potest. Si approbas, non oportet assentiaris esse aliquid, quo Deus sit\*, et quod Deus non sit. Hoc enim sine dubio melius. Quomodo non melius Deo, si Deus non est, quod dat Deo ut sit? At melius illam divinitatem, qua dicunt D Deum esse\*, non aliud quam Deum esse fate-mur. Non est ergo in Deo nisi Deus. Quid? inquit : negas Deum habere divinitatem? Non, sed quod habet, hoc est. Negas divinitate\* Deum esse? Non, sed non alia, quam quæ ipse est. Aut si tu aliam invenisti, adjuvet me Trinitas Deus, adversus illam\* tota me contumacia erigo. Quaternitas orbem determinat, non signat deitatem. Deus Trinitas est, Deus trium singula personarum. Si quartam

<sup>1</sup> Cantic. iii, 4. — <sup>2</sup> Exod. iii, 14. — <sup>3</sup> Joan. viii, 25. — <sup>4</sup> Rom. xi, 36. — <sup>5</sup> Joan. i, 10.

<sup>a</sup> Alias, *principium*.

divinitatem adjicere placet; interim ego hanc, quæ Deus non est, persuasi mihi minime adorandam. Puto quod et tu. Nempe *Dominum Deum tuum adorabis, et illi soli servies*<sup>1</sup>. Gloriosa vero divinitas, quæ sibi honorem non audeat arrogare divinum. At melius quantum hoc omnino respuimus, quam sine honore recipimus. Multa dicuntur esse in Deo, et quidem sane catholiceque, sed multa unum. Alioquin si diversa putemus, non quaternitatem habemus, sed centenitatem. Verbi causa, dicimus magnum, bonum, justum, et innumeralia: sed nisi omnia unum in Deo, et cum Deo consideres, habebis multiplicem Deum.

16. Mihi vero non deest quod cogitem melius ejusmodi Deo tuo. Quæris quid? Mera simplicitas. Vero judicio, natura simplex multiplici antefertur. Scio quod ad hæc respondere solent. Non multa, inquiunt, sed unam tantum divinitatem, quæ omnia illa sunt, Deo ut sit conferre asserimus. Asseritis ergo, etsi non multiplicem, duplicem Deum; et non ad merum simplex pervenistis, neque ad id, quo melius cogitari non potest. Tam non est simplex, quod vel uni fuerit obnoxium formæ, quam nec virgo vel uni cognita viro. Securus loquor, ne is quidem qui vel duplex est, erit meus. Habeo enim meliorem. Esto quod hunc numeroso et multiplici antepo-  
nam: sed plane præ simplici sperno. Meus Deus ipse catholice est. Tam non habet hoc et illud, quam non hæc et illa. Est qui est, non quæ est. Purus, simplex, integer, perfectus, constans sibi, nihil de temporibus, nihil de locis, nihil de rebus trahens in se, nihil ex se deponens in eis; non habens quod ad numerum dividat, non quæ colligat ad unum. Unum quippe est, sed non unitum. Non partibus constat, ut corpus; non affectibus distat, ut anima: non formis substat, ut omne quod factum est; sed neque formæ, ut istis visum est. Magna laus videlicet Deo, ut se ab informitate vindicet, forma una esse contentum. Hoc est dicere, cætera pluribus, Deum nonnisi uni debere quod est. Quid? Cujus beneficio sunt quæ sunt, ipse pro suo esse alteri benefico\* inclinabit? Laus ista, ut vulgo dicitur, blasphemiam valet. An non pluris est nullo indigere, quam uno? Habe reverentiam Deo, ut quod pluris est, illi tribuas. Si cor tuum usque huc ascendere potuit, Deum tuum

infra quomodo collocabis? Ipse sibi forma, ipse sibi essentia est. In hoc interim gradu suspicio illum: et si alter potior appareret, illum potius darem. Numquid verendum, ne cogitatio transvolet illum? Quantumcumque in altum proficiat, ultra est. Infra quod homo cogitare possit, altissimum quærere, ridiculum est; statuere, impium. Ultra, non citra quærendus est.

17. Ascende adhuc, si potes, ad cor altius, et exaltabitur Deus. Non est formatus Deus: forma est. Non est affectus Deus: affectio est. Non est compositus Deus: merum simplex est. Et ut liquido noveris, quid simplex dicam: B idem quod unum. Tam simplex Deus, quam unus est. Est autem unus, et quo modo aliud nihil. Si dici possit, unissimus est. Unus est sol, quod non sit alter: una luna, quod æque altera non sit. Atque id quidem Deus, sed plus. Quid plus? Unus est etiam sibi. Et hoc vis tibi declarari? Idem est semper, et uno modo. Non sic unus sol, non sic una luna. Clamat uterque non esse unum sibi; ille motibus, illa et defectibus suis. Deus autem non modo unus sibi: et in se unus est. Nihil in se nisi se habet. Non ex tempore alterationem habet, non in substantia alteritatem. Hinc de eo Boetius. «Hoc » vere unum, in quo nullus est numerus, nul-  
» lum in eo aliud præter id quod est: Neque  
» enim subjectum fieri potest: forma enim est.» Compara huic uni omne quod unum dici potest; et unum non erit. Trinitas est tamen Deus. Quid ergo? Destruimus quod dictum est de unitate, quia inducimus trinitatem? Non; sed statuimus unitatem. Dicimus Patrem, dicimus Filium, dicimus Spiritum sanctum; non tamen tres Deos, sed unum. Quid sibi vult iste (ut sic loquar) absque numero numerus? Si tria, quomodo non numerus? si unum, ubi numerus? Sed habeo, inquis, quid numerem, et quid non numerem. Substantia una est: personæ tres sunt. Quid mirum? quid vel obscurum in hoc? Nihil, si personæ seorsum a substantia cogitentur. Nunc vero cum tres illæ personæ illa substantia sint, et illa una substantia tres illæ personæ; quis numerum neget? Nam vere tres sunt. Quis numeret tamen? Nam vere unum sunt. Aut si tu facile explicatu id putas, dicendo tres, dicito quid numerasti? Naturas? Una est. Essentias? Una est. Substantias? Una est. Deitates? Una est.

<sup>1</sup> Luc. iv, 8.

Non hæc, sed personas numero, inquis. Quæ<sup>432</sup> spiritus est. Et est dignativa unitas, qua linu non sint illa una natura, illa una essentia, illa A noster a Dei Verbo in unam assumptus est personam.

## CAPUT VIII.

Personarum pluralitatem in Deo consurgere ex proprietatibus; essentiam tamen unam et simplicem esse.

18. Personarum proprietates non aliud quam personas; ipsasque non aliud quam unum Deum, unam divinam substantiam, unam divinam naturam, unam divinam et summam B majestatem, fides catholica confitetur. Numera ergo, si potes, aut sine substantia personas, quæ ipsa sunt: aut sine personis proprietates, quæ ipsæ sunt. Aut si dividere quis conetur vel personas a substantia, vel proprietates a personis, nescio quomodo Trinitatis se profiteri cultorem possit, qui in tantam rerum numerositatem excesserit. Dicamus itaque tres, sed non ad præjudicium Unitatis: dicamus unum, sed non ad confusionem Trinitatis. Neque enim nomina vacua sunt, nec absque significantia cassæ voces. Quærit quis quomodo illud quod catholicum esse dicimus, possit esse<sup>a</sup>? Sufficiat C ei tenere sic esse. Atque hoc non rationi perspicuum, nec tamen opinioni ambiguum, sed fidei persuasum. Sacramentum hoc magnum est, et quidem venerandum, non scrutandum. Quomodo pluralitas in unitate, et hac unitate, aut ipsa in pluralitate? Scrutari hoc temeritas est, credere pietas est; nosse vita, et vita æterna est. Unde si operæ pretium censes, o Eugeni, percurrat nunc consideratio multa Una, quo eminentia hujus singularis Unius fiat evidentiior. Est unitas, quæ collectiva potest dici, cum, verbi causa, multi lapides faciunt acervum unum. Est et unitas constitutiva, cum D multa membra unum corpus, vel multæ partes unumquodcumque totum constituunt. Est et conjugativa, qua fit ut duo jam non duo sint, sed una caro. Et est nativa, qua anima et caro unus nascitur homo. Est unitas potestativa, qua homo virtutis non instabilis, non dissimilis, sed unus sibimet semper nititur inveniri. Est consentanea, cum per charitatem multorum hominum est cor unum, et anima una. Est et votiva, cum anima votis omnibus adhærens Deo, unus

19. Verum hæc omnia quid ad illud summum, atque, ut ita dicam, unice Unum, ubi unitatem consubstantialitas facit? Huic Uni quodvis illorum si assimiles, erit quoquo modo unum: si compares, nullo. Igitur inter omnia quæ recte unum dicuntur, arcem tenet Unitas Trinitatis, qua tres personæ una substantia sunt. Secundo loco illa præcellit, qua e converso tres substantiæ una in Christo persona sunt. Porro hæc et quæcumque alia dici una possunt, summæ illius unitatis imitatione, non comparatione, Una appellari vera sobriaque probat consideratio. Nec abducimur ab hac unitatis professione assertionem trium: cum in hac Trinitate non recipiamus multiplicitatem, sicut nec solitudinem in unitate. Quamobrem cum dico Unum, non me Trinitatis turbat numerus, qui essentiam non multiplicat, non variat, nec partitur. Rursum cum dico Tria, non me arguit intuitus unitatis, quæ illa quæcumque tria, seu illos tres, nec in confusionem cogit\*, nec in singularitatem redigit.

## CAPUT IX.

Ut in Deo simplex natura est in tribus personis, sic contra in Christo plures naturas in unam personam coalescere.

20. Idem me sentire fateor et de illa unitate cui secundum ab ista inter cætera Una honorem dedi. Dico in Christo Verbum, animam, et carnem, sine confusione essentiarum unam esse personam, et item absque præjudicio personalis unitatis in sua numerositate manere. Nec negaverim hanc ad illud quoque genus unitatis pertinere, qua anima, et caro unus est homo. Decuit quippe familiarius similisque cum hominis convenire constitutione, quod pro homine constitutum est sacramentum. Decuit et cum summa, quæ in Deo est et Deus est, unitate congruere, ut quomodo ibi tres personæ una essentia; ita hic convenientissima quadam contrarietate tres essentiæ sint una persona. Videsne pulchre inter utramque unitatem hanc collocari; in eo utique qui constitutus est mediator Dei hominisque homo Christus Jesus?

<sup>a</sup> Alias, quomodo hoc possit esse.

Pulcherrima, inquam, convenientia, ut salutare sacramentum congrua quadam similitudine ambobus respondeat, et salvanti videlicet et salvato. Ita hæc unitas duarum consistens media unitatum, alteri succumbere, alteri præeminere cognoscitur, quantum superiore inferior, tantum inferiore superior.

21. Tantam denique, tamque expressam unionis vim in se præfert ea persona, in qua Deus et homo unus est Christus; ut si duo illa de se invicem prædices, non erraveris, Deum videlicet hominem, et hominem Deum vere catholiceque pronuntians. Non autem similiter vel carnem de anima, vel animam de carne, nisi absurdissime, prædicas, etsi similiter anima et caro unus sit homo. Nec mirum, si non æque potis anima sit sua illa vitali, etsi non parum valida, intentione connectere, atque suis affectibus adstringere sibi carnem, ut sibi divinitas hominem illum, qui prædestinatus est filius Dei in virtute. Longa catena et fortis adstringendum, divina prædestinatio: ab æterno est enim. Quid longius æternitate? Quid divinitate potentius? Inde est quod nec morte incidente ullatenus intercidi hæc unitas potuit, etsi carne et anima ab invicem separatis. Et fortassis hoc sensit ille, qui se indignum professus est solvere corrigiam calceamenti hujus<sup>a</sup> 1.

## CAPUT X.

Parabola, quæ est apud Matthæum de tribus satis, Christi personæ accommodatur.

22. Sed et illa tria sata de Evangelio<sup>2</sup>, mixta et fermentata in panem unum, si quis ad hæc tria dixerit pertinere, non incongrue id mihi facere videbitur. Quam bene ea mulier fermentavit, ut nec divisione quidem facta carnis et animæ, a carne vel anima Verbum divideretur! Mansit et in separatione inseparabilis unitas. Nec enim quæ ex parte contigit separatio, potuit unitati præscribere, permanenti in totis tribus. Sive conjunctis, sive disjunctis duobus, nihilominus perseveravit in tribus unitas personalis. Æque unus Christus unaque persona, Verbum, anima, et caro, etiam mortuo homine perduravit. In utero Virginis, ut sentio ego, commixtio hæc et fermentatio facta est: et ipsa mulier quæ miscuit, et fermentavit.

Nam fermentum non immerito fortasse dixerim fidem Mariæ. Plane beata, quæ credidit, quoniam perfecta sunt in ea, quæ dicta sunt ei a Domino<sup>3</sup>. Perfecta autem non essent, si quominus juxta verbum Domini esset fermentatum totum, et perpetuo fermentatum, servans nobis tam in morte, quam in vita pariter unum atque integrum mediatorem Dei et hominum cum sua deitate, hominem Christum Jesum.

23. Advertere est in hoc admirabili sacramento juxta numerum satorum, miræ et decentissimæ distinctionis gradus, novum, antiquum, æternum. Novum, animam, quæ de nihilo tunc creata creditur, cum infusa: antiquum, carnem, quæ a primo usque hominum, id est ex Adam, traducta cognoscitur: æternum, Verbum, quod ab æterno Patre coæternum illi genitum indubitata veritate asseritur. Et in his triplex, si diligenter advertas, divinæ potentie genus, quod factum sit de nihilo aliquid, de vetusto novum, æternum beatumque de damnato et mortuo. Quid hoc ad nostram salutem? Multum per omnem modum. Primum quidem, quod peccato redacti in nihilum, per hoc quodammodo iterato creati sumus, ut simus initium aliquod creature ejus. Deinde quod ex vetusta servitute in libertatem filiorum Dei translati, in novitate spiritus ambulantes. Postremo, quod de potestate tenebrarum vocati ad regnum claritatis æternæ, in quo jam et consedere nos fecit in Christo. Alieni sint a nobis<sup>4</sup>, qui Christi a nobis carnem alienare conantur, novam creatam in Virgine, et non de Virgine sumptam, impie asserentes. Pulchre propheticus spiritus longe ante occurrat huic sententiæ, imo blasphemie impiorum: *Egredietur*, inquit, *virga de radice Jesse, et flos de radice ejus ascendet*<sup>4</sup>. Dixisse poterat, Et flos de virga; sed maluit, *de radice*: ut unde virgam, inde florem duxisse originem demonstraret. Inde igitur sumpta caro, unde orta Virgo: nec nova in Virgine, quæ prodiit ex radice.

## CAPUT XI.

Continuatio considerationis de Deo.

24. Forte substomacharis, si adhuc pergimus quærere, quid est Deus? tum quia toties

<sup>1</sup> Marc. 1, 7. — <sup>2</sup> Matth. xxi, 33. — <sup>3</sup> Luc. 1, 45. — <sup>4</sup> Isai. xi, 1.

<sup>a</sup> Alias, *ejus*.

jam quæsitum est, tum quia diffidis inventum<sup>133</sup> quod deceat, ad nil unquam quod libeat, eva-  
 iri. Dico tibi, Pater Eugeni, solus est Deus, A dat. Quis hoc facit? Rectus Dominus Deus no-  
 qui frustra nunquam quæri potest, nec cum  
 inveniri non potest. Doceat te de hoc experi-  
 mentum tuum; aut si non, experto credito,  
 non mihi, sed sancto, qui ait : *Bonus es,*  
*Domine, sperantibus in te, anime querenti*  
*te*<sup>1</sup>. Quid ergo est Deus? Quod ad universum  
 spectat, linis : quod ad electionem, salus :  
 quod ad se, ipse novit. Quid est Deus? Volun-  
 tas omnipotens, benevolentissima virtus, lumen  
 æternum, incommutabilis ratio, summa beati-  
 tudo, creans mentes ad se participandum, vi-  
 vificans ad sentiendum, afficiens ad appeten-  
 dum, dilatans ad capiendum, justificans ad  
 promerendum, accendens ad zelum, fecun-  
 dans ad fructum, dirigens ad æquitatem, for-  
 mans ad benevolentiam, moderans ad sa-  
 pientiam, roborans ad virtutem, visitans ad  
 consolationem, illuminans ad cognitionem,  
 perpetuans ad immortalitatem, implens ad fe-  
 licitatem, circumdans ad securitatem.

## CAPUT XII.

Deum et bonorum operum pium remuneratorem, et sec-  
 lerum æquissimum vindicem esse.

25. Quid est Deus? Non minus pœna per-  
 versorum, quam humilium gloria. Est enim  
 rationalis quædam æquitatis directio incon-  
 vertibilis atque indeclinabilis, quippe attingens  
 ubique : cui illisa omnis pravitas conturbetur  
 necesse est. Quidni in hanc omne tumidum,  
 vel distortum impingat, et conquassetur? Væ  
 universo, quod obvium forte offenderit cedere  
 nescia rectitudo : nam et fortitudo est. Quid  
 iniquis voluntatibus tam contrarium et adver-  
 sum, quam semper conari, impingere semper,  
 et frustra<sup>2</sup>? Væ oppositis voluntatibus, solam  
 suæ profecto aversionis referentibus pœnam.  
 Quid tam pœnale, quam semper velle quod  
 nunquam erit? Quid tam damnatum, quam  
 voluntas addicta huic necessitati volendi no-  
 lendique, ut ad utrumlibet jam, sicut non nisi  
 perverse, ita non nisi misere moveatur? In  
 æternum non obtinebit quod vult; et quod non  
 vult, in æternum nihilominus sustinebit. Di-  
 gne omnino, ut qui ad nihil afficitur unquam

quod deceat, ad nil unquam quod libeat, eva-  
 iri. Quis hoc facit? Rectus Dominus Deus no-  
 ster, qui et cum perverso pervertitur. Nunquam  
 recto pravoque conveniet. Hæc enim sibi invi-  
 cem adversantur, etsi non invicem lædant. Læ-  
 sio alterius est : absit ut Dei. *Durum tibi est*, in-  
 quit, *contra stimulum calcitrare*<sup>2</sup>; hoc est, non  
 stimulo durum, sed calcitranti. Est et turpius  
 pœna Deus : lux est enim. Et quid tam invisum  
 obscenis flagitiosisque mentibus? Profecto om-  
 nis qui male agit, odit lucem<sup>3</sup>. Sed dico : num-  
 quid non poterunt declinare? Minime omnino.  
 Lucet ubique, etsi non omnibus. Denique in  
 tenebris lucet, et tenebræ eam non comprehen-  
 dunt<sup>4</sup>. Videt tenebras Lux, cui hoc est videre,  
 quod lucere : sed non vicissim a tenebris ipsa  
 videtur, quia tenebræ eam non comprehen-  
 dunt<sup>5</sup>. Et videntur ergo, ut confundantur : et  
 non vident, ne consolentur. Nec modo a luce :  
 et in luce videntur. A quo, vel quibus? Ab  
 omni vidente, ut pro multitudine intuentium  
 sit confusio multa. At nullus de tanta numero-  
 sitate spectantium molestior oculus suo ejus-  
 que. Non est aspectus, sive in cælo, sive in  
 terra, quem tenebrosa conscientia suffugere  
 magis velit, minus possit. Non latent tenebræ  
 vel se ipsas. Se vident quæ aliud non vident.  
 Opera tenebrarum sequuntur illas, nec est quo  
 se abscondant ab illis, ne in tenebris quidem.  
 Hic est vermis qui non moritur, memoria præ-  
 teritorum. Semel injectus, vel potius innatus  
 per peccatum, hæsit firmiter, nequaquam dein-  
 ceptus avellendus. Nec cessat rodere conscientiam,  
 eaque pastus, esca utique inconsumptibili, per-  
 petuat vitam. Horreo vermem mordacem, et  
 mortem vivacem. Horreo incidere in manus  
 mortis viventis, et vitæ morientis.

26. Hæc secunda mors, quæ nunquam per-  
 occidit, sed semper occidit. Quis det illis se-  
 mel mori, ut non moriantur in æternum? Qui  
 dicunt *montibus, Cadite super nos; et collibus,*  
*Operite nos*<sup>5</sup>, quid nisi mortem mortis beneficio  
 aut finire, aut evadere volunt? Denique *invo-*  
*cabunt mortem*, ait, *et non veniet*<sup>6</sup>. Intuere id  
 clarius. Constat immortalem animam esse, nec  
 aliquando absque sua memoria vivere, ne non  
 animam aliquando esse contingat. Itaque du-  
 rante anima, durat et memoria. Sed qualis?  
 Fœda flagitiis, horrida facinoribus, vanitate

<sup>1</sup> Thren. III, 25. — <sup>2</sup> Act. IX, 5. — <sup>3</sup> Joan. III, 20. — <sup>4</sup> Id. I, 5. — <sup>5</sup> Luc. XXIII, 30. — <sup>6</sup> Apoc. IX, 6.

<sup>2</sup> Alias, *frustrari*.

timida, contemptu hispida et neglecta. Quæ<sup>456</sup> dimensiones, quales in corporibus intuemur; priora, transierunt, et non transierunt. Transierunt a manu, sed non a mente. Quod factum est, factum non esse non potest. Proinde etsi facere in tempore fuit, sed fecisse in sempiternum manet. Non transit cum tempore, quod tempora transit. In æternum ergo necesse est cruciet, quod perperam te egisse in æternum memineras. Experiri erit hoc veritatem vocis illius: *Arguam te, et statuam contra faciem tuam*<sup>1</sup>. Dominus locutus est, cui omne adversum et sibi adversari necesse est, ut sit sera querela: *O custos hominum, quare posuisti me contrarium tibi, et factus sum mihi metipsi gravis*? Ita est, o Eugenii. Non potest Deo esse contrarium quid, et sibi met cohærere: sed qui arguetur a Deo, arguetur et a se ipso. Non est sane jam tunc quod aut veritatem dissimulet ratio, aut rationis intuitum anima declinet, membris avulsa corporeis, et in sese collecta. Quo enim id valeat, sopitis conclusisque in morte sensibus, per quos utique curiosius exire, et a se ire solebat in eam, quæ præterit, mundi istius figuram? Vides turpibus nihil deesse ad confusionem, cum producentur spectaculum fieri Deo, Angelis, hominibus, sibi ipsis? O quam male mali omnes locati sunt, utique oppositi torrenti huic directæ æquitatis, et huic lumini propalatae veritatis expositi<sup>2</sup>. Nonne hoc est perpetuo tundi, perpetuoque confundi? *Duplici contritione*, ait ille, *contere eos, Domine Deus noster*<sup>3</sup>.

### CAPUT XIII.

De longitudine, latitudine, profunditate, et sublimitate  
Dei profunde et eleganter discurrit.

27. Quid est Deus? Longitudo, latitudo, sublimitas, et profundum. Quid, inquis? tenemus Deum quaternitatis, quam abominatus es, professorem. Minime. Abominatus sum, et abominor. Visus sum protulisse plura, sed unum est. Unus Deus signatus est pro captu nostro, non pro suo statu. Divisus est hic, non ille. Voces diversæ, semitæ multæ: sed unum per eas significatur, unus quæritur. Non divisiones substantiæ in quaternario isto expressæ sunt; non

non distinctio personalis, qualem in Trinitate adoramus; non numerus proprietatum, qualem personis ipsis inesse fatemur, etsi non aliud a personis. Alioquin hoc singulum horum in Deo, quod quatuor simul; hoc quatuor ipsa, quod singulum est. Nobis autem, quia non possumus cum Deo simplicitate contendere, dum contendimus apprehendere unum, occurrit veluti quadruplicatum. Facit hoc speculum et ænigma, per quod solum interim videri datur. Cum autem videbimus faciem ad faciem, videbimus sicuti est. Nec enim jam tunc fragilis acies mentis nostræ, quantumlibet vehementer intendens, aliquatenus resiliat, dissilietve in suam pluralitatem. Colliget sese magis, adunabit, conformabitque unitati illius, vel potius unitati illi, ut una uni facies respondeat faciei. Nempe similes ei erimus, quia videbimus eum sicuti est<sup>4</sup>. Beata visio! ad quam merito suspirabat, qui ait: *Exquisivit te facies mea; faciem tuam, Domine, requiram*<sup>5</sup>. Et quia adhuc in quærendo res est, interim ascendamus quadrigam istam, utpote infirmi et imbecilles, indigentes tali vehiculo, si forte vel sic apprehendamus, in quo apprehensi sumus, id est, huius ipsius vehiculi rationem. Nam hoc monitum habemus ab ipso auriga et primo currus huius exhibitore, ut studeamus *comprehendere cum omnibus sanctis, quæ sit longitudo, latitudo, sublimitas, et profundum*<sup>6</sup>. *Comprehendere* dixit, non, *Cognoscere*: ut non curiositate contenti scientiæ, tota cura fructui inliemus. Non in cognitione est fructus, sed in comprehensione. Alioquin *scienti bonum, et non facienti*, ut ait quidam, *peccatum est ei*<sup>7</sup>: et ipse Paulus alio loco, *Sic currite, inquit, ut comprehendatis*<sup>8</sup>. Quid sit comprehendere, inferius declarabo.

28. Quid igitur est Deus? Longitudo, inquam. Quid ipsa? Æternitas. Hæc tam longa, ut non habeat terminum, non magis loci, quam temporis. Est et latitudo. Et ipsa quid? Charitas. Quibus et ista terminis angustetur in Deo, qui nihil odit eorum quæ fecerit? Denique solem suum oriri facit super bonos et malos, pluit super justos et injustos<sup>9</sup>. Ergo et inimicos concludit sinus ille. Nec hoc quoque contentus,

<sup>1</sup> Psal. cxix, 21. — <sup>2</sup> Job vii, 20. — <sup>3</sup> Jerem. xvii, 18. — <sup>4</sup> I Joan. iii, 2. — <sup>5</sup> Psal. xxvi, 8. — <sup>6</sup> Ephes. iii, 18. — <sup>7</sup> Jacobi iv, 17. — <sup>8</sup> I Cor. ix, 24. — <sup>9</sup> Matth. v, 45.

<sup>a</sup> Alias, *oppositi*.



evadit in infinitum. Omnem non modo affectio-<sup>457</sup> nem, sed et cognitionem excedit, adjiciente Apostolo et dicente : *Scire etiam supereminentem scientiæ charitatem Christi*<sup>1</sup>. Quid plus dicam? Æterna est. Nisi quod hoc plus forsitan est, quia æternitas est. Vides tantam esse latitudinem, quantam et longitudinem? Utinam sic videas non tantam esse, sed ipsam : id esse unam quod alteram; non minus unam quam duas, nec plus duas quam unam. Deus æternitas, Deus charitas est : longitudo sine protensione, latitudo sine distensione. In utroque pariter locales quidem excedit temporalesque angustias, sed libertate naturæ, non enormitate substantiæ. Tali modo immensus est qui omnia fecit in mensura; et quamvis immensus, hic tamen modus et ipsius immensitatis.

29. Quid item Deus? Sublimitas et profundum. In altero supra omnia, in altero infra omnia. Liquet in deitate nusquam claudicare æqualitatem, stare eam undique firmiter, constare immobiliter sibi. Sublime, potentiam; profundum, sapientiam ejus<sup>2</sup> considera. Ex æquo et ista respondent sibi, dum et sublimitas inattingibilis, et profunditas æque inscrutabilis cognoscatur, Paulo admirante et exclamante : *O altitudo divitiarum sapientiæ et scientiæ Dei! quam inscrutabilia sunt judicia ejus, et investigabiles viæ illius*<sup>3</sup>! Libet et nos exclamare cum Paulo, horum utrumque intuentes in Deo, et cum Deo simplicissimam unitatem : O sapientia potens, attingens ubique fortiter! o potentia sapiens, disponens omnia suaviter<sup>4</sup>! Res una, effectus multiplex, operationesque diversæ. Et illa una res est longitudo propter æternitatem, latitudo propter charitatem, sublimitas propter majestatem, profunditas propter sapientiam.

#### CAPUT XIV.

Modum, quo prædicta secundum Apostolum comprehendere possimus, ostendit.

30. Novimus hæc. Num ideo et arbitramur nos comprehendisse? Non ea disputatio comprehendit, sed sanctitas : si quo modo tamen comprehendi potest quod incomprehensibile est. At nisi posset, non dixisset Apostolus : *Ut*

*comprehendamus cum omnibus sanctis*<sup>5</sup>. Sancti igitur comprehendunt. Quaris quomodo? Si sanctus es, comprehendisti, et nosti : si non; esto, et tuo experimento scies. Sanctum facit affectio sancta, et ipsa gemina : timor Domini sanctus, et sanctus amor. His perfecte affecta anima, veluti quibusdam duobus brachiis suis comprehendit, amplectitur, stringit, tenet, et ait : *Tenui eum, nec dimittam*<sup>6</sup>. Et timor quidem sublimi et profundo, amor lato et longo respondet. Quid tam timendum quam potestas, cui non potes resistere; quam sapientia, cui abscondi non potes? Poterat minus timeri Deus, alterutro carens. Nunc autem perfecte oportet timeas illum, cui nec oculus deest omnia videns, nec manus potens omnia. Quid item tam amabile, quam amor ipse, quo amas, et quo amaris? Amabiliorem tamen juncta æternitas facit : quæ dum non excidit, foras mittit suspicionem. Ama igitur perseveranter et longanimitè, et habes longitudinem : dilata amorem tuum usque ad inimicos, et latitudinem tenes. Esto etiam in omni sollicitudine timoratus, et sublime profundumque apprehendisti.

31. Aut si mavis quatuor æque tuis, divinis quatuor respondere; facis hoc, si stupes, si paves, si ferves, si sustines. Stupenda plane sublimitas majestatis : pavenda abyssus judiciorum. Fervorem exigit charitas, æternitas perseverantiam sustinendi. Quis stupet, nisi qui contemplatur gloriam Dei? Quis pavet, nisi qui scrutatur profundum sapientiæ? Quis fervet, nisi qui meditatur charitatem Dei? Quis sustinet et perseverat in amore, nisi qui æmularatur æternitatem charitatis? Nempe æternitatis quamdam imaginem perseverantia præfert. Denique sola est cui æternitas redditur, vel potius quæ æternitati hominem reddit, dicente Domino : *Qui perseveraverit usque in finem, hic D saluus erit*<sup>6</sup>.

32. Et nunc adverte in quatuor istis contemplationis species quatuor. Prima et maxima contemplatio est admiratio majestatis. Hæc requirit cor purgatum, ut a vitiis liberum, atque exoneratum peccatis, facile ad superna leveat : interdum quoque vel per aliquas morulas stupore et ecstasi suspensum teneat admirantem. Secunda autem necessaria est huic; est enim intuens judicia Dei. Quo sane pavido aspectu,

<sup>1</sup> Ephes. III, 19. — <sup>2</sup> Rom. XI, 33. — <sup>3</sup> Sap. VIII, 1. — <sup>4</sup> Ephes. III, 18. — <sup>5</sup> Cantic. III, 4. — <sup>6</sup> Matth. X, 22.

<sup>6</sup> Alias, esse.

dum vehementius concutit intuentem, fugat<sup>438</sup> cum sit meditatio æternitatis ( siquidem quæ vitia, fundat virtutes, initiat ad sapientiam, A promittuntur, æterna sunt), longanimitatem humilitatem servat. Virtutum siquidem bonum quoddam ac stabile fundamentum, humilitas. Nempe si nutet illa, virtutum aggregatio non nisi ruina est. Tertia contemplatio occupatur, vel potius otiatur circa memoriam beneficiorum; et ne dimittat ingratum, sollicitat memorantem ad amorem benefactoris. De talibus dicit propheta loquens ad Dominum : *Memoriam abundantie suavitatis suæ eructabunt*<sup>1</sup>. Quarta quæ retro sunt obliviscens, in sola requiescit exspectatione promissorum : quæ

alit, et perseverantiæ dat vigorem. Puto jam facile est quatuor nostra hæc, quatuor illis Apostoli assignare, dum longitudinem comprehendit meditatio promissorum, latitudinem recordatio beneficiorum, sublimitatem contemplatio majestatis, profundum inspectio judiciorum. Quærendus adhuc fuerat, qui nec satis adhuc inventus est, nec quæri nimis potest : at orando forte quam disputando dignius quæritur, et invenitur facilius. Proinde is sit finis libri, sed non finis quærendi.

<sup>1</sup> Psal. CXLIV, 7.

# ADMONITIO

IN SEQUEMTEM EPISTOLAM SEU OPUSCULUM II.

---

1. Libros de Consideratione, ad summum Pontificem directos, opportune subsequitur tractatus de componendis Moribus Episcoporum, quæ prima est ex quinque Bernardi epistolis ad Henricum archiepiscopum Senonensem, ordine quadragesima secunda. Is cognomento Aper, testante Hugone Autissiodorensi chronographo, aliis (si vulgati non fallunt indices) Gilbertus, ex canonico electus est post Daimbertum pontifex Senonensis anno 1122. Hac in dignitate cum remissius ageret, ad diligentiorum muneris sui curam animatus est, agente potissimum Gaufrido Carnotensi episcopo cum Burchardo Meldensi, confirmante in primis sancto Bernardo : quem et patronum habuit adversus Ludovici VII infestationes, ut testatum facit epistola quadragesima nona, ad Honorium papam.

2. Has autem procellas tum Henrico, tum Stephano Parisiensi episcopo excitavit eorum secessus ab aula, et vitæ melioris institutio. Adeo ut qui « ante, » sicut in prædicta legitur epistola, « in habitu actuque sæculari honorati fuerant sublimes, iudicati fideles, habitus fa- » miliares; » postea « inimici facti sint digne suo sacerdotio conversantes, et per omnia » honorificantes ministerium suum. Hinc domini Senonensis constantiam labefactare conatus » est » Ludovicus rex : quod amplius illustratur in Notis ad epistolas vigesimam secundam et quadragesimam quintam.

3. Non tamen ita mores suos composuit Henricus, ut non in ecclesiasticam censuram incurrerit ob iniquam vexationem cujusdam archidiaconi Ecclesiæ suæ, quem « non modo » iudicio non convictum, sed nec verbo conventum » dignitate privavit, teste Bernardo in epistola centesima octogesima secunda, ad eundem Henricum. Hunc suspensum fuisse tradit Hugo chronographus Autissiodorensis ad annum 1136 : idque attestantur Acta Episcoporum Autissiodorensium capite quinquagesimo quinto, ubi de Hugone episcopo, « qui cum in Sene- » nensi ecclesia, propter suspensionem domini Henrici metropolitani, locum consecrationis » non haberet; apud Ferrarias a domino Gaufrido Carnotensi episcopo circa festum beati » Vincentii consecratus est. » Hanc autem suspensionem Henrico ex iniqua depositione archidiaconi sui accidisse proximum vero est. Sed tandem hac censura solutus antistes, anno 1140, apud Senonas synodum habuit, in qua Petri Abaelardi errores damnati fuerunt. Exstant ea de re communes Patrum synodice litteræ ad Innocentium papam, inter Bernardinas epistola centesima nonagesima prima; quibus litteris significant, se paucis totum negotium exposuisse, « pro eo maxime, quia idipsum diffusius ac plenius contineretur in litteris do- » mini Senonensis : » quæ litteræ non aliæ videntur, quam Bernardi epistola centesima nonagesima, ad Innocentium, quæ inter hosce tractatus relata est. Porro Henricus vivere desiit anno 1144 et quidem quarto idus junii : cui successit Hugo præcentor.

4. Cæterum hanc epistolam statim ab Henrici conversione scriptam fuisse probant in primis

hæc ejus verba n. 2 : « Nuper autem nobis a vestris partibus flare cœpit aura secundior. Ru- » moribus siquidem recentioribus nuntiata sunt de vobis solito lætiora, et non ex incerto » famæ, sed ore veridico venerabilis Meldensis episcopi : » quod scilicet vitam in melius in- » stituisset Henricus Gaufridi Carnotensis episcopi consiliis, ut mox declarat Bernardus. Atqui hanc Henrici mutationem Honorii secundi pontificatu, ac proinde ante annum 1130 contigisse constat, tum ex Bernardi epistola quadragesima nona, ad eundem Honorium, cui ipsum Henricum commendat; tum ex ipsa infestationum causa, quæ non alia fuit, quam Henrici discessio ab aula et aulico vivendi genere, atque adeo vitæ rectoris institutio, ut patet ex præmissis.

5. Itaque sub annum 1126 scripta fuit hæc epistola : quo tempore Meldensi præsidebat Ecclesiæ Burchardus, cujus relatu « solito lætiora » de Henrici conversatione nuntia Bernardus ait se accepisse. Meldensi, inquam, Ecclesiæ tunc præerat Burchardus, non, uti hactenus vulgo persuasum fuit, Manasses II, quem non ante annum 1133 Burchardo successisse probant authenticæ ejus litteræ de Choisiaco pro monasterio Sancti-Martini de Campis, ubi hæc clausula habetur : « Acta sunt hæc anno incarnationis Domini 1135, indict. XIII, anno autem » ordinationis domini Innocentii II papæ sexto, ordinationis nostræ secundo, » et alia ejusdem charta de Mauregarto, data « anno incarnationis Domini 1140, anno autem ordinatio- » nis nostræ septimo. » Huic calculo favet Ordericus in libro sexto, pag. 627, ubi « Stephanus » Parisiensis episcopus, et Burchardus Meldensis » Resbacenses monachos admonuisse me- » morantur de concedendis Uticensibus reliquiis sancti Ebrulfi, qua de re Bernardus epistolam ad Resbacenses scripserat. Id factum refert Ordericus anno 1130, ad quem proinde annum Burchardus Meldensem Ecclesiam, non Manasses, administrabat. Hinc corrigendi numeri apud Chesnium in notis ad Abaelardum, ubi Manasses dicitur Meldensem Ecclesiam regere cœpisse anno 1125 : idque probatur ex ejus litteris de Choisiaco, quas decennio serius, et qui- » dem anno Manassæ episcopi secundo, datas fuisse superius observavimus. Quanta vero mo- » rum et consiliorum gravitate præditus fuerit Burchardus, illud argumento est, quod ipsum cum Gaufrido consiliarium Bernardus Henrico gratulatur hac in epistola, quæ in codice Vati- » cano notato 663 dividitur in septem capita. Verum satius visum est Horstianas sectiones jam receptas retinere.

S. BERNARDI ABBATIS

# DE MORIBUS ET OFFICIO EPISCOPORUM

EPISTOLA XLII SEU TRACTATUS

AD HENRICUM ARCHIEPISCOPUM SENONENSEM.

## PROLOGUS.

Domino venerabili HENRICO, Senonensium archiepiscopo, frater BERNARDUS, si quid potest peccatoris oratio.

Placuit Præstantiæ vestræ novum aliquid a nobis dictatum requirere. Gravamur pondere dignitatis, sed dignationis munere gratulamur. Et blanditur petentis favor, et petitionis terret exactio. Qui enim nos sumus, ut scribamus episcopis? Sed rursum qui sumus, qui non obediamus episcopis? Unde dare, inde et negare compellor quod postulor. Scribere tantæ altitudini, supra me est: et eidem non obedire, contra me. Utrobique periculum: sed in ea parte majus imminere videtur, si non obediero. Hæc itaque exiens qua minus apparet, facio quod jubetis. Dat quippe ausum ipsius dignitatis dignanter indulta familiaritas, et excusat præsumptionem auctoritas imperantis.

## CAPUT I.

Arduum ac periculosum esse munus episcopi; ideoque ei bonis consiliariis opus.

1. Igitur ex quo regni cælorum claves Deo auctore vobis traditas suscepistis, ac juxta ritum fortis illius mulieris, manum mittere cœpistis ad fortia<sup>1</sup>; si qua vos aut egisse quæ non deberetis, aut pertulisse quæ nolletis au-

<sup>61</sup> divimus; et illa agentem doluimus, et condoluimus hæc patienti. Inter hæc autem ego recordabar illorum versiculorum: *Qui descendunt mare in navibus, facientes operationem in aquis multis, ascendunt usque ad cælos, et descendunt usque ad abyssos. Anima eorum in malis tabescebat; turbati sunt, et moti sunt sicut ebrius, et omnis sapientia eorum devorata est*<sup>2</sup>. Et ideo non judicabam, ut assolet; magis quippe ad compassionem me provocabat hujusmodi cogitatio: Si, inquam, tentatio est cujuscunque hominis vita super terram<sup>3</sup>; quantis putatis periculis patet vita pontificis, cui omnium necesse est ferre tentationes? Si ergo latens in caverna, et quasi sub modio, non quidem lucens, sed fumigans, ventorum tamen impetus nec sic declinare sufficio, sed continuis tentationum variisque fatigatus impulsibus, instar vento agitatæ arundinis, hæc illacque circumferor: quid positus supra montem, positus supra candelabrum? Solus mihi servandus, solus tamen ipse mihi sum scandalo, solus tædio, solus oneri atque periculo, ita ut propriæ gulæ et ventri, et oculo scandalizanti frequenter irasci oporteat. Quibus ergo molestiis angitur, quibus lacessitur injuriis, cui etiam, etsi propria cessent, nunquam tamen de alienis desunt foris pugnae, intus timores?

2. Nuper autem nobis a vestris partibus flare cœpit aura secundior. Rumoribus siquidem recentioribus nuntiata sunt de vobis solito lætiora, et non ex incerto famæ, sed ore veridico venerabilis Meldensis episcopi<sup>a</sup>. Interrogatus

<sup>1</sup> Prov. xxxi, 19. — <sup>2</sup> Psal. cxi, 23, 26, 27. — <sup>3</sup> Job vii, 1.

<sup>a</sup> Haud dubie Burchardi, non Manassæ II, ex Admonitione, n. 5.

enim de esse vestro, vultu alacri, et tanquam<sup>461</sup> bene fidens unde requirebatur: Puto, inquit, A hominem ex hoc jam consiliis se subacturum Carnotensis episcopi. Hoc ab eo responsum tam lætus accepi, quam certus fui consilia viri fidelissima fore. In nullo melius poterat nobis cordis vestri propositum commendare, in nullo spem dare certiorum vestri profectus in Domino. Secure, ni fallor, præfatis ambobus viris et vos, et vestra credetis. Talibus utendo consiliariis, bonam vobis servabitis et famam, et conscientiam. Sic Dei sacerdotem, sic tantæ civitatis decet episcopum, puerilibus non agi sæcularibusve consiliis. Omnes, juxta Domini B præceptum, etiam inimici, diligantur<sup>1</sup>; sed ad consilium soli eligantur, qui et prudentes esse videantur, et benevoli\*. Propterea Dominus, et imprudens discipuli, et fratrum infidele consilium refutabat, respondens improvido, *Non sapis quæ Dei sunt*<sup>2</sup>; et malevolis, *Vos ascendite ad diem festum hunc, ego autem non ascendam*<sup>3</sup>. Nec istorum malitiæ, nec illius imprudentiæ se credendum putavit. Quærens denique cui se credere debeat, cui tuto sua committat dispensanda mysteria, et quasi difficile inveniens, sub admiratione interrogat: *Quis putas est fidelis servus et prudens, quem constituit Dominus super familiam suam*<sup>4</sup>? Quamobrem et Petro curam ovium crediturus, prius ejus studuit probare benevolentiam, ter sciscitans si se diligeret<sup>5</sup>. Probavit et prudentiam, quando errantibus hominibus, et putantibus ipsum esse quempiam ex Prophetis, ille prudenter veritatem advertens, Deum potius Prophetarum confessus est: *Tu es*, inquit, *Christus Filius Dei*<sup>6</sup>. Væ nostro generi ab imperfectione sua! Vix in multitudine hominum unum reperias in utraque gratia consummatum. Haud facile siquidem vel prudenti benevolentiam, vel fideli inesse sapientiam deprehendas. Sine numero autem D sunt, quos utriusque muneris expertes esse constitierit.

3. Prudenter igitur cogitastis sacerdotale onus, episcopale opus, curamque pastoralem digne non posse administrari sine consilio. Hinc ipsa castorum consiliorum mater Sapientia de se ipsa loquens: *Ego Sapientia*, inquit, *habito in consilio*. Sed quali consilio? numquid in qualicumque? *Et eruditis*, ait, *intersum cogi-*

tationibus<sup>7</sup>. Sed et quod infida consilia declinanda sint, per os Salomonis taliter monet: *Causam tuam tracta cum amico tuo, et secretum extraneo ne reveles*<sup>8</sup>. Pulchre quoque per alium quemdam Sapientem, cum sine consilio nil agendum consulat, virorum tamen consilii intuens paucitatem, ita loquitur: *Multi sint tibi amici, unus autem sit tibi consiliarius de mille*<sup>9</sup>. *Unus*, inquit, *de mille*. Benignam ergo non dubitaverim vobis esse divinitatem, cui de tanta raritate inter mortales, non unum, sed duos, ipsosque idoneos satis indulsit, providos, benevolos; et, ut facile adsint, comprovinciales; ut gratis, debitores jure subjectionis. Horum acquiescendo consiliis, nec præceps eritis in sententia, nec vehemens in vindicta; non in corrigendis remissior, non severior in parcendis, non pusillanimis in exspectandis; nec superfluous in victu, nec notabilis in vestitu; non citus ad promittendum, non ad reddendum tardus, nec prodigus dator. Istorum consilium longe semper faciet a vobis malum tempori vetus, sed cupiditati novum, simoniam; et matrem ejus avaritiam, quæ est idolorum servitus. Et ut brevi omnia sermone concludam, si his credideritis, in omnibus, exemplo Apostoli, honorificabitis ministerium vestrum<sup>10</sup>: ministerium, inquam, non dominium. Ipsum itaque honorificabitis, non vos: nam qui quærit quæ sua sunt, se cupit honorari, non ministerium.

## CAPUT II.

Honorem et decus dignitatis ecclesiasticæ non consistere in externo splendore, sed in morum et virtutum decore.

4. Honorificabitis autem non cultu vestium\*, non equorum fastu, non amplis ædificiis, sed ornatis moribus, studiis spiritualibus, operibus bonis. Quam multi aliter! Cernitur in nonnullis sacerdotibus vestium cultus plurimus; virtutum aut nullus, aut exiguus. Quibus ego si rememorem illud apostolicum, *Non in veste pretiosa*<sup>11</sup>; vereor ne indignantur, dum nimirum indignum ducant in se assumptam sententiam, quam prius in viliores sexum et ordinem prolatam fuisse recognoverint. Quasi vero non eodem utantur medici ferro secandis regibus, quo

<sup>1</sup> Luc. vi, 27. — <sup>2</sup> Marc. viii, 33. — <sup>3</sup> Joan. vii, 8. — <sup>4</sup> Matth. xxiv, 45. — <sup>5</sup> Joan. xxi, 15-17. — <sup>6</sup> Matth. xvi, 16. — <sup>7</sup> Prov. viii, 12. — <sup>8</sup> Id. xxv, 9. — <sup>9</sup> Eccli. vi, 6. — <sup>10</sup> Rom. xi, 13. — <sup>11</sup> I Tim. ii, 9.

et popularibus hominibus: aut capiti fiat injuria, si ipsis forcipibus capilli excrecentes detondeantur, quibus et unguium fuerint resecata superflua. Attamen si dedignantur pari cum mulierculis, non quidem a me, sed ab Apostolo feriri sententia, dedignentur et cum ipsis eadem involvculpa. Despiciant jam textricum sive pellicum, et non propriis operibus gloriari. Horreant et murium rubricatas pelliculas, quas gulas vocant \*, manibus circumdare sacratis, et sacramentibus tremenda mysteria. Respuant et apponere pectori, quod decentius ornat gemma sapientiae. Pudeat et collo circumtexere, quod honestius atque suavius Christi jugo submittitur. Non Christi stigmata sunt haec, quae isti martyrum exemplo circumferant in corpore suo. Mulieribus potius esse noscuntur insignia, quae utique curiosius et sumptuosius illae sibi praeferare consueverunt, cogitantes nimirum quae sunt mundi, quomodo placeant viris.

5. Verum tu, sacerdos Dei altissimi, cui ex his placere gestis, mundo, an Deo? Si mundo, cur sacerdos? Si Deo, cur qualis populus, talis et sacerdos? Nam si placere vis mundo, quid tibi prodest sacerdotium? Nec enim potes duobus dominis servire. *Qui autem vult amicus esse hujus mundi, inimicus Dei constituitur* <sup>1</sup>: et propheta, *Deus*, inquit, *dissipabit ossa eorum qui hominibus placent; confusi sunt, quoniam Deus sprexit eos* <sup>2</sup>: et Apostolus, *Si hominibus placerem, Christi servus non essem* <sup>3</sup>. Volens itaque placere hominibus, Deo non places: si non places, non placas. Cur ergo, ut dixi, sacerdos? Si vero, quod addidi, placere intendis, non mundo, sed Deo: cur qualis populus, talis et sacerdos? Enimvero si sacerdos pastor est, et populus oves; dignum est ut in nullo appareat ovibus pastor dissimilis? Si instar mei, qui ovis sum, pastor meus et ipse incurvus graditur, vultum gerens deorsum, et terram semper respiciens, et soli ventri mente jejuna pabula quaeritans; in quo discernimur? Vae, si venerit lupus, non erit qui praevideat, qui occurrat, qui eripiat. Decetne pastorem more pecorum sensibus incubare corporeis, haerere infimis, inhiare terrenis: et non potius erectum stare ut hominem, caelum mente suspicere, quae sursum sunt et quaerere, et sapere, non quae super terram?

6. Caeterum mihi indignatur, si vel nutum <sup>a</sup>

facere audeam, jubetque ori manum apponere, dicens monachum, qui non habeam judicare de episcopis. Utinam et oculos mihi claudas, ut nec cernere possem, quae contradicere prohibes. Magna vero presumptio, si ovis cum sim, in ipsum pastorem meum lupas saevissimas, vanitatem et curiositatem, irruere cernens, infremuero, quo ad meum forte balatum cruentis bestiis a quopiam occurratur, et succurratur perituro. Quid facient de me, qui ovicula sum, quae et in ipsum pastorem tanta feritate insiliunt? Et quidem si non vult ut clamem pro se, numquid non et pro me balare licebit? Sed etsi ego silco, ne ponere videar in caelum os meum, clamatur tamen in Ecclesia: *Non in veste pretiosa*. Clamatur autem specialiter ad feminas: ut erubescat in se deprehendi episcopus, quod in fragiliori quoque sexu audierit reprehendi. An forte nulla timetur confusio, si ego solus submissitare desiero? Numquid etsi ego non loquor, sua cuique non loquitur conscientia? Quid si alius audacior me, non quidem de Apostolo, ut ego; non de Evangelio, non de Prophetia, non denique quidpiam ecclesiasticum, sed illud tantum gentilem ingerat: « Dicite, » pontifices, » non quidem « in sancto, » sed in freno, « quid facit aurum? » Quam tolerabilius cernitur in sancto, quam in freno! Hoc me etiam tacente, etsi non curia regum, tamen penuria pauperum clamat. Sileat licet fama, sed non fames. Fama quidem silet, quia non potest mundus odisse vos. Nam quomodo arguet mundus peccatum, a quo potius laudatur peccator in desideriis animae suae, et iniquus benedicitur?

7. Clamant vero nudi, clamant famelici, conqueruntur, et dicunt:

Dicite, pontifices, in freno quid facit aurum <sup>4</sup>?

Numquid aurum a freno repellit frigus sive esuriem? Nobis frigore et fame miserabiliter laborantibus, quid conferunt tot mutatoria, vel extensa in periculis, vel plicata in manticis? Nostrum est quod effunditis; nobis crudeliter subtrahitur, quod inaniter expenditis. Et nos enim Dei plasmatio, et nos sanguine Christi redempti sumus. Nos ergo fratres vestri. Videte quale sit de fraterna portione pascere oculos vestros. Vita nostra cedit vobis in superfluas copias. Nostris necessitatibus detrahatur, quid-

<sup>1</sup> Jacobi iv, 4. — <sup>2</sup> Psal. lxx, 6. — <sup>3</sup> Galat. i, 10. — <sup>4</sup> Persius, Sat. 8, vers 69.

<sup>a</sup> Alias, *nutum*.

quid accedit vanitatibus vestris. Duo denique <sup>463</sup> castitas, quæ in hoc mortalitatis et loco, et mala de una prodeunt radice cupiditatis, dum A et vos vanitando peritis, et nos spoliando perimitis. Jumenta gradiuntur onusta gemmis, et nostra non curatis crura nuda caligulis. Annuli, catenulæ, tintinnabula, et clavatæ quædam corrigiæ <sup>2</sup>, multaque talia, tam speciosa coloribus, quam ponderibus pretiosa, mulorum dependent cervicibus: fratrum autem lateribus nec semicinctia miserantes apponitis. Huc accedit, quod hæc omnia nec negotiationis studio, nec proprio manuum exercitio vobis elaborastis, sed nec jure hæreditario possidetis: nisi forte et vos in corde vestro dixeritis, *Hæreditate possideamus sanctuarium Dei* <sup>1</sup>. Et hæc pauperes modo quidem coram Deo tantum, cui corda loquuntur. Nec enim audent aperte causari adversum vos, quibus interim pro sua vita necesse habent potius supplicare. Cæterum in futuro stabunt in magna constantia adversus eos qui se angustiaverunt, stante quippe pro eis patre orphanorum, et iudice viduarum. Ipsius enim tunc vox erit: *Quamdiu non fecistis uni de his minimis meis, nec mihi fecistis* <sup>2</sup>.

### CAPUT III.

Præsulum potissima et dignissima ornamenta, castitas, charitas, humilitas.

8. Vos autem, reverendissime pater, vos, inquam, absit ut in talibus honorificandum putetis ministerium vestrum. Videntur quidem honorifica, sed oculo qui videt in facie, non qui videt in abscondito. Nam quæ videntur in abscondito, nullis apparent fucata coloribus, spectabilia sunt tamen; nullis condita saporibus, prædulcia tamen; nullis elevata culminibus, excelsa tamen. Castitas, charitas, humilitas, nullius quidem coloris sunt, sed non nullius D decoris; nec medioeris decoris, qui divinos quoque delectare possit aspectus. Quid castitate decorius, quæ mundum de immundo conceptum semine, de hoste domesticum, angelum denique de homine facit? Differunt quidem inter se homo pudicus et angelus, sed felicitate, non virtute. Sed etsi illius castitas felicior, hujus tamen fortior esse cognoscitur. Sola est

castitas, quæ in hoc mortalitatis et loco, et tempore statum quemdam immortalis gloriæ representat. Sola inter nuptiarum solennia morem beatæ illius vindicat regionis, in qua neque nubant, neque nubunt: præbens quodammodo terris cælestis jam illius conversationis experientiam. Vas interim fragile quod portamus, in quo et crebro periclitamur, tenet castitas (ut monet Apostolus) in sanctificationem <sup>3</sup>, et instar odoriferi balsami, quo condita cadavera incorrupta servantur. Sensus ipsa et artus continet et contingit, ne dissolvantur otis, ne corrumpantur desideriis, ne carnis voluptatibus computrescant: quemadmodum legitur de quibusdam, quia *computraerunt ut jumenta in stercore suo* <sup>4</sup>. Hoc itaque tantæ pulchritudinis ornamentum digne dixerim sacerdotium honorare, quod dilectum Deo et hominibus faciat sacerdotem, cujus quippe memoria, non in carnis successione, sed in spirituali benedictione sit, reddatque similem in gloria sanctorum, in hac licet adhuc regione dissimilitudinis constitutum.

9. Verum quantalibet venustate sui castitas eminere appareat, sine charitate tamen nec premium habet, nec meritum. Nec mirum. Quod C enim absque illa bonum suscipitur? Fides? Sed nec si montes transferat. Scientia? Sed ne illa quidem quæ lingua loquitur Angelorum. Martyrium? *Nec si tradidero*, inquit, *corpus meum ita ut ardeam* <sup>5</sup>. Nec absque illa quodlibet bonum suscipitur, nec cum illa quamlibet exiguum respuitur. Castitas sine charitate, lampas est sine oleo. Subtrahe oleum, lampas non lucet. Tolle charitatem, castitas non placet. Sed o *quam pulchra est*, ut Sapiens clamat, *casta generatio cum charitate* <sup>6</sup>! Cum illa, inquam, charitate, quam describit Apostolus, *de corde puro, et conscientia bona, et fide non ficta* <sup>7</sup>.

10. Porro puritas cordis in duobus consistit: in quærenda gloria Dei, et utilitate proximi; ut in omnibus videlicet actis vel dictis suis nihil suum quærat episcopus, sed tantum aut Dei honorem, aut salutem proximorum, aut utrumque. Hoc enim agens implebit non solum pontificis officium, sed et etymologiam nominis, pontem utique se ipsum faciens inter Deum et proximum. Pertingit pons iste usque ad

<sup>1</sup> Psal. lxxxii, 13. — <sup>2</sup> Matth. xxv, 45. — <sup>3</sup> I Thess. iv, 4. — <sup>4</sup> Joel 1, 17. — <sup>5</sup> I Cor. xiii, 1-3. — <sup>6</sup> Sap. iv, 1. — <sup>7</sup> I Tim. i, 5.

<sup>2</sup> Clavatæ corrigiæ, lora clavis ex auro, purpura, aliisque coloribus intexta.



Deum ea fiducia, qua non suam, sed illius gloriam quærit. Pertingit usque ad proximum illa pietate, qua et ipsi, non sibi prodesse desiderat. Offert Deo bonus mediator preces et vota populorum; reportans illis a Deo benedictionem et gratiam. Supplicat majestati pro excessibus delinquentium, vindicat in peccantes injuriam Dei. Ingratis improperat beneficia pietatis, contemnentibus potentiæ severitatem insinuat, utrisque tamen nihilominus placare studet indignantis furorem: nunc quidem hominum obtendens infirmitatem, nunc divinæ magnitudinem pietatis. Denique sive excedat Deo, sive sobrius sit nobis, aut Deo semper, quantum in ipso est, præstare gestit, aut nobis<sup>a</sup>, non quod sibi omnino utile est quærens, sed quod multis.

11. Fidelis pontifex, qui bona quælibet per manus suas transeuntia, sive divina beneficia ad homines, sive hominum vota ad Deum, columbino intuens oculo, nihil sibi retentat ex omnibus. Nec populi requirit datum, sed lucrum, nec Dei gloriam usurpat sibi. Acceptum talentum non ligat in sudario, sed partitur nummulariis, a quibus et usuras recipit, non sibi, sed Domino. Non habet foveam ut vulpes, non tanquam volucres nidum, non loculos quomodo Judas; non denique, sicut nec Maria, locum in diversorio. Imitatur profecto illum qui non habebat ubi reclinaret caput; factus in præsentiarum tanquam vas perditum: quandoque procul dubio futurum vas in honorem, et non in contumeliam. Denique perdit animam suam in hoc mundo, ut in vitam æternam custodiat eam. Hoc tanto puritatis intimæ bono gloriari non potest veraciter, nisi qui extrinsecas gloriolas perfecte respuerit. Nec enim pure valet Dei vel proximi quærere lucra, qui propria non contempserit. Is tantum puritatis interioris gloria non fraudatur, qui dicere potest cum Domino, *Si ego quæro gloriam meam, gloria mea nihil est*<sup>1</sup>: et cum Apostolo, *Mihi vivere Christus est, et mori luerum*<sup>2</sup>: et cum propheta, *Oblivioni datus sum, tanquam mortuus a corde*<sup>3</sup>, id est a propria voluntate. Bona oblivio, si te ipsum nescias, ut proximo prosis. Bene autem mortuus a corde, si jam non tibi vivere studeas, sed ei qui pro te mortuus est.

Bene mortuus est a corde, qui dicit: *Vivo autem jam non ego*. Sed si mortuus a se, non tamen a Christo: sequitur enim, *Vixit vero in me Christus*<sup>4</sup>. Mortem hanc, quæ fit a corde, infert charitas, de qua loquitur sponsa in Canticis: *Fulnerata charitate ego sum*<sup>5</sup>. Fortis quippe est ut mors dilectio<sup>6</sup>, et mortem in nobis, non vitam occidit. Unde et audacter minatur: *O mors, ero mors tua*<sup>7</sup>. Peccatum exstinguit, quod animæ vitam expulerat; animamque restituit innocentiae.

12. Verum si prævalet morti charitas, ita ut illam in congressu perimere possit; cur dicitur *B fortis ut mors*, et non potius, morte fortior? An forte quia et ipsa est mors, et se ipsa fortior esse non potest? Bona mors, non vitæ, sed mortis. Bona mors, et nequaquam abhorrenda, quæ vitam etsi adimit, non perimit. Adimit quidem, sed ad tempus, restituendam in tempore, duraturam sine tempore. Denique *mortui estis*, inquit, *et vita vestra abscondita est cum Christo in Deo*. Cum autem Christus apparuerit vita vestra, tunc et vos apparebitis cum ipso in gloria<sup>8</sup>. Libenter igitur carebo ad tempus, ut in æternum possideam. Et ista sufficiant pro eo quod scriptum est, *Charitas de corde puro*<sup>9</sup>. Sane in tanta oblivione sui necesse est cor bene esse conscium sibi, quo se in lucra securius foris extendat, cum securam intra se reliquerit conscientiam. Quid enim prodest homini si universum mundum lucretur, animæ autem suæ detrimentum patiatur<sup>10</sup>?

#### CAPUT IV.

Cura sinceræ fidei, et charitatis non fictæ, præsuli maxime necessaria.

13. Sed et ordinis exigit ratio, ut qui ad sui mensuram proximum jubetur diligere, prius se ipsum diligere norit. Itaque duo sunt præcipue quæ bonam reddunt conscientiam, pœnitere de malis, et abstinere a malis: hoc est, ut verbis loquar beati Gregorii, et commissa flere, et flenda non committere<sup>11</sup>. Horum neutrum solum sufficit. Nam si primum absque secundo sufficeret, frustra et David hortaretur dicens, *Declina a malo*<sup>12</sup>: et Isaïas, *Quiescite agere*

<sup>1</sup> Joan. viii, 54. — <sup>2</sup> Philipp. i, 21. — <sup>3</sup> Psal. xxx, 13. — <sup>4</sup> Galat. ii, 20. — <sup>5</sup> Cantic. iv, 9. — <sup>6</sup> Id. viii, 6. — <sup>7</sup> Osee xiii, 14. — <sup>8</sup> Coloss. iii, 3, 4. — <sup>9</sup> I Tim. i, 5. — <sup>10</sup> Matth. xvi, 26. — <sup>11</sup> Hom. 34, in Evang. post med. — <sup>12</sup> Psal. xxxvi, 27.

<sup>a</sup> Alias, quantum in ipso est placere gestit, aut præstare nobis.

perverse<sup>1</sup> : et Deus ipse ad Cain, *Peccasti*,<sup>466</sup> *quiesce*<sup>2</sup>. Rursum si secundum per se post peccatum bonam sufficit restaurare conscientiam, sine causa clamat pœnitens in Psalmo, *Beati, quorum remissæ sunt iniquitates, et quorum tecta sunt peccata*<sup>3</sup>; et illud, *Vide humilitatem meam et laborem meum, et dimitte universa delicta mea*<sup>4</sup>; et in oratione dominica, *Dimitte nobis debita nostra, sicut et nos dimittimus debitoribus nostris*<sup>5</sup>. Utriusque virtutis bene conscius animus secure jam se ipsum deserat, et quodammodo perdat, ut alios lucrificiat. Cum infirmantibus infirmetur, uratur cum scandalizatis : fiat etiam, si oporteat, Judæis Judæus, nihilque formidet cum tali conscientia, exemplo Jeremiæ et Ezechielis, in Ægyptum vel in Chaldæam cum transgressoribus captivari<sup>6</sup>; sed et cum sancto Job frater fieri draconum, et socius struthionum<sup>7</sup>; cum Moyse quoque (quod gravius est) deleri de libro Dei<sup>8</sup>; et cum Paulo anathema esse a Christo pro fratribus non timeat cum hujusmodi conscientia<sup>9</sup>; ipsam denique, si necesse est, intrare gehennam, securus medias penetrans flammæ, læta decantet conscientia, *Etsi ambulavero in medio umbræ mortis, non timebo mala, quoniam tu mecum es*<sup>10</sup>. Comparemus, si placet, thesauros regum et fastigia regnorum cum hujusmodi fiducia : nonne cuncta horum felicitas, præ tanti boni divitiis<sup>a</sup>, miseria reputabitur? Et hanc fiduciam operatur charitas *de corde puro, et conscientia bona*.

14. Jam vero quod restat, *de fide non fcat*<sup>11</sup>; et item quod ex alio loco in mentem venit, *fides siue operibus mortua est*<sup>12</sup> : duo ista mittunt nos ad quandam fidei trifariam divisionem, ut dicatur fides mortua, ficta, probata. Et mortuam quidem Apostolus definit eam esse, quæ sine operibus est, id est quæ non operatur ex dilectione, quasi non habens animam, ipsam dilectionem, qua vegetetur<sup>b</sup>, et moveatur ad opera. Fictam autem ego arbitror illam vocari fidem, quæ suscepta quidem ex charitate vita, moveri inchoat ad bene operandum; sed non perseverans deficit, et moritur tanquam abortiva. Eo utique sensu fictam hujusmodi dixerim nomi-

nam, quo vasa figuli vocamus fictilia : non quia videlicet utilia non sunt quamdiu durant, sed quia fragilia cum sint, diu minime durant. De hac fidei fictione puto illos notari in Evangelio, *qui ad tempus credant, et in tempore tentationis recedunt*. Interrogo eos qui dicunt charitatem, a quo semel accipitur, nequaquam ultra recedere. Ait Veritas de quibusdam : *Et hi radices non habent, quia ad tempus credant, et in tempore tentationis recedunt*<sup>13</sup>. Unde, et quo recedunt? Utique a fide ad infidelitatem. Item quæro : Poterantne in illa fide salvari, an non poterant? Si non poterant, quæ injuria Salvatori, quæve tentatori lætitia, quod hinc recedant, ubi salus non sit? siquidem nec Salvator zelatur nisi salutem, nec malignus invidet nisi salutem. Si autem poterant, quomodo aut sine charitate sunt, quamdiu in illa fide sunt, cum sine charitate salus esse non possit; aut deserentes fidem, non etiam deserunt charitatem, cum charitas et infidelitas simul esse non possint? Recedunt ergo quidam a fide, quia Veritas asserit; consequenter et a salute, quia Salvator redarguit : inde nos colligimus, quod et a charitate, sine qua salus esse non potuit<sup>c</sup>. *Et hi*, inquit, *radicem non habent*. Non negat eos C habere bonum, sed in bono potius radicatos non esse causatur.

15. Denique sequitur, et ait : *Quia ad tempus credunt*. Bonum est, sed utinam duraturum. Non enim qui cœperit, sed qui perseveraverit usque in finem, hic salvus erit<sup>14</sup>. Non autem durant, quoniam in tempore tentationis recedunt. Beati si interim rapti fuissent, antequam malitia mutaret corda eorum. Nunc vero vae prægnantibus et lactantibus in illis diebus, teneros utique fetus gestantibus, et de vita recenti facile in periculis exturbandos. Tales sunt animæ parvam adhuc et teneram habentes charitatem : et ob hoc earum fidem vivam, sed licetam, necesse est in tentatione deficere. *Vasa figuli*, ait, *probat fornax, et homines justos tentatio*<sup>15</sup>, illos videlicet, qui ex fide vivunt. Justus nempe ex fide vivit<sup>16</sup>, sed ex fide quæ vivat. Neque enim quæ mortua est, vitam dare potest. Dæmonum fides non adducitur in examinatio-

<sup>1</sup> Isai i, 16. — <sup>2</sup> Gen. iv, 7, juxta LXX. — <sup>3</sup> Psal. xxxi, 1. — <sup>4</sup> Psal. xxiv, 18. — <sup>5</sup> Matth. vi, 12. — <sup>6</sup> Jerem. xlii, 6, et IV Reg. xxiv. — <sup>7</sup> Job xxx, 29. — <sup>8</sup> Exod. xxxii, 32. — <sup>9</sup> Rom. ix, 3. — <sup>10</sup> Psal. xxii, 4. — <sup>11</sup> I Tim. i, 5. — <sup>12</sup> Jacobi ii, 20. — <sup>13</sup> Luc. xiii, 13. — <sup>14</sup> Matth. x, 22. — <sup>15</sup> Eccli. xxvii, 6. — <sup>16</sup> Rom. i, 17.

<sup>a</sup> Alias, *præ tantis bonis*. — <sup>b</sup> Alii addunt, *anima*. — <sup>c</sup> Alias, *non poterit*.

nem : vacua quippe charitate, mortua est. Cre-<sup>467</sup> dunt quidem et contremiscunt, sed timor non est in charitate. Proinde in labore hominum non sunt, et cum hominibus non flagellantur : quod exstinctæ fidei nulla jam debeatur probatio, sed reprobatio. Solam itaque justorum fidem, id est vivorum vivam, fornax tentationum suscipit examinandam. Sed non omnium justitia manet in sæculum sæculi : quoniam sunt qui ad tempus credunt, et in tempore tentationis recedunt. Qualis sit cujuscunque fides, tribulatio probat. Si cujus deficit (deficit enim, cum in charitate non perseverat), ficta esse dignoscitur : si cujus perseverat, probata et perfecta B censetur.

16. Liqueat ex his satis, ut arbitror, non omnes qui habuerint charitatem, habere et perseverantiam in charitate. Alioquin frustra commoneret discipulos Dominus : *Manete*, inquit, *in dilectione mea*<sup>1</sup>. Aut enim si necdum diligebant, non debuerat dicere, *manete*, sed, *Estote in dilectione mea* : aut si jam diligebant, necesse non erat moneri de perseverantia, qua secundum istos privari non poterant. Curet igitur servus bonus et fidelis fide servare non ficta charitatem de corde puro et conscientia bona : pluris æstimans animæ vitam, quam corporis, C minus horrens carnis mortem, quam fidei.

## CAPUT V.

De virtute humilitatis omnibus quidem, sed prælatis in primis necessaria.

17. Jam de tribus quæ superius proposuimus, sola, ni fallor, tractanda restat humilitas. Hæc duabus præmissis virtutibus in tantum est necessaria, ut absque ista illæ nec esse virtutes videantur. Nempe ut castitas seu charitas detur, humilitas meretur : quoniam humilibus Deus D dat gratiam<sup>2</sup>. Humilitas ergo virtutes alias accipit. Servat acceptas, quia non requiescit Spiritus Domini, nisi super quietum et humilem<sup>3</sup>. Servatas consummat; nam virtus in infirmitate, hoc est in humilitate, perficitur<sup>4</sup>. Inimicam omnis gratiæ, omnisque initium peccati debellat superbiam, et tam a se, quam a cæteris virtutibus superbam illius propulsat tyrannidem. Siquidem cum ex aliis quibusque bonis virium magis suarum capere soleat incrementum su-

perbia; sola hæc omnium propugnaculum quoddam turrisque virtutum, ejus fortiter resistit malitiæ, obviat præsumptioni. Sola denique est, de qua omnium plena virtutum Maria glorandum esse putavit. Audito quippe ab angelo, *Ave, gratia plena*, quasi solam ex illa plenitudine humilitatem in se cognosceret, solam respondisse ac respondisse memoratur in gratiam : *Respexit*, inquit, *Deus humilitatem ancillæ suæ*<sup>5</sup>.

18. Quid deinde auctor et dator virtutum Christus, in quo omnes thesauri sapientiæ et scientiæ sunt absconditi, in quo omnis quoque plenitudo divinitatis habitat corporaliter? nonne tamen et ipse de humilitate, tanquam summa suæ doctrinæ suarumque virtutum, glorius est? *Discite*, ait, *a me*, non quod sobrius, aut castus, aut prudens, aut aliquid ejusmodi : sed, *quia mitis sum et humilis corde*<sup>6</sup>. *A me*, inquit, *discite*. Non ad doctrinam Patriarcharum, non ad Prophetarum libros ego vos mitto : sed me vobis exemplum, me formam humilitatis exhibeo. Inviderunt mihi altitudinem, quam habeo apud Patrem, angelus et femina : ille potentiæ, illa scientiæ. Vos autem æmulamini charismata meliora, discentes a me quia mitis sum, et humilis corde.

19. Commodum reor indagare aliquid et de superbia, quatenus ex opposito sibi vitio virtutis hujus decor manifestior appareat. Superbia est appetitus propriæ excellentiæ. Hæc in species duas dividitur, in cæcam, et vanam superbiam. Quæ quidem et aliis nominibus appellari possunt, contumacia, et vanitas : quarum prior intelligentiæ, posterior voluntatis vitium est. Nam ex illa rationis fallitur oculus, et ex ista voluntatis appetitus male afficitur. Quod melius ex singularum definitionibus demonstrabimus. Cæca superbia seu contumacia est vitium, quo se existimans aliquis vel esse bonum quod non est, vel a se esse quod est, in se, non in Domino gloriatur. Vana superbia seu vanitas est vitium, quo quis tam de eo quod est, quam de eo quod non est, suis magis quam Dei laudibus delectatur. His ita præmissis, aptemus jam contraria humilitati, singula singulis opposcentes. Humilitas est contemptus propriæ excellentiæ. Contemptus opponitur appetitui. Duabus quoque superbiæ speciebus, duæ nihilominus humilitatis opponuntur : contra cæcam, ut quis de

<sup>1</sup> Joan. xv, 9. — <sup>2</sup> Jacobi iv, 6. — <sup>3</sup> Isai. lxxvi, 2. — <sup>4</sup> II Cor. xii, 9. — <sup>5</sup> Luc. i, 28, 48. — <sup>6</sup> Matth. xi, 29.

se noverit sentire humiliter; contra vanam, nec<sup>168</sup> consentire aliter sentientibus. Nempe qui de se ipso sentire humiliter novit, in neutro ipsius de se iudicium falli potest, videlicet ut aut majus aliquid putet se esse quam sit; aut a se esse quod sit. Et ideo patienter carens quod sibi novit deesse, humiliter de eo quod certus est adesse, non in se, sed in Domino gloriatur.

20. Porro adversus hoc, ut de se altius se aliquid sentiat, solet, ne insolescat, verus humilis illud sibi jugi meditatione revolvere, *Non alta sapientes, sed humilibus consentientes*<sup>1</sup>: et illud, *Non ambulavi in magnis, neque in mirabilibus super me. Si non humiliter sentiebam, sed exaltavi animam meam*<sup>2</sup>: et item, *Qui se putat aliquid esse, cum nihil sit, ipse se seducit*<sup>3</sup>. Contra hoc autem ut a se sentiat esse, quod se sentit esse, sollicito se ipsum interrogat: *Quid habes quod non accepisti? Si autem accepisti, quid gloriaris quasi non acceperis*<sup>4</sup>? Item, qui humanas laudes consuevit perfecte contemnere, cum se laudari percipit de eo quod in se novit non esse, nullatenus acquiescens, illud sibi commemorat: *Qui te beatificant, in errorem te mittunt*<sup>5</sup>. Sed et illius nihilominus versiculi recordatur: *Verumtamen vani filii hominum, mendaces filii hominum in stateris, ut decipiant ipsi de vanitate in idipsum*<sup>6</sup>. Proinde sollicito studet imitari Apostolum, ita de se loquentem: *Parco autem, ne quis me existimet supra id quod videt in me, aut audit aliquid ex me*<sup>7</sup>. Cum vero laudari se comperit de bono quod se forte habere cognoscit: nihilominus, quantum in se est, scuto veritatis curat a se jaculum favoris repellere; dans gloriam Deo, et dicens, *Gratia Dei sum id quod sum*<sup>8</sup>. Et propulsans a se omnem suspicionem, ait Domino: *Non nobis, Domine, non nobis, sed nomini tuo da gloriam*<sup>9</sup>. Metuit nimirum, si aliter egerit, ne forte audiat ab ipso, *Recepisti mercedem tuam*<sup>10</sup>: et iterum, *Gloriam ab invicem quaeritis, et gloriam quae a solo Deo est, non vultis*<sup>11</sup>. Refugiens ergo et de hoc ad consilium Apostoli, probat ipse opus suum, ut sic habeat *in semetipso gloriam, et non in altero*<sup>12</sup>. Fidelis suimet custos, qui sibi oleum favoris sine fraude reservet, ne in adventu sponsi lampas conscientiae vacua exstinguatur. *Non in altero, inquam. Nec enim tutum arbitra-*

tur labijs hominum committere gloriam suam, arcae utique sine clave, et sine sera, nullique omnino clausae nocere volenti. Non tutum plane, sed stultum, ibi thesaurum tuum recondere, unde non valeas resumere cum volueris. Si ponis in os meum, jam non in tua, sed in mea potestate est, cum utique pro meo libitu vel laudare te possim, vel derogare tibi.

## CAPUT VI.

Laus et vera gloria in conscientia cujusque reponenda; attamen non sine formidine, quia Deus est scrutator et iudex cordium.

21. Sannum vas et inconcussum conscientia, et secretis servandis idoneum, nullis patens insidiis, nulli violentiae cedens; nulli quippe oculo vel manui accessibilis, excepto duntaxat Spiritui, qui scrutatur etiam alta Dei. Quidquid in ea reposuero, securus sum quia non perdam: servabit vivo, defuncto restituet. Nam quocumque vadō ego, ipsa it mecum, secum ferens depositum quod servandum acceperit. Adest vivo, mortuum sequitur; ubique mihi vel gloria, vel confusio inseparabilis pro qualitate depositi. Beati qui in veritate dicere possunt: *Gloria nostra haec est, testimonium conscientiae nostrae*<sup>13</sup>. Non potest dicere nisi humilis, qui juxta vulgare proverbium, et oculos campi metuere, et silvarum aures soleat semper habere suspectas. Beatus nempe homo qui semper est pavidus<sup>14</sup>. Non potest dicere arrogans et praesumptor, qui se ipsum impudenter ostentans, passim et ubique, tanquam per campum incedens, totus fertur in gloriam: gloriatur etiam cum male fecerit, et exultat in rebus pessimis. Aestimatus se non videri, dum plures habeat imitatores quam reprehensores, caecus dux caecorum. Sed habet hic campus oculos sanctorum procul dubio Angelorum, quos semper offendere solet indisciplinata conversatio. Non dicet hypocrita, Gloria mea est testimonium conscientiae meae: quia etsi judicantium secundum faciem, verbo, vultu, habituve simulatorio illudat opinioni; sed non ejus, qui scrutatur renes et corda, fallit vel evadit iudicium, siquidem Deus non irridetur.

<sup>1</sup> Rom. xii, 16. — <sup>2</sup> Psal. cxxx, 1, 2. — <sup>3</sup> Galat. vi, 3. — <sup>4</sup> I Cor. iv, 7. — <sup>5</sup> Isai. lxi, 12. — <sup>6</sup> Psal. lxi, 10. — <sup>7</sup> II Cor. xii, 6. — <sup>8</sup> I Cor. xv, 10. — <sup>9</sup> Psal. cxiii, 9. — <sup>10</sup> Matth. vi, 5. — <sup>11</sup> Joan. v, 44. — <sup>12</sup> Galat. vi, 4. — <sup>13</sup> II Cor. i, 12. — <sup>14</sup> Prov. xxviii, 14.

22. Timeat ergo et iste memoris aurem.<sup>169</sup> Lingua licet manuque cessantibus, auri tamen A ubique presenti de quacunque silva latebrosæ duplicitatis et spinosæ calliditatis tacentis et quiescentis cor loquitur, cogitatio confitetur. Pravum est cor hominis et imperscrutabile<sup>1</sup>, ita ut nemo sciat, quæ sunt in homine, nisi spiritus hominis qui in eo est; sed nec ipse plene. Nam cum Apostolus diceret, *Mihi pro minimo est, ut a vobis judicer, aut ab humano die*; adjecit: *Sed nec ego me ipsum judico*. Quare? Quoniam non possum, ait, ratam vel ipse de me proferre sententiam. *Ego enim nihil mihi conscius sum, non tamen in hoc justificatus sum*. B Non ex toto credo me vel ipsi conscientiae meæ, quippe cum ne ipsa quidem queat me comprehendere totum: nec potest judicare de toto, qui totum non audit. *Qui autem judicat me, Dominus est*<sup>2</sup>. Dominus, inquit, cujus utique scientiam non effugit, sententiam non subterfugit, etiam quod propriam latet conscientiam. Audit Deus in corde cogitantis, quod non audit vel ipse qui cogitat. Aderat auris Prophetæ absentis ori furtive poscentis pecuniam<sup>3</sup>: et ego quantumlibet in occulto lædere cogitans aut proximum nequiter, aut turpiter me ipsum, non verear aurem nusquam absentem? Tremenda C prorsus auris et reverenda, cui non cessat quies, non tacet silentium. Denique ait: *Aufer te malum cogitationum vestrarum ab oculis meis*<sup>4</sup>. Sed quid est quod dicit, *ab oculis meis*? an et nostra Deus non solum audit, sed et videt arcana? Quales oculi, qui contemplantur cogitationes! Non sunt coloratæ, ut videantur, sicut nec sonant ut audiantur. Solent sentiri a cogitante, non audiri ab auscultante, non a contemplante videri. Merito tamen Dominus scit cogitationes hominum quoniam vanæ sunt. Cur enim nesciret, quas et audit, et videt? His præcipue duobus sensibus, id est visui et auditui, D nemo fidem putat esse negandam. Hoc nos scire constanter adstruimus, quod vidimus et audivimus. Merito itaque non erat opus Domino Jesu, ut quis testimonium perhiberet de homine; ipse nimirum sciebat quæ essent in homine. *Quid cogitatis*, ait, *mala in cordibus vestris*<sup>5</sup>? Respondebat non sermonibus, sed cogitationibus. Audiebat non loquentes, videbat non apparentes.

23. Contremisco totus, tuam, Domine Jesu, quantillo possum intuitu considerans majestatem, præsertim cum recordor, in quantis ipsis aliquando contemptor exstiterim. Sed et nunc cum jam a facie majestatis fugi ad genua pietatis, quid amplius facio? Vereor ne qui aliquando contrarius exstiti majestati, et nunc ingratus pietati inveniar. Quid enim si cessant manus, et non cessat pectus? Quid si os jam silet, et necdum cor quiescit? Si singuli illiciti motus animi mei singula sunt quædam in te, Deus, convicia, utputa iracundiæ motus in mansuetudinem, invidiæ in charitatem, in frugalitatem luxuriæ, turpitudinis in castitatem, et innumera his similia, quæ de cœnoso lacu prurientis pectoris mei etiam nunc incessanter ebulliunt, inundantes et impingentes in serenitatem præfulgentis vultus tui: quid magnum feci solos colibere artus, actus corrigere? Si has atque hujusmodi, quas, foris licet vacans, intus actitare non cesso, iniquitates observaveris, o Domine, quis sustinebit? An forte jam non ago illa, sed patior? Aguntur quidem in me, sed a me non aguntur, si non consentio. Sane si mei non fuerint dominata, tunc immaculatus ero, et immaculatus coram eo, non solum si caruero, sed et si observavero me ab iniquitate mea. Mea C dixerim, non quia facio, sed quia sustineo. Corpus gesto mortis, carnemque peccati: sufficit interim mihi, si non regnet peccatum in meo mortali corpore. Sic corpus crimini non reputatur, nec quod habitat in eo peccatum: si tamen non delector, si tamen non exhibeo membra mea, arma iniquitati. Pro hac orabit ad te, o misericors, quivis etiam sanctus in tempore opportuno<sup>6</sup>: supplex nimirum, quod malum sentiat; et nihilominus sanctus, dum non consentiat: supplex pro periculo, sanctus pro virtute: sanctus plane atque beatus, qui condeletatus legi Dei secundum interiorem hominem, de malo, quod ita inesse corpori sentit, ut nisi pariter cum corpore carere non possit, merito sese consolatur, et ait: *Jam non ego operor illud, sed quod habitat in me peccatum*<sup>7</sup>.

24. Veruntamen delicta quis intelligit? Nam si possem dicere cum Paulo, quod quidem longe est a me, *Nihil mihi conscius sum*<sup>8</sup>; non tamen in hoc esse justificatum oporteret me gloriari: *Non enim qui se ipsum commendat,*

<sup>1</sup> Jerem. xvii, 9. — <sup>2</sup> I Cor. iv, 3, 4. — <sup>3</sup> IV Reg. v, 22. — <sup>4</sup> Isai. i, 16. — <sup>5</sup> Matth. ix, 4. — <sup>6</sup> Psal. xxxi, 6. — <sup>7</sup> Rom. vii, 17. — <sup>8</sup> I Cor. iv, 4.

*ille probatus est, sed quem Deus commendat*<sup>1</sup>.<sup>471</sup>

Si applauserit mihi justitiam humanus dies, pro A minimo habeo, quia ille lucet tantum in facie. Homo enim videt in facie, Deus autem intuetur cor<sup>2</sup>. Propter hoc Jeremias non satis popularibus sententiis, velut quibusdam humani diei radiis, movebatur, sed fidenter loquebatur Deo : *Diem hominis non concupivi, tu scis*<sup>3</sup>. Si meus mihi arriserit dies, *neque me ipsum*, inquit, *judico*<sup>4</sup> : quia nec ipse me satis intelligo. Solus merito constitutus est iudex vivorum et mortuorum, qui finxit singillatim corda universorum, et intelligit omnia opera eorum. Solum attendo iudicem, quem et solum ju- B stificatorem agnosco. Pater dedit ei iudicium facere, quia filius hominis est<sup>5</sup>. Non usurpo mihi vel super me servus Filii potestatem, nec me annuero illis, de quibus ita conqueri solet : *Tulerunt homines a me iudicium*. Pater non iudicat quemquam, sed omne iudicium dedit Filio<sup>6</sup> : et ego mihi presumam quod nec ipse Pater sibi assumit? Velim, nolim, ipsi me adstare necesse est : ipsi horum quæ gesserim in corpore, reddere rationem, cui nec verbum prætervolat, nec subterfugit cogitatio. Sub tam æquo libratore meritorum, sub tam intimo secretorum inspectore, quis gloriabitur castum C se habere cor? Sola profecto, quæ non solet gloriari, non novit presumere, contendere non consuevit, gratiam inventura est in oculis pietatis humilitas. Deus namque superbis resistit, humilibus autem dat gratiam<sup>7</sup>. Non contendit iudicio, nec prætendit justitiam qui vere humilis est, sed dicit : *Non intres in iudicium cum servo tuo, Domine*<sup>8</sup>. Recusat iudicium, et postulat misericordiam, facilius sibi veniam impetrare posse, quam justitiam vindicare confidens. Novit naturam divinam naturaliter piam, quæ in nostra<sup>a</sup> nequaquam humilitatem abhorreat. Non despicit illa majestas cor contritum D et humiliatum in nostro genere, quæ corpus ex eo humilitatis assumere non dedignata est. Nescio quo pacto familiarius semper humilitati propinquare solet divinitas. Denique illa se induit, ut appareret hominibus. Substantiam, formam, habitumque gestavit humilem, ipsius nobis commendans virtutis excellentiam, quam speciali sui voluerit honore præsentia.

## CAPUT VII.

Ambitionem ecclesiasticorum, promotionem juniorum ; et pluralitatem beneficiorum perstringit.

25. Vobis autem, dilectissime, vobis præcipue tanto magis arbitror hanc esse necessariam, quanto major noscitur materia suppetere superbiendi. Genus, ætas, scientia, cathedra, et, quod majus est, primatus prærogativa\*, cui non essent insolentiæ fomes, elationis occasio? Quanquam esse possint et humilitatis. Meditantibus quidem honores blandiuntur, sed onera pensantibus tædio sunt atque formidini. Non autem omnes capiunt hoc verbum. Multi enim non tanta fiducia et alacritate currerent ad honores, si esse sentirent et onera. Gravari profecto metuerent, nec cum tanto labore et periculo quarumlibet affectarent infulas dignitatum. Nunc vero quia sola attenditur gloria, et non pœna, purum esse clericum erubescitur in Ecclesia; seque viles aestimant, et inglorios, qui quocumque eminentiori in loco non fuerint sublimati. Scholares pueri et impuberes adolescentuli ob sanguinis dignitatem promoventur ad ecclesiasticas dignitates\*, et de sub ferula transferuntur ad principandum presbyteris; lætiores interim quod virgas evaserint, quam quod meruerint principatum; nec tam illis blanditur adeptum, quam ademptum magistrarium. Et hoc quidem in initio. Processu vero temporis paulatim insolescentes, docti sunt in brevi vindicare\* altaria, subditorum marsupia vacuare, magistris nimirum in hac disciplina utentes idoneis, ambitione, et avaritia. Verum quantavis industria tua tibi lucra conquirere cautulus videaris, quantalibet vigilantia rem possis servare tuam, quantocumque studio regum tibi ac principum gratiam captare cures, dicimus tamen : *Fæ terræ, cui rex puer est, et cuius principes mane comedant*<sup>9</sup>.

26. Nec dicimus quancumque ætatem Dei gratiæ præmaturam, sicut nec seram : cum multos videamus juniorum super senes intelligere, moribus antiquare dies, prævenire tempora meritis, et quod ætati deest, compensare virtutibus. Boni pueri, qui quod ætate viden-

<sup>1</sup> II Cor. x, 18. — <sup>2</sup> I Reg. xvi, 7. — <sup>3</sup> Jerem. xvi, 16. — <sup>4</sup> I Cor. iv, 3. — <sup>5</sup> Joan. v, 27. — <sup>6</sup> Ibid. 22. — <sup>7</sup> Jacobi iv, 6. — <sup>8</sup> Psal. cxlii, 2. — <sup>9</sup> Ecce. x, 16.

<sup>a</sup> Alias, nostram.

tur, esse student et malitia. Malitia, inquam,<sup>472</sup> tem. Sed numquid sic satiabitur? Factus episcopus, archiepiscopus esse desiderat. Quo forte adepto, rursum nescio quid altius somnians, laboriosis itineribus et sumptuosis familiaritatibus Romanum statuit frequentare palatium, quæstuosas sibi quasdam exinde comparans amicitias. Si lucri spiritualis gratia hæc faciunt, laudandus est zelus; sed præsumptio corrigenda.

28. Nonnulli cum ista non possunt, vertunt se ad aliud ambiendi genus, in quo nihilominus aperiunt eam, quam habent, dominandi libidinem. Nam cum præsideant urbibus valde populosis, et totas, ut ita dicam, patrias propriæ diocesis ambitu circumcludant; occasione inventa ex quocumque veteri privilegio, satagunt ut vicinas sibi subijciant civitates: quatenus duæ, quibus duo vix præsules sufficebant, sub uno redigantur antistite\*. Rogo, quæ hæc tam odiosa præsumptio? quis hic tantus ardor dominandi super terram? quæ principandi tam effrenis cupiditas? Certe cum primum tractus es ad cathedram, flebas, refugiebas, vim que-rebaris, multum ad te et omnino supra te esse dicens; miserum clamitans et indignum, qui non esses idoneus tam sancto ministerio, tantis non sufficeres curis. Quid igitur nunc verecunda depulsa formidine, sponte ambis ad ampliora; imo irreverenti audacia, propriis non contentus, invadis aliena? Cur hoc? Forte ut plures populos salves? Sed in alienam messem, tuam mittere falcem, injuriosum est. Ut tuæ præstes Ecclesiæ? Sed Ecclesiarum Sponso non placet tale unius incrementum, quod sit detrimentum alterius. Crudelis ambitio, et incredibilis, si fidem oculi non adstruerent! Vix tenent manus, quin illud ad litteram impleant quod legitur in propheta: *Secuerunt prægnantes Galaad ad dilatandum terminos suos*<sup>8</sup>.

27. Cæterum curritur in clero passim ab omni ætate et ordine, a doctis pariter et indoctis ad ecclesiasticas curas, tanquam sine curis jam quisque victurus sit, cum ad curas pervenerit\*. Nec mirum de his qui necdum in semetipsis experti sunt. Videntes quippe illos qui jam proprios humeros cupitæ sarcinæ submiserint, non solum non gemere tanquam sub onere, sed insuper appetere plus onerari; non deterrentur periculis, quæ cupiditate cæcati non vident; sed favoribus amplius, quos illis invident, provocantur. O infinita semper ambitio, et insatiabilis avaritia! Cum primos honorum gradus meruerint in Ecclesia, meruerint autem vel vitæ merito, vel pecuniæ, sive etiam carnis et sanguinis, quæ regnum Dei non possidebunt, prærogativa; non ideo corda quiescunt, duplici semper æstuantia desiderio, quo utique magis ac magis et dilatentur in plura, et ad celsiora sublimentur. Verbi gratia, cum factus quis fuerit in quacumque Ecclesia decanus, vel præpositus, archidiaconus, aut aliquid hujusmodi; non contentus uno in una, plures sibi, imo quotquot valet, conquirere honores satagit, tam in una, quam in pluribus. Quibus tamen omnibus, si locus evenit, libenter unius præferet episcopi dignita-

tem. Sed numquid sic satiabitur? Factus episcopus, archiepiscopus esse desiderat. Quo forte adepto, rursum nescio quid altius somnians, laboriosis itineribus et sumptuosis familiaritatibus Romanum statuit frequentare palatium, quæstuosas sibi quasdam exinde comparans amicitias. Si lucri spiritualis gratia hæc faciunt, laudandus est zelus; sed præsumptio corrigenda.

28. Nonnulli cum ista non possunt, vertunt se ad aliud ambiendi genus, in quo nihilominus aperiunt eam, quam habent, dominandi libidinem. Nam cum præsideant urbibus valde populosis, et totas, ut ita dicam, patrias propriæ diocesis ambitu circumcludant; occasione inventa ex quocumque veteri privilegio, satagunt ut vicinas sibi subijciant civitates: quatenus duæ, quibus duo vix præsules sufficebant, sub uno redigantur antistite\*. Rogo, quæ hæc tam odiosa præsumptio? quis hic tantus ardor dominandi super terram? quæ principandi tam effrenis cupiditas? Certe cum primum tractus es ad cathedram, flebas, refugiebas, vim que-rebaris, multum ad te et omnino supra te esse dicens; miserum clamitans et indignum, qui non esses idoneus tam sancto ministerio, tantis non sufficeres curis. Quid igitur nunc verecunda depulsa formidine, sponte ambis ad ampliora; imo irreverenti audacia, propriis non contentus, invadis aliena? Cur hoc? Forte ut plures populos salves? Sed in alienam messem, tuam mittere falcem, injuriosum est. Ut tuæ præstes Ecclesiæ? Sed Ecclesiarum Sponso non placet tale unius incrementum, quod sit detrimentum alterius. Crudelis ambitio, et incredibilis, si fidem oculi non adstruerent! Vix tenent manus, quin illud ad litteram impleant quod legitur in propheta: *Secuerunt prægnantes Galaad ad dilatandum terminos suos*<sup>8</sup>.

29. Ubi est illa terrificæ comminatio, *Væ qui conjungitis domum ad domum, et agrum agro copulatis*? Numquid in his duntaxat exiguis *Væ* istud metuendum est, non autem cum urbes urbibus, aut provinciæ provinciis continuantur? Imo etiam respondeant, si volunt, se imitari Dominum Christum, facientes et ipsi utraque unum, adducentes et ipsi ex diversis paucis greges, ut fiat unus pastor, et unum

<sup>1</sup> I Tim. iv, 12. — <sup>2</sup> Sap. iv, 8. — <sup>3</sup> I Reg. iiii, 9. — <sup>4</sup> Psal. cxviii, 60. — <sup>5</sup> Jerem. i, 6. — <sup>6</sup> Dan. xiii, 45-64. — <sup>7</sup> Sap. iv, 8, 9. — <sup>8</sup> Amos i, 13. — <sup>9</sup> Isai. v, 8.

\* Hinc vulgatum Curarum nomen ad significanda beneficia eorum quos vocant Curatores.

ovile. Hujus rei gratia non pigritantur crebro<sup>472</sup> terere limina Apostolorum, inventuri et ibi (quod magis dolendum est) qui suæ faveant improbæ voluntati: non quod valde Romani curent, quo fine res terminentur; sed quia valde diligunt munera, sequuntur retributiones. Nude nuda loquor, nec retego verenda, sed inverecunda confuto. Utinam privatim et in cameris hæc fierent! utinam soli videremus et audiremus! utinam nec<sup>a</sup> loquentibus crederetur! utinam nobis reliquerint moderni Noe, unde a nobis possent aliquatenus operiri! Nunc vero cernente orbe mundi fabulam, soli tacebimus? Caput meum undique conquassatum est, et ego sanguine circumquaque ebulliente putaverim esse tegendum? Quidquid apposuerō, cruentabitur; et major erit confusio voluisse celare, cum celari nequiverit.

### CAPUT VIII.

Humilitatem et modestiam episcopo commendat.

30. Bona humilitas, quæ et in præsentiarum ab hujusmodi mordacibus curis mentem facit esse quietam, et a minacibus pœnis in futuro securam reddidit conscientiam. Hæc vestros, pater, animos ab horum omnium pestifera æmulatione compescat. Audite potius prophetam, taliter a talibus dehortantem: *Noli, inquit, æmulari in malignantibus, neque zelaveris facientes iniquitatem*<sup>1</sup>. Æmulari magis oportet Apostolum non gloriantem in immensum, nec se ultra se extendentem: nec audentem se, ut ipse fatetur, comparare quibusdam qui se ipsos commendant, sed se sibi comparantem, et metientem secundum mensuram regulæ, quam mensus est ei Deus<sup>2</sup>. Audiendo etiam ex ore ejus, *Nolite fraudare invicem*<sup>3</sup>; propriis placebit esse contentum. Qui et provocans ad humilitatem, summ illud archiepiscopo non cunctabitur salubriter intimare: *Noli altum sapere, sed time*<sup>4</sup>. In alto posito non altum sapere difficile est, et omnino inusitatum: sed quanto inusitatius, tanto gloriosius. Timor de adepta jam altitudine tædere magis quam placere faciet altiora. Non vos ergo felicem, quia præestis: sed si non prodestis, infelicem putate.

31. Ut autem secure præesse possitis; sub-

A Deditio quippe subjectionis, prælationis reddit indignum. Sapientis est consilium: *Quanto major es, tanto humilia te in omnibus*<sup>5</sup>. Sapientiae vero præceptum: *Qui major est vestrum, fiat sicut minor*<sup>6</sup>. Quod si expedit etiam minoribus esse subjectum, majorum jugum quomodo licebit contemnere? Videant in vobis potius subditi quod vobis redhibeant. Intelligitis quæ dico: cui honorem, honorem. *Omnis anima, inquit, potestatibus sublimioribus subdita sit*<sup>7</sup>. Si *omnis*, et vestra. Quis vos excipit ab universitate? Si quis tentat excipere, conatur decipere. Nolite illorum acquiescere consiliis, qui cum sint christiani, Christi tamen vel sequi facta, vel obsequi dictis opprobrio ducunt. Ipsi sunt qui vobis dicere solent: « Servate » vestræ sedis honorem. Decebat quidem ex » vobis, vobis commissam Ecclesiam crescere: » nunc vero saltem in illa qua suscepistis maneat dignitate. Et vos enim vestro prædecessore impotentior? Si non crescit per vos, non » decreseat per vos. » Hæc isti. Christus aliter et jussit, et gessit. *Reddite, ait, quæ sunt Cæsaris, Cæsari; et quæ sunt Dei, Deo*<sup>8</sup>. Quod ore locutus est, mox opere implere curavit. C Conditor Cæsaris, Cæsari non cunctatus est reddere census: exemplum enim dedit vobis, ut et vos ita faciatis. Quando vero Dei sacerdotibus debitam negaret reverentiam, qui hanc sæcularibus quoque potestatibus exhibere curavit? Porro vos, si Cæsaris successori, id est Regi, sedulus in suis curiis, consiliis, negotiis, exercitibusque adestis; indignum erit vobis cuicumque Christi Vicario\* taliter exhiberi, qualiter ab antiquo inter Ecclesias ordinatum est? *Sed quæ sunt, inquit Apostolus, a Deo, ordinata sunt*<sup>9</sup>. Viderint ergo hujus ignominie dissuasores, quale sit Dei ordinationi resistere. D Valde ignominiosum servo, si sit sicut dominus ejus: aut discipulo, si sit sicut magister ejus. Plurimum se vobis deferre putant, cum vos Christo præferre conantur, ipso reclamante ac dicente: *Non est servus major domino suo, neque apostolus eo qui misit eum*<sup>10</sup>. Quod non dedignatus est Magister et Dominus, talisque et magister et dominus; indignum sibi judicabit servus bonus, devotusque discipulus?

32. Quam pulchre locutus est beatus ille Cen-

<sup>1</sup> Psal. xxxvi, 1. — <sup>2</sup> II Cor. x, 12, 13. — <sup>3</sup> I Cor. vii, 5. — <sup>4</sup> Rom. xi, 20. — <sup>5</sup> Eccli. iii, 20. — <sup>6</sup> Luc. xxi, 26. — <sup>7</sup> Rom. xiii, 1. — <sup>8</sup> Marc. xii, 17. — <sup>9</sup> Rom. xiii, 1. — <sup>10</sup> Joan. xiii, 16. <sup>a</sup> Alias *vel*.



turio, ejus fidei nulla par inventa est in Israel! *Et ego*, inquit, *homo sum sub potestate, habens sub me milites*<sup>1</sup>. Non jactabat potestatem, quam nec solam protulit, nec priorem. Dicturus quippe, *habens sub me milites*, præmisit: *Homo sum sub potestate*. Prius se agnovit hominem, quam potentem. Agnovit, inquam, se hominem homo gentilis, ut in se jam impleri ostenderet, quod longe ante dixerat David: *Sciant gentes quoniam homines sunt*<sup>2</sup>. *Homō*, inquit, *sum*, et *sub potestate*. Jam quidquid subinferas, suspectam non habemus jactantiam. Præmissa siquidem est humilitas, ne altitudo præcipitet. Nec enim locum invenit arrogantia, B ubi tam clarum humilitatis insigne præcesserit. Agnoscis infirmitatem<sup>3</sup>, confiteris subjectionem: jam et te sub te habere milites proficere securus. Revera quia non confusus est de subjectione, jure ex prælatione meruit honorari. Non erubuit super se potestatem, et ideo dignus qui haberet et sub se milites. Ex abundantia cordis os loquebatur: et juxta quod intus ordinatas habuit affectiones, foris quoque verba decenter composuit. Dedit prius honorem præpositis, ut jam a subditis juste reciperet: sciens se a superioribus accipere, quod impenderet inferioribus, et quia melius propriæ subjectionis disceret experimento sua ipse moderari imperia. Forte non ignorabat, quod subjecto sibi homini Deus omnia subjecerit sub pedibus ejus; offendentem se infensa reddiderit; et is, quem humilem constituerat super opera manuum suarum, superbiam merito comparatus jumentis insipientibus, et similis factus sit illis. Noverat et fortassis, quod humanus spiritus subditus conditori subjectam sibi possederit carnem, rebellis rebellem invenerit; factusque transgressor legis superioris, sentire cœperit aliam legem in membris suis, repugnantem legi mentis suæ, et captivantem se in lege peccati.

## CAPUT IX.

Abbatess exemptionibus præpostere studentes arguuntur.

33. Miror quosdam in nostro Ordine monasteriorum abbates hanc humilitatis regulam odiosa contentione infringere, et sub humili (quod pejus est) habitu et tonsura tam super-

be sapere, ut cum ne unum quidem verbum de suis imperiis subditos prætergredi patiantur, ipsi propriis obedire contemnant episcopis. Spoliant ecclesias, ut emancipentur<sup>4</sup>; redimunt se, ne obediant. Non ita Christus. Ille siquidem dedit vitam, ne perderet obedientiam: qua isti ut careant, totum fere suum suorumque victum expendunt. Quid hoc est præsumptionis, o monachi? Neque enim quia prælati monachis, ideo non monachi. Nempè monachum facit professio, prælatum necessitas. Ut autem non præjudicet necessitas professioni; accedat, non succedat prælatio monachatu. Alioquin quomodo illud implebitur? *Principem te constituerunt? esto inter illos tanquam unus ex illis*<sup>5</sup>. Quomodo tanquam unus ex illis, manens inter humiles superbus, inter subditos rebellis, immitis inter mansuetos? Ut te putemus tanquam unum ex illis, videamus tam exhibere paratum, quam exigere obedientiam: videamus tam libenter præpositis obtemperare subjectum, quam imperare subjectis. Quod si semper vis obedientes habere, et nunquam esse; probas te non esse tanquam unum ex illis, dum unus esse renuis ex obedientibus: a quibus dum te superbiendo segregas, quorum C aggregeris consortio patenter advertimus: et si tu vel impudenter contemnitis, vel imprudenter dissimulas, reputari profecto inter illos te noveris, de quibus scriptum est: *Alligant onera gravia et importabilia, et imponunt humeris hominum, digito autem suo nolunt ea movere*<sup>6</sup>. Quorum ergo tibi indignius consortium judicas, delicatiorum magistrorum, quos Veritas increpat, an obedientium monachorum, quos amicos suos commemorat? Ait siquidem: *Eos amici mei estis, si feceritis quæ præcipio vobis*<sup>7</sup>. Vides igitur quale est jubere quod ipse non feceris; aut nolle facere, quod docueris.

D 34. Deinde ut taceam illud de Regula, ubi a sancto Benedicto tibi præcipitur, ut quæ doces discipulis esse contraria, in tuis factis indices non agenda; ut item prætermittam, quod aperte definit tertium humilitatis esse gradum, ut quis pro Dei amore omni obedientia se subdat majori<sup>8</sup>; in regula Veritatis attende quod legitur: *Qui solverit, inquit, unum de his minimis meis mandatis et docuerit sic homines, minimus vocabitur in regno cœlorum*<sup>9</sup>. Proinde tu docens

<sup>1</sup> Luc. vii, 8. — <sup>2</sup> Psal. ix, 21. — <sup>3</sup> Eccli. xxxii, 1. — <sup>4</sup> Matth. xxiii, 4. — <sup>5</sup> Joan. xv, 14. — <sup>6</sup> Capp. 2, 7. — <sup>7</sup> Matth. v, 19.

<sup>8</sup> Alias, humilitatem.

et renuens obedire, non minimum, sed maximum Christi mandatum et docere, et solvere A vit in Ecclesiis, *Non est potestas nisi a Deo*: et, convinceris. Itaque doctor et solutor mandati, minimus tu vocandus es in regno cœlorum. Si ergo tui putas injuriam prioratus, minorem summis videri sacerdotibus; non magis indignum æstimandum est, minimum vocari in regno cœlorum? Si multum superbus es, plus minimus, quam minor vocari confundere. Minor quippe vilitas est minorem videri, quam minimum: longe autem præstantius, solis subdi episcopis, quam universitati.

35. Sed non propter me, inquit, faciô, sed quæro ecclesiæ libertatem. O libertas omni, ut ita loquar, servitute servilior! Patienter ab hujusmodi libertate abstinenceam, quæ me pessimæ addicat superbiæ servituti. Plus timeo dentes lupi, quam virgam pastoris. Certus sum enim ego monachus, et monachorum qualiscumque abbas, si mei quandoque pontificis a propriis cervicibus excutere jugum tentavero, quod satanæ mox tyrannidi me ipsum subijcio. Advertens nimirum cruenta illa bestia, quæ circumit quærens quem devoret, elongatam custodiam; heu! statim insilit in præsumptorem. Merito enim non cunctatur præsidere superbo, qui se jure regem gloriatur super omnes filios superbiæ. Quis dabit mihi centum in mei custodiam deputari pastores? Quanto plures sentio mei curam gerere, tanto securior exeo in pascua. Stupenda insania! Animarum non cuncto turbas mihi custodiendas colligere, et unum super propriam gravor habere custodem! Et quidem subjecti me de reddenda pro se ratione sollicitant: qui autem præsumunt mihi, *ipsi potius*, Paulo dicente, *pervigilant, tanquam rationem pro me reddituri*<sup>1</sup>. Illi etsi honorant, onerant: hi non tam premunt, quam protegent. Scio me legisse: *Judicium durissimum his qui præsumunt; exiguu autem conceditur misericordia*<sup>2</sup>. Quid igitur vos, o monachi, sacerdotum gravat auctoritas? Metuitis infestationem? Sed si quid patimini propter justitiam, beati. Sæcularitatem contemnitis? Sed sæcularior nemo Pilato, cui Dominus astitit judicandus. *Non haberes*, inquit, *in me potestatem, nisi tibi data esset desuper*<sup>3</sup>. Jam tunc per se loquebatur et in

vit in Ecclesiis, *Non est potestas nisi a Deo*: et, *Qui resistit potestati, Dei ordinationi resistit*<sup>4</sup>.

36. Ite nunc ergo, resistite Christi Vicario, cum nec suo adversario Christus restiterit: aut dicite, si audetis, sui Præsulis Deum ordinationem nescire, cum Romani Præsidis potestatem Christus super se quoque fateatur fuisse cœlitus ordinatam. Verum aperte indicant quidam horum quid cogitent, dum multo labore ac pretio apostolicis adeptis privilegiis, per ipsa sibi vindicant insignia pontificalia, utentes et ipsi more pontificum, mitra, annulo, atque sandaliis\*. Sane si attenditur rerum dignitas, hanc monachi abhorret professio: si ministerium, solis liquet congruere pontificibus. Profecto esse desiderant, quod videri gestiunt; meritoque nequeunt esse subjecti, quibus jam ipso se comparant desiderio. Quid si et nomen eis conferre privilegiorum posset auctoritas? quanto putas auro redimerent, ut appellarentur pontifices? Quo ista, o monachi? Ubi timor mentis? ubi rubor frontis? Quis unquam probatorum monachorum tale aliquid aut verbo docuit, aut reliquit exemplo? Duodecim humilitatis gradus Magister vester edisserit, propriisque distinguit descriptionibus<sup>5</sup>: in quo, quæso, illorum docetur aut continetur, ut hoc fastu delectari monachus, has quærere debeat dignitates?

37. Labor, et latebræ, et voluntaria paupertas, hæc sunt monachorum insignia; hæc vitam solent nobilitare monasticam. Vestri autem oculi omne sublime vident, vestri pedes omne forum circumeunt, vestræ linguæ in omnibus audiuntur conciliis, vestræ manus omne alienum diripiunt patrimonium. Tamen si ita oportet, ut emancipati a subiectione pontificum, pari cum successoribus Apostolorum gloria, pari cathedra, iisdemque solenniū indumentorum insignibus attollamini: cur non et sacros Ordines celebratis, et benedictiones datis in populis? Quam multa moveor dicere adversus impudentissimam præsumptionem? sed frenat impetum, quod auribus occupatis scribere me recolens, longiori lectione vereor fieri onerosus archiepiscopo: et quia res tam manifesta est, ut multitudo reprehendentium videatur

<sup>1</sup> Hebr. XIII, 17. — <sup>2</sup> Sap. VI, 6, 7. — <sup>3</sup> Joan. XIX, 11. — <sup>4</sup> Rom. XIII, 1, 2. — <sup>5</sup> S. Benedictus, Regulæ cap. 7.

<sup>2</sup> Et id utrumque postea in usum venit quoad benedictiones et collationem minorum Ordinum. Imo etiam subdiaconatum aliquando conferunt quinque primi abbates Ordinis Cisterciensis.

impudentiam obdurasse. Quod si et hæc ipsa<sup>478</sup> propriam prodere coegistis imperitiam, dum cernuntur gratas excedere compendii metas, A morem modumque solemnem in scribendo servobis, o domine, donate, qui me et in hoc vare nescierim.

FINIS LIBRI DE OFFICIO EPISCOPORUM.

# ADMONITIO

## IN OPUSCULUM III.

---

Varia est sequentis opusculi inscriptio. In prima ejus editione, scilicet Spirensi anni 1501, inscribitur, « De conversione, ad Scholares libellus, » absque divisione capitum. In editis anni 1520, « De conversione, ad Clericos sermo : » quem genuinum titulum existimamus. Sermonem vocat Bernardus ipse, n. 31 : « Fatigavimus vos prolixitate sermonis<sup>a</sup>, » etc. Quidam codices præferunt, « ad Clericos Parisienses. » Exordium Cisterciense favet in libro septimo de Vita Bernardi, cap. 13. « Quadam præterea vice, cum vir Domini Bernardus » causa exigente Parisius adesset, rogatu clericorum ingressus est de more scholas eorum : » quibus ostendens formam veræ philosophiæ, monebat eos attentius de mundi contem- » ptu, » etc. Gaufridus factum narrat in libro quinto de eadem Vita, n. 10 : « Patrem » sanctum, fines Parisiorum aliquando peragrantem, ut ad ipsam diverteret civitatem, » episcopus Stephanus et cæteri omnes qui pariter aderant, obnixè rogantes non poterant » obtinere. Magno siquidem zelo, nisi causa gravis urgeret, conventus publicos declinabat. » Cumque vespere iter suum alias ordinasset, mane, ubi primum locutus est fratribus, dicere » jubet episcopo, quia Parisius ibimus, ut rogasti. Conveniente igitur clero admodum co- » piose, sicut semper ab eo solebant expetere verbum Dei, continuo tres ex illis compuncti » sunt, et conversi ab inanibus studiis ad veræ sapientiæ cultum, abrenuntiantes sæculo, et » Dei famulo inhærentes, » etc. Gravis et patheticus est hic sermo contra clericos, qui Eccle- siæ dignitates ambiunt, et temere ad sacros Ordines accedunt. Capitulorum distinctionem, qualis in editis ab anno 1520 adhibita est, retinuimus.

<sup>a</sup> Potior forsitan ratio ex initio primi capitis : « Ad audiendum, ut credimus, verbum Dei convenistis. » N. E.

# S. BERNARDI ABBATIS DE CONVERSIONE,

AD CLERICOS

SERMO SEU LIBER.

## CAPUT I.

Quod nemo converti ad Dominum, nisi Dei voluntate  
præventus et ejus voce interius clamante, possit.

1. Ad audiendum, ut credimus, verbum Dei  
convenistis. Neque enim causa nobis alia vestræ  
hujus tam avidæ concursionis occurrit. Appro-  
bamus utique desiderium hoc, et laudabili stu-  
dio congaudemus. Beati enim qui audiunt ver-  
bum Dei, sed si custodiunt illud<sup>1</sup>. Beati qui  
memores sunt mandatorum ejus, sed ut faciant  
ea<sup>2</sup>. Nimirum verba vitæ æternæ habet, et ve-  
nit hora (utinam et nunc sit) quando mortui  
audient vocem ejus; et qui audierint, vivent<sup>3</sup>:  
siquidem vita in voluntate ejus. Et si vultis  
scire, voluntas ejus conversio nostra. Denique  
ipsum audite. *Numquid voluntatis meæ est  
mors impij, dicit Dominus, et non magis ut  
convertatur et vivat*<sup>4</sup>. Ex quibus verbis eviden-  
ter agnoscimus, quoniam vera nobis vita non-  
nisi in conversione est, nec aliter ad eam patet  
ingressus, dicente item Domino: *Nisi conversi  
fueritis, et efficiamini sicut parvuli, non intra-  
bitis in regnum cælorum*<sup>5</sup>. Merito sane parvuli  
soli intrant: nam puer parvulus minat eos, qui  
in hoc ipsum natus et datus est nobis. Quæro  
igitur vocem quam audiant mortui, et cum au-  
dierint vivant: forte enim et mortuis evangeli-  
zare necesse est. Et occurrit interim verbum  
breve, sed plenum, quod os Domini locutum  
est, ut propheta testatur: *Dixisti*, ait, loquens

<sup>477</sup> sine dubio ad Dominum Deum suum, *Conver-  
A timini, filii hominum*<sup>6</sup>. Nec immerito sane a  
filiis hominum videtur exigenda conversio,  
peccatoribus utique necessaria. Nam supernis  
spiritibus ea magis quæ rectos decet indicta  
laudatio est, eodem propheta psallente: *Lauda  
Deum tuum, Sion*<sup>7</sup>.

2. Cæterum quod ait, *dixisti*, meo quidem  
judicio non negligenter prætereundum est,  
nec simpliciter audiendum. Quis enim humanis  
comparare audeat dictis, quod dixisse dicitur  
Deus? Vivus profecto est sermo Dei et efficax<sup>8</sup>.  
et vox ejus in magnificentia et virtute<sup>9</sup>. Deni-  
que *ipse dixit, et facta sunt*<sup>10</sup>. *Dixit, Fiat lux,  
et facta est lux*<sup>11</sup>. *Dixit, Convertimini, filii ho-  
minum*, et conversi sunt. Ita plane conversio  
animarum opus divinæ vocis est, non humanæ.  
Simon Joannis, piscator hominum in hoc ipsum  
vocatus et constitutus a Domino, incassum tam-  
en et ipse laborans tota nocte nil capiet, do-  
nec in verbo Domini rete jactans, concludere  
possit multitudinem copiosam. Utinam jacte-  
mus et nos hodie in hoc verbo rete verbi, et  
experiamur quod scriptum est: *Ecce dabit voci  
suæ vocem virtutis*<sup>12</sup>. Si mendacium loquimur,  
id plane de proprio est. Sed et tunc forsitan  
nostra judicabitur vox esse, et non Domini, si  
quæramus quæ nostra sunt, non quæ Jesu  
Christi. Cæterum etsi loquimur justitiam Dei, et  
gloriam Dei quærimus, effectum tamen ab eo  
solo sperare, ab eo postulare necesse est, ut  
voci suæ vocem virtutis accommodet. Ad hanc

<sup>1</sup> Luc. xi, 28. — <sup>2</sup> Psal. cii, 18. — <sup>3</sup> Joan. v, 25. — <sup>4</sup> Ezech. xviii, 23. — <sup>5</sup> Matth. xviii, 3. — <sup>6</sup> Psal.  
lxxxix, 3. — <sup>7</sup> Psal. cxlvii, 12. — <sup>8</sup> Hebr. iv, 12. — <sup>9</sup> Psal. xxviii, 4. — <sup>10</sup> Psal. cxlviii, 5. — <sup>11</sup> Gen. i,  
3. — <sup>12</sup> Psal. lxxvii, 34.

ergo interiorem vocem aures cordis erigi ad-<sup>478</sup> *turbata est*, ait propheta Domini<sup>3</sup> : et tu contra monemus, ut loquentem Deum intus audire, <sup>A</sup> faciem tuam sine argutione, sine turbatione, quam foris hominem studeatis. Illa enim vox magnificentiae et virtutis, deserta concutiens, secreta discutiens, torporem excutiens animarum.

## CAPUT II.

Quod ipsa vox Domini omnibus se offerat, et animam sibi ipsi nolentem representet.

3. Nec sane laborandum est, ut ad vocis hujus perveniatur auditum : labor est potius <sup>B</sup> aures obturare ne audias. Nimirum vox ipsa se offert, ipsa se ingerit, nec pulsare interim cessat ad ostia singulorum. Denique *quadraginta annis*, inquit, *proximus fui generationi huic, et dixi, Semper hi errant corde*<sup>1</sup>. Adhuc nobis proximus est, adhuc loquitur, et non est forte qui audiat. Adhuc dicit, *hi errant corde*; adhuc Sapientia clamat in plateis : *Redite, praevaricatores, ad cor*<sup>2</sup>. Hoc nempe initium loquendi Domino : et hoc verbum ad omnes qui convertuntur ad cor, praecessisse videtur, et non modo revocans eos, sed reducens et statuens contra faciem suam. Est enim non tantum vox <sup>C</sup> virtutis, sed et radius lucis, annuntians pariter hominibus peccata eorum, et illuminans abscondita tenebrarum. Nec vero ulla internae hujus vocis ac lucis differentia est, cum unus idemque sit Dei Filius et Verbum Patris, et splendor gloriae : sed et animae quoque substantia, in suo quidem genere etiam ipsa spiritualis et simplex, sine ulla distinctione sensuum, sed tota, si tamen tota dicenda est, et videns pariter et audiens videatur. Quid enim illo agitur sive radio, sive verbo, nisi ut noverit semetipsam? Aperitur siquidem conscientiae liber, revolvitur misera vitae series, tristes quaedam <sup>D</sup> historia replicatur, illuminatur ratio, et evoluta memoria velut quibusdam ejus oculis exhibetur. Utraque vero non tam ipsius est animae, quam anima ipsa : ut eadem sit et inspiciens, et inspecta, contra suam statuta faciem, et a violentis quibusdam apparitoribus immissarum utique cogitationum coacta, proprio interim judicanda assistere tribunali. Quis sane judicium hoc sine tribulatione sustineat? *Ad me ipsum anima mea*

## CAPUT III.

Quod per vocem Dei, animae ratio, quasi in libro, omnia mala deprehendere, reprehendere, dijudicare et discernere valeat.

4. Nec a me speres audire quid in memoria tua ratio deprehendat, quid reprehendat, quid dijudicet, quid decernat. Applica intus auditum, reflecte oculos cordis; et proprio disces experimento quid agatur. Nemo enim scit quae sunt in homine, nisi spiritus hominis qui in ipso est<sup>4</sup>. Si superbia, si invidia, si avaritia, si ambitio, aut similis aliqua pestis abscondita est, vix effugere poterit hoc examen. Si fornicatio, si rapina, si crudelitas, si fraus ulla, aut quaelibet culpa admissa est, internum hunc judicem non latebit reus ipse, nec inficiabitur coram eo. Transiit enim velociter totus ille pruritus delectationis iniquae, et voluptatis illecebra tota brevi finita est; sed amara quaedam impressit signa memoriae, sed vestigia fœda reliquit. In illud siquidem repositorium, velut in sentinam aliquam, tota decurrit abominatio, et immunditia tota defluxit. Volumen grande, cui universa inscripta sunt, stilo utique veritatis. Amarum jam venter tolerat, etsi fauces miseras brevi transitu dulcedine quadam frivola visum est oblectasse. Ventrem meum doleo, miser, ventrem meum doleo. Quidni doleam ventrem memoriae, ubi tanta congesta est putredo? Quis nostrum, fratres, exteriorem hanc vestem, qua tegitur, si repente obscenis undique sputis illitam, et fœdissimis quibusque sordibus inquinatam consideret, non vehementer exhorreat, non velociter exuat, non indignanter abiciat? Itaque qui non vestem, sed semetipsum intus sub veste talem reperit, eo amplius doleat, et animo consternetur oportet, quo propius tolerat quod exhorret. Neque enim ut tunicam abjicit suam, sic abjicere contaminata anima poterit et se ipsam. Denique quis in nobis tantæ patientiæ est et virtutis, ut si forte (quemadmodum de Maria sorore Moysi legitur<sup>5</sup>) carnem suam subitanea<sup>a</sup> quadam lepra male candentem viderit,

<sup>1</sup> Psal. xciv, 10. — <sup>2</sup> Isai. xlv, 8. — <sup>3</sup> Psal. xli, 7. — <sup>4</sup> I Cor. ii, 11. — <sup>5</sup> Num. xii, 10.

<sup>a</sup> Alias, *subcutanea*.

æquo animo stare possit, et gratias agere Creatori? Quid vero est caro ista, nisi corruptibilis quædam tunica, qua vestimur? aut quid lepra hæc corporea electis omnibus æstimanda, nisi paternæ virga correptionis, et purgatio cordis? Ibi, ibi tribulatio vehemens, et justissima causa doloris est, cum excitatus a somno miseræ voluptatis, interiori cœperit quis deprehendere lepram, quam sibi ipse multo studio et labore quæsit. Licet enim nemo oderit carnem suam, sed multo minus odisse poterit anima semetipsam.

#### CAPUT IV.

Quod diligens iniquitatem, odit animam, et carnem suam : et de penitentia infructuosa post mortem.

5. At forte aliquem moveat illud de Psalmo : *Qui diligit iniquitatem, odit animam suam*<sup>1</sup>. Ego autem dico, odit et carnem. An non odit, cui gehennæ cumulos mercatur in dies, et cui secundum duritiam suam et cor impœnitens thesaurizat iram in die iræ? Cæterum hoc odium tam carnis, quam animæ, non in affectu, sed in effectu potius invenitur. Sic nimirum odit et phreneticus carnem suam, cum sibi ipsi manus inferre laborat, rationis deliberatione sopita. An vero gravior ulla phrenesis iudicatur, quam impœnitentia cordis, et peccandi obstinata voluntas? Siquidem manus nefarias injicit sibi ipsi, nec carnem, sed mentem lacerat et corrodit. Si vidisti hominem scalpere manus, et usque ad sanguinem confricare, evidentem habes in eo similitudinem animæ peccantis expressam. Cedit siquidem voluptas illa dolori, et succedit pruritus cruciatus. Neque id ignorabat, sed dissimulabat ille dum scalperet. Sic laceramus, sic exulceramus propriis manibus animas infelices : nisi quod tanto gravius, quanto excellentior est spiritualis creatura; et cui difficilius medeatur. Neque id quidem inimicitarum studio gerimus, sed stupore quodam insensibilitatis internæ. Effusus siquidem animus damna interiora non sentit : quia nec intus est, sed in ventre forsitan, aut sub ventre. Denique et animus quorundam in patinis, quorundam in loculis invenitur. *Ubi est thesaurus tuus, inquit, ibi est et cor tuum*<sup>2</sup>. Quid vero mirum, si propriam minime sentiat anima læ-

sionem, quæ sui ipsius oblita, et penitus absens sibi, in longinquam profecta est regionem? Erit autem cum in semetipsam reversa cognoscat, quam crudeliter miseræ venationis obtentu evisceraverit semetipsam. Neque enim id sentire poterat, dum vilem muscarum prædam desiderio captans insatiabili, araneorum instar ex visceribus propriis intexere retia videretur.

6. Erit autem hic reditus sine dubio vel post mortem : cum universa, quibus ad vagandum foras, et inutiliter sese occupandum, in eam quæ præterit huius mundi figuram egredi consueverat, ostia corporis clausa erunt, ut necessario maneat in se ipsa, cui nullus jam pateat exitus a se ipsa. Verum is quidem perniciosissimus erit reditus, et miseria sempiterna, quando jam penitentia haberi poterit, agi non poterit. Ubi enim deerit corpus, actus non erit. Sane ubi nulla fuerit actio, nec satisfactio quidem ulla poterit inveniri. Quocirca penitentiam quidem habere, dolere est : nam penitentiam agere, remedium doloris est. Neque enim carenti manibus erit ultra levare cor in cælum cum manibus; sed quisquis ante obitum carnis non redierit ad se ipsum, in se ipso maneat necesse est in æternum. Sed in quali se ipso? Qualem sese fecerit in hac vita, qualem invenerit exiens ab hac vita : nisi quod fortasse erit nonnunquam deterior : nam melior nunquam erit. Habet enim hoc ipsum, quod nunc ponit, quandoque recipere corpus, non tamen ad penitentiam, sed ad pœnam : ubi nimirum peccati ipsius et carnis quodammodo similis videbitur esse conditio : ut quemadmodum culpa semper puniri poterit, nec unquam poterit expiari; sic nec in corpore aliquando tormenta finire, nec corpus ipsum exinaniri valeat in tormentis. Merito quidem ultio sempiterna desæviet, quod nunquam possit culpa deleri; nec substantia carnis deficiet, ne simul cogatur etiam afflictio carnis terminari. Hæc, fratres mei, qui pavet, cavet; qui negligit, incidit.

#### CAPUT V.

Quod vermis conscientie in præsentī sentiri ac suffocari debet, non in immortalitatem foveri ac nutriri.

7. Ut ergo redeamus ad vocem unde processimus : expedit nobis profecto redire ad cor,

<sup>1</sup> Psal. x, 6. — <sup>2</sup> Matth. vi, 21.

dum illic iter, quo ostendat nobis salutare suum, <sup>481</sup> qui tanto studio pietatis illuc revocat prævaricatores. Nec sentire interim pigeat morsus vermis interni; aut periculosa quædam animi teneritudo <sup>a</sup>, et perniciosa mollities persuadere queat, ut præsentem velimus dissimulare molestiam. Optimum est tunc sentiri vermem, cum possit etiam suffocari. Itaque mordeat nunc ut moriatur, et paulatim desinat mordere moriendo. Rodat interim putredinem, ut rodendo consumat, et ipse quoque pariter consumatur, ne foveri incipiat in immortalitatem. *Vermis*, inquit, *eorum non morietur, et ignis non exstinguetur* <sup>1</sup>. A facie illorum morsuum quis sustinebit? Multiplex enim nunc consolatio arguentis conscientie relevat cruciatum. Benignus est Deus, qui non patitur nos tentari supra quam possumus, nec vermem hunc supra modum patitur malignari. Maximeque inter initia conversionis oleo misericordie linit ulcera: ut nec morbi quantitas, nec difficultas curationis ultra quam expedit innotescat; magis autem aridire videtur facilitas quædam, quæ postmodum evanescit, quando jam exercitatus habenti sensus certamen forte datur, ut vincat; et discat quoniam omnium potentior est sapientia. Interim sane audiens quis vocem Domini, *Redite, prævaricatores, ad cor* <sup>2</sup>, et tantis in interiore cubiculo obscenitatibus deprehensis, singula quæque rimari satagit, et quoniam hæc influxerint aditu, curiosus vestigator explorat; nec difficile patet foramen, imo et foramina con-  
tuenti. Sed nec parum illi ex hac consideratione doloris accedit, cum per fenestras proprias mors ista deprehenditur introisse. Multa siquidem admisisse videtur petulantia oculorum, multa pruritus aurium, multa quoque olfaciendi, gustandi, tangendique voluptas. Nam spiritualia quidem vitia, quorum supra meminimus, difficile adhuc, prout sunt, carnalis examinat. D Unde fit, ut quæ sunt graviora, aut minus, aut minime sentiat, nec tam superbie aut invidiæ, quam flagitiosorum aut facinorosorum recordatione actuum mordeatur.

## CAPUT VI.

Difficultatem conversionis, et luctam respiscere parantis, graphice representat.

8. Et ecce iterum vox de nubibus dicens: Peccasti, quiesce. Et quod dicitur, tale est. Jam sentina redundans domum omnem intolerabili fetore contaminat: vanum tibi est, dum adhuc sordes influant, exhaurire; dum peccare non destiteris, penitere. Quis enim eorum jejunia probet, qui ad lites et contentiones jejunant, et percutiunt pugno impie; sed et voluntates et voluptates propriæ inveniuntur in eis? Non tale est jejunium quod elegi, dicit Dominus <sup>3</sup>. Claude fenestras, obse-  
ra aditus, foramina obstrue diligenter; et sic demum non subeuntibus novis, sordes poteris expurgare vetustas. Æstimat homo facile quod jubetur implendum, tanquam ignarus exercitii spiritualis. Quis enim prohibeat, inquit, quominus imperem membris meis? Indicit igitur gulæ jejunia, crapulam interdicat, obturari præcipit aures ne audiant sanguinem, averti oculos ne videant vanitatem; manus non ad avaritiam, sed ad eleemosynam magis extendi, quibus forte laborem imponere velit, prohibens latrocinia, sicut scriptum est: *Qui furabatur jam non furetur, magis autem laboret manibus suis quod bonum est, ut habeat unde tribuat necessitatem patienti* <sup>4</sup>.

9. Cæterum dum suas quibusque membris in hunc modum leges promulgat, et decreta proponit; interrumpunt subito vocem jubentis, et uno impetu clamant: Unde hæc nova religio? Facere jubes ut libet. Sed invenietur qui novis decretis obviet, qui novis legibus contradicat. Quis enim ille est, inquit? Et illa: Nimirum ipsa, quæ paralytica jacet in domo, et male torquetur. Ipsa est enim, in cujus nos pridem deputasti obsequium, si ignoras, ad obediendum utique concupiscentiis ejus. Expalluit miser ad hanc vocem, et confusus obmutuit. Anxiabatur enim in eo spiritus ejus. Ac membra quidem ad suam illam infelicissimam dominam incunctanter accedunt, ut adversus dominum crudeliter interpellent, et imperia duriora causentur. Plangit [gula parcimonie sibi modum

<sup>1</sup> Isai. LXVI, 24. — <sup>2</sup> Id. XLVI, 8. — <sup>3</sup> Id. LVIII, 5. — <sup>4</sup> Ephes. IV, 28.

<sup>a</sup> Alias, amaritudo.



adhibitum, prohibitam crapulae voluptatem.<sup>439</sup> Oculus queritur indictas lacrymas, petulantiam interdictam. Quibus hæc et similia prosequentibus excitata et vehementer exacerbata voluntas : Somniumne est, inquit, an fabula quod narratis? Tum vero opportunum suæ tempus nacta querimoniae lingua : Omnino, ait, sic est ut audistis. Nam et ego a fabulis et mendaciis jussa sum reticere, et nihil deinceps nisi serium, imo et penitus necessarium loqui.

10. Exsilit igitur vetula furens, et totius oblita languoris, procedit horrentibus comis, veste lacera, pectore nudo, scalpens ulcera, frendens dentibus et arecens, atque ipsum inficiens aerem flatibus virulentis. Quidni confundatur, si quid adhuc superest rationis, ad talem miseræ voluntatis occursum et incursum? Hæc, inquit, est tota tui conjugii fides, sic compateris male patienti? Usque adeo super dolorem vulnerum meorum addere pepercisti? Subtrahendum forsitan ex immoderata dote aliquid videbatur : sed quid relinquitur hoc sublato? Solum hunc languenti miseræ præstitisti, et omnia ejus obsequia, quemadmodum sint distributa, aliquando cognovisti. Nunc autem si tibi forsitan morbi hujus pessimi, quo laboro, triplex malignitas excidisse potuit, sed non mihi. Siquidem voluptuosa sum, curiosa sum, ambitiosa sum; et ab hoc triplici ulcere non est in me sanitas a planta pedis usque ad verticem. Itaque fauces, et quæ obscena sunt corporis, assignata sunt voluptati, quandoquidem velut de novo necesse est singula recenseri. Nam curiositati pes vagus, et indisciplinatus oculus famulantur. At vanitati quidem auris et lingua serviunt, dum per illam impinguat caput meum oleum peccatoris, per hanc ipsa suppleo quod in laudibus meis alii minus fecisse videntur. Valde enim delector et recipere ab aliis, et, cum opportune possum, etiam tradere aliis laudes meas, et meo et alieno ore semper cupiens prædicari. Cui potissimum morbo tuum quoque ingenium plurima solet adhibere fomenta. Porro manus ipsas, quibus est undique liber motus, non uni specialiter alicui operi deputamus, sed modo vanitati, modo curiositati, modo voluptati sedulum satis exhibent famulatum. Quibus ita dispositis, non mihi hæc omnia vel in uno satisfacere aliquando potuerunt, quod non satietur oculus visu, nec auris

impleatur auditu. Atque utinam inter spectandum totum aliquando corpus fieret oculus, aut inter prandendum in fauces membra omnia verterentur. Tunc mihi id modicum consolationis, quod utcumque mendico, tentas surripere? Dixit, et cum indignatione et furore recedens : Teneo, inquit, longumque tenebo.

11. Jam vero rationi ipsa vexatio dat intellectum, jam innotescit aliquatenus hujus negotii difficultas, jam præsumpta facilitas evanescit. Videt enim memoriam plenam spurcitiarum : videt abundantius alias atque alias influere sordes; videt ipsas fenestras morti patulas claudi omnino non posse; et quod adhuc præsidens voluntas languida dominetur, ex cujus ulceribus sanies universa profluit. Videt denique anima sese contaminatam, nec per alium, sed per proprium corpus, nec aliunde quam a se ipsa. Est enim quiddam animæ, sicut memoria quæ inficitur, sic voluntas ipsa quæ inficit. Denique tota ipsa nihil est aliud quam ratio, memoria, et voluntas. Nunc autem et ratio minus habens, cæca quodammodo, quod hactenus ista non viderit; infirma omnino, quod ne agnita quidem prævalcat reparare<sup>a</sup> : et memoria foedissima pariter et fetidissima; et voluntas languida, et horrendis ulceribus undique scaturiens invenitur. At ne quid ex omnibus quæ sunt hominis relinquatur, ipsum etiam corpus rebelle est : et singula membra fenestræ singulæ, quibus mors intrat ad animam, et incessanter exuberat ipsa confusio.

## CAPUT VII.

Respiratio consolationis pauperibus spiritu, seu animæ miseriam suam agnoscenti.

12. Audiat ergo anima, quæcumque ejusmodi est, vocem divinam, et audiat cum stupore et admiratione dicentem : *Beati pauperes spiritu, quoniam ipsorum est regnum cælorum*<sup>1</sup>. Quis spiritu pauperior eo, qui in toto spiritu suo non invenit requiem, non invenit ubi caput reclinet? Hoc quoque consilium pietatis, ut qui sibi displicet, placeat Deo; et qui propriam domum odit, domum utique plenam spurcitiae et infelicitatis, invitetur ad domum gloriæ, domum non manu factam, æternam in cælis. Nec mirum si ad hujus dignationis ma-

<sup>a</sup> Matth. v, 3.

<sup>a</sup> Alias, *temperare*.

gnitudinem expavescit, si difficile credit huic<sup>185</sup> auditui, si vehementi stupore admiratur, et ait : A Ergone beatum hominem miseria facit? Cæterum quisquis ejusmodi es, non diffidas. Non miseria, sed misericordia facit beatum : sed hujus propria sedes miseria est. Aut certe beatum faciat ipsa miseria, ut humiliatio in humilitatem transeat, necessitas in virtutem. *Pluviam voluntariam*, inquit, *segregabis, Deus, hereditati tuæ; et infirmata est, tu vero perfecisti eam*<sup>1</sup>. Utilis prorsus infirmitas, quæ medici manum requirit : et salubriter a se deficit, quem perficit Deus. Sed quia non est via ad regnum Dei sine primitiis regni, nec sperare potest cæleste regnum, cui nec super propria membra adhuc regnare donatur; sequitur vox dicens, *Beati mites, quoniam ipsi hereditabunt terram*<sup>2</sup>: ac si evidentius dicat, Mitiga efferos voluntatis motus, et crudelem bestiam mansuescere cura. Ligatus es : solvere studeas quod rumpere omnino non possis. Eva tua est<sup>3</sup>. Vim facere, aut eatenus eam offendere nullo modo prævalabis.

### CAPUT VIII.

Carnales voluptates, et divitias esse omnino vanas, fallaces, et momentaneas.

13. Nec mora, respirans homo inter hæc verba, atque id quoque facilius reputans, licet verecundus, accedit et delinire satagit viperam inflammata. Arguit vitæ carnalis illecebras, et consolationes sæculares nugacitatis accusat, tanquam exiguas et indignas, sed et brevissimas quoque et perniciosissimas omnibus amatoribus suis. Super hoc, ait, nequam et inutili servo tuo et ipsa fateri. Nec enim inficiari potes, ne in modico quidem tibi universa ejus obsequia satisfacere aliquando potuisse. Voluptas gutturis, quæ tanti hodie æstimatur, vix duorum obtinet latitudinem digitorum : et ejus tam modicæ partis tam exigua delectatio quanta paratur sollicitudine, quantam deinde molestiam parit? Hinc monstruosius dilatantur renes et humeri, hinc tumentes uteri non tam impinguantur, quam imprægnantur a ruina : et dum carnis onus ossa non sustinent, etiam

morbi varii generantur. Sic libidinis illecebrosa vorago quantis laboribus et dispendiis, interdum et famæ vel honoris, aut etiam vitæ ipsius periculo comparatur! ut ad modicum flagrans sulfureus vapor furens stimulis agat, et apum par volantium, ubi male grata mella fuderit, nimis tenaci feriat icta corda morsu : cujus appetitus anxietatis et vecordiae, actus abominationis et ignominiae, exitus poenitudinis et vecundiae plenus esse dignoscitur.

14. Cæterum spectacula vana, rogo, quid corpori præstant, quidve animæ conferre videntur? At certe nihil in homine cui curiositas prosit invenies. Frivola prorsus et inanis ac nugatoria consolatio : et nescio quid illi durius imprecer, quam ut semper habeat quod requirat, qui jucundæ quietis pacem<sup>b</sup> fugitans, curiosa inquietudine delectatur. Liquet sane vel ex hoc ipso nihil his omnibus delectationis inesse, quorum solus transitus juvat. Cæterum vanitas vanitatum quam nihil sit, vel ex ipso nomine manifestius judicatur. Vanus utique labor, qui studio vanitatis assumitur<sup>c</sup>. « O doxa, » doxa, » ait sapiens, « in millibus mortalium » nihil aliud, quam aurium inflatio vana<sup>3</sup>! » Et tamen quantam putas infelicitatem hæc ipsa non tam felix vanitas, quam vana felicitas parit? Hinc namque cæcitas cordis, sicut scriptum est : *Popule meus, qui te beatificant, in errorem te inducunt*<sup>4</sup>. Hinc cervicosus furor animositatis, hinc suspicionis labor anxius, hinc livoris crudele tormentum, et cremantis invidiæ miserior, quam miserabilior cruciatus : hinc divitiarum amor insatiabilis longe amplius desiderio torquet animam, quam refrigeret usu suo; utpote quarum acquisitio quidem laboris, possessio timoris, amissio plena doloris invenitur. Postremo ubi multæ opes, multi etiam qui comedunt eas<sup>5</sup> : et usus quidem divitiarum apud alios, divitibus solum nomen cedit et sollicitudo. Et in his omnibus pro tam exiguis, aut magis ne exiguis quidem, sed nullis, eam parvi pendere gloriam, quam nec oculus vidit, nec auris audivit, nec in cor hominis ascendit, quæ præparavit Deus diligentibus se, non tam insipientiæ quam infidelitatis esse videtur<sup>d</sup>.

15. Nec immerito sane mundus hic positus in maligno, vana promissione deludit animas

<sup>1</sup> Psal. LXXVII, 10. — <sup>2</sup> Matth. v, 4. — <sup>3</sup> Boetius, de Consolatione, lib. 3, prosa 6. — <sup>4</sup> Isai. I, 12. — <sup>5</sup> Eccl. v, 10.

<sup>a</sup> Alias, *Eva tua vita est*. — <sup>b</sup> Alias, *otia*. — <sup>c</sup> Alias, *absumitur*. — <sup>d</sup> Alias, *dignoscitur*.

propriæ conditionis et nobilitatis oblitus, quas<sup>184</sup> non pudeat porcis in ministerio subjugari, in desiderio sociari, nec sic tamen infelici edulio satiari. Unde enim hæc tanta pusillanimitas et abjectio tam miserabilis, ut egregia creatura, capax æternæ beatitudinis et gloriæ magni Dei, utpote cujus sit inspiratione condita, similitudine insignita, cruore redempta, fide dotata, spiritu adoptata, miseram non erubescat sub putredine hac corporeorum sensuum gerere servitutem? Merito plane ne eos quidem apprehendere potest, quæ talem deserens sponsum, tales sequitur amatores. Merito siliquas esuriit, et non accepit, qui porcos pascere maluit, quam paternis epulis satiari<sup>1</sup>. Inanus siquidem labor pascere sterilem quæ non parit, et viduæ benefacere nolle : omittere curam cordis, et curam carnis agere in desiderio : impinguare et fovere cadaver putridum, quod paulo post vermium esca futurum nullatenus dubitatur. Nam et servire mammonæ, et avaritiam colere, quod est servitus idolorum, aut vanitatem sectari, prorsus degeneris animæ indicium esse quis nesciat?

16. Esto tamen, magna sint et honesta quæ mundus interim amatoribus suis erogare videtur : sed infida esse quis nesciat? Certa nimirum eorum brevitatis, et ipsius quoque brevitatis finis incertus. Sæpe viventem deserunt : nam morientem nec raro sequuntur. Quid vero in rebus humanis certius morte, quid hora mortis incertius invenitur? Non miseratur inopiam, non divitias reveretur, non generi cujuslibet, non moribus, non ipsi denique parit ætati : nisi quod senibus quidem in januis, adolescentibus autem in insidiis est. Infelix proinde, qui in hujus vitæ tenebris et lubrico fidens, perituram insumit operam; nec advertit quoniam vapor est ad modicum parens, et vanitas vanitatum. Obtinuisti tandem, ambitiose, quam ex longo tempore concupieras dignitatem? serva quod habes. Implesti, pecuniose, oculos tuos? sollicitus esto ne perdas. Ubere fructus attulit ager tuus? dirue horrea tua, ut majora ædifices; muta quadrata rotundis, dic animæ tuæ, *Habes multa bona reposita in annos plurimos*. Erit enim qui dicat : *Stulte, hac nocte animam tuam repetent a te : quæ autem parasti, cujus erunt*<sup>2</sup>?

17. Atque utinam tantum congregata perirent, et non deterius ipse quoque periret congregator eorum. Esset utique tolerabilius perituro, quam peremptorio insudare labori. Nunc vero stipendia peccati mors : et qui in carne seminat, de carne metet corruptionem. Nec enim opera nostra transeunt, ut videntur : sed temporalia quæque velut æternitatis semina jaciuntur. Stupebit insipiens<sup>3</sup>, cum ex hoc modico semine copiosam viderit exsurgere messem, seu bonam, seu malam, pro diversa qualitate sementis. Hoc qui cogitat, nullum omnino parvum reputat esse peccatum, quod futuram messem potius æstimet, quam sementem. Seminant ergo dum nesciunt, et seminant dum occultant homines iniquitatis mysteria, dum vanitatis consilia celant, dum perambulant in tenebris negotia tenebrarum.

### CAPUT IX.

Quod impossibile sit peccantem latere.

18. Parietes, inquit, sunt undique : quis me videt? Esto, nemo te videat : non tamen nullus. Videt te angelus malus, videt te angelus bonus, videt et bonis et malis major Angelis Deus; videt accusator, videt testium multitudo, videt et ipse Judex, cujus te oportet assistere tribunali : sub cujus sane oculis velle delinquere tam insanum, quam horrendum incidere in manus Dei viventis. Noli esse securus : latent insidiæ, quas latere non possis. Latent, inquam, insidiæ, quas ut deprehendere ipse non potes, sic non potes ipse non deprehendi. Audit plane qui plantavit aurem; et qui finxit oculum, ipse considerat<sup>3</sup>. Non illius Solis arcet radios maceria lapidum, quos ipse creavit; non vel ipse corporis hujus paries veritatis excludit aspectum. Nuda sunt ejus oculis omnia, penetrabilior est ancipiti gladio. Ipsas quoque non modo cernit, sed et discernit cogitationum vias, et medullas affectionum. Denique si non totam humani cordis abyssum, et quidquid in ipso latet inspiceret præ ipso, non ille jam nil sibi conscius judicantis sese Domini sententiam tantopere formidaret. *Mihi*, inquit, *pro mini mo est, ut a vobis judicer, aut ab humano die, sed neque me ipsum judico. Nihil enim mihi conscius sum,*

<sup>1</sup> Luc. xv, 16. — <sup>2</sup> Luc. xii, 19, 20. — <sup>3</sup> Psal. xciii, 9.

<sup>3</sup> Alias male, *Superbit insipiens*.

*sed non in hoc justificatus sum. Qui autem ju-*<sup>485</sup>  
*dicat me, Dominus est*<sup>1</sup>.

19. Si tu objectu parietis, aut cujuslibet simulationis prætentu, humana frustrari posse judicia gloriaris; certus esto, non illum vera crimina præterire, qui de falsis etiam accusare criminibus consuevit. Si tantopere ejus, qui nihilominus forte tuam vereatur, proximi conscientiam reformidas; multo minus eos contemnas, quibus odiosa magis iniquitas, et longe amplius execrabilis corruptio est. Si denique Deum non times, et solos hominum revereris aspectus; memor esto hominem Christum hominum facta ignorare non posse: ut quod coram me attentare minime prorsus auderes, multo minus audeas coram ipso; quodque non dico non liceret, sed nec liberet quidem præsumere vidente conservo, inspiciente Domino vel cogitare penitus exhorrescas. Alioquin si carnis oculum magis, quam gladium, qui carnes habet devorare, formidas; et is quoque timor quem times, eveniet tibi, et accidet quod vereris. Nihil opertum quod non reveletur, vel occultum quod non sciatur<sup>2</sup>. Arguentur a luce in lucem prolata opera tenebrarum; nec modo obscenitatum abominanda secreta, sed iniqua commercia vendentium sacramenta, et fraudulenta susurria<sup>3</sup> adinvenientium dolos, et judicia subvertentium, qui novit omnia, nota faciet universis; cum cœperit scrutator ille cordis et renum scrutari Jerusalem in lucernis.

### CAPUT X.

Non solum declinando a malo, sed et faciendo bonum salutem obtineri.

20. Quid ergo facturi sunt, imo potius quid passuri qui crimina commiserunt, ubi audituri sunt, *Ite in ignem æternum*<sup>3</sup>, qui pietatis opera non fecerunt? Quando vero admittetur ad nuptias, qui nec lumbos præcinxit ut abstineret a malo, nec lucernam tenuit ut faceret bonum: quando nec virginitatis integritas, nec lampadum claritas solius olei poterit excusare defectum? aut quis illos manere credendus est cruciatus, qui in hac vita non solum mala, sed

forte pessima perpetrant; si sic sunt cruciandi A qui hic bona receperunt, ut in medio flammæ æstuantibus linguis, ne minimæ quidem stillæ obtinere refrigerium queant? Caveamus ergo mala opera, nec includentis sagenæ fiducia, libere intra Ecclesiam delinquamus: hoc scientes, quia non omnes quos sagena trahit, piscatorum vasa recipient; sed erit cum ad littus venerint, eligent bonos in vasa, malos autem foras mittent<sup>4</sup>. Neque hoc contenti lumborum cingulo, accendamus etiam lucernas nostras, et instantur operemur bonum, cogitantes, quod omnis arbor, non modo quæ malum fecerit fructum, sed etiam quæ bonum non fecerit, excidetur, et in ignem mittitur, illum utique ignem æternum, qui paratus est diabolo et angelis ejus.

21. Cæterum sic declinemus a malo, et faciamus bonum, ut inquiramus pacem, non gloriam prosequamur. Illa enim Dei est, et eam alteri non dabit. *Gloriam*, inquit, *meam alteri non dabo*<sup>5</sup>. Et dicebat homo secundum cor Dei: *Non nobis, Domine, non nobis, sed nomini tuo da gloriam*<sup>6</sup>. Recordemur etiam Scripturæ dicentis: *Si recte offeras et non recte divides, peccasti*<sup>7</sup>. Recta est, fratres, illa nostra divisio, nemo detrectet. Alioquin si cui forsitan minus placet, sciat non nostram esse, sed Angelorum. Priores enim Angeli cecinerunt: *Gloria in excelsis Deo, et in terra pax hominibus bonæ voluntatis*<sup>8</sup>. Servemus ergo in vasis oleum, ne forte (quod absit) clausas jam nuptiarum januas frustra pulsantes, verbum audiamus amarum, et deintus nobis sponsus respondeat, *Nescio vos*<sup>9</sup>. Adhuc tamen mors posita est, non modo secus iniquitatem, sterilitatem, vanitatem, sed et secus introitum ipsius etiam voluptatis. Quocirca opus est fortitudine adversus tentamenta peccati, ut rugienti leoni resistamus fortes in fide, et ignita ipsius jacula hoc ipso clypeo viriliter repellamus. Opus est justitia, ut operemur bonum. Opus prudentia, ne cum fatuis virginibus reprobemur. Opus denique temperantia, ne voluptatibus indulgentes, audiamus aliquando quod miser ille, epularum pariter et vestium splendore finito, dum misericordiam precaretur, audivit: *Memento, fili, quod recepisti bona in vita tua, et*

<sup>1</sup> I Cor. iv, 3, 4. — <sup>2</sup> Luc. xii, 2. — <sup>3</sup> Matth. xxv, 41. — <sup>4</sup> Id. xiii, 48. — <sup>5</sup> Isai. xlii, 8. — <sup>6</sup> Psal. cxiii, 1. — <sup>7</sup> Gen. iv, juxta LXX. — <sup>8</sup> Luc. ii, 14. — <sup>9</sup> Matth. xxv, 12.

<sup>a</sup> Alias, *suspiria*.

*Lazarus similiter mala : nunc autem hic consolatur, tu vero cruciaris*<sup>1</sup>. Plane terribilis Deus in consiliis super filios hominum ! sed si terribilis est, etiam misericors invenitur, dum futuri formam iudicii non occultat. Anima enim quæ peccaverit, ipsa morietur<sup>2</sup> : palmes qui fructum non fecerit, excidetur<sup>3</sup> : virgo cui defuerit oleum, a nuptiis excludetur<sup>4</sup> : et qui bona receperit in hac vita, cruciabitur in futura. Quod si forte contingat in uno quolibet simul hæc quatuor inveniri, ea plane extrema desperationis est.

## CAPUT XI.

Converti molientes acrius a solitis vitiis tentari, ipsis vero luctum esse necessarium.

22. Hæc igitur et his similia intus suggerit ratio voluntati, eo copiosius, quo perfectius illustratione spiritus edocetur. Felix sane, cujus voluntas sic cesserit et acquieverit consilio rationis, ut a timore concipiens, promissionibus deinceps cœlestibus foveatur, et parturiat spiritum salutis. At forte invenietur rebellis et obstinata voluntas, nec impatiens solum, sed et monitis pejor, et minis durior, et adhibitis acerbior blandimentis. Invenietur forsitan, quæ nihil mota suggestionibus rationis, imo et gravi furore commota respondeat, dicens : Quousque vos patior? prædicatio vestra in me non capit. Scio quod astuti estis : sed astutia vestra in me locum non habet. Forte et advocans membra singula, solito amplius solitis jubet obedire concupiscentiis, nequitiiis deservire. Hinc nimirum est illud quod quotidianis discimus experimentis, eos qui converti deliberant, tentari acrius a concupiscentia carnis, et urgeri gravius in operibus luti et lateris, qui Ægyptum egredi, et Pharaonis imperium effugere moliantur.

23. Utinam autem qui ejusmodi est, declinet impietatem, et terribile illud profundum caveat, de quo scriptum est : *Impius cum venerit in profundum malorum, contemnit*<sup>5</sup>. Fortissima siquidem potione curatur, et periclitatur facile, nisi multa sollicitudine studeat medici obtemperare consiliis, observare præcepta. Vehemens est tentatio, et proxima desperationi, nisi to-

tum colligat, et ad miserandum animæ suæ, quam adeo miseram et miserabilem videt, convertat affectum, et audiat vocem dicentem : *Beati qui lugent, quoniam ipsi consolabuntur*<sup>6</sup>. Lugeat abundanter, quia lugendi tempus advenit : et ad sorbendas juges lacrymas ista sufficiunt. Lugeat, sed non sine pietatis affectu, et obtentu consolationis. Consideret nullam sibi inveniri requiem in se ipso, sed omnia plena miseriæ et desolationis. Consideret non esse bonum in carne suâ; sed et in sæculo nequam nihil nisi vanitatem et afflictionem spiritus contineri. Consideret, inquam, nec intus, nec subtus, nec circa se sibi occurrere consolationem; ut vel tandem aliquando discat quærendam sursum, et desursum esse sperandam. Lugeat sane interim plangens dolorem suum, exitus aquarum deducat oculus ejus, et palpebra non requiescat. Nimirum purgatur lacrymis oculus ante caligans, et acuitur visus, ut intendere possit in serenissimi luminis claritatem.

## CAPUT XII.

Quomodo voluntas suaviter inducenda ad amandum et desiderandum cœlestia.

24. Ex hoc sane suspiciat per foramen, prospiciat per cancellos, prædulcem radium prosequatur obtutu, et Magorum sedulus imitator, lumen lumine quærat. Inveniet enim locum tabernaculi admirabilis, ubi panem Angelorum manducet homo; inveniet paradisum voluptatis plantatum a Domino; inveniet hortum floridum et amœnissimum; inveniet refrigerii sedem, et dicet : O si audiat vocem meam misera illa voluntas, ut ingrediens videat bona, et visitet locum istum ! hic nimirum inveniet requiem ampliorem, et me quoque eo minus inquietabit, quo minus inquietabitur ipsa. Neque enim mentitur qui dixit : *Tollite jugum meum super vos, et invenietis requiem animabus vestris*<sup>7</sup>. In hujus fide promissionis exacerbata blandius alloquatur, et simulata quadam hilaritate, spiritu mansuetudinis eam conveniens dicat : Cesset penitus indignatio tua. Non ego sum qui te offendere possim. Tuum est corpus, tuus et ego ipse : non est quod timeas, non est quod verearis. Nec mirum, si forte ama-

<sup>1</sup> Luc. xvi, 25. — <sup>2</sup> Ezech. xviii, 4. — <sup>3</sup> Joan. xv, 2. — <sup>4</sup> Matth. xxv, 12. — <sup>5</sup> Prov. xviii, 3. — <sup>6</sup> Matth. v, 5. — <sup>7</sup> Id. xi, 29.

rins adhuc reddiderit illa responsum, ut dicat, <sup>467</sup> quia multæ cogitationes ad insaniam te adduxerunt. Sustineat interim æquanimitè, ac dissimulet omnino quod agitur, donec inter loquendum inducens alia pro aliis, opportune aliquando inferat, dicens: Inveni <sup>a</sup> hodie hortum pulcherrimum, et amœnissimum locum. Bonum esset illic nos esse: nam et tibi nocet in hoc lecto ægritudinis, in hoc doloris strato versari, in hoc cubili tuo gravi corde compungi. Aderit Dominus quærenti se, animæ speranti in se: aderit votis supplicibus, et verbis ejus efficaciam ministrabit. Excitabitur desiderium voluntatis, ut non modo videre locum, sed et introire paulatim, et mansionem inibi facere concupiscat.

### CAPUT XIII.

Conversos mira suavitate ac deliciis vitæ piæ ac spiritualis refici.

25. Nec vero locum reputes corporalem paradysum hunc voluptatis internæ. Non pedibus in hunc hortum, sed affectibus introitur. Nec terrenarum tibi commendatur arborum copia, sed virtutum utique spiritualium jucunda decoraque plantatio. Hortus conclusus, ubi fons signatus in quatuor capita derivatur, et ex una sapientiæ vena virtus quadripartita procedit. Splendidissima quoque inibi lilia vernant: et cum flores apparent, etiam vox turturis auditur. Illic nardus sponsæ fragrantissimum præstat odorem, et cætera quoque aromata fluunt; austro spirante, aquilone fugato. Ibi media est arbor vitæ, malus illa de Cantico, cunctis pretiosior lignis silvarum, cujus et umbra sponsam refrigerat, et fructus dulcis gutturi ejus <sup>1</sup>. Ibi continentiae nitor, et sinceræ veritatis intuitus oculos cordis irradiat: auditui quoque dat gaudium et lætitiâ dulcissima vox consolatoris interni. Ibi quibusdam spei naribus influit jucundissimus odor agri pleni, cui Dominus benedixit. Ibi avidissime prælibantur incomparabiles deliciæ charitatis; et succis spinis ac vepribus, quibus antea pungebatur, unctione misericordiæ perfusus animus in conscientia bona feliciter requiescit. Quæ quidem non inter vitæ æternæ præmia, sed inter temporalis mi-

litæ stipendia deputantur; nec ad futuram pertinent, sed ad eam magis quæ nunc est Ecclesiæ promissionem. Hoc enim centuplum est, quod in hoc sæculo sæculi contemptoribus exhibetur <sup>2</sup>. Nec tibi illud nostro speraveris eloquio commendandum. Solus spiritus est qui revelat: sine causa paginam consulis; experientiam magis require. Sapientia est, cujus pretium nescit homo. De occultis trahitur, nec in terra suaviter viventium invenitur ista suavitas. Nimirum suavitas Domini est: nisi gustaveris, non videbis. *Gustate*, inquit, *et videte, quoniam suavis est Dominus* <sup>3</sup>. Manna absconditum est, nomen novum est, quod nemo scit nisi qui accipit. Non illud eruditio, sed unctio docet: nec scientia, sed conscientia comprehendit. Sanctum est, margaritæ sunt, nec faciet ipse quod prohibet <sup>4</sup>, qui cæpit facere et docere. Neque enim canes aut porcos jam reputat, quos prioribus abrenuntiantes facinoribus atque flagitiis etiam consolatur per Apostolum, dicens: *Hæc quidem fuistis, sed abluti estis, sed sanctificati estis* <sup>5</sup>. Tantum caveat, ne revertatur canis ad vomitum, nec <sup>b</sup> sus lota ad volutabrum luti.

### CAPUT XIV.

In terrenis non esse ullam satietatem, nisi fastidio conjunctam: at celestium desideria experiendo semper crescere.

26. In hujus ergo ostio paradisi divini susurri vox auditur, sacratissimum secretissimumque consilium, quod absconditum est a sapientibus et prudentibus, parvulis revelatur. Cujus sane vocis auditum non sola jam ratio capit, sed gratanter eum communicat et voluntati. *Beati qui esuriunt et sitiunt justitiâ, quoniam ipsi saturabuntur* <sup>6</sup>. Altissimum plane consilium, et inestimabile sacramentum. Fidelis sermo et omni acceptione dignus, qui de cælo nobis a regalibus sedibus venit. Facta est enim valida fames in terra, et omnes jam non egere cœpimus, sed ad extremam devenimus egestatem. Denique et comparati sumus jumentis insipientibus, et similes facti sumus illis: etiam porcorum siliquas insatiabiliter esurimus. Qui pecuniam diligit, non satiatur: qui luxuriam, non satiatur: qui gloriam quærit, non satiatur: de-

<sup>1</sup> Cantic. II, 3. — <sup>2</sup> Matth. XIX, 29. — <sup>3</sup> Psal. XXXIII, 9. — <sup>4</sup> Matth. VII, 6. — <sup>5</sup> I Cor. VI, 11. — <sup>6</sup> Matth. V, 6.

<sup>a</sup> Alias, *intravi*. — <sup>b</sup> Alias, *vel*.

nique qui mundum amat, nunquam satiatur.<sup>129</sup> Novi ego homines satiatos hoc mundo, et ad ejus omnem memoriam nauseantes. Novi satiatos pecunia, et satiatos honoribus, satiatos voluptatibus et curiositatibus hujus mundi, nec mediocriter, sed usque ad fastidium satiatos. Et facile est cuique nostrum hanc satietatem per Dei gratiam obtinere. Neque enim parit hanc copia, sed contemptus. Sic fatui filii Adam, porcorum vorando siliquas, non esurientes animas, sed esuriem ipsam pascitis animarum. Sola nimirum hoc edulio inedia vestra nutritur, sola fames alitur cibo innaturali. Et dico planius exempli gratia, unum sumens e multis quæ humana vanitas concupiscit. Non prius satiabuntur corda hominum auro, quam aura corpora satientur. Nec indignetur avarus : et de ambitiosis et luxuriosis, etiam et de facinorosis eadem sententia est. Si quis mihi forte non credit, experientiæ credat, vel propriæ, vel multorum.

27. Quis in vobis est, fratres, qui satiari cupiat, et desiderium suum optet impleri? Incipiat esurire justitiam, et non poterit non satiari. Panes illos desideret, qui in domo patris abundant; et inveniet sese continuo siliquas fastidire porcorum. Gustum justitiæ vel exiguum studeat experiri, ut eo ipso desideret amplius, et amplius mereatur, sicut scriptum est : *Qui edit me, adhuc esuriet; qui bibit me, adhuc sitiet*<sup>1</sup>. Hoc enim cognatum magis spiritui, et naturalius desiderium vehementius occupat cor humanum, cæteraque viriliter desideria pellit. Sic nimirum fortem armatum fortior superat, sic clavus clavo solet extundi. *Beati ergo qui esuriunt et sitiunt justitiam, quoniam ipsi saturabuntur*. Nondum quidem ipsa, qua non satiabitur homo, et vivet; sed cæteris universis, quæ prius insatiabiliter fuerunt concupita : ut ex hoc sibi voluntas ad serviendum prioribus concupiscentiis corpus vindicare desistens, rationi D prorsus exponat, magis autem urgeat ipsa servire justitiæ in sanctificationem, non minore zelo, quam prius exhibuisset servire iniquitati ad iniquitatem.

### CAPUT XV.

Purganda memoria a peccatorum sordibus fiducia divinae misericordiæ.

28. Cæterum jam et voluntate mutata. in

servitum redacto corpore, velut seccato jam aliquatenus fonte, et oppilato foramine, tertium adhuc, idque gravissimum restat, de purganda scilicet memoria, et exhaurienda sentina. Quomodo enim a memoria mea excidet vita mea? Membrana vilis et tenuis atramentum forte prorsus inibit : qua deinceps arte delabitur? Non enim superficie tenuis tinxit; sed prorsus totam intinxit. Frustra conarer eradere : ante seinditur charta, quam inserti characteres deleantur. Ipsam enim forte memoriam delere posset oblivio, ut videlicet mente captus eorum non meminerim, quæ commisi. Cæterum ut memoria integra maneat, et ipsius macule deleantur, quæ novacula posset efflicere? Solus utique sermo vivus et efficax, et penetrabilior omni gladio aucipiti. *Dimittantur tibi peccata tua*. Murmuret Pharisæus, et dicat : *Quis potest dimittere peccata, nisi solus Deus*<sup>2</sup>? Mihi enim qui id loquitur Deus est, et non aestimabitur alius ad illum, qui adinvenit omnem viam disciplinæ, et dedit illam Jacob puero suo, et Israel dilecto suo<sup>3</sup> : post hæc in terris visus est, et cum hominibus conversatus est. Hujus indulgentia delet peccatum, non quidem ut a memoria excidat, sed ut quod prius inesse pariter et inficere consuevisset, sic de cætero insit memoriæ, ut eam nullatenus decoloret. Multorum enim nunc peccatorum, quæ vel a nobis, vel ab aliis commissa novimus, recordamur : sed propria quidem inquinant, aliena non nocent. Ut quid hoc, nisi quod in his erubescimus singulariter, hæc nobis singulariter imputanda veremur? Tolle damnationem, tolle timorem, tolle confusionem; quæ quidem omnia plena remissio tollit : et non modo non oberunt, sed etiam cooperabuntur in bonum, ut devotas ei referamus gratias qui remisit.

### CAPUT XVI.

Misericordiam divinam obtineri. miserendo sibi ipsi primum : deinde proximo.

29. Jam vero supplicanti pro ea, congrue respondetur : *Beati misericordes, quoniam ipsi misericordiam consequentur*<sup>4</sup>. Miserere ergo animæ tuæ, qui Deum tibi vis misereri. Lava per singulas noctes lectum tuum, lacrymis tuis stratum tuum rigare memento. Si compateris

<sup>1</sup> Eccli. xxiv, 29. — <sup>2</sup> Marc. ii, 5, 7. — <sup>3</sup> Baruc. iii, 37. — <sup>4</sup> Matth. v, 7.

tibi ipsi, si laboras in gemitu pœnitentiæ (pri-<sup>490</sup>mus hic gradus misericordiæ est), misericordiam utique consequeris. Quod si forte magnus et multus peccator es, et magnam quæris misericordiam, ac multitudinem miserationum; tu quoque misericordiam tuam magnificare et multiplicare labora, reconciliatus esto tibi ipsi: nam et tibi gravis factus eras, quod positus esses contrarius Deo. Ex hoc sane in domo propria reformata pace, eandem necesse est prius erga proximos dilatari, ut novissime osculetur te et ipse osculo oris sui, et, quemadmodum scriptum est, reconciliatus pacem habeas ad Deum<sup>1</sup>. Dimitte his qui in te peccaverunt, et dimittetur tibi quod ipse peccasti, dum secura conscientia oraveris Patrem, et dixeris: *Dimitte nobis debita nostra, sicut et nos dimittimus debitoribus nostris*<sup>2</sup>. Si forte quempiam defraudaveris, redde vel simplum: quod superest da pauperibus, et misericordiam præstans misericordiam consequeris. Si fuerint peccata tua sicut coccinum, quasi nix dealbabuntur: et si fuerint rubra quasi vermiculus, velut lana alba erunt<sup>3</sup>. Ut non confundaris super cunctis adinventionibus tuis quibus prævaricatus es, in quibus nunc erubescis; fac elemosynam, si non potes de terrena substantia, de voluntate bona: et omnia munda erunt; non modo illuminata ratio, et correcta voluntas, sed ipsa quoque memoria munda erit: ut ex hoc jam voceris ad Dominum, et audias vocem dicentis, *Beati mundo corde*<sup>4</sup>.

## CAPUT XVII.

Oculos cordis continuo mundandos, ut Deus videri possit.

30. *Beati mundo corde, quoniam ipsi Deum videbunt*<sup>5</sup>. Magna promissio, fratres mei, et totis desideriis affectanda. Hæc enim visio, confirmatio est, sicut Joannes apostolus ait: *Nunc filii Dei sumus, sed nondum apparuit quid erimus. Scimus quia cum apparuerit, similes ei erimus, quia videbimus eum sicuti est*<sup>6</sup>. Hæc visio vita æterna est, sicut ipsa in Evangelio Veritas ait: *Hæc est vita æterna, ut cognoscant te solum verum Deum, et quem misisti Jesum Christum*<sup>7</sup>. Odibilis macula, quæ beatam hanc nobis adimit visionem, et execrabilis negligentia,

qua dissimulamus interim illius oculi mundationem. Ut enim corporeus nobis visus aut humore interiori, aut exterioris injectione pulveris im-  
peditur: sic et intuitus spiritualis interdum quidem propriæ carnis illecebris, interdum curiositate sæculari et ambitione turbatur. Quod quidem non minus nos experientia propria, quam divina pagina docet, ubi legitur scriptum: *Corpus quod corrumpitur, aggravat animam, et deprimit terrena inhabitatio sensum multa cogitantem*<sup>8</sup>. In utroque tamen solum quod hebetat et confundit obtutum, peccatum est: nec aliud inter oculum et lucem, inter Deum et hominem separare videtur. Quamdiu enim in hoc corpore sumus, peregrinamur a Domino. Non utique corporis est culpa, hujus scilicet, quod gerimus corpus mortis: magis autem quod corpus peccati sit caro, in qua bonum non est, sed potius lex peccati. Interdum tamen corporeus oculus, non adhuc festuca manente, sed jam sublata vel exsufflata, aliquandiu caligare videtur: quod quidem et ipsum in interiori oculo qui in spiritu ambulat, sæpius experitur. Neque enim ubi ferrum extraxeris, continuo vulnus redditum est sanitati: sed tunc primum necesse est adhibere fomenta, et operam dare curationi. Nemo ergo sentinam ejiciens, mundatum sese protinus arbitretur: quinimo noverit se multis interim purificationibus egere. Nec modo lavandum aqua, sed et purgandum et examinandum igni, ut dicat: *Transivimus per ignem et aquam, et eduxisti nos in refrigerium*<sup>9</sup>. *Beati ergo mundo corde, quoniam ipsi Deum videbunt*: nunc quidem per speculum in ænigmate; in futuro autem facie ad faciem, ubi nimirum faciei nostræ fuerit consummata mundities, ut sibi eam exhibeat gloriosam, non habentem maculam neque rugam.

## CAPUT XVIII.

Pacificos merito beatificari nomine filiorum Dei.

31. Ubi opportune illico subinfertur: *Beati pacifici, quoniam filii Dei vocabuntur*<sup>10</sup>. Est enim homo pacatus, qui bona pro bonis reddens, quantum in se est, nemini vult nocere. Est alius patiens, qui non reddens mala pro malis, etiam potens est sustinere nocentem.

<sup>1</sup> Rom. v, 1. — <sup>2</sup> Matth. vi, 12. — <sup>3</sup> Isai. i, 18. — <sup>4</sup> Matth. v, 8. — <sup>5</sup> Ibid. — <sup>6</sup> I Joan. iii, 2. — <sup>7</sup> Joan. xvi, 3. — <sup>8</sup> Sap. ix, 15. — <sup>9</sup> Psal. lxxv, 12. — <sup>10</sup> Matth. v, 9.



Est et pacificus, qui bona pro malis reddens,<sup>491</sup> in promptu habet et prodesse nocenti. Primus quidem parvulus est, et facile scandalizatur: nec facile qui huiusmodi est, in hoc sæculo nequam et pleno scandalis poterit obtinere salutem. Secundus, ut scriptum est, in patientia sua possidet animam suam<sup>1</sup>. Nam tertius quidem non modo suam possidet, sed et multorum animas lucrificat. Primus, quantum in ipso est, pacem habet: secundus pacem tenet: tertius pacem facit. Merito proinde beatificatur nomine filii, quod opus filii impleverit, ut post suam non ingratus reconciliationem, etiam alios reconciliet Patri suo: siquidem qui bene ministraverit, bonum gradum sibi acquirit<sup>2</sup>; nec in domo patris gradus melior credendus est, quam filii. Si enim filii, et hæredes: hæredes quidem Dei, cohæredes autem Christi<sup>3</sup>, ut quemadmodum ipse dicit, ubi ipse est, ibi sit et minister suus<sup>4</sup>. Fatigavimus vos prolixitate sermonis, et detinuimus ultra quam oporteret. Ex hoc jam finem loquacitati nostræ, quem non imperat verecundia, videtur imperare vel hora. Mementote tamen Apostoli, quem aliquando verbum prædicationis usque in mediam noctem legis protraxisse. *Utinam adhuc, ut ipsius verbis utar, sustineatis modicum quid C insipientiæ meæ. Æmulor enim vos Dei æmulatione*<sup>5</sup>.

## CAPUT XIX.

Graviter perstringit ambitiosos, qui temere et indigne  
sacras Ecclesiæ functiones usurpant.

32. Filioli, quis demonstrabit vobis fugere a ventura ira? Nemo enim magis iram meretur, quam amicum simulans inimicus. Juda, osculo tradis Filium hominis, homo unanims, qui simul mecum dulces capiebas cibos, qui in paropside manum pariter intinxisti! Non est tibi pars in oratione, qua orat ad Patrem et dicit: *Pater, ignosce illis, quia nesciunt quid faciunt*<sup>6</sup>. Væ vobis qui clavem tollitis non scientiæ solum, sed et auctoritatis! nec ipsi introitis, et multipliciter impeditis quos introducere debuistis. Tollitis enim, et non accipitis claves. De quibus Dominus queritur per prophetam: *Ipsi regnaverunt, et non ex me: principes exstiterunt, et*

*ego non vocavi eos*<sup>7</sup>. Unde tantus prælationis ardor, unde ambitionis impudentia tanta, unde vesania tanta præsumptionis humanæ? Audetne aliquis vestrum terreni cujuslibet reguli, non præcipiente aut etiam prohibente eo, occupare ministeria, præripere beneficia, negotia dispensare? Nec tu Deum putes, quæ in magna domo sua a vasis iræ aptis in interitum sustinet, approbare. Multi quidem veniunt, sed considera quis vocetur. Ordinem ipsum dominici sermonis attende. *Beati*, inquit, *mundo corde, quoniam ipsi Deum videbunt*: ac deinde, *Beati pacifici, quoniam filii Dei vocabuntur*<sup>8</sup>. Mundicordes utique vocat Pater cœlestis, qui non quærunt quæ sua sunt, sed quæ Jesu Christi: nec quod sibi utile, sed quod multis. *Petre*, inquit, *amas me?* *Domine, tu scis quia amo te*. *Pasce*, ait, *oves meas*<sup>9</sup>. Quando enim sic amatas oves committeret non amanti? Nimirum hoc quæratur inter dispensatores, ut fidelis quis inveniat. Væ ministris infidelibus, qui necdum reconciliati, reconciliationis alienæ negotia, quasi homines qui justitiam fecerint, apprehendunt. Væ filiis iræ, qui se ministros gratiæ profitentur. Væ filiis iræ, qui pacificorum sibi usurpare gradus et nomina non verentur. Væ filiis iræ, qui fideles sese mediatores pacis, ut peccata populi comedant, mentiuntur. Væ qui ambulantes in carne, Deo placere non possunt, et placare velle præsumunt.

33. Non miramur, fratres, quicunque præsentem statum Ecclesiæ miseramur; non miramur de radice colubri regulum orientem. Non miramur, si vindemiat vineam Domini, qui institutam a Domino prætergreditur viam. Impudenter enim pacifici gradum et filii Dei vices occupat homo, qui nec primam quidem adhuc vocem Domini ad cor revocantis audivit: aut si quando forsitan cœperit audire, resiliens fugit ad folia, ut absconderetur in eis. Propterea necdum peccare quievit, sed longam adhuc trahit restem: necdum factus est vir videns paupertatem suam, sed dicit, quia dives sum, et nullius egeo, cum sit pauper, et nudus, et miser, et miserabilis. Nihil illi de spiritu mansuetudinis, quo præoccupatos in delicto possit instruere, considerans se ipsum, ne et ipse tentetur. Compunctionis lacrymas nesciens, lætatur magis cum male fecerit, et in rebus pessimis ex-

<sup>1</sup> Luc. XXI, 19. — <sup>2</sup> I Tim. III, 13. — <sup>3</sup> Rom. VIII, 17. — <sup>4</sup> Joan. XII, 26. — <sup>5</sup> II Cor. XI, 1, 2. — <sup>6</sup> Luc. XXIII, 34. — <sup>7</sup> Osee VIII, 4. — <sup>8</sup> Matth. V, 8, 9. — <sup>9</sup> Joan. XXI, 17.

sultat. Nimirum unus eorum est, quibus Dominus ait : *Væ vobis qui videtis nunc, quoniam A flebitis*<sup>1</sup>. Pecuniam, non justitiam concupiscit; oculi ejus omne sublime vident. Insatiabiliter esurit dignitates, gloriam sitit humanam. Procul ab eo misericordiae viscera : sevirare potius et tyrannum exhibere letatur; quæstum æstimat pietatem. Quid de munditia cordis loquar? Utinam non illud oblivioni dedisset tanquam mortuus a corde! utinam non esset columba seducta non habens cor! utinam esset quod vel deforis est mundum, nec ea quæ corporalis est maculata tunica inveniretur, ut obediret vel in hac parte dicenti : *Mundamini, qui fertis vasa B Domini*<sup>2</sup>.

## CAPUT XX.

Arguit incontinentes, qui sacros Ordines impudenter temerare non verentur.

34. Non accusamus universitatem, sed nec universitatem possumus excusare. Reliquit sibi Dominus multa millia. Alioquin nisi eorum nos excusaret justitia, et illud nobis semen sanctum Dominus sabaoth reliquisset, olim jam sicut Sodoma subversi essemus, et sicut Gomorra similiter perissemus. Dilatata siquidem videtur Ecclesia; ipse etiam cleri sacratissimus Ordo : fratrum numerus super numerum multiplicatus est<sup>3</sup>. Verum etsi multiplicasti gentem, Domine, non magnificasti lætitiā, dum nihil minus apparet decessisse meriti, quam numeri accessisse. Curritur passim ad sacros Ordines, et reverenda ipsis quoque spiritibus angelicis ministeria homines apprehendunt sine reverentia, sine consideratione. Neque enim signum regni occupare cælestis, aut illius timent imperii gestare coronam, in quibus avaritia regnat, ambitio imperat, dominatur superbia, sed et D iniquitas, luxuria etiam principatur: in quibus et pessima forte appareat intra parietes abominatio, si juxta Ezechielis prophetiam parietem fodiamus<sup>4</sup>, ut in domo Dei videamus horrendum. Siquidem post fornicationes, post adulteria, post incestus, nec ipsæ quidem apud aliquos ignominia passionis et turpitudinis opera desunt. Utinam non fierent quæ usque adeo non conveniunt, ut<sup>5</sup> nec Apostolum scribere

hæc<sup>4</sup>, nec nos dicere oporteret! utinam nec dicentibus crederetur, quod humanum aliquando occupaverit animum tam abominanda cupiditas!

35. Numquid non olim civitates illæ, spurcitæ hujus matres, divino prædamnatæ judicio, et incendio sunt deletæ<sup>5</sup>? Numquid non gehennalis flamma moram non sustinens, execrabilem illam prævenit tollere nationem, quod ipsius specialiter essent peccata manifesta præcedentia ad judicium? Numquid non et ipsam, utpote consciam tantæ confusionis, tellurem absumpsit ignis, sulfur, et spiritus procellarum? Numquid non in lacum horribilem solum omne redactum est? Amputata sunt hydræ capita quinque, sed heu innumera surrexerunt. Quis reedificavit urbes flagitii? quis turpitudinis mœnia dilatavit? quis extendit propagines virulentas? Væ, væ, inimicus hominum sulfurei illius incendiî reliquias infelices circumquaque dispersit, execrabili illo cinere Ecclesiæ corpus aspersit, et ipsorum quoque ministrorum ejus nonnullos sanie fetidissima spurcissimamque respersit. Heu! genus electum, regale sacerdotium, gens sancta, populus acquisitionis, quis inter tua illa primordia tam divina, et spiritualibus affluentem charismatibus christianæ religionis ortum, credere posset, posse talia in te aliquando reperiri?

36. Ingrediuntur cum hac macula tabernaculum Dei viventis; inhabitant cum hac macula templum, sanctum Domini polluentes, judicium multiplex accepturi, quod et tam gravissimas conscientias gerunt, et nihilominus sese ingerunt in sanctuarium Dei. Tales enim non modo non placant Deum, sed et magis irritant, dum videntur in cordibus suis dicere: Non requiret. Irritant plane et infensum reddunt sibi, vereor ne in his quibus eum propitiare debuerant. Utinam magis turrim inchoaturi, sedentes computarent, ne forte sumptus non habeant ad perliciendum. Utinam qui continere non valent, perfectionem temerarie profiteri, aut cælibatui dare nomina vererentur. Sumptuosa siquidem turris est, et verbum grande, quod non omnes capere possunt. Esset autem sine dubio melius nubere, quam uri; et salvari in humili gradu fidelis populi, quam in cleri sublimitate et deteriori vivere, et districtum judicari. Multi enim,

<sup>1</sup> Luc. vi, 25. — <sup>2</sup> Isai. lxi, 11. — <sup>3</sup> Ezech. viii, 8. — <sup>4</sup> Rom. i, et Ephes. v. — <sup>5</sup> Gen. xix.

<sup>5</sup> Alias, *utinam*.

non quidem omnes, sed tamen multi, certum<sup>495</sup> est, nec latere queunt præ multitudine, nec A præ impudentia quærent: multi utique libertatem, in qua vocati sunt, in occasionem carnis disdisse videntur, abstinentes remedio nuptiali, et in omne deinceps flagitium effluentes.

## CAPUT XXI.

Serio cohortatur ad poenitentiam.

37. Parcite, obsecro, fratres, parcite animabus vestris, parcite sanguini qui pro vobis effusus est. Horrendum cavete periculum, ignem qui paratus est declinare. Inveniatur tandem non irrisoria perfectionis professio; exhibeatur etiam virtus in specie pietatis. Non sit inanitas cælibis vitæ forma, et vacua veritatis. Quidni periclitetur castitas in deliciis, humilitas in divitiis, pietas in negotiis, veritas in multiloquio, charitas in hoc sæculo nequam? Fugite de medio Babylonis, fugite, et salvate animas vestras. Convolate ad urbes refugii, ubi possitis et de præteritis agere poenitentiam, et in præsentem obtinere gratiam, et futuram gloriam fiducialiter præstolari. Non vos retardet conscientia peccatorum: quia ubi illa abundaverunt, superabundare gratia consuevit. Non poenitentia austeritas ipsa deterreat. Neque enim condigne sunt passionibus huius temporis ad præteritam culpam, quæ remittitur; non ad præsentem consolationis gratiam, quæ immittitur; non ad futuram gloriam, quæ promittitur nobis. Denique nulla est tanta amaritudo, quam non prophetica farina dulcoret<sup>1</sup>, quam non sapidam reddat sapientia, lignum vitæ<sup>2</sup>.

38. Si verbis non creditis, operibus credite, exemplis acquiescite plurimorum. Currunt undique peccatores ad poenitentiam, et natura pariter et consuetudine delicati exteriorem omnino asperitatem non reputant, ut exasperatae conscientia leniantur. Nihil credentibus impossibile, nil amantibus difficile, nil asperum mitibus, nil humilibus arduum reperitur, quibus et gratia fert auxilium, et obediendi devotio lenit imperium. Quamdiu ambulatis in magnis et mirabilibus super vos? Magnum prorsus et mirabile est ministerium esse Christi, et mysteriorum Dei dispensatorem. Longe super vos est ordo pacificorum, nisi forte, omissis gradi-

bus præostensis, saltare magis, quam ascendere libet. Utinam tamen quisquis sic intrat, si fieri posset, tam fideliter ministraret, quam fiducialiter se ingessit. At difficile, fortassis et impossibile est, ut ex amara radice ambitionis, suavis fructus prodeat charitatis. Dico ego, si vultis audire, imo non ego, sed Dominus: *Cum vocatus fueris ad nuptias, recumbe in novissimo loco: quia omnis qui se exaltat, humiliabitur; et qui se humiliat, exaltabitur*<sup>3</sup>.

## CAPUT XXII.

B Bonorum Pastorum est, docere; nec fugere persecutiones propter justitiam.

39. *Beati, inquit, pacifici, quoniam filii Dei vocabuntur*<sup>4</sup>. Considera diligenter non pacidicos, sed pacificos commendari. Sunt enim qui dicunt, et non faciunt. Sane quemadmodum non auditores legis justi sunt, sed factores: sic non annuntiatores pacis sunt beati, sed actores. Utinam tamen nostri quicumque videntur hodie Pharisei (forte enim aliqui sunt), etsi non facerent, saltem dicerent quod oportet. Utinam qui sine sumptu Evangelium ponere nolunt, ponerent vel pro sumptu: utinam vel evangelizarent ut manducarent. *Mercenarius, inquit, videt lupo venientem, et fugit*<sup>5</sup>. Utinam hodie quicumque pastores non sunt, mercenarios gregi vellent se exhibere, non lupos: utinam ipsi non læderent, utinam non fugerent nemine persequente, utinam non exponerent gregem, donec lupo veniens videretur. Nimirum sustinendi fuerant, si invenirentur, præsertim tempore pacis, recipientes mercedem suam, et pro mercede sua saltem in custodia gregis laborantes: dummodo non ipsi turbarent gregem, et gratis averterent a pascuis justitiam et veritatis. Nam persecutio quidem indubitanter mercenarios a pastoribus segregat et discernit. Quando enim transitoria damna non timeat, qui temporalia lucra sectatur? Quando terrenam sustineat persecutionem propter justitiam, qui terrenam mercedem plus quam justitiam quærit? *Beati, inquit, qui persecutionem patiuntur propter justitiam, quoniam ipsorum est regnum cælorum*. Pastorum hæc beatitudo, non mercenariorum, multo minus latronum est, vel luporum. Usque adeo siquidem perse-

<sup>1</sup> IV Reg. iv, 41. — <sup>2</sup> Exod. xv, 25. — <sup>3</sup> Luc. xiv, 10, 11. — <sup>4</sup> Matth. v, 9. — <sup>5</sup> Joan. x, 12.

cutionem non sustinent propter justitiam, ut<sup>494</sup> non est quod fures timeant, qui sibi in caelo persecutionem malint, quam justitiam sustine- A  
re. Nempe contraria est operibus eorum, gravis est etiam eis ad audiendum.

40. Cæterum propter avaritiam, propter ambitionem paratos eos videas universa pericula subire, suscitare scandala, sustinere odia, dissimulare opprobria, negligere maledicta : ut non minus perniciosa sit animositas talium, quam pusillanimitas mercenariorum. Veris ergo pastoribus dicit Pastor eorum, pastor bonus, qui pro ovibus suis animam suam ponere non pepercit : *Beati eritis cum vos oderint homines, et cum separaverint vos, et ejecerint nomen B vestrum tanquam malum propter Filium hominis : gaudete in illa die et exsultate, quoniam merces vestra copiosa est in cœlis*<sup>1</sup>. Siquidem

thesaurizant. Non est quod causentur de multiplici tribulatione, ubi multiplicationem mercedis attendunt. Quinimo gaudeant magis, ut dignum est, quod non tam persecutio, quam remuneratio augeatur : et exsultent eo abundantius, quo plura sustinent propter Christum, ut eos proinde copiosior merces maneat apud ipsum. Quid timidi estis, modicæ fidei? Fidelis exstat sententia irrefragabili veritate subnixa, quia nulla nocebit adversitas, si nulla dominetur iniquitas<sup>2</sup>. Sed parum est nocere : etiam proderit, et copiosius proderit, dummodo sit justitia in intentione, Christus in causa, apud quem patientia pauperum non peribit in finem. Ipsi gloria nunc, et semper, et in sæcula sæculorum. Amen.

<sup>1</sup> Matth. v, 10-12. — <sup>2</sup> In orat. seu collecta Ecclesiæ.

# ADMONITIO

IN OPUSCULUM IV.

---

1. Inter eos qui monasticæ vitæ instituta sectantur, illud fere usu venit, ut quo quisque religiosior est, eo minus Regulæ suæ obligationem meditetur quam sensum, nec tam casuistarum placita requirat, quam legislatoris sui voluntatem. Cum enim regulæ sibi præscriptæ ex animo addictus, subjectusque sit, nihil in votis potius habet, quam eam in omnibus sequi ducem, etiamsi nulla esset parendi necessitas. Religiosis eo modo comparatis non est lex posita, nec ita necessaria est sequentis libri lectio, quam aliis, quos magis afficiunt ac sollicitant quæstiones de Regulæ obligatione, quam de vera et germana ejus sententia et praxi; neque alio animo doctores consulunt, quam ut Regulæ onus minuere, et, quoad citra crimen fieri possit, ab ejus accurata seu, ut ipsis videtur, scrupulosa observatione impune recedere sibi liceat. Ejusmodi hominibus nihil magis formidandum, quam ut incidant in doctores male sanæ voluntati obsequentes: ex quorum consiliis laxiorem viam sectentur; atque inde in Regulæ suæ neglectum, tum in ejus contemptum, ac demum in status sui odium (quæ certæ damnationis conditio est) sensim delabantur.

2. Atqui ex omnibus, meo quidem judicio, consulere possunt neminem, qui eos et salubrius, et securius instruat, quam Bernardum: cum iis præditus fuerit dotibus quæ doctorem integerrimum efficiunt, pietate scilicet haud vulgari, doctrina cœlitus infusa, et monasticarum rerum insigni peritiâ. Ex quo fit, ut ejus his de rebus sententia minime suspecta esse possit, sed omnino pia, certa, et omnibus ejusdem instituti sectatoribus amplectenda: adeo ut si optio nobis daretur, ut aliquis e cœlo delapsus id confirmaret, nullum potius auctorem, quam istum auscultare velle deberemus. Nunc vero eam debemus gratiam Carnotensibus Sancti-Petri monachis, qui sanctissimi Patris de proposita materia sententiam et doctrinam obtinuerunt: quod qua occasione, quove tempore acciderit, operæ pretium est investigare.

3. Quo tempore Udo abbas isti monasterio præerat, ejus loci monachi scripta epistola Bernardum consuluerunt, quænam esset Regula sancti Benedicti, ejusque statutorum obligatio. Bernardum cunctabundum iteratis litteris interpellant (nam binas Bernardus memorat, infra, nn. 57, 60) et quidem inconsulto, ut videtur, abbate: quæ causa fuit, ut Vir sanctus, qui eorum tandem obsecutus est voluntati, librum suum, non Gaufrido, quem huc perperam intrudunt vulgati indices, sed Rogerio ab anno 1131 ad annum 1158 abbati, monachisque Columbensibus ejusdem diœcesis et instituti, dirigeret; ut responsum suum in manus Carnotensium monachorum, citra conscientiam ipsorum abbatis, sicuti Regula cavet, ne perveniret. Epistolam epistolis duabus reddere Bernardus animo destinaverat: sed crescente materia, ex epistola factus est liber. « Proinde vos, » inquit n. 60, « si placet Librum, si placet » Epistolam nominatè: » et in epistola prævia ad Columbenses, « Liber, si judicatis, non » Epistola censeatur. Et quia inter multas quæstiones, quæ ibi a me solvuntur, id præcipue » subtilius utiliusque pertractatur, quænam liceat præcepta, et per quos, et quatenus dis- » pensari; detur ei titulus. De Præcepto et Dispensatione, nisi vobis aliud forte congruen-

» tius videatur. » Ex his verbis, imo ex toto libro intelligimus, hunc maxime monasteriorum prappositis necessarium esse, non solum ut sibi subditos instruant, sed ut ipsi etiam agnoscant, qualis sit penes se dispensandi auctoritas.

4. Quæ occasio Carnotenses monachos ad Bernardum consulendum impulerit, nobis incompertum. Nam toto Udonis abbatis regimine, quod ab anno 1128 ad annum fere 1150 productum est, nullas turbas apud eos excitatas invenimus. Quinimo Udonem abbatem cum suis monachis bene consensisse ex ipsius actis colligere licet. Ejus electionem (ut id obiter observemus) non solum magnus ille Gaufridus Carnotensium episcopus, sed etiam Matthæus Albanensis cardinalis et legatus, solenni edicto comprobavit, anno 1128; et ipse Gaufridus episcopus, cognomento de Leugis, census ex ecclesia S. Martini de Valle suburbana, S. Petri monasterio, abbatiae S. Joannis in Valleia, et leprosis debitos definivit, approbante Innocentio II et Theobaldo comite, « presente Udone S. Petri abbate, item, Andrea de Balda-  
» mento » de quo in Bernardi epistolis non semel « et Hugone S. Joannis de Valleia abbate,  
» domno Bernardo Claræ-Vallensi, Gualterio Priore S. Martini de Valle, Gosleno de  
» Leugis, fratre episcopi Gaufridi, et Gosleno de Leugis ejusdem nepote. Anno 1141, indict. ix,  
» epacta xx, concurrente iii, decimo quinto kalendas februarii. » Erat et alius Hugo de Leugis prappositus ecclesiae Carnotensis. Cæterum abbas Udo S. Petri armarii seu bibliothecæ libros, vetustate pene deletos, et plures a tineis corroso animadvertens, ratus « inhonestum  
» et indecorum » esse, « quod monasterium magnæ nobilitatis haberet armarium tantæ pau-  
» pertatis, » assensu capituli illud renovare aggressus est, assignando redditus ex singulis monasterii Obedientiis, ut armarius (sic bibliothecæ præfectum vocabant) singulis annis haberet, unde libros renovare vetustos, aut vetustis novos superaddere valeret. Id factum confirmatumque anno 1145, quo tempore Bernardus sequentem librum jam composuerat.

5. Hunc quippe Petrus Venerabilis, nuper de Hispaniis reversus, a Bernardo postulavit libri quarti epistola vigesima secunda, quæ Bernardi epistolæ ducentesimæ vigesimæ septimæ respondet, scriptæ sub annum 1143, ut suo loco probatum est. Petri verba huc adscribo ex fine prædictæ epistolæ: « Mittite, si placet, per presentium latorem, vel per alium, epistolam  
» illam vestram, quibusdam Carnotensibus monachis, ut mihi videtur, missam, responden-  
» tem de Regule præceptis, et de diversis monastici Ordinis usibus: quam Cluniaci semel  
» legi, sed nunquam postea ad relegendum habere potui. » Hoc in opusculo Gaufridus libro tertio de Vita Bernardi, capite octavo, « vigilem » sancti Doctoris « et circumspectam discre-  
» tionem » merito laudat; et id sane quivis sibi facile persuadeat, quisquis æquo animo hunc librum legerit, et cum sancti Thomæ Aquinatis sententia contulerit.

6. Neque enim (ut quibusdam videri possit) severior est Bernardi doctrina, sed sincera et maxime accurata: quam facile aliunde probare liceret, si non eam solidius fulciret dicentis auctoritas. Quatuor vero præcipua de corporalibus (quas vocat) sancti Benedicti Regule observantiis tradit piissimus Pater. Primum est, corporales istas observantias, non graves quidem illas (quales sunt abstinentia a carnibus, silentium nocturnum, tam severe a sanctissimo Legislatore præscripta), sed, exempli causa, « silentium indictum, » accedente præpositi mandato, si quominus observantur, « in peccatum reputari, non tamen in crimen, ita sane si per  
» subreptionem aut oblivionem, non per contemptum, horum transgressio contigerit, » n. 17; ita ut « nec sine offensa negligi, nec contemni sine crimine vel ipsa queant: » et, « obnoxium  
» faciant peccato, non magno tamen, si contemptus defuerit, » ibidem: denique « vix pec-  
» catum reputantur, » n. 18, præsertim cum « remedio penitentiae » sanantur. Nimirum quod hoc pacto monachus se contineat intra Regule limites, quæ dividitur in « Præcepta et Reme-  
» dia, » n. 32. Secundum est, ejusmodi transgressiones contemptu evadere peccata mortalia. « Elatio quippe contemnentis, atque impenitentis obstinatio, in minimis quoque mandatis,  
» culpam facit non minimam, et convertit in crimen gravi rebellionis nævum satis levem

» simplicis transgressionis, » n. 26. Tertium denique est, in eo differre contemptum a neglectu, « quod neglectus quidam languor inertiae est : contemptus vero superbiae tumor, » n. 18, « voluntatis superba contentio, » nolentis mandato acquiescere, n. 26. Denique « si » possumus et nolumus, superbi sumus, » n. 31, ac per hoc contemptus rei. « Non ergo, » inquit n. 26, « qualiscumque mandati præteritio criminalem facit inobedientiam; sed re- » pugnare, sed nolle obedire, » præsertim ubi et præceptum, et pœnæ remedium respuitur.

7. Et hæc omnino est sancti Thomæ doctrina 2, 2, quæst. 86, art. 9, tum in corpore, tum in responsione ad primum, in qua tres sunt partes: quarum prima est de observantiis Regulæ S. Benedicti; altera de observantiis, quarum transgressio ex conducto obligat ad veniale; tertia de statutis Ordinis fratrum Prædicatorum, quæ ex speciali quodam constituto ad pœnam tantum obligant. Prima pars sic habet: « Ad primum ergo dicendum, quod ille qui profite- » tur Regulam, non vovet servare omnia quæ sunt in Regula; sed vovet regularem vitam, » quæ etiam consistit in tribus prædictis principalibus votis. Unde et in quibusdam Religio- » nibus cautius aliqui profitentur, non quidem Regulam, sed vivere secundum Regulam, id » est tendere ad hoc, ut aliquis mores suos informet secundum Regulam, sicut secundum » quoddam exemplar. Et hoc tollitur per contemptum. » Et hæc est propria species Regulæ sancti Benedicti, teste etiam Bernardo n. 10. Secunda species ita exprimitur: « In quibusdam » autem Religionibus adhuc cautius profitentur obedientiam secundum Regulam, ita quod » professioni non contrariatur, nisi id quod est contra præceptum Regulæ, » id est præceptum proprie dictum, obligationem inducens: « transgressio vero vel omissio aliorum obligat solum » ad peccatum veniale: quia, sicut dictum est, hujusmodi dispositiones sunt ad principalia » vota: peccatum autem veniale est dispositio ad mortale. » Itaque in sententia sancti Thomæ transgressionem minorum observantiarum sunt dispositiones ad transgressionem principalium votorum; ac proinde culpæ veniales.

8. At demus etiam Regulam sancti Benedicti in minoribus observantiis obligare solum ad pœnam: videamus qua ratione sanctus Thomas hac de re sententiam suam explicet: « In ali- » qua tamen religione, fratrum scilicet Prædicatorum, transgressio talis, vel omissio ex suo » genere non obligat ad culpam, neque mortalem, neque venialem, sed solum ad pœnam » taxatam sustinendam; quia per hunc modum ad talia observanda obligantur: qui tamen » possent venialiter, vel mortaliter peccare ex negligentia, vel libidine, vel contemptu. » Ergo ex sancto Thoma, etiam in iis statutis quæ obligant ad solam pœnam, incurri potest venialis culpa « ex negligentia vel libidine, » imo et mortalis « ex contemptu. » Uno verbo, ejusmodi errorum qualitas pendet ex affectione animi, cujus negligentia vel prava dispositio nulla constitutione excusari potest, maxime ubi non fertur in unam quamdam observantiam, sed in totum corpus observantiæ regularis.

9. Ad hanc doctrinam illustrandam necessaria est responsio ad tertium, in qua contemptum ita explicat, « quod tunc committit aliquis vel transgreditur ex contemptu, quando volun- » tas ejus renuit subjici ordinationi legis vel regule » (quæ ipsissima est Bernardi doctrina), « et ex hoc procedit ad faciendum contra legem vel regulam. Quando autem e converso » propter aliquam particularem causam, puta concupiscentiam vel iram, inducitur ad ali- » quid faciendum contra statuta legis vel regulæ, non peccat ex contemptu, sed ex aliqua » alia causa, etiamsi frequenter ex eadem causa, vel alia, simile peccatum iteret. Sicut etiam » Augustinus dicit in libro de Natura et Gratia, quod non omnia peccata committuntur » ex contemptu superbiæ. Frequentia tamen peccati dispositive inducit ad contemptum. »

10. Itaque secundum mentem beati Thomæ, ex habitu seu consuetudine ejusmodi culpa- rum fit progressus in contemptum: qua in re non omnino consentire videtur cum Bernardo, qui ait n. 26, ejusmodi lapsus « per contemptum verti in usum et consuetudinem; » quasi contemptus gradus sit ad consuetudinem, non consuetudo ad contemptum. Et tunc, » inquit,

« non peccati species, » nempe levior graviore sit, « sed peccantis intentio pensatur. » Eandem sententiam fusius explicat in libro de Humilitate, capitibus 20 et 21. Verum alter cum altero recte conciliari potest, si dixerimus, Bernardum esse intelligendum de consuetudine obfirmata, a qua quis recedere nolit, neque se revocando ad mandatum, neque pœnam culpæ subire volendo; quo nonnisi contemptu perveniri potest: Thomam vero explicandum de consuetudine, quæ oritur ex fragilitate et commotione passionis, quam quis ex animo abjicere vellet, sed per infirmitatem non valet; quæ nihilominus consuetudo ad contemptum (nisi generose tandem ei resistatur) sensim pertrahit. Verum longius progredior: sed tamen (ut quidem existimo) non otiose, nec intempestive. Finio cum effato Joannis Saresberiensis in epistola ducentesima octogesima secunda: « Minima servata vitam acquirunt, et plerum- » que martyrii gloriam promerentur: neglecta vero ex crimine inobedientiæ et contemptus » æternam ingerunt mortem. » Cæterum sequentis opusculi editio Rotomagi primum facta est ante annum quingentesimum absque temporis nota, adjunctis libris de Consideratione, et Apologia ad Guillelmum, uti alias monuimus.

---



# DE PRÆCEPTO ET DISPENSATIONE

LIBER.

## EPISTOLA

AD ABBATEM COLUMBENSEM.

De opere sequenti.

Domno Abbati Columbensi, frater BERNARDUS  
abbas dictus de Clara-Valle, valere in Do-  
mino semper.

Rescriptum meum ad epistolas Carnoten-  
sium quorundam monachorum, vobis pri-  
mum, ut promiseram, destinare curavi : ubi  
et aliud quoque impletum est quod jussistis. B  
Nam cum breviter rescribere decrevissem, et  
epistolis epistolam tantum reddere velle cœ-  
pisssem; hortatu vestro in libri, ut cernitis,  
longitudinem protraxi stilum, ut et in pluribus  
plures possint ædificari. Quod opus cum a vo-  
bis perlectum fuerit; tunc non ipsis, ad quos  
factum est, sed eorum prius reddatur abbati :  
et sic demum ad ipsos, si jusserit abbas, per-  
veniat. Monachi enim sunt; et ex lege suæ Re-  
gulæ sine nutu sui abbatis sicut dare, ita et  
accipere datas prohibentur epistolas<sup>1</sup>. Nam et  
ob hoc maxime diu, sicut scitis, multum licet  
rogatus ab eis, respondere tardavi, quod (ut C  
mihi videbatur) ignorante abbate scribere illas  
epistolas, et mittere præsumpsissent. Nec falso  
id suspicatus sum, uti postmodum liquido com-  
peri. Ego cœpto operi (quod quidem legenti-  
bus apparebit) Epistolæ nomen indideram : sed  
quoniam pro nomine modum, vestro obviante  
mandato, ut promiseram, non servavi; Liber,  
si judicatis, non Epistola censeatur. Et quia in-  
ter multas quæstiones, quæ ibi a me solvun-  
tur, id præcipue subtiliusque pertracta-

<sup>499</sup> tur, quænam liceat præcepta, et per quos, et  
A quatenus dispensari; detur ei titulus, De Præ-  
cepto et Dispensatione : nisi vobis aliud forte  
congruentius videatur.

## PRÆFATIO

AD MONACHOS CARNOTENSES.

In tractatum sequentem.

Qua mente jam tacebo? qua fronte tamen  
loquar? Crebris epistolis et nuntiis cogitis me  
aut propriam prodere imperitiam, aut officium  
renuere charitatis. At ego malens sine illa quæ  
inflat, quam absque illa quæ ædificat, inve-  
niri; victus tandem precibus vestris, duris in-  
jicio nodis unguis teneros, et, ut vereor ego,  
non aliud quam terendos. Sed hoc incassum.  
Nam mea me, ut scribitis et præscribitis, tam  
absentis scripta, quam verba præsentis arguunt  
excusantem. Quis enim jam relinquitur mihi  
vel de impossibilitate causandi locus, præsertim  
apud vos, qui ex ore et ex corde meo satis cer-  
tum tenere vos creditis, quantum possim in  
talibus? Fidei proinde vestræ, non meo fidens  
ingenio, abyssum ingredior quæstionum; ne-  
sciens (Deus scit) qua emersurus. Præsto cha-  
ritas erit, utinam ita et veritas. Si quominus,  
excuset effectum defectus potius ingenii : vo-  
luntatem certe non culpabitis. Tentabo autem  
easdem, si potero, quæstiunculas sub episto-  
lari cunctas brevitate redigere, etsi non epi-  
stola brevi. Mirum siquidem non est, si fuero  
ego longior in exponendo : cum vos tantum  
eas ponendo, duas, et ipsas satis longas, epi-  
stolas texueritis.

<sup>1</sup> Reg. S. Benedicti, cap. 54.

## CAPUT I.

An monasticæ Regulæ instituta præcepta sint, an consilia duntaxat.

1. Prima igitur quæstio circa Regulam nostram versatur, de qua (ni fallor) et reliquæ omnes, aut pene omnes oriuntur. Quæritis nempe, Regularis illa institutio quomodo et quatenus sit pensanda profitentibus eam : utrum videlicet cuncta quæ continet, putanda sint esse præcepta, consequenter et damnosa transgredienti : an consilia tantum vel monita, et ob hoc nullius, aut non magni ponderis sit ipsorum professio; nullius, aut non gravis culpæ ipsorum prævaricatio : an certe quædam sint deputanda imperiis, quædam pro consiliis reputanda, quo partim ea liceat, partim non liceat omnino prætergredi. Et si hoc ultimum detur, distinguere a me tunc demum certos ac propriæ cujusque partis limites flagitatis : ne cui forte per varias sui sensus opiniones licentius vagandi detur occasio; sicque liquare culicem, et camelum glutire contingat, si nesciat quantum curæ vel operæ suæ quibusque debeat observantiis. Hic est, quantum recolo, totus vestræ illius partitionis sensus, etsi non verba. Quod autem subjungitis et pergitis inquirere de obedientia, quibus gradibus distinguatur, quibus claudatur limitibus; ad eandem arbitror pertinere divisionem, quippe quæ in decretis regularibus præcipua habetur : et puto, cum ad illam satis responsum fuerit, de ista jam nil supererit quod ambigatur.

2. Itaque, ut sentio ego, Regula sancti Benedicti omni homini proponitur, imponitur nulli. Prodest, si devote suscipitur et tenetur; non tamen, si non suscipitur, obest. Quod autem in voluntate est suscipientis, non in potestate proponentis; voluntarium merito dixerim, non necessarium. Attamen hoc ipsum quod dico voluntarium, si quis ex propria voluntate semel admiserit, et promiserit deinceps tenendum; profecto in necessarium sibi ipse convertit, nec jam liberum habet dimittere, quod ante tamen non suscipere liberum habuit. Ideoque quod ex voluntate suscepit, ex necessitate tenebit<sup>a</sup> : quia omnino necesse

<sup>500</sup> est eum reddere vota sua quæ distinxerunt labia sua, et ex ore suo aut condemnari jam, aut justificari. Cæterum felix, ut quidam sanctorum ait, necessitas, quæ cogit in melius<sup>1</sup>. Omnia proinde sancti Benedicti instituta, exceptis sane nonnullis de spiritalibus, verbi causa, charitate, humilitate, mansuetudine, quæ non tam ipsum constat instituisse quam Deum, et ob hoc penitus non esse mutanda; de cætero reliqua universa<sup>b</sup> non profitentibus quidem monita tantum, seu consilia censenda sunt, nec gravant non observata : cum tamen profitentibus in præcepta, prævaricantibus in crimina fiant, sive (ut vestra vobis reddam) illis voluntaria vel factitia, istis necessaria, et tanquam naturalia non immerito reputantur. Ita sane necessaria dixerim, ut ex eis minime præjudicetur necessariis rationabilibusque dispensationibus.

## CAPUT II.

In constitutionibus majorum quando et a quibus dispensandum.

3. Sed non omnibus in hujusmodi credita est dispensatio, nisi his duntaxat qui cum Apostolis dicere possunt : *Sic nos existimet homo ut ministros Christi, et dispensatores mysteriorum Dei*<sup>2</sup>. Novit autem fidelis servus et prudens, quem constituit Dominus super familiam suam, ibi tantum usurpare dispensationem, unde bonam possit habere recompensationem. Hoc quippe quæritur inter dispensatores, ut fidelis quis inveniatur. Et eadem fortasse fidelitas a subditis nihilominus exigitur in obtemperando, quæ a præpositis in dispensando. Constat igitur ex his quæ dicta sunt, vestram illam divisionem integram esse ac sufficientem, si modo personæ distinguantur et tempora, dum subjectis quidem sit omnis regularis institutio (quantum duntaxat ad corporales observantias pertinet) ante professionem voluntaria, post professionem necessaria : prælatis vero partim voluntaria, ut quæ inventa ab homine; partim necessaria, ut quæ fuerint divinitus instituta.

4. Quam ob rem fortassis tunc potissimum congrua et luculenta magis eadem divisio apparebit, si ejus membrum quod dictum est neces-

<sup>1</sup> S. Augustinus, epist. 127. — <sup>2</sup> I Cor. iv, 1.

<sup>a</sup> Alias, *jam tenebit*. — <sup>b</sup> « Corporales observantias » vocat n. 3 et sqq.

sarium, rursus in tria hæc subdividatur, Stabile, Inviolabile, Incommutabile. Et quidem A stabile dixerim, quod ita est necessarium, ut non cuilibet hominum illud mutare fas sit, nisi solis dispensatoribus mysteriorum Dei, id est præpositis, ut, verbi gratia, Regulæ sanctorum Basilii, Augustini, Benedicti, necnon et authentici canones, et si quæ sunt alia ecclesiastica instituta dignæ auctoritatis. Quæ quoniam a sanctis tradita sunt, sancita stabiliter perseverant, nec omnino cuivis subjectorum ea aliquo modo variare vel mutare conceditur. Quia tamen ab hominibus; etiam per homines, loco et officio illis canonica electione succedentes, B licite interdum innoxieque pro causis, personis, locis, et temporibus dispensantur. Ubi sane qui hæc legit, attendat me caute non dicere, ea posse vel ab istis leviter pro voluntate mutari: sed ex ratione fideliter dispensari. Ideo autem hanc ipsam mutationem taliter et a talibus recipere possunt, quoniam non naturaliter nec per se bona sunt.

5. Porro inventa atque instituta fuerunt, non quia aliter vivere non liceret, sed quod ita magis expediret; nec plane ad aliud, quam ad lucrum vel custodiam charitatis. Quamdiu ergo charitati militant, immobiliter fixa sunt, C mutarique omnino, ne ab ipsis quidem præpositis, sine offensa possunt. At si e contrario contraria forte aliquando charitati visa fuerint, his duntaxat quibus hoc posse videre datum est, et providere creditum est: nonne justissimum esse liquet, ut quæ pro charitate inventa fuerint, pro charitate quoque, ubi expedire videbitur, vel omittantur, vel intermittantur, vel in aliud forte commodius demutentur? Sicut e regione iniquum procul dubio foret, si statuta pro sola charitate, contra charitatem tenerentur. Tenent ergo fixam firmanque immobilitatem, etiam apud prælatos, quæ ex stabili necessario sunt: sed quatenus charitati deserviunt. Numquid autem hoc ego vel solus sentio, vel primus dico? An non hoc ipsum et papa Gelasius sensit? Ait siquidem: « Ubi necessitas non est, » inconvertibilia maneat sanctorum Patrum » decreta. » Leo quoque papa, « Ubi, » inquit,

« necessitas non est, nullo modo sanctorum » Patrum constituta violentur: » et infert, « Ubi ergo necessitas fuerit, ad utilitatem Ecclesie, qui potestatem habet, ea dispenset. Ex » necessitate enim fit mutatio legis. »

### CAPUT III.

Dispensationem in lege divina soli Deo reservatam esse. At quæ sunt legis æternæ, omnino etiam Deo esse immutabilia.

6. Necessarium deinde, quod Inviolabile nominavi, illud intelligo, quod non ab homine traditum, sed divinitus promulgatum, nisi a Deo qui tradidit, mutari omnino non patitur: ut, exempli causa, *Non occides*, *Non machaberis*, *Non furtum facies*<sup>1</sup>, et reliqua illius tabulæ legiscita<sup>2</sup>: quæ etsi nullam prorsus humanam dispensationem admittunt, nec cuiquam hominum ex his aliquid aliquo modo solvere, aut licuit, aut licebit; Dominus tamen horum quod voluit, quando voluit solvit, sive cum ab Hebræis Ægyptios spoliari<sup>3</sup>, sive quando prophetam cum muliere fornicaria misceri præcepit<sup>4</sup>. Quorum utique alterum quid nisi grave furti facinus, alterum quid nisi flagitii turpitudine reputaretur, si non excusasset utrumque factum auctoritas imperantis? Sane ubi simile aliquid aliquando a sanctis hominibus fuisse legitur usurpatum, Scriptura non indicante quod Deus ita præceperit; aut eos peccasse fatendum est, sicut homines: aut certe, sicut prophetas, familiare Dei consilium accepisse. Unde et unum exemplum pono quod occurrit de Samson, qui se ipsum una cum hostibus opprimens interfecit<sup>5</sup>. Quod utique factum si defenditur non fuisse peccatum, privatum habuisse consilium indubitanter credendus est, etsi de Scriptura hoc D non habemus\*.

7. Jam vero necessarium Incommutabile quid accipi velim? Equidem nil congruentius, quam quod divina ita constat et æterna ratione firmatum, ut nulla ex causa possit, vel ab ipso Deo, aliquatenus immutari. Sub hoc genere est omnis illa Sermonis dominici in monte habiti

<sup>1</sup> Exod. xx, 13-15. — <sup>2</sup> Id. iii, 22. — <sup>3</sup> Osee i, 2. — <sup>4</sup> Judic. xvi, 30.

<sup>5</sup> Nempe si qua alia sunt, quorum actus internus ab inordinata animi dispositione separari potest, ut in furto et homicidio, ubi factum ipsum divinam dispensationem admittit, non prava animi affectio. Alias Bernardus a se ipse dissentiret, a quo inter immutabilia censetur num. seq. « omnis illa Sermonis dominici in monte habita traditio: » quo in Sermone interdicta est mulieris cujusvis prava concupiscentia. Eodem spectat falsum testimonium.

spiritualis traditio, et quidquid de dilectione, humilitate, mansuetudine, cæterisque virtutibus, tam in Novo, quam in Veteri Testamento spiritualiter observandum contraditur. Hæc quippe talia sunt, quæ nec liceat, nec expediat aliquando non haberi. Eo siquidem immobilitate, quo et naturaliter bona, nunquam nisi innocenter, nunquam nisi salubriter aut imperantur, aut observantur. Omni tempore, omni personæ, mortem contempta, custodita salutem operantur. Primam ergo necessitatem sua cuique facit in promittendo voluntas; secundam, præcipientis auctoritas; tertiam, præcepti dignitas.

8. Differunt autem, ut jam dictum est, quibusdam a se invicem gradibus tres istæ necessitates, nec una omnes sequitur immutabilitatis firmitas. Nam ex prima quidem quod efficitur, etsi non penitus immutabile, tamen vix mutabile esse constat: dum solis illud liceat mutare prælatis, et hoc non nisi fideli et provida dispensatione. Quod vero fit ex sequenti, quæ et major ista, est pene jam incommutabile. Soli quippe Deo esse mutabile superius demonstratum est. Porro quod de novissima fit, tanquam omnium maxima, omnino incommutabile est, utpote quod ne ipsi quidem Deo mutare liberum est. Quod igitur nulli hominum fas est, nisi solis mutare prælatis, dici vix mutabile congrue potest: quod soli constat licere Deo, dicatur pene immutabile: quod ne ipsi quidem, penitus immutabile nominetur.

#### CAPUT IV.

Quid prælatis circa dispensationem Regulæ liceat.

9. Quæ cum ita sint, ut ad ea redeam, de quibus potissimum quæritur, patet quod magna ex parte regularis traditio subest ejus qui præest, etsi non voluntati, certe discretioni. Sed dicitis: Quid ergo relinquitur necessitati? Audite: quamplurimum. Primo quidem quidquid de spiritualibus in ipsa Regula traditum est, in manu abbatis (ut supra taxatum est) nequaquam relinquitur. Deinde reliqua pars, quæ in corporalibus constat observantiis, ne ipsa quidem in ejus ita voluntate posita est, ut ejusdem deserviat voluntati, sed magis charitatis. Neque enim abbas supra Regulam est, cui

semel et ipse spontanea se professione submisit, A etsi (quod negandum non est) Dei regula charitas Regulæ sancti Benedicti jure præponitur. Esto proinde ut interdum Regulæ littera cédât pro tempore charitati, cum ratio necessitatis\* exegerit: absit tamen ut hominis cujuspiam subdatur voluntati. Super fratrum sane transgressionem, non super Patrum traditiones constituitur qui abbas eligitur, mandatorum cultor, et ultor vitiorum. Arbitror namque sanctas illas observantias prælatorum prudentiæ et fidei creditas, non subditas voluntati. Hinc est quod idem legislator in his quæ abbati dispensanda reliquit, caute nusquam (ut memini) voluntatem, sed aut considerationem, aut dispositionem, aut providentiam, aut certe arbitrium, seu aliquid hujusmodi ponit: volens nimirum providum fidumque dispensatorem, rationis, ubi forte dispensat, sequi judicium, non suæ placitum voluntatis. Unde et intimat ei non semel, quod de omnibus judiciis suis Deo redditurus sit rationem.

10. Lego profecto in Regula, « Hæc consideratio ratio penes abbatem sit; » et hoc vel illud esse in providentia, vel arbitrio, seu dispositione abbatis<sup>1</sup>. Ut autem pro sua voluntate aliquid mutet, me ibi legisse non recolo: quinimo, « In omnibus, » inquit, « omnes magistrum sequantur Regulam, nec ab ea temere devietur » a quoquam. » Ergo nec ab ipso abbate. « Omnes, » inquit, « magistrum sequantur Regulam. » Nemo ergo suam voluntatem: ubi sane nec abbatem excipi puto. Videtis quantum necessitati tribuitur, subtrahitur voluntati? Quid etiam? Nonne regularis ipsa professio, qua se junior subdit sponte Priori, æque alligat et Priorem? Communis equidem pacti pari reor utrumque necessitate teneri, fierique duos per unius sponsonem ad alterutrum debitores: fidelis curæ unum, alterum humilis obedientiæ. Quidnam igitur jam voluntati relinquitur, ubi et prælatus debiti necessitate tenetur? Sed et de hoc item non parum prælati præscribitur voluntati, quod is qui proficitur, spondet quidem obedientiam, non tamen omnimodam, sed determinate secundum Regulam; nec aliam, quam sancti Benedicti: ut oporteat eum qui præest, non frena suæ laxare voluntati super subditos, sed præfixam ex Regula sibi scire mensuram; et sic sua demum imperia moderari

<sup>1</sup> S. Benedicti Reg. cap. 3.

circa id solum, quod rectum esse constiterit; <sup>801</sup> nec quodlibet rectum, sed hoc tantum quod A prædictus Pater instituit, aut certe quod sit secundum quod instituit. Sic se quippe habet professio. « Promitto, » non quidem Regulam, sed, « obedientiam secundum Regulam sancti » Benedicti. » Non ergo secundum voluntatem præpositi. Proinde si professio secundum illam Regulam abbas meus mihi aliud forte imponere tentaverit quod non sit secundum Regulam, aut etiam quod non sit secundum ista instituta, verbi causa, Basilii, Augustini, Pachomii : quænam mihi, quæso, in hac re necessitas imminet obsequendi? Solum quippe id a me posse B exigi arbitror, quod promisi \*.

## CAPUT V.

Legem obedientiæ non esse extendendam a prælatis ultra limites professionis, neque citra contrahendam.

11. Videtis ergo jam obedientiæ limites, quos requiritis. Si modus est obediendi tenor professionis; nec se valeat extendere potestas imperantis, nisi quatenus attigerit votum profitentis : profecto citra, et ultra, necnon etiam contra, quid aliud quam obedientiæ limites C quosdam circumscribam, et his suis terminis virtutem eandem circumcludi? Quamobrem quisque professus in quovis genere salutiferæ vitæ, nec ultra obedientiæ lege \* cogendus, nec citra est inhibendus, quam sua ipsius videtur completi professio. Quanto minus contra? Is ergo qui medius est vitæ modus, præfixus voto, professione firmatus, tanquam lignum quod erat in medio paradisi, solus sine dubio legi erit subjectus, obnoxius jussioni. Ergo prælati jussio vel prohibitio non prætereant terminos professionis. Nec ultra extendi potest, nec contrahi citra. Nil me prælatus prohibeat horum D quæ promisi, nec plus exigat quam promisi. Vota mea nec augeat sine mea voluntate, nec minuatur sine certa necessitate. Necessitas quippe non habet legem, et ob hoc excusat dispensationem. Voluntas vero, quia sola meretur retributionem, etiam sola non immerito gradum altiorem usurpat. Alioquin et absque necessitate remissio voti, non dispensatio, sed prævaricatio est : et restrictio contra voluntatem, murmur est, non profectus. Ponant ergo præpositi

metam obedientiæ subjectorum ex votis laicorum ipsorum, non suorum desideriorum : monentes eos, non cogentes ad celsiora; condescendentes eis, cum necesse fuerit, ad remissiora; non cadentes cum eis.

## CAPUT VI.

Religiosum perfectionis cupidum non debere obedientiam intra certos professionis limites constringere.

12. Cæterum subjectus hujuscemodi obedientiam, quæ voti finibus cohibetur, noverit imperfectam. Nam perfecta obedientia legem nescit, terminis non aretatur : neque contenta angustiis professionis, largiori voluntate fertur in latitudinem charitatis, et ad omne quod injungitur spontanea, vigore liberalis alacrisque animi, modum non considerans, in infinitam libertatem extenditur. Hæc est illa de qua signanter apostolus Petrus, *Castificantes*, inquit, *corda vestra in obedientia charitatis* <sup>1</sup> : pulchre ipsam per hoc sequestrans ab illa inerti et servili quodammodo obedientia, nec charitati prompta, sed obnoxia necessitati. Hæc justius illius, cui lex posita non est <sup>2</sup>, propria est : non quod vel ille perfectus vivere debeat sine lege, sed quia non sit sub lege; minime quippe contentus voto suæ cujuscumque professionis, quam superat animi devotione. Quanquam nec ista \* Regula ipsa tacuerit, ubi monet, si fratri impossibilia injunguntur, « ut confidens de adjutorio Dei, obediat ex charitate <sup>3</sup>. » In eadem denique Regula tertius humilitatis describitur gradus, « ut omni obedientia monachus se » subdat majori <sup>4</sup> ! » Dicens quippe « omni, » non vult nos in obediendo mensura esse contentos professionis, non attendere promissi debitum, non de pacto sumere modum; sed transire alacriter etiam votum, et obedire in omnibus. Est sane quidam obedientiæ limes, secundum tempus, ipsa temporis extremitas, ut is sit terminus obedientiæ, qui et vitæ. Hunc nobis maxime Unigeniti Dei commendat exemplum, qui factus est Patri obediens usque ad mortem. Hæc ergo quoties interrumpitur, inobedientia dicitur, et peccatum, et transgressio seu prævaricatio.

<sup>1</sup> I Petr. 1, 22. — <sup>2</sup> I Tim. 1, 9. — <sup>3</sup> Reg. S. Benedicti, cap. 68. — <sup>4</sup> Ibid. cap. 7.

## CAPUT VII.

Obedientiæ gradus, et inobedientiæ gravitas quomodo noscenda, juxta distinctiones præmissas.

13. Sed interest sane qua causa, quo affectu, qua intentione, quo præcipiente, in quove præcepto malum hoc committatur. Et quidem nullam prorsus inobedientiam dico parvi ducendam, non tamen omnem pari æstimandam periculo. Enimvero mandatum Dei est, *Non occides*<sup>1</sup>. Fac ergo duos homicideas, et unum quidem spoliandi cupiditate, alterum vero necessitate sese defendendi facinus perpetrasse<sup>2</sup>. An non hic satis evidenter inter lepram et lepram causa separat, faciens utique disparem valde culpam unius ejusdemque transgressionis? Quid vero si hunc subita ira, illum studiosa malitia, aut vetus odium forte ad idem scelus impulerit? namquidnam simili pensandum erit judicio, quod tam dissimili factum constabit affectu? Nil deinde incestius obsceniusve, quam illas filias Lot paternum usurpasse concubitus<sup>3</sup>: et tamen quis non videat, quantum evacuarit aut attenuaverit turpis nefandique reatum flagitii pietas intentionis, et intentio pietatis? Jamvero de illo qui præcipit, et item de eo quod præcipitur, hujuscemodi advertenda erit secundum rationem distinctio, ut cujus inter præceptores reverentior nobis imminet auctoritas, ejus gravior formidetur offensio; ac majoris cujusque mandati transgressio, damabilius æstinetur. Melius siquidem est obedire Deo, quam hominibus; et in ipsis melius magistris, quam condiscipulis; porro in magistris, melius nostris, quam extraneis. Quibus autem melius constat obedire, ipsis procul dubio et non obedire detestabilius est.

14. Et de mandatis similiter. Majoribus quippe major, minoribus minor opera nostra et cura debetur: de quorum etiam contemptu, juxta eandem considerationem, gravior leviorve offensa contrahitur. Porro majora minoraque mandata dixerim, secundum quod magis minusve velle constiterit ipsum qui præcipit, sive hominem, sive Deum. Est, verbi gratia, mandatum, *Non furaberis*<sup>3</sup>; et est mandatum, *Omni petenti te da*<sup>4</sup>. Utrumque quidem ma-

gnum, quoniam utrumque divinum: sed de non a furando majus. Quis enim nesciat æquissimo Deo non æque displicere tenaces, atque fures; et quia de duobus malis plus velit nos tenere nostra, quam tollere aliena; et ita minus peccare qui non tribuit sua, quam qui non sua furatur?

15. Sed et in mandatis hominum rara æqualitas invenitur, cum pro variis necessitatibus vel utilitatibus agendorum, injungentium affectio varietur; quodque putaverint rectius vel commodius, hoc amplius cupiant et exigant observari. Tam ergo qualitas præceptorum, quam auctoritas præcipientium, et obedientiæ præfigit metam, et inobedientiæ terminat culpam: quando (ut dictum est) in prælatis quibusve gravioris auctoritatis, et eorum mandatis quibusque majoris utilitatis, quo diligentior debetur obsequendi cura, eo et culpa gravior incurritur de contemptu.

16. His itaque distinctionibus animadversis, et obedientiæ modus, et pondus inobedientiæ facile reperitur. His gradibus non solum inter diem et noctem, hoc est obedientiæ bonum et inobedientiæ malum, discernitur; sed etiam inter diem et diem; itemque inter noctem et noctem: inter bonum videlicet et melius, inter malum et pejus. Bonus quidem obedientiæ gradus est, si juxta magistri nostri sententiam, propter metum gehennæ, sen propter professionem sanctam, quam professus est, quispiam obedierit<sup>5</sup>: melior tamen cum ex Dei amore obeditur. Illa quippe obedientia necessitatis est, ista charitatis. Illam autem optimum dixerim obedientiæ gradum, cum eo animo injunctum opus recipitur, quo et præcipitur. Cum enim ex voluntate jubentis pendet intentio exsequentis, fit ut nec majus minoribus, nec minus majoribus confuse (ut assolet) ad implendum quod injungitur, subjecti studium impendatur; sed moderante animo quæque pro sua dignitate imperia, modum sciati utrobique servare, tam in observando videlicet jussa, quam in cavendo prohibita: non quod vel minimum horum quæ jubentur, contemnendum putet, etsi tamen minimum quod minimum est, reputet; sed minimum ex comparatione majorum. Novit verus humilisque obediens et minima non contemnere, et maxime curare quæ

<sup>1</sup> Exod. xx, 13. — <sup>2</sup> Gen. xix, 32-36. — <sup>3</sup> Exod. xx, 15. — <sup>4</sup> Luc. vi, 30. — <sup>5</sup> S. Benedicti Reg. cap. 5.

<sup>a</sup> Quid de hujusmodi homicida sentiat Bernardus, ipse explicat intra in opusculo 6, Ad Milites Templi, n. 2.

maxima sunt, intimo quodam devoti sincerique<sup>506</sup> animi sapore discernens, quibus de mandatis ei qui præest, suis quodammodo factis respondeat cum propheta : *Tu mandasti mandata tua custodiri nimis*<sup>1</sup>. Ubi quia non dicit universaliter omnia, illa tantum oportet intelligi, quæ quoniam non sine grandi culpa quacumque occasione violantur, ideo non sine grandi pœna quomodocumque violata donantur; ut puta, *Non occides*, et si qua hujusmodi sunt : quorum nunquam potest esse observatio injusta vel mala; nunquam bona licitave transgressio dispensatione duntaxat humana.

### CAPUT VIII.

Gravius peccari legum contemptu, quam neglectu.

17. Cætera quæ vel a præpositis dispensationem admittunt, quia leviori censura neglecta puniuntur, leviora dicuntur. Ex his, verbi gratia, dico esse vel risum interdictum, vel indictum silentium. Hæc siquidem si contra mandatum non veniunt, nec peccata sunt. Accedente mandato, si quominus jam observantur, in peccatum reputantur, non tamen in crimen; ita sane, si per subreptionem aut oblivionem, non autem per contemptum horum transgressio contigerit. Media quippe sunt, e quibus illa videlicet præcepta constituuntur, quæ vos factitia nominatis, longe utique disparem a naturalibus, quantum in ipsis est, gerentia necessitatem : cum tamen nec sine offensa negligi, nec contemni sine crimine vel ipsa queant, injuncta ab his duntaxat quibus proprie dicitur, *Qui vos audit, me audit; et qui vos spernit, me spernit*<sup>2</sup>. Licet namque ipsa per se injuncti operis qualitas innoxia sit; adjunctæ tamen auctoritatis pondus obnoxium mandato, mandatumque peccato obnoxium facit, non magno tamen, si contemptus defuerit.

18. Hæc ergo generalis regula sit universorum, quæ per se, aut propter se nec bona, nec mala sunt, aut divina institutione, aut propria cujusque professione fixa non sunt; ut non jussa quidem, licite utrumlibet vel admittantur, vel omitantur : jussa vero, sine culpa non negligantur, sine crimine non contemnantur. Ubi que enim et culpabilis neglectus, et contemptus

damnabilis est. Differunt autem, quod neglectus quidem<sup>3</sup> languor inertie est, contemptus vero superbiæ tumor. Porro contemptus in omni specie mandatorum pari pondere gravis, et communiter damnabilis est : neglectus autem in fixis gravior, tolerabilior in mobilibus mandatis. Siquidem adulterium quocumque modo, quocumque perpetres animo, turpe flagitium est, ac criminale peccatum : cum tamen leve verbum, in tempore vel loco silentii forte per oblivionem subreptum, risusve per impetum magis excussus, quam præsumptus contra præceptum (quod utique animi negligentis, aut dissoluti spiritus indicium est), eo facillime veniam promereatur, quo vix vel peccatum reputatur. Quid, quod scienter et ex deliberatione in verba otiosa, silentio licet non indicto, lingua laxatur? numquid hoc tamen neget quispiam usurpari contra regulam Veritatis? unde nimirum et ratio exigenda est in futuro judicio, Judice ipso terrificæ admodum comminante, quia de omni verbo otioso reddent homines rationem in die judicii<sup>3</sup>. Heu nobis! quænam poterit reddi ratio de otio? Alioquin otium non est, si non omnino ratione vacuum est. Et tamen quis nesciat unum detractionis verbum, quantum etiam innumeris talibus, id est otiosis, præponderet ad delictum meritumque damnationis? Quid ita? Videlicet quia discretio est in mandatis, consequenter et in culpis : ut (sicut dixeram) majorum gravior, leviorque minorum censeatur transgressio mandatorum.

### CAPUT IX.

Prælato tanquam Deo obediendum esse.

19. Sed mandantium non ita. Sive enim Deus, sive homo vicarius Dei, mandatum quodcumque tradiderit; pari profecto obsequendum est cura, pari reverentia deferendum<sup>b</sup>, ubi tamen Deo contraria non præcipit homo. Quod si contigerit, pergendum indubitanter consulo in Petri apostoli sententiam : quia *obedire oportet Deo magis quam hominibus*<sup>4</sup>. Aut enim hoc respondendum cum Apostolis, aut cum Phariseis certe audiendum : *Quare et vos transgredimini mandatum Dei propter traditiones vestras*<sup>5</sup>? Si autem dolet se contemni magister homo præ-

<sup>1</sup> Psal. cxviii, 4. — <sup>2</sup> Luc. x, 16. — <sup>3</sup> Matth. xii, 36. — <sup>4</sup> Act. v, 29. — <sup>5</sup> Matth. xv, 3.

<sup>a</sup> Fortasse, *quidam*. — <sup>b</sup> Vide et confer nn. 21, 22 et 29, atque sermonem 42 in Cantica, n. 2.

illo, qui docet hominem scientiam; consoletur illa, quam et vos posuistis, Samuelis sententia, qua inter lepram et lepram videtur discernere sic: *Si peccaverit vir in virum, propitius ei poterit esse Deus; si autem in Deum peccaverit, quis orabit pro eo* <sup>1</sup>? Ego igitur si me hoc angusticulo sentiam, ut aut Deum, aut hominem offendere necesse sit; Deum potius libenter eligo non offendere, et quidem tutius justiusque. Habeo nempe ex præsentis prophetæ capitulo de hominis læsione meam consolationem, Dei scilicet propitiationem. Cæterum Deo offenso, quis orabit pro me? si ad hominem confugero, id quidem Scriptura non consulit; quinimo, *Maledictus*, ait, *qui spem ponit in homine* <sup>2</sup>. Merito proinde. Si autem in Deum peccaverit, etiamsi subintelligatur Propter hominem, *quis*, inquit, *orabit pro eo*? Neuter equidem. Nam et a quo offenditur, et ob quem offenditur, æque utriusque oratio execeranda decernitur apud ipsum qui offenditur, hoc est apud Deum. Talis ergo requirendus est ad orandum, qui sit idoneus ad placandum. Porro culpam, si qua est, quod homo offenditur cum ei non obeditur, aut multum extenuat, aut penitus annullat causa melior. Quapropter cum dicitur, *Si peccaverit vir in virum*, subaudiendum est, Propter Deum: quod nullatenus læsio cuiuscumque proximi, nedum prælati, excusetur a culpa, si solus defuerit in causa Deus. Alioquin Paulo contradicit, qui ait: *Sic enim in fratrem peccantes, in Christum peccatis* <sup>3</sup>. Nam de præpositis certum tenemus ipsius Veritatis testimonium, sic loquentis ad ipsos: *Qui vos spernit, me spernit* <sup>4</sup>. Sed et de quolibet fratre, *Nolite*, ait, *contemnere unum ex his pusillis*; et, *Qui scandalizaverit unum ex his pusillis* <sup>5</sup>: quod sequitur, avertat Deus a nobis.

20. Sed non omnium scandala æqua sunt lance pensanda. Aliter namque accipienda sunt scandala pusillorum, aliter Phariseorum, de quibus Apostolis timentibus et intimantibus, quod scandalizati essent in sermone Veritatis, responsum est: *Sinite illos; cæci sunt, et duces cæcorum* <sup>6</sup>. Illorum quippe scandalum de ignorantia, istorum de malitia descendit. Illi scandalizantur, quia veritatem nesciunt; isti, quia oderunt. Unde et pusillos illos arbitror appel-

lari, quod voluntatis quidem bonæ, sed non magnæ scientiæ existentes, zelum Dei habeant, sed non secundum scientiam. Taliū scandala curam, non iram provocare solent spiritualium duntaxat virorum, Paulo ita docente: *Vos qui spirituales estis, huiusmodi instruite in spiritu lenitatis* <sup>7</sup>. Indignum siquidem est valde, humanam eos mereri indignationem, qui divinam tam facile consequuntur miserationem. Nam hi quoque qui Dominum crucifixerunt, magni quidem peccatores, sed pusilli aestimatores, etsi ex uno iram, numquid non tamen ex altero veniam meruerunt? Beati quidem fuissent, si juxta verbum Domini in ipso scandalizati non essent <sup>8</sup>. Nunc vero quid nisi miseri? Sed tamen et miserandi. Probat hoc pia illa in cruce patientis, sed nihilominus compatientis supplicatio: *Pater*, inquit, *ignosce illis*. Et quasi quæreretur indulgentiæ ratio in tam horrendo facinore, sequitur: *quia nesciunt quid faciunt* <sup>9</sup>. Ac si diceret: Eo digni venia, quo et pusilli scientia sunt. Ideo ignosco illis, quia non agnoscor ab illis. *Si enim cognovissent, nunquam Dominum gloriæ crucifixissent* <sup>10</sup>. Sunt quibus non ita ignosco, quos utique non ignoro et vidisse, et odisse et me, et Patrem meum. Pro huiusmodi pusillo in scientia terrens Paulus cum, qui cum habeat scientiam, nescit tamen condescendere infirmioribus, *Et peribit*, inquit, *in tua scientia frater, pro quo Christus mortuus est* <sup>11</sup>.

21. Quod si tantopere cavenda sunt scandala parvulorum, quanto amplius prælatorum? quos sibi Deus æquare quodammodo in utraque parte dignatus, sibi met imputat illorum et reverentiam, et contemptum, specialiter contestans eis: *Qui vos audit, me audit; et qui vos spernit, me spernit*. An non denique hoc ipsum et Regula nostra perhibet, ubi ait: « Obedientia quæ majoribus præbetur, Deo exhibetur <sup>12</sup>? » Quamobrem quidquid vice Dei præcipit homo, quod non sit tamen certum displicere Deo; haud secus omnino accipiendum est, quam si præcipiat Deus. Quid enim interest, utrum per se, an per suos ministros, sive homines, sive Angelos, hominibus innotescat suum placitum Deus? Sed homines, inquis, facile falli in Dei voluntate de rebus dubiis percipienda, et in præcipienda fal-

<sup>1</sup> I Reg. II, 25. — <sup>2</sup> Jerem. XVII, 5. — <sup>3</sup> I Cor. VIII, 12. — <sup>4</sup> Luc. X, 16. — <sup>5</sup> Matth. XVIII, 10, 6. — <sup>6</sup> Id. XV, 14. — <sup>7</sup> Galat. VI, 1. — <sup>8</sup> Matth. XXI, 6. — <sup>9</sup> Luc. XXIII, 34. — <sup>10</sup> I Cor. II, 8. — <sup>11</sup> Id. VIII, 11. — <sup>12</sup> S. Benedicti Reg. cap. 5.



lere possunt. Sed enim quid hoc refert tua, cui <sup>309</sup>gula quæ injunguntur, exigere de quibusque conscius non es? præsertim cum teneas de Scripturis, quia *Labia sacerdotis custodiunt scientiam, et legem ex ore ejus requirunt: quia angelus Domini exercituum est* <sup>1</sup>. Requirunt, dixerim, legem, non quam vel authentica ulla scriptura tradiderit, vel ratio manifesta probaverit (de hujusmodi quippe nec præceptor expectandus, nec prohibitor auscultandus est); sed quod ita latere aut obscurum esse cognoscitur, ut in dubium venire possit, utrumnam Deus sic, an aliter forte velit, si non de labiis custodientibus scientiam, et ex ore angeli Domini exercituum certum reddatur. A quo denique divina potius consilia requirentur, quam ab illo cui credita est dispensatio mysteriorum Dei? Ipsum proinde quem pro Deo habemus, tanquam Deum in his quæ aperte non sunt contra Deum, audire debemus.

22. Nec sane contraria loquimur sancto prophætæ Samueli, quasi nos in hac parte divinam hominibus tribuentes auctoritatem: cum ille in supra memorato capitulo plane discernere inter utrumque videatur. Siquidem quod nos asserimus de dubiis, hoc ille negat de manifestis: ut cum ait, *si peccaverit vir in virum*, subaudiat, Propter Deum; cui aperte contraria homines hominibus frequenter mandare præsumunt. Sed hinc vos sumentes materiam sive occasione argumentandi, asseritis, si hoc constiterit, ut jussa hominum quælibet, vel instituta, divinæ auctoritatis pondere æstimanda sint; hominem sub homine, aut vix, aut nequaquam posse salvari, cum in tanto populo\* mandatorum, quæ prælati etiam per incuriam sæpe præcipiunt, interdum non prævaricari, aut difficile admodum, aut omnino impossibile videatur.

## CAPUT X.

Obedientiam non esse gravem et molestam, nisi imperfectis, invitis, et carnalibus; cæteris suavem et facilem.

23. Et quidem non nego difficultatem tantæ inesse perfectioni: sed cum ipsa corde imperfecto præsumitur. Porro imperfecti cordis, et infirmæ prorsus voluntatis indicium est, statuta seniorum studiosius discutere, hæerere ad sin-

A rationem, et male suspicari de omni præcepto, cujus causa latuerit; nec inquam libenter obedire, nisi cum audire contigerit quod forte libuerit, aut quod non aliter licere seu expedire monstraverit vel aperta ratio, vel indubitata auctoritas. Delicata satis, imo nimis molesta est hujusmodi obedientia. Non plane hæc illa est quæ ex Regula traditur, « Obedientia sine mora <sup>2</sup>. » Disputare profecto hoc est in astu cordis, non in auditu auris obedire. Istiusmodi ergo carnalem animam non modo premi, sed etiam opprimi pondere præsumptæ perfectionis necesse est: quia non potest portare caro infirma, quod solus spiritus promptus experitur jugum esse suave et onus leve. Christi quippe jugum et onus est, et omnino importabile, nisi Christi æque spiritui. Huic itaque si dicitis legem Regule subintrasse, ut abundaret delictum, verum dicitis. Cæterum hoc culpa non est datæ legis, aut dantis legem, sed improvide profitentis, et impie prævaricantis. Mandatum quidem sanctum et justum: sed tu te noris esse carnalem, venundatum sub peccato <sup>3</sup>. Verum hoc ante prævidisse debueras, quo turris hujus evangelicæ non prius jaceres fundamentum, quam sedens computares, si haberes sumptus ad perficiendum. Nunc autem quid restat, nisi ut aut correctus obedias senioribus, aut confusus audias ab illusoribus: *Hic homo cepit ædificare, et non potuit consummare* <sup>4</sup>.

24. Sed forsân dicitis: Ergone ita perfectus quispiam invenitur, cui non vel minimum aliquid interdum subripiatur de tam multis ac minutis, quæ passim vel a negligentibus præpositis imperantur? Minime quidem cuiquam hoc ego dederim, cum ipsi quoque de se fateantur Apostoli, *In multis offendimus omnes* <sup>5</sup>; et, *Si dixerimus quia peccatum non habemus, ipsi nos seducimus* <sup>6</sup>. Sed non continuo ut aliquid præterimus, perimus: præsertim cum nos Scriptura consoletur, *Si quis peccaverit, inquit, advocatum habemus Jesum Christum justum; et ipse est propitiatio pro peccatis nostris* <sup>7</sup>. Denique propheta de ipso testatur, quod pro transgressoribus rogaverit, ut non perirent <sup>8</sup>. Ubi sane notandum, quia etsi pro transgressoribus, non tamen pro contemptoribus legitur supplicasse. Verum illi quomodo perire possunt.

<sup>1</sup> Malach. II, 7. — <sup>2</sup> Reg. S. Benedicti, cap. 5. — <sup>3</sup> Rom. VII, 12, 14. — <sup>4</sup> I Thim. XIV, 28-30. — <sup>5</sup> Jacobi III, 2. — <sup>6</sup> I Joan. I, 8. — <sup>7</sup> I Id. II, 1, 2. — <sup>8</sup> Isai. LIII, 12.

pro quibus Salvator rogat, ne pereant? Quam-<sup>510</sup>obrem non video, cur ita omnem inobedientiam et transgressionem vel minimorum quorumlibet mandatorum exaggerandam putaveritis, ut exclamaretis : Quod ergo jam monacho poterit veniale peccatum esse vel leve, cujus universæ actioni crimen insidiatur inobedientiæ? Sed hoc inde videlicet constare creditis, quod prælatorum jussionibus tantum tribuendum assentitur, quantum si divinitus traderentur. Quasi vero et ipsa evangelica præcepta non multum inter se discrepent, et merito observationis, et transgressionis periculo.

## CAPUT XI.

Præcepta esse imparia, adeoque transgressionem.

25. Cæterum sicut non omnia unius esse constat vel necessitatis, vel utilitatis, vel dignitatis : sic non una de omnium transgressione fertur sententia, nec paria manent discrimina dispares culpas. Porro nec pari culpa negliguntur, quæ non pari cura præciuntur; nec pari proinde poena puniuntur. Ecce enim Evangelium tam flagitium crapulæ, quam fornicationis turpitudinem damnat. Verum quis magis non horreat e duobus malis, turpitudine fœdari, quam cibo exsaturari? Nonne denique Veritas in Evangelio sub nominibus trabis et festucæ<sup>1</sup>, graves levesque discernit inobedientiæ culpas? Nonne ipsa disputante, in eo definiente, gradatim nobis distinguitur, quæ cuique reatui poena debeatur, dum alium iudicio, alium consilio, alium et gehenna reum esse protestatur<sup>2</sup>? Quænam ergo consequendi necessitas cogit, ut si magistris divina detur in suis præceptis auctoritas, nullum ideo jam monacho leve aut veniale peccatum inveniri posse putetur; et quod ejus universæ actioni crimen insidiatur inobedientiæ? Esto, sit crimen, cui pœnalis illa gehenna vel gehennalis poena assignatur : quale, quæso, illud definiamus esse crimen, quod, Veritate iudice, reum tantum facit iudicio? Nec tamen diffitebimur esse reatum, quod vel hætenus reum statuit. Quod si reatum, et peccatum. Porro omne peccatum contra Dei mandatum præsumitur. Quod autem contra mandatum præsumitur, inobedientia dicitur.

26. Hinc colligitur, quod irasci fratri, et in-

venitum est monacho leve ac veniale peccatum, quodque non humani, sed divini mandati statuat transgressorem. In hoc genere transgressionis sunt nonnulla stultiloquia seu vaniloquia, et quæque otiose dicta, facta, et cogitata. Hujusmodi enim nunquam nisi contra mandatum, et Dei mandatum usurpantur. Peccata quippe sunt, et Deus prohibet omne peccatum : et tamen venialia, non criminalia reputantur, excepto cum per contemptum vertuntur in usum et consuetudinem : et tunc non peccati species, sed peccantis intentio pensatur. Elatio quippe contemptis, atque impœnitentis obstinatio, in minimis quoque mandatis culpam facit non minimam, et convertit in crimen gravis rebellionis nævum satis levem simplicis transgressionis. Denique in quo inobedientiæ crimen et absque dubio sit, apud Samuelem advertite. *Quasi, inquit, peccatum ariolandi est repugnare, et quasi scelus idololatriæ nolle acquiescere*<sup>3</sup>. Non ait, Non acquiescere; sed, *nolle acquiescere* : ut non jussionis simplex ipsa transgressio, sed voluntatis superba contentio\*, scelus idololatriæ reputetur. Non est enim id ipsum nolle obedire, et non obedire. Hoc quippe interdum erroris est, nonnunquam et infirmitatis : illud vero aut odiosæ pertinaciæ, aut contumaciæ non ferendæ. Quod et ipsum repugnare est et resistere Spiritui sancto; et si ad mortem usque perduraverit, blasphemia est, non remittenda, sive in hoc sæculo, sive in futuro. Non ergo qualiscumque mandati præteritio criminalem facit inobedientiam : sed repugnare, sed nolle obedire. Cæterum quanti absque illa pessima et rebelli voluntate non obediunt? Quomodo itaque monacho crimen insidiatur inobedientiæ, si toties sine crimine transgreditur, quoties in transgressione defuerit hujuscemodi recalcitrans et contentiosa voluntas?

27. Frustra autem comparant quidam, ut dicitis, quaslibet inobedientias antiquæ illi, quæ facta est in paradiso; quæ nimirum valuit, non solum obligare personam, sed et vitare naturam. Arbitror tamen et ipsam primam gravissimamque prævaricationem, aut non aliunde, aut inde maxime judicatam gravissimam, hoc est ex rebellionem defensionis, quæ secuta est : quando Deo causam requirente peccati, ut peccatores ad pœnitentiam provocaret

<sup>1</sup> Matth. vii, 4. — <sup>2</sup> Id. v, 22. — <sup>3</sup> I Reg. xv, 23.

(nolebat quippe mortem eorum, sed magis ut<sup>1</sup> converterentur et viverent), ipsi maluerunt declinare cor suum in verba malitiæ, ad excusandas excusationes in peccatis. Et quidem gemina malitia peccatoris. Primum quod nec sui miseratus est, ut culpam propriam fateretur, et sanaretur: deinde quod et uxorem, ut se fallaciter excusaret, crudeliter accusavit<sup>2</sup>.

28. Quid est quod denique dicitis, in omni actione monacho crimen insidiari inobedientiæ, quasi aut furtim subrepat nescienti, aut casu accadat infelici; aut non valenti implere quod præcipitur, criminis calumnia struatur de impossibili? Itane, inquam, monacho crimen insidiatur inobedientiæ? cum et antiqua illa tam nota, et tam noxia prævaricatio, facile, ut creditur, indulgentiam consequeretur, dummodo confessio, et non defensio sequeretur. Neque enim tantum, ut dictum est, nocuit simplicis actionis, quamvis ex deliberatione, transgressio, quantum adjunctæ excusationis cum præmeditatione obstinatio.

## CAPUT XII.

In Regula æque ac lege divina disparitatem esse inobedientiæ.

29. Sed numquid forte in lege quidem divina habenda est hæc consideratio gravioris, leviorisque inobedientiæ, non autem ita et in Regula nostra? Sed quis sane dicat plus tribuendum humanis, quam divinis traditionibus; plurisque quod per suos Deus, quam quod per se ipsum imperat, æstimandum? An non denique et apud sanctum Benedictum propriæ et distinctæ ab invicem sententiæ inveniuntur, alia de levioribus, alia de gravioribus inscripta culpis<sup>3</sup>? Quid est autem levior culpa, nisi levior inobedientia? Traduntur igitur a prælatibus interdum minora mandata, quorum transgressio leviora secundum Regulam parit et peccata; et tamen in Deum nihilominus prævaricatio fit, quoties abbatis jussio præteritur: siquidem et ex ore ipso Dei non æqualia sunt promulgata, et ideo non æquali cuncta vigilantia observanda; sed alia cura exhibenda est ei procul dubio, quod ipse perhibet *primum et maximum mandatum*<sup>4</sup>; alia his quæ alibi discer-

nens, *Qui solverit, inquit, unum de his minimis mandatis*<sup>5</sup>. Quid ergo? Audivimus ex Regula graviores et leviores culpas; legimus et in Evangelio maxima, minimaque mandata: et mandatorum transgressionem universas dicemus æqualiter maximas? Non est igitur necesse ut concedam quod dicitis, aut Deo scilicet non tribui omne quod ab homine magistro accipitur, quod non sit contra Deum; aut monacho nullum posse inveniri leve seu veniale peccatum: quia etsi toties Deo (quod fatendum est) inobediens esse convincitur, quoties ejus, qui pro Deo sibi præest, hominis mandatum, quod quidem justitiæ non repugnet, prætergreditur; sicut tamen non par cura in executione exigitur, sic nec par culpa contrahitur ex transgressione. Etsi quippe unus est qui offenditur; non tamen unius ponderis quæ jubentur, nec unius subinde discriminis jussorum est omnium censenda transgressio. Unde pater Benedictus, « Secundum, » inquit, « mensuram culpæ, excommunicationis extendatur » mensura<sup>6</sup>. »

30. Frustra proinde (ut videtis) aut terremini, aut terrere conamini de obedientiæ promissione, quæ fit ex regulari professione, quasi non oporteat promittere, quam constat nec integre posse teneri, nec sine crimine præteriri: siquidem Deo, quidquid Dei minister homo non perperam jusserit, imputandum constituit. Frustra, inquam, ex hac occasione malum ita inobedientiæ exaggeratis, ut a tam necessario bono promittendæ obedientiæ terreatis: quia etsi difficile cavetur ubique subrepens<sup>a</sup> vel insidians, ut vos dicitis, inobedientia in tam variis et innumeris, quæ a senioribus indicuntur; non semper tamen damnabiliter seu criminaliter quod præcipitur, non impletur. Etsi enim omnis inobedientia inexcusabiliter sit culpabilis, nulla tamen æternaliter damnabilis, nisi quam remedium penitentiae non sanat: nulla est letaliter criminalis, nisi quæ contemptum superbiæ non evitat. Magna igitur securitas filiis obedientiæ, et revera pax hominibus bonæ voluntatis: quoniam in omni obedientia sola damnatur impenitentia, quam nescit qui diligit Deum; sola incriminatur superbia, quam facile cavet qui timet gehennam. Sed exemplis clarius elucescet quod dicimus. Si

<sup>1</sup> Gen. III, 1-13. — <sup>2</sup> Reg. S. Benedicti, capp. 24, 25. — <sup>3</sup> Matth. XXII, 38. — <sup>4</sup> Id. v, 19. — <sup>5</sup> Reg. cap. 21.

<sup>a</sup> Manuscripti, *subripens*.

jubente seniore ut sileam, verbum mihi forte<sup>312</sup> per oblivionem elabitur; reum me fateor inobedientiae, sed venialiter. Si ex contemptu sciens et deliberans sponte in verba prorupero, et rupero silentii legem; praevaricatorem me constituo, et criminaliter; et si impoenitens persevero usque ad mortem, peccavi, et damnabiliter.

### CAPUT XIII.

Refellit monachos, difficultatem, vel etiam impossibilitatem obedientiae religiose nimium exaggerantes.

31. An et hoc durum fortasse videatur? Hæc quippe sunt vestra, si bene recolo, verba, cum difficultatem seu impossibilitatem, ut vobis videtur, tenendae obedientiae, vel cavendae inobedientiae, considerantes, in vitam ita monachicam exclamatis: « Hæccine est illa eo » securior, quo arctior; eo certior, quo magis » ardua veniendi ad Deum via, ut monacho » naturaliter mala vix cavere, naturaliter bona » vix pro communi infirmitate valenti implere, » non minor tamen necessaria sit cautela ad » cavenda, vel observanda quæ sibi prælatus » suus vel prohibere voluerit, vel jubere? » Et subditis: « Quod cum a multis credatur, » licet a paucis, vel etiam a nullis ad integrum » observetur; quid aliud operatur talis sententiae credulitas, quam quod illa ab Apostolo » tantum culpata manducandi idolothyta libertas<sup>1</sup>? » Nil plane aliud, si ita esset, ut dicitis. Bene prorsus non potest conscius esse sibi, qui se non implere confidit quod debere se credit. Creditis itaque (ut verborum vestrorum sensum breviter colligam) quod ad integrum mandata Dei observari vix valeant, abbas non valeant: cum Veritas ipsa testetur, ne unum quidem iota præteritum iri<sup>2</sup>. Cæterum qui ita sentit, videtur mihi (ut pace vestra dixerim) necdum gustasse quam suavis est Dominus; sub iugo legis gemere adhuc, nondum respirare sub gratia; suave Christi jugum nequaquam esse expertus; ideoque certissime adhuc infirmari per carnem, quia spiritus non adjuvat ejus infirmitatem.

32. Quid vero sibi vult illa distinctio, quod Dei quidem vel vix, prælatus vero hominis ne-

quaquam omnino a quolibet jussa posse teneri prohibitive conceditis? quasi vero illa queant absque istis integre custodiri. Sed si attenditis, de male quoque viventibus prælatis Dei præceptum est, *Quæ dicunt facite*<sup>3</sup>. Igitur qui non facit, aperte non in hominem tantum, sed et in Deum praevaricator existit. Itane ergo nullus mandata perfecte exsequitur sui magistri? Quamobrem putatis? quia nolumus, aut quia non possumus? Sed si volumus et non possumus, securi sumus. Si possumus et nolumus, superbi sumus. Porro ad cavendam superbiam, illam vere annuerim necessariam esse cautelam B quam dicitis, ne forte incurrat inobedientiae crimen. Quod si impossibile vos putatis, ut non videlicet imperiis prælatorum per contemptum interdum superbiæ resistatur; scitote non paucos, sed innumeros aliter omnino sentire, nec aliud quam quod proprio didicerint experimento. Si autem non impossibile quidem, sed tamen difficile esse sentitis magistros non continere; et dum ideo consentitis, quoniam gravamini, non superbe sapere, murmuratis adversus obedientiae legem, affirmantes periculosum promittere, quod tam laboriosum est observare; ad hoc ego respondeo, imo non ego, C sed Dominus: *Qui potest, inquit, capere capit*<sup>4</sup>. Hoc quippe est quod paulo superius dixi, quia antequam ædificium inchoares, providisse debueras unde perficeres. Nunc autem, ut ait quidam, aut non tentasses<sup>5</sup>, aut perfice. Verumtamen nemo, si caute proficitur, pollicetur se ultra in nullo transgressurum; hoc est, jam non peccaturum. Alioquin aut perjurat qui ita jurat, aut sanctior est illo qui ait: *In multis offendimus omnes*<sup>5</sup>. Quod si consequens falsum esse videtur; videndum est et de eo quod antecedit, ne forte lex quæ data est propter transgressionem cohibendas, non solum non eas coerceat, sed et augeat insuper crimine perjurii: siquidem id promittere nos in nostra professione credamus, quod certum est non posse teneri.

33. Partienda est proinde nobis in duo universa hæc observatio regularis, in Præcepta videlicet, et Remedia. Præceptis instituitur vita contra peccatum; Remediis restituitur post peccatum innocentia. Sic ergo utraque ista complectitur nostra professio, ut professus

<sup>1</sup> I Cor. viii, 7. — <sup>2</sup> Matth. v, 18. — <sup>3</sup> Id. xiii, 3. — <sup>4</sup> Id. xix, 12. — <sup>5</sup> Jacobi iii, 2.

<sup>6</sup> Sic manuscripti. Alias, non tenta

quisque cum in aliquo forte regularium mandatorum deliquerit, si ad remedium aequè regulare confugerit, etsi convincitur transgressor mandati, non tamen pacti prævaricator. Solum itaque censuerim fregisse votum, violasse propositum, pactum prævaricasse, qui et præceptum contempserit, et remedium. Nam illum sane dico securum, qui etiamsi interdum obedientiæ limitem præterit, consilium non respuit pœnitentiæ. Regulares namque terminos, etsi sæpe deliquerit, non evadit, qui censuræ, quæ ex Regula est, disciplinam non subterfugit. Pars siquidem Regulæ est regularis correctio, et in ea reperitur non solum bonæ vitæ instructio, sed etiam emendatio prævæ. Inveniuntur in ea et præcepta obedientiæ, et inobedientiæ remedia, ut ne peccando quidem a Regula recedatur. Fateor sane impossibile cuius mortalium vel venialiter interdum non delinquere in præceptis obedientiæ: sed nulla jam de impossibilitate querela, quandoquidem et ex Regula licet id quoque, quod eriminaliter delinqui contigerit, emendare. Quod ergo dicitis a nullis posse observari ad integrum quidquid a magistris præcipitur, verum est: sed levis culpa inobedientiæ est, et facilis cura ejus invenitur in Regula, si quidem sit transgressio absque contemptu. Si autem et ipsum deesse aliquando non posse contenditis, id quidem falsum est: sed nec talem tamen inobedientiam sine cura relinquit diligentia regularis. Et licet fortiori egeat curationis medicamento, caret tamen morbo prævaricationis, nisi cum et ipsum forte medicamentum contemnitur.

34. Quæ cum ita sint, frustra de impossibilitate causamur qui Regulam profitemur: frustra nobis de peccando necessitate blandimur, ut ideo justa imperia prælatorum Deo non imputanda, sed tanquam hominum contemnenda putemus: ne rem videlicet impossibilem continere nostra professio videatur, si tantum ex ea hominibus, quantum Deo obedientiæ deberi asserimus. Cui enim jam vel ita professio impossibile, imo per Dei gratiam non perfacile sit cavere prævaricationem, ubi non inobedientia, sed impœnitentia facit prævaricatorem? Hoc quippe, ut jam dixi, profitentium nemo spondet, ut jam non peccet: et ob hoc non continuo, ut quispiam aliquo modo non obedit, prævaricatorem se constituit; nisi qui se forte sic

professum falso existimat, quales vos utique asseritis esse non paucos. De quibus etiam si qui tamen sunt, ut dicitis verum est et quod subditis, quod nil utique aliud illa talis eorum credulitas, vel potius crudelitas in suis ipsorum operatur conscientiiis, quam noxia illa recumbentium in idolo libertas in alienis. Necesse est enim qui hujusmodi est, ex propria perire sententia, quemadmodum in illius scientia clamat Apostolus infirmum perire fratrem<sup>1</sup>. Et quomodo nihil esse commune item ipse perhibet, quod cum gratiarum actione percipitur, nisi ei qui putat aliquid esse commune<sup>2</sup>: ita et regularis professio, quantum in se est, damnabilis non est, nisi ei qui damnabilem putat. Quod quatenus putari oporteat, puto satis superius demonstratum.

#### CAPUT XIV.

Cur conscientia errans non aequè convertat malum in bonum, uti bonum in malum.

35. Nunc jam respondendum est quæstionculæ, quæ incidit vobis ex occasione apostolici præsentis capituli. Queritis nempe, utrumnam ista de idolothytis Pauli sententia, *Puto quia nihil commune est in Christo, nisi ei qui putat quid commune esse, illi commune est*; et rursum, *Si comederit, damnatus est, quia non ex fide*<sup>3</sup>; in generalem regulam trahi possit, quatenus malum cuilibet sit bonum quoque quod agit, si malum esse crediderit; ac tantum malum, quantum crediderit. Quod si annuero, rursum pergitis inquirere, cur non e contrario tantum cuique bonum sit quod operatur, quantum vel falso opinatur. Mirum quippe vobis, imo et injustum videtur, ut plus in malo, quam in bono humanæ valeat intentionis opinio. Si respondero, de malis quidem merito ita credi propter oculum nequam: respondebitis et mihi non immerito quoque propter simplicem oculum idem aequè putandum et de bonis. Nam qui dixit ex oculo nequam corporis tenebras aestimari, indicavit et de simplici lucem aequè corporis approbari<sup>4</sup>. Sed videte, ne forte non sit vere oculus simplex, qui fallitur. Fallitur enim tam qui bonum malum, quam qui malum bonum putaverit. Scitis autem neutrum horum Væ illud evitare propheticum, *Væ qui dicitis*

<sup>1</sup> I Cor. viii, 11. — <sup>2</sup> Rom. xiv, 14, et I Tim. iv, 4. — <sup>3</sup> Rom. xiv, 14, 23. — <sup>4</sup> Matth. vi, 23.

*bonum malum, et malum bonum* <sup>1</sup>: cum tamen <sup>2</sup>revera oculum non immerito simplicem dixerim, utpote cui neutrum bonum desit, nec zelus scilicet bonus, nec scientia. Hunc profecto requirit oculum Deus, cum respicit super filios hominum, ut videat si est intelligens aut requirens Deum <sup>4</sup>. Est e contrario qui bonum minime diligens, ex malitia quidem perversus est: sed sapiens ut faciat malum, per ignorantiam cæcus non est. Quem quidem ideo nondum appellaverim nequam, quod unum ei, licet ad suum malum, non desit bonum, id est scientia.

36. Ego vero ut interior oculus vere simplex sit, duo illi esse arbitror necessaria, charitatem in intentione, et in electione veritatem. Nam si bonum quidem diligat, sed verum non eligat; habet quidem zelum Dei, sed non secundum scientiam: et nescio quemadmodum iudicio Veritatis vera esse possit cum falsitate simplicitas. Volens denique ad veram discipulos instruere simplicitatem magistra Veritas, *Estote, inquit, prudentes sicut serpentes, et simplices sicut columbæ* <sup>2</sup>. Præmisit ergo prudentiam, sine qua neminem satis esse posse simplicem sciret. Quomodo denique vere simplex erit oculus cum ignorantia veritatis? aut vero vera potest dici simplicitas, quam simplex ignorat veritas? Scriptum est enim: *Ignorans ignorabitur* <sup>3</sup>. Patet ergo laudabilem illam et a Domino laudatam simplicitatem absque his duobus non esse bonis, benevolentia atque prudentia: ut oculus videlicet cordis, non solum pius qui fallere nolit, sed et cautus sit qui falli non possit.

37. Cæterum sicut oculum simplicem duo ista faciunt bona, amor boni, et cognitio veri: sic nequam oculum duo e regione mala constituunt, cæcitas, qua fit ut veritatem non agnoscat; et perversitas, qua fit ut diligat iniquitatem. Porro inter duo hæc bona, quæ nec fallere, nec falli sinunt; et duo illa mala, quæ tam falli, quam fallere faciunt, duo sunt media: unum quidem bonum per quod oculus interior, etsi falli queat ignorantia veri, zelo tamen boni fallere penitus non consentit: alterum vero malum, quod licet veri notitiam non impediatur, amorem tamen boni præ malitia minime sentit.

38. Et quoniam omnis res melius divisione innotescit: secundum hoc duplex malum, et illud item geminum bonum, quadrifariam dividamus oculum cordis, in bonum et meliorem, in malum et pejorem. Et subdamus exempla. Est qui bonum diligit, et malum nescius agit. Hujus quidem bonus est oculus, quia pius: non tamen simplex, quia cæcus. Et est qui bonum et libenter agit, et prudenter intelligit. Istius

39. Sed est qui bonum forte nescius quod non diligit, agit: cui profecto non incongrue id quod dicitur nequam assignaverim, eo quod neutro careat malo, nec cæcitate scilicet, nec perversitate. Dicitur siquidem nequam, quasi nequaquam, ut is solummodo nequam appelletur, qui nequaquam, hoc est, in nullo penitus appareat bonus; sed sit utroque bono vacuus, tam videlicet veri notitia, quam et benevolentia. Alius est itaque pius oculus, non quidem fallere promptus, sed tamen, ut dictum est, falli pronus, de quo propheta: *Ephraim, inquit, quasi columba seducta, non habens cor* <sup>5</sup>. Alius is quem Dominus simplicem dicit, tam nec fallere facilis, quam nec falli, de quo et Apostoli docentur cum eis dicitur: *Estote prudentes sicut serpentes, et simplices sicut columbæ*.

40. Et item alius est oculum simpliciter malus, fallens utique libenter, sed non facile falsus: qualem profecto habent illi qui ore dominico adstruuntur prudentiores esse filiis lucis in generatione sua. Et alius quem nequam esse definivimus, quia sit dupliciter malus, cui quippe et malitia parit ignorantiam, et ignorantia malitiam operit, ita ut sæpe nesciens et malum quod vult non faciat, et bonum faciat quod non vult. Obscuratum nempe est insipiens cor eorum qui istius modi sunt, et quasi jam traditi in reprobum sensum, bonum omnino nec diligere, nec dignoscere queunt. De talibus scriptum est: *Impius cum venerit in profundum malorum, contemnit* <sup>6</sup>. Nam qui hujusmodi est, cavere profecto malum nec vult, etiam si possit; nec si velit, scit. Quamobrem hunc oculum in superiori divisione illo altero censui non immerito pejorem, non quia malignior sit, sed quia periculosior. Ignorantia

<sup>1</sup> Isai. v, 20. — <sup>2</sup> Matth. x, 16. — <sup>3</sup> I Cor. xiv, 38. — <sup>4</sup> Psal. xiii, 2. — <sup>5</sup> Osce vii, 11. — <sup>6</sup> Prov. xvi, 3.

quippe securiorem, securitas segniorem facit,<sup>1</sup> et non nequorem. Est tamen ex hoc procul dubio A deterior, quod ille solum habet malum, malam intentionem; iste et falsam considerationem. Ille uno caret e duobus bonis, bono zelo; iste et vero iudicio. Ex hoc itaque pessimo oculo, qui neutrum bonum habet, et item ex illo optimo qui neutro caret, sentiendum est Veritatem disseruisse, aut tenebris obvolvi totum corpus, aut luce perfundi. Nam reliqui duo, quorum neuter utrumque aut bonum habet, aut malum; etsi ex parte possunt, non tamen toti sufficiunt vel lucem dare, vel tenebras corpori.

41. Si igitur (ut jam ad propositam quæ- B stiunculam revertamur) is vere oculus nequam est, qui perversus pariter et cæcus bonum agit, et malum credit; utique recte operando, sed opinando inique, bonum sibi in malum vertit; et tantum malum, quantum crediderit: quandoquidem juxta sententiam Domini, totum corpus tenebrosus reddit oculus nequam. Quid enim luci relinquitur, ubi nec pia intentio, nec vera opinio invenitur? At non ideo sequitur, ut qui e contrario malum facit, et bonum putat, juxta suam fidem similiter et ipse inveniat. Quare? Non est quippe simplex oculus ille, qui ex iudicio Veritatis totum corpus lucidum red- C dat, qualem profecto superius definivimus. Neque enim ex toto adhuc tenebræ desunt, ubi ignorantia veritatis lucem obscurat bonæ<sup>a</sup> voluntatis. Cum itaque ille oculus utrumque malum, is vero minime utrumque habeat bonum; nonne ratio videtur exigere, ut plus ille noceat, quam prosit iste? Neque enim consequens est, ut tantum valeat in bonum bonum unum, quantum duo mala in malum. Et quidem laude dignam dixerim vel solam intentionem piam: nec plane condigna remuneratione fraudabitur in opere quoque non bono ipsa bona voluntas. Attamen sine malo quocumque non erit de- D cepta simplicitas. Cur inquis? numquid non ex fide? Prorsus ex fide, sed falsa; vel certe potius non ex fide, quia fides falsa, fides non est. Denique de fide vera, non falsa puto dixisse Apostolum: *Omne quod non est ex fide, peccatum est*<sup>1</sup>. Non autem ex fide vera bonum creditur quod malum est: est enim falsum. Peccatum igitur est. Utrumque proinde complectitur præsens capitulum, *Omne quod non est ex fide, pec-*

*catum est*, et cæcam videlicet malitiam, et deceptam innocentiam: quia quod a nesciente fit, et bonum prorsus condemnat intentio prava, et malum non penitus excusat recta. Sive itaque malum putes bonum quod forte agis, sive bonum malum quod operaris, utrumque peccatum est, quia neutrum ex fide: licet sane levius admodum peccetur, ubi sana intentione sola reprehensibilis actio foris apparet, quam ubi maligna latet etiam in non mala<sup>b</sup> actione intentio. Verum quod absque vel minimo peccato non est, purum bonum minime est. Quo pacto ergo bonum non purum puro malo comparabitur in efficientia, hoc est ut tam efficax ad bonum illud sit, quam ad malum istud? Et hæc super hac quæstione sufficiant. Nam ad superiores quoque satis reor esse responsum superius. Et quidem vos easdem sæpius dubitationes iteratis atque revolvitis: sed mea non interest ipsarum toties repetere solutiones. Sufficit enim semel solvisse etiam quod crebrius in quæstione versatum fuerit.

## CAPUT XV.

An quantum obedientia valet ad meritum, tantum inobedientia valeat ad demeritum.

42. Quærentibus item de obedientiæ ponde- re, seu discrimine inobedientiæ, a latere incidit vobis et de merito utriusque quærendum, utrum videlicet in quibusque præceptis quantum obedientia valet, tantum gravet inobedientia: ut verbi gratia, vel Abraham de immolando filio<sup>2</sup>, vel ille nescio quis de filio itidem furni incendiis exponendo<sup>3</sup>, tantum divinæ indignationis et ultionis merito incurrissent, si non obedissent, quantum laudis et gratiæ receperunt pro eo quod obedierunt. Quod vobis quidem et durum videtur, et necessarium: sed non est ita. Enimvero constat nonnulla nec fieri sine gloria, et posse non fieri sine culpa; ideoque si fiant, digna esse præmiis, non tamen suppliciis si non fiant. Nam et non tangere mulierem, meriti est non mediocris; et nullius tamen delicti propriam amplecti conjugem. Istiusmodi sunt quæcumque evangelico illi capitulo congruere possunt: *Qui potest capere, capiat*<sup>4</sup>.

43. Et rursum quædam per contrarium, ne-

<sup>1</sup> Rom. xiv, 23. — <sup>2</sup> Gen. xxii. — <sup>3</sup> Doctr. SS. PP. lib. de Obed. n. 6. — <sup>4</sup> Matth. xix, 12.

<sup>a</sup> Alias deest, bonæ. — <sup>b</sup> Alias, in mala; sed mendose.

glecta quidem offensam contrahunt, sed impleta<sup>317</sup> gloriam<sup>a</sup> non merentur; et damnant contem-  
ptorem, et auctorem non glorificant. Talia sunt  
quæcumque divinitus lege publica imponuntur  
hominibus, sine quibus nec salvari queunt. Hinc  
illud apud gentilem :

Non feci furtum. Non pasces in cruce corvos\*.

Et in Evangelio : *Si diligitis eos qui vos dili-  
gunt, quam mercedem habebitis? et si saluta-  
veritis fratres vestros tantum, quid amplius fa-  
ciatis?* Denique et universaliter, *Cum feceritis  
omnia quæ mandata sunt vobis, dicite quia servi  
inutiles sumus, quæ facere debuimus, fecimus*<sup>2</sup>.  
Ac si dicat : Si solis contenti estis præceptis et  
traditionibus impositæ legis, et non sponte etiam  
perfectionis vos consiliis et suasionibus manci-  
patis; liberi quidem estis a debito, non tamen  
pro merito gloriosi : evasistis pœnam, sed non  
acquisistis coronam. Quænam ergo nos neces-  
sitas cogit parem in singulis, quæ injuncta fue-  
rint, et formidare ultionem de transgressione,  
et de observationes perare remunerationem?  
Eapropter in talibus generalis hæc regula teneat-  
ur, ut in difficilioribus quidem agendis obeditio  
gratior, quam gravior prævaricatio judicetur : C  
et in facilioribus minusque onerosis contem-  
ptus damnableior, quam actus laudabilior æsti-  
metur.

## CAPUT XVI.

Transitus et mutatio monasterii quatenus probanda.

44. Jam et si de hoc satis est, videamus qua-  
tenus etiam tenenda sit ipsa, quæ in profes-  
sione firmari solet, loci stabilitas, et quibus (si  
quibus tamen) ex causis rumpere illam vel li-  
ceat cuiquam, vel expediat. Et hinc siquidem  
dubitare vos dicitis. Ad quod interim nunc se-  
curus responderim, a bono quod semel quis  
voverit, descendere non licere : et ad hoc mu-  
tare locum, quem sibi quisque delegerit, et cui  
se sua voluntate et voce firmaverit, omnino  
non consulo, sed nec sanctus papa Gregorius.  
Ait enim : « Perfecti quique magna se discre-  
tionis subtilitate conspiciunt, ne ad deteriora

unquam vel in opere, vel in cogitatione dila-  
bantur. » Sed quod hinc sensit vir apostolicus,  
hoc se Apostolus implere gloriatur : *Quæ, in-  
quiens, retro oblitus, et ad ea quæ ante sunt  
extentus*<sup>3</sup>. An et propheta Ezechiel idem non  
significavit, cum de sanctis animalibus diceret :  
*Non revertebantur cum incedere, sed unum-  
quodque ante faciem suam gradiebatur*<sup>4</sup>? Et hi  
omnes id sentiendo, non aliud quam Magistri  
sui sententiam secuti sunt, dicentis in Evange-  
lio : *Nemo mittens manum suam ad aratrum, et  
respicens retro, aptus est regno Dei*<sup>5</sup>. Præscri-  
bat proinde stabilitatis pactum omni deinceps  
remisso descensui, contentioso discessui, vago  
et curioso discursui, totius denique inconstan-  
tiæ levitati; non tamen his quæ in professionis  
serie sequuntur, morum videlicet conversioni,  
et obedientiæ quæ secundum Regulam fit. Nam  
si hæc ibidem, pro improbitate nimirum atque  
irreligiositate cohabitantium, obtineri forte ne-  
quiverint; duce spiritu libertatis transire in-  
dubitanter suadeo ad locum alium, ubi non im-  
pediatur homo reddere Deo vota sua, quæ dis-  
tinxerunt labia sua. Et quidem cum sancto  
sanctus eris, et cum perverso perverteris.

45. Sane de religiosis ac bene ordinatis mo-  
nasteriis nullus professorum meo consilio, ne  
arctioris quidem vitæ desiderio, sine licentia sui  
senioris egrediatur<sup>b</sup>. Egressus tamen, si melius  
invenerit et elegerit, meo nihilominus jam con-  
silio non regrediatur ad inferius bonum, quod  
reliquerat et contempserat præ meliori : præ-  
sertim si illud melius tale fuerit, quod ejus  
primæ professioni congruere videatur. Ipse  
nempe viderit, qua ratione, quave intentione  
altiora seu arctiora præsumperit : nam ad in-  
feriora jam vel remissiora, me consulente, ne-  
quaquam apostatabit : si non tamen loci prioris  
vicinia revocetur, quia de noto monasterio nec  
D retineri quis regulariter potest, nec recipi sine  
consensu abbatis sui<sup>6</sup>. Et accipite manifestius  
in exemplis hujus sententiæ rationem.

46. Forte vult aliquis de Cluniacensibus  
institutis ad Cisterciensium sese stringere pau-  
pertatem, eligens præ illis nimirum consuetu-  
dinibus magis Regulæ puritatem. Si me con-  
sulit, non consulo, si non sâne id abbatis sui  
usurparit assensu. Quamobrem? Primo propter

<sup>1</sup> Matth. v, 46, 47. — <sup>2</sup> Luc. xvii, 10. — <sup>3</sup> Philipp. iii, 13. — <sup>4</sup> Ezech. i, 12. — <sup>5</sup> Luc. ix, 62. — <sup>6</sup> Reg. s. Benedicti, cap. 61.

<sup>b</sup> Vide Bernardi epistolam 395, n. 2, ubi de monasterio Sancti-Pertini idem asserit.



scandalum ipsorum quos deserit. Deinde quia<sup>117</sup> certa pro dubiis relinquere tutum non est; forsitan enim hæc tenere potest, illud non poterit. Tertio suspectam habeo levitatem, qua id sæpe quod facile volumus antequam probemus, experti jam nolumus, uno prope momento id ipsum et cupientes, et respuentes, tam leviter quam et irrationabiliter. Quales utique non paucos frequenter experimur, quia una vix hora in una voluntate durantes, aura levitatis impulsus, vagi et instabiles hac et illac velut ebrii nutant; mutantque pro experimento iudicium, imo sine iudicio fluctuantes et tumultuantes, tot de se consilia præsumunt, quot loca revisunt: semper quod non habent cupientes, et quod habent fastidientes.

47. Et quomodo ego, ait aliquis, professus Regulam, non secundum Regulam cum bona quædam degere conscientia? siquidem vovens, et non solvens, quid nisi pejero? Quasi non multo magis habeas inde conqueri alibi quoque, cum cœperis pure juxta Regulam conversari. Profecto etiam tunc: Et quam, inquires, conscientia habitare sustineam extra domum meam priorem, quæ me de sæculo fugientem excepit, initiavit ad bonum, signavit in salutem; molestus fratribus, inobediens seniori, stabilitatis insuper prævaricans pactum, et primam irritam faciens fidem? Verumtamen neutra iusta querimonia est. Nam qui se ideo perjurum putat, quod ad purum<sup>a</sup> Regulam non observat; videtur mihi non satis attendere quid iuraverit. Nemo quippe cum profitetur, spondet Regulam, sed determinate secundum Regulam sui quisque conversionem, suamque deinceps conversationem sese pollicetur dirigere. Hæc profecto huius temporis omnibus ferne monachis communis professio est. Et licet in diversis monasteriis, diversis et observantiis Deo serviatur; quamdiu tamen sui quisque loci bonos usus sollicite servat, haud dubium quin secundum Regulam vivat, quoniam quidem boni usus a Regula non discordant. Quisquis itaque tenet quod teneri invenerit bonum, ubi profitetur; profecto vivit sicut promittit: quia non aliud procul dubio quisque promittit, quam quod habere eorum pia videtur vita, cum quibus deinceps vivere disponit et eligit.

48. Quid enim? numquid verbi gratia, aut in

Majori-Monasterio usus Cluniacensium, aut isti forte illorum ritus, aut vero utrique Cisterciensium distractionem litteratoriam profitentur? Attamen omnes secundum Regulam profitentur. Una quidem oris ubique promissio: sed quia non una est omnibus cordis intentio, potest indubitanter sine detrimento salutis, et sine damno professionis, operis quoque non una ubique observatio celebrari. Sicut enim non omnes omnia tenent, etiam boni Christiani, quæ in Evangelio sunt, omnes tamen secundum Evangelium vivunt (nam qui concessis alligari conjugii contenti sunt, non ideo tamen credunt se recessisse ab Evangelio, quia evangelici sublimitatem consilii de cœlibe ducenda vita non elegerunt, ita sane si in gradu illo inferiori legitime ac fideliter conversentur): sic quoque qui secundum Regulam vivere statuunt, etsi non ad unguem, ut dicitur, totam custodiunt, etsi qua pro sui claustrii ritu vel mutant, vel prætermittunt; a regulari tamen omnino professione non discedunt, donec tamen sobrie, et juste, et pie, pro suorum moribus vivere non desistunt. Denique Regula ipsa tradit octavum humilitatis gradum, «ut nihil» agat monachus, nisi quod communis monasterii regula, vel majorum cohortantur exemplum<sup>1</sup>.

49. Exceptis proinde Cisterciensibus, et qui illorum forte ritu non tam vivere secundum Regulam, quam ipsam ex integro pure ad litteram (uti se sane professos esse putant) tenere curant: de cætero neminem obedienter degentem regularis moveat solemnisque professio, in qua non fit de tota Regula promissio, in his duntaxat monasteriis, in quibus ordo et disciplina servatur cum bonis consuetudinibus. Salva igitur cuique sua manet in cœnobiis bene ordinatis professio, tantum si sana fuerit et intentio. Cæterum qui inquietus est, et ita credere non potest; sed magis credens et cedens stimulantibus conscientiae exit, et quærit ubi solvat quod suo in loco<sup>b</sup>, suo utique iudicio voverat quidem, sed non solverat: sicut non laudo quod egreditur, ita ut regrediatur non consulo, si tamen ad remotum ignotumque monasterium migraverit. Cur ita? Tum propter Pauli sententiam, qua beatum manifeste pronuntiat, qui se ipsum non iudicat in eo quod probat<sup>2</sup>: tum

<sup>1</sup> Reg. S. Benedicti, cap. 7. — <sup>2</sup> Rom. XIV. 22.

<sup>a</sup> Alias, punctum. — <sup>b</sup> Alias, solvat vota sui quæ

ex nostri auctoritate magistri, qui talem et sus-<sup>319</sup>  
cipi jubet, et retineri; inventum quoque bo- A  
num et utilem suasionem allici, professione liga-  
ri. « Denique suadeatur, » inquit, « ut stet<sup>1</sup>. »  
Et ne forte prioris sui monasterii memor, re-  
mordente, ut assolet, conscientia, incipiat de-  
nuo de rupta stabilitate causari\*; generalem  
super hujusmodi scrupulo consolatoriam pro-  
fert sententiam, dicens: *Ubique enim uni Deo*  
*servitur, uni Regi militatur*. Porro de vicino  
prohibet, quod jubet de peregrino: ne vici-  
nitas inter monasteria fomes scandali, rixæ  
materia sit, si alterutrum recipere monachos  
acquieverint absque mutuo duntaxat assensu.  
Quod toties equidem experimur\*, quoties talis B  
uspian monachorum susceptio plane non nisi  
contra decretum regulare præsumitur.

50. Quod si etiam post hæc fratris ita regu-  
lariter suscepti inquietiorem forte animum pul-  
saverit recordatio scandali, quod discedens fra-  
tribus, quos deseruit, fecit; et quia oporteat  
emendari suo reditu quod ex discessu deliquit:  
prudenter advertat qui hoc cogitat, scan-  
dalum scandalo non bene emendari. Qualis de-  
nique emendatio erit, si ut aliis scandalum  
tollas, alios scandalizas? Quanquam profecto  
et tolerabilius scandalum illud sit, et venialius,  
quod factum est intentione proficiendi in meli- C  
us, quam quod facere cogitas ad deterius apo-  
statando. Sed et ante quoque, licet non sine  
scandalo, tutius tuam sine dubio ad id quod  
putasti melius, secutus es conscientiam, quam  
si in priori bono et loco contra conscientiam  
permaneres, quanquam secure id posses: si  
sane hinc eandem tuam ipsius conscientiam  
reddere securam posses.

51. Quapropter quod de manducante, et  
non manducante decernit Apostolus<sup>2</sup>, usurpe-  
mus et nos in nostræ hujus disputatiunculæ  
conclusionem, ut et qui propria impellente  
conscientia suum deserit locum, ne summ (quod D  
putat) deserat votum; non deserentem non  
spernat: et qui secunda conscientia fratrum  
scandalum timens, fratres non deserit; dese-  
rentem non judicet. Et de his me accipite sane  
quod sentio respondisse, sine præjudicio sanius  
sentientis.

## CAPUT XVII.

Ad dubia quædam ex Patribus proposita respondet.

52. Item postulatis absolvi vobis, cur vel  
beatus Gregorius nescio quem Venantium, ha-  
bitum monachalem, quem pie susceperat, im-  
pieque rejecerat, non solum resumere non  
coegit, sed etiam omnem legitur indulsisse  
communione apostatæ perduranti<sup>3</sup>: vel san-  
ctus Augustinus conjugii legi votum quodam-  
modo subijciat continentiæ; ita ut in libro de  
Virginitate asserere videatur, nec cœlibis qui-  
dem vitæ propositum copulæ posse præscri-  
bere conjugali, quominus indissolubile maneat,  
etiam quod a continentibus, fallente diabolo,  
fracto sanctitatis voto, initum fuerit matrimo-  
nium\*. Et ad hæc nihil ad præsens certius bre-  
viusque respondendum occurrit, nisi quod ita  
sancti antistites sapuerunt: rectene? ipsi vide-  
rint. Nam ego in sensibus actibusque illustrium  
Patrum cautus profecto sum omnino non aliud  
æstimare, quam quod beato Apostolo teste  
quæritur jam inter dispensatores, ut videlicet  
fidelis quis inveniatur<sup>4</sup>. Certus sum enim, sive  
in suo abundaverint sensu, sive in Dei spiritu;  
sicut et in cæteris, ita et in his ambobus exstitisse  
fideles, illum in dispensando quod præ mani-  
bus erat, istum in scribendo quod senserat.

53. Quod denique quæritis de quibusdam  
episcopis, quos sanctus idem papa Gregorius  
ad tempus in monasteriis pro eorum excessibus  
legitur reclusisse, utrumnam in suo, an in mo-  
nastico interim habitu habitarent cum mona-  
chis: ego nescio, nisi quod credibilis videtur,  
nequaquam illos insignem religionis habitum  
suscepisse, quem non erant perpetuo habituri;  
sed tantum quæsisse quietem in secretis mona-  
steriorum, et opportunitatem pœnitentiæ.

54. Audire et hoc vultis a me, unde inter  
cætera pœnitentiæ instituta monasterialis disci-  
plina meruerit hanc prærogativam, ut secun-  
dum Baptisma nuncupetur\*. Arbitror ob per-  
fectam mundi abrenuntiationem, ac singularem  
excellentiæ vitæ spiritualis, qua præeminens  
universis vitæ humanæ generibus hujusmodi  
conversatio, professores et amatores suos An-  
gelis similes, dissimiles hominibus facit; imo

<sup>1</sup> Reg. S. Benedicti, cap. 64. - <sup>2</sup> Rom. xiv. 3. - <sup>3</sup> Lib. 1, epist. 33, et lib. 9, epist. 25 et 31: -  
<sup>4</sup> 1 Cor. iv. 2.

divinam in homine reformat imaginem, confi-<sup>22</sup> gurans nos Christo instar Baptismi. Et quasi A denique secundo baptizamur, dum per hoc quod mortificamus membra nostra quæ sunt super terram, rursum Christum induimus, complantati denuo similitudini mortis ejus. Sed et quomodo in Baptismo eruimur de potestate tenebrarum, et in regnum transferimur claritatis æternæ: ita et in sancti hujus secunda quadam regeneratione propositi, de tenebris æque, non unius originalis, sed multorum actualium delictorum, in lumen virtutum evadimus, reap-<sup>23</sup> tantes nobis illud Apostoli, *Nox præcessit, dies autem appropinquavit*<sup>1</sup>.

### CAPUT XVIII.

Morte abbatis non licere professis mutare locum.

55. Id quoque vobis insinuari precamini, an abbatis mutatio monasterium suum mutare volentibus monachis in aliquo patrocinetur; hoc est, si in morte vel depositione prælati plus aliquid libertatis subditis relaxetur, quo utique licentius possint eo articulo temporis migrare quo voluerint, altero necdum videlicet substituto. Ad quod respondeo: Nequaquam. Etenim C sponsio professionis, quando ex more fit in oratorio, de abbatis vita non sumit terminum, sed de præsentia testimonium. Profitenti itaque modus sit sua vita, non aliena. Attendant denique quid inde Legislator ipse non solum senserit, sed et tradiderit: ut « si quando, » inquit, « aliter fecerit, » videlicet quam promittit, « a Deo se sciat damnandum quem irridet<sup>2</sup>. » Item dicit, quod nec sui jam corporis Novitius habiturus sit potestatem; et item, « Perseverantes, » ait, « in monasterio usque ad mortem<sup>3</sup>. » Salvis igitur exceptionibus, quas superior dis-<sup>24</sup> putatio perstrinxit, de cætero nulla liceat occasione monacho locum, cui professus est, citra suam mortem deserere, suo duntaxat arbitrio. Alioquin prævaricator est, damnationem habens, quia primam fidem irritam facit.

56. Sed vos pergitis amplius sciscitari, et dicitis: Quid si non potest nisi cum rancore perpetuo animi ibidem manere, ob minus videlicet regularem, minusve amabilem abbatis electionem? Subit animo nunc illud de Evange-

lio, quod de conjugii lege docenti discipuli Do-<sup>25</sup> mino responderunt: *Si ita est, inquit, non expedit nubere*<sup>4</sup>. Magnæ revera angustiae. Si tenuerit exosam, nihil onerosius: si dimiserit invitam, nihil inchristianius. An non simili necessitate constringitur qui nec deserere valet locum, ne frangat votum; nec manere in loco, ne cum rancore vivat, et vitam perdat? Quid consulam huic? Ut discedat? Non licet propter professionem. Ut stet? Propter rancorem non expedit. Duo mihi æque inconvenientia, æque periculosa proponitis, ut quidquid respondero, vobis minime prosit. Quaritis nempe quid e<sup>26</sup> B duobus monacho tutius sit, residere in proprio monasterio sub irregulariter electo cum rancore, an ad quietius vivendum alio migrare. Quod quidem haud secus accipio, quam si requiratis, quamam morte perire consulam cum qui se ipsum forte perimere vult, incendio, an præcipitio. Revera namque et uritur qui in odio manet; et qui frangit propositum, in præceps ruit. Sed vos me in hac difficultate consilii facile expeditis, cum deinde sequimini; et quatenus accipi hoc ipsum velitis quod appellatis irregulare, aperiendo subjungitis: præsertim si electionis irregularitas adeo involuta sit et intorta, ut licet de ea coram Deo non dubitetur, coram hominibus tamen, aut vix, aut nullatenus convincatur. Venit nunc quoque in mentem Sapientis dogium: *Occasionem querit, qui vult recedere ab amico*<sup>5</sup>. Quonam modo vos irregularem dicitis electionem, quæ cassari regulariter non valet, aut reprobari? Et quidem legitur: Quod probari non potest, mihi infectum est. Sed dicitis: Et quis obediat scienter indigno, etsi non manifesto? Fratres, nonne legistis et in vestra, et in Veritatis regula: *Super cathedram Moysi sederunt Scribæ et Pharisei: quæ dicunt, facite; secundum opera vero D illorum nolite facere*<sup>6</sup>?

### CAPUT XIX.

Ad alia quædam dubia paucis respondet.

57. Jam de mutandis vestibibus, vel lavandis ob nocturnam illusionem, accipite breve consilium. Juxta ritum sui loci quemque facere consulo de hujusmodi, quæ diversis modis di-

<sup>1</sup> Rom. XIII, 12. — <sup>2</sup> Reg. S. Benedicti, cap. 58. — <sup>3</sup> Ibid. in Prologo. — <sup>4</sup> Matth. XIX, 10. — <sup>5</sup> Prov. XVIII, 1. — <sup>6</sup> Matth. XXIII, 2, 3; et S. Benedicti Reg. cap. 4.

versis in monasteriis certum est observari. De<sup>122</sup> contingit hæc, quæ adhuc ex parte manet, nobis qui in pluribus monasteriis profitentur (quod A pene oblitus fueram<sup>1</sup>, puto satis esse responsum superius, cum de loci stabilitate disputatum est, et non est necesse ut repetam. Prætermitto et aliqua de canonibus quæ vos requiritis; tum quoniam talium nostra non refert qui monachi sumus; tum quia in libris eadem ipsi facile reperire potestis, si quærere non gravemini.

58. Venio ad tria illa, quæ in altera vestra rursum epistola continentur: ubi primum interrogatis, quidam consulam homini, qui adversus quempiam commotus fuerit; sed non B adeo ut eum lædere ipse velit, adeo tamen ut libenter accipiat, si quo modo aliunde lædi contigerit: sitne videlicet tutum ita commoto accedere ad altare, an se subtrahere interim debeat, donec compescatur commotio. Nunquam mihi contingat turbatum ad pacis accedere sacrificium, cum ira et disceptatione contingere Sacramentum, in quo Deus indubitanter est mundum reconcilians sibi. Certe non recipitur munus quodcumque meum, quod defero ad altare, nisi ante placato fratre, quem me forte læsisse meminerò: quanto minus si me ipsum non pacavero prius?

## CAPUT XX.

Binas Pauli sententias in speciem pugnantes conciliat.

59. Quod deinde quæritis de contrarietate, quæ inesse videtur duabus illis Pauli sententiis, *Conversatio nostra in cælis est*<sup>1</sup>; et, *Quamdiu sumus in corpore, peregrinamur a Domino*<sup>2</sup>: quomodo videlicet anima eodem tempore possit, et in corpore peregrinari a Domino, et in cælis simul esse cum Domino; ipse solvit Apostolus, cum alibi dicit, *Ex parte cognoscimus, et ex parte prophetamus*. In quantum quippe D cognoscimus, tanquam præsentia contemplantur, jam cum Domino sumus. In quantum adhuc tanquam de futuris prophetamus, credentes quæ non intelligimus, sperantes quæ non videmus; a Deo peregrinamur, et in corpore. *Cum autem venerit quod perfectum est*, hoc est gloriæ plenitudo, quæ in resurrectione futura est, *tunc evacuabitur quod ex parte est*<sup>3</sup>, corporis videlicet omnis corruptio, ex qua sine dubio

stra in corpore peregrinatio. Hoc est quod in se miserabiliter ingemiscens plangit, et ait: *Infelix ego homo, quis me liberabit de corpore mortis hujus*<sup>4</sup>? Non queritur de corpore tantum, sed corpore mortis hujus, hoc est ejus quæ adhuc durat corruptionis: monstrans non corpus, sed corporis molestias esse causam peregrinationis. *Corpus quippe quod corrumpitur, aggravat animam*<sup>5</sup>. Non corpus simpliciter, sed *corpus quod corrumpitur*; ut corruptio corporis oneri sit, non natura. Unde et qui intra semetipsos ingemiscunt, redemptionem expectant corporis sui<sup>6</sup>, non amissionem. Merito proinde gravati corporis necessitate, non societate, cupimus dissolvi, et esse cum Christo<sup>7</sup>: ut id quod manet ex parte adhuc, exsilium finiatur; et quæ ex parte jam cœpit, cœlestis habitatio perficiatur.

60. Aut certe *conversatio nostra in cælis est*, quomodo idem dicit apostolus: *spe enim salvifacti sumus*<sup>8</sup>. Spe itaque jam in cœlestibus habitamus, cum adhuc re ipsa in terris peregrinemur et in corpore. Vel aliter: Habemus et unde corpori, et unde Domino inhæreamus; illud vivificando et sensificando, illum credendo C et diligendo. Neque enim præsentior spiritus noster est ubi animat, quam ubi amat: nisi forte putetur esse magis ubi invitatus et ex necessitate tenetur, quam quo sponte et alacriter fertur voluntate. Denique ubi est thesaurus tuus, ibi est et cor tuum<sup>9</sup>. Item si Deum amans anima ex ipso vivit, uti corpus ex ipsa; quo pacto, quæso, præsentior esse contenditur ubi dat, quam unde accipit vitam? Fons siquidem vitæ charitas est: nec vivere animam dixerim, quæ de illo non hausierit. Haurire porro quomodo potest, nisi fuerit præsens ipsi fonti, qui charitas est, quæ Deus est? Præsens igitur Deo est qui Deum amat, in quantum amat. In quo enim minus amat, absens profecto est. In eo autem minus Deum amare convincitur, quod carnis adhuc necessitatibus occupatur. Illa vero circa corpus occupatio quid est, nisi a Deo quædam absentatio? et absentatio quid, nisi peregrinatio? Et peregrinamur ergo a Domino, et in corpore peregrinamur: cujus nostra nimirum et intentio præpeditur ærumnis, et curis charitas fatigatur.

<sup>1</sup> Philipp. iii, 20. — <sup>2</sup> II Cor. v, 6. — <sup>3</sup> I Cor. xiii, 9, 10. — <sup>4</sup> Rom. vii, 24. — <sup>5</sup> Sap. ix, 15. — <sup>6</sup> Rom. viii, 23. — <sup>7</sup> Philipp. i, 23. — <sup>8</sup> Rom. viii, 24. — <sup>9</sup> Matth. vi, 21.

61. In fine secundæ epistolæ interrogatis, <sup>25</sup> *sapientie* <sup>8</sup>, cujus sine dubio illa vox est, *Car-*  
*quid sentiendum arbitrer de eo, quod in Evan-*  
*gelio nobis promittitur, Ecce enim merces ve-*  
*stra multa est in cælis* <sup>1</sup>; mirantes maxime  
 sanctum Augustinum dixisse super hoc, non  
 cælos istos visibiles et corporeos oportere in-  
 telligi, ne merces nostra in rebus mobilibus  
 volubilibusque videatur collocari; ideoque spi-  
 ritualia quædam firmamenta esse intelligenda,  
 de quibus nescitis, ut dicitis, quid vel suspi-  
 cari debeat. Sed si attenditis quod legistis,  
*Regnum Dei intra vos est* <sup>2</sup>; et, *Habitare Chri-*  
*stum per fidem in cordibus vestris* <sup>3</sup>, tanquam  
 utique regem in regno suo; et, *Non sunt con-*  
*dignæ passionēs hujus temporis ad futuram*  
*gloriam quæ revelabitur in nobis* <sup>4</sup>, non qui-  
 dem quæ revelabitur nobis, velut aliquid ex-  
 terius; sed in nobis, quasi intus jam manens,  
 sed nondum apparens: et item, *Omnis gloria*  
*cjus filie regis ab intus* <sup>5</sup>; et, *Ascendet homo*  
*ad cor altum* <sup>6</sup>; sed et *ascensionēs in corde suo*  
*disposuit* <sup>7</sup>; rursumque, *Anima justī sedes est*

*lum mihi sedes est* <sup>9</sup>: si hæc, inquam, hisque  
 similia non pauca in Scripturis advertitis, pro-  
 fecto studebitis ad requirendum regnum Dei et  
 justitiam ejus, intrare potius ad vos, quam vel  
 extra exire, vel ascendere supra. Sed supra  
 sane, vel extra dixerim loci positione, sicut  
 cælum a terra locum tenet exteriorem; sol,  
 luna, et sidera superiorem. Nam eadem ipsa,  
 quæ intra nos sunt subtiliori suæ naturæ invi-  
 sibilitate, etiam supra nos sunt sublimiori ex-  
 cellentiæ dignitate, et extra quoque immensi-  
 tate majestatis. Sed altissima sunt hæc, egentia  
 utique et diligentiori disputatione, et doctiori  
 disputatore, et opere prolixiori. Ego enim pu-  
 taveram modum in his tractandis epistolarum  
 nequaquam excessum iri: sed sermo, ut video,  
 processit in longius quam speravi. Proinde vos  
 si placet, Librum; si placet, Epistolam nomi-  
 nate: nam ego sive in paucis, sive in multis,  
 vestræ debui (quod et studui) satisfacere vo-  
 luntati.

<sup>1</sup> Luc. vi, 23. — <sup>2</sup> Id. xvii, 21. — <sup>3</sup> Ephes. iii, 17. — <sup>4</sup> Rom. viii, 18. — <sup>5</sup> Psal. xlii, 14. — <sup>6</sup> Psal. lxxii, 8. — <sup>7</sup> Psal. lxxxiii, 6. — <sup>8</sup> Sap. vii, sec. lxx. — <sup>9</sup> Isai. lvi, 1.

# ADMONITIO

IN OPUSCULUM V.

---

1. Nihil est quod majorem Bernardo invidiam conflaverit, quam liber iste, editus in monachos Cluniacenses. Ea enim erat per id tempus ipsorum existimatio, ut orbis quasi censuram aggredi videretur, qui illos arguere tentaret; ea propagatio et multitudo, ut is agmen adversariorum in se concitaret. Et sunt etiam nunc nonnulli, qui Bernardi hac in parte zelum quasi nimium accusent: non satis attendentes, Doctorem sanctum a Deo ita comparatum et institutum fuisse, ut Ecclesiæ maculas abstergeret, et monastici Ordinis integritatem splendoremque restitueret, bellum indicendo vitiis, quæ ejus puritatem suo tempore deformabant. Nunc ergo scire interest, quo titulo, quove anno Bernardus hoc opus ediderit: an quæ in Cluniacensibus carpit, re ipsa vitia sint, an tolerabiles ritus: et siquidem vitia sunt, vera an supposita.

2. Quod ad titulum pertinet, Epistolam vocat Bernardus in sequenti libro, n. 15: « Jam » vero Epistola, ut epistola remaneat, finienda erat, » etc. at vero in fine libri Opusculum vocat, ubi de Ogerio, qui a Bernardo discedere nolebat « absque recenti Opusculo. » Gaufridus in libro tertio de Bernardi Vita, capite octavo, Apologeticum appellat: « Si fervens contra » suorum, vel aliorum vitia zelus, legatur is, quem Apologeticum vocat. » Certe Apologiæ nomine utitur Vir sanctus in epistola decima octava ubi scripta sua Petro cardinali recensens, « Necnon et Apologiam, » inquit, « ad quemdam amicum nostrum, ubi aliqua disserui de » Cluniacensibus et nostris, id est Cisterciensibus, observantiis. » Vulgatum proinde Apologiæ titulum retinebimus, ab ipso etiam auctore consecratum.

3. Ex eadem epistola decima octava, quæ sub annum 1127 scripta est, conditæ Apologiæ tempus intelligitur. Et sane librum hunc unum ex primis Bernardi opusculis, et quidem tertium fuisse constat ex enumeratione Petro cardinali facta, in qua duo tantum ante Apologiam memorat, nempe librum de Humilitate, et Homilias in laudibus Virginis matris in *Missus est*, quibus Apologiam continenter subjicit cum paucis epistolis. Itaque Apologia composita est sub annum 1125, id est sub initia regiminis Petri Venerabilis, qui Hugoni secundo successit anno 1122, anno dimidio post Pontium, sub quo magnopere laxata fuerat Cluniacensis Ordinis disciplina regularis. Non mirum itaque, si Bernardus aliqua reprehensione digna notavit, eaque in scripta redegit rogatu Guillelmi Sancti-Theoderici abbatis, qui ex Ordine Cluniacensi censebatur. Nam cum Nigrorum monachorum cœnobيا fere omnia ritus Cluniacenses sectarentur; exorta semel Cisterciensium congregatione, quæ alios mores habebat, ea Cluniacensis Ordinis (tametsi ei aggregata non erant) dicebantur, ut vel ex sequente Apologia patet, in qua Guillelmum alloquens, « Ordinem vestrum » dicit nn. 1 et 30, et in eodem n. 30 monasterium Sancti Nicolai diœcesis Laudunensis eidem Ordini attribuit. Hanc ergo Apologiam Bernardus scribit rogatus a Guillelmo Cluniacensi homine; scribit, inquam, eo tempore, quo solutior erat Cluniacensium religio: sed ita libellum componit, ut primum, et quidem durius, arguat suos, id est Cistercienses, qui severioris vite specie Cluniacensium institutis detrahebant, sicque sanctiores religionis leges violabant. Ut ergo alteros alteris conciliaret sanctissimus Doctor, quid

in utrisque reprehendendum sibi videbatur, in hoc libro sincere exponit; ratus, « se non ad- » versus Ordinem, sed pro Ordine disputare, si non Ordinem in hominibus, sed hominum » vitia reprehenderet, » ex n. 15.

4. Neque dubitandum est ea vera esse quæ in Cluniacensibus notavit Bernardus, quem de his accurate edoctum fuisse, atque adeo ab omni falsi criminis suspicione immunem esse non concedere debet. Verum dictorum ejus veritatem probant Statuta Petri Venerabilis abbatis Cluniacensis, qui coacto apud Cluniacum capitulo generali, pleraque ejusmodi vitia emendare conatus est, ut manifeste probant ejus Statuta, quæ suis locis in notulas referemus. De hoc capitulo agit ad annum 1132 Ordericus Vitalis, qui et ipse præsens interfuit: ita enim habet in libro decimo tertio, pag. 896: « Petrus Cluniacensis abbas verelarios et epistolas per omnes » Cellas suas tunc direxit, et omnes Cellarum Priores de Anglia et Italia, regnisque aliis ac- » cersit, jubens ut dominico Quadragesimæ tertio Cluniaci adessent, ut præcepta mona- » sticæ conversationis austeriora, quam hactenus tenebant, audirent. Illi nimirum archi- » mandritæ suis jussis obsecundaverunt, ac ad statutum terminum ducenti Priores Cluniacum » convenerunt. In illa die mille ducenti et duodecim fratres ibi adfuerunt... Ille vero » Petrus » auxit jejunia, abstulit colloquia, et infirmi corporis quadam subsidia, quæ illis moderati » patrum hactenus permiserat reverendorum clementia. Fratres autem assueti magistro semper » obedire, contra religiosum morem nolentes ei resistere, aspera quidem imperia susceperunt: » rationabiliter tamen ostenderunt, quod venerabilis Hugo, et illius antecessores Maiolus et » Odilo, arctam vitæ viam tenuerunt.... Austerus autem præceptor.... Cistercienses, aliosque » novorum sectatores æmulatus, rudibus ausis institit, et ab inceptis desistere ad præsens » erubuit. Postmodum tamen emollitus, subditorum arbitrio consensit, » etc. Confer ejusdem Petri Venerabilis libri primi epistolam vigesimam octavam, et aliam quæ inter Bernardinas relata est, ordine ducentesima vigesima nona.

5. Ex his apparet, ea, quæ in Cluniacensibus carpit Bernardus, vera esse: sed inter vitia non ab omnibus fuisse habita, imo quasi necessarium temperamentum infirmitatis humanæ. Et quidem de quibusdam id videri possit, puta de ornatu ecclesiarum, aliarumque ejusmodi rerum, quæ plausibiles rationes præ se ferunt: at pleraque inter monachos tantisper moderatos tolerabilia non esse vel ipsa lectio persuadet. Sed quid, inquis, de templorum magnificentia et cultu? an non Cistercienses, imo et Bernardus ipse amplissima et ornatissima condiderunt? Hæc cum audio, in mentem venit primi illius Oratorii, a Bernardo apud Claram-Vallem extructi. Bone Deus! quam exilis, quam vilis in speciem, sed quam sua vili ipsa specie venerandi! Aliud quidem inchoavit amplissimum, quod continuendis monachis septingentis, aliisque personis sufficeret: sed omnis ornatus, præter ipsam fabricæ majestatem, expers. Et Cistercienses primitus « sculpturas vel picturas » in ecclesiis suis seu officinis monasterii penitus interdixerunt: « quia dum talibus intenditur, utilitas bonæ meditationis, vel disciplina religiosæ gra- » vitatis sæpe negligitur. Cruces tamen pictas, » sed quæ « ligneæ » essent, habebant. Denique « superfluitates et curiositates notabiles in sculpturis, aedificiis, pavementis, et aliis similibus, » quæ deformant antiquam Ordinis honestatem, et paupertati non congruunt, » rejecerunt etiam in capitulo anni 1213, ex Instit. Cisterc. parte prima, cap. 20.

6. Sed ut hæc missa faciamus, magna certe ex sequenti libello consecuta est utilitas: cum non solum Cluniacenses, sed etiam alia, quæ ab eorum societate disparata erant monasteria, ejus lectione ad meliorem frugem sese receperint, in primis Dionysianum Sugerio auctore; et tandem Cisterciensium exemplo convocari ceperint capitula generalia Nigrorum monachorum præter Cluniacense, in quibus de emendandis monachorum vitiis actum est. Id enim Innocentio II pontifice fieri ceptum, et ab ipso approbatum fuisse constat ex litteris capituli generalis abbatum provincie Remensis ad Adrianum III contra abbatem Latiniacensem, superius relatis, col. 813.

7. Sed hæc satis ad illustrandam Apologiam sequentem, quam in duas partes distinguere possumus : in quarum prima corripuntur Cistercienses, quod Cluniacensium institutis detraherent ; in secunda Cluniacensium superfluitates arguuntur. Ideo duas epistolas vocat codex Majoris-Monasterii, in quo ita inscriptio legitur : « Incipit Apologeticum domni Bernardi abbatis contra Cisterciensium detractiones, ad Guillelmum abbatem : dividitque tractatum in » duas epistolas. • Præmittitur epistola octogesima quarta instar præfatiunculæ, quo nomine eam Bernardus designat in epistola octogesima quinta et in epistola octogesima octava. Hoc opusculum Rotomagi primum una cum tractatu de Præcepto et Dispensatione, atque libris de Consideratione, absque designatione anni vulgatum est sub hoc titulo : « Incipit libellus » Bernardi abbatis de Concordantia statuum religiosorum, qui pro tempore suo erant. » Sub eodem titulo idem liber aliquando laudatur a Willelmo monacho in libro *Florum ex sancto Bernardo*.

---



## APOLOGIA AD GUILLELMUM

SANCTI-THEODERICI ABBATEM \*.

## PREFATIUNCULA.

Quod me huiusmodi operi operam dare jubes, per quod tollendum sit scandalum de regno Dei, libenter accipio: sed quomodo id velis fieri, necdum satis elucet mihi. Nam illam tuam dulcissimam epistolam dulciter legens, ac dulcius relegens (sæpius quippe repetita placebat) intellexi quidem te velle, ut illis qui de nobis, tanquam detractoribus Cluniacensis Ordinis, conqueruntur, satisfaciam: quatenus videlicet sciatur non esse verum, quod male hucusque de nobis putarunt, vel putari voluerunt. At si post hanc satisfactionem rursus B victus eorum ac vestitus superfluitatem, et cætera quæ subjungis, quemadmodum injungis, carpere voluero; et mihi videbor contradicere, et quomodo sine scandalo facere queam, non video. Nisi forte, et Ordinem quidem laudabilem, et Ordinis reprehensores reprehensibiles dicam <sup>a</sup>, et nihilominus tamen ipsius superflua reprehendam. Si hoc modo vis, aut forte aliter magis expedire vides, manda apertius; et ut valeam quod vis, eo modo quo vis, ora instantius. Scito tamen non modico me huiusmodi scriptitationibus feriri detrimento: quia multum hinc mihi devotionis subtrahitur, C dum studium orationis intermittitur, præsertim cum nec usus suppetat dictandi, nec otium.

## CAPUT I.

Profitetur se suosque ab obtrectione religiosi Ordinis prorsus alienos.

Venerabili patri GUILLELMO, frater BERNARDUS,

<sup>a</sup> fratrum qui in Clara-Valle sunt, inutilis servus, salutem in Domino.

1. Usque modo si qua me scriptitare iussistis, aut invitis, aut nullatenus acquievi: non quia negligere quod iubebar, sed ne præsumerem quod nesciebam. Nunc vero nova urgente causa, pristina fugatur verecundia, et vel perite, vel imperite dolori meo satisfacere cogor, fiduciam dante ipsa necessitate. Quomodo namque silenter audire possum vestram huiusmodi de nobis querimoniam, qua scilicet miserimi hominum, in pannis et semicinctis, de cavernis ut ait ille <sup>1</sup> dicimur iudicare mundum: quodque inter cætera intolerabilius est, etiam gloriosissimo Ordini vestro derogare, sanctis qui in eo laudabiliter vivunt, impudenter detrudere, et de umbra nostræ ignobilitatis, mundi luminaribus insultare? Itane sub vestimentis ovium, non quidem lupi rapaces, sed pulices mordaces, imo tinea demolientes: honorum vitam, quia pœnam non audemus, in occulto corrodimus; nec saltem clamorem invectionis, sed susurrum detractionis emitimus? Si hoc ita est, utquid sine causa mortificamur tota die, aestimati sumus sicut oves occisionis <sup>2</sup>? Si ita, inquam, pharisaica iactantia cæteros homines, et (quod superbius est) nobis meliores despiciamus, quid nobis prodest tanta in nostro victu parcitas et asperitas, in vestitu notabilis illa vilitas ac diversitas, in opere manuum quotidiana sudatio, in jejuniis et vigiliis jugis exercitatio, totius denique vite nostræ singularis quedam atque austerior conversatio? nisi forte omnia opera nostra facimus, ut videamur <sup>b</sup> ab hominibus. Sed di-

<sup>1</sup> Hebr. XI, 38. — <sup>2</sup> Psal. XLIII, 22.

<sup>a</sup> Alias, doceam. — <sup>b</sup> Alias, videantur.

cit Christus : *Amen dico vobis, receperunt mercedem suam*<sup>1</sup>. Nonne si in hac vita tantum in Christo sperantes sumus, miserabiliores sumus omnibus hominibus? An vero non in hac vita tantum in Christo speramus, si de Christi servitio temporalem tantum gloriam quærimus?

2. Miser ego homuncio, qui tanto labore et industria studeo non esse, vel potius videri sicut cæteri hominum; minus tamen accepturus, imo gravius cruciandus, quam quilibet hominum. Siccine ergo non inveniebatur nobis via, ut ita dicam, utcumque tolerabilior ad infernum? Si ita necesse erat, ut illo descenderemus; cur saltem illam, qua multi incedunt, B viam scilicet latam, quæ ducit ad mortem, non elegimus, quatenus vel de gaudio, et non de luctu, ad luctum transiremus? O quam felicius est illis, quorum non est respectus morti eorum, et firmamentum in plaga eorum, qui in labore hominum non sunt, et cum hominibus non flagellantur! qui etsi peccatores, ac pro gaudiis temporalibus, perpetuis cruciatibus addicti, saltem abundantes in sæculo obtinuerunt divitias<sup>3</sup>. Væ portantibus crucem, non sicut Salvator suam, sed sicut ille Cyrenæus, alienam<sup>4</sup>. Væ citharædis citharizantibus, non ut illi de Apocalypsi, in citharis suis<sup>5</sup>, sed C vere, ut hypocritæ, in alienis. Væ semel, et væ iterum pauperibus superbis. Væ, inquam, semel, et væ iterum, portantibus crucem Christi, et non sequentibus Christum: qui nimirum cujus passionibus participant, humilitatem sectari negligunt.

3. Duplici quippe contritione conteruntur qui hujusmodi sunt, quando et hic pro temporali gloria temporaliter se affligunt, et in futuro pro interna superbia ad æterna supplicia pertrahuntur. Laborant cum Christo, sed cum Christo non regnant: sequuntur Christum in paupertate sua, sed in gloria non consequuntur: de torrente in via bibunt, sed non exaltant caput in patria: ligent nunc, sed tunc non consolabuntur. Et merito: quid enim facit superbia sub pannis humilitatis Jesu? nunquid non habet quo se palliet humana malitia, nisi unde involuta est infantia Salvatoris? Et quomodo intra præsepium Domini simulatrix arrogantia se coarctat, ac pro vagitibus innocentiae, malum inibi detractionis immurmurat? An non

illi superbissimi de Psalmo, quorum prodiit ex adipe iniquitas eorum, multo tutius operi sunt iniquitate et impietate sua<sup>6</sup>, quam nos latemus sub sanctitate aliena? Quis enim magis impius, an profitens impietatem, an mentiens sanctitatem? Nonne is qui etiam mendacium addens, geminat impietatem? Et quid dicam? Vereor ne forte et ego suspectus habear, non quidem vobis, pater, non vobis, cui utique notum me novi, quantum in hac caligine homo homini innotescere potest; et specialiter de hac re scio vos non ignorare quid sentiam. Sed propter illos, qui me nec ita ut vos cognoverunt, nec sic ut vobis hinc loqui soleo, loquentem audierunt, scribo vobis (quod et frequenter audistis), ut quoniam ego per singulos ire, et singulis satisfacere nequeo, ex me habeatis, unde quod de me certissime scitis, eis pro me verissime persuadeatis. Neque enim timeo omnium oculis scribere, quidquid de hac re vobis in aure locutus sum.

## CAPUT II.

Purgat se S. Bernardus, et Ordinem Cluniacensium commendat.

4. Quis unquam me adversus Ordinem illum vel coram audivit disputantem, vel clam susurrantem? Quem unquam de Ordine illo nisi cum gaudio vidi, nisi cum honore suscepi, nisi cum reverentia allocutus, nisi cum humilitate adhortatus sum? Dixi, et dico: Modus quidem vitæ est sanctus, honestus, castitate decorus, discretione præcipuus, a patribus institutus, a Spiritu sancto præordinatus, animabus salvandis non mediocriter idoneus. Egone vel damno, vel despicio, quem sic prædico? Memini me aliquando in aliquibus ejusdem Ordinis monasteriis hospitio susceptum fuisse: reddat Dominus servis suis humanitatem, quam infirmanti mihi ultra etiam quam necesse fuit, exhibuerunt; et honorem, quo me plus quoque quam dignus fui, dignati sunt. Ipsorum me commendavi orationibus, interfui collationibus: sæpe et de Scripturis, et salute animarum habui sermonem cum multis, et publice in capitulis, et privatim in cameris. Quem unquam vel clam, vel palam aut ab illo Ordine dissuadere, aut ad

<sup>1</sup> Matth. vi, 5. — <sup>2</sup> I Cor. xv, 19. — <sup>3</sup> Psal. lxxxi, 4, 5, 12. — <sup>4</sup> Matth. xxviii, 32. — <sup>5</sup> Apoc. xiv, 2. — <sup>6</sup> Psal. lxxii, 6, 5.

nostrum ut veniret persuadere tentavi? An non<sup>1</sup> potius multos cupientes venire repressi, venientes et pulsantes repuli? An non fratrem Nicolaum ad Sanctum-Nicolaum<sup>2</sup>, et vobis duos de vestris, vobis teste, renisi? Sed et duobus quibusdam ejusdem Ordinis abbatibus<sup>3</sup>, quorum ne nomina prodam, ipse eos optime nostis, et nihilominus quam amica mihi familiaritate jungantur, scitis: numquid non tamen ad alium Ordinem (quod et vos non latuit) migrare desiderantibus, jamjamque deliberantibus, nostrum eis dissuasorium consilium obviavit, ac ne suas desererent cathedras effecit? Cur igitur Ordinem damnare putor, vel dicor, cui amicos meos deservire suadeo, cui suos ad nos venientes monachos reddo, de quo et mihi orationes tam sollicite requiro, tam devote suscipio?

### CAPUT III.

Varietatem religiosorum Ordinum non debere præjudicare vinculo charitatis.

5. An forte quia juxta alium Ordinem conversari videor, propterea suspectus hinc habeor? Sed eadem ratione et vos nostro derogatis, quicumque aliter vivitis. Ergo et continentes, et conjuges invicem se damnare putentur, quod suis quique legibus in Ecclesia conversentur. Monachi quoque ac regulares clerici sibi invicem derogare dicantur, quia propriis ab invicem observantiis separantur. Sed et Noe, et Daniele, et Job in uno se regno pati non posse suspicemur, ad quod utique non eos uno tramite justitiæ cognovimus pervenisse. Mariam denique et Martham necesse sit aut utramque, aut alteram Salvatori displicere, cui nimirum tam dissimili studio devotionis contendunt ambæ placere. Et hac ratione in tota Ecclesia (quæ utique tam pluribus, tamque dissimilibus variatur ordinibus, utpote regina quæ in Psalmo legitur *circumamicta varietatibus*<sup>1</sup>), nulla pax, nulla prorsus concordia esse putabitur. Quæ etenim secunda quies, quis tutus in ea status invenietur, si unus quilibet homo unum quemlibet Ordinem eligens, alios aliter viventes aut ipse aspernetur, aut se ab ipsis sperni suspice-

tur, præsertim cum tenere impossibile sit vel unum hominem omnes Ordines, vel unum Ordinem omnes homines? Non sum tam hebes, ut non agnoscam tunicam Joseph, non illius qui liberavit Egyptum, sed qui salvavit mundum, et hoc non a fame corporis, sed a morte simul animæ et corporis. Notissima quippe est, quia polymita, id est pulcherrima varietate distincta; sed et sanguine apparet intincta, non quidem hædi, qui peccatum significat, sed agni, qui designat innocentiam, hoc est suo ipsius, non alieno. Ipse est profecto Agnus mansuetissimus, qui coram non quidem tondente, sed occidente se obmutuit; qui peccatum non fecit, sed abstulit peccata mundi. Miserunt autem<sup>2</sup> qui dicerent ad Jacob: *Hanc invenimus; vide utrum tunica filii tui sit, an non*<sup>3</sup>. Vide et tu, Domine, utrum hæc sit tunica dilecti Filii tui. Recognosce, omnipotens Pater, eam quam fecisti Christo Filio tuo polymitam, dando quidem quosdam apostolos, quosdam autem prophetas, alios vero evangelistas, alios pastores et doctores, et cætera quæ in ejus ornatu mirifico decenter apposuisti, ad consummationem utique sanctorum, occurrentium in virum perfectum, in mensuram ætatis plenitudinis Christi<sup>4</sup>. Dignare etiam, Deus, pretiosissimi purpuram sanguinis, quo aspersa est, recognoscere, et in purpura præclarum insigne ac gloriosissimum indicium obedientiæ. *Quare ergo, inquit, rubrum est vestimentum tuum? Torcular, ait, calcavi solus, et de gentibus non est vir mecum*<sup>5</sup>.

6. Itaque quandoquidem factus est obediens Patri usque ad torcular crucis, quod utique solus calcavit: solum quippe brachium suum auxiliatum est ei, juxta illud in alio loco, *Singulariter sum ego, donec transeam*<sup>6</sup>. Jam ergo exalta eum, Deus, et da ei nomen quod est super omne nomen, ut in nomine Jesu omne genu flectatur cœlestium, terrestrium, et inferorum<sup>7</sup>. Ascendat in altum, captivam ducat captivitatem, donet dona hominibus<sup>8</sup>. Quæ dona? Relinquat videlicet sponsæ suæ Ecclesiæ pignus hæreditatis, ipsam tunicam suam: tunicam scilicet polymitam, eandemque inconsutilem, et desuper contextam per totum; sed polymitam ob multorum Ordinum, qui in ea sunt, multimo-

<sup>1</sup> Psal. XLIV, 10. — <sup>2</sup> Gen. XXXVII, 32. — <sup>3</sup> Ephes. IV, 11-13. — <sup>4</sup> Isai. LXIII, 2, 3. — <sup>5</sup> Psal. CXL, 10. —

<sup>6</sup> Philipp. II, 9, 10. — <sup>7</sup> Ephes. IV, 8.

<sup>8</sup> Monasterium Sancti-Nicolai de Bosco, diocesis Laudinensis, cujus monachus Nicolaus, de quo epistola 84

<sup>1</sup> Unus ex his duobus erat Guillelmus ipse, ex Bernardi epistola 86. — <sup>2</sup> Alias.

dam distinctionem : inconsutilem vero propter<sup>29</sup> indissolubilis charitatis individuum unitatem. *Quis me*, inquit, *separabit a charitate Christi*? Audi quomodo polymitam. *Divisiones*, ait, *gratiarum sunt, idem autem Spiritus; et divisiones operationum sunt, idem vero Dominus*. Deinde diversis enumeratis charismatibus, tanquam variis tunicæ coloribus, quibus constet eam esse polymitam, ut ostendat etiam esse inconsutilem, et desuper contextam per totum, adjungit: *Hæc autem operatur unus atque idem Spiritus, dividens singulis prout vult*<sup>2</sup>. Charitas quippe diffusa est in cordibus nostris per Spiritum sanctum qui datus est nobis<sup>3</sup>. Non ergo dividatur, sed totam et integram hæreditario jure sortiatur Ecclesia, quia et de illa scriptum est: *Astitit regina a dextris tuis in vestitu deaurato, circumdata varietate*<sup>4</sup>. Itaque diversi diversa accipientes dona, alius quidem sic, alius vero sic; sive Cluniacenses, sive Cistercienses, sive clerici regulares, sive etiam laici fideles, omnis denique Ordo, omnis lingua, omnis sexus, omnis ætas, omnis conditio, in omni loco, per omne tempus, a primo homine usque ad novissimum. Nam et propter hoc talaris dicta est, quod ad finem usque pertingat, dicente propheta, *Non est qui se abscondat a calore ejus*<sup>5</sup>: C

invicem provocantes, invicem mordeamus, et ab invicem consumamur<sup>6</sup>; et sic non possit nos Apostolus uni illi viro, cui despondit, virginem castam exhibere Christo<sup>9</sup>. Verumtamen illa una dicit in Canticis, *Ordinavit in me charitatem*<sup>10</sup>: ut etsi una in charitate, divisa tamen sit ordinatione. Quid ergo? Cisterciensis sum: damno igitur Cluniacenses? Absit: sed diligo, sed prædico, sed magnifico. Cur ergo, inquis, Ordinem illum non tenes, si sic laudas? Audi. Propter hoc quod Apostolus ait: *Unusquisque in ea vocatione, in qua vocatus est, permaneat*<sup>11</sup>. Quod si quæris, cur et a principio non elegerim, si talem sciebam? respondeo: Propter id quod rursus ait Apostolus, *Omnia mihi licent, sed non omnia expediunt*<sup>12</sup>. Non quod scilicet Ordo sanctus et justus non sit: sed quia ego carnalis eram, venundatus sub peccato<sup>13</sup>; et talem animæ meæ languorem sentiebam, cui fortior esset potio necessaria. Et diversis morbis diversa conveniunt medicamenta, et fortioribus fortiora. Fac duos homines febribus anxari, quartanis unum, alterum tertianis. Commendet autem qui quartanis laborat, tertiano aquam, pyra, et frigida quæque sumenda: cum tamen ab his ipse abstineat, vinumque et cætera calida, utpote sibi congruentia, sumat. Quis, rogo, hinc eum recte reprehendat? Si diceret ille, Cur tu aquam non bibis, quam ita laudas? an non recte responderet: Et tibi eam fideliter tribuo, et mihi salubriter subtraho?

#### CAPUT IV.

Se ceteros omnes Ordines charitate, unam professionem tenere.

7. Omnes ergo concurramus pariter in unam tunicam, et ex omnibus constet una. Ex omnibus, inquam, una. Nam etsi ex pluribus et diversis, una est tamen *columba mea, formosa mea, perfectu mea*<sup>7</sup>. Alioquin nec ego solus, nec tu sine me, nec ille sine utroque: sed simul omnes sumus illa una, si tamen solliciti sumus servare unitatem spiritus in vinculo pacis. Non, inquam, tantum Ordo noster, aut solus vester, ad illam pertinet unam, sed noster simul et vester: nisi forte (quod absit) invicem invidentes,

8. Denique requiratur<sup>a</sup> a me etiam, cur cum omnes Ordines laudem, omnes non teneo? Laudando enim omnes et diligo, ubicumque pie et iuste vivitur in Ecclesia. Unum opere teneo, ceteros charitate. Faciet autem charitas (fidenter loquor) ut ne illorum quidem fructu frauder, quorum instituta non sequor. Plus aliquid dicam. Tu tibi caute age. Potest namque fieri quia frustra tu laboraveris: ut autem ego frustra diligam bonum quod operaris, fieri omnino non potest. O quanta fiducia charitatis! Alius operatur non amans, et alius amat nihil operans. Ille quidem suum opus perdit, illius vero charitas nunquam excidit. Et quid mirum, si in hoc exilio, peregrinante adhuc Ecclesia, quædam hujusemodi sit pluralis, ut ita dixerim, unitas, unaque pluralitas: cum in illa quoque

<sup>1</sup> Rom. viii, 35. — <sup>2</sup> I Cor. xii, 4, 5. — <sup>3</sup> Rom. v, 5. — <sup>4</sup> Psal. xlii, 10. — <sup>5</sup> Psal. xlviii, 7. — <sup>6</sup> Sap. viii, 1. — <sup>7</sup> Cantic. vi, 8. — <sup>8</sup> Galat. v, 15. — <sup>9</sup> II Cor. xi, 2. — <sup>10</sup> Cantic. ii, 4. — <sup>11</sup> I Cor. vii, 20. — <sup>12</sup> Id. x, 22. — <sup>13</sup> Rom. vii, 14.

<sup>a</sup> Alias, *requiris*.

patria, quando jam ipsa regnabit, nihilominus<sup>509</sup> se occultet a splendore ipsius. Et de operibus forte talis aliqua dispar quodammodo æqualitas futura sit? Inde etenim scriptum est: *In domo Patris mei mansiones multe sunt*<sup>1</sup>. Sicut itaque illic multæ mansiones in una domo; ita hic multi ordines sunt in Ecclesia una: et quomodo hic *divisiones gratiarum sunt, idem autem Spiritus*<sup>2</sup>; ita ibi distinctiones quidem gloriarum, sed una domus. Porro unitas tam hic quam ibi, consistit in una charitate; diversitas autem hic quidem in ordinum vel operationum multifaria divisione: illic vero in quadam meritorum notissima, sed et ordinatissima distinctione. Intelligentes denique Ecclesia hanc suam quodammodo discordem concordiam, concordemve discordiam: *Deduxit me, inquit, super semitas justitiæ propter nomen suum*<sup>3</sup>. Ponens quippe *semitas* pluraliter, et *justitiæ* singulariter; nec diversitatem prætermisit operationum, nec unitatem operantium. Prævidens quoque et illam in cœlestibus discretam unitatem futuram, devotissime læta decantat: *Platæ tuæ, Jerusalem, sternentur auro mundo, et per omnes vicos tuos Alleluia cantabitur*<sup>4</sup>. Audiens enim plateas et vicos, coronas et glorias diversas intellige. In auro, quo uno metallo illa civitas ornata describitur, et in uno Alleluia, quod C cantandum perhibetur, dissimilium specierum similem pulchritudinem, et multarum mentium unam devotionem attende.

9. Non igitur una tantum semita inceditur, quia nec una est mansio quo tenditur. Viderit autem quisque quacumque incedat, ne pro diversitate semitarum ab una justitia recedat: quoniam ad quamlibet mansionem sua quisque semita pervenerit, ab una domo Patris exors non erit. Verumtamen *ut stella ab stella differt in claritate; sic erit, ait, et resurrectio mortuorum*<sup>5</sup>. Nam etsi fulgebunt justi sicut sol in regno Patris eorum: alii tamen aliis amplius, D pro diversitate meritorum. Quæ sane merita sciendum non sic in hoc sæculo, ut in illo, facile ab homine posse discerni: quippe cum hic tantum opera videantur, illic etiam corda nihil impedit intueri. Siquidem radiante ubique Sole justitiæ, tunc manifesta erunt abscondita cordium<sup>6</sup>; et sicut non est nunc qui se abscondat a calore ejus<sup>7</sup>, ita tunc non erit qui

A quidem sæpe incerta, et ob hoc periculosa sententia fertur, cum multoties minus justitiæ habeant, qui magis operantur.

## CAPUT V.

Religiosos aliorum Ordinum amulos et obtrectatores acris  
stilo aggreditur.

10. Unde nunc mihi conveniendi sunt quidam de Ordine nostro, qui contra illam sententiam, *Nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium*<sup>8</sup>; aliis Ordinibus derogare dicuntur, et suam justitiam solam volentes constituere, justitiæ Dei non sunt subjecti: quos profecto (si qui tamen hujusmodi sunt) nec nostri, nec cuiuspiam esse Ordinis verius dixerim; quippe qui etsi ordinate viventes, superbe tamen loquentes, cives se faciunt Babylonis, id est confusionis; imo filios tenebrarum, ipsiusque gehennæ, ubi nullus ordo, sed sempiternus horror inhabitat<sup>9</sup>. Vobis ergo, inquam, fratres, qui etiam post auditam illam Domini de Pharisæo et Publicano parabolam, de vestra justitia<sup>a</sup> præsumentes, cæteros aspernamini, dicitis (ut dicitur) solos vos hominum esse justos, aut omnibus sanctiores; solos vos monachorum regulariter vivere, cæteros vero Regulæ potius existere transgressores.

11. Primo quid ad vos de alienis servis? Suo domino stant, aut cadunt. Quis vos constituit judices super eos? Deinde si ita, ut dicitur, de Ordine vestro præsumitis; qualis ordo est, ut antequam de suo quisque trabem ejiciat, in fratrum oculis tam curiose festucas perquirat? Qui in Regula gloriamini, cur contra Regulam detrahitis? cur contra Evangelium, ante tempus; et contra Apostolum, alienos servos judicatis<sup>10</sup>? an Regula non concordat Evangelio vel Apostolo? alioquin Regula jam non est regula, quia non recta. Audite, et discite ordinem, qui contra ordinem aliis Ordinibus derogatis. *Hypocrita, inquit, ejice primum trabem de oculo tuo, et sic videbis ejicere festucam de oculo fratris tui*<sup>11</sup>. Quæris quam trabem? an non

<sup>1</sup> Joan. xiv, 2. — <sup>2</sup> I Cor. xii, 4. — <sup>3</sup> Psal. xxi, 3. — <sup>4</sup> Tob. xii, 22. — <sup>5</sup> I Cor. xv, 41, 42. — <sup>6</sup> Id. iv, 5. — <sup>7</sup> Psal. lviii, 7. — <sup>8</sup> I Cor. iv, 5. — <sup>9</sup> Job x, 22. — <sup>10</sup> Rom. xiv, 4. — <sup>11</sup> Matth. vii, 3-5

<sup>a</sup> Alias, de vestro instituto.

grandis et grossa trabes est superbia, qua te<sup>352</sup> putans esse aliquid, cum nihil sis, insanissime tibi tanquam sanus exsultas, et aliis vanissime, trabem portans, de festucis insultas? *Gratias*, inquis, *ago tibi, Deus, quia non sum sicut ceteri hominum, injusti, raptores, adulteri*<sup>1</sup>: sequere ergo, et dic, Detractores. Neque enim minima est hæc festuca inter cæteras. Quare cum tam diligenter alias enumeres, istam taces? Si pro nulla vel minima habes, audi Apostolum: *Neque maledicti, ait, regnum Dei possidebunt*<sup>2</sup>. Audi et Deum in Psalmo comminantem: *Arguam te*, inquit, *et statuam contra faciem tuam*<sup>3</sup>. Quod quia detractori loquatur, certum est ex præcedentibus. Et quidem iuste ad se retorquendus, et se compellendus est intueri, qui avertens faciem suam a se, aliena potius mala, quam sua solet curiosius perscrutari.

### CAPUT VI.

Arguit temere iudicantes, et calumniantes modum vivendi Cloniaccensium.

12. At, inquit, quomodo Regulam tenent, qui pellicii induuntur; sani carnibus, seu carniū pinguedine vescuntur<sup>4</sup>; tria vel quatuor pulmentaria una die (quod Regula prohibet<sup>5</sup>) admitunt; opus manuum, quod jubet<sup>6</sup>, non faciunt: multa denique pro libitu suo vel mutant, vel augent, vel minuunt? Recte. Non possunt hæc negari. Sed attendite in regulam Dei, cui utique non dissonat institutio sancti Benedicti. *Regnum Dei*, inquit, *intra vos est*<sup>6</sup>, hoc est, non exterius in vestimentis aut alimentis corporis, sed in virtutibus interioris hominis. Unde Apostolus, *Regnum Dei non est esca et potus, sed iustitia, et pax, et gaudium in Spiritu sancto*<sup>7</sup>; et rursus, *Regnum Dei non est in sermone, sed in virtute*<sup>8</sup>. De corporalibus itaque observantiis fratribus calumniam struitis; et quæ majora sunt regulæ, spiritualia scilicet instituta, relinquitis, camelumque glutientes, culicem liquatis? Magna abusio! Maxima cura est, ut corpus regulariter induatur, et contra regulam suis vestibus anima nuda describitur. Cum tanto studio et tunica, et cuculla

corpori procurentur, quatenus cui deerunt, monachus non putetur: cur similiter spiritui pietas et humilitas, quæ profecto spiritualia indumenta sunt, non providentur? Tunicati et elati abhorremus pellicias! tanquam non melior sit pellibus involuta humilitas, quam tunicata superbia: præsertim cum et Deus tunicas pelliceas primis hominibus fecerit<sup>9</sup>; et Joannes in eremo zona pellicea lumbos accinxerit<sup>10</sup>; et ipse tunicarum institutor in solitudine, non tuniceis, sed pellibus sese induerit. Repleti deinde ventrem faba, mentem superbia, cibis damnamus saginatos! quasi non melius sit, exiguo sagimine ad usum vesci, quam ventoso legumine usque ad ructum exsaturari: præcipue cum et Esau non de carne, sed de lente sit reprehensus<sup>11</sup>; et de ligno Adam, non de carne damnatus<sup>12</sup>; et Jonathas ex gustu mellis, non carnis, morti adjudicatus<sup>13</sup>; e contra vero Elias innoxie carnem comederit<sup>14</sup>; Abraham gratisime carnibus Angelos paverit<sup>15</sup>, et de ipsis sua fieri sacrificia Deus præceperit<sup>16</sup>. Sed et satius est modico vino uti propter infirmitatem, quam multa aqua ingurgitari per aviditatem: quia et Paulus Timotheo modico utendum vino consuluit<sup>17</sup>; et Dominus ipse bibit, ita ut vini potator appellatus sit<sup>18</sup>; Apostolis quoque bibendum dedit; insuper et ex eo Sacramenta sui sanguinis condidit<sup>19</sup>: cum e contrario aquam ad nuptias bibi non passus sit<sup>20</sup>, et ad aquas contradictionis populi murmur terribiliter castigaverit<sup>21</sup>; David quoque aquam, quam desideraverat, potare timuerit<sup>22</sup>; virique illi Gedeonis, qui præ aviditate toto corpore prostrato de flumine biberunt, digni ad prælium ire non fuerint<sup>23</sup>. Jam vero de labore manuum quid gloriamini, cum et Martha laborans increpata, et Maria quiescens laudata sit<sup>24</sup>; et Paulus aperte dicat: *Labor corporis ad modicum valet, pietas autem ad omnia*<sup>25</sup>? Optimus labor, de quo propheta dicebat, *Laboravi in gemitu meo*<sup>26</sup>: et de quo alibi, *Memor fui Dei, et delectatus sum, et exercitatus sum*. Ac ne corporale intelligas exercitium, *Et defecit*, inquit, *spiritus meus*<sup>27</sup>. Ubi autem non corpus, sed spiritus fatigatur, spiritualis procul dubio labor intelligitur.

<sup>1</sup> Luc. xviii, 21. — <sup>2</sup> I Cor. vi, 10. — <sup>3</sup> Psal. xlix, 21. — <sup>4</sup> Reg. S. Benedicti, cap. 39. — <sup>5</sup> Ibid. cap. 48. — <sup>6</sup> Luc. xvii, 21. — <sup>7</sup> Rom. xiv, 17. — <sup>8</sup> I Cor. iv, 20. — <sup>9</sup> Gen. iii, 21. — <sup>10</sup> Matth. iii, 4. — <sup>11</sup> Hebr. xii, 16. — <sup>12</sup> Gen. iii, 17. — <sup>13</sup> I Reg. xiv, 29. — <sup>14</sup> III Reg. xvii, 6. — <sup>15</sup> Gen. xviii, 7. — <sup>16</sup> Exod. xxix, 1. — <sup>17</sup> I Tim. v, 23. — <sup>18</sup> Matth. xi, 19. — <sup>19</sup> Id. xxvi, 27. — <sup>20</sup> Joan. ii, 3-9. — <sup>21</sup> Num. xx. — <sup>22</sup> II Reg. xxiii, 16. — <sup>23</sup> Judic. vii, 5-7. — <sup>24</sup> Luc. x, 41, 42. — <sup>25</sup> I Tim. iv, 8. — <sup>26</sup> Psal. vi, 7. — <sup>27</sup> Psal. lxxvi, 4.

## CAPUT VII.

Spiritualis exercitatio fructuosior corporali.

13. Quid ergo, inquis? Siccine illa spiritualia persuades, ut etiam hæc, quæ ex Regula habemus, corporalia damnes? Nequaquam: sed illa oportet agere, et ista non omittere. Alioquin cum aut ista omitti necesse est, aut illa; ista potius omittenda sunt, quam illa. Quanto enim spiritus corpore melior est, tanto spiritualis quam corporalis exercitatio fructuosior. Tu ergo cum de horum observatione elatus, aliis eadem non observantibus derogas; nonne te magis transgressorem Regulæ indicas, cujus licet minima quædam tenens, meliora devitas, de quibus Paulus: *Æmulumini*, ait, *charismata meliora*<sup>1</sup>? Detrahendo quippe fratribus, in quo temetipsum extollis, perdis humilitatem; in quo alios deprimis, charitatem: quæ sunt procul dubio charismata meliora. Tu tuum corpus multis et nimis laboribus atteris, ac regularibus asperitatibus mortificas membra tua, quæ sunt super terram. Bene facis. Sed quid si ille quem similiter non laborantem dijudicas, modicum quidem habeat de hac, quæ ad modicum est utilis, corporali videlicet exercitatione; amplius autem quam tu de illa, quæ ad omnia valet, id est pietate? Quis, quæso, vestrum Regulam melius tenet? An non melius qui melior? Quis vero melior, humilior an fatigatior? An non is qui a Domino didicit mitis esse et humilis corde<sup>2</sup>, qui et cum Maria optimam partem elegit, quæ non auferetur ab eo<sup>3</sup>?

14. Quod si Regulam ab omnibus qui eam professi sunt, sic ad litteram tenendam censes, ut nullam omnino dispensationem admitti patiaris; audacter dico, nec tu eam, nec ille tenetis. Nam etsi ille, quantum quidem pertinet ad observationes corporeas, in pluribus D offendit, impossibile est tamen te quoque vel in uno non transgredi. Scis autem quia qui in uno offendit, omnium est reus. Sin vero concedas aliqua posse mutari dispensatorie, procul dubio et tu illam tenes, et ille, quanquam dissimiliter: nam tu quidem districtius, at ille fortasse discretius. Neque hoc dico, quia hæc exteriora negligenda sint; aut qui se in illis non exercue-

<sup>355</sup> rit, mox ideo spiritualis efficiatur: cum potius A spiritualia: quanquam meliora nisi per ista, aut vix, aut nullatenus vel acquirantur, vel obtineantur, sicut scriptum est, *Non prius quod spirituale, sed quod animale; deinde quod spirituale*<sup>4</sup>. Sicut nec Jacob, nisi prius cognita Lia, desideratos Rachelis amplexus meruit obtinere. Unde rursus in Psalmo, *Sumite psallum, et date tympanum*<sup>5</sup>: quod est dicere, Sumite spiritualia, sed prius date corporalia. Optimus autem ille, qui discrete et congrue et hæc operatur, et illa.

15. Jam vero epistola, ut epistola remaneat, finienda erat, quandoquidem et nostros (de quibus, pater, conquestus estis, quod Ordini vestro detraherent<sup>1</sup> satis, quantum potui, stilo corripui; et me quoque ab hujusmodi falsa suspicione purgavi, ut debui. Sed quoniam dum nostris minime parco, nonnullis de vestris nimium, in quibus non decet, videor assentire; pauca quæ et vobis displicere cognovi, et omnibus bonis vitanda esse non dubito, necessarium reor subjungere: quæ quidem etsi fieri videntur in Ordine, absit tamen ut sint de Ordine. Nullus quippe ordo quidpiam recipit inordinatum: quod vero inordinatum est, ordo non est. Unde non adversum Ordinem, sed C pro Ordine disputare putandus ero, si non Ordinem, in hominibus, sed hominum vitia reprehendo. Et quidem diligentibus Ordinem in hac re molestum me fore non timeo: quinimo gratum procul dubio accepturi sunt, si persequimur quod et ipsi oderunt. Si quibus vero displicuerit, ipsi se manifestant, quia Ordinem non diligunt, cujus utique corruptionem, id est vitia, damnari nolunt. Ipsi itaque illud Gregorianum respondeo: « Melius est ut » scandalum oriatur, quam veritas relinqua- » tur<sup>6</sup>. »

## CAPUT VIII.

Cluniacensium vitia, virtutum nomine palliata, perstringit.

16. Dicitur, et veraciter creditur, sanctos patres illam vitam instituisse; et ut in ea plures salvarentur, usque ad infirmos Regulæ temperasse rigorem, non Regulam destruxisse. Ab-

<sup>1</sup> I Cor. xii, 31. — <sup>2</sup> Matth. xi, 29. — <sup>3</sup> Luc. x, 42. — <sup>4</sup> I Cor. xv, 46. — <sup>5</sup> Psal. lxxx, 3. — <sup>6</sup> Homil. 7 in Ezech.

sit autem ut credam, tantas eos, quantas video<sup>354</sup> iniquitas; non discretio, sed confusio, sterilem in plerisque monasteriis, vanitates ac superfluitates præcepisse, vel concessisse. Miror etenim unde inter monachos tanta intemperantia in comensationibus et potationibus, in vestimentis et lectisterniis, et equitaturis, et construendis ædificiis inolescere potuit: quatenus ubi hæc studiosius, voluptuosius, atque effusius fiunt, ibi ordo melius teneri dicatur, ibi major putetur religio. Ecce enim parcitas putatur avaritia, sobrietas austeritas creditur, silentium tristitia reputatur. E contra remissio discretio dicitur; effusio, liberalitas; loquacitas, affabilitas; cachinnatio, jucunditas; mollities vestimentorum et equorum fastus, honestas; lectorum superfluus cultus, munditia. Cumque hæc alterutrum impendimus, charitas appellatur. Ista charitas destruit charitatem, hæc discretio discretionem confundit. Talis misericordia crudelitate plena est, qua videlicet ita corpori servitur, ut anima juguletur. Quæ etenim charitas est, carnem diligere, et spiritum negligere? quæve discretio totum dare corpori, et animæ nihil? qualis vero misericordia, ancillam reficere, et dominam interficere? Nemo pro huiusmodi misericordia speret se consequi misericordiam, quæ misericordibus promittitur in Evangelio, Veritatis ore dicentis, *Beati misericordes, quoniam ipsi misericordiam consequentur*<sup>1</sup>: sed certissime potius pœnam exspectet, quam tali, ut ita dicam, impio misericordiam sanctus Job magis prophetizando, quam affectando imprecatur, *Non sit, inquit, in recondatione, sed conteratur quasi lignum infructuosum*. Dignæ plane retributionis causam mox subinfert satis idoneam, dicens: *Pavit enim sterilem, et quæ non parit, et viduæ non benefecit*<sup>2</sup>.

17. Inordinata profecto atque irrationabilis misericordia est, sterilis et infructuosæ carnis (quæ juxta Domini verbum non prodest quidquam<sup>3</sup>, et secundum Apostolum regnum Dei non possidebit<sup>4</sup>) adimplendis invigilare desideriis, et de animæ cura Sapientis saluberrimum non curare consilium, admonentis atque dicentis: *Miserere animæ tuæ placens Deo*<sup>5</sup>. Bona misericordia, misereri animæ tuæ; nec potest non mereri misericordiam, qua fit ut placeas Deo. Alias autem non est misericordia, sicut jam dixi, sed crudelitas; non est charitas, sed

iniquitas; non discretio, sed confusio, sterilem quæ non parit pascere, id est, inutilis carnis concupiscentiis inservire; et viduæ nil boni facere, animæ videlicet excolendis virtutibus nullam operam dare. Quæ utique, licet Sponso interim sit viduata cœlesti, sensus tamen de Spiritu sancto concipere et parere non desinit immortales; qui videlicet incorruptibilis cœlestisque hæreditatis valeant esse capaces, sed si pium habeant studiosumque cultorem.

18. Sub hac tamen abusione jam fere ubique sic pro ordine tenentur, fere jam ita ab omnibus sine querela atque irreprehensibiliter observantur; quanquam dissimiliter. Nonnulli quippe his omnibus tanquam non utentes utuntur; et ideo aut cum nulla offensa, aut cum minima. Aliquanti quippe hæc agunt ex simplicitate, aliquanti ex charitate, aliquanti ex necessitate. Quidam namque simpliciter ista tenent, quoniam sic eis præcipitur; parati aliter agere, si aliter præciperetur. Quidam autem ne discorditer vivant ab eis cum quibus habitant; sectantes in his, non suam libidinem, sed aliorum pacem. Alii vero, quia resistere non valent multitudini contradicentium, qui hæc utique tanquam pro Ordine libera voce defendunt; et quoties isti aliqua, prout ratio dictat, restringere vel mutare incipiunt, illi mox tota eis auctoritate resistunt.

## CAPUT IX.

Eorundem intemperantiam comparat cum antiquorum monachorum parcimonia.

19. Quis in principio, cum Ordo cœpit monasticus, ad tantam crederet monachos inertiam devenire? O quantum distamus ab his qui in diebus Antonii exstiterunt monachi! Siquidem illi cum se invicem per tempus ex charitate reviserent, tanta ab invicem aviditate panem animarum percipiebant, ut corporis cibum penitus obliti, diem plerumque totum jejunis ventribus, sed non mentibus transigerent. Et hic erat rectus ordo, quando digniori parti prius inserviebatur: hæc summa discretio, cum amplius sumebat quæ major erat: hæc denique vera charitas, ubi animæ, quarum charitate Christus mortuus est, tanta sollicitudine refocillabantur. *Nobis autem convenientibus in unum, ut verbis Apo-*

<sup>1</sup> Matth. v, 7. — <sup>2</sup> Job xxiv, 20, 21. — <sup>3</sup> Joan. vi, 64. — <sup>4</sup> I Cor. xv, 50. — <sup>5</sup> Eccli. xxx, 24.



stoli utar, *jam non est dominicam cenam manducare*<sup>1</sup>. Panem quippe cœlestem nemo est qui requirat, nemo qui tribuat. Nihil de Scripturis, nihil de salute agitur animarum; sed nugæ, et risus, et verba proferuntur in ventum. Inter prandendum quantum fauces dapibus, tantum aures pascuntur rumoribus: quibus totus intentus, modum nescias in edendo.

20. Interim autem fercula ferculis apponuntur: et pro solis carnibus, a quibus abstinetur, grandia piscium corpora duplicantur. Cumque prioribus fueris satiatus, si secundos attigeris, videberis tibi necdum gustasse priores<sup>a</sup>. Tanta quippe acuratione et arte coquorum cuncta apparantur, quatenus quatuor aut quinque ferculis devoratis, prima non impediunt novissima, nec satietas minuat appetitum. Palatum quippe, dum novellis seducitur condimentis, paulatim dissuascere cognita, et ad succos extraneos, veluti adhuc jejunum, avide renovatur in desideria. Venter quidem, dum nescit<sup>b</sup>, oneratur, sed varietas tollit fastidium. Quia enim puras, ut eas natura creavit, epulas fastidimus, dum aliæ aliis multifarie permiscuntur, et spretis naturalibus, quos Deus indidit rebus, quibusdam adulterinis gula provocatur saporibus; transitur nimirum meta necessitatis, sed necdum delectatio superatur. Quis enim dicere sufficit, quot modis (ut cætera taceam) sola ova versantur et vexantur, quanto studio evertuntur, subvertuntur, liquantur, durantur, diminuuntur; et nunc quidem frixa, nunc assa, nunc farsa, nunc mixtum, nunc singillatim apponuntur? Utquid autem hæc omnia, nisi ut soli fastidio consulatur? Ipsa deinde qualitas rerum talis deforis apparere curatur, ut non minus aspectus, quam gustus delectetur: et cum jam stomachus crebris ructibus repletum se indicet, necdum tamen curiositas satiatur. Sed dum oculi coloribus, palatum saporibus illiciuntur; infelix stomachus, cui nec colores lucent, nec sapores demulcent, dum omnia suscipere cogitur, oppressus magis obruitur, quam reficitur.

21. Jam vero de aquæ potu quid dicam, quando ne ullo quidem pacto vinum aquatum admittitur? Omnes nimirum ex quo monachi sumus, infirmos stomachos habemus, et tam necessarium Apostoli de utendo *vinum* consilium merito non negligimus, *modico* tamen, quod

ille præmisit<sup>2</sup>, nescio cur prætermisso. Et tamen vel solo, cum etiam purum est, contenti essemus! Pudet dicere, sed magis pudeat actitari; et, si pudet audiri, non pudeat emendari. Videas uno in prandio ter, vel quater, semple-num calicem reportari: quatenus diversis vinis magis odoratis, quam potatis, nec tam haustis, quam attactis, sagaci probatione et celeri cognitione unum tandem e pluribus, quod fortius sit, eligatur. Quale est autem illud, quod nonnulla monasteria ex more observare dicuntur, ut magnis videlicet festis vina delibuta melle, pigmentorum respersa pulveribus<sup>\*</sup>, in conventu bibere? Numquid et hoc fieri dicemus propter infirmitatem stomachi? Ego vero ad nihil aliud valere video, nisi ut vel amplius bibatur, vel delectabilius. Sed cum venæ fuerint vino ingurgitatae, toto in capite palpitantes, sic surgenti a mensa quid aliud libet, nisi dormire? Si autem ad vigilias surgere indigestum cogis, non cantum, sed planetum potius extorquebis.

22. Cum vero ad lectum devenero, requisitus incommodum plango, non crapulae peccatum, sed quod manducare non queo. Ridiculum vero<sup>\*</sup> (si tamen verum est) quod relatam est mihi a pluribus, qui hoc se pro certo scire dicebant, reticendum esse non arbitror. Aiunt enim incolumes ac validos juvenes conventum solere deserere; in domo se infirmorum, qui non sunt infirmi, collocare; carniū esu (qui vix ægrotis duntaxat, et omnino debilibus ex Regulæ discretionem pro virium reparatione conceditur<sup>3</sup>) non quidem corporis infirmantis ruinas reficere pro incommodo, sed carnis luxuriantis curam perficere in desiderio<sup>\*</sup>. Rogo, quæ est hæc securitas, inter frendentium undique hostium fulgurantes hastas et circumvolantia spicula, tanquam finito jam bello et triumphato adversario, projicere arma, et aut prandiis incubare longioribus, aut nudum molli volutari in lectulo? Quid hoc ignaviae est, o boni milites? Socii in sanguine et cæde versantibus, vos aut cibos diligitis delicatos, aut somnos capitis matutinos? Aliis, inquam, nocte et die cura pervigili festinantibus redimere tempus, quoniam dies mali sunt; vos e contrario et longas noctes dormitando consumitis, et dies fabulando ducitis otiosos? An dicitis, Pax, et non est pax? cur vel non verecundamini ad exprobrationem apo-

<sup>1</sup> I Cor. xi, 20. — <sup>2</sup> I Tim. v, 23. — <sup>3</sup> Reg. S. Benedicti, capp. 34, 39

<sup>a</sup> Alias, *pisces*. — <sup>b</sup> Alias, *rescitur*.

stolicæ indignationis? *Nondum enim*, ait, *re-*<sup>556</sup>  
*stitistis usque ad sanguinem*<sup>1</sup>. Imo jam ad ejus-  
 dem terribilis valde comminationis tonitruum  
 cur non expergiscimini? *Cum dixerint*, inquit,  
*Pax et securitas; tunc repentinus eis superveniet*  
*interitus, sicut dolor in utero habentis, et non ef-*  
*fugient*<sup>2</sup>. Delicata nimis medicina est, prius  
 alligari, quam vulnerari; membrum non per-  
 cussus plangere; et necdum suscepto ictu ad-  
 movere manum, fovere unguento ubi non do-  
 let, emplastrum adhibere ubi cæsura non est.

23. Ad discernendum deinde inter sanos et  
 male habentes, baculos in manibus portare ju-  
 bentur ægrotantes, plane necessarios: ut quam  
 pallor in vultu, maciesque non indicat, baculus  
 sustentans mentiatur invaletudinem. Ridendas,  
 an lugendas dixerim hujusmodi ineptias? Sic  
 Macarius vixit? sic Basilius docuit? sic Antonius  
 instituit? sic patres in Ægypto conversati sunt?  
 sic denique sancti Odo, Maiolus, Odilo, Hugo,  
 quos se sui utique Ordinis principes et præcep-  
 tores habere gloriantur, aut tenuerunt, aut  
 teneri censuerunt? Sed hi omnes, si sancti;  
 imo quia sancti fuerunt, a sancto Apostolo non  
 dissenserunt, qui nimirum ita loquitur: *Haben-*  
*tes victum et vestitum, his contenti sumus*<sup>3</sup>. No-  
 bis autem est pro victu satietas, nec vestitum

suum esset quispiam retinisset, *dividebatur*, ut  
 scriptum est, *singulis, prout cuique opus erat*:  
 non igitur quod quisque pueriliter gestire pote-  
 rat<sup>4</sup>. Sane ubi tantum quod opus erat accipie-  
 batur, ibi nihil procul dubio otiosum admitte-  
 batur: quanto magis nihil curiosum? quanto  
 magis nihil superbum? *Quod*, inquit, *opus erat*;  
 hoc est quantum ad indumenta, quod et nudi-  
 tatem tegeret, et frigus repelleret. Putasne ibi  
 cuiquam galabrum aut isembrum \* quæ-  
 rebatur ad induendum; cuiquam ducentorum  
 solidorum mula parabatur ad equitandum? Pu-  
 tasne, inquam, cujuspiam ibi lectulum oper-  
 torium cattinum \*, aut discolor barricanus \*  
 operiebat, ubi singulis dividebatur tantum,  
 prout cuique opus erat? Non illic arbitror valde  
 curatum fuisse de pretio, de colore, de cultu  
 vestimentorum, ubi tam indefessum inerat stu-  
 dium in concordia morum, animorum cohæren-  
 tia, profectuque virtutum. *Multitudinis*, inquit,  
*credentium erat cor unum, et anima una*<sup>5</sup>.

25. Ubi nunc illud unanimi-  
 tatis exercitium? Fusi sumus exterius, et de regno Dei quod in-  
 tra nos est, relictis veris ac perennibus bonis,  
 foris quærimus vanam consolationem de vani-  
 tatibus et insaniis falsis: ac jam religionis anti-  
 quæ non solum virtutem amisimus, sed nec  
 speciem retinemus. Ecce enim ipse habitus no-  
 ster (quod et dolens dico), qui humilitatis esse  
 solebat insigne, a monachis temporis nostri in  
 signum gestatur superbiæ. Vix jam in nostris  
 provinciis invenimus, quo vestiri dignemur.  
 Miles et monachus ex eodem panno partiuntur  
 sibi cucullam et chlamydem. Quivis de sæculo,  
 quantumlibet honoratus, etiamsi rex, etiamsi  
 imperator ille fuerit, non tamen nostra horre-  
 bit indumenta, si suo sibi modo præparata fue-  
 rint et aptata.

26. Cæterum in habitu, inquis, non est reli-  
 gio, sed in corde. Bene. At tu quando cucullam  
 empturus lustras urbes, fora circuis, percurris  
 nundinas, domos scrutaris negotiatorum, cun-  
 ctam evertis singulorum supellectilem, ingen-  
 tes explicas cumulos pannorum, attrectas digitis,  
 admoves oculis, solis apponis radio; quid-  
 quid grossum, quidquid pallidum occurrerit,  
 respuis; si quid autem sui puritate ac nitore  
 placuerit, illud mox quantolibet pretio satagis  
 tibi retinere: rogo te, ex corde facis hæc, an

## CAPUT X.

Vestium ornatum luxumque in eisdem persequitur.

24. Quæritur ad induendum, non quod uti-  
 lius, sed quod subtilius inveniatur: non quod  
 repellat frigus, sed quod superbire compellat:  
 non denique juxta Regulam, « quod vilius  
 » comparari potest<sup>4</sup>, » sed quod venustius,  
 imo vanius ostentari. Heu me miserum qualem-  
 cumque monachum! cur adhuc vivo videre ad  
 id devenisse Ordinem nostrum, Ordinem scilicet  
 qui primus fuit in Ecclesia, imo a quo cæ-  
 pit Ecclesia; quo nullus in terra similior ange-  
 licis ordinibus, nullus vicinior ei quæ in cælis  
 est Jerusalem mater nostra, sive ob decorem  
 castitatis, sive propter charitatis ardorem; cu-  
 jus Apostoli institutores, cujus hi, quos Paulus  
 tam sæpe sanctos appellat, inchoatores exstite-  
 runt? Et quidem inter illos cum nihil quod

<sup>1</sup> Hebr. xii, 3. — <sup>2</sup> I Thess. v, 3. — <sup>3</sup> I Tim. vi, 8. — <sup>4</sup> Reg. S. Benedicti, cap. 55. — <sup>5</sup> Act. iv, 35, 32.

\* Alias, *gestare*.

simpliciter? Cum denique contra Regulam, non<sup>357</sup> quod vilius occurrerit, sed studiosissime quæris, quod quia rarius invenitur, pretiosius emitur; ignorans facis hæc, an ex industria? Ex cordis thesauro sine dubio procedit, quidquid foris apparet vitiorum. Vanum cor vanitatis notam ingerit corpori; et exterior superfluitas interioris vanitatis indicium est. Molliora indumenta animi molliem indicant. Non tanto curaretur corporis cultus, nisi prius neglecta fuisset mens inculta virtutibus.

## CAPUT XI.

De causa cur superiores subditorum vitia non corrigant. Luxum et splendidum prælatorum apparatus perstringit.

27. Miror autem, cum Regula dicat, ad magistrum respicere quidquid a discipulis delinquitur<sup>1</sup>; et Dominus per prophetam sanguinem in peccato morientium de manu pastorum requirendum esse minetur<sup>2</sup>; quomodo abbates nostri patiantur fieri talia: nisi forte (si audeam dicere) nemo fidenter reprehendit, in quo se esse irreprehensibilem non confidit. Siquidem humanitatis est omnium, in quo sibi quisque indulget, aliis non vehementer irasci. Dicam, dicam; præsumptuos dicar, sed verum dicam. Quomodo lux mundi obtenebrata est? quomodo sal terræ infatuatum est? Quorum nobis vita, via vitæ debuit esse, dum exemplum in suis actibus ostendunt superbiam, cæci facti sunt duces cæcorum. Quod enim (ut cætera taceam) specimen humilitatis est, cum tanta pompa et equitatu incedere, tantis hominum crinitorum stipari obsequiis; quatenus duobus episcopis unius abbatis multitudo sufficiat? Mentior, si non vidi abbatem sexaginta equos, et eo amplius in suo ducere comitatu<sup>3</sup>. Dicam, si videas eos transeuntes, non patres esse monasteriorum, sed dominos castellorum; non rectores animarum, sed principes provinciarum. Tum deinde gestari jubentur mappulæ, scyphi, bacini, candelabra, et mantice suffarinate, non stramentis, sed ornamentis lectulorum. Vix denique quatuor leucis a sua quispiam domo recedit, nisi cum tota suppellectili sua, tanquam sit vel iturus ad exercitum, vel transiturus per desertum, ubi non valeant inveniri necessaria.

An non posset eodem vaseculo et aqua manibus vergi, et vinum bibi? An non posset ardens lucere lucerna, nisi in tuo quod portas candelabro, et hoc aureo, vel argenteo? An non posset dormiri, nisi super varium stratum, aut sub peregrino coopertorio? An non unus aliquis minister posset et jumentum ligare, et ad mensam servire, et lectulum preparare? Nunc ergo tantæ multitudini garsionum ac jumentorum, cur, vel ad solatium mali, nobiscum non ferimus necessaria, quatenus hospites non gravemus?

## CAPUT XII.

B

Luxum et abusum in templis et oratoriis exstruendis, ornandis, pingendis, arguit.

28. Sed hæc parva sunt: veniam ad majora, sed ideo visa minora, quia usitatiora. Omitto oratoriorum immensas altitudines, immoderatas longitudes, supervacuas latitudines, sumptuosas depolitiones, curiosas depictiones: quæ dum orantium in se retorquent aspectum, impediunt et affectum, et mihi quodammodo representant antiquum ritum Judæorum. Sed esto, fiant hæc ad honorem Dei. Illud autem interrogo monachus monachos, quod in gentilibus gentilis arguebat:

Dicite (ait ille), pontifices, in sancto quid facit aurum<sup>3</sup>?

Ego autem dico: Dicite, pauperes: non enim attendo versum, sed sensum: dicite, inquam, pauperes, si tamen pauperes, in sancto quid facit aurum? Et quidem alia causa est episcoporum, alia monachorum. Scimus namque, quod illi sapientibus et insipientibus debitores cum sint, carnalis populi devotionem, quia spiritualibus non possunt, corporalibus excitant ornamentis. Nos vero qui jam de populo exivimus; qui mundi quæque pretiosa ac speciosa pro Christo reliquimus; qui omnia pulchre lucentia, canore mulcentia, suave olentia, dulce sapientia, tactu placentia, cuncta denique oblectamenta corporea arbitrati sumus ut stercora, ut Christum lucrifaciamus: quorum, quæso, in his devotionem excitare intendimus? Quem, inquam, ex his fructum requirimus? stultorum admirationem, an simplicium oblationem<sup>4</sup>? An quoniam commixti su-

<sup>1</sup> Reg. S. Benedicti, cap. 2. — <sup>2</sup> Ezech. iii, 18. — <sup>3</sup> Persius, Sat. ii, vers. 69.

<sup>4</sup> Alias, *oblationem*.

mus inter gentes, forte didicimus opera eorum,<sup>559</sup> ecclesia : quia etsi noxia sunt vanis et avaris, et servimus adhuc sculptilibus eorum? A non tamen simplicibus et devotis.

28. Et ut aperte loquar, an hoc totum facit avaritia, quæ est idolorum servitus, et non requirimus fructum, sed datum? Si quæris, quomodo? Miro, inquam, modo. Tali quadam arte spargitur æs, ut multiplicetur. Expenditur ut augeatur, et effusio copiam parit. Ipso quippe visu sumptuosarum, sed mirandarum vanitatum, accenduntur homines magis ad offerendum, quam ad orandum. Sic opes opibus hauriuntur, sic pecunia pecuniam trahit : quia nescio quo pacto, ubi amplius divitiarum cernitur, ibi offertur libentius. Auro tectis reliquis saginantur oculi, et loculi aperiantur. Ostenditur pulcherrima forma sancti vel sancte alicujus, et eo creditur sanctior, quo coloratur. Currunt homines ad osculandum, invitantur ad donandum; et magis mirantur pulchra, quam venerantur sacra. Ponuntur dehinc in ecclesia gemmatæ, non coronæ\*, sed rotæ, circumscriptæ lampadibus, sed non minus fulgentes insertis lapidibus. Cernimus et pro candelabris arbores quasdam erectas, multo æris pondere, miro artificis opere fabricatas, nec magis cornescentes superpositis lucernis, quam suis gemmis. Quid, putas, in his omnibus queritur? penitentium compunctio, an intuentium admiratio? O vanitas vanitatum, sed non vanior quam insanior! Fulget ecclesia in parietibus, et in pauperibus eget. Suos lapides induit auro, et suos filios nudos deserit. De sumptibus egenorum servitur oculis divitum. Inveniunt curiosi quo delectentur, et non inveniunt miseri quo sustententur. Utrid saltem sanctorum imagines non reveremur, quibus utique ipsum, quod pedibus conculcatur, scatet pavimentum? Sæpe spuitur in ore angeli, sæpe alicujus sanctorum facies calcibus tunditur transentium. Et si non sacris his imaginibus, cur vel non pareitur pulchris coloribus? Cur decoras quod mox fœdandum est? cur depingis quod necesse est conculcari? Quid ibi valent venustæ formæ, ubi pulvere maculantur assidue? Denique quid hæc ad pauperes, ad monachos, ad spirituales viros? Nisi forte et hic adversus memoratum jam poetæ versiculum propheticus ille respondeatur : *Domine, dilexi decorem domus tue, et locum habitationis gloriæ tuæ*<sup>1</sup>. Assentio : patiamur et hæc fieri in

29. Cæterum in claustris coram legentibus fratribus quid facit illa ridicula monstruositas, mira quædam deformis formositas, ac formosa deformitas? Quid ibi immundæ simiæ? quid feri leones? quid monstruosi centauri? quid semihomines? quid maculosæ tigrides? quid milites pugnantes? quid venatores tubicinantes? Videas sub uno capite multa corpora, et rursus in uno corpore capita multa. Cernitur hinc in quadrupede cauda serpentis, illinc in pisce caput quadrupedis. Ibi bestia præfert equum, capram trahens retro dimidiam; hic cornutum animal equum gestat posterius. Tam multa denique, tamque mira diversarum formarum ubique varietas apparet, ut magis legere libeat in marmoribus, quam in codicibus, totumque diem occupare singula ista mirando, quam in lege Dei meditando. Prohi Deo! si non pudet ineptiarum, cur vel non piget expensarum?

### CAPUT XIII.

Modos et media mutuae charitatis et pacis fovendæ summam colligit, denique transfugas instabilitatis notat.

30. Multa quidem et alia suggerebat addenda larga materia : sed avellit me et propria satis anxia occupatio, et tua, frater Ogeri\*, nimis festina discessio, qui videlicet nec morari diutius acquiescis, nec abire tamen vis absque recenti opusculo. Facio itaque quod vis, et te dimitto, et sermonem brevior : præsertim quia utiliora sunt pauca in pace, quam multa cum scandalo. Et utinam hæc pauca scripserim sine scandalo. Enimvero vitia carpens, scio me offendere vitiosos. Potest tamen fieri, volente Deo, aliquibus quos me timeo exasperasse, potius placitum esse, sed si desinant esse vitiosi : si videlicet, et districtiores desinant esse detractores, et remissiores amputent superfluitates; si sic quisque bonum teneat quod tenet, ut alium aliud tenentem non judicet; si qui accepit jam esse bonus, non invidet melioribus; et qui sibi videtur agere melius, bonum non spernat alterius : si qui districtius vivere possunt, eos qui non possunt nec aspernentur, nec emulentur; et qui non possunt, eos qui possunt sic mirentur, ut temere non imiten-

<sup>1</sup> Psal. xlv, 8.

tur. Sicut enim non licet his, qui majus aliquid<sup>140</sup> forte voverunt, ad id quod minus est descen-  
dere, ne apostatentur : sic non omnibus expe-  
dit de bonis minoribus ad majora transire, ne  
præcipitentur.

31. Scio quippe nonnullos de aliis et congrega-  
tionibus, et institutionibus, ad nostrum Or-  
dinem pervolasse, pulsasse, intrasse : qui hoc  
quidem agendo, et suis scandala reliquerunt,  
et nobis nihilominus attulerunt, dum quan-  
tum illos sua temeraria discessione, tantum  
nos turbarunt sua misera conversatione. Et  
quoniam superbe spreverunt quod tenebant,  
et temere præsumperunt quod non valebant; B  
digno Deus exitu eorum tandem patefecit igna-  
viam : quia et impudenter deseruerunt quod  
imprudenter arripuerant, et turpiter redierunt  
ad id quod leviter deseruerant. Cum enim clau-  
stra nostra sui potius Ordinis impatientia, quam  
desiderio nostri expetierint; ostendunt quod

sunt, dum a vobis ad nos, a nobis ad vos insta-  
bili levitate pervolantes, et nobis, et vobis, et  
omnibus bonis scandalum faciunt. Quanquam  
ergo nonnullos eorum noverimus, qui et for-  
titer Deo auctore ceperunt, et ipso protectore  
fortius perseverant; securius est tamen ut per-  
severemus in bono quod cœpinus, quam quod  
incipiamus ubi non perseveremus; et hoc pa-  
riter omnes studeamus, quo secundum Apo-  
stoli consilium *omnia nostra in charitate fiant*<sup>1</sup>.  
Hæc est nostra de nostro, et de vestro Ordine  
sententia; hæc nostris et vestris, hæc non de  
vobis, sed vobis me solere dicere, nullus me-  
lius mihi testis erit quam vos, et si quis me no-  
vit sicut vos. Quæ in vestris laudabilia sunt,  
laudo et prædico : si quæ reprehendenda sunt;  
ut emendentur, vobis et aliis amicis meis sua-  
dere soleo. Hoc non est detractio, sed attrac-  
tio. Quod ut nobis a vobis semper fiat, omnino  
precor et supplico. Valet.

<sup>1</sup> I Cor. xvi, 14.

# ADMONITIO

## IN SEQUENS OPUSCULUM VI.

1. Liber subjectus in codicibus antiquis hunc præfert titulum, « Incipit prologus sancti Bernardi abbatis in libello ad Milites Templi : » et post prologum, « Incipiunt capitula de » laude novæ Militiæ : » quæ omnino sunt tredecim, ut in editis nostris, ubi titulos ex mente auctoris retinuimus. Liber iste a Gaufrido in libro tertio de Vita Bernardi, capite octavo, « Exhortatorius sermo ad Milites Templi » vocatur. « Quam vero fidelis, » inquit, « cujuslibet piæ conversationis commendator exstiterit et adiutor, exhortatorius ad Milites Templi » Sermo declarat. » Ita ergo hujusce libri titulus institui potest : « Liber ad Milites Templi, » de laude novæ Militiæ. »

2. « Hugoni » tamen « militi Christi et magistro Militiæ Christi » inscriptus est prologus : sed perinde est Magistro Militiæ, atque omnibus Militibus librum nuncupasse. Dicti sunt Fratres Templi ex eo, quod concessu Balduini regis juxta Templum Domini primo consederint, teste Guillelmo archiepiscopo Tyrensi in libro duodecimo, capite septimo, ubi eorum originem describit ad annum 1118. « Eodem anno, » inquit, « quidam nobiles viri de equestri » ordine, Deo devoti, religiosi, et timentes Deum, in manu domini patriarchæ Christi servitio se mancipientes, more canonicorum regularium, in castitate, et obedientia, et sine proprio, velle perpetuo vivere professi sunt. Inter quos primi et præcipui fuerunt viri venerabiles, Hugo de Paganis, et Ganfredus de Sancto-Aldemaro : quibus quoniam neque ecclesia erat, neque certum habebant domicilium, Rex in palatio, quod secus Templum Domini ad australem habet partem, eis ad tempus concessit habitaculum. Prima autem eorum professio, quodque eis a domino patriarcha et aliis episcopis in remissionem peccatorum injunctum est, ut vias et itinera, maxime ad salutem peregrinorum, contra latronum et incursantium insidias, pro viribus conservarent. » Hæc de Militum Templi origine, quibus primus Magister præfectus est prædictus Hugo de Paganis, quem idem Guillelmus Tyrensis magistrum militiæ Templi primum vocat in libri decimi tertii capite vigesimo sexto. « Hugoni sanctæ militiæ Priori » inscripta est Guigonis Cartusiæ præpositi epistola secunda. Iste est Hugo, cui Bernardus sequentem librum nuncupavit, distinguendus utique ab altero Hugone, qui ex comite Campaniæ miles Templi factus est, testante Bernardi epistola trigesima prima ipsi directa. Porro Hugoni de Paganis primo militiæ Magistro successit « miles eximius » et in armis strenuus, nobilis carne et moribus, dominus Robertus, cognomine Burgundio, « natione Aquitanicus, » et quidem sub annum 1136, ut colligitur ex Guillelmo Tyrensi in libri decimi quinti capite sexto, qui item de eodem agit initio libri decimi septimi. Roberto suffectus videtur Ebrardus, cui Petrus Venerabilis scribit epistolam, quæ est libri sexti epistola vigesima sexta.

3. Quo anno scriptus sit iste liber, non facile dixerim. Id factum constat Ordine jam plurimum aucto, et militum numero multiplicato. Bernardi verba hoc probant n. 10 : « Hæc Jerosolymis actantur, et orbis excitatur. Audiunt insule, et attendunt populi de longe, et ebulliunt ab Oriente et Occidente.... Quodque cernitur jucundius, et agitur commodius, paucos admodum in tanta multitudine hominum illo confluere videas, nisi utique sceleratos, » etc. Atqui ante concilium Trecense, id est ante annum 1127, novem tantum erant ejus instituti Milites, ut ex Guillelmo mox videbimus. Vix ergo ante annum 1132, hic liber compositus dici potest, sed tamen ante annum 1136, quo fere anno Robertus magister Hugoni successit.

4. Templariorum Regulam ex codice Victorino typis mandavit Miræus, eamque Chronico Cisterciensi inseruit, « utpote a sancto Bernardo, » inquit, « abbate Claræ-Vallensi, ut ex prologo patet, dictatam. » Regula hæc totidem capitulis, quot Regula sancti Benedicti, ex qua magna ex parte de verbo sumpta est, constat, id est capitulis septuaginta duobus. Sic vero inscribitur ante prologum : « Regula pauperum commilitonum Christi Templique Salomonici. » Manricus ad annum 1128, cap. 2, hanc Regulam Bernardo auctori cum Miræo tribuit, ad idque probandum duo loca adducit ex prologo. Primus locus sic habet : « Sane autem prorsus licet nostri dictaminis auctoritatem permaximus numerus religiosorum Patrum, qui in illo concilio divina admonitione convenerunt, commendat; non debemus silenter transire, quibus videntibus et veras sententias proferentibus, ego Joannes Michaelensis præsentis paginæ, jussu concilii ac venerabilis abbatis Claræ-Vallensis, cui creditum ac debitum hoc erat, humilis scribe esse divina gratia merui. » Verum hæc verba non significant ullam Regulam a Bernardo pro Templariis fuisse compositam : sed cum in Joannem Michaelensem rejecisse impositum sibi scribæ officium. Neque quidquam amplius conficitur ex sequentibus verbis, quæ post enumerationem Patrum Trecensis concilii hoc modo referuntur : « Ipse vero magister militiæ, Hugo nomine, revera non defuit, et quosdam de fratribus suis secum habuit, verbi gratia F. Godefridum, F. Rovallum, F. Gaufridum Bisol, F. Pagannum de Monte-Desiderii, Archembaudum de Sancto-Aniano. Iste vero magister Hugo cum istis discipulis modum et observantiam exiguæ inchoationis sui militaris Ordinis, qui ab illo qui dicit, *Ego principium qui et loquor vobis*, sumpsit exordium, juxta memoriæ suæ notitiam supra nominatis Patribus intimavit. Placuit itaque concilio, ut consilium ibi lima et consideratione divinarum Scripturarum diligenter examinatum, tamen cum providentia Papæ Romanorum ac Patriarchæ Jerosolymitarum, necnon etiam assensu capituli pauperum commilitonum templi quod est in Jerusalem, scripto commendaretur, et inenodabiliter servaretur. » Quibus verbis id tantum a Patribus sancitum fuisse intelligimus, ut Militibus Regula ex eorum consensu, consultis Romano Pontifice et Patriarcha Jerosolymitano, præscriberetur : sed Bernardus ejus auctor nequaquam asseritur. Quinimo Albericus Ordinis Cisterciensis eisdem Militibus Regulam sancti Augustini impositam scribit. Unde in Monastico Anglicano ad Ordinem sancti Augustini revocantur. Permirum esset, si Albericus Triumfontium haud longe a Clara-Valle monachus Cisterciensis, hanc Bernardi Regulam ignorasset, et pro illa Militibus, qui ejus tempore supererant, aliam tribuisset. Guillelmus Tyrensis episcopus in jam dicti libri duodecimi capite septimo, tradit, eisdem Militibus, qui ante concilium Trecense « nonnisi novem erant, de mandato domini Honorii papæ et domini Stephani Jerosolymitani patriarchæ, fuisse institutam Regulam, et album habitum assignatum, » cum antea vulgari usi essent. « Postmodum vero tempore domini Eugenii papæ, ut dicitur, » cruces de panno rubeo mantellis suis cæperunt assuere, » tam equites, » quam eorum Fratres, qui dicuntur Servientes. Quorum res adeo crevit in immensum, ut hodie, » inquit Guillelmus, » trecentos plus minusve in conventu habeant equites, albis chlamydidibus indutos, » exceptis Fratribus. » Ex his postremis verbis conjicimus, Regulam illam, quæ Bernardo

auctori tribuitur, nonnisi post Guillelmum Tyrensem scriptam fuisse : quandoquidem in capite vigesimo primo notantur quidam « pseudofratres ex Ultramontanis partibus, mentientes se esse de Templo ; » et quædam apud ipsos Milites « sine discretione ac consilio communis capituli succrevisse penitus amputanda » arguuntur, nempe quod « habebant olim famuli » et armigeri alba vestimenta, unde veniebant damna importabilia. » Nullum vero capitulum generale Templariorum fuit ante concilium Trecense : nullus antea peculiaris Militum habitus, sed vulgaris. Albus eis concessus est a Patribus concilii, exceptis Servientibus. Plane vel ex his solis verbis intelligitur, hoc saltem capitulum longe post tempus concilii fuisse adscriptum. Capitulum septimum « stando divinum officium audiri » non solum non laudat, sed etiam vituperat, statuitque audiri sedendo : quod sane statutum in Bernardi mentem non venisset. In capitulo quinquagesimo sexto statuitur, « ut amplius sorores non habeantur : » quod arguit non fuisse recens institutum. An Joannes Michaelensis istius Regulæ auctor sit, aliis judicandum relinquo. Illud in ea observatu non indignum, quod « collatio » pro cœnula jejuniorum usurpatur in capite decimo sexto.

---



S. BERNARDI ABBATIS

# DE LAUDE NOVÆ MILITIÆ

AD MILITES TEMPLI

LIBER.

## PROLOGUS.

HUGONI militi Christi, et magistro Militiæ Christi,  
BERNARDUS Claræ-Vallis solo nomine abbas,  
bonum certamen certare.

Semel, et secundo, et tertio, ni fallor, petiisti a me, Hugo charissime, ut tibi tuisque commilitonibus scriberem exhortationis sermonem; et adversus hostilem tyrannidem, quia lanceam non liceret, stilum vibrarem: asserens vobis non parum fore adjutorii, si quos armis non possum, litteris animarem. Distuli sane aliquandiu: non quod contemnenda videretur B petitio, sed ne levis præcepsque culparetur assensio, si quod melius melior implere sufficeret, præsumerem imperitus, et res admodum necessaria per me minus forte commoda redderetur. Verum videns me longa satis hujusmodi expectatione frustratum; ne jam magis nolle, quam non posse viderer, tandem ego quidem quod potui feci: lector judicet, an satisfeci. Quanquam etsi cui forte aut minime placeat, aut non sufficiat; non tamen interest mea, qui tuæ pro meo sapere non defui voluntati.

## CAPUT I.

De laude novæ militiæ.

I. Novum militiæ genus ortum nuper auditur in terris, et in illa regione, quam olim in carne præsens visitavit Oriens ex alto: ut inde

<sup>845</sup> tunc in fortitudine manus suæ tenebrarum principes exturbavit, inde et modo ipsorum satellites, filios diffidentiae, in manu fortium suorum dissipatos exterminet, faciens etiam nunc redemptionem plebis suæ, et rursum erigens cornu salutis nobis in domo David pueri sui. Novum, inquam, militiæ genus, et sæculis inexpertum: qua gemino pariter conflictu infatigabiliter decertatur, tum adversus carnem et sanguinem, tum contra spiritualia nequitiae in cœlestibus\*. Et quidem ubi solis viribus corporis corporeo fortiter hosti resistitur, id quidem ego tam non judico mirum, quam nec rarum existimo. Sed et quando animi virtute vitiis sive daemoniis bellum indicitur, ne hoc quidem mirabile, etsi laudabile dixerim, cum plenus monachis cernatur mundus. Cæterum cum uterque homo suo quisque gladio potenter accingitur, suo cingulo nobiliter insignitur; quis hoc non æstimet omni admiratione dignissimum, quod adeo liquet esse insolitum? Impavidus profecto miles, et omni ex parte securus, qui ut corpus ferri, sic animum fidei lorica induitur. Utrisque nimirum munitus armis, nec daemonem timet, nec hominem. Nec vero mortem formidat, qui mori desiderat. Quid enim C vel vivens, vel moriens metuat, cui vivere Christus est, et mori lucrum? Stat quidem fidenter libenterque pro Christo; sed magis cupit dissolvi, et esse cum Christo: hoc enim melius. Securi igitur procedite, milites, et intrepido animo inimicos crucis Christi propellite, certi quia neque mors, neque vita poterunt vos separare a charitate Dei, quæ est in Christo Jesu;

illud sane vobiscum in omni periculo replican-<sup>341</sup>  
tes : *Sive vicinus, sive morimur, Domini su-* A  
*mus*<sup>1</sup>. Quam gloriosi revertuntur victores de  
prælio! quam beati moriuntur martyres in  
prælio! Gaude, fortis athleta, si vivis et vincis  
in Domino : sed magis exsulta et gloriare, si  
moreris et jungeris Domino. Vita quidem fru-  
ctuosa, et victoria gloriosa : sed utrique mors  
sacra jure præponitur. Nam si beati qui in Do-  
mino moriuntur, num multo magis qui pro  
Domino moriuntur?

2. Et quidem sive in lecto, sive in bello quis  
moritur, pretiosa erit sine dubio in conspectu  
Domini mors sanctorum ejus. Cæterum in bello B  
tanto profecto pretiosior, quanto et gloriosior.  
O vita secure, ubi pura conscientia! O, inquam,  
vita secure, ubi absque formidine mors ex-  
spectatur, imo et exoptatur cum dulcedine, et  
excipitur cum devotione! O vere sancta et tuta  
militia, atque a duplici illo periculo prorsus li-  
bera, quo id hominum genus solet frequenter  
periclitari, ubi duntaxat Christus non est causa  
militandi. Quoties namque congrederis tu, qui  
militiam militas sæcularem, timendum omnino,  
ne aut occidas hostem quidem in corpore, te  
vero in anima : aut forte tu occidaris ab illo,  
et in corpore simul, et in anima. Ex cordis C  
nempe affectu, non belli eventu, pensatur vel  
periculum, vel victoria christiani. Si bona fuerit  
causa pugnantis, pugnae exitus malus esse non  
poterit; sicut nec bonus judicabitur finis, ubi  
causa non bona, et intentio non recta præces-  
serit. Si in voluntate alterum occidendi te po-  
tius occidi contigerit, moreris homicida. Quod  
si prævalet, et voluntate superandi vel vindi-  
candi forte occidis hominem, vivis homicida.  
Non autem expedit sive mortuo, sive vivo; sive  
victori, sive victo, esse homicidam. Infelix  
victoria, qua superans hominem, succumbis  
vitio. Et ira tibi aut superbia dominante, fru-  
stra gloriaris de homine superato. Est tamen qui  
nec ulciscendi zelo, nec vincendi typho, sed  
tantum evadendi remedio interficit hominem.  
Sed ne hanc quidem bonam dixerim victoriam :  
cum de duobus malis, in corpore quam in  
anima mori levius sit \*. Non autem quia cor-  
pus occiditur, etiam anima moritur : sed anima,  
quæ peccaverit, ipsa morietur.

## CAPUT II.

De militia sæculari.

3. Quis igitur finis fructusve sæcularis hujus,  
non dico, militiae, sed malitiæ; si et occisor le-  
taliter peccat, et occisus æternaliter perit? Enim-  
vero, ut verbis utar Apostoli, *Et qui arat, in*  
*spe debet arare; et qui trahit, in spe fructus*  
*percipiendi*<sup>2</sup>. Quis ergo, o milites, hic tam stu-  
pendus error, quis furor hic tam non ferendus,  
tantis sumptibus ac laboribus militare, stipendiis  
vero nullis, nisi aut mortis, aut criminis? Ope-  
ritis equos sericis, et pendulos nescio quos pan-  
niculos lorice superinduitis; depingitis hastas,  
clypeos et sellas; frena et calcaria auro et argen-  
to, gemmisque circumornatis \*: et cum tanta  
pompa pudendo furore et impudenti stupore ad  
mortem properatis. Militaria sunt hæc insignia,  
an muliebria potius ornamenta? Numquid forte  
hostilis mucro reverebitur aurum, gemmis par-  
cet, serica penetrare non poterit? Denique,  
quod ipsi sæpius certiusque experimini, tria  
esse præcipue necessaria prælianti, ut scilicet  
strenuus industriusque miles et circumspectus  
sit ad se servandum, et expeditus ad discurren-  
dum, et promptus ad feriendum : vos per con-  
trarium in oculorum gravamen femineo ritu  
comam nutritis, longis ac profusis camisiis pro-  
pria vobis vestigia obvolvitis, delicatas ac te-  
neras manus amplis et circumfluentibus mani-  
cis sepelitis. Super hæc omnia est, quod armati  
conscientiam magis terret, causa illa nimirum  
satis levis ac frivola, qua videlicet talis præsu-  
mitur et tam periculosa militia. Non sane inter  
vos aliud bella movet, litesque suscitatur, nisi  
aut irrationabilis iracundiæ motus, aut inanis  
gloriæ appetitus, aut terrenæ qualiscumque  
D possessionis cupiditas. Talibus certe ex causis  
neque occidere, neque occumbere tutum est.

## CAPUT III.

De Militibus Christi.

4. At vero Christi milites securi præliantur  
prælia Domini sui, nequaquam metuentes aut  
de hostium cæde peccatum, aut de sua nece  
periculum : quandoquidem mors pro Christo

<sup>1</sup> Rom. xiv, 8. — <sup>2</sup> I Cor. ix, 10.

vel ferenda, vel inferenda, et nihil habeat criminis \*, et plurimum gloriæ mereatur. Hinc A quippe Christo, inde Christus acquiritur: qui nimirum et libenter accipit hostis mortem pro ultione, et libentius præbet se ipsum militi pro consolatione. Miles, inquam, Christi securus interimit, interit securior. Sibi præstat cum interit, Christo cum interimit. Non enim sine causa gladium portat. Dei etenim minister est ad vindictam malefactorum, laudem vero bonorum. Sane cum occidit malefactorem, non homicida, sed, ut ita dixerim, malicida, et plane Christi vindex in his qui male agunt, et defensor christianorum reputatur. Cum autem occiditur B ipse, non periisse, sed pervenisse cognoscitur. Mors ergo quam irrogat, Christi est lucrum: quam excipit, suum. In morte pagani christianus gloriatur, quia Christus glorificatur: in morte christiani, Regis liberalitas aperitur, cum miles remunerandus educitur. Porro super illo lætabitur justus cum viderit vindictam. De isto dicit homo: *Si utique est fructus iusto: utique est Deus iudicans eos in terra* <sup>1</sup>. Non quidem vel Pagani necandi essent, si quo modo aliter possent a nimia infestatione seu oppressione fidelium cohiberi. Nunc autem melius est ut occidantur, quam certe relinquatur virga peccatorum super sortem justorum: ne forte extendant justi ad iniquitatem manus suas.

5. Quid enim? si percutere in gladio omnino fas non est Christiano, cur ergo præco Salvatoris contentos fore suis stipendiis militibus indixit? et non potius omnem eis militiam interdixit? Si autem (quod verum est) omnibus fas est, ad hoc ipsum duntaxat divinitus ordinatis, nec aliud sane quidquam melius professis; quibus, quæso, potius, quam quorum manibus et viribus urbs fortitudinis nostræ Sion pro nostro omnium munimine retinetur? D depulsis divinæ transgressoribus legis, secunda ingrediatur gens justa, custodiens veritatem. Secure proinde dissipentur gentes quæ bella volunt, et abscindantur qui nos conturbant, et disperdantur de civitate Domini omnes operantes iniquitatem, qui repositas in Jerosolymis christiani populi inestimabiles divitias tollere gestiunt, sancta polluere, et hæreditate possi-

dere sanctuarium Dei. Exseratur gladius uterque fidelium <sup>2</sup> in cervices inimicorum, ad destruendam omnem altitudinem extollientem se adversus scientiam Dei, quæ est christianorum fides; *ne quando dicant gentes: Ubi est Deus eorum* <sup>3</sup>?

6. Quibus expulsis revertetur ipse in hæreditatem domumque suam, de qua iratus in Evangelio, *Ecce, inquit, relinquetur vobis domus vestra deserta* <sup>4</sup>; et per prophetam ita conqueritur, *Reliqui domum meam, dimisi hæreditatem meam* <sup>5</sup>: implebitque illud propheticum, *Redemit Dominus populum suum, et liberavit eum: et venient et exsultabunt in monte Sion, et gaudebunt de bonis Domini* <sup>6</sup>. Lætare, Jerusalem, et cognosce jam tempus visitationis tuæ. Gaudete et laudate simul, deserta Jerusalem, quia consolatus est Dominus populum suum, redemit Jerusalem; paravit Dominus brachium suum sanctum in oculis omnium gentium. Virgo Israel, corrueras, et non erat qui sublevaret te. Surge jam, excutere de pulvere, virgo, captiva filia Sion. Surge, inquam, et sta in excelsis, et vide jucunditatem, quæ venit tibi a Deo tuo. Non vocaberis ultra derelicta, et terra tua non vocabitur amplius desolata, quia complacuit Domino in te, et terra tua inhabitabitur. Leva in circuitu oculos tuos et vide: omnes isti congregati sunt, venerunt tibi. Hoc tibi auxilium missum de sancto. Omino per istos tibi jamjamque illa persolvitur antiqua promissio, *Ponam te in superbiis sæculorum, gaudium in generatione et generationem, et suges lac gentium, et mammilla regum lactaberis* <sup>7</sup>: et item, *Sicut mater consolatur filios suos, ita et ego consolabor vos, et in Jerusalem consolabimini* <sup>8</sup>. Videsne quam crebra veterum attestatio nova approbatur militia, et quod sicut audivimus, sic videmus in civitate Domini virtutum? Dummodo sane spiritualibus non præjudicet sensibus litteralis interpretatio, quominus scilicet speremus in æternum, quidquid huic temporis significando ex Prophetarum vocibus usurpamus: ne per id quod cernitur, evanescat quod creditur; et spei copias imminuat penuria rei, præsentiumque attestatio sit evacuatio futurorum. Alioquin terrenæ civitatis temporalis gloria non destruit cœlestia bona, sed astruit; si

<sup>1</sup> Psal. LVII, 12. — <sup>2</sup> Luc. III, 14. — <sup>3</sup> Psal. CXXII, 2. — <sup>4</sup> Matth. XXIII, 38. — <sup>5</sup> Jerem. XII, 7. — <sup>6</sup> Id. XXXI, 11, 12. — <sup>7</sup> Isai. LX, 15, 16. — <sup>8</sup> Id. LXXVI, 13.

<sup>a</sup> Spiritualis scilicet ac materialis: de utroque epistola 256, et libro 4 de Consideratione, cap. 3, n. 7.

tamen istam minime dubitamus illius tenere<sup>347</sup> vanitates et insanias falsas respuunt et abominantur. Capillos tondent<sup>a</sup>, scientes juxta Apostolum ignominiam esse viro, si comam nutri-  
 figuram, quæ in cælis est mater nostra.

#### CAPUT IV.

De conversatione Militum Christi.

7. Sed jam ad imitationem seu ad confusione-  
 nem nostrorum militum, non plane Deo, sed  
 diabolo militantium, dicamus breviter Christi  
 equitum mores et vitam; qualiter in bello do-  
 mine conversentur: quo palam fiat, quantum  
 ab invicem differant Dei sæculique militia. Pri-  
 mo quidem utrolibet disciplina non deest, obe-  
 dientia nequaquam contemnitur, quia, teste  
 Scriptura, et *filius indisciplinatus peribit*<sup>1</sup>; et,  
*peccatum est haviolaudi repugnare, et quasi sec-*  
*lus idololatriæ nolle acquiescere*<sup>2</sup>. Itur, et redi-  
 tur ad nutum ejus qui præest: induitur quod  
 ille donaverit; nec aliunde vestimentum seu  
 alimentum præsumitur. Et in victu et vestitu  
 cavetur omne superfluum, soli necessitati con-  
 sulitur. Vivitur plane in communi jucunda et  
 sobria conversatione, absque uxoribus, et abs-  
 que liberis. Et ne quid desit ex evangelica per-  
 fectione, absque omni proprio habitant unius  
 moris in domo una, solliciti servare unitatem  
 spiritus in vinculo pacis. Dicas universæ multi-  
 tudinis esse cor unum, et animam unam: ita  
 quisque non omnino propriam sequi voluntate-  
 tem, sed magis obsequi satagit imperanti. Nullo  
 tempore aut otiosi sedent, aut curiosi vagantur:  
 sed semper dum non procedunt (quod quidem  
 raro contingit), ne gratis comedant panem,  
 armorum seu vestimentorum vel scissa resar-  
 ciunt, vel vetusta reficiunt, vel inordinata com-  
 ponunt, et quæque postremo facienda magistri  
 voluntas et communis indicit necessitas. Perso-  
 na inter eos minime accipitur: defertur meliori,  
 non nobiliori. Honore se invicem præveniunt; D  
 alterutrum onera portant, ut sic adimpleant  
 legem Christi. Verbum insolens, opus inutile,  
 risus immoderatus, murmur vel tenue, sive  
 susurrium nequaquam, ubi deprehenditur, re-  
 linquitur inemendatum. Scacos\* et aleas dete-  
 stantur; abhorrent venationem: nec ludicra  
 illa avium rapina (ut assolet) delectantur\*.  
 Mimos, et magos, et fabulatores, scurrilesque  
 cantilenas, atque ludorum spectacula, tanquam

8. Porro imminente bello, intus fide, foris  
 ferro, non auro se muniunt: quatenus armati,  
 et non ornati, hostibus metum incutiant, non  
 provocent avaritiam. Equos habere cupiunt for-  
 tes et veloces, non tamen coloratos aut phale-  
 ratos: pugnam quippe non pompam; victoriam,  
 sed non gloriam cogitantes, et studentes magis  
 esse formidini, quam admirationi. Deinde non  
 turbulenti aut impetuosus, et quasi ex levitate  
 præcipientes, sed consulte atque cum omni cau-  
 tela et providentia se ipsos ordinantes, et dis-  
 ponentes in aciem, juxta quod de patribus  
 scriptum est. Veri profecto Israelitæ procedunt  
 ad bella pacifici. At vero ubi ventum fuerit ad  
 certamen, tum demum pristina lenitate post-  
 posita, tanquam si dicerent, *Nonne qui oderunt*  
*te, Domine, oderam, et super inimicos tuos ta-*  
*besceram*<sup>3</sup>? irruunt in adversarios, hostes velut  
 oves reputant; nequaquam, etsi paucissimi, vel  
 sævam barbariem, vel numerosam multitudi-  
 nem formidantes. Noverunt siquidem non de  
 suis præsumere viribus, sed de virtute Domini  
 sabaoth sperare victoriam: cui nimirum facile  
 esse confidunt, juxta sententiam Macchabæi,  
 concludi multos in manus paucorum, et non  
 esse differentiam in conspectu Dei cæli liberare  
 in multis, et in paucis; quia non in multitudine  
 exercitus est victoria belli, sed de cælo fortitudo  
 est<sup>4</sup>. Quod et frequentissime experti sunt, ita ut  
 plerumque quasi persecutus sit unus mille, et  
 duo fugarint decem millia. Ita denique miro  
 quodam ac singulari modo cernuntur et agnis  
 mitiores, et leonibus ferociore, ut pene dubi-  
 tem quid potius censeam appellandos, monachos  
 videlicet, an milites: nisi quod utrumque for-  
 san congruentius nominarim, quibus neutrum  
 deesse cognoscitur, nec monachi mansuetudo,  
 nec militis fortitudo. De qua re quid dicendum,  
 nisi quod a Domino factum est istud, et est  
 mirabile in oculis nostris? Tales sibi elegit Deus,  
 et collegit a finibus terræ ministros ex fortissi-  
 mis Israel, qui veri lectulum Salomonis, sacrum  
 scilicet sepulcrum, vigilanter fideliterque cu-

<sup>1</sup> Eccli. xxii, 3. — <sup>2</sup> I Reg. xv, 23. — <sup>3</sup> Psal. cxxxviii, 21. — <sup>4</sup> I-Macchab. iii, 18, 19.

<sup>a</sup> Hujus rei statutum legitur in Regula Templariorum capitulis 28 et 29.

stodiant, omnes tenentes gladios, et ad bella<sup>342</sup> 10. Hæc Jerosolymis actitantur, et orbis ex-

## CAPUT V.

De Templo.

9. Est vero templum Jerosolymis, in quo pariter habitant, antiquo et famosissimo illi Salomonis impar quidem structura, sed non inferius gloria. Siquidem universa illius magnificentia in corruptibilibus auro et argento, in quadratura lapidum et varietate lignorum continebatur: hujus autem omnis decor, et gratæ B venustatis ornatus, pia est habitantium religiositas, et ordinatissima conversatio. Illud variis exstitit spectandum coloribus: hoc diversis virtutibus et sanctis actibus venerandum. Domum quippe Dei decet sanctitudo<sup>1</sup>, qui non tam politis marmoribus, quam ornatis moribus delectatur, et puras diligit mentes super auratos parietes\*. Ornatur tamen hujus quoque facies templi, sed armis, non gemmis: et pro antiquis coronis aureis, circum pendentibus clypeis paries operitur; pro candelabris, thuribulis, atque urceolis, domus undique frenis, sellis, ac lanceis communitur. Plane his omnibus li- C quido demonstrantibus, eodem pro domo Dei fervere milites zelo, quo ipse quondam militum Dux vehementissime inflammatus armata illa sanctissima manu, non tamen ferro, sed flagello, quod fecerat de resticulis<sup>b</sup>, introivit in templum, negotiantes expulit, nummulariorum effudit æs, et cathedras vendentium columbas evertit<sup>2</sup>: indignissimum judicans, orationis domum hujuscemodi forensibus incestari<sup>c</sup>. Tali proinde sui Regis permotus exemplo devotus exercitus, multo sane indignius, longeque intolerabilius arbitrans sancta pollui ab infidelibus, quam a mercatoribus incestari, in domo sancta cum equis et armis commoratur; tamque ab ipsa, quam a cæteris sacris omni infidelitatis spurca et tyrannica rabie propulsata, ipsi in ea die noctuque tam honestis, quam utilibus officiis occupantur. Honorant certatim Dei templum sedulis et sinceris obsequiis, jugi in eo devotione immolantes, non quidem veterum ritu pecudum carnes, sed vere hostias pacificas, fraternam dilectionem, devotam subjectionem, voluntariam paupertatem.

A citatur. Audiunt insulae, et attendunt populi de longe, et ebulliunt ab Oriente et Occidente, tanquam torrens inundans gloriæ gentium, et tanquam fluminis impetus lætificans civitatem Dei. Quodque cernitur jucundius, et agitur commodius, paucos admodum in tanta multitudine hominum illo confluere videas, nisi utique sceleratos et impios, raptores et sacrilegos, homicidas, perjuros, adulteros: de quorum profecto perfectione sicut duplex quoddam constat provenire bonum, ita duplicatur et gaudium; quandoquidem tam suos de suo discessu lætificant, quam illos de adventu quibus subvenire festinant. Prosunt quippe utrobique, non solum utique istos tuendo, sed etiam illos jam non opprimendo. Itaque lætatur Ægyptus in protectione eorum, cum tamen de protectione eorum nihilominus lætetur mons Sion, et exsultent filiæ Judæ. Illa quidem se de manu eorum, ista magis in manu eorum liberari se merito gloriatur. Illa libenter amittit crudelissimos sui vastatores: ista cum gaudio suscipit sui fidelissimos defensores; et unde ista dulcissime consolatur, inde illa æque saluberrime desolatur. Sic Christus, sic novit ulcisci in hostes suos, ut non solum de ipsis, sed per ipsos quoque C frequenter soleat tanto gloriosius, quanto et potentius triumphare. Jucunde sane et commode: ut quos diu pertulit oppugnatores, magis jam propugnatores habere incipiat; faciatque de hoste militem, qui de Saulo quondam persecutore fecit Paulum prædicatorem<sup>3</sup>. Quamobrem non miror, si etiam superna illa curia, juxta testimonium Salvatoris, exsultat magis super uno peccatore pœnitentiam agente, quam super plurimis justis qui non indigent pœnitentia, dum peccatoris et maligni tantis procul dubio prosit conversio, quantis et prior nocuerat D conversatio.

11. Salve igitur, civitas sancta, quam ipse sanctificavit sibi tabernaculum suum Altissimus, quo tanta in te et per te generatio salvaretur. Salve, civitas Regis magni, ex qua nova et jucunda mundo miracula nullis pene temporibus defuere ab initio. Salve, domina gentium, princeps provinciarum, Patriarcharum possessio, Prophetarum mater et Apostolorum, initiatrix fidei, gloria populi christiani, quam Deus semper a principio propterea passus est oppugnari,

<sup>1</sup> Psal. xcii, 5. — <sup>2</sup> Joan. ii, 15. — <sup>3</sup> Act. ix.    <sup>a</sup> Alias, fortissimi. — <sup>b</sup> Alias, funiculis. — <sup>c</sup> Alias, infestari.

ut viris fortibus sicut virtutis, ita fores occasio<sup>5</sup> et salutis. Salve, terra promissionis, quæ olim fluens lac et mel tuis duntaxat habitatoribus, nunc universo orbi remedia salutis, vitæ porrigis alimenta. Terra, inquam, bona et optima, quæ in fecundissimo illo sinu tuo ex arca paterni cordis cœleste granum suscipiens, tantas ex superno semine martyrum segetes protulisti, et nihilominus ex reliquo omnium fidelium genere fructum fertilis gleba tricesimum, et sexagesimum, et centesimum super omnem terram multipliciter procreasti. Unde et de magna multitudine dulcedinis tuæ jucundissime satiati et opulentissime saginati, memoriam abundantiae suavitatis tuæ ubique eruant qui te viderunt, et usque ad extremum terræ magnificentiam gloriæ tuæ loquuntur eis qui te non viderunt, et enarrant mirabilia quæ in te fiunt. Gloriosa dicta sunt de te, civitas Dei: sed jam ex his quibus affluis deliciis, nos quoque pauca proferamus in medium, ad laudem et gloriam nominis tui.

## CAPUT VI.

De Bethlehem.<sup>a</sup>

12. Habes ante omnia in refectione animarum sanctarum Bethlehem domum panis, in qua primum is qui de cœlo descenderat<sup>b</sup>, pariente Virgine panis vivus apparuit. Monstratur piis ibidem jumentis præsepium, et in præsepio fenum de prato virginali, quo vel sic cognoscat hos possessorem suum, et asinus præsepe Domini sui. Omnis quippe caro fenum, et omnis gloria ejus ut flos feni<sup>c</sup>. Porro homo quia suum, in quo factus est, honorem non intelligendo, comparatus est jumentis insipientibus, et similis factus est illis<sup>2</sup>; Verbum panis Angelorum factum est pabulum jumentorum, ut habeat carnis fenum quod ruminet, qui verbi pane vesci penitus dissuevit: quousque per hominem Deum priori redditus dignitati, et ex pecore rursus conversus in hominem, cum Paulo dicere possit, *Etsi cognovimus Christum secundum carnem, sed nunc jam non novimus*<sup>3</sup>. Quod sane non arbitror quempiam dicere posse veraciter, nisi qui prius cum Petro ex ore Veritatis illud item audierit: *Verba quæ ego locutus*

*sum vobis, spiritus et vita sunt; caro autem non prodest quidquam*<sup>4</sup>. Alioquin qui in verbis Christi vitam invenit, carnem jam non requirit, et est de numero beatorum qui non viderunt et crediderunt<sup>5</sup>. Nec enim opus est vel lactis poculum, nisi parvulo; vel feni pabulum, nisi utique jumento. Qui autem non offendit in verbo, ille perfectus est vir, solido plane vesci cibo idoneus: et, licet in sudore vultus sui, panem verbi comedit absque offensione. Sed et securus ac sine scandalo loquitur Dei sapientiam duntaxat inter perfectos, spiritualibus spiritualia comparans, cum tamen infantibus sive pecoribus cautus sit pro capto quidem eorum proponere tantummodo Jesum Christum, et hunc crucifixum. Unus tamen idemque cibus ex cœlestibus pascuis suaviter quidem et ruminatur a pecore, et manducatur ab homine; et viro vires, et parvulo tribuit nutrimentum.

## CAPUT VII.

De Nazareth.

13. Cernitur et Nazareth, quæ interpretatur Flos, in qua is qui natus in Bethlehem erat, C tanquam fructus in flore coalescens, nutritus est Deus infans: ut floris odor fructus saporem præcederet, ac de naribus Prophetarum, faucibus se Apostolorum liquor sanctus infunderet; Judæisque tenui odore contentis, gustu solido reficeret Christianos. Senserat tamen hunc florem Nathanael, quod super omnia aromata suave redoleret. Unde et aiebat: *A Nazareth potest aliquid boni esse?* Sed nequaquam sola contentus fragrantia, respondentem sibi, *Veni, et vide*<sup>6</sup>, Philippum secutus est. Imo vero miræ illius suavitatis admodum respersione delectatus, haustuque boni odoris factus saporis avidior, odore ipso duce, ad fructum usque sine mora pervenire curavit, cupiens plenius experiri quod tenuiter præsenserat, præsensque degustare quod odoraverat absens. Videamus et de olfactu Isaac, ne forte aliquid, quod pertineat ad hæc ipsa quæ in manibus sunt, portenderit. Loquitur de illo Scriptura sic: *Statimque ut sensit vestimentorum ejus fragrantiam* (haud dubium quin Jacob), *Ecce, inquit, odor filii mei sicut odor agri pleni, cui benedixit Do-*

<sup>1</sup> Isai. xl, 6. — <sup>2</sup> Psal. xlviii, 13. — <sup>3</sup> II Cor. v, 16. — <sup>4</sup> Joan. vi, 64. — <sup>5</sup> Id. xx, 29. — <sup>6</sup> Id. i, 46.

<sup>a</sup> Deinceps ad finem Tractatus ex locis sacris mysticos eruit sensus. — <sup>b</sup> Alias, descendit.

minus<sup>1</sup>. Vestimenti fragrantiam sensit, sed vestiti præsentiam non agnovit: soloque vestis, tanquam floris odore, forinsecus delectatus, quasi fructus interioris dulcedinem non gustavit, dum et electi filii simul et sacramenti fraudatus cognitione remansit. Quo spectat hoc? Vestimentum profecto spiritus, littera est et caro Verbi. Sed ne nunc quidem Judæus in carne Verbum, in homine scit deitatem; nec sub tegmine litteræ sensum pervidet spiritua-lem: forisque palps hædi pellem, quæ similitudinem majoris, hoc est primi et antiqui peccatoris, expresserat, ad nudam non pervenit veritatem. Non sane in carne peccati, sed in similitudine carnis peccati, qui peccatum non facere, sed tollere veniebat, apparuit, ea scilicet de causa, quam ipse non tacuit, *ut qui non vident videant, et qui vident cæci fiant*<sup>2</sup>. Hac ergo similitudine deceptus Propheta, cæcus hodieque, quem nescit benedicit, dum quem lectitat in libris, ignorat et in miraculis: et quem propriis attrahat manibus, ligando, flagellando, colaphizando, minime tamen vel resurgentem intelligit<sup>3</sup>. Si enim cognovissent, nunquam Dominum gloriæ crucifixissent<sup>3</sup>. Percurramus succincto sermone et cætera loca sancta, et si non omnia, saltem aliqua: C quoniam quæ admirari per singula non sufficimus, libet vel insigniora, et ipsa breviter recordari.

### CAPUT VIII.

De monte Oliveti et valle Josaphat.

14. Ascenditur in montem Oliveti, descenditur in vallem Josaphat: ut sic divitias divinæ misericordiæ cogites, quatenus horrorem iudicii nequaquam dissimules; quia etsi in multis miserationibus suis multus est ad ignoscendum, iudicia tamen ejus nihilominus abyssus multa, quibus agnoscitur valde omnino terribilis super filios hominum. David denique qui montem Oliveti demonstrat, dicens, *Homines et jumenta salvabis, Domine, quemadmodum multiplicasti misericordiam tuam, Deus*; etiam iudicii vallem in eodem psalmo commemorat, dicens: *Non veniat mihi*, inquit, *pes superbæ, et manus*

*peccatoris non moveat me*<sup>4</sup>. Cujus et præi-pitium se omnino perhorrescere fatetur, cum in alio psalmo ita loquitur, orans: *Confige timore tuo carnes meas, a judiciis enim tuis timui*<sup>5</sup>. Superbus in hanc vallem corruit, et conquassatur: humilis descendit, et minime periclitatur. Superbus excusat peccatum suum: humilis accusat, sciens quia Deus non bis judicat in idipsum; et quod si nosmetipsos judicaverimus, non utique judicabimur<sup>6</sup>.

15. Porro superbus non attendens quam horrendum sit incidere in manus Dei viventis, facile prorumpit in verba malitiæ ad excusandas excusationes in peccatis. Magna revera malitia, tui te non misereri, et solum post peccatum remedium confessionis a te ipso repellere, ignemque in sinu tuo involvere potius, quam excutere, nec præbere aurem consilio Sapientis qui ait: *Miserere animæ tuæ placens Deo*<sup>7</sup>. Proinde qui sibi nequam, cui bonus? Nunc iudicium est mundi, nunc princeps hujus mundi ejicietur foras<sup>8</sup>, hoc est de corde tuo, si te tamen humiliando ipse dijudicas. Erit iudicium cœli, quando ipsum vocabitur cœlum desursum, et terra discernere populum suum<sup>9</sup>: in quo sane timendum, ne projiciaris tu cum ipso et angelis ejus, si tamen inventus fueris injudicatus. Alioquin spiritualis homo, qui omnia dijudicat, ipse a nemine judicabitur<sup>10</sup>. Propter hoc ergo iudicium incipit a domo Dei, ut suos, quos novit judex, cum venerit inveniat judicatos: et jam nil de eis habeat judicare, quando videlicet judicandi sunt hi qui in labore hominum non sunt, et cum hominibus non flagellantur<sup>11</sup>.

### CAPUT IX.

De Jordane.

16. Quam læto sinu Jordanis excipit Christianos, qui se Christi gloriatur consecratum baptisinate! Mentitus est plane Syrus ille leprosus, qui nescio quas Damasci aquas aquis prætulit Israelis<sup>12</sup>, cum Jordanis nostri devotus Deo famulatus toties probatus exstiterit, sive quando Eliæ, sive quando Elisæo<sup>13</sup>, sive etiam (ut antiquius aliquid recolam) quando Josue

<sup>1</sup> Gen. xxvii, 27. — <sup>2</sup> Joan. ix, 39. — <sup>3</sup> I Cor. ii, 8. — <sup>4</sup> Psal. xxxv, 7, 12. — <sup>5</sup> Psal. cxviii, 120. — <sup>6</sup> I Cor. xi, 31. — <sup>7</sup> Eccli. xxx, 24. — <sup>8</sup> Joan. xii, 31. — <sup>9</sup> Psal. xlix, 4. — <sup>10</sup> I Cor. ii, 15. — <sup>11</sup> Psal. lxxii, 5. — <sup>12</sup> IV Reg. v, 12. — <sup>13</sup> IV Reg. ii.

<sup>4</sup> Alias, vel resurgendo intelligit.

et omni populo simul, impetum mirabiliter in-  
hibens, siccum in se transitum præbuit <sup>1</sup>. De-  
nique quid in fluminibus isto eminentius, quod  
ipsa sui <sup>2</sup> Trinitas quadam evidenti præsentia  
dedicavit? Pater auditus, visus Spiritus san-  
ctus, Filius est et baptizatus. Merito proinde  
ipsam ejus virtutem, quam Naaman ille con-  
sulente Propheta sensit in corpore <sup>3</sup>, jubente  
Christo universus quoque fidelis populus in  
anima experitur.

## CAPUT X.

De loco Calvariæ.

17. Exitur etiam in Calvariæ locum, ubi ve-  
rus Elisæus ab insensatis pueris irrisus, risum  
suis insinuavit æternum, de quibus ait : *Ecce  
ego, et pueri mei, quos mihi dedit Dominus* <sup>4</sup>.  
Boni pueri, quos per contrarium illorum mali-  
gnantium ad laudem excitat Psalmista, dicens,  
*Laudate, pueri, Dominum, laudate nomen Do-  
mini* <sup>5</sup>, quatenus in ore sanctorum infantium et  
lactentium perficeretur laus, quæ ex ore de-  
fecerat invidorum, eorum utique, de quibus  
queritur ita : *Filios enutrii et exaltavi, ipsi au-  
tem spreverunt me* <sup>6</sup>. Ascendit itaque crucem  
calvus noster, mundo pro mundo expositus :  
et revelata facie ac discooperta fronte purgationem  
peccatorum faciens, probrosæ et austeræ  
mortis tam non erubuit ignominiam, quam nec  
pœnam exhorruit, ut nos opprobrio sempiterno  
eriperet, restitueret gloriæ. Nec mirum. Quid  
enim erubesceret, qui ita lavit nos a peccatis,  
non quidem ut aqua diluens et retinens sordes,  
sed veluti solis radius desiccans et retinens  
puritatem? Est quippe Dei sapientia ubique at-  
tingens propter munditiam suam.

## CAPUT XI.

De Sepulcro.

18. Inter sancta ac desiderabilia loca sepul-  
crum tenet quodammodo principatum, et  
devotionis plus nescio quid sentitur, ubi mor-  
tuis requievit, quam ubi vivens conversatus  
est; atque amplius movet ad pietatem mortis,  
quam vitæ recordatio. Puto quod illa austerior,

hæc dulcior videatur : magisque infirmitati  
blandiatur humanæ quies dormitionis, quam  
labor conversationis; mortis securitas, quam  
vitæ rectitudo. Vita Christi, vivendi mihi regula  
exstitit : mors, a morte redemptio. Illa vitam  
instruxit, mortem ista destruxit. Vita quidem  
laboriosa, sed mors pretiosa; utraque vero ad-  
modum necessaria. Quid enim Christi prodesse  
poterat, sive mors nequiter viventi, sive vita  
damnabiliter morienti? Numquid denique aut  
mors Christi etiam nunc male usque ad mor-  
tem viventes a morte æterna liberat, aut mor-  
tuos ante Christum sanctos patres vitæ sancti-  
tas liberavit? sicut scriptum est, *Quis est homo  
qui vivet, et non videbit mortem; cruet animam  
suam de manu inferi* <sup>7</sup>? Nunc ergo quia utrum-  
que nobis pariter necessarium erat, et pie vi-  
vere, et secure mori; et vivendo vivere docuit,  
et mortem moriendo securam reddidit : quoniam  
quidem resurrecturus occubuit, et spem fecit  
morientibus resurgendi. Sed addidit et tertium  
beneficium, cum etiam peccata donavit, sine  
quo utique cætera non valebant. Quid enim  
(quantum quidem ad veram summamque bea-  
titudinem spectat) quantalibet vitæ rectitudo  
seu longitudo prodesse poterat illi, qui vel solo  
Originali peccato teneretur adstrictus? Pecca-  
tum quippe præcessit, ut sequeretur mors :  
quod sane si cavisset homo, mortem non gu-  
stasset in æternum.

19. Peccando itaque vitam amisit, et mortem  
invenit : quoniam quidem et Deus ita prædixe-  
rat, et justum profecto erat, ut si peccaret ho-  
mo, moreretur. Quid namque justius poterat,  
quam recipere talionem? Vita siquidem Deus  
animæ est, ipsa corporis. Peccando voluntarie,  
volens perdidit vivere : nolens perdat et vivi-  
ficare. Sponte repulit vitam cum vivere noluit;  
non valeat eam dare cui, vel quatenus voluerit.  
Noluit anima regi a Deo : non queat regere  
corpus. Si non paret superiori, inferiori cur  
imperet? Invenit Conditor suam sibi rebellem  
creaturam : inveniat anima suam sibi rebellem  
pedissequam. Transgressor inventus est homo  
divinæ legis : inveniat et ipse aliam legem in  
membris suis, repugnantem legi mentis suæ,  
et captivantem se in legem peccati <sup>8</sup>. Porro  
peccatum, ut scriptum est, separat inter nos  
et Deum <sup>9</sup> : separet proinde etiam mors inter

<sup>1</sup> Josue III. — <sup>2</sup> IV Reg. v, 14. — <sup>3</sup> Isai. viii, 18. — <sup>4</sup> Psal. cxii, 1. — <sup>5</sup> Isai. i, 2. — <sup>6</sup> Psal. lxxxviii, 49. —  
<sup>7</sup> Rom. vii, 23. — <sup>8</sup> Isai. lxx, 2.

<sup>9</sup> Alias, sibi.



corpus nostrum et nos. Non potuit dividi<sup>355</sup> a Deo anima nisi peccando, nec corpus ab ipsa nisi moriendo. Quid itaque austerius pertulit in ultione, id solum passa a subdito, quod præsumpserat in auctorem? Nihil profecto congruentius, quam ut mors operata sit mortem, spiritualis corporalem, culpabilis pœnalem, voluntaria necessariam.

20. Cum ergo hac gemina morte secundum utramque naturam homo damnatus fuisset, altera quidem spirituali et voluntaria, altera corporali et necessaria; utrique Deus homo una sua corporali ac voluntaria benigne et potenter occurrit, illaque una sua nostram utramque damnavit. Merito quidem: nam ex duabus mortibus nostris, cum altera nobis in culpæ meritum, altera in pœnæ debitum reputaretur; suscipiens pœnam, et nesciens culpam, dum sponte et tantum in corpore moritur, et vitam nobis, et justitiam promeretur. Alioquin si corporaliter non pateretur, debitum non solvisset: si non voluntarie moreretur, meritum mors illa non habuisset. Nunc autem si, ut dictum est, mortis meritum est peccatum, et peccati debitum mors; Christo remittente peccatum, et moriente pro peccatoribus, profecto jam nullum est meritum, et solutum est debitum.

21. Cæterum unde scimus, quod Christus possit peccata dimittere? Hinc procul dubio, quia Deus est, et quidquid vult, potest. Unde autem et quod Deus sit? Miracula probant. Facit quippe opera, quæ nemo alius facere possit: ut taceam oracula Prophetarum, necnon et paternæ vocis testimonium elapsæ cœlitus ad ipsum a magnifica gloria. Quod si Deus pro nobis, quis contra nos? Deus qui justificat, quis est qui condemnet? Si ipse est et non alius, cui quotidie confitemur dicentes, *Tibi soli peccavi*<sup>1</sup>; quis melius, imo quis alius remittere potest quod in eum peccatum est? Aut quomodo ipse non potest, qui omnia potest? Denique ego quod in me delinquitur valeo, si volo, donare: et Deus non queat in se commissa remittere? Si ergo peccata remittere et possit omnipotens, et solus possit, cui soli peccatur; beatus profecto, cui non imputabit ipse peccatum. Itaque cognovimus, quod peccata Christus divinitatis suæ potentia valuit relaxare.

22. Porro jam de voluntate quis dubitet? Qui enim nostram et induit carnem, et subiit mortem; putas, suam nobis negabit justitiam? Voluntarie incarnatus, voluntarie passus, voluntarie crucifixus, solam a nobis retinebit justitiam? Quod ergo ex deitate constat illum potuisse, ex humanitate innotuit et voluisse. Sed unde rursum confidimus quod mortem abstulit? Hinc plane, quod eam ipse qui non meruit, pertulit. Qua enim ratione iterum exigere-tur a nobis, quod pro nobis ille jam solvit? Qui peccati meritum tulit, suam nobis donando justitiam; ipse mortis debitum solvit, et reddidit vitam. Sic namque mortua morte revertitur vita, quemadmodum ablato peccato redit justitia. Porro mors in Christi morte fugatur, et Christi nobis justitia imputatur. Verum quomodo mori potuit qui Deus erat? Quoniam nimirum et homo erat. Sed quo pacto mors hominis illius pro altero valuit? Quia et justus erat. Profecto namque cum homo esset, potuit mori; cum justus, non debuit gratis. Non quidem peccator mortis sufficit solvere debitum pro altero peccatore, cum quisque moriatur pro se. Qui autem mori pro se non habet, numquid pro alio frustra debet? Quanto sane indignius moritur qui mortem non meruit, tanto is justius pro quo moritur, vivit.

23. Sed quæ, inquis, justitia est, ut innocens moriatur pro impio? Non est justitia, sed misericordia. Si justitia esset, jam non gratis, sed ex debito moreretur. Si ex debito, ipse quidem moreretur: sed is pro quo moreretur, non viveret. At vero si justitia non est, non tamen contra justitiam est. Alioquin et justus, et misericors simul esse non posset. Sed etsi justus non injuste pro peccatore satisfacere valeat, quo tamen pacto etiam unus pro pluribus? Etenim satis esse videretur ad justitiam, si unus uni moriens vitam restituat. Huic jam respondeat Apostolus. *Sicut enim, inquit, per unius delictum, in omnes homines, in condemnationem; sic et per unius justitiam, in omnes homines, in justificationem vitæ. Sicut enim per inobedientiam unius hominis peccatores constituti sunt multi, ita et per unius hominis obedientiam justi constituentur multi*<sup>2</sup>. Sed forte unus pluribus justitiam quidem restituere potuit, vitam non potuit. *Per unum, ait, hominem mors, et per unum hominem vita. Sicut enim in*

<sup>1</sup> Psal. L, 6. — <sup>2</sup> Rom. v, 18, 19.

*Adam omnes moriuntur, ita et in Christo omnes*<sup>5, 6</sup> *vivificabuntur*<sup>1</sup>. Quid enim? Unus peccavit, et A in hac vita mortali a carne recedit; sic illa procedens ex Patre spirituum, ab intentione filiorum duntaxat perfectorum nunquam excedit.

25. Si ergo ex Deo nati, et in Christo electi sumus: quanam justitia est, ut plus noceat humana atque terrena, quam valeat divina celestisque generatio; Dei electionem vincat carnalis successio, et æterno ejus proposito carnis præscribat temporaliter traducta concupiscentia? Quinimo si per unum hominem mors, cur non multo magis per unum, et illum hominem vita? B Et si in Adam omnes morimur, cur non longe potentius in Christo omnes vivificabimur? Denique *non sicut delictum, ita et donum. Nam judicium ex uno in condemnationem; gratia autem ex multis delictis in justificationem*<sup>8</sup>. Christus igitur et peccata dimittere potuit, cum Deus sit; et mori, cum sit homo; et mortis moriendo solvere debitum, quia justus; et omnibus unus ad justitiam vitamque sufficere, quandoquidem et peccatum, et mors ex uno in omnes processerit.

26. Sed hoc quoque necessarie omnino provisum est, quod dilata morte homo inter homines dignatus est aliquandiu conversari: quatenus crebris et veris locutionibus ad invisibilia excitaret, miris operibus astrueret fidem, rectis moribus instrueret. Itaque in oculis hominum Deus homo sobrie, et juste, et pie conversatus, vera locutus, mira operatus, indigna passus, in quo jam defuit nobis ad salutem? Accedat et gratia remissionis peccatorum, hoc est, ut gratis peccata dimittat: et opus profecto nostræ salutis consummatum est. Non autem metuendum, quod donandis peccatis aut potestas Deo, aut voluntas passo, et tanta passo pro peccatoribus desit: si tamen solliciti inveniamur digne, ut oportet, et imitari exempla, et venerari miracula; doctrinæ quoque non existamus increduli, et passionibus non ingrati.

27. Itaque totum nobis de Christo valuit, totum salutiferum, totumque necessarium fuit, nec minus profuit infirmitas, quam majestas: quia etsi ex deitatis potentia peccati jugum jubendo submovit, ex carnis tamen infirmitate

<sup>1</sup> I Cor. xv, 21, 22. — <sup>2</sup> Ephes. i, 4. — <sup>3</sup> Joan. i, 13. — <sup>4</sup> I Joan. iii, 9. — <sup>5</sup> I Cor. ii, 16. — <sup>6</sup> Rom. viii, 16. — <sup>7</sup> I Cor. ii, 12. — <sup>8</sup> Rom. v, 15, 16.

<sup>a</sup> Alias, *innocenti*.

mortis jura moriendo concussit. Unde pulchre ait Apostolus : *Quod infirmum est Dei, fortius est hominibus*. Sed et illa ejus stultitia, per quam ei placuit salvum facere mundum, ut mundi confutaret sapientiam, confunderet sapientes; quod videlicet cum in forma Dei esset, Deo æqualis, semetipsum exinanivit formam servi accipiens; quod dives cum esset, propter nos egenus factus est, de magno parvus, de celso humilis, infirmus de potente; quod esuriit, quod sitiit, quod fatigatus est in itinere, et cætera quæ passus est voluntate, non necessitate : hæc ergo ipsius quædam stultitia, nonne fuit nobis via prudentiæ, justitiæ forma, sanctitatis exemplum? Ob hoc item Apostolus : *Quod stultum est, inquit, Dei, sapientius est hominibus*<sup>1</sup>. Mors ergo a morte, vita ab errore, a peccato gratia liberavit. Et quidem mors per justitiam suam peregit victoriam : quia justus exsolvendo quæ non rapuit, jure omnino quod amiserat recepit. Vita vero quod ad se pertinuit, per sapientiam adimplevit, quæ nobis vitæ et disciplinæ documentum ac speculum exstitit. Porro gratia ex illa, ut dictum est, potestate peccata dimisit, qua omnia quæcumque voluit, fecit. Mors itaque Christi, mors est meæ mortis : quia ille mortuus est, ut ego viverem. Quo pacto enim jam non vivat, pro quo moritur Vita? Aut quis jam in via morum, seu rerum notitia errare timebit duce Sapientia? Aut unde jam reus tenebitur, quem absolvit Justitia? Vitam quidem se ipse perhibet in Evangelio : *Ego sum*, inquit, *vita*<sup>2</sup>. Porro duo sequentia testatur Apostolus, dicens : *Qui factus est nobis justitia et sapientia a Deo Patre*<sup>3</sup>.

28. Si ergo lex spiritus vitæ in Christo Jesu liberavit nos a lege peccati et mortis; utquid adhuc morimur, et non statim immortalitate vestimur? Sane ut Dei veritas impleatur. Quia enim misericordiam et veritatem diligit Deus<sup>4</sup>, necesse est mori quidem hominem, quippe quod prædixerat Deus : sed a morte tamen resurgere, ne obliviscatur misereri Deus. Ita ergo mors etsi non perpetuo dominatur, manet tamen propter veritatem Dei vel ad tempus in nobis : quemadmodum peccatum, etsi jam non regnat in nostro mortali corpore, non tamen deest penitus nobis. Proinde Paulus ex parte quidem liberatum se a lege peccati et mortis gloriatur; sed

338  
rursum se utraque nihilominus lege aliqua gravari ex parte conqueritur, sive cum adversus peccatum miserabiliter clamat, *Invenio aliam legem in membris meis*<sup>5</sup>, et cætera; sive cum ingemiscit gravatus, haud dubium quin lege mortis, redemptionem expectans corporis sui<sup>6</sup>.

29. Sive itaque hæc, sive alia quæcumque in hunc modum, prout in talibus in suo quisque abundat sensu, ex occasione sepulcri christianis sensibus suggerantur : puto quod non mediocris dulcedo devotionis infundatur cominus intuenti; nec parum proficitur cernendo etiam corporalibus oculis corporalem locum dominicæ quietis. Etsi quippe jam vacuum sacris membris, plenum tamen nostris et jucundis admodum sacramentis. Nostris, inquam, nostris, si tamen tam ardentem amplectimur, quam indubitanter tenemus quod Apostolus ait : *Consepulti enim sumus per Baptismum in mortem, ut quomodo surrexit Christus a mortuis per gloriam Patris, ita et nos in novitate vitæ ambulemus. Si enim complantati facti sumus similitudini mortis ejus, simul et resurrectionis erimus*<sup>7</sup>. Quam dulce est peregrinis post multam longi itineris fatigationem, post plurima terræ marisque pericula, ibi tandem quiescere, ubi et agnoscunt suum Dominum quiesvisse ! Puto jam præ gaudio non sentiunt viæ laborem, nec gravamen reputant expensarum; sed tanquam laboris præmium, cursusve bravium assecuti, juxta Scripturæ sententiam, *gaudent vehementer cum invenerint sepulcrum*<sup>8</sup>. Nec casu vel subito, aut veluti lubrica popularis favoris opinione, id tam celebre nomen sepulcrum nactum esse putetur, cum hoc ipsum tantis retro temporibus Isaias tam aperte prædixerit : *Et erit, inquit, in die illa radix Jesse, qui stat in signum populorum, ipsum gentes deprecabuntur, et erit sepulcrum ejus gloriosum*<sup>9</sup>. Revera ergo impletum cernimus quod legimus prophetatum, novum quidem intuenti, sed legenti antiquum : ut sic adsit de novitate jucunditas, ut de vetustate non desit auctoritas. Et de sepulcro ista sufficiant.

<sup>1</sup> I Cor. I, 25. — <sup>2</sup> Joan. XIV, 6. — <sup>3</sup> I Cor. I, 30. — <sup>4</sup> Psal. LXXXIII, 12. — <sup>5</sup> Rom. VII, 23. — <sup>6</sup> Id. VIII, 23. — <sup>7</sup> Id. VI, 4, 5. — <sup>8</sup> Job. III, 22 — <sup>9</sup> Isai. XI, 10.

## CAPUT XII.

De Bethphage.

30. Quid de Bethphage dicam, viculo sacerdotum, quem pene præterieram, ubi et confessionis sacramentum, et sacerdotalis ministerii mysterium continetur? Bethphage quippe Domus buccæ interpretatur. Scriptum est autem: *Prope est verbum in ore tuo, et in corde tuo*<sup>1</sup>. Non in altero tantum, sed simul in utroque verbum habere memineris. Et quidem verbum in corde peccatoris operatur salutiferam contritionem: verbum vero in ore noxiam tollit confusionem, ne impediat necessariam confessionem. Ait enim Scriptura: *Est pudor adducens peccatum, et est pudor adducens gloriam*<sup>2</sup>. Bonus pudor est, quo peccasse, aut certe peccare confunderis: et omnis licet humanus arbiter forte absit, divinum tamen quam humanum tanto verecundius revereris aspectum, quanto et verius Deum quam hominem cogitas puriorem<sup>3</sup>: tantoque eum gravius offendi a peccante, quanto constat longius ab illo esse omne peccatum. Hujusmodi procul dubio pudor fugat opprobrium, parat gloriam, dum aut peccatum omnino non admittit, aut certe admissum et poenitendo punit, et confitendo expellit: si tamen gloria etiam nostra hæc est, testimonium conscientiae nostrae. Quod si quispiam confiteri confunditur id quoque, unde compungitur; talis pudor peccatum adducit, et gloriam de conscientia perdit, quando malum quod ex profundo cordis compunctio conatur expellere, pudor ineptus obstruso labiorum ostio non permittit exire; cum eum exemplo David dicere potius oporteret, *Et labia mea non prolibebo, Domine, tu scisti*<sup>4</sup>. Qui et se ipsum redarguens, puto super hujusmodi stulto et irrationabili pudore, *Quoniam tacui*, inquit, *incederaverunt ossa mea*<sup>5</sup>. Unde et optat ostium poni circumstantiae labiis suis<sup>6</sup>, ut oris januam et aperire confessioni, et defensionem claudere norit. Denique et aperte hoc ipsum orans petit a Domino, sciens nimirum, quia confessio et magnificentia opus ejus<sup>7</sup>. Et quod videlicet nostram malitiam, et quod æque divine bonitatis et virtutis magnifi-

<sup>646</sup>centiam minime tacemus, magnum quidem A geminæ confessionis bonum, sed Dei est domum. Ait itaque: *Non declines cor meum in verba malitiæ ad excusandas excusationes in peccatis*<sup>7</sup>. Quamobrem ministros verbi sacerdotes caute necesse est ad utrumque vigilare sollicitos, quo videlicet delinquentium cordibus tanto moderamine verbum timoris et contritionis infligant, quatenus eos nequaquam a verbo confessionis exterreant; sic corda aperiant, ut ora non obstruant; sed nec absolvant etiam compunctum, nisi viderint et confessum: quandoquidem corde creditur ad justitiam, ore autem confessio fit ad salutem. Alioquin a mortuo, tanquam qui non est, perit confessio<sup>8</sup>. Quisquis igitur verbum in ore habet, et in corde non habet, aut dolosus est, aut vanus: quisquis vero in corde, et non in ore, aut superbus est, aut timidus.

## CAPUT XIII.

De Bethania.

31. Sane non omnino (etsi multum festinem) debeo transire silenter domum obedientiæ, Bethaniam videlicet, castellum Mariæ et Marthæ, in quo Lazarus est resuscitatus: ubi nimirum et utriusque vitæ figura, et Dei erga peccatores mira clementia, necnon et virtus obedientiæ una cum fructibus poenitentiae commendatur. Hoc ergo in loco breviter intimatum sufficiat, quod quidem nec studium bonæ actionis, nec otium sanctæ contemplationis, nec lacrymæ poenitentis extra Bethaniam accepta esse poterunt illi, qui tanti habuit obedientiam, ut vitam quam ipsam perdere maluerit, factus obediens Patri usque ad mortem. Hæ sunt illæ profecto divitiæ, quas sermo propheticus ex verbo Domini pollicetur: *Consolabitur*, inquit, *Domine Sion, et consolabitur omnes ruinas ejus; et ponet desertum ejus quasi delicias, et solitudinem ejus quasi hortum Domini: gaudium et letitia invenietur in ea, gratiarum actio, et vox laudis*<sup>9</sup>. Hæc igitur orbis deliciae, hic thesaurus coelestis, hæc fidelium hæreditas populorum, vestrae sunt, charissimi, credita fidei, vestrae prudentiæ et fortitudini commendata.

<sup>1</sup> Deut. xxx, 14. — <sup>2</sup> Eccli. ix, 25. — <sup>3</sup> Psal. xxvix, 10. — <sup>4</sup> Psal. xxxi, 3. — <sup>5</sup> Psal. cxi, 3. — <sup>6</sup> Psal. cx, 3. — <sup>7</sup> Psal. cxl, 4. — <sup>8</sup> Eccli. xvi, 26. — <sup>9</sup> Isai. li, 3.

<sup>a</sup> Alias, *presentiorem*.

Tunc autem celeste depositum secure et fideliter<sup>3,4</sup> et illud, *Fortitudinem meam ad te custodiam*, custodire sufficitis, si nequaquam de ipsa vestra A *quia Deusceptor meus; Deus meus, misericordia eius praeveniet me*<sup>2</sup>; et item, *Non nobis, Domine, non nobis, sed nomini tuo da gloriam*<sup>1</sup>; ut in omnibus sit ipse benedictus, qui docet manus vestras ad praelium, et digitos vestros ad bellum<sup>4</sup>.

<sup>1</sup> Psal. XVII, 2. — <sup>2</sup> Psal. LVIII, 10, 11. — <sup>3</sup> Psal. CXIII, 9. — <sup>4</sup> Psal. CXLIII, 1.

## FINIS EXHORTATIONIS AD MILITES TEMPLI.

# ADMONITIO

## IN SUBSEQUENS OPUSCULUM VII.

1. Primus Bernardi fetus est libellus sequens, inscriptus « de Gradibus Humilitatis, » primusque nominatur tum a Bernardo ipso, tum a Gaufrido monacho, ejus Vitæ scriptore. Bernardi hæc verba sunt in epistola decima octava, ad Petrum cardinalem : « Et ut sciatis » quid petatis, scio me scripsisse libellum, qui inscribitur de Humilitate, et quatuor Homi- » lias, » etc. Hæc epistola sub annum 1127 exarata est. Gaufridus vero in libro tertio de ejus Vita, cap. 8, « Si quis, » inquit, « nosse desiderat, quam sollicitus ab initio sui ipsius diju- » dicator et scrutator extiterit, primum opus illius de Gradibus Humilitatis inspiciat. » Rationem hujusce tituli reddit Vir sanctus in Censura seu Retractione libri, quam in fronte operis præfigi voluit. Cum enim quoddam verbum, quasi e Scriptura sacra prolatum, ipsi excidisset, et quamdam de Seraphim expositionem, quam in Patribus non legerat, adduxisset; hoc comperto, incunctanter sententiam ipse suam emendare non dubitavit. Tantus erat in sancto Doctore veritatis amor! tanta in Patres reverentia! Hic Mauricus graviter monet exemplo Bernardi auctores mysticos ac theologicos nonnullos, « qui vel in litteralibus, vel in » altissimis theologiæ sacræ sensibus novitates non solum inducunt, sed etiam profitentur: » dum Bernardus, theologia divinitus infusa præditus, in sensu mystico quod a Patribus » non acceperat, suspectum habet, nec satis credit suæ conscientiæ factum, donec rem a » se excogitatam retractaret. » Quanquam alio in loco quiddam amplius sibi licere permisit, nempe in fine homiliarum super *Missus est*, ubi ita ait, « Si quid dictum est præter » Patres, quod non sit contra Patres; nec Patribus arbitror, nec cuiquam displicere debere: » et in epistola septuagesima septima, « Sane ibi unusquisque in suo sensu securus abundet,

» ubi aut certæ rationi, aut non contemnendæ auctoritati quod sentitur non obviat. » Hæc sanctus Doctor, priorem sententiam temperans, nec tam novos sensus, si ratione ducantur, quam affectatum eorum studium reprehendens.

2. Tempus scripti libri de Gradibus Humilitatis colligimus ex prælaudata epistola decima octava sub annum 1127 scripta. Tunc enim Bernardus quatuor tantum opuscula dictaverat cum aliquot epistolis, quorum opusculorum cum primum fuerit de Humilitate, ante annum 1125 scriptum dici debet. Certe ad Godefridum Claræ-Vallis Priorem ac consanguineum suum, postea Lingonensem episcopum, ad quem epistola trecentesima vigesima. Hunc « filium, fratrem, socium, et profectus sui participem » vocat hic n. 24. In codice Colbertino, notato 3964, hæc inscriptio libri legitur post libros de Consideratione : « Incipit liber ejusdem » de Gradibus Humilitatis, ad Godefridum tunc in Clara-Valle Priorem, postea Lingonica civitatis episcopum. » Deest in hoc codice Retractatio, quæ in quatuor aliis manuscriptis libro præmittitur. Unde eam in hunc locum restituere visum est, quam Horstius ad calcem rejecerat.

### RETRACTATIO S. BERNARDI IN TRACTATUM DE GRADIBUS HUMILITATIS.

In hoc Opusculo, cum illud de Evangelio, quod Dominus ait, diem ultimi judicii se nescire, ad aliquam sententiam confirmandam atque corroborandam proferrem in medium<sup>1</sup>, improvide quidem apposui, quod in Evangelio scriptum non esse postea deprehendi. Nam cum textus habeat tantummodo, *Neque Filius scit*; ego deceptus magis, quam fallere volens, litteræ quippe immemor, sed non sensus, « Nec ipse, » inquam, « Filius hominis scit. » Unde etiam totam ordiens sequentem disputationem, ex eo quod non veraciter posui, veram conatus sum approbare assertionem. Sed quia talem errorem meum multo post, quam a me idem libellus editus, et a pluribus jam transcriptus fuit, deprehendi; cum non potui per tot jam libellos sparsum persequi mendacium, necessarium credidi confugere ad confessionis remedium. Alio quoque in loco<sup>2</sup> quamdam de Seraphim opinionem posui, quam nunquam audivi, nusquam legi. Ubi sane lector meus attendat, quod proinde temperanter, « puto, » dixerim : volens videlicet non aliud, quam putari, quod certum reddere de Scripturis non valui. Titulus quoque ipse qui de Gradibus Humilitatis inscribitur, pro eo forsitan quod non humilitatis, sed superbiæ potius hic distingui describique gradus videntur, calumniam patietur, sed hoc a minus vel intelligentibus, vel attendentibus ejus tituli rationem, quam tamen in fine opusculi ipse breviter intimare curavi.

<sup>1</sup> Cap. 1, n. 1. — <sup>2</sup> Cap. 10, n. 35.

## DE GRADIBUS HUMILITATIS

## ET SUPERBIÆ

## TRACTATUS.

## PRÆFATIO.

539

A

## CAPUT I.

Rogasti me, frater Godefride, ut ea quæ de gradibus humilitatis coram fratribus locutus fueram, pleniori tibi tractatu dissererem. Cui tuæ petitioni digne, ut dignum erat, et volens satisfacere, et timens non posse; evangelici consilii memor, non prius, fateor, incipere ausus sum, quam sedens computavi, si sufficerent sumptus ad perficiendum<sup>1</sup>. Cum autem charitas hunc foras misisset timorem, quo mihi timebam illudi de opere non consummando; subintravit alius timor de contrario, quo cœpi timere gravius periculum de gloria si perfecissem, quam de ignominia si defecissem. Unde inter hunc timorem et charitatem, velut in quodam bivio positus, diu hæsitavi, cui viarum tuto me crederem; metuens aut loquendo utiliter de humilitate, ipse humilis non inveniri; aut tacendo humiliter, inutilis fieri. Cumque neutram viam tutam, alterutram tamen mihi tenendam esse conspicerem; elegi potius tibi, si quem possem, communicare fructum sermonis, quam tutari me solum portu silentii: simul fiduciam habens, si quid forte, quod approbes, dixerim, tuis precibus posse me non superbire; sin autem (quod magis puto) nihil tuo studio dignum effecerim, de nihilo superbire non posse.

Christum esse viam humilitatis, qua pervenitur ad veritatem.

1. Locuturus ergo de gradibus humilitatis, quos beatus Benedictus non numerandos, sed ascendendos proponit<sup>2</sup>; prius ostendo, si possum, quo per illos perveniendum sit, ut audito fructu perventionis, minus gravet labor ascensionis. Proponit itaque Dominus nobis viæ laborem, laboris mercedem: *Ego sum*, inquit, *via, veritas, et vita*<sup>3</sup>. Viam dicit humilitatem, quæ ducit ad veritatem. Altera labor, altera fructus laboris est. Unde sciam, inquis, quod ibi de humilitate locutus sit, cum indeterminate dixerit, *Ego sum via*? Audi apertius: *Discite a me quia mitis sum et humilis corde*<sup>4</sup>. Se ergo proponit humilitatis exemplum, mansuetudinis formam. Si imitaris eum, non ambulas in tenebris, sed habebis lumen vitæ<sup>5</sup>. Quid est lumen vitæ, nisi veritas; quæ illuminans omnem hominem venientem in hunc mundum, ostendit ubi sit vera vita? Ideo cum dixisset, *Ego sum via et veritas*, subdidit, *et vita*: ac si diceret, Ego sum via, quæ ad veritatem duco: ego sum veritas, quæ vitam promitto: ego sum vita, quam do. *Hæc est enim, ait, vita æterna, ut cognoscant te verum Deum; et quem misisti Jesum Christum*<sup>6</sup>. Vel sic, quasi tu dicas: Viam considero, id est humilitatem: fructum desidero, veritatem. Sed quid si tantus

<sup>1</sup> Luc. xiv, 28. — <sup>2</sup> Reg. cap. 7. — <sup>3</sup> Joan. xiv, 6. — <sup>4</sup> Matth. xi, 29. — <sup>5</sup> Joan. viii, 12. — <sup>6</sup> Id. xvii, 3.

est labor viæ, ut ad optatum lucrum non pos-<sup>339</sup> his duodecim gradibus ascensis, veritas apprehendatur. Illud quoque quod in scala illa, quæ est viaticum, quo sustentaris in via. Clamat igitur errantibus, et viam ignorantibus, *Ego sum via*: dubitantibus, et non credentibus, *Ego sum veritas*: jam ascendentibus, sed lassescentibus, *Ego sum vita*. Satis, ut reor, ostensum est ex proposito capitulo Evangelii, cognitionem veritatis fructum esse humilitatis. Accipe et aliud. *Confiteor tibi, Pater, Domine cæli et terræ, quia abscondisti hæc*, haud dubium quin veritatis secreta, *a sapientibus et prudentibus*, id est a superbis, *et revelasti ea parvulis*<sup>1</sup>, hoc est humilibus. Et in hoc apparet B quod veritas, quæ superbis absconditur, humilibus revelatur.

2. Humilitatis vero talis potest esse definitio: Humilitas est virtus, qua homo verissima sui agnitione sibi ipsi vilescit. Hæc autem convenit his, qui ascensionibus in corde suo dispositis, de virtute in virtutem, id est de gradu in gradum proficiunt, donec ad culmen humilitatis perveniant, in quo velut in Sion, id est in speculatione, positi, veritatem prospiciant. *Etenim*, inquit, *benedictionem dabit legislator*<sup>2</sup>: quia qui dedit legem, dabit et benedictionem; hoc est, qui iussit humilitatem, perducet ad veritatem. Quis vero est hic legislator, nisi dulcis et rectus Dominus, qui legem dedit delinquentibus in via<sup>3</sup>? In via quippe delinquant, qui veritatem derelinquunt. Sed numquid vel sic a dulei Domino derelinquuntur? Ipsi ergo dulcis et rectus Dominus legem dat viam humilitatis, per quam redeant ad cognitionem veritatis. Dat occasionem recuperandæ salutis, quia dulcis est; non tamen absque disciplina legis, quia rectus est. Dulcis, quia perire non patitur; rectus, quia punire non obliviscitur.

## CAPUT II.

Quo fructu ascendantur gradus humilitatis.

3. Hanc itaque legem, qua reditur ad veritatem, beatus Benedictus per duodecim gradus disponit: ut sicut per decem præcepta legis ac geminam circumcisionem (in quo duodenarius numerus adimpletur) ad Christum venit; ita

D templatio ex adipe frumenti solidum cibum sapientiæ, cum vino quod lætificat cor hominis, ad quæ Veritas perfectos invitat, dicens: *Comedite, amici mei, et bibite; et inebriamini, charissimi*<sup>10</sup>. *Media*, inquit, *charitate constravit propter filias Jerusalem*<sup>11</sup>; propter imperfectas videlicet animas, quæ dum adhuc illum solidum cibum minus capere possunt, lacte interim charitatis pro pane, oleo pro vino nutrien-

<sup>1</sup> Luc. x, 21. — <sup>2</sup> Psal. lxxxiii, 6, 8. — <sup>3</sup> Psal. xxiv, 8. — <sup>4</sup> Gen. xxviii, 12, 13. — <sup>5</sup> Eccl. xxv, 26. — <sup>6</sup> Matth. xi, 28. — <sup>7</sup> Reg. cap. 7, grad. 12. — <sup>8</sup> Cantic. iii, 9, 10. — <sup>9</sup> Psal. cxxvi, 2. — <sup>10</sup> Cantic. v, 1. — <sup>11</sup> Id. ii, 10.

<sup>12</sup> Alias, *apponuntur*.



dæ sunt. Quæ recte *media* describitur, quia ejus<sup>361</sup> suavis-  
tate nec incipientibus præsto est, prohi-  
bente timore; nec perfectis satis est, pro abun-  
dantiori contemplationis dulcedine. Hi adhuc  
a noxiis carnalium delectationum humoribus,  
tiniore amarissima potione purgandi, nondum  
lactis dulcedinem experiuntur: illi jam avulsi a  
lacte, epulari ab introitu gloriæ gloriosius  
delectantur: solis mediis, id est proficientibus,  
ita jam melleas quasdam sorbitiunculas chari-  
tatis expertis, ut illis interim pro sui teneri-  
tudine contenti sint.

5. Primus ergo cibus est humilitatis, purga-  
torius cum amaritudine: secundus charitatis, B  
consolatorius cum dulcedine: tertius contem-  
plationis, solidus cum fortitudine. Heu mihi,  
Domine Deus virtutum! quousque irasceris  
super orationem servi tui, cibabis me pane la-  
crymarum, et potum dabis mihi in lacrymis?  
Quis me invitabit ad illud vel medium ac dulce  
charitatis convivium: ubi justî epulantur in  
conspectu Dei, et delectantur in lætitia, ut jam  
non loquens in amaritudine animæ meæ, dicam  
Deo, Noli me condemnare: sed epulando in  
azymis sinceritatis et veritatis, lætus cantem  
in viis Domini, quoniam magna est gloria  
Domini? Bona tamen via humilitatis, qua ve-  
ritas inquiritur, charitas acquiritur, genera-  
tiones sapientiæ participantur. Denique sicut  
finis legis Christus, sic perfectio humilitatis,  
cognitio veritatis. Christus cum venit attulit  
gratiam: Veritas quibus innotuerit, dat chari-  
tatem. Innotescit autem humilibus: humilibus  
ergo dat gratiam.

### CAPUT III.

Quo ordine gradus humilitatis ad propositum bravium  
veritatis perducant: et quomodo Christus per passio-  
nem didicit misericordiam.

6. Dixi, ut potui, quo fructu humilitatis  
gradus ascendi debeant: dicam, ut potero, quo  
ordine ad propositum bravium veritatis perdu-  
cant. Sed quia ipsa quoque veritatis agnitio in  
tribus gradibus consistit: ipsos breviter, si  
possum, distinguo: quatenus ex hoc clarius  
innotescat, ad quem trium veritatis, duodeci-  
mus humilitatis pertingat. Inquirimus namque  
veritatem in nobis, in proximis, in sui natura.

In nobis, nosmetipsos dijudicando: in proxi-  
mis, eorum malis compatiendo: in sui natura,  
mundo corde contemplando. Observa sicut nu-  
merum, ita et ordinem. Primo te doceat Veritas  
ipsa, quod prius in proximis, quam in sui  
debeat inquiri natura. Post hoc accipies, cur  
prius in te, quam in proximis inquirere debeas.  
In numero siquidem beatitudinum, quas suo  
sermone distinxit Dominus, prius misericor-  
des, quam mundicordes posuit<sup>1</sup>. Misericordes  
quippe cito in proximis veritatem deprehen-  
dunt, dum suos affectus in illos extendunt:  
dum sic per charitatem se illis conformant, ut  
illorum vel bona, vel mala, tanquam propria  
sentiant. Cum infirmis infirmantur, cum scan-  
dalizatis uruntur<sup>2</sup>. Gandere cum gaudentibus,  
flere cum flentibus consueverunt<sup>3</sup>. Hac charitate  
fraterna cordis acie mundata, veritatem dele-  
ctantur in sui contemplari natura, pro cujus  
amore mala tolerant aliena. Qui vero ita se  
fratribus non consociant, sed e contrario aut  
flentibus insultant, aut gaudentibus derogant;  
dum quod in illis est, in se esse non sentiunt,  
quia similiter affecti non sunt, veritatem in  
proximis qualiter deprehendere possunt? Bene  
namque convenit illis illud vulgare proverbium:  
C Nescit sanus quid sentiat æger, aut plenus quid  
patiatur jejunos. Et æger ægro, et jejunos je-  
juno quanto propinquius, tanto familiarius  
compatiuntur. Sicut enim pura veritas non nisi  
puro corde videtur: sic miseria fratris verius  
misero corde sentitur. Sed ut ob alienam mise-  
riam miserum cor habeas, oportet ut tuam  
prius agnoscas: ut proximi mentem in tua in-  
venias, et ex te novaris, qualiter illi subvenias,  
exemplo scilicet Salvatoris nostri, qui pati vo-  
luit, ut compati sciret; miser fieri, ut misereri  
disceret, ut quomodo de ipso scriptum est,  
D *Didicit ex his quæ passus est obedientiam*<sup>4</sup>,  
ita et misericordiam disceret. Non quod ante  
misereri nesciret, cujus misericordia ab æterno,  
et usque in æternum: sed quod natura sciebat  
ab æterno, temporali didicit experimento.

7. Sed forte durum tibi videtur, quod dixi Dei  
sapientiam Christum didicisse misericordiam;  
quasi is per quem omnia facta sunt, aliquid  
aliquando ignorasset ex iis quæ sunt: maxime  
cum illud quod ex Epistola ad Hebræos ad id  
comprobandum commemoravi, alio sensu, qui  
non ita videatur absurdus, possit intelligi; ut

<sup>1</sup> Matth. v, 7, 8. — <sup>2</sup> II Cor. xi, 29. — <sup>3</sup> Rom. xii, 15. — <sup>4</sup> Hebr. v, 8.

hoc quod dictum est, *didicit*, non ad ipsum caput referatur in sui persona, sed ad corpus ejus, quod est Ecclesia; et ita sit sensus, *Et didicit ex iis quæ passus est obedientiam*, hoc est, obedientiam didicit in suo corpore ex iis quæ passus est in capite. Nam illa mors, illa crux, opprobria, sputa, flagella, quæ omnia caput nostrum Christus pertransiit, quid aliud corpori ejus, id est nobis, quam præclara obedientiæ documenta fuerunt? *Christus enim*, ait Paulus, *factus est obediens Patri usque ad mortem, mortem autem crucis*<sup>1</sup>. Qua necessitate? Respondeat apostolus Petrus : *Christus passus est pro nobis, vobis relinquens exemplum, ut sequamini*, inquit, *vestigia ejus*<sup>2</sup>, id est, ut imitemini obedientiam ejus. Ex his ergo quæ passus est, discimus quanta nos, qui puri homines sumus, oporteat pro obedientia perpeti, pro qua is, qui et Deus erat, non dubitaverit mori. Et hoc modo, inquis, non inconveniens erit, si dicatur Christus vel obedientiam, vel misericordiam, seu aliquid aliud in suo corpore didicisse : dum tamen sibi in sua persona nil, quod se ante latuerit, credatur ex tempore potuisse accedere. Sicque ipse sit qui misereri doceat aut obedire, ipse qui discat : quia caput et corpus unus est Christus.

8. Non nego hunc intellectum, quin rectus sit : sed ex alio loco ipsius Epistolæ, superior interpretatio videtur approbari, ubi dicitur : *Nusquam enim Angelos apprehendit, sed semen Abrahamæ apprehendit : unde debuit per omnia fratribus assimilari, ut misericors fieret*<sup>3</sup>. Puto quod hæc verba sic ad caput referenda sunt, ut corpori penitus aptari non possint. De Verbo utique Dei dictum est quod *non Angelos apprehendit*, hoc est, non in unam sibi personam assumpsit, *sed semen Abrahamæ*. Neque enim legitur, Verbum angelus factum est, sed, *Verbum caro factum est*<sup>4</sup>, et caro de carne Abrahamæ, juxta promissionem, quæ illi primum facta est. Unde, id est ex qua seminis assumptione, *debuit per omnia fratribus assimilari*; id est, oportuit ac necesse fuit, ut similis nobis passibilis, nostrarum omnia, excepto peccato, genera miseriarum percurreret. Si quæris, qua necessitate? *Ut misericors*, inquit, *fieret*. Et hoc, ais, cur non recte ad corpus referri potest? Sed audi quod paulo post sequitur : *In eo enim, in quo*

<sup>562</sup> *passus est ipse et tentatus, potens est et eis qui tentantur auxiliari*<sup>5</sup>. In quibus verbis quid melius intelligi possit non video; nisi quod ideo pati ac tentari, omnibusque, absque peccato, humanis voluit communicare miseriis (quod est per omnia fratribus similari), ut similiter passis ac tentatis misereri ac compati ipso disceret experimento.

9. Quo quidem experimento non dico ut sapientior efficeretur, sed propinquior videretur : quatenus infirmi filii Adam, quos suos fieri et appellari fratres non dedignatus est<sup>6</sup>, suas illi infirmitates committere non dubitarent, qui sanare illas et posset ut Deus, et vellet ut proximus, et cognosceret ut eadem passus. Unde Isaias virum eum appellat *dolorum, et scientem infirmitatem*<sup>7</sup> : et Apostolus, *Non enim habemus*, inquit, *Pontificem, qui non possit compati infirmitatibus nostris*. Unde autem possit, indicans adjungit : *Tentatum autem per omnia pro similitudine, absque peccato*<sup>8</sup>. Beatus quippe Deus, beatus Dei Filius, in ea forma, qua non rapinam arbitratus est esse se æqualem Patri, procul dubio impassibilis, priusquam se exinanisset formam servi accipiens<sup>9</sup>, sicut miseriam vel subjectionem expertus non erat, sic misericordiam vel obedientiam non noverat experimento. Sciebat quidem per naturam, non autem sciebat per experientiam. At ubi minoratus est non solum a se ipso, sed etiam paulo minus ab Angelis, qui et ipsi impassibiles sunt per gratiam, non per naturam, usque ad illam formam, in qua pati et subjici posset, quod utique (sicut dictum est) in sua non posset; et in passione expertus est misericordiam, et in subjectione obedientiam. Per quam tamen experientiam, non illi (ut dixi) scientia, sed nobis fiducia crevit, dum ex hoc misero genere cognitionis, is a quo longe erraveramus, factus est propior nobis. Quando enim illi appropinquare auderemus, in sua impassibilitate manenti? Nunc autem, Apostolo suadente, monemur *cum fiducia* adire *thronum gratiæ ipsius*<sup>10</sup>, quem nimirum, sicut alibi scriptum est, *languores nostros tulisse, et dolores nostros portasse cognoscimus*<sup>11</sup>, et in eo quo passus est ipse, nobis compati posse non dubitamus.

10. Non ergo debet absurdum videri, si dicitur, Christum non quidem aliquid scire cœ-

<sup>1</sup> Philipp. II, 8. — <sup>2</sup> I Petr. II, 21. — <sup>3</sup> Hebr. II, 16, 17. — <sup>4</sup> Joan. I, 14. — <sup>5</sup> Hebr. II, 18. — <sup>6</sup> Ibid. 11. — <sup>7</sup> Isai. LIII, 3. — <sup>8</sup> Hebr. IV, 15. — <sup>9</sup> Philipp. II, 6, 7. — <sup>10</sup> Hebr. IV, 16. — <sup>11</sup> Isai. LIII, 4.

pisce, quod aliquando nescierit; scire tamen<sup>65</sup> alio modo misericordiam ab æterno per divinitatem, et aliter in tempore didicisse per carnem. Vide ne et simili locutionis modo illud dictum sit, quod Dominus requirentibus discipulis de die ultimo se nescire respondit. Nam quomodo diem illum ille nesciebat, in quo omnes sapientiæ et scientiæ thesauri sunt absconditi? Cur ergo se scire negabat, quod certum est quia nescire non poterat? Numquid forte mendaciter eos voluit celare, quod utiliter non valuit innotescere? Absit. Sicut nil ignorare poterat, cum sapientia sit: sic nec mentiri, cum veritas sit. Sed volens discipulos ab inutilis inquisitionis curiositate compescere, quod inquirebant, se scire negavit: non omnino quidem, sed tali quodam modo, quo negare veraciter potuit. Nam etsi suæ divinitatis intuitu æque omnia, præterita scilicet, præsentia atque futura perlustrando, diem quoque illum palam habebat; non tamen ullis carnis suæ sensibus experiendo agnoverat. Alioquin jam spiritu oris sui Antichristum interfecerat, jam auribus sui corporis archangelum vociferantem, et tubam sonantem, in quo strepitu mortui suscitandi sunt, audierat: jam oculis suæ carnis oves hædosque, qui ab invicem segregandi sunt, perspexerat.

11. Denique ut intelligas, quod illa tantum cognitione, quæ per carnem fit, se illum diem nescire perhibuerit, vigilanter respondens, non ait, Nec ego scio, sed *ne ipse*, inquit, *Filius hominis scit*<sup>2a</sup>. Quid est Filius hominis, nisi nomen assumptæ carnis? Quo siquidem nomine intelligi datur, quia dicens se aliquid nescire, non juxta quod Deus est, sed secundum hominem loquitur. Alias quippe loquens de se secundum suam divinitatem, non Filius, vel Filium hominis; sed Ego, vel Me, sæpius ponere consuevit, ut ibi: *Amen, amen dico vobis, antequam Abraham fieret, ego sum*<sup>3</sup>. *Ego sum*, ait: non, Filius hominis est. Nec dubium, quin de illa essentia diceret, qua ante Abraham et sine initio est, non qua post Abraham et ex Abraham factus est. Alibi quoque hominum de se opinionem a discipulis inquirens, *Quem dicunt*, inquit, *homines esse*, non me, sed *Filium hominis*? Rursus eosdem interrogans, quid de se ipsi quoque sentirent: *Vos autem*, non

quem Filium hominis; sed *quem me*, ait, *esse dicitis*? Carnalis videlicet populi sententiam de carne inquirens, nomen carnis, quod proprie est *Filius hominis*, posuit: spirituales vero discipulos de sua divinitate interrogans, non Filium hominis, sed signanter *me* dixit. Quod denique Petrus intelligens, quid per hoc quod dixerat, *me*, requisiti fuissent, sua responsione aperuit: *Tu es*, inquit, non Jesus filius Virginis, sed *Christus Filius Dei*<sup>4</sup>. Quod utique si respondisset, nihilo minus veritatem dixisset: sed in verbis interrogationis sensum interrogantis prudenter advertens, competenter proprièque ad interrogata respondit, dicens, *Tu es Christus Filius Dei*.

12. Cum igitur videas Christum in una quidem persona duas habere naturas, unam qua semper fuit, alteram qua esse cœpit; et secundum sempiternum suum quidem esse, semper omnia nosse; secundum temporalem vero, multa temporaliter expertum fuisse: cur fateri dubitas, ut esse in tempore cœpit ex carne, sic carnis quoque miseria scire cœpisse, illo duntaxat modo cognitionis, quem docet defectio carnis? Quod utique genus scientiæ protoplasti sapientius feliciusque nescirent, quando id attingere nisi stulte misereque non poterant. Sed plasmator eorum Deus requirens quod perierat, opus suum miseratus prosecutus est, descendens et ipse misericorditer, quo illi ceciderant miserabiliter. Voluit experiri in se, quod illi faciendo contra se merito paterentur, non simili quidem curiositate, sed mirabili charitate: non ut miser cum miseris remaneret, sed ut misericors factus miseros liberaret. Factus, inquam, misericors, non illa misericordia, quam felix manens habuit ab æterno: sed quam mediante miseria reperit in habitu nostro. Porro pietatis opus, quod per illam cœpit, in ista perfecit: non quod sola illa non posset perficere; sed quia nobis non potuit absque ista sufficere. Utraque siquidem necessaria; sed nobis hæc magis congrua fuit. O ineffabilis pietatis excogitatio! Quando nos illam miram misericordiam cogitaremus, quam præcedens miseria non informat? Quando illam adverteremus incognitam nobis compassionem, quæ non passione præventa, cum impassibilitate perdurat? Attamen si illa, quæ miseriam nescit

<sup>1</sup> Coloss. II, 3. — <sup>2</sup> Marc. XIII, 32. — <sup>3</sup> Joan. VIII, 58. — <sup>4</sup> Matth. XVI, 13-16.

<sup>a</sup> Vide Retractationem initio hujus tractatus, pag. 1280.

miseriordia non præcessisset, ad hanc, cujus<sup>56</sup> miseriam mater est, non accessisset. Si non accessisset, non attraxisset: si non attraxisset, non extraxisset. Unde autem extraxit, nisi de lacu miseriam, et de luto facis<sup>1</sup>? Nec illam tamen misericordiam deseruit, sed hanc inseruit: non mutavit, sed multiplicavit, sicut scriptum est, *Homines et jumenta salvabis, Domine, quemadmodum multiplicasti misericordiam tuam, Deus*<sup>2</sup>.

#### CAPUT IV.

Primus veritatis gradus est, primum se ipsum attendere, seu propriam miseriam agnoscere.

13. Sed jam ad propositum redeamus. Si ergo se miserum fecit, qui miser non erat, ut experiretur quod et ante sciebat: quanto magis tu, non dico ut te facias quod non es, sed ut attendas quod es, quia vere miser es, et sic discas misereri, qui hoc aliter scire non potes? ne forte si proximi malum consideres, et tuum non attendas; movearis non ad miserationem sed ad indignationem; non ad adjuvandum, sed ad judicandum: denique non ad instruendum in spiritu lenitatis, sed ad destruendum in spiritu furoris. *Vos qui spirituales estis*, ait Apostolus, *hujusmodi instruite in spiritu lenitatis*. Apostoli consilium sive etiam præceptum est, ut mansuetus, id est eo spiritu fratri ægrotanti subvenias, quo tibi vis subveniri cum ægrotas. Et ut scias qualiter erga delinquentem mansuescere possis, *Considerans*, inquit, *te ipsum, ne et tu tenteris*<sup>3</sup>.

14. Considerare libet, quam bene discipulus Veritatis ordinem sequatur Magistri. In beatitudinibus, quas supra memoravi<sup>4</sup>, sicut prius misericordes quam mundicordes, sic prius mites quam misericordes pronuntiati sunt<sup>5</sup>. Et Apostolus cum spirituales hortaretur ad instruendum carnales, adjunxit, *in spiritu lenitatis*. Instructio quippe fratrum pertinet ad misericordes; spiritus lenitatis, ad mites. Ac si diceret: Inter misericordes deputari non potest, qui in semetipso mitis non est. Ecce Apostolus aperte ostendit, quod superius me ostensurum promisi<sup>6</sup>, prius videlicet veritatem inquirendam esse in nobis, quam in proximis;

*considerans*, inquit, *te ipsum*, id est, quam facilis ad tentandum, quam pronus ad peccandum: quatenus ex tui consideratione mitescas; sicque ad succurrendum aliis in spiritu lenitatis accedas. Alioquin si monentem non audis Discipulum, arguentem time Magistrum: *Hypocrita, ejice primum trabem de oculo tuo; et sic videbis festucam ejicere de oculo fratris tui*<sup>7</sup>. Trabes in oculo grandis et grossa, superbia in mente est: quæ quadam corpulentia sui vana, non sana; tumida, non solida, oculum mentis obscurat, veritatem obumbrat: ita ut si tuam occupaverit mentem, jam tu te videre, jam te talem, qualis es, vel qualis esse potes, non possis sentire: sed qualem te amas, talem te vel putes esse, vel speres fore. Quid enim aliud est superbia, quam (ut quidam sanctus definit<sup>8</sup>) amor propriæ excellentiæ? Unde et nos possumus dicere per contrarium, humilitatem propriæ excellentiæ esse contemptum. Amor vero, sicut nec odium, veritatis judicium nescit. Vis judicium Veritatis audire? *Sicut audio, sic judico*<sup>9</sup>. Non sicut odi, non sicut amo, non sicut timco. Est judicium odii, ut illud: *Nos legem habemus, et secundum legem nostram debet mori*<sup>10</sup>. Est et timoris, ut illud: *Si dimittimus eum sic, venient Romani et tollent nostrum locum et gentem*<sup>11</sup>. Judicium vero amoris, ut David de filio parricida: *Pareite*, inquit, *puero Absalon*<sup>12</sup>. Et legibus humanis statutum, et in causis, tam ecclesiasticis, quam sæcularibus servatum scio, speciales amicos causantium non debere admitti ad judicium: ne vel fallant, vel fallantur amore suorum. Quod si culpam amici tuo judicio amor illius aut minuit, aut prorsus abscondit: quanto magis amor tui tuum contra te judicium fallit?

15. Qui ergo plene veritatem in se cognoscere curat, necesse est ut semota trabe superbiæ, quæ oculum arcet a luce, ascensiones in corde suo disponat, per quas se ipsum in se ipso inquiret; et sic post duodecimum humilitatis ad primum veritatis gradum pertingat. Cum autem veritate inventa in se, imo se invento in veritate, dicere potuerit, *Credidi, propter quod locutus sum; ego autem humiliatus sum nimis*: ascendat homo ad cor altum, ut exaltetur veritas, et ad gradum secundum perveniens dicat

<sup>1</sup> Psal. xxxix, 3. — <sup>2</sup> Psal. xxxv, 7, 8. — <sup>3</sup> Galat. vi, 1. — <sup>4</sup> Num. 6. — <sup>5</sup> Matth. v, 4, 7, 8. — <sup>6</sup> Num. 6. — <sup>7</sup> Matth. vii, 5. — <sup>8</sup> S. Augustinus, de Genesi ad Litteram, lib. 11, m. 24, 25, et alibi. — <sup>9</sup> Joan. v, 30. — <sup>10</sup> Id. xiv, 7. — <sup>11</sup> Id. xi, 48. — <sup>12</sup> II Reg. xviii, 5.

in excessu suo, *Omnis homo mendax*<sup>1</sup>. Putas,<sup>563</sup> hunc ordinem David non tenuit? Putas, hoc non sensit Propheta, quod Dominus, quod Apostolus, quod et nos post ipsos, et per ipsos sentimus? *Credidi*, inquit, *Veritati dicenti: Qui sequitur me, non ambulat in tenebris*<sup>2</sup>. *Credidi* ergo sequendo, *propter quod locutus sum* confitendo. Quid confitendo? Veritatem quam cognovi credendo. Postquam autem et credidi ad justitiam, et locutus sum ad salutem, *humiliatus sum nimis*, hoc est perfecte. Tanquam diceret: Quia veritatem cognitam in me confiteri contra me non erubui, ad perfectionem humilitatis profeci. *Nimis* enim pro Perfecte potest intelligi; ut ibi *In mandatis ejus volet nimis*<sup>3</sup>. Quod si quis contendat, *nimis* hic pro Valde positum, non pro Perfecte, quia et expositores id ipsum videntur astruere; neque hoc discordat a sensu Prophetæ, ut sic sentiamus eum dixisse: Ego quidem, cum adhuc veritatem non nossem, aliquid me putabam esse, cum nihil essem. At postquam in Christum credendo, id est ejus humilitatem imitando, veritatem agnovi; ipsa quidem exaltata est in me ex mea confessione: sed ego *humiliatus sum nimis*, id est, valde vilui mihi ex mei consideratione.

## CAPUT V.

Secundus gradus veritatis est, ex agnitione propriæ infirmitatis, compati miserie proximi.

16. Humiliatus ergo Propheta in hoc primo gradu veritatis, ut ait in alio psalmo, *Et in veritate tua humiliasti me*<sup>4</sup>; semetipsum attendat, et ex propria miseria generalem perpendat: sicque ad secundum transiens dicat in excessu suo, *Omnis homo mendax*. In quo excessu suo? In illo procul dubio, quo sese excedens, ac veritati adhærens, se ipsum dijudicat. In illo ergo excessu suo dicat, non indignando aut insultando, sed miserando et compatiendo: *Omnis homo mendax*. Quid est, *Omnis homo mendax*? *Omnis* homo infirmus, *omnis* homo miser et impotens, qui nec se, nec alium possit salvare. Sicut dicitur, *Fallax equus ad salutem*<sup>5</sup>, non quod equus aliquem fallat, sed quia is se ipsum fallit, qui in fortitudine ejus confidit: sic *omnis* homo dicitur mendax, id est fragilis, mu-

tabilis, a quo salus non possit vel sua, vel aliena sperari: quin potius maledictionem incurrat, qui spem suam in homine ponit<sup>6</sup>. Proficiens itaque humilis Propheta per ducatum veritatis, quodque in se lugebat videns in aliis, dum apponit scientiam, apponat et dolorem, ac generaliter, sed veraciter dicat: *Omnis homo mendax*.

17. Vide quam longe aliud senserit de se Pharisæus ille superbus. Quid deprompsit in excessu suo? *Deus, gratias ago tibi, quia non sum sicut cæteri hominum*<sup>7</sup>. Dum in se singulariter exultat, aliis arroganter insultat. David autem aliter. Ait enim, *Omnis homo mendax*. Neminem excipit, ne quem decipiat: sciens quia omnes peccaverunt, et omnes egent gloria Dei<sup>8</sup>. Pharisæus se solum decipit, quem solum excipit, dum cæteros damnat. Propheta se non excipit a communi miseria, ne excipiat a misericordia: Pharisæus exsufflat misericordiam, dum dissimulat miseriam. Propheta affirmat tam de omnibus, quam de se, *Omnis homo mendax*: Pharisæus confirmat de omnibus præter se, *Non sum*, inquit, *sicut cæteri hominum*. Et gratias agit, non quia bonus, sed quia solus: non tam de bonis quæ habet, quam de malis quæ in aliis videt. Nondum de suo trabem ejecerat, et festucas in oculis fratrum enumerat. Nam subdit, *Injusti, raptores*<sup>9</sup>. Non frustra, ut arbitror, excessum a proposito feci, si utriusque excessus differentiam intellexisti.

18. Jam ad propositum redeundum est. Quos itaque veritas sibi jam innotescere, ac per hoc vilesce fecit; necesse est, ut cuncta, quæ amare solebant, et ipsi sibi amarescant. Statuentes nimirum se ante se, tales se videre cogunt, quales vela se videri erubescunt. Dumque sibi displicet quod sunt, et ad id suspirant quod non sunt, quod utique per se fore diffidunt; vehementer sese lugentes, id solum consolationis inveniunt, ut severi iudices sui, qui scilicet amore veri esuriant et sitiunt justitiam, usque ad contemptum sui districtissimam de se exigant satisfactionem, et de cætero emendationem. Sed cum se ad id sufficere non posse conspiciunt (cum enim fecerint omnia quæ mandata fuerint sibi, servos se inutiles dicunt<sup>10</sup>), de justitia ad misericordiam confugiunt. Ut autem illam consequantur, consilium Veritatis sequuntur: *Beati misericor-*

<sup>1</sup> Psal. cxv, 10, 11. — <sup>2</sup> Joan. viii, 12. — <sup>3</sup> Psal. cxi, 1. — <sup>4</sup> Psal. cxviii, 75. — <sup>5</sup> Psal. xxxii, 17. — <sup>6</sup> Jerem. xvii, 5. — <sup>7</sup> Luc. xviii, 11. — <sup>8</sup> Rom. iii, 23. — <sup>9</sup> Luc. xviii, 11. — <sup>10</sup> Id. xvii, 10.

*des, quoniam ipsi misericordiam consequentur*<sup>1</sup>.<sup>366</sup> operibus misericordiæ insistendo, mundatur A oculus cordis, cui se in sui puritate Veritas videndam promittit : *Beati mundo corde, quoniam ipsi Deum videbunt*<sup>9</sup>. Cum sint itaque tres gradus seu status veritatis, ad primum ascendimus per laborem humilitatis, ad secundum per affectum compassionis, ad tertium per excessum contemplationis. In primo veritas reperitur severa; in secundo, pia; in tertio, pura. Ad primum ratio ducit, qua nos discutimus; ad secundum affectus perducit, quo aliis misereamur; ad tertium puritas rapit, qua ad invisibilia sublevamur.

## CAPUT VI.

Tertius gradus veritatis, mundare oculum cordis ad contemplanda cœlestia et divina.

19. In his ergo tribus quæ dicta sunt, id est in luctu pœnitentiæ, in desiderio justitiæ, in B operibus misericordiæ si perseverant, a tribus impedimentis, quæ aut ignorantia, aut infirmitate, aut studio contraxerunt, cordis aciem mundant, quo per contemplationem ad tertium veritatis gradum pertranseant. Hæ sunt viæ, quæ videntur hominibus bonæ, illis duntaxat exceptis, qui lætantur cum male fecerint, et exsultant in rebus pessimis<sup>2</sup>, ac se de infirmitate vel ignorantia tegunt ad excusandas excusationes in peccatis<sup>3</sup>. Sed frustra sibi de infirmitate, vel ignorantia blandiuntur, qui ut liberior peccent, libenter ignorant, vel infirmantur. Putas, primo homini profuit, licet C ipse non libenter peccavit, quod se per uxorem, tanquam per carnis infirmitatem, defendit<sup>4</sup>? aut primi Martyris lapidatores, quoniam aures suas continuerunt<sup>5</sup>, per ignorantiam excusabiles erunt? Qui igitur studio et amore peccandi a veritate se sentiunt alienatos, infirmitate et ignorantia pressos; studium in gemitum, amorem in mœrorem convertant, infirmitatem carnis fervore justitiæ vincant, ignorantiam liberalitate repellant: ne si nunc egentem, nudam et infirmam veritatem ignorant; cum potestate magna et virtute venientem, terrentem, arguentem, sero cum rubore D cognoscant, frustra cum tremore respondeant, *Quando te vidimus egere, et non ministravimus tibi*<sup>6</sup>? Cognoscetur certe Dominus judicia faciens<sup>7</sup>, qui nunc ignoratur misericordiam quærens. Denique videbunt in quem transfixerunt<sup>8</sup>: similiter et avari quem contempserunt. Ab omni ergo labe, infirmitate, ignorantia, studiove contracta, flendo, justitiam esuriendo,

## CAPUT VII.

Quomodo sancta Trinitas hos tres veritatis gradus in nobis operetur.

20. Interlucet hic mihi mira quædam ac divisa individuae Trinitatis operatio, si quo modo tamen ab homine sedente in tenebris ineffabilis illa possit capi cooperantium sibi personarum divisio. In primo siquidem gradu Filius, in secundo Spiritus sanctus, in tertio mihi Pater operari videtur. Vis audire Filii operationem? C *Si ego, inquit, lavi vobis pedes Dominus et magister, quanto magis et vos debetis alter alterius lavare pedes*<sup>10</sup>? Tradebat discipulis humilitatis formam veritatis Magister, qua in primo gradu primum eis veritas innotesceret. Attende et opus Spiritus sancti : *Charitas Dei diffusa est in cordibus nostris per Spiritum sanctum qui datus est nobis*<sup>11</sup>. Charitas quippe donum est Spiritus sancti, qua fit ut qui sub disciplina Filii per humilitatem ad primum usque gradum veritatis jam profecerunt, ad secundum per compassionem proximi, sub magisterio Spiritus sancti perveniant. Audi et de Patre, *Beatus es, Simon Bar D Jona, quia caro et sanguis non revelavit tibi, sed Pater meus qui est in cœlis*<sup>12</sup>: et illud, *Pater filiis notam faciet veritatem suam*<sup>13</sup>: et, *Confiteor tibi, Pater, quia abscondisti hæc a sapientibus, et revelasti ea parvulis*<sup>14</sup>. Vides quia quos verbo et exemplo prius Filius humiliavit, super quos deinde Spiritus sanctus charitatem effudit, hos tandem in gloria Pater recepit? Filius facit discipulos, Paraclitus consolatur amicos, Pater

<sup>1</sup> Matth. v, 7. — <sup>2</sup> Prov. ii, 14. — <sup>3</sup> Psal. cxi, 4. — <sup>4</sup> Gen. iii, 12. — <sup>5</sup> Act. vii, 56. — <sup>6</sup> Matth. xxv, 44. — <sup>7</sup> Psal. ix, 17. — <sup>8</sup> Joan. xix, 37. — <sup>9</sup> Matth. v, 8. — <sup>10</sup> Joan. xiii, 14. — <sup>11</sup> Rom. v, 5. — <sup>12</sup> Matth. xvi, 17. — <sup>13</sup> Isai. xxxviii, 19. — <sup>14</sup> Matth. xi, 25.

exaltat filios. Quia vero non solum Filius, sed et <sup>367</sup> Pater et Spiritus sanctus veraciter Veritas ap- pellantur; constat quod una eademque Veritas, servata proprietate personarum, tria hæc in tribus gradibus operatur. Primo scilicet instruit, ut magister : secundo consolatur, ut amicus vel frater : tertio astringit, ut filios pater.

21. Dei quippe Filius, Verbum scilicet ac sapientia Patris, primum quidem illam animæ nostræ potentiam, quæ ratio dicitur, cum reperit carne depressam, peccato captivam, ignorantia cæcam, exterioribus deditam; clementer assumens, potenter erigens, prudenter instruens, introrsum trahens, ac mirabiliter utens tanquam pro se vicaria, ipsam sibi judicem statuit, ita ut pro reverentia Verbi cui conjungitur, ipsa sui accusatrix, testis, et judex, contra se Veritatis fungatur officio. Ex qua prima conjunctione Verbi et rationis, humilitas nascitur. Aliam deinde partem, quæ dicitur voluntas, veneno quidem carnis infectam, sed jam ratione discussam, Spiritus sanctus dignanter visitans, suaviter purgans, ardentem afficiens, misericordem facit : ita ut more pellis, quæ uncta extenditur; ipsa quoque unctione perfusa celesti, usque ad inimicos per affectum dilatetur. Et sic ex hac secunda conjunctione Spiritus Dei et voluntatis humanæ, charitas efficitur. Utamque vero partem, rationem scilicet et voluntatem, alteram verbo veritatis instructam, alteram spiritu veritatis afflatam; illam hysopo humilitatis aspersam, hanc igne charitatis succensam; tandem jam perfectam animam, propter humilitatem sine macula, propter charitatem sine ruga; cum nec voluntas rationi repugnat, nec ratio veritatem dissimulat, gloriosam sibi sponsam Pater conglutinat : ita ut nec ratio de se, nec voluntas de proximo cogitare sinatur, sed hoc solum beata illa anima dicere delectetur, *Introduxit me Rex in cubiculum suum*. Digna certe, quæ de schola humilitatis, in qua primum sub magistro Filio ad se ipsam intrare didicit, juxta comminationem ad se factam, *Si ignoras te, egredere et pascere hædos tuos*<sup>1</sup> : digna ergo, quæ de schola illa humilitatis duce Spiritu sancto in cellaria charitatis (quæ nimirum proximorum pectora intelligenda sunt) per affectionem introduceretur; unde suffulta floribus, ac stipata malis, bonis

demum cubiculum, cujus amore languet, admitteretur. Ibi modicum, hora videlicet quasi dimidia, silentio facto in cælo, inter desideratos amplexus suaviter quiescens, ipsa quidem dormit, sed cor ejus vigilat, quo utique interim veritatis arcana rimatur : quorum postmodum memoria statim ad se reditura pascatur. Ibi videt invisibilia, audit ineffabilia, quæ non licet homini loqui. Excedunt quippe omnem illam, quam nox nocti indicat, scientiam : dies tamen diei eructat verbum, et inter sapientes sapientiam loqui, et spiritualibus spiritualia licet conferri.

### CAPUT VIII.

Gradus iidem in raptu sancti Pauli declarantur.

22. Putas, hos gradus Paulus non transierat, qui usque ad tertium cælum se raptum fuisse testatur<sup>2</sup>? Sed quare raptum, et non potius ductum? Ut videlicet si tantus Apostolus raptum se dicit fuisse, quo nec doctus scivit, nec ductus potuit ire; me, qui procul dubio minor sum Paulo, ad tertium cælum nulla mea virtute, nullo meo labore pervenire posse præsumam : ne vel de virtute confidam, vel pro labore diffidam. Qui enim docetur aut ducitur, ex hoc ipso quod docentem vel ducentem sequitur, laborare convincitur, et aliquid ex se agit, ut ad destinatum locum vel sensum pertrahatur, ita ut dicere possit : *Non autem ego, sed gratia Dei mecum*<sup>3</sup>. Qui vero rapitur, non suis viribus, sed alienis innixus, tanquam nescius quocumque portatur, nec de toto in se, nec de parte gloriatur, ubi nec per se, nec cum alio aliquid operatur. Ad primum itaque sive ad medium cælum ductus vel adjutus Apostolus ascendere potuit : ad tertium autem ut perveniret, rapi oportuit. Nam ad hoc et Filius legitur descendisse, ut vocaret et juvaret ascensuros ad primum : et Spiritus sanctus missus fuisse, qui perduceret ad secundum. Pater vero, licet Filio et Spiritui sancto semper cooperetur, nunquam tamen aut de cælo descendisse, aut ad terras legitur missus fuisse. Lego certe, quod *misericordia Domini plena est terra*<sup>4</sup>; et, Pleni sunt cæli et terra gloria tua, et multa hujusmodi. Lego et de Filio, *Postquam venit plenitudo temporis, misit*

<sup>1</sup> Cantic. i, 3, 7. — <sup>2</sup> II Cor. xii, 2. — <sup>3</sup> I Cor. xv, 10. — <sup>4</sup> Psal. xxxiii, 5.

*Deus Filium suum*<sup>1</sup>. Et ipse Filius loquitur de<sup>2</sup> se, *Spiritus Domini misit me*<sup>3</sup>. Et per eundem prophetam: *Et nunc*, inquit, *Dominus misit me et Spiritus ejus*<sup>4</sup>. Legō et de Spiritu sancto, *Paraclitus autem Spiritus sanctus, quem mittet Pater in nomine meo*<sup>5</sup>; et, *Cum assumptus fuero, mittam vobis eum*<sup>6</sup>, haud dubium quin Spiritum sanctum. Patrem autem in sua persona, licet nusquam non sit, nusquam tamen invenio nisi in cœlis, ut in Evangelio, *Et Pater meus qui in cœlis est*<sup>7</sup>; et in oratione, *Pater noster qui es in cœlis*<sup>8</sup>.

23. Unde nimirum colligo, quod quia Pater non descendit, Apostolus ut enim videret, ad tertium cœlum ascendere quidem non potuit, quo tamen se raptum memoravit. Denique, *Nemo ascendit in cœlum, nisi qui descendit de cœlo Filius hominis*<sup>9</sup>. Et ne putes de primo dictum vel secundo, dicit tibi David: *A summo cœlo egresso ejus*<sup>10</sup>. Ad quod iterum non subito raptus, non furtim sublatus, sed, *Identibus*, inquit, *illis*, id est Apostolis, *elevatus est*<sup>11</sup>. Non sicut Elias, qui unum<sup>12</sup>; non sicut Paulus, qui nullum (vix enim vel se ipsum testem aut arbitrum habere potuit, ipso perhibente, *Nescio, Deus scit*<sup>13</sup>); sed ut omnipotens, qui quando voluit descendit, quando voluit ascendit, pro suo arbitrio arbitros et spectatores, locum et tempus, diem et horam expectans, *videntibus illis*, quos scilicet tanta visione dignatur; *elevatus est*. Raptus est Paulus, raptus est Elias, translatus est Enoch<sup>14</sup>: Redemptor vero noster legitur *elevatus*, hoc est, ex se ipso levatus, non aliunde adjutus. Denique non currus vehiculo, non angeli adminiculo, sed propria virtute subnixum *suscepit eum nubes ab oculis eorum*<sup>15</sup>. Cur hoc? An fessum juvit? an pigrum impulit? an cadentem sustinuit? Absit. Sed suscepit eum ab oculis carnalibus discipulorum: qui etsi Christum noverant secundum carnem; sed ultra jam non noscerent. Quos ergo per humilitatem ad primum cœlum Filius vocat, hos in secundo per charitatem Spiritus aggregat, ad tertium per contemplationem Pater exaltat. Primo humiliantur in veritate, et dicunt, *In veritate tua humiliasti me*<sup>16</sup>. Secundo congau-

dent veritati, et psallunt, *Ecce quam bonum, et quam jucundum habitare fratres in unum*<sup>17</sup>! De charitate quippe scriptum est, *Congaudet autem veritati*<sup>18</sup>. Tertio ad arcana veritatis rapiuntur, et aiunt, *Secretum meum mihi, secretum meum mihi*<sup>19</sup>.

## CAPUT IX.

Gemitus et suspiria sancti Bernardi, ad Veritatem anhelantis.

24. Sed quid ego miser superflua magis loquacitate, quam spiritus vivacitate duos cœlos superiores percurro, qui manibus pedibusque repens adhuc sub inferiore laboro? Ad quod tamen jam, ipso juvante, quo et vocante, mihi scalam erexi. Illic siquidem iter est, quo ostendat mihi salutare Dei. Jam Dominum desuper innixum suspicio, jam ad vocem veritatis exulto. Vocavit me, et ego respondi illi: *Operi manuum tuarum porriges dexteram*<sup>20</sup>. Tu quidem, Domine, gressus meos dinumeras, sed ego lentus ascensor, fessus viator, diverticula quaero. Væ mihi, si tenebræ me comprehendant, aut si mea fuga fiat in hiemem, vel in sabbato: dom nunc ad lucem, cum tempus acceptabile et dies salutis sunt, proficisci dissimulo. Quid moror? Ora pro me, fili, frater, socie, et particeps profectus mei, si quis est, in Domino. Ora Omnipotentem, quatenus sic pigrum roborret pedem, ut tamen non veniat mihi pes superbiæ. Etsi enim pes piger, ut ad veritatis gradum ascendat, idoneus non est: tolerabilior tamen est isto, qui in ea stare non potest, ut habes ibi, *Expulsi sunt, nec potuerunt stare*<sup>21</sup>.

25. Et hoc quidem de superbis. Sed quid de illorum capite? quid de illo, qui dicitur *rex super omnes filios superbiæ*<sup>22</sup>? Et ipse, inquit, *in veritate non stetit*<sup>23</sup>; et alibi, *Videbam satanam sicut fulgur cadentem de cœlo*<sup>24</sup>. Quare hoc, nisi propter superbiam? Væ mihi, si et me viderit, qui alta a longe cognoscit, superbientem; et illam in me terribilem intonet vocem: Tu quidem filius Excelsi eras, sed sicut homo morieris, et sicut unus de principibus

<sup>1</sup> Galat. iv, 4. — <sup>2</sup> Isai. lxi, 1. — <sup>3</sup> Id. xlviii, 16. — <sup>4</sup> Joan. xiv, 26. — <sup>5</sup> Id. xvi, 7. — <sup>6</sup> Matth. xxiii, 9. — <sup>7</sup> Id. vi, 9. — <sup>8</sup> Joan. iii, 13. — <sup>9</sup> Psal. xviii, 7. — <sup>10</sup> Act. i, 9. — <sup>11</sup> IV Reg. ii. — <sup>12</sup> II Cor. xii, 2. — <sup>13</sup> Eccli. xiv, 16. — <sup>14</sup> Act. i, 9. — <sup>15</sup> Psal. cxviii, 75. — <sup>16</sup> Psal. cxxxii, 1. — <sup>17</sup> I Cor. xiii, 6. — <sup>18</sup> Isai. xxiv, 16. — <sup>19</sup> Job xiv, 15. — <sup>20</sup> Psal. xxxv, 12, 13. — <sup>21</sup> Job xli, 25. — <sup>22</sup> Joan. viii, 44. — <sup>23</sup> Luc. x, 18.



caedes<sup>1</sup>. Quis non ab hujus tonitruū voce for-<sup>370</sup> paulatim descendit. Alioquin quomodo stabili-  
midet? O quam salubrius ad tactum angeli ner-  
vus femoris Jacob emareuit<sup>2</sup>, quam angeli su-  
perbientis intumuit, evanuit, ruit. Utinam et  
meum nervum angelus tangat ut marcescat, si  
forte ex hac infirmitate incipiam proficere, qui  
ex mea firmitate non possum nisi deficere. Legō  
profecto: *Quod infirmum est Dei, fortius est*  
*hominibus*<sup>3</sup>. Sic quoque Apostolus de suo ner-  
vo conquestus, quem angelus non Domini, sed  
satanæ colaphizabat, responsum audivit: *Suffi-*  
*cit tibi gratia mea; nam virtus in infirmitate*  
*perficitur*. Quæ virtus? Ipse Apostolus respon-  
deat: *Libenter gloriabor in infirmitatibus meis,*  
*ut inhabitet in me virtus Christi*<sup>4</sup>. Sed nondum  
forsitan intelligis, de qua specialiter dixerit,  
quia Christus omnes virtutes habuit. Sed cum  
omnes habuerit, præ omnibus tamen unam, id  
est humilitatem, nobis in se commendavit,  
cum ait: *Discite a me quia mitis sum et humi-*  
*lis corde*<sup>5</sup>.

26. Libenter igitur et ego, Domine Jesu, glo-  
riabor, si potero, in mea infirmitate, in mei  
nervi contractione, ut tua virtus, id est hu-  
militas, perficiatur in me. Nam sufficit mihi  
gratia tua, cum defecerit virtus mea. Pedem  
profecto gratiæ fortiter figens, et meum qui  
infirmus est, leniter trahens, securus ascen-  
dam per scalam humilitatis: donec veritati ad-  
hærens, ad latitudinem transeam charitatis.  
Tunc psallam cum gratiarum actione, et dicam:  
*Statuisti in loco spatioso pedes meos*<sup>6</sup>. Sic arcta  
via cautius inceditur strictim, sic ardua scala  
tutius pedetentim ascenditur; sic miro modo  
licet pigrius, ad veritatem tamen firmius clau-  
dicando ascenditur. Sed heu mihi, quia incolatus  
meus prolongatus est<sup>7</sup>! Quis dabit mihi  
pennas sicut columbæ, quibus celerius volem  
ad veritatem, ut jam requiescam, in charitate<sup>8</sup>?  
Quæ quoniam desunt, deduc me, Domine, in  
via tua, et ingrediar in veritate tua, et veritas  
liberabit me. Væ mihi quod de illa descendi.  
Nisi enim prius leviter, inaniter descendissem;  
in ascendendo tamdiu, tam graviter non labo-  
rassem. Sed quid dico, Descendi? nam fortasse  
rectius Cecidi dixerim. Nisi quia forte sicut ne-  
mo repente fit summus, sed gradatim quisque  
ascendit; sic nemo repente fit pessimus, sed

illud: *Impius cunctis diebus vitæ suæ superbit*<sup>9</sup>.  
Denique sunt viæ, quæ videntur hominibus  
bonæ, et tamen ad malum deducunt.

27. Est ergo via descensionis, sicut et ascen-  
sionis. Et via est ad bonum, et via est ad ma-  
lum. Cave malum, elige bonum. Si per te non  
potes, ora cum propheta, et dic: *Viam iniqui-*  
*tatis amove a me*. Quomodo? *Et de lege tua*  
*miserere mei*; illa scilicet lege, quam dedisti  
delinquentibus in via, id est derelinquentibus  
veritatem, de quibus unus ego sum, qui vere  
a veritate cecidi. Sed numquid qui cadit, non  
B adjiciet ut resurgat? Propter hoc *viam veritatis*  
*elegi*, qua ascendam humiliatus, unde super-  
biendo descendi. Ascendam, inquam, et psal-  
lam: *Bonum mihi, Domine, quod humiliasti*  
*me; bonum mihi lex oris tui super millia auri*  
*et argenti*<sup>10</sup>. Duas tibi vias videtur David pro-  
posuisse, sed unam noveris esse; ipsam tamen  
a se diversam, et diversis nominibus appella-  
tam, aut *iniquitatis* propter descendentes, aut  
*veritatis* propter ascendentes: quia et iidem  
gradus sunt ascendentium in solium, et descen-  
dentium; et eadem via accedentium ad civi-  
tatem, et recedentium; et unum ostium est  
C ingredientium domum, et egredientium. Per  
unam denique scalam ascendentes Angeli, et  
descendentes Jacob apparuerunt<sup>11</sup>. Quo spe-  
ctant hæc? Ut videlicet si ad veritatem redire  
cupis, non necesse sit viam quærere novam  
quam non nosti, sed notam qua descendisti:  
quatenus reciprocis gressibus tua ipse vestigia  
sequens, per eosdem gradus humiliatus ascen-  
das, per quos superbiendo descenderas: ita ut  
qui duodecimus superbiæ fuit descendentem,  
primus humilitatis sit ascendentem; undecimus,  
inveniatur secundus; decimus, tertius; nonus,  
quartus; octavus, quintus; septimus, sextus;  
D sextus, septimus; quintus, octavus; quartus,  
nonus; tertius, decimus; secundus, undecimus;  
primus, duodecimus. Quibus superbiæ gradi-  
bus in te inventis, imo recognitis, jam non  
laboras in quærendo viam humilitatis.

<sup>1</sup> Psal. lxxxii, 6, 7. — <sup>2</sup> Gen. xxxii, 25. — <sup>3</sup> I Cor. i, 25. — <sup>4</sup> II Cor. xii, 9. — <sup>5</sup> Matth. xi, 29.

<sup>6</sup> Psal. xxx, 9. — <sup>7</sup> Psal. cxix, 5. — <sup>8</sup> Psal. lrv, 7. — <sup>9</sup> Job xv, 20. — <sup>10</sup> Psal. cxviii, 29, 30, 71, 72. —

<sup>11</sup> Gen. xxxviii, 12.

## ALTERA PARS TRACTATUS,

## DE DUODECIM GRADIBUS SUPERBIE.

## CAPUT X.

De primo superbiæ gradu, qui est curiositas <sup>1</sup>.

28. Primus itaque superbiæ gradus est curiositas. Hanc autem talibus indiciis deprehendes. Si videris monachum, de quo prius bene confidebas, ubicumque stat, ambulat, sedet, oculis incipientem vagari, caput erectum, aures portare suspensas; e motibus exterioris hominis interiorem immutatum agnoscas. Vir quippe perversus annuit oculo, terit pede, digito loquitur <sup>1</sup>; et ex insolenti corporis motu, recens animæ morbus deprehenditur: quam, dum a sui circumspectione torpescit incuria sui, curiosam in alios facit. Quia enim se ipsam ignorat, foras mittitur, ut hædos pascat <sup>2</sup>. Hædos quippe, qui peccatum significant, recte oculos auresque appellaverim: quoniam sicut mors per peccatum in orbem, sic per has fenestras intrat ad mentem. In his ergo pascendis se occupat curiosus, dum scire non curat qualem se reliquerit intus. Et vere si te vigilanter, homo, attendas, mirum est si ad aliud unquam intendas. Audi, curiose, Salomonem; audi, stulte, Sapientem. *Omni custodia*, inquit, *custodi cor tuum* <sup>3</sup>: ut omnes videlicet sensus tui vigilant ad id, unde vita procedit, custodiendum. Quo enim a te, o curiose, recedis? Cui te interim committis? Utquid audes oculos levare ad cælum, qui peccasti in cælum? Terram intueri, ut cognoscas te ipsum. Ipsa te tibi repræsentabit, quia terra es, et in terram ibis.

29. Duabus tamen ex causis inculpabiliter oculos levas, ut vel petas auxilium, vel impendas. Levavit oculos David in montes, ut peteret <sup>4</sup>: levavit et Dominus super turbas, ut impenderet <sup>5</sup>. Alter miserabiliter, alter misericorditer, ambo inculpabiliter. Tu quoque si locum, tempus et causam considerans, tua vel

<sup>271</sup> fratris necessitate oculos levas; non solum non a culpo, sed et plurimum laudo. Hoc enim excusat miseria, illud commendat misericordia. Sin alias, non Prophetæ, non Domini, sed Dinæ aut Evæ, imo ipsius satanæ imitatore te dixerim. Dina namque dum ad pascendos hædos egreditur, ipsa patri, et sua sibi virginitas rapitur <sup>6</sup>. O Dina, quid necesse est ut videas mulieres alienigenas? Qua necessitate? qua utilitate? An sola curiositate? Etsi tu otiose vides, sed non otiose videris. Tu curiose spectas, sed curiosius spectaris. Quis crederet tunc illam tuam curiosam otiositatem, vel otiosam curiositatem, fore post sic non otiosam, sed tibi, tuis, hostibusque tam perniciosam?

30. Tu quoque, o Eva, in paradiso posita es, ut cum viro tuo opereris et custodias illum: si injectum perfeceris, quandoque transitura ad melius, ubi nec opus sit te in aliquo opere occupari, nec de custodia sollicitari. Omne lignum paradisi tibi conceditur ad vescendum, præter illud, quod dicitur *scientiæ boni et mali* <sup>7</sup>. Si enim cætera bona sunt, et sapiunt bonum, quid est opus edere de ligno, quod sapit etiam malum? *Non plus sapere, quam oportet sapere* <sup>8</sup>. Sapere enim malum, sapere non est, sed desipere. Serva ergo commissum, exspecta promissum; cave prohibitum, ne perdas concessum. Quid tuam mortem tam intente intueris? Quid illo tam crebro vagantia lumina jacies? Quid spectare libet, quod manducare non licet? Oculos, inquis, tendo, non manum. Non est interdictum ne videam, sed ne comedam. An non licet oculos quo volo levare, quos Deus in mea posuit potestate? Ad quod Apostolus: *Omnia mihi licent, sed non omnia expediunt* <sup>9</sup>. Etsi culpa non est, culpæ tamen indicium est. Nisi enim mens minus se curiose servaret, tua curiositas tempus vacuum non haberet. Etsi culpa non est, culpæ tamen occasio est, et indicium commissæ, et causa est committendæ. Te enim intenta ad aliud, latenter interim in cor tuum serpens illabitur, blande alloquitur. Blanditiis rationem, mendaciis timorem compescit. *Nequaquam*, inquit, *moreris* <sup>10</sup>. Auget curam, dum incitat gulam: acuit curiositatem, dum suggerit cupiditatem. Offert tandem prohibitum, et aufert concessum: porrigit pomum,

<sup>1</sup> Prov. vi, 12, 13. — <sup>2</sup> Cantic. i, 7. — <sup>3</sup> Prov. iv, 23. — <sup>4</sup> Psal. cxx, 1. — <sup>5</sup> Joan. vi, 5. — <sup>6</sup> Gen. xxxiv, 1, 2. — <sup>7</sup> Id. ii, 15-17. — <sup>8</sup> Rom. xii, 3. — <sup>9</sup> I Cor. vi, 12. — <sup>10</sup> Gen. iii, 4.

<sup>\*</sup> Huic opponitur duodecimus humilitatis gradus, Modestia scilicet, præsertim oculorum.

et surripit paradisum. Hauris virus peritura, et <sup>672</sup>contra scientiam impudens, et contra potentiam perituros paritura. Perit salus, non destitit A audax.

partus. Nascimur, morimur : ideoque nascimur morituri, quia prius morimur nascituri. Propterea grave jugum super omnes filios tuos usque in hodiernum diem.

31. Sed et tu, signaculum similitudinis, non in paradiso, sed in deliciis paradisi Dei positus es <sup>1</sup>. Quid amplius quærere debes? Plenus ergo sapientia, et perfectus decore, altiora te ne quæsieris, et fortiora te ne scrutatus fueris. Sta in te, ne cadas a te, si ambulas in magnis et in mirabilibus super te. Sed quid interim ex obliquo intendis ad aquilonem? Jam te video, jam te perspicio nescio quæ supra te curiosius alta rimantem. Ponam, inquit, *sedem meam ad aquilonem* <sup>2</sup>. Cæteris astantibus cœlicolis, dum tu solus sedere affectas, fratrum concordiam, totius cœlestis patriæ pacem, ipsius, quantum in te est, quietem Trinitatis infestas. Quo te tua, miser, curiositas ducit, ut præsumptione singulari non dubites civibus scandalum, injuriam facere Regi? Millia millium ministrant ei, et decies centena millia assistunt ei <sup>3</sup>, ubi nemo sedere perhibetur, nisi solus is qui sedet super Cherubim, cui a cæteris ministratur : et tu nescio quæ præ cæteris perspiciendo differentius, C curiosius inquirendo, irreverentius pervadendo, sedem tibi collocas in cœlo, ut sis similis Altissimo? Quo fine? qua fiducia? Metire, insipiens, vires, pensa finem, excogita modum. Sciente hoc Altissimo præsumis, an nesciente? volente, an non volente? Sed quomodo malum quodcumque machinaris, aut velle, aut ignorare potest, cujus optima voluntas, cujus perfecta scientia est? Numquid autem et scire, et nolle non dubitas, sed non posse resistere putas? At vero nisi te conditum esse dubitaveris, dubitare te non crediderim de omnipotentia, sive de omnimoda scientia ac bonitate Conditoris, D qui te de nihilo potuit, talem scivit, tantum condere voluit. Quomodo ergo Deum consentire aestimas, quod fieri nolit, ac refellere possit? An forte in te video compleri, imo a te initiari, quod post te, et per te a tui similibus in terris frequentatum solet vulgariter dici : Privatus dominus temerarios nutrit <sup>4</sup>? An oculus tuus nequam est, quia ille bonus? De cujus bonitate dum fiduciam nefariam sumis, factus es et

32. Hoc est enim, o impie, hoc est quod cogitas; hæc est iniquitas, quam meditaris in cubili tuo, et dicis : Putas Creator opus suum destruat? Scio quidem quia non latet Deum qualiscumque cogitatio mea : Deus enim est. Nec placet ei talis cogitatio mea, quia bonus est. Sed nec si velit effugiam manus ejus, quia potens est. Numquid tamen mihi timendum est? Si enim cum bonus sit, non potest illi placere malum meum, quanto minus suum? Meum quippe dixerim contra ejus voluntatem aliquid velle : suum autem, si vindicet sese. Tam ergo quodcumque scelus non valet velle ulcisci, quam nec vult, nec valet sua bonitate privari. Fallis te, miser, fallis te, non Deum. Te, inquam, fallis, et mentitur iniquitas sibi, non Deo. Dolose quidem agis, sed in conspectu ejus. Te ergo fallis, non Deum. Et quia de magno ejus bono in te, tu magnum in eum excogitas malum, merito iniquitas tua invenitur ad odium. Quæ major namque iniquitas, quam ut inde a te Creator contemnatur, unde plus amari merebatur? Quæ major iniquitas, quam cum de potentia Dei non dubites, quin te scilicet destruere possit qui condere potuit; confisus tamen de multa ejus dulcedine, qua speras eum nolle vindicare cum possit; mala pro bonis, odium pro dilectione retribuas?

33. Hæc, inquam, iniquitas, non ira momentanea, sed odio digna est sempiterno, qua tuo dulcissimo et altissimo Domino, licet invito, desideras tamen ac speras æquari, quatenus semper videat quod doleat, dum te socium habeat cum nolit, nec deiciat cum possit; quin potius eligat ipse dolere, quam te patiatur perire. Possit quidem deicere si velit, sed præ dulcedine, ut aestimas, velle non possit. Certe si talis est qualem putas, tanto nequius agis, si non amas. Et si ille patitur aliquid fieri contra se potius, quam ipse aliquid faciat contra te; quanta malitia est, ut vel tu non parcas illi, qui sibi non parcat, parcendo tibi? Absit tamen ab ejus perfectione, ut quia dulcis est, justus non sit, quasi simul dulcis et justus esse non possit : cum melior sit justa dulcedo, quam remissa; imo virtus non sit dulcedo sine justitia. Quia igitur gratiæ Dei bonitati, qua gratis

<sup>1</sup> Ezech. xxviii, 12, 13. — <sup>2</sup> Isai. xiv, 13. — <sup>3</sup> Dan. vii, 10.

<sup>4</sup> Alias additur, *satellites*.

factus es, ingratus existis, justitiam vero quam expertus non es, non metuis; ideoque audacter committis culpam, de qua falso tibi promittis impunitatem: jam ecce justum senties, quem bonum nosti, cadens in foveam, quam paras auctori: ut dum scilicet talem in eum poenam machinaris, qua tamen valeat carere si velit, sed ut putas non valeat velle; et ideo nec carere ea utique bonitate, qua neminem expertus es illum punisse: talem justus Deus justissime in te retorqueat poenam, qui nec valet, nec debet pati suam impune bonitatem offendi: sic utique temperans in vindicta sententiam, ut, si velis resipiscere, non neget veniam; secundum tamen duritiam tuam et cor impoenitens, non possis velle, et ideo nec poena carere.

34. Sed jam audi calumniam: *Caelum*, inquit, *mihi sedes est, terra autem scabellum pedum meorum*<sup>1</sup>. Non dixit, Oriens, aut Occidens, aut Una aliqua caeli plaga: sed, Totum caelum mihi sedes est. Non potes ergo in parte sedere caeli, cum ille totum elegerit sibi. In terra non potes, quia scabellum pedum ejus est. Terra etenim locus solidus est, ubi sedet Ecclesia, fundata supra firmam petram. Quid facies? E caelo pulsus, in terra remanere non potes. Elige ergo tibi in aere locum, non ad sedendum, sed ad volandum: ut qui tentasti concutere statum aeternitatis, poenam sentias propriae fluctuationis. Te ergo fluctuante inter caelum et terram, sedet Dominus super solum excelsum et elevatum, et plena est omnis terra majestate ejus<sup>2</sup>, ut nusquam nisi in aere invenias locum.

35. Seraphim namque aliis quidem alis suae contemplationis de throno ad scabellum, de scabello ad thronum volantia, aliis caput Domini pedesque velantia, ad hoc ibi posita puto, ut sicut homini peccanti paradisi per Cherubin prohibetur ingressus, ita et per Seraphin tuae curiositati modus imponatur<sup>3</sup>: quatenus nec caeli jam magis impudenter, quam prudenter arcana rimeris, nec Ecclesiae mysteria cognoscas in terris; sed solis contentus sis cordibus superborum, qui nec in terra dignantur esse sicut caeteri hominum, nec sicut Angeli volant ad caelum. Licet vero et caput in caelo, et pedes in terra a te abscondantur; quiddam tamen tibi medium videndum ad invidendum duntaxat permittitur: dum suspensus in aere, descen-

tes quidem per te, et ascendentes Angelos intueris; sed quid vel audiant in caelis, vel nuntient terris, penitus nescis.

36. O Lucifer, qui mane oriebaris, imo non jam lucifer, sed noctifer, aut etiam mortifer, rectus cursus tuus erat ab oriente ad meridiem, et tu praepostero ordine tendis ad aquilonem? Quanto magis ad alta festinas, tanto celerius ad occasum declinas. Velim tamen curiosius, o curiose, intentionem tuae curiositatis inquirere. *Ponam*, inquit, *sedem meam ad aquilonem*<sup>3</sup>. Nec aquilonem hunc corporalem, nec sedem hanc (cum sis spiritus) intelligo materialem. Puto autem per *aquilonem*, reprobandos homines fuisse designatos; per *sedem*, potestatem in illos. Quos utique in praescientia Dei, quanto ei vicinior, tanto caeteris perspicacior praevidens, nullo quidem sapientiae radio coruscantes, nullo spiritus amore ferventes, velut vacuum repereris locum, affectasti super illos dominium, quos quadam tuae astutiae claritate perfunderes, tuae malitiae aestibus inflammares: ut quomodo Altissimus sua sapientia ac bonitate omnibus filiis obedientiae praeerat, ita et tu super omnes filios superbiae rex constitutus, tua eos astuta malitia, ac malitiosa astutia regeres, per quod Altissimo similis esses. Sed miror cum in praesentia Dei tuum praevideris principatum, cur non in eadem praevidisti et praecipitium? Nam si praevidisti, quae insania fuit, ut cum tanta miseria cuperes principari, ut malles misere praeesse, quam feliciter subesse? An non expediebat participem esse plagarum illarum luminosarum, quam principem tenebrarum harum? Sed credibilis est, quod non praevidisti: aut propter illam causam, quam superius dixi, quia Dei bonitatem attendens, dixisti in corde tuo, *Non requirit*<sup>4</sup>, propter quod, o impie, Deum irritasti; aut quia viso principatu, statim in oculo superbiae trabes excrevit, qua interposita casum videre non potuisti.

37. Sic Joseph cum praevidisset exaltationem suam<sup>5</sup>, non tamen praescivit sui venditionem, quamvis propior esset venditio, quam exaltatio. Non quod tantum patriarcham in superbiam crediderim incidisse: sed ut ejus exemplo pateat, quod hi qui futura praevident per spiritum prophetiae, etsi non omnia, non ideo tamen putandi sunt nulla praevidissee. Quod

<sup>1</sup> Isai. LXVI, 1. — <sup>2</sup> Id. VI, 3. — <sup>3</sup> Id. XIV, 13. — <sup>4</sup> Psal. X, 13. — <sup>5</sup> Gen. XXXVII, 7-9.

<sup>a</sup> Vide Retractionem initio hujus tractatus, pag. 1280.

si quis contendat in eo quod somnia sua adhuc<sup>37</sup> in levitatem animi, quæ secundus gradus est, adolescentulus narrabat, quorum tunc myste- A cito delabitur.

rium ignorabat, vanitatem posse notari; ego tamen mysterio magis sive simplicitati pueri deputandum arbitror, quam vanitati. Quæ tamen, si qua fuit, per ea quæ passus legitur, potuit expiari. Nonnullis enim aliqua aliquando de se per revelationem jucunda monstrantur, quæ etsi humanus animus absque ulla vanitate scire non potest, non minus ideo eveniet quod monstratum est; sic tamen ut illa vanitas impunita non sit, qua de magnitudine revelationis aut promissionis in se vel leviter exsultavit. Sicut enim medicus, non solum unguento, sed igne utitur et ferro, quo omne quod in vulnere B sanando superfluum excreverit, secet et urat, ne sanitatem, quæ ex unguento procedit, impediatur: sic medicus animarum Deus hujusmodi animæ procurat tentationes, immittit tribulationes, quibus afflicta et humiliata, gaudium vertat in luctum, revelationem putet illusionem. Unde fit ut vanitate careat, et veritas revelationis non pereat. Sic Pauli extollentia per stimulos carnis reprimitur<sup>1</sup>, et ipse revelationibus crebris attollitur. Sic Zachariæ infidelitas linguæ obligatione mulcatur<sup>2</sup>, et angeli veritas suo in tempore manifestanda non mutatur. Sic per gloriam et ignobilitatem sancti proficiunt, C dum inter singularia dona quæ recipiunt, communi hominum vanitate pulsari se sentiunt: ut dum per gratiam supra se aliquid cernunt, non obliviscantur quod sunt.

38. Sed quid de revelationibus ad curiositatem? De quibus ut hæc per excessum intermiscerem, inde occasio sumpta est, cum ostendere vellem, reprobum angelum ante casum suum sic potuisse prævidere illam, quam post accepit, in reprobos homines dominationem, ut tamen suam non præsciret damnationem. De quo etiam nonnullis quæstiunculis motis magis, quam solutis, totius disputatiunculæ hæc summa sit: quod per curiositatem a veritate ceciderit, quia prius spectavit curiose, quod affectavit illicite, speravit præsumptuose. Jure igitur in gradibus superbie primum curiositas vindicat sibi, quæ etiam inventa est initium esse omnis peccati. Sed nisi hæc citius cohibeatur,

## CAPUT XI.

De secundo gradu superbie, qui est levitas animi<sup>3</sup>.

39. Monachus enim, qui sui negligens, alios curiose circumspicit, dum quosdam suspicit superiores, quosdam despicit inferiores: et in aliis quidem videt quod invidet, in aliis quod irridet. Inde fit ut pro mobilitate oculorum levigatus animus, nulla utique sui cura aggravatus, modo per superbiam ad alta se erigat, modo per invidiam in ima demergat: nunc per invidiam nequiter tabescit, nunc per excellentiam pueriliter hilarescit. In altero nequam, in altero vanus, in utroque superbus existit: quia et quod superari se dolet, et quod superare se gaudet, amor propriæ excellentiæ facit. Has autem animi vicissitudines nunc pauca et mordacia, nunc multa et inania; nunc risu, nunc luctu plena, semper vero irrationabilia indicant verba. Compara, si vis, hos duos primos superbie gradus supremis duobus humilitatis: et vide si non in ultimo curiositas, in penultimo levitas cohibetur. Id ipsum in cæteris D reperies, si alterutrum comparentur. Sed jam ad tertium docendo, non descendendo veniamus.

## CAPUT XII.

De tertio gradu superbie, qui est inepta lætitia<sup>b</sup>.

40. Proprium est superbiorum, læta semper appetere, et tristia devitare, juxta illud: *Cor stultorum ubi lætitia*<sup>3</sup>. Unde et monachus, qui duos jam superbie gradus descendit, dum per curiositatem ad animi levitatem devenit, cum gaudium quod semper appetit, frequenti videt interpolari tristitia, quam de bonis alterius contrahit; impatiens suæ humiliationis, fugit ad consilium falsæ consolationis. Ex illa denique parte, qua sibi sua vilitas, et aliena excellentia monstratur, restringit curiositatem, ut totum se transferat in contrariam partem:

<sup>1</sup> II Cor. xii, 7. — <sup>2</sup> Luc. i, 20. — <sup>3</sup> Ecce. vii, 5.

<sup>a</sup> Huic opponitur undecimus gradus humilitatis. Pauca scilicet et rationabilia verba loqui, levi, non clamorosa voce.

<sup>b</sup> Huic opponitur decimus gradus humilitatis, qui est, non esse facilem aut promptum ad risum.

quatenus in quo ipse videtur præcellere, cu<sup>37.5</sup> et sitit auditores, quibus suas jactitet vanitates, riosius notet; in quo alter præcellit, semper A quibus omne quod sentit, effundat : quibus, dissimulet : ut dum devitat quod triste putatur, lætitia continuetur. Sicque fit ut quem sibi vicissim vindicabant gaudium et tristitia, sola possidere incipiat inepta lætitia. In hac autem, in qua tertium tibi gradum constituo, accipe quibus eam signis vel in te deprehendas, vel in altero. Illum qui ejusmodi est, aut nunquam, aut raro gementem audies, aut lacrymantem videbis. Putes, si attendas, aut sui oblitum, aut ablutum a culpis. In signis scurrilitas, in fronte hilaritas, vanitas apparet in incessu. Pronus ad jocum, facilis ac promptus in risu. B Cunctis quippe quæ in se contemptibilia, et ideo tristia noverat, a memoria rasis; bonisque, si qua sentit in se, adunatis vel simulatis ante oculos mentis, dum nil cogitat nisi quod libet, nec attendit si licet; jam risum tenere, jam ineptam lætitiā dissimulare non valet. Ut enim vesica collecto turgida vento, punctoque perforata exiguo, si stringitur, crepitat dum detumescit; ac ventus egrediens non passim effusus, sed strictim emissus crebros quosdam sonitus reddit : sic monachus, ubi vanis scurrilibusque cor suum cogitationibus impleverit, propter disciplinam silentii non inveniens ventus vanitatis qua plenius egrediatur, inter angustias faucium per cachinnos excutitur. Sæpe vultum pudibundus abscondit, claudit labia, dentes stringit; ridet non volens, cachinnat invitus. Cumque os pugnis obstruxerit suis, per nares adhuc sternutare auditur.

quibus omne quod sentit, effundat : quibus, qualis, et quantus sit, innotescat. Inventa autem occasione loquendi, si de litteris sermo exoritur, vetera proferuntur et nova; volant sententiæ, verba resonant ampullosa. Prævenit interrogantem, non quærenti respondet. Ipse quærit, ipse solvit, et verba collocutoris imperfecta præscindit. Cum autem pulsato signo necesse est interrumpi colloquium, horam longam, breve queritur intervallum; quærit licentiam, ut ad fabulas revertatur post horam, non ut quempiam ædificet, sed ut scientiam jactet. Ædificare potest, sed non ædificare intendit. Non curat te docere, vel a te doceri ipse quod nescit; sed ut scire sciatur quod scit. Quod si de religione agitur, statim visiones et somnia proferuntur. Denique laudat jejunia, commendat vigiliæ, super omnia orationes exaltat; de patientia, de humilitate, et de singulis virtutibus plenissime, sed vanissime disputat : ut tu scilicet, si audieris, dicas, quod *ex abundantia cordis os loquitur*, et quia *bonus homo de bono thesauro suo profert bona*<sup>2</sup>. Si ad ludicra sermo convertitur, in his quanto assuetior, tanto loquacior invenitur. Dicas, si audias, C rivum vanitatis, fluvium esse scurrilitatis os ejus, ita ut severos quoque et graves animos in levitatem concitet risus. Et ut totum in brevi colligam, in multiloquio nota jactantiam. In hoc habes quartum gradum et descriptum, et nominatum. Fuge rem, et tene nomen. Hac eadem cautela jam accede ad quintum, quem nomino singularitatem.

## CAPUT XIII.

De quarto gradu superbiæ, qui est jactantia<sup>a</sup>.

41. At postquam vanitas crescere, et vesica grossescere cœperit, necesse est ut ampliori D foramine, laxato sinu, ventositas eructuetur, alioquin rumpetur. Sic monachus inepta redundante lætitia, dum risu, vel signis eam aperire non sufficit, in Helii verba prorumpit : *En venter meus, quasi mustum absque spiraculo, quod novas lagunculæ dirumpit*<sup>1</sup>. Aut loquetur ergo, aut rumpetur. Plenus est enim sermonibus, et coarctat eum spiritus uteri sui. Esurit

## CAPUT XIV.

De quinto gradu superbiæ, qui dicitur singularitas<sup>b</sup>.

42. Turpe est ei, qui se supra cæteros jactat, si non plus cæteris aliquid agat, per quod ultra cæteros appareat. Proinde non sufficit ei quod communis monasterii regula, vel majorum cohortantur exempla. Nec tamen melior esse studet, sed videri. Non melius vivere, sed videri vivere gestit, quatenus dicere possit : *Non sum sicut cæteri hominum*<sup>3</sup>. Plus sibi blanditur de uno jejunio, quod cæteris prandentibus facit

<sup>1</sup> Job xxxii, 19. — <sup>2</sup> Luc. vi, 45. — <sup>3</sup> Id. xviii, 11.<sup>a</sup> Huic opponitur nonus gradus humilitatis, Taciturnitas usque ad interrogationem.<sup>b</sup> Huic opponitur octavus gradus humilitatis, Tenere quod habet communis regula monasterii.

quam si cum cæteris septem dies jejunaverit.<sup>376</sup> præsumptio invenitur, in qua septimus gradus Commodior sibi videtur una oratiuncula pecu-

liaris, quam tota psalmodia unius noctis. Inter prandendum crebro solet oculos jactare per mensas, ut si quem minus comedere viderit, victum se doceat, et incipiat idipsum sibi crudeliter subtrahere, quod necessarium victui indulgendum præviderat, plus gloriæ metuens detrimentum, quam famis cruciatum. Si quem macriorem, si quem pallidiorem perspexerit, vilem se aestimat, nunquam requiescit. Et quoniam vultum ipse suum videre non potest, qualem scilicet se intuentibus offert; manus quas potest et brachia spectans, palpat costas, humeros attrecat et lumbos: ut secundum quod corporis sui membra, vel minus, vel satis exilia probat, pallorem oris ac colorem discernat. Ad omnia denique sua strenuus, ad communia piger. Vigilat in lecto, dormit in choro: cumque aliis psallentibus ad vigilias tota nocte dormitet, post vigilias aliis in claustris quiescentibus\* solus in oratorio remanet: excrescat, et tussit, gemitibus ac suspiriis aures foris sedentium de angulo implet. Cum autem ex hiis quæ singulariter, sed inaniter agit, apud simpliciores ejus opinio excreverit, qui profecto opera probant quæ cernunt, sed unde prodeant non discernunt; dum miserum beatificant, in errorem inducunt<sup>1</sup>.

## CAPUT XV.

De sexto gradu superbiam, id est arrogantiam<sup>a</sup>.

43. Credit quod audit, laudat quod agit, et quod intendat non attendit. Obliviscitur intentionem, dum amplectitur opinionem. Quique de omni alia re plus sibi credit, quam aliis; de se solo plus aliis credit, quam sibi: ut non jam verbo tenus, aut sola operum ostentatione suam præferat religionem, sed intimo cordis credat affectu omnibus se sanctiorem: et quidquid de se laudatum agnoverit, non ignorantiam aut benevolentiam laudatoris, sed suis meritis arroganter adscribit. Unde post singularitatem, sextum sibi gradum jure arrogantia vindicat. Post hanc

Isa. III, 12.

<sup>a</sup> Huic opponitur septimus gradus humilitatis, Reputare se omnibus inferiorem.

<sup>b</sup> Huic opponitur sextus gradus humilitatis, Ad omnia se indignum, et inutilem conlitteri.

<sup>c</sup> Huic opponitur quintus gradus humilitatis, qui est, Humilis et candida revelatio peccatorum et malarum cogitationum.

## CAPUT XVI.

De septimo gradu superbiam, qui est præsumptio<sup>b</sup>.

44. Qui enim alios se præcellere putat, quomodo non plus de se, quam de aliis præsumat? Primus in conventibus residet, in consiliis primus respondet: non vocatus accedit, non jussus se intromittit: reordinat ordinata, reficit facta. Quidquid ipse non fecerit aut ordinaverit, nec recte factum, nec pulchre existimat ordinatum. Judicat judicantes, præjudicat judicatoris. Si, cum tempus advenerit, non promoveatur ad Prioratum; suum abbatem aut invidum judicat, aut deceptum. Quod si mediocris ei aliqua obedientia injuncta fuerit, indignatur, aspernatur, arbitrans se non esse minoribus occupandum, qui se ad majora sentit idoneum. Sed qui sic promptulus ad omnia se magis temere, quam libere consuevit ingerere, impossibile est eum aliquando non errare. Ad prælatum autem pertinet errantem arguere. Sed quomodo culpam suam confitebitur, qui nec esse putat, nec putari culpabilis patitur? Propterea cum ei culpa imputatur, crescit, non amputatur. Si ergo cum argutus fuerit, declinare cor ejus videris in verba malitiæ, in octavum gradum, qui dicitur defensio peccatorum, noveris corruisse.

## CAPUT XVII.

De octavo gradu superbiam, qui est defensio peccatorum<sup>c</sup>.

45. Multis vero modis fiunt excusationes in peccatis. Aut enim dicit qui se excusat, Non feci; aut, Feci quidem, sed bene feci; aut, Si male, non multum male; aut, Si multum male, non mala intentione. Si autem et de illa, sicut Adam vel Eva, convincitur, aliena suasionem excusare se nititur. Sed qui procaciter etiam aperta defendit, quando occultas et malas cogitationes, cordi suo advenientes, humiliter revelaret abbati?





« Tertius, » inquit, « gradus est, ut quis pro Dei amore omni obedientia se subdat majori<sup>1</sup>. » Si ergo in tertio gradu subjectio collocatur, quæ procul dubio fit, quando novitius primum conventui sociatur; consequens est, quod duo jam anteriores transcenduntur intelligantur. Denique ubi fratrum concordiam, et magistri sententiam monachus spernit, quid ultra in monasterio, nisi scandalum facit?

## CAPUT XX.

De undecimo gradu superbiæ, qui est libertas peccandi<sup>a</sup>.

50. Post decimum itaque gradum, qui rebellio dictus est, expulsus vel egressus de monasterio statim excipitur ab undecimo. Et tunc ingreditur vias, quæ videntur hominibus bonæ, quarum finis (nisi forte Deus eas illi seperit) demerget eum in profundum inferni, id est in contemptum Dei. Impius siquidem cum venerit in profundum malorum, contemnit<sup>2</sup>. Postest autem undecimus gradus appellari libertas peccandi, per quam monachus, cum jam nec magistrum videt quem timeat, nec fratres quos revereatur; tanto securius, quanto liberius sua desideria implere delectatur, a quibus in monasterio tam pudore, quam timore prohibebatur. Sed etsi jam vel fratres, vel abbatem non timet, nondum tamen Dei penitus formidine caret. Hanc ratio, tenuiter adhuc submurmurans, voluntati proponit, nec sine aliqua dubitatione quæque primum illicita perficit; sed, sicut is qui vadum tentat, pedetentim, non cursim vitiorum gurgitem intrat.

## CAPUT XXI.

De duodecimo gradu superbiæ, qui est consuetudo peccandi<sup>b</sup>.

51. At postquam terribili Dei judicio prima flagitia impunita sequitur, experta voluptas libenter repetitur, repetita blanditur. Concupiscentia revivente sopitur ratio, ligat consuetudo. Trahitur miser in profundum malorum, traditur captivus tyrannidi vitiorum, ita ut carnalium voragine desideriorum absorptus,

sua rationis divinique timoris oblitus, dicat insipiens in corde suo: *Non est Deus*<sup>3</sup>. Jam indifferenter libitis pro licitis utitur, jam ab illicitis cogitandis, patrandis, investigandis animus, manus, vel pedes non prohibentur: sed quidquid in cor, in buccam, ad manum venerit; machinatur, garrit, et operatur, malevolus, vaniloquus, facinorosus. Quemadmodum denique ascensis his omnibus gradibus, corde jam alacri et absque labore pro bona consuetudine justus currit ad vitam: sic descensus impius eisdem, pro malo usu non ratione se gubernans, non timoris freno retentans, intrepidus festinat ad mortem. Medii sunt qui fatigantur, angustiantur: qui nunc metu cruciantur gehennæ, nunc pristina retardati consuetudine, descendendo vel ascendendo laborant. Supremus tantum et infimus currunt absque impedimento, et absque labore. Ad mortem hic, ad vitam ille festinat; alter alacrior, alter proclivior. Illum alacrem charitas, hunc proclivem cupiditas facit. In altero amor, in altero stupor laborem non sentit. In illo denique perfecta charitas, in isto consummata iniquitas foras mittit timorem. Illi veritas, huic cæcitas dat securitatem. Potest ergo duodecimus gradus appellari consuetudo peccandi, qua Dei metus amittitur, contemptus incurritur.

## CAPUT XXII.

An et quomodo orandum pro desperatis, et mortuis secundum animam.

52. *Pro tali jam, inquit Joannes apostolus, non dico ut quis oret*<sup>4</sup>. Sed numquid dicis, o Apostole, ut quis desperet? Imo gemat qui illum amat. Non præsumat orare, nec desistat plorare. Quid est quod dico? An forte ullum remanet spei refugium, ubi oratio non invenit locum? Audi credentem, audi sperantem, nec tamen orantem. *Domine, inquit, si fuisses hic, frater meus non fuisset mortuus*. Magna fides, qua credidit sua præsentia Dominum mortem prohibere potuisse si adfuisset. Modo autem quid? Absit ut quem credidit vivum potuisse servare, mortuum dubitet posse resuscitare. *Sed nunc, inquit, scio quia quæcumque popo-*

<sup>1</sup> Regul. 7, 31. — <sup>2</sup> Prov. xviii, 3. — <sup>3</sup> Psal. xiii, 1. — <sup>4</sup> I Joan. v, 16.

<sup>a</sup> Huic opponitur secundus gradus humilitatis, Si propriam voluntatem non delectetur implere.

<sup>b</sup> Huic opponitur primus gradus humilitatis, Timor Dei continuus.

*scribis a Deo, dabit tibi Deus.* Deinde quærenti<sup>1</sup> etus; privatim tamen potentem pia Filium matri posuissent eum, respondet: *Veni, et vide* A Quamobrem? O Martha, magna nobis tuæ fidei insignia tribuis: sed quomodo cum tanta fide diffidis? *Veni, inquis, et vide.* Cur et, si non desperas, non sequeris, et dicis, Et resuscita? si autem desperas, cur Magistrum sine causa fatigas? An forte fides aliquando recipit, quod oratio non præsumit? Denique appropinquantem cadaveri prohibes, et dicis: *Domine, jam fetet; quatruiduanus enim est*<sup>2</sup>. Desperando dicis hoc, an dissimulando? Sic quippe ipse Dominus post resurrectionem finxit se longius ire<sup>3</sup>, cum mallet cum discipulis remanere. O B sanctæ mulieres Christi familiares, si fratrem vestrum amatis, cur ejus misericordiam non flagitatis, de cujus potentia dubitare, pietate diffidere non potestis? Respondent: Sic melius tanquam non orantes oramus, sic efficacius tanquam diffidentes confidimus. Exhibemus fidem, perhibemus affectum: scit ipse, cui non est opus ut aliquid dicatur, quid desideremus. Scimus quidem quod omnia potest: sed hoc tam grande miraculum, tam novum, tam inauditum, etsi ejus subest potentiæ, multum tamen excedit universa merita humilitatis nostræ. Sufficit nobis potentiæ locum, pietatis C dedisse occasionem; malentes patienter expectare quid velit, quam impudenter quærere quod forsitan nolit. Denique quod nostris meritis deest, verecundia fortasse supplebit. Petri quoque post gravem lapsum lacrymam quidem video, sed precem non audio: nec tamen de indulgentia dubito.

53. Disce et in Matre Domini magnam in mirabilibus fidem habere, in magna fide verecundiam retinere. Disce verecundia decorare fidem, reprimere præsumptionem. *Vinum, inquit, non habent*<sup>4</sup>. Quam breviter, quam reverenter suggestit, unde pie fuit sollicita! Et ut D discas in hujusmodi magis pie gemere, quam petere præsumptuose; pietatis æstum pudoris temperans umbra, conceptam precis fiduciam verecunde suppressit. Non frontose accessit, non palam locuta est, ut audacter coram omnibus diceret: Obsecro, filii, deficit vinum, constistantur convivæ, confunditur sponsus; ostende quid possis. Sed licet hæc aut multo plura pectus æstuans, fervens loqueretur affe-

ter adiit, non potentiam tentans, sed voluntatem explorans. *Vinum, inquit, non habent.* Quid modestius? quid fidelius? Non defuit pietati fides, voci gravitas, efficacia voto. Si ergo illa, cum mater sit, sese matrem oblita non audet petere miraculum vini; ego vile mancipium, cui permagnum est Filii simul ac Matris esse vernaculum, qua fronte præsumo pro vita petere quatruiduani?

54. Duo etiam in Evangelio cæci visum, alter accepisse, alter recepisse leguntur: alter quem amiserat, alter quem nunquam habuerat; unus scilicet excæcatus, alter cæcus natus. Sed qui excæcatus, miserabilibus mirisque clamoribus miram misericordiam meruit: qui vero cæcus natus, tanto misericordius, quanto mirabilius nullis suis precibus præventum sui illuminatoris beneficium nihilo minus sensit. Illi denique dictum est, *Fides tua te salvum fecit*: huic autem non<sup>5</sup>. Duos quoque recentemortuos, tertium jam quatruiduanum, lego resuscitados: solam tamen Archisynagogi filiam, in domo adhuc positam, precibus patris; duos autem ex insperata magnitudine pietatis<sup>6</sup>.

55. Simili etiam forma si contigerit (quod Deus avertat) aliquem de fratribus nostris, non in corpore, sed in anima mori; quamdiu adhuc inter nos erit, pulsabo et ego meis qualiscunque peccator, pulsabo et fratrum precibus Salvatorem. Si revixerit, lucrati erimus fratrem: sin vero non mereamur exaudiri, ubi jam vel tolerare vivos, vel tolerari a vivis non poterit, sed incipiet efferri, semper quidem fideliter gemo, sed jam non ita fiducialiter oro. Non aperte audeo dicere, Veni, Domine, suscita mortuum nostrum: corde tamen suspensio tremulus intus clamare non cesso, Si forte, si forte, si forte desiderium pauperum exaudiet Dominus, præparationem cordis eorum audiet auris ejus; et illud, *Numquid mortuis facies mirabilia, aut medici suscitabunt, et confitebuntur tibi?* et de quatruiduano: *Numquid narrabit aliquis in sepulcro misericordiam tuam, et veritatem tuam in perditione*<sup>6</sup>? Potest interim Salvator, si vult, insperate et improvise occurrere nobis, lacrymisque portantium motus, non precibus, mortui vitam reddere vivis, aut certe jam sepultum revocare a mortuis. Mortuum

<sup>1</sup> Joan. xi, 21, 22, 34, 39. — <sup>2</sup> Luc. xxiv, 28. — <sup>3</sup> Joan. ii, 3. — <sup>4</sup> Luc. xviii, 35-43, et Joan. iv. — <sup>5</sup> Marc. v, 35-42; Luc. vii, 11-15, et Joan. xi. — <sup>6</sup> Psal. lxxxvii, 11, 12

autem dixerim illum, qui sua peccata defendens, in octavum jam corruit gradum. A mortuo enim, tanquam qui non est, perit confessio<sup>1</sup>. Post decimum vero, qui tertius est ab octavo, jam effertur in libertatem peccandi, quando expellitur a consortio monasterii. At postquam quartum transierit, jam recte quatri-duanūs dicitur, dum in quintum decidens per consuetudinem sepelitur.

56. Absit autem a nobis, ut etiam pro talibus, etsi palam non præsумimus, vel in cordibus nostris orare cessemus : cum Paulus eos quoque lugeret, quos sine pœnitentia mortuos sciret<sup>2</sup>. Etsi enim a communibus orationibus ipsi se excludunt, sed ab affectibus omnino non possunt. Viderint tamen in quanto periculo sint, pro quibus Ecclesia palam orare non audeat, quæ fidenter etiam pro Judæis, pro hæreticis, pro Gentilibus orat. Cum enim in Parasceve nominatim oretur pro quibuslibet malis, nulla tamen mentio fit de excommunicatis.

57. Dicis forte, frater Godefride, me aliud

quam tu quæstisti, et quam ipse promisi, tandem exhibuisse, cum pro gradibus humilitatis, superbiæ gradus videar descripsisse. Ad quod ego : Non potui docere nisi quod didici. Non putavi congruum me describere ascensiones, qui plus descendere, quam ascendere novi. Proponat tibi beatus Benedictus gradus humilitatis, quos ipse prius in corde suo disposuit : ego quid proponam non habeo, nisi ordinem meæ descensionis. In quo tamen, si diligenter inspicitur, via forsitan ascensionis reperitur. Si enim tibi Romam tendenti homo inde veniens obviaret, quæsitus viam, quid melius quam illam, qua venit, ostenderet? Dum castella, villas, urbes, fluvios, ac montes, per quos transierit, nominat, suum denuntians iter, tuum tibi prænuntiat : ita ut eadem loca recognoscas cundo, quæ ille pertransiit veniendo. In hac similiter nostra descensione gradus ascensorios fortasse reperiēs, quos ascendendo melius tu in tuo corde, quam in nostro codice leges. Amen.

<sup>1</sup> Eccli. xvii, 26. — <sup>2</sup> II Cor. xii, 21.



# ADMONITIO

## IN SUBSEQUENS OPUSCULUM VIII.

1. Etsi opusculum sequens unum ex primis est libris a Bernardo compositis; nullum tamen fere aut Bernardo dignius, aut religioni utilius ab eo scriptum existimo. Quid enim dignius doctore catholico, aut reipublicæ christianæ utilius, quam prædicare, inculcare, imo et propugnare primum et maximum mandatum, ex quo cætera pendent, sine quo cætera nihil prosunt; illud, inquam, mandatum, quod in dies impetunt atque labefactare moluntur amor cujusque proprius, cupiditas, et perversæ hominum interpretationes? Quapropter perpetuis tenebris digna est Apologia Berengarii, temerarii illius Abaelardi discipuli ac defensoris, qui Bernardo impudenter insultat ob editum ab eo tractatum de Diligendo Deo, cum de hoc, inquit, « nemo dubitet, » non quævis muliercula, non quivis extremus idiota. Verum suos semper adversarios habuit divinus amor: cujus præceptum si verbis Christiani haud negant, at factis plerique pernegant; imo quidam etiam pravis interpretationibus ita redigunt ad nihilum, ut hodie in quæstionem adducere, et quidem dubitare impune liceat, num Deus optimus, maximus, creator, conservator, ac redemptor, aliquo speciali, vel semel in vita, amoris actu a quovis christiano sit diligendus. Non ergo in vanum Bernardus divinum hoc præceptum Haimérico cardinali, quasi quoddam opere pretium, commendare aggressus est hoc in opusculo, docens, cap. 2, n. 6, diligendum esse Deum sine modo: inexensabilem esse omnem « etiam infidelem, si non diligit Dominum Deum suum ex toto corde, tota anima, tota virtute. » Porro Fidem tanto plus indicere amandum, quanto et se ipso pluris æstimandum quivis intelligit. « Quod si totum me, » inquit, cap. 5, n. 15, in persona omnium, debeo pro me facto, quid addam jam et pro me refecto, et refecto hoc modo?

2. In hoc ergo libro sanctissimus divini amoris præco et doctor, ejus modum, causas, originem, gradus, et obligationem accurate ac pathetice describit. Modum, ut diligitur sine modo, hoc est omni meliori quo possumus modo: causas, meritum Dei, et commodum nostrum: originem, ex amore proprio in amorem Dei, usque ad oblivionem et contemptum sui: gradus, amorem sui, amorem Dei propter se, tum propter ipsum, ac denique, castum et purum; hoc est amorem proprium, mercenarium, filialem, ac beatificum: obligationem denique, quæ pertinet ad Gentiles, Judæos, sed maxime ad Christianos. Totus vero tractatus est de amore, qui consistit in affectu: quem etsi dicat perfecte in hac vita impleri non posse, ita ut omnem excludat timorem et cupiditatem; esse tamen ait finem et scopum, in quem indesinenter ac irremitte ferri teneamur. Denique hunc ipsum amorem ex dono Dei nobis

provenire, non ex affectu innato; sic enim exclamat cap. 6, n. 16 : « Deus meus, adjutor meus, diligam te pro dono tuo, et modo meo, minus quidem justo, sed plane non minus » posse meo. Qui etsi quantum debeo non possum, non possum tamen ultra quam possum. » Potero vero plus, cum plus donare dignaberis, nunquam tamen prout dignus haberis. » Hæc tota hujusce libelli doctrina et œconomia.

3. Eamdem doctrinam Bernardus passim aliis in locis inculcat, ut in sermone de Quadruplici Debito, qui est vigesimus secundus inter Diversos : nec aliam tradit in sermone quinquagesimo super Cantica, ubi duplicem distinguit charitatem, unam « in actu, » alteram « in effectum. » Et « de illa quidem, quæ operis est, datam esse legem hominibus, mandatumque » formatum. Nam in affectu, » inquit, « quis ita habeat ut mandatur? Ergo illa mandatur ad » meritum, ista ad præmium. » Nimirum præcipitur charitas seu amor Dei ex toto corde, tota anima, tota virtute; ita ut amor sit perennis, indeficiens, perfectus, a nulla re creata retardatus et imminutus : quod non continget nisi in altera vita. Alia autem charitas in effectu eo spectat, ut omnes actiones nostras ad Deum referamus. Nam tantum abest, ut charitas in effectu ex Bernardi mente amorem affectus excludat, ut contra ipsum includat. Neque enim effectivum ( ut vocant ) amorem siccum, inanem, pure externum et Judaicum probat Bernardus, sed internum exigit cum opere conjunctum : internum quidem, cum charitas et amor sit; cum opere vero, cum sit in effectu. Hanc autem esse Bernardi eo in loco sententiam manifeste demonstrant quæ ibi sequuntur. « Non hoc dico, » ait, « ut sine affectione simus, et » solas moveamus manus ad opera. Legi inter alia, quæ scribit Apostolus, mala et gravia hominum » minus mala, hoc quoque annumeratum, scilicet sine affectione. » Qualem porro ad opera charitatis affectionem requirat, statim docet Vir sanctus, præmisso triplicem esse affectionem, primam, « quam caro gignit; » secundam, « quam ratio regit; » tertiam, « quam condit sapientia : » tum subdit, « Igitur per secundam opera fiunt, et in ipsa charitas, sed non illa » affectualis, quæ sale sapientiæ condita pinguescens, magnam menti importat multitudinem » dulcedinis Domini : sed quædam potius actualis, quæ etsi nondum dulci illo amore reficit, » amore tamen ipsius amoris vehementer accendit. » Hæc est illa charitas in effectu, quam a Deo præceptam dicit Bernardus, inferior quidem tertia seu beatifica, quæ « primam eliminat, » secundam remunerat, » ut ibidem ait, « Sic ergo dilectio alia quævis debita superans, quasi » sola regnare debet in nobis; ut quidquid debetur cæteris, sibi vindicet, et ex dilectione omnia » faciamus, » inquit Vir sanctus sermone duodecimo in Psalmum xc, n. 7. Hæc de argumento sequentis libelli.

4. Cæterum directus a Bernardo est Haimericus seu Aimericus S. R. E. cardinali et cancellario, ut præferunt manuscripti codices omnes, præter unum Colbertinum, qui « Ascelinum » habet, sed mendose, teste vel ipso Berengario, Abaelardi apologistæ, qui Aimericum præfert. Scriptus est autem liber sub pontificatu Honorii II, a quo Haimericus creatus est cancellarius. Gaufridus in libro tertio de Vita Bernardi, capite octavo : « Si queritur piæ mentis religiosa » devotio, transeundum ad homilias in Laudibus Virginis matris, et illum quem de Dilegendo Deo edidit librum. » Erat autem Haimericus Gallus ex oppido Castra apud Biturigas, anno 1121 a Callisto II creatus cardinalis, ab Honorio II cancellarius sub annum 1126, mortuus anno 1141, singularis Bernardi amicus, ex aliis epistolis.

S. BERNARDI ABBATIS

# DE DILIGENDO DEO

LIBER SEU TRACTATUS

AD HAIMERICUM S. R. E. CARDINALEM ET CANCELLARIUM.

385

PRÆFATIO.

A

CAPUT I.

Viro illustri domino HAIMERICO, ecclesiæ Romanæ diacono cardinali, et cancellario, BERNARDUS abbas dictus de Clara-Valle, Domino vivere, et in Domino mori.

Orationes a me, et non quæstiones poscere solebatis : et quidem ego ad neutrum idoneum me esse confido. Verum illud indicit professio, etsi non ita conversatio : ad hoc vero (ut verum fatear) ea mihi deesse video, quæ maxime necessaria viderentur, diligentiam et ingenium. B Placet tamen, fateor, quod pro carnalibus spiritualia repetitis, si sane apud locupletiores id facere libuisset. Quia vero doctis et indoctis pariter in istiusmodi excusandi mos est; nec facile scitur, quæ vere ex imperitia, quæve ex verecundia excusatio prodeat, si non injuncti operis obeditio probat : accipite de mea paupertate quod habeo, ne tacendo philosophus puter. Nec tamen ad omnia spondeo me responsurum. Ad id solum quod de diligendo Deo quæritis, respondebo quod ipse dabit. Hoc enim et sapit dulcius, et tractatur securius, et auditur utilius. Reliqua diligentioribus reserve-

Quare, et quomodo diligendus sit Deus.

1. Vultis ergo a me audire, quare, et quomodo diligendus sit Deus? Et ego : Causa diligendi Deum, Deus est; modus, sine modo diligere \*. Estne hoc satis? Fortassis utique, sed sapienti. Cæterum si et insipientibus debitor sum<sup>1</sup>; ubi sat est dictum sapienti, etiam illis gerendus mos est. Itaque propter tardiores idem profusius, quam profundius repetere non gravabor. Ob duplicem ergo causam Deum dixerim propter se ipsum diligendum : sive quia nihil justius, sive quia nil fructuosius diligere potest. Duplicem siquidem parit sensum, cum quæritur de Deo, cur diligendus sit. Dubitari namque potest quid potissimum dubitetur; utrumnam, quo suo merito Deus, aut certe quo nostro sit commodo diligendus. Sane ad utrumque idem responderim; non plane aliam mihi dignam occurrere causam diligendi ipsum, præter ipsum. Et prius de merito videamus. Multum quippe meruit de nobis, qui et immeritis dedit se ipsum nobis. Quid enim melius se ipso poterat dare vel ipse? Ergo si Dei meritum quæritur, cum ipsum diligendi causa quæritur, illud est præcipuum : quia ipse prior dilexit nos. Dignus plane qui redametur, præsertim si advertatur, quis, quos, quantumque amaverit. Quis enim? Nonne is cui omnis spiritus con-

<sup>1</sup> Rom. 1, 14.

litetur : *Deus meus es tu, quoniam bonorum*<sup>1</sup> virtutem, qua subinde ipsum a quo est, et in-  
*meorum non egēs*<sup>2</sup> ? Et vera huius charitas ma- A  
 jestatis, quippe non quærentis quæ sua sunt. Quibus autem tanta puritas \* exhibetur ? *Cum*  
*adhuc, inquit, inimici essemus, reconciliati su-*  
*mus Deo*<sup>3</sup>. Dilexit ergo Deus, et gratis, et ini-  
 micos. Sed quantum ? Quantum dicit Joannes,  
*Sic Deus dilexit mundum, ut Filium unigenitum*  
*daret*<sup>4</sup> ; et Paulus, *Qui proprio, ait, Filio non*  
*pepercit, sed pro nobis tradidit illum*<sup>5</sup>. Ipse  
 quoque Filius pro se, *Majorem*, inquit, *chari-*  
*tatem nemo habet, quam ut animam suam ponat*  
*quis pro amicis suis*<sup>6</sup>. Sic meruit justus ab im-  
 piis, summus ab infimis, ab infirmis omnipo- B  
 tens. Sed dicit aliquis : Ita quidem ab homi-  
 nibus ; sed ab Angelis non ita. Verum est, quia  
 necesse non fuit. Cæterum qui hominibus sub-  
 venit in tali necessitate, servavit Angelos a tali  
 necessitate : et qui homines diligendo, tales  
 fecit ne tales remanerent ; ipse æque diligendo  
 dedit et Angelis, ne tales fierent.

## CAPUT II.

Deus quantopere ab homine mereatur amari, ob bona  
 tum corporis, tum animæ. Quomodo ea agnoscenda,  
 et habenda citra donantis injuriam.

2. Quibus hæc palam sunt, palam arbitror  
 esse et cur Deus diligendus sit : hoc est, unde  
 diligi meruerit. Quod si infideles hæc latent,  
 Deo tamen in promptu est ingratos confundere  
 super innumeris beneficiis suis, humano nimi-  
 rum et usui præstitis, et sensui manifestis.  
 Nempe quis alius administrat cibum omni ve-  
 scienti, cernenti lucem, spiranti flatum ? Sed  
 stultum est velle modo enumerare, quæ innu-  
 mera esse non longe ante præfatus sum : satis  
 est ad exemplum præcipua protulisse, panem,  
 solem, et aerem. Præcipua dico, non quia ex-  
 cellentiora, sed quia necessaria ; sunt quippe  
 corporis. Quærat enim homo eminentiora bona  
 sua in ea parte sui, qua præminet sibi, hoc  
 est in anima, quæ sunt dignitas, scientia, vir-  
 tus. Dignitatem in homine liberum arbitrium  
 dico : in quo ei nimirum datum est cæteris non  
 solum præminere, sed et præsidere animanti-  
 bus. Scientiam vero, qua eandem in se di-  
 gnitatem agnoscat, non a se tamen. Porro

quirit non segniter, et teneat fortiter cum  
 invenerit.

3. Itaque geminum unumquodque trium  
 horum apparet. Dignitatem siquidem demon-  
 strat humanam non solum naturæ prærogativa,  
 sed et potentia dominatus : quod terror homi-  
 nis super cuncta animantia terræ imminere de-  
 cernitur. Scientia quoque duplex erit, si hanc  
 ipsam dignitatem, vel aliud quodque bonum in  
 nobis, et nobis inesse, et a nobis non esse no-  
 verimus. Porro virtus et ipsa æque bifaria co-  
 gnoscetur, si auctorem consequenter inquiri-  
 mus, inventoque inseparabiliter inhæremus.  
 Dignitas ergo sine scientia non prodest ; illa vero  
 etiam obest, si virtus defuerit<sup>a</sup> : quod utrum-  
 que ratio declarat subjecta. Habere enim quod  
 habere te nescias, quam gloriam habet ? Porro  
 nosse quod habeas, sed quia a te non habeas  
 ignorare, habet gloriam, sed non apud Deum.  
 Apud se autem glorianti dicitur ab Apostolo :  
*Quid habes quod non accepisti ? si autem acce-*  
*pisti, quid gloriaris, quasi non acceperis*<sup>6</sup> ? Non  
 ait simpliciter, *Quid gloriaris* ? sed addit, *quasi*  
*non acceperis* : ut asserat reprehensibilem, non  
 qui in habitis, sed qui tanquam in non acceptis C  
 gloriatur. Merito vana gloria nuncupatur hu-  
 jusmodi, veritatis nimirum solido carens fun-  
 damento. Veram enim gloriam ab hac ita discer-  
 nit, *Qui gloriatur, ait, in Domino gloriatur* :  
 hoc est, in veritate. Veritas quippe Dominus  
 est.

4. Utrumque ergo scias necesse est, et quid  
 sis, et quod a te ipso non sis : ne aut omnino  
 videlicet non glorieris, aut inaniter glorieris.  
 Denique *si non cognoveris, inquit, te ipsam, egre-*  
*dere post greges sodalium tuorum*<sup>8</sup> : Revera ita  
 fit. Homo factus in honore, cum honorem ipsum  
 non intelligit, talis suæ ignorantiae merito com-  
 D paratur pecoribus, velut quibusdam præsentis  
 suæ corruptionis et mortalitatis consortibus.  
 Fit igitur ut sese non agnoscendo egregia rati-  
 onis munere creatura, irrationabilium gregi-  
 bus aggregari incipiat, dum ignara propriæ  
 gloriæ, quæ ab intus est, conformanda foris  
 rebus sensibilibus, sua ipsius curiositate abdu-  
 citur : efficiturque una de cæteris, quod se præ  
 cæteris nihil accepisse intelligat. Itaque valde  
 cavenda hæc ignorantia, qua de nobis minus

<sup>1</sup> Psal. xv, 2. — <sup>2</sup> Rom. vi, 10. — <sup>3</sup> Joan. iiii, 16. — <sup>4</sup> Rom. viii, 32. — <sup>5</sup> Joan. xv, 13. — <sup>6</sup> I Cor. iv, 7. —  
<sup>7</sup> Id. i, 31. — <sup>8</sup> Cantic. i, 7.

<sup>a</sup> Alias, *si ista defuerit*.



nobis forte sentimus : sed non minus, imo et <sup>883</sup> plus illa, qua plus nobis tribuimus : quod fit, si A bonum quodcumque in nobis esse, et a nobis, decepti putemus. At vero super utramque ignorantiam declinanda et execranda illa præsumptio est, qua sciens et prudens forte audeas de bonis non tuis tuam quærere gloriam : et quod certus es a te tibi non esse, inde tamen alterius rapere non verearis honorem. Prior equidem ignorantia gloriam non habet : posterior vero habet quidem, sed non apud Deum. Cæterum hoc tertium malum, quod jam scienter committitur, usurpat et contra Deum. In tantum denique ignorantia illa posteriori hæc arrogantia gravior atque periculosior apparet, quo per illam quidem Deus nescitur, per istam et contemnitur : in tantum et priori deterior ac detestabilior, ut cum per illam pecoribus, per istam et dæmonibus sociemur. Est quippe superbia, et delictum maximum, uti datis tanquam innatis; et in acceptis beneficiis gloriam usurpare benefici.

5. Quamobrem cum duabus istis, dignitate atque scientia, opus est et virtute, quæ utriusque fructus est, per quam ille inquiritur ac tenetur, qui omnium auctor et dator merito glorificetur de omnibus. Alioquin sciens et non faciens digna, multis vapulabit. Quare? Utique quia noluit intelligere ut bene ageret : magis autem iniquitatem meditatus est in cubili suo <sup>1</sup>, dum de bonis, quæ a se non esse ex scientiæ dono certissime comperit, boni Domini gloriam servus impius captare sibi, imo et raptare molitur. Liquet igitur et absque scientia dignitatem esse omnino inutilem, et scientiam absque virtute damnabilem. Verum homo virtutis, cui nec damnosa scientia, nec infructuosa dignitas inanet, elamat Deo et ingenue confitetur : *Non nobis, inquires, Domine, non nobis, sed nomini tuo da gloriam* <sup>2</sup>. Hoc est: Nil nobis, o Domine, de scientia, nil nobis de dignitate tribuimus; D sed tuo totum, a quo totum est, nomini deputamus.

6. Cæterum pene a proposito longe nimis digressi sumus, dum demonstrare satagimus, eos quoque qui Christum nesciunt, satis per legem naturalem ex perceptis bonis corporis animæque moneri, quatenus Deum propter Deum et ipsi diligere debeant. Nam ut breviter,

quæ super hoc dicta sunt, iterentur : quis vel infidelis ignoret, suo corpori non ab alio in hac mortali vita supradicta illa necessaria ministrari, unde videlicet subsistat, unde videat, unde spiret, quam ab illo, qui dat escam omni carni <sup>3</sup>; qui solem suum oriri facit super bonos et malos, et pluit super justos et injustos <sup>4</sup>? Quis item vel impius putet alium ejus, quæ in anima splendet, humanæ dignitatis auctorem, præter illum ipsum, qui in Genesi loquitur : *Faciamus hominem ad imaginem et similitudinem nostram* <sup>5</sup>? Quis alium scientiæ largitorem existimet, nisi æque ipsum, qui docet hominem scientiam <sup>6</sup>? Quis rursum munus sibi aliunde virtutis aut putet datum, aut speret dandum, quam de manu itidem Domini virtutum? Meretur ergo amari propter se ipsum Deus, et ab infideli : qui etsi nesciat Christum, scit tamen se ipsum. Proinde inexcusabilis est omnis etiam infidelis, si non diligit Dominum Deum suum ex toto corde, tota anima, tota virtute sua. Clamat nempe intus ei innata, et non ignorata rationi justitia, quia ex toto se illum diligere debeat, cui se totum debere non ignorat. Verum difficile, imo impossibile est, suis scilicet quempiam, liberive arbitrii viribus semel accepta a Deo, ad Dei ex toto convertere voluntatem; et non magis ad propriam retorquere, eaque sibi tanquam propria retinere, sicut scriptum est, *Omnes quæ sua sunt quæruunt* <sup>7</sup>; et item, *Proni sunt sensus et cogitationes hominis in malum* <sup>8</sup>.

### CAPUT III.

Christiani quantos habeant stimulos amandi Deum præ infidelibus.

7. Contra quod plane fideles norunt, quam omnino necessarium habeant Jesum, et hunc crucifixum : dum admirantes et amplexantes supereminentem scientiæ charitatem in ipso, id vel tantillum quod sunt, in tantæ dilectionis et dignationis vicem non rependere confunduntur. Facile proinde plus diligunt, qui se amplius dilectos intelligunt : cui autem minus donatum est, minus diligit. Judæus sane, sive paganus, nequaquam talibus aculeis incitatur amoris, quales Ecclesia experitur, quæ ait, *Vulnerata chari-*

<sup>1</sup> Psal. xxxv, 4, 5. — <sup>2</sup> Psal. cxiii, 9. — <sup>3</sup> Psal. cxxxv, 25. — <sup>4</sup> Matth. v, 45. — <sup>5</sup> Gen. i, 26. — <sup>6</sup> Psal. xciii, 10. — <sup>7</sup> Philipp. ii, 21. — <sup>8</sup> Gen. viii, 21.

tate ego sum : et rursum , *Fulcite me floribus*,<sup>387</sup> in plenitudine temporis apparentes. Porro autem Resurrectionis insignia, novos adverte flores sequentis temporis, in novam sub gratia revirescentis aetatem, quorum fructum generalis futura resurrectio in fine parturiet sine fine mansurum. *Jam, inquit, hiems transit, imber abiit et recessit, flores apparuerunt in terra nostra*<sup>6</sup> : aetivum tempus advenisse cum illo significans, qui de mortis gelu in vernalem quamdam novæ vitæ temperiem resolutus, *Ecce, ait, nova facio omnia*<sup>7</sup> : cujus caro seminata est in morte, refluuit in resurrectione ; ad cujus mox odorem in campo convallis nostræ revirescunt arida, recalescunt frigida, mortua reviviscunt.

9. Horum ergo novitate florum ac fructuum, et pulchritudine<sup>b</sup> agri suavissimum spirantis odorem, ipse quoque Pater in Filio innovante omnia delectatur, ita ut dicat : *Ecce odor filii mei, sicut odor agri pleni, cui benedixit Dominus*<sup>8</sup>. Bene pleni, de cujus plenitudine omnes accepimus. Sponsa tamen familiaris ex eo sibi, cum vult, flores legit, et carpit poma, quibus propriæ aspergat intima conscientiæ, et intranti sponso cordis lectulus suave redolet. Oportet enim nos, si crebrum volumus habere hospitem Christum, corda nostra semper habere munita fidelibus testimoniis, tam de misericordia scilicet morientis, quam de potentia resurgentis ; quomodo David aiebat : *Duo hæc audiui, quia potestas Dei est, et tibi, Domine, misericordia*<sup>9</sup>. Siquidem utriusque rei testimonia credibilia facta sunt nimis ; Christo utique moriente propter delicta nostra, et resurgente propter justificationem nostram, et ascendente ad protectionem nostram, et mittente Spiritum ad consolationem nostram, et quandoque redituro ad consummationem nostram. Nempe in morte misericordiam, potentiam in resurrectione, utramque in singulis exhibuit reliquorum.

8. Denique ait : *Ecce tu pulcher es, dilecte mi, et decorus ; lectulus noster floridus*<sup>5</sup>. Quæ lectulum monstrat, satis quid desideret aperit : et cum floridum nuntiat, satis indicat, unde quod desiderat obtinere præsumat. Non enim de suis meritis, sed de floribus agri, cui benedixit Deus. Delectatur floribus Christus, qui in Nazareth et concipi voluit, et nutriri. Gaudet sponsus cælestis talibus odoramentis, et cordis thalamum frequenter libenterque ingreditur, quod istiusmodi refertum fructibus, floribusque respersum invenerit. Ubi suæ videlicet aut passionis gratiam, aut resurrectionis gloriam sedula inspicit cogitatione versari, ibi profecto adest sedulus, adest libens. Monumenta siquidem Passionis, fructus agnosce quasi anni præteriti, omnium utique retro temporum sub peccati mortisque imperio decursorum, tandem

tem Resurrectionis insignia, novos adverte flores sequentis temporis, in novam sub gratia revirescentis aetatem, quorum fructum generalis futura resurrectio in fine parturiet sine fine mansurum. *Jam, inquit, hiems transit, imber abiit et recessit, flores apparuerunt in terra nostra*<sup>6</sup> : aetivum tempus advenisse cum illo significans, qui de mortis gelu in vernalem quamdam novæ vitæ temperiem resolutus, *Ecce, ait, nova facio omnia*<sup>7</sup> : cujus caro seminata est in morte, refluuit in resurrectione ; ad cujus mox odorem in campo convallis nostræ revirescunt arida, recalescunt frigida, mortua reviviscunt.

9. Horum ergo novitate florum ac fructuum, et pulchritudine<sup>b</sup> agri suavissimum spirantis odorem, ipse quoque Pater in Filio innovante omnia delectatur, ita ut dicat : *Ecce odor filii mei, sicut odor agri pleni, cui benedixit Dominus*<sup>8</sup>. Bene pleni, de cujus plenitudine omnes accepimus. Sponsa tamen familiaris ex eo sibi, cum vult, flores legit, et carpit poma, quibus propriæ aspergat intima conscientiæ, et intranti sponso cordis lectulus suave redolet. Oportet enim nos, si crebrum volumus habere hospitem Christum, corda nostra semper habere munita fidelibus testimoniis, tam de misericordia scilicet morientis, quam de potentia resurgentis ; quomodo David aiebat : *Duo hæc audiui, quia potestas Dei est, et tibi, Domine, misericordia*<sup>9</sup>. Siquidem utriusque rei testimonia credibilia facta sunt nimis ; Christo utique moriente propter delicta nostra, et resurgente propter justificationem nostram, et ascendente ad protectionem nostram, et mittente Spiritum ad consolationem nostram, et quandoque redituro ad consummationem nostram. Nempe in morte misericordiam, potentiam in resurrectione, utramque in singulis exhibuit reliquorum.

10. Hæc mala, hi flores, quibus sponsa se interim stipari postulat et fulciri, credo sentiens facile vim in se amoris posse tepescere et languescere quodammodo, si non talibus jugiter foveatur incentivis, donec introducta quandoque in cubiculum, diu cupitis excipiat amplexibus, et dicat : *Læva ejus sub capite meo, et dextera illius amplexata est me*<sup>10</sup>. Sentiet quippe

<sup>1</sup> Cantic. II, 4, 5. — <sup>2</sup> Id. III, 11. — <sup>3</sup> Philipp. II, 10. — <sup>4</sup> Psal. XXVII, 7. — <sup>5</sup> Cantic. I, 15. — <sup>6</sup> Id. II, 11, 12. — <sup>7</sup> Apoc. XXI, 5. — <sup>8</sup> Gen. XXII, 27. — <sup>9</sup> Psal. LXI, 12, 13. — <sup>10</sup> Cantic. II, 6.

<sup>a</sup> Alias, *jungere*. — <sup>b</sup> Alias, *plenitudine*.

tunc et probabit universa dilectionis testimonia,<sup>588</sup> quæ in priori adventu, tanquam de sinistra dilecti, acceperat, præ multitudine dulcedinis amplexantis dexteræ contemnenda, et omnino jam quasi subtus habenda. Sentiet quod audierat: *Caro non prodest quidquam; spiritus est qui vivificat*<sup>1</sup>. Probabit quod legerat: *Spiritus meus super mel dulcis, et hæreditas mea super mel et favum*. Quod vero sequitur, *Memoria mea in generatione sæculorum*<sup>2</sup>; hoc dicit, quia quamdiu stare præsens cernitur sæculum, in quo generatio advenit, et generatio præterit, non deerit electis consolatio de memoria, quibus nondum de præsentia plena refectio indulgetur. Unde scriptum est, *Memoriam abundantiae suavitatis tuæ cructabunt*: haud dubium, quin hi, quos paulo superius dixerat, *Generatio et generatio laudabit opera tua*<sup>3</sup>. Memoria ergo in generatione sæculorum, præsentia in regno cælorum. Ex ista glorificatio jam assumpta electio: de illa interium peregrinans generatio consolatur.

#### CAPUT IV.

Quinam ex Dei recordatione consolationem capiant: quive magis ad ejus amorem idonei.

11. Sed interest, quænam generatio ex Dei C capiat recordatione solamen. Non enim generatio prava et exasperans, cui dicitur, *Væ vobis, divites, qui habetis consolationem vestram*<sup>4</sup>: sed quæ dicere veraciter potest, *Renuit consolari anima mea*. Huic plane et credimus, si secuta adjecerit: *Memor fui Dei, et delectatus sum*<sup>5</sup>. Justum quippe est, ut quos præsentia non delectant, præsto eis sit memoria futurorum: et qui de rerum fluentium qualibet affluentia despiciunt consolari, recordatio illos delectet æternitatis. Et hæc est generatio quærentium Dominum, quærentium non quæ sua sunt, sed faciem Dei Jacob<sup>6</sup>. Dei ergo quærentibus et suspirantibus præsentiam, præsto interim et dulcis memoria est, non tamen qua satientur, sed qua magis esuriant unde satientur. Hoc ipsum de se cibus ipse testatur, ita dicens, *Qui edit me, adhuc esuriet*<sup>7</sup>: et qui eo cibatus est, *Satiabor*, inquit, *cum apparuerit gloria tua*<sup>8</sup>. Beati tamen jam nunc qui esuriunt

A et non alii, saturabuntur<sup>9</sup>. Væ tibi, generatio prava atque perversa! væ tibi, popule stulte et insipiens, qui et memoriam fastidis, et præsentiam expavescis! Merito quidem: nec modo enim liberari vis de laqueo venantium, si quidem qui volunt divites fieri in hoc sæculo, incidunt in laqueum diaboli<sup>1</sup>; nec tunc a verbo aspero poteris liberari. O verbum asperum, o sermo durus! *Ite, maledicti, in ignem æternum*<sup>11</sup>. Durior plane atque asperior illo, qui quotidie nobis de memoria passionis in Ecclesia replicatur: *Qui manducat meam carnem, et bibit sanguinem meum, habet vitam æternam*. Hoc est, qui recolit mortem meam, et exemplo meo mortificat membra sua quæ sunt super terram, habet vitam æternam: hoc est, si compatimini, et conregnabitis. Et tamen plerique ab hac voce resiliunt et abeunt hodieque retrorsum, respondent non verbo, sed facto: *Durus est hic sermo; quis potest eum audire*<sup>12</sup>? Itaque generatio quæ non direxit cor suum, et non est creditus cum Deo spiritus ejus<sup>13</sup>, sed magis sperans in incerto divitiarum, verbum modo crucis audire gravatur, ac memoriam passionis sibi judicat onerosam. Verum qualiter verbi illius pondus in præsentia sustinebit: *Ite, maledicti, in ignem æternum, qui paratus est diabolo, et angelis ejus*<sup>2</sup>. Super quem profecto ceciderit lapis iste, conteret eum. At vero generatio rectorum benedicetur<sup>14</sup>: qui utique cum Apostolo, sive absentes, sive præsentibus, contendunt placere Deo<sup>15</sup>. Denique audient, *Venite, benedicti Patris mei*<sup>16</sup>, etc. Tunc illa quæ non direxit cor suum, sero quidem experietur, quam in illius comparatione doloris jugum Christi suave, et onus leve fuerit, cui tanquam gravi et aspero duram cervicem superbe subduxit. Non potestis, o miseri servi mammonæ, simul gloriari in cruce Domini nostri Jesu Christi, et sperare in pecuniæ thesauris; post aurum abire, et probare quam suavis est Dominus. Proinde quem suavem in memoria non sentitis, asperum procul dubio in præsentia sentietis.

12. Cæterum fidelis anima et suspirat præsentiam inbianter, et in memoria requiescit suaviter; et donec idonea sit revelata facie speculati gloriam Domini, crucis ignominia gloria-

<sup>1</sup> Joan. vi, 64. — <sup>2</sup> Eccli. xxiv, 27, 28. — <sup>3</sup> Psal. cxliv, 7, 4. — <sup>4</sup> Luc. vi, 24. — <sup>5</sup> Psal. lxxvi, 3, 4. — <sup>6</sup> Psal. xxxiii, 6. — <sup>7</sup> Eccli. xxiv, 29. — <sup>8</sup> Psal. xvi, 15. — <sup>9</sup> Matth. v, 6. — <sup>10</sup> I Tim. vi, 9. — <sup>11</sup> Matth. xxv, 41. — <sup>12</sup> Joan. vi, 55, 61. — <sup>13</sup> Psal. lxxvii, 8. — <sup>14</sup> Psal. cxi, 2. — <sup>15</sup> II Cor. v, 9. — <sup>16</sup> Matth. xxv, 34.

tur. Sic profecto, sic sponsa et columba Christi<sup>59</sup>; in opus salutis ejus intenta conspicitur? Denique sibi interim, et dormit inter medios A celeros, sortita jam in praesentiarum de memoria abundantiae suavitatis tuae, Domine Jesu, pennas deargentatas, innocentiae videlicet pudicitiaeque candorem; et sperans insuper adimpleri laetitia cum vultu tuo, ubi etiam fiant posteriora dorsi ejus in pallore auri<sup>1</sup>: quando in splendoribus sanctorum introducta cum gaudio, sapientiae plenius fuerit illustrata fulgoribus. Merito proinde jam nunc gloriatur, et dicit, *Laeva ejus sub capite meo, et de dextera illius amplexabitur me*<sup>2</sup>: in laeva reputans recordationem illius charitatis, qua nulla major est, quod animam B suam posuit pro amicis suis; in dextera vero beatam visionem, quam promisit amicis suis, et gaudium de praesentia majestatis. Merito illa Dei et deifica visio, illa divinae praesentiae inaeestimabilis delectatio in dextera deputatur, de qua et delectabiliter canitur: *Delectationes in dextera tua usque in finem*<sup>3</sup>. Merito in laeva admirabilis illa memorata et semper memoranda dilectio collocatur, quod donec transeat iniquitas, super eam sponsa recumbat et requiescat.

13. Merito ergo laeva sponsi sub capite sponsae, super quam videlicet caput suum reclinata sustentet, hoc est mentis suae intentionem, ne C inclinetur et incurvetur in carnalia et saecularia desideria: quia corpus quod corrumpitur, aggravat animam; et deprimit terrena inhabitatio sensum multa cogitantem<sup>4</sup>. Quid namque aliud faciat considerata tanta et tam indebita miseratio, tam gratuita et sic probata dilectio, tam inopinata dignatio, tam invicta mansuetudo, tam stupenda dulcedo? quid, inquam, haec omnia faciant diligenter considerata, nisi ut considerantis animum, ab omni penitus pravo vindicatum amore, ad se mirabiliter raptant, vehementer afficiant, faciantque praese con- temnere, quidquid nisi in contemptu horum D appeti non potest? Nimirum proinde in odore unguentorum horum sponsa currit alacriter, amat ardentem; et parum sibi amare sic amata videtur, etiam cum se totam in amore perstrinxerit. Nec immerito. Quid magnum enim tanto et tanti repensatur amoris, si pulvis exiguus totum se ad redamandum collegerit, quem illa nimirum Majestas in amore praeveniens, tota

que sic Deus dilexit mundum, ut Unigenitum daret<sup>5</sup>; laud dubium quin de Patre dicat. Item, *Tradidit in mortem animam suam*<sup>6</sup>; nec dubium quod de Filio loquatur. Ait et de Spiritu sancto: *Spiritus Paraclitus, quem mittit Pater in nomine meo, ille vos docebit omnia, et suggeret vobis omnia quaecumque dixero vobis*<sup>7</sup>. Amat ergo Deus, et ex se toto amat, quia tota Trinitas amat: si tamen totum dici potest de infinito et incomprehensibili, aut certe de simplici.

## CAPUT V.

Christiano quantum incumbat debitum amoris.

14. Intuens ergo haec, credo, satis agnoscit quare Deus diligendus sit, hoc est, unde diligere mereatur. Caeterum infidelis non habens Filium, nec Patrem proinde habet, nec Spiritum sanctum. Qui enim non honorificat Filium, non honorificat Patrem qui misit illum<sup>8</sup>; sed nec Spiritum sanctum quem misit ille. Is itaque mirum non est, si quem minus agnoscit, minus et diligit. Attamen et ipse totum ei sese debere non ignorat, quem sui totius non ignorat auctorem. Quid ergo ego, qui Deum meum teneo vitae meae non solum gratuitum largitorem, largissimum administratorem, pium consolatorem, sollicitum gubernatorem; sed insuper etiam copiosissimum redemptorem, aeternum conservatorem, ditatorem, glorificatorem? sicut scriptum est, *Copiosa apud eum redemptio*<sup>9</sup>: et item, *Introivit semel in Sancta, aeterna redemptione inventa*<sup>10</sup>: et de conservatione, *Non relinquet sanctos suos, in aeternum conservabuntur*<sup>11</sup>: et de locupletatione, *Mensuram bonam, et confertam, et coagitatam, et superfluentem dabunt in sinum vestrum*<sup>12</sup>: et rursum, *Nec oculus vidit, nec auris audivit, nec in cor hominis ascendit, quae praeparavit Deus diligentibus se*<sup>13</sup>: et de glorificatione, *Salvatorem exspectamus Dominum nostrum Jesum Christum, qui reformabit corpus humilitatis nostrae, configuratum corpori claritatis suae*<sup>14</sup>: et illud, *Non sunt condignae passionibus hujus temporis ad futuram gloriam, quae revelabitur in nobis*<sup>15</sup>: et ite-

<sup>1</sup> Psal. lxxvii, 14. — <sup>2</sup> Cantic. ii, 6. — <sup>3</sup> Psal. xv, 11. — <sup>4</sup> Sap. ix, 15. — <sup>5</sup> Joan. iiii, 16. — <sup>6</sup> Isai. lxxxiii, 12. — <sup>7</sup> Joan. xiv, 26. — <sup>8</sup> Id. v, 23. — <sup>9</sup> Psal. cxxix, 7. — <sup>10</sup> Hebr. ix, 12. — <sup>11</sup> Psal. xxxvi, 28. — <sup>12</sup> Luc. vi, 38. — <sup>13</sup> I Cor. ii, 9. — <sup>14</sup> Philipp. iii, 20, 21. — <sup>15</sup> Rom. viii, 18.

mari, sed consumi vacuo labore accelerant, qui<sup>592</sup> rerum magis specie, quam auctore delectati, prius universa percurrere, et de singulis cupiunt experiri, quam ad ipsum curent universitatis Dominum pervenire. Et quidem pervenirent, si quandoque voti compotes effici possent, ut omnia scilicet, præter omnium principium, unus aliquis obtineret. Ea namque suæ cupiditatis lege, qua in rebus cæteris non habita præ habitis esurire, et pro non habitis habita fastidire solebat; mox omnibus quæ in cælo, et quæ in terra sunt obtentis et contemptis, tandem ad ipsum procul dubio curreret, qui solus deesset omnium Deus. Porro ibi quiesceret: quia sicut citra nulla revocat quies; sic nulla ultra jam inquietudo sollicitat. Diceret pro certo: *Mihi autem adhærere Deo bonum est*. Diceret, *Quid enim mihi est in cælo, et a te quid volui super terram?* et item, *Deus cordis mei, et pars mea Deus in æternum*<sup>1</sup>. Sic ergo (ut dictum est) ad id quod optimum est, quis cupidus perveniret, si quidem ante, quod citra cupit, assequi posset.

20. Verum quoniam id omnino impossibile præstruit et vita brevior, et virtus infirmior, et consors numerosior; longo profecto itinere et casso labore desudant, qui dum quæcumque desiderant, attingere volunt, ad cunctorum desiderabilium nequeunt pertingere finem. Et utinam attingere universa animo, et non experimento vellent! Hoc enim facile possent, et non incassum. Nam et animus sensu quidem carnali tanto velocior, quanto et perspicacior, ad hoc datus est, ut illum ad omnia præveniat; nihilque audeat contingere sensus, quod animus præcurrens ante utile non probaverit. Hinc enim arbitror dictum, *Omnia probate, quod bonum est tenete*<sup>2</sup>; ut videlicet ille huic provideat, nec is suum votum, nisi ad illius iudicium consequatur. Alioquin non ascendes in montem Domini, nec stabis in loco sancto ejus, pro eo quod in vano acceperis animam tuam<sup>3</sup>, hoc est animam rationalem: dum instar pecoris sensum sequeris, ratione quidem otiosa, et non resistente in aliquo. Quorum itaque ratio non prævenit gressus, currunt, sed extra viam: ac proinde Apostoli spreto consilio, non sic currunt ut apprehendant<sup>4</sup>. Quando etenim appre-

hendant, quem apprehendere nisi post omnia nolunt? Distortum iter, et circuitus infinitus, cuncta primitus attentare velle.

21. Justus autem non ita. Audiens nempe vituperationem multorum commorantium in circuitu (multi enim sunt viam latam pergentes, quæ ducit ad mortem), ipse sibi regiam eligit viam, non declinans ad dexteram vel ad sinistram. Denique attestante propheta, *Semita justi recta est, rectis callis justi ad ambulandum*<sup>5</sup>. Hi sunt, qui salubri compendio cauti sunt molestum hunc et infructuosum vitare circuitum, verbum abbreviatum et abbrevians eligentes, non cupere quæcumque vident, sed vendere magis quæ possident, et dare pauperibus. Beati plane pauperes, quoniam ipsorum est regnum cælorum<sup>6</sup>. Omnes quidem currunt; sed inter currentes discernitur. Denique novit Dominus viam justorum, et iter impiorum peribit<sup>7</sup>. Ideo autem melius est modicum justo super divitias peccatorum multas<sup>8</sup>, quoniam quidem, ut Sapiens loquitur et insipiens experitur, *qui diligit pecuniam, non saturabitur pecunia*<sup>9</sup>: qui autem *esuriunt et sitiunt justitiam, ipsi saturabuntur*<sup>10</sup>. Justitia siquidem ratione utentis spiritus cibus est vitalis et naturalis: pecunia vero sic non minuit animi famem, quomodo nec corporis ventus. Denique si famelicum hominem apertis faucibus vento, inflatis haurire buccis aerem cernas, quo quasi consulat fami, nonne credas insanire? Sic non minoris insanie est, si spiritum rationalem rebus putes quibuscumque corporalibus non magis inflari, quam satiari. Quid namque de corporibus ad spiritus? Nec illa sane spiritualibus, nec isti e regione refici corporalibus queunt. Benedic, anima mea, Domino, qui replet in bonis desiderium tuum<sup>11</sup>. Replet in bonis, excitat ad bonum, tenet in bono; prævenit, sustinet, implet. Ipse facit ut desideres, ipse est quod desideras.

22. Dixi supra: Causa diligendi Deum, Deus est. Verum dixi: nam et efficiens, et finalis. Ipse dat occasionem, ipse creat affectionem, desiderium ipse consummat. Ipse fecit, vel potius factus est ut amaretur: ipse speratur, amandus felicius, ne in vacuum sit amatus. Ejus amor nostrum et præparat, et remunerat. Præcedit benignior, rependitur justior, expectatur

<sup>1</sup> Psal. lxxxii, 28, 25, 26. — <sup>2</sup> I Thess. v, 21. — <sup>3</sup> Psal. xxiii, 3, 4. — <sup>4</sup> I Cor. ix, 24. — <sup>5</sup> Isai. xxvi, 7. — <sup>6</sup> Matth. v, 3. — <sup>7</sup> I Cor. ix, 24. — <sup>8</sup> Psal. i, 6. — <sup>9</sup> Psal. lxxxvi, 16. — <sup>10</sup> Eccl. v, 9. — <sup>11</sup> Matth. v, 6. — <sup>12</sup> Psal. cii, 1, 5.

suavior. Dives est omnibus qui invocant eum :<sup>993</sup> Frenum tibi temperantiæ imponitur, o homo, nec tamen habet quidquam se ipso melius. Se A dedit in meritum, se servat in præmium, se apponit in refectione animarum sanctarum, se in redemptione distrahit captivarum. Bonus es, Domine, animæ quærenti te<sup>1</sup> : quid ergo invenienti? Sed enim in hoc est mirum, quod nemo te quærere valet, nisi qui prius invenerit. Vis igitur inveniri ut quæraris, quæri ut inveniaris. Potes quidem quæri et inveniri, non tamen præveniri. Nam etsi dicimus, *Manc oratio mea præveniet te*<sup>2</sup>; non dubium tamen quod tepida sit omnis oratio, quam non prævenierit inspiratio. Dicendum jam unde inchoet B amor noster, quoniam ubi consummetur, dictum est.

### CAPUT VIII.

De primo gradu amoris, quo diligit homo se propter se.

23. Amor est affectio naturalis una de quatuor\*. Notæ sunt: non opus est nominare. Quod ergo naturale est, justum quidem foret primo omnium auctori deservire naturæ. Unde et dictum est primum et maximum mandatum: *Diliges Dominum Deum tuum*<sup>3</sup>, etc. Sed quoniam natura fragilior atque infirmior est, ipsi primum imperante necessitate compellitur inservire. Et est amor carnalis, quo ante omnia homo diligit se ipsum propter se ipsum, sicut scriptum est: *Prius quod animale, deinde quod spirituale*<sup>4</sup>. Nec præcepto indicitur, sed naturæ inseritur: quis nempe carnem suam odio habuit<sup>5</sup>? At vero si cæperit amor idem, ut assollet, proclivior esse, sive profusior, et necessitatis alveo minime contentus, campos etiam voluptatis exundans latius visus fuerit occupare; statim superfluitas obviante mandato cohibetur, cum dicitur: *Diliges proximum tuum sicut te ipsum*<sup>6</sup>. Justissime quidem, ut consors naturæ non sit exsors et gratiæ, illius præsertim gratiæ, quæ naturæ insita est. Quod si gravatur homo fraternis, non dico necessitatibus subvenire, sed voluptatibus deservire; castiget ipse suas, si non vult esse transgressor. Quantum vult, sibi indulgeat; dum æque et proximo tantundem meminerit exhibendum.

ex lege vitæ et disciplinæ, ne post concupiscentias tuas eas, et pereas, ne de bonis naturæ hosti servias animæ, hoc est libidini. Quam justius atque honestius communicas illa consorti, id est proximo, quam hosti? Et quidem si ex Sapientis consilio a voluptatibus tuis averteris<sup>7</sup>, et juxta doctrinam Apostoli victu vestituque contentus<sup>8</sup>, paulisper suspendere non gravaris amorem tuum a carnalibus desideris, quæ militant adversus animam<sup>9</sup>; sane quod subtrahis hosti animæ tuæ, consorti naturæ puto non gravaberis impertiri. Tunc amor tuus et temperans erit, et justus, si quod propriis subtrahitur voluptatibus, fratris necessitatibus non negetur. Sic amor carnalis efficitur et socialis, cum in commune protrahitur.

24. Si autem dum communicas proximo, forte tibi defuerint etiam necessaria, quid facies? Quid enim, nisi ut cum omni fiducia postules ab eo qui dat omnibus affluenter, et non impropereat<sup>10</sup>; qui aperit manum suam, et implet omne animal benedictione<sup>11</sup>? Dubium siquidem non est, quod adsit libenter in necessariis, qui plerisque et in superfluis non deest. Denique ait: *Primum querite regnum Dei et justitiam ejus, et hæc omnia adjicientur vobis*<sup>12</sup>. Sponte daturum se pollicetur necessaria, superflua restringenti, et proximum diligenti. Hoc quippe est primum quærere regnum Dei, et adversus peccata implorare tyrannidem, pudicitie potius ac sobrietatis subire jugum, quam regnare peccatum in tuo mortali corpore patiaris. Porro autem et hoc justitiæ est, cum quo tibi est natura communis, naturæ quoque cum eo munus non habere divisum.

25. Ut tamen perfecta justitia sit diligere proximum, Deum in causa haberi necesse est. Alioquin proximum pure diligere quomodo potest, qui in Deo non diligit? Porro in Deo diligere non potest, qui Deum non diligit. Oportet ergo Deum diligi prius, ut in Deo diligi possit et proximus. Facit ergo etiam se diligi Deus, qui et cætera bona facit. Facit autem sic. Qui naturam condidit, ipse et protegit. Nam et ita condita fuit, ut habeat jugiter necessarium protectorem, quem habuit et conditorum: ut quæ nisi per ipsum non valuit esse, nec

<sup>1</sup> Thren. III, 25. — <sup>2</sup> Psal. LXXXVII, 14. — <sup>3</sup> Matth. XXII, 37. — <sup>4</sup> I Cor. XV, 46. — <sup>5</sup> Ephes. V, 29. — <sup>6</sup> Matth. XXII, 39. — <sup>7</sup> Eccli. XVIII, 30. — <sup>8</sup> I Tim. VI, 8. — <sup>9</sup> I Petr. II, 11. — <sup>10</sup> Jacobi I, 5. — <sup>11</sup> Psal. CXLIV, 16. — <sup>12</sup> Luc. XII, 31.

sine ipso valeat omnino subsistere. Quod ne<sup>391</sup> sane de se creatura ignoret, ac proinde sibi A (quod absit) superbe arroget beneficia creatoris, vult hominem idem conditor alto quidem salubrique consilio tribulationibus exerceri : ut cum defecerit homo, et subvenerit Deus, dum homo liberatur a Deo, Deus ab homine, ut dignum est, honoretur. Hoc enim dicit : *Invoca me in die tribulationis ; cruiam te, et honorificabis me*<sup>1</sup>. Fit itaque hoc tali modo, ut homo animalis et carnalis, qui præter se neminem diligere noverat, etiam Deum vel propter se amare incipiat, quod in ipso nimirum, ut sæpe expertus est, omnia possit, quæ posse tamen B prosit; et sine ipso possit nihil.

### CAPUT IX.

De secundo et tertio gradu amoris.

26. Amat ergo jam Deum, sed propter se interim adhuc, non propter ipsum. Est tamen quædam prudentia scire quid ex te, quid ex Dei adjutorio possis, et ipsi servare te infensum<sup>a</sup>, qui te tibi servat illæsum. At si frequens ingruerit tribulatio, ob quam et frequens ad Deum conversio fiat, et a Deo æque frequens libera- C tio consequatur; nonne, etsi fuerit ferreum pectus, vel cor lapideum toties liberati, emolli necesse est ad gratiam liberantis, quatenus Deum homo diligat, non propter se tantum, sed et propter ipsum? Ex occasione quippe frequentium necessitatum crebris necesse est interpellationibus Deum ab homine frequentari, frequentando gustari, gustando probari quam suavis est Dominus. Ita fit ut ad diligendum pure Deum plus jam ipsius gustata alliciat suavitas, quam urgeat nostra necessitas; ita ut exemplo Samaritanorum, dicentium mulieri quæ adesse Dominum nuntiaverat, *Jam non D propter tuam loquelam credimus; ipsi enim audivimus, et scimus quia ipse est vere Salvator mundi*<sup>2</sup>; ita, inquam, et nos illorum exemplo carnem nostram alloquentes, dicamus merito: Jam non propter tuam necessitatem Deum diligimus; ipsi enim gustavimus et scimus quoniam suavis est Dominus. Est enim carnis quæ-

dam loquela necessitas, et beneficia quæ ex-  
periendo probat, gesticundo<sup>b</sup> renuntiat. Itaque sic affecto, jam de diligendo proximo implere mandatum, non erit difficile. Amat quippe veraciter Deum, ac per hoc quæ Dei sunt. Amat caste, et casto non gravatur obedire mandato, castificans magis cor suum, ut scriptum est, in obedientia charitatis<sup>3</sup>. Amat juste, et mandatum justum libenter amplectitur. Amor iste merito gratus, quia gratuitus. Castus est, quia non impenditur verbo, neque lingua, sed opere et veritate. Justus est, quoniam qualis suscipitur, talis et redditur. Qui enim sic amat, haud secus profecto, quam amatus est, amat; querens et ipse vicissim, non quæ sua sunt, sed quæ Jesu Christi, quemadmodum ille nostra, vel potius nos, et non sua quæsivit. Sic amat qui dicit : *Confitemini Domino quoniam bonus*<sup>4</sup>. Qui Domino confitetur, non quoniam sibi bonus est, sed quoniam bonus est; hic vere diligit Deum propter Deum, et non propter se ipsum. Non sic amat de quo dicitur : *Confitebitur tibi cum benefeceris ei*<sup>5</sup>. Iste est tertius amoris gradus, quo jam propter se ipsum Deus diligitur.

### CAPUT X.

De quarto gradu amoris, cum nec se ipsum diligit homo nisi propter Deum.

27. Felix qui meruit ad quartum usque per-  
tingere, quatenus nec se ipsum diligit homo nisi propter Deum. Justitia tua, Deus, sicut montes Dei<sup>6</sup>. Amor iste mons est, et mons Dei excel-  
sus. Revera mons coagulatus, mons pinguis<sup>7</sup>. Quis ascendet in montem Domini<sup>8</sup>? Quis dabit mihi pennas sicut columbæ, et volabo et requiescam<sup>9</sup>? Factus est in pace locus iste, et habitatio hæc in Sion<sup>10</sup>. Heu mihi quia incolatus meus prolongatus est<sup>11</sup>! Caro et sanguis, vas luteum, terrena inhabitatio quando caput hoc? quando hujusmodi experitur affectum, ut divino debriatus amore animus, oblitus sui, factusque sibi ipsi tanquam vas perditum, totus pergat in Deum, et adhærens Deo unus cum eo spiritus fiat<sup>12</sup>, et dicat : *Defecit cavo mea et cor meum, Deus cordis mei, et pars mea Deus in æter-*

<sup>1</sup> Psal. XLIX, 15. — <sup>2</sup> Joan. IV, 42. — <sup>3</sup> I Petr. I, 22. — <sup>4</sup> Psal. CXVII, 1. — <sup>5</sup> Psal. XLVIII, 19. — <sup>6</sup> Psal. XXXV, 7. — <sup>7</sup> Psal. LXVII, 16. — <sup>8</sup> Psal. XXIII, 3. — <sup>9</sup> Psal. LIV, 7. — <sup>10</sup> Psal. LXXV, 3. — <sup>11</sup> Psal. CXIX, 5. — <sup>12</sup> I Cor. VI, 17.

<sup>a</sup> Id est, inoffensum. — <sup>b</sup> Alias, gustando.

num<sup>1</sup>? Beatum dixerim et sanctum, cui tale<sup>2</sup> erit a semetipsa liquescere, atque in Dei penitus aliquid in hac mortali vita raro interdum, aut A vel semel, et hoc ipsum raptim, atque unius vix momenti spatio experiri donatum est. Te enim quodammodo perdere, tanquam qui non sis, et omnino non sentire te ipsum, et a te ipso exinaniri, et pene annullari, cœlestis est conversationis, non humanæ affectionis. Et si quidem e mortalibus quispiam ad illud raptim interdum (ut dictum est) et ad momentum admittitur, subito invidet sæculum nequam, perturbat dici malitia, corpus mortis aggravat, sollicitat carnis necessitas, defectus corruptionis non sustinet, quodque his violentius est, fraterna revocet charitas. Heu! redire in se, recidere in sua compellitur, et miserabiliter exclamare, *Domine, vim patior, responde pro me*<sup>2</sup>; et illud, *Infelix ego homo, quis me liberabit de corpore mortis huius*<sup>3</sup>?

28. Quoniam tamen Scriptura loquitur, Deum omnia fecisse propter semetipsum; erit profecto ut factura sese quandoque conformet et concordet Auctori. Oportet proinde in eundem nos affectum quandocumque transire: ut quomodo Deus omnia esse voluit propter semetipsum, sic nos quoque nec nos ipsos, nec aliud aliquid fuisse, vel esse velimus, nisi æque propter ipsum, ob solam videlicet ipsius voluntatem, non nostram voluptatem. Delectabit sane non tam nostra, vel sopita necessitas, vel sortita felicitas, quam quod ejus in nobis, et de nobis voluntas adimpleta videbitur: quod et quotidie postulamus in oratione cum dicimus, *Fiat voluntas tua, sicut in cœlo, et in terra*<sup>4</sup>. O amor sanctus et castus! o dulcis et suavis affectio! o pura et defæcata intentio voluntatis! eo certe defæcator et purior, quo in ea de proprio nil jam admixtum relinquitur: eo suavior et dulcior, quo totum divinum est quod sentitur. Sic affici, deificari est. Quomodo stilla aquæ modica, multo infusa vino, deficere a se tota videtur, dum et saporem vini induit, et colorem; et quomodo ferrum ignitum et candens, igni simillimum fit, pristina propriaque forma exutum; et quomodo solis luce perfusus aer in eandem transformatur luminis claritatem, adeo ut non tam illuminatus, quam ipsum lumen esse videatur: sic omnem tunc in sanctis humanam affectionem quodam ineffabili modo necesse

erit a semetipsa liquescere, atque in Dei penitus transfundi voluntatem. Alioquin quomodo omnia in omnibus erit Deus, si in homine de homine quidquam supererit? Manebit quidem substantia, sed in alia forma, alia gloria, aliaque potentia. Quando hoc erit? quis hoc videbit? quis possidebit? Quando veniam, et apparebo ante faciem Dei<sup>5</sup>? Domine Deus meus, tibi dixit cor meum, exquisivit te facies mea; faciem tuam, Domine, requiram<sup>6</sup>. Putas, videbo templum sanctum tuum?

29. Ego puto non ante sane perfecte impletum iri, *Diliges Dominum Deum tuum ex toto corde tuo, et ex tota anima tua, et ex tota virtute tua*<sup>7</sup>; quousque ipsum cor cogitare jam non cogatur de corpore, et anima eidem in hoc statu vivificando et sensificando intendere desinat, et virtus ejusdem relevata molestiis, in Dei potentia roboretur. Impossibile namque est tota hæc ex toto ad Deum colligere, et divino infingere vultui, quamdiu ea huic fragili et ærumnoso corpori intenta et distenta necesse est subservire\*. Itaque in corpore spirituali et immortalis, in corpore integro, placido, placidoque, et per omnia subjecto spiritui, speret se anima quantum apprehendere amoris gradum, vel potius in ipso apprehendi: quippe quod Dei potentia est dare cui vult, non humanæ industriæ assequi. Tunc, inquam, summum obtinebit facile gradum, cum in gaudium Domini sui promptissime et avidissime festinantem nulla jam retardabit carnis illecebra, nulla molestia conturbabit. Putamusne tamen hanc gratiam vel ex parte sanctos martyres assecutos, in illis victoriosior corporibus adhuc constitutos? Magna vis prorsus amoris illas animas introrsum raperat, qua ita sua corpora foris exponere, et tormenta continere valuerunt. At profecto doloris acerrimi sensus non potuit non turbare D serenum, etsi non perturbare.

## CAPUT XI.

Hæc amoris perfectio non competit etiam solutis animabus beatorum, ante resurrectionem.

30. Quid autem jam solutas corporibus? Immersas ex toto credimus immenso illi pelago æterni luminis, et luminosæ æternitatis. Sed si

<sup>1</sup> Psal. LXXII, 26. — <sup>2</sup> Isai. XXXVIII, 14. — <sup>3</sup> Rom. VII, 24. — <sup>4</sup> Matth. VI, 10. — <sup>5</sup> Psal. CXI, 3. — <sup>6</sup> Psal. CXVI, 8. — <sup>7</sup> Matth. XXII, 37.



(quod non negatur) velint sua corpora recipere, aut certe recipere desiderant et sperant; licet A quæ procul dubio necdum a se ipsis penitus immutatas, quibus constat necdum penitus deesse de proprio, quo vel modice intentio reflectatur. Donec ergo absorpta sit mors in victoria, et notis undique terminos lux perennis invadat et occupet usquequaque, quatenus et in corporibus gloria cœlestis effulgeat; non possunt ex toto animæ se ipsas exponere, et transire in Deum, nimirum ligatæ corporibus etiam tunc, et si non vita vel sensu, certe affectu naturali, ita ut absque his nec velint, nec valeant consummari. Itaque ante restaurationem corporum B non erit ille defectus animorum, qui perfectus et summus est ipsorum status: nec carnis jam sane consortium spiritus requireret, si absque illa consummaretur. Enimvero absque profectu animæ nec ponitur corpus, nec resumitur. Denique pretiosa in conspectu Domini mors sanctorum ejus<sup>1</sup>. Quod si mors pretiosa, quid vita, et illa vita? Nec mirum si corpus jam gloriæ conferre videtur spiritui, quod et infirmum et mortale constat ipsi non mediocriter valuisse. O quam verum locutus est qui dixit, diligentibus Deum omnia cooperari in bonum<sup>2</sup>. Valet Deum diligenti animæ corpus suum infirmum, valet et C mortuum, valet et resuscitatum: primo quidem ad fructum penitentiae, secundo ad requiem, postremo ad consummationem. Merito sine illo perfici non vult, quod in omni statu in bonum sibi subservire persentit.

31. Bonus plane fidusque comes caro spiritui bono, quæ ipsum aut si onerat, juvat; aut si non juvat, exonerat; aut certe juvat, et minime onerat. Primus status laboriosus, sed fructuosus: secundus otiosus, sed minime fastidiosus: tertius et gloriosus. Audi et sponsum in Canticis ad profectum hunc trimodum invitantem. *Comedite, inquit, amici, et bibite; et inebriamini, charissimi*<sup>3</sup>. Laborantes in corpore vocat ad cibum: jam posito corpore quiescentes ad potum invitat: resistentes corpora, etiam ut inebrientur impellit: quos et vocat charissimos, nimirum charitate plenissimos. Nam et in cæteris, quos non charissimos, sed amicos appellat, differentia est: ut hi quidem qui in carne adhuc gravati gemunt, chari habeantur pro charitate quam habent: qui vero jam soluti carnis compede sunt, eo sint chariores, quo et prom-

ptiores atque expeditiores facti ad amandum. Porro præ utrisque merito nominantur et sunt charissimi, qui recepta jam secunda stola, in corporibus utique cum gloria resumptis, tanto in Dei feruntur amorem liberioribus et alacrioribus, quanto et de proprio nil jam residuum est, quod eos aliquatenus sollicitet vel retardet. Quod quidem neuter sibi reliquorum statuum vindicat; cum et in priori corpus cum labore portetur, et in secundo quoque non sine proprietate aliqua desiderii expectetur.

32. Primo ergo fidelis anima comedit panem suum, sed heu! in sudore vultus sui. In carne quippe manens adhuc ambulat per fidem, quam sane operari per dilectionem necesse est: quia si non operatur, mortua est. Porro ipsum opus cibus est, dicente Domino: *Meus cibus est, ut faciam voluntatem Patris mei*<sup>4</sup>. Deline carne exuta jam pane doloris non cibatur; sed vinum amoris, tanquam post cibum, plenius haurire permittitur, non purum tamen, sed quomodo sub sponsi nomine in Canticis dictum legitur: *Bibi vinum meum cum lacte meo*<sup>5</sup>. Vino enim divini amoris etiam tunc anima suavitatem naturalis immiscet affectionis, qua resumere corpus suum, ipsumque glorificatum desiderat. Estuat ergo jam tunc sanctæ charitatis potata vino, sed plane nondum usque ad ebrietatem: quoniam temperat interim ardorem illum hujus lactis permixtio. Ebrietas denique solet evertere mentes, atque omnino reddere immemores sui. At non ex toto sui oblita est, quæ adhuc de proprio corpore cogitat suscitando. Caterum hoc adepto, quod solum utique deerat, quid jam impedit a se ipsa quodammodo abire, et ire totam in Deum, coque sibi penitus dissimillimam fieri, quo Deo simillimam effici donatur? Tum demum ad crateram admissa sapientiæ, illam de qua legitur, *Et calix meus inebrians quam præclarus est*<sup>6</sup>! quid mirum jam si inebriatur ab ubertate domus Dei, cum nulla mordente cura de proprio, secuta bibit purum et novum illud cum Christo in regno Patris ejus?

33. Hoc vero convivium triplex celebrat Sapientia, et ex una complet charitate, ipsa cibans laborantes, ipsa potans quiescentes, ipsa regnantes inebrians. Quomodo autem in convivio corporali ante cibum quam potus apponitur, quoniam et tali ordine natura requirit; ita et hic. Primo quidem ante mortem in

<sup>1</sup> Psal. cxv. 15. — <sup>2</sup> Rom. viii, 28. — <sup>3</sup> Cantic. v, 1. — <sup>4</sup> Jean. iv, 34. — <sup>5</sup> Cantic. v, 1. — <sup>6</sup> Psal. xxi. 5.

carne mortali labores manuum nostrarum man-<sup>398</sup> beam transcribere jam dictata, quam nova ducamus, cum labore quod glutendum est A masticantes: post mortem vero in vita spirituali jam bibimus, suavissima quadam facilitate quod percipitur colantes: tandem rediivis corporibus in vita immortalis inebriamur, mira plenitudine exuberantes. Hæc pro eo quod sponsus in Canticis dicit: *Comedite, amici, et bibite; et inebriamini, charissimi*. Comedite ante mortem, bibite post mortem, inebriamini post resurrectionem. Merito jam charissimi, qui charitate inebriantur: et merito inebriati, qui ad nuptias Agni introducti merentur, edentes et bibentes super mensam illius in regno suo, quando sibi jam exhibet gloriosam Ecclesiam, non habentem maculam, neque rugam, aut aliquid hujusmodi<sup>1</sup>. Tunc prorsus inebriat charissimos suos, tunc torrente voluptatis suæ potat<sup>2</sup>: quoniam quidem in complexu illo arcetissimo et castissimo sponsi et sponsæ, fluminis impetus lætificat civitatem Dei<sup>3</sup>. Quod non aliud esse arbitror quam Dei Filium, qui transiens ministrat, quemadmodum ipse promisit<sup>4</sup>: ut ex hoc jam justi epulentur et exsultent in conspectu Dei, et delectentur in lætitiis<sup>5</sup>. Hinc illa satietas sine fastidio: hinc insatiabilis illa sine inquietudine curiositas: hinc æternum illud atque inexplicabile desiderium, nesciens egestatem: hinc denique sobria illa ebrietas, vero, non mero ingurgitans, non madens vino, sed ardens Deo. Ex hoc jam quartus ille amoris gradus perpetuo possidetur, cum summe, et solus diligitur Deus: quia nec nos ipsos jam nisi propter ipsum diligimus, ut sit ipse præmium amantium se, præmium æternum amantium in æternum.

## CAPUT XII.

De charitate ex epistola ad Cartusianos scripta.

34. Memini me dudum ad sanctos fratres Cartusienses scripsisse epistolam, ac de his ipsis in ea gradibus inter cætera disseruisse<sup>6</sup>. Forte autem alia ibi, etsi non aliena, de charitate locutus sum; et ob hoc quædam illorum huic<sup>a</sup> quoque sermoni subjungere non inutile duco: præsertim cum facilius ad manum ha-

beam transcribere jam dictata, quam nova iterum dictare. Illa, inquam, vera et sincera est charitas, et omnino de corde puro, et conscientia bona, et fide non ficta fatenda est procedere, qua proximi bonum, æque ut nostrum, diligimus. Nam qui magis, aut certe solum diligit suum, vincitur non caste diligere bonum, quod utique propter se diligit, non propter ipsum. Et hic talis non potest obedire prophetæ, qui ait: *Confitemini Domino, quoniam bonus*<sup>7</sup>. Confitetur quidem, quia fortasse bonus est sibi, non autem quoniam bonus est in se. Quapropter noverit in se dirigi illud ab eodem propheta opprobrium: *Confitebitur tibi, cum benefeceris ei*<sup>8</sup>. Est qui confitetur Domino quoniam potens est, et est qui confitetur quoniam sibi bonus est, et item qui confitetur quoniam simpliciter bonus est. Primus servus est, et timet sibi; secundus, mercenarius, et cupit sibi; tertius, filius, et desert patri. Itaque et qui timet, et cupit, utrique pro se agunt. Sola quæ in filio est charitas, non quærit quæ sua sunt<sup>9</sup>. Quamobrem puto de illa dictum, *Lex Domini immaculata, convertens animas*<sup>10</sup>: quod sola videlicet sit, quæ ab amore sui et mundi convertere possit animum, et in Deum dirigere. Nec timor quippe, nec amor privatus convertunt animam. Mutant interdum vultum, vel actum; affectum nunquam. Facit quidem nonnunquam etiam servus opus Dei: sed quia non sponte, in sua adhuc duritia permanere cognoscitur. Facit et mercenarius: sed quia non gratis, propria trahi cupiditate vincitur. Porro ubi proprietas, ibi singularitas: ubi autem singularitas, ibi angulus: ubi vero angulus, ibi sine dubio sordes sive rubigo. Sit itaque servo sua lex, timor ipse quo constringitur; sit sua mercenario cupiditas, qua et ipse arcatur, quando tentatur abstractus et illectus. Sed harum nulla, aut sine macula est, aut animas convertere potest. Charitas vero convertit animas, quas facit et voluntarias.

35. Porro in eo eam dixerim immaculatam, quod nil sibi de suo retinere consuevit. Cui nempe de proprio nihil est, totum profecto quod habet, Dei est: quod autem Dei est, immundum esse non potest. Lex ergo Domini im-

<sup>1</sup> Ephes. v, 27. — <sup>2</sup> Psal. xxxv, 9. — <sup>3</sup> Psal. xlv, 5. — <sup>4</sup> Luc. xii, 37. — <sup>5</sup> Psal. lxxvii, 4. — <sup>6</sup> Epist. 11. — <sup>7</sup> Psal. cxvii, 1. — <sup>8</sup> Psal. lxxviii, 19. — <sup>9</sup> I Cor. xiii, 5. — <sup>10</sup> Psal. lviii, 8.

<sup>a</sup> Alias, *hujus*.

maculata, charitas est : quæ non quod sibi utile<sup>399</sup> super omnes filios Adam, heu! inclinans et inest, quærit, sed quod multis. Lex autem Domini A dicitur, sive quod ipse ex ea vivat, sive quod cam nullus, nisi ejus dono possideat. Nec absurdum videatur, quod dixi etiam Deum vivere ex lege : cum non alia quam charitate dixerim. Quid vero in summa et beata illa Trinitate summam et ineffabilem illam conservat unitatem, nisi charitas? Lex est ergo, et lex Domini, charitas, quæ Trinitatem in unitate quodammodo cohibet, et colligat in vinculo pacis. Nemo tamen me æstimet charitatem hic accipere qualitatem, vel aliquod accidens (alioquin in Deo dicerem, quod absit, esse aliquid quod Deus non est), sed substantiam illam divinam : B quod utique nec novum, nec insolitum est, dicente Joanne, *Deus charitas est*<sup>1</sup>. Dicitur ergo recte et charitas, et Deus, et Dei donum. Itaque charitas dat charitatem, substantiva accidentalem. Ubi dantem significat, nomen substantiæ est : ubi donum, qualitatis. Hæc est lex æterna, creatrix et gubernatrix universitatis. Siquidem in pondere, et mensura, et numero per eam facta sunt universa, et nihil sine lege relinquitur, cum ipsa quoque lex omnium sine lege non sit, non tamen alia quam se ipsa : qua et se ipsam etsi non creavit, regit tamen.

### CAPUT XIII.

De lege propriæ voluntatis et cupiditatis, servorum et mercenariorum.

36. Cæterum servus et mercenarius habent legem, non a Domino, sed quam ipsi sibi fecerunt : ille Deum non amando, iste plus aliud amando. Habent, inquam, legem non Domini, sed suam ; illi tamen, quæ Domini est, subjectam. Et quidem suam sibi quisque legem facere potuerunt : non tamen eam incommutabili æternæ legis ordini subducere D potuerunt. Tunc autem dixerim quemque sibi fecisse suam legem, quando communi et æternæ legi propriam prætulit voluntatem, perverse utique volens suum imitari Creatorem : ut sicut ipse sibi lex, sui que juris est, ita is quoque se ipsum regeret, et legem sibi suam faceret voluntatem. Grave utique et importabile jugum

curvans cervices nostras, adeo ut vita nostra inferno appropinquaret<sup>2</sup>. Infelix ego homo, quis me liberabit de corpore mortis hujus<sup>3</sup>? quo utique premor, et pene opprimor, ita ut nisi quia Dominus adjuvit me, paulo minus habitasset in inferno anima mea<sup>4</sup>. Sub hoc onere gravatus gemebat qui dicebat : *Quare me posuisti contrarium tibi, et factus sum mihi met ipsi gravis?* Ubi dixit, *Factus sum mihi met ipsi gravis*, ostendit quod lex ipse sibi esset, nec alius hoc quam sibi ipse fecisset. Quod autem loquens Deo, præmisit, *Posuisti me contrarium tibi*; Dei se tamen non effugisse legem indicavit. Hoc quippe ad æternam justamque Dei legem pertinuit, ut qui a Deo noluit suaviter regi, pœnaliter a se ipso regeretur : quique sponte jugum suave et onus leve charitatis abjecit, propriæ voluntatis onus importabile sustineret invitus. Miro itaque et justo modo æterna lex fugitivum suum et posuit sibi<sup>5</sup> contrarium, et retinuit subjectum : dum videlicet nec justitiæ pro meritis legem evasit; nec tamen cum Deo in sua luce, in sua requie, in sua gloria remansit, subjectus potestati, et submotus felicitati. Domine Deus meus, *cur non tollis peccatum meum, et quare non auferis iniquitatem meam*<sup>6</sup>? ut abjecta gravi sarcina propriæ voluntatis, sub levi onere charitatis respirem; nec jam servili timore coercear, nec mercenaria cupiditate illiciar : sed agar spiritu tuo, spiritu libertatis, quo aguntur filii tui, qui testimonium reddat spiritui meo, quod et ego sim unus ex filiis<sup>7</sup>, dum eadem mihi lex fuerit quæ et tibi; et sicut tu es, ita et ipse sim in hoc mundo. Hi siquidem, qui hoc faciunt quod ait Apostolus, *Nemini quidquam debeatis, nisi ut invicem diligatis*<sup>8</sup>; procul dubio sicut Deus est, et ipsi sunt in hoc mundo : nec servi aut mercenarii sunt, sed filii.

<sup>1</sup> I Joan. iv, 8. — <sup>2</sup> Psal. lxxxvii, 4. — <sup>3</sup> Rom. vii, 24. — <sup>4</sup> Psal. xciii, 17. — <sup>5</sup> Job vii, 20, 24. — <sup>6</sup> Rom. viii, 14-16. — <sup>7</sup> Id. xiii, 8.

<sup>8</sup> Alias, *eidem ipsi*.

## CAPUT XIV.

De lege charitatis filiorum.

37. Itaque nec filii sunt sine lege, nisi forte aliquis aliter sentiat propter hoc quod scriptum est : *Justis non est lex posita* <sup>1</sup>. Sed sciendum, quod alia est lex promulgata a spiritu servitutis in timore; alia a spiritu libertatis data in suavitate. Nec sub illa coguntur esse filii; nec sine ista esse patiuntur. Vis audire quia justis non est lex posita? *Non accepistis*, ait, *spiritum servitutis iterum in timore*. Vis audire quod tamen sine lege charitatis non sint? *Sed accepistis*, inquit, *spiritum adoptionis filiorum* <sup>2</sup>. Denique audi justum utrumque de se fatentem, et quod non sit sub lege, nec tamen sit sine lege. *Factus sum*, inquit, *his qui sub lege erant, quasi sub lege essem; cum ipse non essem sub lege: his qui sine lege erant, tanquam sine lege essem; cum sine lege Dei non essem, sed in lege essem Christi* <sup>3</sup>. Unde apte non dicitur, Justis non habent legem, aut, Justis sunt sine lege: sed, *Justis non est lex posita*; hoc est, non tanquam invitis imposita, sed voluntariis eo liberaliter data, quo suaviter inspirata. Unde C et pulchre Dominus, *Tollite*, ait, *jugum meum super vos* <sup>4</sup>: ac si diceret, Non impono invitis, sed vos tollite si vultis; alioquin non requiem, sed laborem invenietis animabus vestris.

38. Bona itaque lex charitas, et suavis: quae non solum leviter suaviterque portatur, sed etiam servorum et mercenariorum leges portabiles ac leves reddit, quas utique non destruit, sed facit ut impleantur, dicente Domino: *Non veni legem solvere, sed adimplere* <sup>5</sup>. Illam temperat, istam ordinat, utramque levigat. Nunquam erit charitas sine timore, sed casto: nunquam sine cupiditate, sed ordinata. Implet ergo D charitas legem servi, cum infundit devotionem: implet et mercenarii, cum ordinat cupiditatem. Porro timori permixta devotio ipsum non annullat, sed castificat. Poena tantum tollitur, sine qua esse non potuit dum fuit servilis; et timor manet in saeculum saeculi castus et filialis. Nam quod legitur, *Perfecta charitas foras mittit timorem* <sup>6</sup>; poena intelligenda est, quae servili, ut diximus, nunquam deest timori, illo scilicet

<sup>600</sup> genere locutionis, quo saepe causa ponitur pro A effectu. Deinde cupiditas tunc recte a superveniente charitate ordinatur, cum mala quidem penitus respuuntur, bonis vero meliora praeferruntur, nec bona nisi propter meliora appetuntur. Quod cum plene per Dei gratiam assecutum fuerit, diligitur corpus, et universa corporis bona tantum propter animam; anima propter Deum; Deus autem propter se ipsum.

## CAPUT XV.

De quatuor gradibus amoris, et felici statu patriae coelestis.

39. Verumtamen quia carnales sumus, et de carnis concupiscentia nascimur, necesse est ut cupiditas vel amor noster a carne incipiat; quae si recto ordine dirigitur, quibusdam suis gradibus duce gratia proficiens, spiritu tandem consummabitur: quia non prius quod spirituale, sed quod animale; deinde quod spirituale <sup>7</sup>. Et prius necesse est portemus imaginem terrestris; deinde coelestis. In primis ergo diligit se ipsum homo propter se; caro quippe est, et nil sapere valet praeter se. Cumque se videt per se non posse subsistere; Deum quasi sibi necessarium incipit per fidem inquirere, et diligere. Diligit itaque in secundo gradu Deum, sed propter se, non propter ipsum. At vero cum ipsum coeperit occasione propriae necessitatis colere et frequentare, cogitando, legendo, orando, obediendo; quadam hujuscemodi familiaritate paulatim sensimque Deus innotescit, consequenter et dulcescit: et sic gustato quam suavis est Dominus, transit ad tertium gradum, ut diligit Deum, non jam propter se, sed propter ipsum. Sane in hoc gradu diu statur: et nescio si a quoquam hominum quartus in hac vita perfecte apprehenditur, ut se scilicet diligit homo tantum propter Deum. Asserant hoc si qui experti sunt: mihi, fateor, impossibile videtur. Erit autem procul dubio, cum introductus fuerit servus bonus et fidelis in gaudium Domini sui <sup>8</sup>, et inebriatus ab ubertate domus Dei <sup>9</sup>. Quasi enim miro quodam modo oblitus sui, et a se penitus velut deficiens, totus perget in Deum: et deinceps adherens ei, unus cum eo spiritus erit <sup>10</sup>. Arbitror hoc sensisse Prophetam cum diceret:

<sup>1</sup> I Tim. i, 9. — <sup>2</sup> Rom. viii, 15. — <sup>3</sup> I Cor. ix, 21. — <sup>4</sup> Matth. xi, 29. — <sup>5</sup> Id. v, 17. — <sup>6</sup> I Joan. iv, 18. — <sup>7</sup> I Cor. xv, 46. — <sup>8</sup> Matth. xxv, 21. — <sup>9</sup> Psal. xxxv, 9. — <sup>10</sup> I Cor. vi, 17.

*Introibo in potentias Domini; Domine, memo-*<sup>601</sup> *rabor justitiæ tuæ solius*<sup>1</sup>. Sciebat profecto cum A cum pervenerit ad littus, velut malos pisces introiret in spirituales potentias Domini, exutum se iri universis carnis infirmitatibus: ut jam nil de carne haberet cogitare, sed totus in spiritu memoraretur justitiæ Domini solius.

40. Tunc pro certo singula Christi membra dicere poterunt de se, quod Paulus aiebat de capite: *Etsi cognovimus secundum carnem Christum, sed nunc jam non novimus*<sup>2</sup>. Nemo ibi se cognoscebat secundum carnem: quia caro et sanguis regnum Dei non possidebunt. Non quod carnis illic substantia futura non sit; sed quod carnalis omnis necessitudo sit defutura, B carnisque amor amore spiritus absorbendus; et infirmæ, quæ nunc sunt, humanæ affectiones in divinas quasdam habeant commutari. Tunc sagena charitatis, quæ nunc tracta per hoc mare magnum et spatiosum ex omni genere piscium congregare non desinit, cum perducta ad littus fuerit, malos foras mittens, bonos solummodo retinebit<sup>3</sup>. Siquidem in hac vita ex omni genere piscium intra sinum suæ latitudinis charitatis rete concludit: ubi se pro tempore omnibus conformans, omniumque in se sive adversa, sive prospera trajiciens, ac sua quodammodo faciens, non solum gaudere cum gaudentibus,

sed etiam flere cum flentibus consuevit<sup>4</sup>. Sed omne quod triste patitur, foras mittens, sola quæ placere et jucunda esse poterunt, retinebit. Numquid enim tunc, verbi gratia, Paulus aut infirmabitur cum infirmis, aut uretur pro scandalizatis<sup>5</sup>, ubi scandala et infirmitas procul erunt? Aut certe lugebit eos qui non agent<sup>a</sup> pœnitentiam<sup>6</sup>, ubi certum est nec peccantem fore, nec pœnitentem? Absit autem ut vel eos qui ignibus æternis cum diabolo et angelis ejus deputandi sunt, plangat et defleat in illa civitate, quam fluminis impetus lætificat, cujus et diligit Dominus portas super omnia tabernacula Jacob: quod videlicet in tabernaculis, etsi quandoque gaudetur de victoria, laboratur tamen in pugna, et plerumque periclitatur de vita: in illa autem patria nulla prorsus admittatur adversitas sive tristitia, quemadmodum de illa canitur, *Sicut letantium omnium habitatio est in te*<sup>7</sup>: et rursum, *Lætitia sempiterna erit eis*<sup>8</sup>. Denique quomodo misericordiæ recordabitur, ubi memorabitur justitiæ Dei solius? Proinde ubi jam non erit miseriæ locus, aut misericordiæ tempus; nullus profecto esse poterit miserationis affectus.

<sup>1</sup> Psal. lxx, 16. — <sup>2</sup> II Cor. v, 16. — <sup>3</sup> Matth. xiii, 47, 48. — <sup>4</sup> Rom. xii, 15. — <sup>5</sup> II Cor. xi, 29. — <sup>6</sup> Id. xii, 21. — <sup>7</sup> Psal. lxxxvi, 2, 7. — <sup>8</sup> Isai. lxi, 7.

<sup>a</sup> Alias, *habent*.

# ADMONITIO

IN SUBSEQUENS OPUSCULUM IX.



Hoc opusculum Bernardus ante annum 1128 composuit, id est ante annum ætatis suæ tricesimum octavum. Agit de Gratia et Libero Arbitrio, ex occasione cujusdam collationis cum homine nescio quo, cui sanctus Doctor nimium gratiæ tribuisse visus fuerat, quasi nihil reliqui libero arbitrio faceret in actibus humanis. Præcipuus ergo libri scopus est, quæ sint gratiæ, quæ liberi arbitrii partes in negotio salutis. Huc multa docentur de libero arbitrio Dei, angeli, et hominis, integri, lapsi, et beati: item de gratia primi hominis ante et post lapsum. Parvus liber, sed qui plus succi et solidæ doctrinæ contineat, quam magna librorum volumina, quæ de hoc theologico argumento pertractant. Stilus vegetus, vivaci ingenio et lumine plenus: verba propria et materiæ accommoda; oratio facilis, non arte quæsita, sed quasi naturalis; non obesa et exilis, sed pinguis et nervosa: elegans, concinna, et jucunda; non trivialibus scholæ verbis languens, non barbara, aut inculta. Non ita pressa, ut parce et guttatim fluat; nec tamen ita profusa, ut torrentis instar, quasi rupto aggere et siccato alveo, erumpat: sed pari tenore et gravi majestate æqualiter profluens, fontem indicat indeficientem, qui non ex alieno plenus sit, sed ex proprio, imo ex Dei dono, atque ex continua Scripturæ meditatione, præsertim Apostoli, n. 48. De isto opusculo Gaufridus in libro tertio de Vita Bernardi, capite octavo, agens: « Quam non ingratus, » inquit, « gratiæ Dei, ex his liquet, quæ de Gratia et » Libero Arbitrio, tam fideliter, quam subtiliter disputavit. » Nec prætermittenda verba epistolæ quinquagesimæ secundæ, ad Haimericum cardinalem, quæ sub annum 1128 scripta est: « Quæsivit a me præfatus episcopus » Gaufridus Carnotensis « aliqua ex nostris Opusculis quæ » vobis mitteret: sed non fuit ad manum, quod vestro dignum crederem studio. Libellum » tamen de Gratia et Libero Arbitrio nuper edidi: illum vobis libenter mittam, cum vos » velle cognovero. » Directus est libellus Guillelmo Sancti-Theoderici abbati, singulari Bernardi amico, ad quem Apologia superius edita, et epistolæ complures. Nullam capitum divisionem habent codices antiquiores, sed recentiores. Vulgatam et receptam satius retinere visum est.

S. BERNARDI ABBATIS

# DE GRATIA ET LIBERO ARBITRIO

## TRACTATUS,

AD GUILLELMUM ABBATEM SANCTI-THEODERICI.

### PRÆFATIO.

Domno GUILLELMO abbati Sancti-Theoderici,  
frater BERNARDUS.

Opusculum de Gratia et Libero Arbitrio, quod illa, qua scitis, occasione nuper aggressus sum; eadem gratia adjuvante<sup>a</sup> peregi ut potui. Vereor autem, ne aut grandia minus digne locutus inveniar, aut pertractata a pluribus superfluo retractasse. Proinde illud legite primus, et si judicatis, solus : ne si proferatur in medium, magis forte scriptoris publicetur temeritas, quam lectoris ædificetur charitas. Quod si palam fieri utile probaveritis, tunc si quid obscurius dictum adverteritis, quod in re obscura, servata congrua brevitate, dici planius potuisset; non sit vobis pigrum aut emendare per vos, aut mihi resignare emendandum, si fraudari non vultis promissione illa Sapientiæ, quæ ait : *Qui elucidant me, vitam æternam habebunt*<sup>1</sup>.

### CAPUT I.

Ad boni operis meritum, una cum gratia Dei, concurrere liberi arbitrii consensum.

I. Loquente me coram aliquando, et Dei in me gratiam commendante, quod scilicet ab ipsa me in bono et præventum agnoscerem, et provehi sentirem, et sperarem perficiendum : Quid tu ergo, ait unus ex circumstantibus, operaris; aut

<sup>605</sup> quid mercedis speras vel præmii, si totum facit A Deus? Quid enim, inquam, tu consulis? Da, inquit, gloriam Deo, qui gratis te prævenit, excitavit, initiavit; et vive digne de cætero, quo te probes et perceptis beneficiis non ingratum, et percipiendis idoneum. Et ego : Bonum, inquam, consilium das, sed si dederis et posse teneri. Siquidem non est ejusdem facilitatis scire quid faciendum sit, et facere : quoniam et diversa sunt, cæco ducatum, ac fesso præbere vehiculum. Non quicumque ostendit viam, præbet etiam viaticum itineranti. Aliud illi exhibet qui facit ne deviet; et aliud qui præstat ne deficiat in via. Ita nec quivis doctor, statim et dator erit boni quodcumque docuerit. Porro duo mihi sunt necessaria, doceri ac juvari. Tu homo recte quidem consulis ignorantiae : sed, si verum sentit Apostolus, *Spiritus adjuvat infirmitatem nostram*<sup>2</sup>. Imo vero qui mihi per os tuum ministrat consilium, ipse necesse est ministret et per suum Spiritum adiutorium, quo valeam implere quod consulis. Ecce enim jam ex ejus munere velle adjacet mihi, perficere autem non invenio<sup>3</sup>; sed nec aliquando me inventurum confido, nisi qui dedit velle, det et perficere pro bona voluntate<sup>4</sup>. Ubi ergo, ais, sunt merita nostra; aut ubi est spes nostra? Audi, inquam : *Non ex operibus justitiæ quæ fecimus nos, sed secundum suam misericordiam salvos nos fecit*<sup>5</sup>. Quid enim? Tu forte putaveras tua te creasse merita, tua posse salvari justitia, qui nec saltem Dominum Jesum dicere potes nisi in

<sup>1</sup> Ecclesi. xxiv, 31. — <sup>2</sup> Rom. viii, 26. — <sup>3</sup> Id. vii, 18. — <sup>4</sup> Philipp. ii, 13. — <sup>5</sup> I Tit. iii, 5.

<sup>a</sup> Alias, *Deo adjuvante*.

Spiritu sancto<sup>1</sup>? Itane oblitus es quis dixerit, *Sine me nihil potestis facere*<sup>2</sup>? et, *Neque currentis, neque volentis; sed misercntis est Dei*<sup>3</sup>?

2. Quid igitur agit, ais, liberum arbitrium? Breviter respondo: Salvatur. Tolle liberum arbitrium, et non erit quod salvetur: tolle gratiam, non erit unde salvetur. Opus hoc sine duobus effici non potest: uno a quo fit; altero cui, vel in quo fit. Deus auctor est salutis, liberum arbitrium tantum capax: nec dare illam, nisi Deus; nec capere valet, nisi liberum arbitrium. Quod ergo a solo Deo, et soli datur libero arbitrio; tam absque consensu esse<sup>a</sup> non potest accipientis, quam absque gratia dantis. Et ita gratiae operanti salutem cooperari dicitur liberum arbitrium, dum consentit, hoc est dum salvatur. Consentire enim salvari est. Proinde pecoris spiritus salutem huiusmodi minime capit, eo quod illi voluntarius consensus desit, quo salvanti videlicet Deo placide obtemperet, sive iubenti acquiescendo, sive pollicenti credendo, sive reddenti gratias agendo. Enimvero aliud est voluntarius consensus, aliud naturalis appetitus. Posterior quippe nobis communis est cum irrationalibus: nec valet consentire spiritui, carnis irretitus illecebris. Et fortassis ipse est, qui alio nomine ab Apostolo sapientia carnis appellatur, ubi ait: *Sapientia carnis inimica est Deo: legi enim Dei non est subjecta; nec enim potest*<sup>5</sup>. Hunc ergo, ut dixi, communem habentes cum bestiis, consensus voluntarius nos discernit. Est enim habitus animi, liber sui. Siquidem non cogitur, non extorquetur. Est quippe voluntatis, non necessitatis; nec negat se, nec praebeat cuiquam, nisi ex voluntate. Alioquin si compelli valet invitus, violentus est, non voluntarius. Ubi autem voluntas non est, nec consensus. Non enim est consensus, nisi voluntarius. Ubi ergo consensus, ibi voluntas. Porro ubi voluntas, ibi libertas. Et hoc est quod dici D

puto liberum arbitrium.

## CAPUT II.

Quid liberum arbitrium, seu in quo consistat libertas.

3. Sed ut manifestius fiat quod dicitur, et competentius ad id quod volumus veniamus, paulo altius aestimo repetendum. In rebus naturali-

bus<sup>b</sup> non est id vita, quod sensus; non sensus, quod appetitus; nec ille, quod consensus. Quod ex singulorum definitionibus clarius elucebit. Est enim in quolibet corpore vita, internus ac naturalis motus, vicens tantum intrinsecus. Sensus vero, vitalis in corpore motus, vicens et extrinsecus. Appetitus autem naturalis, vis in animante, movendis avide sensibus attributa. Verum consensus, nutus est voluntatis spontaneus, vel certe (quod superius dixisse me memini) habitus animi, liber sui. Porro voluntas est motus rationalis, et sensui praesidens, et appetitui. Habet sane, quocumque se volverit, semper rationem comitem, et quodammodo pedisequam: non quod semper ex ratione, sed quod nunquam absque ratione moveatur, ita ut multa faciat per ipsam contra ipsam, hoc est quasi per ejus ministerium, contra ejus consilium sive iudicium. Unde est illud, *Prudentiores sunt filii huius saeculi filiis lucis in generatione sua*<sup>5</sup>: et rursum, *Sapientes sunt ut faciant mala*<sup>6</sup>. Neque enim prudentia seu sapientia inesse creaturae potest, vel in malo, nisi utique per rationem.

4. Est vero ratio data voluntati ut instruat illam, non destruat. Destrueret autem, si necessitatem ei ullam imponeret, quominus libere pro arbitrio sese volveret, sive in malum consentiens appetitui, aut nequam spiritui; ut sit animalis, non percipiens, vel certe et persequens ea quae sunt spiritus Dei: sive ad bonum gratiam sequens, et fiat spiritualis; quae omnia dijudicans, ipsa a nemine iudicetur. Si, inquam, horum quodlibet prohibente ratione voluntas non posset, voluntas jam non esset. Ubi quippe necessitas, jam non voluntas. Quod si ex necessitate, et absque consensu propriae voluntatis, justa, injustave fieri possent\*; rationalis creatura, aut misera profecto esse nulla ratione deberet; aut beata penitus non posset, cui nimirum in utraque parte id deesset, quod solum in ea miseriae, sive beatitudinis capax est, id est voluntas. Caetera siquidem, quae supra memorata sunt, vita, sensus, vel appetitus, nec miserum per se faciunt, nec beatum. Alioquin et arbores ex vita, et pecudes etiam ex reliquis duobus, vel miseriae possent esse obnoxiae, vel idoneae beatitudini: quod omnino impossibile est. Communem itaque habentes, vitam quidem cum ar-

<sup>1</sup> I Cor. xii, 3. — <sup>2</sup> Joan. xv, 5. — <sup>3</sup> Rom. ix, 16. — <sup>4</sup> Id. viii, 7. — <sup>5</sup> Luc. xvi, 8. — <sup>6</sup> Jerem. iv, 22.

<sup>a</sup> Alias, *effici*. — <sup>b</sup> Alias, *materialibus*.



boribus, sensum vero et appetitum, et aequè violentiam cum pecoribus: id quod dicitur voluntas, A ob aliud, nisi quia hæc necessarie, ac præter voluntatem posse provenire probantur.

## CAPUT III.

Triplicem esse libertatem, Naturæ, Gratiæ, Gloriæ.

5. Cæterum quod sui liberum non esse cognoscitur, quo pacto vel bonum ei, vel malum imputatur? Excusat nempe utrumque necessitas. Porro ubi necessitas est, libertas non est: ubi libertas non est, nec meritum, ac per hoc nec iudicium. Excepto sane per omnia originali peccato, quod aliam constat habere rationem. De cætero quidquid hanc non habet voluntarii consensus libertatem, procul dubio et merito caret, et iudicio. Proinde universa quæ sunt hominis, præter solam voluntatem, ab utroque libera C sunt, quia sui libera non sunt. Vita, sensus, appetitus, memoria, ingenium, et si qua talia sunt, eo ipso subjacent necessitati, quo non plene subdita sunt voluntati. Ipsam vero quia impossibile est de se ipsa sibi non obedire (nemo quippe aut non vult quod vult, aut vult quod non vult), etiam impossibile est sua privari libertate. Potest quidem mutari voluntas, sed non nisi in aliam voluntatem, ut nunquam amittat libertatem. Tam ergo non potest privari illa, quam nec se ipsa. Si poterit homo aliquando, aut nihil omnino velle, aut velle aliquid, et non voluntate; poterit et carere libertate voluntas. D Hinc est quod insanis, infantibus, itemque dormientibus, nihil quod faciant, vel bonum, vel malum, imputatur: quia nimirum sicut suæ non sunt compotes rationis, sic nec usum retinent propriæ voluntatis, ac per hoc nec iudicium libertatis. Cum igitur voluntas nil liberum habeat nisi se, merito non iudicatur nisi ex se. Siquidem nec tardum ingenium, nec labilis memoria, nec inquietus appetitus, nec sensus obtusus, nec vita languens, reum per se statuunt homi-

nem, sicut nec contraria innocentem; et hoc non ob aliud, nisi quia hæc necessarie, ac præter voluntatem posse provenire probantur.

6. Sola ergo voluntas, quoniam pro sui ingenita libertate, aut dissentire sibi, aut præter se in aliquo consentire, nulla vi, nulla cogitur necessitate; non immerito justam vel injustam, beatitudine seu miseria dignam ac capacem creaturam constituit; prout scilicet justitiæ, injustitiæve consenserit. Quapropter hujusmodi voluntarium liberumque consensum, ex quo et omne sui (ex his quæ dicta sunt) constat pendere iudicium; puto non incongrue id esse, ut supra definitivimus, quod solet liberum arbitrium appellari: ut liberum ad voluntatem, arbitrium referatur ad rationem. Sed sane liberum, non illa libertate, de qua dicit Apostolus: *Ubi spiritus Domini, ibi libertas*<sup>1</sup>. Est enim illa libertas a peccato, sicut alibi dicit: *Cum enim servi essetis peccati, liberi fuistis justitiæ. Nunc autem liberati a peccato, servi autem facii Deo, habetis fructum vestrum in sanctificationem, finem vero vitam æternam*<sup>2</sup>. Quis vero in carne peccati a peccato sibi vindicat libertatem? Hac ergo libertate dictum merito nequaquam opinor liberum arbitrium. Est item libertas a miseria, de qua itidem Apostolus: *Et ipsa, inquit, creatura liberabitur a servitute corruptionis in libertatem gloriæ filiorum Dei*<sup>3</sup>. Sed numquid et istam sibi quispiam in hac mortalitate præsumit? Et hac itaque liberum nominari arbitrium non immerito abnuimus. Est vero, quam magis ei congruere arbitror libertatem, quam dicere possumus a necessitate, eo quod necessarium voluntario contrarium esse videatur: siquidem quod ex necessitate fit, jam non est ex voluntate, et e converso similiter.

7. Cum igitur, prout interim potuit occurrere nobis, triplex sit nobis proposita libertas, a peccato, a miseria, a necessitate; hanc ultimo loco positam contulit nobis in conditione natura, in primam restauramur a gratia, media nobis reservatur in patria. Dicatur igitur prima libertas Naturæ; secunda, Gratiæ; tertia, Vitæ vel Gloriæ. Primo nempe in liberam voluntatem ac voluntariam libertatem conditi sumus, nobilis

<sup>1</sup> II Cor. III, 17. — <sup>2</sup> Rom. VI, 20, 22. — <sup>3</sup> Id. VIII, 21.

Deo creatura : secundo reformamur in innocentiam, nova in Christo creatura : tertio sublimamur in gloriam, perfecta in spiritu creatura. Prima ergo libertas habet multum honoris ; secunda , plurimum etiam virtutis ; novissima, cumulum iocunditatis. Ex prima quippe præstamus cæteris animantibus ; in secunda carnem, per tertiam mortem subijcimus. Vel certe sicut in prima subiecit Deus sub pedibus nostris oves et boves et pecora campi : ita quoque per secundam spirituales bestias hujus aeris, de quibus dicitur, *Ne tradas bestiis animas confitentes tibi*<sup>1</sup>, prosternit æque et conterit sub pedibus nostris : in ultima tandem nos ipsos nobis plenius submissurus per victoriam corruptionis et mortis, quando scilicet novissima destruetur mors, et nos transibimus in libertatem gloriæ filiorum Dei : qua libertate Christus nos liberabit, cum nos utique tradet regnum Deo et Patri. De hac enim, et item de illa quam diximus a peccato, puto quod Judæis aiebat : *Si vos Filius liberaverit, vere liberi eritis*<sup>2</sup>. Liberum arbitrium liberatore indigere significabat : sed plane qui illud liberaret non a necessitate, quam, voluntas\* cum esset, penitus non noverat ; sed a peccato, in quod tam libere, quam voluntarie corruerat ; simulque a pœna peccati, quam incautum incurrerat, invitumque ferebat : quo utroque malo liberari omnino non poterat, nisi per illum, qui solus hominum factus est inter mortuos liber<sup>3</sup>, liber videlicet a peccato inter peccatores.

8. Solus namque inter filios Adam libertatem sibi vindicat a peccato, qui peccatum non fecit, nec inventus est dolus in ore ejus<sup>4</sup>. Porro et a miseria, quæ est pœna peccati, habuit nihilominus libertatem, sed potentia, non actu. Nemo quippe tollebat animam ejus ab eo, sed ipse ponebat eam<sup>5</sup>. Denique, teste propheta, *Oblatus est quia ipse voluit*<sup>6</sup> ; sicut et cum voluit natus ex muliere, factus sub lege, ut eos qui sub lege erant redimeret<sup>7</sup>. Fuit itaque et ipse sub lege miseriæ : sed fuit quia voluit, ut liber inter miseros et peccatores utrumque jugum fraternis a cervicibus excuteret. Habuit itaque totas tres libertates, primam ex humana simul et divina natura, reliquas ex divina potentia. Quarum duas posteriores utrum et primus homo in paradiso habuerit, vel quomodo et quatenus eas habuerit, postea videbimus.

## CAPUT IV.

Qualis libertas competat animabus sanctis carne solutis : quæve Deo, et omni creaturæ rationali communis.

9. Hoc autem indubitanter sciendum, utramque plenam atque perfectam perfectis inesse animabus carne solutis, cum Deo pariter et Christo ejus, atque Angelis supercœlestibus. Nam sanctis animabus, etsi necdum corpora receperunt, deest quidem de gloria ; sed nihil prorsus inest de miseria. Verum libertas a necessitate æque et indifferenter Deo, universæque tam malæ, quam bonæ rationali convenit creaturæ. Nec peccato, nec miseria amittitur, vel minuitur ; nec major in justo est, quam in peccatore, nec plenior in angelo, quam in homine\*. Quomodo namque ad bonum per gratiam conversus humanæ voluntatis consensus, eo libere bonum, et in bono liberum hominem facit, quo voluntarius efficitur, non invitus pertrahitur : sic sponte devolutus in malum, in malo nihilominus tam liberum, quam spontaneum constituit, sua utique voluntate ductum, non aliunde coactum ut malus sit. Et sicut cœlestis angelus, aut etiam Deus ipse, permanet libere bonus, propria videlicet voluntate, non aliqua extrinseca necessitate : sic profecto diabolus æque libere in malum et corruit, et persistit, suo utique voluntario nutu, non alieno impulsu. Manet ergo libertas voluntatis, ubi etiam sit captivitas mentis, tam plena quidem in malis, quam in bonis, sed in bonis ordinatio ; tam integra quoque pro suo modo in creatura, quam in Creatore, sed in illo potentior.

10. Quod autem homines solent conqueri, et dicere, Volo habere bonam voluntatem, et non possum ; nequaquam huic præscribit libertati, ut quasi vim aut necessitatem in hac parte voluntas patiat : sed plane illa libertate, quæ dicitur a peccato, se carere testantur. Nam qui vult habere bonam voluntatem, probat se habere voluntatem : non enim vult habere bonam, nisi per voluntatem. Quod si voluntatem, et libertatem ; sed libertatem a necessitate, non a peccato. Nempe ut non valeat, cum velit, habere bonam, sentit quidem sibi deesse libertatem, sed profecto libertatem a peccato, quo utique

<sup>1</sup> Psal. lxxviii, 19. — <sup>2</sup> Joan. viii, 36. — <sup>3</sup> Psal. lxxviii, 6. — <sup>4</sup> I Petr. ii, 22. — <sup>5</sup> Joan. x, 18. — <sup>6</sup> Isai. liii, 7. — <sup>7</sup> Galat. iv, 4, 5.

dolet premi, non peremi voluntatem. Quamquam jam procul dubio utcumque bonam habet, ubi habere vult. Bonum quippe est quod vult; nec posset bonum velle, nisi bona voluntate: sicut nec velle malum, nisi mala voluntate. Cum bonum volumus, bona est voluntas: cum malum volumus, mala est voluntas. Utrobique voluntas, et ubique libertas: cedit siquidem voluntati necessitas. Cum autem non valemus quod volumus; sentimus quidem ipsam quodammodo libertatem peccato esse captivam, vel miseram, non tamen amissam.

11. Ex hac ergo tantum libertate, qua liberum est voluntati se ipsam judicare: vel bonam, si bono; vel malam, si malo consenserit (quippe quæ in neutro, nisi certe volendo, consentire se sentit), liberum arbitrium credimus nominari. Nam ex illa quæ dicitur a peccato, congruentius forsitan liberum consilium; et item ex illa quæ dicta est a miseria, liberum potius complacitum posset dici, quam liberum arbitrium. Arbitrium quippe judicium est. Sicut vero judicii est discernere quid liceat, vel quid non liceat: sic profecto consilii probare quid expediat, vel non expediat: sic complaciti quoque experiri quid libeat, vel non libeat. Utinam tam libere nobis consuleremus, quam libere de nobis judicamus! ut quemadmodum libere per judicium licita illicitaque decernimus; ita per consilium et licita, tanquam commoda, nobis eligere; et illicita, tanquam noxia, respuere liberum haberemus. Jam enim non solum liberi arbitrii, sed et liberi procul dubio consilii, ac per hoc et a peccato liberi essemus. Sed quid si totum, solumque quod expediret vel liceret, etiam liberet? Nonne liberi quoque esse complaciti merito diceremur, quippe qui ab omni proinde, quod displicere potest, hoc est ab omni nos miseria, liberos sentiremus? Nunc autem cum multa per judicium vel admittenda, vel omittenda esse decernamus, quæ tamen per consilium nequaquam pro judicii rectitudine aut eligimus, aut contemnimus; rursumque non omnia, quæ tanquam recta et commoda consulte observamus, etiam ut beneplacita libenter amplectimur, sed insuper quasi dura ac molesta vix æquanimiter ferre perduramus: liquet quia liberum nec consilium habemus, nec complacitum.

12. Alia quæstio est, si vel ante peccatum in

primo homine habuimus: quod loco suo discutitur. Certissime autem habituri sumus, cum Deo miserante obtinebimus quod oramus: *Fiat voluntas tua, sicut in celo, et in terra*. Hoc nempe complebitur, quando id quod nunc cunctæ passim rationali (ut jam dictum est) creaturæ commune videtur, liberum scilicet a necessitate arbitrium, erit etiam in electis hominibus (uti jam in sanctis est Angelis) et cautum a peccato, et tutum a miseria, probantibus tandem triplicis libertatis felici experientia, quæ sit bona voluntas Dei, ac beneplacens, et perfecta. Quod quia necdum est, sola interim plena integraque manet in hominibus libertas arbitrii. Nam libertas consilii ex parte tantum, et hoc in paucis spiritualibus, qui carnem suam crucifixerunt cum vitiis et concupiscentiis, quatenus jam non regnet peccatum in eorum mortali corpore. Porro ut non regnet, libertas facit consilii; ut tamen non desit ex integro, captivitas est liberi arbitrii. Cum autem venerit quod perfectum est, tunc evacuabitur quod ex parte est: hoc est, cum plena fuerit libertas consilii, nulla jam erit captivitas arbitrii. Et hoc est quod quotidie petimus in oratione, cum dicimus Deo: *Adveniat regnum tuum*<sup>1</sup>. Regnum hoc necdum ex toto pervenit in nos. Quotidie tamen paulatim adventat, sensimque in dies magis ac magis dilatat terminos suos, in his duntaxat, quorum per Dei adjutorium interior homo renovatur de die in diem. In quantum ergo regnum gratiæ dilatatur, in tantum peccati potestas minuitur. In quantum vero minus est adhuc propter corpus mortis quod aggravat animam, et ob necessitatem terrenæ inhabitationis utique deprimentis sensum multa cogitantem; necesse habent etiam qui perfectiores in hac mortalitate videntur, confiteri et dicere, *In multis offendimus omnes*<sup>2</sup>: et, *Si dixerimus quia peccatum non habemus, nos ipsos seducimus, et veritas in nobis non est*<sup>3</sup>. Quapropter orant et ipsi sine intermissione, dicentes: *Adveniat regnum tuum*. Quod non erit vel in ipsis consummatum, quousque peccatum non solum non regnet in eorum mortali corpore, sed nec sit omnino, nec esse possit in immortali jam corpore.

<sup>1</sup> Matth. vi, 10. — <sup>2</sup> Jacobi iii, 2. — <sup>3</sup> I Joan. i, 8.

## CAPUT V.

An libertas a miseria, seu complaciti, detur in hoc sæculo.

13. Jam de libertate complaciti in hoc sæculo nequam quid dicemus? ubi vix sufficit diei malitia sua; ubi omnis creatura ingemiscit, et pariturit usque adhuc, vanitati nimirum subjecta non volens<sup>1</sup>; ubi vita hominis tentatio est super terram<sup>2</sup>; ubi viri quoque spirituales, qui primitias spiritus jam acceperunt, ingemiscunt et ipsi intra semetipsos, expectantes redemptionem corporis sui<sup>3</sup>. Numquidnam inter ista locus ullus est hujusmodi libertati? Quid, inquam, liberum nostro relinquitur complacito, ubi totum occupare videtur miseria? neque enim vel innocentia seu justitia, quemadmodum a peccato, ita etiam a miseria tutæ esse hic poterunt, ubi justus exclamat, *Infelix ego homo, quis me liberabit de corpore mortis hujus*<sup>4</sup>? et item, *Factæ sunt mihi lacrymæ meæ panes die ac nocte*<sup>5</sup>. Ubi noctes diesque in mœrore continuantur, nullum profecto temporis spatium complacito vacuum relinquitur. Denique qui pie volunt vivere in Christo, ipsi magis persecutionem patiuntur<sup>6</sup>; quoniam judicium a domo Dei incipit. Quod et præcipit: A meis, inquam, incipite<sup>7</sup>.

14. Sed etsi non virtus, vitium forte in tuto, est, et aliqua interim ex parte frui potest complacito, cavere miseriam. Absit. Nam qui lætantur cum male fecerint, et exsultant in rebus pessimis; tale est quod faciunt, quale cum rident frenetici. Nulla autem verior miseria, quam falsa lætitia. Denique in tantum miseria est, quod videtur felicitas in hoc sæculo, ut Sapiens dicat: *Melius est ire ad domum luctus, quam ad domum convivii*<sup>8</sup>. Est quidem in bonis corporis nonnulla jucunditas, videlicet in edendo, bibendo, calefaciendo, cæterisque talibus fomentis vel tegumentis carnis. Sed numquid vel ista vacant aliquatenus a miseria? Bonus est panis, sed esurienti; potus delectat, sed sitientem: denique saturato cibus potusque jam nequaquam sunt grata, sed gravia. Tolle famem, et panem non curabis; tolle sitim, et limpidissimum fontem, ac si paludem, respicies. Similiter umbram non quærit nisi æstuans; solem non curat

<sup>608</sup> nisi algens, sive caligans. Alioquin nihil horum A libebit, si non præcesserit urgens necessitas. Quæ si perfecte tollatur e rebus, statim in tedium atque molestiam convertetur ipsa quoque, quæ videtur in his esse, jucunditas. Fatendum igitur et in hac parte, omne quod præsentis vitæ est, occupare miseriam: nisi quod in tribulationibus continuis graviorum laborum, leviores utique sint qualiscumque consolatio<sup>9</sup>: et dum forte pro tempore ac rerum eventibus vicissim sibi gravia levique succedunt, minorum experientia, aliqua miseriæ videtur interpolatio; ut cum aliquando, post experta plura gravissima, in minus B forte molesta evaditur, felicitas putetur.

15. Attamen fatendum est eos, qui per excessum contemplationis rapti quandoque in spiritu, quantulumcumque de supernæ felicitatis dulcedine degustare sufficiunt, toties esse liberos a miseria, quoties sic excedunt. Hi plane (quod negandum non est) etiam in hac carne, raro licet raptimque, complaciti libertate fruuntur, qui cum Maria optimam partem elegerunt, quæ non auferetur ab eis<sup>9</sup>. Qui enim jam tenent quod auferendum non est, experiuntur utique quod futurum est. Sed quod futurum est felicitas est: porro felicitas et miseria eodem tempore simul C esse non possunt. Quoties igitur per spiritum illam participant, toties istam non sentiunt. Itaque in hac vita soli contemplativi possunt utcumque frui libertate complaciti: et hoc ex parte, et parte satis modica, viceque rarissima. Porro libertate consilii fruuntur etiam quilibet justus; ex parte quidem, sed non modica. Cæterum libertas arbitrii, ut supra liquido apparuit, cunctis pariter ratione utentibus convenit; non minor, quantum in se est, in malis, quam in bonis; tam plena in hoc sæculo, quam et in futuro.

## CAPUT VI.

Ad volendum bonum gratiam omnino esse necessariam.

16. Sed et hoc satis aperte monstratum esse puto, quod hæc ipsa tamen libertas tamdiu quodammodo captiva tenetur, quamdiu illam duæ aliæ libertates minime, aut minus plene comitantur; nec aliunde noster ille defectus venit, de quo Apostolus: *Ut non quæcumque vultis, ait, illa faciatis*<sup>10</sup>. Velle siquidem inest nobis

<sup>1</sup> Rom. viii, 22, 20. — <sup>2</sup> Job vii, 1. — <sup>3</sup> Rom. viii, 23. — <sup>4</sup> Id. vii, 24. — <sup>5</sup> Psal. xli, 4. — <sup>6</sup> II Tim. iii, 12. — <sup>7</sup> Ezech. ix, 6, et I Petr. iv, 17. — <sup>8</sup> Eccle. vii, 3. — <sup>9</sup> Luc. x, 42. — <sup>10</sup> Galat. v, 17.

ex libero arbitrio, non etiam posse quod volu-<sup>610</sup>mus. Non dico velle bonum, aut velle malum: A sed tantum velle. Velle etenim bonum, profectus est; velle malum defectus. Velle vero simpliciter, ipsum est quod vel proficit, vel deficit. Porro ipsum ut esset, creans gratia fecit; ut proficiat, salvans gratia facit; ut deficiat, ipsum se deiecit. Itaque liberum arbitrium nos facit volentes, gratia benevolos. Ex ipso nobis est velle, ex ipsa bonum velle. Quemadmodum namque aliud est timere simpliciter, aliud timere Deum; et aliud amare simpliciter, aliud est amare Deum: quippe timere et amare, simpliciter quidem prolata, affectiones; cum additamento autem B virtutes, significant: ita quoque aliud est velle, aliud velle bonum.

17. Simples namque affectiones insunt naturaliter nobis, tanquam ex nobis: additamenta ex gratia. Nec aliud profecto est, nisi quod gratia ordinat, quas donavit creatio: ut nil aliud sint virtutes nisi ordinatae affectiones. Scriptum est de quibusdam, quod illic trepidassent timore, ubi non erat timor<sup>1</sup>. Timor fuit, sed inordinatus. Ordinare illum volebat Dominus in discipulis, cum diceret, *Ostendam vobis quem timere debeatis*<sup>2</sup>: et David, *Venite, ait, filii, audite me, timorem Domini docebo vos*<sup>3</sup>. Item de amore inordinato arguebat homines qui dicebat: *Ego lux veni in hunc mundum; et dilexerunt homines magis tenebras, quam lucem*<sup>4</sup>. Idecirco postulat sponsa in Canticis, dicens: *Ordinate in me charitatem*<sup>5</sup>. Similiter quoque de inordinata voluntate arguebantur, quibus dicebatur: *Nescitis quid petatis*. Sed ad lineam rectitudinis edocti sunt distortam reducere voluntatem, cum audierunt: *Potestis bibere calicem, quem ego bibiturus sum*<sup>6</sup>? Et tunc quidem verbo, sed postmodum etiam exemplo voluntatem ordinare docebat, cum orans instante passione ut transferretur ab eo calix, statim D subjeceretur: *Verumtamen non quod ego volo, sed quod tu vis*<sup>7</sup>. A Deo igitur velle, quomodo et timere, quomodo et amare, accepimus in conditione naturæ, ut essemus aliqua creatura: velle autem bonum, quomodo et timere Deum, quomodo et amare Deum, accipimus in visitatione gratiæ, ut simus Dei creatura.

18. Creati quippe quodammodo nostri in liberam voluntatem, quasi Dei efficiamur per bo-

nam voluntatem. Porro bonam facit, qui liberam fecit; et ad hoc bonam, ut simus initium ali- quod creaturæ ejus: quoniam expedit profecto nobis magis omnino non fuisse, quam nostros permanere. Nam qui voluerunt sui esse, utique sicut dii, scientes bonum et malum; facti sunt, non tantum jam sui, sed et diaboli. Itaque libera voluntas nos facit nostros; mala, diaboli; bona, Dei. Ad hoc pertinet quod dicitur: *Novit Dominus qui sunt ejus*<sup>8</sup>. Nam illis qui ejus non sunt, *Amen dico vobis*, inquit, *nescio vos*<sup>9</sup>. Cum ergo per malam voluntatem sumus diaboli, quodammodo interim non sumus Dei: sicut cum per bonam voluntatem efficiamur Dei, desinimus jam esse diaboli. *Nemo* siquidem *potest duobus dominis servire*<sup>10</sup>. Cæterum sive Dei sumus, sive diaboli; non tamen similiter desinimus esse et nostri. Manet quippe utrobique libertas arbitrii, per quam maneat et causa meriti: quatenus merito vel puniamur mali, quod tanquam liberi ex propria voluntate efficiamur: vel glorificemur boni, quod nisi æque voluntarii esse non possumus. Sane diabolo nostra nos mancipat voluntas, non ipsius potestas: Deo subji- cit ejus gratia, non nostra voluntas. Nostra quippe voluntas bona (quod fatendum est) a bono Deo creata, perfecta tamen non erit, quousque suo Creatori perfecte subiecta sit. Absit autem, ut ipsi sui ipsius perfectionem, Deo autem tantum creationem tribuamus; cum longe nimirum melius sit esse perfectam, quam factam: et dictu ipso nefas videatur, Deo quod minus, nobis quod excellentius sit attribuere. Sentiens denique Apostolus quid ex natura esset, quid ex gratia exspectaret, aiebat: *Velle adjacet mihi, perficere non invenio*<sup>11</sup>. Sciebat profecto, velle quidem sibi inesse ex libero arbitrio: sed ut ipsum velle perfectum haberet, gratiam se habere necessariam. Si enim velle malum, defectus quidam est voluntatis; utique bonum velle, profectus ejusdem erit: sufficere vero ad omne quod volumus bonum, ipsius perfectio.

19. Ut ergo velle nostrum, quod ex libero arbitrio habemus, perfectum habeamus; duplici gratiæ munere indigemus, et vero videlicet Sapere, quod est voluntatis ad bonum conversio; et pleno etiam Posse, quod est ejusdem in bono confirmatio. Porro perfecta conversio est ad bonum, ut nil libeat nisi quod debeat vel

<sup>1</sup> Psal. xiii, 5. — <sup>2</sup> Luc. xii, 5. — <sup>3</sup> Psal. xxxiii, 12. — <sup>4</sup> Joan. iiii, 19. — <sup>5</sup> Cant. ii, 4. — <sup>6</sup> Marc. v, 38. — <sup>7</sup> Matth. xxvi, 39. — <sup>8</sup> II Tim. ii, 19. — <sup>9</sup> Matth. xxi, 12. — <sup>10</sup> Id. vi, 24. — <sup>11</sup> Rom. vii, 18.

liceat; perfecta in bono confirmatio, ut nil de-<sup>611</sup> sit jam quod libeat. Tunc demum perfecta erit A voluntas, cum plene fuerit bona, et bene plena. Habet siquidem duplex in se bonum ab initio sui: unum quidem generale ex sola creatione, quod a bono scilicet Deo non potuit creari nisi bona, secundum quod vidit Deus cuncta quæ fecerat, et erant valde bona<sup>1</sup>; alterum speciale ex libertate arbitrii, in qua ad imaginem utique ipsius qui creavit, est condita. Quod si duobus his bonis accedat et tertium, conversio scilicet ad Creatorem; reputabitur non immerito perfecte bona: bona nimirum in universitate, melior in suo genere, B optima in sui ordinatione\*. Est autem ordinatio, omnimoda conversio voluntatis ad Deum, et ex tota se voluntaria devotaque subjectio. Huic vero tam perfectæ justitiæ debetur, imo jungitur gloriæ plenitudo: quia sic se comitantur duo ista, ut nec justitiæ possit haberi perfectio, nisi in plena gloria; nec gloriæ plenitudo, absque perfecta justitia. Merito denique talis justitia non erit sine gloria, cum gloria vera non sit, nisi de tali justitia. Unde recte dicitur: *Beati qui esuriunt et sitiunt justitiam, quoniam ipsi saturabuntur*<sup>2</sup>.

20. Hæc autem sunt illa duo quæ supra C nominavimus, verum Sapere, et plenum Posse: ut Sapere ad justitiam, Posse referatur ad gloriam. Sed Verum et Plenum addita sunt, alterum ad distinctionem sapientiæ carnis, quæ mors est<sup>3</sup>; itemque sapientiæ mundi, quæ stultitia apud Deum<sup>4</sup>, qua et sapientes apud semetipsos sunt homines, *sapientes*, inquam, *ut faciant mala*<sup>5</sup>; alterum ad illorum differentiam, de quibus dicitur, *Potentes potenter tormenta patientur*<sup>6</sup>. Nam verum Sapere, aut plenum Posse omnino non inveniuntur, nisi ubi libero arbitrio jam illa duo conjuncta sunt, quæ item D superius memoravimus, liberum videlicet consilium, liberumque complacitum. Solum profecto dixerim vere sapientem, pleneque potentem, cui jam non tantum velle adjacet ex libero arbitrio, sed ex reliquis quoque duobus invenit et perficere; dum nec velle valeat quod malum sit, nec carere quod velit: quorum alterum est ex libertate consilii, id est verum Sapere; alterum ex libertate complaciti, scilicet plenum Posse. Sed quis talis est ac tantus in hominibus,

qui in hoc gloriatur? Aut ubi, aut quando istud obtinetur? Numquidnam in hoc sæculo? Sed si quis esset hujusmodi, major esset Paulo, qui confitetur dicens: *Perficere autem non invenio*. Numquid Adam in paradiso? Sed si habuisset, nunquam exsulasset<sup>a</sup> a paradiso.

## CAPUT VII.

1. Primi homines in paradiso trina illa libertate præditi fuerint, et post peccatum.

21. Nunc locus est pervidendi quod supra distulimus; utrum scilicet totas tres illas quas diximus libertates, id est, arbitrii, consilii, complaciti; vel aliis nominibus, a necessitate, a peccato, a miseria, primi homines in paradiso habuerint: an tantum duas, an unam solummodo. Et de prima quidem nulla jam quæstio est, si meminerimus quam aperte et justis eam et peccatoribus inesse æqualiter, ratio superior edocuerit. De duabus reliquis quæritur non immerito, an unquam eas Adam habuerit, aut ambas, aut vel unam. Nam si nullam habuit, quid amisit? Arbitrii utique libertatem tam post peccatum, quam ante semper tenuit inconcusam. Si ergo nil amisit, quid ei obsuit ejectum fuisse de paradiso? Quod si unam quamlibet illarum habuit, quomodo amisit? Nam certum est quia ex quo peccavit, nec a peccato prorsus, nec a miseria manens in corpore, liber fuit. Cæterum nullatenus, quamcumque illarum semel acceperit, amittere potuit. Alioquin perfectum nec Sapere, nec Posse, juxta quod quidem duo hæc superius definita sunt, habuisse convincitur; qui nimirum et velle potuit quod non debuit, et recipere quod noluit. An dicendus est aliquo quidem modo illas habuisse, sed quia non plenarie, potuisse amittere? Habet siquidem unaquæque illarum duos gradus, superiorem et inferiorem. Superior libertas consilii est, non posse peccare: inferior, posse non peccare. Item superior libertas complaciti, non posse turbari: inferior, posse non turbari. Itaque inferiorem utriusque libertatis gradum simul cum plena libertate arbitrii homo in sui conditione accepit, et de utroque corrui cum peccavit. Corruit autem de posse non peccare in non posse non peccare, amissa ex toto con-

<sup>1</sup> Gen. i, 31. — <sup>2</sup> Matth. v, 6. — <sup>3</sup> Rom. vii, 6. — <sup>4</sup> I Cor. iii, 19. — <sup>5</sup> Jerem. iv, 22. — <sup>6</sup> Sap. vi, 7.

<sup>a</sup> Alias, *exsul esset*.

silii libertate. Itemque de posse non turbari in<sup>12</sup> resurgere, cum jam et si velit, non possit non non posse non turbari, amissa ex toto complaciti libertate. Sola remansit ad pœnam libertas arbitrii, per quam utique cæteras amisit; ipsam tamen amittere non potuit. Per propriam quippe voluntatem servus peccati factus, merito perdidit libertatem consilii. Porro per peccatum factus debitor mortis, quomodo jam libertatem valebat retinere complaciti?

22. De tribus ergo libertatibus quas acceperat, abutendo illa quæ dicitur arbitrii, reliquis sese privavit. In eo autem abusus est, quod illam cum accepisset ad gloriam, convertit sibi in contumeliam, juxta testimonium Scripturæ B dicentis: *Homo cum in honore esset, non intellexit; comparatus est jumentis insipientibus, et similis factus est illis*<sup>1</sup>. Soli inter animantia datum est homini posse peccare, ob prærogativam liberi arbitrii. Datum est autem, non ut proinde peccaret, sed ut gloriosior appareret si non peccaret, cum peccare posset. Quid namque gloriosius ei esse poterat, quam si de ipso diceretur quod Scriptura perhibet, dicens: *Quis est hic, et laudabimus eum?* Unde ita laudandus? *Fecit enim mirabilia in vita sua.* Quæ? *Qui potuit transgredi*, inquit, *et non est transgressus; facere mala, et non fecit*<sup>2</sup>. Hunc C ergo honorem quamdiu absque peccato fuit, servavit; amisit, cum peccavit. Peccavit autem, quia liberum ei fuit: nec aliunde profecto liberum, nisi ex libertate arbitrii, de qua utique inerat ei possibilitas peccandi. Nec tamen fuit culpa dantis, sed abutentis, qui ipsam videlicet facultatem convertit in usum peccandi, quam acceperat ad gloriam non peccandi. Nam etsi peccavit ex posse quod accepit; non tamen quia potuit, sed quia voluit. Nec enim prævaricante diabolo et angelis ejus, etiam alii prævaricati sunt: non quia non potuerunt, sed quia noluerunt.

23. Peccantis igitur lapsus, non dono adscribendus est potestatis, sed vitio voluntatis. Lapsus tamen ex voluntate non æque ex voluntate resurgere jam liberum habet: quia etsi datum fuit voluntati posse stare ne caderet, non tamen resurgere si caderet. Non enim tam facile quis valet exire de fovea, quam facile in eam labi. Cecidit sola voluntate homo in foveam peccati: sed non ex voluntate sufficit et posse

## CAPUT VIII.

Libertatem arbitrii remanere post peccatum.

24. Quid ergo? Periit liberum arbitrium, quoniam non potest non peccare? Nequaquam: sed liberum perdidit consilium, per quod prius habuit<sup>3</sup> posse non peccare: quomodo et quod jam non valet utique non turbari, inde misero accidit, quod complaciti quoque libertatem amisit, per quam et ante habuit posse non turbari. Manet ergo, etiam post peccatum, liberum arbitrium; etsi miserum, tamen integrum. Et quod se per se homo non sufficit excutere a peccato sive miseria, non liberi arbitrii signat destructionem, sed duarum reliquarum libertatum privationem. Neque enim ad liberum arbitrium, quantum in se est, pertinet, aut aliquando pertinuit posse, vel sapere<sup>4</sup>, sed tantum velle: nec potentem facit creaturam, nec sapientem, sed tantum volentem. Non ergo si potens, aut sapiens, sed tantum si volens esse desierit, liberum arbitrium amisisse putanda erit. Ubi enim non est voluntas, nec libertas. Non dico si velle bonum, sed si velle omnino creatura desierit; fatendum sine contradictione, ubi non jam ex voluntate bonitas, sed ipsa ex toto voluntas periit, etiam liberum deperire arbitrium. Quod si velle bonum tantum non poterit<sup>b</sup>, signum est quod ei desit liberum, non arbitrium, sed consilium. Si autem non quidem velle, sed ad id quod jam vult bonum, ei posse defuerit; noverit sibi deesse liberum complacitum, non liberum periisse arbitrium. Si ergo liberum arbitrium ita ubique sequitur voluntatem, ut nisi illa penitus esse desinat, isto non careat: voluntas vero sicut in bono, ita etiam in malo æque perdurat: æque profecto et liberum arbitrium tam in malo, quam in bono integrum perseverat. Et quomodo voluntas etiam posita in miseria non desinit esse voluntas, sed dicitur, et est misera voluntas, sicut et beata voluntas: ita nec liberum arbitrium destruere, sive, quantum in se est, aliquatenus imminuere poterit quæcumque adversitas vel necessitas.

<sup>1</sup> Psal. XLVIII, 13. — <sup>2</sup> Eccli. XXXI, 9, 10.

<sup>3</sup> Alias, habebat. — <sup>b</sup> Alias, tantum perit.

25. Sed licet ubique pariter sine sui dimi-<sup>615</sup> nutione perduret; non tamen pariter sicut de A bono potuit per se in malum corrumpere, ita quoque per se de malo in bonum poterit respirare. Et quid mirum si jacens non valet per se resurgere, quod stans in aliquod melius nullo suo conatu valebat proficere? Denique dum adhuc duas alias libertates ex aliqua parte secum haberet, non potuit de inferioribus illarum gradibus ad superiora ascendere, hoc est de posse non peccare, et de posse non turbari, ad non posse peccare, et non posse turbari. Quod si libertatibus illis etiam utrumque adjutum, non prævaluit tamen de bono in melius se extendere: quanto minus eisdem prorsus destitutum, de malo in id quod fuit bonum, poterit per se ipsum emergere?

26. Habet igitur homo necessarium Dei virtutem, et Dei sapientiam Christum, qui ex eo quod sapientia est, verum ei Sapere reinfundat, in restaurationem liberi consilii; et ex eo quod virtus est, plenum Posse restituat, in reparationem liberi complaciti: quatenus ex altero perfecte bonus, peccatum jam nesciat; ex altero plene beatus, nil adversum sentiat. Sed sane ista perfectio in futura vita expectetur, quando utraque nunc amissa libertas, libero arbitrio plene<sup>a</sup> restaurabitur; non quomodo justo cuius in hoc sæculo, quantumcumque perfectio; non quomodo vel ipsis primis hominibus datum fuit eas habere in paradiso: sed sicut jam nunc Angeli possident in cælo. Interim vero sufficiat in hoc corpore mortis atque in hoc sæculo nequam, ex libertate quidem consilii peccato non obedire in concupiscentia: ex libertate autem complaciti adversa non formidare pro justitia. Est autem in hac carne peccati et in hac dici malitia non medioere Sapere, peccato, etsi non<sup>b</sup> ex toto carere, certe non consentire: et est Posse non parvum, adversa, D etsi needum feliciter omnino non sentire, viriliter tamen pro veritate contemnere.

27. Discendum sane hic interim nobis est ex libertate consilii jam libertate arbitrii non abuti, ut plene quandoque frui possimus libertate complaciti. Sic profecto Dei in nobis reparamus imaginem: sic antiquo honori illi capessendo, quem per peccatum amisimus, per gratiam præparamur. Et beatus qui de se audire merebitur:

*Quis est hic, et laudabimus eum? Fecit enim mirabilia in vita sua: qui potuit transgredi, et non est transgressus; facere malum, et non fecit<sup>1</sup>.*

## CAPUT IX.

Imaginem et similitudinem Dei, ad quam conditi sumus, in triplici libertate consistere.

28. Puto autem in his tribus libertatibus ipsam, ad quam conditi sumus, Conditoris imaginem atque similitudinem contineri: et imaginem quidem in libertate arbitrii, in reliquis B autem duabus bipartitam quamdam consignari similitudinem. Hinc est fortassis, quod solum liberum arbitrium sui omnino defectum seu diminutionem non patitur, quod in ipso potissimum æternæ et incommutabilis divinitatis substantiva quædam imago impressa videatur. Nam etsi habuerit initium, nescit tamen occasum, nec de justitia vel gloria capit augmentum: nec de peccato sive miseria detrimentum. Quid æternitati similis, quod non sit æternitas? Porro in aliis duabus libertatibus, quoniam non solum ex parte minui, sed et ex toto amitti C possunt; accidentaliter quædam magis similitudo sapientiæ atque potentiæ divinæ, imagini superducta cognoscitur. Denique et amisimus illas per culpam, et per gratiam recuperavimus; et quotidie quidem alii plus, alii minus, aut in ipsis proficimus, aut ab ipsis deficimus. Possunt etiam sic amitti, ut jam non valeant recuperari: possunt et ita possideri, ut nec amitti queant aliquando<sup>c</sup>, nec minui.

29. Hujus bipartitæ similitudinis sapientiæ et potentiæ Dei, non quidem in gradu summo, sed qui ipsi tamen esset proximior, homo conditus est in paradiso. Quid enim vicinius ad non posse peccare, vel turbari (in quo utique jam sanctos Angelos stare<sup>\*</sup>, et Deum semper esse dubium non est), quam posse et non peccare, et non turbari, in quo homo profecto creatus est? A quo illo per peccatum, imo nobis in illo et cum illo corruebatibus, rursus per gratiam, non quidem ipsum, sed pro ipso quemdam inferiorem gradum recepimus. Neque enim hic possumus penitus esse sine peccato, seu miseria: possumus tamen, gratia juvante,

<sup>1</sup> Eccli. xxxi, 9, 10.

<sup>a</sup> Alias, *plenarie*. — <sup>b</sup> Alias, *nondum*. — <sup>c</sup> Alias, *aliquo modo*.



nec peccato superari, nec miseria. Quanquam<sup>64</sup> tamen Scriptura loquatur, *Omne quod natum est ex Deo, non peccat*<sup>1</sup>. Sed hoc dictum est de prædestinatis ad vitam: non quod omnino non peccent, sed quod peccatum ipsis non imputetur, quod vel punitur condigna pœnitentia, vel in charitate absconditur<sup>2</sup>. *Charitas quippe cooperit multitudinem peccatorum*<sup>3</sup>; et, *Beati quorum remissæ sunt iniquitates, et quorum tecta sunt peccata*: et, *Beatus vir cui non imputavit Dominus peccatum*<sup>3</sup>. Divinæ ergo similitudinis summum gradum summi Angeli tenent, nos infimum: Adam tenuit medium, porro dæmones nullum. Supernis nempe spiritibus datum est sine peccato et miseria perdurare: Adæ autem absque his quidem esse, sed non etiam permanere: nobis vero ne esse quidem absque his, sed ipsis tantum non cedere. Cæterum diabolus et membra ejus, sicut nunquam volunt reluctari peccato, sic nunquam possunt pœnam declinare peccati.

30. Cum ergo istæ duæ libertates, consilii scilicet atque complaciti, per quas rationali creaturæ vera sapientia et potentia ministratur, ita Deo, prout vult, dispensante, quibusque pro causis, locis, temporibus, varientur; quatenus in terris modice, in cœlestibus plenarie, mediocriter in paradiso, apud inferos nullatenus habeantur; libertas vero arbitrii de ipso, quo condita est, statu aliquatenus non mutetur, sed æqualiter semper (quantum in se est) a cœlis, terris, inferis possideatur: merito illæ similitudini, hæc imagini deputantur. Et quidem apud inferos, quod utraque libertas perierit, illæ scilicet quæ ad similitudinem pertinere dicuntur, Scripturarum testatur auctoritas. Nam verum illic Sapere, quod utique de consilii libertate concipitur, omnino non esse, locus ille manifestat, ubi legitur: *Quodcumque potest manus tua facere, instanter<sup>a</sup> operare: quia nec opus, nec ratio, nec sapientia est apud inferos, quo tu properas*<sup>4</sup>. Porro de potentia, quæ per libertatem complaciti datur, Evangelium sic loquitur: *Ligatis manibus ac pedibus, proficite cum in tenebras exteriores*<sup>5</sup>. Quid enim<sup>b</sup> est manuum pedumque ligatio, nisi omnimoda potestatis ablatio?

31. Sed dicit aliquis: Quomodo non est ibi aliquod Sapere, ubi mala quæ tolerantur, co-

gunt pœnitere malorum quæ facta sunt? Numquid aut in tormentis quispiam non pœnitere; aut pœnitere mali, non esse sapere potest? Hoc autem recte opponeretur, si opus tantum peccati, et non etiam voluntas mala puniretur. Nulli quippe dubium est, quod nemo in tormentis positus actum iterare peccati delectetur. Verumtamen si voluntas etiam in tormentis mala perdurat, quid ponderis habet operis abnegatio, ut ideo sapere quis putetur, quod jam in mediis flammis luxuriari non libeat? Denique *in malevolam animam non introibit sapientia*<sup>6</sup>. Unde autem probabimus quod mala et in pœnis voluntas perseveret? Certe, ut cætera omittam, nollent omnino puniri. Justum est autem puniri, qui punienda gesserunt. Nolunt igitur quod justum est. Sed qui non vult quod justum est, justa ejus voluntas non est. Eo ergo injusta, ac per hoc et mala est voluntas, quo justitiæ non concordat. Duo sunt quæ injustam comprobant voluntatem, vel cum peccare, vel cum impune peccasse libet. Quibus ergo peccare libuit quamdiu licuit; et cum jam non possunt, inultum manere volunt quod peccaverunt: quid in hoc sapientiæ veræ, quid bonæ voluntatis apparet? Sed esto, pœnitent eos peccasse: numquid non tamen, si optio detur, malint adhuc peccare, quam pœnam sustinere peccati? Et tamen illud iniquum est, hoc justum. Quando vero voluntas bona magis quod iniquum, quam quod justum est eligeret? Cæterum non vere pœnitent, qui non tam dolent se sibi vixisse, quam hoc ipsum jam non posse. Denique foris ostenditur quid intus agatur. Nam quamdiu corpus vivit in flamma, tandiu constat in malitia persistere voluntatem. Itaque de similitudine, quæ in consilii, et item complaciti libertate continetur, apud inferos penitus nihil est, nec esse potest, imagine tamen etiam illic per liberum arbitrium immobili permanente.

## CAPUT X.

Similitudinem divinæ imaginis in nobis reformari per Christum.

32. Sed neque in hoc sæculo æque inveniri uspiam posset similitudo, sed adhuc hic fœda

<sup>1</sup> I Joan. III, 9. — <sup>2</sup> I Petr. IV, 8. — <sup>3</sup> Psal. XXXI, 1. 2. — <sup>4</sup> Eccl. IX, 10. — <sup>5</sup> Matth. XXII, 13. — <sup>6</sup> Sap. I, 4.

<sup>a</sup> Alias *constanter*. — <sup>b</sup> Alias, *nempe*.

et deformis jacuisset imago, si non evangelica<sup>613</sup> illa mulier lucernam accenderet, id est, Sapientia in carne appareret, everreret domum, videlicet vitiorum, drachmam suam requireret quam perdidit<sup>4</sup>: hoc est, imaginem suam, quæ nativo spoliata decore, sub pelle peccati sordens, tanquam in pulvere latitabat; inventam tergeret, et tolleret de regione dissimilitudinis; pristinamque in speciem reformatam, similem faceret illam in gloria sanctorum, imo sibi ipsi per omnia redderet quandoque conformem, cum illud Scripturæ videlicet impleretur, *Scimus quia cum apparuerit, similes ei erimus; quoniam videbimus eum sicuti est*<sup>2</sup>. Et revera cui potius id operis congruebat, quam Dei Filio, qui cum sit splendor gloriæ<sup>3</sup>, et figura substantiæ Patris, portans verbo universa, ex utroque facile munitus apparuit, et unde reformaret deformem, et unde debilem confortaret: dum et de splendore figuræ fugans tenebras peccatorum<sup>b</sup>, redderet sapientem; et ex virtute verbi contra tyrannidem dæmonum potentem efficeret.

33. Venit ergo ipsa forma, cui conformandum erat liberum arbitrium: quia ut pristinam reciperet formam, ex illa erat reformandum, ex qua fuerat et formatum. Forma autem, sapientia est: conformatio, ut faciat imago in corpore, quod forma facit in orbe. Porro illa *attingit a fine usque ad finem fortiter, et disponit omnia suaviter*<sup>3</sup>. Attingit a fine usque ad finem, hoc est a summo cælo usque ad inferiores partes terræ; a maximo angelo usque ad minimum vermiculum. *Attingit autem fortiter*, non quidem mobili discursione, vel locali diffusionem, vel subjectæ creaturæ tantum officiali administratione: sed substantiali quadam et ubique præsentī fortitudine, qua utique universa potentissime movet, ordinat, administrat. Et hæc omnia nulla sui cogitur facere necessitate. Nec enim aliqua in his laborat difficultate: sed disponit omnia suaviter placida voluntate. Vel certe *attingit a fine usque ad finem*, hoc est ab ortu creaturæ usque ad finem destinatum a Creatore: sive in quem urget natura, sive quem accelerat causa, sive quem concedit gratia. *Attingit fortiter*, dum nihil horum evenit, quod non, prout vult, potenti præordinet providentia.

34. Sic ergo et liberum arbitrium suo conetur præesse corpori, ut præest sapientia orbi, *attingens* et ipsum *a fine usque ad finem fortiter*; imperans scilicet singulis sensibus et artubus tam potenter, quatenus non sinat regnare peccatum in suo mortali corpore, nec membra sua det arma iniquitati, sed exhibeat servire justitiæ. Et ita jam non erit homo servus peccati, cum peccatum non fecerit: a quo utique liberatus, jam libertatem recuperare consilii, jam suam incipiet vindicare dignitatem, dum divine in se imagini condignam vestierit similitudinem, imo antiquam reparaverit venustatem. Curret autem hæc agere, non minus *suaviter* quam *fortiter*, hoc est non ex tristitia aut ex necessitate; quod est initium, non plenitudo sapientiæ: sed prompta et alacri voluntate, quod facit acceptum sacrificium; quoniam hilarem datorem diligit Deus<sup>4</sup>. Sicque per omnia imitabitur sapientiam, dum et vitiis resistet fortiter, et in conscientia requiescet suaviter.

35. Verum ejus ad talia provocamur exemplo, indigemus et auxilio: quo ipsi videlicet per ipsam conformemur, atque in eandem imaginem transformemur a claritate in claritatem, tanquam a Domini Spiritu<sup>5</sup>. Ergo si a Domini Spiritu, jam non a libero arbitrio. Nemo proinde putet ideo dictum liberum arbitrium, quod æqua inter bonum et malum potestate aut facilitate versetur: cum cadere per se quidem potuerit, non autem resurgere, nisi per Domini Spiritum. Alioquin nec Deus, nec Angeli sancti, cum ita sint boni, ut non possint esse mali; nec prævaricatores item angeli, cum ita sint mali, ut jam non valeant esse boni; liberi arbitrii esse dicentur. Sed et nos illud post resurrectionem amissuri sumus, quando utique inseparabiliter alii bonis, alii malis admixti fuerimus. Cæterum nec Deus caret libero arbitrio, nec diabolus: quoniam quod ille esse non potest malus, non infirma facit necessitas, sed firma in bono voluntas, et voluntaria firmitas: quodque is non valet in bonum respirare, non aliena facit violenta oppressio, sed sua ipsius in malo obstinata voluntas, ac voluntaria obstinatio. Nunc igitur ex eo potius liberum arbitrium dicitur, quod sive in bono, sive in malo, æque liberam faciat voluntatem: cum nec bonus quispiam, nec item malus dici debeat, aut

<sup>1</sup> Luc. xv, 8. — <sup>2</sup> I Joan. iii, 2. — <sup>3</sup> Sap. viii, 1. — <sup>4</sup> II Cor. ix, 7. — <sup>5</sup> Id. iii, 18.

<sup>a</sup> *Gloriæ* dicit quibusdam scriptis. — <sup>b</sup> *Alias, vitiorum.*

esse valeat, nisi volens. Tali jam ratione non incongrue dicitur ad bonum se, et ad malum habere æqualiter: quod utrobique videlicet par sit ei, non quidem in electione facilitas, sed in voluntate libertas\*.

### CAPUT XI.

Libero arbitrio nihil derogari per gratiam, neque per tentationem.

36. Hac sane dignitatis, ut dictum est, prærogativa\* rationalem singulariter creaturam Conditor insignivit, quod quemadmodum ipse sui juris erat, suæque ipsius voluntatis non necessitatis erat quod bonus erat: ita et illa quoque sui quodammodo juris in hac parte existeret, quatenus nonnisi sua voluntate, aut mala fieret, et juste damnaretur; aut bona maneret, et merito salvaretur. Non quod ei propria posset sufficere voluntas ad salutem; sed quod eam nullatenus sine sua voluntate sequeretur. Nemo quippe salvatur invitus. Nam quod legitur in Evangelio, *Nemo venit ad me, nisi Pater meus traxerit eum*<sup>1</sup>; item in alio loco, *Compelle intrare*<sup>2</sup>; nihil impedit: quia profecto quantoscumque trahere, vel compellere videatur ad salutem benignus Pater, qui omnes vult salvos fieri<sup>3</sup>; nullum tamen judicat salute dignum, quem ante non probaverit voluntarium. Hoc quippe intendit, cum terret aut percutit, ut faciat voluntarios, non salvet invitos: quatenus dum de malo mutat voluntatem in bonum, transferat, non auferat libertatem. Quanquam tamen non semper inviti trahimur: nec enim cæcus aut fessus contristatur cum trahitur. Et Paulus ad manus tractus est Damasceum, utique non invitus<sup>4</sup>. Trahi denique specialiter volebat<sup>5</sup>, quæ et hoc ipsum magnopere flagitabat in Canticis: *Trahe me*, inquit, *post te; in odore curremus unguentorum tuorum*<sup>6</sup>.

37. Deinde quod e regione scriptum est, *Unusquisque tentatur a propria concupiscentia abstractus et illectus*<sup>7</sup>; et illud, *Corpus quod corrumpitur, aggravat animam, et deprimit terrena inhabitatio sensum multa cogitantem*<sup>8</sup>; et item illud Apostoli, *Invenio aliam legem in membris meis repugnantem legi mentis meæ, et ca-*

*ptivum me ducentem in legem peccati, quæ est in membris meis*<sup>9</sup>; hæc omnia putari possunt cogere voluntatem, et præripere libertatem. At vero quantislibet quis intus forisve tentationibus urgeatur, libera profecto semper, quantum ad arbitrium spectat, voluntas erit: libere quippe de suo nihilo minus consensu judicabit. Quantum autem pertinet ad consilium, sive complacitum, carnis interim concupiscentia, vitæque miseria reluctante, minus quidem se liberam sentit: sed prorsus non malam, dum malo non consentit. Denique Paulus, qui captivum se in legem peccati trahi conqueritur, haud dubium quin ex minus plena libertate consilii: consensum tamen sanum, atque in bono quoque jam ex magna parte se habere liberum gloriatur, *Jam non ego*, inquit, *operator illud*. Unde hoc confidis, o Paule? *Quoniam consentio*, inquit, *legi Dei, quoniam bona est: et rursum, Condelector enim legi Dei secundum interiorem hominem*<sup>10</sup>. Oculo existente simplici, totum corpus lucidum esse præsumit. Sano consensu tractum licet peccato, vel captivum miseria, liberum se in bono profiteri non dubitat. Unde et fidens generaliter infert: *Nihil ergo damnationis est his qui sunt in Christo Jesu*<sup>11</sup>.

### CAPUT XII.

An negans fidem metu mortis ac poenarum, excusetur a culpa, vel destituatur libero arbitrio. Ubi negatio Petri discutitur.

38. Sed videamus de his qui poenarum mortisve timore fidem verbo tenus negare compulsi sunt: ne forte juxta hanc assertionem, aut culpa non fuerit, quod vel voce negaverunt; aut cogi in culpam et voluntas potuerit, ut vellet videlicet homo quod eum et nolle constituerit; et sic perierit liberum arbitrium. Quod quia impossibile erat (velle quippe et nolle idem eodem tempore non poterat), quæritur unde malum nequaquam volentibus malum debuit imputari. Neque enim tale est hoc, quale originale peccatum: quo non solum non consentiens, verum plerumque et nesciens, alia ratione constringitur necdum renatus Bapti-

<sup>1</sup> Joan. vi, 44. — <sup>2</sup> Luc. xiv, 23. — <sup>3</sup> I Tim. ii, 4. — <sup>4</sup> Act. ix, 8. — <sup>5</sup> Cantic. i, 3. — <sup>6</sup> Jacobi i, 14. — <sup>7</sup> Sap. ix, 15. — <sup>8</sup> Rom. vii, 23. — <sup>9</sup> Id. xx, 16, 22. — <sup>10</sup> Id. viii, 1.

<sup>a</sup> Alias, *spiritualiter*.

smate. Exempli causa, veniat in medium Petrus<sup>61a</sup> rior assertio de libertate voluntatis, quia nimirum inventa est cogi potuisse voluntas? Est autem plane: sed si cogi ab alio potuit quam a se ipsa. Quod si sese ipsa coegit, compulsus, et compellens; ubi amittere, ibi et recipere visa est libertatem. Vim quippe, quam ipsa sibi intulit, a se pertulit. Porro quod a se voluntas pertulit, ex voluntate fuit. Quod ex voluntate fuit, jam non ex necessitate, sed voluntarium fuit. Si autem voluntarium, et liberum. Quem sua denique ad negandum voluntas compulit, compulsus est quia voluit: imo non compulsus est, sed consensit, et non alienae potentiae, sed propriae voluntati, illi utique, qua mortem omnimodis evadere voluit. Alioquin quando vox mulierculae linguam sacram in verba formare nefanda valuisset, si non linguae domina voluntas annuisset? Denique cum se a sui postmodum nimio illo temperavit amore, et Christum cepit, ut debuit, toto corde, toto anima, tota virtute diligere; jam nullis valuit minis vel poenis extorqueri aliquatenus voluntati<sup>b</sup> dare linguam arma iniquitati, sed potius audacter accommodans veritati, *Obedire, inquit, oportet Deo magis quam hominibus*<sup>1</sup>.

40. Est sane gemina compulsio, secundum quod aut pati aliquid, aut agere contra propriam cogimur voluntatem. Quarum passiva quidem (sic enim prior illa recte nominatur) potest nonnunquam fieri absque consensu voluntario patientis, sed activa nunquam. Proinde malum quod fit in nos, sive de nobis, non est imputandum nobis, si tamen invitis. Cæterum quod fit a nobis, jam non sine culpa est voluntatis. Velle plane convincimur, quod non fieret, si nollemus. Est ergo compulsio quædam etiam activa: sed non habet excusationem, cum sit et voluntaria. Cogebatur christianus negare Christum, et quidem dolens, non tamen nisi volens. Volebat nimis<sup>c</sup> gladium vitare ferientis; atque illa talis voluntas intus præsidens os aperiebat, non gladius qui foris apparebat. Porro talem esse illam voluntatem convincebat gladius, non cogebat. Ipsa igitur se in culpam, non gladius impellebat. Denique in quibus sana erat voluntas, occidi poterant, flecti nequibant. Hoc est quod eis prædictum fuerat, *Facient in vos quaecumque voluerint*<sup>5</sup>; sed in membra, non corda. Non vos facietis quæ voluerint:

39. Quid ergo? forte dissoluta est tota snpe-

<sup>1</sup> Matth. xxvi, 72. — <sup>2</sup> Sap. i, 11. — <sup>3</sup> Matth. xxvi, 34. — <sup>4</sup> Act. v, 29. — <sup>5</sup> Marc. ix, 12.

<sup>a</sup> Alias, *qua*. — <sup>b</sup> Alias, *voluntas*. — <sup>c</sup> Alias, *nimirum*.

sed ipsi facient, vos patiemini. Membra crucia-<sup>619</sup> tur extrinseca : aut misericorditer salvatur, cui bunt, sed voluntatem non mutabunt : scævient A in carnem, animæ autem non habebunt quid faciant \*. Sit licet patientis corpus in potestate torquentis, sed voluntas est libera. Infirma si fuerit, scævendo cognoscent; non esse cogent, si non fuerit. Sane infirmitas ejus a se ipsa est, sanitas vero non a se, sed a Domini Spiritu. Sanatur autem, cum renovatur.

41. Porro renovatur, cum, quemadmodum docet Apostolus, *speculando gloriam Dei in eandem imaginem transformatur u claritate in claritatem*, hoc est de virtute in virtutem, *tanquam a Domini Spiritu*<sup>1</sup>. Inter quem uti- B que divinum spiritum, et carnis appetitum, tenet medium quemdam locum id quod dicitur in homine liberum arbitrium, id est, humana voluntas : et tanquam in devexo latere montis admodum ardui inter utrumque pendens, ita in appetitu<sup>a</sup> infirmatur per carnem, ut nisi sedulo spiritus adjuvet infirmitatem ejus per gratiam, non solum non valeat justitiæ, quæ est juxta prophetam *sicut montes Dei*<sup>2</sup>, ascendendo de virtute in virtutem, apprehendere culmen : sed etiam de vitio semper in vitium suo ipsius pondere devoluta ruat in præceps; prægravata nimirum non solum lege peccati C originaliter membris insita, verum et consuetudine terrenæ inhabitationis usualiter affectionibus inoluta. Quod humanæ voluntatis videlicet utrumque gravamen uno breviter versiculo Scriptura commemorat, dicens : *Corpus quod corrumpitur, aggravat animam, et deprimit terrena inhabitatio sensum multa cogitantem*<sup>3</sup>. Et hæc duo hujus mortalitatis mala, sicut non nocent, sed exercent non consentientes : sic non excusant, sed damnant consentientes, ut nec salus, nec damnatio ulla ratione sine præcedenti consensu voluntario possit haberi; ne qua forte ex parte præscribi videatur libertati arbitrii.

### CAPUT XIII.

Merita hominis mera esse Dei munera.

42. Quamobrem id quod in creatura dicitur liberum arbitrium, aut juste profecto damnatur, dum ei ad peccatum nulla vi præjudice-

ad justitiam nulla virtus sufficit sua \*. Sane in his omnibus cogitet lector originalis peccati prorsus excipi rationem. De cætero, libero arbitrio nec extra ipsum quæeratur damnationis causa, quod jam non damnat nisi propria culpa; nec ab ipso salutis merita, quod sola salvat misericordia. Cujus quippe conatus ad bonum, et cassi sunt, si a gratia non adjuventur; et nulli, si non excitentur. Cæterum *in malum*, dicente Scriptura, *proni sunt sensus et cogitationes hominis*<sup>4</sup>. Proinde non ei a se, ut dictum est, sed desursum potius a Patre luminum descendere merita putentur : si tamen inter data optima et dona perfecta, ipsa merito per quæ salus æterna conquiritur, merita deputentur.

43. Deus namque rex noster ante sæcula, cum operatus est salutem in medio terræ, dona sua quæ dedit hominibus, in merita divisit et præmia : ut et præsentia per liberam possessionem nostra interim fierent merita, et futura per gratuitam sponsonem expectaremus, imo expeteremus ut debita. Utraque Paulus commemorans, *Habetis, inquit, fructum vestrum in sanctificationem, suam vero vitam æternam*<sup>5</sup> : item, *Et nos ipsi*, ait, *primitias spiritus habentes, ingemiscimus adoptionem expectantes filiorum Dei*<sup>6</sup>; primitias spiritus vocans sanctificationem, id est virtutes, quibus in præsentiarum sanctificamur a spiritu, ut merito consequamur adoptionem. Rursum in Evangelio, eadem sæculo abrenuntianti promittuntur, ubi dicitur : *Centuplum accipiet, et vitam æternam possidebit*<sup>7</sup>. Itaque non liberi arbitrii, sed Domini est salus; imo ipse salus, ipse et via est ad salutem, qui ait, *Salus populi ego sum*<sup>8</sup> : qui item perhibet, *Ego sum via*<sup>9</sup>. Se fecit viam, qui et salus erat et vita, ut non D gloriatur omnis caro. Si ergo bona viæ sunt merita, sicut et patriæ salus et vita, et verum est quod ait David, *Non est qui faciat bonum, non est usque ad unum*<sup>10</sup>, illum videlicet unum de quo item dicitur, *Nemo bonus, nisi solus Deus*<sup>11</sup> : Dei sunt procul dubio munera tam nostra opera, quam ejus præmia; et qui se fecit debitorem in illis, fecit et nos promeritores ex his. Ad quæ tamen condenda merita

<sup>1</sup> II Cor. III, 18. — <sup>2</sup> Psal. xxxv, 7. — <sup>3</sup> Sap. ix, 15. — <sup>4</sup> Gen. viii, 21. — <sup>5</sup> Rom. vi, 22. — <sup>6</sup> Id. viii, 23. — <sup>7</sup> Matth. xix, 29. — <sup>8</sup> Psal. xxxiv, 3. — <sup>9</sup> Joan. xiv, 6. — <sup>10</sup> Psal. xiii, 1. — <sup>11</sup> Marc. x, 18.

<sup>a</sup> Alias, ita appetitu.

dignatur sibi adhibere creaturarum ministe-<sup>620</sup>ria<sup>a</sup>, non quibus egeat, sed quibus per hoc, A vel de quibus prosit.

44. Operatur ergo illorum salutem, quorum nomina sunt in libro vitæ, aliquando per creaturam sine ipsa, aliquando per creaturam contra ipsam, aliquando per creaturam cum ipsa. Multa profecto fiunt hominibus salubria per insensibilem, et item per irrationalem creaturam : quæ idcirco dixi fieri sine ipsa, quod non queat, intellectu carens, esse vel conscia. Multa quoque multorum saluti utilia facit Deus per malos, sive homines, sive angelos : sed quoniam invitos, ideo contra ipsos. Nam dum nocere cupientes juvant, quantum aliis valet utilis actio, tantum ipsis perversa nocet intentio. Porro per quos et cum quibus operatur Deus, boni sunt vel angeli, vel homines, qui quod vult Deus, et agunt pariter, et volunt. Qui enim bono, quod opere complent, voluntate consentiunt, opus omnino quod per eos Deus explicat, ipsis communicat. Unde Paulus, cum bona plurima, quæ Deus per ipsum fecerat, enarrasset, *Non autem ego*, ait, *sed gratia Dei mecum*<sup>1</sup>. Potuit dicere, Per me, sed quia minus erat, maluit dicere, *mecum* : præsumens se non solum operis esse ministrum per effectum; sed et operantis quodammodo socium per consensum.

45. Videamus nunc secundum triplicem Dei operationem, quam posuimus, quid creatura quæque pro suo ministerio mereatur. Et illa quidem, per quam, et sine qua fit quod fit, quid mereri potest? quid illa contra quam fit, nisi iram? quid et cum qua fit, nisi gratiam? In prima itaque nulla, in sequenti mala, in ultima bona merita conquiruntur. Nec enim pecudes, cum per eas bonum aut malum quodcumque fit, boni quidpiam merentur, aut mali. Non habent quippe unde bono malove consentiant. Multo autem minus lapides; cum nec sentiant. Cæterum diabolus, vel homo malus, cum vigeant et vigilant ratione, jam quidem merentur, sed non nisi poenam, pro eo quod a bono dissentiant. Paulus autem qui volens evangelizat, ne, si invitus, dispensatio ei tantum credita sit<sup>2</sup>; et quicumque similiter sapiunt : quoniam quidem ex consensu voluntatis obediunt, repositam sibi esse confidunt coronam justitiæ.

Utitur ergo Deus in salutem suorum irrationali, et item insensibili creatura, tanquam jumento vel instrumento, quæ jam expleto opere nusquam erunt. Utitur creatura rationali, sed malevola, quasi disciplinæ virga, quam, correcto filio, in ignem projiciet tanquam sarmentum inutile. Utitur et Angelis et hominibus bonæ voluntatis, tanquam commilitonibus et coadjutoribus suis, quos peracta victoria amplissime munerabit. Denique et Paulus de se, suisque similibus, audacter pronuntiat : *Coadjutores enim Dei sumus*<sup>3</sup>. Ibi itaque Deus homini benigne merita constituit, ubi per ipsum, et cum ipso, boni quidpiam operari dignanter instituit. Hinc coadjutores Dei, cooperatores Spiritus sancti, promeritores regni nos esse præsumimus, quod per consensum utique voluntarium divinæ voluntati conjungimur.

#### CAPUT XIV.

Quid gratiæ, quid libero arbitrio in negotio salutis attribuendum.

46. Quid igitur? hoc ergo totum liberi arbitrii opus, hoc solum ejus est meritum quod consentit? Est prorsus. Non quidem quod vel ipse consensus, in quo omne meritum consistit, ab ipso sit : cum *nec cogitare* (quod minus est, quam consentire) *aliquid a nobis, quasi ex nobis sufficientes simus*<sup>4</sup>. Verba sunt non mea, sed Apostoli, qui omne quod boni esse potest, id est cogitare, et velle, et perficere pro bona voluntate, attribuit Deo<sup>5</sup>, non suo arbitrio. Si ergo Deus tria hæc, hoc est bonum cogitare, velle, perficere, operatur in nobis : primum profecto sine nobis; secundum, nobiscum; tertium, per nos facit. Siquidem immittendo bonam cogitationem, nos prævenit; immutando etiam malam voluntatem, sibi per consensum jungit : ministrando et consensui facultatem\*, foris per apertum opus nostrum internus opifex innotescit. Sane ipsi nos prævenire nequaquam possumus. Qui autem bonum neminem invenit, neminem salvat quem non prævenit. A Deo ergo sine dubio nostræ fit salutis exordium, nec per nos utique, nec nobiscum. Verum consensus, et opus,

<sup>1</sup> I Cor. xv, 10. — <sup>2</sup> Id. ii, 17. — <sup>3</sup> I Id. iii, 9. — <sup>4</sup> II Cor. iiii, 5. — <sup>5</sup> Philipp. ii, 13.

<sup>a</sup> Id argumenti egregie tractatur in sermone 5 super Cantica.

etsi non ex nobis, non jam tamen sine nobis.<sup>621</sup> Neque primum itaque, in quo quippe nos nil A facimus; nec ultimum, quod et plerumque extorquet aut timor inutilis, aut simulatio damnnabilis; sed tantum medium nobis reputatur in meritum. Sola nempe interdum bona voluntas sufficit: cætera non prosunt, si sola defuerit. Non prosunt dixerim, sed agenti, non cernenti. Valet itaque intentio ad meritum; actio, ad exemplum; utramque præveniens cogitatio, tantummodo ad excitandum<sup>a</sup>.

47. Cavendum ergo, ne cum hæc invisibiliter intra nos ac nobiscum actitari sentimus, aut nostræ voluntati attribuiamus, quæ infirma est; B aut Dei necessitati, quæ nulla est; sed soli gratiæ, qua plenus est. Ipsa liberum excitat arbitrium, cum seminat cogitatum; sanat, cum immutat affectum; roborat, ut perducatur ad actum; servat, ne sentiat defectum. Sic autem ista cum libero arbitrio operatur, ut tantum illud in primo præveniat, in cæteris comitetur; ad hoc utique præveniens, ut jam sibi deinceps cooperetur. Ita tamen quod a sola gratia ceptum est, pariter ab utroque perficitur: ut mixtim, non singillatim; simul, non vicissim, per singulos profectus operentur. Non partim gratia, partim liberum arbitrium, sed totum C singula opere individuo peragunt. Totum quidem hoc, et totum illa; sed ut totum in illo, sic totum ex illa.

48. Credimus placere lectori, quod a sensu Apostoli nusquam recedimus; et quaquaversum exagetur oratio, in eadem pene ipsius verba frequenter recidimus. Quid enim nostra aliud sonant quam illud: *Ergo neque volentis, neque currentis, sed miserantis est Dei*<sup>1</sup>? Quod sane non ideo dicit, quasi quis velle aut currere possit in vanum: sed quod is qui vult et currit, non in se, sed in eo a quo accepit et velle, et currere, debeat gloriari. Denique ait: *Quid D habes quod non accepisti*<sup>2</sup>? Crearis, sanaris, salvaris. Quid horum tibi ex te, o homo? quid horum non impossibile libero arbitrio? Nec creare qui non eras, nec justificare peccator, nec mortuus poteras te ipsum resuscitare: ut cætera prætermittam bona, quæ aut sanandis necessaria sunt, aut salvandis reposita. Quod dicimus, de primo patet et ultimo. Sed et de

medio nemo dubitat, nisi qui ignorans Dei justitiam, et suam volens constituere, justitiæ Dei non est subjectus<sup>3</sup>. Quid enim? Agnoscis creantis potentiam, salvantis gloriam<sup>b</sup>; et sanantis ignoras justitiam? *Sana me*, ait, *et sanabor; saluum me fac, et salvus ero, quoniam laus mea tu es*<sup>4</sup>. Iste justitiam Dei agnoscebat, a quo æque sperabat, tam sanari a peccato, quam a miseria liberari: et ideo laudem suam illum, non se, merito statuebat. Propter hoc, et David ingeminans, *Non nobis*, inquit, *Domine, non nobis, sed nomini tuo da gloriam*<sup>5</sup>: quod utramque a Deo stolam, et justitiæ scilicet expectaret, et gloriæ. Quis est qui ignorat Dei justitiam? Qui se ipsum justificat. Quis est qui se ipsum justificat? Qui merita sibi aliunde, quam a gratia præsumit. Cæterum qui fecit quod salvaret, etiam dat unde salvet. Ipse, inquam, merita donat, qui fecit quibus donaret. *Quid retribuam*, inquit, *Domino pro omnibus*, non quæ tribuit, sed *quæ retribuit mihi*? Et quod est, et quod justus est, a Deo esse confitetur: ne, si utrumlibet negaret, utrumque perderet, amittendo utique unde justus est, et sic damnando quod est. Sed sic vel tertio loco invenit quod vicissim rependeret: *Calicem*, ait, *salutaris accipiam*. Calix salutaris, sanguis est Salvatoris. Ergo si deest tibi omnino de tuo, quod vel secundis Dei donis retribuas, unde tibi salutem præsumis: *Nomen Domini*, inquit, *invocabo*<sup>6</sup>, quod nimirum quicumque invocaverit salvus erit<sup>7</sup>.

49. Igitur qui recte sapiunt, triplicem confitentur operationem, non quidem liberi arbitrii, sed divinæ gratiæ in ipso, sive de ipso. Prima, creatio; secunda, reformatio; tertia est consummatio. Primo namque in Christo creati sumus in libertatem voluntatis: secundo reformamur per Christum in spiritum libertatis; cum Christo deinde consummandi in statum æternitatis. Siquidem quod non erat, in illo creari oportuit qui erat; per formam reformari deformem<sup>8</sup>; membra non perfici nisi cum capite. Quod utique tunc complebitur, cum omnes occurremus in virum perfectum, in mensuram ætatis plenitudinis Christi<sup>9</sup>: quando apparente Christo vita nostra, apparebimus et nos cum ipso in gloria<sup>9</sup>. Cum igitur consum-

<sup>1</sup> Rom. ix, 16. — <sup>2</sup> I Cor. iv, 7. — <sup>3</sup> Rom. x, 3. — <sup>4</sup> Jerem. xvii, 14. — <sup>5</sup> Psal. cxiii, 9. — <sup>6</sup> Psal. cxv, 12, 13. — <sup>7</sup> Rom. x, 13. — <sup>8</sup> Ephes. iv, 13. — <sup>9</sup> Coloss. iii, 4.

<sup>a</sup> Alias, exercitandum. — <sup>b</sup> Alias, gratiam.

matio fieri habeat de nobis, sive etiam in nobis, non autem a nobis; creatio vero facta sit et sine nobis: sola, quæ nobiscum quodammodo fit propter consensum voluntarium nostrum, in merita nobis reputabitur reformatio. Ipsa sunt jejunia nostra, vigiliæ, continentia, opera misericordiæ, cæteraque virtutum exercitia, per quæ utique constat interiorem hominem nostrum renovari de die in diem: dum et intentio terrenis incurvata curis, de imis paulatim ad superna resurgit; et affectio circa carnis desideria languens, sensim in amorem spiritus convalescit; et memoria veterum operum turpitudine sordens, novis bonisque actibus candidata in dies hilarescit. In his namque tribus interior renovatio consistit: rectitudine scilicet intentionis, puritate affectionis, recordatione bonæ operationis, per quam sibi bene conscia memoria enitescit.

50. Verum hæc cum certum sit divino in nobis actitari Spiritu, Dei sunt munera: quia vero cum nostræ voluntatis assensu, nostra sunt merita. *Non enim vos estis*, inquit, *qui loquimini, sed Spiritus Patris vestri qui loquitur in vobis*<sup>1</sup>: et Apostolus, *An experimentum ejus quæritis*, inquit, *qui in me loquitur Christus*<sup>2</sup>? Si ergo Christus, aut Spiritus sanctus loquitur in Paulo, non etiam itidem operatur in ipso? *Non enim loquor*, ait, *quæ per me non efficit Deus*<sup>3</sup>. Quid ergo? si non Pauli, sed Dei loquentis in Paulo, vel operantis per Paulum, et verba sunt, et opera; ubi jam Pauli merita? ubi est quod tam fidenter aiebat, *Bonum certamen certavi, cursum consummavi, fidem servavi: de reliquo reposita est mihi corona justitiæ, quam reddet mihi Dominus in illa die justus iudex*<sup>4</sup>? An in eo forte confidit sibi coronam esse repositam, quod per ipsum illa fiebant? Sed multa per malos, sive angelos, sive homines, fiunt bona; nec tamen reputantur illis in merita. An quia potius et cum ipso, hoc est

cum ejus bona voluntate, fiebant? Nam *si incivitas*, inquit, *evangelizavero, dispensatio mihi credita est: si autem volens, gloria est mihi*<sup>5</sup>.

51. Cæterum si vel ipsa voluntas, de qua omne meritum pendet, ab ipso Paulo non est; quo pacto eam, quam sibi repositam præsumit, coronam vocat justitiæ? An quoniam juste, jam et ex debito requiritur, quodcumque vel gratis promittitur? Denique ait: *Scio cui credidi, et certus sum quia potens est depositum meum servare*<sup>6</sup>. Dei promissum, suum appellat depositum: et quia credidit promittenti, fidenter promissum repetit. Promissum quidem ex misericordia, sed jam ex justitia persolvendum. Est ergo quam Paulus exspectat, corona justitiæ: sed justitiæ Dei, non suæ. Justum quippe est ut reddat quod debet: debet autem quod pollicitus est. Et hæc est justitia, de qua præsumit Apostolus, promissio Dei: ne si hanc contemnens, suam velit statuere, justitiæ Dei non sit subjectus, cujus tamen suæ justitiæ ipsum Deus voluit habere consortem, ut et coronæ faceret promeritorem. In eo enim sibi justitiæ consortem, et coronæ statuit promeritorem; cum operum, quibus erat illa reposita corona, habere dignatus est coadjutorem. Porro coadjutorem fecit, cum fecit volentem, hoc est suæ voluntati consentientem. Itaque voluntas in auxilium, auxilium reputatur in meritum. Si ergo a Deo voluntas est; et meritum. Nec dubium quin a Deo sit et velle, et perficere pro bona voluntate. Deus igitur auctor est meriti, qui et voluntatem applicat operi, et opus explicat voluntati<sup>7</sup>. Alioquin si proprie appellentur ea, quæ dicimus nostra merita; spei quædam sunt seminaria, charitatis incentiva, occultæ prædestinationis indicia, futuræ felicitatis præsagia, via regni, non causa regnandi. Denique quos justificavit, non quos justos invenit, hos et magnificavit<sup>7</sup>.

<sup>1</sup> Matth. x, 20. — <sup>2</sup> II Cor. xiii, 3. — <sup>3</sup> Rom. xv, 18. — <sup>4</sup> II Tim. iv, 7, 8. — <sup>5</sup> I Cor. ix, 17. — <sup>6</sup> II Tim. i, 12. — <sup>7</sup> Rom. viii, 30.

<sup>a</sup> Alias, voluntatis.



# ADMONITIO

## IN SUBSEQUENS OPUSCULUM X.

1. Et hæc epistola, quæ alias septuagesima septima esse solebat, in tractatum classem relata est ab Horstio. Inscríbítur in vetustis libris, « ad magistrum Hugonem de Sancto-Victore. » Duo fuerunt eodem tempore Hugones in abbátia S. Victoris apud Parisios : unus scriptis clarus, de Sancto-Victore appellatus, ad quem hæc epistola, Lothariensis seu Iprensis, non Saxonicus, dictus in fragmento quod retuli in tomo primo Analectorum, mortuus anno 1142, ac proinde ante Eugenii tertii pontificatum : alter ab ipso Eugenio laudatus in epistola ad Sugerium, quæ epistola inter Sugerianas est sexagesima octava. Eugenii hæc verba sunt : « Quia ergo dilectus » filius noster Hugo, canonicus Sancti-Victoris, ad nos rediturus est; benevolentiam tuam » rogamus, quatenus ei equitaturam unam et expensas, quæ pro ipsa et ejus sessore in reditu » sibi sufficiant, largiaris. » Ad primum revertor, cujus epistola, quæ huic occasionem dedit, in editis ejus operibus desideratur.

2. Argumentum hujus epistolæ est contra quemdam anonymum, cujus sententia erat; primo, Baptismi præceptum obligasse, ex quo primum Nicodemo dictum est a Christo Domino, *Nāi quis renatus fuerit*, etc. secundo, Neminem absque Baptismo, vel saltem ejus vice martyrio, ullatenus potuisse salvari; tertio, Patres veteris Testamenti tam claram habuisse notitiam de Incarnatione, quam Christianos; quarto, Nullum esse peccatum ex ignorantia; quinto, Bernardum errasse, cum scripsit in homiliis super *Missus est*, Angelos latuisse Dei consilium de Incarnatione.

3. Quis fuerit iste anonymus, non facile divinare licet. Quidam esse putant Joannem archiepiscopum Hispalensem, ad quem Hugo Victorinus epistolam scripsit, cujus argumentum est, non solum corde, sed etiam ore confitendam fidem, quam Joannes ipse ore negaverat. Sed nihil ex illa epistola colligitur ad stabiliendam hanc conjecturam. Exstat in tomo tertio Operum Hugonis Victorini, libro primo Miscellaneorum, capite octavo. Verisimilius esset, anonymum istum non alium esse ab Hugone Farsito, quem de Sacramentis nonnulla haud recte sensisse patet ex Bernardi epistola trigesima quinta, ad ipsum. « Quia inter amicos contra veritatem nulla debet esse meticulosa, cum sit periculosa, palpatio; hoc me, fateor, movet et » movet, quod illam inter nos jam ante habitam de Sacramentis collationem, in principio » prædicti opusculi defendere et astruere conati estis. In qua utique collatione, si vestra » summam sententiæ bene meministis, an sensui conveniat ecclesiastico, vos videritis. Vestra » autem ingenuæ humilitatis est non erubescere corrigi, si quid aliquando aliter sapuistis. »

Verum cum Bernardus Hugone Victorino rogante, adversarii auctoris, cujus nomen tacuerat Hugo, nec Bernardus ipse sciebat, assertionibus responderit; de alio quam de Hugone Farsito, cujus sententiam et nomen haud ignorabat Bernardus, sequens epistola intelligenda forsitan nonnullis videbitur. Quanquam reponi potest, collationem illam, de qua Bernardus agit in epistola trigesima quinta, esse fortasse posteriorem hac epistola septuagesima septima, quam cum scriberet Bernardus, nondum rescierat quis esset auctor illius sententiæ, quam hac in epistola impugnat. Ut sit, hæc epistola non est contra Abaelardum, cujus nomini haud pepercisset Hugo: tanetsi Abaelardus quædam habet affinia iis, quæ carpit hoc in loco Bernardus. De tempore scriptæ epistolæ id tantum asserere possumus, eam ante annum 1142, quo mortuus est magister Hugo Victorinus, scriptam fuisse.

---

S. BERNARDI ABBATIS

# DE BAPTISMO

ALIISQUE QUÆSTIONIBUS AB IPSO PROPOSITIS

AD HUGONEM DE SANCTO-VICTORE

EPISTOLA SEU TRACTATUS.

## PRÆFATIO.

Si tibi videor tardius rescripsisse, scito me tarde quoque accepisse ad quod rescriberem. Nam quod miseras, non continuo ad me usque perlatum est, sed Pontiniaci diu ante retentum. Porro ubi accepi, moram minime feci in rescribendo. Cæterum id brevius, quam tua forte deposcebat intentio: sed non plane quam mea occupatio sineret. Curavi tamen ne te utcumque lateret quidquid super interrogatis ego sentirem, tuo sane eadem mea sensa et otio, et ingenio plenius astruenda relinquens, si ita oportere cognoveris. Nec dubito ad manum tibi B esse rationes certas, et congruas auctoritates, quibus facile id possis. Is ergo, cujus me respondere assertionibus jubes, et nomen taces, tibi noverit a me super consultis quod sentio dictum, non sibi contradictum, etiamsi quid aliter ab ipso sapimus. Nam si verum nos sapimus, veritas ei contradicit, non nos. Sed enim si non confunditur acquiescere veritati, et veritas cum eo sapit, et nos. Sin autem, servum Dei tamen non oportet litigare, sed magis patientem esse ad omnes <sup>1</sup>. Ideoque non quærimus pugnas verborum; novitates quoque vocum juxta apostolicam doctrinam evitamus. C Patrum tantum opponimus sententias, ac verba proferimus, et non nostra: nec enim sapientiores sumus quam patres nostri. Abundet sane

<sup>624</sup> in suo sensu qui vult quantum vult, dummodo A nos patiat in Scripturarum sensibus abundare, quomodo dicit Apostolus: *Non quod sufficientes simus cogitare aliquid a nobis, tanquam ex nobis; sed sufficientia nostra ex Deo est*<sup>2</sup>.

## CAPUT I.

Non obligasse Baptismum, ex quo dictum fuit Nicodemo, *Nisi quis renatus, etc.*

I. Scribis itaque quemdam asserere nescio quem (nam non nominas) ex quo primum dictum a Domino legitur, *Nisi quis renatus fuerit ex aqua et Spiritu sancto, non intrabit in regnum caelorum*<sup>3</sup>; ex eo neminem absque eodem percepto actualiter visibili Sacramento, vel ejus vice martyrio, ullatenus potuisse salvari; sed etsi forte illud quispiam cum vera fide et contritione cordis expeteret, sed præventus mortis articulo assequi quod cuperet non valeret, tamen omnino damnari. Ubi primo de temporis quidem præfixione durum nimis austerumque videtur, ut videlicet verbum adhuc absconditum palam jam noceat, et ante judex feriat quam minetur: quodque interim in tenebris loquitur et in aure Salvator, nondum quidem salvet, quia nondum apparet; et jam mundum impleat condemnatis. Itane ergo verbum salutis et præceptum vitæ non prius vitam resti-

<sup>1</sup> II Tim. II, 24. — <sup>2</sup> II Cor. III, 5. — <sup>3</sup> Joan. III, 5.

tuere valuit, quam mortem infligerit; idque<sup>62</sup> non innatum; traditione sancitum, non adin-  
 ventum ratione. Porro fidem necesse est ut  
 voluntatem Domini sui? Num gentem ignoran-  
 tem et justam (ut cum ethnico loquamur) debuit  
 interficere Deus? Quis ita sapiat? Non equi-  
 dem vitæ concordat Auctori, morte nimirum,  
 quam exterminare venerat, uti mox in initio via-  
 rum suarum ad præjudicium sæculi, cæleste  
 adhuc recentissimum ignorantis edictum. Nefas  
 est profecto sentire de omnium largitore ho-  
 norum, quod tam malum principium dederit  
 adveniens. Minime prorsus id ego cuipiam de  
 Christo assenserim, quod magis ab Antichristo  
 merito formidatur, quia videlicet et ipse para-  
 verit sagittam suam in pharetra, ut sagittaret in  
 obscuro rectos corde.

2. Quanti namque interim toto orbe non  
 baptizati moriuntur, profecto ignorantes, quid  
 cum Nicodemo Jesus noctu secretoque confa-  
 buletur? Quid ergo? necdum lex promulgatur,  
 et jam prævaricantes tenentur? *Et quomodo,*  
*inquit, credent in eum quem non audierunt?*  
*quomodo vero audient sine prædicante? quo-*  
*modo autem prædicabunt nisi mittantur?*<sup>2</sup>  
 Necdum injuncta, necdum vulgata, necdum  
 audita prædicatio est: et juxta pigri ac nequam  
 servi sententiam tam durus est Dominus, ut  
 necdum sata jam metere velit, et non sparsa  
 colligere? Absit. Sed audi magis hujus rei ve-  
 ritatem. Qui unus est Magister in cælo et in  
 terra, ei qui magister tantum in Israel erat,  
 familiari privatoque colloquio tradebat quod  
 traderet; docebat quod doceret, non quod exi-  
 geret et ab absentibus, non unde præscriberet  
 et his qui non audierant. Valde quippe injuste  
 exigitur obeditio, ubi non præcessit auditio.  
 Neque enim tale est hoc, quod et absque pro-  
 mulgatione naturalis lex ignorare non sineret,  
 quale, verbi gratia, illud est: *Quod tibi non*  
*vis fieri, alii ne feceris*<sup>3</sup>. Factitium magis quo-  
 dammodo est, et non naturale mandatum. Quæ-  
 nam enim natura seu ratio docet, internam  
 æternamque salutem neminem mortalium posse  
 percipere, cujus corpus foris perfusum visibili  
 non fuerit elemento? Sacramentum Dei Altis-  
 simi est suscipiendum, non discutiendum; ve-  
 nerandum, non dijudicandum; fide sortitum,

A  
 ventum ratione. Porro fidem necesse est ut  
 auditus præcesserit, dicente Apostolo: *Ergo*  
*fides ex auditu*. Quod ergo omnino fieri<sup>a</sup> non  
 poterat si non audiretur, quo pacto, quæso,  
 exigi debeat et antequam audiretur? Vide au-  
 tem quomodo huc refugit Apostolus, et de solo  
 auditu convincit incredulos. *Sed dico,* inquit,  
*Numquid non audierunt*<sup>4</sup>? ac si dicat, Excusari  
 poterant, si non audissent. Ubi enim non est  
 lex, nec prævaricatio. Nunc vero cum in om-  
 nem terram exierit sonus prædicantium, et in  
 fines orbis terræ verba eorum<sup>b</sup>; quia jam dissi-  
 mulari non valet auditus, profecto inexcusabi-  
 lis est et contemptus.

3. Multa profecto scienda nesciuntur, aut  
 sciendi incuria, aut discendi desidia, aut vere-  
 cundia inquirendi. Et quidem hujusmodi igno-  
 rantia non habet excusationem. Sed numquid  
 forte tale est hoc, quod inquisitum humano  
 possit addisci magisterio? Homo hominis non  
 nisi ipso indicante cogitatum intelligit: quanto  
 minus divinum quis poterit investigare consi-  
 lium, nisi cui ipse voluerit revelare? Audi de-  
 nique ipsum. *Si non venissem,* ait, *et locutus*  
*eis non fuisset, peccatum non haberent.* Non  
 C dicit simpliciter, Et locutus non fuisset; sed  
 interserens *eis*, et *locutus eis*, inquit, *non fuis-*  
*sem*: ostendens sine dubio non ante censeri  
 inexcusabiles de contemptu, quam ad ipsorum  
 usque notitiam jussio perveniret. Nam si locutus  
 quidem fuisset, sed non eis; inobedientiæ cul-  
 pam ignorantia nihilominus excusaret. *Nunc*  
*autem,* inquit, quoniam locutus sum, et locutus  
 sum eis, *excusationem non habent de peccato*  
*suo*<sup>5</sup>. Unde et aiebat: *Ego palam locutus sum*  
*mundo, et in occulto locutus sum nihil*<sup>6</sup>. Non  
 quod suos domesticos multa in occulto priva-  
 timque non docuerit: sed quod tanquam nihi-  
 lum interim reputaret; et nec pœnam, nec  
 præmium ea agere<sup>c</sup> quæ in secreto tradebat,  
 judicaret, donec de medio fierent, et prodirent  
 in lumine. Denique et dicebat, *Quod dico vobis*  
*in tenebris, dicite in lumine*<sup>7</sup>: ut merito videli-  
 cet jam audientibus obedientiæ vel meritum  
 adscriberet, vel contemptum, cum in medio  
 proferrentur. Item, *Qui vos audit,* inquit, *me*

<sup>1</sup> Gen. xx, 4. — <sup>2</sup> Rom. x, 14, 15. — <sup>3</sup> Tob. iv, 16. — <sup>4</sup> Rom. x, 17, 18. — <sup>5</sup> Joan. xv, 22. — <sup>6</sup> Id. xviii, 20. — <sup>7</sup> Matth. x, 27.

<sup>a</sup> Alias, *sciri*. — <sup>b</sup> Compediensis codex addit, *qui fidem gentibus prædicant*.

<sup>c</sup> Ita scripti omnes cum editis primis: posteriores, *agere*.

rum, *Id quod in presenti est momentaneum et leve tribulationis nostrae, supra modum in sublimitate aeternum gloriae pondus operatur in nobis, non contemplantibus quae videntur, sed quae non videntur*<sup>1</sup>.

15. Quid retribuam Domino pro omnibus his? Illum ratio urget et justitia naturalis totum se tradere illi, a quo se totum habet, et ex se toto debere diligere. Mihi profecto Fides tanto plus indicit amandum, quanto et eum me ipso pluris aestimandum intelligo: quippe qui illum non solum mei, sed sui quoque ipsius teneo largitorem. Denique nondum tempus fidei advenerat, nondum innotuerat in carne Deus, obierat in cruce, prodierat de sepulcro, redierat ad Patrem: nondum, inquam, commendaverat in nobis suam multam dilectionem, illam de qua jam multa locuti sumus, cum jam mandatum est homini diligere Dominum Deum suum ex toto corde, tota anima, tota virtute sua<sup>2</sup>, id est, ex omni quod est, quod scit, quod potest. Nec tamen injustus Deus, suum sibi vindicans opus et dona. Utquid enim non amaret opus artificem, cum haberet unde id posset? Et cur non quantum omnino posset, cum nihil omnino nisi ejus munere posset? Ad haec, quod de nihilo, quod gratis, quod in hac dignitate conditum est; et debitum dilectionis manifestius facit, et exactum justiore ostendit. Caeterum quantum putamus adjectum beneficii, cum homines et jumenta salvavit, quemadmodum multiplicavit misericordiam suam Deus<sup>3</sup>? Nos dico, qui mutavimus gloriam nostram in similitudinem vituli comedentis fenum<sup>4</sup>, peccando comparati jumentis insipientibus<sup>5</sup>. Quod si totum me debeo pro me facto, quid addam jam et pro reffecto, et reffecto hoc modo? Nec enim tam facile reffectus, quam factus: siquidem non solum de me, sed de omni quoque quod factum est, scriptum est, *Dixit, et facta sunt*<sup>6</sup>. At vero qui me tantum et semel dicendo fecit, in relificando profecto et dixit multa, et gessit mira, et pertulit dura; nec tantum dura, sed et indigna. Quid ergo retribuam Domino pro omnibus quae retribuit mihi<sup>7</sup>? In primo opere me mihi dedit; in secundo, se: et ubi se dedit, me mihi reddidit. Datus ergo, et redditus, me pro me debeo, et

bis debeo. Quid Deo retribuam pro se? Nam etiam si me millies rependere possem, quid sum ego ad Deum?

## CAPUT VI.

Brevis anacephalaosis et summa praedictorum.

16. Hic primum vide, quo modo, ino quam sine modo a nobis Deus amari meruerit; qui ut paucis quod dictum est repetam<sup>8</sup> prior ipse dilexit nos, tantus, et tantum, et gratis tantillos, et tales. En quod in principio dixisse me memini, modum esse diligendi Deum, sine modo diligere. Denique cum dilectio quae tendit in Deum, tendat in immensum, tendat in infinitum (nam et infinitus Deus est et immensus); quisnam, quaeso, debeat finis esse nostri, vel modus amoris? Quid quod amor ipse noster non jam gratuitus impenditur, sed rependitur debitus? Amat ergo immensitas, amat aeternitas, amat supereminens scientiae caritas; amat Deus, cujus magnitudinis non est finis<sup>9</sup>, cujus sapientiae non est numerus<sup>10</sup>; et vicem reparamus cum mensura? Diligam te, Domine, fortitudo mea, firmamentum meum, et refugium meum, et liberator meus<sup>11</sup>; et meum denique quidquid optabile atque amabile dici potest. Deus meus, adjutor meus, diligam te pro dono tuo, et modo meo, minus quidem justo, sed plane non minus posse meo: qui etsi quantum debeo non possum, non possum tamen ultra quam possum. Potero vero plus, cum plus donare dignaberis: nunquam tamen prout dignus haberi. Imperfectum meum viderunt oculi tui: sed tamen in libro tuo omnes scribentur<sup>12</sup>, qui quod possunt faciunt, etsi quod debent non possunt. Satis, quantum reor, apparet, et quonam modo Deus diligendus sit, et quo merito suo. Quo, inquam, merito suo: nam quanto, cui sane appareat? quis dicat? quis sapiat?

<sup>1</sup> II Cor. iv, 17, 18. — <sup>2</sup> Deut. vi, 5. — <sup>3</sup> Psal. xxxv, 7, 8. — <sup>4</sup> Psal. cv, 20. — <sup>5</sup> Psal. xlviii, 13. — <sup>6</sup> Psal. cxlviii, 5. — <sup>7</sup> Psal. cxv, 12. — <sup>8</sup> Psal. cxliv, 3. — <sup>9</sup> Psal. cxlvi, 5. — <sup>10</sup> Philipp. iv, 7. — <sup>11</sup> Psal. xvi, 2, 3. — <sup>12</sup> Psal. cxxxviii, 16.

## CAPUT VII.

Non sine fructu et præmio diligi Deum; et terrenis non satiari humani cordis appetitum.

17. Nunc quo nostro commodo diligendus sit, videamus. Sed quantum est et in hoc videre nostrum ad id quod est? Nec tamen quod videtur tacendum est, etsi non omnino videtur ut est. Superius, cum propositum esset, quare, et quomodo diligendus sit Deus; duplicem dixi parere intellectum id quod quaeritur, Quare: ut, aut quo suo merito, aut quo nostro commodo diligendus sit, utrumlibet quaeri posse perinde videatur. Dicto proinde de merito Dei, non prout dignum ei, sed prout datum est mihi; superest ut de præmio, quod item dabitur, dicam. Non enim sine præmio diligitur Deus, etsi absque præmii intuitu diligendus sit. Vacua namque vera charitas esse non potest, nec tamen mercenaria est; quippe non quaerit quæ sua sunt<sup>1</sup>. Affectus est, non contractus: nec acquiritur pacto, nec acquirit. Sponte afficit, et spontaneum facit. Verus amor se ipso contentus est. Habet præmium, sed id quod amatur. Nam quidquid propter aliud amare videaris, id plane amas, quo amoris finis pertendit, non per quod tendit. Paulus non evangelizat ut comedat, sed comedit ut evangelizet: eo quod amet, non cibum, sed Evangelium<sup>2</sup>. Verus amor præmium non requirit, sed meretur. Præmium sane necdum amanti proponitur, amanti debetur, perseveranti redditur. Denique in rebus inferioribus suadendis, invitos promissis vel præmiis invitamus, et non spontaneos. Quis enim munerandum hominem putet, ut faciat quod et sponte cupit? Nemo, verbi causa, conducit aut esurientem ut comedat, aut sitientem ut bibat, aut certe matrem ut parvulum allactet filium uteri sui. An vero quis putet prece vel pretio quempiam commonendum suam ipsius vel seipsum vineam, vel arborem circumfodere, vel structuram propriæ domus erigere? Quanto magis Deum amans anima, aliud præter Deum sui amoris præmium non requirit? Aut si aliud requirit, illud pro certo, non Deum diligit.

18. Inest omni utenti ratione naturaliter pro sua semper æstimatione atque intentione appetere potiora, et nulla re esse contentum, cui

<sup>391</sup> quod deest, iudicet præferendum. Nam et qui, A verbi gratia, uxorem habet speciosam, petulantem oculo vel animo respicit pulchriorem: et qui veste pretiosa indutus est, pretiosiores affectat, et possidens multas divitias, invidet ditiori. Videas jam multis prædiis et possessionibus ampliatos, adhuc tamen in dies agrum agro copulare, atque infinita cupiditate dilatare terminos suos. Videas et qui in regalibus domibus, amplisque habitant palatiis, nihilominus quotidie conjungere domum ad domum, et inquieta curiositate ædificare, diruere, mutare quadrata rotundis. Quid homines sublimatos honoribus? annon insatiabili ambitione magis ac magis totis viribus conari ad altiora videmus? Et horum omnium idcirco non est finis, quia nil in eis summum singulariter reperitur vel optimum. Et quid mirum si inferioribus et deterioribus contentus non sit, qui citra summum vel optimum quiescere non potest? Sed hoc stultum et extremæ dementiæ est, ea semper appetere, quæ nunquam, non dico satient, sed nec temperent appetitum: dum quidquid talium habueris, nihilominus non habita concupiscas, et ad quæque defuerint, semper inquietus anheles. Ita enim fit ut per varia et fallacia mundi oblectamenta vagabundus animus inani labore discurrens fatigetur, non satietur: dum quidquid famelicus inglutierit, parum reputet ad id quod superest devorandum, semperque non minus anxie cupiat quæ desunt, quam quæ adsunt læte possideat. Quis enim obtineat universa? Quanquam et modicum id quod quisque cum labore obtinuerit, cum timore possederit, certus quidem non sit quando cum dolore amittat, certus autem quod quandoque amittat. Sic directo tramite voluntas perversa contendit<sup>a</sup> ad optimum, festinat ad id unde possit impleri. Imo vero his anfractibus ludit secum vanitas, mentitur iniquitas sibi. Si ita vis adimplere quod vis, hoc est, si illud apprehendere vis, quo apprehenso nil jam amplius velis; quid tentare opus est et cætera? Curris per devia, et longe ante morieris, quam hoc circuitu pervenias ad optatum.

19. Hoc ergo in circuitu impij ambulant, naturaliter appetentes unde finiant appetitum, et insipienter respuentes unde propinquent fini: fini dico, non consumptioni, sed consumptioni. Quamobrem non beato fine consum-

<sup>1</sup> I Cor. xiii, 5. — <sup>2</sup> Id. ix, 18.

<sup>a</sup> Alias, cum tendit.

*audit ; et qui vos spernit , me spernit : ac si*<sup>627</sup> usque vigerat, prodesse jam subripiante Baptismate non auderet : et Baptisma , quoniam adhuc lateret, non succurreret! Forsan dormiebat eo tempore Deus, nec fuit interim qui redimeret, neque qui salvum faceret.

4. Sed forte aliquis dicat, eos quidem qui non audierunt, etsi non de contemptu judicari, damnari tamen propter originale peccatum, a quo utique nisi per lavacrum emundari minime potuerunt. At vero quis nesciat et alia præter Baptismum contra originale peccatum remedia antiquis non defuisse temporibus? Abrahæ quidem et semini ejus, circumcisionis sacramentum in hoc ipsum divinitus traditum est<sup>1</sup>. In nationibus vero, quotquot inventi sunt fideles, ad-  
B

5. Quærimus itaque Baptismi tempus ex quo cœperit. Ex quo, inquit, primum dictum est : *Nisi quis renatus fuerit*, etc. Tene ergo firmiter dictum hoc ad Nicodemum, utique amicum Jesu, occultum tamen propter metum Judæorum; occultumque illud de nocte requisisse colloquium. Quanta autem putas obisse interim (ut de Gentibus taceam) millia circumcisorum, cum necdum in lucem prodierit quod de Baptismo tunc in tenebris dicebatur? Quid ergo? damnatos illos omnes dicimus, quia baptizati non sunt? Fit ergo injuria antiquo illi Dei æque mandato, si novo adhuc furtive quodammodo superveniente, non tamen subveniente, illud ita subito evanuisse putetur, ut prodesse deinceps non valeret. Et quidem quam longe post putas publice prædicatum et clamatum super tecta fuisse : *Si circumcidamini, Christus vobis non proderit*<sup>2</sup>? Quomodo deinde stabit illud, quia *a diebus Joannis Baptistæ regnum cœlorum vim patitur*<sup>3</sup>, si præcipue tunc temporis contigisse constiterit  
D

## CAPUT II.

Baptismi obligationem cœpisse primum post sufficientem ejus promulgationem. In necessitatis tamen articulo sufficere Baptismum fide et voto susceptum, sicut et martyrium.

6. Satis profecto ex his, quantum reor, apparet, quod damnatio non baptizatorum, et frustratio circumcisorum, et evacuatio sacrificiorum, quæ forte contra originale peccatum ritus observabat antiquus, generaliter jam tunc minime cœperit, quando Nicodemo clam dictum est : *Nisi quis renatus fuerit ex aqua et Spiritu sancto, non intrabit in regnum cœlorum*<sup>4</sup>. Sed nec quando Apostolis palam injectum est, *Ite, docete omnes gentes, baptizantes eos in nomine Patris, et Filii, et Spiritus sancti*<sup>5</sup> : sed ex eo tempore tantum cuique cœpit antiqua observatio non valere, et non baptizatus quisque novi  
C præcepti reus existere, ex quo præceptum ipsum inexcusabiliter ad ejus potuit pervenire notitiam. Sane parvulis et necdum ratione utentibus, quia sola nocere creditur peccati contagio, non etiam mandati prævaricatio; tamdiu credendum est antiqua valuisse sacramenta, quamdiu palam interdicta non fuisse constiterit. An vero ultra? Penes Deum est, non meum definire. Porro in majori ætate quisquis post vulgatum ubique Baptismi remedium renuit jam baptizari, generali originalique maculæ addit et ex proprio crimen superbix, duplicem secum portans justissimæ damnationis causam, si sic  
D de corpore exire contigerit. Tamen si ante exitum resipuerit, et voluerit, et petierit baptizari, sed mortis præoccupatus articulo forte obtinere nequiverit; dum non desit fides recta, spes pia, charitas sincera : propitius sit mihi Deus, quia huic ego ob solam aquam, si defuerit, nequaquam omnino possum desperare salutem, nec vacuum credere fidem, nec confundere spem, nec excidere charitatem : tantum si aquam non contemptus, sed sola, ut dixi, prohibeat impossibilitas. Si quis aliter sapit, viderit

<sup>1</sup> Gen. xxi, 10. — <sup>2</sup> Galat. v, 2. — <sup>3</sup> Matth. xi, 12. — <sup>4</sup> Joan. iii, 5. — <sup>5</sup> Matth. xxviii, 19.

unde sibi quod asserit persuaserit : nam me non<sup>628</sup> facile fateor assentire , si non firmior induxerit A vel ratio ad intelligendum , vel ad credendum auctoritas.

7. Sed miror admodum , si novus iste novarum inventor assertionum , et assertor inventionum , invenire in hoc rationem potuerit , quæ sanctos Patres latuerit Ambrosium et Augustinum , sive auctoritatem eorundem auctoritate potio- rem. Nam si nescit , uterque idem profecto sensit , quod fatemur sentire et nos. Librum certe Ambrosii de morte Valentiniani legat \* si non legit ; recolat si jam legit ; non dissimulet si recolit : et advertet sine dubio , Sanctum homini non baptizato et mortuo fidenter de sola fide salutem præsumere , et tribuere indubitanter bonæ voluntati , quod defuit facultati<sup>1</sup>. Legat et Augustini de unico Baptismo librum quartum : et se vel agnoscat imprudenter deceptum , vel probet impudenter obstinatum. « Baptismi , » inquit , « vicem aliquando implere passionem , de latrone illo , cui non baptizato dictum est , *Hodie mecum eris in paradiso*<sup>2</sup> , » beatus Cyprianus , non leve documentum as- sumit. » Et addit : « Quod etiam atque etiam considerans , invenio , » inquit , « non tantum passionem pro nomine Christi , id quod ex Baptismate deerat posse supplere ; sed etiam fidem conversionemque cordis , si forte ad celebrandum mysterium Baptismi in angustiis temporum succurri non potest. » Et infra : « Quantum itaque , » ait , « valeat etiam sine visibili sacramento Baptismi quod ait Apostolus , *Corde creditur ad justitiam , ore autem confessio fit ad salutem*<sup>3</sup> , in illo latrone declaratum est. Sed tunc , » inquit , « impletur invisibiliter , cum mysterium Baptismi non contemptus religionis , sed articulus necessitatis excludit<sup>4</sup>. » Et quidem non ignoro retractare ipsum id quod posuerat testimonium de latrone , minusque idoneum ad comprobendam illam sententiam confiteri , eo quod sane incertum sit utrumne fuerit baptizatus<sup>5</sup>. Cæterum sententiam et audacter prosequitur , et multipliciter confirmat ; nec uspiam , nisi fallor , retractasse reperies. Item in alio loco Augustinus , cum aliquos præmisisset , quos Scriptura commemorat invisibiliter quidem , non tamen etiam visibiliter sanctificados ,

tandem infert : « Ex his colligitur , » ait , « invisibilem sanctificationem quibusdam adfuisse » et profuisse sine visibilibus sacramentis , quæ » pro temporum diversitate mutata sunt , ut alia » tunc fuerint , et alia modo sint. » Et paulo post : « Nec tamen , » inquit , « visibile sacramentum omnino contemnendum : nam contemptor ejus invisibiliter sanctificari non potest<sup>6</sup>. » Ubi satis evidenter ostendit , fidelem et conversum ad Dominum , non si nequiverit , sed si contempserit baptizari , fructu privari Baptismatis.

8. Ab his ergo duabus columnis , Augustinum loquor et Ambrosium , crede mihi , difficile avel- lor. Cum his , inquam , me aut errare , aut sapere fateor : credens et ipse , sola fide hominem posse salvari , cum desiderio percipiendi sacramentum : si tamen pio adimplendi desiderio mors anticipans , seu alia quæcumque vis invincibilis obviarit. Vide etiam ne forte ob hoc Salvator cum diceret , *Qui crediderit et baptizatus fuerit , salvus erit* ; caute et vigilanter non repetierit , Qui vero baptizatus non fuerit ; sed tantum , *Qui vero , inquit , non crediderit , condemnabitur*<sup>7</sup> : nimirum innuens solam interdum fidem sufficere ad salutem , et sine ipsa sufficere nihil. Quapropter etsi martyrium vicem Baptismi posse implere conceditur , non plane hoc facit pœna , sed ipsa fides. Nam absque ipsa quid est martyrium , nisi pœna ? Quæ ergo martyrio præstat , ut absque ulla dubietate pro Baptismate reputetur ; ipsa ita infirma et imbecillis per se erit , ut quod dare alteri valet , sola non valeat obtinere ? Et prorsus sanguinis pro Christo effusio magnæ cujusdam fidei indubitata probatio est , non Deo tamen , sed hominibus. Sed quid si Deus , qui profecto ad probandum quod vult , nullis indiget experimentis , æque magnam in corde cujuspian in pace morientis D inspicit fidem , martyrio quidem non interrogatam , martyrio tamen idoneam ? Si recordatus fuerit homo , necdum se salutis percepisse mysterium , et dolens pœnitensque toto desiderio expetierit , sed assequi mortis celeritate præoccupatus nequiverit ; damnabit fidelem suum Deus ? damnabit , inquam , hominem pro se etiam paratum mori ? Paulus dicit : *Nemo potest dicere , Domine Jesus , nisi in Spiritu sancto*<sup>8</sup>.

\* De Obitu Valent. versus finem. — <sup>2</sup> Luc. xxiii, 43. — <sup>3</sup> Rom. x , 10. — <sup>4</sup> De Baptismo contra Donatistas , lib. 4 , cap. 22 , n. 29. — <sup>5</sup> Retract. lib. 2 , capp. 18 , 55. — <sup>6</sup> Quæst. in Leviticum , quæst. 84. — <sup>7</sup> Marc. xvi , 16. — <sup>8</sup> I Cor. xii , 3



Hunc ergo qui in articulo mortis non solum in-<sup>629</sup>tur. Non quod vel ipsi, quando baptizantur, vocat Dominum Jesum, sed ipsius quoque toto A desiderio expetit Sacramentum; dicemus aut non loqui in Spiritu sancto, et falsus erit Apostolus; aut et cum Spiritu sancto damnari? Salvatorem habet habitantem per fidem in corde, et in ore per confessionem; et cum Salvatore damnabitur? Pro certo, cum non aliunde martyrium, nisi ex fidei merito illam obtinuerit prærogativam, ut singulariter vice Baptismi secure suscipiatur; non video cur non ipsa æque et sine martyrio apud Deum tantumdem possit, cui et sine martyrii probamento procul dubio innotescit. Possit sane tantumdem, dixerim, B quantum ad salutis spectat obtentum, non autem ad meriti cumulum, quo indubitanter martyrium antecellit. Legimus, *Omnis qui odit fratrem suum, homicida est*<sup>1</sup>; et item, *Qui viderit mulierem ad concupiscendum eam, jam mœrhatus est in corde suo*<sup>2</sup>. Quid planius, quod voluntas pro facto reputetur, ubi factum excludit necessitas? Nisi forte putetur in malo, quam in bono efficacior inveniri voluntas apud Deum qui charitas est; et promptior esse ad ulciscendum, quam ad remunerandum misericors et miserator Dominus. Quomodo is qui alieno debito se teneri forte in extremis positus recolit, C si desit unde persolvat, sola nihilominus pœnitentia et cordis contritione obtinere veniam creditur, ne jam pro eo damnetur: sic sola fides et mentis ad Deum conversio, sine effusione sanguinis, et sine perfusione aquæ, salutem sine dubio operatur volenti, sed non valenti, prohibente mortis articulo, baptizari. Et sicut nulla illi pœnitentia remittitur peccatum, si, cum possit, non restituit ablatum: sic et huic nulla proderit fides, si, cum possit, non percipit Sacramentum. Quanquam et fidem convincitur non habere perfectam, si negligit. Vera enim et plena fides universa præcepta comple- D citur: est autem hoc unum ipsumque præcipuum ex præceptis. Merito ergo non infidelis, sed plane rebellis atque contemptor reputabitur, quisquis obedire renuerit. Quomodo denique fidelis, qui Dei contemnit Sacramentum?

9. Sane infantes, quia hanc, prohibente ætate, non possunt habere fidem, hoc est cordis ad Deum conversionem; consequenter nec salutem, si absque Baptismi perceptione moriun-

tur. Non quod vel ipsi, quando baptizantur, A fide omnino careant, sine qua impossibile est vel ipsos placere Deo: sed salvantur et ipsi per fidem, non tamen suam, sed alienam. Dignum nempe est et ad Dei spectat benignitatem, ut quibus fidem ætas denegat propriam, gratia prodesse concedat alienam. Nec enim Omnipotentis justitia propriam putat ab his exigendam fidem, quos novit propriam nullam habere culpam. Porro aliena opus est fide, cum sine sorde non nascantur aliena: quatenus nec a parvulis alienum sit, quod de omnibus generaliter dicitur, *Fide mundans corda eorum*<sup>3</sup>. Nec dubium, quod macula contracta ab aliis, aliorum quoque fide valeat vel debeat emundari. Hæc sunt quippe judicia divinæ justitiæ, in quibus exsultans sanctus David, *Memor fui*, inquit, *iudiciorum tuorum a sæculo, Domine, et consolatus sum*<sup>4</sup>. Hucusque de his.

### CAPUT III.

Justos veteris Testamenti non tam claram habuisse notitiam futurorum mysteriorum fidei, quam nos habemus præteritorum.

10. Asserit præterea, ut dicis, ille quem dicis, omnes antiquos justos, quotquot videlicet Christi adventum præcesserunt, tantam omnino habuisse præscientiam futurorum, quantam nos, qui post sumus, præteritorum scientiam: ita ut nullus vel simplicium justorum aliquid prorsus ignoraret ex omnibus, quæ modo nobis evangelica pandit historia. Verbi gratia, Verbum incarnatum, partum virginalem, doctrinam Salvatoris, miracula, crucem, mortem, sepulturam, descensum ad inferos, resurrectionem, et ad cœlos ascensionem, sic omnino omnibus illorum temporum justis, et aperte D omnia, et distincte singula fuisse præcognita, quemadmodum suo sunt tempore post exhibita, et modo cognita nobis: adeo ut nec justi fuerint, nec salvi sint, quibus ita clara omnia et perspicua non fuerunt. Et id quidem falsum.

11. Verum ad refellendum tu tanta in tua epistola posuisse videris<sup>5</sup>, ut nil addendum penitus putem; et pene quid addi possit, non inveniam. De homine tamen qui ista loquitur, (pace ipsius dico paucis quod sentio) videtur

<sup>1</sup> I Joan III, 15. — <sup>2</sup> Matth. v, 28 — <sup>3</sup> Act. xv, 9. — <sup>4</sup> Psal. cxviii, 52.

<sup>5</sup> Alias, tu tantum in tua epistola enituiti.

mihî plus novitatis curiosus, quam studiosus<sup>650</sup> veritatis; gravarique de omni re sentire cum aliis, et dicere quod aut solus non dixerit, aut primus. Unde fit ut in his quæ sentit vel loquitur, modum omnino tenere aut ignoret, aut dissimulet. Ecce enim et in hac assertionem suam, dum pares in scientia facit omnes qui ventura sperabant, iis qui præterita legunt; Deum profecto aut nimis parvum prædicat, aut nimis largum, oculum discretionis ex nulla parte aperiens. Ant enim numerum electorum illius temporis sub paucitate redigit rarissimorum spiritualium, quos pro suæ sanctitatis speciali excellentia insignes illustresque illis temporibus existisse, ac singulari munere Spiritus singula, uti ventura erant, prævidere certissime potuisse Scriptura commemorat; et sic nimis abbreviat manum Dei, dum præter paucos illos perfectissimos, neminem eo tempore putat potuisse salvari: aut certe, si et illa tempora multitudinem salvandorum etiam præter istos habuisse non diffitetur; magnam, sed inauditam divini muneris largitatem veteri populo collatam asserit: siquidem omnem illam multitudinem omnia, quæ de mysterio nostræ redemptionis superius enumerata sunt, liquido præcognovisse constiterit. Cum enim ex his quidpiam tunc nec scriptum manifeste, nec publice prædicatum fuisse manifestum sit: restat ut fateamur omnia omnibus per Spiritum revelata fuisse; et sic omnes spirituales, omnes perfectos, omnes existisse prophetas, quotquot ab adventu Domini retro justi et salvi fuerunt. Fuit itaque antiquis temporibus aut perrara salus, aut nimium numerosa perfectio: quorum quidem quodlibet sapere, discretionis terminos excedere est.

12. Quod si videtur tolerabilius, imo et Deo dignius<sup>a</sup> iudicatur, repletur potius et ditasse sæcula illa multitudine perfectorum, quam salvandorum tanta fuisse paucitate contentum, quatenus et salvi non pauci tunc fierent, et omnes nihilominus repleti spiritu prophetico, necdum revelata mysteria jam tunc penetrarent: si, inquam, hoc recipitur, benedicimus quidem Deum in donis suis; sed quid temporis gratiæ reservatum sit, non videmus: nisi quod tempus gratiæ illud potius juxta sententiam hanc fuerit appellandum, in quo tot et tantæ Dei populo divitiæ spiritus affluebant; ut illud

prorsus incredibili felicitate cerneretur impletum, quod Moyses optabat, cum diceret, *Quis dabit ut omnes prophetent*<sup>1</sup>? Quæso, quid simile attulit Evangelium? Frustra gloriatur Paulus de primitiis spiritus, quas se putat cum suis co-apostolis accepisse, cum nil tale in diebus suis potuerit experiri. Denique aiebat: *Numquid omnes prophetæ*<sup>2</sup>? Frustra, inquam, gloriatur de Evangelio suo, quia non ab homine, neque per hominem illud acceperit, sed quasi speciali quadam prærogativa per revelationem Jesu Christi<sup>3</sup>: cum et ante ipsum per Spiritum sanctum fuerit etiam populus revelatum. Sed nec apostolus Petrus profecto debuit propheticum illud ad sua tempora retorquere, *Effundam de Spiritu meo super filios et filias vestras, et prophetabunt filii vestri et filiae*<sup>4</sup>; si abundantior jam præcesserat transactis sæculis effusio Spiritus. Aut certe Propheta, vel potius in Propheta Deus (si vere illa tempora apostolica, cum hoc diceret, intuebatur), non plane, *effundam*, sed, Subtraham magis *de Spiritu meo* dixisse debuerat. Quid enim? si filiis Evangelii omnes veteres justos pares facimus in scientia, numquid non et superiores in gratia consequenter fateri necesse est? utpote quos non lectio, sicut nos, aut prædicatio, sed ipsa unctio docuerit omnes de omnibus.

13. Esto tamen: toleremus nos nostram injuriam, et Apostoli quoque suam, ut et ipsis minimi etiam antiquorum justorum comparentur in scientia, præferantur in gratia. Sed est sane quod ullo omnino pacto non ferimus, et merito; ut Dominus videlicet gloriæ sentiatur vel falli unquam potuisse, vel fallere voluisse. Et quidem ipse protestatus est, inter natos mulierum majorem Joanne Baptista non surrexisse<sup>5</sup>. Vide autem si non vere falsum fateri cogimur Veritatis hoc testimonium, si tantum tribuamus veteribus, quantum nec Joanni vindicare valemus. Non utique fit injuria Joanni, si quid ignorasse creditur aut dicitur, nimirum quod et ipse non diffitetur: sed si quod præconi Veritatis negamus, contra præconium Veritatis alteri damus; hoc non tantum injuria, sed et blasphemia est, et plane contradicere non Joanni, sed Veritati. Quid ergo? Amicus sponsi dubitat, et quærit, *Tu es qui venturus es, an alium expectamus*<sup>6</sup>? et nos millibus hominum

<sup>1</sup> Num. xi, 29. — <sup>2</sup> I Cor. xii, 29. — <sup>3</sup> Galat. i, 1. — <sup>4</sup> Act. ii, 17; Joel ii, 28. — <sup>5</sup> Matth. xi, 11. — <sup>6</sup> Ibid. 3.

<sup>a</sup> Alias, *justius*.

certitudinem de omnibus nostro mendacio<sup>63</sup> confirmamus.

14. Nec ipsos de se ita veteres sensisse, paucis advertere possumus. Moyses scribit Deum ad se loquentem dixisse sic : *Ego sum Deus Abraham, et Deus Isaac, et Deus Jacob; et nomen meum Adonai non indicavi eis*<sup>1</sup> : subaudit, sicut tibi. Ostendit ergo se de Dei notitia plus aliquid præcedentibus patribus accepisse. David quoque super doctores suos et seniores donum sibi intelligentiæ audacter præsumit, ita dicens, *Super omnes docentes me intellexi, quia testimoniū tuā meditatio mea est* : et rursum, *Super senes intellexi*<sup>2</sup>. Sed et propheta Daniel, *Pertransibunt, ait, plurimi, et multiplex erit scientia*<sup>3</sup>; ampliorem scilicet rerum notitiam promittens et ipse posteris. Si ergo, ut ait etiam sanctus papa Gregorius, secundum incrementa temporum crevit et scientia spiritualium patrum; et quanto viciniore adventui Salvatoris exstiterunt, tanto mysterium salutis plenius perceperunt<sup>4</sup> : non est dubium, quin his qui et præsentibus fuerunt, multo amplius contulerit rerum ipsarum exhibitio, atque præsentia exhibentis. Denique et audiunt, *Beati oculi qui vident quæ vos videtis*<sup>5</sup> : item, *Vos autem dixi amicis, quia omnia quæcumque audiivi a Patre meo, nota feci vobis*<sup>6</sup>. Multi, inquit, reges et prophetæ voluerunt videre quæ vos videtis, et non viderunt; et audire quæ auditis, et non audierunt<sup>7</sup>. Quare? ut videlicet clarius largiusque perciperent, quod vix tenuiter obscureque præsensent. Alioquin quid opus erat foris videre carnem, et carnis audire sermones, si jam intus a Spiritu fuerant perfecte instructi de omnibus? præsertim cum Dominus dicat, *Caro non prodest quidquam, spiritus est qui vivificat*<sup>8</sup>. Quod si Prophetæ, et qui illustriores videbantur in illo populo, non omnes omnia liquido equaliter agnoscere valuerunt, sed alii plus, alii minus, prout eis Spiritus dabat, dividens singulis prout volebat, idque absque præiudicio suæ sanctitatis atque perfectionis : quanto magis simpliciore quique iusti sine detrimento salutis, salvationis tempus, modum et ordinem nescire potuerunt, quæ tamen certa spe et fide, uti promissa fuerant, firmissime tenuerunt?

15. Quanti hodieque profecto in populo christiano

A dubitanter credunt et sperant, et ardentem desiderant, formam tamen ac statum ne cogitare quidem vel tenuiter norunt? Ita ergo multi ante Salvatoris adventum, Deum omnipotentem tenentes, et diligentes suæ salutis gratuitum promissorem, credentes in promissione fidelem, sperantes certissimum Redemptorem, in hac fide et expectatione salvati sunt : licet quando, et qualiter, et quo ordine salus repromissa fieret, ignorarent. Denique Beda aperte docet aperta omnia omnibus nequaquam fuisse quæ de Christo futura erant, quod tu quoque testimonium in tua epistola posuisti. « Unum, » inquit, « idemque dominicæ crucis tropæum prius Prophetæ et Moyses, quam Apostoli noverant et prædicabant : sed Prophetæ hoc aliquoties figuratis velatisque sermonibus, Apostoli autem Apostolorumque successores patrefacta luce Evangelii semper aperte prædicabant : ita ut nunc omnis populus christianus scire et confiteri debeat fidem, quam eo tempore pauci admodum, et perfectiores quique noverunt; quamvis omnis populus Dei etiam tunc ejusdem mysteria fidei in legalibus cæramoniis typice portaret. » Multa sunt quæ ad hæc confirmanda concurrunt : sed modus epistolaris cuncta non patitur, nec opus est. Arbitror enim, ut ante jam dixeram, me quoque non respondente, ea potuisse sufficere quæ tua super hoc epistola continet. Sed hoc<sup>a</sup> addidi, ne intactum quid præterirem ex omnibus quæ petisti.

#### CAPUT IV.

Ostendit dari peccatum per ignorantiam, contra assertorem contrariæ opinionis.

16. Jam contra tertiam assertionem non multum nobis arbitror laborandum, tum quod manifestam nimis præferat falsitatem; tum quod ipse ejus inventor, in sua superiori sententia ipsam per se satis impugnet, sibimetipsi contrarius. Cum enim de nocturno illo privatoque susurrio Domini cum Nicodemo, laqueum necesse publicæ damnationis per totum orbem ignorantibus, arbitrans videlicet neminem ex illa hora potuisse salvari, qui non fuerit baptizatus;

<sup>1</sup> Exod. III, 6, et VI, 3. — <sup>2</sup> Psal. CXXXVIII, 99, 100. — <sup>3</sup> Dan. XII, 4. — <sup>4</sup> Rom. I, 17 in Ezch. — <sup>5</sup> Luc. X, 23. — <sup>6</sup> Joan. XV, 15. — <sup>7</sup> Luc. X, 24. — <sup>8</sup> Joann. VI, 61.

<sup>a</sup> Alias, hæc.

nonne aperte peccatum ignorantiae, et peccatum damnabile confitetur? Nisi forte tam protervus sit, ut Deum homines sine culpa damnare existimet. Verendum tamen, ne si vel breviter non respondetur stulto juxta stultitiam suam; putans forte sapientiam, securius spargat seminarium vecordiae in auribus insipientium, et ita jam insipientiae ejus non sit numerus. Veritatis proinde testimoniis, paucis et manifestis, manifestum mendacium confutetur. Is forsitan qui asserit non posse peccari per ignorantiam, nunquam pro suis ignorantis deprecatur, sed potius prophetam irrideat deprecantem et dicentem : *Delicta juventutis meae, et ignorantias meas ne memineris*<sup>1</sup>. Forsitan et reprehendet Deum exigentem pro peccato ignorantiae satisfactionem. Loquitur enim in Levitico ad Moysen dicens : *Anima si peccaverit per ignorantiam, feceritque unum ex his quae lege Domini prohibentur, et peccati rea intellexerit iniquitatem suam, offeret arietem immaculatum de gregibus sacerdoti, juxta mensuram aestimationemque peccati* : et rursum, *Qui orabit pro eo quod nesciens fecerit, et dimittetur ei, quia per errorem deliquit in Dominum*<sup>2</sup>.

17. Si ignorantia nunquam peccatum est, cur dictum est in Epistola ad Hebraeos, quia in secundo tabernaculo semel in anno solus pontifex intraret, non sine sanguine, quem offerret pro sui et populi ignorantia<sup>3</sup>? Si peccatum ignorantiae nullum est, non ergo peccavit Saulus, quod persecutus est Ecclesiam Dei, quoniam quidem ignorans hoc fecit, manens in incredulitate. Bene itaque faciebat, quod erat blasphemus, et persecutor, et contumeliosus; quod erat spirans minarum et caedis in discipulos Jesu; et in hoc ipso quippe abundanter aemulator existens paternarum suarum traditionum<sup>4</sup>. Non ergo debuit dicere, *Misericordiam consecutus sum*<sup>5</sup>; sed, Mercedem recepi: quippe cum ignorantia a peccato reddebat immunem, insuper et aemulatio remunerabilem judicabat. Si, inquam, ignorantia nunquam peccatur; quid ergo causamur adversus occisores Apostolorum, quandoquidem non solum malum esse nescierunt interficere illos, sed insuper quoque id faciendo arbitrati sunt obsequium se praestare

Deo<sup>6</sup>? Sed et frustra in cruce Salvator pro suis orabat crucifixoribus, quippe nescientibus, ipso teste, quid facerent<sup>7</sup>, et ita nequaquam peccantibus. Neque enim fas est ullatenus suspicari mentitum fuisse Dominum Jesum, aperte perhibentem eos ignorare quid facerent; etsi forte de Apostolo dubitet quis, quod carnem suam aemulans, sicut homo mentiri potuerit, ubi ait : *Si enim cognovissent, nunquam Dominum gloriae crucifixissent*<sup>8</sup>. Numquid non ex his satis apparet, in quantis jaceat ignorantiae tenebris, qui ignorat peccari posse interdum per ignorantiam? Sed de his hactenus.

## CAPUT V.

Sententiam quamdam suam male acceptam a calumnia vindicat, nempe, Quod Angelos latuerit consilium Incarnationis Dominicae.

18. In fine mihi insinuas, amicabiliter quidem, moveri aliquos super quadam mea sententia, qua dixi cum Evangelium exponerem<sup>2</sup>, consilium Dei nulli, etiam beatorum Angelorum, antequam Virgini revelatum. Primo quidem inde, ut arbitror, quia non satis juste moventur, advertere possunt quod eandem sententiam non constanter affirmo, sed cum temperamento, suspendens sub disjunctiva particula : « Vel » ideo, » inquam, « dictum est, a Deo. » Si quidem praemissa una causa quae mihi videbatur, cur Evangelista, cum diceret, *Missus est angelus Gabriel*, nominatim subjecerit, *a Deo*<sup>9</sup>; alteram quoque temperate quidem et sub disjunctioe subjunxi, quo et mihi non incumbere defendendi necessitas, et lectori daretur eligendi facultas quam e duabus voluisset<sup>b</sup>. Si igitur una quaelibet illarum stare potest, de altera quid suggillor, quippe qui neutram affirmans, lectoris utramque magis judicio derelinquo? Quanquam etsi ex sententia dixerim, ignotum usque tunc<sup>c</sup> sanctis Angelis fuisse Dei consilium, non quidem quia per incarnandi Verbi mysterium Dei propositum erat quandoque operari salutem in medio terrae (hoc enim et multis mortalium et praescire donatum est, et praedicere), sed quod potissimum tempus, quemve

<sup>1</sup> Psal. xxiv, 7. — <sup>2</sup> Levit. v, 17-19. — <sup>3</sup> Heb. ix, 7. — <sup>4</sup> Galat. i, 13, 14. — <sup>5</sup> I Tim. i, 13. — <sup>6</sup> Joan. xvi, 2. — <sup>7</sup> Luc. xxiii, 34. — <sup>8</sup> I Cor. ii, 8. — <sup>9</sup> Luc. i, 26.

<sup>a</sup> Nempe Evangelium Lucae, i, *Missus est*, et quidem in homilia 1, infra, tomo 3.

<sup>b</sup> Alias, *maluisset*. — <sup>c</sup> Alias, *usque adhuc*.

locum, vel modum, præcipueque quam virginem, ad implendum propositum suum elegisset A Deus; si, inquam, hoc Dei consilium non de opere, sed de tempore, loco, modo, atque persona, etiam sanctos ignorasse Angelos senserim et scripserim; profecto non video cur incredibile videatur. Sane ibi unusquisque in suo sensu securus abundat, ubi aut certæ rationi, aut non contemnendæ auctoritati quod sentitur non obviat.

19. Quænam enim me ratio sive auctoritas sentire cogat, etiam tempus illud ab antiquo Angelis innotuisse, de quo Apostolus: *Postquam venit, inquit, plenitudo temporis, misit Deus Filium suum factum ex muliere, factum sub lege*? Credibilius magis fortasse videtur, ut sicut futuri adventus Domini, ipso teste, diem prorsus ignorant; ita quoque prioris tempus nequaquam præscierint. Quis scit enim, si modo illo spirituali Dei Sapientia de primo adventu suo et Angelis illud locuta sit, quod Apostolis per os carnis assumptæ de secundo legitur respondisse: *Non est, inquit, vestrum nosse tempora vel momenta, quæ Pater posuit in sua potestate*? Quæ me rursus credere compellat necessitas, Angelos jam ante advertisse civitatem Nazareth, quam illo cernerent missum archangelum Virginem salutare, et partum nuntiare divinum? Siquidem quod præelecta fuerit Bethlehem natiuitati, Jerusalem passioni; etiam sic aperte præscitum et prædictum est a Prophetis. Quod autem et Nazareth prævisa similiter est conceptioni, non tamen similiter, ut arbitror, prævisum fuisse et a Prophetis, evidens aliquod invenitur de Scripturis testimonium. Nam quod legitur, *Quoniam Nazareus vocabitur*<sup>4</sup>, profecto evangelista, qui hoc de propheta sumit, non tam ad conceptionem, quam ad educationem referri satis evidenter ostendit, quod illo videlicet ex Ægypto reportatus fuerit, illicque nutritus. Denique Judæi ad Nicodemum, *Scrutare*, aiunt, *et vide, quoniam propheta a Galilæa non surgit*<sup>5</sup>. Et quidem scienti legem loquebantur, et qui magister erat in Israel, nihilque facile ignoraret ex omnibus; et tamen tota fiducia instabant, monstrantes Scripturas non loqui Christum venire a Galilæa, cujus Nazareth civitas esse cognoscitur. Plus sane ad manum fuit eis testimonium de propheta, ex

quo Regi locum sciscitanti natiuitatis, incunctanter Bethlehem responderunt. Itaque natus in Bethlehem Christus est<sup>6</sup>, et in Jerusalem passus; et utrumque aperte prædixisse Prophetas manifestum est. Conceptus æque est et in Nazareth civitate Galilææ: nec tamen visum est occurrere quidpiam vel Nicodemo, per quod sive Galilæam, sive Nazareth ad Christi adventum undecumque pertinere doceret.

20. Sic quoque Nathanael, doctus et ipse in lege, Philippo nuntianti Jesum filium Joseph a Nazareth, mox sub interrogatione admirando respondit: *A Nazareth, inquit, potest aliquid boni esse?* Nimirum admirans quod a Nazareth Christus nuntiaretur, quod ex nulla penitus Scriptura recoleret. Aut si non interrogando quidem, sed magis affirmando illud respondisse contenditur, memor utique præfati testimonii, quoniam *Nazareus vocabitur*: non tamen perinde, quod in Nazareth conceptus fuerit Jesus, eum agnovisse constabit; cum multæ aliæ causæ occurrere potuissent, cur illud propheta prædixisset. Potuit ergo et de conceptionis loco, ut Prophetas, sic et Angelos divinum latuisse consilium.

21. Modum deinde illum tam incomprehensibilem, quem et Virgo sollicita requisivit, unde, quæso, doceri queam Angelis fuisse præcognitum? Mihi vero videtur, ne ipsi quidem (ut pace ejus dixerim) qui nuntiabat: quod et ipse fatetur, si ejus verba diligenter advertimus. Respondens quippe, *Spiritus sanctus superveniet in te*; nonne aperte mittit ad magisterium Spiritus sancti, cujus unctione doceatur de omnibus, quorum ipse sibi non præsumit scientiam, et discat experiendo quod audiendo non poterat? Denique subjungit, *Et virtus Altissimi obumbrabit tibi*<sup>8</sup>: expressius profecto significans modum secretissimum arcani incomprehensibilis et ineffabilis sacramenti, quo quasi in umbra cum sola, et in sola Virgine, sola Trinitas conceptum fuerat operatura divinum. Ad hoc quoque investigandum mysterium minus se idoneum confitetur magnus ille Joannes, cum se indignum perhibet solvere corrigiam calceamenti. Sed et ipsam Virginem, rogo, unde probabitur ex nomine, vel ex facie ante cognitam Angelis, quod ipsa videlicet esset quam Deus elegerit in matrem sibi, excepto

<sup>1</sup> Galat. iv, 4. — <sup>2</sup> Matth. xxiv, 36. — <sup>3</sup> Act. i, 7. — <sup>4</sup> Matth. xi, 23. — <sup>5</sup> Joan. vii, 52. — <sup>6</sup> Matth. ii, 1. — <sup>7</sup> Joan. i, 46. — <sup>8</sup> Luc. i, 35.

duntaxat archangelo, cui et servanda ab ini-<sup>638</sup>landorum prærogativa matri Virgini servare-  
tio tradita fuisse credenda est? Porro autem si A tur? Primum equidem est tempus, secundum  
diabolus eam nec post conceptionem agnovit, locus, tertium modus, quartum electio per-  
Joseph utique desponsatione deceptus; credi sonæ virginalis. Hoc responde fratribus, qui  
potest et sanctis Angelis vel ante minime inno- me reprehendunt quod dixerim ad laudem  
tuisse, quod ipsa videlicet esset Dei mater fu- Virginis, ideo positum esse *a Deo*, ne cui forte  
tura. Sane etenim reprobi spiritus, etsi desti- vel beatorum Angelorum suum consilium Deus,  
tuti sunt participatione gratiæ spiritualis, non priusquam Virgini, revelasse putetur, excepto  
tamen vivacitate industriæ naturalis.

22. Videsne, in quantis, salva fide et veri-  
tate Scripturarum, divinum Angeli consilium  
poterant ignorasse, præsertim ut horum reve-

tur? Primum equidem est tempus, secundum  
locus, tertium modus, quartum electio per-  
sonæ virginalis. Hoc responde fratribus, qui  
me reprehendunt quod dixerim ad laudem  
Virginis, ideo positum esse *a Deo*, ne cui forte  
vel beatorum Angelorum suum consilium Deus,  
priusquam Virgini, revelasse putetur, excepto  
duntaxat archangelo Gabriele. Suum consilium  
dixi, non de opere, sed de operis tempore, de  
loco, de modo, de personæ quoque electione.  
Vale.

EXPLICIT TRACTATUS DE BAPTISMO.

# ADMONITIO

IN SUBSEQUENS OPUSCULUM XI.

---

1. Epistolam sequentem, quæ inter Bernardinas ordine centesima nonagesima est, Horstius in classem tractatum ob epistolæ prolixitatem ac materiæ dignitatem rejecit. Scripta fuit occasione damnatorum Abaelardi errorum in synodo Senonensi, quam anno 1140 frequenti Gallicanorum episcoporum consensu, præsentē rege Ludovico Juniore, celebratam diximus in notis ad epistolam centesimam octogesimam septimam. In Synodica epistola, quæ inter Bernardinas est centesima nonagesima prima, et in alia quæ modo est ordine trecentesima trigesima septima, Innocentio papæ significant Patres, Abaelardi errores a se damnatos, intacto auctore, quod ad Sedem apostolicam appellasset: atque errorum capitula « plenius contineri in litteris domini » Senonensis. » Has litteras non alias esse credimus, quam subsequentem Bernardi epistolam, in qua ejusmodi capitula referuntur, strictimque refelluntur. Eadem sunt capitula, quæ Gaufrido Carnotensi episcopo et Bernardo direxerat Guillelmus, ex Sancti-Theoderici abbate tunc monachus Igniacensis, uti apparet ex ejus litteris superius editis inter Bernardinas.

2. Capitula ista partim sibi falso imposita conquestus est, partim pro suis agnita correxit Abaelardus in Apologia sua, in qua Bernardum, tanquam unicum adversarium suum, ut delatorem malignum aut inconsideratum passim lacessit. Bernardi patrocinium adversus eas calumnias susceperunt duo ipsius Abaelardi quondam familiares, qui ab ejus erroribus tandem resipuerant, Gaufridus, Bernardi postea notarius; et quidam abbas anonymus « Nigrorum monachorum. » Utrumque designaverat Chesnius in Notis ad Abaelardum: sed amborum opuscula modo typis edita sunt in tomo quarto Bibliothecæ Cisterciensis: ubi eruditus editor Bertrandus Tisserius observat, abbatem istum anonymum alium esse a Guillelmo Sancti-Theoderici. Abbas porro erat in Francia, id est in metropoli Senonensi vel Remensi, teste Gaufrido, ut mox videbimus; tresque libros, adversus Abaelardum a se scriptos, Hugoni Rotomagensium archiepiscopo dedicavit. Eum « dominum » suum vocat initio libri secundi. itemque « clarissimam Rotomagensium lucernam: qui catholico pectore, » inquit, « de Deo tuo sentis, catholico ore loqueris, et catholica manu cæteris excellentius scribis. »

3. Ex capitulis errorum Abaelardo imputatis, quædam in vulgatis ejus operibus desiderantur. Unde nonnulli occasionem arripiunt insimulandi Bernardum, quasi Abaelardo falsos errores affinxerit, et cum larvis atque umbris dimicaverit. At constat plerosque etiam in vulgatis scriptis errores deprehendi, ut suis locis ostendemus: et, si qua amplius non exstant, ea quondam in ipso Abaelardo legisse Guillelmum Sancti-Theoderici. Gaufridum. et abbatem illum

anonymum Abaelardi quondam discipulum, qui et præceptoris sui doctrinam callebat, et verba ipsa refert, uti et Guillelmus, tum ex Apologia, tum ex Theologia Abaelardi, quæ in editis non comparent. Et certe Abaelardus ipse in libro secundo commentarii super Epistolam ad Romanos, pag. 554, quædam in Theologia sua tractanda reservat, de quibus nulla mentio est in impressis, quæ sic desinunt : « Cætera desunt : » ut appareat, Theologiam in editis mutilam esse.

4. Itaque male omnino merentur de religione christiana, nedum de Bernardo, qui ut Abaelardum absolvant, Bernardum cæco, ut aiunt, zelo impulsu fuisse criminantur. Saltem cum Abaelardo ipso et ejus defensore Berengario agnoscant tandem, cum in quibusdam errasse. Ita enim se, quamvis non satis ex animo, reum agnoscit in nonnullis Abaelardus in Apologia sua, ubi hæc verba : « Scripsi forte aliqua per errorem, quæ non oportuit : sed Deum testem » et judicem in animam meam invoco, quia in his, de quibus accusor, nil per malitiam aut » superbiam præsumpsi. » Esto itaque malitiam, atque etiam hæresim ab eo remove licet : at errores saltem aliquos, vocum novarum studium, levitatem, forsitan etiam superbiam et contentionum pruriginem in eo dissimulare non licet. Sed demum Innocentius rescripto ad episcopos misso hominem recludi jussit, ejusque libros comburi, quos ipse Romæ flammis tradi mandavit, testante Gaufrido. Verum tandem resipuit Petrus, atque ab appellatione destitit consilio et hortatu Petri Venerabilis abbatis Cluniacensis, qui extremos ejus mores egregie laudat in epistola ad Heloissam.

5. Bernardo non impune cessit, quod Abaelardum et scriptis et verbis persecutus sit. Nam non solum Abaelardus censuræ impatiens, sed etiam Berengarius, ejus discipulus ac defensor, quædam in Bernardi scriptis erronea jactare demum ausi sunt, insigni commento. « Errasti » vere, » inquit Berengarius Bernardum alloquens, « dum originem animarum de cælo asseruisti esse, » pag. 310. Et pag. 315 : « Animarum originem de cælis fabularis esse, ubi sic » recolo te locutum » (nempe sermone decimo septimo in Cantica) : » Merito dixit Apostolus, » *Nostra conversatio est in cælis*. Hæc verba tua subtiliter explorata, christianæ mentis palato » hæresim sapiunt. » Apage insanum atque impudentem nebulonem. Abbas anonymus sub finem libri secundi aliam Abaelardi in Bernardum calumniam profert. « Miraculum mihi est, » quod a tam longo tempore, et a tantis viris, quorum doctrina fulget Ecclesia ut sole luna, » nostro Abaelardo responsum non est, qui criminatur Abbatem, quod dicat, Deum et assumptum a Deo hominem unam esse in Trinitate personam : cum homo res corporea, et membris composita, et dissolubilis sit : Deus vero nec corporea res sit, nec membris constans, » ut dissolvi possit. Unde nec Deus homo, nec homo Deus dicendus est, » etc. Sic Nestorianum agit Abaelardus, cum Bernardum erroris petulanter accusat. Recte ad hunc locum Guillelmus Sancti-Theoderici in capite octavo contra Abaelardum : « Unde et nos similiter dicimus, Christum filium hominis in ipsa natura humanitatis suæ, sed non ex ipsa, secundum eam quam cum Deo habet unionem, tertiam esse in Trinitate personam : quia sicut incarnatus Deus factus est filius hominis propter hominem assumptum, sic assumptus homo factus » est filius Dei propter assumptum Deum. »

6. Præter capitula, quæ dedita opera refellit Bernardus, nonnulla conglobatim recenset n. 10, contentus ea exposuisse, quæ ab aliis etiam refutantur, scilicet a Guillelmo, et abbate anonymo. De accidentibus, quæ in Eucharistia post consecrationem remanere in aere docebat Abaelardus, ita Guillelmus sentit : « Nobis vero videtur, si vobis etiam videtur, » sic Gaufridum Carnotensem episcopum et Bernardum alloquitur, « quod accidentia illa, sive prioris » forma substantiæ, quæ, ut puto, nonnisi consonus in unum accidentium concursus est, si » ibi est, in corpore Domini est, non formans illud, sed virtute operantis in ea sapientiæ Dei » aptans illud et modificans, ut secundum ritum mysterii et modum sacramenti habile fiat et » tractabile, et gustabile in forma aliena, quod non poterat esse in propria. » Item in libro de Corpore et Sanguine Domini ad Rupertum, capite tertio : « Sed contra omnem sæcularis philo-



» sophiæ rationem et intellectum, mutata panis substantia in aliam substantiam, ad quoddam  
 » mysterii obsequium quædam accidentia, quæ illi inhærebant, sic transtulit non mutata, ut  
 » corpus Domini, licet adsit albedo, non fiat album; nec rotunditas rotundum: sed hu-  
 » jusmodi accidentia omnia sic reservavit, ut licet vere humanitatis ejus corpori adsint, non  
 » tamen insint, non tamen illud inficiant vel afficiant, » etc.

7. Cæterum sicut de Incarnatione non recte sentiebat, aut certe non recte loquebatur Abaelardus, ita nec etiam de gratia Christi, quam ad solam rationem a Deo concessam et ad Scripturarum admonitionem et ad exempla redigebat; adeoque omnibus communem esse dicebat. « Dicendum est igitur, quod homo per rationem, a Deo quidem datam, gratiæ appositæ  
 » cohærere potest; nec Deus plus facit isti qui salvatur, antequam cohæreat gratiæ, quam illi  
 » qui non salvatur. Sed sicut qui lapides pretiosos exponit venales, et desiderium videntium  
 » excitat ad emendum: similiter gratiam suam apponit omnibus, consulit Scripturis. et exem-  
 » plis revocat; ut homines per libertatem arbitrii quam habent, gratiæ cohæreant. » Et infra:  
 » Vivificatio ista tribuitur gratiæ: quia ratio, qua homo discernit, et intelligit a malo absti-  
 » nendum et bene agendum, est a Deo. Et ideo hoc inspirante Deo agere dicitur: quia Deus  
 » per rationem, quam dedit homini, facit eum peccatum ipsum agnoscere. » Hæc, aliaque  
 Guillelmus ex Abaelardi scriptis refert, haud dubie ex ejus Theologia, quæ ob hoc fortasse,  
 aliaque permulta, a posteris mutilata est. Neque hac in re Guillelmo, viro alioqui docto ac  
 piissimo, fidem denegare licet: maxime cum in libro quarto super Epistolam ad Romanos,  
 Abaelardus eandem pestiferam doctrinam doceat pag. 653 et sequente, ubi hæc verba in mul-  
 tis leguntur: « Ad desiderium itaque nostrum in Deo accendendum, et ad regnum cœleste  
 » concupiscendum, quam præire gratiam necesse est, nisi ut beatitudo illa, ad quam nos in-  
 » vitat; et via, qua pervenire possimus, exponatur atque tradatur? Hanc autem gratiam tam  
 » reprobis, quam electis pariter impertit, utrosque videlicet de hoc instruendo æqualiter: ut  
 » ex eadem fidei gratia, quam perceperunt, alius ad bona opera incitetur, alius præ torporis  
 » sui negligentia inexcusabilis reddatur. » Et paulo post: « Nec necesse est, ut per singula,  
 » quæ quotidie nova succedunt opera, aliam Deus gratiam præter ipsam fidem exponat, qua  
 » videlicet credimus, pro hoc quod facimus, tantum nos præmium adepturos. » Hæc idcirco  
 commemoramus, ut omnes demum intelligant, quam impie ut de Incarnatione, ita de gratia  
 Christi, si non sensit, saltem scripserit Abaelardus; et quam merito Bernardus dixerit in epi-  
 stola centesima nonagesima secunda, « Cum de Trinitate loquitur, sapit Arium; cum de gra-  
 » tia, sapit Pelagium; cum de persona Christi, sapit Nestorium. » Et duo quidem postrema  
 ex dictis, et ex sequente epistola evincuntur: de tertio legat, qui id scire volet, Abaelardi li-  
 brum Theologiæ tertium sub finem; ibique inveniet ipso auctore, « facile convinci eos qui no-  
 » stra de fide verba abhorrent, cum videlicet audiunt Deum Patrem, et Deum Filium, in sen-  
 » sum verborum nobis esse conjunctos. » Quo pacto? « Interrogemus enim eos, » inquit, « si  
 » Sapientiam Dei credant, de qua scriptum est, *Omnia in sapientia fecisti*: et statim responde-  
 » bunt se credere. » Hoc vero esse Filium credere: sicut credere Spiritum sanctum non aliud  
 esse, quam credere Dei benignitatem. Quæ quidem si rigide accipiantur, plusquam Ariani-  
 smum, id est Sabellianismum, sapere videntur. Quanquam, ut ingenue fatear, hunc erro-  
 rem in consequentibus rejicit, pag. 1069. Verum interest non solum recte sentire, sed etiam  
 (maxime ubi de Fide agitur) recte loqui ac scribere. Hinc non immerito Guillelmus Sancti-  
 Theoderici in capite tertio libri contra ipsum Abaelardum, adductis ejus verbis de ære et sigillo,  
 de potentia et quadam potentia, « quantum ad personarum destructionem, » inquit, « Sabel-  
 » lianum est; quantum ad dissimilitudinem et imparilitatem, hoc in sententiam Arii pedibus  
 » ire est. » Hæc, inquam, ideo commemoramus, ut pudeat eos qui hos errores detestantur, quod  
 Abaelardi causam suscipiant adversus Bernardum, quem præcipitis in Abaelardum judicii ac  
 nimiae impetiginis accusare porro non verentur. Eodem fere modo, atque Abaelardus. Trini-

tatis mysterium explicat Guillelmus de Conchis, cujus itidem errores confutat Guillelmus Sancti-Theoderici abbas in epistola ad Bernardum. Adeo nihil infelicius cadere in religionem potest, quam cum philosophi ex sola ratione fidei nostræ mysteria explicare conantur.

8. De toto Abaelardi negotio Gaufridus sancti Bernardi notarius ita loquitur in epistola ad Henricum cardinalem et episcopum Albanensem : « Audiui etiam, quod super damnatione » Petri Abaelardi diligentia vestra desiderat plenius nosse similiter veritatem : cujus libellos » piæ memoriæ dominus Innocentius II papa in urbe Roma et in ecclesia beati Petri incendio » celebri condemnavit, apostolica auctoritate hæreticum illum denuntians. Nam et ante plures » annos venerabilis quidam cardinalis et legatus Romanæ Ecclesiæ, Cono nomine, regularis » quondam canonicus ecclesiæ Sancti-Nicolai de Aruasia, Theologiam ejus, Suessione concii- » lium celebrans, similiter concremaverat, ipsum Petrum præsentem arguens, et convictum » de hæretica pravitate condemnans. Unde vestro si placuerit desiderio, per libellum de Vita » sancti Bernardi, et per ejus epistolas missas ad curiam satisfiet. Inveni tamen in Clara-Valle » libellum cujusdam abbatis Nigrorum monachorum, quo errores ejusdem Petri notantur, » quem et olim me vidisse recorder : sed a multis annis, ut custodes librorum asserunt, stu- » diose quæsitus, primus quaternio non potuit inveniri. Propter quod propositi nostri est in » Franciam destinare ad monasterium, cujus abbas exstitit, qui eundem librum composuit ; » et, si recuperare potero, transcribi facere codicem totum, et mittere vobis. Credo enim quod » vestræ inquisitioni sufficere debeat, ut cognoscatis, quæ, quemadmodum, quare sint con- » demnata. » Hactenus Gaufridus ex Chesnii Notis in Abaelardum. Mittimus quæ de viso Henrici canonici Tornacensis, ad Patres synodi Senonensis atque ad Bernardum relato, memo- rantur in Spicilegii tomo duodecimo, pag. 478 et sequente.

9. Posteaquam hæc scripseram, noster Joannes Durandus, qui tunc Romæ versabatur, ex mendoso codice Vaticano, notato 663, ad me transmisit Capitula hæresum Petri Abaelardi, sequenti epistolæ præmissa, hæc ipsa sine dubio, quæ Bernardus in fine hujusce epistolæ se collegisse, ac Pontifici transmississe significat. Idcirco ea hoc loco præmittere visum est ad ipsius epistolæ illustrationem.

---

## INCIPIUNT

### CAPITULA HÆRESUM PETRI ABAELARDI.

I. Horrenda similitudo de sigillo aereo, de specie et genere ad Trinitatem.

« Cum sapientia Dei quædam sit potentia, » sicut æreum sigillum est quoddam æs; liquet » profecto divinam sapientiam ex divina potentia esse suum habere, ad eam videlicet similitudinem, qua sigillum æreum dicitur esse » quod est ejus materia; vel species ex genere, » quod quasi materia speciei dicitur esse, ut » animal hominis. Sicut enim ex eo quod est » æreum sigillum, exigit necessario quod æs sit, » et ex eo quod est homo ut animal sit, sed non » e contrario: ita divina sapientia, quæ est potentia discernendi, exigit quod sit divina potentia, sed non e contrario. » Et post pauca: » Benignitas ipsa, quæ hoc nomine quod Spiritus est demonstratur, non est in Deo potentia » sive sapientia. »

II. Quod Spiritus sanctus non sit de substantia Patris.

« Cum itaque tam Filius, quam Spiritus sanctus ex Patre sit, hic quidem genitus, ille procedens; differt in eo generatio ipsa a processione, quod is qui generatur ex ipsa Patris substantia est, cum ipsa, ut dictum est, Sapientia hoc ipsum esse habeat, ut sit quædam potentia. » Et post pauca: » Spiritus vero quamvis ejusdem substantiæ sit cum Patre et » Filio, unde etiam Trinitas ipsa hominibus, » id est unius substantiæ, prædicatur, minime » tamen ex substantia Patris est aut Filii, quod » esset ipsum ex Patre vel Filio gigni: sed magis » ex ipsis habet procedere, quod est Deum se » per charitatem ad alterum extendere. Quodammodo etenim per amorem unusquisque a » se ipso ad alterum procedit, cum proprie, ut dictum est, nemo ad se ipsum charitatem habere dicatur, ut sibi ipsi benignus esset, sed » alteri: maxime autem Deus, qui nullius indiget, erga se ipsum benignitatis affectu commoveri non potest, ut sibi aliquid ex benignitate impendat, sed erga creaturas tantum. »

III. Quod ea Deus solummodo possit facere, vel dimittere, vel eo modo tantum, vel eo tempore quo facit, non alio.

« Hac ratione qua convincitur, quod Deus » Pater tam bonum genuit Filium quantum » potuit, cum videlicet aliter reus esset invidia; » clarum est etiam omnia quæ facit, quantum » potest, egregia facere; nec ullum commodum » quod conferre possit, subtrahere velle. » Et post pauca: » In tantum in omnibus quæ Deus » facit, quod bonum est attendit, ut ipso boni » pretio potius quam voluntatis suæ libito ad » singula facienda inclinari dicatur. » Item: » Ex his itaque tam de ratione quam de scripto collatis constat, id solum Deum facere posse » quod aliquando facit. » Et post pauca: » Qui » si mala quæ fiunt disturbare posset, nec id » etiam nisi opportune faceret, qui nihil importune facere potest: profecto non video, » quomodo peccatis consentiens non esset. Quis » enim consentire malo dicendus est, nisi is per » quem etiam opportune disturbari posset? » Item: » Prædictis itaque rationibus vel objectionum solutionibus liquere reor omnibus, ea » solummodo Deum posse facere, vel dimittere, » vel eo modo tantum, vel eo tempore quo facit, non alio. »

IV. Quod Christus non assumpsit carnem, ut nos a jugo diaboli liberaret.

« Sciendum est quod omnes nostri doctores » qui post Apostolos fuere, in hoc conveniunt, » quod diabolus dominium et potestatem habebat super hominem, et jure eum possidebat. » Et post pauca: » Nec diabolus unquam jus aliquod habuit super hominem, sed jure eum possidebat permittente, ut carcerarius; nec » [ut eum] Filius Dei a jugo diaboli liberaret, » carnem assumpsit. » Et post pauca: » Quomodo nos justificari vel reconciliari Deo per mortem Filii ejus dicit Apostolus, qui tanto am-

» plus adversus hominem irasci debuit, quanto  
 » amplius in crucifigendo Filium suum deliquit,  
 » rit, quam in transgrediendo primum præce-  
 » ptum summi unius pomi gustu : quomodo enim  
 » amplius justum fuerat? Quod si tantum fue-  
 » rat illud Adæ peccatum, ut expiari non pos-  
 » set nisi ex morte Christi : quam expiationem  
 » habebit ipsum homicidium, quod in Christo  
 » commissum est, tot et tanta scelera in ipsum  
 » vel suos commissa? Numquid mors innocentis  
 » Filii tantum Deo placuit, ut per ipsam recon-  
 » ciliaretur nobis, qui hoc peccando commisi-  
 » mus, propter quod innocens Dominus est oc-  
 » cusus; nec nisi hoc maximum fieret peccatum,  
 » etiam levius potuit ignoscere multo? nec nisi  
 » multiplicatis malis tam bonum facere, in quo  
 » et justiores facti sumus per mortem Filii Dei,  
 » quam ante eramus, ut a peccatis jam liberari  
 » debeamus? » Item : « Cui vero non crudele et  
 » iniquum videtur, ut sanguinem innocentis, et  
 » pretium aliquod quis requisierit, aut ullo mo-  
 » do ei placuerit innocentem interfici? nedum  
 » Deus tam acceptam mortem Filii habuit, ut per  
 » ipsam universo reconciliatus sit mundo. Hæc  
 » et his similia non mediocrem movent quæstio-  
 » nem, non solum de redemptione, sed etiam  
 » de justificatione nostra per mortem Domini  
 » nostri Jesu Christi. Nobis autem videtur, quod  
 » nihilo minus sumus justificati in sanguine Chri-  
 » sti; et Deo reconciliati per hanc singularem  
 » gratiam nobis exhibitam, quod Filius suus no-  
 » stram suscepit naturam, et in ipsa nos tam  
 » verbo, quam exemplo instituendo usque ad  
 » mortem præstitit, nos sibi amplius per amorem  
 » astrinxit : ut tanto divinæ gratiæ accensi be-  
 » neficio, nulla tolerare propter ipsum vestra  
 » reformidet charitas : quod quidem beneficium  
 » antiquos etiam patres, hoc per fidem exspe-  
 » etantes, in summum amorem Dei tanquam  
 » homines temporis non dubitamus accendisse. »  
 Et infra : « Puto ergo quod consilium et causâ  
 » incarnationis fuit, ut mundum luce suæ sa-  
 » pientiæ illuminaret, et ad amorem suum ac-  
 » cenderet. »

V. Quod neque Deus et homo, neque homo persona,  
 quæ Christus est, sit tertia persona in Trinitate.

« Quando dico, Christus est tertia persona in  
 » Trinitate; hoc volo dicere, quod Verbum,  
 » quod ab æterno tertia persona in Trinitate  
 » fuit, tertia persona sit in Trinitate : et ita puto

» quod locutio sit figurativa. Si enim propriam  
 » diceremus esse, cum hoc nomen Christus idem  
 » sonet quod Deus et homo, tunc talis esset sen-  
 » sus : Deus et homo est tertia persona in Trini-  
 » tate. Quod penitus est falsum. » Et post pauca :  
 » Et est sciendum, quod quamvis concedamus,  
 » quod Christus est tertia persona in Trinitate,  
 » non tamen concedimus quod hæc persona,  
 » quæ Christus est, sit tertia persona in Trini-  
 » tate. »

VI. Quod Deus non plus faciat ei qui salvatur antequam  
 cohæreat gratiæ, quam ei qui non salvatur.

« Sic iterum solet quæri illud quod a quibus-  
 » dam dicitur, scilicet utrum omnes homines ita  
 » sola misericordia salventur, ut nullus sit qui  
 » bonam voluntatem habere possit, nisi gratia  
 » Dei præveniente, quæ eor moveat, et bonam  
 » voluntatem inspiret, et inspiratam multiplicet,  
 » et multiplicatam conservet. Quod si ita est  
 » quod homo ex se nihil boni operari possit, aut  
 » aliquo modo ad divinam gratiam suscipiendam  
 » per liberum arbitrium sine auxilio gratiæ se  
 » erigere, prout dictum est, non possit; non  
 » videtur ratio quare, si peccat, puniatur. Si  
 » enim non potest ex se aliquid boni facere, et  
 » talis factus est qui sit pronior ad malum, quam  
 » ad bonum; nonne si peccat immunis est a cul-  
 » pa; et numquid Deus, qui ita infirmum et fra-  
 » gilis naturæ eum fecit, est laudandus de tali  
 » creatione? Imo si ita esset, nonne potius cul-  
 » pandus videretur? » Et post pauca : « Quod si  
 » ita esset quod homo ad divinam gratiam per-  
 » cipiendam se erigere sine alterius gratia non  
 » posset; non videtur ratio esse, quare homo in-  
 » culparetur; et Dei gratiam non habere, potius  
 » in auctorem ipsius refundendum videretur.  
 » Quod ita non est, sed longe aliter dicendum,  
 » prout rei veritas se habet. Dicendum est ergo,  
 » quod homo per rationem, a Deo quidem da-  
 » tam, gratiæ appositæ cohærere potest : nec  
 » Deus plus facit illi qui salvatur antequam co-  
 » hæreat gratiæ, quam illi qui non salvatur. Ita  
 » enim se gerit Deus erga homines, quemadmo-  
 » dum mereator qui habet pretiosos lapides ve-  
 » nales, qui videlicet exponit eos in foro, et æque  
 » omnibus offert, et per ostensos desiderium in  
 » eis ad emendum excitat. Qui prudens est, sciens  
 » se eis indigere, laborat ut habeat; acquirit  
 » nummos, et emit eos : qui deses est et piger,  
 » etsi desiderium habeat, quia tamen piger est,

» non laborat, etsi fortior sit alio corpore, nec<sup>612</sup> » corpus Christi : an sint in aere. Sed verisi-  
 » emit eos; et ideo culpa sua quod caret illis. A » milius est quod sint in aere, cum sint in  
 » Similiter Deus gratiam suam apponit omnibus, » corpore Christi sua lineamenta, et suam spe-  
 » et consulit Scripturis et doctoribus eximiiis, ut » ciem habeat, sicut alia corpora humana. Spe-  
 » pro libertate arbitrii, qua gratiæ cohaereat qui » cies vero istæ, scilicet panis et vini, fiunt  
 » prudens est, providens sibi in futuro ex liber- » in ore ad celandum et obtegendum corpus  
 » tate arbitrii qua huic cohaeret gratiæ. Piger » Christi. » Et post pauca : « Illic autem quæ-  
 » vero a carnalibus desideriis implicatus, etsi » ritur de hoc quod qui videtur esse multitud...  
 » desideret beatificari, nunquam tamen vult la- » unde et præcipitur, quod a sabbato usque ad  
 » borare comescendo se a malo, sed negligit, » sabbatum servetur, sicut de panibus propo-  
 » quanvis per liberum arbitrium possit cohae- » sitionis factum fuisse legitur, a muribus etiam  
 » rere gratiæ; et sic ab omnipotenti Deo negli- » corrodi videtur, et de mann sacerdotis vel  
 » gitur. » diaconi in terra cadere. Et ideo quæritur,

#### VII. Quod Deus non debeat mala impedire.

« In primis videndum est, quid sit consentire  
 » malo; et quid non. Ille equidem malo consen-  
 » tiens dicitur, qui cum debeat hoc prohibere,  
 » et possit, non prohibet : si autem debeat, et  
 » non possit : et e contrario si possit et non de-  
 » beat; non est reus. Si vero nec debet, nec po-  
 » test, multo minus reus censendus est. Et ideo  
 » Deus a consensu malorum est alienus, qui  
 » nec debet, nec potest mala impedire. Ideo  
 » non debet, quia cum res per benignitatem il-  
 » lius eveniat eo modo, quo melius potest, nullo  
 » modo hoc velle debet. Ideo autem non potest,  
 » quia bonitas illius electo minori bono, illi  
 » quod majus est impedimentum minime pa-  
 » rare potest. »

#### VIII. Quod non contraximus ex Adam culpam, sed poenam.

« Sciendum est quod cum dicitur, Originale  
 » peccatum est in parvis; hoc dicitur pro pœna  
 » temporali et æterna, quæ debetur eis ex culpa  
 » primi parentis. » Et paulo post : « Similiter di-  
 » citur, *In quo omnes peccaverunt*<sup>1</sup> : ideo scilicet, D  
 » quia seminarium omnium erat in illo qui pec-  
 » cavit. Non tamen inde provenit, quod omnes  
 » peccassent qui non erant : et qui non est, non  
 » peccat. »

#### IX. Quod corpus Domini non cadit in terram.

« De speciebus panis et vini quæritur, si sint  
 » modo in corpore Christi, sicut prius erant in  
 » substantia panis et vini, quæ versa est in

B » quare Deus permittat ista fieri in corpore,  
 » suo. An fortassis non ita fiat in corpore, sed  
 » tantum ita faciat apparere in specie? Ad quod  
 » dicimus, quod revera non est sic in corpore,  
 » sed Deus ita in speciebus ipsis propter negli-  
 » gentiam ministrorum reprimendam habere  
 » facit : corpus vero suum, prout ei placet,  
 » reponit et conservat. »

#### X. Quod propter opera nec melior, nec pejor efficiatur homo.

« Solet quæri quid a Domino remuneretur,  
 » opus, an intentio, seu utrumque. Auctoritas  
 » autem videtur velle, quod opera a Deo æter-  
 » naliter remunerentur : ait namque Apostolus,  
 » *Reddet Deus unicuique secundum opera sua*<sup>2</sup>.  
 » Et Athanasius ait : Redditi sunt de factis  
 » propriis rationem. Et paulo post ait : Et qui  
 » bona egerunt ibunt in vitam æternam; qui vero  
 » mala, in ignem æternum<sup>3</sup>. Nos vero dicimus,  
 » quod æternaliter a Deo remunerentur, sive ad  
 » bonum, sive ad malum : nec propter opera  
 » pejor, vel melior efficitur homo, nisi dum  
 » operatur, fortassis voluntas ejus in aliquo au-  
 » gmentetur. Nec est contra Apostolum vel alios  
 » auctores; quia cum Apostolus dixit, *Reddet*  
 » *unicuique*, etc. ibi effectum pro causa posuit,  
 » opus scilicet pro voluntate seu intentione. »

#### XI. Quod non peccaverunt qui Christum crucifixerunt ignoranter; et quod non sit culpæ adscribendum quid- quid fit per ignorantiam.

« Opponit de Judæis qui Christum crucifixe-  
 » runt, et de aliis qui martyres persequendo  
 » putabant se obsequium præstare Deo : et de

<sup>1</sup> Rom. v, 12. — <sup>2</sup> Id. ii, 6. — <sup>3</sup> Matth. xxv, 46, et Joan. v, 29.

» Eva :: : quæ non egit contra conscientiam, <sup>615</sup> » hoc dixerit, ad modum supradictæ auctori-  
 » quoniam seducta est, et tamen certum est A » tatis hanc quoque exponere decet. »  
 » eam peccasse. Ad quod nos dicimus, quod  
 » revera illi simplices Judæi non agebant con-  
 » tra conscientiam, sed potius zelo legis suæ  
 » Christum persequabantur; nec putabant se  
 » male agere, et ideo non peccabant: nec pro-  
 » pter hoc aliqui eorum damnati sunt, sed pro-  
 » pter præcedentia peccata, merito quorum in  
 » istam cæcitatem devoluti sunt. Et inter illos  
 » erant electi illi, pro quibus Christus oravit,  
 » dicens, *Pater, dimitte illis, quia nesciunt quid*  
 » *faciunt* <sup>1</sup>. Nec oravit ut hoc peccatum eis di-  
 » mitteretur, cum hoc peccatum non esset, sed B  
 » potius peccata præcedentia. »

#### XII. De potestate ligandi et solvendi.

» Illud quod in Matthæo legitur, *Quæcum-*  
 » *que ligaveris super terram* <sup>2</sup>, etc. sic intelligen-  
 » dum est: *Quæcumque ligaveris super terram,*  
 » id est in præsentī vita, *erit ligatum et in cæ-*  
 » *lis*, id est, in præsentī Ecclesia. » Et post  
 » pauca: « Huic sententiæ, qua dicimus Deum  
 » solum dimittere peccata, Evangelium videtur  
 » obviare: ait namque Christus ad discipulos  
 » suos, *Accipite Spiritum sanctum; quorum re-*  
 » *miseritis peccata remittuntur eis* <sup>3</sup>. Sed nos di-  
 » cimus quod hoc dictum est solis Apostolis, non  
 » successoribus eorum. » Et statim subditur:  
 » Si quis tamen successoribus eorum convenire

#### XIII. De suggestionē, delectatione, et consensu.

» Sciendum quoque quod suggestio non est  
 » peccatum illi cui suggestio fit, nec delectatio  
 » consequens suggestionem, quæ delectatio in-  
 » est ex infirmitate et memoria voluptatis, quæ  
 » est in impletionē illius rei quam adversarius  
 » suggerit; sed solus consensus, qui et contem-  
 » ptus Dei dicitur, in quo peccatum consistit. »  
 » Et post pauca: « Nec dicimus quod voluntas  
 » faciendi hoc vel illud, nec et ipsum opus sit  
 » peccatum, sed potius, ut superius dictum est,  
 » ipse Dei contemptus ex aliqua voluntate. »

#### XIV. Quod ad Patrem proprie vel specialiter pertinet omnipotentia.

» Si potentiam tam ad notitiam subsistendi,  
 » quam ad efficaciam operationis referamus,  
 » invenimus ad proprietatem personæ Patris  
 » proprie vel specialiter omnipotentiam atti-  
 » nere: quod non solum cum cæteris duabus  
 » personis æque omnia efficere potest, verum  
 » etiam ipse solus a se, non ab alio existere  
 » habet; et sicut habet a se existere, ita etiam  
 » ex se habet posse. »

*Hæc sunt Capitula Theologiæ, imo Stultologiæ  
 Petri Abaelardi.*

<sup>1</sup> Luc. xxiii, 34. — <sup>2</sup> Matth. xvi, 19. — <sup>3</sup> Joan. xx, 22, 23.

## QUÆDAM CAPITULA ERRORUM ABAELARDI

EPISTOLA CXC SEU TRACTATUS

AD INNOCENTIIUM II PONTIFICEM.

## PRÆFATIO.

Amantissimo patri domino INNOCENTIO summo Pontifici, frater BERNARDUS Claræ-Vallis vocatus abbas, modicum id quod est.

Oportet ad vestrum referri apostolatam pericula quæque et scandala emergentia in regno Dei, ea præsertim quæ de fide contingunt. Dignum namque arbitror ibi potissimum resarciri damna fidei, ubi non possit fides sentire defectum. Hæc quippe hujus prærogativa Sedis. Cui enim alteri aliquando dictum est, *Ego pro te rogavi, Petre, ut non deficiat fides tua*? Ergo B quod sequitur, a Petri successore exigitur: *Et tu aliquando conversus confirma fratres tuos*<sup>1</sup>. Id quidem modo necessarium. Tempus est ut vestrum agnoscatis, Pater amantissime, principatum; probetis zelum, ministerium honoretis. In eo plane Petri impletis vicem, cujus tenetis et sedem, si vestra admonitione corda in fide fluctuantia confirmatis, si vestra auctoritate conteritis fidei corruptores.

## CAPUT I.

Impia Abaelardi de sancta Trinitate dogmata recenset, C et explodit.

1. Habemus in Francia novum de veteri ma-

gistro theologum, qui ab ineunte ætate sua in A arte dialectica lusit, et nunc in Scripturis sanctis insanit. Olim damnata et sopita dogmata, tam sua videlicet, quam aliena, suscitare conatur, insuper et nova addit. Qui dum omnium quæ sunt in cælo sursum, et quæ in terra deorsum, nihil, præter solum Nescio\*, nescire dignatur; ponit in cælum os suum, et scrutatur alta Dei, rediensque ad nos refert verba ineffabilia, quæ non licet homini loqui: et dum paratus est de omnibus reddere rationem, etiam quæ sunt supra rationem, et contra rationem præsumit, et contra fidem. Quid enim magis contra rationem, quam ratione rationem conari transcendere? Et quid magis contra fidem, quam credere nolle, quidquid non possit ratione attingere? Denique exponere volens illud Sapientis<sup>a</sup>, *Qui credit cito, levis est corde*<sup>2</sup>. « Cito credere est, » inquit, « adhibere fidem » ante rationem\*: » cum hoc Salomon non de fide in Deum, sed de mutua inter nos credulitate loquatur. Nam illam quæ in Deum est fidem beatus papa Gregorius negat plane habere meritum, si ei humana ratio præbeat experimentum: laudat autem Apostolos, quod ad unius jussionis vocem secuti sunt Redemptorem<sup>3</sup>. Scit nimirum pro laude dictum, *In auditu auris obediit mihi*<sup>4</sup>; increpatos e regione discipulos, quod tardius credidissent<sup>5</sup>. Denique laudatur Maria, quod rationem fide prævenit; et puni-

<sup>1</sup> Luc. xxii, 32. — <sup>2</sup> Eccli. xix, 4. — <sup>3</sup> Homilia 26 in Evang. — <sup>4</sup> Psal. xvii, 45. — <sup>5</sup> Marc. xvi, 14.

<sup>a</sup> Alias, *Salomonis*.

tur Zacharias quod fidem ratione tentavit<sup>1</sup>; et rursum Abraham commendatur, qui contra A spem in spem credidit<sup>2</sup>.

2. At contra theologus noster: « Quid, » inquit, « ad doctrinam loqui proficit, si quod » docere volumus, exponi non potest ut intelli- » gatur<sup>3</sup>? » Et sic promittens intellectum auditoribus suis, in his etiam quæ sublimiora et sacratiora profundo illo sinu sacræ fidei continentur, ponit in Trinitate gradus, in maiestate modos, numeros in æternitate. Denique constituit « Deum Patrem plenam esse potentiam, Filium quandam potentiam, Spiritum sanctum » nullam potentiam: atque hoc esse Filium ad Patrem, quod quandam potentiam ad potentiam, quod speciem ad genus, quod materiam ad materiam, quod hominem ad animal, » quod æreum sigillum ad æs<sup>4</sup>. » Nonne plus quam Arius hic? Quis hæc ferat? quis non claudat aures ad voces sacrilegas? quis non horreat profanas novitates et vocum, et sensuum? Dicit etiam « Spiritum sanctum procedere quidem ex Patre et Filio, sed minime de Patris » esse Filii substantia<sup>5</sup>. Unde ergo? an forte ex nihilo, sicut et universa quæ facta sunt? Nam et ipsa ex Deo esse non diffitetur Apostolus, nec veretur dicere: *Ex quo omnia*<sup>6</sup>. Quid igitur? dicemus ex Patre et Filio Spiritum sanctum non alio prorsus procedere modo, quam omnia, id est non essentialiter, sed creabiliter; ac perinde creatum sicut et omnia? aut numquid tertium inveniet sibi modum, quo cum ex Patre Filioque producat, homo qui nova semper inquit, et quæ non invenit fingit, affirmans ea quæ non sunt, tanquam ea quæ sunt? « At si esset, » inquit, « de substantia » Patris, profecto genitus esset, et duos Pater » filios haberet. » Quasi vero omne quod de substantia aliqua est, continuo ipsum a quo est habeat genitorem. Num vero pediculi, aut lentes<sup>a</sup>, aut phlegmata<sup>b</sup>, vel filii carnis sunt, vel non sunt de substantia carnis? aut vermes de ligno putrido prodeuntes, aliunde quam de ligni substantia sunt, qui tamen filii ligni non sunt? Sed et tineæ de substantia pannorum substantiam habent, generationem non habent: et multa in hunc modum.

3. Miror autem hominem acutum et sciolum, ut quidem ipse sibi videtur, quomodo

cum Spiritum sanctum fateatur Patri et Filio consubstantialem, neget tamen ex Patris Filii- que prodire substantia. Nisi forte illos ex ipsius procedere velit: quod quidem inauditum est, et nefandum. Si autem nec is de illorum, nec illi de huius substantia sunt; ubi, quæso, consubstantialitas? Aut ergo fateatur cum Ecclesia, Spiritum sanctum de substantia illorum esse, a quibus non negat procedere; aut certe cum Ario consubstantialitatem deneget, et prædicet aperte creationem. Deinde si Filius de substantia Patris est, Spiritus sanctus non est: differant necesse est a se invicem, non solum quia Spiritus sanctus genitus non est, quod Filius est; sed etiam quod Filius de substantia Patris est, quod Spiritus sanctus non est. Quam quidem posteriorem differentiam Catholica<sup>\*</sup> hucusque nescivit. Si eam admittimus, ubi Trinitas, ubi Unitas? Siquidem Spiritu sancto Filioque nova a se differentiarum numerositate distantibus, unitas dissipatur: præsertim cum substantialem esse pateat differentiam, quam iste conatur inducere. Porro autem Spiritu sancto a Patris Filiique substantia recedente, non Trinitas remanet, sed dualitas. Neque enim dignum est in Trinitate admitti personam, quæ nil habeat in substantia commune cum reliquis. Desinat ergo Spiritus sancti processionem a Patris Filiique substantia separare; ne duplici impietate numerum et Trinitati minuat, et tribuat Unitati: quod utrumque fides abnuat christiana. Et ne de re tanta solis videar humanis iuncti rationibus, legat epistolam Hieronymi ad Avitum: et certe videbit inter cæteras quas redarguit Origenis blasphemias, etiam hoc eum detestantem quod dixerit, Spiritum sanctum de substantia Patris non esse. Beatus Athanasius in libro de unita Trinitate ita loquitur: « Solum » Deum ubi memoratus sum, non solam personam nam Patris indicavi: quia Filium et Spiritum » sanctum de hac ipsa sola substantia Patris esse » non abnegavi. » Hoc Athanasius.

<sup>1</sup> Luc. I, 45, 20 — <sup>2</sup> Rom. IV, 18. — <sup>3</sup> Id. XI, 36.

<sup>a</sup> Alius, *lentes*. — <sup>b</sup> Alius, *phlegmata*.



## CAPUT II.

In Trinitate non esse admittendam ullam disparitatem, sed omnimodam aequalitatem.

4. Videt Sanctitas vestra, quomodo isto non disputante, sed dementante, et Trinitas non cohæret, et Unitas pendet; nec istud sane absque injuria majestatis. Quidquid namque illud est quod Deus sit, id sine dubio est, quo non possit majus aliquid cogitari\*. Si ergo in hac unica et summa majestate juxta considerationem personarum vel parum aliquid claudicare recipimus, dum quod uni plus datur, alteri minuitur; minus profecto est totum ab eo, quo nihil majus valeat cogitari. Majus enim sine dubio est quod totum maximum est, quam quod ex parte. Ille vero digne pro sua possibilitate divinam æstimat magnificentiam, qui nil in ea cogitat dispar, ubi est totum summum; nil distans, ubi totum est unum; nil hians, ubi totum est integrum; nil denique imperfectum vel egens, ubi totum est totum. Totum nempe est Pater, quod Pater et Filius et Spiritus sanctus; totum Filius, quod ipse et Pater et Spiritus sanctus; totum Spiritus sanctus, quod et ipse et Pater et Filius. Et totum, unum est totum, nec superabundans in tribus, nec imminutum in singulis. Nec enim verum summumque bonum, quod sunt, inter se particulariter dividunt: quoniam nec participialiter<sup>a</sup> id possident, sed hoc ipsum essentialiter sunt. Nam quod alter ex altero, vel alter ad alterum veracissime dicitur, personarum sane designatio est, non unitatis divisio. Licet namque in hac ineffabili et incomprehensibili Deitatis essentia, alter et alter (id quidem requirentibus proprietatibus personarum) sobrie catholiceque dicatur; non tamen ibi est alterum, et alterum, sed simplex unum: ut nec præjudicium faciat Unitati Trinitatis confessio; nec proprietatum sit exclusio, vera assertio Unitatis. Tam longe proinde fiat a sensibus nostris, quam est et a regula veritatis execranda illa de genere et specie non similitudo, sed dissimilitudo\*; et nihilo minus illa de ære æreoque sigillo: quoniam cum genus quidem et species, quod ad se invicem sunt, alterum superius, altera inferior sit, Deus autem unus sit; nunquam bene profecto conve-

<sup>646</sup> niet tantæ æqualitati, et tantæ disparitati. Et A rursum de ære, et quodam ære, quod est æreum sigillum, quoniam quod inde in eandem usurpatur similitudinis rationem, simile est huic, idem judicium. Cum enim species, ut dixi, minor sit et inferior genere, absit ut hanc in Patre et Filio diversitatem cogitemus; absit ut huic acquiescamus dicenti, hoc esse Filium ad Patrem, quod speciem ad genus, quod hominem ad animal, quod æreum sigillum ad æs, quod aliquam potentiam ad potentiam. Sunt quippe cuncta hæc, mutua suæ connexionione naturæ, ad se invicem superiora et inferiora: et B ob hoc nulla prorsus admittenda similitudo ex his ad illud, ubi nihil est inæquale, nihil dissimile. Videtis de quanta vel imperitia, vel impietate descendat harum adinventio similitudinum.

## CAPUT III.

Absurdum dogma Abaelardi, nomina absoluta et essentialia uni personæ propriè et specialiter attribuentis, oppugnat.

5. Adhuc advertite clarius quid sentiat, doceat, scribat. Dicit propriè et specialiter ad Patrem potentiam, ad Filium sapientiam pertinere: quod quidem falsum. Nam et Pater sapientia, et Filius potentia verissime sunt, sanissimeque dicuntur: et quod est commune amborum, non erit proprium singulorum. Alia illa sunt profecto vocabula, quæ non ad se ipsos dicuntur, sed ad alterutrum: et ideo est cuique suum, et non commune cum altero. Nam qui Pater est, Filius non est; et qui Filius est, Pater non est: quoniam non quod ad se, sed quod ad Filium Pater est, Patris nomine designatur; et item nomine Filii, non quod ad D se Filius, sed quod est ad Patrem, exprimitur. Non sic potentia, non sic sapientia, neque alia multa, quæ ad se dicuntur: et Pater et Filius non singulariter, alter respectu alterius. «Non,» inquit, «sed ad proprietatem personæ Patris» propriè vel specialiter invenimus omnipotentiam attinere, quod non solum cum cæteris » duabus personis æque omnia efficere potest, » verum etiam ipse solus a se, non ab alio existere habet: et sicut habet ex se existere, ita » etiam ex se habet posse<sup>1</sup>. » O alterum Aristoteli

\* Abaelardi Theologiæ libro 1, pag. 990.

<sup>a</sup> Firaq. *participialiter*. †

telem! An non eadem ratione, si hoc ratio es-<sup>647</sup> set, et sapientia et benignitas proprie pertine-  
rent ad Patrem: cum et sapere, et benignum  
esse, æque a se Pater, et non ab alio habeat,  
quemadmodum et esse, et posse? Quod si non  
abnuit (nec enim de ratione potest), quid,  
quæso, facturus est de illa nobili sua partitio-  
ne, in qua ut Patri potentiam, sic Filio sapien-  
tiam, sic Spiritui sancto benignitatem proprie  
ac specialiter assignavit? Non enim una et ead-  
em res proprie poterit convenire duobus, hoc  
est, ut cuique propria sit. Eligat quod vult:  
aut det sapientiam Filio, et tollat eam Patri; aut  
Patri tribuat, et auferat Filio; et rursum beni-  
gnitatem aut Spiritui sancto sine Patre, aut  
Patri sine Spiritui sancto assignet: aut certe des-  
inat nomina communia propria facere; et Pa-  
tri, quoniam a se ipso habet potentiam, non  
ideo tamen audeat concedere propriam: ne et  
benignitatem simul et sapientiam, quas a se ni-  
hilo minus habet, identidem proprias ipsi sua  
ratione assignare cogatur.

6. Sed expectemus adhuc, et videamus,  
quam theorice noster theologus invisibilia Dei  
contempletur. Dicit, ut dixi, proprie omni-  
potentiam pertinere ad Patrem; atque hanc, ut  
sit integra et perfecta, in gerendo et discer-  
nendo constituit\*. Porro Filio, ut jam dictum  
est, assignat sapientiam, ipsanique non simpli-  
citer quidem potentiam, sed quamdam in Deo  
potentiam esse definit, id est potentiam tantum  
discernendi. Forte timet injuriam facere Patri,  
si tantum tribuat Filio, quantum et ipsi: et cui  
non audet potentiam dare integram, concedit  
dimidiam. Et quod dicit, manifestis declarat  
exemplis, asserens potentiam discernendi, quæ  
est Filius, ita quamdam esse potentiam, quem-  
admodum homo quoddam est animal, et sigil-  
lum æreum quoddam est æs: atque hoc esse  
potentiam discernendi, ad gerendi discernen-  
dique potentiam, id est Filium ad Patrem, quod  
homo ad animal est, quod æreum sigillum ad  
æs. « Sicut enim, » inquit, « ex eo quod est  
» æreum sigillum, exigit necessario ut æs sit; et  
» ex eo quod est homo, ut animal sit, sed non  
» e converso: ita divina sapientia, quæ est po-  
» tentia discernendi, exigit quod sit divina po-  
» tentia, sed non e converso<sup>1</sup>. » Quid igitur?  
vis ut iuxta tuam similitudinem, ad instar præ-  
cedentium, etiam ex hoc quod Filius est,

exigat ut Pater sit; hoc est, ut qui Filius est,  
Pater sit, quanquam non e converso? Si hoc  
dicis, hæreticus es: si non dicis, vacat simili-  
tudo.

7. Ad quid enim tibi ipsam tanto circuitu de  
longe positis rebus, et minus convenientibus  
emendas, tanto labore colligis, tanta inculcas  
inani multiplicitate verborum, tantis effers lau-  
dibus, si non facit ad quod adducitur, ut vi-  
delicet membra ad membra congruis propor-  
tionibus reducantur? Nonne hoc opus, hic  
labor est, ut per ipsam nos doceas eam, quæ  
est inter Patrem et Filium, habitudinem? Te-  
nemus autem te docente ad hominis positio-  
nem poni animal, sed non e converso secundum  
regulam dialecticæ tuæ: qua non quidem  
posito genere ponitur species, sed posita spe-  
cie ponitur genus. Cum ergo Patrem ad genus,  
Filium ad speciem referas; non id ratio simili-  
tudinis postulat, ut similiter posito Filio, Patrem  
poni ostendas, et non converti? ut quomodo  
qui homo est, necessario animal est, sed non  
convertitur; ita quoque qui Filius est necessa-  
rio Pater sit, et æque non convertatur. Sed  
contradicit tibi in hoc catholica fides, quæ pro-  
fecto utrumque recusat, tam Patrem videlicet  
esse qui Filius est, quam esse Filium qui Pater  
est. Nam alius procul dubio Pater, atque alius  
Filius: quamvis non aliud Pater, quam Filius.  
Nam per Alius et Aliud, novit pietas fidei caute  
inter personarum proprietates et individuum  
essentiæ unitatem discernere; et medium iter  
tenens, regia incedere via: ut nec declinet ad  
dexteram, confundendo personas; nec respi-  
ciat ad sinistram, substantiam dividendo. Quod  
si per simplex esse dicas vere consequi ut si Fi-  
lius est, necessario Pater sit; nil te juvat, cum  
ratio relationis necessario exigat, ut converta-  
tur, et eadem veritas comitetur conversam:  
D quod non congruit adductæ de genere et specie,  
vel de ære, æreoque sigillo similitudini. Neque  
enim, sicut per simplex esse duntaxat verissime  
dicitur, Si Pater est, Filius est; et si Filius est,  
Pater est: ita etiam possumus inter hominem  
et animal, sive inter æreum sigillum et æs, in  
veritate convertibilem texere consequentiam.  
Nam etsi verum sit dicere, Si homo est, ani-  
mal est: non tamen vera est conversa, qua  
dicitur, Si animal est, homo est. Et item si si-  
gillum æreum est, necessario sequitur ut æs

<sup>1</sup> Abaelardi Theologiæ lib. 2, pag. 1083.

sit : non tamen si æs sit, necessario sequitur<sup>619</sup> absit ut putamus in fide vel spe nostra aliquid, ut sigillum æreum sit. Sed jam pergamus ad reliqua.

8. En juxta istum habemus omnipotentiam in Patre, quamdam potentiam in Filio : dicat nobis etiam de Spiritu sancto quid sentiat. « Be-nignitas ipsa, » inquit, « quæ hoc nomine » quod est Spiritus sanctus demonstratur, non » est in Deo potentia, sive sapientia<sup>1</sup>. » Videbam satanam tanquam fulgur cadentem de caelo<sup>2</sup>. Sic debet cadere, qui ambulat in magnis et mirabilibus super se. Vides, Pater sancte, quas scalas, imo quæ præcipitia iste sibi paraverit ad ruinam. Omnipotentiam, semipotentiam, nullam potentiam. Ipso auditu horreo, et ipsum horrorem puto sufficere ad refellendum. Verumtamen testimonium pono, quod turbato interim occurrit ad removendam Spiritus sancti injuriam. In Isaia legitur, *Spiritus sapientiæ, Spiritus fortitudinis*<sup>3</sup>; per quod utique satis aperte istius audacia, etsi non comprimitur, vincitur tamen. O lingua magniloqua! Esto ut injuria Filii vel Patris remittatur tibi : numquid blasphemia Spiritus? Manet angelus Domini, qui secet te medium : dixisti enim, « Non est Spiritus sanctus in Deo potentia, sive sapientia. » Ita pes superbiæ ruit cum irruit.

#### CAPUT IV.

Refellit definitionem fidei, qua dicit Abaelardus fidem esse æstimationem.

9. Nec mirum si homo, qui non curat quæ dicat, irruens in arcana fidei, thesauros absconditos pietatis tam irreverenter invadit atque discerpit; cum de ipsa pietate fidei nec pie, nec fideliter sentiat. Denique in primo limine Theologiæ, vel potius Stultilogiæ suæ, fidem definit æstimationem<sup>4</sup>. Quasi enique in ea sentire et loqui quæ libeat liceat; aut pendeat sub incerto in vagis ac variis opinionibus nostræ fidei sacramenta, et non magis certa veritate subsistant. Nonne si fluctuat fides, inanis est et spes nostra? Stulti ergo martyres nostri, sustinentes tam acerba propter incerta, nec dubitantes sub dubio remunerationis præmio durum per exitum diuturnum inire exilium. Sed

ut is putat, dubia æstimatione pendulum; et non magis totum quod in ea est, certa ac solida veritate subnixum, oraculis et miraculis divinitus persuasum, stabilitum et consecratum partu Virginis, sanguine Redemptoris, gloria resurgentis. Testimonia ista credibilia facta sunt nimis. Si quo minus, ipse postremo Spiritus reddit testimonium spiritui nostro, quod filii Dei sumus. Quomodo ergo fidem quis audet dicere æstimationem, nisi qui Spiritum istum nondum accepit, quive Evangelium aut ignoret, aut fabulam putet? *Scio cui credidi, et certus sum*, clamat Apostolus<sup>5</sup>; et tu mihi subsibilas, « Fides est æstimatio? » Tu mihi ambiguum garris, quo nihil est certius. Sed Augustinus aliter : « Fides, » ait, « non » conjectando vel opinando habetur in corde » in quo est, ab eo cujus est; sed certa scientia, acclamante conscientia. » Absit ergo, absit ut hos fines fides habeat christiana. Academicorum sint istæ æstimationes, quorum est dubitare de omnibus, scire nihil. Ego vero securus in Magistri Gentium sententiam pergo, et scio quoniam non confundar. Placet mihi, fateor, illius de fide definitio, etsi iste etiam ipsam latenter insimulet. *Fides est*, ait, *substantia rerum sperandarum, argumentum non apparentium*<sup>6</sup>. *Substantia*, inquit, *rerum sperandarum*, non inanium phantasia conjecturarum. Audis substantiam. Non licet tibi in fide putare, vel disputare pro libitu; non hac illacque vagari per inania opinionum, per devia errorum. Substantiæ nomine aliquid tibi certum fixumque præfigitur : certis clauderis finibus, certis limitibus coarctaris. Non est enim fides æstimatio, sed certitudo.

10. Sed advertite cætera. Omitto quod dicit spiritum timoris Domini non fuisse in Domino; timorem Domini castum in futuro sæculo non futurum; post consecrationem panis et calicis, priora accidentia, quæ remanent, pendere in aere; dæmonum in nobis suggestiones contactu fieri lapidum et herbarum, prout illorum sagax malitia novit harum rerum vires diversas diversis incitandis et incendendis vitiis convenire; Spiritum sanctum esse animam mundi; mundum, juxta Platonem, tanto excellentius animal esse, quanto meliorem animam habet

<sup>1</sup> Abaelardi Theologiæ libro 2, pag. 1085. — <sup>2</sup> Luc. x, 48. — <sup>3</sup> Isaï. xl, 2. — <sup>4</sup> Theologiæ libro 1, pagg. 977 et 1061. — <sup>5</sup> II Tim. i, 12. — <sup>6</sup> Hebr. xi, 1.

Spiritum sanctum. Ubi dum multum sudat, <sup>650</sup> quomodo Platonem faciat christianum, se probat ethnicum. Hæc, inquam, omnia, aliasque istiusmodi nēias ejus non paucas prætereo : venio ad graviora. Non quod vel ad ipsa cuncta respondeam ; magis enim opus voluminibus esset : illa loquor quæ tacere non possunt.

### CAPUT V.

Arguit Abaelardum, sua sensa aut somnia unanimi Patrum sententiæ præferentem ; præsertim ubi dicit, Christum non ideo incarnatum, ut hominem liberaret de potestate satanæ.

11. Mysterium nostræ redemptionis, sicut in libro quodam Sententiarum ipsius, et item in quadam ejus expositione Epistolæ ad Romanos legi \*, temerarius scrutator majestatis aggrediens, in ipso statim sure disputationis exordio, ecclesiasticorum doctorum unam omnium de hac re dicit esse sententiam, et ipsam ponit ac spernit, et gloriatur se habere meliorem : non veritus contra præceptum Sapientis transgredi terminos antiquos, quos posuerunt patres nostri †. « Sciendum est, » ait, « quod omnes doctores nostri post Apostolos » in hoc conveniunt, quod diabolus dominium » et potestatem habebat super hominem, et ju- » re eum possidebat : ideo scilicet quod homo » ex libertate arbitrii, quam habebat, sponte » diabolo consensit. Aiunt namque, quod si quis » aliquem vicerit, victus jure victoris servus » constituitur. Ideo, » inquit, « sicut dicunt do- » ctiores, hac necessitate incarnatus est Filius » Dei, ut homo, qui aliter liberari non poterat, » per mortem innocentis jure liberaretur a jugo » diaboli. Sed, ut nobis videtur, » ait, « nec » diabolus unquam jus aliquod in homine » habuit, nisi forte Deo permittente, ut carce- » rarius : nec Filius Dei ut hominem libera- » ret, carnem assumpsit. » Quid in his verbis intolerabilius judicem, blasphemiam, an arrogantiam ? quid damniabilius, temeritatem, an impietatem ? An non justius os loquens talia fustibus tunderetur, quam rationibus refellere- tur ? Nonne omnium merito in se provocat manus, cujus manus contra omnes ? Omaes, inquit, sic : sed non ego sic. Quid ergo tu ? quid

melius affers ? quid subtilius invenis ? quid secretius tibi revelatum jactas, quod tot præterierit sanctos, effugerit sapientes ? Aquas furtivas et panes absconditos, puto, apponet nobis iste.

12. Dic tamen, dic quidquid illud est, quod tibi videtur, et nulli alteri. An quod Filius Dei non ut hominem liberaret, hominem induit ? Hoc plane nemini, te excepto, videtur : tu videris ubi videris. Non enim hoc a sapiente, non a propheta, non ab apostolo, non denique ab ipso Domino accepisti. Magister Gentium accepit a Domino, quod et tradidit nobis ‡. Magister omnium suam doctrinam fatetur non esse suam : *Non enim*, ait, *a me ipso loquor* §. Tu vero de tuo nobis tradis, et quod a nemine accepisti. Qui loquitur mendacium, de proprio loquitur ¶. Tibi proinde sint, quæ tua sunt. Ego Prophetas et Apostolos audio, obedio Evangelio, sed non Evangelio secundum Petrum ¯. Tu novum nobis condis Evangelium ? Quantum Ecclesia evangelistam non recipit. Quid Lex, quid Prophetæ, quid Apostoli, quid apostolici viri nobis aliud evangelizant, quam quod solus tu negas, Deum videlicet factum hominem, ut hominem liberaret ? Et si angelus de cælo aliud nobis evangelizaverit, anathema sit.

13. Sed qui venerunt post Apostolos, doctores non recipis, homo qui super omnes docentes te intellexisti. Denique non erubescis dicere, quod adversum te omnes sentiant, cum ab invicem non dissentiant. Frustra proinde illorum tibi fidem doctrinamque proponerem, quos jam proscripsisti : ad Prophetas te ducam. Loquitur sub typo Jerusalem ad populum acquisitionis, non propheta, sed in propheta Dominus, dicens : *Salvabo te, et liberabo te, noli timere* §. Quæris a qua potestate ? Non enim vis ut diabolus in hominem habeat, vel habuerit potestatem : fateor, nec ego. Non tamen ideo non habet, quia ego et tu hoc nolumus. Hoc si non confiteris tu, nec cognoscis : cognoscunt et dicunt *qui redempti sunt a Domino, quos redemit de manu inimici*. Quod minime negares et tu, si non esses sub manu inimici. Non potes gratias agere cum redemptis, qui redemptus non es. Nam si redemptus esses, Redemptorem agnosceres, et non negares redemptionem. Nec quærit redimi, qui se nescit

\* Prov. xxii, 28. — † 1 Cor. xi, 23. — ‡ Joan. vii, 16, et xiv, 10. — § Id. viii, 13. — ¯ Soph. iii, 16, 17.

¶ Abaelardum.

captivum. Qui autem scierunt, *clamaverunt ad*<sup>6-1</sup> non dominabatur hominibus? Ait item Dominus, *et Dominus exaudivit eos, et redemit eos de manu inimici*. Et ut intelligas hunc inimicum qui sit, *Quos redemit*, ait, *de manu inimici, de regionibus congregavit eos*<sup>1</sup>. Sed primum quidem agnosce hunc congregatorem, de quo Caiphas prophetat in Evangelio, quia Jesus moreretur pro gente. Et qui narrat, sequitur dicens: *Non tantum pro gente; sed ut filios Dei, qui erant dispersi, congregaret in unum*<sup>2</sup>. Quo erant dispersi? In omnes regiones. Ergo quos redemit, de regionibus congregavit eos. Non congregaret, nisi redimeret. Erant enim non solum dispersi, sed et captivi. Redemit, et congregavit: *redemit autem de manu inimici*. Non dicit, Inimicorum; sed, *inimici*. Inimicus unus, regiones multae. Siquidem non de regione, sed *de regionibus congregavit eos, a solis ortu et occasu, ab aquilone et mari*<sup>3</sup>. Quis iste unus tam potens dominus, qui non uni praefuit regioni, sed omnibus? Non alius, ut arbitror, quam ille, qui ab alio propheta dicitur absorbere fluvium, id est genus humanum, et non mirari: habere autem fiduciam, quod et Jordanis, hoc est electio ipsa, influat in os ejus<sup>4</sup>. Beati qui sic influunt ut effluant, qui sic intrant ut exeant.

14. Sed quid? Nondum forte credis Prophetis, sic sibi concinentibus de diaboli potestate in hominem. Veni mecum et ad Apostolos. Dixisti nempe te non sentire cum illis qui post Apostolos venerunt. Assentias vel Apostolis, si forte et tibi contingat quod unus eorum loquitur de quibusdam: *Nequando*, inquit, *det illis Deus poenitentiam ad cognoscendam veritatem, ut respiciant a diaboli laqueis, a quo captivi tenentur ad ipsius voluntatem*<sup>4</sup>. Paulus est iste, qui homines a diabolo captivos teneri asserit ad ejus voluntatem. Audis *ad ejus voluntatem*, et negas potestatem? Si et Paulo non credis, veni jam ad ipsum Dominum; si forte audias, et quiescas. Nempe ab ipso appellatur *Princeps hujus mundi*<sup>6</sup>, et *fortis armatus*<sup>7</sup>, possessorque vasorum<sup>8</sup>: et dicis eum non habere potestatem in homines? Nisi tu aliud putas hoc loco intelligi atrium, quam mundum; vasa, quam homines. Quod si atrium diaboli, mundus erat; et homines vasa ejus; quomodo

non capientibus se: *Haec est hora vestra, et potestas tenebrarum*<sup>9</sup>. Potestas ista non latuit illum qui dicebat: *Qui eruit nos de potestate tenebrarum, et transtulit in regnum filii claritatis suae*<sup>10</sup>. Hanc ergo Dominus ne in se quidem negavit diaboli potestatem, sicut nec Pilati, qui membrum erat diaboli. Ait siquidem: *Non haberes potestatem in me ullam, nisi data tibi fuisset desuper*<sup>11</sup>. Quod si in viride lignum in tantum grassata est ista desuper data potestas, aridum quomodo non fuit ausa contingere? Nec injustam puto iste causabitur potestatem datam desuper. Discat ergo diabolus non solum potestatem, sed et justam habuisse in homines: ut consequenter et hoc videat, venisse utique in carne Dei Filium propter liberandos homines. Ceterum etsi justam dicimus diaboli potestatem, non tamen et voluntatem. Unde non diabolus qui invasit; non homo qui meruit: sed justus Dominus qui exposuit. Non enim a potestate, sed a voluntate justus injustusve quis dicitur. Hoc ergo diaboli quoddam in hominem jus, etsi non jure acquisitum, sed nequiter usurpatum; juste tamen permissum. Sic itaque homo juste captivus tenebatur, ut tamen nec in homine, nec in diabolo illa esset justitia, sed in Deo.

## CAPUT VI.

In opere liberationis humanae non solum misericordiam, sed et justitiam relucere.

15. Juste igitur homo addictus, sed misericorditer liberatus; sic tamen misericorditer, ut non defuerit justitia quaedam et in ipsa liberatione: quoniam hoc quoque fuit de misericordia liberantis, ut (quod congruebat remediis liberandi) justitia magis contra invasorem, quam potentia uteretur. Quid namque ex se agere poterat, ut semel amissam justitiam recuperaret homo servus peccati, vinctus diaboli? Assignata est ei proinde aliena, qui caruit sua; et ipsa sic est. Venit princeps hujus mundi, et in Salvatore non invenit quidquam: et cum nihilominus innocenti manus injecit, justissime quos tenebat amisit: quando is qui morti nihil de-

<sup>1</sup> Psal. cvi, 2, 6. — <sup>2</sup> Joan. xi, 51, 52. — <sup>3</sup> Psal. cvi, 3. — <sup>4</sup> Job xl, 18. — <sup>5</sup> II Tim. ii, 25, 26. —

<sup>6</sup> Joan. xiv, 30. — <sup>7</sup> Luc. xi, 21. — <sup>8</sup> Matth. xii, 29. — <sup>9</sup> Luc. xvi, 53. — <sup>10</sup> Coloss. i, 13.

<sup>11</sup> Joan. xix, 11.

bebat, accepta mortis injuria, jure illum, qui<sup>63</sup> plus imputatur de prævaricare? Si generatio; obnoxius erat, et mortis debito, et diaboli sol- A vit dominio. Qua enim justitia id secundo homo exigeretur? Homo siquidem qui debuit; homo qui solvit. Nam *si unus*, inquit, *pro omnibus mortuus est, ergo omnes mortui sunt*<sup>1</sup>: ut videlicet satisfactio unius omnibus imputetur, sicut omnium peccata unus ille portavit; nec alter jam inveniatur qui forefecit<sup>a</sup>, alter qui satisfecit: quia caput et corpus unus est Christus. Satisfecit ergo caput pro membris, Christus pro visceribus suis, quando juxta Evangelium Pauli, quo convincitur mendacium Petri<sup>b</sup>, mortuus pro nobis *convivificavit nos sibi, donans nobis omnia delicta, delens quod adversum nos erat chirographum decreti, quod erat contrarium nobis; et ipsum tulit de medio, affligens illud cruci, exspolians principatus et potestates*<sup>2</sup>.

16. Utinam ego inveniar in his spoliis, quibus spoliatae sunt contrariae potestates, traductus et ipse in possessionem Domini! Si me insecutus Laban arguerit, quod recesserim clam ab eo; audiat clam me accessisse ad eum, et ob hoc clam recessisse. Subjecit me illi causa secretior peccati: subduxit me illi ratio occultioris justitiæ. Aut si gratis venundatus sum, gratis non redimar? Si Assur sine causa calumniatus est mihi, sine causa causam exigit evasionis. Quod si dixerit, Pater tuus addixit te; respondebo, Sed frater meus redemit me. Cur non aliunde justitia, cum aliunde reatus? Alius qui peccatorem constituit, alius qui justificat a peccato; alter in semine, alter in sanguine. An peccatum in semine peccatoris, et non justitia in Christi sanguine? Sed justitia, inquit, sit ejus est: quid ad te? Esto. Sed sit etiam culpa ejus est: quid ad me? An justitia justi super eum erit, et impietas impij non erit super eum? Non convenit filium portare iniquitatem patris, et fraternæ fieri exsortem ju- D stitiæ. Nunc ergo per hominem mors, et per hominem vita. Sicut enim *in Adam omnes moriuntur, ita et in Christo omnes vivificabuntur*<sup>3</sup>: quoniam non sic illi attineo, ut non et isti. Si illi per carnem; et per fidem huic: et si infectus ex illo originali concupiscentia; etiam Christi gratia spirituali perfusus sum. Quid mihi

regenerationem oppono: nisi quod spiritualis est ista, illa carnalis. Nec patitur ratio æquitatis ut ex æquo contendat: sed vincat necesse est spiritus carnem, et sit efficacior causa, cujus potior est et natura; quo plus videlicet prosit generatio secunda, quam prima nocuerit. Sane pervenit delictum ad me, sed pervenit et gratia. *Et non sicut delictum, ita et donum. Nam judicium ex uno in condemnationem; gratia autem ex multis delictis in justificationem*<sup>4</sup>. A primo homine manavit delictum; a summo cœlo egressio gratiæ. Utrumque a parente, illud a primo, ista a summo. Terrena nativitas perdit me: et non multo magis generatio cœlestis conservat me? Nec vereor sic erutus de potestate tenebrarum repelli a Patre luminum, justificatus gratis in sanguine Filii ejus. Nempe ipse qui justificat: quis est qui condemnet? Non condemnabit justum, qui misertus est peccatori. Justum me dixerim, sed illius justitia. Quænam ipsa? *Finis legis Christus, ad justitiam omni credenti*<sup>5</sup>. Denique *qui factus est nobis*, inquit, *justitia a Deo Patre*<sup>6</sup>. Quæ ergo mihi justitia facta est, mea non est? Si mea traducta culpa, cur non et mea indulta justitia? Et sane mihi tutior donata, quam innata. Nam ista quidem gloriam habet, sed non apud Deum: illa autem, cum sit salutis efficax, materiam non habet glorandi nisi in Domino. Nam *ctsi justus fuero*, inquit, *non levabo caput*<sup>7</sup>; ne videlicet responsum accipiat: *Quid habes quod non accepisti? Si autem accepisti, quid gloriaris, quasi non accepisti*<sup>8</sup>?

## CAPUT VII.

Abaelardum perstringit, impie ac temere Dei secreta scrutantem et extenuantem.

17. Hæc est justitia hominis in sanguine Redemptoris: quam homo perditionis exsufflans et subsannans, in tantum evacuare conatur, ut totum quod Dominus gloriæ semetipsum exinanivit; quod minoratus est ab Angelis; quod natus de femina; quod conversatus in mundo; quod expertus infirma; quod passus indigna;

<sup>1</sup> II Cor. v, 14. — <sup>2</sup> Coloss. ii, 13, 14. — <sup>3</sup> I Cor. xv, 21, 22. — <sup>4</sup> Rom. vi, 16. — <sup>5</sup> Id. x, 4. — <sup>6</sup> I Cor. i, 30. — <sup>7</sup> Job x, 15. — <sup>8</sup> I Cor. iv, 7.

<sup>a</sup> Id est offendit, peccavit, quasi *facere foras*, id est extra rationem, ex Glossario Cangiano et aliis.

<sup>b</sup> Abaelardi.

quod demum per mortem crucis in sua rever-<sup>655</sup>sus : ad id solum putet et disputet redigendum, ut traderet hominibus formam vitæ vivendo et docendo; patiundo autem et moriendo charitatis metam præfigeret. Ergo docuit justitiam, et non dedit; ostendit charitatem, sed non infudit; et sic rediit in sua? Itane hoc totum est *magnum illud pietatis sacramentum, quod manifestatum est in carne, justificatum est in spiritu, apparuit Angelis, prædicatum est gentibus, creditum est in mundo, assumptum est in gloria*<sup>1</sup>? Incomparabilis doctor, qui etiam profunda Dei sibi aperiens, et ea quibus vult lucida et pervia faciens, altissimum sacramentum, et mysterium absconditum a sæculis, sic nobis suo mendacio planum et apertum reddit, ut transire leviter per illud possit quivis, etiam incircumcisis et immundis: quasi Dei sapientia cavere nescierit aut neglexerit quod ipsa prohibuit, sed dederit et ipsa sanctum canibus, et margaritas porcis. Sed non est ita. Nam etsi manifestatum est in carne, sed tamen justificatum est in spiritu: ut et spiritualibus spiritualia conferantur; et animalis homo non percipiat quæ sunt spiritus Dei; nec fides nostra sit in sapientia verbi, sed in virtute Dei. Unde Salvator ait, *Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis*<sup>2</sup>; et Apostolus, *Etsi, inquit, opertum est Evangelium meum, in his est opertum qui pereunt*<sup>3</sup>.

18. Denique advertite hominem irridentem quæ sunt spiritus Dei, quoniam stultitia illi videntur; et insultantem Apostolo loquenti Dei sapientiam in mysterio absconditam; invehentem in Evangelium, Dominum blasphemantem. Quam prudentius quod non valet comprehendere, credere dignaretur, nec auderet contemnere, aut conculcare sacrum reverendumque mysterium. Longum est ad omnes ejus ineptias et calumnias, quas divino struit consilio, respondere. Pauca tamen infero, e quibus cætera æstimentur. « Cum solos, » inquit, « electos » liberaverit Christus, quomodo eos diabolus » possidebat, sive in hoc sæculo, sive in futuro » magis, quam modo\*? » Respondemus: Imo quia diabolus electos Dei possidebat, a quo, sicut dicit Apostolus, captivi tenebantur ad ipsius voluntatem<sup>4</sup>: ut Dei propositum de ipsis

impleretur, opus fuit liberatore. Oportuit autem liberari in hoc sæculo, ut liberos haberent in futuro. Deinde infert: « Numquid etiam » pauperem illum, qui in sinu Abrahamæ requie- » scebat, sicut et divitem damnatum, diabolus » cruciabat; aut etiam in ipsum Abraham domi- » nium habebat, cæterosque electos? » Non: sed habuisset, si non liberati fuissent fide venturi, sicut de ipso Abraham scriptum est, *Credidit Abraham Deo, et reputatum est ei ad justitiam*<sup>5</sup>; item, *Abraham exsultavit ut videret diem meum; et vidit, et gavisus est*<sup>6</sup>. Propterea jam tunc sanguis Christi rorabat etiam Lazaro, ne flammas sentiret: quod et ipse credidisset in eum qui erat passurus. Sic de omnibus electis illius temporis sentiendum, natos quidem et ipsos, æque ut nos, sub potestate tenebrarum, propter originale peccatum: sed erutos antequam morerentur, et nonnisi in sanguine Christi. Scriptum est enim\*: *Turbæ autem quæ præcedebant, et quæ sequebantur, clamabant dicentes: Hosanna filio David, benedictus qui venit in nomine Domini*<sup>7</sup>. Ergo Christo in carne venienti, et antequam veniret, et post, benedictum est a turbis benedictorum: quamvis præeuntes plenam minime tunc consecuti sint benedictionem, servata nimirum hac prærogativa temporis gratiæ.

## CAPUT VIII.

Quare Christus tam gravem ac laboriosum nos liberandi modum suscepit, cum sola ejus voluntas seu jussio sufficeret.

19. Deinde laborans docere et persuadere, diabolus nullum sibi jus in hominem vindicare potuisse aut debuisse, nisi permissu Dei; et quod sine injuria diaboli jure Deus profugum suum, si vellet misereri, repetere, et solo verbo eripere posset, quasi hoc quis diffiteatur: post multa aliquando infert: « Quæ itaque necessi- » tas, aut quæ ratio, aut quod opus fuit, cum » sola jussione sua, divina miseratio liberare » hominem a peccato posset; propter redem- » ptionem nostram Filium Dei carne suscepta, » tot et tantas in medias, opprobria, flagella, spu- » ta, denique ipsam crucis ignominiosam et » asperrimam mortem sustinere, ut cum ini- » quis patibulum sustineret\*. » Respondemus: Necessitas nostra fuit, et necessitas dura seden-

<sup>1</sup> I Tim. ii, 16. — <sup>2</sup> Matth. xi, 25. — <sup>3</sup> II Cor. iv, 3. — <sup>4</sup> II Tim. ii, 26. — <sup>5</sup> Gen. xv, 6. — <sup>6</sup> Joan. viii, 56. — <sup>7</sup> Matth. xxi, 9.

tium in tenebris et umbra mortis. Opus æque nostrum, et Dei ipsius, et sanctorum Angelorum. Nostrum, ut auferret jugum captivitatis nostræ: suum, ut impleretur propositum voluntatis ejus: Angelorum, ut numerus imple-retur eorum. Porro ratio hujus facti fuit digna-tio facientis. Quis negat Omnipotenti ad manum fuisse alios et alios modos nostræ redemptionis, justificationis, liberationis? Verum hoc non præjudicat hujus, quem e multis elegit, effica-ciæ. Et fortasse is præstat, per quem in terra oblivionis, gravedinis, lapsus nostri, tot et tantis gravaminibus Reparatoris fortius et vi-vacius admoneremur. Alias autem nemo homi-num novit, nec noscere ad plenum potest, quid boni ad gratiam, quid congruentiæ ad sapien-tiam, quid decori ad gloriam, quid commodi ad salutem, penes se ipsam contineat hujus ve-nerandi mysterii inscrutabilis altitudo: quam propheta considerans expavit, non penetravit<sup>1</sup>; et Præcursor Domini indignum se judicavit qui penetraret<sup>2</sup>.

20. Cæterum si non licet perscrutari divinæ sacramentum voluntatis, licet tamen sentire ef-fectum operis, fructum utilitatis percipere. Et quod licet scire, non licet tacere: quia *gloria regum celare verbum, et gloria Dei investigare sermonem*<sup>3a</sup>. Fidelis sermo, et omni acceptione dignus! quoniam cum adhuc peccatores esse-mus, reconciliati sumus Deo per mortem Filii ejus<sup>4</sup>. Ubi reconciliatio, et remissio peccato-rum. Nam si dicente Scriptura, *Peccata nostra separant inter nos et Deum*<sup>5</sup>; manente peccato non est reconciliatio. In quo ergo remissio pec-catorum? *Hic calix*, inquit, *novi testamenti in meo sanguine, qui pro vobis effundetur in remissionem peccatorum*<sup>6</sup>. Itaque ubi reconcilia-tio, ibi remissio peccatorum. Et quid ipsa, nisi justificatio? Sive igitur reconciliatio, sive re-missio peccatorum, sive justificatio sit; sive D etiam redemptio, vel liberatio de vinculis dia-boli a quo captivi tenebamur ad ipsius volun-tatem: intercedente morte Unigeniti obtine-mus, justificati gratis in sanguine ipsius; *in quo*, sicut idem dicit, *habemus redemptionem per sanguinem ejus, et remissionem peccatorum, secundum divitias gratiæ ejus*<sup>7</sup>. Cur, inquis, per sanguinem, quod potuit facere per sermonem?

A Ipsum interroga. Mihi scire licet quod ita: cur ita, non licet. Numquid dicit figmentum ei qui se finxit, Quid me finxisti sic?

21. Sed hæc stultitia ei videntur: non potest tenere risum. Audite cachinnos. « Quomodo, » ait\*, « justificari nos vel reconciliari Deo per » mortem Filii ejus dicit Apostolus, qui tanto » amplius adversus hominem irasci debuit, » quanto amplius homines in crucifigendo Fi- » lium suum deliquerunt, quam in transgre- » diendo primum ejus præceptum unius pomi » gustu? » Quasi non potuerit Deo in uno eo-demque facto et displicere iniquitas malignan-tium, et placere pietas patientis. Et ait: « Quod » si tantum fuerat illud Adæ peccatum, ut ex- » piari non posset nisi morte Christi; quam » expiationem habebit ipsum homicidium, quod » in Christo commissum est? » Breviter respon-demus, ipsum sanguinem quem fuderunt, et interpellationem ipsius quem occiderunt. Addit etiam: « Numquid mors innocentis Filii in tan- » tum Deo Patri placuit, ut per ipsam recon- » ciliaretur nobis, qui hoc peccando commi- » simus, propter quod innocens Dominus est » occisus: nec nisi hoc maximum fieret pecca- » tum, illud multo levius potuit ignoscere? » Non mors, sed voluntas placuit sponte mori-entis, et illa morte expungentis mortem, ope-rantis salutem, restituentis innocentiam, tri-umphantis principatus et potestates, spoliantis inferos, ditantis superos, pacificantis quæ in cælo sunt et quæ in terra, omnia instauran-tis. Et quoniam hæc tam pretiosa mors, vol-untarie suscipienda adversus peccatum, non tamen poterat fieri nisi per peccatum; non delectatus quidem, sed tamen bene usus ma-litia sceleratorum, et mortem de morte, et de peccato damnavit peccatum. Et quanto illorum major iniquitas, tanto hujus voluntas sanctior, et eo potentior ad salvandum: quatenus tanta mediante potentia, antiquum illud, quamvis grande peccatum, necessario tamen huic, quod in Christo commissum est, cederet, tanquam minus majori. Nec peccato sive peccantibus ad-scribitur hæc victoria; sed bene utenti peccato, et peccantes fortiter perferenti, et convertenti in usum pietatis, quidquid in ipsum ausa est crudelitas impiorum.

<sup>1</sup> Habac. iii, 2, juxta LXX. — <sup>2</sup> Joan. i, 27. — <sup>3</sup> Prov. xxv, 2. — <sup>4</sup> Rom. v, 10. — <sup>5</sup> Isai. lix, 2. — <sup>6</sup> Matth. xxvi, 28, et Luc. xxii, 20. — <sup>7</sup> Ephes. i, 7.

Nunc contrario sensu locum hunc Vulgata legit.



22. Fuit vero sanguis qui effusus est, tam multus ad ignoscendum, ut ipsum quoque peccatum maximum, quo factum est ut effunderetur, deleteret; ac per hoc de antiqui illius, utpote levioris, delctione nullam omnino dubietatem relinqueret. Deinde iste: « Cui vero, » inquit, « non crudele et iniquum videtur, ut » sanguinem innocentis in pretium aliquod quis » requisierit, aut ullo modo ei placuerit inno- » centem interfici; nedum Deus tam acceptam » Filii mortem habuerit, ut per ipsam universo » reconciliatus sit mundo? » Non requisivit Deus Pater sanguinem Filii, sed tamen acceptavit oblatum; non sanguinem sitiens, sed salutem, quia salus erat in sanguine. Salus plane, et non, sicut iste sapit et scribit, sola charitatis ostensio. Sic enim concludit tot calumnias et invectiones suas, quas in Deum tam impie, quam imperite evomuit, ut dicat: « Totum esse quod » Deus in carne apparuit, nostram de verbo et » exemplo ipsius institutionem, sive, ut postmo- » dum dicit, instructionem; totum quod passus » et mortuus est, suæ erga nos charitatis osten- » sionem vel commendationem \*.

#### CAPUT IX.

Christum venisse in mundum, non solius instructionis nostræ, sed et liberationis causa.

23. Cæterum quid prodest quod nos instituit, si non restituit? Aut nunquid frustra instruimur, si non prius destruat in nobis corpus peccati, ut ultra non serviamus peccato? Si omne quod profuit Christus, in sola fuit ostensione virtutum; restat ut dicatur, quod Adam quoque ex sola peccati ostensione nocuerit: siquidem pro qualitate vulneris allata est medicina. *Sicut enim in Adam omnes moriuntur, ita et in Christo omnes vivificabuntur*<sup>1</sup>. Ergo sicut hoc, ita et illud. Si vita, quam dat Christus, non est alia, quam institutio ejus; nec mors utique, quam dedit Adam, alia erit similiter quam institutio ejus: ut ille quidem ad peccatum exemplo suo, hic vero exemplo et verbo ad bene vivendum, et se diligendum homines informarent. Aut si christianæ fidei, et non hæresi Pelagianæ acquiescentes, generatione, non institutione traductum in nos con-

tem; fateamur necesse est, et a Christo nobis, non institutione, sed regeneratione restitutam justitiam, et per justitiam vitam: *ut sicut per unius delictum in omnes homines in condemnationem, sic et per unius justitiam in omnes homines in justificationem vitæ*<sup>2</sup>. Et si ita est, quomodo is dicit, « Consilium et causam incarnationis fuisse, ut mundum luce suæ sapientiæ illuminaret, et ad amorem suum accenderet. » Ubi ergo redemptio? A Christo nempe ut fateri dignatur, illuminatio et provocatio ad amorem: redemptio et liberatio a quo?

24. Esto quod Christi adventus illis prosit, qui se illi possunt conformare per vitam, et vicem ei dilectionis rependere: quid de parvulis? quam dabit lucem sapientiæ vix adhuc captantibus lucem vitæ? unde accendet<sup>3</sup> ad Dei amorem, qui necdum matres suas amare noverunt? Nihilne proderit eis adventus Christi? nihil quod complantati sunt similitudini mortis ejus per Baptismum, quoniam nondum possunt, prohibente ætate, Christum sapere aut amare? « Redemptio itaque, » ait, « nostra est. » illa summa in nobis per Christi passionem » dilectio. » Ergo parvuli non habent redemptionem, quia non habent summam illam dilectionem. An sicut non habent unde diligant, ita nec unde pereant, ut non sit eis in Christo necessaria regeneratio, utpote quibus generatio ex Adam nihil nocuerit? Si hoc sapit, cum Pelagio desipit. Quidquid horum sentiat, patet quantum humanæ sacramento salutis invidet; quantum, quod in ipso est, evacuet alti dispensationem mysterii, qui totum de salute tribuit devotioni, regenerationi nihil: qui nostræ gloriæ redemptionis, et summam salutis, non in virtute crucis, non in pretio sanguinis, sed in nostræ constituit conversationis profectibus. Mihi autem absit gloriari, nisi in cruce Domini nostri Jesu Christi<sup>3</sup>, in qua est salus, vita et resurrectio nostra.

25. Et quidem tria quædam præcipua in hoc opere nostræ salutis intueor: formam humilitatis, in qua Deus semetipsum exinanivit; charitatis mensuram, quam usque ad mortem, et mortem crucis extendit; redemptionis sacramentum, quo ipsam mortem, quam pertulit, sustulit. Horum duo priora sine ultimo sic

<sup>1</sup> 1 Cor. xv, 22. — <sup>2</sup> Rom. v, 18. — <sup>3</sup> Galat. vi, 14.

<sup>2</sup> Alias, *ascendent*.

sunt, ac si super inane pingas. Magnum pro-<sup>6.37</sup> insignia, præter redemptionis sacramentum, fecto et valde necessarium humilitatis, magnum A sunt aliquid.

et omni acceptione dignum charitatis exemplum: sed non habent fundamentum, ac proinde nec statum, si desit redemptio. Volo totis nisibus humilem sequi Jesum; cupio eum qui dilexit me, et tradidit semetipsum pro me, quibusdam brachiis vicariæ dilectionis amplecti: sed oportet me et Agnum manducare paschalem. Nisi enim manducavero carnem ejus, et bibero ejus sanguinem, non habebo vitam in memetipso. Aliud sequi Jesum, aliud tenere, aliud manducare. Sequi, salubre consilium; tenere et amplecti, solemne gaudium; manducare, vita beata. Caro enim ejus vere est B et alia in aliis ejus scriptis non pauca, nec minus mala capitula, ad quæ nec temporis, nec epistolæ angustia respondere permittit. Quamquam nec necessarium putem, cum sint adeo manifesta, ut ipsa etiam vulgata fide facile refellantur. Collegi tamen aliqua, et transmissi.

<sup>1</sup> Joan. vi, 56, 33.

# S. BERNARDI ABBATIS

## DE VITA ET REBUS GESTIS

### S. MALACHIÆ, HIBERNIÆ EPISCOPI,

LIBER.<sup>3</sup>

PRÆFATIO AD CONGANUM ABBATEM. <sup>637</sup> quæritant. Quid dico, quæ sua sunt? Perfectus

A sit et sanctus etiam sua quærens, suaque retinens, si ab alienis cor mannsque contineat. Meminerit tamen, qui sibi usque huc forte pervenisse videtur, eundem exigi sanctitatis gradum et ab ethnico. An non milites suis jubentur contenti forte stipendiis, ut salvi fiant<sup>4</sup>? Magnum vero Ecclesiæ doctori, si sit sicut unus militum: aut certe (quod ad illorum improprium propheta loquitur) *sicut populus, ita et sacerdos*<sup>5</sup> fuerit! O deformitatem! itane summus merito reputandus erit, qui a summo corruens gradu, hærebit vix infimo, ne abyssus absorbeatur? Quam rarus tamen iste ipse in clero? Quem item das mihi contentum necessariis, contemptorem superfluum? Lex est tamen præfixa ab Apostolis Apostolorum successoribus: *Vitum et vestitum habentes, inquit, his contenti simus*<sup>6</sup>. Ubi forma hæc? In libris cernimus eam, sed non in viris. Habes vero de justo, quia *lex Dei ejus in corde ipsius*<sup>7</sup>, et non in codice. Nec perfectionis is gradus. Perfectus carere et necessariis paratus est. At gratis istud. Utinam superfluis ponatur modus! utinam non cupiamus in infinitum! Sed quid? Forte reperias qui hoc possit? Id quidem difficile: sed vide quid

1. Semper quidem operæ pretium fuit illustres Sanctorum describere vitas, ut sint in speculum et exemplum, ac quoddam veluti condimentum vitæ hominum super terram. Per hoc enim quodammodo apud nos etiam post mortem vivunt, multosque ex his, qui viventes mortui sunt, ad veram provocant et revocant vitam. Vnum nunc maxime id requirit raritas sanctitatis, et nostra plane ætas inops virorum. Quam sane inopiam super nos adeo invaluisse sentimus, ut nulli sit dubium illa sententia nos feriri: *Quoniam abundabit iniquitas, refrigescet* B *charitas multorum*<sup>1</sup>. Et ut suspicor ego, aut præsto, aut prope est, de quo scriptum est: *Faciem ejus præcedet egestas*<sup>2</sup>. Ni fallor, Antichristus est iste, quem fames et sterilitas totius boni et præit, et comitatur. Sive igitur nuntia jam præsentis, sive jamjamque adfuturi prænuntia, egestas in evidenti est. Taceo vulgus, taceo vilem filiorum hujus sæculi multitudinem: in ipsas Ecclesiæ columnas volo oculos leves. Quem mihi ostendas vel de illorum numero, qui videntur dati in lucem gentium, non magis de sublimi fumantem, quam flamman- tem? *Et si lumen quod in te est, inquit, tenebræ* C *sunt, quantæ sunt tenebræ*<sup>3</sup>? Nisi tu illos forte (quod non credo) lucere dixeris, qui quæstum æstimant pietatem; qui in hæreditate Domini, non quæ Domini, sed magis quæ sua sunt,

2. Unde quoniam a terra deficit sanctus,

<sup>1</sup> Matth. xxiv, 12. — <sup>2</sup> Job xli, 13. — <sup>3</sup> Matth. vi, 23. — <sup>4</sup> Luc. iii, 14. — <sup>5</sup> Isai xlv, 2. — <sup>6</sup> I Tim. vi, 8. — <sup>7</sup> Psal. xxxvi, 31.

<sup>4</sup> S. Malachias obiit anno 1148, novembris die secunda.

videor mihi non supervacue ex his qui empti<sup>638</sup> sunt de terra, revocare ad medium Malachiam A episcopum, virum vere sanctum, et nostrorum quidem temporum, singularis sapientiæ et virtutis. Iste erat lucerna ardens et lucens: nec exstincta est tamen, sed submota. Quis mihi jure succenseat, si readmovero eam? Imo vero non est quod mihi ingrati esse mei sæculi homines debeant, et omnis deinceps generatio ventura, si quem conditio tulit, revocem stilo; si mundo restituam, quo dignus non erat mundus; si servem memoriæ hominum hominem, cujus memoria in benedictione sit omnibus, qui legere dignabuntur; si me excitante amicum B dormientem, vox turturis audita fuerit in terra nostra, dicens: *Ecce ego vobiscum sum omnibus diebus usque ad consummationem sæculi*<sup>1</sup>. Deinde sepultus apud nos est: nobis specialiter hoc opus incumbit. Quid quod me inter speciales amicos Sanctus ille habebat, et eo loci, ut nulli in hac parte gloriæ secundum fuisse me credam? Nec mercede vacat mihi tantæ familiaritas sanctitatis: primitias jam accepi. In extremis positus erat, imo in principiis, juxta illud: *Cum consummatus fuerit homo, tunc incipit*<sup>2</sup>. Accurri ego, ut benedictio morituri super me veniret. At ille cum jam membra alia movere non posset, fortis ad dandam benedictionem, elevatis sanctis manibus super caput meum, benedixit mihi, et benedictionem hæreditate possideo: et quomodo ego illum silere queam? Postremo tu id mihi, abba Congane, injungis, reverendus frater, et dulcis amicus meus, ac tecum pariter (ut ex Hibernia scribis) vestra illa omnis ecclesia sanctorum. Libens obedio, præsertim quod non eloquium exigitis, sed narrationem. Dabo vero operam, ut ea sit pura et luculenta, devotos informans, fastidiosos non onerans. Sane narrationis veritas secura apud me est, intimata a vobis, haud alia D procul dubio protestantibus, quam quæ certissime comperta sunt vobis.

## CAPUT I.

Pueritia et adolescentia S. Malachiae.

1. Malachias noster, ortus Hibernia de populo barbaro, ibi educatus, ibi litteras edoctus est. Cæterum de natali barbarie traxit nihil,

non magis quam de sale materno pisces maris. Quam vero suave, quod inculta nobis barbaries tam urbanum protulit civem sanctorum, et domesticum Dei! Qui producit mel de petra, oleumque de saxo durissimo, ipse fecit hoc. Parentes tamen illi fuere genere et potentia magni, juxta nomen magnorum qui sunt in terra. At mater mente, quam sanguine generosior, satagebat in ipso initio viarum suarum, notas parvulo facere vias vitæ: hanc pluris illi existimans ventosa scientia litteraturæ sæcularis. Ad utramque tamen huic non defuit ingenium pro ætate. In scholis litteras, domi timorem Domini docebatur, et quotidianis profectibus respondebat ambobus satis, magistro et matri. Nempe a principio spiritum sortitus est bonum, per quem erat puer docilis, et amabilis valde, mire admodum omnibus per omnia gratiosus. Bibeat autem pro lacte de pectore materno aquas sapientiæ salutaris, et fiebat in dies se ipso prudentior. Prudentior, dicam, an sanctior? Utrumque si dixero, non me pœnitebit: veritatem enim dicam. Agebat senem moribus, annis puer, expers lasciviæ puerilis. Cumque ex hoc cunctis esset reverentiæ ac stupori, non tamen inde, ut assolet, insolentior inveniebatur; sed magis quietus et subditus in omni mansuetudine. Non impatiens magisterii, non fugitans disciplinæ, non lectionis fastidiens, non ludorum denique appetens: quod vel maxime illa ætas dulce ac familiare habere solet. Et proficiebat supra omnes coætaneos suos in ea quidem litteratura, quæ illi competeat ætati. Nam in disciplina morum profectuque virtutum, etiam super omnes docentes se in brevi enituit, non tam matre tamen, quam unctione magistra. Hac sollicitante, haud segnitè et in divinis exercebatur, petere secretum, anticipare vigilias, meditari in lege, refici parcius, orare frequentius. Et quia ecclesiam frequentare nec vacabat propter studium, et pro verecundia non libebat; levare puras manus in omni loco ad cælum, ubi tamen secreta id posset. Jam tunc siquidem cautus fuit declinare virus virtutum, inanem gloriam.

2. Est vicus prope civitatem, in qua discebat puer, quo magister ejus frequenter pergere solitus erat, ipso solo comite. Illo euntibus ambobus pariter, ipse, ut postea referebat, retrahebat pedem, sistebat gradum, et stans a tergo ma-

<sup>1</sup> Matth. xxviii, 20. — <sup>2</sup> Eccli. xviii, 6.

gistri, illo quidem non comperiente, expansis<sup>639</sup> ad cælum manibus, raptim quodammodo, ac A veluti jaculatam emittebat orationem: et sic dissimulans, magistrum denuo sequebatur. Istiusmodi pio furto puer sapius illudebat comitem pariter et magistrum. Non est dicere omnia, quæ ejus principia colore bonæ indolis decoravere: ad majora atque utiliora currendum. Unum tamen refero adhuc, quod hoc, meo quidem judicio, non modo bonæ, sed et magnæ in puero dederit insigne spei. Excitus aliquando opinione cujusdam magistri (erat enim famosus in disciplinis, quas dicunt liberales), adivit illum discendi cupiditate. Quippe extrema jam pueritiæ captans, ad eas litteras anhelabat. Intrans vero domum, vidit virum ludentem subula, crebrisque sulcantem tractibus nescio quo notabili modo parietem. Et solo visu offensus puer serius, quod levitatem redoleret, resiliivit ab eo, ac deinceps illum nec videre curavit. Ita cum esset studiosissimus litterarum, præ honesto tamen sprexit eas virtutis amator. Tali quodam præludio puer præparabatur ad eum, qui se manebat in fortiori ætate, conflictum: jamque ipse adversarium provocabat. Et Malachiæ quidem pueritia sic erat. Porro adolescentiam simili transivit simplicitate, et puritate: nisi quod crescente ætate, crescebat simul illi sapientia et gratia apud Deum et homines.

3. Hinc jam, id est ab ineunte adolescentia ejus, cœpit manifestus apparere quid esset in homine, et gratia Dei in illo vacua non videri. Videns enim industrius adolescens, quam in maligno mundus positus sit<sup>1</sup>, et cogitans qualem spiritum acceperat, dicebat intra se: « Non est spiritus hujus mundi iste. Quid isti, et illi? Non est societas alteri ad alterum, non plus quam luci ad tenebras. Meus ex Deo est, et scio quæ in illo donata sunt mihi. Inde mihi interim adhuc innocentia vitæ<sup>a</sup>, inde continentiae decus, inde justitiæ fames, inde quoque illa eo securior, quo secretior, gloria mea est, testimonium conscientiae meæ. Nil horum mihi tutum sub principe mundi. Deinde habeo thesaurum hunc in fictili vase. Verendum ne impingat et frangatur, et effundatur oleum lætitiæ quod porto. Et quidem non impingere inter saxa et scopulos distortæ et anfractuosa viæ et vitæ hujus difficillimum. Itane mo-

» mento perdam simul omnes, quibus ab initio præventus sum, benedictiones dulcedinis? » Resigno illi potius, a quo sunt, et me pariter. » Et ego enim ipsius. Perdo ipsam ad tempus animam meam, ne perdam in æternum. Et quod sum, et quæ habeo omnia, ubi mihi æque salva, uti in manu Auctoris? Quis ita ad servandum sollicitus, ad retinendum potens, ad restituendum fidelis? Servabit tuto, restituet opportune. Sine retractatione me do ad serviendum illi de donis suis. Non potest mihi perire ex omnibus, quæ in opus pietatis expendero. Forte et sperare plus aliquid licet. Solet reddere cum usura qui dat gratis. Ita est. Etiam cumulabit, et multiplicabit in anima mea virtutem. » Hæc cogitavit, et fecit, sciens absque facto vanas esse cogitationes hominum.

## CAPUT II.

Religiosæ vitæ tirocinium.

1. Erat homo in civitate Ardnacha (ipsa est, in qua alitus est Malachias), et homo ille sanctus, et austerae admodum vitæ, inexorabilis castigator corporis sui, cellam habens juxta ecclesiam. In ea manebat, jejuniis et obsecrationibus serviens die ac nocte. Ad hunc se contulit Malachias, formam vitæ accepturus ab eo, qui vivum se tali damnaverat sepultura. Et vide humilitatem. A primæva ætate in sancta arte magistrum (quod dubium non est) habuerat Deum: et ecce factus est denuo discipulus hominis, homo mitis et humilis corde. Si nesciebamus, hoc vel solo nobis ipse probavit. Legant hoc, qui docere quæ non didicere conantur, discipulos sibi coacervantes, qui nunquam discipuli exstiteret, cæci duces cæcorum. Malachias doctus a Deo, doctorem nihilo minus quæsitavit hominem, et quidem caute, et sapienter. Quid simile, quæso, afferre quibat, in quo æque daret caperetque experimentum profectus sui? Si Malachiæ exemplum eis pro minimo est, Pauli opus attendant. Nonne Evangelium suum, quod non ab homine acceperat, sed a Christo, cum hominibus tamen censuit conferendum, ne forte in vacuum curreret, aut cucurrisset<sup>2</sup>? Ubi ille securus non est, nec ego. Si quis hoc scit, viderit, ne non tam se-

<sup>1</sup> I Joan. v, 19. — <sup>2</sup> Galat. i et ii.

<sup>a</sup> Alias, mea.

curitas sit, quam temeritas. Sed hæc alterius<sup>660</sup> temporis.

A

5. Nunc vero sonuit in civitate quod factum erat, et commota est universa ad inopinatam novitatem. Stupebant autem omnes, et virtutem mirabantur, eoque amplius, quo minus usitatum in gente fera. Videres tunc revelari ex multorum cordibus cogitationes. Plerique humano affectu pensantes factum, plangere et dolere, quod dilectus omnibus, delicatusque adolescens, duris se adeo laboribus mancipasset. Alii suspicati levitatem propter ætatem, diffidere de perseverantia, timere de casu. Nonnulli temeritatem causantes, indignari et fremere in eum, quod supra ætatem et vires inconsulte rem arduam fuisset aggressus. Verum ille sine consilio egit nihil. Nam habuit consilium a Propheta, qui ait : *Bonum est homini, si portaverit jugum ab adolescentia*; et addit : *Sedebit solitarius, et tacebit, quia levavit se supra se*<sup>1</sup>. Sedebat sibi juvenculus secus pedes Imarii (hoc enim nomen viro), et aut discibat obedientiam, aut se didicisse docebat. Sedebat, ut quietus, ut mansuetus, ut humilis. Sedebat, et tacebat, sciens secundum prophetam, cultum justitiæ esse silentium<sup>2</sup> : sedebat ut perseverans, tacebat ut verecundus, nisi quod suo illo silentio in Dei auribus loquebatur cum sancto David : *Adolescentulus sum ego et contemptus, justificationes tuas non sum oblitus*<sup>3</sup>. Et sedebat interim solitarius, quia et sine socio, et sine exemplo. Quis enim ante Malachiam strictissimum viri propositum vel cogitaret attentare? Nempe mirabile omnibus habebatur, non imitabile. Malachias imitabile persuasit, sedendo duntaxat, et tacendo. Intra paucos dies habuit imitatores non paucos, provocatos exemplo sui. Ita qui primo solitarius sedit, et unicus patris sui, fit jam unus ex multis, fit ex unigenito primogenitus in multis fratribus. Et D ut prior in conversione, ita in conversatione sublimior : et qui ante omnes venit, omnium judicio supra omnes emicuit in virtute. Et dignus visus est episcopo pariter et magistro, qui ad diaconi gradum promoveretur. Et cœgerunt eum.

## CAPUT III.

Ordinibus initiatus episcopi vices gerit.

6. Hinc jam levita Domini publice se ad omne opus pietatis accinxit : plus vero ad eas res, in quibus aliqua injuria videretur. Denique cura erat ei maxima in sepeliendis defunctis pauperibus, quod hoc sibi non minus humilitatem saperet, quam humanitatem. Nec defuit novo nostro Tobiae rediviva a muliere tentatio, imo a serpente per mulierem. Germana ejus indignitatem (ut sibi videbatur) officii exhorrens, Quid facis, inquit, o insane? dimitte mortuos sepelire mortuos suos. Et hoc illi quotidie exprobrans ingerebat. Sed respondebatur mulieri stultæ juxta stultitiam suam : Misera, tu eloquii casti vocem tenes, sed virtutem ignoras. Ita ministerium, ad quod coactus accesserat, devotus tenuit, indefessus exercuit. Unde et censuerunt etiam sacerdotale officium imponendum illi. Et factum est ita. Erat autem, cum sacerdos ordinatus est, annos natus quasi viginti quinque. In qua ejus utraque ordinatione, si quid præter Canonum formam processisse videtur, ut vere videtur C (siquidem infra vicesimum quintum annum leviticum ministerium, infra tricesimum adeptus est sacerdotii dignitatem\*) donandum sane tum zelo ordinatoris, tum meritis ordinati. Ego vero istud nec in sancto redarguendum, nec usurpandum consulo ei qui sanctus non fuerit. Nec contentus episcopus<sup>a</sup>, etiam vices suas commisit ei, seminare semen sanctum in gente non sancta, et dare rudi populo, et sine lege viventi, legem vitæ et disciplinæ. Suscepit ille mandatum in omni alacritate, sicut erat spiritu fervens; nec talentis incubans, sed inhians lucris. Et ecce linguæ sarculo cœpit evellere, destruere, dissipare, de die in diem factitans prava in directa, et aspera in vias planas. Exsultabat ut gigas ad discurrendum ubique. Diceres ignem urentem in consumendo criminum vepres. Diceres securim vel asciam in dejiendo plantationes malas, exstirpare barbaricos ritus, plantare ecclesiasticos. Veternosas omnes (neque enim paucæ inveniebantur) abolebat superstitiones, seu quaslibet, ubicum-

<sup>1</sup> Thren. III, 27, 28. — <sup>2</sup> Isai. XXXII, 17. — <sup>3</sup> Psal. CXVIII, 144.

<sup>a</sup> Scilicet Celsus : vide infra, n. 19.

que deprehendisset, malignitates immissas per angelos malos.

7. Denique quidquid incompositum, quidquid indecorum, quidquid distortum obvium habuisset, non parcebat oculus ejus : sed velut grando grossos et ficubus, et sicut pulverem ventus a facie terræ, sic coram facie sua hujusmodi nitebatur totum pro viribus exturbare ac delere de populo suo. Et pro his omnibus tradebat jura cœlestia optimus legislator. Leges dabat plenae justitiæ, plenae modestiæ et honesti. Sed et apostolicas sanctiones ac decreta sanctorum Patrum, præcipueque consuetudines sanctæ Romanæ Ecclesiæ, in cunctis ecclesiis statuebat. Hinc est, quod hodieque in illis ad horas canonicas cantatur et psallitur juxta morem universæ terræ. Nam minime id ante fiebat, ne in civitate quidem. Ipse vero in adolescentia cantum didicerat, et in suo cœnobio mox cantari fecit, cum necdum in civitate, seu in episcopatu universo cantare scirent, vel vellent. Deinde usum saluberrimum Confessionis, sacramentum Confirmationis, contractum conjugiorum, quæ omnia aut ignorabant, aut negligebant, Malachias de novo instituit. Et de his ista pro exemplo sufficiant. Nam et per totum historiarum textum, brevitate studio plurima præterimus.

#### CAPUT IV.

Malcho episcopo plenius instituendus adhaeret.

8. Cum esset illi studium et zelus maximus circa cultum divinatorum et venerationem Sacramentorum, ne forte de his aliquid constitueret vel doceret secus, quam ritus haberet universalis Ecclesiæ; subiit animum adire episcopum Malchum<sup>a</sup>, qui se plenius de omnibus informaret. Hic erat senex plenus dierum et virtutum, et sapientia Dei erat in illo. Natione quidem Hibernus, sed in Anglia conversatus fuerat in habitu et proposito monachali in Wintoniensi monasterio : de quo assumptus est in episcopum in Lesmor civitate Mumoniæ : et ipsa nobilior inter cæteras regni illius. Ibi tanta ei desuper collata est gratia, ut non modo vita et doctrina, sed et signis clareret. Quorum duo pono exempli causa; ut omnibus in-

notescat, qualem in scientia sanctorum Malachias habuerit præceptorem. Puerum mente captum, ex his quos lunaticos vocant, inter confirmandum sacra unctione sanavit. Hoc ita notum certumque fuit, ut illum mox constituerit ostiarium domus suæ, vixeritque idem puer incolumis in eo officio usque ad virilem ætatem. Surdo auditum restituit : in quo idem mirabile quiddam confessus est, quod cum sanctus utrique auriculæ hinc inde digitos immisisset, duos quasi porcellos ex ipsis exire senserit. Pro his atque hujusmodi fama crebrescente, nomen grande adeptus est : ita ut ad eum Scoti, Hibernique confluerent, et tanquam unus omnium pater ab omnibus coleretur. Ad hunc ergo Malachias, accepta benedictione patris Imarii, et ab episcopo missus, cum prospere pervenisset, benigne a senes susceptus est : qui annos aliquot cum eo mansit, ut per hanc temporis moram hauriret plenius de pectore veterano, sciens scriptum, *Quia in antiquis est sapientia*<sup>1</sup>. Sed nec hoc quoque ad causam defuisse reor, quod magnus ille Provisor universorum voluit servum suum Malachiam in loco tam celebri notum fieri omnibus, qui erat omnibus profuturus. Nec enim poterat non esse gratus, quibus notus fuisset. Denique unum interim accidit, per quod ex aliqua parte quod notum Deo erat in illo, manifestum fecit hominibus.

9. Inter Regem Mumoniæ (quæ est Hiberniæ pars australis) et germanum ejus orta similitate, et fratre facto superiori, Rex<sup>b</sup> pulsus regno, confugit ad episcopum Malchum. Non tamen ut ope illius regnum recuperaret : sed magis princeps devotus dedit locum iræ, et necessitatem in virtutem convertit, privatam eligens ducere vitam. Cumque episcopus Regem suscipere debito honore pararet, abnuitt ille, se malle inquam tanquam unum ex illis esse pauperibus fratribus qui illi adhærerent; regium fastum deponere, et communi paupertate fore contentum, expectare potius Domini voluntatem, quam per vim recipere regnum; nec velle pro suo honore terreno sanguinem humanum effundere, qui contra se clamat ad Deum de terra. Quo audito, exsultat episcopus, et admiratus devotionem, satisfacit voto. Quid plura? Traditur Regi paupereula domus ad

<sup>1</sup> Job xii, 12.

<sup>a</sup> Alias, *Malachum*. — <sup>b</sup> Cormacius : vide infra, n. 18.

habitandum, et Malachias in magistrum, ad<sup>663</sup> sed quia vas electionis sibi erat ille, portaturus victum panis cum sale et aqua. Porro ad de- A licias sufficebat Regi Malachiae praesentia, vita atque doctrina, ita ut diceret ei: *Quam dulcia faucibus meis eloquia tua! super mel ori meo*<sup>1</sup>. Ad hæc per singulas noctes lacrymis suis stratum suum rigabat: sed et quotidiano aquæ frigidae balneo male calentem exstinguebat in carne libidinem. Et orans Rex, cum Rege dicebat: *Fide humilitatem meam et laborem meum, et dimitte universa delicta mea*<sup>2</sup>. Et non amovit Deus orationem ejus et misericordiam suam ab eo. Et exaudita est oratio ejus, etsi secus, quam intenderet ipse. Nam is B quidem sollicitus erat pro anima sua: sed vindex innocentiae Deus, hominibus ostendere volens quoniam sunt reliquiae homini pacifico, parabat interim facere judicium injuriam patienti, quod ille penitus non sperabat. Et suscitavit Deus spiritum vicini regis: neque enim unum est Hibernia regnum, sed divisa in plura. Hic itaque videns quæ facta sunt, repletus est zelo: et hinc quidem indignans prædonum libertati, et insolentiae superbiorum; inde vero miserans regni desolationem et Regis dejectionem, descendit ad cellulam pauperis: suadet reditum, sed non persuadet. Instat tamen, spondet opem, de effectu non diffidere monet; Deum affuturum promittit, cui non poterunt resistere omnes adversarii ejus. Proponit etiam oppressionem pauperum, patriæque vastationem, et non proficit.

10. Cæterum accedente mandato episcopi et Malachiae consilio, de quibus ille pendebat totus, vix tandem acquiescit. Sequitur Rex Regem, et juxta verbum Regis, sicut fuerat voluntas in cælo, tota facilitate pulsus prædonibus, reducitur homo in sua cum exultatione snorum, regnoque restituitur suo. Dilexit ex- tunc Rex ille, et semper reveritus est Malachiam: eoque propensius, quo plenius in sancto viro digna veneratione et amore compererat. Cujus enim tantam meruit in sua adversitate familiaritatem, sanctitatem ignorare non potuit. Propterea magis in sua prosperitate perpetuis illum amicitiiis, devotisque colebat obsequiis, et libenter audiebat eum, et audito eo multa faciebat. Et de his satis. Verumtamen non fortuitu factum reor, quod ita jam tunc magnificavit eum Dominus in conspectu regum:

## CAPUT V.

Sorori defunctæ sacrificii oblatione succurrit.

11. Mortua est interim soror ejus illa, quam præfati sumus. Nec prætereundæ visiones, quas vidit de ea. Hujus siquidem sanctus carnalem exhornerat vitam, et tanto zelo, ut se devoverit non visurum eam in carne viventem. At illa carne soluta, solutum est votum, et cæpit B videre in spiritu, quam in corpore noluit. Quadam nocte audit per somnium vocem sibi dicentis, sororem ejus stare foras in atrio, et ecce per totos triginta dies nihil gustasse: qui exiguus cito intellexit, ejus escæ inedia marceret. Et diligenter discusso numero dierum quem audierat, ipsum esse reperit, ex quo pro ea Panem de cælo vivum non obtulisset. Tum ille qui sororis non animam oderat, sed peccatum; beneficentiam, quam intermiserat, rursum adoritur. Neque frustra. Non multo post visa est illi pervenisse ad limen ecclesiæ, necdum tamen posse intrare; apparere etiam in C veste pulla. Cumque ille perseveraret, curans ne qua die solita stipe frustraretur; secundo vidit eam in veste subcandida; admissam quidem intra ecclesiam, sed altare contingere non permitti. Tertio tandem visa est aggregari cœtui candidatorum, et in veste candida. Vides, lector, quantum valeat deprecatio justis assidua? Vere regnum cœlorum vim patitur, et violenti rapiunt illud. Nonne tibi videtur Malachiae oratio vicem quodammodo effractoris exhibuisse cœlestibus portis, quando peccatrix mulier fraternis obtinuit armis, quod suis meritis negabatur? Hanc vim, Jesu bone, tu qui pateris, D facis, validus et pius ad salvandum, faciens misericordiam et potentiam in brachio tuo, et in Sacramento tuo servans sanctis qui in terra sunt, usque in consummationem sæculi. Hoc plane Sacramentum potens peccata consumere, debellare obvias potestates, inferre cœlis reverentes de terra.

<sup>1</sup> Psal. cxviii, 103. — <sup>2</sup> Psal. xxiv, 18.



## CAPUT VI.

Monasterium Benchorense desolatum instaurat.

12. Et Dominus quidem in regione Lesmoriensi sic præparabat dilectum suum Malachiam ad gloriam nominis sui. Verum qui miserant eum, minime jam ferentes absentiam ejus, missis epistolis revocant illum. Quo reddito suis, et quidem instructiore de omnibus, quæ oportebat; en opus a Deo paratum, et servatum Malachiae. Vir dives et potens, qui locum Benchor et possessiones ejus tenebat, inspiratus a Deo, confestim in manu ejus sua omnia dedit, et se quoque. Et is avunculus ejus. Sed Malachiae spiritus quam carnis propinquitas pluris fuit. Ipsum quoque locum Benchor\*, de quo cognominabatur, tradidit ei princeps, ut ædificaret ibi monasterium, vel potius reædificaret. Nempe nobilissimum exstiterat ante sub primo patre Congello, multa millia monachorum generans, multorum monasteriorum caput. Locus vere sanctus fecundusque sanctorum, copiosissime fructificans Deo, ita ut unus ex filiis sanctæ illius congregationis, nomine Luanus, centum solus monasteriorum fundator exstitisse feratur. Quod idcirco dixerim, ut ex hoc uno conjiciat lector, quam ingens fuerit reliqua multitudo. Denique ita Hiberniam, Scotiamque repleverunt genimina ejus, ut ea potissimum tempora Davidici illi versiculi præcinnisse videantur: *Visitasti terram, et inebriasti eam, multiplicasti locupletare eam. Flumen Dei repletum est aquis, parasti cibum illorum, quoniam ita est præparatio ejus. Rivos ejus inebria, multiplica genimina ejus; in stillicidiis ejus lætabitur germinans*<sup>1</sup>. Et in hunc modum cæteri qui sequuntur. Nec modo in præfatas, sed et in exteris etiam regiones, quasi inundatione facta, illa se sanctorum examina effuderunt. E quibus ad has nostras Gallicanas partes sanctus Columbanus ascendens, Luxoviense construxit monasterium, factus ibi in gentem magnam. Aiunt tam magnam fuisse, ut succedentibus sibi vicissim choris, continuarentur solemnia divinatorum, ita ut ne momentum quidem diei ac noctis vacaret a laudibus.

13. Hæc de antiqua dicta sint Benchorensis monasterii gloria. Hoc olim destructum a pi-

<sup>64</sup> ratis, ob insigne dignitatis antiquæ, Malachias, A veluti quemdam replantaturus paradisum, amplexus est, et quia multa corpora sanctorum dormirent ibi. Nam ut taceam illa quæ in pace sepulta sunt, ferunt nongentos simul una die a piratis occisos. Erat quidem ingens loci illius possessio: sed Malachias solo contentus loco sancto, totas possessiones et terras alteri cessit. Siquidem a tempore, quo destructum est monasterium, non defuit qui illud teneret cum possessionibus suis. Nam et constituebantur per electionem etiam, et abbates appellabantur, servantes nomine, etsi non re, quod olim exstiterat. Cumque suaderent multi non alienare possessiones, sed totum simul retinere sibi, non acquievit paupertatis amator: sed fecit eligi juxta morem qui eas teneret, loco, ut prædiximus, retento sibi et suis. Et fortassis consultius, ut post apparuit, integrum retinuisset, si non magis suæ prospexisset humilitati, quam paci.

14. Itaque ex mandato patris Imarii assumptis secum decem circiter fratribus, veniens ad locum, cœpit ædificare. Ubi quadam die cum in securi ipse secaret, casu ex operariis unus, illo vibrante in aera securim, locum C incaute occupavit, quo ictus destinabatur: et cecidit super spinam dorsi ejus, tanto utique impetu, quanto ille conatu impingere valuit. Corruit ille: currere omnes, putantes aut percussum ad mortem, aut mortuum. Et tunica quidem scissa a summo usque deorsum: homo vero illæsus inventus est, tam modice et summatim perstricta cute, ut vix in superficie vestigium appareret. Stabat homo incolumis, quem securis prostraverat, intuentibus et stupentibus qui circumstabant. Unde et facti alacriores, promptiores exinde ad opus inventi sunt. Et hoc initium signorum Malachiae. Porro D oratorium intra paucos dies consummatum est de lignis quidem lævigatis, sed apte firmiterque contextum, opus Scoticum, pulchrum satis. Et exinde servitur Deo in eo, sicut in diebus antiquis; simili quidem devotione, etsi non pari numero. Præfuit Malachias loco illi tempore aliquanto, patre Imario ita constitente, ipse rector, ipse regula fratrum. Legebant in vita ejus quomodo conversarentur, et ipse ante illos præbat in justitia et sanctitate coram Deo: nisi quod præter instituta communia, multa sin-

<sup>1</sup> Psal. lxiiv, 10, 11.

gulariter faciebat, in quibus potius præibat<sup>663</sup> et metropolitani. Tricesimo ferme ætatis suæ omnes, et aliorum nemo illum poterat ad tam ardua sequi. Eo temporis et eo loci quidam infirmabatur, cui assistens diabolus, et aperte loquens, suggerebat, ne unquam crederet monitis Malachiæ; sed si intraret ad se, cultello eum peteret, et occideret. Quo cognito, qui illi ministrabant, ipso infirmo prodente, verbum perferunt ad Malachiam, præmunientes. At ille solita arma orationis arripiens, impavidus hostem aggressus, et infirmitatem fugat, et dæmonem. Erat autem nomen viro Malebus. Frater est iste secundum carnem Christiani nostri, Mellifontis abbatis. Ambo enim superstitēs adhuc sunt, sibi in spiritu modo germaniores. Nam ille, ut liberatus est, continuo non ingratus, loco eodem conversus ad Dominum, habitum simul animumque mutavit. Et cognovere fratres malignum invidere bonis eorum; et ædificati sunt, facti de reliquo cautiōres.

## CAPUT VII.

Dysenteria laborantem curat.

15. Clericum, nomine Michaelē, dysenteria laborantem, et desperate, mittens ei aliquid de mensa sua, eodem loco sanavit. Secundo eundem ipsum, gravissima infirmitate correptum, et corpore pariter curavit, et mente. Illico enim adhæsit Deo et Malachiæ servo ejus, timens ne deterius aliquid sibi contingeret, si denuo ingratus tanto inveniretur et beneficio, et miraculo. Et nunc, ut audivimus, præest cuidam monasterio, sito in partibus Scotiæ: et hoc novissimum omnium quæ ille fundavit. Pro hujusmodi augescebat in dies et opinio, et congregatio Malachiæ, et grande ei nomen intus et foris, non tamen re grandius. Nempe ibi demorabatur etiam factus episcopus, quod locus esset vicinus civitati.

## CAPUT VIII.

Episcopatum Conneretensem, licet invitus, suscipit.

16. Vacabat tunc temporis episcopalis sedes, et jamdiu vacarat, Malachia nolente assentire, siquidem ipsum elegerant. Persistentibus tamen illis, tandem aliquando cessit, accedente ad vim faciendam mandato magistri sui, necnon

anno Malachias consecratus episcopus introductus Connereth: hoc enim nomen civitatis. Cum autem cœpisset pro officio suo agere, tunc intellexit homo Dei, non ad homines se, sed ad bestias destinatum. Nusquam adhuc tales expertus fuerat in quantacumque barbarie: nusquam repererat sic protervos ad mores, sic ferales ad ritus, sic ad fidem impios, ad leges barbaros, cervicosos ad disciplinam, spurcos ad vitam. Christiani nomine, re pagani. Non decimas, non primitias dare, non legitima inire conjugia, non facere confessiones; pœnitentias nec qui peteret, nec qui daret, penitus inveniri. Ministri altaris pauci admodum erant. Sed enim quid opus plurium, ubi ipsa paucitas inter laicos propemodum otiosa vacaret? Non erat quod de suis fructificarent officiis in populo nequam. Nec enim in ecclesiis aut prædicantis vox, aut cantantis audiebatur. Quid faceret athleta Domini? aut cedendum turpiter, aut periculose certandum. Sed qui se pastorem, et non mercenarium agnoscebat, elegit stare, quam fugere, paratus et animam suam dare pro ovibus, si oportuerit. Et quanquam omnes lupi, et oves nullæ; stetit in medio luporum pastor intrepidus, omnimodis argumentosus, quomodo faceret oves de lupis. Monere communiter, secreto arguere, flere per singulos; nunc aspere, nunc leniter convenire, prout cuique expedire videbat. In quibus per hæc minus profecisset, cor contritum et humiliatum offerebat pro eis. Quoties noctes totas pervigiles duxit, extendens manus in oratione! Et cum venire ad ecclesiam nollent, per vicos et plateas occurrebat invitis; et circumiens civitatem, perquirebat anhelus quem Christo acquireret.

17. Sed et foris rura et oppida nihilominus sæpius percurrerebat cum sancto illo comitatu discipulorum suorum, qui nunquam deerant lateri ejus. Ibat, et erogabat vel ingratīs cœlestis tritici mensuram. Nec vehebatur equo, sed pedes ibat, et in hoc virum se apostolicum probans. Jesu bone! quanta passus est pro nomine tuo bellator tuus a filiis sceleratis! quanta sustinuit ab his ipsis, quibus, et pro quibus loquebatur bona tibi! Quis digne exprimat, in quantis vexatus, quibus affectus sit contumeliis, quibus injuriis lacessitus, quoties lassatus inedia, quoties afflictus in frigore et nuditate? Attamen cum his qui oderunt pacem, erat pa-

cificus, instans nihilominus opportune, im-<sup>666</sup>portune. Blasphematus obsecratur; injuriatus A opponebat scutum patientiæ, et vincebat in honore malum. Quidni vicisset? Perseveravit pulsans, et secundum promissionem tandem aliquando pulsanti apertum est <sup>1</sup>. Quomodo poterat non sequi, quod Veritas prænuñtiaverat secuturum? Dextera Domini fecit virtutem, quia os Domini locutum est veritatem. Cessit duritia, quievit barbaries; et domus exasperans paulatim leniri cœpit, paulatim correptionem admittere, recipere disciplinam. Fiunt de medio barbaricæ leges, Romanæ introducuntur; recipiuntur ubique ecclesiasticæ consuetudines, B contrariæ rejiciuntur; reâdificantur basilicæ, ordinatur clerus in illis. Sacramentorum rite solemnia celebrantur, confessiones fiunt, ad ecclesiam conveniunt plebes, concubinitas honestat celebritas nuptiarum; postremo sic mutata in melius omnia; ut hodie illi genti conveniat, quod Dominus per prophetam dicit, *Qui ante non populus meus, nunc populus meus* <sup>2</sup>.

## CAPUT IX.

Monasterium Ibracense construit.

18. Contigit post annos aliquot destrui civitatem a rege aquilonaris partis Hiberniæ, quia ab aquilone panditur omne malum <sup>3</sup>. Et forte malum illud bene utentibus bonum fuit. Quis scit enim, si tali flagello Deus delere voluit mala antiqua populi sui? Istiusmodi Malachias necessitate compulsus, et ipse exiit cum turba discipulorum suorum. Nec otiosus exitus ejus. Hac occasione monasterium Ibracense constructum est, eunte illo Malachia cum suis numero centum triginta <sup>a</sup> fratribus. Ibi occurrit ei Cormac rex. Ipse est qui olim regno pulsus, sub cura Malachiæ de misericordia Dei consolationem accepit. Et locus ille situs in regno ejus. Gavisus est Rex viso Malachia, se et omnia sua exponens ei, et his qui cum eo erant, utpote non ingratus nec immemor beneficii. Adducta incontinenti animalia multa ad usus fratrum, multa insuper in auro et argento ad sumptus ædificiorum pro regia liberalitate collata. Ipse quoque erat intrans et exiens cum eis sedulus et officiosus, habitu quidem rex,

sed animo discipulus Malachiæ. Et benedixit A loco illi Dominus propter Malachiam. Et in brevi factus est magnus rebus, possessionibus, et personis. Ubi velut de novo iuchans, legem et disciplinam, quam aliis imponebat, magis ipse portabat episcopus et magister. Ipse in ordine vicis suæ, coquinæ ministerio inserviebat: ipse fratribus, cum recumberent, ministrabat. Inter succedentes sibi invicem fratres ad cantandum, legendumve in ecclesia, non se præteriri patiebatur, strenue implens et ipse officium loco suo, tanquam unus ex illis. Sanctæ paupertatis non modo participem, sed et principem se exhibebat, ipsius præcipue super omnes abundantius amulator existens.

## CAPUT X.

Fit archiepiscopus seu primas Hiberniæ.

19. Dum hæc ita aguntur, contigit infirmari archiepiscopum Celsum: et ipse est qui Malachiam in diaconem, presbyterum, episcopumque ordinavit: et cognoscens quia moreretur, fecit quasi testamentum, quatenus Malachias deberet succedere sibi, quod nullus alius videretur dignior, qui episcoparetur in sede prima. C Hoc præsentibus indixit, hoc mandavit absentibus, hoc specialiter ambobus Mumoniæ regibus, et majoribus terræ, sancti Patricii auctoritate præcepit. Cujus reverentia et honore, tanquam apostoli illius gentis, qui totam patriam convertisset ad fidem, sedes illa, in qua et vivens præfuit, et mortuus requiescit, in tanta ab initio cunctis veneratione habetur, ut non modo episcopi, et sacerdotes, et qui de clero sunt, sed etiam regum ac principum universitas subjecta sit metropolitano in omni obedientia, et unus ipse omnibus præsit. Verum mos pessimus inoleverat quorundam diabolica ambitione potentum, sedem sanctam obtentum iri hæreditaria successione. Nec enim patiebantur episcopari, nisi qui essent de tribu et familia sua. Nec parum processerat execranda successio, decursis jam in hac malitia quasi generationibus quindecim. Et eousque firmaverat sibi jus prævum, imo omni morte puniendam injuriam, generatio mala et adultera, ut etsi interdum defecissent clerici de sanguine illo, sed episcopi

<sup>1</sup> Luc. xi, 9. — <sup>2</sup> Osee ii, 24. — <sup>3</sup> Jerem. i, 14.

<sup>a</sup> Alias, *viginti*.

nunquam. Denique jam octo exstiterant ante<sup>667</sup> radicatis, qui jam annos ferme ducentos, quasi Celsum viri uxorati, et absque Ordinibus, litte- A hæreditate possedissent sanctuarium Dei, et rati tamen. Inde tota illa per universam Hiberniam, de qua superius diximus, dissolutio ecclesiasticæ disciplinæ, censuræ enervatio, religionis evacuatio : inde illa ubique, pro mansuetudine christiana, sæva subintroduta barbaries, imo paganismus quidam inductus sub nomine christiano. Nam (quod inauditum est ab ipso Christianitatis initio) sine Ordine, sine ratione mutabantur et multiplicabantur episcopi pro libitu metropolitani, ita ut unus episcopatus uno non esset contentus, sed singulæ pene ecclesiæ singulos haberent episcopos. Nec mirum : nam B quomodo tam morbidi capitis membra valerent?

20. Pro his Celsus, atque hujusmodi malis populi sui vehementer dolens (erat enim vir bonus et timoratus), curavit omni modo habere sibi successorem Malachiam, quod per ipsum confideret posse explantari male radicatam successionem : qui charus esset omnibus, et quem omnes æmularentur, et Dominus erat cum eo. Nec frustratus est a spe sua. Nam illo mortuo, substitutus est Malachias, non tamen mox, neque id facile. Ecce enim de semine nequam qui occupet locum, Mauricius nomine. Is per C quinquennium, fretus potentia sæculari, incubavit Ecclesiæ, non episcopus, sed tyrannus. Nam vota piorum magis in Malachiam convenerant. Denique suadebant eum sabire onus juxta constitutionem Celsi : sed ille, qui omne sublimē haud secus<sup>a</sup> quam suum præcipitium declinabat, bonam sibi videbatur nactus occasionem excusandi, quod per id temporis introitus ejus pacificus esse non posset. Instabant tam sancto operi, et sollicitabant omnes ; duo potissimum episcopi, Malchus et Gillebertus : quorum prior ipse est senior Lesmorensis, de quo supra mentio facta est<sup>1</sup> ; alter, quem aiunt prima functum D legatione apostolicæ Sedis per universam Hiberniam. Qui triennio jam decurso in hac præsumptione Mauricii, et Malachiæ dissimulatione, non ferentes ultra ecclesiæ adulterium, dedecusque Christi, convocatis episcopis et principibus terræ, uno spiritu advenit Malachiam, parati vim facere. At ille rennere primum ; prætereundum siquidem difficultatem rei, nobilis illius prosapiæ multitudinem, fortitudinem, ambitionem : multum esse ad se pauperculum opponere se tot, tantis, talibus, taliter

radicatis, qui jam annos ferme ducentos, quasi hæreditate possedissent sanctuarium Dei, et nunc quoque id præoccupassent : non posse illos exstirpari, nec cum mortibus hominum quidem : sua non interesse, fundi humanum sanguinem occasione sui : postremo junctum se sponsæ alteri, quam dimittere non liceret.

21. Verum illis e contrario instantibus, et clamantibus, quia a Domino sermo egressus est ; sed et tota auctoritate jubentibus subire onus, atque intentantibus anathema : « Ad mortem, » inquit, « ducitis me : sed obedio spe martyrii, » hac tamen conditione, ut si juxta fidem vestram res in melius cedat, et vindicet sibi » Deus suam hæreditatem a diripientibus eam, » tunc demum omnibus consummatis, et Ecclesiæ pacem habente, liceat mihi redire ad priorem sponsam meam, et amicam, de qua rapior, » paupertatem ; et pro me illic alium substituere, » qui tunc forte repertus idoneus fuerit. » Nota, lector, virtutem viri, et animi puritatem, nec honorem scilicet affectantis, nec formidantis mortem pro Christi nomine. Quid hoc animo purius, quidve fortius, ut se exponens periculo et labori, alteri fructum cedat, ipsam in loco principatus securitatem et pacem ? Facit hoc, cum liberum sibi ex pacto retinet reditum ad paupertatem, pace et libertate Ecclesiæ restituta. Spontentibus illis, demum acquievit voluntati eorum, vel potius Dei, a quo sibi jam olim præostensum recordabatur, quod de se modo dolebat<sup>a</sup> fieri. Nempe jam ægrotante Celso, apparuit Malachiæ, et quidem longe posito et nescienti, mulier proceræ staturæ et reverendi vultus. Percontanti quænam esset, responsum est esse uxorem Celsi. Quæ tradens ei virgam pastorem, quam manu tenebat, disparuit. Paucis decursis diebus, Celsus moriens misit baculum suum Malachiæ, tanquam sibi successuro : quem ut vidit, agnovit ipsum esse, quem viderat. Hujus præcipue recordatio visionis terruit Malachiam : ne, si (quod diu satis dissimularat) ultra renneret, divinæ jam videretur resistere voluntati. Veruntamen civitatem non intravit, quamdiu ille incubator vixit, ne hac occasione contingeret mori quemquam ex his, quibus vitam magis ministraturus veniebat. Ita per biennium (nam id temporis supervixit ille) agens extra urbem, strenue in universa provincia opus episcopale exercuit.

<sup>1</sup> Cap. 4.

<sup>a</sup> Alias, volabat.

## CAPUT XI.

Insidias evadit incolumis, auctoribus male perditis.

22. Illo igitur celeri morte facto de medio, rursum Nigellus quidam, imo vere nigerrimus, sedem præripuit. Et in hoc animæ suæ Mauricius adhuc vivens providerat, ut hunc haberet hæredem : in quo qui damnandus exhibat, operibus adjicere damnationis persisteret. Erat enim et ipse ex damnata progenie, cognatus Mauricii. Cæterum Rex, et episcopi, et fideles terræ nihilominus convenerunt, ut introducerent Malachiam. Et ecce consilium malignantium ex adverso. Quidam de filiis Belial promptus ad malitiam, potens in iniquitate, sciens locum ubi pariter convenire decrevisset, multis aggregatis sibi, latenter vicinum occupat collem eminentem e regione : unde illis tractantibus alia, repentino impetu super incautos irruerent, et interficerent innocentes. Condixerant enim etiam Regem cum episcopo trucidare, ut non esset qui vindicaret sanguinem justum. Res innotuit Malachiæ, et intrans ecclesiam (erat enim prope) elevatis manibus oravit ad Dominum : et ecce nubes et caligo, sed et tenebrosa aqua in nubibus aeris, diem verterunt in noctem. Fulgura quoque et tonitrua et horribiles spiritus procellarum, diem ultimum minitantur, vicinamque elementa intentant omnia mortem.

23. Et ut scias, lector, quod oratio Malachiæ concusserit elementa ; solos intercepit tempestas, qui quærebant animam ejus ; solos turbo tenebrosus involvit, qui paraverant opera tenebrarum. Denique ipse, qui princeps exstiterat tanti mali, fulmine percussus interiit cum tribus aliis : et fuere consortes mortis, qui fuerant participes sceleris. Quorum sequenti die inventa sunt corpora semiusta, et putrida, hærentia ramis arborum, ubi quemque spiritus elevans allisisset. Alii quoque tres semivivi inventi sunt : cæteri omnes circumquaque dispersi. Illos autem qui cum Malachia erant, quamvis proximos loco, tempestas omnino non tetigit, nec quidquam molestiæ intulit. In facto isto recens capimus experimentum veritatis verbi illius, quia *oratio justi penetrat caelos*<sup>1</sup>. Sed et novum antiqui exemplum miraculi, quo olim tota Ægypto versante in tenebris, solus Israel in

<sup>668</sup> Immine mausit, dicente Scriptura : *Ubiqumque A Israel erat, lux erat*<sup>2</sup>. Huc mihi occurrit et factum sancti Eliæ, nunc quidem ab extremis terræ nubes et pluvias educens<sup>3</sup>, nunc vero super blasphemos evocantis ignem de celo<sup>4</sup>. Et modo de simili clarificatus est Deus in servo suo Malachia.

## CAPUT XII.

Hostes seu amulos, in ipsum armatos, virtute animi et constanti in Deum fide lenit, silique conciliat.

24. Anno ætatis suæ tricesimo octavo pauper Malachias, pulso incubatore, intravit Arduacha, pontifex et metropolitani totius Hiberniæ. Rege vero cæterisque, qui introduxerant eum, ad propria remeantibus, ipse remanet in manu Dei, et remanent illi foris pugnæ, iutus timores. Nam ecce viperea soboles, frendens et vociferans se exhæredari, tota se intus et foris suscitavit adversus Dominum, et adversus christum ejus. Porro Nigellus videns sibi imminere fugam, tulit secum insignia quædam Sedis illius, textum scilicet Evangeliorum, qui fuit beati Patricii, baculumque auro tectum, et gemmis pretiosisimis adornatum, quem nominant baculum Jesu, eo quod ipse Dominus (ut fert opinio) eum suis manibus tenuerit, atque formaverit. Et hæc summæ dignitatis et venerationis in gente illa. Nempe notissima sunt celeberrimaque in populis, atque in ea reverentia apud omnes, ut qui illa habere visus fuerit, ipsum habeat episcopum populus stultus et insipiens. Ibat homo gyrovagus, et alter satanas circuibat terram, et perambulabat eam, insignia sacra circumferens : quæ ubique ostentans, ubique eorum gratia receptabatur, concilians sibi per hæc animos omnium, et a Malachia, quosque D potuisset, avertens. Hæc ille.

25. Erat autem princeps quidam de potentioribus iniquæ progeniei, quem Rex priusquam civitatem exiret, jurare coegerat pacem tenere Episcopo, acceptis ab eo insuper obsidibus multis. Is post Regis exitum nihilominus civitatem ingressus, consilium habuit cum propinquis et amicis, quomodo sanctum dolo tenerent, et occiderent : timebant vero plebem. Et conjurantes in necem Malachiæ, constituere locum et diem, et traditor dedit eis signum. Ipso die

<sup>1</sup> Eccli. xxxv, 21. — <sup>2</sup> Exod. x, 23. — <sup>3</sup> III Reg. xviii, 45. — <sup>4</sup> IV Reg. 1, 10.

cum vespertina jam solemnia in ecclesia cele-<sup>670</sup>braret Antistes cum universo clero et multitudine populi, mittit ad ipsum nequam ille in verbis pacificis in dolo, rogans quatenus ad se dignetur descendere, ut faciat pacem. Respondentibus qui assistebant, ipsum potius ad Episcopum debere venire; ecclesiam esse competentiore locum firmandæ pacis: siquidem præsenſerant dolum. Subjungunt qui missi erant, hoc tutum non esse principi: timere eum capiti suo, nec se credere turbis, quæ se ante hos dies causa Episcopi propemodum interemissent. Contendentibus in hunc modum, illis quidem ut iret, istis vero ne iret; Episcopus cupidus pacis, et mortis non timidus: « Sinite, » inquit, « fratres, sinite me imitari Magistrum » meum. Sine causa sum christianus, si Christum non sequor. Forte flecto humilitate tyrannum; et si non, vinco tamen exhibens ovium pastor, sacerdos laico, quod mihi ille debuerat. Vos quoque, quod in me est, non parum ædifico exemplo tali. Quid enim si contingat occidi? Non recuso mori, ut vos vitæ ex me teneatis exemplum. Oportet episcopum, ut ait episcoporum Princeps, non dominari in clero, sed formam fieri gregis<sup>1</sup>. Haud aliam sane formam, quam ab illo accepimus, qui humiliavit semetipsum, factus obediens usque ad mortem. Quis mihi det hanc relinquere filiis signatam sanguine meo? Experiemini certe, an sacerdos vester digne satis a Christo didicerit, mortem non timere pro Christo. » Et surgens, cœpit ire flentibus cunctis et supplicantibus, ne tantum cuperet pro Christo mori, ut tantum Christi gregem desolatum relinqueret.

26. Verum ille totam spem suam ponens in Domino, tota alacritate perrexit, tribus tantum comitatus discipulis, paratis mori cum eo: qui ut calcato limine domus repente se medio intulit armorum, scuto fidei ipse munitus; concidere facies omnium, quia pavor irruit super eos, ita ut dicere posset Episcopus, *Qui tribulant me inimici mei, ipsi infirmati sunt, et ceciderunt*<sup>2</sup>. Hoc verbum verum est. Videres hostiam stantem, carnifices ferro armatis manibus undique circumstantes: et qui immolaret, non erat. Putares stupere lacertos<sup>a</sup>: sic non fuit,

qui extenderet manum. Nam et is quoque, qui caput malitiæ videbatur, assurgit ei potius quam insurgit. Ubi, quæso, signum, o homo, quod dederas in mortem Pontificis? Hoc magis honoris signum, quam mortis indicium. Deferre est hoc, non mortem inferre. Res mira! pacem offerunt, qui necem paraverant. Non est quod abnuat, qui et vitæ periculo quæsierat eam. Itaque facta est pax, et tam firma, ut ab illa die hostem Sacerdos non modo pacatum habuerit, sed subditum, sed devotum. Quo audito, fideles quique gavisii sunt, quod non modo salvatus sit sanguis innoxius in die illa; sed et nocentium multorum animæ, Malachiæ meritis, evaserint ad salutem. Et apprehendit omnes circumquaque timor, audientes quomodo duos inimicorum ejus, qui viderentur ferociores et fortiores in generatione sua, sic subita virtute prostravit Deus: istum loquor, qui in manibus est, et eum de quo superius dixi. Alterum enim terribiliter mulctatum in corpore, alterum misericorditer mutatum in corde, ambos mirabiliter comprehendit in consiliis, quæ cogitabant.

27. His ita peractis, cœpit jam in civitate Episcopus tota libertate disponere et ordinare de omnibus pertinentibus ad ministerium suum, non tamen sine continuo discrimine vitæ suæ. Nam etsi jam nemo qui palam noceret, ab insidiantibus tamen nec locus satis tutus Episcopo erat, nec tempus feriatum. Et deputati sunt ei viri armati ad custodiam die et nocte: sed ille magis in Domino confidebat. Fuit vero consilium, præfatum schismaticum insequi, eo quod seduceret multos ex insignibus quæ ferebat, suadens omnibus episcopum se esse debere; et sic sollicitans plebes adversus Malachiam, atque Ecclesiæ unitatem. Et fecit sic: et sine difficultate ita in brevi universas sepexit vias ejus per gratiam sibi a Domino datam, et quam habebat ad omnes, ut malignus ille coactus sit dare manus, reddere insignia, et quiescere de reliquo in omni subjectione. Ita Malachias, licet per multa pericula et labores, prosperabatur in dies, et confortabatur magis ac magis, abundans in spe et virtute Spiritus sancti.

<sup>1</sup> I Petr. v, 3. — <sup>2</sup> Psal. xxvi, 2.

<sup>a</sup> Similia exempla habes in Ambrosio, adversus Maximinum; in Basilio, adversus Valentem; in Leone Magno, adversus Attilam; in Chrysostomo, adversus Gaium, etc.

## CAPUT XIII.

Deus Malachie detractores punit.

28. Nec modo malefactores, sed et detractores Malachie corripuit Deus. Quidam, verbi gratia, gratiam habens principum et potentum, etiam ipsius Regis, quod esset adulator et garrulus, et potens in lingua; favebat per omnia adversariis Malachie, et procaciter tuebatur partem eorum: Sancto vero et præsentī resistebat in facie, et detrahebat absenti, irreverenter occurrens ei in omni loco, maximeque ubi celebrioribus illum sciret interesse conventibus. Sed cito digna linguæ procacis mercede donatus est. Intumuit et computruit lingua maledica, vermibus ex ea scatentibus, et diffluentibus toto ore blasphemio: quos per septem ferme dies incessanter vomens, tandem cum illis miseram exspuit animam.

29. Loquente coram aliquando Malachia, et populum exhortante, mulier quædam infelix ausa est interrompere sermonem clamoribus improbis, non deferens sacerdoti, et spiritui qui loquebatur. Erat autem de progenie impia, et spiritum habens in naribus, blasphemias contumeliasque evomebat in Sanctum, dicens hypocritam et invasorem alienæ hæreditatis, sed et calvitiei illius impropere. At ille nihil respondit ei, sicut erat verecundus et mitis; sed Dominus respondit pro eo. Versa illa in insaniam est, Domino judicante: et crebris vocibus clamitans se suffocari a Malachia, morte demum horrenda luit peccatum blasphemie. Sic misera assumens adversus Malachiam improprium Elisæi<sup>1</sup>, vere illum sibi alterum experta est Elisæum.

30. Porro quia causa pestilentie ejusdam ortæ in civitate, multitudinem cleri et populi dolemniter cum reliquiis<sup>2</sup> sanctorum\* tunc foras eduxerat, ne hoc quidem prætereundum, quod orante Malachia, pestilentia illico conquievit. Ex hoc jam, qui mutiret adversus eum, non fuit, dicentibus qui de semine Chanaan sunt: Fugiamus Malachiam, quia Dominus pugnat pro eo. At sero istud: quia zelus Domini, ubique occurrens eis, persecutus est eos usque ad interneccionem. Quomodo intra paucos dies periit memoria eorum cum sonitu! quomodo

<sup>671</sup> facti sunt in desolationem, subito defecerunt, A perierunt propter iniquitatem suam! Grande lio dieque miraculum facit tam velox generationis illius deletio, his præsertim qui eorum noverant superbiam atque potentiam. Multa quidem et alia signa fuere, quibus Deus glorificavit nomen suum, et servum suum inter sudores et pericula confortavit. Quis digne commemoret? Non tamen omnia præterimus, etsi non sufficimus ad omnia. Propter seriem autem narrationis, ne impediatur, aliqua quæ dicturi sumus, reservamus in finem.

## CAPUT XIV.

Sedem metropolitanam paci redditam resignat.

31. Igitur Malachias intra triennium reddita retributione superbis, et libertate Ecclesie restituta, pulsa barbarie, et reformatis ubique moribus christianæ religionis, videns omnia in pace esse, cœpit cogitare et de sua pace. Et memor propositi sui, constituit pro se Gelasium, virum bonum, et dignum tali honore, conniventibus clero et populo, quin potius sustentibus propter pactum. Nam alias durum visum omnino. Quo consecrato, regibusque ac principibus attentius commendato, ipse clarus miraculis et triumphis, ad suam parochiam rediit: non tamen Connereth. Et audi causam dignam relatu. Diæcesis illa duas fertur habuisse antiquitus episcopales sedes, et duos exstitisse episcopatus. Id visum melius Malachie. Itaque quos ambitio conflavit in unum, Malachias revocavit in duos, partem alteri episcopo cedens, partem retinens sibi. Et propterea non venit Connereth, quod in ea jam episcopum ordinasset: sed Dunum se contulit, disternans parochias, sicut in diebus antiquis. O purum cor! o oculus columbinum! Locum tradidit novo episcopo, qui videretur paratior, principalior haberetur; locum, in quo sederat ipse. Ubi sunt, qui de terminis litigant, pro uno viculo perpetes ad invicem inimicitias exercentes? Nescio si quod genus hominum magis, quam istos, antiquum vaticinium tangat: *Secuerunt prægnantes Galaad ad dilatandum terminos suos*<sup>2</sup>. Sed hoc alias.

32. Malachias factus Dunensis episcopus, confestim more suo curavit asciscere ad sola-

<sup>1</sup> IV Reg. II, 24. — <sup>2</sup> Amos I, 13.

<sup>3</sup> Alias, memoria.

tium sibi de filiis suis conventum regularium<sup>672</sup> clericorum. Et ecce rursus accingitur, quasi novus Christi tiro, ad spirituale certamen; rursus induitur arma potentia Deo, sanctæ paupertatis humilitatem, rigorem disciplinæ cœnobialis, otium contemplandi, orandi assiduitatem: quæ tamen omnia voto magis valuit diu tenere, quam actu. Etenim universi confluebant ad eum: nec modo mediocres, sed et nobiles et potentes, illius se sapientiæ et sanctitati instruendos, corrigendos ac regendos committere festinabant. Et ipse interdum ibat, et exhibat seminare semen suum, disponens et decernens tota auctoritate de rebus ecclesiasticis, tanquam ex Apostolis unus. Et nemo illi dicebat, In qua potestate hæc facis? videntibus cunctis signa et prodigia, quæ faciebat; et quia ubi spiritus Domini, ibi libertas<sup>1</sup>.

### CAPUT XV.

Romam proficisci deliberat, pallium a Pontifice petiturus.

33. Visum tamen sibi, non tute satis actitari ista absque Sedis apostolicæ auctoritate, et Romam proficisci deliberat: maximeque quod metropolitica sedi deerat adhuc, et defuerat ab initio pallii usus, quod est plenitudo honoris. Et visum est bonum in oculis ejus, si Ecclesia, pro qua tantum laborarat, quem hactenus non habuerat, suo acquireret studio et labore. Erat et altera metropolitana sedes, quam de novo constituerat Celsus, primæ tamen sedi, et illius archiepiscopo subdita, tanquam primati. Et huic quoque optabat nihilominus pallium Malachias, confirmarique auctoritate Sedis apostolicæ prærogativam, quam beneficio Celsi adipisci meruerat. Innotescente proposito, displicuit fratribus, necnon et magnatibus et populo terræ. Omnes enim intolerabilem sibi judicabant tam diutinam omnium pii parentis absentiam, et quod metuerent de morte ipsius.

34. Contigit interea mori germanum ejus, Christianum nomine, virum bonum, plenum gratiæ et virtutis. Episcopus erat, illi quidem secundus in celebri opinione, sed vitæ sanctimonia et justitiæ zelo forte non impar. Hujus decessus magis terruit universos, et discessum Malachiae reddidit molestiorem. Dicebant autem nullo modo assentiendum unici peregrina-

tioni patroni, ut non desoleatur omnis terra, si duabus tantis columnis sub uno momento temporis destituatur. Ergo omnes pariter contradicunt. Et vim faciebant, cum ille divinam ultionem minatus est. Non tamen destitere illi, nisi missa sorte, prius Dei voluntas super hoc interrogaretur. Prohibente illo, nihilominus mittunt: sed illa pro Malachiae parte ter respondisse inventa est. Nec enim una contenti vice fuere, cupidi retinendi eum. Demum cedentes, dimittunt illum, non tamen sine ploratu et ululatu multo. Sed ne quid imperfectum relinqueret, tractare cœpit, quomodo defuncti fratris semen suscicaret. Et accersitis ad se tribus discipulis suis, anxius æstuabat, quisnam dignior ad hoc opus, sive utilior videretur. Et diligenter intuitus singulos: « Tu, » inquit, « o » Edane » (sic enim vocabatur unus), « suscipe » onus. » Illo cunctante, et flente: « Ne timeas, » ait. « Tu enim mihi a Domino designatus es, » quia annulum aureum, quo desponsandus es, » jam nunc prævidi in digito tuo. » Acquievit ille, et Malachias, eo consecrato, proficiscitur.

35. Cumque egressus de Scotia, pervenisset Eboracum, sacerdos quidam, Sycarus nomine, intuitus eum agnovit. Nec enim faciem ejus viderat ante: sed cum haberet spiritum prophetiæ, revelatum fuerat ei jampridem de illo. Et nunc incunctanter circumstantibus digito eum demonstrans: « Hic est, » inquit, « de quo dixeram, quia de Hibernia sanctus veniet pontifex, qui scit cogitationes hominum. » Sic non potuit latere lucerna sub modio, prodente eam per os Sycari Spiritu sancto qui illam accenderat. Nam et multa secreta de esse suo, suorumque dicta sunt ei a Sycaro, quæ ita esse vel fuisse omnia recognovit. Sed et sociis Malachiae percontantibus de suo reditu, respondit Sycarus incunctanter (quod post rei probavit eventus), paucos videlicet admodum de numero illo cum Episcopo redituros. Illi, audito hoc, suspicati sunt mortem: sed Deus aliter adimplevit. Nempe rediens ab Urbe, quibusdam apud nos, quibusdam et in aliis locis ad discendam conversationis formam relictis, juxta verbum Sycari, cum paucis admodum repatriavit. Hæc de Sycaro.

36. In ipsa urbe Eboracensi, accessit ad eum vir nobilis secundum sæculum, Wallenus nomine, tunc Prior in Kirkeham<sup>a</sup> regularium

<sup>1</sup> II Cor. iii, 17.

<sup>a</sup> Alias, *Kyrkestede*.



fratrum; nunc vero monachus, et monachorum pater in Mailros monasterio Ordinis nostri, qui devotus Malachia se orationibus satis humiliter commendavit. Is advertens multos habere Episcopum socios, et equos paucos (nam præter ministros, et clericos alios, quinque cum eo erant presbyteri, et equi nonnisi tres), obtulit ei suum, quo ipse vehebatur, hoc solum dolere se inquit, quod esset runcinus dure portans. Et addit: « Libentius dedissem, si melior fuisset: sed, si dignamini, ducite qualemcunque vobiscum. » « Et ego, » ait Episcopus, « eo libentius accipio, quo prædicas vilior: quia non potest mihi vile esse, quidquid tam pretiosa voluntas obtulerit. » Et conversus ad suos: « Hunc, » inquit, « sternite mihi, quia commodus satis, et sufficiens erit in longum. » Quo facto, ascendit: et primo quidem durum, ut erat, sentiens, postmodum mira mutatione valde commodum sibi et suaviter ambulante invenit. Et ne caderet super terram de sermone quem dixerat, usque ad nonum annum, quo mortuus est ipse, non defecit ei, factus optimus et pretiosissimus palefridus. Quodque evidentius miraculum cernentibus fecit, de subnigro cœpit albescere, et non multo post vix inveniebatur albior illo.

## CAPUT XVI.

Romam tendens, et inde rediens, Claram-Vallem visitat.

37. Mihi quoque in hac via datum est videre virum, et in ejus visu et verbo refectus sum, et delectatus sum, sicut in omnibus divitiis. Et ego vicissim, peccator licet, inveni gratiam in oculis ejus extunc, et deinceps usque ad obitum ipsius, sicut in proœmio præfatus sum. Ipse etiam dignatus divertere ad Claram-Vallem, visis fratribus, compunctus est: et illi non mediocriter ædificati in præsentia et sermone ejus. Et acceptans locum, et nos, atque intimis visceribus colligens, valedixit nobis, et abiit. Qui transalpinans, cum venisset Iporiam civitatem Italiae, hospitis sui parvulum filium, qui male habens moriturus erat, continuo sanavit.

38. Erat tunc temporis in Sede apostolica felicis memoriae Innocentius secundus papa: qui eum benigne suscepit, humane satis illi super longa peregrinatione compassus. Et primo quidem Malachias, quod altius infixerat animo, eum

multis lacrymis implorabat, licere sibi vivere, et mori in Clara-Valle, permissu et benedictione summi Pontificis. Et petiit hoc, non oblitus ad quod venerat, sed affectus quo venerat desiderio Clarae-Vallis. Non autem obtinuit, quod virum Apostolicus lucris potius uberius occupandum decerneret. Nec tamen omnino frustratus est a desiderio cordis sui, cui mori ibi, etsi non vivere, donatum est. Mensem integrum fecit in Urbe, loca sancta perambulans, et frequentans causa orationis. Cumque per id temporis sæpe ac diligenter ab eo, et ab his qui cum eo erant, summus Pontifex inquisisset esse patriæ, mores gentis, statum Ecclesiarum, et quanta in terra Deus per eum operatus fuisset: paranti jam repatriare commisit vices suas, per universam Hiberniam legatum illum constituens. Significatum siquidem erat ei ab episcopo Gilleberto, qui, ut supra memoravimus, tunc legatus exstiterat, quod jam non posset præ senio et debilitate corporis villicare. Post hæc petit Malachias confirmari novæ metropolis constitutionem, et utriusque sedis pallia sibi dari. Et confirmationis quidem privilegium mox accepit: « De palliis autem, » ait summus Pontifex, « oportet solemnitus agi. » Convocatis episcopis, et clericis, et majoribus terræ, celebrabis generale concilium: et sic conniventia et communi voto universorum per honestas personas requiretis pallium, et dabitur vobis. » Deinde tollens mitram de capite suo, imposuit capiti ejus: sed et stolam cum manipulo dedit, quibus uti inter offerendum solebat. Et salutatum in osculo pacis dimisit eum, apostolica fultum benedictione et auctoritate.

39. Qui revertens per Claram-Vallem, suam secundo nobis largitus est benedictionem. Et alta suspiria trahens, quod non liceret sibi pro suo desiderio remanere: « Hos, » inquit, « interim pro me, oro ut retineatis, qui a vobis discant, quod nos postmodum doceant. » Et infert: « Erunt nobis in semen, et in semine isto benedicentur gentes, et illæ gentes, quæ a diebus antiquis monachi quidem nomen audierunt, monachum non viderunt. » Et dimissis quatuor a latere suo, abiit: qui probati, et digni inventi monachi facti sunt. Post aliquod tempus, cum jam Sanctus esset in terra sua, misit alios, et de illis factum est similiter. Quibus per aliquantum tempus instructis, et eruditis corde in sapientia, dato eis in patrem sancto

fratre Christiano, qui erat unus ex ipsis, emissus<sup>350</sup> eos, adjungentes de nostris, quanti sufficerent ad numerum abbatiae. Quae concepit, et peperit filias quinque: et sic multiplicato semine, augefcit in dies numerus monachorum, juxta desiderium et vaticinium Malachiae. Nunc jam repetamus ordinem narrationis.

## CAPUT XVII.

Diversa beneficia sanitarum per eum collata.

40. Malachias profectus a nobis, prospere pervenit in Scotiam. Et invenit David regem, qui adhuc hodie superest, in quodam castello suo: cujus filius infirmabatur ad mortem. Ad quem ingressus, honorifice a Rege susceptus, et humiliter exoratus, ut sanaret filium suum; aqua, cui benedixit, aspersit juvenem, et intuens in eum, ait: « Confide, fili, non morieris » hac vice. » Dixit hoc, et die sequenti, secundum dictum prophetæ, secuta est sanitas, sanitatem lætitiæ patris, clamor et strepitus totius exsultantis familiæ. Exiit sermo ad omnes, nec enim quod in domo regia, et Regis acciderat filio, latere potuit. Et ecce ubique resultans gratiarum actio, et vox laudis, tum pro salute domini, tum pro miraculi novitate. Henricus est iste: nam vivit adhuc unicus patris sui, miles fortis et prudens, patrizans, ut aiunt, in sectando justitiam et amorem viri. Et amavit uterque Malachiam, quamdiu vixit, tanquam qui illum a morte revocasset. Rogabant eum manere per aliquot dies: sed ille declinans gloriam, moram non sustinuit, et mane carpebat iter. Transeunti igitur per villam, nomine Crugeldum, occurrit puella muta. Orante illo, solutum est vinculum linguæ ejus, et loquebatur recte. Dehinc villam ingrediens, quam nominant ecclesiam Sancti-Michaelis, oblatam sibi mulierem phreneticam, et vinctam funibus, coram omni populo curat, et dimissa incolumi, proficiscitur. Perveniens vero ad portum Laperasperi, transitum ibi per aliquot dies præstolabatur: sed mora minime transit otiosa. Construitur interim de virgis in sæpem textis oratorium, ipso jubente, ipso operante pariter. Consummatum circumdedit vallo, atque interjacens spatium in cœmeterium benedixit. Sane merita benedicentis miracula satis declarant, quæ usque hodie ibi actitari feruntur.

41. Inde est, quod de finitimis locis infirmos

et male habentes illo portare consueverunt, et sanantur multi. Mulier totis dissolutis membris, plaustro vecta illuc, pedibus suis remeavit domum, una duntaxat nocte non frustra in loco sancto præstolata misericordiam Domini. Alia quædam ibidem pernoctabat in oratione: quam forte reperiens solam homo barbarus, accensus libidine, et sui minime compos, irruit rabiosus in eam. Conversa illa, et tremefacta, suspiciens advertit hominem plenum diabolico spiritu: « Heus tu, » inquit, « miser, quid agis? Consi- » dera ubi es, reverere hæc sancta, defer Deo, » defer servo ejus Malachiae, parce et tibi ipsi. » Non destitit ille, furiis agitatus iniquis. Et ecce (quod horribile dictu est) venenatum et tumidum animal, quod bufonem vocant, visum est reptans exire deinter femora mulieris. Quid plura? Terrefactus resilit homo, et datis saltibus, festinus oratorio exsilit. Ille confusus abscessit, et illa intacta remansit, magno quidem et Dei miraculo, et merito Malachiae. Et pulchre operi fœdo et abominando fœdum intervenit et abominabile monstrum. Non prorsus aliter decuit bestialem exstingui libidinem, quam per frigidissimum vermem: nec aliter temerarium frenari ausum, frustrari conatum, quam per vilem, inutilemque bestiolam. Et hæc loco isto sufficiant pauca de pluribus: nunc jam reliqua prosequamur.

## CAPUT XVIII.

Reversus in patriam, totus curæ pastorali et reformationi incumbit.

42. Ascendit Malachias navem, et prospere navigans, applicuit monasterio suo Benchorensi, ut primi filii primam reciperent gratiam. Quid animi putas gessisse illos, sano de via tam longa recepto patre, et illo patre? Nec mirum, si se tota in gaudium effuderunt viscera eorum in reditu ejus, quando et exteris circumquaque gentibus incredibilem mox lætitiæ velox rumor invexit. Denique de civitatibus, et castellis, et vicis occurrunt ei; et quocumque divertat, suscipitur exultatione universæ terræ. Verumtamen non sapit honor. Opus exercetur legationis: multis in locis celebrantur conventus multi, ne qua regio, seu portio regionis, legationis fructu et utilitate fraudetur. Seminatur super omnes aquas: non est qui se abscondat ab opera sollicitudinis ejus. Non sexus, non ætas, non con-

ditio, non professio reputatur. Ubique semen<sup>675</sup> spargitur salutare, ubique intonat tuba cœlestis. Ubique discurret, ubique irrupit, evaginato gladio linguae ad faciendam vindictam in nationibus, increpationes in populis. Terror ejus super facientes mala. Clamat *iniquis, Nolite inique agere; et delinquentibus, Nolite exaltare cornu*<sup>1</sup>. Religio ubique plantatur, propagatur, fovetur. Oculi ejus super eos, et cura ejus ad necessitates eorum. In conciliis, quæ passim celebrantur, repetuntur antiquæ traditiones, quas tamen bonas fuisse constiterit, abolitas vero negligentia sacerdotum. Nec modo vetera instaurantur, eundem et nova; et quæcumque promulgaverit, B tanquam cœlitus edita acceptantur, tenentur, scripto mandantur ad memoriam posterorum. Quidni cœlitus missa crederentur, quæ tot cœlestia confirmant miracula? Et ut fidem dictis faciam, perstringam nonnulla paucis. Quis enim cuncta enumeret? Quanquam libentius, fateor, imitandis immorer, quam admirandis.

## CAPUT XIX.

Virtutum ejus insignia, et mores vero præsule digni.

43. Et meo quidem judicio primum et maximum miraculum, quod fecit, ipse erat. Ut enim taceam interiorem hominem ejus, cujus pulchritudinem, fortitudinem, puritatem satis indicabant mores ipsius et vita; ipsum exteriorem ita uno semper modo, ipsoque modestissimo et decentissimo gessit, ut nil prorsus appareret in eo, quod posset offendere intuentes. Et quidem qui non offendit in verbo, ille perfectus est vir<sup>2</sup>. At vero in Malachia quis unquam, etiamsi curiosius observavit, deprehendit otiosum, non dico verbum, sed nutum? Quis manum, pedemve moventem frustra? Imo quid non ædificans in ejus incessu, aspectu, habitu, vultu? Denique D vultus hilaritatem nec fuscavit mœror, nec levigavit risus. Totum in eo disciplinatum, totum insigne virtutis, perfectionis forma. Per omnia serius, sed non austerus. Remissus interdum, dissolutus nunquam. Negligens nihil, etsi pro tempore multa dissimulans. Quietus sæpe, sed minime aliquando otiosus. A die primo conversionis suæ usque ad extremum vitæ, sine proprio vixit. Non servos, non ancillas, non villas, non viculos, non denique quidquam redituum ecclesiastico-

rum sæculariumve, vel in ipso habuit episcopatu. Mensæ episcopali nihil prorsus constitutum, vel assignatum, unde Episcopus viveret. Nec enim vel domum propriam habuit. Erat autem pene incessanter circueiens parochias omnes, Evangelio serviens, et de Evangelio vivens, sicut constituit ei Dominus: *Dignus est, inquit, operarius mercede suæ*<sup>3</sup>. Nisi quod frequentius ipsum Evangelium sine sumptu ponens, de laboribus suis suorumque ferebat, unde se et eos qui secum laborabant, in opere ministerii sustentaret. Porro si interdum quiescere oporteret, in sanctis hoc faciebat locis, quæ ipse per Hiberniam sparserat universam: apud quos vero moram facere libuisset, illorum se conformavit moribus et observantiis, communi contentus vita et mensa. Non fuit in victu, non fuit in vestitu, in quo potuisset Malachias dignosci inter cæteros fratres: in tantum, cum major esset, humiliavit se in omnibus.

44. Denique cum exiret ad prædicandum, cum peditibus pedes et ipse ibat, episcopus et legatus. Forma apostolica hæc: et inde magis mira in Malachia, quo rara nimis in aliis. Verus profecto Apostolorum hæres est iste, qui talia agit. Sed advertere est, quomodo dividat hereditatem cum fratribus suis, æque nepotibus Apostolorum. Illi dominantur in clero: iste dum esset liber ex omnibus, omnium se servum fecit. Illi aut non evangelizantes manducant, aut evangelizant ut manducent: Malachias imitans Paulum, manducat, ut evangelizet. Illi fastum et quæstum æstimant pietatem: Malachias hereditate vindicat sibi opus et onus. Illi felices se credunt, si dilataverint terminos suos: Malachias in dilatanda charitate gloriatur. Illi congregant in horrea, et dolia replent, unde onerent mensas: Malachias colligit in deserta et solitudines, unde impleat cœlos. Illi, cum accipiant decimas, et primitias, et oblationes, insuper et de Cæsaris beneficio telonia, et tributa, et alios redditus infinitos, solliciti sunt nihilominus, quid manducent, et quid bibant: Malachias nihil horum habens, multos tamen locupletat de promptuario fidei. Illis nec cupiditatis, nec sollicitudinis ullus est finis: Malachias cupiens nihil, non novit tamen cogitare de crastino. Illi a pauperibus exigunt, quod dent divitibus: iste sollicitat divites pro pauperibus sustentandis. Illi marsupia vacuant subditorum: iste pro pec-

<sup>1</sup> Psal. lxxiv, 5. — <sup>2</sup> Jacobi iii, 2. — <sup>3</sup> Luc. x, 7.

catas eorum altaria cumulat votis, hostiisque<sup>677</sup> pacificis. Illi alta palatia erigunt, turres, ac mœnia ad cœlos levant: Malachias non habens ubi caput reclinet, opus facit evangelistæ. Illi equos ascendunt cum turba hominum gratis manducantium panem, et non sum: Malachias septus sanctorum fratrum collegio, pedes circuit, portans panes Angelorum, quibus satiet animas esurientes. Illi plebes ne agnoscunt quidem: iste erudit. Illi potentes et tyrannos honorant: iste punit. O virum apostolicum, quem tot et talia nobilitant signa apostolatus sui! Quid ergo mirum, si mira est operatus, sic mirabilis ipse? Imo vero non ipse, sed Deus in ipso. Alioquin B

*tu es Deus, inquit, qui facis mirabilia*<sup>1</sup>.

## CAPUT XX.

Energumēnos vexatos a dæmoniis liberat.

45. Erat mulier in civitate Culratim<sup>a</sup>, dæmonium habens. Vocatus est Malachias: orat pro addicta, urget invasorem; exit. Sed nondum exsaturata nequitia ejus, miseram invadit mulierculam, quæ forte prope assisteret. Et Malachias: « Non ad hoc, » inquit, « tibi illam tuli, » ut hanc pervaderes: exi et ab ea. » Paret, sed C repetit priorem. Qua denuo pulsus, recurrit in alteram. Ita per aliquod spatium alternatim vexabat illas, hinc inde refugiens. Tunc sanctus indignans sibi illudi a dæmone, colligensque spiritum, infremuit, et totis viribus fidei facto impetu in adversarium, ab utraque fugavit, et quidem non minus vexatum his, quas vexaverat ipse. Cæterum quod moram fecit sancto, non putes, lector, fuisse virtutis ejus, sed dispensationis divinæ: ut videlicet ex hoc manifestior fieret et maligni præsentia, et victoria Malachiae. Denique audi quid alibi fecerit, non autem per præsentiam suam. Et utique potuit præsens, quod absens valuit.

46. In regione aquilonaris partis Hiberniæ jacebat infirmus in domo, nec dubium quin dæmonum maleficio. Nam quadam nocte audit eos loquentes, dicente altero ad alterum: « Vide » ne miser iste hypocritæ illius stratum, stramenve contingat, et sic effugiat manus nostras. » Cognovit homo, quod Malachiam loquerentur, quem non multo ante in eadem domo meminerat pernoctasse. Et adhuc stramen in

loco: sumptaque fiducia, et quo potuit conatu, A cœpit reperere debilis corpore, sed fide fortis. Et ecce in aere clamor et vociferatio: « Prohibe » eum, prohibe; retine eum, retine: amittimus » prædam. » Verum is quem portabat fides et desiderium evadendi, quanto plus clamabant illi, tanto magis genibus manibusque nitens, ad remedium festinabat. Et perveniens ascendit lectulum, volutatur in stramine, audit ululatum plangentium: « Heu, heu! ipsi nos prodidimus, » decepti sumus, evasit. » Et dicto citius recessit ab eo dæmonio terror et horror quem patiebatur, et omnis pariter ægritudo. In Lesmor civitate homo a dæmonio vexatus, per Malachiam liberatus est. Item transeunti aliquando per Laginiam, oblatu illi infans habens dæmonium; sanus relatus est. In regione eadem ligatam funibus phreneticam solvi jussit, et in aqua, quam benedixit, lavari. Lota est, et sanata est. Alteram quoque in Saballo regione Ulydiæ, membra propria dentibus laniantem, orando et tangendo curavit. Amentem hominem, multa prædicentem futura, amici et propinqui adducunt ad Dei hominem, vinctum funibus fortiter, quod fortem ad nocendum rabies ipsa fecisset, et terribilem valde. Orat Malachias; et incontinenti æger sanatur, et solvitur. Factum est hoc loco quodam, Cujus nomen tacemus, quod nimis barbarum sonet, sicut et alia multa. Alio tempore in præfata civitate Lesmor puellam mutam parentes ejus in media platea offerunt transeunti, cum multa supplicatione rogantes, ut ei subvenire dignetur. Stat Malachias, et facta oratione, tangens digito linguam ejus, sputum misit in os ejus, et loquentem dimisit.

## CAPUT XXI.

Beneficia moribundis et parturientibus præstita.

47. Exiens de quadam ecclesia, obvium habuit hominem cum uxore sua, quæ non poterat loqui. Rogatus ut ejus misereatur, stat in porta populo circumstante; et data benedictione super eam, jubet dominicam dicere orationem. Dixit illa, et populus benedixit Dominum. In civitate, cui nomen Oenthreb<sup>b</sup>, decumbens lectulo quidam dives, jam dies duodecim privatus linguæ officio, ad jussionem visitantis se sancti, loquelam recuperat, eucharistiam sumit: et ita

<sup>1</sup> Psal. lxxvi, 15.

<sup>a</sup> Alias, *Cultatim*. — <sup>b</sup> Alias, *Onereth*.

munitus, extremum in bona confessione efflav<sup>67a</sup> spiritum. O oliva fructifera in domo Dei! o oleum jucunditatis, ungens et lucens! Et splendore miraculi illustravit sanos, et suavitate beneficii unxit infirmum, cui mox morituro salutarem confitendi et communicandi obtinuit facultatem. Intravit ad eum quidam de nobilibus, habens ei aliquid dicere. Qui inter loquendum, fide plenus, tres juncos pie furatus de lectulo, in quo ille sedebat, tulit secum: et multa Deus de furto pietatis est operatus, fide illius, et Præsulis sanctitate. Forte venerat in civitatem, nomine Duevania. Et cum sederet ad mensam, ingressus vir nobilis de civitate ipsa, humiliter supplicat pro uxore prægnante, quæ jam solenne omne præterisset tempus pariendi, ita ut mirarentur omnes; et nemo, qui aliud quam vitæ periculum crederet imminere. Rogat et cum eo Neemias episcopus illius civitatis, qui juxta eum sedebat: rogant et cæteri, quotquot aderant simul discumbentes. Tum ille: « Com- » patior ei, » inquit, « quod bona mulier sit, et » pudica. » Et porrigens viro poculum, cui benedixerat: « Vade, » inquit, « da illi bibere, » sciens eam sumpto benedictionis potu, et sine » mora, et sine periculo parituram. » Factum est quod præcepit, et nocte ipsa subsecutum C est quod promisit. Sedebat in campo cum Comite Ulydiæ aliqua tractans, et multitudo copiosa circa eos. Venit mulier gravida, et vere gravis. Indicat se contra omnes naturæ leges retinere partum jam quindecim mensibus et diebus viginti. Compassus Malachias super novo et inaudito incommodo, orat, et mulier parit. Qui aderant, lætati sunt, et mirati sunt. Omnes enim viderunt, in qua facilitate et velocitate loco eodem enixa sit, et triste negati partus periculum miraculo commutatum jucundiori.

## CAPUT XXII.

Concubinario obstinato exitium denuntiat.

48. Accidit ibidem quiddam pari quidem miraculo, sed sorte dispari. Vidit hominem, qui publice tenere diceretur concubinam fratris; et hic erat miles, minister Comitum. Et publice conveniens incestuosum, alterum ei Joannem exhibuit: « Non licet tibi, » inquit, « concubinam habere fratris tui. » At ille alterum ipsi

A nihilominus Herodem redhibens, non modo non audivit eum, sed et superbe respondit, et coram omnibus jurat nunquam se dimissurum. Tum commotus Malachias, sicut erat pro justitia vehementer zelans: « Et Deus, » inquit, « te ab illa separet vel invitum. » Parvi pendens ille, ex instanti abiit indignabundus. Offendensque mulierem non longe a turba constituta in loco, vi oppressit eam, sicut erat satanæ totus, cui paulo ante traditus fuerat. Nec latuit flagitium. Ancilla, quæ dominam comitabatur, recurrens domum, nempe laud procul aberat loco, nuntiat anghela quid mali acciderit. Ad quam vocem germani illius, qui domi erant, zelantes sororis stuprum, tota illo festinantia pervolant, pudicitiae hostem, ipso in loco et opere sceleris deprehensum, multis confossum vulneribus interimunt. Necdum conventus solutus erat, cum ecce armiger illius, quod evenerat, nuntiavit. Et mirati sunt universi, quod sententia Malachiæ tam celerem habuisset effectum. Timuerunt quique flagitiosi audito hoc verbo, nam multi erant in terra, et territi purgati sunt, lavantes manus suas in sanguine peccatoris.

## CAPUT XXIII.

Varia sanitatum beneficia variis præstita.

49. Diarmitium comitem, multo jam tempore decumbentem lecto, duriter quidem increpans, quod malus homo esset, immoderatus serviens ventri et gulæ, benedicta aspersum aqua, surgere fecit sine mora, ita valentem, ut equum ascenderet illico, et utique præter spem suam ipsius et suorum. In urbe Caselensi venit homo ante eum cum filio paralytico, rogans illum sanari: qui orans breviter, « Vade, » inquit, « filius tuus sanabitur. » It, et crastino redit cum filio, sed minime sanato. Tum surgens Malachias, et stans super eum diutius oravit, et ille sanatus est. Et conversus ad patrem: « Offer, » inquit, « illum Deo. » Annuit homo, sed non tenuit: et post aliquot annos ille jam juvenis recidit in idipsum, sine dubio propter inobedientiam patris, et pacti transgressionem. Alius quidam veniens de longinquo, cum esset Malachias in finibus Mumoniæ, attulit ad eum filium, pedum penitus officio destitutum. Per-

<sup>1</sup> Marc. vi, 17-28.

cunctatus quonam modo illi id accidisset : « Ut » suspicor, » inquit, « dæmonum malignitate. » Et addit : « Ludenti in prato ipsi, ni fallor, im- » misere soporem, evigilansque puerulus, sic se » invenit. » Hæc dicens, cum lacrymis precem fundit, efflagitat opem. Misertus ejus oravit Malachias, jubens ægrum interim dormire ibidem super solium <sup>a</sup>. Dormivit; et surrexit sanus. Hunc ipse, quia de longe venerat, aliquandiu in comitatu suo retinuit, et erat ambulans cum eo.

50. In monasterio Benchorensi pauper quidam fratrum eleemosynis sustentabatur. Et erat quotidianam accipiens stipem, aliquid officii facitans in pistrino. Is claudus ab annis duodecim, humi manibus repens, post se trahebat pedes emortuos : quem die quadam ante cellam suam Malachias mœstum et mœrentem inveniens causam percontatur. Et ille : « Vides, » inquit, « quam ex longo misellus afflicter, et » manus Domini super me : et ecce ad cumulum ærumnæ, homines, qui misereri debuerant, irrident me potius, miseriam exprobrantes. » Quem ubi audivit, pietate motus suspexit in cælum, manus pariter levans. Facta autem brevi oratione, ipse intravit cellam, et ille surrexit. Et stans super pedes suos, mirabatur si vere esset quod erat pene somnium suspicatus. Cœpit tamen se pedetentim movere : neque enim posse ire satis credebatur. Tandem quasi e gravi somno evigilans, cognoscit misericordiam Domini super se; firmiter graditur, et in pistrinum revertitur, exsilens et exsultans, et laudans Deum. Viso eo, qui ante viderant et cognoverant, repleti sunt stupore et ecstasi, phantasma putantes. Virum item hydropicum orando sanavit : qui illico remansit in monasterio, pastor ovium factus.

51. Civitas Hiberniæ, nomine Corcagia <sup>b</sup>, vacabat episcopo. Tractatum est de electione : Dissensere partes, quibusque, ut assolet, præsulem volentibus constituere suum, non Dei. Venit illuc Malachias, audita dissensione. Convocato clero et populo, etiam corda et vota discordantium unire curavit. Et persuasis illis totum negotium sibi debere credi, cui potissimum sollicitudo incumberet illius, sicut et aliarum per Hiberniam Ecclesiarum; incontinenti nominat eis, non quempiam de nobilibus terræ,

sed magis quemdam hominem pauperem, quem A sciret sanctum et doctum : et hic erat alienigena. Queritur ille : nuntiatur decumbere lecto, et ita debilis, ut nullo pacto exeat, nisi in manibus portatus ministrantium. Et Malachias : « Surgat, » inquit, « in nomine Domini, ego » præcipio; obedientia salvum faciet eum. » Quid faceret ille? Parere volebat, sed imparatum se sentiebat : quod etsi posset ire, episcopo pari reformidabat. Ita cum voluntate obediendi, pugnante gemino hoste, pondere languoris, et metu honoris <sup>c</sup>, vicit illa tamen, data sibi in adjutorium spe salutis. Itaque conatur, movet sese, tentat vires, invenit se solito fortio-rem. Crescit pariter fides cum viribus, et rursum facta fortior fides dat vicissim viribus incrementum. Jam surgere per se valet, jam meliuscule gradi, jam nec sentire in ambulando lassitudinem; demum expeditus et alacer pervenire ad Malachiam sine hominis adjutorio. Qui assumens eum, misit in cathedram, clero et populo collaudante. Hoc ita in pace factum est, quia nec illi ausi sunt Malachiæ voluntati in aliquo obviare, videntes signum, quod fecerat : nec ille parere dubitavit, tam evidenti argumento factus securior de Domini voluntate.

52. Mulier quædam fluxum sanguinis patiebatur : et hæc nobilis, charissima Malachiæ, plus tamen ob morum quam generis nobilitatem. Quæ ex toto deficiens, nimirum cum sanguine exhaustis viribus, jam posita in extremis, misit ad Dei hominem, ut, quod supererat, animæ subveniret, qui se jam non esset visurus in corpore. Audiens Malachias, moleste tulit, quod mulier virtutis foret, et vita ejus fructuosa opere et exemplo. Et videns se non posse satis currere tempestive, accito Malcho, quod juvenis esset, et expeditus (ipse est, cujus supra meminimus <sup>1</sup>, frater Christiani abbatis) : « Accelera, » inquit, « fer illi tria poma hæc, super » quæ nomen Domini invocavi. Confido in ipso » quod ubi ex eis gustaverit, non gustabit mortem, priusquam nos videat, etsi tardiuscule secuturos. » Festinat Malchus secundum mandatum, et veniens intrat ad morituram, alterum se exhibens puerum Elisæi <sup>2</sup>, nisi quod hujus efficacior opera fuit. Jubet missam sibi a Malachia benedictionem accipere, et gustare, si quo modo valuerit. At illa exhilarata, audito nomine

<sup>1</sup> Num. 39. — <sup>2</sup> IV Reg. iv, 29.

<sup>a</sup> Fortasse, *solum*. — <sup>b</sup> *Alías*, *Corcava*. — <sup>c</sup> *Alías*, *oncris*.

Malachiæ, ut obedire possit, nutu significat, paulisper se erigi velle; nam verbo non poterat. A Erigitur, gustat : gustato confortata est, loquitur et gratias agit. Et immisit Dominus soporem in eam, et suavissime requievit in eo, cujus usu diu caruerat, sicut et esu. Stetit interim sanguis, et post modicum expergefata, sanam se reperit, nisi quod longa inedia, et sanguinis minutione adhuc debilis erat. Si quominus, die sequenti desideratus Malachiæ adventus aspectusque perfecit.

## CAPUT XXIV.

Feminam sine sacramento Extremæ Uctionis defunctam resuscitat.

53. Habitabat vir nobilis in vicinia Bencho-  
rensis monasterii, cujus uxor cum infirmaretur  
ad mortem, rogatus Malachias ut descenderet,  
priusquam moreretur, infirmam uncturus oleo.  
Descendit, et intravit ad eam : quo viso, exsul-  
tat illa, spe animata salutis. Et cum pararet  
ungere eam, visum est omnibus differendum  
potius usque mane. Erat enim vespera. Acquie-  
vit Malachias, et data benedictione super ægram,  
exivit cum his qui secum erant. At vero post C  
modicum subito clamor factus est, plactus et  
strepitus multus per totam domum; siquidem  
insonuit quod mortua esset. Accurrit Malachias  
tumultu audito, et secuti sunt cum discipuli  
ejus. Et accedens ad lectum, ut certo comperit  
exspirasse, consternatus est animo, sibi impu-  
tans, quod fraudata gratia Sacramenti obierit.  
Et elevatis in cælum manibus, « Obsecro, Do-  
» mine, inquit, insipienter egi. Ego, ego pec-  
» cavi, qui distuli; non ista, quæ voluit. » Hæc  
dicens, contestatus est in audientia omnium,  
nullam se recepturum consolationem, nullam  
datum requiem spiritui suo, nisi, quam tulerat D  
liceret restituere gratiam. Et stans super  
eam, tota nocte laborabat in gemitu suo; et  
pro oleo sancto, largo imbrey lacrymarum per-  
fundens mortuam, vicem illi unctionis, quam  
poterat exhibebat. Ipse quidem sic; ad suos  
autem : « Vigilate, » inquit, « et orate. » Itaque  
in psalmis illi, ille in lacrymis, noctem duxere  
pervigilem. Et mane facto, exaudivit Dominus  
sanctum suum, quia spiritus Domini erat postu-  
lans pro eo, qui postulat pro sanctis gemitibus

inenarrabilibus. Quid plura? aperit oculos quæ  
fuerat mortua; et, ut solent qui de gravi somno  
evigilant, fricans sibi manibus frontem et tem-  
pora, super lectum se erigit, et agnito Mala-  
chia, inclinans devote salutat eum. Et verso lu-  
ctu in gaudium, stupor apprehendit omnes, et  
qui viderunt, et qui audierunt. Sed et Mala-  
chias gratias agens, benedixit Dominum. Et  
unxit eam nihilominus, sciens in hoc Sacra-  
mento remitti peccata, et quod oratio fidei sal-  
vet infirmum <sup>1</sup>. Post hæc abiit ille, et illa con-  
valuit; et vivens in columis tempore aliquanto,  
ut gloria Domini manifestaretur in ea, peracta  
B penitentia, quam sibi Malachias injunxerat, in  
bona confessione iterum obdormivit, et migra-  
vit ad Dominum.

## CAPUT XXV.

Alia diversa beneficia in diversos collata.

54. Fuit item mulier, cui spiritus iracundiæ  
et furoris in tantum dominaretur, ut non solum  
vicini et cognati fugerent consortium ejus, sed  
filii quoque ipsius vix sustinerent habitare cum  
ea. Clamor, et rancor, et tempestas valida, ubi-  
cunque fuisset. Audax, et ardens, et præceps,  
metuenda lingua et manu, importabilis omni-  
bus, et invisæ. Dolentes filii tum pro illa, tum  
pro seipsis, trahunt illam ad præsentiam Mala-  
chiæ, lacrymabilem cum fletu querimoniam  
deponentes. Vir autem sanctus et periculum  
matris, et incommodum miserans filiorum,  
seorsum advocat illam : fueritne confessa ali-  
quando peccata sua, sollicitè percontatur. Re-  
spondit, « Nequaquam. Confitere, » inquit. Pa-  
ret. Et ille injungens penitentiam confitenti,  
oransque super eam, ut Dominus omnipotens  
det ei spiritum mansuetudinis, in nomine Do-  
mini Jesu ne ultra irascatur jubet. Sequitur  
tanta mansuetudo, ut pateat omnibus non esse  
aliud, quam admirabilem mutationem dextera  
Excelsi. Fertur adhuc hodie vivere, et tantæ  
esse patientiæ et lenitatis, ut quæ omnes exa-  
sperare solebat, nullis modo exasperari damnis,  
contumeliis, afflictionibus queat. Si licet et me,  
juxta Apostolum, abundare in sensu meo <sup>2</sup>, ac-  
cipiat quisque ut volet; ego istud superiori  
suscitatae miraculo mortuæ censeo præfere-  
dum, quod exterior quidem ibi, hic vero in-

<sup>1</sup> Jacobi v, 14, 15. — <sup>2</sup> Rom. xiv, 5.

terior revixerit homo. Et nunc curramus ad reliqua.

55. Vir secundum sæculum honorabilis, secundum Deum timoratus, veniens ad Malachiam, questus est ei super sterilitate animæ suæ, supplicans ut sibi obtineret ab omnipotente Deo gratiam lacrymarum. Et subridens Malachias, quod gratum haberet in homine sæculari desiderium spirituale, suam maxillam maxillæ illius quasi blandiendo conjungens : « Fiat, » inquit, « tibi, sicut petisti. » Tantos exinde, et pene continuos exitus aquarum deduxerunt oculi ejus, ut illud Scripturæ ei posse aptari videretur : *Fons hortorum, puteus aquarum viventium*<sup>1</sup>. Est insula maris in Hibernia, ab olim fecunda piscium : et mare ibi piscosum valde. Peccatis, ut creditur, habitantium adempta copia solita, quæ multos habebat filios, infirmata est, et a tanta funditus sui commoditate emarcuit. Dolentibus accolis, et jacturam gravem populis ægre ferentibus, revelatum est cuidam mulieri, precibus Malachiae posse afferri remedium : idque innotuit omnibus, ipsa providente. Nutu Dei contigit adesse Malachiam. Dum enim circumiret, et repletet Evangelio regionem, divertit illuc, ut et ipsis eandem gratiam impertiret. At barbari, quibus erat major cura de piscibus, omni instantia flagitant, ut potius respicere dignetur super sterilitatem insulæ suæ. Qui cum responderet se minime ad hoc venisse, hominum magis, quam piscium desiderare capturam; videns tamen fidem eorum, flexis in littore genibus, oravit ad Dominum, ut, licet indignis, indultum olim beneficium tanta fide repetentibus non negaret. Ascendit oratio, ascendit et piscium multitudo, et forte uberior, quam in diebus antiquis, et ipsa populo terræ perseverans usque in hodiernum diem. Quid mirum, si oratio justi, quæ penetrat cœlos, penetravit abyssos, et de profundo maris D tantas piscium copias evocavit?

56. Venerunt aliquando tres episcopi in villam Fochart<sup>2</sup>, quem dicunt locum nativitatis Brigide virginis : et quartus erat Malachias. Ad quem presbyter qui hospitio susceperat eos : « Quid faciam, » inquit, « quod pisces non habeo? » Quo respondente, ut quæreretur a piscatoribus : « Biennium est, » ait, « quod non » inveniuntur pisces in flumine : unde et piscatores prorsus diffusi, etiam arti suæ renuntia-

verunt. » Et ille : « Præcipe, » inquit, « laxari » retia in nomine Domini. » Factum est, et capti sunt salmones duodecim. Secundo miserunt, et captis totidem, inopinatum inferunt mensis et ferculum, et miraculum. Et ut clare liqueat, Malachiae meritis hoc datum fuisse; aliis quoque duobus sequentibus annis eadem nihilominus sterilitas perduravit.

## CAPUT XXVI.

Veritatem corporis Christi in Eucharistia propugnat.

57. Fuit quidam clericus in Lesmor, probabilis (ut fertur) vitæ, sed fidei non ita. Is sciolus in oculis suis, præsumpsit dicere, in Eucharistia esse tantummodo sacramentum, et non rem sacramenti, id est solam sanctificationem, et non corporis veritatem. Super quo a Malachia secreto, et sæpe conventus, sed incassum, vocatus ad medium est, scorsum tamen a laicis, ut, si fieri posset, sanaretur, et non confunderetur. Itaque in conventu clericorum data facultas homini est pro sua sententia respondendi. Cumque totis ingenii viribus, quo non mediocriter callebat, asserere et defendere conaretur errorem; Malachia contra disputante et convincente, judicio omnium superatus, de conventu confusus quidem exiit, sed non correctus. Dicebat autem se non ratione victum, sed Episcopi pressum auctoritate. « Et tu, » inquit, « o Malachia, sine causa me hodie confudisti, adversus profecto veritatem locutus, et contra » tuam ipsius conscientiam. » Mæstus Malachias pro homine sic indurato, sed magis fidei dolens injuriam, timens periculum ecclesiam convocat, errantem publice arguit, publice monet ut resipiscat. Suadentibus hoc ipsum episcopis et universo clero, cum non acquiesceret; contumaci anathema dicunt, hæreticum protestantes. Nec sic evigilans : « Omnes, » inquit, « favetis » homini potius, quam veritati; ego personam » non accipio, ut deseram veritatem. » Ad hoc verbum substomachans sanctus : « Dominus, » inquit, « fateri te veritatem faciat, vel ex necessitate. » Quo respondente, « Amen, » solvitur conventus. Tali ille inustus cauterio, fugam meditatur, infamis atque inhonoris fore non sustinens. Et continuo sua tollens exibat, cum ecce subita correptus infirmitate, sistit gradum, vi-

<sup>1</sup> Cantic. iv, 15.

<sup>2</sup> Alias, *Fochart*.



ribusque deficiens, eodem loco jactat se super<sup>682</sup> solum anhelus et fessus. Forte incidens in id A loci vagabundus insanus quidam, offendit hominem, quidnam ibi agat, percontatur. Respondet, gravi se infirmitate teneri, et neque procedere, neque redire valentem. Et ille: « Infirmas ista haud alia, » inquit, « quam ipsa mors est. » Hoc autem non dixit a semetipso; sed pulchre Dominus per insanum corripuit eum, qui sanis acquiescere noluit consiliis senatorum. Et addit: « Revertere domum, ego te » juvabo. » Denique ipso duce revertitur in civitatem; redit ad cor, et ad misericordiam Domini. Eadem hora accitit Episcopus, agnoscitur B veritas, abjicitur error. Confessus reatum absolvitur, petit Viaticum, datur reconciliatio: et uno pene momento perfidia ore abdicatur, et morte diluitur. Ita mirantibus cunctis, sub omni celeritate completus est sermo Malachiæ, et Scripturæ pariter dicentis, quia *veraxio dat intellectum auditui*<sup>1</sup>.

## CAPUT XXVII.

Pacem et concordiam inter dissidentes mirabiliter conciliat.

58. Inter populos quarundam regionum orta aliquando gravis discordia est. Interpellatur Malachias de componenda pace inter eos: et cum esset alias impeditus, injungit negotium hoc uni episcoporum. Illo excusante et negante, et dicente Malachiam, non se, quæsivimus; se contemptum iri, frustra fatigari nolle: « Vade, » inquit, « et Dominus erit tecum. » Et ille: « Acquiesco, sed si me non audierint, scito » me ad tuam Paternitatem appellaturum. » Subridens Malachias: « Fiat, » inquit. Tunc episcopus convocatis partibus, dictat formam pacis: acquiescunt, reconciliantur ad invicem; D fide hinc inde data, stabilitur pax: et sic dimisit eos. At pars una videns hostes factos securos, imparatos esse, quippe qui pace facta mali nihil suspicarentur; loquebantur mutuo, et dicebat homo ad proximum suum: « Quid volui- » mus facere? Victoria præ manibus est, et ultio » de inimicis. » Et cœpere insequi illos. Innotuit episcopo quod fiebat; et accurrens convenit ducem eorum super iniquitate et dolo, sed spretus ab illo est. Invocavit nomen Malachiæ

episcopum, « Putasne, » inquit, « propter te » amittere debeamus malefactores nostros, quos » Deus tradidit in manus nostras? » Et recordatur verbi sui episcopus, quod habuerat cum Malachia, flens et ejulans, verso vultu ad monasterium ejus: « Ubi es, » ait, « homo Dei? » ubi es? Nonne hoc est, pater mi, quod tibi » dicebam? Heu, heu, veni, ut facerem bonum, et non malum; et ecce per me omnes, » illi in corpore, isti in anima pereunt! » Multa in hunc modum loquebatur lamentans et plangens, et quasi præsentem sollicitans et compellans Malachiam adversus malignantes. Interim vero impii cum quibus fecerant pacem, insequi non desistebant ad perdendum eos: et ecce spiritus mendax in ore quorundam virorum, qui eos deciperet. Et occurrerunt illis in via viri, nuntiantes, factam irruptionem in terras ipsorum ab adversariis: in ore gladii consumi omnia, et diripi bona eorum, uxores quoque ac liberos tolli et abduci. His auditis, reversi sunt festinanter. Sequebantur ultimi primos, quo irent, aut quid acciderat, nescientes. Nec enim omnes audierant viros loquentes. Cumque venissent, et invenissent nihil C horum quæ nuntiata erant, confusi sunt, deprehensi in malitia sua. Et cognoverunt spiritui erroris se traditos propter nuntium Malachiæ quem deceperunt, et nomen ejus quod spreverunt. Porro episcopus audiens frustratos proditores in iniquitate sua quam cogitaverant, cum gaudio remeavit ad Malachiam, referens omnia per ordinem, quæ acciderant sibi.

59. Sciens Malachias ejusmodi occasione pacem esse turbatam, nactus opportunum tempus, pacem per semet inter ipsos denuo reformare curavit, et firmare reformatam, datis et receptis altrinsecus fide et juramento. Verum illi, quibus ante pax fracta fuit, injuriæ memores, neglecto pacto et præcepto Malachiæ, tractaverunt de vice reddenda. Et congregati omnes in unum, ibant ut imparatos præoccuparent, redderentque in caput eorum malum, quod sibi ipsi facere cogitassent. Et magno flumine, quod intererat, facillime transvadato, fluvio, quem non procul ab illo offendere, retenti sunt. Neque enim jam fluvio, sed plane fluvius ingens apparuit, ubique sui transire volentibus transitum negans. Mirari omnes

<sup>1</sup> Isai. XXVIII, 19.

tantum nunc esse, tantillum antehac fuisse<sup>683</sup> scientes, et loqui inter se : « Unde inundatio A  
 » hæc? aer serenus est, imbres non sunt, nec  
 » proxime fuisse meminimus. Et si multum  
 » pluisset, quis nostrum unquam hactenus me-  
 » minit in quantacumque illuvie ita intumuisse,  
 » ut operiret terram, sata et prata pervaderet?  
 » Digitus Dei est iste, et Dominus sepit vias  
 » nostras propter sanctum suum Malachiam,  
 » cujus sumus prævaricati pactum, transgressi  
 » mandatum. » Ita et hi infecto negotio, ad sua  
 æque confusi repedaverunt. Divulgatum est ver-  
 bum per universam regionem : et benedicebant  
 Deum, qui comprehendit sapientes in astutia B  
 sua, et confringens cornua peccatorum, subli-  
 mavit cornu christi sui.

60. Aliquis de nobilibus infensus Regi, re-  
 conciliatus est per manum Malachiæ. Nec enim  
 Regi satis fidebat ille, ut pacem cum eo face-  
 ret, nisi mediante Malachia, aut quem Rex  
 æque revereretur. Nec immerito, ut post appa-  
 ruit. Nam factum securum, et minime jam ca-  
 ventem sibi, captum trusit in vincula, odio  
 antiquo captus plus ipse. Requiritur homo a  
 suis de manu mediatoris : nec enim aliud amici  
 expectare quam mortem. Quid faceret Mala-  
 chias? Non est quod possit, nisi ut recurrat ad C  
 suum illud solitum unicumque refugium. Con-  
 gregato exercitu forti nimis, turba magna dis-  
 cipulorum suorum, adit hominem, requirit  
 vinctum; negatur. Et Malachias : « Inique, »  
 inquit, « agis contra Dominum, et contra me,  
 » et contra te ipsum, pactum prævaricans : si  
 » dissimulas tu, sed non ego. Credidit se homo  
 » fidei meæ : si contingat mori, ego prodidi  
 » eum, ego reus sanguinis ejus. Quid tibi visum  
 » est me proditorem, te prævaricatorem con-  
 » stituere? Noveris me, donec liberetur, nihil  
 » gustaturum, sed neque istos. » Sic locutus,  
 intrat ecclesiam : Deum omnipotentem suis, suo-  
 rumque anxiiis gemitibus interpellat, ut injuste  
 addictum dignetur eripere de manu prævari-  
 catoris et iniqui. Et ea die cum nocte sequenti  
 in jejunio et oratione perstiterunt. Perlatum ad  
 Regem quid fieret; et magis inde induratum  
 est cor ejus, unde emolliri debuerat. Init fugam,  
 veritus homo carnalis, ne si prope remane-  
 ret, orationis non posset sustinere virtutem.  
 Quasi vero vel absconditum non inveniat, vel  
 non perveniat ad remotum. Tu metas ponis,

miser, orationibus sanctorum? Num est oratio  
 jacta sagitta, ut fugias a facie arcus? Quo ibis a  
 Spiritu Dei, qui eam portat, et quo a facie ejus  
 fugies? Denique fugientem insequitur, invenit  
 latitantem : erisque cæcus et non vident, ut  
 melius videas, et intelligas, quoniam durum est  
 tibi contra stimulum calcitrare. Denique senti  
 vel nunc, quia sagittæ potentis acutæ pervene-  
 runt ad te : quæ etsi resilierunt a corde, quia  
 saxeum est, sed non ab oculis. Utinam per fe-  
 nestras saltem oculorum perveniant usque ad  
 cor, et vexatio det intellectum cæcitati. Cernere  
 erat Sanhum denuo ad manus trahi, et duci ad  
 B Ananiam<sup>1</sup>, ad ovem scilicet lupum, ut refun-  
 deret prædam. Refudit, et recepit visum, quod  
 Malachias usque adeo ovis esset, ut sit misertus  
 et lupo. Diligenter ex his adverte, lector, cum  
 quibus habitatio Malachiæ, quales principes, et  
 quales populi. Quomodo non et is frater fuit  
 draconum, et socius struthionum<sup>2</sup>? Et ideo  
 dedit ei Dominus virtutem calcandi super ser-  
 pentes et scorpiones, alligare reges eorum in  
 compedibus, et nobiles eorum in manicis fer-  
 reis. Audi denique quid sequatur.

## CAPUT XXVIII.

Sacrum ædificium moliens, adversarium patitur, sed  
 mox ultione divina correptum.

61. Is, cui Benchorensis monasterii cesserat  
 possessiones, ingratus beneficio, extunc et deinceps  
 insolentissime semper se habuit adversus  
 eum et suos, in omnibus infestus, ubique insi-  
 dians, detrahensque actibus ejus. At non impune  
 hoc. Erat illi unicus filius, qui imitator patris,  
 audens aliquid et ipse in Malachiam, eodem  
 anno mortuus est. Mortuus autem sic. Visum  
 est Malachiæ debere construi in Benchor ora-  
 D torium lapideum, instar eorum quæ in aliis  
 regionibus exstructa conspexerat. Et cum cœpis-  
 set jacere fundamenta, indigenæ quidem omnes  
 mirati sunt, quod in terra illa necdum ejus-  
 modi ædificia invenirentur. Verum ille nequam,  
 sicut erat præsumptuosus et insolens, non mi-  
 ratus est, sed indignatus. Ex qua indignatione  
 concepit dolorem, et peperit iniquitatem. Et  
 factus susurro in populis, nunc secreto detra-  
 here, nunc blasphemare palam; notare levita-  
 tem, novitatem horrere, sumptus exaggerare.

<sup>1</sup> Act. ix. — <sup>2</sup> Job xxx, 29.

Istiusmodi venenatis sermonibus sollicitans et inducens multos ad prohibendum : « Sequimini me, » inquit, « et quod nonnisi per nos fieri debet, contra nos fieri non sinamus. » Itaque cum pluribus, quibus suadere valuit, descendit ad locum, repertum convenit hominem Dei, primus ipse dux verbi, qui erat principium mali : « O bone vir, quid tibi visum est nostris hanc inducere regionibus novitatem? Sciti sumus, non Galli. Quænam levitas hæc? Quid opus erat opere tam superfluo, tam superbo? unde tibi pauperi et inopi sumptus ad perficiendum? Quis perfectum videbit? Quid istud præsumptionis, inchoare quod non queas, non dico, perficere, sed nec videre perfectum? Quanquam amentis magis est, quam præsumentis<sup>a</sup>, conari quod modum excedit, vincit vires, superat facultates. Cessa, cessa, desine a vesania hac : alioquin nos non sinimus, non sustinemus. » Hoc dixit, prodens quid vellet, non quid posset considerans. Nam de quibus præsumebat, et secum adduxerat, viso viro, mutati sunt, et jam non ibant cum eo.

62. Ad quem Vir sanctus, tota libertate utens : « Miser, » inquit, « opus, quod inchoatum vides, et invides, sine dubio perficitur; perfectum videbunt multi. Tu vero quia non vis, non videbis; et quod non vis, morieris : attendito tibi, ne in peccato tuo moriaris. » Ita est : ille mortuus est, et opus completum est; sed ille non vidit, qui, ut præfati sumus, anno eodem mortuus est. Interim pater audito mox, quid de filio Vir sanctus prædixisset, sciens verbum ejus vivum et efficax esse : « In- » terfecit, » inquit, « filium meum. » Et instigante diabolo, tanto furore exarsit in illum, ut coram duce et majoribus Ulydiæ falsitatis et mendacii arguere non vereretur hominem, qui veracissimus esset, veritatis et discipulus, et amator: et convicium intulit, simiam appellans. Et Malachias quidem doctus non reddere maledictum pro maledicto, obmutuit, et non aperuit os suum, dum consisteret peccator adversus eum. Sed non Dominus oblitus sermonis sui, quem dixerat : *Mihi vindictam, et ego retribuam*<sup>1</sup>. Eadem die domum reversus homo, luit linguæ effrenis temeritatem, ipso ultore, quo instigatore laxarat. Arreptum in ignem projicit dæmon; sed mox manibus assistentium extractus est; adustus tamen corporis parte, et mente

captus. Et dum insauiret, vocatus Malachias venit, reperitque maledictum spumantia ora torquentem, horrendis vocibus et motibus terrentem omnia, ac toto corpore agitatam, vix posse teneri a pluribus : et orans pro inimico vir totius perfectionis, exauditus est; sed ex parte. Nam illico quidem sancto orante, ille aperuit oculos et sensum recepit. Relictus est autem ei spiritus Domini malus, qui eum colaphizet, ut disceat non blasphemare. Credimus eum vivere usque adhuc, et usque ad hæc tempora luere peccatum grande, quod peccavit in sanctum : certis temporibus tamen ferunt lunaticum esse. Porro prædictæ possessiones, cum jam pro sui imbecillitate et inutilitate eas tenere non valuit : in pace ad locum, ejus exstiterant, redierunt. Nec renuit Malachias post multam demum vexationem, pacis obtentu.

63. Sed jam ad opus ædificii, quod Malachias aggressus est, sermo recurat. Et quidem non erat Malachiæ, non dico unde perficeret, sed unde faceret quidquam. Erat autem cor ejus fiduciam habens in Domino. Dominus vero providit, ut, etsi non speranti in pecunie thesauris, pecunia non deesset. Quis enim alius fecit, ut thesaurus eo loci reponeretur, repositus non reperiretur usque ad tempus et opus Malachiæ? Invenit Dei famulus in Dei marsupio, quod defuit suo. Merito quidem. Quid enim justius, quam ut cui pro Deo non erat proprium, cum Deo iniret consortium, et marsupium unum esset amborum? Fideli namque homini totus mundus divitiarum est. Et quid est ille, nisi quoddam marsupium Dei? Denique ait : *Meus est orbis terræ, et plenitudo ejus*<sup>2</sup>. Inde est, quod Malachias repertos argenteos multos non reposuit, sed exposuit. Nam totum munus Dei in Dei opus jubet expendi. Non suas, non suorum considerat necessitates; sed jactat cogitatum suum in Domino, ad quem utique recurrendum non dubitat, quoties necessitas postularit. Nec dubium Dei opus esse, quod Deo revelante Malachias prævidit. Contulerat primum cum fratribus de opere illo : et multi præ inopia minus libenter assentiebant. Inde anxius dubiusque quid ageret, cœpit inter orandum vehementer inquirere, quænam foret voluntas Dei. Et die quadam de via regrediens, cum jam loco appropriaret, prospexit eminus : et ecce oratorium apparuit magnum lapideum,

<sup>1</sup> Deut. xxxii, 35. — <sup>2</sup> Psal. xlvii, 12.

<sup>3</sup> Alias . prudentis.

et pulchrum valde. Et intuens diligenter situm,<sup>686</sup> formam et compositionem, cum fiducia arripit opus, prius quidem indicata visione senioribus fratribus, paucis tamen. Sane totum, quod attente notavit de loco, et modo, et qualitate, tanta diligentia observavit, ut peracto opere, factum viso simillimum appareret, ac si et sibi cum Moyse dictum audierit: *Fide, ut omnia facias secundum exemplar, quod tibi ostensum est in monte*<sup>1</sup>. Eodem visionis genere id quoque, quod in Saballino situm est, antequam fieret, præstensum est illi, non modo oratorium, sed et monasterium totum.

## CAPUT XXIX.

Claret prophetiæ spiritu, et omni miraculorum gratia.

64. Transeunte illo per quamdam civitatem, et multitudine magna concurrente ad eum, casu vidit juvenem inter alios videndi se curiosum. Ascenderat lapidem, et stans super summos articulos, extento collo, oculis et animo intendens in eum, quemdam illi de novo Zacchæum exhibebat. Nec latuit Malachiam, sancto quidem Spiritu revelante, vere illum venisse in spiritu et virtute Zacchæi<sup>2</sup>. Dissimulavit tunc tamen, tacitusque pertransiit. Cæterum in hospitio nocte ipsa narravit fratribus, quomodo illum vidisset, et quid prævidisset de illo. Die autem tertia, en ille cum viro quodam nobili, domino suo: qui aperiens votum et desiderium juvenis, rogabat, ut a se commendatum recipere dignaretur, et habere de cætero inter suos. Et Malachias agnoscens eum: « Non est opus, » inquit, « ut quem jam Deus commendavit, homo » commendet. » Apprehensumque manu sua tradidit abbati Congano nostro, et ille fratribus. Ipse vero juvenis, adhuc (ni fallor) vivens primus Conversus laicus Suriensis monasterii, testimonium habet ab omnibus, quod sancte conversetur inter fratres secundum ordinem Cisterciensem. Et cognoverunt discipuli, etiam in hoc Malachiam prophetiæ spiritum habuisse; non solum autem, sed et in eo, quod subjuncturi sumus.

65. Cum Sacramenta offerret, et appropiasset ei diaconus, facturus aliquid pro officio suo, intuitus eum sacerdos, ingemuit, quod sensisset penes illum latere quod non conveniret. Peracto

sacrificio, secreto percunctatus de conscientia sua, confessus est, et non negavit illud sibi per somnium nocte ipsa. Cui injungens poenitentiam: « Non debueras, » inquit, « hodie ministrasse; sed verecunde te subtrahere sacris, » et deferre tantis tamque divinis mysteriis, ut » hac humilitate purgatus, dignius exinde ministrares. » Item alia vice sacrificante illo, et orante hora sacrificii, ea quidem sanctitate et puritate cordis, qua solitus erat, astanti diacono visa est columba intrare per fenestram in claritate magna. Ea sacerdos perfunditur totus, ea subobscurior basilica tota refulget. Columba vero aliquandiu circumvolitans, tandem residet super crucem ante faciem sacerdotis. Obstupuit diaconus; et pavens tum pro luminis, tum pro volueris novitate, quod illa sit rara avis in terra, cecidit super faciem suam, et vix palpitans, sese erigere ausus est, vel quando officii sui necessitas postulavit. Post Missam seorsum conventus a Malachia, sub periculo vitæ jubetur nullatenus secretum prodere quod vidisset, quoad viveret ipse. Aliquando cum in Ardmaccha esset cum quodam coepiscopo suo, de nocte surgens, cœpit memorias sanctorum, quæ in cœmeterio Sancti-Patricii multæ sunt, orando C lustrare: et ecce unum de altaribus subito ardere conspiciunt. Ambo enim viderunt visionem hanc magnam, et ambo mirati sunt. At Malachias intelligens signum esse magni meriti illius, vel illorum, quorum sub altari illo corpora requiescerent, currens, et se mediis immergens flammis, expansis brachiis sacram amplexatus est aram. Quid ibi fecerit, quidve senserit, nemo qui sciat: sed quod amplius solito, cœlesti igne succensus ex illo igne exierit, fratrum qui cum eo tunc erant, reor neminem esse qui nesciat.

66. Hæc dicta sunt, pauca quidem de pluribus, sed multa pro tempore. Non enim signorum tempora hæc, secundum illud: *Signa non vidimus; jam non est propheta*<sup>3</sup>. Unde satis apparet, Malachias meus quantus in meritis fuit, qui tam multus in signis exstitit, et in raritate tanta. Quo enim antiquorum genere miraculorum Malachias non claruit? Si bene advertimus pauca ipsa quæ dicta sunt, non prophetia defuit illi, non revelatio, non ultio impiorum, non gratia sanitarum, non mutatio mentium, non denique mortuorum suscitatio.

<sup>1</sup> Exod. xxv, 40. — <sup>2</sup> Luc. xix, 2-9. — <sup>3</sup> Psal. lxxviii, 9.

Per omnia benedictus Deus, qui sic amavit et<sup>687</sup> ornavit eum : qui et magnificavit eum in conspectu regum, et dedit illi coronam gloriæ. Amor probatur in meritis, ornatus in signis, magnificatio in ultione inimicorum, glorificatio in præmiorum retributione. Habes, diligens lector, in Malachia quid mireris, habes et quid imiteris. Nunc jam quid tibi ex his sperandum sit, studiosus attende. Nam finis horum, pretiosa mors est.

### CAPUT XXX.

Locum et diem mortis suæ prædicit, et causa pallii de-  
nuo iter ad papam Eugenium suscipit.

67. Percunctatus aliquando, quonam in loco, si optio detur, extremum malit agere diem, de hoc siquidem fratres quærebant inter se, quem sibi quisque deligeret, cunctatur, et non respondet. Instantibus illis : « Si hinc migro, » inquit, « nusquam libentius, quam unde una » cum nostro Apostolo resurgere possim. » Dicebat autem sanctum Patricium. « Si peregrinari » oportet, et ita permittit Deus, Claram-Vallem » delegi. » Requisitus item de tempore, diem respondit solemnem omnium defunctorum. Si simplex votum putatur, impletum est; si prophetia, ne iota præteriit. Sicut audivimus, sic vidimus de loco pariter, et de die. Dicamus breviter, quo ordine istud, quæ occasione provenerit. Ægre satis ferebat, Hiberniam usque adhuc pallio caruisse, utpote æmulator sacramentorum : quorum ne uno quolibet gentem suam vellet omnino fraudari. Et recordatus sibi a papa Innocentio fuisse promissum; inde magis tristari, quod dum adhuc ille superfuisset, non fuit missum pro eo. Et nactus occasionem, quod papa Eugenius summam regiminis teneret, et eo temporis usque in Franciam appropriasse nuntiaretur, opportunitatem requirendi se invenisse gavisus est. Præsumebat autem de illo, utique viro tali, et de tali assumpto professione : magis vero, quod suæ Claræ-Vallis specialis filius exstitisset, nec timeret apud illum se ullam sustinere difficultatem. Itaque convocantur episcopi, concilium cogitur : tractata triduo, quæ tempori imminerent : die quarto aperitur consilium de pallio requirendo. Placet, sed si per alium requiratur. Tamen quia brevior via, et ob hoc tolerabilior peregrinatio videretur, non fuit qui ejus obviare præsumeret consilio et volun-

tati. Et Malachias, soluto conuito, arripit iter. Prosequuntur eum, qui convenerant fratres, usque ad littus, non multi tamen, ipso nimirum prohibente. Ad quem unus illorum, Catholicus nomine, flebili voce et vultu : « Heu, tu abis, » inquit, « et in quanta pene quotidiana vexatione » me deseris, non ignoras, nec fers operi mi- » sertus mei! Si ego dignus, qui patiar, fratres » quid peccaverunt, qui vix diem, noctemve ul- » lam a tam laboriosa cura et custodia mei feriam » tam habere sinuntur? His verbis et lacrymis filii flebat enim paterna viscera concussa sunt, et amplexatus est eum blandiendo, impresso-  
que pectori ejus signo crucis : « Certus esto, » inquit, « te ejusmodi nil passurum, donec red- » eam. » Erat autem epilepticus, et cadebat frequenter, ita ut interdum non semel, sed sæpius pateretur in die. Hoc jam per sex annos morbo horrido laborabat : sed ad verbum Malachie perfecte convaleuit. Ab illa hora nil tale perpessus est; nil tale, ut confidimus, deinceps perpessurus, quia Malachias deinceps rediturus non est.

68. In ipso ascensu navis accedunt duo ex his, qui illi familiarius adhaerebant, audentes et petentes aliquid ab eo. Quibus ille : « Quid » vultis? Non dicimus, » inquit, « nisi spon- » deas te daturum. » Spondet. Et illi : « Volumus » nobis certo promitti a tua dignatione, te in » Hiberniam incolumem reversurum. » Instare et cæteri omnes. Tum ille parumper deliberans, poenitere primo quod se alligasset, qua exiret non inveniens. Angustiae undique, dum nil occurreret ab alterutro tutum periculo, voti videlicet, aut promissi. Visum est tandem id potius eligendum, quod in præsentiarum plus urgeret, reliquum supernæ committendum dispositioni. Annuit tristis quidem; sed magis illos noluit contristare : et spondens eis, ut volunt, ascendit navem. Et cum jam fere medium iter æquoreum peregissent, subito contrarius ventus navem repellit, et reducit in terram Hiberniæ. Descendens de navi, in ipso portu in quadam sua ecclesia pernoctavit. Et lætus, gratias egit divinæ consilio providentiæ, quo factum est ut jam fecerit satis pro sua promissione. Mane vero intrans navem, ipsa die prospero cursu transfretavit, et venit in Scotiam. Die tertia pervenit ad locum qui Viridestagnum dicitur : quem fecerat præparari, ut ibi statueret abbatiam. Et relicto illie de filiis suis, fratribus nostris, monachorum conventu

et abbate (nam secum ad hoc ipsum eos ad-<sup>688</sup> sed paucos! Quid vero ille vicissim nobis? Nemo duxerat), valedicens eis, profectus est.

69. Et cum transiret, occurrit ei rex David, a quo susceptus est cum gaudio, et retentus per aliquot dies: multaque operatus placita Deo, inchoatum repetit iter. Et pertransiens Scotiam, in ipso introitu Angliæ divertit ad ecclesiam Gisiburnensem, ubi habitant viri religiosi, canonicam ducentes vitam, ab antiquo familiares ei pro sua religione et honestate. Ibi adducta est ad eum mulier patiens morbum, quem cancerum vulgo appellant, ipso horrendum visu; et sanavit eam. Nam ubi aqua, cui benedixit, aspersa sunt ulcerum loca, dolorem non sensit. Die vero sequenti vix ulcera apparebant. Abiens inde, ad mare venit; sed negatur transitus. Causa, ni fallor, fuit orta similtas quædam inter summum Pontificem et regem Angliæ, quod rex nescio quid mali suspicaretur de bono illo homine, si transiret: nam neque alios episcopos transire sinebat. Quod quidem impedimentum, etsi fuit contrarium Malachiam voluntati, sed non voto. Dolebat differri a desiderio suo, nesciens magis per hoc impletum iri. Nam si incontinenti transisset, oportebat transire etiam Claram-Vallem, ut summum Pontificem sequeretur. Jam enim abierat, et erat Romæ, aut prope Romam. Nunc vero intercedente dilatione factum est ut tardius transfretans, ad locum et horam sanctissimi sui obitus opportune occurreret.

### CAPUT XXXI.

Rursus Claram-Vallem venit, moriturus loco et tempore quo desideraverat.

70. Qui a nobis susceptus est, tanquam verus, ab Occidente veniens, visitans nos Oriens ex alto. O quantum nostræ Claræ-Valli irradians sol ille claritatis adauxit! quam jucundus ad ejus introitum dies festus illuxit nobis! Hæc dies, quam fecit<sup>a</sup> Dominus, exultatum et lætatum in ea! Quam celer et saliens, tremulus licet ac debilis, mox ipse occurri! quam lætus in oscula rui! quam lætis brachiis missam mihi cœlitus amplexatus sum gratiam! quam alacri vultu et animo, mi pater, introduxi te in domum matris meæ, et in cubiculum genitricis meæ! Quam festivos deinde tecum duxi dies,

A pe hilarem, nempe affabilem peregrinus noster omnibus se præbebat, omnibus incredibiliter gratum. Quam bonum, et quam jucundum agebat hospitem apud eos, quos nimirum videre venerat a finibus terræ, non auditurus Salomonem, sed exhibiturus! Denique audivimus sapientiam ejus, tenuimus præsentiam ejus, et tenemus. Jam quatuor aut quinque dies hujus nostræ solemnitatis defluerant, cum ecce die solemnni beati Lucæ evangelistæ, Missa in conventu sua illa saneta devotione celebrata, febre correptus, lecto decubuit: et nos cum illo omnes. Extrema gaudii nostri mœror occupat, moderatior tamen, quod levior interim febris esse videretur. Videres discurrere fratres, dandi avidos, vel accipiendi. Cui non dulce videre illum? cui non dulcius ministrare illi? Utrumque suave, utrumque salutare. Et humanitatis erat præbere obsequium, et profectus cuique sui, cum gratiam reportaret. Assistere omnes, omnes solliciti erant circa frequens ministerium: medicamenta perquirere, adhibere fomenta, urgere sæpius ad gustandum. Ad quos ille: « Sine causa, » inquit, « hæc; sed charitate » vestri facio quidquid injungitis. » Sciebat enim imminere tempus suæ migrationis.

71. Cumque fratres, qui cum eo venerant, fidentius instarent dicentes, non oportere diffidere de vita; nec enim signa mortis in eo aliqua apparerent: « Oportet, » inquit, « hoc anno » Malachiam exire de corpore. » Et infert: « Ecce » appropinquat dies, quem, ut optime nostis, » optavi semper ipsum fore diem resolutionis » meæ. Scio cui credidi, et certus sum; non » fraudabor reliquo desiderii mei, qui partem » jam teneo. Qui me sua misericordia perduxit » ad locum quem petii, terminum quem æque » volui, non negabit. Quod ad hoc corpusculum » attinet, hic requies mea: quod ad animam, » Dominus providebit, qui salvos facit sperantes » in se. Nec parum spei repositum mihi in die » illa, qua mortuis tanta a vivis beneficia impenduntur. » Nec longe aberat dies ipsa, cum talia loqueretur. Interea jubet se sacro oleo ungi. Exeunte conventu fratrum ut solemniter fieret, non sustinuit ut ad se ascenderent: ipse descendit ad eos. Jacebat siquidem in solario domus superioris. Ungitur, et sumpto Viatico, fratrum se orationibus, et fratres commendans

<sup>a</sup> Alias, *dedit*.

Deo, ad lectum revertitur. Alto de solario descendebat pedibus suis, et rursus nihilominus A suis pedibus ascendebat : et dicebat mortem esse in januis. Quis hunc hominem crederet moriturum? Solus ipse, et Deus id scire poterant. Non vultus pallidior, non macilentior videbatur; non rugata frons, non reconditi oculi, non nares extennatæ, non contracta labia, non adusti dentes, non collum exesum et gracile, non curvi humeri, non caro exinanita in corpore reliquo. Hæc erat gratia corporis ejus, et hæc gloria vultus ejus, quæ non evacuatur, ne in morte quidem. Talis quoad vixit, talis et mortuus apparebat, viventi similior.

72. Cucurrimus usque huc : sed modo hæcemus, quia Malachias cursum consummavit. Stat ille, et nos pariter stamus cum eo. Alioquin quis libenter currat ad mortem? præsertim tuam, pater sancte, quis referre possit? quis velit audire? Attamen dileximus nos in vita, in morte non separabimur. Fratres, non relinquamus in morte, quem in vita prosecuti sumus. Ab ulteriori Scotia usque huc encurrit ille ad mortem : eamus et nos, et moriamur cum eo. Oportet, oportet dicere, quam cernere necesse fuit. Adest Omnium Sanctorum clara ubique celebritas; sed juxta veterem sententiam, *Masica in luctu importuna narratio est*<sup>1</sup>. Adsumus, canimus vel inviti. Flendo cantamus, et cantando flemus. Malachias etsi non cantat, non plorat tamen. Quid enim ploret, qui appropinquat ad gaudium? Nobis, qui relinquimur, relinquitur luctus : solus Malachias festum facit. Quod enim non potest corpore, facit mente, sicut scriptum est : *Cogitatio hominis confitebitur tibi, et reliquæ cogitationis diem festum agent tibi*<sup>2</sup>. Deficiente illi corporis instrumento, silente organo oris, officio vocis cessante, reliquum est ut mentis jubilo solemnizet. Quidni solemnizet sanctus, qui sanctorum ducitur ad solemnitatem? Exhibet illis, quod mox sibi debebitur. Adhuc modicum, et ipse unus ex illis est.

73. Sub noctis crepusculo, cum jam utcumque diei a nobis expleta celebritas foret, Malachias appropinquaverat, non crepusculo, sed auroræ. An non illi aurora, cui nox præcessit, dies autem appropinquavit? Itaque febre invalescente, cœpit ex intimis ardens per omne corpus erumpere sudor, ut quodammodo trans-

iens per ignem et aquam, educeretur in refrigerium. Jam desperatur de vita ejus, jam quisque suum judicium reprehendit, jam nulli dubium, Malachiae sententiam prævalere. Vocamur : adsumus. Et ille oculos levans in circumstantes : « Desiderio desideravi, inquit, hoc » pascha manducare apud vos. Gratias ago » perne pietati : non sum fraudatus a desiderio » meo. » Vides hominem securum in morte, et necdum mortuum, jam certum de vita? Nec mirum. Videns adesse noctem quam expectaverat, et in ipsa diescere sibi; quasi de nocte triumphans, videtur insultare tenebris, et quodammodo loqui : « Jam non dicam, Forsitan » tenebræ conculcabunt me, quia hæc nox illu- » minatio mea in deliciis meis. » Et blande nos consolans : « Habete, » inquit, » curam mei; » ego vestri, si licuerit, non obliviscar. Licebit » autem. Credidi in Deum, et omnia possibilia » credenti. Amavi Deum : amavi vos, et charitas » nunquam excidit. » Et suspiciens in cælum : « Deus, » inquit, » serva eos in nomine tuo : » non solum autem eos, sed et omnes qui per » verbum ac ministerium meum tuo se manci- » pavere servitio. » Deinde imponens manus singulis, et benedicens omnibus, pausatum ire C jubet, quia nondum venerat hora ejus.

74. Imus : redimus circa medium noctis : nam ea hora lux lucere in tenebris nuntiatur. Impletur domus : adest congregatio tota : abbates quoque multi qui convenerant. Psalmis, et hymnis, et canticis spiritualibus prosequimur amicum repatriantem. Anno ætatis suæ quinquagesimo quarto, loco et tempore, quo prælegit, et prædixit Malachias episcopus et legatus sanctæ apostolicæ Sedis, velut e manibus nostris assumptus ab Angelis, feliciter obdormivit in Domino. Et vere obdormivit. Vultus placidus placidi exitus indicium fuit. Et quidem omnium oculi fixi in eum : nemo tamen, qui quando exivit, advertere potuisset. Mortuus vivere, et vivens mortuus putabatur : adeo nil intercidit, quod alterutrum determinaret. Eadem vivacitas vultus, serenitas eadem, qualis apparere solet in dormiente. Diceris mortem nil horum tulisse, magis auxisse plurimum. Non est mutatus, sed ipse mutavit omnes. Mirum in modum luctus et gemitus omnium subito conquiescit : mutatur in gaudium moror, planctum cantus excludit. Effertur, feruntur in

<sup>1</sup> Eccli. xxii, 6. — <sup>2</sup> Psal. lxxv, 11.

cælum voces, infertur oratorio abbatum hume-<sup>790</sup> illi impedimento, quam usui. Quo comperto, ris. Vicit fides, triumphat affectus, res in summ A innui ut accederet : et apprehensam aridam devenit statum : cuncta geruntur ex ordine, cuncta ex ratione procedunt.

75. Et revera quid rationis habet immoderatus plangere Malachiam, quasi non sit pretiosa mors ejus, quasi non sit magis somnus, quam mors; quasi non sit mortis portus, et porta vitæ? Malachias amicus noster dormit, et ego lugeam? Luctus iste usu se, non ratione tuetur. Si Dominus dedit dilecto suo somnum, et talem somnum, in quo hæreditas Domini, filii merces, fructus ventris; quid horum videtur fletum indicare? Egone fleam illum, qui fletum B evasis? Ille tripudiat, ille triumphat, ille introductus est in gaudium Domini sui; et ego cum plangam? Cupio mihi hæc, non illi invideo. Interim parantur exsequiæ: offertur pro eo sacrificium; consummantur ex more omnia cum summa devotione. Stabat eminus puer, cui emortuum pendebat a latere brachium, magis

manum applicui ad manum Episcopi, et vivificavit eam. Nempe vivebat in mortuo gratia sanitatum: et manus ejus fuit mortuæ manui, quod mortuo homini Elisæus<sup>1</sup>. Puer ille de longe venerat, et manum quam pendentem attulerat, sanam in patriam reportavit. Jam omnibus rite peractis, in ipso oratorio sanctæ Dei genitricis Mariæ, in quo sibi bene complacuit Malachias, traditur sepulturæ, anno ab Incarnatione Domini millesimo centesimo quadagesimo octavo, quarto nonas novembris. Tunc est, Jesu bone, depositum, quod nobis creditum est; tuus thesaurus, qui reconditur penes nos. Servamus illum resignandum in tempore, quo reposcendum censueris: tantum ut absque contubernalibus suis non egrediatur, sed quem habuimus hospitem, habeamus du- cem, tecum et cum ipso pariter regnaturi in sæcula sæculorum. Amen<sup>2</sup>.

## HYMNUS DOMINI BERNARDI ABBATIS

### DE S. MALACHIA, EPISCOPO ET CONFESSORE.<sup>b</sup>

Nobilis signis, moribus suavis,  
Meritis sanctus, iuclutus triumphis,  
Hodie carnis pondere levatus,  
Migravit antistes.

Nec vacat viro Malachie nomen,  
Angelum sonans, Angelorum signat  
Similem esse puritate vitæ,  
Gloria parem.

Angelus noster civium suorum  
Redditus votis, sociatus choris,  
Præminet multis, corequatur summis  
Merito quidem.

Sobrius victus, castitas perennis,  
Fides, doctrina, animarum lucra  
Meritis parem, cœtui permiscet  
Apostolorum.

Opere vicem, animo virtutem  
Tenuit horum præsul et legatus,  
Ac per hoc jure etiam honorem  
Vindicat sibi.

Signa si queras, quis referre queat  
Hoc tamen dico, manifesta satis  
Mortua surgens quantus in hac parte  
Fuit gloriæ.

Christo regnanti sitne ulla nostri  
Cura putamus, quos amavit prius  
Pauperes, fovit humiles spiritu  
Humilis ipse.

Absit ab illo fonte pietatis  
Sorte levata sepius manare:  
Absit ut spernat miseros beatus  
Orphanos pater.

O Malachia, Clara-Vallis tua  
Clarior tui corporis thesauro  
Postulat supplex te tuente frui  
Pace perenni.

Gloria Patri Filioque ejus,  
Gloria tibi, amborum Spiritus;  
Una sit tibi, quia tres sunt unum,  
Una majestas.

<sup>1</sup> IV Reg. XIII, 24.

<sup>2</sup> Duos de S. Malachia Bernardi sermones habes in tomo tertio.

<sup>b</sup> Hunc hymnum erutum ex manuscripto Veteris-Montis primus edidit Ed. Martene, in sua Amplissima Collectione, tom. I.



# ADMONITIO

IN SUBSEQUENS OPUSCULUM XIII.

1. Librum de ratione Cantus, Bernardo adscriptum, mihi quondam suppeditavit pie ac suspiciendæ memoriæ Joannes Bona, tunc congregationis suæ abbas generalis, postmodum S. R. E. cardinalis. Libro præmissa est epistola, quam Bernardi esse existimaui : at tractatum ipsum eis assignandum, quos hujus operæ subsidiarios ascivit, ut sane ipsa innuit epistola. In codice Fusniacensi idem opusculum tribuitur Guidoni Chari-Loci abbati sub hoc titulo : « Epistola Domni Guidonis abbatis Chari-Loci de Cantu. » Hæc incipit ab istis verbis : « Cantum, quem Cisterciensis Ordinis ecclesiæ cantare consueverunt, » etc. Tractatus autem ab istis : « Præmonitos autem esse volumus, » etc. Guido Chari-Loci in diocesi Vesontionensi abbas, is est, in cujus gratiam Bernardus scripsit epistolam centesimam nonagesimam septimam et duas sequentes. Ne hunc esse istius tractatus auctorem omnino persuasum habeam, movet quod auctor sub finem « comprovinciales » appellat ecclesias, Remensem, Belvacensem, Ambianensem, et Suessionensem. Deinde quod memorans Antiphonarium Suessionense, subdit, « quod quasi ad januam habes. » Ex quo verisimilius videtur, auctorem hunc fuisse monachum aut abbatem Longi-Pontis haud longe ab urbe Suessionica. Forsan is libri auctor fuerit cum Guidone Chari-Loci abbate ; nam plures huic operi subsidiarios adhibuit Bernardus. An Gerardus abbas Longi-Pontis, laudatus in libro septimo de Vita Bernardi, capite undecimo. An forte alius Guido tum abbas erat Charoli-Loci prope Silvanectum ?

2. Dubitant nonnulli, num revera tractatus iste scriptus sit vivente Bernardo, propterea quod ex quibusdam primis epistolæ et tractatus verbis colligitur, diu post exordia Cisterciensis Ordinis hæc scripta fuisse. Verum ejusmodi tractatus nuper compactus servabatur in exemplari Bibliborum, quod per Stephanum Cistercii abbatem tertium emendatum est, ad cujus normam, omnia ejusdem Ordinis Biblia corrigi præceptum erat : quod ipsum de Antiphonario præscriptum est. Ea erat primorum istius Ordinis cura et sollicitudo in res sacras. Subjectus, inquam, erat tractatus iste primario illi Bibliborum correcto exemplari, sed postea ab eo avulsum, ut ego ipse ex indice contentorum, et ex vacuo spatio deprehendi. Et certe hoc opusculum primis illis Ordinis temporibus conditum fuisse intelligitur ex initio ejus, ubi mentio fit de Cisterciensibus, qui « Regulæ veritatem » seu puritatem, « prætermisissis aliorum dispensationibus, » tunc « tenebant : » quod de primis temporibus intelligendum est. Et in libro Institutorum Cisterciensium, quæ anno 1134 a Rainardo Cistercii abbate collecta creduntur, inter eos libros, qui novellis monasteriis necessarii sunt, capite duodecimo numeratur Antiphonarium, cui præmissus erat hic tractatus in codice Cisterciensi. Sed omnem dubitationem adimit Vita Stephani abbatis Obazinensis, auctore ejus æquali, nuper edita ab erudito Baluzio in tomo quarto Miscellaneorum, ubi hæc verba leguntur in libri secundi capite decimo tertio : « Sed sciendum, quod libri, quibus primo Cistercienses in divinis officiis usi sunt, valde corrupti ac vitiosi fuerunt, et usque ad tempora sancti Bernardi sic permanserunt. Tunc enim abbatum communi decreto, ab eodem sancto abbate ejusque cantoribus sint correcti et emendati. » et sicut modo habentur dispositi. « Nihil luculentius hoc testimonio afferri potest.

3. In Supplemento Patrum, quod R. P. Jacobus Hommeyus Augustinianus anno 1684 Parisiis vulgavit, libello de Ratione cantandi Antiphonarium subjungitur tractatus de Ratione cantandi Gradale : de quo cum nulla fiat mentio in Bernardi epistola, sed tantum de Antiphonario, an Bernardo ejusve hoc in opere sociis tribui debeat, merito dubitare licet : multo

magis de cæteris apud Hommeyum, quæ Bernardi esse non putamus. Hic subjienda est admonitio piissimi quondam viri Joannis Bona, de hoc opusculo ad me transmissa, quæ sic habet ut sequitur.

## D. JOANNES BONA,

CONGREGATIONIS REFORMATE S. BERNARDI, ORDINIS CISTERCIENSIS, ABBAS GENERALIS,

## LECTORI SALUTEM.

In celebri monasterio Sancti-Salvatoris de monte Amiato Ordinis Cisterciensis in diocesi Senensi, exstat ejusdem Ordinis vetus Antiphonarium, quod secum e Cistercio monachi detulerunt, cum primum Cisterciensis Reformatio in illud cœnobium introducta fuit a Venerabili Raynerio abbate anno Domini 1231. Huic Antiphonario præfixus est hic tractatus, D. Bernardo Claræ-Vallensi abbati adscriptus. Nec dubito quin alia ejus exemplaria in aliis abbatibus Ordinis reperiantur. Carolus de Visch in Bibliotheca Cisterciensi unius meminit his verbis: « In monasterio Laudensi in Flandria servatur ejusdem » S. Bernardi « Epistola de » ratione Cantus nondum edita, cujus initium est: Bernardus humilis abbas Claræ-Vallis. » Possevinus in Bibliotheca selecta, libro decimo quinto, capite sexto, cæteris scriptoribus, qui de Musica scripserunt, S. Bernardum commemorat. Angelus Picigitonensis Minorita edidit Venetiis anno 1547 « Floris angelici de cantu plano et signato libros duos, » quorum primo plura citat ex hoc tractatu, nominatim capite vigesimo nono: « Hoc, » inquit, « comprobatur » S. Bernardus in sua Musica, dicens, ubi molliorem sonum fieri expedit, B molle quandoque ponitur, furtim tamen, ne cantus similitudinem alterius toni assumere videatur. » Capite item quadragesimo sexto, de terminatione tonorum: « Doctissimus tam in divinis, » quam in humanis scientiis S. Bernardus has litteras describit in sua bene ponderata Musica, ubi dicit quod hæ litteræ D, E, F, G, sunt cantuum terminativæ. » Et capite quadragesimo septimo, de ascensu et descensu tonorum: « Omnis tonus, » ait, « decem notas » habere potest, ut aperte describit non minus verax, quam doctus S. Bernardus in bene » considerato prologo suæ Musicæ, assignans tres potissimum rationes; videlicet psalterii » auctoritatem, dignitatis æqualitatem, et notandi necessitatem. » Quæ omnia cum præcise habeantur in hoc tractatu, hinc satis evidenter deducitur, ejus auctorem esse Bernardum. Nec stilus refragatur, quantum proprii Musicæ termini patiuntur. Voce barbara, Maneria sive Maneries, quæ hic sæpe repetitur, utuntur passim Musici. Reperitur etiam in libello de Musica practica, apud Bedam: nam Bedæ perperam adscriptum esse evincunt notæ musicales, trecentis fere annis eo posteriores, et multa quæ ibi sunt ad verbum accepta ex Doctrinali et Micrologo Guidonis Aretini. Ipse quoque Bernardus ea voce usus est epistola quadringentesima secunda, ad Balduinum. Ex his autem apparet, quam sollicitè curaverint majores nostri, ut in divinis officiis omni remota indecentia et novitate, ecclesiastica gravitas et majestas tam in cantu, quam in verbis conservaretur. Animus erat uberioribus notis hunc tractatum illustrare: sed re maturius perpensa, ab his abstinui: nam Musicæ disciplinæ peritis superflua; ignavis inutiles forent. Vide interim quæ de cantu ecclesiastico, et de tonis dissero in mea Psallentis Ecclesiæ Harmonia, cap. 17, § 3 et 4.

# S. BERNARDI ABBATIS

SUPER

## ANTIPHONARIUM CISTERCIENSIS ORDINIS

EPISTOLA SEU PROLOGI S.

BERNARDUS, humilis abbas Claræ-Vallis, omni-  
bus transcripturis hoc Antiphonarium, sive  
cantaturis in illo.

Inter cætera quæ optime æmulati sunt patres nostri, Cisterciensis videlicet Ordinis inchoatores, hoc quoque studiosissime et religiosissime curaverunt, ut in divinis laudibus id cantarent, quod magis authenticum inveniretur. Missis denique qui Metensis Ecclesiæ Antiphonarium (nam id Gregorianum esse dicebatur) transcriberent, et afferrent; longe aliter rem esse quam audierant, invenerunt. Itaque examinatum displicuit, eo quod et cantu, et littera inventum sit vitiosum, et incompositum nimis, ac pene per omnia contemptibile. Quia tamen semel cæperant; et usi sunt eo, et usque ad nostra tempora retinuerunt. Tandem aliquando non sustinentibus jam fratribus nostris abbatibus Ordinis, cum mutari et corrigi placuisset, curæ nostræ id operis injunxerunt. Ego vero accitis ex ipsis fratribus nostris, qui in arte et usu canendi instructiores atque peritiores inventi sunt, de multis et diversis novum tandem Antiphonarium in subjectum volumen collegimus, et cantu, sicut credimus, et littera irreprehensibile. Denique cantator ipsius, si tamen gnarus fuerit, hoc probabit. Ita ergo ut demum mutatum est, et in hoc volumine continetur, volumus in nostris de cætero monasteriis tam verbo, quam nota ubique teneri; et mutari omnino in aliquo ab aliquo, auctoritate totius capituli, ubi ab universis abbatibus concorditer susceptum et confirmatum est, prohibemus. Porro mutationis hujus causam et rationem, si quem evidentius et plenius nosse delectat, legat subjectam

<sup>695</sup> præfatiunculam, quam præfati discussores veteris Antiphonarii ad hoc ipsum præponere curaverunt: ut palam factis quæ in illo erant, tam cantus, quam litteræ vitiis, renovationis et correctionis necessitas atque utilitas clarius appareret.

### PRÆFATIO SEU TRACTATUS

De cantu seu correctione Antiphonarii.

1. Cantum quem Cisterciensis Ordinis ecclesiæ cantare consueverant, licet gravis et multiplex obfuset absurditas, diu tamen canentium commendavit auctoritas. Sed quia penitus indignum videbatur, qui regulariter vivere proposuerant, hos irregulariter laudes Deo decantare; ex eorum assensu cantum ita correctum invenies, quatenus eliminata falsitatum spurcitia, expulsisque illicitis ineptorum licentiis, integra regularum veritate fulciatur, aliorumque cantibus, quibus erat deterior, ad notandum et cantandum commodior habeatur. Dignum siquidem est, ut qui tenent Regulæ veritatem, prætermismissis aliorum dispensationibus, habeant etiam rectam canendi scientiam, repudiatis eorum licentiis, qui similitudinem magis, quam naturam in cantibus attendentes, coherentia disjungunt, et conjungunt opposita; sicque omnia confundentes, cantum prout libet, non prout licet, incipiunt et terminant, deponunt et elevant, componunt et ordinant. Unde nemo miretur aut indignetur, si cantum aliter quam huc usque audierit, in plerisque mutatum invenerit. Ibi enim aut irregularis est progressio, aut progressionis sive dispositioni reclamant oppositio<sup>a</sup>, aut oppositionem dissolvit oppositio. Hæc omnia

<sup>a</sup> Alias, *compositio*.

cum vitia sint regularum, perfectionem magis<sup>693</sup> exterminantia, quam determinantia, omnino procul sunt ab illis qui vitia magis abscindere, quam dispensare noverunt. Denique cum musica recta sit canendi scientia, omnes hujusmodi cantus a musica excluduntur, qui nimirum non recte, sed irregulariter et inordinate canuntur. De mutatione namque litteræ facilis est, nisi fallimur, excusatio. Eam nimirum in plerisque adeo parcam et restrictam reperimus, ut in eadem historia idem versus ter repeteretur aut quater, ac si in toto Veteri ac Novo Testamento reperiri non posset quidpiam, quod adeo commodè posset apponi. In multis etiam historiis Postcommuniones ab iis, qui simplicitatem cantus ignorant Antiphonarii, pro Responsoriiis appositae invenimus: quibus versus subjuncti ita misere coherentes, ut notari non posset, secundum quod eos pronuntiari necessarium erat.

2. Dedimus ergo operam, ut in nulla historia idem versus plusquam semel reperiat; imo, nisi fallimur, vix tres versus reperies, qui in toto Antiphonario vel bis continentur. Postcommuniones autem quasdam removimus, usitata et authentica pro eis responsoria apponentes: quorumdam vero litteram ut sanctam et evangelicam refinentes, honestate et pulchritudine cantus supercoloravimus, sobriam tamen atque pudentem musicam ubique servantes. In multis denique locis litteram veteris Antiphonarii tantæ remissionis atque dissolutionis esse comperimus, ut multis falsitatibus sive apocryphorum naniis respersa, non solum tædium, sed et odium sui legentibus inferret; ita ut novitii qui sub ecclesiastica disciplina eruditi fuerant, ipsum Antiphonarium tum pro littera, tum pro nota fastidientes et ignorantes, in divinis laudibus tardiores redderentur et somnolentiores. Præmonitos autem esse volumus eos maxime qui libros notaturi sunt, ne notulas vel conjunctas disjungant, vel conjungant disjunctas; quia per hujusmodi variationem gravis cantuum oriri potest dissimilitudo: insuper et singulos cantus in propriis studeant terminare finalibus, per quarum inconsultam transmutationem tanta in cantibus orta est confusio, ut plures eorum alterius sint maneriæ, et alterius deponentur.

3. Quatuor enim sunt diversitates sive maneriæ cantuum, quibus omnis ipsorum multiplicitas includitur. Hæ apud Græcos vocantur,

A se oppositæ sunt, et certis ab invicem differunt proprietatibus. Prima enim maneria est, quæ ab voce qua terminatur ascendit per tonum post semitonium, et descendit per tonum. Hæc duas tantum habet finales D et A, quarum utraque habet supra se prius tonum, post semitonium, et sub se tonum. Secunda maneria est, quæ a voce qua terminatur, ascendit per semitonium et tonum, et per tonum descendit. Hæc iterum habet duas finales E et B quadratum, apud quas nimirum illum ascensum et descensum naturaliter invenies. Tertia maneria est quæ ascendit per duos tonos, et descendit per semitonium: quæ nihilominus habet duas finales F et C, utpote talium proprietatum susceptivas. Quarta ascendit per duos tonos, et descendit per tonum: et hæc unam tantum habet finalem G. Prima maneria duos continet modos, qui toni vulgariter dicuntur, videlicet primum et secundum: secunda duos, tertium et quartum: tertia duos, quintum et sextum: quarta duos, septimum et octavum. Bini vero et bini toni, qui sub singulis continentur maneriis, non distinguuntur a se diversitate finalium, quas prorsus easdem habent; sed progressionem et compositionem: quarum altera quantitatem, altera qualitatem determinat. Qui ergo libros notaturus es, tuæ diligenter imprimere memoriæ, quod omnes cantus primæ maneriæ, qui facti sunt, vel qui regulariter fieri possunt, in D tantum et in A terminari habent; et quicumque cantus potest ponere in aliqua illarum, primæ profecto est maneriæ, id est primi vel secundi toni. Utrumque, inquires, falsum: quia nec omnes cantus primæ maneriæ in illa tantum possunt terminari, cum et finem in G ponant per B rotundum; nec omnes qui in illa terminantur primæ sunt maneriæ: quia « Benedicte tu in, » et « Petre, » amas me, » et multæ consimiles Antiphonæ, in A tantum habent terminari; et tamen sunt secundæ maneriæ quarto tono deputatæ. Hæc quidem opinio jam multos fefellit, quam adduxit in medium B rotundi adjectio, per quam multis erroribus Musicam maculavit ineptorum præsumptio. Sane non secundum aliquid accidentaliter adjectum, sed secundum primam et propriam litterarum institutionem distincta est finalium proprietas, apud quas nimirum principale et maximum de cantu versatur judicium. In naturali autem computo litterarum septem

invenies, quæ graves nominantur. Hæc ut cantus liberius discurreret duplicatæ; quædam vero ex ipsis triplicatæ sunt: in duplicatione acutæ, in triplicatione superacutæ reperies. Consideratis litterarum singularum habitudinibus, quas habent ad proximas sibi litteras alitrinsecus positas, nullam profecto reperies præter D et A, quæ ascendat per tonum et semitonium, et descendat per tonum. Unde et hæc tantum finales sunt primæ maneriæ, cuius est proprium sic ascendere et descendere. G ergo excluditur, quod in naturali ordine litterarum et ubi prius ponitur, et unde repetitur, nequaquam per tonum et semitonium, sed per duos tonos directe ascendit.

4. In hoc litterarum ordine non computatur B rotundum. Patet enim omnibus, quod non sit aliqua de gravibus; cum etiam inter eas nusquam ponatur: sed nec aliqua de acutis, cum nulli gravium per duplarem conjungatur proportionem. Est autem inventum, non ad proprietatem finalium determinandam, sed ad servandam in plerisque cantibus euphoniā, quam apud eos minueret vel auferret tritonus, qui apud B quadratum terminatur. Unde in qualibet maneria, ubi molliorem expedit fieri sonum, loco B quadrati B rotundum quandoque ponitur, furtim tamen ac raptim. ne propter ipsum generetur in cantu similitudo alterius modi; quod nimirum nullam lineam, nullumve spatium per determinationem alicujus litteræ in libris obtinet, nisi ipsum apponatur. Et si semel B quadratum supervenerit, de libro deletur omnis ejus memoria, donec urgente supradicta necessitate iterum apponatur. Si ergo in G per ipsum aliquem cantum terminares primæ maneriæ, contra inventionem ejus omnino ageres, et institutioni obviāres finalium: quia nullus cantus extra finalem suæ maneriæ terminari debet. Quod si dixeris, G finalem esse primæ per B rotundum: respondeo, hoc esse non posse. Ad hoc enim ut finalis esset primæ maneriæ, necessarium esset ut secundum naturalem litterarum dispositionem ascenderet per tonum et semitonium, quod nec B rotundum, nec aliud quidpiam ei potest conferre. Licet igitur concedi possit, cantus primæ maneriæ quoquomodo posse notari vel cantari in G per B rotundum, nullatenus tamen concedendum est, vel sic, vel aliter G esse finalem illius, impediēte quam diximus necessitate. Proinde quæ utilitas, quæve industria est, ut

in aliena finali cantum aliquem accidentaliter A notes, quem in naturali ac propria notare potes, eo securius quo irreprehensibilis, eo laudabilis quo diligentius, eo grātius quo verius? Propter hoc ne vitiosus aut superflus inveniaris, ubi necesse est B rotundum studeas apponere, quod nimirum necessitas advenit. Nullus enim cantus qui sine ipso notari potest, per ipsum notari debet. Qui sunt qui sine ipso notari non possunt? Qui apud eandem litteram, modo tonum, modo semitonium habent. Quia tamen superacutæ et vicinæ ipsis litteras minus notas habent imperfecti cantores; infirmitati eorum cōdescendens consuetudo quosdam cantus per B rotundum notat inferius, qui apud prædictas litteras sine ipso commodius possent notari. Nos vero volentes, ut sicut inferiores, ita et superiores in usu habeantur et in notitia (aliter enim frustra haberentur), quoscunque cantus natura confert inferioribus, eos in ipsis terminatos reperies. Terminantur vero in superioribus qui eas naturaliter habent finales. Similiter sciendum est de hac antiphona « Benedicte tu, » et consimilibus, quæ in A tantum terminari possunt, quod secundum hujusmodi dispositionem procul dubio primæ sunt maneriæ, et non quarto, sed secundo tono applicandæ sunt. Ecce enim hæc antiphona « Benedicte tu, » in quodam loco supra finalem tonum, postea semitonium naturaliter habet per B quadratum; alibi prius semitonium, deinde tonum per B rotundum. Quæ, obsecro, perspicacitas est ad judicandum de cantu illo cuius sit maneriæ, accidens præferri naturæ: et cum sit primæ secundum naturalem, judicari secundæ secundum accidentalem dispositionem? Ut autem magis mireris et abhorreas hujusmodi ineptiam, inspicere hanc antiphonam, « Petre, amas me, » et multas alias hujusmodi: eas profecto invenies naturaliter habere supra finalem tonum et semitonium per B molle, et nusquam semitonium, et tonum per B rotundum. Cur ergo judicantur esse secundæ? Similiter hanc antiphonam, « Nos qui vivimus, » secundum quod fere ubique cantatur, cum principaliter ac proprie terminari habeat in D, et sit secundi toni, notant eam iniqui prævaricatores in G per B rotundum, et sacramento asserunt eam esse octavi toni, licet apud eosdem G per B rotundum potius primæ quam quartæ maneriæ cantus terminet. Quis, obsecro, musicus patienter

ferat, ut cantus qui propriam et naturalem habet finalem D, octavo tono attribuitur: qui vero propriam et naturalem habet finalem A, sub quarto tono contineatur?

5. Horum ergo cantuum in A terminantium, in quibus naturam suffocat similitudo, necessaria correctio est: quia dissoluti per appositionem, quæ partes compositionis contaminat, alterum in principio, alterum in fine tonum redolent. In vetustissimis magnorum monasteriorum bibliothecis elegantissimum quoddam artis musicæ breviarium reperitur, quod sic incipit, « Quoniam pauci sunt: » quod quidem in parte legi, sed nomen auctoris me legisse non recolo. In eo, si bene memini, huiusmodi cantus nothi, id est degeneres, et non legitimi appellati sunt; eo quod, ut ibi legitur, a septimo tono incipiant, et eundem in medio servantes, circa finem degenerent, aliis in primo, aliis in quarto tono desinentibus: in primo, sicut « Ex quo facta est; » in quarto, sicut « Benedicta tu. » Fine proinde competenter mutato, omnes huiusmodi cantus ad septimum tonum redactos reperiēs. Horum cantuum duæ sunt diversitates. Quidam enim eorum ab ea littera in qua incipiunt, hilari motu ascendunt ad quintam et pausant in ea, sub qua nisi prius esset tonus, deinde semitonium, postea tres toni, quæ dispositio potest reperiri tantum sub ea littera quæ quinta est a finali septimi toni, non possent ibi notari reliquæ partes eorum cantuum, ut potes videre in « Benedicta tu, » et similibus cantibus, qui tam in capite, quam in toto corpore tali utentes dispositione, transmutato circa finem per B rotundum semitonio, naturam secundi toni, et similitudinem quarti inordinate recipiunt. Propter hoc circa finem mutatione indigentes, in ea parte correcti sunt. Quidam vero sunt, qui ab ea littera in qua incipiunt, tono statim deponuntur, et redeunt ad quartam pausant in ea, quod magis videtur plagalium esse, sicut, « Dominus regit me, » et, « Post partum. » Hos ergo non solum in fine, sed etiam in principio mutatos invenies, ut septimo tono ubique arrideant. Iterum præmonendus es de finalibus tertiæ et quartæ maneriæ, apud quas similiter magna invenitur confusio. Sunt enim quidam miserrimi cantus, nullius maneriæ habentes proprietatem, qui æque terminari pos-

sunt in C et in G, quæ diversarum sunt finales maneriarum. Quidam super hanc rem diligentius intuentes dicunt, et bene dicunt, omnes illos cantus esse irregulares, quos nullius maneriæ certitudo distinguit: et iudicant omnium horum cantuum ita debere vel extendi progressionem, vel compositionem variari, ut in finalibus diversarum maneriarum terminari nullatenus possint. His proinde miserrimis cantibus suam incertitudinem leviter et breviter ablatis invenies, ut jam non sis dubius, quibus singulos finalibus applicare debeas. Omnes igitur cantus primæ maneriæ, id est primi vel secundi toni, termines ut diximus, in D vel A. Omnes secundæ maneriæ, id est tertii et quarti toni, in E vel in B quadratum: quod licet tam authenticorum quam plagalium naturaliter susceptivum sit; nullum tamen authenticum in antiphonario reperiēs, quem in ipso terminare valeas. Si enim est Responsorium, versus illius authenticus non potest ei competere, qui sub sexta littera in qua incipit semitonium habet: si vero est antiphona « Sæculorum, » ejusdem authenticus non potest recipere propter eandem causam.

6. Nullum siquidem cantum, qui per diapente et semitonium ascendat ad sextam, terminare potes in B quadrato, quod supra se diapente non habet. Propter hoc non satis commode invenerunt in tertio tono versum, nemina, et « sæculorum. » Utrumque tamen forsitan consideraverunt, et sterilitatem B quadrati et habilitatem: sterilitatem, componentes versum, « nemina, » et « sæculorum, » cantibus in E terminantibus tantum competentia; habilitatem, sexta pro quinta utentes: ut si quando sterilitati illius finalis fecunditas succederet, parata esset littera, quæ authenticam ejus elevationem reciperet. Apud nos tamen authenticum in B quadrato terminari reperiēs, scilicet « Euntibus<sup>d</sup>: » quod alibi terminari non potest. Hoc communem versum nec habet, nec habere potest, sed habet suum proprium. Porro omnes cantus tertiæ maneriæ, id est quinti et sexti toni, termines in F, vel in C, F, majori parti authenticorum; C vero omnibus fere plagalibus attribuens: omnes vero cantus quartæ maneriæ, id est septimi et octavi toni, in G tantum terminare debes. Harum septem litterarum, non unam magis, et aliam minus,

<sup>d</sup> Alii addunt, et *Te Deum Patrem*.

sed omnes æqualiter principales ac proprias<sup>aa</sup> cantus progredi, propter auctoritatem Psalterii finales esse noveris; habentes nimirum tam A authentorum elevationem, quam depositionem plagalium. Incipiunt autem a D gravi, et in C acuto desinunt: supra enim vel infra nullam invenies, cui non desit elevationis vel depositionis perfectio. Ut autem unaquæque earum progressionis præcelleret plenitudine, fecerunt Musici dispositionem litterarum a Γ græco usque in ee<sup>a</sup> superacutum: non quia maluissent abundare quam deficere; sed quia nec superabundare, nec deficere voluerunt, facientes dispositionem, quæ neque sine incommoditate contraxior, nec sine superfluitate posset esse B prolixior. Utquid enim aliquid superadderes, cum supradictæ plenitudini hæc dispositio sufficiat: cui e regione si aliquid subtraheres, aliquam profecto finalium ejusdem plenitudinis decore spoliare?

7. Præterea sunt multi cantus, in quibus duplari elevationi hemioliam vel epitritum depositionem quam habere solebant, subtractam invenies. Sicut « Cornelius, Sancte Paule, » et alii plures. Omnes enim hujusmodi cantus duplices sunt et irregulares: duplices, quia partim sunt authentici, partim plagales. Quod vero contra regulam sic ascendant et descendant, C testantur etiam ipsi doctores erroris; sed per licentiam dicunt hoc fieri, regulas confundentes ut vitia retineant, non vitia resecantes ut regulas custodiant. Quæ est ista licentia, quæ regionem perambulans dissimilitudinis, confusionem adducens incertitudinis, præsumptionis mater et refugium erroris, veritatem deprimit, et perturbat judicium? quæ est, inquam, hæc illicita licentia, quæ conjungens opposita, metasque naturales transgrediens, sicut inconcinnitatem juncturæ, ita et injuriam irrogat naturæ? Luce siquidem clarius est, cantum illum male et inordinate compositum, qui D vel ita deprimitur, quatenus, prout decet, audiri nequeat; vel ita elevatur, ut cantari non valeat. Sic enim debet fieri, ut in inferioribus auditorem habeat, et in superioribus prolatores. Hujus mediocritatis tenorem quidam in octo, quidam in novem vocibus esse voluerunt, non clamosarum, sed vocum mediocrium possibilitatem considerantes. Verumtamen secundum illos, quorum exquisitior videtur esse sententia, usque ad decem voces potest

A quod decachordum est; et ut æqualis sint dignitatis singule voces diapason, quæ octo sunt: quatenus ultimæ, sicut et mediæ, geminam habeant habitudinem, scilicet elevari et deponi, collocatis alitrinsecus duabus vocibus, altera superius, altera inferius; quia tantum hoc per octo voces habent cantus discurrere, et non per plures: propter quod regulari cantuum progressionem diapason sufficit. Licet enim in progressionem cantuum duabus vocibus hinc inde, ut dictum est, positis, decem voces inveniantur; non tamen per decem voces, sed tantum per octo medias cantus discurrere, et usque ad voces alitrinsecus positas pervenire habet, sed per eas ire vel redire non habet. Et quod majus est, secundum dispositionem tonorum et semitoniorum, quam habent musici, qui primæ et quartæ et septimæ litteræ alitrinsecus tonum attribunt, secundæ et quintæ inferius tonum et supra semitonium, tertiæ vero et sextæ e converso, videlicet supra tonum et inferius semitonium, non prætermittentes quandoque B rotundum pro asperitate tritoni: secundum hanc, inquam, dispositionem nullus cantus fieri potest in decem vocibus vel citra qui notari non possit; sed undecim vocum cantus fieri potest qui notari non potest. Fac enim cantum qui sit authenticus tertiæ maneriæ, et da dispositioni ejus in uno loco tonum, in alio semitonium; et eleva cantum illum decem vocibus, ut sint undecim, addita illa quæ est in depositione; scito profecto cantum illum non posse notari, quia sub C acuto terminari non potest: cum in depositione, sub finali, modo tonum, modo semitonium habeat, sed nec ibi, cum cantus excedat ee superacutum.

8. Est igitur triplex ratio, quare cantibus decem voces attribuantur: Psalterii auctoritas, dignitatis æqualitas, et notandi necessitas. Secundum hujusmodi sufficientiam decem vocum consideraverunt musici progressionis plenitudinem, propter quam singulis assignandam finalibus prædictam dispositionem protraxerunt a Γ græco usque in ee: alioquin insufficiens esset formula, nec daret singulis plenarium ascensum. Has decem voces in sua progressionem aliter authentici, aliter ordinant plagales. Authenticos vocamus, qui majoris sunt auctoritatis, primum,

<sup>a</sup> In manuscripto est hæc littera H, quæ significat E, id est E /a in monochordo Guidonis.

tertium, quintum, et septimum, qui gravari nolunt aut deprimi, sed leves in saltibus, agiles in motibus, quintam et eas quæ supra sunt litteras frequentant. Hi sub finali quæ una est de decem vocibus, unam subponunt, octo supra ponunt. Plagales sunt, qui minoris sunt dignitatis, secundus videlicet, quartus, sextus, et octavus, qui raro tangunt vel transeunt quintam, sed sub ipsa volunt morose gravari. Hi finales suas quasi in medio collocantes, quatuor ipsis voces subponunt, et quinque supra ponunt, pulchra videlicet rationis probabilitate, ut quot vocibus in elevatione superantur, tot superent authentos in depositione. Nullus itaque plagalis ultra sextam elevari, et nullus authenticus plus quam una voce debet deponi. Plane igitur insaniunt, qui plagalem elevare per diapason, et authenticum per diapente vel diatessaron deponere præsumunt. Ut quid enim fiunt vel habentur huiusmodi cantus, graves quidem ad notandum, graviores ad cantandum, lineas variantes, arterias cruciantes, cavereiatam<sup>a</sup> habentes progressionem, nunc ascendentes usque ad cælos, nunc descendentes usque ad abyssos? Ne etenim ejusmodi cantus fierent, testante Widone, consilium fuit ut unusquisque quatuor modorum, videlicet protus, deuterus, tritus, tetrads, partiretur in duos, id est, authenticum et plagalem, distributisque regulis, acuta acutis, et gravia convenirent gravibus. Cum enim huiusmodi cantus secundum unam partem sui sint graves et plani, secundum alteram acuti et alti; versus et psalmi uno eodemque modo prolati diversis competenter aptari non possunt. Quod enim subiungitur, si est grave; cum acutis non convenit: si acutum, a gravibus discordat. Prohibet etiam idem Wido, ne huiusmodi abusus elevationis et depositionis fiat in Antiphonis et Responsoriis, quorum cantibus, psalmis et versibus coaptandi sunt. Cum enim cantus sit communis et duplex, versus autem et « sæculorum, » vel tantum authenticæ, vel tantum plagaliter canantur; ad illius modi cantum competenter non possunt aptari, cum plures sint in quibus adeo confunditur gravitas et acumen, ut vix possit adverti, cui magis, id est authento vel plagali, conferantur.

9. Prohibentibus itaque metis naturæ necessariis, plus quam quatuor manerías inveniri impossibile est, quæ et ipsæ secundum deposi-

tionem plagalium et authentorum elevationem octo modis exprimuntur, quorum bini et bini, authenticus videlicet et plagalis ejus, conveniunt omnino in maneria, sed differunt, hinc in depositione et elevatione progressionis, inde in hilaritate et gravitate compositionis; elevationem siquidem et hilaritatem usurpantibus authenticis, depositionem vero et gravitatem plagalibus retinentibus.

10. Ad hos inter se distinguendos, « Neumata » inventa sunt singulis subjicienda antiphonis, quæ apud quosdam « Stivæ » vocantur, et apud Græcos signantur per hæc verba, « Hoa nocane » et « nocais<sup>b</sup> » et his similia, quæ quidem nihil significant, sed ad hoc tantum a Græcis sunt reperta, ut per eorum diversos ac dissimiles sonos tonorum admiranda varietas aure simul et mente posset comprehendere. Hæc ita maneriam suorum modorum et compositionem debent exprimere, ut postquam tuæ diligentius memorie fuerint impressa, frequentatis aliquandiu cantum diversitatibus, quibus arrideant cantibus, auditu etiam facile cognoscas. Unumquodque ergo eorum suo modo singulare debet esse sufficiens: in hoc sufficiens, ut cuilibet finali sui modi convenire possit, in hoc singulare ut cantui alterius modi convenire non possit. Non enim ad discernendos modos a se invicem neumata competenter essent inventa, nisi unumquodque suo modo sufficeret, et eum evidenter ab aliis discerneret. Debet ergo maneriam et formam, tam communem, quam propriam, sui modi exprimere: maneriam videlicet per dispositionem; formam vero per compositionem, prætermisissis interim neumatibus plagalium, quæ competenter inventa esse videntur, utpote sufficientia suis modis atque singularia. De neumatibus authentorum sciendum est, omnia male esse inventa, vel post inventionem corrupta, præter neuma primi toni. Unde siquidem neuma quinti toni et incompetenter inventum reperies, quia suo modo nec sufficiens, nec singulare est. Cum enim ascendat per duos tonos, et semitonium, licet naturaliter C finalem habeat, in F tamen nisi accidentaliter terminari non potest. Unde non est sufficiens: quia naturaliter utrique finali debet convenire, non per B rotundum quod a distinguendis tonorum proprietatibus omnino excluditur. Valde enim absurdum est, ut in eisdem litteris, in quibus

<sup>a</sup> Aliis, *cauteriatam*. — <sup>b</sup> Ita in manuscripto. Aliis, *noe. ane*; et *noe. ais*.



cantus totus comprehenditur, suum neuma<sup>700</sup> quod ipsius naturam debet ostendere, recipere A non possit, quod tibi contingit in hoc modo in cantibus ascendentibus per tritonum. Iterum singulare non est, quia naturaliter et proprie terminari habet in G, quæ est finalis quartæ maneriæ. Considera namque neuma septimi toni, et hoc illi conferas: ejusdem utrumque dispositionis prorsus invenies et ejusdem fere compositionis, ita ut hoc septimo tono, et illud quinto, eadem possis aptare diligentia, qua et hoc quinto, et illud septimo. Unde et hoc neuma septimi toni irrationabiliter est inventum, cum competere possit finali tertię maneriæ. B Est aliud valde indecens in utroque neumate: habet enim utrumque in suo principio plagalem elevationem, ascendens per tonum et semitonium, et moram faciens in quarta, sicut prorsus invenies in neumate octavi toni, qui plagalis est. Ergo vel communem authentorum, vel propriam alicujus authenti compositionem neutrum exprimit, nec minus competenter assignari potest octavo tono, qui plagalis est. Propter hoc utrumque mutatum invenies; ita plane ut suo modo unumquodque sufficiens sit et singulare, nec superflua utatur circuitio. Neuma similiter tertii toni insufficiens est, quia C authentis qui terminari possunt in B quadratum, convenire non potest; et ideo sub sexta semitonium ablatum invenies. Has neumatium exquisitas proprietates esse scias admodum necessarias ad distinguendos quosdam authenticos a suis plagalibus. Hæc enim antiphona, « Lex per « Moysen data est », quæ semel quintam tangit, et se totam sub ea colligit, omnino plagalisesset, nisi propriam sui authenti compositionem haberet, quam in neumate ipsius invenies; videlicet, a finali per tonum<sup>b</sup> B descendere, et inde surgere per diatessarum, constans ex duobus tonis et semitonio; postea per duos tonos ad- D scendere ad quintam; et inde per quasdam interpositiones redire ad finalem. Curre per quaslibet antiphonas primi, hanc fere in omnibus compositionem invenies. Idem reperire potes in neumatibus aliorum authentorum. Caveant autem quicumque de cantuum distinctione perfectam volunt habere notitiam, ne propter ali-

quod brevitas desiderium hæc neumata quasi superflua prætermittant. Adeptæ siquidem brevitas non tantum valeret compendium, quantum amissæ commoditatis noceret dispendium.

II. His et aliis rationum probabilitatibus contra usum omnium Ecclesiarum Antiphonarium hoc corrigere coacti sumus; magis nimirum naturam, quam usum amulantes. Nec hoc utique suggestit præsumptio, sed injunxit obedientia. Si ergo opus singulare et ab omnibus Antiphonariis diversum fecisse reprehendimur, id nobis restat solatii, quod nostrum ab aliis ratio fecit diversum: alia vero inter se diversa fecit casus, non ratio, vel aliud quidpiam, quod in causa casui non præponderat. Licet enim in vitis omnia fere convenient; in quibus tamen rationabiliter convenire possent, adeo disconveniunt, ut idem Antiphonarium nec duæ canant provinciæ. Mirum proinde videri potest, quare majoris fuerint auctoritatis atque communioris notitiæ falsa quam vera, vitiosa quam sana. Ut enim de comprovincialibus loquar Ecclesiis, sume Remense Antiphonarium, et confer illud Belyacensi, vel Ambianensi seu Suessionensi Antiphonario, quod quasi ad januam habes; si identitatem inveneris, age Deo gratias. Nolumus autem latere posteros, quod hortatu dominorum et Patrum nostrorum multa retinimus de veteri Antiphonario, quæ quidem tolerabilia, sed multo melius possent haberi. Duo tamen incorrecta reliquimus, digna penitus correctione, videlicet, metrum quarti toni, metrumque septimi: quæ licet in Graduali correximus, propter usum tamen psalmorum in Antiphonario non potuimus corrigere, reclamantibus eisdem Patribus nostris, quorum assensu et benedictione cætera pro viribus exsecuti sumus. Prædicta metra quare vitiosa sint, ratio in promptu est. Cantus enim psalmorum quarti toni, impediendo solo metro, nullis Antiphonis potest aptari quæ terminentur B quadrato; metrum vero septimi toni in ea littera pausat, in qua tonus ille nullum principium semit: quod nulli tono licet. In illis enim litteris debet pausare quilibet tonus, in quibus habet frequentius incipere.

<sup>a</sup> Alias, *Sede a dextris meis*. — <sup>b</sup> Alias, *tetum*.

## OPERUM S. BERNARDI

## LECTIONES VARIANTES ET NOTÆ FUSIORES.

PAG. 1007 B. Rachelis amplexibus. — Usitatum Patribus et theologiae mysticae scriptoribus, nomine Rachelis et Liae, contemplativam et activam vitam designare. Ambae quidem uxores Jacob, sed alteram fecunditas, alteram venustas commendabat : quae duae dotes disparibus utriusque vitae officiis applicari solent. Eodem sensu Marthae et Mariae nomina non raro usurpari videas. Itaque insumat Eugenium haec vitae contemplativae studiis deditum, aegre ad activae vitae negotia descendere, utpote quae varie distrahant mentem, et pene obruant, ut vix subinde ad superna ac divina valeat assurgere.

1007 B. et non paris. — Horstius, *eniteris, et non obtines; perturis, et non paris*. Editi veteres et scripti perique praeferebant lectionem nostram. In nonnullis tamen, *eniteris et non parturis*. Sed *paris* rectius ad sensum.

1011 C. non Domini. — Legum abusus fecit, ut sancti viri et zelo iustitiae ferventes acriorem subinde in leges censuram ferant. Verum non tam leges ipsas, quam abusum, et ipsos abutentes feriunt. Horum sane vitio lit, ut leges saepe nominis lites sint, aut serant. Nempe et vinum abit in vitium, non sua, sed abutentium culpa : nec eapropter vinum recte culpaveris. Quid enim abusu non possit depravari? Legum porro usum maxime corrumpunt ambitio, et lucri cupiditas. Hinc nulli fere causae, qualiscumque ea sit, patrocinium deest : hinc illae litium ambages, antequam ad causae metam, id est sententiam, pervenias. Sed haec de re cap. 10 redibit sermo.

1013 D. primatum. — In quodam codice Vaticano apud Vossium, *personatum*, et in consequentibus ubique pro *primatus*, ibidem legitur *personatus*, contra fidem ceterorum manuscriptorum et editorum.

1018 B. non ita consueverunt. — Aliis alia est interpunctio : *Quid tamen? Si te philosophiae huic totum repente deoveris, praedecessores tui non ita consueverunt. Quidam habent, Quid tum?*

1018 C. papam Gregorium. — S. Gregorius inter ipsos armorum strepitus sacris studiis intentus, velut alter Archimedes. Et quidem Praefat. lib. 2 Homil. in Ezech. testatur duobus se incommodis turbari in proposito, nimia obscuritate visionum, et terrore imminentium malorum. Nam « Agilulfum, » inquit, « Longobardorum regem ad » obsidionem nostram summopere festinantem Padum » transisse cognovimus. Unde pensate, fratres, in caligi-

» nosis ac mysticis sensibus penetrare quid valeat mens » misera, timoris sui perturbationibus occupata, » etc. tamen obscurissimam et extremam partem Ezechielis eo temporis tam diligenter quam eleganter exposuit, uti inquit S. Bernardus. Videant nunc praelati Ecclesiae, ceterique viri ecclesiastici, quomodo in pace et tranquillitate viventes, utantur otio concessio : an ad sacra studia, an ad vana et saecularia negotia. Quam multos heu! videre est alienis, otiosis, et indignis occupari! Quid autem interest, an otiosus sis, an male occupatus? Olim certe sancti praesules, etiam in gravissimis negotiis, invenerunt otium vacandi Deo : et nunc invenient, quibus cura et parcimonia temporis erit.

1021 A. in tempus grave. — Expeditio in Orientem, hortatore S. Bernardo suscepta, infeliciter cessit. Hinc nata contra Virum sanctum murmura et calumniae. His hoc capite antidoton sive apologeticon opponit. Idem quoque faciunt alii scriptores, ne putes ipsum Bernardum solum suae causae et innocentiae assertorem. Vide Gaufridum, Vitae libro 3, cap. 4. Otto Frisingensis, de Gestis Friderici, libro 1, cap. 60, ubi multis hac de re philosophatus tandem concludit : « Expeditionem illam, etsi cum » tanta christianorum strage conjunctam, fuisse bonam et » salutarem, si non pro dilatatione terminorum, vel pro » commoditate corporum, attamen ad multarum salutem » animarum. » Additque : « Quamvis si dicamus sanctum » illum Abbatem (Bernardum) spiritu Dei ad excitandos » nos afflatum fuisse, sed nos ob superbiam lasciviamque » nostram salubria monita non observantes, merito rerum » personarumque dispendium deportasse, non sit a ratio- » nibus vel antiquis exemplis dissonum. » Ita Otto, qui praesens interfuit, et quae oculis suis vidit, sincerius enarrare potuit. Vide epistolam Joannis abbatis Casemarii inter epistolas Bernardi 386, et Willelmum Tyrium apud Baronium anno 1148, ubi de causis frustratae expeditionis. Sed libet unum praeter ceteris istius aetatis audire, bonae notae et fidei scriptorem, causas infelicis belli diligentius edisserentem. Is est Guillelmus Neubrigensis de Rebus Angl. libro 1, cap. 20 : « Legimus, » inquit, « olim numerosissimum Domini exercitum unius hominis » etiam occulte peccantis scelere ita inquinatum, et favo- » re divino nudatum, ut enervus et languidus appareret. » Consultus Dominus, respondit populum anathemate » pollutum esse, et adjecit : *Anathema in medio tui est,*

« *Israel; non poteris stare adversus hostes tuos, donec deleatur ex te, qui hoc contaminatus est scelere* (Josue « *VIT, 13*). Porro in nostro illo exercitu tanta tam contra « christianam, quam contra castrensem etiam disciplinam, « mala increverant, ut mirum non sit, quod eis tanquam « pollutis et immundis favor nequaquam divinus arriserit. « Castra enim a castratione dicuntur luxuriæ. At castra « illa nostra, casta non erant: in quibus utique infelici « quadam licentia multorum spirabant libidines. Præsumentes quoque de multitudine et instructa copiarum, « atque ita carnem brachium suum superbe ponentes, in « Domini, pro quo annulari videbantur, misericordia atque potentia minus confidebant, declaratumque in eis « est, quia Deus superbis resistit, humilibus autem dat « gratiam. Præterea in terra christiani imperatoris, cum « quo fœdus percusserant, et quo jubente, venalia vel « afferebantur, vel abundabant, minus a rapinis temperabant. Immisit ergo eis infensus imperator, hinc famem, inde hostem: tanti sanguinis christiani periculum « christianus minime perhorrescens. Denique venalibus « prohibitis, cum pro victualibus congerendis propter « hostium insidias nostri non valerent excurrere, primo « exercitus fame contabuit: deinde hostium exceptus insidiis, vel Turearum gladiis inebriavit, vel christianæ « statum libertatis ignominiosissimæ atque infeliciissimæ « servitutis sorte mutavit. Nec superbis atque immundis « castigandis iræ defuere coelestes, et plerumque, ut dicitur, effusa desuper intempestivarum nubium inundatio « de exercitu nostro plus minuit, quam hostilis gladius. « Itaque duorum exercituum maximorum parte longe « majore diversis casibus et cladibus profligata, cum « parte residua duo illi magni principes, ægre exitum « evadentes, Jerosolymam venerunt: et nulla re memorabili facta, inglorie recesserunt. » Ita Neuburgensis.

1021 B. effusa est contentio. — Locus sumptus ex psalmi cxi versiculo 40, ubi quondam Bernardi tempore legebatur, *contentio*, ut apud Willelmum Tyrensem in libro 16, cap. 21; pro eo quod modo habemus, *contentio*, rectius ex græco. ἐξουθενωσις.

1026 B. super gentes et regna. — Monet ut veteris fortunæ memoria contineat se intra limites modestiæ. Idoneum sane frenum ad arrogantiam et tumorem animi comprimendum ac sistendum. Exemplum hujus rei præclarum ac celebre dedit Agathocles Siculus, qui figulo patre natus et ignobilis, tandem regno Siciliæ potitus est. At ne honoris species abriperet extra metas honestatis, immemorem unde esset, et quam in lubrico cum fortuna collocasset; ortus sui memoriam conservavit, utens vasis fictilibus, quorum intuitu figuli se filium esse recordaretur. Id quod Ausonius eleganti expressit epigrammate. Quod præter alios etiam affert Nicolaus Serarius in Historia Moguntina, ubi agit de Willegio archiepiscopo ejusdem ecclesiæ, qui itidem obscuro loco natus, sed demum factus archiepiscopus, quanto major fuit, tanto se submissius gessit: ideoque studebat identidem pristinae conditionis suæ recolere memoriam. Et quia patre carpentario natus erat, passim in aedificiis et parietibus rotas, fabrilæ scilicet parentis opus, pinxit, addito hoc elogio: « Willegise, Willegise, quis furcis ne obliviscere! » Et hoc

velut insigne sibi perpetuum sumpsit, cupis intuitu semper originis suæ memoriam aleret, idque in hodiernam usque diem civitas Moguntina reservat. Vide Serarium loco citato, ubi pag. 724, ubi alia quædam symbolica de rota affert, et de vite brevitate ac fortunæ volubilitate non abs re philosophatur.

1032 C. uni unus. — Magis arridet hæc lectio, quam alia apud Vossium, *tibi universos credidit uni unus*.

1033 A. alii in partem sollicitudinis. — Non placet ista lectio ex codice Nicolai V, in partem sollicitudinis vel potestatis, subditæ tamen tibi; tu in plenitudinem potestatis vocatus es; quæ verba, vel potestatis, subditæ tamen tibi, aliis omnibus desunt.

1033 C. unicum se Christi vicarium designavit. — Et tamen Bernardus episcopus etiam Christi vicarios appellat in opusculo sequenti, n. 36. Vide notas ibi ad n. 31, et supra ad epistolam 183.

1038 B. intuitum. — Vossius notat in quibusdam legi *animum*. Sed explicatio est ejusdem scoli. *Intuitum* scripsit Bernardus pro consideratione, de qua totus liber. Nec id notare esset operæ pretium, nisi ob similes locos, ut libro 3, n. 16, pro *sanguinem*, quidam codices apud Vossium habent *animam*, quod glossema est.

1042 A. deglutire festinat. — Henriciani et Colonienses hæretici parvulos a Baptismo exclusos volebant, de quibus in epistola 241, et in sermonibus 65 et 66 super Cantica. An illi ex Aquitania in Hispaniam etiam effusi, quæ terra Austri dicitur infra, quod nobis Gallis australis sit.

1043 D. qui voluit proximum. — Alii, *qui voluit ludere proximum*; addito *ludere*, explicandi causa. Tum, *Appellasse inique iniquum est: inique appellatæ impune transire, iniquarum appellationum fomes*, quæ lectio Vossio in textum inserenda videtur. Sed nostra constans est in manuscriptis nostris, et meo judicio melior.

1045 A. decredere. — Alii habent *discredere*, ut in epistola 158, ad Innocentium.

1048 A. unus Moguntinus, Coloniensis alter. — Henricus I, archiepiscopus Moguntinus, gravatus suorum canonicorum calumniis, et implorans Sedem apostolicam absolutus est. Scribit pro eo Bernardus epistolam 302 ad quam vide notas. Coloniensis alter, id est, Arnaldus, qui ex præposito Sancti-Andree in archiepiscopum electus anno 1138, post annos aliquot de simonia accusatus est. De hoc Arnaldo auctor Magni Chronici Belgici canonici regularis S. Augustini prope Nussiam, testatur, cum in concilio Remensi præsentem Eugenio de simonia accusatum, una cum archiepiscopo Moguntino sententiam depositionis accepisse. Dietis vero archiepiscopis pro sua reconciliatione Romam accedentibus, et Henrico Moguntino gratiam obtinente, Arnaldum Coloniensem reconciliationem impetrare non potuisse, cum tamen pro ea obtinenda plurima obtulisset.

1048 B. rursus emendo. — Hic videtur agere de Willelmo in Eboracensem cathedram intruso, de quo epistolæ 235, 238, et sequentes. Adde quæ de Eugenio refert Joannes Saresburiensis in Polycratici libro 5, cap. 15, ubi Eugenius laudatur, quod « nullum omnino munus

» hominis litigantis recipiebat, aut cui credebatur litem im-  
» minere. »

1049 D. de membrari. — Quales probet improbetve Bernardi exemptiones, vide hic n. 18, et confer epistolam seu opusculum II ad Henricum Senonensem, cap. 9, infra.

1050 C. qui multas oves habens. — Alias, *qui centum oves habens*. At parabola, II Regum XII, habet, *plurimas oves*. *Centum* a quodam imperito inventum ex parabola Evangelii de centum ovibus, Lucae XV.

1053 A. dispensatio laudabilis est. — Notanda Bernardi in materia dispensationum sententia: nempe ut non nisi necessitate urgente, et communi utilitate suadente dispensetur. Jam vereor sapius dispensari, ubi necessitas et utilitas vel non est, vel tantum privata est. Quid autem hic est dispensare sensu Bernardi, nisi dissipare? Et his merito illa ejusdem S. Patris verba ingerimus: « Quid » tibi frustra quispiam blanditur de absolutione apostolica » ejus conscientiam divina ligatam tenet sententia? » epistola I, ad Robertum. Item illa: « Quod et vos quoque » non immerito timentes, nec satis de propria causa con- » fidentes, remorsas ac remordentes conscientias apostoli- » ca conati estis delinire sententia. O frivolum satis re- » medium! quod non est aliud, nisi more Protoplastorum » cauteriatis conscientis texere perizoniata, videlicet ad » velamentum, non medicamentum. Apostolicam, in- » quunt, licentiam quaesivimus, impetravimus. Utinam » non licentiam quaesissetis, sed consilium, id est, non » ut liceret sed an liceret, etc. » Ita Bernardus epist. 7, ubi notatu dignissima circa dispensationes, a n. 7, usque ad n. 10. Joannes Saresberiensis in Polycratici libro 4, cap. 7: « Nec tamen dispensationem legis subtraho mani- » bus potestatum: sed perpetuam praeceptionem, aut » prohibitionem habentia, libito eorum nequaquam arbi- » tror supponenda. In his itaque duntaxat quae mobilia » sunt, dispensatio verborum admittitur: ita tamen ut » compensatione honestatis aut utilitatis mens legis inte- » gra conservetur. » Legis apud eundem libri 7 caput 17.

1053 A. non propria. — Vossius in margine notat, *non tua*; quasi *propria* referendum sit ad Pontificem, non ad eum cui conceditur dispensatio.

1054 B. luxum vestium interdictus. — Avo Bernardi luxum et mollietatem vestium inter clericos eo magis, et pene impune grassatum censent plerique, quod e prima nobilitate tunc plures in clerum lecti, et jam pridem elegantiae assueti, aegre se ad modestiam et frugalitatem sacro statu dignam componerent: quin et hoc modo pristinum splendorem et stemmatis excellentiam peculiari vestium cultu tueri vellent, ne forte e plebe in-star ceterorum viderentur assumpti. Sed quis prudens hoc in iis studium probet? Nam una enim statu et vitae genere mores habitumque mutari par erat: vel certe ita statuere secum, praecipuum hominis Deo sacra decus et ornamentum esse virtutem, modestiam, pietatem. Sed quia hic fere depravata plurimorum errabat opinio, sanctis et religiosis Viris semper curae fuit, vomica illam in communem perniciem in dies magis magisque tumescentem acriori stilo pungere. Accesserunt et diversorum Ecclesiae praesulum, nec non

conciliorum decreta, ad reprimendum luxum vestium edita, quae tamen S. Bernardus non observari dolet ac queritur. Vide infra tractatum de Moribus et Officio episcoporum, contra luxum vestium in cler. etc. cap. 2.

1054 C. pene inguina nudata. — Sacris decretis severe cavetur, ne clerici vestes lerant virgatas, partitas, scacatas. Majores nostri vocabant fractilatas vestes et pompasas. Vide Chronicon Vuindesheimense, libro 2, cap. 47, quae videntur concisae fuisse vestes, latissimis rimis et hiantibus, quales videmus in Gallorum thoracibus aestivo tempore: quibus fiebat, ut seminudi esse viderentur: et ut cum Petro Chrysologo loquar, « artificiosa nuditate » vestiti, » sermone 122. Id S. Bernardus « fissuram » enormem » appellat, « quae pene inguina nudet: » eo quod olim non thoraces modo haberent ea ratione fenestratos et hiantes, verum etiam et femoralia late fissa, ut ex antiquis picturis constat. Quare cum clerici extra chorum longiorem vestem possuissent, in omnium oculis incurrebat illa amictus turpitudine, quae moderatorum oculos animosque offenderet. Ita fere Crescoll. in Mystag. lib. 4, cap. 13, sect. 5. Ubi etiam addit, morbum illum dire in Germania grassatum: sed et a praesulibus magna vigilantia laboratum, ne licentius latiusque serperet. Et quidem deinceps diversos Colonienses praesules adducit, qui pastoralis cura et censura invalescentem abusum reprimere studuerunt. Tales fuerunt Conradus anno 1260, Wualramus anno 1337, Wuillelmus anno 1353 et 1360, qui inter alia sic ait: « Monemus universos et singulos » clericos, ne de caetero vestes partitas, virgatas, talia- » tas, scacatas, etc. aut omnino rubeas, aut omnino » virides, aut glaucas, aut botonatas, vel nodatas, etc. » deferant. » Omitto caeteros.

1058 C. utrique. — Id est, terrae et caelo, quod mox explicat. Hi motus contingere incitatore Arnaldo, qui Romanis auctor fuit, ut Romae antiquum Reip. statum restituere molirentur, unica Sacrorum cura Pontifici relicta. Haec fuit in epistola 243, et apud Baronium anno 1152.

1060 A. equo albo. — Observa morem tunc fuisse, ut Pontifex equo albo veheretur, quod etiam probat Sugerius in libro de Vita Ludovici Grossi, pag. 318.

1060 B. Etsi purpuratus. — Petrus Damiani Pontifici « rubram cappam » tribuit in lib. 1, epistola 20. Adrianus IV, apud Joannem Saresberiensem in Polycratici lib. 8, cap. 23, ait, « coronam et phrygium » (quod alio nomine « regnum » vocatur) « clara merito videri, quia » ignea sunt. » Vide infra n. 5, et lib. 2, n. 18.

1060 D. et jussu imperatoris. — Idem verbis paulo immutatis de duplici gladio habet in epistola 256. Joannes Saresberiensis in Polycratici lib. 4, cap. 3: « Hunc ergo » gladium de manu Ecclesiae accipit princeps, cum ipsa » tamen gladium sanguinis non habeat. Habet tamen et » istum: sed eo utitur per principis manum. » Confer caput 2 libri ad Milites Templi. Vide Gloss. in cap. « Unam sanctam, » ubi praesens Bernardi locus commodè explicatur. Vide etiam epistolam Gregorii IX, ex editione Vossii, de duplici gladio Pontificis, et usu utriusque ex professo tractantem. Item Petrum Damiani, lib. 4, epist. 6, ubi gladium materiale non videtur permittere

Ecclesie : sed annotatione sat prolixa, antidoton aucter nescio quis (forte ipse qui edidit, Constantinus Caietanus) adhibet. Item lege Baronium a. l. annum 1053. Sed videat omnino lector Sixtum Senens in Virum doctissimum ex Ordinis Prædicatorum, Bibliothecæ sanctæ libro 6, Annot. 72, ubi prolixè Bernardi verba explicat, eaque a sinistris interpretat omnibus Calvini, Perardiorumque vindicat.

1061 C. Venianus ad collaterales. — Joannes Saresburiensis in Polycratice libro 5, cap. 10, agit « de latèribus potestatum, his scilicet, qui principibus debent assistere. »

1062 B. et non magis ut velim. — Horstio, *ut non magis velim* : sed mendose : et paulo ante, *ut quod vult, hoc liceat mihi*, apud Vossium.

1062 C. sed pungit a cauda. — Vide Petrum Damiani et Petrum Blesensem adversus clericos curiales. Vide etiam Claudium Espenceum, Digressionum in Epistolam ad Timotheum libro 2, cap. 10.

1064 B. molestus. — Sic manuscripti plerique : quidam habent cum editis, *non molestus*. Sed alteram lectionem præferimus, id est quorum exitus tristitiam affert. Apud Vossium una lectio, *molestus*.

1064 D. Martini nostri. — Is presbyter cardinalis ab Innocentio creatus anno 1130. Nostrum vocat Bernardus, non quod Clare Vallensis fuerit (neque enim inter prælatos inde assumptos ab Ernaldo numeratur in libro 2 Vitæ, n. 8), sed sive quod peculiaris Bernardi amicus fuerit, sive quod Gallus, seu quod ejusdem, id est Cisterciensis, instituti, quod tamen Manriens asserere non audeat. Anno 1132 hæc Martini in Daciam legatio ponitur. Hoc factum ex Bernardo Joannes Saresburiensis laudat in Polycratice libro 5, cap. 15, uti et sequens Gaufridi Carnotensis. Alia exempla ibidem, cap. 16.

1064 D. in Dacia. — Ita constanter editi et scripti. Manrius legit *Dania*.

1065 B. in partibus Aquitanie. — De hac legatione in Aquitaniam contra Henricianos lege librum 2 de Vita Bernardi, cap. 6, et librum 3, cap. 6. Bernardi varias ad Gaufridum istum epistolas habes in tomo primo.

1066 B. non fodi parietem. — Proverbialis locutio, petita ex Ezechiele, viii : quasi diceret, Ego leviter tantum et obiter, et summis quasi digitis rem tetigi; tum est altius rimari omnia, et perscrutari, quæ vitia deformant Ecclesiam ejusque ministros, etc. Ita fere Horstius.

1066 C. posteriores præcedimus. — Ita scripti hunc locum restituunt, et recte : cum Romano more servi dominum præcedant, digniores posteriori ordine. In editis legebatur, *priores sequimur procedentem*.

1071 C. id quidem instat. — Aliis, *ut quidem constat*. Sed legendum, *instat* ; id est, id modo exsequendum restat.

1071 D. repatriare est. — Varia me lectio : quidam scripti, *appropriare est* ; alii, *repatriare est*. Horstius cum paucis utrumque habet. Verbum *Repatriare* rectius ad sensum, ut opponatur exilio, ut infra n. 2, *Repatriasse erit hoc*, etc.

1078 A. quodcumque illud est. — Ex his verbis patet, Bernardum sermone 2 in festo Omnium Sanctorum non

ita sensisse de altari illo, quasi intellectu aut fide ad sibi constaret : sed tantum opinative sententiam suam dixisse. Hæc fusius in Præfatione a. l. tommi 3.

1078 C. electæ juventutis. — In quibusdam, *quomodo debita neglecta juventutis*. Sed mendose : hæc enim agitur de electis.

1082 C. quo Deus sit. — Necessaria prius correctio ex duobus manuscriptis Colbertinis : ubi in antea editis, *quod Deus sit*. Ratio ex consequentibus perspicua.

1082 D. Deum esse. — Nempe Gilbertus Petreus Pictavensis episcopus, ejusque sequaces, damnati in concilio Remensi anno 1148, de quo Gaufridus, libro 3 de Vita Bernardi, n. 15. Idem Gaufridus libellum edidit de rebus gestis in concilio Remensi contra Gilbertum, de quo ad sermonem 80 in Cantica.

1082 D. divinitate. — Alii male, *divinitatem*. Eadem correctio adhibita in sermone 80 super Cantica, n. 10.

1082 D. adversus illam. — Editi addunt, *et quæritur nita'em*, sed deest in manuscriptis.

1083 D. alteri beneficio. — Quidam cum Horstio habent *aliterius beneficio*. Sed planior sensus, *alteri beneficio*, ut in purioribus manuscriptis.

1086 B. cegit. — Horstius addit *naturæ*. Sed deest in aliis editis et manuscriptis.

1088 C. Alieni sint a nobis. — Horstius addit *Novatiani*, quod marginis lemma est.

1090 B. non comprehendunt. — Hanc periodum post sequentem, *Et videntur*, etc. collocant quidam codices Vaticani : sed hæc lectio aptior.

1103 B. et benévoli. — In editis, etiam anni 1494, hic interseruntur hæc verba, *absque prudentia et benivolentia non esse perfecta consilia* : quod lemma est ex margine inductum in textum, deestque emendationibus manuscriptis Colbertinis 1038 et 1410.

1104 C. non cultu vestium. — Ita concilium Carthaginense IV, cui S. Augustinus interfuit, can. 15 : « Episcopus, » inquit, « vitem suppellectilem, mensam ac vitum pauperem habet, et dignitatis suæ auctoritatem » fide ac vitæ meritis querat. » Quæ verba concilium Tridentinum repetit, et novæ auctoritatis pondere corroborat, sessione 25, cap. 1, de Reform. De his legendum habes, Bartholomæum de Martyribus ex Ordine Dominicanorum archiepiscopum Bracarensem, libro utilissimo, qui « Stimulus Pastorum » inscribitur, parte 2, cap. 6. Ibidem adjunctum habes tractatum elegantissimum de Moribus Prædicatorum P. Ludovici Granat ex eodem Ordine concionatoris celeberrimi, ubi idem argumentum docte ac eleganter prosequitur cap. 11. Lege etiam Antonium Molinam in Instruct. Sacerd. tract. 2, cap. 13, qui liber utinam omnium ecclesiasticorum manibus teratur! Ludanum episcopum Ruremundi, tract. ad Omnes ecclesiasticos de Evigenda Impunitentia libro 2, pag. 115; Henricum Cnecium item Ruremundi episcopum, epist. 2 parænet. ad Cler. suæ diocesis; Gersonem cancellarium Parisiensem tomo 2, tract. de Temperant. Prælat. pag. 543 sq. et tomo 1, pag. 202, de Signis ruine Ecclesiæ. Quibus merito addendi Bellarminus de Officio Princ. Christ. lib. 1, cap. 5; Platus de Cardin. cap. 16; Rodríguez, 2 p. Exere. tract. 3, cap. 29, ubi

testimonio S. Francisci Xaverii docet, quomodo paretur et conservetur auctoritas, et cur ea in praelatis hodie adeo evluerit.

1105 A. quas gulas vocant. — Huius vocis duplicem possumus reddere rationem. Primo enim non incongrue littera inmutata videatur usurpari pro gula, a graeco γούρα, quod vestem villosam significat ex pellibus confectam. Unde illud Guitherti in epistola ad Ludlum episcopum: « Gunam de pellibus lustrarum factam tue Fratritati misi. » Nec enim novum litteram N in L demutari. Sic apud Varronem « Vallus » pro « Vannus »; « Evallere » pro « Evannere », apud Plinium, lib. 18, cap. 10, ut notavit Dausquius in Orthographia. Secundo pro pellibus animalium sanguineo colore tinctis, eo loquendi modo, quo nomen gallicum, *Gueule*, ad rubeum colorem designandum in artem symbolicam inductum esse quidam opinantur, sumpta videlicet metaphoram a cruentis pellibus seu gulis eorum animalium, quae in amphitheatris mutuis morsibus sese strangulabant. Fuerint igitur pelles istae, de quibus hic agit Bernardus, vel murum Ponticorum, vel aliorum similium, quibus color rubricatus sive pilus villosus « Gularum » nomen indiderit. Quod spectat ad eorum usum hic ab ipso assignatum, non parum illustratur ex mutila quadam Parabola in quibusdam editionibus Bernardi Operibus inserta, sed stili ejus et genii gravitatem non assequente, ex qua huic loco exponendo pauca delibare sufficiat. « Sed » nimirum talis ac tantus sponsus ad sponsam suam vana manu venit? Nequaquam: sed donativa detulit, de lata erogavit. Et quia hiemis tempore venit, hiemales vestes primum sponsae dedit, agniam videlicet pelliceam, et cappam, quod utrumque fit de agno: sed alterum sine dolore agni, scilicet lana, de qua fit cappa, sumitur; alterum, videlicet pellis, unde pellicea, absque dolore gravi ab agno non accipitur. Sponsus iste agnus est.... De lana sua sponsae suae cappam fecit, cum humilitatem verbis docuit. Pelliceam dedit, cum vigiliis, jejuniis, et aliis carnis suae afflictionibus, ultimum passionem crucis, mortificationem carnis sponsae ostendit. *Pellicea*, quae de mortuis animalibus fit, mortificationem insinuat. Itac autem hiemis tempore. Paschali vero tempore arminiam pelliceam dedit: circa collum, et circa manum rubeis gulis preparatam. Igitur pellicea sponsae de arminio fit, quod candidum est, in significationem latitiae spiritualis ob spem future resurrectionis: circa collum et usque supra petus et circa manum rubeis gulis ornata est; quia passionem Christi, quam ore praedicat, corde sentit, et operibus attestatur. Dedit etiam Christus Paschali tempore sponsae suae cordubanos duos, etc. Vide Declarationes, n. 10; epist. 2, n. 11. Porro quam fuerit familiaris Bernardi saeculo pellicearum usus, tam clericis quam monachis, imo etiam laicis, ipsisque feminis, vide Chesnium in notis ad Petri Venerabilis epistolam 28 libri 1. De gulis loqui videtur Benedictus XII, in Bulla « Ad decorem », his verbis: « Prohibemus etiam ne dicti canonici de caetero fectant forcaturas de ventribus variorum aut squiolorum cum dorsis permixtis; sed sint de civilibus simplicibus vel albis, vel nigris, vel gri-

seis, » etc. In Chronico Saxonico manuscripto laudatur ad annum 1030 Clerus Hildenesheimensis, quod « delictioris vestitus » abjecta cura, « gulas, quibus nunc ardet » Clerus, nescirent. »

1120 A. primatus prerogativa. — Primatum metropolitani Senonensis repetunt a Joanne VIII, qui Ansegiso archiepiscopo vices suas in Gallia et Germania demandavit. Exstat liber hac de re singularis Joannis Baptistae Drioti canonici Senonensis. Adi epistolam Ludovici VI, ad Callistum II, in tomo 3 Spicilegii, pag. 147.

1120 C. ad ecclesiasticas dignitates. — Confer epistolam 274, ad Theobaldum Campaniae comitem, quem filio suo Wilhelmo impuberi dignitates ecclesiasticas procurare volentem graviter et amice reprimat Bernardus.

1120 C. vindicare. — *Vendicare* scribebant illius aevi librarii, pro quo nonnulli codices habent *vendicare*. Sed praeferenda lectio prior, ut verbum respondeat ambitioni, de qua mox: avaritia aliud membrum de evacuandis subditorum marsupiiis.

1122 B. sub uno redigantur antistite. — Id forte intelligendum de Noviomensi episcopo, qui Tornacensem ecclesiam, jamdudum suae sedi unitam, vix tandem passus est proprio gaudere episcopo, scilicet Anselmo ex abbate Sancti-Vincentii Laudunensis, quem Eugenius III, Bernardi rogatu, Tornacensibus concessit. Confer lib. 3 de Consider. num. 14 et 16.

1124 C. Christi Vicario. — Id est, Papae seu Pontifici Romano, quem Bernardus inter primos « Vicarium » Christi proprio nomine appellavit hic et in epistola 251, num. 1. Confer notationem ad epistol. 183. Quamquam etiam episcopum « Christi Vicarium » veteri more appellat infra, num. 36; Papam vero singulariter lib. 2 de Consid. num. 16, et lib. 4, num. 23.

1126 A. ut emancipentur. — Alibi non improbat Bernardus hujusmodi exemptiones monasteriorum, quae specialius ab ipsa sui fundamine ad Sedem apostolicam pertinuerunt « ex voluntate fundatorum. Sed aliud est, » inquit, « quod largitur devotio, aliud quod molitur ambitio impatiens subjectionis, » lib. 3 de Consid. n. 18.

1128 A. atque sandaliis. — Ejusmodi ornamenta abbatibus primum concedi coepit saeculo X. Paulus Langius noster in Chronico ad annum 1398 itidem Abbates arguit, qui hac insignia captabant. Lucius III ea Lantelmo Casae-Dei abbati « ex obedientia » imposuit. Sacerdoti, diacono, et subdiacono, usus mitrae, annuli, et sandaliorum concessus est a Leone IX in ecclesia Vesontionensi ad quaedam festa, ut legitur in Probationibus historiae Tornutiensis pag. 358 et 362.

1159 C. multiplicatus est. — Varia est huius loci lectio in editis et scriptis. Editio Spirensis anni 1501 habet, *sacratissimus Ordo super numerum multiplicatus est*. Editio anni 1520 nostram habet: ubi « Fratrum » nomine forsant intelliguntur cardinales, ut in epistola 48.

1178 D. etsi de Scriptura hoc non habemus. — Quod S. Doctor ait non haberi ex Scriptura Samsonis factum divino consilio fuisse patratum; verum quidem est nullo in loco discrete haberi, tametsi ex Epistola ad Hebraeos, XI, 32, non obscure colligitur. Qua de re sic agit Estius in Comment. « Ad Samsonem venio, pro quo respondet

» Augustinus, libro 1 de Civitate Dei, capp. 21 et 26, » dicens quod se ipsum cum hostibus ruina domus oppressit, id cum fecisse Spiritu latenter hoc iubente, » qui per eum miracula faciebat. Nec fas est nobis aliter » credere : nam ad id faciendum divinitus ei reddita fuit » amissa fortitudo. Sic enim ait : *Domine Deus, memento » mei, et redde mihi fortitudinem pristinam, ut ulciscar » me de hostibus meis* » (Judicium xvi, 28). Hanc responsionem plerique alii sequuntur, et recte. Nec obstat quod dicit, *ut ulciscar me de hostibus meis*, quasi privatam injuriam ulciscendi cupidus. Nam injuria Samsonis injuria publica erat, ut qui Judex esset populi, et pro ejus salute pugnaret. Irrisio quoque ejus, irrisio Dei Israel erat, in cujus contumeliam Philisthæi pro capto Samsonе diis suis solemnes in templo gratias agebant. Sed quamvis citra Dei consilium factum Samsonis peccatum concedatur, non tamen propterea peccatum fuisse (uti S. Bernardus hic sentit) Franciscus a Victoria contendit in Relectione de homicidio sub finem. » Non » enim, » inquit, » interfecit se Samson ex intentione, » sed voluit hostes opprimere et interficere, ad quod » secuta est mors ipsius, cum aliquin optasset illos » perdere se salvo, si fieri potuisset. Hoc autem sine nova » revelatione habetur licitum. Quod quidem confirmat » Eleazari exemplo, quod legitur Macchab. i, 6, ubi » Scriptura eum laudare videtur, magnifice vero Ambrosius, Offic. libro 1, cap. 40. » Denique eundem Samsonem inter sanctos referendum censet Estius citato loco.

1180 A. ratio necessitatis. — Editi addunt *vel charitatis* : quod abest a scriptis, et vero superfluum videtur, siquidem ratio necessitatis ipsa ex charitate est. Unde infra, num. 11, » Necessitas non habet legem, et ob » hoc excusat dispensationem, » etc.

1180 C. alligat et Priorem. — Sensus est, una eademque monachi professione et ligari præfectum seu abbatem, et monachum ipsum profitemem : et quidem alterum « fidelis curæ » suæ, ut scilicet subditum ad Regulæ observationem flectat; alterum « humilis obedientiæ » esse debitorem.

1181 B. quod promisi. — Difficilis hic locus, ex quo quis inferat, prælati mandatum non excedere modum, si sit secundum Regulam sancti Benedicti, vel etiam secundum instituta Basilii, etc. adeoque Professum Regulæ S. Benedicti his teneri, si quidem a præposito præcipiantur. At nequaquam ea Bernardi sententia est, qui paulo ante dixit, Professum hunc spopondisse obedientiam secundum Regulam, « nec aliam quam S. Benedicti : » ac proinde præpositi mandata esse moderanda secundum rectum, « quod prædictus pater instituit, aut certe quod » sit secundum quod instituit » Unde hunc locum ita restituendum puto, *quod non sit in Regula, aut etiam quod non sit secundum ipsam; instituta verbi causa Basilii, etc.* Sane duo codices bonæ notæ, Compendiensis et Sancti-Theoderici, imo etiam Vaticanus et prima editio Rotomagensis, habent *secundum istam*, non *ista*, ut in aliis, tametsi in priori membro cum aliis scriptis et editis præferunt *secundum Regulam*, pro quo in *Regula* legendum esse non dubito. Si quis tamen pro vulgata lectione contendit, non repugno, modo assentiat, argu-

mentum esse a majori ad minus : quasi diceret, S. Benedicti alium non obligari illis præpositi sui mandatis, quæ non sunt secundum Regulam; multo minus institutis Basilii, etc. in quibus quidem honesta est præcipiendi ratio, sed nulla subditi parendi necessitas. Sicuti christianus dici potest non obligari ad illa faciendâ quæ non sunt secundum Dei præcepta, multo minus ad ea quæ non sunt secundum consilia, quibus non tenetur.

1181 C. lege. — Codex S. Theoderici recte habet *lege*, non *legem*, ut in aliis editis. Recte ad hunc locum Petrus Cellensis in lib. 2, epistola 7, ad abbatem Molismensem : » Extra Deum nihil agas, extra Benedictum nihil præcipias. »

1182 C. nec ista. — Minutulum est quod ex eodem codice hic reddimus *ista*, pro *istam*. Gemeticensis addit *obedientiam*. Sed legendum *ista* numero plurali, id est mox dicta.

1189 C. populo. — Cum in hac voce *populo* conveniant codices nostri, visum est reponere pro *cumulo*, ut in antehac excusis.

1192 B. contentio. — Ita tres scripti nostri : editi, *contemptio*. Et omnino legendum *contentio*, unde infra dicitur, » recalcitrans et contentiosa voluntas. »

1199 A. cavere maledictum. — Locus obscurus, sed constans in editis et scriptis, tametsi Horstius putat legendum, *quin hoc velit*. Sed retinenda alia lectio, quæ dilemmatis altera pars est. Bernardus quippe hoc in loco probat, bonam intentionem, quæ iux est operis, non aequè valere in malum, quam in bonum. Sic autem fere ratiocinatur. Intentio illa circa malum vel est oculus simplex, vel non. Tum, si est, inquit, nihilominus incurrit *læ* propheticum, prolatum in eos qui dicunt malum bonum : et aliunde nemo vitare volet istud maledictum, cum ea intentio sit oculus simplex, quem Veritas laudat.

1199 A. lucis. — Omnino sic legendum, ut in duobus scriptis, non *lux*, sicut in antehac vulgatis; ut sit sensus, quod oculus simplex sit *argumentum*, id est origo et causa, *lucis totius corporis, id est operis*.

1203 A. corvos. — Ille gentilis est Horatius qui in libro 1, epistola 16, vers. 16-18, hæc habet :

Nec furtum feci, nec fugi, si mihi dicat  
Servus: Habes pretium, loris non ureris, aio.  
Non hominem occidi; Non pascas in cruce corvos.

1207 A. causari. — Tales fuerunt illi monachi ad Pontiniacenses translati, ad quos insignem scribit epistolam Petrus Cellensis, in tomo 2 Spicilegii, pag. 447, ubi vide et duas sequentes.

1207 B. experimur. — Quantas Bernardo risas facerint ejusmodi suspensiones, variæ probant ejus epistolæ, nempe 3, 32, 33, 65 cum tribus sqq. item 253, 293, 313, 395 et 396. Confer epistolas 94 et 371, et maxime Cassianum, Collat. 14, cap. 5 et sqq.

1208 B. matrimonium. — Questionem hanc Bernardi ævo fuisse ventilatam, patet tum ex Abaelardo, qui quemdam Burgundiæ magistrum arguit, pag. 1067, quod » monachos atque moniales, post publicum etiam suæ » professionis votum, et benedictionis vel consecrationis » vinculum, posse matrimonium contrahere » assereret :

tum ex concilio Remensi sub Eugenio III, ubi ejusmodi matrimonia irrita ac nulla esse definit canon 7, etiam in Conversis professis. Longe ante Gregorius Magnus monachos, qui uxores duxissent, in monasterium revocari jubet in lib. 1, epistola 40 : eosdem vero excommunicat concilium Chalcedonense, can. 16. Paulo dissimilis est argumenti Bernardina epistola 76 de quodam homine, qui « post diutina in domo et habitu religionis conversationem, » nondum tamen confirmato proposito, ad secundas nuptias convolat.

1208 D. nuncupetur. — Idem in sermone 11 de Diversis et in epistola 411, num. 2. B. Petrus Damiani, Opusc. 16, in episcopum monachos ad saeculum revocantem, « Dic, » inquit, « obsecro, legisti aliquando vitae monasticæ propositum secundum esse Baptisma? Sed » quia hoc inveniri in dictis Patrum perspicuum est, » negare licitum jam non est, » etc. Vide loco citato, cap. 8. Vide et Hieronymum, epistola 25, ubi Paulam de Blasille obitu consolatur. « Revera, » inquit, « si » seculare desiderium, et (quod Deus a suis avertit) » delicias hujus vitae cogitantem mors immatura rapuisset, plangenda erat. Nunc vero cum profectio Christo, » ante quatuor ferme menses, secundo quodam modo » propositi se baptismo laverit, et ita deinceps vixerit, » ut calcato mundo semper monasterium cogitarit, » etc. Idem ad Demetriadem. « Nunc, » inquit, « quia saeculum » reliquisti, et secundo post Baptismum gradu inisti » pactum cum adversario tuo, dicens ei, Renuntio tibi, » diabole, et saeculo tuo, et pompæ tuæ, et operibus » tuis, serva fœdus quod pepigisti. » Quibus adde Odonis abbatiss Cluniacensis Collationum lib. 2, cap. 7, et Theodori Studite testamentum apud Barenium, tomo 9. Ratio ergo, cur vitae religiosæ professio, quasi quidam Baptismus censeatur, ista est. Nam sicut in Baptismo hoc agit, ut omnino moriamur vitae veteri, et renascamur novæ (vide Rom. vi, Coloss. iii, Ephes. ii et alibi, unde non idem homo e Baptismo emergit, qui in eum ingressus erat, sed plane alius); sequitur etiam, ut prioris illius hominis peccata, non magis huic homini recens nato tribuenda sint, quam mea alteri, vel alterius mili. Ita prorsus in professione Religionis sese res habet. Moritur enim Religiosus mundo, ejusque operibus, ac sibi insuper ipsi voluntatique suæ : et ita moritur, ut non magis liceat ei mundo, ejusque deliciis vel voluntate sua uti, quam si plane mortuus ac sepultus esset. Cum ergo Religiosi quoque, sicut in Baptismo, desinant esse quod antea fuerunt, et novi quidam homines esse incipiant, novis studiis, novæ vitæ, aliisque omnino delectationibus et cogitationibus dediti; nil mirum si culpa et poenæ, quas vetus ille homo debebat, una cum ipso homine moriantur, nec jam ad secundum hunc hominem pertineant. Ita fere Hieronymus Platus, de Bono status relig. libro 1, cap. 13. Hinc, ut etiam observavit Renatus Choppinus Monastici libro 1, tit. 2, n. 17, sicut in Baptismo renatis, sic professis in Religione ceu novis hominibus nova induntur nomina : Italis præsertim ac Belgis, ut ait ille, Francies etiam Fulsiensibus et Capueciis.

1212 A. *aggravat animam*. — In tribus nostris ma-

nuscriptis deest, *aggravat animam*, quæ tamen verba necessaria sunt ad consequentiam. Forte ut euivis nota reseccit notarius.

1221-1222, SANCTI THEODERICI ABBATEM. — Quantum Cluniacensis Ordinis disciplina regente S. Hugone floruerit, clarius est quam ut probari necesse sit. Petrus Damiani, severus ille morum censor, epistola 4 libri 6, Cluniacum vocat « Paradisum, quatuor Evangeliorum » fluentis irriguum, hortum deliciarum, spirituales campum, ubi celum ac terra congregitur, ac velut arenam » certaminis, ubi, spiritualis more palaestræ, caro fragilis » adversus potestates aereas colluctatur. » Et epist. 5 in Cluniacensium « conversatione et Ordine non ad inventionis humanæ studium, sed Spiritus sancti magisterium » inesse asserit. » At S. Hugoni ad superos rapto anno 1109 successit Pontius, qui referente Petro Venerabili libro secundo de Miraculis, cap. 12, eum « satis modeste » ac sobrie conversatus esset primis assumptionis suæ » annis, procedente tempore mores mutavit; » nec dubium quin ad ejus exemplum, subditorum etiam fervor intepuerit. Neque tamen Petrus Venerabilis ejusdem libri cap. 11, omnem hujus relaxationis causam in eum rejicit; sed etiam « quorundam, quos, » inquit, « nominare non » lo, culpa vel desidia, reseccanda vel potius evellenda » succreverunt » Pontio abdicata prefectura Jerosolymam prefecto substituitur anno 1122 Hugo II, cui post quinque circiter menses Petrus Venerabilis successit. Dum hæc ita se haberent, orta est gravis Cluniacensium inter et Cisterciensium contentio ob regulam sancti Patris Benedicti, dispari habitu ac religione servatam. Cum enim eam ob causam S. Bernardus in culpam vocaretur, veluti horum discidorum sive auctor, sive fautor; Guillelmus Sancti Theoderici abbas, pro sua erga Virum sanctissimum reverentia et amore (de quo in notis ad epistolam 86), cum ad sese purgandum, simulque ad ea quæ corruptione digna in Cluniacensibus judicaret, animadvertenda induxit. Ideoque hæc Apologia duas complectitur partes : in prima, diluta sui accusatione, perstringit suos Cisterciensium, quod Cluniacensibus obtrectarent; in altera Cluniacensium arguit superfluitates. Non parum autem scire interest, quo circiter anno hæc Apologia a sancto Doctore scripta sit : quod Petro Mauricio abbate contigisse, omnibus, præter nunc Manricum, hactenus fuit persuasum. Et primo quidem scripta videtur post annum 1120, quo Guillelmum Sancti Theoderici abbatem creatum fuisse probant notæ in epistolam 85. Quamvis enim inscriptio epistolæ huic operi præfixa eum « Venerabilis » Patris » nomine duntaxat indiget, eo tamen vocabulo abbatiss dignitatem expressam non dubitem, cum ante decimum tertium saeculum vis ullus Religiosus præter abbatiss « Patris » nomine censeretur : unde venerabilis Guigo « Patris » appellationem modeste recusavit, ut dictum est ad epistolam 11, et S. Bernardus Godefrido Priori Claræ-Vallis sic epistolam 317 inscribit, « Fratri » Godefrido, » quo etiam modo epistola 87 salutatur Ogerium canonieum regularem. licet abbatiss antea dignitate perfunctum. Veruntamen hoc opusculum ante Petri Venerabilis prefecturam exaratum existimo, quamvis extinguendæ hujusce contentionis scintillis subinde postea



excitatis ipse dederit operam, ut infra videbimus. Nam S. Bernardus epistola 277 ad Eugenium testatur, Petrum Cluniacensem « pene ab introitu suo in multis Ordinem illum meliorasse, verbi gratia in observantia jejuniorum, silentii, indumentorum pretiosorum et curiosorum : » quod etiam patet ex ipso Petro, de Miraculis libro 2, cap. 11, ubi scribit, statim ab ipso suæ assumptionis initio, Matthæum, Sancti-Martini a Campis Priorem, a se accitum, quo regulari discipline resarciendæ ambo simul providerent. Meminit et alterius reformationis Ordericus Vitalis ad annum 1132, ubi ait, ad Petri Cluniacensis mandatum « Priores ducentos, fratres vero » mille ducentos et duodecim Cluniacum Dominiæ tertiæ Quadragesimæ convenisse, quo in conventu Petrus » Cistercienses annulatus auxerit jejunia, abstulerit colloquia, et infirmi corporis quedam subsidia, quæ illis » moderata Patrum hactenus permiserat reverendorum » clementia. » Quis itaque dicat Bernardum, harum rerum, quas Petrus ab inemite præfectura cepisset, optime conscium, voluisse illum de suorum excessibus exagitare? Nam neque ipsius Petri epistolam (quam primam ad S. Bernardum scripsit : in Bibliotheca Cluniacensi, lib. I, epist. 28), in qua nonnullis Cisterciensium objectis facit satis, huic Apologiæ (ut vulgo putatur) respondere, ex mutuis utriusque capitulis perspicuum esse videtur. Quatuor enim fere Bernardus hoc opusculo in Cluniacensibus capit : primo, excessus in cibo et potu, maxime vero in faciliiori carniuni usu : secundo, in pompa vestium ; tertio, in superfluo templorum ornatu ; quarto, in luxu abbatum. At Petrus Venerabilis objectis respondet viginti capitulis, quorum nullum fere tangit quidquam eorum, quæ hic a Bernardo fuerant objecta. Nihil enim ibi attexit de vino et doliis pigmentariis, de monstrosis piscibus, ovorum frixuris, variisque condimentis ; nihil de cæteris ; et si quid de vestibus delibat, de solis pelliceis, quarum vix hic quidem meminit Bernardus, questionem instituit. Non igitur huic Bernardi Apologiæ respondet illa Petri epistola, sed Cisterciensium querimoniis, ut etiam ex ipsius epistolæ exordio et conclusione manifeste colligitur. Verum sive Pontio (quod contendimus) sive Petro abbate scripta sit hæc Apologia, in mentem revocandum illud, quod de S. Bernardo Guillelmus scripsit libro primo de Vita S. Bernardi, cap. 8 : « Si » nimietas in eo reprehenditur sancti fervoris, habet certe » apud pias mentes excessus iste reverentiam suam, quam » quicumque Spiritu Dei aguntur, multum verentur in » servo Dei reprehendere nimium istam nimietatem. Hæc » bet et facile apud homines excusationem, cum vix au- » deat quisquam eum condemnare, quem Deus justificat, » tam multa, tam sublimia cum eo et per eum operando. » Felix, cui solum reputatur ad culpam, quod cæteri » præsumere sibi solent ad gloriam. »

1231 B. carniuni pinguedine vescuntur. — Pinguedinis seu adipis ex carniibus elicti usum ad legumina condienda, qualibet die quondam apud Cluniacenses adhiberi solitum, temperavit Petrus Venerabilis, interdicens illum in feriis sextis statuto 10, et qualibet die Adventus, præter Dominicam primam, statuto 15.

1238 A. pigmentorum respersa pulveribus. — Pi-

gmentorum ejusmodi usum sustulit Petrus statuto 11, præterquam in Corona Domini.

1238 B. Ridiculum vero. — Sic Uraq. et Horst. In P. B. hic additur est, quod redundare videtur. †

1238 C. in desiderio. — Et hoc correxit Petrus statuto 12. Sed legenda hæc de re gravis ejusdem epistola, quæ est libri sexti epistola 15 ad Priores et Custodes Ordinis, in quo vehementior et severior Bernardo est in arguendo hoc perverso abusu.

1240 A. isembrunum. — Petrus Venerabilis decrevit statuto 16, « ut nullus Fratrum pannis, qui dicuntur » galabrui vel isembrui, vestiatur : » ejus statuti hanc reddit rationem, quod « multi nostrorum, » inquit, « non » aliter quam seculares homines, sericis variis vel griseis » vestium generibus se comebant. » Itaque sericie vestes erant subatri coloris. In codice Corbeiensis legitur *rasenbrunum*.

1240 B. cattinuum. — Ejusmodi etiam coopertoria ex cattinis pellibus peregrinis rescindit idem piissimus abbas statuto 17, concedens earum loco « putosiorum » seu « vesouum pelles : » cum antea Cluniacenses, « Gallica- » norum cattorum pellibus contemptis, Numantinorum » seu « Zamorensium cattorum pellibus contexto cooper- » torio » ad lectum uterentur. Confer epistolam I.

1240 B. barrieanus. — Barrieani item sublatis sunt statuto 18, ubi legitur, « ut nullus scarlatas, aut barra- » canos, vel pretiosos burellos, qui Rati-poni fiunt, sive » picta quolibet modo stramina habeat, sed solummodo » elicium, superjectis tantum duobus pannis albi et nigri » coloris. » Matthe erant versicolore a barria sic dictæ.

1241 D. comitatu. — Id de Sugerio abbate Dionysiano dictum putant, ut ad epistolam 78. Petrus Venerabilis statutum edidit capite 40, « ut nullus Priorum ducat » secum plus quam tres equitaturas, vel, si Prior Ordinis » fuerit, quatuor. »

1243 B. non coronæ. — De ejusmodi coronis (quarum una superest apud Remos in S. Remigii ecclesia, 72 cereolos habens) statuit Petrus abbas sæpe laudatus, ut « magnæ illi coronæ, ex ære, auro, argentoque elegan- » tissimæ compositæ, quæ in medio chori forti catena » sustentata dependet, accensi cerei non imponantur, » nisi in quinque præcipuis festis, » etc. Minores coronas » erzas » vocat.

1244 C. frater Ogeri. — Is est Ogerius canonicus regularis, ad quem epistola 87 et sequentes. Ejusdem, itemque Guillelmi Sancti-Theoderici abbatis censura hunc librum subjecit Bernardus epistola 88.

1254 A. in cælestibus. — Petrus Venerabilis eadem fere habet in lib. 6, epistola 26. « Quis non letetur, » inquit, « quis non exultet, processisse vos, non ad » simplicem, sed ad duplicem conflictum, » etc. « Estis » monachi virtutibus, milites actibus. »

1255 D. levius sit. — Bernardus itaque cum Augustino et Ambrosio censet, citra animæ di-pendium non licere, ut quis se ipsum defendendo aggressorem intennat. Confer librum de Præcepto et Dispensatione num.

13. Insignis est hæc de re epistola 60 Hildeberti episcopi Cenomannensis, de Sacerdote qui latronem occiderat. Ambrosii locus est in lib. 3, de Officiis cap. 4. Augustini

lib. 1 de Libero Arbitrio cap. 5, et lib. 22 Contra Faustum cap. 74, tum etiam in epistola ad Publicolam.

1256 B. circumornatis. — Id cavet, capite 38, Regula Templariorum. « Tegimen autem in clypeis et hastis, » surrellis et in lanceis non habeatur, » etc. Aurum vero et argentum in frenis et calcaribus eadem rejicit, cap. 37.

1257 A. criminis. — Hinc Joannes Saresberiensis in Polycratici lib. 7, cap. 21, de fratribus Templi agens : « Pene soli, » inquit, « inter homines legitima gerunt » bella. »

1259 D. Scacos. — Scriptis nonnullis, *cacos*, vulgo *échets*, qui ludus ita dictus est sive a voce Arabica vel Persica *scach*, quæ Regem sonat, quæ præcipua est eo in ludo persona : sive a Germanico *schach*, id est latrone sen latrunculo, unde latruncolorum ludus; qua de re vide Glossarium Cangianum et Polycraticum Joannis Saresberiensis, lib. 1, cap. 5.

1259 D. delectantur. — Id patet ex Regula capitibus 46 et 47. In priori enim venatio cum ave, in posteriori perussio foræ arcu vel balista interdicitur.

1261 B. parietes. — Ita codex Colbertinus : alii, *puras magis diligit mentes, quam superauratos parietes*.

1313 B. quiescentibus. — Hinc patet moris tunc fuisse, ut post Vigiliis nocturnas in claustro sederent quiescentes. Usus Cisterciensis, cap. 84 : « In intervallo » post Nocturnos, sedeant in claustro qui voluerint; » nempe in æstate : hieme vero in capitulo, ex cap. 74.

1330 A. diligere. — Eadem verba habet Severi Milevitani antistitis epistola ad Augustinum, inter Augustinianas 109 : « Nullus nobis amandi modus imponitur, » quando ipse ibi modus est sine modo amare. » Bernardum hic imitatur Joannes Saresberiensis, in Polycratici libro 7, cap. 11. Apage impudentissimum Abaelardi apologistam Berengarium, qui hoc aureum dictum audet lacescere.

1331 A. puritas. — Id est puritas charitatis non querentis quæ sua sunt, ut supra. Editi plerique habent *charitas*, sed *puritas* scripti.

1347 B. quatuor. — Bernardus passim cum antiquis, etiam profanis, quatuor tantum principes affectiones agnoscit : amorem, timorem, gaudium et tristitiam, ut sermone 2 in Capite jejunii, num. 3, et alibi passim.

1352 B. subservire. — Non tamen continuo impossibile præceptum, quod præscribit finem et perfectionem amoris, quo semper et irremisse contendamus, non quo statim pervenire teneamur. Non ergo præcipitur in hac vita perfectio charitatis absoluta, sed studium ejus perfectionis, ut quantum humanæ res sinunt, Dei cogitatione, amore, unione et voluntate occupemur.

1368 C. possent. — Ita scripti nostri tres : editi, *voluntatis, mala, bonave fieri possent*.

1371 B. voluntas. — In editis, et quibusdam scriptis, *voluntatis*, Sed *voluntas* rectius ad sensum.

1372 B. in homine. — Nempe « quantum in se est, » infra. Et num. 24 : « Manet ergo, etiam post peccatum, » liberum arbitrium; etsi miserum, tamen integrum, etc. » Neque enim ad liberum arbitrium, quantum in se est, » pertinet, aut aliquando pertinuit posse vel sapere (quod

» est voluntatis ad bonum conversio, » num. 19), » sed » tantum velle. » Et num. 28 rationem reddit, cur « liberum arbitrium sui omnino defectum seu diminutionem non patitur, » nempe « quod in ipso potissimum » æternæ et incommutabilis divinitatis substantiva quædam imago impressa videatur : at in duabus aliis libertatibus sit accidentaliter quedam magis similitudo sapientiae atque potentiae divinae, imagini superducta. » Confer sermonem 81 in Cantica, a num. 6.

1376 A. consolatio. — Hæc proba est hujus loci lectio in duobus codicibus Colbertinis : in editis, *qualescumque consolationes*. At *leviores* refertur, non ad *consolationes*, sed ad *tribulationes*; quæ *leviores*, sunt *qualiscumque consolatio* in hac vita.

1379 B. ordinatione. — In editis, *ex sui ordinatione ad Deum*. Sed *ad Deum* redundat, ut ex sequenti membro intelligitur.

1382 B. vel sapere. — Hæc disjunctive legenda, ut disparata sint *posse*, et *sapere*, de quibus supra, n. 19.

1384 D. stare. — Aliis, *jam sanctos et angelos stare* : at conjunctio et deest in tribus nostris manuscriptis.

1385 A. absconditur. — Anusibilem esse charitatem probat Bernardus in Opusculo 2. num. 14. Sed tamen peccatum hominis prædestinati dicitur « in charitate abscondi, » scilicet in charitate subsequente hominis postea denuo justificandi, sicut per penitentiam subsequentem diluitur. Imo etiam absconditur in charitate Dei prædestinantis, « quia charitas Patris ipsorum cooperit multitudinem peccatorum, » sermone 23 in Cantica, num. 15. Alia hujus loci explicatio affertur in sermone 4 de Diversis, ubi qui natus est ex Deo dicitur non peccare, qui in « peccato non perseverat. » Confer notas in sermonem 1 de Septuagesima.

1389 A. libertas. — Hæc est libertas potentiae, seu facultas electiva, ad bonum et malum versatilis : sed ejus exercitium et applicatio ad bonum pendet ex gratia. « Cujus quippe conatus ad bonum, et cassi sunt, si a » gratia non adjuventur; et nulli, si non excitentur, » infra num. 42.

1389 A. prerogativa. — Dno codices, *dignitatis divinae*; unus Dionysianus, *divinitatis in carne prerogativa*.

1391 D. ab amore Dei. — Nempe actu amoris contrario. Quippe qui « peccavit, non spernendo aut odiendo » Christum, sed se nimis amando, supra.

1393 A. faciant. — Sic habent codices Dionysianus, Cisterciensis, et alii duo. Horstius aliter : *Hoc est quod dictum est de Joanae* : Fecerunt ei quæcumque voluerunt. Numquid quod voluit ille? Ita et in reliquos martyres fecerunt : non quod martyres voluerunt, sed quod ipsi. Fecerunt, inquam, in eos quæ voluerunt, sed in membra, non corda. Membra cruciaverunt, sed voluntatem non mutaverunt. Scieverunt in carnem; animæ autem non habuerunt quid facerent. Et ita in codice Colbertino.

1394 A. sua. — Quidam codices, *nulla vis*; Dionysianus, *ad justitiam nullo modo sufficit sua*.

1396 D. facultatem. — Codices quidam addunt, *vel facilitatem*, quod scribis anceps esset lectio hujus loci.

1398 D. deformem. — Ita scripti nostri tres : Horstio sic, *in illo creari oportuit : quod erat per formam refor-*

*mari deformem* : sed mendosa lectio et interpunctio.

1441 A. legat. — Mira est hac in re Abaelardi impudentia, qui cum sentiret, catechumenos solo Baptismi vice martyrio salvari posse, ut in Epistolam ad Romanos, pag. 564, et in epistola 7, ad Heloissam, pag. 129; Ambrosium ait « contraria fidei » hac in re scripsisse, ad dolorem Valentiniiani sororum de ejus morte leniendum.

1442 A. nescio. — In aliis editis *Nescio quid* : at in scriptis *Nescio* absolute, et rectius, ut sit sensus, Abaelardum ad nullam questionem harere, nec inscientiam suam fateri.

1442 B. ante rationem. — Hac ad sensum ex lib. 2 Introductionis ad Theologiam, quam deinceps Theologiam simpliciter appellabimus. Verba hæc sunt pag. 1060 : « Cito autem sive facile credit, qui indiscrete atque im- » provide de his quæ dicunt prius acquiescit, quam hoc » ei quod persuadetur ignota ratione, quantum valet discutiatur, an scilicet adhiberi ei lidem conveniat. »

1443 A. intelligatur. — Hac item ad sensum ibid. pag. 1063. « Quid prodest locutionis integritas, quam » non sequitur intellectus audientis? » etc.

1443 B. ad as. — Id sibi « per malitiam aut per errorem » impositum queritur Abaelardus in Apologia sua, pag. 331, atque tanquam diabolica quedam se abhorre et detestari dicit. Verum anonymus ejus quondam discipulus, postea impugnator, editus in tomo 4 Bibliothecæ Cisterciensis, Abaelardum mendacii hoc loco arguit pag. 239. « Ac primum requiro, » inquit, « cur sanctæ religionis et magni nominis abbatem insimulet falsa dixisse, quia in Theologia sua scripserit, Filium esse » quandam potentiam, Spiritum sanctum nullam? » etc. Tum probat id ab ipso Abaelardo dictum, referendo ejus verba quasi ex Apologia, in qua modo ea non leguntur, uti nec ea quæ idem anonymus refert pag. 242. Sed Abaelardus in Theologia sua de Filio docet in lib. 1, pag. 991 : « Est itaque divina Sapientia quedam » divina potentia, » etc. et in libro 2 de Filio et Spiritu sancto, ut mox notabimus.

1443 B. substantia. — Abaelardi verba hæc sunt in lib. 2, pag. 1085 : « Cum itaque tam Filius, quam » Spiritus sanctus ex Patre sit, hic quidem genitus, ille » procedens; differt in eo generatio ipsa a processione, » quod is qui generatur, ex ipsa Patris substantia est, » cum ipsa ( ut dictum est ) Sapientia, hoc est ipsum » esse habeat, ut sit quedam potentia : ipse vero charitatis affectus magis ad benignitatem animi quam ad » potentiam attineat. Unde bene Filius ex Patre gigni » dicitur, hoc est, ex ipsa Patris substantia proprie dicitur esse, » etc. Immerito itaque, ne dicam impudenter, id a se prolatum inficiatur Abaelardus in Apologia sua, atque « malitiæ vel ignorantie » imputat.

1444 B. Catholica. — Editi addunt *fides*, quod nomen deest in codicibus manuscriptis. Vox Augustino familiaris ad significandam catholicam fidem vel Ecclesiam, in Confession. passim, ut lib. 5, cap. 14; lib. 6, cap. 4; lib. 7, cap. 1, et in libro contra Mendacium, cap. 7. Confer Bernardum, lib. 3 de Consideratione, n. 3, et sermones in Cantica 64 et 65, n. 8, ac 66 n. 4.

1445 A. cogitari. — Hanc de Deo notionem probat maxime Anselmus in Monologio et in Apologetico, statim ab initio.

1445 D. dissimilitudo. — Legesis Guillelmi Sancti-Theoderici abbatii caput 2 contra Abaelardum.

1447 C. constituit. — Eodem fere modo in Abaelardum invectur Gualterus episcopus Laudunensis in epistola ad eum, tomo 2 Spicilegii, pag. 173.

1451 B. legi. — Hoc argumentum attingit Abaelardus lib. 2 Commentarii in Epistolam ad Romanos, questione prima : tunc infert pag. 553 et 554, « Si qua vero de » sunt perfectioni, Theologie nostræ tractatui reservamus. » At natula est Abaelardi Theologia vulgata, in qua non inveni verba, quæ mox refert Bernardus, tametsi quæ hic irreverenter dicta contra Patres ex Abaelardo memorantur, apud eum fere leguntur in Theologia lib. 3, pag. 1118, ubi de potentia Dei; diserte vero in Abaelardi capitulo ix. supra col. 1437.

1457 D. modo. — Hæc quidem apud Abaelardum lib. 2 in Epist. ad Romanos, pag. 550, sed questionem proponendo, non asserendo, uti et ea quæ sequuntur.

1458 B. Scriptum est enim. — Hunc contextum in eam rem etiam adducit Abaelardus pag. 555.

1458 D. sustineret. — Et hæc ipsa verba leguntur apud Abaelardum eodem in loco, pag. 552. Sed interrogandi modo : tametsi ejus solutio, quæ subsequitur, ab hac doctrina non recedit. Ergo malignas ejusmodi questiones sensit Bernardus.

1460 A. ait. — Hæc omnia quæ hic ex Abaelardo referuntur, interrogantis sunt, pag. 552 et 553. Et merito quidem hæc tanquam Abaelardi placita refert Bernardus, cum in solutione ea non diluit, sed approbare videatur. Idem censent Theologi Parisienses initio operum Abaelardi. Et sane Abaelardus non negavit hanc suam fuisse mentem, nec id sibi ( quod in aliis solet ) per calumniam impositum causatur : sed opposito testimonio emendavit in Apologia sua, his verbis : « Solum Filium Dei incarnatum profiteor, ut nos a servitute peccati et a jugo » diaboli liberaret, et supernæ aditum vite morte sua » reseraret. »

1461 B. commendationem. — Hæc et quæ sequuntur, ad sensum invenio in solutione pag. 553 et pag. 584, non de verbo.

1472 C. dignitatem. — Nempe ante annos triginta fieri cantum erat in conciliis Neocæsariensi. Agathensi anni 506, in Arelatensi IV, et aliis. Agathensis canon 17 : « Presbyterum et episcopum ante triginta annos, » id est, antequam ad viri perfecti ætatem perveniant, » et diaconos ante viginti quinque nullus metropolitanorum ordinare presumat, » etc. Ita apud Bochellum, cum apud Sirmundum desit locus de diaconis, ad quem Bernardus hic respicit, cujus tempore lex ista adhuc vigeat, ut patet ex sequentibus verbis. Sapius tamen ab episcopis dispensatum, maxime in pios viros.

1477 B. Banchor. — Banchor vocatur in actis sancti Columbani, situm in Ultonia Hiberniæ provincia : distinguendum ab alio cognominis monasterio, quod in Wallia, Angliæ regione, locatum erat.

# SANCTI BERNARDI ABBATIS

## INDEX TRACTATUUM

### SEU OPUSCULORUM TOMI II.

Cap.		Pag.	Cap.		Pag.
	<b>PRIMUS TRACTATUS.</b>			<b>LIBRI II</b>	
	<b>DE CONSIDERATIONE</b>		i	Apologiam instituit, ob infelicem successum expeditionis in Ter- ram-Sanctam susceptæ.	1021
	<b>AD EUGENIUM PAPAM, LIBRI V.</b>		ii	Considerationis a contemplatione distinctio.	1024
	<b>Prologus.</b>	1005	iii	Considerationis quatuor puncta de- signat.	1024
	<b>LIBRI PRIMI</b>		iv	Notitiam sui ipsius triplici conside- ratione sui complectitur; et pri- mum quidem considerationis membrum hic exsequitur.	1025
i	Pontifici, tam variis occupationibus presso, condolet.	1007	v	Alterum membrum considerationis sui proponit: nempe, Quis sit, et unde.	1025
ii	Vis consuetudinis ad inducendos pravos mores, et duritiam cordis.	1008	vi	Quale debeat esse procerum Eccle- siæ studium.	1026
iii	Indignum proceribus Ecclesiæ, con- tinuè cansis litigantium audiendis et decidendis incumbere.	1009	vii	Resumens priorem quæstionem, Quis sit, diligentius expendit.	1030
iv	Quæ servitus digna, quæ indigna servo servorum Dei.	1011	viii	De pontificiæ dignitatis et potesta- tis excellentia disserit.	1032
v	Non gerendam aliorum curam cum sui ipsius incuria et neglectu.	1012	ix	Propriæ naturæ considerationem commendat.	1033
vi	Non tam episcopis quam principibus judiciariam potestatem competere.	1013	x	Tertium membrum considerationis sui, nempe Qualis sit, exponit.	1035
vii	Pietati et rerum æternarum consi- derationi in primis vacandum esse.	1014	xi	Serium examen sui Pontifici serio commendat.	1036
viii	Ex pietate et contemplatione pul- cherrimam quatuor primarum virtutum harmoniam et connexio- nem oriri.	1015	xii	Neque in prosperis animum nimis laxandum, neque in adversis de- ficiendum.	1037
ix	Recentia Pontificum exempla pau- latim corrigenda, vetera imi- tanda.	1018	xiii	Ab otio et nugis, vanisque sermo- nibus Pontificem debortatur.	1037
x	Abusus advocatorum, judicum, procuratorum, eorumque fraudes graviter perstringit.	1018	xiv	Personarum acceptionem in judiciis summopere vitandam.	1038
	<b>LIBRI III</b>				
xi	In advocatos et procuratores, qui ex iniquitate quæstum faciunt, severe animadvertendum.	1020	i	Pontificis esse, non tam ut omnes suo dominio subiciat, sed ut	

Cap.	Pag.	Cap.	Pag.
		viii	Personarum pluralitatem in Deo consurgere ex proprietatibus ; essentiam tamen unam et simpli- cem esse. 1055
ii	Quis modus in appellationibus ad Sedem apostolicam adhibendus sit. 1043	ix	Ut in Deo simplex natura est inti- bus personis, sic contra in Christo plures naturas in unam personam coalescere. 1056
iii	Præsules Ecclesiæ non tam ut præ- sint, ac semetipsos pascant, quam ut aliis prosint, constitutos esse. 1047	x	Parabola, quæ est apud Matthæum de tribus satis, Christi personæ accommodatur. 1057
iv	Gradus ordinum ac dignitatum, quæ in Ecclesia sunt, non temere confundendos ac perturbandos. Hinc abusum quærendi privilegia ac exemptiones perstringit. 1049	xi	Continuatio considerationis de Deo. Deum et Honorum operum pium remuneratorem, et scelerum aquisissimum vindicem esse. 1058
v	Summo Pontifici incumbere curam de apostolicis decretis, et majo- rum institutis per totum orbem servandis. 1053	xii	De longitudine, latitudine, profun- ditate, et sublimitate Dei pro- funde et eleganter discurrit. 1059
		xiii	Modum, quo prædicta secundum Apostolum comprehendere possi- mus, ostendit. 1061

## LIBRI IV

i	Tractat de iis quæ circa ipsum sunt. 1055
ii	De cleri et populi Romani moribus agit, et de veterum Pastorum cura ac vigilantia. 1056
iii	De vestium pompa resecanda, et zelo Pontifici necessario. 1059
iv	Quales collaterales et coadjutores a Pontifice adhibendi : ubi de virtu- tibus prælatorum. 1061
v	Exemplis commendatur abstinentia munerum ; et arrogantia ministro- rum Papæ perstringitur. 1064
vi	Pontifici non convenire, utpote gra- vioribus intento, rei domesticæ curam ; proindeque alteri potius œconomo committendam. 1067
vii	Epilogus, seu summa eorum quæ in Pontifice requiruntur. 1070

## LIBRI V

i	De his quæ supra nos sunt, id est de Deo rebusque divinis, conside- rationem instituit, ad quas modo per creaturas erigimur. 1071
ii	Assignat varios considerationis gra- dus. 1073
iii	Ea quæ supra nos sunt, Deum sci- licet et Angelos, investigari opi- nionem, fide, et intellectu. 1074
iv	Angeli quomodo considerandi. 1075
v	Gratias ac dotes Angelorum a Deo in ipsos derivari. 1079
vi	Principii et essentiæ rationem pro- prie soli Deo convenire. 1081
vii	Deum et simplicem et trinum esse. 1082

## II TRACTATUS.

## DE MORIBUS ET OFFICIO EPISCOPORUM.

	Admonitio. 1097
	Prologus. Domino venerabili Hen- rico, Senonensium archiepisco- po. 1101
i	Arduum ac periculosum esse munus episcopi ; ideoque ei bonis consi- liariis opus. 1101
ii	Honorem et decus dignitatis eccle- siasticæ non consistere in externo splendore, sed in morum et vir- tutum decore. 1104
iii	Præsulum potissima et dignissima ornamenta, castitas, charitas, humilitas. 1107
iv	Cura sinceræ fidei, et charitatis non fictæ, præsuli maxime necessaria. 1110
v	De virtute humilitatis omnibus qui- dem, sed prælatis in primis ne- cessaria. 1113
vi	Laus et vera gloria in conscientia cujusque reponenda ; attamen non sine formidine, quia Deus est scrutator et iudex cordium. 1115
vii	Ambitionem ecclesiasticorum, pro- motionem juniorum, et plura- litem beneficiorum perstringit. 1120
viii	Humilitatem et modestiam episcopo commendat. 1123
ix	Abbatem exemptionibus præpostere studentes arguuntur. 1125

Cap.

Pag.

Cap.

Pag.

## III TRACTATUS.

## DE CONVERSIONE AD CLERICOS.

	Admonitio.	1131
i	Quod nemo converti ad Dominum, nisi Dei voluntate præventus, et ejus voce interius clamante, possit.	1133
ii	Quod ipsa vox Domini omnibus se offerat, et animam sibi ipsi nolentem repræsentet.	1135
iii	Quod per vocem Dei, animæ ratio, quasi in libro, omnia mala deprehendere. reprehendere, dijudicare et discernere valeat.	1136
iv	Quod diligens iniquitatem, odit animam, et carnem suam: et de pœnitentia infructuosa post mortem.	1137
v	Quod vermis conscientiæ in præsentem sentiri ac suffocari debet, non in immortalitatem foveri ac nutriri.	1138
vi	Difficultatem conversionis, et luctam respiscere parantis, graphice repræsentat.	1140
vii	Respiratio consolationis pauperibus spiritu, seu animæ miseriam suam agnoscanti.	1142
viii	Carnales voluptates, et divitias esse omnino vanas, fallaces, et momentaneas.	1143
ix	Quod impossibile sit peccantem latere.	1146
x	Non solum declinando a malo, sed et faciendo bonum salutem obtineri.	1147
xi	Converti molientes acrius a solitis vitiis tentari, ipsis vero luctum esse necessarium.	1149
xii	Quomodo voluntas suaviter inducenda ad amandum et desiderandum cœlestia.	1150
xiii	Conversos mira suavitate ac deliciis vitæ piæ ac spiritualis refici.	1151
xiv	In terrenis non esse ullam satietatem, nisi fastidio conjunctam: at cœlestium desideria experiendo semper crescere.	1152
xv	Purganda memoria a peccatorum sordibus fiducia divinæ misericordiæ.	1153
xvi	Misericordiam divinam obtineri, miserendo sibi ipsi primum; deinde proximo.	1154

xvii	Oculos cordis continuo mundandos ut Deus videri possit.	1155
xviii	Pacificos merito beatificari nomine filiorum Dei.	1156
xix	Graviter perstringit ambitiosos, qui temere et indigne sacras Ecclesiæ functiones usurpant.	1157
xx	Arguit incontinentes, qui sacros Ordines impudenter temerare non verentur.	1159
xxi	Serio cohortatur ad pœnitentiam.	1161
xxii	Bonorum Pastorum est, docere; nec fugere persecutiones propter justitiam.	1162

## IV TRACTATUS.

## DE PRÆCEPTO ET DISPENSATIONE.

	Admonitio.	1165
	Epistola ad Abbatem Columbensem, de opere sequenti.	1173
	Præfatio ad monachos Carnotenses.	1174
i.	An monastica Regula instituta præcepta sint, an consilia duntaxat.	1175
ii.	In constitutionibus majorum quando et a quibus dispensandum.	1176
iii.	Dispensationem in lege divina soli Deo reservatam esse. At quæ sunt legis æternæ, omnino etiam Deo esse immutabilia.	1178
iv.	Quid prælatis circa dispensationem Regulæ liceat.	1179
v.	Legem obedientiæ non esse extendendam a prælatis ultra limites professionis, neque citra contrahendam.	1181
vi.	Religiosum perfectionis cupidum non debere obedientiam intra certos professionis limites constringere.	1182
vii.	Obedientiæ gradus, et inobedientiæ gravitas quomodo noscenda, juxta distinctiones præmissas.	1183
viii.	Gravius peccari legum contemptu, quam neglectu.	1185
ix.	Prælato tanquam Deo obediendum esse.	1186
x.	Obedientiam non esse gravem et molestam, nisi imperfectis, invitis, et carnalibus; cæteris suavem et facilem.	1189
xi.	Præcepta esse imparia, adeoque transgressionem.	1191
xii.	In Regula æque ac lege divina disparitatem esse inobedientiæ.	1193
xiii.	Refellit monachos, difficultatem, vel	

Cap.		Pag.	Cap.		Pag.
	etiam impossibilitatem obedientiae religiosae nimium exaggerantes.	1195	x	Vestium ornatum luxumque in eisdem persequitur.	1239
xiv.	Cur conscientia errans non aequè convertat malum in bonum, uti bonum in malum.	1198	xi	De causa cur superiores subditorum vitia non corrigant. Luxum et splendidum praetorum apparatus perstringit.	1241
xv.	An quantum obedientia valet ad meritum, tantum inobedientia valeat ad demeritum.	1202	xii	Luxum et abusum in templis et oratoriis exstruendis, ornandis, piugendis, arguit.	1242
xvi.	Transitus et mutatio monasterii quatenus probanda.	1203	xiii	Modos et media mutuae charitatis et pacis fovendae summam colligit, denique transfugas instabilitatis notat.	1244
xvii.	Ad dubia quaedam ex Patribus proposita respondet.	1208			
xviii.	Morte abbatis non licere professis mutare locum.	1209			
xix.	Ad alia quaedam dubia paucis respondet.	1210			
xx.	Binas Pauli sententias in speciem puni-gnantes conciliat.	1211			

## V TRACTATUS.

## APOLOGIA AD GUILLELMUM,

## DE VITA ET MORIBUS RELIGIOSORUM.

	Admonitio.	1215		Admonitio.	1247
	Præfatiuncula.	1221		Prologus. Hugoni magistro militiae Christi.	1253
	Pars prima, contra Cisterciensium obtrectiones.			De laude novae militiae.	1253
i	Profitetur se suosque ab obtrectione religiosi Ordinis prorsus alienos.	1221		De militia saeculari.	1256
ii	Purgat se S. Bernardus, et Ordinem Cluniacensium commendat.	1224		De Militibus Christi.	1256
iii	Varietatem religiosorum Ordinum non debere praepjudicare vinculo charitatis.	1225		De conversatione Militum Christi.	1259
iv	Se ceteros omnes Ordines charitate, unum professione tenere.	1227		De Templo.	1261
v	Religiosos aliorum Ordinum æmulos et obtrectatores acri stilo aggreditur.	1230		De Bethlehem.	1263
vi	Arguit temere judicantes, et calumniantes modum vivendi Cluniacensium.	1231		De Nazareth.	1264
vii	Spiritualis exercitatio fructuosior corporali.	1233		De monte Oliveti et valle Josaphat.	1265
	Pars secunda, contra Cluniacensium superfluitates.			De Jordane.	1266
viii	Cluniacensium vitia, virtutum nomine palliata, perstringit.	1234		De loco Calvariae.	1267
ix	Eorundem intemperantiam comparat cum antiquorum monachorum parcimonia.	1236		De sepulcro.	1267
				De Bethphage.	1275
				De Bethania.	1276

## VII TRACTATUS.

## DE GRADIBUS HUMILITATIS ET SUPERBIE.

	Admonitio.	1277
	Præfatio.	1281
	Pars prima, de gradibus humilitatis.	
i	Christum esse viam humilitatis, qua pervenitur ad veritatem.	1282
ii	Quo fructu ascenduntur gradus humilitatis.	1283
iii	Quo ordine gradus humilitatis ad propositum bravium veritatis perducant: et quomodo Christus per passionem didicit misericordiam.	1285

Cap.		Pag.	Cap.
IV	Primus veritatis gradus est, primum se ipsum attendere, seu propriam miseriam agnoscere.	1291	II
V	Secundus gradus veritatis est, ex agnitione propriæ infirmitatis, compati miseriam proximi.	1293	III
VI	Tertius gradus veritatis, mundare oculum cordis ad contemplanda cœlestia et divina.	1295	IV
VII	Quomodo sancta Trinitas hos tres veritatis gradus in nobis operetur.	1296	V
VIII	Gradus iidem in raptu sancti Pauli declarantur.	1298	VI
IX	Gemitus et suspiria sancti Bernardi, ad Veritatem anhelantis.	1300	VII

Pars secunda, de duodecim gradibus superbiæ.

X	De primo superbiæ gradu, qui est curiositas.	1303	VIII
XI	De secundo gradu superbiæ, qui est levitas animi.	1310	IX
XII	De tertio gradu superbiæ, qui est inepta lætitia.	1310	X
XIII	De quarto gradu superbiæ, qui est jactantia.	1311	XI
XIV	De quinto gradu superbiæ, qui dicitur singularitas.	1312	XII
XV	De sexto gradu superbiæ, id est arrogantia.	1313	XIII
XVI	De septimo gradu superbiæ, qui est præsumptio.	1314	XIV
XVII	De octavo gradu superbiæ, qui est defensio peccatorum.	1314	XV
XVIII	De nono gradu superbiæ, qui est simulata confessio.	1315	
XIX	De decimo gradu superbiæ, qui est rebellio.	1316	
XX	De undecimo gradu superbiæ, qui est libertas peccandi.	1317	
XXI	De duodecimo gradu superbiæ, qui est consuetudo peccandi.	1317	
XXII	An et quomodo orandum pro desperatis et mortuis secundum animam.	1318	

#### VIII TRACTATUS.

##### DE DILIGENDO DEO.

	Admonitio.	1325
	Præfatio. Haimérico, ecclesiæ Romanæ diacono cardinali, et cancellario.	1329
I	Quare, et quomodo diligendus sit Deus.	1330

	Deus quantopere ab homine mereatur amari, ob bona tum corporis, tum animæ. Quomodo ea agnoscenda, et habenda citra donantis injuriam.	1331
	Christiani quantos habeant stimulos amandi Deum præ infidelibus.	1334
	Quinam ex Dei recordatione consolationem capiant: quive magis ad ejus amorem idonei.	1337
	Christiano quantum incumbat debitum amoris.	1340
	Brevis anacephalæosis et summa prædictorum.	1342
	Non sine fructu et præmio diligere Deum; et terrenis non satiari humani cordis appetitum.	1343
	De primo gradu amoris, quo diligit homo se propter se.	1347
	De secundo et tertio gradu amoris.	1349
	De quarto gradu amoris, cum nec se ipsum diligit homo nisi propter Deum.	1350
	Hæc amoris perfectio non competit etiam solutis animabus beatorum, ante resurrectionem.	1352
	De charitate ex epistola ad Cartusianos scripta.	1355
	De lege propriæ voluntatis et cupiditatis, servorum et mercenariorum.	1357
	De lege charitatis filiorum.	1359
	De quatuor gradibus amoris, et felici statu patriæ cœlestis.	1360

#### IX TRACTATUS.

##### DE GRATIA ET LIBERO ARBITRIO.

	Admonitio.	1363
	Præfatio. Domino Guillelmo abbati Sancti-Theoderici.	1365
I.	Ad boni operis meritum, una cum gratia Dei, concurrere liberi arbitrii consensum.	1365
II.	Quid liberum arbitrium, seu in quo consistat libertas.	1367
III.	Triplicem esse libertatem, Naturæ, Gratiæ, Gloriæ.	1370
IV.	Qualis libertas competat animabus sanctis carne solutis: quæve Deo, et omni creaturæ rationali communis.	1372
V.	An libertas a miseria, seu complaciti, detur in hoc sæculo.	1375



Cap.		Pag.	Cap.
vi.	Ad volendum bonnam gratiam omnino esse necessariam.	1376	
vii.	Utrum primi homines in paradiso trina illa libertate præditi fuerint, et post peccatum.	1380	
viii.	Libertatem arbitrii remanere post peccatum.	1382	
ix.	Imaginem et similitudinem Dei, ad quam conditi sumus, in triplici libertate consistere.	1384	
x.	Similitudinem divinæ imaginis in nobis reformari per Christum.	1386	i
xi.	Libero arbitrio nihil derogari per gratiam, neque per tentationem.	1389	ii
xii.	An negans fidem metu mortis ac penarum, excusetur a culpa, vel destituatur libero arbitrio. Ubi negatio Petri discutitur.	1390	iii
xiii.	Merita hominis mera esse Dei munera.	1393	
xiv.	Quid gratiæ, quid libero arbitrio in negotio salutis attribuendum.	1396	iv

## X TRACTATUS.

## AD HUGONEM DE S. VICTORE,

## DE QUESTIONIBUS AB IPSO PROPOSITIS.

	Admonitio.	1401
	Præfatio.	1405
i.	Non obligasse Baptismum, ex quo dictum fuit Nicodemo, <i>Nisi quis renatus</i> , etc.	1406
ii.	Baptismi obligationem cœpisse primum post sufficientem ejus promulgationem. In necessitatis tamen articulo sufficere Baptismum fide et voto susceptum, sicut et martyrium.	1410
iii.	Justos veteris Testamenti non tam claram habuisse notitiam futurorum mysteriorum fidei, quam nos habemus præteritorum.	1414
iv.	Ostendit dari peccatum per ignorantiam, contra assertorem contrariæ opinionis.	1418
v.	Sententiam quamdam suam male acceptam a calumnia vindicat, nempe, Quod Angelos latuerit consilium Incarnationis Dominicæ.	1420

## XI TRACTATUS.

## DE ERRORIBUS PETRI ABAELARDI

## IN SYNODO SENONENSI DAMNATIS.

## AD INNOCENTIIUM II., PONTIFICEM.

	Admonitio.	1425
	Capitula hæresum Petri Abaelardi.	1433
	Præfatio.	1441
	Impia Abaelardi de sancta Trinitate dogmata recenset, et explodit.	1444
	In Trinitate non esse admittendam ullam disparitatem, sed omnimodam aequalitatem.	1445
	Absurdum dogma Abaelardi, nomina absoluta et essentialia uni personæ propriè et specialiter attribuentis, oppugnat.	1446
	Refellit definitionem fidei, qua dicit Abaelardus fidem esse estimationem.	1449
	Arguit Abaelardum, sua sensa aut somnia unanimi Patrum sententiæ præferentem; præsertim ubi dicit, Christum non ideo incarnatum, ut hominem liberaret de potestate satanæ.	1451
	In opere liberationis humanæ non solum misericordiam, sed et justitiam relucere.	1454
	Abaelardum perstringit, impie ac temere Dei secretis contentam et extenuantem.	1456
	Quare Christus tam gravem ac laboriosum nos liberandi modum suscepit, cum sola ejus voluntas seu jussio sufficeret.	1458
	Christum venisse in mundum, non solius instructionis nostræ, sed et liberationis causa.	1461

## XII TRACTATUS.

## DE VITA ET REBUS GESTIS S. MALACHIE,

## HIBERNIE EPISCOPI.

	Præfatio ad Conganum abbatem.	1465
	Pueritia et adolescentia S. Malachie.	1467
	Religiøsæ vitæ tirocinium.	1470
	Ordinibus initiatus episcopi vices gerit.	1475
	Malcho episcopo plenius instituen-	







EX  
890  
E  
1  
T

Bernard de Clairvaux, Saint  
Opera omnia. 4. ed.  
— data et notes

**Robarts Library**

DUE DATE:

Apr. 12, 1993

**Fines 50¢  
per day**

For telephone renewals

